

CÆSARIS BARONII  
ANNALES ECCLESIASTICI

---

TOMUS TERTIUSDECIMUS

Cet ouvrage , par les corrections et les additions considérables qui y ont été opérées , est devenu la propriété des Editeurs , qui se réservent tous leurs droits . Toute contrefaçon ou imitation , quelle que soit la forme sous laquelle elle se présente , sera poursuivie rigoureusement , conformément aux lois .

Hoc in opere tam multa sunt aut correcta aut addita , ut id snum Editores reddiderint et , quidquid suorum jurium sit , sibi vindicent . Itaque , si quis idem aut furto ediderit aut quoquo modo erit imitatus , in crimine erit et de injuria postulabitur .

*Hecet  
B*  
CÆSARIS S. R. E. CARD. BARONII

OD. RAYNALDI ET JAC. LADERCHII

CONGREGATIONIS ORATORII PRESBYTERORUM

# ANNALES ECCLESIASTICI

DENUO EXCUSI ET AD NOSTRA USQUE TEMPORA PERDUCTI

AB AUGUSTINO THEINER

EJUSDEM CONGREGATIONIS PRESBYTERO, SANCTIORUM TABULARIORUM  
VATICANI PRÆFECTO, ETC., ETC.

---

TOMUS TERTIUSDECIMUS

762-819



22  
23

BARRI-DUCIS, LUDOVICUS GUERIN, EQUES ORDINIS S. SILVESTRIS, ET SOCHI,  
TYPOGRAPHI EDITORES.

—  
M DCCC LXVIII

*t*  
14.  
*b*  
*f*

# SUMMARIUM

## TOMI XIII.



- DCCLXII. 1-10. Constantinus ope Callisti aulici Stephanum monachum vexat, in carcерem conjicit, calumniis exagitat. 11. Constantinus monachos fieri vetat.
- DCCLXIII. 1-8. Vexante imperatore monachum Stephanum, Annae sanctimonialis feminæ in tolerandis tormentis clarescit virtus. 9-13. Novae imperatoris fraudes in Stephanum initæ per Georgium sicut monachum. 16-18. Incenso monasterio monachi disperduntur, Stephanus exulans miraculis eluet. 19-21. Turcarum irruptio in Armeniam, et publicæ calamitates, imperatore hæresim fovente.
- DCCLXIV. 1. Variae martyrum reliquiae ab Urbe in Galliam translate.
- DCCLXV. 1-7. Stephani miraculis tabescens odio imperator eum ab exilio revocat capite plectendum. 8-12. Imaginum cultum strenue defendit Stephanus, qui cum aliis ex eadem causa vexatur.
- DCCLXVI. 1-4. Cultores SS. imaginum ferocius exagitat; multi martyres. 5-12. Historia de reliquijs S. Euphemie. t3. Nicetas pseudo-episcopus Constantinopolitanus. 14-20. Stephani et monachorum in carcere pia eonversatio. 21-23. Synodus in Gallia adversus Iconoclastas.
- DCCLXVII. 1-4. Pauli papæ obitus, et ejus Epistolarum singula argumenta et res gestæ. 5-7. Pseudo-papa Constantinus. 8-22. Historia de Stephani Auxentiani martyrio, ejusque reliquiis et miraculis. 23-25. Constantini hæretici patriarchæ supplicium. 26-29. Saevitia, blasphemias et odio in monachos insignis imperator.
- DCCLXVIII. 1-11. Stephanus quartus papa eligitur, pseudo-papa excæcato ejusque sautoribus misere pereuntibus. 12, 13. Pipini regis obitus et laudes. 14, 15. Eudoxia coronatur, et filii imperatoris Cæsares creantur.
- DCCLXIX. 1-11. Concilium Romanum, in quo pseudo-papa judicatur, instauratur disciplina, cultus SS. imaginum provehitur. 12-14. Ecclesiæ Ravennatis turbæ. 15. Hunaldus Aquitaniae dux rebellis comprimitur.
- DCCLXX. 1-7. Quæ Desiderius rex Longobardorum in Urbem et papam molitus fuerit, trusfra illi blandienti. 8-15. Ob connubium Bertæ filiæ Desiderii cum Carolo papa dat litteras regibus Francorum. 16-21. Obitus Joannis Nepesini episcopi et Concilium Vormaliense in Gallia. 22. Res Hispanicæ. 23. In Oriente persecutio in monachos recrudescit.
- DCCLXXI. 1. Monachismi destructioni inhiat imperator. 2, 3. Carolus repudiat Bertam uxorem. 4-6. S. Huberti reliquiae inventæ et translatae.
- DCCLXXII. 1, 2. Sergii secundieerii cædes et Stephani papæ obitus. 3, 4. Hadriani successoris egregiae dotes. 5. Venetorum legatio et Caroli Magni Epistola ad Hadrianum. 6-19. Quid prudenter egerit Hadriannus tum in judicio de cæde Sergii, tum cum Desiderio pro rebus Ecclesiæ recuperandis. 20. Carolus vinceit Saxones. 21. Secundæ Synodi Wormatiensis statuta. 22-29. Fragmenta Synodi in Bavaria celebratae. 30. Persecutio in Syria.
- DCCLXXIII. 1-13. Desiderio iniqua magis magisque moliente, legationes inter papam et Carolum Magnum, qui in Italiam venit res compositurus.
- DCCLXXIV. 1-8. Caroli Magni in Urbem adventus, ejusque pietas, munificentia et victoriæ. 9. Altare Confessionis S. Petri ab Hadriano exornatum. 10-17. Sigiberti historici imposturæ refelluntur. 18-20. De Pauli diaconi captivitate et vita.
- DCCLXXV. 1-4. Miserrimus Copronymi obitus. 5-7. De Copronymi filiis Anthusa et Leone, qui ei in imperio

- succedit. 8. Leonis mores. 9. Concilium in Duria. 10. Regnum Saxonum Romanæ Ecclesiæ tributarium. 11. S. Rumoldus martyr.
- DCCLXVI.** 1-3. Leo imperator coronat Constantimum filium. 4, 5. Saxones tum miraculo, tum Caroli virtute subjiciuntur. 6, 7. Frequentia Concilia sub Carolo Magno.
- DCCLXXVII.** 1. Rex Bulgarorum baptizatur. 2-4. Theophani Isaci eam imperatore certamen. 3. Synodus Paderburuensis.
- DCCLXXVIII.** 1, 2. Caroli Magni expeditio in Hispaniam. 3-10. Saxones rebellantes ad officium revocantur. 11, 12. Ludgerus predicit Frisiis. 13-19. Qui Albinus seu Aleinus fuerit, et an Caroli Magni magister. 20-23. Carolus de sacra liturgia et libris ecclesiasticis valde sollicitus, adjuvante Alcuino. 24. Ludovicus nascitur.
- DCCLXXIX.** 1-5. Carolus in Saxones iturus Concilium celebrat, monasterium SS. Vincentii et Germani Parisiis privilegio decorat.
- DCCLXXX.** 1-3. Sarrauenorum in Syria et Leonis Constantinopoli dira persecutio. 4-7. Mortuo Leone, filius cum matre vidua optime imperium auspicatur, fidem Catholicam restituendo. 8-10. Ecclesiæ Saxonum ineunabula, auctore Carolo Magno.
- DCCLXXXI.** 1, 2. Carolus Romam venit. 3. Sponsalia inter Constantinum et Caroli filiam.
- DCCLXXXII.** 1-3. Bellum adversus Slavos, ubi de Joanniciorum iconoclastæ conversione et virtutibus. 4-6. Iteratae Saxonum rebelliones tandem cōpositæ, aucta erga Romanam Ecclesiam reverentia.
- DCCLXXXIII.** 1-4. In bello contra Westphalos miraculum S. Swiberti pro milite Brunone. 5-10. Elipandus archiepiscopus Toletanus Nestorianismum in Hispaniam inducere tentans strenue per sacerdotes proligatur.
- DCCLXXXIV.** 1-3. Paulus patriarcha Constantinopolitanus, abjurata hæresi, pie moritur, unde fides Catholica reviviscit. 4-10. Tarasius laicus ad sedem Constantinopolitanam elevitur, hæresim Iconoclastarum proligatur ope Concilii Ecumenici. 11-15. Tarasii genus et sanctissima opera. 16, 17. Rex Saracenorum Carolum colit, Christianos persecutus.
- DCCLXXXV.** 1-4. Litteræ et legatio Constantinopoli ad Romanum Pontificem. 5-11. Tarasii litteræ ad tres patriarchas. 12-40. Hadriani reprobantis electionem Tarasii Epistolæ ad imperatorem et ad ipsum Tararium. 41-48. Tribus patriarchis Sarrauenorum iugum pressis, monachi Orientales dant litteras Tarasio. 49-51. Ecclesia Saxonum florescit, baptizato Widichindo principe.
- DCCLXXXVI.** 1-3. Concilium Constantinopoli ab Iconoclastis exturbatum. 6. Collectio canonum per Hadriani papam. 7. Carolus in Italia : Hildegardis reginæ obitus.
- DCCLXXXVII.** 1-9. Praenotanda circa Synodum Nicenam hoc anno habitam. 10-54. Ejusdem Synodi celebratio septem Actionibus absoluta, contra Iconoclastas. 55-57. Patres veniunt Constantinopolim. 58-63. Quid Theodorus Studita seripserit de Tarasio tum circa lapsorum restitutionem, tum circa Simoniacos. 64-66. Carolus Magnus Romanum, deinde Beneventum adit contra Arichim, cui mortuo succedit filius Grimoaldus. 67-71. Carolus, Cassino monte viso, Romanum reddit : contentio de cantu Ecclesiastico. 72-74. Carolus in Galliam reddit, eum Bavariae duce, papa intercedente, res componit.
- DCCLXXXVIII.** 1-4. Inter Graecos et Carolum Magnum quæ causæ rupti fœderis. 5, 6. Hunnorum gens per Carolum deleta. 7-10. Bremensis Ecclesia in Saxonia episcopo S. Willibrado et Caroli Diplomate insignitur.
- DCCLXXXIX.** 1, 2. Inter Irenem et filium Constantimum orta dissidia. 3-5. Tarasii plumbum opus. 6, 7. Theophilus martyr, et Caroli lex de bonis Ecclesiarum.
- DCCXC.** 1-4. Constantinus solus imperator : Carolus paganos debellat.
- DCCXCI.** 1, 2. Constantini vilia et iniqua Acta. 3-6. Concilium Forojuliense sub Paulino patriarcha Aquileiensi. 7, 8. Burchardi episcopi obitus et Tiberis inundatio. 9-11. Alphonsus cognomento Castus in regnum Hispanie restituitur.
- DCCXCI.** 1-3. Concilium Ratisponense, a quo Felix haereticus damnatur. 4. De Angilberto abbate.
- DCCXCI.** 1, 2. Alphonsi Casti prælia in Mauros et victoria. 3, 4. Caroli Magni res gestæ in Sarrauenos.
- DCCXCI.** 1-26. Synodus Francofurtiensis, in qua Elipandi versutiæ detectæ, hæreses damnatae. 27-57. Refelluntur objecta quoad damnationem secundæ Synodi Nicaenæ ; et alia de Francolordiensi Concilio dilucidantur. 58-59. Theodorus Studita monasterio præficitur, clarus virtutibus.
- DCCXCI.** 1-9. Hadriani papæ obitus et ejus Epistolarum argumenta. 10-13. Hadriani memoriam digne prosequitur Carolus. 14-39. Quanta Hadrianus contulerit ornamenta Basilicæ S. Petri, necnon aliis patriarchalibus Basilicis et Ecclesiis, et toti Urbi. 40, 41. Leo papa sanctitate insignis.

- 42-43. Constantinus, repudiata legitima, uxorem duxit Theodotem, unde dissidia et persecutio in oppugnatores. 46-54. Quae fuerint Tarasii partes in hoc scelere imperatoris. 53-60. Theodori et monachorum imperatori obseruentium gloriosa certamina. 61-64. Theodori Epistola super eadem re. 63, 66. De Hunnorum gente novi triumphi per Carolum.
- DCCXCVI. 1-7. Theodori Studitæ in exilium pulsi cum monachis ab imperatore Epistole hortatoriae. 8-9. Coepitæ insidiæ Irenis in filium imperatorem. 10-15. Reliquie S. Euphemiae repertæ et Constantinopolim relatae. 16, 17. Legationes et munera inter papam et Carolum. 18-24. Regis Merciorum et Leonis papæ litteræ utrinque datae. 23-30. Munera Caroli in ornamentum Ecclesiarum a Leone impensa.
- DCCXCVII. 1, 2. Constantinus imperator execratus moritur. 3-8. Theodorus et monachi ab exilio et carceribus soluti. 9. Res Occidentales.
- DCCXCVIII. 1-3. De monasterio cognomento *Studium*, cui Theodorus præficitur. 4-7. Theodori insignia scripta. 8. Alphonsi Casti munera Carolo.
- DCCXCIX. 1-7. Leo papa iniqua Romæ passus, mire sanatus, Carolum adit, in Urbem triumphans revertitur. 8, 9. Causa delinquentium agitur, pro iis deprecante Leone. 10, 11. Quæ peregerit Leo in Germaniam. 12. Claves S. sepulcri misse ad Carolum.
- DCCC. 1, 2. Carolus per varia loca iter faciens Romam venit. 3-5. Carolus magnifice exceptus adstat Synodo, in qua quomodo papæ causa cognita sit. 6-20. Carolus Magnus coronatur imperator: de qua re amplissima dissertatio. 21-23. Carolus munificus erga Ecclesias, reorum punitor. Expeditio in Beneventum.
- DCCCI. 1-5. Terre motu per Italiam furente, Basilica S. Pauli concussa amplioribus reficitur ornamenti. 6-8. Quanta decora Leo papa contulerit Ecclesiis singulis. 9-19. De optimis Caroli Magni legibus et sanctionibus. 20. Legatio Saracenorum ad Carolum. 21. Salvius martyr. 22-23. Irenis munificentia in laxandis tributis.
- DCCCI. 1-6. Nicephorus imperium Orientale occupat, pulsa Irene. 7-11. Concilium Altinense ob necem illatam Gradensi episcopo. 12, 13. Paulinus Foro Juliensis episcopus, doctrina pollens, Carolo acceptus. 14, 15. Carolus de bonis litteris optime meritus.
- DCCCI. 1. Bardanes frustra acclamatus imperator. 2. Irenes obitus. 3. Nicephori legati ad Carolum.
- DCCCIY. 1. Leo papa adit Carolum Magnum. 2-7. Quid Leo papa egerit in Germania: ubi de S. Swiberti canonizatione. 8-12. Saxones in colonias missi, eorumque Ecclesiis privilegia data. 13. Alcuini obitus.
- DCCCV. 1. Tributum a Saracenis Nicephoro impositum. 2, 3. Caroli in Sclavos victoria, et alia facta. 4. De regno Merciorum.
- DCCCVI. 1, 2. Tarasii obitus. 3-7. Responsa Theodori et Platonis ad Nicephorum imperatorem ipsos consulentem de electione episcopi. 8. Nicephorus episcopus Constantinopolitanus. 9-12. Nicephorus imperator persequitur monachos, turbat Ecclesiam. 13-17. Conventus dictus *Adulterantium* Constantinopolis ob restitutionem Josephi. 18-27. Testamentum Caroli Magni dividentis inter filios imperium in Synodo habita in villa Theodosis. 28-31. Ejusdem Synodi, Carolo approbante, statuta de clericis. 32. Martyrum Scillitanorum reliquiae ab Africa translateæ.
- DCCCVII. 1, 2. Saracenorū irruptiones, et Nicephori imp. turpitudines et saevitiae. 3, 4. Caroli in Saracenos victoria et leges ad Ecclesiam spectantes. 5-7. Aquitania per Ludovicum, Italia per Pipinnum recreantur.
- DCCCVIII. 1-24. Theodori aliorumque nolenium communicare cum Nicephoro patriarcha ob restitutionem Josephi causa et disceptatio. 25-32. Theodorus suam defendit causam per litteras datas Romam ad Basilium monachum. 33, 34. Christiani a Saracenis caesi: rex Nordanhumbrorum restitutus.
- DCCCI. 1-4. Theodori Epistola ad Nicolaum chartularium de sua circa communionem cum patriarcha sententia. 5-13. Concilabulum Constantinopolitanum dictum *Moesosynodus*, unde Theodorus, Plato cæterique monachi exilio et aliis poenis muletantur. 14-27. Epistolæ Theodori ad Romanum Pontificem et Basilium monachum. 28-41. Theodorus per alias litteras pravos sibi opposidores confundit. 42-43. Theodori scriptum adversus Moehianos. 44-48. Quanta pertulerint Theodorus et socii ab iisdem Moehianis. 49-51. Nicephori imperatoris saevitia et tyrannicæ exactiones. 52-63. Concilium Aquisgranense de processione Spiritus sancti: ubi multa de Symbolo. 64. De Ludgeri Monasteriensis episcopi obitu et sanctitate.
- DCCCX. 1-3. Nicephori imp. impietas et crudelitas. 4-17. Sergii instaurantis Manichæorum heresim primordia et progressus. 18, 19. Venetiarum urbs redditæ Nicephoro imp., unde foedus cum Carolo Magno.
- DCCCI. 1-12. Nicephorus imp. cum suis et toto exercitu a Barbaris misere caesus, unde in imperium

- evectus Michael Curopolata. 43-47. Monachi restituti ; pax Ecclesiæ reddita. 48-49. Epistola Nicophori episcopi Constantinopolitani ad Leonem papam cum fidei professione. 44-47. Testamentum Caroli Magni de rebus mobilibus. 48. De filiis et nepotibus Caroli Magni.
- DCCCXII. 1-3. Manichæi jussu Michaelis imperatoris ad necem quæsiti. 4. Aliae hæreses et mali mores Constantinopoli. 5-8. Platomis monachi sanctissimus obitus. 9-11. Rejecta condilio de fugitivis reddendis in bello contra Bulgaros. 12, 13. Legatio Michaelis imp. ad papam. 14-18. De tempore cladis acceptæ in saltibus Pyrenæis, quam Turpinus fabulis contexuit.
- DCCCXIII. 1-7. Quibus viis et artibus Leo Armenus imperium capesserit, abdicante Michaele, et Bulgaris cuncta vastantibus et Christianos persequenteribus. 8-10. Theophanes historicus. 11-15. Carolus legatos mittit Constantinopolim, Italie præficit Bernhartum, Ludovicum coronat imperatorem, laborat pro Ecclesia. 16. Concilia Moguntinum et Rhemense. 17-20. Concilia Turonense et Cabilloonense : ubi multa de piis peregrinationibus. 21-24. Concilium Arelatense : et de electione episcoporum sanctiones.
- DCCCXIV. 1-6. Quando et cur Leo Armenus in cultores SS. imaginum debacchatus fuerit. 7-23. Adhibitis suæ impietatis ministris, Leo Armenus congressum habet cum Catholicis, inter quos Theodorus eminet in defensione SS. imaginum. 24-26. Theodori Epistolæ de præpositis, qui scripto silentiū polliciti erant. 27-32. Theodorus dat litteras Nicophoro patriarchæ in exilium pulso, cui sufficitur hæreticus Theodotus ; Niceta et alii exulantur. 33, 34. Processionibus celebrat Theodorus SS. imagines. 33-39. Theodori Epistolæ nomine præpositorum respuentes Pseudo-Synodus. 40-43. Ab hæreticis vafre premuntur Catholicæ, et maxime Theodorus, qui in exilium et carcerem pellitur. 44-53. Epistolæ Theodori e carceribus ad suos monachos scriptæ. 56. S. Zachariae corpus missum Venetas. 57-62. Caroli Magni obitus et laudes. 63-65. Ludovicus successor in imperio.
- DCCCXV. 1, 2. In Leonem Romanum Pontificem conjuratio. 3-10. Archimandritæ a Leone Armeno vexantur, deceptique in apostasiam incident. 11-17. Theodori Epistolæ adhortatoria de monachorum lapsu. 18-22. Furens Leo Armenus Theodorum flagris plecti jubet. 23-26. Hispani ad Francos confugientes bene habiti. 27-31. Consultit Ludovicus Hispanis colonis per constitutionem.
- DCCCXVI. 1-4. Theophanis certamen et beata mors. 5-15. Theodorus denuo ob fidem Orthodoxam flagellatus, plures dat Epistolas. 16-19. Quomodo cum lapsis agendum sit, docet Theodorus. 20-23. Feminas, inter quas Mariam reginam in fide constantes Theodorus hortatur. 24, 25. Quot scripsierit Epistolas Theodorus. 26-34. Confessores ubique existentes per Epistolam Theodorus in fide confirmat. 33, 36. Theodori testamentum. 37-47. Ad episcopos confessores Theodori Epistolæ. 48-53. Leo papa moritur : a quo Compestallana sedes in Hispania fuit erecta. 54-55. Res gestæ Leonis papæ, et munera ab eo collata Ecclesiæ et monasteriis. 56-100. Stephanus quintus papa, qui Ludovicum imperatorem adit. 101. Stephani Decretum de electione Pontificis.
- DCCCXVII. 1-4. Mortuo Stephano, Paschalis papa creatur, qui legatos mittit ad Ludovicum. 5. Ludovicus in vita discrimen adductus. 6-14. Concilium Aquisgranense. 15-18. Bernhardus cum primoribus Italiae rebellantes a Ludovico reprimuntur et puniuntur. 19. Pallium mittitur ad Vienensem archiepiscopum. 20-23. Theodori Studitæ ad Paschalem papam Epistola. 24. Theodoti pseudopatriarchæ legatio rejecta a Romano Pontifice. 25-33. Theodori Epistolæ ad patriarchas Alexandrinum, Antiochenum et Hierosolymitanum. 36-39. Duo monachi Constantinopolim missi acriter decertant pro fide Catholica.
- DCCCXVIII. 1-4. Litteræ Theodori et legatio per Epiphanium missa ad Paschalem papam. 5. De Methodio apocrisario Nicophori. 6-13. Theodori catechetica Epistola ad dispersos fratres. 14-17. Paschalis papa extorres monachos excipit, monasterium ipsis ædificat, Ecclesiam S. Praxedis instaurat. 18-27. Persecutione recrudescente, Theodorus totus in Epistolis et laboribus : plures martyres. 28. Cœnobium Cassinense sanctitate floret.
- DCCCXIX. 1-6. Ex conventu Aquisgranensi legationes ad singulas Ecclesiæ. 7-11. Nihil actum ab imperatoribus Carolo et Ludovico inconsulta Sede Apostolica. 12. Conventus in villa Engelheim. 13-16. Nova et sævissima in Theodorum Studitam tormenta. 17-20. Ejusdem alia Epistola hortatoria ad dispersos fratres. 21-28. Smyrnam delatus, alacrior ex cruciatibus, alias dat litteras, multa patitur Theodorus.

# ANNALES ECCLESIASTICI.

---

PAULI I ANNUS 6. — CHRISTI 762.

---

4. *Constantius ope Callisti avlici Stephanum monachum vexat, in carcерem conjicit, columnis exagitat.* — Sequitur ordine temporis septingentesimus sexagesimus secundus Christi annus, Indictione decima quinta notatus, quo imp. Constantinus immenso odio flagrans in monachos, quos prae ceteris sibi in promulganda haeresi adversarios saepe expertus fuit, maxime vero anno superiori, cum adversum Andream Cretensem monachum fuisse sibi certandum: cum audisset in Auxentiano monte, in Bithynia posito, degere magni nominis Stephanum monachum gratia miraculorum illustrem, potentemque sermone ad cohortandum alios, ut aduersus debacchantem haeresim forti consisterent animo, ad eumque habere confugium plurimos, in hunc ipsum movere bellum necessarium sibi duxit, ut perficere posset, quod conabatur (si licet) haeresim stabilire. Sed quem scit maxime martyrii cupidum, haud armis expugnandum tentat, sed verbis. Ad hocque virum eloquentem mittit, qui viro suadeat subscribere Decretis Pseudo-Concilii OEcumenie nominati. Id quidem factum est hoc anno, antequam bellum Bulgaricum pararetur, quod anno sequenti esse conjectum, ex auctore, qui res gestas ejusdem Stephani est prosecutus, qui et hoc vivebat tempore, et iis omnibus potuit interesse, certum exploratumque habetur, ut sequenti anno ostensuri sumus. Modo autem primi hujus certaminis Stephani ex eodem auctore totidem verbis hic describamur historiam, que sie se habet<sup>1</sup>:

2. « Imperator hujusce Stephani virtutem audiens, secumque istud perpendens, quod si hunc quoque rebus suis includeret, favoremque ipsius ac praesidium sibi adjungeret, exercando suo dog-

mati magnum ob ingenem virtutis illius claritatem atque splendorem robur conciliaret: Callistum quemdam patricii ordinis summa secum familiaritate devinctum, atque suam haeresim apprime callentem, et eximia dicendi facultate praeditum ad se aecersit, eumque ad sanctum virum legat his verbis uteus: Ad Auxentianum montem contendere, ac Stephano, qui illie delitescit, atque ex Immemorandorum classe ac numero est (ita enim impium solere vocare monachos dictum est superius) persuade, ut Concilii Decrelis assentiatur et subserbit: sivecum alloquere: Pii ac rectissime de religione sentientes imperatores Constantinus et Leo benevolentia erga te, quia virtute et sanctitate delectaris, impulsi, te Orthodoxi Concilii Decreto nunc edito et promulgato subserbere jubent. Tu vero et caricas ipsi et palmas feres, amygdala item aliaque nonnulla, quibus vir Dei colendae pietatis studio devolus ali consuevit. Norat enim et ipse, quanta esset illius continentia, pene ut etiam hoc virtutis genere cum spiritibus a materia remotis contenderet.

3. « Callistus itaque quam celerrime poterat ad montem profectus, sancto viro imperatoris mandata exponit, eaque omnia, que aliciendi atque inflectendi vim habebant, in medium profert, ipsumque ad subserendum pertrahere conatur. Verum pietatis corona erat Stephanus, zelique atque virtute protomartyris similis. Tanquam enim qui Dominum a dextris suis esse semper provideret, ac propterea nullo haeresis impetu conuteretur, ad perniciosum iltum nuntium his verbis usus est: At ego nec huic Decreto ac falsi hujus Concilii vaniloquio subserbam, nec illud unquam comprobabo, nec amarum dulce<sup>1</sup>, nec

<sup>1</sup> Apud Joan. Dam. in fin.

<sup>1</sup> Isa. v.

tenebras lucem dicam, ne Prophetæ maledictionem in caput meum pertraham. Saerarum autem imaginum causa promptum mihi ac proclive est mortem oppetere, imperatoris minas, qui has delere ausus est, nihil moranti. Hæc ubi dixit, eavam manum statim ostendens : Etiam si mili, inquit, tantulum duntaxat sanguinis esset, id tamen pro Christi imagine profundere minime dubitarem. Quos vero ab eo ad me cibos attulisti, referas sane licet; quoniam (ut cum divina Scriptura loquar<sup>1)</sup>) oleo peccatoris non impinguetur caput meum, nec hæreticorum cibis guttur meum deliniatur.

4. « Hæc oratione audita, Callistus maximo pudore suffusus revertitur, atque imperatorem adiens, omnia ei narrat. Ille autem iræ ac furoris nube obducitur, ac statim sicarios una cum Callisto mittit, eisque imperial, ut sanctum virum e cella sua (in vertice montis sita) abstrahant, ac protinus ad inferius monasterium deductum, illuc cum summa cura ac vigilancia inclusum tenerent, quoad arbitratu suo de eo constituerit. Sic igitur dicto citius id, quod imperatum fuerat, exequi contendentes, ad speluncam venient, et sanguinario animo insilunt, ostioque statimi caleibus effracto, pium virum per vim foras trahunt. Ac cernere erat rem proborum oculis admiratione dignam ac memorandam. Etenim ex ingenti quadam continentia et domicilio humilitate atque angustia, tibiae ipsius in tenoribus adhaeserant, ut nec ullo modo stare vel moveri posset. Quod cum amentes homines perspexisseul, summa admiratione perfusi sunt, atque ex savitia et feritate animos ad commiserationem inflexerunt. Ae duo quidem ex ipsis (sunt enim inter malos et flagitiosos homines seminali quidam, atque ejusmodi, ut eorum improbitati remedium afferri possit) concepta ex sancti viri ærumpa commiseratione, consertis manibus aceptum eum sufferebant. Mox autem ad patris Auxentii cœmeterium venientes, eum una cum monachis illis, quibuscum versabatur, incluserunt, atque ipsi pro toribus excubabant, imperium aliquod et nuntium a tyranno exspectantes.

5. « At enimvero generosus ille atque eximia virtute preditus Stephanus tot molestiis affectus, ac facinorosi cuiusdam hominis ritu, in custodiā conjectus, animo non concidit : verum una cum sociis suis alta et modulata voce psallebat : IMPOLUTAM IMAGINEM TUAM, O PONE, ADORAVIS (est cantici principium). Ac deinde quid aliud hujusmodi ab ipsis psallebatur : In cogitationum mearum latrones incidi, ab hisque mihi misero mens abrepta est ». Hæc idcirco, quod avulsus fuerat ab illo specu in supercilio montis sito, ubi priorem contemplationis fructum gustabat. Pergit auctor : « At ii, quibus custodia commissa fuerat, pro foribus stantes, atque quod ab eis cantabatur audientes, atque veluti excantari sese propter illos existimau-

tes, capita movebant, seque miseros duebant, quod a monachis, qui nihil sceleris admisissent, atque inique inclusi tenerentur, optimo jure latrones appellarentur.

« Cum autem sex dies jam effluxissent, in quibus pius ille vir nihil cibi gustarat : septimo die afflit quidam a tyrono missus, qui sanctum virum ob id quod recens acciderat (nuntiatum enim fuerat bellum a Scythis inferri) cellæ suæ restiluit ». Ille finis imperatoris hoc anno conatus, sed non Callisti patricii : qui novis machinis oppugnare virum sanctum aggredilur; agens nimirum, ut calumniis eum potius proscindat, quam ferro sauci, gloriosiorem inde putans sibi parare triumphum, quam si necem inferat ; ex qua sciret majorem ab Orthodoxis illi parari landem, et gloriam immortalem, qui eum essent in perpetuum celebratur martyrem. Contra vero si calumniis eum superet, fore ut concitata et ubique sparsa ejus sanctitatis fama dispereat atque penitus evanescat, tuncque fieri, ut nullum inferre damnum haeresi possit celebritas ejus nominis infamia prorsus extincta, imo magnam ea ex re fieri accessionem perversæ sectæ, cuius adversarii inventi essent operibus scelestissimi. Quas vero interim, dum imperator adversus Scythes pararet arma, Callistus adversus sanctum paret insidias, ab codem auctore sic accipe :

6. « Cæterum ille κακός polius, hoc est, pessimus, quam Callistus, cum unum ex sancti viri discipulis nomine Sergium, de quo jam nos verba facturos esse promisimus, remotis arbitris accessivisset, misero illi persuadet, ut non Judam solum proditionis rem agi sinat, sed ipse quoque rursus patris et præceptoris sui proditorem se præbeat. Confeslim igitur in ipsis perniciem meditari non desit, atque omnem artem adhibere, quo magnum illum virum cassibus suis implicitum teneret. Ut autem se frustra laborare et nihil efficere perspexit (cur enim sacram illam animam atque ab omni reprehensionis nota immunem aggrediebatur?), statim a sancto ovili digreditur, velut nimirum filius improbus atque alienus, a semila recta claudicans, atque ad eum, qui legendis Nicomedensis oræ vectigalibus prærerat, Aulicalanum nomine, accedit, eumque socium et adjutorem in his, quæ adversus sanctum virum struebantur, adhibet.

7. « Ambo igitur in capillis sui perniciem initio consensu, libellum in eum calumniis refertum perversissimo animo conscribunt. In quo primum illud inserunt, eum imperatoris tanquam hæretici memoriam execrari, et diris devovere, eumque Syrum atque Vitelium appellare ». Per Syrum Nestorianum intelligi, certum est, per Vitelium, nescimus, sicut et pariter ignoramus quid sit quod tradit Theophanes, eundem Constantimum imperatorem ignominiae causa appellatum ab Andrea Creteensi martyre, Civilianum. Si autem conjectura res agenda est, fortasse vox illa, Vitelius, deducit

<sup>1)</sup> Psal. AV. Ps. 4. CXL.

est, πυρὸς, quod significat igneum gurgitem, unde πυρός, qui est in profundo, sieque ea voce significatum, Constantimum in profundum impietatis decidisse, juxta illud : « Peccator eum in profundum venerit, contemnit ». Et vox Civilianus, a græco pariter κακοῦ πυρὸς, quod significat improbum, maleficum, securi dignum. Sed pergit auctor, aliam recensere in eum comparalam calumniam, nempe ipsum ait adversus ipsius imperatoris majestatem technas moliri, aliaque permulta, quæ ob prolixitatem atque inutilem loquacitatem, intempestivum ac supervacaneum est commemo rare.

8. Postremo autem de proba illa atque præclara Anna, quam ipse mundum fuga relinquentem in monacharum numerum atque ordinem adseri pserat, hoc ponunt : « Quod mulierem quamdam, nobili loco natam, fraude circumventam monastice institutis initiasset, atque in inferiori monasterio teneret, cum eaque noctu ad ipsum ascendentem consuetudinem haberet. Ad hæc ipsius ancillam pecunia corrumpunt, eique tum libertatem, tum aulici eiusdem connubium pollicentes, hoc persuadent, ut adversus eam simul ac sanctum virum consentanea iis diceret, quæ illi in illo calunnias pleno libello contexuerant ». Sed quænam ista insignis femina fuerit Anna, ex eodem auctore dicamus, qui superius hæc de ipsa habet :

9. « Mulier quædam illustris atque honesta, marito haud ita pridem orbata, festinanter sanctum virum adiit. Cumque se viduam atque liberorum expertem, ac proinde solam esse, ipsi narrasset, nihil aliud sibi superesse dicebat, quam ut monastica veste, cuius se incredibili quodam desiderio teneri asserebat, indueretur. Ille autem eam longa oratione instructam ac salutiferis præceptis sedulo eruditam dimisit, his verbis ad extremum utens : Vide cum quo pacisceris : ac si qua te anime cura tenet, id, quod promisisti, mox præsta, nec te cunctantem mors invadat. Fia igitur illa mulier ad matrem rediens, ac patris sermonem in intimis cordis penetralibus abditos tenens, facultates omnes suas auro commutat, eoque magna ex parte pauperibus erogato, confestim parentes, propinquos, vicinos, amicos relinquens, ad divinum Stephanum se confert, non parvam auri illius portionem secum gestans. At ille asperiori orationis genere ad eam utens : Cum tu, inquit, ex Salvatore ipso audieris ejus discipulum esse minime posse, qui non bonis omnibus renuntiaverit : quonam modo contempto ac pro nihilo habito hoc præcepto, partem aliquam mundi retines ?

10. « Haec ut mulier audiit, ipsius perspicaciam ad stuporem usque admirans : Non me, inquit, honorande pater, avara, spiritualis potius (nisi me animus fallit) cupiditas impulit, ut auri aliquid mihi reliqui facerem : quod videlicet id per tuas sanctas manus erogari, majoremque mihi tua opera utilitatem comparari euperem. Tum ille : Alienorum delictorum scintillas manibus meis extingue re

nullo modo sustineo. Vereor enim, ne qua earum furtim succendatur, maximumque in animo meo incendium excitet. Id enim nonnullis, dum non satis animum attendunt, usu venire compertrum habeo. Illud autem omnino perspicuum est, quod qui seminat, idem suis quoque manibus metit. Hæc locutus, eam quidem rursum ad matrem redire, haudquaquam utile esse judicavit. Cæterum ut vi ciuis jocis una cum pio Marino peragrat, ipsamet suis manibus pecuniam illam distribueret, impetravit. Quo munere cum perfuncta fuisset, tum denique monastica eam veste induit atque ad mulierum monasterium transmittit, antistitiaeque etiam atque etiam mandat, ut summam ipsius curam gerat, manumque ei ad virtutis studium amplexandum porrigat, seduloque opituletur. Atque hæc quidem ita se habuerunt ». Quomodo autem hæc ipsa per calumniam gravissimi criminis rea constituta questionibus dirissimis subjecta fuit, dicemus anno sequenti, quo contigit.

11. *Constantinus monachos fieri vetat.* — Cæterum quod spectat ad persecutionem Constantini Copronymi, non ea tantum fuit adversus sacras imagines, eorumque veneratores fideles, sed magis exarsit adversus monachos, quos immenso cum insectaretur odio, illud adjecit, ut lege sancta veritarit, ne quis amplius monachus efficeretur, sieque ad monachismum omnis via præclusa penitus esset. Testatur id quidem Theodorus Studita, hujus temporis scriptor, in oratione, quam de sancto Platone conscripsit, ubi primum de latebris ejusdem sancti Platonis agens, hæc ait : « Constantinus ille impiis cogitationibus fervens, malitia domicilium, multorum capillum draco, ejus heres propugnator, quæ sanctis imaginibus bellum indixit, monastici ordinis acerbissimus persecutor tunc regnabat. At quisnam nostrorum Nazaræorum (monachorum videlicet) non fuit exterminatus ? Aut quis latens non in medium prolatus ? Quisve eorum, qui ei resistebant, non ad impietatis barathrum detractus ? Ita ut sicubi aliquis eorum, qui insignes erant, relictus fuisset, tanquam scintilla quædam in occulto et obscuro loco jacens, ita latuerit, ut pro mortuo haberetur apud eos, qui adhuc supererant. Talis fuit noster Elias, Plato scilicet, a Domino ipso servatus iis in locis, in quibus exercitationi monastice operam navabat, non ejus manibus captus, qui novus Achab dici poterat ». Et inferius eum de Irene pia Augusta agit : « Poslea vero quam cœpit regnare Christi cultrix Irene, quæ pacem ipsam, ut cognomento, ita et re attulit, in cuius regno cum aliis bonis et monastice vita ineundæ facultas et jama patefacta est, quæ olim ab impij imperatore clausa fuerat ». Sic igitur ex his omnibus satis liquet fuisse vetitum usque ad Ireneum Augustam, ne quis posset monasterium ingredi. Quomodo autem hac etiam de re magnam persecutionem constarit idem imperator adversus S. Stephanum, de quo supra, dicemus anno sequenti.

Anno periodi Graeco-Romanæ 6235. — Anno Eræ Hispan. 800. — Anno Hegiræ 115, inchoato die 31 Mart., Fer. 5. — Jesu Christi 762.

— Pauli I papæ 6. — Constantini Copronymi 43 et 22. Leonis IV 12.

**1. Constantinus imp. persecutus monachos.** — Ad num. 1 et seqq. Baronius narrat persecutionem a Constantino imp. aduersus monachos sacrarum imaginum defensores excitatam, ex Metaphraste in Vita sancti Stephani junioris, quam in fonte legere poteris in Vita sancti Stephani, auctore Stephano diacono Ecclesiae Constantinopolitanae, interprete Jacobo Loppino monacho Benedictino tom. i Analect. Græc. pag. 456 et seqq. Hanc persecutionem ad præsentem annum pertinere recte deducit Baronius ex bello Bulgarico verna tempestates sequentis Christi anni inchoato, cuius in laudata mox Vita pag. 460, his verbis mentio est : « Illi milites oratione a sancto postulata, se in imperatoriam urbem receperunt, indeque cum imperatore in Europam aduersus Scythas profecti sunt ».

**2. Paulus PP. aliqua monasteria Pippino regi donat.** — Hoc anno Indictione xv, Paulus papa monasterium sancti Silvestri in monte Soracte cum tribus aliis vicinis Pippino Francorum regi donavit, ut liquet ex Epistola xii Codicis Carolini ab eo ad Pippinum scripta, in qua Pontifex ait : « Quoniam constat præcelsa eximietas vestra a nobis petuisse monasterium, scilicet beati Silvestri Ponilieis atque confessoris, situm in monte Soracte, neconon et alia illi tria subjacentia monasteria, sancti scilicet primi martyris Stephani, et beati Andreæ Apostoli, atque Victoris, cum universis rebus ac possessionibus, locis etiam et diversis praesidiis, vel omnibus eis generaliter pertinentibus in integrum. Ecce præcelsa excellentiae vestre et voluntati annuentes, per hujus præcepti seriem, nostrum monasterium beati Silvestri, cum predictis aliis tribus ei subjacentibus monasteriis, id est, beati Stephani, atque beatorum Andreæ et Victoris cum omnibus eis generaliter et in integro pertinentibus, a præsenli quinta decima Indictione, et in perpetuum, pro sustentatione peregrinorum, et almoniis fratrum nostrorum, Christi pauperum, atque monachorum, illie nunc et imposterum spiritalem vitam degentium, firma stabilitate vobis concedimus, et per vos in præfato venerabili monasterio hanc nostram Apostolicam exarationis præceptionem perenniter permanendam concedimus atque largimur. Quatenus vestro studio ea,

quæ ad laudem Redemptoris nostri et meliorem statum prædictorum venerabilium monasteriorum pertinere noseuntur, in omnibus, Deo auspice, pro æterna excellentiae vestrae memoria et maxima remunerationis mercede nihilominus proficiant ». Baronius anno ccclxvii, num. 2, refert argumenta quarundam Pauli Epistolarum quas non viderat, atque juxta Centuriatores sect. viii, pag. 725, argumentum Epistole xxv istud esse : « Gratias agit pro defensione Ecclesie, cum adhortatione ad Pippinum, ut perget omnimodam S. R. E. exaltationem facere. De suo erga Pippinum amore, et quod nihil sine ejus voluntate facere velit, largissime promittit. Pro monasterio in Soractis monte a Pippino sibi donato gratias agit ». Verum in laudata Epistola xii Cod. Carol. de monasterio Soractensi contrarium dicitur, neque in ea mentio de defensione Ecclesie, aut de promisso quod nihil sine eo facere velit.

**3. Fundatur monasterium Prumiense.** — Fundatum hoc anno monasterium *Prumiense* a Pippino Francorum rege, *Bertradæ* ejus conjugis rogatu, quod triginta quinque circiter passuum milibus ab urbe Trevirensi dissitum est, et clara nobilissimorum hominum tum eruditione, tum sancti Benedicti disciplinæ fama præcellentium illustre extitit. Ei *Assuerus* vir magnæ sanctitatis a Pippino rege præfeclus est, ut docet Wandelberlus monachus Prumiensis, qui saeculo nono floruit, in libro de miraculis sancti Goaris eremitiæ, cap. ultimo, ejus cella seu monasterium, paulo supra confluentes Mosellæ et Rheni situm, post triennium sociatum fuit cum Prumiensi, ut infra videbimus. Monasterii Prumiensis conditum Browerus in Annalibus Trevirensibus, et cum eo Cointius in annum ccclx conferunt. Verum Labbeus tom. vi Concil. pag. 1698 refert, se habere Diploma foundationis notilissimæ hujus abbatiae, concessum die xiii Aug. anno xi regnante Pippino gloriosissimo rege, ideoque anno Christi currenti, quo mense Augusto annus xi Pippini in cursu erat. Prumiensis monasterii initia non prætermittere visum, quia ejus non raro in Annal. Ecclesiast. mentio ocurreret.

**4. Conventus Attiniacensis I.** — Labbens ibidem pag. 1702 refert fragmentum conventus *Attini-*

*niacensis*, in quo leguntur nomina episcoporum viginti septem, et abbatum septendecim, qui « pro causa religionis ac salute animorum congregati Synodali conventu inter cætera statuerunt, ut unusquisque illorum, quorum nomina in hoc indicio subscripta reperiuntur, et quando quislibet de hoc sæculo migraverit, centum psalteria, et presbyteri ejus speciales missas centum cantent. Ipse autem episcopus per se xxx missas impleat, nisi infirmitate, aut aliquo impedimento prohibeatur: tunc roget alterum episcopum pro se cantare. Abbes vero qui non sunt episcopi, rogent episcopos, ut vice illorum ipsas xxx missas expleant: et presbyteri eorum centum missas, et monachi centum psalteria psallere meminerint ». Nihil aliud de hoc Concilio superest. Inter subscriptiones episcoporum legitur *Willibrinus episc. de monast. S. Mauritiū*, qui non videtur alius a *Vilicario* archiepiscopo Viennensi, qui post Saracenorum irruptionem dimisso archiepiscopatu, factus est monachus in monasterio Agaunensi sancti Mauritiū, et deinde abbas. Subscriptit etiam *Folericus episcopus civit. Tungri*. Cointius anno **DCCXLV**, num. 17, confundens conventum Attiniacensem post triennium coactum cum eo qui hoc anno indictus est, ait in omnibus Leodicensium seu Tungrorum episcoporum Catalogis, *Fulcaro* anno **DCCLX**, ut ipse putat, demortuo, proxime perperam subjici *Agilfridum*, qui tempore quo Carolus M. Desiderium Langobardorum regem ex Italia caplivum adduxit, vivebat; indeque infert, *Folericum* seu *Fulericum* a Fulgario seu Fulcaro distinguendum esse. At duobus Attiniacensibus conventibus suis annis redditis, haec pluresque difficultates, que huc usque enate sunt circa annos emortuales episcoporum et abbatum in hoc primo conventu Attiniaci subscriptorum, evanescunt. *Fulgorius* in diversis Epistolarum a Zacharia papa scriptarum Editionibus, varie nuncupatur, ut ipsem Cointius an. **DCCLX**, num. 17, fatetur: *Folericus* in Baroniana, *Fulericus* in Seraniana, *Fulgorius* in Biniana, et *Fulcarius* in Sirmondiana. Quare series episcoporum Leodiensium sic dirigenda: *S. Hubertus* an. **DCCXXVI** ad Deum migravit, et *santus Florebortus* ejus filius ante clericatum genitus post aliquot menses ei successit in eunte anno **DCCXXVII**, ut ibidem ostendi, et *annis xix præfuit* eidem Ecclesiæ juxta Molanum in Natalibus sanctorum Belgij: ideoque obiit Flo-

rebertus, non anno **DCCXLIV**, ut idem Molanus, nec anno **DCCXLV**, ut Cointius, nec anno **DCCXLVI**, ut Henschenius in ejus Vita ad diem **xxv Aprilis** scripsere, sed anno **DCCXLVII**. Eum exceptit *Fulcarius*, sen *Folericus*, qui, teste Egidio in Additionibus ad Anselmum, *præfuit Ecclesiæ Leodiensi annis xv*, sive hoc anno post coactam Synodum Attiniacensem ad superos transiit, eique Agelfridus, qui anno septingentesimo septuagesimo quarto Ecclesiam Leodiensem regebat, successit.

#### 5. Duo conventus Attiniacenses distinguendi.

— Labbeus et Cointius citati utrumque conventum Attiniacensem confundentes laudatum Decretum anno **DCCLXV**, quo alter conventus Attiniacensis habitus, conditum pularunt. At duos conventus Attiniaci (quod oppidum est ad levam Axonæ ripam, in valle Burgensi vulgo *Atigni*) distinguendos esse eruo ex Wandelberto in libello citato, qui ait Pippinum regem positum in palatio, « quod Attiniacum vocatur, eum ad generalem populi conventum simul Assuerus abbas venisset », commisso eidem Assuero cellam sancti Goaris, ut postea vocata fuit, eamque cum monasterio Prumiensi tunc primum conjunctam fuisse, uti in secundo conventu Attiniacensi explicabimus. Quamobrem cum Assuerus, qui interfuit conventui Attiniacensi, non subscripterit cum atis abbatibus **xvii** praefato Decreto conventus Attiniacensis, in quo cellam sancti Goaris obtinuit, diversus est ab illo, cui abbates **xvii** subscripti. Nec satisfacit responsio Cointii dicentis, *Assueri* nomen ex libello Wandelberti laudato restituendum esse, quod alias Francorum conventus apud Attiniacum, post erectum Prumiense monasterium, a Pippino rege celebratus non inveniatur. Wandelbertus cuim intelligit conventum anno **DCCLXV** habitum, ad quem referri non potest Decretum a **xvii** abbatibus subscriptum; cum in eo *Assueri* nomen non legatur, et ex Wandelberto, qui annum congregati conventus non exprimit, restitui non possit. In annalistis Francorum loca, in quibus Francorum conventus per haec tempora habiti sunt, memorantur; sed qua in villa aut oppido conventus hoc anno habitus fuerit, nullibi legitur. Indeque elicio, illum *Attiniaci* indictum fuisse, in eoque supradictum Decretum, in quo *Assueri* nomen cum aliis abbatibus non apparet, statutum (1).

#### 6. Annus in belli Aquitanici. — Pippinus rex

(1) Conventum quedam Francorum hoc anno habitum Attiniaci; ac proinde uno eodemque in loco duplē diversis annis conventum celebratum fuisse, alterum hoc anno, aliud vero **DCCLXV** vix credo. Apud Mabillonum lomo i. Annalium Ord. S. B. Append. II, num. 26, legitur Diploma Pippini pro constitendo monasterio Prumiensi datum in *Trigodios villa publica, mense Augusto, die xii, anno xi regnante Pippino, etc.* Subscriptibut hinc Charta episcopi novem cum comitibus et principibus plane multis. Pertinere fac ad annum **DCCLXII** nemo prudenter dubitaverit; et cum tot nouica episcoporum et comitum legantur, non inani prorsus conjectura deduci posset, pradisse in conventu, qui hoc anno de more habebatur in villa, que haec Trigodios dicitur. Quanquam enim conventus mense Maii faberi consueverint, nihil prohibet quoniam extra ordinaria forte de causa ad duos vel tres menses differrentur. Simili exemplo conventus Wormatiensis IV, non Maio, ut moris erat, sed Aprili mense celebratus fuisse legitur in Chronico Moissiacensi ad an. **DCCLXXXVI**. Similis pariter conventus ad villam Duriam anno **DCCLXV**, ad Julium mensem prolatus fuit, ut Pagius aī an. **DCCLXXV** animadvertis. Hoc si admittantur, plura ad emendationem Ecclesiasticae Historiae deducuntur. Primo, duplex Attiniacus conventus prius omnibus historicis ignoratus, commentarius est. Secundo, episcopi illi, et abbates quorum nouica conventui Attiniaci apud Labbeum subscripta leguntur, ad Conventum anni **DCCLXV** re ipsa pertinet. Hoc autem, in quo rei carbo versatur, ulterius probatur, quia etsi concesserimus Diploma illud Pippini non in ipso conventu anni **DCCLXII** (utpote qui Maio mense de more celebrandus fuerat), sed post duos tresve menses prodisse, vix tamen persuaderemur episcopos illos, qui Diplomati subscripti sunt, et regi tunc presentes aderant, eosdem pariter et conventui parum antehac celebrato non interfuisse. Si autem intererant, cur non om-

contra Waifarium Aquitaniæ ducem tertia vice profectus est, idque currenti anno, ut docet auctor secundæ Appendicis ad continuationem Fredegarii : « Postquam, inquit, Pippinus rex urbem Arvernæ cepit, regionem illam totam vastavit. Sequenti anno, id est, anno undecimo regni ipsius, cum universa multitudine gentis Francorum Bitoricas venit, castra metatus est undique, et omnia, quæ in gyro fuerunt, vastavit. Circumsepsit urbem munitione fortissimam, ita ut nullus egredi ausus fuisse, aut ingredi potuisset. Cum machinis et omni genere armorum circumdedit eam vallo ; multis vulneratis plurimisque interfectis, fractisque muris cepit urbem, et restituit eam ditioni suæ jure prælii ; et homines illos, quos Waifarius ad defendendam ipsam civitatem dimiserat, clementia suæ pietatis absolvit, dimissique reversi sunt ad propria. Unibertum comitem et reliquos comites, quos ibidem invenit, sacramentis datis secum adduxit, uxores eorum ac liberos in Franciam ambulare præcepit, muros ipsius Bitoricæ civitatis restaurare jubet, comites suos in ipsam civitatem ad custodiendum misit. Inde cum omni exercitu Francorum usque ad castrum, quod vocatur Toarcius, veniens. Cumque in gyro castra posuisset ipse, castrum mira celeritate captum atque succensum est, et Waseones, quos ibidem invenit, una

cum ipso comite secum duxit in Franciam. Pippinus rex Christo duce, cum omni exercitu Francorum, cum multa præda et spoliis, iterum reversus est ad sedem propriam ». Quæ hoc anno gesta esse produnt etiam annalistæ Nazarianus, Tilianus, Bertinianus et Metensis cum Reginone. Additannalistæ Metensis Pippinum Pascha celebrasse in Cariaci et Natalem Domini in Gentiliaco villa. Notabis obiter annos Pippini regis ab anno Christi DCCLVI ab his auctoribus vetustissimis semper deduci, ideoque epocham istam amplius in controversiam non vocandam.

7. *Bagadatum postea sedes califarum conditur.* — Elmacinus lib. 2 Hist. Sarac. cap. 3, loquens de Almansore Saracenorum califa ait : « Anno CXLV (Hegiræ scilicet), jussit Almansor ædificari civitatem Bagdadum : eamque fundavit eo tempore, quod unanimi consensu elegerant astrologi. Dicitur autem fuisse pratum viride, in quo lugurium erat eremite, cui nomen erat Bagdadi ; atque ab eo hoc nominis traxisse. Almansor autem eam appellavit Medinato-SSalami (id est, civitatem Pacis). Utque absoluta fuit ædificatio ejus, facta est sedes califis Abbasidarum ». Loquitur et de ædificatione hujus urbis califarum Babyloniorum sede nobilis Abul-Pharaio in Historia dynastiarum ad eundem Hegiræ annum.

1. *Vexante imperatore monachum Stephanum, Annæ sanctimonialis feminæ in tolerandis tormentis clarescit virtus.* — Septingentesimus sexagesimus tertius adest annus, prima Indictione signatus, quo Stephanus martyr calumniis pressus, multaque perpessus, exulare jubetur. Sed quomodo ista se habuerint, exacte sunt referenda; ac primum quod ad tempus spectat, diligentior ejus ratio habenda est. Cum enim anno quadragesimo nono ejusdem Stephanus ejus exilium contigisse, martyrii ejus Acta testentur, idemque incidisse tempore belli

cum Scythis, nempe Bulgaris initi : hoc quidem anno id oportuit evenisse : quadragesimus enim nonus hic fuit annus ætatis ejusdem Stephanus, quem natum vidimus, cum S. Germanus creatus est Constantinopolitanus episcopus, anno Redemptoris septingentesimo decimo quarto ; sed et hoc anno idem bellum Bulgaricum accidisse, Theophanes auctor est.

2. Hoc namque anno, prima Indictione, septimo kalendas Jufii, imperatorem Constantimum ad bellum profectum tradit, vicisseque Bulgarios ,

atque de iisdem redeuntem Constantinopolim egisse triumphum: quum ingratus pingues hostias litavit satanæ: nam inter alia eundem sanctissimum virum Stephanum post multa ludibria relegavit.

Cum enim calunniarum libellus adversus eundem sanctum opera Callisti patricii Sergiique monachi confectus esset: eum ad imperatorem agentem in castris miserunt. Quid illic ipse, habent hæc Aeta: « Hoc eum scripsissent per mihi quemdam ad imperatorem, qui tum in Scytharum locis morabatur, libellum mittunt. Ille igitur lucri cuiusdam instar, eum accipiens, ac leonem jam in vinculis habens, ad Anthrum, qui vicariam ipsi in urbis gubernatione operam navabat, Epistolam quamprimum sribit hoc exemplo:

« Ad monasterium illud, quod ad Auxentiani montis radices situm est, summa celeritate proficisci. In eo enim quædam Immemorandorum scorta sub pietatis prætextu degunt: quarum tu unam, cui nomen Anna est, assumptam, per publicos equos quanæ celerrime ad nos mitte.

3. « Ille igitur scelerati regis sceleratior præfectus simul atque litteras accepit, militum agmine cinctus, ad monasterium proficiscitur, ac sacras illas mulieres, tertiae horæ laudes Deo canentes, offendit: confessim itaque milites, quibus ipse seplus erat, giarios stringunt ac Christi sponsas circumdant. Ita divina laudatione incondito clamore compressa, Christi famule, qua fugerent, non habentes, partim intra sacri altaris cancelllos sese protinus abdebant, partim venerandum divinæ mensæ peplum subibant, partim ad montem excurrere tentabant, sed ab inevitabilibus illis prædonibus retinebantur. Quorum impetum domus illius præfecta (abbatissa videlicet), minime ignorans (etenim in sua cella quiescebat), mulier ætate quidem proiecta, cæterum in perferendis laboribus vegeta, intrepido animo ad eos egreditur: atque: Quid perpetratis, inquit, cum Christiani sitis? Quid in mulieres divino cultui conseratas, quæ nemini unquam injuriam ullam inferre in animo habuerunt, impetum fecistis?

4. « Illi autem venerandæ illius anus libertatem summopere admirantes, atque eam antistitem esse intelligentes, insolenti illo impetu suo statim in diversum mutato, non sine quodam pudore ac reverentia leniter ad eam his verbis utuntur: Annam Stephani amasiam nobis dede. Hoc enim imperatoris edictum poseit. Ipsa autem eam profinus ac quamdam alteram cum ea nomine Theophanam accersens: Abite, inquit, ad imperatorem, ac prudenter ipsi respondete. Cæterum quoad ejus fieri poterit, providendum vobis est, ne per fraudem aliquam in prædam incidatis. Postquam igitur adductæ sunt, atque ille eas adesse comperit, disjungi ab invicem jubet, ac deinde accitam Annam ad hunc modum affatur:

« Mihi quidem nullo modo omnino dubium est, quin ea omnia vera sint, quæ de te ad me per-

lata sunt. Cæterum eo te acciri volui, ut tu quoque libere, ac submota omni dissimulatione, cuncta detegas, nimirum quoniam pacto præstigiator ille ac sceleratus hinc te adduxerit, ut et bonorum tuorum possessionem relinqueres, ac paternam nobilitatem pro nihilo duceres, ac denique hanc tenebrarum vestem indueres. Perspicuum videlicet est (quemadmodum etiam a quibusdam intellexi) id illum tibi idecirco suasisse, ut te tanquam scorto abuteretur. Verum quid tandem in eo pulchritudinis perspexisti, ut tu in eam fraudem incideres?

5. « At casta illa mulier, turpibus his verbis auditis: Absit, inquit, imperator, ut hac de causa paternas opes abjecerim, atque ornatum omnem exuerim, ut animam meam hujusmodi libidinibus in servitutem addicerem. Verum qui hæc de me delulerunt (ut cum<sup>1</sup> Davide loquar) acuerunt linguam suam sicut serpentes, venenum aspidum sub labiis eorum. En igitur corpus meum tibi proponitur, ferro, igni, verberibus excrucietur: nihil aliud quandiu mihi spiritus ac vita suppetet ex Anna audies, quam quod verum est. Sanctum et justum virum hunc esse, animæque meæ salutem attulisse, perspectum habeo.

« Obriguit ad hæc tyrannus, horæque parle hand exigua vocis usu caruit, summumque lœvæ manus digitum (ut illi in more era) præmordens, ac dexteram manum in orbem torquens, hanc quidem sedulo custodiri jubet, ipsius autem comitem invitam licet et repugnantem dominum reverti. Quo etiam ut rediit, antistitæ suæ ac magno Stephano cuncta exponit.

6. « At vero imperator non multo post, confecto ex animi sententia bello, Constantinopolim redit: ac parum admodum, aut nihil omnino de publicarum rerum administratione laborans, hoc unum serio agit, ac negotiis omnibus anteponit, nempe ut Stephanum: rebus suis implicitum teneat. Annam itaque, de qua verba fecimus, in Phiale carcere includi jubet (es autem ille mire caliginosus atque inferno propemodum haud absimilis) ac deinde per cubicularium quemdam hæc ei significat: Parce tibi ipsi, mulier, animumque inde honeste vivere, atque abjecto hoc tenebrarum indumento, cum imperatrice vitam degere. Cæterum crastino die, cum interrogaberis, fac coram omnibus vera dicas. Præsto enim est ancilla tua, quæ etiamsi ea, que perpetrata sunt, inficiari volueris, te convincet. Ego autem veritatis patronus ac propugnator membratim ac frustratim carnes tuas laeferabo, faciamque ut intelligas, quantum imperator, qui te hæc monet, valeat, quantum rursus Immemorandorum antistes Stephanus. Sin autem hoc tibi persuaderi sinas, ut nomen ejus aperte deferas, ipsiusque voluptates ac libidines palam prodas, maximos a nobis honores ac munera conquereris.

7. « Hæc ut pia Anna audivit, nihil aliud

<sup>1</sup> Psal. cxxxix.

quam meras nugas hæc omnia esse dicens, breve responsum dedit, hoc unum inquiens: Dei voluntas fiat. At imperator cum ingentem hominum cœtum ante palatii carcerem postridie mane collegisset, ut qui seipsi, quod volebat, persuasurum esse consideret: nudam eam in omnium conspectu sisti jubet, virgarumque fasce in ipsius oculis et adspectu posito: Hæc, inquit, non ad spectaculum duntaxat, incutendumque tibi terrorem adhibui, sed ut tergum tuum et ventrem iis conscindam, nisi execrando斯 Stephani concubitus, hodierno die, in aperatum proferas.

« Ad quæ cum casta illa mulier, animique magnitudine praestans, ad Christi exemplum obtinuerisset: tyrannus oculos in eam iracunde conjiciens, ac meretricem eam, quæ pudicitiae amore tenebatur, scelesto ore appellans, flagris eam crudeliter affici jubet. Cum itaque ipsa a qualuor valentissimis hominibus distenta fuisset, ac perdiu et ventre et tergo tunderetur, nihil aliud ab ipsa audiri poterat, quam hoc solum: Non novi hominem, quemadmodum ipse ait: Non novi, Domine, miserere. At vero versipellis illa ancilla, atque animo etiam adhuc magis servili ac scelesto, imperatoris jussu in ipsius conspectu stans, manus adversus eam pretendebat, ac ne conspuere quidem ipsam verbabatur. Cumque nonnulli ipsius calamitate sese commoveri fingerent, atque in aurem insurritantes, ipsam admonerent, ut ea, quæ imperatoris voluntati consentanea essent, diceret, atque ad hunc modum cruciatu eximeretur: ita in pristina animi fortitudine ac tolerantia persistans, a vero minime desciscerat.

8. « Ut autem eam verberum multitudine confectam, ac pæne spiritum exhalantem tyrannus vidi, subsellio exsurgens, celeri cursu in palatium se abdidit, eam in uno quodam urbis monasterio includi jubens, et quidem ita, ut omni corporis cura destitueretur ». Quid postea de Anna factum sit, nihil amplius auctor, ad res Stephani intentus: ibi quidem diem clausisse extremum martyre dignum putamus. At quod terrible Dei judicium fuit in ancillam illam, Annæ dominæ suæ calumniam tantam inferentem, ita idem auctor narrat in fine: « Nec versuta quidem illa ancilla, quæ sanctum virum et heram suam accusaverat, justum Dei judicium effugit. Nam cum trans turbam ad Aulicalam pervenisset, seque fabulam detecturam esse confirmaret, et quoniam modo ut sancto viro columniam strueret, subornata fuisset, nisi ipse, quod promiserat, expleret. Id ille metuens, cuidam eorum, qui legendis Bithyniæ tributis præerant, eam in matrimonium collocat. Prægnans autem facta gemellos filios in lucem edit. Cæterum sub medium noctem repente conturbali infantes illi, arreptis maternis mamilis, horrendumque in modum exesis, eam protinus necant, atque una cum ea viperini illi fœtus extinguntur ». Haec miserandæ fuit ancillæ poena.

9. Novæ imperatoris fraudes in Stephanum

initæ per Georgium fice monachum. — Cum autem imperator ea se spe frustratum videret, ut in Stephanum agere posset occasione deticti cum Anna prætensi: ad alias adversus eum fraudes comparaudas convertit animum: illaque ex omnibus facilius atque securior visa est, si eum pietatis ergo sui faceret transgressorim edicti. Magnis namque pœnis agendum sanxerat adversus eos, qui in monachum reciperet aliquem in monasterio. Effecit igitur, ut charissimus sibi auxilius, simulans fugam ab aula, abierit ad Stephanum, ut inter monachos assumeretur: quod post multas preces tandem obtinuit. Cujus rei gratia causa patuit, qua in ipsum agere jure posset. Sed quibus hæc artibus fuerint concinnata et coloribus ficta, eundem auctorem audi, qui hæc de imperatore subjungit: « Ipse autem et varios ac multiplices insidiarum modos animo versare non desinebat, quo sanctum virum morte afficeret. Quocirca postridie cum Georginum quemdam cognomento Syncletum nitidum ac vigentem juvenem, ipsique charissimum accivisset, privatum eum ita alloquitur: Quantam, o Georgi, cui erga me amoris vim esse ait? Infinianum (inquit ille) imperator, nec in mensuram ullam cadentem. Tum imperator: Audeasne igitur pro hac tua erga me benevolentia mortem oppetere? Et quidem libenter, inquit ille, ac summa cum animi voluptate istud fecerim. Hic imperator animo lætissimo ipsum osculalus: En, inquit, novum quoque Isaac. Ac deinde: Nec ut mea causa mortem subeas, Georgi, nec ut membrum aliquod tibi adimi sinas, nec denique ut quicquam aliud hujusmodi sustineas, nunc jubeo: verum hoc unum, ut ad Auxentianum montem propere te conferas, eumque omni meineria indigno Stephano agas, eique persuadeas, ut tibi monasticum habitum imponeat, ac te in suorum album adscribat. Quod cum contigerit, statim ad nos quam celerrime poteris, redeas.

10. « Ille autem hunc sermonem prompto ac lubenti animo excipiens, atque ad hanc fraudem obwendam, ab eo (ut erat in hujusmodi rebus ingeniosissimus) plurimis verbis instructus et eruditus, confessim ad montem ascendit, ac sub nemoroso quodam loco ac virgultis pleno delitescens, media nocte dæmonibus non absimilis egreditur, atque ad monasterium accedens, voces ad ciendam misericordiam comparandas emittebat: Miseremini mei, inquiens, miseremini, Christiani omnes, qui hic habitat, nec me a feris abripi, aut in precipitum ac voraginem ruere sinite. Oberravi enim in via, nec quid faciam habeo. Haec et alia quædam cum simulatissimo animo quereretur, Stephanus vir humanus et ad misericordiam propensus, exaudiens, Marinum monachum accersit (rei enim commentitie simplex illa, ac fuci et malitiæ expers anima fidem adhibebat) atque: Abi propere, inquit, ac lugentem istum, quicumque tandem ille sit, huc admittite, ne pereat.

« Ille igitur confessim admissus, ad ipsius

genua se abjectit, atque (o Deus bone) quanta cum simulationis larva impurus ille et execrandus usitatum illud, Benedic, pater summe venerande, pronuntiavit. Postquam autem sanelus vir ipsi bene precatus est, ipsumque exsurgere jussit : tum ab indumentis, tum a facie ac genis prorsus abrasis eum agnovit ; siquidem eraso mento erat : nam id omnibus tyranus edixerat, in hoc nimurum Deo adversam legem sanciens, ad Moscm videlicet dicenti<sup>1</sup> : Loquere ad populum, ac prohibe, ne barbam in rotundum radant, aut eam implexam gerant. Etenim ut in aliis omnibus rebus, sic in hae quoque ipsi adversari contendebat. Atque omnibus tam juvenibus, quam senibus barbam ad cutim usque radere præceperat, ut qui eos tanquam salaces equos ad bene semper curandam culim atque ad laseivæ studium extimularet.

41. « Cum igitur hinc eum ex imperatoris classe esse conjectisset, perennetabatur ab eo undenam esset et quo pergeret. Ille autem (ac vide, quæso, hominis malitiam) quin ex aulicorum numero esset, minime inficias ibat. Cæterum, inquit, dum flagitosissimi imperatoris sententiam et ego et socii mei sequimur, pene in Judaismum præcipites abrepti sumus, atque in ingens animæ periculum iam incidimus. Ego vero quo in malo versarer, tandem aliquando persentiscens, ad tuæ sanctitatis pedes (ut vides) properanter veni, ut angelicum hunc habitum, cuius desiderio teneor, a te obtineam. Quocirea ne me, quæso, abjicias, honorande pater : nec tametsi indignum a præclara hac spelunea removeas. Tum ille nomini suo respondens Stephanus : Nequeo, inquit, fili, hujusmodi rem aggredi, ne quid mihi periculi a tyrauno eretur. Ille autem statim figmentum suum ac simulationem adigens, atque id omni studio contendens, ut fabulam eam, quam agebat, quoad ejus fieri posset, ab omni suspicione vindicaret. Ac propterea quo sanctum virum ad id, quod expetebat, alliceret : Rationem, inquit, Deo pro anima mea reddes, nisi me hodierno die sine ulla cunctatione detonsum in monachorum ordinem adscribas : nihil enim mihi alioqui superest, quam ut statim ad prioris vite institutum revertar.

42. « At venerandus ille vir hoc sermone commotus (norat enim omnia pro nihilo ducere, cum de animæ salute agi existimaret) : Etiamsi periculum hac in re situm est, inquit, tamen quia te sincero animi affectu accessisse dixisti : non committam, ut contra Dominicum præceptum te foras ejiciam. Cæterum attento animo sis oportet, pectusque tuum adversus omnem ærumnam premunias. Sie enim suos Dominus explorare solet. Hoc sermone habito, mundanam vestem ipsi detrahit, atque obedientiæ vestimento eum induit. Atque ita impostor ille ad tertiam usque diem persistit, non tam decipiens, quam ipsem aëtatem a daemoni, qui eum ad hujusmodi facinus abripiebat, deceptus.

« Nec vero subdolum tyramnum hoc fugit : verum interim dum haec peragebantur, ingentem hominum multitudinem in theatro colligens, ac gradus eos, in quibus purpuralorum corona stare consueverat, ascendens, mœroreque profligati hominis larvam induens : Nulla mihi reliqua vita pars est, inquit, præ veteratoria Deo invisi Immorandorum horum agminis nequitia. Cum autem populus ad istud exclamasset : Quoniam modo haec, cum hujuscce habitus ne vestigium quidem ullum in tua urbe supersit ? Ille editiori voce : Insidias eorum, inquit, nullo pacto ferre queo. Omnes enim meos subdolo animo circumventos ad se pertraxerunt, atque adamatis suis tenebris manciparunt. Nunc autem, tanquam ne nunc quidem iis, quæ perpetrarunt, contenti, graviora prioribus adjece- runt, ac Georgium meum, quem (ut scitis) amore compleebar, a latere meo abreptum avulsumque, monachum (o terra, o sol !) effecerunt. Haec me intolerando quodam mœrore exerucianl. Cæterum cura nostra in Dominum conjicienda est, nobisque ad eum preces adhibenda, atque ille brevi (quod expelinus) in apertum proferet.

13. « Ad hunc modum præstigiator ille ac vanus, quod curarat atque imperarat, ac veteratorio animo molitus fuerat, jamjamque eventurum erat, ante prædictit, ut vatis famam consequeretur, qui densissimis tenebris ac scelere plenus erat. Cum autem ii, qui aderant, quique nihil ad veritatem sed ad gratiam omnia sua tum facta, tum dicta referebant, tritum illud ac pervulgatum dixissent<sup>1</sup> : Cor regis in manu Dei est : et orantem te Deus omnino exaudiet, concionem solverunt.

« Porro admirandus Stephanus execrandum illum ac mali malum discipulum post tertium diem accersit, plurimisque instructum detondet, et monastico habitu adornat, atque ut Salomonis verbis utar<sup>2</sup>, inaurem auream nari porcinæ imponit. Ille autem nihil divina illa præcepta moratus (qui enim ? cum in malevolam animam sapientia intrare profecto nequeat ?) montem tanquam ignavus quispiam ac fugax miles relinquens, ad aulam abiit. Imperator vero libenter eum excipit, ac læto animo amplectitur, non ob sanctum habitum, ut oportebat, sed ob id potius, quod eum abjecisset, hincque ipse justi viri de medio tollendi naetus causam esset.

44. « Confestim igitur omnibus eujuscumque ætatis hominibus, ad publicum theatrum sub matinum tempus ipsius jussu coactis : stans ille eodem quo prius loco, alta quadam voce, ac mira lætitia perfuso animo: Vicit, inquit, fortuna mea : precesque meas Dominus exaudivit. Papæ, cuius hominis Inno vero earum potius principis tenebrarum auditor extitit. Cum autem multitudo pro suo more ipsi applausisset, atque ista ad gratiam et obsequium comparata rursus dixisset : Quando autem, o here, te Dominus non exaudivit ? Ipse hoc sermone

<sup>1</sup> Levit. xix.

<sup>1</sup> Prov. XXI. — <sup>2</sup> Prov. XI.

delectatus, ac jucunde arridens : Revelavit mihi, inquit, Deus quem quærebam. Quem si vultis, hodierno die vobis commonstrabo. Ac simul spectandum eum produxit. Promisca itaque illa multitudo, simul atque ipsum conspexit, quo tempore magis adhuc obsequeretur : Hunc, inquit, male de te meritum, malum ac nefas est intueri. Obtruncetur ergo quamprimum nefandus iste, obtruncetur. Quæ cum dicebant, id quidem dicebant, quod illum pati oportebat. Cæterum ab imperatoris mente ac sententia prorsus aberrabant.

15. « Quocirca statim tyranno ita jubente, sacram ipsi epomidem detrahunt : eamque ad populum una cum cœcilio (nam ita appellari consuevit) abjiciunt, quæ exemplo ab impuris illis ac seculatis conculcata sunt. Ut autem cruciferum quoque analabum, hoc est, redimiculum, ut etiam ipsum dejicerent, nefario illi demere cœperunt : manibus acceptum illud imperialorū undique contorquebat, quidnam istud esset, sciscitans.

« Tum senator quidam, ut nomine, ita etiam re Dracontius : Projiciatur, inquit, imperator, hic quoque satanei laquei funis, dignus ipse proculdubio ejusmodi laqueo. Quod etiam cum illico factum fuisset, is quoque a plebe protritus cernebatur. Et quidem res pœclaræ indigno homini recte detrahebantur : at non ita recte a scelestæ ac sacrilega multitudine per contumeliam obtrebantur. Post autem quatuor homines prono corpore acceptis profani illius vestibus, tanquam pelle aliqua ipsum statim exiunt, atque ejus loco militarem vestem ipsi imponunt, caputque ipsius galea cingunt.

« Cumque eum prins, inspectante turba, undis eluissent (ad expiadandi scilicet spuriætiem eam, quam in sacro illo habitu contraxerat, ac Judæum in modum (quid enim aliud dicam?) ipsi quoque res divinas ac sacras ludibrio habuissent (o quonam pacto hæc vel aures duntaxat ferent?) tum denique suismet manibus imperator ense ipsius humeris appenso, cum Hippoconi dignitate ornat. Atque hanc Georgius abnegati magistri mercedem tulit, quemadmodum Judas pro negato Christo triginta talenta ». Ille tandem consecuta est finem comœdia, quam ipse imperator adinvenit atque in theatrum recitandam produxit. At quorsum haec omnia? Quid in his agendis imperator vafermissimus pretendebat? nihil aliud post ludibrium religionis, quam ut Stephani male habendi occasionem videri posset nactus esse legitimam. Quod infelix ex sententia tandem est consecutus. Nam hæc ea, quæ sunt diæta, sequuntur :

16. *Incenso monasterio monachii desperduntur, Stephanus exulans miraculis eluet.* — « Confestim itaque multitudo, impetu facto, sancti viri discipulos disturbat, ac monasterium una cum templo igni absunit, sanctumque virum illum latronum instar e spelunca abreptum ad Chalcedonis navale abducit. Quænam lingua calamitates eas, quas in tam longo itinere preferendas habuit, oratione complecti queat? Alii enim eum magno impetu trahebant,

alii fustibus a tergo feriebant, alii in vallem eum devolvebant, alii tibias ejus calcibus laniabant : erant etiam qui in venerandam ejus faciem conspuerent; alii denique petulantiori animo prædicti, cæsis palmarum ramis ante ipsum incedebant, cæchimantes et illudentes, et sexcenta in eum dieteria jacientes. Quidnam porro hæc ab impio Judæorum furore distabant? Ut autem nullo in eum genere contumeliarum prætermisso, ad littus pervenerunt, tum demum lembo impositum ad Philippici monasterium (id autem Chrysopoli haud longe a Byzantio situm esl) fortè virum abducunt. Ubi etiam illum custodientes, de ipsius statu imperatorem certiores faciunt. Quem, ubi atrocem illam hujusce viri raptationem et contumelias, incensumque monasterium audiisset : iætitiam inde concepisse aiunt, atque edictum statim promulgasse, quo capitalem pœnam in eum sanciebat, qui ad Auxentianum collem vel solum appropinquare ausus fuisset ».

17. Post hæc autem ad eum misisse imperatorem episcopos atque patricios, produnt Acta, qui eum convincerent disputando, et suaderent cedere ipsi imperatori. Qui cum de subscribendo eo, quod dicebatur ab ipsis, Concilio OEcumenico verba fecissent; ab eodem convicti sunt, asserentes nequaquam illud conciliabulum ulla ex parte consistere posse, tantumque abesse, ut OEcumenicæ Synodi nomen habere posset. Recitavimus eam disputationem, cum de ipso Concilio pluribus superioris actum est, ut non sit opus eadem hic repetere, sed tantum, quæ post disputationem sunt secuta, narrare de exilio ejus ab imperatore decreto. Nam subdit auctor : « Imperator autem ob hæc ira percitus, Stephanum ad Hellesponti partes, hoc est, ad Proconnesum exilii causa mittit ».

At quonodo Deus sanctum suum, ubicumque esset, miraculorum virtute illustrans, reddidit clariorem, eadem ostendunt Acta. Ita plane Deus hoc modo, penes quos esset Catholica fides, ex sequentibus eam signis evidenti argumento monstravil. Sed audiamus quid auctor de eo afferat, antequam discederet : « Ubi, inquit, septem et decem integræ dies in illo monasterio ita consumpsit, ut nihil prorsus cibi attingeret, tametsi alioqui imperator plurima ad eum alimenta mitteret : nam ea ille rursus remittebat, nullum prorsus ex eis degustans. Per hos autem dies gravissimo morbo corruptus hujusce monasterii præfectus, quantum quidem ad medicos attinebat, vitæ spem omnem abjecerat : mittit itaque ad sanctum virum, eumque ad se veniat, rogat : quo, inquit, alter alteri extremam salutem dicamus : incertum est enim an nona hora apud vivos adhuc futurus sim. Quod ubi audiit, statim ad eum accessit : ac deinde eum manu ejus collum tenuisset, labia quidem ipsa precatiæ causa movebat, febris autem, quæ morbum pepererat, a corpore profugiebat. Quid postea? Poculum suum vino mero impletum ei ad bibendum porrigit; quod cum hausisset, statim plurimus sudor

ex ipso manavit, et dicto citius sanitati restitutus est. Cum igitur ei non tam extreum, quam jucundum osculum præbuisset, illinc excedens, profecionem suam (ut cum Propheta loquar) in mari statuit, atque in eam navim, quæ parata erat, ascendens, exulatum profectus est, in Proconnesum scilicet.

18. « Cumque desertissima quæque insulæ loca peragrasset, in speluncam admiratione dignam incidit (Cissadam eam incole muncupabant) in qua Christi avie Annae templum erat. Ilac igitur re oblectatus, atque hujusmodi locum non sine numine divino sese invenisse ratus, domicilium ex eo sibi constituit, herbarum, quæ illic nascabantur, radices luculentæ cujusdam et opiparæ mensæ instar habens. At vero omnes ipsius discipuli ab Auxentiano monte depulsi, tanquam oves undique oberrabant, pastorem suum querentes. Tandem autem eum, cum ad Proconnesum venissent, invenierunt, duobus tantum exceptis, qui a præclarissimo illo ovili, ut a divino duodenario<sup>1</sup> Judas, vel potius a Paulo<sup>2</sup> Demas et Hermogenes, sese avulserant, ac pro monastico habitu mundanum induerant, nimirum Sergio, de quo ante verba fecimus, qui etiam invectivum atque execrandum adversus virum sanctum volumen condidit, et ter misero Stephano, qui cum presbyter ac supradicti Callisti minister primum exlitisset, ac deinde a sancto viro in monachorum album adscriptus fuisset, atque in montis monasterio sacerdotis munus obiisset, postea tamen et monasticum habitum et Deum ejuravit, atque ab ipsomet tyranno mundana veste induitus, quem prius vitam abjecere oportebat, nefariam illam vocem emisit: (o scelerata labia, o impuram et foetidam linguam!) Hodie die, here, a satanicis fauibus opera tua creptus, ac tencbroso amictu exatus, splendidum pallium in dñi. Cujus execrando sermone tyrannus summi pere delectatus, Sophiani palatii ministrum eum constituit. Quo etiam crebro commans, gaudii patrem eum, qui multis luctibus dignus erat, appellabat.

« His itaque solis ab ovili sacrosancto avulsis, cæteri omnes in Proconnesum (ut a me dictum est) appulsi, monasterium construxerunt. Quin et a philosophica ista vitæ degendæ ratione, ne divini quidem Stephani mater abfuit: verum una cum sorore insulam illam adiens, contubernium ipsius amplexa est. Illic itaque divinus Stephanus exstructa columna, ac supra eam angustissima quadam aedicularia, in ea sese inclusit annos iam novem et quadraginta natus ». Hactenus res ad præsentem annum spectantes. Quando autem ob ingentia ab eo edita miracula motus invidia imperator revocaverit eum Constantinopolim, ubi et martyrium consummavit, suo loco dicturi sumus.

19. *Turcarum irruptio in Armeniam, et publicæ calamitates, imperatore hæresin forente.* —

Hoc eodem anno tres patriarchæ anathemate damnarunt Cosmam episcopum Epiphaniæ in Syria, de quo Theophanes ita narrat: « Cosmas autem quidam episcopus erat Epiphaniæ, quæ est civitas Apameæ Syriæ: quibusdam autem ex civibus Epiphaniæ ad Theodorum patriarcham Antiochenum accusationem contra eumdem Cosmam super diminutione sacrorum vasorum facientibus. Cum ille minime potuisse restituere, discessit ab Orthodoxa fide, consentaneus Constantini imperatoris hæresi, sacris adversatus imaginibus: quoniam communis sententia Theodorus Antiochenus patriarcha, atque Thedorus Hierosolymitanus, atque Cosmas Alexandrinus cum episcopis sibi subjectis, die sancto Pentecostes post lectionem sancti Evangelii consonanter anathematizarunt singuli in sua civitate ». Haec Theophanes, qui et de irruptione Turcarum in Armeniam hoc anno fieri ceperat, et sequenti anno rursus repetita, agit. Sic igitur (quod observatione dignum est) egressio eorum e portis Caspiis eo tempore ponitur, cum adversus sacras imagines et Deo dicatos homines scelestissimi imperatoris effervesceret indignatio.

20. Sed quæ tunc monstruosa portenta futurorum malorum præsagia sint ostensa divinitus, ad compescendam grassantem impietatem, Theophanes, qui aderat, ita narrat: « Eodem anno a kalendis Octobris factum est gelu magnum et amarissimum, non solum in terra nostra, verum etiam in Oriente, et multo magis in Septentrionali parte, ut pelagus Ponti usque ad centum milliaria præ glacie rigore in lapidis duritiem fuerit versum, habens cubitos in superficie ad profundum triginta, eunctis nimirum regionibus ab ipsa Lycia usque ad Danubium et Euphrat fluvium, Danasti quoque et Danapri atque Necropela, necon et per reliquias ripas usque ad Mesembriam et Mœsiam similiter patientibus. Cumque hujusmodi gelu nive fuisset coopertum, super alios viginti cubitos crevit; ita ut mare aridæ conformaretur, et pedibus calcaretur in superficie glaciei a Cazaria et Bulgaria, quin et adjacentibus insulis, tam ab hominibus quam ab agrestibus et mansuetis animalibus. Februario vero mense ipsius secundæ Indictionis hujuscemodi gelu per jussionem Dei in multas ac diversas in speciem montis factas concisiones in Danupsiam et Hieron descendit, tali ter per angustum pelagus pervenerunt ad urbem, et usque ad Propontidem, et Abydum, et insulas omnes, maritimos thoros et ripas implentes, quarum videlicet concisionum inspectores et nos ipsi extitimus, descendentes super unam earum cum quibusdam triginta coætancis nostris, etc. »

Ingentem hæc securam esse siccitatem, ita ut fontes arescerent, idem tradit, signaque de cælo visa, adeo ut ultimam imminere diem homines existimarent.

21. Sed solus imperator ex tot prodigiis non solum nullam est conseculus utilitatem, sed in deterius prolapsus, quem gestabat in animo Nesto-

<sup>1</sup> Marc. xiv. — <sup>2</sup> 2. Tim. iv.

rianismum, propalare studens, illum primo Constantini patriarchæ in aures ingessit, sed ab eo repulsus quievit a proposito haeresis divulgandæ, ratus nimirum frustra in alios laboraturum, si ipsum, de quo adeo bene meruerat, Constantimum adeo aversum invenit. Sed audi Theophanem : « Imperator accersito patriarcha, dicit ei : Modo quid vos hederet, si dixerimus Θεοτόκον Χριστόν; At ille hunc complexus ait : Miserere, domine, ne ad contagione tuam veniat sermo iste. Nonne vides qualiter divulgetur et anathematizetur Nestorius in tota Ecclesia? Qui respondens, ait : Ego discere volens, interrogavi : verum usque ad te sermo ». Ita versipellis cum videret non recipi quod proposuit, ignorantiam simulavit.

Vides in Constantino (quod itidem superius dictum est) quod vidisti in Leone ejus parente, negatorem et ipsum fuisse Christi divinitatis, ut intellegas per quos diabolus haeresim adversus imagines in medium protulit : adeo ut tantum ostendere unde originem duxerit et per quos primum fuerit promulgata, hoc sit eam plenissime confutasse. Quod impossibile fuerit, ut Spiritus sanctus ipsos afflaverit, qui Christi essent divinitatis negotiores. Disce pariter quos sint aemulati nostri temporis novatores in sacras imagines hostes, et in monachos infensissimi, nempe Constantimum Copronymum faciem omnium scelestissimorum imperatorum : et tu prudens disce discipulos a magistro.

Anno periodi Greco-Romanæ 6256. — Anno Era Hispan. 801. — Anno Hegiræ 146, inchoato die 20 Mart., Fer. 2. — Jesu Christi 763.

— Pauli I papæ 7. — Constantini Copronymi 44 et 23. Leonis IV 13.

1. *Post bellum Bulgaricum S. Stephanus junior relegatus est.* — A num. 1 ad 19. Theophanes an. xxii Constantini imp. kalend. Septemb. praecedentis Christi anni inchoato, narrat bellum *Bulgaricum* a Constantino imp. gestum, quod Bulgari suo duce occiso *Teletsem* quemdam sibi ducem præfecissent. *Mensis Junii die xvii*, imperator Thraciam versus perrexit, et *Junii die trigesimo, Indictione prima, feria hebdomadis quinta*, Teletses cum Romanis præclum conseruit, duravitque pugna ab hora quinla usque ad vesperam, et maximus Bulgarorum numerus certamine illo deletus. « Imperator prospero victoriæ successu elatus, armis omnibus cum toto exercitu instructus urbem triumphum ducens ingressus est », currenti sc. anno, quo bellum illud inchoatum. Quare cum Stephanus diaconus in Vita S. Stephani junioris pag. 460 et seqq. asserat, imperatorem persecutionem movisse adversus hunc sanctum martyrem sacrarum imaginum defensorem, cum *adversus Scythas bellum incumbebat*, ejus exilium accurate a Baronio censignatum. Quia tamen sanctus Stephanus anno DCCXV in lucem prodiit, ut suo loco ostendi, non vero an. DCCXIV, ut habet hic Baronius, an. XLIX ætatis paulo post exilium inchoavit, ut ipsem Stephanus diaconus pag. 486 testatur, dum narrato ejus in Procomesum Helleponi insulam accessum ait, eum ibidem sese recepisse in exiguae caveam sue ætatis anno XLIX, hoc Christi anno circa finem

mensis Augusti incepso. Quare S. Stephanus hoc quidem anno Constantinopolim, ut judicaretur, ductus, sed non nisi in sequenti in exilium missus.

2. *Ex iv patriarchis Orientis tres stabant a sacris imaginibus.* — Ad num. 19. Narrat Baronius ex Theophane, ad annum Constantini imp. XXIII, kalend. Septemb. huius Christi anni incepsum, *Theodorum Antiochiæ, Theodorum alterum Hierosolymorum, et Cosmam Alexandriæ patriarchas cum suffraganeis episcopis die "sanctæ Pentecostes" anathemati subjecisse Epiphaniæ episcopum*, qui quod sacra vasa distraxisset et pretium eorum restituendi impotens esset, in Constantini imp. sententiam adversus sacras imagines transiisset. Sed peracta haec anno sequenti ; cum Theophanes annum a kalendis Septemb. non vero a kalend. Januarii, ut pulavit Baronius, exordiatur. Sed incertum, an hoc vel sequenti anno contigerit quod refert Baronius ex Theophane ad annum Constantini imp. XXIII : « Hoc eodem anno Turci Caspiis portis egressi plurimis per Armeniam occisis captivorum collegerunt turmas, et domos repetitive-runt ».

3. *Sævit hyems in Oriente et in Occidente.* — Ad num. 20. Theophanes ad annum XXIII Constantini imp. scribit : « Eodem pariter anno mensis Octobris exordio frigus ingens et asperrimum non in hac modo regione, sed et per Orientem, Septentrionem, et Occidentis plagam incubuit : adeo ut

in borealibus Ponti maritimis mare ad centum millia in longum, in profundum vero cubitus triginta præ frigore in lapidis duritiem concreverit, etc. Indictionis autem secunda mense Februario glacies hujusmodi Dei jussu in multa ac varia frusta montium speciem præferentia disrupta est, etc. Ejusdem quoque anni mense Martio stellæ quasi e cælo decidere visæ sunt, adeo ut enunci portentorum hujusmodi spectatores effecti sœculi præsentis consummationem advenisse conjectarent. Siccitas subinde et ventorum ariditas talis incubuit, ut fontes ipsi aruerint ». Horrendam illam hyemem pluribus describit Nicephorus in Breviario pag. 43, ejusque meminere varii annalistæ Francorum, ex quibus aliqui eam hoc anno, aliqui anno insequentि collocant, quia illi ad hyemis principium, isti ad tempus quo magis sæviit, respi ciunt.

*4. Annus IV belli Aquitanici.* — Hoc anno Pippinus Francorum rex quartam adversus *Waifarium* Aquitaniæ ducem expeditionem suscepit. De ea hæc habet annalista Metensis : « Anno Domini nœciæ Incarnationis DCCLXIII, Pippinus rex habuit placitum generale Francorum in Nivernis. Inde ob infidelitatem Waifarii perfidi ducis quartum iter in Aquitaniam direxit. In eodem quoque placito Tassilonem ducem Bajoariorum habuit. Qui post positis sacramentis, et jusjurando, quod quondam regi Pippino avunculo suo promiserat, sine licentia ejus ad usque Bajoariam fugit, et nunquam amplius faciem regis Pippini videre mernit. Porro rex Pippinus iter agens per Aquitaniam, usque Cadurcum pervenit, uniusque obnoxiam perfidi siquidem Waifarii, totam illam regionem vastavit, et victor in Franciam reversus est. Facta est autem eodem anno hyems valida. Celebravit quoque rex Pippinus Natalem Domini in villa quæ dicitur Longlare, et Pascha similiter ». Idem habent varii alii Francorum annalistæ. Erat Longlare vel Longolarium villa regia in sylva Arduenna et dioecesi Leodicensi. Conventus Nivernensis hoc anno habiti meminere etiam Eginhardus et varii annalistæ.

*5. Fundatur monasterium Laureshamense.* — Monasterium *Laureshamense* conditum fuit hoc

anno ultra Rhenum in episcopatu Wormaciensi a *Williswinda* et *Cangore* comite ejus filio, ejusque primus abbas *Chrodegangus* episcopus Metensis renuntiatus, ut liquet ex Diplomate ejus fundacionis a Marquardo Frehero publicato, datoque anno duodecimo domino nostro *Pippino* rege sub die iv idus Julii, ut ejus initio legitur. In vulgato quidem Chronicō Laureshamensi apud Freherum et Dūchesnium legitur, anno *Dominice Incarnationis* DCCLXIV, *Pippini* vero regis *Francorum* anno XII. At loco anno DCCLXIV, reponendum anno DCCLXIII, ut annus XII Pippini cum mense Julio copulatus evidenter demonstrat. In hoc virorum monasterium Chrodegangum corpus *S. Nazarii* translatisse anno sequenti visuri sumus. Vocatur illud vulgo *Lauresham*.

*6. Pippini erga Paulum studium.* — *Haribertus* Murbachiensis abbas et *Dodo* comes Romam directi sunt a *Pippino* rege, ut *Paulum papam*, qui tibi a Langobardis timebat, certiore redderent de firmo proposito magna constantia, qnam Pippinus in causis Apostolicis perficiendis gerebat, pauloque post reversi sunt in Franciam cum legatis Pontificiis, Joanne subdiacono et abbe, ac Petro primo defensore, gratulatoriisque litteris ad *Pippinum* pro sincero atque constanti erga Sedem Apostolicam studio, ut videre est in Codice Carolo Epist. xviii a Paulo papa data : « Ferebatur », inquit Paulus, « et hoc in eisdem vestris apicibus, quia id quod et præsentes de parte vestra velle habuistis, nos debere cognosci, scriptis nequaquam propalare noluistis, sed informatis de singulis caesarum meritis præfatis vestris missis, quæ nostris deberent innescere auribus, et ita, juxta ut a vobis præcepta sunt, egerunt, quod quidem nos de singulis, quæ nobis affati sunt, liquidius eos informavimus, qualiter nostram vitam a Deo institutæ regali vestræ potentiae enarrare debeant. Sed et præsentes nostros missos, id est, Joannem subdiaconum et abbatem, atque Petrum primum defensorum cum eis pariter ad vestra regalia direximus fastigia, etc. » Meminit harum litterarum Baronius anno DCCLXVII, num. 2, Epist. xxiii.

## PAULI I ANNUS 8. — CHRISTI 764.

*1. Variae martyrum reliquiae ab Urbe in Galliam translatæ.* — Christi Redemptoris sequitur annus septingentesimus sexagesimus quartus, Indictione secunda notatus, quo cum jam fama inerebuisse in Gallis, per sanctissimum Pontificem Paulum plurima sanctorum corpora esse et cœmertiis in Urbem translata, eorum cupidi Franci sanctorum cultus studiosissimi, mittunt legatum Romanum ad eum Pontificem, rogantes, ut aliqua ex sanctorum corporibus recens inveniatis darentur in Gallias transferenda. Functum tradunt haec legatione <sup>1</sup> Crodegandum religiosissimum virum Metensem episcopum, atque accepisse ab eo corpora sanctorum martyrum Gorgonii, Naboris, et Nazarii.

<sup>1</sup> Siegb. in Chron. hoc anno.

Verum potius dixerimus ex eis partem, quam ipsa integra accepisse corpora : siquidem ut taceamus de cœteris, ipsius Gorgonii corpus usque hodie reconditum habetur in Basilica Vaticana in Confessione sancti Gregorii papæ. Porro qui hæc de translatione tradunt, habent, repositum Gorgonium in Gorzia, Naborem in Illyriaco, et Nazarium in cœnobio Lorisham. Verum Naboris et Nazarii sacras reliquias pluribus in locis jam diu ante fuisse divisas atque honorifice collocatas alibi diximus in Notis. Quo igitur tempore sanctorum cultus perfidia imperatoris in Oriente tantopere labefactatur, in Occidente, et apud Italos, et Francos (ut vides) et apud Hispanos etiam magis magisque floruit, ut que dicta sunt de reliquiis S. Vincentii martyris, satis ostendunt.

Anno periodi Graeco-Romanæ 6257. — Anno Æra Hispan. 802. — Anno Hegiræ 147, inchoato die 9 Mart., Fer. 5. — Jesu Christi 764.

— Pauli I papæ 8. — Constantini Copronymi 43 et 24. Leonis IV 14.

*1. Translatio SS. Naboris, Nazarii et Gorgonii martyrum.* — Ad num. 1. Reliquiarum sanctorum Gorgonii, Naboris et Nazarii transtationem, seu Roma in Galliam adductionem perperam illigavit Sigebertus in Chronico cum præsenti anno; monachus enim anonymus Gorziensis, qui medio sæculo x Historiam translationis sancti Gorgonii in monasterium Gorzieuse a Mabillonio sœc. iii Benedictino parte 2 recitatam descriptis, postquam retulit Chrodegangum episcopum Metensem illud

monasterium condidisse, ait : « Romanum adiit Apostolicum Paulum nomine, poscens sibi dari pignora aliqua sanctorum, quæ has insignirent partes regionis. Qui concitus volente Deo ejus annutens precibus, tradidit ei tria corpora sautorum martyrum, Gorgonii, Naboris et Nazarii. Sanctum Naborem martyrem Hilariaco delegavit monasterio, sanctum autem Nazarium eidam religiosæ feminine tradidit, quæ in praedium suo ultra Rhenum, quod dicitur Lorsan, collocavit, eo quod idem

prædium suum nra cum filio suo sancto Stephano tradidisset; beatum vero Gorgonium penes se statuit in loco, qui dicitur Gorzia, anno ab Incarnatione Domini ccclxv ». Verum loco horum verborum, *quod dicitur Lorsan*, legendum, *quod dicitur Lauresham*, ut liquet ex Rabano Mauro in suo Martyrologio ad diem xii mensis Junii, quo istius translationis mentionem facit, eamque in annum sequentem confert, sicuti Notkerus in suo Martyrologio, Marianus Scotus, Monachus Laureshamensis in Chronico Hildensheimense, Lambertus Schaffenburgensis, et tam annalista Petavianus quam Fuldensis. Quia vero *Chrodegangus* hoc anno Romam ad illas reliquias a Pontifice Romano petendas se contulit, et insequenti eas transtulit, ut insinuat monachus Gorziensis eitatus, hinc factum, ut aliqui hoc anno de ea translatione egerint. Facta ea die ineerto, licet in Martyrologiis laudatis et quibusdam aliis inscribatur ad diem xii mensis Junii, que cum nec anno currenti, nec sequenti in Dominicam incidat, evidens est eam alio die peractam fuisse.

**2. Ille reliquie inter tria monasteria divisæ.** — Monasterium *Gorziense*, quod plurimum sanctorum semiuariuum fuit, inter bella saeculo xv gesta subversum, tandemque in collegium duodecim canonorum redactum. Ibi etiamnum reliquie sancti *Gorgonii* coluntur. Monasterium Laureshamense hodie promiscue Laureshamense et cœnobium sancti *Nazarii* appellatur. Denique cœnobium, quod a se conditum sanctus Fridolinus abbas *Hilariacum* in memoriam sancti Hilarii Pictavienensis episcopi nuncupavit, et a se reparatum S. Sigibaldus Melensis episcopus *Novæ Cellæ* appellatione donavit, post translatas illuc sancti *Naboris* reliquias, hujus martyris tanquam novi patroni nomen ferre coepit, quod etiamnum gerit.

**3. Pippinus conventum generalem Wormaciæ inlixit.** — Annalista Metensis hoc anno scribit: « Pippinus glorus rex conventum Francorum habuit in civitate, quæ vocatur Wormacia. Eodem anno inter fines regni sui ea, quæ pacis sunt disponens, simul et de causis, quæ erant inter illum et Waifarum (Aquitaniæ ducem) atque Tassilonem (Bavaricæ ducem) pertractans, in nullam partem exercitum duxit, et celebravit Nalalem Domini in Carisiaco et Pascha similiter ». Idem habent annalistæ *Loiselianus*, Laureshamensis, et *Bertinianus* eum Reginone. Quid acutum sit in conventu illo generali Francorum, ignotum, nisi quod Pippinus dedit comitatus dilectis filiis suis, ut produnt Annales Petaviani et Masciacenses, in quibus tamen hic conventus in annum superiorem perperam retribuitur.

**4. Legati Pontificii et imperiales eoram Pippino de fide disputant.** — *Pippinus*, ut suum erga Sedem Apostolicam et *Paulum* Pontificem studium in dies magis ac magis testaretur, *Anthymum* spatharium et *Synesium* eunuchum *Constantini imp.* oratores, nec videre nec audire voluit nisi presentibus legatis Apostolicis; disputationibus inter-

fuit, quas utriusque inierunt inter se de observatione fidei Orthodoxæ et pia Patrum traditione; postea cum *Anthymo*, qui Constantinopolini redibat, suos quoque misit oratores, per quos imperatorem cunctis de rebus certiore fecit; Romanum vero direxit *Flavinum* capellum una eum legatis Apostolicis *Joanne* subdiacono et abbate atque *Pamphilo* defensore regionario, per quos deferri curavit ad papam non litteras modo, quæ gesti negotii seriem omnem completebantur; sed et exemplar ipsarummet, quas accepérat a Constantino, vel eidem imperatori rescripsérat. *Paulus* amplissimas gratias egit, missō protinus legato cum litteris, quæ fidem rerum supra memoratarum faciunt, atque insuper explicant, quid Pontifex in causa Tassilonis egerit. *Tassilo* dux Bavariae postquam a Pippino recessit, *Paulum* Ponflicem sèpius rogavit, ut pacis inter eum et Pippinum componendæ causa legatos in Franciam mitteret. Annuit Paulus, Philippum presbyterum et Ursum cum litteris ad Pippinum direxit mense Maio, sed illi cum Ticinum venissent, a *Desiderio* Langobardorum rege, qui filiam suam in matrimonium *Tassiloni* vel jam collocaverat, vel brevi se collocaturum sperabat, prohibiti sunt ulterius progredi. Quo comperto Pontifex easdem litteras ad *Pippinum* transmisit per alium legalum, quem iam insinuavimus ab eo directum in Franciam, statim ac predicti Joannes et Pamphilus reversi fuerunt. Perierunt hæ litteræ, et *Tassilo* non legitur in gratiam cum Pippino rediisse. Sed Epist. xx Codicis Carolini Pippino regi data rerum superiorius enuntiarum confirmationem continet. Ex ea præcipua excerpto :

**5. Pippinus Paulo PP. significavit gesta in Francia et a se ad imperatorem scripta.** — « Re meantibus ad nos missis nostris, quos ad vestram præclaram excellentiam directos habuimus, Joanne videlicet subdiacono et abbatem, atque Pamphilo defensore regionario spiritualis matris vestræ, sanctæ nostræ Ecclesiæ una cum vestro missō Flavino capellano, attulerunt nobis honorabiles et nimis desiderabiles Christianitatis tuæ litteras, etc. Porro innotuit benignitas vestra, qualiter nostri ac imperatoris missi a vobis suscepti sunt, et quemadmodum illis, de singulis quæ præclaro culmini vestro affati sunt, respondere studiustis, eos, pro amore fautoris vestri beati Petri, nequaquam suscipi, aut illis responderi aequiescentes absque nostrorum missorum præsentia. Sed et ipsi nostri legati ea ipsa nobis retulerunt, etc. Itaque et litteras, quas vobis simulationis et illusionis causa missi imperiales attulerunt, nobisque a vobis directa suscipientes, earum agnovimus seriem, etc. Sed et ea quæ præfati nostri missi cum imperialibus missis de observatione fidei Orthodoxæ, et pia Patrum traditione in vestri præsentia disputationes altercati sunt, nobis liquidius per eadem vestra scripta innotuistis, simulque et exemplar litterarum, quas præfato imperatori direxisti, responsionis quippe modum et solutionem petitionum, de his, quæ a

volis intimata sunt, nobis dirigere a Deo illustrata excellentia vestra annuit; verum etiam et quemadmodum eisdem imperialibus missis responsum dedistis, et unum ex eis Anthymum spatharium, cum vestris missis regiam direxistis urbem, et alium videlicet Syncesium eunuchum apud vos detinuitis, simili modo nobis minutius intimastis, etc. Interea et hoc innotescimus Christianitati vestrae quod jam saepius petiisse dignoscitur Tassilo Bavariorum dux, ut nostros missos ad vestram praclarum excellentiam dirigi annuissemus, ut ea inter vos pervenirent, quae passi sunt. Unde nos data occasione libentissime nostros missos, id est, Philippum dilectum filium nostrum presbyterum, atque Ursum nostrum etiam fidelem ad vestri presentiam visi sumus direxisse, transacto Maio mense, eo videlicet modo, ut qualiter vestra fuisset voluntas, ita peragere debuissetis. Et properantibus ipsis nostris missis usque Ticinum adversa suspicione arreptus Desiderius Langobardorum rex, minime eos permisit ad vestram a Deo conservatam excellentiam pertransire, tamen et easdem litteras, quas vobis dirigebamus infra haec nostra scripta Christianitati vestrae transmisimus.

6. *Legati imperiales falso queruntur imperatoris litteras male fuisse interpretatas.* — « Itaque et hoc a Deo protectae Christianitati vestrae aptum duximus intimandum, quod relectis imperialibus litteris vobisque delatis per praefatum Anthymum spatharium et Syncesium eunuchum, quas nobis ob earum seriem intuendam, pro amore beati Petri fautoris vestri, dirigere dignati estis, reperimus in eis adnexum, quod vestri ac nostri homines, qui ipsas imperiales syllabas, quae vobis nobisque directae sunt, vel diriguntur, interpretantur non juxta ut ibidem exaratum est, sed aliud pro alio false interpretari audent, et missi qui inter partes properant, non sicut illis injungitur, sed acceptilationis praemio corrupti, alia pro aliis deferunt, etc. Dum et vos satisfacti estis de vestris hominibus, simili modo et nos de nostris, quod nullo modo hoc agere penitus presumant, etc. Sed in hoc vehementer idem imperator irascitur, et occasionis versutias adhibet pro eo, quod nequaquam siluimus ei praedicandum ob constitutionem sanctorum imaginum et fidei Orthodoxae integritatem. Nam illud in ipsis suis apicibus afferunt, quod dilectus filius noster Christophorus primicerius et consiliarius sine nostra auctoritate, nobis quasi ignorantibus, suggestiones illas, quas saepius ei direximus, fecisset; et alias pro aliis ejus ac vestris missis regesset, et in hoc testem et judicem proferimus

Deum, quod ita nequaquam est. Nihil enim ipse noster consiliarius extra nostram voluntatem attingendo egit, vel agere præsumpsit, quoniam nostri prædecessoris ac germani, domini Stephani papæ, simul et noster sineerus atque probatissimus fidelis extitit, et in omnibus existit, et satisfacti sumus de ejus immaculata fide, de firma cordis constantia, et ob hoc credimus illud, quod nobis false proferatur, non improperium, sed bravii corona nobis a Deo computatur, etc. At vero Christianitas vestra suos jubeat inquirere missos et in omnibus vos satisfacialis, quoniam mendacium contra nos idem asseruit imperator, eo quod eam direximus suggestionem, eis relegentes pariter cum ipsis, quas direximus et confirmavimus, tamen et ejus exemplar a nobis vobis directum apud vos habere vide mini ». Harum litterarum argumentum tantum viderat Baronius, ut ipsemel indicat anno DCCCLXVII, num. 2, Epist. xxii.

7. *Translatio SS. Alexandri, Hippolyti et Viti.* — In libello *de Constructione novæ Corbeiæ, seu de Translatione sancti Viti martyris in Saxoniā*, scripto ab anonymo Corbeiæ novæ monacho, qui translationi interfuit, et recitato a Mabillonio sœc. iv Benedict. part. 1, legitur corpora sanctorum martyrum *Alexandri, Hippolyti et Viti* Roma in Galliam translata esse, Pippino tum rege, et Fulrado tum abbe San-Dionysiano; sed eum annus, quo haec translatio facta, in eo non notetur, de ea hie agemus, ut translatio *sancti Viti* ad monasterium novæ Corbeiæ, quæ conligit an. DCCXXXVI, melius intelligatur. Ait itaque anonymous, *Fulradum* assumptis devotis quibusdam viris, *Pippino* rege consentiente, sese Bonam contulisse, ut inde aliqua sanctorum corpora in suum monasterium transferre posset. Redit Roma *Fulradus* cum reliquiis sanctorum martyrum *Alexandri* et *Hippolyti*, et vir quidam laicus ejusdem abbatis consanguineus cum corpuculo beatissimi pueri ac martyris *Viti*, cui Ecclesiam in suo prædio in diœcesi Parisiensi sito ædificavit. « Mansit autem in eodem loco corpus beatissimi martyris usque ad an. XXIII piissimi imperatoris Ludovici, et DCCXXXVI Incarnationis Dominicæ », inquit anonymous. Cum in Martyrologio Romano recensentur *Alexandri* supra xxx, et *Hippolyti* v, dicam tanquam anonymum vocare *sanctum Vitum* puerum et martyrem Lukanum, qui sub Valeriani et Diocletiani temporibus passus sit. Sed loco Valeriani, legendum Maximiani, qui Diocletiani collega in imperio fuit. De posteriori translatione sancti Viti, vide quæ anno DCCXXXVI dicimus.

## PAULI I ANNUS 9. — CHRISTI 765.

*1. Stephani miraculis tabescens odio imperator cum ab exilio revocat capite plectendum.* — Septingentesimus sexagesimus quintus Redemptoris annus vertitur, Indictione tertia inchoata, quo imperator Constantinus odio exæstuans in monachos Orthodoxos ob cultum sanctorum imaginum, revocat ab exilio saeculum Stephanum confessorem ex insula Proconneso, ultimum de eo sumpturus supplicium. Quod ad tempus spectat, errare videtur Theophanes, dum habet hoc anno abstractum ipsum a monasterio Auxentiani montis, et Constantinopolim ductum ad martyrium consummandum. Cæterum ejus martyrii Acta habent, hoc anno, post biennium scilicet ab exilio esse Stephanum revocatum Constantinopolim, martyrii vero post annum ab eodem consummatum. Quia autem occasione idem imperator eum revocandum putarit, ex iisdem Actis quam sincerissime scriptis accipies: Accidit enim, ut cum ingentia in dies ab eo miracula edita nosecerentur, quod ab illis mirum in modum ejusdem imperatoris redargueretur impietas, ipsum e medio tollendi pessimus homo pessimum consilium iniit. Deus enim per eum divinitus ostensis signis rudi populo, qui nesciret litteris concertare, satis aperte significiebat, penes quos vere esset fides Catholica. Quid enim aliud vera miracula, quam vox Dei cœlitus elamans ac comprobans ex eis fidem, cum ejusmodi gratia negata sit semper hæreticis, ut vera miracula possent edere?

2. At quænam fuerint tanta ista a Stephano signa edita, quorum fama pervenerit Constantinopolim, atque adeo ipsum exagitaverint imperatorem, jam audi: atque primum de ejus vita instituto toto isto biennio in columna transacto: « Perinde autem », inquit auctor, « ac si magnos consecratae vitae labores tum primum iniisset, ita seipsum asperrimis quibusque certainiibus dedebat, non secus videbile ac si certamen ipse secum instituisset, atque id contenderet, ut una cum ætate labores quoque novis incrementis cumularet. Quam ob causam divina quoque miraculorum gratia ipsi insedit, atque admirabilium operum admirab-

bilis effector extitit. Cæns enim quidam juxta illum Evangelium a nativitate cœcum, ad eum adiens, supplicesque easdem voces una cum pari fide mittens, lucem, quam nemo non expetit, obnixe sibi dari rogabat. Ipse autem, ut qui modeste atque humiliter de se sentiret, primum detrectabat. Cum vero ille supplex instaret: Si fidem (ad eum inquit) in Deum habes, si imaginis ipsius cultor es, lucein ac rerum ab eo admirabili modo conditum pulchritudinem intuere. Vix haec dixerat, cum ille apertis oculis ac purgata ea quæ in ipsis offusa erat cœcitatem, latus ac lucem cernens ambulabat: testisque omni exceptione major miraculi a Stephano editi. Atque hoc primum et maximum in ea insula beati viri miraculum extitit.

3. « Alterum autem atque eo posterius (quoniam haud scio, an potentia inferius censeretur) hujusmodi fuit. Feminæ enim haud obscuro loco natae, quæ Cyzici degebant, filius erat novennis a malo dæmonे divexus. Quo secum assumpto, mater in insulam profecta est. Ut autem ipse admirandi viri cubiculum vel solum perspexit, tumultuari et aestuare, ac nunc sublimis in altum ferri, nunc rursum in terram allidi coepit, inconditas quasdam voces in sanctum virum emittens, dæmonem nimirum, dum movebatur, ipsum movente, vimque ei, domi vim ipsem pateretur, afferente. At mater cuius viscera non minus, quam illius, distorquebantur (quid enim aliud, cum mater esset?) tum lacrymas interne flammæ indices profundebat, tum voces quibus misericordiam moveret, emittebat: Miserescat te mei, inquiens, miserescat te ejus, qui longe graviori mœroris dæmonē conflictatur. Unigenitus enim mili hic est, atque hoc uno spes omnis mea nitibatur ». Haec et alia, quæ dolor vehemens ingerebat, adjiciens, commovet sanctum virum ad commiserationem. De quo idem auctor ista subjicit:

4. « Hujus igitur luctibus commotus Stephanus, uni discipulorum imperat, ut cruce signum universo pueri corpori adhibeat. Ipse autem intra se collectus atque animæ oculum attollens, cum, qui celerrime salutem afferre poterat, invocabat.

Atque ipse quidem lacrymis perfusus precabatur: ille autem humi magno cum impetu dejecitus, amissa voce jacebat. Ipse surgere eum alipe ad se venire jubebat. Ille iussis obsequebatur. Demum eum, adorata Christi imagine, matri sue sanum atque incoluim tradit ». Subiect et aliud miraculum de muliere, que Heraclea Thraciae venerat, ad sanctum virum, ut a fluxu sanguinis curaretur et alia de aliis ejus precibus e maris tempestate liberatis; post haec de ejus matre atque sorore hoc ipso secundo exilii anno ex eadem insula ad celum vocatis: atque ad postremum de milite ab infirmitate incurabili, hoc eodem anno, redditio sanitati. At vero quonodo hujus miraeuli occasione ex eo loco dimoveri et Constantinopolim mitti ab eodem imperatore jubetur, idem auctor sic narrat:

5. « Eodem tempore miles quidam, nomine Stephanus genere Armenius, ab Europae partibus proiectus, qui dimidia sui parte contabuerat, totusque pro morbo humi vergebatur, cum magna illa miracula, que a magno hoc viro designabantur, intellexisset, ad eum perrexit, atque ad ejus pedes accidens, ea postulare coepit, que et ipse accipere summopere oplabat, et ille facile praebere poterat. At ille qui fide erga Dominum ac benevolentia praeditus erat, miraeulum ad ipsum transfert. Cumque ei qui agrotabat, ut et ipsius et malis imaginem adoraret, imperasset, atque ille id faceret, sanum eum prorsus ac valentem reddidit. Ut igitur ad eam militones suos se recepil, quærebatur ex eo quonam ratione convaluisse: ille autem eam minime reticebat, nimirum: Monachus quidam (dicebat) Stephanus nomine, qui apud Proconnesum in angustissima quadam aedieula degit, duas me imagines adorare jussit, unam que Christi, alteram que Deiparæ dicebatur: ac protinus convulsi, corpusque omnino crexi.

« At impii illi ac conseelerati, manus non sine magno terrore complaudentes: Væ tibi (inquit) qui in idolatriam prouisti: confessim itaque eum apud summum Thraciae praefectum delerunt. Qui cum de eo questionem habuisset, nulla interposita mora, eum ad imperatorem misit. Is vero eum accuratus eum examinasset, atque recuperatae valedicis modum intellexisset, pro ea, qua laborabat stoliditate, non intellexit. Verum quod ipsi summo studio erat, percunetabatur eum, qui morbo liberatus fuerat, au in simulacrorum cultu persiaret. Qui cum ingenli penitidine se affici atque injusmodi simulaera execrari dixisset, tyrannus, ut ei impietatis mercedem referret, centurionem eum creavit. Cæterum vindex Dei justitia e vestigio ingratum illum persecuta est: nam eum statim ab aula reverteretur atque in equum condescendere pararet, ille subito saltans, in terram ipsum prostravit atque contrivit; nec calcibus in eum insulre destitit, quoad ille ingratam animam evomuisset.

6. « Tyrannus igitur tanquam hinc arrepta ansa, sanctum virum quamprimum e Proconneso ad se adduei jubet; illud addens, quod ne exilio

quidem muletatus sibi temperasset, quin plebem idolis cultum adhibere doceret. Cum ergo illuc abdinetus esset; ut in Phiala per quam obscuro ergastulo tum viuetis ferro manibus, tum pedibus ad lignum ferro adstrictis includeretur, edxit. Interjectis autem quibusdam diebus, ad Heliacum, qui Pharos dicitur, duobus tantum primarii ordinis viris comitatus, sanctum virum praesto esse jubet. Cum autem ad eum idem sanctus Stephanus ducitus fuisset, a pio quodam viro nummum peti, etimique cucullæ sue furtim imposuit.

« Tyrannus itaque cum eum vidit, exclamare coepit: O vim mihi illatam, o calamitatem, o arrogantium! Videte a quonam imperium meum contumelia afficiatur, a quonam iudicio habeatur. Cum autem vir sanctus nihil omnino respondisset, verum humi detixus haereret: tyranus eum iracunde prospiciens ignemque (ut dici solet) spirans, atque ut ipsi in more positum erat, manum in orbem contorquens atque exclamans: Non mihi responde, inquit, scelesum caput? At ille: Si me illa leviter condemnare in animo habes, imperator, supplicio quam celerrime astice. Sin autem huic me idereo adesse jussisti, ut me interrogares ac vicissim audires: iraeundiam lenitate tempera, atque aequo animo et interroga et audi. Tum imperator: Dic age, quibusnam paternis decretis minime parvus, ut apud te in haereticorum numero censemur? Quoniam (inquit ille) venerandarum imaginum picturam multis ante temporibus a divinis Patribus traditam, scelerate ab Ecclesiis ejecistis. Tyrannus autem: Ne has, inquit, imaginum picturas dieas (neque enim sunt) sed plane idolorum picturas: Quidnam porro idolis cum sanctis commune est?

7. « Hic vero sanctus vir ille: Non, inquit, cum imagines adoramus, materie cultum aut venerationem tribuimus: verum imaginum honor ad exemplar transit, quemadmodum a Basilio dictum est. Quid (inquit tyranus) aequumne est ea, que a Patribus ante praedicata sunt, quæque et multa et perobscura sunt, ac neque mente comprehendendi, neque verbis ullis explicari possunt, per colores in sensum cadentes exprimere, atque in materia adorare, cum eorum essentia nemini, nisi quantum ad infinitalem (ut Gregorii verbo utar) attinet, explorata sit? Minime vero (ait sanctus vir). Ecquis enim mortalium, qui quidem mentis compos sit, divinitatis naturam, que et materia careat, et omnem mentis eaptum fugit, coloribus et materia coulatis pingi posse dixerit? Cujus enim forma ne mente quidem delineari potest: quonam tandem modo ipsa coloribus exprimi queat? At nos cum Christum in imagine pingimus, divinitatis naturam handiquam pingimus, verum theandricam eam formam, que in nostra specie apparuit, quoniamque Apostolicæ manus contrectarunt; quemadmodum alicubi ait theologus Joannes<sup>1</sup>:

<sup>1</sup> Joan. 1.

Quod vidimus, et manus nostra contreciverunt».

8. *Imaginum cultum strenue defendit Stephanus, qui eum aliis ex eadem causa vexatur.* — Hic attende, lector, non tantum pingi non debere divinam naturam, sed nec posse, quod incorporea cum sit, non eadit sub sensibus. Ceterum haud erroris arguenda sancta Ecclesia est, quod Patrem et Spiritum sanctum expertes corporis per imaginem representare coloribus consuevit: siquidem corporreas illas imagines ipsa per picturam representat, quibus sanctis Patribus per visum innoluere. Quod enim ostensus est Danieli<sup>1</sup> Antiquus dierum sedens in throno: eamdem S. Ecclesia similitudinem reddit, dum Patrem ipsum per senis imaginem coloribus representat. Sic de Spiritu sancto, uti apparuit, sive per columbe speciem, sive per ignem, sive per aquam, ita pariter pingi ab Ecclesia consuevit. Dicendum idipsum de Angelicis spiritibus, qui licet invisibles nobis sint, per visibles tamen, quibus apparuere, formas, et sicut Moysi<sup>2</sup> praeceptum est in area aliisque in locis effigiari: ita et Catholica Ecclesia ex prototypo per colores eas imagines deducere consuevit. Ut plane omnes imagines, quae per characteres stylo scriptae esse in sacris litteris reperiuntur, easdem penicillo coloribus reddere esse licitum judicetur: id namque pure pieque semper sancta Ecclesia custodivit, que et ante adventum Christi, jussu Dei, incorporeos spiritus et invisibles per imagines (ut saepe dictum est) representavit. Sed redeamus ad Stephanum, serio graviterque admodum cum Constantino imperatore causam agentem his verbis:

9. «Quod si mihi dictum illud Moysis<sup>3</sup> in medium protuleris: Non facies tibi similitudinem ullius rei, tam ex iis, que in celo, quam ex iis, que in terra sunt: hunc tibi Mosem ostendo, duorum Cherubim effigiem auro efficien tem. Quibus de rebus ad hunc quoque modum divinus Apostolus disseruit<sup>4</sup>: Et Cherubim obumbrantia propitiatorium. Quin ipsum quoque propitiatorium et tabernaculum testimonii, et sancta sanctorum, an non caelestium figuram exprimebant? quemadmodum idem Apostolus rursus ait: Umbrae caelestium deservivimus. Quid igitur sceleris admittimus, cum Christi formam humanitatis adspectam in imagine pingimus et adoramus? Quid autem? An eum Crucem eliam, ex quacumque tandem materia confecta sit, adoramus, rei conditae cultum adhibere videmur, adorationem materiae tribuentes? Sed et tempa sancta, et sacrosancta vasa a nobis adornata nullam nobis reprehensionis notam inurunt, siquidem ea per Christi invocationem in sancta mutari, persuasum habemus.

«Quid? An tu quoque corporis et sanguinis Christi antitypa ab Ecclesia proscribes, ut que imaginem et veram figuram<sup>5</sup> teneant? que et ador-

ramus, et osculamur, et eorum perceptione sautitatem consequimur. Vos igitur inter sanctum ac profanum minime distinguentes, Christi imaginem non secus atque Apollinis statuam, Deiparaeque item non secus ac Dianae idolum appellare, minime horruistis: quin ipsam quoque pedibus protrivistis et exussistis. Ad haec imperator: O cæca mente perdite, inquit, ac supra omnes Immemorandos oblivione digne! His imaginibus proculatis, Christumne proculcavimus?

10. «Cum vero ille vere in divinis rebus solers Stephanus in morem cornu, qui bellica laude praestant, adversarium suomet telo ferire, ac per ea ipsa, quæ dixerat, proligare cupiens, manum in cucullam immittens, atque inde numnum, in quo impius ille sculptus erat extraiens; eumque quemadmodum Christus olim, Cæsaris numnum Ju dæis ostendens<sup>6</sup>: Cujusnam, inquit, est haec imago et superscriptio? Eo autem mirante ac respondente, cuius tandem alius, quam imperatorum? Quid (inquit vir divinus) si quis eum contumeliose in terram projectum pedibus terat, pœnas aliquas inquit? Quidni autem dixerunt ii, qui adstabant, cum imperatoriam effigiem proculceret? Ad haec vir sanctus, gravem quemdam ex imo pectore gemitum emittens, ac cum magno animi dolore exclamans: O immanem, inquit, cæcitatem! Si pro mortalibus imperatoris forma et effigie gravissimas pœnas irrogandas esse dixistis: quas tandem pœnas eum subiturum esse putatis, qui Fili Dei et Matris ipsius effigiem concularit, ignique trædere minime dubitarit? Vix haec dixerat, cum numnum eum pedibus protrivit.

11. «Cum autem ii, qui adstabant, ferarum ritu accurrissent, ut sanctum virum præcipitem in mare dejicerent (audax enim et præceps est assentatio, dum obsequiis aliquem demereri nimis studet, mediocritatis omnes fines excedit) imperator lenitatem simulans, quo iracundiae haudquam obnoxius videretur, qui eam ingentem atque arcana in animo insidentem habebat: in præsens quideam eos prohibet, atque ab hujusmodi conatu abdueit. Ceterum sanctum virum collo alligari, ac manibus a tergo vinciri jussum ad publicum prætorii carcerem amandal, ut videlicet ob protritam imperatoris imaginem pœnas a lege constitutas lueret. Haec nimis lenis ille ac facilis, cunctosque injuriarum obliuione superans. Nam qui Christi imaginem proculcarant atque in ignem congecerant, ii suæ imaginis vindices sedebant, atque ultricem hujuscæ facinoris legem proferebant. Et quis autem amittiam eorum satis rideat, imo potius eorum vecordiam et cæcitatem satis deplorare queat?

«At spiritu divino majorem in modum afflatus Stephanus, simul atque vel ipsum carceris limen attigit, pectore incalescens atque ab eo, quo prædictus erat, perspicaci spiritu concitus, dierum suorum mecum in lingua sua locutus est, his ver-

<sup>1</sup> Dan. vii. — <sup>2</sup> Exod. xxv. — <sup>3</sup> Exod. xx. — <sup>4</sup> Hebr. ix. — <sup>5</sup> Figuram et imaginem sic appellat corpus et sanguinem Christi, quod scilicet sub speciebus panis et vini idem Christi corpus et sanguis representetur, quibus et contulerunt.

<sup>6</sup> Matth. xx.

bis utens: Hæc est præsentis vilæ meæ requies: hic enim saltem usque ad extreum spiritum habitare, necesse est: quoniam pro imaginis Christi honore hanc sedem elegi secundum illud Davidicum<sup>1</sup>: Hæc requies mea in sæculum sæculi: hic habitabo, quia elegi eam». Quoniam autem usque ad annum Domini septingentesimum sexagesimum septimum in prætoriano carcere nimis usque ad obitum egisse Stephanum, Acta ejus martyrii tradunt, cum nonnisi post sequentem annum necatum constet; carcerem illum prætorianum anni unius sequenti potius anno contigisse videri potest, de quo ea, quæ sunt digna memoria, suo loco anno sequenti opportunius dicturi sumus.

42. Jam vero reliqua, eadem quarta Indictione, Constantinopoli ab eodem Constantino imperatore adversus cultores sacrarum imagium et religio-

sos monachos gesta, a Theophane relata videamus, ait enim: « Multos etiam principes ac milites accusatos, quod imagines adorarent, diversis penis affecit, et immanissimis tradidit verberibus. Jusjurandum eliam generale ab omnibus, sub imperio suo degentibus, exegit, ne quisquam adoraret imagines, cum quibus et Constantinum falsi nominis patriarcham super aibonem ascendere, et exaltare preliosa ligna et jurare fecit, quod non esset ex eis qui adoraret imagines. Cui mox, ut exmonachus Stephaniles efficeretur, persuasit, et carnibus vesceretur, atque ad mensam regiam citharoedos admitti pateretur. Sed non in longum tardata ulti, hunc homicidam debilis penis tradidit ». At quænam ista fuerit, suo loco dicetur anno sequenti. Praeter alia sacrilegia, execrandum facinus idem Constantinus imp. adjecit, ut nobilem Ecclesiam S. Pelagie martyris fuerit demotulus, locumque illum damnatorum sepulturæ subjecerit. Hæc Cedrenus hoc anno.

<sup>1</sup> Psal. xxxviii.

Anno periodi Greco-Romanæ 6258. — Anno Aera Hispan. 803. — Anno Hegire 148, mchoato die 27 Febr., Fer. 4. — Iesu Christi 765.

— Pauli I pape 9. — Constantini Copronymi 46 et 25. Leonis IV 15.

4. *S. Stephanus junior ob sacras imagines relegatus.* — Ad num. 4 et seqq. Theophanes anno Constantini imp. xxv, kalend. currentis Christi anni mchoato, narrat martyrium sancti Stephani junioris, quod contigisse ait mensis Novembri die vicesimo. Verum cum in hujus sancti martyris Vita a Metaphrasle scripta, et in ea, quam Stephanus diaconus Constantinop. ex qua suam ipse Metaphrasles colligit, legatur illum obiisse *quinquagesimo tertio* suæ ætatis anno, mense Novembri, die *vicesima octava*, constetque sanctum martyrem natum esse anno, quo S. Germanus patriarcha Constantinopolitanus dictus est, post diem nempe xv mensis Augusti, anni ccxxv, manifestum videtur Theophanem in anno sicuti in die martyrii hallucinatum esse, et hoc martyrium anno tanquam ccclxv, quod recte Baronius, contigisse. Loppinus enim vir Cl. in Praefatione ad tom. i Analect. Graec. qui primus Vitam a Stephano compositam publicavit, ait se usum esse qualior MSS. uno bibliotheca regie, et tribus bibliothecis Catherinae, omnibus antiquis et optimis note. Observat quidem in Ms. regio haberi, τῷ πεντακοστῷ γένετῃ, id est, *quinquagesimo suo ultimi anno*, et in eo dcessse vocem τριῶν, id est, ter-

*tio*; sed qui in lectione MSS. versali sunt, nonnullæ fuerit alias librariorum audacia aut oscilantia. Existimavit enim aliquis sciolus locum illum corruptum esse; cum juxta Theophanem sanctus Stephanus martyrium hoc Christi anno fecerit. Sed cum Stephanus diaconus in hac Vita describenda accuralus sit, eamque in lucem emiserit xlii post S. Stephani obitum anno, ut ipsem testatur, anno sc. Christi ccviii, aut circiter, major ei hac in re fides, quam Theophani adhibenda videtur. Quia vero hunc Theophanis errorem vidit Baronius, perperam ad hunc annum retulit num. 12, quæ Theophanes anno Constantini imp. xxv scribit, Constantium se. jurauentum ab omnibus imperio subditis exegisse, ne *quisquam imagini veneracionem exhiberet*. Nam tam Theophanes quam Nicephorus in Breviario produnt, imperatorem post Stephani mortem subjectos sibi omnes hoc jurejando adstringere voluisse. Nicephorus autem, sicut Theophanes, hoc martyrium cum Indictione quarla, cum hoc sc. anno, copulat. Utriusque errorum inde procedere existimo, quod exilium Stephanum irregatum fuisse crediderunt post prius belum Bulgaricum ex ultriusque auctoris calculo

anno octo centum et sexagesima gestum; eum tamen non nisi post secundum bellum Bulgaricum juxta Stephanum diaconum sanctus Stephanus martyr haec pena affectus fuerit.

**2. Paulus PP. Pippino significat Graecos mittere classem in Italiam.** — Paulus papa certior factus quod sex patricii eum trecentis navibus Constantinopoli solvissent, auctique classe Sicula Romanum properare, deinde in Franciam irrumpere deerevisserent, litteras ipsas, quas ea de re ab amicis acceperat, *Pippino* transmisit per Coniberto hominem Francum, qui Romam tunc erat. Praeterea tres saltem in Italia oratores mitti rogavit, qui *Desiderium* Langobardorum regem apud Ticinum convenirent, atque inde Romanum duo proficerentur Ticino. tertius in Franciam rediret Pippino respondere Desiderii latus; hic enim nihil eorum restituerat, quae coram Francicis legatis toties promiserat se redditurum; imo litteras scripserat nimis referatas, quas Paulus aequo Pippino deferendas curavit: « Agnoscat eximietas vestra », inquit Paulus, in Epist. xxiv Cod. Carol. ad Pippinum data, « intimasce nobis quosdam sincerissimos fideles spiritalis matris vestrae, sancte nostre Ecclesiæ, quod sex patricii deferentes secum trecenta navigia, simulque et Siciliensem stolum in hanc Romanam Urbem absoluti a regia urbe ad nos properant. Quid ii velint agere, aut pro qua diriguntur causa, rei veritatem ignoramus. Hoc tantum nobis munitatum est, quod ad nos progredi, et ad vestram summe laudabilem præcellentiam in Franciam ingredi sunt dispositi, easdemque nobis destinatas litteras infra haec nostra scripta vestrae excellentie direximus intuendas. Itaque et hoc conservandæ eximietati vestrae innolescimus, quod quemadmodum in praesentia missuum vestrorum constitutum cum Desiderio Langobardorum rege, ut nostras Romanorum justitias ex omnibus Langobardorum civitatibus plenius primitus acciperemus, et ita postmodum ad vicem ex omnibus nostris civitatibus integras Langobardis faceremus justitias, freti in hujuscemodi ejus pollutione, quam in praesentia prædicatorum missuum vestrorum exhibuit, nostros missos direximus ad easdem recipiendas faciendasque justitias. Ipse vero varias exhibens occasionum versutias, nequaquam nobis primitus, ut constitutus, plenarias de omnibus suis civitatibus facere voluit, quas exquirimus justitias, et ita demum suas in integro ex omnibus nostris civitatibus recipere; sed singillatim tantummodo de una civitate facere, et de alia recipere maluit, volens per hoc dilationem inferre, ne pars nostra Romanorum propriam consequatur justitiam.

**3. Et Desiderium regem Langobard. sibi non luisse satisfacere.** — « Et ecce nostri missi nihil impetrantes ad nos sine effectu reversi sunt, et plures deprædationes ex tunc, atque multa et inaudita mala, in nostris immittit finibus. Unde ecce suas confessim direxit litteras, per quas confidens in sua ferocitate, Deum præ oculis non habens, nec beatum

principem Apostolorum Petrum metuens, comminationes nobis direxit, et inania detractionum verba pertulit, quas et de praesenti infra hanc nostram exarationis seriem vestro præfulgido et a Deo instituto culmini direximus, etc. De omnibus vero subtili enarratione, praesenti Coniberto, vestro fidelissimo vasso, injinximus cuncta liquidius vestrae regali potentiae sugerere. Sed et hoc obnoxie postulamus benignam excellentiam vestram, ut missos vestros aptos, quales vobis placuerint, ad nos dirigere debeatis, qui in nostro inveniantur esse auxilio. Unus tamen ex eis usque Ticinum properare debeat, ut dum cum Desiderio rege locutus fuerit, quidquid eis in responsis reddiderit, vestrae excellentiae renuntiet. Reliqui vero duo cum vestro disposto et ordinatione apud nos conjungere festinent, ut in nostro, ut dictum est, consistant auxilio ».

**4. Significat etiam Desiderium ditiones suas vastasse.** — Antequam in *Pippini* manus haec venirent litteræ, scripsit ei *Desiderius* nihil a Langobardis tentatum contra Romanum Pontificem. Quod ubi *Paulus* per Andream et Gundericum a Pippino directos resciit, eos cum Desiderii legatis coram se vocavit in colloquium, fotoque negotio palam facto quamprimum in Franciam remisit, cum alia Epistola, quæ xiv est Cod. Carol. quave apud Pippinum de mendacio Desiderii graviter questus auxilium petiit, quia Langobardi Senogalliam ferro et igne vastarant, caesis incolis abactaque præda, nec minori etade castrum Valentis in Campania iam percusserant: « Quas præclara excellentia vestra misit litteras », ait Paulus, « afferentibus Andrea et Gunderico solertissimis viris Christianitatis vestrae missis, acceptantes suscepimus, etc. De eo vero quod innotuit excellentia vestra, vobis a Desiderio Langobardorum rege esse insinuatum, nullam malitiam vel invasionem a Langobardis in nostris partibus fuisse illatas, omnino credat nobis benevolia excellentia vestra, non veridice in hoc vobis direxit. Etenim benignissime fili et spiritalis noster compater, Christianissime rex, dum tante ab eisdem Langobardis devastationes in nostris finibus ac civitatibus factæ fuissent, et a nobis ex hoc admonitus fuisset, comminationis suæ ad nos direxit litteras, quas necessitate coacti infra nostras Apostolicas litteras hoc præterito anno vestrae excellentiae direximus intuendas. Hostiliter quippe in civitate nostra Sinogaliensi pergentes ferro et igne, quæ extra eamdem civitatem consistebant, devastaverunt, et plurimam exinde auferentes prædam aliquantos ibidem interfecerunt homines. Similiter et in partes Campaniae, id est, castro nostro, quod vocatur Valentis, hostiliter irruentes, talia sicut paganae gentes egerunt, de quibus usque hactenus nequaquam justitiam ab eis recipere valimus. Et ideo excellentiae vestrae direximus, ut vestrum annuissetis dirigere missum, quatenus ejus praesentia inter partes justitiae pervenissent, ut non ex hoc aliqua a nostra vel Langobardorum parte ad eas-

dem pervenientium justitias perveniret. Unde pro vestra amplissima satisfactio ad probationem fecimus, in praesentia prædictorum vestrorum fidelium missorum cum tantis iniquitatibus, et cognoverunt nostram veritatem et eorum mendacium, et ob hoc non possumus tulas ab his nobis illatas malitias facere, sed necesse nobis vestro regali culmini, utpote post Deum hujus provinciae liberatori, empta innolescere, quo per vos omnis istius provinciae a vobis redemptæ populus ad suam pertingere valeat justitiam ». Baronius anno DCCLXVII, num. 2 citat utriusque Pauli papæ Epistolæ argumentum, Epist. xvii et xxvii.

5. *Annus vi belli Aquitanie*. — Annalista Metensis hoc anno scribit: « Principes Francorum, qui commorabantur in partibus Burgundie, multa certamina contra Aquitanos et Wascones habuerunt. Nam Waifarius Macionem comitem consobrinum suum ad insidiandum Francis cum manu valida direxit. Cui occurserunt Pippini regis comites Australdus et Galimannus, initoque certamine ipsum Macionem cum plurimis sociis suis interfecerunt. Hilpingus quoque comes Arvernorum cum magna multitudine irruit in pagum Lucoviensem, cui occurrit Adalardus comes Cabillonensis cum ceteris comitibus, fortiterque certamen interrunt. In quo pælio cum innuenerabilibus interfectis, Hilpingus quoque cecidit. Amanucus etiam comes dum in partibus Turonorum vastandis veniret, ab hominibus Wlfardi abbatis monasterii S. Martini interfactus est. Remistanus vero avunculus Waifarii ad regem Pippinum confugit: quem rex benigne suscipiens, multis munieribus honoravit. Eodem anno rex Pippinus conventum habuit ad Attiniacum villam, et eo anno in nullam partem exercitum duxit. Celebravit autem Natalem Domini in Aquisgrani et Pascha similiter.

6. *Conventum Attiniacei Pippinus celebrat*. — Conventum Attiniaceensem hoc anno habitum memorant etiam Regino in Chronico, et annalistæ Loiselianus, Bertinianus, et Eginhardus in Annal. nam in Appendix ad continuationem Fredegarii, quæ hoc et præcedenti anno in Galliis gesta præpostere, et valde confuse narrantur. Hujus conventus meminit Vandelbertus diaconus et monachus Prumiensis, qui sæculo sequenti vixit, in fine libri quem de miraculis sancti Goaris eremite composuit, quem recitat Mabillonius sec. II Benedictino. At enim Assuerum abbatem primum monasterii

Prumiensis anno DCCLXII conditi ad illum venisse, et a Pippino rege obtinuisse cellam seu monasterium sancti Goaris, paulo supra confluentes Mosellæ et Rheni situm: « Cum quadam tempore », inquit Vandelbertus, de Assuero loquens, « iter a monasterio (nempe Prumiensi) in Vangionum provinciam ageret, et occasione viæ ad sanctum Goarem declinasset, ubi tum rectoris nomine præcerat quidam Erpingus nomine, neque commoditatem aliquam rerum necessiarum nancisci potuisset, rem, ut erat gesta, paulo post principi retulit, pessimum esse dicens eo loco humanitatem hospitalitatis omnem negari, ubi quondam sub beato viro (scilicet Goare) singulariter virtus eadem viguisset. Pollicitur rex fore haec emendanda cum temporis opportunitas arrisisset. Haque non multo post positus in palatio quod Attiniacum vocatur, cum ad generalem populi conventum simulabas Assuerus venisset, evocatum ad se princeps super his, quæ de cella beati viri dicta ab eo fuerant, commonefacit, eique regendam committit ». Ab eo tempore haec cella monasterio Prumiensi conjuncta remansit. Vandelbertus vero in procenio laudati libri ait, ea tantum a se commemorari, quæ ab annis plus minus vi et LXX gesta noseuntur, et sub ejusdem libri finem asserit, se narrationem suam perducere ad annum DCCCXXXIX Incarnationis Dominicæ. Quare cum nullus conventus Attiniaci per hæc tempora habitus fuerit, nisi annis DCCLXII et DCCLXV, Vandelbertus non nisi de ultimo intelligi potest, satisque ipsem indicat, numerum illorum annorum LXXVI non rigorose a se determinari. cum dicat, plus minus vi et LXX. Labbeus tom. VI Concil. et Cointius hoc anno num. 2 et seqq. ad secundum hunc conventum Attiniacensem perperam referunt, quæ ad priorem pertinent, ut ibidem ostendimus.

7. *Moritur Ethelwaldus rex Northumbriæ*. — Anno gratie DCCLXV, Ethelwaldus Mollo, rex Northumbrorum cum Oswinum ducem fortissimum sibi rebellantem peremisset; non multo post idem ex hac vita decessit; cui Ealredus trinepos Idæ successit viii annis», inquit Westmonasteriensis. Initium Ealredi, seu Alredi, vel Aleredi, vel Alucredi hoc etiam anno collocant continuator Bedæ, Hovedenus, et annalista Mailrosensis.

Facta hoc anno translatio reliquiarum SS. Naboris, Nazarii et Gorgonii, ut anno superiori dictum est.

## PAULI I ANNUS 10. — CHRISTI 766.

*1. Cultores sanctorum imaginum ferocius exagitati; multi martyres.* — Sequenti anno Domini septingentesimo sexagesimo sexto, Indictione quartae, Constantiopolis magis magisque grassatur persecutio adversus cultores sacrarum imaginum, atque cultores vitae monastice. Sed primum quam experitus est Constantinus a Deo vindictam ob stetivitatem adversuspios anno superiori exhibitam, a Theophane isla audies, qui ait : « Denique duodecimo kal. Februarii, quartae Indictionis motus est imperator contra Bulgaros, et direxit ad Achelon duo milia sexenta chelandia, exstruens ea, et armans ex eundem militiæ ordinibus. Que cum in Thoris stationem fixissent, flante Aquilone, contrita sunt paene omnia, ita ut imperator extenderet relia, et mortuos educere ac sepelire præcepérunt ». His admonitus, tantum abest, ut resipuerit, ut homo peccati deteriora adjecerit. Nam subdit :

« Porro decimo sexto kal. Septembbris, ejusdem quarte Indictionis publice diffamavit et dehonestavit habitum monachorum in hippodromo, præcipiens unumquemque monachum manu tenere mulierem et taliter transire per hippodromum, sumptis injuriis ab omni populo cumulatis ». Nec in monachos.

2. « Similiter (subdit Theophanes) et octavo idus Septembbris ducti sunt ad ludos Circenses principes decem et novem, et de honestati sunt, quasi mala contra imperatorem consiliati fuerint, non veraciter accusati, sed quia invidebat eis, eo quod essent formosi et robusti, et ab omnibus collaudati. Quibusdam vero ex eis et ob religionem tentis, eo quod ad prædictum inclusum Stephanum essent ingressi, et passiones ejus publice divulgare, quos et interfecit. Quorum precipiti sunt Constantinus patricius, et dudum logotheta Dromi, cui nomen imposuit Podopagurum, et hujus frater Strategius spatharius et domesticus excubitorum, Antiochus logotheta Dromi factus et praetor Siciliae, David spatharius et comes obsequii, Theophylactus protospatharius, et alii, quos cum in hippodromo Indopalam traduci, et ab omni populo cuspici et male dici fecisset, sententiam dedit : et illos quidem duos

fratres Constantium et Strategium intra venationis septa capitulis animadversione punivit, multo super eos universæ plebis facto lamento : adeo ut cum hoc didicisset imperator, indignaretur, et Procopium prefectum erederet, et ab administratione depelleret, tanquam id fieri permittente : caeteros autem oculis privatos in exilium destinavit, quos et per singulos mittens, cum esset et omni crudelitate plenus, ad loca, in quibus degebant, catenis et flagris vapalare jubebat.

3. « Porro tertio kalendas Septembbris ejusdem quartae Indictionis, insaniens idem malevolus adversus æquivocum suum et consentaneum suum patriarcham, et inventis quibusdam clericis ac monachis, instruxit illos ut dicerent : Audivimus patriarcham eum Podopagurum adversus imperatorem loquentem. Et misit eos ad patriarcham, ut arguerent illum. Cumque ille negaret, fecit eos ad pretiosa ligna jurare, fatentes ac dicentes : A patriarcha haec maledicta audivimus. Inter haec ergo misit, et bullæ signavit patriarcham, et hunc exilio relegavit apud Hiberiam, et rursus apud Principem insulam ». Insuper Theophanes inferius eodem anno de persecutoris insatiabili crudelitate haec addit :

« Is autem, qui Christianis ineffabilibus Dei judiciis imperabat, fortassis ut Jezabel quondam, vel vesanus Achab, multo pejora, quam Arabum sit insanias, sub imperio suo positis Orthodoxis episcopis, monachis, laicis, prælatis atque subiectis ostendit : ubique intercessiones sanctæ Virginis et Dei Genitricis, et onuim sanctorum in scriptis, ac sine scripto ut inutiles repellens, per quas nobis manat omne suffragium : et sanctas eorum reliquias ejiciens et invisas reddens. Sicubi insignis quisquam audiebatur, ad animarum sanitatem et corporum, vel siue moris est, a pie agentibus honorari : mox mortem adversus hujusmodi, tanquam impie agentem, minabatur : sin autem proscriptiones, exilia, et tormenta.

4. « Deo autem gratissimum lipsanum, reliquias sacras scilicet, utpote quidam thesaurus possessorum habitus, auferebatur, invisible de caetero efficiendum. Tale quid et in pretiosissimum lau-

dabilis martyris Euphemiae lipsanum profamus hic imperator gessit : in profundum id cum loculo jaciens, non ferens eam ex se super omnem populum suavitatem unguenti reddentem, et arguentem ejus adversus intercessiones sanctorum deliramenta. Sed Deus, qui custodit ossa sibi placentium, secundum divina<sup>1</sup> eloquia, illæsum hoc conservavit, rursus ostensurus illud apud Lemnum insulam. Per nocturnam ergo visionem apprensos, elevandum præcepit et conservandum. Sub Constantino enim et Irene piis imperatoribus, Indictione quarta (anno Redemptoris videlicet nonagesimo sexto post septingentesimum), cum decenti honore rediit ad templum suum, quod ipse quidem tanquam iniurie Ecclesiarum, commune fecit armentarium, sterquiliniumque fore decrevit. Illi vero repurgatum hoc, iterum saeraverunt ad redargutionem quidem hujus impietatis, ostensionem autem horum pietatis. Hoc autem obstupendum et scriptura dignum miraculum post viginti duos annos post iniui principis mortem, una cum piissimis imperatoribus, et Tarasio sanctissimo patriarcha nos vidimus, et cum eis amplexi sumus, licet indigni, magnam gratiam promerentes ». Haec ipse.

5. *Historia de reliquiis Euphemiae.* — Sed quod dicit Theophanes stupendum atque scriptura dignum miraculum, ipsum ab ejusdem temporis scriptore (licet nomen non sit<sup>2</sup> expressum) scriptis mandatum : seias, licet in eo a Theophane discrepet, dum factum id sub Leone parente Copronymi tradit, Theophanes vero, ut audisti, contigisse affirmat sub Constantino ejus filio imperatore. Porro rem gestam sic narrat, petens exordium a translatione ejusdem S. Euphemiae reliquiarum Chalcedone Constantinopolim, tempore Heraclii imperatoris. « In eo templo, quod est prope id quod dicitur Hippodromum, erant ejusdem beatissimæ reliquie integræ, intactæ, illæse. E Chalcedone enim cum arca translate fuerant Constantinopolim, propter eam, que tunc fuerat, Persarum incursionem. In arca autem fuerat divina ara collocata, quæ super sanctissimas habebat reliquias. Super eam autem peragebatur intemerati corporis et sanguinis Domini Jesu Christi Dei nostri ineruendum mysterium.

6. « In eadem vero area erat parvum foramen, quod etiam stat nunc usque in hodiernum diem, quod intus ferre potest quasi manu hominismagnitudinem. In qua cum ego quoque indignus aliquando ausus essem manum inferre, et locutum tetigisse, sensi bonum odorem, et gratiam apprehendi. Biem autem quoque causam foraminis, quod divino consilio et providentia factum est. Quando enim venerabiles et miraculorum effectrices reliquie erant Chalcedone, cum impii Persæ eum locum occupassent in diebus Heraclii imp. moti invidia diaboli, quem colebant; cum paleæ et lignorum

magnum acervum circa aream congesissent : eam statuerunt comburere cum venerabilibus, quæ in ipsa erant, reliquiis. Sed nihil valuit eorum barbaricum et dæmoniacum inceptum : cum Deus (prout scriptum est<sup>1</sup>) servet omnia ossa eorum, qui propter ipsum decertarunt. Ossa ergo ejus ignis omnino non tetigit; nisi solum, quod cum ex area forma globi resiliisset, providit, ut facilior daretur ingressus ad reliquias iis, qui volunt haurire gratiam eurationum, nempe per prius dictum foramen ».

7. Sed quod ad foramen spectat, puto, lector, fuisse hanc opinionem aucloris potius, quam veram ipsius causam. Siquidem longe ante incursionem Persarum, oportuit extitisse in area illa veneranda foramen ad hauriendum, quod ex sacris illis reliquiis fluebat sanguine mixtum unguentum, ut suis locis sœpe superius dictum est. Cum alioqui absque etiam ejusmodi scalurigine unguentorum soleret in sacris martyrum loculis foramen relinqui, per quod demitteret sudariolum, quod S. Gregorius appellat brandeum, quo tactu sacramentum reliquiarum gratiam eurationum haurirent, ipsum vero loco reliquiarum haberi soleret. Visum est ejus rei exemplum his diebus, eum haec scriberemus in theca marmorea, in qua foramen ad opus, quod diximus, inerat. Sed de hac inventione dicturi sunius inferius in Paschali Pontifice. Modo cœptam prosequamur historiam :

8. « Erat, inquit, magna fides eorum qui hababant Constantinopoli (ut superius diximus) in templo, et reliquiis omni ex parte benedictæ Euphemiae : et coniluebant omnes instar fluvii haurientes eurations : ex pretiosis enim ejus reliquiis exibat sanguis plenus bono odore, qui quidem tanquam unguentum a Deo suppeditatum dabatur ærotantibus : et erat quidem fidelibus miraculum terribile et venerandum ; infidelibus autem et iis qui aliter sentiebant, dedecus et ignominia.

« Tunc autem ille execrandus et perniciosus imperator temeraria usus audacia, noctu ingressus cum quibusdam qui erant suæ sectæ, impetum fecit in reliquias omni ex parte benedictæ martyris Euphemiae : et cum arcam apernuisset, abstulit reliquias benedictæ martyris, cum loculo, qui eas confinebat. Cum parata autem haberet alia ossa mortui exsiccata, ea jecit intra aream, et cum eam rursus texisset, recessit. Venerandas autem benedictæ Euphemiae reliquias cum ligneo loculo depositis in quadam domo oratoria ex iis, quæ illis erant in regia. Quamobrem ejus sorores et filiae, aromatibus, unguentis et luminibus id adorabant clauiculum propter insignem gratiam et miraculorum magnitudinem.

9. « Cum haec rescivisset sceleratus, trajecit in Bucoteontem et Ferreum carcere, et projecit in fluctum maris. Et die sequenti cepit adversus benedictam Euphemiam movere suam scelerata et

<sup>1</sup> Psal. xxxiii. — <sup>2</sup> Apud Metaphr. die xi. Julii.

<sup>1</sup> Psal. xxxiii.

execrandam linguam, eam insectans, et dicens : Abite et videte quantum errabant, qui dicebant esse salvas et integras benedictæ Euphemiacæ reliquias, et eas asserebant ellundere unguenta. Iti autem cum abiissent et vidissent non esse in carne pretiosas Euphemiacæ reliquias, sed arida que ab ipso projecta fuerant ossa, ea conspuerunt, et maledictis sunt insectati. Cum fraudem autem et Indibrium et meras mugas dixisset esse euraciones, arcam everterunt, et cum ea arcam sanctam templumque destruunt (deserunt). Eduxerunt vero arcam extra suggestum, quod erat habitaculum virorum qui non erant baptizati et erant ineruditii. Eos autem qui erant bello capti ex gentibus, et regiae dabantur spolia, illie exonerabant. Alii autem armorum opifices, et sordidarum ac illiberalium artium artifices, cum fixissent in eo fornaces, fecerunt domum sæcularem, que aliquando fuerat templum. In sancto autem suggesto, utpote loco occulto, requisita corporis facientes, excrementa corporis deponebant. O mi Christe, tuam tunc patientiam ! Haec ego quoque postquam vidi, totus plenus lacrymis et ejulatu egressus sum, admirans omnipotentis Dei tolerantiam atque permissionem. Et haec quidem facta sunt tempore prædicti impii imperatoris.

40. « Sed quoniam Dominus est virtutum, qui invictam habet potentiam et vires, quæ subsannari nequeant (Deus enim revera non irridetur), audiamus quid Christus Deus noster providit in reliquiis benedictæ Euphemiae. Nam dñm exæjactate sunt in mare, providentia Dei summe misericordis, cymba quorumdam duorum fratrum virorum piorum egreditur e portu Sophiarum, quæ dicuntur. Et dum ipsi parum quid e portu navigant : ecce loculus (quem ligneum fuisse dictum est) qui cum fluento descendebat, fuit prope navem. Extractus itaque fuit a viris illis piis, et repositus in navigio, ipsis existimantibus se mundanum aliquem ferre thesaurum. Sublati autem velis, navigarunt ut exirent in ostio Abydi. Cum autem parum aperuisserent loculum, vident reliquias, et suavi odore repleti, sunt admirati, neque sciebant quid agerent, nisi quod solummodo invocabant Dominum, ut eis revelaretur sanctumne esset an commune.

« Illa autem nocte vident gloriam maximam, et lumina, et cercos, et viros candidis vestibus indutos et Christum laudantes. Rursusque bono odore repleti nautæ agnoverunt eas esse sanctas reliquias. Magno ergo gaudio affecti, clam profecti sunt propter metum tyranni, ut thesaurum ferrent in suam patriam. Postquam autem venissent in insulam quæ dicitur Lemnos, accidit eis magna tempestas; et cum incidissent in promontorium insulæ, in quo fuit asper locus et plane aptus ad naufragium, de salute desperabant. Cum Dens autem per intercessionem benedictæ Euphemiacæ corripuisset navem una cum fluctibus, superato periculo, inventi sunt in loco tranquillo, et eum

Deo gloriam emisissent, convenientem honorem tribuere reliquiis.

41. « Angebantur autem et dubitabant cuiusnam essent sancti reliquiae. Illa autem nocte accepérunt revelationem reliquiarum per ejus nominis enuntiationem. In illa enim insula sanctæ Glyceriæ jacebant reliquiae. Dicta autem nocte visa est egredi ex insula Christi martyr Glyceria, et hæc e navi exiisse, et se invicem esse complexæ. Et cum dixisset quæ ex insula erat ingressa, ei quæ e navi exierat : Salve, martyr Christi, Euphemia benedicta, et se invicem salutassent, rursum per se recedebant. Tunc e sommo excitati, cum lacrymis et gemitis pretiosas accepérunt reliquias, et loculum sunt amplexi præclari naucleri Sergius et Sergonas (hæc enim erant eorum nomina) : cum fuisset autem dies, enavigarunt, volentes ire in suam patriam. Et cum processissent usque ad viginti circiter millaria, vento spirante contrario, vel inviti reversi sunt in locum unde solverant. Rursus vero cum paucis post diebus experiri voluissent, uterentur secunda navigatione : iterum reversi sunt. Hoc enim cum semel, bis, terque probassent, nec ullo modo possent in suam ire patriam, reversi et ad portum appulsis, illa nocte visa est illis Christi martyr Euphemia, dicens: Cur contenditis me hoc et illuc circummagere? nolo ulterius progredi; neque hinc eo proficiisci, quo me vultis ducere. Haec cum dixisset, rursum dixit eis : Non satis fuit, quod Chaledone translata sum Byzantium, et in mare projecia fuerim, et hic steterim? Cur autem me vultis circummagere in partes inferiores? hoc a me quidem fieri non potest. Nolite hoc facere, sed facite ut hic quiescam.

42. « Haec cum audissent, bonum capientes consilium, et quæ jubebat martyr, impigne exsequi statuentes, aedificaverunt domum oratorium, et cum omne onus navigii consumpsissent, et suas facultates Deo et martyri obtulissent, seipso fotonderunt, dicentes: Non dimittimus, o benedicta martyr, tuas venerandas reliquias, sed hic usque ad vitæ terminum tuis reliquiis divinissimis assidebitus. His ita gestis, sanctissimus Lemni episcopus venerandum templum aedificarat in illis temporibus. Visum est ergo, ut illie portarentur sacrae B. Euphemiacæ reliquiae ad dedicationem templi, quod ab eo constructum fuerat. Et cum supplex fudisset preces, et venisset ad reliquias benedictæ Euphemiacæ, et illie totam noctem transegisset: ab eo visa est in somnis martyr Christi, dicens: Ne aggrediaris facere quod statuisti: non obediam enim hac in re tua sanctitati; sed abi ad sororem meam et in martyrio sociam Glyceriam, et ego illam rogabo: ipsa enim se tibi tradet ad hoc, ut impleas quod desideras. Experrectus autem sanctissimus episcopus, fecit ut ei jusserset benedicta Christi martyr. Et haec quidem facta sunt illis temporibus ». Vere (ut Theophanes dixit) stupendum et scriptura dignum miraculum. De translatione autem ejusque revectione Constantinopolim

in locum pristinum, ex eodem auctore inferius suo dicturi sumus tempore, quo id fieri contigit. Sed quae sunt anni hujus reliqua prosequamur.

13. *Nicetas pseudo-episcopus Constantinopolitanus.* — «Hoc eodem anno (idem ipse inquit Theophanes) sexto kalendas Decembris ejusdem quinte Indictionis cœpte mense Septembris, Decreto imperatoris promovetur Nicetas, eunuchus e Sclavis ortus, irregulariter patriarcha Constantino-poleos ». Et inferius: «Eadem die et Indictione buinta, provehit sui sensus prætores et operarios sua nequitia condignos, Michaelem scilicet Edessemum in themate Orientalium, et Michaelen Laconodraconem in Tracesiis; super bucellarios vero Manem, a mania, id est, insania, nominatum. Sed quis est idoneus ad enarrandum horum scelerata piacula, quæ parlim a nobis in suis perstringuntur locis? omnia enim opera si conscribentur, quæ ad rationem imperantis sunt effecta, nec ipsum arbitror (ut proprie cum<sup>1</sup> Evangelista dicam) capere mundum eos, qui scribendi sunt, libros ». Haec tenuis res anni hujus Theophanes.

14. *Stephani et monachorum in carcere pia conversatio.* — Sed invisanus degentem in carcere Stephanum confessorem, de quo post illa, quæ dicta sunt anno superiori, haec in ejus Actis scriptis mandata fidelissime reperiuntur: «In interiori carcere conclusos eximiae virtutis monachos trecentos quadraginta duos, ex variis locis collectos, atque in eodem carcere condemnatos invenit, qui parlim nares, partim aures exsectas habebant, partim evulsos oculos, partim amputatas manus, ob id videlicet, quod pro venerandarum imaginum pictura et erectione lueubrations edidissent. At quidam alii plagarum notas adhuc circumferebant: alii præclaras genas pice illitas atque ambustas habebant: alii caput ad Iudibrium abrasum. Quorum varios istos, ac multiplices cruciatus divisa Stephanus cernens, patientiae nomine beatos eos prædicabat; ac contra, lacrymis dignum sese judicabat, ut qui in earundem plagarum partem cum illis minime venisset, nec pro Christi imagine membrorum exsectionem quoque pertulisset.

15. «At divini illi patres, ut primum sanctum virum conspexerunt, ad eum tanquam ad magistrum et præceptorem accesserunt, ut ab eo salutis præceptis erudirentur. Itaque ex prætorio monasterium factum est: quippe cum illie omnis monastice vitæ forma ac regula ad unguem observaretur. Il autem, quibus careeris custodia mandata erat, quique sancti viri famam jampridem audierant, tunc denum animi quoque ipsius statum, ab ea tranquillitate, quæ in ipsius moribus elucebat, quantum fieri poterat, conjectantes, ad eum, tanquam ad Dei Angelum, animas convertebant, eique sumnam reverentiam ac venerationem tribuebant, adeo ut quidam etiam eorum, remotis arbitris, eadē ad uxorem suam diceret, quæ olim

Mane ille<sup>2</sup>: Morte moriemur, præ tyranni hujus furore: virum enim periude ac Deum hodierna die vidi; hunc, inquam, in vincula conjectum monachum, quem Auxentianum vocant.

«Sapiens autem illa mulier non frigide ac negligeenter ad haec verba effecta, verum per concinnam atque prudentem ad virum interrogationem vitæ saleti hujus patris rationem omnem perscrutata, clavis in careerem ingressa est, acceptisque venerandis ipsius pedibus, ab eo, ut pro se precaretur, ipsaque vicissim ei, quæ opus essent, subministraret, postulabat. At divinitus inspiratus Stephanus preces quidem ei annuit et concessit: cæterum adduci non polerat, ut quicquam ab ea susciperet. Instabat autem rursus illa, dicens: Quidnam est, quamobrem tu exiguum fidei erga te meæ promptitudinem tam obstinate rejicis? Quanquam enim id ipsa non merear, tuam tamen moderationem ac benignitatem ad indignos quoque indulgenter sese dimillere, compertum habeo. Quemadmodum enim<sup>3</sup> Sarephana illa quondam Eliæ farinam, et<sup>4</sup> Sunamitis Elisæo cubiculum hospitii causa præbebat, ac beata illa<sup>5</sup> vidua duos in summa sua penuria obolos erogabat, ac denique<sup>6</sup> Samaritana illa ex fonte hauslam aquam Deo porrigebat: ad eumdem etiam ipsa modum cum pari fide aliquid in te conferre beneficii sludebam, ne quæso desiderio meo excedam.

16. «Ille vero rursum id constanter recusabat, non quidem ob naturæ contumaciam, aut ipsius indignitatem id officii in se repudiari dicens (ego enim, inquietus, memet indignum alque omnium postremum duco), sed quia ab eo prohiberetur, qui cum hæreticis quicquam commune haberet veluerat: neque enim meminisse se cum imaginum hostibus ullum unquam commercium habuisse, aut aliquid omnino ab eorum manibus accepisse. Ille ut illa audiit, humi sese provolvens, quid non dicebat, quid non faciebat ut ostenderet quam ab hæreticorum societate atque commercio semper abhorruisset? Absit hoc a me, inquietus, venerande pater, ut Christi, aut Matris ipsius, aut ullius sancti imaginem contempserim. Scio enim me a patre nostro Germano didicisse, quas penas duluri sunt, qui eo audaciae proruperint.

«Cæterum fac, quæso, ut nec vir meus, nec custodum quisquam resciscat, quod pietati tuae indicare cupio: atque ego re ipsa omnem dubitationem tibi eximam. Hæc locuta, statim domum recurrit, atque aperta arca, tres imagines arcanas eduxit, unam Dei Genitricis filium sæculis omnibus antiquiorem complectentis, duas alias Petri et Pauli Apostolorum. Quas, ut ipso inspectante religiose adoravit, ipsi postea porrexit: Accipe ista, inquiens, atque hinc tibi mei, hoc est, mulieris peccataricis memoria refricetur. Ad hunc modum piis ipsius moribus comprobatis, petitioni cedit, ac

<sup>1</sup> Joan. ult.

<sup>2</sup> Jud. xiiij. — <sup>3</sup> 3. Reg. xvii. — <sup>4</sup> 4. Reg. iv. — <sup>5</sup> Marc. xii. — <sup>6</sup> Joan. iv.

deinceps sabbato ac Dominico die ad eum ipsa panis uncias sex, aquæ non plus tribus poculis afferebat. Tantulum enim singulis hebdomadis ipsi cibi ac potus fuit totos undecim menses, quos in prætorio transegit ».

Ex his intelligis, lector, congressum hunc religiosæ feminæ cum S. Stephano contigisse hoc anno mense Octobris, cum constet eum martyrium consummasse anno sequenti mense Novembri: quod quidem apparet ex eo, quod auctor numeret menses undecim, ex quo cibum ab eadem muliere accipere cœpit, cum tamen hand diu ante in eodem ipse carcere permansisset. Sed audi quæ post hanc eadem Acta reddant:

17. « Quadam autem die una cum ceteris capillis sedente viro divino, de suppliciis illis, quæ justis viris ab iniquis iniquissimi imperatoris præfectis variis locis illata fuerant, sermo ortus est. Siquidem in medium progressus Antonius quidam e Creta oriundus, vir fortis, et qui fortibus certaminibus egregie defunctus fuerat: Quoniam modo, inquit, præclarus Pauli monachii certamina vobis ob oculos proponere queam? Aut quoniam pacto ea sine lacrymis commemorem? Princeps quidam Cypri præfectus erat nomine Theophanes, cognomento Lardotyrus. Hic cum sanctum virum, ut in eum inquireret, accepisset, ad Heracliti prætorium eum duxit: proposita autem erat hunc Christi in Cruce prolensi imago, unaque item cruciatus instrumentum, quod catapultam vocant. Aitque ad eum præfectus (scelesti, inquam, illa lingua, atque iniquitatem in excelsum loquens): Unum e duobus tibi, Paule, proponitur, nimirum, ut aut calcata imagine, vitam obtinas, aut hoc tormenti genere discrucieris: hoc autem dicens, puerorum larvis leonem perterrefacere velle videbatur.

« Statim enim generosus ille vir magna voce exclamans: Absit a me, inquit, Domine Jesu Christe unigenite Fili Dei, ut theandricam hanc imaginem pedibus teram; atque haec locutus, statim hunc se curvans, osculum ei fixit, re ipsa planum faciens, quam nihil judicis minas moraretur. Ille itaque confeslim iracundia totus aestuans, nudari saetum virum, atque in catapulta extendi jubet, ubi cum tortores duabus tabulis ipsum firmissime compressissent, ac ferreis pectinibus totum ipsum corpus exarassent, prono capite suspenderunt: ac deinde non exiguo igne infra eum accenso, ita denum holocaustum Deo gratum ipsum effecerunt.

18. « Hoc eo commemorante, patribusque lacrymis madentibus, Theosterictus quidam hoc nomen merito consecutus, vir senex ac sacerdotii dignitate ornatus, qui ex pio illo monasterio erat, quod Pelecia nuncupatur, atque et nasum abscessum, et genas ferventi pice ac bitumine illitas, miserumque in modum ambustas habebat ( hos enim cruciatus pietatis causa pertulerat ) prodiens ipse quoque in medium superioribus sermonibus haec adjectit: impossibile est, impossibile, inquam, est, ut vel hic ipse antistes noster, Stephanus scilicet, sicciis oculis ista commemoret: quanam enim oratione quisquam illius, qui tum Asiam cum imperio obtinebat, furore in amplecti possit? cui Lachanodracon quidem cognomentum erat, verum ipsius fel atque iracundia draconis quoque virus amaritudine superabat. Ad quem beatus Stephanus: Narr, quæso, pater, nihil omittens eorum, quæ tum contigerunt, verum omnia oratione prosequens. Etenim per ejusmodi exempla, cum animi promptitudine, tum robore impleti ad eumdem zelum præparamur: si quidem voluntas Dei hoc tulerit, ut pro divina ipsius imagine nos quoque certamen subeamus. Tum igitur Theosterictus inchoatum sermonem in hunc modum prosequitur:

49. « Cum incruentum sacrificium in monasterio nostro celebraretur ( erat autem vespera sanctæ ac magnæ quintæ feriæ, in qua Christus Judæis tradendus erat ), hic draconis nomen habens tyranni jussu cum magna militum manu in monasterium impetum fecit: ac mysticum quidem sacrum evertit, mysticis videlicet hymnis protinus silentio compressis: lectissimos autem monachos duodecimquadraginta vinculis ferreis adstrinxit; reliquos vero partim verberibus crudeliter in modum lacervavit, partim eorum barbam pice illitam exussit, naribus prius amputatis: quorum numerum ipse quoque angeo, quemadmodum faciei meæ note certissime testantur. Quibus impius ille nondum expletis, universum monasterium postea inflammavit, ipsas quoque Ecclesias una cum reliquis ædificiis concremavit. Mox autem prædictos duodecimquadraginta patres ad extremos Ephesi fines relegavit, ubi eum eos in veteris balnei fornice concluisset, ac deinde aditum obstruxisset, in hunc modum eos e vita migrare coegit.

« Cum usque adeo tristes tragœdiæ narrarentur, atque omnes in gemitus ac lacrymas prorumperent, rogatus a patribus Stephanus, ut ad mitigandum eorum moerorem orationem aliquam haberet, intimo corde ingemiscens: Gratias, inquit, Deo agere possumus, fratres ac patres, gratias, inquam, ei agere de omnibus rebus quæ preter voluntatem accidunt. Etenim gratiarum actio cum patientia conjuncta, coronas nobis nectere consuevit. Quocirca etiam si igne, aut gladio, aut maris profundo, aut præcipitio, aut alio quodam mortis genere nos mulcent, qui impietatis scelere sese devinxerunt, prono atque alaci animo cuneta perferamus. Habemus enim velut exemptar quoddam, in quod intuemur, claros illos patres, qui ante nos extiterunt, et per martyrium Deo vitam consecravint, nimirum sanctum illum Petrum Blachernis in vincula conjectum; qui cum spectante imperatore pro Christi imagine nervis atrocissime concideretur, nullum ignavi ac timidi animi specimen in eo cruciatus edidit; verum acerbioribus eum plagiis verborum laceravit, Julianum alterum et apostamat appellans: atque in his tormentis gratias Deo agens, animam extrahavit.

29. « Habemus item Joannem Monagriæ præ-

tectum, quem tyrannus cum nullo omnino terrore afflicere potuisset, neque adducere, ut Christi Matrisque ipsius imaginem pedibus protereret, sacco inclusit, gravique ipsi saxo appenso, in profundum mare dejecit.

« Sed quis tandem est, qui omnia facimora enumerando recensere possit, quæ per omnes tyrranni provincias prætores, qui eum crudelitate superabant, adversus sanctos viros designarunt? Imo vero quis est, qui sanctorum adversus eos contentionem atque ad extreum usque spiritum patientiam illo sermone referre queat? Quorum si nos exemplum sequamur, beati prelecto erimus, ut qui exiguis laboribus amplissimas opes nobis ipsis aggeramus<sup>1</sup>: Neque enim condigne sunt passiones hujus temporis ad futuram gloriam, quæ revelabitur in nobis. Haec et alia his plura ad excitandos et acuendos eorum animos, qui una cum eo vice tenebantur, accommodata cum dixisset, orationi sue finem imposuit». Ista auctor unus ex intimis ejus, qui ista optime perspecta habuit. Cæterum ipsius Stephani Auxentiani martyrium non ante quam ad finem anni sequentis contigisse, ejusdem Acta demonstrant.

Hoc pariter anno Abdallam principem Saracenorum in Oriente esse defunctum, Theophanes auctor est, sub quo Christi Ecclesiam persecutionem esse passam, testatur his verbis<sup>2</sup>: « Abdallas cum amiræ fungeretur honore, multa mala Christianis sub principatu suo degenibus demonstravit: siquidem et crucis Ecclesiæ abstinuit, et vigilias nocturnas celebrare et litteras discere prohibebat». Haec ipse: verum magis certum est ipsum vixisse Abdallam usque ad annum Christi septingentesimum septuagesimum quintum, ut suo loco dicemus. Sed ad res jam Occidentales.

21. *Synodus in Gallia adversus Iconoclastas.* — Hoc eodem anno Synodus celebratur in Gallia in villa Gentiliaco dicta, annuente Pipino rege, ubi disceptatum est de cultu sanctorum imaginum, et de quadam alia quæstione, nempe de sanctissima Trinitate: alii autem anno sequenti potius eandem habitam tradunt. Sed unde manavit occasio, ut de sacrarum imaginum cultu ejusmodi Synodus haberetur, cum nemo dicat, neque quid in eadem Synodo fuerit definitum, sit usquam penitus ullæ mentio fortis conjectura suadet, ut haec mereas in Gallias per legatos persidi imperatoris una cum donis pluribus ab eodem ad Pipinum allatis, fuerint infeliciter allatae, ut plane tempestive admodum illud poeticum fuerit esse invenendum: Timo Danaos et dona ferentes. Adoratam siquidem fuisse nobilem legationem ab eodem Constantino imperatore ad Pipinum regem Francorum, veteres

Annales tradunt, et inter alia missum organum musicum. Et quis poterit dubitare ab ipso missos homines ejusdem hæresis assertores et defensores? et cum jam ante toti orbi innotuisset Edictum ab eodem imperatore contra sacras imagines promulgatum, et ubique a Catholicis impugnatum: quomodo non tales ab eodem missi sunt Constantino, qui pollicerent scientia, et impugnatum Edictum quoquo modo defendere potuissent? Insusurasse hos nefarios in aures Pipini aliquid, et cum aulicis de iisdem conseruisse sermones, elsi nemo dicat, declaravit tamen eventus, cum ob sata zizania ista oportuerit ejusmodi Synodum convocare.

22. Obluit plurimum Francos cum Græcis isdemque hæreticis ista per legatos inita consuetudo, ut quæ inferius suo loco dicturi sumus, facient manifestum. Quod enim sciret Constantinus impius male se audire apud fideles omnes Occidentalis Ecclesie ob nefariæ hæresis promulgationem; cuius causa etiam sciret negatum sibi tributum ab Italos, et exarchatum Ravennæ ablatum: quibus potuit legationibus atque muneribus labravit, ut Francos, quorum ope Romana Ecclesia jura imperii in Italia fuerat consecuta, demerere posset; conatusque pariter, ut quos mitteret viros disertos, defensionem hæresis poscentibus exhiberent, et non poscentibus etiam cum possent, ingenererent. Porro defensores fuisse Gallicanos episcopos sacrarum imaginum, docet Synodus Romana, celebrata sub Stephano, de qua inferius dicturi sumus: ubi et asseritur de cultu sanctorum imaginum perlatae fuisse Synodalem Epistolam ab Oriente: datam illam quidem fuisse a Theodoro episcopo Hierosolymitano et Cosma Alexandrino, atque Theodoro Antiocheno, auctor est Hadrianus in Epistola ad Carolum Magnum, de qua agemus inferiorius, cum erit sermo de Concilio Romano sub Stephano, ubi eadem Epistola latinitati donata lecta fuit.

23. Quod antem ad quæstionem spectat, quæ dicitur inter Græcos et Latinos in hac Synodo agitata de sanctissima Trinitate; quenam ista fuerit, Ado Viennensis docet, nimirum fuisse de processione Spiritus sancti, num videlicet dici posset, ipsum a Patre Filioque procedere. Vides, lector, quo tempore et a quibus Græcis ejusmodi quæstio primus tuerii mota et agitata, nempe ab impiis Iconoclastis. Quod enim Occidentales plurima in Constantium ejusque sectatores objiccent; præsertim ea quæ spectarent ad sacrarum imaginum cultum; illi contra Latinis, quod adjecissent ad Symbolum ea verba, FILIOQUE, vitio vertebant. Videant igitur schismatici Græci, dum Latinos impugnant, se causam agere improbandi Constantini Copronymi, qui ipsorum etiam sententia, omni ex parte fuit impius et sceleratissimus hagiomachus.

<sup>1</sup> Rom. viii. — <sup>2</sup> Siegb. in Chron. hoc anno Regn. in Chron. an. seq. l. iv. c. 67.

Anno periodi Graeco-Romanæ 6259. — Anno Æra Hispan. 804. — Anno Hegiræ 119, inchoato die 16 Febr., Fer. 1. — Jesu Christi 766.  
— Pauli I papæ 40. — Constantini Copronymi 47 et 26. Leouis IV 16.

*1. Savit Constantinus imp. in proceres et in defensores sacrarum imaginum.* — A num. 1 ad 14. Theophanes anno Constantini imp. xxv et xxvi, priori kalend. Septemb. præcedentis Christi anni, posteriori kalend. Septemb. currentis Christi anni inchoatis agit de martyrio *S. Stephani junioris*, de monastico habitu, instituto publice tradueto in circu, de pluribus viris illustribus Constantini imp. crudelitate morti traditis, variisque ejus erga sacras imagines et sanctorum reliquias irreverentiis, quæ Baronius ex versione Anaslasii in medium adducit. Idem narrat Nicephorus in Breviario. Ait inter cætera Theophanes, *mensis Augusti die trigessimo, Indictione quarta*, quæ in cursu fuit, usque ad kalend. Septemb. imperatorem Constantino patriarchæ ejusdem sententiæ consorti accusatores subornasse, ipsumque postea in exilium misisse. Paulo post subdit: « Cæterum mensis Novembbris die decimo sexto quintæ Indictionis Nicetas a Sclavis originem dicens eunuchus, præter fas canonicam Constantinop. patriarcha imperatoris suffragio consecratur ». Constantinus monachus et episcopus Syllæ patriarcha Constantiopol. ab imperatore renumiatus fuerat anno DCCLVI, ideoque sedit annos xii, non vero xi, ut legitur in Chronicis Nicephori et in Tabulis Theophanis. Quod si præfata omnia post mortem *S. Stephani junioris* patrala sunt, eaque fam a Theophane quam a Nicephoro male alligentur cum mense Novembri superioris Christi anni, hæc anno sequenti accidisse oportet.

*2. S. Stephanus junior anno sequenti diem obiit.* — A num. 14 ad 21. *Sanctus Stephanus junior* anno DCCLXIV, qui ætatis ejus erat XLIX, relegatus est in insulam Proconnesiun, ut supra ostendimus; Stephanus vero diaconus in ejus Vita pag. 493, ait ejus matrem ad eum migrasse anno secundo ejusdem habitationis et exilii. Tum pag. 493 refert, imperatorem sanctum virum e Proconneso redire jussisse, huncque per undecim menses quos in prætorio exegit, paulo tunc panis et aquæ bocalibus tribus vixisse. Tandemque scribit Stephanus diaconus: « Porro sanctus Dei martyr Stephanus obiit quinquagesimo tertio suæ ætatis anno, mense Novembri, die vicesima octava ». Quare eum anno DCCLXV, post diem xv mensis Augusti, quo

sanctus Germanus consecratus est patriarcha Constantinop. in lucem prodierit, martyrium ejus anno tantum sequenti consignandum juxta Stephanum diaconum et Metaphrastem, quem secutus est Baronius. Stephanus autem diaconi auctoritatem hac in re potiorem videri quam Theophanis et Nicephori patriarche, jam anno superiori diximus. Inscriptus est Martyrologio Romano ad diem xxi Novemb.

*3. Concilium Gentiliacense.* — Ad num. 21 et seqq. Synodus apud *Gentiliacum* vix una leuca Parisiis distans anno tantum sequenti celebrata, Reginone et Adone in Chronicis, Eginhardo in Annal. et annalistis Loiseliano et Tiliano testibus. Eginhardus in Annal. anno DCCLXVII de ea habet: « Orta quæstione de sancta Trinitate et de sanctorum imaginibus inter Orientalem et Occidentalem Ecclesiæ, id est, Romanos et Græcos, rex Pippinus conventu in Gentiliaco villa congregato, Synodus de ipsa quæstione habuit (id est, ut loquitur Ado), utrum Spiritus sanctus, sicut procedit a Patre, ita procedat a Filio, et de sanctorum imaginibus, etrumne singendæ an pingendæ essent in Ecclesiis ». Existimat Baronius Conslautinum legatos misisse, qui huic Synodo interfuerint; quod veteres annalistæ tradant, adornatam fuisse legationem ab eodem imp. ad Pippinum regem, et inter alia munera misisse organum musicum. Verum legatio illa et organum ad Pippinum an. DCCLVII missa, ut ibidem ostendimus. Legati non sene<sup>1</sup> in Franciam ad Pippinum a Constantino missi. Stephanus enim III papa legatos Constantinopoli in Franciam directos, qui *Gisilam* Pippini filiam filio Constantini imp. in matrimonium tradi postularent, in Epistola XLV Cod. Carol. ad Carolinum et Caroloniam reges ejusdem Pippini filios post hujus obitum scripta ita testatur: « Constantinus imp. nitebatur persuadere sanctæ memoriae mitissimo vestro genitori, ad accipiendam conjugio filii sui germanam vestram, nobilissimam Gisilam ». Verosimile itaque est, Græcos, qui Synodo Gentiliacensi adfuerunt, eos esse qui de Gisilæ nuptiis verba fecerant. Quæstionis de processione Spiritus sancti ex Filio mouende causa haec fuit. Cum Occidentales Græcos hereticos appellarent ob bellum sacris imaginibus

ab illis illatum, Graeci Latinos vocabant hæreticos, quod Spiritum sanctum ex Filio procedere assicerent, indeque Pippinus rex Synodus Gentiliacensem convocandam duxit, in qua non dubium, quin Græcorum errores a Francis improbati fuerint, licet hujus Concilii nihil ad nos pervenerit.

*4. Annus vii belli Aquitanici.* — Pippinus rex Paschalem solemnitatem Aquisgrani celebravit, ut tradunt annalistæ Metensis, Bertinianus, aliquie. Postea bellum Aquitanicum continuavit, de quo auctor Appendix ii ad continuationem Fredegarii ait: « Evoluto anno, commotæ omni exercitu Francorum, vel plurimum nationum, quæ in regno suo commorabantur usque ad Aurelianis veniens, ibi Placitum suum Campo-Madio, quod ipse primus pro Campo-Martio pro utilitate Francorum instituit, tenens, multis munieribus a Francis et proceribus suis ditatus est. Iterum Ligere transacto, totam Aquitaniam pergens, usque ad Aginnum veniens, totam regionem illam devastavit. Videntes tam Waseones, quam majores natu Aquitaniæ, necessitate compulsi, plurimi ad eum venerunt, sacramenta ad eum ibidem donant, et se ditioni suæ faciunt. Ita omni Aquitania provincia nimium devastata cum multa præda ac spoliis per agrum Petregorium et Equolismam, jam pæne omni Aquitania acquisita, cum omni exercitu Francorum, iterum eo anno reversus est in Franciam cum suis omnibus ». Celebravit Pippinus Natalem Domini in Salmuntiaco, seu Salmoniaco, ut habent annalistæ Metensis, Bertinianus, aliquie. Est autem Salmuntiacum Lauduno proximum, qui locus progressu temporis Præmonstratensibus sancti Martini in urbe Lauduno canonicis cessit.

*5. Paulus PP. opem Pippini adversus Desiderium regem Langobard. postulat.* — Paulus Romanus Pontifex duas a Pippino accepit Epistolas, alteram per Petrum primum defensorem, quem in Franciam prius miserat, alteram per Widmarum et Gelbertum abbates atque Hugbaldum virum illustrem, quos Pippinus Romam oratores dirigebat. Hi quidem cum legatis Desiderii regis, neconon et Pentapolensium ac singularum civitatum, quæ Pontificiaæ erant ditionis coram ipso papa congressum habuerunt, constitutique de nonnullis peculiis inter utrasque partes restitulis, sed quoad fines urbium Pontificiarum et patrimonia beati Petri, tantum abest, ut quidquam decretum fuerit, quin et Langobardi, quæ prius Ecclesiae reddiderant, ea denuo invaserunt; conventum tamen fuit, ut Franciae civitatimque Pontificiarum legati Desiderium adirent. At Paulus nihil inde sperandum duxit, imo potius vereri cœpit, ne Langobardi ceteris Ecclesiæ bonis insidiarentur; quapropter Epistolam xvii Cod. Carol. ad Pippinum scripsit, ejusque opem enixe postulavit: « In ipsis vestris », inquit Paulus, « relationibus solitam nobis a Deo illustratae mentis vestrae constantia protulit spei fiduciam, etc. Unde et in nostra fixi charitatis connexione, ideo juxta id quod petendo diteimus, praefatos ad nos vestros

videmini direxisse missos, qui apud Langobardorum imminerent regem, pro diversis sanctæ Dei Ecclesiæ causis ac justitiis, et in nostro assisterent solatio. Pro quo innumerabiles vobis referimus gratiarum actiones, etc. Praefati denique missi vestri, in nostri præsentia cum Langobardorum missis, neconon et Pentapolensium ac singularum nostrarum civitatum hominibus assistentes, comprobatio eorum eis facta est de habitis inter utrasque partes aliquibus justitiis, videlicet de peculiis inter partes restitulis. Nam de finibus civitatum nostrarum et patrimonii beati Petri ab eisdem Langobardis retentis atque invasis, nihil usque hactenus, etiam ea quæ primitus reddiderant, denuo invaserunt. Unde constitit, ut nostri ac singularum nostrarum civilatum missi ad Desiderium Langobardorum regem cum vestris progreendi debeat missis, ut in eorum atque prædicti regis præsentia, pro iisdem tinib[us] ac patrimonii comprobatio fiat, nobisque omnia juxta pactionem restituantur. Et nescimus quid ex hoc proveniendum sit, attamen per praefatos vestros missos rei agnoscere potestis meritum, etc. Nam pro certo agnoscat excellentissima Christianitas vestra, quia si nobis præfati civitatum nostrarum ab eisdem Langobardis invasæ fines, atque patrimonia reddita non fuerint, etiam ea, quæ primitus reddiderunt, invadere insidiabuntur, etc. » Barenius viderat hujus Epistolæ argumentum, ab eo narratum anno sequenti num. 2, Epist. xxiv.

*6. Moritur S. Chrodegangus episc. Metensis.* — Mortuus est hoc anno *sanctus Chrodegangus* episcopus Metensis, cujus nomen inscriptum est ad diem vi Martii Martyrologii Ecclesiæ Metensis. Molanus in Auctario T'suardi, et Canisius ejusdem etiam meminere. Paulus diaconus, qui sub ejus successore Angilrammo libellum *de Metensibus episcopis* scripsit, pluribus eum laudat, asseritque enutritum fuisse in palatio Caroli Martelli; ejusdem referendarium extitisse, ac *Pippini regis temporibus pontificale decus* promeruisse. Subdit Paulus eum ædificasse monasterium in pago Mosellensi in honorem sancti Petri Apostoli, alterumque *quod Gorzia dicitur*, et obtinuisse a Paulo papa tria corpora sanctorum martyrum, sc. *Gorgonii, Naboris et Nazarii*. Annus ejus emortualis in controversia positus; sed ex Chronotaxi proximiorum ejus successorum, quam certam esse videbimus, liquet eum recte consignatum fuisse ab auctore Annalium Francorum ab anno ccviii usque an. Dccc perductorum, quos Duchesnius tom. II, pag. 6, publicavit. Postquam enim anonymous iste narravit, corpora sanctorum Gorgonii, Naboris et Nazarii ab Urbe Roma anno ccclxv venisse, scribit: « ccclxvi, quando Pippinus fuit in Wasconia: et eodem anno dominus Frotgandus episcopus obiit ». Eosdem Annales vulgavit Labbens tom. II Biblioth. pag. 733, ex alio Codice sancti Martini Masciacensis, nisi quod in isto ultimo Codice aliqua quandoque referuntur, que non extabant in exemplari, quo usus est Du-

chesnius, et in illo loco, *Frotgandi*, legitur *Frotgandus*. Sancti enim hujus praesulii nomen mirum in modum a librariis deformatum fuit : dicitur quippe *Ruodgangus*, *Rugrandus*, *Rutigandus*, *Droctegangus*. Chrodegangum vero anno post obtentas a Romano Pontifice laudatas reliquias ad Deum migrasse, tradit etiam in suo Chronico Hugo Flaviniacensis, qui loquens de sancto Madalveo episcopo Virdunensi, narrat, *anno ordinationis Madaluci* XIII, fuisse annum Incarnat. DCCLXV, easque reliquias per Chrodegangum Melensem archiepiscopum a Paulo papa concessas, *nono papatus sui anno* fuisse delatas, et sequenti anno utrumque decessisse a saeculo *Indict. quinta*, ubi tamen loco, *Indict. v*, legendum, *Indict. iv*.

7. *A Stephano II archiepiscopi titulo exornatus fuit.* — Chrodegangus in documentis authenticis vocatur *archiepiscopus*, quia hoc ei nomen attribulum fuerat cum potestate consecrandi episcopos. Ut enim Paulus laudatus prodit : « Ille consecravit episcopos quamplurimos per diversas civitates, presbyteros nihilominus ac diaconos, ceterosque Ecclesiasticos ordines, sicut moris est Romanæ Ecclesiæ, in diebus sabbatorum, Quaternis Temporibus anni ». Archiepiscopi vero titulum ei a *Stephano papa II*, vulgo appellato III, quando erat in Galliis, anno sc. CCCLIV, attribulum fuisse, elicio ex Periocha Vitæ hujus Pontificis a Lambecio lib. 2 Biblioth. Cæs. pag. 927 recitata. Seribit vir doctissimus in ea Bibliotheca extare Codicem Anastasii tempore Ludovici Pii exaratum, et in Vita Stephani II haec verba legi, quæ desunt in Codicibus editis : « Dum in Francia esset positus, Rodigango sanctissimo episcopo pallium tribuit et archiepiscopum ordinavit ». Quæ verba etiam leguntur in variis MSS. Anastasianis in fine editionis regie relatis. Quare in Martyrologio Metensi ad diem VI mensis Martii eo titulo jure merito cohonestatur : *Metis depositio Grodegangi archiepiscopi et confessoris*. Et Hugo abbas Flaviniacensis in Chronico Virdunensi pag. 106, nonnisi in tempore ordinationis Chrodegangi in episcopum Metensem peccat, quando de Stephano II in Francia posito scribit : « A quo in pontificem Metensis Ecclesiæ, adstante rege et populo, consecratus pallium promeruit eum nomine archiepiscopi. Quod etiam quibusdam Metensis Ec-

clesiae præsulibus aliquoties concessum fuisse legitur pro nullimoda vastatione Trevirensis matris Ecclesiæ ». De duratione sedis ejus haec Paulus laudatus tradit : « Rexit Ecclesiam Metensem annis viginti tribus, mensibus quinque, diebus quinque. Obiit pridie nonas Martias », id est, die VI mensis Martii. Dies obitus ab eo vocatus is dies juxta communem loquendi modum, quo dies obitus et sepulture confunduntur. Cum enim Chrodegangus anno DCCLXII, qui primus fuit majoratus Pippini ordinatus fuerit, ut ex anno mortis ejus intelligimus, idque die trigesima mensis Septembris, qui eo Christi anno in Dominicam incidebat, animam Deo reddidit die quinta mensis Martii hujus anni sequentique sepulture mandatus.

8. *Aliqui episcopi Metenses dicti archiepiscopi.* — In Codice sancti Symphoriani Metensis in Ansberti familia rediviva a Dominicio publicato dicitur, post mortem S. Chrodegangi vacasse sedem annos II, et menses VI, et dies XIX, ideoque si in eodem Codice duratio sedis Angelramni sine mendo exarata est, ut quidem existimandum, vacationi sedis aliquot dies addendi, et ordinatio Angelramni die XXIX mensis Septemb. anni DCCLXVIII dedicationi sancti Michaelis Archangelis sacra consignanda, ut in ejus morte videbimus. Porro quatuor episcopi Metenses *archiepiscopi* nomen tulere, *Urbicus*, qui circa finem saeculi quarti vixit, *Chrodegangus*, *Angelramnus*, et *Drogo*. Hugo Flaviniacensis abbas hujus rei causam referit ad devastationem urbis metropolitanae Trevirensis ; in Chronico enim Virdunensi citato hac de re loquens ait : « Ita multoties peccatis exigentibus altrita fuit (urbs sc. Tervorum), ut ea vacante Metentium præsules metropolitani fungerentur officio et dignitate ». Quam quidem conjecturam respectu Urbicii, qui eo tempore vixit, quo Treviris a Francis devastata, et sedes præfecturæ prætorii ad urbem Arelatensem translata, certam existimo. At respectu Chrodegangi, Angelramni et Dragonis, recurrentum est ad privilegiuni singulare ob claritatem natalium aliasque peculiares rationes, tribus illis præsulibus concessum, quos tamen suffraganeos non habuisse, indubitatum esse debet.

Hoc anno mortuus est *Egbertus* archiep. Eboracensis, ut videre est an. DCCLXI.

## SEDES VACAT. — CHRISTI 767.

1. *Pauli pape obitus, et ejus Epistolārum singula argumenta et res gestae.* — Adest annus septingentesimus sexagesimus septimus Redemptoris, quinta Indictione notatus, quo Paulus papa ubi sedisset annos decem et mensem unum, moritur vicesima nona Junii. De cuius rebus gestis opulentiorē tibi, lector, apposuissemus mensam, si Epistolas ab eo scriptas ad Pipinum Francorum regem et alios reperire potuissemus, quarum dūnataxat argumenta summatim præstricta et recensita vidimus a Panyino in Vitis Romanorum Pontificum, easque integras haberi in Vaticana bibliotheca testatur: verum easdem diu quæsilas minime invenire valuimus, ut eas vel furto vel alio aliquo modo inde sublatas existimemus. Cæterum nihil est, quod ejus fides possit in suspicionem adduci, cum et earundem totidem numero argumenta pariter recitent<sup>1</sup> Novatores: qui pertesi prolixitatē atque multiplicitatē pariter, sed magis veritatem, non ipsas integras, sed ipsarum argumenta tantummodo edidere; quæ si non simul congestæ, sed per annos singulos, quibus sunt datae, digestæ fuissent, non fastidium vel nauseam legentibus attulissent, sed maximam voluptatem, utpote, quod ex eis epistolaris historia, quæ ceteris veritate et sinceritate præstat, ignota hactenus, fuisset egregie concinnata: quod nec tu negaveris, cum earundem argumenta perlegeris, quæ hic tibi subjicimus, ne jejunum penitus dimittamus, quem opipara mensa (quod optassemus) excipere non conceditur. Sed et ex his quisque intelligat, et fateatur, licet invitus, quam bene et optime de Ecclesiasticis antiquitatibus mereatur, qui non fragmenta, vel argumenta reddat Epistolarum, sed ipsas integras edat, non amplius perituras, cum sic earum perpetuitati bene consulat, dum eas in Archivo recondens, consecransque immortalitati, conservet posteris integras. Primæ igitur Epistole et aliarum deinceps argumenta sic se habent:

2. « 4. Paulus papa Pipino regi obitum Stephani fratris et suam ordinationem

exponit: indicat se in amicitia ab eodem Stephano inita cum Francis perseveraturum; petit ut idem præstet.

- « 2. Monasterium S. Silvestri cum tribus aliis vicinis donat Pipino, quæ a Carolomanno monacho fuerant Zachariæ papa concessa.
- « 3. Gratias agit Pipino pro defensione contra insidiatores; et pollicetur se curaturum, ut monachi Carolumanni psalmodiam discant.
- « 4. Marinum presbyterum jubet episcopum creari, ut a consiliis Sedi Romane contrariis avocetur.
- « 5. Gratulatur Pipino de incolumitate, ac legatos suos nondum Constantiopolis reversos esse indicat.
- « 6. Gratias agit pro exaltatione S. R. E., indicat fiduciam suam post Denm in fortissimo regis Pipini brachio existere: et petit, ut ad se legatum mittat, per quem possit ei aperire Græcorum consilia et insidias.
- « 7. Monachum ei a Cosma Alexandrino patriarcha missum commendat.
- « 8. Imperatorem Græcum in armis esse, et Ravennatem exarchatum et Romanam recuperare velle narrat; ac ab eo auxilium contra Græcos implorat.
- « 9. Exponit se Ravennæ cum Desiderio locuturum, et paraturum quæ ad defensionem contra Græcos necessaria essent.
- « 10. Purgat se de criminis objecto: quasi dixisset Pipinum non valere auxilium præbere Romanis in angustia constitutis. Et de Marino facit polestatem, ut statuat quid velit. Petit auxilium pro Ravennatum defensione.
- « 11. Eum de ipsius valetudine perconta-

<sup>1</sup> Centur. VIII. pag. 725.

- tur : quia ab amicis nescio quid  
rumoris adversi de ejus aegritudine  
sparsum fuerat.
- « 12. Narrat de Beneventanorum injuria : petit ut Pipinus litteris eos increpet : et si nolint parere, ut consentiat in expeditionem contra eos institutam.
- « 13. Gratias agit pro defensione Ecclesie : de pace inter se et Desiderium constituta narrat, ac postulat, ut obsides Desiderio restituat, quo et ipse urbem Forum Cornelii recipere posset.
- « 14. Litteras proditorias Sergii Ravennatis episcopi mittit, et petit auxilium.
- « 15. Per Vulfardum coepiscopum, quem Pipino exemplo fratris Stephani commendat, scribens, iis litteris laudes Pipini et gratiarum actiones pro defensione sanctae Dei Ecclesiae continentur. Auxilium contra Longobardos, quod sancte Dei Ecclesiae justitias minime redderent, postulat. Item pro sacerdote misso, in quo Pipini filia ex sacratissimo fontis lavacro abluta suscepta fuerat, gratias Pontifex agit : quem celebratis missarum solemnibus magna jucunditate, aggregata populi multitudine infra autam sacrae corporis beatae Petronille, que pro laude aeternaque memoria nominis Pipini consecrata erat, suscepisse se scribit. Adjicit, se indesinenter laborare, ut Sergius episcopus suae restituatur Ecclesiae.
- « 16. Ad Pipinum et omnes Francos, per Fardum (Fulradum) et socios ejus, in qua continentur landes uberrimae. Item de legatis Graecorum ad regem in Francia morantibus, et de Gregorio episcopo et Petro presbytero.
- « 17. Pipino indicat sex patricios cum ccc navibus Constantinopoli Romanam venturos esse, et postea in Franciam ad Pipinum prefecturos. Queritur Desiderium justitias sanctae Dei Ecclesiae, quas coram legatis Pipini facere promiserat (quod pollicitus fuerat) non adimplevisse : quinimo eum Romanos injuriis plurimis affecisse deplorat.
- « 18. Continentur gratiarum actiones et uberrimae benedictiones pro vita et incolumentate ejusdem Pipini, Caroli et Carolomanni nobilissimorum filiorum ejus : multis adjurationibus contra Longobardos auxilium flagitans. In embolio adjuncto praeceptum,
- quod Marino presbytero de titulo Chrysogoni dedit, et de libris, quos Pipino transmisit, continetur.
- « 19. Pipino per Georgium episcopum gratiarum actiones pro defensione sanctae Dei Ecclesie continet. In embolio postulat, ut Pipini filium, qui ei tunc natus fuerat, ex sacro baptismatis fonte excipere mereatur.
- « 20. Petro presbytero ad eumdem dedit continentem quasdam laudes ejus, quod Romanam Ecclesiam ab haereticis defenderit. Postea Acta Remedii episcopi et Andegarii comitis narrat, qualiter justitias B. Petri Apostolorum principis apud Desiderium regem ex parte receperit, et quod reliquias justitias facere pollicitus sit, cum obtestatione, ut si Desiderius ista neglexerit, Pipinus illum, sicut Stephano papae et ejus germano et sibi promiserat, cogeret.
- « 21. Ad Pipinum per Wilharium episcopum, Dodonem et Vnichardum : in qua gratiarum actiones cum adhortationibus, ut Pipinus pro defensione Ecclesiae pugnare perget. Papa de sua constantia erga Pipinum multa recitat, scilicet, quod nullo favore aut terrore ab eis charitate separari possit. Indicit se, post Deum, ejus Genitricem, et beatos Apostolos, in nullo, quam Pipino, majorem habere fiduciam.
- « 22. Pipino gratias agit, quod legati Joannes subdiaconus, Pamphilus abbas, et noster defensor regionarius S. R. E. cum imperialibus legatis ab ipso Pipino honorifice suscepti essent. Refert item gratias, quod sibi omnia indicaverit, quae cum imperatore Constantinopolitano acta fuerant alde veum : laudat et commendat.
- « 23. Per Joannem subdiaconum et abbatem, atque Petrum primum defensorem. Gratiarum actiones uberrimas et benedictiones continet de firmo atque incommutabili pollicitationis verbo, et magna perseverantia Pipini in causis Apostolicis, cum admonitione, ut ita perget, Pipinum Davidi comparat.
- « 24. Ad duas Pipini Epistolas respondet, quarum alteram Pipinus per Petrum primum defensorem misserat, alteram per Witnarum et Gebertum abbates atque Hugbaldum virum illustrem. Est ejusdem argumenti cum proxime precedenti,

nisi quod quædam adjicit de Longobardis, quod quasdam S. Petri justias redditiderint, quasdam non, et nunc priores redditas iterum invadere conentur. Quare Pipini auxilium contra ipsos implorat.

« 25. Gratias agit pro defensione Ecclesiae, cum adhortatione ad Pipinum, ut perget omnimodam S. R. E. exaltationem facere. De suo erga Pipinum amore, et quod nihil sine ejus voluntate facere velit, largissime promittit. Pro monasterio in Sostraectis monte a Pipino sibi donato, gratias agit.

« 26. Per Georgium coepiscopum, Stephannum presbyterum una cum Radberto Pipini legato missos. Prolixe de Longobardorum crudelitate ac malitia queritur : indicat se suis legatis ad eum deditse litteras, in quibus peteretur dimissio obsidum Desiderii regis in Francia detentorum : idque ideo factum, ut per Longobardiam ipse proficiisci tuto posset : alias se idipsum non petuisse. Hortatur Pipinum et vehementer obtestatur, ne illos dimittat : ipsum Desiderium constringat, et ad restitutionem omnium bonorum B. Petri cogat, ut in adventu Domini, sicut radiantissimus sol, lucere mercatur. In embolo(embolio) adjuncto munuscula quædam Pipino mittit.

« 27. Per Andream et Gundricum Pipino legationem mittit : in qua gratiarum actiones continentur, cum petitione et adjuratione de auxilio contra Longobardos mittendo.

« 28. Scripsit Epistolas tres ad Carolum et Carolomannum : in quibus hortatur eos, ut majorum vestigiis insistentes, fidem Deo et B. Petro praestent, et Ecclesiam Romanam defendant et exalent.

« 29. « 30. « 31. Scripsit etiam Epistolam ad cunctum exercitum regni Francorum : in qua gratias et benedictiones profideli opera sibi et beato Petro praestita eis impertit. Hortatur eos, ut in servitio S. R. E. perseverent, ac pro ea viriliter decerterent ». Haec tenus Pauli Epistolarum argumenta.

3. Cæterum præter hæc et alia, quæ dicta sunt superius suis certis locis, hæc haud anno certo notata Anastasius habet : « Ille, inquit, fecit noviter Ecclesiam infra hanc civitatem Romanam in Via sacra juxta templum Romæ... in honorem sancto-

rum Apostolorum Petri et Pauli, ubi ipsi beatissimi principes Apostolorum, tempore quo pro Christi nomine coronati sunt, dum Redemptori funderent preeses, et propria genua flectere visi sunt, impresserunt genua ipsa in eo loco, nbi usque hactenus in testimonium omni in posterum venturæ generationi, in quedam firmissimo silice esse ostenduntur designata.

« At in Ecclesia beati Petri Apostoli foras muros hujus civitatis Romanæ (in Vaticano videlicet), novum oraculum sive oratorium in honorem sanctæ Dei Genitricis construxit juxta oratorium S. Leonis papæ, secus fores introitns S. Petronillæ atque Andreae Apostoli, musivo ac diversis metallis eum adornans, ubi et effigiem sanctæ Dei Genitricis in statua ex argento deaurato fecit, quæ pensat libras centum, iu quo oraculo et sepulturam sibi construxit.

4. « Ille dum in Ecclesia beati Pauli Apostoli aestivo tempore pro valido caloris fervore demoraretur, corporali præoccupatus ægritudine, illic vitam finivit, ubi et sepultus est; illie fere trium mensium spatio post corpus ejus humatum permanuit funus. Postmodum vero congregati Romani cives et aliæ nationes, ejus corpus per flumen Tiberis transportantes ad beatum Petrum cum psalmodiæ honore deportavere, et in præfato ab eo constructo oraenlo eum sepeliere. Ille fecit ordinationem unam per mensem Decembrem, creans presbyteros duodecim, diaconos duos, episcopos per diversa loca numero.... Cessavit episcopatus ejus annum unum et mensem unum ». Hucusque Anastasius. Sed quomodo ista se habuerint, et quæ intercesserint impedimenta, ut tandem legitimo pastore vacarit Sedes, idem auctor narrat in rebus gestis Stephani papæ, ejusdem Pauli Pontificis successoris, his verbis :

« Dum vero prædecessor ejus dominus Paulus pro austeritate fervoris, aestivo tempore in Ecclesia beati Pauli demoraretur, et valida ibidem ægritudine præoccuparetur, de qua et vitam finivit : die noctuque idem beatissimus Stephanus in ejusdem sui prædecessoris perseverans servitio, nullo modo ab ejus lectulo, donec spirillum emitteret, recessit.

5. *Pseudo-papa Constantinus.* — « At vero Paulus papa in ægritudine positus, eum nondum adhuc spiritum exhalaret, illico Toto quidam, dux Nepesinae civitatis, dudum habitator cum suis germanis Constantino, Passivo, et Paschale, aggregantes tamen ex eadem Nepesina civitate, quanque ex aliis Tuscæ civitatibus multitudinem exercitus, atque catervam rusticorum, ingredientesque per portam B. Paneratii in hanc Romanam Urbem, atque in domo antedicti Totonis armati assistentes, elegere ibidem subito Constantium fratrem ejusdem Totonis laicum existentem : quem enim armis plurimi eorum loriciis induiti, latrocinanter in Lateranum patriarchium introduxere, et asecentes eum eo in vicedominio, continuo accersito Georgio epi-

scopo, computere cum orationem clericatus eidem Constantino tribui. Ipse vero omnino hoc renuebat facere, corruensque in terram, prostravit se pedibus ipsius Constantini, adjurans eum forlitter per omnia divina mysteria, ut locum daret, et ab ejusdem impiæ præsumptionis proposito recederet, ne per eum talis inaudita novitas in Ecclesia Dei fieret. Et dum hujuscemodi adjurationis proferret verba, concitati plurimi ex ipsis malignis, qui eamdem impiam electionem fecerant, insurgentes super eum atque fortiter comminantes ei, a quibus ipse timore corruptus, orationem illi clericatus tribuit, et ita clericus effectus eumdem sanetum Lateranense invasit patriarchium ». Agebantur ista per Tolonem ducem voluntate et consensu Desiderii regis Longobardorum, ut constat ex Epistola Hadriani papæ, de qua inferius. Pergit vero Anastasius :

6. « Alio vero die, illucescente secunda feria, subdiaconus atque diaconus ab eodem episcopo in oratorio S. Laurentii intra eumdem patriarchium contra sanctorum canonum instituta consecratus est, siveque universum populum sibi sacramentum prebere fecit, et adveniente Dominico die, rursus cum multitudine armatorum exercituum in Basilicam B. Petri properans, Pontifex ab eodem Georgio episcopo Praenestino et aliis duabus episcopis Eu- strasio Albanense et Citomalo (Citonato) Portuense consecratus est, et per anni spatium et mensem unum Sedem Apostolicam invasam detinuit ». Quomodo autem qui per vim ingressus est, per vim pariter sit sublatuus, dicemus anno sequenti, quo contigit.

Modo autem exitum Georgii episcopi Praenestini ejus ordinatoris ab eodem Anastasio audimus, qui haec subjicit: « Antedictus vero Georgius episcopus Praenestinus, qui eum diaconem et Pontificem consecravit, non post multos dies consecrationis ipsius Constantini, valida ac pessima ægritudine præoccupatus, immunobilis factus est, et postea missarum solemnia nequaquam celebravit: ejus enim dextera manus aruit atque contracta est, siveque timens ac languens vitam finivit ». Haec de primo ordinatore Georgio ostendit Deus signa, ne quis existimaret excusare posse vim illatam ad impoundram manum super invadentem Apostolicam Sedem, sed teneri quemlibet militias vitam prodigere, quam tam inuane scelus patrare. Cæterum Constantinus pseudo-papa, quod sciebat suam ordinationem sacris canonibus penitus labetaetari, et reddi irritam, potioribus remedis eam suffulcire conatus est: nam et conciliabulum collegit proximorum episcoporum, qui ex ejus sententia omnia vi metuque miscentis, probavere ejus electionem. Porro ejusmodi conventus postea a Stephano papa (ut suo loco dicturi sumus) penitus irritus redditus est et nullius auctoratis.

7. Verum idem Constantinus pseudo-pontifex, ut sedem suam cathedralm pestilentie stabilire

posset, ipso sni Pontificatus initio duas Epistolas scripsit ad Pipinum. In quarum prima Pauli obitum exponit, seque invitum et immeritum esse subrogatum: petit, ut amorem et fidem sibi servet, quem erga antecessores; eique librum mittit de rebus gestis sanctorum.

In posteriore iterum queritur, se vi a multitudo manu injecta Pontificem factum: petitque, ut Pipinus Ecclesiae agat defensorem, ne de se credat malevolis. Indicat quoque Constantimum presbyterum a Theodoro Hierosolymitano et aliis Synodicam attulisse de cultu imaginum, quam græce et latine ei mittit, ut qualis fervor in Orientalibus Ecclesiis pro imaginum conservatione sit, cognoscatur. In pagina insertitia petit, ut Georgium episcopum, Martinum et Petrum presbyteros, a Paulo ad se legatos remittat ad suos: « Rogat postremo ne desinat Ecclesiam Romanam tueri ». Ista sunt argumenta pseudo-papæ Epistolarum ex codem, quo supra in Paulo dictum est, Codice Vaticano accepta. Ceterum quod ad Synodicam a Theodoro patriarcha Hierosolymorum missam Romanam de cultu sanctorum imaginum spectat, ne putas eam ad ipsum Constantimum pseudo-papam missam fuisse, sed potius ad Paulum papam, quem legati venientes Romanam, reperere esse defunctum; quod testatur Hadrianus papa, ut inferius suo loco dicetur.

8. *Historia de Stephani Auxentianu martyrio, ejusque reliquiis et miraculis.* — Sed quid interea in Oriente? Ubique luctus, ubique dolor, tam in Occidente, quam in Oriente: laborat Occidens Orthodoxorum (ut vidisti) complurium factiosorum protervia Romanam Ecclesiam infestantium: qui dum sancto corpori monstruosum student caput apponere, factum est, ut sine visibili capite, miserando modo, hoc anno, post obitum Pauli aliquandiu perseverarit Ecclesia: laborat et Oriens, crudeli persecutione haeretici imperatoris, sanctorum cædibus horret. Hoc enim anno inter alios insignis ille sanctissimus Stephanus Auxentianus gloriosissime martyrium consummatum die vicesima octava Novembbris. Quæ autem ista praecesserint, ex ejusdem martyrii Actis quam verissimis hic sunt redenda, jungendaque illis, quæ de ipso, anno superiori, sunt recitata de prætoriano carcere, ubi cum aliis trecentis et quadraginta duobus egregiis confessoribus detenus tenebatur inclusus. Post igitur illa, quæ de eo et aliis sunt enarrata, subjiciuntur ista de prævisa jam ante consummatione martyrii.

9. « Non multi dies intercesserant, cum ipse suam a terra ad Ænum migrationem animæ oculo propiciens, quadragesimo ante mortem suam die, præclararam illam mulierem, illam, inquam, hospitalitatis laude florentem, ac novam Islandulam, atque eorum, qui in vinculis erant, ministram accersit, ad eamque his verbis utitur: Tuæ erga me hospitalitatis fructum velim tibi cum fœnore Christus rependat. Belle enim mihi, atque ut ipsi gratum est, ministrasti, ac me recreasti. Deinceps

autem ad quadraginta usque dies, prorsus mecum ipse versari ac memet executere cupio. Peto igitur abs te, ut panem eum et aquam, quae ad me afferre consueveras, per hos dies ne afferas. Ut autem eo nouine mōrentem eam vidit, atque hujus rei causam seire cupientem : Novi, inquit, mihi vitæ finem imminere : ac propterea monasticæ exercitationis rigorem etiam atque etiam intendere gestio. Cessit his auditis hospitalis illa ac præstanti fide mulier.

« Per omnes itaque noctes et dies non desinebat vir sanctus patres eos, quos carceris socios habebat, monere, docere, salutaribus præceptis erudire, atque id efficiere, ut toto pāne nocturno tempore in canendis Deo laudibus versarentur : adeo ut cives etiam nonnulli, qui sanctioris vitæ studium colebant, vilibus pannis obvoluti, clam ad eum ingredierentur, et ipsius benedictione atque doctrina non sine magna animi voluptate fruerentur. In his igitur muneribus cum quadraginta illi dies absumerentur, ac jam octavus et trigesimus inchoaret, hospitalem illam mulierem rursus accersitam, audientibus patribus, ita alloquitur :

10. « Deus, qui se piis omnibus laborum fructus centuplicato redditurum promisit, benigno oculo te ex alto sancto suo adspiciat, ac pro tuo in me officio longe copiosiorem tibi mercedem referat. Ipsius enim vere discipula extitisti, qui dixit<sup>1</sup> : Quod fecistis uni ex minimis his meis, mihi fecistis. Et : Qui recipit justum in nomine justi, mercedem justi accipiet. Et : Qui potum dat calicem aquæ frigidæ, non perdet mercedem suam. En itaque tua erga me voluntatis merces expleta est, quam tu ejusmodi a Deo habitura es, ut ea tibi nunquam eripi possit. At postea sacris imaginibus ostensis : Accipe, inquit, præclarum hoc tunum depositum, quod quidem tibi, et in præsenti hac vita adversus omne malum præsidii loco sit, et in futura tua erga Deum benevolentie atque Orthodoxæ fidei pignus. Haec ubi dixit, alte sursum ex imo pectore ingemisens, aperite hoc extulit : Crastina Iuce ex hac vita migrans, ad alium mundum atque imperatorem proficiscar ». Dolens quidem non suum bonum, quo gavisurus esset, sed alienis peccatis, quibus Deum ipsum offensuri heretici essent. Sed pergit : « Ilsa igitur cum amarum quemdam et acerbum gemitum edidisset, extremamque ei salutem dixisset, receptasque eas, quas utendas dederat imagines, linteo quodam obvolvisset, domum postea se recepit. At divinitus atflatus Stephanus, convocatis rursum patribus, eos in divinis laudibus concinendis pernoctare jubebat.

11. « Porro autem ille Deo prorsus invitus tyrannus, præter alia, quæ Deo odio et execrationi erant facinora, ne Brumalium quidem ceremoniam continebat, verum eam quoque splendide ac lueulerter celebrabat, ut qui Brumum quem-

dam ac Bacchum in his Gentilium ritu colere in animum induxisset, eousque ut frugum ac vini curam gerentes, atque ad maturitatem eos perducentes, summis honoribus afficeret. Parabat itaque tertiae quoque uxori sue Eudociae Brumalium postridie, iuxta quinti elementi circumductionem celebrare. Progressus autem atque ad scholarum porticus sedens, una cum Symmystis suis, satanicas quasdam cum organis ac eitharis cantiones adventanti festo congruentes addiscebat. Hic igitur ab impiis quibusdam viris ad eum delatum est, Stephanum ex prætorio monasterium effecisse, eumque totas noctes illic in cantillationis psalmis traducere, ac præterea complures cives illuc proficientes, idolorum cultum ab eo edoceri.

« Hæc ille ut audivit, graviore ira inflammatus, statim militi cuidam, qui in Proximi ordine adscriptus erat, hoc imperial, ut sanctum virum e carcere eluetum extra urbem obtruncet, illic nempe ubi prius eximie martyris Maure templum situm erat. Post autem locus ille carnificina factus est, templo scilicet illo a tyranno funditus everso et solo aquato, ac Maura nuncupato : quo in loco foedera cum daemonibus occulte sanciebat, tametsi non ad extrellum usque scelus hoc ipsius obscurum fuerit; prodidit enim id quod clam ab eo perpetrabatur Suphalamii filius ipsis sacrificii loco dono datus, de quo nunc consulto sermonem silentio comprimentus. Cum igitur sanctum virum morti addixisset, confessim edictum hujusmodi per totam urbem promulgavit.

12. « Quisquis amicum, aut affinem, aut omnino genere conjunctum habere, eumque occultare, aut etiam pullam vestem ferre deprehensus fuerit : hic post varia tormentorum genera exilio multelabitur. Cernere igitur erat urbem gravissima calamitate laborantem. Neque enim inimici duntaxat inimicos apud imperatorem facillime accusabant, sed etiam amici amicos, et fratres fratres, et servi dominos, atque (ut brevi complectar) in graviore luctu et planctu tota urbs versabatur, quam cum Julianus et Valens imperii Romani clavum tenebant.

« At vero carnifex ille, qui missus fuerat, sancto viro a prætorio assumpto, colloque ipsius ac manibus ligno alligatis, ad cædem properabat. Eo autem die tyranus e palatio progressus in Milii porticus stabat, ubi prius sex illa OEcumenica Concilia depicta erant, post antem crudelis imperatoris jussu, inducto albario opere, deleta fuerant, atque eorum loco circus ille, quem amatbat atque plurimi faciebat, atque auriga is, quem in deliciis habebat, atque Uraniacum, hoc est, cælestem, cum ne terra quidem dignus esset, appellarat, picti cernebantur. In hoc igitur loco cum superbe staret, omnesque eum faustis omnibus prosequerentur : Nulla milii, inquit, requies est, ita immemorandi isti exilium vitæ mœre afferunt. Hic vero quidam ejus factionis ait : Et ubinam tandem ullus eorum delituit, aut vestigium ullum ipsorum iu-

<sup>1</sup> Matth. xix.

hac urbe tua, aut in ulla alia civitate, vel regione occultatum est, cum omnes funditus deleti sint? Enim enim imperii quoque tui hostem, hoc est, Auxentianum Stephanum abduci hodie vidi, ut quas meritus est penas subeat. Tum imperator: Et quid jueundius Stephano accidere queat, quam ut gladio vitam finiat? Verum hujus desiderii minime coinpos futurus est: multo enim graviore mortis genere multctabitur. Nunc quippe imperatrix non medioeriter adversus nos stomachabitur, si festum ipsius diem in cæde conticiamus. Quocirca novus hic Iherodes, atque uxoris mancipium reduci quamprimum eum in prætorium jubet.

13. « Quod cum contigisset, rursum cum iis patribus, qui in vinculis erant, Daviticos psalmos canebat<sup>1</sup>: Qui habitat in adjutorio Altissimi, et quæ deinceps sequuntur. Tyraurus autem cum vesperam totam in tibiarum et cithararum cantu transegisset, postridie instructa splendidissima cœna, cum iis, qui suæ factionis erant, epulabatur. Cumque duos quosdam fratres, tum dignitate claros, tum corporis simul atque animi pulchritudine florentes (quos poslea invidiae cæstro percitus interfecit) seorsum accivisset: Ite ad prælorium, inquit, ac meo nomine ad Auxentianum Stephanum hæc dicite: Vides, quanta tui cura afficiar, ut qui tibi ex ipsis mortis fancibus erecto vitam concesserim: quocirca tandem aliquando animum inflectens, voluntati meæ obsequere. Non quidem me fugit, quin homo contumax et durus ad contumelias potius nobis infereendas prorupturus sit. Vos vero si sermonum illecebris inflectere ejus animum polueritis, rem gratam mihi feceritis, et ministerium istud vestrum comprobabo. Si istud ei persuaderi nequeat, tandiu eum a vobis, et a fronte, et a tergo verberari volo, quoad misere animam efflaverit.

• « Igitur præclari illi duo fratres, postquam ad prætorium venerunt, furiosam quidem illam tyrauni sententiam sancto viro exponunt: verum nullo eum malo prorsus affecerunt, quin potius ubi eum sermonibus ad cohortandum accommodatis confirmassent, atque ab eo benedictionem acceptissent, ad redditum se accinxerunt. Que autem ad imperatorem dixerunt, hujusmodi fuere: Imperator, miserum illum in pristina sententia persantem, tuumque imperium infaustis omnibus persequentem offendimus, ac proinde tot plagis eum proscidimus, ut pœne spiritus omnis expers jaceat, nec certum sit, an crastina die inter vivos futurus sit. Qua quidem ex re cum mirificam lætitiam ferinus ille concepisset, atque ingentem risum effudisset, luxui, quo ipsi nihil carius erat, operam dare poslea pergebat, ut qui ventris et corum, quæ ventre inferiora sunt, servus esset.

14. « At vero dignissimus Stephanus, sub auorum ad se coacto monachorum agmine, postre-

mum hunc ad eum sermonem habuit: Valete, patres et fratres; valete atque in Orthodoxa fide constantissime perseverate, ac pro mea tenuitate, quæso preces fundite. Enim jamjamque adest mortis meæ tempus, ac pro foribus jam corona est. Quamobrem vereor, ne caliginosa dæmonum multitudo propter ignorantiarum mearum multitudinem mibi impedimento sit. Ob quæ cum omnes, amnis ejusdam in modum, lacrymas profunderent, tolti sibi saeram epomidem atque deinde analabum cum loro jussit. Cum autem encullam quoque abjicere pararet, ne id faceret, patres prohibebant, negantes convenire, ut sine pretioso hoc indumenti genere dierum suorum finem videret. Ad quos divinitus afflatus vir ille: Athletam, inquit, nudum decet luctari. Ac præterea ne æquum quidem est, pretiosam hanc rem a furente populo contumelia affici, ac profanis pedibus conculcari. Ilæc eum locutus esset, omnes ei morem gesserunt: itaque circullam quoque exiit, ac cum pelliceo duntaxat pallio una cum monachis sedebat, de his rebus, quæ ad salutem pertinebant, sermonem ad eos habens ».

15. Dum ista aguntur, ex iis, quæ subsecuta sunt, intelligi potest, imperatorem per visum dormientem ea passum esse, quæ passam uxorem Pilati<sup>1</sup> Evangelista commenmorat, et velut quibusdam furiis exagitatum, novisque per dæmones, Stephanum Auxentianum nihil penitus, ut jusserset, esse passum: ob id imperator ipse magis est cruciatus. Nam audi, quæ subjiciat idem auctor: « Verum enimvero tieri omnino non poterat, ut quæ in carcere acta fuerant, et quo pacto duo illi pī fratres admodum benigne ac indulgenter cum divino Stephano egissent, tyraurus ignoraret. Quare cuui de his omnibus a dæmonie aliquo (ut vero consentaneum est) certior factus fuisse, hora diei secunda e somno experrectus, leoninum quidam rugiens, atque ad aulae vestibulum festinanter proficiscens: O vim mihi illatam! exclamavit. O insignem mei contemptum! Nemo est, qui mihi opituletur, nemo qui subsidium ferat? Quid mihi cum lenebris et Inmemorandis istis (sic enim ipsi usitatum ac familiare erat monachos appellare.) Cum autem ii, qui voluptatibus ac deliciis dediti erant, ultro ad inlemparentem illam mensam current: perturbatissimo animo ipsis occurrent, magno eum clamore quererebat: Quo pergitis, et quem queritis? His autem respondentibus: Ad te benignum nostrum dominum inuis. Tum ille altiori voce: Non sum, inquit, dominus vester: non sum imperator. Alius dominus vester est, alius imperator, ad cuius pedes vos ipsis provolvitis, contactisque ipsius vestigiis, ab eo vota precesque supplices petitis: nemo in me obsequiosus est, ut illo de medio sublato, animum meum reticiat et recreet. His vero animi anxiate laborantibus, et quisnam ille esset sciscitantibus, quisquis ille, quem ipsi ei anteferrent,

<sup>1</sup> Psal. xc.

<sup>1</sup> Matth. xxvii.

aut quem aliunt imperatorem agnoscerent: tum ipse contra: Stephanus Auxentianus est, inquit.

46. « Nondum integrum nomen in eorum aures influxerat: cum subito impetus quidam et clamor promiscuus, et vox quedam incondita personabat, omnibus, ut erant, ad prætorium concurrentibus. Mox trunculentorum leonum instar in careerem insilientes: Date nobis (custodibus inquietant) Auxentianum Stephanum. At ille constanti atque intrepido animo, velut in hoc ipsum paratus, ad eos decoro gestu ac vultu ab omni perturbatione libero egreditur, et quemadmodum olim Christus Iudeis, ipsius cædem anhelantibus<sup>1</sup>: Ego sum, quem queritis, inquit. Illi autem illuc eum arripiant, atque in terram illidunt, ferreisque vineulis, quibus ejus pedes adstringebantur, ab eo extractis, ad publicam viam raptim eum adducunt, calcibus in eum insilientes, saxis impetentes, fustibus ferientes, nullum denique supplicii contumeliamque genus omittentes.

« Cum autem per primam prætorii portam non tam duceretur, quam raptaretur, ac jam in templi Theodori martyris vestibulo esset, manibus humi fixis, ac sublato aliquantum capite, ultimum adorationis unum martyri persolvebat: enim ne in tanta quidem calamitate pietatis amorem ex animo suo ejecerat. Quem ex sanguinariis hominibus quidam, Philommatius nomine, conspicatus, præcipiti quodam furore percitus: Videsne, exclamavit, Immemorandus iste tanquam martyr mori cupit. Atque hoc sermone habito, ad siphones, qui illuc erant, quique ob ea incendia, quæ interdum oboriuntur, adhiberi solent, excurrit, avulsumque ab iis haud parvum lignum trahit ac sauctum virum quam vehementissime potest in cerebri membrana ferit: sieque protinus interemptum, martyrem quidem illum profecto, seipsum autem (quod omnium gravissimum scelus est) martyris carnificem reddit.

47. « Ac vide, quæso, vim illam Dei ultricem. Non enim quemadmodum plerumque solet, mortam ullam interposuit, sed celeri pede processit. Etenim simul atque feriit, ipse quoque in terram diabolica plaga percussus ruit, dentibus horrendum in modum stridens, et ore spumam emittens: atque ita grave illud flagellum permansit, ad extremum usque spirillum niserum illum comprimens atque eastigans. Ac ne sic quidem tamen furibundum illud vulnus animorum impetum remisit; verum per publicam viam adhuc eum raptabat. Et quidnam tandem ex sacrosanctis illis Stephanii membris coronæ expers relicturn est? Nam et manus, ac pedes ad saxa offendentes contrebantur, et digitii una eum unguibus avellebantur, atque in terram spargebantur, et venter disruinpebatur, atque intestina omnia profluebant. Siquidem ex scelestis illis hominibus unus gravissimum lapidem utraque manu acceptum in ipsius ventrem

injecit, unde confestim abdita omnis viscerum compages, aquæ ritu, in terram effusa est: nam et mortuo Stephano per summum furem insultabant, nec contumeliis in eum debacchari cessabant, circumdantes eum tanquam canes multi, atque omni modo raptantes et diserpentes, saxisque per totam viam incessentes, non viri duntaxat, sed etiam mulieres; qui nec puerilem quidem atatem sanguinarii hujus impetus experti reliquerunt: nam ipsi quoque litterario ludo relicto (sic enim imperator jusserrat) lapides manibus gestabant, eisque Stephanum insectabantur: ac quisquis in eum, dum raptaretur, incidens lapidem non jecisset, pœnas luebat, atque imperatoris hostis censebatur.

18. « Quin etiam cum ad Bovis locum martyrem raptantes pervenissent, caupo quidam, pisces coquens, ut eum raptari videt, vita usura adhuc eum frui arbitratus, assumptu flagrante titione in calvaria ipsum ferit, ac repente confracto occipitio, cerebrum effluere coepit. Theodorus autem quidam vir pius e tergo sequens, illud e capite fluere videns, simulato lapsu sustulit, et ipsum furtim impostum in sinu abscondit. Atque ita deinde ad spectaculum motus properat, nimirum cernere cupiens, quoniam tandem, sedalo furore, reliquias martyris projicerent. At vero sanguinaria illa turba sanctum virum raptans, cum ad Monocionis monasterium accessisset, in animo habebat beati viri sororem (illuc enim divinum vitæ genus colebat) per vim ejicere, eoque ipsam adigere, ut fraternalum corpus, tot certaminibus defunctum, saxis peteret. Verum illa hoc prænoscens, atque in obscurum quoddam sepulcrum sese abdens, hujusmodi facinus effugit.

« Illi igitur, spe hac sua dejecti, rursus martyris cadaver trahentes, in Ethnicorum reorum loveam projiciunt, ubi prius quidem sancti Pelagii martyris templum erat, verum postea vetustate labefactatum impius imperator everterat, atque in sepulera redegerat, ac Pelagi sepulcretum nuncupabat, adeo ut tunc quoque divinæ Scripturæ locum illud haberet<sup>1</sup>: Cum inquis vir justus deputatus est.

49. « Postmodum læti redcuntes, qui latronum sævitiam crudelitatis suæ immanitate superaverant, lætum tyrannum adeunt, veluti dæmonis eujusdam intemperiis divexati, qui sceleratissime in ipso pugnaverant. Quos quidem habenti animo susceplos ad mensam suam eduliorum copia onustam adhibuit. Cumque illi ærumnosissimam martyris mortem referrent, audiens ille magnopere ridebat, ac lætitia diffundebatur, hominis (ne quid amplius dicam) eruciatus et calamitates in voceplatis materiam trahens.

« Atque hæc quidem in hunc modum se habuerunt. Martyrio porro perfunctus est ille egregius sane lactator Stephanus tertio et quinquagesimo

<sup>1</sup> Joan. xviii.

<sup>1</sup> Luc. xxii.

ætatis suæ anno, Novembriæ mensis octavo, et vice-simo die », hoc ipso anno videlicet. Nam quem idem auctor natum ponit eo tempore, quo S. Germanus Constantinopolitanam sedem accepit, anno nimirum Redemptoris septingentesimo decimo quarto, utique hoc anno martyrio coronatum appareret. Hæc quidem auctor omnia fide sineera, utpote, qui eadem spectarit, et (ut quidem existimo) ejus assectatus vestigia, quantum lieuit, ejusdem martyris imitator discipulus fuerit, qui et eodem ferme tempore cuncta narrata scriptis mandarit, absque tamen nomine, quod ita iniquissima tempora illa ferebant. Sed quid prodigiostum eo tempore acciderit Constantinopoli, ab ipso audi, dum ista subjicit:

20. « Cæterum ne ea quidem miracula silentio præterire convenit, quæ ab ipso, illius videlicet beneficio, qui dixit<sup>1</sup>: Ego glorificantes me glorificabo: qui autem me contemnunt, erunt ignobiles, etiam post mortem patrata sunt. Eo enim ipso die, quo sanctum virum (ut Scripturæ verbis ulari) aggressi viri sanguinum, tanquam arietem insignem de medio sustulerunt, cum tranquillum caelum esset, et radiis solaribus colluceret, hora tertia ad Orientalem aulæ partem ignea nubes ad montis verticem, ubi vir egregius monasticæ vitæ certamina exantlarat, repente coorta, atque deinde ad summas urbis partes excurrens universum aerem horrenda caligine infecit et obsecuravit. Atque (ut cum Propheta loquar) cernere erat, diem ac non diem, tenebras ac non noctem: cumque una cum ea vehemens turbo excitatus esset, ingens vis grandinis, magnitudinis haud facile credenda cecidit, idque circa palatum duntaxat, hincque multi in disserimen vitæ venerunt. Hæc scilicet sanctorum Deus prodigiose patrare novit, dum impios re ipsa coarguit: eos autem, qui ipsius metu prædicti sunt, gloria afficit.

« Porro autem pius ille Theodorus, qui confratentiam capitis sanctissimi partem sustulerat, cum ad beati Dii monasterium profectus esset, ejusque antistitem remotis arbitris convenisset; ei quæcumque insignis athleta Stephanus eo die pertulisset, exposuit. Ille autem acerbe ingemiscens, ad quoddam protomartyris Stephani oratorium, quod ad dexteram templi monasterii partem erat, cum ducit: atque urnam quamdam educens, in ea divinas illas reliquias collocat, presente quodam pueri monasterii, et quæ siebant, inspectante. Ambo autem orationis munere perfuncti, tanquam thesaurum quemdam ingentis pretii intra altare occultant.

21. « Interjecto autem aliquo tempore, accusatur apud imperatorem Theodorus: nam ne tum quidem a tentatione liberum atque immunem livor reliquit, verum ut imaginum adorator exilio muletatur, atque in Siciliam insulam una cum uxore ac liberis allegatur. Quem cum diuturno tempore exilii causa illie communoratus fuisset, in patriam rursus reduxit Judex justus Deus. Redu-

ctionis autem modus hujusmodi fuit. Etenim adolescens ille, de quo proxime verba fecimus, ad matutinam ætatem provectus cum antistite agebat, ut diaconus crearetur: quod cum ab eo impetrare non posset, ut qui et juvenilem ipsius ætatem persiceret, et vite socordiam exploratam haberet, se gravissimo eum malo affecturum, comminatus est. Itaque urnam illam occulto subripit atque ad imperatorem currit, eique rem totam exponit: antistes enim meus, inquit, una cum Theodoro qui in Siciliam exilii causa missus est, damnatorum, quos tu ut nocentes et facinorosos morte afficias, ossa colit atque adorat; te autem tyrannum ac novum apostamat appellat.

« Iliis auditis, imperator ira inflammatur atque antistitem illum correptum ac vinculis firmissime adstrictum in carcere custodiri jubet: Theodorus autem e Sicilia reductum dignas hujusmodi facinoris poenas subire; puerum autem ad utrumque convineendum asservari. Reducitur itaque e Sicilia Theodorus. Statimque eum et antistitem in medium producit imperator, atque in faciem ipsis puerum sistit, ut quod factum fuerat, indicaret. Cum autem illi nihil se hujusmodi scire assererent, urnam asserre jubetur adolescens. Atque (o ingens miraculum!) evanescit illa, nec hucusque reperiri potest. Itaque vacuis manibus revertitur. Imperator pudore suffunditur, atque id quod contigerat, premere silentio atque occultare conatur, ne illustriorem etiam quam ante sancti viri gloriam reddat: neque enim ipsum fugiebat, quia divinum Stephanum omnes pœne sanctum confiterentur: juvenem autem illum, ut calumniatorem nullis verberibus iaceratum exilio mandat. Sic nimirum Deus justos a temptationibus cripere, impios autem eorum loco tradere novit ». At de certamine Stephani et miraculis cultuque hactenus. Cui nos (ut qui scripsit facit) precibus commendamus.

22. Ex his autem, quæ germane sincereque de tanto martyre scripta extant, considerare quis prudens poterit eorum certamina, quæ nota Deo tantum, absque scriptorum monumentis ex hominum memoria exciderunt. Relatus est inter sanctos martyres Stephanus, in Ecclesia Catholica celebrandus, die vicesima octava Novembriæ, una cum SS. martyribus Andrea et Petro, de quibus ibi, post elogium Stephani, hæc habentur: « S. Andreas dum traheretur vincitus, expiravit: Petrus vapulans reddidit Deo spiritum ». Subjiciuntur autem ista eadem die: « Multi milites Orthodoxi lunc mundo spreto, facti sunt monachi, quos impius imperat, cruciatos interemit. E quibus unum, Basilium nomine, crutis oculis, et adhuc de sanctarum imaginum adoratione loquentem, calcibus percussit: qui exerciatus dolore ex hac vita migravit. Alius Sostenio clausus, amputatus auribus, in Chersonam missus est exul, et ibi occidens, fugiens ad Cazaros, ibi ab illis est factus episcopus ». Subdit de aliis in exilio pariter ductis et ibi defunctis. Ista de militibus. At quemnam finem

<sup>1</sup> 1. Reg. II.

certaminis acceperit illud sacrum examen confessorum, quos Stephanus reliquit in carcere, ignoratur; neque ita, quæ in diversis imperii provinciis passi alii sint, perpancis exceptis, scriptis consignata remanserunt.

23. *Constantini haeretici patriarchæ supplicium.* — Quod autem pertinet ad duos fratres illos, quos ad Stephanum suadendum ab imperatore missos vidimus, eos ob pietatem ab eodem imperatore occidi jussos, idem auctor tradit: hos enim fuisse illos putamus, quorum alterum nomine Constantimum, Strategum alterum Theophanes ponit anno superiori esse capite truncatos. Etenim ipse anni unius termino errare arguitur ex martyris Actis in obitu martyris Stephani: sic et de aliis ejusdem anni factum apparet, ut que ab eo superiori recensita sunt anno, que in hoc esse colloquenda, ex ejusdem martyris Actis comprobantur. Sed quæ reliquæ sunt anni hujus ejusdem imperatoris res gestæ, videamus. Theophanes enim ista describit, ac primum omnium, quæ gessit adversus Constantimum exauctoratum patriarcham Constantinopolitanum. Hic quidem quam secreto accepérat ab imperatore ipsius impietatem, qua negabat Christum Deum ejusque Matrem esse Deiparam nominandam, loco vindictæ, id ipsum in insula ubi relegatus erat, omnibus propalavit (ut Cedrenus et atii tradunt) quamobrem evocatus Constantinopolim, quas jussus sit pœnas dare luereque supplicium, ita Theophanes narrat:

24. « Anno vicesimo septimo imperii Constantini, Constantinus falsi nominis patriarcha ductus est nona Octobris, sexta Indictione a principe insula: quem et cecidit tyranus, quod evadere non valeret ejus maledicta. Jussit autem in foro parari locum, et eundem sedere in gremio Ecclesiæ magnæ, eratque a secretis (ob secreta videlicet patefacta) cum eo conferens chartæ totum, in quo erant scripti hujus excessus. Omni ergo populo ex precepto regis illie congregato et vidente, legebatur charta totius populi, et per singula capitula a secretis (ob secreta videlicet manifestata, ut Cedrenus insinuat), percutebat faciem ejus, Niceta patriarcha sedente in confessione et intuente. Post haec vero cum imposuissent eum in ambonem et rectum stare fecissent, accepit Nicetas chartam, et misit episcopis, et ablatu superhumerali ejus, anathematizaverunt eum, et hunc socium Absim (Abiron) cognominantes ab Ecclesia abstraxerunt. Postera vero die cum ludi circenses agerentur, raserunt faciem ejus, et barbam denudaverunt, capitisque et superciciorum pilis ablatis, indutum hunc laneo, brevi ac sine manicis vestimento sedere fecerunt super asinum sagma ferentem, et ipsius tenere caudam, et duxerunt per Dippium in hippodromum, cuncto populo imprecante illi mala et conspuente: trahebat antem asinum Constantinus nepos ejus, naso reiso. Cumque venissent ad vulgus, descendenterunt et conspuerunt et pulverem jecerunt super illum,

et dum abduxissent eum ad consistorium, dejecerunt eum de asino, et calcaverunt super collum ejus, et collocatus contra vulgus, audiebat ab illis ludera verba usque ad absolutionem ludorum equestrium.

25. « Eodem quoque mense, missis impius imperator patriciis, significat ei, dicens: Quid dicas de fide nostra, et Concilio quod fecimus?» Oblata ex his digna fuit infelici homini occasio, ut si voluisset, potuisset opprobria omnia illa in gloriam converlere sempiternam, et promereri coronam martyrii, si quod absens fecerat obloquendo, praesens fecisset fortiter confitendo ipsum imperatorem esse haereticum, profitendo Catholicam fidem; sed vilis et ignavus ob scelera sua his addictus suppliciis, ad adulacionem assentationemque sermonem convertit, ex quo duplo delinquens, ultimo demum meruit suppicio affici: nam pergit Theophanes de ipso: « Constantinus patriarcha sensibus ad vanitatem conversis respondebat: Bene, inquiens, et credis, et Concilium operatus es; putans se ob hoc illum sibi placare. Et confestim illi respondentes, dixerunt: Nos hoc audire voluimus ab ore tuo pollulo: ex hoc ergo vade in tenebras. Et sic accepta sententia, descendit ad claustra feralrum, et decollatus est. Et caput quidem per aures ligantes, tribus diebus in Milio suspenderunt ad ostensionem plebis: corpus vero reste pede ligato traxerunt per plateas usque ad loca pelagi, et sociandum biothanatis statuerunt: similiter et caput ejus post tres dies illuc delatum progeberunt. O irrationabilitatem et crudelitatem, atque immisericordiam immitissimæ bestie! non est veritus miser sanctum layaerum: duos enim filios ejus ex tertia conjugi ipsius in ulnas suas suscepérat. Siquidem semper feralibus moribus et immansuetus esse probabatur». Hactenus tragedia Constantini haeretici patriarchæ, quæ sui immanitate commiserationem a Catholicis etiam eliciunt, qui præ cæteris in eum magis invehi, acriusque insultare debebant ob scelera ab eo in eosdem perpetrata. Sed haec docuit Christiana mansuetudo, cuius Orthodoxi legitimi sunt haeredes. Sed quæ his immaniora subjiciat Theophanes, audiamus.

26. *Sævitia, blasphemis et odio in monachos insignis imperator.* — « Ab hoc autem anno ampliori est insania usus; mittens quippe depositum Petrum nobilem Stilitem a Metra; quem virum, cum suis dogmatibus cedere renuisset, ligatis pedibus ejus, in praedicto palatii foco inclusit, et hunc tractum quoque per plateas projici jussit. Alios etiam in saccis vincens et lapidibus aggravans, eruens oculos, in pelagus jactari præcipiebat, nares abscondens, flagellis excorians, et omnem tormentum speciem adversus eos, qui pie vivebant, exegitans. Et in urbe quidem per seipsum haec et consentaneos suos Antonium patricium et scholarum domesticum, ac Petrum magistrum super populum singulorum ordinum, qui a se fuerat eruditus ad talia, agebat: in exteris vero partibus per jam

dictos prætores. Ipse namque eitharae delectabatur souitu, atque conviviis, turpibus sermonibus et saltationibus eos, qui sibi adhaerebant, incessanter erudiens ». Ita et in his imitatus Neronem in omnibus sevissimus imperator, dicendus et ipse ea ex parte pariter matricida, dum a qua per lavacrum sanctum est genitus, Ecclesiam Catholicam (quantum in se fuit) sæpe necavit.

27. Sed reliqua audi monstri portenta, quæ idem sic pergit narrare Theophanes : « Si quisnam, inquit, corruens vel dolens, solitam Christianorum vocem emitteret, dicens : **DEI GENITRIX, JUVA,** aut vigilias agens deprehenderetur, aut Ecclesiis assuetus, aut cum religione vivens, aut non passim juramentis abutens, ut iniurie imperatoris damnabatur, et immemorabilis memorabatur ». Quo nomine (ut sæpius dictum est) sanctos monachos peculiariter suggillabat. De fanta blasphemia agens Theosterictus, hujus temporis scriptor in Niceta, haec paulo fusius prosecutus, ubi plura in detestationem impii Constantini dixisset, haec ait<sup>1</sup> : « Habetu erat Christiauus, mente Judæus : quam enim Christus sibi in domicilium delegit, gloriissimam, inquam, suam matrem, omnibus aliis rebus creatis superiorem, omnium hominum salutem, mundi palocinium, quæ propter virginitatis sua pœstansiam prope Deum versatur : hujus, inquam, venerandum nomen multis modis ab Ecclesia expellere studuit ; ejus vero intercessiones, per quas mundus consistit, illas ne nominare quidem voluit, cum diceret, nemini eam posse opitulari. Conabatur autem quod dicebat hoc exemplo confirmare : cum enim aliquando marsupium, aureis nummis plenum, in manum sumpsisset, et iis, qui cum ipso versabantur, illud ostendisset, ab eis querens : Quantinam, inquit, marsupium hoc valet : Multum, inquiunt illi. Cum vero aurum ejecisset, rursum quæsivit quantinam marsupium esset. Cumque illi respondissent, nihil valere : Ita, inquit miser ille, et Dei parens Maria (neque enim sanctam dignabatur nominare eam indignus ille) quo tempore Christum in se habebat, valde honoranda illa erat : ex quo autem tempore illum peperit, nihil differebat a reliquis : O blasphemiam, o superbiam, o immensam Dei tolerantiam, o summam patientiam ! quomodo ipsius lingua non obmutuit, quæ adversus Christi matrem tam superbe iniquitatem locuta est ? Quidnam a blasphemis Judæus novus hic Pharisæus et Deo inuisus differebat ? » Ita quidem Theosterictus : quem attendant nostri temporis novatores, sciantque, se eamdem habituros partem absque dubio cum Copronymo in inferno, qui ejus discipuli impietas se esse factis dictisque in omnibus profitentur. Porro idem auctor persecutionem ejusdem in monachos subjicit, conscientia iis quæ a Theophane conscribuntur. Ait enim :

28. « Nostros vero monachos indignos existi-

mabat, de quibus cogitaret : quinimo abjectos et nulla memoria dignos vocabat illos ipse, qui nulla ex parte memorabilis fuit. Quicunque antem pravo ejus consilio parere noluerunt, partim exilio condemnati sunt, partim in carcerebus mortui, alii gladio interfici, alii vectibus contusi, qui sic discerpebantur, ut eorum viscera in plateis dissiparentur. Testatur id Stephanus novus Christi martyr, qui prioris illius Stephani et nomine et moribus fuit socius. Ad hec aliqui sunt in altum mare projecti. Alii, ut tyrannis tormenta inferentibus pœcandi occasionem auferrent, fugiebant, et in montibus et speluncis versantes, in fame et siti, in frigore et nuditate afflitti, angustias multas tolerabant. Alii, crueciatus extimescentes, neque suæ carnis intirmitate contisi, in alienam regionem migrarunt, et illic quod ad conscientiam et propositum pertinet, martyrium compleverunt.

« Alii tormentorum metu succumbebant. Alii assentationibus capiebantur. Quidam humanam magis, quam divinam gloriam appetentes, se ipsi subjecabant. Alii corporeis voluptatibus addicti, suas etiam uxores circumducere non erubescabant. Itaque animarum salutis domicilia, proli seculis facta sunt adulterii et incestorum diversoria. Totum autem ejus viri, quem diximus, propositum et studium erat omnino in ea re occupatum, ut ordinem monasticum deleret : idque ex eo tempore, quo regnare coepit, in animo propositum habebat ». Haec Theosterictus hujus temporis scriptor et rerum inspector. Relati reperiuntur in tabulas Ecclesiasticas duodecima Januarii quadraginta duo monachi martyres Ephesi sub eodem Copronymo imperatore, et vicesima octava Novembbris post Stephanum juniores, Basilium, Petrum et Andream, atque aliorum trecentorum triginta novem monachorum recensitæ coronæ martyrii, qui sub eodem imperatore passi sunt, die vero decima septima Martii habent natalem diem sancti Pauli, qui per ignem sub eodem imp. martyrii coronam pariter adeptus est. Sunt et alia innumera de victoriis Christi militum tunc erecta trophyæ, quæ scriptorum inopia et injuria temporum remanserunt incognita.

29. Sed redeamus ad Theophanem, qui de monasteriorum cladibus ista subjicit : « Monasteria vero, quæ in gloriam Dei et in salvandorum refugium facta sunt, domos fore communes fautoribus suis militibus sanciebat, (effectis jam illis prætoriis castris). Denique Dalmatii cœnobitum, quod erat inter optimæ Byzantii cœnobia, militibus inhabitaenulum tribuit ; ea vero, quæ dieuntur Callistrati et Dii monasteria, neenon alias sacras monachorum ac virginum domos a fundamentis destruxit.

« Eos autem, qui monasticam vitam subire ex insignibus militibus studuerant, et maxime illos, qui sibi adhaerent et complices libidinis suæ et nefandorum actuum fuerant, morti subdebat, suspectui habens confusionem, quæ sibi ex propala-

<sup>1</sup> Apud Sur. die m. April. tom. II.

tionibus fieret se pronuntiantium. Unde et Strategium Podopaguri fratrem, cum esset urbanus specie, assumpsit: amabat enim talibus adhucrere propter luxurias suas: cuncte enim moleste tulisse sensisset infandas in viros insanias suas, et beato Stephano inclusu sancti Auxentiihas manifestas reddidisse, salutisque remedia suscepisse: hunc quasi insidiatorem suum diffamans, una cum inclusu (ut praedictum est) interfecit». Addit et de avaritia ejusdem tyranni, qua miseros agricolas denudavit.

Ad postremum anni hujus ista de novo pseudopatriarcha adjicit: «Eodem anno Niceta falsi nominis patriarcha, iconas ex musivo factas, quae in patriarchio secreti minoris erant, erasit; et imagines magui secreti, quae sculpte erant in ligno, depositus, et ceterarum imaginum facies delinivit: sed in Abrahamio similiter fecit». Haecenus de anni hujus rebus impie gestis ab imp. Theophanes in Annalibus.

Anno periodi Graeco-Romanæ 6260. — Anno Ære Hispan. 603. — Anno Hegiræ 150, inchoato die 5 Febr. Fer. 5. — Jesu Christi 767.

— Sedes vacat. — Constantini Copronymi 48 et 27. Leonis IV 17.

*1. Paulus papa ad Pippinum sribit, Desiderium sibi plenarie non satisfecisse.* — Ad n. t et seq. Injus anni initio Wilcharius episcopus, Dodo et Wichardus Pippini regis jussu Romanam perrexere oratores exploraturi, utrum Desiderius Langobardorum rex ea restituisset Paulo pape, que se redditum promiserat, compertoque quod corum que pollicitus fuerat, nihil adhuc præstisset, in Franciam statim rediere cum Epistola ejusdem Pontificis ad Pippinum, quæ est xix Cod. Carol. «Tu post Deum», inquit Paulus, «nobis refugium, Christianissime rex, tu cum Dei brachio firma existis opitulatio et vestri a Deo confortati regni securitas, nostra est immensa letitia, quo tam nos quamque universus populus istius provincie (divina vos satisfaciat majestas) firmi atque immobiles in vestra charitate ac dilectione et regni vestri a Deo protecti Francorum amoris constantia permanentes permanebimus, et nullus nos poterit humanus favor aut terror a vestri amoris dulcedine charitatisque affectu separare, sed una nobis erit in vestro amore vita ac mors». Deinde statum causæ, propter quam legati Romam e Francia missi sunt, sic exponit: «Quia vero innotuistis, ob hoc vos præsentes direxisse missos, ut agnoscere per eos valueris, utrum nobis a parte Langobardorum plenarie facte fuissent justitiae, an non, ipsi omnino causæ meritum comperti sunt, et callidam versutiam, atque solite falsiloquiam eorumdem vestrorum nostrorumque æmularum agnoverunt, eisque ad vos revertentibus, Deo prepitio vestrīs propalabunt in auribus. Eis denique de singulis, quæ a vobis injuneta habuerunt, nobis reverentibus singillatim de omnibus responsum reddentes, in eorum po-

suimus ore, quæ vestræ excellentiæ suggestere debeant, effeclum ex hoc a vestrā adipisci optantes excellentia».

*2. Carolus M. auctor Codicis Carolini.* — Injus Epistole argumentum recitat Baronius n. 2, Epist. xxi: sed post ejus mortem Jacobus Gretserus, Ingolstadii, anno MDCL publicavit Codicem Carolinum, qui continet Epistolas, quas Romani Pontifices, Gregorius III, Zacharias, Stephanus II, Paulus, Stephanus III, Adrianus, et Pseudo-Constantinus, ad Carolum Majorem-Domus, ad Pippinum, ad Carolum Magnum, et ad Carolomanum ejus fratrem miserunt. Collectæ olim in unum volumen fuerant studio et cura ipsius Caroli Magni, et sunt omnino Epistolæ nonaginta novem. Porro Carolus anno DCCXCI eas Epistolas ilerum rescribendas curavit, eo quod nimia vetustate iam ex parte deleteri essent, ut liquet ex antiqua inscriptione majusculis litteris exarata, quæ ab illo ipso, qui jussu Caroli Magni eas in unum corpus redigendas descripsit, collectioni carum præfixa est. Ea collectio extracta ex antiquo Ms. Bibliothecæ Cæsareæ, ut testatur Lambecius lib. 2 ejusdem Biblioth. cap. 3, ubi monet eum, qui Codicem descripsit et ad Gretserum misit, nimia nonnullis in locis corrigidis et mutandis sibi arrogasse licentiam, ideoque operæ pretium fore, si prima illa editio de inlegro conferatur cum laudato exemplari authenticō. Denique omnes illæ Epistolæ an. DCCXCI anteriores sunt, cum eo anno earum collectio facta fuerit. Harum opera Annales Ecclesiasticos variis in locis supplevimus. Exstant etiam apud Duchesnum tom. iii.

*3. Moritur Paulus PP. — A num. 3 ad 8.*

Patum papam hoc anno ad Deum migrasse inter omnes convenit, solumque de die ejus emortualis inter eruditos controversia versatur. Papebrocius in *Chronico-Historico* censet, eum die vicesima prima Junii demortuum, et *Constantinum II pseudo-papam* vitio ordinalium fuisse die xxviii ejusdem mense in Dominicis. Verum Baronium obitum Pauli cum die xxviii mense Junii recte alligasse, et *Constantinum* eadem etiam die, quae hoc anno Dominicalis erat, electum, quorumdam faetiosorum opera die quinta mense Julii, in quam Dominicis eadebat, consecratum esse, apud me certum. Inierat enim Pontificatum *Paulus* die vicesima nona mense Maii anni ccclvii, sed ilque annos decem, mensem unum, inquit auctor ejus Vitae Anastasio vulgo adscriptæ, et eum eo *Martinus Polonus* et *Luitprandus*. Quare currenti anno die xxviii mense Junii spiritum Deo reddidit, eodemque die ante mortem ejus *Toto* quidam dux Neper sine civitatis euravit subito *Constantinum* fratrem suum *laicum existentem* in Pontificem Romanum eligi, inquit auctor etatus, qui subdit: « Alio vero die illuciente secunda feria subdiaconus atque diaconus ab eodem episcopo (nempe Georgio, de quo ante locutus fuerat) contra sanctorum canorum instituta consecratus est, etc., et adveniente Dominicis die, etc., Pontifex ab eodem Georgio episcopo Praenestino, et aliis duobus episcopis, Eustathio Albanense, et Citomalo Portuense consecratus est. Et per anni spatium, et mensem unum Sedem Apostolicam invasam delinuit ». Die itaque xxix mense Junii, in quem feria secunda eadebat, *Constantinus* subdiaconus et diaconus, dieque quinta mense Julii, quae cum Dominicis concurrebat, Pontifex Rom. consecratus est; quod magis ex die ejus mortis anno sequenti liquebit. Ante Baronium Pauli papæ nomen memoratum fuerat ad diem xxvii mensis Januarii a Petro de Natal. lib. 3, cap. 30, a Carthusianis Colon. in addit. ad Usnard. Canisio, Maurolyco, Felicio, et Galesinio; sed Baronius propter rationes nobis incognitas ejus memoriam in Martyrologio Romano ad diem ejus emortualis transtulit.

4. *Constantinus pseudo-papa Pippinum ad suas partes pertrahere tentat.* — Hujus *Constantini* due supersunt Epistolæ, quæ postremne sunt in Codice Carolino sc. Epist. xcvi et xcix, in quibus ad conciliandam sibi Pippini regis ac Francorum amicitiam multa magnitice seripsit, seque vel invitum Pontificem factum illi persuadere voluit. In prioribus litteris ait: « Obnixis deprecationibus, tanquam præsentialiter eoram vestro mellifluo regali assistens conspectu, flexo poplite deprecor præcellentiam vestram, ut illud, quod beato Petro polliciti estis, simulque et charitatem atque amicitiam, quam cum beatæ recordationis dounno Stephano Summo Pontifice vel ejus germano, prædecessoribus nostris, habuistis, omnimodo recordari ac conservare jubeatis, etc. » Has litteras per missum regium, qui Romanum venerat ad Paulum,

non antem ad *Constantinum*, hic transmisit in Franciam; in iisdem enim litteris paulo post haec scribit: « Huic vestro misso hoc ipsum in ore posuimus vestre benignæ excellentiae suggerendum. Gesta quippe sanctorum, de quibus misistis vobis dirigi, in quantum reperire valuimus, vobis transmisisimus ». *Pippinus* legatos Romanum direxerat, qui libros de gestis sanctorum a Paulo papa postularent; neque enim adeo longo post hujus mortem intervallo haec litteræ scriptæ esse apparent, ut prius et nuntium in Franciam de Pauli obitu perlatum sit, et Romanum pervenerint missi, quos *Pippinus* illuc accepto tam infelici nuntio direxerit. Denique *Pippinus* litteris *Constantini* sese decipi passus non est; ignorare enim non poterat malas artes, quibus Apostolicam Sedem invaserat.

5. *Tres Orientis patriarchæ sacras imagines defendunt.* — Pridie idus Augustas, ac ipsa Indictione quinta *Constantinus* pseudo-pontifex Synodicas fidei litteras per *Constantinum* presbyterum Hierosolymis allatas accepit, quæ quidem Paulo decessori a *Theodoro patriarcha* Hierosolymitano inscriptæ fuerant, et alias patriarchas Alexandrinum atque Antiochenum, ne non plurimos metropolitanos episcopos Orientis una cum prædicto *Theodoro* consenserit testabantur, cultumque sacramrum imaginum in partibus Orientalibus multum fervore prædicabant. Mox earum exemplar latine et græce descriptum in Franciam per *Christophorum* presbyterum et *Anastasium* notarium regionarium misit *Pippino*, quem denno rogavit, ut Ecclesiæ partes defendendas susciperet, utque Georgium episcopum et Marinum ac Petrum presbyteros, a Paulo in Fraueiam quondam directos, in Italianum redire sineret, quia vocabantur ardentissimis preribus ab agnatis suis. Addit quod episcopatus et Ecclesiæ quas obtinebant, iis absentibus plurimum suæ dignitatis amiserant: « Innotescimus excellentiæ vestræ », inquit *Constantinus* in Epist. xcix Codieis Carol. « quod duodecima die præteriti Augusti mensis quintæ Indictionis conjuneli ad nos a sancta civitate quidam religiosus presbyter, *Constantinus* nomine, deferens Synodicam fidei missam a *Theodoro* Hierosolymitano patriarcha ad nomen prædecessoris nostri domini Pauli papæ, in qua et reliqui patriarchæ, id est, Alexandrinus et Antiochenus, et plurimi metropolitani episcopi Orientalium partium, visi sunt coneordasse, eamque cum magna laetitia suscientes atque amplectentes, in populo in ambone relegi fecimus. Cujus exemplar in latino et græco eloquio vestræ excellentiæ direximus, ut agnoscatis, qualis fervor sanctorum imaginum Orientalibus in partibus cunctis Christianis imminet. His prælibatis extensis palmis ad æthera, cum omnibus Dei cultoribus, et cuncto nostro populo Redemptoris nostri divinam exoramus clementiam, ut sue extensionis dextera vos protegat, et regni vestri a Deo confortati Francorum terminos dilatet, etc. »

6. *Constantinus antipapa legatos Pauli papæ dimitti petit.* — Sequitur embolium. « Itaque hoc excellentiam vestram petimus, ut jubeatis, Christianissime ac mitissime rex, inspiratus a Deo, ad nos absolvere revertendum sanctissimum fratrem nostrum Georgium episcopum, atque dilectos filios nostros Marinum et Petrum presbyteros, qui ad vestram præcellentiam a nostro predecessor domino Paulo papa directi sunt; quotidie enim cum magno ploratu eorum parentes nos adeunnt, ut vestram a Deo institutam excellentiam deprecari debeamus pro eorum absolutione, etiam non possumus eorum lacrymas sufferre. Per te enim, bone misericordissime rex, salvi facti sunt et a manibus persequentis liberati consistunt. Unde magna in caelo nobis deposita est mercedis corona, quoniam scriptum est: Qui salvat tanquam qui aedificat. Coram Deo vivo deprecamur, ut in hoc preces nostras exaudias, et ipsos absolvere jubeatis. Ipsi enim revertentibus cum magna laetitia eos suscipiens, et charos in nostris visceribus amplecti studebimus. Episcopatum enim et Ecclesias, quas tenere videbantur, inordinata usque haec tenus consistunt, etc. »

7. *Theodoro patriarchæ Hierosol. successit Eusebius.* — *Theodorus* patriarcha Hierosolymitanus, qui anno DCCXXXV *Joanni* successerat, anno incerto mortuus est, et *Eusebium* successorem habuit. Nam in Vita sancti Madalvei Virothmensem episcopi ab Hugone Flaviniacensi in Chronico descripta, legitur hunc sanctum sub anno BCLXX sepulcrum Christi in Hierusalem visitasse, et *Eusebium* patriarcham eum per honorifice accepisse, et cum Hierosolymis discessit, calicem crystallinum multasque reliquias ei dedit. Mortuus est autem *S. Madalveus* anno septingentesimo septuagesimo sexto, IV nonas Octobris, cuius transitum tot notis ad annum Hugo firmavit, ut si qui in eo characteres reperiantur, qui huic opinioni super obitu *Madalvei* refragentur, absque ulla hæsitatione corrigendi sint, ut recte scribit Cointins anno DCLXXVI, num. 33, quod et de aliis characteribus chronologicis, in quibus is auctor sibi aliquando non constat, etiam asserendum. Quæ enim ad *Madalveum* spectant, egregie calluit, licet cum sub finem saeculi XI Chronicum suum scripserit, in his quæ ad Historiam generalem pertinent, non raro offendit. Papebrocius tamen in Hist. chronologica patriarcharum Hierosolymitarum, quam tom. in SS. mensis Maii præfixit, secutus Richardum Wassemburgum lib. 2 Antiquit. Gallæ Belgicæ, existimat, *Joannem* inter et *Theodorum* sedisse *Eusebium*, et *Theodorum* ad thronum Hierosolymitanum circa annum septingentesimum quadragesimum primum evectum fuisse. Suspicatur etiam Papebrocius, *Basilium* post *Theodorum* Ecclesiam Hierosolymitanam obtinuisse, Basiliumque Wassemburgius in Vita *S. Madalvei* *Eusebio* substituendum contendit. At cum ex dictis constet *Theodorum* *Joanni* successisse, annoque DCLXVI et currenti se-

dem illam adhuc rexisse, manifestum est, Wassemburgium Vitam *S. Madalvei* polius perturbasse, quam explicasse, et *Basilium*, quem sine fundamento obtrudit, episcopum fictitium esse.

8. *Annis viii belti Aquitanie.* — Pippinus rex Pascha apud *Gentiliacum* celebravit, ibique Synodus aduersus Graecos, de qua anno superiori egimus, haberet voluit. Deinde in Aquitaniam profectus est, Bituricis conventum Francorum mense Maio coegit, ac denique duas aduersus *Waifarium* Aquitanie ducem expeditiones, alteram eodem mense Maio, alteram mense Augusto suscepit. De priori expeditione hæc scribit citatus auctor Appendixis II: « Commoto omni exercitu Francorum per pagum Trecassium, inde ad urbem Autisioderum veniens ad castrum, quod vocatur Gordinis, cum regina sua Bertradae jam fiducialiter Ligere transacto ad Betoricas accessit, palatum sibi aedificare jubet, iterum Campo-Madio, sicut mos erat, ibidem tenere jubet, initioque consilio cum proceribus suis, præfatam reginam Bertradanem cum reliquis Francis ac comitibus fidelibus suis in predicta Betorica dimisit. Ipse predictus rex cum reliquis Francis et optimatibus suis ad persequendum *Waifarium* ire perrexit.

9. *Secunda Pippini in Aquitaniam expeditio.* — Altera expeditio mense Augusto, ut testatur annalisti Tilianus, a Pippino suscepta. De ea in annalisti Laurensi legitur: « Mense Augusto ad reliquias belli profectus est, et Bituricam veniens, conventum more Francico in campo egit. Indeque ad Garonnam fluvium accedens castella multa, et petras, atque speluncas, in quibus se hostium manus plurima defendebat, cepit. Inter quæ præcipua fuere Scoralia (Gallice *Seourailles*, castrum summo in monte positum, in superiori Arvernia, de quo Hadrianus Valesius in Not. Gall. pag. 508) Torinna, (Gallice *Turene*, in solo Lemovicino), Petrcia (castrum in superiori Arvernia, vulgo Peirusse). Reversusque Bituricam exercitum in hyberna dimisit ». Addit auctor præfale Appendixis II, cum Natale Domini et sanctam Epiphaniam Bituricis celebrasse.

10. *Monachi ob sueras imagines vexati.* — Ad num. 8 et seqq. Narrat Baronius martyrium *santi Stephani junioris*, quod secundum Stephanum diaconum in ejus Vita hoc anno contigit. De eo videnda quæ anno superiori in medium adduximus. Refert etiam, que Theophanes habet de vexatione variorum Orthodoxorum, præsertimque monachorum, sacrarum imaginum cultui addictorum. Stephanus diaconus in Vita *S. Stephani jun.* pag. 503, prodit *Theosterictum* presbyterum, cuius nares Iconoclastæ præciderant, hæc *S. Stephano* paulo ante ejus mortem narrasse: « Sancta Quadragesima elapsa, sanctoque Pascha proximo, vesperæ sanctæ feriæ quintæ, qua Christus Deus noster Iudeis proditus est, dum divina mysteria peragerentur, ille Draconis nomen ferens præfetus, jussu imperatoris cum militum manu irruens,

repente mysteriorum celebrationem interrupit. Comprehensis vero delectis monachis, horum numero triginta octo manus et colla lignis vinxit: reliquos partim crudeliter laceravit, partim crenavit. Aliorum barbas pice perfusas adussit, naresque abscedit, quorum unus ipse ego sum. Verum needum his contentus ille impius integrum monasterium ab equorum stabulo ad Ecclesias igne vastavit, et usque ad pavimentum in pulverem rededit: postea secum assumptis triginta octo illis patribus, eos in quadam testudine veteris balnei apud Ephesi confinia inclusit, apertoque aditu, configuis montis molibus effossis illos obruit; sieque vi intolerabili in Domino consummati sunt».

41. *Theosterictus ob imagines vexatus diversus a Theostericto historico.* — Baronius num. 28, hanc in monachos persecutionem ex alio Theostericto in Vita S. Nicetae archimandritae refert, et in Notis ad Martyrologium Romanum ad diem xii mensis Januarii ait, eosdem præcipuo honore apud Græcos haberi. Verum Bollandus ad eundem diem, loquens de sanctis istis xxxviii martyribus in Ionia passis, notat, nec in Menologio, nec in Menæis, horum mentionem reperiri. Prieterea recte observat, duos distinguendos esse *Theosterictos*. Primus monachus fuit in monasterio Pele-

cetæ in Asia sito, et de isto loquitur Stephanus diaconus loco laudato. Alter etiam monachus extitit, floruitque sub imperio Michaelis Balbi, ac scripsit Vitam sancti Nicetae hegumeni Mediciensis in Bithynia, qui ob fidem et defensionem imaginum sæculo sequenti carceribus et exilio afflicitus fuil, ut suo loco videbimus. Utrumque vero *Theosterictum* in unum Baronius confundit, asseritque *Theosterictum*, qui præfala S. Stephano juniori narravit, hujus temporis scriptorem fuisse, et rerum, quas narrat, inspectorem. At aliud est quidpiam viva voce cuiquam commemorare, etiam descripturo et transmissuro ad posteros, aliud propria manu litteris tradere. Prior *Theosterictus*, quæ viderat, Stephano juniori retulit, sed in litteras non misit. Ad hæc tradit ibidem Baronius, martyres illos fuisse numero xlii. Verum in Actis S. Stephanii jun. tam a Stephano diacono, quam a Metaphraste editis, dicuntur fuisse tantum *triginta octo*, non vero xlii. Quare vel in illis, vel in Martyrologio Rom. mendum inest, ut idem Bollandus animadvertisit. *Theosterictus*, cuius mentio in Vita S. Stephanii jun. in Menologio ad diem xvii Martii dicitur pro sacramini imaginum defensione in pace consummatum migrasse ad Dominum.

---

### STEPHANI IV ANNUS I. — CHRISTI 768.

---

1. *Stephanus quartus papa eligitur, pseudopapa excusato, ejusque fautoribus misere pereuntibus.* — Septingentesimus sexagesimus octavus sequitur annus, sexta Indictione signatus, quo ejecto Constantino pseudo-papa, ubi sedisset annum unum, mensem unum, et qui subrogatus est præter jus fasque Philippo pariter cessare jussus: legitimate riteque ex sacrorum canonum præscripto creatur Stephanus, nonis Augusti mensis, hujus nominis quarlus, dictus a nonnullis tertius. Sed quomodo ista se habuerint, sunt ex Anastasio pertenda, quo antiquiore et fideliorem habemus neniunem: qui ubi narravit invasionem Apostolicæ Sedis factam per ipsum Constantimum, de iis, qui postea hoc anno adversus eum vindices insurrexerunt, hæc ait: « Hoc vero cernens Christophorus primicerius et consiliarius, zelo fidei una cum filio

suo Sergio, tunc sacellario existente, maluerunt magis mori, quam tales impiam novitatem et impiam præsumptionem in Sedem Apostolicam perpetratam conspicari. Et quotidie in fletu et lacrymis perdurantes, simulavere se monachos fieri velle: seseque absolví ab eodem Constantino petiere, et in monasterium Salvatoris Domini nostri Jesu Christi proficisci, asserentes illic monachicum fore suscepturos habitum. Suscepto ab eodem Christophoro primicerio sacramento, Constantinus illis credens, eos absolvit (dimisit scilicet). Quibus properantibus, et usque ad fines Longobardorum conjungentibus (hoc est, pervenientibus), velletque abbas jam fati monasterii eos in idem monasterium deducere: declinavere ab itinere idem Christophorus primicerius et ejus filius Sergius dudum quidem sacellarius, postmodum secundice-

rins, adjurantes firmiter Theodicium ducem Spoletinum, ut eos trans Padum ad Desiderium suum deduceret regem Longobardorum, nitentes ob hoc redemptionem sanctae Dei Ecclesie perficere. Eosque idem Spoletinus dux ad suum deportavit regem. Et dum ejus obtutibus presentati fuissent, obnoxie eundem regem deprecati sunt, ejus auxilium tribui, ut talis novitatis error ab Ecclesia Dei amputaretur.

2. « Dum vero prænominatus Christophorus et Sergius ejus filius apud præfatum demorarentur regem : fecit prædictus Constantinus Apostolicæ Sedi invasor ordinationem presbyterorum et diaconorum, presbyters octo, diaconos quatuor ordinans, sed et episcopos in ipsius anni circulo et unius mensis fecit per diversa loca numero octo ». Et infra : « Dum haec agerentur, conjunxerunt antefatusti Christophorus et Sergius in civitatem Reatinam, absoluti a Longobardorum rege. Et præcedentes Sergius et Waldiperlus presbyter cum Reatinis et Furconinis, atque aliis Longobardis ducatus Spoletini, conjunxerunt subilo ac repente in hanc Romanam Urbem, vicesima octava die Julii mensis, Indictione sexta, vespere in ipso crepusculo noctis, vigilia beatorum martyrum Abdon et Sennen, occupantes pontem Salarium. Alia vero die transeuntes per pontem Milvium venerunt ad portam B. Petri, et inde pergentes, appropinquare ad portam S. Pancratii. Quidam vero propinquus qui jam fati Christophori et Sergii ipsam portam observantes ac custodientes, cernentes ipsum Sergium ad eamdem portam appropinquare, annuere ei, et protinus ipsam aperuerunt portam, sieque jam dictus Sergius et Waldiperlus cum Longobardis in Romanam Urbem ingressi sunt. Et per muros civitatis cum flammula ascendebant, metuentes Romanum populum, et nequaquam de Genuculo ipsi ausi sunt descendere, sed cum nimio tremore ibidem adsistebant.

3. « Hoc vero audiens Toto et Passivus germani fratres, ignorantes ingenium et dolum, quod ei proditores inierant, cucurrere cum aliquantis ad prædictam portam, cum quibus et Demetrius secundicerius, et Gratosus tunc chartularius, postmodum dux, properaverunt, qui et ipsi in consilio erant cum præfatis proditoribus. Et appropinquantes ad eosdem Longobardos, obviavit Totoni duei ex iisdem Longobardis, qui bellator præ omnibus apparebat, Racipertus nomine, et impetum fecit super eundem Totonem ; super quem idem Toto irruens atque fortiter percutiens eum, interfecit. Quod adspicientes Longobardi, in fugam conversi, nitebantur evadere. Sed Demetrius secundicerius, et Gratosus chartularius post tergum supradicti Totonis adstantes, cum in dorsum lanceis percussientes, sic adversus eum prævaluere alique interfecerunt. Passivus vero in Lateranense fugit patriarchium, amniantius suo germano Constantino que gesla fuerant.

4. « Hoc vero auditio, fugit idem Constantinus

cum suprascripto Passivo et Theodoro episcopo et vice domino suo in Ecclesiam S. Venantii, et aliquantulum ibi resedere. Et considerantes si melius se possent salvare, in vestiarium ascendere. Illic intus oratorium S. Cæsarii ingredientes, clamisque super se januis, ibidem residabant. Et convenientes post aliquantas horas hujus Romanæ militiæ Urbis judices, eos ex ipso oratorio ejicientes, sub cautela muniere.

« Alio vero die Dominico congregans Waldiperlus presbyter, ignorante autem prædicto Sergio, aliquantos Romanos, pergentesque in monasterium S. Viti, abstulere exinde Philippum presbyterum, quem eligentes et cum gaudio vocibus acclamantes, Philippum papam, S. Petrus elegit eum, in Basilicam Salvatoris more solito deduxerunt, illic oratione ab episcopo data, juxta antiquitatis morem, tribuentemque pacem omnibus, in Lateranense deduxere patriarchium : et ibidem similiter in Sede Pontificali sedens, omnibus tribuens (ut mos est) pacem, ascendit sorsum, et mensam (ut assolent Pontifices) tenuit, sedentes cum eo aliquanti primates Ecclesiæ et optimates militiæ.

5. « Post paululum vero conveniens eodem die sœpe fatus Christophorus primicerius, cognita que causa electionis ipsius Philippi, illico cum magna ascendens ira, jurejurando coram omnibus Romanis affirmabat, dicens, se Roma minime egressurum, quo usque Philippus presbyter de Lateranensi non fuisset expulsus patriarchio. Tunc properans antedictus Gratosus cum aliquantis Romanis expulerunt jam dictum Philippum presbyterum de eodem patriarchio, qui et per scalam, quæ dicit ad balneum, descendens, cum magna reverentia ad suum reversus est monasterium.

« Sieque præfatus Christophorus alia die aggregans in Tribus Fatis sacerdotes et primates cleri, et optimates militiæ alique universum exercitum, cives honestos omnisque populi Romani cætum a magno usque ad parvum pertractantes pariter, concordavere omnes una mente unoque consensu in personam præfati beatissimi Stephani. Pergentesque in titulum beatae Cæciliae, in quo idem Stephanus presbyter existens, spiritualem agebat vitam, cum Pontificem elegerunt : quem cum vocibus acclamacionum et laudibus in Lateranense deportaverunt patriarchium ; et rile omnibus in ejus electione peractis, Deo auctore, Pontificatus assumpsit culmen ». Quisnam iste fuerit Stephanus, idem Anastasius haec superius :

6. « Stephanus tertius (dielus revera quartus), natione Siculus fuit, ex patre Olivo, vir strenuus et divinis Scripturis eruditus, atque Ecclesiasticis traditionibus imbutus, et in earum observationibus constantissimus perseverator. Hic dum a Siciliensi insula in hanc Urbem venisset Romanam, contradidit eum dominus Gregorius sanctæ recordationis papa tertius monasterio S. Chrysogoni, quod tunc noviter fundabat, illieque monachus atque clericus est electus : quem postea beatissimus Zacha-

rias papa ex ipso auferens monasterio, in Lateranensis patriarchii cubiculo suo præfecit. Eum postmodum in presbyterum tituli sancte Cæcilie consecravit, quem tamen præ ejus castitatis modestia in suo officio in Lateranis delinuit; sed et reliqui scilicet dominus Stephanus et Paulus beatissimi Pontifices, eumdem sanctissimum Stephanum pro ejus piis conversationibus in suo servitio similiter detinuerunt ». Hæc de Stephano Anastasius.

7. Pergit vero de iis dicere, qui secuti sunt post ejus electionem, turbinibus: « Dum vero, inquit, adhuc electus extitisset idem sanctissimus vir, congregati aliquando perversi quidam præ oculis Deum non habentes, nec metuentes terribile futurum judicium, submissi a quibusdam pestiferis malorum auctoribus, quibus digna factis retribuit Dominus, comprehendentes Theodorum episcopum et vice dominum Constantini (quod dici impium est) eruere oculos et linguam ei crudeliter amputarunt, sed et Passivi similiter oculos eruere nisi sunt; et tantam impietatem in eos monstraverunt, ut nec in proprias domos eos deportari permiserint, ut illis cura a suis hominibus exhiberi deberet: sed ablatis omnibus eorum rebus atque familiis, atque possessionibus, unum ex eis, Theodorum scilicet episcopum, in monasterium Clivi Seauri retrudi fecerunt, ubi fame et siti cremans, clamansque aquam, ita exhalavit spiritum. Passuum vero in monasterium S. Silvestri deduxerunt. Nam et Constantinus invasor Apostolicæ Sedis, dum deductus in medium esset, magna pondera in ejus adhibentes pedibus, in sella muliebri sedere super equum fecerunt, et in monasterium, Cellas novas, coram omnibus deportatus est.

8. « Sabbato vero die diluculo ante unam diem ordinationis præfati beatissimi pape Stephani, aggregati aliquanti episcoporum et presbyterorum et cleri in Basilica Salvatoris, iterum præfatus Constantinus ad medium allatus est, lectisque sanctissimis canonibus, ita depositus est. Accolens enim Maurianus subdiaconus, orarium de ejus collo abstulit, et ante pedes ejus projecit, et compages ejus abscedit, siveque alio die Dominico antedictus beatissimus Stephanus consecrationem suscepit Pontificatus.

« Factaque ab universo populo Romano pœnitentiae et confessionis deprecatione apud divinam elementiam, per quam se omnes peccasse in prædicti Constantini invasoris Apostolicæ Sedis impia ordinatione, confitentes, pro eo quod ei non restiterunt: ita ex alta voce in ambone beati Petri Basilice a Leontio scriunario eadem relecta est confessio.

« Post hæc vero congregati universi exercitus Romanæ civitatis et Tuscæ et Campaniæ, pergentes Alatrum partis Campaniæ, ubi erat Gracilis tribunus, consentaneus jam dicti Constantini Apostolicæ Sedis invasoris, per quem plurima mala in Campaniæ parte perpetrata sunt, constringentesque fortiter eamdem civitatem, ipsum exinde abstulerunt

Gracilem, et huc Romam detulerunt: quem in arcam custodiam detrudentes, aliquantis diebus ibidem mancipatus extitit. Postmodum vero quidam iniqui Campani, qui huc Romam advenerant, adhorlati ab aliis nequioribus et impiissimis, eundem Gracilem ex ipsa custodia auferentes, et quasi eum in monasterium deportantes, dum ad Colosseum adveniissent, illic ejus oculos eruere et linguam abstulere.

9. « Porro aliquantis post hæc præteritis diebus, dum Tuscani et Campani hic Romæ aggregati fuisseut, inito consilio, cum præfato Gracioso et fortioribus ejus, per quorum auctoritatem tanta mala operabantur, Deum non metuentibus perrexerunt eum cuneo militum Tuscaniæ atque Campaniæ primo diluculo in monasterium ad Cellas novas, ubi Constantinus antedictus Apostolicæ Sedis invasor retrusus erat, eumque ex ipso ejientes monasterio, ejus eruerunt oculos, et cæcum in platea jacentem reliquerunt ». Ita quidem factum, permittente et ulciscente Deo nefarium scelus, ut posteris esset exemplo, ne unquam sacrosanctam Apostolicam Sedem invaderet laicus homo, vel quisvis alias manu militari se in eam intruderet. Pergit adhuc auctor reliqua hoc anno in eadem crudelitate transacta narrare his verbis:

10. « His itaque gestis peractisque, insurrexerunt quidam dicentes, quod antedictus Waldipertus presbyter, Longobardorum genere ortus, consilium cum Theodo loco duce Spoletino et aliquantis Romanis initisset, ad interficiendum præfatum Christophorus primicerium, et alios Romanos primates, et civitatem Romanam Longobardorum genti tradendam. Unde directus est quidam Christophorus vice dominus cum multitudine populi ad eum comprehendendum: ipse vero hoc agnito, fugit in Ecclesiæ sancte Dei Genitricis Virginis Marie, quæ vocatur ad Martyres. Quem exinde idem vice dominus abstraxit, portantem eumdem Waldiperum imaginem ipsius Dei Genitricis: eumque in leterrimam fecerunt retrudi custodian, quæ vocatur Ferrata, in Cellario majore. Et post modicos dies ipsum de eadem custodia ejientes Waldipertum presbyterum, eumque projiciebiles in terram, juxta transendam campi Lateranensis, ejus effoderunt oculos, et linguam ipsius crudeliter ac impie abscederunt, dirigentesque illum in xenodochium Valerii, ibidem postmodum ex eadem oculorum effosione vitam finivit.

11. « Haque in exordio ordinationis suæ, quod idem sanctissimus præsul Pontificatus apicem assumpsit, direxit in Franciæ partes ad eximios viros Pipinum, Carolum et Carolomanum reges Franco-rum et patricios Romanos, Sergium antedictum secundicerium et nomenclatorem illo tempore existentem, deprecans atque hortans eorum excellentiam per suas Apostolicas litteras, ut aliquantos episcopos gnarus, et in omnibus divinis scripturis atque sanctorum canonum institutionibus eruditos ac peritissimos dirigerent, ad faciendum in hac Romana

Urbe Concilium pro eadem impia novi erroris ac temeritatis præsumptione, quam antefatus Constantinus Apostolicæ Sedis pervasor ausus est perpetrare.

« Et properante antedicto Sergio in Francorum regiones, tunc invenit de hac luce migrasse Christianissimum Pipinum regem; et cœptum gradiens iter, pervenit ad ejus filios antedictos Carolum et Carolomannum, germanos fratres, reges Francorum et patricios Romanorum: quibus Apostolicas litteras tribuens, benigne ab eis susceptus est, et dignam illi impendentes humanitatem, cuneta nihilominus, pro quibus missus est, ab eorum excellētia impetravit, dirigentes ipsi Christianissimi reges duodecim episcopos ex eisdem Francorum regionibus, nimis in divinis Scripturis et sanctorum canonum cœremoniis doctos ac probatissimos viros scilicet ». Porro adventus eorum in Urbem non hoc anno, sed sequenti contigit, veris initio, cum et celebratum Romæ Concilium fuit; agemus ergo de eo suo loco.

42. *Pipini regis obitus et laudes.* — Andistis ex iis, quæ dicta sunt, et certum annum, quo Christianissimus rex Pipinus ex hac vita decessit, ex quibus redarguas eos, qui ante præsentem annum, vel qui post eum decessisse, tradunt; de die autem alii, ut Regino, et qui cum sunt secuti, tradunt octavo idus Augusti esse defunctum<sup>1</sup>, alii octavo vel nono kal. Octobris. Illud autem certum, annos Caroli Magni Pipini filii numerari coepitos a septimo idus Octobris hoc anno, cum videlicet ipse coronatus est Noviom, et Carolmannus frater Suessione.

Pipinus igitur bene perfunctus bellieis rebus, subagrotans ad proximum se parans obitum, orationis causa invisit sepulcrum S. Martini Turonis, inde reversus Parisios, ad S. Dionysium reddidit Deo spiritum, qui et a tempore, quo a Stephano papa coronatus est, annos regnavit quatuordecim. Ab unctione vero per Bonifacium exhibita<sup>2</sup> numerant Pipini regni annos quindecim, menses quatuor et dies viginti, licet perperam Ado Viennensis tribunal regni ejus annos decem et octo.

43. Porro Pipinus cum ob præstantiam rei militaris, qua sœpe hostes ingenti gloria superavit, tum ob insulum ejus animo religionis cultum, munificentiamque, qua cum omnes, tum præsertim prosecutus est Romanam Ecclesiam, immortalem peperit sibi apud homines laudem et æternam gloriam apud Deum. De iis autem, quæ contulit Romanæ Ecclesiae, præter alia vetera scriptorum monumenta, legebatur Ravennæ antiqua tabula, cuius brac tantum integra servavit injuria temporum<sup>3</sup>:

PIPINVS. PIVS. PRIMVS. AMPLIFICANDAE. ECCLESIAE. VIAM. APERVIT. ET. EXARCHATVM. RAVENNAE. CVM. AMPLISSIMIS. Reliqua desunt invidia fortasse tyrannorum.

Defunctus Pipinus humatus est Lutelie Parisiorum in Ecclesia sancti Dionysii, ut affixa sepulcro, tempore Caroli Magni, inscriptio docet his verbis:

PIPINVS REX PATER CAROLI MAGNI. Quod si breve elogium, satis ipsum nomen tantum Pipini ad ingentem laudem perpetuo consignandam.

44. *Eudoxia coronatur et filii imperatoris Cæsares creantur.* — Quod ad res pertinet Orientis, haec ex Theophane reddunt Graecorum Annales: « Anno vicesimo octavo imperii sui Constantinus imp. coronavit Eudoxiam uxorem suam, cum esset trigamus, haecque esset tertia conjux, in tribunali decem et novem cubitorum, kal. Aprilis, filios suos ex ipsa creatos Christophorum et Nicephorum, postera die, qua sanctum celebratum est Pascha, Cæsares ordinavit, patriarcha Niceta orationem faciente, et imperatoribus chlamydes et Cæsareas galeas imponentibus, pari modo et Nicetæ novissimo fratri eorum nobilissimo facto, superposuit ei chlamydem et auream coronam, et ita processerunt, jaetantibus imperatoribus hyppatia et trimissa, et semissa, et emissa, et numismata nova usque ad magnam Ecclesiam ». Erant ista missilia more majorum diebus lætitiae spargi solita in populum.

45. Quis ista considerans de felicitate scelestissimi principis, pariterque mente recolens tot tantaque ab eo scelera perpetrata, quibus plane a Deo alienus pluribus modis est demonstratus, non subito prudens ad illud recurrat, quod de istiusmodi a Propheta David est dictum<sup>1</sup>: « Erue me de manu filiorum alienorum, quorum os locutum est vanitatem, et dextera eorum dextera iniqutatis: quorum filii sicut novelle plantationes in juventute sua, sitiæ eorum circumornatae ut similitudo templi, promptuaria eorum plena eructantia ex hoc in illud, oves eorum foetosæ, abundantes in egressibus suis, boves eorum erassæ: non est ruina maceræ, neque clamor in plateis eorum. Beatum dixerunt populum, cuius hæc sunt ». Ha vulgus ex humana felicitate beatitudinem ponderans. Sed quid Videns, quid Dei Consiliarius, et cernens vera Propheta? id quod subjicit: « Beatus populus, cuius Dominus Deus ejus ». Procul abhorrens, ut beatos felicesque existimet filios alienorum, de quibus idem alias<sup>2</sup>: « Filii atieni mentiti sunt mihi, fitii alieni inveterati sunt, et claudicaverunt a semitis suis ». Sed qui magis atieni dicendi, quam qui per hæresim a Catholica fide discedunt? de quibus mystice ab eodem Propheta dictum<sup>3</sup>: « Erraverunt ab utero, locuti sunt falsa ». Et quæ sequuntur ab eo ibidem expressa certa stigmata hæreticorum.

<sup>1</sup> Ann. Francor. a Pithœo edit. Aimoin. l. iv. c. 67. Marian. Scot. in Chron. — <sup>2</sup> Aimoin. l. iv. c. 62. in fin. — <sup>3</sup> Recit. Papir. Mas. Annal. l. II.

<sup>1</sup> Psal. cxliii. — <sup>2</sup> Psal. xvii. — <sup>3</sup> Psal. xxxvii.

Anno periodi Graeco-Romanæ 6261. — Anno Æra Hispan. 806. — Anno Hegire 151, inchoato die 25 Januar., Fer. 3. — Jesu Christi 768.  
— Stephani III papæ 1. — Constantini Copronymi 49 et 28. Leonis IV 18.

*1. Stephanus III ordinatur Pontifex Rom.* — A num. 1 ad 12. Refert Anastasius in Vita Stephani III, Sergium et Waldipertum presbyteros eum Langobardis repente in Urbem Romanam « vicesima octava die Julii mensis, Indictione sexta, vespere, in ipso crepusculo noctis, vigilia beatorum martyrum Abdon et Sennen », occupasse Pontem Salarium. Addit Anastasius, *alio die Dominicō*, ideoque die trigesima prima mensis Julii, que hoc anno Dominicalis fuit, Waldipertum presbyterum extraxisse ex monasterio sancti Viti *Philippum presbyterum*, huncque papam elegisse, sed Philippum eodem die ad suum monasterium reverti coactum esse. *Alia die*, subdit Anastasius, nempe die quinta mensis Augusti, in quam feria sexta cedebat, *Stephanus tertius*, qui male in Annalibus Stephanus IV vocatur, electus est Pontifex Romanus, et Constantinus invasor Apostolicæ Sedis in monasterium Cellanovas deportatus. « Sabbato vero die diluculo (ideoque die sexta mensis Augusti) ante unam diem ordinationis prefati Stephani » Constantinus lectis sacris canonibus depositus est, « sieque alio die Dominicō antedictus beatissimus Stephanus consecrationem suscepit Pontificatus », inquit Iaudatus Anastasius, ideoque die septima mensis Augusti, quæ hoc anno cum Dominicæ concurrebat; quod ex dicendis in morte ejus magis confirmabitur. Hallucinatus est itaque Baronius, qui num. 1 tradit, *Stephanum* die quinta mensis Augusti Pontificatum iniisse; eo enim die Constantinus in monasterium detrusus, sequentique, sexta nempe Augusti, depositus est, ut mox dixi. Marianus Scotus in Chronicæ ad annum *DCCLXVII* scribit: « Constantinus VI feria, mense Julio, depositus est », verum tam in feria quam in mense et anno errat. Ex his intelligimus, recte seripsisse Anastasiū et eum eo Martinum Polonum ac Luitprandum, Constantinum *per anni spatium et mensem unum* *Sedem Apostolicam invasam* detinuisse, a die nempe quinta mensis Julii anni superioris, quo consecratus est Pontifex, usque ad diem quintam mensis Augusti praesentis anni, quo in monasterium conjectus. Recte itaque idem Anastasius tradit, episcopatum cessasse *annum unum et mensem unum*; quia sc. duos dies mensem illum excedentes negligit.

*2. Pippinus bellum Aquitanicum absolvit.* — Ad num. 12 et seq. Auctor posterioris Appendicis ad continuationem Fredegarii, res a Pippino rege paulo ante ejus obitum gestas his verbis accurate refert: « Cum in Betoricas resideret, mediante Februario omnem exercitum suum, quem in Burgundiam ad hyemandum miserat, ad se venire præcepit. Initioque consilio contra Remigium (seu Remistagnum, Waifarii Aquitanie ducis patrum, qui fidem anno priore fecellit) insidias parat, Hermenaldum, Beringarium, Childeradum et Chuniberum comitem Betorinum, cum reliquis comitibus et lendibus suis ad ipsum Remistagnum capiendum mittens, prædictus rex Pippinus cum omni exercitu Francorum iterum ad persequendum Waifarium ire destinavit. Berlada regina Aurelianis veniens et inde navalı evectione per Ligerem fluvium usque ad Sellus castrum super fluvium ipsius Ligeris pervenit. His itaque gestis, nuntiatum est regi quod missi sui, quos dudum ad Amormuni regem Saracenorum miserit, post tres annos ad Marsiliam reversi fuissent, legationem prædicti Amormuni regis Saracenorum ad prædictum regem cum multis munieribus secum adduxerant. Quod cum compertum regi fuisse, missos suos ad eam direxit, qui eos venerabiliter recipierunt, et usque ad Mettis civitatem ad hyemandum ducerent. Igitur suprascripti comites, qui ad Remistagnum capiendum missi fuerant, per divinum judicium et fidem regis eum capiunt, et ligatum ad presentiam regis cum uxore sua adduxerunt. Quam statim rex Chuniberto et Chisselario comitibus Betoricæ civitatis ipsum Remistagnum in patibulo suspendi jussit. Prædictus rex Pippinus usque ad Garonnam accessit. Ibi Wascones, qui ultra Garonnam commorantur, ad ejus presentiam venerunt, et sacramenta, et obsides prædicto regi donant, ut semper fideles partibus regis ac filiis suis Carolo et Carolomanno omni tempore esse debeant. Et aliae multæ quamplures gentes ex parte Waifarii ad eum venientes, et se ditioni sue subdiderunt. Rex vero Pippinus benigniter eos in suam ditionem recepit. Waifarius cum paucis per sylvam, que vocatur Edobola, in pago Petrocorreco latitans, hue illucque vagatur incertus. Præfatus rex Pippinus ad Waifarium capiendum insidias iterum parat. Inde

ad reginam suam ad Sellum veniens (ubi Pascha eum celebrasse testantur Regino aliique), legationem Saracenorum, quam Mettis ad hyemandum miseral, ad Sellus castrum ad se venire præcepit, et ipsi Saraceni munera, quæ Amormuni transmisserat, ibidem præsentavit. Iterum rex ipsis Saracenis, qui ad ipsum missi fuerant, munera dedit, et usque ad Marsilium eum multo honore adduci præcepit. Saraceni vero navalı evectione per mare redeunt ad propria ».

*3. Universam Aquitaniam subigit.* — Quo consilio *Pippinus* ad Abderamen Saracenorum Hispanie regem, et Abderamen vieissim ad Pippinum legatos miserit, nullus veterum prodit. Cointius hoc anno num. 5, hos legatos ex Arabia *Almansorem* Saracenorum regem seu califam misisse credidit. Verum anonymous ille loquitur de Abderamen, de quo Rodericus in Hist. Arabum, cap. 48, scribit: « Regno in Hispaniis confirmato Amiramoni statuit se vocare ». Quare Sigeberthus in Chronico ad annum **DCCLXVI** recte tradit: « Rex Saracenorum Amiramoni, ab Hispania missis legatis, et muneribus datis et acceptis, affectat gratiam et amicitiam Pippini regis ». Porro Pippinus, dimisis Saracenorum legatis, adversus Waifarium denuo perrexit: « Præcessus rex Pippinus », subiungit citatus anonymous, « iterum de Sellus castro cum paueis ad persequendum Waifarium eo anno iterum perrexit, et usque Sanctonis mira celeritate primus cum paueis venit. Cum hoc Waifarius audisset, solito more terga vertit. Rex Pippinus in quatuor partes comites suos Scaritos (vox illa barbara a *Scara* deducta, significatque aciem aut copias militares, indeque vox ista gallica, *Escadron*, nostro tempore usurpata prolluxit, ut notat Ducangius in suo Glossario), et leudos suos ad perquarendum Waifarium transmisit. Dum haec agerentur, ut asserunt, consilium regis factum. Waifarius princeps Aquitaniae a suis imperfectus est. Præfatus rex Pippinus jam tota Aquitania acquisita, omnes ad eum venientes ditioni suæ, sicut antiquitus fuerat, se faciunt. Cum magno triumpho et victoria Sanctonis, ubi Bertrada regina residencebat, venit ». Diem necis Waifarii notarunt duo brevissima Chronica, nempe monasterii sancti Galli a Baluzio lib. I Miscell. editum, et San-Dionysianum. In isto legitur: « **DCCLXVIII**, Waifarius imperfectus est IV non. Junii ». Verba prioris statim recitabo. Bellum quod contra Waifarium ducem Aquitaniæ Pippinus suscepit, *per continuos ix annos* gestum esse, jam diximus ex Eginhardo in Vita Caroli M. Unde non dubium, quin primus ejus annus cum anno Christi **DCCLX** copulari debeat.

*4. Moritur Pippinus.* — « Dum » autem « Sanctonis », ut auctor prædictæ II Appendix persequitur, « præfatus rex venisset, et causas pro salute patriæ et utilitate Francorum tractaret, quadam febre vexatus ægrotare coepit, comites suos ac judices ibidem constituit. Inde per Peetavis usque ad Turonis urbem ad monasterium beati Martini con-

fessoris accessit, ibique multam eleemosynam tam Ecclesiis quam monasteriis vel pauperibus largitus est. Et auxilium beati Martini petens, ut pro ejus facinoribus Domini misericordiam deprecari dignatur, inde promovens se cum prædicta regina Bertradane et filiis suis Carolo et Carolomanno, usque ad Parisius ad monasterium beati Dionysii martyris veniens, ibique moratus est aliquandiu. Cernensque quod vitæ periculum evadere non posuisset, omnes proceres suos, duces et comites Francorum tam episcopos, quam sacerdotes ad se venire præcepit. Ibique una cum consensu Francorum et procerum suorum, seu episcoporum, regnum Francorum, quod ipse tenuerat, æquali sorte inter prædictos filios suos Carolum et Carolomannum, dum adhuc ipse viveret, inter eos divisit. Id est, Austrasiorum regnum Carolo seniori filio regem instituit: Carolomanno vero juniori filio regnum Burgundia, Provincia, Gothia, Alezasis (id est, Alsacia) et Alamannia tradidit; Aquitaniam, quam ipse rex acquisierat, inter eos divisit. His gestis, rex Pippinus post paucos dies, ut dolor est ad dicendum, ultimum diem et vitam simul clausit. Sepelieruntque eum prædicti reges Carolus et Carolomannus filii ipsius regis, in monasterio S. Dionysii martyris, ut ipse voluit, cum magno honore: regnavilque annis viginti quinque ». Austrasiorum nomine anonymous intelligit, non solum Austrasię, sed et Neustrasiam, Thuringiam et Bajoarię. « VIII kalendas Octobris diem obiit anno ætatis **LIV** », inquit annalista Fuldensis, cui quoad annum ætatis suffragatur annalista a Lambecio tom. II Biblioth. editus, et quoad diem mortis suffragantur Nazarianus, Laureshamensis, Berlinianus, Metensis et plerique alii veleres annalistæ. Quare non nisi errore librariorum, aut saltem scriptorum ipsorum apud annalistam Petavianum et Marianum Scotum, habetur, Pippinum vitam classis IX kalend. Octob., apud annalistam Loiseianum, VII kalend. Octob., ac denique apud Reginonem VIII idus Aug. Regno præfuit annos **xxvi**, non **xxv**, ut quispiam sciolus in anonymous laudatum inseruit, recteque annalista Metensis ait: « Rexit populum Francorum post decessum patris sui Caroli annis **xxvi**, ab anno vero, quo rex electus est, regnum administravit annos **xvi**; in Eginhardo enim, ubi dicitur e vita discessisse, cum per annos **xv**, aut eo amplius solus imperaret Francis, librarius unitatem omisit. Reliquit Pippinus duos filios mares Carolum et Carolomannum, et unicam filiam nomine Gisilam, de qua infra. Agebat tunc annum ætatis Carolus **xxvi**, Carolomanni vero ætatis annus incertus. In Annalibus quidem Petavianis dicitur natus anno **DCLI**, sed haec est interpolatio; cum in Annal. Maseiacensibus ex eodem autographo descriptis, ut ex utrorumque inter se collationibus deprehendimus, Carolomanni annus natalis non memoretur. Quare perperam Cointius tradit, Carolum hoc anno natum fuisse annos **xvi**, Carolomannum vero annos **xviii**, cum utriusque

principis natale in Annal. Masciaeensibus desit, quod ulrumque progressu temporis exemplari Pelaviano additum fuit.

5. *Laudatur Pippinus.* — Jure merito Pippinus in variis Stephani II litteris ad eum datis dicitur, « novus Moyses, præfulgidus David; quemadmodum enim hi ab oppressionibus allophylorum populum Dei liberaverunt, ita quoque et ille suo certamine Ecclesiam Dei et ejus afflictum populum ab hostium impugnatione eruere studuit ». Ab eodem passim nuncupatur, « fortis, victor, Christianissimus, post Deum liberator et defensor Ecclesie ». Et denique a Paulo papa vocatur, « præ ennelis regibus Christianissimus, Orthodoxus regum, et regum sublimissimus ». Proximitate Romanos Pontifices a Græcis et Longobardis injuste vexatos, sese fortissimum sacrarum imaginum defensorem adversus Constantimum Copronymum imperatorem exhibuit, ditiones Saracenis eruptas Christianæ religioni reddidit, iisque virtutibus claruit, quæ nomen ejus ad æternam memoriam propagarunt.

6. *Carolus et Carolmannus Pippino patri succedunt.* — Licet autem in auctore posterioris Appendix ad continuationem Fredegarii legatur, ut mox vidimus, *Carolum et Carolmannum, mense Septembri, die Dominico, XII kalendas Octobris,* reges unctos esse, Cointius tamen hoc anno n. 32 recite existimat, verba illa ab aliquo interpolatore inserta fuisse; cum anonymous ille nullibi dies exprimat, eumque, quo Pippinus obiit, prelermitlat. Ideoque censet vir doctissimus, hanc utriusque regis imunctionem melius annalistas Petavianum, Loiselianum, Tilianum, auctorem Chronicæ San-Dionysiani et Reginonem consignasse VII id. Octobris, id est, die xv post Pippini mortem, quæ Dominicalis fuit et sancti Dionysii martyris memoriae sacra. His adde annalistam Berlinianum, qui scribit de Pippino: « Ad sanctum Dionysium usque pervenit, ibique diem obiens, finivit VIII kalendas

Octobris. Dominus vero Carolus et Carolmannus elevati sunt in regnum. Et dominus Carolus VIII id. Octobris in Noviomago civitate, Carolmannus in Suessionis civitate similiter. Et celebravit prædictus gloriosus dominus Carolus rex Natalem Domini in villa, que dicitur Aquis, et Pascha in Rodoma civitate ». Sed loco VII id., legendum VI id. Idem denique tradit auctor Chronicæ monasterii sancti Galli a Baluzio publicati, licet in die mortis Pippini erret, et aliqui numeri in eo mendose descripti sint. Hæc ejus verba: « DCCLXVIII. Hoc anno Weferius interficitur in nocte die v feria, IV non. Jan. (sed legendum, IV non. Jun., ut liquet ex Chronicæ San-Dionysiano, cujus verba supra retuli). Et in ipso anno dominus rex Pippinus transiit VIII id. Octobris in nocte die sabbato. Et in sequente die vi idus Octobris (legendum, VII idus Octobris, ut ipsam verba ostendunt) sic domini reges Carolus et Carolmannus benedictionem regalem acceperunt; dominus rex Carolus in Noviomaco civitate, et Carolmannus in Suessionis civitate in sede patris sui ». Monachus Egolismensis in Vita Caroli M. idem diserte seribit.

7. *Constantinus imp. e filiis suis duos Cæsares creat.* — Ad num. 44 et seq. Baronius refert coronationem Eudociæ terliae conjugis Constantini imp. et inaugurationem ejus filiorum, ex versione Theophanis ab Anastasio facta; sed cum hie Indictionem vii a Theophane memoratam prætermiserit, Baronium in errorem impulit, effecitque ut rem anno sequenti gestam cum currenti copularit. Theophani suffragatur Nicephorus in Breviario, qui dissimilia ab illo non seribil: « Indictione vii, inquit, mense Aprili, Sabbato sancto, Constantinus Eudociam conjugem Augustam coronat. Postera die, duos e liberis suis Christophorum et Nicephorum Cæsares, Nicetam vero nobilissimum creat. Cumque, ut imperatorum mos est, in Ecclesiam procederent, ingenti in populum largitione facta, pecuniam a palatio ad Ecclesiam usque sparserunt ».

## STEPHANI IV ANNUS 2. — CHRISTI 769.

*1. Concilium Romanum, in quo pseudo-papa judicatur, instauratur disciplina, cultus SS. imaginum provehitur.* — Sequitur annus Redemptoris septingentesimus undesepagesimus, Indictione septima, quo celebratum est Romae Concilium a Stephano papa, cui inter alios interfuerunt duodecim episcopi selestissimi, e Galliis accessiti (ut vidimus) anno superiori, et alii plures Tuscæ Campaniæque et aliarum Italæ regionum episcopi. Porro tanti celebrandi Concilii ea causa magni momenti precessit, nimirum ut corrigeretur impudens factum a Constantino pseudopontifice perpetratum, cum ille invasor Apostolicæ Sedis ex laico uno ferme momento, tanquam in scena, prodit factus Pontifex. Damnavit itaque sancta Synodus una cum auctore eundem Sedis Apostolicæ invasorem; et ne in posterum talia quis præsumeret, canone sancito prohibuit.

De his etiam, qui ab eodem Constantino fuerant ordinati, in eadem Synodo actum atque definitum est, ne ullatenus in eo ordine ministrarent. Ad postremum vero quæcumque adversus sacras imagines Constantinopolis decreta fuissent, statuit sancta Synodus esse penitus irrita. Porro Synodi hujus licet Acta non extant, tamen loco ipsorum suppetunt, quæ apud Anastasium Bibliothecarium sunt scripta, et quæ in Epistolis Hadriani papæ leguntur.

*2. « Pervenientibus (inquit Anastasius) in hanc Romanam Urbem mense Aprilis Indictione septima, duodecim Gallicanis episcopis omnium doctissimis a Carolo rege electis: protinus antedictus Stephanus sanctissimus papa aggregans diversos episcopos Tuscæ atque Campaniæ, et aliquos alios istius Italæ provinciæ. Quibus omnibus congregatis, Concilium peractum est in Basilica Salvatoris Domini nostri Jesu Christi, juxta Lateranense palatium. Et præsidente eodem beatissimo Stephano papa, consentibus etiam pariter cum eo iisdem omnibus episcopis, deductus est Constantinus Apostolicæ Sedis invasor, jam excæcatus oculis. Et subtiliter exquisitus est, cur præsumpsisset Apostolicam Sedem laicus existens inva-*

dere, et tales iniquæ novitatis errorem perpetrare. Ita coram omnibus professus est, vim se in populo pertulisse, atque per brachium populi fuisse electum, atque coactum in Lateranense patriarchium deductum propter gravamina et præjudicia illa, quæ Romano populo ingessisset dominus Paulus papa. Et corruens in terram manibus extensis in pavimento, se reum ac super numerum arenæ maris peccasse deflebat, petens misericordiæ veniam ab eodem sacerdotali consequi Concilio. Quem e terra elevare facientes, ipso die nullam de eo protulere sententiam.

*3. « Alia vero die denuo afferentes eum, atque interrogantes de eadem impia novitate, respondit, nihil novi se fecisse, dicens: Quia et Sergius archiepiscopus Ravennatum, laicus existens, effectus est. Et Stephanus Neapolitanæ civitatis, et ipse laicus, repente episcopus consecratus est. Dum vero talia ipse Constantinus prosequeretur: illoco irato Ecclesiastice traditionis universi sacerdotes, alapis ejus cervicem cædere facientes, eum extra eamdem Ecclesiam ejecerunt. Ita plane tanta insolens fuit adhibenda severitas, ne ad tantum patrandum scelus quis audax rursus auderet irrumperet, sicque nullus penitus pateret aditus audacissimæ temeritati. Sed quæ præter hæc in sancta Synodo in eadem gesta sint causa, ab eodem auctore sic accipe: « Tunc combustis omnibus ejus actionum gestis, simul et Concilium illud, quod in scriptis de ejus quasi confirmatione editum fuerat, combussere in medio presbyterii ipsius Ecclesie ». Hie monendus lector, apud Marianum Scutum perperam ex vitioso textu legi ipsos sacerdotes, ac etiam Constantinium tune fuisse combustos: quod falsissimum est, ut ex eodem Anastasi textu error ipse convincitur. Sed que hæc secuta sunt, audi:*

*4. « Hoc faelo, projiciens se in terram sanctissimus Stephanus papa cum universis sacerdotibus et populo Romano, clamantesque Kyrie eleison, cum ingenti fletu peccasse se omnes confessi sunt, pro eo quod de manibus ipsius Constantini communio nem suscepissent: sicque ex hoc omnibus indicta*

est penitentia. Tunc attatis saceratissimis canonibus, eisque liquido perscrutatis, prolata est sententia ab eodem sacerdotali Concilio sub anathematis interdicto, ne nullus unquam præsumat laicorum, neque ex alio ordine, nisi per distinctos gradus ascendens, diaconus, vel presbyter cardinalis factus fuerit, ad saeri Pontificatus honorem possit promoveri». Sic igitur eo statuto canone, omnis invasoribus sanctæ Apostolice Sedis oculus est aditus, veluti alto interjecto pariete, quo profanum esset a sacro divisum. Que vero his addiderunt Patres de rebus ab eodem Constantino pseudopontifice gestis, sic accipe ex eodem Anastasio auctore :

5. « Sed et alia plura, inquit, que de eo canonica indigebant correctione, in eodem Concilio statuerunt emendanda. De episcopis vero atque presbyteris et diaconibus, quos ipse Constantinus consecraverat, ita in eodem Concilio promulgatum est : Ut qui episcopi ex presbyteris, sive diaconibus ab eo ordinati fuerant, in pristinum honoris sui gradum reverlerentur; et si placabile fuisset omni populo civitatis suæ, denuo facto decreto electionis more solito, cum clero et plebe ad Apostolicam venissent Sedem : ab eodem sanctissimo Stephano papa benedictionis susciperent consecrationem. Presbyteri vero illi et diacones ab eodem Constantino consecrati simili modo, in illum, in quo existabant, habitum reverlerentur. Et postmodum si qui eorum placibiles extifissent, antetulus beatissimus Pontifex presbyteros eos aut diacones consecraret (conciliaret). Statuentes, ut hi, qui ex eis consecrandi (conciliandi) essent, nequaquam ad potiorem honorem ascenderent, nec ad Pontificatus promovereentur culmen, ne talis impius novitatis error in Ecclesia pulularet.

6. « Ipse vero autefatus beatissimus Stephanus papa coram omni sacerdotali collegio clara voce clamavit, dicens, nutto modo se mittere, aut penitus declinare in eorumdem presbyterorum et diaconorum consecrationem. De laicis vero, qui ab eodem Constantino presbyteri et diaconi consecrati sunt, ita promulgatum est, ut in religioso habitu cunctis diebus eorum vitæ, sive in propriis dominibus, vel ubi fuissent, permanere deberent. Hujusmodi vero promulgatis sententiis, itlico episcopi illi, qui ab eodem Constantino ordinati sunt, revertentes juxta ejusdem Pontificis sententiam in pristino honoris gradu, electi denuo a clero et plebe cum solito decreto ad Sedem Apostolicam properantes, ab eodem sanctissimo papa consecrati (conciliati) sunt. Nam presbyteri et diacones illi usque ad mortem ipsius Pontificis sic remanentes, nunquam sunt ab eo consecrati (conciliati). Ita enim in eodem Concilio statutum est, ut omnia, que idem Constantinus in Ecclesiasticis sacramentis ac divino cultu egit, iterari debuissent, præter sacram baptismum ac sanctum chrisma». At quod ad episcopos spectat, ne eos existimes iterum consecratos, sed accepisse diuinxat, more majorum, benedictionis mysterium, quod auctor nominat bene-

dictionis sacramentum, ritus illos solemnes adhiberi solitos in reconciliacione schismatici, vel heretici. Pergit autem Anastasius :

7. « Post haec vero omnia promulgata, continuo et diversa sanctorum Patrum testimonia de sacris imaginibus Domini nostri Iesu Christi, sancteque et gloriose ejus Genitricis semper Virginis Mariæ Dominae nostræ, et beatorum Apostolorum, omniumque sanctorum prophetarum, martyrum, seu confessorum in idem sunt allata Concilium, et subtitius multum perindagantes, statuere, magno honoris affectu ab omnibus Christianis ipsas esse venerandas imagines, sicuti ab omnibus predecessoribus hujus Apostolice Sedis, et cunctis venerabilibus Patribus usque hactenus de earum honoris observantia effectum, et cunctis ad memoriam compunctionis est traditum : condemnantes et anathematizantes execrabilem illam Synodum, que in Graecia partibus muper facta est pro disperdendis ipsis sacris imaginibus». Haec de his, que ad cultum saerarum imaginum, in Synodo gestis Anastasius habet. Sed non ignorandum, reperiri in tractatione illa Hadriani papæ ad Carolum Magnum de imaginibus fragmenta quedam hujus Concilii de his, que spectant ad sanctarum cultum imaginum : que hic tibi reddenda putavimus : atque primum illud, quo ait : « Præsens Concilium sub Stephano ex sacerdotibus partium (ut ait<sup>1</sup>) Francie atque Italiæ, in hocque probatum cultum sanctarum imaginum ». Et inferius : « Ne aliquis propter adorationem, que a predecessoribus nostris sanctissimis præsulibus promulgata est, oblatrare præsumat, sciat ipsos tales adorationem docuisse, qualem predecessor noster S. Gregorius doctor papa in sua Epistola, quam in prefato Concilio domini Stephani papæ Herulphus episcopus provinciae Galliarum civitatis protolit, ubi inter cetera Secundinum servum Dei inclusum Galliae docuit, dicens : Scimus, etc. » Quæ sequuntur recitata suo loco Epistolæ Gregorii papæ ad Secundinum. Sequenti vero capite sic :

8. « Hoc testimonium (sancti Ambrosii videlicet), quo meminit de cultu Apostolorum per visum ostenso et cognito ex pictura, a Sergio sanctissimo quondam archiepiscopo Ecclesiae Ravennatis per Joannem diaconum suum in prefato Concilio sanctæ recordationis domini Stephani predecessoris mei pro sacrarum imaginum veneratione oblatum est, etc. » Rursus idem Hadrianus in eadem inscriptione haec de eadem sub Stephano papa Synodo habet : « Prædecessor noster sanctæ recordationis dominus Stephanus quondam sanctissimus papa in supradicto Concilio presidens, inter plurima veridica testimonia per semetipsum asserens, docuit ita : Sed nec illud est preteremendum, quod relatione fidelium de partibus Orientis advenientium sæpe cognovimus (in quibus licet Evangelium sileat, tameu nequaquam in omnibus incredibile

<sup>1</sup> Hadr. pap. de imaginib. ad Carol. c. 12. Act. vi.

fidei meritum, et hoc affirmante de ipso Evangelista<sup>1</sup>: *Multa quidem et alia signa fecit Jesus, quae non sunt scripta in libro hoc* denique fertur ab asserentibus, quod Redemptor humani generis, appropinquante die Passionis, euidam regi Edessæ civitatis, desideranti corporaliter illum cernere, et ut persecutioe Judeorum fugeret, ad illum conlocare, ut auditæ miraculorum opinione et sanitatum curationes illi et populo suo imperfiret, respondisset: *Quod si speciem meam corporaliter cernere cupis, en tibi vultus mei speciem transformalam in linteo dirigo, per quam et desiderii tui fervorem refrigeres, et quod de me audisti, impossibile nequaquam fieri existimes; postquam autem complevero ea quæ de me scripla sunt, dirigam tibi unum de discipulis meis, qui tibi et populo tuo sanitates imperfiat, et ad sublimitatem fidei vos perdueat, etc.* » Eamdem de Abagaro mentionem habitam esse etiam in eadem Synodo ex litteris Theodori patriarchæ Hierosolymorum ad Romanum Pontificem, idem inferius tradit. Ex qua hæc recitata inter alia docet:

9. « Restat mihi tempus tractandi de Abagaro Edesseno, et alia aut similia sanctorum Patrum, quæ et vos melius cognoscilis. Persevera, sanctissime frater, persevera in eadem bona fide, corroboratus super petram fidei, sicut Deiloqua vox affata est Apostoli Petrum<sup>2</sup>: *Tu es Petrus, et super hanc petram ædificabo Ecclesiam meam, et portæ inferi non prævalebunt adversus eam. Vere non prævalebunt ei in sæculum sæculi. Cognitum facimus tibi sanctissimo domino, quod ego humilis Theodorus patriarcha Hierosolymorum et hi qui nobiscum sunt, Cosmas patriarcha Alexandriæ et Theodorus patriarcha Antiochiae id ipsum intelligimus et credimus, sicut et vestræ sanctitati patet.* ». Ista in hac Synodo recitata sunt testimonia trium patriarcharum Orientis litteris Theodori subscriptorum, quænam esset eorum recta fides et receptus antiquitus traditus cultus sanctorum imaginum.

10. Porro Epistola Theodori et collegarum patriarcharum Synodalis fuit, sed non ad hunc Stephanum papam scripta, sed (ut dictum est) ad prædecessorem ejus Paulum papam, de quo ita idem Pontifex Hadrianus: « *Iste Theodorus patriarcha Hierosolymorum cum ceteris præcipuis patriarchis, videlicet Cosma Alexandriæ, et Theodoro alio Antiochiae, dudum prædecessori nostro sanctæ recordationis quondam Paulo papæ miserunt propriam eorum rectæ fidei Synodicam, in qua et de saeratissimis imaginibus subtili narratione, qualiter una cum nostra fide Catholica et Apostolica universali Romana Ecclesia, ipsi vel ceteri Orientales Orthodoxie episcopi et Christianus populus sentiunt, et in earundem sanctorum imaginum veneracione sincero mentis affectu ferventes in fide existunt, studuerunt intimandum.* »

« Quam Synodicam in latino interpretatam eloquio prædecessor noster sanctissimus dominus Stephanus papa in suo Concilio, quod ipse pro sacræ imaginibꝫ et una cum diversis episcopis ex paribus Franciæ seu Italiae fecit, suscipientes ac relegentes statuerunt tam de diversis Franco-rum Patrum testimoniis, quam de Symbolo fidei, ubi fati sunt, dicentes: *Qui alium terminum fidei, sive Symbolum aut doctrinam habet, præter quod traditum est a sanctis magnis et universalibus sex Synodis, et confirmatum est ab his sanctis Patribus, qui in eis convenerunt, et non adorant imaginem sive figuram Domini nostri Jesu Christi, neque humanationem ejus confitentur, sic ut qui descendit et incarnatus est propter genus humanum: talem impium anathematizamus et alienum extraneumque deputamus Catholicæ et Apostolicæ Ecclesiæ, etc.* » Haec tenus de Synodi sub Stephano Pontifice rebus gestis, quas invenire potuimus. Sed quæ de ipsis promulgatione post hæc omnia sunt subsecuta, Anastasius pergit ita describere:

11. « *Expletis vero omnibus quæ in eodem Concilio promulganda erant, tunc idem beatissimus Pontifex aggregans universos sacerdotes atque clericum et cunctum populum, profeeti sunt ad beatum Petrum principem Apostolorum cum hymnis et canticis spiritualibus, nudis pedibus incedentes. Illicque in ambonem ascendens Leontius scribaniarius, cuncta quæ in eodem peracta sunt Concilio, extensa voce legit populo. Sed et tres episcopi, id est, Gregorius Silvæ candidæ, Eustasius Albani, et Theodosius Tiburtinus, in eumdem præfatae Ecclesiæ ambonem ascendentibus, anathematis obligationem protulere, si quisquam præsumat quoquo tempore transgredi quippiam de omnibus, quæ in eodem Concilio statuta sunt.* »

Hæc sunt quæ ad dictum Concilium Romæ sub Stephano papa habitum spectare videri possunt. Ex quo dum audis quæ pro sanctis imaginibus statuta sunt adversus Pseudo-Synodus Constantinopolitanam, plane intelligere potes quid de iisdem in Concilio Gallico haud pridem sit decretum; siquidem huic Synodo (ut dictum est) duodecim Gallicani episcopi delecti ex omnibus doctrina insignes interfuerunt, consentientes illis, qui haud contraria quæ in Gallia statuissent, absque prævaricationis nota, et suorum contemptu sensisse atque confirmasse sententia, existimari potest, cum nihil diversum ab his traditum inventiatur. Cum vero quæ Gallicanæ Ecclesiæ de saerarum imaginum cultu esset assertio, eadem per duodecim hos episcopos Romæ coram plena Synodo innotuerit, et una cognita omnium esse sententia, non defuit idem Stephanus papa suis litteris significare Constantino Copronymo imp. ea, quæ pro saerarum imaginum cultu Romæ statuta essent; et admonere eum ut ab errore desisteret. Testatur id quidem Hadrianus ejus successor in Epistola sua recitata in Actione secunda Nicenæ Concilii posterioris.

<sup>1</sup> Joan. xx. — <sup>2</sup> Matth. xvi.

**42. Ecclesiæ Ravennatis turbæ.** — Rursum vero sive in hoc Concilio, sive seorsum, et illud ab eodem Pontifice statutum reperitur apud eundem Bibliothecarium : « Ut omni Dominico die a septem episcopis cardinalibus ebdomadariis, qui in Ecclesia Salvatoris observant, missarum solemnia super altare beati Petri celebrarentur, et Gloria in excelsis Deo diceretur ». Hæc ibi. Hicque prima mentio de septem episcopis cardinalibus reperitur, illis scilicet, qui proximos Urbi habentes episcopatus, assisterent Pontifici, eidem sanctæ Romanæ Ecclesiæ annexi cardini, de quibus inferius sæpe dicendum.

Quod vero ad Sergium archiepiscopum Ravennatem pertinet, quem in sui excusationem ex laico prosiliisse ad episcopatum, Constantinus pseudopapa citavit : ita quidem ejus causa in judicio Apostolice Sedis diu tractata est : accusatus nimirum quod cum uxore haberet, archiepiscopatum Ravennatis Ecclesiæ ausus esset invadere. Iujus rei gratia a Paulo Pontifice cum jussus fuisse Romanam venire et causam dicere, ibi mansit usque ad obitum ipsius Pauli et sub Stephano usque in praesentem annum, quo ex hac vita decerente, ad divinum examen delatus est. Sed sunt qui tradant hunc a suis adversariis fuisse calumniis exagitatum, et in hoc Romano Concilio absolutum, innocentemque probatum, in suam Ecclesiam restitutum, et sancto fine vitae terminum clausisse octavo kal. Septembbris. Ita ex antiquioribus ejus Ecclesiæ monumentis<sup>1</sup> Rubens in Iucem prodidit, eumque S. Nicolai Myrensis episcopi fuisse studiosissimum, quem et consuevit præ cæteris frequentare precibus atque votis, quo ab oppressione calumniantium eriperetur, utpote qui seiret tres aulicos ipsum implorantes, absentem licet sensisse ope præsentem.

**43. Quomodo vero acciderit, ut eadem Ecclesia Ravennas gravius turbaretur, jam dicendum erit. Accedit namque, ut cum ab hac celebrata hoc anno Synodo Romæ mense Aprilis, elapsis mensibus aliquot, idem Sergius Ravennas episcopus moreretur, et Longobardorum potentia Michael ejusdem Ecclesiæ seriniarius intruderetur : ad eum dimovendum eidem Pontifici Stephano fuerit plurimum laborandum hoc et sequenti anno ; amplius enim anni circulo idem intrusus, fultus præsidio Longobardorum, sedet, adeo ut Francorum regum legati adhibendi fuerint ab ipso Pontifice, ut expelli posset intrusus, et legitimus archiepiscopus consecrari Leo archidiaconus legitime electus ab eis. Porro cuncta hæc quomodo se habuerint, ab auctore ejusdem temporis scripta, ab Anastasio vero de scripta sic accipe :**

« His vero peractis Synodalibus gestis, contigit post aliquantum temporis de hac vita migrasse Sergium archiepiscopum civitatis Ravennatium : et continuo surgens Michael seriniarius ipsius Ec-

clesiæ, qui nullo sacerdotali fungebatur honore, profectus est Ariminum ad Mauritium ducem Arimineum. Et congregans inde nefandissimus Mauritus exercitum una cum consilio Desiderii Longobardorum regis properavit, et ingressus est Ravennam, et brachio forti elegit ipsum Michaelem, et in episcopium Ravennatis Ecclesiæ introduxit ; et Leonem archidiaconum, qui electus erat in archiepiscopatus ordinem, Ariminum deportantes, ibidem arcta custodia mancipatum idem Mauritus detineri fecit. Tunc direxit quantocius prædictus Michael una cum Mauritio et judicibus Ravennatium ad prælatum beatissimum Stephanum Pontificem, promittentes ei copiosa munera, ut ipsum Michaelem archiepiscopum consecrare deberet.

**44.** « Ipse vero beatissimus præsul per nullius donationis promissionem inclinatus est eumdem Michaelem consecrare, asserens nulla ratione hoc fieri posse, dum in sacerdotii honore minime ipse prædictus existeret Michael. Qui idem Stephanus Pontifex pluribus vicibus obtestationis et prædicationis litteras atque missos direxit, ut idem Michael ab injusto proposito recederet : sed nullo modo Apostolicis admonitionibus acquiescere voluit, dansque plurima munera Desiderio Longobardorum regi, et cymilia, et ornatus ipsius Ecclesiæ cum aliis speciebus, brachio forti per unius anni curriculum, et eo amplius ipsius Ecclesiæ episcopium invasum detinuit, denudans atque in magnam paupertatem eum redigens.

« Sed dum nullo modo firmissimam mentis constantiam ipsius sanctissimi Pontificis flectere potuissent nequissimi consentanei ipsius Michaelis : dum missi excellentissimi Caroli regis Francorum et patricii Romanorum præsentialiter adesserent, dirigens idem beatissimus præsul tam suos missos denuo, quam prædictos Francorum regum missos, omnes Ravennianos adiunctione : statim insurrexere super ipsum Michaelem et eum cum opprobrio de ipso episcopio projecerunt, quem vincutum hue Romanum dirigentes, elegere sæpe factum Leonem archidiaconum ipsius Ecclesiæ Ravennatis in archiepiscopatus honorem, et ab eodem sanctissimo papa Stephano ordinatus et consecratus est ». Hactenus de Ravennatibus turbis, quæ hoc anno cœptæ, in sequentem sunt propagatae.

**45. Hunaldus Aquitanæ dux rebellis comprimitur.** — Hoc item anno habent Francorum Annales Carolum et Carolomanum Francorum reges rebellantem Hunaldum Aquitanæ ducem superatum cepisse<sup>1</sup>. Eumdemque post biennium, pœnitentiam simulante, dimissum Romanum, quasi ibi perseveraturum ; sed non diu post fugam arripuisse, desertorem factum, defecisse ad Longobardos, ubi non diu post lapidibus obrutum male periisse, affirmant<sup>2</sup>.

<sup>1</sup> Chro. vetus a Pithœo editum in Chro. an. 771. — <sup>2</sup> Siegb. in Chro. an. 771.

De rebus Orientalibus nihil præterea Græcorum Annales reddunt, nisi sponsalia Irenes cum Leone filio Constantini imp. ejusdemque coronatio

facta per Nicetam patriarcham hoc anno decimo sexto kalendas Januarii.

Anno periodi Græco-Romanæ 6262. — Anno Æra Hispan. 807. — Anno Hegiræ 152, inchoato die 14 Januar., Fer. 7. — Jesu Christi 769.  
— Stephani III papæ 2. — Constantini Copronym 50 et 29. Leonis IV 19.

**1. Synodus Romana in causa Constantini anti-papæ.** — A num. 1 ad 12. *Mense Aprili, Indictione septima*, Romæ habita Synodus, in qua correcta quæ a Constantino pseudo-pontifice facta fuerant, et saecularum imaginum cultus rursus probatus, ut fuit Baronius ex Anastasio in Vita Stephani III. Huic Synodo interfuerere duodecim episcopi e Francia directi, quorum nomina, quæ in exemplaribus Anastasii desunt, supplavit Sirmondus e Schedis Onuphrii, t. n. Concil. Gall. « Wiliearius Senonensis, Lullus Moguntinus, Gavienus Turonensis. Addo Lugdunensis, Herminardus Bituricensis, Daniel Narbonensis, Tilpinus Rhemensis, Herulfus Lingonensis, Hem Herembertus, Babulfi, Giselbertus et Joseph ». Heremberti, Babulfi et Giselberti sedes ignorantur. Joseph Avenionensis episcopus fuit, ut prodiit Nouguierus in Histor. antistitum Avenionensium. Hujus Synodi Romanæ aliqua Fragmenta e tenebris eruit Holstenius, quæ tom. vi Concil. edit. Labbeanæ leguntur. Lechia est in ea Synodo Epistola ad Paulum papam, enjus mors in Oriente ignorabatur, scripta a Theodoro Jerosolymitano, Cosma Alexandrino et Theodoro Antiocheno patriarchis, qui ideo hoc tempore sedebat (1).

**2. Hunaldus Aquitanæ ducem sese iterum dicit.** — Ad num. 13. Hunaldus Waifarii Aquitanæ ducis nuper occisi pater, qui monachum iam diu induerat, ut suo loco vidimus, rursus sese Aquitanæ ducem dixit, bellumque redintegravit, ut legere est hoc anno apud annalistam Metensem. et Eginbardum in Vita Caroli Magni ac in Annalibus, in quibus ait: « Hunaldus quidam regnum affectans provincialium animos ad nova molienda concitatavit: contra quem, quia ipsi eadem provincia sorte obvenierat, rex Carolus cum exercitu profectus est. Sed cum fratribus auxilium habere non posset (qui procerum suorum pravo consilio, ne id faceret,

impediebatur) colloquio tantummodo cum eo habitó in loco, qui Duasdives vocatur, fratre in regnum suum remicante, ipse in Engolismam civitatem Aquitanæ proficisciit: et inde contractis undique copiis, fugientem undique Hunoldum persequitur: paulumque absuit, quin caperet. Sed ille notitia locorum in quibus regis exercitum latere poterat, liberatus est: dimissaque Aquitania Wasconiam petuit, hinc se ibi fore arbitratus. Erat tunc Wasconensis dux Lupus nomine: enjus fidei se Hunoldus committere non dubilavit. Ad quem rex, missa legatione, jubet sibi perfugam reddi, ea conditione mandata. Ut si dicto non obediret, sciret se bello Wasconiam ingressurum, neque inde prius digressurum, quam illius inobedientiæ finem imponeret. Lupus minas regis pertimescens, Hunoldum et uxorem ejus sine cunctatione reddidit, et se quoque quaecumque imperarentur facturum spopondit. At rex, donec legati, quos miserat reverterentur, castellum quoddam juxta Dordonię fluvium vocabulo Frontiacum, aedificat. Reversis igitur legatis, reducto perfuga, aedificato castello, in regnum suum regreditur: celebravitque Natalem Domini in villa Duria, et Pascha apud sanctum Lambertum, in vicino Leodico ». De Hunaldi morte legendus Sigebertus in Chron.

**3. Leo filius imp. cum Irene nubit.** — Eudocia Constantini Ang. uxor hoc anno coronata, et præterea Irene Athenis oriunda Leoni ejus filio conjux data: « Indictione demum octava, Constantinus Leoni filio conjugem e Græcia Irenen arecessit. Qua Augusti mense Augusta consulutata ejusdem mox et filii nuptias celebravit », inquit Nicephorus in Breviario, quod a Mauriti imp. obitu inchoavit, et in nuptiis Leonis IV verbis laudatis absolvit. Prodiit illa Historia post Baroni mortem, eaque ad Annales locupletandos saepè conduxit.

(1) Hujus anni Conciliu sub Stephano III celebratum in codice Ms. Bibliothecæ capituli Veronensis adhuc superesse discimus ex Cl. Selione Maffeo, qui illius edendi spem fecit eruditis in suo opere Verona illustrata part. 2, cap. 7. An vero illud ipsissimum sit Romanum Concilium, de quo hic Pagius, tunc planum fiet, cum publicæ eruditiorum expectationi vir doctissimum satisfaciat, quod ut cito expediat, etiam atque etiam publico nomine rogauit.

*4. Northumbriæ rex amicitiam Caroli regis ambit.* — Aldredus Northumbriæ rex hoc anno legationem ad Carolum Francorum regem misit, federisque societatem cum eo ambivit, ut colligitur ex Epistola, quam ille cum uxore ad Lullum Moguntinensem archiepiscopum scripsit, quæ inter Bonifacianas est numero xc. « *Nostris quoque* », inquit Aldredus, « *dilectissime frater, legationibus ad dominum vestrum gloriosissimum regem Carl obsecramus consulendo subvenias, ut pax et amicitia, quæ omnibus convenient, facias stabiliter* ».

inter nos confirmari ». Maxima tunc erat inter utrorumque regum populos amicitia, indeque sanctus Liudgerus diaconus, qui postea Monasteriensis episcopus fuit, hoc anno in Angliam denuo profectus est, ut Alcuinum magistrum in urbe Eboracensi audiret : « *Hbi quippe vir Dei Alcuinus cunctis, qui ad eum hinc inde confluxerunt, Scripturarum documenta tradebat, a quo cum ingenti honore vel gudio susceptus, tribus cum eo annis et sex mensibus mansit* », inquit Altfridus in Vita sancti Liudgeri.

## STEPHANI IV ANNUS 3. — CHRISTI 770.

*4. Quæ Desiderius rex Longobardorum in Urbem et papam molitus fuerit, frustra illi blandientem.* — Septingentesimus septuagesimus Redemptoris numeratur annus, Indictione octava, quo Romana Ecclesia vexatione Desiderii Longobardorum regis dire fuit exagitata : cum Christophorus et Sergius, qui adversus laicuni hominem in Apostolicam Cathedram opera Longobardorum intrusum strenue agentes, Romanam Ecclesiam in pristinam libertatem vindicavere, ab eodem Desiderio per fraudem tenti, lumenib[us] sunt privati. Quomodo autem tragica ista se habuerint : ab auctore ejus temporis scripta, quem recitat Anastasius Bibliothecarius, videamus. Plane accidisse perspicies, tunc omnino collapsum ac periisse penitus regnum Longobardorum, cum ipsorum reges in Romane Ecclesiae jura immittere manus temere præsumpserunt. Sed videamus quæ rudi stylo, sed veritate micante apud eundem Anastasium habeantur de laboribus adversus eundem regem ab eodem sancto Pontifice exantatis, cum Romana Ecclesia dira persecutio vexaretur ; ait enim :

2. « *Sedulo idem beatissimus Pontifex suos missos atque litteras commonitorias dirigere studebat antedicto excellentissimo Carolo Francorum regi, et ejus germano Carolomanno itidem regi. Iminentibus namque et decentibus in hoc sepius nominatis Christophoro priuicerio et Sergio secundicerio pro exigendis a Desiderio rege Longobard. justitiis (juribus scilicet) B. Petri, quæ obdurato corde reddere sanctæ Dei Ecclesiae nolebat inde nimia furoris indignatione contra præ-*

nominatos Christophorum et Sergium exardescens ipse Desiderius, nitebatur eos extingueare atque delere. Pro quo suo ingenio maligno simulavit se quasi orationis causa ad B. Petrum huc Romanam properaturum, ut eos capere potuisset. Dirigens ergo munera Paulo cubiculario, cognomento Afiarta, et aliis ejus impiis sequacibus, snasit eis, ut in Apostolicam indignationem eos deberet inducere. Eique idem Paulus consentiens, de eorum proditione absconde decernebat.

3. « *Dumque hoc cognovissent præfati Christophorus et Sergius, et cumdem protervum Desiderium regem Romanam properaturum agnoverissent : illico aggregantes multitudinem populi Tusciae et Campaniae, seu ducatus Perusini, viriliter cum eadem populi congregazione eidem Desiderio regi paravere se ad resistendum. Quin etiam portas hujus Romanæ Urbis claudentes, et alias ex eis fabricaverunt, et ita armati omnes existebant ad defensionem propriæ civitatis. Et dum haec agebantur, subito conjunxit (peruenit scilicet) ad beatum Petrum antedictus Desiderius rex cum suo Longobardorum exercitu (erat namque extra Urbis muros ipsa Basilica Vaticana principis Apostolorum), et continuo direxit missos suos præfato Pontifici, deprecans ut ad eum regredi deberet : quod ei factum est.*

« *Dum vero coram eo presentatus fuisset, patiterque pro justitiis beati Petri locutus esset : rursum ipse beatissimus Pontifex reversus, ingressus est in civitatem. Præfatus siquidem Paulus et ejus nefandissimi sequaces, inito cum prædicto*

Longobardorum rege consilio, nitebantur populum Romanum contra eos seducere ad insurgendum contra prædictos Christophorum atque Sergium, ut eos interficerent. Et cum hoc eis munitatum fuisset, aggregantes populum ascendere armati in Lateranas ad capiendum suos insidiatores : nuntiantesque mox salvati ; impetum faciens universa multitudo, quæ cum eis advenerat, ingressa est cum armis in Basilicam domini Theodori papæ, ubi ipse prænominatus sedebat Pontifex : qui eos fortiter increpavit, cur præsumpsissent armati in idem sanctum patriarchium ingredi, pariterque loquentes, recedere eos jussit.

4. « Alia die denmo egressus est sæpe dictus Pontifex ad beatum Petrum cum eodem rege loquendū ; et dum simul præsentes fuissent, prætermittens ipse Desiderius causas de justitiis beati Petri, tantummodo pro deceptione prædictorum Christophori et Sergii insistebat. Unde claudens universas iannas beati Petri, neminem Romanorum, qui cum ipso sanetissimo Pontifice exierant, ex eadem Ecclesia egredi permisit. Tunc direxit ipse almiticus Pontifex Andream episc. Prænestinum, et Jordanem episcopum Signensem ad portam civitatis, qua egreditur ad beatum Petrum, ubi prænominati viri Christophorus et Sergius cum multitudine populi residebant, protestando eos, ut in monasterium ingredierentur, suas ad salvandum animas, aut ad beatum Petrum ad eum stuperent properandum. Ipsi vero metuentes prædicti regis Longobardorum malignam sævitiam, ad eum egredi minime ausi sunt, asserentes se prius in manibus Romanorum suorum fratrum et conciūm esse tradendos, quam exteræ genti.

5. « Dum ergo populus, qui cum eis erant, audirent eadem a prænominato Pontifice directa ex ore prædictorum episcoporum, illico conturbati, illorum confracta sunt corda, et cœpit unusquisque ab eis recedere : nam Gratosus quidem dux, cognatus jam fati Sergii, simulans se ad propriam pergere domum, congregans aliquantos Romanorum, profecti sunt pariter ad portam Portuensem : quam clausam reperientes, a cardine ipsam portam auferre ausi sunt, et ita per noctem ad prænominatum egressi sunt Pontificem. Christophorus et Sergius conspicentes se in magno deceptu esse positos, prius quidem Sergius eadem nocte, qua campana insonuit, descendit per murum et properavit ad beatum Petrum. Quem ad gradus Ecclesiae beati Petri comprehendentes custodes Longobardorum, ad sumum duxere regem : eumque subsecutus est Christophorus, qui pariter ejusdem prænominati Pontificis obtutibus sunt præsentati. Quos almus conservare cupiens, monachos hieri præcepit. Post hæc faciens missionem prænominato regi, ingressus est idem beatissimus Pontifex Romanus, relictis præfatis Christophoro et Sergio in Ecclesia beati Petri Apostoli, cupiens eos noctis silentio propter iusidias inimicorum salvos introduci Romanus ».

6. Quod insuper ad hæc spectare videtur, habet idem Anastasius in Hadriano hujus Stephani Pontificis successore, ante hæc omnia ipsum Desiderium regem Longobardorum super corpus beati Petri juramento promisso sanctissimo Stephano papæ jura sancti Petri illibata servare, neque aliquem Romanæ Ecclesiae ministrum lædere. Sed ista omnia ipsum perfidum regem promisso liquet, ut deciperet ipsum Pontificem, quo Christophorus et Sergium capere posset, et suam in eos explere sævitiam. Quæ omnia postmodum in eum, ad suggillandum ejus perfidiam, Hadrianus Pontifex exprobravit. Sed quæ ista secuta sint, audi ex eodem Anastasio auctore, qui ait :

« Dum vero sol ad occasum declinare videtur, continuo congregantes prænominatus Paulus cubicarius et ali ejus nefandissimi consentanei multitudinem populi, et properantes ad Desiderium Longobardorum regem, inientesque cum eo impium consilium, abstulere eosdem Christophorus et Sergium ab Ecclesia beati Petri, et properantes cum pluribus Longobardis usque ad portam civitatis, ibidem eorum oculos eruere. Sieqne prædictus Christophorus in monasterium S. Agathæ deductus, ibideum post triduum ob dolorem ex oculorum effossione vitam finivit. Sergius vero in monasterium Clivi Seauri deportatus, postmodum in cellarium Lateranense deductus, illic usque ad transitum prænominati Pontificis extitit. Hæc vero omnia mala per iniucas missiones Longobardorum Desiderii regis provenere ». Quando (ut dictum est) cerebæ legationes ad Carolum et Carolomannum Francorum reges missæ sunt adversus eosdem impios Longobardos.

7. Sed qualiter Desiderius excusaverit illatam vindictam in Christophorum atque Sergium, cum eam in ipsum Desiderium Pontifex exprobarit : audi quæ in Hadriano idem Bibliothecarius habeat, ex verbis ejusdem Pontificis in Desiderium justè expostulantis : « Sed et hoc, inquit, meus prædecessor Stephanus, pro dilectione, quam erga me sumi pusillum habuit, mihi retulit : quia dum ad eum postmodum Stephanus suos missos direxisset, videlicet Anastasium primum defensorem et Gemmulum subdiaconum, adhortans eum, ut ea, quæ præsentialiter B. Petro pollicitus est, adimpleret : taliter pro eosdem missos direxit in responsis : Sufficere Apostolico Stephano, quia tuli Christophorus et Sergium de medio, qui illi dominabantur, ut non sit illi necesse justicias requirendas. Nam certe si ego ipsum Apostolicum non adjuvero, magna perditio super eum eveniet, quoniam Carolomanus rex Francorum, amicus existens prædictorum Christophori et Sergii, paratus est cum suis exercitibus ad vindicandam eorum mortem, Romanum properare ad ipsum capiendum Pontificem ». Hæc tune ad Stephanum papam per missos legatos Desiderius rex.

8. *Ob connubium Berta filie Desiderii cum Carolo papa dat litteras regibus Francorum. — Ha-*

bent Annales Francorum, hoc anno contigisse conubium inter Carolum et Bertam filiam Desiderii regis Longobardorum. Apud Aimoinum enim ista leguntur : « Bertruda vero mater regum cum Carolomanno minore filio apud Salutias locuta, pacis causa in Italiam proficiscitur. Peractoque, propter quod illuc venerat, negotio (nam propter filiam Desiderii regis Longobardorum expetendam in matrimonium filio suo regi Carolo ierat) adoratis etiam Romæ sanctorum Apostolorum liminibus, ad filios in Galliam revertitur ». Haec ipse. Eadem Eginhardus in Vita Caroli. Cum autem ista de matrimonio rescessisset Stephanus papa, scripta ad ipsum Carolum et Carolomanum Epistola, ne id facerent, sub excommunicatione prohibuit : nam ab eorum patre aliis nupliis fuerant obligati, ut ex ejusdem papæ litteris constat, quæ sic se habent :

9. « Dominis excellentissimis filiis Carolo et Carolomanno regibus Francorum et patriciis Romanorum Stephanus papa.

« Dum omnium electorum Dei præcipuum vitam et digna operum merita in nostram memoria revolvimus, invenimus profecto, nulla eos potuisse qualitatis diversitate ab eorum cordis statu, et pristina sponsonis constantia amoveri. Unde et variis antiqui hostis suasionibus et blandimentis circumvallati, immutabiles in sue mentis firmitate constat permansisse : et ob hoc cum triumpho victorie ad optata perlungere meruerunt gaudia. Et nimur considerandum est, quia si quis quibusdam suasionibus demulcitus, vetus fuerit : a recto confessim tramite, qui ducit ad vitam aeternam, per abrupta declinans devia contendat, ut ex hoc in proclivem delabatur noxam. Nam plerumque certum est, quia idem antiquus hostis per infiriam naturam fidelium mentes subripere nititur. Hinc est enim, quod olim primo homini in paradiiso constituto, per infirmam mulieris naturam pestiferis valuit suadere blandimentis, divinum transgredi mandatum, et ob hoc diræ mortis humano generi irrepsit excidium. Et ideo præcellentissimi filii magni regis, tanto studiosius ejusdem molimini immitti resistendum est, ne quemquam suis irretire valeat argumentis, quanto cernimus suis cerebro insidiis, ad decipiendum corda, insistere.

10. « Itaque nostræ perlatus est notioni [quod certe cum magno cordis dolore dicimus [didicimus]] eo quod Desiderius Longobardorum rex vestram persuadere dignoscitur excellentiam, suam filiam uni ex vestra fraternitate in conjugio copulari. Quod certe si ita est, haec proprie diabolica est immisio, et non tam matrimonii conjunctio, sed consortium nequissimæ adinventionis esse videtur. Quamplures comperimus, sicut divinae Scripturæ historia instruimur, per alienæ nationis injustam copulam a mandatis Dei deviare, et in magna devolutos facinora. Quæ est enim, præcellentissimi filii magni regis, talis desipientia, ut penitus vel dici liceat, quod vestra præclara Francorum gens,

quæ super omnes gentes emitet, et tam splendifluæ ac nobilissima regalis vestræ potentiae proles perfida (quod absit) ac fœtentissima Longobardorum gente polluatur, quæ in numero gentium nequam computatur : de enjus natione et leprosorum genus oriri certum est. Nullus enim, qui mentem sanam habet, hoc vel suspicari potest, ut tales nominatissimi reges tanto detestabili atque abominabili contagio implicitur : quæ enim societas luci ad tenebras ? aut quæ pars fidelí cum infideli ?

11. « Etenim, mitissimi et a Deo instituti benignissimi reges, jam Dei voluntate et consilio, conjugio legitimo ex præceptione genitoris vestri copulati estis, accipientes sicut præclarí et nobilissimi reges de eadem vestra patria, scilicet ex ipsa nobilissima Francorum gente, pulcherrimas conjuges, et earum vos oportet amori esse annexos ; et certe vobis non licet, eis dimissis, alias ducere uxores, vel extraneæ nationis consanguinitate immisceri. Etenim nullus ex vestris parentibus, scilicet neque avus vester, neque proavus, sed nec genitor vester ex alio regno, vel extranea natione conjugem accepit ». Vides igitur, ex eo dissuaderi connubium cum Longobardis, quod aliis fuissent ante conjugibus copulati, quod et inferius æque testatur. Subdit vero : « Et quis de vestro nobilissimo genere se contaminare, aut commiscere cum horrida Longobardorum gente dignatus est, ut nunc vos suademini (quod avertat Deus) eadem horribili gente pollui ?

« Itaque nullus, exteræ gentis assumpta conunge, innoxius perseveravit. Adverte, queso, quanti qualesque potentes per alienigena conjugia a præceptis Dei declinantes, et suarum sequentes uxorum alienæ gentis voluntatem, validis irrepti excessibus, immensa pertulere discrimina. Impium enim est, ut vel penitus vestris ascendat cordibus, alias accipere uxores, super eas, quas primitus vos certum est accepisse. Non convenit vobis tale peragere nefas, qui legem Dei tenetis, et alios, ne talia agant, corripitis. Haec quippe paganae gentes faciunt. Nam absit hoc a vobis, qui perfecti estis Christiani atque gens sancta, et regale estis sacerdotium. Recordamini, et considerate, quia oleo sancto uncti per manus vicarii B. Petri, caelesti benedictione estis sanctificati : et cavendum vobis est, ne tantis reatibus implicemini. Mementote hoc, præcellentissimi filii, quod sanctæ recordationis prædecessor noster Dominus Stephanus papa excellensissimæ memoriae genitorem vestrum obtestatus est, ut nequaquam præsumpsisset dimitti dominam et genitricem vestram ; et ipse, sicut revera Christianissimus rex, salutiferis ejus, obtemperavit monitis. Nam et illud excellentiam vestram oportet meminisse, ita vos beato Petro et prefato vicario ejus, vel ejus successoribus spoondisse, se amicis nostris amicos esse et se inimicis inimicos ; sicut et nos in eadem sponsione firmiter dignoscimus permanere ; et quomodo nunc contra animas ves-

tras agere contenditis et cum nostris inimicis conjunctionem facere vultis; dum ipsa perjura Longobardorum gens semper Ecclesiam Dei expugnantes et hanc nostram Romanorum provinciam invadentes, nostri esse comprobantur nimici?

12. «Itaque et hoc peto, ad vestri referre stude te memoriam, eo quod dum Constantinus imperator nitebatur persuadere sanctae memoriae mitissimum vestrum genitorem, ad accipiendam conjugio filii germanam vestram nobilissimam Ghysilam; neque vos alii nationi licet copulari; sed nec contra voluntatem Apostolice Sedis Pontificum quoquo modo vos audere peragi. Et quam ob causam nunc contra Apostolica iaudata et voluntatem vicarii Apostolorum principis agere conamini, quod nunquam vester pater perpetrat? An nescitis, quod non infelicitatem nostram, sed beatum Petrum, eujus licet immeriti vicem gerimus, spernitis? Scriptum est enim<sup>1</sup>: Qui vos recipit, me recipit; et qui vos spernit, me spernit. Recordamini peto, excellentissimi filii, quomodo vos fide (vobis fideliter) dicere visus est praefatus vester dominus ac genitor, promittens in vestris animabus Deo, et bealo Petro atque ejus vicario antefato sanctae recordationis praedecessori nostro domino Stephano papæ, firmiter vos debere permanere erga sanctæ Ecclesiae fidelitatem, atque omnium Apostolice Sedis Pontificum obedientiam, et illibatam charitatem: et postmodum praedecessori nostro domino Paulo papæ, eadem vos una cum eodem vestro genitore certum est plerumque per missos et scripta promisisse, et post decepsum antefati sanctæ memoriae patris vestri, et vos ipsi saepius tam per vestros missos, quamque per litteras, simulque et per Sergium fidelissimum nostrum nomenclatorem, et per alias nostros missos nobis spoondistis, in eadem vos vestra promissione, sicut genitor vester, circa sanctam Dei Ecclesiam et nostram fidelitatem esse perseveraturos.

13. «Sed et illud, quæso, ad vestri referre memoriam; qualiter vos praefatus dominus Stephanus papa in suo transitu per sua scripta sub terribili adjuratione adhortari studuit, firma stabilitate vos esse permanuros erga dilectionem sanctæ Dei Ecclesiae, et illibatam charitatem Apostolice Sedis Pontificum, et omnia vos adimplere juxta vestram eidem Dei Apostolo adhibitam sponzionem. Et nunc ista est vestra promissio? O quantum laborem sustinuit idem præcipuus ac beatissimus Pontifex: qui ita imbecillis existens, tanto se exhibuit prolixo itineris periculo; et nisi Dominus præsto fuerit, in vacuum ejus labor deducetur, fietque nobis iter illud, quod ibidem idem noster praedecessor Franciam properavit, in magnam ruinam, dum nostri inimici plus nunc, quam pridem in superbie ferocitatem elevati sunt. Et ecce quod verebamur, evenire cernimus, conversaque est nostra letitia in luctum, et facta sunt novissima mala pejora prio-

ribus, et unde exspectabamus nobis lumen oriri, eruperunt tenebrae.

14. «Quapropter et B. Petrus princeps Apostolorum, cui regni cælorum claves a Domino Deo traditæ sunt, ac in cælo et in terra ligandi solvendiique concessa est potestas, firmiter excellentiam vestram per nostram infelicitatem obtestatur; simulque et nos una cum omnibus episcopis, presbyteris et cæteris sacerdotibus atque eunetis procuribus, et clero sancte nostræ Ecclesie, abbatibus etiam et universis religiosis divino cultui deditis, seu optimatibus et judicibus, vel cuneto nostro Romanorum istius provincie populo, sub divini judicij obtestatione vos exoramus (conjuramus) per Deum vivum et verum, qui est Index vivorum et mortuorum, et per ejus inestabilem divinæ Majestatis potentiam, atque per tremendum futuri judicij diem, ubi omnes principes et potestates et eunetum humanum genus cum tremore assistere habebimus, necnon et per omnia divina mysteria et sacratissimum corpus beati Petri, ut nullo modo quisquam de vestra fraternitate presumat filiam jam dieti Desiderii Longobardorum regis in coniugium accipere. Nec iterum vestra nobilissima germana Deo amabilis Ghysila tribuatur filio saepe fati Desiderii, nec vestras quoquo modo conjuges audeatis dimittere; sed magis recordantes quæ beato Petro Apostolorum principi polliciti estis, viriliter eisdem nostris inimicis Longobardis resistite, destringentes eos firmiter, ut propria sanctæ Dei Ecclesiae Romanæ Reipublicæ reddere debeant, eo quod omnia quæ vobis polliciti sunt transgredientes, nos quotidie affligendo et opprimendo non cessant, etiam quia aliquid nobis reddere minime sunt inclinati, et jam nostros invadere fines noscuntur, et tantummodo per argumentum in præsentia de vestris missis simulant justias nobis faciendum: nam nihil ad affectum perducitur, et quicquam ab eis de nostris justitiis nequaquam recipere valuimus.

15. «Unde ecce ut cuncti nostri dolores subtiliter vestris auribus suggerantur, direximus nostros missos, videlicet Petrum dilectum filium nostrum presbyterum et Pamphilum defensorem regionarium sanctæ nostræ Ecclesiae, quos et de imminentे nobis tribulatione, necnon et de singulis causis subtiliter informavimus vestro regali intimandum euhamini; et petimus ut solite benigne eos suscipere, nostræque petitioni vestras a Deo inspiratas aures accommodare dignemini, et amplissimam liberationem atque exaltationem sanctæ Dei Ecclesie spiritualis matris vestræ, et istius a vobis redemptæ provinciæ defensionem perficere jubeatis, ut perfectam remunerationem a justo Judice Deo nostro, intercedente ejus principe Apostolorum B. Petro, suscipiatis.

«Præsentem itaque exhortationem nostram, atque adjurationem in confessione B. Petri ponentes, et sacrificium super eam atque hostias Deo nostro offerentes, vobis cum lacrymis ex eadem

<sup>1</sup> Matth. x.

saera confessione direximus. Et si quis (quod non optamus) contra hujusmodi nostrae adjurationis atque exhortationis seriem agere præsumpsert: sciat se auctoritate domini mei beati Petri principis Apostolorum anathematis vinculo esse innodatum, et a regno Dei alienum, atque cum diabolo atque ejus atrocissimis pompis et ceteris impiis, aeternis incendiis concremandum deputatum. At vero qui observator et custos istius nostræ exhortationis exliterit, celestibus benedictionibus a Domino Deo nostro illustratus, aeternis praemiorum gaudiis cum omnibus sanctis et electis Iei particeps effici mereatur. Incolumem excellentiam vestram gratia superna custodiat ». Sic Epistola.

His acceptis litteris Carolus nutabundus ac dubius redditus plane resiliisset, nisi mater impedimento fuisset: que quod cœpisset et cuius causa in Italiam descendisset, omnino perfici voluisse. Verum ille sic passus est se teneri, ut tamen solutionem meditaretur, quam quantum posset acceleraret. Quomodo autem sequenti anno ad ejus patrem regem Longobardorum Desiderium cam dimiserit, suo loco dicturi sumus.

Sed hic illud jure revocari potest in dubium, quod tradunt rerum Francarum scriptores, Carolomanum accepisse in uxorem filiam ejusdem Desiderii regis Longobardorum, ex eaque filios suscepisse; siquidem nonnisi de una filia ejusdem regis mentio habetur in litteris Stephani papæ, cunctemque Carolo nuptam, testis est inter alios Eginhardus, qui fuit ipsi Carolo a secretis. Nec dici potest aliam filiam Desiderii ante fuisse Carolomano nuptam: nam non ipsi, sed potius Francæ nobilis feminæ conjugio obligatum a patre, ejusdem Stephani papæ litteræ indicant. Verum plures eas

fuisse, ex eisque alteram Carolo, alteram vero Carolomanno nuptam esse veteres Annales docent. Quomodo autem ista solvantur contraria, hactenus non invenimus.

16. *Obitus Joannis Nepesini episcopi et Concilium Vormatiense in Gallia.* — Dum in Urbe ista geruntur, contigit illic mori Joannem Nepesinum episcopum, quem vidimus superius subscrispsisse Concilio Romano sub Paulo papa, cuius sepulcri in Ecclesia monasterii S. Sabæ Romæ positi adhuc extat inscriptio his versibus atque Notis marmori incisa:

Hoc humata jaceut Johannis membra sepulcro.  
Qui Nepe fuerat præsul in urbe quidem.  
Ne Nepa saeva sibi noceat, succurre redemptor.  
Et qua contraxit criminis....  
Nempe loco sancto voluit sepelir isto,  
Quo per hos sanctos inveniat requiem.  
Exteusum per o. P. Q. E. Δ conçxa.  
Christi anumon monstrant, quo transit iste sacerdos.  
Obiit in pace II. KL. NOV.

E Ψ O I

Θ.	9	Si colligantur numeri quinque ha-
P.	7	rum litterarum, partim latinarum,
Q.	500	partim græcarum, fiunt anni 770, ut
E.	250	videatur Epitaphium Joannis illius epi-
Δ.	4	scopi Nepesini, qui Pauli papæ Constituto subscrispsisse legitur anno 761.
		Genus numeri haud ab omnibus usu receptum, et si aliquando receptum, dissuetudine jam abolitum: quod ad alia noscenda, si quando acciderit, his signata notis vetera monumenta, hic describendum putavimus. Sic enim se habet:

CCCCC	CCC	C. 100.	CCCCC	
A	B	C	D	
CCL	XL	CCCC	CC	C. 400. cum circu- lo mille.
E	F	G	H	I
CL	L. 50.	C <sub>10</sub> . Mille.	C <sub>100</sub> . C <sub>1000</sub> .	XI
K	L	M	N	O
VII	CCCCC	XXC.	VII.	CLX
P	Q	R	S	T
V. 5.	X. 10.	CLIX.	C <sub>10</sub> C <sub>10</sub> 2000.	
V	X	Y	Z	

« <sup>1</sup> Possidet A, numero quingentos ordine recto.

« Et B, tercentum per se retinere videtur.

« Non plusquam centum C, littera fertur habere.

« Littera D, velut A, quingentos significabit.

« E, quoque ducentos et quinquaginta tenebit.

« Sexta quaterdenos gerit F, que distat ab alpha.

« G, quadringentos demonstrativa tenebit.

« H, quoque ducentos per se designat habendos.

« I, C, compar erit, et centum significabit.

« K, quoque centenos et quinqaginta tenebit.

« Quinques L, denos numero designat habendos.

« M, caput est numeri quem scimus mille tenere.

« N, quoque nongentos numero demonstrat habendos.

« Undenos facit O, cognoscas sic numerando.

« P, similem cum S numerum monstratur habere.

« Q, velut A, cum D, quingentos vult retinere.

« Octoginta dabit tibi R, si quis eam numerabit.

« S, vero septenos numeratos significabit.

« T, quoque centenos et sexaginta tenebit.

« V, vero quinque dabit tibi, si recte numerabis.

« X, duplex denos numero tibi dat retinendos.

« Y, dat centenos et quinquaginta novenos.

« Ultima Z, canens finem bis mille tenebit.

Hæc Joannis Nepesini episcopi tumuli inscriptionis occasione dicta sufficiant.

Quod insuper ad res Francorum spectat, hoc anno ponitur habita a Carolo Magno rege Synodus in Warmatia civitate. Religiosissimus quidem rex satis perspectum habens tunc regna florere, regesque adversus hostes victores existere, cum religio viget: hoc et sequenti anno ac deinceps multus

<sup>1</sup> Ad Valerium Probum, Petrum diaconum, et alios, qui de antiquis scripserunt.

fuit in sacris Conciliis celebrandis : tria namque ab hoc tempore singulis annis Warmatiae civitatis et ad Valentianas ab eo leguntur<sup>1</sup> Concilia celebrata. Extat Concilium Wormatiense, sive Wormatiense, in quo, post dignam fidei confessionem, octoginta canones subjiciuntur. Porro in capitularibus regum Francorum digna memoria ista leguntur<sup>2</sup>, tunc suggesta a populis supplici corporis habitu coram ipso Carolo rege.

17. « Flexis omnes precamur poplilibus majestatem vestram, ut episcopi deinceps, sicut hactenus non vexentur hostibus (hostilibus) : sed quando vos nosque in hostem pergimus, ipsi propriis residente in parochiis, Deoque fideliter famulari student, et earum saerosancta mysteria canone (canonice) et Deo placite peragere satagant, atque pro vobis cunctoque exercitu vestro una cum omnibus sibi commissis orare viriliter, missasque decantare, litanias atque eleemosynas facere decertent. Quosdam enim ex eis ab hostibus<sup>3</sup> et (in) præliis vulneratos vidimus et quosdam periisse cognovimus. Hæc vero valde periculosa et oppido sunt cavenda : quae idcirco suggerimus, ne pro talibus vos et nos simul pereamus. Novit dominus, quando eos in talibus videmus, terror apprehendit nos, et quidam ex nostris timore perterriti propter hoc fugere, et inimicis terga vertere solent. Plures enim potestis habere præliares, si illi propriis resident in parochiis, quam si nobiscum pergunt : quoniam illi, qui eos prævident, omnes tunc pugnabunt : quod modo nequaquam faciunt, sed eos tantummodo custodiunt. Nam sine dubio potius vobis nobisque proficere possunt, si remanserint, quam si in hostem, vel ad pugnam perrexerint : quia tunc eorum precibus adjuvamur et modo eorum pressuris gravamur. Quando vero<sup>3</sup> Moyses expansis ad cælum manibus orabat, vincebat Israel; et quando a precibus cessabat, et manus ejus gravabantur, priusquam sustentatae fierent, et ipse precibus insisteret vincebatur et terga vertebat.

18. « Talibus ergo et multis aliis exemplis fulti, quorum prolixitatem vitantes, modo non dicimus, quia sapienti semel dicta sufficiunt predicta : omnix omnes precamur, et ut concedantur, regamus, quia nullatenus volumus assentire, ut nobiscum ad talia (prælia) pergent, nisi duo, aut tres bene docti, electione videlicet cæterorum, ad benedictionem dandam, et ad periclitantium reconciliacionem faciendam, ne vos et nos simul cum pluribus pereamus, sed eorum precibus (ut jam memoratum est) fulciamur. Quam formam et de sacerdotibus tenere optamus, id est, ut nec illi in hostem, nisi benedicti, et ipsi electione atque permissione proprietorum episcoporum (pergent scilicet); qui tamen tales sint, de quorum scientia et vita et conversatione omnes securi esse possimus.

« Illud tamen vobis et omnibus scire cupimus, quod non propterea hæc petimus, ut eorum res, aut aliquid ex eorum pecuniis, nisi ipsis aliquid sponte nobis dare placuerit, aut eorum Ecclesias viduari cupiamus ; sed magis eis (si Dominus posse dederit) augere desideramus, ut et ipsi et vos et nos salviores simus, ac Deo potius, ipso adminiculante, placere mereamur. Scimus enim res Ecclesiæ Deo esse sacras, scimus eas oblationes esse fidelium et pretia peccatorum : quapropter si quis eas ab Ecclesiis, quibus a fidelibus collatæ Deoque sacratae sunt, auferat, proculdubio sacrilegium committit : cæcus enim est, qui ista non videt. Quisquis ergo nostrum suas res Ecclesiæ tradit, Domino Deo illas offert atque dedicat, suisque sanctis, et non alteri, dicendo talia et agendo ita.

19. « Facit enim scripturam de ipsis rebus, quas Deo dare desiderat, et ipsam scripturam coram altari, aut supra tenet in manu, dicens ejusmodi loci sacerdotibus atque custodibus : Offero Deo, atque dedico omnes res, quæ hac in chartula tenentur insertæ pro remissione peccatorum meorum ac parentum et filiorum, aut pro quocumque illas Deo deliberare voluerit, ad seruendum ex his Deo in sacrificiis, missarumque solemniis, orationibus, luminariis, pauperum ac clericorum almoniis, et cæteris divinis cultibus, atque illius Ecclesiæ utilitatibus. Si quis autem eas inde (quod fieri nullatenus credo) abstulerit, sub pena sacrilegii ex hoc Domino Deo, cui eas offero atque dedico, strictissimas reddat rationes. Ponit etiam in ea alias conjurations, quas enumere rare longum est. Nam qui' eas inde postea auferat, quid agit nisi sacrilegium ? Si ergo amico quippiam capere furtum est : Ecclesiam vero fraudari, vel auferri indubitanter sacrilegium est. Unde et in saeris canonibus, spiritu Dei conditis, habetur ita : Si quis oblationes Ecclesiæ extra Ecclesiam accipere, vel dare voluerit, præter episcopi conscientiam, vel ejus cui hujuscemodi sunt officia commissa, nec cum ejus voluerit agere consilio, anathema sit.

« Absit enim, ut rerum Ecclesiarum cupiditate, vel ablatione sacrilegi, aut anathema efficiamur, aut talibus laqueis unquam devinciamur : quoniam scimus anathematos (anathematizatos) homines, vel sacrilegos, non solum infames, et a consortio fidelium, priusquam hæc per publicam satisfactionem Ecclesiæ et episcoporum reconciliacionem, manusque impositionem emendent, alienos esse, sed etiam a regno Dei extores fieri, si in talibus defecerint, non dubitamus. Ut ergo omnis suspicio a nobis cunctis sacerdotibus et omnibus Christi et sanctæ Dei Ecclesiæ fidelibus funditus auferatur : profitemur omnes stipulam dextris in manibus tenerentes, eamque propriis e manibus abjicientes, coram Deo et Angelis ejus, ac vobis cunctisque sacerdotibus et populis circumstantibus, nec talia facere, nec facere voluntibus consentire, sed magis Deo auxiliante resistere.

<sup>1</sup> Vit. Caroli Magni. — <sup>2</sup> Capit. Franc. I. vi. c. 285. 286. — <sup>3</sup> Exod. xvii.

20. « Et hoc vobis omnibusque fidelibus sanctae Dei Ecclesiae, et nostris notum esse cupimus, quod cum his, qui absque voluntate, aut consensu, vel datione rectoris illius Ecclesiae, cui ipsae res juste esse debentur, et maxime proprii episcopi res Ecclesie a regibus petere, aut retinare, vel auferre, aut invadere, vel vastare præsumperint: nec in hostem, nec ad pugnam ire, nec cibum sumere, nec ad Ecclesiam, vel ad palatium, aut in itinere pergere, nec etiam nostros homines cum eorum hominibus, aut caballos, vel reliqua pecora nostra cum eorum pecoribus, aut ad pastum ire, aut simul habitare, vel manere, nec ultam participationem cum eis, nisi pro emendatione, ante publicam emendationem, et Ecclesiae satisfactionem unquam scienter, aut libenter habere debeamus, ne pro eorum iniquitatibus atque flagitiis una cum eis nos et nostri (quod absit) pereamus. Scimus enim quia perit justus pro impio. Tales vero a nobis, si nos fideles habere vultis, segregate, et in ergastulum sub publica pœnitentia redigite, et postulata concede. Ut ergo hæc omnia a vobis, et a nobis, sive a successoribus vestris et nostris futuris temporibus absque ulla dissimulatione conserventur, scriptis Ecclesiasticis inserere jubete, et inter vestra capitula interpollare præcipite ». Hactenus petitio populi. Sequitur ibidem concessio Caroli istis verbis<sup>1</sup>:

21. « Omnibus notum esse volumus, quia non solum ea, quæ super episcoporum et presbyterorum hostium vexationibus et precibus pro nobis et vobis fieri rogitasti, concedere optamus; sed quicquid pro sanctæ Dei Ecclesiae et sacerdotio, sive totius populi et vestra utilitate inveneritis, concedere paratissimi sumus: et modo ista, sicut petistis, concedimus. Et quando, vita comite, Deo auxiliante, ad generale placitum venerimus, sicut petistis consultu omnium fidelium nostrorum, scriptis firmare nostris, nostrorumque atque futuris temporibus irrefragabiliter manenda firmissime, Domino adminiculante, eupimus. Modo ea, quæ generalia sunt, et omnibus convenienti ordinibus, statuere, et cunctis sanctæ Dei Ecclesiae nostrisque fidelibus, ob Dei omnipotentis amorem et recordationem, tradere parati sumus: et ad proximum synodalem nostrum conventum, ac generale placitum, ubi plures episcopi et comites convenerint, ista, sicut postulasti, firmabimus ». Hactenus responsio et concessio Caroli Magni. Sequenti autem capite ista ponuntur<sup>2</sup>:

« Auctoritas Ecclesiastica atque canonica docet non debere absque sententia Romani Pontificis Concilia celebrari. Haec ibi, quibus intellegas quotquot sub iisdem Francorum regibus legisti, celebrata fuisse eorum ordinatione Concilia, eadem nonnisi assensu Romanorum Pontificum

habita esse, quod et alias pluribus ostendimus.

22. *Res Hispanice.* — Interea res Christianorum in Hispania magis magisque fluctuant, dum præter bellum adversus Sarraenos et duram servitutem, quam magna ex parte subire cogentur, adjiceretur civilis discordia et domesticum malum, cum perempto Froila rege per Aurelium ejus patrum, sive (ut alii tradunt) germanum, idem Aurelius regnum invadit hoc ipso anno, nempe (ut Tudensis suppulat) Æra octingentesima octava, licet alii undecim tantum annos eidem Froilæ tradant, defunctumque anno septingentesimo sexagesimo octavo. Hujus tempore etiam servi belli regnum flagravit, cujus causa, ut cum Mauris fœdus iniret, infamem quoque illam conditionem subire non renuit, ut numerum quemdam Christianarum virginum loco tributi quotannis Maurorum regi persolveret. Imperabat tunc Mauris Abderrhamanus omnium felicissimus. Tradit preterea Tudensis, hujus regis Aurelii et illud periniquum decretum, nempe, ut nobiles Hispanie mulieres matrimonio jungerentur cum Saracenis.

23. *In Oriente persecutio in monachos recrudescit.* — Quod vero ad res perfinet Orientales: illie magis magisque persecutio recrudescit, tantum abest, ut ex litteris Stephani Romani Pontificis Constantinus imperator ad meliorem frugem conversus sit. Qui enim Constantinopoli monachos omnes, quos reperit ludibrio affectos, male perdidit, idem in provinciis agi curavit per earumdem rectores provinciarum: nam audi quid Ephesi actum sit, memorandum turpitudinis atque crudelitatis exemplum. Theophanes enim ait: « Eodem vero anno trigesimo imperii Constantini imitatus Lachanodraco praefectus magistrum suum, omnem monachum et monacham in themate Thraciensium commorantes, apud Ephesum congregavit, et eduxit eos in campum, et ait: Qui vult imperatori ac nobis obedire, alba induatur ueste et uxorem hac sumat hora; at qui hoc facere parviperint, privati luminibus in Cyprum exilio damnabuntur. Tuncque opus pariter cum verbo consummatum est, et multi oslensi sunt martyres. Multi vero deficientes et enervati perierunt, quos et familiares sibi Draco faciebat ». Haec Theophanes. Porro eadem persecutio haud unius anni periodo clausa finem accepit, sed magis magisque sevit usque ad obitum ipsius Constantini Copronymi, ut quæ inferius dicturi sumus, ostendent.

In tanto monastici ordinis in Oriente naufragio, vix aliquis remansit monachus, qui ab eodem non fuerit addictus supplicio; alii, qui subterraneas latebras queritantes, ab hominum oculis penitus se subduxerint. Fuit inter alios S. Plato abbas monachorum montis Olympi: qui ad hoc salvatus, ut post procellas posset esse aliis causa salutis. Ejus res gestas Theodorus Studita conscripsit. Dicitur sumus de ipso inferius suo loco.

<sup>1</sup> Eod. I. vi. Capitul. c. 186. — <sup>2</sup> Ibid. c. 187.

Anno periodi Graeco-Romanæ 6263. — Anno Aera Hispan. 808. — Anno Hegiræ 153, inchoato die 4 Januar., Fer. 5. Anno Hegiræ 154, inchoato die 24 Decemb., Fer. 2. — Jesu Christi 770. — Stephani III papa 3. — Constantini Copronymi 31 et 30. Leonis IV 20.

*1. Consilium de interficiendo Pontifice Rom. irritum redditur.* — A num. 1 ad 8. *Desiderius Longobardorum rex, postquam spe conatus suo se depulsum sensit, opera Christophori et Sergii, qui Constantino pseudo-pontifice exauctorato, de Stephani pape amicitia cum regibus Franeorum arctissime necienda favendaque studiosissime lababant, eos sibi constituit de medio removendos, ne consiliis cœptisque suis in futurum adversari possent. Totum hoc negotium fuse describit ex Anastasio Baronius, a num. 2 ad 6. In Codice tamen Caroli Magni num. 46, legitur Stephani III Epistola Bertradæ reginæ et Carolo regi hujus filio inscripta, quæ quoniam predicatorum motuum narrationem complectitur, multum alienam ab iis, quæ Anastasius habet, eam hic in pauca contraho. Ait itaque Pontifex, se magno dolore accepisse Christophorū et Sergium ejus filium consilium iniisse cum Dodone missō germani ejus Carolomanni regis, sese interficere meditatos esse. Unde cum eodem Dodone et ipsis Francis in Lateranensium sanctum patriarchatum cum exercitu ingressos esse, atque intus in Basilicam Theodori papæ, ubi nullus ausus est aliquando vel etiam eum cultro ingredi, cum loricis, ubi ipsemēt Pontifex sedebat, introiisse, seque vix dum Romæ apud se Desiderius Langobardorum rex pro faciendis sibi diversis justitiis beati Petri existeret, per eamdem occasionem valuisse cum suo clero refugium facere ad eumdem sanctum Petrum, ac continuo direxisse suos sacerdotes ad eosdem Christophorū atque Sergium, ut ad se ad beatum Petrum properarent. « Illi mox ut audierunt de præsenti cum Dodone et ejus Francis turmas facientes, et portas civitatis claudentes, fortiter resistebant et nobis comminabantur, atque in civitatem nos ingredi minime permittebant, et dum in eadem perfidia permanerent, et cognovisset universus noster populus eorum iniquum consilium, de præsenti eos dereliquerunt, qui etiam et plures per murum descendentes ad nos properaverunt. Alii vero portam civitatis aperientes ad nostri progressi sunt præsentiam, et ita ipsi maligni viri coacti atque nolentes ad nos in Ecclesia sancti Petri sunt deducti. Quos interficere universus populus mitebantur, et vix de eorum manibus eos valui-*

mus eripere, et dum infra civitatem nocturno silentio ipsos salvos introducere disponeremus, ne quis eos conspiciens interficeret, subito hi qui eis semper insidiabantur, super eis irruentes, eorum eruerunt oculos. Deo teste dicimus, sine nostra voluntate atque consilio ».

*2. Illud Stephanus PP. aperit Carolo M.* — Subdit Stephanus papa sese in mortis periculum venturum fuisse, nisi Dei protectio atque beati Petri Apostoli, et *Desiderius* rex sibi auxilio fuisse: sese credere, quod dum tanta predicti *Dodonis* iniquitas ad aures *Carolumannū* regis pervenerit, nullo modo ei placitum. « Agnoscat autem », inquit Stephanus papa, « Deo amabilis religiositas vestra, atque Christianissima excellentia tua, eo quod in nomine Domini bona voluntate nobis convenit eum praefato excellentissimo et a Deo servato filio nostro Desiderio rege, et omnes justitias beati Petri ab eo plenius et in integro suscepimus ». Stephanus, ut legenti patet, Epistolam illam scripsit in Vaticano cum ibi detineretur a Desiderio rege, quin et eam videtur coactus exarasse, inquit Cointius anno superiori num. 7, urgente eodem *Desiderio*, qui res ablatas Apostolicæ Sedi se redditurum simulabat, et dissensionem inter *Carolum* et *Carolomannum* fratres fovere suis artibus satagebat. Quapropter iis, quæ de *Christophoro* et *Sergio* ejus filio, quæque de *Dodone* Carolomanni regis oratore narrantur a Stephano, fides integra nequaquam haberi debet. Neque enim illi quidquam moverunt adversus Romanum Pontificem, sed cum Christophorus ac Sergius sibi timerent a *Desiderio*, fieri potuit, ut Dodone conscientia, atque in partem consilii vocato, Romanos contra Paulum Afartam, quem *Desiderio* favere deprehenderant, ad arma provocarent, et exerto tumultu nonnullarum in Urbe, vel etiam in Laterano, cædium auctores fierent. Tandem ambo, ut *Stephanus* scribit, excæcati sunt eo inscio atque inconsulto. Seclus illud a *Paulo Afarta* commissum tuit. Artifex totius mali *Desiderius* Stephanum fuisit, Apostolicæ Sedi ne vicum quidem restituit, unde conjectare esse eo auctore scriptam a Stephano Epistolam, qua contrarium asserit, optime indicavit Cointius cilatus. Quam fraudulenter ac simulate se gesserit Langobardo-

rum rex in suo ad ejus oratorem responso, postea declaravil Hadrianus papa, et ex eo Baronius n. 7, qui tamen perperam hæc omnia presenti anno consignat; cum, ut reete vidit Siegbertus in Chronico, ad superiorem pertineant. Sequentia vero hoc anno peracta.

3. *Stephanus PP. Desiderium non restituisse civitates ablatas Francie regibus significat.* — A n. 8 ad 16. In Galliis civilis belli metus imminebat, sive ambo Francorum reges *Carolus* et *Carolomannus* fraternalm deponerent amicitiam, mutuisque deinceps odiis inter se decentrarent; sive servata simul concordia *Thassilonem* Bajoariae ducem, qui regem potius quam ducem seu præfectum agebat, adorarentur. *Berta*, seu *Bertrada* utriusque regis mater, ut ultramque tumultuum causam tolleret, Carolomannum primo, postea Thassilonem adiit, quod utrumque Loiselianus annalista his verbis indicit: « *Carolinus* et *Berta* jungentes se ad *Salossa* (*vulgo, Salusses*). Et in eodem anno perrexit domna *Berla* regina per Bajoariam partibus Italie ». Idem habent annalista Metensis et auctores non pauci. *Berta* *Salutis* cum Carolomanno collocita est, eumque fratri reconciliavit, sopita quæ anno superiori gliscere cœperat inter utrumque discordia. Reges ad sineceram dilectionem et fraternum amorem conversi sunt, atque de redintegrata inter se concordia, deque suo erga Sedem Apostolicam zelo Stephanum papam certiores fecerunt, *Gauziberto* episcopo, *Fulchberto* monacho, *Ansfredo* et *Helingario* gloriosissimis viris Romam quamprimum direclis. Gavisus est summopere Ponlifix, statimque per eosdem muntios ad prædictos reges Epistolam xlvii Cod. Carol. transmisit, in cuius priori parle Stephanus significat se plurimum lætari de renovata utriusque regis amicitia. Secundo, reges Francorum per tremendum judicium diem, et ipsius principis Apostolorum nomine vehementer oblesatus est, ut in firmo proposito rerum, quæ beato Petro sublatæ fuerant a Longobardis, exigendarum constantissime permanerent, et cuiilibet illas redditas asserenti fidem denegarent: « *Unde obnixe, tanquam præsentialiter, petimus, et coram Deo vivo, qui vos regnare præcepit, conjuramus excellentiam vestram, ut plenarias justitias beati Petri, sub nimia velocitate secundum capitulare, quod vobis per præsenles vestros fidelissimos missos direximus, exigere et beato Petro reddere jubeatis, sicut et vestra continet promissio, et omnia, quæ beato Petro et ejus vicariis cum vestro sanctæ memoriae progenitore promisistis, adimplere dignemini, etc.* Tamen et de omnibus justitiis beati Petri prædictis vestris missis subtilius locuti sumus, vestro regali culmine cuncta enarranda, et jam sicut terra sitiens imbreu præstolatur, ita

vestrum auxilium et congruum effectum de nostris petitionibus postulamus, etc. Nam si, quod non credimus, ipsas justitias exigere neglexeritis aut distuleritis, scialis vos de istis rationem fortiter ante tribunal Christi eidem principi Apostolorum esse facturos. Si quis autem vobis dixerit, quod justitias beati Petri recepimus, vos ullo modo ei non creditis ».

4. *Stephanus PP. Carolomannum plurimum laudat.* — Inde liquet, Cointium tam loco citato, quam hoc auno num. 7, recte scripsisse litteras anno superiori a Stephano papa datas, quæ restitutionem a *Desiderio* factam singebant, vi ac metu extortas fuisse (1). Quod et adhuc confirmat Cointius Epist. XLVIII Cod. Carol. in qua constantia Carolomanni regis in causis Apostolicis tuendis plurimum commendatur: « *Unde beatus es* », inquit Stephanus papa, « *bene Christianissime rex, quod quidem nos conspecta fidei tuae constantia, quam in Apostolicis causis et nostri amoris fervore babere dignosceris, firmi in tua dilectione permanentes, sedulo eidem nostro conditori pro immensa vestra lætitia et a Deo instituti regni vestri stabilitate preces fundere nequaquam desistimus* ». Isdem litteris Stephanus papa, ut Carolomanni regis compater fieri mereretur, postulat. *Carolomanni* autem filius, cuius patrinus fieri papa peroptavit, non alius est a *Pippino*, de cuius ortu ad presentem annum annalista Petavianus seribit: « *Nativitas Pippini filii Carolomanni* ». Erat tunc et altera Carolomanno proles; præcitatæ enim litteras Stephanus papa sic claudit: « *Deus autem omnipotens, per quem reges regnant et principes imperant, sua vos prolegat gratia, et victoriam vobis de celo pro sue sanctæ Ecclesiæ defensione tribal, atque longavos et sospites in solio regni pariter cum excellentissima et Christianissima filia nostra regina, dulcissima vestra conjugi et amantissimis natis, conservare, et caelestis regni aeterna gaudia concedere dignetur possidenda* ».

5. *Berta Desiderii filiam in Galliam adducit.* — *Berta* seu Bertradane per Bajoariam in Italianam profecta est, ut Regino, variisque annalistæ Francorum asserunt, qui tamen susceptæ hujus professionis causam non aperiunt. *Salutis* in Bajoariam, et e Bajoaria in Italianam ivit, licet provincia esset adeo remota: « *Berta regina* », inquit Regino, « *perrexit in Bajoariam, et inde Italianam ingressa est* ». Illue eo profecta videtur consilio, ut amicitiam inter Thassilonem ducem et Carolum regem Francorum, hoc est, inter consobrinos renovaret; sed spe cassa Roman sese contulit: « *Hoc anno* », inquit annalista Petavianus, « *Berta fuit in Italia propter filiam Desiderii regis* ». Desiderius Langobardorum rex e sua re duxit, sibi devincire Fran-

(1) Non ita facile viris doctis persuaderetur, Desiderii vi ac impotentia exortas fuisse a Stephano III litteras illas, quas ex Codice Carolino Pagius hic recitat. Nec enim eas sibi invito extorsisse Desiderium aliis scriptis in Galliam litteris idem Pontifex unquam prodidit, nec successor ejus Adrianus, qui Desiderii opera lumenibus orbatos fuisse Christophorum et Sergium testatur, de litteris ab eodem Desiderio extortis quidquam mutat. Dubia est igitur, ne dicam falsa, Cointii et Pagii conjectura, ut inter eatores agnoscat etiam Cl. Saxius in Notis ad regnum Italie Sigoniæ nova Editionis col. 214.

corum reges, quos in amiciliam simul rediisse noverat, et amicos esse Stephano papæ, quem la- cessebat, seque facilius quod optabat, assecutum credidit, si *Gisilam* eorumdem regum sororem *Adalgiso* filio suo in uxorem postularet. Egit de illo conjugio cum *Bertrada* regina, atque ut mutuus amor arctius utrimque necteretur, de filia sua alteri regum Francorum socianda, sermonem quoque habuit, indeque factum, ut hæc in Fran- ciam adduceretur.

6. *Eam Carolus conjugem accipit.* — *Stephanus* papa statim ac consilia *Desiderii* regis rescicit, exhortationem alque adjurationem regibus Francorum inscriptam in Confessione beati Petri posuit, sacrificium super eam atque hostias Deo obtulit, deinde cum lacrymis ex eadem saera Confessione illam per legatos *Petrum* presbyterum et *Pamphilum* defensorem regionarium direxit. Reci- tatur integra in Codice Carol. num. 43, et a Baro- nio a num. 9 ad 46. *Berta*, quæ filiam *Desiderii* secum ducebat, *Carolomanno*, ut gener *Desiderii* fieret, suadere non potuit, snasit *Carolo*, de quo Eginhardus scribit: « Cum matris hortatu filiam *Desiderii* regis Langobardorum duxisset uxorem, ineertum qua de causa post annum repudiavit ». *Adalgitus* tamen *Desiderii* regis filius non duxit *Gisilam* ac *Carolomanni* Francorum regum soro- rem, annum ætatis xiv tunc agentem, quæ paulo post ceperit inter moniales vitam degere, ut idem Eginhardus in Vita Caroli M. testatur: « Erat ei (nempe Carolo) unica soror nempe *Giska*, a puer- laribus annis religiosæ conversationi mancipata, quam similiter, ut matrem, magna coluit pietate, quæ etiam paucis ante obitum illius annis, in eo quo conversata est monasterio decessit ».

7. *Uxor Carolomanni non fuit filia Desiderii.* — In Annalibus Fuldensibus seu Pithecanis hæc verba leguntur: « Bertham reginam filiam *Deside- rii* regis Longobardorum *Carlmanno* filio suo con- jugio sociandam de Italia adduxit », qui locus Ba- ronum turbavit, induxitque ut crederet *Desiderio* duas fuisse filias, quarum altera *Carolo*, altera *Carolomanno* nupta fuerit. Verum Andreas Duchi- nius recte observavit, locum illum corruptum esse, et loco *Bertram reginam*, legendum, *Berta regina*, loco, *Carlmanno*, reponendum esse, *Carolo*, qui filiam *Desiderii* Bertæ matris hortatu hoc anno sibi copulavit. *Carolomannus* vero vivente patre *Gilber- gam* uxorem duxerat, ut docet annalistæ Metensis. Porro Duchiarius tom. II Script. Franc. post se- cundam Appendix ad continuationem Fredegarii refert Fragmentum veterum Annalium, in quo le-

gitur: « Anno ccclxx fuit Berta regina in Longo- bardia ad placitum contra *Desiderium* regem, et redditæ sunt civitates plurimæ ad partem sancti Pe- tri ». Et ibidem in Annalibus Petavianis ad annum ccclxx habetur: « Hoc anno donna Berta fuit in Italia propter filiam *Desiderii* regis : et redditæ sunt civitates plurimæ sancti Petri »; quod Berta a *Desiderio* postulasse videtur, ut Stephanum papam a conjugio filiæ *Desiderii* cum *Carolo* valde alienum mitigaret.

8. *Synodus Wormatiensis.* — A num. 47 ad 22. *Carolum Leodii Pascha*, et Natalem Domini Moguntia celebrasse, ac *Wormatiae* generalem populi sui de more conventum habuisse tradunt plures Francorum annalistæ, sed quid in eo statutum actumque sit, tacent. Baronius quidem refert ex lib. 6 Capitularium, capitula quedam: *Ne episcopi aut presbyteri ad bella pergant*, verum illa non ad hanc, sed ad aliquam posteriorem Synodum Wormatiensem pertinere, ex dicendis constabit. Con- siveverant Francorum reges singulis annis conven- tum generale regni evocare, in quo consulebant et decernebant, quæ eo anno gerenda essent, sive ad disciplinam constituendam in omnibus ordinibus, seu ad bellum parandum, seu denique ad ærarii pecuniaæque publicæ causam. Ad conven- tum hujusmodi, ut ex *Adalardo* docet *Hincmarus*, conveniebant episcopi et abbates una cum comiti- bus et aliis proceribus, invicemque consulebant de publicis regni negotiis. Quæ decreta erant in conventibus illis, ea cancellarius tradebat episcopis et comitibus metropoleon; qui ea deinde ad alia- rum civitatum episcopos, abbates et comites trans- mittebant, ut per provincias promulgata servaren- tur. Comites vero, ut patet ex lib. 2 Capitular. cap. 9, 24; lib. 3, cap. 73 et 75, in gravioribus quibus- cumque negotiis in consilium vocabant episcopos, abbates et vassos; neque id sponte sua tantum, sed quia, ita ferebat publica sœculi disciplina et forma regiminis a *Carolo* rege instituta.

9. *Froila Hispaniarum rex occiditur.* — Ad num. 22. *Froila Christianorum Hispanie rex* in vindictam fratris occisi a fratre vicissim *Aurelio* occisus est, relieto filio *Alfonso Castro*. Post *Froila* regnavit *Aurelius* frater ejus parricidio regnum adeptus. Eo regnante bellum servile in Hispania exarsit, servis contra dominos arma sumentibus, quod tamen regis prudentia mox sopitum est, ut prodit *Vasenus* in Chronicô, ubi *Froila* necem in annum ccclxxv confert. Verum in re incerta a Baronio non recedam.

## STEPHANI IV ANNUS 4. — CHRISTI 771.

*1. Monachismi destructioni inhiat imperator.* — Sequitur ordine temporis septingentesimus septuagesimus primus annus Redemptoris. Indictione nona, quo cœpta semel in Oriente adversus monachos persecutio per Constantinum imperatorem majoribus augmentis sœviiit non in ipsos tantum, sed et in eorum domicilia; de quibus omnibus hoc anno habet ista Theophanes: « Eodem quoque anno trigesimo primo imperii Constantini, misso prætore Thracensium Lachanodracone, et Leone notario suo, et Leone exmonacho, venimbat omnia monasteria viorū ac mulierum, et omnia vasa sacra, et libros, et pecora, quæ patrimoniorum eorum erant, et horum pretia principi detulit. Quotquot autem monachicos et paternos libros, in quibus Vitæ erant sanctorum Patrum, reperit, igne combussit; et siue Lipsanum, hoc est, venerandas reliquias sancti cuiusquam habens apparuisset, ad custodiam et hoc quoque nihilominus igni tradebat; eum vero, qui habebat illud, ut impie agentem puniebat. Et multos quidem monachorum interfecit verberibus, quosdam etiam gladiis trucidavit. »

« Præterea innumerabiles oculorum visibus privavit, et quoruīdam quidem barbas cera et oleo perungens, succendebat igne, et ita tam facies eorum, quam capita cremabat. Porro post alias cruciatus etiam exiliis destinabat: et postremo in toto themate, hoc est, provincia sibi subjecta, non deseruit hominem unum monastico schemate amictum. Quod cum didicisset imperator, bonum semper exosum habens scripsit ei gratias, dicens: Inveni hominem secundum cor meum, quia facias omnes voluntates meas. Hunc ergo imitantes cæteri, similia perpetrabant ». Huc Theophanes.

*2. Carolus repudiat Bertam uxorem.* — Quod ad res Occidentalis Ecclesiae pertinet, hoc anno, Carolus magnus uxori, quam duxerat, Bertam filiam Desiderii regis Longobardorum repudians, eam misit ad patrem, solvens se nexibus contracti conjugii. In Francorum enim<sup>1</sup> Annalibus ita ista

hoc anno scribuntur: « Illo anno etiam dominus Carolus rex repudiavit filiam Desiderii regis Longobardorum, anno postquam matris hortatu eam duxerat uxorem, et Hildegardem de gente Suevorum præcipue nobilitatis feminam in matrimonium accepit ». Haec ibi. Habet eadem Eginhardus, sive Einardus (ut alii nominant) in Vita, quam ipsius Caroli scripsit. Verum ex reperto Epitaphio Hildegardis reginæ evidenter apparel, eam non nuptam Carolo, antequam Italia potitus est cum Urbe Roma, siveque ejus connubium non ante annum Christi ccclxxiv contingere potuisse. Porro ejus Epitaphium recitatibus inferius eo anno, quo obiit, septingentesimo octogesimo sexto.

Cæterum quid intercesserit impedimenti, ut matrimonium, quod contraxerat, solveretur, nemo scriptorum veterum (quod recordemur) refert. Quia in re præter jussionem Romani Pontificis, qua sub diro anathemate jusseral, ne cum ea matrimonio jungerebatur, aliqua etiam alia potuit justa causa ex parte mulieris, antea incognita, intercessisse, ex qua ejusmodi contractum dissolvi legitime potuit matrimonium, et alia duci (ut fecit) mulier in uxorem. Sic licet de rege Christianissimo opinari.

3. Verum quod hujusmodi causa secreta latuit, complures pī viri haud leve passi sunt scandalum, cum sic repudiata eam et aliam ductam videbant a Carolo, contradicentibus Ecclesiasticis legibus. Fuit ex his unus Adelrhadus, ejusdem Caroli consobrinus, qui hac occasione se ab ejusdem principiis palatio abdicavit, ac monasticum institutum amplectens, mira claruit sanctitate: in eujus rebus gestis quam fidelissime scriptis ab hujus temporis auctore Paschasio Ratberto, ista leguntur<sup>1</sup>: « Cum Carolus Desideratam Desiderii regis Italorum filiam repudiaret, quam sibi dudum etiam quoruīdam Francorum juramentis petierat in conjugium, ut nullo negotio beatus senex persuaderi posset, dum adhuc esset tyro palatii, ut ei, quam, vivente illa, rex acceperat, aliquo communicaret servitutis obse-

<sup>1</sup> Aimoin. I. iv. c. 68, 69.

<sup>1</sup> Apud Sur. die 11 Januar.

quio. Sed culpabat modis omnibus tale connubium, et gemebat puer beatæ indolis, quod et nonnulli Francorum ex eo essent perjurii, atque rex illicito uteretur thoro, propria sine aliquo crimen repulsa uxore. Qui nimio zelo succensus, elegit plus sæculum relinquere adhuc puer, quam talibus admiseri negotiis: ut propinquo, cui contraire prohibendo non posset, non se consentire fugiendo monstraret ». Ilæc auctor, qui et de eodem inferius subiectit, ipsum petuisse Corbeiae monasterium, in eoque excoluisse vitam monasticam, atque vixisse sanctitate conspicuum.

At vero post primam ejusdem tomī noni editionem invenimus in illis duobus libris postea editis rerum gestarum Caroli magni a monacho San-Gallensi conscriptis, de causa divortii ejusmodi ista totidem verbis asseri: « Filiam Desiderii Longobardorum principis Carolus duxit uxorem: qua non post multum temporis, quia esset clinica et ad propagandam prolem inhabilis, judicio sanctissimorum sacerdotum, reicta velut mortua: iratus pater, etc. » Porro ut ista episcopi illi decreverint, ista oportuit concurrisse, nimurum quod redditum esset ex morbo penitus impotens ad concubitum, et hoc impedimentum jam fuerit ante contractum matrimonium: nullaque amplius esset spes probabilis, etiamsi convalesisset, aptam reddi ad copulam conjugalem. Ista quidem ex sententia juris canonici consultorum.

4. *S. Huberti reliquie inventæ et translatae.*  
— Hoc eodem anno, qui et numeratur tertius Caroli et Carolomanni regum, inventum est venerandum corpus sanctissimi viri Huberti episcopi Leodiensis, translatumque per eundem regem Carolomannum honorificentissime. Idque factum anno decimo sexto ab ejus telicissimo transitu. Rem gestam scribit ejus discipulus<sup>1</sup> atque familiaris, qui his omnibus poluit præsens esse: sed quomodo integrum inventum est corpus, ut nuper defuncti referret imaginem, hæc ab eodem auctore accipe: « Introsipientes gloriosum ejus corpus nulla detrimenta passum, illæsum a dissolutione atque putredine repererunt. Et pro tabo atque putredine, aromatum more illud senserunt mirifico odore fervere. Caput autem ejus perlustrantes oculis, vident quidem vulum ejus (quod dictu quoque mirabile est) sudore perfusum et velut noctis opacæ roscidulis perfusum guttulis: coronam vero capillorum alienam prorsus ab omni laesione, cæsariemque auctam et prolixitatem et pulchritudinem: neque enim candore senili albebat, sed colore et visione sui juvenis caput reprobmittebat, etc. » Quomodo autem ad tam admirabile spectaculum, qui in proximo erat, accurrit rex Carolomannus et eidem religiosa impedit officia, inferius idem auctor ita describit:

5. « Ut autem in tanto miraculo Domini potentia polissimum magnificaretur, et virtus nola

redderetur, pars magna princeps clarissimus atque Orthodoxus extitit Carolomannus. Qui, talibus auditis, regali e solio exiliit, et una cum uxore et primoribus palati sui, et ad viri Dei corpus pervidendum accessit. Et admirans potentiam Domini, virtutem ejus magnificavit, misericordiam collaudavit, et quia in diebus suis talia ostendere dignatus sit, gloriosum nomen ejus benedixit, nimioque gudio permotus inter pias laudes et gratiarum actiones, gaudio eliciente, lacrymas fudit, sed et advenientium ilidem quisque fecit, gaudebantque exoculari manus et pedes beatissimi viri, quem Deus honorare dignatus est tanti prærogativa miraculi.

6. « Rex interea memorabilis Carolomannus, una cum optimatibus suis proceribusque sui palatii, sanctissimi viri membra suavissimis et (ut ita dixerim) inenarrabitibus odoribus redolentia suslulit ex vase sepulcri, et loculo imposuit, et cum magna letitia atque honore, necnon hymnorum decantatione, sed et candelabrorum lumine aromatumque suavissimo odore detulit ante sacrum altare; idemque maxima munera devovit atque attribuit, vasa scilicet argentea, et pallia peregrino opere elaborata; necnon fundos fundorumque reditus, itemque servos prædiorumque dederat incolas. Quæ singula testamento mandavit et Ecclesiae, in quam sanctum corpus intulit, in perpetuam hæreditatem delegavit, sanctique viri ossa nobiliter ibi collocavit ». Hæc de elevatione et translatione auctor, et de insigni pietate Carolomanni erga sacras venerandasque sancti viri reliquias. Ex quibus et illud intelligas, Deum ubique mirabilem in sanctis suis; dum eodem ipso tempore, quo per impium Constantiun Copronymum in Oriente sacrae reliquie dehonestantur, projiciuntur et disperguntur, fecerit in Occidente regio obsequio tolli, elevari, adorari, coli, transferri, et munificentia regia frequentari. « Has igitur propitiationis hostias præmisit ad Deum religiosissimus rex Carolomannus, ipse suo seculurus adventu. Elenim hoc ipso anno pridie nonas Decembri in villa Salmuntiaco ex hac vita migravit, anno regni sui post patris obitum tertio, sepeliturque Remis; uxor vero ejus, filia Desiderii regis Longobardorum cum filiis in Italiam pergit ». Hæc veteres Annales Francorum hoc anno<sup>1</sup>.

Fratre destitutus Carolus, ad capiendam reliquam regni partem, quæ fratris erat, Synodum habendam curavit in villa Carboniaco dicta, ubi fratris optimates benigne suscepit, et Willarium episcopum Sedunensem, et Fulradum capellatum, et alios plures sacerdotes, qui inhærebant suo germano. In quo quidem episcoporum, abbatum, ducum comitumque conventu, nihil præterea actum reperitur, quam quæ ad monarchiam Francorum regni spectabant, ut ea Carolus potiretur.

<sup>1</sup> Apud Sur. die m Nov. tom. vi.

<sup>1</sup> Annal. Franc. Pithet hoc an. et apud Aymon. l. iv. c. 68.

Anno periodi Graeco-Romanæ 6264. — Anno Æræ Hispan. 809. — Anno Hegiræ 435, inchoato die 13 Dec., Fer. 6. — Jesu Christi 771.  
— Stephani III papæ 4. — Constantini Copronymi 32 et 31. Leonis IV 21.

**1. Carolus rex repudiat filiam Desiderii regis.**  
— A num. 2 ad 4. Eginhardus de Caroli uxoribus in ejus Vita hæc scribit: « Cum matris hortatu filiam Desiderii regis Langobardorum duvisset uxorem (anno sc. superiori), incertum qua de causa post annum repudiavit, et Hildegardim de gente Suevorum præcipue nobilitatis feminam in matrimonium accepit », hoc nempe anno exenne; cum Hildegardis pridie *kalend. Maias* anni **DCCCLXXXIII** obierit et cum marito annos tredecim vixerit, ut docet Paulus diaconus in ejus Epitaphio.

Alter ab undecimo rursum te sustulit annus.

Monachus San-Gallensis lib. 2, cap. 25, asserit hanc repudiationem factam esse « judicio sanctissimorum sacerdotum, quia esset clinica et ad propagandam prolem inhabilis », nempe filia Desiderii Langobardorum regis, quæ *Desiderata* appellatur a Paschasio Ratherto in Vita S. Adalhardi Caroli consobrini. Anno superiori vidimus quantum *Stephanus papa* ab eo matrimonio abhorreret, hac inter cæteras ratione, ut videre est in ejus Epistola ad *Carolum* et *Carolomannum* data, eo anno apud Baronium num. 11: « Etenim mitissimi et a Deo instituti benignissimi reges, jam Dei voluntate et consilio conjugio legitimo ex præceptione genitoris vestri copulati estis, accipientes, sicut præclari et nobilissimi reges de eadem vestra patria. sc. ex ipsa nobilissima Francorum gente, pulcherrimas conjuges, et earum vos oportet amori esse obnoxios. Et certe non vobis licet, eis dimisis, alias ducere uxores ». Vivente itaque Pippino rege, Carolus et Carolomannus ejus filii uxores duxerant, uti de *Carolomanno*, qui *Carolo* junior erat, anno antecedenti diximus. Sed de *Carolo* res non parum obscura. Theganus enim in lib. de Gestis Ludovici Pii imp. qui quod vidit seripsit, loquitur tantum de *Hildegarde* et ejus filiis; Paulus vero diaconus, qui hoc tempore vivebat, in libello de episcopis Metensibus ait: « Ille (nempe Carolus) ex Hildegard conjugè quatuor filios et quinque filias procreavit. Habuit tamen ante legale connubium ex *Hildegtrude* nobili puella filium nomine *Pippinum* ». Paulo post: « Mortua autem Hildegard, rex excell-

lentissimus Carolus Fastradam duxit uxorem ». Denique Eginhardus in Vita Caroli M. refert, *Carolum*, postquam *Desiderii* filiam repudiavit, *Hildegardem*, eaque defuncta *Fastradam* in matrimonium accepisse, et suscepisse filiam de « concubina quadam, cuius nomen, inquit, modo memorie non occurrit », nomen sc. *Himiltrudis*. Verum ex verbis laudatis Stephani Pontificis Romani matrimonium cum filia *Desiderii* dissuadentis, liquet *Carolum* ante Pippini patris mortem matrimonio copulatum fuisse cum aliqua *Francia*, cuius nec Eginhardus, nec Paulus diaconus, nec Theganus mentionem fecere, quia sc. ex ea *Carolus* nullam prolem suscepit. Hanc autem mulierem innominatam is repudiavit, quando *Desiderate* filiae *Desiderii* regi nupsit, et post divortium cum eadem et obitum *Franciae* illius, cuius nomen ignoratur, medio anno currenti, ut ex nativitate *Caroli* ejus primogeniti colligitur, *Hildegardem* conjugem sibi copulavit. Quæ omnia ex citatis locis inter se collatis consequuntur. Neque enim video hanc difficultatem alio modo solvi posse, aut aliquid contra hanc nostram opinionem in medium afferri, quod illius sit momenti.

**2. Quenam fuerit prima Caroli regis uxor.** — Baronius, quia *Desiderii* filiam uxorem *Caroli* pri-  
mam putavit, justam censuit ex parte hujus mulieris intercessisse causam antea incognitam propter quam matrimonium contractum dissolvi legitimate potuit, causam tamen hanc adeo secretam fuisse, ut complures viri piii non leve passi sint scandalum, cum eam mulierem repudiata et aliam a *Carolo* ducatam viderunt, atque imprimis *Adalhardus*, cuius textum describit. Verum cardinalis doctissimus animum non adverterat ad locum laudatum Stephani papæ, quo ciocemur, *Carolum* antequam *Desiderii* filiam matrimonio sibi jungeret, jam ante mortem patris cum muliere *Francia* alligatum fuisse, ideoque ei per leges Ecclesiasticas non licuisse cum *Desiderii* filia novum matrimonium contrahere. Papebrocius ad diem xxx mensis Aprilis, ubi loquitur de *Hildegarde* regina, uxore *Caroli M.* miraculis clara, existimat, *Hildegardem* primam fuisse uxorem *Caroli* regis, sed ejus cum ea conjugium non fuisse consummatum, quando

ad alias nuptias transiit, et *Adalhardum* nesciisse, aut non ereditissem licetam esse dissolutionem matrimonii needum consummati, quando, ut scribit Paschasius in ejus Vita, « enipabat modis omnibus tale connubium (Caroli se, cum filia Desiderii) et gemebat puer beatae indolis, quod et nonnulli Francorum Deo essent perjuri, atque rex illicito interetur toro, propria sine aliquo crimine repulsa uxore ». Addit Papebrocius, primas illas Caroli cum Franca muliere nuptias, neque Carolo, neque regni proceribus visas fuisse indissolubiles, magna publicae utilitatis causa aliqua interveniente, licet non solum *Adalhardus*, sed etiam ipsem *Stephanus papa* in ea essent opinione, ejusmodi matrimonia rala et non consummata solvi non posse etiam per Summum Pontificem; eum multi hodie theologorum scholasticorum in eadem sint sententia. Denique concludit *Carolum* exacto anno *Desideratum* Desiderio patri intactam remisisse, et exeunte hoc anno matrimonium cum *Hildegarde* celebrazione.

3. *Papebroci et Cointii sententiae refelluntur.* — Verum nullus sibi facile persuaserit, Stephanum papam ignorasse matrimonia rata et non consummata a se dissolvi posse; cum anno **DCCLVII** in Concilio Compendiensi regnante Pippino habito, Patres canone **XIII** haec statuant: « Si quis vir mulierem suam dimiserit, et dederit commeatum pro religionis causa infra monasterium deservire, aut foras monasterium dederit licentiam velare, sicut diximus, propter Deum, vir illius accipiat mulierem legitimam; similiter et mulier faciat ». Ubi sermo esse videtur de matrimoniis non consummatis, que in Galliis dissolvi poterant; matrimonia enim consummata a Pippini regis tempore solvi non potuisse, ostendunt canon **IX** Concilii Sues-sionensis anno **DCCXLIV** coaeti, et canon **XXI** Concilii Vermeriensis anno circiter **DCLIII** congregati. Longe magis a vero alienum quod scribit Cointius anno **DCLXXII**, num. **5** et seqq., *Hililtrudem* nempe, regnante Pippino, legitimis nuptiis *Carolo* ejus filio natu majori copulatam esse, post aliquot annos a marito, qui filiam *Desiderii* nefarie superinduxit, ejectam e palatio sub finem an. **DCLXX**, deinde anno **DCLXI** *Carolum* filiam *Desiderii* in Longobardiam remisisse, et *Hililtrudem* rediisse ad torum regium, eaque in procinctu belli Longobardici anno scilicet **DCLXXIII** demorlua, *Carolum* alterum matrimonium cum *Hildegarde* contraxisse annos tum nata sexdecim, vixisse cum marito annos decem, obiisseque anno **DCLXXXIII**, sive anno aetatis sua **XXVI**, ac denique versum laudatum, qui in ejus Epitaphio legitur,

Alter ab undecimo rursum te sustulit annus,

ad *Hildegardis* nuptias nullo modo respicere, et annum illum **XXVI**, quo mortua dicitur, ab ejus nativitate numerari debere. Sed licet hoc ultimum verum sit, laudatum nempe versum interpretandum

esse, ut simile hemistichium Virgilii **8**, Eclog. 8, de anno decimo tertio, non vero de anno duodecimo, ideoque et *Hildegardem* annos **XXVI** vixisse, reliqua tamen que Cointius in medium assert, se ipsis corrunt. *Hililtrudem* enim concubinam, non vero uxorem legitimam Caroli fuisse, et *Pippinum* ex ea natum filium naturalem extitisse, non solum Eginhardus et Paulus diaconus citati, sed etiam alii auctores coævi litteris prodidere. *Hildegardem* vero ante an. **DCLXXIII** Carolo sociatam esse, ipsem assert in Diplomate, cuius verba recitabimus anno **DCLXXXIII**, quo Hildegardis die ultima mensis Aprilis ad Deum migravit; ait enim: « Ipsi dulcissima conjux nostra obiit in anno XII conjunctionis nostræ ». Quare priori uxore *Caroli* innominata demortua, et *Desiderii* filia ab eodem repudiata, *Hildegardis* ad torum regium transiit, idque circa medium currentis Christi anni, ut jam insinuavi. Ceterum *Carolum* legitimis rationibus moveri potuit ad priorem uxorem dimittendam, si nempe *Pippino* patre cogente eam conjugem accepit; sic enim propter eamdem rationem Ludo-vicus XII Francorum rex a Joanna, et Henricus IV rex etiam Francorum a Margarita uxoris discessere aliasque duxere. Denique potuit Stephanus papa, quando laudatum Epistolam scripsit, nondum edoctus esse de rationibus, quibus ad hoc divor-tium faciendum *Carolum* motus fuit.

4. *Translatio S. Huberti epise. Leodiensis.* — Ad num. **4** et seqq. Translatio corporis *saneti Huberti* episcopi Leodiensis per Carolmannum Caroli Martelli filium, non vero per Carolmannum Pippini regis filium, peracta, idque anno **DCCXLIII**, ut anno **DCCXXVII**, num. **4** et seqq. demonstravimus, et Baronum in Appendice ad tom. **IX**, quod hoc anno de ea translatione scripserat, retractasse ostendimus. Deceperat cardinalem eruditissimum auctor, qui interpolavit Vitam S. Huberti a quadam ejus discipulo anonymo scriptam; interpolator enim, licet centum et amplius annis post auctorem illum vixerit, ejus tamen verba usurpat, et de ea translatione loquitur ac si præsens fuisse, qui interpolatorum mos fuit, ut loco citato vidimus. Hinc interpolator *Carolum Martellum* et *Carolomannum* ejus filium reges appellat, qui tamen Francorum principes tantum nuncupabantur. Quibus ex verbis satis intelligitur, Vitam primigeniam S. Huberti periisse, et solum ejus interpolatorem superesse, qui perperam eredit, *Carolum Martellum* regem Francorum dictum fuisse.

5. *Obitus Carolomanni regis.* — *Carolomannus* rex Caroli regis frater hoc anno e vivis excessit, ut reete Baronius scripsit. De ejus morte haec habet annalisti Metensis ad presentem annum: « *Caro-lomannus* rex defunctus est in villa Salmuntiaco II non. Decembbris, sepultusque est juxta urbem Rhemorum in Basilica beati Remigii. Gilberga vero uxor *Carolomanni* cum duobus parvulis et paucis principibus de parte viri sui Italiam petiit, et ad *Desiderium* regem Langobardorum pervenit ».

Erat Salmuntiacum villa publica Lauduno proxima. Idem passim habent alii annaliste quoad annum et diem mortis Carolomanni, enjus prior sitius *Pippinus* tuit, sed *cujus* sexus altera proles fuerit, incomptum. Regnavit a Pippini patris obitu Carolomannus annos tres, menses duos et dies decem. Audita Carolomanni fratribus morte, *Carolus* venit ad Carbonacum villam in Arduenno nemore sitam, « et ibi venerunt ad eum Folcarius et Folradus capellani cum aliis episcopis et sacerdotibus; Wérinus et Adelhardus comites, cum aliis primatibus, qui fuerant Carolomanni, et unixerunt dominum Carolum super se in regem, et obtinuit feliciter monarchiam regni Francorum », inquit annalista Metensis, cui ceteri consentiunt. Hec duorum regnum conjunctio a Carolo facta in causa fuit, cur Carolomanni vidua *Italianam fuga* petierit cum liberis suis. Eam enim fugisse diserte tradit Eginhardus in Vita Caroli M. Hinc annalista Fuldensis insinuat, non omnes episcopos, abbates, comites et duces, qui fuerunt fratribus sui, ad Carolum, seu ad conventum Carbonensem venisse, sed aliquos cum uxore Carlmanni in Italiam perrexisse. Inter comites qui Carolomanno rege mortuo Carolum ejus fratrem adierunt, commemoratur *Adalhardus* sive *Adelhardus* ipsius Caroli frater patruelis, et abbas postea Corbeiensis, qui ideo post præsentem annum monachum induit cum esset annorum viginti, ut tradit Paschasius Ratbertus in ejus Vita a Mabillonio sœc. IV Benedict. part. 1 recitata.

6. *S. Adalhardus fit monachus.* — *Adalhardus* sanctitate illustris fuit. Patrem habuit *Bernhartum* seu *Bernardum* Caroli Martelli filium, Pippini regis fratrem, ac patrum Caroli Magni. Litterarum studiis non humanioribus modo, in quibus maxime pro tempore excelluit, sed etiam saeris addictus fuit. Ejus librum de *Ordine palatii* laudat Hinemarus in Epistola de *Recta novi ac juvenis regis institutione* cap. 42; sed is liber ad nos non pervenit. Mabillonius loco laudato pollicetur, aliqua ejus scripta, quae supersunt, suo tempore sese publicaturum. Factus monachus hortis colendis ab abbatte Corbeiensi addictus est; cumque saepius eum inviso propinquai et noti frequentarent, fugit ad montem Casinum, quo totius fons religio-

*nis et origo putabatur.* Sed Caroli regis nuntii non multo post Casinum venerunt, eumque in patriam reduxerunt. Aliquo post ejus reditum tempore abbas Corbeiensis renuntiatus est, et quando *Carolus* rex Pippinum filium suum Italiae regem declaravit, justitia in Italiae administratione *S. Adalhardo* commissa fuit, ut suo loco videbimus.

7. *Moritur sanctus Remigius archiep. Rothomagensis.* — *Sanctus Remigius* archiepiscopus Rothomagensis, *Caroli Martelli* filius et frater *Pippini* regis « transivit de mundo XIV kal. Februarii, anno Christi CCCLXXI, ordinationis vero suæ anno XVII, et sepultus est in eadem Ecclesia beatae Dei Genitricis Mariae, ubi multo tempore requievit. Deinde translatum est sanctum corpus ejus ad urbem Suessionicam in Ecclesiam beati Medardi », ut legitur in ejus Vita a Lambecio lib. 2 Biblioth. Cœs. cap. 8 relata. Dividitur illa in novem lectiones in ordine ad officium Ecclesiasticum, testaturque Lambecius Codicem Cœsareum descriptum ex alio Codice, qui fuit cœnobii sancti *Audoeni* in urbe Rothomagensi sili. Bollandus ad diem xix mensis Januarii, ubi de sancto *Remigio* verba facit, ait constare ex veteri Codice *sancti Audoeni*, sed ea in parte lacero, reliquias sancti *Remigii* anno M XC ex monasterio Suessionensi Rothomagum translatas fuisse. Quare Vita haec, quam Bollandus non videbat, ante eum Christi annum composita. In ea dicitur, antiquorum incuria Vitam ejus aut non scriptam, aut forte neglectam fuisse amissam. Ecclesiam cui praefuit, priediis, possessionibus et ornamentis Ecclesiasticis ditavit, et in ea XL præbendas instituit. Post Bollandi mortem Mabillonius tom. II Analect. publicavit Acta archiepiscoporum Rothomagensium ab auctore anonymo, qui sedente *Gregorio VII* Summo Pontifice vixit, edita, in quibus etiam *sanctus Remigius* maximopere commendatur.

8. *Nativitas Constantini postea imp.* — Theophanes anno XXX Constantini imp. kalend. Septemb. superioris Christi anni inchoato, scribit: « Indictione nona, mensis Januarii die decimo quarto, Leoni et Irene imp. natus est filius, qui Constantino ejus avo inter vivos adhuc agente etiam *Constantinus* appellatus est ». De Constantino isto pluribus infra.

## HADRIANI I ANNUS 1. — CHRISTI 772.

1. *Sergii secundicerii cædes et Stephani papæ obitus.* — Sequitur annus Redemptoris septingentesimus septuagesimus secundus, Indictione decima, quo vivente adhuc Stephano papa, ante dies octo quam ex hac vita migraret, novis turbis Urbs agitatur, dum factione Pauli cognomento Asiaria, miser Sergius secundicerius, qui antea ejus opera fuerat excæcatus, et ita luminibus orbus asservabatur in cellario Lateranensi, conductis Anagnia suæ factionis nefandis hominibus, prima noctis hora eductus inde, fune ad collum ligato ductus ad Merulanum prope Basilicam sanctæ Dei Genitricis ad Præsepe locum, ibi ab eis plurimis confossum vulneribus, intra sepulcrum prope porticum projectus est. Quod impium facinus postea apud Stephani papæ successorem delatum, habita quæstione repertum atque punitum est, ut suo loco inferius dicturi sumus. Hæc acta sunt cum Stephanus Pontifex ægrotaret, qui post dies octo a nece Sergii defunctus est kal. Februarii, cum sedisset annos tres, menses quinque, dies viginti octo.

2. Quod autem ad scriptas ab eo Epistolas pertinet, ex eodem citato superius Codice quinque ab eo scriptarum Epistolarum, ejusmodi argumenta redduntur his verbis :

« Scripsit Pontificatus initio ad Pipinum, petens homines doctos mitti ad Synodum Romanam.

« Aliam scripsit ad Carolannum, qua petit ut licet sibi esse compater et testis baptismi filii ejus.

« Insuper et aliam dedit ad Carolum et Carolannum fratres, in qua gratulatur eis quod post lites sibi invicem reconciliati essent. Et petit ut cogant Longobardos reddere quæ de patrimonio sancti Petri rapuissent.

« Scripsit et aliam ad Carolum et matrem ejus, in qua illis et gratias agit pro defensione Ecclesiæ, et commendat Itherium, quod diligenter curarit quæ fuerant ipsi commissa.

« Adhuc aliam ad eosdem reges dedit Epistolam, in qua prolixe commemorat insidias sibi per Donem Francorum præfectum structas, et Desiderii erga se benevolentiam, cuius ope se defensum esse

indicat ». Hæc sunt Epistolarum argumenta, præter illius, quam de non ineundo conjugio cum filia Desiderii ad Carolum scripsit, jam superius integrum recitatam, snoque loco positam. Demum vero de ipso hæc Anastasius : « Fecit ipse sanctissimus Pontifex ordinationem unam meuse Decembbris, creavit presbyteros quinque, diaconos quatuor, episcopos per diversa loca numero... Qui et sepultus est ad beatum Petrum Apostolum, et cessavit Episcopus ejus dies octo ».

3. *Hadriani successoris egregiæ dotes.* — Sic igitur die nona ejusdem mensis Februarii summa concordia Hadrianus civis Romanus, nobili genere ortus ex patre Theodoro, ex diacono cardinale Pontifex creator, de cuius primordiis hæc apud Anastasium leguntur : « Hie namque beatissimus vir defuncto ejus genitore, atque parvulus nobilissimæ suæ genitrici relictus, studiose a patre Theodulo dudum consule atque duce, postmodum primicerio sanctæ nostræ Ecclesiæ, post sanctæ (tantæ) dictæ suæ genitricis obitum nutritus atque educatus est. Nam a prima ætatis suæ pueritia, dum adhuc laicus existeret, spiritualibus studiis et charitati, modestiæque vehementius insistebat, sedule perseverans in Ecclesia S. Marci, quæ propinquæ domus suæ esse videretur, illic crebras Domino nostro referebat diu noctuque laudes, indulsusque cilicio, jejuniis corpus suum macerabat, et eleemosynas enucleanter egenis et inopibus juxta possibilitatis suæ vires liberter tribuebat : ejusque bonæ actionis merita in omnium Romanorum aures frequenter resonabant, ita ut ex hoc nobilitatis ac pudicitiae ejus fama longe lateque divulgaretur.

4. « Cujus piæ conversationis vitam et spiritualem operationem ac præcipuos mores conspiciens sanctæ recordationis dominus Paulus papa, eum clericari jussit, quem notarium regionarium in Ecclesia constituens, postmodum eum subdiaconum fecit. Dum vero post decepsum domini Pauli papæ ad Pontificatus culmen provectus fuisset dominus Stephanus secundus (tertius) junior papa, et ipse cernens ejusdem beatissimi Hadriani spiritualium conversationum merita, in diaconii ordinem eum

provexit, et ex tunc multipliciter spiritualibus pol-lens studiis, maximam tam ad evangelizandum populo soterter et clare divina atque Evangelica verba, quam ad exercendum Ecclesiasticaum traditionem gessit euram; et ita Spiritus sancti gratia in ejus corde refusit ut in omnibus efficax et idoneus comprobaretur. Sieque factum est, ut dum de hac vita migraret antefatus dominus Stephanus papa, illico (dum ferventissimo affectu a populo Romano diligenter) idem præcipius ac sanctissimus vir et Dei cultor Hadrianus ad sacrum Pontificatus electus est culmen ». Haec Anastasius, qui de eodem superius haec ait: « Vir valde præclarus ex nobilissimi generis prosapia ortus, ex potentissimis Romanis parentibus editus, elegans nimis fuit et persona decorabilis: constans etiam atque fortissimus Orthodoxæ fidei ac patriæ suæ et plebis sibi commissæ defensor, viriliter sua virtute inimicis sanctæ Dei Ecclesiæ ac Reipublice impugnatoribus resistens, pauperum ac indigentium misericordissimus ac copiosus consolator: Ecclesiasticae namque traditionis et sanctorum Patrum constitutionum observator ». Haec generatim de virtutibus ejus idem auctor habet.

*5. Venetorum legatio et Caroli Magni Epistola ad Hadriatum.* — Simul ac autem Hadrianus creatus est, adierunt eum legati Veneti missi paulo ante ad Stephanum papam, sed ipso tunc defuncto, successorem ejus Hadrianum convenerunt. Fuerunt hi Gradensis antistes, Magnus presbyter, atque Constantinus tribunus. Causa autem hujus a senatu Veneto decernendæ legationis fuit jugis vexatio Joannis episcopi Aquileiensis, qui fultus viribus Longobardorum, haud mediocre dampnum inferret Gradensi Ecclesiæ, a qua et episcopos Istriæ alienare studuit contra præcepta prædecessorum Romanorum Pontificum, et Stephani Hadriani antecessoris. Cum igitur ii Hadrianum tum creatum antistitem adiissent, congratulati ipsi de summa dignitate collata, quod haberent in mandatis, ipsi significarunt. Vetus querela, quæ Apostolice Sedis tribunalis aditum frequenti accessu trivisset. Hadrianus igitur memor illius sententiae: « Noli fieri iudex, nisi valeas irrumpere iniquitates », adversus Joannem exsurgens, Apostolicis cum censuris absterruit, continuique Istricos episcopos sub patriarcha Gradensi. Sed et cum res Longobardorum in deterius laberentur, quorum viribus Aquileiensis patriarcha factus erat audacior, res ad longum tempus composite perseverarunt. Cum inter haec iidem Veneti ex Senatusconsulto ab eodem Hadriano Pontifice Rivoalto, ubi ipsi populo frequentiori convenerant, episcopum petiere, primusque antistes illi datus Obeliatius nomine, filius Eneagri tribuni. Sieque res Venetae sub Hadriano pacis ac religionis augmento florueret: pluribus autem ista Sabellicus<sup>1</sup>. Carolus Magnus etiam ut audivit creatum esse Romanum Pontificem Hadrianum, lega-

tionem ad ipsum misit; qui ea functus est, fuit Engelpertus discipulus Alcuini, qui eidem suas quoque litteras ad eundem dedit Hadrianum Pontificem, quibus inter alia ipsi precatur vitam in Pontificatu prolixam, quod est feliciter consecutus. Ipsa autem Epistola sic se habet<sup>2</sup>:

« Beatissimo, et omni honore dignissimo, et Pontifici magno Hadriano papæ humilis omnium sanctæ Ecclesie filiorum Albinus æternæ beatitudinis salutem.

« Venerabilis atque tolo orbe laudabilis vestrae bonitatis, pater optime, pietas mihi ultimo sanctæ Dei Ecclesie servulo quantulamcumque attulit fiduciam, vestram deprecandi clementiam, ut me, licet indignum, paternæ pietatis amore in gremium sanctissimæ intercessionis vestræ colligere dignemini. Scio certissime vestræ devotionem sanctitatis pro populo jugiter totius orbis intercedere Christiano: tamen specialius aliquid pro his egisse, qui vestræ almitati seipso obnoxiae humilitatis obsecratione commendant, et majore credulitate ad tantæ auctoritatis confugint suffragia. Scio, me per sacri baptismatis adunctionem de illius esse ovili pastoris, qui pro suis ovibus animam ponere non dubitavit, quasi etiam post altissimam suæ resurrectionis gloriam beatissimo Petro principi Apostolorum ob trinam magnificæ dilectionis confessionem passendas commendavit, cui etiam cœlo terrisque æternam ligandi alque solvendi potestatem delegavit. Hujus te, excellentissime pater, ut vicarium sanctissimæ Sedis agnosco, ita et mirificæ potestatis hæredem esse confiteor.

« Ecce ego una sum regiminis vestri ovicula, sed valde peccatorum maculis morbida. Quapropter me totum tuæ offero sanctitati, pastor piissime, sanandum et medicinali potentia, quæ tibi post longas sanctorum Patrum series hæreditaria successione a Deo Christo tradita esse dignoscitur, me jubeas salutiferae pietatis verbo a peccatorum vinculis esse solutum. Nam mihi cum Evangelicæ humilitatis regula fas esse video dicendum<sup>3</sup>: Domine, non sum dignus ut intres sub tectum meum: dic verbo, et sanabitur puer meus. Qui mox ut sperravit, invenit; ut credit, accepit. O beatissima lingua oris vestri, in qua est æterna medicina salutis, per quam cœli aperiuntur credentibus. Nunquam, obsecro, sileat: semper admoneat, et sanet; semper aperiat perpetuæ beatitudinis ad se confuentibus portas.

« O Domine Jesu, fac eum longæva valere et vivere prosperitate. Et qui tales populo tuo dedisti pastorem, hunc pietatis tuæ dextera multis temporibus conservare digneris, quatenus cum multiplici laboris sui mercede ante thronum tuæ veniens glorie audire mereatur<sup>3</sup>: Euge, serve bone et fidelis, quia super pauca fuisti fidelis, supra multa te constituam, intra in gaudium Domini tui. Jam aliquas petitiones proprias necessitatis meæ his quoque lit-

<sup>1</sup> Sabel. I. viii. Enn. viii. prope fin.

<sup>2</sup> Epist. Antiq. lect. — <sup>3</sup> Matth. viii. — <sup>3</sup> Ibid. xxv.

teris inscererem, sed quia electissimus domini mei regis missus, filius equidem meus charissimus<sup>1</sup>, HLL. ad beatissimam summæ auctoritatis vestræ dirigitur paternitatem: non esse necesse, putavi, litteris exarare, quod ille vir fidelis et prudens melius viva voce, secundum mandatum domini regis auribus excellentiae vestræ poterit intimare. Nam inter cæteras fidelissimæ dilectionis, quam ad hos habet, legationes, inæ quoque necessitatibus postulationes eidem præfato regi voluntatis secretario commendavit, quem omnibus amicis valde fidem esse probavimus, maxime vobis, ut vere dignum est, sanctissime pater, qui vestram laudabili voce bonitatem sèpissime domino regi sub præsentia multorum testium narrare solebat, et egregiæ pietatis per vos gesta puræ tñdei verbis de vobis proferre studuit. quatenus piæ dilectionis fidem ostenderet, et vestræ almitatis amorem plurimorum mentibus ingereret». Ilactenus Aleuinus ad Hadrianum papam, apud quem ipse una cum aliis anno sequenti ab eodem rege Carolo functus est legatione, ut dicitur anno sequenti.

6. *Quid prudenter egerit Hadrianus tum in judicio de cœde Sergii, tum cum Desiderio pro rebus Ecclesiæ recuperandis.* — Sed ad res urbanas convertatur oratio, et quæ Hadrianus, ubi ordinatus est, gessit hoc anno, ex eodem Anastasio videamus: « Hic namque, inquit, ipsa electionis suæ dic, confestim eadem hora, qua electus est, reverti fecit judices illos hujus Romanae Urbis tam de clero, quam de militia, qui in exilium ad transitum domini Stephani papæ missi fuerant a Paulo cubiculario, cognomento Alarta, et aliis consenaneis impis satellitibus. Sed et reliquos, qui in arcta custodia mancipati et retrusi erant, absolvi fecit, et ita omnibus cum eo exultantibus, Pontificalem, Deo auspice, suscepit consecrationem.

« Idemque in ipso exordio consecrationis sua direxit ad ejus beatitudinem suos missos Desiderius Longobardorum rex, id est, Theodoricum ducem Spoletium, Tunnorum ducem Eburæ regiæ, et Prandulum vestiarium suum, suasionis per eos verba mittens, sese quasi cum vinculo charitatis velle colligari. Quibus ita beatissimus Pontifex respondit, dicens: Ego quidem cum omnibus Christianis pacem cupio habere, etiam et cum Desiderio rege vestro, et in ea fœderis pace, quæ inter Romanos, Fraucos et Longobardos confirmata est, studeo permanere. Sed quomodo possum credere eidem regi vestro, in quem subtilius mihi sanctæ recordationis prædecessor meus dominus Stephanus papa de fraudulenta ejus tñde retulit, inquiens, quod omnia ille mentitus fuisset, quæ ei in corpus beati Petri jurejurando promisit pro justitiis sanctæ Dei Ecclesiæ faciendis? » Ille et alia quæ anno, quo sunt facta, superius habentur relata: postquam haec adhuc ista ad illos: « Ecce

qualis est fides Desiderii regis vestri: et cum qua fiducia illi confederari possumus?

7. « Hæc vero eodem beatissimo Hadriano præsule prosequente iisdem missis Desiderii regis, illi magis confirmabant vinculo sacramenti, quod eorum rex, et omnes justitias, quas antefato domino Stephano papæ non fecerat, eidem præcipuo Pontifici et summo pastori perficeret, et in vinculo charitatis insolubili connexione cum eo fore permansurum. Quorum juramentis eredens ejus beatitudo, direxit ad eumdem Desiderium regem missos suos pro his omnibus perficiendis, scilicet Stephanum notarium regionarium et sacellarium, atque Paulum cubicularium, et cætera super ista. Quibus egredientibus ab hac Romana Urbe, et Perusiam conjungentibus, conjunxit mandatum (nuntium scilicet), quod jam fatus Desiderius rex abstulisset civitatē Faventiam et dueatum Ferrarie et Comachium (Comaelium) de exarchatu Ravennate, quem sanæ memorie Pipinus rex et ejus filii Carolus et Carolmannus, excellentissimi reges Franeorum et patricii Romanorum, beato Petro concedentes obtulere.

8. « Nec duo menses præteriere, ex quo ipse sanctissimus Pontificatus culmen adeptus est, cum idem atrocissimus Desiderius easdem abstulit civitates, constringens ex omni parte eives Ravennates, et Casales et hæc omnia præsidia Ravennatum oenepans, cunctaque victualia, familias etiam, seu peculia ipsorum, vel quæ in ipsis presidiis habere videbantur, abstulit. Et dum nulla remansisset spes vivendi neque Leonii archiepiscopo, neque præfatis Ravennatis in magna angustia et fame et inopia positis, direxere h̄i Romam missos suos, scilicet Julianum, Petrum, et Vitalianum tribunum, deprecantes eum magno fletu eumdem sanctissimum Pontificem, ut qualiter potuisse, subveniret ipsis, atque decertaret ad recollendas civitates, asserentes, quia si ipsæ civitates non fuerint restitutæ, vivere nullo modo possent.

« Tunc ipse almíscus Pontifex, dum adhuc prænominati missi essent Romæ, per Stephanum sacellarium et Paulum cubicularium super ista, ut ad prænominatum pergerent regem, dixerit et suas depreeatorias litteras, ut easdem redderet civitates, incepans eum fortiter per sua scripta, eurde promissione illa, quam per suos missos pollicendo direxerat, mutatus fuisset, et etiam quia justitias B. Petri, juxta ut promiserat, non reddidit; insuper et civitates illas, quas ante successoris ejus beatissimi Pontificis domini Stephanii Paulus, et idem Stephanus detinuerant, abstulisset. Dum vero talia eidem protervo Desiderio antefatus sanctissimus Pontifex deprecando, monendo et conjurando dixisset, ita ille remisit in responsis: Quod nisi prius se cum eo ipse almíscus præsul conjungeret pariter ad loquendum, minime easdem redderet civitates.

9. « In ipsis vero diebus contigit uxorem et filios quondam Carolomanni regis Francorum ad

<sup>1</sup> Note sunt certi nomini communis omnib. Scholastes interpretatur hunc fuisse Engilbertum.

eumdem regem Longobardorum fugam arripuisse cum Anthorio et ..... Nitebatur ipse Desiderius, atque inhianter decertabat, quatenus ipsi filii ejusdem Carolomanni regnum Francorum assumerent: et ob hoc ipsum sanctissimum Præsulem ad se properandum seducere conabatur, ut ipsos antefati Carolomanni filios reges ungeret, cupiens divisionem in regnum Francorum immittere, ipsumque beatissimum Pontificem a charitate et dilectione excellentissimi Caroli regis Francorum et patricii Romanorum separare, et Romanam Urbem cunctamque Italiam sub regni Longobardorum potestate subjugare. Sed favente Deo, hoc nullo modo potuit impetrare: quoniam, sicut lapis adamus, ita firmus exitit Hadrianus Pontifex. Prænomiatus siquidem Paulus super ista adhuc apud eumdem Desiderium existens, firmiter ei promittebat, se ipsum beatissimum papam ad eum deducere, dicens: Quod si etiam funem in ejus pedibus me adhibere conuererit, enim, qualiter potuero, ad tuam deducam presentiam.

40. « Sed factum est, ut eodem Paulo in itinere illo existente, palam omnibus fieret, qualiter necare fecisset Sergium secundicerium, qui cæcus in cellario erat; et metuens idem sanctissimus præsul, ne si ejusmodi nuntium ad aures ipsius præsonuisset Pauli, ut ant ad eumdem regem reverteretur, atque etiam in fines Longobardorum ab ipso itinere declinaret, et aliquam malitiam amplius cum eodem Desiderio in fines Romanorum atque exarchatum perpetraret (nam nimis dilectus illi atque fidelis existebat) ob hoc direxit antefatus sanctissimus papa clam nimisque secrete Leoni archiepiscopo Ravennatum civitatis per Julianum tribunalum, ut dum reverteretur ipse Paulus a Desiderio, eum sive in Ravenna, sive in Arimino detineret. Quod et factum est, atque in custodia est detenus.

« Tunc idem sanctissimus Pontifex cœpit curiose antefati Sergii primicerii mortem inquirere, convocansque omnes cellarios, subtiliter cunctos perscrutatur, quomodo ipse Sergius ex eodem cellario abstractus fuisset. Qui respondentes, dixere, quia prima noctis hora veniens Calventius cubicularius eum extraxit. Et inquisitus, quis illi præcepisset eumdem Sergium a præfato abstrahi cellario ad prænominatis Campanis (Campaninis) tradendum, respondit mandatum id a Paulo cubiculario, cognomento Afarta, sed et a Gregorio defensore regionario, et Joanne duce germano domini Stephani papæ, alque a Calvulo (Calventio) cubiculario sibi hoc fuisse præceptum tradi iisdem Campanis.

41. « Dirigensque idem sanctissimus præsul in Campaniam, in civitatem Anaguinam adduci fecit predictos Lavissonem et Leonatum. Qui presentati Apostolicis obtutibus, fortiterque constricti, confessi sunt, dicentes: Quia a prænominato Paulo cubiculario et Gregorio defensore regionario, seu Joanne germano præfati domini Stephani papæ, et Calvulo item cubiculario et maligno consentaneo

illis præceptum fuisse, prænominatum Sergium abstollendum ac interficiendum. Tunc protinus direxit ipse sanctissimus papa cum prænominatis Campanis suos fidissimos ministros, ut demonstrarent locum, ubi ipsum Sergium interfecerunt atque sepelierunt; et properantes venerunt usque ad Merolanam, ad arcum depictum, qui est secus viam, quæ ducit ad Ecclesiam sanctæ Dei Genitricis ad Præsepe. Ibique juxta eumdem arcum aperiientes unam sepulturam, demonstravere corpus illuc Sergii repositum, funeque ejus guttur constrictum, atque ictibus totum corpus ejus compunctum: unde non dubium est suffocatum ac semi-vivum fuisse transverberatum.

42. « Quod cernentes universi primates Ecclesiæ ac judices militiæ, ascendentes unanimiter cum universo populo in Lateranense patriarchium, prostrati Apostolicis vestigiis, obnixe eumdem alminieum Pontiticem deprecati sunt, ut vindictam atque emendationem fieri præcipere de tanto inaudito piaculo in eos, qui præsumpsissent cæcum hominem, saepius tormentis concrematum, crudeliter interficere, quod factum nunquam legeretur, asserentes, quia si talis flagitiæ reatus non expiatetur, nimis ipsa temeritatis præsumptio in hac Romana Urbe pullularet, assumentes ex hoc audaciam perversi homines, ut tentarent pejora perpetrare. Tunc præfatus sanctissimus præsul precebus iudicium universique populi Romani jussit contradi antefatum Calvulum cubicularium et prænominatos Campanos præfecto Urbis, ut more homicidarum eos coram universo populo examinaret. Ductique e præfato patriarchio in carcерem publicum, illic coram universo populo examinati sunt.

« Sicque ipsi Campani, sicut prius examinati sunt, ita et in eadem examinatione confessi sunt. Calvulus vero obdurans eorū suū, vix confessus est, ita se omnia habere. Qui tameū in eodem carcere crudeli morte emisit spiritum. Pro amputandis tam intollerabilibus flagitiis reatibus missi sunt ipsi Campani Constantinopolim in exilium. Post hæc vero jussit antefatus beatissimus papa abstolli corpora Pauli et prænominati Sergii ejus fratris, eaque cum honore in Ecclesia beati Petri fecit sepeliri. Gesta vero examinationis, qualiter proprii reatus noxam confessi sunt jam dictus Calvulus cubicularius, et prænominati Campani, direxit antefatus alminicus Pontifex Ravennam, ut ibidem Paulo per ordinem relegerentur.

43. Suscipiens vero Leo archiepiscopus Ravennatum eadem gesta, confessim sine auctoritate Apostolica tradidit eumdem Paulum consulari Ravennatum urbis: examinatusque Paulus coram omnibus Ravennatis fuit, eademque Acta ei relecta sunt; sicque se reum manifestans, tanti piaculi confessus est se perpetrasse noxam. Ita vero cum idem Paulus examinatus est, neque scientia rei exinde data est præfato Romano Pontifici, neque ab archiepiscopo, neque ab aliqui-

bus Ravennatibus, sed per alios hoc ejus sanctitas cognovit. Dum vero hoc ageretur, cupiens ipse praecipuus pastor et egregius Pontifex salvare animam jam dicti Pauli, ne in æternum periret : conscribi fecit suggestionem suam Constantino et Leoni Augustis magnisque imperatoribus, significans de ipsis Sergii eae impia morte, atque deprecans eorum imperialem clementiam, ad emendationem tanti reatus ipsum Paulum suscipi, atque in ipsis Græciae partibus, ut in exilium mancipatum retineri præciperent. Direxitque eamdem suggestionem ejus beatitudo Leoni archiepiscopo, ut ipsum Paulum Constantinopolim in exilium, sive per Venetias, sive aliunde, qualiter potuisse, dirigeret, cum præfata Apostolica suggestione.

« Ipse vero archiepiscopus Leo insidians vehe-  
menter eidem Paulo, adhibuit impiam occasionem,  
dirigens eidem præcipuo Ponfice in responsis,  
inexpedibile omnino esse eundem Paulum illuc  
dirigere, eo quod Desiderius Longobardorum rex  
filium Mauritii ducis Venetiarum apud se capti-  
vum detineret : nam ipse Mauritius filium suum  
cupiens ab eodem rege recipere, eundem Paulum  
illi vicarium tradiderat. Eece quam occasionem  
ipse archiepiscopus Ecclesie Ravennatum callide  
adhibuit, ut ipsum Paulum extingui valeret,  
sique remisit ad Apostolicam Seden suggestio-  
nem illam.

44. « Post hæc vero ipse sanctissimus præsul  
cum direxit Gregorium sacellarium suum ad Desi-  
derium Longobardorum regem deprecationis at-  
que exhortationis causa pro restituendis præfatis  
ab Ecclesia ablatis civitatibus : præcepit ei, ut  
firmiter contestaretur Leonem archiepiscopum,  
quatenus salvum eundem conservare studeret  
Paulum, et cum reverteretur e Ticino, secum eum  
huc Romanam reduceret. Dum ergo præfatus Grego-  
rius sacellarius in Ravennatum properasset urbem,  
constanter et firmiter protestatus est ante præfa-  
tum archiepiscopum et judices Ravennates ex præ-  
ceptione Apostolica, præsente Arinaldo chartulario  
ibi existente civi Romano (illuc enim missus fuerat  
ab Apostolica Sede), salvum atque incolumentem ipsum  
Paulum conservaudum, donec Ticino revertentre-  
tur, asserens sibi fuisse præceptum ab Apostolica  
poleslate, eum secum Roinam deportandum, et  
Apostolicis salvum præsentandum obtutibus ; hoc  
vero protestans, archiepiscopum cœptum Ticinum  
prosecutus est iter. At continuo prænominate  
archiepiscopus, accersito consulare Ravennatum  
civitatis, præcepit ei, ipsum Paulum interficien-  
dum. Et dum reversus fuisse sæpe fatus sacella-  
rius, Ravennamque conjungeret, invenit præno-  
minate Paulum jam imperfectum, pro quo nimis  
increpavit eundem archiepiscopum, cur præsum-  
psisset contra Apostolicum præceptum taliter de  
codem Paulo agere.

« Post aliquantos dies propria conscientia idem  
archiepiscopus territus, direxit prænominate sau-  
clissimo papæ Julianum tribunum suum missum,

deprecans Apostolicas dirigi sibi litteras et conso-  
lationis monita, quasi ipsi nulla imputaretur culpa  
de ejusdem Pauli morte, eo quod Dens sanguinem  
innocentem ultus fuisse, sed nullo modo potuit  
ipsum sanctissimum Pontificem inclinare : ita  
dirigenus in responsis : Quod ipse videat quid in  
enamdem Paulum operatus est : nam certe ego au-  
manus ejus salvare cupiens, pœnitentiæ eum sub-  
mitti decreveram : ideo meum sacellarium direxi  
hue Romanum eum deferendum ». Sic igitur expers  
Apostolicæ communionis Leo archiepiscopus diu  
mansit.

15. Sed quid post obitum Pauli accidit? Quod enim (ut vidimus) homo iste Romæ princeps esset  
factionis Longobardorum, adversus eos qui essent studiosi Francorum (ita quidem maximo malo erat  
divisa civitas, studentibus aliis Francis, aliis vero  
Longobardis) Desiderius rex Longobardorum vehe-  
menti exæstuans ira, tantum absfuit, ut ablata jura  
et civitates Romanæ Ecclesie restitueret, ut etiam  
cum suo exercitu Ticino recedens, in Umbriam  
descenderet, aliasque ab Ecclesia Romana civitates  
auferret, propediem ad obsidionem venturus Urbis :  
nam audi Anastasium : « Hic quidem, inquit, no-  
minatus Desiderius Longobardorum rex superbia  
elevatus atque jaetantia, qua hora præfatum exer-  
citum Ravennatum civitatis abstulit : confessim  
direxit multitudinem exercitus, et occupare fecit  
fines civitatum, id est, Senogallensis, Montis Fere-  
tri, Urbini, Eugubii, ceterarumque civitatum Ro-  
manorum, plura homicide et deprædationes  
atque incendia in ipsis finibus perpetrantes. Nam in civitatem Bleranam dirigens generalem exerci-  
tum partium Tuscæ, dum ipsi Blerani in fiducia  
pacis ad colligendas proprias segetes generaliter  
cum mulieribus et tiliis atque famulis egredie-  
rentur, irruere super eos repente Longobardi, et  
cunctos primates, qui intro in eadem civitate erant,  
interfecerunt, et prædam multam, tam de homi-  
nibus, quam de pecudibus abstulere, ferro et igne  
cuncta in circuitu devastantes. Sed et in finibus  
Romanæ Urbis, seu ceterarum civitatum multa  
mala ac deprædationes idem Desiderius perpe-  
trare jussit, etiam et castrum Utriculum occupare  
fecit.

16. « Unde sæpius alque sæpius ipse beatissi-  
mus præsul, tam per obsecrationis litteras, quam  
per missos eidem Desiderio direxit, deprecans  
eum, ut a talibus malis resipisceret, et eas quas  
abstulerat civitates redderet. Ille vero non solum  
ad eas quas ceperat civitates reddendas minime  
est inclinatus, sed nec ab eadem malitia recedere  
voluit, non cessans crudeliter multa atque immem-  
orabilia mala finibus Romanorum, ut dictum  
est, ingerere. Tunc præfatus sanctissimus Pontifex  
faciens accersiri præfatum religiosum abbatem  
venerabilis monasterii sanctæ Dei Genitricis siti  
in territorio Sabinensi cum viginti senioribus Dei  
servis monachis, direxit eos ad eundem Deside-  
rium deprecationis causa. Quibus ad eum prope-

rantibus (ut ipsi Dei famuli referunt) ejus pedibus provoluti coram judicibus Longobardorum cum lacrymis ex persona antefati vicarii beati Petri eum deprecantes, ut a tamis malis resipiseret, et præfatas civitates, quas abstulit, beato Petro redideret. Sed nequaquam ejus cor lapideum defletere valuerunt, siveque infructuosi ipsi Dei famuli reversi sunt.

« 47. Dirigens suos missos idem Desiderius ad antefatum beatissimum Pontificem, id est, Andream referendarium et Stabilem ducem, ut se cum eo loquendi fieret concessio. Quos suscipiens idem almificus pastor, ita his respondit, inquiens : Sic regi vestro de mea persona satisfacite, me vobis firmiter coram Deo omnipotente promittente, quia si prædictas civitates beati Petri, quas tempore meo abstulit, mihi reddiderit : continuo sive Ticini voluerit, sive Ravennæ, sive Perusiae, sive hic Romæ, vel etiam ubi illi placitum fuerit, ad ejus properabo præsenliam, et cum eo pariter me conjungam ad colloquendum quæ ad salutem populi Dei ultrarumque partium respiciunt. Et si forsitan de hoc dubitationem habet, me cum eo minime debere conjungi, postquam ipsas civitates reddiderit : si me cum ipso non coniunxero ad loquendum, licentiam habeat eas denuo occupandi. Nam si prius ipsas civitates non reddiderit, et justiliam nobis minime fecerit : sciat pro certo, quod nunquam meam videbit faciem. Unde ecce sequipedes vestros dirigere studebo meos missos ad eundem vestrum regem, qui easdem recipiant, si reddere voluerit, civitales. Et de præsenti, qua hora mei missi, receptis civitatibus, ad me hoc ipsum nuntianles reversi fuerint : continuo ad ejus, ubi voluerit, properabo præsentiam ad simul cum eo loquendum.

48. « Ipsi Longobardorum missis properantibus et ad suum revertentibus regem, direxit ejus beatitudo continuo ad eundem Desiderium regem suos missos ad easdem recipendas civitates, scilicet Pardum egumenum, id est, prefectum monasterii beati Sabæ, et Anastasium primum defensorum : præsentatique ejus obtutibus, et ipsi ad ejus pedes corruentes, lacrymis profusis eum deprecantes, ut antedictas redderet civitates, promittentes ei per Apostolicam auctoritatem sub jusjurandum quia si eas reddidisset, statim prænominalitus almificus Pontifex ad eum properaret proficisciendum ac loquendum pariter. Sed per nullam rationem ejus ferreum pectus, et durissimam mentem emollire potuere, nihilque recipientes, sine effectu reversi sunt.

« Tamen non desistebat antedictus Pontifex suos missos ad eum propter hoc ipsum dirigidum, tam de sacerdotibus, quam de singulis religiosi habitus ordinibus, sed nihil apud eum impetrare valuerunt. Sed potius permanens in sua iniquitate, multa civitatibus ac finibus Romanorum inferri faciebat ex omni parte mala. Sed et magnas comminationes dirigens eidem Hadriano

Pontifici, se cum universis Longobardorum exercitibus properaturum ad Romanam civitatem perstringendam.

49. « Pro quo nimio fletu ipse sanctissimus Pontifex cum suo populo positus, portas civitatis Romanæ claudi jussit, alias ex eis fabricari fecit (muro scilicet claudi), et dum in magna angustia et tribulatione consistenter, necessitate compulsus, direxit suos missos maritimmo itinere cum Apostolicis litteris ad excellentissimum Carolum a Domino protectum regem Francorum et patricium Romanorum, etc. » Hucusque res gestæ anni hujus. Quid autem ila furendo agit insanus ? nisi ut contra seipsum suumque regnum ad perendum id arma convertat ? in hoeque laboret et suet amens, quomodo regnum una cum omni gloria gentis Longobardorum, tanto tempore, tot bellicis laboribus partum, et sanguine fuso redemptum, penitus perdat, funditusque nunquam amplius restituendum convellat. Nonne ista declararunt eventa ? Ita plane : nec in hoc novissimo rege Longobardorum tantum, sed in aliis omnibus posterioribus principibus, qui impugnaverunt jura Ecclesiæ, factum produnt Annales. Adeo ut ex præteritis tuto quis ventura prænuntiet secundum illud Ecclesiastes<sup>1</sup> : « Quid est quod fuit ? id quod futurum est. Quid est quod factum est ? ipsum quod faciendum est ». Nempe fore, ut ipsi regno suo damnum inferant, qui regnum Dei (quod est Ecclesia) inseclantur et persequuntur. Petra est, quam dura fronte percutiunt ; silexque durissima, quam sic miseri appetunt, ut oppellant mortem. Quid igitur in seipsam male laborat earnis cæca prudentia incassum concutere petram, adversus quam nec angelicæ ipsi potentiae aliquid concession esse, divinitus facta Petro promissio declaravit, dicens : « Et portæ inferi non prævalebunt adversus eam ? » Sed reliqua prosequamur.

20. *Carolus vincit Saxones.* — Dum haec in Italia gererentur, ipse Carolus rex Francorum cognomento Magnus, adversus Saxones bellum gerebat, cui ad eos debellandos affuit divinum auxilium; sed quomodo id acciderit, in Vita ipsius Caroli annis singulis per periodos dierum festorum Natalis et Paschatis distincta haec leguntur : « Rex Carolus celebravit Natale in villa Actiniaco, et Pascha in Aristallio, deinde Synodum tenuit ad Warmatiam, et inde perrexit Saxoniam, et Eresburgum castrum cepit, pervenitque usque ad Ermensul, et ipsum fanum destruxit, et aurum et argentum, quod ibi reperit, abstulit. Fuitque siecitæ magna, ita ut aqua deficeret in supradicto loco, ubi Ermensul stabat. Et dum vellet ibi stare tres dies gloriosus rex ad destruendum fanum ipsum, et valde homines et jumenta sitirent, subita Christi gratia, media die, cuncto exercitu quiescente, apparuit eis torrens ebulliens salubres aquas, et cunctus exercitus et jumenta eorum

<sup>1</sup> Eccles. 1.

sufficienter recreati sunt : et tamdiu ebulliit aqua viva, donec fanum destructum est. Tunc Magnus rex Carolus super fluvium Wisoram veniens, ibi habuit placitum cum Saxonibus, et receptis obsidibus duodecim, reversus est in Franciam ». Ille ibi. Quae eadem hoc pariter anno habentur in veteri saepius citato Chronico rerum Francorum.

**21. Secundæ Synodi Wormatiensis statuta.** — Quod spectat ad Synodum, cuius nuper mentio facta est, hoc anno a Carolo Magno habitam in Wormatia, quæ et secunda ejus nominis est dicta, quod de ea in Francorum Capitularibus scriptum repetitur<sup>1</sup>, hic describemus ; sic enim se habet :

« De purgatione sacerdotum , qualiter Wormatiae secunda vice a domino Carolo et a suis tractata atque sopita est.

« Omnibus vobis tam præsentibus, quam futuri scire cupimus, quia ideo consulto Apostolice Sedis et omnium nostrorum episcoporum et reliquorum sacerdotum, atque maximie cunctorum fidelium nostrorum de purgatione criminorum sacerdotum tanta tractavimus, cumque eum testibus, sieut in anteriori Capitulari nostro continetur, fieri decrevimus, quoniam nesciebamus eamdem causam a beato Gregorio papa esse definitam. Nam cum Wormatiæ generalem conventum habuissimus, allata est nobis a Trichulfo Moguntiacensi metropolitano Epistola B. Gregorii papæ, in qua inter cætera continebantur hæc : De presbytero vero, vel quolibet sacerdote a populo accusato, si certi non fuerint testes, qui crimine illato approbent veritatem, iusjurandum erit in medio, et illum testem proferat de innocentiae suæ puritate, cui nuda et aperta sunt omnia, siveque maneat in proprio gradu. Ista vero omnia, quia vires nostras excedunt, in judicio episcoporum juxta canonicam sanctionem definienda relinquimus, ut hue quando orta fuerint, ita definire satagant, ut nec secundum sæculum, justam reprehensionem, nec penes Deum (quod absit) damnacionem, sed aeternæ beatitudinis, ipso auxiliante, qui omnia infucata præstat, præmia consequantur ». Hactenus capitulum secundæ Synodi Wormatiensis.

**22. Fragmenta Synodi in Bavaria celebratae.**

— Rursum vero hoc eodem pariter anno, qui et Tassilonis Bavariæ ducis numeratur xxii annus, eodem religiosissimo principe operante, celebrata est Synodus episcoporum in loco, qui ab accolis Dingoltinga dicebatur, ejus ex antiquo scripto codice membraneo accepimus fragmenta, quæ extant, a viro doctissimo æque et nobilissimo Marco Velsero Augustano, dum obrutam immensa iniustitate mersamque profunda ignorantia, atque offusam densa caligine Joannis Aventini heretici, nobilem Bavariæ historiam in lucem apertissimam suunam gloria vindicat. Tam dignum igitur Ecclesiastice antiquitatis monumentum hic tibi, lector, describendum putavimus ; sicuti in eodem reperitur

codice scriptum, cum tamen in multis appareat corrigendum : vetera enim, nonnisi temporis edacitate corrosa, sed non ob id spernenda, solemus accipere, quæ sic se habent :

23. « Ille sunt decreta, quæ constituit sancta Synodns, in loco, qui dicitur Dingolvingen, domino Tassilo (Tassilone) mediante.

« De die Dominico ita constitutum est, ut tali honore habeatur, sicut in lege scriptum est, et in decretis canonum. Et si quid (quis) præsumpscerit frangere contra legem, aut decreta canonum, tali poena subjaceat, sicut ibi scriptum est.

« De hæreditate quæ tradita est ad Ecclesiam, ita constituit, ut quisquis hæreditatem suam ad Ecclesiam ante donaverat, aut postea donaverit, si quid mutare voluerit, chartam suam habeat ita scriptam, ut locum, et tempus, et personam habeat, aut tribus testibus fidelibus et nobilibus testificetur. Si sacerdos non habeat chartam, nec testem, ut prædictimus, tunc, sicut in lege Bajoariorum et judex judicat, sic defendat.

« De eo quod episcopi juxta canones, et abbates monasteriorum juxta regulam viventes (vivant, aut viventes sint), ita constituit.

« De eo quod sanctimoniales (de sanctimoniis), quæ in servitio Dei sunt, ita constituit, ut nullus ausus sit in conjugium et matrimonium ducere, aut si quis ausus fuerit contra decreta canonum, ita componat sicut canones decreverunt.

« De eo quod jus ad legem, quam habuerunt in diebus patris sui, nobiles et liberi et servi ejus, ita donaverunt, ut firma fieret.

« De eo quod ut si qui de nobili genere de hæreditate sua dare (vellent) ad sanctuarium Dei, in sua potestate esset, nemo prohibuisset, nec mutaret in perpetuum.

« De eo quod ut servi principis, qui dicuntur Adelschalcæ (abundat) ut suam habeant Weregeldam, juxta morem, quem habuerunt sub parentibus, et cæteri minores Weregeldi juxta legem suam, ita constituit.

« De eo quod parentes principis quocumque præstitum fuisset nobilibus intra Bajoarios, hoc constituit, ut permaneret et esset sub potestate uniuscujusque relinquendum posteris, quandiu stabiles fœdere servassent apud principem ad servendum sibi, et hæc firma permaneret, ita constituit.

« De eo ut nullus hæreditate sua privetur nisi per tres causas quas (quæ) in pacto scribentur : propter homicidium, hoc est, ut quisquis hominem principis sibi dilectum occiderit, ob injuriam principis et ad calumniam, hominem componat secundum legem, tunc privetur hæreditate sua.

« De eo quisquis<sup>1</sup> mulierem nobilem acceperit in conjugium, et non præscivit, ita constituit, ut iterum libera esset, dimittat servum, et postea non redigatur in servitium, sed esset libera.

« De eo quod et si quis de quocumque reatu

<sup>1</sup> Cap. Franc. l. vii. c. 205.

<sup>1</sup> Servus, videtur deesse.

accusatus ab aliquo, potestatem accipiat cum accusatore suo pacificare, si voluerit, antequam pugnam, quæ Winhadine vocatur, permittat (permittatur).

« De eo quisquis de nobili genere deprehensus fuerit de illis **iv** (**m**) causis, de qua (quibus) supradiximus, si ille hereditate sua (ille hereditatis suæ) portionem pro illius criminis reatu perdat, uxor autem illius suo jure non privetur, ita constituit.

**24.** « De collaudatione, quam episcopi et abbates in Bajoaria inter se fecerunt, pro defunctis fratribus.

« In Christi nomine. Notitia qualem convenientiam gentis Bajoariorum episcopi et abbates inter se fecerunt, quorum nomina infra perarare stylo decrevimus: id est, Manno Nuvenpurgensis civitatis episcopus, Alim, Vigilius (Virgilius), Wiserich, Sintprecht, Ileres episcopi, Oportunus, Wolfpreht, Adalpreht, Ato, Uto, Lantfrit, Albune, Ruothart, Ernest, Reginpreht, Volchanhart, Perlkoch, Sigido, abbates. Ut eorum quis de hac luce migraret, unusquisque superstitione episcoporum, vel abbatum pro defuncto in domo sua episcopali, vel cœnobio e missas speciales, et eodem numero psalterio (psalteria) cantare faciat. Ipse vero de propria persona sua **xxx** speciales missas compleat, vel a religiosis sibimet subjeclis implere omnino prænotatum faciat numerum presbyteris, sive monachis, cum de hoc sæculo migraverint episcopus seu abbas, uno presbytero vel uno monacho **xxx** missas speciales, totidem psalteria faciant celebrari ». Post hæc mox in eodem codice ista subjiciuntur eodem, ut vides, ordine.

**25.** « De Concilio, quod dux Tassilo apud Dingoltingam celebravit.

« Regnante in perpetuum Domino nostro Jesu Christo, in anno vero **xxii** regni religiosissimi ducis Tassilonis gentis Bajoariorum sub die <sup>1</sup> consullem quod erat **H** id. Octob. atque anno ab Incarnatione Dominica **DCCLXXII**, Indict. **x**, divina præflatus inspiratione, ut omne regni Dei prænotatus princeps collegium procerum coadunaret, in villam publicam Dingoltingam nuncupatam, ut ibi tam regulare moderaret in sancto habitu cœnobium virorum et puellarum, quam episcopales moderaretur obsequias, insuper gentis suæ institutiones legum per primatos imperitos (primates et peritos), universa consentiente multitudine, quæ reperit diuturna (diuturnitate) vitiata, et quæ videbantur abstrahendo evellere, et quæ decretis placerent componenda, instiluerentur. Inter tot vero collegia sacerdotum, devolutis episcoporum et abbatum in præsentia paginis, regularis ordinis vitæ atque canonum normas vel decreta Patrum, nullis comprobare quiverant testimoniis, ut monachis parochiæ commendari deberent, vel publica baptismatis obsequia, nisi forte pro periculo mortis, et nihil

eorum impletent commorandi negotio, excepto (si) vicissitudinis villarum propriarum singulis annis obedientialibus curis commisso ab abbe proprio fuerit determinata. Unde ab universis abbatibus facta professio, ut minime titulis popularris se ingerere depellerentur, et hæc omnia, cui commissæ sunt plebes, sub potestate episcoporum permanuerent, sicut in sanctis Synodis, vel decretis priscorum Patrum peraraña comprobat conscriptio, ab episcopis vero simili modo, et nihilominus prælatis (prolatis) ponderaverunt sententiis, ut erga eos charitatis gererentur curæ, ita ut canonica auctoritas confirmat, et spiritualis concordia declarat. Hoc peracto Concilio, et ab universis uno ore confirmato, ut si quis de eadem institutione deviare præsumpserit, a collegio eorum alienetur, usque iterato examine, id est, publica Synodo.

**26.** « De popularibus legibus.

« Prænotatus princeps universo concordante collegio hic (sic) constituit, ut nullus a provincia sua mancipium limine (limite mancipium) venundare vel proprium, vel fugitivum præsumpserit, et si quis hoc decretum non observaverit, Weregeldo suo culpabilis pernianeret.

« Ut nullus furtivam rem, tam in equis et aliis quadrupedibus, quam in reliqua supellectilia, extra finem Bajoariorum venundare, vel machinis diabolicis extra minandi, insidiis tegi, ut si quis hoc præsumpserit, **xl** solidis componat in publicum. Ut si quis domum tam liber, quam servus altius (alterius) effoderit, et ibi occisus fuerit, sine compositione in sua damnatione permaneat. Si autem supellectilia abstulerit de eadem domo, et eo fugiente in curtem, vel extra curtem, hic cui damnum intulit, consequitur et interficerit, pari subjaceat sententia. Similiter qui liberum, vel mancipium suum furaverit, et cum comprehendere minime quiverit, et ibidem interficerit reum, superior permaneat sententia. Sed tamen ea genera trium homicidiorum, debita signa vicinis suis et his, qui assistunt, insignit.

**27.** « De pugna duorum, quod Winhadine vocatur, ut prius insortientur quam parati sunt, ne forte carminibus, vel machinis diabolicis, vel magis artibus insidiantur.

« Qui supradictæ pugnæ, quod Chamfovic dicimus, peracto judicio, se simili vindicta erigere contra querentem præsumpserit, sacramentum, quod Alteia dicitur, juret in Ecclesia, cum tribus nominatis sacramentalibus.

« De eo, quod Bajoarii Slapfsaken dicunt, in verbis, quibus ex vetusta consuetudine paganorum idolatriam reperimus, ut deinceps non aliter nisi indicat (ila dicat), qui querit debitum: Hæc mihi injuste abstulisti, quæ reddere debet (debes): reus vero contradicat: Nec hoc abstuli, nec componere debeo, iterata voce requisito debito dicat: Extendamus dextras nostras ad justum judicium Dei, et tune manus dexteræ uterque ad cælum extendat.

« Ut nullus furtivam rem suscipere, vel intra

<sup>1</sup> Fortasse Callisti, incidit enim prid. id. Octob.

terminum abscondere præsumat, qui hoc fecerit, XL solidis componat.

« Ut hi, qui dueali manu liberi dimissi sunt, ad eadem cogantur judicia, quæ Bajoarii Urtella dicunt.

« Ut hi, qui in Ecclesia libertatem conquirebant, deinceps tam ipsi, quam eorum posteritas in secura libertate permaneant, nisi forte ipsi sibi met insolubile damnum inferant, quod componere minime quiverint.

28. « Qui ex eis occidentur, pretium eorum his solvatur Ecclesiis, ubi liberi dimissi sunt. Liberi, qui ad Ecclesiam dimissi sunt liberi, vel per chartam acceperunt libertatem a rege, si occidantur, LXXX sol. componantur Ecclesiæ, vel filiis eorum, in Dominico XL sol. componantur. Si ancilla libera dimissa fuerit per chartam, aut in Ecclesia, et post haec servo nupserit, Ecclesiæ ancilla permaneat. Si autem libera Bajoaria servo Ecclesiæ nupserit, et servile opus ancilla contradixiterit, abscedat: si autem ibi filios et filias generaverit, ipsi servi et ancillæ permaneant, potestatem exinde (exeundi) non habeant; illa autem mater eorum, quando exire voluerit, ante annos in liberam habeat potestatem; si autem in annos induraverit opus ancillæ, et parentes ejus non exadomaverunt eam, ut libera fuisset, nec ante conitem, nec ante ducem, nec ante regem, nec in publico mallo, transactis tribus kalendis Martis (Martii), post haec ancilla permaneat in perpetuum, et quicunque ex eam natu fuerint, servi et ancillæ sunt.

« Qui furtivam, quod Zougenzunt dicitur, super forem comprobare nequiverit, furtivo componere.

« Qui resisterit domum suam, quod selischen dicunt, qualem rem querenti resistebat, tallem compon. in publico XL sol.

« Qui manuum immissionem resisterit, quod hantelod dicunt, XL sol. solvat in publico, et ipsam rem querenti reddat.

29. « De his, qui supradictis homiciis (homiciis)

debiis) debita morte in furto repertis (repertus), ut si quis hujus interfecti parentelæ eum, qui suo scelere captus est, vindicare tentaverit, a propria alode alienus efficiatur.

« Et si quis signum, quod est sigillum, in honoreaverit, vel hujuscemodi injuncta minime impleverit, prima vice arguetur, secunda XL sol. compon. in suum Weregeldum, iv exterminetur ab acto officio.

« Ut si quis judicium furti in bina, vel terna reprehensione non damnaverit, et eum diabolico lucro dimiserit, ut per eum quasi comparticeps spoliis pauperum ditarentur (ditaretur), tot sceleris (seelerum) quod (quot) commiserit ante oculos Dei et angelorum (reus) efficiatur, et nihilominus cui fraudem fecerit, quasi proprium compon. debitum. Ut si quis in virtute conjunctus, a conjugi propria adulterina separatus fuerit, ejusque ex cognitione conjugis propter eamdem dimissionem qui (quis) eum persequi tentaverit, a proprio alienantur patrimonio.

« Ut nullus post tonsuram capillos usu populari nutrire præsumat, nec velata, relicto velo saecularem habitum sumat, ut si quis, vel qua in hoc vitio reperti fuerint, aut corripiantur, aut excommunicentur ». Illeusque ea, que reperiri potuerunt fragmenta Synodi.

30. *Persecutio in Syria.* — Quod pertinet ad res Orientalis Ecclesiæ, Christiani populi degentes in Syria, subditi regi Sarracenorum Habdalke, persecutionem passi sunt ea occasione, quod cum idem rex Hierosolymam venisset religionis ergo, illuc promulgavit edictum, quo juberentur Christiani omnes atque Judæi inscribi manibus, quo a cæteris dignosci possent. Cujus rei causa factum est, ut complures Christianorum, cum eam ignominiam sustinere nullatenus vellent, ad Romanorum sese regiones transferrent, relictis bonis, quæ inter Arabes possiderent. Ista hoc anno Theophanes.

---

Anno periodi Graeco-Romanæ 6265.— Anno Aëra Hispan. 810.— Anno Hegiræ 156, inchoato die 2 Decemb., Fer. 4.— Jesu Christi 772

— Hadriani I papæ 1. — Constantini Copronymi 53 et 32. Leonis IV 22.

1. *Moritur Stephanus III PP.* — A num. 1 ad 6. *Stephanus III* hoc anno e vivis excessit, postquam sedisset annos tres, menses quinque, dies viginti septem, non dies viginti octo, uti in vulgato

Anastasio legitur. Tres enim Catalogi nostri et duo alii a Schelstratio in Appendice ad Antiquitatem Ecclesiæ pag. 629 et 631 publicali habent tantum dies viginti septem, uti Luitprandus et Codex Ms. Ana-

stasii Biblioth. Colbertinæ num. 417, et parte alia anno DCCLXVIII ordinatus fuerat die septima mensis Augusti. Quare mors ejus serius quam die secunda mensis Februarii contingere non potuit : cum inter omnes certum sit, *Hadrianum* natione Romanum consecratum fuisse die nona mensis Februarii, in quam hoc anno Dominica eadefebat. Anastasius, qui ait Sedem vacasse *dies octo*, diem emortualem Stephani III et diem ordinationis Hadriani in interponficio includit, siveque utrumque diem bis numerat, ut aliquando alibi. Bollandus ad diem primum mensis Februarii inter sanetos prætermisso notat Stephanum IV, qui vulgo III habetur, sanctum appellari, referique eo die a Ferrario, et et Octavio Cajetano, ab Hungone Menardo, eodemque Ferrario, et in kalendario Maclovii edito xxxi Januarii ; sed se needum apud eos, qui Vitas Pontificum scripsere, de cælestibus honoribus ei delatis quidquam sese legisse. At qui dies illos elegere, eum illis supremum diem obliisse perperam credidere, ipseque Bollandus hallucinatur, quando hunc Stephanum, vulgo II haberi tradit; revera enim tertius hujus nominis fuit, et ita vocatus est ab Anastasio et ab omnibus antiquis, a quibus sine fundamento Omuphrius et Baronius, et post hunc plerique recesserunt; cum quem Stephanum II appellant, nunquam ordinatus fuerit; ideoque nec Pontifex Romanus dici possit. Denique Mabillonius tom. II Musei Italici pag. 38, ait ad IV nonas Martii in vetustissimo kalendario Gellonensi, quod tempore Caroli M. scriptum est, legi : *Adriani Romani episcopi ordinatio*. Verum neque Adrianus I, cuius ibidem Vitam recitat, neque duo sequentes ejusdem nominis Pontifices die quarta mensis Martii ordinati sunt; ideoque haec ordinatio alio quam contingit die huic Martyrologio inscripta, cuius rei exempla variis hujus criticae locis indicavimus.

2. *Desiderius rex Langobard. Pontificem Rom. vexat*. — A num. 6 ad 20. Gravissimum fuit hoc anno *Hadriano* papæ eum *Desiderio* Langobardorum rege dissidium; hic enim, ut de *Carolo* Francorum rege, qui divertium cum filia ejus *Desiderata* fecerat, ultiō sumeret, *Gilbergam* Carolum regis conjugem ejusque filios in fidei suscepit, eosque adversus *Carolum* regem per novum Pontificem consecrari reges tentavit, ut compos voti factus, aut *Carolum* ab amicitia Pontificis alienaret, aut bello civili eamdem causam in Francia concitato facilius Romam subigeret. Legatos itaque pro renovando fœdere ad *Hadrianum* papam misit, eumque ad colloquium sollicitavit. *Hadrianus* sese nuntios pro transigendo negotio missurum respondit, sed *Desiderius* hoc responso se delusum ratus exercitum in exarchatum et in Pentapolim, duobus mensibus novi Pontificatus nondum exactis, misit. Frequentes hinc inde susceptæ postea legationes, tandemque *Desiderius* minatus est Urbem sese hostiliter obsessurum. *Hadrianus* haec *Carolo* significavit, et *Desiderium* velle sese cogere ad inungendos Carolo-

manni filios, quæ pluribus ex Anastasio Baronius narrat.

3. *Bellum Saxonum a Carolo rege suscep-tum*. — Ad num. 20. Eginhardus in vita Caroli M. narrato bello Langobardico ad Saxonum hoc anno inchoatum orationem convertit: « Post ejus finem, Saxonum, quod quasi intermissum videbatur, repetitum est, quo nullum neque prolixius neque atrocius, Francorumque populo laboriosius susceptum est, quia Saxones, sicut omnes fere Germaniani incolentes nationes, et natura ferores, et cultui dæmonum dediti, noslæque religioni contrarii, neque divina neque humana jura vel polliuere vel transgredi in honestum arbitrabantur. Suberant et causæ, quæ quotidie pacem conturbare poterant, termini videlicet Francorum, et illorum pæne ubique in plano configui, præter pauca loca, in quibus vel sylvæ majores, vel montium juga interjecta, utrumque agros certo limite distinguit, in quibus cædes et rapinae et incendia vi-cissim facere non cessabant. Quibus adeo Franci sunt irritati, ut non jam vieissitudinem reddere, sed apertum contra eos bellum suscipere dignum judicarent. Susceptum est ergo adversus eos bellum, quod magna utrinque animositate, tamen majori Saxonum quam Francorum damno per continuos triginta tres annos gerebatur ». Et paulo post hæc subjungit: « Plures eo bello tam ex nobilitate Francorum, quam Saxonum, et functis summis honoribus viris, consumpti sunt : tandemque anno trigesimo tertio finitum est. Cum interim tot ac tanta in diversis terrarum partibus bella contra Francos et exorta sint et solertia regis administrata, ut merito intuentibus in dubium venire possit, utrum in eo aut laborum patientiam, aut felicitatem potius mirari conveniat. Nam biennio ante Italicum hoc bellum sumpsit exordium, et cum sine intermissione gereretur, nihil tamen ex his, quæ alicubi erant gerenda, dimissum, aut ulla in parte ab æque operoso certamine cessatum est ». Cointius hoc anno num. 7, dicit falli Eginhardum, cum bellum Saxonum susceptum asserit, *biennio ante Italicum*, quod certum est ad annum sequentem pertinere, indeque deducit, Eginhardum non esse auctorem Annualium, qui eidem vulgo attribuuntur, quod in iis ad annum DCCLXXII de bello Saxonico, de Italicó vero anno insequentि agatur. Verum non advertit vir doctissimus, historicos, *biennii* nomine, duos annos Julianos incompletos sœpe intelligere, et rem tribus posterioribus anni mensibus inchoatam et prioribus insequentis anni mensibus absoluam, intra biennium aut intra annos duos confectam esse non raro asserere. Quod identidem inveniendum duxi, quia video viros eruditissimos ad eundem lapidem quotidie offendere. Cointius, qui Annales illos monacho anonymo Laureshamensi adscribit, anno sequenti num. 127 et seqq. varia alia loca ex Vita Caroli M. et Annalibus Eginhardo attributis in medium adducit, ut ostendat utrumque opus non esse unius ejusdemque au-

eloris, et Annales illos appellandos esse *Laures-hamenses*. Verum cum eorumdem auctor ignoretur sub Eginhardi nomine semper eos citabo, quod hic indicare sufficiat. Certe Annales illi magnæ sunt apud viros doctos auctoritatis, et ab Odilone monacho Medardensi in lib. de Translat. reliquiarum *S. Sebastiani* martyris et *S. Gregorii papæ*, quæ facta fuit anno DCCCXXVI, Eginhardo tam Annales, quam Vita Caroli M. adscribuntur. *Odilo* autem cum libellum scripsit initio sæculi X, ut notat Mabillonius sæc. IV Benedict. part. I, ubi illum recitat. Lambeinus tom. II Biblioth. Cæs. lib. 2, cap. 5 scribit, in Bibliotheca Cassarea extare Ms. ejus exemplar Vilæ Caroli M. subjectum, indeque deducit utrumque opus fænum esse ejusdem Eginhardi. Sed vana haec illatio; cum in uno eodemque Codice diversorum auctorum opera descripla reperiantur.

4. *Primus annus belli Saxonici*. — Poeta Saxonius, qui Eginhardi Historiam versibus mandavit, Saxones in tres distinguit populos, eosque non uni regi seu dynastæ, sed ducibus, sive, ut loquitur Beda lib. 5, cap. 2, *satrapis* subjicit adeo multis, ut singuli pagi snos duces seu satrapas habeant. *Ostphalos* in Orientali parte collocat, in Occidentali *Westphalos*, *Angarios* inter utrosque, atque ut Saxonum gentem Francis versus Meridiem conterminam agnoscit; sic et ei limiteum versus Septentrionem tribuit mare Balticum, quod licentia poetica Oceanum appellat. Eginhardus vero in Annalibus gesta hoc anno in bello Saxonico his verbis narrat: « Rex Carolus congregato apud Wormaciam generali conventu, Saxoniam bello aggredi statuit, eamque sine mora ingressus terro et igne cuncta depopulatus Eresburgum castrum cepit, idolumque, quod Irminsul a Saxonibus vocabatur, evertit. In cuius destructione cum in eodem loco per triduum moraretur, contigit, ut propter continuam cœli serenitatem, exsiccatis omnibus illius loci rivis ac fontibus, aqua ad bibendum inveniri non posset. Sed, ne diutius siti confectus laboraret exercitus, divinitus factum creditur, ut quadam die cum juxta morem tempore meridiano cuncti quiescerent, prope montem, qui castris erat contiguus, tanta vis aquarum in concavitate eujusdam torrentis eruperit, ut exercitu cuncto sufficeret. Tunc rex idolo destructo ad Wiseram fluvium accessit, ibique a Saxonibus XII ob-sides accepit. Inde in Franciam reversus ». Spemannus idolum illud *Irminsul* seu *Irmensul* appellatum his verbis explicat: « Mespurgi fanum et idolum, quod *Irminsul* appellavere, coluerunt, Ersberg dictus est mons, in quo fanum illud stebat. Quidam interpretantur Mercurii statuam; is enim Hermes dictus est. Sed obtinuit Martis honor, ut nunc *Mersborg* vocetur. Nonnulli *Irmensul* interpretantur statuam publicam. Conjici permittitur dictam *Idermansul*, quasi communie perfugium et asylum omnium, et Martem communem, qui in prælio diu vagatur incertus, diu dubius,

quo ponat victoriam. Erat armata tolo corpore effigies, cuius in dextra signum militare (nostri vexillum vocant) preferens rosam, cuius breve momentum, et facilius ortus et interitus, ita eventus preliorum. In sinistra libram expendit, dubiam pugnantium sortem facile hinc aut illuc inclinantem. In clypeo leo, qui bestiis imperitat, invictum ad fortia facta impetum monstrat, floribus concito campo, in quo stebat, quod nihil juvendius videri solet fortibus, quam in acie virtutem ostendere ».

5. SS. *Lebuinus et Sturmio Saxonum conversionem tentant*. — Huebaldus monachus Elnoensis, qui componit Vitam sancti *Liafwini* presbyteri, seni *sancti Lebuini*, floruitque tempore Caroli Calvi imp. cui aliquot versus dicavit, refert Saxones singulis annis generale Concilium, in media Saxonia securus flumen Wiseram, celebrare solitos fuisse, et *Lebwinum* hoc anno, ut videtur, conventum illum adiisse, sibique a Deo creatore cœli et terræ, ut ea legatione fungeretur, mandatum esse, asseruisse: « Ecce enim », inquit Lebuinus, « haec sententia oris ejus, quæ est immutabilis, prænuntio vobis, quia nisi his monitis obtemperaveritis, jam celerrime veniet vobis malum inopinatae tribulationis. Praordinavit namque rex cœlorum omniumque sœulorum regem fortem, prudentem, et acerrimum (neimpe Carolum) non de longinquio, sed de proximo, instar torrentis rapidissimi, properantem ad emolliendam duri cordis vestri ferocitatem, et comprimentam rigidæ cervicis contumaciam. Qui vehementi impetu vestram aggrediens regionem gladio, vastitate, incendio, et exterminio cuncta depopulabitur, et ut vindex iræ Dei, quem semper exacerbatis, vos quidem parlim mucrone concidens perimet, partim egestate tabescere faciet, partim perpetui exilii mœrore consumet. Talia beato viro propheticæ spiritu præconante, etc. ex proximis sepibus palos rapiunt, defruncant, et exaequunt; ut veluti assolet fieri lapidibus, sic eum illis sudibus perimerent ». Addit Huebertus, cum Deus de manibus eorum virum sanctum mirabiliter eripuisse, unum ex Saxonibus ceteris honoratiorem omnes hortatum esse, ut legatum mandata vitæ ac salutis deferentem cum pace susciperent, ne quæ comminando prophetaverat ventura, experirentur nimium vera, et communis consensu decretum esse, « ne a quoquam impeteretur ille Dei nuntius, sed quocumque vellet ire, absque ulta laesione pergeret securus ». Dum tamen bellum feliciter a Carolo gerebatur, Westphali qui Daventriæ, quo Lebuinus venerat, proximi erant, Ecclesiam illie nuperrime constructam igni succenderunt: « Irruunt », inquit Huebaldus, « et apposito igne Ecclesiæ domum concremant, et quoscumque Christianos ibidem reperiunt, ab eodem loco insectando longius proturbant ». Directi et alii in Saxoniam viri Dei, qui populum edocerent baptizarentque, quod Egiles in Vita sancti Sturmionis abbatis Fuldensis de isto sancto testatur: « Pars maxima beato Sturni populi et terræ illius,

ad procurandum committitur. Suscepit igitur prædicationis officio, etc. saeris eos sermonibus docebat, ut idola et simulacra derelinquerent, Christi fidem susciperent, deorum suorum templa destruerent, lucos succiderent, sanctas quoque Basilicas aedificarent ». Legenda etiam Vita S. Luidgeri episcopi Monasteriensis ab Altfrido episcopo exarata, in qua agitur de missione S. Lebuini.

6. *Synodus Wormatiensis*. — Ad num. 21. « Carolus rex mitissimus Synodum tenuit ad Wormatiam, et inde perrexit partibus Saxonie », inquit annalist Bertinianus aliquis hoc anno. Quid in ea Synodo statutum fuerit, incomptum. Baronius quidem ad illam refert Decretum *de purgatione sacerdotum*, quod extat lib. 7 Capitularium pag. 203, quod integrum recitat. Verum cum eo in Decreto mentio sit *Riculfi* episcopi Moguntini, qui sancto Lullo anno tantum 727 in episcopatum Moguntinensem successit, Decretum illud ab aliqua alia Synodo Wormatiensi post illum annum celebrata conditum fuit.

7. *Epocha Concilii Dingoltingensis*. — A num. 22 ad 30. Concilium Bavoricum apud *Dingoltingam* celebratum, ad nos integrum non pervenit, sed potius ejus fragmentum a Marco Velsero e tenebris erutum. Cumque nullus temporis character in eo exprimatur, sed tantum nomen *Tassilonis* Bajoariæ ducis, annus quo celebratum fuit, certo sciri non potest. Quod enim tom. vi Concil. pag. 1796, post xiv ejus Capitula subjungitur, hujus Concilii Appendix tantum est, ut hæc verba Velseri in ejus fronte posita manifeste indicant : « Post hæc mox ista subjiciuntur eodem, ut vides, ordine ». Quare Appendix ab his verbis inchoatur : « De Coneilio quod dux Tassilo apud Dingoltingam celebravit ». Is itaque anonymous summarie narrat gesta in hoc Concilio ; sed qua aetate vixerit, et an usum suo seculo receptum, vel illum, qui hoc tempore usurpabatur, secutus fuerit, in Indictione inchoanda, prorsus incertum. Ad hæc hic locus manifeste corruptus : « Sub die consulem, quod erat II idus Octobris, atque anno ab Incarnat. Dominica 727, Indictione x ». Imo ejus capitula variis in locis depravata, ut stellulæ demonstrant. Quare neque ex Capitulis, neque ex Appendice aliquid certi erui potest, ex quo possimus venire in cognitionem initii *Indictionum* ante Caroli Magni mortem. Jam anno 727 insinnavimus, *Indictionem* in Gallia, Germania, et Anglia ante Caroli Magni, seu potius Ludovici Pii ejus filii mortem a die xxiv mensis Septembri inchoatam fuisse, sed nullum exemplum ostendere, vel in illis regionibus, vel in aliis eam a kalendis Januariis initium sumpsisse, indeque eruo hanc Appendicem, in qua Indictio x a kalendis Januariis reperitur, scriptam esse post mortem Ludovici Pii, quia ab eo tempore Indictionum exordium variare coepit, ut suo loco videbimus. Annus tamen et dies celebrati Concilii certi sunt.

8. *Illud hoc anno celebratum*. — In ea enim

Appendice, loco, *sub die consulem*, legendum cum Baronio num. 25, *sub die Callisti*; natale enim sancti Callisti papæ et martyris incedit in diem II idus Octobris. Ad hæc in eadem dicitur Concilium congregatum « in anno xxii regni religiosissimi ducis Tassilonis gentis Bajoariorum ». Baronius loco citato retinet annum 727 Tassilonis; verum plerisque membranæ annum 727 hujus principis repræsentant, ut videre est apud Hundium tom. I metrop. Salisburg. in additionibus ad episcopos Petavienses, ubi hujus Concilii Acta leguntur, idque recte; Tassilo enim anno 727 Odiloni patri successit, uti colligitur ex Vita sancti Rudberti episc. Salisburgensis a Canisio edita, in qua habetur : « Anno Incarnat. Domini 727, dedicata est primo Ecclesia sancti Rudberti a sancto Virgilio, anno xxvi regni Tassilonis ducis. Eodem anno transtulit idem episcopus S. Rudbertum, et duos ejus capellanos, beatum Kunialdum atque Gisilarium, nempe VIII kal. Octob. » Si enim an. xxvi Tassilonis ducis in cursu erat mense Septembri anni 727, et annus hujus principis 727 mense Octobri presentis Christi anni in Bajoaria numeratur, profecto anno 727 Bajoariæ regimen suscepit, currenti annum 727 principatus sui absolvebat, ac 728 inchoabat, annoque Christi sequenti vicesimum quintum finiit, et vicesimum sextum auspicatus est; ideoque Cointius an. 727, num. 8, perperam contendit Concilium Dingoltingense ad illum Christi annum pertinere; nec melius scribit Mabillonius sœc. III Benedict. part. 2, in Elogio historico Tassilonis Bajoariæ ducis, in Actis ejusdem Concilii reponendum esse, anno xxvi regni Tassilonis, loco, anno regni Tassilonis 727, quod Hundius citatus asserat, annum illum legi in nonnullis Codicibus MSS. Annus quippe 727 Tassilonis ducis conjungi non potest cum anno Incarnationis 727, quem retinendum esse ipsem Mabillonius recte supponit.

9. *Episcopi, qui ei interfuerunt*. — Huic Synodo præter episcopos sex et abbates tredecim, adfuere quoque proceres Bajoarici de rebus politicis acturi; ideoque ejusdem Synodi Decreta num. XIV, partim res Ecclesiasticas, partim res civiles spectant, ut videre est tam apud Baronium, quam tom. VI Concil. Sex episcopi sunt *Alimus*, qui in Sabionensium episcoporum Catalogo locum XXII occupat. Erat *Sabiona* civitas ad Eysocum fluvium, tunc nobilis, cuius nunc rudera inter Oenipontem et Bozanum conspiciuntur. Sedes episcopalis *Brixinam* translata est a sancto *Albuino*, cuius episcopatus in annum millesimum incedit. Paruit primum *Sabiona* patriarchæ Foro Juliensi, sed deinde metropoli Bajoarie subdita fuit. *Hisericus* fuit V episcopus Pataviensis; *Sindberthus* seu Syntprecht tertius Ratisponensis; *Heres* idem est ac *Arabo*, episcopus Frisingensis quartus; *Virgilius* quintus episcopus Salisburgensis; *Maino* Navempurgensis civitatis, id est, Neoburgeusis ad Danubium primus et ultimus episcopus, ut prodit Brunnerus lib. 5. Diœcesis

magna Augustanae Vindelicæ conjuncta est et inserta. Haec de episcopis hujus Concilii.

10. *S. Willehadus Evangelium in Frisia prædicat.* — Hoc circiter anno *sanctus Willehadus*, qui postea primus Bremensis episcopus fuit, e Northumbria prædicandi Evangelii causa in Frisiā venit, ut colligitur ex ejus Vita a sancto Anchario Bremensi archiepiscopo litteris mandata saeculo nono, et a Mabillonio sive. in Benedict. part. 2 recitata. In ea enim cap. 1 dicitur, *Willehadum*, cum acceperisset, « quod Fresones atque Saxones populi hactenus increduli atque pagani, relicta idolorum cultura, tidei Catholicae quodammodo jam cœpissent ambire ministeria », accessisse ad Alchredum regem Northumbrorum, et ab eo ad prædicta loca prædicandi verbum Domini causa destinatum esse. Quare cum *Alchredus*, seu *Alredus* anno **DCCLXV** regnare cœperit, annoque **DCCLXXIV** regno pulsus fuerit, adventus *Willehadi* in Frisiā hoc circiter tempore contigit. Neque enim audidus Psendo-Marcellinus, qui scribit, eum fuisse socium SS. Willibrordi et Suidberti, nec Adamus Bremensis canonicus, qui Vitam ab Anchario scriptam in Epitomen rediget, et initium prædicationis *S. Willehadi* in Frisia desumit ab anno martyrii

sancti Bonifacii ; exordium enim Alredi regis recte consignatum eum falsum esse demonstrat. Cum vero Ancharius cap. 7 asserat, *Willehadum* biennio fuisse inclusum in monasterio Asternaco, quod sanctus Willibrordus Benedictinis institutis informaverat, appareat eum eadem instituta professum esse. Venit itaque in Frisiā ad locum, ubi *sanctus Bonifacius episcopus jam olim martyrio coronatus fuerat*, ad oppidum nempe *Docken*, positum ad Burdinem annem, ubi « plurimi nobilium infantes suos ipsi ad erudiendum ibidem tradiderunt, et Gentilium quoque quamplurimam catervam verbo sanctæ prædicationis instruelam ibidem baptizavit ». Post haec venit in *Drenterlant*, qui locus hodie *Drente* dicitur, ubi etiam plurimi cœperunt « errores Gentilium odio habere, et Christianam quam profitebantur religionem devota intentione venerari ». Quomodo postea Carolus rex, « qui jam multoties in gente Saxonum elaboraverat », *Willehadum* ad eos convertendos accersierit, suo loco dicemus.

Epistola *Alcuini* ad Hadrianum papam a Baronio in Appendice ad hunc annum recitata, pertinet ad annum **BCCXCIV**, ut ibi ostendemus.

*t. Desiderio iniqua magis magisque moliente, legationes inter papam et Carolum Magnum, qui in Italiam venit res compositurus.* — Qui sequens incipit annus Redemptoris septuagesimus septuagesimus tertius, Indictione notatur undecima, quo laborans Hadrianus papa infestatione Desiderii regis Longobardorum, legationem misit ad Carolum regem Francorum, de qua haec apud Anastasium Bibliothecarium leguntur : « Dum in magna angustia et tribulatione Hadrianus papa consistenter ob Desiderium scilicet Romanæ Ecclesiæ civitates invadentem, necessitate compulsus direxit suos missos marino itinere cum Apostolicis litteris ad excellentissimum Carolum a Deo protectum regem Francorum et patricium Romanorum, deprecans ejus excellentiam, ut sicut ejus pater sanctæ memoriae Pipinus, et ipse succurreret ac subveniret sanctæ Dei Ecclesiæ et afflictæ Romanorum seu

exarchatus Ravennatum provinciæ, atque plenarias beati Petri justitias et ablatas civitates ab eodem Desiderio rege exigeret ». Sed et ipse perfidus Longobardorum rex legationem misit ad eundem Carolum regem, qua significaret se cuncta quæ ad Sedem Apostolicam pertinerent, reddidisse. Hæc idecirco, ut eum delineret, ne cum exercitu influeret in Italiam. Sed quæ interea in ipsam Romanam Ecclesiam idem Desiderius egerit, ab Anastasio sic accipe :

2. « Interea vero dum per nullam occasionis versuliam potuisset idem malignus Desiderius persuadere antefatum saetissimum Pontificem ad se deducendum, ut antefati Carolomanni regis filios ungeret; et ipsum almificum Pontificem a charitate et dilectione sæpe fati Caroli Magni regis separare voluisse : tunc cum pertinacia et audacia egressus a suo palatio cum Aldegiso proprio filio

et exercitu Longobardorum, deferens secum et uxorem et filios saepe dicti quondam Carolomanni, necnon et Autcharium, qui ad eum (ut dictum est) fugam arripuerant, huc Romam properare nitebatur sine conscientia antedicti Pontificis, dirigens suos missos, scilicet prænominatum Andream reffendarium, et alios duos cum suis judicibus, ejus adventum denuntiantes. Quibus Romanam pervenientibus, præsentatisque Apostolicis obtutibus, tale eis reddidit responsum : Quod nisi (ut jam ille promisit) reddiderit beato Petro civitates illas, quas sub meo tempore abstulit, et plenariam parti nostræ fecerit justitiam ; nullo modo sit illi necesse fatigationem sumere : quia minime fieri potest, me prius cum illo præsentari.

3. « Suscipiens vero idem Desiderius hoc responsum, nequaquam exinde repedavit, sed versus Romanum earpebat iter. Cujus jam adventum approximantem recognoscens sanctissimus ipse præcipuus pastor, aggregans universum populum Tusciae et Campaniae et dueatus Perusini, et aliquantos de civitatibus Pentapoleos, munivit hanc civitatem Romanam, omnesque parati erant, ut si ipse rex adveniret, fortiter cum Dei auxilio et beati Petri, fulti orationibus prædicti sanctissimi præsulis, illi resistere. Tunc Ecclesias beatorum Petri et Pauli fecit exornare (hoc est, ornamenti nudare) ejus sanctitas, et cuncta earum cymilia et ornatus in hanc civitatem Romanam introduci, claudi faciens omnes januas Ecclesie beati Petri, et deintus ferris supponi ac muniri jussit, ut si ipse protervus rex sine licentia et permisso Pontificis advenisset, minime addictam Ecclesiam facultatem introeundi haberet, nisi brachio, ad suæ animæ interitum, ipsas confringeret januas.

4. « Dumque haec omnia disposuisset, exemplo facto in scriptis anathematis verbo, direxit eidem Desiderio regi tres episcopos, id est, Eustatium Albanensem, Andream Prænestinum, et Theodosium Tiburtinæ civitatis, protestans eum in eodem obligationis et execrationis verbo, et adjurans per omnia divina mysteria, ut nullo modo fines Romanorum sine ejus absolutione ingredi atque conculcare præsumeret neque ipse, neque quispiam Longobardorum, sed nec Autcharius Franco. Suscepito itaque eodem obligationis verbo per antefatos episcopos ipse Longobardorum rex, illico cum magna reverentia a civitate Viterbiense confusus ad propria reversus est ».

Vidisti, lector, grande miraculum, ut potuerit excommunicationis vis continere furentem regem, ejusque atque suorum impetum coercere, torrentemque exundantem, obice opposito, retrorsum convertere. Tanta erat etiam apud impios et injustos de excommunicationis sententia timor, quæ e Petri cathedra, velut Dei throno instar<sup>1</sup> fulminis, immitti solet magno tonitru.

Ilic recitant alii quoddam edictum ejusdem

Desiderii regis de nomine Viterbiensis civitatis et alias, quæ cum nullatenus nobis probentur, libenter omittimus : multa enim habet, quæ non constant, nec constare possunt.

5. Quæ autem interea per legatos in Gallias a Pontifice missos ad Carolum Magnum facta sint, dicamus. Etenim ubi idem Carolus missos legatos a Romano Pontifice audivit, non statim de inferendo bellum Desiderio regi consilium iniit, sed de legatione ad eum mittenda, quæ cognosceret, si quæ debebat Apostolice Sedi (ut per legatos suos significaverat) reddidisset. Sed quid hac sua legatione Carolus egerit, Anastasius ita tradit : « Post hæc, inquit, conjunxerunt (pervenerunt scilicet) ad Sedem Apostolicam missi sæpe dicti Caroli excellentissimi regis Francorum et patricii Romanorum, id est, Georgius sanctissimus episcopus, Gulgardus retigiosus abbas et consiliarius, seu Albinus deliciosus ipsius regis, inquirentes si præfatus Longobardorum rex sublatas civitates et omnes justitias beati Petri reddidisset, sicut false in Franciam dirigens, asserebat se omnia reddisse : et satisfacti sunt præsentialiter, nihil ab eo redditum fuisse.

« Quibus referens idem præcipuus Pontifex cuncta quæ gesta erant, eos in Franciam absolvit renneandos, dirigens cum eis suos missos ad præfatum excellentissimum Francorum regem cum Apostolicis admonitionum syllabis, adjurans eum fortiter, ut ea quæ beato Petro cum suo genitore sanctæ memorie Pipino rege pollicitus est adimpleret, et redemptionem sanctæ Dei Ecclesie perficeret, sed universa, quæ ablata sunt a perfido Longobardorum rege, tam civitates quam reliquias justitias, sine certamine reddere B. Petro principi Apostolorum faceret.

6. « Ipsi itaque Francorum missi properantes cum Apostolice Sedis missis, declinaverunt ad prænominatum Desiderium : qui et constanter eum deprecantes, adhortati sunt sicut illis a suo rege præceptum extitit, ut antefatas quas abstulerat civitates pacifice B. Petro redderet, et justitias parti Romanorum faceret. Sed minime quicquam eorum apud eum obtinere valuerunt, asserens se minime quicquam redditurum. Accepto itaque responso hoc, reversi sunt ipsi antefati missi, qui subtilius cuncta referentes, et de maligno proposito prænominati regis Desiderii annuntiantes antefato excellentissimo et a Deo protecto Carolo Magno regi : confessim idem mitissimus et revera Christianissimus Carolus Francorum rex direxit eidem Desiderio suos missos, id est, deprecans, ut easdem, quas abstulerat, redderet civitates, et plenarias parti Romanorum faceret justitias, promittens insuper ei tribui quatuordecim millia auri solidorum quantitatem in auro et argento. Sed neque precationibus, neque muneribus ejus ferocissimum cor flectere valuit. Nihil enim obtinentes ipsi missi Francorum, ad præfatum suum Christianissimum regressi sunt regem.

<sup>1</sup> Apoc. iv.

7. «Tunc aggregans is ipse a Deo protectus Carolus Magnus rex universorum regni sui Francorum exercitum multitudinem, atque ad occupandas Clausas aliquos ex suo exercitu dirigens, ipse quoque cum plurimis fortissimis bellatoribus Francis per montem Cinisium ad easdem approxinavit Clausas; et remotus in finibus Francorum cum suis exercitibus resedit. Jam vero dictus Desiderius et universa exercitum Longobardorum multitudo ad resistendum fortiter, in ipsis Clausis assistebant, quas fabricis et diversis materialiis nunire nisi sunt». Quis speraret unquam ejusmodi Clausas instar Thermopalarum, vel Caspiarum portarum adeo munitas irrumpi potuisse per Francos, obice praesertim tanto Longobardorum exercitu? At nihil impossibile vel difficile illi, quem Deus exercitum antecedit. Carolo enim Christianissimo Francorum regi, tanquam Cyro, Deus ad res arduas magnasque viam semper aperuit, cum vindicem ipse egit Ecclesiae, id illi praestans, quod fuerat eidem Cyro pollicitus, dicens<sup>1</sup>: «Subjiciam ante faciem ejus gentes et dorsa regum vertam, et aperiā eoram eo januas et post non claudentur. Ego ante te ibo, et gloriosos terrae humiliabo, portas aeras conteram, vectes ferreos confringam». Ita plane Deus ostia patefecit Alpina, adaperiens manu sua januas clausas. Illud etiam praestans, quod ait per Moysem<sup>2</sup>: «Nullus stabit contra vos, terrorem vestrum atque formidinem dabit Dominus Deus vester super omnem terram, quam calcaturi estis». Sed quomodo ista facta sint, ex eodem auctore Anastasio audiamus, qui ait:

8. «At vero qua hora praeponitus Christianissimus Francorum rex ad easdem approximavit Clausas: illico suos denno missos ad præfatum direxit Desiderium, deprecans sicut pridem, ut quantitatem prædictorum solidorum susciperet rex, et easdem pacifice redderet civitates: sed nequaquam penitus acquiescere voluit. Et dum in tanta duritia protervus ipse permaneret Desiderius rex, cupiens antedictus Christianissimus Francorum rex pacifice justicias B. Petri recipere, direxit eidem Longobardorum regi, ut solummodo tres obsides Longobardorum judicium filios illi tradidisset pro ipsis restituendis civitatibus, et continuo sine ulla inserta militia, aut commisso prælio ad propria cum suis Francorum exercitibus reverteretur. Sed neque sic valuit ejus malignam mentem fleetere.

«Unde omnipotens Deus conspiciens ipsius maligni Desiderii iniquam perfidiam et intolebarem proterviam, dum vellent Franei alio die ad propria reverti, misit terrorem et validam trepidationem in cor ejus, atque fitii ipsius Allegisi scilicet, et universorum Longobardorum, et eadem nocte dimisis propriis tentoris atque omni supellectile, fugam omnes generaliter, nemine eos

perseguente, arripuerunt. Quod cernentes exercitus Francorum persecuti sunt eos, et plures ex eis interfecerunt: ipse vero Desiderius quantoctius cum suis iudicibus et multitudine Longobardorum se intra civitatem Ticinum recludi studuit. Et muniens muros ipsius civitatis ad resistendum Francorum exercitibus, et propriam defendendam civitatem cum suis Longobardis se præparavit. Aldegisus vero ejus filius assumens secum Anticharium Francum, et uxorem atque filios sœpe dicti Carolomanni, in civitatem quæ Verona nuncupatur, pro eo quod fortissima præ omnibus civitatibus Longobardorum esse videretur, ingressus est.

9. «Porro Longobardi reliqui dispersi in proprias reversi sunt civitates. Nam Spoletini et Reatini, et aliquanti eorum niles personæ, antequam Desiderius et Longobardorum ejus exercitus ad Clausas (Clusas) pergerent, illi ad beatum Petrum confugium facientes, prædicto sanctissimo Hadriano papæ sese tradidere, et in fide ipsius principis Apostolorum, atque prædicti sanctissimi Pontificis jurantes, more Romanorum, tonsurati sunt». Erat hoc signum defectionis a Longobardis, cum quis mere Longobardorum erines solutos habens, eosdem more Romano capillos attonderet. Pergit auctor:

«Etiam et reliqui omnes ex eodem ducatu Spoletino inhibanter desiderabant se tradere in servitium beati Petri sanctaque Romanæ Ecclesiae, sed metuentes suum regem, hoc nequaquam ausi sunt perpetrare. Unde dum a Clausis fugam arripuerint, omnibusque exinde de diversis civitatibus ducatus Spoletini reversis, confessim generaliter ad almifidum Pontificem confluentes advenere, ejusque provoluti pedibus, obnixe ter sanctam ipsius beatitudinem deprecati sunt, ut eos in servitium beati Petri, sanctaque ejus Romanæ Ecclesiae susciperet, et more Romano tonsurari faceret.

10. «Quos suscipiens, profectus est cum eis in Ecclesiam beati Petri; et omnes unanimiter a magno usque ad parvum sub indiculo sacramenti jurejurando promiserunt eidem domino Apostolico in servitio ejusdem antedicti vicarii ipsius sanctissimi Hadriani papæ, atque omnium successorum ejus Pontificum fideliter permansuros cum filiis et cuncta eorum generatione. Tunc post præstatum sacramentum, omnes more Romanorum tonsurati sunt. Et confessim ipse ter beatissimus bonus pastor et pater cum omnibus exultans, constituit eis ducem, quem ipsi propria voluntate tunc sibi elegerunt, scilicet Gildebrandum nobilissimum, qui prius cum reliquis ad Apostolicam Sedem confugium fecerat, et ita Deo annuente, prædictum ducatum Spoletinum generaliter sine certamine idem præcipius Pontifex, sub jure et potestate beati Petri subjugavit. Sed et omnes habitatores tam ducatus Firmani et Aneonitani, simulque et de castello Fulginatis (Felicitatis), et ipsi dum a Clausis (Clusis) fugientes reversi sunt, ad præfatum

<sup>1</sup> Isa. xlvi. — <sup>2</sup> Deut. xv.

sanctissimum Pontificem concurrentes, ejus ter se beatitudini tradiderunt. Præstitoque sacramento, in fide et servitio beati Petri atque ejus vicarii antefati almisici Hadriani, successorumque ejus Pontificum fideliter permansuros, more Romano-rum tonsurati sunt.

11. « At vero sæpe fatus Christianissimus Carolus Francorum rex movens se cum suis generalibus exercitibus, atque ad Papiam perveniens civitatem, eam ex omni parte circumdans vallavit, dirigensque continuo in Franciam, ibidem apud Papiam adduci fecit suam conjugem excellentissimam Hildegardam reginam et nobilissimos filios. Et dum cognovisset fugam arripuisse Veronam prænominatum Aldegisum, relinquens plurimam partem ex suis exercitibus Papiæ, ipse quoque cum aliquantis fortissimis Francis in eamdem Veronam properavit civitatem : et dum illuc pervenisset, protinus Autcharius et uxor et filii prænominati Carolomanni propria voluntate eidem benignissimo Carolo regi se tradidere : eosque recipiens ejus excellentia, continuo repedavit Papiam, idemque confestim dirigens cuneos exercituum bellatorum, comprehendit diversas civitates Longobardorum ultra Padum constitutas, siveque redigit potestati ». Hactenus res anni hujus et sequentis usque ad Paschale tempus, quo idem Carolus Magnus, relieto exercitu in obsidione Papiæ, Romam profectus est. Dum vero ait Anastasius, a tempore obsidionis usque ad adventum in Urbem intercessisse sex mentium spatium, plane significat ad finem Octobris mensis configisse adventum ejusdem Caroli in Italiam.

12. Habes ex his plura, lector, quibus suppleas jejunos admodum Francorum Annales, et quæ summatim nimis perstringuntur in Vita ipsius Caroli Magni, ubi pauca tantum de his omnibus narrata invenies verbis istis : « Inde ex Arestallio perrexit ad hiemandum in Theodonis villa ; ibi venit ad eum missus domni Apostolici Hadriani Petrus per mare Arcatum, et inde per terram. Et invitavit gloriosum regem et Francos ejus pro divino servitio et justitia S. Petri, contra Desiderium regem et Longobardos. Et ideo maritime venit, quod Romanis clausæ fuerant viæ a Longobardis. Et præcellentissimus rex, sumpto consilio una cum Francis quid ageret, promisit, se auxilium Romanis præbiturum. Tenuit cum Francis generaliter Synodus in Geneva (Geneua, Gebenna) civitate, ibique exercitum dividens, perrexit ipse per montem Cinisium : misitque Beroardum avunculum

suum per montem Jovem cum aliis ejus fidelibus : et tunc ambo exercitus ad Clausas se coniunxerunt. At Desiderius rex obviam venit domino Carolo regi. Dominus vero Carolus una cum Francis castramatus est ad easdem Clausas, misitque scaras suas per montana. Hoe sentiens Desiderius, Clausas reliquit, et dominus rex Carolus una cum Francis, auxiliante Domino, et intercedente B. Petro, sine lesione, vel aliqua conturbatione, Clausis apertis, Italianum intravit, et Papiam usque pervenit ». Et inferius : « Dominus vero Carolus rex, obsessa Papia, Desiderium regem ibi inclusit, et ibi Natale Domini celebravit, et Pascha Romæ ». Haec ibi. Sed quæ interim acciderint, dum in hac esset expeditione Carolus, his verbis ibi narrantur :

13. « Et dum pro defensione sanctæ Romanæ Ecclesiæ Carolus ibi intenderet: dimissa Marca, et contra Saxones nulla fœderatione suscepta, ipsi Saxones cum magno exercitu exierunt super confinia Francorum, pervenientque ad castrum quod dicitur Barinburg. Confinales vero hac de causa solliciti, castellum ingrediuntur et defendunt. Gens autem Saxonum cum sæviret deforis, et incendio cuneta cremaret, venit ad quamdam Basilicam in loco, qui dicitur Friedissar (Fritzlar vel Furrlar), quam sanctæ memorie Bonifacius martyr consecraverat, et per spiritum prophetæ prædixerat, quod nunquam incendio cremaretur.

« Et cœperunt Saxones cum nimia intentione adversus eamdem certare Basilicam, quemadmodum eam quolibet ingenio cremare potuerint. Dum haec agerentur, apparuerunt quibusdam Christianis qui erant in castello, similiter et quibusdam paganis, qui in ipso aderant exercitu, duo juvenes in albis, qui ipsam Basilicam ab igne protegebant; et propterea ibidem non potuerunt neque interius, neque exterius ignem accendere, nec aliquod damnum inferre Basilicæ, sed mutu divinæ Majestatis pavore perterriti, in fugam conversi sunt, nemine persequente. Inventus est autem postea unus ex eisdem Saxonibus mortuus juxta ipsam Basilicam genibus curvis, acclivus supra pedes, habens ignem et ligna in manibus, velut ore flando eamdem Basilicam igni tradere voluisset ». Haec ibi, quibus divina providentia eluxit, quæ super res Caroli invigilaret, dum ipse quæ Dei sunt ageret. Qui igitur anno superiori, dum idoli templum sternetur, aquam insperatam divinitus dedit, hoc anno vim ignis, ne incenderetur sancta Ecclesia, impedivit, ubique mirabilis Deus in omnibus operibus suis.

Anno periodi Graeco-Romanae 6266. — Anno Ærae Hispan. 811. — Anno Hegiræ 157, inchoato die 21 Novemb., Fer. 4. — Jesu Christi 773.  
— Hadriani I papæ 2. — Constantini Copronymi 54 et 33. Leonis IV 23.

*1. Bellum Longobardicum vitari non potuit.*

— A num. 4 ad 43. Bellum Longobardicum crebris in Italiam ad papam et ad Langobardorum regem legationibus directis averti non potuit. Adventarunt hoc anno legati Caroli regis Romam, « Georgius sanctissimus episcopus, Gufardus religiosus abbas et consiliarius, seu Albinus Deliciosus ipsius regis inquirentes, si præfatus Longobardorum rex sublatas civitates et omnes justitias beati Petri reddidisset, sicut false in Franciam dirigebat, asserens se omnia reddidisse. Et satisfacti sunt præsentialiter, nihil ab eo redditum fuisse », inquit Anastasius apud Baronium num. 5, qui integrum ejus narrationem recitat. Episcopi *Georgii* sedes ignoratur, *Gulfardus* seu *Wlſardus* abbas Turonensi monasterio S. Martini præeral, ut liquet ex secunda Appendice ad continuationem Fredegarii. *Albinum* Andreas Duchesnius in Præfatione ad opera Alcuini abbatis a se publicata *Flaccum* cognomento *Alcuinum* interpretatur, cui fayet Sigebertus in libro de Viris illustribus, qui tradit, Alcuinum imperatoris *Deliosum* appellatum fuisse; quo etiam epitheto eum exornat in Chronico ad annum 770. Mabillo-nius sæc. iv Benedict. in Elogio Hist. Alcuini cap. 1, num. 26, hanc sententiam non improbabili arbitratur: et Barouius in Appendice ad annum 772 hunc *Albinum* legatum diversum ab *Alcuino* non fuisse etiam autummat. At in Vita Alcuini ab auctore fere æquali scripta cap. 6, de Alcuino dicitur: « Jussus ab Eanbaldo archiepiscopo (nempe Eboracensi) successore Eleberti (seu Alberti anno 770 demortui) ut sibi pallium impetraret ab Apostolico, venit Romam. Cumque reverteretur accepto pallio, habuit regem Carolum Parma civitate obvium. Quem magnis rex alloquens snasionibus, et precibus postulavit, ut ad se post explicationem missalici in Franciam reverteretur. Noverat enim eum, quia olim a magistro suo ad ipsum directus fuerat ». Quare Alcuinus quidem ante annum 771, quo Romam ab Eanbaldo missus est ab Alberto hujus decessore ac ipsius magistro, venerat in Franciam, sed ibi moram non fecerat, maltoque minus legatione a Carolo rege cohonestatus fuerat. Primus itaque Alcuini accessus in Franciam, quo a Carolo vocabatur, contigit

anno 772, ut ibidem ostendemus. Baronius in Appendice ad annum 772, refert *Alcuini* Epistolam ad Hadrianum papam datum, quæ inter ejus Epistolas ordine est xxxvi. Ea se ejus orationibus commendat, significatque *Carolum* regem ad eum Angilbertum legatum mittere; sed Epistola illa non est gratulatoria, aut initio Pontificatus Hadriani scripta, ut ex ejus lectione appareat, eaque Angilberti legatio anno 774 obita, ut ibidem videbimus. Plures vero fuisse Albino certum est.

*2. Carolus rex Ticinum longa obsidione premit.* — Caroli regis legatos in Franciam redeentes, comitati sunt Apostolici nuntii, qui cum eidem regi significassent quæ gesta fuissent a Desiderio, statim misit ad eumdem legatos, « deprecans ut easdem, quas abstulerat, pacifice redderet civitates, et plenarias parti Romanorum faceret justicias », inquit Anastasius, qui addit, Carolum, cum nihil a Desiderio obtinere posset, « universam regni sui Francorum exercituum multitudinem ad occupandas Clusas ex eodem suo exercitu » direxisse. Desiderius fugam capiens Ticinum venit, et ad eam civitatem defendendam sese præparavit. *Adalgitus* vero ejus filius Veronam præ omnibus civitatibus Longobardorum fortissimam tuendam suscepit. Verum *Carolus* Ticinum seu Papiam omni ex parte vallavit, eumque Veronam prærasset, postquam Aldegisus ex ea aufugisset, eam suæ potestatis fecil, « et continuo repedavit Papiam. Et dum per sex mensium spatium ipse Francorum rex Papiae demoraretur in obsessione ipsius civitatis, magnum desiderium habens ad limina Apostolorum properandi, Romam per Tusciae partes properavit, ita festinanter adveniens, ut in ipso sabbato sancto se liminibus præsentaret Apostolicis ». Pascha anno sequenti die in mensis Aprilis celebratum, ideoque Ticinensis obsidio currenti circa mensem Octobrem inchoata, ut recte notavit Baronius num. 45. Annalista Metensis de ista Ticinensi obsidione ait: « Desiderio incluso, ipsam civitatem rex obsedit, ibique in ipsa castra dominus rex Natalem Domini celebravit ». In excerptis Chronicæ S. Vincentii de Wulturno apud Duchesnium tom. iii Script. Franc. pag. 693, mensis quo Carolus Papiam adventavit, his verbis notatur:

« Super Papiam rex advenit tempore Adriani papæ meuse Junio ».

3. *Annus ii belli Saxonici.* — Ad num. 43. Est hic secundus annus belli *Saxonie* a Baronio ex Eginhardo in Annalibus accurate recitati. Post victoriam de Saxonibus anno superiori reportalam *S. Lebuinus*, seu *Liafwinus* mox Daventriam reversus est, et, ut testatur Altfridus in Vita S. Liudgeri, « *reædificavit Ecclesiam*, quæ fuerat combusta (sc. a Saxonibus) et more solito non cessabat documenta salutis impendere gregi, quoad usque pastori summo dilectam redderet animam, et defunctus in eadem est Ecclesia sepultus ». Idem refert Huebaldus monachus in S. Lebuini Vita, aitque ejus mortem contigisse *pridie idus mensis Novembris*. Addit Altfridus : « Iterum impii Saxones vastaverunt locum illum (nempe Daventriam ad Isalam fluvium positam) et succenderunt Ecclesiam, corpusque ejus per tres dies quæsierunt, nec invenire potuerunt ». Vivebat tunc *sanctus Gregorius* abbas et rector Ultrajectensis, qui an. *DCCLXXVI* mortalitatem explevit, ideoque tam Lebuini mors, quam ejus Ecclesiæ combustio ante illum Christi annum contigere. Baronius qui non animadvertebat Acta *sancti Suidberti* supposita fuisse a Pseudo-Marcellino, anno *DCXC*, num. 8, numerat eum inter socios *S. Suidberti*, annoque *DCXCVI*, num. 9, ex eodem refert *Lebuinum* eo anno martyrio prope Gandavum coronatum fuisse. Verum impostor iste *Lebuinum* patronum Daventriæ confundit cum *Livino* Gandavensium patrono, qui Scotia propinquaque relictis Gandavum venit et copiosam hominum multitudinem ad Christi fidem convertit, ac tandem tertio milliario a Gandavo obtruncatus est anno sexcentesimo quinquagesimo primo, qui trigesimus nonus fuit ante Willibrordi in Franciam adventum, ut eo anno ostendit Cointius. Certe vetus auctor Vitæ sancti Liudgeri a Browero sub Othelgrini nomine publicatus, ait : « Venit et alius homo *sanctus Liafwinus* nomine, ex Anglorum gente, Domino vocante, adductus, petitiisque a Gregorio (rectore Ultrajectensi) demonstrari sibi locum divinitus commendatum. Gavisus ille de divina clementia direxit eum in confinium Franco-rum et Saxonum, juxta fluvium Isalam ad locum, qui dicitur Daventre, dans ei comitem et cooperatorem verbi Dei servum Domini Marchellum, et ipsum ex Anglorum genere a sancto Willibrordo a pueritia enutritum ». Quod etiam diserte tradit Altfridus in Vita ejusdem sancti Liudgeri. Sub nomine hujus Marchelli, seu Marcellini pueri sanctis moribus imbuti Pseudo-Marcellinus Acta *S. Suidberti* commentus est, ut jam suo loco insinuavimus. Loquitur etiam Baronius de *S. Lebuino* anno *DCCLXXXVIII*, num. 11, sed ex Actis fabulosis, ut ibidem videbimus.

4. *S. Liudgerus discipulus fuit Alcuini.* — Ad hunc usque annum *sanctus Liudgerus* studiorum causa Eboracæ commoratus est annis tribus et mensibus sex, indeque refecto Alcuino suo præceptore

in Anglia, Ultrajectum ad S. Gregorium abbatem rediit, ut Altfridus in Vita S. Liudgeri litteris mandavit : « Gregorius et parentes ejusdem Liudgeri quandoque precibus victi, direxerunt eum ad præfatum magistrum Eboraicæ civitatis Anglorum præbentes quæ illi opus erant in via, quem magister illustris Alchuinus cum magno suscepit honore. Suscepitus itaque Liudgerus, erat consueto more omnibus charus, eo quod esset ornatus moribus bonis et studiis sanctis, et mansit ibi annis tribus et mensibus sex proficiens in doctrinæ studio ». Paulo post : « Directus itaque Liudgerus prospero cursu pervenit ad patriam suam bene instructus, habens secum copiam librorum, eratque patri Gregorio et cæteris tanto dignior et acceptior, quanto fuit et in monasticis eruditioribus illustrior. Diaconus vero, qui venerat cum eo, juxta dispositionem magistri Alchuini auctus benedictionibus perrexit Romanam, iterum reversurus, qui etiam postea cum Alchuino venit in Galliam in ordine presbyterii ». Isto Altfridi loco utitur Cointius hoc anno, num. 15, ut ostendat, *Albinum* illum, quem Carolus rex hoc anno legatum ad Hadrianum papam misit, diversum esse ab Albino, Alcuino etiam appellato ; cum is in Anglia remanserit, quando sanctus Liudgerus hoc anno in patriam suam rediit ; sed validiori argumento id mox demonstravimus.

5. *Translatio reliquiarum S. Rudberti et sedis Saltzburgensis.* — Miraculis *sancti Rudberti* episcopi Saltzburgensis in Bajoaria crebrescentibus, anno *Incarnationis Domini DCCLXVII*, ut legitur apud anonymum, quem Henricus Canisius tom. vi publicavit, « *Virgilius* episcopus cœpit ædificare Ecclesiam miræ magnitudinis apud Salzburg , Indict. vii. Anno vero *DCCLXXIII* dedicata est primo Ecclesia sancti Rudberti a S. Virgilio episcopo anno *xxvi* regni Tassilonis ducis. Eodem anno transtulit idem episcopus sanctum Rudbertum, et duos ejus capellanos B. Kunialdum atque Gilisarium, nempe VIII kalend. Octob. quæ dies officiis Dedicationis Ecclesiæ in tantum occupata est, ut huic celebrationi ejus plene nequeat deservire ». Sed loco *Indict. vii*, reponenda *Ind. v.* Electus est dies *xxiv* Septemb. ad hanc translationem faciendam, quia licet in eam feria sexta incideret, solemnis tamen erat ob Dedicationem illius Ecclesiæ. Cum sanctorum pignoribus translata quoque sedes episcopalnis. *Virgilius* enim ex antecessorum more pontificalem cathedram habuit in monasterio sancti Petri, sed illam hoc anno transtulit in Ecclesiæ a se conditam, cui nomen inditum *sancti Rudpertii*. Curam haec tenus cleri monachorumque simul gesserat utroque cum episcopi tum abbatis titulo gavisus. Sede autem episcopali in novam sancti Rudberti Basilicam translata, munus abbatiale transmisit in *Bertricum*, ut prodit Hun-dius in episc. Salitzburg. Cointius, qui hoc anno num. 24 de ista translatione verba facit, dicit *Rudpertum* quievisse in Ecclesia S. Petri per annos cl,

quia sc. existimavit mortem ejus contigisse anno  
DCXXIII. Verum eam pertinere ad annum DCCXVIII

suo loco demonstravimus, et vulgarem illam opinionem amplius defendi non posse ostendimus.

## HADRIANI I ANNUS 3. — CHRISTI 774.

1. *Caroli Magni in Urbem adventus, ejusque pietas, munificentia et victoriae.* — Septingentesimus septuagesimus quartus duodecima Indictione annus felicissimus Romanæ iituxit Ecclesiæ, quo penitus liberatur a durissimo jugo et dirissimo sceptro regnum Longobardorum, quibus diu multumque afflictata mœruerat, ut illud propheticum ei fuerit occinendum<sup>1</sup>: « Consurge, consurge : induere fortitudine tua, Sion, induere vestimentis gloriae tuae, Hierusalem, civitas Sancti. Jugum enim oneris ejus et virgam humeri ejus, et sceptrum exactoris ejus superasti sicut in die Madian». Cum contra hostes tuos absque exercitu tuo pugnaverit Dominus, et dissipaverit inimicos tuos. Sed quomodo ista se habuerint, quæ collecta sunt ab Anastasio, scripta vero ab hujus temporis scriptore demonstrant, quæ sic se habent:

2. « Dum per sex mensium spatium Carolus Magnus apud Papiam demoraretur in obsidione ipsius civitatis: magnum desiderium habens ad limina Apostolorum properandi, considerans quod et sacratissimum Pascha appropinquasset: tum tollens secum diversos episcopos, abbates etiam et judices, duces, et graphiones cum plurimis exercitibus, hac Romam per partes Tuscæ properavit; ita festinans et adveniens, ut in ipso sabbato sancto se liminibus præsentaret Apostolicis. Cujus adventum audiens antedictus beatissimus Hadrianus papa, quod sic repente ipse Francorum advenerit rex, in magnum stuporem et extasim deductus, direxit in ejus occursum universos judices ad fere triginta milliaria ab hac Romana Urbe in locum, qui vocatur Novas, ubi eum cum bandoris (sive bandis, hodie bandera dicta, militari signo), suscepserunt. Et dum appropinquaret uno fere milliario a Romana Urbe, direxit universas scholas militare una cum patronis, simulque et pueris, qui ad discendas litteras pergebant, portantes omnes rauos olivarum, laudesque omnes canentes, cum accla-

mationum earumdem laudum vocibus ipsum Francorum suscepserunt regem; obviam illi ejus sanctitas dirigens venerandas cruces, id est, signa (sicut mos est) exarchorum, aut patriciorum Romanorum.

3. « Qua hora easdem sanctissimas cruces ac signa sibi obviam advenisse conspexit, descendens de equo, in quo sedebat, ita cum suis judicibus ad beatum Petrum pedestris properare studuit. Cum quidem antedictus almificus Pontifex diluculo surgens in eodem sabbato sancto, cum universo clero et populo Romano ad beatum Petrum properavit ad suscipiendum eumdem Francorum regem, et in gradibus ipsius Apostolicæ aulae cum clero suo præstolatus est. Conjungente vero eodem excellentissimo ac benignissimo Carolo rege, omnes gradus sigillatim ejusdem sanctissimæ beati Petri Ecclesie deosculatus est: et ita ad prænominationem pervenit Pontificem, ubi in atrio super gradus juxta fores Ecclesie adsistebat: eoque suscepto, mutuoque se amplectentibus, tenuit idem Christianissimus Carolus rex dexteram manum antedicti Pontificis, et ita in eamdem venerabilem aulam B. Petri principis Apostolorum ingressi sunt, laudem Deo et ejus excellentiae decantantes, universus cleris et cuncti religiosi Dei famuli extensa voce acclamantes: Benedictus qui venit in nomine Domini, etc.

4. « Sieque cum eodem Pontifice ipse Francorum rex, simulque omnes episcopi, abbates et judices, et universi Franci qui cum eo advenerant, ad Confessionem beati Petri appropinquantes, seseque proni ibidem prosternentes, Domino nostro omnipotenti et eidem Apostolorum principi propria reddidere vota, glorificantes divinam potentiam in eo, quod talem eis per interventionum suffragia ejusdem principis Apostolorum concedere jussit victoriam. Expleta vero eadem oratione, obnixe deprecatus est idem Francorum rex antedictum almificum Pontificem, sibi tacentiam tribui Romam ingrediendi ad sua orationum vota per diversas Dei Ecclesias

<sup>1</sup> Isai. LII.

persolvenda. Et descendentes pariter ad corpus beati Petri tam ipse sanctissimus papa, quamque antefatus excellentissimus Francorum rex cum judicibus Romanorum et Francorum, seseque mutuo per sacramentum munientibus, ingressus est Romam continuo cum eodem Pontifice ipse Francorum rex cum suis judicibus et populo. In eodem sabbato sancto in Basilicam Salvatoris juxta Lateranas pariter sunt ingressi. Ibidec ipse excellentissimus rex mansit cum omnibus suis quoisque sancti baptismatis sacramentum antedictus ter beatissimus Pontifex celebravit: et ita postmodum ad beatum Petrum ipse excellentissimus repedavit rex.

5. « Altera vero die, illucescente Domini (Dominico) sancto, in ipsa sanctissima Paschali festivitate direxit diluculo ipse sanctissimus praesul cunctos judices et universa obsequia militiae ad eundem regem, qui cum magno honore eum suscipientes, ad Ecclesiam sanctae Dei Genitricis ad Prae-sepe properarunt cum omnibus qui cum eo advenierant Francis, ibique missarum solemnibus celebratis, perrexit idem rex cum prænominato Pontifice in Lateranense patriarchium: illicque ad mensam Apostolicam pariter epulati sunt.

« Alia vero die secunda feria simili modo in Ecclesia beati Petri more solito ipse conspicuus pater et egregius Pontifex missarum solemnia celebrans, Deo omnipotenti et præfato Carolo excellentissimo regi Francorum et patricio Romanorum laudes reddere fecit. Tertia vero die (juxta ut nos est) in Ecclesia beati Pauli Apostoli missas eidem regi fecit.

« At vero quarta feria prænominatus Pontifex cum suis judicibus tam cleri, quam militiae in Ecclesia beati Petri Apostoli pariter cum eodem rege ad colloquendum se conjungens, constanter eum deprecatus est atque admonuit, et paterno affectu adhortari studuit, ut præmissionem illam, quam ejus sanctæ memorie genitor Pipinus rex et ipse præcellentissimus Carolus cum suo germano Carolomanno una cum omnibus judicibus Francorum fecerat beato Petro et ejus vicario sanctæ memorie domino Stephano juniori papæ, quando in Franciam perrexit pro concedendis diversis civilibus ac territoriis istius Italie provinciæ, et contradendis beato Petro ei et omnibus vicariis in perpetuum possidendis, adimpleret in omnibus.

6. « Cumque ipsam præmissionem, quæ in Francia in loco, qui vocatur Carisiacus, facta est, idem excellentissimus rex Carolus sibi legi fecisset: complacuit illi et ejus judicibus omnia, quæ ibi erant adnexa, confirmare. Et propria voluntate, bono ac libenti animo aliam donationis præmissionem ad instar anterioris ipse antedictus excellentissimus et revera Christianissimus Carolus Francorum rex conscribi jussit per Etherium reliquum ac prudentissimum capellanum et notarium suum, ubi concessit easdem civitates et territoria beato Petro atque præfato Pontifici, atque

sponpondit per designationem confinium, id est, a Lunis cum insula Corsica, deinde in Suriano, deinde in monte Bardone, inde in Verceto, deinde in Parma, deinde in Regio, et exinde in Mantua et ponte Silicis, simulque universum exarchatum Ravennatum, sicut antiquitus erat, atque provincias Venetiarum et Istriæ, necnon cunctum ducatum Spoletinum et Beneventanum, factaque eadem donatione, eam propria sua manu ipse Christianissimus Francorum rex corroborans, universos episcopos, albates, judices, etiam et graphiones in ea subscribere fecit. Quam prius super altare beati Petri, et postmodum intus in sancta ejus confessione ponentes, tam ipse Francorum rex, quam ejus judices beato Petro et ejus vicario sanctissimo Hadriano papæ sub terribili sacramento se omnia conservaturos, quæ in eadem donatione continebentur, promittentes, tradidere, apparem<sup>1</sup> ipsius donationis per eundem Etherium describi faciens ipse Christianissimus rex Francorum, intus super corpus beati Petri subtus Evangelia, quæ ibidec sunt, est osculatus, pro firmissima cautela et æterna nominis sui ac regni Francorum memoria, propriis suis manibus posuit: aliaque ejusdem donationis exempla per scriniarium hujus sanctæ nostræ memoriae Ecclesiæ descripta, ejus excellētia secum deportavit ». Quæ autem attulit Carolus egregia munera sancto Petro, Hadrianus papa obtulit, in quorum memoriam haec confecta sunt Epigrammata<sup>2</sup>:

CÖELORUM DOMINUS QUI CUM PATRE CONDIDIT ORBEM  
DISPONIT TERRAS VIRGINE NATUS HOMO  
UTQUE SACERDOTUM REGUMQUE EST STIRPE CREATUS  
PROVIDUS HUIC MUNDO CURAT UTRUMQUE GERI  
TRADIT OVES FIDEI PETRO PASTORE REGENDAS  
QUAS VICE HADRIANO CREDERETILLE SUA  
QUIN ET ROMANUM LARGITUR IN URBE FIDELI  
PONTIFICATUM FAMULI QUI PLACUERE SIBI  
QUOD CAROLUS MIRA PRÆCÉLLENTISSIMUS (HIC) REX  
SUSCIPET DEXTRA GLORIFICANTE PETRI  
PRO CUJUS VITA TRIUMPHIQUE HÆC MUNERA REGNO  
OBTULIT ANTISTITES CONGRUA RITE SIBI

Et quod scriptum fuisse ponitur in pallio altaris his versibus:

PASTOR OVILE DEI SERVANS SINE CRIMINE PETRE  
QUI PRÆBES CHRISTI PABULA SANCTA GREGI  
TU CAROLI CLEMENS DEVOTI MUNERA REGIS  
SUSCIBE QUE CUPIENS ORTULITILLE TIBI  
HILDEGARDA PIO CUM QUO REGINA FIDELIS  
ACTIBUS INSIGNIS MENTIS AMORE DEDIT.

7. Sed quid interea? Ista dum curat Christianissimus princeps, totus in obsequio deditus Apostolorum, Deus ipse bellum difficillimum confecit,

<sup>1</sup> Hoc est, exemplar. — <sup>2</sup> Extat in append. antiqu. Inscr. pag. 1163. n. 8.9.

ut que sex mensium obsidione expugnari nullatenus potuerit civitas, immissio in cives atque milites morbo, absque armis dedi regi Carolo fecerit. Quod idem auctor narrat his verbis :

« Reversusque cum suis exercitibus Ticinum ipse excellentissimus Francorum rex fortiterque debellans et obsidens cives Papienses, dum ira Dei super omnes Longobardos, qui in eadem civitate erant, grassaretur atque sœviret, et plures ex languoribus atque mortalitatis elade defecissent : ita Dei nutu eamdem civitatem simulque et Desiderium Longobardorum regem, atque cunctos qui cum eo erant, ipse excellentissimus Francorum rex comprehendit, et suæ potestati cunctum regnum Longobardorum subjugavit : præfatum vero Desiderium Longobardorum regem, et ejus conjugem secum in Franciam deportavit ». Hucusque de rebus a Carolo Magno in Italia hoc anno gestis apud Anastasium.

De ejusmodi præclara Caroli Magni victoria, qua primam civitatem regiam ipsam Longobardorum Ticinum occupavit, est mentio in duobus Epitaphiis, quorum alterum archidiaconi Ticinensis, episcopi alterum, quibus extorribus factis, non nisi capta civitate a Carolo postliminio redeundi facultas fuit ; sic se habet :

ME SIBI PRÆCLARVS DOCTOR NVTRIVIT ALVMNV  
ANTISTES PETRVS TICINENSIS GLORIA PLEBIS  
ET PATER ET PASTOR PATRLE DECYS INCLITVS AVCTOR  
ECCLESIE SEMPER FVERAM VERNACVLVS ALMÆ  
LIUTERVLAS EX QUO PRIMLEVO TEMPORE SVMPSI  
PRIMVS ERAM CLERI PRIMO LEVITA DEINDE  
IAM LICET INDIGNVS MAGNO TAMEN ORDINE FVNGENS  
SED POST IRA DEI POPVLEM STILLARAT IN ISTVM  
EXYL ERAM DVCTVS LONGE DE CESPITE PATRVM  
SED ME MAGNA DEI SERVAVIT GRATIA SEMPER  
ERVIT A MVLTO VENIENTI HINC INDE PERICLO  
QVI ME TAM MISERAM (MISERUM) DIRA DE MORTE REDVXIT  
ET PATRIAS ITERVM ME FECIT CERNERE TERRAS  
TEMPORE QVO CAROLVS REX MAGNVS OPTIMVS ISTAM  
TENVIT ET REXIT GRANDI PIETATE BENIGNVS  
HÆC MEA VIVENTIS IN SECLO FATA FIERANT  
AT NYNC ISTA TENET REQVIES MISERABILE CORPVS  
SPIRITVS ALTITHRONI TIMIDVS PETIT OMNIA SECYM  
IVDICIY REGIS PORTANS QVÆCVMQVE GEREBAT  
CORPORE CONIVNTVS PETRO MITISSIME CHRISTE  
TV QVICVMQVE LEGIS DIC DIC PECCATA REMITTE  
ATQVE VALETE MEI MEMORES PER SECVLÀ FRATRES

Ipsius autem Petri Ticinensis episcopi, cuius hic mentio fit, extat integrum Epitaphium, ibidem asservatum, memoria dignum, quod sic se habet<sup>1</sup> :

CANDIDA FYNEREO SCVLPVNTVR MARMORE GESTA  
SED NON EST FLENDVS QVI IACET IN TVMVLO  
LUGEAT INFAVSTVS QVI NESCIT VIVERE CHRISTO  
POST MORTEM CAROS TARTARA QVOS RETINENT  
HIC YATES DOMINI MYNDO QVIA CORPORE VIXIT  
ADMIXTVS GAVDET CŒTIBVS ANGELICIS  
CLARVIT HIC MERITIS PETRVS ANTISTES HONESTIS  
NORMA SACERDOTVM COLVMEN EXIMIVM  
MVNIFICVS CONSTANS SOLLERS PRVDENSQVE MODESTVS  
QVI INNVMERIS SEMPER POLLET VBIQVE BONIS  
INCLVTVS PROSAPIA REGVMQVE STEMMATA TANGENS  
NOBILIS ALLOQVIO MORIBVS NOBILIOR  
ISTE PEREGRINA MACERATVS DENIQVE VITA  
BIS QVINIS ANNIS EXVLAT INNOCVVS  
ESVRIEMQVE SITIM PATITVR DVM ET FRIGORA CORPVS  
SPE VIRTUTE FIDE SPIRITVS AVCTVS ERAT  
SED REPETENS GENITALE SOLVM PIA MVNIA GESSIT  
PRÆFVIT ECCLESIE REXIT OVILE DEI  
ISTE SACRAS DOMINI CONDENS AMABILITER AVLAS  
DITAVIT PROPRIIS OPTIME CESPITIBVS  
SYBLIMIS HYMILIS MEDIOCRISS DIVES EGENVS  
OCCVBVIT PASTOR NOSTER EN EGREGIVS  
PLANCTIBVS IMMENSVM CLAMANTIBVS (CLAMANTES) FLETE DOLOREM  
VOX PATHIES OBIIT LEX HONORAT O DECYS  
O VENERANDE PATER PASTOR BONE MAGNE SACERDOS  
FORMA PUDICITLÆ O PATER EXIMLE  
MVTAsti PATRIAM LINQVENS CONSORTIA NOSTRA  
NOS TANTVM GEMITVS RETINENT TE GAVDIA COELI  
EXPLETIS DECIM (DENIS) MORTALI IN CORPORE LVSTRIS  
QVATVOR HIS IVNCTIS VIXISTI FIRMITER ANNIS

8. De filio autem Desiderii regis, qui Veronæ erat in præsidio, et de rebus gestis ipsius Caroli, in Francorum Annalibus ista leguntur: « Adalgisus vero filius Desiderii regis fuga lapsus, mare in trovit, atque Constantinopolim perrexit. Gloriosus itaque dominus rex Francorum Carolus, Italia subjugata, custodia Francorum in Papia relicta, magno triumpho, Deo adjuvante, cum uxore sua et reliquis Francis reversus est in Franciam, perveniensque ad locum qui dicitur Ingelheim, misit quatuor searas (hodie squadras) in Saxoniam (rebel-laverant enim illi) quæ inierunt tres pugnas cum Saxonibus, et auxiliante Domino victores extiterunt, et cum præda magna illæsi iterum revertuntur ad propria ». Hactenus anni hujus periodus tot victoriis celeberrimi, quo Romana Ecclesia in integrum per Carolum Magnum restituta de Longobardorum perfidia triumphavit.

9. Altare *Confessionis S. Petri ab Hadriano exornatum*. — Postquam vero ipse Carolus tantam victoram Apostolorum principi acceptam ferens ejus memoriam adiisset, et omni religiosi obsequi genere frequentasset, Hadrianus papa cuncta præ-sens proxime contemplatus, ut debitas gratiarum actiones S. Petro persolveret, ad ejus Confessionem augustius exornandam adjecit animum, ut de tanta ab eo accepta victoria quasi trophyæ et columnas erigeret, ac statueret veluti fornicem triumphalem ipsi defensori et propagatori Romanæ Ecclesiae S. Petro in ipsius ornatu Confessionis. Quisnam autem ejusmodi cultus fuerit, ab eodem auctore Anastasio accipe, apud quem ista leguntur: « Hic, inquit, egregius sacerdos ob nimium amorem, quo prosequebatur eumdem Apostolum, Confessionem B. Petri Apostoli totam intus ex auro purissimo in lamine, diversis historiis effigiatim compte ornavit, ponderis trecentarum librarum, ponens et in postem superiorem ejusdem sacrae Confessionis auri mundissimi libras tredecim: pari modo et in ipsius Apostoli Confessionis liminari inferiori libras viginti quinque. Adspectum vero altaris super eamdem Confessionem, atque dexteram lævamque partem juxta gradus, quibus hæret jam dictæ Confessioni, addens in eis argenti libras centum triginta sex, curiose renovavit, ejusque historias ex auro purissimo librarum decem et octo nitidissime deauravit: simulque et cantharos in eadem dicta Ecclesia Apostoli numero decem renovavit, addens in eis argenti libras centum. Ante januas argenteas fecit canistros argenteos duodecim pensantes libras triginta sex. Simili modo et in turre canistros argenteos duodecim pensantes libras quadraginta quinque. In eadem quoque beati Petri Ecclesia per diversas coronas fecit delphinos ex argento pensantes libras centum ». Et paulo post: « In Ecclesia B. Petri per diversa oratoria fecit canistra argentea numero duodecim pensantia libras quadraginta, et rugas cum presbyterio a parte virorum ac mulierum ex argento purissimo, pensantes libras quinquaginta et unam ». Hæc de Basilicæ S. Petri ornatu.

#### 10. *Sigeberti historicæ imposturæ refelluntur.*

— Antequam autem ulterius progrediamur, convenientius est nobis Sigebertus atque de re magni momenti ab eo ratio exposcenda. Erit, lector, ut cum audieris, mox illud more tragicò exclamare cogaris: O scelus, o impostura, o fraus! Iste quidem cum totis viribus foveret partes Henrici imp. schismatici, in gratiam ipsius finxit, quod ille vane prætendebat, jam fuisse concessum a Romano Pontifice Hadriano Carolo Magno imperatori, quod ipse tradit in fine suæ Chronographiæ anno millesimo centesimo undecimo. Nam videns quod ista per veteres ejus temporis historicos probari minime possent, quid fecit? In gratiam schismatici imperatoris, vindicantis sibi Ecclesiarum investituras, dolo malo in sua Chronographia anno gesta superiori posuit ista: « Postea rediens Carolus, Papiam cepit, iterumque Romam rediit, Synodus constituit cum Hadriano papa aliisque centum quinquaginta tribus religiosis episcopis et abbatis, in qua Hadrianus papa cum universalis Syndico dedit ei jus eligendi Pontificem, et ordinandi Apostolicam Sedem, dignitatem quoque principatus. Insuper archiepiscopos et episcopos per singulas provincias ab eo investituram accipere definiuit, et ut nisi a rege laudetur et investiatur episcopus, a nemine consecretur; omnesque huic decreto rebelles anathematizavit; et nisi resipiscerent, bona eorum publicari ». Hæc Sigebertus, qui ista scribebat anno Redemptoris millesimo centesimo duodecimo, post annos videlicet trecentos et triginta octo ab hoc tempore, nullo alio auctore concio, favens ipsi (ut dictum est) Henrico imperatori schismatico, ut ex ejus scriptis quisque facile videre potest, in cuius gratiam ejusmodi adornasse imposturam, aperta luce quidem quisque veritatis sincerus inspector intelliget.

11. Quid enim, ut rem tantam nullus noverit vel scriperit antiquorum, sed post annos numeratos trecentos et duos de quinquaginta, unus Sigebertus tantum seiverit atque conscripserit? Etenim ex scriptoribus omnibus rerum Francorum, qui ipsum tempore praecesserunt, nullus penitus reperitur, qui de Carolo id asseruerit: nam qui Vitam scriperunt ejusdem Caroli Magni, necnon et qui per annos singulos res ab eo gestas quam diligentissime digesserunt, de his nihil penitus: cum alioqui iidem scriptores nec minimum prætermiserunt conventum publice habitum, quem scriptis non reddiderint suo quolibet anno. Quoniam igitur tantum mendacium introducit auctore? Cum potius contrarium omnes affirment, nempe quod post captum Ticinum non Romam venerit iterum Carolus, sed quam celeriter in Galliam redierit, ut adversus rebellantes Saxones expeditionem pararet. Urgente igitur periculosisimo Saxonum bello, quis locus induciarum, et longissimæ moræ celebrandi adeo numerosi Concilii, quod Universale idem nominat Sigebertus, cum tempus ipsum manifeste repugnet? Quantum rogo

primum temporis intercessisset, ut Carolus post Pascha reverteretur Roma Ticinum? Quantum rursus quoisque ipsa obsessa Papia potiretur? Rursum quot dies intercesserunt, ut Ticino Romanam postea sit reversus? Et (quod majoris momenti est) quas oportuit intercessisse moras convocandi et exspectandi centum quinquaginta episcopos hinc inde etiam e longe vocatos? Et quantum opus fuerit, in tanta Synodo peragenda, insumi temporis?

12. Sed quid in his immoramus, cum Eginhardus, qui Caroli Magni lateri inhærebat, et Vitam ejus scripsit, omnem de his auferat dubitationem, dum expresse affirmat, ipsum Carolum non nisi quater Romanum se contulisse. Quod si verum esset, quod turpiter nimis Sigeberlus mentitur, non quater, sed quinque Romanum venisse Carolum, dicendum esset, contra Eginhardum et omnes qui res gestas Caroli prosecuti sunt. Primus enim ejus adventus fuit iste contra Longobardos, de quo anno superiori. Secundus fuit solvendi voti causa anno DCCLXXX. Tertius adversus ducem Benventanum anno DCCLXXXVI. Quartus ad restituendum Leonem papam in locum suum anno DCCC, quando et creatus est imperator. Ubi ergo quintus a Sigeberto confictus, nusquam assertus ab alio atiquo, vel exegitatus Caroli Magni in Urbem adventus? Ut alterum de duobus necesse sit dicere, vel Eginhardum, et alias omnes temporis hujus auctores, et caeleros omnes, quotquot fuerunt, esse mentitos, vel his omnibus adversante Sigebertum post trecentos et amplius annos ista scribentem, et contraria profitentem, atque impossibilia asserentem, turpiter admodum dolo malo ista fixuisse, et pro animi arbitrio in Henrici gratiam composuisse, ut saltem aliquis quamvis commentitius extaret titulus, quo adversus Romanum Pontificem imperator schismaticus jure agere videri posset.

13. Res accidit ex sententia, ut nullo de impostura habito diligentiori examine, creditum esse verum fuit, quod a Sigeberto esset quam mendacissime affirmatum: ut non ad hæc refellenda se converterint pii Ecclesiastici tractatores, sed laborant, ut ostenderent ista ab Hadriano Pontifice concessa Carolo, fuisse postea revocata. Fuit ex iis unus Gratianus nimis credulus, qui improvide nimis (pace ipsius dixerim) eamdem Sigeberli manifestissimam imposturam totidem verbis exscriperit, atque perinde ac firmissimum aliquod Pontificium decretum, vel Synodi OEcumenicæ canonem, suo libro Decretorum<sup>1</sup> inseruerit. Cum potius, re accurate perspecta, commentitia ista fuerant exsniflanda, et (ut par erat) execrationibus insectanda cum auctore ipsius, penes quem, licet monachum, tantum valuerit gratia imperatoris ab Ecclesia diro schismate alieni, ut ad eam promerendam, cum dispensio æternae vitæ, ut hisce malis artibus non sit veritus, nimium nimiumque suaë salutis oblitus.

At non alterius, quam ejusdem auctoris, vel huic similis putamus parem illam imposturam esse, quæ Leonis octavi nomine ab eodem Gratiano ibidem mox apponitur istis verbis<sup>2</sup>: « In Synodo congregata Romæ in Ecclesia S. Salvatoris. Ad exemplum beati Hadriani Apostolice Sedis antistitis, qui domino Carolo victoriosissimo regi Francorum et Longobardorum, patriciatus dignitatem, et ordinationem Apostolicæ Sedis, et investituram concescit: Ego quoque, Leo episcopus servus servorum Dei, etc. » Usque ad finem, quibus eadem se concedere Othoni, quæ Hadrianus Carolo concesserat, assertus ille Pontifex profitetur. Hic primum oljici posset, nullius esse momenti ejusmodi constitucionem, quod non a legitimo papa facta sit, ut qui sederit vivente adhuc legitime creato Romano Pontifice, de quo nobis erit agendum suo loco. Sed nos et hanc contendimus esse imposturam, et commentitium esse decretum priori simile: etenim totum, quod asseritur, falsum esse monstratur.

14. Nam quod in primis ad Carolum spectat, cuius exemplo id factum dieitur, tantum abest, ut Carolus sibi arrogare voluerit (quod asseritur) electiones episcoporum, ut potius suo promulgato decreto, eas statuerit esse liberas, atque ex sacerorum canonum praescripto decerni. Accipe quæ a se statuta in suis Capitularibus ipse collegit<sup>2</sup>: « Sacrorum canonum non ignari, ut in Dei nomine S. Ecclesia suo liberius potiretur honore: assensum ordini Ecclesiastico præbuumus, ut scilicet episcopi per electionem clericorum et populi, secundum statuta canonum de propria diœcesi, remota personarum et munerum aceptione, ob vitæ meritum et sapientiae donum eligantur; ut exemplo et verbo sibi subjectis usquequaque prodesse valcent ». Hactenus germana Caroli Constitutio.

Quod si hæc facta essent a Carolo, ut renuntiaret (ut dicunt) privilegio ab Hadriano collato, utique aliqua saltem, vel levis mentio de eo habita ibidem esset. At cum non extaret illa quidem, quæ nec exitisset aliquando, nulla potuit haberis de ea mentio, sed simpliciter a Carolo secundum canones cuncta disponi voluit adversus eos, qui (ut st̄pe fiebat) a regibus peterent episcopatus.

15. Sed et quid est, quod in aserto decreto Leonis dieitur, concessas esse Carolo Magno investituras ab Hadriano, cum nec ipsum quidem nomen investituræ temporibus Caroli esset in usu? Legant et seruentur auctores omnes, qui Caroli temporibus aliquid scripserunt, si alicubi penes eorum aliquem invenerint nomen investituræ, vel usum ejus per annuli collationem (ut tradunt) et baculi.

Verum et quod dicitur id a Leone factum in Concilio babito in Ecclesia Salvatoris: penes quem, rogo, mentio, ejusmodi Concilium a Leone octavo dicto Pontifice factum, ut quid hujusmodi sit ab eo concessum Othoni?

<sup>1</sup> Dist. LXIII. cap. la Synodo. — <sup>2</sup> Capit. I. 1. c. 84, habet etiam dist. LXIII. c. 34.

Sed et repugnant his omnibus praxis et leges aliorum post Carolum successorum imperatorum, ut quid dici possit fuisse ab Hadriano concessum eidem Carolo Magno de electione Romani Pontificis. Nam audi quae in electione Hadriani secundi papae leguntur<sup>1</sup>: « Cum Hadrianus secundus ad Romanum Pontificatum ab Ecclesia Dei Genitricis Dominae nostrae, quae dicitur Ad praesepe, traheretur ad Lateranense patriarchium, certalim a clero et proceribus et plebe deportatus est. Quod audientes missi Ludovici imperatoris moleste tulerunt, indignati scilicet, quod dum presentes essent, non fuerint invitati, nec optatae a se futurae praesulis electioni interesse meruerunt. Qui accepta ratione, quod non causa contemptus Augusti, sed futuri temporis prospectu omissum hoc fuerit (ne videlicet legatos principum in electione Romanorum praesulum exspectandi mos per hujusmodi fomitem inoleseret), omnem indignationem medullitus sedaverunt, et ad salutandum electum etiam ipsi humiliter accesserunt ».

46. At quomodo, rogo te, se injustam causam sovere cognoscentes, quieverunt, si pro eis vigebat adeo amplum privilegium, a tanto Pontifice regi tanto, Carolo Magno concessum? nam si illud vere datum fuisset, eos praeterire minime potuisset, vel ipsum imperatorem Ludovicum, qui (ut eodem habent res gestae Hadriani secundi) adversus suos legatos talia praesumentes indignatus est, Romanos vero laudavit: quae enim ibi leguntur, attende; sunt ista: « Audiens hoc Ludovicus imperator Christianissimus, mox imperiale scribens Epistolam, cunctos Romanos, qui dignum tanto peregrinent officio praesulem, collaudavit ». Sed et in edita a se pro juribus Romanae Ecclesiae conservandis constitutione ista inter alia habet: « Quando<sup>2</sup> divina vocatione hujus sanctissimae Sedis Pontifex de hoc mundo migraverit, nullus ex regno nostro, aut Francus, aut Longobardus, aut de qualibet gente homo, sub nostra potestate constitutus, licentiam habeat contra Romanos, aut publice, aut privatim veniendi, aut electionem faciendi, etc. »

47. At quod dicunt eo modo, datis ab Hadriano privilegiis renuntiisse imperatorem: quomodo quis renuntians, non exprimat, quia renuntiat? necessaria enim omnino ejus est mentio. Quod de imperatore dicimus, de Pontifice pariter dicendum est. Si quae privilegia concessa fuissent ab Hadriano Carolo Magno, cur Hadrianus secundus, cum per octavam OEcumenicam Synodus sanciendum curavit, ut nullus laicorum se immiseret penitus electionibus episcoporum, non meminit concessionis ejusmodi, nec revocavit generatim saltem concessae eidem Carolo privilegia? Vel si rata firmaque ea constere voluit: cur non expressit, dum tegem contrarium illis statuit? Sed quia revera nulla erat facta concessio, nulla de illis fieri potuit mentio. Omittimus recitare de his ad Lotharium et Ludovicum

imp. Leonis quarti decretum, et Henrici primi atque Othonis constitutiones de libera electione ex praescripto canonum facienda Rom. Pontificis. Sed de his jam satis: puto quidem te veritatis amantem tectorem, jam omnino de impostura Sigeberti, de qua agimus, persuasum, re tam perspicue tot demonstrationibus patefacta. Adeo ut non putem inveniri posse aliquem, nisi similem illi schismatum, vel haereticum, qui tantæ, tamque dilucidæ, omniq[ue] ex parte conslanti obniti audeat veritati.

48. *De Pauli diaconi captivitate et vita.* — Illis jam confutatis, redeamus ad captivos Longobardos, quos una cum Desiderio rege Carolus Magnus secum duxit in Gallias. Fuit ex eis inter alios Paulus diaconus Aquileiensis, qui Desiderio regi erat a secretis; de quo haec memoratu digna habet Leo Ostiensis<sup>3</sup>: « Capta vero (ut diximus) Papia urbe, cum regi Carolo pro sua prudentia charus admidum et familiaris factus Paulus esset, accusatus est ab invidis apud regem, quod ex affectu Desiderii, illi pararet insidias. Quem cum rex comprehensum adduci ad se jussisset, interrogat, an vera sint quae de illo dicerentur. Tum ille constanter se domini sui fidelissimum asseveravit, et in eadem fide, quoad viveret, perseveraturum. His auditis rex, ira succensus jussit incunctanter manus abscondi. Sed continuo mutata sententia, memor illius sagacitatis atque prudentie, suspiransque: Et si, inquit, ei manus abscondimus, ubi tam elegantem scriptorem reperire poterimus? Atque ad proceres conversus, quidnam de tali viro agendum esset, percunclabatur. Illi eruendos ei oculos monebant, ne ulla adversus regem litteras scriberet. Et ubinam (ait ille) vel quando talem reperiemus historicum? Illi vero regis clementiam, propensamque ad virum pietatem attendentes, suaserunt ut illum apud Diomedis insulam, quae hodie Tremiti dicitur, exilio relegaret. Sieque factum est.

49. « Ubi cum aliquot annos exulans duxisset, homunculus quidam, qui ei propter Dominum obsequia praestabat, clam illum ex insula adsporans, cum eo pariter Beneventum perrexit. Quo viso Arichis, qui filiam predicti Desiderii Adelpergam habebat uxorem, valde tam ipse, quam eadem ipsius conjux gavisi sunt, eumque secum in palatio honorifice detinuerunt. Quo tempore ufrumque palatum ejusdem principis, alterum quidem quod Beneventi, et quod Salerni alterum construxerat, idem Paulus versibus luculentissimis exornavit. Ejusdem etiam Adelpergæ precibus in historia Romana, quam breviter Eutropius scriperat, plurima hinc inde ex historiis Ecclesiasticis addidit, duosque praeterea libros a tempore Juliani Apostatae, in quem ipsam historiam Eutropius terminaverat, usque ad tempora primi Justiniani imperatoris adjectit: sed et universas fere annalis computi lectiunculas rhythmico composuit.

50. « Defuncto autem Arichisi, mox ad hoc

<sup>1</sup> Dist. LXIII. c. 29. — <sup>2</sup> Ibid. c. 30. 31. 32.

<sup>3</sup> Leo. Offic. Chron. l. i. e. 17.

monasterium Cassinense (ut supra retulimus) prosperavit, factusque monachus plures postea vixit annos, rogatus quoque ab abate ac fratribus, expositionem regulæ S. Benedicti perutilem edidit: ubi multa de veteri monasterii hujus consuetudine necessario inserit, nonnulla etiam alia scripta eleganti stylo conscripsit, atque inter alia versus quoque reciprocos et hymnos de singulis B. Benedicti miraculis diserto sermone composuit.

« Ad hunc præfatus Carolus rex, qui cum exilio relegaverat, comperto quod hujus monasterii monachus effectus esset, multum illi gratulatus, affabiles satis et jucundas Epistolas versibus misit, ex quibus hic aliquid inferre placuit. Ait enim post aliquos versus, suam alloquens chartulam :

Hinc celer egrediens facili, mea charta, volatu  
Per silvas, colles, valles quoque præpte cursu,

Alma Deo cari Benedicti tecta require.  
Est nam certa quies fessis venientibus illic :  
Hic ols hospitibus, piscis, hæc panis abundat.  
Latus amor, cultus Christi simul omnibus horis :  
Pax pia, mens humilis, pulchra et concordia fratrum.  
Die patri et sociis eunctis : Salve, valete.  
Colla mei Pauli gaudendo amplecte benigne,  
Bictio multoties : Salve, pater optime, salve, etc.

Cui ille similiter versibus describere, et pro visitaione et salutatione sua et fratrum gratias referre maximas studuit ». Haec Leo, qui addit, eundem Paulum illic consenuisse in monasterio, et longævum ætate in Domino quievisse. Ait Trithemius eundem jussu Caroli Magni ordinasse historias et lectiones per totum annum singulis festivitatibus sanctorum congruenles. Sane quidem in sœculo tam rudi ipse claruit inter primos.

Anno periodi Græco-Romanæ 6267. — Anno Æræ Hispan. 812. — Anno Hegiræ 158, inchoato die 10 Novemb., Fer. 5. — Jesu Christi 774.

— Hadriani I papæ 3. — Constantini Copronymi 55 et 34. Leonis IV 24.

4. *Prima profeccio Romana Caroli.* — A num. 4 ad 10. *Carolus* votorum solvendorum ac fundendæ orationis causa Romam quater tantum profectus est, ut tradit Eginhardus in ejus Vita, hoc videlicet anno, iterum anno **CCCLXXXI**, deinde an. **CCCLXXXVII**, denique anno octingentesimo, ut suis locis videbimus. Hoc anno illic adventavit *sabbato sancto*, ut docet Anastasius, cuius integrum narrationem Baronius exhibit. *Quarta feria* Hadrianus papa paterno affectu *Carolum* regem adhortatus est, ut « adimpleret in omnibus ipsam promissionem, quæ in Francia in loco, qui vocatur *Carisiacus*, facta est, ipseque *Carolus* aliam donationis promissionem, ad instar anterioris, scribi jussit per designationem confinium », inquit Anastasius, « a Lunis cum insula Corsica, deinde in Suriano, deinde in monte Bardono, inde in Verzelio, deinde in Parma, deinde in Rriegio, et exinde in Mantua, atque monte Silicis, simulque et universum exarchatum Ravennatum, sicut antiquitus erat, atque provincias Venetiarum, et Hi-

striam, neenon et cunculum ducatum Spoletinum et Beneventanum ». Constat vero ex Epistolis Hadriani papæ, *Carolum* civitalibus ac provinciis, quas Pippinus pater Apostolicæ Sedi concesserat, plurimas addidisse, sed haec nec omnes simul, nec hoc anno datae sunt. Currenti enim anno donationi a Pippino patre factæ superaddidit *ducatum* duntata *Spoletanum*, de quo Hadrianus Pontifex meminit in Epistolis ante annum **CCCLXXXI** Carolo directis, ut videre est in Codice Carolino. Neque enim sermonem ullam habet præterea nisi de Pentapoli et exarchatu Ravennatensi, seu de donatione a Pippino patre facta, et de patrimonis Sabinensi, atque aliis in Corsica, in partibus Tusciae, Spoleti, ac Beneventi, et in territorio Neapolitano, quæ quidem patrimonia, ut diserte de Sabinensi legitur in Epistola **LXIX** Cod. Carol. « pro luminaeriorum concinnationibus atque alimonias pauperum », concessa fuerant, ut pluribus probat Cointius hoc anno num. 6 et seqq. (1).

2. *Carolus cum laudibus Romæ susceptus.* —

(1) Ille vides a Pagio *Caroli M.* donationem, prout ab Anastasio in Vita Hadriani I per designationem confinium describitur, recenseri, nec in mentem ei venisse, ut de sublestæ fide dubitaret. Hinc mirari certe licet, cur inventus sit unus, qui hunc Anastasi locum interpolatum fuisse, aperte scripserit: « Cum donationi tam amplie ac magnifica (ejus verba sunt), quæ omnem fere Italiam complexa fuisse, adversentur Historie, et monimenta quaque velaris avi. Produsse autem commentum istud saeculo tantum undecimo, justa suspicandi ratio est: tunc enim Normannis consentientibus, Romaui Pontifices jus sibi quiescerunt in Beneventanum ducatum, qui postea evasit regnum Neapolitanum ». Haec

Anastasius quam honorifice Carolus Romæ susceptus fuerit, his verbis narrat: « Cujus adventum audiens beatissimus Hadrianus papa, quod sic repente ipse Francorum advenisset rex, in magno stupore et extasi deductus, direxit in ejus oecursum universos judices ad fere triginta millia ab hac Romana Urbe in locum qui vocatur Novas, ubi cum cum bandora (id est, cum vexillo) suscepserunt. Et dum appropinquasset fere unius millario a Roma Urbe, direxit universas scholas militare una cum patronis, simulque et pueris, qui ad discendas litteras pergebant, deportantes omnes ramos palmarum atque olivarum, laudesque omnes canentes, cum acclamacione earumdem laudum vocibus ipsum Francorum suscepserunt regem; obviam illi ejus sanctitas direxit venerandas eruces, id est, signa, sicut mos est ad exarchum aut patricium suscipiendum, eum cum ingenti honore suscipi fecit ». Dum Romæ Carolus esset, « secunda feria (Paschatis scilicet) simili modo in Ecclesia beati Petri, more solito, ipse conspicuus pater et egregius Pontifex missarum solemnia celebrans, Deo omnipotenti et praefato Carolo excellentissimo regi Francorum et patricio Romanorum, LAUDES reddere fecit ». Quando imperatores Romani creabantur, imagines eorum in provincias deferebantur, ac in celebrioribus cæremoniis, illorum laudes magna populorum lætitia acclamabantur: quod innumeris exemplis ostendi posse. Paulus diaconus libro 3 de Gestis Langobard. cap. 15, de inauguratione Mauritiū loquens ait: « Mauritus induitus purpura, redimitus diademate ad Circum processit, acclamatisque sibi laudibus, largitus populo numerā, primus ex Graecorum genere in imperio confirmatus est ». Quibus conceptis verbis laudes illae acclamarentur, indicatur initio libri 41 Epistolarum Gregorii M.: « Venit icona supradictorum Phœcæ et Leontiæ Augustorum Romam, VII kalendis Maii, et acclamatum est iis in Lateranis in Basilica Julii ab omni clero et senatu: EXAUDI CHRISTE, PHOCÆ AUGUSTO ET LEONTIÆ AUGUSTÆ VITA. Tunc jussit ipsam iconam dominus beatissimus et Apostolicus Gregorius papa reponi in oratorio sancti Cæsarii martyris intra palatium ». Erant itaque laudes istae, victoriæ vel vitæ diuturnioris adprestationes. Legendum Glossarium Duncangii in voce laudes.

**3. Laudum usus hactenus continuatus.** — Joannes Lucius in Historia Dalmatiae et Croatiæ lib. 2, cap. 6, observat, earumdem laudum usum in insulis Jonii, quæ imperio Orientali paruere, continuatum esse, sicuti et in Dalmaticis civitatibus.

ille audacter et fidenter. At hic idem Anastasius Bibliothecarium, Mediolani edendum an. MDCCXXIII, cum aliis Codicibus collatum curavit, et bunc locum edidit, nihil falsi, aut commentarii in eo suspicatus. Editiones omnes Anastasi, quotquot hactenus prodierunt, ita habent. His adde Hadriani Vitam, quæ in Cod. reginæ Suecorum alias CCCXLV, nunc MDCLXIV, saeculo X, ut ex specimine characteris conspicitur, exarato habetur, ubi pag. 81 diserto haec leguntur: « Id est, a Luminis cum insula Corsica, deinde in Suria, deinde in monte Bardone, id est, in Verceto, deinde in Parma, deinde in Regio, et exinde in Mantua, atque monte Silicis simulque et universum exarchatum Ravennatum sicut antiquitus erat, atque provincias Venetiæ et Istræ, necon et cunctum ducatum Spoletinum, seu Beneventanum. Factaque cadem donatione, et propria sua manu, etc. » Adde quod haec eadem verba leguntur in donatione Uttonis I imperatoris, cuius autographum in arce S. Augelli adhuc asservatur. Quoniam igitur pacto haec ad ligamenta sæculi XI amandari possunt? De Beneventano ducale Apostolica Sedi collato, vide, quæ ad an. DCCLXXXVII adnotabimus.

bus, quæ Orientale imperium agnosebant; quod probat ex Dandulo in Chronico, qui ait, duci Venetorum advenienti Auseri in solemnitate Pentecostes laudes cantatas, et episcopos Jadræ existentes promisso « feriatis diebus, quibus laudis pompam in Ecclesia depromere solebant, istius principis nomen post imp. laudis præconiis glorificarent ». Subdit Lucius, etiamnum Tragurii, ubi ipse natus, has laudes inter missæ solemnia a duobus ex canoniceis umbonem ascendentibus, choro loco populi respondentे, acclamari, sed loco imperatoris Summi Pontificis nomen proferri. Quibus verbis illa acclamatio nunc constet, ibidem refert. Imo in Ordine Romano xiii a Mabillonio tom. II Musei Italie publicato, seu in Cæremoniali Romano jussu Gregorii X edito, num. 7 legitur, post creationem Romani Pontificis in missa, quæ coram eodem canitur, ante Epistolam ejus laudes eodem fere modo acclamari, ac Tragurii factum diximus: « Ipse prior diaconus incipit laudem sic alta voce, tamen quasi legendō, Exaudi Christe: et judices et serinarii procedent similiter in cantu quasi legendō, Domino nostro papæ a Deo decreto Summo Pontifici et Universalis papæ Vita. Item idem prior dicit secundo, Exaudi Christe; et judices et serinarii antiphonam ut prius: et sic facit tertio. Idem prior dicit, Salvator mundi; et judices et serinarii antiphonam, Tu illum adjuva, et cetera, quæ in eo Cæremoniali legi possunt ».

#### 4. Vexillum S. Petri ad Carolum missum. —

Cum similibus igitur laudum acclamationibus Romæ susceptus Carolus, tanquam palrieus ac defensor Ecclesie Romanae, quemadmodum et anno CCCLX, quando quartum Romam profectus est, ut accurate narravit Anastasius in Vita Leonis III. In Appendice Antiquarum Lectionum pag 1163, extat insignis inscriptio, quæ quidem ad alium annum quam ad CCCLXII referri non potest, sed quam hic recitabo, ul uno tenore de honoribus Romæ in Carolum collatis agam.

Cælornm Dominus, qui cum Patre condidit orbem,  
Disponit terras, Virgine natus homo.  
Utque sacerdotum regumque est stirpe creatus,  
Providus hinc mundo, curat utrumque gen.  
Tradit oves fidei Petro pastore regendas,  
Quas vice HADRIANO crederet ille sua.  
Quis et Romanum largitur in Urbe fidelis  
(Vexillum) ... famulis, qui placuere sibi.  
Quod CAROLUS uire præcellentissimus hic rex  
Suspiciens, dextra glorificante Petri.  
Pro eujus vita triumphisque haec munera regia  
Obtulit antistes, congrua rite sibi.

Auctor illius Appendix in loco vacuo posuit Pon-

*tificatum*, sed contra grammaticæ et poeseos leges. Papebrocius in Conatu Chronicæ-Historico ad Vitam Hadriani I, reposuit *imperium*, « quia, inquit, revera actum ab Hadriano fuit de resuscitando Occidentalí imperio in persona Caroli; neque actum tantum, sed et decretum ac publice notum; licet ex causis supervenientibus eo vivente peractum nihil sit ». At Hadrianum de imperio in *Carolum* conferendo cogitasse a nullo ex tot scriptoribus, qui de Carolo locuti sunt, memoriae prodilum invenitur. Quare non dubito, quin legendum sit *vexillum*. Præterea hanc inscriptionem præsenti anno Hadriano et Carolo dicatam Papebrocius pulat; sed ex ejus electione apparet, loqui poetam de Carolo tanquam ab Urbe absente, ac in ejusdem patriciatus Romani et Hadriani Pontificatus exordia intendere. Quare sicut Leo III, ubi Pontificatum suscepit, « mox per legatos suos claves Confessionis sancti Petri ac *vexillum* Romanæ Urbis cum aliis muneribus regi (id est, Carolo) misit », ul inquit Eginhardus in Annal. ad annum ccxcvi; ita et ante Leomem *Hadrianus*, postquam in Sede sancti Petri collocatus fuit, patriciatum Carolo confirmavit, ad eumque claves Confessionis sancti Petri, ac *vexillum* Romanæ Urbis cum regiis muneribus misit. Indeque intelligimus, superiores Pontifices pari eodemque modo erga Carolum Martellum et Pippinum sese gesisse, imo hunc morem ab illis derivasse, et a successoribus continuatum fuisse. Verum quidem est, continuatorem Fredegarii, dum loquitur de auxilio a Carolo Martello adversus Ecclesiæ hostes per Gregorium III postulato, scribere tantum : « Beatus papa Gregorius claves venerandi sepulcri cum vinculis S. Petri et muneribus magnis et infinitis legatione (quod antea nullis auditis aut visis temporibus fuit) memorato principi destinavit ». Sed cum poeta laudatus disertis verbis tesletur Deum Romanum *vexillum* famulis suis largiri, manifeste insinuat, illud ad Caroli Magni decessores missum fuisse.

5. *In missa Pontifieia oratum pro Carolo.* — Huc etiam revoco, cum annus institutionis incomptus sit, quod legitur in primo Ordine Romano a Mabillonio loco citato in lucem edito, et ab Amalario sub nomine libelli Romani laudato. In eo num. 24, ubi agitur de missa, quam initio Quadragesimæ Romanus Pontifex celebrat, habetur : « Veniens Pontifex ascendit ad sedem, dicit, *Oremus.* Diaconus, *Flectamus genua, et Levate,* etc. Simili modo agitur secunda feria, sexta feria, et sabbato per totam Quadragesimam. Nam sabbato tempore Adriani institutum est, ut flecteretur pro Carolo iuge, antea vero non fuit consuetudo ». Tum num. 28 : « Feria, iv quæ est pridie in Cœna Domini, hora tercia Pontifex cum clero et ordine suo procedat ad altare in Ecclesia majore, et dicit orationes sollemnes hoc ordine, etc. Dicit orationem pro rege Francorum, deinde reliquas per ordinem ». Mabillonius in Notis dicit, priorem locum immuere haec posterioris esse instituti. Sed ea in re viro doctis-

simo non assentio, quia ex his verbis, *tempore Adriani institutum est*, sequi tantum videtur hunc Romanum ordinem post Caroli Magni mortem conditum fuisse.

6. *Monet Hadrianus Carolum ut in Gallia cuilibet metropolitæ jura sua reddantur.* — Hugo Flaviniacensis abbas in Chron. Virdun. pag. 409, de Carolo M. Romæ existente haec habet : « Licet in restauratione Ecclesiarum aliquando studiose desudarit, tamen tanta erat mali moles, tanta cupiditalis rabies, ut usque ad Caroli M. tempora malitiae hujus duraverit pernices velernosa, dum quod male quisque et indebitè usurpaverat, penes retinere satagebat. Unde cum clamores Ecclesiarum ad Sedem referrentur Apostolicam, et ab eo requirerent justitiam, Adrianus Pontifex Carolum M. ante corpus B. Petri conveniens, ut omnia corrigerentur, obtinuit ». Refert postea Epistolam Berthierio episcopo Viennensi ab Hadriano papa datam, qua Pontifex ait : « Dilictus et illustris ac religiosus filius noster Carolus rex et patricius Romanorum Romam venit, et Pascha Domini apud S. Petrum nobiscum egit, ubi inter alia monuimus eum de metropolitanorum honore, et de civitatibus quæ Iaicus hominibus traditæ erant : et quia episcopalis dignitas fere per octoginta annos a Francis esset conculeata ». Subiungit Hadrianus, Carolum M. cum haec et his similia audisset, promisso, quod omnia ad emendationem suam venirent, seque omnibus archiepiscopis et episcopis scriptis, « ut siue antiquis privilegiis singulæ metropolitanæ urbes fundatae sunt, ita maneat, ut habeat unaquæque metropolis civitates sibi subditas, quas B. Leo, et alii prædecessores et successores ipsius post Chalcedonensem Synodum singulis metropolitanis distinxit. Nec præterea ulla metropolis præjudicium patiatur. Si alicui suffraganeorum aut nos aut prædecessores nostri, rogantibus piis Francorum ducibus, pallium largiti sumus. Nec debet Ecclesia ullum damnum sui ordinis inde sustinere, si per LX aut LXX aut LXXX et eo amplius annos incuria quorumcumque præsumumus, et vastatione Barbarorum dignitatem antiquam et Romanorum antistitutum firmitatem roboratam perdidil et amisit, quando innumeris pene annis spiritu Dei disponente usa fuerit. Anclorilate igitur B. Petri Apostolorum principis singulis metropolitanis antiquo more potestatem suam reddidimus ». In fine legitur : « Data kalend. Januarii, imperante piissimo Augusto Constantino, anno decimo, et a Deo coronato piissimo rege Carolo, anno primo patriciatus ejus ». Eamdem Epistolam cum eadem subscriptio refert Petrus a sancto Juliano in Hist. *de Origine Burgundionum*, pag. 272, sed subscriptio utrobius addititia; qui pessimus mos tunc inoleverat, ut jam alibi monuimus. Porro ex uno exemplari alterum cum altero collatum emendari poterit, observandumque neque Carolum M. annos patriciatus sui, neque alias in monumentis publicis notasse, indeque inter alia patere subscriptio-

nem illam floeci faciendam; Carolo M. regnante Ecclesiasticos eo agente aliqua jura, licet non omnia, recuperasse; et denique hanc rerum confusione in Galliam introductam sub sæculi superioris finem.

**7. Carolus regnum Langobardorum sibi subjicit.** — *Carolus* reversus Papiam ipsam fortiter debellans, atque obsidens, « ita Dei nutu eamdem civitatem, simulque et Desiderium Longobardorum regem, atque cunatos, qui cum eo erant, comprehendit, et suæ potestati cunctum regnum Longobardorum subjugavit. Praefatum vero Desiderium Longobardorum regem, et ejus conjugem secum in Franciam deportavit », inquit Anastasius. Annalista vero Metensis habet : « Papiam venit, ipsamque civitatem cepit, et Desiderium regem cum uxore, et filia, et omnibus thesauris suis suæ ditioni subegit. Ibique venientes undique Longobardi de singulis civitatibus Italiae, subdiderunt se domui gloriösi Caroli. Adalgitus vero filius Desiderii fugiens navem intravit, et per mare Constantinopolim usque pervenit. Hactenus aulem stetit regnum Longobardorum annis ccxv. Porro Carolus rex, tota Italia subacta, et ordinata euslodia Francorum in Papia, trusoque in exilium Desiderio rege et uxore et filia, ipse cum magno triumpho, auxiliante Domino in Franciam reversus est ». Verum error irrepsit in numeros annos dominationis Langobardorum in Italia exprimentes. In eam enim ingressi sunt an. **DLXVIII**, ideoque regnum Langobardicum duravit tantum ann. **CCVI**. Marquardus Freberus in corpore *Francicæ Historiae veteris*, pagina 168, publicavit e Ms. Palatino *Pauli diaconi supplementum Longobardorum*, et ante eum Gruterus ex eodem Ms. continuavit Historiam ejusdem Pauli de Gestis Langobard. qui fatetur eam periochain extare in unico illo Ms. « cui, inquit, tantum quisque tribuat, quantum licet affirmationi testis unius ». Verum cum in fine illius supplementi legatur : « Dominans (nempe Carolus) Italianam, anno Dominicæ Incarnationis **DCCLXXIII**, præfatum vero Desiderium et ejus conjugem ad Franciam misit. Finitumque est regnum Langobardorum, quod mansit per annos **CCVI**, postquam ipsi Italianam intraverunt », non dubito quin additamentum illud sit alienus junioris auctoris; cum Paulus diaconus non scripsisset, Langobardorum regnum anno superiori finitum esse; id enim inter omnes falsum esse constat. Deinceps *Carolus* Francorum et Langobardorum regem se appellavit.

**8. Duplex epocha Caroli in Italia regnantis.** — Cointius hoc anno num. **IIII** ait, apud Labbeum Elogio historico Caroli M. subjici variorum Diplomatium characteres chronologicos, quorum collatio palam ostendit, veteribus *Caroli* titulis regnum Longobardie *quinto nonos Maii* nondum additum, additum autem *ante idus Junii*. Nee ab hoc calculo recedere Pingonium in Augusta Taurinorum, ubi *Desiderium* in potestatem Caroli mense *Maii* ve-

nissee scribit. Verum regni Longobardici a Carolo initi epochæ duæ distinguendæ, et quod Cointius in medium profert, posteriore tantum respicit. Hanc post medium mensem Maium initium sumere demonstrat etiam Caroli M. præceptum pro Adalrico Saxone emissum, cuius haec est subscriptio : « Data VII id. Maii, anno Christo propilio imperii nostri **XIII**, regni vero in Francia **XLV**, atque in Italia **XXXIX**, Indictione **VI**. Actum Aquis-grani palatio regio », ideoque anno Christi **DCCCXIII**, quo annus **XXXIX** Caroli in Italia regnant die nona mensis Maii nondum absolutus erat. Mabillonius lib. 6 de Re Diplom. pag. 513, Præceptum illud eruit ex autographio Corbeiæ Saxonice, et pag. 391, ejus partem æri incidendam curavit. In eodem libro pag. 303, legitur Charta Ghiselæ Caroli M. sororis, qua monasterio Dionysiano in Francia multa prædia confert. Ea dicitur *data id. Jun. anno XXXI et XXVI regnum Domini nostri. Actum Aquis palatio*, anno scilicet Christi **DCCCXIX**, ejus pars in tabella aerea expressa pag. 389. Certis itaque testimoniis liquet, Carolum posteriore regni sui Italiæ epocham post diem nonum mensis Maii, sed ante decimum tertium mensis Junii currentis Christi anni inchoasse, et *Papiam* inter utrumque diem sibi subjecisse.

**9. Ante captam Papiam rex Longobardorum appellatus.** — Verum antequam urbem illam, quæ sedes regia erat, expugnasset, jam se regem Longobardorum appellabat, (ut ostendit Episcola **LV** Codicis Carolini, quam ipseinet Cointius num. 48, hoc anno datam esse fatetur) Papia nondum subacta Gausfridus civis Pisanius, cum ex castris Caroli Pisas reverteretur, ab Allone duce pene imperfectus est. Quapropter cum ad Carolum redire vellet, Romanum configuit, utque tulius easla prope Papiam repeteret, ab Hadriano papa, quem certiores de victoriis Francorum fecit, litteras petitum Carolo regi deferendas. In iis Pontifex Romanus rogavit eundem regem, ut episcopos Pisarum, Lueæ et Rhegii ad sedes suas et Ecclesias dimitteret : « Domno, inquit, excellentissimo filio Carolo, regi Francorum et Longobardorum, atque patricio Romanorum Hadrianus papa. Reversis a vestris a Deo dilectis regalibus vestigiis præsens Gausfridus habitator civitatis Pisanae, etc., retulit nobis de immensis victoriis, quas vobis omnipotens et Redemptor noster Dominus Deus per intercessiones beati Petri principis Apostolorum concedere dignatus est, etc. Quo auditio vehementi exultationis Iætitia noster in Domino ovans relevatus est animus, etc. Et quidem nos Deum proferimus testem, cui omnium cordium occulta reserata existunt, ab illo tempore, die quo ab hac Romana Urbe in illas partes profecti estis, quotidie momentaneis etiam atque singulis horis, omnes nostri sacerdotes, seu etiam religiosi Dei famuli monachi per universa nostra monasteria, simulque et reliquus populus tam per titulos, quam per diaconos trecentos, Kyrie eleison, extensis vocibus,

pro vobis Deo nostro ad clamandum non cesserant, etc. Ut et veniam delictorum vobis, et maximam prosperitatis latitudinem, etiam et copiosas victorias vobis multipliees e celo concedat, etc. Sed et hoc nimis quæsumus atque postulamus benignitatem tuam, ut episcopos illos, id est, civitatis Pisanae seu Lucanae, Regii ad proprias sedes atque Ecclesias et plebes eis commissas absolvere jubeatatis reverti, quia ita, bone rex, excellentissime fili, animæ tuæ expedit, uti psi episcopi propriis sedibus restituantur, omnesque Dei Ecclesiae suis præsulibus ornatae consistant, etc. » Neque diei potest, has litteras ab Hadriano papa scriptas an. DCCLXXXI, postquam Carolus ab Urbe Romana iterum discessit. Tunc enim Hadriani compater factus est, coque titulo in litteris ad eum postea datis semper ab Hadriano compellatus.

10. *Prior epocha a mense Aprili quandoque deducta.* — Quare cum, teste Anastasio, *Carolus* ante captam Papiam diversas civitates subegerit a parte Longobardiae devicta sese regem Italiae vocare coepit. Mabillonius tom. III Analect. pag. 262, refert præceptum Caroli Augusti de *nonis ac decimis* ac restorationis Ecclesiarum diaconos Cenomannensis, in cuius fine legitur: « Data in mense Aprilis, IX kal. Maii, anno II Christo proprio gloriose imperii nostri, et XXXIV regni nostri in Francia, et XXIX in Italia »; ideoque anno Christi MCCCI, quo annum regni Italici XXIX, die XXIII mensis Aprilis jam attigerat, qui annum tantum XXVII numerasset, si epocham jam explicatam adhibuisset. Ad hanc sanctus Paulinus Concilium Foro-juliense anno DCXCVI celebravit, « anno feli-cissimo principatus eorum (Caroli nempe ac Pippini Italie regis) tertio et vicesimo et XV », ut initio ejusdem Concilii legitur. Pippinus anno DCCLXXXI, die Paschalis, qui eo anno in diem XV mensis Aprilis incidit, rex Italie dicitur est. Quare annus ejus XV die XV mensis Aprilis anni Christi DCXCVI terminabatur, et tamen Carolus ante eum diem anno DCXCVI annum regni sui Italici XXIII jam auspiciatus erat, justa videlicet priorem regni ejus Longobardici epocham. Denique tom. IV Italie sacrae Ughellus recitat Diploma datum a Carolo in favorem monasterii Ambrosiani ad petitionem Petri Mediolanensis archiepiscopi, in cuius fine habetur: « Dat. in mense Aprili anno vicesimo secundo, et decimo septimo regni nostri. Actum

Placentiae ex palatio nostro publico ». Emissum iltud Diploma anno Christi DCXC, quo Carolus mense Aprili annum XVII regni sui Italici jam exorsus erat. Sed quia eo Christi anno *Carolus* nullam expeditionem fecit, ut ibidem ostendimus, Cointius anno DCXC, num. 27, *Placentiae* loco, *Wormaciam* reponendam existimat, quod ibi Paschalem solemnitatem egerit. Quia tamen *Pippini* Italie regis nomen in eo Diplomate non legitur, et confirmatio a Petro Mediolanensi archiepiscopo petitam sine Pippini assensu non videtur concessa, quod ab ea *Charla* argumentum eruitur, infirmum, ideoque tribus prioribus standum, ac pro certo habendum, priorem regni Italici Caroli epocham a die incerto mensis Aprilis, vel etiam a mense præcedenti proficisci (t).

11. *Desiderius Leodium primum, dein Corbeiā relegatur.* — Dum Carolus Veronam anno superiori ob sideret, « prolinus Autcarius et uxor atque filii, saepius nominali Carolomanni, propria voluntate eidem benignissimo Carolo regi se tradiderunt », inquit Anastasius, quos Carolum in Galliam misisse non dubitandum. Mabillonius scc. IV Benedict. part. I, loquens de *Otgerio* pio monacho, qui in cœnobio sancti Faronis apud urbem Meldensem, post multa prælia vixit et mortuus est, suspicatur, eum diversum non esse *Autcario*, quem postea sibi reconciliatum *Carolus* copiis suis præfecerit, aut saltem eum *Autcario* ad privatam vitam redacto, ut sese in monasterium reciperet, induluisse. Refert ibidem Mabillonius ejus Historiam, Epitaphium, et Iconographiam tumuli *Otgeriani*, refellitque eos, qui *Otgerium Danum* fuisse fabulantur. Cum *Desiderio* relegata et ejus uxor *Ansa* appellata, ut prodit annalista Nazarianus, et cum uxore ejus filia, ut habet annalista Metensis citatus. Anselmus Leodiensis canonicus, et Sigebertus in Chronico asserunt, *Desiderium* Leodium in exilium missum esse, licet Sigebertus librariorum errore loco, *perpetuo exilio ad Gallias Agilfredo Leodicenium episcopo dirigitur*, habeat, *perpetuo exilio ad Gallias a Gilredo Laodicenium episcopo dirigitur*. Recte enim in Chronico Leodiensi a Labbeo tom. I Biblioth. edito ad annum DCCLXXIV habetur: « Carolus regnum Italie cepit, et Desiderium regem in exilium direxit Agilfrido episcopo », sc. Leodiensi, non vero *Gilredo*, qui hoc tempore episcopus erat Laudunensis. Hepidamus tamen *San-Gallensis* mona-

(t) Priorem Caroli epocham, de qua hic Pagius, diu ante Aprilim anni hujus repetendam suadet auctoritas Diplomatici autographi a Cl. Saxio in notis ad regnum Italie novæ Editionis tom. II, col. 226 producti. Consignatur illud anno regni *Caroli* XXXV, et *Pippini* XXVII, die XI *Septemberis*, *Indictione* I, id est, anno DCCCVII. Ille utique epocha corpta est anno DCCLXXIII ante diem illam *Septemberis*, ut perspicue constat.

Seundam vero epocham a Papia cajta vir ille doctus consignat medio mense Maii hujus anni DCCLXXIV, ex diplomate dato Mediolani anno regni Caroli tertio, VII *kalendas Junii*, *Indictione* XIV. Designant hanc annum DCCLXXVI, sinnolque demonstrant ante diem DCCLXXIV, Caroli epocham hanc coepisse. Cum autem Diploma alterum ab eodem ex Mabillonio productum ferat VII *idus Maii* annum imperii XIII, regni in Francia XLV, in Italia XXIX, *Indictionem* VI, nempe annum DCCLXIII, ex eo constat die nona Maii nondum initum fuisse a Carolo regnum Italicum, adeoque epocham illam figurandam inter diem IX et XXV Maii. Verum Junio mense cessisse Carolo victori Papiam, diserte asserit auctor veterum *Annales Francorum* vulgatus in collect. veter. monum. t. V, col. 898, qui cum sua omnia ex *Annales Moissiacensibus* desumpserit, et *Codex unde Annales hosce Duchesnus accepti*, hisce in annis fit manus, ex ipsis Moissiacensibus *Annales* hanc petuisse censendus est. Hinc autem patere arbitror postremum illud Diploma a Saxio productum ad priorem regni Italici epocham, non ad secundam pertinere.

Post hac scripta, incidi in Dissertationem I Cl. Muratorii in Opere eruditissimo, quod an. MDCCCLXXXVII Mediolani prodit inscripto: *Antiquitates Italicae medii aevi tomus I*, in eo vero vir cl. ex *Charla* Lucensi eruit regnum hoc Italicum Caroli coepisse die XV seu XX Junii hujus anni. Ita enim Lucense monumentum: « Regnante bonino nostro Carolo, rex Francorum et Longobardorum, quo coepit Longobardiam, anno regni ejus intrante, tertio octavo kalendas Julias, Indictione quarta decima, id est, anno DCCLXXVI ».

chus, quem sequitur Mabillonius sœc. iii Benedict. part. 2, in præfat. num. 13, ait : « Anno DCCLXXII, Paveia civitas conquisita, et Desiderius et Ansa uxor ejus pariter exiliati sunt ad Corbeiam : et ibi Desiderius in vigiliis et orationibus et jejuniiis, et multis bonis operibus permansi usque ad diem obitus sui ». Unde apparet, locum exilii postea mutatum fuisse, non vero, ut creditit Cointius, hoc anno, num. 24, Hepidannum, qui erravit in chronologiam, in loco exilii memorando etiam peccasse. Denique rex *Carolus missis comitibus per omnem Italiam*, id est, per omnes ditiones regni Longobardici, *laetus sancto Petro reddidit civitates, quas debuit.*

12. *Leo archiep. Ravenn. turbas movet adversus Pontificem Romanum.* — *Leo* Ravennatum episcopus, statim ac *Carolus* relicta Papia in Franciam rediit, plerasque urbes Aemiliae, Faventiam, Forum-Popilli, Forum-Livii, Cesenas, Bobium, Comaclum, dueatum Ferrarie, Imolam, et Bononiam occupavit ; finxit civitates illas cum universa Pentapoli sibi concessas a Carolo, direxitque *Theophylactum*, qui commentum istud Pentapolensibus insinuaret. Hi tamen constantissime manserunt in fide Hadriani Pontificis, qui litteras per Anastasium cubicularium, ea de re Carolo scripsit, ne premissa a Leone nuntii regium animum fraude deciperent, utque potentissimum Francorum regem in Italiam denuo vocaret ; in primis conquestus est gravissime, quod inimici palam exprobrarent, quid prodesset Apostolice Sedi gentem Langobardorum abolitam, et regno Francorum subditam fuisse ; cum corum quæ promissa fuerant, nihil adimpleretur, et quæ beato Petro a Pippino rege prius concessa fuerant, insuper anferrentur. Exstant queribundæ hæ litteræ in Cod. Carol. num. 54 : « Quid vobis profuit », inquit Hadrianus, « quod Langobardorum gens est abolita, et regno Francorum subjugata ? Et ecce jam nihil de his, quæ promissa sunt, adimpletum est, insuper et ea quæ antea beato Petro concessa sunt a sanctæ recordationis domino Pippino rege, nunc ablata esse noscuntur. Etenim illud quod anlefatus nefandissimus archiepiscopus asserit proponens occasionem, in ea potestate sibi exarchatum Ravennatum, quam Sergius archiepiscopus habuit, tribui, nos, excellentissime fili, quemadmodum tempore domini Stephani papæ, et qui illuc in Franciam profectus est, cui et ipse exarchatus traditus est, ita et nostris temporibus eam sub nostra potestate disponere atque ordinare volimus, et omnes in hoc cognoscere possunt, qualem potestatem ejus beatitudo in eamdem Ravennatum urbem, et cunctum exarchatum habuit, qui etiam archiepiscopum Sergium exinde abstulit, dum contra ejus voluntatem agere spiritu superbiæ nitebatur, etc. » *Carolus* regni Langobardie causa in Italiam redire coactum fuisse, infra videbimus. Longobardi enim duces, qui ab eo relicti sunt, regni summam Longobardo nomini ademptam indigne passi, res novas moliri nunquam desistere.

13. *Synodus Romana dum Carolus Romæ esset fictitia.* — A num. 10 ad 18. In Chronico Sigeberti ad annum DCCLXXIII legitur, *Carolum Romam venisse*, et postea *Papiam* rediisse ac occupasse : itemque Romam rediisse et *Synodum* constituisse cum Hadriano papa et clni episcopis et abbatibus, in qua Hadrianus dedit ei jus eligendi Pontificem et episcopos per singulas provincias, ab eo investituram accipere definitivit. Conqueritur Baronius commentitium istud Concilium Romanum a Sigeberto confitum esse, ut Henrici imperatoris partes, cui favebat, hac auctoritate muniret adversus Paschalem II. Verum nulla hujus Synodi apud Sigebertum juxta Editionem Miræ cum MSS. exemplaribus collatam mentio ; quam si Baronius videre potuisset, *Sigebertum* ab hoc errore sine dubio absolvisset. Marca lib. 8 de Concordia, cap. 12, hujus Synodi falsitatem ostendit, et quia editionem Sigeberti a Miræ curatam non legerat, Sigebertum hujus imposturæ reum non fuisse asserit, quod, inquit, post Leonis VIII testimonium de facti veritate dubitare non posset, licet temporis consignationem de suo addiderit. Verum Sigebertus excusatione illa non indiget ; cum omnis culpa interpolatori, viro sine dubio schismatico, adscribenda sit. Oslendit ibidem prælerca Marca argumenta, quibus utitur Baronius ad hujus Concilii falsitatem convincendam, vim non habere, et quatuor alii eam probat, ex quibus duo potiora hæc sunt.

14. *Duo ad id probandum Marcæ argumenta.* — Primum petitur ex testimonio Flori Magistri in Tractatu de *Electione episcoporum*, quem scripsit circa annum CCCXX, ubi consensum regis consuetudine inductum docet. Quare viro illi eruditio incognita erat hæc constitutio Hadriani et Synodi universalis, quæ dicitur ob eo celebrata. Adde Lupi Ferrarensis Epistolam, qui de jure regum in electionibus stabiliendo tractans, omne robur trahit a concessione Zacharie, ut ostendimus anno DCCLVI, num. 14. Recentior itaque erat et firmior auctoritas Hadriani et Synodi universalis ; quam, si extitisset unquam, Lupus non omisisset. Alterum argumentum deducitur ex duabus Hadriani Epistolis ad Carolum datis ; ex quarum altera anno DCCLXXXIV scripta docemur, episcoporum in regno Longobardico constitutorum ordinationes ab Hadriano factas post cleri et plebis decretum ad se missum. Ex altera anni DCCLXXXVII discimus, *Caroli* desiderium, ut episcopi Ravennatis electio non fieret absque missorum suorum interventu. Cui respondet *Hadrianus*, id nunquam factum ; sed morem istum observatum etiam temporibus Pippini regis, ut Decreto cleri atque plebis ad Sedem Apostolicam perlati, proprium antistitem sibi consecrandum Ravennates peterent.

15. *Synodus illa a multis vera existimata.* — Porro Sigeberti ævo prædicta *Synodus Romana*, hec fictitia sit, etiam ab Italis agnoscebatur. Si quidem, ut observat Mabillonius lib. 3 de Re Dipl. cap. 3, num. 16, Joannes Beraldi monachus in

Chronico Casauriensi, quod in anno m. lxxxvii desinit, tametsi ejusdem Chartarium pertingit ad an. mclxi, diserte scribit, *Carolum Magnum Desiderio in Franciam abducto Romanam rediisse, et constituisse ibi Synodus cum supradicto papa Hadriano in patriarchio Lateranensi, in Basilica sancti Salvatoris*: « Quæ Synodus, inquit, celebrata est a centum quinquaginta tribus episcopis », tametsi nihil habet de investituris. Extat illud Chronicorum apud Duchiensem tom. iii, pag. 544. Gratianus in Dist. 63, cap. 23, Synodum illam Romanam summopere prædicat. Sed, ut Bellarminus lib. de Script. Eccles. ad annum mclxv jam questus est, Gratianus non habuit delectum auctorum ex quibus *Decreta collegit*, indeque eamdem, quam interpolator Sigeberti narrationem primæ parti Decreti sui inseruit, aliamque etiam Leonis VIII Pseudo-Synodum retulit in eam rem, ut an. DCCLXIV, Deo dante videbimus, et de ista supposititia Synodo Hadriano attributa rursus mentionem faciemus.

16. *Paulus diaconus in exilium a Carolo missus.* — Ad num. t8 et seqq. Paulus diaconus libellum suum de *Metensibus episcopis*, ut liquet ex ejus scriptis, composuit, postquam Carolus rex Fastradam uxorem duxisset, *Pippinum filium Italiam regem renuntiasset, Ludovicum vero alterum filium regem Aquitanæ constituisset.* Quare cum utriusque regis inunctio ad annum DCCLXXXI et Fastradae nuptiae ad annum DCCLXXXIII pertineant, ac *Angilramnus* episcopus Metensis, cui libellum suum Paulus dicavit, anno DCXCII vivere desierit, *Paulus intra spatium illud annorum octo, quod a Fastradae nuptiis ad Angilramni obitum intercessit, suam Iucubrationem edidit.* Aretius rem premit Leo Ostiensis in suo Chronicum lib. 1, cap. t7, ubi testatur, *Paulum exilio relegatum a Carolo, annos aliquot exulasse, deinde in Aragisi ducis Beneventani palatio mansisse, postremo monachum Casinatem factum, post ejusdem Aragisi mortem, quam vetus auctor in Appendix ad Chronicum, quod Nibelungi comitis jussu conscriptum est, anno Christi DCCLXXXVII consignat.* Ex his Cointius anno DCCLXXXIII, num. 40 deducit, *Paulum libellum suum Angilramno dicasse anno septingentesimo octogesimo quarto, eodemque anno ipsummet Panlum ab invidis accusatum apud Carolum regem, quod ex affectu Desiderii, illi pararet insidias, ut narrat Leo Ostiensis, in exilium misisse in Diomedis insulam, in mari Adriatico positam.* Baronius, qui libellum illum Panli de *Metensibus episcopis* non viderat, eum cum Desiderio hoc anno relegatum fuisse eredit. « Post Arichis Beneventani principis obitum », inquit Leo, « ad hoc monasterium (nempe Casinense) venit, et sancte ibi religionis habitum induit, et factus monachus non paucum ibi tempore vixit », ideoque monachum induit circa annum DCCLXXXVII; eo enim Christi anno *Arigisum seu Arichim* vita functum esse infra videbimus. *Homiliarium seu lectiones, quæ per totius anni festivitates legerentur.* Caroli regis

jussu edidit, ut liquet ex Epistola ejusdem Caroli, de qua anno DCXCIV agemus. Mabillonius tom. i Annalet, pag. 319, tribuit illi Vitam sancti Gregorii Magni refellitque Gussanyllænum, qui opera hujus sancti doctoris ab aliquot annis in lucem emisit, quique suam opinionem retractare decreverat, ut ait ibidem Mabillonius. Ea autem vita diversa est ab illa quam Joannes diaconus publicavit, editaque est saeculo i Benedict.

17. *Annus tertius belli Saxonici.* — Eginhardus in Annal. de Saxonum rebellione, et de Gestis a Carolo anno ut belli Saxonici loquens ait: « Cum hæc in Italia geruntur (id est, Papia a Carolo obsidetur), Saxones per opportunam absentiam regis nacti occasionem, contiguos sibi Hassorum terminos ferro et igni populantur. Cumque in eo loco, qui nunc Frideslar ab incolis nominatur, Basiliacum in beato Bonifacio martyre dedicatam incendere molirentur, atque hoc efficere casso labore conarentur, immisso sibi divinitus pavore subitaneo, turpi trepidatione confusi domum fugiendo revertuntur ». Paulo post: « Rex autem dominum regressus, priusquam eum Saxones venisse sentirent, tripartitum in eorum regiones misit exercitum: qui incendiis ac direptionibus cuncta devastans, compluribus etiam qui resistere conati sunt interfectis, cum ingenti præda reversus est. Et celebravit prefalus gloriosus rex Natalem Domini, in villa quæ dicitur Carisiacus ». Idem habent annalistæ Tilianus, Loiselians et alii.

18. *Translatio S. Nazarii ejusque Ecclesiæ dedicatio.* — Annales a Lambecio tom. II Biblioth. Cæs. publicati, qui ab anno DCXIV usque ad annum DCXXVII pertingunt, hæc habent: « Karlus ab Italia regrediens dedicationem Ecclesiæ sancti Nazarii, et translationem corporis ipsius in monasterio Lauresham celebrat anno Incarnationis Dominicæ DCCLXXIV, die kalendarum Septembri ». Idem habent Annales Fulenses auctiores nondum editi ibidem apud Lambecium pag. 347, die tamen et mense, quibus dedicatio et translatio factæ, in quibus tota sita est difficultas, non memoratis. Hoc enim anno dies primus mensis Septemb. in feriam quintam incidit, et translationes ac dedications non nisi diebus Dominicis peragi solite erant. Nodi hujus solutionem discimus ex auctore Chronicorum Laureshamensis, qui notat, utramque peractam in capite kalendarum Septembrium, id est, decimo nono kalendas Septembri, seu die xiv mensis Augusti, qui hoc anno Dominicalis fuit. Hujus numerandi modi ab antiquis quandoque usurpati, qui facile in errorem inducere potest, exempla attulimus anno Christi xxxi, num. 4, et anno DXXVI, num. 9. Operæ pretium est ejusdem Chronicorum verba de hac dedicatione ac translatione hic referre, ut ejus auctoris errores aperiamus, et celeberrimi illius monasterii fundationem, de qua anno DCCLXIII, quo peracta est, egimus, magis explicemus: « Anno Dominicæ Incarnationis DCCLXXVII, (restituendus annus DCCLXXIV) sed a fundatione sive

exordio Laureshamensis monasterii anno XII ». Ex quo liquet conditum illud fuisse anno DCCLXIII, non vero anno DCCLXIV, ut passim viri docti deducunt ex duobus Diplomaticis Williswindæ et Cangoris ejus filii comitis pagi Rhenensis sive Rhengoviae in eodem Chronicæ recitatibus, quorum initio legitur : « Anno duodecimo, domino nostro Pippino rege, sub die IV id. Julii, regni vero Caroli (ex quo defunculo fratre suo Karolomanno monarchia ad eum transiit) anno VI (sed delenda illa parenthesis, annus enim ille VI a morte Pippini regis, non vero a morte Carolomanni deducitur), Gundelandus abbas, perfecta jam templi fabrica, et ut domum Dei decebat, omni specie decoris exornata, apud Spiream civitatem regi occurrit; cui pius rex benigne assentiens cum regina Hildigarda, filiisque Carolo, Pippino, Ludwico (delendum nomen Ludovici, quia nondum natus erat) ac plurimis regni principibus, per Lullum Maguntinæ sedis archiepiscopum et beati Bonifacii episcopi et martyris successorem, atque per episcopos Meginozum, Wiomudum, Angitramnum, Waldricum, magnifico apparatu et summa veneratione, in CAPITE KALENDARVM SEPTEMBRIUM, dedicationem ejusdem Ecclesiæ celebravit, corpusque beati martyris Nazarii, domini et patroni nostri in eam maximo devotionis honore transtulit ».

19. *Episcopi qui eisdem interfuerent.* — Tunc Ecclesiæ Trevirensi præerat Wiomodus seu Weomodus, Metensi Angilrammus, et Meginozus episcopatum Wirzeburgensem quindecim annis rexerat, et suis monachis vale dicto episcopatum deposuerat, ut in solitudine liberius Deo inserviret, ut inquit Egilwardus in Vita sancti Burchardi, ubi plura de ejus virtutibus. Cointius hoc anno num. 133, ubi de translatione sancti Nazarii disserit, et Chronicæ Laureshamensis errores aliquot emendat, *Waldricum* interpretatur Udalricum episcopum Lausannensem. Verum hic anno incerto

Ecclesiam Lausannensem gubernavit, *Waldricus* vero sextus fuit episcopus Pataviensis, ut patet ex versibus incerti poëtæ de *Ordine comprovinciarium pontificum*, quos anno DCXXXIX, num. 3 representavimus. In Chronicæ Wirziburgensi a Baluzio lib. I Miscell. publicato ad annum DCXCIV legitur : « Meginaudus episcopus obiit VI kal. Octob. Wirzibure. Sedit annos III, menses decem, dies XXV ». Verum tam ex eo Chronicæ, quam ex Vita Burchardi nihil certi colligi potest de anno emortuali episcoporum Wirzeburgensium ob errores chronologicos auctorum utriusque operis.

20. *Bellum Bulgaricum.* — Theophanes ad annum XXXIII et XXXIV Constantini imp. narrat, hunc imperatorem classem adversus *Bulgaros* instruxisse, hosque ejus adventu cognito terrore actos pacem cum illo composuisse. Verum mense Octobri, Indictione undecima, sed legendum, Indictione duodecima, kalend. Septemb. superioris Christi anni inchoata, cum Bulgari pacem rupissent, imperator eos ex improviso aggressus, nobiliter de eis triumphavit. Postea Bulgarorum princeps, ut sciret quos in suo principatu proditores haberet, scripsit ad Constantinum imp. constituisse sese ad eum profugere, rogavitque ut sibi significaret quos apud se amicos haberet, ut una cum ipsis ad illum veniret: qua fraude circumventus imperator nomina amicorum suorum ei perscribit, quos omnes Bulgarus perdidit: « quo comperto, Constantinus canos suos pra dolore evulsit », inquit Theophanes.

21. *Edelredus rex Northumbriæ creatur.* — « Alredus, seu Aldredus (Northumbriæ rex) decimo regni, quod invaserat, anno cedere a comprovincialibus compulsus est », inquit Malmesburiensis lib. I de Reg. cap. 3, quod hoc anno contigisse testantur Illoedenus, et annalista Mailrosensis. In ejus locum substitutus est *Edelredus* filius regis Mol, seu regis Edilwaldi.

## HADRIANI I ANNUS 4. — CHRISTI 775.

1. *Miserrimus Copronymi obitus.* — Septingentesimus septuagesimus quintus agitur annus Indictione decima tertia, quo tandem post propagatum ad plurimos annos imperium Constantini, secundum illud propheticum Danielis<sup>1</sup>: « Ecce vigil et sanctus de caelo descendit et clamavit fortiter, dicens: Succidite arborem, praenidite ramos ejus, et dispergite fructus ejus ». Cum videlicet impius Constantinus, ubi regnasset annis triginta quatuor, mensibus duobus et diebus viginti sex, infeliciissimo exitu diem clausit extremum, decima quarta mensis Septembris, prout ex Theophane exakte annos singulos ejus imperii suppulante collegimus, dnni ejus imperii exordium numerare incipit a die obitus patris, quem contigisse ait decimo quarto kalend. Julii nonae Indictionis, anno Redemptoris (juxta Latinorum suppunctionem) septingentesimo quadragesimo primo, decem ipse amplius annis, quam pater regnavit, et mensibus totidem minus diebus novem: siquidem Leonem annis nonnisi viginti quatuor, mensibus tribus et diebus duobus imperasse, idem Theophanes tradit. Ut autem impii tandem regnare permissi sint, non Dei benedictio, sed maledictio fuit secundum illud Job<sup>2</sup>: « Vidi stultum firmaradice, et maledixi pulchritudini ejus statim ». Nam quo longius vita producitur, eo copiosior eorum maledictio propagatur, cum totum, quod vivunt tempus, nonnisi ad thesaurizandum<sup>3</sup> sibi ipsis iram in die irae profecerint, ut nec illis ad vitam fuerit computandum; iisdem ipsis id in inferno testantibus<sup>4</sup> et inter alia ista de nimia vita sua brevitate dicentibus: « Tanquam sagitta emissain locum destinatum, divisus aer continuo in se reclusus est, ut ignoretur transitus illius; sic et nos nati continuo desivinus esse ».

2. At quæ de exitu ejus Theophanes breviter narrat, sic accipe: « Anno trigesimo quinto (inchoato scilicet) sui imperii mense Augusto tertia decima Indictione exivit contra Bulgaros Constantinus, qui divinitus est in cruribus plaga percussus, quæ græce ἀνθεξαντον appellatur. Et hinc febre validis-

sima detenus, Archadiopolim rediit a subjectis humeris in lectum delatus. Et veniens Silibriam, navem ingressus est, cumque Strongylum pervenisset castellum, miserabiliter in Chelando moritur, clamans et dicens: Vivens adhuc igni sum inextinguibili traditus; sanctamque Virginem et Dei Genitricem laudari exposcens, cum sine foedere ejus fuerit inimicus ». Eadem et reliqui omnes Graeci auctores testantur. Addit autem aliqua Cedrenus his verbis: « Navigio usque ad castellum Strongylum vectus, ibi animæ et corporis mortem obiit, vociferans atque dicens se inextinguibili igni traditum propter Mariam, jubens eam exinde honorari ac celebrari vere Deiparam. Moriens, suamque ultimam voluntatem testatam faciens, haec pronuntiavit: Incolume esto magnum templum divina Sophia: Incolunis esto aedes sanctissimæ Deiparae in Blachernis: Incolunis esto Ecclesia ejusdem in Chalcopatriis: Incolunis esto aedes sanctorum Apostolorum: Incolunis esto urbs et senatus: Incolunis esto, fili mi imperator, atque tu etiam, o Theophanes, cui magnum meum arcanum credidi ». Haec Cedrenus. Erat præcipue Ecclesiae illæ, quas jubere valet ab ipso præ ceteris ignominia affectæ. Sic igitur ea quam audisti ab eo extorta divinitus confessione veritatis, tum de sua in perpetuum damnatione, tum de cultu quem execratus est ante Deiparae, diem clausit extremum, haec ex parte Antiocho similis, qui semper et ubique impensis, moriens eam primum sanam veramque sententiam dixit<sup>1</sup>: « Justum est subditum esse Deo, et mortalem non paria cum Deo sentire ». Subiecit autem ista Theophanes: « Regnavit autem post mortem patris sui annis triginta quatuor et mensibus duobus, diebus viginti sex ». Quod legebatur triginta quinque annis, corrigitur ex ipso met auctore Theophane, dum qua Indictione, tum hic tum superius in Leone mortuus sit, insinuat.

3. Sed audi, quod subjicit elogium dignum ejus sepulcro: « Ita vitam dissolvit sanguinibus multis infectus, et dæmonum invocationibus et

<sup>1</sup> Dan. iv. — <sup>2</sup> Job. v. — <sup>3</sup> Rom. ii. — <sup>4</sup> Sap. v.

<sup>1</sup> Mach. ix.

sacrificiis, persecutionibus quoque sanctorum Ecclesiarum, rectaque et immaculatae fidei, neenon et monachorum peremptionibus et violationibus monasteriorum, malisque variis supererescens, non minus quam Diocletianus, vel aliquis tyrannorum ». Hæc Theophanes. Porro si quis ex sectis, quibus communicavit, ejus nomina addiscere velit: ex iis, quæ superius dicta sunt, Judæum ipsum jure vocabit, Nestorianum, et Manichæum, præter nomina Iconomachi, Copronymi et Caballini, quorum primum ex seeta, secundum e stercore, quo infans conspersit saerosanctum lavaerum, tertium vero mutuatus e stercore caballorum, quo tale monstrum ipsi etiam naturæ aversum, dicitur delectatum. Nam audi Theostericium hujus temporis scriptorem in Niceta: « Tantopere vero sordium et impurissimæ cujusque rei odore malo delectabatur, ut animalium brutorum stercoribus se illiniret, et eos qui cum illo erant, id facere jueret, quos amabat, ob idque benigne accipiebat, quod rebus male oientibus semper delectaretur ». Hæc ipse. Sed risimus Glicam, dum Caballinum a Cabala civitale refert denominatum, quod caballini ejus cives dici testetur. Sed quid commune Constantino cum Cabala, natus ipse alique educatus Constantinopoli? Nam et Theophanes ipsum caballino stercore delectatum, ejus imperii exordio ita narrat, post alia seclera de ipso commeniorala: « Magicis maleficiis, et luxuriis, eruentisque sacrificiis et caballinis stercoribus, atque lotio delectatus, molitiebusque ac dæmonum invocationibus, etc. »

4. Sed et quod præter personam imperatoris, ageret quoque theologum et doctorem Ecclesiæ, scriptorum aliqua monumenta reliquit. Meminit de eorum aliquibus idem Theostericus, quæ vidit: « Ego ipse, inquit, legi tresdecim orationes, quas per duas hebdomadas recitandas tradidit, in quibus desanctorum intercessione mentio nulla facta erat ». Hæc ipse. Tanto jam gloriantur novatores antesignano; tollant hunc, ut faciunt, laudibus sanctorum blasphemii; susurrumque sui obvoluti stercore audiant scarabei: eosdem cum illo globulos stercoros volvant, dum easdem cum illo putidas hæreses coagamentant, idem absque dubio cum ipso subituri supplicium apud inferos, cuius judicij præjudicium idem proxime moriturus sensit: dum enim in se latam sententiam perpetuae damnationis expressit, eandem utique ejus sectarios accepturos fore significavit.

Defunctus igitur Constantinus sepultus est in templo sanctorum Apostolorum, nactus quam non meruerat sepulturam; qua penitus indignus cum esset, juslo Dei judicio postmodum (ut assertur a Græcis in Menologio) effossus, ejus ossa publice in foro cremata sunt. Reliquit Constantinus post se filium hæredem imperii Leonem et alios filios, sed et filiam a parentis moribus longe dissimilem. In qua Dei manifestata est sapientia, cum ex putrido illo stercore scivit aurum colligere, gemmam-

que seligere quam pretiosissimam, Anthusam dicetam hanc Copronymi filiam, egregia sanctitate conspicuam, de qua in tanta scriptorum penuria satis hic tibi sit reddidisse, quæ in Menologio sæpe citato Basili imperatoris descripta habentur his verbis, die decima septima mensis Aprilis.

5. *De Copronymi filiis Anthusa et Leone, qui ei in imperio succedit.* — « S. Anthusæ Constantini Caballini imperatoris filiae memoria ». Hic titulus. Pergit vero: « S. Anthusa Constantini quidem Caballini fuit filia. Cum autem ut viro copularetur, ab illo cogeretur, non acqueievit. Sed post illius obitum naeta libertalem, omnes suas dispersit diuitias; et has quidem dans pauperibus, has autem in Ecclesiarum et monasteriorum impendens ædificia: porro reliquas in captivorum redemptionem: suas autem aureas vestes in Ecclesiarum ornamenta. Fuit autem nullorum mater orphanorum: expositos enim suscipiens infantes educabat, et instruebat, et hos quidem morientes Deo transmittebat, hos autem viventes ad senum curam mittebat, et feminas tondens inducebat in monasteria. Frequenter autem a piissima Irene cognata, ut cum illius filio ac pariter secum regnaret invitata minime consensil. Sed a S. Tharasio monachia in Eumeniæ cœnobio facta, ad Dominum migravit ». Haec enim S. Anthusæ dignum elogium, quod anniversaria die ex sacro ritu in Ecclesia legi publice consuevit; ut ingens plane miraculum videretur ex monachorum persecutore nasci filiam, quæ erigeret monasteria, atque ipsa monialis pariter efficeretur: ut omnes intelligent, quod « non est sapientia<sup>1</sup>, non est prudentia, non est consilium contra Dominum ». Qnodque ipse est<sup>2</sup> « qui reprobat consilia principum ». Et tu, novator infelix, nihilominus factis verbisque sectaris, defendisque Copronymum, quem et unica ejus filia universo orbi opere demonstravit errasse, pluris faciens vitem monasticum habitum, quam purpuram imperatoriam?

6. Sed unde huic imperatoris Constantini filiae nomen Anthusæ, ex codem Menologio disces, ubi vicesima septima Julii de alia Anthusa fit commemoratio: hæc enim ibi leguntur: « Anthusæ memoria. Hæc anachoreticam vitam deligens, miraculis clara fuit: cognita autem a Constantino Caballino, quod coleret venerandas imagines, cogebatur negare cultum earum. Non acquiescens, dire percussa fuit. At postea imperatoris uxori parere non valenti prædicens, duos filios eam genituram, masculum alterum, alteram feminam, a tormentis eximitur. Et erga eam regina sic affecta est, ut eam loco matris haberet, et filiam, quam peperit, ejus nomine Anthusam nuncuparet: deum vero ipsa in pace quievit ». Hæc ibi. Sed jam redeamus ad Constantini filium, novum imperatorem Leonem, qui statim ab obitu patris absque aliqua controversia capessit imperium.

« Post autem persolula postrema Constantino

<sup>1</sup> Prov. xxi. — <sup>2</sup> Psal. xxxii.

patri, idem imperator a Theophane quæsivit, quodnam grande esset illud patris secretum ipsi soli cognitum? Respondit: Fortasse patrem tuum ejus rei pœnituit, quam nos occulæ egimus, xvii centenarios defodimus quodam in loco in usum fratrum tuorum Cæsarum et nobilissimorum. Leo autem omne illud famulis missis abstulit, nihilque fratribus reliquum fecit ». Hæc<sup>1</sup> Annales Graecorum. Leo vero (subdit Theophanes<sup>2</sup>) « cœpit expendere pecunias, quæ sibi fuerant a patre dimissæ: plauitque tamen optimatibus, quam populo, et visus est brevi tempore pius esse, sanctaque Dei Genitricis et monachorum amicus, unde et monachos metropolitanos episcopos creans, in summis sedibus collocavit ». Tunc accidit, ut ipse Platonem Olympi montis monachum celebrem, eivem Constantinopolitanum, rediens Constantinopolim, in episcopum Nicomediensem provehendum curaret; sed renuit ipse vir sanctissimus, qui in humili gradu Apostolicum obire minus non prætermisit, prout Theodorus Studita, qui hoc vivebat tempore, et res ab eo gestas scriptis prosecutus, testatur, quæ hic reddendæ sunt, ut ex iis, quæ minus iste operatus est, aliorum sanctorum monachorum facta, quæ non prodita scriptis, intelligamus.

7. « Dehinc », inquit Theodorus, « necessariis quibusdam de rebus Byzantium ingressus est. Quo tempore videre licuit monachos ipsos, qui superfluerunt tanquam lumina quædam, ab iis qui in urbe Byzantio erant, conspectos fuisse. Tunc et beatus ille qui mortuus antea putabatur, redivivus agnitus est (neque enim a cognatis superesse credebatur) ex eo quod non solum consanguineis hominibus, sed toti Byzantio celeberrimus factus est, aliis aliunde illum attrahentibus atque amplexantibus, benigne ejus dexteram apprehendentibus, denique nobili ejus doctrina libentissime fruentibus, etc. » Pluribus namque narrat spirituales profectus, cum verbi predicatione singulos mouens, eos ad meliorem vitæ frugem convertit. Et inferius in eodem argumento versatus, hæc addit:

« Itaque in illa urbe regia, tanquam vexillum quoddam, erexit orationem spectatae vitæ testimonio comprobata. Adde quod tenui et modesto habitu induitus, adspicere ipso eos, qui eum videbant, ad virtutem hortabatur. Quod si cum politico aliquo viro negotium illi fuisset, orationem suavem adhibebat, ad ejus mores, qui eum audiebant, se componens. Nec quisquam hæc in re ipsius institutum accuset, sed utilitatem inde proficiensem consideret. Et quænam (inquiet) hæc est? peccantium hominum penitentia, et vite remittantium multitudo. Primus enim et solus fere (ut ita dicam) is apparuit, qui nostri generis homines et alienigenas ad virtutis exercitationem suscipiendam alacres reddidit; primus, inquam, uobis, ut sancte viveremus, hortator diligens extit. Quamobrem et monasterio cuidam, quod in

urbe erat, præesse cogebatur quidem, sed noluit tamen. Quin etiam Nicomediensium Ecclesiæ præsidere eum hortabatur, qui tunc præsidebat, sed assentiri noluit, clerum fugiens is, qui clero erat dignus, et sacerdotii fastigium metuens, qui virtute sublimis et præstans erat ». Porro idem sanctissimus vir Apostolicus tandem Constantinopolis mansit, quandiu hæresi profligata, fides Catholica fuit postminio restituta, tunc demum rediit ad monasterium suum. Ita pugil egregius utraque potens manu, activa atque contemplativa vita sublimis, pro temporum ratione (prout spiritus imperabat) exegit utrumque munus.

8. *Leonis mores.* — Cæterum quod ad statum Orientalis Ecclesiæ spectat, Leo ipso sui imperii exordio, quo sibi conciliaret omnium animos, omnibus morem gerere studuit: perseverabat ipse tamen hæreticus, hæreticus pariter patriarcha Nicteta jura Ecclesiæ ministrabat, adeo ut postius fuerit obitu Constantini persecutioniscessatio, quam Catholiceæ fidei restitutio. Cæterum ubi habendas ipse imperii jam secure possidere visus est sibi: rursum ipsos Orthodoxos persequi aggressus est, ut quæ dicemus suis locis, ostendent. Etsi Platon, vel alicui aliij indultum est vitam monasticam propagare, cæteris tamen omnibus nunquam id licuit, nisi ubi Irene Augusta cum filio Constantino regnavit. Hæc sunt quæ ad statum Orientalis Ecclesiæ, ubi Romanus imperator dominabatur, pertinent; altera vero pars Orientalis orbis Saracenis subjecta, et ipsa hoc anno allevata est, morte persecutoris, qui dum vixit Christianos afflixit, Habdallæ; de quo hoc anno ista Theophanes:

« Præterea eodem anno et eodem mense, quo obiit Constantinus, moritur Habdalla Arabum rex. Cum enim ambo hi, velut acerrimæ bestiæ, diuturnis temporibus ac crudelitatibus humanum genus depasti sunt: mortui sunt providentia Dei, et obtinuit principatum Leo, et Madi filii eorum. Præterea eodem anno Aldegisus, Desiderii Longobardorum regis filius, ad regiam urbem veniens, ad imperatorem se profugus contulit ». Hæc Theophanes, cuncta summa brevitate perstringens. Aldegisus igitur, qui anno superiori fugam Orientalem versus arripuit, hoc anno Constantinopolim venit, ubi ab imperatore benigne exceptus, ab eodem patriciatus dignitate donatus est, ubi cum frustra tentasset res Italiae, absque spe aliqua regni iterum potiundi consentuit.

9. *Concilium in Duria.* — Quod autem ad Occidentales res perficit, Synodus a Carolo Magno in Duria habitam, Saxonesque duobus præliis ab eodem rege profligatos, docent Francorum Annales veteres. Plane observatione digna res est, quod antequam in bellum adversus hostes Carolus cum exercitu proficeretur, ad componendum civilem statum, et bene disponendas res Ecclesiasticas, episcopos et abbates convocare consuevit. Que autem in tot Synodis ab eo celebratis statuta fuerint, promiscue simul in librum unum congregavit

<sup>1</sup> Cedren. in Compend. hoc anno. — <sup>2</sup> Theoph. l. xxiii. in princ.

Ansigius abbas Lobiensis, quo centum et sexaginta octo capita continentur. His plane Carolus divinum sibi numen concilians, adversus hostes pugnans, vixit semper extitit, docens omnes principes Christianos, qua via sit incedendum, ut maxima quaeque intrepide aggredi, fortiter prosequi, atque feliciter valeant consuminare. Cui hoc anno in rebus Saxonieis occupato novus interea paratur ex Longobardorum in Italia rebellantium subjugatione triumphus. Etenim hoc anno Notgardus Foro Juliensis dux fidifragus, regnum sibi Italiam vindicare, comparato exercitu, tentans; anno sequenti ad eum debellandum fuit Carolo iterum in Italiam redeundum. De quibus suo loco dicendum erit.

*10. Regnum Saxonum Romanæ Ecclesiæ tributarium.* — Hoc eodem anno Offa rex Orientalium Saxonum, post alia pietatis opera ad expiationem suorum delictorum adhibita, regnum suum vectigale fecit Romanæ Ecclesiæ, ut singulae domus nummum argenteum penderent Ecclesiæ sancti Petri. Quod ex veteribus Anglicane Ecclesiæ monumentis prodens Polydorus, hæc ait<sup>1</sup>: « Deinde metu pœnae, qua propter peccata afficiendus erat, Deum sibi placandum constituens, decimam partem omnium bonorum sacerdotibus aliisque inopibus hominibus condonavit. Templum, quod Herefordiae id temporis magnificum erat, amplissimis donariis cunctulavit, reliquias corporis divi Albani magno studio perquisivit, easque inventas, ac in serinio auro et gemmis ornato conjectas, locavit in cœnobio, quod ipse divo Albano posuerat, illudque magnis locupletelavit possessionibus: ubi etiam loci statuit familiam monachorum divi Benedicti. Hujus quoque regis opus esse ferunt cœnobium monachorum ejusdem ordinis, quod est Bathoniæ. Offa tamen, quem vere suorum delictorum pœnitiebat, visus sibi nequaquam plena manu de commissis Deo satisfecisse, trajecto propterea Oceano, Romam se contutit veniae consequendæ causa, Romanoque Pontifici Hadriano primo regnum suum vectigale fecit, imposito tributo ex singulis nummis argenteis, quos denarios vocant, domesticatum in annos singulos conferendis: qui fuit annus salutis humanae septingentesimus septuagesimus quintus ». Hæc auctor.

<sup>1</sup> Polydor. Virgil. Anglic. hist. l. iv.

*11. Rumoldus martyr.* — Hoc<sup>2</sup> eodem anno martyrio coronatur apud Machliniam in Belgio sanetus Rumoldus apostolius vir genere Hibernus: qui Romam petens, et a Pontifice Apostolatus munere initiatus, Machliniam veniens, illic Evangelium predicavit, populumque illum ad Christum convertit: cumque Dei verbo, et egregio virtutum exemplo, atque miraculis ex novis palmitibus illam plantasset Ecclesiam: eamdem fuso sanguine irrigavit, hoc anno a duobus occisis sicariis, quorum alterum adulterii arguisset. Extant ejus Acta Apostolico plane viro digna<sup>3</sup>. Claruit hoc tempore, qui ejus quoque usus est amicitia S. Gummarus confessor, qui in aula primum Pippini regis magna gloria militarat. Scriptæ fuerunt res ab eo præclare gestæ a Theobaldo ad Sigerum Lirensem præpositum.

Hic est annus, qui Æra Hispanica notatur octingentesima decima tercia, qua Tudensis habet, defunctum esse Aurelium regem Gallæciae in Hispania, suffectumque in ejus locum Silum, sive Silonem, ejus sororis filium. Referunt alii id factum anno superiori, auctoritate Diplomatis donationis factæ monasterio, Æra octingentesima duodecima, ejus regni anno primo. De quo<sup>3</sup> nobilis rerum Hispanarum historicus: « Est autem, inquit, ad memoriam insignis iis in litteris contenta execratio, qua ejus donationis violator jubetur esse ANATHEMA MARRANO ET EXCOMMUNICATUS; unde intelligitur Marrano vocem vulgarem non a Mauris, quasi Mauriani, ut quidam suspicantur, factam in Italia Frederici Ænobarbi tempore, cum Mauri plurimi fidem Christo datam in baptismo, passim ejurata, quam suscepserant, religione violentare, sed potius ex Syriaca voce Maranatha deductam, qua anathematis ignominia execratioque in divinis litteris continetur ». Hæc vir doctus ac pius. Sed hinc postea factum est, ut sicut nomen, Marrano, jure exhorrent Hispani, ita et unde diductum est, Maranatha<sup>4</sup> ab Apostolo introductam in Ecclesiam vocem et a majoribus frequentatam, in Ecclesiæ censuris si apponatur, indigne ferant et contumelie loco accipiant. Toleranda simplicitas, si tamen de re potius quam de nomine sit sollicita, nec pervicax observetur Ecclesiastice antiquitati.

<sup>1</sup> Sur. die i Jul. t. iv. et Molan. in Natal. SS. Belg. — <sup>2</sup> Apud Sur. die xxii Octob. t. v. — <sup>3</sup> Joan. Maria. de reb. Hispan. l. vii. c. 6, in fin. — <sup>4</sup> 1. Cor. xvii. in fin.

Anno periodi Graeco-Romanæ 6268. — Anno Æra Hispan. 813. — Anno Hegiræ 159, inchoato die 31 Oct., Fer. 3. — Jesu Christi 775.  
— Hadriani I papæ 4. — Leonis IV 25 et 1.

1. *Constantini Copronymi interitus.* — A numero 1 ad 8. Theophanes ad annum xxxv Constantini imp. kalendis Septemb. hujus Christi anni inchoatum, scribit : « Hoc anno, decima tertia Indictione, imperator Constantinus bellum Bulgaris illaturus urbem reliquit, etc. Silimbriam profectus, die xiv mensis Septemb. Indict. xiv, nave consensa, ad castellum Strongylon devectus infelicem in navigio mortem obiit, etc. Solus post patris obitum imperavit annos triginta quatuor, menses duos, dies viginti sex », ubi diem emortualem excludit Theophanes. Idem habet auctor *Miscellæ*, et ex iis uterque auctor corrigendus, quando initio imperii ejusdem Constantini asserunt, eum potestatem obtinuisse. *annos quatuor supra triginta, menses tres, dies duos.* Loco enim, *dies duos*, scribere debuere, *tribus diebus exceptis.* Praeterea loco, *die decima quarta mensis Septembbris*, legendum *die decima tercia mensis Septembbris*, ut in textu graeco habetur, τῇ ἡγέτῃ τῷ Σεπτεμβρίῳ πρῶτῃ, τῇ; ὁ' ἴδιατινες;. Ei successit *Leo* hujus nominis IV filius, quem anno DCCLI, die sexta mensis Junii in consortium imperii adsciverat; qui ideo annum prioris imperii xxv hoc anno inchoavit, et patrem imitatus, adversus Orthodoxos sœvit.

2. *Theophanes de rebus Arabum parum saeppe eductus.* — Ad num. 8. Theophanes narrata Constantini imp. morte subdit : « Eodem etiam mense (nempe Septembri) Abdelas Arabum dux extinctus est. Iste duæ feræ crudelissimæ, eum diu simul genus humanum dilaniasset, quæ Dei providentia fuit, ambæ simul sublatæ sunt ». At licet verum sit, Almansorem Bagadensium Saracenorum califam diu regnasse, ab anno nempe Christi DCCLIV ad præsentem, et Christianos sumnopere vexasse; falsum tamen eum *Abdelam* aliquando nuncupatum fuisse, et Septembri mense interisse, ut liquet ex Elmacino lib. 2 Hist. Sarac. et ex Abul-Pharaio in Historia dynastiarum. Theophanes enim, ubi de *Almansoris* exordio et constitutione familie Abbasidarum, e qua secundus califa Almansor fuit, omnia turbat, et inter alia asserit, primum ex illa familia califam sedem regiam ex urbe Damasco in Persidem transtulisse, quod certum est contigisse sub *Almansore*. Quod hic indicasse sufficiat, ne

quis in rerum Arabicarum narratione a Theophane de iis saeppe parum edocto in errorem inducatur.

3. *Moritur Almansor califa.* — Quare, ut scribit Elmacinus, anno CLVIII (nempe Hegiræ), vita defunctus est Almansor, Birmaimone milliaribus aliquot distante a Meeca, cum in peregrinatione esset, idque die sexto *Dulhuggiæ*, qui mensis Arabicus die primo Octobris nostri auspicatur, illiusque dies sextus cum sexto Octobris nostri concurrit. Festum autem in honorem Mahometis institutum *Haggia* appellatur, et a mense *Dulhuggia* nomen sortitur. Quod confirmant sequentia Elmacini verba, qui addit, eum obiisse « elapsis annis Hegiræ CLVII, mensibus XI, et diebus sex : annis autem solaribus mundi 6267, et diebus XXXIX, qui annus mundi secundum Alexandrinos cum die XXVIII mensis Augusti hujus Christi anni absolvitur, et postridie annus mundi 6268 inchoatur. Qui tamen Elmacinus auctores inter se dissentientes quandoque sequitur, ipse etiam quandoque errat, uti quando ait, imperasse Almansorem an. XXI, menses XI, et dies XXIII. Sed natali ejus ac emortuali diebus recte stabilitis similes errores evanescunt. Ei successit *Muhammed* Mahadis filius eo die quo pater ejus obiit, inquit Elmacinus, qui asserit eum calitam tuisse XXIV, et inter Abbasidas tertium ac imperii sui initio *Bagdadum* sedem regiam califarum condidisse.

4. *Quartus annus bellum Saxonici.* — Ad num. 9. *Carolus rex Pascha apud Carisiacum celebravit, et habuit Synodus in villa quæ dicitur Duria, ut habent annalistæ Loiselianus, Metensis aliisque. Sita est Duria in ducatu hodierno Juliacensi. Habita illa Synodo Rhenum transiit, et de tribus Saxonum populis, id est, Ostphalis, Angariis, et Westphalis triumphavit : « Et inde », inquit annalista Loiselianus de Synodo in villa Duria habita loquens, « iter peragens partibus Saxoniæ, Sigisburgum castrum cepit, Heresburgum reædificavit, super Wisoram fluvium venit, in loco qui dicitur Brunisberg. Et ibi præparabant Saxones bellum, volentes ripam supradicti fluminis defendere : auxiliante Domino, et Francis decentibus, fngientibus Saxonibus, Franci ambas ripas obtinuerunt, et multi*

Saxones ibi occisi sunt. Tunc dominus Carolus rex dividens exercitum suum, sumpsit secum quos voluit, et perrexit usque Obacrum fluvium. Ibi omnes Austreleudi Saxoniam venientes cum Hassione, dederunt obsides juxta quod placuit, et jura verunt sacramenta, se fideles esse partibus supradicti domini Caroli regis. Similiter inde revertente jam dicto mitissimo domino rege, venerunt Angarii in pago qui dicitur Buki, una cum Brunone et reliquis optimatibus eorum, et dederunt obsides ibi sicut Austrasii (id est, sicuti Austreleudi, sive Ostphali, seu Saxones Orientales). Et inde revertente prefato rege, invenit aliam partem de suo exercitu super flumen Wisora, continentem ripam quam jussi fuerant. Saxones cum ipsis pugnam fecerunt in loco qui dicitur Libad, et Franci, Deo volente, victoriam habuerunt, et plures Saxones occiderunt. Hoe audiente domino Carolo rege, iterum super Saxones cum exercitu, non minorem stragam ex ipsis fecit, et praedam multam conquisivit super Westphalos (id est, super Saxones Occidentates) et obsides dederunt, sicut et illi alii Saxones; et tunc obsidibus receptis, et praeda multa sumpta, et pariter strage Saxonum facta, supradictus dominus Carolus rex ad propria reversus est, auxiliante Domino, in Franciam ». Idem habent Regino in Chronico, Eginhardus in Annal., annalista Metensis et alii.

5. *Conventus Duriensis extra legitimum tempus habitus.* — Sed redeo ad conventum in villa Duria habitum, obseruoque illum non mense Maio, ut de more, celebratum esse, sed in mensem Julium dilatum, ut mihi videor elicere ex Placito Caroli Magni a Mabillonio lib. 6 de Re Dipl. pag. 498 relato. Dicitur illud datum *quinto kalendas Augustas in anno septimo regni nostri, Duria villa in palatio publico*, currenti nempe Christi anno. In eo Placito dicit Carolus Magnus: « Cum nos in Dei nomine Duria villa in palatio nostro ad universorum causas audiendum, vel reeto judicio terminandum, resederimus, etc. » In publico itaque conventu causa illa apud Duriam agitata, et mense Julio dirempta; ideoque conventus generalis aliquando extra mensem Maium congregatus. Carolus Carisiaci Pascha peregit, inde *quinto nonas Maii apud Theodonis villam* pro Flaviniacensi monasterio praeceptum concessit a Labbeo descriptum tom. i Biblioth. Tum ex ea villa Carisiacum rediit, ubi *sesto kalendas Julias anno septimo et secundoregni*, Francie nempe et Langobardie, varia bona monasterio Dionysiano confirmavit, ut videre est in Pracepto a Mabillonio ibidem pag. 497 recitato. Hinc tandem in Saxoniam pergens Duriam venit, ubi exēunte Julio conventum celebravit.

6. *Explicatur judicium per crucem.* — In Placito, quod in eo datum fuisse dicimus, fit mentio de probatione crucis. Res sic agebatur: Missæ tempore, sive dum psalmi oratioque Dominica recitarentur, homines duo conducti ad crucem stabant brachiis expansis. Qui prior lassus brachia depo-

suisset, ejus pars victa censebatur. Ducangius in Glossario in voce *crux* praelarum istius judicij exemplum refert ex quadam Chronicâ ad annum 775: « Tandem habito consilio pacti sunt, ut hæc Dei et sancti Spiritus reservarentur judicio, eligentes duos juvenes clericos sine ullo crimine existimatos statuerunt, in Ecclesia S. Joannis Baptiste ad domum et ad crucem stare fecerunt, quorum unus Aregaus, post archipresbyter Ecclesiæ Majoris nomine, ex parte publica; alter vero ex parte sancti Zenonis, Pacificus videlicet, qui post archidiaconus Ecclesiæ Majoris fuit. Ili ambo ab introitu missæ usque ad medium passionem tantum, quæ est secundum Matthæum, pariter starent, ille qui de parte publica datus fuerat, in terram velut exanimis corruuit. Pacificus vero usque ad finem passionis stetit. His gestis, et omnibus gratias Deo agentibus, quartam partem, tam civitatis quam castelli, pars episcopii accepit ». Lis enim inter cives et episcopum de reficiendis urbis mœnibus vertebarunt; episcopus quartam dimicata partem reparare volebat, cives tertiam ab eo partem instaurandam contendeant; cumque hi probare que dicebant, haud possent, ambæ tandem partes habito consilio pactæ sunt, ut lis erucis judicio decideretur. Notitiam illam integrum recitat Ughelius in episc. Veronensibus tom. v. Illud probationis genus saepius prohibitum, tandemque abolutum fuit.

7. *Hadrianus Carolum rogat, ut Romam veniat.* — Interim Carolus lectis Hadriani papæ litteris, de quibus anno superiori egimus, statim Possessorem episcopum et Rabigandum abbatem oratores suos ad eundem Pontificem misit cum litteris, per quas se, bello Saxonico confecto, iter in Italianum atque ad Apostolorum limina susceptrum significavit. Hadrianus obviam regiis oratoribus suos honoris causa direxit nuntios Perusium usque. Ili autem Perusio Spoleto profecti, per eosdem nuntios Romano Pontifici regias transmiserunt litteras, scripseruntque Romam se venturos, postquam cum Hildebrando duce Spoleto colloquium habuissent. Hadrianus acceptis Caroli litteris, nec exspectalo supradictorum oratorum adventu, per alios, qui Romam prius a rege missi fuerant, aliam Epistolam quæ lxxii est Cod. Carol. ad eundem Carolum inox direxit rogans, ut juxta pollicitationem factam a Saxoniam revertens ad limina sancti Petri properaret. Recitat eas litteras Cointius hoc anno, num. 9.

8. *Auxilium ab eo postulat adversus hostes Ecclesiæ Rom.* — Romanus Pontifex non leviter offensus, quod oratores regii Spoleto perrexisserunt se insalutato contra mentem Caroli, qui scripserat eos Romanum destinatos, multo ægrius tulit eos Spoleti diurno tempore moratos, rogatosque per alios nuntios, ut Spoleto Romanum se conferrent, Spoleto Beneventum quamprimum abiisse. Questus est ea de re gravissime suis ad Carolum litteris, asseruitque auctam inde Spoletanorum pro-

terviam, et Spoletanum ducatum, quem principi Apostolorum se præsente haud pridem obtulerat, sibi reddi postulavit, ut videre est in Epistola LVI Cod. Carol. apud Cointium hoc anno num. 10. Oratores regii Benevento *Spoletum* redierunt, rogauitque *Hadrianum* papam, ut *Hildebrando* duci *Spoletano*, qui Romanæ Sedis hostem sub Desiderio rege se gesserat, veniam noxæ tribueret, nuntium et obsides *Spoletum* destinaret, *Hildebrandum* in conspectum admitteret. Acquievit Romanus Pontifex, *Spoletum* ire jussit Stephanum sacellarium, qui *Hildebrandum* reperit animo in Hadrianum infensissimo; *Spoletum* enim venerant oratores trium quoque ducum *Aragis*, *Roggandi*, et *Reginaldi*, quorum primus Beneventanis, alter Forojuiliensibus, tertius Clusinis, Caroli regis nomine praverat. *Carolus* enim hos ducatus, qui prius fuerant regum Longobardorum, prædictis dueibus iis legibus quando regnum occupavit, permisit, ut eadem sibi feudi nomine præstarent, quæ prius *Desiderio*, a quo *Aragis* anno CCCLVII dux creatus fuerat, ut in ejus morte liquebit. Vereri cœpit Pontifex, ne, communicata re, motaque rebellione, simul id consilii caperent, ut tres illi duces, et *Hildebrandus* vires suas jungerent cum Græcis et *Aldagiso* Desiderii filio Longobardorum exerce, proximoque mense Martio terra marique bellum in ducatum Romanum transferrent, *Romanam* ipsam invaderent, Longobardorum regem in solium et pristinam majestatem restituerent. Quapropter alias litteras scripsit ad Carolum, quibus, velut in presentissimo periculo positus, auxilium ab eo cum crebris adjurationibus postulavit, ut videre est in Epistola LIX Cod. Carol. a Cointio hoc anno num. 11 relata.

9. *Carolus Italianam proficiscitur.* — Tot Apostolicis Epistolis opus non erat. *Carolus* a consilio, quod ante Saxoniam expeditionem suscepserat, nunquam recessit; hoc enim eodem anno post summi e Saxonia redditum iter in Itiam suscepit, teste annalista Loisiano: « Tunc audiens quod Rodgaudus Langobardus fraudavit fidem suam, ut omnia sacramenta rumpens, et voluit Italianam rebellare. Tunc illis in partibus cum aliquibus Francis dominus *Carolus* rex iter peragens, et celebravit Natalem Domini in villa quæ dicitur *Scaldistar* », sive, ut Regino habet, *Schlestat in Elsatio*. Idem refert annalista Metensis, qui omnes *Rodgaudum* appellant, quem *Baronius* *Notgardum*.

10. *Donatio Offe regis Denarius S. Petri appellata.* — Ad num. 10. Polydorus Virgilius lib. 4, refert *Offam* Merciorum regem metu pœnæ, qua propter peccata afficiendus erat, templum Herefordiæ amplissimis donariis cumulasse, divi *Albani* reliquias perquisisse, inventasque locasse in cœnobio a se in hujus sancti martyris honorem constructo; prætereaque Romanam se contulisse, et Hadriano papæ regnum suum vctigal fecisse, quod ait currenti anno contigisse. Quæ cum *Baronius* in examen non vocasset, ex eodem Polydoro in præ-

sentem annum contulit. Verum recte observavit Alfordus in Annal. Eccles. Anglicanae an. CCXCIII, *Offam* regem occidisse *Ehelbertum* Angl. Orientaliū regem, qui ad Mercios profectus erat, ut *Alfredam* ejus filiam post datum acceptamque fidem uxorem acciperet, et officiose domum deduceret. Summa cum laude *Ehelbertus* provinciam illam rexerat, et in matrimonium illud non consensit, nisi ut matre et proceribus, qui successorem cupiebant, obsequeretur. *Ehelbertum* uti sanctum, a morte ejus, omnis insula cotuit, ut ostendit Alfordus in Annal. Angl. anno CCXCIII. Malmesburiensis lib. 1 de Reg. cap. 5, Westmonasteriensis, Huntingtonius, et Wigorniensis illum *sanctum* appellant ac valde laudant. *Offa* culpam suam fassus, illam expiare conatus est. Templum Herefordiæ aedificavit, sanctum *Albanum* insulae protomartyrem insigni Basilica honoravit anno CCXCIII, quo ejus reliquias invenit, Albanense monasterium exstruxit, illudque monachis Benedictinis concessit, ut liquef ex ejus Diplomate eo anno ab Alfordo recitato. Ad hæc, ut testatur Westmonasteriensis ad annum CCXCIV, « *Offa* (dum Romæ esset) scholam Anglorum, quæ tunc Romæ floruit, ingressus; dedit ibi ad sustentationem gentis regni sui iltue venientis, singulos argenteos de familiis singulis, omnibus imposterum diebus, singulis annis, quibus videlicet sors tantum contulit extra domos in pasenus, ut triginta argenteorum pretium non excederet ». His addit Mattheus Paris in Vita Willegodii primi abbatis sancti Albani: « Quæ schola propter peregrinorum confluxum ibidem solatia suspiciunt, versa est in xenodochium, quod sancti Spiritus dicitur. Ad quod exhibendum, rex *Offa*, ex regali munificentia, et pietatis affectu, denarium, qui dicitur sancti Petri, de maxima parte regni sui concessit ». Xenodochium igitur S. Spiritus, quod Romæ hodie cernitur, quove nullum illustrius Europa habet, ortum suum et incrementa *Inæ* et *Offæ* Anglo-Saxonum regibus debet.

11. *S. Rumoldus martyrium patitur.* — Ad num. 11. *Sanctus Rumoldus* Dublinensis in Hibernia quondam episcopus hoc anno VIII kalend. Julii martyrium passus est, ut refert Molanus ad diem 1 Julii. *Theodoricus* abbas Trudonianus, qui anno centesimo supra millesimum florebat, in oratione quam de sancti Rumoldi laudibus in ejus festo recitavit, quæ habetur apud Surium ad diem primum mensis Julii, multa miracula ab eo patrata refert. *Rumoldus*, ut narrat ibidem Molanus, deserta Hibernia, in qua natus erat nobilibus parentibus, et archiepiscopatu Dublinensi, Romanum proiectus est, indeque « juxta angelii apparitionem eo pervenit, ubi Scaldis Iuvius in mare se exonerat, naturaque juxta luna curriculum labitur ac perfluit, hoc est, Meeliniā, ubi sic fidei rudimenta plantavit, ut merito post beatum Lambertum (Trajectensem ad Mosam olim episcopum) Meeliniensium apostolus habeatur. Susceptus est autem benigne ab Adone comite ejusque conjugé

Eliza, quæ veluti altera Sara in senectute sua precebus sancti hospitis filium peperit, sanetum vide licet Libertum, quem beatus antistes baptizavit, in sanestate eruditivit, ac clericis regulariter in Ulmeto, sive inter Ulmos viventibus, præposuit », ait Molanus ex Theodorio laudato. Est hodie Rumoldus Mechliniensium patronus. *Libertus*, cui Rumoldus *Ulmeti* monasterii præfeturam dimerat, magistro suo superstes diu vixit, et martyrium in Hasbania passus est, ut infra videbimus.

12. *Moritur S. Gummarus.* — *Gummarus*, qui modo Lyrenium patronus est, incerto anno ad Deum migravit, et colitur quinto idus Octobris, ut testatur Molanus ad diem xi Octobris, qui ait, eum in aula Pippini regis floruisse, eique plurimum acceptum fuisse. « Cum ad limina Apostolorum tenderet, divina admonitione intra Netæ ambitum jubetur oratorium construere, ubi vitam in multa sanestate finivit ». Quiescit Lyra, ubi collegiatam habet Ecclesiam, eaque urbs intra Netæ fluvii ambitum contenta, a Riensi provincia, cuius caput Antuerpia, per eundem annem sequestratur, subestque hodie Hispanis. Auctor Vitæ S. Gummarii apud Surium ad diem xi Octob. refert, Rumoldum *Gummarii* fama comperta, illum videre summopere cupuisse; indeque in certum locum utrinque convenisse, illisque placuisse, ut singulis annis cum totius populi frequentia illic convenirent cum erucibus, missasque celebrarent, ut fusius in ejus Vita habetur.

13. *Aurelii Asturiarum regis obitus.* — *Aurelius* rex Legionensium et Asturiarum hoc anno juxta Tudensem vivere desiit, in eius locum suffictus est *Silo* sororis ejus maritus. Sed eum neque filios haberet, neque spem suscipienda proliis, animum a negotiis regni ad otium et quietem averlit, et summa rerum penes *Alfonsum Castum* Froilæ regis filium fuit, ut scribit Vaseus in Chronico.

14. *Dignitas metropolitanæ Ecclesiæ Rhemensis*

*confirmatur.* — *Hadriani* papæ litteras *Tilpino* Rhemensium archiepiscopodirectas, quæ inter Epistolas hujus Pontificis sunt ordine xv, et referuntur a Flodoardo lib. 2, capp. 12, 16 et 17, hoc anno consignat Cointius num. 23, quod serius datae non videantur; eum commendent *Weomadum* Trevirensim archiepiscopum, cuius mortem anno sequenti contigisse existimat, et citius datae non videantur, quia *Tilpinus* de recuperandis episcopii rebus apud *Carolianum* prius egit, priusque petente eodem Carolo et Fulrado abbe bonum testimonium præbente pallium ab Hadriano transmissum accepit. Adde quod *Hadrianus* in illis litteris laudat *Possessorem* incerti loci episcopum, qui Romam a Carolo missus est hoc anno, et obita legatione in Galliam rediit. Harum litterarum parlem retulimus anno DCCXIX, eam vero Baronius recitat anno DCCXVII, num. 8, quod existimarit, eam Epistolam a Gregorio It papa scriptam esse. Alia quæ in ea continentur, ostendunt *Tilpinum* pro recuperandis Ecclesiæ rebus, proque asserendo, quo decessores gavisi fuerant, jure metropolio, valde sollicitum fuisse. Ex iis litteris etiam liquet, *Miloni* Trevirensium archiepiscopo, metropolitæ Belgicæ primæ, eum Rhensem Ecclesiæ Belgicae secundæ metropolim occupavit, id consilii fuisse, ut sedi Rhemensi jus metropolitanum adimeret, et e duabus Galliæ Belgicæ provinciis unam conflaret, cuius metropolis Augusta Trevirorum. Inde orta scandala, de quibus apud Hadrianum questus est *Tilpinus*. Ille decernit ut Rhemensis Ecclesia metropolis permaneat, sicut antiquitus fuit, et suæ diœceseos, id est, Belgicæ secundæ, prima sit sedes, et *Tilpinus* ejusdem diœceseos sit primas, ne scilicet quid auctoritatis in eum sibi vindicare præsumat archiepiscopus Trevirensis, tanquam metropolitanus Belgicæ primæ. Denique eundem primalem vult in sola subjectione Romani Pontificis permanere.

## HADRIANI I ANNUS 5. — CHRISTI 776.

1. *Leo imperator coronat Constantinum filium.*

— Annus sequitur septingentesimus septuagesimus sextus, Indictione decima quarta, quo Leo imperator primo sui imperii anno filium Constantinum coronat imperatorem. « Cum enim omnes Constantiopolitani cives liberalitate Leonis bene erga ipsum affecti essent, omnes optimates cum in multitudine populi copiosa (inquit Theophanes) ingressi sunt ad eum, petentes, Constantinum filium ejus imperatorem. At ille (ut moris est principibus) reuuntiavit eis: Filius est, inquit, meus unicus mihi, et idecirco vereor hoc tacere, ne forte contingat mihi, quod humannum est, et cum adhuc sit parvulus, morti eum tradatis et alium promoveatis. At illi cum juramentis se profitebant illi satisfacturos, neminem regnaturum praeter filium ejus, etiam si mori eum Deus voluisse. Hoc autem a Dominica die, qua Palmarum solemnis agitur, usque ad quintam feriam hebdomadae majoris, populo in hippodromo coacervato pene, saneta Paraseeve jussit jurare illos. Et juravit omnis populus in honorandis et vivitieis lignis (sanctae Crucis), tam scilicet ex thematibus (militia scilicet) et senatu, quam etiam exterioribus ordinibus et civibus omnibus et ergasteriacis, imperatorem non admittendi, excepto Leone, seu Constantino, ac semine ipsorum, et fecerunt scripta, quemadmodum juraverunt, propriae manus.

2. « Et in crastino sabbato sancto ascendit imperator in tribunal decem et novem cubitorum, et fratrem suum Eudoxium creavit nobilissimum; alias vero frater nomine Anthimus a patre Constantino illum honorem fuerat consecutus. Et processit imperator cum reliquis Cæsaribus et tribus nobilissimis ac novo Constantino ad magnam Ecclesiam, et mutato indumento, sicut imperatoribus moris est, ambonem ascendit cum filio suo simul et patriarcha, et ingressus omnis populus, posuerunt omnes scripta sua in mensa sancta. Tunc imperator alloculus est populum sic: Eni fratres, petitiones vestras adimpleo, et dono vobis filium meum imperatorem. Ecce eum ab Ecclesia de manu Christi suscipitis. At illi acclamaverunt voce magna, dicentes: Fidejussor noster esto, Fili Dei,

quomodo de manu tua, Christe, suscipimus dominum Constantinum imperatorem ad custodiendum eum et commoriendum pro eo.

3. « Et in crastino, quando videlicet magnus et Dominicus dies Paschæ celebratus est octavo kal. Maii, decima quarta Indictione, aurore crepusculo, exennte imperatore una cum patriarcha in hippodromum, delato allario, populo contemplante, patriarcha fecit orationem, et coronavit imperatorem filium ejus. Et ita processit ad magnam Ecclesiam ularque imperator cum duobus Cæsaribus et tribus nobilissimis. Processit autem et imperatrix Irene, cum processissent imperatores, sceptris consequentibus per scholas antelatis, et ascendentibus per aereas portæ ascensum in catachumeni Ecclesiam, non exiens in plateam Emboli ». Haec de solemnibus ritibus tunc exhibitis Theophanes, qui et eisdem potuit interesse. Subdit vero paulo post mense Maio, Nicephorum Cæsarem fratrem imperatoris postulatum reum majestatis, una cum aliis ejusdem conspirationis hominibus publice caesis ac tonsis, ignominia causa Chersonam in exilium deportatum. Haec tenus de rebus Orientalibus.

Quod autem pertinet ad res Occidentales, hoc anno Carolus Magnus cum audisset Rotgaudum ducem Longobardorum Forojuliensium nova conantem, et regnum Longobardorum sibi vindicare studentem, in Italiam nullo obice venit. Eademque celeritate eumdem vietum occidit, captisque Forojulio atque Tarvisio, quæ rebellaverant, civitatibus, Francorum illis præsidia reliquit. Contigerunt hæc ipso veris initio: nam rebus confectis, Pascha Tarvisii celebravit. Post hæc rebellibus Saxonibus, citius in Gallias cum exercitu rediit. Sed quomodo antequam ipse in Saxoniam pervererit, Deus pugnarit pro Francis: audi divinum miraculum antiquis illis, quæ divina scripta testantur, minime <sup>1</sup> impar.

4. *Saxones tum miraculo, tum Caroli virtute subjiciuntur.* — Saxones iterum rebellaverunt, ruptis sacraementis, et obsidibns promissis mentitis, et Eresburgum castrum per mala ingenia et iniqua

<sup>1</sup> Vit. Carol. M. Annal. Franc. et Chronic. Regin.

placita capientes Francos expulerunt, et castrum destruxerunt. Similiter voluerunt facere de Sigisburgo castello; sed dum per placita Francos, qui intus erant, non potuissent illudere, sicut fecerant alias de Eresburgo: præparaverunt pugnas et machinas, ut castrum vi caperent; Deoque volente petrarias quas paraverunt, in suo plus damno senserunt, quam illi de castello. Item præparaverant elitas ad debellandum per virtutem castrum; sed Dei virtus superavit illorum virtutem. Quamadum autem die cum bellum præpararent adversus Francos, qui ipsum castrum custodiebant, apparuit manifesto gloria (gladius) Dei super Ecclesiam, quæ est infra ipsum castrum, videntibus cunctis tam a foris, quam etiam deintus, ex quibus multi manent adhuc. qui dieunt vidisse se instar duorum scutorum colore rubeo flammanium et agitantium super ipsam Ecclesiam. Cum hoc signum vidissent pagani qui a foris erant, statim confusi sunt, et magno timore perterriti, fugere cœperunt ad castra, et omnis multitudo eorum fugam arripiens, alii ab aliis invicem interficiebantur, et qui retro respiebant propter pavorem ab antecedentibus lanceis confodiebantur, et diversos ictus inter se perpessi sunt omnes, et divina ultiōne vindicati (judicati). At quantum super eos Dei virtus propter salutem Christianorum operata est, nullus narrare potest: et quanto plus illi pavore perterriti sunt, tanto magis Christiani confortati omnipotentem Deum laudabant, qui dignatus est ostendere potentiam suam super servos suos. Ita Francis viriliter resistantibus, Saxones nihil prævaluerunt, et Franci persecuti eos interfecerunt usque ad flumen Lippiam, et cum victoria reversi sunt». Cum hæc audivit Carolus, celebreū Synodum in Wormatia celebrandam curavit ad componendas, ex more, res Ecclesiasticas et politicas, exemplo expertus sæpissime, curare Deum res bellicas, cum ipse esset sollicitus de rebus Ecclesiasticis conservandis. Nam audi quæ sequuntur:

5. « Cum autem in Wormatia dominus rex Carolus hæc audisset, tenuit ibi Synodum et publicum placitum, et consilio habito, introivit cum summa festinatione, Deo adjuvante, in Saxoniam. Et perterriti Saxones omnes, ad locum, ubi Lippia consurgit, venerunt ex omni parte, et domino regi Carolo per Widitum manibus suis reddiderunt patriam, et sponderunt se esse Christianos. Et iterum subditi sunt ditioni domini regis Caroli. Dominus autem rex Carolus reædificavit Eresburgum castrum, et fecerunt aliud castrum super Lippiam. Ubi venientes Saxones una cum uxoribus et infantibus, innumerabilis multitudo, baptizati sunt in nomine Patris et Filii et Spiritus sancti, et obsides dederunt domino regi Carolo, sicut voluit.

Disponens autem dominus Carolus Francos per castella Saxonæ, reversus est in Franciam, et celebravit Natale Domini in Aristallio ». Ilucusque in dictis Annalibus res ab eo gestæ anni hujus.

6. *Frequentia Concilia sub Carolo Magno.* — Cæterum quod ad frequentes Synodos a Carolo annis fere singulis habitas pertinet: minime placet, quod asseritur opinione quadam potius quam certa auctoritate, hos fuisse tantum laicales conventus ad res bellicas aliaque politica disponenda: etenim cum in his constet sancitos esse canones ad res Ecclesiasticas spectantes, quorum aliquot ex Capitularibus regum Francorum superiorius scripsimus, et alios suo loco reddituri sumus, cessare de his contraria omnis assertio, vel dubitatio debet. Custos siquidem saerorum canonum tenacissimus Carolus ex eorum præscripto, annis singulis Synodales volnit eosdem sacros celebrari conventus: quibus et magistratus regni interfuisse æque sentimus, in iisque etiam quæ ad regni optimum statum pertinent, esse cognita optimèque disposita non negamus. Et ut hujus instituti originem repetamus, sciendum, fuisse anno quarto Pipini regis Concilium celebratum apud palatium Vernis, in quo statutum quarto canone, ut bis in anno Synodus celebrari deberet, quo rex ipse jussisset, in ejusque agi præsentia, ad quas convenirent episcopi et abbates; earumque alteram kal. Martii, alteram vero kal. Octobris celebrandam esse. Ut taceamus modo dicere de innumeris antiquis Ecclesiasticis legibus ista jubentibus: ad omnem de hæc re tollendam dubitationem, reddendus est hic ipse ejusdem Synodi canon, qui sic se habet:

7. « Ut bis in anno Synodus fiat: prima Synodus mense primo, quod est kal. Martii, ubicumque dominus rex jusserit, in ejus præsentia. Secunda Synodus kal. Octobris, aut ad Suessiones, vel alibi, uti in Martiis kalendis inter episcopos, et illi episcopi ibidem convenient, quos modo vice metropolitanorum constituimus, et alii episcopi, vel abbates, seu presbyteri, quos ipsi metropolitanani ad se venire jusserint, ibidem in ipsa secunda Synodo eonvenire faciant ». Hæc canon dieti Concilii, celebrati anno quarto regni Pipini Caroli patris, ut mirandum non sit, si vel saltem semel in anno eorum se Synodum Carolus fecerit celebrari, qui (si in omnibus canon servandus fuisse) bis in anno Synodo suam præsentiam teneretur exhibere. Sed est canon Synodi Suessionensis ab eodem Pipino rege habite, quo decernitur, annis singulis singulas esse Synodos celebrandas; ex eujus præscripto potius Carolus ejus filius singulis ferme in annis colligebat episcoporum conventus singulos. Quantum autem ista sibi regnoque profuerint, probarunt eventa.

Anno periodi Græco-Romanæ 6269. — Anno Ærae Hispan. 814. — Anno Hegiræ 160, inchoato die 19 Octob., Fer. 7. — Jesu Christi 776.  
— Hadriani I papæ 5. — Leonis IV 26 et 2. Constantini 1.

1. *Constantinus fit consors imperii.* — A num. 1 ad 4. Theophanes, qui post Constantinum Copronymum annos Incarnationis secundum Alex. eum annis imperatorum recte copulat, anno Incarnat. **ccclxviii** kalendis Septemb. superioris Christi anni inchoato refert, *Leonem imp. rogatum fuisse a proceribus imperii, ut filium suum Constanti- num imperatorem crearet, idque præstítisse Leonem magna Paschatis Dominica, quæ hoc anno decimo quarto mensis Aprilis fuit.* Subdit Theophanes, *mense Maio ejusdem Indictionis xiv, Ni- cephorum Casarem, qui frater erat Leonis imp. accusatum, quod insidias eidem pararet, relegatum esse cum quibusdam aliis ejusdem criminis consciis Chersonam, quæ pluribus Baronius narrat.*

2. *Hadrianus petit a Carolo ut omnia sibi a Langobardis ablata restituicuret.* — A num. 4 ad 6. Gesta hoc anno a *Carolo* accurate explicat *Coin- tinus*, narratque in eunle anno, eum Alpes superasse, ac recta perrexisse in ducatum Foro-Juliensem, cui *Rotgandum*, seu *Rotgauzum*, aut *Rotgandum*, everso Langobardorum regno, præfecerat. Anna- lista enim Petavianus hoc anno habet: « Perrexit dominus rex *Carolus* in *Italiam*, et occiso *Hrot- gundo*, qui illi rebello extiterat, obsederuntque *Stabilinum* socerum suum *Taraviso* civitatem. Eo capto, dispositisque omnibus, prosper redit cum suis in *Franciam* ». Spatiosa erat *Rotgaudi* ducis præfectura; ducalum enim Foro-Juliensem et Marchiam Tarvisinam complectebatur. *Carolus* inter- empto *Rotgando*, ducatum Foro-Juliensem; capto *Stabilinio* *Rotgandi* socero, qui Tarvisium propugnabat, Marchiam Tarvisinam ad obsequiuto redire compulit. Hugo Flaviniacensis abbas scribit in Chronico Virdunensi, *Tarvisium* traditum fuisse a Petro viro Italico. *Carolum* autem Pascha apud Tarvisium seu Tarvisium civitatem hoc anno celebrasse, testantur Regino in Chronico, annalista Metensis aliquie. Speraverat *Carolus* sese cilius *Roman* venturum, ut illic ab Hadriano papa filius, quem *Hildegardis* regina nuper pepererat, ipso die Paschæ, die sc. xiv mensis Aprilis, e sacro fonte levaretur. Id a nuntiis suis Philippo episcopo et Megisto archidiacono, quos ad *Carolum* prius dire-

xerat, sese accepisse significat ipsemet Hadrianus in Epistola ad eundem regem, quæ est **XLIX** Cod. Carol. *Caroli* filius, de quo in eadem Epistola loquitur Hadrianus, alius non est a *Pippino*, ut anno **ccclxxxiii** ostendemus adversus *Cointium*, qui hoc anno num. 3 *Carolum* fuisse putat. Iisdem litteris *Carolum* rogat, ut ea quæ pollicitus est erga Romanam Ecclesiam adimpleat, eique cuncta restituicuret, « quæ per diversos imperatores, patricios, etiam et alios Deum timentes pro eorum animæ mercede, et venia delictorum, in partibus Tusciae, Spoleto, seu Benevento, atque Corsica, simul et Savinensi palmonio, beato Petro Apostolo, sanctæque Dei et Apostolicæ Romanae Ecclesiae concessa sunt, et per nefandam gentem Longobar- dorum per annorum spatia abstracta atque ablata sunt ».

3. *Bellum Foro-Juliente feliciter a Carolo con- fectum.* — Flagrante bello Foro-Julienti, Leo Ravennatum archiepiscopus iuscio Hadriano Pontifice *Carolum* regem adiit, seque in ejus benevolentiam officiosis verbis insinuavit. Quod ubi resciit Hadrianus ipsomet *Caroli* litteris, quas *Andreas* epi- scopus et *Anastasius* cubicularius ex aula regia Romanam detulerunt, statim *Carolo* rescripsit accepissimum sibi semper fore, quisquis ei placuisse, seque missurum fuisse nuntios cum Leone, si *Leo* prius significasset, velle se ad regem proficisci. Est hæc Epistola **LIII** Codicis Carol. Confecto Foro-Julienti bello *Carolus* singulis civitatibus comites præfecit, ut auctor est *Eginhardus* in *Annales*, toti vero regioni duecem, cui comites subessent, præposuit *Marcarium*, eujus mentio fit in aliis Hadriani litteris, de quibus infra, cum de Epist. **LVII** Cod. Carol. verba faciemus. Idem Pontifex Epist. **LX** ejusdem Codicis *Carolum* rebus Italicis intentum rogavit, ne sineret in partibus Tusciae morari *Raginaldum* ducem *Clusinum*, qui castellum *Felicitatis*, aliaque palmonio in Tuscæ partibus ab ipsomet *Carolo* Sedi Apostolicæ data volebat iuadere, non contentus pleraque jam jurgia scandalaque temporibus *Desiderii* regis seminasse.

4. *Annus quintus bellū Saxonici.* — Ne *Carolus* Romam adiret, impedimento fuit tumultus Saxon-

nicus (1). « Tunc nuntius veniens dixit Saxones rebellantes, et omnes obsides suos dulgos (id est, ab iisdem Saxonibus desertos, potestatique Francorum permissos), et sacramenta rupta, et Heresburgum castrum per mala ingenia et iniqua placita, Francos exinde suadentes exiendo. Sic Heresburgo a Francis derelicto, muros et opera Saxones destruxerunt. Et pergentes voluerunt de Sigisburgo similiiter facere. Auxiliante Domino, Francis viriliter repugnantibus, nihil prevaluerunt. Et inde fugam arripientes Saxones, persecuti sunt eos Franci, interficiens illos usque ad fluvium Lippiam, et castro salvato, cum victoria reversi sunt Franci », inquit annalista Loiselianus. Idem legitur in Annalibus Metensibus, et in Vita Caroli Magni, cum ab auctore incerto, tum monacho Eugolismensi conscripta, ubi dicitur, *Sigisburgum* divina virtute propugnatum fuisse.

5. *Conventus Wormatiensis*. — Carolus eadem velocitate, qua profectus in Italiam fuerat, ad Rhenum rediit, et *Formatiæ* generalem Francorum conventum habuit tempore non legitimo. Nam post mensem Junium ex Italia rediit, et postea bellum Saxonum suscepit. Quid in hoc conventu Vormatiensi deliberatum sit, posteaque peractum, exponit annalista Loiselianus : « Cum pervenisset dominus Carolus rex Wormatiam, omnes istas causas (id est, res a Saxonibus contra Francos, et vicissim a Francis contra Saxones nuper gestas) audiens, conjunxit Synodum ad eamdem civitatem, et ibi Placitum publicum tenens, consilio facto cum Dei adjutorio sub celeritate et nimia festinatione Saxonum casas, seu firmitates subito introivit. Tunc Saxones perterriti omnes ad locum, ubi Lippia consurgit, venientes ex omni parte, reddiderunt patriam per wadium (id est, vadum seu fidejussorem) omnibus manibus eorum, et spoponderunt se esse Christianos, et se sub dictione domini Caroli regis et Francorum subdiderunt. Et tunc dominus Carolus rex una cum Francis reedificavit Eresburgum castrum denuo, et aliud castrum super Lippiam. Ibi venientes Saxones una cum uxoribus et infantibus, innumerabilis multitudo baptizati sunt, et obsides, quantos jam dictus dominus rex ab eis quæsivit, dederunt. Et perfectis supradictis castellis et dispositis per Francos scaris (seu copiis militaris) residentibus et ipsas custodientibus, reversus est dominus Carolus rex in Franciam. Et celebravit Natalem Domini in Haristallo ». Idem habent annalista Metensis et Regino in Chronico. Addit annalista Pelavianus aedificatam a Francis « in finibus Saxonum civitatem quæ vocatur urbs Karoli ».

6. *Hadrianus queritur de Leone archiep. Ravennæ*. — Hadrianus auditio Caroli regis ab Italia

discessu, statim ad illum direxit *Andream* episcopum, cui rex in responsis dedit, missurum se Romanum oratores autumnali tempore, et curaturum per eos, ut omnia quæ pollicitus fuerat Apostolicae Sedi traderentur. *Sexto kalendas Novembris*, litteræ Joannis patriarchæ Gradensis Hadriano reddite sunt, sed aperte prius lectæque a *Leone* archiepiscopo Ravennate, qua de re suis litteris ad Carolum, qui Romanum, ut pollicitus fuerat, oratores nondum mittebat, questus est quamprimum papa significavitque, id factum a *Leone*, non alio consilio, quam ut omnia quæ scripta fuerant in illis litteris *Arigiso* duci Beneventano, ceterisque tum Franciæ, cum Sedis Apostolicæ hostibus retegerentur. Præterea subjunxit, *Leonem* ex aula regia reversum superbia magis intumuisse ; ita ut Ravennæ in Æmilia, neenon etiam Gaballi principem se gereret, Imolam ac Bononiæ sibi, non Romano Pontifici ab ipsomet Carolo concessas palam prædicaret, et Pentapolenses tentaret ad deditiæ pelliçere. Quæ pluribus exponit Pontifex in Epist. **lvi** Cod. Carol. « Etenim innotescimus excellentissimæ Christianitati vestræ », inquit Hadrianus in embolo, « eo quod quando a vestro regali vestigio reversus est Leo antefatus archiepiscopus, in magnam superbiam et tyrannicam elationem pervenit, et nullo modo, sicut antea, nostris Apostolicis obtemperare inclinatus est mandatis, et nullum ex Ravennatisbus vel Æmilia pro accipiendo præceptis de diversis actionibus ad nos venire permisit, ita eis indignatus comminatus est dicens, quod, si quis ad nos venire præsumpsisset, non potuisset venire. Nam Pentapolenses omnes obedientes existentes in nostro Apostolico servitio, ad nos proni, sicut tempore prædecessoris nostri domini Stephani papæ, propperaverunt et præcepta de singulis eorum civitatibus more solito acceperunt. De reliquis vero civitatibus Æmiliae simulque et Gabello, qui a nobis ibidem ordinati sunt, ab eo exinde projecti sunt, et alias ex eis in vinculis detinet. At vero de civitatibus Imolensi seu Bononiensi ita profanizat, dicens, quod vestra excellentia ipsas civitates minime beato Petro et nobis concessit, sed sibi ipse archiepiscopus a vobis fuisse concessas ac traditas asserit, sub sua potestate permanendas. Unde nullum hominem ex eisdem civitatibus ad nos venire permisit, sed ipse ibidem actores quos voluit sine nostra auctoritate ordinavit, et in sua eas delinel potestate ».

7. *Iterum petit a Carolo ut ejus ac patris donatio sortiatur effectum*. — Mense Novembri, cum Romæ de regiorum oratorum adventu nihil audiretur, *Hadrianus* per litteras petiit a judicibus Papie constitutis a *Carolo*, an scirent eos Romanum venturos, acceptoque in responsis, eos

(1) *Ne Carolus Romanum adiret impedimento fuit tumultus Saxonius*, etc. Aliud obstitisse oportet, ne Carolus Romanum pergeret, cum Saxonicos tumultus non prorsus receiverint, quam cum ex Italia redux in Galliam pervenerat. Annalista Bertianus : *Cum prosperitate et victoria reversus est in Franciam. Tunc nuntius veniens dixit Saxones rebellatos*, etc. Hanc annaladversionem debemus eruditissimo P. Joanni Francisco Madrisio Utinensi congregations Oratori ad cap. 15 Vitæ s. Paulini Aquileiensis, quam premisit operibus ejus a se collectis editisque **MANSI**.

haud cito mittendos, alteris ad Carolum litteris per Andream episcopum ex aula regia nuper reversum, et Pardum *Egumenum*, seu monachorum praefectum denuo scripsit, *Leonem* nolle preeceptiūbus Apostolicæ Sedis obediens; Ravennam, Farentiam, ducatum Ferrariae, Comaeclum, Forum-Livii, Forum-Popillii, Cesenas, Bobium, Imolam, et Bononiam esse in illius archiepiscopi potestate, reliquas vero civitates uliusque Pentapoleos ab Arimino Eugubium usque, in fide atque obsequio adhuc perstare: « Petimus te coram Deo vivo, præcellentissime fili, ut nullo modo hoc tibi placeat, ut ea quæ sanctæ memorie genitor tuus, et tu ipse beato Petro concessisti atque obtulisti, quod absit, temporibus vestris auferantur, et Ecclesia beati Petri per malignos homines, qui iniqua immittunt, humilietur, sed magis semper per vos exaltata permaneat », inquit Hadrianus in embolo ejusdem Epistolæ, quæ est ordine *l. Cod. Carol.* et recitat in *Integra a Cointio* hoc anno, sicuti et cæteræ citatae.

8. *Caroli ævo duplex conventus singulis annis habebatur.* — Ad num. 6 et seq. Canon, quo præcipitur, ut *bis in anno Synodus fiat*, quem integrum recitat Baronius, non in Concilio Suessionensi, ut ipse memoria lapsu scripsit, sed in Concilio Vernensi anno IV Pippini regis celebrato, conditus est, ut ex Actis ejusdem Concilii liquet. Sub *Carolo Magno* politia Ecclesiastica restaurata est juxta antiquos canones cura et diligentia hujus principis, qui eos renovari procurabat in generalibus regni conventibus; novosque condi præcipiebat, si necessitas postularet. Quoniam vero Hincmarus Rhemensis archiepiscopus impense laudavit ordinem in his conventibus observatum ævo Caroli Magni, brevem ejus descriptionem exhibuit Marca lib. 6 de Concordia, cap. 25, quam hic repræsento, quia utilis futura est ad recte intelligendum diversa loca Synodorum, Capitularium et velutlorum Annalium hujus ævi, prætereaque ad illustranda, quæ hic Baronius habet. Adalardus abbas Corbeiensis propinquus et consiliarius Caroli Magni, librum ediderat de *Ordine palattii*, cuius synopsis retulit Hincmarus, in quo aiebat: « Bis in anno Placita duo tenerentur, etc. in quo Placito generalitas universorum majorum, tam clericorum quam laicorum conveniebat ». Unus ex his conventibus generalis erat, alter vero particularis. Primus constabat ex episcopis et abbatibus et comitibus regni, et in eo disponebatur status politicus in eum annum. Secundus autem constabat ex anti-

uoribus episcopis et comitibus, et ex nonnullis etiam ex iis ministris, quorum consiliis princeps utebatur in Republica administranda; in eoque conventu secreto digerebantur ac decernebant ea, quæ proponi et statui debebant in proximo conventu generali. Præterea conventus ille virorum principum ordinabat negotia, quæ per annum incidebant, quæque differri non poterant, sive pro renovandis induciis, aut ob bellum mi-

nime exspectatum, aut ob alias similes occasiones.

9. *In iis Carolus Capitula discutienda proponebat.* — In his conventibus, præcipueque in generalibus condebantur statuta de rebus Ecclesiasticis et civilibus; rex enim conventui proponebat nonnulla Capitula, de quibus deliberari volebat in conventu, ut disertis verbis adnotavit Hincmarus. Hujus praxis in Ecclesia Gallicana jamdiu usurpate illustrius exemplum proferri non potest, quam Epistola Synodica Concilii Aurelianensis primi anno D XI congregati. Tractant enim Patres de *Titulis*, id est, capilibus a rege propositis, cuius judicio submittunt canones a Synodo conditos, quorum confirmationem petunt: « Quia », inquit in Epistola ad Clodoveum regem, « tanta ad religionis Catholicæ cultum gloriæ fidei cura vos excitat, ut sacerdotalis mentis affectu sacerdotes de rebus necessariis tractatu in unum colligi jusseritis, secundum voluntatis vestrae consultationem et titulos, quos dedistis, eaque nobis visum est definitione respondimus; ita ut si ea, quæ nos statuimus etiam vestro recta esse judicio comprobantur, tanti consensus regis ac domini majori auctoritate servandam tantorum firmet sententiam sacerdotum ». Eundem ordinem sequebatur Carolus M. « Mox », inquit Hincmarus cap. 34 ejusdem Epistolæ, « auctoritale regia per denominata et ordinata Capitula, quæ vel ab ipso per inspirationem Dei inventa, vel undique sibi nuntiata post eorum abscessum (id est, postremum conventum habilium) præcipue fuerant, eis ad conferendum, vel considerandum patefacta sunt ».

10. *Auctoritas Caroli quoad constituta in his conventibus.* — Acceptis Capitulis optimates examinabant causas, ut videre est apud Hincmarum cap. 29, ea tamen ratione, ut penes antiquiores esset maxima in censendo auctoritas, eisque juniores consensum suum adderent. Juniores tamen interdum loquebantur, sed ut sensus suos potius promerent, quam ut suffragii ferendi jure utebantur. Discussio isthac biduum aut triduum durabat, delegato palatinis ministerio, ut regis responsa super dubiis propositis ad conventum referrent, donec ad eum delata foret deliberatio Synodalis. Tunc vero princeps eam sententiam præferebat, quam æquiorem existimabat, eamque dein omnes amplectabantur: « Donec », inquit Hincmarus in cap. 34 ejusdem Epistolæ, « res singulæ ad effectum perductæ, gloriosi principis auditui in sacris ejus obtutibus exponeretur, et quidquid data a Deo sapientia ejus eligeret, omnes sequerentur ».

11. *Modus deliberaandi in his conventibus.* — Attamen quia differentia occurrebat in causis, quarum aliæ erant spirituales, aliæ vero sœculares, quædam vero mixtæ, discriminè etiam aliquo utebantur in modo deliberaandi. Episcopi enim et abbatibus seorsim a laicis conveniebant; foris nempe, si cælum serenum esset, alias intra ædes; ita ut unusquisque suam curiam haberet discretam ac separatam, ac splendide ornataam et instructam, ad quam summo

mane conveniebatur : *Ad suam constitutam curiam*, cap. 35. Comites vero et optimates a reliquis laicis discernebantur *subselliis honorificabiliter præparatis*. Inter deliberandum autem, seorsim interdum promebant sententiam suam, interdum simul congregabantur, prout ipsis videbatur, ut se ad genera causarum accommodarent, quæ aut spirituales erant, sœculares, aut mixtae : « In eorum manebat potestate quando simul, vel quando separati residerent, pro ut eos tractandæ causæ qualitas docebat ».

**42. Explicantur Eginhardus et Capitulare anni DCCLXXIX.** — Descriptio hec viam aperit ad genuinum manifestumque sensum verborum Eginhardi, cuius scriptio accuratissima est præ omnibus illius ævi Annalium scriptoribus. Is ergo scribit *Pippinum regem habitu conventu generali in Gentiliaco villa, Synodum habuisse anno DCCLXVII de quæstione Trinitatis et de cultu imaginum*, id est, eum discussioni episcoporum, qui in conventu generali aderant, commissoe quæstionem de rebus spiritualibus. Eadem distinctio adhibenda est verbis Caroli M. ex Capitulari anni DCCLXXIX, dum jubet, ut constitutiones patris sui Pippini observarentur, sive illæ quæ in *Placitis factæ sunt*, sive in *Synodis*, id est, de causis civilibus et Ecclesiasticis : « Capitula vero quæ bonæ memorie genitor noster in suis *Placitis* constituit et in *Synodis*, conservari volumus ». Nam licet Annalium scriptores et Pippinus vocem *Synodus usurpaverint* pro conventu generali, attamen utriusque distinctio introducta est, postquam canonum auctoritas manifestius invaluit. Verum quia canones de disciplina lati ad Rempublicam spectabant, materia hæc ab episcopis simul cum laicis tractabatur. Nec alind episcopis solis permittebatur, quam quæstiones mere spirituales. Sane Capitulare anni DCCLXXIX decretum est ex sententia episcoporum, abbatum et comitum, cum consensu regis : « Congregatis in unum Synodali Concilio episcopis, abbatibus, virisque illustribus comitibus una cum piissimo domino nostro, secundum Dei voluntatem pro causis opportunis consenserunt ». Post conditos canones controversie particularium personarum agitabantur; quas princeps reservabat cognitioni conventus generalis, si forte comes palatinus eas ob aliquam causam noluerat definire. Docuit nos ergo ex Binemaro Marea, cuius verba exscripsi, ordinem observari solitum illa ætate in conventu generati Galliae ad discutiendas causas canonicas, earumque decisionem ab arbitrio regis peperdisse, qui eam pro libito confirmabat aut retractabat.

**43. Moritur S. Gregorius abbas et rector Ecclesiæ Trajectensis ad Rhenum.** — Ad hunc vel potius ad sequentem annum referenda videtur mors sancti *Gregorii* abbatis et rectoris Ecclesiæ Trajectensis ad Rhenum, cuius Vitam a sancto Ludgero Monasteriensi episcopo ipsius discipulo scriptam post mortem Baronii Browerus vulgavit,

rursumque typis mandavit Mabillonius sæc. III Benedict. part. 2. Annum *Gregorii emortualem* sedulo examinarunt Henschenius in Comment. prævio ad Vitam S. Ludgeri ad diem xxvi mensis Martii, Mabillonius in Notis ad Vitam S. Ludgeri pag. 23, et Cointius hoc anno num. 26 et seqq. tandemque hi duo postremi in sententiam Henschenii, banc mortem cum præsenti anno alligantis concessere. Verum tam illi quam *Wilhelmus Heda* in Historia Traiectensium episcoporum male pro certo posuerunt *Gregorium spiritum Deo reddisse die xxv mensis Augusti*, quod eo die celebris ejus memoria existat; cum enim S. Ludgerus in *Gregorii Vita*, nec diem, nec annum mortis ejus memoret, primus non potest non esse incertus, nec secundus nisi probabilibus argumentis determinari. Scribit Heda : « Tandem LXX ætatis suæ anno gravatus paralysi, et continuo triennio per summam patientiam illa exhaustus, instante jam resolutione sua, per triduum mortem suam ante prædixit, et ad altare ductus sumpta Eucharistia statim expiravit VIII kalend. Septemb. sepultus in Ecclesia sancti Salvatoris Trajecti, cum sedisset annis XXII ». Quare cum *Gregorius* die incerto, uti jami diximus, in Domino obdormierit, et Traiectensem Ecclesiam post passionem S. Bonifacii, quæ anno DCCLV contigit, per annos duos ac viginti administrarit, si anni illi incompleti fuere, usque ad sequentem Christi annum pervenit, ut antea Cointius anno DCCLVII, num. 17 et alibi, opinatus fuerat : quod si integri numerandi sint, *Gregorius* ultra præsentem annum vitam non propagavit. Cointius haec potissimum ratione inductus est, ut sententiam mutaret, quod sc. *Carolus rex VII idus Junii, anno regni sui nono*, id est, anno Christi insequenti, munificum se præbuerit erga Basilicam Traiectensem, « ubi venerabilis vir Albricus presbyter atque electus rector præesse videtur », inquit Carolus. Albricus enim sive Albericus ejusdem *Gregorii* nepos, ut vocatur ab Altfrido in Vita S. Ludgeri, sancto *Gregorio* in Ecclesiæ Traiectensis administracioni successit. At hoc *Caroli* præceptum everlit quidem priorem opinionem Mabillonii, qui *Gregorii* obitum usque ad annum DCCLXXXI distulerat, sed non priorem opinionem ipsiusmet Cointii, cum *Gregorium* usque ad initium mensis Junii sequentis Christi anni vixisse, eique eodem mense Albricum successisse verosimilius sit. Quod si *Gregorius* ad septuaginta annorum ætatem pervenit, et tribus annis ante obitum suum paralysi affectus est, ut *Heda* sanctum Ludgerum interpretatur, natus erat sanctus abbas circa annum DCCLVII.

**44. S. Gregorio Albricus succedit.** — *Gregorius* « quasi quartum decimum, aut decimum quintum agens ætatis annum », inquit Ludgerus, sancto Bonifacio tanquam magistro suo adhæsit, et cum eo Thuringiam venit, et in tantum amabilis factus est magistro, « ut quasi unicum filium eum diligenter, jam adjutorem fidelem illum habens in o mni opere bono ». Cum Bonifacius sociis suis re-

giones distribuit, *Trajectum* ad Rhenum ei commisit, et cum ad Gregorium III Romanum prefectus est, *Gregorius* infatigabilis comes cum suo magistro permansit, et in Frisiā redux, mortuo sancto Willibrordo archiepiscopo Trajectensi, successit pius haeres ejusdem gentis Fresonum pastor et p̄dicator, « et larga et melliflua eruditio populum irradavit simul cum chorepiscopo et adjutore suo Aluberto, qui de Britannia et gente Anglorum veniebat magnis vitae meritis pollens », inquit Luderus. Quare Gregorius nunquam episcopus fuit, licet Heda et aliqui alii id existimarint, sed tantum presbyter et abbas. Ex ejus discipulis aliqui episcopi creati, uti *S. Luderus* ejus Vitae auctor, et plurimi doctrina praediti, nec meritis inferiores, qui eo gradu dignissimi fuere. *Albricus* ejus successor, regimine Ecclesiae Trajectensis suscepto, Luderum diaconum suum ad perquirendum sanctum *Lebuini* corpus, et Ecclesiam Daventriæ reparandam statim direxit, perfectaque est Ecclesia et consecrata, « quæ nunquam deinceps a gentibus fuit contaminata, sed in loco illo per servum suum *Liafwinum* (seu Lebuinum) Dominus virtutes multas operatur usque in hodiernum diem », inquit Altfridus in Vita sancti Luderii.

45. *Moritur S. Madelveus episc. Virodunensis.*  
— Hoc etiam anno *sanctus Madelveus* Virodunensis episcopus et abbas sancti Vitoni supremum diem obiit, ut prodit Hugo Flaviniacensis abbas in Chronico Virdunensi a Labbeo tom. i Biblioth. publicato, ubi hujus sancti gesta copiose describit, aitque: « An. DCCLXXVI, qui erat regni Caroli nonus,

obiit Madalveus episcopus, cum obsideret Caroli exercitus in Tharavisa Italæ civitate Stabiliarum sacerorum Chrotgandi, qui contra Carolum rebellaverat ». Addit Hugo: « Erat in eadem civitate (nempe Tarvisina) Petrus vir Italicus, a quo tradita est civitas, et ob hoc de Virdunensi episcopatu honoratus est ». Quia tamen semper suspecti sunt traditores, in episcopatu receptus non est ante annum DCCLXXXVIII. Madelveus creatus abbas Ecclesiae sancti Vitoni erat obedientia cunctis subditus, justitia insignis, et fortitudine spectabilis, quibus præcurrentibus nuntiis, cunctorum votis in pontificatu Virdunensis urbis electus est, *Pippino* jam monarchiam adepto. Erat tunc civitas ipsa insectatione barbarica bellis attrita, obsidionibus fatigata, templa Domini in ea polluta, et officia diurna vel nocturna neglecta. Sed Madelveus clericos regulatiter vivere docuit, Pippinumque adivit, et vastitatem urbis calamitatemque plebis, quam regendam suscepit, illi significavit, et auxilium ab eo ex regali largitione quæsivit et obtinuit. Devotionis causa Hierosolymam ad visenda loca sacra peregrinari voluit, ubi « sepulcrum Domini, locumque Ascensionis, ubi steterunt pedes ejus, iterum iterumque revisens atque osculans, nativum solum revisere deliberavit », et non multo post animam Deo reddidit (1).

*Carolus* insignem hoc anno donationem fecit *Paulino*, qui postea patriarcha Aquileiensis fuit, tum grammatices professori, ut anno DCCCI videbimus.

(1) Hujus *S. Madelvei* chronologiam longe diversam retexit auctor *anonymous* gestorum Virdunensium vulgatus a Schanoat Vindem. liter. tom. II, ex Berthario auctore, ut ille innuit, saeculi decimi, adeoque Ilugone Flaviniacensi vetustiore. Asserit ille virum huic saeculum, de cognatione Caroli Martelli prefectum, ab eodem renuntiatum fuisse episcopum anno DCCLXXXV, natum vero fuisse Viroduni; ac primo qualem invisum Martello, dein in ejus gratiam rediisse. Suscepisse Hierosolymitanam peregrinationem, ibique a Basilio patriarcha amice acceptum; dein obiisse anno DCCLXII, ejusque corpus incorruptum post annos ab obitu XL perseverasse. Tunc subdit auctor: *Vacut sedes Virodunensis ad annum usque DCCLXXIV, quo tempore viduam Ecclesiam administravit chorepiscopi munere *Analbertus*, qui obiit anno DCCLXXI*. Hunc suffectus Petrus natione Italus anno DCCLXXIV, qui decessit anno DCXCIV. Scripsit Bertharius historiam Virodunensem jussu Dandi episcopi Virodunensis, qui obiit anno DCDX, teste eodem anonymo.

MANSI.

## HADRIANI I ANNUS 6. — CHRISTI 777.

**1. Rex Bulgarorum baptizatur.** — Septingentesimus septuagesimus septimus Redempt. annus, decima quinta Indictione notatur, quo Bulgarorum rex Telerius, qui adversus Constantinum Copronymum saepe pugnarat, Christianae religionis amore suos deserens, eontulit se Constantinopolim, ut sacrum baptismus susciperet, regnum relinquens terrenum, ut cœlestis regni partieps esse posset. Operata est ista fides in Christum etiam ante Christum. Nam ad Hebreos Apostolus<sup>1</sup>: « Fide Moyses grandis factus, negavit se esse filium filiae Pharaonis: magis eligens affligi cum populo Dei, quam temporalis peccati habere jucunditatem; majores divitias testimans thesauro Ægyptiorum impropterum Christi: adspiciebat enim in remuneratorem ». Magnum quidem dedit iste specimen vivæ fidei, dum regno numerosissimæ vietrieisque gentis prætulit servitutem humilem Christi. Excepit hunc Leo benigne satis, atque baptismum consecutum patricium creavit, et nobili eonjugio honestavit. De his enim breviter ista Theophanes: « Anno secundo imperii Leonis confugit Telerius Butgariæ dominus ad imperatorem. Qui fecit eum patricium, jungens illi uxoris sue trenæ consobrinam. Cum autem baptizatum eum ex sancto lavaero susepisset, magnifice honoravit, pariter et amavit ». Hæc ipse. Fuerunt istæ primitiae Bulgaricæ gentis ad Christianam religionem aeccedentis, postea magna alacritate confluentis, ut diei possit frumenti granum seminatum fructum centuplum reddidisse.

**2. Theophanis Isaci cum imperatore certamen.** — Eodem anno, qui et tertius numeratur ante Leonis imperatoris obitum, contigit certamen Theophanis (qui et Isacius dictus est) nobilissimi civis Constantinopolitani cum Leone imperatore: accusatus a socio, quod una cum eonjuge minime liberis procreandis vœans, vitam monasticam exerceret domi una cum eonjuge, bona sua pauperibus largiens. Rem gestam a Theodoro Studita (ut creditur) scriptam sic aecipe: « Socer ejus, qui hanc spem in ipsis solis positam habebat, eam rem sie

ægre tulit, ut ipsum quoque imperatorem in magnam indignationem impulerit. Leo hic fuit soror patris filius atque successor: qui et ipsorum adolescentiam commiseratus, et proprium amicum ejus patrem honorans, jurejurando comminatus est adolescenti, se illi, nisi a proposito desisteret, oculos effossurum. Et Cyzium misit eum, minusque præclarum commisit, ut rebus inanibus atque eaduis administrandis earum, quæ semper permanent, splendorem oblivisceretur. At ille tanquam murus in suo instituto stabilis permanens, libenti animo iter ingressus, apud Syriam oecurrerit admirando seni, qui Gregorius appellabatur, et tum aliis donis, tum prophetæ gratia præstatabat: multis enim sudoribus animum a perturbationibus liberum, seseque tum in contemplatione rerum divinarum, tum ad eorum quæ essent eventura cognitionem, aptum reddiderat.

**3. « Huic Theophanies animi sui propositum aperit, sibique certum jam esse dieit exilium eligere voluntarium. At ille sancto Spiritu (ut erat solitus) illustratus: Nihil est, inquit, o juvenis, quamobrem de exilio eogites: paulo post enim tibi, nemine prohibente, ad solitudinem te conferre: socio enim tuo et imperatore defunetis, ad vitam pristinam revocaberis. Et haec diceens, solito murmure labiis intonabat, quemadmodum ipse juvenis eomitibus dixit, eum ejus testimonium narraret. Senis autem jumento usus est, eoque magis, quam regio equorum ministerio, quo erat ornatus, glorificabatur. Senis igitur monitu et aliorum patrum eonsilio confirmatus redditum in patriam distulit, et una cum sociis in Iœo, quem naetus est, cum supellectile sua consedit. Verum eum et magnis caloribus et siti cruciarentur, non tantum indigatus est, nee aquæ penuria sententiam mutavit, nee proprium oravit Dominum ut sibi mederetur; sed solitas illi preces fundens, super tapete recubuit, ut somno paulisper sitim leniret.**

**4. « At rerum mirabilium effector Deus, juvenem intuitus, propter se libenti animo labores fermentem, magno illum miraculo decoravit. Qui enim ingrato populo ex durissima petra latices effudit,**

<sup>1</sup> Heb. xi.

cur grato juveni necessaria non ministrare? Prope igitur, ubi jacebat, divino jussu fons mirabilis emanavit, laetique suum servum Deus excitans, sese illi patefecit. Qui sociis convocatis sitis remedium a Deo datum ostendit. Cavis igitur manibus aquae copiam haurientes, debitas honorum omnium largitori Deo gratias egerunt. At ne quis possel suspiciari casu fontem illum repertum fuisse, nocte repente sic evanuit, ut ne vestigium quidem ejus ullum mane relinquatur. Hoc amoris, quo sanctus hic jam inde ab adolescentia Deum prosequebatur, signum fuit ». Et paulo post : « Nondum anni tres præterierunt, cum sacer ejus et imperator a præsenti gloria depulsi sunt, et ad domicilium illis conveniens missi, etc. » Reliqua enim suo loco reddituri sumus, que memoria digna sub Irena Augusta et Constantino filio contigerunt.

5. *Synodus Paderburnensis*. — Quo pariter anno Carolus Magnus ad stabiliendam Ecclesiā Saxonum, habuit Synodum Paderburne, ubi Saxones baptizati juramento firmavere, se Christianam fidem perpetuo servaluros, alioqui passuros ob pœnam omnium suorum honorum dispendium.

Hæc Acta Caroli, vetus Chronicon, Annales Francorum et Regino tradunt. Sic igitur firmatae penitusque stabilitate videri poterant res Saxonum, nisi unus ex eorum principibus Widichindus nomine, ne cun aliis ad Synodum conveniret, una cum paucis sociis fugam arripiens, aususisset in Normanniam. Excepisse autem in eadem Synodo, ab Hispania venientes, tres Saracenorum principes, pariter tradunt. Habet eadem de rebus hoc anno gestis Paderburne Gobelinus in Meinulpho, qui et originem episcopalis sedis Paderburnensis enarrat. Sed et de adventu principum Saracenorum hæc Annales sub Ludovico scripti ab ejus doméstico produnt : « Venit, inquit, iisdem et loco et tempore ad regis præsentiam de Hispania Saracenus quidam, nomine Ibinalarabi, cum aliis Saracenis sociis suis, dedens se ac civiles, quibus eum rex Saracenorum præfeceral ». Et paulo post : « Persuasione ergo rex prædicti Saraceni, spem capiendarum quarundam in Hispania civitatum haud frustra concipiens, profectus est, etc. » Porro expeditio in Saracenos contigit anno sequenti.

---

Anno periodi Græco-Romanæ 6270. — Anno Æra Hispan. 813. — Anno Hegiræ 161, inchoato die 8 Octob., Fer. 4. — Jesu Christi 777.  
— Hadriani I papæ 6. — Leonis IV 27 et 3. Constantini 2.

1. *Conversio Teleri Bulgariae principis*. — A num. 1 ad 5. Theophanes anno Iuernat. secundum Alex. DCCLXIX, qui kalend. Septemb. superioris Christi anni inchoatur, ait : « Telerus Bulgarorum dominus ad imperatorem profugil, a quo locata in matrimonium conjungis suæ Irenes consobrina, patricius creatur. Eum sacro lavaero initiatum imperator suscepil, et summis honoribus cumulatum valde adamavit ». Fuit hoc initium conversionis Bulgarorum. Quæ porro habet hic Baronius de conjugio Theophanis chronographi, lucem accipient ex iis quæ anno DCXXVI in medium afferemus.

2. *Albicus fit episc. Trajecti ad Rhenum*. — Ad num. 5. Carolus rex Pascha in villa, Neviomagum appellata, hoc anno celebravit, ut tradunt variis annualistæ. Hanc urbem hodie Nîmègue dicitam, Carolus insigni palatio ornavit, ut docet Eginhardus, ibique *septimo idus Junii* adhuc versabatur, ut liquet ex Praecepto ab eo emisso in Ecclesia Ul-trajectinae favorem, « ubi venerabilis vir, inquit, Albicus presbyter atque electus rector præesse

videtur ». Recitat illud Cointius hoc anno num. 1, et num. 2t observat, *Albicum* per autumnum hujus anni consecratum fuisse episcopum, postquam misisset « Liudgerum et cum eo alios servos Dei, ut destruerent fana deorum, et varias culturas idolorum in gente Fresonum », inquit Alfridus in Vita sancti Ludgeri, qui subiect magnum in delubris inventum esse thesaurum, ex quo Carolus duas partes accepit, tertiam Albrico transmisit. Scribit etiam Alfridus : « Albricus, cum in Colonia civitate gradum accepisset episcopalem, fecit et Liudgerum secum presbyterii percipere gradum et constituit eum doctorem Ecclesiæ in pago Ostrache (sive Ostergoe) in loco ubi sanctus Bonifacius est coronatus martyrio ». Quibus ex verbis Cointius deducit, Coloniam hoc tempore metropolica dignitate gavisam esse. Verum ex illis non magis sequitur episcopum Coloniensem fuisse metropolitam, quam Vormaciensem eamdem dignitatem obtinuisse ex eo quod in Vila sancti Willehadi Bremensis episcopi dicatur eum in *Vormacia* civitate consecratum fuisse. Vide quæ diximus an. DCXLV,

num. 4, de tempore quo *Colonia metropolis* effecta. Praeter *Gregorium*, qui medius Bonifacium inter atque Albricum sedit, et usus est *Auberto* chorepiscopo, omnes alii, qui Ultrajectensem Ecclesiam rexere, episcopi consecrati fuere.

3. *Annus sextus belli Saxonici*. — Carolus apud Padiburnam conventum *prima vice* celebravit, ut testatur annalista *Loiselianus*, qui scribit: « Synodus habuit ad Paderbrunnam *prima vice*, ibique convenientes omnes Franci, et ex omni parte Saxonie undique Saxones convenerunt, excepto quod Witochindis rebellis extitit cum paucis aliis, et in partibus Normanniae (sic Daniam ab Aquilonari situ nominat) confagium fecit una cum sociis suis. Etiam ad idem Placitum venerunt Saraceni de partibus Hispaniae, hi sunt Ibinalarabi, et filius Dejufesi, qui et latine Joseph nominatur, similiter et gens ejus. Hic multitudine Saxorum baptizati sunt, et secundum morem illorum omnem ingenuitatem et alodium manibus dultum fecerunt (id est, rerum suarum possessionem dimiserunt, quod gallice dicimus *Déguerpir*, ut videre est apud *Ducangium* in *Glossario* et in voce *Dulgatum* facere) si amplius mutassent, secundum malam consuetudinem eorum, nisi conservasset in omnibus Christianitatem vel fidelitatem domini Caroli regis et filiorum ejus, vel Francorum ». Idem habent annalista *Bertinianus* aliisque. Antiquus chronographus res gestas Caroli complectens, editus a Lambecio tom. II Biblioth. Cæsareae, qui non annis Incarnationis, sed annis ejusdem Caroli usitit, ait: « x. Saxones post multas cædes et varia bella afflicti non valentes resistere, tandem Christiani effecti, Francorum ditioni subduntur ». Porro huic conventui non interfuit *Witechindus*, seu *Witochindus*, sed fugit in Daniam, novas res, ut se occasio daret, mohturus; nam, ut ait *Eginhardus* in Annal. multorum sibi facinorum conscient, et ob id regem veritus, ad *Sigefridum* Danorum regem protugera.

4. *Aliqui Saracenorum præfecti ad Carolum confugiunt*. — « Venit iusdem loco et tempore ad regis presentiam de Hispania Saracenus quidam nomine Ibinalabu cum aliis Saracenis suis sociis dedens se ac civitates, quibus cum rex Saracenorum (nempe Abderamen) præficerat. Idecirco rex peracto menorato conventu, in Franciam reversus Natalem Domini in Dusiaco villa celebravit », inquit *Eginhardus* citatus. Situm est *Duziacum* seu *Dusiacum*, gallice *Douzy*, Sedanum inter et Mosomaenum. Acciderat porro ea tempestate in Hispania per civilia bella et procerum factiones, ut a rege Abderamen plerique præfectorum desicerent, et dynastias spe-

ciales instituerent in civitatibus sibi commissis. *Ibinaralabi* Cæsaraugustæ præses datus a rege Cordubæ, seu ab Abderamen, ab officio discessit, et statim a civitate pulsus est. Itaque ut se tulum præstaret a viribus Iesi principis et crimen uelisci parantis, et simul ut in præfecturam suam restitueretur, ad *Caroli* clientelam confugit, injecta regi non vana spe regionis universæ eis Iberum occupandæ, ubi ex parte Pippinus jamdiu jecerat fundamenta dominationis Francicæ. Quando episcopus Patrus Padeburnensis, de quo loquitur hic *Baronius*, institutus fuerit, suo loco exponemus.

5. *Gesta inter Hadrianum PP. et Carolum*. — *Carolus* post bellum in Saxonie felicissime gestum Romam denuo proficisci statuit. E Francia vero hoc anno Romam redierunt *Andreas* episcopus et *Pardus* hegumenus nuntii Apostolici, Roma in Franciam *Wulcharius* archiepiscopus et *Dodo* abbas, oratores regii, deinde Romam direcli quoque sunt a rege *Possessor* episcopus, atque idem *Dodo* abbas cum litteris, quibus *Carolus* pollicebatur se in Italiam iturum mense Octobri, postulabatque nuntios Apostolicos *Andream* episcopum et *Pardum* hegumenum in Franciam rursus destinari, quo tempore supradicti *Possessor* episcopus et *Dodo* abbas Roma dimissi reverterentur. *Hadrianus papa* postulatis regis auuit, excepto quod in locum *Pardi*, qui morbo correptus iter suspicere non potuit, *Valentinianum* episcopum eum *Andrea* episcopo direxit. Constant hæc omnia ex Epist. 1 Cod. Carol. ab eodem Pontifice ad *Carolum* data, isdem litteris *Hadrianus* questus est apud *Carolum*, quod *Anastasium* nuntium Apostolicum apud se detinere, cumque sibi reddi postulavit, si delinquisset, examinata causa puniendum. *Anastasius* olio erat *Carolo*, quia verba quædam protulerat, quæ regis utilitati minus conducebant: « Illud vero », inquit *Hadrianus*, « quod de *Anastasio* missio nostro nobis indicasti, quod aliqua importabilia verba, quæ non expediebat vobis, loentus fuisset, unde valde tristes effecti fuistis, et per hoc adhuc apud vos enim detinetis, nimis noster frangitur animas, dum Langobardi et Ravennates fatentur, inquietantes, quia nullo modo rex in Apostolica permanet charitate, dum ejus missum apud se detinet. Sed neque ab ipsis mundi exordiis cognoscitur evenisse, ut missus protectoris lui beati Petri, magnus vel parvus, a quacumque gente detentus fuisset, sed jubeat eum nobis vestra sollicitudo dirigere, et severissime sciscitantes, juxta noxam ei reperlam eum corripiemus », et cætera in Codice *Carolinus*, vel apud *Cointium* hoc anno num. 6, ubi Epistolam illam integrain recitat, legenda.

## HADRIANI I ANNUS 7. — CHRISTI 778.

1. *Caroli Magni expeditio in Hispaniam.* — Se-  
quitur temporis ordine annus Redemptoris septen-  
gentesimus septuagesimus octavus, prima Indic-  
tione, quo Caroli Magni contigit expeditio in His-  
paniam adversus Sarracenos, ab aliis Sarracenis (ut vi-  
dimus) anno superiori ad id faciendum permoti: et  
enim bello civili Sarracenis inter se dissidentibus,  
qui regnabat Cæsaraugustæ, ab aliis pulsus Sarra-  
cenis, in ipsis Carolum concitavit. Francorum  
rerum scriptores veteres tradunt, subegisse Caro-  
lum Navarram, potitumque Cæsaraugustana civi-  
tate atque Pamplona, easdem mœniis reliquise  
nudatas. Verum cessit exercitu infelix exitus,  
Vasconibus in montibus Pyrenæis, usis locorum  
opportunitate, exercitus extrema cædentiibus. Quia  
impressione facta, desideratos esse inter alios insi-  
gniiores Eggobardum regiae mensæ præpositum  
et Rutlandum præfectum Britannici littoris, testis  
est Eginhardus in rebus gestis Caroli Magni. Porro  
de historia vel nimia brevitate contracta, vel sub  
nomine Turpini Rhemensis episcopi nimia fabu-  
lositate producta, nihil præterea est tutum asse-  
rere.

2. Sed quomodo errore lapsi sunt nonnulli  
persecuti suis scriptis res Hispanas, dum ejusmodi  
cladem, quam in saltu Pyrenæo passus est Carolus,  
referunt ad tempora regis Alfonsi cognomento Casti,  
paulo ante obitum ejusdem Caroli Magni, suo loco  
plenus dicturi sumus. Hic satis sit ista notasse.  
Regnabat autem tum in Hispania in regno Legio-  
nis et Asturiorum Silo, gener Alfonsi Catho-  
lici, qui pace eum Sarracenis composta, tran-  
quillam transegit vitam, ab anno Redemptoris  
septingentesimo septuagesimo quinto, .Era nimi-  
num (ut Tudensis habet) octingentesima decima ter-  
tia, tenuitque usque ad Æram octingentesimam  
vicesimam primam, annum Domini septingente-  
simum octogesimum tertium. Cum interea Arago-  
nenses, principe Ansar sese a Sarracenorum jugo  
magna animi generositate vindicantes, libertatem  
sunt consecuti, pro qua tuenda studio indefesso  
certarunt.

3. *Saxones rebellantes ad officium revocantur.*  
— Cum autem in ea adversus Sarracenos expedi-

tione Carolus esset, fidifragi Saxones suasione Wi-  
dichindi principis rebellantes, que obvia habuerunt  
ad Rhenum usque, omnia cæde atque incendio  
vastant, sed non impune: nam idem Carolus, licet  
annus declinaret ad finem, et exercitus immunitæ  
vires nonnihil essent ex clade illa a Vasconibus  
illata, nulla mora eos per suos adoriri voluit, quos  
in fugam versos magna ex parte necavit. Hæc  
Francorum vetera Chronicæ et Annales. Verum  
cædem Saxonum anni sequentis exordio configisse,  
qua dicentur ostendent. Sed hæc ex Epistola sancti  
Ludgeri Monasteriensis episcopi ad Xivfridum Tra-  
jectensem episcopum<sup>1</sup> data, petenda sunt, qui ea  
qua hoc anno Saxones in sancti Swiberti Werdense  
coenobium perpetrarunt, et quam a Deo ob sacri-  
legium experti sint ultionem, scribit cuncta quidem  
Annalibus digna, quæ sic se habent<sup>2</sup>:

4. « Postremo (inquit) imperante Carolo Magno  
rege Francorum, inelyto filio præfati regis Pipini,  
cum is, subjugatis potenter Saxonibus et West-  
phalis, decrevisset cum grandi exercitu Christiano-  
rum contra Gentiles Hispanos (Sarracenos sci-  
licet regnantes in Hispania) ire in Hispaniam,  
et eos mittere sub jugum fidei Domini Dei nostri  
Jesu Christi, anno scilicet a Nativitate ejusdem  
Domini nostri septingentesimo septuagesimo octavo,  
Indictione prima: ferocissimi et pertidi Sa-  
xones et Westphali excitati spiritu satanæ ac in-  
ebriati calice Babylonis, cum præfatus Carolus rex  
esset cum toto suo exercitu in Hispania, putantes  
ac videntes se habere aptum tempus uincendi  
damna a Carolo et a Christianis ipsis sepe illata,  
conglomerati in invicem præceptis satraparum  
ipsorum, venerunt validissimis et grandibus ag-  
minibus strenuorum et ferocium armigerorum,  
depopulantes longe lateque crudeli ferro et edaci  
flamma cuncta que erant Christianorum. Vene-  
runtque usque ad littora Rheni.

5. « Et in tantum saevit ira et crudelitas ipso-  
rum, ut nullatenus parcerent nec Ecclesia Dei,  
nec sexui, nec ætati hominum, quin omnia consu-  
eruntque usque ad littora Rheni.

<sup>1</sup> Exstat in Append. ad Vitam Swiberti apud Sur. tom. II, die 1 Mart.

<sup>2</sup> Ead. Epist. c. 4. 3. 6. 7.

merent ac demolirentur usque ad internectionem. Sed anno sequenti maxima vindicta subsecuta fuit, et denuo ad fidem revocati triumphali gladio serenissimi Francorum regis Caroli propugnatoris fidei Christianæ fuere. Quia horrida clade sanguinante, prædictæ ferociissimæ gentes Saxonum et Westphaliorum ad Ecclesiam sanctissimi Swiberti, et ad oppidum Werdam ferocitatis sue direxerunt gressum. Quod oppidum livore magno, feroci igne et ferro solo tenuis destruxerunt. Eadem tempestate Ecclesia cum conventu sancti Swiberti concremata fuit, sacerdotes aut trucidati aut effugati, incolæ utriusque sexus omnes fere occisi, libri sacri exusti, viensque fere in solitudinem redactus est. Dempto sacro corpore S. Swiberti, sagaciter subitus terram deposito et depresso, quod licet industrie per totum conventum quiescerint, minime tamen invenire potuerunt. Et licet essent Christiani vi adacti, et haec crudelia peragerent : oderant tamen sanctum Swibertum, eo quod pridem Christianis Francigenis præstisisset victoriam contra eos, et (ut arbitrabantur) inimicus ipsorum esset et defensor exercitus Christianorum.

6. « Erat autem in eodem flagitioso exercitu quidam satelles diaboli, nomine Ogellus Oesterbach de Paderborne, qui in eadem sæva depopulatione oppidi de Werda infinita flagitia commiserat, gaudens in rebus pessimis. Is tota vi conatus inflammare S. Swiberti Ecclesiam, ignem primus copiosum ad fastigium jactavit Ecclesiæ, sed protinus ignis saepè repulsus et mortuus, extinctus et diminutus fuit : vim enim suæ virtutis primo oblitus est ignis. At ille obstinatus in malitia, licet hæc cerneret, et nullo modo desistere dignaretur, tandem permissione divina eam incendit, et latus abivit. Igitur cum hæc effera et bellicosissima gens Saxonum infinita abominabilia ubique in Christianos grassando ad libitum peregisset, divisisque inter eos lætarentur rapinis ac spoliis, sedissentque in suburbanis et vicinis pratis virentibus oppidi Werdeusis, ovantes et gratulantes de cædibus et oppressionibus Christicolarum : ecce venit ille seeleratissimus et sacrilegus Ogellus ad commilitones et conterraneos suos in eodem prato prandentes, cachinando recitans, ut ipse Ecclesiam sancti Swiberti protectoris Francorum incenderit, quamvis commode eam aliquandiu incendere nullatenus potuisset.

7. « Statimque Dominus noster Jesus Christus, qui est splendor sanctorum suorum, volens saerilegis Saxonibus palam ostendere, cuius meriti sanctus Swibertus nobilis Pontifex apud ipsum esset in regno caelorum, illum nefandum Ogellum miserabiliter punivit, ut alii terrorentur et a talibus desisterent. Nam cum perniciosus Ogellus hæc prædicta mala per ipsum perpetrata coram prandentibus sociis et complicibus suis cachinando, imo Deum blasphemando recitaret : statim ira Dei ascendit super ipsum, cadensque retrorsum coram omnibus super planam terram,

fracto collo, dignas temeritatis ac sacrilegii pœnas debitas horribili morte luit. Quod alii sacrilegi viidentes et audientes exterriti valde, compuncti pœnitentia salutari, quidam ipsorum iram Dei mitigaverunt.

8. « Nec hoc sufficiebat Deo ad laudem S. Swiberti, quin etiam illustrius honorare voluit sanctum suum coram omni exercitu Saxonum et Westphalorum. Nam cum sacrilegus Ogellus mortuus, cooperitus velamine sic per tres fere horas jacuisse, et signo dato juberentur ubique per totum exercitum castrametari in alio loco : statim convenerunt consanguinei et socii malitiae nefandi Ogelli, euinque sepelire in cœmeterio Ecclesiæ sancti Swiberti decreverunt, sed nullo modo valebant. Namque cum indigessem terram effolerent, conantes facere sepulturam in præfato saucto cœmeterio, in quo ipsum condendo sepelirent, statim digesta terra per se defluxit in eamdem foveam, ac si non fuisset sulcata, de quo omnes valde mirabantur. Cumque iterum atque iterum fodiendo tentassent, et multum laboris insumpsissent, ut facerent sepulcrum, licet in aliis locis ejusdem cœmeterii, et semper terra per se, omnibus stupentibus, subito decidisset in eamdem foveam, permanens et apparens plana terra, ut antea; desistebant a fodiendo sepulcro in eodem cœmeterio, et exterriti dicebant alterutrum, ipsum indignum Ecclesiastica sepultura, et præsentim sepultura illius cœmeterii, eo quod Ecclesiam illam et cœmeterium cremando profanasset. Et sic multum attoniti recedentes, cum venissent ad cadaver mortui, et abjecto velamine denudassent faciem ejus, ecce tam horribilis et miserabilis apparuit facies ejus, quod omnes in terrorem et formidinem verit, ita ut omnes trementes, stupidi et pavidi citio recederent ab eo, ignorantes quid de corpore facerent. Sed instanti recessus tempore, quidam alii satellites ex alia province Saxonum prædicta audientes, et ipsum mortuum invenientes, proiecserunt indignanter cadaver in Rhenum, ut esset pabulum piscium, et sic malus male perii.

9. « Itaque cum ex præcepto satraparum per totum facinorosum exercitum, signo dato, juberentur castra movere domumque discedere, ecce dolenter nuntiatum fuit a contribulibus et complicibus malitiae et commissi sacrilegii, duobus præcipuis satrapis Nothelino et Occoni, strenuum Ogellum de Paderbone, qui primus Ecclesiam S. Swiberti incenderat, ex vindicta Dei et sancti Swiberti patroni illius loci plagatum et punitum esse, fregisseque collum suum super planam terram, cum jucunde jaetaret, quod illud facinus saerilegum admisisset. Quod illi audientes, indignati dicebant, hoc casu accidisse, et non ex vindicta alieijus sancti et præcipue S. Swiberti, et quod S. Swibertus esset impotens et nullius virtutis ac potestatis, qui nequivisset suum oppidum suamque Ecclesiam tueri. Cumque hæc et alia hujusmodi mulla verba blasphemiae superbe ac

indignanter protulissent, nec dantes gloriam Deo et sancto ejus: simul atque recessissent illi duo satrapæ ab invicem, Nothelinus glorians in via de victoria habita contra Christianos, privatur coram omnibus lumine oculorum, factus totus cæcus, atque in cunctis membris suis graviorem morte penam tamdiu sustinuit, donec rubore cooperatus et in se reversus ac se colligens, quanta in Deum ac S. Swibertum superbe commiscrat, medullitus suspirando agnovit et doluit.

« Itaque crescente per momenla temporum dolore corporis, consilio proborum, flexis genibus humiliiter Deo vovit devote visitare sepulcrum S. Swiberti, et Ecclesiam ejus in favillam redactam, juxta facultatem suam restaurare, modo intercessionibus ipsius recuperaret pristinum visum et sanitatem corporis. Quo voto coram multis dolenter et devote facto, protinus dolor viscerum cessavit et visus rediit, et ipse surgens, lacrymabili voce Deum devotissime laudans, cunctis apparuit, ut meritis sancti Swiberti liberatus sit. Et Werdam usque properans, votum cum multa familia devote adimplivit.

40. « Alter autem satrapa Occo nomine, opimis ditatus spoliis, cum equester cum vernaculis rediret e Werda, ignorans ut Nothelinus a Deo punitus esset, recitaretque in via quam bene vindicassent Saxones contra Christianos contumelias et oppressiones ipsis a Carolo pridem illatas, et ut humana pariter et divina in finibus Christianorum perturbassent, et præsertim ut Ecclesiam sancti pontificis Swiberti, in quo multum Christiani confidebant, incendissent: mox coram omnibus mulctatus est a Deo, auditu carens et loqua, rediensque domum mœstus et dolens, mansit longo tempore surdus et mutus. Qui similiter in se reversus, erubescens, ingemuit valde, perpendens, quod Deus vindicat blasphemias sanctis suis illatas. Salutari igitur penitentia ductus, dolens toto corde de commissis in Deum et ejus servum Swibertum, eleemosynis et precibus sperabat a Deo recuperare priorem sanitatem, sed nihil proficiebat et nihil obtinuit.

« Cum vero didicisset qualiter Nothelinus satrapa cœcitate percussus meritis sancti Swiberti liberatus fuit, spem magnam concipiens in sanctum Swibertum, similiter vovit peregre visitare ipsum sanctum Swibertum in Werda, et servituli ejus se mancipare, modo pristinæ merito ipsius sancti restitui posset sospitati. Eadem hora sanatus a cœlesti medico, disposita donio sua, publice accedens cum solemini familia ad Ecclesiam sancti Swiberti in Werda, votum implevit reverenter et devote, redire quoque domum spernens, sumptibus suis, et præfati satrapæ Nothelinii aliorumque multorum devotorum hominum eamdem exustam Ecclesiam anno sequenti eleganter restauravit. Et dignitati sui satrapatus remuntians, in Werda apud S. Swibertum consenuit, serviens ferventer Deo et S. Swiberto omnibus diebus vite suæ ». Haec-

nus de his S. Ludgerus episcopus res sui sæculi narrans. Porro sequenti anno Saxones atque Westphali, post acceptam ingentem cladem, subdidierunt se Carolo Magno.

41. *Ludgerus prædicat Frisiis.* — Cæterum ipse S. Ludgerus, genere Frisius Frisiorumque apostolus jure dicendus, hoc tempore Frisiorum conversioni operam dabat, ut colligitur ex Actis<sup>1</sup> Vitæ ipsius a Werdensibus monachis scriptis proditæ. Hic enim genere Frisius, ex Christianis parentibus ortus, educatus sub disciplina S. Gregorii discipuli S. Bonifacii martyris in Ecclesia Trajetensi, ibi initiatus est clericatu, ab eoqne missus in Angliam, ubi Albinus, sive Alcuinus publice profitebatur litteras sacras, eum audiens annum integrum mansit, iterum ad eum qui miserat Gregorium ordinatus diaconus rediit. Postea vero rursum profectus in Angliam, tres integros annos et sex menses eumdem præclarissimum doctorem audivit, usq; litterarum Carolo Magno notissimum. Vocatus deinde defuncto Gregorio, ab apostolico viro Lebuino per visum, qui Evangelium Darentie prædicarat, illuc se contulit, ubi combustam a Saxonibus Ecclesiam restauravit: inde a successore Gregorii Albino in Frisiā missus, fana illic idolorum plura destruxit, ipsis spectantibus idolatris, et Dei virtute, ne repugnarent, agente. Septem vero ibi annis mansisse, eadem produnt Acta: cum autem longe lateque ejus apostolatus gloria claruisset, qui sub Albino in Anglia profitebatur ejus condiscipulus, ejusmodi salutationem ad eum hisce versibus scripsit:

42. *Frater amore Dei, cognato dulcior omni*  
*Et consanguineis merito pretiosior ipsis,*  
*Ludger amate omni, Christi te gratia salvet,*  
*Vive tua genit Frisonum clara columna,*  
*Presbyter occidius laudabilis orbis in oris,*  
*Doctus in eloquo, prudens, et mente profundus,*  
*Ipse gradum meritis ornans et moribus altmis,*  
*Ut puer in semibus humili de corde ministras,*  
*Ut cermanus agis cunctis æqualibus ævo,*  
*Atque parent pueris vita documenta reperdis.*  
*Tu melius crescendo, mei memor esto sacerdos,*  
*Tu precibusque tuis commendes, quæso. Tonanti*  
*His brevibus vatem, qui te laudavit in odis.*  
*Si teretus baculi pro tali carmine donum*  
*Munificus tribuas, fors hac mercedula vati*  
*Concordat modico. Felix sine fine valeto.*

Hæc discipulus, ut diximus, Albini, qui Eboraci in Anglia docebat in gymnasio florentissimo. Quomodo autem idem sanctus Ludgerus, Saxonibus ingruentibus in Frisiā, necesse habens inde recedere, Romam se contulit, suo loco dicturi sumus.

43. *Qui Albinus seu Alcuinus fuerit, et an Caroli Magni magister.* — Quod vero pertinet ad Albinum Eboraci summa cum laude sacras litteras publice profidentem, Bedæ frusse discipulum cum tradant, et Caroli Magni asserant præceptorem: an vera sint, exquirendum est. Nam quod ad primum spectat, quemnam ipse suum tradat

<sup>1</sup> Apud Sur. die xxvi Mart. tom. II.

Albinus fuisse magistrum, habes in ejus Epistola ad Eadbaldum Eboracensem archiepiscopum his verbis<sup>1</sup>: « Laus et gloria Deo, qui dies meos in bona prosperitate conservavit, ut in exaltatione filii mei charissimi gauderem, qui laboraret vice mea in Ecclesia, ubi ego nutritus et eruditus fueram, et praeserset thesauris sapientiae, in quibus me magister meus dilectus Egbertus archiepiscopus haeredem reliquit, etc. » Successit hie, ad quem scribit, tertio loco ab Egberto, de quo quidem fratre regis Egberti itidem nominati, auctor, qui post Bedam prosecutus est res gestas Anglorum, hæc ait: « Hic omnium liberalium artium (ut ita dicam) armarium, imo sacrarium fuit, et nobilissimam Eboraci bibliothecam instituit ».

14. Porro de eodem Egberto idem Albinus in Epistola ad Carolum Magnum id ipsum proficitur, fuisse nimirum magistrum suum. Sunt enim hæc ibi verba: « Date mihi exquisitiores eruditionis scholasticæ libellos, quales in patria habui per bonam et devotissimam magistri mei Egberti industriam; et si placet sapientiae vestræ, remittam aliquos ex pueris nostris, qui excipiant inde quæque necessaria, et revehant in Franciam flores Britanniae, et non sit tantummodo Eboraci hortus conclusus, sed etiam in Turonica (Theutonica) emissiones paradisi ». Hæc ipse intelligens de bibliotheca, quam copiosissimam Egbertus archiepiscopus Eboraci reliquit. Sed et Beda ipse cum de Albino meminit in Praefatione historiæ rerum Anglorum, dum testatur, se impulsu Albini illud opus esse aggressum, ejus ut æqualis tantum et amici non ut discipuli meminit, ubi ait: « Auctor autem ante omnes atque adjutor opusculi hujus Albinus abbas reverendissimus vir per omnia doctissimus extitit ». Et inferius eundem patrem Albimum nominat.

15. Quod vero dicatur idem Albinus Caroli fuisse magister, de eo idem auctor ista subiungit<sup>2</sup>: « Hic est Aleuinus qui, ut dixi, pro pace ad Carolum directus, et ibi seu terræ amoenitate, seu regis humanitate captus, resedit: magnique apud eum habitus, imperiale animum (quantum ab aulicis curis vacabat) dialectica, rhetorica, et etiam astronomia composuit. Erat enim omnium Anglorum, quos quidem legeris, post beatum Adelimum et Bedam, doctissimus: multis libris ingenii periculum fecit ». Hæc auctor. Sed demus de mathematicis scientiis, vel philosophicis Albimum cum Carolo Magno disseruisse: certe quidem sacrarum rerum scientia adeo idem Carolus erat imbutus, ut magistri potius, quam discipuli locum teneret: siquidem in ea facultate non Carolus Albimum, sed Albinus Carolum consulebat, si quod dubium esse obscurum sibi videretur et arduum. Docent quidem id litteræ ejusdem Albini ad ipsum Carolum Magnum, quibus eum consultit, quid sibi velit, quod Ecclesia celebrat Septuagesimam, Sexagesi-

mam, et Quinquagesimam ante Quadragesimam. De quibus, quæ in principio et fine habentur, quod ad hæc de quibus agimus spectare noscantur, hic reddam totidem verbis. Est earum ejusmodi exordium:

16. « Benedictus sit Deus pater omnipotens, qui te creavit et honoravit: et benedictus sit Dominus noster Jesus Christus Filius Dei vivi, qui te redemit et elegit: benedictus sit Spiritus sanctus Paracletus, qui te illuminavit et dilatavit cor tuum in omni sapientia et scientia claritatis, dilectissime DD. et dulcissime domine: et benedicta sit sancta Trinitas, unus Deus omnipotens, Pater et Filius et Spiritus sanctus, qui mihi servulo suo, licet indigno, talem concessit dominum, amicum et adjutorem gratiae suæ, qui mihi per servum suum beatæ memorie magistrum meum ministrare clementer dignatus est. Et benedicta sit potestas et regnum tuum, et filii tui et filii filiorum tuorum usque in generationes sœuli sempiternas, ut veniat super te et super tuam generationem benedictio sanctorum in die Domini nostri Jesu Christi; ut quæ sanctissima voluntas semper vigeat, floreat, et crescat in corde tuo, clarissime Ecclesiæ Christi rector et defensor.

17. « Repletus sum gaudio, vestram audiens prosperitatem et exaltationem, et totus jucunditate exhilaratus, dum vestrae beatitudinis litteras accepi et legi, osculatus sum. Unde et aliquid familiarius vestrae dilectioni scribere præsumo, et illatas quæstiunculas venerabili affectui vestro præsentare: sciens autem scholasticæ inquisitionem eruditionis et Ecclesiastice disciplinæ solertiam vestrae clarissimæ sapientiae, et dulcissimæ familiaritati gratam esse et jucundam, et quicquid urbanitatis sale conditum cognoscitur, vestris intellectualibus favorabile auribus, et acutissimis scientiæ oculis amabile esse probavimus. Unde et quod scholastica tyronum juvenis flaccidis ingerere auribus solet, vestrae sanctissimæ prudentiæ dirigeratum duximus, et inde solatia responsionis quærere, unde sophiæ lumina manare novimus; tamen has interrogaciones vestrae sanctissimæ sapientiae patefieri posse fateor. Et ne meæ aliquid rusticati præsumptuose responderet, vestrum laudabile ingenium, et præfulgens eruditionis cactum, consulere tutum esse putavimus. Nam velut vermes fenestris involant aestivis, sic auribus meis insident quæstiunculae, et horum convenientium nunc temporum excitati, Ecclesiastico munere interrogant: Cur Septuagesimus, et Sexagesimus, vel Quinquagesimus ordo per dies Dominicos ante Quadragesimum dicatur, vel colatur. Si respondero, Ecclesiæ hanc esse consuetudinem, et Romana auctoritate hujus religionis ritum esse firmatum: minus illis videtur auctorati, quia dico, nihil sine causa in Ecclesiasticis consuetudinibus a doctoribus constitutum præcipuis, etc. » Disseruit ipse de propensis quæstiunculis arithmeticis rationibus, atque ad postremum:

<sup>1</sup> De reb. gest. Engl. auct. veteri anon. post Bed. c. 9. — <sup>2</sup> Exstat Append. de divin. oficie.

18. « Idecirco paucis hæc prælibavi verbis, quia vobis hæc omnia notissima esse sciebam, et (ut dictum est) cum sapiente paucis utendum est verbis, et : Beatus qui loquitur in aurem audientem, id est, intelligentem. Mihi ilaque in fine Epistole cum regina Saba dicendum est<sup>1</sup>: Beati servi tui hi, qui stant coram te semper et audiunt sapientiam tuam. Sit Dominus Deus tuus benedictus, cui complacuisti, et posuit te super thronum Israel in sempiternum, et constituit te regem, ut faceres judicium et iustitiam ». Ille finis Epistolæ Albini ad Carolum Magnum regem. Ad quem ipse haud cunctatus est suis litteris respondere, propositas elucidans quæstiones : præfigitur autem regiae Epistolæ ejusmodi titulus<sup>2</sup>, et Epistolæ exordium :

« Carolus gratia Dei rex Francorum, imperator Longobardorum (sive potius, atque Longobardorum, ut in aliis ejus publicis legitur documentis) et patricius Romanorum dilectissimo magistro, nobisque cum amore nominando Albino abbatii in Domino nostro Iesu Christo æternam salutem.

19. « Pervenit ad nos Epistola missa a religione prudentiae tue, quæ post laudes et benedictiones omnipotenti Deo debitas, nobis et progeniei nostræ benedictionem optabilem, summamque benevolentiam detulit. Post hæc textus illius inquirendo subjectus est, eur Septuagesima, et Sexagesima, et Quinquagesima in ordine per dies dominicos ante Quadragesimam dieantur, vel scribantur, etc. » Pluribus quidem et quam doctissime satisfacit propositis quæstionibus, ex quibus facile judices quantum sacrarum rerum scientia præcederet eum, quem magistrum vocat Albinum, ut intelligas magistri titulum illi potius honoris causa inhaesisse, quam ut Carolus doctrina loco discipuli esset habendus.

Plane miraculum videri poluit, hoc sæculo rudi inveniri regem adeo excutum saeculis litteris, et in procineto semper positum principem, veluti otiosum de rebus divinis philosophantem, ut plane quem Magnum titulo merito dicunt, ipse jure ter Maximum appellari, nempe bellica fortitudine, scientia et pietate; quo nomine eo magis plurima laude dignus habitus est, quod non solum ipse in ejus cultu numeros omnes absolvit, sed ceteris auctor fuerit, ut sacri ritus Ecclesie quam diligentissime ab omnibus servarentur; nam de ipso inter alia hæc Eginhardus in Vita ejus, quam cuncta videns testis fidelis conscripsit: « Legendi, inquit, atque psallendi disciplinam diligentissime emendavit; erat enim utriusque admodum eruditus, quamquam ipse nec publice legeret, nec nisi summisse et in commune caneret ».

20. *Carolus de sacra liturgia et libris canoniciis valde sollicitus, adjuvante Alerino.* — Sed et in eo commendandum ejus erga cultum religionis impensum studium; quod quæ ipse ob bellicos appar-

ratus ex sui officina ingenii præstare minime posset, ea, ne tanto bono Christiana religio fraudaretur, ab aliis præstanta curavit; sicut cum significationem sacerorum vestimentorum per archiepiscopos quosdam scientia celebres voluit explanari, ut Amalarius testatur his verbis: « Seio, inquit, eorumdem vestimentorum significationem diligenter explanatam ab archiepiscopis, qui fuerunt tempore beatissimæ memorie Caroli, ad eundem, ejus tamen admonitione ». Ille ipse, ista scribens sub ejus filio Ludovico<sup>1</sup>.

Ad hoc etiam spectat, quod cum quæ recitarentur in Ecclesiis Martyrologia, sive S. Hieronymi, sive Bede, brevia nimis viderentur atque jejuna: jussit Usuardum monachum, doctrina præstantem, in his laborare, ut illud, quod in Ecclesia quotidie legeretur, Martyrologium redderet opulentius. Est de his ad Carolum ejusdem auctoris brevis Præfatio, qua et in his studiis Caroli erga sacros ritus commendatum, et sua in opere perficiendo industria pariter testata redditur. Quæ sic se habet :

21. « Domino regum piissimo Carolo Augusto Usuardus indignus sacerdos et monachus perennem in Christo coronam.

« Minime latet vestram celsitudinem, sapien-tissime princeps, qualiter monemur, in imitandis antiquorum studiis, ut quiequid in gestis præcipue Ecclesiastico dogmati congruis, minus perfectum inventum fuerit, debeamus pro posse supplere, vel certe, suppleri optare. Quæ res pia quidem sollicitudine, vestro, si recordamini, jussu dignanter admoto, me ad hoc, etsi indignum compulit, quantum sanctorum sacras atque necessario recolendas festivitates, ex quibusdam præcedentium Patrum Martyrologiis in quamdam colligerem unitatem. Recolebamque in ipsis eorumdem solemnitatibus quam multos proprie negligentiæ excessus, quos etiam purgari tali cupiebam officio. Præterea et venerabilium Hieronymi scilicet et Bedæ presbyterorum piis, quamvis succinctis super hoc provocabar describis; quorum prior brevitatis studens, alter vero quamplures kalendarum dies intactos relinquens, multa inveniuntur hujus operis præteriisse necessaria. Quos tamen secutus, censui et Flori memorabilis viri latiora jam in eo ipso negotio sequi vestigia, præsentim in secundo ejus libro. Ibi enim multa, que in priori omiserat, et correxit et addidit. At si quid preter quod ab illis accepi in hoc tempore auctum, aut mutatum est, sagaci a me indagine id perquisitum agnoscere poterit.

« Cæterum benignissime, idecirco hanc exignitatis meæ præfatiunculam huius opusculo inserere malui, ut sciretur, non me in hoc usum levitatis conamine, sed potius vestris (ut erat dignum) paruisse imperiis, Catholicorum fidelium solito consulentibus utilitati. Unde quod vestrum est obseruo, ut si juslum decernitur, proprie trittonis ancora roboretur, quo videlicet præsentibus re-

<sup>1</sup> 3. Reg. x. — <sup>2</sup> Exlat Epist. posita Append. ad Albin. lib. de divin. offic.

<sup>1</sup> Annal. de divin. offic. l. 1. c. 29.

gulis examinis auctoritate, et futuris tantæ auctoritatis firmetur examine. Excellentiam magnitudinis vestræ per multa annorum curricula rex regum Dominus sua dignetur custodire potentia. Amen ».

22. Sed quid insuper? et libros ejusdem, de quo nuper diximus, Albini Flacci de divinis officiis monitu ejusdem Caroli fuisse ab eo elaboratos, firma est omnium sententia. Quin etiam quæ ad officia Ecclesiastica rite disponenda Hadrianus papa elaboravit (ut Amalarius ait<sup>1</sup>) Antiphonarium, atque Responsoriale, ea omnia petitione Caroli ab eo edita esse pariter existimantur.

Sed et quod præstat cæteris, eidem Carolo Magno debemus ingens opus illud ab eodem Alcuino, sive Albino elaboratum, quo totius divinæ Scripturæ tam veteris, quam novi Testamenti vulgata editio emendata est. Acciderat enim, ut ipsa multiplicitum librariorum exscribentium vitio, mendis obsita jam vilesceret: quod perinquo animo ferens Carolus, ut quam emendatissima ederetur, in pristinamque vindicaretur integritatem atque splendorem, studio propensiōri curavit. Cujus rei fidem facit ejus in Capitularibus intextum elogium istis verbis<sup>2</sup>:

23. « Volumus (et ita missis nostris mandavimus et præcepimus) ut in Ecclesiis libri canonici veraces habeantur, sicut jam in alio Capitulari saepe mandavimus ». Haec ipse, qui, ut quod omnes refugerent ob nimiam difficultatem, omnino perficeretur, opus delegavit Albino, ut absolveret. Qui in idipsum viribus totis invigilans, universam divinam Scripturam e vetustioribus ac verioribus fontibus descriptam recognitam et emendatam eidem Carolo Magno obtulit, ad cuius calecin, hos quos hic descriptos leges versus apposuit, per Epigrammata diversa distinctos. Extat ejusmodi vetus Bibliorum Codex, Alcuini labor, in Valticellana nostra bibliotheca, ubi velut ingens thesaurus asservatur, utpote quod viri eruditii, qui in emendatione vulgatae iterum nostro tempore laborarunt, eo ut antiquiori sunt usi, cui et plurimum detulerunt. Porro primum Albini Epigrammata sic se habent:

Nomine Pandecten proprio vocitare memento  
Hoc corpus sacrum, lector, in ore tuo.  
Quod nunc a multis constat Bibliotheca dicta,  
Nomine non proprio, ut lingua Pelasga docet.  
In (inque) hoc dicta Dei conduntur mystica summi,  
De quibus egregius vates in ore canit<sup>3</sup>:  
Est mihi lex Domini dulcis super omnia mella,  
Carior atque auri multa multa super.  
Strenuus hanc Domini famulos custodi et arcem,  
Cui merces cæl perpes in arce manet.  
Codicis illius quot sint in corpore sancto  
Depictæ formis litteræ varns,  
Mercedes habeat, Christo donante, per avnum  
Tot Carolus rex, qui scribere jussit eum.

### Aliud.

Hæc divina Dei placeat scriptura preciamur  
Sensibus atque oculis, lector honeste, tuis:

<sup>1</sup> Amal. de ordin. Antiphon. in Praef. i et ii. — <sup>2</sup> Capitul. l. vi. c. 227. — <sup>3</sup> Psal. cxviii.

Spiritus hanc cæli sanctos dictavit ab arce,  
In qua vera fides fulget et alma salus.

### Aliud.

Pro me, quisque legas versus, orare memento:  
Alcni dico ego. Tu sine fine vale.

### Aliud.

Magni magna Deo portantes munera templo,  
Quas laudavit ovans ore pio populus:  
Parvula sed vidua Dominus duo nummula præfert  
Nobilium donis famine veridico.  
Non ego parva tuis, rector, munuscula gazis  
Infero, persona sint mea parva licet.  
Munera sed Domini caelestibus inclita regnis  
Porto tibi plenis, optime rex, manibus:  
Nempe nova ac veteris, pariter pia famina legis  
In (inque) hoc clanduntur corpore quippe sacro.  
Haec ego porto libens ad sacra sacraria templi,  
Quod tua mens noviter condidit alma Deo,  
Laudib[us] ut præsto Christi sit semper in illo  
Iste liber, resonans verba superna Dei.

### Aliud.

Nauta rufis pelagi sævis ereptus ab undis  
In portum veniens, pectora leta tenet.  
Sic scriptor fessus calamus sub calce laboris  
Deponens habeat pectora leta salis.  
Ille Deo dicat grates pro sospite vita;  
Proque laboris agat fructibus et requie.

### Aliud.

Perge libelle sacer cunctis præclarior odis  
Prosper pacifice, nunc, misericerte Deo.  
Et p[re]te præclari præclari palatia regis,  
Ut maneas Christi semper in æde sacra.  
Atque Dei famulis pacis fer munera enctis,  
Dexter[is] quos Domini protegat, atque regat,  
Quos colo corde, fide, sancto quoque semper amore  
Cum lacrymis optans, ut vigeant, vealent.

Hucusque Alcuini versus ex dicto Codice, cuius cum ob nimiam vetustatem pagina esset exesa, consumpta, et characteres oblitterati, describi vix potuerunt.

Post autem emendata hinc inde non sine labore de Alcuino, fragmenta, jisque edito præsenti Annalium tomo, contigit diligenter Henrici Canisii Noviomagi canonum professoris in Academia Ingolstadiensi, de antiquitate Ecclesiastica bene merentis, una cum aliis veteribus antique lectio[n]is (hoc enim titulo inscripti leguntur duo tomi ab eo editi) in lucem prodi ejusdem Alcuini ad diversos Epistolæ sexaginta septem, ex quibus nonnihil præsens tomus fuisse locupletandus, si ante ejus editionem iisdem potiri lieuisset. Verum in hac Appendixe (ut de aliis multis fieri contigit) quæ majoris momenti esse cognovimus, hic addenda atque edenda curavimus. In primis vero illud, quod cum ejusdem Alcuini tempore in Scotia primum seminari cœpissent pessima zizania illa, quæ hoc nostro sæculo densa segete Boreales provincias occuparunt, quibus affirmaretur illud infastum haetenus inauditum ostentum, confessionem peccatorum non esse faciendam sacerdoti, sed Deo tantum; idem vir sanctissimus atque doctissimus, Alcuinus una ad eos Epistola scripta, eadem zizania

exorta præcidit, imo convulsit illa radicitus, ut amplius visa non fuerint nec auditæ. Ipsa autem Epislola, tanquam arma vietricia, quibus primum diabolus horum auctor est superatus, hic in Christi templo suspensa resplendeat, quæ sie se habet<sup>1</sup>:

« Dilectissimis viris fratribus et patribus in provincia Scotorum humilis Ecclesiæ vernacula Albinus divinam salutem.

« Plurima vestra sagacitatis et religionis lans nostris sæpius insonuit auribus, seu propter sanctissimam monachorum vitam, seu propter laicorum religiosam conversationem, dum illi ab omni strepitu sæcularis inquietudinis soli Deo vacare desiderant, et isti inter mundanas occupationes castissimam vitam degere dicuntur. Isti intercessores suos præsentis vite solatiis sustentare gestiunt, quod quisque gratiam benedictionis sibi a Deo datam, sibi in alterutrum refundat. Unde et nos vestræ pietatis exemplis edocti, nostri navigii eurus orationibus vestræ sanctitatis ad portum quietis dirigi precamur.

« Nos quoque mutuo charitatis officio vestræ sanctitati aliquantulas piæ admonitionis litterulas dirigere emravimus propter quasdam consuetudines, quæ vestris inolevisse fertur regionibus. Dicitur vero, neminem ex laicis suam velle confessionem sacerdotibus dare: quos a Deo Christo cum sanctis Apostolis<sup>2</sup> ligandi solvendique potestatem accepisse credimus. Quid solvit saecordalis potestas, si vincula non considerat ligati? Cessabunt opera medicorum, si vulnera non ostendunt ægroti. Si vulnera corporis carnalis medici manus expetent: quanto magis vulnera animæ spiritualis medici solatia depositent? Deo vis, o homo, confiteri; quem volens, nolens, latere non poteris: Ecclesiæ Christi, in qua peccasti, satisfacere negligis? Cur ipse Christus<sup>3</sup> leprosum, quem mundavit, sacerdotibus se jussit ostendere? Cur Lazarum<sup>4</sup> quatriduum resuscitatum alios solvere jussit? Numquid fasciamenta mortui eodem verbo solvere non potuit, quo mortuum vita redditum de sepulcro prodire jussit? Cur interrogavit cœeos ad se clamantes, quid voluissent? An ignorare cordis eorum voluntatem potuit, qui opatum lumen oculis illorum reddere valuit? Forte si Deum latere, sicut hominem potuisses, nec Deo plus quam homini confiteri voluisses. Superbiae hoc genus esse videatur, sacerdotem judicem despicer.

« Si dicas<sup>5</sup>: Bonum est confiteri Domino. Sed bonum est hujus confessionis te habere testem. Licet non semper confessio pœnitentiam signifiet, sed sæpissime tandem, ut in Evangelio ipsa Veritas dixit<sup>6</sup>: Confiteor tibi, Pater cœli et terra: id est: Lando te, Pater cœli et terra. Et in Symbolo dicitur: Confiteor nnum baptisma, et cetera, quæ sequuntur ad idem respicientia verbum. Quod verbum, id est, Confiteor, in hoc loco confessionem

fidei, non peccatorum designat. Erubescis homini in salutem tuam ostendere, quod non erubescis cum homine in perditionem tuam perpetrare? Auctiam tuam iniquitatis tuae conscientiam vis habere: et sacerdotem Christi reconciliationis tuae non vis habere adjutorem? Per inimicum corruisti: et non vis per amicum resurgere? Nullum offendisti Dominum, et alium non vis habere reconciliatorem nisi te ipsum? Confidis per orationes tuas salvari? Spernis Apostolicum præceptum, dicentis: Orate pro invicem, ut salvemini: et iterum: Si quis peccator est, oret pro eo sacerdos, ut salvetur. Quid ad haec dicas, que in hac Epistola leguntur<sup>1</sup>: Contentimini alterutrum peccata vestra, ut deleantur delicta vestra? Quid est illud alterutrum, nisi homo homini, reus judicii, ægrotus medico? Ipsaque Sapientia per Salomonem dixit<sup>2</sup>: Qui abscondit scelera sua, non dirigetur: id est, non dirigetur in viam salutis, qui peccata sua celare studet. Numquid Deo abscondi possunt scelera nostra, qui omnia videt, novit et considerat? Homini possumus abscondere quæ agimus, et non Deo. Nonne David, præsente Nathan Propheta, qui se arguebat pro suo peccato, dixit<sup>3</sup>: Peceavi, Domine? Eece tantus vir testem confessionis suæ voluit habere Prophetam, et quia non erubuit confiteri, quod impie gessit, statim audivit: Eece Dominus transtulit peccatum tuum. Homini patet fecit vulnus suum, et a Deo mox remedium accepit. Nam et in Levitico<sup>4</sup> sæpissime, Domino mandante, peccator ad sacerdotem mittitur cum victima, quam offerens Deo, oret pro eo et dimittatur ei. Quae sunt nostræ victimæ pro peccatis a nobis commissis, nisi confessio peccatorum nostrorum? Quam pure Deo per sacerdotem offerre debemus, quatenus orationibus illius nostræ confessionis oblatio Deo acceptabilis sit, et remissionem a Deo accipiamus, cui est saerificium spiritus<sup>5</sup> contributus et cor contritum et humiliatum non spernit.

« Christus pro nostris sceleribus ab inimicis judicari in hunc mundum venit, ut nos redimeret a diaboli servitute: et nos dedignamur a sanctis Dei sacerdotibus judicari, ut liberemur a vinculis peccatorum nostrorum? Ille absque omni peccato, hominum adsistere, et hoc, impiorum judicio non renuit: et nos cum nullis peccatis hominum judicia, et hoc sanctorum subire contemnimus? Nonne in sacro baptismate sacerdotibus Christi nostræ fidei confessionem et abrenuntiationem satanæ dare debemus, et sic sacerdotali ministerio, divina operante gratia, ab omnibus ablui peccatis? Cur etiam et in secundo pœnitentiae baptismate per confessionem humilitatis nostræ ab omnibus post primum baptisma peractis, eadem divina misericordia gratia, sacerdotali similiter auxilio non debemus absolví peccatis?

<sup>1</sup> Flac. Alcuin. Ep. xxvi. — <sup>2</sup> Matth. XVI. et XVIII. — <sup>3</sup> Ibid. VIII.  
— <sup>4</sup> Joan. XI. — <sup>5</sup> Psal. XCII. — <sup>6</sup> Matth. XII.

<sup>1</sup> Jac. v. — <sup>2</sup> Prov. XXVIII. — <sup>3</sup> 2. Reg. XII. — <sup>4</sup> Levit. V. IX.  
XII. etc. — <sup>5</sup> Psal. L.

« Si peccata sacerdotibus non sunt prodenda, quare in Sacramentario reconciliationis orationes scriptæ sunt? Quomodo sacerdos reconciliat, quem peccare non novit? Si consilij, juxta Salomonem, tractanda sunt bella: qualis audacia sine consilio Ecclesiasticorum ducum pugnare nos adversus diabolum confidimus? Item eodem dicente, legimus: Frater, qui adjuvatur a fratre, quasi civitas firma est. Quem adjuvat sacerdos Christi, dux exercitus Dei et rector castrorum illius, si nullus ab eo suæ salutis auxilium querere dignatur? Si nemo occulta diabolice fraudis vulnera illius medicinali dexteræ tractanda ostendit? Inaniter itaque posita sunt in Ecclesiis remedia, et synodali auctoritate litteris mandata contra omnium peccatorum nostrorum vulnera, quæ vel antiqui hostis versalia, vel negligentia mandatorum Dei spiritualiter aut carnaliter nobis infliguntur, si non his, qui in Ecclesia Christi statuti sunt ad sananda putrida scelerum nostrorum vulnera, revelantur. Corde enim creditur, dicit Apostolus<sup>1</sup>, ad justitiam, ore autem confessio fit ad salutem. Non solum Catholicæ fidei, sed etiam pura peccatorum confessio, cordis compunctione nobis ad salutem proficit semper, dicente Scriptura<sup>2</sup>: Die prior injusticias tuas, ut justificeris. Et iterum<sup>3</sup>: Justus in principio accusator est sui: si justus, quanto magis peccator?

« Si forte dieis cum Psalmista<sup>4</sup>: Dixi: Confitebor adversum me injustitiam meam Domino, et ego cum eodem dicam: Quoniam tacui, inveteraverunt ossa mea. Et iterum cum alio Propheta<sup>5</sup>: Computruerunt jumenta in stercore suo. Quid est jumenta in stercore suo putrescere, nisi criminosos quosque in putredine peccatorum suorum jacere? Qui peccat, jacet: qui confitetur, surgit: qui pœnitentiam agit, revertitur ad patrem suum sicut prodigus filius in Evangelio legitur dixisse<sup>6</sup>: Surgam, et ibo ad patrem meum, et dicam ei: Pater, peccavi in cœlum et coram te. Sed semel sacerdoti in præsentia divinæ pietatis confessio facienda sufficit: semper autem Domino cum lacrymis et cordis contritione esse faciendam arbitramur. Omnis enim qui male agit, odit lucem, et non venit ad lucem, ut non arguantur opera ejus: qui autem facit veritatem, venit ad lucem, ut manifestentur opera ejus, quia in Deo facta. Vos igitur, viri fratres, filii lucis estis, et non tenebrarum, populus acquisitionis, et non perditionis, gens sancta, Christi sanguine acquisita: ambulate ut filii lucis in omni bonitate et pietate et castitate, exuentes veterem hominem cum peccatis suis, et induentes novum, qui secundum Deum creatus est. Sit<sup>7</sup> conversatio vestra cœlestis, et non terrena: diligite justitiam et odio habeite iniquitatem. Qui sanus est, defendat se scuto fidei, ne cladestina antiqui hostis sagitta eum vulnerare

valeat: si quis vero propter fragilitatem carnis, vel propter negligentiam circumspetionis vulneretur: citius ad confessionis medicinam recurrat, ne per illecebram malæ consuetudinis vix eradicari valeat peccatum. Tres euim mortuos Dominum Jesum Christum Evangelica narrat historia suscitasse, filiam archisynagogi in domo, filium viduæ extra portam civitatis, Lazarum quatriduanum de monumento ad vitam vocavit. Qui sunt hi tres mortui, nisi tria peccantium genera, quæ modo quotidie divina confitentibus suscitare solet gratia. Filium suscitat in domo, dum consentientem in corde peccare revocat a peccati perpetratione. Filium viduæ extra portam civitatis suscitat, dum peccantem foris in opere, ad pœnitentiae medicamenta confugere facit. Fœtendum vero in mala consueludine peccati, diuin lacrymas pœnitentiae elicit ex corde, suscitat, et ex Ecclesiastica anciortate solvere eum jubet, ut dignus sit communione Domini, et particeps sacri altaris efficiatur.

« Hæc cogitate, charissimi fratres, et in qualiemque horum trium mortuorum genere si quis jaceat, citius ad confessionis probatissima medicamenta confugiat, salutifero pœnitentiae se abluat medicamine, ut non ad judicium damnationis, sed ad salutem sanctificationis communicet corpore et sanguine Domini nostri Iesu Christi, et cum gratarum actione semper rememorate, quomodo vos divina misericordia de terra tenebrarum et frigoris, de regione ignorantiae et iniuritatis transtulit in loca lucis et latitiae, in tabernacula abundantiae et justitiae, et elegit vos sibi in filios pietate paterna, ut per vos nomen illius aumunietur in Gentibus. Sequimini vestigia sanctorum Patrum, et nolite in Catholicæ fidei religionem novas inducere sectas. Cavete vobis venenosum erratice inventionis fermentum: sed in sinceritate et veritate mundissimos sacræ fidei panes comedite: et vinum, quod divina electis suis miseruit Sapientia, bibite, et cantate Deo vestro in concordia pacis et unanimitate charitatis perpetuae canticum laudis, et cum militia cœlesti consona voce laudate Dominum, et dicite: Gloria in excelsis Deo, et in terra pax hominibus bonæ voluntatis. Divina vos præveniat gratia, et subsequatur ubique clementia, et in omni opere bono florere facial, viri fratres dilectissimi, et sanctissimi patres». Hucusque ad Scotos Epistola Albini, sive Alcuini, qui et de eadem confessione sacramentali ad sacerdotis aures fieri solita in aliis<sup>8</sup> Epistolis agit. Sic in omnibus agitans novam hæresim. At de Alcuino satis.

24. *Ludovicus nascitur.* — Quod insuper ad anni huius res gestas pertinet, auctus est hoc anno Carolus Magnus prole mascula: nam licet Hildegardis conjux gemellos peperisset infantes, altero decedente, alter tantum superstes fuit, quem Ludovicum ipse vocari voluit<sup>9</sup>.

<sup>1</sup> Rom. x. — <sup>2</sup> Isai. XLII. — <sup>3</sup> Prov. XVIII. — <sup>4</sup> Psal. XXVI. — <sup>5</sup> Joel. I. — <sup>6</sup> Luc. xv. — <sup>7</sup> Ephes. IV.

<sup>8</sup> Epist. II. XXIII. XXXVII. XLVII. — <sup>9</sup> Apud. Aimon. I. v. c. 1.

Anno periodi Graeco-Romanæ 6271. — Anno Ævp Hispan. 816. — Anno Hegiræ 162, inchoato die 28 Sept., Fer. 2. — Jesu Christi 778.  
— Hadriani I pape 7. — Leonis IV imp. 28 et 4. Constantini 3.

1. *Carolus Cæsaraugustam et Pampelonam capit.* — Ad num. 4 et seqq. Gestum hoc anno bellum *Hispanicum*, quod hic ex Marea in Marea *Hispanica* lib. 3. cap. 6 nobis referendum. Profectus in Hispaniam *Carolus apud Cassinogilum* in Aquitania Pascha celebravit, ut tradunt scriptores Francorum. Ut autem facilius copias suas per juga montium transmitteret, exercitum divisit. Ipse per viam publicam in Itinerario Antonini descriptam progressus ab imo Pyrenæo, ubi est oppidum sancti Joannis de *Pede Portus*, ad summum Pyrenæum provectus est: quæ mansio hodie respondet vico dicto *Burguet*. Altera pars exercitus, quæ conflata erat ex delectibus habiliis in Austrasia, Bajoaria, Burgundia, Longobardia, Provincia et Septimania, ut docet vetus auctor *Vitæ Ludovici Pii*, et Annales Metenses, comuni diorem viam sectata, id est, per Ruscionensem agrum, Pyrenæum superavit, et ad Cæsaraugustam vires cum *Carolo* coniunxit. Obsessam insinuat Eginhardus Cæsaraugustam ac restitutam *Ibinalarabi* Saracenorum praefecto, obsidibus fidei ab eo acceptis. Quod congruit cum his, quæ leguntur in Annales Metenses: « Obsidione itaque cincta Cæsaraugustana civitate, territi Saraceni obsides dederunt cum immenso pondere auri ». Quis fuerit hujus expeditionis eventus, sic describit Eginhardus ad præsentem Christi annum: « Persuasione ergo rex prædicti Saraceni spem capiendarum quarumdam in Hispania civitatum haud frustra concipiens, congregato exercitu profectus est; superatoque in regione Wasconum Pyrenæi jugo, primo Pompelonem Navarrorum oppidum aggressus, in ditionem accepit. Inde Iberum amnem, vado trajiciens, Cæsaraugustam præcipuum illarum partium civitatem accessit; acceptisque, quos Ibinalarabi et Abithaur, quosque alii quidam Saraceni obtulerunt obsidibus, Pompelonem revertitur, cujus muros, ne rebellare posset, ad solum usque destruxit ».

2. *Osca Francorum dominio tradita.* — Abithaurus videtur *Oscam* tradidisse, quæ tunc primum dominio Francorum subdita fuit. Id exigui gestæ series, prout eam exhibent Chronicón Moyssiacense et Annales Anianenses. Aiunt enim

*Carolum* cum ingressus esset in Hispaniam cum exercitu, conquisivisse civitatem Pampilonam, et *Ibithaurum* Saracenorum regem venisse ad eum, eique tradidisse civitates, quas habuit, fratremque suum et filium dedisse obsides, tum vero *Carolum* inde perrexisse usque ad Cæsaraugustam. Quare civitates ab *Abithauro* deditas oportuit sitas esse inter Pampilonem et Cæsaraugustam. Hæ vero aliæ esse non potuerunt præter *Oscam*, *Jaccam*, et alia oppida interjecta. *Oscæ* imprimis facimus mentionem, quod iñtius ager late patens Wasconibus sive Navarris esset finitus, et ejus deditæ mentio specialis et diserta inveniatur in Annales Tiliani et Petaviani, horum hæc sunt verba: « Acquisivit civitatem Pampilonam. Deinde accepit obsides in Hispania de civitatibus Abithauri atque Ebilarbi, quorum vocabulum est, Osca, Barcelona atque Gerunda ». Barcinonæ et Gerundæ dominium, cum ad jus regni Gallici pertineret, renovatae sunt potius veteres pactiones cum earum civitatum præfectis, quam nova auctoritas quæsita.

3. *Insidiae Carolo structæ.* — Quod armorum pondere comparatum est in hoc Hispaniarum tractu imperium, in agris Cæsaraugustano, Oscensi et Pampelonensi constitit, quos Saraceni armis suis occupabant, licet antiqui possessores religionem Christianam profiterentur. Annales enim Metenses testantur, Saracenos e Pampilona fuisse ejectos. Attamen mœnum eversio et agrorum vastationes, nedum Maurorum; verum etiam Wasconum Christiani nominis animos in *Carolum* accenderunt potius quam libertatis Sacrorum restitutio conciliarit. Quare cum nuntius de födere a Saxonibus rupto acceptus *Carolus* propere in Franciam, de relicta domandæ reliquæ Hispaniæ occasione, retraheret, Vascones peritia locorum et innato animi robore freti insidias exercitui nihil tale suspicanti struxere per angustias saltuum faucesque Pyrenæi.

4. *Clades Francorum ad fauces Pyrenæi.* — Non potest verius nec elegantius describi quæ tunc Francos, alioqui victores tristis clades accepit, quam Eginhardi verbis in Vita Caroli: « Cum enim, inquit, assiduo ac pæne continuo cum Saxonibus

bello certaretur, dispositis per congrua confiniorum loca praesidiis, Hispaniam quam maximo poterat belli apparatu aggreditur, saltuque Pyrenæi superato, omnibus quæ adierat oppidis atque castellis in deditioinem acceptis, salvo atque incolumi exercitu revertitur, præter quod in ipso Pyrenæi jugo, Vasconiam perfidiam parumper in redeundo contigit experiri. Nam eum agmine longo, ut loci et angustiarum situs permittebat, porrectus iret exercitus, Vascones in summo montis vertice, positis insidiis (est enim locus ex opacitate sylvarum, quarum maxima est ibi copia, insidiis ponendis opportunus) extremam impedimentorum partem, et eos qui novissimo agmine incedentes præcedentes tuebantur, desuper incurvant, in subiectam vallem dejiciunt, conseruoque cum eis prælio, usque ad unum omnes interficiunt, ac directis impedimentis noctis beneficio, quæ jam instabat, protecti, summa celeritate in diversa disperguntur. Adjuvabat in hoc facto Vascones et levitas armorum, et locus in quo res gerebatur situs. E contra Francos et armorum gravitas et loci iniquitas per omnia Vasconibus reddidit impares. In quo prælio Eghartus regie mensæ priepositus, Anselmus comes palatii, et Rutlandus Britannici littoris præfectus cum aliis compluribus interficiuntur. Neque hoc factum ad præsens vindicari potuit, quia hostis, re perpetrata, ita dispersus est, ut ne fama quidem remaneret, ubinam gentium queri potuisset ». Ilæc fuit infesta Franciæ ad Roseidam vallem, vulgo *Roncevaux*, pugna quam tantopere prædicavit Hispani. Militum ac procerum ipsorum in ultimo agmine pugnantium neque cladem neque nomina dissimulat Eginhardus. Quare si totius Hispaniae vires dueibus hinc *Adelphonso* rege et *Bernardo Carpio*, illine *Marsilio Cæsaraugustano* Vasconibus conjunctæ fuissent, id profecto non tauiasset Eginhardus.

5. *Hispanorum fabulæ de hac clade*. — Fassent itaque nugæ, quas ex Tilpini commentis hausit Rodericus Toletanus : qui tamen soli *Adelphonso*, repugnante licet temporis ratione, pugnam adscribit absque ulla Marsiliæ mentione. Qui ex Hispanis veritati repugnantes, eam falsam narrationem tinentur, ut congruant Caroli et Adelfonsi tempora, hanc cladem referunt in aliud tempus, et in aliam Caroli expeditionem adversus Mauros, cum tamen certum sit ex constanti Aunalium fide, *Carolum* nunquam post illac in Hispania bellum per se egisse, et ibidem hoc anno pugnatum esse. Inquis est veritati et gloriæ *Caroli* Rodericus lib. 4 *Rerum Hispan.* cap. 10, cum negat, eum sibi ullam diitionem in Hispaniis peperisse, præterquam in ea Cæliberitatem parte, que *Catalonia* dicitur, ut loquitur in initio capituli, id est, ut in calee explicat, in territoriis Barcinonensi, Gerundensi, Ausonensi et Urgellensi. Satis est fidem habere Eginhardo ocultato testi, qui asserit, « ab eo totum Pyrenæi montis jugum perdomitum et usque ad Iberum aīnum : qui apud Navarros ortus, et fertilissimos Hispaniæ

agros secans, sub Dertosæ civitatis mœnia Balearico mari miscetur ». Ita rem hanc narrat Marca lib. 3 de Marca Hispanica.

6. *Vivebat hoc tempore Eneco Garseanis Navarre rex*. — Moretus in Annalibus Navarræ recte quidem scribit, *Enecom Garseanis Navarre regem*, hujus expeditionis a *Carolo* susceptæ tempore Navarræ et Vasconibus dominatum esse, hosque post bellum cum *Fruela Asturiarum* rege gestum, coactos fuisse fœdus inire cum Saracenis. Sed perferam negat, copias Saracenicas fuisse *Pampelone*, quando eam *Carolus* obsidione cinctit; cum tam annalista Metensis, quam Hildesheimensis id diserte asserant, et Reguli Hispaniarum sepius Saracenos in summi auxilium post hæc tempora adseverint. Recte etiam Moretus hoc bellum currenti anno consignavit, solideque eos confutavit, qui illud post annum oclingentesimum differunt, irridens Mariannam, qui heroicarum fabularum rapsodias descripsit, et eleganti latinitate donavit lib. 7 de Reb. Hisp. cap. 11. Addit Moretus, Vascones et Navarraeos post cladem exercitui *Caroli* illatam, de qua mox, stetisse a Saracenis usque ad annum 776, quo eos pacem cum *Carolo* pepigisse ostenderemus.

7. *Carolus comites instituit in Marca Hispanica*. — Post captam Gerundam *Carolus*, gubernatore Mauro, cuius perfidiam fuerat expertus, inde pulso, Christianum comitem ei præfecit, et reliquam provinciam ordinavit, prout reipublicæ utilitas et temporum ratio serebat. Elenim quod *Pippinus* exorsus erat in Gallia Gothica, *Carolus* auxit in Marca Hispanica et dein *Ludovicus* ejus filius implevit. Hic autem antiquus erat regiminis ordo apud Francos et Gothos, ut civitatibus et pagis, qui civitatibus contributi erant, comites imponerent, qui juri dicendo et tributariæ rationi darent operam. Non enim rejocere hoc administrationis genus *Pippinus* et *Carolus* in Aquitania et Gallia Gothica, neque in limite Hispanico disponendo. Id unum *Caroli* solertia addidit, ut firmando novo imperio comites ex gente Francorum passim præponeret. Auctor quoque Vite Ludovici Pii observat, *Carolum* in Aquitania solida comites ex gente Francorum instituisse, numeralque novem civitates, quibus dati fuerunt comites hujuscemodi, aliis silentio prætermisis. *Carolus* enim illum regendæ provinciæ ordinem retinuit, quem *Pippinus* instituerat in Septimania, postquam eam armis victricibus a Mauris vindicavit. Prædicti comites paris inter se auctoritatis erant. Quare jure merito Marca lib. 1 *Hist. Benearnensi* cap. 28, refellit vulgarem illam et ab omnibus decantatam divisionem Aquitanæ in novem comitatus, quæ a *Carolo* facta dicitur, is enim Aquitaniam in novem comitatus non distribuit, sed civitatibus quatuordecim utrinque Aquitanæ præfecit comites Francos, depulsis Aquitanis.

8. *Annus vii belli Saxonici*. — A num. 3 ad 11. Alterum bellum hoc anno a *Carolo* gestum, Saxonum fuit : « Interea », inquit annalista Metensis, postquam bellum Hispanicum narravit, « Saxo-

nes audientes, quod Carolus cum Francis tam longo spatio terrarum abesset, suadente Wittichindo, secundum consuetudinem iterum rebellaverunt, et ad Duiam castrum (alii Duitiam appellant, alii Tuitium, olim Divitense munimentum e regione Coloniæ), quod Colonie civitati contiguum est, usque venerunt, cædibus, rapinis, incendis omnia devastantes. Quod enim nuntiatum esset regi revertenti et commoranti in Autisiodoro civitate, misit legionem unam ex electis militibus, qui eorum proterviae resisteret. Saxones audientes incolumitatem regis et adventum Francorum, in fugam conversi sunt. Quos Franci e vestigio sequentes, repererunt eos super fluvium, qui dicitur Adarna, in loco qui dicitur Libesis, ubi pugna cœpta et finita, Franci auxiliante Deo victores extiterunt, et multitudo Saxonum ibi occisa est. Et celebavit rex Natalem Domini in Heristallio ». Addunt annalistæ Petavianus et Masciacensis : « Igne cremaverunt (sc. Saxones) civitatem, quam Franci construxerunt infra flumen Lippia ». De qua civitate egimus an. **DCCLXXVI.**

9. *Epistola S. Ludgero affecta.* — Baronius refert Epistolam, quæ a sancto Ludgero ad Rixfridum Trajectensem episcopum scripta dicitur, in qua habetur, Saxones Ecclesiam *sancti Swiberti* episcopi Verdensis combussisse. Verum fabulator, qui eam Epistolam composita, falso se Ludgerum appellat, et inepte multa se a Pippino rege audivisse comminiscitur. Postquam Vita hæc sancti Swiberti sub nomine sancti Marcellini confusa fuit, ea quoque Epistola sancti Ludgeri nomine, velut ad fulcendum, quæ tot fabulis scatebat, Vitam, exegitata est, sive ab uno eodemque auctore, sive a pluribus. Henschenius qui ad diem primum Martii Vitam illam pluribus refutavit, postea ad diem **xxvi** ejusdem mensis in Commentario pævio ad Vitam sancti Ludgeri § 6, quam vana et futile sit illa Epistola demonstrat, nosque jam supra de illa egimus. Verum Baronii tempore Vitæ sancti Swiberti, et hujus Epistole falsitas non innoverant.

10. *S. Ludgerus in Frisia Evangelium annuntiat.* — Ad numerum 11 et seq. Mentio, quam hic de *sанто Lebuino* presbytero, de cuius morte anno **DCCLXXXIII** egimus. Baronius facit, evidenter ostendit Vitam sancti Swiberti suppositiā esse; cum in ea dicatur *Lebuinus* unus ex sociis sancti Willibrordi, ut videre est apud Baronium anno **DCXC** et **DCXCVII**, ubi Pseudo-Marcellini verba recitat, ejusque sententiam amplectitur; et tamen hic fatetur. *Lebuinum* Carolo M. regnante Saxonibus fidem Christianam pædicasse, quod certum est et indubitalium. Quare Acta illa fabulosa sancti Swiberti floeci facienda sunt. Quoad *sanctum Ludgerum*, quo anno in Auglia sub Alcuino studuerit, quove inde in Frisiā, quæ ejus patria erat, redierit, suo loco diximus. **Hoc vero anno autumnum in Ultrajectino monasterio transegit.** Albicus enim episcopus ac successor sancti Gregorii abbatis et rectoris Ecclesiæ Trajectensis ad Rhenum, qui et Ultrajectini cœnobii abbas erat, « divisit annum in

distributiones quatuor », inquit Altfridus in Vita S. Ludgeri num. 45, « ita ut in Trajecto monasterio præ ceteris prepositis ipse in tempore vernali in doctrina studio et sancte conversationis præcesset trahibus menses tres. Deinde post eum in æstate Adalger presbyter menses tres, post hunc Ludgerus presbyter menses tres, deinde in hyeme Thiabrach presbyter menses tres ». Quare Luderus annis *fere septem* in Ostergoa, quo exeunte anno superiori missus fuit, ut ibidem diximus, sic commoratus est, ut singulis annis per autumnum in Ultrajectino cœnobio degerit. Refert postea Altfridus *sanctum Gregorium* abbatem nuper demortuum, per visionem *Ludgero* apparuisse, eumque de futura ejus dignitate monuisse. Sed quo anno hæc visio contigerit, incompertum. Versus vero, quos Baronius ex ejus Vita a Werthinensibus monachis scripta, et a Surio ad diem **xxvi** Martii recitata, quibus *Ludgerus* summis laudibus extollitur, compōsiti fuere a quodam Atenini discipulo, ut Altfridus loco laudato docet. Vitam illam ab Altfrido sedis Monasteriensis episcopo tertio elucubratam, post Baronii mortem in lucem prodit opera Henschenii ad diem **xxvi** Martii, quam et Mabillonius exhibet sœc. iii Benedict., part. 2, ejus beneficio Annales Ecclesiasticos passim illustramus.

11. *Magistri Alcuini fuere Egbertus et Elbertus archiepiscopi Eboraci.* — Ad num. 43 et seq. Jure merito Baronius negat. Alcuinum discipulum fuisse Bedæ; cum hic anno **BCCXXXV** vivere desierit, quo forsan tempore *Alcuinus* vix natus erat. Educatus est Alcuinus in monasterio primariæ Basilicæ Eboracensis adjuncto, ut ipsem fatetur in Epistola **xcviii** ad fratres Eboracensis Ecclesiæ : « Vos fragiles infantiae meæ annos materno fovistis affectu, et lascivum pueritiae tempus pia sustinuistis patientia, et paternæ castigationis disciplinis ad perfectam viri edocuistis ætatem, et sacrarum eruditioe disciplinarum roborasti ». Praeceptores habuit *Egbertum*, et *Elbertum*, seu *Albertum*, alterum post alterum archiepiscopos Eboracenses. De Egberto ipse nos edocet in Epistola ad Eanbaldum, cuius fragmentum refert Malmesburiensis in lib. 1 de Reg. Gest. cap. 3, ubi de Egberto ait: « Illic omnium liberalium artium armarium (ut ita dicam) et sacrarium fuit, nobilissimamque Bibliothecam Eboraci constituit, cuius rei testem idoneum advoco Alcuinum, qui a regibus Anglie pro pace missus ad regem Magnum Carolum, et benigno apud eum fatus hospitio, in Epistola ad Eanbaldum tertio loco Egberti successorem ait: Laus et gloria Deo, qui dies meos in prosperitate bona conservavit, ut in exaltatione filii mei charissimi gaudearem, qui laboret vice mea in Ecclesia, ubi ego nutrilius et educatus fueram, et præcesset thesauris sapientiae, in quibus me magister meus dilectus Egbertus archiepiscopus hæredem reliquit ». Quibus verbis Alcuinus discipulo suo Eanbaldo de promotione in archiepiscopatum Eboracensem gratula-

tur, seque Eanbaldi junioris præceptorem fuisse indicat.

42. *Alcuinus fuit condiscipulus Eanbaldi senioris et magister Eanbaldi junioris.* — Verum Malmesburiensis utrumque *Eanbaldum* Eboracenses archiepiscopos perperam confundit. Prior enim, qui anno **DCCCLXXX** Alberto successit, non discipulus Alcuini fuit, ut putavit Malmesburiensis, sed condiscipulus, ut discimus ex poeta anonymo Alberti Eboracensis archiepiscopi discipulo. Fragmentum ejus Historiæ, *de Pontificibus Ecclesiae Eboracensis* refert Mabillonius sæculo II Benedict. part. 2. Ibi poeta de insigni Basilica ab Alberto constructa, et ab Alcuino et Eanbaldo juniori absoluta loquens, ait :

Hoc duo discipuli templum doctore jubente,  
Ædificaverunt Eanbaldus et Alcuinus, ambo  
Concordes operi devota mente studentes.

Denique liquet etiam ex Carmine Alcuini **CLXXII**, Eanbaldum juniorem Alcuini discipulum fuisse. Baronius putavit *Albinum* abbatem monasterii Cantuariensis, qui anno **BCCX** sancto Hadriano successit, diversum non esse ab *Albino*, qui et *Alcuinus* appellatur. Verum Albinus, qui eo Christi anno Hadrianum exceptit in monasterii Cantuariensis regimine, vitam producere non potuit usque ad annum **BCCIV**. Alenini emortualem. Ad hec *Albinus* Hadriani successor eum ac Theodorum Cantuariensem archiepiscopum magistros habuit, *Alcuinus* vero Egbertum et Albertum, qui postea archiepiscopi Eboracenses fuere. Quare Baronio, et quibusdam aliis nominis similitudo et temporum aliqua vicinitas imposuit.

43. *Alcuinus Caroli magister fuit.* — A num. 13 ad 20. *Alcuinum* Careli Magni præceptorem extitisse, antiquorum sententia fuit, sed cum illum ante annum **BCCXC** in Francia sedem non fixisse, Bulæus in *Historia Universitatis Parisiensis* pag. 92 arbitretur, inde infert *Carolum* jam grandævum a Petro Pisano in Grammaticis institutum fuisse, et ab Alcuino rhetoricam, dialecticam, cæterasque liberales artes cum astronomia percepisse; quod Eginhardus in *Caroli M. Vita* scribat; « in discenda grammatica Petrum Pisanum diaconum senem audivit, in cæteris disciplinis Albinum cognomento Alcuinum item diaconum de Britannia Saxonici generis hominem virum undeaque doctissimum præceptorem habuit, apud quem rhetorice et dialectice, præcipue tamen astronomia ediscendæ plurimum et temporis et laboris impertivit ». Imo fuere, qui negarint, *Alcuinum* magistrum fuisse Caroli; quod illum serius in Franciam venisse putarint, Carolo jam ætate proiecto, quem idem Eginhardus testatur, latinam linguam non minus familiarem habuisse, quam vernacularam, græcam quoque didicisse, et eloquentissimum evasisse : « Erat », inquit Eginhardus, « eloquentia copiosus et exuberans, poteratque quidquid vellet, apertis-

sime exprimere : nec patrio tantum sermone contentus etiam peregrinis linguis ediscendis operam impedit; in quibus Latinam ita didicit, ut æque illa ac patria lingua orare esset solitus. Græcam vero melius intelligere, quam pronuntiare polerat. Adeo certe facundus erat, ut didascalus appareret ». Verum Alcuinum Caroli præceptorem fuisse, huncque non grammaticam, aut sacras litteras, sed rhetoricam, dialecticam et astronomiam docuisse, anno **DCCCLXXXII**, num. 7 demonstrabimus.

44. *Usuardus floruit sub Carolo Calvo.* — Ad num. 20 et seq. *Usuardum* Martyrologium suum scriptissime *Carolo Calvo* imperante, nunc inter eruditos convenit. Nam cum Codices tam MSS. quam excusi meminerint persecutionis in Hispania a Saracenis excitatae longe post *Caroli Magni* obitum, manifestum est, *Caroli Calvi* tempore *Usuardum* floruisse. Ab Aimoino in libello de translatione SS. martyrum *Georgii* et *Aurelii*, ejus translationis *Usuardus pater* anno **DCCCLVII** fuisse memoratur; et Mabillonius sæc. IV Benedict. in Praefatione partis 2. num. 173 refert, in Biblioth. San-Germanensi asservari antiquissimum ejus Martyrologii exemplar, eo tempore exaratum cum subjecto Necrologio, in quo primaria manu mors *Irmintrudis* reginæ, uxoris *Caroli Calvi* signata est nonis *Octobris*; obitus vero *Caroli II* imperatoris *pridie nonas Octobris*, manu recentiori. Itaque hic Codex scriptus eo temporis intervallo, quod effluxit inter annum **DCCCLIX** *Irmintrudis* supremum, et annum **DCCCLXXVII**, quo *Carolus Caleus* defunctus est. Baronius autem, aliisque, qui *Usuardum* ad *Caroli M.* tempus revocarunt, eo inducti sunt auctoritate Sigeberti, qui *Usuardum jussu Magni Caroli imperatoris* martyrologium suum condidisse scribit in cap. 85. Sed Sigebertus *Magni Caroli* nomine *Calvum* intellexit, ut alias in cap. 99, ubi ait Hinemarum rescriptsse ad Ecclesiæ Ravennatem *sub persona Magni Caroli imperatoris*. Ad hæc idem Mabillonius tom. I Analect. pag. 454 refert, in veteri Codice Elnoneusi extare Epitaphium Drogonis et Pippini *Caroli Calvi* filiorum cum ejusmodi titulo : « Tempore Milonis monachi, gemini fratres Drogo et Pippinus, filii *Caroli Magni* liberalibus disciplinis instituti sunt in cœnobio sancti Amandi, ubi et sepulti sunt prope sacellum SS. Petri et Pauli cum hoc Epitaphio ». Et non solum in eo titulo *Carolus Calvus* vocatur *Magnus*, sed etiam in ipso Epitaphio, ac in Epistola quadam *Nicolai* papæ primi, et in veterrimo Necrologio San-Germanensi ad *XI kal. Aprilis*, quo die ponitur obitus *Rothildis abbatissæ et monachæ filiæ regis Magni Caroli*. Vide aliud hujus rei exemplum apud Mabillonum lib. 6 de Re Dipl. pag. 554. Porro *Usuardum* monasterii sancti Germani a *Pratis* monachum fuisse, ostendit idem Mabillonius in priori loco laudato ex Ms. Codice Bibliothecæ San-Germanensis, in quo post Prologum, hæc clausula legitur : « Explicit Prologus Usuardi monachi S. Germani Parisiensis ». Marty-

rologio Usuardi aucto Romana Ecclesia usa est ante recentius Romanum, teste Molano in Praefatione ad Martyrologium Usuardi. Imo etiamnum in variis Galliarum Ecclesijs Martyrologium Usuardi legitur.

15. *Opera Alcuini et Caroli M.* — Ad n. 22 et seq. *Alcuini* opera auctiora quam erant Baronii tempore prodire Parisiis anno MDCXVI studio Andreæ Duchesnii, sed post illam editionem Mabillonius tom. iv Analect. publicavit Epistolas xxvi Alcuini, et Baluzius tom. i Capitularium et tom. i Miscell. varia ejus opuscula edidit. Denique Mabillonius sœc. iv Benedict., part. 1, pag. 185, refert alia *Alcuini* scripta, quorum beneficio editio magis absoluta dari poterit. Ibi ostendit Mabillonius librum *de divinis Officiis* Alcuino a Baroniis aliisque assertum, esse tantum Farragineum ex diversis ipsius *Alcuini*, aliorumque auctorum ipso posteriorum scriptis collectam. Quoad librum cui titulus est, *Confessio fidei*, a Petro Francisco Chilletio ab aliquot annis publicatum, genuinum *Alcuini* fœtum esse adversus aliquos, qui id in dubium vocarunt, probat ibidem Mabillonius. Quod spectat ad opera Caroli Magui, jam eginus de Codice Carolino, seu Epistolarum ejus ad varios Pontifices Romanos, de aliis ejus Incubrationibus legendus Oudinus in Supplemento de scriptoribus Ecclesiasticis.

16. *Duo filii Carolo hoc anno natū.* — Ad num. 24. *Hildegardis Caroli* uxor, quam is in Aquitania gravidam reliquerat, antequam ex Hispania reverteretur, duos peperit filios, quorum alter *Lotharius*, alter *Ludovicus* est appellatus, ut scribit auctor Vitæ ejusdem *Ludovici*, postea Aquitania regis. De utroque Paulus diaconus in libello de episcopis Melensibus, ubi filios, quos *Carolus* ex Hildegarde suscepit, recenset : « Primus, inquit, dictus est *Carolus*, sc. patris ac proavi vocabulo nuncupatus. Secundus item *Pippinus*, fratri atque avo æquivocos. Tertius *Lodovicus*, qui enim Lothario, qui biennis occubuit, uno partu est genitus », hoc sc. anno.

17. *Carolus de duobus queritur apud Hadrianum PP.* — Epistola LXV Cod. Carol. data est hoc circiter tempore a Carolo ad Hadrianum papam, qua questus est de venundatione mancipiorum a Romanis genti Saracenæ facta, deque fibidinosa quorumdam sacerdotum Romanorum vita. Respondit Pontifex id factum fuisse contra suam voluntatem a Langobardis, qui ea Greecis vendiderunt, & dum famis inopia eos constringebat, quia alii ex eisdem Langobardis propria virtute in navigia Graecorum ascendebant, dum nullam habebant spem vivendi. De sacerdotibus autem nostris, quod vobis falso et contra Deum et animam eorum suggerere ausi sunt ; mentita est iniquitas sibi, et nulla est, Dominio annuente, in nostris sacerdotibus pollutio, nec talia credere debet vesra sublimitas &, inquit Hadrianus.

18. *Moritur S. Authpertus abbas.* — *S. Ambrosius Authpertus* abbas monasterii sancti Vincentii prope Vulturenum in Benevento, quod dicitur mo-

nasterium sancti Vincentii martyris, hoc anno vitam cum morte commutavit, ut testatur chronographius ejusdem loci. Authpertus vir illustris in Gallia vixit a Carolo Majore-Domus, ejusque filio a Pippino rege plurimum dilectus, donec Stephanum II papam, qui ex eadem Gallia Romanum redibat, comitatus est, et Vincentinorum sodalitio sese adjunxit, a quibus postea abbas creatus est, sed invitus ac renuens. Ejus operum Catalogum exhibit Labbeus in Dissert. de Script. Eccles. sed Iuculentius de iis agit Mabillonius sœc. iii Benedict. part. 2, in Vita S. Ambrosii Authpertii scripta ab eodem chronographio, qui sœculo xi vivebat, qui eum *saintissimum* appellat. Producit ibidem Mabillonius fragmentum sermonis Authpertii *de Assumptione S. Marie*, ut inscriptio habet, in quo Authpertus ita suam sententiam moderatur, ut nihil de corpore Deiparae Assumptione definit : sed ut « sive in corpore, sive extra corpus assumptam super cœlos credamus ». Quæ etiam sententia fuit Adamiani in lib. I de Locis sanctis, et anonymi, qui Itinerarium sancti Willibaldi litteris mandavit ; quod utrumque opuscolum in eadem parte 2 a Mabillonio editum. Quare *Assumptionis* vocabulum tempore Authpertii jam tum in usu Ecclesiae fuit.

19. *Tassilo Bajoarie dux condit monasterium Cremifanense.* — Hoc anno *Tassilo* Bajoariorum dux monasterium Chrempsense juxta Chrempsam fluvium aediticavit, cui omnia eo in territorio per ingens spatium sita prædia, sylvas, nemora, laevis, et flumina contribuit. Fundationis instrumentum refert Simon Rettleupacher Benedictinus in Annalibus monasterii Cremifanensis lib. I, cap. 9. In eo ita loquitur Tassilo : « Ego Tassilo vir illuster, dux Wajoariorum, anno ducatus mei trigesimo : Indictione prima, mente tractavi, etc. » Paulo post : « Anno xxx ducatus mei simulque dilectissimus filius meus *Theodo*, anno etiam dueatus ejus primo, tradimus atque confirmamus ad prædictum monasterium, etc. » Inter testes nominantur *Virgilius* episcopus, *Sindperth* episcopus, *Walrich* episcopus. Primus episcopus erat Salisburgensis, Sindperthus Ratisponensis, Walrichus seu Waldricus sextus episcopus Pataviensis fuit, ut liquet ex poeta de Ordine comprovincialium pontificum. Ex hoc Diplomate liquet primo *Tassilonem* hoc vel superiori anno *Theodonem* filium collegam in partem dominatus adscivisse. Secundo, exordium principatus *Tassilonis* ab anno CCCLII proficisci. Fuit *Theodo* ultimus Bajoarie dux tertiusque hujus nominis. Porro monasterium *Chrempsense*, seu *Cremifanense* in Austria superiori positum est, extantque alia *Tassilonis* ducis monumenta.

20. *Alfuoldus fit rex Northumbriæ.* — Northumbrii adversus *Ethelredum* regem rebellantes, regem pro eo constituerunt *Alfuoldum* Osuulii regis filium, regem pium et justum ; sed post decennium *Ethelredus* in regnum restitutus est, ut Wigorniensis, Westmonasteriensis, Simeon Dunelmensis aliique historici Anglii tradunt.

## HADRIANI I ANNUS 8. — CHRISTI 779.

1. *Carolus in Saxones iturus Concilium celebrat, monasterium SS. Vincentii et Germani Parisiis privilegio decorat.* — Annus sequitur septingentesimus septuagesimus nonus. Indictione secunda, quo Carolus Magnus, antequam parata expeditione proficeretur in Saxones, in villa Duria Synodus habuit ex more, sic primum quae Dei sunt curans, quam bellica inchoaret. In ipso autem procinetu, exposcente Roberto abate sanctorum Vincentii atque Germani Parisiorum episcopi confirmavit, quae eorum monasterio pater Pipinus bona contulerat, et alia ipse adjecit. Extat ipsum quidem Privilegium, quod qui interfuit rebus a se scriptis (ut ipse testatur<sup>1</sup>) recitat, istis praemissis, quae de episcopis atque abbatibus, vel aliis a se delectis, qui regno diversis in locis praesentis instituit, quibus haec subiect: «Quibus<sup>2</sup> rite peractis, Ligerim cum reliquis transmeavit copiis, et Lutetias, quae alio nomine Parisii vocantur, sese recepit. Tunc ejus adiit praesentiam venerabilis Rotbertus abbas cenobii sancti Vincentii sanctique Germani, petens quatenus praecptum immunitatis ipsius Ecclesiae, quod olim dominus Pipinus genitor ejus fecerat, ipse sua benignitate confirmaret. Quod non solum fecit, sed etiam novum sua praceptione descriptum sigillo sue regiae majestatis firmavit. Est autem hujusmodi:

2. «Carolus gratia Dei rex Francorum et Longobardorum, atque patricius Romanorum omnibus episcopis, abbatibus, comitibus, sive junioribus nostris.

« Si apponenda beneficia ad loca sanctarum Ecclesiarum, vel sacerdotibus praestare non desimus: hoc proculdubio ad aeternam nobis beatitudinem retribuendam profuturum contidimus. Igitur cognoscat magnitudo, seu virilitas vestra, qualiter venerabilis vir Rotbertus abbas de Basilica sancti Vincentii, vel domini Germani, ubi ipse pretiosus corpore requiescit, clementiam regni nostri accessit; et praecptum domini et genitoris nostri bone memorie Pipini regis nobis ostendit relegendum, ubi reperimus insertum, qualiter propter

nomen Domini beneficium praestitisse cognoscitur, ut annis singulis quocumque in regno nostro negotiantes ipsius sancti loci pergere velint (sicut ipse Rotbertus abbas mercari videretur) tam ad luminaria comparanda, quam pro reliqua necessitate discurrentes, tam extra Ligerim, quam citra, vel in Burgundia etiam, in Aquitania, vel in Provincia seu in Francia, necnon et in Austria quecumque in regno, Christo propitio, nostro pergere voluerint, nullum teloneum vel de sarcinis, vel de caricatione, neque de navigio, vel de qualibet redhibitione exinde ad partem fisci nostri, missi abbatis discurrentes persolvere quicquam debeant.

3. «Praterea praesenti praecpto decernimus (quod perpetualiter mansurum esse jubemus), ut non per ullos portus, neque per civitates tam Viroduno, quam Aurelianis, vel Ambianis, neque in Traecto, neque in Dorstade, vel Neomago, neque per omnes pontes, vel ad S. Maxentium, sive Parisis, sive Ambianis, neque in Burgundia, vel in pago Trecassimo, neque in Senonico, vel per omnes civitates ubicumque in nostro, propitio Christo, regno, aut pagis, vel territoriis teloneus exigatur, nec de navalii, nec de carrali, neque de saumi, sive de frana, evasione vel rotatiem, vel pontaticum, nec pulvematicum, nec salutaticum, nec cispilaticum, vel ullam redhibitionem, quam fiscus noster exinde possit sperare, nec vos aut juniores, vel successores nostri ab eisdem requiratis, seu exigatis: sed omnia haec propter nomen Domini ipse abbas, vel successores ejus, seu memorata Ecclesia S. Vincentii, vel domini Germani habeant indulatum, et ad luminaria ipsius sancti loci proficiat in augmentis.

4. «Adjungimus etiam teloneum illum, quem Gerhardus comes apud Villam novam in curte S. Germani visus fuit recipere, quia in nostrum redit jus, ut deinceps ad partem S. Germani ipse teloneus cum omni integritate in nostra eleemosyna ad luminaria ipsius sanctae Ecclesiae recipiatur absque alicuius refragatione. Quam vestra auctoritate, sancti Pontifices, nostri ac proceres, perpetuis temporibus valitaram manu propria signatione nostri sigilli studiuimus roborare. Data

<sup>1</sup> Ap. Aimon. l. iv. c. ult. in fin. — <sup>2</sup> Ibid. l. v. c. 1.

sesto kal. Aprilis, anno undecimo regni nostri, et quinto patriciatus nostri. Actum Aristallio in palatio : redintegratum vero Parisiis ». Ilactenus Privilegium.

His ex more præviis pietatis officiis adversus Saxones Carolus profectus est ; quæ illi ad eos debellandum perfacilem aditum aperuere : etenim fugientibus illis, inruento bello Saxoniam atque Westphaliam debellavit, receptisque ab iisdem obsidibus, firmatisque rebus denio juramento, in Franciam rediit. Hæc Annales Francorum pluribus, ex quibus et Regino eadem affirmat.

5. De præliis Caroli Magni adversus Saxones sæpius iteratis agit Petrus Damiani in Epistola ad Mainardum episcopum Urbinatem ; hæcque ait inter alia : « Godefredus plane clarissimus dux et marchio mihi perhibuit in propria regionis, nempe

Lotharingæ historia contineri, quoniam Carolus imp. quindecim vicibus cum rege Saxonum, qui gentilialis adhuc detinebatur errore, bellum commisit, et post hæc : Aliquando sane, dum Carolus idem excelsa, ut assolet, intronizatus sede discumberet, pauperes vero, quos alebat, solo tenus ignobiliter residerent : rex Saxonum, qui tenebatur captivus, et remota procul ab imperatore mensa prandebat, talia per nuntium legata direxit : Dum vester, inquit, Christus sese perhibeat in pauperibus recipi, qua fronte persuadetis nostra illi colla submitti, quem vos ita despiciatis, eique nullam honoris reverentiam exhibetis? Ad quod imperator, corde compunctus erubuit ; et ex ore gentilis hominis Evangelicam prodire sententiam, vehementer expavit ». Hæc ibi Petrus.

Anno periodi Græco-Romanæ 6272.— Anno Æra Hispan. 817.— Anno Hegiræ 163, inchoato die 17 Sept., Fer. 6.— Jesu Christi 779.

— Hadriani I papæ 8. — Leonis IV imp. 29 et 5. Constantini 4.

1. *Annus viii belli Saxonici.* — Ad num. 1 et seqq. Eginhardus in Annalibus hoc anno habet : « Rex de Heristallio, ubi hyemaverat, et ubi Natalem Domini ac sanctum Pascha celebraverat, prima veris temperie movens, Compendium venit. Et eum inde peracto propter quod venerat negotio revertisset, occurrit ei Hildebrandus dux Spoletanus cum magnis numeribus in villa Wirciniaco; quem et benigne suscepit, et muneribus donatum in suum ducatur remisit. Ipse, animo ad Saxoniam expeditionem intento, Duriam venit, habitoque juxla morem generali conventu, Rhenum in eo loco, qui Lipia vocatur, cum exercitu trajecit. Cui cum Savones in quodam loco, qui Buocholt vocatur, vana spe ducti resistere tentarent, pulsi fugati sunt : et rex Westfalaorum regionem ingressus, omnes eos in deditiōnem accepit : inde ad Wisuram veniens, castris positis in loco nomine Nudufulli, stativa per aliquot dies habuit. ibi Angarii et Ostfalai venientes et obsides dederunt et saeramenta juraverunt. Quibus peractis rex trans Rhenum in Wormatiā civitatem hybernatum se recepit ». Quia Carolus rex hybernos menses egit apud Haristallium, Sirmondus tom. ii Concil. Gall. Capitulare, quod hoc anno præfatio factum docet, *Haristallense* vocandum esse judicavit. Sunt in illo Capitulari sanctiones quatuor ac

viginti, ut videre est tom. vi Concil. apud Labbeum, et hæc est ejusdem Capitularis Præfatio : « Anno feliciter undecimo regni domini nostri Caroli gloriissimi regis in mense Martio Capitulare factum, qualiter congregatis in unum Synodali Concilio episcopis, abbatibus, virisque illustribus, comitibus, una cum piissimo domino nostro secundum Dei voluntatem, pro causis opportunis consenserunt, etc. »

2. *Carolus erga monasteria munificus.* — Apud Haristallium *Carolus* emisit Praeceptum pro monasterio sancti Germani prope Parisios sito, quod initio lib. 5, apud continuatorem Aimoini legitur, diciturque datum VI kalend. Aprilis anno xi regni nostri et quinto patriciatus nostri, ut videre est apud Baronium, qui illud integrum recitat ; sed, ut advertit Cointius hoc anno num. 27, in originali desunt hæc voces, *patriciatus nostri*; et revera *Carolus* diversos annos ad diversa regna referit, nempe annum xi ad regnum Francie, annum v ad regnum Italie seu Longobardiæ, neutrum ad patriciatum. Ibidem *Carolus* pridie kal. Maii pro Cabilonensi sancti Marcelli monasterio aliud Praeceptum emisit, quod integrum extat apud San-Marthanos in Gallia Christiana. In fine ejus legitur : « Dat. pridie kalendas Maias, anno undecimo et quinto regnorum nostrorum. Actum Haristallio ».

Ex anno illo quinto regni Langobardici *Caroli* apparet, eum anno **DCCLXXIV** post diem ultimum mensis Aprilis regem Langobardorum dictum fuisse, alioquin hoc ultimum Praeceptum non quinto regni ejus anno, sed sexto datum fuisse. Continent duo præcepta illa privilegia quædam utriusque monasterio a *Carolo* rege concessa.

**3. Moritur S. Sturmio abbas Fuldensis primus.** — Saxones, qui a fide Christiana defecerant, conspirarunt, « ut lectam virorum multitudinem de exercitu ad ipsum monasterium (Fuldense) mitterent, et cuncta quæ reperirent, igni comburent, et servos Dei ferro trucidarent. Quod cum comperisset sanctus Sturmi, statim vocatis ad se fratibus periculum quod eis imminebat, innotuit, et consilium dedit, ut sancti martyris (nempe Bonifacii) corpore assumpto, in Hamelangburg properassent. Ipse vero vir Dei Sturmi foras in Wedereiba perrexit, studium habens, si quomodo posset, pravorum conspirationem cohære. Nos autem fratres discipuli ejus assumpto sancti martyris corpore de sepulero, in quo annos viginti quatuor positum fuerat, a monasterio cum universis famulis Dei proficisci cœpimus », inquit sanctus Egil abbas Fuldensis IV in Vita *sancti Sturmionis* abbatis Fuldensis primi, qui subdit monachos, cum audivissent Saxones viatos fuisse, et ad proprias aufugisse terras, sacra sancti Bonifacii ossa sustulisse, eaque sepulero, quo prius inerant, humasse, quæ anno superiori contigere, ut docet vetus chronographus apud Lambeccium, de quo mox. Eo enim anno Saxones, qui a fide defecerant, usque ad Rhenum excurrere, et ab exercitu *Caroli*, qui Autisiodori remanserat, fusi fugati sunt, ut ibidem ostendimus. Narrat postea Egil mortem *sancti Sturmii*, quæ hoc anno accidit, dum Carolus rursus contra Saxones movit: « Tunc iterum rex Carolus ad confirmationem fidei Christianæ cum exercitu ad illam terram perrexit, et venerandum Sturmionem infirnum, jam senectute fessum in Heresburg ad tuendam urbem cum sociis suis sedere jussit ». Postea ait Egil, « altera die, id est, **XVI kal. Januarii**, ingravescente languore », Sturmionem ad extrema deductum esse et animam Deo reddidisse, postquam infirmitas ejus per aliquod tempus durasset. Sturmionem autem hoc anno mortuum, docent Marianus Scotus, Hermannus

Conraelus juxta editionem Canisii, Lambertus Schafnaburgensis in Chronicis, ac *vetus annalista* Fuldenensis auctior Pithæano modo citatus, qui extat apud Lambeccium tom. II Biblioth. Cæs. pag. 347. Mortuus est itaque *sanctus Sturmio* anno vicesimo quinto ab obitu sancti Bonifacii, ideoque is martyrium fecit anno septuagesimo quinquagesimo quinto, non vero quinquagesimo quarto, ut pluribus viris doctis visum, qui pro ea sententia *sancrum Eigilem* laudant; eum tamen is contrarium plane doceat testeturque annum Christi superiorem vicesimum quartum fuisse a morte S. Bonifacii, ut mox vidimus. Validum est autem hac in re *Eigilis* testimonium; cum anno **DCCCXVIII** abbas Fuldensis renuntiatus sit, de his quæ spectant ad sanctum Sturmionem egregie edocitus fuerit, ac ei morienti adfuerit.

**4. Ex monasterio Fuldensi plures sancti ac viri illustres prodierunt.** — *Sturmius* a sancto Bonifacio Bajoariam ingresso, ut Christianos ab antiquis paganorum contagis et perversis dogmatibus cohiberet, precatu parentum ejus nobilium ac Christianorum susceptus est, traditusque *santo Wiberto*, abbati postea Fritislariensi, a quo in sacris studiis institutus fuit. Deinde ordinatus est presbyter, et populis Evangelium instanter prædicavit. Post annos tres probante *santo Bonifacio* secessit in eremum cum duobus sociis. Sed cum is veretur, ne a Saxonibus loco illo vicinis male Sturmius haberetur, jussit illi ut locum quereret in quo cum suis sociis tuto commorari posset. Hac occasione monasterium *Fuldense* fundatum, *Bonifacio* locum illum non solum probante, sed etiam non semel invisente. Hujus *Sturmio* primus abbas ab eo constitutus est, qui erexit ibi scholam in gratiam juventutis, in qua aliquandiu *Alcuinus* docuit, et ex qua prodiere immna clarissima *Aimo*, *Freulfus*, *Rabanus*, *Walafridus Strabus*, aliique innumeris. Ex hoc etiam monasterio plures ad insulas rapti e quorum numero novem præsules Moguntia sibi vindicat. Viget etiam hodie celeberrimum illud monasterium, oppido ac ditione propria auctum, cuius abbas abbatum Germaniae primas est, et spiritalem in subditos jurisdictionem habet, ut videre est apud Browerum in lib. de Antiquit. Fuldenibus, ubi plura refert de sanctis et viris illustribus qui in eo monasterio floruerunt.

## HADRIANI I ANNUS 9. — CHRISTI 780.

*1. Sarracenorum in Syria, et Leonis Constantinopoli dira persecutio.* — Octogesimus post septingentesimum annus agitur Indictione tertia, eum Orientalis Ecclesia tum a Sarracenis, tum etiam a Leone imperatore persecutione vexatur. Quod in primis pertinet ad Sarracenos, auctor est Theophanes, hoc anno quinto Leonis imperii Madi principem Sarracenorum edictum promulgasse, ut omnes, qui ex Judæis et aliis infidelibus ad Christianam fidem transiissent (quorum ingens erat numerus ex iis, qui servilis conditionis cum essent, religionem suscepserant Christianam) desertores efficerentur, alioquin pœnis acerbissimis plecterentur. Misit ad hoc perficiendum Thesiam quemdam sævissimum hominem, qui profectus Emesam in Syria, dirissimas ibi de Christianis habuit quaestiones, adeo ut quæ scribuntur facta a præsidibus acerbissimis persecutoribus Lysia, sive Agricolao sub Ethnicis imperatoribus, istius excederet carnificina. Verum nec isto tempore defuerint, qui antiquos martyres invicta constantia fuerint imitati, sed et sexus fragilior robustior sit inventus : siquidem Christianæ feminæ complures exercent de ejus crudelitate triumphos, post innumera supplicia martyrium summa gloria consummantes, ut idem, qui supra, testatur auctor.

2. Addit ad hæc præterea idem Theophanes, ab eodem Sarracenorum principe esse jussas Christianorum Ecclesias solo æquari, idque factum Emesæ et aliis in locis Syriæ usque Damascum; idque contra pacta conventa passi sunt Christiani, utpote qui se ea conditione dederant Sarracenis, ut Christianæ religioni esset bene consultum, simulque sanctis Ecclesiis. Hæc passa est Ecclesia Syriæ, quæ si habuisset, qui singula quæ acciderant Christianorum martyria scriptis posteritati dedissent, equidem ingens volumen ex eis confidendum fuisset, quæ hic perpaucis notata tantum potius, quam narrata ex eodem auctore Theophane scriptis prodimus.

Constat etiam ex eodem auctore, hoc ipso anno Constantinopoli, defuncto Niceta ejus Ecclesiæ hæretico patriarcha octavo idus Februarii, subroga-

tuni in locum ejus Paulum, genere Cyprium, hæreticum itidem Iconoclastam, licet sua conscientia Orthodoxum, utpote qui probe sciret se errore duci; quod et mortis tempore testatus est, ut suo loco dicetur. Quæ autem ad hunc annum pertinent, ita Theophanes : « Octavo idus Februarii mortuo Niceta (de quo prædictum est) Constantinoepoleos episcopo secunda jejuniorum hebdomade, die Dominico, Paulus honorabilis, genere Cyprus, verbo et actu coruscans, post plurimam propter hæresim, qua tenebatur, excusationem, vi multa compellente, consecratur patriarcha Constantinoepoleos ». Sic ipse, cum revera intus erederet quæ sunt Catholicæ fidei; tamen ob timorem imperatoris persecuti aggredientis cultores sacrarum imaginum, silentio rem obtegens et communicans cum hæreticis, indignissimum se throno illo judicabat. Cum enim videret Leonem Augustum aggressum esse persecuti Christianos Catholicos, timore percitus, nunquam est ausus, quam corde credebat, pandere veritatem : probe sciens, id haud sibi licere absque vitæ discrimine, jam pluribus Constantinopolitanis civibus dire cæsis, et aliis paulo post nobilibus viris eadem ex causa ingenti quoque ignominia affectis, de quibus hoc anno hæc ipse Theophanes :

3. « Media vero hebdomada jejuniorum tentus est Jacobus protospatharius, et Papias, et Strategius et Theophanes cubicularii una cum aliis religiosis viris, eo quod imagines adorarent. Tunc demum occultam malitiam suam Leo persecutoris filius patefecit, et hos immisericorditer cæsos et tonsos, et per medium urbis vinclitos ad pompam duci fecit, et includi in prætorio mandavit. Inter quos moritur Theophanes, confessor effectus et coronam est martyrii consecutus : reliqui autem omnes, post hujus obitum, probati monachi inventi sunt ». Paulo post vero, eodem anno, mense Septembbris, ipse Leo mortuus est. Sed quæ proxime causa præcesserit horum aulicorum damnationis, audi<sup>1</sup> :

<sup>1</sup> Cedren. in Comp. Annal.

« Idem Leo imperator media jejuniorum septimana duas imagines reperit in pulvinari uxoris sue Irenes, quas cum diligenter esset contemplatus, inquisitioue facta, deprehendit, eas a Papia palatino aliisque nonnullis primiceriorum fuisse illatas : quos et cruciatibus suppliciisque gravissimis addixit. In uxoremque Irenem acriter invectus, eamque nauci esse dixit, que suo patri imperatori horribilibus atque intemeratis fidei mysteriis prolatiis, diversum plane jurasset, constanter asseverante eas a se non visas repulit, neque postea rem cum ipsa habuit ». Tunc accidit, ut eam, quam diximus, de aulicis quæstionem dirissimam habuerit, deque illis infame supplicium sumpscerit.

4. *Mortuo Leone, filius cum matre vidua optime imperium auspicatur, fidem Catholicam restituendo.* — Sed de obitu agamus ipsius Leonis imperatoris, qui contigit hoc eodem anno, mense Septembri. Miseratus tandem Deus Orientalis Ecclesie, quæ jam sub duobus nefandissimis imperatoribus Leone Isaurico et Constantino Copronymo ejus filio longo tempore vexata, duplicitia pro peccatis suis supplicia tulit, Leumentum hunc, simul ac aggressus est sanctorum sanguine eruentari, e medio sustulit. Sed quomodo id acciderit, ex Theophane ista accipe :

« Eodemque mense Septembri, quarta jam inchoata Indictione, mortuus est Leo filius Constantini modo. Cum insaniret circa lapides pretiosos, nimis adamavit coronam magnæ Ecclesiæ. Et accipiens portavit eam. Tuic exierunt carbunculi in capite ejus, et captus valida febre mortuus est, cum reguasset annis quinque minus diebus sex ». Ilæc Theophanes. Amans igitur carbunculos, ex sacrilegio carbunculos pariter passus est, et his coronatus est mortuus.

5. « Tunc », inquit Theophanes, « sexto idus Septembri, Indictione quarta, Irene piissima cum filio suo Constantino gloriose imperium divinitus accepit ». Mirabitur Deus prædicatur in hoc, dum per viduam feminam et puerum orphanum excitatam impietatem compescuit, et adversus cunctas Ecclæsias motam impugnationem continuit. Quomodo vero hoc eodem anno simul ac salutati sunt imperatores, iidem conjurationem sint passi, Theophanes ista subdit : « Post quadraginta vero dies imperii ejus, cum ejus filius esset decem annorum, consilium facientes quidam senatorum voluerunt educere Nicephorum Cæsarem et imperatorem statuere. Cum autem hæc ad ejus notitiam pervenissent, tenui sunt Gregorius Logotheta Dromi, et Bardas dñdum prætor Armeniorum, Constantinusque vicarius spatharius et domesticus excubitorum, et Theophylactus Ramgabi drungarius duodecimæ insulæ, et multi alii, quos cæsos et tonsos in diversis insulis exilio relegavit.

« Porro viri fratres Cæsares ac nobilissimos tonsos sacerdotio fungi et populo communionem in festivitate Nativitatis Christi porrigere fecit, in qua

procedens imperatorio more, publice cum puero reddidit Ecclesiæ stemma (coronam scilicet), quod fuerat a marito sublatum, pulcherrime fabrefactum et lapidibus pretiosis venustatum ». Hee Theophanes, qui et subjicit hoc eodem anno victos Arabes, qui auditio imperatoris obitu sese infuderant in Romanum imperium, sic Deo favente principum Orthodoxorum primordiis. Post hæc vero subjicit ista Theophanes :

6. « Cæterum interea piissimi principes fiducialiter agere cœperunt et verbum Domini dilatare ; et qui volebant salvari, sine prohibitione mundo abrenuntiare, et glorificationem Ædi exaltare, atque omne bonum manifestare ». Sed Itæ pluribus Theodorus Studita in Platone his verbis : « Postea vero quam cœpit regnare Christi cultrix Irene, quæ pacem ipsa, ut cognomento ita et re attulit, in cuius regno cum aliis bonis et monasticae vitae adeundæ facultas et janua patetfacta est, quæ ofim ab impiis imperatore clausa fuerat, quemadmodum ab iis imperatoribus, qui Græcorum superstitionem sequebantur, Christianæ fidei aditus præcludebatur. Ex eo, inquam, tempore, quo Irene ipsa regnare cœpit, nostra tota eorum, qui rebus terrenis renuntiaverant, familia monasticæ vitae obedientiam profitebatur ». Et inferius post præfectorum spiritualem S. Platonis hæc ingredit de altercationibus inter Orthodoxos atque hæreticos ob cultum sacrarum imaginum exortis, Catholicis jam libere eum profitentibus, et contraria sentientes redarguentibus. Ait enim :

7. « Cum jam regnaret pia illa femina Irene, multaque disceptatio de venerandarum imaginum argumento facta esset : idem pater S. Plato ante multos alios, et cum paucis quibusdam libera oratione imagines prædicabat, cuimque iis, qui contra ejusmodi venerationem bellum gerebant, quantum poterat, ipse pugnabat : quandoquidem ad disputandum de dogmatibus idoneus non erat : nam simplicem quidem orationem habebat, at amplam tamen et nomini suo congruentem, et auditoribus probabilem. Cujus rei argumentum illud fuit : quod in cathedra urbis metropolitanæ Epiphaniorum in Synodo illa, que in Apostolorum templo habita fuit a preside, qui illo tempore era, provocatus est is, qui neque antea hæreticorum militaris ordinis impetum timuit. Quo tempore ad magnum illud templum festinavit, adversus præsidem clamans, et fallacem illum cœtum contra venerandas imagines coactum vituperans. Et paulo post cum Concilium illud falsum dissolutum fuisse tam cœtus ille veritatis propugnator, quam regina ipsa e mediis leonibus erupta fuit. Tunc sine sanguine (ut ita dicam) martyr apparuit noster præceptor, pontificem ipsum sequens, neque quicquam ob ea, quæ ansus fuerat, veritus ». Itæ Theodorus, subobscure notam omnibus illius temporis hominibus rem gestam paucis perstringens, illud plane significans, iconoclastas, qui sub duobus, vel tribus imperatoribus ipsis faventibus altas radices fixerant

in solo impietatis, haud simul ac principes Catholici illuxere, dedisse manus, sed magnopere restitisse, fragatos esse, conciliabula convocasse, et afia id genus operatos esse, ne pietas, que tandem compressa jacnerat, aliquo pacto resurgeret.

8. *Ecclesie Saxonum incunabula, auctore Carolo Magno.* — Postremo vero, quod item ad hujus anni res gestas pertinet, addit Theophanes admiratione dignum eventum de inscriptione inventa in refossa tunc temporis veteri sepultura. Quod cum omnes tam Græci, quam Latini historici æque assenserant, nolnimus prætermittere. Theophanes igitur sui temporis prosecutus historiam, ita rem gestam paucis narrat : « Hoc etiam anno in longis Thraciae muris quidam homo fodiens, inventit arcam lapideam, quam cum expurgasset et relevasset, reperit virum jacentem, et conglutinatas arcæ litteras continentes hæc : Christus nascetur ex Virgine Maria. Credo in eum. Sub Constantino et Irene imperatoribus, o sol, iterum me videbis ». Increbuit sermo, vatis alicujus ejusmodi fuisse sepulcrum, ejusdemque repertum in eo vaticinum scriptum divinitus revelatum.

Sed ad res Occidentales transferamus orationem. Hoc eodem anno Carolus Magnus Francorum rex firmaturus res Saxonum, in Saxoniam abiit, inque Lippiam veniens, Synodus illie habuit, propagataque fide apud Barbaros, jam baptimate initiatos, reversus est in Franciam, initio consilio proficisciendi Romanam religionis causa, visitaturus sacra Apostolorum Limina, acturusque gratias sanctis Apostolis Petro et Paulo de conversione Gentilium Saxonum ad Christianam fidem, simulque communicaturus cum Hadriano Pontifice, quæ in Synodo in Saxonia habita statuta essent. Sic igitur ipse una cum regina Hildegarde autumnali tempore profecti in Italiam venientes, Natalem diem Domini Ticini celebraverunt, sequenti autem anno celebraturi sacratissimum diem Paschatis Romæ. Hæc Annales Francorum.

9. Porro etsi qui statuti canones in ea Synodo, vel quæ decreta fuerint ibi, non extant, quæ docere nos possint; ex aliis tamen diversorum scripto-

rum assertionibus intelligere satis possumus, in eadem Synodo actum de erigendis sedibus episcopilibus in Saxonia: hoc namque anno prima jaeta esse fundamenta Ecclesiæ Osnaburgensis, qui ejus prosecutus est res gestas Crantius<sup>1</sup> profitetur: ipse vero Carolus testatur Diplomate, primum a se erexitam Ecclesiam Osnaburgensem in honorem sancti Petri principis Apostolorum, et sanctorum martyrum Crispini et Crispiniani. Post hanc autem erexisse liquet in episcopatum Ecclesiam Salingenstadtensem, eamque nomine S. Stephani protomartyris Deo optimo maximo consecrasse. Extant<sup>2</sup> Acta sancti Meinulphi diaconi, in quibus asseritur hoc pariter anno ab eodem Carolo Magno parvam esse constructam Ecclesiam Paderbornæ, post annos vero quindecim datum illi fuisse episcopum, ut suo loco dicturi sumus.

10. Hæc sunt cunabula Ecclesiæ Saxonum, saepè Evangelium protitentum ac deserentium, (ut superius dictum est, cum Gentilium suorum Anglo-Saxonum sanctorum virorum perfunctos in prædicatione labores recensuimus) cum tandem armis Caroli in Christiana religione retenti sunt, penitus abdicato cultu ipsorum idoli, nomine Krodo, reddentis formam senis super pisces stantis, atque rotam utraque manu tenentis, quem Saturnum esse, dixerat Latini. Factum vero, ut eum probe inibuti Evangelio essent, pristini erroris pœnitentes et erubescentes, quod scilicet in hæc usque tempora, universo credente orbe, ipsi adhuc perseverassent idololatriæ: in detestationem<sup>3</sup> pudendæ impietatis usu loquendi receptum fuerit inter eos, ut in detestationem rei nefandæ, solerent dicere, Krodo. Sed quo tardius, eo propensiùs quam noverrunt veram religionem postea execoluere, usque ad nostra tempora, quibus ejurata fide Catholica, proh dolor, heretici facti sunt, ab avitis legibus et Ecclesia Catholica alieni, a monacho desertore et impostore seducti.

<sup>1</sup> Crant. in Metrop. l. i. c. 2. — <sup>2</sup> Apud Sur. tom. v. die v Oct. —

<sup>3</sup> Crant. hist. Sax. l. ii. c. 7.

Anno periodi Graeco-Romanæ 6273. — Anno Æræ Hispan. 818. — Aono Hegiræ 164, inchoato die 6 Sept., Fer. 4. — Jesu Christi 780.  
— Hadriani I papæ 9. — Constantini imp. 5 et t. Irene 1.

1. *Moritur Niceta patriarcha Constantinop.*  
— A num. 1 ad 4. Theophanes anno Incarnat. secundum Alex. DCCLXXII kalend. Septemb. superioris Christi anni inchoato, narrat persecutionem a Mahadi Saracenorum califa in Christianos excitatam, et mortem Nicetae patriarchæ hæretici Constantinopolitani, quæ accidit *mensis Februarii die sexto, eoque Dominico, Indictione tertia*, in ejus locum creatus est *Paulus venerabilis lector, Cyprus natione, doctrina et virtute præstans*, quæ omnia fuse a Baronio ex Anastasio Theophanis interprete relata. Nicetæ annos xv Nicephorus in Chronico attribuit, qui utrinque incompleti fuere.

2. *Moritur Leo imp.* — Ad num. 4 et seq. Theophanes eodem anno Incarnat. secundum Alex. DCCLXXII seribit, *Leonem imp. mensis Septembris die octavo, quarta Indictione*, diem suum clausisse, additque : « Imperii demptis mensibus sex, anno quinto defunctus est », seu, ut in græco habetur, πέντε ετῶν ἡτοί πέντε. Verum textus ille Theophanis depravatur, legendumque cum Codice Barberino et Vaticanii, ἐπειδὴ πέντε πέντε εἴ τε πέντε, id est, annos quinque præter dies sex, quam lectionem Anastasius secutus est in sua versione, ubi habet : « Mortuus est cum regnasset annis quinque, diebus sex exceptis ». Goarus in Notis hanc lectionem improbat, sed male eaculos ponit. Imperium enim *Leo* init anno DCCLXXV, die xiii mensis Septembris, et currenti anno diebus sex ante decimum tertium ejusdem mensis vivere desiit. Eodem die *Irene* et *Constantinus* ejus filius annum duodecimum agens imperium suscepere, monasteria in libertatem asservare, et viam salutis omnibus aperuere, uti narrat Baronius ex Theophane.

3. *Synodus Orthodoxorum S. Platoni tempore habita.* — Ad num. 6 et seq. *Sanctus Plato*, qui fuerat hegumenus *Symbolorum*, quod monasterium a Bithynia non videtur fuisse dissitum, quique ea dignitate repudiata redierat ad solitudinem, ubi audivit *Irenem* imperare, post quietem solitudinis suscepit prælaturam, inquit sanctus Theodorus Studita, ipsius ex sorore nepos atque in regimine monasterii successor, in ejus Vita ad diem iv Aprilis in Actis SS. Bollandianis recitata, qui addit sororis suæ familiam universam ita acce-

disse monaslicæ vitæ desiderio, ut omnes ad prædium quoddam, cui a sacello *Sacudionis* nomeu adhæsit, se reciperen, quod contigisse videtur anno DCCLXXXII. « Cum jam regnaret pientissima Irene », inquit Theodorus, « et circa questionem de venerandis imaginibus in utramque partem multa jaetarentur, ante multos et cum paucis libere veritatem profitetur. Pugnat quantum potest contra Ieconomachos, etc. Cujus rei argumentum est, quod in ea quæ ad sanctos Apostolos coacta est Synodo, ab eo qui tune erat patriarcha (nempe sanctus Tarasius) electus ipse sit, qui poneretur in cathedra metropolis omnium illustrissimæ; et siue antea non timuerat minas faventium hæresi, sic neque tune formidavit prohibitionem incursumque ordinis militaris, quando is impetum fecit in magnum illud templum, insanis clamoribus patriarchæ obstrepens, et Pseudo-Synodum laudans olim adversus imagines habitam. Paulo post cum dissolutus esset cœtus ille pro veritate stabienda collectus, evasit imperatrix velut e medio leonum, facta, ut sic loquar, citra sanguinem martyr; et hegumenus noster patriarcham secutus, propter ea quæ fuerant audacter designata, non fuit perterritus : moxque inventus est in secunda Nicæna Synodo, quia dissipata tune fuit plebs illa tumultuosa et pervicax ».

4. *De Pseudo-Synodo Ieconomachorum perpetram explicata.* — Ille verba Theodori refert hoc anno Baronius ex versione Sirleti cardinalis, quæ tamen ita depravata est, ut Papebrocius novam elueubrare coactus fuerit. Inter alios errores, qui in Sirleti versione habentur, pro Concilio anno DCCLXXXVI Constantinopoli contra Ieconomachos convocato, sed per seditiones milites dissoluto, Sirletus nobis obtrudit conciliabulum hæreticorum in *Theophanorum metropoli*, quæ nulla toto imperio fuit, coactum, in quo conciliabulo ad disputandum provocatus *Plato* ea egerit, quæ genuinus textus a Papebrocio recte in latinum versus docet, patrata fuisse Constantinopoli adversus Patres a militibus tumultuantibus. Nam ubi Constantinopolis dicitur Μαγνήσιος τῶν ἐπιφανῶν, id est, *illustrum urbium metropolis*, Sirletus finxit *urbem metropolitanam Epiphanorum*, in qua habita fuerit Syno-

dus, de qua loquitur Theodorus, ut videre est apud Baronium, qui locum laudatum juxta versionem Sirleti recitat. Ad hæc semel sibi imaginatus Pseudo-Synodum aliquam, in qua non ad dicendum e cathedra honorifice invitatus, sed ad disputationem fuerit *Plato* insolenter provocatus, consequenter dicit, *Platōrem* adversus præsidem clamasse et vituperasse impiam Synodum; cum tamen ἀευχρηστὸν, quo verbo utitur Theodorus, significet contrarium, idque dicatur de militibus laudantibus Pseudo-Synodum sub *Copronymo* habitam. Quare, quæ hic narrat Baronius ex Theodoro, configere anno DCCLXXXVI, ubi ipsem Baronius num. 4 et seqq. hanc Ieconomachorum seditionem pluribus exponit ex Theophane in Chronico, et e sancto Ignatio in Vita sancti Tarasii patriarchæ Constantinopolitani, quibus adjungendus Theodorus, utpote qui eandem seditionem narret.

5. *Annus ix belli Saxonie.* — Ad num. 8. Hoc anno *Carolus* Wormatiae Pascha celebravit, ut notant omnes annalistæ : « Inde », inquit Eginhardus in Anual., « cum primum temporis opportunitas arridere visa est, iterum cum magno exercitu in Saxoniam profectus est. Transiensque per castrum Eresburgum, ad fontem Lippiae venit : ubi castrametatus per aliquot dies est moratus. Inde ad Orientem itinere converso ad Ovaerum fluvium (qui et Obacrum et Onaera quoque appellatur) accessit. Cui cum ibi omnes Orientalium partium Saxones, ut jusserat, occurrisserent, maxima eorum multitudo in loco, qui Oreheim appellatur, solita simulatione baptizata est. Profectus inde ad Albiam, castrisque in eo loco, ubi Ora et Albia confluunt ad habenda stativa collocatis, tam ad res Saxonum qui ceteriorem, quam ad Selavorum qui ulteriorem fluminis ripam incolunt componendas, operam impedit. Quibus tunc pro tempore ordinatis atque dispositis in Franciam reversus est, initioque Concilio, orandi ac vota solvendi causa Romam statuit proficisci, sumptisque secum uxore ac liberis sine mora in Italiam profectus est, celebravitque Natalem Domini Ticini, atque ibi residuum hyemis manendo complevit ». Habebat tunc quatuor filios *Carolus*, ex Hildegarde *Pippinum*, ex Hildegarde *Carolum*, *Carolomanum* et *Ludovicum*, sublato mper e vivis *Lothario*. Duos natu maiores, *Pippinum* et *Carolum* Wormatiae reliquit, ut testantur annalista Moissiacensis et anonymous, qui Chronico Nibelungi subjicitur, *Carolomanum* autem et *Ludovicum*, nec non *Hildegardem* corum matrem in Italianam secum proficisci voluit ; et ita intelligendus Eginhardus laudatus.

6. *Carolus episcopos et abbates in Saxonie relinquunt.* — Quia vero *Carolus* de sincera Saxonum conversione magnam spem conceperat, episcopos, presbyteros et abbates, ut populum erudirent, in Saxonie reliquit : « Divisit ipsam patriam inter episcopos, presbyteros et abbates, ut in ea habitarent et prædicarent », inquit annalista Moissiacensis, qui addit : « Necnon et Winidorum, seu et

Fresonum paganorum magna multitudo baptizata est ». Hic auctor *Winidos* vocat, quos Eginhardus Selavos appellat, aitque a Saxonibus Albi interfluente distaminari. *Carolus* ad Orae confluentes in Albim castra ponit, magnaque non Saxonum modo eis Albim ; sed etiam Selavorum trans eundem fluvium, necnon et Frisorum Saxonibus finitimarum fit ad religionem Christianam accessio. Varii trans Albim populi promiscue *Selavi*, *Wandali*, et *Winidi* reperiuntur dicti. Annalista Moissiacensis recte explicatur a Cointio hoc anno n. 11, de *Abodritis*, sive *Obotritis* in ea Germanice parte sitis, quæ ducatum postea Megalopolitanum (vulgo de *Meckelbourg*) constituit. Manserunt enim deinceps in amicitia Francorum, adeoque dilecti sunt a Carolo, ut *Wilsis*, a quibus lacesebantur, anno Christi DCCLXXXIX bellum intulerit. Anno post sexto in Annalibus Petavianis *dux in Winedis* appellatur *Witsidus*, seu *Wiltzan* Obotitorum princeps, quem Saxones insidiis exceptum occiderunt.

7. *Loca quedam pro sedibus episcopalibus designat.* — Ad num. 9 et seq. *Carolus* ad Lippiae fontes Synodum celebravit, ut docent annalistæ Loiselianus, Bertinianus et Metensis, qui addunt baptizatos ultra Obacrum annem in loco, cui nomen *Horham*, vel *Horheim Bardongavenses* omnes, ac multos de *Nortliudis*, aut *Nordivelis*. Fuerunt *Bardongavenses* Saxonum populi Visurgim inter et Albim. Vestigium eorumdem Bardongavensium superest in oppido *Bardovico*, quod infra Lunenburgum est ad Ilmenonem fluvium. *Nortliudi*, quos *Saxoniae Borealis* incolas vox ipsa declarat, trans Albim degebant, indeque monachus Egolimensis in Vila *Caroli* ait, *Nortliudi trans Albiam sedentes*, etc. *Carolus*, ut illius gentis conversionem magis promoveret, inter Rbenum et Albim loca quadam pro sedibus episcopalibus elegit. At quia « mundum omnes Saxonem fidem Christi suscepserant, non erat tutum in locis predictis episcopos ordinare. Erexit igitur *Carolus* quamdam Ecclesiam in Paderborne, quam commisit episcopo Wirzeburgensi, donec de episcopo posset eidem loco tuto providere. Et hæc Ecclesia incepta est anno Domini septingentesimo octogesimo, quo anno multi Saxones Orientales venerunt ad *Carolum*, et baptizati sunt », inquit Gobelinus Persona in Cosmodromio Aestate vi, cap. 38. Atque inde Cointius num. 10 corrigit Krantzium, quem Baronius citat et sequitur, cum episcopatum *Osnaburgensem* currenti anno institutum dicit. Id enim melius ab aliis post annos octo rejicitur ; cum quidquid consilii captum hoc anno sit, nullus episcopatus ante Widikindi baptismum in Saxonie erectus sit. Ut igitur apud *Paderbornam*, sic et apud *Osnaburgum* hoc anno jacta sunt Ecclesiæ fundamenta, serius vero sedes episcopalnis utrobique constituta, ut infra videbimus.

8. *Initia Ecclesiæ Paderbornensis.* — Idem Cointius incunabula Ecclesiæ Paderbornensis de-

scribit ex monumentis Paderbornensibus ex Romanorum, Francorum atque Saxonum Historiis ab eruditissimo *Ferdinando Furstenbergio* Paderbornensi episcopo ac Monasteriensi coadjutore erutis. Monumento quinto num. 8, affertur hie textus ex libro Taciti de moribus Germanorum : « Nullas Germanorum populis urbes habitari satis notum est, ne pati quidem inter se junctas sedes. Colunt discreti ac diversi, ut fons, ut campus, ut nemus placuit ». Atque inde ratio, cur episcopales in Saxonia sedes collocare, non esset tutum : « Quin post Taciti ætatem », subdit Furstenbergius, « ad Carolum M. nullæ per Saxoniā civitates, in quibus ex canonum sacrorum præscripto episcoporum sedes collocaret, ut ipse querebatur Carolus. Hinc illas in frequentioribus vicis et castellis posuit. Verum in quas urbes villa ac vici illi Christianorum cultu post excraverint, testis Brema, Osnabruca, Minda, Verda, Monasterium, Paderbona, Halberstadium, Hildesium, Hamburgum, ne quid de Madeburgo dicam et aliis episcoporum sedibus ». Porro Paderbona, ut nunc appellatur, ab antiquis modo *Paderburna*, modo *Patresbuna* dicitur a *Padera* fluvio. Uno enim a Paderbona milliari celebris est Luppia amnis, qui a lava prædictum Paderam, infra Neuhsium accipit. Carolus hoc anno eum ad fontem Lippiæ pergeret, iter per arcem *Eresburgum* habuit, quæ in Monumento ix Paderbornensi dicitur sita ad *Dinolam* : *vetus enim Eresburgum idem esse eum hodierno Stadtb erg*, et *Dinolam* adsidere, censem laudatus princeps Paderbornensis.

9. *S. Willehadus in Saxonia fidem Christi prædicat.* — Inter presbyteros, quos hoc anno Carolus in Saxoniā misit, ut promovendae incolarum conversioni operam darent, unus fuit *Willehadus*, qui relieta Frisiae Saxones erudire cœpit : « Gloriosissimus Francorum rex Carolus, qui jam multoties in gente Saxonum elaboraverat, quo ad fidem Christianæ religionis converterentur : sed illi aversi semper cordibus susceptam fidem sæpius deserentes, pristinis magis implicabantur erroribus, audita fama viri Dei (nempe Willehadij) ad se eum accersiri præcepit, quem ad se venientem honorifice ac reverenter suscipiens ejus confabulationi ac doctrinæ libenter animum attendebat, probatumque sanctis moribus, ac fidei non fictæ constantia, misit in partes Saxonie ad pagum qui dicitur *Wigmodia*, quo inibi auctoritate regali et Ecclesiæ instrueret, et populis doctrinam sanctæ prædicationis impenderet, atque viam salutis æternæ libere eunctis illic habitantibus nuntiaret. Quod ille ministerium devote susceptum officiosissime peregit, ac pertransiens cunctam in circuitu diocesim, multos ad fidem Christi evangelizando convertit, ita ut in secundo anno tam Saxones, quam et Fresones in circuitu commorantes omnes se pariter fieri promitterent Christianos », inquit sanctus Anscharius in Vita sancti Willehadi Bremensis postea episcopi. Quod hoc anno contigisse,

sequenti videbimus. *Wigmodiæ nomine pagum intelligit Anscharius, cuius caput ad Visurgim *Brema*, ubi institutus est Willehadus primus episcopus, ut loco suo ostendemus.*

10. *S. Virgilius episc. Salisburgensis Karinthiæ ad Christum perducendo operam navat.* — Parte alia *Virgilius* Salisburgensis episcopus, qui superioribus annis presbyteros, aliasque clericos in Karinthiam variis vicibus direxerat, eamdem provinciam suæ diocesis attribulam visitavit : « Ad extirpandam funditus et eliminandam, si qua vigere visa est Barbaricæ superstitionis idolatria, atque ad confortandam penitus in fide, frequenti prædicatorum diligentia plantatam suæ diocesis Ecclesiam providens, ac provida circumspecti pastoris vigilancia, per villas et provincias verbum vitæ ubertim seminando, diu desiderabiliter optatam ovi bus suæ propriæ visitationis præsentiam exhibuit », inquit anonymous sancti Eberhardi episcopi itidem Saltzburgensis discipulus, qui medio sæculo xii vixit ejusque Vitam scripsit, quæ extat sæc. iii Benedict. part. 2. Subdit anonymous : « Vir ille sanctitatis et gratiae plenus, omnibus omnia factus, ut omnes lucifaceret, zelo pietatis obediens Ecclesiæ consecravit, et per Karinthiam sensim transeundo ad fines Hunorum, ubi Dravus influit Danubium, quo etiam postea tempore Arnonis primi archiepiscopi territorii Saltzburgensis termini, chronicis attestantibus, extendebat, quæ tamen omnia annis incertis peracta ».

11. *Hadrianus PP. Caroli auxilium implorat adversus hostes suos.* — Carolo rege cum copiis in Saxoniā profecto res Italiæ nonnulli turbatæ sunt. *Hadrianus* papa cum Petro quodam a Neapolitanis misso circa festum Resurrectionis Dominicæ diem in colloquium frustra venerat de patrimonio beati Petri in agro Neopolitano, Neopolitani postulatis Pontificiis non acquieverant, inno *Terracinam*, quam Pontifex haud pridem subegerat, juncti Græcis, præbente malignum consilium *Araghis* duce *Beneventano*, invaserant. Hadrianus suspicatus ex consilio Araghisi ducis hæc fieri, eum auctorem illorum motuum suggillavit, veritusque ne defectionem moliretur cum Beneventanis, quorum regimini cum titulo dueis a *Carolo* præpositus fuerat, et *Adalgiso*, cuius sororem duxerat, ac præfecto Siciliæ, se socium ad invalidam Italianam adjungeret, scriptis litteris *Carolum* regem Francorum rogavit, ut *Wulfrinum* ad kalendas Augusti dirigeret cum copiis, quibus non Terracina modo recipieretur; sed et *Cajeta* prælerea expugnarelur ac *Neapolis*, et patrimonium beati Petri in territorio Neopolitano recuperaretur. Hæc summa Epistolæ xlvi Cod. Carol. quam integrum recitat Cointius hoc anno num. 15. *Carolus* tum illa Pontificis Epistola permotus, tum inito consilio orandi ac vota solvendi Roman iter suscepit.

12. *Moritur Aelbertus tertius archiep. Eboracensis.* — Hoc anno mortuus est *Aelbertus*, seu *Albertus* tertius archiepiscopus Eboracensis, de quo

in Catalogo præsulum Eboracensium a Labbeo tom. i  
Biblioth. habetur : « Porro archiepiscopus Ecgber-  
tus xxxii (sed legendum, Albertus septimo) acce-  
pti episcopatus anno ab Hadriano papa acceperat  
pallium, septimo anno regni Ateredi regis. Quo vi-  
delicet Alberto (qui supra errore librarii dicitur  
Ecgberlus) xiv sui præsulatus obeunte, Eanbaldus  
ordinatur pro illo anno Dominicæ Inarnationis  
ccclxxx, regnante Aelfunaldo », sed loco *Ael/funaldo*, legendum, *Alfcoldo*, qui hoc tempore in  
Northumbria regnabat. Thomas Stubbs in Actis  
Eboracensium præsulum viderat accuratum istum  
Catalogum, ex quo locum laudatum corremus.  
Postea in mentem venit legere eundem Catalogum  
præsulum Eboracensium, seu verius Epistolam  
*Simeonis Dunelmensis ad Hugonem decanum Ebo-  
rac. de archiepiscopis Eboraci*, ex qua ille descri-  
ptus, quam Labbens licet aliquot ante annos a  
Seldeno inter antiquos scriplores Britanniae publi-  
catam non viderat, et comperi eam emendationem  
certam esse. Annalista Mailrosensis ad an. ccclxxiii  
ait : « Albertus Eboracensis suscepit pallium ab  
Hadriano papa sibi directum, et tamen *Albertus* ab  
anno ccclxvi *Ecgberto* successerat. Citius illud ac-  
cepit Eanbaldus, qui a uno sequenti Romam *Aleu-  
num* condiscipulum suum ad Hadrianum misit, a  
quo pallium ei obtinuit, ut dicitur in Vita ejusdem  
Alevini, cuius verba recitavimus anno ccclxxiii,  
num. 4. Huntindoniensis lib. 4, pag. 343, narrata  
morte *Alberti*, quam hoc anno consignat, scribit :  
« Anno vero proximo rex Nordhumbrae Alfwd misit  
Romam propter pallium, et dedit Embaldo archi-  
episcopo ». Poeta anonymous, ipsius Elberti discipu-  
lus, in Historia *de Pontificibus et sanctis Ecclesiæ  
Eboracensis* plura de illo nos edocuit, eum nempe  
fuisse monachum, cum Ecgberto decessore summa  
familiaritate conjunctum, ac Eboracensis scholæ  
magistrum constitutum fuisse; librorum avidum

Romam petuisse; omnes egregii præsulis partes,  
postquam ad illam dignitatem electus est, exple-  
visse; ante mortem Eanbaldo discipulo suo episco-  
patum reliquisse; et post annos duos ac totidem  
menses a dimisso episcopatu ad Deum migrasse :

His ita dispositis complexis sua tempora summus  
Antistes, totus meritis maturus et annis,  
Post annos biuos, menses simul atque quotannos,  
Ex quo cœpta sacer præsul secreta petivit.

Et paulo post :

Qui decimo et quarto summi dormivit in anno  
Ordinis accepti, octavo sub sole Novembris.

Mabillonius, qui sœc. iii Benedict. part. 2, egre-  
gium fragmentum laudatae Historie publicavit, in  
marginie priorum versuum memoratorum, de *Æl-  
berto* ait, « Moritur anno post quarto » : verum is  
non videtur sensus poetæ, ut legenti patet. Abdica-  
rat itaque *Albertus* anno ccclxxviii, mense circiter  
Septembri, et annos xiv ei attribuit poeta, quemad-  
modum historici annos xlvi *S. Wilfrido* seniori  
assignant, licet toto illo tempore Ecclesiam Ebor-  
acensem non rexit, ut in ejus morte magis expli-  
cabimus.

43. *Athanasius junior succedit Cosmæ in pa-  
triarchatum Alex.* — *Cosmæ* patriarchæ Alexan-  
drino incerto anno mortuo successit, ut videtur,  
*Athanasius*, quo Ecclesiam Alexandrinam regente,  
Beryti in Syria *imago Salvatoris*, quæ a Judæis  
erucifixa fuerat, eopiosum emisit sanguinem, sicuti  
legitur in Act. iv septimæ Synodi generalis, ut ibi-  
dem videbimus. Meminit hujus miraculi Sigebertus  
in Chronico ad annum ccclxv, aitque configisse  
tempore Constantini et Irenes. Unde *Cosma* mor-  
tuus est circa an. ccclxxv, ut ex dictis colligitur,  
et Athanasius initio imperii Irenes et Constantini  
adhuc in vivis fuit.

1. *Carolus Romam venit.* — Annus sequitur  
Redemptoris septingentesimus octogesimus primus,  
Indictione quarta, quo Carolus Magnus Romam  
una cum conjugé atque filio Pipino se contulit.  
Qui igitur Natalem diem Domini Papiæ, ut dictum

est, celebravit, magno desiderio exarsit, ut Pascha  
Domini Romæ ageret cum Pontifice. Festinavit  
enim, ut in die, quo ex Ecclesiæ præscripto so-  
lemne baptisma celebrari consuevit, Romæ esset,  
quo Pipinum filium eidem sancto Pontifici bapti-

zandum offerret. Sed antequam ista omnia prosequamur, Eginhardi<sup>1</sup> testificationem de vehementi ejusdem regis studio erga Romanam Ecclesiam, et Basilicam sancti Petri in medium afferamus, qui ait : « Carolus colebat præ ceteris sacris et venerabilibus locis apud Romanam Ecclesiam beati Petri Apostoli, in cuius donaria magna vis pecuniae tam auri, quam argenti, neconon et gemmarum ab illo congesta est : multa et innumera Pontificibus munera missa. Nec ille toto regni sui tempore quicquam duxit antiquius, quam ut Urbs Roma sua opera suoque labore veteri polleret anctoritate, et Ecclesia sancti Petri non solum per illum tutæ defensa, sed etiam suis opibus præ omnibus Ecclesiis esset ornata ac ditata. Quam cum tanti penderet, tamen intra quadraginta septem annorum quibus regnarat spatium, quater tantum illo votorum solvendorum ac supplicandi causa profectus est ». Hæc Eginhardus, ejusdem Caroli (ut ipse testatur) regis alumnus, qui cuncta quæ scripsit, spectasse etiam oculis potuit.

2. Sed que de ejusdem Caroli hoc anno Romanum adventu habeant Annales Francorum, sub Caroli filio Ludovico conscripti, in quibus singula singulis redduntur annis, videamus. « Inde anno (inquit) septingentesimo octogesimo primo Romanum veniens, honorifice ab Hadriano papa suscepimus est. Et cum ibi sanctum Pascha celebraret, baptizavit idem Pontifex filium ejus Pipimum, unxitque in regem Ludovicum fratrem ejus, quibus et coronam imposuit, quorum major Pipinus in Longobardia, minor autem in Aquitania rex constitutus est. Rege vero Romanum digresso ac Mediolanum veniente, Thomas ejusdem civitatis episcopus baptizavit ibi filiam ejus nomine Gislam, et de sacro fonte suscepit. Quibus gestis, in Franciam reversus est. Sed cum Romæ esset, convenit inter ipsum et Hadrianum Pontificem, ut simul legatos mitterent ad Tassilonem ducem Bajoarie, qui eum commonerent de sacramento, quod Pipino regi ac filiis ejus ac Francis, juraverat, scilicet ut subjectus eis ac obediens esset.

« Electi ac directi sunt in hanc legationem de parte Pontificis Formosus ac Damasus episcopi, et de parte regis Richofus diaconus atque Eberhartus magister pincernarum. Qui cum (ut jussi erant) commemorato duci locuti fuissent, in tantum cor ejus emollitum est, ut diceret se statim velle ad regis properare presentiam, si sibi tales dentur obsides, sub quibus de sua salute dubitare nulla sit necessitas. Quibus datis, sine cunctatione apud Wormatiam ad regem venit. Sacramentum, quod jubebatur, juravit : obsides duodecim, qui imperabantur, sine mora dedit, quos Sindbertus Reginensis episcopus de Bajoaria in Carisiaco ad

conspectum regis adduxit. Sed idem dux domum rediens, non diu in ea quam promiserat fide permanxit. Rex autem in eadem villa biensem transegit, et Natalem Domini et Pascha celebravit ». Hactenus Annales. Vetus Chronicum a Pithœo editum hæc his addidit : « Eodem tempore multa signa apparuerunt, inter quæ signum Crucis in vestimentis hominum frequentissime visum est ».

3. *Sponsalia inter Constantinum et Caroli filiam.* — Desiderantur in Francorum Annalibus, quæ hoc anno Græci reddunt, nimirum quod Theophanes his narrat verbis : « Anno secundo Constantini et Ireneos direxit Irene Constantem sacellarium et Mamalum primicerium ad Carolum Francorum regem, quo filiam suam nuptrui traderet imperatori Constantino filio suo. Et facto placito ac jurejurando exhibito inter utrosque, reliquerunt Elisæum eunuchum atque notarium ad docendum illam Græcorum litteras simul et linguam, uterudiret eam secundum mores Romani imperii ». Hæc de his Theophanes.

Contracta sunt igitur sponsalia per legatos inter Constantinum annum agente in etatis duodecimum, et Caroli filiam, quæ retenta est in Gallia annis septem, cum Constantini imperatoris animus erga eam propensissimus esset. Interea vero pace soluta cum Francis, dimissa Caroli regis filia, Irene ejus mater ex Armenia conjugem quæsivit eidem filio Constantino, ex quo tempore, ut dicemus, domesticum exortum est bellum inter matrem et filium imperatorem. Quæ autem sponsata fuit Constantino imperatori filia Caroli Magni, nomine dictam fuisse Rotdrudrim, eamque primogenitam natam ex Hildegarde, auctor est idem Eginhardus in Vita ejusdem Caroli regis :

« Hoc pariter anno occupatus Romanus exercitus detentus est bello civili in Sicilia, cum rebellasset Helpidius missus insule prætor, in quem sub Theodoro patricio imperator classem ornavit. Quo etiam anno Madi princeps Sarracenorum misit filium suum minorem natu, Aaron nomine (major enim Moyses vocabatur), ad infestandum Orientales partes imperii : cum Irene Augusta, ut pacem Orientis redimeret, præter plurima ad eum missa munera, vectigale illi constituit Romanum imperium, statuto annuo censu, quem imperator singulis annis principi Sarracenorum persolveret. Sicque inter Romanos et Sarracenos pax composita hoc anno fuit. Cum autem Helpidius tyrannus urgeretur a Theodoro, sumpto secum thesauro, fugiens navigavit in Africam, accepta ab eo securitate, ubi degens, Sarraceni eundem ut Romanorum imperatorem colebant ». Hæc Theophanes. Sic igitur belli Siculi adversus tyrannum suscepti causa, necesse fuit Constantino et Irene eam de censu anno solvendo Sarracenis iniquam conditionem subire.

<sup>1</sup> Egin. in Vit. Caroli.

Anno periodi Graeco-Romanæ 6274.— Anno Æra Hispan. 819.— Anno Hegiræ 165, inchoato die 26 Aug., Fer. 1.— Jesu Christi 781.

— Hadriani I papa 10. — Constantini 6 et 2. Irenes 2.

**1. Secunda profectio Romana Caroli M.** — Ad num. 1 et seq. *Carolus* qui sub finem superioris anni Ticinum venerat, Ticino Romam profectus est, ut produnt omnes Francorum annalistæ, et Regino his verbis : « Anno Dominicæ Incarnationis DCCLXXXI, Carolus iter pergens celebravit Pascha in Roma, et ibi baptizatus est filius ejus Pippinus ab Hadriano papa, qui et ipse eum de sacro fonte suscepit, et duo filii ejus a supradicto Pontifice inuncti sunt in reges, idem Pippinus super Italiam, Ludovicus super Aquitaniam. Inde reversus venit Mediolanum, ubi baptizata est ejus filia Gisla ab archiepiscopo Thoma, qui et ipse eam a sacro fonte levavit. His ita peractis, reversus est in Franciam. Per idem tempus legali Apostolici Formosus et Damasus episcopi, cum missis regis Sicutfo (legendum cum Eginhardo in Annal. Richolfo) capellano et Eunardo (idem Eginhardus loco *Eunardi* Eberhardum habet) magistro pincernarum, direcli sunt ad Tassilonem ducem ; commonetentes et contestantes ex auctoritate Apostolica, ut recordaretur priorum sacramentorum, et non aliter faceret, nisi sicut jurejurando jamdudum promiserat Pippino regi et filiis ejus. His admonitionibus consensit Tassilo, et sumptis obsidibus ad regem venit Wormatiæ, ubi renovavit sacramenta et dedit duodecim obsides ; sed non diu præfatus Tassilo promissa conservavit. Celebravit autem rex Natalem Domini in Carisiaco ». Pippinus ex Hildegarde Carolo natus erat anno DCCLXXVI, dictus inne *Carolomannus*, sed mutato nomine vocatus postea Pippinus. *Ludovicus* vero an. DCCLXXVIII in lucem prodierat, ut ibidem vidimus. Appendix ad Chronicon Nibelungii comitis illam nominis mutationem ab Hadriano papa factam esse his verbis nos edocet : « An. DCCLXXXI, perrexit *Carlus* rex Roman, et baptizatus est ibi filius ejus, qui vocabatur ei *Carolomannus*, quem Hadrianus papa mutato nomine mutavit *Pippinum*, et unxit in regem super Italiam, et fratrem ejus *Illudowicum* super Aquitaniam. Et ibi desponsata est Rotrud filia regis Constantino imperatori ». De Rotrude mox sermo tiet. *Carolus* dum Romæ esset, Hadriano papæ et successoribus territorium *Sabinense integrum* concessit, ut ex Epistolis Cod. Carol., de quibus anno

sequentи constat. Neque enim Hadrianus poslea patrimonium aliquod, ut olim in territorio Sabinensi, sed ipsum Sabinense territorium integrum sibi tradi postulavit. Sabinense territorium a Carolo Ecclesiæ Romanæ datum videtur loco ducatus Spoleto, qui totus excepta Sabinensi dioecesi sub potestate Francorum permanxit.

**2. Sindbertus episc. Ratisponensis floret.** — Quoad conventum Francorum, quem hoc anno Wormatiæ celebratum fuisse diximus, et quoad obsides a Tassilone duce datos, de istis Eginhardus in Annalibus scribit : « Quos Suidbertus Reginensis episcopus de Bajoaria in Carisiaco ad conspectum regis adduxit ». Quare Suidbertus, seu Sindbertus quartus episcopus Ratisponensis, seu Reginensis, hoc anno illam Ecclesiam administrabat; cumque is sedem episcopalem, quæ prius erat in Basilica S. Emmerammi, infra urbem transtulerit, ut prodit Arnolfus in miraculis S. Emmerammi, et vetus annalista *Sindberti* mortem anno septingentesimo nonagesimo primo consignet, hoc circiter tempore ea translatio faeta. Brunnerus quidem et Adlzeiterus in Hist. Rer. Boicarum obstinate defendant, sedis episcopalnis Ratisponensis translationem peractam esse ab *Adalwino* Sindberti successore, innixi Diplomate Leonis III papæ ab Hundio in metropoli Salisburgensi relato. Verum Cointius hoc anno num. 123 demonstrat, litteras illas suppositicias esse, ideoque Arnolfo fides hac in re non deneganda.

**3. Rotrudis filia Caroli M. postulatur in conjugem ab imperatore.** — Ad num. 3 et seq. Theophanes anno Incarnat. secundum Alex. DCCLXXIV, kalendis Septemb. hujus Christi anni inchoato, refert Irenem imperatricem legatos ad Carolum regem misisse, « filiae ejus *Herytrus* nomine filio suo Constantino conjugis petenda gratia », ut refert Baronius. Verum *Caroli* filia Rotrudis a Francis appellata, ut patet ex annalista, cuius verba num. 1 jam retuli. Erat ea *Caroli* major natu filia, quæ anno DCCLXXIII in lucem prodierat, ut infra ostendemus. Non mirum autem Theophanem, qui ad an. XXXV Leonis IV imp. Adalgisum Desiderii regis Langobardorum filium *Theodotum* appellat, *Rotrudem* *Herytrum* vocare; vox enim *epubescere*, ru-

brum significat, quod vocem *Rotrudes* apud Latinos designare putavit. Loquitur de hac legatione ad Carolum Zonaras, aitque Irenem imperatricem « deinde ea affinitate emissam ex metu et imperii cupiditate, ne filii opes Francorum necessitudine augerentur », ex Oriente puellam accersivisse, eamque Constantino *invito*, et ab iis nuptiis abhorrenti despondisse, ut infra videbimus.

4. *Pax Graecorum cum Saracenis.* — Narrat ibidem Theophanes imperatricem ingenti classe comparata *Theodorum* patricium in Siciliam adversus Elpidium misse et exercitu in his occupato *Aaronem* filium Mahadis califae cum ingenti exercitu Chrysopolim usque prefectum esse, et legatos imperatricis, cum non satis caute cum Saracenis egissent, retentos esse ac vi coactos pacem composuisse : « cumque se mutuis munieribus Augusta et Aaron excepissent, id maxime pacti sunt, ut in annos singulos ipsis tributum solvere ». Loquitur de hac expeditione Saracenorum Elmacinus lib. 2 Hist. Sarac. ad an. Hegiræ clxv, aitque : « Eodem anno misit Mahadis filium suum Haronem in regionem Romanorum : qui in eam penetrans, urbem cepit dictam Maladam. At occurrit ei Nakitas, cum quo in pugnam descendit Jezidus filius Jezidi, qui et eum, cum lapsus esset, cædendo proligavit : unde Romani in fuga versi, se receperunt ad Damsacum dominum Malihæ. Haron autem cum xcv millibus progressus est, donec pervenit ad sinum maris, qui ad Constantinopolim, cui tunc temporis imperabat mulier, quæ pacem cum Harone fecit, ea lege ut illa munera ei largiatur, et qua iter facturus esset, vias sterneret, earumque directoria apponeret; et quot annis ei

septuaginta aureorum millia persolveret. Atque hoc bello innumera spolia Mulismi sunt adepti ». Subdit Elmacinus durasse eam pacem cum imperatrice *tres annos*.

5. *Annus x belli Saxonici.* — Annalistæ Petavianus et Masciaeensis hoc anno scribunt : *Sine hoste fuit hic annus*, id est, nullum a Carolo rege bellum gestum. Interim *sanctis Willehadus* presbyter, qui anno superiori in Saxoniam a Carolo rege missus fuerat, suis concessionibus adeo profecit, ut hoc anno, qui secundus numeratur ex quo Saxoniam adiit, in circuitu pagi, cui nomen *Wigmodia*, Saxones Frisiisque Christianam se fidem amplexuros ulti promiserint : « *Multos* », inquit Anscharius in ejus Vita, « ad fidem Christi evangelizando convertit, ita ut in secundo anno tam Saxones, quam et Frisones in circuitu commorantes, omnes se pariter fieri promitterent Christianos. Hoc itaque factum est anno Incarnationis Domini DCCLXXXI, regni vero memorati principis Caroli XIV, qui tamen imperiali necdum fuerat apice sublimatus, quem postea per manus reverendissimi Leonis Apostolici imperatorem Romæ consecratum, anno regni ejus XXXIV, Catholica Europæ consistens Christi venerata pariter et gratulabunda suscepit Ecclesia ». Observat Cointius hoc anno num. 127, Anscharium annos incompletos instar completorum ubique numerare : « *Willehadus* » successu tam prospero vehementer intflammatus, « per Wigmodiam Ecclesias cœpit construere, ac presbyteros super eas ordinare, qui libere populis salutis ac baptismatis conferrent gratiam », subiungit Anscharius.

1. *Bellum adversus Sclavos, ubi de Joanniciorum iconoclastæ conversione et virtutibus.* — Redemptoris annus septingentesimus octogesimus secundus Indictione quinta notatus habetur, quo ab Augustis per Stauratium confectum est in Græcia bellum adversus Sclavos Barbaros, cum illi eam provinciam occupassent, una cum Peloponneso, quibus Romano imperio vindicatis, et iisdem Barbaris tributariis constitutis, cum captivis ac

spoliis onusto exercitu idem Stauratius ovans, sequenti anno est reversus Constantinopolim. Hæc Theophanes hoc anno et sequenti. Erat tunc in expeditione ista inter excubidores Joannicius miles, ob egregia facta spectatus ipse quidem, qui iconoclasta cum esset, apud montem Olympum magno Dei beneficio divinitus admonitus, hæresi abdicata, ad Catholicam Ecclesiam transiit et mirifica claryit sanctitudine. Agebat ipse, hoc tempore,

sueæ ætatis annos quinquaginta tres, utpote qui natus asseritur anno decimo quarto Leonis imperatoris, qui est annus Domini septingentesimus undetrigesimus. Extant res ab eo præclare gestæ ab auctore ejus temporis scriptis editæ, ex quibus quæ ad præsentem annum pertinent de ejus divina vocatione, Annalibus digna hie describamus; ae primum, quæ de statu Ecclesiæ Orientalis hujus temporis idem anctor præmittit his verbis:

2. « Postquam autem hujus secloris operatores impietate miserabili perierunt, Romanorum imperium transiit ad conjugem ejus Irenem, quæ res Christianorum tuebatur et habebat in honore, etiam si propter metum mariti non poterat, eo superslite, libere loqui veram religionem. Cum vero in imperio fuisse constituta, tum ipse quoque Christus, qui propter nos carnem induit, rursus honorabatur figuris, et exoptatæ sanctorum imagines in Ecclesiis, in foro, in populo cernebantur. Sed neque sic quidem multi hujus leonomachorum hæresis acerbitate eluerunt ex animis, sed cum temporis diuturnitate ad mali habitum pervenissent, ægre ferebant se ab eo liberari. Quorum unus erat hic quoque præclarus Joannieius, qui non erat promptus et velox ad mutationem; neque enim omni vento convertebatur, aut circumferebatur, sed morum ostendens gravilatem, etsi in re non laudabili, permanebat in iis, quæ sibi recte opinari videbatur, et divinis imaginibus nullum cultum tribuebat.

3. « Deinde quid fit? eum venatur egregius agricola, qui novit terram animi uniuscujusque, et ei injecit semina fidei Orthodoxæ. Quomodo autem? Mittitur ab imperatore ad Occidentem eum toto exercitu. Illinc autem revertens per quamdam partem Olympi, ex nutu divino iter fecit prope quendam ex monachis, qui in eo monte exercebatur. Deinde ille sanctus anachoreta apparens ex silva: O fili, inquit, Joannie: si magnum tibi est Christianum esse et nominari, cur Christi imaginem despiciens, efflevis ut labor virtutis a te frustra suscipiatur? Ilæc andivit vir divinus, et miratus est, quod ei evidentissime dixisset de omnibus. Humiataque eadens, petiit veniam, quod ille ignorans fuisse ingratus in Dominum. Et affirmavit se deinceps Christi imaginem et omnium qui ei placuerunt honorarum eum omni proposito: ab illo ergo tempore beatus ille satellitis officio fungens in vestibulo regiae, accubabat in nudo solo, eratque orationi intentus et jejunio. Nam etsi convivia inibat cum aliis, cibum tamen non sumebat usque ad satietatem; sed eatenus ut illis quidem non videretur jejunare, corpus tamen ei consisteret, et ad pernoctem illam inserviret stationem ». Haec de ejus conversione; erit autem ut in posterum certis temporibus saepè eum convenire contingat.

4. Iteratae Saxonum rebelliones tandem compositæ, aucta erga Romanam Ecclesiam reverentia. — Quo pariter anno a Carolo Magno habita est Synodus Coloniensis, cui cum interesset, excepti illi-

legatos diversarum gentium; cum interea Widiæchindo urgente Saxones rebellassent, iterumque a Carolo sunt victi. Plane accidit (ut Eginhardus affirmat) per triginta tres annos bellum Saxonum perdurasse. Quod igitur jam fastidium lectori attlet ista singulis ferme annis de Saxonum tide varia erga Deum et Carolum Magnum interrupta narratio: hic recitemus, quæ idem Eginhardus una simul usque finem belli cuncta perstringens, habet his verbis: « Suscepimus est, inquit, contra Saxones bellum, quod magna utrinque animositate, tamen majore Saxonum, quam Francorum damno per continuos triginta tres annos gerebatur. Poterat siquidem citius finiri, si Saxonum hoc perfidia pateretur. Difficile dictu est, quoties superatiæ supplices regi se dederint, imperata facturos politici sint, obsides qui imperabantur absque dilatione dederint, legatos qui mittebantur susceperint.

5. « Aliquoties ita domiti et emolliiti, ut et cultum dæmonum dimittere, et Christianæ religioni se subdere velle promitterent. Sed sicut ad hæc facienda aliquoties proni, sic ad eadem pervertenda semper fuere præcipites: ut non facile existimare possis, ad utrum horum feliores verius diei possent; quippe cum post inchoatum cum eis bellum vix annus unus exactus sit, quo non ab eis hujuscemodi facta sit permutatio. Sed magnanimitas regis ac perpetua tam in adversis, quam prosperis mentis constantia, nulla corum mobilitate vel vinei poterat, aut ab iis, quæ agere cœperat, defatigari. Nam nunquam eos hujuscemodi aliquid perpetrantes impune ferre passus est, quin aut ipse per se ducto, aut per comites suos missis exercitu, perfidiam uilesceretur, et dignam ab eis pœnam exigere, donec omnibus qui resistere solebant profligatis et in suam potestatem redactis, decem hominum millia ex iis, qui ultra ripas Albis fluminis incolebant, cum uxoribus et liberis sublatos transtulit, et hue atque illuc per Galliam et Germaniam multimoda divisione distribuit, ea que conditione a rege proposita et ab illis suscepta tractum per tot annos bellum constat esse finitum, ut abjecto dæmonum cultu et relictis patriis cœremoniis Christianæ fidei atque religionis sacramenta susceperint, et Francis adunati, unus cum eis populus efficereint ». Hæc Eginhardus.

6. Cæterum hic opportune ingerendum est, quod testatur Gregorius papa septimus in Epistola ad Petrum episcopum Albanensem et G. principem Salernitanum ab eo legatos in Galliam missos, nempe ipsum Carolum Magnum conscient se ope Apostoli Petri tandem indomitos domuisse Saxones, obtulisse eamdem provinciam beato Petro, insuper et unum unum per singulas domos Galliarum omium provinciarum persolvendum Romanæ Ecclesiæ indixisse. Sed reddamus hic ipsius Gregorii Epistolam, ut hæc fiant omnibus notiora; sic enim se habet<sup>1</sup>:

<sup>1</sup> Greg. VII. l. viii. Epist. ult. num. 23.

« Gregorius episcopus servus servorum Dei dilectis filiis nostris P. Albanensi episcopo, et G.... principi Salernitano legalis nostre Apostolicæ Sedis in Gallias salutem et Apostolicam benedictionem.

« Vobis commissa negotia non latent: etiam vos, ita ac si nostra, imo quia nostra ibi in vobis præsentia est, cuncta digne peragite. Di-cendum est autem omnibus Gallis, et per veram obedientiam præcipiendum, ut unaquæque domus saltem unum denarium annuatim solvant beato Petro (si eum recognoscunt patrem et pastorem suum) more antiquo. Nam Carolus imperator (sicut

legitur in tomo ejus qui in Archivo Ecclesiæ beati Petri habetur) in tribus locis annuatim colligebat mille et ducentas libras ad servitium Apostolicæ Sedis, id est, Aquisgrani, apud Podium sanctæ Mariæ, et apud S. Egidium, excepto hoc, quod unusquisque propria devotione offerebat. Idem vero magnus imperator Saxoniam obtulit B. Petro, cuius eam devicit adjutorio. Et posuit signum devotionis et liberlati, sicut ipsi Saxones habent scriptum, et prudentes illorum satis sciunt ». Hæc Gregorius; quæ cum facta dicat a Carolo jam imperatore, nonnisi ad finem belli Saxonici ea contingisse putamus.

Anno periodi Græco-Romanæ 6275. — Anno Æræ Hispan. 820. — Anno Hegira 466, inchoato die 15 Aug., Fer. 5. — Jesu Christi 782.  
— Hadriani I papæ 1t. — Constantini imp. 7 et 3. Irenes 3.

1. *Bellum Selavinicum*. — A num. 1 ad 4. Theophanes anno Incarnat. secundum Alex. DCCXXXIV, qui kalend. Septemb. præsentis Christi anni inchoatur, ait: « Hoc anno Irene pace cum Arabibus confecta, a bellorum cura vacans, Stauracium patrium et celeris cursus logothetam cum numeroso exercitu adversus Selavinorum nationes misit: qui cum Thessalonicam et Græciam adiisset, regionem omnem imperio subjecit et tributum pendere coegit. Quin etiam Peloponesum penetrans captivorum ingentem turbam et spolia in Romanam ditionem retulit ». Tunc anno Incarnat. DCCXXXV ait: « Hoc anno mensis Januarii septimo Stauracius, quem memoravi, ex Selavina expeditione regressus, victorie solemnia, dueto per eircum triumpho, peregit ». Bellum itaque illud anno tantum sequenti gestum; cum Stauraeius mense Januario anni DCLXXXIV triumphi his temporibus usitati genere cohenestatus fuerit. Recte notat Baronius *sancuum Joannicium* postea abbatem huius expeditioni inter excubidores interfuisse; quod auctor ejus Vitæ recitatæ a Surio ad diem iv mensis Novembris, dicit Joannicum missum ab imperatore ad Occidentem cum toto exercitu. Erat tunc Joannicus Iconomachorum haresi infectus, qui rediens cum tolo exerceitu, ope eujusdam monachii, quem obviam habuit, ab errore resipuit. Auctor ejus Vitæ ait, *totis quinquaginta septem annis* haresim illam tunc durasse. Cœperat ea anno DCCXXVI, ideoque quæ de bello Selavinorum et de conversione Joannicij narrat hoc anno Baronius, ad sequentem

pertinent. Vita S. Joannicij Metaphrasti tribuitur a Surio; sed Allatius in Diatriba de Simeonum scriptis pag. 77, eam numerat inter eas, quæ ei falso adscribuntur. De Joannicio pluribus infra.

2. *Annus xi belli Saxonici*. — Ad num. 4 et seqq. Est hic annus undecimus belli Saxonici, de quo annalista Metensis hæc habet: « Carolus rex Cumam (legendum, Coloniam cum Eginhardo in Annual. et aliis) veniens, Rhenum transiit et Synodus tenuit, ubi Lippia consurgit, ubi omnes Saxones convenerunt, excepto rebelle Widichindo. Illic etiam venerunt legati Godefridi regis Nortmannorum (id est, Danorum) Altdem et Hosmundus: nec non etiam legati Avarorum missi a Cagano et Jugorro. Peracto Placito, reversus est rex in Franciam. Saxones iterum fidem violent, arma corripiunt, suadente Witichindo. Rex autem eo tempore miserat nuntios suos Adelgisum et Geilonem atque Conradum, viros potentes, ut ducerent exercitum Francorum et Saxonum super paucos Selavos, qui adhuc rebellabant. Supradicti vero principes, cum jam in itinere essent, audientes quod Saxones rebellarent, super eos arma verlerunt, et commissso prælio multos ex eis interfecerunt. In qua pugna duo duces ceciderunt, Adelgus seilicet et Geilo, in monte qui dicitur Suntdal. Hoc audiens rex, cum Francis, quos cito congregare potuit, illuc perirexit, et pervenit usque ad locum, ubi Arara confluit in Wisaram. Tunc omnes Saxones iterum convenientes subdiderunt se domino Carolo regi et reddiderunt seditiosos, qui illam fecerant rebellio-

nem, ut occiderentur, quatuor millia et quingentos viros. Widichindus vero partibus Nortmanniae auffigit. Interfectis itaque seditiosis exilioque damnatis, rex in Franciam reversus est, et celebravit Natalem Domini in Theodonis villa ». Idem fusius narrat Eginhardus in Annal. qui refert etiam Carolum in villa Carisiaco Pascha celebrasse, et *ostatis initio* generalem conventum habuisse. Dicit etiam Eginhardus, Caganum et Jugurrum, qui legatos *velut pacis causa* ad Carolum misere, fuisse principes Hunnorum.

3. *S. Willehadus et Christiani a Saxonibus vexati.* — Bellum istud Saxonicum attigit Anseharius in Vita sancti Willehadi, ubi quæ ab hoc sancto anno superiori gesta fuerant, enarratis, refert Windichindi rebellionem et persecutionem ab eo in Christianos excitatam : « Sequenti anno, instigante diabolo totius boni invido, quidam extitit perversioris consilii Widichindus, qui rebellare contra regem visus Carolum, multam secum Saxonum multitudinem aggregavit, qui etiam unanimiter eos, qui in fide Christi stabiles videbantur, persecui ac punire, servos quoque Dei per loca quæque vagantes dispergere atque a finibus suis effugare cœperunt. Qua persecutione commota, servum Dei (nempe Willehadum) contigit, secundum mandatum Domini præcipientis, si vos persecuti fuerint in una civitate, fugite in aliam, de Wigmodia transire in Utrius tri, ibique descendens navim mare circa Fresiam transfretavit, sive opitulante Christi gratia persecutionem eorum evasit. Porro Saxones crudelitatem, quam circa magistrum nequiverant, in discipulos ipsius exardescente ira ferventius exercuerunt. Siquidem Folcardum presbyterum cum Emmingo comite in pago denominato Leri, Benjamin, etc. odio nominis Christiani, gladio peremerunt. Et ipsis quidem ita ad regna cælestia effusione proprii sanguinis feliciter evocatis, persecutionis tamen procella diutius postmodum desævit Saxonibus. Quo facto vir cognoscens nullam sibi tune temporis prædicandi opportunitatem inesse, arrepto itinere Pippinum Langobardorum regem adiit, sive prospéro cursu Romam pervenit, ubi consistens multis lacrymis et precibus ad Sedem sacratissimam beatissimi Petri Apostolorum principis se cunctamque fidelium turmam sedulus ac devotus divinæ commendabat clementiæ, illos præcipue quorum cura maxime cordi erat, ne forsitan suscepta in partibus Saxonæ Christianitas machinatione diabolica penitus annullaretur. Inde autem discedens, et consolatione venerabilis papæ Hadriani non modice corroboratus servus Dei gaudens repedebat in Franciam ». Cis Alpes reversus in Epternacensi monasterio degit; subjungit enim Anseharius : « Ab itinere concepto reversus, transivit ad locum, qui dicitur Asternacha, ibique discipuli ejus, qui propter metum persecutionis passim dispersi fuerant, ad eum sunt denuo copulati. Quos ille benigna consolatione refocillans, ut pro fide Christi

constanter in omnibus se agerent, pie admonere studuit. Quique in eodem loco duobus fere annis demoratus », id est, ad annum usque **DCCLXXXIV**, quo aliud vitae genus elegit.

4. *Hadrianus PP. territorium Sabinense sibi integrum a Carolo tradi postulat.* — Hadrianus papa quatuor Epistolas ad Carolum scripsit pro Sabinensi territorio, quod Apostolicæ Sedi, prout ab eo rege nuperrime concessum fuerat, integrum tradi poscebat. Refert eas integras Cointius hoc anno ex Codice Carolino, ubi prior est numero 69, secunda num. 76, tertia num. 78, quarta numero 56. Ex priori constat, pleraque bona in territorio Sabinensi olim ab imperatoribus Ecclesiæ Romanæ data, nec a Desiderio Langobardorum rege occupata, quantumvis hoste Romanorum Pontificium : ipsum vero territorium *Sabinense* Apostolicæ Sedi a Carolo Francorum rege integrum *noviter*, hoc est, anno præterito, sicut antiquitus totum ab Ecclesia Rom. possedium est, traditum fuisse. Altera Pontifex asserit, velle se stare *judicio Itherii et Maginarii* regiorum oratorum, Deumque testem invocat, quia *nullorum fines irrationaliter* appetit, et totum ad territorium illud ad Ecclesiam Rom. pertinet. In secunda Epistola Hadrianus occasione libelli sibi oblati atque inter apoeryphos amandandi, nempe *Pseudo-Pyczacii a Paulino pro Theodosio quondam interpretati*, habentis insuper adscriptum Breviarium Chalcedonensis Concilii *a quodam Verecundo episcopo editi*, Theodosium juniores Augustum vindicat a calunnia, Pseudo-Synodus Ephesinam damnat, rejectoque sibi porrecto Breviario illo Chalcedonensis Concilii, totum illud Concilium amplectitur; idque jure merito ; anno enim **cxxxix** Ephesinum Concilium generale III adversus hæresim Nestorianam celebratum est. Anno **cxdlix** habitum Pseudo-Concilium Ephesinum, in quo Eutyches est absolutus. Obiit anno sequenti Theodosius Augustus, quem in Orthodoxa pietate permansisse vel ex eo patet, quod ejus fidem Leo Pontifex, etiam post prædatorium Concilium Ephesinum commendavit. Eodem Leone papa Chalcedonense Concilium generale IV adversus Eutychianos celebratum anno **cclvi**. Harum Epistolarum meminit Baronius an. **DCCXCV**, n. 3 et seqq.

5. *Egila episcopus Illiribetanorum constans est in fide adversus hæreticos.* — Epistola **xcvi** Cod. Carolini inscripta est *Egilæ episcopo*, quem Hadrianus papa hortatur, ut Orthodoxam fidem teneat. Ordinatus fuerat Egila a Wlechario seu Wilichario archiepiscopo Senouensi, ut in Hispania concionaret, quod tradit idem Hadrianus in Epistola **xvii** ejusdem Codicis Carolini, quam *omnibus Orthodoxis episcopis per universam Spaniam commorantibus* inscripsit : « Nos prædicti Wlecharii archiepiscopi petitioni credentes consuetam illi licentiam tribuimus, ut canonice eum examinaret, quatenus si post discussionem et veram examinationem, rectum et Catholicum eum invenisset, episcopum ordinaret, et nullam quamlibet alienam

sedem ambiret vel usurparet, sed solummodo animarum lucra Deo offerret, qui una cum Joanne presbytero in partibus vestris veniens, etc. » Utrique idem Hadrianus Epistolam xcvi laudatam inscripsit, cosque laudavit ob bonum Wilicharii Senonensis archiepiscopi testimonium, et in ea multos notavit errores, qui contra fidem Catholicae in Hispania partibus orti fuerant, nulla Feliciana hæreseos mentione facta, quæ ideo hoc tempore, seu quando ea Epistola scripta, nondum emperat. Fuit *Egila* episcopus illiribetanorum, ut docet Tamayus ad diem xvii mensis Augusti, mortuusque est anno **DCCLXXXV**, ut habent Catalogi illius episcopatus. Laudat *Egilam* Hadrianus, quod sollicite Dominic gregi devotionem officii pastoralis impendat, et antiquæ tidei communionisque sinceris traditionibus inhæreat. Refert, in ejus apicibus contineri, quod multi in partibus illis ejus relationis atque admonitionis seriem, *secundum venerandi Nicenii Concilii institutionem de Paschali festivitate editam, contemnere audent*. Narrat etiam *Egilam* sibi significasse quosdam prædicare, « ut qui non ederit peccatum aut suillum sanguinem, et suffocatum, ruditus est aut ineruditus ». Ad haec quod « alii ex ipsis dicunt, quod predestinatione ad vitam, sive ad mortem, in Dei sit potestate ». Alii « iterum dicunt, ut qui rogamus Deum, ne vineamur tentatione, quod in nostra est potestate quasi libertate arbitrii ». Meminit et aliorum errorum, de quibus ad eum scripserat Egila. Exhibit hujus Epistolæ argumentum Baronius anno **DCXCIV** num. 9, ubi uno tenore recitat etiam argumentum Epistolæ **xcv** Cod. Carol. datæ ab Hadriano ad eundem Egilam episcopum in partibus Hispaniæ : « Pro fide Orthodoxa tenenda, et pro jejunio vi feria et sabbato celebrando ». Ad haec : « Illos procaes ac hæreticos homines, qui tuam subverttere nituntur Orthodoxam fidem, et undique te coarentes, angustias et varias tempestates seminant, Apostolico induitus præcepto, simulque Apostolicis imbutus disciplinis, seu salmerrimis Orthodoxe fidei sanctorum Patrum repletis institutis, eos, qui tuas noluerint amplecti rectæ fidei prædicationes, post unam et secundam admonitionem seu increpationem, tanquam Ethnicos et Publicanos depulans, habeto pro nihilo eorum infrunitas insidias ». Declinavit tamen postea *Egila* a Catholica disciplina, ut infra videbimus. Epistola porro **xcv** ante Epistolam **xcvi** data, ut utramque conferenti patet.

**6. Primus Alcuini in Franciam accessus.** — Hoc vel superiori anno *Alcuinus* e Britannie in Franciam transfretavit, illuc vocatus a *Carolo*, qui eo ad litteras in Galliis restituendas, uti cupiebat. Duplicem Alcuini in Franciam adventum recte distinxit *anonymus* in ejus Vita cap. 6, et ex eo *Mabillonius* sœc. iv *Benedict.* in Elogio Historico *Alcuini* cap. 1, n. 27. Haec anonymi de Alcuino loquentis verba : « Jussus ab Eanbaldo archiepiscopo (sc. Eboracensi) successore Elberti, ut sibi pallium

impetraret ab Apostolico, venit Romam. Cumque reverteretur, accepto pallio, habuit regem Carolum Parma civitate obvium (anno sc. **DCCLXXXI**). Quem magnus rex alloquens suasionibus et precibus postulavit, ut ad se post explectionem missalici in Franciam reverteretur (ex urbe sc. Eboracensi). Noverat enim eum, quia olim a magistro suo ad ipsum directus fuerat. Fecit autem Alcuinus, aliorum deservire cupiens profectui, ut sibi rogaret cum auctoritate regis sui proprii et archiepiscopi, eo tantum jure, ut iterum ad eos reverteretur; pervenitque, Christo ducatum præbente, ad regem Carolum : quem tenens rex loco patriis amplectitur, a quo artes introductus in liberales, refrigerari paululum neverat, sed exsaturari ob fervorem satis nimium nequibat, etc. At denique Albinus nolens sine auctoritate regis sui et episcopi proprium descrere locum, etc. Postulavit magnum regem, ut daret ei licentiam remeandi in patriam, etc. Tandem igitur ratione victus (nempe Carolus) consentit, ut iret; requiem non dans animis, jam secundo ad eum reverso firmiter impetraret, secum perpetuo ut duraret ».

**7. Artes liberales Carolum M. docuit.** — Natus erat hoc tempore *Carolus* annos quadraginta, egregieque callebat Scripturam sacram ac sanctorum Patrum doctrinam, sed in artibus liberalibus versatus non erat, quas ideo ab Alcuino discere voluit, « apud quem rhetoricae et dialecticæ, præcipue tamen astronomiae ediscendæ, plurimum et temporis et laboris impertivit », inquit *Eginhardus* in Vita *Caroli*. Extant inter Alcuini opera dialogi duo, alter de *Rhetorica*, alter de *Dialectica*, interlocutoribus *Carolo M.* et *Alcuino*, in quibus *Carolus* hunc semper præceptorem et magistrum appellat, cum tamen in Dialogo de *Grammatica* alii interlocutores non inducantur, quam *discipuli et magister*, quia se. grammaticam *Alcuinus* *Carolum* non docuit. *Caroli* in dialectica præceptorem fuisse, testatur ipsem *Alcuinus* in Epistola, qua ei suos de fide Trinitatis libros dicat : « Neque enim, inquit, quemquam magis deceat, vel meliora nosse vel plura, quam imperatorem, cuius doctrina omnibus prodesse debet subjectis. Non quo, imperator invictus et sapientissime ac resplendens rector, aliquid scientiæ vestræ fidei Catholice incognitum esse, vel minus exploratum, cogitarem : sed ut mei nominis, quo a quibusdam magister (licet non merito vocor) officium ostenderem : neenon ut convincerem eos, qui minus utile existimabant, vestram nobilissimam intentionem dialecticæ disciplinæ discere velle rationes, quas pater *Augustinus* in libris de sancta Trinitate apprime necessarias esse putavit, dum profundissimas de sancta Trinitate quæstiones, non nisi categoriarum subtilitate explanari posse probavit ». Denique *Alcuinus* in Epistola vi ad *Carolum* data asserit sibi in hæc verba a *Carolo* scriptum esse : « Cognoscat igitur industria tua, charissime in Christo præceptor, propositam nobis a quodam non clericō, sed laico, de

Evangelio quæstionem : cui tunc tamen a nobis usque præsens est dilata responsio ».

8. *Aliquid novi semper discere volebat Carolus.* — Tanto discendi studio lerebatur *Carolus*, ut illud in ejus senectute non deferuerit. Eginhardus enim in ejus Vita ait : « Tentabat et scribere, tabulasque et codicillos ad hoc in lectulo sub cervicalibus circumferre solebat, ut cum vacuum tempus esset, manum effingendis litteris adsuesceret, sed parum successit labor præposterus ac sero inchoatus ». Ubi per litteras, quibus effingendis *Carolus* irrito conatu manum tentavit adsuescere, intelliguntur elegantiores illæ majusculæ, quæ ad calligraphiam pertinent, et ornatus causa pinguntur potius quam scribuntur. Ideoque Eginhardus

bic apposite utitur verbo *effingere*, quoniam proprie dicitur effingi, quod ad propositi alieujus archetypi imitationem artificiose elaboratur, ut locum illum exponit Lambecius in lib. 2 Biblioth. Cæs. pag. 264, qui etiam notat pro *effingendis litteris*, vulgo in impressis editionibus perperam legi, *efficiendis*, secus ac in Ms. Cæsareo habetur. Quo vero anno Alcuinus in Angliam redierit, incertum. Illud tantum constat, cum ex Anglia in Franciam rediisse exente anno ccxcii aut sequentis initio, ut infra videbimus. Sed cum Baronius et Bulæus an. DCCLXXXVIII, num. 13 a nobis citati, aliquie passim hanc ultimam tantum *Alcuini* in Franciam profectionem agnoverint, an et quid Alcuinus *Carolum* docuerit, explicare non potuere (t).

(1) Hoc anno *Hildeprandus* dux Spoletinus multa donavit monasterio Casinensi, ut patet ex ejus donatione apud Erasmum Gattulam in Accessoribus Historie Casinensis P. I, pag. 18. Donationis exordium est : « In nomine Domini Dei Salvatoris nostri Jesu Christi, regnante domino nostro Karolo viro excellentissimo, anno regni ejus in Italia Deo propitiante nono ». Donat autem *Hildeprandus* monasterio S. Benedicti, « quod situa est in loco, qui dicitur Casinum, territorio Beneventano curtem in territorio civitatis nostræ Pennense, loco qui dicitur Castriniano ». Concedit « in finibus civitatis nostræ Marsorum ex curte nostra, que dicitur Paternu, terram aratriam : casas numero septem in praedicto territorio Marsicano, loco qui Valle appellatur : in finibus civitatis nostræ Reatinae in locum, qui dicitur Cumulum, casas duas ». Donatio : « Data est Spoleti in palatio anno ducati nostro in Dei nomine nono, mense Aprilis per Indictionem quinta ». *Hildeprandus*, seu *Hildebrandus* creatus est dux anno DCCLXXXIV, ut habeat Indiculus ducum Spoletinorum, et abbatum Fafensium apud Malibonum Musæi Italici tom. I, P. II, pag. 66 ; quare hoc anno DCCLXXXII, quo *Indictio quinta* in cursu erat, *nonus annus ducatus Hildebrandi* decurrebat.

GEORGIUS.

4. *In bello contra Westphalos, miraculum S. Swiberti pro milite Brimone.* — Annus sequitur Redemptoris septingentesimus octogesimus tertius, Indictione sexta, quo pridie kalendas Maii moritur Hildegardis regina, uxor Caroli Magni, et quinto idus Julii moritur ejusdem Caroli mater, feminæ ambæ pietate insignes. Quo pariter anno contigit Carolum juniorem, ita dictum filium Caroli Magni majorem natu, Westphalos rebellantes suo exercitu profligare, quo in prælio quid mirandum acciderit Brunoni militi, narrat sanctus Ludgerus his verbis<sup>1</sup> :

« Anno Dominicæ Incarnationis septingentesimo octogesimo tertio, Indictione sexta, cum victoriosissimus Carolus Francorum rex presidia ei propugnacula rebellium Saxonum et Westpha-

lorum vastare, venissetque in Westphaliæ ad firmam munitionem Dromi diclam, et illam expugnans destruxisset, commisissetque eamdem munitionem inclito filio suo Carolo, eo quod idem rex Carolus ad interiora Saxonie divertisset : ecce illo absente, occurserunt præfato principi Carolo infestissimis animis Westphalicum grandi turba armatorum, ad expellendum ipsum potenter cum suis Francigenis extra regionem ipsorum et patriam, aut formidolosum cum illo prælium committendum. Quos conserto prælio, congressuque inter eos facto juxta munitionem Dromi serenissimus princeps Carolus filius Caroli Magni regis statim vicit equitatu suo, trucidans multos, inter quos erat quidam bonus Christianus Westphalus, qui coactus per suum satrapam interfuit bello, in paganismo dictus Eldack, sed Christiano nomine Bruno, vir dives et potens, fortis viribus, audax

<sup>1</sup> Exstat in Append. ad Act. S. Swiber. apud Sur. die i Martii.

animo et armis strenuus. Hic Bruno postquam viderat et perpenderat mente sepe revolvens nefandum Ogellum de Paderborne conterraneum suum male periisse, se praesente, qui sancti Swiberti Ecclesiam incenderat, et Oeconem et Nothelinum satrapas ipsorum a Deo percussos, iterum meritis sancti Swiberti sanitati pristinæ restitutos, honoravit deinceps sanctum Swibertum, atque dolens de commissis in Werda in predicta Saxonum expeditione, omni die devote legit ad honorem ipsius sancti unam orationem Dominicam et Angelicam salutationem, efflagitans devoto corde, ut imminentे extremae sue necessitatis articulo, dignaretur ipsi auxiliari et adesse, et Deo suis patrociniis ipsum reconciliare, elegitque ipsum in specialem patronum.

2. « Igitur hic Bruno cum staret in prima terribili acie strenue bellans, tandem oppressus grandi equitatu partis adversæ, et inter cætera vulnera grandi lancea impetus, et in pectore hasta confixus et prostratus, et corrñens in terram pedibus equorum cum multis aliis miserabiliter conculeatur, ita ut de sua desperaret vita. Cumqne sic volutatus in proprio sanguine pene deficeret, et in extremis fere laboraret, devotione qua potuit, invocavit moesto et contrito corde S. Swibertum, petens ut sibi, utpote fanulo suo jam in necessitate tanta et pericolo constituto adesse, et Deo suis precibus commendare se dignaretur, vovens, quod si ex inflictis vulneribus convalesceret et sanaretur, devote visitaret ipsum in Werda, spretisque saeculi curis, seipsum servitio suo, quandiu superstes esset, mancipaturum.

« Quo expleto promisso, facto illo in exlasi, apparuit cum magna claritate S. Swibertus ornamenti pontificalibus indutus, tangensque ipsum baculo pastorali, dixit : Ecce Bruno, confortare et gaude, hac vice hic non morieris, quia precibus meis impetravi ab omnipotenti Deo vitam tibi, eo quod devote in hac præsenti anxietate auxilium implorasti a me, ut tibi adessem. Sed postquam per gratiam Dei convalueris ab his plagiis, non negligas visitare sepulcrum meum in Werda, ut spopondisti, cum condignis oblationibus, ne æterna morte involvaris. His dictis, signans eum signo sanctæ Crucis disparuit, et claritas evanuit. Haec facta fuerunt finito bello. Victores vero cum viderent illam claritatem super corpora occisorum, quidam ex eis Deum timentes accurrunt ad eundem locum, in quo illam perspexerant claritatem, suspicantes ibidem quemdam sanctum virum occisum, vel agonizantem, cuius merita Deus per illam claritatem ipsis declararet.

3. « Bruno autem inter occisorum cadavera similis mortuo, fere exsanguis aliquo tempore jacens, meritis S. Swiberti parum se erigens, cum vidisset viros hostilis exercitus, arbitrans eos amicos, qui ipsum liberarent et curam sui agerent, cœpit tlebili voce, prout potuit implorare auxilium ab eis, ut sui miserentur. Milites vero videntes

ipsum tam horribilibus vulneribus gravatum et præcipue grandi hasta confixum, vivere adhuc potuisse, mirabantur valde. Qui postquam eis inter multa emmarrasset, qualiter ibidem in tam horrido instantis mortis periculo sanctum invocasset Swibertum gloriosum episcopum, quem omni die speciali oratione devote honorare consuevisset, et ab eo ipsi apparenle servatus esset, addidit quod coactus per suum satrapam, eidem bello interfuerit, quia urgente et stimulante conscientia contra Christianos bellare sibi grave luisset.

4. « Victores ergo hoc audientes, memores claritatis ab eis visæ, pietate moti, liberaverunt ipsum : armis sanguine madidis exuunt, adhibentes ei diligentem curam, ut convalesceret : ponebant ipsum insuper in quodam excelso loco, postquam ligaverunt vulnera ejus, ila vulneratum ad honorem S. Swiberti episcopi, quem multi in exercitu Francorum honorabant, ut omnes animadvertebant, eum temporariam mortem non evasurum, nisi meritis S. Swiberti id fieret. Serenissimus vero rex Carolus Magnus, tunc in Saxonia apud locum dictum Stomangi positus, hæc audiens, et ut Pipinus rex genitor suus in maximum honorem S. Swibertum habuerat propter victoram meritis ipsius contra Saxones prope Werdam habitam, admirans præcepit, præfatum Brunonem, quam eito posset, migrare de loco ad locum, et sibi adduci et præsentari. Qui cum ei præsentatus esset, et euneta vulnera vidisset, audissetque ab eo qualiter S. Swibertus patronus suus sibi apprens consolatus eum fuisset, laxavit ipsum a captivitate, restituens ipsum pristinæ libertati, ad honorem S. Swiberti. Et deinceps idem rex Carolus Magnus semper in honore habuit sanctum Swibertum omnibus diebus vite sue, et subjugatis Saxonibus et Angariis cum Westphalibus, in gratiarum actionem, statim fratres conventus sancti Swiberti in diversis tutis locis dispersos revocavit, Ecclesiam sancti Swiberti diversis pretiosis ornamenti decoravit, ablata restituens et recuperans, multa dona et prædia ex regali fisco hilariter adjecit devotis fratribus conventus S. Swiberti. Bruno tandem convaluit, et ut vovit, ipsum peregre devote in Werda cum condignis oblationibus visitavit, et ibidem Deo et S. Swiberto, quandiu vixit, servivit. Quo miraculo cognito, multi Saxones et Westphali devote ipsum in specialem patrum eligentes, humiliter coluerunt et honoraverunt ». Hucusque Ludgerus. Porro ista hoc anno coepit, in sequentem sunt propagata. Etenim Annales Francorum pervetus istiusmodi bellum a Carolo juniore, anno sequenti, confectum tradunt.

5. *Elipandus archiepiscopus Toletanus Nestorianismum in Hispaniam inducere tentans strenue per sacerdotes profligatur.* — Hoc item anno Silo rex Gallæciae in Hispania ex hac vita migravit, anno nimis octavo sui regni, sepultusque est in Ecclesia sancti Joannis Evangeliste, quam ipse construxit, jamque solus regnare cœpit Alfonsus,

sive Adelfonsus cognomento Castus, quem vivens in collegam assumpserat. Huic primum pugnandum fuit civili bello adversus Maurogatum ejus patruum, qui potens Manorum auxilio eum ex regno expulit. Conciliaverat enim ipse illos foedo tribulo pacto, pendendi illis (quod dictum est) per annos singulos centum virgines, quinquaginta ex nobilibus, et ex plebe totidem.

Adosinda regina viro Silone rege viduata, non amplius secunda vota expetiit, sed remittens nuntium saeculo, monasticam vitam professa est. Sed quid accidit? Insusurravit serpens in aures ejus, ut olim in totius humani generis cladem tentavit Evans; sed eo periculosius aggressus est certamen diabolus adversus eam, quod usus est ad ruinam viro, qui minister salutis a Deo fuerat constitutus, nempe archiepiscopo, eodemque Hispaniarum primate Elipando Toletano, Nestoriane instaurandae haeresis auctore. Hanc igitur cum ad errorem, suamque pravam sententiam conaretur pellicere Elipandus: praestitit ipsa, quod est prudentissimae feminæ, specimen edens mulieris fortis, que non circumducetur omni vento doctrine; sed quæ non haberet, quem domi interrogaret, ex monitu Pauli, virum suum, rem detulit ad episcopos et sacerdoles, sciens ab eodem Apostolo<sup>1</sup> impositum esse jure silentium feminis, ut faceant in Ecclesia. Inter alios autem, quos consulauit Adosinda femina maxime pia, fuit presbyter quidam, quem sciret valde sanctum atque doctissimum, nomine reque Beatum, neenon ejus familiarem Etherium Uxamensem episcopum.

6. Error erat Elipandi perditissimi hominis non tolerandus, quem sacrosancta Ephesina Catholica Synodus in Nestorio condemnarat. Iste siquidem asserens Christum Dei Filium, quod ad humanitatem spectat, dicendum esse adoptivum et non proprium ac naturalem, in necessaria consequentiam deduebat, ut duas constitueret in Christo personas atque assereret duos filios, naturalem alterum, atque alterum adoptivum, sive horrendum dictu, damnata olim in Oriente Nestorii haeresis, nunc opera miseri Elipandi revivisceret in Hispania. Addebatur haec ad cumulum omnium calamitatum, quas infelix Hispania, sub jugo gemens Sarraenorū, et bello civili exagitata his temporibus perditissimis, pati etiam a sacerdotibus cogebatur; eum primate antisite totius provinciae e cardine Catholicæ fidei diaboli arte convulso, in discrimen omnes fideles inducerentur, ut sequentes pastorem primarium, omnes simul cum eo in Nestorii haeresim præcipites agerentur; jamjamque omnes idem sentirent de Christo, quod Mahometanica doceret impetas.

7. At Deus omnipotens in tanto periculo positos fideles suos non dereliquit exitavit siquidem, qui resisterent, eosdem quos diximus sanctos doctosque viros, Beatum, qui præstabat

scientia, et Etherium, qui anteibat (quod esset episcopus) dignitate. Jure dixisses hos duos fulmina belli, si vidisses quanta animositate tantæ potentie restiterunt, primumque illud efficientes (quod maximi erat momenti) ut defegeretur error, et haeresis, quæ velamine pietatis et decora prodibat nomine veritatis, et quam turpis esset atque nefanda et execrabilis pariter omnibus innotesceret; sieque egerint, ut si eam penitus extingueret, tanta contradicente auctoritate, non daretur, saltem ne ulterius incognita in ruinam totius Ecclesiæ grassaretur, obstiterint, donec conventu publico congregato, majore auctoritate acedente Romani Pontificis (quod postea factum est) telis omnium Orthodoxorum confossum monstrum penitus interiret. Non latuerunt Elipandum Beati atque Etherii pro fide Catholica defendenda conatus, et ad impugnandos a se promulgatos errores studia comparata. Quamobrem qui se a presbytero uno impugnari, et ab episcopo minoris dioecesis urgeri persecutus: indignatione haud levi commotus (quæ enim terrena, animalis, et diabolica sapientia<sup>1</sup> est, zelum amarum parit et contentiones), adversus eos exerit stylum, scribens Epistolam ad Fidelem quemdam abbatem in Asturia degentem. Extat ipsa quidem, dataque habetur Toleti hoc ipso anno Redemptoris septingentesimo octogesimo tertio, mense Octobris, quam si nacti essemus, utique hic, ex more, descripsissemus, sed duntaxat legimus ejusdem Epistolæ argumentum, quod sic se habet:

8. Ipso ejus exordio magnopere queritur de Beato atque Etherio rixas (ut dicebat ipse) misentibus, quodque eum ipse sit archiepiscopus Tolestanus, ad ipsum caput non referrent, quæ de fide ortæ sunt quæstiones, ipsum non consulerent, et expeterent ab ipso responsa, eum iidem essent homines origine viles, ipse autem primarius ab omnibus coleretur Hispaniarum antistes; ac proinde ipsos ista conantes, superbiae et arrogantiæ nomine condemnandos. Contra vero laudat humilitatem ejusdam episcopi, Areaci nomine, qui audiens quæ ipsi Etherius Beatusque docerent, quid de quæstione illa sentiendum esset: statim ipsum archiepiscopum Tolelanum consuluisse. Subjicit his, quod sieut una eum aliis episcopis haud pridem correxisset errores illorum, qui in diei Paschatis computatione tunc errassent: ita fore, ut tolleret ab Asturiis haeresim Beatiānam (ita sententiam Catholicam Beati presbyteri nominans); excusans enim aliqua ex parte eundem Etherium episcopum, omnem rejicit culpam in ipsum Beatum presbyterum, qui tanquam auctor erroris, illo imbuisset Etherium. Demum vero monet eundem, ad quem scribit, Fidelem abbatem, ut ipsum Beatum presbyterum accersat, admoneat, reprehendat, et si possibile sit, corrigat atque ad seniendum una secum perducat.

9. Cum autem eas lilleras accepisset Fidelis

<sup>1</sup> 1. Cor. xiv.

<sup>1</sup> Jacob. iii.

abbas, neglexit accersire Beatum, vel Etherium, neque curavit ipsas ad eos mittere, sed casu inventiens eos, illis easdem ostendit, die vicesima sexta Novembris ejusdem anni. Qui his acceptis litteris, cognitisque iis quae ab Elipando scripta fuissent, intelligentes ipsum eidem errori firmiter inhæscere, nec pati Catholicam doctrinam adversus ejus sententiam fidelibus prædicari : hanc amplius differendum existimantes, amplio satis scripto volume adversus haeresim illam duobus libris distincto, ipsum urgere magis, magisque exigitare cœperunt. Extant haec tenus ejusmodi sanctorum virorum aureæ lucubrations, servatae in Archivo Ecclesiæ Toletanae, ut fidem facit, qui eos charactere gothicæ exaratos legit Ambrosius Morales regius historicus, de antiquitatibus Ecclesiasticis ejus provinciæ optime meritus; qui et testatur, eos, ut veritatis defensores, divina imbutos sapientia (quæ primum<sup>1</sup> pudica, deinde pacifica et modesta est), egisse cum eo humilitate plurima,

<sup>1</sup> Jacob. II.

ipsum ut archiepiscopum, etsi haereticum, nonnum tam dñmnam, bonore debito ac reverentia prosequentes, errorem tantum argumentorum peracutis cuspidibus proscindentes : qui enim inscriptus in liminari pagina titulus legitur, id in primis ostendit, qui sic se habet :

10. « Eminentissimo nobis et Deo amabili Eli-pando Toletanæ sedis archiepiscopo Etherius et Beatus in Domino salutem ».

At quod dolendum est, nequaquam his ille monitus correxit errorem, sed certum est in eo perseverasse : post enim decem annos, ea de causa adversum eum atque Felicem Urgelitanum contigit Concilium celebrari, de quo suo loco dicendum. De Beato autem idem, qui supra tradit auctor, ipsum, ut vere beatum, in Hispania coli sanctum, ejusque sacras reliquias in honore servari. Hujus et testatur extare commentarium egregium in Apocatypsim, ad ipsius socium in certamine sanctum Etherium inscriptum. Eluxerunt ambo hi in tot errorum tenebris faces divinitus accensæ. Sed de his satis.

---

Anno periodi Graeco-Romanæ 6276. — Anno Era Hispan. 821. — Anno Hegiræ 167, inchoato die 5 Aug., Fer. 3. — Jesu Christi 783.

— Hadriani I papæ 12. — Constantini imp. 8 et 4. Irenes 4.

4. *Annus XII belli Saxonici.* — A num. 1 ad 5. Carolus Pascha in Theodonis villa celebravit, ut Eginhardus in Annal. et annalista Metensis tradunt, qui postea gesta anno XII belli Saxonici eodem fere modo narrant. Haec annalistæ Metensis verba: « Obiit beatæ memorie Hildegardis regina II kal. Maii, quod evenit tunc in Vigilia Ascensionis Domini, et sepulta est juxta urbem Metensem in Basilica Apostolorum et beati Arnulfi. Eodem anno iterum Saxones rebelles extiterunt, et rex cum paucis Francis ad locum, qui dicitur Theutonalli, venit. Ibi Saxones paraverunt pugnam in campo viriliter. Tunc rex cum Francis super eos irruit, et magnam stragem ex eis fecit, ita ut per pauci fuga elaberentur. Post peractam victoriam venit rex ad Paderbrunna, ubi coadunato exercitu, iterum super Saxones irruit, qui convenerant super fluvium, cuius vocabulum est Hasa. Ibi iterum pugna inita, non minor numerus Saxonum cecidit, quam in superiori pælio ceciderat. Tunc rex Wilsaram transiit, et ad Albiam usque pervenit. Post haec in Franciam revertitur. Eodem anno obiit

Berta regina IV idus Julii, et sepulta est in Cau-ciaco. Sed inde translata Parisius, sepulta est juxta virum suum in Ecclesia sancti Dionysii martyris. Et cum Warmatiam pervenisset rex, sociavit sibi in matrimonium Fastradam reginam, celebravisse Natalem Domini in Heristallio ». Utramque Francorum victoriam Egiulardus in Vita Caroli commemorat, et eundem Carolum, quandiu bellum Saxonum duravit, duabus hisce duntaxat vicibus acie seu pugna in campo preparata cum Saxonibus decertasse his verbis refert: « Hoc bellum, licet per multum temporis spatium trahatur, ipse non amplius cum hoste quam bis acie conflxit; semel juxta montem, qui Osne-ggi dicitur, in loco Theotmelli nominato, et iterum apud Hasam fluvium, et hoc, uno mense paucis quoque interpositis diebus. His duobus pœliis hostes adeo profligati ac devicti sunt, ut ulterius regem neque provocare, neque venienti resistere, nisi aliqua loci munitione defensi, auderent ». Hasa fluvius Osnaburgum alluit, Theutonellum vero idem est cum Theutoburgio, ut docet Cluverius lib. 3 Antiquæ

Germaniae capite 49, et ulrumque posterioribus  
sæculis deflexum est in *Dethmoldiam*.

2. *Moritur Hildegardis regina*. — Quoad mortem *Hildegardis* reginæ, eam pridie kalendas Maii in Vigilia Ascensionis, ideoque hoc Christi anno, quo festum istud in diem primum Maii incidit, contigisse, inter veteres Francorum annalistas convenit. Quare Baronius in Append. ad an. DCCLXXXVI eam mortem, quam recte hoc anno collocarat, perperam ad illum revocat. Mabillonius lib. 2 de Re Diplom. cap. 26 asserit, se diligenter inspexisse Diploma autographum Caroli Magni pro Metensi sancti Arnulphi cœnobio, quod hoc modo concluditur: « Data kal. Maias anno xv et ix regni nostri, ab Incarnatione autem Domini nostri i anno septingentesimo octogesimo tertio in die Ascensionis Dominicæ, in cuius Vigiliis ipsa dulcissima conjux nostra obiit in anno xii conjunctionis nostræ. Actum Theodone villa palatio nostro in Dei nomine feliciter, Indiet. vi ». Observat Mabillonius huic Diplomati sigillum nullum appositorum esse; quod Carolus propter memoriam uxoris *Hildegardis* sollemnes aliorum Diplomatū conditions prætergressus sit; cum præter hoc nulla genuina, aut certe pancissina regum Francorum Diplomatā communia, annis Incarnationis prædicta occurrant ante Carolum Crassum, et pauca etiam post ipsum usque ad principatum Hugonis Capeti. Baronius loco laudato refert Epitaphium sepulcro *Hildegardis* reginæ tunc inscriptum, suspicaturque illud ab Alcuino conditum esse. Verum ejus auctor Paulus diaconus fuit, quia in libello suo *de Episcopis Metensibus* testatur, se jussu Caroli regis duarum regis Pippini filiarum, *Rodthaid* et *Adelaid*, et duarum Caroli Magni natarum, *Adelaid* et *Hildegard*, et præfatae *Hildegardis* reginæ Epitaphia composuisse. In Epitaphio *Hildegardis* reginæ dicit Paulus:

Alter ab undecimo rursum te sustulit annus.

Cum itaque annus *alter ab undecimo* sit annus decimus tertius, ut vox *rursum* bis decimum tertium intelligendum ostendat, ut supra jam diximus, mortua est *Hildegardis* anno ætatis sue vicesimo sexto. Vixit eum marito per annos xii, ut liquet ex laudata clausula, non vero *per decennium*, ut perperam Cointius anno DCCLXXIII, numero 6 scribit, qui illam non legerat. Is tamen relatum versum de iterato anno xiii recte interpretatur, sed matrimonium *Hildegardis* cum *Carolo* eo Christi anno male alligat; peractum enim medio circiter anno DCCLXXI, ut suo loco ostendi.

3. *Hildegardis regina novem liberorum mater*. — *Hildegardis* Carolo novem peperit liberos, ex quibus duo, *Lotharius* videlicet et *Adhelais* ante matrem extinti, et *Hildegardis* vix dies quadraginta matri superfuit, ut testatur Paulus diaconus in ejus Epitaphio. De *Hildegarde* regina, inquit Eginhardus, « tres filios, Carolum videlicet, Pippinum

et *Ludovicum*, tofideisque filias Rotdrudim, Bertam et Gislam genuit ». Carolus major natu filius natus est anno septingentesimo septuagesimo secundo circa mensem Martinn; enim anno septingentesimo octogesimo quarto, ut mox ostendemus, Saxones vicerit, ideoque iam arma ferre potuerit. *Rotrudis* inter filias primogenita in lucem prodiit anno septingentesimo septuagesimo tertio circa mensem Februarii; anno enim DCCLXXXI, promissa fuit *Constantino imperatori*, et post sex annos eidem desparsa, ut suo loco videbatur. Quare an. DCCLXXXVII iam nubilis erat. *Adhelais* nata est in castris ad Papiam urbem, ut tradit Paulus diaconus in lib. de episc. Metens., ideoque anno septingentesimo septuagesimo quarto. *Bertam* nalam esse anno insequenti septingentesimo septuagesimo quinto, ostendit ejus matrimonium cum *Angilberto* anno septingentesimo octogesimo septimo peractum; cum *Angilbertus* anno circiter septingentesimo nonagesimo in monasterium Centulense secesserit, ibique monachum induerit, quod qui non animadverterunt, *Bertæ* et *Angilberti* copulam illicitam fuisse perperam scripsere. *Carolomanni* postea *Pippini* appellati nativitas pertinet ad annum septingentesimum septuagesimum sextum; Hadrianus enim in Epistola XLIX Cod. Carol. eo anno ad Carolum Magnum data ait: « Dignati estis nobis repromittere, ut in sanctam diem Paschæ ad limina beati Apostolorum principis Petri, una cum spirituali filia nostra regina, Domino auxiliante, properare debuisselis, ut filium, qui NUNC vobis procreatus est, a sacro baptismate in ulnis nostris susciperemus ». Cointius eo anno numero 3 arbitratur, Caroli filium, de quo loquitur Hadrianus, non alium esse a Carolo filiorum, quos is ex *Hildegarde* regina suscepit, natu maximo. Verum cum Carolus Caroli regis filius anno DCCLXXXIV adversus Saxones pugnaverit, ut paulo post ostendetur, primo matrimonii patris cum *Hildegarde* anno in lucem venerat, ut iam statuimus. Quare Carolus rex, qui anno septingentesimo octogesimo, cum iterum Romanum prefectus est, in Gallis reliquit Carolum primogenitum, et Pippinum ex *Hildegarde* concubina susceptum, anno septingentesimo septuagesimo tertio, quo Papiam obsidione cinxit, « dirigens continuo in Franciam ibidem apud se Papiam adduci fecit suam conjugem excellentissimam *Hildegardem* reginam, et NOBILISSIMOS FILIOS », inquit Anastasius in Vita Hadriani papæ, ubi sine dubio loquitur de Pippino ex *Hildegarde*, et Carolo ex *Hildegarde* Carolo regi natis.

4. *Anni natales Caroli, Pippini et Bertæ in controversia positi*. — Respondet tamen Cointius anno DCCLXXIII, num. 18, Anastasium iter in Longobardiam eo anno ab *Hildegarde* susceptum perperam confundere cum altera in Italianum *Hildegardis* protectione, de qua anno septingentesimo octogesimo egimus. Verum id gratis asseritur; anno enim DCCLXXX, ut ibidem vidimus, *Carolomannum* postea *Pippinum* appellatum, et *Ludovicum* filios

secum Romanum duxit Carolus, et Wormatiæ Carolum primogenitum et Pippinum ex Hililtrude genitum reliquit, ut ibidem ostensum; nec enim ex tot annalistis, qui res gestas a Carolo rege memorarunt, ullus est qui referat eum legatos ex Italia in ranciam direxisse, qui cosdem Carolum et Pippinum Wormatiæ relictos Romanum deducerent. Ad hæc Caroli regis in Italia mansio ab. DCCLXXXI haud dinturna fuit, ut ex iis, quæ eo anno in medium attulimus, liquet. Cum itaque eo Christi anno Hadriannus Carolomanni, cui in baptismo *Pippini* nomen indidit, patrinus fuerit, appareret filium Carolo regi anno DCCLXXVI natum, quem tunc Hadrianus de sacro fonte levare postulavit, alium non esse quam *Carolomanum*, seu *Pippinum*, et quod tunc Hadrianus optaverat, anno DCCLXXXI adimpletum fuisse. Annos natales aliorum Caroli regis liberorum suis locis memoravimus, neque ab annis, quo hi postremi in lucem venere, aliquæ difficultates pendent, uti ab annis natalibus eorum, de quibus hic agimus.

5. *B. Hildegardis regina miraculis clara.* — *Hildegardis* regina, quæ hoc anno sepulta fuit juxta urbem Metensem in Basilica Apostolorum et beati Arnulfi, anno incerto cum Ludovico Pio filio translata fuit in monasterium Campidonense, Kampfen vulgo dictum, situmque in imperiali oppido Campidona vocato, in confinio Bavariae et Sueciae, ubi ad beatæ Hildegardis invocationem complurima miracula patrata sunt, ut videre est in ejus Vita a monacho Campidonensi sœculo xv collecta, et a Papebrocio ad diem xxx mensis Aprilis Commentario prævio explicata. Bruschius in Chronologia monasteriorum Germaniae pag. 89 refert, *Campidonense* monasterium ab Hildegarde regina anno DCCLXXVII fundatum fuisse, ibique in ejus memoriam singulis septimanis bis, diebus videlicet Lunæ et Veneris, ducentos homines pauperes distributis panibus cibari ac refocillari solitos esse. Ea quidem Vita pluribus anachronismis foedata, sed miracula quæ ibidem referuntur a testibus fide dignis narrata. Lambecius lib. 2 Biblioth. Cæs. pag. 295, refert, in ea asservari insignem Codicem Ms. cura et studio Caroli Magni litteris aureis exaratum, illuc adductum ex archiepiscopali Ecclesia Bremensi, ubi per integra octo sæcula et amplius, ante defectionem ejus urbis et archiepiscopatus a Catholica fide ad Lutheranismum et Calvinianismum, quotannis populo cum aliis sanctis reliquiis debita veneratione ostendebatur. Præterea extare antiquissimas membranas, quæ continent designationem omnium reliquiarum in ea Ecclesia asservatarum, in iisque legi *sanetum Carolum* magnum imperatorem, comperta sanctitate beati Willehadi, Ecclesiam Bremensem regia munificentia fundasse, ac eidem inter alia regie sue majestatis eximia insignia dedisse *Psalterium divæ ipsius conjugis*, litteris aureis bene et subtiliter conficatum, ut in iis membranis habetur. Lambecius tamen dicit hanc traditionem falsam esse, quod

ipsemet Carolus versus composuerit instar Epistolæ dedicatoriæ, qui primo ejusdem Codicis folio litteris itidem aureis scripti sunt, quibus Psalterium illud Hadriano papæ offert. Addit Lambecius ex illis versibus patre *Hadrianum* eundem illum Codicem Psalterii, quem a Carolo Magno acceperat, donasse *saneto Willehado*, ut is in novo episcopatu suo frueretur usu sacri istius numeris. Verum nihil affert vir doctissimus quod probet *Willehadum* ab Hadriano dono illo affectum fuisse. Nec verosimile videtur Pontificem munus a tanto rege sibi transmissum, in aliquem postea ejus subditum contulisse. Existimo itaque Hadrianum Psalterium illud Hildegardi reginæ, quando Romæ fuit, obtulisse, post cujus mortem Carolus, in sui ac suæ conjugis memoriam inter cetera cimelia Ecclesiae Bremensi anno DCCLXXXVI donavit. Certe ipsem Lambecius pag. 296 refert testimonium ex antiquissimis membran. ejusdem Ecclesiae idiomate Saxonico antiquo scriptis, quod ipsem ita latine vertit: « In sancta hac Bremensi Ecclesia adversatur etiam ipsius conjugis Psalterium aureis litteris conscriptum ». Quare ea traditio non videtur in dubium revocanda.

6. *Carolus summe coluit Hadrianum PP.* — Ut autem magis pateat, quanta veneratione *Hadrianum* papam prosecutus sit Carolus, eumque artem poeticam calluisse, hic represento cosdem versus secundum orthographiam nostri aevi, quos cum antiqua inter pungendi ratione Lambecius pag. 262 etiam exhibet:

Hadriano summo papæ Patrique beato  
Rex Carolus salve mando, valeque Pater.  
Præsul Apostolice munus hoc sume Cathedrae.  
Vile foris visu, stemma sed intus habens.  
Organæ Davidico gestat modulantia plectro,  
Continet et lyrics suavi sonosque melos.  
Hec tua, Christe, ethelis miracula concinit alma,  
Qui clavem David, sceptra domumque tenes.  
Mystica septeno fuerant hæc trusa sigillo  
Carmina, ni Christus panderet ista Deus.  
Hoc volbis ideo munus pie dedo sacerdos,  
Filius, ut mentem Patris adire queam;  
Ac memorere mei precibus sauctisque püsque,  
Hoc donum exiguum sepe tenendo manu.  
Et quamquam modico mitat splendore libellus,  
Davidis placeat celso Campana tibi.  
Rivulus iste meus teneatur flumine vestro,  
Floriferumque nemus floscula nostra petant.  
Incolamus vigetas rector per tempora longa,  
Ecclesiamque Dei dogmatis arte regas.

7. *Victoria Caroli jun. de Saxonibus.* — Victoria Caroli junioris de *Saxonibus* hoc anno recitata a Baronio ex Epistola de canonizatione sancti *Siverti*, ad annum sequentem pertinet, de qua ideo ibi commodius agetur. Non opus est hic iterare quod st̄epius inculcavimus, Epistolam illam supposititiam esse, fabulisque ac falsis narrationibus refertam; cum de ejus suppositione nunc fere inter omnes constet.

8. *Moritur Silo Legionis et Asturiarum rex.* — Ad num. 5 et seqq. *Silo*, postquam annis octo in Legione et Asturiis nomine *Adosindæ* uxoris Al-

phonsi Catholici filiae regnasset, mortuus est hoc anno, et *Alphonsus Castus* Froilæ regis filius communis omnium magnatum suffragio regnum suscepit, ut habeat Vasæus in Chronico ex Luca Tudensi. Unus *Mauregatus* Alphonsi patruus, fratrum exemplo, qui deinceps regnarant, queslus est, eum sibi præferri, et ad Mauros ac Abderameu eorum regem confudit. Comparatis Saracenorum auxiliis *Alphonsum Castum* in Cantabria partem sese recipere compulit, regnavitque annis quinque et mensibus sex, solvens ignominiosum, quod antea promiserat Saracenis, tributum annum quinquaginta nobilium virginum et totidem plebeiarum.

9. *Initium hæresis Feliciana*. — Ad calamitates Christianorum Hispanorum accessit *hæresis Feliciana*, de qua pluribus Baronius. *Elipandus* Ecclesiæ Toletanæ archiepiscopus Felicem Urgelitanæ sedis episcopum, præceptorum quondam suum consuluit, quo pacto Christum Dei Filium agnosceret, naturalem, an adoptivum? *Felix* libris suis professus est, Christum secundum naturam assumptam non naturalem, sed nuncupativam, adoptivumque filium esse. Responso accepto *Elipandus* (qui ea doctrina antea imbutus fuisse videatur) hoc pestiferum dogma tam per Asturias, quam per Galliciam disseminavit: Felix vero per Septimaniam, ut de Felice testatur Jonas Aurelianensis episcopus initio libri primi de *Cultu imaginum*. Inter eos, quos *Elipandus* ad partes suas pertraxit, fuere *Ascarius* Bracarensis episcopus, et *Fidelis* abbas, cui primo sectæ suæ arcana revelavit, scripta ad eum Epistola mense Octobri Æra DCCXXXIII, seu anno Christi DCCCLXXXV, ut docet *Beatus* abbas initio libri primi adversus Elipandum, non vero currenti anno, ut habet Baronius num. 8. *Beatus* enim citatus scribit, datum fuisse mense Octobri in Æra DCCXXXIII. Accessere etiam ad eam sectam Cordubenses nonnulli, ut liquet ex Elipando in Epistola ad Felicem nuper conversum et Aleuino. Isti asserebant, Christum qua parte homo est, Filium Dei esse adoptione, non natura. Unde licet unam personam in Christo confiterentur, per consequentiam tamen quamdam recidebant in *Nestorii* hæresim. Natura enim et adoptione unius patris filius unus esse non potest, nisi gemina persona admittatur: quod erat *Nestorii* delirium. Ille hæresim Elipandus et Felix hauserunt ex male intellectis Missæ S. Isidori orationibus. Hoc ubi rescivit Hadrianus papa, ad universos Hispaniarum episcopos Epistolam scripsit, quæ est xcvi Cod. Carol., eosque monuit, ut *Migentii* cujusdam, ejusque discipuli *Ægilæ* episcopi Illiribetani errores caverent. Hujus Epistole meminit Baronius anno DCCXCV, num. 11, cui hoc argumentum in Codice Carolino præfigitur: « Exemplar Epistole Hadriani papæ directe omnibus episcopis per universam Spaniam commorantibus, maxime tamen Eliphando vel Ascarico cum corum consentaneis, pro hæresi vel blasphemia, quod Filium Dei adoptivum nominant, cum multis capitulis sanctorum Patrum eos reprehendens. Neenon et de Paschali festivitate, sen et de sanguine pecudum, et suillo, et sanguine suffocato, quem in errore prædicantes dicunt. Ut qui ea non ererit, rudis et ineruditus est, quos sub anathematis vineculo obligatos, et ab Ecclesia extraneos dieit. Similiter et de prædestinatione Dei, quod si quis ad bonum prædestinatum esset, contra malum resistere, necesse illi non erat; si vero ad malum notus (legendum, natus) bonum illi exercere nihil proderit. Pro quo capitulo Apostolicis adhortationibus eos castigans, neenon et de hoc quia communem vitam cum Judæis, et non baptizatis paganis, tam in escis, quam in potu, sen et in diversis erroribus (videtur deesse, agunt vel dueunt) nihil polluisse inquietant, neenon et defiliabus eorum, quas populo gentili tradunt, vel de sacrationibus eorum, seu et de mulieribus, quæ vivente viro sibi maritum sortiuntur, simulque et de libertate arbitrii, vel aliis multis, quæ enumerare longum est, eos castigans cum sanctorum Patrum traditionibus ».

10. *Elipandus hæresim suam disseminare non desistit*. — Convocato episcoporum provincialium cœtu, *Elipandus* Migentianos circa diem Paschatis aberrantes, ut ipse in Epistola ad Fidelem abbatem gloriatur, ineuntem repressit: proprium tamen errorem, quem a *Felice* acceperat, publicare non destitit. Gliscenti hæresi occurserunt imprimis *Beatus* abbas Hispanus et *Aetherius* episcopus Uxamensis ejus discipulus, quibus preter *sanctum Paulinum* Aquileiensem patriarcham accessit Alcuinus, de utroque ita scribens in libro primo adversus Felicem: « Quod quemdam Beatum abbatem et discipulum ejus *Aetherium* dicitis hunc vestræ sectæ primum contraire, laudamus eos in eo quod veritatem defendere conati sunt. Sed si verum est quod dixistis, eos duas naturas Christi in unum confundere, sicut vinum et aquam, hoc nullatenus consentimus ». Falsa erat hæc criminatione, ab adversariis ex ipsorum sententia perperam deducta; quasi inde consequeretur, si Christus censeretur Filius Dei naturalis, quia homo est, ut natura humana cum divina confundi deberet. Ubi *Felicitis* Epistola in Alcuini manus pervenit, auctorem ab errore amica admonitione retrahere conatus est: cui *Felix* litteras remisit amarulentis aculeatisque verbis plenas. Quid *Felici Alcuinus* responderit, suo loco dicetur.

11. *Laudatur sanctus Beatus*. — Mabillonius in Appendice sæculi iv Benedictini refert Vitam sancti Beati a scriptore Hispano recentioris, ut videtur, ætatis scriptam, et in Observationibus præviis ostendit, eum fuisse monachum, et quidem Benedictinum, et insignem fuisse ejus eruditioem pro funesta illa Maurorum tempestate. Extant ejus libri duo adversus *Elipandum*, ejus et *Aetherii* discipuli nomine scripti, sed Commentarius ejus in Apocalypsim, quem se vidisse Morale testantur, hactenus ineditus. Eum colunt Hispani, præcipue Asturientes, eumque vulgo

*S. Bieco* appellant: « Sedato », inquit auctor ejus Vitæ, « Felicianæ pravitatis jurgio, sanctus vir Beatus Adosindæ regis Silonis uxori, quæ propter Mauregati tyrannidem sacram vestem induita, continuus pro animæ sue remedio extitit paedagogus: donec apud Vallem Cavam (Hispanis *Valcabado*, hand procul a Saldana, oppido diocesis Legionensis) secederet, orationibus, jejuniis et sacrae Scripturæ studio insistens super Apocalypsis mysteria librum miro ordine scriptitavit. Demum miraculis celebris, Domino, cui servierat, spiritum placida dormitione commendavat XI kal. Martii anno Domini DCCXCVIII ».

12. *Ea hæresis citius non crupit.* — Cælerum ante præsentem annum Felicianam hæresim auditam non esse indicat Epistola xcv Cod. Carol. Aegilæ episcopo inscripta, de qua anno superiori egimus. In ea enim Hadrianus papa Aegilam hortatur, ut Orthodoxam fidem teneat, et jejunium sexta feria sabbatoque celebret. Hanc Epistolam præcedenti anno datam esse, Cointius ibidem num. 21 ex eo probat, quod Carolus rex Hadriani compater in ea appelletur, mentioque fiat Petri Ticinensis episcopi qui currenti anno mortuus est; ideoque inter annum DCCXXXI, quo Carolus Hadriani compater factus, ac præsentem, quo Petrus mortuus, litteræ illæ date. Præterea in Epistola xvi Cod. Carol. Aegile scripta Hadrianus multos carpit errores in Hispaniæ partibus ortos, nulla hæreseos Felicianæ mentione facta, ut anno superiori vidimus; quod silentium eam tardius audiri cœptam indicat. Ex quibus consequens est, Epistolam xcvi Cod. Carol. in qua ea hæresis rejicitur, ad præsentem annum pertinere.

13. *Varias ad Carolum litteras scribit Hadrianus.* — Extant et in eodem Codice Carolino aliæ alia Epistole, in quibus Hadrianus Carolum, nulla Hildegardis reginæ mentione facta, *compatrem* vocat, quæ hoc anno datae videntur, postquam Hildegardis obitum Hadriani jam rescivit, nec adhuc quidquam audivit de *Fastradæ* conjugio. Epistola LXVIII testatur Pontifex *Itherium et Maginarium* regios oratores, quorum alterum abbatem, alterum capellanum dicit, in Franciam reversos esse; cum strenue prius allaborassent, ut integrum *Sabinense territorium* Apostolicæ Sedi restitueretur, prout in mandatis habebant. Addit directum quoque in Franciam a se Stephanum sacellarium, cum quo alterum e predictis Itherio ac Maginario Romanam denuo mitti postulat. Epistola LXXX Saxones, de quibus in paganismum relapsi

quid agendum esset iidem oratores Itherius et Maginarius interrogabant, respondet Hadrianus: « Hoc prædecessorum nostrorum sanctorum Pontificum dudum decretum est, quod qui resipescentes et ruinas suas cogitantes redire maluerint, sub longa pœnitentia satisfactione admittendi sunt, ut iterum pœnitentia satisfactione purgentur, quæ non tam temporis longitudine quam cordis compunctione pensanda sunt ». Epistola LXXV Carolum hortatur, ut in ea, quam pollicitus est, fide ac dilectione erga principem Apostolorum permaneat, euret tradi Romanæ Sedi, quæ vel ab ipso vel ab ejus patre Pippino fuerunt olim oblata, et a facie sua projiciebat Eleutherium et Gregorium, qui Ravennæ inopes atque pusillos oppressere et nefandas neces perpetravere. Harum Epistolarum meminit Baronius anno DCCXCV, num. 3 et seqq.

14. *Moritur Eneco Garcianis primus Navarræ rex.* — Hoc vel superiori anno e vivis excessit Eneco Garcianis, dictus etiam Inigo Garecis Aristha, primus Navarrorum rex, qui annos viginti quinque regnavit. « Postea », inquit auctor Regulæ Legrensis, « regnavit pro eo filius ejus Eximinus Eneconis. Uxor eius fuit Munina ». Moretus in Annaibus Navarricis post Inigonem Aristham ante Eximinum Eneconis duos alios reges, *Fortunium* nempe et *Sanctium* posuit; sed haec in re vir de Historia Navarria bene meritus valde peccavit. Ininititur Diplomate regis D. Caroli nobilis, quo anno MCDXII confirmantur Privilegia incolarum Roncalensis vallis. Autographa autem Privilegiorum, et eorum authentica exemplaria ad nos non pervenere, et tamen Moretus contendit quod in præfato Diplomate legitur extractum fuisse a cancellario ex iis quæ in Privilegiis illis legerat. Verum falsæ quæ in eo narrantur genealogiae, quam parum in Historia Navarria cancellarius ille versatus fuerit, ostendunt; quam in re excusationem habet; cum eo tempore, sicut et posterioribus, regum Pampelonensium seriem et originem viri doctissimi ignorarint. Certum autem est *Fortunium* a Roncalensibus in proelio Oloasti habito adjutum, esse *Fortunium monachum*, qui anno octingentesimo nonagesimo regnabat, et Sanctum in prælio Ochareno victorem, fuisse Fortunii fratrem, ac filium Garsie hujus nominis primi, qui inde dictus Sanctius Garsianis, id est, filius Garsie, non vero Fortunii filius, ut cancellarius Navarreus pessime interpretatus est. Alterum Moreti fundamentum anno DCCXLIX vanum esse ostendemus, et suis locis de Fortunio et Sanctio agemus.

## HADRIANI I ANNUS 13. — CHRISTI 784.

1. *Paulus patriarcha Constantinopolitanus, abjurata hæresi, pie moritur, unde fides Catholica revivisicit.* — Septingentesimus octogesimus quartus annus agitur, septima Indictione signatus, quo moritur Paulus patriarcha Constantinopolitanus kalendis Septembbris, qui licet foris habitus sit hæreticus iconoclasta, tamen intus bene conscient veritatis, abdicens se, in monasterium ad pœnitentiam secessit, ubi fidem Catholicam professus, reddidit Deo spiritum. Cujus confessio magnum attulit ad proligandam hæresim adjumentum, ut pote hominis, qui omnium sapientissimus sine controversia ab omnibus haberetur. Hæc autem quomodo se habuerint, ex Theophane ita accipe :

« Primo die kalendarum Septembrium, ejusdem septimæ Indictionis Paulus almificus patriarcha sanctissimus infirmatus, thronum reliquit, et descendens ad monasterium Flori, monasticum suscepit habitum, imperatrice ignorante. Cum autem imperatrix hoc didicisset, venit cum filio tristis et clamans : Cur, inquit, hoc fecisti ? At ille cum lamentis ait ad eam : Utinam ne unquam in sacerdotii throno sedissem, Ecclesia Dei tyrannidem patiente, præsertim cum scissa sit a reliquis universalibus sedibus et anathematizata. Quæ deinceps adscitos palricios et senatus primores misit ad eum audire, quæ ab ipso diebantur. Qui dixit ad illos : Nisi Synodus universalis fiat, et error, qui est in medio vestri, corrigatur, salutem non habebitis. At illi dixerunt : Quare subscrpsi, cum consecrari, Iconoclastæ ? At ille : Ideo lamentis affior, et cucurri ad pœnitentiam deprecaturus Deum, ne me sicut sacerdotem judicet et cruciet, qui facuerim usque nunc, et præ timore favoris vestri non predicaverim veritatem. Et in his dormivit in pace, derelicto lamento multo tam piis quam impiis et religiosis viris Reipublicæ. Colendus enim vir erat, et supra mensuram misericors et omni reverentia dignus, multaque fidem habebat tam Respublica, quam imperium erga illum. Ex tune ergo cœpit dici et disputari de sanctis imaginibus ». Hæc Theophanes. Eadem habet et Ignatius in Tarasii rebus præclare gestis.

2. Hactenus enim imagines colentibus minime

disputare palam licet adversus hæreticos Iconoclastas, prohibentibus magistratibus : etenim iam palatinæ, quam castrensis militiæ primates, quin et ipse senatus his erant irretiti laqueis impietatis. Ex hoc igitur tempore (quod ait Theophanes) cœpit absque periculo dici ac disputari de sanctis imaginibus, tali aperta ad disserendum de iis a Paulo adhuc superstite ultimo illo elogio via : quam postea licentiam firmarunt imperatores litteris suis, quibus et Pauli egregium facinus sunt laudibus prosecuti, ita scribentes<sup>1</sup> : « Damus quoque unicuique libertatem, ut sine onni formidine ea loquantur, quæ secum animo deliberaverint, quo veritas magis magisque elucescat, et intrepida voce audiantur, simulque etiam ut ex multis Ecclesiis dissidium auferatur, pacisque copulatio et constantia in omnibus connectatur ». Isti præmissis, iidem imperatores de Paulo mox ista subjiciunt, quæ aliqua ex parte in Theophane desiderantur.

3. « Et simul atque Paulus sanctissimus patriarcha, juxta divinam voluntatem carnem præsentem commutaturus erat, præsensque habitaculum derelicturus, et ad superiores sedes commigaturus, imo vero ad Dominum nostrum Christum (judicandus scilicet), episcopatu renuntiavit, monachicam eligens vitam. Nobis vero interrogantibus illum, qua de causa hoc fecisset, respondit quod si morte occupatus et præventus in episcopatu hujus pia et regiae civitatis fuisset, etiam (in novissimo die) extra omnem Ecclesiam Catholicam resurgere cogeretur : quod ipsum in tenebras exteriores, quæ diabolo et Angelis ejus paratae sunt, addueit.

« Dolebat enim Synodus quamdam hie indictam, quæ subvertere continebat imaginum picturas, quas sancta Ecclesia Catholicæ servat atque amplectitur, et ad memoriam præfiguratorum suscepit. Id ipsum (inquiebat) est, quod animum meum commovet, quod meam conscientiam urget : quomodo judicium Dei effugere queam. At quæ causa est, quamobrem cum hujuscemodi viris commorari debeam, aut simul cum illis versari ? Hæc

<sup>1</sup> Apud Nicæn. Synod. II. Act. I.

vero et alia plura ducibus quoque nostris gloriosissimis locutus est, vitamque finivit ».

4. *Tarasius laicus ad sedem Constantinopolitanam evehitur, hæresim Iconoclastarum profligatur ope Concilii OEcumenici.* — At quomodo, his auditis, ipsi imperatores commoti sint, iidem ipsi professi sunt verbis istis : « Hanc igitur responsionem nostra regia majestas animadvertisens horrebat, præsertim eum et ab aliis antea audieramus hæreticam esse horum hominum cogitationem : animo nostro deliberavimus, quidnam hæc in re utile esset et facta opus, ut repræsentato noviter electo patriarcha, finis contentionibus per illum imponeretur, etc. » Sieque factum est ex his, ut Pauli successor deligeretur Orthodoxus. Fuit iste Tarasius, qui laicus existens erat imperatoribus a secretis. Defuncto enim Paulo, per quem fides Catholica diu obruta publica testificatione in lucem emersit, in eo magnopere evigilavit studium imperatorum, ut eidem non imparem subrogarent episcopum : quod autem haud facile inveniretur, qui simul Catholicæ fidei zelo et auctoritate præstaret, ardente animo perarduum posset opus aggredi, ipsam fidem Catholicam celebratione OEcumenici Concilii in locum pristinum vindicare; necessitas coegit in laicum hominem ad hæc omnia exhibenda optime comparatum, post multum temporis in deliberando consumptum, converti animos imperatorum, et vota Orthodoxorum civium conspirare, ipso uno duntaxat Tarasio refragante, prout Theophanes et Ignatius monachus et alii ejusdem temporis Graeci auctores rem gestam prosecuti testantur, quorum Theophanes his verbis dignum memoria factum enarrat ex Actis publicis, cum eoram populo ab imperatoribus exhibitus Tarasius fuit ab omnibus expeditus, licet ille refragatus omnino consensum præstare negavit, quoisque promissionem accepisset ab omnibus de celebrando Concilio OEcumenico, per quod hæresis damnaretur, et anathemate ipsa Constantinopolitana Ecclesia solveretur. Sed ipsa Acta publica audiamus.

5. « Hoe quoque anno, quinto scilicet Irenes et Constantini imperatorum, collecto omni populo apud Magnauram, ipsa Irena dixit ad eos : Scitis, fratres, quid fecerit Paulus patriarcha. Et si quidem vixisset, non hunc utique pateremur dimittere sacerdotii thronum, licet monasticum induerit habitum. Quia vero, sicut Deo placuit, de hæ vita migravit, qui posset paseere nos; provideamus hominem, qui Ecclesiam Dei didascalis possit servare sermonibus. Qui universaliter dixerunt : Non fore alium, nisi Tarasium a secretis. At illa : Et nos, inquit, ipsum elegimus, sed resultat, et dicit pro sua causa, non suscepit electionem imperii et totius plebis.

« At ille nempe Tarasius respondit populo, dicens : Immaculatae fidei nostræ Christianorum custodes, et eorum, qui in gloria Dei sunt amulatores fideles imperatores nostri, et in commodum

nostrum curam facientes, et maxime nunc Ecclesiastica negotia diligenter considerantes, quo summus saecelos in hac urbe regia constituerer, in suæ pietatis animum me assumere, et ut manifeste mihi diceretur, quod consiliati sunt, præceperunt. Cumque ad hoc me indignum esse pronuntiarem, et nullum consensum afferrem, utpote qui jugum hujus sareinæ portare, vel sufferre non possem : jusserunt me adduci ante faciem vestram, pro eo quod hujus consilii unanimes et comprobatores effecti sitis. Et nunc, o viri, qui Deum timetis, et semper hunc in cordibus habetis, qui Christi invocatione nominamini, viri Dei nostri, Christiani, audite brevissimum ab exiguitate mea et humilitate sermonem.

6. « Ego enim quicquid piis imperatoribus nostris et per omnia Orthodoxis responderim, etiam in conspectu vestro orationis meæ apologia respondebo. Timore deprimor ad consentiendum huic electioni, et vereor a facie Dei currere taliter et quoquomodo ineircumspectus, ut eum terribili damnatione succumbam. Si enim divinus Paulus Apostolus, qui Dei voces audivit, cælumque habuit erudiens se, et Paradisi inspecto effectus est, audivitque arcana verba, et portavit nomen Dei coram gentibus et regibus, dixit<sup>1</sup> : Ne forte cum aliis prædicaverim, ipse reprobus efficiar : quomodo ergo ego, qui in mundo conversatus, et cum laicis connumeratus, in imperii administrationibus militavi, sic absque judicatione atque circumspectione possum insilire in sacerdotii magnitudinem ? horrendum eonamen ad exiguitatem meam et temerarium studium.

« Causa vero timoris mei hæc est : Adspicio enim et video Ecclesiam, quæ supra petram, Christum Deum ædificata est et fundata, seismam nunc et divisam, et nos alia atque aliter loquentes, et aliter eos Christianos, qui in Oriente unius nobiscum sunt fidei, sed et his concordantes Occidentales, nos ab omnibus illis alienatos et a se per singulos dies anathematizatos. Dira poena est anathema, procul a regno cælorum expelli et a Deo emitti ducendum in tenebras exteriores. Nescit lex Ecclesiæ vel terminum hæresim, sive contentionem, sed sicut novit confiteri unum baptismum, unam fidem, ita concordiam unam in omni Ecclesiastico negotio. Nihil enim est in conspectu Dei tam aeeptum atque plaebile, quam ut unum simus, et una efficiatur Ecclesia Catholica, quemadmodum in sincerae fidei nostro symbolo confitemur.

7. « Expelimus nos, fratres (ut reor) et vos, quoniam scio timorem Dei vos habere, a piissimis imperatoribus nostris et Orthodoxis Synodum universalem colligi, ut efficiamur nos, qui unius Dei sumus, et unum. Et qui Trinitatis cultores existimus, unici et unanimes collegæ : et qui capitis Christi sumus, efficiamur corpus unum compactum

<sup>1</sup> Cor. ix.

alque connexum : et qui sancti Spiritus sumus, efficiamur non contra invicem, sed pro invicem : et qui veritatis existimus, efficiamur sapientes verum atque dicentes, et non sit in nobis certamen neque dissensio, ut pax Dei, quæ exsuperat omnem sensum, muniat nos omnes. Et si quidem iusserint Orthodoxi et propugnatores imperatores scilicet vestræ postulationi et meæ annuere, consentio ego ; sin autem, impossibile est mihi et hæc facere, ne subjiciar anathemati et inveniar condemnatus in die Domini nostri et justi Judicis, ubi neque imperator, neque sacerdos, neque principes, neque hominum multitudo poterit eripere me. Et quicquid placuerit vobis, fratres, date apologia meæ, imo vero assertioni vestræ, et reddite petitioni meæ responsum. Et libenter audierunt omnes quæ dicta sunt, assensum præbentes, ut Synodus fieret.

8. « At vero Tarasius rursum disputans, ad populum ait : Leo imperator subvertit imagines. Et quando facta est Synodus, subversas invenit. Et propterea quod imperatoria manu subversæ sunt, iterum quæstionem habet idem capitulum : quomodo antiquam consuetudinem in Ecclesia traditam præsumpserunt, sicut eis libitum fuit, exterminare. Sed veritas Dei (ut Apostolice dicamus) non est alligata ». Hucusque ex Actis publicis Theophanes<sup>1</sup>. Ex quibus plane illud exploratum habetur, nullo pacto adduci potuisse Tarasium suæ electioni consensum dare, nisi sicut imperatorum, ita totius populi pollicitatione securus redditus esset de Synodo OEcumenica celebranda, per quam ipsa Constantinopolitana Ecclesia, abjecto procul errore, compagine Catholicæ communionis, Catholicæ Ecclesiæ, a qua iamdiu fuerat excommunicatione divisa, conjungeretur. Scitum sane prudensque consilium, ante suam ordinationem habere ordinationem ejus Ecclesiæ oppigneratam omnium sponsione. Quomodo autem, ubi fuit certus redditus de OEcumenica Synodo celebranda, ordinari denique passus est, subjicit ista Theophanes :

9. « Itaque octavo kalendas Januarii ipsius octavæ Indictionis consecratus est almus pater noster Tarasius patriarcha Constantinopolitanns ». Quod autem subjicit idem Theophanes, mox ut consecuratus est Tarasius, misisse Catholicæ fidei professionem ad Hadrianum Romanum Pontificem, agemus de ea anno sequenti opportuniiori loco. Porro hæc eadem, quæ dicta sunt, ipsi publicis litteris imperatores testati sunt Patribus ad Nicænum Concilium postea convocatis, quibus omnem a se adhibitum conatum pro constituendo episcopo regiæ urbis Tarasio, iisdem compertum esse voluerunt, ne scandalum paterentur quod laicus electus esset : post enim enarrata, quæ contigerunt, cum Paulus se a throno sponte, professus monasticum ordinem, abdicavit, hæc habent<sup>2</sup> : « Consilium nostrum in

medium proposuimus, ut repræsentato electo noviter patriarcha, finis contentionum per illum impuneretur. Advocantes igitur viros negotiorum Ecclesiasticorum haud imperitos, Christum vero verum Deum nostrum invocantes, et cum eis consilium capientes, quem ex omnibus dignissimum haberent, cui primas partes in hanc sacratissimam divinorum observantissimam et regiæ civitatis nostra cathedralm deferremus : uno animo concordique sententia Tarasium, qui nunc in sacrosancta dignitate nobis præsedit, dignus declaratus est.

10. « Hunc igitur ad nos vocantes, testimonium de illo et suffragia data exposuimus. Verum is nulla ratione acquiescere his volens, reliquorum electioni assentiri respnit. Nobis vero per quirentibus qua tandem causa obedire nollet : principio quidem occasionem hanc attulit ; majus esse summi sacerdotii cathedralæ jugum, quam possit illius humeris sustineri. Nos autem considerantes, quod occasionem quereret, nec auscultare nobis vellet : non destitimus virum sollicitare ; omnibus viribus in eo perseveravimus, donec assensum nobis præberet, ut summi sacerdotii dignitatem assumeret. Contemplatus itaque nostram instantem et urgentem sedulitatem, causam recusationis nobis denuntiavit : Quandoquidem, inquit, video et considero supra petram Christum ele. » Quæ ex iisdem Actis sunt nuper allata, de petitione ab eo facta, de convocando Concilio OEcumenico. Quibus ista subjiciunt : « Huic igitur petitioni annuere tum visum est : meoque nutu jussi convenire ».

11. *Tarasii genus et sanctissima opera.* — Debetur igitur tantæ rei palma Tarasio, vel potius Hadriano papæ, qui hoc exegit ab eo, ut ab imperatoribus progenitam, propagatam, corroboratamque hæresim, apposita ad radices ejus, quas alte fixerat, securi Apostolica, per Concilium omnino præcideret, etsi saeris canonibus atque Ecclesiastice disciplinæ in electione laici hominis inflictum est vulnus : quod modo honestum dixerim et non deforme, salubre et non lethale vulnus, per quod salus universo corpori fuit feliciter comparata, et pristina gloria in communicatione Catholicæ reparata. Cæterum etsi ex laico fuit Tarasius promotus ad sacerdotium, ex sacerdotalibus tamen moribus dignis episcopo in episcopatum assumptus est, cui ex cognita nobilitate fulgor accessit. Etenim (ut Ignatius auctor est) ex patricio ortus est genere, patre Georgio præfecturam urbanam magna gloria administrante, matre vero Eucratia dicta, æque pietate conspicua : ipse vero Tarasius auctus consulari dignitate, et ob eruditionem insignem morumque egregiam laudem, ad secreta curanda adscitus fuerat ab imperatore.

12. « Cum vero idem, inquit Ignatius, per novæ dignitatis gradum laudem assecutus, totum se Deo dieasset per pietatem et puram conscientiam, venit ad habitum spiritualis perfectionis, et mundi munera obiens, in mundano habitu, se et a mundana removit ambitione, et spiritui adaptans

<sup>1</sup> Habet eamdem Apologiam Anastasius Biblioth. et in præambulis septimæ Synodi a se translateæ. — <sup>2</sup> Conc. Nic. II Act. I. in princ.

animam, vas sacrum efficitur electione melioris etiam ante sacerdotium, et pastor pecudum rationis compotum, qui pascebat adhuc, prænuntiabatur fore ut susciperet universam omnium præfecturam, ut Iucida Iucerna jam accensa, igne virtutum mundum illustrans universum, et omnem hæreticam dispellens caliginem et lucem procurans recte fidei». Cæterum etsi imperatores atque sacer senatus ejus electioni favebant, non tamen defuerunt, qui eidem e contrario adversarentur, illi uimirum qui propugnatores erant exercitabilis hæresis. De quibus omnibus ista Ignatius:

« Imperatoribus assentiebatur quicquid erat optimum et præstantissimum in sacro senatu, divinus plaus cœtus, ul qui omnino scirent virum in omnibus præfulgere, et dignum cui commendaretur dignitas pastoralis. Quicquid autem erat promiscuum et circumforaneum, et Iucernam redolebat hæreticam, patris sanctitatem, etiam ante sacram ab eo acceptam vestem, ut ad arguendum vehementissimam et acutissimam suspectam habens securim, nolebat consentire communibus suffragiis, non volens ab antiqua sua resipiscere sententia, et malebat involvi cœno lumi hæreos, quam potari vivifico fluento puri et imperturbati fontis doctrinæ Tarasii. Sed id vicit, quod justum erat, etc.» Fuisse autem milites, qui adversati sunt Tarasio, inferius auctor aperte significat, eo quod essent hæresi addicti: nam ait: « Hoc caput rectæ fidei ægre ferebat turba militaris, ut eui non videretur esse admittendas et adorandas et venerandas imagines ». Porro ejus electionem, licet per homines, haud tamen ab hominibus, sed a Deo fuisse, signa Apostolatus, quæ postea in eo eluxerunt, significarunt, atque in primis quæ in ipso vita enituit Apostolica tam in his, quæ pertinent ad corporis cultum, quam animæ. Nam audi Ignatum:

13. « Vitæ autem suæ habenas ita moderabatur, et animi perturbationum tumultus ita reprimebat, ut esset omnibus divinissimum exemplar propositum, cui nunquam persuaderi poterat, ut moveretur ad appetitum voluptatis. Cum autem ad divinarum Scripturarum meditationem sibi domesticam adscivisset vigiliam, somnum membra solventem, ut inutile mandabat mancipium, et cum usus exigeret, rursum jubebat adesse. Quis enim eum in lecto recumbentem, aut mollitus stragulis unquam vidit involutum? Quis tunicam et zonam super cubile dimittentem unquam accepit et præparavit, ut esset elegantior et concinnior? Quis ex ejus pedibus unquam detraxit calceos, et alligata spongia (ut mos est) lævigavit et poliit? Sed ipse erat sibi (ut dicitur) balneator, et inserviebat sibi ad usum corporis, in hoc quoque Christum magistrum divino zelo imitatus, qui dixit<sup>1</sup>: Non veni ut mihi ministraretur, sed ut ministrarem ».

14. « llabebat autem precationem, quæ mente in sublimem ad caelos evehebat, et soli Deo reddebat

familiarem et conjungebat incorporeis, et expellet ab omnem tentationem convenienter Domini elogio. Nullum erat tempus, quo non habebat solum eum genu flecentem et surgentem, et manus ad caelos extollentem, et superne a Deo accipiente illuminationem. Humilitatem vero, ut quæ ei a pueri fuerat familiaris, ita est complexus, ut non solum ea in ipso conspiceretur, et ex ea laudem assequeretur, sed etiam transiret ad alios, qui exemplo suo informabantur. Multis enim ex iis, qui erant relati in numerum clericorum, qui suos lumbos zonis eingebant aureis, et ornati erant variis et pretiosis vestibus sericeis, aurum quidem ademit: fecit autem succingere lumbos cingulis contextis ex pilis caprarum. His vero, qui toti corpori ex iisdem filis purpureas vestes habebant contextas, excogitat tunieas remotas a curiositate nimia et deliciis, et quæ essent vestitus honesti, et convenienter iis, qui Deo servire statuerunt et profitentur humilitatem ». Hæc de his Ignatius, qui ea, quæ oculis vidit magna ex parte (ut præfatur) conscripsit. Addit ad hæc de egregia viri castitate, et erga pauperes misericordia, quorum catalogum scriptis mandari curavit, quo non cibo tantum, sed indumentis æque eorumdem egestati consuleret.

15. Sed quid die solemní Paschali facere aggressus sit, post multa de effusa erga pauperes largitate, sic subdit: « In salutari autem prius dicto die venerandæ Christi Resurrectionis, post divinæ synaxis et communionis peractum mysterium, adhuc saeris vestibus candidatus ad veteris Basilicæ jam dirutum Iocum, qui vocatur Estin, veniebat. Illic enim parabat egentibus maximum, quo acciperentur, epulum. Quos cum fecisset recumbere, incipiebat ipse ministrare, vinum effundens ex cratero et potum eis distribuens. Deinde cum hoc nimus obissem, ibat in domum suam patriarchicam, non aliquorum hinnulorum (ut dicit fabula) medullis se nutriens, neque mensa Sybaritica excipiens, neque quæ ventrem titillant et impinguant bellariis, sed frugalibus obsoniis, et quæ non spectabant ad delicias, se reficiens ». Hæc rerum cunctarum inspector Ignatius, reliqua tu consulas. Hæc enim satis ad institutum, quibus habetur testatum, a Deo electum virum pietatis cultorem egregium.

Hoc eodem anno Hadrianus papa ea, quæ spectant ac saeros ritus, quam diligentissime curans, librum scripsit, cuius titulus fuit: « Responsoria de circulo anni », quæ videlicet Responsoria in singulis essent sacris officiis dicenda. Non extat ipsum quidem; meminit tamen ipsius Amalarius Fortunatus, qui pergens Romanam sub Ludovico Caroli filio imperatore, eum se legisse testatur: ipse enim notatum exordium et finem ejusdem suis scriptis testatum reliquit: in prologo enim libri, quem scripsit de ordine Antiphonarii, habet ista: « Hic inserimus, quomodo invenimus scriptum de auctoritate Hadriani Apostolici: In no-

<sup>1</sup> Matth. xx.

in fine Domini nostri Jesu Christi, incipit Responsoriale de circulo anni, temporibus ter beatissimi et Apostolici domini Hadriani papæ per septimam Indictionem ». Item in fine : « Hoc opus Summus reperat Pontifex dominus Hadriamus sibi memoriale per saecula ». Haec ex ipso Amalarius.

**46. Rex Sarracenorum Carolum colit, Christianos persequitur.** — Sed quod rursus ad respectat Orientalis Ecclesiæ, mortuo hoc anno Moyse rege Sarracenorum, qui anno superiori Madi successerat, substitutus est in locum ejus Aaron nomine, Sarracenus bellicosissimus, qui tenuit imperium annos viginti tres, semper infestissimus Christianis. Ita hoc anno Theophanes. Unde illud summa admiratione dignum, quod cum acerbissimus hostis Christianorum esset, nihilominus propensissimo studio coleret Carolum Magnum Francorum regem : virtutis estista potentia, quæ et hostes, licet Barbaros atque impios, reddat obsequentes atque cultores, insuper et laudatores. Sed audi quæ de his habeat Eginhardus ejusdem Caroli rerum gestarum inspector et scriptor. In Vita enim ipsius haec scribit : « Cum Aaron rege Persarum, qui, excepta India, totum pene tenebat Orientem, Carolus talem habuit in amicitia concordiam, ut is gratiam ejus, omnium qui toto orbe terrarum erant regum ac principum amicitiæ præponeret, solumque illum honore ac munificentia sibi contendum judicaret. Ac proinde cum legali ejus, quos cum donariis ad sacratissimum Dei ac Salvatoris nostri sepulcrum, locumque Resurrectionis miserat, ad eum venissent et domini sui voluntatem indicassent : non solum quæ petebantur, fieri permisit, sed etiam sacrum illum et salutarem locum, ut illius potestati adscriberetur, concessit. Et revertentibus legatis suis adjungeus, inter vestes et aromata, et cæteras Orientalium rerum

opæ ingentia illi dona transmisit, cum ei paucos ante annos, quem tunc solum habebat, roganti mitteret elephantem ». Haec Eginhardus. Sic igitur rex Christianissimus, primus inter reges Occidentales, legitimus dominus factus est sacrosancti nostri Redemptoris sepulcri, pro quo ab impiis iterum vindicando, summa gloria ejus posteri rivos sanguinis profudere. Sed de his suis locis dicendum.

**47. Sed licet observaverit Aaron Carolum,** haud tamen remisit odium in Christianos, de quo inter alios ab eo neci traditos, hoc tempore Irene et Constantini imp. occidisse Bacchum juniores appellatum martyrem, respectu senioris illius, qui cum Sergio passus est, testantur Græcorum sacra tabulae : siquidem in Menologio Basili Cesaris haec de ipso notata leguntur die decima septima mensis Decembris : « S. Bacchi junioris corona. E Palæstina fuit hic Bacchus sub Irene et Constantini principatu. Ipsius parentes Christiani quidem fuerunt a primogenitoribus; sed pater, a daemonibus seductus, transiit ad perfidiam Sarracenorum et magarizavit. Filios vero septem habuit, et eos in simili perversitate educabat. Ipsorum autem unus, nomine Gelasius Hierusalem petiit, et inde ad S. Sabæ se contulit monasterium, et monachus efficitur, et Bacchus nominatur. Bene vero conversatus, imminentे persecutione, a pælato jussus est fugere, ne seiretur quod ipse Sarracenum baptizasset. Dominum itaque reversus, quinque fratres baptizavit : unus vero non baptizatus Bacchum fratre apud pæsidentem accusavit. Qui sanctum obtruncans consummavit ». Haec ibi. Sic igitur hujuscemodi et his similibus captatis occasionibus regnum Aaron funestum Christianis in Oriente fuit.

---

Anno periodi Graeco-Romanæ 6277. — Anno Æra Hispan. 822. — Anno Hegiræ 168, inchoato die 24 Julii, Fer. 7. — Jesu Christi 784.

— Hadriani I papæ 13. — Constantini imp. 9 et 5. Irene 5.

**4. Moritur Paulus episc. Constantinop.** — Ann. 4 ad 46. Theophanes anno Incarnat. secundum Alex. **DCCLXXVI**, kalendis Septemb. superioris Christi anni inchoato refert, *mensis Augusti die trigesimo primo, Indictione septima*, Paulum virum religiosum et patriarcham sanctissimum Ecclesiæ Constantinopolitanæ, cum in morbum incedisset, monasticum habitum assumpsisse, et non

anni, elapsi sunt anni quatuor et menses octo, utrumque incompleti.

2. *Ei succedit S. Tarasius.* — Subdit Theophanes : « Mensis Decembris die quinto supra vicesimum et Indictione octava, religiosus pater noster Tarasius Constantinop. patriarcha renuntiatus : missisque confessim Synodiceis suis litteris et libello fidei suae teste, ab Hadriano papa in Ecclesiæ communionem admissus. Imperatrix etiam ad eumdem papam misit, qui suo nomine ab eo peterent, ut datis litteris homines, qui Concilio adessent, etc. Alexandriae quoque et Antiochiae præsules imperatrix et patriarcha nuntiis suis advo-  
cavere; nondum enim pax cum Arabibus iacta ex-  
plicherat. Et Antiochia quidem Joannem illum  
magnum, virtute et doctrina celebrem, non levibus sanetitatis indiciis fulgentem, patriarchæ Antiocheni quondam synecellum : et Thomam Alexandrinum, virum religiosum et pietate insignem, qui prius in Illyrico magnæ civitatis Thessalonicae archiepiscopus claruerat, ex illis locis adduxerunt ». Saneti Tarasii Vitam ab Henschenio ad diem xxv mensis Februarii recitatam seripsit Ignatius ejus discipulus, qui ei morienti adfuit, indicatque etiam alias sedes patriarchales *Tarasio* adhæsisse contra Iconoclastas. Verum imperatrix cum Constantino filio non nisi anno sequenti ad Hadrianum papam seripsit, et male Theophanis interpres in ejus tex-  
tum inseruit hanc vocem, *confestim*; cum nulla in græco ei respondeat.

3. *Obitus duorum califarum.* — Ad num. 16 et seq. Elmacinus lib. 2 Hist. Sarac. refert, *Mahadem* vicesimum quartum califam obiisse anno Arabicō CLXIX, vicesimo secundo Muharrami, ideoque sequenti Christi anno, die tertia mensis Au-  
gusti. Subdit Elmacinus, chronologum suum seri-  
bere tempus imperii Mahadis duravisse « annos decem, et XLV dies, quorum primus fuit Solis, et ultimus Mercurii : elapsis annis Ilegiræ CLXVIII, et diebus XXII, annis autem solaribus mundi 6276, mensibus II, et diebus X ». Quæ omnia vera sunt. Primus enim dies imperii ejus, is nempe qui post mortem Almansoris decessoris ejus illuxil, Domini-  
nica fuit, et ultimus feria quarta. Dies autem ter-  
tius Augusti anno sequenti in diem Mercurii inci-  
dit. Mahadi successit *Musa Alhadis* filius Mahadis,  
a Baronio et Theophane *Moses* appellatus, qui anno DCCLXXXVI mortuus est, anno nempe Ara-  
bico CLXX, die Veneris decimo quarto Rabii poste-  
rioris, postquam imperasset annum unum, menses duos et dies XXII. Obiit itaque *Musa Alhadis* anno Christi DCCLXXXVI, die XIII mensis Octobris, licet verosimile sit errorem in mensem Arabicum ir-  
repsisse. Alhadis successit *Haron Raschid seu Ra-  
siudus*, frater Alhadis, qui fuit vicesimus sextus califa. Ex quibus corrigenda quæ habet Baronius de istis calidis ex Anastasio seu Theophane et auctore Miscellæ. Hi enim de rebus apud Arabes gestis plerumque male edocti. De sepulcro Domini ab Harone califa Carolo regi concessso, et legatis

ad eum missis, de quibus hoc anno Baronius, suo loco agelur.

4. *Annus XIII belli Saxonici.* — Hoc anno, ut annalistæ Petavianus et Maseiacensis habent : « Her-  
rum dominus Carolus venit Saxoniam, terram illam vastantes et destruentes omnia. Et eodem anno verni temporis obsedit rex Carolus Herisburgo et Franci sederunt in gyrum per borderes », ubi *bord-  
erum* voce idem intelligere videntur hi annalistæ ac alii scriptores per *bordarium*, quæ vox praedium rusticum significat, ut seribit Ducangius in Glossario. Haec fusius annalista Loiselianus his verbis : « Rebellati sunt iterum Saxones solito more, et cum eis pars aliqua Frisonum. Tunc deinde dominus Carolus rex iter peragens, Rhenum transiit ad Lippiam, et ingressus est Saxoniam cir-  
cuiendo et vastando, usque dum pervenit Huculin. Ibi consilio inito, eo quod nimium inundationes aquarum fuissent, ut per Thoringiam de Orientale parte introisset super Ostfaloos, et filium suum dominum Carolum dimisisset una cum seara contra Westfaloos. Quod ita factum est. Dominus rex Carolus perrexit per Thoringiam usque ad fluvium Albiam, et inde ad Stangfurd, et inde ad Scaingi. Ibique conventione facta, reversus est in Franciam supradictus gloriosus rex. Westfaloi vero voluerunt se congregare ad Lippiam. Quo audito, supradictus filius domini Caroli regis obviam eis accessit una cum seara, quæ cum eo dimissa fuil in pago, qui dicitur Dragini, et inierunt bellum. Auxiliante Do-  
mino, dominus Carolus filius magni regis Caroli victor extitit una cum Francis, multis Saxonibus interfectis. Volente Deo illæsus remeavit ad genito-  
rem suum in Warmatiam civitatem, ibique inito consilio cum Francis, ut iterum hyemis tempore iter faceret supradictus dominus rex in Saxoniam. Quod ita et factum est. Et celebravit Natalem Do-  
mini juxta Skidrieburg in pago Wausananga, super fluvium Ambra, in villa Ludi ». Huius annalistæ suffragantur Berlinianus ac Metensis cum Egin-  
hardo.

5. *Annus natalis Caroli jun. ex ejus victoria eruendus.* — Franci itaque hoc anno in Saxoniam ter irrupere, semel duce Carolo regis filio, bis duce ipsomet Carolo patre. Cointius hoc anno num. 2 dicit Carolum juniorem, cum de Westphaliis triumphavit, octo duntaxat annorum puerum fuisse, quia scilicet ejus nativitatem in an. DCCLXXXVI confert. Verum ex hac Caroli filii victoria liquet, hunc ætate provectionem fuisse, et anno DCCLXXXII in lucem produisse. Licet enim certum sit anno DCCLXXXVI Carolo regi filium natum esse, is tamen non Carolus regis primogenitus, sed Carolomannus, postea Pippinus appellatus, extitit; alioquin Carolus junior hoc anno armis tractandis par non fuisset.

6. *Moritur Albricus episc. Ultrajecti.* — Ex Appendix ad Nibelungi Chronicon, et ex Altfrido in Vita sancti Ludgeri, si simul conferuntur, tria haec certissima sunt et hoc anno consignanda, uti

recte a Cointio factum, *Widechindi* persecutio ad Flevum usque iluvium, qui Iimes utriusque Frisiae fuit, *Ludgeri* presbyteri secessus in Itiam, et obitus *Albrixi* Trajectensis episcopi. Albrecht septimo anno postquam Ludgerum in Ostergoam miserat, vitam clausit. Nam, ut addit Altfridus : « Consurrexit radix sceleris Widukind dux Saxonum, catenus Gentilium, qui avertit Fresones a via Dei, combustisque Ecclesias, et expulit Dei famulos, et usque ad Fleo flumen fecit Fresones Christi fidem relinquere et immolare idolis juxta morem errores pristini. Sed et Albericus episcopus in ipsa perversa commotione de hac luce migravit ». Hic est itaque annus septimus, ex quo Ludgerus in Ostergoam ab Alberico directus est ; *Witechindus* enim anno sequenti idolis nuntium remisit.

7. *Sæviente in Frisia persecutione Ludgerus et Willehadus a Frisia recedunt.* — Sæviente autem *Witechindus* persecutione, Basilicisque ceterioris Frisiae combustis, *Ludgerus* Romam secessit, atque inde in ducatum Beneventanum, ubi Casinense monasterium, in quo regulam sancti Benedicti didicit, teste Altfrido citato. Ludgero in Itiam abeniti *Willehadus* presbyter socius peregrinationis ab Adamo tribuitur, libro primo cap. 9, qui postea cap. undecimo dicit, Vitam ejus ab Ansgario seu Anshario scriptam fuisse. Ea publicata est anno MDCXLII, ac postea a Mabillonio sæc. iii Benedict. part. 2. Sed hæc in aliquibus capitibus differt ab Actis ab Adamo laudatis.

8. *Obitus S. Fulradi abbatis Dionysiani.* — Obiit hoc anno *sanctus Fulradus* abbas San-Dionysianus rebus pro Ecclesia gestis, et vita sanctitate clarissimus. Hoc enim anno mors ejus consignatur, tam in Chronicis Moissiacensi, quam in Appendix ad Nibelungi Chronicon. Multa monasteria cellasque, cum in Alsatia, tum in Alamannia, et in diecesi Metensi construxit, variaque in favorem eorum et monasterii Dionysiani, a quo pendebant, a Pontificibus Romanis, apud quos diversas legationes obivit, ut suis locis diximus, Privilegia obtinuit. Quantum apud Pippinum regem valeret *Fulradi* auctoritas, discimus ex S. Bonifacii episcopi Moguntini Epistola xcii eidem inscripta, et ex variis litteris, in quibus nuncupatur Pippini « consiliarius, capellanus palatii, Francie archipresbyter, pastor sacrae capellæ », id est, summus palatii capellanus. Jam abbas erat Dionysianus anno DCCL, ut demonstrat Mabillonius lib. 6 de Re Diplom. pag. 628, pluribus chartis in medium adductis. Id quidem negavit Cointius ad annum DCCXLIX, ubi cum ante septimum Pippini regis annum abbatem quidem fuisse multorum monasteriorum a se fundatorum fatetur, sed tunc tantum monasterio Dionysiano præfectum esse contendit. At Mabillonius loco laudato ejus rationibus ita solide satistacit, ut res hæc amplius in dubium revocanda esse non videatur. Ptura de Fulrado

Mabillonius sæc. iii Benedict. part. 2, et Henschenius ad diem xvii mensis Februarii, quo in monasterio Lebrahae in Alsatia, vulgo *Leberaw*, colitur.

9. *Archicapellani dignitas explicatur.* — Quia Fulradus *archicapellanus* fuit cum Pippini tum Caroli, de dignitate archicapellani, que tanta erat, ut principem ubique obtineret locum super archiepiscopos et episcopos, etiam in Synodis, aliquid hic ex Marca lib. 4 de Concordia cap. 7, ad Annales Ecclesiasticos illustrandos, dicendum. Rebus Ecclesiasticis dissentientibus imminebat summus capellanus, qui in palatio huic ministerio præfetus erat, ut docet Adalardus apud *Hincmarum Ep. xiv*, cap. 19. Refert enim auctor ille potiores in palatio fuisse duos regios ministros, capellatum et comitem palatii : « E quibus præcipue duo, id est, apocrisiarius, qui vocatur apud nos capellanus, vel palatii custos, de omnibus negotiis Ecclesiasticis vel ministris Ecclesiae, et comes palatii de omnibus sæcularibus causis vel judiciis suscipiendo curam instanter habebant; ut nec Ecclesiastici, nec sæculares, prius dominum regem absque eorum consultu inquietare necesse haberent, quounque illi præviderent, si necessitas esset, ut causa ante regem merito venire deberet ». Deinde summi capellani manus in iis versari docet quæ pertinent ad officia Ecclesiastica et cetera spiritualia in palatio procuranda. Hæc addit de judiciis Ecclesiasticis : « Aprocisiarius quidem de omni Ecclesiastica religione vel ordine, neconon etiam canonice vel monastice altercatione, seu quaecumque palatum adibant pro Ecclesiasticis necessitatibus, sollicitudinem haberet, et ca tantummodo de externis regem adirent, quæ sine illo plenius definiri non potuissent ».

10. *Idem saepè archicapellanus et apocrisiarius papæ erat.* — *Fulradus* ut Pippini ac Caroli regum sic et Stephani papæ III successorumque sibi amicitiam conciliavit, et in gravissimis negotiis utilitatem Sedis Apostolice procurandam semper suscepit, unde contigit, ut et regis archicapellanus et apocrisiarius papæ fieret. *Apocrisiarii* autem Romanæ Sedis in Francia visi non sunt ante Gregorii III Pontificatum, qui per nuntios seu legatos aut apocrisiarios apud Carolum Majorem-Domus, penes quem Francie tunc omnis administratio erat, bis egit anno DCCXL, ut rejecto Longobardorum fœdere, partes imperatoris amplectetur, et auxilio consilioque Romanis esset. Qui Romanum Pontificatum post Gregorium III gesserunt, ii frequenter nuntios direxerunt in Franciam, resque eo devenit, ut præter legatos, qui pro novis causis emergentibus Roma mittebantur, apocrisiarius Apostolice Sedis in comitatu regis assidue maneret, nec raro id muneris a Romano Pontifice collatum est ei, quem rex archicapellanum palatii sui constituerat, inquit Cointius hoc anno num. 7, ubi plura de archicapellani habet.

## HADRIANI I ANNUS 14. — CHRISTI 785.

*t. Litteræ et legatio Constantinopoli ad Romanum Pontificem.* — Qui sequitur annus Redemptoris septingentesimus octogesimus quintus, octava Indictione exorditur, quo imperatores Constantinus et Irena, de creatione et consecratione Tarasii, quæ contigit in fine anni superioris, ut tradit Theophanes, octavo kalendas Januarii, eadem Indictione octava inchoata, scripserunt litteras atque miserunt legatos ad Hadrianum Romanum Pontificem; quod et præstit Tarasius ipse. Extant litteræ tantum imperatorum, sed ut appareat, datae anno superiori, et ante creationem Tarasii. Recitat eas Anastasius in präambulis Nicæni Concilii, quas lieet mendis aspersas, hic tibi reddendas existimavimus. Vertit ipse in latinum, qui et eamdem Synodus pariter latinitate donavit. Primo autem loco ponemus imperatorum Epistolam, quæ sic se habet :

2. « Divalis sacra a Constantino et Irena AA. ad sanctissimum et beatissimum Hadrianum papam senioris Romæ.

« Qui a Domino nostro Jesu Christo vero Deo nostro suscipiunt sive imperii dignitatem, sive principalis sacerdotii honorem, debent, quæ illi placita sunt et cogitare et curare, et creditos sibi ab illo populos secundum ejus voluntatem regere et gubernare. Ergo debitum nobis et vobis, o sanctissimum caput, hoc est, ut irreprehensibiliter quæ ejus sunt sapianus, et in suis versemur, utpote ab ipso nos quidem imperium, vos vero principalis sacerdotii dignitatem suscipientes. Incipimus ergo hinc sermonem. Scit vestra beatitudo, quæ pridem facta sunt in haec nostra regia civitate propter venerabiles imagines, qualiter qui ante nos regnaverunt, eas destruxerunt et in dishonestatem (dehonestatem) atque injuriam posuerunt. Utinam illis non imputetur : melius enim fuerat non mittere manus suas in Ecclesiam : et omnem populum, qui hic es, imo Orientalem, eodem modo seduxerunt, et in propriam voluntatem retraxerunt, usquequo Deus suscitavit nos regnare in his, quæ in veritate gloriam ejus... et tenere quæ tradita sunt ab Apostolis suis et omnibus simul doctoribus.

3. « Unde nunc constanter cum mundo corde et vero cultu, quæ ad Deum pertinent, una eum omnibus subditis nostris et his sacerdotibus doctissimis locuti sumus, et cum consilio decrevimus, ut fieret universale Concilium. Et rogamus vestram paternam beatitudinem, imo vero Dominus rogat, qui vult omnes salvos fieri et in agnitionem veritatis venire, ut det seipsum, nec tarditatem faciat, et ascendat huc in stabilitatem et firmitatem antiquæ traditionis super venerabilibus imaginibus; debitum enim illi est hoc facere. Agnoscit vero quia scriptum est<sup>1</sup> : Consolamini, consolamini, popule meus, dicit Dominus. Et<sup>2</sup> : Labia sacerdotis custodient scientiam; et de ore ejus egredietur Iex, quoniam Angelus Domini exercituum est. Et iterum divinus et veritatis prædicator Apostolus<sup>3</sup>, qui ab Ierusalem in circuitu usque in Illyricum prædicavit Evangelium, sie mandavit : Pascite gregem Dominicum disciplina, quem Jesus acquisivit proprio sanguine.

« Et tanquam verus primus sacerdos, et is qui in loco et Sede sancti et superlaudabilis Apostoli Petri præsidet (sicut dictum est) ascendat, et simul cum omnibus sacerdotibus, qui hic sunt, inveniatur, et voluntas Dei fiat<sup>4</sup> : Ubi enim sunt duo vel tres congregati in nomine meo (sicut Evangelice didicimus) ibi sum in medio eorum. Certificetur enim et confirmetur a magno Deo et rege omniumque Domino nostro Jesu Christo et a nobis servis ejus, qui ascendentem vestram paternam et sacram beatitudinem huc eum honore et gloria habemus et suscipere, et que opportuna sunt impetriri. Et iterum expleto Capitulo, quod beneplacito Dei Christi speramus fieri, cum honore et magnitudine gloriae praetere illam sinemus (habemus) ad remeandum ad propria. Si enim non potuerit ascendere huc (quod pntamus non fieri, scimus enim studiosum esse circa divina) eligat viros honorabiles habentes scientiam, et dirigat una cum syllabis, ut inveniantur ex persona sacrae et paternæ vestræ beatitudinis hic.

4. « Verumtamen convenientibus ipsis, cum

omnibus sacerdotibus, qui hic sunt, synodice confirmetur antiqua traditio sanctorum Patrum nostrorum, et confundatur omne zizanum male plantatum, et Domini nostri Salvatoris Jesu Christi verbum impleatur<sup>1</sup>: Quoniam portae inferi non prevalebunt adversus eam. Et ex hoc non sit schisma et separatio in una, sancta, Catholica et Apostolica Ecclesia, cuius est caput Christus verus Deus noster. Constantimum præterea sanctissimum episcopum Leontinum Christo amabilis Siciliæ nostræ insulæ, quem melius noscet paterna vestra beatitudo, adduximus ad nos, et facie ad faciem loquentes direximus cum præsenti nostra venerabili jussione ad vos. Qui cum venerit ad vos, continuo absolve eum, ut remeet ad nos, scribens nobis per ipsum adventum tuum, quibus diebus habet moveri illinc et proficisci ad nos. Porro sauciissimum episcopum Neapolitanum omnino tenere debet, ut cum ipso ascendat huc: etenim iter vestrum per Neapolim et Siciliam habet fieri, et super hoc stratego Siciliæ jussimus, ut omnis requie et honoris vestri curam habeat, quo veniat vestra paterna beatitudo ad nos. (Legimus) Data quarto kalendas Septembbris, Indictione septima, a regia urbe».

Quid autem ad ista rescriperit Hadrianus, nescitur, exciderunt ipsæ ad haec redditæ ejus litteræ: quæ enim ipsius Pontificis ad imperatores datae habentur, cum nihil ad excusationem suam habeant de non proficiscendo Constantinopolim, postea scriptæ esse noscuntur per legatos suos, quos misit, non per legatum imperatoris episcopum Leontinum; reddemus eas suo loco.

**5. Tarasii litteræ ad tres patriarchas.** — Porro non imperatores tantum, ut dictum est, sed et ipse Tarasius, mox ut ordinatus est Constantinopolitanus episcopus, litteras seripsit ad eundem Hadriannum Romanum Pontificem: sed non extant; alias insuper seorsum ad Orientalium sedium patriarchas, Alexandrinum videlicet, Antiochenum et Hierosolymitanum litteras dedit, quæ extant<sup>2</sup> ejusmodi inscriptione notatae:

« Exemplar litterarum, quæ missæ sunt ad summos sacerdotes Antiochiæ, Alexandriae et sanctæ civitatis a Tarasio sanctissimo et beatissimo patriarcha Constantinopolitano.

« Multa et magna providentia Dominus Deus hominum vitas regens et protrahens, atque preventum vita uniuscujusque consulte deducens (sine ipso namque factum est nihil) qua et capitlì capitlì nostri numerati sunt ei: et me in laicorum ordine usque nunc commumeratum et imperialibus ministeriis deputatum, nescio quibus indicis [judicis] (ipse scit) in cathedram pontificalem eexit hortatu valido a veritatis propugnatoribus piissimis ac Orthodoxis imperatoribus, et sanctissimis episcopis, seu clericis, in me violenter affectis, quibus succumbens amui, et obedientiæ fructum his carpendum commisi.

6. « El rogo vos sacralissimos, ut tanquam patres me pusillanimem baculo potentiae, id est, paternis vestris magisteriis fulciantis, et veluti fratres puris orationibus vestris nos cum armatura Dei contra versutias adversarii hostis adjuvetis, atque fluctibus invicem surgenlibus vacillantem gubernetis, qualiter pertingam ad portum voluntatis Christi Domini nostri: est enim prorsus apud nos quoddam prælium sine ferro, dum sermones jacent et jaciantur, sed triumphale habemus trophæum, veritatem, quæ non vincitur. Deinde quoque et procellis vehementibus inspirantibus, in auxilium vobis assumptis, harum pusillum quid sufferentes aestum, Christum has increpatem inveniamus, et vitam tranquillam per omnia transiagramus.

« Et his quidem sufficienter in præfatione nostra premissis, in cæteris evidenter horum cognitio demuniabitur. Nunc autem ad aliam intentionem dicendo progredior. Quia enim prisca quædam, et (ut verius fateamur) Apostolica traditio in omnibus Ecclesiis inolevit, ut qui ad pontificium provehuntur, præcedentibus se in eodem ordine, qualiter se habeant, quæ fidei sunt exponendo, commendent: visum est mihi hoc sectanli me vobis inclinare, et liquido confessionem pronuntiare, quemadmodum a tubis saneli Spirilus (quarum sonus in omnem terram exivit, et in fines orbis verba eorum) et ab earum alumnis, et a sæculis, sacratissimis videlicet Patribus nostris educatus, ex ipsis mollibus ungulis didici.

« Credo in unum Deum Patrem omnipotentem, et in unum Dominum Iesum Christum Filium Dei et Deum nostrum, natum ex Patre sine tempore, coætermum. Et in Spiritum sanctum Dominum et vivificantem, ex Patre per Filium præcedentem. Et eundem Deum esse et cognosci, Trinitatem unius substantiæ, unius honoris et sedis, sempiternam et increatam, omnium creaturarum conditricem, unum principium, unam deitatem et dominationem, unum imperium, potentiam et potestatem in tribus subsistentiis, individue quidem divisam et divise (distinctam et distincte) unitam non ex imperfectis tribus unum aliquid perfectum, sed ex tribus perfectis unum superperfectum, uti magnus locutus est Dionysius. Itaque secundum proprietatem personarum tria quidem adoranda, at vero secundum communem naturæ rationem unus Deus omnium factor, visibilium et invisibilium omnium provisor.

7. « Confiteor autem factam propter salutem nostram in novissimis diebus secundum carnem nativitatem unius sanctæ Trinitatis Filii scilicet Dei, et Dei ac Domini nostri Jesu Christi ex veraciter sancta Dei Genitrice semperque Virgine Maria, consubstantialiter quidem factum nobis modis omnibus absque peccato, non autem desinentem quod erat, sed duabus naturis inconfuse inariantibus, una cum consistentibus in se duabus voluntatibus et operationibus, crucifixum pro nobis carne, et

<sup>1</sup> Matth. XVI. — <sup>2</sup> Act. III. Nicæn. II. Conc. version. Anast. Bibl.

sepultum et resurrexisse, in cælosque ascendisse, et venturum judicare vivos et mortuos. Insuper spero resurrectionem mortuorum. Et (credo) in singulorum gestorum redditionem, bonorum scilicet et liis contrariorum.

« Expetens etiam intercessiones sanctissimæ ac intemeratae Domine nostræ Dei Genitricis et semper Virginis Mariæ, sanctorumque Angelorum et sanctorum gloriosissimorum Apostolorum, Prophetarum, martyrum, confessorum et magistrorum : salutans et venerandas iconas eorum : et omnem hæreticam abominans contentionem (contagionem), neenon et eorum ductores et primores, Simonem videlicet, Marcionem, Manem, Paulum quoque Samosatenum, et Sabellium Libyum, eorumque dogmata nefaria pariter et doctrinas. Recipio etiam sanctas et venerabiles sex Synodos, et eorum divina dogmata, tanquam quæ divina inspiratione nobis tradita fuerint. Et cum prima quidem homousion et una cum Patre sine initio Filium esse credens, anathematizo impium Arium et Actium, Eunomium, Eudoxium et Demophilum : post hos quoque, qui jure dicuntur dissimiles et semiariani, et omnem coinqinalam eorum catervam.

8. « Cum secunda vero Synodo OEcumenica scilicet Deum esse Spiritum sanctum et vivificantrem confitens, abjicio Maedonium et omnes qui cum illo ejusdem sunt sensus. Cum his autem et Deo perosum Apotlinarium. Cum tertia autem in unum Dominum Jesum Christum verum Deum nostrum ex Patre genitum, eundemque in novissimis diebus propter salutem nostram incarnatum ex sancta Dei Genitrice semperque Virgine Maria, abdicans hominis cultorem Nestorium et bigam, quæ circa ipsum est (Diodorum aio et Theodorum), neenon et eorum prodigiosam fabulam prædicantes et in Christo personaliter dualitatem informantes, procul a confessione mea repello. Præterea eum quarta ex duabus naturis, et in duabus naturis unum sanctæ Trinitatis Christum Dominum nostrum carne venisse sentiens, anathematizo Euthychem, Dioscorum et eorum sine capite multitudinem una cum divinitus fulminando Severo, Juliano Halicarnasseo, qui fabulasse Dominum nostrum incorruptum corpus suscepisse perhibetur.

« Denique quintam Synodus, quæ sicut machæra spiritus in superficie quodammodo ex prioribus temporibus navigantes iniquas rescidit hæreses et inventores patefecit earum, Origenem videlicet et Didimum et Evagrium. Ita et ego utpote portentosas ipsorum hæreticorum fabulationes repello.

9. « Porro per sextam, sicut ex duabus naturis Christum, ex quibus et in quibus est, olim esse didiceram : ita et duas naturas voluntates et operationes ejus in utraque natura credidi, humana scilicet et divina, et submitto anathemati Cyrum, Sergium, Honorium, Pyrrhum, Paulum, ut Sodo-

miticam vitem, et Gomorrhelicam propaginem, amaritudinis botryonem habentem, odi. Ipsius autem sancte sextæ<sup>1</sup> Synodi cum omnibus dogmatibus quæ legaliter et divinitus ab ea promulgata sunt, etiam depromptos canones recipio, in quibus refertur quod sequitur.

« In quibusdam venerabilium imaginum picluris Agnus digito præcursoris exaratur ostensus, qui in figuram præcessit gratia, verum nobis per legem demonstrans agnum, Christum videlicet Dominum nostrum. Veteres ergo figuras et umbras, utpote veritatis indicia, et præcedentes characteres Ecclesiae traditos salutantes, gratiam honore præferimus et veritatem, hanc ut legis plenitudinem admittentes. Ut ergo perfectio etiam per colorum operationes in omnium vultibus depingatur, characterem Agni Dei nostri Christi, qui tollit peccata mundi, secundum humanitatem etiam in iconis ex hoc pro veteri agno definimus depingi, per eum videlicet celitudinem humanitatis Dei Verbi considerantes, et ad memoriam conversationis, quam in carne gessit, passionis quoque ac salutaris mortis ejus adducti, ac redemptionis, quæ huic est mundo effecta.

« Superfluas altercationes et garrulitates post-hac inconsulte promulgatas, et apud nos minime receptas, neque per divinam gratiam dictas, irritas aestimamus (nec Ave dicentes) fugacisque (nugacisque) faeturæ, accingimur lumbos mentis nostræ in veritate. Et suscitamus una cum piis et fidelibus imperatoribus nostris, propugnatoribus videlicet veritatis ad unitatem sancte Dei Ecclesiae : a quibus et Synodus universatem petivimus in præsentia totius coram Deo amabilis populi. Et postulationi nostrae pie annuerunt.

« Vos, qui superaedificati estis super fundatum Apostolorum et Prophetarum, ipsum videlicet summum et angularem lapidem Christum Jesum (quemadmodum de præcedentibus dictum est) concertatores et consecratores, accurrite confidentes. Præsumentes confidentiam tam habemus (non quod sufficientes simus cogitare aliquid a nobis, quasi a nobis, sed sufficientia nostra ex Deo est) quia disrupta membra et disissa in unum corpus compactum et connexum crescere faciet, in quibus caput est Christus, ut ultra jam non dispersa sint.

10. « De cætero rogamus sanctitatem vestram usque ad duos loci servatores mittere ad nos cum Deiloqua Epistola sua, et quicquid fuerit divinitus super hoc negotio revelatum, nobis facere manifestum, sed secundum quod debitum est, tam loci servatores, quam litteræ vestræ Synodicæ, sive ad loquendum, sive ad legendum in omnibus inventientur; qualenus per hoc quæ scissa sunt uniantur. Idipsum enim et a præsule senioris Romæ petivimus. Et rogo vos fraterne, Apostolicam vobis vocem pronuntians, tanquam Deo exhortante per nos, omnia perscrutantes secundum consilium

<sup>1</sup> De consecrat. dist. iii. cap. Sextum sanctum.

vestrum, quod in Deo patefacite nobis. Scriptum est enim<sup>1</sup>: *Labia sacerdotum custodient scientiam, et legem exquirunt ex ore eorum : certi enim sumus, quod semina veritatis in vobis salva custoditis.* Sed et pii imperatores nostri per cuncta Orthodoxæ veritatis firmitatem sectantur, et Domino Deo supplicare non cessant, secundum Gregorium, qui a Theologia nomen sortitus est, ut efficiamur nos, qui unius Dei existimus, unum, et qui sumus Trinitati uniti, et honore pares atque unanimis in cunctis inveniamur : et qui sumus sancti Spiritus, non contra invicem, sed pro invicem simus : et qui sumus veritatis, id ipsum sapientes atque dicentes exhibeamur, et non sit contentio vel dissensio in nobis; sed sicut habemus unum baptismum, unam fidem, ita et consonantiam unam in omni Ecclesiastico negotio. Et pax Dei, quæ exsuperat omnem sensum, in unum nos conducat, et divisa uniat, atque diuturnum vulnus sanet, et in incolumente fidei integros servet, et in vera confessione et concordia stabiliat omnes, uniatque sanctam Ecclesiam suam, et compescat scandala, quæ superjacent ei, intercessionibus intemeratae Dominæ nostræ Dei Genitricis, et omnium sanctorum. Fiat. Amen ». Hactenus ad tres patriarchas Tarasii Epistola. Quem et scripsisse etiam ad Hadrianum papam, testatur Theophanes, ubi ait: « Octavo kal. Januarii ipsius octavæ Indictionis consecratus est almus pater noster Tarasius patriarcha Constantinopolitanus : qui missis Synodicis Romani viris et libello fidei suæ, receptus est ab Hadriano papa ». Non extant hujusmodi litteræ Tarasii, nisi dixerimus, easdem ad eum missas esse, quas nuper recitavimus datas ad tres Orientales patriarchas. Scripsere tunc pariter imperatores ad Hadrianum, ut tradit idem Theophanes, ubi ait: « Mittens autem et imperatrix, petiit ab Hadriano papa, ut mitteret litteras suas, et homines claros, qui invenirentur in Synodo ». Hæc Theophanes.

11. Porro de veritate harum litterarum plura sunt testimonia, ut de eis nullus dubitare possit. Siquidem de litteris ab Irena missis ad ipsum Hadrianum, testis est etiam Nicolaus papa, scribens ad Michaelem imperatorem, ex quibus etiam fragmentum recitat, quo declaratur, imperatores rogasse ipsum Hadrianum, ut se Constantinopolim conferret, judicantes primæ Sedis Pontificis necessariam esse præsentiam ad comprimendam hæresim, quæ opera antecessorum imperatorum adeo invaluerat. Sunt hæc enim Nicolai verba<sup>2</sup> ad Michaelem, dum commendat modestiam Orthodoxorum imperatorum: « Non hoc aliis Constantinus et Irena Augusti dicunt, qui ad Hadrianum papam scribentes, aiunt: Rogamus vestram paternam beatitudinem, magis quidem Dominus rogarat<sup>3</sup>, qui vult omnes homines salvos fieri, et in agnitionem veritatis venire, ut det seipsum, et nullam tarditatem faciat, et ascendat hic ». Et paulo post:

« Si non potuerit (inquinat) ascendere hic : eligat viros pretiosissimos, et dirigat una cum syllabis, etc. » Hæc Nicolaus de litteris imperatorum ad Hadrianum.

12. *Hadriani reprobantis electionem Tarasii Epistolæ ad imperatorem et ad ipsum Tarasium.* — Cum autem ipse Romanus Pontifex, acceptis Orientalibus litteris a novo electo patriarcha Tarasio atque ab imperatoribus, manifeste cognovit ipsum Tarasium ex laico esse provectum in patriarchatum : factum injuscemodi exhorruit tanquam monstrum, in memoriam revocans, qualia quantaque passa fuerit Romana Ecclesia, cum haud pridem intrusus fuerit in eam homo Iaicus Constantinus, et quomodo oportuerit Synodalibus occurrere decretis, quibus caveretur ne unquam laicus quisquam in sedem Pontificiam prosiliret. Quod igitur vetulum est tum in Romana Ecclesia, tum etiam in aliis cunctis Occidentis et Orientis Ecclesiis, prohibentibus id antiquis atque recentioribus Conciliorum canonibus : non potuit Hadrianus non vituperasse quod factum modo esset Constantinopoli. Quamobrem veluti electionem ejus perperam factam detestatus, non recipiendam esse rescripsit, nisi ipse omnem penitus hæresim aboleret atque hæreticos proligaret. Testatur id quidem de litteris Hadriani Nicolaus ad Photium scribens, qui cum istidem ex laico proiectus esset in thronum, et excusaret exemplo Tarasii, ad eum idem Pontifex Nicolaus rescripsit his verbis<sup>4</sup>:

13. « De Tarasii siquidem promotione, qui similius ex laicali cœtu ad patriarchatus exemplo culmen promotus est : quam et vos quasi in auctoritatem vestrae defensionis assumere vultis : si sanctam quæ apud vos, tempore sanctissimi viri Hadriani papæ, celebrata est, Synodus diligentius scrutati fueritis atque attentius intenderitis, invenietis quid in ea idem sanctissimus vir consultus decreverit : et quod dum ejus consecrationis penderet actus, et mœrem se pro tam præsumptiva factione (præsumpta actione) nimium sustinere profiteretur : dicit etiam (enim): Quod nisi in erigendis imaginibus ferventius contra illarum depositores atque illarum conculeatores, ut verus miles Christi resisteres : nequaquam vestrae consecrationi assensum præberemus, aut in ordine patriarchatus vestram dilectionem susciperemus ». Hæc apud Nicolaum Pontificem. Sed præstat ipsam hic integrum Epistolam datam, primum ad imperatores describere ob multiplicium rerum gestarum, quæ continet, argumenta. Epistola igitur redditia ab Hadriano ad imperatores sic se habet scripta hoc anno, mense Octobris, nona jam Indictione inchoata :

14. « Hadrianus episcopus servus servorum Dei dominis piissimis ac beatissimis victoribus imperatoribus ac triumphatoribus filiis diligendis in Deo Domino nostro Jesu Christo Constantino et Irene Augustis<sup>2</sup>.

<sup>1</sup> Malac. II. — <sup>2</sup> Nicol. Ep. VIII. — <sup>3</sup> 1. Tim. II.

<sup>4</sup> Nicol. Ep. VI. — <sup>2</sup> Conc. Nic. II. Act. II. ex vers. Anastas.

« Deus, qui dixit<sup>1</sup> de tenebris lucei splende-re, qui eripuit nos de potestate tenebrarum per Filii sui veri scilicet luminis Incarnationem, in quo complacuit omnem plenitudinem Deitatis ha-bitare, et per eum renovare omnia, et in ipso paci-ficans per sanguinem Crucis ejus, sive quae in cælis, sive quae in terris sunt : per multiplices divitias bonitatis suæ in faciem Ecclesiæ suæ respiciens, vestram præseitam et destinatam serenissimam et imperialem elementiam ad fidei tunc integritatem vocare dignatus est, ita ut omni falsitatis nubilo procul exploso, per vos victricem faciat veritatem.

« Quantum enim relationibus vestræ piissima tranquillitatis ad nos venientium didicimus : etiam ipso auditu nimis noster exultans relevatus est animus, et totum jucunditatis gaudium in eorū nostrum ascendit, ut lingua humana explicare nullus sufficiat sermo : quia nimirum magis nobis lætitia de vestris jussionibus nunc orta est, quam dudum pro schismaticorum hæresi mœror affec-tat. De his quippe in his venerandis jussionibus vestris referebatur, quæ pridem facta sunt in vestra regali civitate propter venerabiles imagines, quas, qui ante vos regnaverunt, destruxerint, et in inhonestate atque injuria posuerint. Utinam illis non imputetur : melius enim fuisset non mittere manus in Ecclesiam eorum.

13. « Et quia omnis populus, qui ibidem est, imo in Oriente modo erraverunt, et sua voluntate usi sunt illis, usquequo Deus erexit vos regnare, qui in veritate quæritis gloriam ejus, et quæ tra-dita sunt a sanctorum Apostolorum et omnium simul magisterio tenere, quibus reservantes et venerabiles imagines ad vestrum piissimum imperium laudabiliter exaratas reperientes, atque hæ-reticorum abjicientes vesaniam, seu in divina examinationis judicio principum, qui manus mise-runt in Ecclesiā, piaulum deputantes, vestram a Deo promotam in triumphis imperiale potentiam insontem esse ab eorum saevitia prorsus credi-mus. Unde omnipotens Dei clementiam exoran tes, referimus grates sine fine, tenentesque ea, quæ vestra sanxit et cœpit serenitas, constantia (con-stantes) estote.

« Quod si perseverantes permanseritis in ea, quam cœpistis, Orthodoxa fide, et per vos partibus illis in pristino statu erectæ fuerint sacrae et vene-rabiles imagines : sicut piæ memorie dominum Constanti-num et beatam Helenam, qui fidem Orthodoxam promulgant, atque sanctam Catholi-cam et Apostolicam spiritualem matrem vestram Romanam Ecclesiam exaltaverunt, et cum cæteris Orthodoxis imperatoribus, utpote caput omnium Ecclesiarum, venerati sunt : ita vestrum a Deo protectum clementissimum nomen, novum Con-stantinum et novam Helenam habentes, per quos in primordiis sancta Catholica et Apostolica Eccle-sia robur fidei sumpsit, ad quorum instar vibra-

tissime, ac in toto orbe terrarum vestra optatis-sima in triumphis imperialis fama laudabiliter divulgatur. Magis autem si Orthodoxæ fidei se-quentes traditiones, Ecclesiæ beati Petri Apostolo-rum principis amplexi fueritis censuram ; et sicut antiquitus vestri prædecessores sancti imperatores egerunt, ita et vos eam honorifice venerantes, ejus vicarium ex intimo dilexeritis corde, postquam vestrum a Deo concessum imperium eorum secu-tum fuerit Orthodoxam, secundum sanctam Ro-manam nostram Ecclesiam, fidem, ipse princeps Apostolorum, cui a Deo ligandi solvendique pec-cata in cælo et in terra potestas data est, crebro vobis protector existens, omnesque barbaras natio-nes sub vestris prosternens pedibus, ubique vos victores ostendet.

16. « Etenim ejus insignia dignitatis sacra-pandit auctoritas, quantaque veneratio ejus summæ Sedi exhibenda sit a fidelibus cunctis per orbem : Dominus enim eundem clavigerum regni celo-rum cunctis præposuit principem, et hoc ab ipso honoratur privilegio, quo ei claves collatae sunt regni celorum. Isto igitur tam præcelso prælatus honore promeruit confiteri fidem, supra quam fundatur Ecclesia Christi : beatam confessionem beatitudo secuta est premiorum, eujus prædica-tione sancta venerabilis illustrata est Ecclesia, et ex ea cæteræ Dei Ecclesiæ fidei documenta sumpse-runt. Nam ipse princeps Apostolorum beatus Pe-trus, qui Apostolice Sedi primitus præsedidit, Apo-stolatus principatum ac principalis eurae successo-ribus suis, qui in ejus saeratissima Sede perenniter sessuri sunt, dereliquit, quibus et auctoritatis po-testatem quemadmodum a Salvatore nostro Do-mino Deo ei concessa est, et ipse quoque suis con-tulit ac tradidit divino jussu successoribus Ponti-ficibus.

« Quorum traditione Christi saeram effigiem, sanctæque ejus Genitricis Apostolorumque vel omnium sanctorum veneramur imagines ; ex eo enim quod Christi Dei nostri Ecclesiæ tempore quietis et pacis apertæ sunt fore, hactenque de-pictæ Ecclesiæ imaginibus sunt ornatae, beato atque beatissimo papa Silvestro testatae. In ipsis enim exordiis Christianorum, cum ad fidem con-verteretur pius imperator Constantinus, sic legi-tur :

17. « Transacta die, nocturno regi facto silen-tio, somni tempus advenit : et ecce adsunt sancti Apostoli Petrus et Paulus dicentes : Quoniam flagi-tiis tuis posuisti terminum, et effusionem inno-centum sanguinis horruisti, missi sumus a Christo Jesu Domino dare tibi sanitatis recuperandæ con-silium. Audi ergo monita nostra et fac omnia quæcumque indicabimus tibi. Sylvester episcopus civitatis Romæ ad montem Soractem persecutions tuas fugiens, in cavernis petrarum cum suis clericis latebras sovet. Hunc eum ad te adduxeris, ipse tibi piscinam oslendet, in quam dum tertio merserit, omissis te valetudo deseret lepræ. Quod dum factum

<sup>1</sup> 2. Cor. xiv.

fuerit, hanc vicissitudinem Salvatori tuo compensa, ut omnes jussu tuo per orbem totum Romanum Ecclesiæ restaurarentur. Tu autem in hac parte purifica te, ut reliqua omni superstitione idolorum, Deum unum, qui verus et solus est, adores et excolas, et ad ejus voluntatem attingas.

« Exsurgens itaque a somnis, statim convocans eos, qui observabant palatium, et secundum tenorem somni sui misit ad montem Soractem, ubi sanctus Silvester cum suis clericis receptus lectinibus et orationibus insistebat. At ubi a milibutis se conventum vidi, credidit se ad martyrii coronam evocari, et conversus ad clerum omnem, qui cum eo erat, dixit: Ecce nunc tempus acceptabile. Ecce nunc dies salutis. Profectus itaque, ut dictum erat, pervenit ad regem, qui nuntiatus cum tribus presbyteris et duobus diaconis introivit. Ingressus dixit: Pax tibi, et victoria de cœlo ministrentur. Quem cum rex alaeri animo et vultu placidissimo suscepisset: omnia illa, quæ facta, quæ dicta sunt, quæ etiam revelata sunt, secundum textum superiorius comprehensum exposuit. Post finem vero narrationis suæ perennetabatur, qui essent dii Petrus et Paulus, qui illum visitassent ob eam causam suæ salutis, et ejus latebras detexissent.

48. « Silvester respondit: Hi quidem dii non sunt, sed idonei servi Christi et Apostoli electi ab eo, et missi ad invitationem Gentium, ut credentes salutem consequantur. Cumque hæc et his similia Augusto diceret papa, interrogare cœpit Augustus; utrumnam istos Apostolos habeat aliqua imago expressos, ut ex pictura disceret quos relatio docuerat. Tunc sanctus Silvester missio diacone, imagines Apostolorum sibi exhiberi præcepit, quas imperator adspiciens, ingenti clamore cœpit dicere ipsos esse quos viderat, nee debere jam differre factam per Spiritum sanctum ostensionem piscinæ, quam ipsos promissoe sue saluti memorabat.

« Ecce (ut præmissum est) sanctorum figuræ ab ipsis sanctis fidei nostræ rudimentis apud omnes fuerunt Christianos, atque in Ecclesiis sanctorum saerae figuræ expressæ atque depictæ haetenus fuerunt, quatenus Gentilitas paganorum conspectu divinæ Scripturæ depicta historia ab idolorum cultura et dæmonum simulacris ad verum Christianitatis lumen atque amoris Dei culturam verti deberet. Sicut et præcipius pater, atque idoneus præparator beatus Gregorius hujus Apostolieæ Sedis præsul ait, ut hi qui litteras nesciunt, saltem in parietibus videndo legant, quæ tegere in Codicibus non valent. Ob hoc quippe sancti probatissimi Patres ipsas imagines atque picturas divinæ Scripturæ et gesta sanctorum in Ecclesiis depingi statuerunt, et cuncti Orthodoxi atque Christianissimi imperatores, et omnes sacerdotes ac religiosi Dei famuli, atque universus Christianorum cœtus, sicut a principio traditionem a sanctis Patribus suscepérunt, easdem imagines atque picturas ob memoriam piæ compunctionis venerantes observaverunt, et in partibus illis usque ad tempora

proavi serenitatis vestræ Orthodoxæ coluerunt. Sed ipse vester proavus per quorundam impiorum immisiones easdem depositus sacras imagines; et ex hoc error magnus in ipsius Græciæ partibus acrevit, et ingens scandalum in universum mundum devenit, sicut ipsa veritas testatur<sup>1</sup>.

19. « Unde magno dolore constricti dominus Gregorius atque alius item Gregorius beatissimi Pontifices, qui illo tempore existebant, eumdem vestræ tranquillissimæ pietatis proavum, suis Apostolicis exhortationis apicibus deprecati sunt, ut ab eadem novæ præsumptionis temeritate resipiseret, easdemque imagines in primo statu restitueret. Sed nullo modo eorum saluberrimis deprecationibus inclinatus est. Et postmodum dominus Zacharias et Stephanus atque Paulus, et alius item Stephanus prædecessores nostri sancti Pontifices sèpius avum, seu genitorem vestræ serenissimæ tranquillitatis pro statuendis ipsis imaginibus sacris deprecati sunt: simulque et nostra pusillitas cum magna humilitate vestram studuit clementissimam imperialem potentiam constanter postulare. Et demum subnixius quæsivimus, ut sicut a sanctis Patribus et prædecessoribus nostris probatissimis Pontificebus suscepimus, divinæ historiæ scripturam in Evangelii pro memoria pia operationis et doctrina imperitorum depingimus, et saecula imaginem Domini Dei et Salvatoris nostri Jesu Christi secundum incarnationem ejus humanam formam in aula Dei constituiimus, simulque et sanctæ ejus Genitricis atque beatorum Apostolorum, Prophetarum, martyrum, et confessorum, ob horum amorem designantes, veneramur: ita et vestra elementissima imperialis potentia partibus ejusdem Græciae faciat vestræ Orthodoxæ fidei consignari, ut sicut scriptum est<sup>2</sup>: Fiat unus grex et unum ovile: quia in universo mundo, ubi Christianitas est, ipse sacre imagines permanentes ab omnibus fidelibus honorantur, ut per visibilem vultum ad invisibilēm divinitatis majestatem mens nostra rapiat per affectu contemplationem figuratae imaginis secundum carnem, quam Filius Dei pro nostra salute suscepere dignatus est, eumdem Redemptorem nostrum, qui est in cælis, adoramus.

20. « Nam absit a nobis, ut ipsas imagines (sicut quidam garriunt) deificeamus, sed affectum et dilectionem nostram, quam in Dei amorem et sanctorum ejus habemus, omnimodo præferimus: et sicut divinæ Scripturæ libros, ipsas imagines ob memoriam venerationis habemus, nostræ fidei puritatem servantes. Nam Creator noster Dominus Deus<sup>3</sup>, dum ad imaginem et similitudinem suam de limo terræ plasmasset hominem, sagacitatis industria illustrans, in proprio considerationis arbitrio eum constituit. Et ipse primus homo ex proprio arbitrio divina inspiratione cuncta animantia et volatilia cœli, et omnes bestias terræ propriis nominibus appellavit, et in ipsa appellatione per-

<sup>1</sup> Matth. xviii. — <sup>2</sup> Joan. x. — <sup>3</sup> Genes. ii.

misit animantia permanere. Etiam<sup>1</sup> et Abel divino ignitus spiritu, de primogenitis gregis sui munera ex proprio considerationis arbitrio Domino obtulit: pro quo legimus, quod respexisset Deus ad Abel et ad munera ejus. Porro post Noe<sup>2</sup> et diluvii inundationem, et ipse superna inspiratione suo arbitrio propriæ adinventionis consideratione altare Domino ædificavit, et de cunctis pecoribus et volucribus mundis holocausta super eodem altare Domino obtulit. Similiter etiam Abram (sicut scriptum est) suo arbitrio altare ædificavit ad honorem et gloriam Dei, qui apparuit ei. Sic Jacob fugiens<sup>3</sup> Esau fratrem summi, dum in somnis Angelos Dei ascendentis in cælum et descendentes per scalam atque innixum ipsi scalæ loquentem sibi Dominum adspiceret, surgens protinus suo arbitrio tulit lapidem, quem supposuerat capiti suo, erexitque in titulum, fundens oleum desuper, appellavitque locum illum Bethel, dicens: Non est hic aliud, nisi dominus Dei et porta cæli. Porro nequaquam omnipotens Deus iratus est, quod lapidem illum erexit in titulum suo arbitrio et consideratione: unde post paululum in eadem historia Geneseos fertur dictum illi fuisse: Ego sum Deus Bethel, ubi unxiisti lapidem et votum vovisti mihi. Ob quam sane causam non legimus illi iratum Deum: non enim illi exprobravit, quod sua voluntate lapidem erexit.

21. « Ecce serenissimi domini filii, magni principes, omnia, que humana consideratione ad laudem Dei parantur, non sunt prohibenda; potius autem omnino Creatori nostro Domino constat esse placabilia. Nam idem ipse<sup>4</sup> Jacob proprio demum arbitrio summittatem virgæ filii sui Joseph deosculatus est, fidei dilectione hoc agens, sicut beatus Paulus in Epistola ad Hebreos<sup>5</sup> testatur: Non virgæ, sed tenenti eam honoris et dilectionis tribuit affectum. Sic et nos pro amore et dilectione, quam apud Dominum et sanctos ejus habemus, honorabiles eorum effigies imaginibus depingentes, non tabulis et coloribus honorem exhibemus, sed illis, pro quorum honore consistunt.

« Rursumque legimus, præceptum fuisse<sup>6</sup> Moysi a Domino Deo nostro, cum dicitur: Facies et Propitiatorium de auro mundissimo duorum cubitorum, et dimidium erit longitudine ejus, et semis cubitus altitudo: duos quoque Cherubim aureos, et productiles facies ex utraque parte oraculi. Et post paulum<sup>7</sup>: Ad cooperiendam Arcam, in qua pones testimonium, quod dabo tibi: inde præcipiam et loquar ad te super Propitiatorium. Sed et medios Cherubim, qui erant super Arcam testimonii: sed et in cortinis atque opertorio tabernaculi Cherubim in textrino opere diversis coloribus tieri præceptum est. Considerandum quippe est, tranquillissimi domini filii, magni principes, quod omnipotens Dominus Deus noster, inter eos Cherubim

manufactos existentes, ob salutem populi sui loqui dignatus est. Porro dubium non est, quod omnia, quæ in Ecclesiis Dei ad laudem et decorem ipsius constituta sunt, sancta ac veneranda esse noscuntur.

22. « Et in hoc, serenissimi filii, addendum est ad incredulorum satisfactionem et directionem errantium, quod Deus famulo suo<sup>1</sup> Moysi præcepit, dicens (in libro enim Numeri ita legitur præceptum contra pestem, quæ in eos irruerat): Fae serpentem et pone eum pro signo: qui percussus adspiceret eum, vivet. Fecit ergo Moyses serpentem æreum et posuit pro signo: quem cum percussi adspicerent, sanabantur. O insania frementium contra fidem et religionem Christianam, ut asserant, non colere aut venerari debere imagines, in quibus figuratae sunt Salvatoris effigies et ejus Genitricis vel sanctorum, quorum virtute subsistit orbis atque potitur humanum genus salute! Ærei serpentis inspectione credimus Israeliticum populum a calamitate injecta liberari, et Christi Domini nostri et sanctorum effigies adspicientes atque venerantes dubitamus salvari? Absit tali nefariæ temeritati cedere assensum. Patrum priscas sequamur traditiones, et ab eorum doctrina nulla declinemus ratione. At vero et Salomon<sup>2</sup> rex in templo, quod aedificavit, Cherubim ad gloriam Dei fecisse legimus, etiam diversis coloribus idem adornavit templum: ob hoc quippe nos et omnes Orthodoxi, ob confessionem fidei nostræ, ad pulchritudinem domus Dei varietatem colorum atque ornamenti picturam exhibemus, quemadmodum Isaías propheta vaticinatus ait<sup>3</sup>: In die illa erit altare Domini in medio terræ Ægypti, et titulus Domini juxta terminum ejus: eritque in signum et in testimonium Domino exercituum in terra Egypti. Clamabunt enim ad Dominum a facie tribulantibus: et mittet eis Salvatorem et propugnatorem, qui liberet eos.

« Sicut eximus Prophetarum beatus David cecinit, dicens<sup>4</sup>: Confessio et pulchritudo in conspectu ejus. Et idem ipse: Domine, dilexi decorem domus tuæ et locum tabernaculi gloriæ tuæ. Et iterum adventum Redemptoris nostræ atque Incarnationem ipsius Filii Dei annuntians, magnopere vultum ejus secundum humanitatis ipsius dispensationem adorari præmonuit, inquiens<sup>5</sup>: Vultum tuum, Domine, requiram. Et post: Vultum tuum deprecabuntur omnes divites plebis. Et rursum<sup>6</sup>: Signatum est super nos lumen vultus tui, Domine. Hinc et beatus Augustinus præcipius Pater et optimus doctor in suis admonitionum sermonibus ait: Quid est imago Dei, nisi vultus Dei, in quo signatus est populus Dei?

23. « Præterea et B. Gregorius Nyssenus episcopus inter plura, quæ in sermone habet, quem de Abraham instituit, ita dixit: Vidi multolies con-

<sup>1</sup> Genes. iv. — <sup>2</sup> Genes. viii. — <sup>3</sup> Genes. xxviii. — <sup>4</sup> Genes. xxix.

<sup>5</sup> Hebr. xi. — <sup>6</sup> Exod. xxxvii. — <sup>7</sup> Exod. xxxviii. xxxix. xl.

<sup>1</sup> Num. xxii. — <sup>2</sup> Reg. vi. — <sup>3</sup> Isa. xix. — <sup>4</sup> Psal. xcvi. —

<sup>5</sup> Psal. xxv. — <sup>6</sup> Psal. iv.

scriptionem imaginis Passionis, et non sine lacrymis visionem praeterii, opere artis ad faciem affarentis historiam, et cætera. De interpretatione ejus in Canticis Canticorum : Sicut scripta doctrina (dicit) materia quædam est omnino in diversis tinteturis, quæ compleat animæ imitationem : ita qui ad imagines conspicit, ex eadem arte per colores completam tabulam, non tinteturis præfert contemplationem, sed ad visionem depictam conspicit tantummodo, quam per colores magister demonstravit.

« Et in Epistola Basili ad Julianum transgresorem missa, refertur : Secundum id quod a Deo hæreditate possidemus, nostram immaculatam fidem Christianorum confiteor et sequor, et credo in unum Deum Patrem omnipotentem, Deum Filium, Deum Spiritum sanctum, unum Deum, hæc tria adoro et glorifico. Confiteor autem et Filii incarnatam dispensationem, et Dei Genitricem, quæ secundum carnem eum genuit, sanctam Mariam. Suscipio vero et sanctos Apostolos, Prophetas, martyres, qui ad Deum deprecationem faciunt, quia per eorum interventionem propitiator mihi efficilur misericordissimus Dominus, et remissionem mihi facinorum donat, pro quo et figuras imaginum eorum honoro et adoro et veneror specialiter : hoc enim traditum est a sanctis Apostolis, nec est prohibendum ; ac ideo in omnibus Ecclesiis nostris eorum designamus historiam.)

24. « Item ejusdem de sermone in sanctos quadraginta martyres : Nam et bellorum triumphos ac victorias et sermonum conscriptores multoties et pictores significant, quidam quidem verbis adornantes, quidam vero tabulis presignantes : et multos utrique ad virilitatem excitaverunt. Quæ enim sermo historiæ per auditum depinxit, haec conscripta silens admonilio per imitationem demonstrat.

« Item beati Joannis archiepiscopi Constantiopolitani, qui et Chrysostomi, de parabola semantis : Indumentum imperiale si contumelias afficeris, nonne ei, qui induitur, contumelias irrogas ? Nescis quia si quis imagini imperatoris injuriam infert, in ipsum imperatorem, id est, in ipsum principalem et ad ejus dignitatem refert injuriam ? Nescis quod si quis imagini quæ ex ligno et coloribus est, maledicit : non judicetur, veluti si contra inanimatum quiddam præsumptuose gesserit, sed tanquam is qui contra imperatorem egerit ? Dupliciter enim in imperatorem contumeliam infert. Et iterum de sermone ejusdem Patris habito in quinta feria Paschæ : Omnia nostra facta sunt propter gloriam Dei et usum nostrum : nubes ad imbrum ministerium ; terra ad fructum abundantiam ; mare navigantibus absque invidia est : omnia famulantur homini, magis autem imagini Dei : neque enim quando imperiales vultus et imagines in civitates introduceuntur, et obviant judices et plebes cum laudibus, tabulam honorant, vel superius eam scripturam, sed figuram imperatoris.

Sic et creatura non terrenam speciem honorat, sed caelestem ipsam figuram reveratur.

25. « Similiter et beati Cyrilli, ex interpretatione sancti Evangelii secundum Matthæum, sermonem proferimus : Depinxit enim fides, quod in forma Dei extitit Verbum, sicut et nostra vita redemptio oblata est, Deus secundum nos carne induitus et faetus homo. Idem ipse post pauca : Imaginum nobis expletum opus parabolæ, significantes virtutem, ac si oculorum adhibitione et palpatu manus suggerant etiam ea, que in exilibus cogitationibus invisibiliter habent contemplationem.

« Item sancti Athanasii episcopi Alexandrini de Humanatione Domini, cuius initium est : Sufficienter quidem de multis pauca sumentes intimavimus. Et post : Et ipsa, quæ scribuntur in lignis abolita forma per exteriorcs sordes, iterum necessere est idipsum in omnibus sumere et unire ei cuius est forma, ut revocari possit imago in eadem materia et elemento : per eamdem enim formam atque materiam ubi et conserbitur et non dejicitur, sed in ea ipsa configuratur, etc. (Totum id significans, quod est in imagine, esse referendum ad imaginatum).

« Item beati Ambrosii ad Gratianum imp. ex libro tertio, capitulo nono : Numquidne quando et deitatem et carnem adoramus, dividimus Christum ? aut quando in ipso et Dei imaginem et crucem adoramus, dividimus cum ? Absit.

« Item sancti Epiphani Consstantiae Cypri : Numquid enim et imperator pro eo quod habet imaginem, duo sunt imperatores ? non sane : sed imperator unus est etiam cum imagine.

26. « Item sancti episcopi Stephani Bostrorum de imagine sanctorum : De imaginibus vero sanctorum confilemur : quoniam omne opus, quod fit in Dei nomine, bonum est et sanctum : aliud est enim imago, et aliud simulacrum, id est, parva statua. Quando enim Deus Adam plasmavit, id est, condidit, dicebat : Faciamus hominem ad imaginem et similitudinem nostram, et fecit hominem ad imaginem Dei. Numquid enim quia imago Dei est homo, ideo simulacrum, id est, idolorum cultus est et impietas ? nequaquam fiat. Si enim Adam imago dæmonum esset, abjectus utique et inacceptabilis est. Omnis enim imago in nomine Domini, aut Angelorum et Prophetarum, aut Apostolorum, aut martyrum, aut justorum facta, sancta est. Non enim lignum adoratur, sed id quod in ligno conspicitur et memoratur, honorificatur. Omnes enim nos adoramus principes et salutamus, licet et peccatores sint : eur ergo non debemus adorare sanctos Dei servos, et in memoriam eorum constitutere et erigere imagines eorum, ne oblivioni tradantur ? Sed dicas, quia ipse Deus interdixit adorare manufacta. Die itaque, o Judæe, quid est super terram quod non sit manufactum, cum a Deo sit factum ? Numquid Arca Dei, quæ ex lignis Setim fabricata atque constructa fuit, manufacta non est ? Altare et propitiatorium,

et urna, in qua erat mamma, et mensa, et candelabrum, et tabernaculum interius et exterius, noufuerunt ex hominum operibus manuum, quæ Salomon fecit? Et cur sancta sanctorum vocantur manufacta existentia? Numquid Cherubim et serarum alarum animalium, quæ in circuitu altaris erant, non fuerunt imagines Angelorum, opus manuum Domini? Et quomodo non aljiciuntur? Quia vero per præceptum Dei imagines factæ sunt Angelorum, sanctæ sunt, et hæc animalia erant: etenim idola Gentium, quia imagines fuerunt dæmonum, Deus deposit, et condemnavit ea. Nos autem ad memoriam sanctorum imagines facimus, Abrahæ videlicet, Moysi, Heliae, Esaiæ, Zachariæ et reliquorum Prophetarum, Apostolorum et martyrum sanctorum, qui propter Deum interempti sunt: ut omnes qui vident eos in imagine, memorentur eorum et glorifcent Dominum, qui glorificavit eos. Decet enim eos honor et adoratio, et commendatio secundum justitiam eorum, ut omnes, qui vident eos, festinent et ipsi imitatores effici actionis eorum. Qualis enim est adorationis honoratio, nisi tantum quemadmodum et nos peccatores adoramus et veneramur alterutrum per honorem et dilectionem? Ita et imaginem Domini nostri non aliter adoramus et glorificamus et contremiscimus, quia imago est similitudinis ejus, et in ea ipse depictus est. Ergo quicumque pii sunt, et bonum quidem agunt et sanctorum memores sunt, nec prohibent benefacientes, nec scandalizant eos, qui honorant sanctos et servos Dei: quin imo potius memorantur eorum, mercedem bonam ex bona operatione percipient: impii vero secundum quod cogitaverunt, habebunt consolationem (confusione) in honorationis, pro eo quod illud, quod erat justum, neglexerint, et a Deo recesserint. Propter memoriam enim sanctorum etiam imagines pinguntur, adorantur, et honorantur sicut servorum Dei, et pro nobis divinitatem deprecantium. Dignum est enim commemorari præpositorum nostrorum, et gratias referre Deo nostro.

**27.** « De sermone beati Hieronymi presbyteri Hierosolymitani: Etenim sicut permisit Deus adorare omnem gentem manufacta, Judæos autem tabulas, quas dolavit Moyses, et duos Cherubim aureos: et sic nobis Christianis donavit Crucem et bonarum operationum imagines pingere, et adorare et venerari, et demonstrare opus nostrum.

« Itaque hæc ipsa, piissimi ac tranquillissimi domini filii, prædicta testimonia sanctorum Patrum transivimus breviter, sed et divinæ Scripturæ utriusque Testamenti testatur historia de divini cultus observatione, quod ad laudem Dei in Ecclesiis, in memoriam piæ operationis, Dei nutu constituta sunt, secundum traditionem sanctorum Patrum. Sed et de statu sacrarum imaginum etiam a divinæ Scripturæ historia satis promulgata sunt, quemadmodum in hujus Apostolicæ suggestionis serie, a Deo corroborate serenitatis vestræ potentia, cum omni humilitate et sinceritate cordis studuimus

intimare: unde et quod in diversis et probabilibus Patrum testimoniorum, qui ipsas sacras imagines statuerunt, subtiliter videri posse, sicut in corum libris reperimus, vestræ elementissimæ potentia fore studiuimus intimandum, deprecantes cum magna cordis dilectione mansuetissimam vestram elementiam, et tanquam præstantialiter humo stratus, vestris vestigiis provolutus, quæso et coram Deo deposco et adjuro, ut easdem sacratissimas imagines in ipsa a Deo conservata regia urbe, et cæteris Græciae paribus, in pristinum statum restituere et confirmare jubeatis, observantes traditio-nes hujus sacrosanctæ nostræ Romanae Ecclesiæ, abjicientes et respuentes antiquorum hæreticorum calliditatem, ut in hujus nostræ sanctæ Catholice et Apostolice ac irreprehensibilis Romanæ Ecclesiæ ulnis suspiciamini ». Hactenus quæ recitata sunt in Actione secunda Nicæni Concilii, cum alioqui ipsa Epistola sit prolixior, pluraque habeat de ordinatione Tarasii presumpta (ut videbatur) contra saecos canones. Omissa sunt ea referri in S. Synodo, quod ad rem non pertinerent, et potuissent præsentes episcopos contra eumdem Tarasium concitare, quod inopportunum satis esse tunc videbatur.

**28.** Anastasius igitur, qui ipsam integrum Epistolam ex antiquo Codice restitutam recitat, ista subiectit: « Abhinc usque ad finem hujus Epistolæ Codex græcus non habet. Græci namque, quia eodem tempore ex Iaïcis Constantinopolitanus fuerat patriarcha factus, ne publice ab Apostolica Sede argui videretur, et adversus eum tanquam reprehensione dignum hæreticis repugnandi occasio preberetur, ac per hoc Synodi, cui intererat, utilitas excluderetur: quæ sive de non facienda Iaïcorum promotione, sive de cæterarum præsumptionum redargutionibus, in Synodo nec recitari, nec Actis inseri passi sunt ». Hucusque Anastasius. Pergit vero Hadrianus sua Epistola hæc, quæ sequuntur:

« Si vero impossibile est hæreticorum vesania pro incredulitate ipsorum ipsas sacras ac venerandas imagines sine Synodi actione in pristino erigere ac confirmare statu, et nostros sacerdotes pro hujuscemodi pia operatione, vestra serenissima imperialis potentia accersere, sicut in vestris fertur imperialibus iussionibus: in primis pseudosylogum illud, quod sine Apostolica Sede enormiter et irrationabiliter, nequiterque contra sanctorum venerabilium Patrum traditiones de sacris imaginibus actum est, anathematizetur, præsentibus missis nostris: et tunc sicut antiquitus mos extitit, jurejurando vestra piissima atque tranquillissima potestas una cum domina Augusta piissimi imperii vestri genitrice, seu ejusdem regiæ urbis patriarcha, necnon et cuncto senatu corporale tribuentes sacramentum, verbum commonitorum, sicut antiquitus, pia sacra nobis dirigere vestra dignetur imperialis potestas: quia non est apud vos partis cujuslibet favor, aut defensio, sed æqualitatem

utrisque partibus conservabitis, nullatenus necessitatem facientes in quoemque capitulo eis, qui a nobis diriguntur quoquomodo, sed omni honore cum honorificentia competenti et susceptione dignos eos habebitis. Et siquidem utrinque convernerit, iterum cum omni humanitate eos ad nos dirigere satagetis: quia dudum ibidem pro zelo fidei ac sanctarum imaginum religiosi viri ac Dei famuli directi in exilio missi sunt, et bonae confessionis hujusmodi finierunt vitam.

29. « Porro et hoc vestrum a Deo coronatum piissimum imperium poscimus, ut si veram et Orthodoxam sancte Catholice et Apostolice Ecclesie Romanæ nitimini amplecti fidem: sicut antiquitus quæ ab Orthodoxis imperatoribus, seu a cæteris Christianis fidelibus oblata atque concessa sunt, patrimonia beati Petri Apostolorum principis fautoris nostri, in integrum nobis restituere dignemini pro luminariorum concinnationibus eidem Dei Ecclesiæ, atque almoniis pauperum. Imo et consecrationes episcoporum, sive archiepiscoporum (sicut<sup>1</sup> olitana constat traditio) nostræ dioecesis existentes, penitus canonice sanctæ Romanæ nostræ restituantur Ecclesiæ. Ut nequaquam schisma inter concordiam perseverare valeat sacerdotum, sed sicut in vestra serenissima jussione exaratum est, confundatur omne zizanium male plantatum, et Domini et Salvatoris nostri Jesu Christi verbum impleatur<sup>2</sup>: Quoniam portæ inferi non prævalebunt adversus eam. Et rursum: Tu es Petrus, et super hanc petram ædificabo Ecclesiam meam: et tibi dabo claves regni cælorum, et quodcumque ligaveris super terram erit ligatum et in cælis. Cujus Sedes in toto orbe terrarum primatu fungens, caput omnium Dei Ecclesiarum constituta est. Et quamvis B. Petrus Apostolus per Domini præceptum rexit Ecclesiam, nihilominus subsequens (hoc est successor) et tenuit semper, et tenet principatum. Quod præceptum universalis Ecclesiæ nullam magis oportet exequi sedem, quam primam, quæ et unamquamque Synodum sua auctoritate confirmat, et continuata moderatione custodit.

30. « Et unde mirati sumus, quod in vestrīs imperialibus jussis pro patriarcha regiæ urbis, scilicet Tarasio directis, universalem ibi reperimus exaratum; sed utrum per imperitiam, aut schisma, vel hæresim iniquorum scriptum est, ignoramus. Sed deinceps suademus vestræ elementissimæ imperialique potentiae, ut minime in suarum exarationum serie, universalis, describatur, quia contra sanctorum canonum instituta, seu sanctorum Patrum traditionum decreta esse videtur. In secundo enim ordine, si non per sanctæ nostræ Catholice et Apostolice Ecclesie auctoritatē (sicut in omnibus patet) nunquam valuit nomen habere: quod nimis si universalis super prælatam sibi Romanam Ecclesiam, quæ est caput omnium Ecclesiarum, describalur, tanquam sanctorum Syno-

dorum rebellem atque hæreticum manifestare se, certum est. Quod si universalis est, etiam Ecclesiæ nostræ Sedi primatum habere dignoscitur: quod ridiculum omnibus fidelibus Christianis appetit: quia in toto orbe terrarum ab ipso Redemptore mundi beato Petro Apostolo principatus et potestas data est, et per eundem Apostolum, cuius vel immiti vices gerimus, sancta Catholica et Apostolica Romana Ecclesia usque hæclenus et in ævum lenet principatum ac potestatis auctoritatem: quatenus (quod non credimus) si quispiam eum universalem nuncupaverit, vel assensum tribuerit, sciat se Orthodoxæ fidei esse alienum, et nostræ sanctæ Catholice et Apostolice Ecclesiæ rebellem.

31. « Ipse enim Tarasius regiæ urbis patriarcha misit nobis Synodicam, priscam implens consuetudinem: quam suscipientes et liquidius indagantes, et de confessione tam rectæ fidei ejus, quam dogmatum sanctorum sex Synodorum et venerandarum imaginum ovantes, nimis iterum turbati ac conturbati sumus, quia ex laicorum ordine et imperialibus obsequiis depulatus, repente in patriarchatus culmen electus est, et apocalligus contra sanctorum canonum censuram factus est patriarcha. Et quod dicere pudet, et tacere grave est, qui regendi adhuc et docendi sunt, doctores non erubescunt videri, nec metunt ducatum animarum imprudenter assumere, quum via in omnibus ignota doctoris est, et quo vel ipsi gradiantur, ignari sunt. Quod quam pravum, quamve temerarium sit, sæculi ordine et disciplina monstratur. Nam dum dux exercitus non nisi labore et sollicitudine expertus eligitur: quales animarum duces esse possint, qui in episcopatus culmen immatura cupiunt festinatione condescendere? Hujus saltem rei comparatione considerent, et aggredi repente inexpertos labores abstineant: quippe qui non didecerint quod docent.

« Unde canonica instituit censura, nequaquam ex laico ad sacerdotium repente transire, nisi per ejus fidem concursum pro sanctorum imaginum erectione, in ejus consecratione assensum omnimodo tribuere nequivimus. Et ideo domini rerum a Deo coronati magni principes et serenissimi imperatores, petimus et obnoxie iterum deprecamur a Deo illustratam clementiam vestram, et omnipotentem Deum, qui vos regnare præcepit, et imperialis culminis apicem vobis condescendere jussit, pietatem vestram (ut dictum est) conjuramus, ut pio intuitu vestras elementissimas aures nostræ humillimæ deprecationi inclinare jubeatis, ipsasque sacra-tissimas imagines in pristino statu constituere, ut omnes Christiani in universo mundo exultent, et magno lætentur gaudio.

32. « Nam cum talis iniquum erroris scandalum, quod in ipsis Graecie partibus irrepsit, abolitioni fuerit, et Deo annuente ipsæ venerandæ imagines restituta: erit magna letitia dilatata per universum terrarum orbem, et nunc super omnes barbaras nationes, beato Petro principe

<sup>1</sup> Usurpat olitana pro antiqua. — <sup>2</sup> Matth. xv.

Apostolorum vobiscum comitante, eritis in triumphis victores, sicuti filius et spiritualis compater noster dominus<sup>1</sup> Carolus rex Francorum et Longobardorum ac patricius Romanorum nostris obtemperans monitis, atque adimplens in omnibus voluntates, omnes Hesperiae Occiduaeque partis barbaras nationes sub suis prosternens conculeavit pedibus, omnipotentatum illarum domans, et suo subjiciens regno adunavit. Unde per sua laboriosa certamina eidem Dei Apostolicæ Ecclesiæ, ob nimium amorem plura dona perpetuo contulit possidenda, tam provincias, quam civitates, seu castra et cætera territoria. Imo et patrimonia, quæ a perfida Longobardorum gente detinebantur, brachio fortissimum eidem Dei Ecclesiæ restiluit, cuius et jure esse di-guoscebantur. Sed et aurum atque argentum quotidie pro luminariorum concinnatione, seu alimonii pauperum non desinit offerendo: quatenus ejus regalis memoria non derelinquatur in sæculum sæculi.

33. « Idecirco nimium diligentes ac venerantes vestrum a Deo concessum imperium, magnopere suggestentes, quæsumus, ut præsentium transvectores, videlicet Petrum dilectissimum nostrum archipresbyterum, seu Petrum abbatem atque presbyterum venerabilis monasterii sancti Sabæ hilari mente ac vultu placidissimo suscipiens, sospites iterum ad nos remeare disponere jubeat vestra serenissima imperialis clementia, ut dum de vestra Orthodoxa fide, quam cœpistis, nos reddiderint certiores, nosque ex hoc de vestro proposito latos efficientes, altissimas Domino Deo nostro referre studeamus laudes, divinam pro impensa piissimæ serenitatis vestræ letitia exorantes clementiam, atque consona cum Prophetainquietentes<sup>2</sup>: Domine, salvos fac invictissimos nostros principes et magnos imperatores, et exaudi nos in quacunque die te deprecantes pro eis invocaverimus.

« Ipse enim rerum Opifex et Arbiter Dominus Deus noster, in cuius manu omnia regna constunt mundi, per<sup>3</sup> quem etiam reges regnant, et principes imperant, et potentes quæ pietatis sunt clementer cuncta morigerando disponunt, vestræ piæ serenitatis mellitus cordibus inspirare dignetur ad exaudiendas nostras humillimas preces, et restituendum in pristino statu sacras imagines; tribuatque vobis, intercedentibus beatissimis Apostolorum principibus Petro et Paulo, longæva ac prospera et felicia tempora, et cum maxima corporis sanitatem atque animæ salute imperialis potentiae sceptris vos perfaciat: et sicut terræ summae potentiae gloriam vobis concessit, et cælorum quoque regna vobis per infinita sæcula largiri possidenda dignetur. Data septimo kalendas Novembris, Indictione nona ».

Sed quas ad Tarasium patriarcham iisdem legatis Hadrianus Pontifex litteras dederit, videa-

mus. Habet eas idem qui supra Anastasius Bibliothecarius istis verbis:

« Dilecto fratri Tarasio patriarchæ Hadrianus episcopus servus servorum Dei.

34. « Pastoralibus enris, quibus convenit uos pascere populum Dei, et subtilissimis cogitationibus perpendentes, quemadmodum prædicationis vox sana a præcone in omni tempore debeat prædicari, et qualis pastor in compassione, et qualis in conversatione debeat esse, ut omnibus proximus in compassione fiat, et cunctis conversatione insigne: quatenus et piam miserationem ad se omnium infirmatum transferat, et ipse per summum respectum sui ad divina transcendat: consideravimus vestrae dilectæ sanctitati sacra affari concordia, et subtiliter verbum manifestare in Synodicis confessionis vestræ fidei, quæ Apostolicæ Sedi nostræ directæ sunt per Leonem reverendissimum presbyterum vestrum.

« Invenimus in eis in initio primæ paginæ, reverentiam vestram ex laico ordine et imperatoria administratione ad sacri gradus sublimatam esse fastigium, et vehementer in his anima nostra mirata est; et nisi vestram sinceram et Orthodoxam fidem in prædictis Synodicis saeculari Symboli secundum ritum sanctorum sex universalium Synodorum, et de venerabilibus imaginibus bene se invenissemus habere, nullatenus anderemus hujuscemodi obaudire Synodica ». Hæc et alia, quæ sequuntur. At quoniam in Actione secunda Nicænae posterioris Synodi aliter posita, vel integra scripta et decurta inveniuntur: ipse idem pie monet lectorem Anastasius, dicens hæc interloquendo: « Ita in græco, scilicet a papa in his est verbis transmissum ». Quod et ex eadem Epistola ipse recitare pergit his verbis:

35. « Sed quantum cor nostrum mœrore consumptum est de illicita vestra ordinatione, et quantum cor nostrum tribulatur de inepta veteri ex vobis distantia, tanto confessionem et rectam fidem vestram anima nostra inveniens lælata est. Invenimus autem in prædicta Synodica Epistola sanctitatis vestræ, post plenitudinem fidei et confessionem sacri Symboli et omnino sanctorum sex Synodorum, et de sacris ac venerabilibus characteribus miraculum laude ac veneratione dignissimum contineri.

« Quid et ea, quæ sunt ejusdem sanctæ sextæ Synodi, suscipio cum omnibus regulis, quæ jure ac divinitus ab ipsa promulgatae sunt, inter quas continetur in quibusdam venerabilium imaginum picturis agnus, digito præcursoris exaratus ostensus, qui in figuram præteriit gratiæ, verum nobis per legem præostendens Agnum Christum Dominum nostrum. Ergo veteres figuræ et umbras ut veritatis indicia et præsagia Ecclesiæ traditas amplectentes gratiam preferimus et veritatem, hunc ut plenitudinem legis suscipientes<sup>4</sup>. Ut ergo

<sup>1</sup> Recitat hæc Ansel. Licens. tit. de potest. et primat. Röm. Eccl. c. 86. — <sup>2</sup> Psal. xix. — <sup>3</sup> Prov. VIII.

<sup>4</sup> Joan. I.

perfectio etiam per colorum operationes in cunctorum vultibus depingatur Agni Christi, qui tollit peccata mundi, secundum humanitatem, characterem et imaginem pro veteri agno depingi definimus, per ipsum Dei Verbum humilitatis celsitudinem considerantes, et ad memoriam in carne conversationem, tam scilicet passionem ejus quam sanitarem mortem atque redemptionem, quae hinc est mundo effecta, manu quodammodo reduceentes.

« Hoc testimonio Orthodoxæ fidei malignorum curiositatem et haereticorum garrulitatem vestrum repulit fraternum sacerdotium, quemadmodum et eorum magna sollicitudo non est a nobis, neque a gratia divina recepta, sed instabilis in hujusmodi reputata.

36. « Siquidem nobis succinctis lumbos mentis nostræ confitetur etiam nostra Catholica et Apostolica Romana Ecclesia, consonans et concordans adversus haereticorum amentiam, a quibus omnino repugnat, taliter disposuisse ostenditur. Quia ergo sanctas imagines Christi Dei nostri, qui secundum nos et pro nobis et propter nos incarnatus est juxta humanum characterem, atque sanctæ intermeratae et revera Dei Genitricis, neenon et sanctorum ejus imagines vestra dilecta sanctitas colere atque adorare pollicita est: idecirco ejus Orthodoxum propositum (si quemadmodum cœpit, perseveraverit) modis omnibus collaudamus, et ut pastoralis curæ sollicitudinem habentes, consilium damus, ut Orthodoxam fidem, quam semel confessa est, immutabiliter servet prædicando pariter et docendo<sup>1</sup>: Fundamentum enim aliud potest ponere nemo, præter id quod positum est, quod est Dominus Jesus. Ergo quisquis dilectionis Dei et proximi, vel tidei, quæ in ipso est firmamentum tenet, eumdem Jesum Christum Dei et hominis Filium apud se posuit fundamentum. Confitendum est enim, quia ubi Christus fundamentum est, bonorum etiam operum sequatur ædificium. Ipsa vero per se Veritas dicit<sup>2</sup>: Qui non intrat per ostium in ovile, sed intrat aliunde, ille fur est et latro. Qui autem intrat per ostium, pastor est ovium. Unde rursum idem Salvator ait: Ego sum ostium. Ille ergo ad ovile intrat per ostium, qui intrat per Christum: ipse autem per Christum intrat, qui de eodem Conditore ac Liberatore humani generis veritatem intelligens, prædicat et custodit, culmen regiminis ad officia portandi oneris suscipit, non ad appetitum gloriae transitorii honoris, curæ quoque suscepti ovilis diligenter invigilat, ne oves Dei, aut perversi homines, prava loquentes, dilanient, aut maligni spiritus oblectamenta vitiorum suadentes devastent.

37. « Certe beatum Jacob<sup>3</sup>, qui pro uxoris diu deservierat, dixisse meminimus: Viginti annis fui tecum, et oves tuæ et capræ steriles non fuerunt; aries gregis tui non comedì, nec captum a bestia ostendi tibi: ego damnum omne reddebam; quie-

quid furto perierat, a me exigebas, diu nocturne aestu urebar et gelu, fngiebat somnus ab oculis meis. Si igitur sie laborat et vigitat qui pascit oves Laban: quanto labore quantisque vigiliis debet intendere, qui pascit oves Dei? Sed in his omnibus ipse vos instruat, qui propter nos homo factus est, et qui dignatus est fieri, quod ipse fecit, et charitatem sancti Spiritus sui ac amorem infundat in vos, et omni cura conservet, et oculos vestræ mentis aperiat, ut per cursum et agonem atque sollicitudinem vestræ dilectionis, Apostolicam nostram imitantes priscae et Orthodoxæ fidei traditionem». Verba Anastasi quæ sequuntur, sunt: « Abhinc quoque apud Graecos multa subtraeta sunt, quæ tamen sicut missæ sunt litteræ, in Archivo Romane reperiuntur Ecclesie.

« In partibus piorum imperatorum nostrorum sacræ et venerabiles icones secundum antiquum ordinem sstant, quatenus vestrum per hoc stabile permaneat sacerdotium. Porro post confessionem fidei vestræ notum factum est nobis, quod vestra venerabilis sanctitas postulaverit ab Orthodoxis et pro-pugnatoribus veritatis, piissimis videlicet imperatoribus nostris, qui ad gloriam Dei facti sunt, quo fieret venerabilis Synodus, et repromiserint coram omni Christiano populo suo, supplicationi vestræ pie annuentes, Synodumque in regia urbe fieri definiuentes: nos autem, quemadmodum et in ipsorum divina jussione continebatur, dilectos nobis et approbatos atque prudentes sacerdotes pro statu sacrarum imaginum, ut prisco iltis in partibus ordine constituantur, cum magno desiderio et maximo gaudio destinavimus.

« Sed vestra sanctitas iisdem piissimis imperatoribus et triumphatoribus alacriter suggerat, ut in primis pseudosylogus (id est, falsum collegium) ille, qui sine Apostolica Sede inordinate et insyllogistice factus est adversus venerabilem Patrum traditionem contra divinas imagines, anathematizetur, præsentibus apocrisiariis nostris, et omne zizanium eradicetur ab Ecclesia, et Domini nostri Jesu Christi sermo compleatur<sup>4</sup>: Quia portæ inferi non prævalebunt adversus eam. Ac rursus: Tu es Petrus, et super hanc petram ædificabo Ecclesiam meam: et tibi dabo claves Regni cælorum, et quæcumque ligaveris super terram erunt ligata et in cælis: cuius Sedes in omnem terrarum orbem primitum tenens resulget, et caput omnium Ecclesiarum consistit. Unde idem beatus Petrus Apostolus Domini præcepto pascens Ecclesiam, nihil dissolutum dimisit, sed tenuit semper et relinet principatum.

38. « Cui si adhærere cupit vestra sanctitas: et nostræ Apostotice Sedi (quæ est caput omnium Ecclesiarum Dei) sacram et Orthodoxam formam incorrupte et incontaminata ex profundo cordis et sinceritate mentis custodiare studeat, ut revera Orthodoxa et Dei cultrix consistens, hoc primum

<sup>1</sup> 1. Cor. iii. — <sup>2</sup> Joan. x. — <sup>3</sup> Genes. xxxi.

<sup>4</sup> Matth. xvi.

omnipotenti Deo offerat, ut ex persona nostra prædictorum piissimorum ac a Deo coronatorum magnorum imperatorum sublimia (similia) obseeret, et ut in conspectu Dei per terrible illos adjuret judicium, ut sacras imagines in ipsa Deo conservanda et regia urbe, et in omni loco in antiquum restituere et stabilire jubeant, conservantes traditionem hujus sacrae et sanctissimæ nostræ Romanæ Ecclesiæ, et persequentes ac abominantes malignorum hæreticorum errorem per certamen vestrum et fidelem sollicitudinem.

39. « Si autem sacras ac venerabiles imagines illis in partibus non restitueris; consecrationem vestram inodis omnibus recipere non audemus, et maxime si sectatus fueris eos, qui non credunt veritati. Quapropter cum summo labore et amore fidei atque agone in his omnibus indubitanter vestram venerabilissimam sanctitatem convenit, sacrosanctas imagines Domini et Salvatoris nostri Jesu Christi, et sanctæ ipsius Genitricis semperque Virginis Mariæ, seu sanctorum Apostolorum et omnium sanctorum Prophetarum atque martyrum simul et confessorum illis in partibus in antiquo erigere statu: quatenus uno consensu digne propheticum canamus canticum dicentes<sup>1</sup>: Domine, salvos fac piissimos reges, et exaudi nos in die qua invocaverimus te: quia<sup>2</sup> dilexerunt decorem domus tue et locum tabernaculi gloriæ tue.

40. « Dilectos autem nostros Petrum scilicet archipresbyterum sanctæ nostræ Romanæ Ecclesiæ, et Petrum monachum et presbyterum atque abbatem, qui missi sunt a nobis ad vestigia tranquillissimorum ac piorum imperatorum, rogamus propter amorem sancti Petri Apostolorum principis, et propter nos, omni benigna susceptione ac humanitate dignos apud vos judicandos pariter et habendos, quatenus et in hoc magnas referre gratias valeamus. Deus omnipotens dilectionem vestram, si stabiliter permanaserit, conservare annuat, et fructum, qui tibi creditus est, super mensuram abundantiae faciat abundare, atque in sempiterna transire gaudia jubeat. Deus te incolunem conservet, dilectissime frater ». Hactenus Hadriani ad Tarasium Epistola, qua ejus electionis approbationem ea conditione (ut audisti) suspendit, si hæresim Iconoclastarum profligando, sacrarum imaginum cultum restituit in Ecclesiis. Quod ille facere jam aggressus, hisce calcaribus, velocissime currens, minime indigebat, quippe qui ad hoc agendum sibi oppigneraverat fidem imperatoris, dum sua se electioni minime consensurum, publice fuerat contestatus, nisi ejusdem erroris abolitionem polliciti iidem fuissent imperatores. Sic igitur secundum illud propheticum<sup>3</sup>: « Dies diei eructat verbum ». Accidisse videmus, dum hoc Tarasio sub ea pœna jusserrit Hadrianus, quod sub eadem pœna ipse Tarasius imperatoribus impetrarat.

<sup>1</sup> Psal. xix. — <sup>2</sup> Psal. xxv. — <sup>3</sup> Psal. xviii.

Non sic autem fuit facultas tribus patriarchis Orientalibus ad Tarasium rescribendi: neque etiam legatis missis ab ipso facultas data fuit eosdem conveniendi, cum regnaret, de quo diximus, Aaron princeps Sarracenorum acerbissimus tyrannus, in Christianos infensissimus. Cum autem duo, qui missi fuerant ad eos legati Constantinopoli, pervenissent in Palæstinam, audientes Theodorum patriarcham Hierosolymorum exulem jam defunctum: diverterunt ad monachos vita sanctissimos, a quibus acerbissimam, quam paterentur Christiani Orientales servitutem, intellexerunt, quinque periculosisimum esset, adire sive Antiochenum, sive Alexandrinum patriarcham, nimirum si detecti essent, fore, ut non ipsi tantum legati extremum subirent periculum, sed in illud ipsum omnes Orientis fideles conjicerent. Quamobrem eos a proposito revocarunt illuc proficisciendi.

41. *Tribus patriarchis Sarracenorum iugo pressis, monachi Orientales dant litteras Tarasio.* — Ceterum de illorum fide Catholica firma atque secura iidem sanctissimi monachi, quos penes se ipsorum libellos habebant, ostenderunt, litteras videlicet eo arguento conscriptas ad Theodorum Hierosolymorum episcopum, cum ab eo recens creato, ex more de fidei Catholicae professione Synodalem Epistolam accepissent. Sic igitur cum legatis eo modo interclusa videretur esse omnino via patriarchas trium sedium conveniendi, ne eos vacuos redire penitussinerent monachi illi, synaxim habuerunt, deque his mutuo agentes, una omnium sententia illud decretum est, ut pro excusatione legatorum apologeticas ad Tarasium litteras redderent, quibus pariter de fide Catholica trium illorum patriarcharum eundem redderent certiorem.

Ad hæc omnia confirmanda, et ut quomodo cumque liceret, satisfacerent Tarasii atque imperatorum petitioni: decernunt iidem monachi Palæstinæ legatos Constantinopolim ad patriarcham et imperatores, qui pariter interesse deberent Synodo celebrandæ. Cum autem in hac decernenda legatione consultatio haberetur de iis, qui eo munere funeluri essent, electi ad opus sunt duo ibi inventi sanctissimi monachi, quorum alter patriarchæ Antiocheni, Alexandrini alter syncellus fuisset. Fuit nomen uni ipsorum Thomas, alii vero Joannes, egregia virtute prædicti, qui etsi idonei satis ad provinciam tantam subeundam videri possent: magna tamen animi dimissione, ut qui se longe impares oneri firmiter affirmarent, se excusabant. Verum urgentibus illis, qui præfecturam gerebant, omni contradiendi nudati facultate acqueverunt. Sicque dimissi sunt una cum duobus illis legatis, qui venerant Constantinopoli.

42. Audisti jam totius rei gestæ historiam, at eam non aliunde melius, quam ab ipsorum litteris ad Tarasium datis, petere licet, non tamen ab illis, quae mutilate magna ex parte descriptæ habentur in tertia Actione Nicæni posterioris Concilii, sed in illis, quæ leguntur sincerissime scriptæ in editione

Anastasii Bibliothecarii, quas ob exactam probatamque rerum gestarum cognitionem hic reddituri sumus, ut et ex iis pariter videas, quam miserrimus esset status Orientalis Ecclesie eorum, qui sub duro jugo Sarracenorum jugiter affligerentur. Epistola igitur sic se habet:

« Sanctissimo et beatissimo domino Tarasio archiepiscopo Constantinopoleos et universali patriarchae Orientis summi sacerdotes et alii sacerdotes in Domino salutem.

« Sacralissimis ex divina Deitatis inspiratione libellis Apostolicæ et paternæ sanctitatis vestrae perfectis, beatissime, nos humiles, et eorum, qui desertum incolere gestiunt ultimi, tremore pariter et gaudio sumus detenti : tremore quidem propter timorem eorum quibus ob peccata nostra servire decreti sumus, quique vere sunt impii, et in circuitu (secundum quod scriptum est) impii ambulant, ac per singulos pene dies occasiones exquirunt, ut nos morti tradant: gaudio vero propter veritatem Orthodoxæ fidei, quæ fulget in eis solarium more radiorum, et luculentissimam explanationem Apostolicorum dogmatum et paternorum, de quibus ipsi genitorem vocis Verbi, id est, Zacharium Prophetam ad memoriam reducentes, magna voce clamamus<sup>1</sup>: Visitavit nos Oriens splendidus ex alto, Theoreticæ et divinæ providentie illustratae mentis, in tenebris et in umbra mortis maligni erroris, id est, Arabicæ impietatis sedentes, ad dirigendos intelligibiles pedes nostros in viam et semitas pacificæ constitutionis.

43. « Quis loquetur potentias Domini? (nobiscum psallat<sup>2</sup> David pater Dei) aut auditas faciet omnes laudes ejus? quoniam misertus est Deus desperati populi sui, et distantia ad unam fidei collegit harmoniam. Et erexit cornu salutis nobis et directionis in domo David (Domini), recipiente templo Unigeniti Filii sui Domini videlicet Dei et Salvatoris nostri Jesu Christi, quod estis vos sanctissimi, atque hi, qui portant secundas, per legem et ordinem Ecclesiæ nostræ, triumphatores scilicet ac divinitus redimiti seu decreti principes nostri et domini terrarum orbis<sup>3</sup>. Sacerdotium enim imperii sanctificatio est et constitutio, et imperium sacerdotii fortitudo et firmamentum: de quibus sapiens quidam princeps et in sanctis regibus beatissimus ait: Maximum donum Deus hominibus praestitit, sacerdotium et imperium: illud quidem adornans et regens cælestia, hoc vero gubernans ista terrestria.

« Nunc veraciter medius maceiae paries solitus est, et concordia discordiae principatur, et incurvatur virtuti divisio, et fuga capta disperit dissontantia, et pax Dei, que exsuperat omnem sensum, jucundo vultu triumphat et fiducialiter conversatur. Nunc nos quidem facti fueramus<sup>4</sup> opprobrium

vicinis nostris et affinibus, subsannatio et deriso iis qui in circuitu nostro sunt: et per hoc ad terram præ confusione propicientes, et ad cœlos unanimi alacritate suspiciens, et psallentes in exultatione proclamamus: In hoc<sup>1</sup> cognovi quoniam voluisti me, quia non gaudebit inimicus meus super me; me autem propter innocentiam et simplicitatem cordis titubantem suscepisti, et salvum me faciens exexisti, et super petram Apostolicæ fidei claudicantes pedes meos infixisti.

44. « Haec et his consentientia scribere nos fecerunt divinitus exarata volumina vestra, quæ, canonica moti lege et paternæ traditionis disciplina, addentes his qui Apostolicarum sedium moderamen sortiti sunt per reverendam et Deo dilectam bigam (duos scilicet legatos) misistis: qui pervenientes et per Dei voluntatem ac nutum occurrentes Dei cultoribus fratribus nostris viris sanctis, qui dederunt animas suas pro Ecclesiæ correctione, et recogniti et vera et antiqua conversatione, valde gavisi sunt, et maxime reperientes ambos in uno loco degentes, et modum Deo placitum prosequentes, et sese revelantes ostenderunt eis Orthodoxæ vestrae Deo decentes et dignos admiratione libellos, relerentes per ordinem Deo placitæ sanctitatis tuæ mentis et pium Deo conservatorum dominorum nostrorum consilium, ut communis omnium salutis expectationem, et circa Deum sine confusione spem.

« At illi quasi unam animam in duobus corporibus habentes, et uuum secundum Apostolum<sup>2</sup> sapientes, ac divino agitati spiritu, secreto pariter et intelligenter fratres contegentes et occultantes propter formidinem iuonicorum Crucis, quæ hinc inde disposita est, non sunt ausi, licet essent sapientes, vel credere visionem ipsam, vel causæ operari decursum, præsertim cum in timore res haberetur, et quam maximè crebrescens consilium et diligens circumspiciendi tractatus exigeretur. Consilium enim bonum custodiet (inquit<sup>3</sup>) te, cogitatio vero bona servabit te. Et ecce dum lataret eos, qui se sub tuitione custodiæ posuerant, cœntrarunt usque ad nos, et in idipsum congregati silenter, humilitatem nostram primo quidem adjuramento horribili vincientes, nos servare secreto ac sine propagatione, quæ ab eis erant dicenda: et in hunc modum quicquid ad cautelam pertinet, exaggerantes, revelaverunt nobis omnem rei, quæ sibi acciderat, circumstantiam.

« Stupefacti et compuneti corde, lacrymisque perfusi ferventibus super hujusmodi narrationis miraculo, et gloria tantæ rerum mutationis, stetimus ad orationem veluti peccatores cum timore et tremore, et ei qui facit omnia, et transfert ad id quod melius est, decentem laudem referentes, petivimus obnoxie benignitatem ejus, quo in minimis nobis fieret medius, et per Spiritum sanctum illucesceret lux sapientiae in cordibus nostris, atque

<sup>1</sup> Luc. t. — <sup>2</sup> Psal. cv. — <sup>3</sup> Anastasius addit: Secundas Ecclesiæ portauit imperatores, nam primum in Ecclesia locum sacerdotes possideunt. — <sup>4</sup> Psal. LXXVIII.

<sup>1</sup> Psal. XL. — <sup>2</sup> Philip. II. IV. — <sup>3</sup> Prov. II.

communis utilitatis consilii donaret virtutem, cogitationesque bonas ad determinationem optimi vestri propositi : quod fecit, cum esset benignus et misericors.

45. « Consideravimus igitur, sanctissime, contaminatae nationis cognoscentes contra nos infestationem, remittere hos, qui missi sunt, et prohibere appropiare iis, ad quos destinati sunt, ducentes hos in medium nostrum, et admonentes plurimum, ne inducerent turbationem, imo (ut specialius dicamus) exitium quiescentibus, et Dei gratia pacificatis Ecclesiis, vel populo miserabiliter jugo servitutis afflito, et importabili illatione tributorum oppresso. At illi hoc moleste ferentes dicebant : Quia in hoc destinati sumus, ut tradamus nostras in mortem animas pro Ecclesia, et propositum sanctissimi patriarchae et piissimorum imperatorum perducamus ad finem. Sed si in vestras tantummodo animas (diximus ad eos) coarctaretur periculum, haberet fortasse sermo vester aliquam firmitatem. At vero qui contra commune corpus procedit Ecclesiae, qualis erit profectus ? imo qualis erit laesio, aedificium construere super putredinem et firmo fundamento privatum ? Vel quomodo (inquit) vel qua facie ad eos, qui nos miserunt, redibimus, nihil horum, que secundum votum suum sperabant, omnino ferentes.

« Ad haec deficiente nos, scientesque Deo amabiles fratres nostros, Joannem scilicet et Thomam, zelo divinae Orthodoxae fidei adornatos, atque duorum sanctorum et magnorum patriarcharum syneccellos, quia et sanctifici silentii amatores, diximus ad eos<sup>1</sup> : Ecce tempus, fratres, acceptum salutis, et silentio excellentius : ite cum viris istis, et pro eis apologiam assumite, et enarrate una voce que per litteras intimare dominis nostris super vires esse convicimus. Nostis enim qualiter per pusillam accusationem exnl factus sit a nobis multisignorum ille, qui ad regendum thronum fratris Domini sortitus est Iacobi. Cum autem opus Dei adimpleveritis, et Apostolicam traditionem, que tenetur in Ecclesiis per Aegyptum et Syriam, dominis nostris cognitam feceritis : tum quod a nobis desideratur, (silentium scilicet) amplectimini.

46. « Et quomodo nos, responderunt, idiote cum simus inexpertes, ad tantam causam infirmi et indocti presumemus arripere negotium, quod virtutem nostram exsuperat. Sed Christus Deus noster, qui per vilissimos et idiotas (e vestigio diximus) cooperatus est sanctis Apostolis, et per eos orbem terrarum captavit ad obedientiam verbi dispensationis sue, potens est dare vobis sermonem in apertione oris vestri ad supplendum intentionem et sensum eorum, qui neque litteras quiverunt suscipere, neque ausi sunt resistere, vel super talibus qualibet modo mutire. Qui cum Dei essent amatores, obedientiae filii apparentes, obdierunt verbo nostro, et acquieverunt hortationi :

quos cum prolixa prosecuti oratione, et gaudium non qualecumque his, qui missi conciliantes, taliter divulsi sumus ab invicem cum multa lacrymarum effusione.

« Verum, o sanctissimi et beallissimi (ut decet paternam dominationem vestram) benigne fratres nostros suscipe, et dominis orbis absque subtractione, vel timore humano praesentate. Habebitis enim eos scientes liquido trium Apostolicarum sedium concinnantem et concordantem Orthodoxiam. Qui sanctas ac venerabiles sex Synodos voce consona praedicant. Aliam ad has, quam et septimam quidam susurrando nuncupant, nullatenus admittentes, imo modis omnibus respuentes, nimirum ut dudum in Apostolicarum et magistralium traditionum depositionem, et sacrarum ac venerabilium imaginum interemptionem collectam.

47. « Vos vero, sanctissimi, divino illustrati zelo, consentaneos quoque habentes divinitus conservandos dominos, qui justo decreto Dei in vobis imperare praordinati sunt, simul etiam et a Deo protegendum et muniendum senatum, prævalete, et viriliter agite, et confortetur cor vestrum, omnem inobedientiam Apostolice ulcidentes, et ad Christi obedientiam coaptantes. Illud autem tanquam necessarium penes pontificalem apicem vestrum commonendum ducimus, ut si beneplacito cunctorum, Regis Christi videlicet Dei nostri, et eorum, qui cum eo regnare meruerunt, Dei scilicet amicorum et triumphatorum dominorum nostrorum volueritis celebrare Synodus : ne molesta vobis apparat trium Apostolicarum sedium almorum patriarcharum et sanctissimorum episcoporum, qui sub ipsis degunt, absentia, non ex proprio eorum accidentis proposito, sed ex tenentium, sen dominantium illis terribilibus nimis et mortiferis pœnis.

« Hoc autem subtilius est considerandum etiam ab ipsa sacra ac venerabili sexta Synodo, in qua nullus eorum, qui per idem tempus in his partibus episcopi erant, convenisse repertus est propter nefariorum hominum dominatum : sed nullum ex hoc sanctae adhaesit Synodo præjudicium, neque secuta est prohibitio aliqua statuendi, et manifesta faciendi recta dogmata pietatis, præcipue cum sanctissimus Apostolicus papa Romanus concordaverit et in ea inventus sit per apocrisiarios suos, et nunc, sanctissimi, hoc cum auxilio Dei similiter fieri. Nam sicut tunc illius fides in orbis terræ personuit fines, ita et Synodi, que nunc per gratiam Dei congreganda est, per interventionem vestram, et ejus qui moderatur Apostolorum principis Sedem, prædicabitur in omni loco qui sub sole est fides, videlicet quæ tyrannice delecta sunt erigens, et in antiquam et Apostolicam reformans traditionem.

48. « Porro ad munitionem generalium litterarum nostrarum, satisfactionemque beatitudinis dominationis vestrae, atque victorum et triumphatorum imperatorum nostrorum conspeximus,

<sup>1</sup> 2. Cor. vi.

atque exemplar Synodicorum Theodori sanctæ memorie patris nostri et patriarchæ Hierosolymorum subjicimus iis, quæ dicta sunt a nobis. Hunc autem libellum, secundum solitum Ecclesiae morem, idem sanctæ recordationis seripsit beatis et almis termini (terque) sanctissimis patriarchis, Cosmæ sci-  
licet Alexandriæ, et Theodoro Antiochice Theopoleos : qui et reciproca Synodica eorum, dum adhuc viveret, recepisse dignoscitur. Incolunes vos pro nobis orantes Dominus conservet, sanctissimi et divinitus honorati ». Haec tenus Orientalium Epistola. Cui mox subnectitur dicta Theodori confessio, isto titulo : « Exemplar Synodicorum Theodori sanctissimi patriarchæ Hierosolymorum, etc. » Recitantur ipsæ in Actione secunda septimæ Synodi.

Hoc ipso anno contigit, quod narratur a Constantino episcopo Constantie Cypri in Actione quarta Nicæni posterioris Concilii, his verbis<sup>1</sup>: « Ante biennium navigaverunt viri Cyprii in duabus navibus in civitatem Syriæ quæ vocatur Gabala. Cum autem essent Gabalæ secundum consuetudinem sagittarii Agarenorum, descendenter ad maritima, et venientes quidam eorum Gabalam, divertunt in quoddam templum civitatis. Porro unus ex Agarenis, videns imaginem in pariete de calculis, interrogavit quemdam Christianum, qui aderat : Quid prodest imago hæc ? Ad quem Christianus ait : Quia iis quidem, qui eam honorant, prodest ; his autem, qui eam inhonorant, nocet. Et Sarracenus : Ecce ego, inquit, effodiam oculum ejus, et videbo quid mihi noceat. Hæc dixit, et extendens contum suum, imaginis oculum dextrum effudit. Protinus ergo et suus dexter oculus in terram exiliit; idemque ignea est febre detentus. Hi autem, qui simut cum illo aderant, acute eum ægrotantem videntes, tulerunt, et ad civitatem ipsius reduxerunt. Hæc nobis retulerunt viri, qui remearunt ad Cyprum numero triginta duo. Hæc in plena Synodo Constantinus episcopus. Sed ad res Occidentalis Ecclesiæ stylum convertamus.

49. *Ecclesia Saxonum florescit, baptizato Widichindo principe.* — Hoc eodem anno Carolus Magnus rex in Saxonia Synodum habuit Paderburnensem, in qua inter alia status Ecclesiæ Saxonum dispositus est : baptizatis enim hoc anno iis, qui rebetlare consueverant, Widichindo atque Albione principibus Saxonum, res Saxonum in tuto quodammodo videri poterant collocatae. Jacta etiam feruntur hoc anno fundamenta Mindensis Ecclesiæ in Saxonia, cui primus praefectus est episcopus Heribertus. Quomodo autem hæc se habuerint, ex Annalibus Saxonum ista<sup>2</sup> enarrantur :

« Vicina erat Paschalis solemnitas, et rex cum universo milite pro Christiana pietate se jam sacris imminentibus apparabat commemoratione Dominicæ passionis et expurgatione criminum in purgatione conscientiæ. Widichindus mendici habitu

per fluvium in navicula alfabitur : et quominus nosceretur, meudicus cum mendicis ad stipem sedebat : ingens quippe pauperum multitudo quotidie assecabatur. Rex illis largam stipem jussit erogari. Widichindus, ubi ad eum perventum est, dextram et ipse protendit. Attendit, qui distribuit, incurvum in manu digitum, qualen sciebat habere Widichindum, vultum ejus diligenter intuetur, agnoscit arridens, qui largiebatur. Quid ita mendicus inter mendicos sederet princeps ditissimus, percontatur. Ille nihil ad hæc, sed ad regem se jubet introduci.

50. Erat tum sanctissimus Paschæ dies. Rex hilariiter exceptit venientem : percontatus quid sibi vellet indignus principe habitus. Ille sub hæc : Volvi, serenissime rex, hoc habitu incognitus (ut sperabam) lustrare secreta gestorum, quæ cognitus non tam fidenter adspicerem. Curiositas induxit, ut latibulum quererem, qui inter luos nunc in gratiam susceptus, propalam potero percontari quæ velle. Quid igitur (inquit rex) vidisti, quod te vidisse delectat ? Ille, ut erat adhuc rerum Christianarum rudis, subintulit: Vidi, quod mirabar, ante biduum te demisso vultu tristem, incertus quid contigisset quod tantum regem contristaret (commemoratio fuit Dominicæ Passionis, qua die Paraseves regium vultum obseurasset) rursum, inquit, vidi hodierna te die primum sollicitum et ad rem attentissimum : postquam vero mensam adieras in templo medium, ita hilari mihi conspectus es vultu, ut repentinæ in te mutationis me caperet miraculum.

« Stupor autem erat videre, quod de manu purpurati sacerdotis singuli pulchellum puerum in os susciperent, quem quibusdam ludibendum arridere, ulti properare, aliis vero abhorrentem, avertisse vultum, et tamen in ora demissum, nec redeuntem adspexi. Hoc quid sit, needum accepio. Tum rex : Bene, inquit, profecisti : plus tibi aliiquid, quam cunctis sacerdotibus et omnibus nobis est ostensum. Inde mutata veste, manu secum abstractum docuit grande pietatis mysterium in altaris sacramento. Qua re cognita, exhilaratum ducem orasse, ut proprium illi sacerdotem permetteret, qui divinae rei curam haberet, crebriusque in conspectu perageret altaris sacratum mysterium. Rex etiam pontificem illi daturum promittit, modo illi habitualiæ episcopo dignam providerit. Ducentem vero arcem suam ad Wiseram utriusque capacem ostendisse : deditque in ejusdem arcis non exiguo circulo locum ædificandæ Ecclesiæ. Ferunt proinde nomen Ecclesiæ provenisse quod meum et tuum, quasi communis duorum possessio, sonat in lingua Saxonum vernacula Min, dim.

51. « Erat vir præcipua religione Heribertus, qui cum Carolum latere non posset, dignus est habitus, quem primum præficeret eidem Ecclesiæ Mindensi episcopum : adjecit illi ministeriales non paucos, nec parvos, ut haberet Ecclesia defensores suos. Illi vero, quia ex inno gradu in nobilitatem

<sup>1</sup> Cone. Nic. II. Act. iv. version. Anst. — <sup>2</sup> Grant Metrop. Sax. I. c. 9. et hist. Saxon. I. II. c. 23.

exereverant, ut partim comites, partim duces fierent, sprevisse matrem videntur.

« Ornata est autem Ecclesia jam tum ab initio multis sanctorum reliquiis, Feliciani Fulginatis episcopi et martyris, Theodori episcopi, Carpophori et Abundae (Abundii) martyrum. Profecit autem Ecclesia tam in spiritualibus, quam in temporalibus sub hoc pontifice, agente novitio fervore in populo recens converso, instante nihilominus bono pontifice, qui frugem divini verbi curavit in populo

multiplicari ». Haec tenus de his auctor in metropoli Saxonum : quæ totidem verbis reddidisse voluimus, ne quid additum putetur ad ea quæ ex Annualibus Saxonum prodita auctor refert. Qui et addit, hoc anno jam Widichindo ad religionem Christianam converso, cœptas a Carolo Magno alias cathedrales Ecclesias erigi in Saxonia, eisdemque, qui eas curarent, esse postea datos sanctos episcopos, de quibus inferius dicendum erit. Haec modo satis.

Anno periodi Graeco-Romanæ 6278. — Anno Aërc Hispan. 823. — Anno Hegiræ 160, inchoato die 13 Julii, Fer. 4. — Jesu Christi 785.

— Hadriani I papæ 44. — Constantini imp. 10 et 6. Irene 6.

1. *Imperatores scribunt ad Hadrianum PP. de Concilio celebrando.* — A num. 1 ad 40. Refert Baronius, num. 2 et seqq. litteras ad Hadrianum papam datas a Constantino imp. et Irene Augusta *IV kalendas Septemb. Ind. vii*, quibus cum rogant, ut Constantinopolim veniat, quo Synodice antiqua sanctorum Patrum traditio confirmetur. Quod si Constantinopolim venire non possit, legatos ab eo mittendos postulant. Verum loco, *Indictione septima*, legendum, *Indictione viii*, qua currente *Paulus episc. Constantiopol. mortuus est*, et post ejus mortem de Concilio celebrando actum, ut ex responso Hadriani demonstro. Datum enim illud *VII kalendas Novemb. Indict. ix*, ut videre est apud Baronium num. 33, id est, eurreati anno, et menses duos post litteras impp. Tum num. 14 et seqq. reicit Baronius responsum illud Hadriani ad imperatores, in quo plura in sacrarum imaginum defensionem in medium adducit. In iis litteris n. 30, Hadrianus ait : « Mirati sumus, quod in vestris imperialibus jussis pro patriarcha regiae urbis, scilicet Tarasio directis, **UNIVERSALEM**, ibi reperimus exaratum; sed utrum per imperitiam, aut selisima, vel hæresim iniquorum scriptum est, ignoramus, etc. » Factum id fuit juxta Orientalium consueludinem. Hac de re audiendus Anastasius in Praefatione ad septimam Synodum Joanni VIII pape dicata : « In eo sane, inquit, quo frequenter universalem Graeci patriarcham suum inconvenienter appellant, Apostolatus vester adulatio[n]i veniam det, saep[er] prælatis suis non sine reprehensione placere studentum. Verum cum apud Constantinopolim positus, frequenter Graecos super hoc vocabulo reprehendere[m] et fastus vel arrogantiæ redarguerem; assere-

bant, quod non ideo œcumenicum, quem multi universalem interpretati sunt, dicere patriarcham, quod universi orbis teneat præsulatum, sed quod eidem parti præsit orbis, quæ a Christianis inhabitatur. Nam quod Graeci œcumenem vocant, a Latinis non solum orbis, a cuius universitate universalis appellatur; verum etiam habitatio vel locus habitabilis nuncupatur ». At haec ratio etiam pro aliis patriarchis militat, qui tamen se nunquam patriarchas universales appellaverunt.

2. *Patriarchæ Constantinop. titulum universalis male assumunt.* — Allatius lib. 4 de Ecclesiæ Occid. et Orient. consensione cap. 19, num. 7, ostendit, omnes Constantinopolitanorum patriarcharum conatus repressos fuisse a Romanis Pontificibus, quando illi universalis titulum usurpare cœpere, additque : « Universalis porro titulum post Nestoriam (id est, Joannem Jejunatorem) patriarchæ adeo obstinale sibi retinuerunt, ut nullis neque minis neque admonitionibus ad illum obliterrandum adduci potuerint : et nunc etiam in calamitosissima Græcie desolatione sub tyrannide Barbarorum pessima eo sese coherenant, quibus cum Romana Ecclesia non illa bene convenit, quique eam religiosissime observant. Eo usus fuisse videtur ex intimis illius Ecclesiæ *Bessarion* cardinalis, patriarcha Constantinopolit. Epist. ad omnes Ecclesiæ Constantinopolitanæ subjectos, etc. » Plura de his Allatius laudatus. Porro quam procul a vana titulorum ambitione absuerit *Tarasius*, ostendit ejus subscriptio, quæ legitur Actione iv septimæ Synodi, facta post Hadriani pape vicarios, licet episcopi non essent : « Tarasius misericordia Dei episcopus Constantinopoleos novæ Romæ confirmans

sic se habere veritatem, omnia quæ superius effe-  
runtur, libenter admittens, his subscrispsi».

3. *Hadrianus unas tantum litteras ad imperatores dedit.* — Sed imperatorum ad Hadrianum papam, hujusque ad imperatores Epistole, quas mox diximus presenti anno datas esse, magis hic expli-  
candæ, quia mendosa Indictio, qua prior notata reperitur, Lupum in Dissert. de septima Synodo generali cap. 11 decepit, induxitque, ut scriberet imperatores anno DCCLXXXIV, *Indictione septima*, mense Augusto litteras ad Hadrianum dedisse, sed responsa Hadriani ad eas periisse, aut adhuc latere; rursusque imperatores alteram legationem ad Pontificem misisse *Indictione octava*, in fine Decembris, anno scilicet DCCLXXXIV, quæ postquam Romanum pervenit, Pontifex sua ad Synodum vice legaverit Petrum Romanæ Ecclesie archipresbyterum, et Petrum monachum variis mandatis instru-  
ctos. Quo pacto cum responsum Hadriani ad imperatores, quod in secunda Actione Concilii Nicæni legitur, et hoc anno a Baronio recitat, datum sit *septimo kalendas Novembris*, *Indictione ix*, hoc scilicet anno, sequetur Hadrianum ad secundas imperatorum litteras non nisi post menses decem respondisse, quod nullus sibi facile persuaserit; cum de Concilio generali indicendo, et de sacra-  
rum imaginum restitutione, ab omnibus Orthodoxis, præsertimque ab Hadriano adeo exoptata ageretur. Præterquam quod in Concilio generali ultraque Epistola lecta fuisset; et tamen unius tan-  
tum in eo mentio est. Et revera unicam tantum scripsit Hadrianus, frustraque alia queritur.

4. *Ante electionem Tarasii actum non est de VII Synodo indienda.* — Res ita se habuit. *Tarasio* die Nativitatis Christi superioris anni patriarcha Constantinopolitano ordinato, actum est de Synodo OEcumenica convocanda, quia Tarasius eam dignitatem admittere noluit, nisi postquam imperatores ejus indictionem promiserent, ut refert Ignatius in ejus Vita. Quare imperatores IV kalend. Septemb. *Indictione viii*, non vero Indict. vii, ut mendose legitur in omnibus exemplaribus, scripsere ad Hadrianum papam, ad eumque misere *Constantinum* episcopum Leontinum in Sicilia et *Dorotheum* episcopum Neapolitanum in Campania, rogauintque, ut Constantinopolim veniret ad cele-  
brandam Synodus OEcumenicam; quod si non posset, mitteret qui locum suum in ea tenerent, addentes se eundem Leontinum direxisse, *eum præsentem nostra venerabili jussione ad vos*, et stratego Sicilie jussisse, *ut omnis requiei et honoris vestri curam habeat*. Ad hæc Tarasius patriarcha Leonem presbyterum suum cum litteris ad Hadrianum direxit. Hæc quidem non extant, sed Hadrianus in suo responso a Baronio num. 34 et seqq. relato id diserte asserit, additique : «Post confessionem fidei vestrae notum factum est nobis, quod vestra venerabilis sanctitas postulaverit ab Orthodoxis et propugnatoribus veritatis, piissimis videlicet imperatoribus nostris, qui ad gloriam Dei facili sunt,

quo fieret venerabilis Synodus, etc.» Ex quibus patet, ante electionem Tarasii actum non esse de alicuius Synodi generalis convocatione; imperatores de ea ad Hadrianum litteras non dedisse; nec legatos ad eum misisse, antequam Tarasius in suam electionem consensisset, deceptumque esse Lupum laudatum, qui arbitratus est imperatores et scripsisse, et legatos destinasse ad Hadrianum mense Augusto praecedentis Christi anni, rursusque eodem anno sub finem Decembris alios direxisse, aliasque ad eum litteras dedisse, ad quas responderit Hadrianus litteris in VII Synodo Act. II lectis, non advertens in his Hadriani litteris mentionem fieri jussionis ab imperatoribus missæ cum litteris IV kal. Septemb. datis, in quibus se eam ad eum dirigere affirmant.

5. *Imperatores revocarunt priores suos ad Hadrianum legatos, et alios nominarunt.* — Leo presbyter, ubi in Siciliam pervenit, jussionem imperatorum a stratego seu praefecto Siciliae accepit, qua sibi injungebatur, ut cum Theodoro Calanæ in Sicilia episcopo et Epiphanius legato archiepiscopi Sardiniae ad Hadrianum proficeretur, et jussionem eorum lem imperatorum deferret; quod et diligenter a Leone præstatum. Hadrianus Leone, Theodoro et Epiphanius auditis valde imperatores laudavit, ad eosque reserpsit Epistolam a Baronio recitamat, et legatos suos, qui Synodo generali præsenterent nominavit. His laudatas suas litteras consignavit, datas *septimo kalendas Novembris*, *Indictione nona*, hoc scilicet anno, et duos circiter menses post scriptas ad se ab imperatoribus litteras. Constant hæc ex Actione II septimæ Synodi, in qua pag. 119 legitur : «Joannes magnificentissimus Logotheta dixit : Hæc noverunt et honorabilissimi Siculi, Deo amabilis Theodorus Catanensis episcopus, et qui cum eo est reverendissimus diaconus Epiphanius, qui locum tenet archiepiscopi Sardiniae. Anbo enim per jussionem piorum imperatorum nostrorum profecti sunt Romanum cum reverendissimo apocrisiario sanctissimi patriarchæ nostri. Theodorus Deo amabilis episcopus Catanæ dixit : Pio imperio jubente per honorabiles jussiones suas, mittere Leonem Dei cultorem presbyterum, qui una mecum est servus vestræ sanctitatis (nempe Tarasii, quem alloquitur Theodorus) simul cum pretiosa Epistola sacratissimi domini mei, ille qui colit sanctitatem vestram, Sieulorum scilicet meæ provinciæ strategus misit me Romanum cum pia jussione Orthodoxorum imperatorum nostrorum. Qui abeuntes, pii imperii eorum fidem et Orthodoxiam, denuntiavimus. Et beatissimus papa audiens dixit : Quia si in diebus imperii eorum factum fuerit hoc, magnificare habet Deus pium imperium eorum super priora regna. Hinc et suggestionem, quæ lecta est (Epistolam nempe Hadriani papæ datam VII kalend. Novemb. Indictione ix), transmisit ad pios imperatores nostros una cum litteris ad sanctitatem vestram (recitatis a Baronio num. 34 et seqq., ut mox diximus), et vicariis

suis, qui hic præsidentes adsunt ». Ex his etiam colligimus Dorotheum Neapolitanum et Constantiū Leontinū episcopos, ubi Siciliam attigere, jussos esse a stratego, seu a præfecto illius provinciæ, Constantinopolim redire, et in utriusque locum de imperatorum mandato Romanam destinatos esse *Theodorum* Catanæ episcopum, et *Epiphanium* legatum archiepiscopi Sardiniae, qui Hadrianum de imperatorum Orthodoxy certiore fecere, eorumque jussionem, quam primum Dorotheo et Constantino episcopis tradiderant, et postea eisdem Theodoro et Epiphanio consignari mandarant, Hadriano remisere. Unica itaque legatio ab imperatoribus missa, sed prioribus legatis revocatis, alii in eorum locum subrogati, et unica Epistola ab imperatoribus ad Hadrianum, hujusque ad imperatores data. Quæ quidem utraque extat, et in septima Synodo lecta est. Litterarum imperatorum partem Nicolaus primus litteris suis ad Michaelem Augustum ab avita in Sedem Apostolicam veneratione devium inseruit.

6. *Tarasius tres alias patriarchas de Indictione VII Synodi monet.* — A num. 40 ad 49. *Mahadis* Saracenorum califa, qui anno *DCCLXXV* dignitatem illam obtinuit, vixit usque ad diem tertiam mensis Augusti anni currentis, eique successit *Musa Alhaidis*, Moses a Baronio et Theophane vocatus, cuius mors contigit sequenti Christi anno, die *xiii* mensis Octobris. Hunc exceptit *Haron Raschid* Alhadis frater, ut uno tenore anno superiori num. 3 accurate exposuimus. Quare quando imperatores Synodus septimam indixere, non *Haron*, ut existimavit Baronius, sed *Musa* seu *Moses* Saracenis imperabat, adhucque pax inter imperatores et Saracenos durabat. Facilis tamen accessus non erat ad regiones Saracenissubditas. *Tarasius* duos legatos ad patriarchas Antiochenum, Hierosolymitanum et Alexandrinum, qui eis septimae Synodi Indictionem significant, eosque ut ad eam venirent, hortarentur, misit. Legati per omnem Ægyptum et Orientem inter mille pericula iter fecere; cumque Hierosolymam pervenissent, invenerunt *Theodorum* patriarcham Hierosolymitanum mortuum esse, et *Eliam*, cuius ille sedem occuparat, in exilium a protosymbolo califæ missum. Traditum tamen eis fuit exemplar Synodicorum a Theodoro ad reliquos patriarchas scriptorum, quando ordinatus est patriarcha Hierosolymitanus. Diverterunt enim apud monachos vitæ sanctitate illustres, ex quibus duo inventi, quorum alter patriarchæ Antiocheni, alter Alexandrini syncellus fuerat, alter Joannes, alter Thomas appellatus, quos Ioco Policiani Alexandriae et Theodoreli Antiochiae patriarcharum ad Synodus monachi delegarunt. Constant hæc ex litteris eorumdem patriarcharum ad Tarasium datum, quæ a Baronio integræ recitantur. Ex illis sequentia colligere est. Primum, Elias patriarcha Hierosolymitanus adhuc exul erat: « Nostis enim », inquit patriarchæ, « qualiter per pusillam accusationem exul factus sit a bis millibus signorum

ille, qui ad regendum thronum fratris Domini sortitus est Jacobi ». Sanctus Stephanus sancti Joannis Damasceni nepos et Thaumaturgus appellatus, vulgoque dictus *S. Stephanus Sabaita*, a Laura sancti Sabæ duodecimo ab urbe Hierosolymitana millario dissita, in qua vixit, Eliae restitutionem in episcopatum prædixit, ut testatur Theoctistus ejus discipulus in Vita Stephani Sabaitæ anno *CCCLXV* demortui. Ait enim Theoctistus: « Superbus ille atque arrogans Theodorus (qui Eliam relegandum a protosymbolo Saracenorum obtinuerat, ut in ejus locum substitueretur) suo jam volo potitus, seipsum in profundum peccatorum barathrum voluntaria præcipitatione dejecit; dirisque et execrationibus, quas meruerat, obnoxius, in Perside male vitam finivit », anno nobis incomerto. De Elie in sedem Hierosolymitanam restitutione in morte ejus agemus. Baronius, qui Vitam illam sancti Stephani Sabaitæ non viderat, num. 40 autemavat patriarcham Hierosolymitanum, de cuius exilio mentio est in litteris patriarcharum Orientalium ad Tarasium, esse Theodorum; sed hunc quando eæ litteræ datæ jam demortuum fuisse in fine earumdem dicitur.

7. *Christiani a Saracenis etiam pacis tempore male habiti.* — Secundo ex iisdem litteris intelligimus quam male habiti sint Christiani in Syria, Saracenis in ea dominantibus, etiam quando pax inter eos et imperatores vigeret: « Libellis », inquit initio Epistolæ suæ, « Apostolicæ et paternæ sanctitatis vestrae perfectis, beatissime, nos humiles, et eorum qui desertum incolere gestiunt ultimi, tremore pariter et gaudio sumus detenti: tremore quidem propter timorem eorum quibus ob peccata nostra servire decreti sumus, quique vere sunt impii, et in circuitu ( secundum quod scriptum est) impii ambulant, ac per singulos pene dies occasiones exquirunt, ut nos morti tradant: gudio vero propter veritatem Orthodoxæ fidei, quæ fulget in eis, etc. Visitavit nos Oriens splendidus ex alto, Theoretice et divinæ Providentiae illustratæ mentis, in tenebris et in umbra mortis maligni erroris, id est, Arabicæ impietatis sedentes, et ad dirigendos intelligibiles pedes nostros in viam et semitas pacificæ constitutionis ». Vides ipsos patriarchas persecutionis metu sese in deserta abdere coactos fuisse. Intelligimus tertio, hoc anno vel sequentis initio, quo eæ litteræ a patriarchis exaralæ, pacem in Syria extitisse: « Consideramus igitur, sanctissime », subdunt patriarchæ apud Baronium num. 45, « contaminatae nationis cognoscentes contra nos infestationem, remittere hos, qui missi sunt (duos nempe legatos Tarasii), et prohibere appropriare iis ad quos destinati sunt, ducentes hos in medium nostrum, et admonentes plurimum, ne inducerent turbationem, imo (ut specialius dicamus) exitium quiescentibus, et Dei gratia PACIFICATIS ECCLESIS, vel populo miserabiliter jugo servitutis afflito, et importabilium illatione tributorum oppresso ». Ad hæc Elimacius lib. 2 Hist. Sarac. de Musa califa

scribit : « Fuit ejus tempore Ecclesia in quiete et pace ».

8. *Annus xiv belli Saxonici*. — Ad num. 49 et seqq. Carolus rex insignem hoc anno de Saxonum idolatria et perfidia triumphum egit, a variis Francorum annalistis narratum, quem hic ex annalista Metensi referam : « Anno Dominicæ Incarnationis **DECLXXXV**, rex usque ad Roie pervenit super fluvium Wisaram, ubi confluit Waharna, et propter nimiam inundationem aquarum, inde reversus est ad Eresburch castrum, ubi uxorem suam Fastradem cum filiis et filiabus venire jussit ; ibique per totam hyemem mansit. Ubi etiam Pascha celebravit. Et multis vicibus exercitum super Saxones misit, et eorum castra destruxit, et in Maio Synodum apud Paderbronnam habuit : et inde iterum pergens, nullo contradicente, totam Saxoniam circumvit. Et eum pervenisset in Bardengawi, misit inde post Widichindum et Albionem, et utrosque ad se fecit venire. Quos sacramento construxit, ut in Franeiam ad eum venirent. Qui acceptis obsidibus, ad regem in villa Attiniaco venerunt, ibique baptizati sunt : et sic tota Saxoniam subjugata est Franeis. Et in eadem villa celebravit rex Natalem Domini ». Bardengawi, seu, ut alii scribunt, Barduicum sive Bardovicum, positum est ad Ilmenovium amnem infra Lunæburgum, quod ex ejus ruinis erexit.

9. *Episcopatus Mindensis et Verdensis instituti*. — *Saxonia* itaque, quæ a tot annis bello illagravata, pae gandere cœpit, postquam a Carolo in provinciam redacta est. Præterea Witichindus « tot malorum auctor ac perfidiæ incensor venit cum sociis suis ad Attiniaco palatio, et ibidem baptizatus est, et rex suscepit eum a fonte », inquit chronographus Moissiacensis. Cointius hoc anno num. 9 varios alias annalistas citat, qui Witichindum Attiniaci saero fonte levatum esse tradunt, et ex illis refellit eos qui apud Bollandum ad diem vii mensis Januarii in Encomio Witichindi, singunt, hunc vel Bardevici vel Mittebachū, vel in villa *Bellhem* diœcœsos Osnaburgensis baptizatum fuisse. « Deinceps Witichindus pacatus in sua sedet provinceia, Westphaliam solam gubernans », inquit Krantzius lib. 2 *Saxoniæ* cap. 24. Carolus nonnullas ei restituit arees, alias presidiis firmavit. Ubi vero Witichindus agnovit Carolum de construendis Ecclesiis sollicitum, idoneum obtulit locum, quem suo jure servabat ad ripam Wisurgis, ubi *Mindensis* episcopatus fundatus est et primus episcopus ordinatus *Heribertus*, vir præcipua religione, inquit Krantzius. Præter hunc episcopatum erectus *Verdensis* in Saxoniam, ut ostendit Henschenius ad diem primum Martii in Vita sancti Suiberti episcopi et Frisonum Apostoli. Sedes episcopi, non *Verdae* primum, sed alio in loco fixa, indeque postea ad Verdense oppidum tanquam nobilius et clarius translata. Primus autem illius episcopus fuit *Suibertus* Caroli regis jussu statutus, vir sanctus natione Anglus, qui eostitur die xxx mensis Aprilis. Legendus Henschenius citatus in Commen-

tario prævio ad Vitam sancti Suiberti episcopi Frisonum parag. 8, num. 62 et seqq. et ad diem **xxx** Aprilis in Vita sancti Suiberti episcopi Verdensis in Saxoniam inferiori, qui cum Suiberto seniori confundendus non est ; cum illius initia ab istius obitu integro fere sæculo distent. Porro natalem Witichindi ad diem vii id. Januarii celebrant Carthusiani Colonenses in Addit. ad Usuardum et Martyrologium Germanicum a Petro Canisio recognitum ; sed Bollandus citatus ait, se haud compreisse an publica Romanae Ecclesiae auctoritate Witichindus inter divos habitus fuerit.

10. *S. Villehadus in Saxonia Evangelium prædicat*. — Nuntium de rebus a Carolo feliciter gestis, et de Saxonibus ad fidem conversis Romam per Andream abbatem cito delatum est, ut liquet ex litteris Hadriani papæ, de quibus anno sequenti agemus. *Willehadus*, qui solitariam vitam ab anno superiori duebat, Carolum apud Eresburgum commorantem adiit, et ab eo rursum in Saxoniam missus est hoc anno, ut colligitur ex Anschario in sancti Willehadi Vita : « Venerandus Domini sacerdos regem adiit Carolum, qui tune forte in castello concederat Saxoniam Eresbur, proponens voluntatis suæ devotissimam in præparatione Evangelii pacis affectionem, atque ipsius in hoc æquissimam requiriens præceptionem. Qui pro consolatione laboris ac præsidio subsequentium ejus, dedit ei in beneficium quamdam Cellam in Francia, quæ appellatur *Justina*, præcepitque ei ut iterum pro nomine Christi cœptam repeteret parochiam. Quod ille gratarter ac religiose suscipiens, rursus venit Wigmodiam et fidem Domini publice ac strenue gentibus prædiebat. Ecclesias quoque destructas restauravit, probatasque personas, qui populis monita salutis darent, singulis quibusque locis præesse disponuit. Sieque ipso anno, divino ordinante instinetu, gens Saxonum fidem Christianitatis, quam amiserat, denuo recepit. Sed et totius mali auctor incensorum perfidiæ Witichindus eodem anno, regi se subdens Carolo, baptismi est gratiam consecutus ; sieque ad tempus sedata sunt mala, quæ illius fuerant ingesta pernicie ».

11. *Moritur S. Virgilius episc. Salisburgensis*. — Mortuus est hoc anno sanctus *Virgilius* quintus Ecclesiae Salisburgensis episcopus. In brevibus enim Annalibus Ratisponensibus a Mabillonio tom. iv *Analeet.* publicatis, ad annum **CCCLXXXV** habetur : « *Virgilius episcopus et Opportunus* abbas obierunt ». Tuum ad annum sequentem : *Arn episcopus ordinatus est*, nempe *Arno*, qui primus archiepiscopus Salisburgensis fuit, ut an. **DCCXCVIII**, quo archiepiscopalem dignitatem consecutus est, exponemus. Nec dubium, quin *sancti Virgili* mors accurate in iis Annalibus consignetur ; eum in libro Miraculorum sancti Virgili ex tomo vi Canisii a Mabillonio sæculo iii Benedict. part. 2 relato legatur, alias detectam fuisse tumbam et depictam imaginem supra eam cum inscriptione, quæ docet Virgilium illud templum construxisse,

et præterea dies obitus ejus *V kalend. Decemb.* ibidem notatur. Unde cum Virgilius exente anno spiritum Deo reddiderit, ejus successoris ordinatio anno sequenti peracta est. Chronographus itaque Reicherspergensis, qui hanc mortem in annum superiorem diemque *v kalend. Decemb.* contulit, in anno tantum peccavit. Ad hæc poeta anonymous, qui versus de *Ordine comprovincialium pontificum* composit, Epitaphium Virgilii bis versibus inchoat:

Hic pater et pastor, humilis doctusque sacerdos,  
Corpo Virgilius pausat, quem Hibernica tellus  
Disponente Deo partes direxit in istas,  
Quique regebat ovaus praesentis culmina sedis  
Ferme QUATER DENOS caris cum fratribus ANNOS.

Quare cum *Virgilius* annos ferme *xl* Salisburgen-sium episcopus fuerit, mors ejus cito contingere non potuit. Auctor quidem anonymous ejus Vitæ, sancti Eberhardi itidem episcopi Salisburgensis discipulus, qui modo sœculo *xii* eam in litteras mandavit, juxta editionem Mabillonii loco citato scribit: « Celebrato divini sacramenti mysterio, Ieni morbo correptus, anno Dominice Incarnationis *DCCLXXX*, IV kalend. Decembbris obdormivit in Domino ». Verum apud Hundium in metropoli Salisburgensi aliqui legunt, anno *DCCLXXXIV*, vel *DCCLXXXV*, qui ideo recte censuere locum illum corruptum esse, licet in priori editione ejusdem Vitæ habeatur etiam annus *DCCLXXX*. Cointius, qui an. *DCCLXXX*, num. *41*, *Virgilium* mortuum contendit, ait, lectionem illam Hundii vitiosam esse, et errorem ex eo videri emanasse, quod cum olim annum, quo Virgilius ex hac vita migravit, omnes constantissime notarint *DCCLXXX*, mota de die controversia, diem atii *iv* scripserint, alii *v* ante kalendas Decembres, et reperti sint e recentioribus, qui duobus numeris, quorum alter annum, diem alter designabat, in unum coactis, assuerint *Virgilium* mortuum anno Christi, vel *DCCLXXXIV*, vel *DCCLXXXV*. Sed sive anonymous scripserit anno *DCCLXXX*, ut etiam legitur in libro Miraeulorum sancti Virgilii citato, sive currentem Christi annum signaverit, mors sancti præsulis a præsentí anno amoveri non potest; cum, teste poeta in ejus Epitaphio, *Virgilius* annos fere *xl* Ecclesiam Salisburgensem rexerit, illeque Epitaphium illud anno *DCCCXL* aut circiter composuerit, qui ideo durationem sedis Virgilii melius callere potuit, quam anonymous, qui sancti antistitis Vitam pluribus a morte ejus sœculis elunbravit. Quod si Hundius, Cointius, aliquique viri doctissimi versus landati poetæ videre potuissent, in describendis *Virgilii* ejusque successorum annis, et initio ac fine illorum sedis, in tot errores ab anterioribus scriptoribus inductos abrepti non fuissent.

42. *Obitus Opportuni abbatis primi Mansæ*. — Eodem quo *Virgilius* anno vitam cum morte commutavit *Opportunus*, ut mox diximus ex Annalibus Ratisponensibus. Fuit *Opportunus* primus abbas cœnobii, cui nomen inditum Mansæ, quod

*Odilo* dux Bajoariæ in episcopatu Salisburgensi prope Menem lacum Noricorum *sancti Pyrmanni* suasu construxit, ut videre est apud Cointium anno *DCXXXIX*, n. *46*, quo ejus fundationem collocat, sed qui mortem *Opportunus* in annum *DCCLXXI* Hundium in metropoli Salisburgensi securus perpetram confert. *Opportunus* successit *Henricus* de quo infra.

43. *Saraceni ex urbe Gerundensi a Carolo expulsi*. — In Chonico Moissiacensi ad an. *DCCLXXXV* legitur: *Gerundenses homines Gerundam civitatem Carolo regi tradiderunt*, quod et legitur in Annalibus Anianensibus, et his verbis observavit Surita: Mauri qui Gerundæ Ausetanorum urbis potiuntur, sub Caroli imperium ditionemque deveniunt ». Quod tamen contigit, ut observat Marea lib. 3 Marcæ Hisp. cap. 6, num. 9, postquam certatum fuit cum Machomete Mauro comite, et post longam urbis obsidionem. Cujus rei memoriam conservavit vetus Chronicum monasterii Rivipullensis, in quo dicitur: « Ille Carolus dictus Magnus anno Domini *DCCLXXXVI* cepit civitatem Gerundæ vincens in prælio Machometum regem ipsius civitatis. Et dum cepit ipsam civitatem, multi viderunt sanguinem pluere, et apparuerunt acies in celo, in vestimentis hominum et signa Crucis. Et apparuit crux ignea in aere supra locum ubi nunc est altare beatæ Virginis. Et propter hoc mutavit sedem, quæ tunc erat in Ecclesia sancti Felicis, in loco ubi nunc est ». Meminere eorumdem prodigiorum ad annum sequentem et Chronicum Moissiacense, et Aunales Anianenses: « Eo anno mense Decembbris apparuerunt acies terribiles in celo, quales nunquam nostris temporibus antea apparuerunt. Neenon et signa Crucis apparuerunt in vestimentis hominum et nonnulli sanguinem dixerunt se videre pluere ».

44. *Gerundenses Carolum regem liberatorem suum agnoscunt*. — Tam ingens beneficium adeptæ per *Carolum* libertatis rependere voluit *Arnaldus* de Monterotundo Gerundensis episcopus, institutis solemnibus missarum et horarum canonicarum Officiis in honorem *Caroli regis*, edita constitutione anno *MCDXLV*, qua lectiones in ea festivitate recipiendas ordinavit juxta rei gestæ tunc receptam fidem: unde major auctoritas huic narrationi conciliata. Earum lectionum usus in Ecclesia Gerundensi viguit usque ad tempora Concilii Tridentini, ex cuius Decretis factum, ut cesset officiorum istiusmodi recitatio. Sed non desivit apud Gerundenses festæ diei cultus *sанcto Carolo* dicatae, quem oratione quoque panegyrica inter missarum solemnia prosequuntur, ut notavit ibidem Marea. *Carolus* an. *DCCLXXVIII*, ut ibidem ostendimus, totum Pyrenæi montis jugum perdomuerat, et usque ad Iberum annum ditiones suas extenderat. Verum præfetus Saracenus, quem Gerundæ imposuerat, ejus iram hoc anno provocavit, indeque Gerundenses hoc vel sequenti anno ad ditionem coegit.

45. *Comites instituti in Marca Hispanica*. — Post captam Gerundam *Carolus* reliquam provin-

ciā ordinavit prout Reipublicæ utilitas et ratio temporum cerebat. Unum autem, inquit Marea lib. 3 Marcæ Hisp. cap. 7, nnn. 3, innovasse videtur. Cum enim veteres principes suum unicuique civitati comitem præticere soliti essent, ille comitis Hispanici custodiam in plures partitus, tres comitatus instituit in pagis singularum civitatum: quod valuit etiam sub Ludovico Pio et sequentibus postea regibus. Divisionem illam collegit Marea ex Praeceptis regnum: Diocesis Helenensis quæ sola angulum Gallicum Narbonensis provinciæ occupat, in tres comitatus dissipata est, Ruscinonensem videlicet, Confluentum, et Vallaspirensem; Gerundensis, cui jam tum adjuncta erat Emporitana, in quatuor comitatus secta est, Gerundensem, Emporitanum, Petralatensem, et Bisuldumensem. Tres instituti in diocesi Ausonensi, Ausonensis primum, tum

Manresensis, et Bergitanus. In Urgellensi itidem tres, Urgellensis, Ceretanus, sive Cerdaniensis, et Pallarensis. In Barcinonensi quoque admissa est sectio, intra eujus limites surrexit etiam comitatus Penitensis. Accensis etiam urbs suos habuit comites, qui Aragonenses dicti sunt ab ea, angusta liceat, regione quam duo fluvii Aragonii cingunt. Haec *Carolus* studio rei militaris adversus Saracenos accurate constituendæ.

16. *Moritur Kenulfus rex Occidentalium Saxonum.* — Cum Kenulfus Occidentalium Saxonum rex triginta regnasset annos, et alterum inchoasset, a subditis occisus est, ut Malmesburiensis lib. 1 de reg. cap. 2, aliquie historici Angli fuisse narrant, quod hoc anno contigisse docet annalistia Mailrosensis. Ei successit *Brithricus*, qui erat e regia familia.

## HADRIANI I ANNUS 15. — CHRISTI 786.

1. *Concilium Constantinopolis ab Iconoclastis exturbatum.* — Christi Redemptoris annus adest septingentesimus octogesimus sextus, Indictione nona, quo septimo idus Augusti, cum OEcumenica Synodus in Basilica sanctorum Apostolorum collecta esset, manu militari Iconoclastarum hærticorum exturbatur. Quamobrem imperatorum prudentia in tempus magis opportum differri jubetur. At quomodo ista se habuerint, ex ejusdem temporis scriptoribus accipe, atque primum ex Theophane, qui hæc ait: « Anno sexto (nempe superiori) imperii sui, mittentes imperatores convocaverunt omnes, qui sub eorum erant potestate antistites, pervenientibus quoque a Roma transmissis ab Hadriano litteris et hominiibus, ut prædictimus, et ab Antiochia et Alexandria, et septima idus Augusti, nona Indictione (hoc nempe anno septimo eorundem Augustorum), præsidentes in templo sanctorum Apostolorum apud regiam urbem, cœperunt sanctas Scripturas relegere, et objicere invicem, imperatoribus et catechumenis (begumenis) inspicientibus. Ast populi scholariorum et excubitorum atque ordinum cæterorum (militarium) adunati a suis principibus, cum haberent etiam ipsi magistrum Constantimum Deo odibilem dudum imperatorem, irruerunt in eos nudatis gladiis, mini-

tantes morte afficere tam summum sacerdotem, quam Orthodoxos episcopos et abbates. Imperio vero, per adstantes sibi familiares homines hos sedare nitentes, non acqueverunt, quin potius exprobrauerunt. Cum autem surrexisset patriarcha, et tribunal cum episcopis et monachis esset ingressus, hi qui maligni sensus erant eorum episcopi, exierunt ad eos clamantes, et dicentes: Vicimus. Et gratia Dei nemini nocuerunt furiosi illi et inhumani; et taliter dissoluta Synodo, unusquisque rediit ad propria. Hæc de his summatim Theophanes, qui quod ait Tarasium esse tunc ingressum tribunal, ut hæc intelligas ex Ignatio, qui ejusdem viri sanctissimi res gestas est prosecutus, dilucidius enarrante, et ex ipsis Tarasii litteris ut accipias, necesse est. Qui igitur præsens fuit iis, quæ scriptis mandavit Ignatius, hæc habet<sup>1</sup>:

2. « Tarasius animum adhibebat iis, quæ ad rectam fidem pertinent, ut quæ, Deo volente, visa fuerant, et ab imperatoribus promissa erant, ad effectum venirent, contendebat. Hoc autem erat, ut OEcumenica procederet Synodus, et ab eo, quod justum est, minime aberraret Ecclesia. Jussu ergo imperatorum omnes pontifices ex unaquaque re-

<sup>1</sup> Ignat. in Taras. apud Sur. tom. 1, die xxv Febr.

gione et civitate profiscuntur in regiam civitatem. Et jam edicto convento in inclito templo divinorum Apostolorum, et jam sedentibus episcopis in sedibus propositis: ecce quoddam examen vesparum, virorum, inquam, qui erant animis leoninis ex exercitu Constantini, qui olim imperii sceptra non pie administrabat, exsurgens veluti ex quibusdam alveis male opinionis, accedit ad dictam ædem sacram, bellieis armis eam obstruetum. Qui cum venerandæ ædis atriis appropinquassent, incondita voce locum repleverunt, dicentes non esse ferendum infirmare et transgrediea, quæ olim visa fuerunt Constantino. Nam non permittemus (aiebant) illius abrogari dogmata, et prædicari esse statuendas imagines. Quod si quis hoc incœperit, et ante nostros oculos viderimus abrogari Synodus, quæ fuit ab ipso congregata: sanguine sacerdotum terram reddemus purpuream.

3. « Hæc dicebant, et in portas irrumpentes, volebant eos, qui erant intus, interficere. Tunc nutu imperatoriæ potestatis, Sessionem relinquunt pontifices. Imperatores autem in eos, qui res novaverant, cum ira ferventes, cito venerunt in suum palatium, eorum insolentiam et insurrectionem et eversionem universi reputantes. Tarasius vero ad sacram aram accedens, timoris nullum signum præferens, incuruentum incipit sacrificium, et mystica communione peracta, domum revertitur, ubi vacabat prioribus laboribus, nempe in sacra Scriptura, et in demonstrationibus faciendis ex Patrum eloquis ». Provide sane cedendum existimaverunt in præsentiarum imperatores, secundum illud Ecclesiastici<sup>1</sup>: « Ne coneris contra ictum fluvii ». Porro Tarasius ipse testatur, se ab ejusmodi Iconoclastis prohibitum esse cathedra. Etenim meminit harum turbarum ipse in Epistola ad Hadrianum Romanum Pontificem, ubi ait: « Verum nos ante annum Sessionem colligere Synodi statueraamus: cum improbi aliquot homines, et quorum mentes insania tumultuabantur, turbam in nobis cientes, cathedram prohibuerunt: quamobrem coacti sumus integrum annum a proposito nostro desistere, nihilque, quod ad eam rem attinebat, tentare ». Hæc Tarasius, qui postea præfatus in prima Actione Nicænae Synodi, id hoc anno factum, ipsis kalendis Augusti, affirmat, operaque Iconoclastarum episcoporum. Cæterum cum reliqui omnes episcopi ad proprias Ecclesias dimissi fuerint: ipsi tamen Apostolicæ Sedis legati Constantinopoli recentes, cum in Siciliam pervenissent, Romam reversuri, illie jussi sunt consistere, tempus opportunum expectantes colligendi iterum Concilii OEcumenici. Quod et accidit ex sententia, ut suo loco dicemus. Testatur id quidem Hadrianus papa in Epistola ad Carolum Magnum. Anastasius Bibliothecarius in præfatione ad septimam Synodum ad Joannem papam, de his agens, his addit,

milites ab episcopis Iconoclastis fuisse instigatos ad contradicendum.

4. Quomodo autem in hæreticos factiososque milites Synodi sacrae perturbatores ulti sint Catholici imperatores, ab eo, de quo supra, Theophane ita accipe: « Anno septimo imperii sui, missa Irena Stauratio patricio et logotheta in Thraciam mense Septembri, et initio decimæ Indictionis ad ulteriora themata (ita appellatos ordines militares) persuasit eos sibi cooperatores fieri, et depellere ab urbe impium populum (milites illos videlicet Concilii turbatores) quem Constantinus (cognomento Copronymus) instruxerat. Et cum singaret, totum exercitum motum esse in Orientales partes, eo quod eas Arabes fuissent aggressi: exiit omnis regius apparatus atque supplex usque ad Malagana: et sic introeuntes hi, qui exteriorum thematum erant, tenuerunt urbem. Mittens autem ad illos, significavit eis dicens: Mittite mihi arma vestra: opus enim non habeo vobis. At illi, stulti divinitus facti, dederunt arma. Tunc missis familiis eorum in naves, exiles misit, ab urbe in propriam regionem unumquemque jubens abire, in qua genitus esset. Et cum fecisset proprium exercitum et principes sibi obtemperantes, ipse iterum mense Maio anni sequentis, mittens per omnem locum, congregavit omnes episcopos, etc. » Dicentur hæc inferius de facta ilerum convocatione Concilii OEcumenici. Ignatius eadem habet in Tarasio.

5. Erant hi (ut appareat) milites prætoriani, qui medullitus imbibissent Iconoclastarum hæresim, propinatore illis facto Constantino Copronymo, quibus addebat calcaria plures episcopi Iconoclastæ, ad hoc convenientes, ut quæ parabantur, exturbarent: erant hi ex illis, qui sub eodem Copronymo septimam, quam dicebant OEcumenicam Synodum haberunt: de quibus eodem loco meminit Anastasius, hos nimirum conatos priuun esse, ne Synodus eogeretur: quod cum obtinere minime potuissent, illud nisos, ut ea mdem coactam jam exturbarent, exturbataque, eosdem septimam Pseudo-Synodum acclamasse: nam audi Anastasiū: « Porro patriarcha delata causa imperatoribus, nequaquam prohibitus est quominus fieret episcoporum conventus in prædicto venerabili templo. Factisque quibusdam allocutionibus tam a sancto patriarcha, quam a Deo amabilibus antistitibus, et lectis quibusdam Synodicis conscriptis, quæ prohibent non oportere aliquando Synodum universalem fieri præter consensem cæterorum sanctissimorum patriarcharum. Cumque legerentur hæc, facta est turba militum: et ante januas venerandi templi simulatatem et clamorem faciebant ex immixtione quorundam episcoporum, qui ad hoc moti, in Synodo male sentientes reperti sunt esse.

« Quibus peractis, imperator per cubicularium omni Synodo jussit interim dicere: Abscedite, ut populi inordinatum impetum evadamus: et post hæc voluntas Domini fiat. Taliterque antistitibus e

<sup>1</sup> Eccl. iv.

templo egredientibus, quidam eorum veritati resistentes, cum turba concinnaverunt, et impie declamationem faciebant pseudosyllogi, septimam Synodum collaudantes atque OEcumenicam nominantes. Sed Catholice scriptor, hæreticorum conciliabulum, quod ante hanc Synodum factum est, quod septimam Synodum appellabant, pseudosyllogum, falsum collegium nuncupat. Cum ergo taliter malignum Concilium clamorem emisset, et hora esset quasi sexta: domum jam esurientes abibant, et ita commotio seditionis sopita est ». Hactenus Anastasius. Ex quibus intelligas conatum hæreticorum episcoporum vi militari pollutum, nimirum exturbatis Orthodoxis episcopis, ipsos ibi remansisse, acclamationibus confirmantes septimam Pseudo-Synodum.

6. *Collectio canonum per Hadrianum papam.* — Quod ad res pertinet Occidentales, hoc eodem anno Hadrianus Pontifex collectionem canonum octoginta a se elaboratam dedit Ingilrammo episcopo Mediomaticæ civitatis, tunc Romæ degenti, ut causam suam adversus falsos accusatores defenderet. Quem absolutum hisce canonibus communilium remisit ad suos. Postulabat id causa, ut colligeret idem Pontifex canones spectantes ad accusationem episcoporum, et ad jura Romanae Ecclesiae pertinentes, ex qua adversus oppressiones illatas episcopis a principibus defensio prodire solet, ea vero oppressa, omnes cum ipsa Ecclesiæ opprimi sit necesse. Porro eidem collectioni reperitur ejusmodi præposita inscriptio<sup>1</sup>:

« E græcis et latinis canonibus, et Synodis Romanis, atque decretis præsulum ac principum Romanorum hæc Capitula sparsim collecta sunt, et Ingilrammo Mediomaticæ urbis episcopo Romæ a beato papa Hadriano data sub die decimo tertio kalend. Octobris, Indictione nona, quando sui negotii causa agebatur ». Ita inscriptio, cui canones subjiciuntur. Ex more tunc celebratam esse Synodum existimamus, in qua de jurisdictione Romanæ Ecclesiæ inspeci canones opus fuisse adversus oppressiones episcoporum, quorum judicia eidem primariæ Ecclesiæ sint reservata. Vetus ista in Ecclesia persecutio secundum Paulum<sup>2</sup>, ut qui secundum carnem nati, eos affligant, qui secundum spiritum generati sunt.

7. *Carolus in Italia: Hildegardis reginæ obitus.* — Hoc pariter anno Carolus Magnus, iam rebus Saxonum compositis, orationis causa Romam parat adventum, importuno licet hiemis tempore. In itinere enim constitutus, celebravit Natalem Redemptoris solemnem diem Florentiæ in Tuscia. Ia Chronica quæque vetera et Annales Francorum. Porro ejus Romanum adventus contigit anno sequenti, dicimus de ipso suo loco. Quid rex Christianissimus in animo haberet, exitus declaravit, nimirum expugnare ducatum Beneventanum, qui possidebatur a Longobardis, ne quid amplius jurium esset

Longobardorum in Italia. Sed quæ inter ipsum regemet dueem transacta sint, pro temporis ratione anno sequenti Annalibus inserentur.

Ante autem ejus in Italiam adventum constat domuisse hoc anno Britones, qui (inquit Eginhardus) « ad Occidentem in extrema quadam parte Galliæ super littus Oceani residentes, dicto audientes non erant: missa enim in eos expeditione, qua et dare obsides, et quæ imperarentur, se facturos polliceri coacti sunt ». Haec Eginhardus. Ita quidem (ut anno superiori vidimus ex litteris Hadriani papæ ad Orientis imperatores) cuncta Carolo dextere accidere, eo quod in primis, ut profiteatur, Petri Apostoli auxilio niteretur. Qui igitur hoc anno mente conceperat limina Apostolorum, ut illa adire posset, perdifficile bellum Britannicum, nullo ferme negotio, quam citissime feliciter hac estate confecit.

Hoc eodem anno moritur Hildegardis regina, uxor Caroli Magni, cum vixisset cum ipso annos duodecim, ut ejus sepulturæ Epitaphium scriptum docet, quod ex ruinis monasterii S. Arnulphi Metensis erutum ad nos missum una cum aliis Caroli ipsius filiorum inscriptionibus, hic tibi, ut piæ vaide feminæ, et sæculi hujus omnium clarissimæ describendum, curavimus. Sic se habet:

Aurea, quæ fulvis rutilant elementa figuris,  
Quam clara extiterint membra sepulta docent.  
Hic regina jacet regi præcelsa potenti  
Hildegard Karolo quæ bene nupta fuit.  
Quæ tautum clarae transcendit stirpis alumnos,  
Quantum quæ genita est Indica gemma, solum.  
Huic tam clara fuit floreutis grata forme,  
Qua non occiduo pulchrior ulla foret.  
Cujus haud tenerum possunt aquare decorum  
Sardonix Pario, lilia mixta rosis.  
Atamen hanc speciem superabant lumina cordis,  
Simplicitasque animæ, interiorque decor.  
Tu mitis, sapiens, solers, jucunda fuisti,  
Dapsilis, et cunctis condecorata bonis.  
Sed quid plura fera? cum non sit grandior ulla  
Laus tibi, quam tanto complacuisse viro?  
Cumque vir armis tenuis sceptris junxit et avitis  
Liniferumque Padum, Romuleumque Tybrim:  
Tu sola inventa es, fueris quæ digna tenere  
Multiplicis regui aurea sceptra manu.  
Alter ab undecimo tursum te sustulit annus,  
Heu genitrix regum! Heu deus, atque dolor!  
Te Francus, Suevus, Germanus, et ipse Britannus,  
Cumque Getis duris plaugit Ibera cohors.  
Accola le Ligeris, te delbet et Itala tellus,  
Ipsaque morte tua anxia Roma gemit.  
Movisti ad fletus et fortia corda virorum,  
En lacrymæ clypeos inter et arua cadant.  
Heu quantum sapiens, et firmum robore semper  
Ussisti flammis pectus herile viri!  
Solatur cunctos spes hæc sed certa dolentes,  
Pro dignis factis quod sacra regna tenes.

Hucusque Hildegardis reginæ Epitaphium.  
Sed et ejus filiæ in eunis defunctæ, quæ ibidem inventa est, accipe sepulcro inditam inscriptiōnem :

Hildegard rapuit subito te funus acerbum,  
Ceu raptat Boreas vere ligustra novo.  
Explavit needum vitæ tibi circulus annum,  
Annuæ nec venit lux geminata tibi.

<sup>1</sup> Extant tom. III. Conc. edit. Venet. — <sup>2</sup> Gal. iv.

Parvula non parvum linquis virguncula lactum,  
Confodiens jaculo regia corda patria.  
Matris habes nomen, renovas de morte dolorem,  
Postquam vixisti vix quadraginta dies.  
Pectore nos mesto lacrymarum fundimus annos  
Tu nimium felix gaudia longa petus.

Hæc ibi, quorum si quis me rogaret auctorem,  
responderem (quod opinor ex musa consumili) Al-  
binum Flaceum, dictum aliter Alcuinum, sicut et  
sequentis quod scriptum, cum primogenita filia  
ejusdem eodem ferme tempore obiit, sicut ejus  
Epitaphium ibidem inventum habet versibus  
istis :

Hoc tumulata jacet pusilla puellula busto  
Adeleid amne sacro quæ vocitata fuit.  
Ille sator est Karolus, gemino diadematè pollens  
Nobilis ingenio, fortis ad arma satis.  
Sumpserat hæc ornata prope monia celsa Papiae,  
Cum caperet gentor Itala regna petens.  
Sed Rhodanum properans rapta de lumine vita,  
Ictaque sunt matris corda dolore procul.  
Excessit patnos non conspectura triumphos;  
Nunc Patris aeterni regna beata tenet.

Duxit autem post obitum Hildegardis Luitgardem  
et alias, decadentibus ipsis, idem Carolus Magnus,  
in hoc plane seipso minor inventus, cum nec his  
contentus, introduxerit concubinas.

Anno periodi Graeco-Romanæ 6279. — Anno Æra Hispan. 824. — Anno Hegiræ 170, inchoato die 3 Julii, Fer. 2. — Jesu Christi 786.  
— Hadriani I papæ 15. — Constantini imp. 11 et 7. Irenes 7.

*1. Septima Synodus inchoata et dissoluta.* — A num. 4 ad 6. Theophanes anno Incarnat. secundum Alex. **ccclxxviii**, qui kalendis Septemb. superioris Christi anni inchoatur, refert imperatores missis, qui universos suæ ditionis episcopos in unum convocarent, et *mensis Augusti die decimo septimo, nona Indictione*, cœptam esse Synodum Constantinopoli, sed scholariorum et exhibitorum copias a propriis rectoribus Ienomachorum haeresi infectis incitatas, nudatis gladiis impetum in patriarcham aliasque fecisse, et Synodum solutam esse. Tum anno in sequenti, kalend. Septemb. hujus Christi anni inchoato, ait : « Mense Septembri, ineunte Indictione x », imperatricem transfretana themata Constantinopolim evoeasse, et eorum opera copias tumultuantes expulisse : tum vero eos arma depolare jussisse, singulosque in suas provincias se recipere jussisse, ut fusius narrat Baronius num. 4 et seq. Tumultum seditionorum magnum fuisse, ostendit Ignatius metropolita Nicenus, qui tradit eos Basilicam, ubi erant episcopi congregati obsedisse, « clamantes non esse ferendum infirmare et transgredi ea, quæ olim visa fuerant Constantino (nempe Copronymo). Non enim permittimus, aiebant, illius abrogari dogmata, et prædicari esse statuendas imagines. Quod si quis hoc incepérat, sanguine sacerdotum terram reddemus purpuream ». Addit sanctus Tarasius Act. prima : « Habebant in auxilium quosdam episcopos, qui facile numerari possunt, quorum nomina voluntarie ppterimus, quoniam omnibus nota sunt ». Postquam sedatio sopita est, remanserunt omnes episcopi

Constantinopoli, exceptis legatis Apostolicis, de quibus Hadrianus papa in responso ad dubia Francorum : « In Siciliam reversi sunt, et demum imperatores post eos mittentes, iterum Constantinopolim ascendere fecerunt ».

*2. Ei interfuit S. Plato Hegumenus.* — Erat tunc Constantinopoli *sanc tus Plato Hegumenus* Secundionis, qui sicut non timuerat minas incursumque militum, sic patriarcham *Tarasium* secutus est, et anno sequenti interfuit Concilio secundo Niceno. Quæ tunc egerit *sanc tus Plato*, exposuimus anno **ccclxxx**, num. 3 et seq. ideoque quæ ibi retulimus, hic revocanda.

*3. Collectio lxxx Capitulorum Hadriano PP. et Ingelramno attributa.* — Ad num. 6. In editione Veneta Conciliorum lxxx canones Hadriani papæ cum hoc titulo representantur : « E græcis et latinis canonibus et Synodis Romanis, atque Decretis præsulum ac principum Romanorum, hæc Capitula sparsim collecta sunt et Ingiramno Mediomatricæ urbis episcopo, Romæ a beato papa Hadriano tradita sub die xii katend. Octob. Indict. xi, quando pro sui negotii causa agebatur ». Idem habetur in posterioribus editionibus Concil. nisi quod loco *Indict. xi*, legitur *Indict. ix*, quam retinuit Baronius, qui ideo perperam de iis currenti anno egit; cum mense Septembri decima Indictio initium sumpserit. Capitula ista Hadriano papæ aeo Hincmari Rhemensis archiepiscopi jam tribuebantur, ut liquet ex opusculo adversus Hinemarum Landunensem episcopum cap. 24. Quia tamen vestuti aliqui Codices MSS. prædicta Capitula non ab

Hadriano papa, sed ab ipsomet *Ingilrammo* vel *Angelrammo* Metensi episcopo collecta, et Hadriano pape oblata tradunt, hinc hodie aliqui ea Hadriano, aliqui Angelrammo adscribunt. Sed quemcumque auctorem naeta sit haec capitulorum Collectio, Marca lib. 7 de Concordia cap. 20, vetustiorem illam censet Isidoro, quem iisdem Capitulis usum dicit in *adornanda Collectione Epistolarum apocrypharum*. Is auctor Hispanum se prodit hac periodo: « In principio voluminis hujus, qualiter Concilium apud nos celebretur, posuimus, ut qui nostrum ordinem sequi voluerint, seiant qualiter hoc agere debeant ». Celebrandi enim Concilii totum ordinem a quarto Concilio Toletano desumit, ut patet ex ipsius ordinis titulo, qui primo Conciliorum tomo sic exhibetur: « Ordo celebrandi Concilii, descriptus ab Isidoro Mercatore ex quarto Concilio Toletano cap. 4, et Garzyæ Loayse Hispanicorum Conciliorum editoris diligentia emendatus ». Isidori Mercatoris librum ex Hispania in Gallias allatum primus Gallorum accepit ac publicavit *Riculfus*, qui Lullo in archiepiscopatum Moguntiacensem anno sequenti postea successit. Hincmaro enim Laudunensi episcopo Hincmarus Rhemensis archiepiscopus opusec. 33, cap. 24, ita rescribit: « Forte putasti neminem alium easdem sententias (Hadriani vel Ingelramni), vel ipsas Epistolas (ab Isidoro collectas), praeter te habere, idcirco talia libere te existimasti posse colligere; res mira est, cum de ipsis sententiis plena sit ista terra, sicut et de libro collectarum Epistolarum ab Isidoro, quem de Hispania allatum Riculfus Moguntinus episcopus in hujusmodi, sicut et in Capitulis regiis, studiosus obtinuit, et istas regiones ex illo replevit ».

4. *Ea excerpta vel ex falsis vel ex veris Epistolis Pontificum Rom.* — Collectio illa descripta est ex Epistolis Anaeleti, Evaristi et aliorum antiquorum Pontificum Romanorum, si siles hac in re adhibenda sit Antonio Augustino Dialogo xv de emendatione Gratiani, ubi haec Capitula Hadriano primo abjudicat, vel ut existimat Marca laudatus, excerpta est ex antiquis canonibus et genuinis Pontificum Romanorum Epistolis, tum etiam ex legibus Codice Theodosiano comprehensis, vel potius ex illarum legum Breviario. In his autem Capitulis interdum nonnihil additur antiquis canonibus, interdum vero verba aliqua detrahuntur, tantaque horum Capitulorum dignitas fuit, ut etiam frequenter descripta fuerint in regum Francorum Capitularibus, ut tam Antonius Augustinus, quam Marca communī consensu scribunt. Ceterum priorum Pontificum Romanorum Epistolas suppositias esse non tantum Marca et Antonius Augustinus; sed etiam Baronius anno DCCCLXV, passimque alii viri docti fatentur. Vide quae de his Epistolis diximus anno Christi c. num. 4 et seqq.

5. *Tertia profectio Romana Caroli, et ejus de Britonibus victoria.* — Ad num. 7. Britones Britanniam Cismarinam incolentes, quos alias Clodoveus

Magnus subegerat, cum Carolum difficulti bello Saxonico occupatum viderent, adversus eum rebellaverunt, ut notarunt Eginhardus in Vita Caroli M. et varii annalistæ, inter quos Metensis scribit: « Carolus rex misit exercitum suum in partibus Britanniae, cui præfecit Audulfum virum illustrem. Qui vietiis Britonibus totam illam regionem Francorum ditionibus subegerunt. Princesque Britonum secum adducentes, apud Wormatiam regis obtutibus præsentarunt. Tunc rex videns se ex omni parte pacem habere, Romam pergit causa orationis, et ut ibi cum missis imperatoris loqueretur. Celebravitque Natalem Domini in Florentia civitate ». Pascha autem celebraverat in Attiniaco villa, ut Eginhardus in Annal. aliisque prodidere.

6. *Prima conjuratio adversus Carolum.* — Eginhardus in Vita Caroli M. memorata conjuratione in Carolum anno DCCXCII facta, haec scribit: « Facta est alia prius contra eum in Germania valida conjuratio, enjus auctores partim luminibus orbati, partim membris incolumes, omnes lamen in exilium acti sunt; neque ullus ex eis interfactus est, nisi tres tantum, qui cum se, ne comprehenderentur, strictis gladiis defenserent, aliquos etiam occidissent, quia aliter coerceri non poterant, interempti sunt. Harum tamen conjurationum Fastradæ regimæ crudelitas causa et origo extitisse creditur. Et idcirco in ambabus contra regem conspiratum est, quia uxoris crudelitati consentiens, a suæ naturæ benignitate ac solita mansuetudine immaniter exorbitasse videbatur ». In Annalibus tam Fuldensibus quam in auctore Chronicæ Moissiacensis, ac in Annalibus Eginhardo attributis haec conjuratio in annum superiorem, in Annal. vero Nazarianis in annum praesentem confertur; quod forte tunc detecta fuerit, et hoc anno exstincta.

7. *Pœnæ de ejus auctoribus sumptæ.* — In Appendice ad Chronicæ jussu *Nibelungi* comitis conscriptum, haec de Carolo leguntur: « Procedente autem tempore in mense Augusto apud Wormatiam Synodus episcoporum ac conventum magnificum coire fecit. Ibi decernens quod hi, qui potissime in hac conjuratione devicti sunt, honore simul ac luminibus privarentur, atque exilio damnarentur. Eos vero qui innoxii in hæc conjuratione seducti sunt, clementer absolvit ». In Chronicæ Moissiacensi *Augusti* loco, *Aprilis* per errorem legitur. Cum enim, ut Regino tradit, Carolus præficerit *Audulfum* exercitum in Britanniam missò, isque Britonum principes apud Wormatiam regis obtutibus præsentarunt, Synodus Wormatiensis mense Aprili habita non est, quia Carolus non nisi Pascha jam celebrato Britones lacessendos jussit. Quid præterea actum sit in hac Synodo, incertum.

8. *Hadrianus PP. gratulatur Carolo de victoria Saxonica.* — Cum nuntium de rebus a Carolo feliciter gestis, et de Saxonibus ad fidem conversis Romam per Andream abbatem Luxoviensem delatum esset, *Hadrianus* papa Epistolam xci Cod. Carol. ad eundem regem scripsit, et quia *Carolus*

ab eo petierat, « ut in uno mense, vel in una die, pro hujuscemodi operibus, et una vel duabus fe-  
riis » litaniae peragerentur, respondit Pontifex : « Decrevimus in oīnibus nostris partibus, quae sub ditione spiritualis matris vestrae sanctae Romanæ Ecclesiae existunt illico celebrari, easdem una nobiscum disponentes emisimus, Domino protegente, videlicet xxiii die, et xxvi, atque xxviii hujus advenientis Junii mensis, quae sunt imprimis Vigiliae beati Joannis Baptista, et Natalis sanctorum Joannis et Pauli, neconon et Vigiliae beati Petri Apostoli, etc. Nos quippe non solum unam vel duas, ut nobis insinuastiis celebrandas litaniias prævidimus, sed etiam pro vestra, ut soliti sumus indesinenter orare excellentia cupientes decrevimus perficere, et Redemptoris mundi canere laudes, ut ipse gentes quae per vestrum regale certamen ad Christianam perductæ sunt fidem, usque in ævum per vestrum maneant adminiculum, etc. » Ilarum litterarum meminit Baronius anno DCCXCV, num. 9.

9. *Legatos in Britanniam mittit.* — Annalista Mailrosensis hoc anno habet : « Hadrianus papa legatos in Britanniam direxit ut fidem Catholicam innovarent, et confirmarent, qui honorifice recepti sunt et remissi ». De Synodo, quam illuc congregarunt anno sequenti agemus.

10. *Mors califa.* — Mortuus est hoc anno Musa Alhadi calita Saracenorum, cui successit Haron Raschid, ut anno DCCXXXIV, numero 3 demonstravi.

11. *Moritur S. Lullus archiep. Moguntiae.* — Ad hunc annum referenda mors sancti Lulli, de quo auctor incertus Annalium Francorum ab anno Incarnationis DCCXIV usque ad annum Ludovici Pii quartum, Christi vero DCCXXVII continuatorum, publicatus a Lambecio lib. 2 Biblioth. Cæs. pag. 366, scribit : « Bonifacius archiepiscopus evangelizans genti Fresonum verbum Dei martyrio coronatur anno DCCLV; qui sedet in episcopatu annos XIII, post quem Lullus episcopus annos XXXII ». Unde annos illos XIII sedis Bonifacii anonymous ille deducat, nondum detegere potui, sed certum est annorum illorum XXXII ultimum currenti inchoari, et Annales vetustissimos Francorum ab anno DCCLIX ad DCCVI, apud Duchesnum tom. II, Annales Fulenses, Lambertum Schafnaburgensem, auctorem Chronicæ Wirziburgensis a Baluzio lib. 1 Miscell. editi, et Hermannum Contractum in editione Camisiæ Lulli mortem hoc anno collocare, ideoque annos illos XXXII incompletos fuisse. Cointius quidem anno DCCXXXVII, num. 29, Serarius lib. 4 Rer. Mogunt. et Mabillonius sœc. III Benedict. part. 2, in Elogio historico sancti hujus præsulis num. 18, mortem ejus in annum sequentem differunt, existimantque Cointius et Mabillonius controversiam hanc dirimere regium Diploma, in quo Carolus anno DCCXXXVIII de prima Bremensis episcopatus erectione sic loquitur : « Summi Pontificis et Universalis pape Hadriani præcepto, neconon et Moguntiacensis episcopi Lulli, omniumque qui adfuerunt

Concilio, eamdem Bremensem Ecclesiam cum omnibus suis appendicibus Willehado probabilis vite viro coram Deo et sanctis ejus commisimus, quem etiam primum ejusdem Ecclesiae III idus Julii consecrari fecimus episcopum ». Videtur enim Carolus immuere Lullum subscrisisse promotioni S. Willehadi mense Julio anni DCCXXXVII episcopi Bremensis consecrati. Verum hæc controversia ex illo Diplomate dirimi non potest; cum Carolus duabus de rebus loquatur, quæ diversis temporibus de more fiunt. Unde cum Serarius et Surius ad diem XVI mensis Octobris testentur, MSS. Codices docere Lullum decessisse *decimo septimo kalendas Novemboris*, appetat Carolum ante diem illum fundasse Ecclesiam Bremensem, eamque commisisse sancto Willehado, qui mense Julio sequentis Christi anni ordinatus est Bremensis episcopus, ut inter omnes convenit. Lullum enim hoc anno mortuum esse confirmat Marianus in Chronicæ, ubi anno DCCXXXVII, uno tenore Lulli mortem, diem ordinationis ejus successoris, et locum in quo ea peracta, his verbis narrat : « Lullus archiepiscopus Moguntinus moritur. Richolpus ordinatur in episcopum Moguntiæ IV non. Mart. apud Fritislar », anno autem sequenti littera Dominicæ G insignito dies quartus mensis Martii in diem Dominicam, qua episcoporum ordinationes de more factæ, incidit. Hinc etiam habemus Lullum ante Willehadi consecrationem spiritum Deo reddidisse, perperaque Cointium et Mabillonium ex laudatis Caroli regis verbis inferre Lullum post Willehadi ordinacionem vilam cum morte commutasse. Quare non videtur dubitandum, quin Carolus in Diplomate citato res duabus diversis annis gestas una serie referat. Unus inter antiquos Hermannus Contractus in suo Chronicæ Lulli obitum cum sequenti Christi anno alligat, sed ejus auctoritas contra tot auctores infirma.

12. *Anni episcoporum post abdicationem superstitum modo eis, modo successori attributi.* — Porro licet Lullus anno DCCLIII Moguntiacensis archiepiscopus renuntiatus fuerit, eodemque anno Bonifacius eum archiepiscopatum abdicavit, *Lullo* tamen anni tantum XXXII attribuuntur tam in annalista laudato quam in Breviario Moguntinensi apud Serarium, quia antiqui si contingeret aliquem episcopum dignitati renuntiare modo annos quibus supersles erat, eidem, modo successori ejus adscribabant. Sic Elbertus seu Albertus archiepiscopus Eboracensis qui biennio ante mortem in solitudinem secessit, dicitur Ecclesiam illam rexisse annos XIV, licet annos tantum XII in praesulatu vixerit. Sic Eambaldus ejus successor dicitur annos XVI sedisse, licet diutius in episcopatu vixerit, quia priores sedis ejus anni tribuuntur Alberto decessori, quod post dimissum praesulatum per biennium adhuc in vivis fuerit, ut suis locis visum est. Loquentes etiam de sancto Joanne Beverlensi vidimus Bedam ei assignare annos XXXII, cum tamen anno DCCXXXVI episcopus Agustabensis

creatus fuerit, indeque ad Eboracensem sedem translatus, anno quidem ~~cccxxviii~~ in solitudinem secesserit, et sedem vacanam *Wilfrido juniori* reliquerit, sue abdicationi triennio superstes, qui ideo annos ~~xxxvi~~ sedisse dicendus esset, si anni quibus sue demissioni supervixit ei assignarentur. Unde historici Anglici *Wilfrido juniori*, anno ~~ccccxxii~~ demortuo, annos ~~xv~~ tribuunt, quamvis tribus prioribus episcopatus ejus annis *Joannes Beverlacensis*

eius decessor, qui abdicarat adhuc superesset. Quod hic observare opera pretium duxi, quia vidi diversum hunc annos episcoporum numerandi modum a veteribus usurpatum viros doctissimos non raro in errorem inducere. Cotitur *sanctus Lullus*, de quo pluribus in locis locuti sumus, die ~~xvi~~ mensis Octobris. De *Riculpho* ejus successore jam supra numero 3 mentionem fecimus.

## HADRIANI I ANNUS 16. — CHRISTI 787.

**1.** *Prænotanda circa Synodum Nicenam hoc anno habitam.* — Septingentesimus octogesimus septimus annus Redemptoris Indictione decima consignatur, quo sacrosanctum Concilium OEcumenicum in Nicaea Bithyniae celebratum est. « *Et enim (inquit Theophanes) mense Maio hujus decimæ Indictionis, mittens Irene Augusta convocavit omnes episcopos, qui convenirent in Nicænum civitatem, ad celebrandum illic Concilium. Et per totum tempus æstivum congregati sunt omnes apud Nicæam : siquidem eos, qui ex Romanæ Sedis, et Orientalium patriarcharum persona venerere, omnino non dimiserat, sed retentos secum habebat. Et octavo anno imperii Irenæ et Constantini exivit Tarasius archiepiscopus Constantinopolos in Nicænum civitatem ».* Hæc de loco et tempore magnæ Synodi. Ignatius item in Tarasio de his agens, tradit, nonnisi postquam se cæteri episcopi in Nicæam contulissent, Tarasium cum legatis patriarcharum illuc esse profectum. Sed quinam isti fuerint, et alii, quos secum duxit, sic narrat :

**2.** « *Cum sanctissima classis dicto citius in dictam venisset civitatem, Tarasius quoque venit ex urbe regia, ex Apostolicis sedibus secum assumens eximios quoslibet et præstantissimos, nempe ab Hadriano quidem papa Romano Petrum primum presbyterum, et Petrum monachum et præfectum ; ab Apostolica autem dioecesi, a Politiiano, inquam, sacratissimo papa Alexandrino Thoman monachum et presbyterum, et a Theodoreto (Theodoro) patriarcha Antiocheno, et ab Elia principe pastorum Eliæ Joannem monachum presbyterum et syncellum, adducens etiam secum quos-*

dam ex iis, qui gerebant magistratus, pietate claros et gratia doctrinæ et facundiæ, inter quos fuit etiam Nicephorus, qui erat a secretis imperatoris, qui cum vixisset in sanctitate, et esset ornatus divinis virtutibus et doctrina ac dicendi scientia, Byzantii sedis patriarchalis suscepit honorem post Tarasii sanctam consummationem : et quicumque erant venerandi et eximii monachi, qui movebantur zelo disciplinæ et regulæ Ecclesiasticæ, et contendebant semper sequi Synodalem accurationem, profecti sunt Nicæam ». Hæc Ignatius earumdem rerum inspector.

**3.** Inter hos venerabiles monachos interfuisse sanctum Platonem, de quo plura superius, auctor est Theodorus Studita in *Actis Vitæ ipsius*, similiter magnus quoque ille Theophanes confessor, qui ex patricio genere amplexus erat (ut diximus) monasticam vitam, eidem pariter interfuisse conventui vocatus traditur ; de eo enim hæc in Vita ipsius auctor, ejusdem temporis scriptor : « *Pulcherri-um illius, inquit, factum me pene præterit : Cum enim Nicææ Synodis secunda coacta esset, ad eam ipse quoque cum aliis Patribus vocatus est. Cumque omnes equis præstantibus et splendidis vestimentis ornati venirent, ipse ueste solita indutus facera, et asinæ insidens, laeto animo iter suscepit. Sed cum omnes viderent eum, qui prius omnium divitiarum copiis abundaverat, sic indutum, majorem ex illo, quam ex reliquis utilitatem acceperunt, et ingenti tranquillitate animi repleti sunt : ipse vero veritatem amplexus, et errores aspernatus, maxima virtutum opinione insignis rediit* ».

Hæc de Theophane confessore, de quo rursus dicendum erit inferius. Interfuit eidem Concilio

S. Euthymius, Sardicensis episcopus, confessor illustris, cuius dies natalis tam græcis, quam latini tabulis consignatus habetur undecima mensis Martii. Interfuerunt pariter et alii præclarissimi confessores, qui tempore Constantini Copronymi vincula et exilia, sediumque privationem passi fuerant : qui omnes postliminio restituti, ardentes animis ad sanetum Concilium, tanquam apes ad alvearium, convolarunt. Porro numerum omnium, qui Synodo interfuerunt, suis trecentorum et quinquaginta episcoporum est communis assertio ; nam et Psellus de singulis agens Synodis, ubi de hac meminit, istos habet iambicos versus :

Postrema septima rursum facta est in Nicæa  
Quinquaginta convenerunt supra trecentos.

Photius autem trecentos septuaginta septem numerat. In Menologio autem Basili imp. numerantur episcopi trecenti sexaginta septem.

4. Antequam autem ipsa ingrediamur Acta Concilii, hic præmittenda sunt, que Anastasius Bibliothecarius in nuncupatoria Epistola ad Joannem papam octavum de translatione a se facta ejusdem septimæ Synodi OEcumenicæ, prudenter admonuit, ne cui pateat occasio ultius scandali. Ait enim : « Sane notandum est, quædam in hac Synodo ex Apostolorum et sextæ universalis Synodi canonibus et sententiis inveniri, quæ penes nos interpretata nec habentur, nec admittuntur. Et certe de Apostolorum canonibus liquido novimus, quoniam iis quidam facile non præbuerunt consensum. Sed et prædecessor vester beatissimus papa Stephanus non ex iis plus quam quinquaginta recipiendos, synodice promulgavit, cum quædam constituta Pontificum ex ipsis canonibus assumpta esse videantur. Unde Apostolatu vestro decernente, non solum illos solos quinquaginta canones Ecclesia recipit, sed omnes eorum, utpote Spiritus sancti tubarum; quoniam (quin) et omnium omnino probabilium Patrum et sanctorum Conciliorum regulas et institutiones admittit, illas duntaxat, quæ nec rectæ fidei, nec probis moribus obviant; sed nec Sedis Romanae decretis admodum (ad modicum) quid resultant, quin potius adversarios, id est, hæreticos potenter impugnant ». Sic igitur si qui veteribus Romanae Ecclesiae institutis et regulis contradicere reperiuntur, iidem canones exploduntur, utpote non Apostolorum, sed ut adulterini partus ipsorum nomine suppositi. Pergit vero dicere de canonibus sextæ Synodi, quorum mentio in hujus Actis septimæ frequens reperitur :

5. « Ergo et regulas, quas Græci a sexta Synodo perhibent additas; ita in hac Synodo principalis Sedes admittit, ut nullatenus ex iis illæ recipiantur, quæ prioribus canonibus, vel decretis sanctorum Sedis hujus Pontificum, aut certe bonis moribus inveniantur adversæ. Quamvis omnes haec tenus ex toto maneant apud Latinos incognitæ,

quia nec interpretatæ, sed nec in cælerarum patriarchalium sedium (licet græca utantur lingua) reperiantur archivis, nimirum quia nulla earum, cum ederentur, aut promulgans, aut consentiens, aut saltem præsens inventa est, quanquam eosdem Patres illas Græci promulgasse perhibeant, qui in sexta Synodo sunt inventi : sed hoc nullis probare certis possunt indiciis ». Hactenus de sextæ Synodi canonibus Anastasius occasione eorumdem canonicum, qui in hac eadem Synodo citati reperiuntur.

6. Monet et illud, quod haud minoris momenti esse videtur, sic dicens : « In eo sane quod frequenter Universalem in hac Synodo Græci patriarcham suum inconvenienter appellant : Apostolatus vester Græcorum adulatio veniam det, prælati suis non sine reprehensione placere studentium. Verum cum apud Constantinopolim positus frequenter Græcos super hoc vocabulo reprehenderem, et fastus, vel arrogantium redarguerem : asserebant, quod non ideo OEcumenicum, quem multi Universalem interpretati sunt, dicebent patriarcham, quod universi orbis teneat præsulatum, sed quod euidam parti presit orbis, qui a Christianis inhabitatur : nam quod Græci ~~circumferentia~~ vocant, a Latinis non solum orbis, a cuius universitate Universalis appelletur, verum etiam habitatio, vel locus habitabilis nuncupatur ». Ita tunc Græci frigide admodum excusantes errorem, atque absurde nimis. Etenim hac ratione, qua OEcumenicum dici posse suum ipsorum patriarcham professi sunt, quod etsi non orbi, loco tamen et habitationi ejusdem præcesset : cæteri omnes episcopi OEcumenici pariter dici possent, quod quilibet eorum habitabit orbis loco præsit.

7. Cæterum si ex divinis Scripturis ejus nominis petatur interpretatio : quod apud Septuaginta, qui græce eloquia divina scripsere, ~~circumferentia~~ sæpe habetur, Latini interpres (ut est frequenter videre in psalmis) orbem terræ, sive orbem terrarum transtulere ex ejus vocis proprietate, quam Græci secundum Græcos interpres quotidie psallentes, ignorasse minime potuerunt, qui tam inepte redargutionem Anastasii eluserunt. At de voce haec plenius actum est superius in Gregorio papa ejus nominis primo. Quod igitur isti Græci, qui cum Anastasio de ea voce controversiam habuere, dissimularunt se ejus proprietatem nosse, eo modo insulæ respondentes potius, quam errorem fatentes : posteriores Græci hæc considerantes, et erubescentes, tantum abest, ut eo usi sint nomine, ut etiam in ipso, qui vere est et dei potest universalis, detestati sint Romano Pontifice, ut Joannis Constantinopolitani patriarchæ atque Innocentii pape tertii Epistole indicateant. Nam ipse Joannes otticiens et exprobrans, hæc scripsit de Romana Ecclesia<sup>4</sup> :

8. « Quid autem mihi in luce sanitatis scripto non modicam superinduxit ambiguitatem, non

<sup>4</sup> Apud Innoc. III. l. II. Ep. xcvi.

abscondam : nam et pro miro habeo, quomodo unam et universalem Romanorum voeasti Ecclesiam, ut quasi divisam in species quasdam specia-  
liissimas, et hoc uno existente grege, ovilium Christi nobis quodammodo pastoribus, sub eo constitutis  
pastorum principe communique doctore ». Ad  
haec Innocentius<sup>1</sup> : « Nos autem, inquit, inquisitioni  
tuae taliter respondemus, quod Ecclesia duabus de  
causis universalis vocatur (intelligentia namque  
dictorum ex causis est assumenda dicendi, cum  
non res sermoni, sed rei sit sermo subjectus) dici-  
tur universalis Ecclesia illa una, quae de universis  
constat Ecclesiis, quæ græco vocabulo Catholica  
nominatur, et secundum hanc acceptiōnēm voca-  
buli Ecclesia Romana non est universalis Ecclesia,  
sed pars universalis Ecclesiæ, prima videlicet et  
præcipua, veluti caput in corpore : quoniam in ea  
plenitudo potestatis existit ; ad cæleras autem pars  
aliqua plenitudinis derivatur. Et dicitur universalis  
Ecclesia illa una, quæ sub se continet Ecclesiæ  
universæ ; et secundum hanc nominis rationem  
Romana tantum Ecclesia universalis nuncupatur,  
quoniam ipsa sola singularis privilegio dignitatis  
cæteris est prælata. Sed et Deus universalis Domi-  
nus appellatur, non quasi divisus in species, aut  
specialissimas, aut subalternas, sed quoniam uni-  
versa sub ejus dominio continentur. Est enim una  
generalis Ecclesia, de qua Veritas inquit ad Petrum :  
Tu es Petrus, et super hanc petram ædificabo Eccle-  
siam meam. Et sunt multæ particulares Ecclesiæ,  
de quibus Apostolus ait : Instantia mea quotidiana  
sollicitudo omnium Ecclesiarum. Ex omnibus una  
consistit, tanquam ex particularibus generalis : et  
una præeminet omnibus : quoniam cum sit unum  
corpus Ecclesiæ ; de quo dicit Apostolus : Omnes  
enim unum corpus sumus in Christo, illa velut  
caput cæteris membris excellit ». Hæc Innocentius,  
nou ad aliud insinuandum a nobis inducta, quan-  
ut intelligatur, Græcos aliquando amentiam ejus  
tituli non solum in se execratos esse, sed et in ipsa  
Romana Ecclesia admiratos. Verum posteriores,  
qui extiterunt, Constantinopolitani episcopi, majori  
quam prædecessores levitate nomen illud sibi rur-  
sus vindicaverunt, quod tamen licet nunquam  
probatum, toleratum tamen a Latinis fuit. Sed  
accidit miseris, ut dum inani gloriarentur nomine,  
rerum etiam, quæ legitime possiderent, facerent  
sub Turea diro tyranno jaeturam.

9. Rursus quod ad hanc pertinet Synodus, admonendum adhuc putamus, ejusdem e græco in latinum triplicem diversis temporibus factam  
esse versionem. Primam quidem e verbo ad verbum  
adeo inconcinnam atque ineptam, ut nec eam  
librarii exscribere dignarentur ; que cum contemp-  
tui penitus haberetur, Anastasius Bibliothecarius  
opportunitus interpres occurrit, atque eam in lati-  
num vertit, sensa sensibus quam diligentissime  
reddens, eamque inter alia e græco in latinum

translata Concilia OEcumenica in S. R. E. Archivo  
recondidit. Postremo qui Anastasii versionem igno-  
ravit, exosus primam, aliam elaboravit : hæc ipsa  
est, que cum aliis Conciliis in Conciliorum tomis  
eusa babetur, communis usui exposita. Cui quan-  
tum præstet, quæ Anastasii est, intuebitur lector  
si legat, simulque conferat, cum plura apud Ana-  
stasiū inveniet, quæ inedita desiderantur, et ea  
quidem haud parvi momenti, prout noster Petrus  
Morinus, qui contulit, diligentissime adnotavit ;  
quæ brevitatis causa prætermittimus, cum præser-  
tim eam sis accepturus in editione, quæ Romæ elab-  
oratur OEcumenicorum Conciliorum.

Sed de prima versione, que ad Joannem papam  
scribens Anastasius habet, ex verbis ipsius videa-  
mus : ait enim in ipso ferme exordio Epistole  
nuncupatoriæ : « Indecorum et inconveniens arbit-  
ratus sum, septimam universalem Synodum, que,  
præsidente in vicariis suis beatae recordationis  
prædecessore vestro Hadriano, apud Nicæam  
secundo conveniens sub Irena seu Constantino  
imperatoribus celebrata est, non habere Latinos.  
Nam nulla ratione octava dici, vel teneri poterit,  
ut septima non habetur : non quod ante nos minime  
faerit interpretata, sed quod interpres pene per  
singula, relicto utriusque linguae idiomate, adeo  
fuerit verbum e verbo secutus, ut quid in eadem  
editione intelligatur, aut vix, aut nunquam possit  
advertisi, in fastidiumque versa legentium, pene ab  
omnibus hac pro causa contemnatur, unde a quibusdam  
nec ipsa lectione, nou dicam transcriptione  
digna penitus judicatur. Quod ipse intuens, nec  
proprio intimo corpori parcens, auxiliante Domino,  
hanc nisus sum interpretari, Latinis indecens et  
incongruum censens, vestram maxime omnium  
magistram, Romanam videlicet Ecclesiam eadem  
Synodo defraudari ». Hæc Anastasius, cum ab eodem  
Joanne papa præfectus est bibliothecæ sanctæ  
Romanae Ecclesiæ, quem in eadem editione seque-  
mur. Sed ad ejusdem Acta jam veniamus.

10. *Ejusdem Synodi celebratio septem Actioni-  
bus absoluta, contra Iconoclastas.* — Quando  
autem ejusdem sacrosanctæ Synodi contigerit prima  
sessio, ipsa Acta verbis istis significant, ita Patribus  
exordientibus : « In nomine Domini et Dominato-  
ris Jesu Christi veri Dei nostri, imperii piissimo-  
rum et amiorum Christi dominorum nostrorum  
Constantini & Irenæ matris ejus, octavo anno  
consulatus eorum, octavo kalendas Octobris, In-  
dictione undecima » ; ab ipso mense Septem-  
bris tunc inchoata. Conveniente sancta et  
universalis Synodo, etc. Hæc quoad tempus per-  
tinent. Quod vero ad locum spectat, Nicæa conve-  
nit in Basilica primaria ejus civitatis, titulo sanctæ  
Sophiæ nuncupata. Vbi resensis primum legatis  
Apostolicæ Sedis, duobus atris videlicet, aliisque  
duobus legatis Joanne et homina trium sedium  
patriarchalium nomine legatione fungentibus, et  
aliis singulis qui interfuerunt episopis et magis-  
tratis imperatoris, rogantib. Siciliæ episopis,

<sup>1</sup> Innoc. I. 1. Epist. ccviii.

Tarasius Constantinopolitanus episcopus causam cogendæ Synodi prælocutus ostendit, sic exordiens: « Opportum est nunc dicere propheticam<sup>1</sup> illam vocem, quam saepe audivimus per Evangelium prædicari: Erunt prava in directa, et aspera in vias planas, etc. » Redditaque de omnibus exacta ratione, et exhortatione adhibita, ut adversus exortam hæresim strenne agerent, verbis Domini fisi, quibus dixit<sup>2</sup>: « Portæ inferi non prævalebunt adversus eam ». Ex suggestione Constantini episcopi Constantiæ Cypri, primum omnium jussi sunt adesse episcopi, ejus hæresis accusati, qui intromissi sunt.

41. Suggesserunt interea magistratus, qui aderant, allatas sacras litteras imperatorum ad Synodum, quæ legendæ essent; quæ ihsu Synodi lectæ sunt. Inde imperatores animi sui consilium aperientes, manifeste testati sunt, se admodum perculsus animo Pauli patriarchæ confessione, detestantis errorem, atque ob eam causam ad revocandam Catholicam fidem exulem, esse mirum in modum excitatos; cœpisse vero tantæ molis ædificii sternere fundamentum, a creatione Catholici astantis Tarasii, qui convocandæ Synodi ipsis imperatoribus auctor fuisse. Porro inter alia exhortationis verba ad Synodum habita, hæc, quæ obscura absque germano sensu leguntur in Vnlgata, apud Anastasium ita redduntur:

« Igitur quoniam a toto terrarum orbe collegit vos Deus, consilium suum statuere volens: ecce propositis sanctis Evangelii, et intelligibiliter clamantibus: JUSTE JUDICATE: state stabiles pietatis propugnatores, et omnem novitatem vocum, et noviter apparentem seditionem recidere procurate, quemadmodum et Petrus primus princeps collegii Apostolici, qui servilis deceptionis amentia percussa, Judaicæ auditioñis sensum gladio abstulit: extendite securim spiritus, et omnem arborem germinantem fructum contentionis et inductæ novitatis aut magistralibus vocibus transplantate, aut canonicis increpationibus concideite, et in ignem futurae gehennæ transmittite, etc. » Siquid de litteris, quas accepérat ad idipsum præstandum ab Hadriano Ronano Pontifice per missos ab ipse legatos, quas legi jubet in Synodo: simul et quaterniones a tribus Orientalibus patriarchis ad Synodum per legatos itidem missos. Audisti, lector, nihil magis admonitam sanetam Synodum a piis imperatoribus, quam explodere novitatem? qua scitu digna Orthodoxorum imperatorum sententia ex nomine ipso infamatos omnes simule condennes necesse est novatores: sed prosequamur Acta.

42. His auditis, sancti Synodus bene precata imperatoribus adeo de Catholicæ fide bene merentibus, ad cognitionem ipsorum episcoporum conversa est. Fuerunt hi primi in medio producti Basilius Aneyrae, Theorus Myrensis, atque Theodosius Amorii. Stauit ille omnes ante sacrum Pa-

trum concessum, sponte ex hæresi ad Catholicam fidem reversi, recipi in Ecclesiam petierunt, offrēntes Orthodoxæ fidei confessionem in his præser-tim, quæ spectare videbantur ad condemnationem hæresis et hæreticorum, quibus adhæserant. In ea igitur, quam obtulit Basilius, Aneyranus episcopus, post confessionem sanctissimæ Trinitatis, ista leguntur:

« Ipse expelens etiam et intercessiones intemeratæ Dominæ nostræ sanctæ Dei Genitricis Mariæ, sanctarumque et cælestium virtutum et omnium sanctorum, atque sancta et pretiosa lipsana (venrandas videlicet reliquias) eorum cum omni honore suscipiens, saluto et honorabiliter honoro, fidem habens illorum particeps fieri sanctimoniam. Similiter et venerabiles imagines tum dispensationis Domini nostri Jesu Christi secundum quod homo factus est propter salutem nostram, et intemeratæ Dominæ nostræ sanctæ Dei Genitricis, atque sanctorum Apostolorum, Prophetarum, martyrum et omnium simul sanctorum, salutans pariter et amplectens, atque admonitionem, quæ pertinet ad honorem, impendens; projiciens nihilominus et anathematizans ex tota anima et ex tota mente Synodum, quæ ex stoliditate et dementia congregata et septima Synodus nominata est; ab his vero, qui recte sapint, pseudosyllagus legaliter et regulariter appellatur, tanqnam quæ totius pietatis sit aliena, et contra divinitus traditam Ecclesiasticam legislationem audacter et temere, quin potius absque Deo latraverit, et sanctas ac venerabiles imagines conviciis appetierit, sed et has præceperit auferri a sanctis Dei Ecclesiis. Cujus dux fuit Theodosius falsi nominis Ephesius, Sisinnius Pergæ cognominatus Pastillas, Basilius Pisidius improbus ille cognominatus Tricacabus, quos evomuit sectator miser Constantinus, qui fuerat patriarcha. Haec ita confiteor et his assentior, et idecirco in simplicitate cordis et recta mente, Deo mihi testimonium perhibente, subjectos anathematismos lacio.

43. « Christianorum calumniatoribus, id est, imaginum confractoribus, anathema.

« His qui assumunt eloquia, quæ a divina Scriptura adversus idola sunt, in venerabiles iconas, anathema.

« His qui non salutant sanctas et venerabiles imagines, anathema.

« His qui appellant sacras iconas simulacra, anathema.

« His qui dicunt, quod sicut ad deos, Christians ad imagines accedunt, anathema.

« His qui communicant scienter cum iis, qui conviciantur et exonorant venerabiles iconas, anathema.

« His qui dicunt quod præter Christum Dominum nostrum, aliquis ab idolis nos liberaverit, anathema ». Erat enim Iconomachorum ejusmodi jaetatio nempe post Christum, Leonem Isauricum et ejus filium Constantinum Copronymum liberasse Christianos ab idolis. Sed pergit Basilius:

<sup>1</sup> Isa. xl. Lyc. iii. — Matth. vii.

« His qui spernunt magisteria sanctorum Patrum, et traditionem Catholice Ecclesie, prætendentes et assumentes voces Arii, Nestorii, Euthychetis et Diocorii, et perhibentes quod nisi de Veteri et Novo Testamento fuerimus edocti, non sequemur doctrinas sanctorum Patrum, neque sanctarum Synodorum, atque traditionem Catholice Ecclesie, anathema ».

14. Vides, lector, quinam fuerint magistri recentiorum novatorum, qui se religiosos, sive Evangelicos dicunt? quique ut illi, praeter divinas Scripturas nihil in Ecclesia recipiendum esse, blasphemant, idem in se anathema convertunt, eandem postea cum illis absque dubio pœnam apud inferos accepturi, quorum sunt vestigia consecuti. Rursum Basilius:

« His qui dicunt, quod diabolicæ argumentationis inventio sit factura imaginum, et non sanctorum Patrum nostrorum traditio, anathema.

« His qui præsumunt dicere, Catholicam Ecclesiam idola aliquando suscepisse, anathema.

« Hoc quidem ita confiteor, et his assentior, et ex toto corde et anima et mente pronuntio. Si vero (quod absit) ex diabolica immissione, aliquo tempore voluntarie, vel non voluntarie aversus fuero ab istis, quæ jam professus sum, anathema sim a Patre, Filio, et Spiritu sancto, atque Catholica Ecclesia, seu sacro ordine penitus alienus. Conservabo autem secundum divinos canones tam sanctorum Apostolorum, quam probabilium Patrum nostorum memetipsum ab omni data acceptance, seu turpi lucro ». Hactenus Basilius Ancyranus episcopi fidei professio, et post lapsum poenitentia.

His acceptis, et a sancta Synodo collaudatis, Deoque gratiis redditis, Theodori Myrensis episcopi audita est recantatio, dum publice relegit et professus est eandem fidei professionem, quam Basilius: post ipsum vero introductus est Theodosius episcopus Amorii, qui magna cordis contritione, haec primum ipso ingressu verba protulit:

15. « Sanctissimi et Deo honorabiles domini, et omnis sacra Synodus, hæc et ego peccator, et miserabilis, et seductus, qui multa mala locutus sum adversus venerabiles iconas, agnita veritate, recognovi et reprehendi memetipsum, et anathematizavi et anathematizo quæ male docui et locutus sum in hoc mundo. Et obsecro et rogo sanctam Synodum vestram cum omnibus Christianis, recipiatis me indignum servum vestrum ». Post hæc laudata a Synodo ejus humili poenitentia, lectus est ab eodem libellus confessionis Catholicae veritatis cum detestatione nefariae heresis, qui sic se habet:

« Sanctæ et venerabili Synodo Theodosius Christianus exiguis. Confiteor, et pollueor, et recipio, et amplector, atque adoro principaliter intemeratam iconam Domini nostri Jesu Christi veri Dei nostri, et iconam Dei Genitricis, quæ illum sine semine peperit viri, et auxilium, et protectionem ejus, et intercessiones illius in quaque die ac nocte invoco ut peccator in adjutorium meum, tan-

quam eam, quæ habeat confidentiam apud Christum Dominum nostrum, qui ex ea natus est.

« Pari modo sanctorum et laudabilissimorum Apostolorum, Prophetarum, et martyrum, et Patrum, et cultorum ejus iconas recipio et adoro, non tanquam deos, absit; sed affectum et amorem animæ meæ, quem habebam prius in eos, etiam nunc ostendens, rogo cunctos illos ex toto animo ut intercedant pro me ad Deum, quatenus det mihi per intercessiones eorum invenire misericordiam penes se in die judicii.

« Similiter et lipsana sanctorum adoro, et honoro, et amplector, tanquam qui decertarint pro Christo, et acceperint gratiam ab ipso ad sanitates efficiendas, et languores curandos, et dæmones ejiciendos, quemadmodum Ecclesia Christianorum suscepit a sanctis Apostolis et Patribus, et usque ad nos.

16. « Pingi autem consentio in Ecclesiis sanctorum, principaliter iconam Domini nostri Jesu Christi, et sanctæ Dei Genitricis ex varia materia auri, et argenti, et omni colore, ut carne dispensatio ipsis omnibus innotescat. Similiter pingi conversationes sanctorum, et famosissimorum Apostolorum, Prophetarum ac martyrum, quo innotescant certamina et agones eorum in brevi scriptura, ad excitationem et magisterium populorum, maximeque simplicium. Si enim regum laureas (laureatas) et iconas missas ad civitates vel regiones obvii adsunt populi cum cereis et incensis, non cera perfusam tabulam, sed imperatorem honorantes: quanto magis oportet in Ecclesiis Christi Domini nostri iconam depingi Salvatoris Dei nostri, et intemeratæ Matris ejus, omniumque sanctorum, et beatorum Patrum, et studiosorum virorum? quemadmodum et S. Basilius ait: Nam et opera magna bellorum scriptores et pictores designant; illi quidem sermone ornantes, isti vero tabulis exarantes; et multos ad fortitudinem exercerunt utrique. Et rursus idem ipse: Quantum laborasti utique homo, ut invenires unum ex sanctis obsecrantem Dominum, qui pro te scilicet apud ipsum intercederet. Et Chrysostomus dicit: Sanctorum enim gratia non reciditur morte, nec hebes fit obitu, sed postquam defuncti fuerint, vivis potentiores existunt. Et alia multa et immensa.

17. « Et ideo oro vos, sancti, et clamo: peccavi in cælum et coram vobis: Suscipe me, sicut suscepit Deus luxuriosum (prodigum), et meretricem, et latronem. Quærite me, sicut quæsivit Christus ovem, quæ perit, quamque super humeros suos sustulit, et fiat gaudium coram Deo et Angelis ejus pro salute et poenitentia mea per intercessionem vestram, o sanctissimi domini.

« His qui non adorant venerabiles iconas, anathema.

« His qui audent detrahere ac blasphemare venerabiles iconas, vel vocare illas idola, anathema.

« His qui non docent diligenter cunctum Chri-

sti amatorem populum adorare venerabiles iconas sacras et adorandas omnium sanctorum, qui a saeculo Deo placuerunt, anathema.

« Christianorum calumniatoribus, id est, imagines confringentibus, anathema ». Hactenus confessio Theodosii ab ipso in Synodo lecta.

18. His peractis, consensu totius Synodi jussi sunt tres hi poenitentes episcopi in suis locis inter alios residere : productique sunt alii episcopi pariter lapsi, quorum quod fides haud adeo explorata esset, prolixior de eis cognitio adhibita est. Erant hi Hypatius episcopus Nicænus, Leo Rhodiensis, Gregorius Pisidiæ, alter Gregorius Pessinuntis, Leo alter Ieonii, Nicolaus Hierapolis, alter item Leo episcopus Carpathi. Cum vero Tarasius patriarcha Constantinopolitanus Leonis Rhodiensis fidem exploraret, audissetque multo ipsum tempore in eadem haeresi permansisse : illam auream memoratu dignam sententiam dixit : « Diurniores passiones difficiliores sunt ad curandum : sic et anima, qua in obscurō est haereseos, lumen Orthodoxie difficile recognoscit ». Quomodo autem hi recipiendi essent in Ecclesiam, et qui ab eis ordinati fuissent : ex sacris antiquis canonibus, sanctorumque Patrum assertionibus ex codicibus e patriarchio in Synodus allatis, facta est prolixior disquisitio. Et inter disserrendum idem Tarasius interlocutus ostendit, ejusmodi haeresim jam duū ante ab improbis haereticis esse plantatam, a Marcionistis videlicet, Manichæis, a Petro Fullone, Xenaia Hierapolitano, atque Severo nefandissimis haeresiarchis : sieque renovatam hanc haeresim magis dici posse, quam adinventam.

19. Cum autem quidam difficiliores se exhiberent ex numero Orthodoxorum episcoporum, qui Synodo praesentes erant, ad eosdem lapsos recipiendos episcopos, commiseratione permotus Juvenalis quidam episcopus (cujus autem fuerit civitatis non dicitur) ex sua sede surgens, se cum lapsis immiscerit, aequam eamdem cum illis excepturus sententiam. Sed et Illyrici episcopi se aequam peccatores esse publice clamantes, veniam lapsis deprecari sunt. Cognitis igitur iis, quae de restitutione lapsorum, et de receptione ordinatorum ab ipsis vetera monumenta Ecclesiastica proderent, eorum receptionem in sequentem Actionem placuit differri delere.

Convenerunt rursus Patres ibidem loci, hoc eodem anno post biduum, nempe sexto kalendas Octobris, ubi a Tarasio habita est diligens de Gregorio Neocæsariensi lapso episcopo poenitente examinatio; num vere, vel ficte cuperet Catholicæ Ecclesiæ jungi. Cum ille ex intimis precordiis signa edens vere poenitentis, libellum supplicem, quo se vere Catholicum esse velle profiteretur, Iesus est scribere, et sequenti Actione Synodo offerre. Post haec autem lectæ sunt litteræ Hadriani papæ ad imperatores conscriptæ, quas nos superius eo, quo scriptæ sunt anno, suo loco posuimus integras. Post haec Patres voluerunt legi pariter ejusdem

Romani Pontificis litteras ad Tarasium Constantinopolitanum episcopum scriptas, quibus lectis, interpellaverunt Apostolice Sedis legati Tarasium ipsum, dicentes : « Dicat nunc sanctissimus patriarcha Tarasius regiæ civitatis, si consentiat litteris sanctissimi papæ senioris Romæ, an non. Tarasius sanctissimus patriarcha dixit :

20. « Sacratissimus Paulus Apostolus, qui illustratus est lumine Christi, et genuit nos per Evangelium, cum Romanis scribebat, approbans studium sinceræ fidei eorum, quam in Christum Deum verum habebant, sic ait<sup>1</sup> : Fides vestra annuntiatur in universo mundo. Hoc testimonium sequi necessarium est ; et inconsulte agit, qui huic conatur resistere. Unde Hadrianus præsul senioris Romæ, cum esset particeps eorum, qui prædicto testimonio muniri meruerant, scribebat expresse ac veraciter piis imperatoribus nostris, atque ad humilitatem nostram, affirmans bene ac optime se habere antiquam traditionem Ecclesiæ Catholice. Nam et ipsi nos scrutando Scripturas, et syllogisticæ approbando rimati sumus, sieque confessi sumus, confitemur et confitebimur, consonamus et confirmamus, atque permanebimus in significacione litterarum, quæ lectæ sunt, imaginales descriptiones (quæ scilicet ad sacras imagines pertinent) suscipientes, secundum antiquam Patrum nostrorum traditionem, et has affectuoso amore, etc. »

21. Interpellarunt rursus Apostolice Sedis legati universam ipsam sanctam Synodum, dicentes : « Dicat nobis sancta Synodus, si admittit litteras sanctissimi papæ senioris Romæ, an non ? » Sancta Synodus dixit : « Sequimur, et suscipimus, et admittimus » : quæ secuta sunt haec : In primis legatorum trium patriarcharum præconia de litteris Hadriani, et fide recepta a Tarasio patriarcha : deinde aliorum episcoporum singulis elogiis eas laudantium et subscriptione probantium. Præstiterunt idipsum venerabiles archimandritæ, inter quos subscriptus habetur sanctus Plato, de quo plura superius dicta sunt, et erunt dicenda. Sieque finem accepit secunda Synodi Actio.

Tertia autem Actio celebrata habetur tertio kal. Octobris, ut versio Anastasii, qua utimur, docet, ex qua corrigenda vulgata est editio, in qua legitur habita sexto kal. ejusdem : secunda enim Actio (ut vidimus) dicta est habita die sexto kal. In hac primum causa Gregorii episcopi Neocæsareæ cognoscenda proposita est. Hic enim antesignanus ferebatur leonoclastarum haereticorum, qui per persecutionis tempore graviter vexasse Orthodoxos dicetur, quorum causa etsi poenitens admittendus esset in Ecclesiam, non tamen esset restituendus in episcopatum. Verum quia persecutio probata non est, decreto in primis legatorum Apostolice Sedis jussus est cum collegis recipi in sedem suam.

Post haec autem legi sancta Synodus præcepit litteras Tarasii patriarchæ Constantinopolitani, da-

<sup>1</sup> Rom. 1.

tas ad tres iidem patriarchas Orientales, et eas, quas reddiderunt iidem ad Tarasium monachi Palestinae nomine eorumdem trium patriarcharum Orientalium, quae superius, eo quo scriptae fuerunt anno, sunt collocatae. Quibus probatis et assertis, adversus aliter sentientes anathema illatum est ab ipsis Apostolicæ Sedis legatis nomine trecentorum decem et octo Patrum, qui ante in eadem civitate Nicenum primum Concilium collegere, quibus sancta Synodus in omnibus annuit. Secundaque est subscriptio ceterorum episcoporum. Quibus rebus ita gestis, impositus est finis ejus diei Actioni, additis faustis acclamationibus ipsis imperatoribus, illo novo Constantino, ista nova Helena nuncupatis.

22. Ipsi vero kalendis Octobris (ut translatio habet Anastasii) iterum convenere Patres, atque omnium sententia jussa sunt afferri sacra volumina, ex quibus de cultu saecularum imaginum testimonia recitarentur, primumque ex divina Scriptura, tam veteris, quam novi Testamenti, inde ex sanctorum Patrum saeculis voluminibus decerpae sententiae. Sed ex versione Anastasii hic corrige inter alia, quae habentur in vulgata Synodi editione, templum Romæ Salvatoris saeculis imaginibus a Joanne jussum decorari : loco enim Joannis, Constantinus habet imperatorem Anastasii versio his verbis : « Petrus et Petrus Deo amabiles presbyteri, et vicarii Hadriani papæ senioris Romæ dixerunt : Tale quid et divæ memorie Constantinus magnus imperator olim fecit. Edificato enim templo Salvatoris Romæ, in duobus parietibus templi historias veteris et novi Testamenti designavit, hinc Adam de paradyso exuentem, et inde latronem in paradisum intrantem figurans ». Porro quamplurima, quae sunt e diversis locis allata de cultu saecularum imaginum testimonia, ne singula recensendo diutius in longo itinere morari contingat, majori tu otio, lector, inspicio.

23. Sed et de eo te necessario monendum putavi, historiam de imagine crucifixa Beryli, in vulgata Suriana editione, habere admixta quedam apocrypha de imagine Christi, facta a Nicodemo, et alia, quae integrum ipsam narrationem suspectam faciunt. Quamobrem operæ pretium duxi, eamdem historiam hic tibi puram ex versione Anastasii describere, quae sic se habet :

« Sermo sancte memorie patris nostri Athanasii de imagine Domini nostri Jesu Christi Dei veri, Dei nostri, facto miraculo in civitate Beryto.

« Sustollite oculos mentis vestre, et videte novum spectaculum, quod factum est nunc, in infinitam admirationem Dei adspicite, et date gloriam ei. Contemplanini ineffabilem misericordiam ejus, et magnitudinem dispensationis ejus, atque lamentum cum laetitia sumite. In Deo quidem nihil extraneum. Deus enim cum sit, omnia potest. Quod vero in diebus nostris et in nobis factum est, expavescit (obstupescit) omne cor audientium. Vere expavescit cœlum, quod audenter factum est, con-

turbatæ sunt abyssi, et sol obtenebratus est, et luna, et stellæ similiter super hoc, quod patratum est. Sed iterum letatæ sunt in eo, quod a Domino dispensatum est, omnes cœlorum virtutes. Audite et admiramini quid factum est in diebus nostris : Intelligentes intelligite, et aurem vestram inclinate : et quidem ante exteriorem aurem, quæ cordis est, porrigit, et audiit :

24. « Civitas est, Berytus vocata, in confinibus Tyri et Sydonis sita, Antiochiae subdita. In hac civitate Beryto multitudines erant copiosæ Judæorum. Porro juxta synagogam ipsorum, quæ valde magna esse videbatur, Christianus quidam cepit ad pensionem cellulam a quodam, in qua habitans, contra accubitum suum fixit imaginem Domini nostri Jesu Christi, honeste depictam, et integræ statuæ habentem Dominum nostrum Jesum Christum. Transacto præterea modico tempore, perquisivit mansionem majorem ille Christianus, quemadmodum et indigebat. Hoc autem Domini nostri Jesu Christi gratia dispensavit (ut credo) qui vult omnes homines salvos fieri, et ad agnitionem veritatis venire, ostendens miracula sua se cœlentibus et omnibus in se credentibus, in redargitionem impiorum et stabilitatem fidelium.

« Quæsivit ergo Christianus (ut dixi) majorem domum, et invenit in quodam loco civitatis, et transtulit se illuc a domo, quæ erat juxta synagogam Judeorum, et sublatiss omnibus suis : per obliuionem, et dispensatione tamen Dei, imaginem Domini dimisit, obliuioni (ut præfatus sum) traditam. Quidam vero Judeus accepit domum illam ad pensionem, in qua imago Domini stabat : intromissis autem omnibus suis permanebat in domo, minime contemplatus iconam Domini, quod staret illuc : neque enim consideravit locum illum, sed ingressus manebat. Quadam vero die invitavit Judeus unum ex contribulibus suis ad prandium. Et cum pranderent, elevatis oculis, Judeus, qui invitatus fuerat, vidi iconam Domini nostri Jesu Christi, et dicit ei, qui se invitaverat : Tu cum sis Judeus quomodo imaginem hujusmodi se habentis habes ? convicia plurima quoque et nefanda emittens adversus Dominum, quæ non audeo scribere, absit, quae dixit contra Salvatorem, is qui fuerat invitatus.

25. « Abiit autem ad summos sacerdotes suos, et accusat Judeum, qui in domo manebat, in qua imago erat, dicens, quia ille imaginem habet Nazarenii videlicet in domo sua. Qui audientes dixerunt : Si potes hoc ostendere. At ille affirmavit : Quia ostendam hoc in domo ejus. Illi vero repleti furore, vespere quidem siluerunt. Mane vero facto, summi sacerdotes eorum atque presbyteri, assumptio eo, qui Judeo detraxerat, et turba multa gentis sue, pergunt ad dominum Judei, in qua imago Domini stabat. Pervenientes autem ad locum summi sacerdotes insiluerunt, et seniores cum eo, qui indicaverat, et vident imaginem Domini stantem. Tunc vehementer irati in eum, qui habitabat in domo

illa, extra synagogam facientes expulerunt, imaginem vero Domini nostri Jesu Christi deponentes, dixerunt : Quia sicut patres nosli illuserunt ei aliquando, ita et nos illudamus ei.

« Tunc ineoperunt conspuere in faciem sanctæ imaginis Domini, et dare alapas coram his, qui convenerant, hinc et inde imaginem Domini conspuentes atque dicentes : Quæcumque fecerunt patres nostri, faciamus et nos imagini ejus. Et dicunt : Audivimus quia illuserunt ei, et hoc ipsum nos faciamus et vos. Infinitis ergo Iudibris illuserunt iconam Domini, quæ nos neque dicere audemus. Deinde dicunt : Audivimus quia clavis infixerunt manus ejus et pedes : hoc et nos faciamus ei. Tunc in manus et pedes imaginis Domini infixerunt clavos. Iterum savientes dixerunt : Audivimus quia accepto acetō et felle polaverunt eum cum spongia : faciamus ei et nos. Et fecerunt, apponentes ad os imaginis Domini spongiam acetō plenam. Rursus dicunt : Didicimus quia pereisserunt caput ejus arundine patres nostri : id ipsum et nos faciamus. Et accipientes calatum percusserunt caput Domini.

26. « Cæterum novissime dicunt (ut liquidius edocemur) quod lancea latus ejus aperuerunt : nihil prætermittamus, sed addamus et hoc. Et facientes deferrī lanceam, præceperunt euidam suorum tollere lanceam et percusse contra latus imaginis Domini. Mox manavit multitudo sanguinis et aquæ ab ea. Christe, gloria tibi, incomprehensibilis gloria tibi : Quis sicut tu, Deus ? Quis præter te Deus faciens terribilia et stupenda ? O miraculum Majestatis et Salvatoris immensum ! Horruerunt veraciter super hoc etiam supernæ virtutes tuæ. O quantus es, Domine, ad humanitatem, o quantus ad longanimitatem, o quantus es ad misericordiam ! pius enim propter nos et propter salutem nostram, eum esse sine carne, incarnatus es ex Virgine Maria. Crucifixus es in illa carne, cum esses ipse impassibilis in deitate. Nunc vero iterum in imagine crucifixus es, Domine, in redargutionem impiorum et omnium ineruditorum, atque stabilitatem eorum, qui veraciter in te credunt. Sed gloria tibi, Domine, qui solus omnia potes una cum benedicto Deo nostro et Patre, atque cum Spiritu sancto. Amen.

« Vos autem, o filii, audile reliqua quæ dispensata sunt ab eodem Domino ; ipsius enim erat permisso. Denique postquam percussum est lancea latus ejusdem imaginis Domini, et emanavit sanguis et aqua (ut superius dictum est), dicunt summi sacerdotes eorum et seniores : Quoniam susurrant colentes eum, quod sanitates multas fecerit : sumamus ergo sanguinem hunc et aquam, et deteramus ad synagogam, et colligamus omnes, qui male habent in populo, et ungamus eos ex illo, et videamus si vera sint, quæ dicuntur. Tunc afflentes lateri iconæ Domini vas secundum locum percussionis lanceæ, unde exiit sanguis et aqua, et repleverunt amphoram (ampullam) secundum lo-

cum jugulationis lanceæ, et inferentes illudebant, ut injuriis appeterent (sicut putabant) coram omnibus universorum Dominum ». Non putantes sciœt aliquod edendum fore miraculum.

27. « Et collectis omnibus, qui male habebant, el ante omnes paralyticum, quem a nativitate noverant, adducentes unixerunt, et statim substitit, et exiliit sanus homo penitus. Deinde eacos adduxerunt, qui et ipsi visum repperunt. Daemonium vero patientes mox adunati sunt. Turbalio quoque magna et infinita per totam civitatem effecta est, eunelis confluentibus propter infinita miracula. Commotæ aulem sunt omnes multitudines Judæorum : plures enim civitatem habitabant. Currentebant ergo ferentes eos, quos in domibus suis habebant languentes, aut paralyticos, aut debiles, aut aridos, aut leprosos : omnes accurrerunt, ita ut neque synagoga eorum, nec magna fuerit, caperet illos, neque locus, multitudine infiniti populi propter miracula concurrerente.

« Omnes autem principes sacerdotum, et seniores, et populus Judæorum virorum, puerorum et mulierum crediderunt in Dominum Jesum Christum, clamantes : Gloria tibi, Christe, quem patres nostri crucifixerunt, qui et a nobis, Domine, crucifixus es in imagine tua. Gloria tibi, Fili Dei, qui tanta fecisti miracula. Tibi ereditus : propitius esto nobis, et suscipe nos. Hoe clamabant lugentes omnes, et voces emittebantur, et miracula perficiebantur, summis sacerdotibus ungentibus, et eunelis euratis et vivificatis.

28. « Postquam autem omnes sanali sunt, confessim ad episcopum sanctissimæ constitutæ illuc Ecclesiae, qui jam, quæ fuerant facta, didicerat, multitudines concurrebant dieentes et clamantes : Unus, unus Deus Pater, unus Deus Filius et ipse Unigenitus, unus Christus quem patres nostri crucifixerunt, ipsum Deum novimus : huic nos credimus. Multis itaque laudibus glorifieaverunt Deum, imaginem archiepiscopo demonstrantes, annuntiantes, quæ fecerant imagini Domini, qualiter et sanguis et aqua exierunt e latere imaginis, neenon et infinita miracula, quæ faeta sunt. Ita omnes multitudines, ut sancto baptismo digni fierent, supplicabant. Quos episcopus una cum clero suo assumptos, omnes baptizavit per multos dies, et synagogam eorum Ecclesiam Salvatori nostro Christo dicavit. Illis autem rogantibus, eliam cæteras synagogas eorum Martyria fecit. Et sic gaudium magnum factum est in civitate illa, non solum corporibus sanatis et vivificatis, sed et animabus in vitam mortuis redeuntibus aeternam.

« Hæc agnoscens ego, festinavi indieare vobis, fratres amantissimi, ad utilitatem animarum vestrum, ut cognoscentes et in hoc Dei et Salvatoris nostri Jesu Christi virtutem, plus aliquid in fide ipsius confirmemini, et exultetis super magnalibus ejus, quæ nunc operatus est. Date ergo gloriam in laetitia, in compunctione ex lamento gaudentes, et gralias agentes, quia et sua vos fide, et sua fecit

agnitione dignos in Christo Jesu Domino nostro. Cum quo et Patri una cum Spiritu sancto gloria nunc et semper et in secula saeculorum. Amen». Haecenius historia de imagine crucifixa Beryti ex Anastasii versione : at vero quae plura his inveniuntur in vulgata, decurtes, utpote addita ab eo, qui exscripsit, admiscaens veris apoerypha.

29. Porro tantum abest, ut alius ex Patribus aliquid objicerit, ad veritatem labefactandam ejus narrationis, ut omnes Patres (quod ipsa testantur Acta) ea audientes, lacrymis sint perfusi, perinde ac si erucifixionem Salvatoris, ex uno Evangelistarum acceptam, recitari audissent. Cum igitur res pro constanti accepta sit ab omnibus veritate, neque ab ipsis refractariis ejusdem Synodi calumniatoribus et Iconoclastis aliquid reperiatur vel leviter derogatum : perquirendum modo nobis est de tempore, quo ista accidere potuerunt. Primum autem omnium ille amputandus est error aliquorum, qui cum ejus scripti auctorem audiunt Athanasium, existimant magnum illum ejus nominis episcopum Alexandrinum : quod si probari posset, jam exploratum pariter esset quoniam tempore id acciderit, cum ipse auctor in suae narrationis exordio dieat, id accidisse in diebus suis : ut plane appareat, rem gestam sui temporis auctorem scripsisse. Verum et cum qui aderant in Synodo Patres, ut in re haecenius inaudita, in fletum prorupisse eadem historiae Acta testentur : sane quidem rem recens gestam esse demonstrant.

30. Quod insuper is, qui scripsit, non fuerit magnus ille Athanasius, nec ejus tempore id acciderit, inde ducimus argumentum, quod post quadragesimos et amplius annos ab Athanasii tempore in hunc diem, nemo repertus est, qui tantae rei ullam aliquo pacto fecerit mentionem : praesertim eum in hac ipsa Synodo Patres aliquot loca ex ipsius Athanasii scriptis adduxerint ad probandum cultum sacrarum imaginum, et hujus tam celebris nec verbum quidem, qui praे omnibus fuisse tanquam columna ingens, ob omnium oculos erigendus. Praeterea cum sanctus Joannes Damaseenus, et ipse Syrus, haud ignorasse facile potuisset, quae in Syria gesta erant, nec prætermisisset (sicut fecisse reperitur de alia imagine, ex sagitte vulnera sanguinem dante) hujus rei tam insignis meminisse : plane inducimur, ut credamus, etiam post sanctum Joannem Damaseenum ea Beryti fieri contigisse : ut magis audiendus sit Sigebertus, qui narrat id factum anno Redemptoris septingentesimo sexagesimo quinto, cum imperaret Constantinus Copronymus Iconoclasta, qui nominat insuper episcopum, qui tunc Beryti Ecclesiae præcerat, Adeodatum, hancque apponit Appendicem ad ea, quae dicta sunt : « Episcopus sanguinem per ampullas divisum longe lateque dirigen, prædicabat magnalia Dei, obtestans omnes, ut singulis annis quinto idus Novembris celebraretur Passio Dominicæ imaginis ». Haec ipse.

31. Sed forte magis audire placeat, quod in

veteribus Ecclesiarum Lectionariis id factum hoc tempore dicatur sub Irene et Constantino filio. Celebris namque fuit olim in Ecclesiis tantæ rei annua commemoration, quæ universum ferme Christianum orbem in sui admirationem commoverat. Etenim rei veritate accurate perspecta, in Tabulis Ecclesiasticis, ad posteriorum fidem perpetuo conservandam, scripta fuit, ut annis singulis, singulis in Ecclesiis publico præconio decantetur, quæ in Romano etiam Martyrologio quinto idus Novembris ita reperitur esse conscripta : « Beryti in Syria commemoratione imaginis Salvatoris, quæ a Judæis crucifixa tam copiosum emisit sanguinem, ut Orientales et Occidentales Ecclesias ex eo ubertim aaceperint ». At non hoc tantum, sed rei gestæ historiam in Ecclesiis legi antiquitus consuevit, indicant veteres Codices Ecclesiarum, quos Lectionaria, seu Sanctuaria consueverunt nominare : in quibus (ut dictum est) scriptum reperimus, id accidisse sub Constantino et Irene impp. Sed quod his temporibus hujus heresis duo fuerunt Constantini, ac duæ pariter Irenæ, diversa scribendi de tempore occasio data est. Fuit prior Irene natione Gazara, filia Chagani regis, ipsi nupta Constantino Copronymo, ex qua genitus est Leo, qui ei in imperium succedit, faitque ipsa avia Constantini, qui hoc tempore regnavit cum Irene matre, quæ Attica genere fuit.

32. Tanta quidem Deus hoc tempore, cum vi geret impietas Iconoclastarum hereticorum, et Saracenorum idem docentium et cogentium de abdicando venerandarum imaginum cultu, operatus est, quo vel uno signo ex adversariorum officina deprompto (ne quid posset imposturæ adscribi) eorumdem impietas confutaretur, penitusque error aboleretur, diluereturque sanguine Christi iterum per imaginem erucifixi. Sed doenit experimentum, superari perfidiam Judæorum ab heretica pravitate, illis licet Christi hostibus implacabilibus manus dantibus, istis resilientibus et in deterius prolabentibus, atque in obstinationis profundum abyssum lapsis, impie blasphemantibus.

Post haec autem, ut ad Acta Synodi redeamus, aliis innumeris allatis de veneratione sacrarum imaginum hinc inde locis, lectisque Epistolis Gregorii papæ secundi ejus nominis, et Germani episcopi Constantinopolitani, ad diversos eodem arguento conscriptis, quas nos superius eo, quo sunt anno datæ, posuimus : ad postremum sancta Synodus inhærente se antiquis traditionibus et Patrum sententiis professa, anathematismos superioribus similes adversus Iconoclastas hereticos promulgavit. Quæ omnia scinta est subscriptio omnium episcoporum.

33. Quinta autem Actio collecta est eodem anno, quarto nonas Octobris, ubi prelocutus Tarasius Constantinopolitanus episcopus, cum ostendisset hereticos Iconoclastas sectatos esse Indiaeos, Saracenos, Gentiles, Samaritas, et Manichæos, usum sacrarum imaginum respuentes, ad veritatis

comprobacionem alia allata testimonia iussa sunt recitari, redargutis argumentis ab haereticis, ad suam ipsorum haeresim confirmandam, allatis. Post haec aulem patractae sunt haereticorum corumdem fraudes tempore urgentis persecutionis admissae in corruptis, abolendis, et incendendis sacris Codicibus, in quibus de venerando cultu sacrarum imaginum mentio aliqua esset inventa. Qui id nefarie praestiterunt fuisse haereticos patriarchas, Anastasium, Constantium et Victorem, testatus est Tarasius Constantinopolitanus episcopus. His peractis, et firmis stabilito cultu sacrarum imaginum sententia legatorum Apostolice Sedis et aliorum, rursum iterati sunt adversus iconoclastas anathematismi. Impositusque est finis eidem Actioni.

34. Sequenti rursum die, nempe tertio nonas Octobris, ut ex versione Anastasii liquet, licet in vulgata pridie nonas legatur, in sexta Actione reicitata est definitio facta ab haereticis iconoclastis in pseudoseptima, ab eis ita appellata, Synodo OEcumenica, cui per singula capita paratum fuit ad venenum antidotum, Gregorioque episcopo Neocæsariæ legente textum haereticorum per capita singula, Epiphanius diaconus scitam a Patribus appositam responsionem perlegit. Quæ tu omnia majori otio consulas, ne hic diutius, quam par est, immorremur. Titulum tantum ponemus, quem haeretici suæ ipsorum sententiae præfixerunt, scilicet : « Definitio sanctæ magnæ et universalis Synodi ». Cui digna est indita confutatio ex sancta Synodo, nimirum nullum episcoporum conventum mereri uomen OEcumenicae Synodi, cui non interfuerit Romanus Pontifex præsens nec per legatos, neque per litteras Synodales.

Post multa ab haereticis calumniose, subdole et mendaciter dicta confutata de sacris imaginibus, eo perventum est inter legendum, ubi illi, postquam omnes humana opera factas imagines se detestari et anathemati tradere professi sunt, eam se venerari tantum imaginem dixerunt, qua Filius Dei seipsum in sacramento panis et vini ante passionem expressit. Ita ipsi quidem, cum tamen veritatem corporis et sanguinis Christi contiterentur. At quantum exhoruerint Patres vocem istam imaginis in sacrosanto sacramento Eucharistie, response omniū declaratum est, ex qua magis magisque redarguas nostri temporis novatores, iconoclastis istis deteriores. Ut igitur tam ab his, quam ab illis, haereticis scilicet et Catholicis novatores prædammatos intelligas, hie caput ipsum reddendum putamus, quod sic se habet ex haereticorum fonte depromptum, ex septima ipsorum Pseudo-Synodo, in ista legitima et OEcumenica reicitatum et confutatum :

35. « Gregorius episcopus legit : Lætentur et exultent et fiducialiter agant hi, qui veram Christi imaginem sincerissima anima faciunt et desiderant et colunt, et in sauitem animæ et corporis offerunt, quam ipse sacratissimus Immolator et

Deus noster ex nobis ex foto nostram massam assumens secundum tempus propriæ Passionis, in typum et rememorationem evidentissimam tradidit ministris suis. Sese namque voluntarie traditurus memorabili et vivitæ morti suæ, acceptum panem benedixit, et gratias agens fregit, et dans dixit : Accipite et comedite in remissionem peccatorum : Hoc est corpus meum. Similiter et calicem tradens dixit : Hic est sanguis meus, hæc facite in meam commemorationem. Veluti nulla alia specie ab eo electa sub cælo vel forma imaginari ejus Incarnationem volens. Vide ergo quod imago vivifici corporis pretiosa et honorabiliter facta sit.

« Quid enim argumenlatus est in hoc sapientissimus Deus ? Nonne ut ostenderet et exprimeret evidenter nobis omnibus mysterium, quod operatus est per dispensationem suam ? Quia id quod ex nobis suscepit, materia sola est humanæ substantie per omnia perfectæ, non figuramentis proprie subsistentem personam, ut non additamentum personæ divinitati intercedat : ita et imaginem et materiam præcipuam, id est, panis substantiam præcepit offerri, non figurantem hominis formam, ne idolatria subintroducatur. Sicut ergo corpus Christi, quod secundum naturam sanctum est, utpote divinitus sanctificatum : ita manifestum est, quod adoptione, id est, ipsa imago ejus sancta est, utpote per quandam satisfactionem (sanctificationem) gratia sanctificata. Hæc enim et gessit (ut diximus) Dominus Jesus, ut sicut carnem, quam suscepit, propria secundum naturam sanctificatione, ex ipsa unitione deificavit, similiter et Eucharistie panem, et non falsam imaginem naturalis earnis per sancti Spiritus adventum sanctificandum divinum corpus fieri voluit, mediante sacerdote, qui oblationem de communi separans, ad sanctificationem pertingere facit. Itaque Christi caro secundum naturam animata et intelligibilis uncta est Spiritu sancto in divinitatem : similiter divinitus tradita imago carnis ejus, divinas videbilet panis repletus est Spiritu sancto cum calice vitam ferentis sanguinis fateris ejus. Hæc ergo demonstrata est vera imago dispensationis, quæ in carne effecta est, scilicet Dei nostri (quemadmodum supra dictum est) quam ipse nobis veræ naturæ vivificator et factor voce propria tradidit ». Hactenus iconoclastæ in Pseudo-Synodo septima ab eisdem nuncupata. Quæ ipsa (ut magis mireris) contra nos objiciunt novatores, calumniantes a nostris hæc esse dicta, que ab iconoclastis sunt asserta, sed a nostris, ab Orthodoxis scilicet confutata : nam ad ista responderunt Patres, verbum imaginis in sacratissima Eucharistia penitus detestantes.

36. « Epiphanius diaconus legit : Patet qualiter omnis sermo propositus, quando semel a veritate aversus est, multas et periculosas pravitates a consequentia seductoria proferat. Quippe et isti præceptores novitatis hoc passi sunt : aversi enim a veritate propter imaginum fractionem, etiam in alte-

ram extremam apoplexiæ insaniam delapsi sunt. Etenim quasi ex Delphico Tripode forsan hæc et perniciosa dogmata oraculo depropromserunt. Sed audiant a proverbiali verbo<sup>1</sup>: Laqueus fortis viro labia sua, et capitur propriis verbis oris: ligna enim et foenum et stipulam apposuerunt, quorum finis in combustionem.

« Nullus enim aliquando tubarum Spiritus, sanctorum videlicet Apostolorum, aut illustrium Patrum nostrorum incruentum sacrificium nostrum, quod in commemorationem Christi Dei nostri, et omnis dispensationis ejus efficitur, dixit imaginem corporis ejus: neque enim acceperunt a Domino sic dicere, vel confiteri; sed audiant Evangelice dicente eo<sup>2</sup>: Nisi manducaveritis carnem Filii hominis, et biberitis ejus sanguinem, non intrabitis in regnum cælorum. Et qui manducat meam carnem, et bibit meum sanguinem, in me manet, et ego in eo. Et accepto pane, gratias agens fregit, deditque discipulis suis, et ait: Accipite et comedite: Hoc est corpus meum. Et accipiens calicem gratias egit, et dedit illis, dicens: Bibite ex hoc omnes: Hic est enim sanguis meus novi Testamenti, qui pro multis effundetur in remissionem peccatorum. Et non dixit: Accipite et comedite imaginem corporis mei.

37. « Sed et Paulus divinus Apostolus, et ex divinis Domini vocibus hauriens, ait<sup>3</sup>: Ego accepi a Domino, quod et tradidi vobis: quoniam in qua nocte tradebatur, accepit panem, et gratias agens fregit et dixit: Accipite et comedite: Hoc est corpus meum, quod pro vobis tradetur: hoc facite in meam commemorationem. Similiter et calicem postquam cenavit, dicens: Hic calix novum Testamentum est in meo sanguine. Hoc facite quotiescumque biberitis in meam commemorationem. Quotiescumque enim manducabitis panem hunc, et calicem hunc bibetis mortem Domini annuntiabitis, donec veniat. Ergo liquido demonstratum est, quod nec Dominus, neque Apostoli, aut Patres imaginem dixerunt sacrificium sine sanguine, quod per sacerdotem offertur, sed ipsum corpus et ipsum sanguinem.

« Et ante sanctificationis quidem celebratiōnem, typos, sive antitypa quibusdam sanctorum Patrum hæc pie visum est nominare, quorum est Eustathius propugnator Orthodoxe tidei, et Ariana destructor vesaniae, et Basilius ejusdem infelicitis superstitionis depositor, qui omne, quod sub sole est, planam rectorum dogmatum basim edocuit. Ex uno enim eorumque Spiritu disputantes, unus quidem eorum interpretans Salomoniacum dictum, quod in Proverbiis legitur<sup>4</sup>: Comedite panem meum, et libite vinum, quod miscui vobis, hæc dicit: Per panem et vinum, typos corporalium Christi praedicat membrorum. Alter vero ex eodem fonte hauriens (ut noverunt omnes sacerdotii my-

stici cultores) in oratione Dominicæ oblationis ita dicit: Confidentes appropinquamus sancto altari, et proponentes typos sancti corporis et sanguinis Christi tui, te deprecamur, et te rogamus. Et quod deinceps infertur, certiore Patris hujus perfecit sententiam, qualiter antequam sanctificata fuerint, vocata sint typi, imagines scilicet: post sanctificationem autem corpus proprie et sanguis Christi dicuntur, et sunt, et creduntur. Ipsi vero viri fortes volentes venerabilium imaginum demoliri visionem, aliam imaginem introduxerunt, quæ non est imago, sed corpus et sanguis. Porro improbitate et astucia referti, sophismate pravo semet decipientes, adoptione nominaverunt fieri hanc divinam oblationem. Et quemadmodum hoc dicere, aperte est dementiae, ita et imaginem dicere, amphorem indiscipline habet impietatem.

38. « Deinde dimisso mendacio, tangant paucillum quid veritatem, divinum corpus dicentes fieri. At si imago est, non potest esse hoc divinum corpus. Ergo hinc inde circuinductis, invalida omnino manent, quæ ab illis susurrata sunt. Sicut enim oculus turbatus non recte videt, ita et ipsi pravarum confusione cogitationum sensum suum turbantes, ac turbulentum reddentes, idipsum patientur quod insanientes, alia scilicet pro aliis phantastice passi, aliquando quidem imaginem dicentes sancti corporis Christi intelligibile sacrificium nostrum, aliquando vero positione corpus. Porro haec passi sunt, quemadmodum diximus, imaginarium formationum cultum ab Ecclesia volentes exterminare, gaudentes super eversionem Ecclesiasticarum traditionum ». Hactenus de his Patres. Sunt post hæc alia recitata ex Pseudo-Synodo Monothelitarum, atque pariter ab Orthodoxis Patribus confutata: sive clausa est præsens sexta Actio.

Convenerunt autem rursus Patres ibidem loci, eodem anno atque meuse, nempe tertio idus Octobris, in qua (quod rehquum videbatur jam damnata pertidia Iconoclastarum) sancta est Catholicæ fidei definitio, in qua primum mentio facta est reliquarum sex Synodorum universalium, et confirmatio earumdem est secuta: Catholicum pariter est Symbolum recitatum: ubi cum ad Spiritus sancti confessionem ventum est, his est ipsa verbis expressa: « Et in Spiritum sanctum Dominum et vivificantem, qui EX PATRE FILIOQUE PROCEDIT, qui cum Patre, etc. » Habet id vulgata versio ejus Concilii, item et vetus translatio Anastasii Bibliothecarij ad Joannem octavum papam conscripta: idipsum continet et græcus textus, ne quis imposturam esse arguere possit.

Cum enim ejusdem fidei definitio recitata esset in Concilio Florentino in sessione quinta, Ferrariae habita, hæc de germana textus lectione Acta habent: « Lecta septimi generalis Concilii definitione, Latini quemdam vetustissimum librum in medium attulere, in quo quidem eadem ipsa definitio, sanctumque Spiritum ex Patre Filioque procedere,

<sup>1</sup> Prov. vi. — <sup>2</sup> Joan. vi. Matth. xxvi. Marc. xiv. Luc. xiii. — <sup>3</sup> 1. Cor. xi. — <sup>4</sup> Prov. ix.

scriptum erat. Qua de re non mediocris contentio in illa sessione fuit exorta ». Graecis videlicet reluctantibus; cum et Julianus cardinalis S. R. E. tituli S. Sabinae haec ad imperatorem, qui praesens erat:

39. « Septimi Concilii Symbolum, serenissime imperator, quod modo fecimus recitari, in vetustissimo volumine scriptum est, ita ut nemo poterit suspicari corruptum fuisse, cum præsertim quidam historiens noster antiquus quidem ac litteratus inter alia id quoque testetur, hoc ipsum Symbolum in septimo Concilio recitatum fuisse. Tali præterea Symbolo cum hac additione, vel declaratione, EX FILIOQUE, non mediocrem tribuimus auctoritatem ».

Cælerum liber ille dictus, Capitulare adversus Nicænam Synodum, missus a Carolo Magno per Engelbertum abbatem et capellatum summ ad Hadrianum Romanum Pontificem, quemam germana fuerit lectio ejus textus, edocet, ntpote quia ab adversario reprehendatur, quod Tarasius in Actione tertia non dixerit A PATRE FILIOQUE. Fuit enim ista prima reprehensio adversarii his verbis concepta: « Quod Tarasius non recte sentiat, qui Spiritum sanctum non ex Patre et Filio, secundum Nicæni Symboli fidem, sed ex Patre per Filium procedentem in suæ credulitatis lectione profiteatur ». Si ergo hoc ipsum scriptum fuisset in totius Synodi fidei professione, quæ in hac septima habetur Actione, Spiritum sanctum scilicet a Patre per Filium procedentem: et non potius (ut habet) a Patre Filioque procedentem: certe quidem ab adversario non unus Tarasius in crimen vocatus esset, sed ipsa Synodus universa, quam aeriter impugnabat. Sed quod (ut superius dictum est) Iconoclastarum prima fuit illa reprehensio et prohibitio, ne dicetur Spiritus sanctus a Patre Filioque procedere: Patres ipsi, ne velin hoc communicarent cum illis, contra ipsorum sententiam dixerint: A PATRE FILIOQUE PROCEDIT. » Cum igitur adversarius non universam Synodum, sed Tarasium tantum errasse in tertia Actione dicat, evidens testimonium est, in Synodi professione fidei Actione septima aliter scriptum esse, siveque germanam eam tuisse lectiōnem, quam vetus latinus Codex dicitur habuisse.

40. Quod etiam ex responsione Hadriani papæ colligitur, dum Tarasius defenditur, et asseritur ab Ecclesia Romana utrumque receptum fuisse, ut posset dici Spiritum sanctum a Patre Filioque procedere, et a Patre per Filium. Et Gennadius<sup>1</sup>: « Divinus, inquit, Tarasius Constantinopolis patriarcha in Epistola ad Orientis pontifices, quæ incipit: Multis et ingentibus providentiis, sic ait: Et in Spiritum sanctum, qui ex Patre per Filium procedit, et eum esse Deum cognoscimus. Audis, ex Patre, inquit, per Filium procedere? Quod vero dicto, per, causam significet, antea dictum est, etc. » Haec Gennadius, contendens quod idem sit dicere, per

Filiū, quod ex Filio. At de his satis ad institutum.

Quem vero cultum a fidelibus imperliri voluerint sancti Patres sacris imaginibus, hisce verbis significarunt: « His ita se habentibus, regia quasi euntes semita, sequentes divinitus inspiratum sanctorum Patrum nostrorum magisterium, et Catholicæ traditionem Ecclesiæ (nam Spiritus sancti hanc esse novimus, qui nimirum in ipsa habetur) definimus in omni certitudine et diligentia, sicut figuram pretiosæ et vivificæ Crucis, ita venerabiles ac sanctas imagines proponendas, tam de coloribus et taxellis, quam ex alia materia congruenter in sanctis Dei Ecclesiis et sacris vasis, ac vestibus, et in parietibus ac in tabulis domibus et viis, tam videlicet imaginem Domini Dei et Salvatoris nostri Jesu Christi, quam intemeratae Dominae nostræ sanctæ Dei Genitricis ejus, honorabiliumque Angelorum, et omnium sanctorum simul et almorum virorum. Quanto enim frequentius per imaginalem formationem videntur, tanto qui has contemplantur, alacrius eriguntur ad primitivorum earum memoriam, et desiderium, et ad osculum, et ad honorarium his adorationem tribuendum: non tamen ad veram latratiā, quæ secundum fidem est, quæque solum divinam naturam decel, imperitiandam. Ita et istis, sicuti figuræ vivificæ Crucis, et sanctis Evangelij et reliquis sacratissimis monumentis incensorum et luminum oblatio ad harum honorem efficiendum exhibeatur, quemadmodum et antiquis piæ consuetudinis erat. Imaginis enim honor ad primitivum transit, et qui adorat imaginem, adorat in ea depicti subsistentiam, personam videlicet.

41. « Sic enim robur obtinet sanctorum Patrum nostrorum doctrina, id est, traditio sanctæ Catholicæ Ecclesiæ, quæ a finibus usque ad fines terræ suscepit Evangelium. Sic Paulum, qui in Christo locutus est, et omnem divinum Apostolicum cœtum, et pristinam sanctitatem sequimur, tenentes traditiones, quas accepimus. Ille triumphalis Ecclesiæ propheticæ canimus hymnos<sup>1</sup>: Gaude satis filia Sion: prædicta filia Hierusalem: juvndare et lætare ex toto corde tuo. Abstulit Dominus injusticias adversantium tibi: redemit te de manu inimicorum tuorum. Dominus rex in medio tui: non videbis mala ultra, et pax in te in tempus æternum. Eos ergo, qui audent aliter sapere et docere, secundum scelestos hereticos Ecclesiasticas traditiones spernere, et novitale qualibet excogitare, vel projicere aliiquid ex his, quæ sunt Ecclesiæ deputa, sive Evangelium, sive figuram Crucis, sive et imaginalem picturam, sive sanctas reliquias martyrum, aut excogitare prave et astute subvertendi quamecumque ex legitimis traditionibus, sive Ecclesiæ Catholicæ, vel etiam quasi communibus uti sacris vasis, aut venerabilibus ministeriis: si quidem episcopi vel clerici fuerint, deponi præcipimus; monachos autem et laicos a communione

<sup>1</sup> Gennad. pro Concil. Flor. c. 4. sect. vi. prope fin.

<sup>1</sup> Soph. iii.

privari ». Hactenus definitio fidei ex versione, qua utimur, Anastasii.

Eadem quoque suis scriptis professus est sanctus Joannes Damascenus<sup>1</sup>, qui libro primo et tertio Apologetici saepe saepius repetit, imagines nullo modo coli debere cultu latræ : numeratque inter hæreticos illos, qui imagini cuiquam dixerint tribuendum esse latræ cultum, hosque nominat Christianocatagoros, nempe accusatores Christianorum, eo quod Christianæ religioni magnam inuinerent notam, quod ipsorum causa dicerentur ab adversariis Christiani idolorum cultores, qui ut deos imagines colerent.

42. Cæterum nequaquam in horum classem conjecterimus scholasticos illos, qui Christi Redemptoris imagini atque sanctissime Crucis latræ cultum tribuendum esse dixere. Nam cum ipsi idem senserint revera cum Orthodoxis, ob diversitatem tantum vocum, adhibita aliqua distinctione, seu declaratione, hand ab iis ullo modo sunt separandi; siquidem constantissima est etiam ipsorum assertio, nulli creaturæ divinum cultum, qui soli Deo convenit, esse impertiendum. Cum vero eisdem sacris Christi imaginibus latræ adorationem esse impendendam, iidem asseruere : utique dieendum, intellexisse improprie, et non propter se, aut ex sua natura, sed per accidens, et relative ad aliud : ut tunc non imago colatur ut Deus proprie, sed Deus in imagine, sive per imaginem : sic etiam cum coluerunt antiqui patres Deum (quem nemo<sup>2</sup> vidit unquam, neque videre potest) in diversis formis, seu imaginibus apparentem, in quibus constat representatum fuisse Deum, non tamen illas ipsas fuisse Deum : eos non peccasse, sed meruisse dicendum, dum illas ipsas imagines ut Deum coluere cultu latræ, quas scirent repræsentasse Deum. Quod igitur nemo ipsorum dixerit adorandas imagines collu latræ propter se (id enim esset revera idolatria) sed propter aliud : utique non proprium per se existentem latræ cultum illis tribuisse noseuntur, ob quod damnandi essent, sed cultum latræ illum tantum, qui fit ob aliud, et per accidens, relative ad primum exemplar.

43. Verum cum re ipsa una eademque sit eorumdem et omnium Orthodoxorum sententia de sacrarum imaginum cultu; quod autem diversis eadem verbis expressa et pene contrariis reperitur : non aliunde accidisse puto, nisi quod ejusmodi tam firma, constans, et certa, tamque serio pertractata ac definita, atque in canonem redacta sententia Nicæni posterioris Concilii minime iisdem sanctis et doctis viris innotuit. Nam etsi quid de eodem Concilio per levem aliquam historiarum lectionem percepérunt : cum itidem illud improbatum esse in Synodo Francofordiensi intellexerunt, nullam de eo rationem esse habendam existimarunt. Vel si iidem (quod puto verius) ipsum

OEcuménicum esse sciverunt, approbatumque a Romano Pontifice, damnatum vero ab adversariis; tamen quod in eo mentirentur adversarii, definitum esse cultum latræ sacris Christi imaginibus tribuendum : verum id esse putantes, in contrarium nisi, calumniam non intelligentes (de qua fusius suo loco dicendum erit inferius, cum erit sermo de Francofordiensi Concilio) pro ipso Concilio causam agere se putarunt, si quomodocumque, impropriate verborum licet, latræ cultum in sacris Christi imaginibus tuerentur. Sieque ex ignorantie rerum gestarum diversitas ista loquendi accidisse cognoscitur.

44. Cæterum etsi ignoratio ista Nicænæ definitionis videatur reprehensibilis, tolerabilis est tamen, et in doctis viris etiam excusabilis, sicut in S. Augustino<sup>1</sup> (quam fassus est publice) ignorantia Nicæni prioris magni Concilii canonis toto orbe vulgati et usu recepti, ne in una Ecclesia duo ordinarentur episcopi. Non enim omnia possumus omnes simul scire, et multa prætereunt multos etiam multa scientes. Quamobrem, si (ut diximus) ea, quæ fuerunt in Nicæno Concilio statuta, et Apostolicæ Sedis auctoritate firmata, isti de quibus est sermo, novissent, atque certius intellexissent, non ex veritate, sed per calumniam proclamatum ab adversariis, definitum esse cultum latræ sacris imaginibus in Nicæno Concilio, atque scivissent ab ipso revera penitus fuisse contrarium decisum atque firmatum, nimirum nullam imaginem collendam esse cultu latræ : sane quidem (ut fuit ipsis semper Orthodoxis in more) nulla penitus contrarietate, sive diversitate verborum quovis prætextu veritatem Orthodoxæ fidei circumduxissent : sed eadem ipsissima verba atque sententiam sacri OEcuméniei Concilii defendissent, totidemque verbis redditæ et asserta firmassent.

Sed et quod non minoris auctoritatis et roboris ulla ex parte est OEcumenicum Concilium Nicænum posterius a priori Nicæno : sicut antiqui Patres illi millies mortem pati parati erant quam vocem illam, Consubstantialem, ab illo Concilio in Symbolo positam et definitam deserere, licet per æquipollentia verba idem dici posse ab adversariis proponeretur : ita et isti hujus posterioris Concilii Nicæni non solum sententiam, sed ipsa quoque verba mordicus tenuissent, constantius defendissent, atque firmius asseruissent, probe scientes non esse moris in Ecclesia adversus OEcumeniici Concilii decreta Romanorum Pontificum auctoritate firmata quantumvis doctos, quantumvis sanctos insurgere, et vel latum unguem ab eorum sententia verbisque recedere, sed quam constantissime ad apicem usque quæcumque in eis reperiuntur, scripta defendere, tantum abest, ut alios ab illis contrariis, vel diversis verbis veritatem Catholicam fidelibus servandam proponerent; quod si secus fecissent, magnam profecto suæ ipsorum existima-

<sup>1</sup> Joan. Damascen. de hæres. prope fin. — <sup>2</sup> 1. Joan. iv. 4. Tim. vi.

<sup>1</sup> Aug. de tradit. de sign. Epist. cx.

tioni infamiae notam inuississent, et hac ex parte an Catholicci essent, qui OEcumenicae Synodo aduersari tam libere viderentur, suspicionem in nonnullorum animos induxissent, vel saltem temeritatis nomine redarguendi fuissent. Sed ab his omnibus hos excusat ignoratio historicæ veritatis. At de his satis. Jam quæ sunt reliqua Nicæni Concilii videamus.

45. Ilis igitur in Synodo definitis accessit omnium episcoporum subscriptio, quam subsecutæ sunt publicæ ejusdem sanctæ Synodi acclamations, quæ sic se habuerunt, additis anathematismis:

« Sancta Synodus ita exclamavit : Omnes ita credimus : omnes idipsum sapimus : omnes consentientes subscrisimus.

« Ilæc est fides Apostolorum : Ilæc est fides Patrum : hæc fides Orthodoxorum : hæc fides ordinem terrarum stabilivit : credentes in unum Deum in Trinitate laudandum, honorabiles imagines oculumur. Qui sic non habent, anathema sint. Qui sic non sentiunt, procul ab Ecclesia pellantur.

« Nos antiquam legislationem Ecclesiae Catholicæ sequimur. Nos leges Patrum custodimus.

« Nos eos qui addunt vel admunt de Ecclesia, anathematizamus. Nos subinductam novitatem Christianos accusantium anathematizamus.

« Nos venerandas imagines recipimus. Nos eos, qui sic non se habent, anathematismis submitimus.

« Nos iis qui assumunt dicta, quæ a divina Scriptura contra idola proferuntur, in venerabiles imagines, dicimus anathema.

« His qui vocant sacras imagines idola, anathema.

« His qui dicunt, quia ut ad deos, Christiani ad imagines accesserunt, anathema.

« His qui communicant scienter iis, qui injuriā et contumeliam venerabilibus imaginibus inferunt, anathema.

« His qui dicunt, quia præter Christum alias exemit nos ab idolis, anathema.

46. « His qui audent dicere Catholicam Ecclesiam aliquando idola recepisse, anathema. Multos annos imperatoribus Constantino et Ireneæ matre ejus. Multos annos victorie imperatorum. Multos annos novo Constantino, et novæ Helenæ, æterna memoria : Dominus custodiat imperium eorum. Cælestis rex terrenos custodi. Omnibus haereticis, anathema. Frementi Concilio contra venerabiles imagines, anathema. Theodosio falsi nominis episcopo Ephesino, anathema. Sisimmo episcopo cognomento Pastillæ, anathema. Basilio, qui obscura pronuntiatione Tricacabuſ appellatus est, anathema. Trinitas horum trium dogmata deposituit. Anastasio, Constantino et Nicetæ, qui per successionem throno Constantinopolitano præsederunt, ac si novo Ario, Nestorio et Dioscoro, anathema. Sancta Trinitas horum trium dogmata deposituit. Joanni Nicomediae, Constantino Nacoliae haeresiarchis, anathema. Ad nihilum deduxerunt imaginem Domini

et sanctorum ejus : ad nihilum deduxit eos Dominus. Si quis haereseos Christianos accusat, vel in ea haeresi vitam suam transigentem defendit, anathema.

« Si quis Evangelicas narrationes titulis, picturis factas non admittit, anathema.

« Si quis non osculatur has tanquam nomine Domini et sanctorum ejus factas, anathema.

« Si quis omnem traditionem Ecclesiasticam sive scriptam, sive non scriptam irritam facit, anathema.

47. « Germani Orthodoxi æterna memoria, Joannis et Gregorii (Georgii) æterna memoria : prædicatorum veritatis æterna memoria. Trinitas hos tres glorificat : quorum disputationes sequi mereamur miserationibus, et gratia primi et magni Pontificis Christi Dei nostri, intercedente intemerata Domina nostra sancta Dei Genitrix, et omnibus sanctis ejus : fiat. Amen ». Hactenus acclamations. Porro hi tres, quibus acclamavit adeo fauste Synodus, ii sunt, quos potissimum Iconoclastæ in suo ipsorum conciliabulo diris devoverunt, et anathematismis atque maledictionibus sunt prosecuti, nempe sanctum Germanum episcopum Constantinopolitanum, Joannem Damascenum et Georgium in Cypro episcopum, de quibus superius dictum est. Præter fidei Catholicæ decretum, ab eadem sacrosancta Synodo canones sancili sunt viginti duo, quos in posteriori editione Conciliorum positos habes ex Hervetiana translatione. Porro eosdem canones a Gratiano in Decretorum volumen, sub diversis titulis relatios, invenies. Omitlimus hic omnes recitare prolixos satis.

Incipientes autem Patres ab episcoporum ordinatione, præceperunt non ordinandos episcopos, nisi promittant se canones servaluros, neque etiam assumendos, qui non eruditione et scientia sacra rum litterarum alique canonum essent instructi. Sed tertius canon itidem ad episcoporum electio nem spectans, solidem hic reddendus est verbis, plane dignus, qui regum omnium domus foribus inscribatur una cum titulo ipsi ita præfixo<sup>1</sup> :

48. « Quod non oporteat principes eligere episcopum.

« Omnis electio a principibus facta episcopi, aut presbyteri, aut diaconi irrita maneat, secundum regulam, quæ dicit : Si quis episcopus sæcularibus polestatibus usus, Ecclesiam per ipsos oblitus, deponatur, et segregentur omnes, qui illi communicant. Oportet enim, ut qui provehendus est in episcopum, ab episcopis eligatur, quemadmodum a sanctis Patribus, qui apud Nicæam convenierunt, in regula definitum est, quæ dicit : Episcopum convenit maxime quidem ab omnibus, qui sunt in provincia, episcopis ordinari. Si autem hoc difficile tuerit propter instantem necessitatem, aut propter itineris longitudinem : tribus tamen omnimodis convenientibus, et aliis per litteras consen-

<sup>1</sup> Dist. LXIII. omnis electio.

tientibus, tunc consecratio fiat : primatus tamen eorum, quae geruntur per suam quamque provinciam metropolitano tribuatur antistiti ». Hie canon. Quibus videas, penitus inhibitum esse principibus, Ecclesiis præficere sacerdotes. Habent tamen aliqui id ex Sedis Apostolice privilegio.

Sed et illud a sacrosanta Synodo statutum fuisse reperitur<sup>1</sup>, ad reparandas illatas (ut vidimus) per leonoclastas haereticos clades, cum episcopia et monasteria in usum profanum conversa sunt, ut in pristinum usum eadem restituerentur. Haec et alia, quae ob ingruentem persecutionem defectu culturæ spineta Dei Ecclesiam occuparant, falx Apostolice censuræ succidit. Et inter alia illud fuit, ut ab iisdem leonoclastis introductum in Ecclesiam vestitum pretiosum clericorum, eadem sancta Synodus emendaret, sanciens ista :

49. « Quoniam radice amaritudinis exorta, contaminatio facta est in Catholica Ecclesia Christianos calumniantium haeresis, etiam hi, qui hanc receperunt, non solum imaginarias picturas abominati sunt, sed etiam omnem reverentiam repulerunt, eos, qui religiose et pie vivunt, offendentes, ac per hoc completur in eis, quod scriptum est<sup>2</sup> : Abominatio est peccatori Dei cultus. Igitur si inventi fuerint deridentes eos, qui vilibus et religiosis vestibus amici sunt, per poenam corrigantur : priscis enim temporibus omnis sacratus vir cum mediocreri et vili ueste conversabatur. Omne quippe quod non propter necessitatem suam, sed propter venustatem accipitur, elationis habet calumniam : quemadmodum magnus ait Basilius. Sed neque ex sericis texturis vestem quis variatam induebat, neque apponebant variorum colorum ornamenta in summi latibus vestimentorum : audierant enim ex Deisena lingua<sup>3</sup>, quia qui mollibus vestiuntur, in domibus regum sunt ». Sic igitur insectata est sancta Synodus omnem superfluum vestimentorum ornatum, ab haereticis, explosa antiqua modestia, introductum. Haec et aliae fuere haereticorum a sanctis Patribus in hoc Concilio verrendæ quisquiliæ. Ex quo demum Synodales scriptæ sunt litteræ ad diversos.

Synodalis enim Epistola data est in primis ad ipsos imperatores, alia vero Encyclica ad omnes Ecclesias, tertia ad Hadriannum ipsum Romanum Pontificem, quam hic tibi ex Anastasi versione reddituri sumus; illud non prætermittentes significare, ab eodem Tarasio scriptam haberi aliam Epistolam eruditam satis atque prolixam ad eundem Hadriannum Pontificem de simoniaca haeresi propaganda, quæ ab Anastasio ad finem ejusdem septimæ Synodi posita legitur, necnon apud Theodorum Balsamionem in Appendix ad Nomocanonem Photii, de qua inferius, hic tibi eam reddam, quæ ab eodem Tarasio ex hac eadem Synodo scripta fuit, cum se habeat tanquam recapitulatio omnium rerum gestarum in Synodo, his verbis :

50. « Per euneta sanctissimo ac beatissimo fratri et communistro Hadriano papæ senioris Romæ Tarasius misericordia Dei episcopus Constantinopolis novæ Rome in Domino salutem.

« Sufficeret quidem salutaris dispensatio magni Dei et Salvatoris nostri Jesu Christi ad pacem, unanimitatem, et concordiam omnibus Christianis : ipse namque post ex mortuis resurrectionem Apostolis suis insufflans ait : Pacem meam do vobis, pacem meam relinquo vobis, cuius rei gratia contestans omnibus nobis ille, qui raptus in tertium cælum, et in paradisum ingressus audivit arcana verba, Paulus scilicet divinus Apostolus asseruit, dicens<sup>1</sup> : Christus est pax nostra, qui fecit ultraque unum, et medium parietem maceriaræ dissolvens inimicitiam in carne sua. Et rursum Thessalonicensibus præcipiens ait<sup>2</sup> : Itaque, fratres mei, state, et tenete traditiones, quas didicistis, sive per sermonem, sive per Epistolam nostram. Sed quoniam inimicus, qui ab initio nequam est diabolus, non dimisit per diversa tempora aedificatam supra fundamentum Apostolorum et Prophetarum Ecclesiam, secundum quod sibi visum est, discindere atque disrumpere, semet inferens per quosdam sequentes se viros malos, et zizania supersemicare in regione hac, que enita est a tulbis sancti Spiritus, Apostolis scilicet sanctis (ipsi enim virtute ex alto accepta, et hac divinae soleis operationis proscissa, escam aeternæ vitæ reliquerunt his, qui per ipsos crediderunt, carpendum) horum Deiloquam doctrinam sancti Patres nostri, qui hujus pastores et custodes per singula fuere tempora, suscipientes, zizania, id est, haereses et novitates addititias atque introductas radieatus exciderunt, et messem inundam arvo conservaverunt.

51. « Vestra ergo fraterna et summo Pontificio decorata sanctitas cum his per Deiloquas suas doctrinas quodammodo sermocinatur, et ab eis accepto veritatis verbo, spinoas herbas, quæ nunc germinaverunt, fidelissimorum et pacificorum imperatorum veritati concordans, evellere machæra spiritus festinavit, mittens secundum scriptam sibi petitionem nostram, ad universalem Synodum faciendam aequivoscos viros (Petros duos videlicet) principis Apostolorum Petri. Quibus advenientibus, pii et tranquillissimi imperatores nostri eos benignè suscipientes, ad nos jubebant mitti, per eos litteras vestras nobis suscientibus, et locuti cum illis, quæ conveniebant, advocavimus et eos, qui ab Oriente venerant sacerdotio decoratos Joannein et Thomam verbi et sapientiae participes, atque reverentia et modestia perornatos ; aderant enim hic et ipsi, per idem tempus pervenientes.

52. « Itaque congregatis omnibus amabilibus Deo episcopis huius dieceseos, per nutum et divinum zelum fidelissimorum et piorum imperatorum sessio Synodi facta est. Sed quidam ex insensatis sensibus moti, turbationemque inlra se facien-

<sup>1</sup> Ead. Syn. c. 42. — <sup>2</sup> Eccl. I. — <sup>3</sup> Matth. XI.

<sup>1</sup> Ephes. II. — <sup>2</sup> 2. Thes. II.

tes, exsurgere nos fecerunt e consessu, et prohibiti, anno uno taciti mansimus. At vero anno transacto, rursus Deo amabiles episcopi congregari in Nicenissimi clara metropoli Bithynensium provincie a piis imperatoribus nostris jussi sunt. Siquidem et nos comites adsciscentes Deo amabiles viros, et loci servatores vestros, similiter et eos, qui de Oriente venerunt, perrexisimus ad eandem metropolim. Qui cum omnes sedissemus, caput fecimus Christum : jacebat enim in sancta sede Evangelium sanctum, contestans omnibus nobis sacratis viris, qui conveneramus, judicium justum judicare : judicare inter sanctam Dei Ecclesiam, et novitatem, quae facta est.

« Et cum perlatæ primitus veslræ fraternalæ sanctitatis litteræ legerentur, præstolabantur omnes, spiritualibus eduliis, tanquam in regalibus coenis fruentes, quæ Christus per litteras tuas epulantibus præparabat : et sicut oculus totum corpus ad rectitudinis et veritatis semitas ostendebat : sic ergo dirupta membra in unum conveniebant ; sic vera consonantia confirmabatur ; sic Catholica Ecclesia unitatem recipiebat : cum quibus, et earum, quæ de Orientali dioecesi missæ sunt nobis litteræ, lectione facta, integra paternæ traditionis pulchritudo demonstrabatur, ac vis veritatis roborabatur, propositis videlicet pluribus testimoniosis Patrum.

53. « His itaque gestis, prædicabatur a nobis omnibus, qui beneplacito Dei congregati eramus, recta et irreprehensibilis confessio, quæ vobis missa est a nobis, per relationem etiam missam piis imperatoribus nostris : et omnes hæreticæ illius pravitatis hæresiarchæ, et qui eos sunt secuti et inconvertibiliter vitam suam finierunt, pari depositione damnati sunt cum his, qui ante Catholicae hæretici fuerunt Ecclesiæ. Qui enim in vita sua præsentes fuere, salutem suam per scriptos a se libellos confessi sunt. Et nequaquam dimisit Christus Deus noster, petra nimirum, in qua stabiliti sumus, desuper contextam per totum tunicam, id est, Ecclesiam suam, quæ ab ipso et per ipsum ædificata est, discussam et diruptam ; sed nec membra alias atque aliter sese moventia : quin potius una cum veteribus hæresibus etiam errorum vanæ pravitatis corum, qui Christianos accusantes contra venerabiles imagines rabide lalrant, verbo gratiae suæ destruxit, et gladio spiritus pupigit, et satisfacti sumus per omnia, et per experientium cognovimus, quia valet super omnia veritas, et vincit secundum non mentientem dicentis vocem<sup>1</sup> : Resistit autem ei multus universorum, et est robustissima, ita ut elevetur contra omnes inimicos, et eorum, qui resistunt sibi, legiones dissolvat. Ecce enim, ecce labia quidem falsa loquentium cessaverunt, et caligo procacium vituperationum quievit ; illuxit autem veritatis dogmatum speciositas, ubique abjecta est hæretica infamia, et Ecclesia ornamentum suum sortita est, et

acepit requiem ex opprimentibus se doloribus : immobilis enim est et inexpugnabilis ; adversus cuius fidem portæ inferi et infidelitatis prævalere non poterunt. Sicut ex Dominica voce audivimus<sup>2</sup> : Et repletum est gaudio os nostrum, et lingua nostra exultatione, et facti sumus lætantes in Ecclesia, cui præsidemus secundum voluntatem Dei. Haec itaque facta sunt, Christo, qui super omnia Deus noster est, volente per Orthodoxos et fortissimos imperatores nostros. Ipsi enim in omni loco venerabiles imagines erexerunt, tam scilicet in celeberrimis templis, quam in regalibus palatiis suis : quibus Dominus Deus vicissitudinem tribunal, exaltans cornu regni eorum tam ad pacem Ecclesiæ suarum, quam ad salutem omnium Christianorum. Et sit nomen ejus benedictum in sæculorum. Amen ». Hucusque sacrosanctæ Synodi Acta.

54. Porro ipsa dies, qua eadem Synodus est feliciter absoluta, relata fuit a Patribus in tabulas Ecclesiasticas, anniversaria memoria celebranda, qua Deo gratiæ agerentur de profligata hæresi, et servata veteri Ecclesiæ in cultu sanctorum imaginum observantia. In Græcorum enim Menologio, jussu Basilii imperatoris restituto, ista leguntur scriptis mandata : Die duodecima mensis Octobris.

« Sanctæ septimæ Synodi trecentorum sexaginta septem Patrum commemorationis. Sancta septima generalis Synodus Nicææ secundo conflata fuit sub Constantini et Irene ipsius genitricis imperio, cum esset Constantinopolis patriarcha Tarasius sanctissimus Deifer pater noster. Sancti namque Patres numero trecenti sexaginta septem adversus imaginum impugnatores convenerunt principis jussu ; et in scriptis omnem excommunicaverunt hæresim, et hærescon principes, et omnes Iconomachos, cunctis eadem voce dicentibus : Sanctas non adorans imagines, est ab Orthodoxorum alienus fide. Et imaginis honor (sicul Magnus inquit Basilius) ad primitivum refertur. Qui namque colit imaginem et veneratur, in ea veneratur picti substantiam, et adorat. Et cum ita statuerint, et in scriptis Orthodoxam firmassent fidem, ab imperatore honorati, ad suum quisque missus est episcopatum ». Hucusque de septima Synodo sacrum elogium in cunctis Ecclesiis, dicta die, apud eos, annis singulis sacro præconio decantandum.

55. *Patres veniunt Constantinopolim.* — De his autem, quæ absolutam sanctam Synodum sint consecuta, Ignatius in Tarasio ista habet<sup>2</sup> : « Tandem cum Tarasius et pius, qui cum eo collectus cœtus Patrum venerandum litterarum decretum tutis monumentis mandassent ; et ut id salvum et integrum maneret, precati essent, ut et Patres, qui primam adversus furiosum Arium victoriam erant consecuti, adjutores haberent, et eorum, quæ decreta fuerant, custodem Deum invocassent ; et vanæ

<sup>1</sup> Job. ix.

<sup>2</sup> Psal. cxxv. — <sup>2</sup> Apud Sur. die xxv. Febr. tom. II.

inanisque hujus sententiae auctores, et omnis haeresis inventores ab atrio Ecclesiastico per anathema separassent: in urbem regiam delata sunt ab istis Orthodoxa dogmata. Quos summa benevolentia exceperunt imperatores. Erecta itaque cathedra ipsorum imperatorum, et totius a Deo electae Synodi in jam dictae Magnaurae insigni aede, et novo decreto recitato, cum aures imperatorias divinus implesset Spiritus (audiebant enim eos in unum convenisse concentum auxilio ejus, qui omnia continebat, et in unam consensisse sententiam) iidem admirati sunt accusationem; et esse doctrinam divinæ inspirationis, quæ ab eis decreta fuerant, sapienter judicantes, penna et manu imperatoria ea optime comprobant et confirmant: et non libibus donis Synodum prosecuti, uniuersumque mittunt in suam civitatem, et ad greges rationis participes.

56. « Tarasius autem et Apostolicarum Sedium mystæ eximii, cum ad sacrosanctæ Ecclesie venissent præfecturas, et divinis doctrinis populum instruxissent ac roborassent, iis, qui in clerum cooptati fuerant aut episcopatum tenebant, nullum ante Synodum, aut in Synodo, aut post Synodum crimen intendunt de priori mala opinione, neque eos, qui ordinati fuerant ab haereticis, a pascuis segregant Ecclesiasticis; sed Synodalem et paternam sequentes dispensationem, eos quidem, qui ad piam transfugerant sententiam, manibus suis complexi sunt tanquam fratres et collegas in munere pontificatus: eos vero, qui in re aliqua claudicaverant, et in his, quæ ad fidem perlinent, perversis adspicerant oculis, et deinde a lapsu resipuerant, et libellis comprehendendam abrogarant opinionem, iisdem amplectentes visceribus, collocabant in suis sedibus, et in pacifico statu et tranquillitate nullis agitatam fluctibus conservaverunt Ecclesiam orbis terræ.

« Et in iis quidem quæ ad gloriosam fidem pertinent, sic magnus Tarasius affectus ad eam reepte et aperte explicandam, et ad eos, qui vacillabant et utrisque pedibus claudicabant, ut recto pede incederent persuadendos, magnum suscepit certamen et immensum laborem: quotidie quidem eos, qui recedebant, honestis monitis inducens, et si quos videbat corde perversos, eos dirigebat verborum congressionibus, eosque legibus colligans veritatis, adducebat Ecclesiae sacras hostias, etc. » Haec Ignatius hujus temporis historicus. Eadem quoque de adventu Patrum Constantinopolim, et subscriptione imperatorum Theophanes habet.

57. Sic igitur hoc anno accepit finem Nicænum Concilium, ab eoque restitutus est vetus et ab Ecclesia receptus sacrarum imaginum usus, confirmataque pristina Ecclesiae traditio; simulque sacrarum reliquiarum sanctorum cultus: que omnia improba haeresis improbarat, penitusque perdidera. Recepit Ecclesia nitorem suum hactenus murorum dealbatione lugubris, atque impuro can-

dore funesta. Imperatoribus igitur in primis (ut ex litteris vidisti Tarasii) erigentibus tum in Ecclesiis, tum in palatio sacras imagines; id ipsum ardenteribus animis ubique locorum Orientalis Ecclesiæ præstitere fideles, gratulantibus iisdem cunctis, qui in Occidente erant tunc Christianis, paucis exceptis, qui in Gallia respuebant cultum sanctorum imaginum ex schola Sereni Massiliensis episcopi, priui (quod sciatur) in Galliis Iconoclastæ effractoris sacrarum imaginum, quem (ut diximus) sanctus Gregorius monuit. Hi ipsi postea in Concilio Francofordiensi sua scripta, quibus eamdem sanctam Nicaenam Synodum suggillabant, Carolo Magno obtulerunt, qui eadem simul collecta, velut in fascem unum, quæ quisque scripserat perstringens, misit ad Hadrianum Romanum Pontificem, qui eadem singula confutavit.

Sed et a Græcis et quidem haud medioeris sanctitatis viris passa est eadem Synodus Nicæna objectionem, ea ex parte scilicet, quod lapsos episcopos poenitentes receperisset in Ecclesiam absque dispenso dignitatis: nam in episcopatu jussi sunt permanere. Fuit ex eis unus, objiciens ista Theodorus Studita. At de his dicendum inferius suo loco. Sed quæ acciderunt Constantinopoli post celebratum Nicænum Concilium, Tarasii opera videamus.

58. *Quid Theodorus Studita scripserit de Tarasio tum circa lapsorum restitutionem, tum circa Simoniacos.* — Audisti superius ex Ignatio res gestas Tarasii prosequente, ipsum post Synodum totum fuisse in recipiens lapsis, et in pristinum gradum restituendis: quod quidem magnam ipsi invidiam peperit. Etenim sanctissimi qui videbantur monachi, adversus eum insurrexere, et qui inter illos eminebat Saba. De his autem Theodorus Studita in Epistola ad Arsenium ista scribit<sup>1</sup>: « De Simoniacis autem tum quidem in Nicaeno Concilio prætermissum est, quia de eo capite post Synodum querendum erat. Postquam vero quæsitum fuit..... primum annuæ poenitentiae, aut aliquanto amplius præfixo spatio, o facinus audax! cum monachis quibusdam, quorum nominibus parco, data est ab eo (Tarasio scilicet) relaxatæ perpetuae depositionis, ita ut Dei sacerdotes iterum forent, quos Deus per Apostolorum principem Petrum deposuerat. Deinde cum Saba in ea re non assentiretur, sed illi plane adversaretur, quid facit? malum recto corrigit. Negat se poenitentiam dedisse, neque eos admittere, qui per pecuniam ordinassent, ordinative essent. Convincitur ab ejus temporis Augusta, a qua inductus fuerat, ut iniquam poenitentiam daret. Adebat dies Theophaniorum Christi. Adveniunt illo die, quibus imposta pœna fuerat, et ea jam perfecta, se absolvit petunt. Abnebat ille, Augusta urgebat, ut admitterentur. Rectum iterum malo destruit patriarcha. Cum illis eo ipso festo palam sacrificat, non invitus sane, sed sponte. Quandoquidem cum posset cum depositis non sacrificare,

<sup>1</sup> Theod. Stud. l. 1. Ep. xxxviii. ex Cod. Columnen. Biblioth.

sacrificavit, quoquo modo quis dicat, cum non potuisse. Hinc illa Sabæ cum eo contentio. Hinc emersit amplior, quam divini canones ferant, absolutio. At Roma haec minime probavit, absit ». Haec Theodorus occasione dissectionis Sabæ et aliorum a communione Tarasii. Sed et alibi idem Theodorus testatur, statim post Synodum ab aliquibus factam esse dissectionem hujusmodi a Tarasio, quod dicerent pecuniariam ab eo factam ordinationem, quod non fuisse verum, idem tradit, licet dicat in suspicionem de ea re fuisse adductum. Sed audiamus, quæ de eo idem Theodorus scribat, qui ab ejus communione nequaquam eum aliis recessil. Ait enim in Epistola ad<sup>1</sup> Stephanum leorem :

59. « Omnem quæstionem ad Tarasium olim patriarcham pertinere conjecti. Ego autem hac de re jam dudum non sine cura fui, multa mecum animo versans, et rerum eventus considerans. Et quidem eos, qui pro recto decertarunt, et diu gravia perpessi sunt, in honore habeo, et amplector, non tamen usquequaque, ut mox dicam, et consentientes eos habere cupio. Quidni enim, qui tam fortes pro pietate se præbuerunt? sed tamen cum veritatis verbo, et quatenus rite possint, et expedil. Ut ergo ad rem veniam: Quidnam fuit, quod disseunire nos fecit a Tarasio? fides? At qui palam quidem Orthodoxus erat, saeras Synodos sequebatur, et cum aliis patriarchis consentiebat, et maximum antea pro fide certamen sustinuerat. Eorumne causa qui ab heresi reciderant susceptio? At non ab illo haec primum inventa, cum a sanctis Patribus triplici modo suscepti fuerint, vel repetito baptismo, ut Pepuziani, vel per unctionem, ut Ariani, vel per proprie opinionis detestationem, ut Nestoriani. An ordinatio per pecunias, quæ in depositionem necessario incurrit? Nec id prorsus verum est. Tum etenim pastores in lupos rapaces conversi, altaria effossa, divinae reliquiae dedecore affectæ, sacri libri exusti. Quid amplius? ipsa Christi imago cum aliis sanctissimis contumeliose tractata et conculcata. Et quis brevi complecti queat, quæ longam narrationem requirunt? Quid autem? Quod sequens patriarcha ex sæculari ad episcopalem dignitatem repente provectus, pro spiru quantum satis erat, decertare non potuit? Hinc scandala, hinc illa, quæ nunc conturbant, originem duxerunt. Vos itaque quemadmodum erga illum vos habeatis, nostis. Nos vero quoniam sigillatum eos, qui pecunia ordinati fuerant, audiencemus non admitti ad communionem (quoniamvis non ita existimabatur) operæ pretium duximus, pacis studio cum eo concordiam retinere. Ad hanc siquidem quoad licet, tlectendum est, ut ait Theofodus. Et ubi quod offendit, suspicio est, melius est assentiri, quam pertinacem esse. Nec vero ipsi vos de conscientia vestra deducimus. Nec vos rursum id exigite, ut nos de non manifestata nobis

cognitione; quandoquidem et persona, et tempus, et experientia conciliare solebamus, qui de iisdem rebus non eadem sentiunt ». Et post alia: « Zeilotæ, qui tum erant, et exacti, et Tarasio se coniunxerant, et cum eo consentiebant, et subito post Synodum dissectionem fecerunt ob susceptam (ut ipsis visum est) pecuniariam ordinationem, et alias quasdam quætiones, etc. » Al vero perseverasse Tarasii cum Romana Ecclesia communionem, idem ad finem testatur his verbis: « Manifestum est cum Romanorum antislite Tarasii temporibus sacrificasse apocriarios hinc missos, et illius fortasse cum Orientalibus, etc. »

60. Quod igitur in suspicionem simoniæ pravitatis ab adversariis inductus esset Tarasius, ad hanc abolendam ea usus es arti, ut ad hujusmodi crimen radicatus ab Orientali Ecclesia convetendum viribus totis insurget. Nam audi Ignatium monachum, quæ in ejus Vita conscribat de rebus ab eo gestis post Nicænum Concilium: « Primum quidem simoniæ erumenæ scindens vinculum, quo Spiritus sancti donum venale prononit, statuit ut sacerdotum gratis fierent creationes et ordinationes, ex atrio Ecclesiastico omnem pecuniariam expellens consuetudinem, et quidquid erat asperum ejiciens, rectas facil semitas fidei ».

At reperitur (quod mirandum est, si verum esse monstrari potest) ejusdem Tarasii Epistola<sup>1</sup> ad Hadrianum papam adversus simoniacam pravitatem, arguens eundem Hadrianum, quod ea sit labe pollutus. Certe quidem usquam apud quemlibet scriptorem aliquid hujusmodi de Hadriano dictum invenire quis poterit, ut mirum admodum videri possit, ut qui a suis ejus erroris argueretur, ipse in Romanum Pontificem tale crimen impingat, eumque corrigat acerbe nimis. Certe quidem, qui eam primus edidit, Theodorus Balsamo Romanæ Ecclesiæ acerbissimus hostis in suspicionem adducitur imposturæ, ut pole schismate scissus homo nihil magis scribendo laboret, quam ut Ecclesiæ Romanæ notam inurat, eamdemque contemptibilem reddat. Sed reddamus hic ejus Epistolæ, Tarasii nomine scriptæ, saltem exordium, de his quæ ad ipsum Hadrianum Romanum Pontificem spectant. Sic enim se habent:

61. « Sanctissimo ac beatissimo fratri et comministro domino Hadriano papæ veteris Romæ Tarasius indignus episcopus salutem in Domino.

« Multipliciter, multisque modis, Evangelice, Apostolice, et paterne docemus, ut mores ab avaritia alienos in sacerdotii consecratione habeamus; et neque deauremur, vel deargentemur, vel nobis aliquid vindicemus in cujusquam sacerdotalis viri ordinatione, ut demonstrabimus in sententiis hic subjectis ex divinis Scripturis et Paternis doctrinis. Qui enim manus imponunt, sunt ministri spiritus,

<sup>1</sup> Theod. Ep. LIII. l. 1. cod. Cod. Column. Biblioth.

<sup>1</sup> Extat apud Theod. Bals. in Appen. ad Nomoc. et Juris Graecor. l. III. sentent. Synod.

non spiritus venditores. Et qui spiritus gratiam gratis accepere, eam quoque gratis dare iis, qui illam participant, jussi sunt, a Domini voce hac libertate accepta. Si quis autem eam auro emisse convictus fuerit : divina ei actione interdictum esse jubent. Etsi enim nomine sacerdotium sortitus est, re tamen ipsa falsa esse ejus oratio convincitur. Nemo enim potest Deo et Mammonae servire, ut ex Evangelio didicimus. Et quoniam audivimus Deum prophetice loquentem : Sacerdotes, loquimini ad eorū Hierusalem. Et rursum minitantem et dicentem : Speculator si gladium exēuntē viderit, et id tuba non significaverit, et veniens gladius animam ex iis abstulerit : sanguinem ex speculatoris manu requiram ; eo quod propter metum non denuntiarit, vel non condemnarit. Omnibus nostrarum Ecclesiārum præsulibus, ut libere juxta divinum Apostolum loquamur : mundi sumus a sanguine eorum, qui transgrediuntur canonicas constitutiones, et multo magis eorum, qui pecuniis ordinaverunt, vel ordinati sunt (ut cum divino Apostolo loquamur) mundi sumus a sanguine eorum.

62. « Cum divinus Petrus Apostolus, cuius cathedram sortita est fraternitas vestra, ut Simōnem Magum eos deposuerit : eam ob causam veritatem annuntiare non veremur, servantes et retinentes ea, quae a sanctis Apostolis et inclytis Patribus nostris canonice tradita sunt, et si quid eorum ab aliquibus est præteritum, aversamur. Fraternitas ergo vestra et sacerdotalis sanctitas, quae non jure, nec ex Dei voluntate Pontificale munus administrat, magna laborat infamia. Dicit enim per Prophetam magnus et prius Pontifex Christus Deus noster : Vivo ego. Sed eos, qui me glorificant, glorificabo. Scis enim, o homo, Maeđouii et eorum, qui circa illum erant sancti Spiritus hostium, tolerabiliorem esse heresim cupiditatibus spiritus. Cum enim illi sanctum Spiritum Dei et Patris creaturam et servum nugentur : hi ipsum, ut videtur, servum suum faciunt. Omnis enim dominus id, quod habet, si vult, vendit, etc. » Pluribus detestans Simoniacam labem, recitat canones veteres et diversorum Patrum sententias, in ejusmodi detestationem erroris.

Ad postremum vero ipsum Hadriani Romanum Pontificem compellare auctor videri voluit his verbis : « Sic nos quoque doce, vir Dei sanctissime, et Scripturæ, et Evangeliorum, et Apostolorum, et canonum, et Patrum præcepta sequi. Verbis enim oris vestri paremus. In altum montem concende, exalta in fortitudine vocem tuam : ambula in dilatationibus, prædicta cum libertate, ut tollatur et ad interitum ducatur, quae pecuniis facta est per manum impositionem ordinatio, et quicquid eam propter avaritiam, injustitiam et mercaturam turpis lueri gratia consequitur. Ea enim cum iis, quae in eodem sunt ordine, ex peculiari populo, qui Christi nomine est appellatus, et redemptionem gratis est assecutus, sublata, omnia

vitiis inquinamenta, quae consequuntur, funditus excisa sunt; et sacerdotes ut palma florebunt, Christi bonum odorem iis qui servantur inspirantes, et Ecclesiæ episcopos canentes<sup>1</sup> : Abstulit Deus a te iniurias tuas, etc. » Sic igitur Tarasius (si velimus rem serio actam et non Tarasii nomine fictam) contra concitatum in se de simonia suspicionem laborans, adversus eam stylum exerens quomodocumque, et adversus quemcumque pugnasse videri voluit. Sed de Tarasio haec tenuis. Dicendum modo de Theodoro Studita in his, quæ spectant ad Nicenum Concilium.

63. Laboravit et ipse Theodorus alia suspicione, quod Nicenam hanc Synodum non OEcumenicam, sed localem dixisset in Epistola<sup>2</sup> ad Arsenium. Certe quidem cum eam Epistolam legi, in eam existimationem adductus sum, ut existimarem non esse ipsius Theodori, utpote indignam, quae vel cuilibet homini Catholico adseribatur, in qua tot adeo aperta mendacia proferuntur; nempe non fuisse eam OEcumenicam non missos Roma ad eam legatos Apostolicæ Sedis, quod papa non receperisset eam ut OEcumenicam, sed ut localem, quodque qui ipsi subscripserant apocrisiarii Romane Ecclesiæ, cum Romani reversi sunt, ea de causa fuissent ab Hadriano depositi : quod denique non interfuerint aliæ legationes a patriarchis missæ : haec, inquam, cum (quod dictum est) adeo sint Theodoro indigna, et quotlibet Orthodoxo, ex iis, que idem Theodorus scribit, seipsum defensens in Epistola ad Petrum Nicenum episcopum, sunt refutanda. Sic enim ait<sup>3</sup> : « Objectiones et eriminationes deducemus, quas contra nos, nescio unde, pacis opifices concinnarunt. Schismaticos nos depinxerunt, a divini Pontificis nostri consortio aversos, Idionimos appellarent, id est, privati juris auctores, in eorum pœnis, qui hæreticæ communioni adhaeserunt, aliaque multa, quae Epistola includere molestius foret. Verum ad singula, ut diximus, apposite precibus tuis respondentibus, cum sacro Pontifice communicare nos ostendimus, qui et summa humanitate nos exceptit, et amanter tractavit, et dimisit, nullo verbo de his, quae per dolum conficta fuerunt, interjecto. Quin etiam cum mentio fieret de domino et beato Tarasio (nam et ab eo dixerant, Patrum seilicet amatores, nos descivisse, et secundam in Nicæa sanctam Synodum localem appellare) probavimus nos, et illum in sanctis Patribus habere, et Synodum verbis scriptisque OEcumenicam confiteri ». Haec ipse; et sane quidem multis in locis suarum Epistolarum eamdem Nicenam seenindam, OEcumenicam septimam appellat, et probat. Sed de his satis ad Theodori excusationem atque defensionem.

64. *Carolus Magnus Romanum, deinde Beneventum adit contra Trichim, cui mortuo succedit filius Grimoaldus.* — Jam vero, sero licet, res Occiden-

<sup>1</sup> Isa. LX. — <sup>2</sup> Theod. Ep. XXXVIII. — <sup>3</sup> Ibid. Ep. CXXVII.

tales invisamus : « Hoc namque anno (ut habent Annales Francorum, et qui eosdem colligit Regino) Carolus Magnus Romanum venit, et a Pontifice Hadriano suscepitus, ibi aliquot dies moratus est; quod cum audisset Heregisius (Arichisius) dux Beneventanorum, timore perterritus, misit Romaldum (Romualdum) filium suum cum magnis munieribus ad regem, postulans pacem, et promittens se omnem voluntatem ejus facturum: sed his suasionibus minime Apostolicus credidit (quod peculiare esse principum Longobardorum fidem frangere st̄pe fuisse expertus) sed magis exhortatus est regem, ut Beneventi fines intraret: quod et fecit. Et cum Capuam venisset, Heregisius reliquit Beneventum, et Salernum secessit, ibique se munit. Et exinde misit filium suum Grimaldum (nam Romaldum rex secum retinebat) cum magnis munieribus, offerens obsides, et promittens omnem fidelitatem, tantum ab impugnatione cessaret. Tunc rex cum consulto fidelium et sacerdotum, ne penitus episcopatus et monasteria devastarentur, elegit duodecim obsides, praeter filium supradicti ducis Grimaldum, et accepit munera, et jura verunt omnes Beneventani; et reversus est Romanum, ibique celebravit Pascha eum præsule Sedis Apostolice ». Haec Regino. Eadem reliqui omnes res Francorum prosecuti.

63. Qui post Paulum diaconum proseculus est res Longobardorum Herempertus vir illustris (ita enim inscribitur) plura his addit, quæ intercesserunt inter Carolum Magnum et episcopos Beneventanum atque Salernitanum, et alias ab Arichisio duece legatos missos, quæ cum non in omnibus nobis probentur, quod et fabulosa multa commisceantur, libentius præterimus, reddituri tantum Pauli diaconi, quod recitat Epitaphium sepulcro ducis Arichisii affixum: quem hoc anno, mense Augusti, esse defunctum, idem auctor docet. Sic enim se habet in mendoso scripto Codice :

Lugentum lacrymis popularum roseida tellus  
Principis haec magui nobile corpus habet.  
Hie namque in cunctis recubans celeberrimus heros  
Præpolloas Arichis, o deus, atque dolor!  
Tullius ore potens, cuius vix pangere landes  
Ut dignum est possit, vel tua lingua Maro:  
Stipe duenun regumque satus transcenderat ipse  
Nobilior gentis culmina celsa sua.  
Formosus, val dus, suavis, moderatus, et acer,  
Faenundus, sapiens, luxque, decorque fuit.  
Quo! Logos effinxit, moderansque quod Ethica pandit (pangit),  
Omnia condiderat mitis in arce sua.  
Strenuus eloqui divini eritor, et index,  
Pervigil in lacryms tempora noctis agens.  
Antebat juvenes venatu, viribus, armis:  
Flaminibusque ipsis flanina sancta dabat.  
Ter buis lustris patriæ sic rexit habenas,  
Fluctibus ut luctrem navita doctus agit.  
Soliciteque gratiam pacis servavit amator,  
(Solicitus gratiam pacem servavit amator),  
Consilio cantus, providus atque sagax.  
Cum natis proprium nil ducens tradere censem,  
Insuper et patre promptus amore mori.  
Sic nostrum solamen erat, solamen egentum:  
Hos satagens verbis, hos relevare manu.  
Oraisti patriam doctrinas, moëbus altis;  
Hinc in perpetuum laus tua semper erit.

Turris, quiesque (tu requiesque) tuis, portusque, salusque fuisti,  
Gloria, delicia, tu generalis amor.  
Heu mibi quam subito perierunt omnia tecum,  
Gandia, prosperitas, paxque, quiesque simul!  
Planctus ubique sonat: te luget sexus et ietas:  
Omnis et aute omnes tu, Benevente, doles;  
Nee minus excelsis nuper circumdate muris  
Structorem orbe tuum elare Salerne gemis.  
Appulus et Calaber, Bulgar, Campanis et Afer,  
Quosque Silar potat, Romuleusque Tyber.  
Jan felix olim, nunc namque miserrima conjux,  
Regali in thalamo, quam tibi juxxit amor:  
Ehen perpetuo pectus transfixa mucrone,  
Languida membra trahens, te moribunda dolet.  
Viderat umis heu nuper funera natū,  
Ast alium extorrem, Gallia dura, tenes.  
Huius genuina nata vernanti flore supersunt,  
Solamenque malū, sollicitusque timor.  
Has eernens, reddi vultus sibi credit amatos:  
His trepidi fit, et fluctuabunda pavet.  
Solutar tantos spes hæc utcumque dolores,  
Quod te pro meritis nunc paradisus habet.  
O Regina potens Virgo, Genitrixque Creatrix  
Prosit ei hic (huius) sacro membra dedisse lari.

Hucusque Pauli diaconi Epitaphium, cui hæc, quæ sequuntur, inhærent. « Vixit autem quinquaginta tres annos, obiit septimo kal. Septembbris, anno ab Incarnatione Domini septingentesimo octogesimo septimo, et ex domina Adelperga principissa filios Romoald et Grimoald, Egisium, Theoraldam, et Adeleisam suscepit ». Hactenus ibi.

66. Post mortem vero Arichisii dimissum fuisse Grimoaldum filium obsidem a Carolo Magno, Leo Ostiensis testatur his verbis<sup>1</sup>: « Sequenti etiam tempore Grimoaldus filius ejus, quem Carolo obsidem datum præmisisimus, cum post mortem patris Beneventum, permittente rege, reversus, et princeps esset effectus: per præceptum donationis concessit S. Benedicto universa dominicadæ sua cum servis et ancillis in eodem territorio Gentianæ, etc.» Hæc Leo. Herempertus in Historia Longobardorum de obitu Arichis et concessione Caroli, ut Romoaldus loco ipsius in ducatum succederet, dum agit, hæc inter alia habet: « Ipse rex Carolus e suis fidelibus duos præclarissimos cum ipso Romoaldo misit, Antharim videlicet et Paulipertum, ut quemadmodum suæ dignitati, sic per omnia illi fidem servarent ». Et paulo post: « Dum simul (ut diximus) caperent iter, pervenerunt in Beneventanos fines, non procul a Capuana urbe. Sed antequam Vulturum fluvium transmearent, immensa Longobardorum plebs in occursum ejus venit, atque cum gaudio est ab eis exceptus: qui cum catervâl Beneventum properassent fere milliarium viinti, ab urbe exierunt cum hymnis et canticis, Deo gratias agentes, idipsum concincentes: Veni, pastor nosler, et post Deum salus nostra. Dum urbem fuisse ingressus, statim Dei Genitricis Ecclesiam adiit, et in faciem se in pavimento prostravit, et veniam ab ipsa Dei Genitrice efflagitavit, etc. » Hactenus de adventu Romoaldi ducis Beneventani.

67. *Carolus, Cassino monte viso, Romanum re-*

<sup>1</sup> Leo Ostiens. l. 1. c. 16.

*dit : contentio de cantu Ecclesiastico.* — Sed quæ de Paulo diacono post mortem Aichis<sup>1</sup> scribat Leo, andiamus : « Defuncto autem (inquit) Aichisi, mox ad hoc Cassinense monasterium Paulus diaconus (ut supra retulimus) properavit : pluresque postea vixit annos. Rogatus quoque ab abbatे et fratribus, expositionem regulæ S. Benedicti perutilē edidit, ubi multa de veteri monasterii hujus consuetudine necessario ingerit ». Hæc ipse, qui et de Carolo Magno ista habet<sup>2</sup> :

« At vero idem rex Carolus ubi victoria potitus a Benevento rediit, orationis causa Cassinum tefendit ad corpus sancti patris Benedicti, seque fratrum omnium Deoservientium orationibus commendavit. Ab hoc primum rege memoratus abbas Theodomarius præceptum confirmationis de tota hac terra suscepit : alio item præcepto rex ipse monasteria S. Mariæ in Cingla, et S. Mariæ in Plumbariola, et sanctæ Sophiæ intra Beneventum S. Benedicto sua quoque auctoritate firmavit una cum cæteris, quæ tunc temporis habere videbatur, universis quoque aquis cum ultriusque partis ripis, ubicumque fuissent terris hujus monasterii junctæ. Ad hunc abbatem idem Carolus per Aldigarium episcopum de Francia litteras misit, rogans, ut aliquot sibi de monasterio beati Benedicti dirigeret fratres, qui regularem disciplinam in illis partibus extinctam renovarent : quod et fecit, multens illi etiam regulam et hymnos, qui tunc ex traditione regulæ in hoc monasterio canebantur : pondus quoque librae panis et mensuram vini, sed et calicis mensuram, quam in mixto servitores accipere deberent, et omnem consuetudinem, quæ tune in hoc loco servabatur, scriptam transmisit ». Hæc ipse Leo, qui et adhuc ista addit :

68. « His temporibus vir quidam de gente Anglorum mutus et surdus cum quibusdam gentis suæ sociis ad limina Apostolorum venit. Inde cum socios ad memoriam beati Michaelis Archangeli, quæ in monte Gargano sita est, properare consiperet, una cum eis iter arripiens, ad hoc monasterium venit. Cumque oratorium ingressi, ante corpus sanctissimi Benedicti oraturi se pariter prostravissent, cum cæteri post modicum surgerent, eundem quoque, ut surgeret, pulsare coperunt : verum ille cœlesti visitatione compunetus gemitis cordis, mentisque clamoribus, prout poterat, oratione producta, sancti patris Benedicti auxilium pectore pleno fiducie postulabat. Cum ecce post unam ferme horam de loco se, in quo prostratus fuerat, erigens (Benedictus et mirabilis Deus) recepto auditu, pariter et loquefa, non solum in lingua patria, hoc est, Anglicâ, verum et Romana cœpit absolutissime loqui ». Hactenus de his Leo. Sed ad Carolum, Romam redeuntem ad Hadrianum Pontificem, veniamus.

In veteri Chromeo Caroli regis Francorum, quod Pithœus edidit, ista Romæ tunc gesta legun-

tur : « Reversus est rex piissimus Carolus, et celebravit Romæ Pascha cum domino Apostolico. Ecce orta est contentio per dies festos Paschæ inter cantores Romanorum et Gallorum. Dicebant se Galli melius cantare, et pulchrius, quam Romani. Dicebant se Romani doctissime cantilenas Ecclesiasticas proferre, sicut docti fuerant a S. Gregorio papa ; Gallos corrupte cantare, et cantilenam sanam destruendo dilacerare. Quæ contentio ante dominum regem Carolum pervenit. Galli vero propter securitatem domini regis Caroli valde exprobrabant cantoribus Romanis. Romani vero propter auctoritatem magnæ doctrine, eos stultos, rusticos et indoctos, velut bruta animalia affirmabant, et doctrinam S. Gregorii præferebant rusticitatè eorum. Et cum altercatio de neutra parte finiret : ait dominus piissimus rex Carolus ad suos cantores : Dicite palam quis purior est, et quis melior, ant fons vivus, aut rivuli ejus longe decurrentes ? Responderunt omnes una voce fontem, velut caput et originem, puriorum esse ; rivulos autem quanto longius a fonte recesserint, tanlo turbulentos, et sordidos, ac immunditiis corruptos : et ait dominus rex Carolus : Revertimini vos ad fontem S. Gregorii, quia manifeste corruptis cantilenam Ecclesiasticam.

69. « Mox igitur petiit dominus rex Carolus ab Hadriano papa cantores, qui Franciam corrigerent cantu : ille dedit ei Theodorum et Benedictum, Romanæ Ecclesie doctissimos cantores, qui a S. Gregorio eruditii fuerant, tribuitque Antiphonarios S. Gregorii, quos ipse notaverat nota Romana. Dominus vero rex Carolus revertens in Franciam, misit unum cantorem in Metis civitate, præcipiens de omnibus civitatibus Franciæ magistros scholæ, Antiphonarios eis ad corrigendum tradere, et ab eis discere cantare. Correcti sunt ergo Antiphonaci Francorum, quos unusquisque pro arbitrio suo vitiaverat, addens vel minuens, et omnes Franciæ cantores didicernit notam Romanam, quam nunc vocant notam Franciscam, excepto quod tremulas, vel vinnulas, sive collisibiles, vel secabiles voces in cantu non poterant perfecte exprimere Franci naturali voce barbarica, frangentes in gutture voces, quam potius exprimentes. Majus autem magisterium cantandi in Metis civitate remansit. Quantumque magisterium Romanum superat Metense in arte cantilenæ, tanto superat Metensis cantilena cæteras scholas Gallorum. Similiter erudierunt Romani cantores supradicti cantores Francorum in arte organandi. Et dominus rex Carolus iterum a Roma artis grammaticæ et computatorie magistros secum adduxit in Franciam, et ubique studium litterarum expandere jussit. Ante ipsum enim dominum regem Carolum in Gallia nulli studium fuerat liberalium artium ». Hæc de his ibi. Porro de cantico Romano recitando in Galliis est constitutio ipsius Caroli Magni his verbis<sup>3</sup> : « Monachi ut cantum

<sup>1</sup> Leo Ostiens. l. 1. c. 17. — <sup>2</sup> Ibid. c. 14.

Capit. Franc. l. 1. c. 80.

Romanum pleniter et ordinabiliter per nocturnale vel gradale officium peragant, secundum quod beatæ memoriae genitor noster Pipinus rex decretavit, ut fieret, quando Gallicanum cantum tulit, ob unanimitatem Apostolicæ Sedis et sanctæ Dei Ecclesiæ pacificam concordiam ». Hæc ipse.

70. Porro hæc, quæ spectant ad ipsum canendi ritum, certum est eum curatum esse per Hadrianum papam, poscente Carolo Magno, missis cantoribus in Galliam, etsi sub Pipino Caroli Magni patre a Stephano papa id factum, auctore Walfrido<sup>1</sup> Strabone diximus. Insuper certum est testificatione Amalarii Fortunati, qui temporibus Ludovici imperatoris filii Caroli Magni vixit, ab ipso Hadriano Romano Pontifice scriptum esse Antiphonarium. Nam in prologo de ordine Antiphonarii : « Inveni, inquit, in uno volumine memoriorum Antiphonariorum ex iis, quæ infra continebantur, esse illud ordinatum prisco tempore ab Hadriano Apostolico ». Meminit idem auctor et de Metensis Ecclesiæ Antiphonario. Porro addit Antiphonarium a Romanis dici a cantu, Cantorarium, idemque divisum in duas partes, duplii augeri nomine, nempe ut quæ Responsoria continet, Responsoriale nuncuparetur, quæ vero Antiphonas, Antiphonarium appellaretur. Partem igitur priorem voluminis his verbis inscriptam se invenisse testatur : « In nomine Domini nostri Jesu Christi incipit Responsoriale de circulo anni temporibus ter beatissimi et Apostolici domini Hadriani papæ per Indictionem septimam ». Item in fine : « Hoc opus summus reparat Pontifex dominus Hadrianus sibi memoriale per saecula ».

71. Quod vero ex uno licet fonte purissimo tam Romana, quam Gallicana sacra manarint officia, tamen diversa interdum esse reperiantur, cantorum inuria, atque desidia accidere potuisse, idem Amalarius docet, ubi ait<sup>2</sup> : « Post officium quo dedicatur Ecclesia, scripsi Antiphonas de Evangeliis, de quibus interrogavi magistros Romanæ Ecclesiæ, si illas canerent : responderunt nequaquam. Nostri tamen magistri dicunt, se eas ab eis perceperisse per primos magistros, qui melodiam cantus Romani docuerunt intra terminos Francorum. Deus scit, si isti fallant, aut si ipsi fecerint, qui gloriati sunt se eas perceperisse a magistris Romanæ Ecclesiæ, aut Romani propter incuriam et negligenciam eas amisissent ». Sed et inde diversitas pariter orta est (quod idem auctor testatur<sup>3</sup>) quod ea sint usi licentia, quam sanctus Gregorius Augustino Anglorum Apostolo impertivit, ubi hæc ad ipsum ita rescripsit : « Novit fraternitas tua Romanæ Ecclesiæ consuetudinem, in qua se meminit nutritam : sed mibi placet, ut sive in Romana Ecclesia, sive in Gallicana, sive in qualibet Ecclesia aliquid invenisti, quod plus omnipotenti Deo possit pla-

cere, sollicite eligas, et in Anglorum Ecclesia, quæ adhuc ad fidem nova est institutione precipua, quæ de multis Ecclesiis colligere potuisti, infundas: non enim pro locis res, sed pro bonis rebus loca amanda sunt: ex singulis ergo quibusque Ecclesiis, quæ pia, quæ religiosa, quæ recta sunt, elige, et hæc quasi in fasciculum collecta, apud Anglorum mentes in consuetudinem depone ». Hæc Gregorius, quæ, inquam, licentia alii etiam usi, id effecere, ut quæ ab Ecclesia Romana acceperunt, longe diversa ab ejus ritu in nonnullis postea sint inventa: qua pariter licentia se usum esse Amalarius ipse testatur. Sed ad Carolum redeamus.

Dum autem Romæ idem Carolus esset, pro Viennensi Ecclesia egisse apud eum Hadrianum papam, ipsius Pontificis litteræ demonstrant, quas dedit ad archiepiscopum Viennensem : quibus etiam oslenditur, ipsum Carolum Romæ hoc anno esse consecutum patriciatus dignitatem, non autem in primo ipsius in Urbem adventu :

« Hadrianus episcopus servus servorum Dei sancto fratri Bertero Viennensi archiepiscopo<sup>4</sup>.

« Dilectus filius ac gloriosus, illustris Carolus Francorum rex et patricius Romanorum, Romam ingressus, Pascha Domini apud sanctum Petrum nobiscum egit. Ubi inter alia monimus eum de metropolitanorum honore, et de civitatibus, quæ laicis hominibus traditæ erant: et quia jam archiepiscopalis dignitas per octoginta annos a Francis esset conculeata. Cum hæc et his similia gloriosus rex andisset, promisit ante corpus beati Petri, quod omnia ad ordinationem nostram emendaret. Unde placuit nobis, ut omnibus archiepiscopis auctoritatem litterarum nostrarum mandaremus: ut sicut ab antiquis privilegiis singulae metropolitanæ urbes fundatae sunt, ita permaneant: et habeat unaquæque metropolis civitates sibi subditas, quas beatissimus Leo post Chalcedonensem Synodum, singulis metropolitis distinxit. Nec præterea præjudicium ulla metropolis patiatur, si alieui suffraganeorum aut nos, aut prædecessores nostri, rogantibus piis ducibus Francorum, pallium largiri sumus. Nec debet Ecclesia ullum damnum sustinere, si per sexaginta, aut per septuaginta, aut octoginta, aut eo amplius annos incuria quorumque præsumul, et vastationibus Barbarorum dignitatem antiquam ac Romanorum antistitum firmitate roboratam, perdidit et amisit, quando innumeris pane annis, illa, disponente Spiritu Dei, usa fuerit. Auctoritate igitur beati Petri principis Apostolorum singulis metropolitanis antiquo more potestatem suam reddidimus, et filium nostrum gloriosum et inclytum regem, ante corpus beati Petri inde rogavimus, ut antiquam potestatem omnes metropolitani, qui in regno ejus sunt, haberent. Ideo hanc Epistolam auctoritatis nostræ omnibus misimus, quam et tu haberes per tuum clericum, qui orationis gratia ad sanctum Petrum

<sup>1</sup> Walfrid, de reb. Eccel. c. 23. in fin. — <sup>2</sup> Amalar. de ord. Antiph. c. 68. — <sup>3</sup> Amalar. in prolog. de ord. Antiph.

<sup>4</sup> Bibl. Florm. edit. a Joan. a Bosco Cælest. p. postrema p. 46. 47.

venerat. Voluimus etiam, ut cognosceres, Ecclesie tuæ suum privilegium quod a temporibus beati Leonis habuit, integre esse reformatum. Data kalend. Januarii imperante piissimo Augusto Constantino anno x (viii) et a Deo coronato rege piissimo Carolo anno primo patriciatus ejus ». Illelenus littera Hadriani, quibus annus primus signatur patriciatus ipsius Caroli.

**72.** *Carolus in Galliam redit, cum Bavariae duce, papa intercedente, res componit.* — Dum adhuc Romæ ipse commoraretur, legati a duce Bavariae venerunt, de quibus hæc ubi supra : « Per ipsos dies Paschales venerunt Romam ad dominum piissimum regem Carolum missi Tassilonis ducis Bavariae episcopus Isarnus et abbas Henricus, petieruntque Apostolicum, ut pacem faceret inter dominum regem Carolum et Tassilonem ducem Bajoariorum. Et dominus Apostolicus iustum se interposuit, postulando piissimum regem. Cui ipse respondit hoc se voluisse, et per multa tempora quæsisse, et minime inveniri potuisse, ut præferebat, statim fieri. Voluitque mox in præsentia papæ cum ipsis missis pacem firmare. Et remittentibus missis, quia non ausi fuissent de ejus parte firmitatem facere : cum cognovisset Apostolicus instabilitatem et mendacium eorum, anathema posuit super ducem eorum et suos consentaneos, si ipse dux sacramenta, quæ promiserat Pipino et domino Carolo regi, non adimplesset; et obtestatus est supradictos missos, ut contestarentur Tassilonem, ut non aliter faceret, nisi in omnibus obediret domino regi Carolo et filiis ejus ac genti Francorum, ne sanguinis effusio proveniret, vel læsio terræ ipsius. Et si ipse dux obdurato corde verbis Apostolicis minime obediret : tunc dominus rex Carolus et suus exercitus absoluti essent ab omni periculo peccati, et quicquid in ipsa terra de incendiis eveniret, vel de quacumque malitia, hoc super Tassilonem et ejus consentaneos recideret, et dominus rex Carolus ac Franci innoxii ab omni culpa exinde permanissent. His verbis expletis, missi Tassilonis absoluti sunt », dimissi scilicet. Addit vero Eginhardus, Carolum Magnum, antequam Roma recederet, consumpsisse aliquot dies in veneratione locorum sanctorum. Sed pergit auctor insitutam de reditu Caroli in Franciam orationem :

**73.** « Tunc invicem sibi dominus Apostolicus,

et dominus rex gloriosus Carolus, Vale dicentes, benedictione assumpta, et oratione peracta, in Franciam cum gloria reversus est : adducens secum cantores Romanorum et grammaticos peritissimos, et calculatores, pervenitque idem mitissimus rex Carolus ad conjugem suam dominam Fastardam reginam in civitate Warnavia, et ibi ad invicem gavisi sunt letificantes, ac Domini misericordiam collaudantes, ubi Synodus congregavit. Et deinde misit ad Tassilonem, ut omnia impleret secundum jussionem Apostolici, vel sicut justitiæ erat, eo quod sub jurejurando promissum habebat, ut in omnibus obediens et fidelis esset ei, et filiis ejus, et Francis, et ad ejus præsentiam veniret. Quod renuit, et venire contempsit. Tunc dominus rex Carolus sentiens instantiam suam, pergit Bajoariam, venitque in loco qui dicitur Leecfeld super civitatem Augustæ, et jussit fieri alium exercitum de Austrasiis et Thuringiis et Saxonibus, et coniunixerunt se per Danubium fluvium in loco qui dicitur Faringa, et tertium exercitum jussit fieri de Italicis, ut filius ejus Pipinus rex veniret usque ad Trianeum, et ipse ibi maneret, et exercitum suum pleniter in ante mitteret usque ad Bajoariam. Tassilo videns se circumdatum ex omni parte, vidensque, quod omnes Bajoarii plus essent fideles domino regi Carolo, quam sibi, et cognovissent domini regis fideles, et magis vellent justitiæ consentire, quam contrarii esse : contristatus undique, tradidit semelipsum domino regi Carolo, etc. » Subdit enim dedisse obsides Carolo Tassilonem, et inter alios filium Theodonem annumeratum, siveque permisum esse ducem Bajoarie permanere.

**74.** Quod autem ista Tassilo in Carolum tentare præsumperit, tradit Eginhardus ipsum id fecisse impulsu uxoris suæ, quæ filia fuerat Desiderii regis Longobardorum, e regno a Francis expulsi. Sed et quod fœdus iniisset cum Hunnis, mente elatus inferre bellum magno regi non formidavit : sed divina ope factum est, ut bellum, quod (ut ait) maximum futurum videretur, sicut citissime, ita et felicissime confectum sit : nam Tassilo vilis redditus est et ignavus, ubi Apostolicæ censuræ gladio percussus fuit. Hoe igitur anno cœptum eadem occasione est bellum Hunnicum, quod teste Eginhardo, perduravit annos octo, sed quos alii Hunnos, alii Avares eos dixerunt.

Anno periodi Graeco-Romanæ 6280. — Anno Æra Hispan. 823. — Anno Hegire 171, inchoato die 22 Junii, Fer. 6. — Jesu Christi 787.  
— Hadriani I papa 16. — Constantini imp. 12 et 8. Irenes 8.

**1. Septima Synodus generalis Nicææ celebratur.** — A num. 4 ad 4. Theophanes in Chronico scribit, mense Maio decimæ Indictionis *Irenem* Augustam convocasse omnes episcopos apud Nicæam, ubi hoc anno Synodum generale VII celebrarunt. *Ignatius* vero diaconus in Vita sancti Tarasii patriarchæ Constantinop. tradit, illuc ab *Hadriano* papa legatos missos esse *Petrum* sanctæ Romanæ Ecclesiæ archipresbyterum, et *Petrum* monachum presbyterum atque abbatem: a *Politiano* patriarcha Alexandrino, *Thomam* monachum et presbyterum; a *Theodoreto* patriarcha Antiocheno, et ab *Elia* patriarcha Hierosolymitanæ, *Joannem* monachum presbyterum et syncellum. Hos vero trium patriarcharum in solidum legatos fuisse, ipsimet ostendunt Synodo in hanc formam subscriventes: « Locum retinens trium Apostolicarum sedium Alexandrinæ, Antiochenæ et Hierosolymitanæ ». Addit Theophanes, *Thomam* fuisse virum pietate insignem, et antea extitisse archiepiscopum Thessalonicensem. Baronius num. 2 integrum Ignatii locum recitat, et in margine loco *Theodoreti* patriarchæ Antiocheni reponit, *Theodorum*, qui ante aliquot annos patriarchatum illum rexerat. Verum Theodoretum septimæ Synodi generalis tempore Antiochenum patriarchatum gessisse, non tantum *Ignatius*; sed etiam Photius in libello de Synodis, et Nilus Rhodiorum metropolita agens de Synodo VII testantur. Successerat itaque *Theodoretus* Theodoro, qui anno **CCCLXIX** adhuc Ecclesiam Antiochenam gubernabat, ut liquet ex dictis eo anno num. 1. Meminit ibidem Nilus *Politiani*, sed Photius citatus patriarcham Alexandrinum *Apollinarium* appellat, quia forsitan binominis erat. De *Elia* patriarcha Hierosolymitano hoc tempore exule anno superiori jocuti sumus.

**2. Plures sancti monachi Synodo VII interfuerunt.** — Joannes et Thomas a patriarchis Orientis deputati vocantur in litteris ad Tarasium anno superiori a Baronio num. 43 recitatis, *sanctifici silentium*, seu monasticæ professionis, *amatores ac Orthodoxæ fidei zelo accensi*. Interfuerunt et alii monachi sanctitate illustres septimæ Synodo, *Plato* hegumenus Sacundionis, *sanctus Theophanes* auctor chronographiæ toties a nobis citatae, ut in utriusque Vita dicitur, ac etiam *Nicephorus*, qui erat a

secretis imperatoris, quique « Byzantii sedis patriarchalis suscepit honorem post Tarasii sanctam consummationem », inquit *Ignatius* in Vita S. Tarasii. Interfuit et *sanctus Euthymius* Sardium in Lydia metropolita, qui die xi mensis Martii colitur. Is sub *Nicephori* imperatoris primis annis in exilium missus est; cumque *Leo Armenus* sacrarum imaginum excidium rursus concepisset, Euthymius cum aliis quibusdam episcopis ad eum accessit, et liberiori usus oratione sacras imagines defendit. *Leo Armenus* in furorem actus omnes ad unum regia expellit, et singulis locum exili sancit, ut legitur in Vita sancti Nicolai Studite. Leone Armeno interfecto *Michael Balbus* imperavit, sub quo exulibus licetum quidem fuit redire, sed postea in monachos sœvijt, « et beatum Euthynium opera propriae filii Theophili crudis boum nervis acriter verberatum necavit », inquit Cedrenus, quod contigit circa annum **CCCCXL**; *Theophilus* enim anno antecedenti regnare cœperat. De sancto Euthymio plura Bollandus ad diem ejus natalem memoratum.

**3. Prima Actio.** — A num. 40 ad 49. *Prima Actio* septimæ Synodi dicitur habita « imperio piissimorum et amicorum Christi dominorum nostrorum Constantini et Irenes matris ejus, octavo anno consulatus eorum, octavo kalendas Octobris, Indictione xi », ut initio ejusdem Actionis legitur, ideoque die xxiv mensis Septemb. Synodus inchoata. Theophanes tamen, qui tunc Nicææ erat, dicit consessum habitum fuisse *mensis Octobris die undecimo*. Quare error vel in numeros a Theophane, vel in numeros in Actis expressos irrepsit. Lectæ sunt in hac Sessione litteræ Constantini et Irenes ad Synodum datæ, quibus inter alia decernebant, ut litteræ ab *Hadriano* papa missæ, *secundum jus canonicum* legerentur, quia scilicet Romanorum Pontificum litteris Synodi OEcumenicae dirigebantur. Præterea varii episcopi, qui lapsi erant, cum sinceram pœnitentiam exhibuissent, in sacrum consessum admissi sunt; sed quorum mora in hæresi diuturnior fuerat, restitutio in aliam Sessionem dilata est.

**4. Actio II, III.** — A num. 19 ad 22. Actio secunda sexto kalendas Octobris celebrata, in eaque leclæ *Hadriani* papæ litteræ ad impp. datæ, ejus-

que ad Tarasium Epistola. Actio *iii tertio kal. Octob.* habita, in qua varii episcopi alias lapsi in sedes suas restituti sunt, leetęque litterae Tarasii ad alios patriarchas Orientis directae, ac præterea litterae eorumdem patriarcharum ad Tarasium, quibus ob Barbarorum tyrannidem sese ad Synodum venire non potuisse testabantur. Denique lecta est Synodica Theodori, dum viveret Hierosolymitanus patriarcha, ad Cosmam Alexandriæ et Theodorum Antiochiae patriarchas directa : *Theodorus iste Hierosolymitanus alius non est quam Theodorus*, qui anno *DCCLX* et sequentibus Ecclesiam Hierosolymitanam rexit, eo ipso tempore, quo *Cosmas* Alexandrinam et *Theodorus* Antiochenam, ad quos ideo *Theodorus* Hierosolymitanus Synodicas suas direxerat. Certe *Theodorus* iste Hierosolymitanus non potest esse *Theodorus* ille, qui a protosymbolo califæ Saracenorum obtinuit, ut *Elias* patriarcha in exilium, in quo hoc ipso tempore versabatur, mitteretur, ipseque in locum ejus substitueretur : cum præterquam quod *Theodorus* invasor adhuc hoc anno in vivis fuisse videatur (quia eo mortuo *Elias* sedem suam recuperavit, qui tamen adhuc exulabat), sedem illam non occupavit, nisi jam mortuo *Cosma* patriarcha Alexandrino, qui vix pervenit ad annum *DCCLXX*, post quem Christi annum *Eusebius* et *Elias* fuerunt patriarchæ Hierosolymitani.

5. *Actio iv.* — A num. 22 ad 33. *Kalendas Octob.* Actio quarta celebrata, lectaque sunt varia sanctorum Patrum testimonia, et inter alia multa lectus sermo, cui titulus : « Sermo sanctæ memoriae patris nostri Athanasii de imagine Domini nostri Jesu Christi veri Dei nostri, facto miraculo in civitale Beryto », seu, ut græcum habet, ἡγος τοῦ ἐρχίας πατέρος ἡμῶν Αθανασίου, etc. quæ verba de magno sancto Athanasio non esse intelligenda recte ostendit Baronius ex silentio omnium antiquorum. Cerle miraculum istud quod suo loco memoravimus narratum non fuit a magno Athanasio, cum auctor sermonis dicatur *sanctæ memoriae*, et in eadem Actione pag. 262, locus Athanasii magni adversus Arianos sub hoc titulo referatur : « Sancti Athanasii ex sermone quarto contra Arianos, cuius initium est, etc. » *Combeſſius* in *Historia hæresis Monothelitarum* pag. 659, hunc sermonem Athanasio magno attribuendum contendit; sed nihil in medium adducit, quod rem evincat. Denique in hac Actione prolata in hæreticos anathemata, et postmodum edita professio fidei.

5. *Actio v., vi., vii et viii.* — A num. 33 ad 48. Actio quinta *quarto nonas Octobris* celebrata, in qua ostensum est Ieronimachos a Judeis, Saracenis, Gentilibus, Samaritis, et Manichæis sua dogmata hausisse. Actio *vi.*, quæ *tertio nonas* ejusdem mensis habita est, definitionem Synodi pseudoseptimæ per capita confutavit. In Actione septima *tertio idus Octob.* celebrata sex Concilia OEcumenica confirmata, decretumque imaginibus honoriariam adorationem, non autem veram latriam

exhibendam esse. Denique Actio *viii decimo kalendas Novemboris* facta, sed ea non est proprie Synodalis, nec vera Synodi pars; et tam Græci quam Latini solas septem Actiones agnoscunt. Ea die imperatores ex ipsorum legatorum Apostolicorum et omnium episcoporum ore, quæ gesta essent in Synodo audire voluere. Omittimus hic canones viginti duos in hac Synodo conditos, quia eorum explicatio legi potest apud Lupum in Scholiis et Notis ad Synodus VII.

6. *Tertia profectio Romana Caroli.* — A n. 64 ad 72. Hoc anno, ut scribit annalista Metensis, « Carolus Rōnam venit, et a papa Hadriano honorifice susceptus est, ubi per aliquot dies moratus est. Quod cum audisset Hierogitus (qui ab aliis dicitur Arigis) dux Beneventanorum, timore perterritus misit Romaldum (vel ut ab aliis vocatur, Rumaldum) filium suum cum magnis muniberibus ad regem pacem postulans, et promittens se facturum omnem voluntatem regis. Sed his suasionibus papa minime credidit, sed magis hortabatur regem, ut Beneventi fines intraret; quod et fecit. Post haec misit filium suum Grimoaldum (nam Romaldum rex secum detinebat) cum magnis muniberibus, offerens obsides, et promittens fidelitatem; tantum ut ab impugnatione cessaret. Tunc rex cum consultu fideliū et sacerdotum, ne penitus episcopia et monasteria devastarentur, elegit xii obsides, et tertium decimum filium supradicti ducis Grimoaldum. Acceptisque muniberibus juraverunt ei omnes Beneventani fidelitatem, et reversus est Romam, ibique celebravit Pascha cum præsule Sedis Apostolice ». Pascha autem hoc anno die *viii* mensis Aprilis celebratum. Idem habent annalista Loiselianus et Eginhardus, in Annalibus; hieque de Carolo addit : « Ipse post haec cum legatis Constantini imperatoris, qui ad petendam filiam suam ad se missi fuerant, locutus est, atque illis dimissis Romanum reversus, sanctum Pascha magna cum hilaritate celebravit ». Loquitur Eginhardus de Rotrude, de qua annalista Fuldensis hoc anno prodit : « Hruodrindis filia regis a Constantino imperatore desponsatur ». Cointius hoc anno num. 1 dicit hunc annalistam audiendum non esse, nisi promissionem, quæ ante sex annos facta fuerat, hoc anno firmatam dicamus. Verum Theophanes, cuius verba anno sequenti referemus, idem ac annalista Fuldensis scribit.

7. *Carolus ditiones Pontificis Rom. amplificat.* — Carolus, cum Romani reverteretur, Casinum adiit, et ex eo monasterio Cointius ibidem num. 4 existimat in Frisiā remisisse Luidgerum, qui propter Widikindi tunc idololatræ persecutionem anno *DCCLXXXIV* solum verterat, et, ut Alfridus in ejus Vita scribit, « post duos annos et menses sex reversus est ad patriam suam », eodemque teste constitutus est doctor « in gente Fresonum ab Orientali parte fluminis Labeki (id est, Lavicae) super pagos quinque, etc. Ipse vero cura solerti gregi sibi credito studuit ministrare fluenta doctrinæ Domini,

fana destruere, et omnis erroris pristini abluere sordes ». Carolus, priusquam e Casinensi monasterio discederet, illo loco regia contulit præcepta, quorum mentionem facit Baronius num. 67, ex Leone Ostiensi lib. 1, cap. 44. Carolus Arigisum ducem Beneventanum Capua et aliis civitatibus in Campania muletavit, quas Apostolice Sedi tradidit suas ac Pippini patris donationes amplificaturus. Ludovicus imperator in Constitutione, qua donationes avi Pippini patrisque Caroli confirmavit auxilium, singulas aperte distinxit, suoque loco delineavit donationem, quam Carolus hoc anno contulit, antequam Roma discederet. Hæc Caroli donatio duobus in capitibus præcipue consistit; unum civitates in Tuscia Longobardorum, alterum civitates in Campania sitas repræsentat, « in partibus Tusciae Longobardorum, castellum Felicitatis, Urbevetum, Balneum regis, Ferenti castrum, Viterbinum, Martam, Tuscaniam, Populoniam, Soanam, Rosellas; item in partibus Campanie Soram, Arces, Aquinum, Arpinum, Theanum, Capuanum ».

8. *Tusciam Longobardicam Ecclesiæ largitur.* Ludovicus imp. Tusciam in duas distinguit partes, quarum una regibus Longobardorum paruit, altera sub imperatorum potestate permansit. Ad Tusciam Longobardicam pertinebant loca mox nominata, quæ Carolus in Tuscia partibus hoc anno Apostolice Sedi tradidit; ad alteram vero Tusciam, qua potiti semper imperatores, pertinebant alia loca, quæ Ludovicus imp. eidem sedi concessit in partibus Tusciae, ut anno DCCXXVII ostendemus. Caroli donationem in Tuscia pæne integrum statim recepit Hadrianus; in Epistolis enim Cod. Carol. LXXXI et LXXXVI, de quibus infra, justitias tantum de *Populonio* et *Rosellis* sibi sub integritate fieri, finesque *Populonienses* seu *Rosellenses*, sicut ex antiquitus fuerunt, sibi contradi postulavit. De aliis locis mox memoratis legendus Cointius hoc anno numero 6. Quod attinet ad alteram Carolinæ donationis partem, quæ spectat ad Campaniam, quatuor in ea civitates commemorantur episcopales, Sora, Aquinum, Theanum, Capua, quas statim Hadrianus recepit, cum anno sequenti, ut ibidem dicetur, questus sit Campanos ad defectionem a Beneventanis sollicitari. Ille urbes anno DCCLXXXIV primum in Francorum potestatem venerunt, et ditionibus Pontificiis accesserunt ex donatione ejusdem Caroli.

9. *Romæ inter cantores Romanos et Gallos contentio oritur.* — Paulo post rex Urbe discessit, « adducens secum cantores Romanorum et grammaticos peritissimos et calculatores », inquit monachus Egolismensis a Pithœo editus, quem Baronius sub nomine Chronicus Pithœani citat, et ex eo refert contentionem, quæ Romæ accidit « per dies festos Paschæ inter cantores Romanoru[m] et Galloru[m]. Dicebant se Galli melius cantare et pulchrius quam Romani », et cetera a Baronio ex eodem monacho num. 68 et seqq. narrata. Ecclesie Romanae peritissimi cantores, qui a sancto Gregorio, ut inquit monachus Egolismensis, id est, secundum

Gregorianas notas a Gregorio Magno quondam statutas, eruditæ fuerant, in Gallias cum Carolo venerunt Theodorus et Benedictus. Unus Metas, alter Suessionum missus est, ad utrumque autem ex universa Francia, qui corrigentur, regio jussu delati sunt Antiphonarii, ut ibidem idem monachus habet. Porro non sine labore Carolus Gregorianum officium Ambrosiani loco ubique recipi procuravit. Durandus enim lib. 5, cap. 2, notat eum ad id « clericos minis et suppliciis per diversas provincias coegisse, et libros Ambrosiani officii combusisse ».

10. *Carolus Roma cantores, grammaticos et computistas in Galliam adducit.* — Praeter cantores, qui Romanum cantum edocerent, Carolus Roma grammaticos et calculatores, sive artis grammaticæ et computatoriae magistros peritissimos in Franciam secum adduxit, ut studia litterarum instaurarentur in Galliis, et quod antea inauditum fuerat, publicæ per totam Franciam instituerentur scholæ: « Et dominus rex Carolus iterum a Roma artis grammaticæ et computatoriae magistros adduxit in Franciam, ubique studium litterarum expandere jussit. Ante ipsum enim dominum regem Carolum in Gallia nullum studium fuerat liberalium artium », inquit monachus Egolismensis, ubi voce *iterum* indicat jam ante ex Italia et aliunde complures viros in artium professione versatos a Carolo evocatos esse. Cum vero ait nullum fuisse studium liberalium artium in Gallia ante Carolum, id non absolute de quocunque studio, sed de studio publico et generali intelligendum est, ut reele Bulæus in Historia Universitatis Parisiensis pag. 93, ex quo monachum Egolismensem explicavit. Certum enim est Carolum ex omnibus mundi partibus viros doctos et docendi peritia insignes evocasse, eosque ad publice docendum præmiis et honoribus invitasse: « Vestram optimam sollicitudinem, domine mi David », inquit Aleinus Epist. xxm, « semper amare et prædicare sapientiam cognoscetam, omnesque ad eam discendam exhortari, imo et præmiis honoribusque sollicitare; atque ex diversis mundi partibus amatores illius, vestræ bonæ voluntatis adjutores convocare studuisse: inter quos me etiam insimum ejusdem sanctæ sapientiæ vernaculum de ultimis Britanniae finibus adsciscere curastis ». Carolus itaque non qualescumque scholas instituit, privatas scilicet sibi, liberis aulicisque destinatas, quibus pauci præceptores sufficerent, sed publicas, patentes omnibus et omnium disciplinarum, quibus exercendis multi præceptores necessarii erant.

11. *Carolus scholas publicas in universa Gallia instituit.* — Tot gentes e Germania cis Rhenum, et ex Italia cis Alpes eruperant, ut publicæ penitus evanuerint scholæ, et curam privatarum ad eruditionem clericorum in episcopiis gesserint episcopi, ut abbates in cœnobiosis ad monachorum instructionem. Unde studia delitescant in solis episcopiorum monasteriorumque claustris. Sed, quia

tunc quoque eae languebant, pristino splendori restituere Carolus etiam sategit directis Epistolis, quae generales dicebantur; quod uno exemplo, paucis mutatis ad diversos mitterentur, ad metropolitas, ad episcopos, ad abbates et ad alios, ut res postulabat. Legenda Epistola hac de re a Carolo data quae extat tom. n<sup>o</sup> Concil. Gall. quam Sirmonodus ex Codice sancti Arnulphi Metensis descripsit. Sed quia privatuarum huiuscemodi scholarum aditus laicis liber non erat, Carolus publicas instituit, et in ipso regio palatio alias erexit. Regis exemplum statim secuti sunt abbates et episcopi. Publicae per episcopiam, per monasteria mox strepuerunt scholae, aliae cœnobitis, aliae sacerdibus edocendis destinatae. Tune Benedictini, qui a sui instituti primordiis litteras professi sunt, scholas illas duplieis generis in suis monasteriis habere voluerent, de quibus legendus Thirthemius in Chronicō Hirsauensi, ubi et cœnobia Benedictina litterarum cultu celebriora enumerat. Tanto vero desiderio ferebatur Carolus, quo litteræ, præsentimque sacrae in regno suo vigerent, ut monachus San-Gallensis, qui credidit esse Notkerus Balbulus, cap. 12, scripserit: « Generosissimus Carolus per totum regnum suum studia litterarum florere conspiciens, sed ad matritatem Patrum præcedentium non pervenire condolens, et plusquam mortale laborans in hanc tædiatus vocem erupit: O utinam haberem duodecim clericos ita doctos omniq[ue] sapientia sic perfecte instructos, ut fuerunt Hieronymus et Augustinus: ad quod doctissimus Albinus ex illorum comparatione merito se indoctissimum judicans, in quantum nullus mortalium in conspectu terribilissimi Caroli audere præsumeret; maxima indignatione concepta et parumper ostensa», Creator cœli et terre similes illis plures non habuit, et tu vis habere duodecim.

**12. Hadrianus PP. Tassilonem ducem cum Carolo reconciliare frustra tentat.** — Ad num. 72 et seqq. dum Carolus Romæ adhuc ageret, « venerunt etiam ibi missi Tassilonis ducis (nempe Bajoariæ) Arthinus (id est, Arnus sive Arno Salisburgensis episcopus) et Hunricus abbas (Manseæ nempe in Bajoaria) rogantes papam, ut pacem faceret, litemque terminaret inter Carolum regem et Tassilonem ducem: quod libenter suscepit papa. Rex autem ad postulata respondit, se hoc per multa tempora quæsisse, sed minime obtinere potuisse. Ne famen inobediens videretur esse monitis Apostolicis, asservit se in ejusdem papæ præsentia, cum eisdem missis pacem velle firmare. Illis autem renuntiis, et diecentibus, non se audere pro suo domino definitivam suscipere sententiam, neque se ad hoc destinatos esse, videns Apostolicus dicta mendacia, et cognoscens instabilitatem ducis, iratus anathematizavit ipsum Tassilonem, et omnes illi faventes, nisi fidelitatem, quam regi Pippino et filio ejus Carolo promiserant, per omnia observarent. Contestans per suos missos ducem et monens, ne per ejus perfidiam sanguis Christianorum

funderetur, et terra vastaretur. Et si ipse dux obediens nollet, tunc rex et exercitus ejus absoluti essent a Deo et S. Petro, et quidquid in dueatu ejus factum esset in incendiis et homicidiis, vel qualicumque malitia, totum hoc super Tassilonem et socios ejus verleretur, et rex et Franci essent innocui. His verbis missi Tassilonis absoluti », inquit annalista Metensis, quod et Baronius ex monacho Egolismensi in Vita Caroli M. etiam recitat.

**13. Tassilo Carolum dominum suum agnoscere cogitur.** — Addunt annalista Metensis et laudatus monachus, Carolum postquam Roma discessit, in Warmatiam venisse, ibique Synodum congregasse, ac misisse ad Tassilonem ducem, ut promissa adimpleret. Qui cum nollet obediens, rex cum exercitu versus civitatem Augustam profectus est, et filius ejus Pippinus de Italia cum alio exercitu Trientum venit, seu Tridentum. Quare videns Tassilo se ex omni parte circumdatum esse ad regem venit, tradiditque se manibus ejus in Vassaticum. Renovavit saeraenta, dedit obsides XII et decimum tertium obsidem filium suum Theodonem. Tune reversus est rex in Franciam, et celebravit Natalem Domini in Ingelheim seu Ingelheimum, quod palatium erat æquali fere spatio Bingium inter atque Maguntiam. Dies quo Tassilo coram rege se presentavit, in Appendice ad Chronicō jussu Nibelungicomitis conscriptum notatur *Vnon. Octobris.* Tassilo ducatum, quem a Pippino patre quondam acceperat, victori filio Carolo redditum cum baculo, regiminis ei prius attributi symbolo, « in ejus capite similitudo hominis erat, et effectus est vas-sus ejus », inquit annalista Nazarianus.

**14. Aragisus dux Benevent. rebellionem mediant moritur.** — Hoc eodem anno, dum dominus Carolus Magnus rex a Capuana urbe reversus fuisset, ut anno sequenti Gregorius presbyter Capuanus Hadriano papæ retulit, et Hadrianus Epistola LXXXVIII Cod. Carol. significavit Carolo, « Arichis dux suis, (id est, dux Beneventanus, quoniam Capua priusquam Apostolicæ Sedi Carolina donatione concederetur, Beneventano ducatu accensebatur) ad imperatorem (nempe Constantiū) Deo sibi contrario, emisit missos, petens auxilium et honorem patriciatus una cum ducatu Neapolitano, sub integritate, simul et suum cognatum (seu levirum) Athalgisum cum manu valida in adjutorium sibi dirigi, promittens ei tam in tonsura, quam in vestibus usu Graecorum perfrui, sub ejusdem imperatoris ditione. Haec audiens antem imperator emisit illi suos legatos, scilicet spatharios duos in ditacionem Siciliæ ad patricium eum constituendum, ferentes secum vestes auro textas, simul et spatham, vel pectinem, et forcipes, sicut illi predictus Aribaldus indui et tonderi pollicitus fuerat, petentes Romualdum ejusdem Aribaldi filium in obsidatum. De Athalgiso vero cognato, emisit ei dicens, quia illum non apud illum nunc dirigimus, sed eum dirigimus cum exercitu in Tervisio, aut Ravenna. Qui videntes, Dei nutu, per suffragia Ap-

stolorum, malignantium consilia dissipata repere-  
runt, eo quod Arichisum ducem vel ipsius filium  
Waldonem defunctum invenerunt». Baronius anno  
DCCXCV, numero 2, hujus Epistolæ mentionem facit.  
In Appendice ad Chronicon Nibelungi comitis jussu  
conscriptum, hoc anno legitur: «Aragisus dux de  
Beneventano mortuus est, et filius ejus mortuus  
est». Cointius hoc anno, num. 16 existimat, in  
laudatis Hadriani litteris Waldonis loco reponen-  
dum esse Romualdum seu Romoaldum. Arichisus  
enim «ex Adelperga filios Romoald et Grimoald,  
Egisum, Theoraldam et Adeleisam suscepit», ut  
testatur Aragisi Epitaphium, de quo mox, in eoque  
nulla Waldonis mentio fit. Romualdus obiit «XII kal.  
Augusti, principante patre anno XXX, Indictione  
percurrente decima», ut legitur in ejus Epitaphio  
apud Ughellum tom. viii et Cointium laudatum.  
Filio superstes fuit Arichisus, mensem unum, dies  
quinque, vitamque clausit «septimo kalendas Se-  
ptembbris, anno ab Incarnatione Domini DCCCLXXXVII»,  
ut legitur in ejus Epitaphio a Baronio num. 65 re-  
citat, qui num. 67 addit ex Leone Ostiensi lib. 1,  
cap. 17, Paulum diaconum post Arichis principis  
Beneventani obitum in monasterio Casinensi habi-  
tum induisse, ibique non paucò tempore vixisse.  
Porro Grimoaldum Aragiso patri in ducatum suc-  
cessisse, anno sequenti videbimus.

45. *Carolus rebus Italicas intentus.* — *Athal-  
gisus*, quem Constantinus imp. Tarvisium aut Ra-  
vennam venturum dixerat, neutrum locorum illorum  
adiit; appulit enim in Calabriam, et in finibus  
ducatus consedit. Hadrianus Pontifex certiore ea  
de re *Carolum* per Arvinum comitem regum ora-  
torem fecit, *Roronem* et *Bettonem* missos quoque  
regios paulo post suscepit, quos Carolus sciseitatu-  
ros, an *Athalgisus* in Italiam cum classe delatus  
esset, Romanum direxerat, Bajoaricis rebus sic inten-  
tus, ut Italicas nequaquam ueglieret. Ille fusius  
narrantur in Epistola Cod. Carol. xc, cuius memi-  
nit Barouius anno DCCXCV, num. 7. «Nempe quidem  
seimus», subdit Hadrianus, «quia ipse ini quis  
et perfidus Adalgesius pro nulla alia causa in istis  
declinavit partibus, nisi tantummodo pro vestra  
nostra que contrarietate. Unde oportet, ut firmis-  
sima vestra sacra partibus Beneventanis emittere,  
vestra præcelsa regalis excellentia nitatur, ut undi-  
que per vestrum regale adminiculum impertur-  
bati pariter maneamus». In iisdem litteris Hadria-  
nus *Carolo* significat, consulendum imprimis Bene-  
vento; seu desciscerent a fide jurata, seu manerent  
in ejus obsequio Beneventani, *Grimoaldum* Aragisi  
filium in eam provinciam haud mittendum: si re-  
bellarent, prævalidis copiis lacessendos ad kalendas  
Maii: dubium non esse, quin *Athalgisus*, sive *Adal-  
gesius* res novas in Italia moliretur, Francis et Apo-  
stolicæ Sedi pergravia inferre damna, si regius  
exercitus a kalendis Maiis usque ad Septembrem  
non compareret; adjecit didicisse se a Leone epi-  
scopo consilium *Adalbergæ* Aragisi relictae hoc esse,  
ut statim ac Grimoaldus ejus filius ad Beneven-

tanis fines accesserit, duas suas filias, orationis spe-  
cie, secum ad Ecclesiam sancti Michaelis in monte  
Gargano constructam ducat, ac inde perget Taren-  
tum, «ubi et thesauros suos reconditos habet, quia  
tantum octoginta millia distat a sancto Angelo  
usque Tarentum. Sed in hoc minime vestra a Deo  
promota excellentia considerare debeat, quod pro  
nostra aviditate ipsas civitates acquirendum, quas  
beato Petro Apostolo et nobis condonastis, talia  
vobis insinuare studuimus».

16. *Hadrianus PP. ut civitates ducatus Beneven-  
tani reddantur petit.* — Denique Hadrianus, quem-  
admodum in Tuscia Suanam, Tuscanam, Biternum,  
Balneum regis, aliasque civitates cum finibus ac ter-  
ritoriis obtinuerat; ita regiorum legatorum opera  
justicias sibi fieri de Populonio et Rosellis, urbesque  
Beneventani ducatus ab eodem Carolo nuper Apo-  
stolicæ Sedi concessas redi postulavit: «Ita in eo  
modo civitates in partibus Beneventanis contradere  
nobis protinus faciat, ut dum missi vestri vestros  
suscepint regales firmissimos afflatus, sine quali-  
bet interposita dilatione nobis eas contradere sub  
integritate valeant, ut nullus sit, qui possit extin-  
guere vestrum illibatum sacrificium», inquit Ha-  
drianus in eadem Epistola xc.

17. *Missi a Carolo legati male se erga Ha-  
drianum PP. gerunt.* — *Adalberga* seu *Adelperga*  
Tarentum, ut Hadrianus putaverat, haud se rece-  
pit, sed mansit Salerni. Tunc Romanus venerant  
oratores regii, Atto diaconus et Goterannus ostia-  
rius, deinde Maginarius abbas, et Josephus diaco-  
nus, Lutherico comite in via retardato. Quomodo  
Romæ et in ducatu Beneventano se gesserint hi ora-  
tores, exponit ipse Hadrianus in Epistola xcii  
Cod. Carol. loco laudato a Baronio memorata:  
«Qui praecedentes, scilicet Atto cum Goteranno,  
nullo modo nostris accommodaverunt consiliis, sed  
relinquentes penitus Maginarium, seu Josephum et  
Liudericum, abierunt singulariter Benevento. Unde  
post tergum eorum euntes Maginarius cum Josepho  
et Liudericu in Benevento jam Attone et Gote-  
ramnum nullo modo invenire valuerunt, eo quod  
in Salernum perrexerant ad Atbergam relictam  
Arichis dueis. Ubi dum Maginarius cum sociis suis  
a fidelibus vestris audissent, sicuti nobis ipsi inti-  
maverunt, eo quod intideliter agerent, tam relicta  
prædicta Archisi ducis, quam cæteri Beneventani,  
erga vestram regalem excellentiam atque nostrum  
Apostolatum iniqua atque adversa tractare non de-  
sinunt. Fugam arripientes Maginarius cum Josepho  
et Liudericu, una cum Goteranno, qui ad eos ad  
loquendum venerat a Salerno, introierunt in fini-  
bus ducatus Spoletini in præfato oppido Valvæ, et  
ibidem morantur usque ad vestram regalem in  
triumphis dispositionem. Atto vero audiens, ut fer-  
tur, fugiens intus in Ecclesiam Salerni præ timore,  
ejusdem Ecclesiæ altare tenuit. Ipsi autem Bene-  
ventani studentes, ut reor, et simulantes, eum mi-  
tigaverunt, et vestrum clericum fiele miserunt,  
seipso fideles in omnibus commendantes». Has lit-

teras anno sequenti scripsit Hadriamus, cum mentionem faciat duorum spathiariorum, qui « Salernum ad relicta Aragisi ducis peragrantes, tertio decimo kalend. Februar. pervenerunt ».

48. *Synodus in Anglia celebrata.* — Habitum hoc anno in Anglia Concilium a legatis Apostolicis *Georgio Ostensi et Theophylacto* episcopis, illuc ab Hadriano papa missis, in quo canones viginti pro disciplina Ecclesiastica restituenda conditi sunt. Legitur illud apud Spelmannum, Alfordum, et tomo vi Conciliorum. Alfordus tamen duas Synodos habitas esse existimat, alteram in Septentriionali parte insulae a Georgio, alteramque in Austro vel in Occidente a Theophylacto. Certe historici Angli de loco ubi Synodus habita inter se non convenient, quia scilicet in uno et altero loco Synodi celebratae. Annalista Mailrosensis hoc anno scribit : *Synodus congregata est in Pincanhalæ*, qui locus in Dunelmensi episcopatu situs est, et modo *Fincenhalan*, modo *Wincenhale* ab historicis Anglicis vocatur, quo ideo Georgius perrexit, velut Northumbrie regni meditullium. Altera Synodus in regno Merciorum celebrata, quam Spelmannus *Calchutensem* appellavit, qui tamen ubi locus sit, determinate non definit. De nraque Synodo legendus Alfordus ad hunc annum.

49. *Dani seu Normanni primum in Angliavisi.* — Notabile est quod hoc anno legitur in Chronico Saxonico nuper Oxonii ab Edmundo Gipsono publicato, temporibus Brithrici seu Beolhrici Saxonum Occidentalium regis venisse *primum tres naves Norwegiorum*, et regis præpositum nescientem unde essent, ab illis occisum esse : « *Istæ* », subdit chronographus, « *primæ fuerunt naves Danorum, quæ Anglorum nationem petrerent* ». Hi postea passim Normanni appellati, et sœculo sequenti tam in Anglia quam in Gallia innunera mala patrarent, ut suis locis narrabitur. De primo eorumdem in Galliam adventu anno DCCC sermo erit. Huntin-

doniensis pag. 343, idem narrat ac chronographus Saxo, atque *Dacos*, quod nomine Danos et Normannos intelligit, *cum tribus puppibus in Britaniæ predationis causa* venisse, et præpositum provinciae cum eos comprehendere vellet occisum. « *Hie primus fuit Anglorum occisus a Dacis, post quem multa millia millium ab eisdem cæsa sunt ; et hæ puppes prima fuerunt, quas hue Daci adduxerunt* », ait Huntindoniensis de Brithrico rege verba faciens. Quod iisdem fere verbis narrat Hovedenus pag. 410, qui pag. 412, *Dacos* a Normannis distinguit. At Normannorum nomine Eginhardus, Hellmoldus, et alii eas gentes intelligent, quæ utramque Codani, id est, Baltici sinus oram incolunt ; quarum capita sunt Sueones, sive Sueci, Dani, et Norvegii, et in Germanico littore Saxones ultra flumen Albim, ubi juxta Eginhardum Normannorum confinia erant.

20. *Epistola fictitia Hadriano PP. attributa.* — Baronius in Appendice ad hunc annum refert ex Joanne a Bosco in bibliotheca Floriacensi, litteras Hadriani papæ Berterico Vieunensi archiepiscopo datas, dum Carolus Romæ adhuc ageret, quæ in subscriptione dicuntur date « *kalend. Januarii imperante piissimo Augusto Constantino anno x, a Deo coronato rege Magno Carolo anno primo patriciatus ejus* ». Verum hæ litteræ supposititiae sunt ; cum Hadrianus in suarum litterarum subscriptione nusquam meminerit aut Constantini aut Caroli, multo (1) minus utriusque simul ; et ex ejusdem Hadriani aliis litteris certo constet, longe ante hunc annum Carolum patriciatum obtinuisse. Hinc neque San-Marthani in Gallia Christiana, neque Cointius in Annal. Frane, hujus Epistolæ mentionem fecere.

*Sanctus Willehadus* hoc anno primus Bremensis episcopus ordinatus est, ut sequenti ostendemus.

(1) « *Cum Hadrianus in suarum litterarum subscriptione nusquam meminerit aut Constantini aut Caroli etc.* » De Carolo nihil excipio ; de Constantino vero plane failitur, cum in chronicæ Farfensi rer. Ital. tom. ii, part. 2, col. 346 recitetur Pontificis hujus bullæ data *X kalend. Maii, Ind. x*, id est, anno DCCLXXII, quæ annis Constantini et Leonis filii signatur.

## HADRIANI I ANNUS 17. — CHRISTI 788.

1. *Inter Græcos et Carolum Magnum quæ causæ rupti fœderis.* — Qui sequitur annus Redemptoris nostri septingentesimus octogesimus octavus, undecima Indictione notatur, quo imp. Constantinus invitus nolensque, Irene tamen matris impulsu, despontatam sibi Caroli Magni filiam repudiavit, quam deperibat, uxoremque accepit Mariam Armenam, a matre Irene ipsi procuratam. Haec Theophanes. Ex quo quidem principio quot mala evenerint, dicitur inferius suis locis. Porro Maria ista humili loco nata, ut solium imperatricis ascenderet, sanctitas effecit ejus patrui S. Philaretii, cognomento Misericordis : de quo agitur dies natalis in Menologio Basilii die secunda Decembris hoc elogio : « Sub imperatrice piissima Irene fuit hic beatus a Paphlagonia. Cum autem ex labore suo dives fuisset, diabolica invidia factus est pauper, nec tamen eleemosynarum oblitus est. Ex uno autem facto ipsius in omnibus misericordiam ostendemus. Defecit aliquando vicini bos. Qui veniens ad sanctum, in agello deprehendit eum cum tenui jugo serentem. Qui videns ipsum moerentem, solutum e duobus bovem alterum ipsi tradidit, ipse vero eum altero jugum subiit. At Deus conspicatus viri virtutem, fecit ut Irene imperatrix neptem ipsius Mariam filio suo Constantino jungeret in matrimonium : ex quo ille factus dives et copiosus in misericordia, senex migravit ad Dominum ». Haec ibi, quæ annis singulis, dicta die, in Ecclesiis decantari consuevere.

2. Ut autem Irene imperatrix se a Francorum regis fœdere, amicitia et affinitate sejunxerit, alia non est, quæ asseri causa possit, nisi quod Carolus dueatum Beneventanum invaserit, quem una cum duce in suum patrocinium Orientales imperatores suscepserant. Porro una cum Beneventano ducatu reliqua omnia a Carolo ablata esse, quæ interjacent usque ad Adriaticum mare, certum est : nam de dominio Caroli Magni in Italia hæc Eginhardus in ejus Vita : « Totam Italianam, quæ ab Augusta Praetoria usque in Calabriam inferiorem, in qua Græcorum et Beneventanorum constat esse confinia, decies centum et amplius passuum millibus longitudine porrigitur, occupavit scilicet ». Et inferius :

« Erat, inquit, semper Romanis et Græcis Francorum suspecta potentia, unde illud Græcorum extat proverbium : Τὸν Φράγχον φύει ἔχεις γείτονα σὺν ἔχεις, id est, Francum amicum habeas, vicinum ne habebas ».

3. Sed exæstuans ira femina, sicut malo consilio dissolvit fœdera nuptiarum, ita imprudens adversus eundem Carolum hoc eodem anno in Italia bellum movit, de quo ista Regino : « Eodem anno commissum est bellum inter Græcos et Longobardos, ducibus Hildeprando Spoletano, et Grimoaldo Beneventano, et Winigiso a rege Franco-ruin directo cum Francis : et fugati sunt Græci, et victores extiterunt Franci et Longobardi ». Qui putarunt non repudiatam ab imperatore, sed negatam fuisse a Carolo Magno filiam Constantino : haec de causa hujusmodi bellum conflatum esse dixerunt : nam in Annalibus sub Ludovico imperatore conscriptis, ista leguntur : « Interea Constantinus imp. propter negatam sibi regis filiam irritus, Theodorum patricium Siciliae præfectum cum aliis ducibus suis fines Beneventanorum vastare jussit. Qui cum imperata exsequerentur, Grimoaldus, qui eo anno, post mortem patris, dux Beneventanis a rege datus est, et Hildeprandus dux Spoletanorum cum copiis, quas congregare potuerunt, in Calabria eis occurserunt, habentes secum legatum regis Winigisum, qui postea in ducatu Spoletano Hildeprando successit; commissoque prælio, immodicam ex eis multitudinem occiderunt, et sine suo suorumque dispendio victores facti, magnum captivorum et spoliorum numerum in sua castra retulerunt ». Haec ibi.

4. Cæterum quantum ex Theophane colligi potest, Aldegisus filius Desiderii regis Longobardorum, qui fugerat Constantinopolim, fuit malorum omnium architectus : sperans enim, si ejusmodi nuptiarum fœdera inter Carolum atque Constantinum mila solverentur, bellumque inter eos accenderetur : fore ut ipse ad suos reversus, ab illis reciperetur, Francis explosis, in regem. Sed spes ista fecellit eum : nam audi Theophanem : « Interea, inquit, Irene misit Joaunem sacellarium et logothetam in Longobardiam una cum Alde-

giso dudum majoris Longobardiae rege, quem illi a Deo datum dicebant, ad ultionem inferendam, si possent, in Carolum, et quosdam subducendos ab illo. Descenderunt ergo cum Theodoro patricio exarcho praetore Siciliae, et inito bello, tentus a Francis, amare interemptus est ». Haec Theophanes. Est mentio hujus victoriae in Epitaphio Grimoaldi ducis, ubi inter alia hi de superatis ab eo Græcis versus leguntur :

Cum Danais bellum felici sorte peregit,  
Finibus et pepulit belliger ipse suis.

5. *Hunnorum gens per Carolum delecta.* — Quo pariter anno Carolus Magnus Tassilonem Bavariae ducem, majestatis reum convictum damnatum legibus, commiseratione molus exemptum a gladio, concessit ingredi monasterium una cum filio Theodone, ubi ambo, tonsura et monastico habitu suscepto, permanerunt. Porro qui ab eo sollicitati sunt Hunni duobus comparatis exercitibus, altero Marcam Foro Juliensem, altero Bajoriam sunt aggressi, sed frustra : nam utrobique victi fugatique sunt, et multis ex ipsis amissis magno cum damno ad sua se loca in Pannionam recepero. Haec igitur quam felicissime hoc anno Carolo Magno cessere.

Si vis scire quem tandem oculo annorum bellum Hunnicum consecutum sit finem, ab Eginhardo sic accipe : « Maximum, inquit, omnium, quæ ab illo gesta sunt, bellorum præter Saxonum, huic bello successit illud videlicet, quod contra Avares, sive Hunnos susceptum est : quod ille animosius, quam cætera, et longe majori apparatu administravit. Unam tamen per se in Pannionam (nam eam provinciam ea gens tunc incolebat) expeditionem fecit, cæteras filio suo Pipino ac præfectis provinciarum, comitibus etiam atque legatis perficiendas commisit. Quod cum ab his strenuissime fuisse administratum, octavo tandem anno completum est. Quot prælia in eo gesta, quantum sanguinis effusum sit, testatur una cum omni habitatore Pannonia, et locus, in quo regia Cagani erat, ita desertus, ut ne vestigium quidem in eo humanae habitationis appareat.

6. « Tota in hoc bello Hunnorum nobilitas periiit, tota gloria decidit, omnis pecunia et congesti ex longo tempore thesauri direpli sunt. Neque illum bellum contra Francos exortum humana potest memoria recordari, quo illi magis ditati et opibus aucti sint : quippe cum usque ad id temporis pæne pauperes viderentur, tantum auri et argenti in regno repertum, tot spolia pretiosa in præliis sublata, ut merito credi posset, hoc Francos Hunnis juste eripuisse, quod Hunni prius aliis gentibus eripuerant. Duo tantum ex proceribus Francorum eo bello perierunt, Ericus dux Foro Julianus in Liburnia juxta Tarsaticam maritimam civitatem, insidiis oppidanorum interceptus, et Gerollus Bajoræ præfector in Pannonia, cum contra Hunnos

præliaturus aciem strueret, incertum a quo cum duobus aliis, qui eum obequitanter ac singulos hortantem comitabantur, interfectus : cæterum inerratum pæne Francis hoc bellum fuit, et prosperissimum exitum habuit, tametsi diutius sua magnitudine traheretur ». Hactenus Eginhardus : quæ Annalibus contexta voluimus, quo fieret manifestum, quem tandem finem consecuta sit barbara illa gens Avarum, orbis terror, quæ Occidentales atque Orientales innumeris cladibus affecerat, et Constantinopolitatum imperatorem sub tributo redegerat, saeppe etiam mœnia Constantinopolitana ferro pulsaverat. Ut pariter intelligamus, sic Deum permittere, ad peccata populorum plectenda, Barbaros interdum invincibilis reddi, verum eosdem ipsos, cum vult, per fideles piosque duces subigi atque deleri. Porro tot ista tantaque, potius pietate, quam armis ipsum Carolum obtinuisse, quæ dicenda erunt, ostendent.

7. *Bremensis Ecclesia in Saxonia episcopo Willchado et Caroli Diplomate insignitur.* — Hoc anno Hadrianus papa præfecit Bremensi Ecclesiæ in Saxonia S. Willchadum, probe sibi Romæ cognitum, eum venit ad limina Apostolorum. Cum in tot bellorum angustiis Carolus Magnus pietatis cultum propensius prosecutus, ejusdem Hadriani papæ jussa capessens, euudem Apostolicum virum primum episcopum ordinatum accepit, insuper et Ecclesiam illam amplissimis redditibus auxit, finesque ejus Ecclesiæ certis finibus circumseripsit. Extat de his omnibus<sup>1</sup> Diploma regium ejusdem Caroli, quo et gratias agit Deo de consecuta saepe victoria adversus Saxones, ipsi Domino totum adscribens. Sic enim se habet :

« In nomine Domini et Salvatoris nostri Jesu Christi Carolus, divina ordinante clementia, rex.

« Si Domino Deo exercituum succurrente in bellis victoria potiti sumus : in illo, et non in nobis gloriamur, et in hoc sæculo pacem et prosperitatem, et in perpetuo futuro aeternæ mercedis retributionem nos promereri contidimus. Quapropter noverint omnes Christi fidèles, quod Saxones, quos a primogenitoribus nostris ob suæ pertinaciæ perfidiam semper indomabiles, ipsique Deo et nobis tamdiu rebelles, quoisque illius non nostra virtute ipsos et bellis vicimus, et in baptismi gratiam, Deo annuente, perduximus, pristinæ libertati donatos, et omni nobis debito censu solutos, pro amore illius, qui nobis victoriam contulit, ipsi tributarios et subjungales devote addiximus, videlicet, nt qui nostræ potestatis jugum hactenus ferre detrectauunt, victi jam, Deo gratias, et armis et fide Domino Salvatori nostro Jesu Christo ac sacerdotibus ejus, omnium suorum jumentorum ac fructuum, totiusque culturae decimas ac nutrituræ, divites ac pauperes legaliter constricti persolvant<sup>2</sup>.

8. « Proinde omniem terram eorum antiquo Ro-

<sup>1</sup> Apud Crant. in Saxon. l. II. c. 14. — <sup>2</sup> M. Adam. hist. Eccl. Septentr. l. i. c. 10.

manorum more in provinciam redigentes, et inter episcopos certo limite distaminantes, Septentriionalem illius partem, quae et piscium ubertate ditissima, et pecoribus alendis habetur aplissima, pio Christo et Apostolorum suorum principi Petro pro gratiarum actione devote obtulimus : sibique in Wigmodia, in loco Bremon vocato super fluvium Virraam Ecclesiam et episcopalem statuimus cathedralm. Huic parochiae decem pagos subjecimus, quos etiam adjectis eorum antiquis vocabulis et divisionibus, in duas redigimus provincias, his nominibus appellantes, Vigmodiam et Lorgoe. Insuper ad prefatam constructionem Ecclesiae, in supradictis pagis septuaginta mansos, cum suis colonis offerentes, totius hujus parochiae incolas decimas suas Ecclesiae suoque provisori fideliter persolvere, hoc nostrae majestatis pracepto jubemus, donamus, et confirmamus.

« Adhuc etiam summi et universalis papae Hadriani praecerto, necnon et Maguntiacensis episcopi Lullonis (Lulli), omniumque qui affluere Pontificum Concilio, eamdem Bremensem Ecclesiam cum omnibus suis appendiciis Willehado probabilis vitæ viro, coram Deo et sanctis ejus, commisimus. Quem etiam primum ejusdem Ecclesiae, tertio idus Julii, consecrari fecimus episcopum, ut populus divini semina verbi, secundum datam sibi sapientiam fideliter dispensando, et novellam hanc Ecclesiam canonico ordine, et monasteriali competentia utiliter instruendo interim plantet et riget, quo usque precibus sanctorum suorum exoratus incrementum det omnipotens Deus. Innotuit etiam venerabilis vir serenitati nostræ eam, quam diximus parochiam, propter Barbarorum infestantium pericula, seu varios eventus, qui in ea solent contingere, ad sustentacula, sive stipendia Dei servorum, inibi Deo militantium, minime sufficere posse. Quamobrem quia Deus omnipotens in gente Fresonum, sicut et Saxonum, ostium fidei aperuit, partein prænominatæ regionis, videlicet Fresiæ, quæ huic contigua parochiæ esse dignoscitur, eidem Bremensi Ecclesiae, suoque provisori Willehado episcopo, ejusque successoribus perpetualiter delegavimus retinendam.

9. « Et quia casus præteriorum canticos nos faciunt in futurum : ne quis (quod non optamus) aliquam sibi in eadem diœcesi usurpet potestatem, certo

cam limite fecimus terminari, eique hos terminos, mare Oceanum, Albiam fluvium, Liam, Steinbach, Hasalam, Vimarcham, Sneidbach, Ostam, Mulinbach, Motam Paludem, quæ dicitur Sigefridismoer, Quistinam, Chisemmor, Aschbroch, Visebroch, Bibernam, Uternam, iterumque Ostam. Ab Osta vero Bicinam usquequo perveniatur ad paludem, quæ dicitur Chaltenbach. Deinde ipsam paludem usque in Vennam fluvium. A Venna vero Bricinam Farstinam usque in Virraam fluvium. Dehinc ab Orientali parte ejusdem fluminis viam publicam, quæ dicitur Hessevech, Sturmegoe, et Lorgoe distaminantem Sethbasam, Alapam, Chaldhova, iterumque Virraam. Ex Occidentali autem parte viam publicam quæ dicitur Folvech, Derve, et Lorgoe dividentem usque in Huntam fluvium. Deinde ipsum flumen et Amrinum Lucum silvestrem, quem incolæ loci Vildloch nominant, Finolam, Valdesmor, Berepol, Eddinriad paludem, Emisgoe, et Ostrigoe distaminantem Brustlaho, Biberlach; iterumque mare, firmos et intransgressibiles circumscribi jussimus. Et hujus donationis ac circumscriptioonis auctoritas, nostris futurisque temporibus, Domino protegente, valeat inconvulta manere, manu propria subscripsimus, et annuli nostri impressione signari jussimus ». Signum domini Caroli regis invictissimi.

10. « Hildibaldus archiepiscopus Coloniensis et sacri palatii capellanus recognovi. Data pridie idus Julii anno Dominicæ Incarnationis septingentesimo octagesimo octavo, Indictione duodecima (undecima). Anno autem domini Caroli vicesimo primo. Actum in palatio Nemetensi feliciter. Amen ». Hactenus de fundatione Bremensis Ecclesiae Diploma.

Porro qui res Saxonum sunt prosecuti, eumdem Willehadum annos tantum duos sedisse, mensesque tres et dies viginti sex tradunt : relatumque inter sanctos, diemque transitus ejus, sexto idus Novembris, quo obiit, Ecclesiastico rito celebrari consuevit. Quod autem tradant anle episcopatum ipsum una cum S. Ludgero Romam peregrinatum esse, id minime ex Ludgeri Vitæ Actis probari : siquidem adventus ejusdem Ludgeri Romam contigisse ponitur sub Hadriani successore Leone papa, cum jam non amplius S. Willehadus in humanis esset.

Anno periodi Graeco-Romanæ 6281. — Anno Æræ Hispan. 826. — Anno Hegiræ 172, inchoato die 11 Junii, Fer. 4. — Jesu Christi 788.  
— Hadriani I papæ 47. — Constantini imp. 13 et 9. Irenæ 9.

**1. Beneventani Grimoaldum sibi ducem præfici postulant.** — A num. 4 ad 5. Litteras ab Hadriano papa ad Carolum hoc anno datae, et in Codice Carolino recitatas Cointius hoc anno viiiii. 4 et seqq. accurate digessit, quas ideo eodem ordine hic summarie memorabimus; Baronius enim earum tantum argumentum videre potuerat, ut ipsem testatur anno DCCXCV. Præsenti itaque anno statim ac fama pererebuit Attoneum diaconum Salerno dígressum in Franciam ad Carolum abiisse, duo Constantini imperatoris spatharii cum Theodoro Siciliæ præfecto appulerunt Acropolim in Lucania, terrestrique itinere Salernum *tertio decimo kal. Februar.* pervenerunt, atque habitis ibi triduo cum proceribus Beneventanis et Adelperga sive Adelberga Arigisi Beneventani ducis vidua colloquis deducti sunt honorificantissime Neapolim, et a Stephano episcopo Neapolitano, civibusque Neapolitanis humanissime suscepti diuturniorem in ea urbe moram fecerunt ex consilio Beneventanorum, qui suaserant ita faciendum, donec adesset Grimoaldus, quem per Attoneum regium oratorem aliosque nuntios in ducem a Carolo poposcerant, quemque spes erat Aragisi patris consilia feliciter exsecuturum, ut narrat Hadrianus Pontifex in Epistolis xii et LXXXVIII Cod. Carol. a Baronio citato num. 6 et 8 memoratis. Haec Hadrianus in Epist. LXXXVIII : « Dum ibidem Salerno Atto fidelissimus missus vester tuisset, Beneventani ipsos Graecos minime recipere voluerunt, sed post reversionem prædicti Attonis diaconi, tunc eos terreno itinere a finibus Graecorum deferentes, Salerno receperunt, et cum Athalberga relicta Arichis, seu optimatibus Beneventanis, tribus diebus persistentes consiliati sunt, suadentes ipsi Beneventani prædictis missis Graecorum dicentes: Quia nos ad regem Carolum emisimus missos nostros, petentes ab eo Grimoaldum ducem nostrum recipere. Insuper et per Attoneum diaconum, ipso nobis pollicente, robam emisimus (erat roba laxior vestis, olim regibus, episcopis, aliisque in usu, ut videre est in Glossario Ducangii), ut penitus eum ducem consequenter suscipere mus. Sed propter hoc morari vos Neapoli convenit, dum usque ipsum Grimoaldum recipere possimus ducem; quod et genitor ejus Arigisus minime va-

luit adimplere, Grimoaldus ejus filius, dum culmen genitoris sui adeptus fuerit, prorsus imperialem voluntatem cum omni ditione, sicut cum suo constitit genitore, in omnibus adimpleat, pariter nobis promissa explentibus. Quapropter terreno itinere usque Neapolim eos cum magno deduxerunt honore. Qui Neapolitani ipsos Graecos cum bandis et signis suspicentes, ibidem degentes, prædictæ rei præstolantes adventum, non desinunt cum Stephano episcopo et Constantino civibus Neapolitanis adversa perpetrantes tractare, mittentes ipsi Graeci ad imperatorem de obitu Arichisi filiique ejus denuntiantes, et ab eo exspectant consilium quid agere debeant ». Haec Hadrianus papa ad Carolum.

**2. Graeci de ditionibus Pontificeis invadendis cogitant.** — Idem Pontifex mense Maio litteras accepit a Carolo; qui verebatur, ne Graeci Beneventanum ducatum vel Pontificias ditiones invaderent, statimque ei responsorias direxit, quæ ut potioris apud Carolum auctoratis essent, munitæ sunt subscriptionibus quadraginta duorum cum presbyterorum, tum diaconorum aliorumque ex clero Romano. In his significat Hadrianus se jam eodem mense Maio, antequam ejus litteras accepisset, ad eum misisse Andream et Philippum episcopos atque Theodorum nepotem suum, quos ut citissime Romanum remitteret, rogavit. Deinde monuit, quoniam in statu Italie res essent, scriptisque distinete Cajetam et Terracinam præsidio firmatas a Graecis, præfectum Siciliæ morari Cajetæ, Campanos continuo ad defectionem a Beneventanis sollicitari, adjecitque habuisse se in animo exescitum in eam provinciam dirigere, idque ultro exsecuturum fuisse, nisi sperasset a rege, cuius constantem benevolentiam toties expertus fuerat, ipsos Beneventanos scriptis litteris, aut etiam missis oratoribus coercitum iri, ut fusius narratur in Epistola LXXVIII Cod. Carol. ex quo haec descripta. Hujus Epistolæ Baronius anno DCCXCV, ubi alias Hadriani papæ, quas non viderat, recenset, non meminit.

**3. Carolus Grimoaldum Beneventanorum ducem constituit.** — Postea Carolus gratias egit Hadriano de litteris ab eo per Arvinum comitem prium, postmodum per Roroneum et Bettoneum transmissis, testatusque est frequentes de negotiis Italicis

nuntios plurimum sibi placituros, tamen *Grimoaldum* Beneventanis ducem Arigisi patris demortui loco præesse voluit. Hadrianus cum videret se frustra Grimoaldo adversatum, aliis litteris asseruit se nullatenus odio motum id fecisse, sed hostium nefaria consilia et insidias expavisse, exaltationi sanctæ Ecclesiæ tuitionique donationum in Apostolicam Sedem collatarum studuisse; de *Rosellis* et *Populonio* jus nondum sibi redditum, quamvis id munieris Arvino duci demandatum fuisset; urbes quidem *Tusciae*, quæ beato Petro fuerunt oblatæ, in potestatem Sedis Apostolice receptas; secus contigisse de civitatibus Beneventanis; Crescentem et Hadriani duces in Beneventanum ducatum frustra directos; *Grimoaldum* Capuae tripudiare, quasi principi Apostolorum prælatus esset; nuntios Apostolicos Graecis videri semel atque iterum delusos; *Stephanum* episcopum Neapolitanum et *Campanulum* episcopum Cajetanum de nefando *Adalgiso* Desiderii quondam regis filio, et de Graecorum insidiis multa jam per Epistolas insinuasse. Epistola Hadriani papæ, quæ prædictarum rerum fidem facit, est LXXXVI Cod. Carol. et memoratur a Baroniῳ loco llandato n. 5.

4. *Græci in Calabria a Francis et Longobardis in prælio victi.* — Rex meliora semper ominatus de Grimoaldo Winigisum cum perpaucis Francis in Italiam legatum misit, ut exploraret, rescriberetque quid ibi gereretur a Grimoaldo duce Beneventano, et ab Hildebrando duce Spoletano, quos in armis esse præceperat. «Commissum est bellum», inquit annalista Loiselianus, «inter Græcos et Langobardos, id est, duce Spolitano nomine Hildebrando, seu duce Grimaldo, quem dominus rex Carolus posuit ducem super Beneventanos. Et fuit missus Winechisus cum paucis Francis, ut prævideret eorum omnia quæ gessissent. Et, auxiliante Domino, victoria est facta a Francis seu suprannominatis Langobardis». Tunc ducatus Beneventanus tribus constabat provinciis, Apulia, Calabria, Samnio, de quarum finibus legendus Camiltus Peregrinus in Dissert. cui titulus: «Ducatus Beneventanus in antiquas provincias an tributus?» Pugnatum est in Calabria, et fugatus Græcorum exercitus, multi occisi, plures in prælio capti, parta quoque spoliorum ingens præda. Frauei et Longobardi sine gravi dispendio victores sunt facti. Rem Eginhardus in Annual. his verbis refert: «Constantinus imperator Theodorum patricium Sicilie præfectum cum aliis dueibus suis fines Beneventanorum vastare jussit. Qui cum imperata exsequerentur, Grimoaldus qui eodem anno post mortem patris dux Beneventanus a rege datus est, et Hildebrandus dux Spoletanorum, cum copiis, quas congregare potuerunt, in Calabria eis occurserunt, habentes secum legatum regis Winigisum, qui postea in ducatu Spoletano Hildebrando successit. Commissoque prælio, immodecum ex eis multitudinem eciderunt, ac sine suo suorumque gravi dispendio victores facti, magnum captivorum ac spoliorum numerum in sua castra

retulerunt ». Idem prælium narrat Theophanes, qui Adalgisum Desiderii regis filium in eo occisum, quod tacent annalistæ Francorum, Theodotum perperam appellat. Theophanis verba refert Baronius num. 4 ex versione Anastasii. Childebrandus dux Spoletanorum anno DCCLXXIV creatus fuit juxta Iudicem ducum Spoletanorum a Mabillonio tom. 1 Musæi Ital. part. 2 publicato, in quo ad annum DCCLXXXIX legitur: *Guinichus dux*, qui alius non est a Winigiso, quem certum est Childebrando successisse.

5. *Irene imp. causa belli Græcos inter et Francos exorti.* — Hujus belli causa Irene Augusta fuit, temere Carolum tot viatoriis clarum provocavit. Theophanes enim anno Incarnat. secundum Alex. DCCLXXXI, kalend. Octob. hujus Christi anni inchoato, scribit: «Hoc anno mense Septembri acies Arabum ad prædandum comparate in Romaniam irruptionem fecerunt, et in Orientalium thema, ad locum cui nomen Copidnadus, penetrarunt. Romanorum autem duces collectis in unum copiis bello cum eis decertantes fusi sunt: ex quo perierunt plurimi, neenon ex exulum turmis non pauci: Diogenesque Orientalium turmarcha vir strenuus, et Opsiciei duces ecidere. Interea imperatrix Irene foedera eum Francis inita solvit, et misso Theophane protospathario, pueram ex Armeniacis nomine Mariam Amnia oriundam accepit, quam Constantino imperatori filio suo conjugem locavit: quamvis id Constantinus ægerrime ferret, nec propter conceptum erga Francorum regis Caroli filiam (scilicet Rotrudem) quam sibi desponsaverat, affectum, consensum præbere velle. Nuptiæ tamen mense Novembri Indictione duodecima celebratae sunt». Verebatur enim Irene ne filio Caroli affinitate fulto rerum administratione ipsa excideret.

6. *Tassilo dux Bajoariæ exauctoratur.* — Ad nnn. 5 et seq. Regino in Chronico ex Annalibus Francorum, quibus usus est, hoc anno habet: «Rex (nempe Carolus) congregavit Synodum in præfata villa (Ingelheimii scilicet, in qua iam dixerat eum Pascha celebrasse), ibique venit Tassilo (dux Bajoariæ). Cœperunt autem eum Bavari accusare, quod fidem promissam violasset, suadente uxore Liudburga (quæ Desiderii Longobardorum quondam regis filia erat), objecta vero Tassilo denegare non potuit, sed convictus est ad Avaros transmisso, et in vitam fidelium regis conciliatum fuisse. Ad ultimum tamen confessus est se dixisse, si deceat filios haberet, omnes mallet amittere, quam ita manere, sicut juraverat. Ex iis et aliis multis, ab omnibus dijudicatus est ad mortem. Et cum omnes capitalem sententiam proclamarent, rex misericordia motus, eo quod consanguineus ejus esset, obtinuit ab ipsis Dei et suis fidelibus, ne moreretur. Interrogatus ergo a rege quid agere velle, terræ prostratus licentiam in monasterium intrandi exceptiit, ut ibi peccata sua deplorare potuisset. Similiter et filius ejus Theodo fecit. Igitur attensi sunt, et in monasterium missi. Pauci Bajoarii, qui cum

Tassilone senserant, in exilium sunt missi ». Idem habent Eginhardus in Annal. et passim annalistæ Francorum. De monasterio in quo Tassilo sese recepit, non convenit inter antiquos auctores, aliis scribentibus eum expetiisse Laurishamense seu sancti Nazarii, aliis Gemeticense, aliis monasterium sancti Goaris, aliis *cum Theodone filio*, aliis cum duobus filiis Theudone et Theotherbo scribentibus. *Tassilo* cum Bavariam rexit, plura loca sancta datur, cœnobia ædificavit, aliaque pietatis opera pergit. Mabillonius sæc. III Benedict. part. 2, ejus Elogium historicum composuit, et quæ de eo annalistæ tradunt, in unum collegit.

**7. Hunni a Carolo devicti.** — Avari sive Hunni cum, sicut prouiserant, duobus exercitibus, uno Italianam qua Francis parebat, altero Bajoarium invasissent, utrobique re irrita recessere : « Huni », inquit Eginhardus in Annal., « sicut Tassiloni promiserant, duobus exercitibus comparatis, uno Marchiam Foro-Julensem, altero Bajoarium aggressi sunt; sed frustra; nam in utroque loco vieti fugatique sunt, et multis suorum amissis, cum magno damno ad loca sua se reepperunt ». Avari cum cladeum illam uelisci vellent, rursus profligati sunt : subjungit enim Eginhardus : « Pugna fuit commissa ab Avaris, qui voluerunt vindictam peragere contra Bajoarios. Ibi similiter fuerunt missi domini Caroli regis, et Domino protegente, victoria Christianorum aderat. Avari fugam ineipientes, multa strages ibidem facta est occidendo, et alii in Danubio fluvio vilam necando amiserunt ». Carolus itaque hoc anno non solum semel de Græcis; sed etiam ter de Avaribus triumphavit. Porro bellum istud Hunnicum diversum est ab eo, quod postea per annos octo a Carolo gestum fuit, an. DCXXCI inchoatum, annoque DCXXIX confectum; et de isto ultimo bello loquuntur Eginhardus in Vita Caroli M. cuius verba recitat Baronius numero 5, quæ ideo ad hunc ultimum Christi annum, sicut finis belli Hunnici spectant, ut ibidem exponemus.

**8. S. Willehadus anno superiori factus episcopus Bremensis.** — Ad num. 7 et seqq. Baronii tempore Vita sancti Willehadi episcopi Bremensis primi a sancto Anschario Bremensi archiepiscopo sæculo sequenti scripta nondum lueem viderat, ideoque panca de eo in Annalibus habet. Ejus etiam ordinationem in hunc annum perperam distulit; cum ex dicendis anno sequenti, eam superiori peractam esse, certo constet. Anscharius itaque de ejus ordinatione sic disserit : « Cum omnia pacifica viderentur, et sub leni jugo Christi Saxonum ferocia, licet coacta jam mitescerent colla; memoratus praecellentissimus princeps (nempe Carotus) in Wormatia positus civitate, servum Dei Willehadum consecrari fecit episcopum tertio idus Julii, constitutque eum pastorem atque rectorem super Wigmodiam, et Laras, et Rnistri, et Asterga, neconon Nordendi ac Wange : ut inibi anctoritate episcopali et praesesset populis, et, uti cooperat, doc-

trina salutari operibusque eximiis speculator de-super intentus prodesse studeret. Sicque ipse pri-mus in eadem diecesi sedem obtinuit pontificalem. Quod tamen id tamdiu prolongatum fuerat, quia gens credulitati divinæ resistens, cum presbyteros aliquoties secum manere vix compulsa sineret, episcopali auctoritate minime regi patiebalur. Hac itaque de causa septem annis prius in eadem pres-byter est demoratus parochia; vocatus tamen episcopus, et secundum quod poterat cuncta po-testate præsidentis ordinans ». Mabillonius, qui hanc sancti Willehadi Vitam sæc. III Benedict. publicavit, recte observat *Willehadum* ante epis-co-palem consecrationem dictum esse *episcopum*, mi-nirum ob episcopatia munia, prædicationem scilicet, baptismi collationem, presbyterorum variis in locis institutionem, aliaque id genus, indeque argumentum sumendum, cur sancti complures præcipue in Belgio, *episcopi* dicantur, qui tamen unusquam consecrati sunt episcopi.

**9. Carolus varias possessiones Ecclesiae Bre-mensi largitur.** — Mirum vero *Willehadum* die decimo tertio mensis Julii, qui anno superiori in feriam sextam incidebat, ordinatum fuisse; cum per hæc tempora episcopi non nisi diebus Domini-ecis aut festis solemnis consecrari soliti essent. Id tamen ex diebus, quibus supra annos et menses sedit, etiam colligitur. In Chronico quidem Moisiaciensi ad annum DCCLXXXV dicitur *ordinatus episcopus in idibus Julii*, sed ibi chronographus iduum nomen absolute et indefinite usurpat, die scilicet iduum non determinalo, quo loquendi modo antiqui aliquando utuntur, ut anno DCCLXXIV, num. 48 ostendimus. Recitat Baronius Diploma *Caroli*, in quo diecesi Bremensi decem pagi attri-buuntur, qui duas provincias, *Vigmodiam* ultra Visurgim, et *Lorgoam* eis eundem annem consti-tuent. *Brema* Wigmodiæ caput dexteræ Visurgis ripæ adsidet. *Lorgoa* eis Visurgim sita hodiernum Orientalis Frisiae comitatum ex parte complectitur. Qui populi essent Riustri, Asterga, Nordendi, ac Wanga ab Auschario laudato memorati, explicat Cointius hoc anno num. 45. In laudato Diplomate hæc verba leguntur : « Insuper ad præfatæ con-structionem Ecclesiae, in supradictis pagis, LXX mansos eum suis colonis offerentes, totius hujus parochiae incolas decimas suas Ecclesiae, suoque provisori fideliter persolvere hoc nostræ majestatis præcepto jubemus, donamus et confirmamus. Ad-huc etiam Summi Pontificis et universalis papæ Hadriani præcepto, neconon et Moguntiacensis episcopi Lullenis, omniumque qui adfuere ponti-ficium consilio, eandem Bremensem Ecclesiam cum omnibus suis appendiciis Willehado probabi-lis vitæ viro coram Deo et sanctis ejus commisi-nus. Quem etiam primum ejusdem Ecclesiae III idus Julii, consecrari fecimus episcopum, etc. » Tum in fine Diplomatici legitur : « Hlhibaldus ar-chiepiscopus Coloniensis et sacri palatii capeflanus recognovi. Data II idus Julii, anno Dominice In-

carnationis DCCLXXXVIII, Indictione XII, anno autem regni domini Caroli XXI. Actum palatio Nemetensi feliciter. Amen ».

10. *Donatio Caroli aliquibus assumentis foeda.* — Verum haec ultima clausula addita est ab Adamo Bremensi canonico, qui in Historia sua Ecclesiastica Diploma illud publicavit; cum temporum characteres in ea expressi inter se pugnant, ut annotarunt Mabillonius in Observat. præviis ad Vitam sancti Willehadi, et Cointius hoc anno num. 14. Mabillonius loco, anno DCCLXXXVIII, legendum censet anno DCCLXXXIX. Verum toto illo anno Carolus a Nemetensi palatio procul abfuit, ut animadvertisit Cointius, qui legendum docet, anno DCCLXXXVIII, quo pacto, loco *Indictione XII*, legendum *Indictione XI*, et loco, anno *Caroli XXI*, legendum, anno *Caroli XX*, præterquam quod certum est hoc sæculo Francorum reges in suis Diplomaticis annos Incarnationis et Indictionis non apposuisse. Ad hæc *Hildebaldus* ante annum DCCXCI sacri palatii capellanus non fuit, quia *Angilramnus* episcopus Metensis eo anno demortuus eo munere fungebatur. Qui Adami error a Cointio observatus. Denique idem Adamus in ipsum Diploma perperam hanc notam temporariam infarsit, *III idus Julii*, ut ex verbis eam præcedentibus innotescit. His adde, verba illa sine anno ordinationis Willehadi expressa, falsum sensum reddere; ex iis enim sequitur, *Willehadum* pridie illius donationis ordinatum fuisse; cum tamen certum sit, id anno superiori peractum. Quando *Willehadus* Romanum et *Luitgerus* in Italianam profecti sint, de qua profectio dubitat Baronius, qui neque Vitam Willehadi ab Anselmio scriptam, neque Vitam sancti Luidgeri ab Alfrido elucubratam viderat, suis locis diximus, annoque sequenti de *Willehadi* morte verba faciemus.

11. *Concilium Narbonense de falsitate suspectum.* — Baluzius ad lib. 6 de Concordia cap. xxv refert Concilium Narbonense, cuius hoc initium est: « Anno Incarnat. Dominicæ DCCLXXXVIII, Indict. XII, glriosissimo quoque domino imperatore Carolo regnante anno XXIIII, V kal. Jul. dum pro multis et variis Ecclesiasticis negotiis, præsertim pro Felicis Urgellitanæ sedis episcopi pestifero dogmate, monente per sua auctoritatis litteras domino Apostolico Hadriano, ac domino imperatore per missum suum nomine Desiderium, convenissemus urbem Narbonam, etc. » Verum Concilium illud de falsitate manifeste suspectum, non solum quia notæ illæ temporariæ inter se pugnant, ut examinanti liquet; sed etiam quia Felix huic Concilio subserbit, et tamen hæresim suam non ejurat, de qua etiam in eodem Concilio nihil legitur præter citata verba. Præterea ante Concilium Ratisponense anno DCCXCI habitum Felix « quanta potuit pertinacia pravitatem intentionis suæ defendere curavit », inquit Eginhardus in Annal. et inter antiquos omnes convenit eum ante Concilium Ratisponense hæresim suam non deposuisse; quod confirmat

Jonas episcopus Aurelianensis in libro contra Claudium Taurinensem episcopum, qui ait: « Felix cum multis apud Septimaniam eumdem haustum pestiferum propinarit, eum tamen Galliae Germaniæque, quantum in illo fuit, propinare voluit. Sed.... nullum apud Galliam Germaniamque ejus error locum invenire quivit.... Ejusdem namque principis (nempe Caroli) jussu in unum coacti (nempe episcopi), adhibita etiam sanctæ Romanae Ecclesiæ auctoritate eumdem Felicem damnaverunt », nempe in Concilio Ratisponensi. Tertio, nomen *imperatoris*, quod ante annum DCCC Carolo attributum non fuit, ter in eo Concilio iteratur, quod librariis adscribi non potest, aut aliquo monumento publico ante imperium Carolo collatum exarato confirmari. Cointius anno DCCXCI, numero 11 et seq. illud genuinum censet, et notas tantum temporarias ac nomen imperatoris assumpta esse ex eo deducit, quod anni Incarnationis hoc sæculo in Actis publicis non apponenterunt, indeque Concilium illud in eum Christi annum rejicit. Verum licet Francorum reges in suis Diplomaticis *Aera Incarnationis* hoc sæculo non uterentur, eam tamen episcopos in Conciliis aliquando adhibuisse certis exemplis constat. Quia tamen Baluzius in vetustissimis membranis exercitatis asserit se illud descriptisse ex Ms. quod aut ætati Caroli suppar est, aut non multo remotum, tria Decreta quæ in eo habentur, videntur legitima, sed subscriptio duorum archiepiscoporum et episcoporum XXV, notæ temporariæ ac Felicis Urgellitani episcopi mentio defendi non possunt; ea enim omnia postea addita, ut majus robur Decretis conciliaretur. Primum Decretum comitatum Redensem et pagum Redensem adjudicat Danieli archiepiscopo Narbonensi aduersus episcopum Helenensem. Secundum statuit, ut Orbus fluvius diœceses Narbonensem et Biterensem distinguit, quia lis erat inter utrumque antistitem de limitibus diœceseon. Tertio, controversia erat de finibus diœceseos Narbonensis ultra Pyrenæum montem seu de Ausonensi parochia, quam idem Daniel Narbonensi diœcesi accensebat; re discussa definitum a Synodo, ut Ausonensis pagus, donec peculiarem episcopum habere posset, ad Narbonensem diœcesim perlineret. Caeterum Conseranensem, Convenensem et Barcinonensem episcopos huic Concilio adfuisse, uti in subscriptionibus legitur, nullus mihi facile persuaserit. Ut enim notat Marca lib. 3 Marcæ Hisp. cap. 16, num. 13, ante annum DCCCI, quo Barcino crepta est omnino a ditione Maurorum, quamvis Barcinonenses regiam majestatem Francorum regum comiter colerent, suæ tamen auctoritatis erant retinentissimi, nec quicquam regio nomine geri lubenter perferebant, et parte alia ex auctore Vitæ Ludovici PII patet, Vascones hoc tempore adversus Ludovicum Aquitanæ regem rebettasse, et non nisi anno DCCXC vel insequentibus ad obsequium rediisse.

12. *Obitus Abderaminis Hispaniarum regis.*  
— Mortuus est hoc anno *Abderamen* Saracenorum

Hispanias incolentium rex, cum Elmacinus lib. 2 Hist. Sarac. cap. 6, asserat, mortem ejus contigisse anno Arabico CLXXII, *ut regnaverat xxxii annos et aliquot menses*. Rodericus quidem in Historia Arabum cap. 48, eam confert in annum Arabum CLXXI, sed major fides hac in re Elmacino. Notat enim Rodericus Abderamen anno Arabum CXLIX cōpissē Cordubensem mezquitam ædificare, *ut prærogativo opere omnes mezquitas Arabum superaret*. Ei successit Isen ex ejus filiis unus, vel, ut ab Elmacino vocatur, *Hisiamus*. Reliquit Abderamen undicim filios, ex quibus duo bellum moverunt adversus Isem fratrem, sed tandem in Africam transfretare coacti sunt, ut habeat idem Rodericus. Ex Epistola Cod. Carol. LXXXIII ab Hadriano ad Carolum hoc anno data apparent, *Carolum veritum fuisse, ne dum ipse in Italia bellum a nobis supra narratum gereret, Abderamen in Franciam irrumperet*. Ait enim Hadrianus in iis litteris: « Destinavit nobis per vestros apices a Deo constituta regalis potentia, quia, Deo sibi contrario, Agarenorum gens cupiunt ad debellandum vestros introire fines. Hoc vero cognito, in magna exinde tribulatione atque afflictione positi sumus: sed nequaquam Dominus Deus noster talia fieri permittat, nec beatorum Apostolorum Petrus prin-

ceps. Nos vero, dulcissime fili et magne rex, incessanter pro vobis cum omnibus nostris sacerdotibus, atque religiosis monachis, et cuncto clero, vel universo populo nostro, Domini Dei deprecamur clementiam, ut ipsam nec dicendam Agarenorum gentem vobis subjiciat, et vestris eam substernalat pedibus, etc. »

43. *Dani primum in Anglia visi*. — Huntindoniensis pag. 343, postquam recitavit nuptias Brithrici Occidentalium Saxonum regis, anno regni ejus quarto peractas, scribit: « His autem diebus venerunt Daci eum tribus puppibus in Britanniam, praedationis causa. Quod praepositus illius provinciae videns, occurrit eis debito securius, ut comprehensos ad regium duceret castrum. Nesciebat autem qui essent qui appulerant, vel cur appulissent. Statim vero immixtus eis, occisus est. Hic primus fuit Anglorum occisus a Dacis, post quem multa millia millium ab eisdem caesa sunt; et haec puppes primæ fuerunt, quas hue Daci adduxerunt ». Idem narrat vetus chronographus Saxo ad annum Christi superiorem. Dani sequentibus annis magnas tragœdias in Northumbriæ regno excilarunt, et Ecclesiastis ac monasteria incenderunt, ut suis locis videbatur.

## HADRIANI I ANNUS 18. — CHRISTI 789.

4. *Inter Irenem et filium Constantium orta dissidia*. — Sequitur annus Redemptoris septingentesimus octogesimus nonus, Indictione duodecima, quo Orientale imperium domestica dissensione matris et filii imperatorum mirum in modum exagitatur, de qua ista Theophanes: « Anno decimo imperii Irenæ movit diabolus livore impietatis imperatorum homines, qui instigarent matrem adversus filium, et filium adversus matrem ». Nimirum, ut ipsa sola regnare deberet, ex Dei voluntate esse, asseverantibus illis. Contra vero auribus filii alii insurribant, haud decens esse, ut viginti jam annos natus imperator adhuc sub matris esset tutela atque regimine. Quomodo autem matris partes prævaluerint, accipe: « Cum, inquit, imperator jam viginti esset annorum factus robustus atque idoneus, cum videret se nihil potestative

gerere, trislabatur: intuens e contrario Stauralium patricium a matre præfectum logothetam omnia possidere, omnesque ad illum accedere, et neminem se frequentare audere, consilio inito cum familiaribus perpancis hominibus suis, et Petro magistro suo, et Theodoro patricio, et Damiano patricio æque firmavit comprehendere eam, et in exilium in Siciliam destinare, sicque ipse teneret imperium sine matre sua ». Et paulo post:

2. « Cum autem Stauratio nuntiata fuit et præsignata res, commovit Augustam contra filium. Quæ comprehensos omnes imperatoris homines cecidit alique totundit, una cum Joanne protospathario et bajulo ipsius, et exilio relegavit in inferioribus partibus usque in Siciliam; Petrum vero magistrum de honestationibus subjiciens, in domo sua sedere præcepit, similiter et Theodorum patri-

cium. Porro Damianum patricium cæsum ac tonsum in castrum Appolloniadem exulem fore destinavit : percutiensque filium, et conviciis multis lacesseus, egit, ne procederet per dies non paucos. Cœpit autem militiam saeramentis submittere, ita dientem : Quia quousque tu vivis, non permittimus filium tuum imperare. Et jurabant omnes sic, nemine contradicere audente ». Illic status erat rerum imperii nutabundus et turbulentus, quem et natura evidentiori expressit signo, dum (quod idem Theophanes ait) « eodem anno sexto idus Februarii horribilis factus est terræ motus, ita ut non auderet quisquam domi dormire, sed omnes in hortis sub dio tabernaculis factis et tentoriis degebant. Ast imperatrix una cum filio suo egressa est ad sanctum Mamantem ». Hæc Theophanes.

3. *Tarasii pium opus.* — Porro his diebus cum Augusta prefectos, et inter alios protospatharium, quem Theophanes Joannem nomine dictum tradit, insequeretur: quo modo confugiens iste ad Ecclesiastiam, a Tarasio diu defensus sit, accipe ab Ignatio, qui res ejusdem Tarasii prosecutus hæc habet<sup>1</sup> :

« Aliquando quidam ex iis, qui gerebant magistratus, splendore et gloria et divitiis insignis, qui etiam ut ensem imperatorum gestaret, honorem erat adeptus, pro magno pecunia pondere luens pœnas, cum graves et acerbæ de eo haberentur quæstiones, neque ei quidquam daretur laxamenti, sed afflictione et cruciatu omni ex parte urgeretur, deturbatur in profundi desperationem pœnae animi ægritudine. Is cum noctem observasset intempestam, eos latens, quorum custodia fuerat creditus, ad templi divinum se contulit refugium. Cum autem fuisse intra adyta, venerandæ mensæ mox apprehensis cornibus, ea tenebat cum magno tremore et timore. Cum ergo eum cognovissent anfugisse, metu ne idem subirent supplicium, velocibus pedibus venerunt ad divinum templum, et eum adspicientes mensam divinam apprehendisse, circumdabant adyti ambitum, tempore cibi sumendi reo aperientes ingressum, non dantes locum, ut posset uti reliquis necessariis, sed sperabant fore, ut eum proderet necessitas, quæ eum vel nolentem expelleret. Adhibebant itaque majorem custodiā : prohibebant enim omnino ingressum ad aram, ut nemo eum sermone impertiret, aut ad eos, qui erant extra, aliquod verbum ab eo transmitteretur.

4. « Cum hæc ita venissent ad aures pastoris, Tarasii videlicet episcopi Constantinopolitani, eum repleverunt maxima animi ægritudine, ut qui viderat contemptiōnem divinorum sacramentorum movere ad indignationem datriū Dei benignitatem; sed videte a misericordi Patre suppeditatum tunc ei auxiliū, et admiramini prudentiam. Eo enim tempore, quo oportebat cibum sumere eum, qui affligebatur, sacra ueste se induens, proficiscebatur ad aditum, et per dexteram portam ingre-

diens, quæ ad reficiendum virum erant necessaria, suppeditabat, abunde ex se afferens, et deinde abibat eum relinquens. Si quando autem venter, cui negari non potest, eum cogeret facere, quæ sunt requisita naturæ : ex alto rursum descedens, et eum ad secessum educens et exspectans, et eum postea manu capiens restituiebat tribunali : idque non semel et bis in die faciebat, sed quoties evocatus erat ad hoc ministerium ab eo, qui graviter periclitabatur. Ilanc insatiabilem divini viri demissionem admirantes milites, et fieri non posse cogitantes, ut qui supplex erat, caperetur, quādiu justi manus eum regeret : improbum in eum struunt consilium, quod superabat omnem fraudem et astutiam. Clam enim per alium aditum collocant insidias, ut quando ex sacris adyliis ovem pastor traheret naturæ servientem, eam instar luporum raperent : quod etiam factum est. Nam cum sanctus vir, ut solebat, curam gereret, et ad requisita naturæ eum duceret, ii, qui secure latebant in insidiis, per aliam portam irrumpentes, eum rapiunt et ad regiam per vim trahunt.

5. « Postquam autem sceleralam infelictum machinationem in eum adunatam cognovit pastor sanctissimus, ita et dolore arreptus, nulla utens dilatione, ad Eleutherii aulam regiam (illic enim tunc forte contigit degere imperatricem) accedit. Cum ii vero patris adventum sensissent, et ejus praesentiam in ipsos futuram zelo plenam et instar acuti gladii suspicarentur, cum siverunt extra regiam, ne sermone quidem dignati. Ille videns suum adventum nihil sibi profuisse : Ecclesiasticæ pœnæ vinculis omnes communiter alligat, pronuntians indignos communione Christi sacramentorum, si ullo gravi damno afficerent eum, qui con fugerat supplex ad Ecclesiastim. Cum hæc erge tanquam ex Apostolica auctoritate libere dixisset, est reversus. Illi anathematismi laqueis adstricti, cum non possent effugere sacra retia pœnæ Ecclesiasticæ, de reo quidem non amplius habuere quæstionem tormentis, sed verborum solis examinationibus, de quibus agebant pecuniis trutinam exinanientes, tanquam innocentem eum absolvunt ». Hæc Ignatius « de egregio facto Tarasii patriarchæ religiosissimi ».

6. *Theophilus martyr, et Caroli lex de bonis Ecclesiistarum.* — Sed et illud præclare accidit hoc eodem anno (ut idem qui supra Theophanes auctor est) quod Theophilus prefectus imperatoriæ classis, cum anle aciem pugnans adversus Sarracenos, tentus esset, atque perduclus ad ipsum principem Aaron : cum sollicitaretur ab eo Christianam fidem negare, et sectæ Mahumetanæ inhærescere, et ille facere omnino renuisset, et vi adhibita nequaquam aliquo modo fleeti potuisset, subiectus gladio martyrii coronam conseculus est, inque martyrum sanctorum album relatus, undecimo kalendas Augusti natali die, memoria anniversaria celebratur hoc elogio : « In Cypro S. Theophilii prætoris, qui ab Arabibus tentus, cum nec donis, nec minis flecti

<sup>1</sup> Extant apud Sur. die xxv Febr. tom. I.

posset, ut Christum negaret, gladio cæsus est ».

Quod ad res pertinet Occidentales, hæc de Carolo laude digna leguntur<sup>1</sup> in ejus Capitularibus : « Anno Incarnationis septingentesimo octogesimo nono, Indictione duodecima, anno vicesimo regni nostri, actum est hujus legationis edictum in Aquisgrani palatio publice. Data est quarta die decimo kalendas Aprilis.

« Tempore Hadriani papæ et Caroli Magni imperatoris, quando Paulinus episcopus tenuit vices Apostolicae Sedis, in Aquis pie factum istud capitulum propter hoc, quia laici homines solebant dividere episcopia et monasteria ad illorum opus, et non remansisset ulli episcopo, nec abbat, nec abbatisse, nisi tantum ut velut canonici et monachi viverent ». Et infra :

7. « Quia juxta sanctorum Patrum traditionem novimus res Ecclesie vota esse fidelium, pretia peccatorum et patrimonia pauperum : cuique non solum habita conservare, verum etiam multa, Deo opitulante, conferre optamus : tamen ut ab Ecclesiasticis de non dividendis rebus illius suspicionem dudum conceptam penitus amovereimus : statuimus, ut neque nostris, neque filiorum, et Deo dispensante, successorum nostrorum temporibus,

qui nostram, vel progenitorum nostrorum voluntatem, vel exemplum imitari voluerint, nullam penitus divisionem, vel jacturam patiatur ». Hæc ibi. In quam sententiam sancta Hildegardis abbatissa res<sup>1</sup> prosecuta sancti Desibodi, hæc ait : « Post annos autem plurimos et aliquot regum decesum, rursum ingentia orta sunt bella in regione ista. Itaque majores natu et principes terre illius Carorum Magnum, qui tunc Romanum imperium suscepserat, adeantes, dixerunt, æquum non esse, ut ii, quos non earni, sed spiritui ; non mundo, sed Deo servire oportet, mundi pompam et opes superfluas obtinerent, quemadmodum facerent illi, qui in monte S. Desibodi degrent : cum ipsi prœliis et angustiis pressi, divitis et facultatibus egerent, unde tum servire regno, tum sibi consulere possent. Eorum orationem imperator et prudenter audivit, et sapienter dissimulavit. Responditque se fratribus illis nec fundos, aut possessiones, neque alias res, quas eis fideles contulissent, ulla ratione adempturum. Eo accepto responso, illi deinceps quieverunt ». Hæc Hildegardis, quæ principes audire debeant, si Caroli summi gloriae summi imperii hic aenuli, et æterni in cælo regni ejus ve- lint esse participes.

<sup>1</sup> Capit. Franc. 1. 1. c. 72. 73.

<sup>1</sup> Apud Sur. die VIII Juli.

---

Anno periodi Græco-Romanæ 6282. — Anno Æræ Hispan. 827. — Anno Hegiræ 173, inchoato die 31 Maii, Fer. 1. — Jesu Christi 789.

— Hadriani I papæ 18. — Constantini imp. 14 et 10. Irenæ 10.

1. *Constantinus anno sequenti de matre releganda cogitavit.* — Ad num. 4 et seq. Theophanes anno Incarnat. secundum Alex. DCCCLXXXII, qui kalendar. Septemb. currentis Christi anni inchoatur, narrat, imperatorem annum vicesimum jam superantem, cum videret omnem potestatem esse penes Irenem matrem suam et Stauracium patricium, consilio cum familiaribus sibi viris communicato, statuisse matrem in Siciliam relegare. Verum hæc ad annum sequentem pertinent, cum Constantinus imp. natus sit mense Januario anni Christi DCCCLXI, ut suo loco ostendi. Rem gestam Baronius pluribus refert, sicuti et vindictam, quam sumpsit Stauracius de iis, qui eum auctoritate privare constituerant. Subdit idem Theophanes, mensis Februarii die nono, Indictione decima tertia, ingenti terræ motu Constantinopolis facta imperatricem ad sanctum Mamantem cum filio perrexisse. Sed hic

terræ motus ad annum sequentem eliam revocandus, quo Indictio xiii mense Februario in cursu sovit. Auctor Miscellæ, quem Baronius sequitur, refert illum terræ motum accidisse sexto idus Februarii, seu die octava Februarii. Verum Theophanes illum cum die sequenti illigat.

2. *Anno sequenti multi Constantinopoli in exilium acti.* — A num. 3 ad 6. Ignatius diaconus in Vita sancti Tarasii cap. 6 refert, inune sanctum antistitem magnum fuisse immunitatæ Ecclesiae propugnatorem, et cum virum, qui ensem imperatorum gestabat, pro magno pecuniae pondere, luctuosa peñas ad sacra aram configuisse accepisset, ei cibum attulisse, et in naturæ necessitatibus famulatum esse; quæ verba Baronius interpretatur de Joanne protospathario, de quo Theophanes loco laudato scribit : « Conspiracy adversum se structæ Stauracius certior factus, Augustam in

filium coneitat. Mox ipsa imperatoris domesticis manibus injelis, cunctos diris verberibus cæsos et tonsos cum Joanne protospathario et Bajulo, cui Pieridius cognomentum, ad inferius remotos imperii fines in Siciliam usque relegavit exiles ». Quare exilium illud sequenti Christi anno, quo tumultuatum est Constantinopoli, irrogatum.

3. *Carolus Capitulare in lxxx Decreta divisum publicat.* — Ad num. 6 et seq. *Carolus* apud Aquisgranum, ubi hyemaverat, Pascha celebравit, ut veteres Annales testantur, et decimo kalendas Aprilis ibidem promulgavit Edictum seu Capitulare, quod in capitula duo et octoginta distribuitur, et a Sirmondo primum, et postea a Baluzio tom. i Capit. Reg. Franc. publicatum est. Legendum idem Baluzius in Notis ad Capitularia tom. ii, pag. 1038, ubi ostendit Capitulare de non dividendis Ecclesiæ bonis a Baronio hie recitatum pertinere ad annum DCCCI : hoc enim in loco hæc discussio morosior esset.

4. *Wilsi a Carolo devicti.* — Annalista Nazarianus res hoc anno a Carolo gestas his verbis explicat : « Anno DCCCLXXXIX, Carolus rex una cum Francis seu cæteris gentibus, in patriam Wilsiorum hostiliter perrexit, ipsamque patriam conquisivit, et regem eorum nomine Dragoidus apprehendit. Et iterum ipsi jam præfato regi illam patriam commendavit, et reversus est cum pace in Franciam ». Loquitur de hæc expeditione Eginhardus in Vita Caroli, aitque : « His motibus (nempe Bajoaricis, quibus anno superiori finis impositus est) ita compositis, Selavis, qui nostra consuetudine Wilsi, proprie vero, hoc est sua locutione, Wele заби dieuntur, bellum illatum est, in quo et Saxones velut auxiliares inter cæteras nationes, quæ regis signa jussæ sequebantur, quanquam fieta et minus devota obedientia militabant. Causa belli erat, quod Abodritos, qui cum Francis olim fœderati fuerant, assidua incursione lacesebant, nec jussionibus coerceri poterant. Sinus quidam ab Occidentali Oceano Orientem versus porrigitur longitudinis quidem incomperlæ, latitudinis vero, quæ nusquam millia passuum excedat, eum in multis locis contractor inveniatur. Hunc multæ circumsedent nationes Dani siquidem ac Sueones, quos Nordmannos vocamus, et Septentrionale littus, et omnes in eo insulas tenent. Ad littus Australē Selavi, et Aisti et aliae diversæ incolunt nationes, inter quos vel præcipui sunt, quibus tunc a rege bellum inferebatur Wele заби. Quos ille una tantum et quam per se gesserat expeditione ita contudit ac domuit, ut alterius imperata facere minime renuendum judicaret ».

5. *Situs regionis Wilsorum.* — Helmoldus in libris de Slavis, et Krantz in libris de Wandalis, Wilz Albim inter et Oderam collocant, et in varios populos distinguunt; ideoque *Carolus* hoc anno profligatis Wilsis ab Albi Francicas ditiones ad Oderam usque dilatavit, ut fusius ostendit Cointius hec anno num. 456, qui demonstrat, veteribus Wilso-

rum sedibus æquiparari hodie Marchiam Brandenburgicam pene integrum cum Occidentali Pomerania, et parte duatus Megalopolitani. *Obodriti* vero sive *Obotriti*, quos Wilsi lacesebant, siti quoque erant trans Albin fluvium. Krantz lib. 2, cap. 23, narrato bello isto subdit : « An autem religionis ab illo (nempe Carolo) in pactis mentio sit habita, Annales non præferunt, nisi quod promptum est perpendere, non tam brevi populum ad religionem cogi potuisse, recolentibus quantum temporis atque laboris sit impensum in subigendis ad salutis sacramenta Saxonibus ».

6. *Istria et Liburnia Francis parent.* — Ille etiam circiter tempore *Pippinus* Italæ rex *Istriam* et *Liburniam* Græcis eripuit. Istriam enim Francis paruisse docet Eginhardus in Vita Caroli M. et colligitur ex litteris ad Hispaniarum episcopos adversus Elipandum Toletanum archiepiscopum anno DCCXIV ab episcopis *Istriæ*, qui Concilio Franeofidiensi tunc intererant, datis. Francis etiam *Liburniam* paruisse testatur Eginhardus citatus, et ostendit supplicium a Carolo M. anno DCC de Tarsatiensibus, qui Henricum ducem Foro Juliensem interfecerant, sumptum. Erat autem *Tharsica* Liburniæ civitas. Exortum illud bellum, quia nuper Constantinus imp. Rotrude Pippini sorore spreta, aliam uxorem duxerat.

7. *Hadrianus de variis rebus ad Carolum scribit.* — Hadrianus papa eidem Carolo hoc anno scripsit Epistolam, quæ in Codice Carolino est ordine LXXXV, memoraturque a Baronio anno DCCXV, num. 2. Primo, *Carolum* laudat ob ejus erga Sedem Apostolicam zelum, et ex ejus verbis colligitur, fuisse tunc qui simultates inter regem ac Pontificem falsis sermonibus serere conabantur : « Quæsumus, inquit, vestram regalem excellentiam, ut nullatenus subdolo et homini mendaci, sicut fertis prebeatibus assensum, qui si talia adversus nos mentionis inventus fuerit, nostris Apostolicis obtutibus, una cum misso vestro dirigere dignemini : et si mendax apparuerit, secundum sua perversa merita puniatur ». Secundo, Hadrianus adversus episcopos Longobardiæ, finibus suarum parochiarum haud contentos et alienis inhiantes, seribit. Tertio, adversus consecrationis vitium, quod Pontifex in partibus Italice et Tuscice per hæresim *Simoniacam* fieri non diffitet, quodque *Carolus* in Ecclesia Ravennale committi quoque dicit, insurgit idem Hadrianus, et quomodo ipse ad episcoporum ordinationem procedat, exponit. Denique *Carolum* rogat, ut nullum Ravennatem aut Pentapolitanum in conspectum admittat absque litteris Pontificiis, quemadmodum ipse Pontifex neminem e regia dictione absque regiis litteris admissurus est, sic enim lore videtur, ut uterque populus domino suo morem gerere non requirat.

8. *Hadrianus PP. patriciatum Ravennatensem sibi conservari a Carolo petit.* — In iis litteris Hadrianus ait : « Tamen fidelissimi vestri præfati missi viderunt ipsos Ravennianos, quos vobis præ-

sentaverunt, qualiter nobis in superbia extiterunt : sed quæsumus vestram regalem potentiam, nullam novitatem in holocaustum, quod beato Petro sanctæ recordationis genitor vester obtulit, et vestra excellentia amplius confirmavit, imponere satagas, quia, ut fati estis, honor patriciatus vestri a nobis irrefragabiliter conservatur, etiam et plus amplius honorifice honoratur : simili modo ipse patriciatus beati Petri fautoris vestri, tam a sanctæ recordationis domino Pippino, magno rege, genitore vestro in scriptis, in integro concessus, et a vobis amplius confirmatus, irrefragabili jure permaneat ». Jam ab anno DCCLIV Romani a Græcorum imperatore omnino recesserant, et Rempublicam constituerant, cui Pontifex Romanus ut caput præferat, et quam Francorum reges sub patriciorum titulo defendebant. Petiit autem Hadrianus a Carolo, ut patriciatus seu exarchatus Ravennatensis sibi in integro conservaretur, et Ravenniani, qui ad eumdem spretis suis mandatis confugerant, ad suum judicium remitterentur. Labbeus tom. vi Concil. pag. 1773, ubi eam Epistolam recitat, loco *patriciatus utrobiique in margine reponit exarchatum*; sed perperam, locus enim purus est, et Carolus Magnus nunquam exarchus appellatus fuit, nec quam in urbe exercuit jurisdictione, similis erat jurisdictioni exarchi Ravennatensis. Nec magis ea verba intellexit Marca lib. 3 de Concordia cap. 11, num. 6, ubi scribit, paruisse hoc tempore Romam duobus patriciis Romano nempe Pontifici et regibus Francorum quod ex laudato loco erui putat. Licet enim Carolus vere patricius fuerit, utpote defensor Ecclesiæ et populi Romani, Pontifex tamen Romanus, qui caput Reipublicæ erat, nullibi patricius dictus reperitur. Nec revera eo nomine appellari debuit; cum patricius a principe penderet, ipse vero caput Reipublicæ esset. Recte itaque Carolus a dignitate quam gerebat patricius dictus, sed Pontifex Romanus a patriciatus Ravennatensi sibi a Pippino donato et a Carolo confirmato Romanorum patricii nomine non magis tulit, quam ante eum Græcorum imperator. Cæterum exarchum Ravennatensem patricium semper fuisse, liquet ex libro Diurno Rom. Pontif. cap. 2, tit. 2 et tit. 4, et cap. 1, tit. 4, Hadrianum vero de exarchatu verba facere, hæc ejus verba ostendunt, « patriciatus B. Petri in scriptis in integro concessus ».

9. *Patricius Rom. nunquam appellatus.* — « At », inquit Marca, « ex Epistolis xv et xxxvi Codicis Carolini memoratur uterque patriciatus, Romani sc. Pontificis et regum Francorum. Communio ejus patet ex Epistola senatus populique Romani ad Pippinum, qua juxta regis illius monita profertur se *fideles servos esse Romanæ Ecclesiæ et Pauli papæ*, quemadmodum se *fideles* Pippini in-

scribunt. Ex eo etiam manavit quod Paulus papa ait, Spoletanum ducem ejusque satrapas *in fide B. Petri et Pippini* sacramentum præbuisse. Quare Roma duobus patriciis in solidum subdita fuit ». Ita præsul doctissimus. Verum jam diximus, Pippini Carolique patriciatum fuisse tantum honorarium, et situm in defensione et tutiore Romanorum ac in jurisdictione ad eamdem exectioni mandandam necessaria; dominium vero Urbis et exarchatus Romani ad Summum Pontificem pertinuisse, eum famei nunquam patricium fuisse. Senatus populusque se *fideles* profitentur Pippino tanquam suo defensori, et Paulo papæ tanquam Reipublicæ capituli. Quod et de altero loco ex Epistola xxxvi desumpto dicendum, ac pro certo tenendum, ab anno DCCLIV Romanos imperatorum jugum excussisse, ut magis infra videbitur.

10. *Moritur S. Willehadus episc. Bremensis primus.* — In Chronicō Moissiacensi hoc anno legitur: « Obiit beatæ memorie Wulradus episcopus, et doctor verbi Domini VI idus Novembbris, in Aquilonicis partibus Saxonie », ubi Willehadum episcopum Bremensem prinum suo more Wulradum appellat. Anscharius de ejus morte locuturus ait: « Aedificavit domum Dei miræ pulchritudinis in loco qui dicitur Brema, ubi et sedem esse constiuit episcopalem, ac dedicavit eam kalendis Novembbris, die Dominico, in honorem Domini nostri Iesu Christi sub invocatione sancti Petri Apostoli », ideoque hoc anno, quo dies Dominicæ in diem primum Novembbris cadit. Paulo post: « Pia devotione vir domini cælo semper intentus, et orationis suæ ad Deum jugiter vota præmittens, sexto idus Novembbris, die Dominico, post solis ortum, confessor Domini pretiosus in Christi requievit nomine ». Ille autem anno dies Dominicæ in diem octavum mensis Novembbris convenit. « Mansit in episcopatu beatus Willehadus electus Domini pontifex annis duobus, mensibus tribus, diebus xxvi », inquit Anscharius. Quare III idus Julii, seu decima tertia ejusdem mensis anno septingentesimo octogesimo septimo ordinatus fuerat, quo etiam die Adamus Bremensis canonicus testatur ordinationem ejus celebrari. Willehadus e Northumbria in Frisia transfretavit, et per plures annos tam Frisones, quam Saxones eruditivit, ut suis locis exposuimus.

11. *Alwoldus rex Northumbrie necatur.* — Alfwoldus Northumbriæ rex, « post undecim annos perfidiam provincialium ingenuit sine culpa trucidatus », inquit Mahmesburiensis lib. 1 de Reg. cap. 3, quod Hovedenus pag. 404, et annalisti Mailrosensis anno superiori, Wigorniensis et Westmonasteriensis currenti factum tradunt. *Osredus* filius Alcredi regis, nepos ejus pro eo annum unum regnum tenuit, ut referunt iidem auctores.

---

 HADRIANI I ANNUS 19. — CHRISTI 790.
 

---

**1. Constantinus solus imperator: Carolus paganos debellat.** — Nonagesimus post septingentesimum annus Redemptoris Indictione deeima tertia consignatur, quo pulsa matre Irena, Constantinus solus regnare cœpit. Quod contigit factione legionum in Armenia degentium, quæ ipsum Constantinum duntaxat acclamarunt imperatorem: quorum exemplo alii, qui in aliis degebant provinciis, milites moti, et ipsi Constantinum tantum fore imperaturum, juramentis etiam publice contestati sunt, licet antea Irenæ jurassent. Cujus rei gratia factum est, ut Irena sibi timens, Constantinum a se dimitteret, quem pâne carcere custoditum hactenus asservasset. Qui habenas suscipiens imperii, ultius est in præfectos a matre constitutos, in eos potissimum, qui expelli procuraverant, quos diximus imperatoris amicos, ut Stauratum, et alios; sieque annus iste primus numeratus est ejusdem solius Constantini absque matre regnantis.

**2. Sic igitur pax post longum bellum, quam Orientalis Ecclesia fucrat tot laboribus conseonta, domestico imperatorum bello turbatur.** Inter tot tantaque discordiæ flagrantis incendia eodem tempore conflagrassæ etiam partem Constantinopolitanæ urbis, et inter alias quoque dominum patriarchæ, testatur Theophanes atque Cedrenus, qui ait: « Incendium quoque triclinium patriarchæ domus, quod Thomaites appellatur, et ei subjectas cameras absumpsit, ubi reposita erant universa scripta, quibus sacram Scripturam sanctus Joannes Chrysostomus fuerat interpretatus; grassatumque est incendium usque ad Milliarium et Quæstorium, omnibus, que in medio erant, exustis ».

Eodem anno, quo Æra Hispana numeratur octingentesima vicesima octava, defuneto Maurogato rege Gallæciæ, in locum ejus successit Vere mundus diaconus, qui inde magnam comparavit sibi laudem, quod Alfonsum ab illo e regno ejectum restituit, ita bene consulens rebus Christianorum, et regno jam omni ex parte collapso. Ista Tundens et alii.

Quod ad res Francorum pertinet, ut produnt veteres Annales, quietus hic fuit animus a bellorum

motibus, perdomilis jam anno superiori (ut iidem testantur) Sclavis a Carolo Magno. Quo anno Albini reperitur scripta esse Epistola de rebus Caroli Magni, cuius fragmentum in rebus gestis Anglorum recitatum libro secundo continuationis historiæ Anglicanæ, hic tibi opportune suo loco reddendum putavimus. Est (inquit auctor) Epistola Albini hujusce rei index, cuius partem hic apponam, documentum ingens magnanimitatis et fortitudinis Caroli, qui omnem rætatem triverit in bellis contra paganos Deo rebelles.

3. « Antiqui, inquit, Saxones et omnes Fresonum populi, instante rege Carolo, alios præmiis, alios minis sollicitante, ad fidem Christi conversi sunt. Sed anno transacto, idem rex cum exercitu irruit super Sclavos, eosque subegit suæ ditioni Avares, quos nos Hunnos dicimus, exarserunt in Italiani, et a duebus præfati regis Christianis superati, dominum cum opprobrio reversi sunt. Similiter et super Bangariam (Bajoarium) irruerunt, qui et ipsi ab exercitu Christiano superati et dispersi sunt. Etiam et ejusdem Christianissimi duces regis et tribuni multam partem Hispaniæ tulerunt a Sarracenis, quasi trecenta millia in longum per maritimam. Sed heu, proli dolor! quod iidem maledicti Sarraceni, qui et Agareni, tota dominantur Africa, et Asia majori maxima de parte, nescio quid de nobis venturum sit. Aliquid enim dissensionis, diabolico fomento inflammante, nuper inter regem Carolum et regem Offam exortum est; ita ut utrinque navigatio interdicta negotiantibus esset. Sunt qui dicant, nos pro pace esse in illas partes mittendos ». Hucusque ex Epistola Albini. Subdit vero his hæc auctor:

4. « In his verbis, præler illa, quæ superius notavi, poterit curiosius animadverti, quantum jam annorum effluxerit, ex quo Sarraceni Africam et Asiam invaserunt, et (quod) profeeto nisi Dei clementia ingenitum robur Francorum imperatorem animasset: pridem Europam etiam subjungassent. Adeo contemptis imperatoribus Constantinopolitanis, Siciliam, et Sardiniam, et Baleares insulas, et pâne omnes terras, que pelago cinguntur, præler

Cretam, Rhodum et Cyprum occupaverunt ». Sed et his postea potiti sunt.

Videas ex his, lector, quantum Christianus orbis debeat Carolo Magno, qui solus exundanti ex

Oriente in Occidentem torrenti, ne universam obrueret Christianitatem, obicem se opposuit validissimum.

Anno periodi Graeco-Romanæ 6283. — Anno Æræ Hispan. 828. — Anno Hegiræ 174, inchoato die 20 Maii, Fer. 5. — Jesu Christi 790.

— Hadriani I papæ 19. — Constantini 15 et 11. Solius 1.

1. *Irene imperatrix rerum administratione privatatur.* — Ad num. 1 et seq. Hoc anno adversus Irenem Augustam Constantin filius aliquos optimates commovit, ut anno superiori narravimus, quæ narratio hue transferenda. Contigit etiam quod Theophanes an. lucarn. secundum Alex. DCCLXXXIII, kalendis Septemb. currentis Christi anni inchoato refert, mense nempe Septembri, *Indictione decima quarta*, thema Armeniacorum proprium ducem Niephorum patricium in custodiam conjecisse, et Constantimum solum imperatorem elatis vocibus celebrasse. « Octobri porro mense, Indictione quarta decima, legiones thematnm cunctæ apud Atroam collectæ Constantimum vicesimum tune annum agentem solum imperatorem agnosci postularunt. Constantino in imperii sede confirmato, matrem omni potestate milites abdicarunt. Mense vero Decembri Constantinus ipsam matrem in palatio, quod ad Eleutherium struxerat, securam et commodam vitam agere præcepit ». Hoc itaque anno Constantinus solus regnare cœpit.

2. *Moritur Mauregatus rex Asturiarum.* — Ad num. 3 et seq. *Veremundus* diaconus, sive Bimarmi, sive Froilæ fratri Alphonsi filius successit hoc anno in regnum Asturiarum *Mauregato*, qui regnum annos quinque et aliquot menses occupaverat. *Veremundus* vero regnum restituit *Alphonso* cognomento *Casto*, et cum eo corregnavit usque ad annum DCXXI, quo historici Hispanie initium Alphonsi *Casti* solius regnantis consignant.

3. *Origo belli Hunnicia Carolo gesti.* — Quadres Francorum Eginhardus in Annalibus scribit: « Hoc anno nulla expeditio a rege facta est, sed in Wormacia residens legatos Hunnorum et audivit, et suos vicissimi ad eorum principes misit. Agebatur de confiniis inter eos regnum suorum, quibus in locis esse deberent. Haec contentio atque alteratio belli, quod postea cum flumis gestum est, seminarium et origo fuit. Rex autem ne quasi per otium torpere ac tempus tercere videretur, per

Mœnum fluvium ad Salæ palatum suum in Germania juxta Salam fluvium constructum navigavit: atque inde iterum per eundem amnem, secunda aqua Wormaciæ reversus est ». Addit Eginhardus ibi Natalem Domini Carolum celebrasse.

4. *Dissidium Carolum inter et Offam reges post sexcentum ortum.* — Baronius refert ex Malmesburiensi lib. 1 de Reg. pag. 32, parlem Epistole Alcuini, ex qua apparet, *Carolum* antea dissensisse ab *Offa* rege Merciorum, adeo ut magnis motibus utrobique concurrentibus, etiam negotiatorum commeatus prohiberentur. Verum hæc dissensio inter utrumque regem anno tantum DCXXVI exorta, pauloque post sopita, ut eo anno videbimus, ad quem ideo hæc Alcuini Epistola pertinet.

5. *Ethelredus in regnum Northumbriæ restituitur.* — Simeon Dunelmensis in sua Historia de Gestis Reg. Angl. scribit: « Anno DCXXC, Ethelredus de exilio liberatus est, et iterum per gratiam Christi regni solio est subthronizatus. Osredus autem rex dolo suorum principum circumventus et captus ac regno privatus, atlonsus est in Eboraca civitale, et postea necessitate coactus exilium petit ». Idem habent alii historici Anglorum, docentque Northumbrios *Osredum* aversatos, Ethelredum quem ante annos duodecim ejecerant, regem depoposuisse, illumque iterum regnasse. De ejus regni exordio ita Alcuinus apud Malmesburiensem lib. 1 de Gest. Reg. Angl. pag. 26: « Benedictus Deus qui facit mirabilia solus, nuper Athelredus filius Athelwoldi de carcere processit in solium, et de miseria in majestatem: cuius regni novitale detenti sumus, ne veniremus ad vos ».

6. *Queritur Hadrianus quod in Langobardia episcopi et monachæ graviter contra canones peccarent.* — In Codice Carotino refertur Epistola Hadriani papæ ad Carolum ordine xciv, memorata a Baronio anno DCXXV. Ea iterum questus est Hadrianus, quod aliquot episcopi Longobardia, quæ Carolo

parebat, non essent contenti finibus suarum parochiarum, et aliorum partes illicite detinerent: « Olim quippe corum, inquit, gens in errore existens, vestrae a Deo protectae regali potentiae servata est a talibus malignis et infidelibus actis emendari, ut unde gloriosiores cæteris regibus eminentis, inde omnipotenti Domino, qui dat salutem regibus, perfectius placeatis, etc. Quapropter poscentes vestram a Deo promotam regalem excellentiam, quæsumus, ut eorum errores contemnentes, canonice unusquisque suam diœcesim sacerdotali moderamine tenere, atque disponere officio Ecclesiastico valeat». Queritur in eadem Epistola Pontifex, quod moniales relicto monasterio illicitis nuptiis copulentur: « Porro et hoc vestrae suggestentes regali excellentiae innotescimus errorem illum, qui in eadem gente Langobardorum callide regaare in stupris et spureciis diaboli non desinit. Semel quippe Deo se voventes, et veste fusca monachico habitu induentes, iterum retrorsum revertentes,

quod dici nefas est, sœculares vestes circumferentes, illicito copulari matrimonio prohibentur, quatenus pro hoc sœpius admonuimus per Gundridum, et aliis gasindis vestris (id est, famulis vel camerariis, ut videre est in Glossario Ducangii in voce Gasindus, sed in litteris Hadriani forte legendum, *alios gasindos vestros*) Epistolam dirigentes Raginaldo et Ragimbaldo, ut tam detestabile stuprum devitarent. Sed ipsi nolentes acquiescere, per eorum contumaciam, filiam Erminaldi monachico habitu circumdatam suo nepoli, nomine Nazario, diabolica versutia copulaverunt, et nostris Apostolicis adhortationibus assensum tribuere noluerunt, et eorum adimplentes iniquam præsumptionem, ministri diaboli effecti sunt, et plures in Italia eorum invitari exemplo non desinunt, etc. Et idcirco petimus, ut nostris vestrisque temporibus canonice in omni Christiano populo nobis a Deo commisso tale illicitum scelus emendetur, etc. »

## HADRIANI I ANNUS 20. — CHRISTI 791.

1. *Constantini vilia et iniqua acta.* — Sequitur ordine temporis annus Redemptoris septingentesimus nonagesimus primus, Indictione decima quarta, quo (ut auctor est Theophanes) Constantinus imp. decimo octavo kalendas Februarii rogatus a matre et ab aliis optimatibus, proununtiat eamdem iterum imperatricem, amboque simul, ut antea, acclamati sunt imperatores, adhuc tamen Armenis militibus contradictibus. Quo item anno male pugnatum est adversus Bulgaros, cum scilicet (ut idem testatur Theophanes) imperator a pseudoprophetis certain victoriam pollicentibus deceptus, dum minus cante bellum gerit, ab hostibus superatur, fugatusque redit Constantinopolim, compluribus desideratis ex primoribus magistratibus: occisus pariter Pancratius astronomus pseudopropheta, qui certam ipsi victoriam vane prædicterat. Sed quæ hæc acerbiora secuta sunt mala, audi Theophanem:

2. « Cum, inquit, collecti essent ordines militares in urbem, consiliarii sunt educere Nicophorum filium Constantini senioris, avi scilicet ipsius tune regnantis, eundem et Cæsarem et imperatorem

constiluere. Quo comperlo, Constantinus imperator misit et eduxit suos patruos filios Constantini avi sui ad S. Mammantem, et Nicophorum quidem oculis, Christophorum atque Nicetam, Anthimum atque Eudoxium linguis privavit; eum quibus et prædictum Alexium patricium, quem legiones Armeniae quæsierant provehere in imperium, lumenibus privavit, obediens maternis et præfati Stauratii suadelis, ei asseverantium, quod nisi hunc cæcum redderet, in imperatorem forent electuri ». Aeta sunt autem hæc adeo creduliter, ut ait, mense Augusto, die sabbati, hora nona, Indictione decima quarta (decima quinta). Subdit vero idem Theophanes: « Verumtamen non in longum Dei justitia hanc iniquam ultionem misit inultam. Post quinquennium namque, eodem mense, et eodem die sabbati, orbatus est oculis a propria matre idem Constantinus ».

Sed sicut in Oriente, ubi sævitia cum iniquitate grassatur, Barbari prævalent in imperatorem: ita et contra in Occidente, Caroli Magni regis pietas invictos hactenus Barbaros superat. Hoc siquidem anno

(ut habent veteres Francorum<sup>1</sup> Annales) triduano jejunio et litanii, solemniq[ue] celebrazione missarum roboratus exercitus, fide potentior quam armis adversus Avares bellum quam felicissime gessit. « Nam Franci », inquit anctor, « prostraverunt Avarum innumerabilem multitudinem, et reversi sunt ex utraque ripa Danubii ad propria, magnificantes Deum pro tanta victoria » plane incruenta.

3. *Conc. Forojuiliense sub Paulino patriarcha Aquileiensi.* — Quod vero ad res Italiae pertinet, hoc ipso anno celebratum est in Italia Concilium Forojuiliense sub Paulino episcopo Aquileiensi, sub cuius metropoli Forojuilium continebatur. De tempore quidem ex Actis ipsius Concilii satis liquet, ubi in eorum exordiis ista scribuntur : « Anno igitur felicissimo principatus eorum, Caroli scilicet tertio et vicesimo, et Pipini decimo quinto : canoniciis siquidem evocatum syllabis fraternum quorundam episcoporum contubernium Forojuilium municipium metropolim Aquileensem veneranter coacervatum convenit, etc. » Qui hinc prætuit Paulinus patriarcha, egregia enituit sanctitate, et doctrina fuli insignis, plurimusque in Synodalibus coactis a Carolo Magno convenientibus, ad quos ab eodem rege vocari solitus esset : nam ipse in hoc eodem Concilio dum se excusat, quod tardius et infrequentius convocabaret ad Synodus provincialem sibi subjectos episcopos, præter excusationem bellicorum tumultuum, hanc addit, quod frequenter ad generales coactus fuerit proficiisci. Sed audi ipsum :

« Per tot temporum curricula quod minime sit reverendi Concilii Sessio celebrata, vestram scire non ambigo sincerissimam charitatem. Nam propter improbos, qui solent irrumpere, mundanos tumultus, propterque imminentia præliorum bella, quæ circumquaque per gyrum finium nostrorum frementि ferocitate ingruere non cessabant, intermissum interim hoc magnificum opus, proculdubio poterit approbari. Verumtamen non penitus intermissum veridieis valebil assertionibus aestimari. Nam quoties reverendis principalibus accersiti imperiis in generali celeberrimae Synodi venerabilium Patrum conventione humillimam parvitas meæ presentiam, quia saepius contigit adfuisse : vestris est animis (ut opinor) non celatum, vestisque etiam obtutibus aliquoties latius patuisse, in promptu non dubito ». Itæ de præteritis.

4. De præsenti autem Synodo congreganda, accipe ejus animi consilium ex temporiū opportunitate quæsitum : « Nunc autem, inquit, divina opitulante clementia, attritis utique ferocium Barbarorum superbiæ typho erectis cervicibus, auxilio per omnia adminiculante de cœlo, redditæ jam quietissima pace terris, superna prorsus largiente gratia, paululumque respirantibus regalibus jussis, necessarium duximus summopere festinantes dilectissimam fraternitatem vestram juxta prisorum

canonum inviolabiles sanctiones in uno collegio aggregari, etc. » Sane quidem Paulinum hunc ut insignis nominis virum citat<sup>2</sup> Walfridus Strabo, qui claruit paulo post sub Ludovico filio Caroli Magni, dum agit de sacrorum hymnorum in Ecclesia usu : « Traditur siquidem, inquit, Paulinum Forojuiliensem patriarcham saepius, et maxime in privatis missis circa immolationem sacramentorum hymnos vel ab aliis, vel a se compositos celebrasse ». Haec ipse. Sed de his, quæ ad res gestas sancitasque in hac Synodo spectant, agamus.

Duo erant, quæ in Catholicæ fidei sacramentis hoc tempore Catholicam pulsabant Ecclesiam, in Oriente alterum, alterum vero in Occidente : in Oriente, inquam, quæstio de processione Spiritus sancti magnopere exagitari cœpit, indeque dilapsa in Italianam, Gallis cum Hispanis contra nitentibus, ut superius est demonstratum. In Occidente vero in Hispaniis ab episcopo Toletano Elipando, et Felice episcopo Urgetiano Nestorianismus restitui cœpit, dum assercerent Filium Dei Dominum nostrum Jesum Christum secundum humanitatem dicendum esse filium adoptivum, ac proinde duos Dei filios in Christo, naturalem et adoptivum esse. Ad utrumque errorem convincendum et corrigendum Paulinus visus est hujusmodi Synodum potissimum convocasse, utque etiam de his, quæ ad disciplinam Ecclesiasticam bene restituendam et instituendam pertinent canones ordinaret.

5. Quod ad primum spectat, haereticos cum nominet, negantes Spiritum sanctum a Patre Filioque procedere : diversum plane est ab eo, quod aliqui simpleiter dixerunt ex sancti Evangelii præscripto, Spiritum sanctum a Patre procedere, non negando tamen etiam ex Filio procedere. Itos quidem non esse censendos haereticos, Hadrianus papa excusat in responsionibus ad Carolum Magnum datis adversus Synodi secundæ Nicænae detractores, ubi Tarasium excusat, qui Spiritum sanctum dixerat ex Patre procedere per Filium, cum ait<sup>3</sup> : « Hoc dogma Tarasius non per se explanavit, sed per doctrinam sanctorum Patrum confessus est, quorum capitula pro vestro nimio amore, quem erga vestram perfectissimam (præcæctissimam) a Deo protectam regalem excellentiæ gerimus, breviter exoramus. Athanasius, etc. » Recitat nonnullorum græcorum et latinorum Patrum sententias Tarasii assertioni consentientes, quod scilicet Spiritus sanctus a Patre procedit per Filium. De quibus videas, quæ disputat diffusius S. Thomas<sup>4</sup>. Non ergo consensit Hadrianus illis damnantibus Graeos ; ob id, quod dicent Spiritum sanctum a Patre procedentem, non tamen negarent a Filio æque ipsum procedere. At quod addita Symbolo ita verba fuerint, **FILIOQUE**, hanc affert Paulinus rationem : « Haec enim, inquit, et cætera, quæ sequuntur in Nicæni Symboli sacro

<sup>1</sup> Chron. Frane. edit. a Pithœo et Regino in Chron. et alii.

<sup>2</sup> Walfrid. Strabo de rebus Eccl. c. 23. — <sup>3</sup> Hadrian. Ep. ad Carol. c. i. — <sup>4</sup> S. Thom. p. 1. q. XXXVI. art. 3.

dogmate non habentur. Sed et postmodum propter eos videlicet hæreticos, qui susurrant Spiritum sanctum solum esse Patris, et a solo procedere Patre, additum est: Qui ex Patre Filioque procedit ».

6. Quomodo autem nonnisi ex divinarum Scripturarum auctoritate id factum sit, pluribus idem Paulinus docet, licet quando sit, non dicat. Tu vero ejus rei originem, superius in Annalibus tempore Leonis Magni fusius declaratam, si libet, cognoscere poteris, cum estensum est in Hispaniis id primum factum, atque postmodum in Galliis: cum etsi doctrinam eamdem Ecclesia Romana receperit, in Symbolum tamen nunquam admisit, nisi sub Nicolao papa, ut suo loco inferius pluribus dicturi sumus. Est de his Pithœi compendiosa tractatio ad Jacobum Sirmundum societatis Jesu professorem.

Disputans insuper idem Paulinus in hac Synodo pluribus de sanctissima Trinitate, hæreses adversus eam obortas, prædamnatas confutat, atque demum de Verbi Incarnatione tractans, redarguit eos, qui Filium Dei factum hominem nominant adoptivum, eodemque fidei Catholice Symbolo eosdem condemnat errores. Quomodo autem eadem hæresis de adoptione Christi sequenti anno damnata est in Concilio Ratisponensi coram Carolo Magno imperatore, suo loco dicturi sumus. Demum vero in hac eadem Synodo, post tractationem dogmaticarum disputationum absolutam, sanciti sunt quatuordecim canones, ad disciplinam Ecclesiasticam spectantes, in quibus quam accuratus fuerit Ecclesiasticae disciplinae restitutor et custos, vel ex eo quisque poterit intelligere, dum nec cum permissis a Niceno Concilio mulieribus matre et sorore, permiserit suos clericos cohabitare.

Commendatur magnopere ejusdem Paulini sanctitas et doctrina, ad oppugnandas emergentes hæreses ab Albino Flacco ejus intimo familiari, qui his diebus has ad eum litteras dedit, quibus horatatur naviter agere adversus hæreticos pro dogmatibus Ecclesiasticis, pro quibus libellum, quem scripsérat, ad eumdem Albinum miserat, ad quem ita rescripsit<sup>1</sup>:

« Domino et in Domino dominorum dilectissimo, et pio patri Paulino patriarchæ salute».

« Videor aliquod me refrigerium habere animi mei, ut flamma charitatis in corde abscondita aliquam fortasse scintillam elicere valeat, ne totum torpescat, quod intus ignescit, dum opportunum mihi tempus aliquid tuæ scribere charitati occurrit. Quid? Cum beatitudinis vestræ litteras omni favo dulciores intueri mereor: nonne videor mihi inter varios paradisi flores totus conversari, et avida desiderii mei dextera spirituales exinde carpere fructus? Quanto magis cum sacratissimæ fidei vestra libellum recensui, Catholice pacis puritate ornatum, eloquentiae venustate jucundissimum, sen-

sum veritate firmissimum. Tolius animi mei habendas in lætitiam laxavi, ubi de uno lucidissimo et saluberrimo paradisi fonte quatuor virtutum flumina non solum Ausoniæ fertilitatis prata, sed totius Ecclesiasticae latitudinis rura irrigare conspexi: ubi et aurivemos spiritualium sensuum gurgites gemmis scholasticæ urbanitatis abundare intellexi. Quamplurimis vero profutrum, et per necessarium fecisti opus in Catholicæ fidei taxatione, quod diu optavi, et saepius domino regi suasi, ut symbolum Catholicæ fidei planissimis sensibus, et sermonibus luculentissimis in unam congereretur chartulam, et per singulas episcopalia regiminum parochias omnibus daretur presbyteris legendum, memoriæque commendandum, quatenus licet lingua diversa loqueretur, una tandem fides ubique resonaret. Ecce quod mea optavit humilitas, vestra implevit sublimitas. Habet apud salutis nostræ auctore perpetuam scilicet, et hujus bonæ voluntatis mercedem, et hujus perfecti operis apud homines laudem.

« Semper ferventissima charitas vestra castra perpetui regis undique invictissimis fidei clypeis munita, ne antiqui hostis versutia aliqua ex parte aditum suæ nequitiae invenire valeat. Et si ille mille habet artes nocendi, multo magis nobis necesse est mille habere artes defendendi, credentes in eum, qui ait<sup>2</sup>: Confidite, ego vici mundum, cuius pietas nobis prævidebat agonis tempus transitorium, et remunerationis esse perpetuum. Ille prior caleavit caput leonis et draconis, nobisque dedit potestatem calcandi super<sup>3</sup> serpentes et scorpiones, et omnes hæreticas pravitates, quæ sunt portæ inferi, superandi. Tu vero vir Dei apostolice, hac armatus potestate, viriliter pugna, fortiter vince, ut feliciter regnes cum Christo.

« Heu, proh dolor! multi solent desuper contextam Christi tunicam hæreticis scindere unguibus, et in paece Ecclesiæ facere, quod milites in Passionem Christi non ausi sunt facere. Quapropter, venerande pater, et doctissime athleta, et dulcisime doctor, simus semper in castris Christi manipulares, et in una acie sub vexillo S. Crucis concordi consilio et virtute præliantes, ut suos adversarios per nos vincat, qui vinci non potest. Nunc iterum antiquus serpens de dumis Hispanici ruris, et de speluncis venenatæ perfidiae contritum, non Herculea, sed Evangelica clava caput relevare conatur, et prioribus nequitiae poculis nova maledictionis toxica immiscere. Sed et frigidissimus Aquilo ventus alio de latere solidæ Ecclesiæ impellens parietem sacri baptismatis, Catholicæ consuetudinis regulam immutare nitens, et sub invocatione sanctæ Trinitatis unam asserentes mersionem fieri debere, triduanamque nostri Salvatoris sepulturam in baptismo imitari negligentes, cum Apostolus diceret: Consepulti enim estis cum Christo in baptismo. Alii vero trinam volentes facere mersionem, et

<sup>1</sup> Albin. Ep. LX. tom. I. Antiq. lect.

<sup>1</sup> Joan. XVI. — <sup>2</sup> Luc. x.

in unaquaque mersione invocationem sanctæ Trinitatis, ac per hoc totas tres personas nominare studentes, dum ipsa veritas præcipiteret<sup>1</sup>: He, docete omnes gentes, baptizantes eos in nomine Patris, et Filii, et Spiritus sancti: quid opus est tertio replicare, quod semel dictum sufficit?

« Est quoque in quibusdam clancula dubitatio: An animæ sanctorum Apostolorum et martyrum aliorumque perfectorum ante diem judicij in cœleste recipientur regnum? His, et hujusmodi spiculis de pharetris (ut aestimo) exemptis perfidiæ, unitatem sanctæ et Catholicæ Ecclesiæ, et veritatem universalis fidei aliqui vulnerare nitentes, etiam et spurcissimis errorum fecibus limpidis-sima Ecclesiastica fidei pocula insciunt, et nuptiale vinum, quod Christus ex aqua Virgini matri, Ecclesiæ scilicet sanctæ salubriter potanda convertit, iterum in aquas stultitiae converti conantur. Sed tuum est, o pastor electe gregis, et eustos portarum civitatis Dei, qui clavem scientiae potentiae dextera tenes, et ut lapides mundissimos læva recondis, blasphemantes exercitum Dei viventis Philistæos in superbissimo<sup>2</sup> Goliath uno veritatis ictu totos conterere: nostrum est elevare enim Moyse manus in cælum, humilitatis precibus te adjuvare, et spectare cum David in munitissima civitatis.... donec Speculator ex alto culminis fastigio clamitans, nobis tuam annuntiet victoriam. Ad te omnium adspiciunt oculi, aliquid de tuo affluentissimo eloquio cœlesle desiderantes audire, et terventissimo sapientiæ sole frigidissimos grandinum lapides, qui culmina sapientissimi Salomonis ferire non metuunt, per te citius resolvi exspectantes. Tu vero lucerna ardens et lucens; nos in tua luce exultare gaudemus; ut te lucente et ducente, ad lumen, quod illuminat omnem hominem venientem in hunc mundum, ejusdem æternæ lucis gratia adjuvante, pervenire mereamur». Hactenus Albinus ad Paulium.

7. *Burchardi episcopi obitus et Tiberis inundatio.* — Hoc eodem Redemptoris anno migravit ex hac vita ille apostolicus sanctitate illustris Burchardus episcopus Heribolensis, cum sedisset annos quadraginta, cuius res gestas proscutus est<sup>3</sup> Egilardus ejus monasterii monachus. Sed alia plura de eo e latebris vindicata accepimus, quæ si fuerimus consecuti, in Appendice collocabimus. Haud diu aulem ante obitum sanctissimus vir consulens novæ plantationi, imitatus exemplum magistri sui Bonifacii, sicut ille auctoritate Apostolicæ Sedis delegerat sibi successorem, ita ipse auctoritate Lulli Moguntini episcopi, Apostolicæ Sedis instar S. Bonifacii prædecessoris fungentis legatione, et assentiente Carolo Magno, Mengingandum voluit sibi in ejus episcopatus sedem substitui: quod et feliciter consecutus est. Porro relatus sanctus inter sanctos, ab Ecclesia Catholica, anuiversaria com-

memoratione cœptus est celebrari. Ecclesia vero Heribolensis, Apostolicorum plantata laboribus, hactenus Apostolico fulgore coruscat, Catholica ibi doctrina in tanto Germaniæ naufragio conservata.

Quod igitur in obitu sancti Burchardi fit men-tio Lulli episcopi Moguntini, supervixisse cum non solum Burchardo et successorij ejus, eadem citala Acta testantur, ex quibus redarguas eos qui eum longe ante hæc tempora decessisse ex hac vita tra-diderunt.

8. In fine autem anni hujus, nempe mense Decembri, Indictione decima quinta, mirum in modum exundans Tiberis, Romanæ Urbis planitiem alluvione replevit: hæc enim apud Anastasium Bibliothecarium verbis istis enarrantur: « In vice-simo hujus prædicti eximii Pontificis anno, mense Decembris, decima quinta Indictione, fluvius Ti-beris e suo egressus alveo intumescens, sese per campestria dedit. Qui etiam præ nimia inundatione portam, quæ dicitur Flaminia, ingressus, ipsam e fundamentis evellens portam, usque ad arcum, qui vocatur Tres Facciolas, eam deduxit, et muros in aliquibus transcendit locis, atque ultra Basilicam sancti Marci redundans, per porticum, quæ vocatur Palatina, se extendens, usque ad pontem Antonini, ipsum everlens, egressus, in suum se iterum remisit alveum, ita ut in Via lata amplius quam duas staturas ejusdem fluminis aqua excreverit, atque a ponte beati Petri usque ad pontem Milvium aquæ se extenderint: juxta remissam vim ipsius fluminis perdidit domos et evertit, atque agros de-sertavit, evellens et eradicans arbusta et segetes: et propter hoc imminebat tribulatio magna.

« Quo auditio, ipse præcipuus præsul, per hoc triduum, quo ipsum flumen quasi per alveum per civitatem currebat, se nimis in lamentationes dedit, et humi in oratione prostratus persistens, misertus Dominus ejus orationis, post triduum cessavit. Sed per plures dies aqua Romam detinuit. Intereaque ipse præcipuus autistes divina permotus inspira-tione, per sandala (scaphas scilicet) morantes in Via lata cibis alebat, ut non fame necarentur, eo quod ostium domicilii exire nequivant præ nimia inundatione aquarum. Postmodum vero arefacta aqua, omnes ipsas regiones Via latae in Domino consolatus est ». Hæc ibi de Tiberis inundatione, et Hadriani papæ erga gregem suum pastorali cura propensiore.

9. *Alphonsus cognomento Castus in regnum Hispaniæ restituitur.* — Hoc ipso anno Alphonsus cognomento Castus a Veremundo rege Gallæciæ, de quo dictum est anno superiori, restituitur in re-gnum, in collegam assumptus ab ipso: quod ex veteribus monumentis Morales prodidit, cum ex privilegio antiquissimi monasterii S. Vincentii Mon-tis fortis ista refert:

« Aera octingentesima nona unctus est in regno magnus Adefonsus decimo octavo kalen-das Octobris. Aera qua supra ». Hæc de unctione.

<sup>1</sup> Malth. xxviii. — <sup>2</sup> Reg. xvii. — <sup>3</sup> Extant apud Sur. die xiv. Octob. tom. v.

Cæterum eodem anno, duodecimo kalendas Augusti, ipsum revocatum in regnum fuisse, auctor est Isidorus Pacensis, hujus saeculi non ignobilis scriptor. Fuit hic Froilæ regis filius, ob ætatem infirmam prohibitus, ne regnaret: ubi vero provectionis est factus ætatis, tum bellicæ virtutis, tum bene instituta vita egregium specimen edidit, adeo ut cum Berta propria conjuge, sorore Caroli Magni continenter vixisse dicatur. De his autem quæ ad religionis cultum spectant, ista prodimus ex Tudensi, qui ait: « Multis virtutibus emicuit, solium suum forti et pulchro opere Oveti firmavit. Salvatoris nostri ibidem firmavit templum, aulam sanctæ Mariæ juxta ipsum templum: ædificavit quoque Basilicam sancti Thyrsi martyris, pulchro ædificio fieri fecit, omnesque has Domini domos cum arcibus lapideis atque columnis marmoreis auro argentoque ornavit, palatium regale Oveti fecit et picturis variis decoravit, omnem Gothorum ordinem, sicut in Toleto fuerat, tam in Ecclesia, quam in palatio ordinavit.

10. « Cum esset homo castus et Catholicus, aream, quam Pelagius rex a Toleto detulerat in Asturias, diversorum sanctorum reliquiis plenam, Ovetum detulit. Ædificavit etiam altare meridianum in ultima parte S. Salvatoris, unde ascensus fit per gradus ad altare sancti Michaelis archangeli, ubi transtulit sanctissimam aream cum multis aliis sanctorum reliquiis propter loci tuitionem et securitatem. Hoc factum vides ad firmitatem et securitatem regni sui et salutem totius populi Christiani. Concurrerunt ad pia sanctorum suffragia ex multis partibus fideles, vota cum devotione ferentes, et auctoritate Apostolica tertiae partis sue pœnitentiæ indulgentiam consequentes. Ea quidem area, gentili errore comitante, tempore Mahometi pseudoprophetæ ab Hierosolymis navigio Hispaniam est delata: deinde per annos septuaginta novem Toleti permansit: rursum cum a Mauris Toletum opprimetur, aream Dei Pelagius rapuit, et per abdita loca ad Asturias duxit, quam rex Alphonsus (ut dictum est) in Ecclesia Ovetensi honorifice cum multis sanctorum reliquiis collocavit. Julianus quoque quondam archiepiscopus Toletanus, qui a nefario Witiza rege ab archiepiscopatu fuit expulsus, cum prædicta arca venit, et Oveti quiescit.

11. « Decoratur etiam dicta Ovetensis Ecclesia Angelici miraculi novitate. Dum enim quadam die rex Alphonsus haberet casu coram se pondus

auri splendidissimi, et quosdam lapides pretiosos, cogitare cœpit intra se, quomodo ad opus divini altaris inde crux fieri posset, ita sancta devotione regis existente. Cum post auditam missam a templo nostri Salvatoris regale palatium peteret, ob viam habuit duos angelos in figuram peregrinorum, qui se aurifices esse dixerunt. Rex autem Alphonsus illico tradidit eis aurum et lapides, et jussit illis dari domum, in qua possent sine impedimento hominum operari. Sed rex dum prandebat, ad se reversus, quibus personis dederit aurum inquirit, et statim unum post alium legatum misit, uti viderent, quid ignoti aurifices agerent. Jam ministri domui fabricæ accedebant, cum subito tanta lux intra domum resplenduit, ut non possent eam oculi humani adspicere præ nimia claritate. Et cum nuntiatum regi fuisset, cito accurrerit ad dominum, et crucem solam sine aurifibus reperit, atque totam domum sicut sole irradiatam. Rex autem accipiens benedictam crucem, convocato omni clero, cum laudibus et hymnis Deo gratias agens, eamdem super altare S. Salvatoris reverenter posuit ». Haec ex scripto Codice Tudensis nomine: quæ etiam ab aliis, qui nobili stylo prosecuti sunt res Hispanorum, narrantur<sup>1</sup>.

Cæterum crucem ipsam factam esse, antequam restitueretur in regnum, quæ in ea legitur inscriptione docet. Est enim ipsa sancta crux quaquaversum inscriptionibus consignata in hunc modum. In cornu superiori habet ista :

SVSCEPTVM PLACIDE MANEBIT HOC IN HONORE DEI  
OFFERT ADELFONSVS HYMILIS SERVVS CHRISTI

In cornu vero sinistro ac dextro hæc, quæ sequuntur :

QVISQVIS AVFERRE PRAESVM SERIT MIII  
FVLGINE DIVINO INTEREAT IPSE.  
NI LIBENS VOLNTAS DEDERIT MEA  
HOC OPVS PERFECTVM EST AERA DCCCXXVI.

In stipite autem deorsum in hunc modum :

HOC SIGNO VINCIVR INIMICVS.  
HOC SIGNO TVETIVR PIYVS.

<sup>1</sup> Descripsit Morales l. XIII. c. 38.

Anno periodi Graeco-Romanæ 6284. — Anno Æra Hispan. 829. — Anno Hegiræ 175, inchoato die 10 Maii, Fer. 3. — Jesu Christi 791.  
— Hadriani I papæ 20. — Constantini imp. 16 et 12. Solius 2.

*1. Imperator anno sequenti patruos suos excæcavit.* — Ad num. t et seq. Theophanes anno Incarnationis secundum Alex. DCCLXXXIII, kal. Septembbris superioris Christi anni inchoato, narrat infelicem expeditionem Romanorum adversus Bulgarios, quam dicit contigisse mense Aprili, idcoque præsenti Christi anno, et imperatorem eum in Cardamum Bulgariae dominum incidisset, desertum fuisse a suis militibus timore percusis et in fugam actis. Quod recte hoc anno recitat Baronius; verum quod addit ex eodem Theophane imperatorem excæcasse patruos suos, ad sequentem Christi annum spectat. Theophanes enim anno Incarnationis secundum Alex. DCCLXXXIV mense Septembri hujus Christi anni incepto, ait : « Mensis Januarii die decimo quinto ab ipsa matre multisque optimatibus exoratus, imperatricem iterum eam renuntiat, et cum eo faustis populi exclamationibus, velut olim excipitur, in hæc verba : Constantino et Irene multos annos ». Addit Theophanes, imperatoris placito cunctos paruisse præter Armeniacos milites, qui Alexium pridem suum ducem in officium restitui postularunt. Sed Constantinus Alexium verberibus cæsum et capillis detonsum in prætorium detrusit. Cum vero mensis Julii die xx Constantinus infeliciter adversus Bulgarios pugnasset, et urbem fugitivus repetiisset, militares ordines in urbem invecti Nicephorumi excæsarem imperatorem renuntiare consiliati sunt. Sed Constantinus « Nicephorum quidem oculorum orbitate damnavit : Christophoro, Nicetæ, Anthimo et Eudocimo lingnas præscindi jussit, etc. Supplicium itaque mense Augusto, sabbati die, Indictione decima quinta, hora nona, eis irrogatum. In spatium tamen haud diutinum injustum hujusmodi facinus inultum divina justitia distulit. Solius enim quinquennii exacto intervallo ejusdem mensis et sabbati die a propria matre Constantinus ipse oculis orbatus est ». Quare non hoc anno, ut habet Baronius, sed insequentि, quo Indictio xv mense Augusto adhuc in cursu erat, Constantinus patruos suos, Constantini scilicet Copronymi filios, iis suppliciis affectit, et quidem mense Augusto, die sabbati. Sed id factum post secundam ejus in Bulgaros

expeditionem, non vero post priorem, quam Baronius cum posteriori perperam confundit.

*2. Primus annus belli a Carolo gesti in Hunnia.* — Felicius in Occidente a Carolo adversus Hunnos sive Avaros pugnatum. Bellum illud hoc anno ab eo susceptum, et post annos octo feliciter confectum, ut infra videbimus. Gesta in eo Eginhardus in Annal. his verbis hoc anno narrat : « Transacto vere, cirea æstatis initium rex de Wormalia movens Bajoariam profectus est ea meditatione, ut Hunis factorum suorum vicem redderet, et eis quamprimum posset bellum inferret. Comparatis igitur ad hoc ex omni regno suo quam validissimis copiis et commeatibus, bipartito exercitu iter agere cœpit. Cujus partem Thederico comiti et Meginfrido cubiculario suo committens, eos per Aquilonarem Danubii ripam iter agere jussit. Ipse cum parte, quam secum retinuit, Australi ejus fluminis ripam, Pannoniam petiturus, occupavit, Bajoariis cum commeatibus exercitus, qui navibus deviebantur, per Danubium secunda aqua descendere jussis. Ac sic inchoato itinere, prima castra super Anesum posita sunt. Nam is fluvius inter Bajoriam atque Hunorum terminos medius currens, certus duorum regnorum limes habebatur. Ibi supplicatio per triduum facta, ut id bellum prosperos ac felices haberet eventus. Tum demum castra mola, et bellum genti Hunorum a Francis indictum est. Pulsis igitur Hunorum praesidiis, ac destructis munitionibus, quarum una super Cambum flumen, altera juxta Comagenos civitatem in montem Cumeberg, vallo firmissimo erat exstructa, ferro et igne cuncta vastantur. Cumque rex cum eo quem ducebat exercitu usque ad Arrabonis fluente venisset, transmisso eodem fluvio, per ripam ejus usque ad locum, quo is Danubio miscetur, accessit, ibique statvis per aliquot dies habitis per Bajoariam reverti statuit. Alias vero copias quibus Thedericum et Meginfridum præfecrat, per Behemannos, via qua venerant, reverti præcepit. Sic pergrata ac devastata magna parte Pannoniæ, cum incolumi exercitu Francorum in Bajoariam se recepit. Saxones autem et Frisones cum Thederico et Meginfrido per Behemannos, ut jussum erat, domum

regressi sunt. Facta est autem hæc expeditio sine omni rerum incommodo, præter quod in illo, quem rex ducebat exercitu tanta equorum lues exorta est, ut vix decima pars de tot mittibus equorum remansisse dicatur. Ipse autem cum dimissis copiis Reginum civitatem (nunc Ratisponam), quæ nunc Reganesburg vocatur, venisset, in ea hyematurus consedisset, ibi Natalem Domini celebravit ». Pascha autem Wormatiæ celebraverat, ut cum Eginhardo anno superiori, tradunt cæteri annalistæ. Sirmondus tom. II Concil. Gall. aliquie litteras referunt, quas Carolus scripsit *Fastradæ reginæ*, quæ Ratisponæ remanserat, in quibus ait copias Italicas, quas illuc pergere duxerat, X kal. Sept. in Avariam pervenisse, et cum Avaribus tanta felicitate pugnasse, ut a multo tempore tanta Avarum strages facta non fuerit. Addit Carolus : « Tribus diebus litaniam fecimus, id est, nonis Septemb. quod fuit Lunis die, incipientes, et Martis, et Mercuris, Dei misericordiam deprecantes ». Hoc autem anno nonæ Septemb. quibus coepit litanie, cum die Lunæ concurrerant.

**3. Situs regni Hunnorum.** — Avarum seu *Hunnorum* ditiones in Australes et Boreales medius dividebat Danubius, cui commiscentur in hodierno Austriae archiducatu *Anisus*, sive Anesus (vulgo *l'Ens*) et *Cambus* (vulgo le *Camb*). Francorum eorumdemque Avarorum certi tunc termini. *Anisus* ad urbem cognominem subit dexteram Danubii ripam, sinistram *Cambus* infra Chrembsam oppidum (vulgo *Chrembs*) e regione Trigisami (vulgo *Trasmaur*). Raba sive Arabo, quem Carolus pertransiit, fluvius est in hodierna Hungaria cuique notus. In brevi Chronico usque ad annum Christi DCCX productio, et a Duchesnio tom. III publicato, ad hunc annum legitur : « Carolus rex primum fuit in Chunia ». Antiqui enim regnum Avarum seu Hunnorum modo Huniam, modo Chuniam vocitabant, illucque primum Carolus hoc anno profectus est.

**4. Suibertus episc. Werdensis vel Sympertus episc. Ratisponensis moriuntur.** — Cointius hoc anno num. I refert verba annalistæ Loiselianni, ut publicatus est a Duchesnio tom. II, additque Codicem, quo usus est Canisius tom. III Antiq. Lect. addere mortem duorum episcoporum in Codice Loiseliano prætermissam, et in eo legi : « In ipso itinere obiit bonæ memoriae Angilramnus archiepiscopus Mediomaticis Ecclesie, et Sympertus episcopus ibi defunctus est ». Verum dubito, ne in eo Codice librarius loco, *Suidberti* Werdensis episcopi, per errorem scripserit, Sympertum, qui quartus fuit episcopus Ratisponensis. In Chronico enim Moissiacensi ad hunc Christi annum post narrationem expeditionis Hunnicæ habetur : « Et in ipso itinere obiit bonæ memoriae Ingilramnus Mediomaticæ Ecclesie episcopus : sed et Suibertus episcopus ibidem defunctus est ». Præterea in brevi Chronico apud monasterium sancti Galli scripto, et ab anno DCCXLVII usque ad an. DCCXXVI

perducto, tom. III Duchesnii, ad annum DCCXC habetur : « Angilramnus et Suidbertus de hac luce migraverunt ». Errat quidem auctor in anno, sed incertum, an librarius in *Suidberti* nomine lapsus sit. Cum in annalista Loiseliiano juxta Duchesnii editionem nulla Angilramni et Symperti mentio habeatur, utriusque mors assuta quidem videtur Codici, quo usus est Canisius; sed remanet difficultas, an interpolator erraverit. Mabillonius tom. IV Analect. pag. 320, observat in calendario S. Emmerammi *Sintpertum* episcopum Ratisponensem notari III kal. Octob. qui ideo videtur mortuus in redditu Caroli ab ea expeditione aliquot diebus ante Angilramnum.

**5. Moritur et Angilramnus archiep. Metensis.** — Hunc vero praesenti anno vitam cum morte commutasse, extra omne dubium esse debet; in Codice enim sancti Symphoriani apud Dominicum in familia Ansberti rediviva legitur : « Angelramnus archiep. et palati capellanus, qui sedit annos XXIII et dies XXVIII, requiescit in monasterio, cui vocabulum Nova cella, ob. VII kal. Nov. in loco qui dicitur Anagahunc Chunisberg, et cessavit episcopatus an. XXVII et menses III ». Ubi *Chunisberg* idem est ac *Cuneberg*, de quo Eginhardus citatus dum de expeditione Hunnica Caroli loquitur. Auctor istius Catalogi confirmat quod mox diximus, *Angelramnum* sc. qui erat in exercitu Caroli, mortuum esse, dum idem exercitus in Franciam rediret, idque die vicesima sexta mensis Octobris, quo etiam ejus obitus consignatur in Martyrologio Metensi apud Meurassium in Historia episcoporum Metensium. Sede inierat *Angelramnus* anno DCCXLVIII, die XXIX mensis Septemb., ut elicitor ex ejus sedis duratione accurate in eo Catalogo annotata. Ei in dignitatem archicapellani successit *Hildeboldus* episcopus Cotoniensis. In Concilio enim Francofurtensi anno DCCXCV habitu canone LV legitur : « Dixit etiam dominus rex in eadem Synodo se a Sede Apostolica, id est, ab Hadriano Pontifice licentiam habuisse, ut Angilramnum archiepiscopum in suo palatio haberet propter utilitates Ecclesiasticas. Deprecatus est eamdem Synodus, ut eo modo sicut Angilramnum habuerat, ita etiam Hildeboldum episcopum habere debuisse; quia et de eodem, sicut et de Angilramno, Apostolicam licentiam habeat. Omnis Synodus consensil, et placuit eis eum in palatio esse debere propter utilitates Ecclesiasticas ». Ex morte Angelramni, quam hoc anno contigisse constat, præcedentium et subsequentium episcoporum Metensium Chronotaxis digerenda, et variis errores in eorumdem episcoporum initio et fine consignandis haecenus admissi, emendandi. Obiles observabis tempore Coneilii Francofurtensis *Coloniam* nondum metropolim fuisse; cum Hildeboldus in eo episcopus appelletur.

**6. Epochæ Conc. Foro Juliensis.** — A num. 3 ad 7. Concilium Foro Juliense, a sancto Paulino Foro Juliensi patriarcha celebratum, Baronius et post

eum Conciliorum collectores huic anno affixere, quod in ejus Actis legatur : « Anno felicissimo principatus eorum (nempe Caroli M. ac Pippini Italiae regis) tertio et vicesimo et xv, canonice siquidem evocatum Syllabis fraternum quorundam episcoporum contubernium Foro-Julium muniepium metropolim Aquilegiensem veneranter coaeccervatum convenit». Annū enim illum vicesimum tertium Caroli ab anno DCCLXVIII, quo in Francia regnare ceperit, deduxere, parum curantes de anno decimo quinto Pippini regis, qui in praesentem convenire non potest ; cum tamen ejus praeceipue ratio habenda sit, cum de Concilio in Italia congregato agatur. Praeterea Itali Acta publica annis Caroli in Italia, non vero in Francia regnantis notabant, ut varia monumenta demonstrant, et satis de se patet. Quare eum *Carolus* anno septingentesimo septuagesimo quarto in Italia seu in Longobardia regnare coeperit, *Concilium Foro-Juliense* anno septingentesimo nonagesimo sexto, quo annus ejus xxiii initium sumpsit, et Pippinus annum xv regni sui absolvit, habitum fuit, idque ante diem decimum quintum mensis Aprilis, quo anno DCCLXXXI Romae ab Hadriano papa baptizatus, et Italiae rex appellatus. Sed cum *Carolus* annos regni Italiei aliquando a suis victoriis ante diem xv mensis Aprilis anni DCCLXXIV in Longobardia reportatis ; aliquando vero a capta post diem xxvi mensis Maii ejusdem anni Papia regni Longobardici regia repeatat, ut eo anno num. 8 et seqq. ostendimus, annus ille xxiii regni Italici a priori epocha proficiseitur, ut an. xv Pippini regis manifeste indicat. Cointius an. DCXCIV, num. 8, dicit annum Caroli regis xxiii cum anno Pippini xv componi non posse, et qui xxiii Caroli regis annum servandum censuere, emendare debuisse Pippini regis annum xv, concluditque hunc Pippini regis annum retinendum, et expungendum Caroli regis annum xxiii ac reponendum annum xxvii, qui anno Christi DCXCIV cum anno Pippini regis xv convenit. Verum locus ille purus est, sed annus xxiii Caroli a priori ejus regni Italici epocha deducendus, qua de re impostorum dubium esse non potest.

**7. Locus in quo celebratum fuit.** — Quoad locum Concilii, illud non congregatum apud Forum Livii, vulgo *Forlì*, cum civitas illa sit in Romandiola ab antiquis *Forum Livii* nuncupata, viinti milliaribus a Bononia distans, sed in civitate nunc appellata *Cividale d'Austria*, sive *del Friuli*, antiquitus dicta *Forum Julii*, in qua tunc patriarcharum Aquileiensium sedes erat, quos propterea Aleuinus et alii patriarchas Foro-Julienses etiam denominavere, ut me docuit U. Cl. Philippus a Turre olim canonicus Foro-Juliensis, nunc Em. car-

dinalis imperialis auditor. Civitas haec pristinum tandem splendorem nomenque amisit, et *Utinum* oppidum non longe inde dissitum metropolico illius privilegio auctum est, tuncque civitas Foro-Juliī ea dignitate spoliata *Civitas Austriae* appellari cepit. Ea autem dominio Veneto subest. Legenda quæ anno DCXXIX jam diximus.

**8. Ob bellum Hunnicum in annum DCXCVI dilatum.** — Paulinus in oratione ad comprovinciales episcopos rationem affert, cur Concilii celebracionem tamdiu distulerit, indeque annum, quo illud habitum magis declarat : « Propter improbos, qui solent irrumpere, mundanos tumultus, properque imminentia proeliorum bella, quæ circumquaque per gyrum finium nostrorum frementि ferocitate ingruere non cessabant, etc. Nunc autem divina opitulante clementia, attritis utique ferocium Barbarorum superbiae typho erectis cervicibus, auxilio per omnia adminiculante de caelo, redditā jam quietissima pace terris, etc. Necessarium duximus summopere festinantes dilectissimam fraternalitatem vestram in uno collegio aggregari », ubi Paulinus respicit ad bellum Avaricum seu Hunnicum hoc anno inchoatum, et ut videbatur, anno DCXCIV ad finem perductum, ut ex dictis in ulroque anno evidenter elicetur. Hunni enim seu Avares jam per quinquennium Foro-Juliensibus insultarant, et contra eos Henricus dux Foro-Juliensis atrox bellum gesserat. Quare hoc anno bello non finis impositus, sed initium datum, ideoque Concilium Foro-Juliense diei non potest eo indictum fuisse. *Hunnos* hoc ipso anno in Italianam irrupisse infra videbimus. Actum in eo adversus eos, qui variis erroribus implicati de mysterio Trinitatis, praesertimque de processione Spiritus sancti non recte sentiebant, ac praeterea adversus eos, « qui in duos videntur filios unum Christum Dei Filium dividere, dum illum naturalem et adoptivum affirmare moluntur », inquit Paulinus in sua oratione; quibus verbis ostendit Concilium istud adversus Felicem Urgelitanum congregatum non fuisse, ut putavit Cointius loco citato, sed generatim adversus Ebionitas, Nestorianos, aliasque haereticos in sacrum Incarnationis mysterium peccantes. Sanciti praeterea in eo canones quatuordecim, qui omnes ad Ecclesiasticaū disciplinam spectant, et legi possunt apud Natalem Alexandrum saeculo Ecclesiae octavo (1).

**9. Obitus SS. Burchardi et Lulli.** — Ad num. 7. Egilwardus monachus Wirziburgensis, qui saeculo xi vixisse videtur, Vitam sancti Burchardi episcopi Wirziburgensis primi auctore anonymo scriptam tribus libris interpolavit, eique novas mendas adjecit, et quod anonymous jam peccaverat, Burchardum Romae a Zacharia Pontifice ordinatum,

(1) Cointii conjectura quoad causam habiti Concilii Foro-Juliensis tenenda est ; cum enim ait Paulinus Concilium indixisse se in eos, *qui in duos videntur filios unum Christum Dei Filium dividere*, demonstrat utique reū habere se cum Felicianis. Licet eum Felix ejusque assecularē duas in Christo personas non agnoscerant ; id tamen ex Feicis heresi de adoptione Christi deducendum necessaria consecutio putabatur. Audi Benedictum Ammanensem in disputatione adversus Febianos, vulgata a Baluzio Miscell. tom. V, pag. 39 : « Quis est qui salvit Jesum, nisi qui dicit primum eum esse filium Dei ex divinitate, adoptivum autem esse ex carne, dissolvens numerum personarum Iesu Christi Dei in duas filiorum personas, Dei hominis cum Nestorio ? »

Egilwardus faclum affirmat anno **DCCL**, ejusque obitum ad presentem prorogat. Hunc secutus Baronius ejus mortem, sicuti et *Lulli* archiepiscopi Moguntinensis, hoc anno recitat. Verum *sanctum Burchardum* an. **DCCLIV**, *Lullum* vero an. **DCCLXXXVI**, vivendi finem fecisse, annis illis monstravimus.

**10. Alphonsus Castus in Asturiis regnat.** — Ad num. 9 et seqq. Baronius initium *Alphonsi II*, cognomento *Casti*, Asturiarum regis a Veremundo rege in cotlegam assumpti accurate cum *Æra* **CCCXXIX** et **XVIII** kalendas Octob. illigavit; eo enim die, in quem festum Exaltationis sanctæ Crucis incidit, eum unctum esse, ex antiquo Privilegio deducit. Verum quod addit, eum *XII kalend. Augosti* in regnum revocatum, auctorem esse *Isidorum Pacensem* hujus saeculi non ignobilem scriptorem, subsistere non polest. Isidorus enim Pacensis in Hispania episcopus chronologiam suam orditur ab anno Christi **DCXI**, sed ultra annum **DCCLIV** eam non producit, ideoque quod ab alio hislorico scriptum, deceptus a Mariana lib. 2 de Reb. Hisp. cap. 7 Isidoro Pacensi attribuit. Inclinatæ Hispaniæ res unius *Alphonsi* virtute stetere, fuitque, inquit Mariana, perpetua rerum gestarum felicitate, bellicis artibus, clementiæ, religionis et liberalitatis laude suis charus, externis formidabilis.

**11. Ethelardus fit archiep. Cantuariensis.** — Simeon Dunelmensis in *Historia de Gest. reg. Angl.* Lamberti Dorovernensis seu Cantuariensis archiepiscopi mortem hoc anno consignat, eique *Ethelredum* a quibusdam *Ethelardum*, et ab aliis *Ædilhardum* appellatum successisse scribit. *Ethelardum* valde laudat Malmesburiensis libro 1 de Pont. p. 199: « *Ethelardus*, inquit, vir post primos doc-

tores, Summis Pontificibus comparandus, et pæne dixerim praferendus, atque haud scio si dicto delinquo; cum profecto excellentius videatur restaurasse dignitatem amissam, quam conservare partam: quamvis et illud nonnullæ laudis habeatur». Offa enim Merciorum rex, quod illi cum Cantuariensis graves inimiciæ intercederent, Lambertum primatu spoliarat, et ab Hadriano papa Lichfeldensem episcopum pallio donari impetrarat, sed Ethelardus a Leone III Hadriani successore res in pristimum statum restituendas curavit. Aleninus cum ad Dorovernensem Ecclesiam evectum fuisse accepit, scripsit ad eum Epistolam, quæ in ejus operibus ordine est **xxvii**, in qua varia salutis officiique monita ei prescribit, et inter alia ait: « Patres nostri Deo dispensante, licet pagani, hanc patriam, bellica virtute primum pagani possederunt. Quam grande igitur opprobrium esl, ut nos Christiani perdamus, quod illi pagani acquisierunt. Hoc dico propter flagellum, quod super accidit partibus insulae nostræ; quæ prope trecentis quinquaginta annis (ab anno nempe **CDXLIX**, quo Angli et Saxones in Britanniam adventarunt) a parentibus inhabitata est nostris. Legitur in libro Gildæ Bretonum sapientissimi; quod iidem ipsi Bretones propter rapinam et avaritiam principum, propter iniquitatem et injustitiam judicum, propter desidiam et pigritiam prædicationis episcoporum, propter luxuriam et malos mores populi, patriam perdiderunt. Caveamus haec eadem nostris temporibus vitia inolescere: quatenus benedictio divina nobis patriam conservet in prosperitate bona, quam nobis in sua misericordia perdonare dignata est».

---

## HADRIANI I ANNUS 21. — CHRISTI 792.

---

**1. Concilium Ratisponense, a quo Felix haereticus damnatur.** — Annus sequens numeratus septingentesimus nonagesimus secundus, decima quinta Indictione notatur, quo celebratum est Concilium Reganesburgi, sive Ratisponæ, ubi damnatus est Felix Urgelitanus episcopus, quem sic damnatum Angelbertus abbas Romani perduxit ad Hadrianum Pontificem, ubi confessione rectæ fidei facta, haeresim damnavit. Ilæc Annales

Francorum, et apud Reginonem et alios. In iis autem qui sub Ludovico Caroli filio scripti sunt, ista paulo latius explicantur verbis his: « Urgelis est civitas in Pyrenæi montis jugo sita, cuius episcopus nomine Felix, natione Hispanus, ab Elipano Toleti episcopo per litteras consultus, quid de humanitate Salvatoris Dei et Domini nostri Jesu Christi sentire deberet, utrum secundum id, quod homo est, proprius, an adoptivus filius credendum

eset ac dicendus: valde incaute atque inconsiderate, et contra antiquam Ecclesiæ Catholiceæ doctrinam adoptivum non solum pronuntiavit, sed etiam scriptis ad memoratum episcopum libris, pertinacissime pravitatem opinionis sue defendere curavit. Hujus rei causa ductus ad palatium regis (Caroli scilicet), qui tune apud Reginum Bajoariæ civitatem, in qua et hiemaverat, residebat. Ubi congregato episcoporum Concilio auditus est, et errasse convictus ad praesentiam Hadriani Pontificis Romanum missus: ubi etiam coram ipso in Basilica sancti Petri Apostoli hæresim confessus est, atque abdicavit: quo facto, ad civitatem suam reversus est ». Haec ibi.

2. Sed expressius atque fidelius hæc habentur apud Jonam Aurelianensem episcopum, qui sub eodem filio Caroli Magni Ludovico et ejus filio Carolo Calvo claruit atque scripsit adversus Claudium episcopum Taurinensem, ubi ipsius primi libri exordio de Felice dicturus, sic incipit: « Diversissimos viros et eloquentissimos atque Catholice et Apostolice fidei invictissimos defensores Hispaniam protulisse, manifestum est, quorum imitanda exempla et documenta sequenda, quia in promptu habentur, et Ecclesiæ amplectuntur, ab eis, Christo favente, non ab jure sancta salubriter instruitur et fovetur Ecclesia. Sed quoniam sæpiissime et hæresiarchas simplicitatem Catholice fidei perversis dogmatibus commaculare conantes, et multifariis superstitionibus auctoritatibus sanctæ Dei Ecclesiæ contraeuntes creavit, et hactenus creare non cessat, cunctis valde fidelibus dolendum est. Ut igitur cæteros omittam: emersit ex eadem Hispania tempore sanctæ memoriae Caroli piissimi atque invictissimi Augusti quidam Felix nomine, actu infelix, Urgelitanensis civitatis episcopus, qui juncto suo scelerato errori Eliphando (Elipando) Toletanæ urbis episcopo, secundum humanitatem non esse proprium Filium Dei, sed adoptivum prædicare ausus est. Et hac virulenta doctrina uteque Hispaniam magna ex parte infecit.

3. « Deinde Apostolorum Christi actus imitari videntes, cum ipsi non Apostoli Christi, sed præcones essent hostis antiqui, unusquisque separatim diversas provincias eadem iusana sua doctrina imbueendas appetivere, Elipandus scilicet Asturias et Gallaeciam, cuius discipulos apud Astures me aliquando vidiisse memini, quos et Catholicorum virorum regionis illius, qui eorum vesanæ doctrinæ secundum sanam doctrinam rationabiliter renitebantur, relatu, perspicuitatisque meæ probatu secundum eorum actum et habitum, certissimos Antichristos esse liquido deprehendi; manifestum cernens in illis illud beati Ambrosii compleri: Habitus mentis in corporis statu cernitur. Et illud cuiusdam: Frons hominis propriæ mentis depromit affectum. Qualis vultus erit, talia corda gerit. Quibus verissime et aper-

tissime cognitis, et quia jam secundum Apostolicum præceptum ter, ut ab eadem sua erronea prædicatione desisterent, admoniti fuerant, tamen in eodem errore permanebant, ut hæreticos devitavi.

« Porro idem Felix cum multis apud Septimaniam cumdem haustum pestiferum propinarit; eum tamen Gallæ Germaniæque (quantum in illo fuit) propinare voluit. Sed divina gratia adminiculante, nullum apud Galliam Germaniamque ejus error locum invenire quivit: quoniam non solum apud Germaniam studium litterarum et amor sanctorum Scripturarum, verum etiam apud eamdem Galliam (quæ sola, teste Hieronymo, monstra non habuit, sed viris semper fortibus et eloquentissimis abundavit) ejusdem memorabilis viri solertissimo studio et ferventissimo desiderio actum est, ut Domino opem ferente, in sibi commissæ Ecclesiæ filii et liberalium artium apprime disciplina, et divinarum Scripturarum perfecte polleret intelligentia. Quibus milites Christi, utpote invictissimis armis muniti, ejus vesanam doctrinam propulsaverunt. Ejusdem namque principis jussu in unum coacti, exhibita etiam sanctæ Romanæ Ecclesiæ auctoritate, eumdem Felicem damnaverunt, imo cum auctore sui erroris Nestorio, quem imitatus est, perpetuo anathemati mancipaverunt ». Haec enim de his Jonas. Sed unde emerserit erroris istius occasio, dicturi sumus, cum de Concilio Francofordensi, ubi iterum Felix damnatus est, erit agendum.

4. *De Angilberto abbe.* — Quod aulem de Angilberto, sive Engelberto mentio facta est, quod perduxerit Felicem Urgelitanum hæreticum ad Hadrianum Romanum Pontificem: fuit ipse gener Caroli Magni, vitæ bene institutæ meritis clarus, abbas postea monasterii S. Ricarii in Centulo, quod ipse egregio opere struxit. De quo ejus filius Nithardus<sup>1</sup> hæc obiter, dum agit de translatione corporis ejus: « Eadem quoque, inquit, die, Angilbertus vir memorabilis Centulo translatus, et anno post decepsum ejus vicesimo octavo, corpore absque aromatibus indissoluto, repertus est. Fuit hic ortus, eo tempore, hand ignotæ familiæ. Madhelgaudus autem, Richardus et hic ex una progenie fuere, et apud Carolum merito magni habebantur. Qui ex ejusdem magni regis filia nomine Berheta Harnidum fratrem meum et me Nithardum genuit. Centulo opus mirificum in honorem omnipotentis Dei, sanctique Ricarii construxit. Familiam sibi commissam mirifice rexit. Hinc vita enī omni felicitate defuncta, Centulo in pace quievit »: anno octingentesimo decimo quinto. Meminit ejusdem Angilberti Albinus Flaccus in Epistola nuncupatoria ad Carolum Magnum, quæ est Præfatio ad Vitam sancti Ricarii, quam scripsit<sup>2</sup>.

<sup>1</sup> Nithard. hist. l. iv. — <sup>2</sup> Extat apud Sur. die xxvi Apr. tom. .

Anno periodi Graeco-Romanæ 6285.— Anno Mæ Hispan. 830. — Anno Hegiræ 176, inchoato die 28 Apr., Fer. 7.— Jesu Christi 792.  
— Hadriani I papæ 21. — Constantini imp. 17 et 13. Solius 3.

1. *Felix episc. Urgella bis hoc anno damnatus fuit.* — A num. 1 ad 4. *Felicem* episcopum Urgellitanum bis hoc anno damnatum esse, testantur annalistæ Loiselianus, Fulensis, Bertinianus, ac Metensis cum monacho Egolismensi, et incerto auctore, qui Vitam Caroli conseripsit. Primo damnatus est in Concilio Reginoburgi seu Ratisponæ hoc anno habito, iterumque Romæ, quo ab Angilberto ductus est ad Hadrianum papam, eoram quo hæresim suam ejuravit. Audiendus Eginhardus in Annalibus, cuius verba recitat Baronius, quæ explicatione indigent : « Orgellis est civitas in Pyrenæi montis jugo sita, cuius episcopus nomine Felix, natione Itisanus, ab Elipando Toleti episcopo per litteras consultus, quid de humanitate Salvatoris Dei et Domini nostri Jesu Christi sentire deberet, utrum secundum id quod homo est, proprius an adoptivus Dei Filius credendus esset ac dicendus, valde ineaute atque inconsiderate, et contra antiquam Catholice Ecclesie doctrinam, adoptivum non solum pronuntiavit, sed etiam scriptis ad memoratum episcopum libris pertinacissime pravitatem opinionis suæ defendere curavit. Hujus rei causa ductus ad palatium regis, qui tunc apud Reginum Bajoariæ civitatem, in qua et hyemaverat, residebat. Ubi congregato episcoporum Concilio auditus est, et errasse convictus, ad presentiam Hadriani Pontificis Romanam missus, ubi etiam coram ipso in Basilica beati Petri Apostoli, hæresim confessus est atque abdicavit. Quo facto ad civitatem suam reversus est ».

2. *Elipandus hæresin Felicianam jam ante publicarat.* — *Urgella* sive *Orgella* vel *Orgellis* urbs quidem Hispaniæ ceterioris ad Sicorim amnem, sed quia non procul a Galliarum confinio posita, Franci hoc tempore parebat, et Aquitanie regno provinciæque Narbonensi accensebatur. *Felix multis apud Septimaniam pestiferum suum dogma propinavit*, ut scribit Jonas Aurelianensis episcopus in libro contra Claudium Taurinensem episcopum, cuius verba refert Baronius; *Elipandus* vero Asturias et Gallaeciam infecit, ut ibidem docet Jonas. Verum prius Elipandus emersit, quam Felix, licet hic eidem hæresimi suam propinarit. Eginhardus tamen loco citato uno tenore narrat quæ

diversis temporibus accidere. Anno enim **DCCCLXXXIII** *Elipandus* Felicem quid de humanitate Christi sentiendum sit, interrogavit, tuncque Elipandus Christum esse tantum Filium Dei adoptivum praedicare ansus est. Quod cum ad aures Hadriani papæ pervenisset, ad Hispaniarum episcopos adversus eundem scripsit, ut eo anno ostendimus.

### 3. *Vita Angilberti a duobus auctoribus scripta.*

— Ad num. 4. *Felicem* Reginoburgo Romam missum esse, ibi eoram Hadriano suam ipsummet hæresim damnasse, ac illuc ab Angilberto ductum esse varii annalistæ scripsere, et annalista Fulensis *Angilbertum* tune abbatem vocat. Quare anno circiter **DCCXC**, in monasterium Centulense secessit et monachum induit. Cum tamen auctores duo qui Vilam ejus in litteras misere, diu post ejus mortem floruerint, pluraque vel dubia vel falsa tradiderint, veritatem c tenebris ernere et falsa a veris distinguere facile non est. Prior Vitæ ejus scriptor Hariulfus fuit in libro secundo Chronicæ Centulensis a Dacherio tomo iv Spicilegii editi. Erat autem Hariulfus monachus monasterii Centulensis. Alter Vitæ scriptor a Bollando ad diem **xviii** mensis Februarii, ubi eam mutilam vulgavit, idem Hariulfus creditur, a Mabillonio vero sæc. **iv** Benedict. part. 1, ubi eam integrum publicavit, existimatur Anscherus abbas Centulensis. Vixit Hariulfus sub finem seculi undecimi, ut ipsem in fine sui Chronicæ indicat; Anscherus vero an. **Mex**, ut ex Vita Angilberti colligi putat Mabillonius in Elogio historico quod utriusque Vilæ præfixit. *Angilbertus* generis nobilitate illustris fuit et *ab ipsis infantiae rudimentis* in palatio Caroli regis enutritus, ut testatur Hadrianus papa in Epistola ad eundem Carolum pro Synodo Nicæna secunda.

4. *De ejus cum Berta filia Caroli M. copulatione.* — Eum Caroli Magni filiam *Bertam* uxorem duxisse scribit Anscherus seu auctor posterioris Vitæ, qui ait eam Angilberti amore captam persuasisse patri, ut sibi cum eo nubere liceret, quod Carolus *veritus ne res in pejus procederet*, concessit. Verum contra hoc matrimonium gravia militant argumenta, quibus permotus Cointius anno **DCCXCV**, num. 409 existimat Angilbertum obsecnæ cum Berta vixisse, rege vel insecio, vel

filiæ suæ probrum dissimulante. Bollandus vero ciliatus sua dubia adversus illud matrimonium in medium addueit, professus tamen se nolle traditionem Centulensem convellere, neque quid fœdum de regia virgine ac illustri palatino et sacerdote suspicari. Denique Mabillonius rem hanc magnam difficultatem habere ait, et solutis Bollandi dubiis matrimonium illud tuelur. Potissimum dubium ex his Eginbardi verbis in Vita Caroli M. exortitur : « Filiorum et filiarum tantam in educando curam habuit, ut nunquam domi positus sine ipsis cœnaret, nunquam iter sine illis faceret. Adequabant et ei filii, filiae vero pone sequebantur, quarum agmen extrellum ex satellitum numero ad hoc ordinati tuebantur. Que eum pulcherimæ essent, et ab eo plurimum diligenterunt, mirum quod nullam earum cuiquam aut suorum aut exterorum nupium dare voluit. Sed omnes secum usque ad obitum suum in domo sua retinuit, dicens se earum confubernio carere non posse. Ac propter hoc, licet alias felix, adversæ fortunæ malignitatem expertus est. Quod tamen ita dissimulavit, ae si de eis nunquam alienus probri suspicio orta vel dispersa fuisset ». Difficultatem etiam magnam facit atas Berlae, quam Cointius anno tantum DCCLXXIX in lucem prodiisse arbitratur. Ex Angilberto et Berta nati duo filii *Harnodus* et *Nitardus*, ut idem Nitardus eorum filius lib. 4 Historiæ sue prodit. Ejus verba recitat Baronius.

3. *Non videtur fuisse illicita.* — Utrumque ex vero matrimonio ortum esse vix dubitare possum ; cum Berla an. DCCLXXV nata videatur, ut ex iis quæ anno DCCLXXXIII in morte Hildegardis ejus matris dixi, manifestum est. Illud quidem matrimonium secretum fuit, et ab utroque contraetum, quod Carolus M. nollet filias suas nuptui dare. Sed cum is et respectu filiæ et respectu Angilberti, quem semper amavit et honoribus cumulavit, rem hanc dissimularit, omnis illicite copulae suspicio ab ea videtur abfuisse. « Siquidem vix in animum inducere quis potest », inquit Mabillonius, « Carolum virum prudentem ac sapientem, ut filiæ probrum dissimulare potuerit, tantum honoris et amicitiae contulisse homini, qui familiae suæ istam labem intulisset ». Aliam suæ opinionis conjecturam affert Mabillonius, quæ mihi neutiquam probatur : « Si ipsius Eginhardi uxor Imma fuit Caroli filia », inquit vir doctissimus, « Carolo probante ducta uti multa cerle persuadent ; quis miretur nullam de Angilberti cum Berla connubio fieri mentionem ab Eginhardo, qui ne uxorem quidem suam inter filias Caroli recensuit ? fabula, inquis, chronographi Laureshamensis. Et tamen Lotharium, Ludovici Augusti filium, *nepotem* suum non obscure voeat Eginhardus, cum ait in Epistola XXXIV ad Lotharium : *Quapropter admonendum censui neptitatem tuam, ut per prudentiam vobis a Deo concessam caveatis periculum vestrum.* Si Lotharius Eginhardi nepos, ergo propter uxorem : quæ proinde Caroli filia fuerit. Et tamen, ut dixi, Egin-

hardus uxorem suam *Immacam* (sic eam ipse vocat in litteris suis) nusquam inter Caroli filias recentet ; quid mirum si Angilberti cum *Berta* coniubium, uli ipse suum, prætermisit ? » Ha Mabillonius. Verum Eginhardus, qui de Caroli filiabus loquens Berlae meininit, *Immacam* vero prætermisit, satis ostendit *Immacam* Caroli filiam non fuisse, neque id deduci potest ex Charta Ludovici Pii, nec ex Epistola Eginhardi quæ *Immacam* neque Caroli filiam, neque e regio sanguine ortam asserunt, nullamque hujus propinquitatis mentionem faciunt. Imo cum Ludovicus in ea Charta bis asserat se locum ibi expressum concessisse *fidieli nostro Heinardo, necnon et conjungi sue Immacae*, demonstrat *Immacam* sororem ejus non fuisse. Quare chronographus Laureshamensis haec in re deceptus est, in qua argumentum negativum positivo æquivalet. Quoad verba ista, *quapropter admonendum censui neptitatem vestram*, illa etiam rem non evineunt, cum haec voces neptis, avunculus, sinilesque his temporibus magnum habuerint latitudinem, variisque patientur explicaciones. Denique idem chronographus ait, Eginhardum fuisse archicapellanum notariumque imp. Caroli ; cum tamen certum sit, regnante Carolo M. in Francia archicapellani munus alios non obiisse præter Angilramnum et Hildeboldum.

6. *Saxones ad idolatriam redeunt.* — Auctor Chronicus Moissiacensis duo hoc anno narrat a nobis non prætermittenda : « Anno DCCLXII. Eodem anno resedit rex in Bajoaria, et apud Ragansburg celebravit Pascha. Sed appropinquate aestivo tempore, Saxones existimantes quod Avarorum gens se vindicare voluisse, hoc quod in corde eorum diu latebat, manifestissime ostenderunt. Quasi canis, qui revertitur ad vomitum suum, sic reversi sunt ad paganisum quem primum respuerant, relinquentes iterum Christianitatem, conjugunt se cum paganis, qui in circuitu eorum sunt. Sed et missos suos ad Avaros transmittentes, conati sunt rebellare imprimis contra Dominum, deinde contra regem. Eecliesiasque, quæ in finibus eorum erant, incendentes, vastabant : rejicientes episcopos et presbyteros qui super eos erant, et aliquos ex iis comprehensos occiderunt, et plenissime ad culturam idolorum se converterunt ». Idem habent alii annalistæ. His addit auctor Chronicus San-Dionysiani Francos prope Oceanum ad Albim fluvium a Saxonibus occisis : « Saxones interfecerunt Francos super fluvio Alpia prope mare prid. non. Jul. feria vi », ideoque hoc anno, et errarunt annalistæ quidam, qui Saxones anno sequenti ad idolatriam reversos esse tradidere.

7. *Pippinus adversus Carolum patrem conjurat.* — Subdit auctor Chronicus Moissiacensis : « Et in ipso anno inventum est consilium pessimum, quod Pippinus filius regis ex concubina Hildegardis matre genitus, contra regis vitam seu filiorum ejus, qui ex legitima geniti sunt, qui voluerat regem et ipsos occidere, et ipse pro eo quasi Abi-

melec in diebus Judicum Israel regnare, qui occidit fratres suos septuaginta viros super petram unnam, et regnavit pro Gedeone patre suo, cum malitia tamen et odio. Sed cum cognovisset rex consilium Pippini, et eorum qui cum ipso erant, coadunavit conventum Franeorum et aliorum fidelium suorum ad Reganesburg. Ibique universus populus, qui cum rege aderant, indicaverunt ipsum Pippinum et eos qui consenserant, ut simul et hereditate et vita privarentur; et illa de aliquibus adimpletum est. Nam Pippino filio suo, quia noluit rex, ut occideretur, indicaverunt Franci ut ad servitium ejus inclinare debuisse; et ita factum est. Et misit eum jam clericum in monasterium; et iterum ibidem oravit». Loquitur etiam de hac, aliaque in Carolum conjuratione Eginhardus in Vita Caroli Magni, et utriusque causam in Fastradam reginam rejicit: «Harum tamen coniurationum Fastradæ reginæ crudelitas causa et origo extitisse creditur. Et idcirco in ambabus contra regem conspiratum est, quia uxoris crudelitati consentiens a suæ naturæ

benignitate ac solita mansuetudine immaniter exorbitasse videbatur». Carolum hoc anno Natalem Domini in Bajoaria celebrasse, varii annalistæ produnt.

8. Floret Georgius syncellus. — Georgius syncellus auctor Chronographiæ ab Adamo usque ad Dioceletianum perduetæ, hoc circiter anno opus illud publicavit, quod postea Theophanes, qui ei familiaris fuit, uberiori stilo conlinuavit. Interfuit septimæ Synodo universalí Nicæa habitæ, et ut ait Anastasius Bibliothecarius in Præfat. Hist. Eccles. «tam pro fidei constantia, quam pro multarum virtutum insignibus, sanctæ memoriae Tarasii regiae urbis præsulis syncellus effectus est». Ejus chronographiam Jacobus Goarus ordinis Prædicatorum adjecta versione latina edidit et Notis illustravit.

*Constantinus imp. patruos suos hoc anno exercitat, et infeliciter contra Bulgarios pugnat, ex dietis anno superiori.*

## HADRIANI I ANNUS 22. — CHRISTI 793.

1. *Alphonsi Casti prælia in Mauros et victoria.* Sequitur annus Redemptoris septingentesimus nonagesimus tertius Indictionis primæ, idemque tertius incipit Alphonsi sive Adephonsi cognomento Casti regnantis iterum in Gallacia, Aera nimirum octingentesima trigesima prima: «Qua idem rex religiosissimus zelo exæstuans divinæ legis, cum indigno animo ferret prostitui tributi nomine pudicitiam nobilium virginum Hispanarum, vindex exsurgens, licet longe imparibus viribus adversus Mauros collegit exercitum, in eosque irruens apud Asturias, ad septuaginta millia ex eis occidit, una cum duce ipsorum Mugait». Haec Tudensis, qui et subjicit alia multa prælia cum Sarracenis habita, dum vixit, in quibus semper victor extitit. Cæterum tantam hanc partam victoriam plurima consecuta sunt bona, atque in primis, quod servitatis pressa jugo colla fidelium, Manrorum dira tyrranide se cœperunt erigere, ipsique animos

sumere, et de perfecta consequenda libertate spem hand vanam concipere: contra vero fuerit audacia Manrorum exhibita atque retusa, redditique ipsi timore segnes. Accessit ad hæc, ut ex his Alphonsi nomine reddito celebri, ipsum Carolus Magnus amicium habere voluerit, sieque inita inter eos amicitia se invicem legationibus frequentarint, quod aestimationi ipsius plurimum attolit virium.

2. Cæterum ipse rex Alphonsus gratias acturus Deo, cui tanta victoriæ munus ferret acceptum: in honorem Salvatoris humani generis eam, quam diximus, Oveti erexit Ecclesiam, ubi fixerat regni sedem, in qua duabus lapideis tabulis incisum suæ pietatis reliquit egregium monumentum; licet (ut ferebant tempora illa) rude, sed fide nitens, quod sic se habet<sup>1</sup>:

<sup>1</sup> Ambros. Moral. hist. l. iii. c. 32.

QVICVMQUE CERNIS HOC TEMPLVM DEI HONORE  
DIGNVM NOSCITO BIC ANTE ISTVM FVISSE ALTERVM HOC  
EODEM ORDINE SITVM QVOD PRINCEPS CONDIDIT SALVA-  
TORI DOMINO SVPPLEX PER OMNIA FROILA DVODECIM  
APOSTOLIS DEDICANS RISSENAM ALTARIA. PRO QVO AD  
DOMINVM SIT VESTRA ORATIO CVNCTORUM PIA

PRÆTERITVM HIC ANTEA EDIFICIVM FVIT PARTIM  
A GENTILIBVS DIRVTVM SORDIBVSQVE CONTAMINATVM.  
QVOD DENYO A FAMYLO DEI ADEFONSO COGNOSCITVR  
ESSE FVNDATVM ET OMNE IN MELIVS RENOVATVM.

SIT MERCES ILLI PRO TALI CHRISTE LABORE.  
ET LAYS HIC IVGIS SIT SINE FINE TIRI.

In altera autem tabula ista, quæ sequuntur, habentur: quæ est pia ipsius obtestatio ad Dei ministros illic positos, ut pro ipso orent.

QVISQVIS HIC POSITVS DEGIS IVRE SACERDOS PER  
CHRISTVM TE ORTESTOR VT SIS MEI ADEFONSI MEMOR  
QVATENVS SEPE AVT SALTEM VNA DIE PER SINGVLAS  
HEBDOMADAS SEMPER CHRISTO PRO ME OFFERAS SACRI-  
FICIVM VT IPSE TIBI SIT PERENNE AVXILIVM. QVOD SI  
FORTE NEGLEXERIS ISTA VIVENS SACERDOTIVM AMITTAS.

TVA SYNT DOMINE OMNIA QVE TV INSPIRASTI VEL  
CONFERRE NOBIS DIGNATVS ES. TIBI DOMINE TIBI TVA  
OFFERIMVS HVIVS PERFECTAM FABRICAM TEMPLI.

EXIGVVS SERVVS TVVS ADEFONSVS EXIGVVM TIBI  
DEDICO MVNERIS VOTVM. ET QVOD DE MANV TVA ACCE-  
PIMVS IN TEMPLO TVO DANTES GRATANTER OFFERIMVS.

Hactenus Alphonsi Casti casta monumenta digna  
Deo, qui non verba, sed animi pensat affectum.

3. *Caroli magni res gestæ in Sarracenos.* — Quod ad res Francorum pertinet, hoc ipso anno Sarraceni piraticam exercentes, improviso agmine invadentes provinciam Narbonensem, grave damnum Septimaniæ et Gothiæ, ita tunc nominatis illis provinciis intulere. Hæc habent veteres Annales Francorum. Qua clade accepta, Carotus monitus ita cuncta dispositus præsidia in littoribus Mediterranei maris per subjectas sibi provincias, adeo ut a Sarracenorum incursibus easdem tutas reddiderit. Nam Eginhardus in Vita ipsius hæc habet: « Per omnes portus et ostia fluminum, qua naves recipi posse videbantur, stationibus et excubiis dispositis,

ne qua hostis exire posset, tali munitione prohibuit. Feicit idem a parte meridiana in littore provinciæ Narbonensis ac Septimaniæ, toto etiam Italiae littore usque Romanæ contra Mauros nuper piraticam exercere aggressos; ac per hoc nullo gravi damno vel a Mauris Italia, vel Gallia, atque Germania a Northmannis diebus suis affecta est ». Hæc ipse.

4. Verum cum aliis, quam cum piratis Saracenis rem actam esse, docet inscriptio prope Arelatem in ædicula S. Crucis in monasterio Montis-Majoris super interiorem portam in marmore longissimo ita scripta :

« Noverint universi, quod cum serenissimus princeps Carolus Magnus Francorum rex civitatem Arelatem, quæ ab infidelibus detinebatur, obseditisset, et ipsam vi armorum cepisset, et Saraceni in eadem existentes pro majori parte aufugissent in montana Montis-Majoris, et ibidem se retraxissent, et in eadem se munissent: et idem rex ibidem cum exercitu suo venisset pro ipsis debellandis, et ipsos debellando, triumphum de ipsis obtinueret. Et de ipso gratias Deo agendo, in signum hujusmodi victoriae præsentem Ecclesiam in honorem S. Crucis dedicari fecit, et præsens monasterium in honorem S. Petri Apostolorum principis dedicatum, quod ab ipsis infidelibus penitus destructum fuerat, et inhabitabile redactum, idem rex ipsum reparavit et reædificavit, et monachos ibidem pro serviendo Deo venire fecit, et ipsum dotavit, et plura bona eidem contulit. In quo quidem monasterio multi nobiles de Francia ibidebant debellantes sepulti sunt. Ideo, fratres, orate pro eis ». Accepimus a Francisco Claret rerum antiquarum studioso archidiacono Arelatensi et una simul distichon descriptum in valvis antiquissimæ Ecclesiæ S. Petri præ vetustate collabentis, prope antiquum mausoleum urbis Remigianæ diœcesis Avignonensis, littoris ipsis præ nimia antiquitate ex parte corrosis.

SI CHRISTVS EST DEVS ET PETRV S CLAVIGER EJVS  
JAM NISI PER PETRVM NEMO VIDEBIT EVM.

Sic ut lapides ipsi, si alii sileant, contra novatores inclament.

Anno periodi Graeco-Romanæ 6286. — Anno Æra Hispan. 831. — Anno Hegira 177, inchoato die 17 April., Fer. 4. — Jesu Christi 793.  
— Hadriani I papæ 22. — Constantini imp. 18 et 14. Solius 4.

**1. Franci in Septimania a Saracenis victi.** — Ad num. 3 et seq. Hic annus, qui Hispanis felicissimus exlitit ob ingentem victoriam de Saracenis ab Adelphonso rege reportalam, et a Baronio num. 1 et 2 narratam, Franci infausus fuit. « His temporibus », inquit auctor Chronicæ Moissiacensis ad hunc annum, « regnabat in Spania Exam (id est, Issem) filius Abdiraman, fecitque malum sicut fecerat pater ejus. Ille audiens quod rex Carolus partibus Avarorum perrexisset, et existimans quod Avari contra regem fortiter dimicassent, et ob hanc causam in Franciam reverti non licuisset, misit Abdelmelec unum ex principibus cum exercitu magno Saracenorum ad vastandum Gallias. Qui venientes Narbonam, suburbium ejus igne succenderunt, multosque Christianos : ac præda magna capta, ad urbem Carcassonam pergere volentes, obviam iis exivit Willelmus, et alii comites Francorum cum eo. Commiseruntque prælium super fluvium Ohveio, ingravatumque est prælium nimis; ceciditque maxima pars in ipso die ex populo Christiano. Willelmus autem pugnavit fortiter in illa die. Videns vero quod sufferre eos non posset, quia socii ejus dimiserunt eum fugientes, dixit ab eis. Saraceni vero, collectis spolis, reversi sunt in Spaniam. Rex autem Carolus Christo adjuvante de eodem loco, ubi fossatum fieri jussit, navigio pervenit ad Franconefurt, et ibi ipsam hyemem resedit ». Idem legitur in Annalibus Anianensibus, et in Annalibus Eginhardi, qui ait : « Saraceni Septimaniam ingressi, prælioque cum illius limitis custodibus atque comitibus conseruo, multis Francorum interfectis, ad sua regressi sunt ».

**2. Nulla tamen ab eis urbs expugnata.** — Rodericus in Arabum Historia cap. 19, ait, anno Arabum CLXXVII Issem regem Saracenorum Hispanias incolentium Abdelmelec adversus Christianos misisse, additique : « Illic Narbonam, et Girundam, et loca interposita cepit et subjugavit, et tot spolia secum duxit, ut in quinta parte Issem suo principi Morabetinorum quadraginta quinque millia pervenirent, ex quibus mezquitam Cordubæ, quam pater suus incœperat, consummavit. Narbonenses autem et ceteri Christiani tanto exterminio ferebantur, quod pactis interjectis, ut a Narbona usque Cordu-

bam humeris et vehiculis terram ferrent, ex qua in suo præsidio mezquitam ædificavit ». Verum suburbium quidem Narbonæ incensum, et verosimiliter quamplurimi Christiani abduci dannati fuere egerendæ et exportandæ humo ad conditum mezquitæ Cordubensis, sed Narbona et Gerunda a Saracenis non videntur capte ; cum annalista Moissiacensis referat tantum Narbonæ suburbium fuisse incensum.

**3. A triennio pax Christianos inter et Saracenos sancta fuerat.** — De hac Saracenorum Victoria verba etiam faciunt annalista Fuldensis et Eginhardus in Annal. ac præterea annalista San-Gallensis et Hepidamus in suis Annal. uterque apud Duchesnium tom. m. Haec prioris annalistæ verba : « DCCXCIII. Willelmus pugnavit contra Saracenos ad Narbona, et perdidit ibi multos homines, et occidit unum regem ex ipsis cum multitudine Saracenorum », id est, unum ex eorum præfectis, quos Christiani reges appellabant. Transcripsit ea verba Hepidamus, perperamque cum anno DCCXCI illigavit ; eo enim anno Saraceni in Septimaniam non venere. Sanctus Willelmus, qui ab annalista Moissiacensi vocatur comes, consul appellatur in ejus Vita, quam auctor anonymous saeculo xi elucidavit, quia voces illæ pro eadem dignitate promiscue hoc tempore sumebantur, ut mille exemplis liquet, et consules seu comites præfecti erant seu gubernatores alicujus territorii seu regionis. In Vita Ludovici Pii refertur cum per totam Aquitaniam comites constituisse, ideoque et sanctum Willelmuin, qui a paucis annis Chersoni duci Tolosæ successerat, postquam is a Vasconibus circumventus fuisse, ut in eadem Vita Ludovici Pii legitur. Cum vero anno sequenti Arausioñem oppidum Provincie una leuca a Rhodano dissitum Willelmus Saracenis eripuerit, ut tunc ostendetur, appetit illud currenti anno a Saracenis occupatum fuisse. Anno DCCXC, inter Ludovici Aquitaniæ regem et Saracenos pax constituta fuerat ; auctor enim Vilæ ejusdem regis scribit : « Rex Ludovicus eodem anno Tolosæ placitum generale habuit, ibique consistenti Abutaurns Sarracenorum dux cum reliquis regno Aquitanico conlimitantibus, ad eum nuntios misit, pacemque petens et dona regia mittens. Quibus

secundum voluntatem regis acceptis, nuntii ad propria sunt reversi ». Quæ pax viguit usque ad præsentem annum, quo Saraceni in Septimaniam irrupere; de qua irruptione intelligendus auctor Vitæ sancti Wilhelmi cum inquit: « In diebus illis Saraceni pariter congregati, magnum valde et inopinabilem producunt exercitum; montes Pyrenæos transeunt, et una omnes conspiratione ad has partes Aquitaniae provinceæ ac Septimanie proprærant, confinia scilicet Christianorum. Regnum irrumptunt Caroli, dant infinitas de Christianis strages; victores existunt, spolia diripiunt; captosque ducent strictis funibus, captivos præoccupant, totam longe lateque terram, quasi jure perpetuo possidendant ». De victoriis sancti Wilhelmi anno sequenti sermo erit.

4. *Commentum de Saracenis apud Arelatem devictis.* — Porro commentitia sunt, quæ de Arelate hoc anno Saracenis erepta refert Baronius ex inscriptione, quæ extat in Ecclesia sanctæ Crucis ad radices Montis-Majoris, in qua dicitur, *Carolum* civitatem Arelatæ a Saracenis detentam obsedit, ipsos in montana Montis-Majoris se retraxisse, ibique a Carolo devictos esse, qui ideo Ecclesiam in honorem sanctæ Crucis dedicari fecerit, et monasterium Montis-Majoris in honorem sancti Petri Apostolorum principis, quod ab ipsis infidelibus fuerat destruetum, reædificaverit, illucque monachos revocarit. Haec enim mere fabulosa; cum Carolus hoc anno in Provinciam non venerit, et cœnobium sancti Petri seu Montis-Majoris post medium saeculum decimum conditum fuerit. Sed qui victoriam illam Caroli exegitavit, existimabat, *Childebertum* Francorum regem illud monasterium condidisse; cum tamen, ut suo loco ostendimus, *Childebertus* monasterium intra muros urbis Arelatensis construxerit, non vero apud Montem-Majorem. Petrus Saxius in pontificio Arelatensi, qui in eodem errore versabatur, fatetur quidem de victoria per Carolum de Saracenis reportata nihil in membranis Arelatensis legi, sicuti nec de monasterii Montis-Majoris per eundem reædificationem, nihilo tamen minus falsam illam traditionem tueri conatur. At eam referre refellere est.

5. *Martyrium Ethelberti Estanglia regis.* — Hoc anno sanctus Ethelbertus Orientalium Anglorum rex, qui a pueritia virginitatem corporis sui Deo dicare constituerat, suadentibus proceribus consensit in filiam Offæ Merciorum regis, ne si regnum hærede careret, excidium ab hostibus pateteretur. Abiit itaque in Merciam nuptiarum celebrandarum causa; sed Offa Quendredæ uxoris suas, quæ in ejus regnum inhiabat, eum proditorie occidi jussit. « Passus est igitur sanctus rex Ethelbertus, virgo simul et martyr, palmam victoriosus utramque reportans XIII kalendas Junii », inquit Joannes Bromtonus in suo Chronico inter x auctores Historiæ Anglicanæ edito. Althfrida Offæ filia, seu ut ab aliis dicitur Alfrida, castitatem corporis sui Deo devovens, Croilandiam se translulit, « ubi

talari tunica induita, in omni sanctitate vitæ permansit », inquit idem Bromtonus, ut videre est in Actis SS. Bollandianis ad diem xx mensis Maii, quo sancti Ethelberti nomen variis Martyrologiis inscribitur. Post sanctum Ethelbertum « regnum Estangliae per aliquot annos cum commotione et desolatione sub regulis et tyrannis, usque ad adventum sancti Edmundi regis, turbatum duravit », subdit idem Bromtonus. Vide quæ de sancto Ethelberto anno **Declxxv**, quo de eo loquitur Baronius, diximus.

6. *Dani Angliam vastare incipiunt.* — Hoc anno Dani classibus suis Angliam primum infestare cœperunt. Hovedenus enim pag. 405, de iis loquitur, quando ait: « Eodem anno (nempe **DCCXCIII**) pagani ab Aquilonali climale navalí exercitu, ut aculeati erabones, Britanniam venientes, hac illaque, ut dirissimi lupi discurrentes, prædantes, mordentes, interficientes non solum jumenta, boves et oves, verum etiam sacerdotes, levitasque chorosque monachorum atque sanctimonialium. Veniunt, ut præfati sumus, ad Lindisfarnensem Ecclesiam, miserabili prædatione vastant cuncta, calcant sancta poltutis vestigiis, altaria suffodiunt, et omnia thesauraria sanctæ Ecclesiae rapiunt, quosdam e fratribus interficiunt, nonnullos secum vincitos assumunt, perplurimos opprobriis vexatos nudos projiciunt, aliquos in mare dehinc eunt. Narrat postea quæ anno sequenti in alia insulæ parte patrarunt. Toto ducentorum annorum spatio, ut ait Godwinus in Comment. de præsulibus Anglie in Athelardo, raro unus aut alter effluxit, quin modo huc, modo illuc appellentes, ingentibus copiis provinciam invaderent, in ædificia igne, in omnia animalium genera, quæ non possent asportare, gladio grassantes. Cumque in omnes atrocissime sœvirent, tum in sacerdotes præcipue et alios Ecclesiastici generis, quos homines Ethnici et idolorum cultores adeo habuerunt exos, ut raro quemquam effugere paternerent, quin obtruncarent continuo vel profundo micerent, si forte in servitatem perpetuam non abriperent.

7. *Alcuinus iterum in Galliam venit.* — Alcuinus, qui e Francia in patriam reversus erat, sub finem superioris Christi anni vel currentis initio in Franciam rediit, ut Elipandi archiepiscopi Toletani et Felicis episcopi Urgelitani errori reviviscenti sese opponeret. Nec enim adventus ejus serius differri potest; cum anno sequenti Concilio Francofurtensi interfuerit. Ita ipsem Alcuinus in Præfatione librorum adversus Elipandum scribit: « Divina, ut credo, jubente dispensatione, ad gloriosum et omni honore nominandum hujus regni principem et regem Carolum vocatus adveni: sicut mihi quidam sanctissimus vir, prophetiæque spiritu prædictus, Dei esse voluntatem in mea prædixerat patria. Etiam et ut vir venerabilis totusque Deo deditus meus mihi mandatum dederat magister, ut si alicubi novas audirem oriri sectas Apostolicis contrarias doctrinis, mox totum me in Catholicæ

defensione fidei dedissem ». Magister iste, de quo loquitur Alcuinus, alius non est, quam *Elbertus* archiepiscopus Eboracensis, de quo in Vita Alcuini num. 11 habetur: « Cum jam beatum Elebertum patrem summ infirmitate prænuntiata celerius ad Christum transire nosset, qui cuncta, sicut supra dictum est, cum ejus faciebat consilio; studuit illum diligenter secessitari, quid postquam sola separarentur morte, ipsum vellet, juberetque agere. Cui, ut jam claret, Domini dedit responsum. Romam volo venias, indeque revertens visites Franciam; novi enim multum te ibi facere fructum. Eritque Christus dux tui itineris, perducens ac gubernans te illuc advenam, sis ut expugnator nefandissimæ hæresis, hominem Christum que conabitur adoptivum adstruere, et fidei sancte Trinitatis firmissimus defensor clarissimusque præparator. Perseverabis ergo in terra peregrinationis, multorum illuminans animas. Benedicens autem illum Patrum suorum superius memoratorum benedictionibus, ac Christo Jesu commendans servaret ut ipse eum, laetus sic pater Elebertus episcopus migravit ad Deum VI idus Novebris », anno scilicet septingentesimo octogesimo, ut ibi demonstravimus.

8. *Scholam publicam apud Turonos aperit.* — Est hic secundus Alcuini in Franciam accessus, quem plerique cum priori perperam confudere, licet anonymous, qui ejus Vitam seripsit cap. 6, duplicitis ejus in eam adventus ac moræ disertam mentionem faciat. Postquam enim de priori locutus est, de posteriori scribit: « Evoluto non parvo tempore postquam Albinus SECUNDO ad Carolum reversus est, sancti Martini apud Turones præficiatur pastor monasterii isdem: qui digne Deo istud cum aliis regens monasteriis, vitam subiectorum, quantum valuit, corrigeremus studuit ». Carolus enim eum variis monasteriis præfecit, ut hoc quasi vinculo in Gallia retineretur. In Epist. xxiii ad Carolum scribit: « Fere ante hoc quinquennium sacerdotes occupationes, Deum testor, non factio corde declinare cogitavi: sed vestrae pie providentiae consilio translatus sum in servitium sancti Martini ». Scripta Epistola haec in reditu Caroli ex Italia, ut ex ejus lectione liquet. Is autem anno MCCCI, postquam imperator dictus est, in Galliam rediit, ideoque anno DCCXCVI. Alcuinus apud Turonos publicas scholas aperuit, quas homines undequaque concurrentes frequentabant, ut ipsem in Epistola i

ad Carolum affirmat. Identidem tamen in aulam cum discipulis suis, a Carolo invitatus veniebat, ut testatur Theodulphus Aurelianensis episcopus in lib. 3, Carmine 3, ad Angilbertum.

9. *Duo Caroli filii adversus Beneventanos prægnant.* — Annalista Moissiacensis hoc anno scribit: « Rex in ipsa hyeme iterum fecit conventum ad Regenesburg. Et cum cognovisset fideles suos episcopos, abbates et comites, qui cum ipso ibi aderant, et reliquum populum fidelem, qui cum Pippino in ipso consilio pessimo non fuissent, multipliciter eos honoravit, in auro, argento, et serico et domis plurimis. Et in ipsa hyeme transmisit rex Carolus duos filios suos Pippinum et Ludovicum cum hoste (id est, cum exercitu) in terra Beneventana. Et facta est ibi fames validissima super populum illum, qui ibi inventus est, et super exercitum qui advenerat, ita ut aliquanti nec ipsa Quadragesima se ab esu carnium abstinere potuerint. Sed et fames valida in Italia et Burgundia, et per aliqua loca in Francia incumbebat fames, nec non in Gothia et in Provincia erat fames valida, ita ut ex ipsa fame mortui fuissent ». De hoc bello Beneventano loquitur etiam auctor Vitæ Ludovici PII, qui postquam retulit Ludovicum tunc Aquitaniæ regem Natalem Domini Ravennæ celebrasse, et ad Pippinum fratrem Italæ regem venisse, subdit: « Cui conjunctus, junctis viribus Beneventanam provinciam ingrediuntur, cuncta obvia populantur, castro uno potiuntur ». Videtur Grimoaldus Beneventi dux ad officium redisse, alioquin reges exercitum ex hostili agro tam cito non reduxissent.

10. *Carolus Danubium et Rhenum jungere frustra tentavit.* — Eginhardus in Annalibus postquam narravit, Carolum fossam duxisse Danubium inter et Rhenum, ut a Danubio in Rhenum commode navigari posset, subdit: « Regi in hoc opere occupato duo valde displicentia de diversis terrarum partibus allata. Unum erat Saxonum omnimoda defectio, alterum quod Saraceni Septimaniam ingressi, prælioque cum illius limitis custodibus atque comitibus conserto, multis Francorum imperfectis, victores ad sua regressi sunt ». Porro fossa illa consistere non potuit propter junges pluvias, et terram, quæ palustris erat, inquit Eginhardus. De ingressu vero Saracenorum in Septimaniam, de quo loquitur Eginhardus, mox egimus.

## HADRIANI I ANNUS 23. — CHRISTI 794.

1. *Synodus Francofordiensis, in qua Eli-pandi versutiae detectae haereses damnatae.* — Annus sequitur Redemptoris septingentesimus nonagesimus quartus, Indictione secunda, quo Francofordiae in Germania congregatum est Concilium, quod ob numerositatem episcoporum, praesentiamque Apostolicae Sedis legatorum, plenarium repetitum nominatum. Ex Italia namque, Gallia atque Germania frequentes, circiter trecenti numero episcopi convenere, quod magni momenti causa id postularet : siquidem de fide Catholica quæstio verteretur, disputandumque esset de Filii Dei Incarnationis alto mysterio. Num scilicet idem Dei Filius, secundum assumptionem humanitatem, dicendus esset Filius Dei adoptivus an proprius. Licit enim sancta Dei Ecclesia Catholica, nihil, quod de his vel leviter dubitaret, haberet, utpote quod in Concilio OEcumenico Ephesino, quid de his sentiendum esset, fuisse plenissime definitum, cum Nestorium condemnasset, duos filios Dei introducentem, alterum secundum divinitatem, alterum secundum humanitatem ; atque nuper pariter damnasset Felicem Urgelitanum episcopum, asserentem, Christum secundum carnem esse dicendum Dei Patris filium adoptivum (quem erroris penitentem diximus recantasse Romæ palinodiam apud Hadrianum Rom. Pontif.) tamen quia infelix Felix iste, ut canis reversus ad vomitum suum, et sus lata rediit ad volutabrum lutu : rursus emendem, quem damnavit errorem et Romæ exsecuratus est haeresim, professus publice Catholicae fidei confessionem ad altare principis Apostolorum : eamdem ardenteribus animis iterum defendere est aggressus magno damno fidelium animarum : iterum ne malum longius serperet, et infusum venenum sana membra corrumperet, fuit ad plenarium judicium revocandus, eo magis quod non solus tanti reperiatur assertor erroris, eujus ipse potius consecuator quam auctor dicendus esset.

2. Erat enim tanta blasphemie restitutor primarie sedis Hispaniarum antistes, Elipandus archiepiscopus Toletanus, qui (ut vidimus) tantum absfuit, ut admonitus ab episcopis atque presbyteris

Orthodoxis sibi subjeclis emendaretur, atque damnatum ab illis detestaretur errorem, et fidem Catholicam pœnitens sequeretur : ut conversus in arcam pravum, etiam longe positos Ecclesiae Catholicæ tilios infectis veneno sagittis appetere non desisteret, factus haeresis non solum propugnator acerrimus, sed studiosissimus propagator. Siquidem nunquam destitit, neque quievit, donec reversum Felicem ad Orthodoxos, revocari ad castra impietatis, et potentius armari ad prælium, et exacerbit diligentius ad cerlamen, probe sciens, relabenti in crimen majora suppeti solere ab inferno subsidia<sup>1</sup>, ut loco unius per pœnitentiam ejecti spiritus nequam, septena dæmonia uni in auxilium adjungantur, eademque nequiora mittantur ad funestiora patranda.

3. Quid amplius ? vorax est omnis iniquitas, multoque magis insatiabilis haeresis, utpote quæ ardenteribus inferni caloribus æstuet, ut secundum illud propheticum<sup>2</sup> : « Absorbebit fluvium, et non mirabitur, fiduciam habens, ut influat in os ejus Jordanis ». Perinde ac si perangusti essent termini latissimarum Hispaniarum ad zizaniorum sementem, Gallias, Germaniasque laborat illis implere, spargensque per litteras pravum semen, eousque progressus, ut ipsorum regem Christianissimum, turrim munitissimam fidei Orthodoxæ, in suam sententiam, si posset, conaretur adducere Carolum Magnum, scribens ad eum Epistolam veneno refertam, sed tamen ita melle delibutam, ut nihil continere videretur amarulenti. Cum enim ipsum de sua sententia redderet certiore, simul petit, ut ubi quam scribit Epistolam coram se legere fecerit, theologos, quid ea in re sentirent, simul interrogaret, ut veritas posset exquiri, cuius se cupidissimum præ se ferret. Addidit his alia plura, quibus conciliaret sibi animum tanti regis, nempe se pro ipsis salute juges ad Deum preces offerre. Quibus præmissis, salubres admonitiones ingerere simulat, reddereque ipsum cautum aliorum exemplo, ne scilicet uti Constantinus bene cœptum opus

<sup>1</sup> Luc. xi. — <sup>2</sup> Job. xl.

(ut ait) male consummet, adeptamque ex pietate gloriam immensam obseuret. Hæc et alia plura miscens, ipsum Christianissimumque regem ad suum dogma sollicitans, Nestorianum hæreticum reddere ex Catholico studuit. Non extant ipsæ quidem datæ ad Carolum litteræ Elipandi, sed hæc ipsa omnia, quæ sunt dicta ipsas continuisse, ejus Caroli ad ipsum tunc redditæ litteræ docent.

4. Qui igitur ad tantum regem ejus argumenti scripsit Epistolam privatum ad ipsum datum, alias addidit publicas et generales ad omnes Galliarum episcopos. Erubescere nescit hæresis : hinc enim propheticæ<sup>1</sup> demonstratum, Babylonem scriptam in fronte gestare blasphemiam. Haud enim erubuit, pudnitve Elipandum ad Galliarum episcopos de hæresi sua scribere litteras, licet sciret, eam haud pridem ab ipsis in Felice collega, et cum Felice fuisse damnatam. Sed quid callidus agit? ne sui turpitudine deformis atque infamis hæresis, quam prodit, appareat insectanda diris, et execrationibus explodenda : alienis induitam vestibus instar Esopi graeculi, laboravit repræsentare formosam. dum et divinæ Scripturæ dictis et sententiis sanctorum Patrum eam studuit exornare. Sed redditit duplo deformem : nam ornamenta eastissimæ virginis, Ecclesie Christi sponsæ, nullatenus meretrici congruere, fuit omnium sententia patefactum.

5. Sed veniamus ad ejus fidei confessionem, imo perfidiae professionem, quam in eadem scripsit Epistola, ipso ejus exordio. Recitant eam Patres in redditis ad ipsum Synodalibus litteris istis verbis : « Invenimus, inquiunt, in libelli vestri principio scriptum, quo vos posuistis, scilicet : Confitemur et credimus, Deum Dei Filium ante omnia tempora, sine initio ex Patre genitum coeternum et consubstantiale, non adoptione, sed genere. Item post pauca in eodem loco legebatur : Confitemur et credimus eum factum ex nuliere, factum sub lege, non genere esse Filium Dei, sed adoptione, sed gratia, etc. » Hæc sunt Elipandi venena, quæ Patres præparato antidoto, ne cui possent obesse, cavenda ab omnibus docuere. Ista quidem cum Nestorio ipsum sensisse (ne aliquo modo ex ignorantia excusari posset) ex eo haud dubium edidit argumentum, prolixitque signum evidens et manifestum, quod in eodem ad episcopos Galliarum dato libello, sive scripta Epistola, cum singulos nominatum damnat hæreticos, Nestorium indemnum præterit, quem primo loco, si bona fide rem egisset, nominatum omni execratione atque detestatione, execrari, detestari, et anathematizare penitus debuisset, quo significaret, se quam longissime ab ejus sententia discrepare, licet eidem affinis existere videretur. Hinc jure Patres dum rescribunt ad ipsum : « Nonne olim, inquiunt, hæresis vestra in Nestorio ab universalis sancta Ecclesia refutata est etiam et damnata? Quapropter forte illum anathematizare noluitis, dum

alios, Bonosum scilicet, Arium et Sabellium, Manichæumque qui prava de Filio Dei senserunt, in Epistola anathematizastis? etc. » Docentes Nestorium id ipsum de Filio Dei homine facto, quod ipse Elipandus, sensisse, utpote qui duos diceret filios Dei, alterum secundum divinitatem, secundum vero humanitatem alterum et adoptionem. Ex consuetudine enim cum Mahometanis didicisse ita humiliter sentire de Christo secundum humanitatem, infelix Elipandus existimatur; inducens fortasse in animum, si hoc evincere potuisset, conjungeret simul Mahometanos et Christianos in unam fidem.

6. Quod insuper ter impius rem non ex insidia, sed dolo malo ageret, ex eo etiam Patres persensere atque omnibus patefecere, dum citatas ab eo sanctorum sententias, eas vel per ipsum depravatas esse, vel in pravum sensum longe a germano discrepantem detortas, in redditis ad eum litteris ostendere, quas si legeris, ipse intelliges. Ita plane a sanctis Patribus ipsis est demonstratum de sententiis illis e sacris Ecclesie doctoribus ab illo citatis, sed corruptis ac depravatis. Sed ubi ab eo domestici sunt testes adducti, dum, inquam, ex Toletanae Ecclesie ritualibus, sive ex suis prædecessoribus Toletanis episcopis nominatum esse Christum secundum carnem Dei Filium adoptivum idem asseruit: quod non esset in promptu Patribus illis citatos inspicere Codices ejus tantum Ecclesiæ proprios, neque communes omnibus aliis: iidem nimis impostori credentes, eodem modo, quo ipsum Elipandum, ejus quoque sunt detestati, quos citavit, prædecessores, Eugenium, Ildefonsum et Julianum, qui tum ex vitæ sanctitate, tum etiam ex sacrarum litterarum doctrina, magnum in Hispania nomen fuerant consecuti.

7. Ne vero justi cum impio condemnatur, et maledictionem iniquorum sancti possideant, quorum memoria in benedictione haec tenus in Ecclesia Catholica perseverat: vindicandi sunt isti in primis a tanta calunnia Elipandi et a Synodi maledictione. Ut autem ipsa veritas clarius elucescat, hic tibi reddenda putamus, quæ idem perfidus Elipandus in suo libello in Gallias misso de iisdem est mentitus prædecessoribus: reperiuntur enim ista repetita in litteris a Patribus ex Synodo ad eum redditis his verbis: « Sequitur in eodem libello vestro: Item prædecessores nostri Eugenius, Ildefonsus. Julianus Toletanae sedis antistites in suis dogmatibus ita dixerunt in missa de Cœna Domini: Qui per adoptivi hominis passionem, dum suo non indulxit corpori. Item in missa de Ascensione Domini: Hodie Salvator noster post adoptionem earnis sedem repetivit deitatis, etc. » Hæc suo inseruit Elipandus libello fidei, non quod ista accepterit ex eorum, quos nominat, scriptis, sed quod scripta ea in missali Toletanae Ecclesie (ut ait) in sacris oblationibus recitari solerent; sed an fideliter, vel ut in aliis fraudulenter, quod non adasset præ manibus qui esset Codex inspiciendus, ex quo

<sup>1</sup> Apoc. xiii, et xvii.

(ut in aliis) idem Elipandus imposturæ convinci posset, Patres haec tunc respondere : « Hæc ex parentum vestrorum dictis posuistis, ut manifestum sit, quales habeatis parentes, ut notum sit omnibus, unde vos traditi sitis in manus infidelium. Quia hominem Christum verum Dei Patris Filium esse negastis, vobis defensor esse noluit, sed tradidit vos in manus inimicorum suorum, qui dominentur vestri qui cum recipere noluerunt ». Et paulo post hæc in eundem :

« Et melius est testimonio Dei Patris credere de suo Filio, quam Ildefonsi vestri, qui tales vobis composuit preces in missarum solemnibus, quas universalis et sancta Dei non habet Ecclesia, nec vos in illis exaudiri putamus. Etsi Ildefonsus vester in orationibus suis Christum adoptivum nominavit, noster vero Gregorius Pontifex Romanae Sedis, clarissimus toto orbe doctor, in suis orationibus semper eum Unigenitum nominare non dubitavit, etc. » Hæc Patres, quod scilicet, ut ille perfidus asserbat, putarent, ea, Ildefonso auctore, in sacris missalibus vere legi. At quisnam fuerit certus et primus hujus erroris auctor in Hispania, dictum est superiori tono, si recte memoria tenes, nempe successorem S. Isidori pseudoepiscopum, hereticum hominem, qui et depositus transit in Mahometanam impietatem, Theodisenum nomine, natione Graecum, hominem impostorem. Hic, ut dictum est, anno Redemptoris sexcentesimo trigesimo sexto, primus in Hispania assertus, Christum Dei Filium esse adoptivum Dei Patris omnipotentis.

8. Cæterum tantum abest, ut S. Ildefonsus ejus erroris assertor fuerit, ut potius in suis scriptis, crebris sententiis tanquam spiculis tale monstrum saepe confecerit. Est igitur in promptu, ut impostoris in eum tanta illata calumnia quam apertissime delegatur, nec ex dubiis quidem testibus testimoniisque obsecuris, sed ejusdem Ildefonsi germanis scriptis, quibus non semel totidem verbis ejusmodi Nestorianismum in Hispaniis disseminatum impugnat, negans penitus Filium Dei secundum carnem dicí debere filium adoptivum.

In primis igitur illud adducamus in medium, quod habet in libro de Virginitate sanctæ Mariæ, et in necessariam dñe dñe assumptionem, ubi post multa secundum veritatem Catholicam disputata : « Audisti, inquit<sup>1</sup>, quod cum aliud sit Deus, et aliud homo; non tamen est alter Deus, et alter homo, sed unus est Dominus natus Jesus Christus, idem Deus et homo ». Et inferius<sup>2</sup> de sancta Maria : « Ita in utraque natura unum generans filium, ut idem sit Filius Dei, qui filius hominis; nec alter sit filius hominis, quam sit Filius Dei ». Et in libro de perpetua virginitate sanctæ Mariæ, et de ejus parturitione, quem haud pridem in lucem edidit vir doctissimus Fevardentius theologus Parisiensis, haec item in eamdem sententiam : « Chri-

stus Deus nunquam non fuit, ex quo homo factus es, et assumptus in unitate personæ semper manuit et permanet verus Deus homo; non duo quidem, ut esset alter Deus, et alter homo; sed unus idemque Deus et homo. Quamvis enim aliud per quod Deus, aliud per quod homo, in utroque tamen Deus et homo, quia non fuit aliquando purus sine Deo conceptus, vel natus homo: sed quia conceptus est de Spiritu sancto ex virginea carne, et natus homo vere: mox ex ipsa conceptione ineffabiliter nativitate Deus verus processit, et natus est homo ». Hæc cum ipse tradat, omnem excludit in Filio Dei secundum carnem adoptionem, cum nunquam fuerit sine Deo homo, qui in filium potuerit adoplari.

9. Possent quidem ista sufficere ad coarguendum calumniam, sicut et impietatis perfidum Elipandum, sed Deo agendæ sunt gratiae, Deique Matri sanctissimæ Virgini, quod laudator ejus Ildefonsus disertis verbis saepe inferius omnem prorsus in Filio Dei Christo Jesu excludit adoptionem, ubi in eadem tractatione ista subjungit : « Ac per hoc talis partus non est communis lege naturæ, sed sicut mirabiliter conceptus, ita mirabiliter Deus et homo natus. Ergo non illum, ut cæteros filios Dei adoptio fecit filium, sed divinitatis natura illum in proprium Dei Filium exaltavit, donavit et illi nomen quod est super omne nomen, ut esset lotus Dei Filius, homo, et Verbum; quia nunquam non fuit Dei Filius sempiternus, permanet unici Genitoris unigenitus ». Et post nonnulla eodem arguento accuratissime disputata, hæc subjicit ex S. Gregorii papæ auctoritate : « Quoniam sicut ipse ait in eisdem Moralibus, aliud est natos homines gratiam adoptionis per eam accipere; aliud est singulariter per divinitatis potentiam Deum ex ipso conceptu prodiisse ». Ac post nonnulla, dum tuerit sicut in conceptione, ita in partu nullam contraxisse Mariam Virginem corruptionem, ista mox subjicit : « Alioquin si ipse ex matre coquiniatus esset, aut materna viscera quasi pro peccato corrumperet, et sordibus ex vitio primæ damnationis coquiniaret, non esset Dei Filius, sed adoptivus, ut cæteri; quinimo nec adoptivus, et nullus esset per quem adoptaretur ipse, si non esset proprius ». Et inferius : « Et ideo non est ille adoptivus, sed adoptator (ut ita dicam) cæterorum ». Ac subjungit : « Christus non adoptivus, sed proprius Dei Filius in plenitudine temporum venit, missus a Patre, natus ex muliere, factus sub lege, qui solus non egredit regenerationis sacramento, neque renasci, quoniam proprius Dei Filius, qui nobis per adoptionis gratiam sua dignatus est benignitate per lavacrum regenerationis largiri fraternalis consortium. Unde Joannes<sup>3</sup>: Quotquot autem receperunt eum, dedit eis potestatem filios Dei fieri: quam sane potestatem a Patre genitus ipse ex sua natura in se habuit, et non

<sup>1</sup> Ildefons. de Virginitate S. Mariæ c. 6. — <sup>2</sup> De Virginitate S. Mariæ c. 41.

<sup>3</sup> Joan. I.

aliunde ut proprius esset Dei Filius, et daret, quibus vellat, adoptionis gratiam».

40. Hæc et alia ipse Hæfonsus, quibus omnibus magis magisque coarguas haeretici impostoris illatam in ipsum calumniam, vindicesque eum paritera Patrum concepta de ipso sanctissimo atque doctissimo viro ex testificatione Elipandi mala existimatione atque asserta falsa sententia; ut plane appareat nihil adeo alienum fuisse a tanto Patre, quam de adoptione Christi Filii Dei secundum carnem assertio. Dolendum fuit, ejusmodi lucubrations viri sanctissimi, dolo fortasse perfidi Elipandi, fuisse diu suppressas et occultatas, ne proderentur in lucem, ex quibus ipse filius tenebrarum redargui posset a lumine, dum vocal lucem tenebras, et tenebras lucem. Gaudendum vero quod in tanto Hispaniarum naufragio, superfuerint tam præclara nobilissimi ingenii monumenta, eademque e latebris vindicata, atque in lucem edita a viro veritatis amantissimo, antiquitatum Ecclesiasticarum studiosissimo, non Hispano (ne vel levis suspicio privatæ affectionis erga gentilem suum alicujus animum pulsare potuisse) sed Gallo, Parisiensis Academiæ professore, cultore integratatis et pietatis, et claritudine nominis in Ecclesia Catholica optime noto, quem nominavimus, Fevardentio.

41. His igitur de Elipandi litteris ante Synodum convocatam conscriptis jam enarratis, ad ipsam Synodi indictionem veniamus. Ubi igitur Elipandi dictæ litteræ ad Carolum Magnum redditæ sunt: nihil antiquius ipse habuit, quam ad universalem cogendam Synodum ex totius Occidentalis orbis episcopis, operam dare, cebros ea de causa ad Hadrianum Romanum Pontificem legatos mittens, exploraturus ejus sententiam, quid de proposita per Elipandum quæstione sentiret. Quale enim in his peragendis fuerit Caroli Magni vigilantissimum studium, a nullo fideliori teste, quam ex ipsis ad Elipandum redditis litteris cognoscemus, in quibus hæc inter alia de his leguntur: «Ad impletionem vero Iujns gaudii (nempe haereticorum conversonis), fraterna cogente charitate, jussimus sanctorum Patrum Synodale ex omnibus undique nostræ traditionis Ecclesiis congregari Concilium, quatenus sancta omnium unanimitas firmiter decerneret, quid credendum sit de adoptione carnis Christi, quam nuper novis assertionibus et sancte Dei universalis Ecclesiæ antiquis temporibus inauditis vos ex vestris scriptis intulisse cognovimus. Ino et ad beatissimum Apostolicæ Sedis Pontificem de hac nova inventione nostræ devotionis ter quaterque direximus missos (legatos scilicet), scire eupientes quid sancta Romana Ecclesia Apostolicis edicta traditionibus de hac respondere voluisset inquisitione. Neconu et de Britanniæ partibus aliquos Ecclesiastice discipline viros convocabimus, ut ex multorum diligentî consideratione veritas Catholicae tidei investigaretur, et probatissimis sanctorum Patrum hinc inde roborali testimoniis absque ulla

dubitacione teneatur». Et inferius, vocatos ad Synodum tradit Petrum Mediolanensem archiepiscopum, et Paulinum Foro Juliensem, vel Aquileiensem (ut ait patriarcham, episcopos præterea ex Germania, Gallia, Aquitania atque Britannia. Paulinus autem Aquileiensis episcopus in libello Sacrosyllabo addit ex Hesperia, Liguria Aemilia et Austria provinciis esse ad Synodum vocatos episcopos.

Ubi autem Hadrianus papa crebris legationibus Caroli Magni permotus est, ut de sententia Elipandi decerneret, ea iterum examinata atque discussa, inventaque in haeresim declinare, publicas litteras cousscripsit ad episcopos Gallæcia et Hispaniarum, in quibus provinciis fuerat error disseminatus; de hisque disputans, pluribus confutat assertam de Christi adoptione sententiam; atque deum ejusmodi oratione devios omnes a veritate in fine compellat, sic dicens: «Prinsquam libelli imponatur terminus finalis, adhibenda est litigiorum optio sententialis: eligant namque quæ volunt, vitam aut mortem, benedictionem aut maledictionem. Optamus namque et infinitam boni Pastoris Domini precamur benignitatis elementiam, qui ovem perditam ad ovile propriis humeris portavit, ut relictis earnis aufractibus, in quibus male bestiae, id est, maligni spiritus commorantur, ut ad viam, quæ dueit ad vitam aeternam, tidei passibus Christo redeant pertrahente; quatenus in sinu matris Ecclesiæ suscepti, per lamentum poenitentiae sordes abluant peccatorum, et infamata eorum modestia bonæ famæ recipient pristinam dignitatem, nec honoris periclitentur naufragio, et a nostro non disjungantur consortio, ac per hoc reconciliati communioni Catholicae fidei, divina illos pietas cælestium faciat esse participes gaudiorum.

«Quod si exigentibus indignis meritis, tam insolubili eos malignus spiritus perfidiae laqueo justo Dei judicio strangulavit, ut resolví nequeant: ex auctoritate prorsus Sedis Apostolicæ ac beati Petri Apostolorum principis, ac per eum, qui illi magister et Dominus tradidit potestatem, et solvendi ligandique licentiam tribuit (quod sine gravi mœrore dicere non possumus) perpetuo eos anathematis vinculo religatos ultrici cum sequacibus suis judicamus vindicta plectendos, ac per hoc a gremio matris Ecclesiæ et a nostro consortio defini alienos.

42. «Si quis autem fidelium Deumque timen-  
tium charitatem eis benignitatis impertiendo, et  
Christi amore, pro eis precis (precum) oblationem  
Domino offerre voluerit: non solum non inhibe-  
mus, sed ut faciat, Apostolicæ admonitione et op-  
tamus, et salubri incitamus adhortatione, ut Dens  
omnipotens <sup>2</sup> qui neminem vult perire, et omnes  
homines propter nimiam bonitatem suam vult sal-  
vos fieri, revocet eos ad viam veritatis, et ad agni-  
tionem perlungere (sicut dignum est) rectæ fidei,

<sup>1</sup> Luc. xv. — <sup>2</sup> 1. Tim. ii.

quæ est in Christo Jesu Domino nostro, etc. » Ista habent litteræ Hadriani, quæ et postea sunt in hac, de qua agimus, Synodo recitatae.

Ubi igitur Synodus convenisset, praesente Carolo Magno rege, ab eodem jussæ sunt legi litteræ Elipani archiepiscopi Toletani: « Quibus recitatî», inquit Paulinus, « statim surgens venerabilis princeps de sella regia, stetit super gradum suum, et locutus est de causa tidei prolixo sermone, et adjectit: Quid vobis videtur? Ab anno prorsus præterito, ex quo cœpit hujus pestis, insaniam tumescere, perfidiae ulcus diffusius ebullisse, non parvus in his regionibus, licet in extremis finibus regni nostri, error inolevit, quem censura fidei necesse est modis omnibus resecari. Cumque imprecata et concessa esset morosa dilatio per dies aliquot; placuit ejus miasuetudini, ut unusquisque quicquid ingenii captu rectius sentire potuisset, per sacras syllabas, die statuto, ejus clementiae oblatum sui pectoris fidei munus styli ferculo mentis vivacitale deferret ». Haec de jussione Caroli Magni Paulinus.

43. Qui ingenii sui nobile edens fœtum, commentariolum inscriptum, libellum Sacrosyllabum, adversus novam resurgentem hæresim elaboratum, obtulit sanctæ Synodo, cui placuit ut in Hispanias mitteretur ad confutandos exortos in eis errores. Exstat ipse integer, quem tu consulas: scriptus enim ab eo est non suo ipsius tantum nomine, sed et Petri Mediolanensis archiepiscopi, et aliorum ipsis subiectorum episcoporum, ad eujus libelli finem ejusmodi adversus eundem Eliandum atque Felicem sententiam profert istis verbis: « Eliandum namque atque Felicem novos hostes Ecclesiæ, sed veternosa fæce perfidie pollutos, nisi ab hac stultitia resipiscant, et per rectæ fidei satisfactionem lamentis se abluant poenitentia, indignos et ingratos eos etiam, qui post hanc tam saluberrimam definitionem, quam plenaria Synodus sancto afflata Spiritu concorditer subtili sinceritate terminavit, falsissimis eorum assertionibus sive clam, sive in publica voce præbuerint assensum: simili eos sententiæ vindicta sancimus esse plectendos, reservato per omnia juris privilegio Summi Pontificis domini et patris nostri Hadriani primæ Sedis beatissimi papæ ». Sed quod privilegium? illud nimirum, quod (ut saepè dictum est) novas condemnare hæreses et hæresiarchas esset solius Romani Pontificis: vel illud fortasse intelligit privilegium, quo Romana Ecclesia (ut superius demonstratum est) Conciliorum omnium Acta cognoscit, probatque vel improbat ipsa.

44. Demum vero pro ipso rege ejusmodi ad Deum obtulit pias preces: « Catholicum atque elementissimum, semperque inclytum dominum Carolum regem per intercessiones beatae et gloriose semperque Virginis Dei Genitricis Marie, per quam meruimus Auctorem vite suscipere, et beati Petri primi pastoris Ecclesiæ omniumque sanctorum, verum etiam suffragantibus precibus vestris, omnipotens et sancta Trinitas sua eum gratia cir-

cumcingat, suaque dextera semper protegat et defendat, ut faciat semper quæ illi sunt placita, quatenus cœlestibus fretus armis inimicos nominis Christi, auxilio fultus de cœlo, ad terram prostrernat; barbaras etiam nationes infinitas Deus omnipotens ditioni ejus potentiae subdat, ut ex hac occasione ad agnitionem perveniant veritatis, et agnoscent verum et vivum Deum Creatorem suum, etc. »

Receplo autem atque perleclo a Paulino oblato nomine episcoporum libello, ab ipsa sancta Synodo condemnata est hæresis, et adversus eam et ab Eliando episcopo Toletano missum perfidie libellum scripta fuit Synodalis Epistola ad Hispanie episcopos, qua Patres confutaverunt singulas ab hæreticis assertas pro errore defendendo sententias. Exstat ipsa integra habens in fine admonitionem ad eosdem, ut abdicato errore, sanam sequantur Ecclesiæ sanctæ doctrinam. Sed et ipse Carolus Magnus, quod privatas ab Eliando (ut diximus) pro errore defendendo litteras accepisset, ad eudem et alios Hispanie episcopos scripsit Epistolam tanto principe dignam, qui pietate et doctrina prestaret, eamdemque una cum litteris Pontificis libelloque a Paulino conscripto, et Synodali Epistola ad eos misit, qua omnibus suaderet, ut ab errore Eliandi desisterent. Porro quod tanti principis scriptorum monumento ipsa sancta Synodus est magnopere illustrata, ut istud ipsum intexatur Annalibus, a nobis exigit personæ dignitas et argumenti, et multiplex utilitas, quam quis eam legendo percipiet. Sic enim se habet:

45. « Carolus gratia Dei rex Francorum et Longobardorum, ac patricius Romanorum, **FILIUS ET DEFENSOR** sanctæ Dei Ecclesiæ, Eliando Toletanae civitatis metropolitano, et cæteris in partibus Hispanie consacerdotibus Orthodoxæ fidei et fraternæ charitatis in Christo Dei Filio proprio et vero optamus satutem.

« Gaudet pietas Christiana divinae scilicet atque fraternali per lata terrarum spatha duplices charitatis alas extendere, ut materno foveat affectu, quos saero generat baptismate. Et maxima est sanctæ matris Ecclesiæ exultatio suorum adunatio filiorum, ut sint consummata in unum, qui redempti sunt ab uno, dicente eodem Redemptore nostro Jesu Christo<sup>1</sup>: Pater sancte, serva eos in nomine tuo, quos dedisti mihi, ut omnes unum sint, sicut et nos unum sumus. Unde et in Canticō Canticorum de sancta dicitur Ecclesia<sup>2</sup>: Terribilis ut castrorum acies ordinata. Constipata exercitus ordinatio et unanimis bellatorum fortitudo magno solet hostibus esse terrori: sic filiorum sanctæ matris Ecclesiæ intra murum Catholicæ fidei pacifica adunatio aereis potestatibus nimium constat terribilis, et ignitis maligne perfidie spiculis omnino impenetrabilis exstat, sicut et verissimus gentium prædicator et fortissimus Ecclesiæ præ-

<sup>1</sup> Joan. xvii. — <sup>2</sup> Cant. viii.

liator præcipit, dicens<sup>1</sup>: In omnibus sumentes scutum fidei, in quo possitis omnia tela nequissimi ignita extinguerere, et hoc sæculum nequam libero ad cœlestia volatu evadere<sup>2</sup>: Sinc fide enim impossibile est placere Deo: impossibile est quod omnino ab homine fieri non potest. Principium est salutis nostræ fides, qua intemperata et integra sanitale confirmata, totius vitæ cursus per bouiorum vestigia operum feliciter fine temus currit: per fidem enim (sicut idem p̄fatus<sup>3</sup> doctor in Epistola ad Hebræos testatur) omnes sancti placuerunt Deo.

46. « Hanc igitur fidem Orthodoxam et ab Apostolicis traditam doctoribus, et ab universalis servatam Ecclesia nos pro virium nostrarum portione ubique in omnibus servare et prædicare profitemur: quia non est in alia aliqua salus nisi in illa, quam pacifica ab initio salutis nostræ unanimitate semper servabat Ecclesia. Pro qua etiam, viri fratres, et vestra bona devotio, quam vos habere decet in Domino, his partibus fiduci vestræ litteras dirigere curastis, nempe et generales ad sacerdotes sanctissimas aures, ad nos quoque speciales. In quarum utique serie litterarum non satis nobis elucebat, an quasi ex auctoritate magisterii vos vestra docere disposuistis, an ex humilitatis discipulatu nostra discere desideratis: tamen sive hoc, sive illud vestris inesset animis, petitionem vestram, charitate Christianæ religionis cogente, non spernendam esse censuimus, valde desiderantes, Deumque ex intimo cordis affectu deprecantes, quatenus in veræ fidei soliditate firmiter utrinque permaneamus, contra fluctuagos hujus sæculi æstus, Spiritu sancto navigium nostri cursus regente, ad portum perpetuae tranquillitatis pervenire mereamur.

47. « Ad hanc tranquillitatem capiendam, oculus cordis purificandus est, et assiduis sanctorum orationum precibus mentis aies illustranda, ut puræ veritatis lumen, omni errorum nube expulsa, contemplari valeat; ne in opinione noxiæ falsitatis temeritas inordinata incautius gradientes præcipitet. Non pudeat Christianum, ubi haesitat, querere; ubi nesciat, discere: quoniam pia humilitas discendi sapientiae intrat secreta: et melius est discipulum esse veritatis, quam doctorem existere falsitatis; ille ad altiora semper provethitur; iste ad inferiora semper dilabitur, et inde magister efficitur erroris, unde auditor contempsit esse veritatis. Hanc igitur, fratres, perniciosa devitantes elationem, sanctorum Patrum et sanctorum doctorum sacris inhærcamus sensibus: discamus que scripserunt, credamus que docuerunt, et non declinemus ad dexteram, neque ad sinistram, sed per viam regiam ad Regem et Redemptorem et Deum et Dominum nostrum Jesum Christum concordi fidei et veritatis curramus professione<sup>4</sup>: Corde enim creditur ad justitiam, ore autem confessio fit

ad salutem, eodem attestante Apostolo<sup>5</sup>: Justus autem ex fide vivit. Si justus ex fide vivit, quomodo qui fidem non habet rectam, se vivere aestimat<sup>6</sup>? Nos nempe non sumus infidelitatis filii in perditionem, sed filii ad acquisitionem animæ. Sequamur sanctorum Patrum venerabilia in charitate præcepta.

« Decet enim ut omnium Christianorum una sit fides et unus animus<sup>3</sup>, sicut est unum ovile et unus pastor. Qui enim extra Ecclesiastici ovilis septa invenientur, lupina rabie devorabuntur, qui vocem boni Pastoris non audiunt, qui ante suas oves ingredietur et egredietur, ut eos ad pascua vitæ perducat æternæ. Nobis itaque dictum intelligamus, quod egregius præparator suis charissimis filiis præcipiebat, dicens<sup>4</sup>: Obsecro vos per nomen Domini nostri Jesu Christi, ut unum dicatis omnes, et non sint in vobis schismata; sitis autem perfecti in uno sensu et in eadem sententia. Hæc habentes Apostolicae auctoritatis præcepta, concordate nobiscum. Diligimus vos: hoc vobis volumus in Domino, quod et nobis; quia perfecta, quam habemus in Christo, charitas congregare gaudet non spargere, adunare non scindere, et inconsutilem Salvatoris nostri tunicam<sup>5</sup> integrum servare non dividere, prævidentes hoc idem in paee Christi custodire, quod milites in Passione ejus observabant.

18. « Bis ita prælibatis, vestris in Domino valde congaudemus profectibus, ita ut in cordibus nostris fraterno vulnerati amore vestram, quam patimini, lacrymabili gemitu condoleamus oppressionem; sed majore multo<sup>6</sup> tristitia lugemus, si aliquid diabolica fraude interius oppressionis per infidelitatem, vel cuiuslibet schismatici erroris patimini in cordibus. Ipse est continuus dolor peccatoribus nostris, et pæne irremediabile vulnus, nisi per ejus misericordiam qui sanat<sup>7</sup> contritos corde, et vult omnes homines salvos fieri, et ad agnitionem veritatis pervenire, illi nos lætificant, qui tristaverunt. Vestra igitur correctio, nostra est lætificatio. Desirantes vos socios habere in fide Catholica, et cooperatores in prædicatione veritatis, ut<sup>8</sup> gaudium, quod Christus suis promisit discipulis, habitet in nobis, et gaudium nostrum impleatur in vobis.

« Ad impletionem vero hujus gaudii, fraterna cogente charitate, jussimus sanctorum Patrum Synodale ex omnibus undique nostræ ditionis Ecclesiis congregari Concilium, quatenus sancta omnium unanimitas firmiter decerneret, quid credendum sit de adoptione carnis Christi, quam super novis assertionibus, et sancte Dei universali Ecclesiæ antiquis temporibus inauditis vos ex vestris scriptis intulisse cognovimus; imo et ad beatissimum Apostolicae Sedis Pontificem de hæc nova inventione nostræ devotionis ter quater-

<sup>1</sup> Ephes. vi. — <sup>2</sup> Hebr. xi. — <sup>3</sup> Ibid. — <sup>4</sup> Rom. x.

<sup>1</sup> Rom. i. — <sup>2</sup> Hebr. x. — <sup>3</sup> Joan. x. — <sup>4</sup> 1. Cor. i. — <sup>5</sup> Joan. xix.  
— <sup>6</sup> Rom. ix. — <sup>7</sup> Psal. cxlvii. — <sup>8</sup> 1. Tim. ii.

que direximus missos, scire cupientes, quid sancta Romana Ecclesia, Apostolicis electa traditionibus, in hac respondere voluisse inquisitione. Neenon et de Britannicis partibus aliquos Ecclesiastice discipline viros convocavimus, ut ex multorum diligenti consideratione veritas Catholicæ fidei investigaretur, et probatissimis SS. Patrum hinc inde corroborata testimoniis absque ulla dubitatione teneatur.

19. « Idecirce vobis per singulos libellos dirigere curavimus, quid predicatorum Patrum pia unanimitas et pacifica perscrutatio auctoritate Ecclesiastica inveniret, statuisset, confirmaret. Primo quid dominus Apostolicus cum sancta Romana Ecclesia et episcopis in illis partibus quaquaversum commorantibus, et Catholicis doctoribus sentiret, sub unius libelli tenore statuimus. Deinde secundo loco quid Ecclesiastici doctores et sacerdotes Ecclesiarum Christi de propinquioribus Italie partibus cum Petro Mediolanensi archiepiscopo, et Paulino Forojulianensi vel Aquileiensi patriarcha, viris a Domino valde venerabilibus intelligi, vel firmiter credi voluissent, suis propriis responsionibus exaralum posuimus libellum; quia ipsi quoque presentes nostro Synodali conventui adfuerant. Post haec tenet et tertius libellus Orthodoxorum sanctorum Patrum episcoporum et viorum venerabilium fidem, qui in Germaniae, Galliae, Aquitaniae et Britanniæ partibus dignis Deo deserviunt officiis, vestrisque objectionibus sanctorum Scripturarum testimonis roboratas obtinet responsones. Deinde quarto loco mee propriae unanimitatis cum his sanctissimis predicatorum Patrum Decretis et Catholicis statutis consensum subnexui, sicut vosmetipsi in vestra Epistola, quam meo specialiter designasti nouini, rogare curastis, id est, ne subdolis paucorum assertionibus consentirem, sed plurimorum testimoniis roboratam fidem tenerem.

20. « Facio certissime, Deo Domino meo Iesu Christo donante, horum me sanctissimæ multitudo et probatissimæ auctoritali veræ fidei professione associans, nec vestrae me paucitati in consensione hujus novæ assertionis socium admitto, sed Apostolicæ Sedi, et antiquis ab initio nascientis Ecclesiae, et Catholicis traditionibus tota mentis intentione, tota cordis alacritate conjungo. Quicquid in eorum legitur libris, qui divino Spiritu afflati, toti orbi a Deo Christo dati sunt doctores, indubitanter teneo, hoc ad salutem animæ meæ sufficere credens, quod saeratissimæ Evangelicæ veritatis pandit historia, quod Apostolica in suis Epistolis confirmat auctoritas, quod eximii sanctæ Scripturæ tractatores, et præcipui Christianæ fidei doctores, ad perpetuam posteris scriptum reliquerunt memoriam: cum his quoque doctoribus, et sanctæ Ecclesie pastoribus veram prædicto fidem, quos in præsenti tempore ille nobis dedit lumina, qui dixit<sup>1</sup>: Ecce ego vobiscum sum omni-

bus diebus usque ad consummationem sæculi. Hi sunt propugnatores fidei nostræ, hi sunt rectores per diversas sedes civitatis Christi, cuius antemurale est fides Catholica et charitas firmissimus murus, et propugnacula divinarum testimonia Scripturarum, et divitiae salutis in ea sunt<sup>1</sup> sapientia, et scientia, et spes portarum custodia: quæ quatuor clavibus, id est, prudentia, justitia, fortitudo, et temperantia piis aperiuntur animis. Hujus vero civitatis ipse Dei verus et proprius Filius, Dens verus homo verus Jesus Christus Dominus noster regali presidet potentia, cuius gratia totam illius civitatis structuram regit, defendit et exaltat. Quisquis ad hanc civitatem, recta sibi præviante fide, manus bonorum operum habens plenissimas pervenire festinal: apertas inveniet portas, et Regem regum cum millibus sanctorum agminum obviare sibi gaudebit.

21. « Sed et gratias vobis agimus de instantia orationum vestrarum, quibus memoriam nostri assidue vos habere dixistis, oplantes ut preces vestrae acceptabiles sint Domino Deo Salvatori nostro; et ut ipse per suam misericordiam, dignos vos efficiat exaudiri, et ad unitatem sanctæ sue Ecclesiæ revocare dignetur, et ejusdem pietatis humeris in sanctæ matris Ecclesiæ reportet ovile, qui de cælis veniens ovem requirere perditam, inventaque cum triumpho gloriae ad sedem Paternæ Majestatis revexit.

« Illud quoque, quod vobis nostram pietalem flagitare placuit, quatenus in præsentia nostra libelli vestri legeretur leitus, et perserstante plurimorum consilio, quid in eo recte fidei sanctionibus consentiens inveniret: fecimus sicut petistis, collectisque undique, veluti præfati sumus, Ecclesiasticis doctoribus et populi Christiani rectoribus, nobisque omnibus pacifico unanimitatibus choro consideribus, eundem libellum a capite calce tenus per distinctiones uniuscujusque sententiae, et per interrogationes et responsones, prout cuique libuit, perlegere jussimus. Quid vero de illo libello præsules Ecclesiarum Christi, fideique Catholicæ doctores intellexissent: non est opus mihi in hac mea iterare Epistola, dum illorum libellus proprius hoc vobis evidenter ostendet.

22. « Scriptam itaque in Epistola vestra hujusmodi obsecrationem invenimus, poscentes vos per eum, qui pro te in Cruce manus immoxias extendit, et pro te sanguinem preciosum effudit, et pro te mortem pertulit et sepulturam, ad liberandum electos ad infernum descendit, et pro te resurgens, tibi viam ad cælos revertendi, scilicet ad cælestem patriam demonstravit, ut per te ipsum arbiter sedeas. Ecce ego vestris petitionibus satisfaciens, congregationi sacerdotum auditor et arbiter adsedli. Discernimus, et Deo donante decrevimus, quid esset de hac inquisitione firmiter tenendum: sed modo per eandem obsecrationem

<sup>1</sup> Matth. xxviii.

<sup>1</sup> Isa. xxvi.

vos iterum atque iterum obtestor, ut in pacifica unanimitate et Catholice fidei professione nobiscum firmiter maneat, nec vos doctiores existimatis universalis sancta Ecclesia. Eam fidem tenete, quam Orthodoxi Patres in suis nobis symbolis scriptam reliquerunt; et nolite plus sapere quam oportet sapere, sed sapere ad sobrietatem; nec ratiocinando humano ingenio divina vos mysteria investigare arbitremini, sed magis credendo honorare, que humana fragilitas temere perseruando invenire non valet.

« Exemplum mihi Constantini imperatoris proponiustis, cuius initium beatum Isidorum laudasse dicitis, et finem doluisse: quod ne mihi accidat, per quemdam beatum (quem per antiphrasim cognominasti) benigne suadetis: hoc etiam, divina miserante gratia, præcavere satago, non ab illo tantummodo, sed etiam ab omnibus qui atiquid rectæ fidei contrarium docere videntur: assiduaque devotione Dominum depesco, et quoscumque ex filiis sancte matris Ecclesie valeo mihi in hac petitione adjutores convoco, ne me alienus verbosa adulatio, vel fraudulentia laudatio decipiens, a via veritatis avertat, sæpius enim Propheta decantans<sup>1</sup>: Corripet me justus in misericordia, et increpabit me, oleum autem peccatoris non impinguet caput meum.

23. « Vos vero vobismetipsis cavete, quos vos fraterno monuistis amore, procurantes diligentissime, omnipotentisque Dei vobis assiluis precibus elementissimam convocate gratiam, ne callida antiqui hostis versutia sensus vestros in aliqua parte corrumpat, et pejus fiat interius diaboli servitium, quam exterius gentis inimicæ ». Ille Carolus, alludens ad servitatem, qua a Saracenis miseri Hispani tenebantur oppressi, quod hac eadem Epistola inferius sæpe ingerit, sed pergit: « Eumque exspectate Redemptorem, quem salutis vestræ habuistis Auctorem. Illum glorificate in corde et portate in corpore, et dignam in vobis ilfi præparate habitationem in fide, quæ per dilectionem operatur, quatenus vos illius gloria potentia, et ineffabili misericordia ab utriusque servitutis molestia, exteriore scilicet et interiore liberet et custodiat, et in magno judicio ante conspectum glorie sue cum multiplicibus laboris vestri divitiis stare concedat, et vocem optabilem cum operatoribus Apostolicæ fidei audire faciat<sup>2</sup>: Venite, benedicti Patris mei, percipite regnum quod vobis paratum est ab origine mundi. Paratum igitur vobis regnum ab origine mundi, indubitate veritatis professione speratis, si Catholice fidei unanimitatii vosmetipsos adjungere curetis; exteriore servitutis molestias interna fidelitatis spe consolamini: oculos mentis vestræ ad eum erigite, qui vos eripuit de potestate tenebrarum et transtulit in regnum Filii dilectionis suæ.

24. « Hactenus antequam hujus adoptionis in

Christo nomen a vobis exortum nostros non offendet animos, vos germanitatis amore dileximus; et si nos vestrum corporale servitum contristaret, rectitudi tamen fidei Catholice lœticavit in vobis: nunc vero dupli pro vobis afficimur mœrore, diabolica fraude deceptis in corde, et inimica servitute oppressis in corpore. Sed redite, obsecro, ad unitatem sanctæ matris Ecclesie, ut vos eruat de angustia servitutis terrenæ, qui vos per baptismi gratiam a vinculo liberavit originalis peccati. Expoliasti veterem hominem: quomodo iterum fraude decepti maligna induimini illum? Adoptio-nis filii Deo Patri facti estis per eum qui non est adoptivus, sed proprius. State per fidei inviolabilem confessionem in libertate filiorum Dei, et nolite infidelitatis jugum subire: expellite vincula diabolice deceptionis de cordibus, quatenus Deus Christus, qui solvit compeditos, excusat catenam gentis inimicæ de manibus vestris. Habetis nos, divina auxiliante gratia, cooperatores gaudii vestri, si vos nobiscum Catholice fidei vultis esse prædicatores: certissimum namque erit divinæ miserationis auxilium, ubi una est totius Ecclesie charitas, et una veræ fidei confessio.

25. « Ad multitudinem populi Christiani, et ad sacerdotalis Concilii unanimitatem revertimini. Si enim duorum, vel trium sancto pioque concessui, secundum suam promissionem Dominum esse præsentem, non dubitamus; quanto magis ubi tot sanctissimi fratres, tot filii matris Ecclesie in nomine illius pacifica conveniunt unanimitate, eum adesse medium non est dubitandum, et illorum regere consilia, qui sui nominis laudem querere dignoscuntur? Ad confirmandum igitur corda vestra in fide et veritate, hanc nostri nominis, fraterna instigante charitate, Epistolam scribere curavimus, optantes ut nostra, quam habemus profide Catholica, proficiat devotio, et vos divina clementia ad fidem reueat Catholicam.

« Ante igitur quam hujus sæpe dicti scandali a vobis oriretur offensio, duplii charitate (sicut prædivimus) dileximus vos, id est, in orationibus nostris per omnes regni nostri Ecclesiæ habuimus socios, et vestri memoriam quotidie facientes: itidem quoque et Deo auxiliante, voluntatem habuimus vos liberare a servitio sacerularis necessitatibus secundum temporis opportunitatem et vestri consili adhortationem: nunc vero hac duplii charitate (quod sine dolore non dicimus) fraudastis vosmetipsos, non intelligentes, fraude diabolica esse deceptos, ut utroque juvamine vos denudaret, id est, participatione fidei et orationum nostrarum, vel solatio auxilii nostri. Videte, videte quam grande malum adversus vosmetipsos habetis factum, quod nequaquam ausi sumus orare pro vobis, sicut pro fidelibus sanctæ Dei Ecclesiæ filiis, nec vos adjuvare, quomodo fratres in vestris maximis necessitatibus. Quapropter revertimini ad hanc duplicem consolationem, et abjecite a vobis hanc malignam diabolice fraudis versutiam, ut

<sup>1</sup> Psal. cxl. — <sup>2</sup> Matth. xxv.

possitis nobiscum consortium habere in omni charitate et gudio opportuno.

« Post hanc vero correctionem, sive admonitionem Apostolice auctoratis et Synodalis unitatis, si non respiscitis ab errore vestro: scitote omnino vos pro haereticis haberi, nec ullam vobis cum communionem pro Deo audeamus habere. Currite dum<sup>1</sup> lucem habetis, ne tenebre vos anathematis comprehendant, unde non polestis pedes vestros explicare, sed interna damnatione irretitos esse lugubris. Adhuc enim pia mater revocat vos in gremium suae misericordiae, volens vos Deo nutrire in filios. Tantum nolite vos abstrahere ab eis pietate, qui<sup>2</sup> vos vocavit in regnum filii dilectionis sue ». Subjicit his Catholicæ fidei Symbolum, quo et asseritur Dei filius non esse adoptivus, sed proprius. Postea vero sic perorat:

26. « Hanc fidem vos, fratres charissimi, firmiter tenere, in commune prædicamus: et si aliter ante in quolibet verbo sensistis, corrigite vosmetipos, et ad unitatem sanctæ Dei Ecclesiæ pura fide festinate, et contentiones nominum, novitatesque vocum devitate, quia juxta Apostolum, non est haereticus nisi ex contentione. Vos igitur quia pauci estis, unde putatis vos aliquid verius invenire potuisse, quam quod sancta et universalis tota orbe diffusa tenet Ecclesia? Sub tegmine alarum illius requiescite, ne vos avida diaboli rapacitas (si foris invenerit) nefando gutture devoret. Redite ad plenum matris Ecclesiæ gremium, illa vos loveat et nutrit, donec accurratis in virum perfectum et in plenitudinem corporis Christi. Habeite nos cooperatores salutis vestrae, Catholicæ pacis auxiliares; et societas vestra sit in Christo Jesu Domino nostro<sup>3</sup>, qui vos nobiscum incorruptos et immaculatos fide pariter et opere custodiat, et constituat ante conspectum gloriæ suæ incontaminatos et irreprehensibiles, et perpetuæ haereditatis haeredes pariter perficiat in aeternum. Amen ». Hactenus ad Elipandum Carolus Magnus, et ad alios ejus perfidie socios; finemque accipiunt hie Aela, quæ extant eisdem Francofordiensis Concilii.

Quoniam autem est nonnullorum assertio, in hac eadem Synodo damnatum esse Nicænum Concilium secundum, idemque dictum septimam Synodum OEcumenicam, verum ne id sit, et si aliquod attulerit prajudicium veritati, et dicta Nicæna Synodus ex iis aliquid acceperit detrimentum, sollicitius investigandum remanet, et accuratius disquirendum, quod res sit gravissima, maximique momenti. Scimus ex Orthodoxis complures, cum objicerentur ista a novatoribus quam audacissime, nimurum in Francofordensi Concilio damnatam esse septimam Synodum, eo conlugisse, ut assarent, non esse damnatam ibi eam septimam Synodum, quam Orthodoxi Nicæa in Bithynia congregarunt, sed eam, quam Iconoclastæ Constantiopolis sub Constantino Copronymo collegerunt,

eamdemque pariter septimam Synodum OEcumenicam appellarunt. Favebat huic Orthodoxorum responsioni, quod veteres, qui asseruerunt, damnatam in Francofordensi Concilio septimam OEcumenicam Synodum, eam non Nicænam, sed Constantinopolitanam nominaverunt, quam fuisse constat haereticorum.

27. *Refelluntur objecta quoad damnationem secundæ Synodi Nicænæ; et alia de Francofordensi Concilio dilucidantur.* — Haec quidem cum jure dici possent, nisi alia addita essent, evicta penitus causa fuisset: verum cum conslet eam ab illis asserlam damnatam fuisse septimam Synodum, quæ pro cultu sanctorum imaginum statuta fuit: ultiq; ad Nicænam, non ad Constantinopolitanam, eamdem septimam damnatam Synodum esse referendam, ficit sit ab illis erratum in nomine, æquis arbiter judicabit; nec nos tale judicium subterfugimus: gaudet enim innocentia veritate, nec indiget fucus loliis, quibus pudenda, quæ nulla sentit, contegere debeat. Tantum abest igitur, ut negemus Nicænam secundam Synodum, eamdemque septimam OEcumenicam dictam, damnatam dici in Francofordensi Concilio: ut etiam augeamus numerum testium id profertum, et quidem haud dubiæ fidei vel reiciendæ auctoratis. Sic igitur justæ causæ confisi, id sponte ac liberatiter concedimus adversariis, quod ab aliis penitus negatum sciunt; ut nos nonnisi cupidos esse veritatis intelligent, remque agere sine fuso et fallaciis more majorum nostrorum sanctorum Patrum, ut quæ sint vera firmemus, et quæ falsa, a quovis sint dicta, negemus.

Tanti ponderis aggredientes nos quæsitionem, in ipso ejus exordio (ne qua ambiguitate verborum currens veritas, quasi compedibus teneatur) in sententiarum diversarum bivio constituti, quo quis gradatuer aperientes, illud in primis asserimus: longe inter se esse ista diversa, vel dicere esse damnatum aliquid in Concilio, vel damnatum per Concilium, ut primum actum habeat imperfectum, secundum doceat consummatum. Cum enim aliquid in Concilio agitur a male sentientibus, nec accedit consensus eorum, quorum est statuta firmare, quo si caret, omne quod decretum est, nullius est ponderis et penitus evanescit: tunc id statutum tantum dici potest in Concilio, nec alicuius roboris esse, deficientibus necessario requisitis. Sed tunc per Concilium, cum omnia ad actus perfectionem concurrisse, remque esse perfectam liquet. Sic igitur, quod ad rem, de qua agimus, spectat: sic asserimus cum antiquis auctoribus, damnatam in Francofordensi Concilio Nicænam secundam Synodum, ut deficiente consensu eorum, quorum erat Synodum comprobare, negemus omnino per Francofordiense Concilium Nicænam secundam Synodum esse damnatam; cum haud dubium, quaecumque ab illis facta fuissent, irrita penitus atque cassa redditæ essent; ut non mireris, si quæ sunt ab eis tunc Acta conscripta

<sup>1</sup> Joan. XII. — <sup>2</sup> Gal. 1. — <sup>3</sup> 1. Joan. 1.

nusquam appareant, utpote quod abolita, perpetuoque fuerint sepulta silentio, quæ non probassent legati Apostolice Sedis, nec qui eos miserat Hadrianus Rom. Pontifex confirmassel.

28. Sane quidem contradixisse legatos Apostolice Sedis iis, quæ adversus Nicænam secundam Synodum ibi decreta fuissent, nec ipsi quidem novatores adversantes<sup>1</sup> negant. Sed et ab Hadriano papa non solum non assensum, sed magnopere contradictum : ejus quæ extat confutatio et redargutio adversiorum ad Carolum Magnum conscripta palam ostendit. Quin et eum Hadriano atios episcopos paria sensisse, Hincmarus<sup>2</sup> affirmat. Unde et ejusdem Caroli factum esse præcepto, existimandum est, ut explosis atque rejectis iis, quæ contra Nicænam Synodum gesta fuissent, ipsa tantum Acta, quæ contra Elipandum atque Felicem omnium consensu firmata fuissent, ejusdem Synodi inlegra remanerent ; quod probe sciret ipse Carolus, quod profitetur, nulla Conciliorum Decreta subsistere, quibus Romani Pontifices contradicerent, quod et tum Latinorum, tum Græcorum auctoritate sæpe superiorius aperlissima luce declaratum constat : ut nec ipse quidem (quisquis ille fuerit, qui adversus Nicænam secundam Synodum commentarium scripsit, qui fertur nomine Caroli) id negare audeat ; imo et firmissime asserat atque confirmet, esse sententiam ejusdem Francofordiensis Concilii, asserentis judicium nullum controversiarum esse solius Romani Pontificis. Quo argumento rejicit septimanum Synodum, ut quæ (quod turpiter mentiretur) non fuerit a Romano Pontifice confirmata.

Sic igitur carnit his Actis Synodus Francofordiensis ; quæ cum nullum acceperit a Sede Apostolica robur, sed ab ea penitus confutata atque damnata, fuerint etiam ejusdem Caroli principis maxime pii auctoritate rejecla, penitusque deleta. Quod affirmare ea saltem ratione necesse est, cum videlicet certum sit, ipsum Carolum nequaquam contra Hadrianum Pontificem contentiosum fuisse trahere perseverasse, ut se ab ejus communicatione divisorit : nam et exploratissimum est, eum non desiisse aliquando a communicatione et amicitia ejusdem Pontificis : quem non tantum viventem coluit, sed etiam mortuum celebrarit, atque immenso honore fuerit prosecutus, ut ostendent inferioris, quæ suo loco dicturi sumus. Sieque, ut diximus, affirmare necesse est, ipsum eidem Pontifici in iis penitus acquiescisse, atque ex ejus sententia male sancta damnasse.

29. Cerle quidem nonnisi ad ipsam Sudem Apostolicam in Ecclesiasticis controversiis ipsum Carolum recurrere consuevisse, ab eaque responsa accipere sollicite proenrasse, atque ex ipsorum præscripto perfidere omnia laborasse : ipsamet Acta Francofordiensis Concilii docent in ejusdem Caroli

ad Elipandum Epistola nuper reddita, ex qua hic illa de his est tibi repetenda sententia, qua ait : « Ad beatissimum Apostolicæ Sedi Pontificem de hac nova inventione, nostræ devotionis ler quaterque direximus missos, seire cupientes, quæ sancta Romana Ecclesia Apostolicis edocta traditionibus de hac respondere voluisse inquisitione ». Et inferioris de acceptis ab illa responsis sollicitus custoditis, subjicit ista : « Apostolicæ Sedi, et antiquis ab initio nascentis Ecclesie et Catholicis traditionibus tota mentis intentione, tota cordis alacritate conjungor ». Haec ipse, tanto quidem principe digna ex ipso Concilio scripta, quibus adeo perspicue ex ipsis verbis significatis, reliqua cur Acla illa non extant, intelligas, vindic'esque a calunnia principem, quem novatores Nicænae secundæ Synodi de-structorem concilamant : quem ab Apostolicæ Sedis sententia per Hadriannum declarata vel fatum unguem aliquando recessisse, nemo jure poterit affirmare, cum præserlim ipse Hadrianus testatus<sup>1</sup> sit Epistola ad eam scripta, quod ea de imaginibus secundum antiquas Patrum traditiones, sub Gregorio secundo Pontifice in Romano Concilio fuerint constituta, et postea iterum alio iidem Romano Concilio sub Stephano papa, præsentibus episcopis e Francia missis, firmius confirmata.

30. Quod antem calumnia ista contra Carolum conflata a novatoribus sit ex libro illo contra Nicænum Concilium scripto, et ad Hadrianum Pontificem missio, quem esse ejusdem Caroli, qui illi præfatur, incertus auctor affirmat, neconon ex Synodali Epistola Parisiensis Concilii sub Ludovico in eadem causa habili : id ne verum sit, remanet accuratissime disquirendum. Erroris antem inde emanasse videtur occasio, quod cum ejus confutatio ad Carolum sit ab Hadriano papa conscripta : ipsum scriptio illius fuisse auctorem leviter existimariunt, cum ad eum quis soleat describere litteras, a quo scriptas acceperit. At non negandum de his scripsisse litteras Carolum ad Hadrianum, quibus lamen alias, non suas alligari, fascem scilicet contradictionum illarum : quas lamen ipsius Caroli non fuisse, sed aliorum auctorum, licet missæ ab illo essent, ex eadem ipsius Hadriani reddita ad Carolum responsione, si quis accurate perspiciet, facile intelligere poterit, vel illa una saltem ratione, quod cum saepe Hadrianus acerrime inventatur in adversarios, Carolum ipsum perstringit munquam, nec leviter saltem de ipso queritur.

31. Verum nec libri illius aliquem certum fuisse demonstrat auctorem, sed plures fuisse qui adversus Nicænum Concilium contradictionis syllogum exacuerunt : nam audi ipsum<sup>2</sup> : « Addendum est, inquit, ad incedularum satisfactionem, et directionem Francicam ». Et paulo post : « O insania fremientium contra fidem et religionem Christianam, ut asserant non colere, aut venerari imagines

<sup>1</sup> Magdeburg. Cent. m. c. 9, col. 639. — <sup>2</sup> Hincm. Episc. Rhem. contra Laudun. Episc. c. 20.

<sup>1</sup> Epist. ad Carol. M. de Imagin. — <sup>2</sup> Hadrian. Ep. ad Carol. c. 26. Respons.

in quibus figuræ sunt Salvatoris, ejus Genitricis, vel sanctorum, quorum virtute subsistit orbis, atque potitur humanum genus salute! » Et post pauca: « Absit talium nefariorum temeritatis cedere amentie: Patrum priscas sequamur traditiones, et ab eorum doctrina nulla declinemus ratione». Haec et alia his similia sepe. Vides igitur non in Caroli Inni, ut auctorem libri illius spicula dirigi, sed plane in multis, qui per Carolum ipsum ea ad Hadrianum misli curassent, sicuti et cum post nonnulla idem de illis Hadrianus subjicit ista: « In hoc capitulo qui haec scripserunt, incriminari molituntur, et contradicere veritati nituntur, etc. » Sed et omnibus intuentibus liquet ex ipso contextu rerum, quod non unus auctor in eo volumine a principio usque ad finem absque rerum ordine pergit impugnare Nicenam Synodum, sed que ex adversariis quisque impugnanda suscepit (cum fuerint plures) in unum congesta, eademque in uno simul fasciculo alligata, data Carolo fuerint, et ab ipso missa ad Hadrianum.

Ibas autem ipsorum contradictiones cum capitulorum serie distinetæ essent, Capitulare, librum illum idem nominat Hadrianus, quod multa adversus Nicænum Concilium capitula contineret; quæ quidem scripta in eodem Francofordiensi Concilio, et Acta continere ejusdem Concilii Francofordiensis, idem, qui supra Illemarus asserit, ejusdem ferme temporis scriptor, ut de his non sit dubitandum. Qui enim ea prurigine laborarunt, ut quæ statuta essent in dicto Niceno Concilio dissoluerent; ea seorsum singuli corum adversus idem Concilium conscripsere, quæ ab illis singulis contradictoribus oblata fuerunt ipsi Francofordiensi Concilio. Ex his autem esse permotos episcopos, ut damnarent Nicænum Concilium, ex eo liquet, quod ex falsis ipsorum assertionibus ipsi pariter affirmarunt, idcirco dammandum esse Nicænum Concilium, quod cultum latræ uni Deo debitum tribuendum esse statuerit imaginibus. Quod plane falsissimum esse paulo inferius dicturi sumus.

32. Ubi vero sensisset Carolus impugnari ab illis Nicænam Synodum, defendi vero a legatis Apostolicæ Sedis: tunc illud, more suo, salubre consilium init, ut collectas in unum propositas contradictiones illorum, easdem per legatum ad hoc opus ab eo delectum Angilbertum abbatem S. Ricarii mitteret Romam ad Hadrianum Pontificem. Quod cum plures testentur, profiteatur id ipsum Hadrianus in Epistola ad Carolum missa, in cuius ferme exordio ista leguntur: « Praeterea directum a vestra clementissima praecelsa regali potentia suscepimus fidem familiarem vestrum, videlicet Engelbertum (Angilbertum) abbatem et ministrum capellæ, qui pâne ab ipsis infantiae rudimentis in palatio vestro enutritus est, et in omnibus consiliis vestris receptus, ut ideo sicut a vobis in omni familiaritate recipitur, ita et a nobis reciperetur et condecenter honoraretur.

« Unde pro nimio amore, quem erga vestram

mellifluam gerimus regalem excellentiam, sicut misisti cum nimio amore dulcedinis eximia eum recipientes, prout voluit, et qualiter voluit cum magna familiaritate nobis enarrantem aure placabili, et mente benigna eum suscepimus, et quasi vestra corporali excellentia nobis narrante, ei patientius ereditimus consilium ad profectum sanctæ nostræ Romanæ Ecclesiæ, et vestræ a Deo protectæ regalis potentiae exaltationem. Inter quæ edidit nobis Capitulare adversus Synodum, quæ pro sacrarum imaginum erectione in Nicæa acta est. Unde pro vestra melliflua regali dilectione per unumquodque capitulum responsum reddidimus, non quemlibet (absit) hominem defendantes, sed olitanam traditionem sanctæ Catholicæ et Apostolicæ Romanæ Ecclesiæ tenentes, priscam prædecessorum nostrorum sanctorum Pontificum sequimur doctrinam, rectæ fidei traditionem modis omnibus vindicantes ». Haec de missa adversario rum Capitulari per Angilbertum præfatus est ad Carolum Hadrianus. Cujus quidem operis cum plures fuerint auctores, Caroli Magni ultimum duntaxat esse capitulum: monet idem Pontifex Hadrianus, quod et testatur, ad illud in fine respondens. Nos vero reddemus ipsum inferius.

33. Cæterum liquet pariter ejusdem, qui supra Illemarii auctoritate, in eodem Francofordiensi Concilio duo esse Concilia condemnata, Constantinopolitanum hæreticorum, quo imagines confringi juberentur, et Nicænum secundum, quo eas colli præciperetur: quod etiam ex Capitulari illo libro, ad Hadrianum per Carolum missio, intelligi potest: fuisseque eam sententiam episcoporum secundum quod aiebant, perperam intelletam sententiam S. Gregorii papæ in Epistola ad Serenum, ut imagines non confringerentur, sed esse sinerentur, ita tamen ut non colerentur.

Quod igitur ex dicto Capitulari volumine haud accurate perspectis iis, quæ in eo essent consulta mendacia, conelamata fuerit in eodem Francofordiensi Concilio damnatio septimæ Synodi, ejusdemque Nicæne secundæ; quodque idem liber adversarius ubique vulgatus, et absque veritatis discussione receptus a compluribus fuerit; Synodoque absoluta, aequa putaverint in eo tractata retractatione minime indiguisse: ex his accidit, ut nonnulli absque aliqua hæsitatione conscripserint, in eodem Francofordiensi Concilio damnatam fuisse Nicænam Synodum. Postiores vero nonnulli id ex ejus Actis, nempe dicto Capitulari volumine, sive ex Actis Parisiensis Concilii, falsa ipsorum assertione decepti, putantes esse vera, quæ in eis falso reperirentur asserta: absque ulla dubitatione id ipsum asseruerunt, nempe condemnationem Nicænae Synodi in Francofordiensi Concilio.

34. Sed iam ipsos singulos audiamus antiquiores auctores, qui asserunt damnatum esse ipsum Nicænum Concilium secundum, septimam Synodum OEcumenicam dictam, per Francofordiense Concilium, eorumque singula verba redda-

mus, quo in tanta controversia ipsa veritas apertius elucescat, quæ adversantium densa caligine, ne appareat, obsecuratur. Vetusissimum omnium Chronicon, hæc ætate conscriptum sub Ludovico imperatore Caroli filio, in primis hæc habet, ubi agit de eodem Francofordiensi Concilio hoc anno habitō, deque damnata in eo (ut ait) hæresi Feliciana : « Synodus, inquit, etiam quæ ante paucos annos Constantinopoli sub Irene et Constantino filio ejus congregata, et ab ipsis non solum septima, verum etiam universalis erat appellata : ut nec septima, nec universalis haberetur, dicereturve, quasi supervacua omnino ab omnibus abdicata est ». Hæc ibi. Eadem totidem verbis apud Aimoinum descripta leguntur. Chronicon itidem eodem tempore scriptum, a Pithœo nuper editum, hæc eodem anno de iisdem habet : « Pseudo-Synodus Græcorum pro adorandis imaginibus habita, ab episcopis damnatur », in eodem videlicet Francofordiensi Concilio. Et Ado Viennensis episcopus, qui scripsit sub Carolo nepote hujus Caroli Magni, eadem verbis iisdem; idem Regino, sed et alii complures longe nobiliores auctores, quos inferius recensebimus. Verum de ipsis primis auctoribus, episcopis, inquam, qui interfuerunt eidem Francofordiensi Concilio, primum pervestigandum est : quonodo ex adversantium scriptis, Capitulari scilicet libro illo inducti sint, ut Nicænam Synodum condemnarent.

35. Certum quidem et exploratum omnino habetur, eos ipsos episcopos ab iisdem adversariis dolo malo deceptos esse, atque per imposturam et falsitatem cuneta esse transacta, ut locum nullum veritas inveniret. Hæc nisi tu ipse, lector, manu tetigeris, nolim credas. Non enim a longe petitis testificationibus utimur, sed ex ipsorum scriptis, ut nulla possit tergiversatione veritas falli. Quia in re sicut Patres illos qui Synodo interfuerunt, dolo earuisse facile dixerim : ita eorum oscitantiam non excuso. Quonodo inconsultis legitimis Synodalibus Actis, de re tanta, adversantibus presertim legatis Apostolicæ Sedis, adversariis credere maluerunt? Et quonam pacto, eos quidem potuisse fallere, vel falli (quod humanum est) non putantes, omnem illis adhibere fidem in omnibus in re tanta minime detrectarint? Hæc mihi diu cogitanti, et plane fateor obstupescenti, illud occurrit, his temporibus res Græcorum Francis pessime oluisse, ex eo quod Constantinus imperator Irenæ matris suæ impulsu recusarit pollicitas nuptias diu exspectatas filiæ Caroli Magni (ut suo loco superius dictum est) ob idque quamlibet oblatam occasionem arripuisse, rebus ab eo gestis, pietatem licet præ se ferentibus, detrahendi pariter et insultandi; atque adeo ipsam Nicænam Synodum, ipsorum opera collectam et absolutam, non sine stomacho audivisse : homines sumus, et quandiu in hac vita degimus, hisce interdum privatis pulsari affectibus inviti cogimur. Mitior sit ista reprehensio, et tolerabilior redargutio, quam eos omnes falsitatis arguere et impo-

sturæ, dum illis acquievere, qui his malis artibus in eamdem Nicænam Synodum irrupere, in quos omnis culpa vertatur.

36. Etenim adversarii illi concinnatores mendaciorum, et fraudum architecti, dolis atque falaciis cirenmvenerunt eosdem ipsos episcopos, qui venerunt ad Synodum, atque specie quidem pietatis ad condemnationem Nicænæ Synodi permoverunt, mentientes in primis (ut appetat ex libro illo Capitulari dicto, ad Carolum Magnum misso) Nicænam Synodum minime confirmatam esse a Romano Pontifice, sine quo (ut idem ibi auctor ait) Concilium subsistere minime possit, quod omnis de fide controversia ad Romanum Pontificem spectet. Sed et quod plane nefandum est, addiderunt eamdem Synodum promulgasse manifestissimam impietatem, eo quod ex ea hæresis firmaretur, qua (ut aiunt) assererentur imagines eodem honore et cultu, quo Deum, esse a fidelibus venerandas : hæc enim in Præfatione ejusdem libri Capitularis ad Hadrianum missi leguntur, cum agitur de rebus gestis in Francofordiensi Concilio : « Allata est, inquiunt, in medium quæstio de nova Græcorum Synodo, quam de adorandis imaginibus Constantinopoli fecerant, in qua scriptum habebatur, ut qui imaginibus sanctorum, ita ut deitatem Trinitati servitum, aut adorationem non impenderet, anathema judicaretur. Qui supra sanctissimi Patres nostri omnimodis adorationem et servitutem eis impendere renuentes, contempserunt, atque consentientes condemnarunt ». Citantrur insuper in ipso Capitulari Aeta ejusdem Nicæni Concilii, quibus falso assereretur Constantinus episcopus Cypri in eodem Concilio Nicæno anathema dixisse iis, qui non adorant imagines ea adoratione, qua sanctissima Trinitas adoratur : quæ ad rem ipsam explorati cognoscendam, hic voluimus descripsisse. Sic enim se habent<sup>1</sup>:

37. « Quod infauste et præcipitanter, sive insipiente Constantinus Constantiæ Cypri episcopus dixit : Suscipio et amplector honorabiliter sanctas et venerandas imagines : adorationem autem, quæ fit secundum latram, id est, Dei culturam, tantummodo substantiali et vivificæ Trinitati conservo : Et qui sic non sentiunt, neque glorificant, a sancta Catholica et Apostolica Ecclesia segrego, et anathemati submitto, et parti eorum, qui abnegaverunt incarnatam et salvabilem dispensationem Christi veri Dei nostri emitto ». Hæc adversarii tanquam ex Nicæna Synodo. Quos Hadrianus jure redarguit, nimirum neque Constantinum, neque alios tunc cum eo ad Ecclesiam Catholicam reverentes aliter se eredere esse professos, quam quæ ab eadem Nicæna Synodo sunt statuta; nimirum sic imagines sacras venerandas esse, ut tamen latræ cultus illis nullo modo daretur, qui soli Deo deberetur impendi.

Ita quidem, et non aliter se habere Constantini

<sup>1</sup> Conc. Nic. II. Act. III.

episcopi Constantiae Cypri assertionem, ipsa Nicæna Acta, quæ adhuc extant integra, docent his verbis: « Constantinus episcopus Constantiae in Cypro dixit: In nullis peccantes eum videam litteras, quæ nunc lectæ sunt, et ab Orientalibus episcopis ad Tarasium sanctissimum ac beatissimum archiepiscopum et universalem patriarcham missæ; item eum his eamdem fidei confessionem cognoscam: ego indignus etiam assentior, et uno animo idem prædico. Susepicio enim et amplector venerandas imagines: adorationem autem quæ sit secundum *ταῦτα*, hoc est, Dei culturam, tantummodo super-substantiali et vivificæ Trinitati conservo. Qui vero aliter sentiunt, quique gloriosos sanctos non approbant, a Catholica et Apostolica Ecclesia separo, et anathemati subjicio, et ad eos relego, qui incarnatam Christi Dei nostri œconomiam pertinaciter negant ». Hucusque sententia Constantini Constantiae episcopi, secundum assertionem recitaturum superius litterarum Orientalium ad Tarasium patriarcham, quas citat, qua declaratur Deiparæ et sanctorum imagines, non ut Dei, sed (ut habent) Dei amicorum coli debere.

38. Sed et ipsa Synodus Nicæna eadem, his omnibus consentientia, habet in fidei Catholice definitione, Patrum omnium subscriptione firmata, verbis istis<sup>1</sup>: « Definimus eum omni cura et diligentia venerandas et sanctas imagines ad modum et formam venerandæ et vivificantis Crucis e coloribus et taxillis, aut alia quavis materia commode paratas dedicandas, et in templis sanctis collocandas, habendasque tum in sacris vasis et vestibus, tum in parietibus et tabulis, in ædibus, in viis publicis, maxime autem imaginem Domini et Dei Salvatoris nostri Jesu Christi, deinde intermeratae nostræ Deiparæ, venerandorum Angelorum, et omnium deinde sanctorum virorum. Quo scilicet per hanc imaginum pietarum inspectionem omnes, qui contempnantur, ad prototyporum memoriam et recordationem et desiderium veniant, illisque salutationem et honorariam adorationem exhibeant, non tamen secundum fidem nostram, veram latriam, quæ sola divinitate naturæ competit ». Haec sacrosancta<sup>2</sup> Nicæna Synodus ex vulgata editione, in hoc non dissimili ab editione Anastasii, ex qua eadem sunt superius recitata. Habet igitur detectam fraudem, proditam imposturam de textu falsato, et lectione vitiata atque in contrarium penitus detorta sensum in Synodo plena edita ad destructionem Synodi OEcumenicæ, a Patribus autem illis inconsulte nimis accepta absque aliqua facta inspectione legitime lectionis, vel graeco inspecto textu, collationeque habita codicum diversorum, ut in re tanti momenti perfici necesse erat.

39. Sed quod deterius videri potest et magis admirandum, quod non solum apud Patres illos, qui eidem Francofordiensi interfuerunt Synodo, tot tantaque mendacia fidem invenere; sed apud

posteros, et quidem viros eruditio conspicuos, et magni in eo sæculo nominis, existimantes atque scriptis affirmantes, a nostriscoli, ex præscripto ejusdem Nicæni Concilii, sicut Deum venerandas imagines. Hi enim duas constituerunt classes in sacris imaginibus errantium; alteram eorum, qui eas frangerent, exurerent, vel quovis modo delerent: atque hæc ex parte damnarunt septimam illam Synodum Constantinopolis a Copronymo habitam: alteram vero eorum, qui (ut putabant) ex Nicæni Concilii Decreto assererent, debito Deo cultu esse colendas imagines: in hanc classem rejicentes omnes Nicæna secundæ Synodi professores, et Romanam quoque Ecclesiam inter eos adnumerantes, quæ profiteri inveniretur eamdem Synodum esse auctoritate Romani Pontificis celebratam et confirmatam, atque scriptis defensam, posterioribusque Conciliis roboratam. Ut plane obstupescas adeo leviter ex ipsorum falsa illa assumptione, qua dicent, a Niceno Concilio statutum, ut adoratione Iatriæ coherentur imagines, Orientem simul et Occidentem, quod reciperent illam Synodum, una eorum sententia damnationis inclusos.

Sed quod tam patens error, tanquam apertum mendacium possit haberi pro monstro, nec fidem fortasse inveniat præ tanta sui deformitate apud fidelium aures: hic tibi ista dicentium catalogum texam, singulorum sententias verbatim referens. Fuerunt isti viri doctrina insigniores, qui sub Ludovico imp. Caroli Magni filio claritatem, ut suo loco dicturi sumus: simulque alii qui in Parisiensi conventiculo tune eadem ex causa collecto, in eundem errorem ab iisdem traducti sunt, ut septimam Synodum dicentes docuisse, coli debere, ut Deum, imagines: quam ob causam et magna temeritate atque protervia aliqui ex illis etiam invehementur in Romanum Pontificem, qui ejusdem Synodi ejusmodi Decretum assereret atque probaret.

40. Fuit ex eis unus et pars magna Jonas Aurelianensis episcopus, qui ea de causa tunc functus est legatione, ad Eugenium Romanum Pontificem missus a Caroli Magni filiis imperatoribus Ludovico atque Clothario, ut ejusdem Parisiensis conventiculi Acta significant. Hic enim dum adversus Claudium Taurinensem episcopum per fidum Iconoclastam stylum exacuit, haec de imaginum cultu, quæ ad propositum argumentum pertinent, in medium profert<sup>3</sup>: « Illud quod imaginum adoratores tibi, ad suum errorem munendum, respondisse scripsisti, ita inquiens: Non putamus imagini, quam adoramus, aliquid inesse divinum, sed tantummodo pro honore cuius effigies talis, eam veneratione adoramus. Una autem reprehendimus ac detestamur; quia cum eorum scientiam non subterfugerit, imaginibus nihil esse divini, majori digni sunt invectione, eo quod debitum honorem divinitati impenderint infirmo et

<sup>1</sup> Nic. Concil. II. act. vii. — <sup>2</sup> Ibid.

<sup>3</sup> Jon. de cult. Imag. l. 1.

egeno simulacro. Quantumque hujus erroris sectatores ac defensores a vera exorbitent religione : non opus est per singula, mea declarare narratione. Idipsum etiam nonnulli Orientalium, qui eodem sceleratissimo mancipantur errori, se objurgantibus respondere solent : Tribuat Dominus sua gratuita pietate, ut tandem aliquando et isti et illi ab eadem eruantur superstitione, et Apostolicis disciplinis salubriter instructi, traditioni revocentur Ecclesiastice ». Et paulo inferius ad Claudium, qui ejusmodi imaginum adoratores idololatras appellabat, ista subiecit : « Illi, qui nimio et indiscreto amore ob honorem sanctorum imaginibus supplicant, nescio an temere idololatram sint vocandi. Videntur sane potius ab hac superstitione, adhibito rationis moderamine revocandi, quam idololatra, cum utique sanctae Trinitatis fidem veraciter credant et prædicens, nuncupandi. Cætera vero in eadem assertione tua faciunt nobiscum, etc. » Hæc quidem Jonas, qui cum validissime pugnet adversus Claudium imaginum effractorem, æque exagitat et perstringit earundem cultores, illud asserens, imagines in Ecclesiis conservandas, tum ad ornatum ipsarum Ecclesiarum, tum et ad populi historicam instructionem : idque ut ait, ex sententia sancti Gregorii papæ scribentis ad Serenum Massiliensem episcopum. Sed cum idem ipse adversus enidem Claudium disserat toto illo, quod reliquum est ejus operis, et imaginem sanctæ Crucis adorandam esse confirmuet, nitens in primis auctoritate ejusdem sancti Gregorii papæ, et Catholieæ Ecclesiæ traditione : totum, quod ædificaret, destruxit, vel potius erigit, quod male destruxerat : nam si Crucis imago est adoranda, cur non Christi imago pariter est colenda ?

41. Ejusdem plane sententiæ fuisse reperitur Walfridus Strabo, ejusdem sæculi auctor, qui duas pariter classes in his errantium constituens, ait<sup>1</sup> : « Nunc jam de imaginibus et picturis, quibus deus Ecclesiarum augetur, dicenda sunt aliqua ; quia et carum varietas nec quodam cultu immoderata colenda est, ut quibusdam stultis videtur ; nec iterum speciositas ista est quodam respectu calcanda, ut quidam vanitatis assertores existimant ». Et inferius : « Notandum vero, quod sicut quidam easdem imagines ultra quam satis est venerantur ; ita alii dum volunt cautores in religione videri, illas ut quasdam idolatriæ species respuant, etc. » Cittans autem Concilia adversus destructores imaginum habita, reticens vero illa, quæ pro imaginum cultu fuerunt antea celebrata : jam plane ejus ipse farinae fuerit, liquido est adspicere, dum et illum tantum honorem docet saevi imaginibus tribendum, si non dejiciantur et conculcentur. Nam subdit : « Non sunt ommnimodis honesti et moderati imaginum honores abjiciendi : si enim ideo quia novimus non adorandas nec colendas iconas, conculcande sunt et delendæ picturæ, quasi non

necessariæ, vel nocivæ : ergo etc. » Docens eas conservandas tantum ad ornatum, et ad instructiōnem populi historicæ veritatis.

Ejusdem fuit classis Amalarinus, Altigarius, sive Elisagarus, Trevolphus et Adegarius, ut ex dicto Parisiensi Concilio sub Ludovico imp. appareat, una cum aliis, qui eidem Synodo interfuerunt. Inter hos est adnumerandus Hincmarus Rhemensis episcopus, dum haec ait<sup>1</sup> : « Septima autem apud Græcos vocata universalis Pseudo-Synodus de imaginibus, quas quidam confringendas, quidam autem adorandas dicebant : neutra vero pars intellectu sano definiens sine auctoritate Apostolicae Sedis, non longe ante nostra tempora Nicæa est a quamplurimis episopis habita, et Romanam missa, quam etiam papa Romanus in Franciam direxit. Unde tempore Caroli Magni imperatoris, jussione Apostolicae Sedis, generalis Synodus in Francia (Francofordie scilicet), convocante prefato imperatore, celebrata, et secundum Scripturarum tramitem, traditionemque majorum, ipsa Graecorum Pseudo-Synodus destructa et penitus abdicata. De enijs destrunctione non modicum volumen, quod in palatio adolescentulus legi, ab eodem imperatore Romani est per quemdam episopum missum ». Et paulo post de titulo universalis Synodi ista subiectit : « Auctoritate itaque hujus Synodi Francofordiensis videlicet nouihil repressa est imaginum veneratio : sed tamen Hadrianus, et alii Pontifices in sua opinione perseverarunt, et mortuo Carolo, suarum pupparum cultum vehementius promoverunt, adeo ut Ludovicus Caroli filius libro longe acriori insectatus sit imaginum cultum, quam Carolus ». Hæc ipse, et certe nimis inconsulte, atque adeo temere : si enim ipsa legitima Acta Nicæna Synodi, quam adeo impugnat, inspexisset : stylum a tanta insultatione continuisset, et magis sobrie rem egisset.

42. De his quidem intelligit, hosque omnes suggestum Anastasius Bibliothecarius in Præfatione, quam præniuit septimæ Synodo, a se in latum translatæ, dum ait, scribens ad Joannem octavum Romanum Pontificem : « Quæ enim super venerabilium imaginum adoratione præsens Synodus docet (Nicæna scilicet) hæc et Apostolica Sedes vestra, sicut nonnulla conscripta innuunt, antiquitus tenuit, et universalis Ecclesia semper venerata est, et hacenus veneratur, quibusdam duntaxat Gallorum exceptis, quibus utique nondum est harum utilitas revelata : aiunt namque, quod non sit quodlibet opus manuum hominum adorandum ; quasi non sit Codex Evangeliorum opus manuum hominum, quem quotidie osculantes adorant. Venerabilior canis, quem non esse opus manuum hominum, proculdubio non negabunt. Similiter et forma sanctæ Crucis, quam se adorare omnes ubique Christiani fatentur, in quo videlicet considerare libet, quia si quamlibet Crucem auream, aut argenteam, aut ligneam adoramus, quæ utique non eadem est

<sup>1</sup> Walfrid. de reb. Eccl. c. 8.

<sup>1</sup> Hincm. contra Ja. Episc. c. 20.

ipsa Crux in qua salus nostra patrata est, sed figura et imago ejus: quare non adoremus figuram et imaginem ejus, qui eamdem salutem operatus est in medio terrae? Venerabilior namque est, qui salutem operatus; ac per hoc magis est adoratione digna imago Christi salutem operantis, quam imago Crucis salutem tantummodo bajulantis». Hæc Anastasius adversus Nicænam Synodi adversarios. Ex quo illud pariter accepisti (quod observare debes, ne decipiaris) non universalem Gallianam Ecclesiam eo fuisse ejus errore implicilam, sed (quod idem ait Anastasius) quosdam duntaxat Gallorum fuisse ejus perversæ sententie sectatores, suggillans eos, quos superius nominavimus.

43. Quoniam vero iudeo ipsi, qui Nicænam Synodo adversabantur, Hadrianum quoque Romanum Pontificem perstringebant, quem eamdem comprobasse seirent: hic etiam de his agendum erit; et coacervata in eum mendacia confutanda. Post multos enim annos ab obitu ejusdem Hadriani Pontificis, qui sub Ludovico Pio ejus filio convenere in conventiculum illud Parisiense, eodem falso praetextu, quod idem Romanus Pontifex Nicænam Synodum comprobasset, quæ imagines veluti Deum (ut mentiebatur) venerandas esse sauxisset: adversus eum stylum exacuere, atque calumniouse agentes, non sunt veriti dicere, eumdem Hadrianum palinodiam recantasse, atque tandem eadem cum ipsis sensisse.

De his acturi, te cupimus, lector, intentum, cum de re magni momenti sit sermo. Agamus hic igitur de eodem conventiculo Parisiensi, in his lantum, quæ spectant ad Hadrianum: de reliquis autem proxilio erit disceptatio suo loco et tempore opportuno. Adversarii igitur, qui illic convenerunt, in Epistola Synodali ad Ludovicum atque Lotharium imperatores, post multa adversus Hadriani Apologiam pro Nicæno posteriori Concilio scriptam, haec habent: « Sed licet in ipsis objectionibus aliquando absona, aliquando inconvenientia, aliquando etiam reprehensione digna testimonia, defensionis gratia, proferre visus sit: in fine tamen ejus Apologiae sic se sentire, et tenere, et praedicare, ac præcipere de his, quæ agebantur, professus est, sicut a beato papa Gregorio institutum esse constabat. Quibus verbis liquido colligitur, quod non tantum scienter, quantum ignoranter, eodem facto a recto tramite deviaverit. Nisi enim in conclusione objectionum suarum refinaculis veritatis, beati scilicet Gregorii institutis adstrictus, iter devium præcavisset, in superstitionis præcipitium omnino labi potuisset ». Haec ipsis de Hadriano.

Sed quam ista mendacissima sint, tu ipse lector (quisquis es, nec hereticum quidem excipio) cum legeris, quæ Hadrianus habet in fine dicta Epistola Apologetica, satis intelliges: sumus enim ea proxime reddituri.

44. Sed primum, quæ priores adversarii in Capitulari libro missio Romanum a Carolo ad Hadrianum, in ipsum ex eodem S. Gregorio objecerunt

adversus ipsam septimam Synodum, videamus, simulque et quomodo eosdem ipsos Hadrianus confulet, attendamus, ut facilior sit responsio ad ea, quæ alii, quos diximus, post obitum objecerunt ex dicta Synodo Parisiensi: ipsi enim eo praetextu potissimum aggressi sunt impugnare Nicænam posteriorem Synodum, quod dicerent, eam esse contra doctrinam sanctissimi pape Gregorii, cui se tanquam firmissimæ anchoræ inholderere profiterentur, a qua divelli se nullo modo posse jactarent.

Exstat enim ibi ejusmodi eorumdem adversariorum ad Hadrianum scripta reprehensio verbis istis: « Quod contra beati Gregorii instituta sit, imagines adorare, seu frangere: et quia vetus et novum Testamentum, et pene omnes præcipui doctores Ecclesiæ consentiunt beato Gregorio in non adorandis imaginibus; nec ut aliquid praeterea adorare debeamus, in multis locis confirmat S. Gregorius papa ». Hæc adversarii.

His autem adversalus Hadrianus ita respondet: « Nequaquam sacras contempsit imagines aliquando (sanctus Gregorius scilicet), sed magis constantissime observavit, et eorum veneratus est figuræ ». Et inferins de earum veneratione probat ex verbis ipsius Gregorii in Epistola<sup>1</sup> ad Januarium Calaritanum, cum agit de imagine Dei Genitricis, et Cruce illatis in Judaeorum synagogam, et ut inde auferantur, admonet, ista ait: « His horlamur affatibus, ut sublata inde cum ea, qua dignum est veneratione, imagine atque Cruce, debeat, quod violenter ablatum est reformare, etc. » Quomodo igitur quis negare poterit in Gregorio venerationem imaginum, si cum veneratione eas jubet e synagoga tolli, et in locum pristinum reportari?

45. Sed praeter hæc omnia rursum adorationem ipsam sacrarum imaginum docuisse S. Gregorium, idem Hadrianus inferius, post alias ad objecta defensiones, sic docet: « Et ne aliquis propter adorationem, quæ a prædecessoribus nostris sanctissimis præsulibus promulgata est, oblatrare præsumat, sciat ipsos tales adorationem docuisse, qualem prædecessor noster sanctus Gregorius egregius doctor et papa in Epistola sua, quam in præfato Concilio domini Stephani papæ Herulphus episcopus provincie Galliarum civitatis protulit, ubi inter cætera Secundinum servum Dei inclusum Galliae docuit, dicens<sup>2</sup>: « Seimus quia tu imaginem Salvatoris nostri ideo non petis, ut pro Deo, aut quasi Deum colas, sed ob recordationem Filii Dei, ut in ejus amore recalescas, cujus te imaginem videre consideras. Et nos quidem, non quasi ante divinitatem ante illam prosternimur, sed illum adoramus, quem per imaginem aut natum, aut passum, aut in throno sedentem recordamur, etc. » Haec ibi ipse. Sed ponenda hic illa, quæ idem habet in fine, cum pluribus disserit de sententia sancti Gregorii circa cultum sanctorum imaginum, ut ex

<sup>1</sup> Greg. I. vii. Epist. v. Indict. II. — <sup>2</sup> Greg. I. vii. Epist. LIII. Indict. II.

his appareat, tantum abesse, ut per Gregorii sententiam Hadrianus resilierit a Decretis Nicenii Concilii, ut per eundem S. Gregorium eadem firmare studuerit.

Sed ad confutandas penitus adversariorum calumnias, in quem sensum dicta a S. Gregorio Hadrianus acceperit, et quidnam Carolus, quidve de eodem cultu SS. imaginum ipse idem senserit Hadrianus, non aliunde certius, quam ex eorum scriptis id accipere possumus : in ultimo enim Capitularis libri ab eodem Carolo ad Hadrianum missi capitulo, ista leguntur :

46. « Ultimum capitulum est : Ut sciat dominus Apostolicus, et Pater noster, et cuncta simul Romanorum Ecclesia, ut secundum quod continet in Epistola beatissimi Gregorii, quam ad Serenum Massiliensem episcopum direxit. Permittimus imagines sanctorum, quicumque eas formare voluerint tam in Ecclesia, quamque extra Ecclesiam, propter amorem Dei et sanctorum ejus : adorare vero eas nequaquam cogimus, qui noluerint. Frangere, vel destruere eas si quis voluerit, non permittimus. Et quia sensum sanctissimi Gregorii sequi in hac Epistola, universalem Catholicam Ecclesiam Deo placitam indubitanter libere profitemur ». Hactenus ultimum ejus libelli capitulum : quod unum esse Caroli Magni, reliqua vero adversariorum, testificatione ejusdem Pontificis Hadriani appetat, ubi ait mox subdens :

« Hoc sacrum et venerandum capitulum multum distat a tolis supradictis capitulis. Et idcireo cum agnovimus vestrae a Deo servatae Orthodoxaeque regalis excellentiae esse proprium, in eo, ubi rectae fidei plena, penitus confessa est, sensum sanctissimi Gregorii sequi : Meminit vestra prærectissima regalis præexcelsa scientia, qualiter in ipsa S. Gregorii papæ Epistola Sereno Massiliensi directa fertur, inter cætera confineri, ubi eundem episcopum increpans, inquit<sup>1</sup> : Aliud est enim picturas adorare, aliud per picturæ historiam, quid est adorandum addiscere. Nam quod legentibus scriptura, hoc idiotis præstat pictura cernentibus : quia in ipsa etiam ignorantes vident, quid sequi debeant, in ipsa legunt, qui litteras nesciunt : unde præcipue gentibus pro lectione pictura est : quod magnopere te sequi qui inter gentes habitas, attendi decuerat ». Et post pauca : « Et quia in locis venerabilibus sanctorum depingi historias non sine ratione vetustas admisit ». Et intervallo : « Quia picturas imaginum, quæ ad ædificationem imperiti populi fuerant factæ, ut nescientes litteras, ipsam historiam intendentis, quid actum sit disserent ». Iterum post pauca : « Sed hoc sollicite fraternitas tua admoneat, ut ex visione rei gestæ ardorem compunctionis percipient, et in adorationem solius omnipotentis S. Trinitatis humiliter prosternantur. Simili modo et de alia sua Epistola Januario Calarilano episcopo directa pro sanctorum

imaginum veneratione, breviter superius exaravimus.

47. « Sed et de Epistola Secundino servo Dei clauso in Gallias directa similiter intimavimus, ubi in ea ita fertur : Imagines enim, quas nobis tibi dirigendas per Dulcitium diaconem tuum rogasti : valde nobis tua posulatio placuit, quia illum in corde tota intentione queris, cuius imaginem præ oculis habere desideras, ut visio corporalis quotidiana le semper reddat exercitalum, ut dum picturam vides, ad illam animo ardescas, cuius tu imaginem videre desideras ». Et post pauca : « Seimus, quia tu imaginem Salvatoris nostri ideo non petis, ut quasi Deum colas, sed ad recordationem Filii Dei, in ejus amore recalescas, cuius te imaginem videre, desideras. Et nos quidem non quasi ante divinitatem, ante ipsas prosternimur, sed illum adoramus, quem per imaginem aut natum, aut passum, aut in throno sedentem recordamur. Et dum nos ipsa pictura, quasi Scriptura ad memoriam Filii Dei reducit, animum nostrum aut de Resurrectione laetificat, aut de Passione demuleat. Ideoque direximus tibi surtarias duas, imagines Salvatoris, sanctæ Genitricis Mariæ, beatorumque Apostolorum Petri et Pauli, per supradictum filium nostrum diaconem, et unam crucem, et clavem pro benedictione, ut ab ipsa a maligno defensus permaneas, enjus signo te esse munitionem credis, etc. » His ex Gregorio recitatis, quæ ab adversariis in medium adduci solerent, mox idem Hadrianus Pontifex ista subdit :

48. « Et quoniam in his vestrum a Deo inspiratum regalem Orthodoxum sensum (accepimus) : memorandum est etiam et docendum, qualiter sanctus Gregorius papa Sereno episcopo docuit de saeculis imaginibus, ut ex visione rei gestæ ardorem compunctionis percipient : hoc est, easdem sacras imagines adspicientes, in adoratione solius omnipotentis sanctæ Trinitatis humiliter prosternantur. Eo ipso tenore Secundino servo Dei inclusu inquit : Iudeo enim petis, ut non quasi Deum colas, sed ad recordationem Filii Dei in ejus amore calescas, cuius imaginem te videre desideras ; et nos quidem non quasi ante divinitatem, ante ipsas prosternimur, sed illum adoramus, quem per imaginem aut natum, aut passum, aut in throno sedentem recordamur. Sicut vero innuit Sereno episcopo, adspicienti sacras imagines in adoracionem humiliter se prosterni, solius omnipotentis sanctæ Trinitatis, sic et Secundino inclusu servo Dei docuit, non quasi Deum colere, sed ante easdem sacras imagines se prosternens, non quasi ante divinitatem, ante ipsas prosterni, sed prosternente se, illum adorare, quem per imaginem aut natum, aut passum, aut in throno sedentem recordamur.

« Jam vero et nos eundem ipsum irreprehensibilem et Orthodoxum sensum sancti Gregorii papæ sequentes et amplectentes, dñnum Ireneæ et Constantino imperatori pro sacræ imaginibus prædicandis et ipsarum erectione emisimus, dicentes :

<sup>1</sup> Greg. l. ix. Ep. ix.

Quia in universo mundo ubi Christianitas est, ipsæ sacre imagines permanentes, ab omnibus fidelibus honorantur, ut per visibilem vultum ad invisibillem divinitatis Majestatem mens nostra rapiatur spirituati affectu, pro contemplatione figuratio imaginis secundum carnem, quam Filius Dei pro nostra salute suscipere dignatus est, eundem Redemptorem nostrum, qui in cælis est, adoramus, et in spiritu glorificantes, collaudamus: quoniam juxta quod scriptum est, Deus spiritus est, et ob hoc spiritualiter divinitatem ejus adoramus. Nam absit a nobis, ut ipsas imagines (sicut quidam garniunt) deificemus, sed affectum et dilectionem nostram, quam in Dei amorem et sanctorum ejus habemus, omnimodo proferimus, et sicut divinae Scripturæ libros ipsas imagines ob memoriam venerationis habemus, nostræ fidei puritatem observantes, et reliqua. Quidquid namque de sanctis Patrum opusculis aliquantula ibidem exaravimus testimonia, in codice sensu alque tenore (ut in præsenti diximus) cum prædecessore nostro S. Gregorio papa eundem sensum fidei tenentes, emisimus prædicantes.

49. « Illi vero (ut nobis missi nostri, videlicet Petrus, archipresbyter sanctæ nostræ Romanae Ecclesiæ, Petrus religiosus presbyter et abbas venerabilis monasterii S. Sabæ viva voce dixerunt) statim nostras Apostolicas amplectentes syllabas, Concilium fieri jusserunt. Sed ab hæreticis seditione facta, in Siciliam insulam missi nostri, sine responso reversi sunt. Et denuo (demum) post eos mittentes iterum Constantinopolim eos ascendi fecere, et sic Synodum istam, secundum nostram ordinationem fecerunt: et in pristino statu sacras et venerandas imagines erexerunt. Et sicut de imaginibus sancti Gregorii sensus et noster continebatur: ita et ipsi in eadem Synodi definitio confessi sunt: his osculum et honorabilem salutationem reddidere, nequaquam (secundum fidem nostram) veram culturam, quæ decet solum divinæ naturæ.

« Insuper et pseudosyllogum illud, quod ab hæreticis factum est sub Constantino hæretico, in primis anathematizantes, cum eorum sequacibus atque complicibus condemnaverunt. Et ad fidem Orthodoxam sanctæ Catholice et Apostolice Ecclesiæ reversi, per libellos eorum fecerunt rectæ fidei confessionem. Et ideo ipsam suscepimus Synodum: nam si eam minime recepissimus, et ad suum pristinum vomitum erroris fuissent reversi: quis pro tot millium animarum Christianorum inter illo habuit reddere rationem ante terribile et tremendum divini Judicis examen, nisi nos solummodo? Si <sup>1</sup> enim super unum peccatorem pœnitentiam agentem gaudium factum est in cælis: quanto magis de tot milibus Christianorum, qui sunt ab errore reversi, quis non gaudeat et cum Psalmista canat<sup>2</sup>? Accedite ad eum, et illuminamini, et vultus vestri non erubescant, et reliqua.

50. « Nos vero adhuc pro eadem Synodo nullum responsum haecne eidem imperatori reddimus, metuentes, ne ad eorum reverterentur errorem. Dudum quippe, quando eos pro sacris imaginibus erigendis adhortati sumus, simili modo et de diœcesi tam archiepiscoporum, quam etiam episcoporum sanctæ Catholice et Apostolice Romanæ Ecclesiæ commonentes, quæsivimus restituiri eidem sanctæ Catholice et Apostolice Romanæ Ecclesiæ, quæ tunc cum patrimonii nostris abstulerunt, quando saeras imagines deposuerunt: et nec responsum quodlibet exinde dederunt.

« Et in hoc ostenditur, quia ex uno capitulo ab errore reversi sunt, et ex aliis duobus in eodem permaneant errore. Si enim ubique Christianorum Ecclesiæ canonice intactas suas possident diœceses: quanto amplius sancta Catholica et Apostolica Romana Ecclesia, quæ est caput omnium Ecclesiarum, sua diœcesi, videlicet archiepiscoporum et episcoporum, imo et patrimonia pro luminarium concinnatione atque almoniis pauperum, irrefragabili jure et tenere et possidere omnibus modis debet?

« Unde si vestra annuerit a Deo protecta regalis excellentia, eundem adhortamur, in ipetu pro sacris imaginibus, et in pristinum statum erectione gratiam agentes. Sed de diœcesi sanctæ nostræ Romanæ Ecclesiæ tam archiepiscoporum, quam episcoporum, seu de patrimonio iterum increpantes, commonemus. Et si noluerit ea sanctæ nostræ Romanæ Ecclesiæ restituere: hæreticum cum pro hujusmodi erroris perseverantia esse decernemus: plus enim eupimus salutem animarum, et rectæ fidei stabilitum conservare, quam hujus ambitum (hujusmodi habitum) mundi possidere ». Hic iterum audis, lector, quod et initio superioris tomī verbis S. Gregorii papæ audisti, nimirum transire in hæresim obstinatam occupationem jurium sanctæ Romanæ Ecclesiæ, et hæreticum esse dicendum, et ut hæreticum condemnandum, qui in hujusmodi errore tentus, monitus non corrigit, quod deliquit. Sed de his alias pluribus.

51. Ad postremum vero ad ipsum Carolum Magnum convertens Hadrianus orationem, Apologeticam claudit Epistolam istis verbis: « De vestra vero prærectissima a Deo protecta excellentia, Orthodoxæ fidei stabilitate roborata, freti existimus, quia radix ejus firmissima a pravis et infidelibus hominibus nequaquam concutitur, vel movetur, sed in ea, quam cœpit rectæ fidei traditionis doctrinam spiritualis (specialis) matris sue sanctæ Catholice et Apostolice Romanæ Ecclesiæ tenere et amplecti, incunctanter usque in saeculum saeculi sine reprehensione manere credimus. Et ideo confidimus de Dei nostri potentia, quia quantum erga beatorum principum Apostolorum Petri et Pauli Ecclesiam fidem geritis, et amorem semper pro ejus profectu et exaltatione, regali nisu ubique certantes, habueritis: tanto brachii sui propitiis in regalibus triumphis ab adversis et iniquis homi-

<sup>1</sup> Luc. xv. — <sup>2</sup> Psal. xxxviii.

nibus vos defendere et circumtegere dignabitur (dignetur) : ut una cum spirituali filia nostra, domina regina, vestraque praecepsa nobilissima prole longiori aeo in hoc regnantes mundo, in futuro sine fine vitam eum regno in arce poli habere mereamini. Ineolumem excellentiam vestram gratia superna custodiat ». Hic finis Epistolæ, ex qua videt quisquis legit, quam evanescant pudendæ adversariorum calumnæ de Hadriano ab adversariis proeaci stylo conscriptæ, quod ipse adversus septimam Synodus, permotus auctoritate S. Gregorii, ei consentiens calculum tulerit, cum potius ad defensionem ejusdem Synodi ipsius S. Gregorii testimoniis usus fuerit.

52. Sed quod hac sua responsione Hadrianus minime tetigerit ea Caroli verba quibus dixerat : « Adorare vero eas nequaquam eogimus, qui no-  
uerint » : ratio id temporis postulabat, ne eogendo schisma aliquod conflaretur, cum (ut vidimus) ejus sententiae essent viri, qui scientia in hoc rudi sæculo eminere viderentur. Videbat enim prudentissimus Pontifex id, quod ex Anastasio recitavimus in Epistola ad Joannem papam, eos de quibus scribebat, nondum veritatis ejus esse capaces. Verum ipse Hadrianus oblique verba illa reprehendit, dum laudat S. Gregorii papæ sententiam ex qua colligeretur, imagines quidem non esse adorandas, quasi eadem essent dii quidam, sed tantum esse venerandas ob relationem, quam habent ad Christum et sanctos, quos effigie repræsentant. Et ideo caute Hadrianus non laudat omnia, quæ habentur in ultimo Capitulo Epistole Caroli, sed ea solum, quæ pertinent ad sententiam S. Gregorii, quam recipi tum a Carolo, tum ab adversariis (ut profitebantur) Synodi Nicaenæ videbat. Sic enim loquitur Hadrianus : « Et idecirco eum agnovimus vestræ a Deo servatæ Orthodoxæque regalis excellentiæ esse proprium, in eo, ubi rectæ fidei plene penitus confessa est, sensum sanctissimum Gregorii sequi ». Visum est autem Summo Pontifici ad tempus dissimulare in eo, ut iisdem non eogerentur sacras imagines, quas habere solerent, adorare, eo quod sic errantes nondum inter haereticos erant adnumerati, sicut Ieronoclastæ, sed tolerabantur, quandiu divinæ gratiae lumine illustrarentur, quod postea factum est.

53. Confutatis igitur iis, quæ ab adversariis in eodem libro Capitulari ex Gregorii papæ scriptis objicerentur eidem Hadriano Pontifici : ad ea modo transeundum, quæ longe post ejusdem Pontificis obitum in conciliabulo Parisiensi, ab iisdem adversariis habito, ex eisdem Gregorii papæ Epistolis sunt objecta. Atque primum quomodo adversarii ipsi conati sint trahere sancti Gregorii verba in sui defensionem erroris, locumque in Epistola ad Secundinum, quo feriuntur, in suam ipsorum sententiam detorquere : audi ex Actis citate superius Pseudo-Synodi Parisiensis, cuius haec sunt verba<sup>1</sup> :

« Sed quia hie ordo verborum ita præposterus, atque a non intelligentibus confusus videri potest, ut nisi caute consideretur, ita a nonnullis minus capacibus intelligi possit. quasi beatus Gregorius id quod prius omnibus illicitum esse prædictit, se feeisse, sibique faciendi licitum esse testetur : quod quam absurdum, quamque contra Iœi Ecclesie religionem de tanto Ecclesiastico doctore sentire, indignum sit, nullus, qui dicta ejus scrutando, vel legendo cognovit, ignorare permittitur. Nam ut sibi ipsi contrarius esse debeat : justitia vel rectitudo sanctæ Dei maximeque Romanæ Ecclesie sustinere non valet. Quod et si paupertas insipientiæ nostræ id intelligere non valet : melius, ut contra insipientiam, quam contra tantam a Deo datam sapientiam insurgere præsumat. Sed et si ipsum modicum sensum nostrum virtus misericordie Dei aliquantulum illuminare dignatur ; quomodo id ipsum contrarium sibi non sit, facilime intelligetur.

54. « Nam quia ab imaginum adoratione adorantes compescuerit, nulla dubitatio est : in eo vero quod ad Secundinum serpsit : Nos quidem non quasi ante divinitatem, ante ipsam prosternimur, sed illum adoramus, quem per imaginem, natum, aut passum, vel in throno sedentem recordamur. Ubi (ut præmissum est) ac si sibi contraria dixerit, intelligentiæ nostræ se caligo confundit. Sed ne nos non necessaria ignorantia id non intelligendo, diutius torqueat ; sensus ejusdem sententiae talis est : Nos quidem ante ipsam non prosternimur, quasi ante divinitatem, sed illum adoramus, etc. Quod tale est, ac si regi in throno sedenti dicas : Nos quidem, o rex, non quasi ante divinitatem, ante te prosternimur, sed illum adoramus, quem per imaginem tuam, quia homo es, Dominum Jesum Christum hominem recordemur natum, aut passum, vel in throno sedentem, cuius imitator es tu sedens in throno. Numquid tali dicto mox consequens est, ut eumdem regem adorare compellat sedentem in throno ? Ita nec in eo quod dicitur : Nos quidem non quasi ante divinitatem, ante ipsam prosternimur, sed illum adoramus, etc.

« Ad imaginum adorationem invitamur ; quia sicut in multis divinæ auctoritatis voluminibus sententias ordine verborum præpostero scriptas invenimus, ita quoque factum esse, eo sensu ut supra dictum est, hoc in loco minime dubitamus. Cum enim ibi scriptum sit : Nos quidem non quasi ante divinitatem, ante ipsam prosternimur : quis non animadvertis, id ipsum magis refutando, quam imperando, vel adorando eamdem adoracionem imaginum dictum esse, ita ut dictum est ? Quanto magis (sicut supra factum [fatum] est) ordo verborum suo restituatur in ordine, omnem quemcumque ob nimiam simplicitatem errantem, in eo quod beatum sancte Dei Ecclesie doctorem adversum seipsum sensisse astimabat, corrigere poterit ? Insuper etiam si quemquam subtilius intelligentem hoc negligentius minusve intente legere

<sup>1</sup> Conc. Parisiens. sub Ludov. pag. 441.

contigisset, facillime seipsum dijudicante, cur aliquando aliter senserit, ad sobrium intellectum revocare poterit.

55. « Si quis autem (quod quidem a sane sapientibus omnibus absit) magis suum sensum sequendo, illum voluerit condemnare, quam se corrigere: nulli dubium, quin ab universa, maxime tamen a sancta Dei Romana Ecclesia debeat condemnari. Nequaquam enim fieri potest, ut haec due sententiae sibimet contrariae non existant, una, qua populus ab adoratione imaginum, ne criminis, id agendo, reus appareat, prohibeatnr; altera vero, quae illum id ipsum egisse, ceterosque ut hoc faciant docuisse perhibeatnr. Sed absit hoc in tanto talique generali Catholicae Ecclesiae magistro, ut qui universas perplexas Scripturæ quæstiones, quæ sibi contrariae videbantur, eique ad explanandum vel tractandum occurserunt, nunquam dissidentes relinquere consuevit, sua sibimet dicta discordantia reliquisset ». Itucusque in Synodo Parisiensi sapientes illi, quos superius numeravimus, hæren-tes in salebris, in syribus navigantes, e quibus emergere nesciant, præcluso semel ab iisdem aditu veritati, qui si patuisset, aperia fuce, ipsius veritatis radiante fulgore, perspicue intellexissent, his S. Gregorii scriptis ad Secundinum illustratam esse obsecuritatem ejusdem litterarum ad Serenum, nimirum vetitum in illis a S. Gregorio cultum latræ impendi imaginibus sacris, rationi vero decentem assertum et suo exemplo demonstratum in dicta Epistola ad Secundinum.

56. Sed ut haec certiora fiant, quid de hujuscemodi ante sacras imagines prostratione et adoratione ejusdem S. Gregorii papæ, neconon Eleutherii viri sanctissimi idem eodem voluntine Hadrianus Pontifex scribat, sic accipe: « Sed et sanctus Gregorius papa in monasterio suo publicum fecit oratorium et ipsum diversis historiis pingi fecit, atque sacras ibidem erexit imagines; ubi et cum beato Eleutherio pro ægritudine stomachi sui ingressus, in oratione pariter exauditi sunt. Et ille vir sanctus Eleutherius, quem dicunt et mortuum suscitasse, ante ipsas sacras imagines se prostrans, divinam exorare clementiam cum sancto Gregorio non dubitavit; sed fidem ferentes perfectam, pariter exauditi sunt, et usque hactenus apud nos eadem venerantur ». Haec de sancto Elentherio atque Gregorio.

Vidisti, lector, reipsa prostratum ante sacras imagines sanctum Eleutherium cum Gregorio pro recuperanda ejus valetudine exorasse, ut nihil sit quod quæras interpretationem verborum, ubi ipsa facta proclaimant. Ex quibus pariter intelligas, quam procul absit ab adversariorum fatua illa assertione, quod Hadrianus professus se cum S. Gregorio eamdem sequi sententiam, adversus septimam Synodus adorationem saclarum imaginum condemnaret, cum potius ex ejus scriptis validissime roboraverit.

Mirandum plane atque dotendum est, præ-

clariores hujus sæculi ejus provinciæ viros nominatim superius recensitos sub duobus imperatoribus Carolo et Ludovico adeo contentiose, et animo penitus refractario, pertinaci studio, indefesso conatu, inflexibili proposito voluntatis adversus adorationem sanctarum imaginum contra septimam Synodus obstrepuisse, clamasse, et (pace eorum dixerim) insanisse, ut nihil reverili OEcumenicæ Synodi majestatem, neque tot pro ea pugnantium Romanorum Pontificum potestatcm, usi patentibus (ut vidisti) mendaciis, male perceptæ Gregorii papæ sententiae innitentes, a communi Ecclesiæ Catholicae sententia resilierint, atque adversus ejus usum atque doctrinam scripserint, turbasque misererint, spicula calumniarum intorserint, aliaque plura conjunxerint sua ipsorum existimatione prorsus indigna, dum in suum ipsorum errorem Gregorium ipsum penitus reluctantem et contra sententem adducere, et ejus erroris auctorem cogerent profiteri.

57. At insuper et iidem ipsi asserunt, fuisse Gregorium imaginis sanctæ Crucis adoratorem: quod summa cum laude, magna gloria unus ex nominatis idem qui supra, Jonas episcopus Aureliaensis adversus Claudium Taurinensem episcopum agens, sic ostendit, cum haec ait: « B. Gregorius, de cuius dictis nemo, nisi immemor salutis suæ ambigit, in libro sacramentorum ita meminit: Deus, qui Unigeniti tui Domini nostri Jesu Christi pretioso sanguine humanum genus redimere dignatus es, concede propitius, ut qui ad adorandam vivificantem Crucem adveniunt, a peccatorum suorum nexibus liberentur ». Haec et alia plura quibus asseritur Gregorius S. Crucis imaginem adorasse, et alios ut idem facerent docuisse, Jonas affert.

Sed qui bene offert, male dividit Jonas, dum videlicet asserens in Gregorio cultum Crucis, neget in eodem cultum sacrarum imaginum. Cur male dividis quæ ipse bene conjungit? Nonne ipse simul eademi veneratione imaginem sanctissimæ Dei Genitricis et imaginem Crucis ex Judæorum synagoga in Ecclesiam voluit reportari, ut dictum est nuper ex ejus Epistola ad Januarium? An non etiam idem ipse simul imaginem Salvatoris Crucis conjunxit imagini, dans ambas Augustino, ut iisdem munitus ingredetur (quod Beda testatur) in Angliam? Cur, inquam, cultu male dividis, quas ipse una eademque religione sancte pieque conjunxit imagines Crucis et Salvatoris? At nihil est quod in contrarium allerri possit: haec satis ad Concilii Nicæni, Gregorii atque Hadriani defensionem. Deducta jam e controversiarum spinetis et carduis, in planum et latum campum emergat oratio. At Carolo nulla quies: qui post Concilii Francofurtensis tumultus, ad bellicos revocatus labores, cum expeditione adversus Saxones rebellantes profectus, eos Dei beneficio in ditionem accipit. Haec Annales saepè citati Francorum.

58. *Theodorus Studita monasterio præficitur, clarus virtutibus.* — Quod pertinet ad res Ori-

talis Ecclesiæ, hoc anno Theodorus ille cognomento Studita, lumen Orientalis Ecclesiæ in tanta huic sæculi obscuritate refulgens, ubi annos tredecim vixisset sub regulari observantia, in monasterio S. Platonis, creatus est ejusdem praefectus, natus annos triginta quinque, coactus plane, seu potius deceptus a magno illo S. Platone praefecto ejusdem monasterii. Cum enim renitentem omnino, prorsusque reluctantem expertus esset, ad dolos se convertit, non immemor Pauli Apostoli dicentis<sup>1</sup>: « Cum astutus essem, cepi vos dolo ». Michael enim monachus ejusdem temporis scriptor, quæ inspicerat historia prosecutus, haec de his habet :

« Postquam animadvertisit Plato, se nullis verbis precibusve illi persuadere : rem comminiscitur prudentia sua et urbanitate dignam. Morbo enim repente correptus, extrema sibi instare simulans, monachos omnes ad se vocat, et in his divinum virum, quibus cum periculosam esse ægritudinem indicasset atque adeo lethalem, et se ipse ad excessum comparabat, et illos quemadmodum, se mortuo, victuri essent edocebat : de praefectura etiam obtestabatur, quisnam post ipsum præpositus futurus esset, et quemnam ipsi communii suffragio electuri essent. Quem enim illi, aiebat, dignum

judicassent, eumdem sibi pariter probatum iri. Norat enim vir sapientissimus, in quem eorum suffragia propenderent. At vero una voce consentientia responderunt, Theodorum omnium ad præfecturam et ad regendas animas aptissimum esse, tanquam vita et doctrina excellentem.

59. « Id in rem suam vertens Plato, ut maxime opportunum, nihil amplius adjiciens, administrationem suam illi nec opinanti statim imponit, annuentibus discipulis universis, et magistri consilium collaudantibus. Quibus ille cum refragari omnibus non posset, nec adeo conspirantibus suffragiis obniti, impositum onus non sine animi dolore vix tandem subiit, annum agens vitæ quintum et trigesimum, instituti vero monastici decimum tertium ». Quæ in præsentem Domini annum incidisse, ex eo constat, quod ex eodem auctore asseritur natus anno decimo nono Copronymi imp. qui est annus Domini septingentesimus quinquagesimus nonus. Etenim qui Indictione quinta, mense Novembri, sub Michaele Balbo defunctus asseritur anno sue aetatis sexagesimo septimo, qui est annus Christi octingentesimus vicesimus sextus, utique natum esse oportuit anno Domini septingentesimo quinquagesimo nono ; abbas vero creatus hoc anno sue aetatis trigesimo quinto. Quæ autem post haec ab eodem sunt facta atque pariter scripta, suis locis dicturi sumus.

<sup>1</sup> 2. Cor. XII.

---

Anno periodi Graeco-Romanæ 6287. — Anno Ære Hispan. 837. — Anno Hegiræ 178, inchoato die 7 April., Fer. 7. — Jesu Christi 794.

— Hadriani I papæ 23. — Constantini imp. 19 et 15. Solius 5.

4. *Elipandus Felicem ad hæresim reduxit.* — A num. 1 ad 27. *Elipandus* archiepiscopus Toletanus *Felicem* Urgellensem episcopum, qui Romæ confessionem Orthodoxæ fidei ediderat, ad hæresim reduxit; et, ut virus extra Hispaniam in Gallias ac Germaniam diffunderet, scriptis ad Carolum Francorum regem litteris, perfidiae suæ professionem, quam testimoniis Patrum aut depravatis aut detruncatis fulcire conabatur, petiti Theologis examinandam, nec dubitavit, sanctum Ildefonsum aliasque, qui præcesserant, Toletanos antistites, de hæresi per insignem calumniam suggillare. Quare convocata est hoc anno *Synodus Franeofordiensis*, de qua sic Paulinus patriarcha Foro-Julienus in *libello Sacrosyllabo* adversus Elipandum : « Sancto incitante Spiritu, ac zelo fidei Catholice scintillatim sub pe-

ctore fervescente, clementissimi et tranquillissimi, gloriostissimique Caroli regis, domini terræ, imperii ejus Decreto per diversas provincias regni ejus ditioni subjectas summa celeritate præcurrente, multiludo antistitum sacris obtemperando præceptis in uno collegio aggregata convenit. Quadam vero die residentibus cunctis in aula sacri palatii, adstantibus in modum coronæ presbyteris, diaconibus, cunctoque clero, sub præsentia prædicti principis, allata est Epistola missa ab Elipando auctore noxii sceleris, Toletanæ sedis pseudoepiscopo, Hispanensi termino circumscriptæ. Cumque, jubente rege, publica voce recitata fuisset, statim surgens venerabilis princeps de sella regia stetit supra gradum suum, et allocutus est de causa fidei prolixo sermone, et adjectit: Quid vobis videtur ? Ab

anno prorsus præterito, ex quo cœpit hujus pestis insania tumescente perfidiæ ulcere diffusius ebullire, non parvus in his regionibus, licet in extremis finibus regni nostri horror inolevit, quem censura fidei necesse est modis omnibus resecare. Cumque imprecata et concessa esset morosa dilatio per dies aliquot, placuit ejus mansuetudini, ut unusquisque quidquid ingenii captu rectius sentire potuisset, per sacras syllabas, die statuto, ejus clementiæ oblatum sui cor pectoris fidei munus stylis fereulo, mentis vivacitate deferret. Sed sicut mos est hæreticis, tristia laetis, dulcia permiscere amaris, veneni poculum mellis sapore temperare, quædam in ea Epistola plena blasphemis, et Catholicæ fidei reperta sunt modis omnibus inimica: quædam vero inveniri poterant non rejicienda, sed in eodem poculo, in quo gutta veneni infusa turgescit, mellis nihilominus amarescit dulcedo ».

2. *Synodus adversus Felicem commentitia.* — Cointius anno DCCXCI, num. 15, laudata verba explicat de Synodo, quæ eo anno convocata fuerit; quod Paulinus dicat: « Ab anno prorsus præterito, ex quo cœpit hujus pestis insania tumescente perfidiæ ulcere diffusius ebullire »; hæc enim verba de utraque damnatione Felicis anno DCCXCI peracta interpretanda arbitratur. Verum tunc pestis illa diffusius non ebullivit, sed potius exarescere visa est, cum Felix suam hæresim abdicavit; quando vero post illam abdicationem rediit ad vomitum, rursumque errorem suum majori audacia disseminare cœpit, tunc vere ea diffusius ebullivit, et hoc anno Synodus Francofodiensis cogenda fuit, ut quæ modo ex eodem Paulino in medium adducemus, indubitatum reddent. Carolus enim examinandas Elipandi litteras Hadriano papæ transmisit, et hoc tantum anno adversus eas libellum de sanctissima Trinitate, dictum Sacrosyllabum, scripsit sanctus Paulinus, ut ipsem in eodem his verbis indicat: « Quapropter ego Paulinus, licet indignus peccator, omniumque servorum Domini ultimus servus, Aquileiensis Sedis Venetiis oris accinctæ, cui Deo auctore deservio, nomine non merito praesul, una cum collegis, dominis et fratribus meis, juxta exemplum intelligentiæ meæ tenuitatem, sancto perdonante Spiritu, corde, lingua, stylo contra eorum vesanas, qui rectæ fidei sunt adversarii, respondere non formido, cum sit sancta et universalis Ecclesia supra firmam nihilominus immobiliter fundata petram, et portæ inferi nequeant prævalere adversus eam ». Tum sub ejusdem libelli finem de Synodo Francofodiensi diserte mentionem facit: « Omnium hæreticorum perversa dogmata cum auctoribus et sequacibus suis æterno anathematice percelli judicamus. Elipandum namque et Felicem novos hostes Ecclesie, sed veternosa face perfidiæ pollutos, nisi ab hac stultitia resipiscant, indignos et ingratos eos a consortio Catholicorum perpetua animadversione eliminare decerno, et a gremio sanctæ matris Ecclesie censeo alienos. Eos etiam, qui post hanc tam saluberrinam definitio-

nem, quam PLENARIA SYNODUS sancto afflata Spiritu, concorditer subtili sinceritate terminavit, falsissimis eorum assertionibus, sive clam, sive in publica voce præbuerint assensum, simili eos sententiae vindicta sancimus esse plectendos: reservato per omnia juris privilegio Summi Pontificis domini et patris nostri Hadriani, primæ Sedis beatissimi papæ ».

3. *Felix in Synodo hoc anno habita damnatus.* — Quæ plenaria illa Synodus esse potest, quam illa que ex diversis regni provinciis hoc anno post acceptas Elipandi litteras a Carolo rege congregata? Certe si anno præterito alia Synodus indicta fuisset, tot scriptores anno DCCXCI, num. 1 a nobis citati non affirmarent, Felicem in Concilio Francofodiensi tertio damnatum fuisse, sed quarto; cum anno DCCXCI bis damnatus fuerit, primo Ratisponæ, et iterum Romæ, quod ipsem Cointius an. DCCXCI, num. 43 fatetur, et a nemine negari potest. Extat libellus Sacrosyllabus Paulini tomo vii Conciliorum sub hoc titulo: « Libellus episcoporum Italiæ contra Elipandum Concilii Decreto missus ad provincias Hispanie ». Illoc ejus initium: « Incipit libellus Sacrosyllabus Catholico salubriter editus stylo, in Concilio divino nutu habito in suburbanis Moguntiæ metropolitanæ civitatis, regione Germaniæ, in loco qui dicitur Franconolunt, sub præsentia clementissimi principis domini Caroli gloriissimi regis, anno felicissimo regni ejus xxvi. Placuit igitur sancto venerandoque Concilio, quatenus hic libellus pro causa fidei ad provincias Gallicæ ac Spaniarum mitti deberet ob noxios resecandos errores, specialiter autem ad Elipandum Toletanæ sedis episcopum, in quo omnis hujus negotii constat materia quæstionum. Sancto incitante Spiritu, etc. » Quare libellus iste non anno superiori, ut autumavit Cointius, sed currenti editus est, et ad episcopos Hispaniarum missus.

4. *Libellus Paulini nonnisi ad episcopos Hispaniarum missus.* — Praeponitur ille canonibus Francofodiensibus cum Epistola Hadriani papæ ad episcopos Hispaniae contra Elipandum Toletanæ sedis episcopum cum hac inscriptione: « Dilectissimis fratribus et consacerdotibus nostris Gallicis Spaniisque Ecclesiis præsidentibus ». Binus *Gallias Ecclesias* interpretatur Ecclesias Galliarum. Sed recte Cointius anno DCCXCI, numero 16, per *Ecclesias Gallicas Spaniasque*, solas intelligentias docet Ecclesias Hispaniarum; quia exceptis locis quibusdam citerioris Hispaniae, que Francicis distinctionibus tunc accensebantur, erat omnis Hispania sub trium regum potestate, *Adelphousi* videlicet Asturiarum et Legionis regis, Eximini Eneconis Navarræ regis, et *Iseni* regis Saracenorum. Ex titulo libelli Sacrosyllabi recitato satis intelligitur, tam libellum illum quam Hadriani Epistolam ad solos Hispaniarum episcopos missam. Ad hæc Jonas Aurelianensis episcopus, in libro adversus Claudium episcopum Taurinensem, de Felice loquens ait: « Divina gratia adminiculante,

nullum apud Galliam Germaniamque ejus error locum invenire quivit ». Quare opus non erat, ut ad Galliae Germaniaeque episcopos adversus hunc errorem Hadrianus papa seriberet. Litterae Hadriani in Synodo Romana exaratae. Carolus enim in sua ad Elipandum et ceteros episcopos Hispaniae data ait: « Primo quid dominus Apostolicus, cum sancta Romana Ecclesia et episcopis illis in partibus quaquaversum commorantibus, et Catholicis doctribus sentiret, sub unius libelli tenore statuimus ». Præterea ibidem Synodica Concilii ab episcopis Galliae et Germaniae ad præsules Hispaniae missa, et denique Caroli M. Epistola ad Elipandum et ceteros Hispaniae episcopos data, quam Baronius num. 15 et seqq. integrum recitat.

5. *Canones LVI in hoc Concilio conditi.* — « Affuerunt in eadem Synodo legati Romani Pontificis, Theophylactus ac Stephanus episcopi, vicem tenentes ejus, a quo missi fuerant, Hadriani papæ », inquit Eginhardus in Annalibus. Hujus Concilii canones sex et quinquaginta primus publicavit Sirmondus post Baronii mortem; antea enim duo tantum prodierant, quorum primus damnat *Elipandum et Felicem* episcopos, qui in Dei Filio adoptionem asserebant. Secundus canon Francoforiensis est de Adoratione imaginum, de quo infra. « His peractis de Tassilone defuitum est capitulum, qui dudum Bajoariæ dux fuerat, sobrinus videlicet domni Caroli regis. In medio sanctissimi adstitit Concilii veniam rogans pro commissis culpis, tam quas tempore domini Pippini regis adversus eum et regnum Francofornorum commiserat, quam quas postea sub tempore domini nostri piissimi Caroli regis in quibus fraudator fidei suæ extiterat, indulgentiam ut ab eo mereretur accipere, humili petitione visus est postulasse, etc. » Tassilo dicitur sobrinus Caroli regis, quia matrem habuit *Chiltrudem* Pippini regis sororem. Post Synodum Francofondensem *Tassilo* cum Theudone et Theotberto filiis relegatus est in ecenobium Gemmeticeensem in diœcesi Rotomagensi positum, ubi tam ipse quam filii usque ad mortem vixerunt.

6. *Canon de sedibus metropolitanis.* — Octavus canon est de quinque sedibus metropolitanis, Vienensi, Arelatensi, Tarantasiensi, Ebredunensi et Aquensi. Prior canonis pars spectral ad contentionem exortam de provinciarum limitibus inter metropolitanos Viennensem et Arelatensem. Quoad secundam statuitur, « de Tarantasia et Ebreduno, sive Aquis, legatio facta est ad Sedem Apostolicam, et quidquid per Pontificem Romanæ Ecclesie definitum fuerit, hoc teneatur ». Quinquagesimus quintus haec habet: « Dixit etiam dominus rex iu eadem Synodo, se a Sede Apostolica, id est, ab Hadriano Pontifice, licentiam habuisse ut Angelramnum archiepiscopum in suo palatio assidue haberet propter utilitates Ecclesiasticas. Deprecatus est eamdem Synodum, ut eo modo sicut Angelramnum habuerat, ita etiam Hildebaldum episcopum habere debuisse, quia et de eodem, sicut et de Angelramno

Apostolicam licentiam habeat. Omnis Synodus consensit, et placuit eis eum in palatio esse debere propter utilitates Ecclesiasticas ». Quare episcopi Colonenses hoc tempore nondum metropolitæ erant; Hildebaldus tamen, sive Hildivaldus vel Hildeboldus primus hanc dignitatem obtinuit; Anastasius in Vita Leonis III, loquens de ejus adventu in Galliam anno ccxcix, dicit, Carolum mississe in obciam ejus *Hildivaldum archiepiscopum et capellam*, et *Ascharium comitem*. Unde Hildebaldus inter præsentem annum, annumque ccxcix metropolita renuntiatus. In precepto quidem de institutione episcopatum per Saxoniam, relato ab Adamo Bremensi libro primo Historiae Ecclesiastice, legitur: « Hildebaldus archiepiscopus Colonensis et saeri palatii capellanus recognovi. Data II idus Julii anno Dominicæ Incarnationis ccclxxxix, Indictione xii, anno autem regni domini Caroli xxi ». Verum haec clausula ab ipsomet Adamo addita; eo enim Christi anno non Hildebaldus sed Angelramnus saeri palatii capellanus erat, et in præceptis regum Francofornorum ante Carolum Crassum indicio non apponebalur. In octavo quidem canone *Ursio* Viennensis et *Elifantus* Arelatensis, qui metropolitæ erant, vocantur tantum episcopi; sed cum Carolus in canone v Angelramnum archiepiscopum vocet, *Hildebaldum* ejus in munus capellani saeri palatii successorem episcopum non nominasset, si, uti *Angelramnus* archiepiscopus fuisset.

7. *Carolus Alcuinum episcopis commendat.* — Denique hic canon LVI et ultimus: « Commonuit etiam (se. Carolus rex), ut Alcuinum ipsa sancta Synodus in suo consortio sive in orationibus recipere dignaretur, eo quod esset vir in Ecclesiasticis doctrinis eruditus. Omnis namque Synodus secundum admonitionem regis consensit, et eum in eorum consortio sive in orationibus receperunt ». Quanto studio Alcuinus in bonum Ecclesie feretur, testantur plures ab eo libri editi, cum adversus Felicem Urgelitanum, tum adversus Elipandum Toletanum episcopos, sicuti et Epistolæ variæ, quas ad retinendam revocandamque fidei integritatem scripsit.

8. *Felix episc. Urgel. in Synodo Francofurti damnatur.* — A num. 27 ad 58. Baronius Synodum Nicænam II, quæ sacras imagines venerandas statuit, pluribus doce defendit, quibus haec tantum addam. Lambecius lib. 2 de Biblioth. Cæs. cap. 5, refert ineerti eiusdem auctoris antiqui, qui tempore Caroli Magni vixit, Annales Francofornorum ab anno Christi ccxciv usque ad annum cccii, quos integros recitat, et ex charactere, qui aliis ejusdem ævi Codicibus MSS. ad unguem congruit, ipsius Caroli Magni tempore scriptos esse deducit. Viderat hos chronographus Moissiacensis, eum integri in ejus opere extens, nisi quod aliquando eosdem interpolavit. Quare cum in utrisque exarandis librarii quandoque peccarint, ex unis alii emendari poterunt. Priora verba præ vetustate legibilia non fuisse observat Lambecius, qui non animadverterat,

eosdem extare in annalista Moissiacensi ex quo ea verba hic supplebimus alio charactere : Anno **DCCXCIV**, rex Carolus apud Villam Franconofurt celebravit Pascha. Sed in aestivo tempore, anno **XXVI** sui principalis, congregavit universalem Synodum cum missis domni Apostolici Hadriani papæ, seu patriarcha Aquileiensi Paulino archiepiscopo, et Petro Mediolanensi episcopo, et coepiscopis, seu etiam presbyteris, diaconibus *cum reliquo devoto populo*. Ab illis verbis exorditur annalista a Lambecio editus, quem ad majorem claritatem ac brevitatem semper annalistam Lambecianum appellabimur. « Quibus resedentibus apud Christianissimum principem Carolum pervenit ad aures eorum hæresis illa, quam Elipantus Dolitanus (legendum, *Toletanus*, cum annalista Moissiacensi) episcopus cum alio episcopo Felice nomine, sed infelix in dictis, cum sociis eorum asserebant. Agebant namque (annalista Moissiacensis legit, *asserebant*, sed legendum videtur, *aiebant*), quod Dominus noster Jesus Christus in quantum ex Patre ineffabiliter ante sæcula genitus, vere sit Filius Dei, et in quantum ex Maria semper Virgine carnem assumere dignatus est, non verus sed adoptivus filius esset. Sed sancta et universalis Synodus hoc nefandum dictum nou consensit, sed ita alloquitur, dicens : Dei ergo filius hominis factus est, natus secundum veritatem naturæ ex homine hominis filius, ut veritas geniti non adoptione, non appellatione, sed in ultraque nativitate Filii nomen nascendo haberet, et esset verus Deus et verus filius hominis. Et in ipsa Synodo advenit Tassilo et pacificavit ibi cum domino rege, abnegans omnem potestatem, quam in Bajoaria habuit, tradens eam domino regi : nec non et Fastrada regina ibi defuncta est. Et rex inde revertens perrexit in Saxoniam, et Saxones venerunt ei obviam ad Eresburg promittentes Christianam fidem, et jurantes quod sœpe fecerunt, et tunc rex creditit eis et dedit eis presbyteros, et resedit apud Aquisgranum ». Ita annalista Lambecianus.

9. *Decretum pro imaginibus in Synodo II Nicæna conditum rejiciunt Francofordienses.* — De morte Fastradæ reginæ et de expeditione Saxonica infra agemus. De *Tassilone* vero Bajoariæ duce, num. 5 locuti sumus. Chronographus Moissiacensis locum illum integrum exscrispsit ; sed post hæc verba : « Etesset verus Deus, et verus filius hominis », ista inseruit : « Allata est etiam in eadem Synodo quæstio de nona (legendum, de nova) Græcorum Synodo, quam de adorandis sanctorum imaginibus Constantinopoli fecerant. In qua scriptum habebatur : Ut qui imagines sanctorum ita ut Deificam Trinitatem servitio aut adoratione non impenderent, anathema judicaverunt. Qui super sanctissima Patris et servitule renuentes (legendum ex editione Sirmondi, qui supra sanctissimi Patres nostri omnimodis adorationem et servitutem renuentes) contempserint, atque consentientes condemnaverint ». Quæ sunt ipsissima verba, quæ in

secundo canone Francofordiensis leguntur, ut a nobis emendata sunt. Cointius hoc anno num. 32, existimat, post secundam Synodum Nicenam seu post annum Christi **DCCCLXXXVII** aliam Synodum Constantinopoli congregatam esse, quæ priorem condemnavit, hancque rejectam esse a Patribus Concilii Francofordiensis, qui doctrinam Orthodoxam de cultu sacrarum imaginum secuti rejecerunt Pseudo-Synodum Constantinopolitanum sub Constantino Copronymo habitam, alteraque Constantinopolitanam, et Synodum OEcumenicam VII confirmarunt, inquit Cointius. Verum certum est, nullam Synodum in Oriente habitam fuisse, quæ imagines sicut Deificam Trinitatem venerari præceperit, præter Nicenam secundam. Nam in Præfatione libris Carolinis praefixa dicitur duas Synodos in causa imaginum habitas, quarum prior eas abolevit, illa nempe quæ a Constantino Copronymo anno **DCCLIV** indicta fuit, alteraque quæ « anathematizata et abominata cum suis auctoribus priore, imagines quas prior nec etiam cernere permisrat, adorare compellit », ubi sine dubio librorum illorum auctor intelligit Synodum Nicenam II, quam etiam Patres Francofordienses *Constantinopoli factam dicunt*.

40. *Nulla Synodus Constantinopoli a Nicæna II diversa coacta fuit.* — Anno enim **DCCCLXXXVI**, proximo scilicet ante Synodum Nicenam anno, episcopi Orientales Constantinopoli coram legatis Apostolicis congregati sunt, ut quæ ad sacrarum imaginum usum spectarent, statuerent ; sed irruentibus militibus, inde exturbati sunt, et sessionem relinquunt Pontifices, ut ait sanctus Ignatius in Vita sancti Tarasii patriarchæ Constantinop. quare Concilium in causa sacrarum imaginum Constantinopoli inchoatum fuit, sed improbi homines turban cientes cathedralm prohibuerunt, ut scribit Tarasius in Epistola ad Hadrianum papam data. Unde cum Patres Francofordienses, ut ipsimet in secundo canone dicunt, Synodum illam contemnerent, non Nicenam, sed Constantinopolitanam vocarunt, quia *Synodo soluta singuli quique domos suas repetere coacti fuerant*, ut Theophanes in Chronicæ loquitur. Non mirum itaque si Eginhardus in Annal., Hincmarus in opusc. 32, cap. 20, Simeon Dunelmensis, Rogerus Hovedenus, et Matthæus Westmonasteriensis in Chronicis eamdem Synodum Constantinopolitanam vocent ; cum ipsi Patres Francofordienses non alio nomine antea eam appellassent. Dicí etiam potuit Constantinopolitana ab iisdem Patribus, ut magis odiosa esset ; cum Constantinus Copronymus in eadem urbe Constantinopolitana anno **DCCLIV** Synodum adversus sacras imagines congregasset, et ab ultraque, Constantinopolitana nempe sub Copronymo, et Nicena II sub Irene, Francofordienses abhorrerent. Fictitia igitur est Synodus Constantinopolitana, quæ inter Nicenam II et Francofordensem a Cointio paucisque aliis supponitur celebrata. Denique annalistæ veteres rerum Francicarum produnt in Concilio

Francofordensi rejectam esse Synodum a Græcis Septimam vocatam, quod ii nomen Synodo tantum Nicænæ II attribuunt, non vero alicui Synodo Constantinopolitanæ. Quæ gesta in causa imaginum uno tenore exponam anno DCCCXXV.

**41. Annus xxiii belli Saxonici.** — Eginhardus in Annal. postquam locutus est de Synodo hoc anno Francofurti habita, subdit : « Mortua est ibi et Fastrada regina, et Moguntiaci apud sanctum Albanum sepulta. Quibus peractis rex bipertito exercitu Saxoniam petere statuit : eo videlicet modo, ut ipse cum dimidia parte copiarum ab Australi parte intraret, Carolus vero ejus filius cum alia medietate Rhenum apud Coloniam tracieret et in eamdem regionem ab Occidente veniret. Quo facto, licet Saxones in campo, qui Sintfeld vocatur, quasi prælium cum rege commissuri concedissent, ibique adventum ejus operirentur, amissa victoriæ spe, quam sibi paulo ante falso pollicebantur, ad deditioñem omnes conversi sunt, victique sine prælio regis potestati se subdiderunt. Dederunt igitur obsides, et jurejurando fidem se regi velle servare promiserunt. Sic omissio prælio, et Saxones domum reversi sunt, et rex transmisso Rheno in Galliam se recepit. Et cum Aquasgrani venisset, ibidem hybernis habitis Natalem Domini celebravit ». Jam autem dixerat eum celebrazione Pascha Francofurti. Idem habent alii annalistæ tam de bello Saxonico, quam de morte Fastradæ reginæ. Eginhardus vero in Vita Caroli scribit : « Habuit et alias tres filias Thedradam, Hildrudim et Rothaidem; duas de Fastrada uxore, tertiam de concubina », scilicet Rothaidem.

**42. Secunda Angilberti ad Hadrianum PP. legatio.** — *Angilbertus* bis ad Hadrianum papam a Carolo directus est. Primo anno DCCXII post Synodum Ratisponensem, ut ibidem vidimus; iterumque hoc anno post Synodum Francofordensem, ut discimus ex Epistola LXIII inter Alcuinianas ad Hadrianum papam ab Alcuino scripta occasione legationis Angilberti, cuius in ea mentio. *Hunc Alcuinus filium suum charissimum et regiae voluntatis secretarium* in ea appellat. Recitat eam Epistolam Baronius in Appendix ad annum DCCLXXXII, putatque ab Alcuino datam esse, quando *Carolus* accepto electionis Hadriani in Pontificem Romanum nuntio *Angilbertum* legatum Romanam misit. Verum duæ tantum legationes ab Angilberto obitæ, ut mox diximus, et *Alcuinus* ante an. DCCLXXXI aut insequentem in Francia moram non fecit.

**43. Offæ Merciorum regis peregrinatio Romana.** — *Offa* Merciorum rex, postquam anno superiori *Ethelbertum* Anglorum Orientalium regem dolose occidit, currenti, ut scelus expiatet, ad lumina Apostolorum profectus est, ut anno DCCLXXXV narravimus. Spelmanus tom. I Concil. Angliae ait, *Offam* tunc ab Hadriano papa obtinuisse sancti Albani canonizationem. Verum longe ante haec tempora *Albanus* pro sancto martyre habebatur, ut videre est in Historia Bedæ, eaque narratio falso

nititur fundamento ; cum in Vita *Offæ* apud Matthæum Parisium, *Offa* dicatur convenisse Hadrianum papam, non ad sanctum Albanum inter sanctos referendum, sed *ad canonizandum et privilegiandum* ejus monasterium *auctoritate Romani Pontificis*. Præterea Westmonasteriensis hoc anno refert, Hadrianum hoc responsum *Offæ* reddidisse. « Fili charissime, *Offa* rex Anglorum potentissime, devotionem tuam circa regni tui protomartyrem non mediocriter commendamus, et monasterio construendo illudque privilegiando, petitioni tuæ gratanter assensum præbemus, injungentes tibi in tuorum remissionem peccatorum, ut rediens ad terram tuam, ex consilio episcoporum et optimatum tuorum, quas volueris possessiones, sive libertates beati Albani monasterio conferas, etc. » Denique solemnes sanctorum canonizations, quales hodie fiunt, ante sæculum decimum non peractæ. De hoc *Offæ* regis Romani adventu mentionem facit Baronius anno sequenti, num. 39.

**44. Obitus Alrici regis Cantii.** — Mortuus est hoc anno *Alricus* Cantiacus rex, uti scribit Mailrossensis annalista, et insinuat Malmesburiensis lib. I de Reg., cap. 4, ubi ei annos regni XXXIV assignat. Fuit hic tertius Wictregi regis filius, qui post Edbertum et Edilbertum fratres in Cantio regnavit, a cuius morte vix nullus regis nomen in Cantia cum dignitate sustinuit. Ei successit *Ethelbertus* cognomento *Pren*.

**45. Northumbros a Danis desolatos solatur Alcuinus.** — Scripsit hoc anno Alcuinus ad Lindisfarnensem episcopum, et patriæ suæ anno superiori a Danis vastatæ illacrymatus est. Desiderantur quidem ejus litteræ ; sed parlem, quæ præsentem huius anni calamitatem spectat, refert Malmesburiensis pag. 275 : « Vestræ tribulationis calamitas, licet absente, multum me contrastavit ; quod pagani contaminaverant sanctuaria Dei, et fuderunt sanguinem sanctorum in circuitu altaris : calcaverant corpora sanctorum in templo, quasi sterquilinium in platea. Quæ est fiducia Ecclesiæ Britanniæ, si sanctus Cuthbertus, cum tanto sanctorum numero, suam non defendit Ecclesiam », inquit Alcuinus. Adjicit in Epistolæ calce : « Cum dominus noster rex *Carolus*, hostibus per misericordiam Dei subditis, domum revertetur, nos Deo juvante ad eum veire disponimus ; et si quid tune, vel de pueris, qui in captivitatem ducti sunt a paganis, vel de aliis necessitatibus nostris profere poterimus, diligenter ad effectum perducere conabimur ». Scripsit Epistolam XLIX ad monachos Wiresenses, eosque ad Bedæ majorumque premenda vestigia adhortatus est : « Quis non timet, inquit, terrorem, qui accidit in Ecclesia sancti Cuthberti ? Corrigite quapropter mores vestros, ne propter peccata scelerorum, pereant et justi. Ne vinca Domini vulpis detur dentibus ad derodendum : ne sanctuaria Dei paganorum pedes pertransiant, etc. Nos maritima habitatatis ; unde pestis primo ingruit. In nobis impletum est, quod olim

per Prophetam prædicatum est: Ab Aquilone inar-  
descunt mala, et a Domino formidolosa laudatio  
veniet. Ecce fugax latro Boreales insulae nostra  
partes pervasit. Plangamus, quod fratres nostri  
perpessi sunt. Caveamus ne nobis aliquid accidat  
tale, etc. »

46. *Bellum Saracenicum S. Willelmo committitur.* — Auctor anonymous Vitæ sancti Willelmi dueis ac monachi Gellonensis in Gallia refert Ca-  
rolum regem, cum accepisset intimitas Saraceno-  
rum strages in Septimania et Aquitania factas,  
bellum Saracenicum Willelmo duci commissose :  
« Itaque, inquit, Willelmus dux salutatus a Carolo,  
et ipse pro Domino benignum valefaciens proce-  
dit, fortem et electum producit exercitum. Itaque  
Septimaniam ingressus, transito quoque Rhodano  
ad urbem concitus Arausicam agmina disponit et  
castra : quam illi Hispani cum suo Theobaldo jam  
pridem occupaverant, ipsam facile ac brevi cæsis  
atque fugatis eripit invasoribus, licet postea et in ea  
et pro ea multos et longos ab hostibus labores per-  
tulerit, semperque prævaluerit decertando. Erepta  
autem urbe, placet omnibus ut sibi eam delineat,  
faciatque primam suæ proprietatis sedem. Unde et  
civitas illa ad tanti ducis gloriam famosissima,  
multumque celebris, magnique nominis per totum  
hodieque mundum commemoratur. Quid vero

post haec egerit, quot et quanta cum Barbaris trans-  
marinis et Agarenis viciniis commiserit præcia ;  
quomodo in gladio suo cum auxilio divino popu-  
lum Dei salvavit, et Christianum dilatavit impe-  
rium ; ut superius est dictum, nec scripto hoc  
indiget, nec presentis est propositi, excepto hoc  
quod dici succincte potest. Quoniam licet multo  
tempore multaque pertinacia valde diuque decer-  
tatum sit, tamen tandem virtute Altissimi cum vir-  
tute belli ita Saracenos perdomuit et perturbavit  
tyrannos, perseruntans eos et conterens et ad interi-  
um perducens, ut deinceps non auderent, nec li-  
centiam haberent ad has partes quas invaserant  
redire, nec eis eruptam ultra repetere terram. Cæ-  
terum autem magnitudo gestorum ejus et prælio-  
rum copia, interdum variis ducis eventus et duris-  
simi labores, semper vero gloriosi triuñphi, si  
quis calamo attentare audeat, præmaximo proprie-  
que indigerent volumine ». Quæ partim hoc, par-  
tim sequenti anno, forteque etiam anno ~~ccccxvi~~  
gesta sunt. Dicit anonymous civitatem Arausicam  
seu Arausionis magni ex tune nominis per totum  
hodieque mundum commemorari, quia scilicet  
sæculo xi, quo scribebat, Arausionis principes et  
familiae et principatus originem a saculo Willelmo  
repetebant.

4. *Hadriani papæ obitus et ejus Epistolarum argomenta.* — Annus Redemptoris septingente-  
simus nonagesimus quintus qui ordine sequitur,  
Indictione tertia consignatur, quo Summus Pontifex  
Hadrianus cum sedisset annos viginti tres, menses  
decem, dies septemdecim, septimo kalendas Janua-  
rii ex hac vita migravit. Hujus sedes omnium feli-  
cissima existimanda esset, si potius rerum tempora-  
lium prosperitate, more principatum lerenorum,  
et non magis gloria Crueis esset ipsius expendenda  
prosperitas : siquidem diurnior, et sub princi-  
pibus Christianissimis eidem obsequentibus, defen-  
dentibus, locupletantibus, et in omnibus eam vene-  
rantibus floruit, aquila nova sobole conversorum  
ad fidem infidelium populorum, vindicata a Lon-  
gobardorum perfidia, et protecta a superba Greco-

rum et illis coherentium insolentia. Sed et in his  
omnibus magnopere virtus Evangelicæ Crucis  
enituit, nimiri, quod cum ipsa duro Græcorum  
jugo jugiter teneretur oppressa, et lugeret ex ite-  
rata sæpe obsidione Longobardorum : mox velut  
ex obseuris densisque nubibus sol emergens efful-  
serit, illo iubente, qui imperans mari et <sup>1</sup> vento,  
reddidit mare tranquillum atque <sup>2</sup> Petri pedibus  
præbuit percaleandum fluidum elementum.

Fuissernt tanta ista copiosiori atque luculen-  
tiori stylo narranda, et non ferreo, eodemque  
obducto rubigine detruncata, nimiaque brevitate  
decurtata potius quam declarata posteritati tra-  
denda. Sed accessit ad damnum, quod cum qua-

<sup>1</sup> Luc. viii. — <sup>2</sup> Matth. xiv.

draginta quatuor ejusdem Pontificis Hadriani bibliotheca Vaticana possideret Epistolas, ex quibus locupletanda fuissest historia, illis desperditis, eamdem fuerint tantummodo argumenta reicta, summatim elicita, quorum haustu majorem sibi sitim lector accendat, ad fontem anhelans, non sine spe. ut aliquando (si quis est earumdem bonae fidei possessor) easdem in lucem probat, quae suis singulæ locis reddantur. Tu vero interim illarum hic tibi descripta summaria legit, quibus, quæ superius sunt dicta, confirmes, aliaque ignorata perdiscas : quæ sic se habent, ut descripta extant in Codice :

2. « 1. Prima de Arechiso duce Beneventano, quod postquam Carolus rex Capua reversus esset, ad imp. Constantiopolit. legatos direxerat, petens auxilium et honorem patriarchatus, promittens tam in vestitu, quam in tonsura cum Græcis similitudinem. Hæc Gregorius presbyter Capuanus Hadriano papæ narravit. Hadrianus Capuanos sibi et B. Petro jurare fecit. Carolum in auxilium pro exaltatione sanctæ Ecclesiæ vocat.
- « 2. Pro exaltatione sanctæ Dei Ecclesiæ gratias regi agit. Ermemberto episcopo, ut Carolus petierat, usum pallii concedit.
- « 3. Gratias agit pro Rosellis, Populonio et Benevento, quas urbes Carolus ipse dederat. Queritur de inobedientia horum : item de iusdiis et malitia Græcorum. Exercitus, cum necesse fuerit, ut Carolus paratos habeat atque transmittat, sicut promiserat, petit.
- « 4. Multa de suo erga ipsum amore indicat. Item quod pro eo in Confessione B. Petri totis viribus preces fundat. Gratulatur Carolo, quod per ejus laboriosa certamina, S. Petro suffragante, hostium Ecclesiæ conatus ad nihilum redacti sint. Horatur ut usque in finem perseveret. Quod promiserit, se nihil pro Ecclesiæ deminoratione, sed pro ejus exaltatione omnia faclurum, gratias agit. Si quis mendacia de se sparserit : eum ut Romanum mittat, rogat, ut secundum sua perversa merita puniatur. Postea multa scribit de parœciis episcoporum.
- « 5. Indicat se jussisse, ut Veneti Ravenna seu Peutapoli expellerentur. Germanum ducem res ac possessiones Raveunatis Ecclesiæ invasisse exponit. Quare Carolum orat, ut pro amore S. Petri eum expellat, ut sua territoria intacta remaneant.

3. « 6. Paulum ducem suum Carolo commendat, qui ad ipsum missus fuit, ut se et Constantinum ducem de mendaciis falso apud Carolum sparsis purgaret.
- « 7. Gratiarum actiones, seu benedictiones continet, et simul indicat, Sacramentarium, quod Carolus rex petierat, se per Joannem monachum atque abbatem Ravennatem misisse.
- « 8. Pro Cruce missa gratias agit : et scribit se semper pro Carolo orare et pro genitore ejus sanctæ memorie Pipino. Precatur ut legatos dirigit, qui Romanæ Ecclesiæ Populoniensem ac Rosellanum agrum cum ducau Beneventano restituant: mercedem ejus rei a beato Petro promittit.
- « 9. Indicaverat Carolus rex Hadriano per Itherium et Monegarium abbates, Saxones quosdam in paganismum relapsos esse, deque iis quid agendum esset, interrogavit. Respondit Hadrianus papa, post longam pœnitentiam illos ad consortium Ecclesiæ posse recipi.
4. « 10. Pro abate monasterii S. Vincentii intercedit, qui falso apud Carolum accusatus fuerat.
- « 11. De episcopis ac presbyteris agit, ne arma militaria induant, sed spiritualia : id est, jejuniis et orationibus vacent. Laudes quasdam Caroli commemorat cum gratiarum actione pro exaltatione S. Dei Ecclesiæ. Indicat de agro Sabinensi, quod Monegarius (Machinarius) fidelissimus ejusdem regis ipsum S. Petro tradere voluerit, sed quod propter iniquos atque perversos homines id minime præstare potuerit.
- « 12. Carolo regi musiva et marmora urbis Ravennæ, tam in templis, quam in parietibus et stratis sita, sicut petierat, donat. Pro equo missa gratias agit. Orat sibi mitti equos, qui ad suam faciant sessionem, ossibus atque plenitudine carnis decoratos.
- « 13. Ad Carolum. Indicat Itherium et Monegarium agrum Sabinensem S. Petro reddere voluisse : sed propter iniquos homines id minime præstare valuisse.
- « 14. Gratiarum actiones pro exaltatione sanctæ Dei Ecclesiæ : et de agro Sabinensi petit ut, sicut pollicilus fuerat S. Petro, in integrum contradi jubeat.

- « 13. Carolum rogat, ut trabes majores, quas ad Ecclesiarum restaurationes pollicitus fuerat, celeriter, et stan-num, ad Ecclesiam beati Petri cooperiendam, mitteret. Præterea de dissidiis inter Neapolitanos et Amalfitanos nonnullum monet.
5. « 16. De suis et Romanorum orationibus pro Carolo indicat. Romanos excusat, quod non vendiderint Sarra-enis Christianos; sed in Longo-bardos ac Graecos culpam istam transfert. Sacerdotes etiam suos de-fendit, quod non sint polluti libidi-nibus, de quibus ad Carolum accusati tuerant. Quod Graecorum naves pluriimas combusserit, et ipsos Gra-eos in vinculis diu detinuerit, eum demum monet.
- « 17. Apud Carolum Neapolitanos ac Graecos accusat, quod consilio Arichis Beneventanorum dueis Tarracinam invaserint. Et a Carolo S. Petri amore auxilia postulat, ut ipsam et alia in ducatu Neapolitano ad beatum Petrum pertinentia recipere possit: quod virtus atque gloria Pontificis una cum beato Petro ipse Carolus sit.
- « 18. De suo ac populi amore erga Carolum multa seribit: et orat, ut, quod pol-licitus fuerat, revertens e Saxonia, ad limina S. Petri Apostoli pro-peret: et legatos ejus Possessorem episcopum et Rabigandum a fide-litate in servitio S. Petri commen-dat.
- « 19. Orat pro exaltatione S. Dei Ecclesiæ, et simul de orationibus Romanorum pro Carolo et suis indicat.
- « 20. Per Oddonem diaconum, trabes seu ligna ad Ecclesiam S. Petri coope-riendam a Carolo petit. Orat etiam, ut Wilharius archiepiscopus Ro-mam mittatur. De corpore sancto, quod Oddo diaconus cum Fulrado abbe olim sibi dari petierat, in-dicat quomodo absterritus sit ad ipsum mittere. Promittit se mis-surum Candidi martyris corpus, si petat Carolus. Quod Beneven-tani ac Neapolitani consultare cum Graecis soleant, aperit: sed quid, Oddonem diaconum indicaturum promittit.
- « 21. Constantinum imperatorem obiisse indicat, adjunctis ea de re litteris Stephani Neapolitaní episcopi. Reginaldum dueem Clusane accusat, quod multa mala in castello Felici-
- tatis continue committat, beati Petri bona auferendo. Petit ut officio amoveatur.
6. « 22. Queritur Hildebrandum, Arogin, Rod-gaum et Reginaldum duces, con-silium iniisse cum Graecis et Alda-giso, terra marique contra Romam et Italiam dimicare: quare multis adjurationibus auxilium contra eos postulat.
- « 23. Indicat quale consilium legatis ejus dederit. Item monet de legatis Grae-corum, qui cum dispositore Sicilie et cum relicta Arichisi dueis ege-rerint, quanam ratione ducatum Be-neventanum Carolo regi eriperent. Orat itaque Carolum, ut sic omnia pertractet, ut suam et Ecclesiæ Romanæ tutelam procuret.
- « 24. Queritur se despectum a Possessore episcopo et Rabigando abate, Ca-roli legatis. Indicat ipsos non ve-nisse Romam, sed Spoletum ad Hildebrandum ducem: et inde Be-neventum profectos esse. In quanto ob id incoerore constitutus sit, scribit: orat Carolum, ut se consoletur exaltando Ecclesiam Romanam, et Spoletinum ducatum reddendo.
- « 25. Indicat, quod patrimonium S. Petri apud Ravennates non integre rece-perit, testificantibus id senioribus Ecclesiæ, testibus ejusdem urbis. Petit patrimonium Sabinense in integrum S. Ecclesiæ restitui: in-dicat se nullorum irrationaliter finibus indigere.
- « 26. Gratulatur Carolo pro victoria, quam ipsi Ausfridus (Ansfridus) Pisanus abbas narraverat: quam diligenter pro ipso preces faciat, indicat. Aus-fridum Carolo commendat. Pro Pisano et Lucensi episcopis orat, ut ipsos pro sua pietate ad proprias sedes atque Ecclesias redire per-mittat.
- « 27. Indicat, quod in partibus Italiæ atque Tusciæ episcopi quidam alienas dioœses et parœcias invadant, ve-stem monasticam contra sanctos canones relinquant, matrimonia contrahant vestibus sacerdaribus induiti. Orat itaque Carolum, ut ista emendet, fidem Catholicæ et Apostolicæ S. R. E. semel ample-xam continuo tueatur, ut cum sanctis omnibus felix permanere possit.
- « 28. Propter inobedientiam Leonem Raven-natum episcopum accusat.
- « 29. Uberrimæ benedictiones pro exalta-

tione sanctæ Dei Ecclesiæ continentur. Indicat se mittere Epistolam Gradensis patriarchæ. Hanc a Leone archiepiscopo Ravennate prius aper tam et lectam fuisse queritur. Idem Leonem iterum accusat.

7. « 30. Orat Carolum, ut meminerit, quæ Petro Apostolo promiserit: quanta etiam ab ipso beneficia acceperit, scilicet provinciam Longobardorum: et quod ejus circumvallatus suffragiis, cæteras omnes nationes sibi subjicere possit. De Leone archiepiscopo Ravennate indicat, gratum sibi esse quod ad Carolum profectus sit.
- « 31. Rerum vehementer Leonem Ravennatem archiepiscopum accusat, quod inobediens ac protervus factus sit, ab illo tempore, quo a Carolo rediit. Et Carolum orat, ne S. Petro auferri patiatur, quæ ab ipso et Pipino patre ejus ipsi beato Petro oblata sunt.
- « 32. Multa admodum de fide et constantia sui amoris Carolo scribit. Admonet illum, ut amicitiae et promissionis ad Confessionem B. Petri factæ recordetur. Cum eodem expostulat, quod legatum suum Anastasium in Francia defineat. Accusat Longobardos: hortaturque Carolum, ut in ipsos vindictam exerceat, et S. Petri justicias, quas promisit, faciat. Indicat se Carolo Paulinum quemdam vincentum misisse, quod male de eo locutus esset; ipsumque adjurat, ut idem de suis inimicis faciat.
- « 33. Gratiarum actiones continentur, cum petitione pro exaltatione sanctæ Dei Ecclesiæ. Item de legatis Caroli regis, qui autumni tempore Romam venire debuerant.
- « 34. De præda Persarum in finibus Græcorum, et inter ipsos discordia indicat.
- « 35. Gratiarum actiones continentur, et plurimæ petitiones pro restitutione patrimonii B. Petri. Meminit donationis Constantini temporibus sancto Silvestro papæ factæ, et aliorum, qui pro animæ suæ salute multa donarint B. Petro, quæ a Longobardis crepta sint: ac dicit in Lateranensi scrinio eas donationes haberi. Carolum novum Constantinum nominat. Orat ut sibi filium ejus ex sacro baptismate suscipere liceat.
8. « 36. S. Petrum Carolo maxime commendat, et orat ut Sabinensem agrum

integrum Ecclesiæ Romanæ restitu faciat. Profitetur Romanam Ecclesiam totum quartum Chalcedonense Concilium amplecti et venerari.

- « 37. Ipsum fidei ac dilectionis, quam erga B. Petrum Apostolorum principem habere visus est, admonet; utque illam inconcussam et inviolatam conservet, et nulla callida versutia ab Apostolico amore animum dis jungi patiatur, orat. Postea Eleutherium et Gregorium quemdam accusat, et petit ne illos apud se agere sinat, sed Romam mittat.
- « 38. Commendat Carolo Iegatos monasterii S. Ilarii in Calligata: orat, ne ipsum, seu hospitales domos, quæ per colles Alpium sitæ sunt in susceptionem peregrinorum, ab ulla magna parvaque persona invadi permittat: et Gundibrando duci Florentino mandet, ut quæ eidem monasterio abstulerat, restitueret.
- « 39. Ipsum mendacii arguit et ohjurgat, quod Ravennam ad electionem novi Pontificis legatos suos direxerit.
- « 40. Indicat quomodo contentionem monachorum ad se missorum, composuerit: et quod Potho abbas cum decem monachis ad Carolum regem proficiisci voluerit, ut ibidem quoque de objectis criminibus se purgaret.
- « 41. Carolus per Georgium episcopum papæ de suis certaminibus et laboribus, pro B. Petro susceptis, indicaverat: quare Hadrianus ipsi gratias maximas agit, commendans ipsi Georgium episcopum.
- « 42. Indicat Adalchisum (Adalgisum) Desiderii filium in Calabriæ partes advenisse: orat Carolum, ut contra hunc bellum gerat, et Beneventanos cum aliis obediens cogat. Item, ne Grimoaldum ducem Beneventanum constituat: ut Beneventum, Rosellas, Populonium, et alia loca sancto Petro reddat.
- « 43. Indicat Offæ regis Anglorum legatos cum Caroli oratoribus honorifice abs se susceptos fuisse, quod Carolus per nuntios petierat. Adjicit se permittere divinum verbum gentilibus praedicare.
9. « 44. Indicaverat Carolus rex, quod per laboriosa certamina Saxones ad fidem Catholicam ac baptismatis fontem perduxisset. Petierat ob id

ab Hadriano una aut duabus feriis litanias fieri. Respondet papa ei, in omnibus Occidentalibus partibus **xxiiii**, **xxvi**, et **xxviii** mensis Junii, id est, vigilia Joannis Baptiste, natale SS. Ioani et Pauli, et vigilia SS. Apostolorum Petri et Pauli debere fieri litanias. Jubet ut Carolus iisdem diebus in omnibus suis regionibus litanias celebrari euret.

Indicat quod Romae continuo pro Carolo gratias agant et Deum orent.

« Scripsit etiam ad alios, ut ad Egilain in Hispania episcopum, ipsumque hortatur de fide Orthodoxa tueanda. Pro jejunio sexta feria ac sabbato celebrando. Idem ad Egilam episcopum, seu Joannem presbyterum de conservatione continentiae, in Hispaniae partibus praedicanda, Epistolam scripsit. Ac de Paschali festivitate, ut eo tempore celebretur, quando a Romana celebratur Ecclesia. Item eum monuit de praedestinatione hominis sive ad bonum, sive ad malum: de coquinuatione eorum tam in escis, quam in potu; de diversis erroribus et de eorum pseudosacerdotibus, qui vivente viro sortiuntur uxores; de libertate arbitrii ac de aliis multis capitibus in partibus illis contra fidem Catholicam exortis. In fine ipsos hortatur, ut omnes sint concordes, ut canones sciant, ut omnes non obedientes salubribus præceptis excommunicent.

« Idem Hadrianus ad omnes Hispaniae episcopos scripsit, maxime tamen ad Elipandum et Ascaricum. In cuius Epistolæ initio Romanam Ecclesiam caput omnium Ecclesiarum nominat: et quicumque se ab hac abscondit, hunc Christianæ religionis exortem fieri dicit. Deinde refutat Eli pandi, seu Ascarici errorem, quo Filium Dei adoptivum dixerat, opponens inter alia dictum ad Romanos<sup>1</sup>: Proprio Filio suo non pepercit Deus: et citat Athanasium Alexandrinum, Gregorium Magnum, Amphilochium Iconii, Gregorium Nyssenum episcopos, Chrysostomum, Augustinum, Hilarium, Leonem papam, et alios ». Haec tenus ex Hadriani papæ Epistolis inventa summaria.

10. *Hadriani memoriam digne prosecutur Carolus.* — Quod rursum ad alia ejusdem Pontificis scripta pertinet, præter alias Epistolas a nobis superius recitatas, constat collegisse Conciliorum volumen, illudque misisse ad eundem, qui petierat, Carolum Magnum, præfixa ad eum Præfatione, et epigrammate aerostichicis versibus. Est præterea auctor Joannes diaconus, ab eodem Hadriano ex Epistolis S. Gregorii pape duos conscriptos libros. Meminimus superius de aliis ejusdem Pontificis lucubrationibus ad Ecclesiasticos ritus spectantibus. Sed jam quæ post ejus mortem secuta sunt, videamus.

Obitum ejus multis lacrymis prosecutus est

Carolus Magnus, qui eum ut patrem coluit, et ut amicum plurimum dilexit: nam audi quæ habeat Eginhardus<sup>2</sup>: « Nuntiato etiam sibi Hadriani Pontificis obitu, quem amicum præcipuum habebat, sic levit ac si fratrem, aut charissimum filium amisisset ». At non fletu tantum, sed religiosis officiis, atque suffragijs ejus prosecutus est animam, pro ipsa longe lateque per provincias sibi subjectas, et alias externis regibus subditas, erogans eleemosynas.

Deo plurimas agimus gratias, quod tantæ pietatis magni principis aliquod saltem relictum fuerit monumentum in Epistola ad Offam Merciorum regem in Anglia, quæ sic se habet, respondens<sup>2</sup> ad litteras ab eodem rege acceptas, quibus commendaverat peregrinos ex Anglia Romanum petentes.

11. « Carolus gratia Dei rex Francorum et patricius Romanorum, viro venerando ac fratri charissimo Offæ regi Merciorum salutem.

« Domino gratias agimus omnipotenti Deo (et Salvatori) de salute animarum, de fidei (Catholicae) sinceritate, quam in vestris laudabiliter paginis reperimus exaratum. De peregrinis vero, qui pro amore Dei et salute animarum suarum beatorum Apostolorum limina desiderant adire: cum pace sine omni perturbatione vadant. Sed si aliqui non religioni servientes, sed luera sectantes, inveniantur inter eos, locis optimis (opportunitis) statuta solvant telonea. Negotiatores quoque volumus, ut ex mandato nostro patrocinium habeant in regno nostro legitime; et si in aliquo loco injusta affligantur oppressione, reclament ad nos (ad se), vel nostros judices, et plenam jubebimus justitiam fieri.

« Cognoscat quoque dilectio vestra, quod aliquam benignitatem de dalmaticis nostris vel (et) pattiis ad singulas sedes episcopales regni vestri, vel (et) Ethelrhedi direximus in eleemosynam domini Apostolici Hadriani, deprecantes, ut pro eo intercedi jubeatis, nullam habentes dubitationem, beatam illius animam in requie esse, sed ut fidem et dilectionem ostendamus in amicum nobis charissimum. Sed et de thesauro humanarum rerum, quem (quas) Dominus Jesus (noster nobis) gratuita pietate concessit, aliqua (aliquid) per metropolitanas civitates direximus; vestræ quoque dilectioni unum baltheum, unum uniscum (hunisicum) et duo pallia serica ». Hucusque recitat auctor ex Epistola Caroli ad Offam regem: que tamen videtur fuisse longe protixior: nam auctor ista subjicit: « Haec saltem verba Epistolæ decerpens, idcirco apposui, ut posteris elucescat amicitia Offæ et Caroli, cuius familiaritate fretus, licet multorum impeteretur odio, et dulci tamen vitam consumpsit otio, et Ecfernum filium ante mortem suam in

<sup>1</sup>Rom. vii.

<sup>2</sup>Eginhard, in Vita Caroli. — <sup>2</sup> Recitat eam Gulielmus Malmesbe riensis historicus, qui claruit anno x. Cusa extat in hist. Anglor. in addit. ad Bed. l. ii. c. 14. facta coll. divers. lect.

regem inunctum, successorem dimisit ». Hæc ipse intentus rebus gestis Anglorum. Toto plane Catholicico orbe diffusam fuisse Caroli pro anima Hadriani Pontificis largitatem intelligere possumus, quam in Anglia etiam exercuisse comperitur : siquidem nulla ratio suadet, ut in Anglia potius, quam in Italia, aliisve provinciis ipsi subditis, ejusmodi exercuerit pietatis officium.

**12.** Quam multus Carolus fuerit in eleemosynis erogandis toto orbe Christiano, Eginhardus earum omnium præsens inspector habet hæc in Vita ipsius : « Circa pauperes sustentandos et gratuitam liberalitatem (quam Graeci eleemosynam vocant) devotissimus, ut qui non in patria sua solum, et in suo regno facere curaverit, verum trans maria in Syriam, et Ægyptum atque Africam, Hierosolymam, Alexandriam, atque Carthaginem, ubi Christianos in paupertate vivere compererat, penuria eorum compatiens, pecuniam mittere solebat. Ob hoc maxime transmarinorum regum amicitiam expetens, ut Christianis sub eorum dominatu degentibus, refrigerium aliquod ac relevatio proveniret ». Hæc Eginhardus.

Quod rursum spectat ad ea, quæ ab ipso Carolo sunt post mortem exhibita eidem Hadriano Pontifici pietatis officia : non solum hisce eleemosynis amico charissimo parentavit, et extrema persolvit, verum etiam sepulcrum ejus, in Vaticana Basilica collocatum, regio ipsem Epitaphio decoravit, quod hodie extat pro foribus ejusdem Basilicæ his versibus scriptum :

Hic pater Ecclesiæ, Romæ deus, inclitus auctor,  
Hadrianus requiem papa beatus habet.  
Vir, cui vita Deus, pietas lex, gloria Christus,  
Pastor Apostolicus, promptus ad omne bonum.  
Nobis ex magna genitrix jam gente parentum,  
Sed sacris longe nobilior meritis.  
Exornare studens devoto pectore pastor,  
Semper ubique suo templo sacra Deo.  
Ecclesiæ donis, populos et dogmate sancto  
Imbut, et cunctis pauperrimis ad astra viam.  
Pauperibus largus, nulli pietate secundus,  
Et pro plebe sacris pervigil in precibus.  
Doctrinis, opibus, muris exerat arces,  
Urbs capit orbis honor, inclita Roma, tuas.  
Mors, cui nil nocuit, Christi quæ morte perempta est,  
Janua sed vita mox melioris erat.  
Post patrem lacrymans Carolus hac carmina scripsi :  
Tu mihi dulcis amor : te modo plango, pater.  
Tu memor esto mei : sequitur te mens mea semper,  
Cum Christo teneas regna beata poli.  
Te cleris, populus magno dilexit amore,  
Omnibus unus amor, optime præsus, eras.  
Nomina jingo simul titulis, clarissime, nostra,  
Hadrianus, Carolus, rex ego, tuque pater.  
Quisque legas versus, devoto pectore supplex,  
Amboinus, natus, dic, miserere Deus.  
Hec Ima nunc teneat requies, charissime, membra,  
Cum sanctis anima gaudet alma Dei.  
Ultima quippe tuas donec tuba clamet in aures,  
Principe cum Petro surge videre Deum.  
Auditoris eris vocem, scio, Judicis alium :  
Intra nunc Domini gaudia magna Iu.  
Tua memor esto tu natus, pater optime, posco,  
Cui patre, die, natus pergit et iste meus.  
O pote regna, pater felix, caelestia Christi,  
Iude tuum precibns auxiliare gregem.  
Dum sol ignacomo rutilus splendescat ab axe,  
Laus tua, sancte pater, semper in oibe manet.

Sedit beatæ memoriae Hadrianus papa,  
Annos XXIII, M. X. D. XVII, obiit VII kal. Jan.

**43.** Sic igitur rex Christianissimus maxime pius quem viventem mirifice coluit, et post obitum eodem prosecutus amore, et quibus potuit frequentavit et cumulavit officiis, qui ipsi viventi auctor fuerat, ut admirabili sumptu Romanæ Urbis exornaret Ecclesias; quænam ista fuerint ornamenta, ex Anastasio dicturi sunnus, sed ante quæ de his summatis habeat Eginhardus<sup>1</sup>, audi :

« Cotebat Carolus præ cæteris sacris et venerabilibus locis apud Romanam, Ecclesiam beati Petri Apostoli, in cuius donaria, magnavis pecuniæ tam auri quam argenti, necnon et gemmarum ab illo congesta est : multa et innumera Pontificibus munera missa ; nec illo toto regni tempore quicquam duxit antiquius, quam ut Urbs Roma sua opera, suoque labore veteri polleret auctoritate, et Ecclesia S. Petri non solum per illum tuta et defensa, sed etiam suis opibus præ omnibus Ecclesiis esset ornata ac ditata ». Hæc ipse. Vidisti, lector, quibus depictum coloribus reddat antiquitas magnum et Christianissimum principem erga Romanam Ecclesiam studiosissimum : de quo sœpe legisti superius, et inferius aque lecturus eris quot quantum ipse a Deo consecutus sit pro his in hac vita etiam beneficia.

Jam vero quæ apud Anaslasium Bibliothecarium in Hadriano leguntur, de mirifice Ecclesiarum ornatu videamus. Reddemus hic ea cuncta eo ordine, quo apud ipsum scripta reperiuntur, prout ab eodem Pontifice dari Ecclesiis contigerunt, et ab auctore ejus temporis scribi, veritate sincera, licet sermone rudi, impolito, semigræco ac penitus barbaro. Anastasius enim, apud quem magis cum simplicitate veritas, quam cum fuso mendacia valuerunt, eadem ut scripta reperit, in suum volumen describendo transtulit, in ipsum de Romanis Pontificibus commentarium, quæ hic a nobis ad finem ejus Vitæ ex more scribuntur, quod quo singula anno sint facta, non liquet. Sunt hujusmodi :

**14.** *Quanta Hadrianus contulerit ornamenta Basilicæ S. Petri, necnon aliis patriarchalibus Basilicis et Ecclesiis, et toti Urbi.* — « Erat sœpè fatus beatissimus Pontifex amator Ecclesiarum Dei, magnam indesinenter gerens curam pro ornatu et restauratione procuranda omnium earumdem Ecclesiarum. Hinc enim coangelicus vir fecit in Ecclesia beati Petri Apostoli vestem miræ pulchritudinis ex auro et gemmis, habentem præfiguratam historiam, qualiter beatus Petrus a vinculis per Angelum eruptus est. Item in eadem Basilica ab introitu de rugas usque ad Confessionis pavimentum vestivit de argento purissimo, quod pensat libras centum quinquaginta. Fecit etiam in eadem ipsa Basilica beati Petri juxta januas majores argenteas cortinas miræ magnitudinis de palliis stauraciniis,

<sup>1</sup> Eginhard. in Vita Caroli Magni.

seu quadraplis (quadruplicis) : nam et per universos areus ejusdem Apostolorum principis Basilice de palliis Tyriis atque fundatis fecit vela numero sexaginta quinque ». Haeres hie tu mecum, ut video, lector, in salebris, dum obsecurarum vocum interpretationem exoptas, quid rugae, quid stauracium, quadraplum quid atque fundatum sibi ve- lint, quae et frequenter cum aliis hujusmodi vocibus continget apud Anastasium reperiri, qui ut vulgo tunc notissima, eadem absque interpretatione reliquit : ut nisi aliquem ejusdem temporis glossarium resurgere contingat, desperata res sit, ut singularium vocum peregrinarum, in latinam linguam tunc acceptarum, interpretationem asse- qui valeas. Pergit vero Anastasius :

45. « Denique ejus beatitudo fecit et pharum majorem in eadem beati Petri Ecclesia in typum crucis, qui pendet ante presbyterium, habens can- delas mille trecentas septuaginta, et constituit, ut qualer in anno ipsum pharum accendatur, id est, in Natali Domini, in Paseha, in Natali Apostolorum, et in Natali Pontificis. Item praefatus sanctissimus Pontifex fecit in ea Basilica calicem fundatum argenteum, pensantem libras quinque, quem et posuit in presbyterio pro eo, qui perierat temporibus domini Pauli papae. Nam et in Ecclesia beati Andreæ Apostoli sita juxta eamdem beati Petri Apostoli Ecclesiam ciborum (cibotium) novum ex argento purissimo ipse ter beatissimus Pontifex fecit, quod pensat libras centum triginta quinque ». Et inferius rursum de his quæ spectant ad eamdem Basilicam, de ipsis ornato sumptuoso :

« Hie vero egregius sacerdos ob nimium amo- rem beati Petri Apostoli, totam ejus Confessionem ex auro purissimo in laminis cum diversis historiis comple ornavit, pondera trecentarum librarum po- nens, et in postem superiorem ejusdem sacrae Con- fessionis auri mundissimi librarum tredecim, pari modo et in liminare inferius ejusdem Confessionis aurimundissimi librarum viginti quinque. Adspec- tum vero allaris super eamdem Confessionem, atque dextera laevaque parte juxta gradus jam dictæ Confessionis, addens in eis argenti libras centum triginta sex, cariosum renovavit, ejusque historias ex auro purissimo librarum centum et octo nitidis- sime decoravit. Simulque et canthara in eadem Ecclesia dicti Apostoli numero decem renovavit, addens in eis argenti libras centum.

46. « Ante januas vero argenteas fecit canistros argenteos pensantes libras triginta sex, simili modo et in turre canistros argenteos duodecim pensan- tes libras quadraginta quinque. In eadem quippe B. Petri Ecclesia per diversas coronas fecit delphi- nos ex argento librarum centum ». Et paulo post : « Et in Ecclesia beati Petri per diversa oratoria canistra argentea numero duodecim simul libra- rum quadraginta, et rugas in presbyterio a parte virorum et mulierum ex argento purissimo quin- quaginta, librarum centum triginta, necnon alias rugas in caput presbyterii ante Confessionem ex

argento, pensantes simul libras centum tres ». Et inferius : « Item fecit patenam et calicem in Basili- ca beati Petri Apostoli in quotidianis ministeriis ex auro purissimo, pensantes simul libras viginti quatuor ». Et paulo post : « In altari majori Ecclesiae beati Petri Apostoli fecit ex auro purissimo di- versas historias ponderis librarum quingeniarum nonaginta duarum. Et intus in Confessione ima- ginem in modum Evangeliorum ex auro obrizo librarum viginti : simul et cancellos ante eamdem Confessionem ex auro purissimo, pensantes libras quinquaginta sex. Quae sunt simul, quæ sunt in altari iutus, et in sacra, ultro citroque Confessione, et in ambone Evangeliorum, et in postibus inferioribus et superioribus atque cancellis simul et corpore aurii obrizi librae mille trecentæ viginti octo ».

47. Quod rursum ad ejusdem Basilice ornatum spectat, haec postea apud eumdem Anastasium leguntur : « Fecit etiam iter beatus ille imagines sex laminis argenteis invesitas, ex quibus tres posuit super rugas, que sunt in introitu Ecclesiae presby- terii, ubi et regularem ex argento investito fecit, et posuit super eamdem regularem praefatas tres imagines in medio existentes, unam quidem pi- etatum habentem vultum Salvatoris, et in utriusque lateribus imagines habentes depictas, unam B. Mi- chaelis et aliam beati Gabrielis angelorum : in superiore vero ruga, id est, in medio presbyterii faciens alium regularem ex argento invesitum, constituit super eum tres reliquas imagines, in medio quidem habentes præfiguratum vultum sanctæ Dei Genitricis, et ex duobus lateribus unam habentem vulum depictum S. Andreæ Apostoli, et aliam S. Joannis Evangelistæ : easdem vero sex imagines (ut dictum est) ex laminis argenteis miræ pulchritudinis factas deauravit, in quibus ima- ginibus posuit libras centum ». Et inferius : « Idem præstantissimus antistes fecit in Ecclesia beati Petri Apostoli ad corpus ejus imagines, quæ dudum ex argento factæ erant, Salvatoris, sanctæ Dei Genitricis, sanctorum Apostolorum Petri et Pauli atque Andreæ de auro purissimo miræ ma- gnitudinis, pensantes libras duecentas : ipse vero præcipiens Pontifex fecit imaginem ex laminis argenteis deauratis, habentem effigiem Salvatoris Domini nostri Jesu Christi, quæ posita est super introitum Basilice beati Petri Apostoli, ubi portæ argenteæ existunt, quæ pensant libras quinqua- ginta ».

48. In his vero, quæ ad ædificium spectant ejusdem Basilice, haec apud eumdem Anastasium habentur : « Pro honore beali Petri Apostolorum principis et ornatu ipsius sancti patriarchii instruxit et ædificavit ibidem noviter turrim miræ pulchritudinis decoram, cohærentem porticui quæ ascendit ad balneum, ubi et deambulatorium se- li- et solarium suum cum cancellis aereis miræ pul- chritudinis construxit. Sed et porticum ipsam, quæ vetustate diruta erat, utiliter renovavit, et pic-

turis atque marmoribus eamdem turrem, et cuncta aedificia, ab eo noviter reparata, decoravit ». Et post nonnulla: « Cameram vero B. Petri Apostolorum principis in omnibus destructam atque dirutam restituit, atque pinxit diversis coloribus ». Rursum de his quae spectant ad eamdem Basilicam: « Duos ejus gradus majores, qui ascendunt in atrium simul, et qui ex duabus porticibus ascendunt in eamdem Ecclesiam, ex utriusque lateribus renovavit; sed et cunctum pavimentum ipsius Ecclesiae, ubi marmora confacta erant, exhibitis aliis pulcherrimis ac melioribus marmoribus renovavit. Porticus vero ex utriusque lateribus suprascriptae Ecclesiae, in quibus confractae trabes inerant, et tectum, quod ruinæ vicinum positum erat, positis novis trabibus, et ipsum tectum noviter faciens, restauravit ». Subjicit vero de Forma Sabbatina, quæ eidem Ecclesiae affluenter aquas ministrabat, ab eo restaurata his verbis:

19. « At vero per evoluta viginti annorum spatia, Forma quæ vocatur Sabbatina nimis confacta existens, per quam decurrebat aqua per centenarium in atrium beati Petri Apostoli, simul et in balneum juxta eamdem Ecclesiam situm, ubi fratres nostri, Christi pauperes, qui ad accipendam eleemosynam in Paschalem festivitatem annue occurrere et lavari solebant, et ex qua diversæ molæ macinabant, aqua ex eadem Forma, neque in atrium beati Petri, neque intra civitatem decurrebat, dum ipsa Forma (quod dictum est) diruta extitit ob arcus ipsius Formæ magna altitudine constructos, a fundamentis demolitos atque destructos, ut nulla spes videretur esse eosdem arcus, vel fractam Formam reædificandi atque restaurandi: ipse beatissimus ac sanctissimus præsul aggregans multitudinem populi, per semetipsum ad faciendam et restaurandam eamdem Formam præparavit, et tantam curam et sollicitudinem in ejusdem Formæ fabricam exhibuit, quod eam noviter a fundamento renovavit atque restauravit. Et confessim per centenarium ex eadem Forma in atrium sancti Petri aqua decurrebat. Et cum per nimium neglectum et incuriam plumib[us] ipsius centenarii furtim jam plurima ex parte exinde sublatum fuisset, et reliquum plumbum conquassatum fuisset: protinus idem Pastor, addita multitudine plumbi, ipsum centenarium noviter fecit, et Deo auspice, aqua in atrium B. Petri simul et in præfatum balneum, verum etiam et intra civitatem, id est, in coenaculum, ubi molendina macinabant, sicut antiquitus abundanter decurrere fecit ». Et inferius: « Idem vere sanctissimus præsul portas aeras majores miræ magnitudinis decoratas studiose a civitate Perusina eas deducens, in Basilicam B. Petri Apostoli ad turrem compte erexit ».

Rursum quod pertinet ad restorationem ejusdem Basilicæ haec ibidem: « Simili modo, et in famosissima totoque orbe terrarum præclara et veneranda Basilica beati Petri Apostolorum principis per oltana tempora vetustissimas trabes, quæ ibi-

dem existebant, cernens idem præcipuus Pontifex, mittens Januarium vestiarium secum, cognoscens eam idoneam personam, cum multitudine populi mutavit ibidem trabes numero quatuordecim, atque tectum ejusdem Basilicæ sancti Petri et protinus noviter restauravit ». Et inferius de via, quæ ducebat ab Urbe ad Basilicam eamdem, haec habet:

20. « Illic item presagus (præfatus) vir considerans plurimi populi salutem, super ripam fluminis porticum, quæ dicit ad beatum Petrum Apostolum arcam et angustum existente, per quam viam transeuntes, ad eundem beatum Petrum Apostolorum principem perveniebant: plusquam duodecim mille lufos in littore alvei fluminis in fundamentis ponens, a solo usque ad tectum miræ magnitudinis porticum, usque ad gradus beati Petri restauravit ». Et de relictis bonis eidem Basilicæ in usum pauperum, haec idem auctor habet:

« Iujus temporibus defunctus Leoninus consul et dux, postmodum vero monachus, ob veniam suorum delictorum reliquit tres uncias massæ Aricianæ (Aricinæ), qua ex hereditate parentum suorum fruebatur, sitæ longe ab hac Romana Urbe misliario decimo sexto via Ardeatina, in qua et Ecclesia B. Edistii esse dignoscitur: quam ipse beatissimus papa construens, fabricis decoravit, amplificavitque ad easdem tres uncias supradictæ massæ Aricianæ alias tres uncias a Petro comite, atque Agnete relicta Agathonis seriniarii, et Theodoræ relictae quondam Dominici præfectorij addidit: fines enim ex omni parte conquisivit, et data digna compensatione, nemini vim inferens, sed magis (ut condeceret patri) cuncta secus eundem locum emit prædia, et Domum cultam beato Petro eundem locum jure perpetuo statuit permanendum. Quam et Domum cultam sancti Edistii vocant usque in hodiernum. Pariter et massa, quæ vocatur Aeuclisia (Anisiana), quæ juxta eamdem Domum cultam esse videtur, ab eodem Leonino beato Petro concessa est ». Obtulit et villam beato Petro, quæ Capracorum dicebatur, de qua inferius.

21. Quod vero spectat ad cultum divinum in psalmodia in eadem Basilica exhibendum, haec apud eundem Anastasium habentur: « Hie beatissimus præsul divina inspiratione ignitus, constituit in monasterio S. Stephani cata Barbaram patriciam, sito ad beatum Petrum Apostolum, congregationem monachorum, ubi et abbatem idoneam personam ordinans, statuit, ut sedulas laudes in Ecclesia S. Petri persolvant, sicut et cetera tria monasteria, ut duo monachi pro latere Deo nostro canant laudes: quoniam ipsum monasterium in magna desidia, incuria, et negligencia positum erat, et nullum divinum officium cultui ibidem exhibebatur ». Haec sunt quæ spectant ad Basilicam S. Petri diversis in locis in Hadriano apud Anastasium recitata, suo ordine collocata: quod et fecimus in iis quæ pertinent ad alias Urbis Ecclesiæ, de quibus singulis ex eodem auctore dicendum est,

atque in primis de Basilica S. Pauli. At enim : « Idem beatissimus Pontifex in Ecclesia B. Pauli Apostoli vestivit corpus ejus doctoris mundi (Confessionem scilicet, ubi corpus est ipsius) ex laminis argenteis pensantibus libras triginta , quas addidit idem sanctissimus p̄̄esul, quoniam argentum illud, quod primitus erat, nimis confractum existebat. Item fecit in eadem Basilica beati Pauli cortinam maiorem juxta ianuas principales ex palliis quadraplis (quadruplis) ad instar cortinæ, quam in Ecclesia beati Petri fecit. Sed et aliam cortinam maiorem fecit ex palliis quadraplis, quæ pendet sub arcu majori sub eodem altari. Etiam per diversos arcus ejusdem Ecclesiæ ex palliis quadraplis fecit vela numero septuaginta. Atrium vero B. Pauli Ecclesiæ , quod antea nimis desolatum existebat (nam ibi boves et caballi ingrediebantur ad pabulandum propter herbam, quæ ibidem nasebatur) inspiratus a Deo idem Suminus Pontifex ex marmoribus pulchris sternere fecit ». Et rursus inferius de ejusdem Basilicæ alijs ornamentis :

22. « Idem sanctissimus Pontifex fecit in Basilica beati Pauli Apostoli ex laminis argenti imagines tres, quæ ponuntur super rugas in introitu presbyterii, unam quidem habentem depictum vulnus Salvatoris Domini nostri Jesu Christi, et in utroque latere imagines depictas, habentes effigies angelorum viginti quatuor ». Et inferius : « In Ecclesia beati Pauli, ad instar eorum, quæ fecerat in Basilica S. Petri, fecit delphinos argenteos cum coronis , pensantes libras centum octuaginta ». Et post aliqua :

« Fecit et in Confessione beati Panli Apostoli ex auro purissimo imaginem in modum Evangeliorum (seu Evangelistarum) infus super ejusdem sanctissimum corpus, pensantem libras viginti ». Et post multa : « Hic idem eximius papa altare beati Pauli Apostoli una cum ejusdem Confessionis foribus auro mundo sacras designans historias, mirifice ornavit, pensantes libras centum triginta ». Et paulo post : « Hic ipse almificus p̄̄esul fecit in Basilica B. Pauli Apostoli patenam ex auro obrizo et calicem, pensantes simul libras viginti ».

De his vero, quæ spectant ad restorationem ejusdem Basilicæ, idem auctor ex ordine, quo sunt facta, scribens, hæc superius habet : « Restauravit Basilicam S. Pauli : cernens ibidem existentes trabes e priscis temporibus jam ruituras, fecit, sicut superius dictum est in Basilica principis Apostolorum, cuncta disponens per Januarium vestiarium suum cum multitudine populi. Sed et ipse ter beatissimus pastor per semetipsum frequentans, totam noviter restauravit, in qua et mutavit ibidem trabes majores triginta quinque, et per circuitum eamdem Basilicam renovavit ». Et post plurima : « Porticum vero , quæ dicit ad B. Apostolum a porta una cum Ecclesia S. Eupli usque ad predictam Ecclesiam S. Pauli, de novo restauravit ».

23. De his vero quæ spectant ad Basilicam Lateranensem, idem auctor hæc habet : « In Basili-

ca Salvatoris Domini nostri Jesu Christi juxta Lateranas similiter fecit vestem de stauracio, sed et cortinam maiorem ex palliis quadraplis (quadruplis); sed et per diversos arcus vela serica, numero quinquaginta septem, omnia ex palliis quadraplis, seu stauracini ». Et post multa ista subjicit : « In Ecclesia Salvatoris quæ vocatur Constantiniana fecit ante vestibulum altaris aureas tres gabathas, pensantes libras decem ». Et inferius : « In Ecclesia Constantiniana fecit delphinos argenteos librarium triginta ». Et rursum, quod ad restaurationem pertinet : « Item et Basilicam Salvatoris, quæ Constantiniana vocatur juxta Lateranense patriarchium in ruinis positam, noviter restauravit, et quadriporticum et fornices, sicut in Ecclesiis beatorum Apostolorum Petri et Pauli, renovavit, in qua trabes maiores mutavit quindecim ».

Rursum de his quæ spectant ad ejusdem Ecclesiæ sacrarum laudum functionem, hæc ibidem habentur : « Hic idem beatissimus et Apostolicus vir cum diligentissima inquisitione reperisset monasterium Honorii papæ in nimia desolatione propter quorundam negligentiam, divina inspiratione motus, noviter ædificavit atque dilavit, et abbatem cum cæteris monachis regulariter ibidem vitam degentes, ordinavit, et constituit eos, ut in Basilica Salvatoris, quæ Constantiniana dicta est, juxta Lateranense patriarchium posita, officium celebrarent, hoc est, matutinam horam, Primam, Tertiam, Sextam, sed et Nonam etiam et vespertinam ; et quidem ab uno choro monachi monasterii S. Pancratii ibidem posito, ab altero monachi monasterii sanctorum Andreæ et Bartholomæi , Honorii papæ, quatenus piis laudibus pariter psallentes hymniferis chorus læti resonarent cantus, reddentes Domino gloriosos melos, persæpius memorantes venerandi Pontificis nomen , scilicet in herula memoriale ejus pangentes carminibus ». Hæc de his ibi.

24. Sed et de restituta ab eodem Pontifice aqua Claudia in Basilicam Lateranensem hæc habet : « Dum vero Forma, quæ Claudia vocatur, per annorum spatia demolita esse videretur, unde in balneis Lateranensibus de ipsa aqua lavari solebat, et in baptisterio Salvatoris Domini nostri Jesu Christi, et in plures Ecclesias in die sancto Paschæ currere solebat, et cum modica aqua de predicta Forma decurreret : proficisciens precipuus et coangelicus p̄̄esul aggregans multitudinem populi a partibus Campaniæ, per semetipsum ad fabricandam et restaurandam eamdem Formam totis viribus properavit, et tantam euram et sollicitudinem in ejus Formæ fabrica exhibuit, et eam noviter revocavit et restauravit : atque confessim ex eadem Forma aquam in præfata balnea, et intus civitatem, siue antiquitus, abundantiter decurrere fecit ». Hæc ibi.

Et post aliqua de Forma aquæ Virginis habet ista : « Hic idem alnissimus p̄̄esul divina inspiratione repletus, et misericordia motus, Formam, quæ Virginis appellatur, quæ per annorum spatia

demolita atque ruinis plena existebat, perspiciens hic benignissimus et pius pastor, noviter eam restauravit, quæ in tantam abundantiam aquæ profluxit, ut totam pene civitatem satiaret ». Et de alia Forma Jovia nuncupata, hæc ait : « Item ipse sanctissimus præsul Formam, quæ Jovia vocatur, quæ evoluta viginti annorum spatia confracta jacebat, a fundamento restaurare fecit ».

25. Jam vero quæ in Basilica Dei Genitricis, Ad præsepe dicta, apud eumdem Anastasium leguntur facta ab Hadriano Pontifice, hic reddamus. In primis habet hæc de vestibus altaris, velis atque cortinis : « In Ecclesia sanctæ Dei Genitricis Ad præsepe fecit vestes duas super altare majus, unam ex auro purissimo, atque habentem Assumptionem sanctæ Dei Genitricis, et aliam de stauracio ornatam in circuitu blattis. Fecit et in ea Ecclesia cortinas majores ex palliis quadruplicis (quadruplicis) ad similitudinem earum, quas fecit in Ecclesia S. Petri, sed et per diversos arcus ejusdem Basilicæ vela fecit ex palliis quadruplicis, numero quadraginta duo ». Et post multa : « In Basilica sanctæ Dei Genitricis, quæ est Ad præsepe, in altare ipsius præsepij fecit laminas ex auro purissimo historijs depictas, pensantes libras centum quinque. Et intra supra Confessionem tabulas duas ex argento pensantes libras quindecim ». Et paulo post : « In Basilica beatæ Dei Genitricis Ad præsepe fecit delphinos argenteos per diversas coronas, pensantes libras viginti quatuor ».

Sed et de his, quæ spectant ad sacrarum laudum functionem a monachis exhibendam, idem hæc habet : « Monasterium sanctorum Hadriani atque Laurentii, quod in ruinis marcescebat, et a priscis temporibus tanquam erecta (septa crypta) a sacerdibus inhabitabatur : ipse vero egregius antistes a novo restauravit, et prædictorum sanctorum, videlicet Hadriani atque Laurentii nomine ædificavit (dedicavit), in quo multa donavit tam in auro quam in argento, seu agris atque familiis, diversisque peculiis et monilibus : et constituit in Basilica Dei Genitricis Mariæ Ad præsepe, sicut in cæteris monasteriis ibidem constitutis, Deo diu noctuque canentes solitas dicere laudes ». Sed et de reparatione ejusdem Ecclesie hæc inferius : « In Basilica sanctæ Dei Genitricis Ad præsepe, posuit trabes maiores, numero viginti ».

26. In Basilica autem S. Laurentii hæc ab eodem Hadriano Pontifice facta esse narrantur : « Fecit in Basilica B. Laurentii martyris, foris muros scilicet, ubi sanctum corpus ejus requiescit, vestem de stauracio; et in ejus Ecclesia majori altari similiter fecit vestem. Sed et tectum ejusdem beati Laurentii Basilicæ, quæ jam distecta erat, et trabes ejus confractæ, noviter fecit ». Et post multa rursum hæc habet : « Fecit idem præfatus antistes in Confessione B. Laurentii martyris foris murum, imaginem ex auro purissimo in modum Evangeliorum, ejusdem B. Laurentii effigiem continentem ». Ac rursus inferius :

« Similiter et in Ecclesia beati Laurentii martyris foris murum fecit ex auro purissimo patenam cum calice, pensantem simul libras quindecim ». Item de portico sancti Laurentii : « Porticum, quæ ducit ad sanctum Laurentium foris murum, a porta usque ad eamdem Basilicam de novo construxit, et ipsam Basilicam S. Laurentii restauravit : imo et Ecclesiam sancti Stephani juxta eam sitam, ubi corpus sancti Leonis episcopi et confessoris requiescit, similiter undique renovavit una cum cœmeterio beate Cyriacæ et ascensum ejus. Insuper in dicta Ecclesia fecit vela ex palliis sericis viginti, linea viginti ».

27. Quæ autem fecerit in Basilica S. Mariæ Transtiberim, titulo Callisti, hæc ab eodem auctore notantur diversis in locis, atque primum : « Itemque titulum sanctæ Dei Genitricis semperque Virginis Mariæ, quæ vocatur Callisti Transtiberim, a novo in integrum ex omni parte restauravit ». Et inferius : « Feeit in ea canistra quinque argentea, pensantia simul libras quindecim ». Et de Ecclesia S. Mariæ Ad martyres habet ista : « In Basilica Dei Genitricis Ad martyres simili modo fecit vela de palliis sericis, numero viginti, et linea viginti ». Et inferius : « In Ecclesia S. Mariæ, quæ Ad martyres vocatur, renovavit ciborium de argento, quod ex vetustate consumptum erat, et addidit in eo argenti libras sexaginta, et in pristinum erexit eum noviter locum. Sed et arcum in eadem venerabili Ecclesia fecit de argento, pensantem libras duodecim ».

De Ecclesia autem S. Marci hæc in eam ab eodem Pontifice collata idem auctor affirmat : « Ecclesie vero beati Marci, cuius tectum erat jam vetustate putridum, vicinum ruinæ, depositis vetustissimis trabibus, et aliis impositis noviter, ipsum tectum atque porticus in circuitu fecit, eamque Ecclesiam restauravit. Arcus vero tres, qui vetustissimi erant, addens ipse Pontifex beatissimus libras argenti duodecim, noviter fecit. Et in eadem Ecclesia super altare majus fecit vestem de stauracio ex palliis quadruplicis. Fecit et in ea vela numero viginti septem, similiter et cortinam ex iisdem palliis quadruplicis sub trabe fecit ». Et inferius : « In prædicta Basilica S. Marci fecit alios arcus argenteos, numero sex, pensantes simul libras quinquaginta quinque, pariter et calices ministeriales a Catholica procedentes ex auro purissimo restauravit, pensantes libras novem et semiis ». Et in fine : « In titulo beati Marci nutritoris sui fecit patenam et calicem ex auro obrizo, pensantes pariter libras undecim, et calices argenteos quatuor, pensantes libras duodecim ».

28. De Basilica vero SS. Apostolorum ista habet : « Basilica quoque Apostolorum in Via lata porticus in circuitu renovavit, quas antea iniavi erat ejus predecessor dominus Paulus papa, et non compleverat omnia, Deo propitio, reparavit præfatus Pontifex simul et tectum. Sed et apsidem ipsius Ecclesiae cernens jam ruinæ vicinam existere, can-

canis ferreis eamdem apsidem confirmare fecit, et ita eam renovavit. Fecit et vestem in eadem Ecclesia super altare maius de stauracio ». Et inferius : « Fecit in eadem Basilica vela de palliis sericis numero viginti, et linea viginti ». Et post ista :

« Item ter beatissimus praesul in Basilica magiore, quae appellatur sanctae Dei Genitricis, quae est juxta Basilicam B. Laurentii martyris et levitae, ubi corpus ejus requiescit foris muros hujus civitatis Romanæ, obtulit vela de stauracio, sive quadruplici numero quindecim ».

De Basilica vero S. Pancratii haec idem : « Simili modo fecit et in Basilica beati Pancratii martyris, quae est foris muros hujus civitatis Romanæ, vela de stauracio seu Tyria numero triginta octo ». Et inferius : « Item in Basilica S. Pancratii monasterium, una cum monasterio S. Victoris, ibidem situm reparavit.

« In Basilica autem beati Valentini simili modo fecit vestem de stauracio ». Et inferius : « Tectum vero Basilice beati Laurentii ad Taurellum, dum nimis vetustissimum esset, omnes ejus trabes novas ibidem posuit, eumque restauravit, simulque et vestem de quadraplo super altare ejusdem Ecclesiae fecit et obtulit.

29. « Basilicam vero beati Felicis positam in Pincii, quae in ruina erat, et tectum ejus discooperatum existebat, facto codem tecto, noviter ipsam Ecclesiam reparavit, et vestem super altare ejus de quadraplis faciens obtulit.

« Renovavit etiam et tectum Basilice S. Laurentii, quam Damasi dicunt, ubi et vestem super altare ejus de stauracio obtulit; simulque et aliam vestem post altare fecit, ubi requiescit corpus S. Damasi ». Et paulo post :

« Coemeterium item Petri et Marcellini via Lavicana juxta Basilicam beatae Helenæ renovavit, et tectum ejus, id est, S. Tiburtii et corundem SS. Petri et Marcellini noviter fecit, quoniam nullus erat jam descensus ad ipsa sancta corpora.

« Item in Basilica B. Hadriani fecit cerostrata argentea, pensantia libras duodecim, simul et laudanas duas ex argento, pensantes libras octo, quas posuit super rugas presbyterii, ubi arcus de argento existit. Fecit etiam et vestes duas de stauracio, unam super altare B. Hadriani, et aliam super altare S. Martinæ, sed et vela de palliis quadraplis numero quindecim in eadem Ecclesia fecit ». Et post multa :

30. « Idem egregius praesul Basilicam B. Hadriani martyris, et SS. Cosmæ et Damiani, quas de novo restauravit, diaconias constituit, in quibus et multa bona fecit per suam semipaternam memoriam, concedens eis agros, vineas, oliveta, servos et ancillas, et peculia diversa atque res mobiles, ut de redditibus eorum crebris exactionibus diaconiæ proficientes, pauperes Christi reficerent. In præfata vero diaconia S. Hadriani obtulit ex argento canistra duodecim, amam unam, scyphum unum, patenam unam, calicem unam, anulam

offertoriam unam, pensantes omnes libras sexaginta septem ». Et de iisdem diaconiis inferius : « Item et in Basilica beatorum Cosmæ et Damiani similiter obtulit calicem et patenam de auro obrizo, pensantes omnes libras undecim. Verum et in diaconia sancti Hadriani patenam et calicem ex auro mundo obtulit, pensantes item libras undecim. Fecit et in diaconia S. Hadriani arcus argenteos duos, pensantes libras viginti ». Et de eadem : « Eidem altari vestem de stauracio fecit, simul et cortinam ante Basilicam ex palliis de quadraplis, neconon vela ex eisdem quadraplis numero viginti, linea viginti.

« Et in Ecclesia sancti Martini fecit arcus argenteos tres, pensantes libras triginta.

« Tectum vero tituli beati Clementis, quod jam casurum erat, positum in regione tertia restauravit. Neconon in Basilicam beati Silvestri confessoris atque Pontificis sitam in Orpheia, quae in ruinis posita erat, et tectum ejus dirutum erat, facto tecto, ipsam Ecclesiam renovavit ». Et post aliqua :

« Tectum denique Basilice beati Januarii martyris ad portam beati Laurentii martyris et levitae restauravit.

« Item in coemeterio beatorum martyrum Abdon et Sennen foris portam Portuensem, vestem de stauracio fecit atque obtulit ». Et inferius : « Simulque etiam Basilicam sanctorum Abdon et Sennen, atque beatæ Candidæ, unâ cum ceteris sanctorum coemeteriis pariter renovavit.

31. « Tectum denique tituli S. Priscæ, quod jam casurum erat, in ruinis positum noviter fecit, ubi et vestem de stauracio fecit ». Et inferius :

« In Basilica S. Stephani protomartyris in Cœlio monte, fecit vela de stauracio, seu Tyria numero viginti ». Et post multa de eadem Basilica haec addit : « Pariter et in Basilica beati primi martyris Stephani, sita in Cœlio monte, quae per olimana tempora marcuerat, maximas deferens trabes, tam vastam molem Basilice portien mirifice intrinsecus et extrinsecus renovavit ». Et rursus :

« In Basilica beati Apollinaris simili modo vela de octaplo numero decem, et linea decem fecit ». Et inferius :

« Item in Basilica beati Valentini martyris, quae sita est foris muros hujus civitatis Romanæ similiter fecit vela de stauracio, seu octaplo numero viginti duo, et linea viginti duo ». Et inferius :

« Titulum beatæ Susannæ martyris inter duas domos sitam juxta S. Quiriacum, cuius tectum jam casurum erat, et in ruinis positum noviter restauravit. Similiter et titulum beati Quiriaci martyris, et Ecclesiam sancti Laurentii ad Formosam pariter restauravit ». Sed et de alia Ecclesia S. Laurentii in Palatino sita, et de monasterio ibi positio ita subjicit :

« Item hic almisiens praesul monasterium sancti Laurentii, quod in Palatinis desertis reperit, no-

viter restaurans et ditans, coniunctus cum alio monasterio juxta ipsum posito S. Stephani, quod cognominatur Baganda, et ordinavit monachos, et constituit, ut in titulo beati Marci Pontificis et confessoris officio fungerentur, id est, Matutina hora, Prima, Tertia, Sexta atque Nona, et Vespertina psallerent pro requie animæ suæ ». Et inferius:

32. « Diaconiam vero sanctæ Dei Genitricis semperque Virginis Mariæ Scholæ Græcæ, quæ appellatur Cosmedin, dudum brevem in ædificiis existentem, sub ruinis positam, restauravit: nam maximum monumentum de Tiburtino tufo super eam dependens super annem Circi, plurimam multitudinem populi congregans, multamque lignorum struem incendens, demolitus est: simulque collectionem ruderum mundans, a fundamentis ædificans prædictam Ecclesiam ulro citroque spaciose dilatans, tresque apses in ea constituens præcipius antistes, vere Cosmedin amplissimam a novo restauravit.

« Pariterque restituit titulum beati Laurentii martyris, quem Lucinæ dicunt, seu Ecclesiam beati Martini sitam juxta titulum beati Silvestri.

« Simili modo Ecclesiam beati Agapiti martyris foris muros, juxta S. Laurentium positam, reparavit: quæ a priscis temporibus marcescens, in ruinis defecera: eam vero una cum porticibus idem antistes, fervens amore Dei, e novo miro decole restituit.

« Item titulum S. Sixti renovavit. Itemque titulum S. Eusebii undique renovavit ». Et paulo post:

« Verum etiam Basilicam Hierusalem, quæ in Sessoriano sita est, in qua trabes olitanae (id est, veteres) maruerant, mutans eas, in omnibus restauravit.

33. « Pariter templum Apostoli, quod appellatur Eudoxiæ, ad Vincula totum restauravit ». Et inferius: « In titulo Eudoxiæ, videlicet beati Petri Apostoli ad Vincula fecit canistra duodecim, pensantia simul libras triginta sex, et delphinos per diversas coronas triginta quinque, pensantes libras octo.

« Item Basilicam sanctorum Ruffinæ et Secundæ, quæ ponitur in episcopio Silvæ Candidæ, quæ olitana vetustate maruerat. una cum baptisterio, summo studio renovavit.

« Sieut et Basilicam beati Petri, sitam in Via Appia in silice ultra S. Thomam Apostolum, non procul a trigesimo, desolatione et ruinis præventam, de novo una cum baptisterio restauravit mole magnitudinis decoram ». Et post nonnulla:

« Ecclesiam beati Joannis Evangelistæ, sitam juxta portam Latinam, ruinis præventam, in omnibus renovavit.

« Verum etiam Ecclesiam Apostolorum, foris portam Appiam millario tertio, in loco qui appellatur Catacumbas, ubi corpus beati Sebastiani mar-

tyris cum aliis requiescit, a ruinis præventam restauravit.

« Item et titulum Pudentis, id est, Ecclesiam sanctæ Pudentianæ in ruinis positam, noviter reparavit.

« Sed et Basilicam S. Theodori, sítam intra Venum juxta Domum cultam Sulpicianam restauravit.

« Item Basilicam S. Petri positam in Massa Merulana, per vetusta tempora dirutam, renovavit ». Et inferius:

« Hic fecit in Basilica beatæ Petronillæ ad beatum Petrum Apostolum areus argenteos sex, pensantes libras quinquaginta.

« Titulum vero sanctæ Praxedis ex parte ruentem restauravit.

34. « Basilicam S. Eugenie tam intus quam foris de novo restauravit ». De qua Basilicea rursus inferius hæc habet: « Porro in Basilica S. Eugeniiæ, ut jngiter illic Domino cantarent laudes, videlicet hora Prima, Tertia, Sexta, Nona, Vespertina et Matutina. In qua et plura dona obtulit, id est, agros, vineas, domos, servos et ancillas cum diversis peculiis et cæteris mobilibus rebus.

« Simili modo Basilicam S. Gordiani atque Epimachi, et cœmeterium ejusdem Ecclesiae renovavit.

« Cœmeterium sanctorum Simplicii et Serviliæ, atque Quarti et Quinti martyrum, et beatæ Sophiæ una cum cœmeterio sancti Tertullini foris portam Latinam renovavit.

« Neenon et Ecclesiam beatorum Tiburtii et Valeriani atque Maximi renovavit.

« Item Basilicam S. Zenonis una cum cœmeterio sanctorum Urbani Pontificis, Felicissimi et Agapiti atque Januarii et Cyrini martyrum foris portam Appiam uno cohærentes loco, renovavit.

« Simili modo titulum S. Marcelli, in Via lata situm, de novo restauravit.

« Basilicam cœmeterii sanctorum martyrum Hermetis, Proti et Hyacinthi, atque Basilicam miræ magnitudinis renovavit.

« Cœmeterium sanctæ Felicitatis via Salaria, una cum Ecclesiis S. Silvani martyris, et S. Bonifacii confessoris atque Pontificis, uno hærentes solo, mira magnitudine restauravit.

35. « Basilicam S. Saturnini, in prædicta via Salaria positam, una cum cœmeterio sanctorum Chrysanti et Dariæ renovavit.

« Atque cœmeterium sanctæ Hilariæ innovavit.

« Item et cœmeterium Jordanorum, videlicet sanctorum Alexandri et Vitalis et Martialis, et sanctorum septem virginum a novo restauravit.

« Cœmeterium S. Silvestri confessoris atque Pontificis, aliorumque multorum sanctorum foris portam Portuensem in ruinis positum restauravit.

« Similiter et sanctorum Abdon et Sennen una cum cæteris sanctorum cœmeteriis pariter renovavit.

« Ecclesiam beatæ Agnetis, seu Basileam beatæ Emerentianæ, pariter et Ecclesiam S. Nicomedis, sitas foras portam Numentanam, simul et cœmeterium beati Hippolyti martyris similiter restauravit ». Et inferius : « Sed et sarla lecta tituli sanctorum Quatuor Coronatorum, quæ in ruinis existebant, trabes plures imponens, restauravit ». Pariter inferius : « Ecclesiam sancte Sabinæ, sitæ in territorio Ferentillo, de novo restauravit ». Et puto post : « Item diaconiam sanctorum Sergii et Bacchi restauravit ». Sed quæ subjicit de Ecclesia sancti Anastasii, videamus.

36. « Basilicam vero beati Anastasii Christi martyris una cum baptisterio et egumenarchio cœterisque ædificiis, per incuriam monachorum in nocturno silentio exustam, a fundamento usque sumnum, cum audivit misericordissimus præsus : valde diluculo velociter currens, reperit eam adhuc ardente, et solummodo arcem ejusdem martyris erutam in media eunte jacentem. Cetera vero saecularia seu ministeria, tam in Ecclesia quam in vestiario, ab ipso igne conflagrata sunt. Qui nimio merore affectus, una cum sanctorum ministris certatim extingnere ignem curavit. Atque confessi viribus totis a flammæ ruinis erutam de novo in meliorem statum prædictam Ecclesiam cum vestiario et egumenarchio et cœteris ædificiis renovavit atque restauravit. Et amplius in ea Ecclesia sanctuaria atque ministeria et ornamenta majora, quam quæ ibi combusta sunt, contulit ».

De diaconiis autem ab ipso restitutis hæc ibidein leguntur : « Restituit diaconias tres foris portam beatorum Apostolorum principis, id est, unam quidem sanctæ et gloriose semper Virginis Dei Genitricis Mariae Dominæ nostræ, quæ sita est in atrio, aliam, quæ sita est foris portam beati Petri Apostoli, in caput portici item nomine sanctæ et intemeratae Dominæ nostræ, necnon aliam diaconiam, quæ appellatur S. Sylvestri, juxta hospitale S. Gregorii. Quas suprascriptas diaconias restauravit, et dona plurima mobilia et immobilia pro remedio animæ suæ obtulit ; constituitque per unamquamque hebdomadam quintam feria cum psallentio (cantu psalmorum), ut a diaconia pauperes usque ad balneum pergerent, et ibi per dispensationem eleemosynas fieri ».

37. Quod vero spectat ad eleemosynas in pauperes erogandas, quænam harum causa idem obtrulerit Basilicæ Vaticanae, ita idem auctor docet de villis ab eo constructis, ex quibus annona pauperibus ministrari posset ; ait enim : « Hic beatissimus præsus fecit et constituit noviter Domos cultas quatuor (ita villas nominat) : unam quidem quæ vocatur Capreorum, positam in territorio Vigenzano, millario ab Urbe plus minus quinto decimo, atque primitus fundum ipsum Capreorum cum aliis pluribus fundis ei cohærentibus ex hereditaria parentum suorum successione, ejus propriis existentibus, et aliis pluribus fundis casalibus et massis, data justa compensatione a diversis perso-

nis emptis, et eidem Domui cultæ additis conjunxit. Quam videlicet Domum cultam Capreorum (Capræcorum) cum aliis massis, fundis, casalibus, vineis, olivetis, aquæmolis (seu molendinis) et omnibus ei pertinentibus statuit per privilegium Apostolicum sub magnis anathematis obligationibus, ut in usum fratrum nostrorum Christi pauperum perenniter permaneat ; et triticum et hordeum, quod annue in locis ejusdem Domus cultæ fuerit, diligenter in horrea sanctæ nostræ Ecclesiae deferantur, et sequestrata reponantur. Vinum etiam et diversa legumina, que in prædiis et locis ejusdem antefatae Domus cultæ annue nata fuerint, simili modo curiose in paracellario prænolatae sanctæ nostræ Ecclesiae deducantur et separalim reponantur. Sed ex porcis, qui annue in casalibus scipiis dictæ Domus cultæ ingandati fuerint, capita centum exinde occidunt, et in eodem paracellario reponantur. Decernens ejus ter beatitudo atque promulgans sub validissimis obligationibus, interdictionibus, ut omni die centum fratres nostri pauperes, etiamsi pture furent, congregati in Lateranensi patriarchio constituantur in porticu, quæ est juxta scaenam quæ ascendit in patriarchium, ubi et ipsi pauperes depicti sunt, et quinquaginta panes, pensantes per unumquemque libras duas, simulque et decimatas vini duas, pensantes per unamquamque decimatam libras sexaginta, et caldaria plena de pulmento : erogenturque omni die per manus unius fidelissimi paraceltarii eorumdem pauperum, accipiens unusquisque eorum portionem panis et portionem vini, id est, cuppam capientem calices duos, necnon et carnem de pulmento. Ita videlicet statuens ejus beatitudo promulgavit, una cum sacerdotali collegio, ut in nullis aliis utilitatibus fruges ex redditibus, et diversa peculia antefatae Domus cultæ erogentur aut expendantur, nisi solummodo in propriis subsidiis et quotidianis afimentis prædictorum fratrum nostrorum Christi pauperum, quibus cuncta proficiant et perenniter erogentur.

38. « Alias vero tres Domos cultas, videlicet Galeria, posita via Aurelia, millario ab Urbe plus minus decimo ad sanctam Rufinam cum fundis et casalibus, vineis, aquæmolis, seu monasterium beati Laurentii, positum in insula portus Romani, cum vineis pertinentibus, simulque et lecticariam quæ vocatur Asprula : verum etiam aliam Domum cultam, quæ vocatur Calvisianum, cum fundis et casalibus, vineis et olivetis, aquæmolis et aliis omnibus ei pertinentibus, posita via Ardeatina millariibus ab Urbe plus minus quindecim, quas videlicet tres Domos cultas, scilicet Galeriam, Calvisianam et aliam Galeriam statuit ejus beatitudo per Apostolicum privilegium sub validis anathematis obligationibus, ut in usu proprio et utilitate sanctæ nostræ Ecclesiae permaneant.

« Et inferius de Ecclesia erecta ab eodem in Capracoro villa, ista habet: Hic item sanctissimus Pontifex in Domo culta quae Capracorum appellatur, quam obtulit pro almoniis pauperum beato Petro Apostolorum principi nutritori suo, a solo fundavit Ecclesiam, simulque speciose ornavit, et in nomine ejusdem Deo factori suo dicavit, recondens in ea reliquias ex vestimentis Salvatoris Domini nostri Jesu Christi, et ejusdem Genitricis semperque Virginis Mariae, atque duodecim Apostolorum et aliorum venerabilium martyrum. In quam sanctissimam Ecclesiam cum clero senatusque Romano pergens cum mira gloria et exultatione, ac pariter ovantes, et in pauperes Christi ibidem magnam consuetam eleemosynam faciens, translatavit et introduxit in eam corpora sanctorum martyrum simulque Pontificum, videlicet corpus S. Cornelii martyris atque Pontificis, pariterque S. Innocentii confessoris atque Pontificis, quos ut patronos in Domino almus sacer Pontifex, ob amorem sanctae Sedis Apostolicae, in qua præsederunt, sicut decuit, honoravit.

39. « Ad postremum de muris Urbis collapsis et ab eo restitutis, haec ibidem leguntur: Ipse vero a Deo protectus præsul, conspiciens muros hujus civitatis Romanae per oltana tempora in ruinis positos, et per loca plures turres usque ad terram eversas: per suum solenne studium omnes civitates tam Tusciae, quam Campaniae congregans una cum populo Romano ejusque suburbanis, necnon et toto Ecclesiastico patrimonio, omnibus prædicans, dividens ex sumptibus, et dapi bus Apostolicis totam Urbem in circuitu restaurans, universa renovavit atque decoravit ». Habet superius idem auctor expensas esse in opus mille centum auri libras, secundum veriorem lectionem. In fine vero: « Hic beatissimus Pontifex omnia nisliter tam in eleemosynis pauperum quam in ornamentis Ecclesiarum perficiens, cursum consummans, atque fidem Orthodoxam solertissime servans, Dei vocatione vitam finiens, ad æternam requiem migravit. Qui fecit ordinationes duas per mensem Martii, creans presbyteros viginti quatuor, diaconos septem, episcopos per diversa loca numero centum octoginta quinque, et sepultus est in Basilica B. Petri Apostoli, septimo kalendas Januarii, Indictione quarta. Fuit autem temporibus Caroli Magni regis ». Hucusque apud Anastasium. Non prætermittendum quod ultimis Hadriani temporibus<sup>1</sup> Offa rex Anglorum, reperto corpore sancti Albani martyris cum aliis reliquiis, Romanum venit, ut probarentur ab Hadriano, privilegiumque acciperet pro monasterio ejus nomine Verolumii erigendo, utque suorum peccatorum remissionem a Christi vicario consequeretur. Quibus omnibus acceptis, est reversus in Angliam.

40. *Leo papa sanctitate insignis.* — Post obitum vero Hadriani Pontificis, neque die integra Sedes ipsa vacavit, siquidem eadem qua obiit Hadrianus

die creatus est ejus successor Leo, hujus nominis tertius. De quo haec apud cumdem Anastasium leguntur: « Leo tertius natus est Romæ ex patre Asuppo: qui a parva ætate in vestiario patriarchii enutritus et educatus, in omnemque Ecclesiasticam disciplinam spiritualiter educatus, tam in psalterio quam in sacris divinis Scripturis pollens, subdiaconus factus, in presbyterii honorem promovetus est. Erat enim vir castus, loquela facundus, et animo constans. Ubi inveniebat aliquem præcipuum monachum, vel servum Dei, in colloquis divinis et orationibus cum eo penitus vacare non cessabat. Et valde nimisque hilaris in eleemosynis existebat; verum etiam et infirmorum maximus fuit visitator, prædicens illis scripturaliter, ut eorum animas eleemosynis redimerent. Plures ejus prædicationibus annuentes, quicquid ille pro Christo commendabat, die nocturne pauperibus erogabant: fructum animarum cerebro offerens salubriter Deo. Et dum taliter in ipso vestiario præcipue docens splenderet, et ejus solertissimam curam ipse vestiarius diligeret: ab omnibus amantissime diligebatur. Quapropter divina inspiratione, una concordia, cadem voluntate, a cunctis sacerdotibus, seu proceribus et omni clero, necnon ab optimatibus et enecto populo Romano, Dei nutu, in natali die beati prolo martyris Stephani electus est, et sequenti die in natali S. Joannis Apostoli et Evangelistæ ad laudem et gloriam omnipotentis Dei in Sede Apostolica ordinatus est. Erat enim Ecclesiasticarum rerum defensor, et contrariorum fortissimus expugnator et mitissimus, et Ecclesiae benevolus et præclarus amator, tardus ad irascendum et velox ad miserandum, nulli malum pro malo reddens, neque vindictam secundum merita tribuens, sed pius ac misericors a tempore ordinationis suæ omnibus studuit justitiam facere ». Ilæc ibi.

41. Probat quidem insignem Leonis sanctitatem ipsa omnium consensu electio quam celerrime facta, utpote qui eximio virtutum fulgore mox omnium oculos in se convertit, neque filii tenebrarum (si qui essent inter eos) ausi sunt resistendo tantam ejus gloriam obscurare. Electus plane a Deo, ut magna pateretur, sicut de Paulo<sup>1</sup> dictum est ad Ananiam a Domino: « Ostendam illi quanta eum oporteat pro nomine meo pati ». Electus pariter, ut magna præstaret, qui videlicet Apostolica auctoritate imperium restitueret Occidentalibus oris, sed de his fusius suo loco dicendum. Rejecitnr vero, quæ nulla subsistit firmitate fabella de Leone, quod sui exordio Pontificatus passus carnis incendium, ob mulierem ejus manum exosculantem, eam ipse sibi præciderit, statueritque ne manus, sed pedes quis deberet osculari Pontifici: cum ante haec tempora reperiatur moris fuisse osculari pedes, manus nunquam. Multaque alia cum sint quæ repugnant, prorsus sit ut audiantur indigna

<sup>1</sup> Matt. West. monast. anno 794.

<sup>1</sup> Act. v.

quæ alii (ut dictum est superius) affigunt Leoni Magno. Ita inconstans mendacium invenitur ubique.

42. *Constantinus, repudiata legitima, uxorem ducit Theodotem, unde dissidia et persecutioes in oppugnatores.* — Quod ad res pertinet Orientalis imperii, hoc anno Constantinus sine matre regnans, juvenili temeritate, ardore libidinis, abdicata jam Maria legitima conjugi, Theodotem cubiculariam ducens, Augustamque coronans mense Augusto, nuptias in palatio S. Mennæ celebravit. Hæc Theophanes anno hoc ipso sexto (ut ait) ejusdem imperatoris. Apud quenam corrigas, dum ejusdem sextus annus signatus Indictione prima reperitur, cum tertius ipsius imperii annus ab eodem auctore superius consignetur nota Indictionis primæ, ut plane hic signandus sit (ut superius dictum est) Indictione tertia. Hæc quidem in his quæ ad temporis notam spectant, super quam omnis vertitur cardo historicæ veritatis. Porro ex hujusmodi Constantini imperatoris scelere perpetrato, magnæ sunt in Ecclesia illa inter Catholicos conflatae discordiae, turpi adulazione aliis probantibus nefarium scelus imperatoris, aliis vero quibus Ecclesiastica disciplina cordi erat, illud ipsum magnopere detestantibus et execrationibus insectantibus; cuius rei causa et persecutionem ab eodem principe passi sunt. Ut igitur rerum gestarum series omnibus legentibus pateat, primum quæ de his breviter Theophanes habet, in medium adducamus, qui ait :

« Constantinus odio habens Mariam uxorem suam, summissione matris suæ imperium appetentis, et (quod ab omnibus reprehensibilis judicatur) affectantis, coegit ut fieret monacha : quam cum inflexisset, tolondit mense Januario ; et Aprili mense movit exercitum adversus Arabes, et mense Maio bellum iniens cum uno cursu ipsorum, in loco qui dicitur Amusam, vicit, verit, et hoc insecurus est usque ad amnem. Et cum venisset Ephesum, et apud Dei locum orationes fecisset, commercium nundinarum, quod centum esset auri librarum, indulxit ad famulatum S. Joannis Apostoli. Augusto vero mense coronavit imperator Theodotem cubiculariam in Augustam, et desponsavit eam imperator anno sexto imperii sui (solius regnantis), Indictione prima (tertia) celebravit imperator nuptiarum principia in palatio S. Mennæ ». Ilæ de nuptiis, sed audi dissidia, de quibus idem auctor hoc eodem anno inferius habet his verbis :

« Eodem quoque anno Secundionis abbas abscondit se a communione Tarasii patriarchæ, pro eo quod imperatorem receperit in communionem, et permisit eum sondare uxorem suam Mariam, et Josepho monacho et abbatи monasterii, quod appellatur Concarata, coronare Theodotem præcepit. Quod cum didicisset imperator missis Bardanio patricio et scholarum domestico, cum Joanne comite obsequii, Platonem introduxit in urbem, et retrusit intra claustra in templo principis militie,

quod est in palatio, reliquosque monachos cum nepotibus ejus percussos, exilio relegavit apud Thessaloniam, quibus auxiliabatur mater imperatoris, tanquam quia filio resistebant et eum confundebant ». Hæc Annales ex Theophane, et nihil præterea. Cæterum ex Theodoro Studita luculentissimo hujus temporis rerum gestarum scriptore petenda sunt multa, quæ ad deformem tragœdiam istam spectare noscuntur, qui in primis in rebus gestis S. Platonis ista habet :

43. « Tempus igitur, quo præsidendi munus pater exercuerat, jam absolvisimus, orationem demecps ad id, quod celebrius est, convertemus. Sed in mentem milii venit ingemiscere, quæ vera sunt dicere aggredienti quidem, sed harum tamen rerum narrationem recusanti corum causa, qui ea fecerunt. Verum cum fieri non possit, ut aliter manifesta fiant, quæ occultari non debent (quamvis ubique ea vulgata sint) veniam tamen ad eorum narrationem : non quod velim his qui hæc egerunt obrectare, sed ut viri beatissimi virtutem monumentis litterarum consignem. Væ tibi, civitas, inquit<sup>1</sup> Salomon, cujus rex junior est : id quod a litteris divinis olim audieram, nunc etiam expertus sum : Constantinus Irenes filius, cujus quidem fides recta fuit, vita vero perversa ex imperii potestate, intemperantia velut stimulo quadam excitabatur. Cum enim pubescente ætate, nuper imperium habere cœpisset, partim maternæ reverentiae et custodiae freno abjecto, partim divinis legibus pro nihilo habitis, uxorem sibi legitime copulatam ejecit, et Herodis exemplo mœchus factus est.

« Sed quorsumnam hæc spectat historia ? ut nostrum hunc magistrum, Platonem scilicet, præcursoris illius Joannis imitatorem quodammodo fuisse intelligatis. Cum enim omnes fere iniquo illi facto assentirentur, solus hic (ut ita dicam) cum suis pueris, hoc est, discipulis, stabilis permanxit. Ob idque quot et qualia per totum annum certamina eum subiisse putamus ? Nuntia nuntiis, minæ minis addebat, flagella, exilia, membrorum mutilationes proponebantur. Cum vero nihil eorum, quæ Caesar ipse studebat, perfici posset, verbo quidem alii persecabantur, re autem vera imperatoris manus illi infesta erat. Nostis monachos illos et litteras ad eum missas. Postremo cum ea ipsa inania atque infirma deprehensa essent, viro illo sancto quod dicebat, faciente, et contrarias litteras mittente : tunc imperatoris persona detecta fuit, cum non amplius sicta species locum habere potuisset. Rem quidem aperte ostenderunt, quæ a duobus illis exercitus dueibus, ab eo veluti hostibus quibusdam, ad inermem Christi monachum sola divina lege armatum missis, facta sunt.

44. « Pastor igitur e medio sublatus est, et oves gregis dispersæ sunt, aliis verberatis, aliis in exilium missis, aliis persecutores fugientibus. Quod-

<sup>1</sup> Eccles. x.

que miserabilius est, regium edictum prohibebat ne quis eorum, qui Dei causa persecutionem patiebantur, alicubi recipere. Ejusmodi edicto monasteriorum praelecti obtemperaverunt; nec quotusquisque inventus est, qui virum illum accipere ausus fuerit. Interea Christus dormiebat ob eam quam ipse novit rationem, probans et explorans aliorum animum, num firmior esset; aliorum vero inhumanitatem patientia sua flectens ad misericordiam, et ad pœnitentiam provocans. Ille igitur Christi athleta sponte a propriis membris absceditur, atque omnino solus relinquitur, animam pro ovibus suis exponens, vere bonus Pastor, ut in<sup>1</sup> Evangelio dicitur.

« Idem ad Cæsarem Briarei manu ductus, coram proslitu (audeo dicere velut præcursor Domini Joannes) nisi quod ille ultro, hic ab alio ductus, id fecit. O fortè illius viri mentem et animum, qui non imperium formidavit, non minis cessit, non illecebris fractus est, cum præsertim cognata illi esset femina, quæ Herodiadis mentem habebat: quinimo intrepida oratione usus, ac nihil veritus, id quod verum erat, confessus fuit. Non licet tibi (inquit<sup>2</sup> præcursor) uxorem habere Philippi fratris tui. His similia et præcursoris imitator dixit illi, qui Herodis erat similis. Non iste quidem fuit securi percussus, quoniam noluit Cæsar ipse martyrem eum virum esse, qui animo et proposito jam fuerat, et iis quæ dixerat ante, se certasse, satis ostenderat; sed imprudeus tamen Christi confessorum eum esse probavit, cum in cellula quadam, ut maleficum hominem, illum veritatis thesaurum conclusisset, clavibus alias alias addens, ac cibum per foramen quoddam ei dari jubens, ut a nullo prorsus videri posset, qui a Deo ipse videbatur.

45. « Hæc una cum Cæsare agebant monachorum præfecti quidam, quos pudet me nominatum proferre: quodque miserabile est. Career erat monasterium imperatoris palatio adherens, et ejusmodi custodiæ princeps erat is, qui adulteros coronaverat. Hei mihi (ut cum Propheta<sup>3</sup> clamem) quoniam periit vir Deum timens a terra, et qui recta faciat in hominibus non est! Quid dicam de illo, qui sanctum virum custodendum ei tradidit, qui adulteros viros conjugavit? Quid de illo, qui mandato imperatoris virum nullis rationibus reddendis obnoxium tanquam reum conquisivit? Quid eos in medium afferam, quos Cæsar ipsos sacrorum ministros insignes in carcерem misit ad persuadendum justo illi viro, ut verbo tantum assentiretur iis, quæ fiebant, si a carecere dimitti vellet, et omnibus suis dominari? Quid denique illos proferam, qui ei valde illudebant et obtrectabant tam consanguinei, quam alieni, tam qui eodem, quam qui diverso habitu induerantur? O rem absurdissimam, imo vero, o factum contra veritatem injuriosum! Insimulabant

generosum hominem adulterorum comprobatores, quod mente delira esset; falsæ gloriæ studiosum esse jaerabunt eum, qui pro Christi gloria certainem subierat; illi nimirum homines hæc dicebant, qui cum ad Cæsaris voluntatem omnia loquerentur et facerent, a Deo ipso Demino exciderant. Ejus temporis calamitosam inhumanitatem Christi cultor ferebat, veritatem ipsam solam propositam habens, et quæ veritatem defendantem retribuenda sunt, secum cogitans. Itaque ærumnas illas ita transegit, ut si cum tranquillitate in aliquibus locis occultus requiesceret. Cujus enim viri studium Deus est, ejus religionem et in Deum charitatem nihil superare potest». Hæc Theodorus Studita de certamine S. Platonis, quod anni unius spatio perduavit.

46. *Quæ fuerint Tarasii partes in hoc scelere imperatoris.* — Sed quæ in hoc certamine fuerunt Tarasii patriarchæ partes, dicendæ sunt: « Non sic eum aversatus est Plato, quod ipse probaverit sceclus imperatoris: id quidem nequaquam accedit unquam, neque quod coronaverit Theodotem pellicem: nam et ab hoc longe longius remotus fuit. Probatur ipse quidem de abjecta conjugé acerrime redarguisse imperatorem, et defestatum esse novum contra leges sacras initum conjugium, neque coronare ullo modo voluisse novam pellicem ab ipso imperatore nominatam Augustam. Verum eo quod redargutum imperatorem nequaquam ab Ecclesia separasset, sed cum illo communicaret, neque eum, qui adulteram coronasset, ab Ecclesia abjecisset: idcirco ipse Plato ab ejus se communione abstinuit. Cum vero post obitum imperatoris in suum monasterium Plato restitutus fuisset (ut testatur idem qui supra, Theodorus Studita), idem Tarasius se apud Platonem purgans, cum eo est communione conjunctus.

« Gravis angustia premebat animum patriarchæ, cum vereretur ne nimis exasperando animum imperatoris, et ab Ecclesia removendo, eum faceret fidei Catholicae desertorem: adhuc recentia Ecclesiæ vulnera, et vix obducta erant per Concilium ejus opera celebratum Nicæe adversus Icônoclastas: adhuc vigebant hostes Ecclesiæ: erat ipse adolescens animo mobilis et instabilis, et hæreticorum parentum mala propago, perfacilisque ut levi flatu in hæresim præceps impelleretur: haec, inquam, et alia hujusmodi alto mentis consilio versans Tarasius, sic erroris redarguere voluit imperatorem, ut tamen eum, licet pena illa dignum, noluerit ab Ecclesia separare. Verum tanti viri digna audi in hac pugna exantata certamina. In rebus enim ab eo præclare gestis, hæc ab ejus temporis scriptore Ignatio monacho narrata leguntur his verbis, dum agit de Constantino imp. solo sine matre trene regnante.

47. « Is aggreditur infirmare leges et quod a Domino dictum est in Evangelii, patrocinio utens sua potentiae. Et cum statuisset a sua conjugé facere divorcium, et aliam in animo haberet extol-

<sup>1</sup> Joan. x. — <sup>2</sup> Matth. iv. Marc. vi. — <sup>3</sup> Mich. vii.

lere ad imperii altitudinem juvenis, adornat facinus indignum sua potestate. Id autem fuit, quod mortiferæ insidie a conjuge imperatricie ei paratae dicuntur. Affirmabat autem id esse venenum, quod cum potu haustum, mortem simul attrahebat, quod quidem conabatur probare et cuilibet persuadere: putabat enim fieri non posse, ut fides sibi non haberetur, cum esset imperator, et verba faceret apud eos, qui subjecti erant ejus imperio. Nullus vero persuadebatur, nisi qui gratificans imperatori, propter gloriam in animum inducebat juslo jus adimere. Postquam autem, excitata fama, hoc transmisit usque ad atria Ecclesiæ, et nefaria actio pervenit usque ad aures pontificis: id eum reddidit valde dubium et perplexum, dum apud se cogitat quomodo se armaret adversus hanc decertationem, et in ipsum imperatorem rei bellicæ peritissimum et fortissimum pugnatorem ex pharetra et arcu telum jacularetur, jam olim honoratus sacerdotali horum omnium nuditate.

« Cum autem hæc apud se magnus mente versaret Tarasius, et pararet se ad congregendum cum imperatore et decertandum armis sacerdotalibus: ecce quidam ex iis, qui gerebant magistratus, ab imperatore instruetus, nuntians quod factum et comparatum inaniter dicebatur beneficium, accessit ad gnomonem castitatis: cumque id, quam potuisset accuratissime et subtilissime conlexuisset, omnia esse verissima, et que nullam admittant calumniam affirmabat; et ut consentiret, ut imperator posset venire ad secundum matrimonii contractum, instabat. Hæc cum dixisset, exspectabat, ut de his responsum aciperet.

48. « Cui cum ex imosuspirassel et lacrymabiliter subrisisset sanctus, respondit: Si hæc (nt tu dixisti) cogitavit imperator, et carnem divina lege conglutinatam, et quæ una cum ipso facta est, statuit excindere, nescio quemadmodum feret gravissimum quod in eum a gentilibus inferendum est probrum; ant quemadmodum ejus potestas gregem coget ad temperantium, et fornicationem puniet et adulterium, cum ipse sit tam turpium convictus flagitorum. Nam etiamsi dedecimus fide digna esse, quæ a te adducuntur, et eset mulieris evidens maleficium; sic etiam oportet id cavere propter reverentiam vocis Domini, quæ dicit<sup>1</sup>: Qui dimittit uxorem suam, præterquam propter fornicationem, mœchatur. Quemnam autem imperio excellentiorem sibi societate matrimonii voluit conjungere, quæ ad tantum processit flagitium? Sed hoc ideo prætextitur, ut honora biles nuptiae et thoros immaculatus violetur: introduceatur vero dedecus fornicationis, et germanum semen fiat adulterinum, et alienet id quod est cognatum, introducto furtivo et turpi concubitu. Hanc ergo a nobis, et iis qui sunt nostri similes, accipe responsum, et eam aperi iis qui miserunt: non enim cedemus iis quæ a te jactan-

tur: mortem potius et gravia subibimus supplicia, quam in rebus ejusmodi ei ullo modo velimus inservire. Audiat imperator nos huic improbabili consilio non esse parituros.

« His verbis cœlestibus attonitus is qui imperatoriis serviebat responsis, vultu tegens tristitiam, venit quam citissime ad eum qui miserat, eorum quæ ille sperabat, nihil quod ei esset cordi, omnino afferens. Postquam autem saerosancti pastoris constantiam vidit imperator queru firmorem esse, quæ ab impetu ventorum non concutitur: in admiratione habuit quod factum fuerat, timens ne incliti patris mens inflexibilis nullo strepitu terretur. Rursus ergo mittens, jubet adesse sanctum, credens, si coram aliusisset, fore ut se submitteret potestatis austeritati.

49. « Cum ergo venisset in regiam et ad ipsum imperatorem, et cum eo de more consedisset, habens secum senem illum Joannem, quem cum in Synodali versaretur expositione, admonuit oratione fuisse legatum diœcesis Orientalis: multisque salutaribus admonitionibus apud imperatorem esset usus princeps pastorum, et non persuasisset; erat enim (ut in proverbio est, hydram scindere) ipsum a lapsu liberare, qui jam suis instar volutabatur in fornicatione: impulsus enim ab impudentia, his verbis usus est ad Pontificem:

« Ego quidem id quod jam pridem mihi accidit, ad vestram retuli sanctitatem. Nihil enim te volui celare, affectionem ac benevolentiam patris in te judicans: porro autem nunc quoque per meam linguam imperatoriam statui clarius agere causam meam. Meo enim imperio insidiantem, quæ non ex Deo mihi unita fuerat adjutricem, cum lex aperite jubeat, quin ab ea possim divertere, nemo contradicet. Nam cum sint manifesta crimina, aut mors eam excepit, aut (quod est benignius) per totam vitam aget pœnitentiam. Non enim ad quempiam ex vulgo erat transiturum, quod ab ea adornatum erat seclusus, sed ad germanum conjugem, et fidelissimum imperatorem et gentibus terribilem, et ad universum orbem terræ pervasurum erat maleficium. Quo quid esse potuerit periculosius et magis horribile? adeo ut ipsa deinceps ad nullam possit confugere defensionem: est enim privata omni oratione, et quæ ipsam commendare possint probationibus, et quæ argumentorum, quæ evitari non possunt, habeant contra se veritatem ad perfectam condegnationem.

« 50. De cætero autem vocal tempus, ut ipsa lethiferæ potionis venena aperiam, ut sancta vestra paternitas jam viderit secleris magnitudinem, id certum habens et exploratum, non amplius dubilet, neque ullam exspectet moram, aut temporis dilatationem, sed quanprimum eam legibus subjiciat canoniceis, et persuadeat ei vitam eligere quietam ac monasticam, si velit eam manere inter vivos. Nam eum hoc maleficium mihi sit positum ante oculos, fieri non potest, ut cum ea servem amplius jura conjugii, aut amice amplius cum ea conjungar et

<sup>1</sup> Matth. v.

feedus incam. Nocentem enim (ut dicit proverbium) Deus quoque persequitur.

« Innuit ergo, et allata sunt vasa vitrea cum liquore turbido, curiose composito ad falsam accusationem ; quæ ante faciem ejus et magni patris statuerunt qui affercabant, quibus dicebat, conjugem vel mortem ei esse machinatam, vel mentis emotionem. Videns ergo magnus Tarasius, iis qui nequaquam conveniebant, nexibus captum imperatorem, et falsis labyrinthis ita involutum, ut evadere non possit, labi in peccati periculum : acerimum telum infigit in corde ejus, sic dicens :

51. « Ne moveas, o imperator, arma surda adversus Dei leges, neque propter horum transgressionem clanculum contra milites. Est enim imperatoria potestatis indicium, omnia cum libera facere conscientia, et nihil teatum ac dissimulatum mente agitare adversus eum, qui dedit coronam, et maxime evertendo divinum ejus mandatum et voluntatem. Neminem enim latet, nullum intercessisse scelus ad ea, quæ nunc nefarie struuntur, adversus imperatricem, et qui eam volunt subjicere maleficorum beneficiis, et affirmant eam machinatam esse mortem majestati tuæ incomparabili. Quis enim (ut prius dixi) glorians specie juventutis comparari potuerit cum tua pulchritudine, ut a fraude inescata tibi venenum præberet muliercula, et se ab ea, quæ est in te abdneceret amicilia et germano ardore ? Quisnam apparebat majori glorians excellentia, quam vestri imperii quadruplici purpura ? quem oculis et mutibus pellectum summæ vestrae prætulit dignitati ? Quis contra adversarios in tot præliis tam præclare se gessit supra vestram plusquam Davidicam fortitudinem, ut ab ipsa amaretur plusquam tua imperatoria dominatio ? Non est, non est ita. Fuerunt hæc inventa et excogitata, ut prætenderentur ad omne vitium proposita, ut labem inurant sceptro imperii, parabolam in gentibus, et commotionem capitis in populos vos ponere, graviter urgentia.

52. « Propterea legitima jura vestrae conjugalis et imperatoria unionis non audiendum dissolvere, Dei legislatoris timentes sententiam. Neque verbis, quæ spectant ad accusandam tuam conjugem, credere sustinemus, etiam si mille mortibus atque tormentis subjecti fuerimus, ut qui sciamus, diuturna inflammatione teneri tuam affectionem in mulierculam illam fornicatricem. Quin etiam hoc quoque notum facimus eoram Deo in primis honrandæ tuæ purpurae, quod intra cancellos ineruentæ mensæ, in qua sacrificium magnæ hostiæ Christi venerabiliter peragitur, non sinemus amplius nobiscum ingredi vestram potentiam : ne nos quoque audiamus, quod in execrationibus jam olim dicitur ad sacerdotes<sup>1</sup> : Calcare atrium meum non adjicietis.

« Haec Tarasius, qui primi pastoris Christi oves regebat spiritualiter, cum coram imperatore pro-

nuntiasset in cordis contritione, orationem conclusit silentio. Predictus autem Joannes cum ipse quoque ad imperatorem multis usus esset admonitionibus, sustinuit maximos fluctus ignominiae ab iis, qui præturæ dignitate gloriabantur et honore patriciatus ; qui etiam minabantur, se ensem adacturos per intestina senis, ut qui imperatoriæ potestati verba expueret contraria, et non cito acquiesceret voluntati imperatoris. Cum autem firmam ac stabilem manere utriusque sententiam imperator his verbis sensisset ; et minis, fervente ira, succensus, sciens se non posse contra hæc dicere, jussit eos a se expelli, victores sine vibicibus et martyres, quod ad se attinet, proclamans, corona redimitos. Quid hoc abest<sup>1</sup> a Joannis miraculo ? Ille enim Herodem, qui post mortem fratris sui sponsæ insano amore tenebatur, arguit : hic autem cum adhuc esset superstes uxor imperatoris, et cum ea ornata esset imperii diademate, et deinde expulsa esset, non ferendum esse ratus quod factum fuerat : fuit convenienter<sup>2</sup> Psalmographo ad matutinum acutissima reprehensio : eliamsi cribro (ut dicitur) aquam hauserit, et acinum inflarit, cum saucia esset et perflueret mens imperatoris.

53. « Etenim cum statim eam, quæ sibi matrimonii jure conjuncta erat, a se amandasset, et ab imperatoria aula alienasset, et privato habitu et loco eam circumscriptisset, a tempestate et caliginoso illo salo, quod subierat, animo, destitit per separationem a germano suo membro. Cum vero voluntaretur in coeno introducti illius concubitus, et maxima vi ei ilitata, crebro Pontificem incitasset, ut ejus vertici contexeret coronam tenebrosi illius et occulti contractus : non fuit, quod volebat, assecutus. De ecetero autem huc obibat, quærens sacerdotem, qui coronam contexeret, ut turpem illum celebraret hymenæum. Et de imperatoris quidem infirmando præcepto, recusatione, et divini patris forti ac generosa constantia hactenus. Neque enim fas est res illius ultimis mandare monumentis litterarum, quæ iis, qui audiunt, nullam afferunt utilitatem.

« Hoc autem oportet commemorare, quod a tempore illius lapsus imperator magnum oppressit Tarasium multis temptationibus, ei adhibens custodes, qui nomine quidem usi sunt synellorum, moribus vero longe aberant a pietate : quos nisi assumpsisset, et nisi per eorum oculos transiisset, non licebat cuiquam ad divinum et sapientem pastorem principem accedere, et ea quæ videbantur cloqui. Taceo quantum imperator ostenderit crudelitatem in eos, qui illi appropinquabant et eum observabant germana servitute, plagiis affligenis et condemnans exilis nulla justa de causa, studens eum dejicere de cura rerum divinarum, et tentans eum afficere tristitia : ille autem forti et constanti exceptoque et infracto animo ea quæ accidebant tanquam quæ erant utilia reputans,

<sup>1</sup> Ezech. xliv.

<sup>1</sup> Matth. xiv. — <sup>2</sup> Psal. c.

graves illos præfectos, tanquam<sup>1</sup> Ægyptiacos operum exactores sustinuit, et in omni tentatione et labore se promptum esse ostendit, adamantina Jobi ratioincatione tanquam armis munitus, et illius inexpugnabilem imitatus patientiam; adeo ut ignave verbum insipientiae e labiis suis minquam emitteret. Neque enim habebat humilem et abjectum animum vir ille justus in iis quæ accidebant; sed virtutibus sublimem et excelsum, et pontificalibus canonibus et legibus pulchre erectum, et plane expertem omnis limosæ nequitiae ». Hucusque de rebus Tarasii cum imperatore Ignatius monachus horum inspector.

54. His consentientia Michael monachus, rerum ipse quoque sui temporis scriptor in rebus gestis illius Theodori Studite, magni pro fide Catholica et Ecclesiasticis legibus adversus hereticos et sceleratos principes agonistæ, de quo jam dictur sumus; sed quæ primum de Tarasio patriarcha habet, hic describamus: « Neque enim, inquit, vel patriarcha ipse, quantum in eo erat, aut factum id approbat, aut non absurdum illud et alienum ab Ecclesia judicabat, aut Patrum æterni non compatiebatur. Sed sapiens quoddam consilium, et alta mente qualis ejus fuit dignum agitans, non habuit tum ulciscendi autores facultatem temporis injuria quæ vellet agere, non permittente. Quainobrem regina ipsa utriusque prudentiam amplectens, et magnopere collaudans summam utriusque virtutem, et in utili dijudicando intelligentiam, boni consulebat: quod patriarcha quidem de summo jure non nihil remittens, vesanum imperatorem a graviori malo revocasset, minantem jam se, majorum exemplo sacrarum imaginum hostem fore, nisi quod animo conceperat, peragere sineretur. Pater autem (Theodorus videlicet), flagitium propalam arguendo, et acri reprehensione atque objurgatione longius progredi prohibendo, tum eos, qui peccabant, tum eos, qui simile aliquid meditabantur, omnes affectibus suis non intemperanter uti edocisset. Prorsus autem et relaxare interdum aliquid in judicio, bonum est, et exactum jus non praeterire, utilissimum; unum in finem utrumque spectans, ut quod melius est, id pro re nata præstetur. Quod nimurum divini ambo ratioinantes, altiore quam captus noster fuerat, consilio præsentia administrabant, ita ut charitatis vineulum nulla ratione solverent, quo conjuncti semper fuerant, et divino inter se Spiritu colligati. Quod nos recte nobis debemus, et opportune de his quæ opportune gesta sunt, judicare, et propositum ntrique finem laudemus et amplectamur, et eos qui aliter sentiunt, vel affecti sunt, de sententia dimoveamus ». Haec de his Michael in Theodoro Studita.

55. *Theodori et monachorum imperatori obssistentium gloriosa certamina.* — Sed res admiratione plane digna, quod cum eosdem conflictus

idem ipse Theodorus recenset, omnia Platoni tribuit, certamen atque victoriam; cum tamen vel saltem præfecturae ratione, ipsum Theodorum oportuerit aduersus hostes progredi antesignatum. Quæ igitur ipse modestæ causa de se tacuit, Michael discipulus spectator rerum ita describit: « Sed jam tempus admonet, ut ad strenui athlete certamina transeamus, quo ejus animi robur, et in adversis patientia magis eluceat. Per id ergo tempus Constantinus, piae Irenæ filius, audacium et projectorum hominum collecta manu, et quem juvenilis ætatis impetus agebant, et matrem regno pellens, ejus imperium occupavit, et summa vite licentia, indomiti et effrenati equi more, totum se dedidit voluptati. Hic ad cætera, quæ perpetravit, nihil flagiti intentatum relinquens, legitima conjugi ejecta, et ad monachalem habitum vi compulsa, alteram duxit Theodotem nomine, et genere (ut ferunt) patri propinquam: quam in Augustæ thorun induxit, fornicationem ausus infelix, et fornicationem pessimam ac penitus detestandam.

56. « Quæ cernens patriarcha Tarasius, nec manus illis imponere voluit, nec ulla prorsus ratione factum approbavit; qui cuique nefariam esse hanc conjunctionem et saeris legibus vetitam sciebat. At repertus est presbyter quidam, Josephi nomine, gradu vero œconomus Ecclesiae, qui plus illo sapiens, divinaque omnia contemnens, illicitarum nuptiarum (quod minime debuit) lenonem se præstít, initiatoremque et conciliatorem conjugii, obsequentem se per omnia imperatori præbens, vir fide servus æque ac voluntate. Quanquam ille haud multo post temeritatis suæ pœnam sensil, sacris templi septis ob ea, quæ confidentius egerat, exturbatus. Fuit autem ea res pessimi exempli, viamque multis ad gravia quæque aperuit non solum in regia aliisque civitatibus, verum etiam in remotis quoque regionibus. Sic Bosphori, sic Gothiæ, sic reliqui provinciarum duces, quique aliqua cum potestate præerant civitatibus, impune flagitia committebant, uxoribus partim ejectis, partim novis inductis, impurasque animi libidines, ejus qui viam ostenderat exemplo et patrocinio defendebant.

57. « Quibus cognitis, magnus Theodorus incredibili dolore tactus angebatur animo, graviter ingemiscens, et talium hominum sortem miserans, qui tanto scelere tam multi se obstrinxissent: id reformidans vehementer, ne ad omnes tandem permanaret malum, et in legem abiret flagitium, auctoris sui viribus et potentia subnixum. Quare omnes animo cogitationes versans, omnesque coercendi mali rationes circumspiciens, rem suscepit dignissimam suæ virtutis. Imperatorem, qui peccarat, in omnium oculis excommunicat, in ipsum ejusque factum invehitur, ipsumque omnibus monachis lapsum denuntiat ». Quod autem audis Theodorum archimandritam excommunicasse imperatorem, non sic accipias, ut quæ sunt episcoporum sibi usurparet jura, sed ob flagitium

<sup>1</sup> Exod. v.

eum a Deo separatum exclamaret, indignumque quocum quis suorum communicaret, denuntians scilicet suis monachis imperatorem ob scelus a Deo sejunctum et ab Ecclesiastica communicatione ob facinus separatum, ne quis cum eo ut publice peccante aliquo symbolo communionis Ecclesiasticae jungeretur. Sed pergit auctor :

58. « Cujus rei fama evulgata ipsius quoque imperatoris aures attigit; qui tametsi acerrima ira exarserat, serenitatis tamen speciem induendam sibi existimavit, ut remisisse animum placatusque videretur. Cum enim sanctum virum timeret, ut qui primas in omnium animis teneret, suam statim acerbitatem prodere non placuit, sed ipsum potius blande aggredi, si qua forsitan ratione demereret queat : sic enim facile cæteris potiturum, si hunc unicum devinceret. Stulte id ille prorsus et valde absurde conjectans, attamen omnia secum agitabat, atque omnes machinas frustra parans, vitiumque animi et vitia patefaciens. Quin et conjungem ipsam ad captandum sanctum virum submisit : quæ viri consiliis parens, multo illum auro munericibusque tentare adorta est ; et quod precum omnium vim haberet, generis propinquitatem opus sit (erat enim Theodote ipsi Theodoro sanguine conjuncta). Postquam vero irrita hec omnia animadverfit, inanente nihilominus firmo ac stabili, aliud mox promptus mali artifex consilium excogitat.

« Proficiscitur ipse met ad ea loca, in quibus sanctus habitabat, specie quidem repentinae alienus urgentisque illic negotii, revera autem, ut in patris congressum veniret, cumque sibi adjungeret, quorum alios quoque babiturus erat cum ipso jam animo factisque conjunctos. Verum ubi nec pater ipse, nec alius quispiam ex sociis repertus est, qui ad imperatorem propius accederet, vel cum eo colloqueretur, vel usitatam salutationem impertiret : tunc ille ira incensus ardentiore, celeriter redit ad palatium, accitoque uno ex domesticis, qui scholarum ordines regebat, flagellis cædi sanctum jubet, et simul e monachis eos, quos constantiores norat firmioresque in sententia persistere.

59. « Ille autem, qui gratificari et placere cuperet imperanti, nulla sauctorum nec reverentia nec misericordia motus, atrociter eos flagellavit, ut carnes passim dissecarentur, et sanguinis rivi diffenserent. Sic porro vexatos, verberibusque conesis Thessalonicanam extemplo relegat, et addieit, prout fuerat imperatum. Undecim numero erant cum patre vinceti, qui cum eo certaminis societatem coeunt, dura omnia sereno et alaci animo perferebant ». Verum exilium contigit anno sequenti, dicimus de eo suo loco fusi. Pergit vero auctor :

« Cæterum quid boni attulerit hæc sanctorum concertatio, perspicuum multis postmodum evasit. Etenim Chersonesi ac Bosphori sacerdotes et monachi, et quotquot per vicinas circum oras atque insulas populos regebant, ea quæ sanctis acciderant

audentes, et quemadmodum magnus Theodorus intrepido animo nefariæ libidini se opposuisset : æmulantur et ipsi beatum virum, ejusque exemplum sequentes, imperatorem excommunicatum pronuntiant, et a sorte sua alienum, nullis illius vel minis cedentes, vel munericibus animum emollientes. Utrisque siquidem eorum constantiam impius exploravit : et cum fleeti posse diffuderet, patriis tandem finibus exulare jussit, hoc nimis spectans, ut bonis omnibus remotis, nequitiam suam latius, nullo reclamante, propagaret. Quid ergo inde consecutum est ? fiduciam sumpserunt plarimi, et pro veritate adeo fortiter loqui cœperunt, ut terrorem injicerent iis, qui talia facere audebant, vel ausi jam fuerant, atque ita paulatim minui ac reprimi malum cœpit, damnata palam ejus turpitudine, multisque in eorum sensibus venientibus quæ incaute commiserant. Quo illustrior apud omnes et clarior divini patris fama facta est ; qui ne tot quidem ærumnis afflictus egregium conatum remisit, tum alios plures ad seeleris ultionem exuscitans, tum exules litteris suis confirmans, ne laboribus succumberent, sed viriles potius animos demonstrarent.

60. « Misit etiam ad Romanæ Urbis Antistitem Epistolas et tabellarios, ei quæ gesta fuerant indicans, et quæ ab imperatoribus pertulerat, cum illorum refrenare vellet intemperantiam. A quo responsa vicissim accepit, quibus ipsius prudentiam et constantem atque invictum animum divinis laudibus efferebat. Sed quoniam rex Ierus incidit in mala (sicut ait Propheta) et viæ ejus tenebrosæ hoc ipsum sensit impudens Constantinus, et poenas iniquitatis suæ aequissimas persolvit, imperio brevi orbatus, atque ante imperium oculis, in quibus videns improbe usus erat, corum lumine privaretur ». Plane accedit misero secundum illud sacrorum Proverbiorum<sup>1</sup> : « Qui expellit mulierem bonam, expellit bonum. Qui autem tenet adulteram, stultus est et impius ». Quanta post hæc illi mala ? sed de his pluribus suo loco inferius agendum.

61. *Theodori Epistolæ super eadem re.* — Optassemus Theodori Epistolam scriptam ad Romanum Pontificem hic tibi reddere : sed quæsitam diu inter multiplices ejusdem Theodori Epistolam, quæ in diversis bibliothecis Romæ extant, hactenus invenire minime concessum est. Sed loco ipsius duas hic reddemus ejusdem codem argumento conscriptas, alteram ad Stephanum a secretis, alteram ad Nicephorum consobrinum eumdemque præfectum. Aulicorum enim et aliorum imperatori adulantium illa erat adversus Theodorum et alios accusatio, sive querela, quod non nisi ob læsam Catholicam fidem communicationem Catholicam lieceret dirumpere, deque his coram egerat eum Theodoro idem Stephanus : post quam concertationem idem Theodorus ad ipsum istam rescripsit Epistolam, quæ apud ipsum in Codice Columnensis

<sup>1</sup> Prov. xviii.

bibliothecæ numeratur ordine quinta, atque sic se habet :

« Hesterno die cum gloria præsentia tua frueremur, post alia quædam colloquia quorum causa huc veneras, devenimus tandem ad Scripturæ quæstiones, et in ambigua hærentes disputatione, re infecta, digressi sumus. Et nos quidem, domine, rudes et ignari, sapientiæ tuae minime pares sumus. Ne tamen corum, quæ dici debent, silentio nobis judicium accersamus : (Arguendo enim, ait<sup>1</sup>, argues proximum tuum, et non habebis super illo peccatum, maxime eum sapientem<sup>2</sup> arguentes magis diligamus) necessarium duximus, congruentia tibi commemorare. Tu, domine mihi (ut compendio dicam), interrogationes multas responsionesque præcidens, hæc dixisti : Non debere antistitem, qui gregi præsit, extra fidei causam, si quid in aliis Domini mandatis vel imprudens, vel sponte sua faciet quod vetitum sit, abullo admoneri. Nobis contra affirmantibus, omnino debere, sed ab iis, qui inter alios sapientia et prudentia eminent. Undenam vero dicti hujus absurditatem tibi ostendemus ? Primum quidem ex Veteri Testamento. Quid enim de Daniele censes<sup>3</sup> ? Num seniores, quamvis nondum ea ætate, quæ legitimam loquendi libertatem daret, in divinæ Susannæ condemnatione prævaricantes, non solum admonens, verum etiam condemnans, iudicatus est, annon ? Deinde non animadvertis Joab<sup>4</sup> in populi enumeratione, cum in Dei temptationem res vergeret, supplicantem, obtestantem, persuadere Davidi conantem, ne id faciat ? nota enim tibi est historia. Me vero movet et Jethro<sup>5</sup> magnum Mosem admonens et exhortans non sic regere populum, hominemque rudimentis quodammodo instituens, traducensque ad consilium suum : et quidnam ipse<sup>6</sup> alienigena, etsi sacer. Cui loquens<sup>7</sup> ei qui omnia ex divina relatione agebat. Atque hæc quidem paucis, ne longiores simus. Transeundum est ad Novum Testamentum scilicet.

62. « Revereamur, si placet, gloriissime, clarissimi orbis terræ præconis edictum<sup>8</sup> : Si possumus revelatum fuerit, primus sileat; non sicut objicit charitas tua de fide sola. Et quod me proponendum fugiebat, magnus præco veritatis Johannes<sup>9</sup> Herodem reprehendit : quæso, responde mihi. Sed explodar (ut video) et deridebor, quod æquiparam me Prophetæ. Absit, non ita est, optime. Haec vero, inquit<sup>10</sup>, scripta sunt ad correctionem nostram. Et iterum Paulus<sup>11</sup> : Imitatores mei estote, sicut et ego Christi. Qui autem fieri potest, ut recte quis sentiat, agens perverse, divino Jacobo<sup>12</sup> affirmante, ex operibus ostendi tadem, et iis qui circa unum aberrent, neque alterum inesse ? Tot igitur et tanta cum sint testimonia, non puto habere nobilitatem tuam quid contradicat. Sic autem mittat

impari amicitiæ nostræ solutiones propositionum nostrarum, tunn clariores contrarias oppositiones eorum quæ adstruis. Utinam vero suppetant, et nos silebimus, veniamque contentionis nostræ, quamvis cum zelo conjunctæ, postulabimus. Reprehendere enim tantummodo, facile est, et cuiilibet volenti promptum, ut legisti ; suam vero sententiam sacræ Scripturæ testimoniis confirmata inducte, hominis est sanæ mentis ac judicii. Ne ergo in immensum crescat Epistola, finem hic faciemus, adjectis quoque magni Basili sententiis ad pleniorem demonstrationem. Salvus sis cum tota familia, domine dilectissime, utrinque bene valens. Nos enim charitatis tuae bonum et scribentes et non scribentes cupimus refinere ». Subjiciuntur iis in Codice loca S. Basilii, quibus quæ dicta sunt confirmantur, quæ brevitatis causa prætermittimus.

63. In ea autem, quam ad Nicephorum consonbrinum suum, eumdemque præpositum Epistolam<sup>13</sup> scripsit, post alia versatur in eo tantum argumento, ut demonstret perperam factum ab imperatore, dimitendo uxorem et aliam ducendo contra Apostoli Pauli præceptum et sanctorum Patrum doctrinam<sup>14</sup> : ait enim post alia :

« Quod ergo a me indocto discere voluisti : sic penitus habet, ut dictum est a domino diacono. Neque id nos temere affirmavimus, aut locuti sumus : sed investigandis et perscrutandis sacris litteris confirmati et corroborati, iisque etiam interrogatis, quos conveniebat. Et profecto ea veritas est, divina lege manifeste vetante non per Paulum Apostolum modo, sed per alios etiam Theologos Patres, qui hoc ipsum dijudicant et declarant, et consentiunt cum Apostolico mandato. Et quorsum ego amplius absurde dissimulabo, ac non potius retraham meipsum, et subducam ab iis, qui infelicem animam meam opprimunt ?

64. « Quantum porro est periculum, cum Patrum summus vociferetur et dicat : Si quid sit præter mandatum, aut mandato officiens, nequam ferendum est, quamvis promissionem vitæ, quamvis mortis minas habeat ? Mitto dicere quam multæ aliae sint sententiae, quæ nos vel minimum a mandato discedere prohibent, cum Magni iterum Basilii edictum habeamus : Quod omnia prorsus per Evangelium et Apostolos a Domino tradita, servanda sint. Haec ego tibi ut patri et amico patefacere non dubitavi, quandoquidem nos (ut testis est cordium inspector Deus) neque prædicamus, non enim præminentibus sumus ; neque odia protemur. Sed et imperatorem ipsum, regemque piissimum in pectore gerimus, charitate et sanguine mihi conjuncos omnes, cum necessiorum studiosus sim, ut ipsi nostis ; et mentionem ejus fecimus etiam in divina liturgia, et pro illo precamur privatim ac publice : Et Ecclesie communione participes sumus. Absit ut ab ea unquam

<sup>1</sup> Levit. xix. — <sup>2</sup> Prov. ix. — <sup>3</sup> Dan. XIII. — <sup>4</sup> 2. Reg. xxiv. — <sup>5</sup> Exod. xviii. — <sup>6</sup> I. Cor. XIV. — <sup>7</sup> Matth. XIV. — <sup>8</sup> 1. Cor. x. — <sup>9</sup> I. Cor. XI. — <sup>10</sup> Jacob. II.

<sup>11</sup> Theod. Ep. iv. ex Cod. Columnens. — <sup>12</sup> Ibid.

separemur. Ignoscite mihi soli peccatori. Delegi hunc mihi angulum, ut defleam peccata mea, et ne miscear cum mundo. Quidnam hoc crimen est? Concede hoc mihi, dilectissime consobrine, potes enim, sat scio, ut quietus hic agam, ab omnibus quoad licet segregatus. Et acri solertia tua obliqua dirige, et aspera complana, pacisque nostrae conciliator esto, et quietis adjutor. Ut si quid hinc nobis commodi extet, juste atque ex ratione dispensetur ». Hæc Theodorus, cuius verbis etiam intelligas quo sensu sit accipiendum quod dicunt ab eo excommunicatum fuisse Constantium imperatorem, non more Ecclesiastico, ut communione precium privataram vel publicarum privaret illum; vel quod scipsum Theodorus separaverit, et ab Ecclesia, quod omnino factum negat; sed negaverit imperatori communis vitæ usum, cuius rei causa (ut ait) latebat in angulo. Porro consobrinus Theodori Nicephorus et alii affines, quod ex hujusmodi matrimonio imperatoris cum Theodote ipsorum propinquia jam Augusta creata corraderem magnum sperarent emolummentum: in Theodorum ista nihil facientem, sed adversantem commovebantur. At de his modo satis.

Hoc eodem anno, ut habetur ex Theophane, Joannes præficietur episcopus Ecclesie Hierosolymitanae.

63. *De Hunnorum gente novi triumphi per Carolum.* — Quod vero spectat ad res Occidentales, hoc ipso anno Carolus Magnus desertores Christianæ religionis Saxones rebellantes, cum exercitu adversus eos profectus coercuit. Ubi dum manet, excipit legatos Hunnorum sive Avarum regis Theodonis sive Thuduini, qui se cum suis subjeceret Carolo, spondens etiam fidem Christianam omnes suscepturos. Addit his hæc Ado Viennensis: « Thuduini princeps Avarum ad pium Carolum regem se contulit: et cum populo suo credens, baptizans, munieribus regiis donatus, fidelis reddiit ». Sed id in annum sequentem rejiciunt alii, defecisseque eum a Christiana fide suscepit, confirmant.

Bellum vero adversus Hunnos, sive Avares per Henricum ducem Foro Juliensem gestum, testatur Ado, per eumque debellatos, atque avitis thesauris spoliatos, quos (idem inquit) pio regi Carolo postmodum misit. Et ille Deo gratias referens, ad memoriam sanctorum Apostolorum partem inde misit, partem officialibus regni, et Ecclesiis aliis distribuit ». Hæc Ado. Est de his mentio in Epistola Albini Flacci ad Paulinum patriarcham Aquileiensem, ubi hæc leguntur<sup>1</sup>: « In ejus potentia et gratia (Dei scilicet), mirabiliter de Avorum gente triumphatum est. Quorum missi ad dominum regem directi subjectionem pacificam, et Christianitatis fidem promittentes. Et si hoc, divina eos præveniente gratia, verum est: quis servorum Dei tam pio et laudabili fabori subtrahere debet, ut diaboli dirnatur sævitia, et Christi Domini crescat servitium? Sed quamplurimorum in te, pater optime, oculi respiciunt; quid vestra veneranda sanctitas facere veit; quia et vicinitas locorum tibi competit, et sapientiae decus suppetit, et auctoritatis excellentia tibi appetit, et euncta convenient, quæ tali operi necessaria esse videntur, etc. »

66. Conversos vero post hæc Hunnos ad Christianam fidem, ab eisqne primam erectam Ecclesiam sanctæ Dei Genitricis Mariæ, produnt Annales Hungarici. Oblationem vero Caroli ex thesauro Hunnorum ad Basilicam sancti Petri Romanam missam, in annum sequentem rejiciunt.

Sed et hoc ipso anno primum episcopum datum Paderburnensi Ecclesie in Saxoniam Harimarrum (Hathumarum), Saxonem hominem, discipulum S. Burchardi, virum sanctitatem clarum, produnt<sup>2</sup> Annales Saxonum. Verum qui prosecutus est res Saxonum, et ipse Saxo antiquior scriptor res S. Liborii prosecutus, non hoc anno, sed longe postea, panos ante annos obitus ipsius Caroli Magni, factum esse testatur.

<sup>1</sup> Albin. Ep. LVI. tom. I. antiqu. lect. — <sup>2</sup> Crant. hist. Eccl. Sax. I. i. c. 11.

Anno periodi Græco-Romanæ 6288. — Anno Aëra Hispan. 833. — Anno Hegiræ 179, inchoato die 27 Martii, Fer. 6. — Jesu Christi 795.  
— Leonis III papæ 1. — Constantini 20 et 16. Solias 6.

**1. Moritur Hadriamus PP.** — A num. 1 ad 40. Mortuus est hoc anno Hadrianus papa in *Nativitate Domini*, ut habent Marianus Scotus, Lambertus Schafnaburgensis, et omnes illi Francorum annalistæ, qui ejus mortem cum anno **DCCXCVI** alligant, quia scilicet annum a die Nativitatis Christi auspicantur, uti Marianus Scotus, annalista Fulensis, aliisque. Ad hæc auctor Vitæ Injus Pontificis, quam recitat Mabitlonius tom. i Musæi Italici part. 2 tradidit, eum obiisse **VIII kal. Januarii**, seu die xxv mensis Decemb. Nativitati Christi saera. Denique Lambecius lib. 2 Biblioth. Cæs. cap. 5, refert Annales Francorum ab anno Christi **DCCXCV** usque ad annum **DCCCIII** perductos, et tempore Caroli Magni conscriptos, ut ait manifeste liquere ex charactere, in quibus ad annum **DCCXCV** legitur: « Die VIII kal. Januarii sanctæ memorie dominus Hadrianus Summus Pontifex Romanus obiit, pro quo dominus rex postquam a planctu cessavit, orationes per universum Christianum populum infra terminos fieri rogavit, et eleemosyna sua pro eo multiplicititer transmisit, et Epitaphium aureis litteris in marmore conscriptum jussit in Francia fieri, ut illud partibus Romæ transmitteret ad sepulturam Summi Pontificis Hadriani ornandam ». Transcripsit hæc verba chronographus Moissiacensis. Recitat Epitaphium illud, quod adhuc Roma legitur, Baronius num. 12 cui subjuncta est hæc clausula: « Sed sit beatæ memoriae Hadrianus papa annos **XXIII.** n. **xv.** Obiit **VII kal. Jan.** », quod et Anastasius in Vita Hadriani habet. Quare cum die nona Februarii anni **DCCCLXXII** Pontifex consecratus fuerit, Baronius num. 1 aliique plures viri doctissimi ex eo Epitaphio deduxere, mortem Hadriani in diem **VII kal. Januar.** seu diem **xxvi** mensis Decembris incidisse, non animadvertisentes per *obitum*, Carolum Magnum Epitaphii conditorem, diem sepulturae intelligere, qui loquendi modus saepe etiam a scriptoribus usurpatus reperitur. Papebrocius in Conatu Chronico-Historico, dum de Hadriano primo loquitur, ait: « Necdum agnoscimus eo die quemquam mortuum, quo sepultum Anastasius dicit ». Verum diem quidem sepulturæ Anastasius de more memorat, sed is dies plerumque etiam Pontificum Romanorum emortualis est. H enim vel ipso die,

quo animam efflabant, sepulturæ mandabantur, vel saltem uno aut altero post die. Quod mirum videri non debet; cum ipsem Carolum Magnus, die quo vitam cum morte commutavit, terræ mandatus fuerit, ut infra videbimus. Solemnes itaque exequiae Pontificum Romanorum, quas pluribus ab eorum morte diebus celebratas fuisse putavit Papebrocius, fictitiae sunt, et effecere ut diem eorum obitualem raro detegere potuerit.

**2. Hadrianus Collectionem Conciliorum et Epitomen canonum Carolo, dum Romæ esset, dedit.** — Litteras Hadriani quarum argumentum Baronius tantum viderat, et num. 2 et seqq. refert, suis annis reddidimus, quia post ejus mortem eæ a Gretzero, et postea a Duchesnio tom. iii Script. Franc. publicatae sunt. Conciliorum vero volumen quod Baronius num. 10 dicit, Carolo Magno, dum Romæ esset, oblatum fuisse ad Occidentalium Ecclesiæ usum, post Baronii obitum primus publicavit Henricus Canisius tom. vi Antiq. lect. legiturque etiam tomo vi Conciliorum. At non Epitomen, sed integrum Collectionem canonum, ex quibus illa Epitome deinceps conflata est, tum Decretalium a Siricio ad Gregorium II Carolo Magno oblata fuisse, recte existimat Sirmondus tom. ii Concil. Gall. qui addit, illum ipsum datum Carolo esse librum, qui *Codex canonum* a Nicolao papa dicitur distinct. 19, cap. *Si Romana Ecclesia*, quique Moguntiae primum excusus est anno **MXXXV**, et in editione postea Parisiensi inscriptus: *Codex canonum vetus Ecclesie Romane*. Hoc enim indicant plura, que in bibliothecis Galliarum supersunt, hujus Collectionis exemplaria, quorum in fronte, velut oblati munieris dedicatio præfixa est, Hadriani ad Carolum Epistola. Cum vero Carolus ter in Urbem venerit, annis nimis **DCCCLXXIV**, **DCCCLXXI** et **DCCCLXXXVII**, Sirmondus Hadriani Codicem ad postremam profectionem, alii ad alterutram ex duabus prioribus referendum censem. Sed nullus haec tenus certum rei gestæ tempus e tenebris eruere potuit. In ea Epitome continentur canones Apostolici **XLV**, Aneyrani **XXIV**, Neocæsarienses **XV**, Gangrenses **XX**, Antiocheni **XXV**, Laodiceni **LVIII**, Sardicenses **XXI**, Carthaginenses **XXXIII**, Africani **CV**. Collectio vero complectitur viginti canones

Nicænos, Constantinopolitanos, Ephesinos, Chalcedonenses, qui in Epitome desunt.

3. *Leo III Hadriano succedit.* — Ad num. 40 et seq. Anastasius in Vita Hadriani docet Leonem III, natione Romanum, postridie mortis Hadriani electum fuisse, dieque in sequenti ordinatum: « Divina, inquit, inspiratione, una concordia, eademque voluntate, a cunctis sacerdotibus seu proceribus et omni clero, necnon ab optimatibus, et cuncto populo Romano, Dei nutu in natali die beati protomartyris Stephani electus est, et sequenti die in natali sancti Joannis Apostoli et Evangelistæ ad laudem et gloriam omnipotentis Dei in Sede Apostolica ordinatus est ». Sed Baronius, qui Hadrianum die xxvi Decembris demortuum existimabat, ne quidem diem integrum Sedem ipsam vacasse credidit, ipsumque passim alii exscripsere.

4. *Constantinus imp. legitimam conjugem dimittit, et aliam sibi copulat.* — A num. 42 ad 65. Theophanes an. Incarn. secundum Alex. DCCCLXXXVII, qui kalend. Septemb. superioris Christi anni inchoatur, ait: « Hoc anno imperator uxoris Mariæ consortii pertæsus, matris consilio, quæ ut imperandi potestatem ad se traduceret, cunctorum odiis filium exponere satagebat, monialem eam fieri compulit: ac propositum hujusmodi persuasam in monasterio capillis abdicavit mense Januario, Indictione tertia ». Paulo post: « Mense vero Augusto Theodotem cubiculariam imperator coronavit Augustam, et illegitimo eam sibi copulavit conjugio ». Tum anno Incarnat. DCCCLXXXVIII kal. Septembri hujus Christi anni inchoato scribit: « Hoc anno, mense Septembri, Indictione quarta, feria hebdomadis quarta, imperator, conjuncta sibi Theodote, in sancti Mamantis palatio nuptias celebravit ». Subdit: « Eodem etiam anno Plato Saccundionis præpositus a Tarasii patriarchæ communione se segregavit: quod ille communionis suæ participem redderet imperator, et catechistæ imperatricis tondendæ potestatem fecisset, et abbatu Josephi Catharorum præposito, ut eum cum Theodote ad nuptiales corollas admitteret, parrem dedisset veniam. Imperator accepto nuntio Bardanium patricium et scholarum domesticum, et Joannem opsicu comitem misit, qui Platonem in urbem inductum, in ergastulo ad Michaelis cœlestis militiæ principis in palatio erectam ædem inclusit. Reliquos autem monachos una cum Platonis nepotibus cœsos Thessalonicanam relegavit: quos Irene ideo defendendos suscepit, quod filio adversarentur, et eum probris incesserent ». Anastasius et auctor Miscellæ loco, *Indictionis* iv, habent *Indictionem* i: quem errorem Baronius agnovit; sed quia illi mensem prætermittunt, loco *Indictionis* i, reponendam dicit *Indictionem* iii. Verum cum res mense Septembri contigerit, recte Theophanes Indictionem quartam habet.

5. *Ei viri sancti restiterunt.* — *Sanctus Plato* anno superiori præfecturam monasterii *Sacundionis* abdicarat, camque in *Theodorum* nepotem

transtulerat. Quare hoc tempore alieno subjectus imperio vivebat; sed, ubi vidi *Constantinum* imp. legitimam conjugem repudiasset, hoc ei non licere imperterritus pronuntiavit, et obesus imperatori ei in facie restitit. Carceri quidem inclusus est, sed in proposito perslit. Interim pueri ejus seu socii relegati sunt, ipseque carcere liberatus non est, nisi quando *Irene* rursus imperare coepit, ut narrat Baronius ex Theodoro Studita in ejus Vita. Restitit et imperatori *Tarasius* patriarcha Constantinopolitanus, ut liquet ex ejus Vita ab Ignatio ejus discipulo scripta, cuius verba recitat Baronius num. 47 et seqq. Denique imperatori etiam restitit *sanctus Theodorus* Studita, ut narrat Michael Theodori discipulus in ejus Vita, cuius verba recitat Baronius num. 55 et seqq.

6. *S. Tarasius utitur temperamento in reprobatione nuptiarum imperatoris.* — Cur vero *Tarasius* se a communione imperatoris, *Platonis* et *Theodori* exemplo, non segregarit, hanc rationem reddit Baronius num. 46, quæ, quia in editione Coloniensi, qua utor, scripta est charactere italicico, ut sunt verba, quæ a num. 43 ad 46 ipsem refert ex eodem Theodoro in Vita sancti *Platonis*, et hæc characteris similitudo lectorem facile in errorem impelleret potest, hic earum partem recitabo, eoque magis quo anno DCCCVIII, num. 9, sibi Baronius hac in re constare non videatur: « Non sic eum aversatus est Plato », inquit Baronius, « quod ipse probaverit scelus imperatoris: id quidem nequam accidit unquam, neque quod coronaverit Theodotem pellicem, etc. Verum eo quod redargutum imperatorem nequam ab Ecclesia separasset, sed cum illo communicaret, neque eum qui adulteram coronasset ab Ecclesia abjecisset: idcirco ipse Plato ab ejus se communione abstinuit, etc. Gravis angustia premebat animum patriarchæ, cum vereretur ne nimis exasperando animum imperatoris et ab Ecclesia removendo, eum faceret fidei Catholicæ desertorem; adhuc recentia Ecclesiæ vulnera, et vix obducta erant per Concilium ejus opera celebratum Nicææ aduersus Iconoclastas: adhuc vigebant hostes Ecclesiæ: erat ipse adolescens animo mobilis et instabilis, et hæreticorum parentum mala propago, perfacilisque ut levi flatu in hæresim præceps impelleretur: hæc, inquam, et alia hujusmodi alto mentis consilio versans Tarasius, sic erroris redarguere voluit imperatorem, ut tamen eum licet poena illa dignum, noluerit ab Ecclesia separare. Verum tanti viri digna audi in hac pugna exaultata certamina. In rebus enim ab eo præclare gestis hæc ab ejus temporis scriptore Ignatio monacho narrata leguntur his verbis, dum agit de Constantino imp. solo sine matre Irene regnante ». Hæc seite prudenterque Baronius, idque juxta Michaelen discipulum sancti Theodori Studitæ in ejus Vita, cuius verba recitat Baronius num. 54, imo et juxta Ignatium diaconum, cuius narrationem anno DCCCVIII, num. 2 et seqq. referemus. Porro de Ignatio tradit Suidas:

« Ignatius diaconus et vasorum custos magnæ Ecclesie Constantinopolitanae, dein factus Nicænus metropolitus Grammaticus: scripsit Vitas Tarasii et Nicephori sanctorum et beatorum patriarcharum; Epitymbios, Elegos, Epistolas, iambos in Thomam Antarten, et alia multa ». Quæ Baronius habet num. 47 et seqq. scripta sunt ab eodem Ignatio in Vita Tarasii.

7. *Elias in patriarchatum Hierosolymitanum restitutus.* — Neque Anastasius, neque auctor Miscellæ, multo minus Theophanes asserunt, Joannem hoc tempore Ecclesie Hierosolymitanæ præfectum fuisse, quod tamen memoriae lapsu Theophani Baronius adscribit. Erat his diebus *Elias* patriarcha Hierosolymarum, ut colligitur ex Theoctisto in Vita sancti Stephani Sabaitæ, ubi postquam locutus est de morte Theodori, qui eo in exilium per Saracenos ejecto, sedem Hierosolymitanam occupavit, et post breve tempus male vitam finivit, ait: « Sanctissimus patriarcha dominus Elias ad proprium remeavit thronum, festive honorificeque remissus; et patriarchali dignitate multiplicitate fruens per annos complures sancte ex hac vita migravit, successoremque in Theadelphico throno accepit synecclum suum dominum Georgium ». Tempus restitutionis Elike ejusque mortis incomptum; ex Actis tamen sanctorum viginti monachorum Sabaitarum anno sequenti passorum, ut ibi videbimus, liquet biennio post illorum martyrium *Eliam* adhuc in vivis fuisse, cum scilicet Lauras monachorum Hierosolymitanorum Barbæ invasere.

8. *Annus xxv belli Saxonici.* — Ad num. 63 et seq. *Hunni* jam pâne a trecentis annis Romanos afflixerant et expoliarant, sed eum Carolus decrevisset eos debellare, *Theodo* vel *Thudo* aut *Todanus* eorum rex ad eum venit, seque cum suis fidem Christianam suscepturum sponponit, ut narrant chronographus Moissiacensis, et annalistæ Loiselinus, Bertinianus, aliqui cum Eginhardo in Annal. Audiendus annalista anonymous, qui ab an. *DCCXCIV* usque ad annum *DCCCLIII* res a Carolo Magno gestas prosecutus est, extatque lib. 2 Biblioth. Cæs. cap. 5: « Aquis-Palatio dominus rex celebravit Pascha, et infidelitas, unde consueverat, a parte Saxonorum (pro Saxonum) exorta est; quia, cum dominus rex super alias gentes venire voluisset, nec ipsi ad eum plenier venerunt, nec ei solatium, ut ipse juss erat, transmiserunt. Tunc iterum cognita infidelitate eorum, rex cum exercitu suo super eos veniens, alii ei pacifice obviam venientes ex parte Saxonorum, et cum eo in solatio suo ipsum iter expleverunt; et ipse cum exercitu suo ad Albiam (id est, ad Albim fluvium) pervenit, sed alii circa paludes Albæ et in Wihmuodingas ad eum pleniter non venerunt. Dominus rex tamen resedens apud Bardunwich tantam multitudinem obsidum inde tulit, quantam nunquam in diebus suis, aut in diebus patris sui, aut in diebus regum Francorum inde aliquando tulerint. Sed et tunc omnes ad eum venientes, excepto his (pro exceptis his) quos

jam supra commemoravimus, et hi, qui trans Albe (id est, Albim) erant; ipsi ad eum pleniter adhuc non venerunt, eo quod vassum domini regis (sue vassallum ac clientem) Wizzin regem Abotridarum occiderunt; ideo non eredebant, quod in gratia ejus pervenire potuerent. Cæteri autem ad eum omnes pacifice venerunt, et jussionem suam promittentes implere, et ita dominus rex iterum credens nullum voluntate interficiens fidem suam servando. Tunc ad Aquis-Palatio (id est, ad Aquisgrani palatium) de terra Avarorum regulus quidam, nomine Todanus, ad dominum regem veniens cum comitibus suis; quem dominus rex honorifice suscepit, et baptizari jussit, et eos qui cum eo venerunt, et cum magno honore et donis eum remeare fecil ad propria. Et in eo anno a parte Avarorum venerunt thesauri magna multitudo; pro quibus dominus rex omnipotenti Regi gratias agens, distribuit ipsum thesaurum inter Ecclesiæ, episcopos seu abbates et comites, necnon et universos fideles suos de eodem thesauro mirifice honoravit». Postea auctor iste barbarus, sed coœvus mortem Hadriani papæ narrat. Porro hujus annalistæ verba exscriptis chronographus Moissiacensis.

9. *Hunni, seu Avaræ Baptismum suscipiunt.* — Eginhardus in Annalibus hæc addit: « Quantum Saxones æstate præterita et obsides dedissent, et secundum quod jussi erant sacramenta jurassent, rex tamen illorum perfidie non immemor, conventum generalem trans Rhenum in villa Cuffenstein, quæ super Mœnium contra Mogunciacum urbem sita est, more solemnæ habuit, atque inde cum exercitu Saxoniam ingressus, pâne totam populando peragravit ». Ad bellum illud provocatus est Carolus, quod Saxones ei auxilium contra Selavorum, aut Hunnorum gentes præstare noluisserent. Rerum in Saxonia præclare gestarum audita relatione, Alcuinus Epistolam cxii ad Paulinum Foro Juliensem patriarcham scripsit, in qua ait: « Mirabiliter de Avarorum genere triumphatum est, quorum missi ad dominum regem directi subjectionem pacifice et Christianitatis fidem promittentes. Et, si hoc, divina eos præveniente gratia, verum est, quis se servorum Dei tam pio et laudabili labore subtrahere debet, ut diaboli diruatur saevitia, et Christi Domini crescat servitium? ». In iisdem litteris Alcuinus eidem Paulino bis se paulo ante scripsisse sic testatur: « Binæ vestræ paternitatis paulo ante direxi charlulas, unam per sanctum episcopum Histiensem, aliam per virum venerabilem Æricum ducem », seu Henricum ducem, de quo anno sequenti sermo erit.

10. *Episcopatus Paderbornensis instituitur.* — *Hadunarius* sive *Hatumarus*, aut *Herinmarus* hoc anno primus Paderbornensis episcopus apud Gobelinum Personam officialem Paderbornensem in Cosmodromio. Et. 6, cap. xxxvii, sic constituitur: « Anno Domini *DCCXCIV*, Carolus Ecclesiæ, quam in Paderborne fundavit, quendam canonicum Ecclesiæ Wirzburgensis *Hatumarum* nomine, de Sa-

xonia ortum, et tempore superiorum bellorum sibi a parentibus obsidem datum, præfecit episcopum ». Idem habet Krantzius lib. 1 Metrop. cap. 2, porro cum Paderbornensis episcopatus erectus est, *Buraburgensis* desiit, vel in illum potius coaluit, ut inquit Serarius Notat. 29 in Vitam sancti Bonifacii. Postquam Carolus Magnus, uti scribit Ferdinandus Furstenbergius episcopus Paderbornensis in Præfatione sui operis, gentem in avita superstitione perlinacem, non sine multis expeditionibus et maximo labore ad religionem Christianam perduxit,

nova in episcopatus et diœceses cœpta distributio, et certi cuique limites designati. Baronius sermonem hic habet de bello ab Henrico duce Forojuensi adversus Avares gesto, sed illud ad annum sequentem differimus. Præterea dicit, anonymum scriptorem translationis *sancti Liborii* Genomanensis episcopi anno DCCCXXXVI peracte, indicare Paderbornensis episcopatus foundationem serius factam esse. Verum nihil in hujus anonymi narratione habetur, quod Krantzii et Gobelini Personæ relationi aduersetur.

### LEONIS III ANNUS 4. — CHRISTI 796.

1. *Theodori Studitæ in exilium pulsi eum monachis ab imperatore, Epistole hortatorie.* — Qui sequitur annus Redemptoris septingentesimus nonagesimus sextus Indictione quarta signatur, cuius initio ab imperialore Constantino decernitur exilium Theodoro Studitæ, et aliis sanctis monachis, a quibus justissime (ut par erat) redargutus esset, quod dimissa legitima conjugi, aliam præter jus fasque sibi matrimonio copulasset. Scribit ipse Theodorus ad Platonem de suo exilio Epistolam tertiam ordine positam in antiquo Codice Columnensis bibliothecæ, ex qua hie describamus ea, quæ ad rem spectare videntur. Incipit ipsa: « Profluunt mihi lacrymæ ante verba, etc. » Quibus declarat lætitiam, quam acceperat ex ejusdem Platonis litteris. Et post alia: « Et quoniam distinete narrare me jubes ab illa die, qua luctuosam separationem sustinuimus, totum iter nostrum, tum quæ in eo nobis contigerunt, equidem impar sum; agrediar tamen impigre quod jubes. Illo ergo die, quo abiisti tu quidem, pater, ad mortem tua voluntate: missi et nos in exilium sumus, obviis (ut res tulit) jumentis subvecti. Et primum quidem, tanquam larum rerum rudes atque inexperti, non-nihil animo consternati sumus. Appulimus enim ad pagos quosdam, spectaculum facti omni hominum sexui et aetati: ubi tumultu clamoribusque impletæ nobis aures fuerunt, cum solverent, et subsisterent ad comparanda victui necessaria, qui nos ducebant. Postquam assuefacti tandem fuimus, facilius et lenius ferre coepimus adversa. Omnia porro maxime nos angebat patris et domini dia-

coni infirmitas. Atque hoc modo tristes et exhausti iter confecimus.

2. « Mansiones autem hæ fuerunt, a Calharis ad Libiana, inde ad Lencas, tum Phyræum. Quo in loco lugubre quiddam nobis accidit. Cum enim ex improviso se obtulissent novem ex primariis fratribus, ovium instar dispersarum, circumsederunt nos flentes et corda nostra conficentes. At ductor noster nec alloqui eos sinebat. Ita miserum in modum adspectantes mutuo, et vale dicentes, cum lacrymis tandem divulsi et separati fuimus. Deinde Paulam ducti, invenimus venerandam sororem tuam cum domino Sabba, et clam venimus in conspectum; totamque noctem congruo sermone duximus: tum invicem tanquam morti addictos salutantes, discessimus cum gemitu et ejulatione. Ac tunc videre erat convulsa pectora et fatiscentia, cum decenter victa cederet natura. Ex hoc loco digressi substitimus in Lupadio, ubi permanenter ab hospite habitu fuimus, balneoque usi propter vibices: nonnullis enim pæne insanabiles evaserunt ex itineris agitatione. Et divertimus Tilin. Illic ergo assecutus nos abbas Zacharias cum Pionio, præ animi ardore nobiscum venire cupiebant, sed permisum id eis non fuit. Inde Alcerizam, tum ad Anagegrammenos. deinde Perperrinam, alque illinc Parium, cum episcopis communicantes, et de jurejurando modeste admonentes. Post hæc Horcum, inde Lampsacum, ubi Heraeleotas naeli, triduo haesimus, navigare non valentes.

3. « Deinde solventes appulimus Abydum, a præside humaniter excepti; cumque ibi usque ad

sabbatum octo dierum spatio manissemus, vela fecimus ad Eleantes, ubi hebdomadem commorati, quod navigari non posset, secundo vento flante, pervenimus in Lemnum novem horarum velificatione. Orationem hic moratur pietas episcopi, qui me (si quis alius) benigne suscepit, consolatus est, et viatico instruxit. Inde ergo soluta navi, non sine metu, propter finitam gentem, in adversam oram, valido spirante Borca, transmisimus, centum quinquaginta millium pelagus duodecim horis emensi, appulimus Canastrum in finibus Thessalonicae, deinde Palenam Sinui configuam. Tum ad portum, ex quo in animalibus iterum sedentes, in urbem ingressi sumus sabbato die, festo Annuntiationis, hora tertia. Qualis vero ingressus? neque hoc praeterire fas est.

« Præmissus a prefecto unus exprimoribus cum militum manu, ad Orientalem portam exspectabat. Et appropinquantibus nobis, occurrerunt recta acie, silentio, et clausis post ingressum nostrum portis, per forum nos duxerunt celebri pompa, in oculis eorum, qui ad spectaculum accurrerant, perduxeruntque ad præsidem. O præclarum virum! placidum enim vultum nobis exhibens, cum prostratus salutasset, miti nos sermone affatus est, misitque ad archiepiscopum, precibus ante fusis in S. Sophiæ. Ubi ergo in oratorio suo precatus est sanitissimus, excepit nos et opipare tractavit, consentaneis verbis alloquens, tum balneo cibisque reficiens ac restituens. Postridie mane abdueti sumus, et per speciem quasi ad S. Demetrii precum causa duceremur: separaverunt nos omnes, orantes mutuo et vale dicentes. Nos vero fratres duos, cum in hunc, in quo nunc dego, locum perduxissent, sejunxerunt, fœbiliter amplectentes mutuo, adeo ut spectantium nonnulli misericordia commoverentur. Sie se habent res nostræ, pater, et ego vitam hic ago luctuosam et lamentabilem, etc. »

4. Porro non his tantum cruciabatur Theodorus, sed maximopere eum angebat cura suorum, quos reliquerat: quorum muniendorum causa sanctus Plato monuit ipsum, ut hortatorias litteras ad seipsum daret, quibus reliqui commoneri potuissent, ne timore vel blanditiis a cœptis aliquando desisterent, et imperatori assentirentur. Præstitt id egregie Theodorus, ad eundem Platonem eo argumento Epistolam verbis istis conscribens:

« Platoni patri spirituali Theodorus<sup>1</sup>.

« Quibus verbis te affabimur, pater dulcissime, sanctis visceribus tuis orbati? Quid læti aut jucundi loquemur? neque enim luctuosa et tristia, quasi acerbe ferentes hoc, quod exilium existimat; quod nos a te didicimus non agnoscere, ut qui incolæ simus universæ terræ; sed illud solum, quo quis a Deo per eujuslibet ejus mandati prævaricationem excidit, longeque projicitur. Quapropter gaudemus sane et lætamur, quod quamvis indigni cælo et terra simus, tecum tamen spiri-

tuali patre nostro digni habiti sumus, qui pro ejus mandato haec pateremur, tuaque secundum carnem consuetudine privaremur. Cæteroqui enim nobiscum semper es, pater, in oculis atque ore omnium nostrum. Ecce aliter vivere possimus, nisi a te sanctarum precum præsidio tegainur, et a malo servemur innoxii? Seorsim abjecti ac segregati omnes fuimus, salvi tamen omnes atque integri ac stabiles permansimus. Et quanquam parva quedam incommoda in via pertulimus, nonnullis nostrunn etiam morbo affectis: ille nihilominus qui dixit: Respicite volatilia cœli et lilia agri, qui minime fallit in promissis suis, incolumes nos tandem præter spem nostram huc perduxit, ad ærumnae nostræ commiserationem incolarum corda inflectens, sed potissimum archiepiscopi.

5. « Reliqua vero una est cura nostra, et assidia meditatio, cum prolixis precibus et immeritis, ut ipse corroboreris, pater desiderabilissime, et in instituta pro veritate Dei confessione fixus atque immobilis maneas, nihil trepidans, aut animum conturbans ad eorum insultus, qui certaminum gloriam, quæ pro pietate cum divina gratia obiisti, evertere conantur. Sparsa enim ubique fama est, omnesque prope modum homines stupore complevit, et cornu salutis erexit in Christianis, infamiam auferens ex ordine monachorum. Atque hoc, scio, unusquisque fatebitur compos rectæ mentis vivere Christum in nobis et regnare, eique obedire nos magis, quam hominibus, quos creavit, ut non contennatur, sed glorificetur ab eis. Omnia ergo tibi perspecta sunt: scis quid facto opus: comminatione nostra non eges, verumtamen haec ita nos scribere præcepisti. Quare noli hominem timere, pater, aut hominum vexationes. Nostri sanctos, cum umbram et somnum haec ducerent, admirabiles cælo terrisque extitisse. Modicum, quæso, laboremus: modicum adhuc sustineamus, et egregium cursum consummabimus. Jam corona texitur, merces æterna præparatur, et cælestis Regis amicus sanctorumque particeps vocabere, et apud homines confessor. Sic, sic, oro atque obtestor paterna viscera mea. Esto nobis fortitudo, patientia, constantia. Tu enim, pater, si steteris, nos imbecilles filii tui valentiores mox reddemur, et vires animos capiemus, casus omnes pariter fereimus, Dei virtute ac precibus tuis: a Deo siquidem est hic secessus, sie approbante omnino res nostras, viresque suppeditante.

6. « Facundiam eorum qui te a veritate dimovere conantur, haudquaquam formides, pater. Simplex sermo. Ait enim uspiam S. Epiphanius in oratione sua de Paschate, qualis sit homo, præter ea quæ in divinis litteris scripta sunt, consulens, ex corde loquitur et enarrat mandata hominum: et de his ipsis Apostoli verba producens: Licet<sup>2</sup>, inquit, Angelus de cælo sit, anathema illi. Quo autem numero illud censemus<sup>3</sup>: Sacerdotes mei

<sup>1</sup> Theod. Ep. 1. ex Cod. Columnens.

<sup>1</sup> Gal. 1. — <sup>2</sup> Ezech. xxii.

contempserunt legem meam, et polluerunt sanctuaria mea ? Quod prophetæ dictum usurpans Theologus in magno Apologetico hæc addit : Profana et saera non distinguebant, sed omnia illis communia erant. Quam multa sunt alia, si quis audire velit ? Desinant ergo, qui falsis sermonibus perverlunt Dei veritatem, sibique ipsis attendant. Nos enim, cum perspicuum sit mandatum, et ignem æternum prævaricantibus minetur, nequamquam cedemus humanis terroribus, aut suppliciis, per suscepta pro veritate certamina. Quin si sanguinem profundere opus sit, lubentes atque hilares profundemus. Deo nos per sanctas preces tuas corroborante.

« Viriliter age, et tu domine frater Euthymii, bonum certa certamen, ne deseramus nos, lux mea et visera mea, ne pro exiguo et brevi latitiae fructu beatam vitam amittamus, ne praesentium rerum jueunditate capiaris, neve ad tribulationes succumbas, frater, noli terga dare. Gavisus est Christus, videns te sua causa flagellatum. Cave illum contristes, dileete mi, vel collatantes angelos, vel Dominum Patrem, vel quæ nos Spiritu sancto enixa est, venerandam matrem, vel fratres tuos omnes in eque præcipue, quem amare te dicis. Tres sumus carne fratres, simus et spiritu, ne violemus sacrum et divinum numerum. Exponamus nos ipsos pro Dei mandato ad supplicium, ut in aeternum vivamus.

7. « Quod superest, sollicili etiam, pater, sumus de reliquis fratribus nostris dulcissimis, quam recte illos Dominus direxerit. Hoc enim peccatores oramus, ut ipse illorum curator sit, dispensator et ductor, prout ipse novit et jubet, res illorum administrans. Revera enim uberes lacrymas pro illis fundimus, semper in oculis nostris illorum vultus versantur, dum eorum preces imploramus sub-sidio negligientiae nostre. Verumtamen tu pro omnibus precare, pater, ut patientiam adipiscamur, felicitatem, praesidium a Deo, et auxilium aduersus diaboli tentationes, et quod Deo placuerit, ut te in carne, aut alios fratres nostros videamus. Fiat, fial. Quæsumus, et andemus, ex nobis salutare dulcem fratrem nostrum, si tecum est, aut si quis alias fratrum nostrorum, quisquis erit, cui numerabis. Salutal mecum sanctam animam tuam dominus diaconus, et pater noster, egregius frater meus et filius tuus economus, cæteri honorandi fratres et desiderandi. Ora pro nobis, pater, enixe et incessanter ». Hucusque Theodori ad Platonem Epistola. Cui et aliam addidit haud absimilis argumenti, cum responsum ad priores litteras nondum accepisset. Est ipsius exordium ejusmodi : « Jam iterum scribo ad dominum et patrem meum : nec seio an litteras meas acceperis, etc. » Sic Theodorus, qui suo exemplo alios docuit, quid Deo gratum facere deberent, eosdem suis litteris continet in officio. Protectus ipse a Deo, quo usque in sacrarum legum contemptorem imperatorem Deus ulciseretur, secundum illud Da-

vidicum<sup>1</sup>: « Beatus homo quem tu erudieris Domine, et de lege tua docueris eum, ut mitiges ei a diebus malis, donec fodatur peccatori fovea ». Quod perfidere haud diu moratus est.

#### 8. *Cœptæ insidiæ Irenis in filium imperatorem.*

— Hoc siquidem anno a matre Irene Constantino imperatori parantur insidiæ, quibus tandem sequenti anno tentus, orbatus oculis ac simul vita fuit. Seclus plane exērandum, nisi (quod mihi multi excusant) justitiae eam zelus ad id faciendum excitasset, quo nomine eadem post hæc meruit commendari. At non fuit matris jussio, ut ista pateretur, sed ut teneretur, nec amplius imperaret, tanquam si e manu furiosi gladium auferret. Docuit Christus verbis suis summæ pietatis genus esse in hoc aduersus filium esse crudelem, ipso dicente<sup>2</sup> : « Qui diligit filium suum plusquam me, non est me dignus. Non veni pacem mittere, sed gladium, veni separare filium a matre ». Cum jam olim Dei præcepto justæ sint armatae manus parentum in filios abeuntes post deos alienos, illisque necatis, qui hoc fecerunt Moysis ore laudati, ita dicentis<sup>3</sup> : « Consecrastis manus vestras hodie Domino unusquisque in filio et patre suo (quos occiderunt) ut detur vobis benedictio ». Plurimum quidem interest quo quis aliquid animo agat. Si enim regnandi cupidine Irene in filium molita esset insidias, detestabilior Agrippina Neronis matre fuisset, cum illa suæ quoque vitæ dispendio filium imperare maluisset : nam illa fatidico prædicenti, fore, ut si imperaret, matrem occideret, respondisse fertur : « Occidat, modo imperet ». Contra vero quod ista religionis causa, amore justitiae in filium perpetrata credantur, ab Orientalibus nonnullis, qui facto aderant, viris sanctissimis eadem post hæc meruit præconio celebrari, ut suis locis dicturi sumus. Modo autem exordium magnæ tragœdie, seriem rei gestæ anni hujus a Theoplane narratam sie accipe :

9. « Anno septimo imperii sui, mense vero Septembri, ingressus est imperator cum matre sua, ut caleficeret apud Prusam (erant ibi balnea ad opus parata) Octobri vero mense natus est imperatori filius, quem cognominavit Leonem. Quæ cum cognovisset imperator, derelicta matre apud Thermas una cum ordine regio universo atque principibus, cursim in urbe regressus est. Quapropter hujus mater spatio reperto, allocuta est et subtraxit muneribus et promissionibus agminum principes, ut deponeretur filius ejus, et ipsa singulariter imperaret : et alios horum per seipsam, et alios per homines suos blandiens, attraxit ad se omnes, et præsolabatur congruum invenire diem ». Haec enim de his, quæ præsenti anno sunt inchoata, quæ vero sequenti sunt consummata, suo loco dicturi sumus.

10. *Reliquæ S. Euphemie repertæ et Constantiopolim relatæ.* — Hoc eodem anno, Indictione quarla, qui et vicesimus secundus inchoatus nu-

<sup>1</sup> Psal. xciii. — <sup>2</sup> Matth. x. — <sup>3</sup> Exod. xxxii.

meratur ab obitu Copronymi, delatum est Constantinopolim ex Lemno insula corpus S. Euphemiae, quod ipse testatur qui interfuit Theophanes, qui ait : « Hoc stupendum et dignum scriptura miraculum post viginti duos annos post iniqui principis mortem (Copronymi scilicet) una cum piissimis imperatoribus et Tarasio sanctissimo patriarcha nos vidimus, et cum eis amplexi sumus, licet indigni, magnam gratiam promerentes ». Hæc Theophanes post annum vicesimum secundum ejusdem Constantini Copronymi, quo ejusdem martyris capsum venerandum corpus continentem, in mare fuisse projectam affirmat. Qui autem rem gestam fusius descriptsit ejusdem temporis anctor, sic narrat<sup>1</sup> : « Post ejus projectionem in mare, et delationem in insulam Lemni enarratam, sic prosequitur de translatione facta Constantinopolim historiam :

« Ubi pia imperatrix divino zelo incitata, cœpit omnia reædificare : fractum templum benedictæ Euphemiae ante alia omnia contendit rursum ædificare et ornare. Quod etiam fecit : et cum id omni pietate ornasset, effecit, ut in eo offerretur increnatum sacrificium. Et Chalcedone statuit episcopum : erat enim ad hoc usque tempus vidua propter injuriam ei illatam ab impiis imperatoribus, qui beatæ Euphemiae memoriam et civitatem delere statuerant. Atque divino quidem zelo mota pia illa imperatrix de reliquiis beatæ Euphemiae satagebat, et erat sollicita. Et cum omnes ad quaerendam hanc rem sanctam adhortaretur : ei, qui facit voluntatem eorum qui ipsum timent, et implet consilia eorum qui ipsum invocant, placuit benedictæ Euphemiae aperire reliquias eo modo, qui est a nobis declarandus.

44. « Annis præteritis fuerant in eo loco occultæ et tectæ silentio, omnibus insulae incolis maximam in eis fidem habentibus, et hoc arcanum conservantibus, partim propter tyrannorum insolentiam, partim autem ne agnoscerentur, et ab eis auferrentur hujns quæ multa et præclaræ subiit certamina reliquiae. Cum autem insignis et benedictæ martyris Euphemiae miracula in omnem partem pervaderent, magnaque advenarum multitudo ad reliquias conveniret : repente quidam ex proceribus, nempe ex apocrisiariis, iis, inquam, qui dant responsa, mittitur ab imperatore in Occidentem, venitque Lemnum, et contemplatus populi multitudinem, et ea quæ siebant miracula, cum veluti quedam hostilis invidia illum scelestum invasisset : rogavit quænam hæc esset populi congregatio, et quænam ea quæ siebant. Cum autem recte didicisset, cœpit vociferari et tenere eos, qui illic conveniebant populos, sic dicens : Ossa rursus habentur in honore? sic docent imperatores? et multum minatus, diruit domunculam, in qua jacebat loculus benedictæ Euphemiae. Cumque hæc fecisset, fremens recessit. Illine factum est, ut damnum martyr acciperet et ejus corpus vilipenderetur.

42. « Sed quoniam ubi vult Deus, vincitur ordo naturæ, et perit omnis humana ratio et inventio, hoc accidit. Contigit enim ut per successiōnem ad quendam virum bonum perveniret benedictæ Euphemiae habitaculum et oratorium, in quo positæ erant venerandæ hujus martyris reliquiae. Erat autem eis marmor impositum, quod illi pii naueleri imposuerant, inscriptum tali inscriptione :

NOS SERGIUS ET SERGONAS NAVIGANTES PER HELLESPONTVM CVM EX PROFYNDÒ SVSTYLISSEMV S RELIQVIAS  
RENEDICTÆ ET SANCTÆ MARTYRIS CHRISTI EUPHEMIE  
EIVS JUSSV NIC DEPOSIVMVS.

« Cum ergo per successionem hujus loci haeres fuisset Anastasius comes clarissimus, accidit, ut quorundam æmulatione falsis appeteretur maledictis, et a sua dignitate excideret. Is vero nihil cunctatus, venit Constantinopolim, volens in suum restitui comitatum. Cum autem (ut solet unusquisque) quæreret aliquem invenire, qui eum sua intercessione defenderet apud imperatorem : quidam ei dixerunt, Chalcedonensem metropolitanum ad id fore idoneum, ut qui possit libere et fiderenter loqui, et majora sustineat et defendat negotia.

43. « Cum ergo de eo interrogasset, invenit illum in palatio. Et cum ad ejus pedes procidisset, renuntiavit ei propter quam causam adsit, rogans ut sit ei intercessor et adjutor. Contra autem dicebat metropolitanus, se id non posse facere. Postquam ergo eum dimisit, ingressus est in partem ædis episcopatus, in qua est etiam templum benedictæ Euphemiae. Prope autem eum secutus est vir, divina motus providentia. Templum vero comes ingressus, cum Deo divinam emisisset orationem, sedit in quodam loco. Ad eum autem accedens supradictus vir, qui erat unus ex clericis templi, et cui sua vice creditum erat officium, rogavit cujas et quisnam esset. Ille autem ei illico exposuit, cujasnam esset, et quæ ei molesta acciderant. Rogavit autem comes clericum, cujasnam esset hoc templum. Is vero dicit, benedictæ Euphemiae. Ille autem respondens, et sincerissime manum pectori admovens, inquit : O meam omni ex parte benedictam Euphemiam! Ei vero rursus dicit clericus : Qnemadmodum dixisti, tuam esse benedictam Euphemiam? Ille autem respondens, dicit : Domi meæ et in oratorio meo ejus venerandas teneo reliquias. Et is rursum : Quomodo, inquit, fieri polerit? Vide, o homo, ne forte loquaris contra te ipsum, nec eas possis ostendere : nam Augusta et imperator eas eurat diligenter quærendas. Quare metropolitano quoque ea de causa jussere facere supplicationes. Ille autem rursus : Pro certo habeat tua reverentia, quod reliquiae beatæ Euphemiae, quæ erant Chalcedone, sunt apud me.

44. « Sic confirmatus clericus et lætus et exultans renuntiat Andreæ sanctissimo metropolitano, gratulans, et Dei prædicans magnalia. Qui eum

<sup>1</sup> Apud Metaphr. die XI Jul. Lip. tom. VI. eadem die.

statim accersisset comitem, et ab eo fuisse factus certior : dedit gloriam Deo omnipotenti. Surgens autem prefectus est ad Tarasium sanctissimum patriarcham, et ei narravit omnem rei seriem. Tunc prefectus est sanctissimus patriarcha ad imperatricem et ejus filium Constantimum, qui erat Orthodoxus et amicus martyrum, et exposuit omnia quae facta fuerant. Qui rem admirati quae erat praeter opinionem, laudibus et hymnis Deo emissis, magno sunt affecti gaudio. Et scapha quamprimum expedita miserunt comitem suae dignitati restitutum donatumque muneribus, et insignes quosdam clericos ex templo benedictæ Euphemiae. Cum ipsi autem in Lemnum descendissent : congregati sunt illic qui circumcirca habitabant, in ira et indignatione, nolentes dimittere eis, qui missi erant ab imperatore, reliquias benedictæ Euphemiae. Qua de re cum non levis exorla esset perturbatio : videns Lemni sanctissimus episcopus populi motum progredi, surrexit, et ingressus est in medium eorum, vociferans et dicens : Cedite, o homines : eorum enim quae fiunt, nihil fit sine Dei nutu. Sie omnino Deo visum est. Vitemus itaque regis indignationem<sup>1</sup> : Ira enim regis est tanquam ira leonis.

15. « Hæc cum dixisset et plura alia, vix sedavit multitudinem, ne iis qui venerant, aliquid mali facerent et dicto comiti. In eum enim concitatus erat populi animus clamantis : Per ipsum proditus est noster thesaurus. Tunc ergo cesserunt et traducti sunt ad pacem, et Deo dederunt gloriam et laudem martyri, concedentes volentibus benedictæ Euphemiae venerandas reliquias. Quas cum accepissent, qui ad eas missi fuerant, tulerunt Constantinopolim, tota civitate et imperatrice et sanctissimo patriarcha egressis obviam. Cum eis ergo obviam processissent, et complexi essent cum ea, cum qua par est glorificatione, deposuerunt in ejus templo, et in ea arca, in qua prius martyr fuerat, unde profanus et execrandus imperator eam ablata immisit in profundum. Hi autem, qui eas intulerunt Byzantium et proceres, et qui primas obtinebant apud Arlabastinem et filias imperatoris, et alii plurimi diripuere reliquias. Quando etiam manum sanetam, quae librum accepit, sublatam a Niceta patricio cognomine Monomacho, qui in Sicilia insula martyris templum extruxit, dicunt illie fuisse repositam. Ilinc itaque factum est, ut pauca quedam ossa capitis, quae remanserunt, in ea qua olim fuerant area, clauderentur cum aliis reliquiis : quae etiam in hodiernum usque diem scimus servari in arcu. Arbitror autem in dicta quoque insula Lemno relictas esse quasdam partes corporis ». Hucusque de his auctor historiam prosecutus, consentientem iis, quae Theophanes scribit, gloriatus se non solum vidisse, sed etiam easdem venerandas reliquias esse complexum.

16. *Legationes et munera inter papam et Carolum.* — Quod ad res pertinet Occidentalis Eccle-

siae, anni hujus principio, Leo Romanus Pontifex ubi sedere coepit, nihil antiquius habuit quam ad Carolum Magnum legationem decernere. Mittens itaque ad eum legatos, eisdem ad ipsum munera dedit, claves scilicet aureas ex S. Petri Confessione ex more acceptas, necnon vexillum Romanæ Urbis. Hic tu rideas opus est, lector, novatorum deliria, dum quamlibet occasionem captantes, per claves ex legum prescripto tradunt, Carolum in possessionem immissum Romanæ Ecclesiæ, et per vexillum Romanæ Urbis. Ignorantes miseri ejusmodi dona mitti consuevisse a Pontificibus Christianis principibus, ut quae dicta sunt saepe superius de clavibus itidem ex sepulcro sancti Petri missis a sancto Gregorio papa Francorum regibus, et aliis principibus, et viris clarissimis ; factitatumque id ipsum ab ejus successoribus Pontificibus, quod hic a Leone factum vidimus. Et ne de vexillo misso habeas quod objicias : invenies inferius, anno octingentesimo in fine, a patriarcha Hierosolymitano ad eundem Carolum Magnum missas pariter loco benedictionis claves locorum sanctorum una cum vexillo, ut intelligas ejusmodi munera mitti consuevisse regibus ab episcopis. Honorasse vero Leonem Pontificem ipsum Carolum Magnum dono vexilli, eo quod potentissimus esset Ecclesiæ Romanæ defensor, dicere quoque possumus.

17. Rursum vero hoc eodem anno ab ipso Christianissimo principe Carolo Magno Engelbertum abbatem monasterii S. Richarri missum esse legatum ad Leonem Romanum Pontificem, ad munera deferenda, quae ex thesauro Hunnorum erepto idem rex fuerat consecutus, Annales Francorum affirman. De quo bello cum meminit Eginhardus, hæc ait : « Maximum omnium quae ab illo gesta sunt bellorum, præter Saxonum, huic bello successit, illud videlicet, quod contra Avares sive Hunnos susceptum est ». Et inferius de thesauris ab eo ereptis : « Neque ullum bellum contra Franco exortum humana potest memoria recordari, quo illi magis ditati et opibus aucti : quippe cum usque ad id temporis pæne pauperes viderentur, tantum auri et argenti in regia repertum, tot spolia pretiosa in præliis sublata, ut merito credi posset, hoc Franco Hunnis eripuisse quod Hunni prius aliis gentibus eripuerant ». Hæc ipse.

Dedit insuper eidem legato Engelberto, seu Engelperto ad eundem Leonem papam Albinus Flaccus, qui et Alcuinus, Epistolam dignam quidem multipli nomine ut hic describatur, sic se habet<sup>1</sup> :

« Domino beatissimo, atque omni honore nominando Leoni papæ humili levita Albinus æternæ in Christo gloriæ salutem.

« Suscipiat, obsecro, sanctissima pietas vestra, pater gloriosissime, benigno animo nostræ parvitatæ literulas, et me devolum vestræ dilectionis famulum agnosce. Semper sanctæ Romanæ Sedis beatissimos, quantum valui, principes et pastores

<sup>1</sup> Prov. xix.

<sup>1</sup> Albin. Ep. xxvii. om. I. antiq. lect.

amavi, cupiens illorum sanctissimis intercessionibus inter oves Christi numerari, quas Dominus Christus post resurrectionis suæ gloriam beato Petro principi Apostolorum pascendas commendavit. Quod vere dignum esse fateor, omnem illius gregis multitudinem suo pastori, licet in diversis terrarum pascuis commorantem, una charitatis fide subjectam esse, et sicut pio pastori concedat magnam sibi commissi gregis curam habere, et sedula pietatis admonitione, et sanctitatis intercessione providere, ne aliqui ex illis per præcipitia errorum a via veritatis, vel perpetuae pascuis vitæ exorbitare incipient. Gregis sanitas gloria est pastoris, et multiplicatio illius merces æterna.

« *Ecce tu, sanctissime pater, Pontifex a Deo electus, vicarius Apostolorum, haeres Patrum, princeps Ecclesiæ, unius immaculatæ columbae nutritor. In te fides resplendet, devotio fulget, charitas abundat. Congrega nos filios sanctæ Dei Ecclesiæ, et paternæ miserationis affectu, tuis sanctissimis orationibus et dulcissimis sacrarum litterarum exhortationibus, intra firmissimum Ecclesiæ soliditatis ovile, ne aliquis ex nobis errabundus lupina rapacitate foris inveniatur devorandus. Nam splendentia cœlestis mandræ agmina Navitatis Domini nostri IESU Christi gaudia primo pastoribus, qui supra suos devote vigilarant greges, nuntiare venerunt. Ecce tuis sanctissimis vigiliis, ac pastorali sollicitudini probatissime archimandrita, angelicas a supernis sedibus visitationes adstare non dubitamus, quarum auxilio quæcumque divinam posceris pietatem, impetrare te posse credimus.*

« *Unde ego ultimis sacratissimi ovilis vernalibus, et morbida peccatis ovicula, spe, pace bonitatis vestre animatus ante sanctissimos paternitatis tuæ pedes animo prostratus, suppliciter deposco, quatenus durissima peccatorum meorum vinclia per Ecclesiasticam Apostolicæ auctoritatis potestatem solvere digneris; et paternæ pietatis precibus cursum vitæ meæ, qui restat, ad perpetuæ portas civitatis dirigere studeas. Grandia posco quidem, sed charitas grandia novit dare, poscentem pro filia viduam Christi clementia non spernit, sed ait<sup>1</sup>: O mulier, magna est fides tua! fiat tibi sicut vis. Fides me hortatur hæc poscere: spes confirmat impetrare: charitas, credo, negare non præsumit. Christus pro nobis, cum iniunici essemus, mori non dubitavit: quanto magis te, pater sancte, pro amicis velle orare, credendum est?*

« *Sub te pastore augeatur grex Christi. Tu consolator moerentium, adjutor laborantium, spes ad te clamantium, lux vitæ, religionis decus. Locus in quo stas, omnibus te honorabilem facit, et morum nobilitas laudabilem, et pietatis devotionem amabilem. Et qui sedem sanctorum tenes Patrum, eorum exemplis inhæreas semper, ut cum illis multiplici laboris mercede Domini Dei tui gaudia intrare merearis. Iste filius meus charissimus Eu-*

*gilbertus vobis patefacere valet nostræ parvitatis erga Apostolicam Sedem devotionem, etiam et voluntatis nostræ petitiones, quiem vestræ paternitati valde fidelem esse agnovi, et ideo nostræ necessitatis causas illi injunximus, ut per os illius pietatis vestræ aures mei cordis audiant obsecrationes ». Ilucusque Albinus ad Leonem Pontificem.*

18. *Regis Merciorum et Leonis papæ litteræ utrinque date.* — Insuper vero eodem anno missa est legatio ad eundem Leouem Pontificem ex Britannia a rege Merciorum, qui Offæ successerat, Kemulpho nominato. Hic ubi audisset defuncto Hadriano Pontifice, in locum ipsius subrogatum esse Leonem Pontificem, legationem ornavit suo nomine et episcoporum regni sui: quæ cum haud, quem putavit, effectum esset consecuta, mox aliam direxit cui has quas subjungimus litteras dedit, dignas quippe pietate sanctorum Anglorum regum: sic enim se habent<sup>1</sup>:

18. « *Domino beatissimo et vere amantissimo Leoni sanctæ et Apostolicæ Sedis Romanae Pontifici Kemulphus (Kenulfus) gratia Dei rex Merciorum cum episcopis et ducibus, et omni sub nostra ditione dignitatis gradu, sincerissimæ in Christo dilectionis salutem.*

« *Gratias omnipotenti Deo agimus, qui Ecclesiam suo pretioso sanguine acquisitam, inter diversas mundi hujus procellas, novis semper prioribus ad vitam sumptis suescit ducibus ad portum salutis attrahere, eamque nova luce infundere, quatenus nullo sit tenebrarum errore fuscata, sed viam veritatis inoffenso pede gradiatur. Unde merito omnis per orbem exultat Ecclesia, quia cum omnium verus remunerator bonorum gloriissimum gregis sui pastorem Hadrianum perpetuo remunerandum super æthera duxisset: suis tamen ovibus pia erexit providentia prævium, qui scit ovile Dominicanum ad caulas non inferius vitæ (inferior vita) agitare. Nos quoque merito, quos extremitas orbis tenet, eodem modo præ cæteris gloriamur, quia illius sublimitas nostra salus est, illius proceritas (prosperitas) nobis perennis exultatio. Quapropter opportunum arbitror tuis sanctis jussionibus aurem obedientiæ nostræ humiliter inclinari; et quæ tuæ pietati rite nobis sequenda videantur, toto nisu implenda: quæ vero rationi contraria deprehensa fuerint, citius declinanda ac interim a nobis omnimodis resecanda.*

19. « *Sed modo ego Kemulphus gratia Dei rex excellentiam tuam humili exoro, ut te sine offensione animi vestri de profectu nostro, ut optamus, lieeat alloqui, quatenus me in gremium pietatis tuæ tranquilla pace recipias: et quem in meritorum nulla facultas erigit, larga benedictionis tue libertas ad plebem suam regendam locupletet, ut una mecum gentem, quam vestra Apostolica auctoritas fidei rudimentis imbuit: per intercessionem tuam contra impetus exterorum omnipotens erigat, et*

<sup>1</sup> Matth. xv.

<sup>1</sup> De Gestis Angl. continuat. I. i. c. 12.

per se regnum, quod ipse Deus dedit nobis, dilatare dignetur. Haec benedictionem omnes, qui ante me sceptro praeferere Merciorum, mernerunt ab antecessoribus tuis adipisci: hanc ipse humilis peto, et a vobis, o sanctissime, impetrare cupio, quatenus in primis adoptionis sorte me tibi filium suscias, sicuti te mihi patris persona deligo, et totis obedientiae viribus semper amplector. Debet enim inter tantas personas fides servari, et inviolata charitas custodiri; quia paterna pietas filiorum felicitas in Deo esse credenda est, secundum illud Ezechiae<sup>1</sup>: Pater filiis notam faciet veritatem tuam, Domine. In quibus verbis te, amande genitor, imploro, ut filio tuo etsi indigno veritatem Domini tuis verbis sacrosanctis notam facere non deneges, ut per tuam sanam eruditionem, Deo adjuvante, ad melioris vitae propositum merear pervenire. Quin etiam, dulcissime, cum omnibus episcopis nostris et quibuscumque apud nos dignitatis personis deprecor, uti nobis de multimodiis inquisitionibus, super quibus maximam sublimitatem vestram dignum duximus perquirere, benigne respondeas, ne sanctorum traditio Patrum, et ab illis tradita nobis regula quasi incognita per aliquid vitietur in nobis; sed sermo tuis directus nobis in charitate et mansuetudine veniat, ut per Dei misericordiam profuturum in nobis percipiat fructum.

20. « Primum namque est, quod Pontifices nostri ac peritissimi quique in nobis dicunt, quod contra canones et Apostolica statuta, quae nobis a patre beatissimo Gregorio dirigente statuta sunt (sicut vos scitis) auctoritas Dorovernensis metropolitani in duas scandatur paroecias, cuius, eodem patre mandante, ditioni subjacere debent episcopi duodecim, sicut per Ecclesiastis nostras legitur in Epistola, quam fratri coepiscopo Augustino direxit, de duabus Lundonie et Eboracæ metropolis episcopis, quam etiam apud vos haberi non dubitamus. Sed ipse priuun Pontificalis apex Lundonie sub honore et ornamento pallii fuerat conscriptus: pro eo Dorovernensis oblatus est, atque concessus: nam, quia beatæ recordationis Augustinus, qui verbum Dei, imperante Gregorio, Anglorum genti ministrabat, et glorioissime præstítit Ecclesiis Saxonie, in eadem civitate diem obiit, et corpus illius in Basilica B. Petri Apostolorum principis, quam successor ejus Laurentius sacravít, conditum fuisset: vi-suum est cunctis gentis nostræ sapientibus, quatenus in illa civitate metropolitanus honor haberetur, ubi corpore pausat, qui his partibus fidei veritatem inseruit. Cujus itaque, sicut vos scitis, dignitatis honorem primum rex Offa, propter inimicitiam eum venerabili Lamberto et gente Cantuariorum acceptam, avertere, et in duas paroecias dissipare natus, et piissimus coepiscopus et antecessor vester Hadrianus rogatu predicti regis facere cœpit, quod prius nemo præsumpsit, et Merciorum presulem pallio extulit. Neutrū tamen in his cœpamus,

quod Christus (ut credimus) æterna victoria triumphat.

21. « Sed tamen excellentiam vestram humiles exoramus, quibus a Deo merito sapientiae clavis collata est, ut super hæc causa cum sapientibus vestris queratis, et quicquid vobis videatur, nobis postea servandum rescribere dignemini, ne tunica Christi inconsutilis alicujus infer nos dissensionis schisma patiatur, sed per vestram sanam doctrinam, ut desideramus, ad veræ pacis unitatem dirigatur. Magna enim humilitate simul et dilectione hæc tibi scripsimus, papa beatissime, clementiam tuam profusius precantes, quatenus ad ea quæ a nobis necessario explicata sunt, benigne et juste respondeas. Sed et illam Epistolam, quam Ethelardus (Athelardus) archiepiscopus noster coram cunctis provincialibus episcopis nostris multiplicius de suis ac totius Britannie causis et necessitatibus tibi scripsit: præ amore perserutari digneris; et quidquid de rebus quæ in ea scriptæ sunt, fidei formulam poscat, pagina nobis veritatis patefacere memineris.

« Ego prælerito anno legationem meam et episcoporum per Wadam abbatem misimus. At ille accipiens ipsam legationem, segniter, imo insipienter deduxit. Sed modo modicum, amoris gratia, misimus per Byrne presbyterum et Phildas et Cheolleres ministros meos, mittoque centum viginti mancusas cum litteris, precantes te ut benigne suscias, et benedictionem tuam nobis donare digneris. Omnipotens Deus te longævo tempore ad laudem suæ sanctæ Ecclesiæ custodiat in columem ». Hactenus litteræ Kemulphi regis Merciorum. Porro et Athelardus ipse archiepiscopus Dorovernensis Romam se contulit ad Leonem Pontificem.

22. His acceptis a rege litteris, neconon aliis ab eodem rege ad ipsum datis, rescriptsit Leo papa quas his jungimus litteras, sed minime integras; aliqua enim ipsis deesse noscuntur; sic se habent:

« Domino excellentissimo Kemulfo regi provincie Saxonie Leo papa.

« Veniens ad sacratissima limina beatorum Apostolorum Petri et Pauli, tam orationis vota fideliter solvens, quam nostræ Apostolicæ Sedi causam sui sacerdotii suggesterens reverendissimus et sanctissimus frater noster Athelardus archiepiscopus Dorovernensis Ecclesiæ, obtulit nobis vestræ regalis excellentiæ syllabas, quibus in duabus Epistolis a vobis directis plenis fidei rectæ magnam humilitatem vestram reperientes, omnipotenti Deo referimus grates, qui vestram prudentissimam excellentiam in omnibus adornavit et decoravit erga beatum Petrum Apostolorum principem, et nobiscum habere dilectionem, et in omnibus Apostolicis humiliter consentire censuris.

« Porro in una ex illis Epistolis reperimus gratia nostræ Apostolicæ functionis, si justa fecissetis. animam vestram pro nobis posuissestis benigne. Imo nostræ prosperitati multum in Domino con-

<sup>1</sup> Isa. xxxviii.

gaudentes : et quando nostræ duteissimæ admonitionis litteræ ad vestræ humanitatis pervenienti aures, cum omni suavitate cordis de gaudio spirituali, quasi filii parentum munus suscipere falemini. Ferebatur vero et hoc quod aliquantula ex vestra benedictione nobis offerri demandasti, id est, centum viginti mancusas, quas cum magno amore pro animæ vestræ salute suscepimus. Et prædictus archiepiscopus cum sociis suis honorifice ac benignè a nobis susceptus est ; et adjuvari eum in suis necessitatibus fecimus libenter.

23. « Interea credentes vestræ prudentissimæ excellentiæ, ubi ferebatur in ipsis tuis apicibus, quod nostris quidem Apostolicis sanctionibus nullus Christianus contraire præsumit : ideo tolis viribus nostris ea quæ regno tuo expediant, emittere atque prædicare conamur, ut ea quæ prælatus frater noster Athelardus archiepiscopus, seu tota Synodus Evangelicæ et Apostolicæ doctrinæ sanctiorumque Patrum, necnon prædecessorum sanctorum nostrorum Pontificum, canonica censura prædicante vestræ regali excellentiæ, seu principibus gentis vestre et universo populo Dei edisserit : nequaquam in Orthodoxa eorum doctrina quipiam resistere debeatis, Domino Redemptore nostro in Evangelio dicente, nbi ait<sup>1</sup> : Qui vos recipit, me recipit; et qui recipit Prophetam in nomine Prophetæ, mercedem Prophetæ recipiet : quanto magis pro ipso sœpe dicto archiepiscopo, quem nobis valde nimisque collaudasti, sicuti et est, videlicet clarissimus, dignissimus, charissimus atque peritissimus, et quia illum scitis prudentem et bonorum ornatum moribus, Deoque et hominibus dignum.

24. « Ecce, fili dulcissime et amantissime atque præstantissime, rex bone, in his tuis assertionibus collaudavimus Dominum omnipotentem, qui talem nobis demonstravit antistitem : qui sicut verus Pastor inducere verbis secundum doctrinam sanctorum Scripturarum dignam pœnitentiam valet, et eruere, qui sub ditione sacerdotali ejus existunt, animas eorum ab inferno inferiori, et ab igne inextinguibili, deducens eos et introducens in portum salutis, et offerre pro illis hostiam dignam et immaculatam in conspectu divinæ Majestatis omnipotentis Dei. Et quia multum nobis prænomiatus archiepiscopus in omni sanctitate sua et vita conversatione ultro citroque placuit, ut valde nimis ei credentes, ex auctoritate beati Petri Apostolorum principis, cuius vel immeriti vicem gerimus, talem præbuimus præsulatum, ut si quispiam ex subjectis suis tam regibus et principibus, quam universo populo transgressus fuerit Dominica mandata, excommunicet eum usquedum pœniteat : et si impœnitens fuerit, sit vobis sicut ethnicus et publicanus. Secundo de Athelardo jam lato archiepiscopo Dorovernensis Ecclesiae, sicut a nobis poposeit vestrorum præsulum excellentia, ut ei justitiam de ipsis diœcesibus suis tam episcoporum,

quam monachorum, quibus illicite, nt vos cognovistis, expoliatus est, et a venerabili sede ejus, quam dudum tenuil, ablatae sunt : nos per omnia enucleatius trutinantes, in sacro serinio nostro reperimus, sanctum Gregorium prædecessorem nostrum in ipsa sancta Sede omnia in integro ipsam parceriam numero duodecim beato Augustino syncello suo archiepiscopo tradidisse, et confirmasse episcopos consecrandi jus. Unde et nos, veritate ipsa reperta, ordinationes, seu confirmationes Apostolica auctoritate eas illi in integro, sicut antiquitus fuerit, constituentes reddidimus, et privilegium confirmationis secundum sacrorum canonum censuram Ecclesiae sue observandum tradidimus..... reliqua desunt ». At de rebus Anglicanis satis.

25. *Munera Caroli in ornamentum Ecclesiarum a Leone impensa.* — Eodem anno idem sanctus Pontifex Leo animum adjevit, ut Caroli Magni de Ilunnorum thesauris missam largissimam oblationem ad sacra limina Apostolorum, in ornamenta Ecclesiarum converteret, et in clericos erogaret ; omniaque perfecit, quæ ante persecutionem illatam Anastasius recenset seorsum ab aliis, quæ post quadriennium addidit, cum est reversus ex Germania, quæ hic describenda putamus ex Anastasii Codice valde mendoso licet, et obscuritatibus involuto. Ait enim : « Hic vero rogam (stipendium scilicet) clero suo in presbyterio maxime ampliavit. Fecit etiam in Basilica B. Petri principis Apostolorum nutritoris sui thuribulum aureum ante vestibulum altaris, pensans libras decem et septem, imo et in Confessione ejusdem Apostoli rugas ex auro purissimo cum gemmis diversis, pensantes libras qualraqinta et novem. Item coronas majores argenteas tres, pensantes libras trecentas et septem. Verum etiam cortinas albas holosericas rosatas, habentes in medio crucem de chrysocavo et periclysin de tundato unam. Sarta vero tecta Basilice beati Petri Apostoli, id est, navem maiorem, et aliam navem super altare, cum quadam portico, simul et fontes, et ante fores argenteas, verum etiam cum cameris, scilicet ab imo usque ad summum omnia in omnibus noviter restauravit. Præsertim vero imaginem Salvatoris cum reliquis in fastigio sub arcu majori posuit. Pari modo et in Basilica B. Pauli Apostoli, et in Basilica Salvatoris instar (hoc est similes imagines), fecit et constituit.

26. « Sarla tecla vero tituli beatæ Anastasiæ, quæ a priscis temporibus per incuriam marcuerant, et paene casura erant, suo almo studio noviter instauravit. Similiter et S. Sabinae studiose renovavit. In quo vero templo idem egregius præsul fecit ex argento coronas quinque pensantes libras quatuordecim, canistra duo pensantia libras tres et semis (tredecim), gabathas intersatiles novem, pensantes libras undecim.

« Fecit autem et in Basilica beatæ Dei Genitricis, quæ appellatur Ad præsepe, ciborum ex argento purissimo, pensans libras sexcentas et decem, simul et rugas argenteas in ingressu presbyterii,

<sup>1</sup> Matth. x.

pensantes libras octoginta, et cortinas majores sericas albas, habentes periclysin et crucem de fundato. Imo et in saeratissimo altari majori fecit vestem de chrysocavo, habentem historiam Nativitatis et S. Simeonis, et in medio Cheretismos. Simul etiam et in camera ejusdem Ecclesie, et in quadam portiu coronas argenteas tres, pensantes libras argenteas centum quinquaginta quinque et uncias novem.

« Item et in Basilica beati Christi martyris Laurentii, sita foris muros, fecit imagines argenteas tres, Salvatoris, B. Petri Apostoli et S. Laurentii, pensantes simul libras quinquaginta quatuor et semis, et in sacro altari vestem sericam chrysoclavam, habentem historiam Dominice Passionis et Resurrectionis.

27. « Item renovavit sarta tecta beatorum Felicis et Adauicti martyrum juxta sanetum Paulum Apostolum. Sed et Basilicam sancti Mennae, atque tituli B. Vitalis Christi martyris, neconon et cœmeterium beati Sixti atque Cornelii Via Appia, simul et cœmeterium S. Zotici via Lavicana; pariter et Ecclesie sanctæ Dei Genitricis semperque Virginis Marie Domine nostræ, site in Fonticana, quæ per olitana (hoc est antiquitatem) marcerat.

« Fecit autem idem præsul in Basilicæ Doctoris mundi beati Pauli Apostoli Confessione simul et rugas ex auro obrizo, habentes gemmas pretiosas instar beati Petri Apostoli, pensantes libras quadraginta sex, et super ipsum altare imaginem auream, habentem Salvatorem et duodecim Apostolos, pensantem libras septuaginta quinque, et vela holoserica majora sigillata, habentia periclysin et crucem de fundato numero quindecim; vela promiscua majora de quadraplo in vestibus, quæ pendent per arcus quadraginta quatuor. Vela modica sigillata, quæ pendent per arcus minores, ornata quadraplo viginti. Item alia vela modica de stauracio, quæ pendent per annulos decem et alia decem, ex quibus tria habent periclysin de chrysocavo. Item vela quatuor filo pari Alexandrina. Item vela alythino rotatu, habentia periclysin, rotas cum cancellis, et in medio crucem cum gemmis, et quatuor rotas de Tyrio filo paria.

28. « Item fecit in Basilica beati Andreæ ad beatum Petrum Apostolum rugas argenteas pensantes libras octoginta et semis. Verum etiam in Basilica Salvatoris, quæ appellatur Constantiniana, fecit cameram miræ magnitudinis.

« Hic almificus præsul fecit in altare majore beati Petri Apostolorum principis vestem chrysoclavam pretiosam gemmis ornatam, habentem historiam tam Salvatoris, B. Petro Apostolo ligandi solvendique potestatem tribuentis, quamque principum Apostolorum Petri et Pauli passionem figurantem mire magnitudinis in natali Apostolorum resplendentem.

« Item fecit vestem in titulo Eudoxiae super altare Tyriam, habentem gryppas majores, et duas

rotas chrysoclavas cum cruce et periclysin, blathin et chrysoclavum.

« Hic autem præcipius præsul fecit in Basilica B. Petri pharum argenteum ante presbyterium cum gabathis argenteis triginta, et canistrum octogoni in medio, pensans libras sexaginta tres, et in cantharis argenteis tam in circuitu altaris, quam presbyterio posuit cerostrata argentea, pensantia libras ducentas duodecim. In altare B. Petronillæ posuit vestem de stauraci, unam habentem periclysin de blathis seu chrysocavo.

« Fecit etiam in Basilica Salvatoris, quæ et Constantiniana, vestem habentem historiam Crucifixi, et Resurrectionis Domini nostri Jesu Christi, habentem periclysin de chrysocavo. Sed et in Basilica beati Clementis fecit vestem de stauraci etiam habentem periclysin de chrysocavo.

« Fecit etiam per arcus Ecclesie beati Petri Apostoli vela alba Paschalia. Et in natali ejusdem Apostoli vela de stauraci valde pulcherrima.

« Ipse vero beatus Pontifex titulum beatæ Susannæ, ubi Pontifex ordinatus fuerat, ob amorem ipsius ampliavit, renovans firmissima posuit fundamenta, ædificavit Ecclesiam cum abside amplissima, et picturis de musivo decoravit, camearam et presbyterii pavimentum pulchris ornavit marmoribus, verum dextra levaque porticus cum columnis marmoreis exstruxit, sed et baptisterium ibi constituit, ubi et dona obtulit, videlicet gabathas aureas fundatas tres, pensantes libras quatuor et semis. Cruces aureas duas cum gemmis pensantes libras undecim, virgas argenteas pensantes libras tres et semis... lucernam argenteam pensantem libras quinque, imagines argenteas tres pensantes libras triginta quinque. Fecit et Confessionem ejusdem altaris ex argento purissimo pensantem libras centum tres et uncias duas, columnas argenteas octo et gammadias duas et arcus duos cum cruce ex argento, et gabathas quindecim pensantes libras centum quinquaginta. Crucem dia..... pensantem libras quatuordecim, canistrum de..... pensantem libras duodecim et semis, coronam majorem de argento unam cum delphinis triginta duobus pensantem libras triginta duas, neconon canistrum de argento pensans libras decem et octo. Vasa colatoria argentea deaurata pensantia fibras quatuor et uncias tres, gabathas argenteas habentes gryphos deauratos pensantes libras duas, coronas argenteas duas cum delphinis decem et octo pensantes libras decem et octo. Item vero idem præcipius antilles fecit in eadem Ecclesia vestem de chrysocavo cum periclysi, et aliam vestem de blathi habentem in medio crucem in chrysocavo, et tabulas chrysoclavas quatuor cum gemmis ornatam, atque gammadias in ipsa veste chrysoclavas quatuor, cum periclysi de chrysocavo.

29. « Fecit et in patriarchio Lateranensi triclinium majus super omnia triclinia nominis sui magnitudine decoratum, ponens in eo fundamenta

firmissima, et in circuitu laminis marmoreis ornavit, atque marmoribus in exemplis stratis, et diversis columnis tam porphyreticis, quanique albis et sculptis cum vasis et liliis simul postibus decoravit cameram cum abside de musivo, et alias duas absides diversis historiis pingens, et marmorum incrustatione pariter, et in circuitu decoravit.

30. « Et in Ecclesia beatae Priscae fecit idem antistes calicem fundatum superauratum unum

et coronas tres, unam habentem delphinos decem, alias duas numero novem, et gabathas octo, penstantes simul libras virginis novem, et vestem aliam holosericam ornatam in circuitu blatti byzantio ». His enarratis subjiciuntur quae ab adversariis passus est, quae suo loco inferius enarrabimus, quibus exacte descriptis, idem auctor reliqua eodem ordine, quo sunt facta post redditum Romanam, recenset, quae suo loco dicturi sumus.

Anno periodi Graeco-Romanæ 6289. — Anno Aera Hispan. 834. — Anno Regnæ 180, inchoato die 15 Mart., Fcr. 3. — Jesu Christi 796.

— Leonis III pape 2. — Constantini imp. 21 et 17. Solis 7.

4. S. Theodorus Studit in exilium missus. — A num. t ad 8. Sanetus Theodorus Studita, qui redarguerat imperatorem, quod dimissa legitima conjugi aliam sibi copulasset, hoc anno in exilium missus est, ut recte ostendit Baronius ex ejus litteris ad sanctum Platonem datis, quae apud eum legi possunt.

2. Invenio reliquiarum S. Euphemiae. — A num. 10 ad 16. Theophanes anno Incarnat. secundum Alex. DCCLVII, qui kalendis Septemb. anni Christi DCCLXV inchoatur, scribit de Constantino Copronymo: « In eos, qui venerarentur sanctorum reliquias velut in impios, bonorum proscriptiones, exilia, supplicia comminabatur. Ubiunque reliquiae Dei quam maxime favorem conciliantes, tanquam pretiosus possidentium thesaurus habebantur, eas quam cito de reliquo non videndas e medio tollebat. Quidpiam hujusmodi in pretiosissimum celeberrimæ martyris Euphemiae corpus irreligiosus imperator exercuit, ubi nimis illud in maris profundum cum ipso loculo deversit, martyrem sub Christianæ plebis conspectum sanctis unguentis exsudantem videre, ac ita deliria contra sanctorum preces debilaterata coarguentem non ferens. Deus autem, qui ex Scripturæ verbis ossa sibi placitorum custodit, illæsum illud servavit, ipsum ad Lemnum insulam enatare faciens. Ad littus quippe projectum per nocturnam visionem tolli commonuit, et occultum teneri. Sub piuentissimis vero impp. Constantino et Irene, Indictione quarta (a kalendis Septemb. superioris Christi anni inchoata) cum debito honore in proprium sibi templum denuo relatum est. Iste quidem communis Ecclesiarum hostis æde illa sacra profanata, armamentum fecerat, et stercoribus excipiendis male

dicaverat; locum autem expurgatum et expiatum denuo Ecclesiam consecraverunt, cum arguenda Constantini unius impietati, tum alterius in Deum religionis demonstrandæ monumentum. Hoc porro mirandum et relatu dignum portentum a morte nefarii istius imperatoris circa annos duos et viginti una cum piuentissimi impp. et sanctissimo patriarcha nos ipsi conspeximus, et quamvis indigni, ea tamen gratia a Deo cumulati, illud venerati sumus». Sanctæ Euphemie templi restitutionem, ejusque reliquiarum Constantinopolim relationem recitat Baronius ex auctore coævo, qui extat apud Metaphrasten ad diem xi mensis Julii.

3. Carolus Angilbertum ad Leonem mittit ad confirmationem precedentium fœderum. — Ad num. t6 et seq. Carolus uno eodemque tempore et Hadriani pape mortis, et Leonis III electionis nuntium accepit, ut demonstrat ejusdem Caroli ad Leonem Epistola, quæ est ordine LXXXIV inter Epistolas Alenini. Ex ea etiam intelligimus, Leonem III, ubi Pontificatum suscepit, certiores ea de re reddidisse Carolum, huncque de Angilberto Romani cum innumeribus ad Hadrianum mittendo cogitasse, cum lugubri mortis ejus nuntio *repente tardatum est iter illius*. Subdit Carolus: « Sed modo letiores de vestre sanctitatis successione facti, quod desideravimus in illo pio patre agere, in vobis perficere studemus. Illique omnia injunximus, quæ vel nobis voluntaria, vel vobis necessaria esse videbantur, ut ex collatione mutua conferatis, quidquid ad exaltationem sanctæ Dei Ecclesiae vel ad stabilitatem honoris vestri, vel patriciatus nostri firmitatem necessarium intelligeretis. Sicut enim cum beatissimo predecessor vestre sanctæ paternitatis pactum init; sic cum beatitudine vestra ejusdem fidei et

charitatis inviolabile fœdus statuere desidero. Quatenus Apostolice sanctitatis vestræ, divina donante gratia, sanctorum advocata precibus, me ubique Apostolica benedictio consequatur, et sanctissima Romanæ Ecclesiæ Sedes, Deo donante, nostra semper devotione defendatur. Nostrum est, secundum auxilium divinæ pietatis, sanetam ubique Christi Ecclesiam ab incursu paganorum et ab infidelium devastatione, armis defendere foris, et intus Catholice fidei agnitione munire ».

*4. Leo III vexillum S. Petri ad Carolum mittit.* — Ex his Caroli Magni litteris liquet primo, Pontifices Romanos post suam ordinationem legatos ad Francorum reges tanquam ad Romanorum patricios ac defensores misisse. Secundo, *Carolum* a Leone III per *Angilbertum* legatum suum postulasse, ut patriciatum suum confirmaret, quo Ecclesiam ab incursu paganorum armis defendere posset, et Christianos in Catholice fidei communione continere. Tertio, *vexillum* Romanæ Urbis a Leone papa ad eum missum, et subjectionem Romanorum per sacramenta firmatam demonstrare Carolum, quæ per *Angilbertum* legatum suum petierat, a Pontifice obtinuisse, non vero Leonem et Carolum patriciatum in dominationem vertisse, et supremæ jurisdictioni, quam exercebant, proprietatem et dominium Urbis tanquam patricios adjunxisse, ut putavit Marca lib. 3 de Concordia cap. t1, num. 9, et cum eo Cointius hoc anno num. 26 et seqq., qui addunt Romanum usque ad præsentem annum imperatoribus Constantinopolitanis paruisse. Eginhardus in Annal. hæc de legatione Leonis papæ ad Carolum seribit : « Leo per legatos suos claves Confessionis sancti Petri, ac vexillum Romanæ Urbis cum aliis muneribus regi misit, rogavitque ut aliquem de suis optimatibus Romanum mitteret, qui populum Romanum ad suam fidem atque subjectionem per sacramenta firmaret. Missus est ad hoc Engilbertus abbas monasterii sancti Richarri. Per quem etiam tunc ad sanctum Petrum magnam partem thesanri, quem Ericus dux Forejuliensis, spoliata Hunorum regia, quæ Ringus vocabatur, eodem anno de Pannonia regi detulerat, misit; reliquum vero inter optimates et aulicos, cæterosque in palatio suo militantes, liberali manu distribuit ». Est hæc secunda Angilberti ad Leonem III legalio, uno eodemque anno ac prior obita. Leonem vero vexillum Urbis Romanæ *Carolo* transmisisse scribunt etiam annalistæ Loiselianus, Tilianus, Bertinianus et Metensis, ac Regino in Chronicō, incertus auctor et monachus Egolismensis, uterque in Vita Caroli. Claves ex Confessione seu ex sepulcro sancti Petri acceptæ Christianis principibus olim mitti consueverant a Pontificibus Romanis, ut doceat Epistolæ Gregorii Magni aliorumque Pontificum Romanorum. Sed vexillum ab illis tantum mittebatur ad patricios Romanorum, qui adversus infideles schismaticos aut hereticos pugnatur erant, ut supra ostendimus.

*5. Idque exemplo decessorum suorum.* — Gre-

gorius enim III *Carolum Martellum* Romanorum patricium eligens ipsi claves *Confessionis sancti Petri* misit, imo et vexillum, ut ex iis, quæ in simili postea facta, deduximus. *Hadriannus* etiam papa vexillum Carolo regi deferendum voluit, ut anno **CCCLXXIV** probavimus; nec aī modo erga eum sese gerere debuit *Leo*, quando ille ab eo postulavit, ut idem pactum secum statueret, quod jam eum Hadriano inierat. Obtinuit itaque *Carolus* a Pontifice quod petebat, confirmationem nempe sui patriciatus, ac tituli protectoris Ecclesiæ Romanae, non vero dominium Urbis, quod non petebat, et de quo in ultimis scederibus cum *Hadriano* sanctis actum non fuerat, ut Marca et Cointius citati fatentur, qui ideo alias voeis à *vexillum* significationes ad id quod hoc anno peractum, transferre non debuere; cum eae compati non possint eum his Caroli in sua ad Leonem III Epistola verbis, « vel ad stabilitatem honoris vestri, vel patriciatus nostri firmitatem necessarium intelligeretis ».

*6. Leo et Carolus Urbis domini dicti, sed diversa ratione.* — « At », inquit Marca, « nullus Pontificum ante Leonem III *dominus noster* inscriptus est, ut fatetur Alemannus (nempe Dissert. de Lateranensibus Paraclinis cap. 12) post illum, eo titulo in scriptis et in acclamationibus Pontifices *domini nostri* apud Romanos audire cœperunt. Ad perpetuam hujus rei memoriam, numisma quoque eiusum est : in eius altera facie simulacrum Petri cum clavibus humero impositis, in aversa hæc inscriptio expressa est : D. N. LEONI PAPÆ. Titulus dominii vetat, ne Leoni tribui possit, ut placuerat illustrissimo Annalium conditori (an. nempe **CDLXI**, num. 12). *Dominus* quoque dieitur Carolus in hac inscriptione, unde fluxit, ut Paulus diaconus, cum breviationem festi Carolo nondum imperatori dedicaret, *Romuleam vestram civitatem diceret* ». Ita Marca. Verum ante Leonem III similia numismata endere potuere Stephanus II et ejus successores, quia ii non minus quam Leo III supremi Urbis domini fuere, quod non video in posterum in dubium revocari posse. *Dominus* etiam Carolus appellatus, sed alio titulo, quia nempe Romanorum patricius erat, et eo titulo jurisdictionem in Urbe exercebat. Quod si verba Pauli diaconi in sensu a Marca intento interpretanda sint, Carolus jam ab anno **CCCLXXIV**, aut saltem ante an. **BCCXCI**, cum Hadriano papa Urbi dominatus fuerit, quod tamen Marca et Cointius negant. Paulus enim diaconus in libello de Metensibus episcopis, Angilramno episcopo Metensi post annum **BCCXCI** demortuo, dicato de regni Longobardici eversione loquens ait : « Romanos præterea, ipsamque Urbem Romulam, jam pridem ejus (nempe Caroli) præsentiam desiderantem, quæ aliquando mundi totius domina fuerat, et tunc a Langobardis oppressa gemebat, duris angustiis eximens suis addidit sceptris : cunctaque nihilominus Italia miti dominatione potitus est ». Rhetoricatur itaque Paulus et hyperbolice

quandoque loquitur, cum anno DCCCLXXIV Roma neque oppressa a Langobardis fuerit, neque a Carolo cum ditionibus suis unita, sed a Langobardorum insultibus liberata, et Carolo jure patriciatus tantum subdita (1).

*7. Triclinium Leoninum diversimode explicatum.* — Alterum snæ opinionis fundamentum deducit Marca ex pictura illa, qua Leo III triclinii a se in Lateranensi palatio ædificati cameram exornavit. Extant ex opere vermiculato imagines S. Petri, Leonis papæ, et Caroli. Sed et Petrus in solio dextra porrigenus stolam seu orarium Leoni, et sinistra vexillum Carolo. Adsunt quoqne inscriptiones hujus negotii interpres; hinc, SANCTISSIMUS D. N. LEO PAPA. Illinc, D. N. CARULO REGI. Hanc tabulam posteris designare iunovationem, quæ post colloquium Angelberti cum Leone in Romanae civitatis imperio accidit, Marca arbitratur, et cum eo Cointius. Alemannus in lib. de Lateranensibus Parietinis cap. 3 et seqq. pluribus disserit de isto triclinio, quod ab aliquibus *Aula Leonina*, vel *Basilica Leonina* appellatur, contenditque Pontifices Romanos a Gregorio II Urbe potitos esse, nunquam vero Carolum, sed hunc tantum patricium et defensorem Ecclesiæ agnatum esse, ac denique Leonem anno DCCC, quando Carolum imperatorem et Augustum appellavit, monumentum illud posuisse, ut Caroli imperium denotaret.

*8. Quæ in eo triclinio repræsententur.* — Sed hæ doctissimorum virorum conjecturæ evanescent, si quæ de eo triclinio Anastasius in Vita Leonis III refert, in medium adducamus, et ordinem ab eo servatum, dum narrat gesta ab eo tam in Basilica Vaticana sancti Petri, quam in aliis Ecclesiis, observamus. Anastasius itaque magnifica dona, quæ Leo III in Ecclesiæ contulit, ejusque publica opera, servato ordinis tempore, describit, ut anno DCCCI, num. 3, monstrabimus. Cum autem de iis loquitur, quæ ab eo præstata sunt, antequam Romani in eum sœvirent, quod anno DCCXCIX contigit, ait: « Fecit et in patriarchio Lateranensi triclinium magnum super omnia triclinia, nominis sui magnitu-

dine decoratum, ponens in eo fundamenta firmissima, et in circuitu laminis marmoreis ornavit, atque marmoribus in exemplis stravit. Et diversis columnis tam porphyreticis, quamque albis et sculptis cum vasis et liliis simul positis decoravit. Cameram cum absida de musivo, et alias duas absidas, diversas historias pingens, marmororum incrassatione pariter in circuitu decoravit ». Idem Anastasius in Leone IV testatur, Pontificem illum in die Natali Christi epulari solitum fuisse in accubitu seu triclinio a Leone III papa constructo, quia nempe postquam solemnes epule in Ecclesiis fieri desiere, in adjunctis ad hunc usum aedibus celebratae sunt. Alemannus cap. 9 et 10, quid dextræ partis absidis, quid sinistram musivum Leonis III repræsentet, duabus musivi tabulis delineatis investigat, atque: « Geminae tabule sunt; altera dextrorum, sinistrorum altera collocata. Tres in utraque tabula personæ; aliæ nituntur genibus, duo pro tribunali sedent, Christus videlicet parte dextera, sinistra Petrus Apostolorum princeps. Suus utrique Pontifex hinc, inde imperator submittit genna, Christo Sylvester et Constantinus, Petro Leo et Carolus. Horum pro sua quisque conditione ab illis sumit insignia; imperatores vexilla, Pontificum alter sinu claves, alter pallium accipit. »

*9. Utraque pictura male a plerisque explicata.* — Alemannus arbitrator præfatas imagines depictingas non fuisse, antequam Leo III Sedi suæ ope Caroli restitueretur, et hic Augustus nuncupatur; vexillum illud denotare imperium a Leone an. DCCC Carolo regi datum. Et ut probet regis titulum ei etiam postquam imperator renuntiatus fuit, recte a Leone attributum, in exemplum adducit alteram imaginem, in qua Christus claves Pontifici, cuius nomen non indicatur, sinistra vexillum porrigit imperatori, cuius nomen majusculis litteris sic innuitur: R. CONSTANTINUS. At cum certum sit, monumentum hoc a Leone III positum statim ac paeta Hadriani cum Carolo confirmavit, aut saltem antequam Urbem deserere cogeretur, Carolumque imperatorem renuntiaret, hæc interpreta-

(1) Somnum in Urbe, et finitimis Romani ducatus locis, alisque oppidis imperium post annum Christi DCCXXVI, quo a Romanis *Basilius* dux, eorumque postremus, qui ad curandam Urbem a Græcis imperatoribus mitabantur, pulsus est, Romanos Pontifices *Gregorium II et III*, *S. Zacharium*, ac *Stephanum II*, vel ante *Pippini* donationem obtinuisse, ex Anastasio Bibliothecario docemur. Extant præterea post *Pippini* donationem de eodem summo imperio monumeta, dicirum veteres *Hadriani* Pontificis hujus nominis I denarii a Johanne Vignolio editi, ac nuper iterum recusi, ubi in antiqua legitur *HADRIANVS PAPA*, in postica SCS PETRVS. Perperam vero Sedis Apostolicae hostes, hujusmodi denarios, seu nummos ad *Hadriani* II detorquere conantur. Mabilionius enim Musei Italici tom. I, pag. 18, inter pretiosas cimelia Musei Comitis Mediobarbaræ, æreum numisma *Zacharie* papæ se vidisse testatur, ex una parte *Zacharie* nomen, ex altera *Pape* titulum exhibens. Hoc autem numisma ad alios *Zacharias* pertinere non potest, quia unus tantum *Zacharias* inter Romanos Pontifices receusetur. Pagius quidem hoc loco fatetur, *Stephanum II* et ejus successores supremos Urbs dominos, non minus ac *Leonem III* fuisse, idque in posterum in dubium revocari non posse, et infra num. 11 contra Cointium docet, Romanos ab an. DCCLIV Græcorum juvum excusisse, ac Rempublicam instituisse, ejus caput fuit Romanus Pontifex, defensor vero et protector *Pippinus* Francorum rex, qua in re *Stephani II et Pauli I* Romanorum Pontificum testimonia ex eorumdem Epistolis afferit. Hoc etiam an. DCCXCVI, num. 10 babet, penes *Gregorium II* et ejus successores summam *Romar* et *exarchatus* administrationem fuisse, Urbem defendisse, hostes propulsasse: sed tunc licet re, neclum tamen nomine principatus penes illos erat: que verba ex Ludovico Thomassino tom. III, lib. I, cap. 29 veteris et nova Ecclesiæ discipline haust. Ea tamen vitiouse exscriptis. Legitur enim apud Thomassimum: « Ita jam re, neclum nomine principatus penes illum (Romanum Pontificem) erat, moderante his omnibus numeris providentia inter tantas bellorum tempestates ». At mox Pagius sui ipsius immemor, parum aut nihil sibi constat; nam ad an. DCCXVII, num. 7 veluti commentitiam Ludovici Pii donationem traducit; ad an. DCCXXIII, num. 1 sentit, imperatores Francicos preter defensionem et protectionem Ecclesie, supremo dominio Urbe potitos esse ex concessione Romanorum Pontificum, ad quam rem quorundam Romanorum insolentia Pontifices adegit. Id autem arguit ex supplemento Historiae Pauli diaconi, cuius locum de jurisdictione ex titulo *defensoris et advocati Romanæ Ecclesie*, que imperatores potibantur, et ex potestate, quam ad reprimendam Romanorum audaciam Pontifices illis contulerant, Apostolicæ Sedis defensores nonnulli qui ejusdem Sedis iura tuenter, solerter interpretantur; atque in hanc sententiam accipienda esse docent, quæ apud Pagium habentur ad an. DCCXXIII, num. 3, ad an. DCCXXIV, num. 3, et ad an. DCCLXXV, num. 1 et 5, quibus in locis monet, imperatores ex concessione Pontificum Romanæ Urbi dominatos esse.

tio stare non potest. Neque littera R supra Constantini nomen posita *regem* significat, sed *Romanam*, de qua *Constantinus* bene meritus est, ejusque exemplo *Carolus*. Quo enim in nummo, quave in inscriptione, et a quo scriptore Latino *Constantinus rex* appellatus reperitur? Graeci quidem *imperatores* sape *reges* appellant, sed Latini nunquam. Alemannus, ne inscriptiones, in quibus *Carolus rex* appellatur, fateri cogatur, eo nondum imperatore dicatas esse, *regem* et imperatorem synonymous voces cap. 13 probare nititur. Deinde Caroli modestiam his verbis laudat: « Sane Caroli modestia, Leonem, qui eos in triclinio titulos inscripsit, minime latebat: imo Pontifex ita inscripsit, ut Carolo placere, atque ex ejus animi sententia omnino esse noverat ». At prælerquam quod hoc monumentum ante annum *CCXCIX* constructum, ut ordo servatus ab Anastasio in narratione rerum ad Leonem III pertinentium demonstrat, in munimis et inscriptionibus verba tantum apponi solita juxta genuinum, obvium et planum eorum sensum, ideoque ad rem istam non facit, quod regis et imperatoris nomen quandoque promiscue a scriptoribus usurpetur; cum a simili usu inscriptionum conditores semper abhoruerint. Denique incredibile est, *Carolum* eo anno, quo a Leone III acclamatus est imperator, ab eodem *regem* tantum appellatum, idque in monumento publico in ejus honorem posito, ac ut ei magis placeret; cum in omnibus suis litteris scriptisve aliud ei nomen, quam imperatoris nunquam tribuat. Quod si intempestiva illa cogitatio tunc menti Pontificis injecta fuisset, eum nec imperatorem, nec *regem*, sed tantum *Carolum* nominare debuisset.

40. *Vera earum interpretatio*. — *Leo* itaque hoc anno posteris notum esse voluit se *Carolum* Ecclesiae Romanæ defensorem constituisse, eamque ob rem illi sancti Petri *vexillum* misisse, ac Romanos ei vitam et victoram, ut alias factum fuisse in honorem imperatorum anno *CCCLXXIV*, num. 2 et seq. diximus, adprecatos esse. Et quia tunc opinio erat sancti Sylvestri papæ tempore *Constantium* auctorem fuisse donationis, que ejus nomine circumferebatur, in altera ex tabellis Sylvestrum et *Constantinum* depingi, et Romanam hæ littera R exprimi voluit. Sic supersunt Ludovici Pii numimi Romæ eusi, in quibus legitur, ROMA LUDOVICUS. Nec magis mirum videri debet, *Leonem III* ad donationem *Constantini*, quam suppositiam esse constat, respexisse, quam Hadrianum I ejus decessorem in Epistola Codicis Carolini ad *Carolum M.* anno *DCCLXXVI* data, scripsisse: « Et sicut temporibus B. Sylvestri Rom. Pontificis a sancte recordationis piissimo Constantino magno imperatore per ejus largitatem sancta Dei Catholica et Apostolica Romana Ecclesia elevata atque exaltata est, et potestatem in his Hesperiae partibus largiri dignatus est; ita et in his vestris felicissimis temporibus, etc. » Denique nou sub *Gregorio II*, ut putavit Alemannus, sed sub *Stephano II*, cum nihil

ab imperatore extundi posset vel sperari auxilii, ejus jugum a Romanis excussum. Antea quidem penes *Gregorium II* et ejus successores summa Romæ et exarchatus administratio fuerat; ii urbes defenderant, et hostes propulsarant, sed tunc licet re, needum tamen nomine principatus penes illos erat, ut ex iis, quæ suis locis dixi, evidens est. Porro quod diximus de musivo in parte absidis dextera posito, supponit illud antiquum esse. Alemannus enim cap. 9 faletur novitium opus esse, *recentioris manus*, inquit, *est imitatio*. Quare nihil ex eo certi deduci potest. Verum quidem est Alemannum subjungere, « quæ tamen opus exprimit illud antiquum, quod *Leo III* in conspectu olim posuerat ». At non solum id non probat, sed nec ullus post eum probare poterit.

41. *Refellitur opinio docens Romanam usque ad hunc annum Graecis impp. paruisse*. — Valde etiam meo judicio falluntur *Cointius* hoc anno num. 6 et seqq., et *Marca* cap. citato, qui arbitrali sunt, imperatores Graecos usque ad præsentem annum Romæ dominatos esse. Romani enim anno septingentesimo quinquagesimo quarto, quo *Pippinus* exarchatum Ravennatem principi Apostolorum ejusque successoribus concessit, *Constantini Copronymi* imperatoris hæretici, qui eos adversus Longobardos defendere non poterat, dominationem penitus excussero, et *Rempublicam* instituere, cuius caput *Romanus Pontifex*, defensor vero ac protector *Pippinus Galliarum* rex dicti sunt. Hinc *Stephanus II* papa, quando in suis litteris de *Aistulphio Longobardorum* rege, et de vexatione Urbis Romanae sermonem habet, nusquam meminit imperatoris, Romanosque populum suum appellat. In Epistola *ii* ad *Pippimum* ejusque filios reges data, dum *Aistulphus* rex novis infestationibus Ecclesiam vexabat, et *Pippinus* auxilium differre videbatur, *Stephanus II* ait: « Quod nullus de vestris parentibus meruit suscipere, vos suscepistis, et princeps Apostolorum præ cæteris regibus et gentibus vos suos peculiares faciens, omnes suas causas vobis commisit, etc. Cunetus namque noster populus Reipublicæ Romanorum magno dolore et amarissimis lacrymis una nobiscum tribulantur pro eo, dum ad tam longam et spatiösam provinciam properavimus, et præ fatigio validi itineris caro nostra minuata est; sic vacui et infructuosi sine effectu justitiæ reversi sumus ». Et in tota illa Epistola nunquam de Romano imperio, sed semper de causa beati Petri verba facit. In Epistola *iv* ad eundem *Pippimum* scripta, in qua pluribus describit obsidionem Urbis per *Aistulphum* factam, nullum unquam verbum habet de imperatore aut de ejus officialibus, et de Romanis loquuntur tanquam de suo populo: « Post Dominum in tuis manibus nostrum omnium Romanorum commisimus animas, etc. Peto te, ne pereamus, ne quando dicant gentes quæ in cuneto orbe terrarum sunt: Ubi est fiducia Romanorum, quam post Dominum in regibus Francorum habebant, etc. Considera, fili, con-

sidera et omnino peregorita, per Deum vivum te conjuro; quoniam et nostra et omnis Romanorum populi animæ, post Deum et ejus principem Apostolorum in tua a Deo protecta excellentia, et gente Francorum a Deo tibi commissa pendent, etc. Nulli alio nisi tantummodo tuæ amantissimæ excellentiæ, vel dulcissimis filiis, et cunctæ genti Francorum per Dei præceptionem et beati Petri, sanctam Dei Ecclesiam, et nostrum Romanorum Reipublicæ populum commisimus protegendum ». Quis ergo sibi persuaserit, Romam tunc imperatori paruisse, et Pontificem non ad eum, sed ad regem Francorum ejusque filios, qui se protegerent, confugisse, nulla de imperio mentione facta, sed tantum de Republica Romana et de Romanis tanquam sibi subditis?

**12. Refellitur secundo.** — Ad hæc idem Stephanus II in Epistola vi ad Pippinum regem data, in qua ei ob liberalam Urbem gratias agit, et de Aistulphi regis morte verba facit, de Desiderio Aistulphi successore ait: « Nobis reddendum spopondit civitatem Bononiam, cum finibus ejus, et in pacis quiete cum eadem Dei Ecclesia et nostro populo semper mansurum professus est, atque fidelem erga a Deo protectum regnum vestrum esse testatus est. Et petiit nos quatenus bonitatem tuam deprecaremur, ut eum eo et cuncta gente Longobardorum magnam pacis concordiam confirmare jubeas. Nam et Spoletoni ducatus generalitas, per manus beati Petri et tuum fortissimum brachium, constituerunt sibi ducem: et tam ipsi Spoletoni quamque eliam Beneventani, omnes se commendare per nos a Deo servatae excellentiæ tuæ cupiunt, etc. Unde petimus te, ut si prædictus Desiderius, quemadmodum spopondit, justitiam sanctæ Dei Ecclesiæ, sive Reipublicæ Romanorum, beato Petro protectori tuo, plenius restituere, et in pacis quiete cum Ecclesia Dei et nostro populo, sicut in paetis a tua bonitate confirmatis continetur, permanserit cum universa sua gente, jubeas in id quod petiit, tuas a Deo inspiratas aures inclinare ». Suntne hæc indicia subjectionis Romani Pontificis populique Romani imperatoribus Græcis; cum sine illis fœdera sanciant, et tanquam supremi domini sese gerant?

**13. Refellitur tertio.** — Paulus Stephani II successor in Epistola ii ad Pippinum regem, in qua accusat Desiderium Longobardorum regem, quod promissas Ecclesiæ Romanae civitates non restituat, adhuc expressius loquitur. sequi imperatoris hostem, non vero subditum ostendit: « Desiderius rex accersivit Georgium imperatorem missum, qui ad vos in Franciam directus fuerat: cum quo nefarie clam locutus est, iniens cum eo consilium, atque suas imperatori dirigens litteras, adhortans eum ut suos imperiales dirigat exercitus in hanc Italiam provinciam; et ipse Desiderius cum universo Longobardorum populo professus est, Deo sibi contrario, auxilium prefatis imperiis exercitibus impetrare: quatenus ex una parte

ipsius exercitus, et ex alia idem Desiderius cum universo Longobardorum populo, utrique dimicantes Ravennatum civitatem comprehendere queant, suamque imperator, quod Dominus non permittat, adimplere valeat in quocumque voluerit voluntatem. Nam et cum eodem Georgio imperiali misso constituit, ut Dromonum Siciliae stolus in Orotantina civitate dirigatur, ut tam Græci quam Longobardi ipsam obsidentes comprehendere valent civitatem, eamque concedat imperatori cum hominibus et facultatibus, quæ in ea consistunt ». In Epistola viii ad eundem Pippinum scripta, ait sibi significatum, « quod nefandi Græci, inimici sanctæ Ecclesiæ Dei, et Orthodoxæ fidei expugnatores, Deo sibi contrario super nos et Ravennatum partes irruere cupiunt, atque monitionem facere. Unde quia alibi, post Deum et beatum Petrum, nostra spes non est, nisi apud vestram nobilissimam excellentiam; ideo omnibus deprecationibus petimus te, excellentissime fili, et spiritualis compater, ut jubeas propter Deum et reverentiam beati Petri salutem istius provinciæ a vobis redemptæ procurare, et confessim vestrum dignemini dirigere Desiderio Longobardorum regi missum, ut si necessitas fuerit significata, auxilium nobis pro incursione eorumdem inimicorum impetrare debeat ». Paulo infra de Græcis scribit, « ut corumdem inimicorum ad nihilum redigatur vesania ».

**14. Refellitur quarto.** — Mitto alia, quæ ex ejusdem Pauli ac successorum litteris testimonia adduci possunt, ad Marcæ et Cointii opinionem confutandam, cum ista sufficient ad omnem dubitationem tollendam, demonstrandumque a veritate manifeste abhorre, quod ipsi asserunt, imperatores nempe, usque ad hunc annum Romæ præfectoris suos habuisse, eamque eisdem paruisse. Tantum enim abest, ut Roma in potestate imperatorum fuerit, ut Hadrianus papa in Epistola ad Carolum Magnum anno ccclxxv dala, quæ ordine quarta est, testetur eos de ea vi occupanda cogitasse et ad eundem finem cum quatuor Italiae duabus fœdus iniiisse. De iisdem enim dueibus loquens ait: « Adhibentes adversus nos perniciosum consilium, qualiter Deo eis contrario, proximo Martio mense adveniente, utrosque se in unum congregarent, eum caterva Græcorum et Adalgiso Desiderii filio, ut terra marique ad dimicandum super nos irruant; cupientes hanc nostram Romanam invadere civitatem, et cunctas Dei Ecclesiæ denudare, atque ciborum fautoris vestri beati Petri auferre; vel nosmetipsos, quod avertat Divinitas, captivos deducere, necnon Longobardorum regem integrare et vestræ regali potentiae resistere ». Utrumque virum doctissimum decepere subscriptiones litterarum Stephani II, quem ipsi Stephanum III juxta vulgarem errorem appellant, Pauli et Hadriani, quæ dicuntur datae « imperante domino piissimo Augusto Constantino a Deo coronato, magno imperatore, anno xxxii », vel aliquo alio ejusdem imperatoris; inde enim intulere, hos

Pontifices imperatores Urbis dominos semper agnovisse, hujusque subjectionis similes subscriptiones notas certissimas existere. Verum tomo superiori, cum de Conciliis Gallicis regnantibus Clodoveo ejusque filiis celebratis egimus, monstravimus Francos, Visigothos et Burgundos in Conciliis consulatus usurpasse, licet Francia, Septimania et Burgundia ab imperatoribus, ad quos consulatum creatio pertinebat, minime tunc penderent. Præfati itaque Pontifices Romani iis formulis tunc usi sunt tanquam notis temporariis, quæ nullam subjectionem inferebant. In Concilio Romano anno **CCCLIII** habitu legitur, ut ibidem apud Baronium num. **47** videre est: «Factum est hoc Concilium anno secundo (legendum, anno tertio) Artabasi imperatoris, neenon Luitprandi regis anno trigesimo secundo, Indictione dodecima». Sed inde non sequitur Romanam Luitprando Langobardorum regi subditam fuisse; alioquin uno eodemque tempore duos supremos dominos agnovisset, Artabasduum nempe imperatorem et Luitprandum regem; cum tamen certum sit, Luitprandum nunquam in Urbem Romanam dominationem exercuisse.

**15. Tria bella a Carolo suscepta.** — *Angilbertus* nomine Caroli magnam partem thesauri ex Hunnorum sive Avarorum regione delati ad limina Apostolorum tulit, uti refert Baronius ex Annalibus Fuldensibus et annalista Loiselianus etiam tradit. Verum Hunnorum sive Avarorum clades a Baronio non satis explicata, ideoque tria, quæ hoc anno Carolus bella gessit, hic accurate narranda. *Anonymous* itaque a Lambecio editus, de quo anno superiori num. **8** locuti sumus, hoc anno scribit: «In ipsa æstate transmisit rex Carolus Pippinum filium suum cum suis, quos in Italia secum habebat, et Bajoarios eum aliqua parte Alamanniae, in finibus (id est, ad fines) Avarorum; et coadunatus est Pippinus cum omnibus, quos pater ejus ei transmisit in solarium (id est, auxilium), et transito Danovio (pro Danubio) cum exercitu suo pervenit ad locum ubi reges Avarorum cum principibus suis sedere consueti erant, quem et in nostra lingua *Hringe nominant*, et inde tulit thesauros multiplices, et transmisit patri suo. et ipse postea cum exercitu suo et magnis thesanris Avarorum pervenit in Franciam. (Hæc de primo bello hoc anno in Avaros gesto) et ipso anno ipse rex Carolus demoratus est in Saxonia cum duobus filiis suis, id est, Carolo et Clodoveo (id est, Ludovico), et circuivit terram Saxonum (id est, Saxonum), ubi rebelles fuerunt, incendendo et vastando eam, et captivos inde ducebat viros et mulieres et parvulos, et prædæ innumerabilem multitudinem, (hæc de secundo bello adversus Saxones hoc anno suscepto). Et tertium exercitum suum Carolus rex in eadem æstate transmisit in fines Saracenorum eum missis suis, qui et ipsi ibi fecerunt similiter; vastaverunt terram illam et redierunt cum pace ad regem Carolum ad Aquis-Palatum ». Hæc de tertio,

Chronographus Moissiacensis hunc locum exscriptis, sed illum interpolavit.

**16. Annus vi belli Hunni.** — Quoad bellum *Hunicum*, de eo etiam loquuntur Eginhardus in Annalibus et in Vita Caroli, monachus Egolensis, annalista Metensis et Regino, sed plerique eorum quid *Hringe* significet, non intelligunt. Est autem juxta Lambecium virum doctum ac Germanum lib. 2. Biblioth. Cæs. pag. 379, vocabulum mere Germanicum, et hoc in loco significat locum rotundum sive orbiculatum, in meditullio castorum vel munimenti, vel concessus alicui situm, quem honoris et securitatis causa rex cum suis optimatibus obtinet. Eodem fere modo vocem illam Germanicam explicat Ducangius in Glossario suo; ex eaque intellegimus laudatum annalistam fuisse hominem Germanum, cum dicat *quem et in nostra lingua Hringe nominant*. Iluc referendum quod annalista Loiselianus de eodem bello litteris prodidit: «Heiriens (seu Henriens) dux Furiulensis (id est, Foro Juliensis) missis hominibus suis cum Wonomiro Selavo in Pannonias Irigum gentis Avarorum longis retro temporibus quietum, civili bello fatigatis inter se principibus, spoliavit (ubi Iriugum pro rege Avarorum sumit); Chagan et Vi-guro intestina clade addictis et a suis occisis, thesaurum præcorum regum multa sæculorum prolixitate collectum domino regi Carolo ad Aquis-Palatum misit. Quo accepto, peractis Deo largitorum omnium bonorum gratiarum actionibus, idem vir prudentissimus atque largissimus, et Dei dispensator, magnam inde partem Romanam ad limina Apostolorum misit per Angilbertum dilectum abbatem suum. Porro reliquam partem optimatibus clericis sive laicis, cæterisque fidelibus suis largitus est». Idem habent varii alii annaliste ad hunc annum, et Ado in Breviario de sex Mundi Ætat. cum quo Baronius bellum illud anno superiori num. **65** recitat. Distinguenda autem expeditio Hunica ab Henrico duce Foro Juliensi suscepta, enjus annalista Lambecianus citatus anno superiori meminit, ab expeditione Pippini Italiæ regis, quæ post priorem peracta est, ut docent Eginhardus in Annalibus, annalista Metensis et alii, qui etiam tradunt, *Angilbertum tulisse Romanam partem thesauri, quem Henricus ex Hunia miserat*. Verum an hæc Henrici expeditio ad præsentem, vel ad superiorem annum pertineat, annalistis inter se dissidentibus sciri non potest.

**17. Hunni diversis regulis parebant.** — *Hunni* seu *Huni* non uni, ut olim, regi, sed pluribus regulis seu dueibus parebant. Inde ortum civile bellum, quo pars virium consumpta est. Inde quoque diversa gentis unius consilia, quæ multiplex etiam religio sic fovit, ut postmodum secuta sit avulsio provinciarum. Testis *Tudun* seu *Todanus*, qui prostratis idolis Christianam fidem amplexus est, reliqua Hunnorum societate Carolo Francorum regi se suumque populum submisit, ut anno præcedenti cum annalista Lambeciano narravimus.

Eginhardus quidem in Annal. Tuduni et gentis ejus baptisnum in hunc annum differt, et anno superiori legatos eum ad Carolum misisse asserit, quod annalistæ isti, quemadmodum mox insinuavi, quoad annum rerum gestarum inter se quandoque non conveniunt; et hic locus non est hæc scrupulosius examinandi.

**48. Hunnia episcopo Salisburgiensis subjecta.**

— Auctor editus ab Henrico Canisio tom. vi, non solum res in Pannonia tam ab Henrico duce, quam a Pippino rege feliciter gestas commemorat; sed etiam zelum, quo Pippinus Christianam religionem propagare studuit, eura totius negotii Arnoni Salisburgensi episcopo commissa: « Carolus imperator anno Nativitatis Domini DCCXCVI, Aericum comitem destinavit, et cum eo immensam multitudinem Hunos exterminare. Qui minime resistentes reddiderunt se per præfatum comitem Carolo imperatori. Eodem igitur anno misit Carolus Pippinum filium suum in Hunos cum exercitu multo, qui perveniens usque celebrem illorum locum, qui dicitur Rineh, ubi iterum omnes eorum principes se dederunt Pippino. Qui inde revertens partem Pannoniæ, circa lacum Pelissa, inferioris, ultra fluvium, qui dicitur Rapa (id est, Arabo, vulgo *le Rab*), et sic usque ad Dravum fluvium, et eo usque Dravus fluit in Danubium, prout potestatem habuit, prænominavit cum doctrina et Ecclesiastico officio procurare populum, qui remansit de Hunis et Selavis de illis partibus, Arnoni Juvavensi episcopo usque ad præsentiam genitoris sui Caroli imperatoris». Hic auctor Henricum comitem et Carolum imperatorem vocat, indeque conjectura est, enim tardius scripsisse. Uterque Francorum et Hunnorum limes ab aliquot annis erant *Arabo* et *Dravus* fluvii. Dravus Francos inter et Hunnos mediis excurrebat ab anno DCCLVII, sive ex quo Carantani, sive, ut nunc vocamus, Karintiani, quos Meridiem versus Longobardi, Septentrionem versus Hunni eingebant, sponte Pippino regi Caroli patri se dediderunt. *Arabo* Francorum versus Orientem limes esse coepit anno DCCXCI, quo Carolus M. expulsis Hunnis ad illum usque ammem victor penetrarat. Hoc igitur anno, ut Francicis ditionibus, sic et Salisburgensi diœcesi adjectus est terrarum traetus, qui protenditur usque ad Dravi confluentes in Danubium, et eosdem fluvios Dravum et Danubium atque Arabonem interjacet. Abhinc amplissimus fuit Salisburgiensis episcopatus, cui praeter antiquos fines altributa sub Pippino rege tota Carantania seu Karintia, deinde sub Carolo ejusdem Pippini filio pars Hunniæ non exigua.

**19. Hunnia victoria Carolo gloria.** — Audit *Hunnorum* sive *Avarorum* clade, *Theodulphus Aurelianensis* episcopus *Carolo* regi prolixum inscripsit Carmen, in quo victoriam adversus Hunnos, eorumdem Hunnorum conversionem ad Christianam fidem gratulatus est, sermoneque ad Saracenos, qui *Cordubensi* regi suberant, etiam

converso, ut Hunnorum exemplo Christiani fierent seseque Carolo manciparent:

Pone venit textis ad Christum crinibus Hunnus,  
Estque hunnus fidei, qui fuit ante ferox.  
Hunc societur Arabs; populus crinitus umerque est,  
Hic textus crimes, ille solitus eat.  
Cordoba, prolixo collectas tempore gazas  
Mitte celer Regi, quem decet omne decens,  
Ut veniant Avares, Arabes Nomadesque veniente,  
Regis et ante pedes flectite colla, genis.  
Nec minus hi quam vos savique trucesque fuere,  
Sed hos qui domuit, vos dominatus ent.  
Scilicet in celo residens, per tartara regnans,  
Qui mare, qui terras, qui regit astra, polum.

Sed Arabes seu Saraceni Hispaniarum Hunnorum exemplum secuti non sunt, ut statim videbimus. Auctor brevis Chronicæ in monasterio sancti Galli scripti, et ab anno DCCXLVIII usque ad annum DCCXXVI perducti, utramque adversus Hunos seu Avares expeditionem recitat, priorem ad annum DCCXCV, posteriorem a Pippino rege susceptam ad eurrentem annum revocat, et utrobique sicuti et annis consequentibus, Hunos et Avares uno *Vandalorum* nomine designat, quia, ut anno CIVI, num. 16 et seq. jam observavimus, mediæ etatis scriptores *Vandalorum* nomine Hunnos intelligunt, quod hic inculcare juvat, quia cum viri doctissimi ad hunc loquendi modum animum non advertissent, quod in uno tempore gestum, ad alterum magno Chronologiae damno non raro transtulere. *Alcuinus*, ubi accepit erudiendorum Hunnorum curam commissam fuisse *Arnoni* Salisburgensi episcopo, ei statim prolixam de pastorali studio scripsit Epistolam, quæ inter Alcuinianas ordine est civ. Ejus inscriptio fuit: « Dulcissimo fratri et sanctissimo præsuli Aquilæ », ubi Alcuinus Arnonem tralatitio nomine per Aquilam significat, sicuti in Epist. LXVI, quam eidem sic inscripsit: « Charissimo germano meo Aquilæ antistiti ». Non desunt, qui Arnonem et Alcuinum germanos fratres fuisse, suspicentur ex præcitatibus Epistolarum inscriptionibus. At, ut recte observavit Cointius hoc anno num. 131, hos titulos Alcuinus amicitie, non agnationis ergo videtur usurpare, quod indicat Præfatio ad Arnonem episcopum, quam idem Alcuinus Expositioni Psalmorum Pœnitentialium, necnon Psalmi cxviii et Psalmorum Gradualium præfixit. Ea Præfatio extat tom. ix Spicilegii Dacheriani. *Aquilæ* nomine Alcuinum Arnonem designare observavit etiam Mabillonius scc. iv Benedict., tom. i, pag. 64.

**20. Annus xxv belli Saxonici.** — Hoc etiam anno gestum bellum *Saxonicum*, de quo annalistæ Petavianus et Masciacensis iisdem pæne verbis agunt, quia quæ narrant ex uno eodemque exemplari descripsere. Refero hic verba annalistæ Mascia censis, quia librarius Petavianum aliqua ex parte in hac narratione corrupit: « Iterum dominus Carolus moto exercitu suo venit Saxoniam. Tunc cum magna providentia et decertatione vastavit Saxoniam, et præda magna acceptis obsidibus in Drachina: feceruntque Franci pontem super ammem

Wisera, in loco cuius vocabulum est Alisni. Exinde perrexit Wimodin. Deinde vastavit regiones illas cum suis omnibus prospere et incolumis remeavit ad propria ». Quibus verbis Annales suos absolvit, qui ideo non longe ab hoc tempore scripti videuntur. Annalista Petavianus tribus annis auctior esl, sed videntur illi desumpli ex aliquo alio exemplari diverso a primævo, quo usus est annalista Masciaensis, qui eosdem non omisisset. His magis expllicantur quæ de eodem bello annalista Lambecianus citatus refert.

**21. Saracenorum regiones a Francis devastatæ.** — Ut Saxonum in Germania, sic et Saracenorum terras in Hispania vastarunt Franci, ut asserit annalista Lambecianus, cuius verba mox recitavimus. Hujus devastationis occasionem præbuit mors Iseni sive Hisiani Saracenorum in Hispania regis, de qua Elmacinus lib. 2 Hist. Sarac. ad annum Hegiræ CLXXX haec habet : « Obiit Hisiamus filius Abdurrahmanis Amawæus rex Hispanæ, ut regnaverat annos septem et mensem unum, annos natus XXXI. Et creatus rex Hispanæ est filius ejus Hakemus filius Hisiami », quem Rodericus in Historia Arabum *Alhacam* appellat, atque fratres Hisiami e Mauritania, ubi exulabant, post ejus mortem in Hispaniam rediisse, et contra *Alhacam* nepotem suum per aliquot annos bellum gessisse, quam occasionem Carolus non præternisiit.

**22. Variæ Epistolæ ab Alcuino hoc anno scriptæ.** — Antequam Angilbertus ex Italia rediret, et dum bellum in Saxonia gerebatur, Alcuinus scripsit Epistolam LXV ad Aginum Bergamensem episcopum, qua reliquias sanctorum sibi per eumdem Angilbertum ex Italia transferri postulabat, et Epistolam XCIII ad Damætam, qua illum euntem in bellum egregie monebat, absentiamque complurium amicorum ac discipulorum querebatur : « Tu vero iter tuum confessione confirmare, eleemosynis roborare, orationibus servorum Dei undique munire memento, ut Angelus Domini te infer omnia adversa tneatur et comiletur, quatenus cum securitate vadas, et cum pace revertaris. Ego pene quasi orbatus filiis remaneo domi. Dameta Saxoniam, Homerus Italianam, Candidus Britanniam recessit, etc. » Homeri nomine Angilbertum, Dametam virum quemdam clarissimum intelligit Alcuinus, qui tamen alibi Ricalphum Moguntiacensem archiepiscopum Dametam etiam appellat. Hoc vero anno Alcuinus abbas sancti Martini Turonis constitutus est, ut docet Chronicum Turonense, et jam supra insinuavimus : sed eo tempore de secularibus occupationibus declinandis serio cogitabat, ut ipse in Epistola XXIIII ad Carolum anno octingentesimo primo post ejus ex Italia redditum data, significat : « Fere ante hoc quinquennium sœculares occupationes, Deum testor, non fieri corde declinare cogitavi. Sed vestre piæ providentiae consilio, translatus sum in servitium sancti Martini, fidei Catholice et Ecclesiastice sanctioni, donante Deo, proficuum ». Et non solum hoc anno, qui quintus

est ante annum DCCCI, sœculares occupationes deserere voluit, sed ipso etiam anno, quo haec scribebat. Verum semper repulsam a Carolo passus est. Scripsit etiam Alcuinus per Angilbertum ad Leonem III, cujus Epistolam ordine LXXII recitat Baroniūs in Appendice ad hunc annum.

**23. Hunni captivi opera Alcuini redempti.** — Hoc etiam anno Carolus paulo postquam Pippinus ejus filius victor ex Hunia rediit, in morbum incidit, de quo certior factus Alcuinus statim Epistolam xc ad eum dedit, eique captivos in ea expeditione factos commendavit : « Domine mi, memor sit pietas vestra captivorum, dum est Pippinus tuus tecum, propter gratiarum actiones mirabilis beneficii, quod vobiscum de Hunis divina facit clementia, et propter prosperitatem imminentium rerum, ut clementissima illius potentia omnes adversarios sui sancti nominis vestris velociter subjiciat pedibus, sed et de peccantibus in vos, si fieri possit, et vestrae videatur providentia, aliqua de aliquibus fiat indulgentia et remissio ». Annuit postulatis Carolus, et redemptioni captivorum consensit, ut patet ex alia Epistola ordine xci ad Pippinum data, in qua ait : « Gratias agimus benevolentia tuæ, simul et pietati domini regis, qui pie consentit petitioni redemptionis captivorum, etc. Et tu, excellētissime juvenis, nobilitatem generationis, morum nobilitate adornare studeas ». Ingressus erat Pippinus annum aetatis vicesimum primum, uxorem jam duxerat, eum illum sic alloquatur Alcuinus : « Lætare eum muliere adolescentiae tuæ, et non sint alienæ participes tui ». In administrando Italie regno Pippinus Adelhardi Corbeiensis abbatis consilio potissimum utebatur; a Carolo enim missus est in Italiam, « ut Pippino juniori ad regendum magistraret, et ad stateram justitiae regnum Italicum informaret », ut in sancti Adelhardi Vita a S. Gerardo monacho scripta apud Mabillonum sœc. IV Benedict., part. I legenda videre est.

**24. Laudatur S. Adelhardus abbas Corbeiae.** — Fuit Adelhardus primus ex ordine Benedictino ad regni administrationem a Carolo Magne vocatus, « et regnum Italie, quæ sibi commissa fuerat, et ejus regem Pippinum juniorem ad statum Republicæ et ad religionis cultum utiliter, juste atque discrete honestius informaret. Ubi tanlam promeruit laudem, ut quibusdam, ita ut fertur, non homo, sed pro virtutis amore Angelus prædicaret », inquit sanctus Paschasius Radbertus ejus discipulus in ejus Vita, quam sanctus Gerardus citatus tum Corbeiensis monachus, ac dein abbas monasterii Silvae-Majoris, qui sœculo XI vixit, abbreviavit. Post suum ex Italia redditum primus inter consiliarios Caroli M. habitus est, ut testatur Hincmarus in Epistola de recta novi ac juvenis regis Institutione, cap. 12. « Adalhardum senem et sapientem, domini Caroli imperatoris carne propinquum, et monasterii Corbeiae abbatem, inter primos consiliarios primum in adolescentia mea vidi : cuius libellum de ordine palatii legi et scripsi ». Pe-

riit liber ille, sicuti et ejus Epistolæ. Quæ ejus scriptorum supersunt fragmenta sese publicatrum pollicetur Mabillonius in Observat. præviis ad ejus Vitam, a sancto Paschasio editam. Varias dignitates pie ac feliciter gessit vir sanctus, et in primis abbas utriusque Corbeiae, antiquæ sc. in Gallia, et nova in Saxonia, cuius præcipuus auctor fuit cum *Uala* fratre suo magnæ sanctitatis viro, de quo infra sermo erit.

25. *Ethelredus Northumbrie rex occiditur.* — A num. 48 ad 25. Quæ hoc anno in Anglia contigere, accurate narrat Hovedenus pagina 406: « Anno DCCXCVI, qui est annus vii Ethelredi regis, (scilicet Northumbriæ) Alric quondam dux, tunc clericus in Eboraca civitate obiit, et paulo post (id est, quinto kal. Aprilis) eclipsis lunæ facta est inter gallinicum et auroram. Eodem anno Ethelred rex occisus est apud Cobre XIV kal. Maii. Osbald vero patricius a quibusdam ipsius gentis principibus in regnum est constitutus, et post viginti septem dies omni regie familiae ac principum est societate destitutus, fugatusque, et de regno expulsus, atque ad insulam Lindisfarnensem cum paucis successit, et inde ad regem Pictorum cum quibusdam e fratribus navigio pervenit. Eardulf enim filius Earnulti de exilio vocatus regni infulis est sublimatus, et Eboraci in Ecclesia sancti Petri ad altare beati Pauli (ubi illa gens primum perceperat gratiam baptismi) consecratus est septimo kalend. Junii. Et non multo post, id est, septimo kal. Augusti, Offa potentissimus rex Merciorum, postquam XXXIX annos regnavit, defunctus est, cui successit in regno filius ejus Ecfreti, quiq[ue] obiit eodem anno. Kenulfus pater Kenelmi quoque dehinc diadema regni Merciorum suscepit, glorioseque tenuit invicta virtute sui potentatus, et paulo post, id est, quarto idus Augusti, Eanbaldus archiepiscopus (scilicet Eboracensis) obiit, etc. Statim vero alter Eanbaldus ejusdem Ecclesie presbyter electus est». Alfordus Ethelredi Northumbriæ regis cædem cum anno DCCXCV perperam illigavit contra auctoritatem Huntindoniensis pag. 344, quem ipse met citat, et præterea annos tantum quinque Ethelredo tribuit. Scribit enim Huntindoniensis: « Anno Britici regis (nempe Occidentalium Saxonum) undecimo, Nordhumbri regem suum Edelred occiderunt». Ad hæc eclipsis lunaris, quæ septimo Ethelredi regis anno, dieque XXVIII mensis Martii, feria secunda, post medianam noctem hoc anno contigit, ut observavit Calvisius in Opere Chronologico, pertinet ad præsentem Christi annum, ad quem ideo *Ethelredus* pervenit.

26. *Eius cædes citius non patrata.* — Hoc etiam ostendit Cointius hoc anno num. 172 ex Epistola, quam Carolus post auditam Hadriani papæ mortem ad Offam regem dedit, que habetur apud Baronium anno superiori num. 11. Carolus enim Offam sollicitat ad suffragia pro anima Hadriani, atque se eam in rem misisse dalmaticas suas vel pallia ad singulas sedes episcopales regni

ejus, et Ethelredi. Sed ubi Carolus eam ad Offam Epistolam scripsit, Alcuinus aliam ad eundem regem dedit, relatam a Malmesburiensi lib. 4, cap. 3, in qua ait: « Vestra dilectioni digna dirigit munera, et per episcopales sedes regni vestri. Similiter Ethelredo regi et ad suas episcoporum sedes dona direxit. Sed heu! proh dolor! donis datis et Epistolis in manus missorum, supervenit tristis legatio per missos, qui de Scotia per vos reversi sunt, de infidelitate gentis et nece regis. Ita Carolus, retracta donorum largitate, in tantum iratus est contra gentem illam, ut ait, perfidam et perversam et homicidam dominorum suorum, et pejorem eam paganis aestimans, et nisi ego intercessor essem pro ea, quidquid eis boni abstrahere potuisset, et mali machinari, jam fecisset». Data ea ab Alcuino Epistola post diem XVIII mensis Aprilis, quo Ethelredus rex a suis interfectus est. Cum eo finem accepisse videtur regnum Northumbrorum. Nam, ut tradit Malmesburiensis lib. 4, cap. 26, licet ii reges proprios multis annis haberint, ad regis tamen Saxonum Occidentalium arbitrium spectabant, et Egbertus horum rex anno DCCXXVI Northumbros sub jugum misit, et toti fere insule tanquam monarca legem dare cœpit, ut eo anno videbimus. Quare reges Northumbriæ amplius non memorabimus.

27. *Post Offam et ejus filium Kenulfus in Mercia regnat.* — Offa Merciorum rex Ecgfertum tilium, quem alii Egfridum, alii Ecfretum appellant, regni sui haeredem reliquit; hieque in ipso anno obiit, ut habent Ethelwerdus p. 842, et Simeon Dunclensis, seu post quatuor menses regni, ut refert Malmesburiensis p. 33, qui addit, eum paternæ innanitatis vestigia declinasse, et privilegia omnium Ecclesiarum, quæ is attenuaverat, prona devotione revocasse. Ecgferto successit *Kenulphus*, idque ante diem nonum mensis Novemboris, ut ex dicendis in morte ejus palam fiet. De eo idem Malmesburiensis scribit: « Kenulphus imprimis magnus vir et virtutibus famam supergrediens, nihil quod livor digne carperet, unquam admisit, domi religiosus, in bello victoriosus, vir eujus merito laudes nitentur in altum, quandiu æquus arbiter in Anglia invenietur». Ipso regni initio nihil antiquius habuit, quam ut primæ sedi Cantuarie suus honor et locus postliminii saltem jure rediret. Legationem itaque Romanum decrevit, quæ cum incerto casu irrita fuisse, aliam anno sequenti adornavit, scripsitque ad Leonem III litteras, quas Baronius num. 18 et seqq. recitat. Athelardus Dorovernensis seu Cantuariensis archiepiscopus nihil omitendum ratus Romanum anno DCCXCIX profectus est; quod cum Alcuinus intellexisset, e Turonensi abbatia faustum ei iter precatus est, scripsitque ad eum litteras, quas refert Malmesburiensis lib. 4 de Pontif. pag. 199. Et quia Athelardus Carolum regem adire cupiebat, Alcuinus ad eundem regem scripsit, et non solum Athelardum, sed etiam ejus socios ei commendavit: « Ili omnes, inquit, mihi

valde fuerunt fideles et adjutores itineris mei, vel meorum defensores puerorum huc illueque disserentium: de quibus optimam vestram deprecor clementiam, solita benignitate suscipere eos, quia mihi necessarii fuerunt, unusquisque in suo loco». Porro ex Kenulphi et Aleuini litteris liquet, Athelardum prius episcoporum Synodum collegisse, quam Romanum iter aggredieretur. Meminit hujus Synodi Spelmannus pag. 316, eamque jam in annum **DCCXCVIII** confert; sed Alfordus ex litteris laudatis colligit eam anno sequenti habitam esse et *Ethelardum* prius episcoporum Synodum collegisse, quam Romam pergeret, ut quod ipse Leoni proponeret, non tam suo, quam omnium ordinum ore suffragioque loqueretur. Legendus idem Alfordus anno **DCCXCVI**, num. 10. Certum tamen aliam Synodum ab Athelardo archiepiscopo congregatam fuisse anno **DCCXCVIII** *in loco, ubi nominatur Bacan-celd*, ut in ea dicatur, qua juxta Leonis III mandatum prohibetur omnibus secularibus, ne super Ecclesias dominium suscipere audeant. Referuntur haec Concilia tom. vii Concil. et ab Alfordo tom. i Annal. Actum in priori de Dorovernensis Ecclesiæ prærogativa revocanda et retinenda; quod et reapse præstitum est. Westmonasteriensis enim ad annum **DCCXCVII** scribit: «Kenulphus missis ad Leonem papam Iadriani successorem, sua et omnium Anglorum pontificum Epistolis, ipso archiepiscopo Athelardo legationem generaliter fungente, quod petuit impetravit».

28. *Kenulfus rex agit apud Leonem III pro metropoli Cantuariensi.* — Plenius hujus legationis summa colligi potest e Leonis III litteris ad Kenulphum regem datis, quas recitat Baronius num. 22 et seqq. Cum tamen in ipsis Leo dicat: «Porro in una ex illis Epistolis (duas enim Kenulphus ad ipsum dederat) reperimus, qualiter gratia nostræ Apostolice functionis si juxta fuissetis, animam vestram pro nobis posuissetis benigne», apparet Leonis Epistolam, quæ a Baronio refertur scriptam fuisse post extrema illa quæ idem Leo passus est anno **DCCXCIX**, ad quem uterque chronologus Saxo scribit: «Ilic Ethelheard archiepiscopus et Cinebrictus Occidentalium Saxonum episcops, Romanum profecti sunt». Idem habet ad eum Christi annum Vigorniensis: «Dorobernensis archiepiscopus Ethelardus, et Kinebertus Ventanæ civitatis pontifex Romanum adierunt», quia scilicet pendebat adhuc eo anno Dorovernensis Ecclesiæ causa, nec potuerat plene decidi, donec Romanus Pontifex episcoporum provinciarum sententias andisset, ideoque Athelardus rursum Romanum profectus est cum secundis litteris Kenulphi regis ad Leonem III. Westmonasteriensis laudatus uno tenore refert quæ per plures annos in ea controversia gesta sunt, anno enim tantum **DCCCI** finem accepit, ut ubi videbitur.

29. *Moritur Eanbaldus archiep. Eborac.* — Quoad *Eanbaldum* Eboracensem archiepiscopum, cuius mortem cum hoc anno alligat Hovedenus

loco laudato, eam Thomas Stubs in *Actis Eboracensium* episc. perperam in annum sequentem differt; in Catalogo enim præsulum Eboracensem publicato a Labbeo tom. i *Biblioth.* idem quod apud Hovedenii legitur: «Anno Incarnationis **DCCXCVI**, Eanbaldus xvii sui archiepiscopatus anno moriens, alterum Eanbaldum, qui ejusdem Ecclesiæ presbyter fuerat, successorem reliquit, regnante Eardulfo», nempe in Northumbria. Præterea novus chronographus Saxonius, et Simeon Dunelmensis eodem anno mortem ejus collocant, additque Dunelmensis, Eanbaldum juniores **XVIII kalend. Septemb.** ordinatum esse, die scilicet Assumptioni beatæ Virginis sacra. Licet porro tam in laudato Catalogo, quam in *Actis episcoporum Eboracen-sium* citatis anni xvii Eanbaldo seniori assignentur, is tamen anno **DCLXXVIII** Egberto successerat, sed quia hic biennium, postquam dignitatem depositus, superstes fuit, historici Angli annos Eanbaldi ab anno tantum **DCLXXX** deducunt; de quo diverso modo numerandi episcoporum annos superius verba fecimus. Eanbaldus senior Aleuini condiscipulus fuit, junior vero ejus discipulus, ut supra ostendimus. De juniori Malmesburiensis lib. 3 de Pontif. pag. 269, intelligendus, quando ait: «Ipse est Eanbaldus, qui cum Æthelardo archiepiscopo Cantuariensi mutuis probitatis officiis invasionem, quam Offa rex Merciorum super Cantuariensem Ecclesiam fecerat, ad nihilum redigit: quod Aleuinus significare videtur in Epistola ad eumdem Athelardum ita dicens: Audiens salutem et prosperitatem vestram et conventum cum Eboracensi episcopo filio meo Eanbaldo satis mihi placuit, speranti ex vestre colloquio sanctitatis unitatem sancte Ecclesiæ recompanigari, quæ par-tim disessa est, non rationabili consideratione, sed quadam potestatis cupiditate». Ita Aleuinus apud Malmesburiensem.

30. *Saraceni Palæstinam vastant et monachos S. Sabæ occidunt.* — Illo anno cum dissidium inter Saracenorum tribus in regione Palæstina exortum ad civile bellum processisset, bifariam exercitibus constitutis varias urbes Saraceni vastare: «Depopulati sunt frequentissimas urbes, non paukas: Eleutheropolim, abductis in captivitatem universis, desertam fecere: Ascalonem, Gazam, et Sariphæam, aliasque civitates violenter diripiuerunt», inquit Stephanus monachus Sabaita in *Actis sanctorum* viginti monachorum martyrum, Joannis, Sergii, Patricii et sociorum, in Laura sancti Sabæ prope Hierosolymam. Publicavit ea Acta Bollandus ad diem xx mensis Martii, in quibus dicitur monachos, dum cuncta timoris et desperationis plena essent, Lauram S. Sabæ non deseruisse, quamvis tuto possent inde recedere, atque in aliqua urbium salvari. Tandem Barbari tempore Quadragesimæ ad Lauram accessere, cumque frustra peterent pecuniam, quam monachi non habebant, telorum imbrex in eos effundere, quibus e patribus triginta circiter sauciati sunt,

lethaliter plerique. Iterum postea in Lauram irruerunt, et demum monachos viginti antro inclusos copioso fumo dum cruciarunt et examinarunt. « Cæterum admiratione non caret », inquit Stephanus auctor coævus, « quod qui passi sunt, non omnes fuerint scientia et exercitatione virtutis consummati : erant novitii inter eos, erant et idiotaæ. Sed nempe perdidiscerant omnes imperare affectibus, atque redigere in servitatem quidquid in homine carnis sapientiam redolens aut voluptatem facit aut ipsam vitam aestimare atque diligere ».

31. *Id hoc anno, non superiori, contigit.* — Annum rei gestæ idem auctor his verbis exprimit : « Anno ab orbe condito sexies millesimo ducentesimo octogesimo octavo, juxta accuratissimam, scilicet Ecclesiasticam suppurationem : a nato vero secundum carnem Deo ac Domino Salvatore nostro Jesu Christo, septingentesimo octogesimo octavo, Indictione quinta ; cum Hierosolymitanæ Ecclesiæ beatissimus patriarcha Elias, et magnam hanc Lauram sancti patris nostri divino plenus Spíritu Basilius venerabilis gubernaret ; in regione Palæstinorum inter Saracenorum tribus civile bellum exortum est ingens ». Utitur Stephanus, tam Æra mundana quam Æra Incarnationis Alexandrinorum,

quarum anni ultimi in minori numero semper inter se convenient. Alibi demonstravimus, ex perpetua methodo annis Incarnationis secundum Alexandrinos, septem numeros addendos, ut habeamus annum illum Incarnationis Æræ nostræ vulgaris, in quo illi kalendis Septemb. exordiuntur. Ad hæc Æram mundanam Alexandrinorum ab anno mundi 5777, cum quo alligatur initium Diocletiani imp. non differre a periodo Graeco-Romana, nisi in eo quod anni in hac periodo a kalendis Januariis, in Æra vero Alexandrina a kalendis Septembribus inchoantur, certis argumentis ostendimus. Quare nullum dubium est, quin uterque annus citatus mundi et Incarnationis initium sumiat die prima mensis Septembribus superioris Christi anni, ideoque quin sancti martyres currenti passi sint ; cum Barbarorum incursio facta sit per Quadragesimam ; ac præterea, quin loco, *Indictione quinta*, legendum sit, *Indictione quarta*, quae hoc anno in cursu fuit usque ad Septembrem. Sed Bollandus, qui ad methodum a nobis traditam animum non adverterat, et Indictionem mendose descriptam esse non putabat, hoc martyrium in annum sequentem distulit, sieque utramque Æram Alexandrinam cum Dionysiana male copulavit.

## LEONIS III ANNUS 2. — CHRISTI 797.

1. *Constantinus imperator excæcatus moritur.* — Annus sequitur Christi septingentesimus nonagesimus septimus quintæ Indictionis, quo Constantinus imperator orbatus oculis simul et vita cum esset, in matrem rursum imperium est devolutum. Rem gestam idem qui supra Theophanes res sui temporis presecrent, et qui interfuit, narrat verbis istis : « Mense Martio exiit imperator adversus Arabes, habens secum Stauratium patricium, et cæteros amicos matris suæ, neenon et electam catervam peditum militum ex ultrisque thematibus viginti millia. Videntes autem, qui circa Stauratium erant, alacritatem populi et imperatoris : timuerunt, ne forte inito bello, ille vinceret, et ipsi ad inventis adversus eum frustrarentur insidiis. Ergo innumeratis vigilibus, persuaserunt cis mentiri, perhibendo Sarracenos fugisse. Imperator itaque multum tristatus, inefficax in urbem regressus est. Et

kalendis Maii morluus est filius ejus Leo, et Iuxit eum vehementer. Porro decimo sexto kalendas Augusti ab equestri agone ad sanctum Mammatem transeunte, transmearunt ad eum comprehendendum hi, qui erant ex ordinibus, quos mater imperatoris allocuta est. Quo ille cognito, in chelandium suum ingressus est, et transmeavit ad Pylas, volens ad Orientalium thema confugere. Erant autem cum eo et amici matris ejus, quos ille sic esse ignorabat. Porro ipse et uxor ejus exivit usque ad Tritonem.

2. « Porro consilio inito, amici matris ejus dixerunt ad semetipsos : Si coacervatus ei fuerit populus, non jam dominio constringetur, nec jam latere poterimus eum, et perdet nos. Materque ipsius congregatis in palatio Eleutherii, qui ex ordinibus fuerant collocati, introivit in palatium : et cum didicisset populi ad imperatorem concursum,

timuit nimis, et tractabat qualiter mitteret episopos ad eum, et acciperet verbum, ut sederet in angulo. Verum seripsit occulte ad amicos qui cum ipso erant, quia nisi modum quemlibet feceritis et tradideritis eum, verba quae habetis mecum, habeo indicare imperatori. At illi metuentes, tenuerunt eum proceres, et in chelandium deducto eo, sabbato mane venerunt ad urbem, et concluserunt eum in domo Porphyrii, in qua et natus est. Et circa horam nonam erudeliter et insatiabiliter oculos ejus evellunt, ita ut mors subsequens confestim extingueret consilio matris suae et consiliariorum ejus. Obtenebratus est autem sol per dies septendecim, et non dedit radios suos, ita ut errarent naves maris, omnesque dicerent, quod propter obsecrationem imperatoris sot obsecratus radios suos retraxerit ». Porro non nisi irato in eum numine, vindictam exposcente de fuso ab eo innocentium sanguine facta haec esse, idem Theophanes tradit, dum agit secundo anno ejus imperii de eorumdem innocentium nece, ista subjiciens: « Non in longum Dei justitia hanc injustam ultionem misit iuultam: post quinquennium namque eodem mense, et eodem die sabbati orbatus est oculis a propria matre idem Constantinus ». Porro in Constantino sic genus Copronymi prorsum extinutum tradunt.

*3. Theodorus et monachi ab exilio et carceribus soluti.* — Quomodo autem, ita e medio sublati Constantino imperatore, qui ab eo deportati sunt in exilium viri sanctissimi, et inter eos emensis Plato archimandrita sunt restituti, audies ex Theodoro Studita: qui et ipse unus ex illis et pars magna fuit, res gestas ejusdem S. Platonis prosecutus oratione, haec de his subiecit: « Breve, inquit, tempus intercessit, et adulterum illud imperium, quod noluit intelligere, ut bene ageret, de medio sublatum fuit: ut et imperatores ipsi disserent divinas leges non violare, neque iniquas persecutions et carceres struere, quamvis purpura nimium effrantur. Tunc fidelissimus ille divinarum legum custos, S. Plato videlicet, confessionis bravio recepto, e carcere ipso tanquam victor exiit, multisque laudationibus et carminibus celebratus, felix dicebatur, eorum testimoniis comprobatus, qui antea ipsi obtricabant atque illudebant. Solent enim (ut est a Gregorio Theologo dictum) homines alicujus virtutem vel hostes ipsi admirari, cum furore extineto, res ipsa per se probata fuerit. Licit hoc loco, diverso modo res se habeat, ac dici possit. Cum enim regina illa, que pacis nomen habens, Irene dicta est, rursum imperare cœpisset, et virum hunc tanquam martyrem prosequeretur: tunc instar fluvii retro fluentis, si quis inimicus antea fuerat, in amicum et laudatorem conversus est, ita ut custos carceris, in terra prostratus, sibi veniam dari in terra supplex petierit. Sed vir ille factis, aut dictis tam motus fuerat, quasi lapis sensus expers.

*4. « Postea vero quam ab exilio reversi fuimus, aliquique ex aliis locis tanquam volueres quedam*

advolassent: factum illud piis hominibus admirationi erat, et eum capite ipso membra copulabantur. Diceret fortasse hoc loco (quamvis verbum hoc audax sit) clarissimus ille vates Isaías<sup>1</sup>: Leva in circuitu oculos tuos, et vide congregatos filios tuos: veniunt omnes filii tui de longe: videbis et gandebis et metnes atque obstupesces corde. Ille quidem Propheta hæc diceret: ego vero addiderim illum etiam, qui sacris præsidebat, et in ea re principatum tenebat (Tarasius iste erat Constantinopolitanus episcopus) ita affectum fuisse, ut eum, de quo dicimus, reverentia prosequeretur: qui cum se illi purgasset, ad concordiam etiam ipsum invitavit. Quod factum fuit, ejecto illo, qui adulteros conjugatos coronaverat, ut dissidium removeatur, quod beatus ille maxime fugiebat. Quo facto, victoriae prium apud universos, qui converterant, assecutus est. Quid enim aliud Deo ipsi concordia et coniunctio carius, modo coniunctio ipsa hominem a divinis præceptis non sejungat? Sed quidnam postea factum est? E priore monasterio gentis illius causa Bysantium migravimus. Quo loco pater ipse virtutis appetens, ne monasterii gubernationem sustineret, intra cellulam se elaudens, eam vitam amplexus est ». Quod vero ad initam cum Tarasio communionem pertinet: testatur ipse Theodorus in Epistola ad Simeonem, de qua inferius, se cum Tarasio, ubi rediit, comunicare noluisse, nisi probasset quæ ab ipso gesta essent. At pergit auctor eœptam narrationem :

5. « Sed vide etiam hic admirabilis rei studium: tam multa ejus erat humilitas, ut eum fratrum societas sub duobus principibus esse non posset, seipsum vir ille Dei studiosus atque imitator, obedientiae legibus subjucerit; idque fecerit illis ipsis præsentibus, et ejus rei testibus, qui eo converterant. Annon peregrinum et alienum hoc est, filium dici eum, qui antea pater dicebatur, ejus, inquam, filium, quem ipse in spiritu genuerat? (de seipso haec Theodorus). Quid quod ei subjectus erat, cui olim imperaverat? cum præsertim tot essent illius egregia facta, ut satis illi ad laudem esse possit, si cunctarum rerum gloria non elatus modeste se gesserit. Sed admirabilis ille vir facile et nullo negotio hoc perfecit, non flete quodammodo et adulterine, ut verbo tantum imperanti subjectus esset, sed sincere, et eo modo, quo Deus postulat, id ipsum faciebat. Ubi enim confessio est, illie et fiducia: ubi fiducia, illie propriæ voluntatis remotio: ubi propriæ voluntatis remotio, illie et obedientiae perfectio esse solet. Recte factorum testes illi sunt, quorum causa petitiones aliquot extiterunt. Supplicabat pro aliquo propinquuo, et cum petitionem assecutus esset, ejus causa, qui petitionem obtinuerat, ipse gaudebat. Quod si petitionis compos non fuisset, sed re infecta discessisset, nequaquam id moleste ferebat, unum

<sup>1</sup> Isaï. LX.

illud propositum habens, ut re aliqua agenti utilitatem afferret, non ut voluntatem suam expleret. Hei mihi! pater, (ut Prophetæ<sup>1</sup> voce utar) quare me genuisti? Patrem vocare non erubesco, qui dignus non sum, qui filius tuus nominari possim. Quorsum me ad hanc dignitatem extulisti, qui neque imperio parere aptus sum? Novit Deus quemadmodum et tua sancta anima hujus rei rationem, quod scilicet amicitia ipsa, vel obedientia etiam potius illa, que supra vires sunt, ferre potest, ut brevi oratione defensionem meam comprehendam, et hoc loco finem faciam ». Hæc Theodorus ingemiscentes de collata ab eo ante biennium monasterii præfectura, de qua superius dictum est. Pergit vero ipse res gestas sancti Platonis, admiratione summa dignas, referre, sed hæc nobis ad Annales satis.

6. Dicendum modo de ipso Theodoro Studita, de se adeo modeste humiliterque scribente; illaque afferemus quæ Michael monachus, qui fuit ejus discipulus, et res ab eo gestas deseriptis, quam fidelissime narrat, incipiens a Constantini nece his verbis: « Sed quoniam rex ferus incidet in mala (sicut ait propheta<sup>2</sup>) et viæ ejus tenebrosæ, hoc ipsum sensit imprudens Constantinus, et pœnas iniquitatis suæ nequissimus persolvit, imperio brevi orbatus, atque ante imperium oculis, ut quibus vivens improbe usus erat, eorum lumine privaretur. Eo autem regia pulso, imperium iterum ejus pia mater obtinuit, quæ pacem statim complexa, nomini suo congruentem, nihilo illam quam antea segnitus conservare studuit. Itaque exilium patribus subito relaxat, non his modo, vel illis, sed omnibus in universum, atque ante omnes ei, qui virtute omnes anteibat, pastori, inquam, nostro ac magistro (Theodoro videlicet). Quem Thessalonica redeuntem, frequens (ut par erat) omnium hominum occursus exceptit. At longe clarissimus honor fuit, quo ingredientem patriarcha et regina ipsa eum honestarunt. Eam ob rem qui ante alias dissensionis socius et particeps fuit, Josephus ille presbyter, qui praefracta temeritate inaudita peregerat, sacrâ septis ejectus, ex sacerdotum albo expungitur, ut unius amputatione atque casu, reliqua membra coalescant et conjuncta cohærent. Hoc enim Augustæ summum studium erat, unum tollere, ut omnes consentirent, nec dissidio ullo vel schismate dissiderent. Quod ei sane feliciter cessit ex animi sententia: brevi enim omnes animis conjuncti ad pacem concordiamque redierunt.

7. « Neque enim vel patriarcha ipse, quantum in eo erat, aut factum id approbabat, aut non absurdum illud et alienum ab Ecclesia judicabat, aut Patrum aerumnis non compatiebatur: sed sapiens quoddam consilium, et alta mente, qualis ejus fuit, dignum agitans, non habuit tunc ulciscendi auctores facultatem, temporis injuria, que vellet, agere non permittente. Quamobrem regina

ipsa utriusque prudentiam amplectens, et magnopere collaudans, summam utriusque virtutem, et in utili dijudeando intelligentiam boni consulebat, quod patriarcha quidem de summo jure non nihil remittens, vesanum imperatorem a graviore malo hac ratione revocasset, minantem jam se, majorum exemplo, sacrarum imaginum hostem fore, nisi quod animo concupierat, peragere sine-retur.

« Pater autem, nempe Theodorus, flagitium propalam arguendo, et acri reprehensione atque objurgatione longius progredi prohibendo, tum eos, qui peccarant, tum cæteros, qui simile aliquid meditabantur, omnes affectibus suis non intemperanter uti edocuisse. Prorsus autem et relaxare interdum aliquid de judicio, bonum est, et exactum jus non præterire, utilissimum, unum in timu utrumque spectans, ut quod melius est, id pro re nata præstetur. Quod nimirum divini ambo ratio-cinantes, altiore quam captus noster ferat, consilio præsentia administrabant, ita ut charitatis vinculum nulla ratione solveretur, quo conjuncti semper fuerant, et divino jure inter se Spiritu colligati. Quod nos certe persuadere nobis debemus, et opportune de his, quæ opportune gesta sunt, judicare, ut propositum utrique finem laudemus et amplectamur, et eos qui aliter sentiunt, vel affecti sunt, de sententia dimoveamus ». Hæc omnia Michael Tarasium patriarcham excusans, in quem plurimi oblocuti fuissent alia occasione superiorius recitata.

8. Cæterum ipse Theodorus post victoriam consecutam, haud urbis potuit retineri blanditiis, sed ardua repetit vitæ monasticæ, ad suum remeans monasterium, congregans dispersos Israel, et alios ad ejusdem vitæ instituta sectanda virtutibus provocans, prout idem Michael ejus Vitæ scriptor his subjicit verbis: « His ergo in hunc modum transactis, Theodorus regia urbe relictæ, in monasterium revertitur, optimique pastoris instar, segregatas oves convocat, quas, se absente, prædones animalium abegerant et in omnes circum montes disperserant. Accurrit insuper innumerabilis atrocum tam monachorum, quam sæcularium multitudo, et magni patris redditui gratulatur, divulgante illum ubique fama, Theodorumque celebrante et Sacundionem. Respondebat autem exitus opinioni, et famam res ipsa confirmabat. Quicunque enim accedebant, meliores ab eo siebant, et præstantiorem inde vitam auspicabantur. Plurimi ex eo tempore Byzantio profecti, ad sanctum protinus advolarunt, ejus tanquam Sirenum minine faltacium vocibus repente capti, redeundi euram penitus abjecerunt. Obtestantes, accidentes, omnia supplicium more facientes, ut sibi cum illo esse, et vivere liceret; melius longe atque utilius id existimantes, quam in sæculo versari. Quos ille cunctos excipiens, eorumque fidem amplectens, Deo offerebat, et in virtutis disciplina exercebat ». Quæ autem ipsi causa fuerit illud relinquendi monaste-

<sup>1</sup> Isaï. xliv. — <sup>2</sup> Ezech. xxviii.

rium, et reverti Constantinopolim, et illuc præfecturam suscipere amplissimi monasterii, jam diutius monachis destituti, ejusdemque Studii appellati, ex quo et cognomentum illud est consecutus, ut Theodorus Sndita sit appellatus, idem auctor enarrat. Sed quoniam ea facta noscuntur anno sequenti, de his nos suo loco dicemus.

9. *Res Occidentales.* — Quod spectat ad res Occidentales, Barcinona civitas, quæ a Francis defecrat, per Zatum Saraceuorum præfectum Carolo Magno reddita est. Cum et Habdalla Saracenorum

princeps in Africa a fratre pulsus, ad eundem Carolum Magnum confugit, quem cum filio suo Ludovico in Hispaniam proficisci jussit. Quo anno pariter res bellicæ eidem Carolo prospere ex sententia successere. Cum autem degeret Aquisgrani, accepit legationem a Constantino imp. antea missam. Qui ea functus est, fuit Theophilus Nicetæ Siciliæ præfeti filius, verum anno sequenti a Carolo susceptam, hoc vero anno missam a Constantino adhuc superstite alii tradunt. Sed ejus audita nece, omnia vana cessere.

Anno periodi Graeco-Romanæ 6290. — Anno Ætæ Hispan. 835. — Anno Hegiræ 181, inchoato die 5 Martii, Fer. 1. — Jesu Christi 797.

— Leonis III papæ 3. — Irenes iterum imp. 1.

1. *Constantinus imp. ab Irene matre oculis orbatur.* — Ad num. 1 et seq. Theophanes anno Incarnat. secundum Alex. **ccclxxxix**, qui kalend. Septemb. superioris Christi anni inchoatur, refert Irenem Augustam ordinum militarium duces induxisse, ut abrogato filio summam imperii sibi committerent, sed censuisse diem opporlunum exspectandum esse. *Junii vero mensis die decimo septimo, Indictione quinta*, duces molitos esse *Constantinum* imp. comprehendere, at eum conspecto periculo Pylas trajecisse. Tandem « duces illi *Constantinum* precibus vacantem comprehendunt, et chelandio ab ipsis impositus, sabbato mensis ejusdem die decimo quinto in urbem summo mane deductum, in porphyra, qua primum in lucem prodit, includunt: et circa horam nonam tanta immanitate illi oculos confodere ex matris et consiliariorum et ejus sententia, ut pene mortem inferrent. Ita mater ejus Irene imperium oblinuit ». Quæ recte hoc anno Baronius ex Anastasio narrat. Theophanes ad annum **ii** *Constantini* solius regnantis, qui kalend. Septemb. anni Christi **ccccxc** inchoatur, postquam scripsit, *Constantinum* patruos suos excæcassee, subdit: « Supplicium mense Augusto, sabbati die, Indictione xv, hora nona eis irrogatum. In spatium tamen laud diutinum injustum hujusmodi facimus inultum divina Justitia distulit. Solius etenim quinquennii exacto intervallo ejusdem mensis et sabbati die a propria matre *Constantinus* ipse oculis orbatus est ». Verum alterutro in loco error in mensem irrepsit. Etenim *Constantinus* patruos excæcavit anno **ccccxii**, quo post bi-sexum littera dominicalis fuit G; et tamen

hoc anno, quo ipse oculis orbatus, littera dominicalis fuit A, ideoque dies **xv** mensis Junii currentis anni v. g. non potest incidere in eamdem feriam, in quam ineedit anno **ccccxii**. Auctor quidem Misællæ et Anastasius tradunt, *Constantinum* patruos suos excæcassee *XVI kalendas Augustas*, die sc. **xvii** mensis Julii, sed anno **ccccxii**, dies ille non cum sabbato, sed cum die Martis concurrebat. Quidquid tamen sit de die ac mense, certum est *Constantinum* anno **ccccxii**, non vero anno antecedenti, ut perperam Baronius habet, in patruos sœviisse; cum ab eo anno ad currentem quinquennium, ab anno vero **ccccxi** sexennium effluxerit.

2. *Barcinona Carolo a Saracenis tradita.* — Ad num. 9. Egihardus in Aunal. hoc anno hæc habet: « Barcinona civitas in limile Hispanico sita, quæ alternante rerum eventu, nunc Francorum, nunc Saracenorum ditioni subjiciebatur, tandem per Zatum Saracenum, qui tunc eam invaserat, regi (nempe Carolo) reddita est. Nam is æstatis initio Aquasgrani ad regem venit, seque cum memoria civitate spontanea ditione illius potestati permisit ». Refert postea *Carolum*, cum Aquisgranum venisset, ibi Abdellam Saracenum, filium Ibiminangæ regis de Mauritania ad se venientem suscepisse, et Ludovicum de Hispanica expeditione regressum ad se venire jussisse, ac eum ad Aquitaniam remisisse, « cum quo et Abdellam Saracenum ire jussit. Qui postea (ut ipse voluit) in Hispaniam duxit, et illorum fidei, quibus se credere non dubitavit, commissus est ». Ludovicus Aquitaniæ rex Caroli patris mandatis paritus accessit Tolosam, ubi conventum generalem regni habuit; ibique legatos

suscepit, quos ad confirmando pacis foedera miserat *Adefonsus Asturiarum et Gallæcia rex*, « ubi Bahaluc quoque », ut scribit auctor *Vitæ ejusdem Ludovici*, « Saracenorum ducis, qui locis montuosis Aquitanie proximis principabatur, missos pacem petentes et dona ferentes suscepit et remisit ».

3. *Dissidia Saracenorum Christianis condunt.* — Accidit autem ut *Abdalla* Saracenus *Abderamanis Abenhumiae filius*, corrupte ab Eginhardo *Ibinmaugae* dietus, qui ab *Issemo* fratre Hispaniarum rege, ex Hispania pulsus in Mauritiam traxcerat, statim ab obitu *Issemi*, antequam filii ejus *Alhace* novi Hispaniarum regis initia firmarentur, in Franciam se contulerit, *Caroli* patrocinium imploraturus. Hic hominem blande exceptum *Ludovico* filio in Hispaniam proficiscenti tradidit : « Qui postea », ut inquit Eginhardus, « in Hispaniam, quo voluit dnetus, illorum fidei quibus credere se non dubitavit, commissus est ». Constat ex Roderico in *Historia Arabum* cap. 22, *Abdallam* civium voluntate Valentiam occupasse, et *Zulema* fratre ex Mauritania evocato in spem rerum novarum in vicina oppida et agros irruptiōnem fecisse, donec collatis signis duo fratres cum *Alhaca* Hispaniarum rege nepote dimicarunt; in quo prælio *Zulema* cecidit. *Abdalla* vetus Vatentiam evasit, et foedere cum Hispaniarum rege facto arma posuit, ea lege ut sibi tributum annuum penderetur; quo vitam exigere posset. Quæ circa annum octingentesimum *Marea* lib. 3. *Mareæ Hisp.* cap. 16, acta esse recte censet. Maurorum intestina dissidia rei bene gerendæ occasionem Christianis præbuere. Ea quæ ab illis egregie et fortiter facta sunt, accurate descripsit auctor *Vitæ Ludovici*. Temporum vero ratio petenda ex Eginhardo citato, qui priorem *Ludovici* expeditionem Hispaniam ad hunc annum refert, alteram ad sequentem, vel saltem ad annum *DCCXCIX*, de qua infra sermo erit.

4. *Legatio imperatoris ad Carolum.* — Aquisgranum quoque ad *Carolum* venit *Theoctistus*, de quo annualista *Loiselianus* : « Illuc et legatus Nicetæ, qui tune Siciliam regebat, nomine *Theoctistus*, venit, imperatoris Epistolam portans, quem magnifice suscipiens, post paucos dies absolvit ». Idem habent alii annualistæ, necnon incertus auctor, et monachus *Egolismensis* in *Vita Caroli*. Sed vana fuit ea legatio, quia iam *Constantinus imp.* oculis orbatus fuerat, et in ordinem redactus. *Regino* et annualista *Metensis* legatum Nicetæ *Theophilum* appellant, ut etiam *Baronius* habet, sed plures annualistæ eum *Theoctistum* vocant, et monachus *Egolismensis* illum Nicetæ non legatum, sed filium dicit.

5. *Annus XXVI belli Saxonici.* — Annualista *Lambecianus* ad annum *DCCXCVII* hæc scribit : « Iterum eodem anno (ubi, *eodem* pro eo ponitur, cum ab illis verbis annualista annum istum auspicetur) introivit rex *Carolus Saxonum* (pro, in Saxoniam) et pervenit ad pagum, qui dicitur

*Wimuhoti*, ubi firmitas eorum facta fuit, et ipsa firmitate interrupta, introivit rex cum exercitu suo in pagum illum, vastavit et incendit pagum illum. Et tunc denuo venerunt ad eum omnes Saxoni (pro, *Saxones*) de universis finibus et angulis, ubi habitabant; et tulit inde aut obsides, aut de ipsis, quantum ipse voluit, et de Frisionibus similiter; et rex *Carolus* redit in Franciam. Et post aliquantas hebdomadas iterum intravit in Saxoniam, et ibi habitavit ipsam hyemem, et fecit sedem suam juxta locum, ubi *Timella* fluit in *Wisaraha* (id est, in *Wisurgim*) quem etiam *Hleristelli* appellavit, eo quod ab exercitu suo fuerunt constructæ ipsæ mansiones, ubi habitabant ». Hæc verba transcripsit *chronographus Moissiacensis*. Sed de Frisionibus alii annualistæ non loquuntur, qui tamen cum finitimi Saxonibus essent, ab his in rebellionis societatem facile trahi potuerunt. *Carolus* e Saxoniam reversus, per aliquot hebdomadas *Aquis* mansit, donec in Saxoniam iter mense Novembri rursum suscepit.

6. *Carolus Capitularia XI ad res Saxonicas spectantia condit.* — Priusquam in Saxoniam secundo proficeretur, conventum habuit episcoporum, abbatum, comitum, atque etiam Saxonum, tam Ostphalorum, quam Angariorum, et Westphalorum, ediditque *Capitulare*, quod *Holslenius* in *Collectione Romana* part. 2 publicavit, et post eum *Baluzius* tom. 1 *Capitularium reg. Franc.* pag. 273, *Cointius* hoc anno num. 8, aliisque. In *Præfatione* præter quintum kalendas Novembris, tres chronologici characteres, annus *Incarnat*. *Boninieæ*, annus *Caroli* regis in Francia, et annus ejusdem regis in Italia seu Longobardia, sic exprimitur : « Anno ab *Incarnatione Domini N. J. Christi* DCCXCVII, et *XXX ac XXII* regnante domino *Carolo* præcellentissimo rege, convenientibus in unum *Aquis-Palatio* in ejus obsequio venerabilibus episcopis et abbatibus, seu illustribus viris comitibus V kalendas Novembris, simulque congregatis Saxonibus de diversis pagis, etc. ». *Cointius* laudatus reete advertit errorem esse in anno regni Italie, et loco, *anno XXII*, reponendum esse annum *XXIV*; sed perperam ait suspectum esse characterem ab *Incarnatione Dominicæ*, quod talis annorum computus in usu non esset apud Francos ætate *Caroli*. Verum cum is character diserte memoretur in *Concilio Germanico* anno *DCCXLII*, et in *Suessionensi* anno *DCCXLIV* celebratis, minime dubium est, quin in *Actis publicis* annus *Incarnationis*, antequam *Carolus* regnaret, adhibitus fuerit, saepèque etiam omissus, ut ex variis, quæ supersunt monumentis, intelligimus. In eo *Conventu* condita undecim *Capitula* tomo vii *Coneil. legenda*. Porro *Carolus* mense Novembri in Saxoniam profectum esse narrat his verbis annualista *Loiselianus* : « Rex Novembris mense mediante ad *hybernandum* cum exercitu Saxoniam intravit ».

## LEONIS III ANNUS 3. — CHRISTI 798.

**1. De monasterio cognomento Studium, cui Theodorus p̄ficitur.** — Septingentesimus nonagesimus octavus Christi annus, qui sequitur. Indictione sexta signatur. Quo in Oriente Arabes Saraceni subduec Hablimelech Romano imperio infestissimi, cum petenti pacem Irenæ imperatrici negassent, infesto agmine progressi sunt Constantinopolim usque, ejus suburbia deprædanles, onustique spoliis sunt reversi. Haec Theophanes pluribus. Quorum occasione factum est, ut Theodorus, de quo anno superiori plura dicta sunt, quo ab horum infestatione monachos sibi subditos salvos redderet atque securos, eosdem Constantinopolim duxerit, atque Studii monasterium habitare cœperit. Rem gestam Michael his præsens sic narrat : «Impiis Arabibus Romanum imperium per id tempus infestantibus, cum sedes passim servitutis metu verterent, non solum propinqui, verum eliam remoli ac procul dissiti : necessario faciendum patri visum est, ut tempori cederet, nec manifesto periculo se soiosque (quod amentis erat) objiceret. Quare in regiam urbem se recipit, patriarchæ optabilis et Augustæ, quibus adventu suo se socium incredibilem attulit. Qui mox summis ab eo precibus contendebunt, ut Studii moderator cœnobii, quod in urbe erat, esse vellet, et in eo monasticæ exercitationis scholam collocare, ut hac ratione a tanto viro civitatum princeps ornaretur. Magnificum plane ac præcellens ejus cœnobii templum, et sive pulchritudinem, sive amplitudinem species, paucis concedens ».

**2. Unde autem acciderit, ut idem monasterium, Studium sit appellatum, tunc nos suo loco superiorius diximus, rursum istud audi ab eodem auctore rem breviter perstringente, cum pergit : «Venerat, inquit, ab Urbe Roma vir genere et opibus præstans, Studius nomine (Enprerium lingua nostra vocare solet) qui et patricii et consulis honorem fuerat adeptus. Hic eum in hac urbe domicilium collocasset, præclarum hoc templum magno præcursori Baptistæ posuit, monachorum deputans habitationi. Et quidem nullo unquam tempore defuerunt, qui communem in eo vitam agentes, præclara virtutis ac religionis sue argumenta darent,**

quoad Deo invitus Constantinus Copronymus, indicto monachis bello, cum cæteris omnibus hos pariter ejecit. Postquam vero in pristinum statum res Ecclesiæ redierunt, cessavitque schismatis persecutio : eumdem locum monachi iterum sed perpauci, nec plures (ut ferunt) numero quam duodecim inhabitarunt.

**3. «Hoc ergo cœnobium pater cum insigni templo aptissimum et ornatissimum naelus, ex conditoris mente scilicet adiit, discipulosque suos in eo constituit. Sic enim revera conveniebat, cum, qui virtute omnibus antecederet, suum ipsius templum apponere, eumdem ejus incolam ac pastorem esse, et pastorem longe præstantissimum, cuius oves et numero plurimæ et virtute perinsignes essent. Cui enim et cura omnis et studium erat fidei suæ creditas meliores in horas reddere, et quicquid pulchrum ac honestum esset, eis proponere atque inserere, earumque salutem suam salutem ducere : hos par erat augeri maximis incrementis, et vitae perfectionis apicem capessere. Quorum sane monasterium propterea clarissimum nomen obtinuit, omniumque aliorum celeberrimum evasit. At enim cum multi, crescente ejus fama, quotidie confluenter, partim laici, partim monachi, nonnulli etiam delicate vitæ dediti et voluptuarie, quibus adeo nulla virtutis cura fuisset, benigne omnes pariter excipiebat, et divinæ Scripturæ documentis instruebat, atque ad meliora ducebatur, nullius rei præterquam virtutis studio capi docens, boni immortalis ac perpetui ». Pergit auctor pluribus dicere de monasticis ab eo suis discipulis traditis inslitutis, admiratione quidem maxime dignis, iisdemque scriptis metro, de quibus haec ait :**

**4. Theodori insignia scripta.** — « Edidit præterea institutiones iambicis versibus conscriptas, quemadmodum unumquemque imperata lacere oporteret. Quorum versuum contextus initium a præposito ipso duceret ; cum deinde cæteros omnes ad insimum usque percurrens, definit ac statuit quibus pœnis, quibusque separationibus aut genuflexionibus affici debeat, qui ad divinas laudes tardius venerit, qui vas confregerit, aut temere projecerit, ac negligentius tractarit : qui fratrem in

re quapiam offendit : qui in loquendo modum excesserit, et linguae frenum non injecerit. Quibus omnibus congruentes pro delicti modo poenas imposuit ». Porro monachorum numerum ad decem pervenisse centenaria, idem auctor unus ex illis affirmit, qui pariter occasione laboris operum manuum singulis præscriptorum, ejusdem Theodori scripta recensuit : sed primum in describendis Codicibus ejus labores sic narrat : « Memor autem beati Pauli dicentis<sup>1</sup> : Neque gratis panem manducavi, sed manus istae mihi et iis, qui mecum erant, ministraverunt : laborare et ipse constituit, manus continuo versans in Codicibus, operamque suam ad eos adjungens ex discipulis, qui opus manu faciebant. Extant apud nos ad hunc diem ejus manus pulcherrima.

5. « Composuit et libros alios, quos propria lingua dictavit, quorum sensus manifestam quamdam divinæ gratiae vim ostendunt. In his primum locum tenet, qui parva dicitur Catechesis, quatuor et triginta supra centum distincta sermonibus, quos quidem fratribus ipse pronuntiavit, congruentes cuique diei singulos, lectissimis sententiis, verbisque ornatissimis scite admodum pertractans nunc de animi fortitudine adversorumque contemptu, de monasticæ observationis perseverantia et membrorum mortificatione : nunc de constantia in quotidianis certaminibus, et præstanti adversus easus omnes animi contentione. Ex hoc libro tres sermonum particulae prima quaque die hebdomadis apud nos in Ecclesia recitari consueverunt. Alterum deinde librum elaboravit, magnum Catechisticum tribus membris seu partibus comprehensum, qui egregia cœnobii instituta singillatim declarat, disciplinam tradens supra quam dici queat utilissimam. Quantum vero utrique insit gratiae cætestisque philosophiæ, cuivis notum, qui eorum lectionem vel leviter attigerit. Etenim multi sane libros multos, eosque utiles eluebrarunt elegantia et sermonis ornatu excellentes : mihi tamen sic persuadeo, nullo ex alio tantum lucis tantumque compunctionis haurire animam, quantum ex patris Catechesibus, quæ singularem cum suavitate persuadendi vim habent, et conjunctam cum utili gratiam præ se ferunt.

6. « Scripsit præterea vir divinus panegyricum volumen, in quo insignes Domini dies festos enarrat, et præclaris orationibus exornat, nec Domini solum, verum etiam Deiparæ, et præcursoris item Joannis Baptistæ, cuius etiam solitudinem vitamque ab hominum congressu semotam eleganti hymno celebravit. Scripsit et librum iambicis versibus, in quo et primi parentis ortum, lapsumque descripsit, Cainique invidiam ac manum, quæ fratris, heu injecta fædem patravit iniquissimam. Illochi deiude gratam innocentiam, ac Noe ejusque filiorum exortum, vitam, conversationem. Recensuit insuper eodem opere universam Iconomachorum hæresim, quos ut malorum fautores atque auctores anathematis nota perstrinxit. Epistolarum autem ejus libri quinque sunt numero, qui apud nos hactenus asservantur. In his et singularem patris libertatem videre est, et sollicitudinem ac sedulam industriam, et quemadmodum inter calamitates erectus semper manserit et invictus, nullis ærumnis fractus, nihil remittens de mentis propo-

sito in tantis incuris et temporum injuriis.

7. « Præter hos omnes dogmaticum etiam librum composuit, in quo validæ insunt disputatio[n]es refutatoriae mirabiliter contextæ ad dissolvenda Iconomachorum sophismata, quibus illi sic urgenter et anguntur, ut nec spirare eos sinat, verisque dogmatum argumentis illorum mendacia expugnet ac dejiciat. Contra impios autem imperatores multis invehitur, illos pariter congruenti oratione contingens, quæ illorum vitæ moribusque perpetuam notam inussit. Atque hi sunt libri, quos Deifer pater ore suo edidit ac disertissima lingua explanavit.

« Semper enim præsentem habuit secum veram sapientiam primam omnium intus insonantem et mentis aciem illustrantem, parum aut nihil penitus egens humana sapientia, quam contemnebat jamdudum, ex quo ad sublimiorem illum oculos converterat. Quo fiebat, ut abundantis gratie ope nixus, multa quotidie indefessus præstaret, scribens ipse, aliis dictans, facienda præcipiens, divinis rebus incumbere persuadens, atque (ut uno verbo dicam) omnibus commodans, omnes aptis ad salutem rebus instituens ». Hactenus de scriptis Theodori Studitæ Michael ejus discipulus, quæ quidem magna ex parte desiderari videntur. Quas autem ex Columnensi Bibliotheca nacti sumus Epistolas ad Annales spectantes, eas una cum Vita ipsius a dieto Michaeli conscripta Sirmondus Parisiensis theologus societatis Jesu professor, me rogante, latinitati tradidit, quo nomine non ego solum, sed et universa ei plurimum debet Christiana religio : nos eas suis locis pro temporis ratione redimus. Utinam inveniatur aliquis vir doctus, qui majori otio cuneta sanctissimi atque doctissimi viri egregia monumenta e bibliothecarum diversarum latebris aliquando in lucem vindicet, eademque latinitati, beneficio omnium, donet. Cæterum erit ut inferius ipsum Theodorum Studitam novis auctum coronis ex novis persecutionibus repetita saepe confessione visurus sis : sinas eum interim otio monastico bene uti, et operosa frui quiete una cum suis Angelicam vitam in monasterio pie sancteque ducentibus. Jam vero, quæ anni hujus sunt reliqua, prosequamur. Misisse hoc anno Irenem Augustam legatos ad Carolum Magnum, veteres tradunt Annales Francorum, auditosque ab eo Aquisgrani, redditumque illis ab ipso quem petierunt Sisinium fratrem Tarasii patriarchæ olim in bello captivum.

8. *Alphonsi Casti munera Carolo.* — Quod ad res Hispanicas pertinet, hæc de Alphonso co-

<sup>1</sup> 2. Thes. III.

gnomento Casto habent Annales Francorum, et vetus Chronicon a Pitheo editum : « Hoc anno Hadofuns (quod idem est quod Adefonsus sive Alfonius) rex Gallæciae et Asturiae per Frojum legatum suum papilionem miræ pulchritudinis regi Carolo misit ». Et inferius eodem anno : « Hadofuns quoque supradictus rex prædata Ulissipona Hispaniae civitate, insignia victorie suæ loricas, mulos, captivosque Mauros per Frojum et Basiliscum legatos suos Carolo misit ». Hæc ibi. Ex

quibus patet magnam amicitiae consuetudinem intercessisse inter Alphonsum Castum et Carolum Magnum, ambos reges pietate insignes. Testatur et hoc ipsum Eginhardus in Vita Caroli, cum ait : « Adeo namque Adelfonsum Gallæciae atque Asturiae regem sibi societate devinxit, ut is cum ad eum litteras, vel legatos mittaret, non aliter se apud illum, quam proprium suum appellari juberet ». Hæc ipse.

Anno periodi Græco-Romanæ 6291.— Anno Æræ Hispan. 836.— Anno Hegiræ 182, inchoato die 22 Febr., Fer. 5.— Jesu Christi 798.

— Leonis III papæ 4. — Irenæ iterum imp. 2.

1. *Saraceni Constantinopolim usque excurrunt.* — A num. 1 ad 8. Theophanes anno Incarnat. secundum Alex. DCCXCI, kalendis Septemb. hujus Christi anni inchoato, ait : « Hoc anno Abimelech in Romaniam suscepta profectio cum prædatoriis militum expeditorum turmis ad usque Mangana penetravit. Inde vero ex improviso in Stauracii stabula irruens, ejus equis, neenon ipso, quo imperatrix vehebatur, equitatu raptis, citra damnum pedem retulit. Cæteri vero in Lydiam usque penetrantes, maximam prædam inde reportaverunt. Alterum autem eorum agmen excursionibus exercitatum, in Paulum patricium opsicii comitem incidens, multa cæde in universum exercitum et ejus optimates debacchatum est : et accepto belli toto apparatu, ipsum postmodum restituit et ad suos remisit ». Mangana locus erat Constantinopoli sic dictus, quod in eo asservarentur machinae bellicæ totius urbis, et materiæ mechanicæ, et cælera ad urbiū oppugnationes idonea instrumenta, ut docet Codinus pag. 38. M<sup>z</sup>7722, tam a Græcis, quam a Latinis recentioribus scriptoribus machinas bellicas appellari, ostendit Ducangius in Glossario mediæ latinitatis. Saraceni itaque hoc anno usque ad Constantinopolim excurrere, tuncque, ut recte observat Baronius ex Michaelo monacho, sanctus Theodorus Studita Constantinopolim se recepit, ubi rogatus est curam suscipere monasterii Studitarum, de quo alibi egimus. Ibi varia opuscula seripsit, ex quibus plurā adhuc inedita, et alia magna ex parte perierte. Ad hæc idem sanctus Theodorus Studita in Vita sancti Platoni hegumeni Saccudionis cap. 5, de Platone habet : « Propter

gentis Barbaræ incursionem ex priori monasterio migravimus Byzantium, ubi pater noster, virtutis amantissimus, ne cogeretur resumere habendas regiminis, vitam reclusam elegit ». Paulo post : « Claudebatur pater ; cella autem angustissima erat, et aestatis tempore adeo calida, ut altera Babylo-nica fornax videretur, propter inflammationem plumbi, quo tegebatur, etc. Sed neque hoc prætermisero, memoria utique dignissimum, quod catenam ferream satis ponderosam pedi circumponens, in tali labore perseverarit (nam autem molestum fuerit cum ejusmodi vinculo dormire, vigilare, operari, facile appareret intelligenti) idque non ut clausuram ostentaret, aut velut virtutis officinam jactaret, quomodo Chiron ille antrum Thessalicum habitans (longe enim aberat a tali vitio) sed virtutem quidem extenuabat, ut qui eam non prout parerat coleret, catenam vero abscondebat artificiosa humilitate, adeo ut fere cunctos lateret, quoad e cella egressus propter Dominum, eam vel invitus patetfecit ».

2. *Legatio Irenæ Aug. ad Carolum.* — Anna-lista Loiselianus loquens de bello Saxonico a Carolo gesto, de quo mox, refert, duin ille ad palatium Aquisgrani pergeret, *legationem Græcorum a Constantinopoli missam suscepisse* : « Erant enim legati, inquit, Michael patricius quondam Phrygiæ et Theophylus presbyter, Epistolam Irenæ imperatricis ferentes. Nam filius ejus Constantinus imperator anno superiori a suis comprehensus et excætus est. Hæc tamen legatio tantum de pace fuit. Quos cum absolvisset, absolvit etiam cum eis et Sisinnium fratrem Tarasii Constantinopolitanus epi-

scopi jam dudum in prælio captum ». Idem habent Regino, Eginhardus in Annalibus, variique annalistæ.

3. *Duplex legatio Adefonsi regis Asturiarum ad Carolum.* — Ad num. 8. *Adefonsus rex duas* *hoe anno legationes ad Carolum misit, memoratas* *a Reginone in Chronico, et annalistis Metensi, Ber-*  
*tiniano et Fuldensi. Baronius utramque refert ex*  
*annalista Fuldensi. Prior obita est per Floram vel*  
*Frolam vel Froiam, posterior per Frolam et Basili-*  
*sum vel Basilicum, postquam Ulisipona direpta*  
*fuit ab Adefonso. Addit annalista Metensis : « In-*  
*sulae Baleares a Mauris et Saracenis deprædatæ*  
*sunt », quod et Eginhardus in Annal. habet. Ve-*  
*rūm hic posterioris tantum legationis meminit.*  
*Contra vero auctores citati anno superiori nullam*  
*legationem ab Adefonso rege ad Carolum missam*  
*relerunt. Quare, quam anno superiori recitat Egin-*  
*hardus, ab istis auctoribus cum præsenti anno co-*  
*pulatur, quia nempe is annum incipit a Paschate,*  
*illi vero a Nativitate Christi. Haec itaque Eginhardi*  
*verba ad annum **DCCXCVII** : « Ibi (nempe in Saxonia)*  
*legatum Adefonsi regis Asturiæ atque Gallicæ dona*  
*sibi deferentem suscepit », intelligenda de priori  
*legatione hoc anno hyeme et in Saxonia habita per*  
*Floram, cuius nomen reticet Eginhardus.**

4. *Annus XXVII belli Saxonici.* — Gesta hoc anno in Saxonia his verbis narrat annalista Lambecianus : « *Ipsò anno fuit rex Carolus in Saxonia, et apud Ilaristallio novo ipsam hyemem ibi resedit, et ibi celebravit Pascha ; quem locum, ut nos audiimus, ipse rex ita appellavit, quia ab hoste ipso ipsæ mansiones, in quibus habitabant, constructæ sunt (et tamen ipsem anno superiori, ut ibi vidi- mus, scribit eas ab exercitu Caroli fuisse construc-etas. Unde suspicor loco, *hoste ipso*, legendum esse *exercitu ipso*).* Et in ipsa æstate pervenit cum exer-*citu suo ad Bardunwil, et illi omnes se tradiderunt* in manus ejus et tulit inde illos capitarios, quos voluit, (sed cum chronographo Moissiacensi qui hunc auctorem transcribit, loco *capitanios*, legen-*dum, captivos*), et de obsidibus quantum ei volun-tas fuit. Et interim congregati sunt Selavi nostri, qui dicuntur Abotridi, (Lambecius ad hæc verba ait *Abotridos* illos, sive *Obotritos* habitasse in ducatu Mechleburgensi juxta Helmoldum presbyterum Bosoviensem et Arnoldi abbatis Lubecensis anti-quum *Chronicon Selavorum*) cum missis domini regis ad illos Saxones, qui in Aquilonis parte abie-rant, et vastaverunt terram illam et incenderunt; et illi Saxones congregaverunt se in unum, et com-missum est forte prælium inter eos, et quamvis illi Abotridi fanatici erant (id est, Gentiles et Ethnici) tamen tides Christianorum et domini regis adjuvit eos, et habuerunt victoriam super Saxones, et ceci-derunt de ipsis Saxonibus ante eos in ipsa pugna duo millia **DCDI** (prædictus chronographus habet duo millia octingenti et unus); et in North-Thurin-gos ibi pervenerunt ipsi Selavi ad dominum regem, et honoravit eos dominus rex, ut digni erant miri-

fice. Et inde rex remeavit ad Franciam, et de ipsis Saxonibus tulit secum, quos voluit, et quos voluit dimisit, et ipse peruenit ad Aquis-Palatio, et ibi hyemavit ». Eginhardus in Annalibus, Regino, et Annaliste Bertinianus ac Metensis rem paulo aliter narrant, aliaque addunt quibus explicandis immo-rari non possumus.

5. *Episcopatus Salisburgiensis in archiepisco-patum erigitur.* — Hoc anno episcopatus Salisbur-giensis in archiepiscopatum erectus. In brevibus enim Annalibus Ratisponensibus a Mabillonio tom. IV Analect. pagina 477 publicatis legitur : « **DCCXCVIII** Arn. archiepiscopus factus est », Arno scilicet, quem anno **DCCLXXXV** sancto Virgilio in episcopatum Saltzburgensem successisse ostendim-*us. Recte itaque scripsit Aventinus lib. 4 Anna-lium Boiorum : « Archiepiscopus de Batavia Lau-reacoque Juvavium anno restitutæ salutis septen-gentesimo nonagesimo octavo translatus est, ubi adhuc existit ». Idem habent Brunnerus lib. 6, et Adlzreiterns part. 4, lib. 8 Historiae Boiorum. Sed tam illi quam Hundius in metropoli Salisburgensi, Cointius hoc anno num. 46, aliisque passim valde hallucinantur, cum scribunt *Waldricum* Patavien-*sem episcopum fuisse etiam metropolitam Laurea-censem, eoque hoc anno demortuo sedem metropo-litanam Laureaco Salisburgum in Arnonis jam a* quibusdam annis Salisburgensis episcopi gratiam, translatam fuisse, imo et jus metropoliticum, quod alias ad Salisburgum pertinuerat, restitutum esse. *Saltzburgum* enim nunquam antea civitas archiepi-scopal is fuerat, et ab anno circiter **DCLX** in universa Francia Orientali nullus archiepiscopus fuerat, ut eo anno ostendi. Eo itaque sensu sedes metropolitana Laureaco *Saltzburgum* seu *Juvaviam* translata, quod alias *Laureacum* civitas metropolitana fuisse, non vero quod hoc saeculo *Laureacum*, quod excisum fuerat, ea prærogativa potiretur. Quoad *Waldri-cum* episcopum Patavensem, cuius episcopatu*m unitum fuerat Laureacum*, recte a citalis auctoribus creditur hoc anno vita functus, cum verosimile non sit, eam translationem quæ in ejus sedis præjudiciu*m* erat, eo vivente factam esse. Certe Hundius refert, scriptum esse in Catalogo episcoporum Pata-vieum, quod *Reinharius* seu *Reginarius* episco-pus Pataviensis cum Arnone archiepiscopo Salis-burgensi pro pallio decem annis contenderit. Mitto fabulas, quæ in narratione Hundii, et scriptorum rerum Barbaricarum, cum de episcopis Laureacen-sibus post hunc annum sedentibus verba faciunt, continentur; sed non dubito, quin ex hac transla-tione inter episcopos Patavienses et metropolitas Saltzburgenses lites exortæ fuerint. Poeta enim anonymous, qui versus de *Ordine comprovincialium pontificum* composuit, quique hoc ipso tem-pore vivebat, enumerat omnes metropolitas Saltzburgenses, et omnes episcopos sedium illi subjectarum, usque ad annum circiter **DCCXL**, quo egre-giam suam opeflam absolvit; sed cum loquitur de episcopis Pataviensibus Catalogum suum in Wal-*

drico terminat, et in suis versibus *Laureaci* nuncquam meminit, cuius rei vix alia ratio assignari potest, quam quod is in Saltzburgensi archiepiscopatu vixerit, et de episcopis Pataviensibus, qui durantibus illis controversiis Patavii sederunt, verba non facienda esse existimari. Illud itaque certum maneat, nullum archiepiscopum Laureaci hoc saeculo fuisse.

*6. Amplitudo archiepiscopatus Saltzburg.* — Subjugata anno septingentesimo nonagesimo sexto a Pippino Italiæ rege *Hunia*, Saltzburgensis episcopatus amplissimus fuit, cum ea ei attributa fuerit, ut eo anno diximus : « Postquam Carolus imp. Hunnis ejectis, et episcopatus dignitatem Juvavensis Ecclesiae rectori commendavit, Arnoni scilicet archiepiscopo et suis successoribus, tenendi perpetualiter atque regendi perdonavit; cœperunt populi, sive Selavi seu Bajoarii inhabitare terram, unde illi expulsi sunt Hunni, et multiplicari », inquit anonymous, discipulus beati Eberardi archiepiscopi, in Vita sancti Virgili episcopi Salisburgensis, apud Canisium tom. vi Antiq. Lect. ubi etiam in Vita sancti Ruperti Salisburgensis episcopi primi legitur : « Interim contigit anno videlicet Nativitatis Domini pccxcviii, Arnone jam archiepiscopum, a Leone papa accepto pallio, remeando de Roma venisse ultra Padum, eique obviasse missum Caroli cum Epistola sua, mandans illi ipso itinere in partes Scavorum ire, et exquirere voluntatem populi illius, et prædicare illi Verbum Dei. Sed quia hoc facere nequivit antequam responsum redderet suæ legationis, festine perrexit ad imperatorem, et retulit ei quidquid per eum dominus Leo papa mandavit. Post expletam legationem ipse imperator præcepit Arnoni archiepiscopo pergere in partes Scavorum, et providere omnem illam regionem, et Ecclesiasticum officium more episcopali colere, populosque in fide et Christianitate prædicando confortare, sicut ille fecit, illuc veniendo consecravit Ecclesias, ordinavit presbyteros, populumque prædicando docuit, et inde rediens nuntiavit imperatori, quod magna ibi potuissent effici, si quis inde habuisset certamen. Tunc interrogavit illum imperator, si aliquem haberet Ecclesiasticum virum, qui ibi lucrum potuisset agere Deo. Et ille dixit se habere talem ut Deo placuisset, et illi populo pastor fieri potuisset. Tunc jussu imperatoris ordinatus est Theodoricus episcopus ab Arnone archiepiscopo Juvaviensem, quem ipse Arno et Geroldus comes perducentes in Scaviniam, dederunt in manus principum, commendantesque illi episcopo regionem Karinthianorum, et confines eorum occidentali parte Dravi fluminis, usquedum Dravus fluit in amne Danubii, ut potestate populum regeret sua prædicatione, et Evangelica doctrina doceret servire Deo, et ut Ecclesias constructas dedicasset, presbyteros ordinando constituisset, totumque Ecclesiasticum officium in illis partibus, prout canonicus ordo exposcit, perficeret. Dominationem et subjectionem habens Juvavium rectorum, si-

cut ille fecit, quandiu vixit ». Ubi hic auctor Carolum imperatorem per antecessum appellat, priusquam esset imperator. Legendus Bollandus ad diem v mensis Februarii in Vita beati Domitiani duecis Karinthiæ, ubi varia habet de conversione Savorum et Karentanorum.

*7. Felix episc. Urgellæ ad vomitum reddit.* — Hoc circiter anno Felix Urgellitanus episcopus libellum, quo suam propugnabat hæresim, Alcuino monasterii Turonensis abbati direxit; de quo libello Alcuinus lib. i adversus Elipandum sic loquitur: « Felix infeliciter ad vestras refugiens partes, soppitos infidelitatis cimeros vobis exhortantibus resuscitare intendit. Cui ego in has adveniens partes charitatis calamo Epistolam exhortatoriam, ut se Catholicæ jungeret unitati, dirigere curavi. Cui ille non Epistolari brevitate, sed libelli prolixitate respondere nisus est, atque in eo omnes perfidiæ vestrae foveas maxime aperuit, asserens Christum et veterem hominem esse et nuncupativum Deum, et adoptivum filium, et secunda indiguisse regeneratione, et alia plurima Ecclesiasticæ doctrinæ inconvenientia ». In Epistolis vero iv et viii Carolo regi inscriptis ait Alcuinus : « Ego solus non sufficio ad responsionem. Prævideat vero tua sancta pietas huic operi tam arduo et necessario adjutores idoneos, quatenus haec impia hæresis omnimodis extinguatur, antequam latius spargatur per orbem Christiani imperii, quod divina pietas tibi tuisque filiis commisit regendum, atque gubernandum ». Ita Alcuinus in Epistola viii, qui in Epistola iv poscit adjutores Paulinum patriarcham Foro Julianum, Richboldum archiepiscopum Trevirensim et Theodulphum episcopum Aurelianensem : « De libello infelici, non magistri sed subversoris, placet mihi valde quod vestra sanctissima voluntas et devotio habet curam respondendi ad defensionem fidei Catholicæ. Sed obsecro, si vestra placeat pietati, ut exemplarium illius libelli domino dirigatur Apostolico, aliud quoque Paulino patriarchæ, similiter Richbono et Theudulfo episcopis, doctoribus et magistris, ut singulis pro se respondeant. Flaccus vero tuus tecum laborat in reddenda ratione Catholicæ fidei ; tantum detur ei spatium, ut quiete et diligenter liceat illi et pueris suis considerare Patrum sensus, quid unusquisque diceret de sententiis, quas posuit præfatus subversor in suo libello ». Ubi Alcuinus *Flacci* nomine seipsum exprimit; vocabatur enim Flaccus Albinus, sive Alcuinus.

*8. Id contigit hoc anno vel circiter.* — Hunc libellum Felix Epistolam vocat in confessione fidei ad Urgellitanos missa : « Synodus, inquit, nuper in Roma haec intentione, præcipiente gloriosissimo ac piissimo domino nostro Carolo adversus Epistolam meam, quam dudum venerabili viro Albino abbati Turonensis Ecclesiae scripsera, congregata est ». Quibus ex verbis liquet, exemplar libelli Feliciani, ut Alcuinus per litteras petierat, Romanum a Carolo directum oblatumque Leoni Pontifici. Paulinus

patriarcha Foro juliensis contra Felicem tres slatim edidit libros; Alcuinus vero quamvis ad responsionem Feliciano libello faciendam se solum negare sufficere, manum tamen admovit calamo tam feliciter, ut Felicem egregie septem libris refutarit. Leo Romanus Pontifex lectis cum Paulini tum Alcuini scriptis, Synodum anno sequenti Romæ congregavit adversus libellum, quem Felix Alcuino dudum scriperat. Quis exitus Synodi fuerit, idem Felix in confessione fidei declarat: « In qua Synodo præsente Leone Apostolico, et cum eo cæteri episcopi numero LVII residentes, et plerique presbyteri ac diaconi cum eis, in domo beatissimi Petri Apostoli, per quorum omnium auctoritatem istas jam dictas sententias nostras, non qualibet, ut dictum est, violentia, sed ratione veritatis, ut oportuit, excluderunt. » Porro Alcuinus lib. t adversus Eliandrum annum conversionis Felicis his verbis indicat: « Idem Felix anno præfati gloriosi principis (nempe Caroli) trigesimo secundo advocatus voluntarie veniens ad Aquis-Palatum, etc. in pacem Catholicæ unanimitatis reversus est cum suis discipulis », ideoque exente anno Christi septingentesimo nonagesimo nono, quo annus Caroli XXXII die XXIV Septembris inchoatus est. Felix autem dum antequam Synodus illa cogeretur, Epistolam quæ tunc damnata est a se scriptam testatur in textu jam allegato, hoc nempe, vel circiter anno.

9. *Aleuinus Carolo suadet, ut Hunnos ad solutionem decimarum non adstringat.* — Inter Epistolas Alcuini septima inscribitur « domino excellentissimo et in omni Christi honore devotissimo Carolo regi Germaniae, Galliæ atque Italiae, et sancti verbi prædicatoribus ». In ea Alcuinus Carolum horlatatur, ut erga Hunnos, qui se dediderunt ejus ditioni, Christianamque fidem amplexi sunt, mitem se clementemque præbeat, nec illam gentem ut cæteras solutioni decimarum adstringi patiatur. Deinde præcones Evangelii monet, ut baptisnum non ante conferant, quam populum crudirint, docetque ex sancto Augustino libro de catechisandis rudibus, quis ab eis ordo servari debeat, cum viros ætate perfectos instruunt. Deinde ex his Domini verbis: « Ite, docete omnes gentes, baptizantes eos, etc. » servandum hunc ab eis ordinem scribit, ut doceant gentes, deinde doclas aqua intingant. Quoad solutionem decimarum haec ejus verba: « Vestra sanclissima pietas sapienti consilio prævidet, si melius sit rudibus populis in principio fidei jugum imponere DECIMARUM, ut plena fiat per singulas domus exactio illarum, an Apostoli quoque ab ipso Christo Deo edocti, et ad prædicandum mundo missi, exactiones decimarum exigissent, vel alicubi demandassent dari, considerandum est. Scimus quia decimatio substantiæ nostra valde bona est, sed melius illam amittere, quam fidem perdere. Nos vero in fide Catholicæ nati, nutriti et edocti, vix consentimus substantiam nostram pleniter decimare. Quanto magis tenera fides, et infantilis animus, et avara mens il-

larum largitati non consentit? Roborata vero fide et confirmata consuetudine Christianitatis, tunc quasi perfectis fortiora danda sunt præcepta, quæ solida mens religione Christiana non abhorreat ». Ex illo textu Cointius hoc anno num. 17 colligit Epistolam vii Alcuini hoc anno datam esse; ex Epistola enim xi, quam anno sequenti eidem Carolo scriptam esse constat, ubi sermonem de exactione decimaru[m] facit, testatur se de ea materia jam scriptisse ac sensisse, « quia forte melius est, vel aliquanto spacio ut remittatur publica necessitas, donec fides cordibus radicitus inolecat ».

10. *Aleuinus Hispanos triplicis erroris arguit.* — Hoc etiam anno scripsit Alcuinus Epistolas duas, alteram quæ est numero LXXXVI *Leidrado* nuper electo Lugdunensi archiepiscopo, alteram, quæ ordine est LXIX monachis Lugdunensibus. Prioris titulus est: *Pontifici fratri, amico Liobrado electo* (id est, Leidrado) *Albinus salutem*. In ea testatur se flagrantissimo mutue colloctionis desiderio flagrare, sed nec quando, nec ubi hæc haberi possit, sese scire. Voti compos videtur factus; Epistolam enim LXIX, quam ad Lugdunenses fratres dedit, his verbis inclobat: « Religiosæ in Christo conversationis vestræ, per Leidradum electum pontificem, laudabilem audiens sollicitudinem, magno me esse gaudio delibutum fateor ». Quæ tamen per litteras Leidradus Albiuo significare potuit. Quo consilio scripserit, his verbis docet: « Novas vero, fratres charissimi, Hispanici erroris sectas tota vobis cave te intentione ». Triplicis erroris redarguebat Hispanos, quod Christum Filium Dei adoptivum dicent, salem assererent in sacrificium corporis Christi mittendum esse, contra universalem Ecclesiæ consuetudinem in baptismō sub invocatione sanctæ Trinitatis unam mersionem agendam affirmarent. Quidam enim Hispani salem in sacrificio corporis et sanguinis Domini dicebant offerendum; « Quam », inquit Alcuinus, « consuetudinem, nec universalis observat Ecclesia, nec Romana custodit auctoritas ». Paulo post: « Numquid caro Christi compultruit in sepulcro, ut nunc sale indigeat corpus ejus in sacrificio? » Et inferins citat canones Carthaginenses cap. 24: « De sacrificio corporis et sanguinis Domini nihil amplius offeratur quam quod ipse Dominus tradidit, hoc est panem et vinum aqua mixtum ». Tertio de trina in baptismō mersione ait: « Nobis de Hispania, quæ olim tyrannorum nutrix fuit, nunc vero schismaticorum, contra universalem sanctæ Dei Ecclesiæ consuetudinem de baptismō quæstio delata est. Affirmantes quidam sub invocatione sanctæ Trinitatis unam esse mersionem agendam. Videtur enim Apostolus huic observationi esse contrarius, etc. »

11. *Inter eos errores numerat unicam mersionem in baptismo.* — In Epistola LXX, quæ superioris membrum esse videtur, sermonem etiam de trina mersione facit: « Nobis vero juxta parvitatem ingeniali nostri videtur, ut sicut interior homo in fide sanctæ Trinitatis ad imaginem sui Conditoris

reformandus est, ita et exterior trina mersione abluendus esse, ut quod invisibiliter Spiritus operatur in anima, hoc visibiliter sacerdos imitetur in aqua. Nam originale peccatum tribus modis actum est, delectatione, consensu et opere. Itaque et omne peccatum aut cogitatione, aut locutione, aut operatione efficitur. Ideo triplici generi peccatorum trina videtur ablutio convenire, vel propter originale peccatum, quod in infantibus valet ad perditionem, vel propter illa, quae in provectionis ætatis hominibus, voluntate, verbo, vel facto adduntur ». Non diffitetur quidem objectioni locum esse ex quibusdam Gregorii Magni litteris, sed ad eam his verbis respondet : « Epistolam vero, quam a beato Gregorio de simpla mersione dicunt esse conscriptam, in Epistolari suo libro, qui de Roma nobis allatus est, non invenimus. Alias vero omnes perspeximus in libro, quem ad Occidentalium partium Ecclesias, pontifices vel reges, scripserat. Ideo dubii sumus an illius sit, an ab aliquo hujus sectæ auctore ejus sub nomine scripta sit ».

**12. Sed ea ex præcepto Gregorii M. ab Hispanis recte adhibita.** — Verum Menardus in Observat. ad librum sacramentorum sancti Gregorii papæ, Mabillonius sæc. i Benedict. in Elogio historico sancti Leandri Hispalensis metropolitæ, et Cointius hoc anno num. 27 et seqq. hanc Alcuini opinionem validis argumentis jam refutarunt. Licit enim illa Gregorii Epistola deesset in exemplari Alcuino Roma allato, ejus tamen meminit Isidorus Hispalensis in lib. de script. Eccles. cap. 27, Concilium Toletanum IV canone v, et Joannes diaconus in Vita Gregorii Magni non longe post Alcuini mortem ab eo scripta. Quare perperam *Alcuinus* Gregorio Magno abjudicat Epistolam, qua Hispani innixi simplicem in baptismō mersionem füebantur, constanter adhaerentes et responso tanti Pontificis, et Toletana Synodo, quæ canonem ex iisdem Gregorii litteris concinnatum promulgarat. Cum enim *Ariani* in Hispania, quo tres naturas divinas in tribus personis esse demonstrarent, trina mersione utebantur, visum est Gregorio M. in lib. i, Epist. xli ad Leandrum Hispalensem episcopum metropolitatum data, ut una mersio ab Hispanis fieret; ne sequentes ritum Arianorum, sequi et doctrinam viderentur.

**13. Error Hispanorum in baptismo ab Alcuino merito reprehensus.** — Hoc quoque anno Alcuinus Epist. lxxxii Paulino patriarchæ Forojuensi dedit, in qua non tantum questus est, ut supra, de illis, qui in baptismō unica duntaxat utebantur mersione, sed etiam de aliis, qui tres quidem mersiones in Hispania adhibebant, sed tres personas sanctæ Trinitatis ad singulas mersiones nominabant : « Alii vero, inquit, trinam volentes facere mersionem, et in unaquaque mersione invocationem sanctæ Trinitatis, ac per hoc totas tres personas ter nominare studentes, dum ipsa veritas præcipere (Ita, docete omnes gentes, baptizantes eos in nomine Patris et Filii et Spiritus sancti) ».

Quos Alcuinum merito reprehendere ostendit Cointius citatus num. 33 et seq.

**14. Felix a Paulino tribus libris, et septem ab Alcuino confutatus.** — Has ad Paulimum patriarcham litteras direxit Alcuinus, postquam tres ab eo libros contra Felicem Urgellitanum episcopum prosa scriptos, et fidei regulam versibus exaratam accepit. Sub initium enim Epistolæ ait : « Cum sacratissimæ fidei vestrae libellum recensui, Catholicæ pacis puritate ornatum, etc. totius animi mei habemas in letitiam laxavi ». Paulinus tres hos libros Carolo dicavit, qui eosdem statim Alcuino direxit, ut ex Epistola laudata liquet. Ut a Paulino tres, sic ab Alcuino septem adversus Felicem libri prodierunt. Causam suscepit contra Felicem scriptio ipse met aperit in libro contra Elipandum : « Felix infeliciter ad vestras refugiens partes sopitos infidelitatis eineres vobis exhortantibus resuscitare intendit, eni ego in has adveniens partes charitatis calamo Epistolam exhortatoriam, ut se Catholicæ jungeret unilateri, dirigere curavi. Cui ille non Epistolari brevitatem, sed libelli prolixitate respondere natus est, etc. Cui libello ejus septem nostræ devotionis libellis respondimus ». Quare septem libri illi contra Felicem perperam alias Paulino Forojuensi patriarchæ attributi.

**15. Synodus ab Ethelardo archiep. Cantuarie celebrata.** — Ethelardus archiepiscopus Cantuariensis celebravit magnum Concilium apud Baecan-celd, recitatum a Spelmano tom. i Concil. Angliae, cuius hoc est inilium : « Anno Dominice Incarnationis DCCXCVI, congregatum est magnum Concilium, in loco ubi nominatur Baecan-celd, præsidente eodem Concilio Cenulfo rege, neenon reverendissimo archiepiscopo Athelardo, cum episcopis, abbatibus, et multis aliis idoneis personis ». In eo Athelardus dixit : « Sicut ego mandatum a domino Apostolico Leone papa recepi; ut ex hoc tempore nunquam temerario ausu super haereditatem Domini, id est, Ecclesias, laici præsumant sœulares dominium suscipere, etc. » Alfordus hoc anno n. 3 suspicatur illud ab Ethelardo post ejus Roma reditum congregatum fuisse.

**16. Synodus ab Eanbaldo jun. archiep. Eboracensi habita.** — Habita et alia Synodus ab Eanbaldo juniori Eboracensi archiepiscopo, de qua loquitur Hovedenus pag. 406, postquam narravit mortem Edilberdi, Pren appellati, Cantii regis : « Eodem anno », inquit Hovedenus, « qui est annus tertius Kenulfi prædicti regis, Synodo congregata in loco qui dicitur Pinchanhal, præsidente Eanbaldo archiepiscopo, aliisque quamplurimis principibus et Ecclesiasticis viris. Multa de utilitate sanctæ Dei Ecclesie, gentisque Northanhymborum, omniumque provinciarum consiliati sunt, etc. Precepit dominus antistes Eanbaldis, recitari quinque Synodorum fidem, de quibus in Historia Anglorum sic scribit: Suscipimus sanctas et universales quinque Synodos beatorum et Deo acceptorum Patronum, sicut præsentis libri continet textus, etc. »

17. *Cuthredus Edilberto succedit in regnum Cantii.*— Quoad *Edilbertum* Cantii regem, Malmesburiensis lib. t de Gestis reg. pag. 11 testatur, eum biennio regnasse, dubiumque esse quo fine defecit, et *Cuthredum* ejusdem factionis et calamita-

tis hæredem solo nomine vii annis regnasse, quia scilicet *Kenulfus* Merciorum rex supremum in Cantio imperium sibi arrogabat. Hoc etiam anno Westmonasteriensis et annalista Mailrosensis *Edilberti* regis finem collocant.

## LEONIS III ANNUS 4. — CHRISTI 799.

4. *Leo papa iniqua Romæ passus, mire sanus Carolum adit, in Urbem triumphans revertitur.*— Septingentesimus nonagesimus nonus annus Christi Redemptoris, Indictione septima inchoatur, idemque valde Ecclesie Romanæ lugubris, quo imamane facinus commissum atque sacrilegium ingens perpetratum est adversus Summum Pontificem a scelestis quibusdam ac prorsus impiis Ecclesie Romanæ potentioribus clericis, quod nec a gentilibus infensi nominis Christiano imperatoribus, vel ab hæreticis Catholicæ fidei perduellibus fuisset aliquando tentatum. Nepotes siquidem Hadriani Pontificis militantes in Romani cleri primis ordinibus invidia tabescentes ob Leonis electionem, odio implacabili ipsum persecuti, calumniisque insectati, tandem eo furoris et insaniae sunt perducti, ut non sint veriti in ipsum sacrilegas manus injicere, effodere ipsius oculos, atque radicitus lingam præcidere. Accessit ad tanti sceleris immensitatem, quod totum id factum est, cum idem Pontifex esset in sacri munieris functione, expiando per litanias populum ritu solemni. Sed et sacrilegia sacrilegiis cumulata sunt, dum rursus in Ecclesia ante altare, juxta Confessionem tantum sil repetitum rabido furore flagitium. Ista autem tam nefanda, tam horrenda et execranda quomodo se habuerint, præ sceleris immanitate declamato ubique facinore, tam Occidentales quam Orientales historiarum scriptores sunt prosecuti. Nos accipiemus ab Anastasio ejus sæculi scriptore antiquiore, qui ea paulo latius narrat his verbis:

2. « Cum die quadam more solito in litania, quæ ab omnibus Major appellatur, Leo Pontifex procederet, ubi sibi populus obviam sacra religione occurseret, ut secundum annuam consuetudinem litanias et missarum solemnia cum sacerdotibus celebraret, et omnipotenti Domino pro salute Christiani populi preces funderet. Et cum

secundum olitanam traditionem sanctæ Romanæ Ecclesiæ, in Ecclesia beati Georgii Christi martyris, in ejus natali, ipsa litania prædicata fuisset: omnes tam viri quamque feminæ devota mente catervatum in Ecclesia beati Christi martyris Laurentii, quam Lucinæ dicunt, sive ad eraticulam (ut hic habent Annales Francorum), ubi collecta prædicata erat, occurrerunt. Et dum predictus venerabilis Pontifex a patriarchio egressus fuisset, obviam illi sine planeta Paschalis primicerius occurrit, et in hypocrisi veniam illi petebat, dicens: Quia infirmus sum, et ideo sine planeta veni. Tunc sanctissimus præsul veniam illi dedit. Similiter et Campulus sacellarius, qui in ipsorum dolositate pariter in Pontiticali obsequio pergentes, et dulcia verba, quæ non habebant in pectore, cum eo loquentes, maligni et iniqui ac perversi, falsisque Christiani, prorsus pagani, filii diaboli, in unum se satanice colligentes, pleni iniqua cogitatione, in ipso itinere, ante monasterium sanctorum Stephani et Silvestri, quod dominus Paulus papa fundaverat, clam armati adslitere, atque repente de loco insidiarum exilientes, ad ipsum (quod dictu nefas est) trucidandum, absque nila reverentia confluxerunt, Paschale ad caput stante, et Campulo ad pedes, secundum iniquum eorum consilium ». Accidisse autem id septimo kalend. Maii Ado confirmat. Pergit Anastasius:

3. « Quo facto, omnis qui circa eum erat populus, cum esset inermis, et in divino officio præparatus, timore armorum perterritus, in fugam conversus est. Ipsi vero insidiatores atque operatores malorum, Judaico more, sine ullo divino vel humano honoris intuitu, ferino more comprehidentes, in terram projecerunt, et absque ulla misericordia scindendo, expoliando cum, crudeliter oculos evulsere, et ipsum penitus necare conati sunt: nam et lingua ejus ab ipsis præcisa est. Et

ut ipsi omnino tunc arbitrati sunt, cæcum eum et mutum in media platea dimisere. Verum ipsi maligni Paschalis et Campulus sicut veri pagani et impii ad ipsius monasterii Ecclesiam ante Confessionem eum trahentes, ante ipsum venerabile altare iterum oculos et linguam amplius crudeliter eruere, et plagiis eum diversis ac fustibus cædentes laniaverunt, et semivivum in sanguine revolutum ante ipsum altare dimisere. Postmodum vero sub custodia in ipso monasterio dimisere.

4. « Timore autem perterriti, ne a Christianis hominibus inde furatus esset, tunc malignum consilium adepti, sicut ipse hegumenus monasterii sancti Gerasimi (Erasmi) professus est, fecerunt eum ad se venire clam per noctem tam Paschalis malignus, qui tunc primicerius erat, quam Campulus sacellarius, et Maurus Nepesinus, et miserunt in prædictum monasterium S. Silvestri, cum pluribus inquis consentaneis ipsorum malefactoribus sic eum per noctem exinde abstrahentes deduxerunt in monasterium sancti Gerasimi, et in arcta et angusta custodia eum recluserunt.

« Sed Dominus omnipotens, qui eorum malitiam præsciendo, diu patienter sustinuit, ipsos eorum iniquos conatus mirabiliter destruxit. Contigit enim cooperante Domino, et beato Petro Apostolo suffragante, quod antedictus papa cum ab ipsis carnificibus in monasterium S. Gerasimi in custodiæ mitteretur, et visum recepit, et lingua ad loquendum ei restituta est, ut ostenderet omnipotens Dominus super suum famulum solitam misericordiam et magnum miraculum, et divino ejus nutu a fidelibus Christianis viris, videlicet Albino cubiculario, et aliis fidelibus Deum timentibus, ex ipso eum claustro occulte auferentes, in Basilicam beati Petri Apostolorum principis, ubi ejus sacratissimum corpus quiescit, deduxere.

5. « Qui omnes audientes et videntes mirabilia Dei, qui innocentem et justum Pontificem de manibus inimicorum eruit, glorificaverunt Dominum Deum, dicentes: Benedictus Dominus Deus Israel qui facit mirabilia magna solus, et non deserit sperantes in se, sed in eo adimplevit misericordiam suam, ut manifestaretur gloria Dei et mirabilia in illo, quemadmodum promisit sperantibus in se, Psalmista dicente<sup>1</sup>: Dominus illuminatio mea, et salus mea; quem timebo? Dominus defensor vitæ meæ; a quo trepidabo? Et iterum<sup>2</sup>: Læcna pedibus meis verbum tuum, et lumen semitis meis. Et vere a tenebris eum Dominus eripiens, lumen reddidit, et linguam ad loquendum restituit, et totis ejus consolidatis membris, in omnibus operibus mirabiliter deducens, confortavit. Quantum gaudium habuere Christiani homines et fideles, tantum mœrore et tristitia angustiati illi nesciebant quid agerent, et in periculo se esse existimantes, quærebant semetipsos interficere. At dum non invenirent quid alind agerent, domum

Albini fideli B. Petri Apostoli, et ejusdem Pontificis deprædantes, destruxerunt.

« In ipsa B. Petri Apostoli aula cum degeret præfatus Pontifex, confestim Winigisus gloriosus dux Spoletanus cum suo exercitu obviavit: et cum Summum Pontificem videntem et loquentem conspexisset, venerabiliter eum recipiens, Spoletum deduxit, glorificans Deum et laudans Dominum, qui per talia mirabilia eum clarificavit ». Habent Annales Francorum, apud sanctum Petrum tunc contigisse morari legatos Caroli Magni: erat ex iis unus Wiradus abbas, quorum ope fultus Pontifex, una cum duce Spoletano Winigiso Spoletum (ut dictum est) perductus fuit. Pergit vero Anastasius:

6. « Quo auditio, per diversas civitates Romanorum fideles ad eum occurrere, et pariter cum aliquibus ex ipsis civitatibus episcopis, presbyteris, seu clericis Romanis, et primatibus civitatum ad excellentissimum dominum Carolum regem Francorum et Longobardorum atque patricium Romanorum profectus est. Ipse vero Christianissimus et Orthodoxus atque præcipuus clementissimusque rex, illico ut audivit, misit in obviam ejus Gildivaldum archiepiscopum et capellanum, et Ascharium comitem, et postmodum proprium filium summum Pipinum excellentissimum regem eum aliis comitibus obviam ei iterum, et usque ubi ipse magnus rex ei obviavit, et sicut vicarium B. Petri Apostoli venerabiliter et honorifice cum hymnis et cantici spiritualibus eum suscepit; et pariter se amplectentes, cum lacrymis se osculati sunt. Et prædicto Pontifice, Gloria in excelsis Deo inchoante, et juncto (cuncto) clero suscipiente, oratione super cuncto populo data: tunc benignissimus dominus Carolus Magnus rex (ante) addictum Pontificem conspiciens, gratias Deo retulit, qui tam magna mirabilia super famulum suum per suffragia principum Apostolorum Petri ac Pauli operatus est, et ad nihilum prædictos viros iniquos deduxit ».

Porro de his omnibus Carolus Magnus Albinum Flaccum reddidit certiore, qui horrendum facinus detestatus, rescribens ad Carolum hæc de his habet<sup>1</sup>: « Ecce in te solo tota salus Ecclesiærum Christi inclinata recumbit: tu vindix sceleurum, tu rector errantium, tu consolator mœrentium, tu exaltatio bonorum. Nonne Romana in Sede, ubi religio maxime pietatis quondam claruerat, ibi extrema impictatis exempla emerserunt? Ipsi cordibus suis excæcati, excæcaverunt caput proprium. Nec ibi timor Dei, nec sapientia, nec charitas esse videtur. Quid boni esse poterit, ubi nihil horum invenitur? Si timor Dei esset in eis, non aderent. Si sapientia, nunquam voluissent. Si charitas, nunquam fecissent. Tempora sunt periculosa, olim ab ipsa veritate prædicta, quia<sup>2</sup> refrigescet charitas multorum. Nullatenus capit is

<sup>1</sup> Psal. xxvi. — <sup>2</sup> Psal. cxviii.

<sup>1</sup> Albin. Ep. iv. tom. 1. Antiq. lect. — <sup>2</sup> Matth. xxiv.

cura omittenda est. Levius est pedes dolere, quam caput. Componatur pax cum populo nefando. Si fieri potest, relinquantur aliquantulum minæ, ne obdurati fugiant, sed in spe retineantur, donec salubri consilio ad pacem revocentur, etc. » Ita Albinus, cuius consilium Carolus secutus esse videtur, ut dicta declarant. Pergit vero Anastasius, de Carolo dicens :

« Qui dum in magno honore apud se aliquantulum tempus eum ipse serenissimus rex habuisset : hæc præfati iniqui et filii diaboli audientes, post dira et iniqua incendia, quæ in possessionibus, seu rebus B. Petri Apostoli gesserunt, moliti sunt Deo contraria, falsa adversus sanctissimum Pontificem imponere crimina, et post eum ad prædictum mittere regem, quæ probare nequaquam potuissent, qui per insidias et iniquitates ipsorum talia nec dicenda, sanctam Ecclesiam humiliare volentes, proferebant.

7. « Sed dum apud prædictum clementissimum magnum regem præfatus Pontifex eum magno et condecenti honore degeret, ex omni parte tam archiepiscopis, quam episcopis et cæteris sacerdotibus venientibus, una cum filio ejusdem piissimi magni regis, omnibusque eximis Franciis, Deo prævio, illum remeantem (remeare) in suam Apostolicam Sedem honorifice eum nimio (ut decuit) reniserunt honore : qui per unamquam civitatem, tanquam ipsum suscipientes Apostolum, usque Romam deduxerunt. Quum Romani præ nimio gaudio suum recipientes Pastorem, omnes generaliter in vigiliis beati Andreæ Apostoli tam proceres clericorum cum omnibus clericis, quamque optimates et senatus, cunctaque militia et universus populus Romanus cum sanctmonialibus et diaconissis et nobilibus matronis cum universis feminis, simul etiam et cunctæ scholæ peregrinorum, videlicet Francorum, Frisonum, Saxonum atque Longobardorum, simul omnes connexi ad pontem Milvium cum signis et bandis et canticis spiritualibus suscepserunt, et in Ecclesiam beati Petri Apostoli eum deduxerunt, ubi et missarum solemnia celebravit. Et omnes communiter corpus et sanguinem Domini nostri Jesu Christi fideliter participati sunt, et alia die secundum olationem consuetudinem natale beati Andreæ Apostoli celebrantes, Romam ingrediens cum multo gudio et laetitia, in patriarchium Lateranense introivit ». Porro totam hanc historiam scias tunc fuisse carmine egregie scriptam ab Alcuino (ut stylus arguit), editam vero nuper a Canisio in tomo primo collectionis antiquæ Lectionis in qua habentur, quæ prætermissa noscuntur ab aliis. Tu ipsam consulas, cuius delecteris sicut veritate, ita et rerum tunc temporis varietate.

8. *Causa delinquentium agitur, pro iis deprecante Leone.* — Post hæc autem ab eis, qui a Carolo Magno missi sunt, questio habita est de iis qui tam enormia scelera perpetrabant, de quibus hæc apud eundem Anastasium scripta leguntur : « Post ali-

quantos dies fidelissimi missi, qui cum eo venerunt in Pontificale obsequium, videlicet Gildivaldus et Arno reverendissimi archiepiscopi, alique Cuniperus, Bernhardus, Atto et Jesse reverendissimi et sanctissimi episcopi, neconon et Flaccus electus episcopus, una cum Kelmgoth, Reticario et Germano gloriiosis comitibus, residentes in triclinio ipsius domini Leonis papæ, et per unam et amplius hebdomadam inquirentes ipsos nefandissimos malefactores, quam matitiam ab ipsorum Pontifice habuissent tam Paschalis, quam Campulus cum sequacibus eorum, et nihil habuerunt aduersus eum quod dicerent. Tunc illos comprehendentes prædicti missi magni regis, emiserunt eos in Franciam ». Hæc ibi. Quæ omnia facta esse subdit ante adventum ipsius Caroli Magni Romam, qui contigit anno sequenti, licet judicium hujusmodi presente Carolo factum alii tradant.

9. Sed dices, quomodo fieri potuit, ut tam deformia perpetrata scelera levi exilio punirentur? Regino satisfacit, dum tradit pro suis persecutoribus exorasse ipsum Leonem Pontificem, ne quid detrimenti in ipsorum corporum membris paterentur; idque ipsi enixe roganti concessum esse, cum tamen antea capitum sententiam accepissent; et in eos lege agendum esse, definitum esset : quod et testantur Annales Francorum sub Ludovico filio Caroli Magni conscripti. Sed et in Vita Caroli per annos singulos scripta, hæc leguntur : « Post paucos autem dies jussit Carolus eos, qui papam anno superiori dehonestaverant, exhiberi, et habita decies (decisione) secundum legem Romanam, ut majestatis rei, capite damnati sunt. Pro quibus tamen papa pio affectu apud imperatorem intercessit, et vita et membra eis concessa sunt, sed pro facinoris magnitudine exilio deportati sunt ». Hæc ibi, eademque reliqui ejusdem sæculi scriptores, sed sequenti anno id factum tradunt, postquam Carolus acclamatus et coronatus est imperator. Nos tamen sequimur Anastasium, indecens existimantes, quod primum de Pontifici objectis criminibus actum sit, quam de adeo facinorosissimis delinquentibus. Porro de causa Pontificis tractata anno sequenti, ubi Carolus Romanum venit, suo loco dicemus. Cæterum judicium hoc anno factum esse, cum idem auctor affirmet, sententia autem executionem, exspectato Caroli adventu, in sequentem annum esse dilatam, idem qui supra auclor affirmat, nosque suo loco ex eodem Anastasio dicturi sumus.

10. *Quæ peregerit Leo in Germania.* — His de judicio delinquentium enarratis, recitatisque cunctis, quæ hoc anno ipsi Leoni Pontifici contigerunt, prætermittendum non putamus quæ ab ipso facta esse narrantur, cum adhuc apud Carolum in Germania esset : et inter alia dedicatum ab eo altare Paderburnæ, ubi couenit ipsum Carolum Magnum, de quo hæc in translatione sancti Liborii fideliter scripta leguntur<sup>1</sup> : « Religiosum ejus, Ca-

<sup>1</sup> Apud Sur. tom. iv. die xxiii Jul. in translat. S. Liborii.

roli videlicet, et salutare Christianitatis dilatandæ studium nobiliter inchoatum, Leo papa Apostolica auctoritate firmavit, atque in Ecclesia tunc ibidem noviter constituta quoddam altare consecravæ, adorandas in eo reliquias protomartyris Stephani, quas secum Roma detulerat, collocavit, fiducialiter id principi promittens, quod oratorium illud tanti martyris patrocino munitum non ulterius passum foret injuriam, quam ipso referente, prius ei contigisse cognovit, ut videlicet ob incolarum loci perfidiam et odium in Christianam religionem aliquoties igni traderetur. Et ob hanc maxime causam easdem reliquias ibi rogalu imperatoris recondidit, non sine effectu congruae fiduciæ, sponsionisque suæ, cum nihil tale postmodum illuc perpetralum esse certissimum sit. Hoc igitur ordine Paderburnensis Ecclesiae sedes episcopalæ tam imperatoris sanctione, quam Apostolicæ benedictionis auctoritate primilus constituta, ob causam superius memoratam commendata fuit aliquandiu tuitioni præsulum capellæ Orientalis Franciæ, quod sermone barbaro Wirtzburg appellatur ». Hæc de his auctor. Contigil eliam, ut enī esset in itinere, pertransiens Coloniam, licet festinus ad Carolum properaret, ibi tamen substitūl, et ingressus in Ecclesiam S. Severini, eujus corpus haud pridem in domum suam fuerat restitutum, illuc oravit. Habet enim ista auctor, qui de ejus translatione scripsit historiam, aitque<sup>1</sup> : « Cum Roma prefatus Pontifex Leo profectus propler paenæ injuste sibi illatas, ad imperatorem Carolum migraret in Franciam, devenit ad locum, quo viri Dei Severini corpus venerabile requiescit, ibique præter morem, quem in via servaverat, oratum Ecclesiam introivit : comites autem ejus mirantes, causam hujusmodi sciscibantur. Quibus ille : Loci, inquit, hujus defensor dominus est : ideo non ausus sum illam præterire insulatam. Hinc ergo consuetudo civibus imolevit, ut uno die per singulas hebdomadas ad sancti Severini sepulcrum veniant ; et ut per totam hebdomadam ejus patrocino fulciantur, supplici devotione deposcunt ». Hæc de his ibi.

11. Iloc eodem anno idem Leo papa dedicavit cappellam a Carolo Magno constructam in Eresburg, cumdeinde locum ejusmodi privilegio munivit<sup>2</sup> :

<sup>1</sup> Apud Sur. tom. v. die xxii. Oct. in translat. S. Severini. —  
<sup>2</sup> Extat apud Regestum Innoc. IV.

« Leo servus servorum Dei, Carolo Magno (regi Francorum) Romanorum imperatori.

« Piæ tuæ petitioni per omnia congaudentes, quod jubes annuere non tardamus. Igitur hunc montem Eresburg, quem expugnatum cum tota Saxonia Deo obtulisti, et per nos beato Petro consecrasti, liberum ab omni humana potestate esse, et fratrum inibi ad Christi servitium adunatorum ditioni tantummodo parere censemus. Qui ne aliquid in hoc impedimenti patientur, neve regni vestri invasoribus aliqua rebellandi fiducia præparetur : sub anathemale, sancti Petri auctoritate, interdicimus, ne quis unquam bellica in ipso monte præsidia collocare, aut per te collata prædia, aut decimas circa montem per duas Saxonicas rastas, quas illuc delegasti, audeat diripere. Hæc conservantibus sit pax a Deo Patre, infringentibus excommunicatio, et a beatorum collegio sit separatio in æternum. Dat. Eresburg per manus Joannis Bibliothecarii, et cancellarii Ecclesiæ Romanæ VIII kal. Januar. anno Domini..... Leonis III quarto, Indictione septima (octava), die dedicationis capellæ in Eresburg. De Saxonia oblata a Carolo Magno S. Petru sunt etiam litteræ Gregorii papæ septimi suo loco recitatæ ».

#### 12. Claves sepulcri missæ ad Carolum. —

« Eodem pariter anno patriarcha Hierosolymorum per suum monachum misit ad Carolum Magnum sacerdoti sepulcri Redemptoris nostri claves, quem dimittens ipse Carolus, Zachariam presbylerum illi adjunxit, qui dona ad loca illa sancta deferret. Hæc Annales Francorum. Innotuerat in Oriente etiam tanti regis Christianissimi pietas atque potentia, adeo ut ad hunc unum respicerent omnes, tanquam unicum Christianæ religionis, temporibus istis perditissimis, quibus sub Saracenorū jugo gemebant, decus et ornamentum. Porro pro restauratione Ecclesiarum Hierosolymorum Carolus collectam more majorum indixit. Est ea de re titulus in ejus Capitularibus his verbis inscriptus<sup>1</sup> : De eleemosyna mittenda in Hierusalem, propter Ecclesias Dei restaurandas proximo Natali Domini ». Ipsum vero Decretum, seu capitulum excidit.

<sup>1</sup> Capitul. l. iv. in Appenl. c. 31.

Anno periodi Graeco-Romanæ 6292. — Anno Eræ Hispan. 837. — Anno Hegiræ 183, inchoato die 12 Febr., Fer. 3. — Jesu Christi 799.  
— Leonis III papæ 5. — Irenes iterum imp. 3.

**4. Immane facinus Romanorum adversus Leonem III.** — A num. 1 ad 10. Romæ hoc anno ingens facinus commissum est adversus Leonem Summum Pontificem, quod ex Anastasio in ejus Vita refert Baronius. Anastasio suffragatur annalistæ Lambecianus, qui hoc tempore scribebat: « **DCCXCIX.** Iterum dominus rex Carolus apud Aquis-Palatio celebravit Pascha, et instigante diabolo, Romani comprehenderunt dominum Apostolicum Leonem in ipsis Letaniis, quod est VII kal. Maii, et abscederunt linguam ejus, et voluerunt eruere oculos ejus, et eum morti tradere. Sed juxta Dei dispensationem, malum, quod inchoaverunt, non perfecerunt. Et dominus rex eodem anno introivit in Saxoniam, et resedit ad Padresbrunna, et ibi venit ad eum dominus Leo Apostolicus, quem antea volebant Romani interticeere, et suscepit cum dominus rex honorifice, et multis donis et honoribus eum honoravit, et postea cum pace et honore magno eum remisit ad propriam Sedem, et missi domini regis deducebant eum honorifice, et eos, qui in mortem ejus consiliati sunt, transmiserunt ad dominum regem, et **SUNT MODO**, ut digni **SUNT**, in exilio, (quibus ex verbis recte colligit Lambecius hunc auctorem eo tempore vixisse quo hæc contigere) et dominus rex inde tulit multitudinem Saxonorum cum mulieribus et infantibus, et collocavit eos per diversas terras in finibus suis, et ipsam terram eorum divisit inter fideles suos, id est, episcopos, presbyteros, comites et alios vassos suos, et ibi ad Padresbrunnum ædificavit Ecclesiam miræ magnitudinis, et fecit eam dedicare, et post hæc reversus est in pace ad Aquis-Palatium, et ibi rese-dit ». Quæ verba exscripsit chronographus Moisiacensis.

**2. Leo III in Franciam venit.** — Quoad ea quæ spectant ad sacrilegium Romæ perpetratum, diem euindem notavit Anastasius, cum ait, id contigisse « cum venerabilis et sanctissimus præsul die quadam more solito in Letaniis, quæ ab omnibus Majores appellantur, procederet ». Majores autem Letaniæ **VII kalendas Maias** celebrantur. Addit Anastasius, Leonem postea singulari Dei beneficio extra periculum positum, et oculorum et linguæ usum cum prospera valetudine

recuperasse: « Et, ut ostenderet, inquit, omnipotens Deus super famulum suum solitam suam misericordiam et magnum miraculum, divino nutu ejus a fidelibus Christianis viris, videlicet per Albinum cubicularium cum aliis fidelibus Deum mentientibus, ex ipso eum claustrō occulte abstollentes in Basilicam beati Petri Apostolorum principis deduxerunt, etc. et in ipsam B. Petri Apostoli aulam conjungente præfato Pontifice confestim Winigisus gloriosus dux Spoletanus cum suo exercitu obviavit ei », quod et annalistæ Bertinianus, Metensis, Regino et Eginhardus in Annal. habent. Winigisus Childebrando in ducatum Spoletanum successerat, hicque ducatus Romano conterminus erat; eum autem Spoletum deduxit Winigisus dux ut interim Carolum regem moneret, « cuius rei nuntium cum rex accepisset, ipsum quidem ut vicarium S. Petri et Romanum Pontificem cum summo honore ad se præcepit adduci », inquit Eginhardus in Annal.

**3. Prudens Alcuini consilium Carolo datum.** — Alcuinum de Romanorum flagitio certiorem fecit Carolus, et ab eo postulavit quid in temporibus adeo difficultibus agendum existimaret, ut liquet ex Epistola xi Alcuini ad eum data, qua ad ejus litteras quæ perierte, respondet: « Tres personæ, inquit, in mundo altissimæ huc usque fuerunt. Apostolica sublimitas, quæ beati Petri principis Apostolorum Sedem vicario munere regere solet. Quid vero in eo actum sit, qui rector præfatae Sedis fuerat, mihi veneranda bonitas vestra innotescere curavit. Alia est imperialis dignitas, et secundæ Romæ sæcularis potentia. Quam impie gubernator imperii illius (nempe Constantinus) depositus sit, non ab alienis, sed a propriis et concubibus, ubique fama narrante crebrescit. Tertia est regalis dignitas, in qua vos Domini nostri Jesu Christi dispensatio rectorem populi Christiani dispositus. Cæteris præfatis dignitatibus potentia excellentiorem, sapientia clariorem, regni dignitate sublimiorem, etc. Tempora sunt periculosa, olim ab ipsa veritate prædicta, quia refrigerescit charitas multorum. Nullatenus capit is (scilicet Romani Pontificis) cura omittenda est. Levius est pedes dolere quam caput. Componatur pax cum populo nefando (Romano nempe) si fieri potest. Relin-

quantur aliquantulum minæ, ne obdurati fugiant: sed in spe retineantur, donec salubri consilio ad pacem revocentur. Tenendum est quod habetur, ne propter acquisitionem minoris, quod majus est (scilicet regnum Longobardicum) amittatur. Servetur ovile proprium (ideoque Romani non erant proprii subditi Caroli) ne Iulus rapax devastet illud (id est, insurgat aliquis tyrannus ad quem Romani, si nimis premantur, confugiant). Ita in alienis suadetur (in componenda nempe Republica Romana) ut in propriis damnum non patiatur», in iis scilicet quæ ad regnum Longobardicum pertinent. Ex quibus intelligimus, imperatores Constantino-politanos Urbe Romana hoc tempore potitos non fuisse. Secundo, neque etiam Carolum ejus dominium babuiese, aut collegam Summi Pontificis in administratione Urbis extitisse; alioquin non diceret Alcuinus tres esse in mundo supremas potestates, majoremque fore regni Italici amissionem, quam Romanæ alienæque urbis acquisitionem. Quare vel ex hac sola Alcuini Epistola evertitur opinio Mareæ et Cointii, qui volunt dominium urbis et exarchatus Ravennatensis ab anno **CCXXCVI** penes Pontificem Romanum et Carolum fuisse, et utrumque pari jure eisdem præfuisse. Si enim hoc ita se habuisset, Alcuinus Romanos alienos non appellasset, nec Carolum monuisset, ut caveret ne propter acquisitionem minoris, regnum integrum perderet. Beneventanus dux hoc ipso tempore in armis erat contra Francos, et nova rerum conversio in urbe Constantinopitana timendi locum dabat, ne Graeci a Francis alieni tumultus, si in Italia exorirentur, soverent. Unde Alcuinus Carolo suasit, ut ab illis scopolis caveret, et in eisdem litteris iterat quod in Ilunnorum favorem anno superiori ad eum scripseral: «Olim vestræ sanctissime pietati de exactione decimarum dixi, quia forte melius est, vel aliquanto spatio ut remittatur publica necessitas, donec fides cordibus radicitus inolescat».

*4. Ei obviam venit Pippinus et postea Carolus.* — Carolus in Aquisgranensi palatio Paschate celebrato, pridie scilicet kalendas Aprilis, posteaque trajecto Rheno, Padirbornam usque processit, ubi Leonem papam ex Italia venientem præstolatus est. Tunc Alcuino Epistolam **xii** direxit, cumque ad iter Romam suscipiendum invitavit; huic enim obsequio complures episcopos et abbates jam destinarat. Ad eum respondit Alcuinus: « De illo itinere longo et laborioso Romanum cundi, nullatenus infirmum et quotidianis fractum doloribus corpuculum meæ fragilitatis perficere posse arbitror. Desiderium jam habuissim, si potestas esset peragendi. Ideo obsecro clementissimam paternitatem vestræ benevolentiam, ut dimittatis me fideliter et instanter orationibus, eum Deo servientibus apud sanctum Martinum, vestrum iter adjuvare». Venit Paderbornam Leo papa, quod « rex illico utau divit, misit in obviam ejus Hildivaldum archiepiscopum et capellatum et Ascharium comitem. Et post-

modum proprium filium suum Pippinum excellentissimum regem cum aliis comitibus obviam ejus iterum, et usque ubi ipse magnus rex obviavit, et sicut vicarium beati Petri Apostoli venerabiliter et honorifice eum hymnis et canticis spiritilibus eum suscepit ». Hildivaldus ille alias non est ab *Hildebaldo* sive *Hildeboldo* archiepiscopo Coloniensi et archicapellano sacri palatii. Ibi primum *Hildeboldus archiepiscopus* appellatus reperitur, antea enim tam ipse quam ejus decessores, episcopi appellati. Quare primus ipse fuit archiepiscopus Coloniensis, et a paucis tantum annis Colonia in metropolim erecta, fallunturque qui eam ante Carolum Magnum metropolitanum fuisse credidere. Secundo, Pippinum ex præcepto patris obviam Leoni processisse docet etiam Alcuinus in poemate de ejusdem Leonis adventu :

Hinc jubet exemplo Pippinum occurrere magno  
Pastori, pacem et placidam portare salutem.  
Obvius ire parat genitoris jussa facescens.  
Pippinus centum latus cum millibus ibat.

*5. Leo III Romanam redit.* — Alcuinus vero in eodem poemate nullam *Ludovici Aquitaniæ* regis mentionem facit, ubi describit venationem, cui Carolum, cum de Romanorum tumultu nondum quidpiam audivisset, cum regina Liudgarda suisque liberis singit indulisse, quamvis multa scribat de eodem Carolo et de Liudgarda; de Caroli filiis, Carolo et Pippino juniore; de filialibus, Rotrude, Bertha, Gisla, Rothaide, Theodrada et Hildrude. Carolum filium Carolus rex ad Albim tunc miserat, ut prodit Eginhardus in Annal. ubi ait: « Habito generali conventu super Rhenum, in loco, qui Lippenheim vocatur, ibique eodem amne transmisso cum tolo exercitu suo ad Padrabrunnam accessit, ibique in castris considens, Pontificis ad se properantis præstolatur adventum. Misit interea Carolum filium suum ad Albim cum parte exercitus, propter quædam negotia cum Wilsis et Abrotitis disponenda, et quosdam Saxones de Nordluidis (id est, Transalbianis) recipiendos. Cujus reversiōnem cum exspectat, venit Pontifex, etc. Quo dimisso, rex paucos ibidem dies moratus legatum Michaelis patricii de Sicilia, nomine Daniele, ad se missum absolvit ». Leo Romanum reversus est, delegatis a Carolo rege, qui venirent « in Fontificale obsequium fideliibus missis, videlicet Hildivaldo et Arno reverendissimis archiepiscopis; et Cuniberto, Bernharto, Hattone, et Thesse sanctissimis episcopis, etc. » inquit Anastasius, Bernhartus seu Bernardus ad Wormatiensem episcopatum, *Hatto* ad Frisingensem, et *Jesse*, qui corrupte dicitur Thesse, in Ambianensem nuper assumpti fuerant. Fallitur enim Cointius hoc anno num. 43, qui existimat, *Hattonem* seu Attonem fuisse episcopum Pataviensem; cum ex incerti poetæ versibus de *Ordine provincialium pontificum*, a Mabillonio tom. iv Anlect. editis constet, nullum hoc tempore Hattonem

Ecclesiae Pataviensi præfuisse; contra vero Altoneum quintum episcopum Frisingensem fuisse, et ex dicendis anno DCCC, eo anno adhuc vixisse. Anastasius scribit, Leonem in Vigiliis beati Andreæ Apostoli Romani pervenisse, et summo omnium applausu fuisse susceptum. Theodulfus vero Aurelianensis episcopus lib. 3, carmine vi de Leonis III persecutione, de recepta sanitate ac recuperata Sede verba facit.

6. *Postquam Ecclesiam Paderbornensem consecrasset.* — Ad num. 10. Recitat Baronius verba, quæ leguntur in libro, qui Vitæ sancti Liborii Cenomannensis episcopi subjicitur, et ejus reliquias Cenomanno Paderbornam translatas testatur. In eo Leo Paderbornæ consecrat altare, ibique reliquias sancti Stephani Roma delatas recondit. Subdit Ido presbyter Paderbornensis illius libelli auctor: « Hoc ordine Paderbornensis Ecclesiae sedes episcopalis tam imperatoris sanctio, quam Apostolicæ benedictionis auctoritate primitus constituta, ob causam superius memoratam commendata fuit aliquandiu tñtioni præsulum capellæ Orientalis Franciæ, quod serinone barbaro Wirzburg appellatur ». Baronius an. DCCXXV, num. 66, ex his verbis infert, post eum Christi annum *Harimarum* constitulum fuisse primum episcopum Ecclesiae Paderbornensis. Verum Ido presbyter non dicit, sedem Paderbornensem hoc anno primitus fuisse constitutam, sed tantum asserit Ecclesiam episcopalem, quæ antea a Carolo constructa fuerat, currenti consecratam esse, et in ea reliquias sancti Stephani posilas; postea vero eam commendatam fuisse tñtioni præsulum capellæ Franciæ Orientalis. De hac consecratione loquitur annalista Lambeianus, cuius verba num. 1 retulimus.

7. *Leo III non fuit in loco Eresburg.* — Ad num. 11. Dicit Baronius a Leone III dedicatam quoque capellam in Eresburg, ubi *Irmansul* quondam steterat, celeberrimum apud Saxonie populos idolum, de quo egimus anno DCLXXII, num. 4, et in medium assert Privilegium, quo Leo III hunc locum munit, in Regesto Innocentii IV. Hujus Privilegii hoc iuilium est: « Leo servus servorum Dei, Carolo Magno Romanorum imperatori ». Finis vero: « Dat. Eresburg. per manus Joannis Bibliothecarii et cancellarii Ecclesiae Romane VIII kal. Januar. anno Domini..... Leonis III quarto, Indictione septima, die dedicationis capellæ in Eresburg ». Idem Privilegium ex Baronio recitat Labbeus tom. vii Concil. verum illud mere suppositum; hoc enim anno, quo Leo III ad Carolum venit, is non vocabatur *imperator*, ut inter omnes convenit. Secundo, Carolus quoad vixit nunquam cognominatus fuit *Magnus*, ut anno DCCXXV, num. 2 diximus, rursumque in morte ejus magis declarabimus. Tertio, Leo Pontificatus sui annum nunquam litteris suis adscripsit. Quarto, nunquam se Leonem III appellavit. Quinto, VIII kalend. Januarii jam Roman redierat, quo die xxix Novembris ingressus est. Cointius, qui has litteras

sicutiitas esse agnovit, aliam falsitatis notam desumit ex eo quod in earum inscriptione Leo nomen Caroli suo postponit; cum tam ipse quam qui eum præcessere, nomina regum aut imperatorum, ad quos scripsere, primo loco collecarint; quam in rem plura exempla profert. At hæc ratio innilitur fundamento vel dubio vel falso. Cantelius enim in Historia metropolitanarum urbium part. 2, Dissert. 1, cap. 1, ostendit, ante Nicolaum I, quemque Pontificem Romanum nomen suum pro arbitrio vel primo loco posuisse, vel ultimo: id autem sibi sumpsisse Nicolaum, ut semper quasi certa lege, cum episcoporum, tum regum eliam nominibus suum præponeret; quæ consuetudo nostra ætate usurpat. Aliquaudo nomen suum postponit Leo Magnus: « Gloriosissimo et clemenissimo Theodosio Augusto Leo episcopus, et sancta Synodus Romæ collecta ». Idem tamen Leo illud aliquando præponit: « Leo episcopus et sancta Synodus, quæ in Urbe Roma convenit, Theodosio semper Augusto ». Mitto alia exempla apud Cantelium legenda, qui tamen inter ea, quibus Pontifices nomen suum præposuere, perperam refert istud Leonis tertii, cuius Epistolam quam fietitiam esse non dubitamus, gerimanam et sinceram supponit: « Leo servus servorum Dei Carolo Magno imperatori Romanorum ». Denique Epistolarum Pontificiarum inscriptiones librariorum vilio aliquando mutatae, aliquando prætermisæ, et postea earum loco aliae substitutæ, ut infinitis exemplis monstrari potest.

8. *Carolus in pauperes munificus.* — Ad n. 12. Quod refert Baronius ex libro 4 Capitul. in Append. cap. 31, de *eleemosyna mittenda in Hierusalem* a Carolo scilicet illius Capitularis auctore, lumen accipit ex iis, quæ Eginhardus in Vita Caroli M. habet: « Circa pauperes sustentandos et gratuitam liberalitatem, quam Graeci eleemosynam vocant, devotissimus, ut qui non in palria sua soluni et in suo regno eam facere curaverit; verum trans maria in Syriam et Aegyptum atque Africam, Hierosolymis, Alexandriæ atque Carthagini, ubi Christianos in paupertate vivere compererat, penuria illorum compatiens, pecuniam mittere solebat ». Cæterum annaliste Berthianus, Fulensis et Metensis cum Reginone et Eginhardo in Annal. scribunt hoc anno monachum quemdam de Hierosolymis venisse, et reliquias multas regi ex parte patriarchæ attulisse, nisi quod aliqui habent *benedictionem et reliquias de sepulcro Domini*. Baronius tamen in Annales Francorum asserere *sacrosancti sepulcri Redemptoris nostri claves* attulisse. Sed quos Annales intelligat cardinalis doctissimus non exprimit.

9. *Synodus Romana adversus Felicem episc. Urgellitanum.* — Tom. vii Concil. editionis Labbeanæ refertur Concilium Romanum ex Schedis Pithæanis, quod Baronii tempore ignotum erat. Habitum illud non anno XXXII Caroli regis, ut habet ibidem Labbeus, sed anno XXXI ejusdem regis, die XXIV mensis Septembris superioris Christi anni in-

choato; cum enim Leo III die xxv mensis Aprilis hujus anni a Romanis excaecatus fuerit et postea in Galliam venerit, unde Romam ante diem xxx mensis Novembris non rediit, et Felix Urgellitanus episcopus anno xxxii ejusdem regis Aquisgrani haeresim abjuravit, ut mox ostendam, Concilium istud Romanum nonnisi ineunte hoc anno haberi potuit, ut recte videt Cointius ibidem num. t4 et seqq. Hujus itaque anni initio Leo papa Coneilium illud in Basilica sancti Petri cum episcopis **LVII** celebravit adversus libellum, quem idem Felix Alcuino nuper direxerat. In eum libellum *Felix* haereses saepius a se damnatae capita omnia conjecterat, ideoque a Synodo confutatus est, et ipsi Felici, nisi resipisceret, anathema dictum. Hujus Concilii ipsemel *Felix* meminit in confessione fidei, quam sub hujus anni exitum emisit, postquam ad Ecclesiae Catholicæ gremium rediit : « Per auctoritatem, inquit, Synodi, quæ nuper in Roma hæc intentione præcipiente gloriissimo ac piissimo Domino nostro Carolo adversus Epislolam meam, quam dum venerabili viro Albino abbati Turonensis Ecclesie scripseram, congregata est. In qua Synodo, præsente Leone Apostolico, et cum eo cæteri episcopi numero **LVII** residentes, et plerique presbyteri ac diaconi cum eis in domo beatissimi Petri Apostoli, per quorum omnium auctoritatem istas jam diclas sententias nostras, non qualibet, ut dictum est, violentia, sed ratione veritatis, ut oporluit, excluderunt ».

**40. In ea *Felix* damnatur.** — Extant tantum Excerpta ejusdem Synodi ex tribus prioribus Actionibus. In priori Leo papa ait : « Pejores haereses, vel maiores blasphemias, quam ante in ejus scriptis vel dictis unquam audissemus, ibidem cognovimus ». In secunda diecit Leo Felicem *et semel et bis et tertio perjuratum* effectum esse. In primis enim, ut ibidem explicat Leo, in Ratisponense Concilio, *confessus est se ex ipsa haeresi male dixisse*. Et iterum sub Hadriano papa ad eum directus a Carolo; et tercio in Coneilio quod coram eodem Carolo habitum est, post quod « per suum blasphemum libellum, quem ad venerabilem virum Albimum abbatem monasterii **S. Martini** emisit, in pejorem latrationem devenit, quam antea ». In terlia Actione legitur : « Felici Orgellitanæ Ecclesiae episcopo, si noluerit declinare ab haeretico dogmate suo, in quo ausus est Filium Dei adoptivum asserere, anathema sit ».

**41. Synodus Urgellitana adversus Felicem.** — Interim Carolus *Leidradum* Lugdunensem archiepiscopum Urgellam misit, ut Felicem ab haeresi revocare conaretur. Hunc autem obtinuisse commeatum ad Carolum, ut coram eodem rege in episcoporum conventu suam exponeret opinionem, ipsemel declarat in confessione fidei ad Urgellitanos suos postea enissa : « Postquam, inquit, ad præsentiam domini nostri ac piissimi gloriose Caroli regis perductus sum, et ejus conspectui præsentatus, licentiam ab eo secundum quod et vene-

rabilis dominus Laidracus (seu Laidradus) episcopus nobis in Orgello pollicitus est, accepimus; qualiter in ejus præsenlam in conspectu episcoporum, quos ad se ordinatio gloriosi principis nostri convenire fecerat, sententias nostras, quas ex libris sanctorum habere nos de adoptione carnis in Filio Dei, seu nuncupatione in humanitate ejus credebamus, præsentaremus; qualiter non in violentia, sed ratione veritatis, nostra assertio rata judicaretur, si ab illis per auctoritatem sanctorum Patronum minime repudiaretur. Quod ita faclum est ». Felix solum nominat Leidradum; profecti tamen sunt Orgellum cum eodem Leidrado Nefridius Narbonensis archiepiscopus, Benedictus Anianensis abbas, aliique multi cum episcopi lum abbates. Quod constat ex Alcuino, qui quatuor adversus Elipandum libros iisdem archiepiscopis, episcopis et abbatibus inscripsit, cum in Hispaniam secunda vice pergerent, Felice ad meliorem frugem apud Aquisgranum converso, et Carolo nondum imperatore, id est, anno Christi octingentesimo; quia Felix veram confessus est fidem apud Aquisgranum anno Caroli regis **xxxii** jam cœpto, sive hoc anno exeunte, et Carolus acclamatus est imperator anno sequenti exeunte.

**42. Hujus Synodi Patres anno sequenti Urgellam iterum sese conferunt.** — Alcuinus super his singulatim audiendus. Libris adversus Elipandum hanc præfigit inscriptionem : « Dominis in Christo charitate venerabilibus atque dilectissimis Laidrado episcopo Lugdunensi, et Nefrido episcopo Narbonensi, et Benedicto abbati, simulque sanctissimis nobisque valde honorabilibus Gotthiæ provinciæ partibus episcopis, abbatibus et fratribus, humillimus sanctæ Ecclesie filius Albinus salutem ». Libro primo sic loquitur de Synodo Aquisgranensi et Felice haeresim ejurante in præsentia regis : « Felix anno præfati gloriosi priueipis trigesimo secundo advocatus voluntarie veniens ad Aquis-Palatum, ibique in præsencia domni regis et optimatum illius, sive sacerdotum Dei rationabiliter auditus, et veraciter convictus, atque Deo dans gloriam, veramque confessus fidem, in pacem Catholicæ unanimitatis reversus est cum suis discipulis, qui ibi tune temporis erant præsenles ». Et in ipsa Praefatione eosdem archiepiscopos, episcopos et abbates, quibus opus suum inscribit, sic alloquitur : « Per divinæ suffragia pietatis hanc nebulosam impietatis sectam clara veritatis luce pridem discutere studiustis, etiam et Deo Christo donante ceplum prædicationis opus multa ex parte perfecisti. Ad cuius piissimæ prædicationis venerabile opus, mandante gloriose principe, et devotissimo in omni bonitate Carolo rege, vos iterum ituros esse audivimus. Quapropter paucorum arripui laborem dierum in solarium sanctissimi itineris vestri, quatenus haberetis in manibus cujusdam Epistole meo nomini directe ab Elipando Toletano episcopo pias et pernecessarias responsiones, ne forte aliquorum ex ejusdem Epistolæ lectione mentes maculentur, quia ejusdem audivimus litteras in aliorum prius pervenire ma-

nus, quam nobis, cui missæ sunt, redditæ essent ».

43. *Libri Alcuini adversus Elipandum post Synodum Urgellensem scripti.* — Hoc itaque anno *Laidradus* et *Nefridius* archiepiscopi, *Benedictus* abbas, aliqui complures cum episcopi tum abbates Orgellum se contulerunt, ut *Feliciem* ad Catholicam fidem revocarent. Celebratam ab iis Urgellæ Synodum observant Baluzius in Notis ad Agobardum adversus Felicem cap. 48, et Marea lib. 3 Marcæ Hisp. cap. 12, num. 5, sed hic eam in an. *xciv* male conjicit. Rem ita se habuisse recte existimat Coiutius citatus. Hoc anno Caroli regis xxxi, *Leidradus* aliqui præsules Orgellum directi sunt, convocata Synodo Felicem damnarunt, eidemque mox liberum commicatum dederunt, ut in episcoporum cœtu, præsente rege, causam suam ageret. Hoc etiam anno, Caroli vero regis anno xxxii jam inchoato, *Felix* Aquisgranum perductus est, publicam in Synodo coram rege disputationem init, et veritate coactus, rediit ad Ecclesiam Catholicam. Distinguenda itaque duplex pro causa Felicis in Hispaniam profectio Laidradi et sociorum; una quæ præcessit Aquisgranense Concilium, altera quæ suscepta est, Felice jam in ea Synodo Orthodoxam fidem amplexo. Utramque in Praelectione librorum adversus Elipandum distinxit Alcuinus; priorem sic attigit: « Deo Christo donante ceptum prædicationis opus multa ex parte perfecisti; posteriorem sic: ad eujus piissime prædicationis venerabile opus, mandante gloriose principe et devotissimo in omni bonitate Carolo rege vos iterum ituros esse audivimus ». Deinde statim palam significat libros illos a se scriptos adversus Elipandum, cum prædicti præsules in procinctu essent itineris in Hispaniam secunda vice suscipiendi: « Quapropter paucorum arripui laborem dierum in solatium sanctissimi itineris vestri, quatenus haberetis in manibus eujusdam Epistolæ meo nomine directæ ab Elipando Toletano episcopo pias et per necessarias responsones ». Imo in fine ejusdem operis pag. 994, dicit Alcuinus se quatuor libris adversus Elipandum scriptis subjunxisse « Epistolam illius Elipandi ad Felicem quondam illius defensorem sectæ, nunc vero Deo donante Christianæ fidei prædicatorem ». Addit Alcuinus: « Ejus conversionis ad fidem Catholicam, Epistolam impnere curavimus ». Quæ utraque Epistola in fine libri 4 adversus Elipandum etiam hodie legitur. Quare cum certum sit utramque Epistolam sub hujus anni finem datum esse, et antequam *Laidradus* et socii Urgellam redirent, nullum dubium est, quin Baluzius, qui accurate Synodum Urgellensem post Romanam, et ante Aquisgranensem collocavit, perperam crediderit libros adversus Elipandum ab Alcuino transmissos esse Laidrado ceterisque præsulibus, ut eos perlegerent in itinere, cum *Felix* adhuc Orgelli moraretur, et hæresim in Aquisgranensi conventu nondum ejurasset. De libris illis Alcuini adversus Elipandum anno sequenti, quo ad Laidradum missi, agemus.

14. *Felix in Synodo Aquisgranensi hæresim suam ejurat.* — Exeunte hoc anno, cum *Carolus* apud Aquisgranum erat, annumque regni sui xxxii jam numerabat, *Felix* illue venit, et præsente rege in episcoporum ac procerum conventu suam rursus damnavit hæresim, ut Aleninus lib. 4 adversus Elipandum testatur: « Idem Felix anno præfati gloriæ principis xxxii advocationis », et reliqua n. t2 a nobis memorata. Ipsemet Felix rem totam, ut gesta est, statim exposuit in confessione fidei ad presbyteros, diaconos, clericos ceterosque fideles in Urgellitana diœcesi commorantes. Istius Confessionis hoe initium est: « In Dei nomine Felix olim indignus episcopus, dominis in Christo fratribus, etc. » Quibus ex verbis Baluzius laudatus colligit ipsummet Felicem, priusquam hanc fidei confessionem scriberet, in Aquisgranensi Concilio depositum fuisse ab episcopatu; quod et disertis verbis Agobardus citatus asserit. De hoc Concilio anonymous, qui Vitam Alenini scripsit, hæc habet: « Advocans Albinum (nempe Carolus) institutorem suum Turonis, et miserum Felicem hæresis hujus adstructorem de Hispaniae partibus, congregavit Synodum magnam episcoporum in Aquisgrani imperiali palatio: in quorum ipse sedens medio, Felicem, licet valde repugnantem, de natura Filiæ Dei secundum carnem cum Albino doctissimo disputando rationabiliter configere jussit. Tum quantum episcoporum tunc extitit silentium! O quam clara et inexpugnabilis Caroli cum auctoritate magistri sui fidei confessio atque defensio? per plura autem Felix fugiens latibula, pluribus ab Albino confossus est spiculis, in tantum ut pene omnes civitates Israel consummaret, quousque filius hominis veniret. Nam a secunda usque ad septimam Sabbati parvum alind gestum est. Omnibus denique ejus patefacta socordia atque ab universis Apostolica auctoritate hæresi confutata, soli sibi latuit deformiter, usque dum dicta Cyrilli martyris ab Albino sibi directa legit lamentabiliter. Ea natura, quæ per diabolum vitiata est, super Angelos exaltata est propter triumphantem Christi, atque ad dexteram patris collecta. Hanc ergo legens sententiam, tandem se recognovisse et impie egisse voce et nimio fletu testatus est ». His addit Ado: « Felix perpetuo exilio apud Lugdunum relegatus est, quem ferunt in ipso suo errore mortuum »: qua de re anno sequenti num. ultimo.

15. *Alcuinus in conversione Elipandi frustra insudavit.* — Ante Felicis conversionem Alcuinus convenerat Elipandum Toletanum decrepitæ ætatis senem, cumque hortatus fuerat, ut Ecclesiæ Catholicæ unitatem præponeret Felici, et paucis ejus sectatoribus, qui in montibus latitant. Contra iste humanissimis Alcuini litteris respondit atroci stylo: et novi Arrii in partibus Austriae exorti convicio virum pium proscindens, exprobrat illi divitiarum affluentiam, et viginti millionum servorum famulitum; monens eum interim, ne Caroli animum commovere perget adversus Felicem. Insinuat au-

tem excitatum Alcuinum suggestionibus *Beati*, et ejus relatione atque ernditione instructum adversus novitatem; cuius *Beati* sic dicti per antiphrasim auctoritatem elevat, eo quod abstentus esset ob stuprum. Hæc enim sunt ipsa Elipandi verba calumnia et irarum plena: « Mendacio plenus esse ostenderis, sicut et magister tuus Antiphrasius Beatus, Antichristi discipulus, carnis immunditia foetidus et ab altario Dei extraneus, Pseudo-Christus, et Pseudo-Propheta ». Ad eumdem *Beatum* pertinent et sequentia: « Nam sicut magister tuus fœlidus et horribilis maculavit Libanam; ita tu regnum Cælorum Austriam ». Alibi diximus *Beatum* abbatem apud Astures egisse cum Etherio episcopo, quos errori suo contrarios esse Felix quoque conquestus erat in Libello ad Alcuinum, ut iste docet in libro primo adversus Felicem. Porro apud Astures erat montana regio *Licbana* dicta, tum apud Ptolemæum, tum in veteribus chartis. Quare significat Elipandus, sicut a Beato Asturiarum regnum infectum est hæresi; sic quoque fœdari ab Aleuino Austriam, id est, Franciam, qnam vocat regnum Cælorum. Ita rem narrat et explicat Marca lib. 3 Marcæ Hisp. cap. 12. Sed cum sanctus Beatus anno superiori ad Deum migrarit, ut supra ostendimus, hæc Elipandi Epistola ante præsentem annum data.

**46. Elipandus inscius conversionis Felicis ad eum scribit.** — Felix post Aquisgranense Concilium ad clerum ac populum Urgellitanum scribit de sua conversione, ut jam diximus. Extat ejus Epistola in Alcuini Operibus pag. 998, sub hoc titulo: « Confessio fidei Felicis Orgellitanæ sedis episcopi ». Eodem circiter tempore Elipandus archiepiscopus Toletanus ea quæ gesta fuerant Aquisgrani ignorans, Epistolam Felici direxit, quæ ibidem extat pag. 995. In ea Elipandus dicit se litteras ejus acceptisse *exeunte Julio*, easque statim Cordubam *ad fratres* (id est, ejusdem hæresis consortes) misisse; se *exeunte Augusto* eidem scripsisse, et novissime hanc illi mittere Epistolam, in qua etiam scenem se fatetur et annorum LXXXII. Porro Alcuinus in fine suorum librorum adversus Elipandum pag. 994, ait: « Maxime origo hujus perfidiae de Cordua civitate processit, sicut in Epistola illius Elipandi ad Felicem præfatum directa intelligi potest, dum enīdem Felicem adhuc sui erroris catenis constrictum esse arbitrabatur ».

**47. Legatio Graecorum ad Carolum.** — *Carolus*, cum adhuc Paderbornæ morabatur, legationem a Siciliæ præfecto suscepit, et duces Gerholthum Bajoariæ præfectum, atque Henricum Forojuliensem ducem interfectos, illum in Pannonia, hunc in Liburnia, accepit. Audiendus Eginbardus in Annal. postquam narravit discessum e Galliis Leonis papæ: « Quo dimisso, rex paucos dies ibidem (id est, Paderbornæ) moratus, legatum Michaelis patricii de Sicilia nomine Danielem, ad se missum absolvit. Accepit etiam triste nuntium de Geroldi et Erici interitu; quorum alter, Geroldus videlicet

Bajoariæ præfectus, commisso cum Hunis prælio, occidit; alter vero, id est, Ericus post nulla prælia et insignes victorias apud Tarsaticam Liburniæ civitatem insidiis oppidanorum interceptus atque interfactus est ». Regino quidem, annalista Metensis, et monachus Egolismensis non Paderborne, sed Aquisgrani, Carolum legationem illam suscepisse asserunt. Verum Eginhardo in Annalibus, Loiselianus ac Bertinianus annalistæ, et incertus auctor in Vita Caroli consentiunt, aiuntque: « In eadem expeditione legatus Michaelis Siciliæ præfecti, nomine Danihel, ad dominum regem venit, etc. ». Recte existimat Cointius hoc anno num. 49 obitæ legationis scopum esse potuisse, nt et Francos inter ac Graecos pax arctius firmaretur, et Siculis, si quod eis periculum a Saracenis Baleares insulas anno priore populatas imminaret, opem ferrent Franci.

**48. Duo Caroli proceres in Hunia occisi.** — Regino in Chronico ad hunc annum scribit: « Eodem anno gens Avarorum a fide quam promiserat, defecit, et Henricus dux Forojulianorum post tot victorias prospere gestas juxta Tharsicam Liburniæ civitatem insidiis civium oppressus est. Per id tempus Geroldus, cum esset Bajoariæ præfectus, commisso cum Avaribus prælio, interficitur, et in Augia sepelitur: de quo in visione Wetini legitur quod inter martyres sit adnumeratus ». Epitaphium Geroldi refertur a Causio tom. vi Antiq. Lect.

Mole sub hac magni servantur membra Geroldi,  
Iujus jura loci cunctis, qui viribus auxit.  
Pannoniis vera Ecclesia pro pace peremptus  
Oppetuit, savor, Septembribus, ense kalendis,  
Sideribusque animam dedit: artus Saxo fidelis,  
Abstulit, hic retulit, dignoque hic clausit honore:

**49. Carolus bello Hunico finem feliciter impunit.** — Geroldi mors Francis Boiisque animos auxit; hoc enim anno finis impositus est Avarico bello anno DCCXCI inchoato: « Maximum omnium », inquit Eginhardus in Vita Caroli M., « quæ a Carolo gesta sunt bellorum, prater Saxonum, bello contra Wilos successit illud, quod contra Aves sive Hunos susceptum est, quod ille et animosius quam cætera, et longe majori apparatu administravit. Unam tamen per se in Pannoniā (nam hanc provinciam ea geus tum incolebat) expeditionem fecit, cæteras filio suo Pippino ac præfectis provinciarum, comitibus etiam atque legatis perficiendas commisit. Quod cum ab his strenuissime fuisset administratum, OCTAVO tandem ANNO completum est. Quot prælia in eo gesta, quantum sanguinis effusum sit, testatur vacua omni habitatore Pannonia, et locus in quo regia Cagani erat, ita desertus, ut ne vestigium quidem in eo humanæ habitationis apparcat. Tota in hoc bello Hunorum nobilitas periit, tota gloria decidit, omnis pecunia et congesti ex longo tempore thesauri direpti sunt. Neque ullum bellum contra Francos exortum humana potest memoria recordari, quo illi magis

ditati et opibus aucti sint. Quippe eum usque in id temporis pâne pauperes viderentur, tantum auri et argenti in regia repertum, tot spolia pretiosa in præliis sublata, ut merito credi posset, hoc Francos Hunis juste eripuisse, quod Huni prius aliis gentibus injuste eripuerunt. Duo tantum ex proceribus Francorum eo bello perierunt; Ericus dux Foro-julii in Liburnia juxta Tarsaticam maritimam civitatem insidijs oppidanorum interceptus; et Gerhol-dus Bajoariæ præfectus, dum in Pannonia contra Hunos præliaturus aeiem strueret, incertum a quo, cum duobus tantum, qui eum obequitantem ac singulos hortantem comitabantur, imperfectus est. Cæterum incuruentum pâne Francis hoc bellum fuit, et prosperrimum exitum habuit, tametsi diu-lins sui magnitudine traheretur ».

20. *Britanni Cismarini a Caroli ducibus do-miti.* — Eginhardus in Annal. postquam Geroldi et Erici mortem narravit, subdit: « Rebus autem Saxonum (apud quos Paderburna sita erat) pro re-rum opportunitate, dispositis, rex in Franciam reversus est: et cum Aquisgrani hyemaret, Wido comes ac præfectus Britannie limitis, qui eodem anno cum sociis comitibus totam provinciam Bri-tonum perlustraverat, arma ducum qui se dedi-dere, inscriptis singulorum nominibus, detulit. Videbatur enim quod ea provincia tum esset ex toto subaeta, et fuisset, nisi perfidæ gentis instabi-litas eito animum aliorum, more solito, conver-tisset. Allata sunt et signa, que occisis in Majorica Mauris prædonibus erepta fuerunt. Et Azan Saracenus præfectus Oscae claves urbis cum aliis donis regi misit, promittens eam se dediturum, si oppor-tunitas eveniret ». Subdit Eginhardus *Carolum Natalem Domini* in palatio Aquisgranensi cele-brasse. Cismarinam Britanniam regno Francorum adjectit Clodoveus magnus; sed Britanni Francorum dominationem excutere sœpè tentarunt, et regium

etiam titulum plerumque affectarunt; at eos Fran-corum reges semper repressere.

21. *Caroli duces adversus Saracenos rem pro-spere gerunt.* — Idem Eginhardus in Annal. ad an-num ccxxi scribit: « Ipsa æstate capta est Barci-nona civitas in Hispania jam biennio obsessa: Zatim præfectus ejus et alii complures Saraceeni comprehensi ». Quare hujus urbis obsidio hoc anno inchoata. Quoad insulas Baleares, hæc de illis habet monachus Egolismensis in Vita Caroli: « Insulae Baleares, quæ anno priore deprædatæ sunt a Saracenis et a Mauris, postulato et accepto a domno rege auxilio, tradiderunt se illi, et defensæ sunt a prædonibus. Nam prælio facto Franci Mauros et Saraceenos prostraverunt, et signa sublata domno regi repræsentaverunt ». Ex quibus colligitur, Ba-learium insularum incolas auxilium a Carolo po-stulasse, seseque ei dedisse. In illis insulis sedes due episcopales fuerunt; una in primaria Majorice urbe, cui nomen *Palma*, hodie Majorica; altera in primaria Minoricæ civitate, cui nomen *Jamma*, ho-die *Citadella*. Suos etiam episcopos habuit *Ebusus* insula, aliquot milliaribus a Majorica dissita, et ab Hispanis *Iviça* appellata. In Notitia enim episco-porum Africæ a Sirmondo publicata, inter episco-pos, qui ab Hunericu Vandalorum rege in exilium ob fidem Orthodoxam missi sunt, memorantur *Macarius de Minorica*, *Helias de Majorica*, *Opilio* de Evuso. Fides in iis insulis sub Saracenorum do-minatu extineta fuerat, eum Jacobus Aragoniæ rex anno ccxxix Majoricam recuperavit, ibique epi-scopum statuit, cui Minoricam insulam paulo post captam subjecit. Recepta et ab eodem anno ccxxxv *Ebusus* insula, sed quia expeditionis caput fuit *Guillelmus Mongrius* archiepiscopus Tarragonensis hanc suæ diœcesi adjecit, ut videre est lib. 4 Marœ Hispanicæ pag. 526 et seq. Unus itaque Majoricæ episcopus tantum erat.

abbatiam enrabit. Sed renuit ipse, hæcque ad eundem rescripts inter alia<sup>1</sup> : « Sed et de hoc quidem mihi improperare voluistis, me fumo sordentia Turonorum teeta auratis Romanorum arcibus præponere. Seio vestram legisse prudentiam Salomonicum illud elogium<sup>2</sup> : Melius est, inquit, sedere in angulo domatis, quam cum muliere litigiosa in domo communi, et ut pax dictat : Magis ferrum nocet oculis, quam fumus ». Ha plane alludens ad Leonem Pontificem ferro excæcatum. Pergit autem : « Turonis enim fumosis tectis contenta, Deo donante, per vestræ bonitatis providentiam in pace permanet. Roma vero, quæ fraterna discordia initia est, mixtum dissensionis venenum hueusque tenere non cessat, vestraeque venerandæ dignitatis potentiam ad hujus partis cognoscendam perniciem e dulcibus Germaniæ sedibus testinare compellit, etc. » Scripta, inquam, videntur ista, dum Carolus Romanum cogitaret anno superiori, cum nondum missus in Urbem Leo fuisset, de quo in fine Epistolæ :

Qui tristis venit, redeat jam latus ad Urbem  
Per pia dona patris, consiliumque sacrum.  
Quod petit inveniens, quicquid speravit adeptus,  
Hinc Christo laudes hymnidicas referens.

Cum vero accepisset Albinus jam Carolum Romanum versus iter arripere, ipsi in via occurrentum putavit. Sed quæ ista præcesserint, quibusve itineribus se contulerit in Italiam, primo dicendum. Habent veteres Annales Francorum in Vita ejusdem Caroli Magni, ipsum hoc anno celebrasse sacrum diem Paschatis in Centulo, seu Centula apud S. Richarium : erat illuc insigne monasterium, quod ejus gener Angelbertus sive Engelbertus (utroque modo apud antiquos scriptus reperitur) erexit, ubi postea præfectus abbas vitam duxit angelicam. Aderat una cum Carolo tune inter alios Albinus Flaceus, qui et Alcuinus, illicque dum degerit, scripsit Vitam<sup>3</sup> ejusdem S. Richarii confessoris, in qua ita ad ipsum Carolum præfatus est Epistola nuncupatoria :

2. « Domino semper venerabili semperque desiderabili, piissimo sanctæ Ecclesiæ tutori, gratia Dei semper Augusto Carolo vestræ salutis perpes amicus Albinus ». Adjectum est postea nomen Augusti, quod consecutus est anno sequenti.

« Remorante vestræ excellentiæ pietate in loco sancto et merito venerabili Centula : cum et ego vestræ gloriæ servus, vestræ pietatis vestigia ibidem prosecutus, aliquantis per communorarer : oraverat parvitatem meam vir magnus in Christo, dominus et venerabilis abbas Angelbertus, quo in laudem Conditoris, qui mirabilis semper appetit in electis suis, quemadlibet libellum stylo simpliciori digestum de vita sanctissimi ac vere magnifici confessoris Richarii cultius annotarem, etc. » Adjecit ad finem

Præfationis more suo distichon, de eo quod illo libello contineretur, in hunc modum :

Gesta sacerdotis magni tenet iste libellus  
Richarii, cuius Centula corpus habet.

Scripsit et idem Albinus<sup>4</sup> Vitam quoque Wilembrordi, qui et Clemens dictus, quæ extat, et alia plura id genus.

Sed redeamus ad Carolum, qui recedens e Centulo per littus Oceani venit Rothomagum, inde per Sequanam profectus est ad seputerum S. Martini orationis causa : ubi et defunctam pridie nonas Junii Luitgardem conjugem sepelivit, piam valde feminam S. Liobæ virginis observantissimam, cuius res gestæ scriptis mandatae extant. Post hæc habuit conventum generalem Moguntiæ : inde iter Italianum versus arripuit, Ravennam cum pervenisset, ibi ordinata expeditione in Beneventanos, post septem dierum inducias Romanam versus dirigit iter, præmisso exercitu cum Pipino filio adversus Beneventanos, in Romanam Ecclesiam tunc infestos. Romanum vero pervenit ad octavum kal. Decembri.

3. *Carolus magnifice exceptus adstat Synodo, in qua quomodo papæ causa cognita sit.* — Quo modo autem exceptus fuerit ab ipso Leone Summo Pontifice, ex Francorum sæpe citatis Annalibus ita fideliter reddimus : « Pridie, inquit, quam Carolus Romanum veniret, Leo papa apud Numentum occurrit, et eum magna veneratione ibidem suscepit. Post cenam, qua simul refecti sunt, ibi illo manente, Pontifex ad Urbem processit. Posteroque die missis obviam Romanæ Urbis vexillis, ordinatis etiam atque dispositis per congrua loca tam peregrinorum, quam civium turmis, qui venienti laudes dicerent : ipse Leo cum clero et episcopis equo descendente, gradusque ascendentem suscepit ; dataque oratione, in Basilicam beati Petri, psallentibus cunctis introduxit. Facta sunt haec octavo kal. Decembri. Post septem vero dies, rex concione vocata, eur Romanam venisset, omnibus patefecit. Et exinde quotidie iis propter quæ venerat facienda operam impedit. In quibus ut maximum, ita difficillimum erat, quod primo inchoatum est, de investigandis videlicet, quæ Pontifici objiciebantur. Qui tamen, postquam nullus eorumdem criminum probator esse voluit, coram omni populo, in Basilica B. Petri Apostoli Evangelium ferens, ambonem conceredit, invocatoque sanctæ Trinitatis nomine, de objectis se criminibus jurejurando purgavit ». Haec Annales sub Ludovico Caroli Magni filio scripti, et ex aliis, a quibus Vita Caroli Magni contextur.

4. Sed quod ait : Postquam nullus eorumdem criminum probator esse voluit, alii habent, probator existeret. Hæc autem quomodo se habuerint, apud Anastasium satis accurate ita narrata reperties : « Fecit Carolus Magnus in eadem Ecclesia

<sup>1</sup> Albin. Ep. vii, tom. I. Antiq. lect. — <sup>2</sup> Prov. XII. — <sup>3</sup> Apud Sur. die XXVI April. tom. II.

<sup>4</sup> Apud Sur. die VII Nov. tom. VI.

congregare archiepiscopos et episcopos, abbates et omnes nobiles Francorum atque inlytos Romanorum, et sedentes pariter tam magnus rex, quam beatissimus Pontifex fecerunt residere sanctissimos archiepiscopos, episcopos et abbates, stantibus reliquis sacerdotibus et optimatibus Francorum et Romanorum, ut crimina, quae adversus alnum Pontificem dicta fuerant, examinarent. Qui universi archiepiscopi et episcopi et abbates unanimiter audientes dixerunt: Nos Sedem Apostolicam, quae est caput omnium Dei Ecclesiarum, judicare non audemus: nam ab ipsa nos omnes et vicario suo judicamur, ipsa autem a nemine judicatur, quemadmodum antiquitus mos fuit: sed sicut ipse Summus Pontifex consuevit, jubeat, canonice obediemus. At venerabilis vero Leo præsul inquit: Predecessorum Pontificum vestigia sequor, et de talibus falsis criminationibus, quae super me nequiter exarserunt, me purificare paratus sum.

« Alia vero die in eadem Ecclesia beati Petri Apostoli, in eorum præsentia amplectens venerabilis Pontifex sancta Christi quatuor Evangelia, coram omnibus ascendit ambonem, et sub jure jurando clara voce dixit: Quia de istis falsis criminibus, quae super me imposuere Romani, qui inique me persecuti sunt, scientiam non habeo, nec talia egisse me cognosco. Et hoc peracto, omnes archiepiscopi, episcopi et abbates, et cuncti clericis litania facta, laudes dedere Deo atque Dei Genitrici semperque Virgini Mariae Domini nostræ, et B. Petro Apostolorum principi omnibusque sanctis Dei ». Habetur autem totidem verbis concepta ipsa formula purgationis, a Leone Pontifice facta, in hunc modum:

5. « Nota rekest, fratres charissimi, malos adversum me homines insurrexisse, meque ac vitam meam gravissimis criminibus infamasse. Cujus rei cognoscendæ gratia clementissimus hic ac serenissimus rex Carolus una cum sacerdotibus ac principibus suis in hanc Urbem se contulit. Quamobrem ego Leo Pontifex S. R. E. a nemine judicatus, neque coactus, sed mea voluntate impulsus, purgo me, præsentibus vobis coram Deo et angelis ejus, qui conscientiam novit, et B. Petro principe Apostolorum, in cuius conspectu consistimus, neque sceleratas res, quas mihi objiciunt, perpetrasse, neque perpetrari jussisse, Deum testans, in cuius judicium venturi sumus, et in cuius conspectu consistimus. Et hoc facio, non legibus ullis obstrictus, neque hanc consuetudinem aut Decretum in sancta Ecclesia successoribus meis et fratribus coepiscopis imponere cupiens, sed ut certius inquis vos suspicionibus liberem ». Hæc ex sacris rilibus Romanæ Ecclesiae prodita sunt. Porro hæc ibi gesta traduntur ante Natalem diem Domini.

6. *Carolus Magnus coronatur imperator; de qua re amplissima dissertatio.* — Qui autem annos Redemptoris a Natali die Domini auspicari sunt

soliti, in sequentem rejiciunt annum coronationem ipsius Caroli Magni in imperatorem, quæ ipso die Natali Domini facta est; qui autem a kalendis Januarii initium anni sumere consueverunt (ut et nos facimus) hoc cerle anno ipsam ponere necesse habent. De qua hæc apud Anastasium leguntur: « Post haec adveniente die Natali Domini nostri Jesu Christi, in jam dicta Basilica beati Petri Apostoli omnes iterum congregati sunt: et tunc venerandissimus alminicus Pontifex manibus suis propriis pretiosissima corona coronavit eum. Tunc universi fideles Romani videntes tantam defensionem et dilectionem, quam erga sanctam Romanam Ecclesiam et ejus vicarium habuit, unanimiter altisona voce, Dei nutu atque beati Petri clavigeri regni cælorum exclamaverunt, CAROLO PISSIMO AUGUSTO A DEO CORONATO, MAGNO, PACIFICO IMPERATORI VITA ET VICTORIA. Ante sacram Confessionem beati Petri Apostoli plures sanctos invocantes, ter dicunt est ab omnibus, et constitutus est imperator Romanorum. Illico sanctissimus auctores et Pontifex unxit oleo sancto Carolum et excellentissimum filium ejus regem in ipso die Natali Domini nostri Jesu Christi ». Theophanes vero coronatum tradit Carolum [a Romano Pontifice kalendis Januarii Indictionis nonæ, verum errore labitur, Latinis omnibus adversantibus.

7. Non omisit idem imperator juramento tunc se obligare Romanæ Ecclesiae defensorem: quod jusjurandum his verbis concipi a posteris etiam consuevit. « In nomine Christi spondeo atque pollicor ego Carolus imp. coram Deo et beato Petro Apostolo, me protectorem ac defensorem fore hujus sanctæ Romanæ Ecclesiae in omnibus utilitatibus, quatenus divino fultus fuero adjutorio, prout sciero, poteroque ». Hæc in sacerorum libro rituum, quem vetustas Romanum ordinem appellavit. Dum agit de eodem a Leone coronato imperatore Eginhardus, id ipso Carolo nihil præsciente, factum affirmat atque ait: « Romanum veniens propter reparandum, qui nimis conturbatus erat, Ecclesie statum, ibi totum hiemis tempus protraxit, quo tempore imperatoris et Augusti nomen accepit, quod primo tantum aversatus est, ut affirmaret se, eo die, quamvis præcipua solemnitas esset, Ecclesiam non intraturum fuisse, si consilium Pontificis præscire potuisset. Invidiam tamen suscepti nominis, Constantinopolitanis super hoc indignantibus, magna tulit patientia, vicitque eorum contumaciam magnanimitate, qua eis proculdubio præstantior erat, mittendo ad eos crebras legationes, et in Epistolis fratres eos appellando ». Quinam autem isti fuerint, idem auctor superius docet, his verbis:

8. « Imperatores etiam Constantinopolitani Nicephorus, Michael et Leo ulti amicitiam et societatem ejus expertentes, complures ad eum misere legatos, cum quibus tamen propter susceptum a se imperatoris nomen, et ob hoc quasi qui imperium eis subripere vellet, valde suspecto, fœdus

tirmissimum statuit, ut nulla inter partes cuiuslibet scandali remaneret occasio ». Subjicit idem auctor petitum tunc a Leone Pontifice, sicut antea factum fuerat ab Hadriano, ut idem Carolus imperator ueste uteatur, chlamyde scilicet, ait enim : « Peregrina vero indumenta quamvis pulcherima respuebat, nec unquam eis indui patiebatur, excepto quod Romæ semel Hadriano Pontifice petente, et iterum Leone successore ejus supplicante, longa tunica et chlamyde amictus, et calceis Romano more formatis, inductebatur ». Hac tenus Eginhardus, qui cum esset a secretis eidem Carolo Magno, rei geste interfuisse putatur.

At non ipse tantum et Anastasius de collata per Leonem Romanum Pontificem imperiali dignitate Carolo Magno sunt testes, sed et fatentur id ipsum (ut uno verbo dicam) Latini omnes et Graeci auctores, utpote de re haud intra parietes domesticos gesta, sed in ipso orbis theatro, Urbe Romana, in amplissima Basilica Vaticana, non solum Romanis ipsis præsentibus atque spectantibus, sed quotquot ex toto Christiano orbe solerent illuc religionis causa confluere, peregrinis, et ipsis, quos idem Carolus secum duxerat exercitibus.

9. Rem tantam considerans, tu velim lector, in primum auctorem horum omnium bonorum conjicias oculos, in ipsum omnipotentem Deum optimum, maximum, sciasque secundum divinum illud oraculum<sup>1</sup> : « Quod dominatur excelsus in regno hominum, et cuicumque voluerit dabit illud, et humillimum hominem constituet super eum ». Et quod ipse verbis istis confirmat<sup>2</sup> : « Per me reges regnant, per me principes imperant ». Intelligasque pariter, tanla ista gravi divini judicii statera pensari, nec quicquam posse sibi sumere homines quantumlibet violenti, nisi ipse rerum Dominus<sup>3</sup> dederit; de his enim hæc sunt divina eloquia<sup>4</sup> : « Regnum a gente in gentem transfertur propter injustias, et injurias, et contumelias, et diversos dolos ». Et datur a Deo (si meruerit populus) optimo principi. Secundum quod ibidem scriptum est<sup>5</sup> : « In manu Dei potestas terræ, et utillem rectorem suscitabit in tempus super illam ». Id quod ipse Redemptor dixit<sup>6</sup> : « Auficeretur a vobis regnum Dei, et dabitur genti facienti fructus ejus ».

Hæc idecirco proposuisse voluimus, ne quod per ministerium hominis factum appareat, id humanitus et non divinitus actum putetur. Dei autem id fuisse consilium, satis perspicue declararunt eventa, secundum<sup>7</sup> veram illam Gamalielis in concilio Iudaeorum sententiam : « Si est ex hominibus consilium hoc aut opus, dissolvetur; si vero ex Deo, non poteritis dissolvere illud ». Quod igitur id quod per Leonem Pontificem factum est, ut translatum ante Occidentale imperium in Orientem revocatum fuerit in Occidentem, et semper steterit,

et hactenus perseveret, nonnisi divino consilio id factum esse, vel fieri potuisse, nemo prudens inficias ire poterit. Sed et quod totum id sit opus Dei, utique ut quod factum est, ita fieret per Romanum Pontificem totius Christianæ religionis antistitem, aequa divina dispositio fuit.

10. Quis enim negandum putet, concessum Christi Ecclesiæ, quod scimus traditum Synagogæ? in qua Deus per ministerium sacerdotum, ut voluit, abstulit et transtulit regna, novosque divinæ ex voluntatis arbitrio reges instituit. Ita per Samuelem primum Iudeorum regem Saulem creari<sup>1</sup> voluit, et per eundem ex ipso in Davidem<sup>2</sup> transferri. Sic et per Eliam<sup>3</sup> et Eliseum transmitti regnum e domo Achab in Jehu, et restitui illud rursum per Joiadam<sup>4</sup> sacerdotem. Sic pariter etiam externum regnum Syriæ disponi voluit per Eliam, dum jussit ei, ut Hazaël<sup>5</sup> famulum regis Benhadad ungeret regem Syriæ.

Secundum ergo quod dictum est a Domino ad Jeremiam<sup>6</sup> : « Constitui te hodie super gentes et regna, ut evellas et destruas et dissipes, plantes et aedifices », impleri id voluit in Ecclesia sua, de qua mystice dictum<sup>7</sup> : « Major erit gloria domus hujus quam primæ ». Nempe præstantiore fore Ecclesiæ gloriam, quam Synagogæ. Sed et ministros novæ legis longe superare gloriæ splendore ministros antiquæ legis, firmissima assertione Paulus<sup>8</sup> docuit verbis illis : « Si ministratio mortis litteris deformata in lapidibus fuit in gloria, ita ut non possent intendere filii Israel in faciem Moysi propter gloriam vultus ejus, quæ evanescatur: quomodo non magis ministratio Spiritus erit in gloria? Nam si ministratio damnationis in gloria est, nullum magis abundat ministerium justitiae in gloria ». Si igitur in Veteri Testamento per sacerdotes servos suos voluit Deus reges institui, et regna transferri: quomodo non et id concessum ab eo dixerimus sacerdotibus novæ legis?

11. Ista quidem ex convenientia: ex qua pariter asserendum, quod cum in Ecclesia (ut est omnium Orthodoxorum sententia) super omnes emineat visible caput Romanus antistes, jureque semper prædicatus ipse Catholicæ Ecclesiæ episcopus: ista per ipsum præstari conveniens fuisse, quisque sapiens affirmabit, consentietque æque conveniens extitisse, translationem istam, de qua est sermo, impleri potissimum debuisse per talem sanctissimum Pontificem, mitissimum super omnes homines, super quem Deus præ cæteris ostendisset omnipotentiam suam, cripiendo eum de manibus hostium, et sanando immaniter trucidatum; quem et oculis orbatum, et lingua radicitus præciscum, tanto miraculo videntem reddidisset atque loquentem; cum alioqui etiam per ministros aliquando, qui male audirent, suam in his perfici-

<sup>1</sup> Dan. iv. — <sup>2</sup> Prov. viii. — <sup>3</sup> Joan. xix. — <sup>4</sup> Eccl. x. — <sup>5</sup> Ibid. — <sup>6</sup> Matth. xxi. — <sup>7</sup> Act. v.

<sup>1</sup> 1. Reg. ix. x. — <sup>2</sup> 1. Reg. xvi. — <sup>3</sup> 3. Reg. xix. 4. Reg. ix. — <sup>4</sup> 2. Par. xxiii. — <sup>5</sup> 3. Reg. xix. — <sup>6</sup> Jerem. i. — <sup>7</sup> Agg. ii. — <sup>8</sup> 2. Cor. iii.

vulerit voluntatem ; uti accidit de eo, qui missus est ungere Jehu in regem<sup>1</sup> : licet enim putaretur insanus et diceretur falsa locutus : movit tamen Deus animos eorumdem, qui talia de eo crederent ac prædicarent, ut ejus dictis fidem adhiberent et obediarent, et que essent ab eo dicta, suo ministerio adimplerent. Tanta est vis divinae potentiae, ut quæ Deus vult, per quem vult (qualicumque is sit) impleri velit, frustra omnibus repugnanlibus.

42. Quod igitur (uti ostendimus) conveniens fuit per Leonem impleri, pariter decens fuisse in Carolo Magno expleri, nemo puto erit, qui secus senserit, utpote viro piissimo, fortissimo, mitissimo, justissimo, adjice et doctissimo, de Ecclesia Catholica, et statu publico semper in omnibus optime merito, optimis Christianis principibus in omnibus coæquando, et in multis etiam præfrendo. Si cui igitur fuit istiusmodi beneficium divinitus conferendum, per quem polius, quam per Leonem, et in quem melius, quam in Carolum ? Sed et quando opportunius, quam hoc tempore ? Jacebant absque possessore titulus juraque Occidentalis imperii, a Græcis ob hæreses, quibus pertinacius inhæsissent, juste Pontificia auctoritate sublata : nec enim dignus est habitus Constantinus, licet Catholicus, et de fide Catholica bene meritus videretur, cui restitui deberet, utpote qui ablatos a prædecessoribus hæreticis imperatoribus archiepiscopatus et episcopatus, qui essent immediate sub juribus Romanæ Ecclesiæ, et dempta ejusdem amplissima patrimonia, admonitus licet per Hadrianum Pontificem, minime restituere voluisse, ob quam causam ejus sententia excommunicandus esset, atque hæreticus decernendus. Sunt ista omnia expressa in fine Epistolæ ejusdem Hadriani Pontificis ad Carolum magnum data pro defensione Nicæni secundi Concilii.

43. Sed quod conveniens fuisse dictum est, idem pariter utile et necessarium etiam extitisse, si quis tempora posteriora consideret, non negabit. Quam deformè et penitus indecens esset, ut Orientali imperio in deterius, atque in ruinam penitus prolabente, posteriores qui fuerunt schismatici ab Occidentali Ecclesia divisi, iidem dicerentur Occidentalis orbis imperatores, cui nec religione communicarent ? Sed quanto deformius ut ideum jus ac titulus propagarelur in Turcas Christianæ religionis infensissimos hostes, in quos Dei indignatione, in ultionem populorum schismaticorum, traditum est destruendum potius quam regendum Orientis imperium ? Quo nomine plurimas omnium bonorum auctori Deo optimo maximo gratias agendas esse, sed et tantæ rei ministro Leoni Pontifici esse pariter persolvendis, fidelis nemo negabit, nisi Novator hæreticus, Catholice Ecclesiæ perduellis, et Romanorum Pontificum infensissimus hostis, suomet judicio condemnatus extra corpus Ecclesiæ exulare, qui communī totius corporis

bono non gaudeat, sed secundum illud Davidicenm<sup>1</sup> : « Peccator videbit et irascetur , dentibus suis fremet et tabescet », doleat infelix, obtrectet, furat, clamet, stridat, adversariumque stylum excusat.

44. Quod autem ex convenientia, utilitate exigente, et necessitate poscente, Deo volente, factum diximus : id ipsum ex insita ipsi Romano Pontifici concessa divinitus auctoritate fuisse impletum, pariter affirmamus. Neget si quis ista, plane impius et infidelis ac rerum Ecclesiasticarum penitus crudis esse convincitur. Convertat iste oculos in antiquiorem Ecclesiam, quam dicimus Synagogam, et videbit sacerdotes antiquæ legis ejusmodi auctoritate nou caruisse, fuisseque apud eos Concilium magnum Iudeorum pontificum ac primarii summiique omnium sacerdolis, penes quos inter alia potestas esset, de regibus judicare, ut si causa exigeret, e throno dimitteret, et in ejus locum alium subrogaret, quorum amplissimam potestatem Herodes tyrannus ejus iudicio postulatus aliquando veritus, ejusmodi Concilium mutavit, occisis illis, suspectis aliis, quos sciret sibi consentientes, ut Josepho auctore, tomo primo Annalium, suo loco narravimus. Dixerisne lu, Christi Ecclesiam ejusmodi potestate caruisse, que etiam in Synagoga vigebat ? cum ampliora charismatum dona collata esse Christi Ecclesiæ quam Synagogæ, fuerit semper absque controversia una semper omnium Orthodoxorum sententia ?

45. Hanc potestatem esse in Ecclesia Dei, et in ipso Pontifice primario residere, posseque ipsum, si causa postulet, Apostolica plenissima potestate infestum Ecclesiæ regem, sive imperatorem deponere, inque locum ipsius justum et pium sufficere, ex Dei verbo, jure divino et lege naturæ necessaria assumptione probari, exploratissimum est.

Si enim Christi verbo unus in primis a Christo Redemptore jussus est Petrus pascere suas<sup>2</sup> oves, pascere agnos : ex ovium Christi numero demoveas necesse est reges et imperatores, si a Petri eos segreges pastorali regimine atque censura ; ut opus sit inter<sup>3</sup> hædos colloces, quos ab ovibus segregas ; nisi velis eos potius inter leones, lupos, dracones, et alias feras bestias numerare : sed et de his æque Petro dictum scias<sup>4</sup> : « Occide et manduca ». Verum inler Christi oves recensendos esse principes omnes, nemo Orthodoxorum aut hæreticorum hactenus dubitavit, cum secus sentire nihil aliud sit, quam eos inter reprobos collocare.

46. Cum igitur superiori tomo, et aliis omnibus sequentibus, doctrina et exemplis frequentissime iteratis sit clarissima luce demonstratum, Romanum Pontificem præsidere Patrem atque pastorem Ecclesiæ universæ, idque semper fuerit a sanctis Patribus cognitum et declaratum, et præsenti sæculo nostro plurimorum scriptione libro-

<sup>1</sup> 3. Reg. ix.

<sup>2</sup> Psal. xi. — <sup>3</sup> John. xxi. — <sup>4</sup> Matth. xxv. — <sup>4</sup> Act. x.

rum a veris Orthodoxis iisdemque doctissimis adversus novatores hæreticos demonstratum: si Pontifex Romanus est pastor, utique et principes oves illi subjici (si non insanis) debeas affirmare, et ipsum his praesesse debere, simul asserere. Ex quo ordine hierarchico necessario sequitur, ut si quævis ovium erret, corrigenda sit a pastore. Et si error adeo sit perseverans, ut non solum nolit ipsa sanari, sed querat alias perdere, plane fatui et non prudentis pastoris erit, eam non extra gregem abjicere. Sed da aliquem non existentem ovem, sed mentientem, oviumque pelle contextum lupum includere, quid aget pastor? quid ipsi faciendum omnes alii suadebunt, nisi longe procul (quisquis iste fuerit) abjicere? nec est istud politicum statum destruere, sed perficere et conservare.

47. Etenim natura docet hoc ipsum, ut præsens animus corpori, sectionem imperet putridi membra, cujus sit desperata curatio<sup>1</sup>. Sumus nos invicem membra, et omnes unum corpus in Christo, in quo caput cæteris præstare membris quis neget, et animam corpori imperare quis dubilet? divinamque potestatem humanæ, cælestem terrenæ, spiritualem carnali præsesse debere quis non affirmet? Ita Paulus, qui ad conservationem politici status hæc dixit<sup>2</sup>: « Omnis anima potestatis sublimioribus subdita sit », de principibus loquens. Sed idem dicit cunctis Christianis, simulque principibus<sup>3</sup>: « Obedite præpositis vestris, et subiacete eis: ipsi enim per vigilant, quasi rationem pro animalibus vestris reddituri ». Idemque in omnes discolors vigilare Apostolicam disciplinam sic docet<sup>4</sup>: « Arma militiae nostræ non sunt carnalia, sed potentia Deo ad destructionem munitionum ». Et paulo post: « In promptu habentes ulcisci omnem inobedientiam, etc. » Et Petrus qui dicebat<sup>5</sup>: « Subjecti estote omni humanæ creaturæ propter Deum, sic regi, quasi præcellenti, etc. » Idem versus male judicantes sublimiores potestates<sup>6</sup>: « Oportet, inquit, obedire magis Deo, quam hominibus ». Et qui dixit episcopis<sup>7</sup>: « Pascite qui in vobis est gregem Dei, providentes non coacte, sed spontanee, et non dominantes in clero, sed forma facti gregis ex animo ». Idem ipse<sup>8</sup> Ananiam et Saphiram mentientes Spiritui sancto interfecit spiritu oris sui; ut intelligeret unusquisque, sic in divinis verbis insinuari humilitatem, ut velit Deus conservatam esse in omnibus potestatem.

48. Hinc factum est ut Gregorius Magnus, idemque ejus nominis primus, mitissimus super omnes homines, et corde humillimus, pro conservatione tamen honorum xenodochii et monasterii ipsos Francorum reges regno privet, si quid ab eisdem abstulerint piis locis. Nam in privilegio concesso Augustodunensi xenodochio, hæc ad finem ipsius habet<sup>9</sup>: « Si quis vero regum, sacerdotum,

judicium, ac personarum sacerdotalium hanc Constitutionis nostræ paginam agnoscens, contra eam venire tentaverit, potestatis, honorisque sui dignitate careat ». Habet eadem<sup>1</sup> in Privilegio concesso monasterio S. Medardi Suessionensi. Si igitur ob unius hospitalis domus, vel monasterii unius invasa a regibus bona, eis S. Gregorius regno privationem comminetur: quid agant successores ejus, cum viderint reges et imperatores universam Ecclesiam, sive bellorum vi, sive hæresibus presumdare? ut non mireris si alter Gregorius ejus nominis secundus æque sanctus imperatorem hæreticum et invasorem rerum Ecclesiæ Romanæ in Oriente (ut vidimus) privaverit juribus Occidentalibus imperii, quæ hic Pontifex, de quo est sermo, contulit meritissimo Carolo Magno Ecclesiæ defensori.

49. His offensum crabronum examen excitatum exsurgit, et exerto aculeo obvium quemque petit. Talis est Novatorum hujus temporis schola, cujus qui in historica facultate apud eos esse profitabatur antistes, commentarium<sup>2</sup> scripsit adversus eos, qui assererent collatum esse Occidentis imperium per Reinanum Pontificem in Carolum Magnum: quam quidem scriptiōnē si quis mendaciorum nuncupaverit officinam, proprio quidem titulo mendax opus inscripserit. Cum nescio an quis aliis sit inveniri hujus temporis scriptor, qui plura, majora, patentiora dicam et potentiora, ac magis deformia, una simul in uno volumine, mendacia coacervaverit. Qui ista non credit, et figura hyperbolis, amplificationis causa nos uti existimet; inspiciat ipse oculis easdem, tanquam in nundinis palam expositas merces patentes omnibus factas. Qui enim ejusdem officinæ aldita penetravit, veritatis lucerna singula perscrutatus, quæ tenebrarum erant offusa caligine qualia essent non omnibus nota, jam adversaria scriptiōne palam fecit, et cunctis perspicue demonstravit vir doctissimus Bellarminus, hodie collegii Apostolici decus et ornamentum, cardinalis amplissimus, qui id, quod conatus est, adeo est feliciter consecutus, ut nobis vel aliis non sit admodum laborandum, sed gratulandum potius, uti potentissimo vindici veritatis; agendæque gratiæ quod labore plurimo liberaverit immittendi falcem in adeo densam immensamque mendaciorum silvam: nam contemnendus est potius, quam confutandus ille, qui mendaciorum frigidus defensor accedens, post collapsos tuba<sup>3</sup> Josue muros Jericho, levem maceriem excitavit, quæ sponte corrut, indigna penitus, ut ad ejus demolitionem iterum buccina sacerdotalis insonet.

50. Cum igitur Dei et Apostolicæ Sedi gratia totum hoc, quod acceperunt, Occidentalis orbis imperatores se consecutos intelligent: par est ultrisque Deo atque Apostolicæ Sedi gratos esse, non inimicemores, quod cujus facultatis est dare, ejus-

<sup>1</sup> Rom. XIII. — <sup>2</sup> Rom. XIII. — <sup>3</sup> Hebr. XIII. — <sup>4</sup> 2. Cor. X. — <sup>5</sup> 1. Petr. II. — <sup>6</sup> Act. V. — <sup>7</sup> 1. Petr. V. — <sup>8</sup> Act. V. — <sup>9</sup> Greg. I. XI. Ep. X. Ind. VI.

<sup>1</sup> Greg. I. XII. Ep. XXXII. Ind. VII. — <sup>2</sup> Suggillat anclor Centuriores, et eorum principem Matthiam Illyricum. — <sup>3</sup> Jos. VI.

dem est potestatis adimere, et pro Ecclesia sancta sua exsurgere vindicem Christum Dominum, qui est comminatus Hebraeis: « Auferetur<sup>1</sup>, inquit, a vobis regnum Dei, et dabitur genti facienti fructum ejus ». Quod quidem cum eis atque cum aliis gentibus saepe factum, produnt saeculis cunctis Annales. Sed magna Dei benignitate inde parta est imperio Occidentalı securitas. ut maneat semper, quia aedificata est supra petram tanta moles structuræ: quod<sup>2</sup> Domini verba demonstrant, et exempla declarant. Stetit enim immobile et inconsumsum, percussum licet et exagitatum valde imperium Orientis, quandiu ejus inhæserunt fundamenta petrae; ubi vero eadem saepe nutantia sunt inde omnino dimota: mox totum corruit ingenti fragore, nec amplius exsurrexit. Sed jam cœptam historiam prosequamur.

**21. Carolus munificus erga Ecclesias, reorum punitor.** — Quas autem tunc post coronationem idem Carolus oblationes obtulerit Romanis Basilicis, habes apud Anastasium verbis istis: « Post celebrationem missarum obtulit ipse serenissimus dominus Carolus imperator mensam argenteam cum pedibus suis, pensantem libras..... Sed et in Confessione ejusdem Dei Apostoli una cum præcellente filio suo rege et filiabus diversa vasa ex auro purissimo in ministerium ipsius sancti, pensantia libras..... sed et coronam auream cum gemmis majoribus, quæ pendet super altare, pensantem libras quinquaginta quinque, et patenam auream majorem cum gemmis diversis, pensantem libras triginta, et calicem majorem cum gemmis et ansis duabus, pensantem libras octo. Item calicem communiorum fundatum cum scyphone, pensantem triginta septem libras: imo et calicem alium majorem fundatum, pensantem libras triginta sex.

« Obtulit et super altare sanctissimum B. Pauli Apostoli mensam argenteam minorem cum pedibus, pensantem libras quinquaginta quinque, cum diversis vasis miræ magnitudinis, quæ ad usum ipsius mense pertinent.

« Item in Basilica Salvatoris Domini nostri, quam Constantinianam vocant, obtulit Crucem cum gemmis hyacinthinis, quam almificus Pontifex in litania præcedere constituit, secundum petitionem ipsius piissimi imperatoris. Item et altare cum columnis argenteis et ciborio, verum etiam et Evangelium ex auro mundissimo cum gemmis ornatum, pensans libras.....

« Item et in Basilica Dei Genitricis Ad præsepe oblulit sicutumaca argentea majora, pensantia libras..... » Hucusque de oblationibus Caroli imperatoris. Post haec vero de exitio perditissimorum damnatorum hominum ista subiecti:

**22.** « Postmodum vero dum deducti fuissent ini quisissimi illi malefactores, videlicet Paschalis et Campanulus, et sequaces eorum in præsentia piissimi domini imperatoris, circumstantibus nobilissimis

Francis et Romanis, et omnes simul exprobrantes de malis ipsorum consiliis et operationibus, increpabat Camputus Paschalem, dicendo: Mala hora faciem tuam vidi, eo quod tu me misisti in istud periculum, et cæteri similiter, alter alterum condemnans, manifestabant suum ipsorum reatum. Quos cum tales iniquos cognovisset piissimus imperator, in partes Francie misit ». Hucusque de his apud Anastasium.

Eodem autem die, quo Leo Pontifex coram populo se purgavit<sup>1</sup>, « Zacharias presbyter, qui anno superiori missus fuerat ad loca sancta Iherosolymam cum eleemosynis, bene perfuncto legationis munere, cum duobus monachis, uno de monte Oliveti, altero de Sabæ monasterio de Oriente reversus, Romam venit, quos Joannes patriarcha ad regem misit: qui benedictionis causa claves sepulcri Dominicæ ac loci Calvariae, claves etiam civitatis et montis Oliveti cum vexillo detulerunt. Quos rex benigne suscipiens, aliquot dies secum delinuit, et Aprili mense sequentis anni remuneratos absoluit ». Hæc ex Annalibus Francorum in Vila Caroli Magni.

**23.** Scribit Eginhardus, ipsum regem Sarracenorum, Aaron dictum, dono dedisse locum illum venerandi sepulcri ipsi Carolo. Suntemus hæc verba Eginhardi: « Cum Aaron rege Persarum, qui, excepta India, totum pene tenebat Orientem, tales Carolus habuit in amicitia concordiam, ut is gratiam ejus omnium, qui toto orbe terrarum erant, regum ac pontificum amicitiae præponeret, solumque illum honore et amicitia sibi colendum judicaret; ac proinde cum legati ejus, quos cum donariis ad sacratissimum Domini ac Salvatoris nostri sepulcrum, locumque Resurrectionis miserat, ad eum venissent, et ei domini sui voluntatem indicassent, non solum, quæ petebant, fieri permisit, sed etiam sacram illum et salutarem locum, ut illius potestati adscriberetur, concessit, et revertentibus legatis suos adjungens, inter vestes et aromata, et cæteras Orientalium terrarum opes ingenitæ illi dona transmisit, cum ei paucos ante annos, eum, quem tune solum habebat, mitteret elephan tem ». Hæc Eginhardus.

Sed de his monendus lector, quod cum sit de Carolo scriptum, quod recuperaverit Terram sanctam, quod ejusmodi claves acceperit: error ex eo natus, quod id factum armis dixerunt atii. Sed non nisi donatione regis Sarracenorum id evenisse constat. Verum non hoc anno gesta sunt ista, cum paucos post annos a missa elephante accidisse testetur: cum tamen elephantis donum sequenti anno contigisse, suo loco dicturi sumus, ubi et de legatione ab eodem rege missa ad Carolum agemus anno sequenti. Hoc anno, quo expeditio Caroli Magni aduersus Beneventanos viguit, Grimoaldo duce eidem refragante, contigit, quod Agobardus archiepiscopus Lugdunensis narrat accidisse prodigium in

<sup>1</sup> Matth. xxi. — <sup>2</sup> Matth. viii.

<sup>1</sup> Vita Caroli Magni hoc anno.

Gallis, quod creditum opera Grimoaldi factitatum : ait enim<sup>1</sup> :

« Ante hos paucos annos disseminata est quædam stultitia, cum esset mortalitas boum, ut dicebant Grimoaldum ducem Beneventanorum transmisso homines eum pulveribus, quos spargerent per campos, et montes, prata et fontes, eo quod esset inimicus Christianissimo imperatori Carolo; et de ipso sparso pulvere mori boves. Propter quam causam multos comprehensos audivimus, et vidimus, et aliquos occisos, plerosque autem affixos tabulis in flumen projectos atque necatos : et quod mirum valde est comprehensi ipsi adversus se dicebant testimonium, habere se talem pulverem, et spargere. Illa namque diabolus occulto et justo Dei judicio, accepta in illos potestate, tantum eis succeedere (suggerere) valebat, ut ipsi sibi essent testes fallaces ad mortem et neque disciplina, neque tortura, neque ipsa mors deterrebat illos, ut adversum semetipsos

falsum dicere non anderent. Hoc ita ab omnibus credebatur, ut pœne pauci essent, quibus absurdissimum videretur. Nec rationabiliter pensabant undevieri posset talis pulvis, de quo soli boves morentur, non cætera animalia ; aut quomodo tantus portari posset per tam latissimas regiones, quos super spargere pulveribus homines non possunt, nec sibi Beneventani viri, et feminæ, senes et juvenes cum ternis carris, pulvere<sup>1</sup> carricatis egressi de regione fuissent. Tanta jam stultitia oppressit miserum mundum, ut nunc sic absurde res credantur a Christianis, quales nunquam antea ad credendum poterat quisque suadere pagani, Creatorem omnium ignorantibus. Itanc itaque rem propterea ad medium deduximus, quia huic, unde loquimur, similis est : et exemplum poterat vel (velut) exemplum tribuere de inani seductione, et vera sensus diminutione.

<sup>1</sup> Agob. cont. insulsam opin. vulgi de grand. et tonitr. in fin.

<sup>1</sup> Idiotismus pro onustis.

Anno periodi Graeco-Romanæ 6293. — Anno Aëris Hispan. 838. — Anno Hegiræ 184, inchoato die 31 Januar., Fer. 5. — Jesu Christi 800.

— Leonis III papæ 6. — Caroli imp. 1. Irenæ iterum 5.

1. *Gesta hoc anno a Carolo.* — Ad num. 1 et seq. Annalista Lambecianus, qui hoc tempore vivebat, ait : « DCCE. Ipsam hyemem resedit apud Aquis-Palatio, et circa Quadragesimæ tempus circuivit villas suas, seu etiam corpora sanctorum, usque dum post Pascha pervenit Torones, ubi corpus beati Martini requiescit ; et fuerunt cum eo filii sui Carolus et Pippinus. Sed et Clodoveus (id est, Ludovicus) ibi advenit filius ejus, neenon Liudgardis conjux domni regis ibi defuneta est, et facta ibi oratione solemniter, et cum pace reversus est ad propriam sedem. Et in aestivo tempore congregavit optimates et fideles suos ad Moguntiam civitatem, et cum cognovisset undique per omnes fines suos pacem, rememoravit de injuria, quam Romani Apostolico Leoni fecerunt, et direxit faciem suam, ut iret partibus Romæ, et ita fecit. Et ibi fecit conventum maximum episcoporum seu abbatum cum presbyteris, diaconibus et comitibus seu reliquo Christiano populo, et ibi venerunt in præsentia, qui ipsum Apostolicum condemnare voluerunt; et cum cognovisset rex, quia non propter aliam justitiam, sed per invidiam eum condemnare volebant, tune

visum est et ipsi piissimo principi Carolo et universis episcopis et sanctis Patribus, qui ibi adfuerunt, ut si ejus voluntas fuisset, et ipse petisset, non tamen per eorum judicium, sed spontanea voluntate se purificare debuisse, et ita factum est. Et ipso sacramento expleto incipiebant illi sancti episcopi cum universo clero, seu ipso principe Carolo cum devoto Christiano populo hymnum **TE DEUM** laudamus, Te Dominum confitemur. Quo expleto et ipse rex et universus populus fidelis cum eodabant laudem Deo, quia ipsum Apostolicum Leonem et sanum in corpore et in animo custoditum meruerunt habere ; et ipsam hyemem Romæ fecit ». Idem habet chronographus Moissiacensis, nisi quod post hæc verba, « et fuerunt cum eo filii sui Carolus et Pippinus et Ludovicus », vel ipse chronographus vel potius aliquis interpolator ista subjecit, « et disposuit regnum filiis suis ». At de regni illa divisione tunc a Carolo inter filios facta nullus annalistus mentionem fecit, eaque sine dubio fictitia.

2. *Classem instituit adversus Normannos Gallias infestantes.* — Carolus « medio Martio mense Aquisgrani palatio digrediens littus Oceani Gallie

perlustravit, in ipso mari, quod tunc piratis infestum erat, classem instituit, præsidia dispositi, Pascha in Centulo apud sanctum Richarium celebravit. Indeque iterum per littus Oceani Ratumagum civitatem profectus est : ibique Sequana amne transmisso, Turonis ad sanctum Martinum orationis causa pervenit, moratus ibi dies aliquot propter adversam dominæ Liudgardæ conjugis valetudinem, quæ ibidem et defuncta et humata est. Obiit autem die pridie non. Jun. Inde per Aurelianos ac Parisios regressus Aquisgrani reversus est », inquit annalist Loiselianus, cui Metensis et Bertinianus cum Eginhardo in Annal. consentiunt, nisi quod Eginhardus habeat, « in ipso mari, quod tunc piratis Nordmannicis infestum erat », quæ verba valde notanda; monachus enim Fontanellensis anonymous in libello de Miraculis S. Wandragesili abbalis Fontanellensis primi a Mabillonio publicato, sœc. II Benedictino, cap. 5, scribit : « Temporibus quo gravissima Damorum piratarum lues, Deo permittente, flagitiisque exigentibus nostris, Oceani littus infestum haberet, Galliarumque quaquaversum maxime adjacentes et contiguas fluvio Sequanae misera cœde vastaret provincias, quod retroactis temporibus quando misericors Deus illius præcepta servante suo fuit cum populo nequaquam factum audivimus, sed neque relegimus, anno videlicet irruptionis suæ in prædictum magnum flumen Sequanæ decimo octavo; ex quo vero Oceanum ingressi piraticam exercere aggressi fuerant, quinquagesimo octavo, regis autem præcellentissimi Caroli (se. Calvi) decimo septimo, sanctissima ossa piique cineres præfati egregii confessoris Christi Wandregisili ac S. præsulis Ansberti ob metum et concilationem horum nefandorum Gentilium de Fontanellæ monasterio propriis effossa sepuleris, ad ipsorum sanctorum prædium, quod dieitur Bladulfi-Villa, deportata sunt ». Ita anonymous ille, qui sœculo nono vixit, quique per annum xvii Caroli Calvi intelligit annum Christi DCCCLVIII, quod ex eodem auctore cap. 7, cerlo arguento Mabillonius demonstrat. Quare est hic primus annus infestationis a Normannis factæ in littora Oceani Gallici, annusque Christi DCCCXL primus ex quo per Sequanam fl. in Gallias ingressi sunt. Annus enim ille xvii Caroli Calvi a die xx mensis Julii, quo Ludovico Aug. patri successit, proficiscitur. Harum duarum epocharum opera irruptiones Normannicas in Galliam annis suis certius reddeamus.

*3. Pascha celebrat in monasterio S. Richarii.* — Centulense monasterium, quod sœculo septimo sanctus Richarius in paternò solo condidit, Carolus elegit, ut ibi Pascha celebraret, quia Angilbertus eidem percharus ejusdem monasterii abbas erat, et Aleuinus abbas monasterii sancti Martini, quem etiam valde diligebat, procul hinc non aberat. Baronius num. I dicit Centulense monasterium ab Angilberto erectum fuisse, eumque illi postea præfuisse. Verum monasterium illud a sancto Richario longe ante hæc tempora conditum, ut anno DCL,

num. 9 ostendimus, dum de hujus sancti morte, quæ anno circiter DCLV contigit, verba fecimus. Angilbertus septimus ictius monasterii abbas fuit, teste Ariulfo, in ejus Vita cap. 4, sed incertum, quo anno ad præfecturam illam evictus fuerit. In monumentis publicis non reperitur nominatus abbas ante an. DCCXCIV, quo in secunda sua legatione ad Hadrianum papam is eum non tantum abbatem, sed etiam ministrum capellæ vocat : « Directum a vestra clementissima præcelsa regali potentia suscepimus fidelem familiarem vestrum, videlicet Engilbertum abbatem et ministrum capellæ, qui pene ab ipsis infantiae rudimentis in palatio vestro enutritus est, et in omnibus consiliis vestris receptus », inquit Hadrianus. Ariulfus in Vita ejusdem Angilberti ad hæc Hadriani papæ verba respiciens, dicit eum a Carolo *primatem capellanorum* factum. Cointius vero anno DCCXCIV, num. 29 existimat, Ariulfum recte auctorem illarum litterarum interpretatum esse, sed eas suppositias eredit, cum Angilbertus nunquam primas capellanorum fuerit. Quis enim, inquit, virum tanta nobilitate atque auctoritate conspicuum, unum ex minoribus capellans fuisse credit?

*4. S. Angilbertus archicapellanus sacri palatii non fuit.* — Mabillonius sœc. IV Benedict. part. I, in Elogio Historico sancti Angilberti num. 20, eam Epistolam Hadriani sinceram esse ac germanam non dubitat, sed arbitratur *archicapellani* dignitatem per hoc tempus divisam in duas fuisse, in honorariam scilicet ad legationes obeundas, et in ordinariam, ad regendum clerum palati et negotia Ecclesiastica tractanda : et priorem quidem concessam *Angilberto*, Hildeboldo archiepiscopo Coloniensi posteriorem, ut scilicet semper præsens esset, qui causas ageret, qui palatinos clericos regeret, qui benediceret cibos regiae mensæ; cum id officii archicapellano tribuat Theodulphus Aurelianensis episcopus in lib. 3, Carmine I. Denique Baluzius in Notis ad Epistolam xvii Lupi Ferrarensis ad Hilduinum datam existimat, munus archicapellani sic tribui solitum a principe, ut ei, cui datum erat, adimi posset pro arbitrio ejus; cum Hilduinum moneat Lupus, ut quia scire non potest quam diuturna futura sit haec administratio, tempore bene utatur, juslumque se in judiciis reddendis exhibeat. Quod si ea dignitas perpetua non fuit, Angilbertus archicapellanus esse potuit. Verum hanc dignitatem fuisse perpetuam et Angilbertum archicapellanum non fuisse non videtur in dubium revocari posse, post hæc Hinemari verba in opusculo xiv : « Tempore Pippini et Caroli hoc ministerium consensu episcoporum per Fulradum presbyterum, tempore etiam Caroli per Engelramum et Hildiboldum episcopos, tempore denique Hildovici per Hilduinum presbyterum, et post eum per Falconem item presbyterum, deinde per Brogonem episcopum extilit hoc ministerium executum ». Hildboldus enim archiepiscopus Coloniensis et tertius sacri palatii

capellanus secundum Hinemarum, superstes Iuitlam Carolo Magno quam Angilberto.

**5. Sed summus cancellarius archicapellanus dictus.** — Res itaque Ecclesiasticas in palatio non curavit Angilberlus, sed sœculares, et Caroli M. cancellarius fuit. Cancellaria enim capella sœpe appellabatur, quod in capella principis, seu oratorio, archivum, diplomata et regni monumenta olim, ut el iudie asservarentur, uti Ducangius in suo Glossario verbo *capella* aliquot testimoniis oslendit. Hinc scribæ, secretarii et amanuenses *regii capellani* dicti, el *summus cancellarius archicapellanus* nuncupatus, ut anno *ccccxxvi*, num. 9, de Eginbardo loquentes ostendemus. In Epislola *lxviii*, apud Aleuimum vocatur a Carolo M. *auricularius*, ab eodem Alcuino Epislola *lxiii* ad Hadrianum papam regiæ voluntatis *secretarius*, in ejus Vila num. 2 dicitur *silentarius*, et in Epislola Caroli regis ad Leonem papam *manuensis familiaritatis*, scilicet Leonis cum Carolo, quæ omnia officia in cancellarium cadunt. Villelmus Neubrigensis lib. 5, cap. 27 : « Eiensis episcopus ad auriculam principis pro officio positus; nam cancellarius erat regius ». Idem itaque auricularius ac consiliarius, et amanuensis idem ac secretarius. Nec relert quod nulla Diplomata Caroli nomine Angilberti subsignata et recognita extant; nulla enim etiam Eginhardi nomine notata extant; et ex iis pleraque sine subscriptione sunt; in aliis nomen tantum oppidi, in quo ea emissa exhibetur, et in pauceissimis nomen secretarii, qui scripsit, aut cancellarii, qui recognovit, annotatur. Certe nunquam incidi in aliquod Diploma, in cuius fine Eginhardi nomen legatur, cum tamen certum sit eum fuisse primum cancellarium seu capellatum, et postea summum cancellarium seu archicapellatum.

**6. Solventur dubia in contrarium.** — Conjectura Cointii vim nullam habet; cum litteræ laudate Hadriani, in quibus Angilbertus dicitur *minister capelle*, regiæ scilicet, non denotent eum fuisse archicapellatum, ut ipse eas perperam interpretatur. Neque etiam ex eodem titulo cum Mabilionio inferri potest *archicapellani* dignitatem in duas divisam fuisse, in honorariam scilicet et ordinariam; cum hujus honoriarie dignitatis nullum exemplum afferri possit; et quicumque in monumentis antiquis archicapellani nuncupantur, ordinarii fuerint et toto vita tempore munus illud gesserint. Lopus enim in Epislola citata *xcvii* ad Hilduinum, qui archicapellanus et ælate provectus erat, satis ostendit, se non de diuturnitate hujus dignitatis, sed de diuturnitate vitæ loqui. Haec ejus verba : « Exercete ubicumque potestis justitiam, et quibuscumque sufficiatis impendite misericordiam : quia qui vobis bene agendi facultatem largitus est, quandiu id permissurus sit, ignoratis. Ipsius vox est : Vigilate, quia ne scitis diem neque horam. Matthæi *xxv* ». *Angilbertus* monasterium Centulense plurimum amplificavit;

tres enim eo in loco erexit Basilicas, ad quas per triangulare claustrum seu dormitorium iter contignum erat: in quibus Acæmetarum more perpetua jugisque Psalmodia celebrabatur. In his Æræ multæ, reliquiarum sacrarum et ornamentorum immensa suppellex: quæ omnia vel conlulit *Angilbertus*, vel Carolo donante promeruit, ut videre est apud Ariulfum monachum Centulensem in ejus Vita, ubi pluribus hæc prosequitur. Prælerea *sancti Richarii* Centulensis monasterii fundatoris Vitam per Alcuinum elegantiori stylo expoliri curavit, quod ei injunxit hoc anno Carolus, cum Pascha eo in monasterio celebravit. Alcuinus tamen statim manum operi admovere non potuit, ut ipsem in Præfatione ad eam Vitam testatur, et ex eo etiam liquet, cum ea Præfatio dicata sil *piissimo sanctæ Ecclesiae tutori, gratia Dei semper Augusto Carolo*; is autem in die Nativitatis Christi currentis anni Augustus nuncupatus, ut mox videbimus.

**7. Moritur Liudgardaregina.** — Carolus Centula egressus Rothomagum venit, indeque Turonos, ubi Alcuinus abbas erat monasterii sancti Martini, et moratus est « ibi dies aliquot propter adversam dominæ Lindgarde conjugis valetudinem, quæ ibidem et defuncta el hunata est; obiit autem pridie non. Jun. », inquit annalista Loiselianus. De Lindgarde obitu duas Aleuinus ad Carolum litteras dedit, quæ ordine sunt *xxi* et *xxii*, quibus afflictum ejus a merore animum erexit. Eginhardus in Vita Caroli M. de ejus uxoribus loquens ait: « Laudgardim Alemannam duxit, de qua nihil liberorum tulit. Post ejus mortem quatuor habuit concubinas, Mathalgardim scilicet, quæ peperit ei filiam nomine Rothildim : Gersuindam Saxonici generis, de qua ei filia nomine Adelrudis nata est: et reginam quæ ei Drogonem et Hugum genuit, et Adelluidam, ex qua Theodoricum procreavit ». Ubi Eginhardus non dicil, quod eas concubinas simul habuerit, sed tantum quod eas post Liudgarde mortem habuit, sed successive et diversis temporibus. Cointius anno *cccciii*, num. 49 et alibi contendit, tam Hilmiltrudem, ex qua Carolus Pippinum suscepit, quam quatuor præfatas feminas legitimo commibio ei copulatas fuisse. Verum paradoxum illud contra Eginhardi et antiquorum, qui eas semper concubinas appellant, fidem non est admittendum.

**8. Carolus Romanam proficiscitur.** — Cupiebat Carolus, ut Alcuinus secum Romani venire, sed is valde aetate proiectus ad illud iter suscipiendum induci non potuit: « Quod vestre benignitatis litteræ », inquit in Epislola *xm* ad eum data, « Flacco taciturnitatis culpam ingerunt, quem fervor mensis Angusti desidem, non voluntatis efficacia pigrum efficit, etc. Nos lacrymis absentiam, et precibus iler vestrum continuis prosequimur, etc. » Recitat eas litteras Baronius in Appendix ad hunc annum. Carolus vero « mense Auguslo inchoante Moguntiacum veniens, iter in Italiam conduxit », inquit

annualista Loiselianus, ideoque eo mense litteras illas ab Alcuino accepit. Moguntia Carolus « profectus eum exercitu Ravennam venit : ibique septem non amplius dies moratus, Pippinum filium suum cum eodem exercitu in terram Beneventanorum ire jussit : movensque Ravenna simul cum filio, Aneonam usque pervenit. Quo ibi dimisso, Romam proficiscitur », inquit Eginhardus in Annalibus, qui addit Carolum Romanam pervenisse *VIII kal. Decemb.*

9. *Gesta Romæ a Carolo.* — A num. 3 ad 22. Annualista Lambecianus, qui annum a Nativitate Christi exorditur, de adventu Caroli Romanam haec habet : « *Dcccii.* Et quia tunc cessabat a parte Graecorum nomen imperatoris, et feminineum imperium apud se habebat, tunc visum est et ipso Apostolico Leoni et universis sanctis Patribus, qui in ipso consilio aderant, seu (loco *et*, ut alibi saepe) reliquo Christiano populo, ut ipsum Carolum regem Francorum imperatorem nominare debuissent, qui ipsam Romanam tenebat, ubi semper Cæsares sedere soliti erant, seu reliquias sedes quas ipse per Italiam seu Galliam, necnon et Germaniam tenebat ; quia Deus omnipotens has omnes sedes in potestatem ejus concessit ; ideo justum eis esse videbatur, ut ipse cum Dei adjutorio, et universo Christiano populo petente, ipsum nomen haberet. Quorum petitionem ipse rex Carolus denegare noluit, sed cum omni humilitate subiectus Deo et petitioni sacerdotum et universi Christiani populi, in ipsa Nativitate Domini nostri Jesu Christi ipsum nomen imperatoris cum consecratione domini Leonis papæ suscepit. Et ibi primus omnium ipsam sanctam Ecclesiam Romanam de ea discordia, quam inter se habuerunt ad pacem et concordiam revocavit, et ibi celebravit Pascha ». Quæ verba exscripsit chronographus Moissiacensis, paucissimis mutatis. Ex his, aliisque, quæ hujus anni initio ex eodem annualista retulimus, lucem accipiunt quæ Baronius ex Anaslasio in Vita Leonis III narrat a Carolo Romæ gesta fuisse.

10. *Augustus et imp. a Leone III dictus.* — Ipso Natalis Christi die Carolum a Leone papa imperatorem et Augustum nuncupatum esse tradunt omnes auctores Latini, nec ab eis dissentit Theophanes, qui ait id factum *Indictione nona, mensis Decembris die vicesimo quinto, vel octavo kalendas Januarias Indictionis nonae*, ut legitur in versione Anastasii et in auctore Miscelke. Quare nonnisi memorie lapsu Baronius num. 4 scribit, Theophanem perperam tradere, id contigisse *kalendis Januarii*. Non recte etiam scribit cardinalis doctissimus translatum tunc fuisse a Leone III imperium in Carolum, aut, ut Bellarmius lib. t de translatione imperii cap. 4 loquitur, translatum fuisse Occidentale imperium a potestate Graecorum ad ditionem Francorum. Vox enim translationis rem gestam non bene explical, quia Irene imperatrix Orientis nihil de jure suo aut remisit aut amisit. Præterea imperium Occidentale extinctum erat,

ideoque in aliquem principem transferri non poterat, sed tantum renovari ; quod et reapse præstitit Leo, ut demonstrant numismata Caroli, quæ adhinc supersunt, in quibus legitur, **RENOVATIO IMPERII**. Quare hanc renovationem recte explicavit Sagonius lib. 4 de regno Italie ad annum *Dcccii*, ubi inquit : « Ilunc dignitatis imperatorie titulum, cum in Monyllo Augustulo, ultimo Occidentis imperialore, ante trecentos ferme annos sub regnum Gothorum in Italia defecisset, in eodem Occidente Pontifex renovavit, ut haberet Ecclesia Romana adversus infideles, hæreticos ac seditiosos, tutorem, cuius officium repudiasset jampridem imperator Orientis videretur ». Eginhardus in Annal. de Carolo ait, « omisso patricii nomine, imperator et Augustus appellatus », quia cum Romanæ Ecclesiae defensio in titulo imperatoris Carolo collato comprehenderetur, frustra *patricii* titulum retinuisset.

11. *Quas ditiones obtineret.* — Quanlascumque *Carolus* provincias, ut historicci Francici observavit, intra veteres Occidentalis imperii fines possidebat, eas partim hæreditaria sibi successione devolutas, partim legitimo bello partas, aut spontanea populorum deditio traditas acceperat. *Irene* Augusta præter Orientem nonnullas in Occidente provincias obtinebat, atque in ipsa Italia ducatum Neapolitanum, et quidquid ultra Cervarum ac Silarum fluvios ad fretum usque *Siculum* porrigitur. Carolus universam Galliam ; in Hispania quidquid a Pyrenæis jugis occurrit ad Rubricatum usque amnem cum Balearibus insulis ; in Italia quidquid Longobardicæ ditionis fuerat, cum adjacentibus Istria et Liburnia, insulaque Corsica ; Rhætiam quoque, Vindeliciam, Noricum, et quidquid Danubium et Alpes interjacet ; atque ultra Danubium partem non modicam Pannonicarum et Germaniam non tantum eis Albim ; sed eliam ulterius ad Oderam usque flumen, et ad mare Balticum, in sua tenebat potestate. Carolinæ ditiones intra limites Occidentalis imperii, partiū erant, partim non erant ; imperatores enīm Occidentis ultra Rhenum et Danubium vix quid unquam possederunt. *Leo*, cum coronam imposuit Carolo, speravit facilius ei nupturam Irenem Augustam, si prius imperatorem Romæ coronatum resciret. Quod quanto Christianæ Reipublicæ foret emolumento, nemo non intelligebat. *Pippinus* Caroli filius relieto cum exercitu *Wigiso* duce Spoletano, qui bellum ad comprimendum Grimoaldi ducis Beneventani rebellionem susceptum perficeret, in Urbem venit, ubi unctus est in regem, Italiæ scilicet, ut habet Anastasius in Leone III.

12. *Ante hæc tempora anni Incarnat. a Natali Christi inchoati.* — Sigebertus, Regino, Hermanus Contractus in Chronicis, et plerique annualistæ Francorum coronationem Caroli cum anno *Dcccii* copulant, quia cum die Nativitatis Christi peracta fuerit, ab eo die auctores isti annos Christi exordiuntur, eamque etiam ob causam tam illi, quam Marianus Scotus mortem Hadriani papæ, quæ die

Nativitatis Christi anni **DCCXCV** accidit, cum anno **DCCXCVI** alligant. Certe ante præsentem Christi annum **Aera Incarnationis** a die Nativitatis Christi in Francia initium sumebat, quod vel solæ Synodi Germanica et Suessionensis extra omne dubium ponunt, ut in illis exponendis ostendimus. Quoad *Indictionis* notam, nullus Francorum regum ante Carolum, nec ipse ante assumptum imperatoriae dignitatis titulum, in suis Diplomatis et præceptis ea usus est; etsi aliquando in iis ea legitur, interpolatoribus attribuenda. Verum *Carolus* statim ac imperator acclamatus fuit, Orientalium imperatorum more *consulem* se dixit, et *Indictionis* characterem suis Diplomatis addidit: quod utrumque variis infra exemplis demonstrabitur.

**13. Joannes per hæc tempora patriarcha Hierosolymorum non fuit.** — Ad num. 22 et seq. Monachus Egolismensis in Vita Caroli Magni loquens de iis, quæ hoc anno Romæ gesta, dum ibi Carolus esset, ait: « Eadem die (nempe VIII kalend. Decemb.) Zacharias cum duobus monachis, uno de Monte Oliveti, altero de sancto Sabo de Oriente reversus Romam venit, quos patriarcha ad regem misit. Qui benedictionis causa claves sepulcri Dominici ac loci Calvariæ, claves etiam civitatis et Montis Oliveti cum vexillo detulerunt: quos rex benigne suscipiens, aliquot dies secum detinuit, et Aprili mense remuneratos absolvit ». Refert eumdem locum Baronius, sed nactus erat Codicem interpolatum, in quo legebatur, *quos Joannes patriarcha ad regem misit*. Nam Joannis nomen in eum locum intrusum; cum nec in aliis exemplaribus laudatae Vite Caroli M. nec in Reginone, nec in Eginhardi Annalibus, nec in annualistis Metensi, Bertiniano, aliisque, qui eamdem rem uarrant, patriarchæ nomen exprimatur. Porro certum est, non *Joannem* per hæc tempora Ecclesiæ Hierosolymitanæ præfuisse, sed *Georgium*, quem supra ostendimus successisse Eliæ, qui tempore septimæ Synodi a sua Ecclesia exułabat, ad quam ante mortem restitutus est. Fictitious iste patriarcha acceptus ex Antiquitatibus San-Dionysianis a Doubleto editis lib. 4, cap. 3, ubi multa de Carolo Magno fabulosa habet. Ait enim *Joannem* patriarcham Hierosolymitanum a Saracenis e sua sede pulsum ad Constantium imp. ejusque filium Leonem Constantinopolim fugisse, conjunctimque cum utroque, quibus novissimam Christianorum in Palæstina calamitatem exposnerat, nuntios ac litteras ad Carolum imp. direxisse cum hac Epigraphe: « Servus servorum Dei Joannes urbis Hierusalem divina misericordia episcopus, etc. » Addit Doubletus, *Carolum* lectis litteris et ab archiepiscopo Rhemensi Tilpino explicatis, præcepisse, ut omnes arma sumerent; perrexisse in Orientem, urbem Hierosolymam, totamque terram, quam sanctam cognominant, eripuisse Saracenis, indeque Constantinopoli venisse, et onustum reliquiis Aquisgranum, indeque ad monasterium San-Dionysianum rediisse. Mitto alias fabulas in eademi narratione contentas,

quia inter eruditos convenit, *Carolum* nunquam Hierosolymam, nec Constantinopolim profectum esse. Cointius hoc anno num. 28 et seqq. pluribus fabulam illam confutat, quibus superfluum esset aliquid addere. Is tamen perperam num. 27 fictitious illum *Joannem* pro vero patriarcha Hierosolymitano habet, et de isto interpretandos esse censet auctores laudatos, qui de patriarcha Hierosolymitano, ejus nomine non expresso, verba faciunt. Sed ex patriarcharum Hierosolymitanorum serie a nobis in hoc opere accurate consignata, manifestum est, nullum *Joannem*, regni et imperii Caroli tempore, Ecclesiæ Hierosolymitanæ præfuisse.

**14. Aaron caliph Saracenorum legatos ad Carolum mittit.** — Quoad claves sepulcri Dominicæ ad Carolum missas, Eginhardus in Vita Caroli M. de ea legatione hæc habet: « Cum Aaron rege Persarum, qui excepta India, totum pæne lenebat Orientem, talem habuit in amicitia concordiam (Carolus scilicet), ut is gratiam ejus omnium, qui in toto orbe terrarum erant, regum ac principum amicitiae præponeret, solumque illum honore ac munificentia sibi colendum judicaret: ac proinde cum legati ejus, quos cum donariis ad sacratissimum Domini ac Salvatoris nostri sepulcrum locumque Resurrectionis miserat, ad eum venissent, et eidem domini sui voluntatem indicassent, non solum quæ petebantur fieri permisit; sed etiam sacrum illum et salutarem locum, ut illius potestati adseriberetur, concessit: et revertentibus legatis suos adjungens, inter vestes et aromata et cæteras Orientalium terrarum opes, ingentia illi dona direxit, cum ei *PAUCOS ANTE ANNOS* eum, quem tunc solum habebat, roganti mitteret elephantem ». Quod hic ab Eginhardo dicitur de elephante *ante paucos annos* misso, locum controversiæ facit, utrum *Carolus* ex *Aaronis* munificentia sepulcrum Dominicum hoc anno sub sua potestate tenere cœperit, an anno **DCCCVII**, quo legatus *Aaronis* cum duobus monachis de Hierusalem ad Carolum pervenere, munera deferentes, quæ *Aaron caliph Saracenorum* imperatori miserat, ut eo anno dicimus. In posterioris opinionis confirmationem annualitæ citati allegari possunt; navim enim, quæ vehebatur elephas, *Portum Veneris* in ora maris Genuensis, ingressam testantur *anno DCCCI*, *mense Octobri*, serius videlicet quam vexillum ex Oriente Carolo delatum perhibeant, et Eginhardus laudatus, postquam scripsit, *Aarone* califam ultro concessisse, *ut sacratissimum Domini sepulcrum ac Salvatoris mundi sepulcrum* potestati Caroli adseriberetur, proxime subjungit, elephantem eidem Carolo *ante paucos annos* ab *Aarone* missum fuisse. Cointius hoc anno num. 27 stat a priori opinione, totamque controversiam auctoritate eorumdem annualistarum recte dirimit, rerum gestarum ordine sic observato. *Carolus* anno **DCCCVII** tres oratores in Orientem direxit, Lanfridum, Sigismundum atque Isaacum, et per eos elephantem ab *Aarone* postulavit. Eodem anno *Aaron* illos legatos

excepit, auditosque remisit in Franciam per Africam cum elephante, duobusque legatis, quos ejusdem itineris socios adjunxit.

**15. Loca sacra Hierosolymorum eidem concedit.** — Anno DCCXCIX, cum Carolus e Saxonia jam reversus apud Aquisgranum morabatur, « monachus quidam de Hierosolymis veniens, benedictionem et reliquias de loco Resurrectionis Dominicæ, quæ patriarcha regi miserat, detulit ». Rex eumdem « monachum reverti volentem absolvens, Zachariam quemdam presbyterum de palatio suo cum eodem ire iussit, cui et donaria sua ad illa veneranda loca differenda commisit », inquit Eginhardus in Annal. Ad illam profecto legationem referendus est supra jam allegatus locus ex Eginhardo in Vita Caroli M. « Cum legati ejus (nempe Caroli) quos cum donariis ad sacratissimum Domini ac Salvatoris mundi sepulcherum locumque Resurrectionis miserat, ad eum (id est, ad Aarone) venissent, et ei domini sui voluntatem indicassent, non solum quæ petebantur fieri permisit; sed etiam saerum illum et salutarem locum, ut illius potestati adscriberetur, concessit ». VIII kal. Decemb. præsentis Christi anni « Zacharias presbyter, quem rex Hierosolymam miserat, cum duobus monachis, quos patriarcha cum eo ad regem misit, Romam venit », ubi tum Carolus degebatur. Hæc Eginhardus in Annal. Ii monachi « benedictionis gratia claves sepulcri Dominicæ ac loci Calvariae cum vexillo detulerunt ». Carolus anno sequenti Pascha Romæ celebravit: « Post Pascha, VII kal. Maii Roma profectus Spoleto venit. De Spoleto Ravennam venit, et aliquot dies ibi moratus, Papiam perrexit. Ibi nuntiatum est ei legatos Aaron regis Persarum portum Pisas intrasse. Quibus obviā mittens, inter Versellas et Eporediam eos sibi fecit præsentari. Hi Isaac Judæum, quem imperator ante quadriennium ad memoratum regem Persarum cum Lantfrido et Sigismundo legatis suis miserat, reversum cum munieribus nuntiaverunt; nam Lantfridus et Sigismundus ambo in eodem itinere defuncti sunt. Tum ille misit Eneherbaldum notarium in Liguriam ad classem parandam, qua elephas, et ea quæ cum eo afferebantur, subvenientur », inquit Eginhardus in Annal.

**16. Mittit et elephantem ac alia munera.** — Ex omnibus his textibus inter se collatis liquet, Carolo prius elephantem, quam vexillum ab Aarone missum fuisse, licet Carolus vexillum sibi delatum prius acceperit, quam elephantem ab Aarone sibi missum norit. Præsentि anno, mense Decemb. oblatum ei vexillum sepulcri Dominicæ. « Anno DCCCI, mense Octobri, Isaac Judæus de Africa cum elephante regressus, Portum Veneris intravit, et quia propter nives Alpes trahicere non poterat, in Vercellis hyemavit », ait Eginhardus in Annal. Tandem « anno DCCCII, mense Jut. XIII kat. Aug. venit Isaac cum elephante, et cæteris munieribus, quæ a rege Persarum missa fuerant, et Aquisgrani omnia imperatori detulit », inquit Eginhardus.

dus ibidem. Poeta Saxonius eodem anno DCCCI elephantem adductum testatur, nec sepulcherum Dominicum Carolinæ ditioni serius adscriptum contendit; inio donationem hanc ab Aarone prius factam quam supradictus elephas in Gallia conspiceretur, sic insinuat:

Hoc de longinquis elephas regionibus anno  
Primitus adductus; mira spectacula regno  
Francorum dederat Persarum denique princeps  
Hunc Aaron.

Paulo post eodem Aarone ait:

Nam gemmas, aurum, vestes et aromata crebro,  
Ac reliquias Orientis opes direxerat illi,  
Adscribique locutum sanctum Hierosolymorum,  
Concessit propriæ Caroli semper ditioni.

Ab eo tempore frequentiores fuerunt e remotissimis provinciis in Palæstinam peregrinationes.

**17. Fabida de pulvere sparso ad boves interficiendos.** — Baronius in Appendix ad hunc annum refert ex Agobardo disseminatum fuisse per Gallias, cum esset mortalitas boum, *Grimoaldum* ducem Beneventanum transmisso homines cum pulveribus, et de ipso sparso pulvere boves mortuos esse. Verum hæc ad annum DCCX referenda, quo Eginhardus in Annal. postquam locutus est de expeditione eo anno a Carolo habita, scribit: « Tanta fuit in ea expeditione boum pestilentia, ut pæne nullus ex tanto exercitu superesset, quin omnes usque ad unum interirent: et non solum ibi, sed et super omnes imperatori subjectas provincias, illius generis animalium mortalitas immanissime grassata est ». Ad hæc in Capitulari quod Carolus promulgavit anno x, in *Aquis-Palatio*, id est, anno x ejus imperii, capite tertio legitur: « De homicidiis factis anno præsenti inter vulgares homines, quæ propter pulverem mortalem acta sunt », vel, ut habet caput 29 Appendix secundæ librorum Capitularium: « De homicidiis factis anno præsenti inter vulgares homines, quasi propter pulverem mortalem ». Rem clare explicat Baluzius in Notis ad illud caput tom. II Capitularium pag. 1199. Anno DCCX boum mortalitas fuit in regno Francorum. Fama vulgatum est, eam cladem ortam esse ex pulvere venenato, quem nonnulli homines sparcebant per campos et montes, prata et fontes. Hinc commotum vulgus, boum jacturam ulturum, saeviit in suspectos criminis. Homicidia itaque patrata sunt propter pulverem mortalem, quæ causa et occasio fuit homicidiorum, non vero per pulvrem, ut aliqui caput illud perperam expllicant; eum constet nullum aliud animalium genus quam bonum hac calamitate affectum fuisse. Auctor istius interpretationis est Agobardus archiep. Lugdunensis in lib. de grandine et tonitruis cap. 46: « Ante hos paucos annos disseminata est quædam stultitia, cum esset mortalitas boum, ut dicarent Grimoaldum ducem Beneventanorum transmisso

homines cum pulveribus, quos spargerent per campos et montes, prata et fontes, eo quod esset inimicus Christianissimo imperatori Carolo et de ipso sparso pulvere mori boves. Propter quam causam multos comprehensos audivimus et vidi-  
mus, et aliquos occisos, plerosque autem affixos tabulis in flumen projectos atque necatos. Et, quod mirum valde est, comprehendensi, ipsi adversum se dicebant testimonium habere se talem pulverem et spargere ». Et infra : « Nee rationabiliter pensabant unde fieri posset talis pulvis de quo soli boves morerentur, non cetera animalia ».

48. *Alcuinus libros suos adversus Elipandum publicat.* — Alcuinus hoc anno opus suum quatuor in libros divisum adversus *Elipandum* archiepiscopum Toletanum absolvit. Nam libro primo meminuit Felicis veram confessi fidem apud Aquisgranum in praesentia Caroli regis, anno regni ejus xxxii, exeuntis scilicet, ut anno superiori ostendimus. Serius enim libri illi exarati non sunt; cum in illis, imo et in Praefatione Carolus rex semper, nunquam Augustus appelletur. *Laidradus* archiepiscopus Lugdunensis iterum missus est in Hispaniam, ut sanam illie doctrinam populo prædicaret. Additi cooperatores, *Nefridius* Narbonensis archiepiscopus et *Benedictus* Anianensis abbas, quia illa Hispaniarum pars, quam Franei subegerant, Narbonensi metropolitæ subjacebat. Aleninus eum de altero, quod in Hispaniam suscepturi essent, itinere fama jam spargebatur, calamo manum admovit, ut in utilitatem causæ publicae non-nihil subsidii conferret, ut ipsem in sua Praefatione indicat; his enim verbis utrumque sie alloquitur : « Per divinæ suffragia pietatis hanc nebulosam impietatis sectam clara veritatis luce pridem discutere studiuitis, etiam et Deo Christo donante cœptum prædicationis opus multa ex parte perfecisti. Ad cuius piissimæ prædicationis venerabile opus, mandante gloriose principe et devotissimo in omni bonitate Carolo rege, vos iterum ituros esse audivimus. Quapropter pauorum arripui laborem diernum in solarium sanetissimi itineris vestri, quatenus haberetis in manibus eujusdam Epistola meo nomini directæ ab Elipanto Toletano episcopo pias et pernecessarias responsones, etc. » Alcuinus in libro primo *Elipandum*, ut ad Catholicam fidem rediret, exemplo Felicis jam conversi hortatus est : « Cujus te », inquit Alcuinus, « cum tuis discipulis, venerande pater, humilitatem sectari suadeo ». Cessit tandem Alcuino *Elipandus*, et pie mortuus est, ut testatur Tamayus in Toletanorum archiepiscoporum Catalogo. Alcuinus quatuor suos adversus *Elipandum* libros misit ad *Laidradum* et *Nefridium*, ceterosque Gothiæ episcopos, qui Caroli jussu iterum conveniebant, ut Synodi provincialis opera haeresim Felicianam in partibus Hispaniae extinguerent. Eos enim illuc iterum ituros esse, supra ex eodem Alcuino monstravimus. Is vero in fine

præfati operis ita *Laidradum* et socios alloquitur : « Ego in procinetu ob vestri itineris festinationem hæc qualiacumque sunt dictavi, ita ut tempus mihi relegendi vel emendandi non fuit idoneum, vestrae charitati contentus tantummodo lectione atque emendatione. Si dignum vestrae considerationi videatur, fraterno ostendite CONVENTU. Sin autem, sub gremio piissimæ charitatis vestrae abseondite, donee omni consilio tractemus, quid de hoc agendum sit opere ». Quem successum is conuenitus habuerit, incompertum.

49. *Felix episc. Urgellæ in haeresi mortuus.* — Felix episcopus Urgellensis, qui haeresim depo-  
suerat, Lugdunumque exul missus fuerat in suo errore mortuus est, dum Agobardus Lugdunensis archiepiscopus esset. Is enim initio libri ad Ludo-  
vicum Augustum contra Felicianum dogma scribit : « Post obitum Felicis illius, qui fuerat quondam episcopus in urbe Orgelletana, inventa est a nobis quædam schedula ab eo edita sub specie interro-  
gationis et responsionis, quam cum legentes consideraremus, inspeximus hominem diligenter et fraudulenter instaurasse quantum in se fuit, omnem pravitatem dogmatis sui, in qua dudum fuerat detectus et convictus, et propter quam ab honore episcopatus depositus, qui licet aliqua verba, que prius imprudenter efferebat, postea suppresserit, aliqua tamen nunc addidit, quæ tune reticuit. Quam schedulam ego ut potui, juxta veri-  
tatem fidei cum reprehendissem, vel reprehendi-  
dam publicassem, quidam ex fratribus, ut com-  
peri, indigne tulerunt; et non perversitate animi,  
ut puto, sed simplicitate ingenii, arbitrati sunt me id non fecisse zelo fidei, sed zelo invidentiæ, sicut  
moris est eorum, qui inanis gloriae cupidi, idecirco  
bonis detrectant, ut se illis superponere nitantur,  
et, si detractionibus obtinuerint, ne illi admirantur,  
isti admirationis gloriam consequantur. Et quoniam  
non desunt inter nos tales, quibus necesse sit et  
integritatem fidei cognoscere, per quam valeant  
malum perfidiae declinare, et rectis iudiciis obtem-  
perare, ut mereantur in dogmate pietatis proficere,  
opportunitum putavi ea, quæ prædictus vir male  
sentit, exaggeranda assumere, et verbis ejus in  
quibus a veritate fidei excessit, sanctorum Patrum  
sententias opponere, ut quisquis dignatus fuerit  
legere, agnoscat, qua cautela Catholicæ veritatis  
purissimum sensum sequatur ». His consenientia  
scribit Ado in Chronico : « Perpetuo exilio apud  
Lugdunum relegatus est, quem ferunt in eodem  
ipso suo errore mortuum ». Felicem virum doctum  
fuisse, indicat Alcuini Epistola xv scripta ad Caro-  
lum regem in qua loquens de disputatione Felicis  
cum quodam Saraceno, quam *Carolus* petierat,  
cam se non habere ait, attamen dictum sibi fuisse  
eam apud *Laidradum* episcopum Lugdunensem  
inveniri posse.

## LEONIS III ANNUS 6. — CHRISTI 801.

*1. Terræ motu per Italiam furente, Basilica S. Pauli concussa amplioribus reficitur ornamenti.* — Octingentesimus primus annus sequitur notatus Indictione nona, quo (ut habent Annales<sup>1</sup> Francorum) « Carolus Magnus imperator septimo kalendas Maias Roma profectus, Spoleto venit : et dum esset ibi, pridie kalendas Maii hora noctis secunda terra motus maximus factus est, quo et tota Italia graviter concussa est. Quo etiam terræ motu Romæ tectum Basilicæ B. Pauli Apostoli magna ex parte cum suis trabibus decidit; et in quibusdam locis urbes, montesque ruerunt, etc. » De hac vero elade, quam tunc Romæ passa est Basilica S. Pauli, Anastasius agit his verbis in ipso Leone :

« Nona vero Indictione, peccatis nostris imminentibus, subito terræ motus factus pridie kalendas Maii, Ecclesia beati Pauli Apostoli ab ipso terræ motu concussa, omnia sarta tecta ruere. Quæ conspiciens magnus et præclarus Pontifex, in magnam venit tribulationem, et lamentari coepit tam pro argento, quam pro cæteris speciebus, quæ ibidem demolitæ et confractæ sunt. Sed Domino annuente, et beato principe Apostolorum protegente, præclarus Pontifex totis nisibus suis, certamen petentis instar, sicut antiquitus existebat ampla et maxima, fortitudine potens, in meliorem deduxit statum, et in meliorem speciem eam marmoribus decoravit, et tam presbyterium, quam totam Ecclesiam marmoravit, et ejus porticus renovavit : simulque et navem, quæ est super altare, sarta tecta omnia noviter restauravit : quin etiam et tres imagines aureas ibidem obtulit, scilicet Salvatoris Domini nostri Jesu Christi, et beatorum Apostolorum Petri et Pauli. Sed et aliam imaginem Salvatoris deauratam super postes in introitu posuit pensantem libras sexaginta : sed et omne argentum ibidem, quod quassatum erat, noviter restauravit. Necnon et fenestras ipsius Ecclesiae miræ pulchritudinis ex metallo Cyprino decoravit ». Et inferius de eadem Basilica :

2. « Item fecit in eadem Basilica beati Pauli calices majores fundatos ex argento purissimo, ex ipsis

Apostoli donis, qui pendent inter arcus majores numero undecim, alias qui pendent inter columnas majores dextera levaque numero quadraginta, simul pensantes libras ducentas et sexaginta septem. Fecit et ciborium (cibotium) cum columnis quinquaginta quinque super altare miræ magnitudinis et pulchritudinis ex argento purissimo, pensans duo mille et quindecim libras, neconon et crucem anaglypham pendentem in pergula ante altare, pensantem libras tredecim, atque velum rubrum, quod pendet ante altare, habens in medio erucem de chrysocavo ». Et rursus : « Fecit ibidem idem beatissimus Pontifex canistros ex argento puro numero quadraginta septem, pensantes simul libras ducentas quadraginta ». Et inferius : « Fecit in eadem Basilica Doctoris mundi B. Pauli Apostoli angelos ex argento purissimo duos, juxta imaginem Salvatoris in ingressu vestibuli, pensantes libras centum et semis. Verum et polycandilum pendente in pergula ante Confessionem cum catenulis aureis, quæ pensant libram unam. Præterea et in ingressu Basilicæ super rugas majores fecit imagines ex argento quinque, pensantes libras ducentas viginti novem. Fecit et ubi supra Aquamanus ante ..... deauratos duos argenteos pensantes libras quatuordecim. Fecit et super cerostratas majores versatiles anaglyphos ex argento purissimo, pensantes simul libras octoginta sex et uncias octo, atque lucernas majores fusiles bimixas anaglyphas duas pensantes libras quinquaginta septem. Et constituit ejus beatitudo, ut quotidianis noctibus ante altare ipsius Apostoli ardere debeant.

3. « Idem divina inspiratus gratia investivit trabem majorem, quæ est sub arcu principali ex argento mundissimo pensante undique libras mille trecentas quinquaginta duas. Fecit et super altare majus vestem chrysocavam miræ pulchritudine decoratam, habentem historiam Salvatoris Domini nostri Jesu Christi, sanctæque ejus Genitricis, atque duodecim Apostolorum cum periclysi de chrysocavo, undique ex margaritis ornatam, atque ab utroque latere blatti cum chrysocavo, quæ in natalibus Apostolorum ibidem ponî constituit. Fecit etiam ibi super Crucem majorem ex auro fulvo

<sup>1</sup> Vita Caroli Magui hoc anno.

nimirum epanoclystum ornatam gemmis pretiosis, pensantem libras quadraginta duas et uncias duas, necnon et cerostatorum paria quatuor investita ex argento deaurato, pensantia simul libras septuaginta septem ». Ac rursum inferius haec habentur : « Fecit et in Basilica eadem vestem super altare habentem historiam Resurrectionis, et imagines Apostolorum chrysoclavam ornatam margaritis, et imagines Apostolorum duas ex argento deaurato, pensantes libras octoginta sex ». Post multa vero aliis collata Ecclesiis, haec habentur ad eamdem Ecclesiam pertinentia :

4. « Fecit et in Basilica Doctoris mundi beati Pauli Apostoli vestem chrysoclavam habentem in medio Salvatorem, dextera laevaque beatum Petrum et Paulum gentibus praedicantes cum periclysi de chrysoclawo et gemmis pretiosissimis ». Et inferius : « Fecit in Basilica S. Pauli thuribula ex auro purissimo duo ». Ac rursum :

« Fecit in eadem Ecclesia S. Pauli crucifixum ex argento purissimo mirae magnitudinis decorum, pensantem libras quinquaginta duas, verum etiam fecit ibi super tetra vela alba holoserica rosata, ex quibus unum habens in medio crucem de chrysoclawo, et gammadias de chrysoclawo numero octo, quae pendent in pharo in medio Basilice, pensante libras duodecim. Ingressum vero corporis ejus super..... ex marmoribus candidis miro decore ornavit, atque rugas areas ibidem posuit. Super columnas vero marmoreas quae stant in circuitu altaris ipsius Doctoris mundi, ubi trabes quandam ligneas posite fuerant, quae etiam nimia vetustate marcerant, hic sacer antistes super ipsas columnas lilia ponit fecit ..... et capitella ex metallo, et super ipsas marmoreas platonias posuit, et diversis picturis opus mirae magnitudinis decoravit, necnon ibi fecit vela Alexandrina majora numero quinque, quae pendent super rugas majores in ingressu Basilice mirifice decorata ». Et post multa : « Fecit in Basilica beati Pauli Apostoli Doctoris gentium phara canthara ex argento purissimo cum delphinis suis numero quinque, pensantia libras sexaginta septem, et uncias quatuor ». Et ibi supra : « Vestivit altare beati Pauli Apostoli ex argento mundissimo deaurato, pensante libras centum et novem. Necnon et Confessionem ipsius atque faciem altaris ipsius vestivit ex auro purissimo, pensante libras centum viginti quinque et uncias octo.

5. « Fecit et super in ingressu corporis sentum argenteum purissimum, in quo Orthodoxae fidei Symbolum scribi fecit, quod pensat libras triginta duas. Fecit ibi desuper coronas majores tres ex argento purissimo, pensantes in unum libras nonaginta tres ». Haec omnia post terrae motum ab eodem Pontifice facta ponuntur. Quae autem ante terrae motum, sed postquam ex Germania est reversus, ab ipso diversis in locis diversa Ecclesiarum ornamenta confecta sunt : ex eodem auctore hic describemus. Sed primum quae ad aedificia pertinent, his verbis :

« Præfatus vero sanctissimus Pontifex juxta Ecclesiam beati Petri Apostoli fecit in triclinio maiori mirre pulchritudinis decoratam absidem munivo ornatam, et absides duas dextera, laevaque super marmore et pictura splendentes, et in pavimento marmoreis exemplis stratis cum ceteris amplis aedificiis tam in ascensu scalæ, quam post ipsum triclinium compte ».

6. *Quanta decora Leo papa contulerit Ecclesiis singulis.* — Quod autem ad vestes perlinet et alia ornamenta : hic pariter eadem ipsa in Annalibus cum ceteris superioris memoratis tanquam in armario recondamus, sic siest, ut vestes nullis tineis corrodantur, nec vasa a furibus auferantur, neque quavis temporum injuria pereant. Cum enim et in eisdem antiquarum Ecclesiarum memoria conservetur, et de multis aliis scitu dignis admoneanmur: nequaquam putas in his recensendis otiose nos laborare : sic se habent :

« Fecit in Ecclesia beati Petri Apostoli vestem e chrysoclawo cum pretiosis gemmis ornatam, habentem historiam Dominicæ Resurrectionis, et inter arcus vela serica alba, et vela de stauraci pulcherrima. Post reversionem suam ob nimium amorem fecit eidem nutritori suo presbyterium noviter totum marmoreum pulchrum sculptum et compte erectum : sed et super altare majus fecit tetra vela holoserica alithina quatuor cum astillis et rosis (rotis) chrysoclavis, et in eodem sacro altari fecit aliam vestem cum historiis crucifixi Domini.

« Et in Ecclesia Doctoris mundi beati Pauli Apostoli fecit tetra vela holoserica alithina quatuor, et vestem super altare albam chrysoclavam, habentem historiam Nativitatis Domini et sanctorum Innocentium. Item et aliam vestem Tyriam habentem historiam cœci illuminati et Resurrectionem.

7. « Idem autem sanctissimus præsul fecit in Basilica beatae Mariæ Ad præsepe vestem albam chrysoclavam, habentem historiam sanctæ Resurrectionis, sed et aliam vestem in orbiculis chrysoclavis, habentem historiam Annuntiationis et SS. Joachim et Annæ.

« Fecit in Ecclesia B. Laurentii foris muros idem præsul vestem albam rosatam cum chrysoclawo. Sed et aliam vestem super sanctum corpus ejus albam stauraciam et chrysoclavam cum margaritis.

« In titulo Callisti vestem chrysoclavam ex blatti Byzanteo, habentem historiam Natalis Domini et S. Simeonis.

« Item in Ecclesia sancti Pancratii veslem Tyriam habentem historiam Ascensionis Domini.

« Sed et in sancta Maria ad Martyres fecit vestem Tyriam, ut supra. In titulo S. Sabinæ, ut supra. In diaconia S. Bonifacii, ut supra. In diaconia S. Marie, quae vocatur Cosmiedin, ut supra.

« In Basilica SS. Cosmæ et Damiani fecit veslem de blatti Byzanteo cum periclysi de chrysoclawo et margaritis.

« Item in Ecclesia S. Valentini fecit vestem

chrysoclavam, et aliam vestem de fundato pulcherimam.

« In diaconia SS. Nerei et Achillei fecit vestem de stauraci.

8. « In diaconia sanctae Dei Genitricis, quæ vocatur Dominica, fecit vestem de stauraci.

« In monasterio S. Sabæ fecit butronem argenteum cum canistro suo, pensantem libras duodecim, et vestem de stauraci cum chrysoclawo et margaritis.

« Item in monasterio S. Gerasini fecit vestem de stauraci cum periclysi de chrysoclawo.

« Neenon in monasterio Clivi Scauri fecit vestem de stauraci cum periclysi de chrysoclawo.

« Verum etiam in titulo Pammachii fecit vestes duas, unam de stauraci cum periclysi de chrysoclawo, et aliam vestem de imizino.

« Item supradictus antistes Ecclesiæ beati Andreæ Apostoli sitæ via Appia in silice in trigessimo lapide sarta tecta noviter restauravit una cum baptisterio et porticu. In qua Ecclesia presbyterium constituit, ubi et dona obtulit tam in argento, quam in vestibus et libriss ». Haec de rebus usque ad terræ motus tempus Anastasius : atque de his satis, jam ad Carolum redeamus.

9. *De optimis Caroli Magni legibus et sanctionibus.* — Illoc eodem anno, ab ipso imperatore date reperiuntur leges, quæ Mutinæ adhuc legi hac Præfatione dicuntur<sup>1</sup> :

« Carolus divino nutr̄ coronatus Romanorum regens imperium serenissimus Augustus omnibus comitibus, castaldis seu cunctis Reip. per provinciam Italiam a nostra mansuetudine præpositis, anno ab Incarnatione Domini nostri Jesu Christi CCCCI, Indictione IX, anno regni nostri in Francia XXXIII, in Italia XXVII, consulatus autem nostri primo. Cum in Italianam propter utilitatem sanctæ Dei Ecclesiæ ac provinciarum disponendarum venissemus : multæ atque diversæ per urbes singulas ante conspectum nostrum quæstiones venerunt, tam de Ecclesiasticis, quam de publicis et privatis rebus, per ea quæ statim recitata, ex Romana seu Longobarda lege competenti sententia terminata sunt, quorum judicialis sententia a legislatoribus aut penitus omissa est, aut a posteris oblivioni tradita. Quocirca nos considerantes utilitatem nostram et populi a Deo nobis concessi, ea quæ ab antecessoribus nostris regibus Italiam in edictis legis Longobardicæ ab ipsis editæ prætermissa sunt, juxta rerum ac temporum considerationem addere curavimus, solliciti, ut necessaria, quæ legi defuerunt, supplerentur, ut in rebus dubiis non quorumlibet arbitrium, sed nostræ legis auctoritas prævaleret ». Haec ibi.

10. Sed et Eginhardus in Vita ipsius ista de legibus : « Post suscepsum, inquit, imperiale nomen, cum adverteret multa legibus populi sui deesse (nam Franci duas habent leges plurimis in locis

valde diversas) cogitavit quæ deerant addere, et discepantia unire, prava quoque et perperam protulata corrigerere. Sed in iis nihil aliud ab eo factum est, quam quod pauca capitula, et ea imperfecta legibus addidit. Omnium tamen nationum, quæ sub ejus ditione erant, jura, quæ scripta non erant, describi ac litteris mandari fecit ». Hæc Eginhardus. Numerant viginti tria capitula legum Caroli Magni, duoque ex illis reperiuntur recitata a Gratiano, atque primum illud<sup>1</sup> de Romana Ecclesia his verbis :

« In memoriam beati Petri Apostoli honoremus sanctam Romanam et Apostolicam Sedem, ut quæ nobis sacerdotalis mater est dignitatis, esse debeat Ecclesiastice magistra rationis. Quare servanda est cum mansuetudine humilitas : UT LICET VIX FERENDUM ABILLA SANCTA SEDE IMPONATUR JUGUM : TAMEN FERAMUS, ET PIA DEVOTIONE TOLEREMUS. Si vero (quod non decet) quilibet sive sit presbyter, sive diaconus, aliquam perturbationem machinando, et nostro ministerio insidiando, redarguantur falsam ab Apostolica Sede detulisse Epistolam; vel aliud aliquid, quod inde non venerit : salva fide et integra circa Apostolicum humilitate, penes episcopum sit potestas, utrum eum in carcerem, aut aliam detrudat custodiam, usquequo per Epistolam, aut per idoneos suæ partis legatos Apostolicam interpellat sublimitatem, ut potissimum tam sancta legatione dignetur decernere, quid de talibus justo ordine statuat lex Romana definire, ut et is corrigatur, et cæteris modus imponatur ». Recitatum hoc ipsum capitulum et repetitum apparet in Concilio Triburiensi<sup>2</sup>, utpote tanto principe Christianissimo dignum.

11. Vidisti, lector, Caroli Magni erga Sedem Apostolicam reverentiam, animique summissionem erga Romanum Pontificem, omnibus Christianis principibus positam in exemplum, utpote potentissimi atque prudentissimi principis : cui idcirco dederit Deus subjecere sibi reges et populos, cum neverit ille se subjecere propter Christum successori hominis piscatoris. Considerasti pariter, quam modeste agat de cognitione Apostolicarum litterarum, ut nolit ipse, nec aliquis ex suis provinciarum praesidibus eas, an veræ sint, vel falsæ, cognoscere et perscrutari, etiamsi de læsa majestate causa tractetur, sed totum judicium vult per episcopum agitari, et ejus sententiam exspectari. Ista cum egit, et adeo se legibus Ecclesiasticis obsequenter exhibuit, bene consuluit regno Francorum, ut Deo protegente, licet civilibus et externis bellis diu multumque fuerit fatigatum, permanens semper fuerit, liberumque a gente Saracenorum longe lateque ubique locorum terrarum orbis dominantium, atque semper divino auxilio fuerit integrum feliciter propagatum ad posteros.

12. Ex alia autem lege, quæ extat<sup>3</sup> apud eum-

<sup>1</sup> Dist. xix. c. 3. — <sup>2</sup> Conc. Tribur. c. 30. — <sup>3</sup> xi. q. 1. c. 37. volumus.

<sup>1</sup> Sigou. l. iv. Reg. Ital. hoc anno.

dem Gratianum mutilata, integra autem in Capitularibus<sup>1</sup> regum Francorum, vide quam faverit, Theodosii exemplo, judicio episcoporum.

« Volumus, atque præcipimus, ut omnes ditioni nostræ, Deo auxiliante, subjecti, tam Romani, quam Franci, Alamanni, Bajoarii, Saxones, Thuringii, Fresones, Galli, Burgundiones, Brittones, Longobardi, Vascones, Beneventani, Gothi, Hispani, cæterique nobis subjecti omnes, licet quocumque videantur legis vinculo constricti, vel consuetudinario more connexi, hanc sententiam, quam ex sexto decimo Theodosii imperatoris libro, capitulo videlicet undecimo ad interrogata Ablavii ducis illi et omnibus rescriptam sumpsimus, et inter nostra capitula pro lege tenendam consultu omnium fidelium nostrorum tam clericorum quam laicorum posuimus, legi cunctis perpetua tenendam, id est:

43. « Quicumque item habens, sive possessor, sive petitor fuerit, vel in initio litis, vel decursis temporum curriculis, sive cum negotium peroratur, sive cum inceperit promi sententia, si judicium elegerit sacrosanctæ legis antistitis: illico sine aliqua dubitatione, etiamsi alia pars refragatur, ad episcoporum judicium cum sermone litigantium dirigatur. Multa enim quæ in judicio captiosæ prescriptionis vincula promi non patiuntur, investigat, et promit sacrosanctæ religionis auctoritas. Omnes itaque causæ, quæ vel prætorio jure, vel civili tractantur, episcoporum sententiis terminatæ perpetuo stabilitatis jure firmantur. Nec licet ulterioris tractari negotium, quod episcoporum sententiis deciderit. Testimonium etiam ab uno licet episcopo perhibitum, omnes judices indubitanter accipiant; nec aliis audiatur, cum testimonium episcopi a qualibet parte fuerit repromisum. Illud est enim veritatis anctoritate firmatum, illud incorruptum, quod a sacrosancto homine conscientia mentis illibatae protulerit. Hoc nos edicto salubri aliquando censuimus: hoc perpetua lege firmamus, malitiosa litium semina comprimentes, ut miseri homines longis ac pœne perpetuis actionum laqueis impliciti ab improbis petitonibus, vel a cupiditate perpera maturo fine discedant. Quicquid itaque de sententiis episcoporum clementia nostra censuerat, etiam hac sumus lege complexi, gravitatem tuam, et cæteros pro utilitate omnium, in perpetuum observare convenient. »

44. Ista sunt, quæ ex Theodosio Carolus imp. ab imperatore mutuatus, pius ex pio, justissimus a justissimo, utroque Christianæ religionis decore maximo et ornamento, sive virtutem militarem species in eis, sive cultum fidei Orthodoxæ, vel erga subditos sibi populos regimen probatissimum. Hæc audiant, et erubescant illi, qui his penitus adversarias leges statuant, et contraria edicta proponunt, timoribus exagitantes populos, novis adinventionibus inhibentes, quæcumque occasione

prætensa, via indirecta procurant, ne laici ipsi attingant limen Ecclesiastici fori. Timeo, timeo istis, ne quando si ista facere perseverant (quod absit) Deus vindex tandem exsurgens « virga furoris ferrea », secundum illud Davidicum, « tanquam vas figuli confringat eos ». Unde et ob imminens, quod adstat, periculum æque cum eodem ipso ex alto corde vociferor: « Nunc, reges, intelligite et eruditimi, qui judicatis terram ». Et exemplo discite Caroli, ex obedientia et observantia erga Apostolicam Sedem regna et imperia propagare atque firmiter stabilire.

45. Quod rursum ad eundem Carolum in his spectat, quam parcissimus fuit in novis condendis legibus, adeo ut cum tamdiu vixerit rex atque imperator, per pauca legum capita sanxisse dicatur; sed in veteribus restituendis, ut servarentur, multus tuit; hinc apparet, colligi jussisse centum sexaginta octo capitula legum Ecclesiasticarum ex sacrosanctis Conciliis atque Decretis summorum Pontificum, ut per ea in Ecclesia disciplina vigeret. Ne autem vel ex hoc videri posset præscribere ipse leges episcopis: collectioni sue ista ipsa quam religiosissime præfatus est:

« Præfatio domini Caroli imperatoris.

« Regnante Domino nostro Jesu Christo in perpetuum, ego Carolus gratia Dei, ejusdemque misericordia donante, rex et rector regni Francorum, et devotus sanctæ Ecclesiæ defensor, humilisque adjutor omnibus Ecclesiasticæ pietatis ordinibus, seu sæcularis potentie dignitatibus in Christo Deo æterno perpetuæ pacis et beatitudinis salutem.

« Considerans pacifico mentis intitulu una cum sacerdotibus et consiliariis nostris abundantem in nos, nostrumque populum Christi clementiam, quæ necessarium est non solum fato corde et ore ejus pietati agere gratias incessanter, sed etiam continua bonorum operum exercitatione ejus insistere landibus, quatenus qui nostro regno tantos contulit honores, sua protectione nos, nostrumque regnum in æternum conservare dignetur.

46. « Quapropter placuit nobis vestram rogare soleritiam, o pastores Ecclesiarum Christi et ductores gregis ejus, et clarissima mundi luminaria, ut vigili custodia et sedula admonitione populum Dei per pascua vitæ æternæducere studeatis, et errantes bonorum exemplum operum, seu adhortatione humeris intra Ecclesiasticæ firmitatis muros reportare satagatis: ne lupus insidians aliquem, canonicas sanctiones transgredientem, vel paternas traditiones universalium Conciliorum excedentem (quod absit) inveniens devoret. Ideo magno devotionis studio admonendi et adhortandi sunt, imo compellendi, ut firma fide et infatigabili perseverantia intra paternas sanctiones se continant. In quo operis studio sciat certissime sanctitas vestra nostram vobis cooperari diligentiam. Quapropter et nostros ad vos direximus missos, qui ex nostri nominis auctoritate una vobiscum corrigent quæ

<sup>1</sup> Capit. Franc. I. vi. c. 281.

corrigenda essent. Sed et aliqua capitula ex canoniceis institutionibus, quae magis vobis necessaria videbantur, subjunxitinus.

47. « Ne aliquis, quæso, hujus pietatis admonitionem esse præsumptuosam putet, vel judicet, qua nos errata corrigerem, superflua abscondere, recta connecctere studeamus; sed ut magis benevolo charitatis animo suscipiat. Nam legimus in Regnorum libris, quomodo sanctus Josias<sup>1</sup> regnum sibi a Deo datum circumende, corrigendo, admonendo, ad cullum veri Dei studuit revocare. Non ut me ejus sanctitati æquiparabilem faciam, sed quod nobis sint ubique sanctorum semper exempla exsequenda, et quoscumque poterimus, ad studium bonæ vitæ in laudem et in gloriam Domini nostri Jesu Christi congregare necesse est. Quapropter, ut prædiximus, aliqua capitula notare jussimus, ut simul hæc eadem vos admonere studeatis, et quæcumque vobis alia necessaria esse scitis, ut et ista et illa aequali intentione prædicetis. Nec aliquid, quod vestræ sanctitati, populoque Dei utile omittatis, ut pio studio nos admoneatis, quatenus et vestra solertia et subjectorum obedientia æterna felicitate remuneretur ». Ilucusque præfatus est Carolus.

48. Quod rursum perfinet ad leges ab eodem Carolo Magno pro Ecclesiastica præsertim immunitate sancitas : ut omnino servarentur, ita ipse scripsit<sup>2</sup> ad Pipinum filium in Italia regnante :

« Carolus serenissimus Augustus a Deo coronatus, magnus, pacificus imperator, Romanorum gubernans imperium, ac per misericordiam Dei rex Francorum et Longobardorum, dilectissimo filio suo Pipino gloriose regi semipaternam in Domino salutem.

« Pervenit ad aures clementiæ nostræ, quod aliqui duces, eorumque juniores castaldii, vicarii, centenarii, venatores et cæleri per singula territoria habitantes, vel discurrentes mansionaticos et par ..... accipiunt non solum a liberis hominibus, sed etiam ab Ecclesiis Dei, monasteriis videlicet virorum ac puellarum, et xenodochiis, atque per diversas plebes, insuper servientes Ecclesiarum Dei in eorum opera, id est, in vineis, campis, seu pratis, necnon et in eorum aedificiis illos faciunt operari, sed carnaticum et vinum contra omnem justitiam ab eis exactare (exigere) non cessant : et multas patiuntur oppressiones ipsi Ecclesiæ Dei servientes.

49. « Ideo, charissime fili, has litteras ad tuam dilectionem direximus, ut hoc anno, hanc causam diligenter et prudenter inquireas facias ; et si veritas est, quod ita factum sit, deinceps omnimodis emendare et corrigerem studeas ; quatenus in diebus nostris cilius pax Ecclesiarum Dei, sive illarum servientium in omnibus conservetur ; et ut merces copiosa nobis, et tibi exinde jugiter accrescat. Audivimus etiam quod quædam Capitula, quæ

in lege scribi jussimus, per alia loca aliqui ex nostris ac vestris dicunt, quod nos nequaquam hanc causam per nosmetipsos conditam (cognitam) habeamus, et ideo eam nolunt obedire ac consentire, ac pro lege tenere. Tu valde nosti quomodo, vel qualiter tecum locuti sumus de ipsis Capitulis. Et ideo admonemus tuam amabilem dilectionem, ut per universum regnum tibi a Deo commissum ea nota facias, et obedire alque implere præcipias ». Hactenus Epistola Caroli ad Pipinum.

20. *Legatio Sarracenorum ad Carolum.* — Ista de legibus Caroli satis dicta sunt : prosequamur modo ipsum ex Italia in Gallias redeuntem. Habent hæc Annales Francorum sub Ludovico filio ipsius Caroli Magni descripti : « Imperator de Spoleto Ravennam venit, et dies aliquot ibi moratus, Papiam perrexit. Ibi nuntiatum est legalos Aaron regis Persarum Pisas intrasse, quibus obviam militens, inter Vercellas et Eporedium, vel Hipporediam, eos sibi fecil præsentari. Unus eorum erat Persa de Oriente legatus prædicti regis (nam duo fuerant) alter Sarracenus de Africa legatus Amirati Abraham, qui in confinio Africæ Fossato, id est, castris, præsidebat. Hic Isaac Judæum, quem imperator ante quadriennium ad memoratum regem Persarum cum Lanthfrido et Sigismundo legatis suis miserat, reversum cum magnis munieribus nuntiaverat : nam Lanthfridus, et Sigismundus ambo in eodem itinere defuncti sunt. Tunc ille misit Ercelbaldum notarium in Liguriam ad classem parandam, qua elephas, et ea, quæ cum eo afferebantur, subvehi possent. Ipse celebrato die natalis S. Joannis Baptiste Hipporediæ, Alpes transgressus, in Gallias reversus est ». Hæc de his ibi. Porro tum elephantem, tum reliqua munera reflecta esse in Africa, et comparata classe, illuc reversum Isaac ac deferenda ea in Italiam, idem auctor inferius docet.

21. *Salvius martyr.* — Hoc eodem anno de martyrio Salvi, sive Salvii episcopi hæc refert Sigebertus : « Sanctus Salvus episcopus veniens ab Aquitania ad fiscum Valentianas a Winigardo filio Genardi procuratoris ipsius fisci martyrizatur; et super ejus corpore requirendo Carolus magnus imperator divinitus tertio admonitus, corpus quidem inventum honorifice sepelivit, inlerfectores autem ejus gravi poena mulctavit, nec tamen per hoc in eos ultio divina cessavit ». Hæc Sigebertus. Sed corrigere in ipso quod ait Salvum pro Salvio. Fuit iste episcopus Engolismensis, qui prædicatio Evangelicæ causa, una cum socio in Gallias veniens, a dicto nefario homine clam comprehensus in capite securi pereussus interiit. Qua morte pariter affectus est ejus socius, Superius nomine, quorum natalis martyrii dies agitur vicesima sexta Junii, elevatio autem idibus Octobris. Plura de his Molanus habet in natalibus sanctorum Belgii. De ipsorum autem corporum inventione habet ista : « Corpora in stabulo juuentorum sunt defossa beati Salvii subtus, et comitis ex transverso in for-

<sup>1</sup> 4. Reg. XXII. XXIII. — <sup>2</sup> Apud Sigou, an. 802.

mam crucis. Quorum sepulturae locum taurus quasi dux et custos armenti a reliquis animalibus, et ab immunditia conservavit. Visa sunt a diversis etiam luminaria in stabulo. Sed Carolus imperator ter ab Angelo admonitus est, ut corpora sanctorum quæreret. Quae inventa ex martyrum manifesto indicio, ad Ecclesiam S. Martini sunt translata, ubi usque hodie signis et miraculis clara coruscant ». Haec de his ipse.

22. *Irenis munificentia in laxandis tributis.* — De rebus Orientalibus anni hujus illud visum magni momenti, quod Theophanes ait: « Martio mense, nona Indictione, Irene pia imperatrix Byzantii civilia donavit tributa ». Quanti autem ponderis fuerit ista Irenes munificentia: ex Epistola Theodori Studitæ, tune ad eamdem imperatricem scripta, facile cognoscet, septima est ordine posita libro primo Epistolarum in Codice Columnensi, quæ sic se habet:

« Irena Augustæ Theodorus.

« Vox in Rama audita est (ait visionum Dei spectator<sup>1</sup> Jeremias) ploratus et ululatus multus: Rachel tum plorans filios suos. Nunc vero qualia, et cuiusmodi sunt præsentia? Undenam hesterni, domina optima, sacri palatii tui nuntii, quos vidi mus et audivimus, cum recentes nobis operum tuorum laudes commemorarent? Personuerunt revera ambæ aures nostræ. Quid ergo? Quia sustulisti signum ab extremis finibus tantæ pietatis. Et ecce ad te veniunt undique nubium instar advolantium preces quamplurimæ, Deum laudantes pro auspicatis actionibus tuis. Dic nobis domina: equis ille est, qui eastissimam mentem tuam erexit ad altissimos sensus veritatis, ut tanquam ex edita specula et sublimi haec talia cerneret Deo grata et sancta? Doce, unde tantus tibi pietatis amor incessit, ut Deo placentia insatiabiliter expereres, et ad summum culmen pertingeres saluberrimæ erga Christianorum tum animas, tum corpora providentia? An ut divina intelligens et amplectens, maternum in morem non satis duxisti, populum cœlesti ore ex Ægyptiaca quadam servitute, impia, inquam, fide liberasse; nisi ad preterita et siderum instar varie colluentia beneficia tua, hanc veluti quemdam virtutum tuarum colophonem, adjiceres gratiam?

« Sanctus, Sanctus, Sanctus. Lætetur<sup>2</sup> cœlum desuper, cum saeræ vocis<sup>3</sup> Isaia dicamus (lametsi temerarium est) quia Deus per te misertus est populi sui. Impletum est ergo universum regnum tunn gaudio et exultatione, quoniam ablatum est jugum, quod premebat, et sceptrum de collo potentiae hujus. Quis talia audivit? Eia dicite viri: Quis sub alio imperio tale ac tantum facinus vidit? Laudate eam omnes populi, magnificate eam mecum principes et subditi, sacerdotes et monachi, et Christianorum natio universa.

23. « Non enim admiranda solum fuit tot auri

talentorum remissio (quanquam incomparabilis illa res est) verum etiam quod injustilæ multiplex via hac simul ratione præcisa est, opus fuit longe sanctissimum. Sublati sunt e medio nexus violenterum lethiferarumque exactionum, qui prædecessores tuos omnes latnerunt, licet ex eis nonnulli pie sancteque imperaverint. Hoc enim ibi servabatur. Cessit jusjurandum, crebra dejeratio, vel polius perjurium exigentium simul et debentium, utrisque simul pro re mala altercantibus, dum ille celari debitum exprobrat, hic contra se opprimi, sacramento adjurat. Cessavit inopum afflictio, et pauperum sollicitudo, non jam quo remedio mendicitatem depellant, querentium, sed ut prævaricationem, et quod desursum quodammodo ut peccati fœtus irrupit, coactoribus persolvant. Non pendunt nunc viæ terra marique vesticalia. Consona sunt haec magni et sancti Chrysostomi verbis: Non spoliantur injuste pecunia mediterranei ab iis, qui angustos viarum aditus obsident, agrestis cujuspam daemonis more, aut immansuetæ feræ, delibantes semper aliquid ex sarcina pauperis viatoris. Nec turpum hujusmodi quæstuum metu domi se continent egeni, neque oppida, neque maritima loca frequentantes: ubique enim iniquitatis scopuli prominent.

24. « Non amplius nautæ ab Oriente et Occidente et Aquilone solventes, navigando præfocantur, tanquam ex gutture angustis faueibus portuum reddituri. Liberati sunt qui venaudi artem exerceant, expedite nunc illam obeuentes, Irene sacrosancta: pescator, qui tres forte pisces traxit, idque post magnum prorsus laborem totius diei, unum pendere non cogitur. Auceps cum areu, aut visco pauculas forte aves ceperit, ad victum sibi necessarias, rationum expers manens, beatius vivet. Militum uxores, domesticum luctum habentes ob virorum amissionem, non acerbe insuper flebunt miserabilem et inhumanam pro mortuo exactiōnem. Missos facio subulcos, ovium institores, vini emptores, mitto lanios, textores, ferrarios, sutores, fullones, aromatarios et architectos, atque ut paucis complectar, artem omnem, que in muro, vel in ligno, vel in alia demum materia cernitur, ne longior sim.

« Ad hanc monetæ sectionem, optima domina, plauiserunt omnes suis manibus, et gavisi sunt gaudio magno valde, dicentes: Benedic te, Domine, quoniam misertus es mei, et factus es mihi in salutem. Propterea fiduciam sumam in hoc divinitus dato imperio tuo. Haec omnia laudis plena et prædicationis, Irene Deo cara, dulcis res, et nomen. Haec non solum, qua patet imperii tui potestas, sed ad ipsos usque orbis terræ terminos celebrabitur: audientque de nobis exteræ gentes, et mirabuntur, et obstupescerent sapientissimarum actionum tuarum felicitatem. Reverentur enim hominum virtutem etiam hostes, ait Theologorum clarissimus. Ha conservatur inconcussum imperium tuum, ita cedunt et lubenter obedient tibi subditi.

<sup>1</sup> Jerem. XXXI. — <sup>2</sup> Laudate cœli, Vulg. — <sup>3</sup> Isai. XLIV.

23. « Hac arte Deum colis, hac electos Dei angelos laetificas, imo et illos, qui sancte ac juste vitam ducunt, Irene divinum nomen, in his pietas tua elueet, in his os omne et lingua in laudes tuas aperitnr. Hæc vera est gloria Ecclesie: hoc sigillum assertæ in te paternæ et divinitus inspiratae Christianorum fidei Orthodoxæ, vindex Dei, et veritatis propugnatrix. Tanta sunt virtutum tuarum incrementa: quam magna et præclara merces tua! Quanta et quam excellens retributio ab universorum Deo! Magnum enim et prorsus est, vel unum servare: Quidni enim? cum dicat divina Scriptura<sup>1</sup>: Qui educit dignum de indigno: erit sicut os meum.

<sup>1</sup> Jerem. xv.

Tot animas et populum omnem servasse, quomodo magnum non censeatur et gloriosum, et cælesti munificentia dignum? Tuum ergo magnum revera et efficax nomen, imperium cum omni bono aggressa es: tu easdem justitiae reliquias semper vigere sinas ». Hæc Theodorus Studita de proficia valde populo imperatricis in remissione tributorum munificentia. Verum bene operantes Deus ad maiorem probationem sœpe alligi, terrenisque bonis nudari permittit, ut majoribus reddantur digni numeribus. Regia via ista est sanctorum attrita vestigiis, per quam pariter, cum postea ambulare Deus Ireneum concessit, non reprobationis signum, sed quod Deo gravior esset, fuit certius argumentum.

Anno periodi Graeco-Romanæ 6294. — Anno Æra Hispan. 839. — Anno Hegiræ 185, inchoato die 20 Januar., Fer. 4. — Jesu Christi 801.

— Leonis III pape 7. — Caroli imp. 2. Irenes iterum 5.

4. *Victoria Caroli et Leonis III.* — A num. 1 ad 9. Dum Carolus Roma adhuc esset, hæc contigisse annalista Loiselianus nos edocet: « Ordinatus deinde Romanæ Urbis, et Apostolici, totiusque Italæ, non tantum publicis, sed etiam Ecclesiasticis et privatis rebus (nam tota hyeme non aliud fecit imperator), missaque iterum in Beneventanos expeditione cum Pippino filio suo, ipse post Pascha, VII kal. Maii Roma profectus Spoletium venit ». Quare per tres integras hebdomadas in Urbe post Pascha mansit imperator. Ad illud tempus quo res Italæ Carolus Augustus ordinabat, Cointius hoc anno num. 3 refert victoriam, quam Leo et Carolus ad Ansidoniam urbem Tusciae de suis hostibus insigni miraculo reportarunt, ut ex eorum patet Diplomatica, neenon ex alio quod in ejusdem postea confirmationem Alexander papa IV emisit; quod utrumque recitat Ugbellus in Ostiensium episcoporum Catalogo in Episc. xi. Leo III et Carolus imp. in suo Diplomatica sic loquuntur: « Dominus noster Jesus Christus per angelum suum in visione nobis videri fecit, ut caput prædicti martyris (Anastasii scilicet) ad ejus pugnam, quam nos ad præfatam civitatem (nempe Ansidoniam) habebamus, cum Dei laudibus adveniret; nostris vero inimicis dicebat, ut vincebamus, et nos ita talia fecimus: et nunc auxiliante Deo, et isto præfato martyre, adveniente ejus capite (quod ex monasterio prope Romanæ ad Aquas Salvias sito delatum est) terræ motus venit super nostris inimicis, et terror appre-

hendit eos, et parietes irruerunt, inimici vero nostri in nostris manibus devenerunt, et omnes interficti fuerunt ». Alexander IV in suis ad abbatem fratresque monasterii sancti Anastasii litteris confirmat Ecclesie eorum « civitatem Ansidionis cum omnibus Ecclesiis et pertinentiis suis, olim ab infidelibus et inquis hominibus possessis, sed præterea a memorato Carolo imperatore una cum præfato Leone prædecessore nostro (inquit Alexander) meritis et auxiliis B. Anastasii martyris, ejusdem capituli ostensione devictam et destructam, propter quam victoriam Ecclesie supradicti martyris præfas possessiones donavit ».

2. *Italia terræ motu concussa.* — Imperator urbe digressus Spoletum accessit. « Ibi dum esset, II kal. Maii, hora noctis secunda, terræ motus maximus factus est, quo tota Italia graviter concussa est », inquit annalista Loiselianus, cui cæteri suffragantur. In Annalibus Fuldensibus, hic *terræ motus per totam Italiam tam vehemens fuisse* dicitur, « ut in quibusdam locis urbes ruerent et montes, et tectum Basilicæ beati Pauli Apostoli Romæ cum trabibus suis magna ex parte decidet ». Sigonius refert, ob id institutum esse a Leone, ut præcedentibus tribus Ascensionem diebus, supplicationes ad diversa tempora haberentur. Quam rem Mamerlus episcopus Viennensis in Ecclesiam primus intulerat. Et in libro de Vitis Romanorum Pontificum, qui nomine Luitprandi diaconi circumfertur, et auctorem exeunte nono saeculo mo-

nachum germanum habuisse creditur. Leo III, cap. 98 dicitur constituisse, « ut tres dies ante Dominicam Ascensionem litaniae celebrarentur ». Mammerti Rogationes, quae Domini Ascensionem antecedunt, litania Gallicana appellatae sunt, quia earum institutio a Gallia, et Litania Minor, ut haec a Majori distingueretur, quae VII kalendas Maii celebratur. Frodoardus in Fragmento de Romanis Pontificibus a Mabillonio sœc. iii Benedict. part. 2 edito, dum de Leone III verba facit, de his Rogationibus Gallianis ait :

Hæc et multa subhinc numerosis dotibus augens,  
Jura precium cumulat, servandaque Gallica tradit  
Ascendens iter Domini præuentia vota.

**3. Leonis III opera publica Anastasius ordine recenset.** — Recitat istum terræ motum Baronius ex Anastasio, et ex eodem verba facit de variis aedificiis a Leone III constructis, variisque ornamentiis Ecclesiis Urbis Romæ ab eodem donatis. Verum Baronius tam de iis quæ Leo III ante terræ motum, quam de illis quæ post illum egit, promiscue loquitur. Certum tamen Anastasium in Vita Leonis III ejus opera publica temporis servato recencere; qui ordo, cum ad graves difficultates solvendas aliquando conducat, in Annalibus minime invertendus. Anastasius itaque pag. 42t edit. regiae quatuor, incipit enumerare opera publica Leonis III ante suum ex Urbe discessum. Tum pag. 123 et seqq. Iloquitur de ejus persecutione et Romam reversione. Deinde pag. 127 et seqq. usque ad finem Vita Leonis III sigillatum enumerat dona ab eo variis Ecclesiis collata, plurimaque aedificia ab eo Romæ condita. Terræ vero motum, qui hoc anno accidit, loco suo refert pag. 128. De triclinio Leonino sermonem habet pag. 123, paulo antequam de ejus persecutione sermonem habeat, ut anno superiori insinuavimus, dum refellimus Alemannum, qui cum non animadvertisset, Anastasium in hujusmodi operibus publicis recensendis temporis ordinem servare, arbitratus est triclinium Leoninum, in quo exhibentur variae inscriptiones, præseruante una in honorem Caroli regis, ante præsentem annum aedificatum non fuisse, sive viam sibi praeculsius iisdem inscriptionibus recte explicandis, ut ibidem vidimus. Baronius an. DCCXCVI, num. 30, suo loco de illo triclinio egit, uti et Cointius eo anno num. 404 et seqq. et Marca lib. 3 de Concordia cap. 41, licet nec Cointius, nec Marca animum adverterint ad ordinem temporis ab Anastasio in Vita Leonis III servatum, perperamque existimant, cum vexillo sancti Petri eo anno a Leone III ad Carolum transmissso collatum ei fuisse dominium Urbis.

**4. Carolus addit leges ad Longob.** — A num. 9 ad 20. Agit Baronius de variis legibus a Carolo imp., dum adhuc in Italia versaretur, emissis. Num. 9, refert ex Sigonio Praefationem legum a Carolo imp. Mutinæ datarum et directarum « cunctis reip. per provinciam Italæ præpositis, anno ab Incarua-

tione D. N. Jesu Christi DCCCI, Indict. IX, anno regni nostri in Francia XXXIII, in Italia XXVII, consulatus autem nostri primo ». Quibus ex verbis patet eas leges hoc anno post kal. circiter Junias datas esse; cum Carolus anno DCCCLXXIV, circa Junii initium universi regni Longobardici possessionem inierit. Liquec secundo, Carolus, Orientalium imperatorum exemplo, ipso die quo imperator acclamatus est, *consulatum perpetuum* capessisse, quod Caroli exemplo a Ludovico Pio, et a quibusdam aliis successoribus ejus, etiam in usum vocatum. Praefatae Praefationi subjiciuntur octo capitula, quæ dicuntur addita ad legem Longobardorum, et recitantur a Baluzio tom. I Capitularium reg. Franc. pag. 346, et a Labbeo tom. VI Concil., pag. 1159.

**5. Varii populi Carolo subjecti.** — Baronius num. 42 refert partem legis Caroli imp. quæ integra recitat lib. 6 Capitularium Franc. cap. 366, et apud Baluzium citatum pag. 986. In ea Carolus numerat populos sibi subditos, Romanos, Francos, Alamannos, Bajuvarios, Saxones, Turingios, Fresones, Gallos, Burgundiones, Britones, Langobardos, Vascanos, Beneventanos, Gothos et Hispanos. Ubi dubium esse non potest, inquit Baluzius in Notis ad illud Capitulum, quin per Gallos intelligi debeant homines originis Gallicæ, Franci quidem Francico imperio subjecti, sed qui genus repetebant a vetustis Gallia incolis ante Francorum adventum. Gothi et Hispani Francico imperio subditi eamdem regionem incolebant, id est, eam Hispaniæ partem quæ nunc Catalonia dicitur usque ad flumen Rubricatum, ubi fuit limes regni Francici. Gothi igitur in ea Hispaniæ parte habitantes ii erant, qui supererant ex regno Gothorum; Hispani vero qui ex ea Hispaniæ parte orti erant, quam Saraceni tenebant, et se in regnum Francorum contulerant, ut sese Saracenorum jugo subtraherent.

**6. Capitulum de honoranda Sede Apostolica.** — Baronius num. 45 recitat Praefationem libri primi Capitularium ab Ansegiso abate collectorum, in qua cum Carolus dicitur tantum rex et rector regni Francorum, appareat, tam Praefationem illam, quam capitula LXXXII, quæ ei subjiciuntur, ad hunc Christi annum, quo jam Carolus Augustus erat, non pertinere. Ea itaque edita anno DCCCLXXXIX, ut eodem anno insinuavimus. Baronius jam antea num. 40 refulerat Capitulum de honoranda Sede Apostolica, quod ibi annumerat legibus Caroli, quamvis ad annum DCCXCV illud attribuat canonicibus Synodi Triburiensis. Baluzius in Notis Capitularium tomo II existimat, Ivonem Carnotensem episcopum primum fuisse, qui illud Carolo tribuerit, hinc deceptum quod apud Burchardum sequatur statim post duo capitula, quæ vere sunt Caroli; cum certum sit illud reperi inter canones Synodi Triburiensis. Idem Baluzius in Additione ad lib. 2 de Concordia cap. 46, recte conjicit, Patres Synodi Triburiensis Capitulum illud ex legibus Caroli mutuatos esse, atque ita suam fecisse legem quam approbaverunt.

**7. Alcuinus de negotiis sacerdotalibus deserendis cogitat.** — Ad num. 21. Imperator celebrato « die natali sancti Joannis Baptiste apud Eporeiam, Alpes transgressus, in Galliam reversus est », inquit Eginhardus in Annal. eui varii annalistae consentiunt. Alcuinus, qui Turonis febri laborabat, ubi Carolum eis Alpes reversum audivit, felicem ei redditum statim gratutatus est missis per Candidum inimiculis, ac Epistola quæ inter Aleuinianas est ordine xxiii. In ea testatur se magno desiderio teneri, ut a sacerdotalibus occupationibus liber omnino fiat : « Fere ante hoc quinquennium sacerdotes occupationes, Deum testor, non fieto corde declinare cogitavi. Sed vestræ piaë providentiae consilio translatus sum in servitium sancti Martini, fidei Catholicae et Ecclesiasisticæ saeculioni, donante Deo, proficuum. Non recessit tamen de corde prioris voluntatis effectus, sicut transacto anno vestræ pietati jam prædixi ».

**8. S. Salvius episc. Engolismensis martyrium facit.** — Ante idus Octobris ad Schaldim pervenit *Carolus*; illis enim idibus elevationi sancti *Salvi* prope Valentianas interfuit. *Salvius*, qui Engolismensem episcopatum gessit in Aquitania secunda, Valentianas regium ad Schaldim fiseum adiit, ut reliquias Ethnicae superstitionis in ea regione penitus extirparet; sed cum ingressus fuisset cum socio domum *Genardi* fiscalis procuratoris, a quo fuerat ad epulas invitatus, supervenit ejusdem *Genardi* filius, nomine *Winegordus*, qui ut aureum calicem et indumenta pretiosa, quæ beatus vir ob mysteriorum dignitatem secum ferebat, sua faceret, eum non multo post per famulos suos occidendum curavil. *Carolus* cædis auctores gravipœna mulctavit, et apud *Brenam* erexit Ecclesiam, quam tertia sui fisci parte locupletavit ad alendos canonicos. *Sanctus Salvius* memoratur in Martyrologiis Romano, Usuardi et Molani ad diem vi kalendas Julii. *Carolus* Valentianis prefectus est ad Aquisgranense palatium, ubi Natale Domini celebravit, ut varii annalistæ annotarunt.

**9. Bellum Beneventanum et Saracenicum.** — Eginhardus in Annal. ad hunc Christi annum scribit : « Ipsa æstate capta est Barcinona civitas in Hispania, jam biennio obsessa. Zatim praefclus ejus, et alii complures Saraceni comprehensi : et in Italia Teate civitas similiter capta et incensa est, ejusque praefectus Roseinus comprehensus. Castella quæ ad ipsam pertinebant civitatem, in ditionem accepta sunt ». Alcuinus, eum de bello Beneventano rumor spargebatur, seripsit Epistolam xxiv ad Carolum, in qua meminit prioris *per Candidum* famulum suum missæ, et Carolum rogavit, ut attente perpenderet, quid utilitatis ex bello Beneventano adepturus esset orbis Christianus : « Optime nosti quomodo divina pro te pugnabat providentia. Patrem fratremque hujus impiissimi hominis (nempe Grimoaldi) in brevi tulit articulo. Sic etiam, sic faciet, credimus, si illius sancta voluntas disposuit, ut iste (nempe Grimoaldus) per-

eat, sine aliquo fidelium damno tuorum eveniat ».

**10. Barcino Saracenis crepta.** — *Zatum* sive *Zaddo* Ludovico Aquitanæ regi ad Ilerdæ expunctionem proficiscenti, et per iter publicum in conspectu Barcinonæ pergenti urbem non tradiderat ex legibus hominii : « Cui Barcinonæ appropinquanti », inquit auctor *Vite Ludovici*, « *Zaddo* dux ejusdem civitatis tanquam subjectus occurrit, nec tamen civitatem dedidit ». Quare obsidio Barcinonis anno *Deccxcix* coepit ; cum per biennium pretracta aestate hujus anni finem accepit. Idem auctor *Vite Ludovici* prodit, *Zaddonem* nimis credulam familiaris cuiusdam sui verbis, et jam annona penuria laborantem, accessisse Narbonam, scilicet ut æquas conditiones ditionis acciperet : « *Zaddo* dux Barcinonensis, inquit, suasus est a quodam sibi, ut putabat, amico Narbonam nsque procedere. Qui comprehensus, Ludovico regi est adductus, et patri Carolo itidem perductus ». Ludovicus capto duce, ut faciliorem sibi capienda urbis occasionem paratam videbat, validum exercitum in Aquitania instruxit; ejus partem penes se Ruseinone commorantem retinuit, alteram, cui comes Gerunda *Rostagnus* præeral, ad Barcinonem arcta obsidione premendam ac vallo fossisque cingendam direxit; tertiam vero, quam ducebat *Willemus*, postea monachus, in excubiis posuit adversus hostes, si qua subsidia obsessæ urbi ferrentarent. *Alhaca* rex Cordubæ, seu Saracenorum Hispanias incolentium de periculo commonitus ab obsessis, graves copias mittit : quæ tamen ultra Caesaraugustam non austæ progredi, in Asturum regiones incubuerunt. Tandem obsessi ad desperationem ultimam versi eum, quem pro *Zaddone* constituerant, se et civitatem dediderunt, ut inquit auctor *Vite Ludovici*; quod contigit post hebdomadas sex ab adventu ejusdem *Ludovici* in castra, declinante aestate. Vetus erat dominatio Francorum in civitate Barcinonensi, sub præfecti tamen Saraceni administratione, qui regiam majestatem colebat. Sed tandem hoc anno civitas hæc Mauris omnino crepta est, cui regendæ Ludovicus rex præfecit *Beram* comitem, ut seribit auctor *Vite* ejus.

**11. Cultus divinus Barcinonæ restitutus.** — « Tradita ergo et patefacta civitate, primo quidem die custodes rex illuc destinavit; ipse autem ab ejus ingressu abstinuit, donec ordinaret qualiter eum digna Deo gratiarum actione cupitam atque susceptam victoriam ejus nomini consecraret. Antecedentibus ergo eum in erastinum et exercitum ejus sacerdotibus et clero, cum solemní apparatu et laudibus hymnidicis portam civitatis ingressus, et ad Ecclesiam sanctæ et Victoriosissimæ Crucis pro Victoria sibi collata gratiarum actionem Deo acclamans progressus est », inquit idem auctor. *Marea lib. 3 Marcæ Hisp. cap. 16.* ubi de Barcinonensi obsidione agit, num. 9 seribit : « Cæterum ex narratione auctoris *Vite Ludovici* patet Christianorum

Barcinonensem Basilicam ea tempestate titulo sanctæ Crucis fuisse insignitam, quem cathedralis Ecclesia effiamnum retinet. Ipsa quoque sacerdotum et reliqui cleri mentio docet Christianos libere sacros ritus in ea civitate peregrisse sub tuitione regum Francorum ». Verum existimo præsulem eruditissimum falli. Saraceni enim ab annis circiter nonaginta, per quos celebrem illam urbem in littore maris positam tenuere, Ecclesias Christianorum in fana Mahometica converterant, et manifestum videtur auctorem Vitæ Ludovici Pii loqui de sacerdotibus et clero domestico regis, qui exercitum sequebantur : et qui eo urbem ingrediente non ante eum venere, neque ex ea egressi sunt, sed processere cum eo ac ante illum usque in Ecclesiam sanctæ Crucis, sic ab eodem auctore per anticipationem appellatam. Incertum vero, an Ecclesia illa antequam Barcino in Saracenorum potestatem venisset, sanctæ Crucis dicata fuerit, vel titulum illum quem adhuc retinet, tunc a Ludovico accepterit.

**42. Auctor Vitæ Ludovici Pii in notatione temporum non accuratus.** — Hanc urbem præsentí anno a Ludovico captam, testantur Eginhardus in Annal. ac tam annalista Berlinianus quam Loiselianus. Verum auctor Vitæ Ludovici Pii, qui rem gestam accurate narravit, in notatione temporum, præsertim in iis quæ in Hispania gesta, valde erravit; quod mirum videri non debet, cum ipsem fateatur quæ de Ludovico antequam imperaret, scripsit sese tantum relatione accepisse : « Porro quæ scripsi usque ad tempora imperii, Adhædmar nobilissimi et devotissimi monachi relatione didici, qui ei coævus et connutritus est. Posteriora autem

qnia ego interfui rebus Palatinis, quæ vidi et compere potui, stylo contradidi ». Zaidus Ludovico anno DCCXCIX ad Herda expugnationem proficisci, et Barcinonæ appropinquanti *jam subjectus occurrit, nec tamen civitatem dedidit*. Et tamen hic auctor dieit, id contigisse *rege Romam proficiente, ibidemque infulas imperatorias suscipiente*, anno nempe DCCC. Quod manifeste a veritate alienum ; alioquin Barcino per biennium obsessa non fuisset, cum ipsem asserat Ludovicum æstate in Hispaniam contendisse. Tum narrat gesta a Ludovico anno DCCCI, atque : *Redeunte tempore aestivo Carolum Saxoniam petiisse, et totam Saxoniam subegisse, ac bello XXXIII annorum finem imposuisse*. Et tamen Carolus eo anno in Saxonia non fuit, belloque Saxonum nonnisi anno DCCCV profligatum. Tertio scribit, *hyeme transacta*, ideoque anno DCCCI Carolum ab externis bellis quiescentem loca sui regni mari contigua circuisse, et Ludovicum filium sibi Turonis occurrisse. Et tamen eo anno Carolus Aquisgrano non discessit, et Turonos profectus non est, nisi anno DCCC, ut habet Eginhardus in Annal. Subdit hic auctor, *æstate sequente*, anno nempe DCCCI, Zadonem ducem Barcinonensem a Ludovico captum, et *succedente tempore visum esse regi et consiliariis ejus, ut ad Barcinonam oppugnandam ire deberent*. Et deinde de obsidione Barcinonensi verba facit, anachronismo nempe quatuor aut quinque annorum. Quare nec obsidionem Barcinonensem, nec ternam Tortonæ seu Dertosæ aggressionem, de qua infra hic auctor, suis annis reddidit, et ex annalistis Francicis corrigi debet.

**4. Nicephorus imperium Orientale occupat, pulsa Irene.** — Annus sequitur Redemptoris octingentesimus secundus decimæ inchoatæ Indictionis, quo (inquit Theophanes) pervenerunt Constantinopolim legati sive apocrisiarii a Carolo Magno imp. et a Leone Romano Pontifice ad frenem Augustam missi, pro pace et perpetua concordia ineunda. Auctor est Zonaras, Carolum imp. per legatos Constantinopolim missos, expetiisse conju-

gium Ireneæ imperatricis : ipsamque a Iali connubio minime abhoruisse. Porro quasi hi missi essent non ad conciliandas nuptias, sed ad spectandam tragœdiam, omnia sub eorum oculis continuo mutata sunt : nam Constantinopoli cum adhuc essent, ipsa Augusta e solio turbata alque in ordinem redacta, Nicephorus tyrannus invasit imperium. Quomodo autem ista se habuerint, ex eodem Theophane primum audi : « Sequenti autem anno,

qui primus annus Nicephori, pridie kalendas Novembris, Indictione undecima, quarta noctis hora, quæ feria secunda lucescit, idem Nicephorus cum esset patricius et logotheta generalis, tyrannidem adversus Irenam piissimam concitavit, Deo quidem ineffabilibus ob nostrorum multitudinem peccatorum iudiciis indulgente, cooperantibus ei Niceta patricio ac domestico scholarum, et Sisinnio patricio fratre ejus, viro perjuriis et fraudulentissimo, et Niceta Triphilio. Erant autem et cum eo Leo patricius Mausulatii, et Theoclistus patricius, et Petrus patricius et questor, seducentes quosdam e populo, qui erant ex ordinibus.

2. « Cumque venissent ad portam, quæ dicta est Chalee, custodesque falso ac subilo decepissent, persuaserunt eis ut crederent, quod ab ipsa fuerant destinati, quatenus eumdem Nicophilorum imperatorem appellarent, eo quod Aelius patricius sibi vim inferret ad annuntiandum fratrem suum Leonem imperatorem. Qui mendacio tanto credentes, imperatorem pariter pronuntiaverunt eum, qui era tyranus. Taliter ergo ad magnum palatium iidem venientes ingressi sunt illud; indeque per totam urbem ignobiles servos dirigentes, acclamacionem fecerunt ante medianam noctem, et custodes in medio palatii, quod Eleutherii nuncupatur, posuerunt, ubi contigit imperatricem esse. Diluculo sane accersentes eam, concluserunt eam in majori palatio, et ita processerunt ad magnam Ecclesiam ad coronandum scelestum.

« Convenit interea universa multiludo urbis; et omnes quæ super his gerebantur moleste ferebant. Maledicebant coronanti et coronato, cunctisque congratulantibus ei. Evidem cum ratione et religione viventes, divinum mirabantur iudicium, qualiter eam permiserit, quæ pro recta tute more martyrum agonizaverat, a subulco expelli, præser-tim cum ei devotissimi ejus præcipue adhaerere propter avaritiam proposuerint, Leo scilicet patricius eunuchus et sacellarius synopeos, et Deo perosi trium filii ac patricii, qui superius dicti sunt, qui donis plurimis ab illa ditati sunt, et cum ea sæpe convescentes, et adulacionibus cum juramentis horribilibus cerlam redditentes, omnibus mundi rebus se necessariorem reputare quam haberent erga illam benevolentiam affirmabant. Alii autem ut in extasi facti gestorum certitudinem minime sentientes, somnium se vidisse putabant. Alii autem, qui duntaxat perpendere bene sciebant, præteritam felicitatem beatificabant, et futuram infelicitatem per tyrannidem lugebant, maximeque hi, qui maligni voti tyramni experientiam quamdam anlea perceperant. Porro universos communiter possidebat caligo, et sine consolatione mentis defectio, ne per singula illius miseranda diei deformia verba scribens, protalem sermonem.

3. « Denique sequenti die, sumptis quibusdam ex patriciis, ascendit ad imperatricem custodiæ mancipatam, simulans (ut ei moris erat) falsam benignitatem, per quam et plures decepit; et excu-

sans se, quod invitus ad principalum ascenderit, nec hunc unquam desideraverit: maledicebat autem his, qui se provexerant, et illum insidiis appetiverant, ut proditor Judas Dominum postquam eum ipso cœnaverit, quos et imitatores illius testabatur. Ostensis autem nigris calciamentis, amare se talibus uti præter leges imperatorias affirmabat; fiduciamque habere, dolose monebat eam, etiam cum juramentis de omni corporali requie, quain consequi dominam a servo deceret, nullamque arbitrari ærumnam casus illius hortabatur. Commonebat postremo nil oculere a se imperialium thesaurorum; et damnabat avaritiæ vitium, hos illam habere non ferebatur: languebat enim eo vehementer omnia devorans, omnemque in auro spem et fiduciam ponens.

4. « At vero dilecta Deo Irena quamvis congrueret, ut passione tam repentina commutationis, utpote mulier, teneretur, forti prudentia dixit ad eum: Qui heri quasi servus perjurus fuerat, hodie solers et seditiosus tyranus ac impudens habetur. Ego quidem, o homo, Deum deputo, et pridem cum essem orphana, exaltasse me, ac dein super solium, cum essem indigna, provexisse me: cansam vero depositionis mihi applico, et peccatis meis adscribo. In cunctis autem, ac modis omnibus sit nomen Domini benedictum. Porro modum promotionis tuæ Deo redde. Veruntamen delatas mihi contra te super dignitate, qua nunc circumdaris, auditiones non ignorabam, quas veras fuisse rerum finis ostendit: quas si molestè tulisset, facile mihi erat te interficiendi; sed modo juramentis tuis fidendo, modo tibi parcendo, mullos mihi devotos parvipendi, Deo quæ mea sunt dans, per quem reges regnant et potentes obtinent terram. Sed et nunc cum sis pius, et ab ipso profectus, te adoro, et peto meæ parcere infirmitati, et concede mihi domum Eleutherii a me constructam in refocillationem incomparabilis calamitatis meæ. At ille: Si hoc vis fieri tibi, jura mihi per omnem divinam virtutem, non absconsuram te quicquam ex thesauris imperii, et adimplero postulationes tuas, et omnem placationem faciam. Quæ juravit ei ad pretiosa et vivifica ligna, quia non movebo a te obolum unum: quod et fecit. Verum ille consecutus quod desiderabat, protinus exilio relegavit eam ad Principem insulam in monasterio, quod ipsa ædificaverat. Haec cum adhuc essent in urbe missi Caroli, et quæ agebantur, adspicerent. An. ab Incarnat. Domini cc. xc (secundum Græcorum suppurationem.)

5. « Nicephorus vorax cum rerum imperio potitus esset, nec saltem parum voluit hypocrismi tegere, sed quasi recisurus justitiam, nequam in Magnaura et injustum fore constituit iudicium. Intentio namque tyranno inerat, ut res ipsæ ostenderent, non pauperibus jura tribuendi; sed per hoc omnes, qui magni erant, inhonorandi et captivandi, et ad se, quæ cunctorum erant, transferendi. Videns autem adversus se omnes contristatos, et

pavens, ne forte memores Irenæ beneficiorum adscicerent eam iterum in imperium, Novembre mense, hieme nimium gravi imminente, non est ipsius misertus immisericors ille, sed exilio deportari praecepit in insulam Lesbum, et cautissime custodiri, quin et a nemine contueri ». Haec enim de rebus Nicephori anni hujus Theophanes.

Qui autem missi fuerant legati Carolo Magno imperatore ad Irenem Augustam, acceptis a Nicephoro novo imperatore litteris pacis, ad Carolum Magnum reversi sunt una cum legatis imperatoris anno sequenti. De his enim haec Ado : « Irena ab imperio deposita, Nicephorus imperator Constantinopolis creatur, qui legatos suos una cum legatis imperatoris Caroli remisit. Nam imperator Carolus Jesse episcopum Ambianensem, et Elinigaudium comitem Constantinopolim direxerat. Suscepserunt autem legati Nicephori imperatoris Epistolam inscriptam de foedere pacis, sieque tali pacto Constantinopolis reversi sunt ». Haec Ado et alii anno sequenti de eorum reditu.

6. Quod pertinet ad ejusdem Nicephori fidem : Catholicus licet haberetur, tamen ter impius semper apparuit diversis ex causis ; quod scilicet (ut Theophanes auctor est) faveret Iconoclastis haereticis, probaret (ut dicitur) Manichaorum heresim, et pro ea stabienda Synodum congregarat ; quodque studeret Manichaorum incantationibus, quod insuper ut adversarius Evangelii deridebat colentes divina mandata, quod etiam sacra cuncta ut profana habebat ; quod omnem Ecclesiasticam immunitatem pessimum dedit, jubens praefectos suos, ut episcopis et clericis veluti mancipiis uterentur ; quod itidem sanctas Ecclesias, et sacra hospitalia, omnesque religiosas domos sub tributo redigeret, diras ab eis exactiones extorquens : hoc enim suo imperii primo anno facere aggressus est, ut ex Theophane senties ; postremo autem (quod ceteris omnibus evidenter ejus impietatem ostendit) quod aversatus est Romani Pontificis communionem, adeo ut nec passus sit Nicephori Catholicum patriarcham recens creatum, postquam Tarasius obiit, mittere ex more pro communione Catholica litteras ad Romanum Pontificem : id enim non nisi post Nicephori obitum praestare patriarcha licuit sub Michaeli imperatore, ut idem Theophanes in eodem Michaeli testatur. Omittimus autem modo dicere ejus impietatem de his, que ad politicum statum pertinent. Quæ omnia ex Theophane rerum inspectore cognoscet.

7. *Concilium Altinense ob necem illatam Gradensi episcopo.* — Quod ad res Occidentales attinet, hoc anno celebrata reperiatur Synodus Altensis ab episcopis ejus provinciae, presidente ipsi Paulino patriarcha Foro Juliensi, sive Aquileiensi, a quo scripta extat Epistola Synodalis ad Carolum Magnum. Causa autem hujus celebrande Synodi fuisse videtur immane scelus a duce Venetorum hoc tempore perpetratum, cum in Gradensem furens episcopum, eundem e turri precipitem

dedit. Porro Paulini studium Carolum Magnum implorantis illud fuisse videtur, ut eum adversus Venetos in ultionem tanti sceleris provocaret, ut ejus ostendit Epistola, quæ sic se habet :

« Catholico semperque inclito triumphatori domino Carolo, divina coronante clementia <sup>1</sup> imperatori, Paulinus minimus omnium servorum servus concordi parilique devotione, cum fratribus et cum consacerdotibus nostris roseo in Christo Jesu cruce aeternas multipliciter supplici concinnamus stylisoma voce salutes.

« Et sacris palernorum canonum valenter incitantibus documentis, et vestris (nt verum resonat) mellitis salubribus irrorantibus syllabis in hac, cui Deo auctore, licet indignis, indignoque famulatu deservio, sede, Concilium habitum Altini fuisse, sub nomine regis tranquillissimis vestre serenitatis auribus operæ pretium duximus humilissimis horum, quamvis in cultorum apicum, suppli- citer notulis intimare ». Et inferins :

8. « De sacerdotibus autem plagiis impositis semiue vivis relictis, vel certe diabolico fervente furore, per ejus satellites interemptis, non meum, sed vestre definitionis erit judicium : in vestre itaque potestatis altitudine, in quodam judiciali libello a sanctis olim patribus salubriter prælibato legisse me recolo reservatum. Ob quam igitur causam haec fecerint, vestris certius scio omnino non latuisse, neque latere sacris memoriis. Neminem namque alium arbitrati sunt sanctam Ecclesiam de illatis injuriis, tam potentissime, quam regali animadversione ulcerisci, vicariam ab eo vicissitudinis expetens curam, ut quemadmodum illa eum et in praesenti saeculo, et inter bella spiritualibus non cessat coronare triumphis et caelesti regno, divinam implorando elementiam, participem fieri impetratur ; ita et ille principalem adeptus potentiam, et ab inimicis ejus valenter eam defendere, et de hostibus ejus ultrici invectionis sententia non desinat vindicare.

9. « Non igitur dedignetur benignitatis vestre excellentia, sollicitudinis erga eam pro hoc negotio vigilanter gerere curam, rememorantes per omnia sacri fontis utero, de quo multo longe felicius estis renati, fideique lactis dulcedine enutriti, quam prius materna bene, quamvis vulva generati, carnalibus estis uberibus ablaetati. Egrediatur quapropter (si placet) una de hac re, per universam regni vestri fate diffusam monarchiam decretalis sententiae ultio, quæ nulla unquam possit inimica veritatis et adversatrix justitiae, quælibet urgente refragatiois instincto oblivio abolere. Valde enim hujus sceleris truculenta præstiglia, ob incuriam disciplinæ, per cunctas mundi Ecclesias prævaluere partes. Unde vestri est censura magisterii resecanda haec noxialis morbi modis omnibus pestis, et potentissima docilique funditus manu extirpanda ; quantum sit sancta Ecclesia vestris adjuta præsidiis,

<sup>1</sup> Regi, aliū textus habent.

libera ab humano sanguine impolluta, quæ Christi est pretioso sanguine purpurata; quocirca ejusdem retenti feliciter gremio, et in hac vita incolumes et gloriosi, et æterna beatitudine gaudebundi, semper patiamini, et felices; per Jesum Christum Dominum nostrum, qui cum Patre et Spiritu sancto vivit et regnat Deus in Trinitate perfecta per omnia sæcula sæculorum. Amen ». Hæc sunt quæ vix elicere potuimus ex Vaticano mendosissimo Codice.

10. Cæterum quod spectat ad sacerdotes interemptos, produnt Annales Veneti, Joannem ducem adversus Joannem Gradensem patriarcham ira commotum, classe comparata, ingente patrasse cædem, ipsumque patriarcham e celsa turri præcipitem dedisse. Adversus ista adeo nefanda ejus regionis episcopi in unum coacti litteris scriptis auxilium postulavere Francorum. Porro sequenti anno in locum necati patriarchæ substitutus est Fortunatus, cui Leo papa pallium concessisse reperitur eodem anno Indictione undecima duodecimo kalendas Aprilis. Sed quæ causa præcesserit, ut Joannes episcopus Gradensis tam immaniter trucidaretur, sic accipe.

Christophorus homo Græcus Ulivolensis episcopus, Joanne duce concedente, ac gratia Nicæphori imperatoris ea in re serviente, fuerat constitutus. Quam rem cum iniquo animo ferrent Venetiarum tribuni, Joannem Gradensem patriarcham ne illum consecraret, orarunt. Itaque Joannes obsecutus, Christophorum non solum non consecravit, sed etiam a piorum communione semovit. Quo facto Joannes dux usque adeo exarsit ira, ut Mauritio filio duce assumpto classem Gradum adduxerit, atque oppido primo adventu capto, patriarcham arreptum excelsissima turri præcipilarit. Joanne inde mortuo suffectus est studio tribunorum Fortunatus, sanguinis illi conjunctione propinquus. Hic autem ob turbas inter Venetos civili bello mutuo inter se concertantes abire jussus, ad Carolum Magnum in Gallias se contulit, in quo securitatis suæ Diploma ejusmodi retulit :

11. « Concedit Carolus imperator Augustus Fortunato patriarchæ Gradi, ut ipse, sacerdotes servi et coloni ejus in terra sua, in Istria, Romaniola, et Longobardia et ubique quiete degant. jubetque, ut in possessionibus, quibus rite investitus est, nullus judex publicus injuste ad causas audiendas, præda exigenda, mansiones(mansos), aut paratas faciendas, in justas redhibitiones inquirendas exaretare audeat. Datum idibus Augusti ».

Sed et hoc anno defunctum esse ipsum Paulinum patriarcham Aquileiensem, habent veteres Annales Franciæ ex Pithœi bibliotheca proditi. Porro idem (ut dictum est) Foro Juliensis patriarcha idcirco appellatus reperitur, quod sedes Aquileiensis Forumjulium esset translata, de quo nomine Foro Juliensi in nuper citato loco hæc leguntur : « Hoc anno Paulinus patriarcha Foro Juliensis obiit ». Sed de eo superius pluribus dictum est.

Quod rursum ad eundem Paulinum spectral,

in monumentis Aquileiensis Ecclesiæ ipsum, dum vixit, et post mortem miraculis claruisse, æque legitur. Sed ex iisdem Francorum Annalibus corrigas, quæ habentur in ejus Vita, ipsum diem obiisse anno Domini octingentesimo quarto, et quod legitur in Diplonate illo nomine Caroli imperatoris, datum ipsum anno tertio imperii ipsius, Indictione prima : non enim ista sibi cohærent de annis imperatoris et Indictionis. Porro meminit<sup>1</sup> ejusdem Paulini Walfridus Strabo, cum de hymnis Ecclesiasticis agit his verbis : « Traditur quidem Paulinum Foro Juliensem patriarcham sèpius et maxime in privatis missis, circa immolationem sacramentorum hymnos vel ab aliis, vel a se compositos celebasse. Ego vero crediderim tantum tantèque scientiæ virum hoc nec sine auctoritate, nec sine rationis ponderatione fecisse ». Hæc Strabo. Laudatissimus plane vir, cui cum Albino Flacco hujus sæculi face summa familiaritas intercedebat : quod testantur plures quæ adhuc extant ejusdem Albini ad eum Epistolæ, in quarum ultima hæc ad finem<sup>2</sup> : « Contende meritis esse, quod nomine vocaris : clama, ne cesses, exalta quasi tuba vocem tuam. Sit guttur tuum tuba Dei, prædicta importune. Tu gallus in prædicatione, succinctus in castitate. Tu aries in veritate fortissimus, cui nullus regum resistere poterit. Tu lucerna super candelabrum in domo Dei. Tua lingua cælum claudit et aperit, aperit primum per prædicationis devotionem ». Hæc et alia ad ejus apostolatum congruentia. Coluit eum Luitgardes, sive Liutgardes uxor Caroli Magni, de ejus ad eum munusculis hæc idem Albinus<sup>3</sup> : « Tertium pro filia mea Luitgarde femina religiosa, Deo devota. Nam illa sanctitati tuæ duas direxit armillas auri obryzi pensantes xxiv denarios minus de nova moneta regis quam libram plenam, ut orares pro ea cum sacerdotibus tuis, quatenus divina clementia dies suos disposuisset in salutem animæ suæ, et sanctæ suæ exaltationem Ecclesiæ ».

12. *Paulinus Foro Juliensis episcopus, doctrina pollens, Carolo acceptus.* — Hujus si primordia repetas, invenies, antequam ad patriarchatum vocaretur, fuisse artis grammaticæ professorem : quod ejusdem Caroli Diploma significat. Docuisse grammaticam hoc sæculo etiam homines Ecclesiasticos tradit Eginhardus in Vita Caroli Magni, dum de Caroli eruditione scribens, hæc inter alia habet : « Artes liberales studiosissime cotuit, eorumque doctores plurimum veneratus magnis afficiebat honoribus. In discenda grammatica Petrum Pisanius diaconum senem audivit ». Testatur Lupus<sup>4</sup> abbas monasterii Ferrariensis hujus temporis auctor, se didicisse grammaticam ab Aldrico archiepiscopo Senonensi. Affirmat id ipse in Epistola prima ad Einardum, quem alii nominant Eginhardum : ait enim de ipso : « Doctorem

<sup>1</sup> Walfr. Strab. de reb. Ecc. c. 23. — <sup>2</sup> Albin. Ep. LIX. LX. LXI. LXII. LXIII. tom. I. Antiq. lect. — <sup>3</sup> Albin. Ep. LXII. — <sup>4</sup> Lup. Ep. I.

grammaticæ sortitus sum, præcepta ab eo artis accepi sic : quoniam a grammatica ad rhetoricae, et deinceps ordine ad cæteras liberales disciplina transire, hoc tempore fabula tantum est, etc.» Ita plane, quod qui sciret tantum grammaticam isto sæculo rudi, doctissimus haberetur. Sed ad Paulinum redeamus. Quantum autem coluerit Carolus ipsum, antequam fieret patriarcha, adhuc grammaticis facultatibus operam dantem, ejusdem Caroli tunc de donatione ipsi facta de nobili villa Laberiaua, Diploma declarat, quod in ejus Vita descriptum hie reddere, haud fuerit otiosum. Sic enim se habet :

13. «Carolus Dei gratia rex Francorum et Longobardorum et patricius Romanorum, omnibus episcopis, abbatibus, dueibus, comitibus, castaldis, vel omnibus fidelibus nostris præsentibus et futuris. Merito quidem a nobis sublevantur muneribus, qui nostris fideliter obsequiis famulantur. Et ideo si petitiones eorum, pro quibus nostras pulsaverint aures, ad effectum perducimus, regiam consuetudinem exercemus, atque illorum animum nobis deserviendo provocamus. Igitur notum sit omnium vestrum magnitudini, qualiter cedimus et donamus a nobis viro valde venerabili Paulino artis grammaticæ magistro, hoc est, res quondam et facultates, quæ fuerunt Waldandii filii quondam Mimonii de Laberiano, quæ ad nostrum devenerunt palatum, pro eo quod in campo cum Fotianiso iunio nostro a nostris fidelibus fuerit interfectus, casa videlicet in Laberiano cum omni integritate et soliditate sua, id est, cum terris, dominibus, ædificiis ac colabiis, mancipiis, easis, massaritiis, cum servis et alditionibus, vineis, silvis, campis, pratis, pascuis, aquis, aquarumve decursibus, mobilibus et immobilibus, omnia et ex omnibus quantumcumque prædictus Waldandus ibi, aut alicubi habere visus fuit tam ex domo regum, aut judicium, seu de comparato, aut de quolibet attracto, prædicto Paulino a die præsenti tradimus atque cedimus perpetualiter ad possidendum, ita ut ab hac die prædictus Paulinus suprascriptis de rebus quieto ordine teneat et possideat, et quiequid exinde facere voluerit, liberum in omnibus perferratur arbitrium. Præcipientes ergo jubemus, ut nullus quemlibet de fidelibus aut successoribus nostris prædicto Paulino de iam dictis rebus ullo unquam tempore inquietare, aut calumniam generare præsumat : sed omni tempore ex dono largitatis nostræ ipsas res jure proprietario valeat possidere firmissimo. Et ut hæc præceptio firmior habeatur, vel nostris, vel futuris temporibus melius conservetur, manu propria in æternum decrevimus roborare, ac de annulo nostro jussimus sigillari. Data XV kal. Julii anno octavo regni nostri e Loreia civitate in Dei nomine feliciter ».

Hactenus Diploma datum anno Domini septingentesimo septuagesimo tertio, quo ipse Carolus adversus Desiderium in Italiam venit, quo nume-

rari contigit octavus annus ejusdem regni. Hæc de his quæ ad Paulinum spectant.

14. *Carolus de bonis litteris optime meritus.*—

Ut autem dicere pergamus de Carolo, hoc nomine etiam plurimum illi debet hoc seculum, quod bonas litteras penitus collapsas restituit. Eo namque profundi mersæ erant, ut si quis nobilioris ingenii vellet addiscere, magistrum non inveniret, qui doceret : Carolus Magnus autem effecit, ut scientiae obrutæ ignorantia surgerent. Sed audi Lupum ista scribentem<sup>1</sup> in Epistola ad Eginhardum, sive Einardum, qui erat eidem Carolo a secretis : « Nisi, inquit, intercessisset inopia præceptorum, et longo situ collapsa priorum studia pene interiissent: largiente Domino, meæ aviditati satisfacere forsan potuisse. Siquidem vestra memoria per famosissimum imperatorem Carolum (cui litteræ eousque deferre debent, ut æternitati parent memoriam) ceptæ revocari; aliquantulum quidem extulere caput, satisque constitit, veritate subnixum præclarum dictum : Honos alit artes, et accenduntur omnes ad studia gloriæ ». Hæc de Carolo adeo de bonis litteris bene merente Lopus. Testatur idipsum Jonas Aurelianensis episcopus, qui, quantum profecerint Germaniæ et Galliæ Ecclesiæ bonarum studio litterarum opera ejusdem Caroli Magni, docet his verbis : « Non solum apud Germaniam studium litterarum, et amor sanctarum Scripturarum, verum etiam apud eamdem Galliam ejus memorabilis viri solertissimo studio et ferventissimo desiderio actum est, ut Domino opem ferente in sibi commissæ Ecclesiæ filiis, et liberalium artium apprime disciplina, et divinarum Scripturarum perfecta polleret intelligentia ». Hæc Jonas in exordio Commentarii sui adversus Claudiū Taurinensem, de quo inferius suo loco dicturi sumus. Ansegisus insuper hæc in eamdem sententiam<sup>2</sup> : « Carolus siquidem constituit, in singulis monasteriis et episcopiis scholas esse, ubi ingenuorum et servorum filii grammaticam, musicam et arithmeticam doceantur ». Et in Concilio<sup>3</sup> Cabilonensi, de quo inferius suo loco, de hujusmodi Caroli Constitutione mentio habetur his verbis : « Oportet etiam, sicut dominus imperator Carolus vir singularis mansuetudinis, fortitudinis, prudenter, justitiae et temperantiae præcepit, scholas constituant, in quibus litteraria solertia disciplinae et sacrae Scripturæ documenta discantur, et tales ibi erudiantur, quibus merito dicatur a Domino<sup>4</sup> : Vos estis sal terre, etc. ». His addunt alii Parisiis tunc scholas erigi coepas, atque studio successorum regum præ cæteris in dies magis majori claritate fulsisse; sed et constitutas esse scholas litterarum latinarum et græcarum in Ecclesia Osburgensi in Saxonia, ut ad usum legationum in Orientem mittendarum pueri erudirentur, constat ex privilegio ab ipso Carolo eidem Ecclesiæ concessò, quod inferius suo loco ponetur.

<sup>1</sup> Lup. Ep. I. — <sup>2</sup> Anseg. I. I. — <sup>3</sup> Conc. Cabil. c. 3. — <sup>4</sup> Matth. v.

15. Cæterum ejusmodi in docendis et addiscendis litteris fervor viginus, usque dum Carolus vixit: post obitum vero ipsius, ipsum studium litterarum refrigeruisse nonnihil, idem qui supra velus assertor rerum suorum temporum Lupus affirmat, probro nimirum tunc adscribi consuevit, si quis rei litterariæ operam daret: nam in dicta<sup>1</sup> ad Eginhardum Epistola sic ait: « Amor litterarum ab ipso fere initio pueritiae mihi est innatus; nec earum, ut nunc a plerisque vocantur superstitionis otia, fastidio sunt ». Et paulo inferius de suo tempore, nempe sub Ludovico filio Caroli imperatoris: « Nunc, inquit, oneri sunt, qui aliquid discere affectant, et velut in edito sitos loco studiosos quosque imperiti vulgo adspectantes, si quid in eis culpe reprehenderint, id non humano vitio, sed qualitatibus disciplinarum assignant. Ita dum alii

dignam sapientiae palinam non capiunt, alii famam verentur indignam, a tam præclaro opere destituerunt ». Hæc ipse.

Quibus vides, lector, quas suo tempore Carolus paene extinctas revocavit bonas litteras, easdemque cum ipso ferme defunctas, vel saltem languore correptas, suo genuino caruisse virore; ut non mirum sit, si eo tempore, qui doctiores esse videbentur, iidem juxta Apostolum<sup>2</sup>, infirmi et imbeciles extiterint, et dormierint cæco ignorantiae somno, ut non fuerint ulla tenus assecuti, quæ de saeris imaginibus Nicænum Oecumenicum Concilium statuisse, et Romana Ecclesia comprobasset, ut suo loco superius de ipsis est pluribus demonstratum, et alia occasione iterum dicetur inferius in Ludovico.

<sup>1</sup> Lup. Ferrar. Epist. 1.

<sup>2</sup> 1. Cor. xi.

---

Anno periodi Græco-Romanæ 6295. — Anno Æra Hispan. 810. — Anno Hegiræ 186, inchoato die 10 Januar., Fer. 2. — Anno Hegiræ 187, inchoato die 30 Decemb., Fer. 6. — Jesu Christi 802. — Leonis III papa 8. — Caroli imp. 3. Nicephori imp. 1.

**1. De conjugio Caroli et Irene irrito conatum.** — A num. 1 ad 7. Theophanes anno Incarnat. secundum Alex. DCCXCVI, qui kalendis Septemb. anno Christi DCCC inchoatur, ait: « Hoc anno, quo Indictio nona numerata est, mensis Decembris die XXV, Francorum rex Carolus a Leone papa coronatus est: Siciliamque classe adoriri meditatus, consilium mutavit, cum Irene conjugium et pacem contrahere animo gerens, cuius gratia insequente anno, Indictione nimirum decima, legatos destinavit ». Cum itaque Indictio X kalendis Septemb. superioris anni Christi auspicata fuerit, eo etiam Christi anno legati illi a Carolo Constantinopolim missi. Tum anno Incarnat. secundum Alex. DCCXCIV, subdit Theophanes: « Hoc anno Actius patricius Stauracii metu liber (qui scilicet jam obierat), et ab ea cura exoneratus, summan imperii potestatem in fratrem suum transferre omnem operam adhibebat: qua de causa supremum exercitus ducem per Thraciam et Macedoniam eum institui curaverat, ipse qui Orientalium et Opsicianorum themata trans fretum posita regebat. Tali arrogancia plenus et exæstuans, proceres ad dignitates evectos despiciens, reliquos nihil aestimandos opinabatur. Quare graviter irati seditionem in imperatricem parantes, eam ad finem perducere

moliti sunt. Porro apocrisiarii a Carolo et a Leone papa missi Irenem Carolo matrimonio conjungendam, atque ita Orientis et Occidentis imperii in unum componenda postulantes advenierunt: quibus ipsa assensura erat, si non Actius ipse post imperatricem, ut sæpe memoravimus, cuncta administrans, ac imperium in fratrem transferre meditatus, ejus se consiliis opposuisset ». Hæc currenti anno peracta.

**2. Nicephorus dejecta Irene imperium usurpat.** — Idem Theophanes anno Incarnat. secundum Alex. DCCXCV, qui kalendis Septemb. hujus Christi anni inchoatur, ait: « Hoc anno mensis Octobris die trigesimo primo, Indictione undecima, hora noctis quarta illucescentis feria secunda, Nicephorus patricius, et generalis logotheta in piissimam Irenem, Deo delictorum nostrorum multitudine irritato, et ineffabilibus suis judiciis ita permittente, tyrannidem excitavit », hoc scilicet Christi anno. Narrat postea quibus adjutoribus usus sit, additique ante noctis medium imperatoris designationem perfectam esse, et ex Eleutherii palatio Irenem sub diluculum translatam in magno palatio inclusam fuisse. « Postridic nonnullis patriciis comitatus (nempe Nicephorus) ad imperatricem sub custodia detentam se contulit, fami-

liarisque sibi benevolentiae fallacem speciem, qua multos decepit, præ se ferens, invitum omnino ad imperium (ab ejus siquidem, aiebat, cupidine alienus erat) evectum se excusabat, etc. quare eam sibi confidere cum juramentis monitam corpori solarium omne, quale decet imperatricem a servo, a se exspectare ». Irene generoso atque prudenti animo respondit, se exauctorationis suæ causam delictis suis adscribere, eumque tanquam a Deo promotum imperatorem venerari. Petiit tantum ab eo, ut Eleutherii ædem a se constructam habere permetteretur; quod ille promisit, modo illa juraret, se imperii thesaurorum nihil occultaturam. Sed postquam Irene juravit, « is desideriorum compos in Principi insulam, in monasterium ab ipsa ædificatum, Caroli legatis adhuc in urbe agentibus, et quæ gerebantur spectantibus, eam relegavit, etc. mense Novembri, frigore asperissimo jam terris incumbente, inclemens ac nulla in eam pietate motus, in insulam Lesbum deportari, et sub strictissima teneri custodia, et a nemine penitus conspici mandavit, etc. » Fusæ ibidem Theophanes de Nicephori avaritia et crudelitate verba facit. Legati Caroli, acceptis a Nicephoro novo Augusto litteris pacis, rediere in Franciam cum aliis legatis ipsius Nicephori, de quorum adventu in Germaniam anno sequenti agemus.

3. *Joannes patriarcha Gradensis nefarie occisus.* — A num. 7 ad 14. Administratio reipublicæ Venetæ erat hoc tempore penes *Joannem* ducem et annuos tribunos. *Christophorus* homo Græcus, Olivolensis episcopus, *Joanne* duce Venetiarum contendente, constitutus est. Quod cum iniquo animo ferrent tribuni, *Joannem* patriarcham Gradensem rogarunt, ne *Christophorum* consecraret; quibus enim hic obsecutus esset, *Joannes* dux adeo exarsit ira, ut, Mauritio filio duce assumpto, classem Gradum adduxerit, et civitate primo adventu capta Joanneum patriarcham excelsissima turri præcipitarit, ut narrat Sigonius lib. 4 de Regno Italiæ, ad hunc Christi annum. *Olivola* insula est, quæ partem hodiernarum Venetiarum constituit, illam videlicet, in qua sedes primum episcopalís fuit, deinde patriarchalis ad hodiernam usque diem perseverat.

4. *Concilium Altinense.* — Audito hoc immensi scelere *Paulinus* Foro-Julensis seu Aquitienensis patriarcha Concilium *Altini* mox celebravit, ut constat ex Synodalibus litteris, quarum fragmentum Baronius publicavit, per quas Carolum *imperatorem* Paulinus visus est ad ultionem provocare. Porro *Altinum* urbs olim episcopalís, ab Hunnis

sæculo quinto excisa est, indeque sedes episcopalís ab Longobardorum metum translata *Torcellum* anno DCXXXV, atque abhinc dictus episcopus *Torcellanus* sub Gradensi primum patriarcha, deinde sub Veneto, cui etiamnum subditur. Ex eo vero quod *Paulinus* Altini Concilium celebravit, liquet illud oppidum non ad episcopatum *Torcellanum*, qui patriarchæ Gradensi subjacebat, sed ad Concordiensem tum pertinuisse, qui patriarchæ suberat Aquileiensi. Interim tribunorum Venetorum studio Joanni patriarchæ Gradensi suffeclus est *Fortunatus* ejus propinquus, cui pallium Leo papa concessit, ut liquet ex ejus Epistola Fortunato patriarchæ Gradensi data, quam Cointius anno sequenti num. 41, ex Ughello tom. v Italæ sacrae recitat. In ejusdem Epistolæ fine legitur: « Scriptum per manum Benedicti notarii et scribentarii S. R. E. in mense Martio, Indict. xi, bene valete. Dat. XII kal. Aprilis per manum Eustachii primicerii sanctæ Sedis Apostolicæ, imperante nostro domino Carolo piissimo Augusto, a Deo coronato, magno, et pacifico imperatore anno tertio, Indict. xi », ideoque sequenti Christi anno. *Fortunatus* cum a Joanne el Mauritio Venetorum ducibus plurimum sibi timebat, « consilium Franciam adeundi cepit, ut Carolum adversus duces incenderet, res Nicephori majore, quam par erat, studio complectentes. Quo excepto consilio, duces subito classem Gradum iterum promoverunt, ac *Fortunatum* et *Obelerium* inde excedere coegerunt. Hi cum se Tarvisium contulissent, *Obelerius* a Venetis exulibus dux est declaratus. *Fortunatus* in Franciam, ut constiluerat, properavit », inquit Sigonius laudatus.

5. *Ejus epocha.* — Porro Concilium *Altinense*, quod Cointius in annum sequentem differt, ab hoc anno, quo illud Baronius collocavit, removeti non potest; cum *Paulinus*, ut statim ostensurus sum, hoc anno ad Deum migrarit, et Leo III Joannis patriarchæ Gradensis successori pallium miserit mense Martio sequentis Christi anni. *Paulinus* in litteris Synodalibus ad Carolum datis, postulat, ut judicet « de sacerdotibus plagiis impositis, semique vivis relictis, vel certe diabolico fervescente furore, per ejus (nempe ducis Venetiarum) satellites interemptis ». *Baluzius* in Praefatione ad lib. 4 *Miscell.* pollicetur se integrum sancti *Paulini* Epistolam ad Carolum M. scriptam de rebus gestis in Concilio Altinensi in lucem emissurum (1).

6. *Moritur S. Paulinus patriarcha Foro-Julii.* — Super anno, quo *Paulinus* ad Deum migravit, non est una omnium sententia. Cointius cum Fervario, qui hujus sancti Vitam concinnavit ex Monu-

(1) Datam fidem liberavit *Baluzius*, nam *Paulini* Epistolam integrum vulgavit in tomo vii *Misellaneorum* edito anno MDCCXV, pag. 6. Ibi vero nouissima summa exhibetur corum, quæ in Concilio Altensi decreta fuerint; actum enim in eo dicit *Paulinus* « de causa orthodoxæ fidei, de statu ac foruosa Ecclesiastici enclinis dignitate, de rerum quarumcumque dispendiosa jactura; de quibuscumque necessariis susurrantium quamquam petitionem, de quibus justæ recteque conqueri potest; quarumcumque querula disputationis exhibitiō, nodosa litum allegatione contrita, sacerdotali nihilominus desiderabat enodatum diremphone resolvit ». Hæc Epistola inserbitur *Caroli*, etc. *Regii* unde deducit P. *Rubeus* in *Dissert.* de schismate Aquileiensi cap. 21, datam fuisse ante assumptionem *Caroli* ad imperium, anno DCCC. Verum id parum probat; cum eodem anno DCXXII, exlet *Privilegium* *Caroli* ad episcopum Concordiensem, in quo se regem, non imperatorem *Carolus* appellat. Vide *Ughellum* tom. v, pag. 326, nova edit. Insuper in *Codice Vaticano*, in quo exordium et finis Epistola hujus multo correctius, quam in editione

mentis Foro-Julienibus, eum anno DCCCV mor-  
tuum existimat, ut videre est eo anno num. I et seqq.  
Bollandus ad diem XI Januarii in Elogio Historico  
Paulini num. 26, suspicatur Paulinum diem obiisse  
anno DCCCI, quo Fortunatus Joannis successor pal-  
lium a Leone III impetravit. Verum cum annalista  
Fuldensis scribat: « An. DCCCI Paulinus patriarcha  
Foro-Juliensis obiit », totideinque verbis idem  
habeant annalista Hildesheimensis et annalista  
Cæsareus a Lambecio editus, ac etiam Hermannus  
Contractus juxta editionem Canisii indubitatum vi-  
detur, Baronum accurate mortem ejus cum hoc  
Christi anno copulasse. Nam alibi diximus, Aqui-  
leienses patriarchas, quod Foro-Juli obitum  
fixissent, Foro-Julienses etiam non raro appellatos  
reperiri. Magna fuit Paulini cum Carolo rege fami-  
iliaritas; is eum rebus non in Italia solum, verum  
etiam in Gallia et Germania componendis præfecit,  
ipseque variis Synodalibus conventibus sub eodem  
rege coactis plurimum interfuisse se profitetur in  
Concilio Foro-Juliensi, non sine querela, qui sue  
interim provinciae, quam optabat, adhibere curam  
non potuerit. Fuit etiam magna illi cum Alenino  
ipsius Caroli magistro animorum conjunctio, for-  
san ex utriusque in litteras politiores affectu ac  
studio, ut inquit Bollandus laudatus num. 11  
et seqq., ubi Alcuini litteras omnes memorat,  
in quibus Paulini meminit, ejusque poema re-  
citat, in quo Alcuinus se ejus precibus et la-  
crymis commendat. Scripsit Paulinus libellum de  
sanctissima Trinitate adversus Eliandum Tole-  
tanum et Felicem Urgellitanum antistites, et libros  
tres contra eundem Felicem, ac præterea opusculum  
*De salutaribus documentis*, quod inter Opera divi  
Augustini ante ultimam eorum editionem a patri-  
bus Benedictinis curatam circumferebatur, quod  
illi ex fide Codicum MSS. eidem restituerunt. Dies  
mortis ejus incertus, cum nominis in Martyrologiis  
et in recentioribus auctoribus memoretur.

**7. Carolus munificus erga S. Paulinum.** —  
Carolus anno DCCLXXVI, cum in Italia esset, insignem  
donationem bonorum cuiusdam hominis privati  
fisco suo addictorum Paulino tunc grammatices  
professori fecit, quam Baronius hoc anno et Bol-  
landus loco citato referunt, sed insigni errore cum  
anno DCCLXXIII conjugunt. Nam haec hujus dona-  
tionis subscriptio est: « Data XV kal. Julii, anno

octavo regni nostri e Loreia civitate ». Caroli  
autem regis annus VIII per mensem Junium, quo  
hoc Diploma exaratum, cum anno Christi DCCLXXVI  
convenit; cum Carolus mense Septembri anno  
DCCLXVIII Pippino patri successerit. *Loreiam* Coin-  
tius anno DCCLXXVI, num. 8 interpretatur hodier-  
num Loretum, vulgo *Loredo*, ad Athesim fluvium  
in ducatu Veneto, sed quo situ fuerit urbs in Ca-  
roli Diplomate expressa, plane incertum; ejus  
certe Cluverius in Italia antiqua non meminit.

**8. Carolus litteras in Gallias restituit.** — Ad  
num. 14 et seq. Ostendit Baronius ex istorum tem-  
porum auctoribus, qui Caroli studium in litteris  
restituendis certatim commendant, quantum huic  
principi res litteraria debeat. Ea in re usus est in-  
centore simul et adjutore imprimis Alcuino, qui  
eas non solum libris editis docuit; sed etiam in  
publicis scholis, illis maxime quas in Turonensi  
sancti Martini coenobio, cuius abbas erat, ipse aper-  
ruit: « Ego Flaccus vester », inquit Alcuinus in  
Epistola I ad Carolum, « secundum exhortationem  
et bonam voluntatem vestram, aliis per teeta sancti  
Martini sanctorum nella Scripturarum ministrare  
satago: alios vetere antiquarum disciplinarum  
mero inebriare studeo: alios grammaticæ subtili-  
tatis enutrire pomis incipiam: quosdam stellarum  
ordine, seu picto enjustibet magnæ domus cul-  
mine, illuminare gestio, plurima plurimis factus,  
ut plurimos ad profectum sanctæ Dei Ecclesiæ, et  
ad decorum imperialis regni vestri erudiam. Ne sit  
vacua omnipotentis Dei in me gratia, nec vestre  
bonitatis largitio inanis. Sed ex parte desunt mihi  
eruditioñis scholasticæ libelli, quos habui in pa-  
tria, per bonam et devotissimam magistri mei in-  
dustriam, vel etiam mei ipsius qualemcumque su-  
dorem. Imo haec vestre excellentiae dico, ne forte  
vestro placeat totius sapientiae desiderantissimo con-  
silio, ut aliquos ex pueris nostris remittam, qui  
excipient inde nobis necessaria quæque, et redeant  
in Franciam flores Britanniæ, ut non sit tantum-  
modo in Eborica hortus conclusus, sed in Tu-  
ronica, emissiones paradisi, cum pomorum fru-  
ctibus, etc. »

**9. Alcuinus docuit in palatio regio.** — Alcu-  
inus duobus in locis docuit, in palatio primum,  
deinde Turonis, ut ex ejus Epistolis liquet. Queritur  
Epistola nona, se despiciunt a novissimis palatino-

Baluziana exhibentur, non rex, sed *imperator* legitur, ut ex Baronio idem exordium referente intelligimus; quam lectionem etiam Pagius  
probare videtur hic num. 4.

Concilium hoc Altinense multo probabilius ad sequentem annum DCCCI differremus, faciem nobis præferente P. Madrisio in Dissert. VI  
ad opera S. Paulini Aquileiensis super anno MDCCXXXVII Venetus edita. Notat ille Nicethorum imperatorem anno DCCCI, die XXXI Octobris  
imperiale sedem occupasse; hujus autem Nicethori gratiam ut miret Joannes Gradensis patriarcha, Christophorum episcopum Olivolensem  
electum consecrare renuit, qua de causa invidiam incurrit tribunorum Venetorum, quorum molitione idem patriarcha intercepitus fuit. Nefan-  
sium hoc scelus ad Paulini aures delatum in causa fuit, cur Altinense Concilium indicaret. Quis autem credit intra duos omnino menses, quot  
excurrent ad exitum anni DCCCI, haec omnia premiti potuisse, ac deinde eodem anno Concilium celebrari? Hinc discimus obtutum S. Pauli-  
ni serius aliquanto consignandum esse, quam a Pago hic constituantur. Item P. Madrisius illum revocat ad annum DCCCV, hoc potissimum  
argumento innexus. Concilium Altinense anno DCCCI, nec sane, quantum videtur, ex oriente S. præsul celebravit. Cum autem depositio ejus  
die XI Januarii in veteris omnibus Kalendariis exhibeat, nec ex dictis satis cedere potuerit Januarii anni DCCCI, ad eundem mensem  
sequentis anni retrahenda est. Hec si non evidenti, salem probabili argumento ab illo asserta retinenda sunt, quoadusque lux veritati major  
affulget.

rum studiorum magistris, qui spreta Latinorum opinione, quam in palatio cum applausu docuit, *Ægyptiorum* ecaleulos anteponunt. Eos irridet ob temeritatem, pueros per contemptum vocat, seque comparat *Entello*, qui *Dareta* fidentem viribus et animis exultantem apud Virgilium lib. 5. *Aeneid.* prosternit: « Ego, inquit, tardus. ego mei ipsius immemor, vestrorum forsitan digne puerorum sustinui flagellum. Entellus senior effeo corpore dñdum cæstus depositus suos, æstate florentibus cedit illos indui, ideo aliquis illorum seniorem ingenti pugno percussit, ita ut caligo obversaretur oculos senioris. Et vix resumptis viribus frigidus circa præcordia recaluit sanguis. Et, ut ad rem veniam, ac ignorantiae fomentis caput pereussi medicari incipiam, ego imperitus, ego ignarus, nesciens *Ægyptiacam* scholam in palatio Davidicæ versari glorie, (id est, in palatio Caroli, quem Davidem nuncupabat). Ego abiens (seilicet e palatio seu comitatu regio) Latinos ibi dimisi. Nescio quis sub-introduxit *Ægyptios*. Nec tam indoctus tuit Memphis supputationis, quam benevolus Romanæ consuetudinis. Annum enim nato Christo et crescente luce initiare secundum Latinos volens, non cum *Ægyptiis*, qui tenebræ interpretantur, et supervenientibus tenebris ordiri: quia scio me olim cum Moyse tenebras *Ægyptiorum* relinquere, et modo in terra repromotionis, lucis et lætitiae, cum Jesu duce nostro libertate honoratum stare, et nullatenus secundum quod dux meus, imo et Dominus noster dixit, iterum ad *Ægyptiacas* redire tenebras. Unde miror, cur pueri vestri annum legitimum a mense Septembrio incipere velint, et partem transacti decennovalis sequenti connectere circulo, caudam vertentes in caput, et non magis omnibus lunæ et siderum augmentis vel detrimenis explosis ad novum annum, et ad caput supervenientis circuli omniuo libere intrare ».

10. *Quando primum in Galliis moratus est.* — Id contigit in prima Alcuini mora apud Gallias, post annum scilicet Christi MCLXXXI, quo tempore *Angilbertum*, cui cognomen indidit *Homer*, aliasque viros illustres litteris imbuit. Cum vero computum Ecclesiasticum secundum Romanæ Ecclesiæ ritum scholaribus palatinis tradidisset, postea calculatores *Ægyptiaci*, ii scilicet qui calculum Alexandrinum sequebantur, admissi sunt in scholam palatinam, de quibus queritur Alcuinus. *Mabillonius* in *Præfatione* ad sæc. iv *Benedict.* n. 178 et seqq. suspicatur, *Ægyptiacos* illos præceptores *Scotos* esse ex *Hibernia* ortos, qui olim sequebantur Paschalem circulum *Alexandrinorum*, qui Pascha lunæ quarta decima die, si quando in Dominicam incedisset, celebrabant. *Theodulphus* enim *Aurelianensis* episcopus in Carnine ad Augilbertum, Scotum quendam in aula degentem ac docentem falsis amarulentisque dieteris impedit. Et forsitan erat *Clemens Scotus*, quem in Gallia ad docendum fuisse relictum a Carolo, tradit monachus *San-Gallensis* initio libri primi. Ex laudatis

porro verbis Epistolæ ix, « annum cum nato Christo et crescente luce initiare secundum Latinos volens », patet, *Alcuinum* annos Christi ab ejus Nativitate, non vero a kalendis Januariis exorsum esse, ut in more positum erat apud Anglos, idemque faciendi scholares suos in Gallia docuisse. Cum vero Alcuinus in prima sua mora apud Gallos assidue in palatio versaretur, ut *Carolum* variis disciplinis imbueret, factum est, ut conditor Universitatis Parisiensis creditus fuerit; quod tamen nullo veterum testimonio probari potest. Porro Cointius anno MCCCXIII, num. 17 et seqq., qui duplēm Alcuini in Francia moram in ejus Vita diserte memoratam non animadvertisit, quique eum anno illo in eam adventasse credidit, perperam etiam arbitratuſ est, *Alcuinum* scholis palatinis tunc praefectum fuisse, et aliquot post annos *Carolum Magnum* docuisse, quod utrumque ex dictis plane corruit.

11. *Universitas Parisiensis a Carolo M. non fundata.* — Institutio Universitatis Parisiensis a plerisque adscribitur Carolo M. ab ipso etiam Buleo, qui ejusdem Academie Historiam nostra aetate conscripsit. Verum Stephanus Pasquierus in *Disquisit. Rerum Francicarum*, lib. 3, cap. 23, Petrus Bonfonsius in *Antiquit. Parisiensibus* cap. 13, et post utrumque Lambecius lib. 2 Biblioth. Cæs. cap. 2, ubi agit de Universitate Viennensi in Austria, in cuius statutis identidem inveniuntur, eam quasi filiam ad exemplum Academie Parisinae tanquam matris ordinatam esse, demonstrarunt, foundationem Parisiensis Academie (si, ut hic fit, nomine Academie intelligatur, non quodecumque collegium litterarum, sed tale duntaxat, in quo per speciale principalis privilegii prerogativam omnes quatuor facultates, theologia videlicet, et jurisprudentia, et medicina, et philosophia publice traduntur, et secundum eruditio[n]is profectum *Tituli* quoque ac dignitates graduum scholasticorum publica auctoritate conferuntur) perperam attribui Carolo Magno, ac revera attribuendam esse *Ludovico VII*, qui regnare coepit in Gallia anno MXXXVII, et filio ejus *Philippo II*, qui patri in regno successit anno MCLXXX. Certe in Codice *Constitutionum regum Galliarum*, qui sub rege Henrico IV in lucem editus est, et in quo *Privilegia et statuta Academie Parisiensis* continentur, nullum refertur privilegium regium quod sit anno millesimo ducentesimo antiquius. Hinc *Claudius Jolyus* cautor et canonicus Ecclesiæ metropolitanæ Parisiensis in Tractatu Historico lingua vulgari scripto *De scholis episcopalibus et Ecclesiasticis*, exordium Universitatis Parisiensis cum eo Christi anno illigat; qua sententia omnium probabilior.

12. *Nulla ibi diu alia schola fuit, quam schola Ecclesiæ Parisiensis.* — Nulla itaque *Caroli Magni* aetate, imo et sæculis proxime consequentibus Parisiis *Universitas* fuit, sed tantum schola Ecclesiæ cathedralis Parisiensis, in qua nou solum grammatica, sed etiam theologia, jus civile et canoni-

cum ac medicina docebantur, ut refert *Claudius Hemeræus* in libro de *Academia Parisiensi*, ab annis circiter sexaginta edito. Seculo undecimo Abaelardus « extra civitatem in monte sanctæ Genoveæ scholarum suarum eastram posuit », ut ipse met scribit in Historia calamitatum suarum lib. 1, cap. 2. « Invenisse », denique inquit Hemeræus landatus, « locum sibi etiam in ejusdem schola (nempe Ecclesiæ Parisiensis) pulpitis, philosophicas mathematicasque disciplinas, unus Abailardus exemplo erit indubitate : qui etsi sacras litteras in claustro (scilicet Ecclesiæ Parisiensis) aliquando docuerit, quia tamen hac imprimis laude excelleret, ut in exponentibus præceptis dialecticæ magister egregius haberetur, ex quo dialectici nomen tulit, Minervæ obsecutus velificatusque suæ, philosophica se et mathematica in schola Parisiensi tradidisse, non uno loco testatus est ». Subdit statim Hemeræus : « Aliæ porro artes humanitatis, per claustrales domos, perque scholas minores parochiarum late fusæ abierunt ; ne sacrarum litterarum majestati minorum artium vicinia officeret, et profundas meditationes supremorum magistrorum grammaticalis auditorii murmur interturbaret ». Denique Loiselius in Tractatu de *Universitate Parisiensi*, ejus institutionem Carolo M. adscriptam inter fabulas recenset. Quod si, inquit, Academia Parisiensis ab hoc imperatore condita, ubinam ea fuit regnantibus stirpis Carolinae regibus, et qui ibi tunc professores litteras docuere ? Ubinam ea fuit regnante *Hugone Capeto*, qui non Parisiis, (cujus civitatis tam ipse, quam pater et avus comites et domini erant), sed Remis sub *Gerberti*, postea Silvestri II nomine Pontificis Romani, disciplina *Robertum filium* ac successorem erudiri voluit ? Ubinam ea fuit *Henrico et Philippo*, primis eorum nominum regibus in Gallia dominantibus, quo tempore aliae Gallie urbes, non minus aut forte plus quam Lutetia litteris et eruditione inclarescabant ? Legendus Jolyus laudatus, qui fuse probat *Carolum M.* non solum Academiam Parisensem non fundasse, sed nequidem scholam ullam Parisiis instituisse, ac ibi usque ad saeculi XI finem tantum viguisse scholam Ecclesiæ cathedralis ejusdem civitatis ; quæ enim in medium adducit, rem mihi evincere videntur.

13. *Synodus Aquisgranensis*. — In annalista Lambecciano hoc anno legitur : « Eo anno demoravit dominus Cæsar Carolus apud Aquis-Palatium quietus cum Francis sine hoste ; sed recordatus misericordiæ suæ de pauperibus, qui in regno suo erant, et justitiæ suas pleniter habere non poterant, noluit de infra palatio pauperiores vassos suos transmittere ad justitiæ faciendum propter munera, sed elegit in regno suo archiepiscopos et reliquos episcopos et abbates cum ducibus et comitibus, qui jam opus non habebant super innocentias munera accipere, et ipsos misit per universum regnum suum, ut Ecclesiis, viduis et orphannis, et pauperibus et cuncto populo justitiam

facerent. Et mense Octimbro congregavit universalem Synodum in jam nominato loco, et ibi fecit episcopos cum presbyteris seu diaconibus relegi universos canones, quos sancta Synodus recepit, et Decreta Pontificum, et pleniter jussit ea tradi coram omnibus episcopis, presbyteris et diaconibus. Similiter in ipsa Synodo congregavit universos abbatibus et monachos, qui ibi aderant, et ipsi inter se conventum faciebant, et legerunt regulam sancti patris Benedicti, et eam tradiderunt sapientes in conspectu abbatum et monachorum, et tunc jussio ejus generaliter super omnes episcopos, abbates, presbyteros, diacones, seu universo clero facta est, ut unusquisque in loco suo juxta constitutionem sanctorum Patrum sive in episcopatibus, seu in monasteriis, aut per universas sanctas Ecclesiæ, ut canonici juxta canones viverent, et quidquid in clero aut in populo, de culpis aut de negligentiis apparuerit, juxta canonum auctoritatem emendasent, et quidquid in monasteriis seu monachis contra regulam sancti Benedicti factum fuisset, hoc ipsum juxta ipsam regulam sancti Benedicti emendare fecissent. Sed et ipse imperator, interim quod ipsa Synodus facta est, congregavit duces, comites, et reliquo Christiano populo (loco, reliquum Christianum populum) cum legislatoribus, et fecit omnes leges in regno suo legi, et tradi unicuique hominum legem suam, et emendare ubicumque necesse fuit, et emendatam legem scribere, et ut judices per scriptum judicasent et munera non accepissent, sed omnes homines, pauperes et divites in regno suo justitiam habuissent (pro, judicarent, acciperent et haberent). Et eo anno pervenit elephas in Francia ». Hæc omnia chronographius Moissiacensis ex hoc annalista exscripsit.

14. *Floret ordo S. Benedicti*. — Porro ex his verbis patet, in ditionibus Caroli Magni nullos hoc tempore fuisse monachos, qui ordinem sancti Benedicti non profiterentur, et unam eamdemque regulam observarent. Imo longe ante hæc tempora omnes in Gallia monachos regulam sancti Benedicti amplexos esse, insinuat Capitulare interrogations, quod anno imperii sui XI edidit, in quo inter plures quæstiones, quas episcopis et viris doctis sui imperii solvendas proponit, duodecima his verbis exhibetur : « De conversatione monachorum, et utrum aliqui monachi esse possint, præter eos, qui regulam sancti Benedicti observant. Inquirendum etiam, si in Gallia monachi fuissent, priusquam traditio regule sancti Benedicti in has parochias pervenisset ». Quare aliae monachorum congregations a tot annis in ordinem sancti Benedicti transierant, ut ne memoria quidem earum superesset. Eodem spectat sequens quæstio in cap. 42 : « Qua regula monachi vixissent in Gallia, priusquam regula sancti Benedicti in ea tradita fuisset ; cum legamus, S. Martinum et monachum fuisse, et sub se monachos habuisse, qui multo ante sanctum Benedictum fuit ». Quod si Caroli ætate, aut præcepto, regula Benedictina

in cœnobia Galliarum inventa fuisset, id ille non ignorasset; alioquin absurdum fuisset interrogatio. Hujus Concilii Aquisgranensis nullo alio in loco mentio, præterquam in Chronico Moissiacensi apud Lambecium tom. II Bibl. Cæs.

**15. Missorum dominicorum potestas et officium.** — Cointius hoc anno num. 9 et seq. varia profert de missis dominicis, quibus confirmantur quæ annalista Lambecianus de Caroli zelo erga justitiam, memorie prodidit. *Missi dominici* dicebantur, qui missi a rege erant. Provincia, seu regio, quæ missis dominicis assignabatur, *missaticus* appellabatur et *missatum*. Regnum pro regis arbitrio in plura vel pauciora *missatica* dividebatur. E regni proceribus aliis clerici erant, alii laici, et ex utroque illo ordine, qui missi fuerent dominici, sumebantur archiepiscopi, episcopi, abbates, duces, comites, aliquique nobiliores viri. Ad unumquemque missaticum duo, ut plurimum, *missi* destinabantur; unus clericus, alter laicus; raro plures. *Missi dominici*, postquam suis missaticis a rege designati fuerant, ab eo quoque priusquam illuc proficerentur, accipiebant *Capitula*, quæ passim admonitiones, commonitoria, instructiones, ordinationes dicuntur. *Episcopi* missos dominicos honoris gradu præcedebant in suis diecesibus, potestatem tamen ac auctoritatem eorum in multis rebus agnoscerere tenebantur. Præcipuum officium eorum erat in justitia facienda. Mittebantur in provincias, ut et justitiam ficerent, et ab aliis faciendam curarent. Denique cum ad palatium redierant, rex eos interrogabat, quid dignum relatu ex provinciis adferrent. « Si quid vero fuerit », inquit Carolus lib. 3, cap. 12, « unde dubitetur, ad proximum Placitum nostrum, quod cum ipsis missis habituri sumus, interrogetur ». Ad eas interrogaciones ac responsiones nova siebant capitula, quæ postea ferebantur in missatica. Quæ Cointius loco citato confirmat probationibus ab ejusdem Caroli ævo petitis, et patent ex iis, quæ ex annalista Lambeciano mox in medium adduximus.

**16. Reges episcopis cooperari debent.** — Ludovicus Pius lib. 2 Capit., cap. 2, in Admonitione generali ad utriusque ordinis homines, id est, episcopos et comites, docet reges a Deo constitutos, ut Ecclesiæ et regni curam gerant; summam autem ministerij hujus ita in persona regum consistere, ut divina auctoritate et humana ordinatione per partes divisum sit, episcopis nempe et comitiis, et unusquisque in suo loco et ordine partem ministerii regii habeat: « Unde apparet », inquit Ludovicus, « quod ego omnium vestrum admonitor esse debedo, et omnes vos nostri adjutores esse debetis. Nec enim ignoramus quid unicuique vestrum in sibi commissa portione conveniat: et ideo prætermittere non possumus, quin unumquemque juxta suum ordiuem admoneamus ». Statim vero monet episcopos, ut in ministerio suo accurate versentur, et subjungit, « ut quantum ad vestrum ministerium pertinet, nobis veri adjutores

in administratione ministerii nobis commissi existatis, ut in judicio non condemnari pro nostra et vestra negligentia, sed potius pro utrorumque bono studio remunerari mereamur ». Deinde cap. 4 et 6, comites admonet, ut vicissim partem ministerii sibi commissi fideliter peragant; hoc inter episcopos et comites discrimine constituto, quod illis a divino Numine commissa sit ministerii sui cura, comitibus vero ex regio mandato: « Sed quanquam summa hujus ministerii in nostra persona consistere videatur, tamen et divina auctoritate, et humana ordinatione, ita per partes divisum esse cognoscitur, ut unusquisque vestrum in suo loco et ordine partem ministerii nostri habere cognoscatur ». Quare mirum videri non debet, si Carolus ejusque successores adeo diligenter rebus Ecclesiasticis sese impenderent; cum eas ad ministerium suum pertinere existimarent; scilicet ut admonitores se praestarent, quo episcopi ministerium suum juxta Canones peragerent, et in eo capite ministerii regii adjutores essent. Quæ ad missorum legationem pertinerent, passim in libris Capitularium occurruunt; qui a *missis discurrentibus* distinguendi sunt, quorum munus erat mandata principis deferre per provincias. De illis nouraro mentio in regum Francorum Capitularibus.

**17. S. Liudgerus fit primus episc. Monasteriensis.** — *Sanctus Liudgerus* Saxonum apostolus, hoc anno, vel sub exitum superioris, Minigardfordensis in Westphalia creatus est episcopus, qui locus postea a monasterio ibi a sancto viro construeto appellatus est Monasterium, vulgo *Münster*. Altfridus quidem tertius episcopus Monasteriensis, qui ejus Vitam diligenter conscripsit, annum evocationis ejus ad episcopatum non exprimit, sed Hollandus, qui primus eam publicavit ad diem **xxvi** mensis Martii, recte colligit ex variis donationibus monasterio Werthinensi, cuius Ludgerus abbas erat, anno præcedenti, mensibus Maio et Augusto illius anni factis, eum nondum episcopum fuisse. Haec Altfridi lib. 1, cap. 4, de ejus in episcopatum evocatione verba: « Interea per dispositionem misericordis Dei Saxones conversi sunt ad Dominum, et rex Carolus eumdem virum Dei Lindgerum pastorem in parte Occidentali Saxonum constituit: cuius parochiæ sedes est principalis in pago Sudergoe, in loco cuius vocabulum est Mimigerneford, ubi Domino ipse honestum construxit monasterium, sub regula canonica Christo famulantum. Itaque more solito cum omni aviditate et sollicitudine rubibus Saxonum populis studebat in doctrina prodesse: erutisque idolatriæ spinis, Verbum Dei diligenter per loca singula serere, Ecclesias construere et per eas singulos ordinare presbyteros, quos verbi Dei cooperatores venerabiles, sibi ipse nutriverat. Cupiebat igitur in cœpto evangelizandi opere multis subvenire gentibus, sed tamen Pontificalem gradum humiliiter declinare: idecirco suos frequenter petiit alumnos, ut aliquis ex eis pro eo episcopalem susciperet ordinem. Cni cum Hildi-

baldus archiepiscopus persuaderet, ut episcopus ordinari debuisse, illud Apostolicum ei respondit, dicens: Oportet episcopum irreprehensibilem esse. At ille, ut erat humilis et viro Dei amicissimus, cum gemitu dixit, hoc in se minime fuisse completum. Tandem consensu omnium superatus et magis Dei dispositione coactus adquievit; ne plurimorum consilio, imo Dei voluntati pertinaciter inobediens esse videretur ». Ludgerus Monasteriensis episcopus primus tria construxit monasteria, unum clericorum *sub regula canonica Christo famulantium*, ut mox diximus, illudque silum erat Mimigardevordæ, ab ipso monasterio *Monasterium sæculo xi dictæ*. Alterum Werthinæ ad Ruram flumen apud Westphalos, quod adhuc subsistit. Tertium denique *Helsmentadiense* in ducatu Brunswicensi positum, in quo identidem ex prædicationis labore fatigatus sese recreabat. Illud etiam adhuc superest.

**48. Grimoaldus Beneventi dux reprimitur.** — In ducatu Beneventano varia fortuna bellum hoc anno gestum, de quo Eginhardus in Annal. scribit: « Ortona civitas in Italia in deditio[n]em accepta. Luceria quoque frequenti obsidione fatigata, et ipsa in deditio[n]em venit; præsidiumque nostrorum in ea positum. Imperator æstatis tempore in Arduenna venatibus indulgens, misso in Saxoniam exercitu Transalbianos Saxones vastavit. Grimoaldus Beneventanorum dux in Luceria Winigisum comitem Spoleti, qui præsidio præerat, adversa valetudine fatigatum obsedit, et in deditio[n]em accepit: captumque honorifice habuit. Imperator Aquisgrani Natalem Domini celebravit ». Tum anno sequenti: « Winigisus a Grimoaldo redditus est ». Idem habent alii annalistæ. Ortona mari Adriatico adjacet, indeque cognominatur Ortona ad mare. Incertum vero an Eginhardus Nuceriam ultra Sarnum, vel Nuceriam ad Cerbalum intellexerit. Cointius hoc anno num. 5 existimat eum de ista secunda intelligendum, quia Luceriarum nomen Nuceriarum tantum, quæ sita est ad Cerbalum tribuitur, et variis annalistæ de Luceria tantum verba hoc anno faciunt. Abhinc per novem annos altum de bello Beneventano apud scriptores silentium.

**49. Brithricus Occident. Saxonum rex moritur.** — *Brithricum* Occidentalium Saxonum regem hoc anno periisse diserte tradunt Westmonasteriensis, Hovedenus pag. 407, annalista Mailrosensis, et Ethelwerdus pag. 842. Hic narrata Leonis papæ persecutione, quæ an. *cccxcix* contigit, scribit: « Transeunte triennio Brithric rex obiit ». Quare perperam Alfordus mortem ejus cum anno Christi octingentesimo alligavit, recteque Hovedenus notat, eum genti suæ *annis xvii* nobilissime præfuisse. In uxorem acceperat *Eadburgam* filiam Offæ Merciorum regis, quæ more paterno tyrannice vixit, et quorum mortem a rege impetrare non polerat, veneno eos clam necabat. Quare cum adolescentem quemdam marito valde charum veneno extinguebat, illud rex ignoranter gustavit, et mortuus

est. Fugit illa postea cum innumerabilibus thesauris ad Carolum regem, cui cum munera pretiosa detulisset, sic eam affatus est: « Elige Eadburg, quem velis, me, vel filium meum, qui tecum in solario adstat »; quæ cum filium ejus elegisset, quia junior esset, ei Carolus respondit: « Si me elegisses, haberem filium meum, sed quia illum elegisti, nec me, nec illum propitium habebis ». Itaque in monasterio locatam, quo vitam opulenter degere posset, non multo post depulit stupri rem. Ita Malmesburiensis pag. 40 et laudati autores. Idem Malesburiensis pag. 16, annos tantum *xvi* *Brithrico* assignat, quia scilicet ultimum incompletum, ut sæpe fit, prætermittit. *Brithricum* enim hoc anno mortuum testantur etiam Huntindoniensis pag. 344, ubi ait eum defecisse *post triennium* a persecutione Leonis papæ, et idem Malmesburiensis, cujus verba statim referam.

**20. Ei succedit Eghertus.** — Egbertus regis Inae abnepos *Brithrico* successit in regnum. Is dum viveret, Egbertum e medio tollere cogitabat: « Quod Egbertus præsentiens ad Offam regem Merciorum fuga lapsus est; quem dum ille sedula diligentia obumbraret, consecuti sunt *Brithrici* nuntii qui perfugam ad supplicium repeterent, habentes in manibus traditionis pretium. Accedebat, quod suo regi filiæ ipsius postulabant nuptias, ut genialis thorii fedus perpetuas inter eos contineret amicitias. Ita Offa, qui bellicis minis non cederet, ad blanditiis connivente, Egbertus transnavigato mari Franciam venit; quod Dei consilio factum intelligo, ut vir ille ad tantum regnum electus regnandi disciplinam a Francis acciperet, etc. Itaque defuncto *Brithrico* frequentibus suorum nuntiis *Britanniam* reversus, moxque imperare jussus patriæ desideris satisfecit, anno *Dominicæ Incarnat. octingentesimo*, regnante in Francia Carolo Magno, anno *xxxiv*, qui etiam *xii annis supervixit*», inquit Malmesburiensis; sed loco, *octingentesimo*, legendum, *octingentesimo secundo*, ut annus *xxxiv* Caroli, et *xii* ante mortem ejus certo demonstrant. Egbertus ante mortem suam toti insulæ legem dedit, et sparsa per eam sceptra in unum collegit, ut infra videbiimus.

**21. Ethelardus confirmatus primas Magnæ Britanniae.** — *Ethelardus* Cantuariensis archiepiscopus, cum diu Romanam Sedem fatigasset, tandem a Leone III Ecclesias omnes Britanniæ sibi subjici obtinuit litteris a Malmesburiensi lib. de Pontif. pag. 210 recitatis, in quarum fine legitur: « Data decimo quinto kalend. Februarii, per magnum primicerii Eustathii sanctæ Sedis Apostolicae; imperante domino Carolo, piissimo consule Augusto, a Deo coronato, magno pacificoque imperatore, anno secundo, post consulatum ejusdem Domini, Indictione decima », ideoque hoc Christi anno, quo in cursu erant Indictio x, et a die *xxv* mensis Decembris superioris Christi anni secundus ejus consulatus. Eas litteras recitat etiam Alfordus in Annal. Angt.

## LEONIS III ANNUS 8. — CHRISTI 803.

*4. Bardanes frustra acclamatus imperator.* — Redemptoris annus octingentesimus tertius Indictione undecima inchoatur, quo mense Augusto moritur in exilio Irene Augusta aerumnis confecta Nicephori tyranni saevitia. Sed et Bardanes in Oriente frustra suscepit imperium: extinti sunt alii complures nobiles ejusdem imperatoris saevitia, de quibus scribit Theophanes, qui res gestas Nicephori hujus anni ita recenset: « Pridie kalendas Maii mortuus est Niceta Triphilius (ut aiunt) a Nicephoro veneno extinctus. Et nonis Maii feria quinta, cum Nicephorus ad suburbana Chalcedonis exiisset, equumque mansuetissimum ascendisset, hic ipsum ex Dei providentia ejiciens, pedem ejus contrivit. At vero decimo quarto kalendas Augusti, feria quarta, hora prima, Bardanes patricius et praetor Orientalium, qui cognominatus est Turcicus, appellatus est imperator ultiro ab omnibus suis thematibus. Qui multum renitens, ut evaderet illos, minime valuit, et descendens usque Chrysopolim, et cum circuisset diebus octo, et minime receptus fuisset, rediit usque Malagma. Qui metuens Deum, et recogitans, ne forte pro se mactatio Christianorum efficeretur, misit ad Nicephorum, et accepto in scriptis propriæ manus ejus, in quo et sanctissimus Tarasius patriarcha et omnes patricii subscripterunt, quod illæsus et indemnus cum omnibus, qui cum ipso erant, foret reservandus, sexto idus Septembbris clam fugiens, descendit in civitatem Bithyniæ, in monasterium Heraclii, et invento chelandio, quod ab imperatore fuerat ad hoc missum, tonsus est, et induitus stola monastica, et ingressus illud, abiit in insulam quæ dicebatur Prima, in qua aedificaverat monasterium, opinatus, quod foret veriturus terribile verbum, quod dederat sibi contemptibilis Nicephorus, et in nullo esset ledendus. At ille primum quidem denudat eum substantia ejus, et accepta occasione, omnes thematum principes et habitatores quosdam de regia urbe captivavit, exercitum autem privatum toga deseruit ». Addit inferius de eodem misero Bardane ab eodem Nicephoro luminibus privato.

*2. Irenes obitus.* — De obitu autem Augustæ hæc habet: « Verum quis sermo enarrare sufficiet digne cætera, quæ diebus illis ab eo gesta sunt propter indulgentiam Dei pro commissis nostris? Nona vero die, mense Augusto undecimæ Indictionis defuncta est imperatrix Irene Augusta in exilio, in insula Lesbo, et translatum est corpus ejus in insulam Principis, in monasterium quod ipsa construxerat.

« Eodem anno secundo imperii sui Nicephorus coronavit filium suum Stauratum per Tarasium sanctissimum patriarcham in ambone majoris Ecclesie in imperatorem, cum esset inutilis modis omnibus ad tantam dignitatem, tam adspectu, quam robore et sensu ». Haec Theophanes, additque mense Augusti in proelio adversus Arabes Nicephorum posteriores tulisse, in discrimenque vitæ inductum a suis vix eruptum. Sed ad res Occidentales.

*3. Nicephori legati ad Carolum.* — Hoc anno legati Caroli Magni, qui cum pace a Nicephoro imperatore dimissi fuerunt, una cum legatis ipsius ad Carolum in Germaniam pervenere, de quibus hæc in Vita ejusdem imperatoris hoc anno: « Missi domini imperatoris de Constantinopoli reversi sunt, et venerunt cum eis legati Nicephori imperatoris, qui tunc rempublicam gerebat (nam Irenam post adventum legationis Franciæ deposuerunt) quorum nomina sunt, Michael episcopus, Petrus abbas, Callistus abbas, Candidatus abbas, qui venerunt in Germaniam super fluvium Sala in loco qui dicitur Safes, et pactum faciende pacis in scripto suscepserunt: et dimissi cum Epistola imperatoris Romanum regressi, et in Constantinopolim reversi sunt ». Haec ibi.

Iloc<sup>1</sup> anno, Indictione undecima, decimo kalendas Aprilis, Leo papa pallium concessit Fortunato Gradensi patriarchæ in locum Joannis suffectori, qui occisus fuerat a Joanne duce Venetiarum.

<sup>1</sup> Apud Sigan. de reg. Ital. l. iv. hoc an. et seq.

Anno periodi Graeo-Romanæ 6296. — Anno Aëre Hispan. 841. — Anno Hegiræ 188, inchoato die 19 Decemb., Fer. 3. — Jesu Christi 803.  
— Leonis III papæ 9. — Caroli imp. 4. Nicephori imp. 2.

**1. Moritur Irene imp.** — Ad num. 1 et seq. Theophanes anno Incarnat. secundum Alex. DCCXCV, kalendis Septemb. superioris Christi anni inchoato, ait : « Mensis Augusti die nono, Indictione undecima, imperatrix Irene in Lesbum insulam relegata diem obiit », ideoque currenti anno, ut recte Baronius. Colitur a Græcis sancta Irene die XIII Augusti, « cuius opera Deus cuncta, quæ prior discordia, instar serpentis lubricissimæ Ecclesie irrepens distraxerat, in rectæ fidei unam confessio-nem clementissima benignitate adduxit », inquit Ignatius diaconus, et vasorum custos magnæ Ecclesie Constantinopolitanæ, in Vita sancti Nicephori patriarchæ Constantinop. loquens de septima Sy-nodo Irenes opera congregata. Ignatius autem hoc ipso tempore floruit, et sancto Tarasio Nicephori successor morienti adstitit.

**2. Nicephori imp. infausta administratio.** — Deinde Theophanes anno Incarnat. DCCXVI kalen-dis Septemb. hujus Christi anni inchoato, seribit : « Hoc anno, mense Decembri, Indictione duodecima, Nicephorus filium suum Stauracium Tarasii sanctissimi patriarchæ manibus in ambone magnæ Ecclesie imperatorem coronavit, hominem sive vultus speciem, sive corporis robur, sive denique mentis captum species, ad eam dignitatem plane ineptum ». Addit Theophanes : « Cæterum mense Augusto adversus Arabes profectione suscep-ta ad Crasum Phrygiæ obviam illis factus, certamine inito superatus est : pluribusque suorum prostratis parum absuit, quin hostium in manus incideret, nisi procerum nonnulli auimo et robore praestantes eum non sine difficultate periculo eripuisserint ». Sed hæc pugna, quam Baronius cum hoc anno conjungit, ad sequentem pertinet; eum habita fuerit mense Augusto. Elmacinus lib. 2 Hist. Sarac. hæc accuratius refert : « An. CLXXXVII (Arabico seilicet, die XXX Decemb. superioris Christi anni inchoato), prefectus est Rasiudus (ita vocabatur Ilarion Saracenorum califa) cum copiis suis, donec inminuit portis Heraclæ, diripiens omnia, incendens atque vastans. Petuit autem Nicephorus ab eo pacem, certæ summae tributum annuum ei pollicens : quod Rasiudus non reeusavit; eoque negotio transacto, reversus est Racam. Sed magno oborte frigore, pacem fregit

Nicephorus, sciens Mulismos (ita vocantur Saraceni tanquam recte credentes) reverti ad eum non posse, præ nivis copia et frigoris vehementia. Quod audiens Rasiudus, difficultimo tempore ad eum re-versus est, eumque arete pressit, cerviei ejus immi-nens. Unde Nicephorus pacem probavit; attulitque pecuniam a se promissam. Et tunc ab eo discessit. Anno CLXXXVIII (die XIX Decemb. hujus Christi anni inchoato), misit Rasiudus exercitum bellum illatum Romanis : qui regionem Romanorum in-gressus est per portam Safsafæ. At prodidit Nicephorus cum magno exercitu, eis in occursum, cessitque victoria Muslimis, qui eos vicecrunt. Et vulneratus fuit Nicephorus tribus vulneribus, ac Romanorum XL millia sunt cæsa. Muslimi autem, multis acceplis spoliis, salvi reversi sunt ». Quibus ex verbis intel-ligimus, Safsafam in Phrygia fuisse, aut sallem non longe ab ea sitam.

**3. Carolo fauste omnia procedunt.** — Ad num. 3. Annalista Lambecianus hoc anno habet : « DCCIII. Ipso anno imperator Carolus celebravit apud Aquis-Palatum Pascha, et conventum habuit ad Moguntiam, et ipse sine hoste fecit (pro, fuit) eodem anno, excepto quod scaras suas (id est, co-horles militares) transmisit in circuitu, ubi necesse fuit », quibus verbis Annales suos decem annorum narrationem complectentes absolvit. Ea descripsit cosmographus Moissiacensis, sicuti jam aliis annis ab eodem factum. Carolus Moguntiæ varia Capitula publicavit, quæ tom. I Capitularium Reg. Franc. et tom. VII Concil. legenda. Annalista Metensis hoc anno scribit : « Missi imperatoris a Constantinopoli regressi sunt, et venerunt eum eis legati Nicephori imperatoris, qui tunc reipublicam regebat, quo-rum haec sunt nomina, Michael episcopus, Petrus abbas, Calistus et Candidatus (sed legendum, Ca-listus Candidatus, quem in duos perperam distin-guit, ut liquet ex aliis annalistis). Qui venerunt ad imperatorem in Germania super fluvium Sala, in loco qui dicitur Saltz, et pactum faciendæ pacis in Christo suscepserunt. Inde dimissi cum Epistola imperatoris Romam venerunt : inde Constantino-polim regressi sunt. Venit quoque Fortunatus pa-trarcha de Græcis, affereus secum inter cætera dona duas portas eburneas, mirifico opere sculpas.

Imperator autem Bajoarium profectus, venationem bubalorum, cæterarumque ferarum, per saltum Hircanum exercuit. Inde vero ad Regenesburg veniens, dispositis his, quæ utilia videbantur esse, adventum exercitus de Pannonia redeuntis præstolabatur. Quibus reversis obviam illi ad Rogenesburch venit. Ibi etiam cum illis Zodan princeps Pannoniæ veniens, imperatori se tradidit. Multi quoque Selavi et Iluni in eodem conventu fuerunt, et se cum omnibus quæ possidebant imperatoris dominio subdiderunt. Constitutisque omnibus utilitatibus, quæ in illis partibus necessaria erant, per Alemanniam et per Warmatiam hyemis tempore ad Aquis-Palatum venit, ibique Natalem Domini celebravit ». Idem habent varii alii annalistæ, nisi quod de Fortunato non loquantur.

4. *Fortunatus patriarcha Gradensis in Franciam venit.* — Erat *Fortunatus* patriarcha Gradensis, qui in Annalibus Metensibus dicitur *patriarcha de Græcis*, indicans eum Venetiis venisse juxta modum loquendi Leonis papæ III in Epistola ordine xi ad Carolum Magnum, in qua ait : « Reperimus in eis (nempe litteris Caroli), quatenus a Gradensi insula, ubi *Fortunatus* archiepiscopus suam propriam sedem habere videbatur, propter persecutionem Graecorum seu Veneticorum exul esse dignoscitur ». Ubi Venetici, apud quos Gradus, Græci appellantur. Richerius tamen in Chronico Senoniensi lib. 2, cap. 6, *Fortunatum* Gradensem patriarcham Hierosolymitanum fecit; tradit enim : « Tempore Caroli Magni, vir quidam venerabilis *Fortunatus* nomine, patriarcha Hierosolymitanus, corpus sancti Joseph sepulturæ Domini, paganos qui tunc Terram Sanctam vastabant, fugiens apporavit ». *Fortunatus* quippe Gradensis patriarcha ex Oriente in Franciam fugit, ut prodit Eginhardus in Annal. ad annum Dcccxxiv, et multas reliquias in Europam attulit, ut docent Daudulus in Chronico et Ughellus tom. v Italæ sacræ in patriarchis Gradensis. Quare non dubito, quin Richerius, qui post medium sæculum decimum tertium Chronicon suum exaravit, *Fortunatum* Gradensem, Hierosolymitanum patriarcham crediderit; cum aliunde complura scribat a veritate dissentanea, et quin Papbrocius in Historia Chronolog. patriarcharum Hierosolymitanorum innixus libello de successoribus sancti Hildulfi, ex archiepiscopo Trevrensi abbatis Mediolanensis in Vosago *Fortunatum* Gradensem inter Hierosolymitanos patriarchas perperam numerarit. Certe ipsem animadvertisit Annales Francorum ab anno Dccviii ad Dcccvi deductos, et a Duchesnio tom. ii ex Joannis Tillii Ms. editos, post Georgium patriarcham Hierosolymitanum memorare *Thomam*, qui anno Dccviii Ecclesiam Hierosolymitanam regebat, ut eo anno videbimus. Denique *Fortunatus* patriarcha Gradensis hoc tempore in Franciam venit, nti anno superiori diximus, et idibus Augusti hujus anni cum in regio comitatu ad Salam esset, Diploma a Carolo obtinuit. Dat. idibus Aug. anno tertio imperii

*nostri*. ut videre est apud Ughellum, qui illud integrum recitat loco laudato.

5. *Carolus Pannoniæ consulit.* — *Carolus* e palatio, quod Salæ fluvio asidebat, in Bajoarium profectus est, ut mox diximus ex annalista Metensi, ibique vastitatæ Pannoniarum consuluit, ut scribit Brunnerus in Historia Boiorum lib. 6, num. 4 : « In Boicam rediit, ut quando nuperis bellis Hunnorum res attritæ, magna Pannoniæ pars cultore undata fuerat, pulcherrimæ fertilissimæque provinciæ caveretur, ne in solitudinem abiret; quo tempore in agrum vacuum colonias ductas vicinarum gentium, Boiorum maxime, credere non abnuerim ».

6. *Hunnorum instructionem Aruoni archiep. Salisburgensi committit.* — Mense Octobri Carolus adiit Salisburgum, et Arnoni Salisburgensi archiepiscopo concessionem a Pippino filio quondam factam confirmavit, id est, erudiendorum Hunnorum curam, quam anno Dcccxcvi Pippinus post debellatam illam gentem eidem Arnoni commiserat, usque ad presentiam genitoris sui *Caroli*, ut videre est apud anonymum editum a Canisio tom. vi antiq. Lect. ubi *Caroli* confirmationem Vitæ sancti Ruperti subjicit, aitque : « Anno Domini octingentesimo tertio Carolus imperator Bojoarium intravit, et in mense Octobri in Saltzburg venit, et præfatam concessionem filii sui iterans potestative multis adstantibus fidelibus suis affirmavit, et in ævum inconvulsum fieri concessit ». Deinde Arnonis archiepiscopi zelum in promovenda per Karinthiam et Pannoniam religione sie laudat : « Simili modo etiam Arno episcopus, successor Virgilii, sedis Juavensis deinceps curam gessit pastoralem, undique ordinans presbyteros, et mittens in Selaviniam, in partes videlicet Karintianas atque inferioris Pannoniæ illis ducibus atque comitibus, sicut pridem Virgilius fecit, quorum unus Ingo vocabatur, multum charus populis et amabilis propter suam prudentiam. Cui tam obediens fuit omnis populus, ut si cuique vel charta sine litteris ab illo directa fuit, nullus ausus est suum negligere præceptum. Quod etiam mirabiliter fecit. Vere servos credentes secum vocavit ad mensam, et eos qui eis dominabantur infideles, foris quasi canes sedere fecit, ponendo ante illos paneum et carnem, et fusca vasa cum vino, ut sic sumerent victus. Servis autem staupis deauratis propinare jussit. Tunc interrogantes primi deforis dixerunt : Cur facis nobis sic? At ille : Non estis digni, non abluti corporibus cum sacro fonte renatis communicare, sed foris domum ut canes sumere victus. Hoc facto, fide saneta instructi, certatum eccecurerunt baptizari, et sic deinceps religio Christiana succrescit ».

7. *Synodus Ratisponensis adversus chorepiscopos.* — Labbeus tom. vii Concil. pag 4452, Concilium Ratisponense, ejus mentio lib. 7 Capitularium cap. 187, ad annum circiter Dcccix referit. Verum, ut observat Cointius hoc anno num. 64 et

seqq., Carolus anno illo a Bajoaria procul absuit, semelque deinceps illuc profectus legitur, hoc scilicet anno. Testatur Carolus loco citato tam presbyteros, quam laicos questos esse de chorepiscopis, et affirmasse laicos, « quod talium ministrorum vel sacerdotum, id est, qui a chorepiscopis erant quasi ordinati, officia audire nollent, nec eorum infantes majores vel minores, aut familiam eorum per manus impositionem consignari vel confirmari usquam vellent, ne magis vulnus, quam benedictionem acciperent, etc. Quapropter Arnonem archiepiscopum ad Leonem Apostolicum misimus, ut inter cætera quæ ferebat, etiam eum et hoc interrogaret, ut quidquid super iis definiendum esset Apostolica auctoritate, a nostris episcopis regulatius saporetur ». Pergit Carolus : « Cum eodem Arnoue, permittente praefato Apostolico, mitius tractantes, jam dictos villanos episcopos inter presbyteros statuerunt, ita ut nihil amplius de episcopali ministerio presumerent, nec ipsi deinceps a quoquam fierent, qui gradus sui periculum vitare vellet. Decretum namque est in illa Synodo, quam Reginistrue pro eadem vel pro aliis causis Apostolica auctoritate praefato praetextu habuimus, nihil ex praedictis a quoquam eorum agere, nec facere volentibus consentire, etc. » In Synodo itaque Reginoburgensi tres sanctiones adversus chorepiscopos editæ, prima, ut chorepiscopi de ministerio episcopali nihil præsumerent, altera ut in posterum chorepiscopi non fierent; tertia, ut quæ gesta fuerant a chorepiscopis, haberentur irrita. Choræpiscopi tamen multo tardius extincti sunt, ut ex infra dicendis liquebit.

8. *Moritur S. Anselmus abbas primus Nonantulæ.* — Monachus anonymous Nonantulanus, qui scripsit Vitam sancti Anselmi abbatis Nonantulani in Italia primi, recitatam a Mabillonio sæc. iv Benedict. part. 1, refert, sanctum abbatem mortis suæ diem monachis suis prædixisse, eamque accidisse « regnante domino et maximo Carolo imperatore hic in Italia anno trigesimo regni sui, ipsiusque magnifici Anselmi abbaticæ quinquagesimo ». Subdit idem anonymous : « Benedixit eos, et inter manus fratrum monachorum ex hoc sæculo migravit ad cælos, quinto nonas Martii, sextæ feriæ die, in qua mundi Redemptor hominem fecerat, ipsumque redemerat ». Quare sanctus Anselmus hoc anno, in quem note illæ chronologicæ conve- niunt, animam Dco reddidit, ut rete Mabillonius

ibidem, et Bollandus ad diem ut Martii, qui partem Vitæ S. Anselmi ante Mabillonium retulerat. Sancti viri corpus in monasterii Nonantulani summo altari honorifice locatum conspicitur, haec tenuisque subsistit monasterium Nonantulanum, quod in oppidum accrevit, translatum a monachis nigris ad Cistercienses ab anno MDXIV. Mabillonius existimat, anonymum illum monachum Nonantulanum paulo post Anselmum vixisse, tum quia eam ætatem sapit stylus orationis, tum quia is qui seriem abbatum Nonantulensium anno MXXXVII ordinare desit monachus anonymous, hanc Vitam sancti Anselmi laudat.

9. *Synodus Cloveshoensis.* — *Ethelardus* magna Britanniae primas provinciales episcopos, eos nimirum quos olim Gregorius Magnus ejus sedi subjecerat, in unum convocavit. Romani Pontificis mandatum exposuit, et cavit imprimis ne ullus imposterum metropolitanæ suæ sedis prærogativam aut minuere aut delibare præsumeret. Refert hanc Synodus Spelmannus, et ex eo Alfordus hoc anno, ac Labbeus tom. vii Concil. In ejus fine legitur : « Actum est in celebri loco, qui vocatur Clofeshoas, anno ab Incarnatione Christi octingentesimo tertio, Indictione undecima, die quarta id. Octob. » Angli Indictionem a die xxv mensis Septemb. exordiebantur, ut alibi ostendimus. Verum, ut ex hoc Concilio variisque Diplomatis regum Anglorum constat, circa saeculi noni initium *Indictiones* cum annis Incarnationis a die natali Christi auspicari coepere, alioquin hoc anno mense Octobri, non Indictio xi, sed Indictio xii numerauda fuisset. Porro *Ethelardus* seu *Adelardus* hoc anno mortuus est, teste Vigorniensi, cui suffragantur Huntindoniensis pag. 344, et Hovedenus pag. 411, qui postquam asseruere Egbertum anno Christi octingentesimo regnum Westsaxonum iniisse, subdunt : « Quarto post hunc anno decessit Edelred archiep. Kentensis, et Wilfredus successit; inde vero post biennium Cudredus rex Kentensis obiit », anno scilicet DCCCV, ut infra ostendam. Alfordus Adelhardi mortem in annum sequentem differt illo testimonio Huntindoniensis et Hovedeni iisdem verbis scripto innixus. At eum ipsem Alfordus mortem Cuthredi regis cum anno Christi DCCCV recte copulet, Huntindoniensis et Hovedenus de annis iv incompletis pariter intelligendi. Malmesburiensis pag. 199, Gervasius in Actis Pontif. Cantuar. aliique annos xiii sedis Adelhardo assignant, cumque plurimum laudant.

## LEONIS III ANNUS 9. — CHRISTI 804.

*t. Leo papa adit Carolum Magnum.* — Octingentesimus quartus annus Redemptoris duodecima Indictione signatur, in cuius fine Leo Romanus Pontifex rursum in Germaniam se contulit ad Carolum Magnum, de cuius adventu et ejus ratione haec habent Annales Francorum in Vita Caroli Magni per singulos annos digesta: « Medio Novembrio allatum est Carolo, Leonem papam Natalem Domini cum eo celebrare velle ubicumque hoc contingere potuisset. Quem statim, misso ad S. Mauritium Carolo filio suo, honorifice suscipere jussit. Ipse obviam ilti ad Rhemorum civitatem profectus est, ibique suscepit eum. Primo Carisiacum villam, ubi Natale Domini celebravit, dcinde Aquisgranum perduxit, et donatum magnis muneribus per Bajoarium ire volentem reduci fecit usque Ravennam. Causa adventus ejus haec erat. Perlatum est ad imperatorem, aestate præterita, Christi sanguinem in Mantua civitate fuisse repertum. Propter hoc misit ad papam, petens ut hujus famæ veritatem inquireret. Qui accepta occasione exeundi, primo in Longobardiam quasi pro inquisitione ista profectus est, idem ad imperatorem veniens, mansit cum eo dies octo, reversusque est Romam ». Haec ibi, et quidem summatim collecta.

Cæterum quod ad sanguinem Christi pertinet, re multum examinata, inventus est et comprobatus ille fuisse, qui ex Christi corpore fluxit, tempore Passionis ejus, non autem ille, qui Beryti (ut vidi-mus) ex sacra Crucifixi imagine fluxerat. De qua veritate extare dicuntur sacra Diplomata Romanorum Pontificum, ut de his non sit amplius dubitandum. Sed ego non vidi.

*2. Quid Leo papa egerit in Germania : ubi de S. Suviberti canonizatione.* — Quod vero spectat ad res gestas a Leone in Germania : prolixior de cunctis narratio habetur in Epistola S. Ludgeri his verbis<sup>1</sup>: « Idem S. Leo papa, anno Dominicæ Incarnationis octingentesimo tertio (quarto) cum magna solemnitate suorum cardinalium, archiepiscoporum, episcoporum et prælatorum, et prima-

tum ad imperatorem Carolum in Germaniam veniens, et ab eodem imperatore imperialiter cum suis susceptus, inter multa pietatis suæ opera, instantia ejusdem serenissimi imperatoris et regis, Aquisgrani in palatio dedicavit Ecclesiam perpetuæ Virginis Mariæ, donans eamdem Ecclesiam multis indulgentiis. Deinde humili petitione et instantia venerabilis patris Gerbaldi episcopi Leodiensis consecravit Ecclesias gloriose Virginis Marie tam in Tungris, quam in Viseto. Et in Colonia Agrippina, tam ad sanctum Martimum, quam in Capitolio altaria consecravit, et multa alia monasteria et altaria et capellas per Alemanniam et Galliam consecravit, ubique multas indulgentias conferendo. Tandem devota instantia gloriosissimi imperatoris Caroli, et venerabilis viri Hildebaldi archipræsidis Coloniensis, venit a Colonia idem sanctus papa Leo navigio in Werda stipatus imperatoria majestate, ac sacrato choro sanctorum cardinalium et archiepiscoporum et multorum procerum. Cui occurserunt usque ad Rhenum devoti fratres conventus sancti Suviberti processionaliter cum incolis ejusdem oppidi de Werda, introducentes eum cum imperatore, et cæteris in Ecclesiam sancti Suviberti, multum devote ac honeste. Et die illo, quo intravit, jejunaverunt incolæ de Werda cum toto conventu auctoritate Apostolica.

3. « Altera vero die, qui fuit pridie nonas Septembbris, tam papa sanctus Leo, quam Carolus imp. et alii convenientes in Ecclesia et conventu S. Suviberti, ibi oratione finita omnium convenientium in Ecclesia statim celebrante solemniter summam missam Felice fildebaldo Coloniensi archiepiscopo, et sanctissima Vita ipsius Suviberti cum innumeris miraculis conscripta per venerabilem presbyterum Marcellinum socium et conterraneum ipsius sancti ibideum lecta, papa sanctus Leo, de assensu pariter et consensu suorum cardinalium, cæterorumque prælatorum illic coram adstantium solemniter catalogo sanctorum confessorum ipsum adscripsit. Quo facto, pulsata campana, conventus per aliquot horas ad honorem Dei et gloriam ipsius sancti, cum per dulcia modulamina laudum

<sup>1</sup> Epist. S. Ludg. c. 9, apud Sur. in Swiber. die 1 Mart. tom. II.

fratres devotissime Deo rependissent gratias, cantando humiliter hymnum, Te Deum laudamus; et reliquiae, sive ossa ipsius ex monumento, in praesentia sanctissimi Apostolici Leonis et Caroli imperatoris, cæterorumque per præfatum archiepiscopum Coloniensem tollerentur devote, maxima dulcissimi odoris in eodem loco cælitus effusa est fragrantia, cuius suavitas omnium ora et corda adstantium resaciebat, ita ut nullus ambigeret, ibidem adesse angelorum choros.

4. « Facta sunt hæc pridie nonas Septembri, præsentibus ibidem victoriosissimo Carolo semper Augusto, Romanorum imperatore et Francorum rege, venerabilibusque Patribus, cardinalibus, archiepiscopis, Bernardo Ostiensi, et Fortunato Trevororum, Theodoro Sabinensium, Nicolao tituli S. Crucis in Hierusalem, Eustochio S. Praxedis, Bonifacio tituli sanctorum Marcellini, et Petri presbyteris cardinalibus, Gerbaldo Leodiensi, Volquino Normensium episcopis, et præsertim Felice Hildebaldo Coloniensi archiepiscopo, cuius industria et pia instantia sanctus Leo Werdam navigavit, et S. Suvibertum in divos (sanctos) retulit, cum multis aliis prælatis et proceribus.

« Statuit insuper sanctissimus papa Leo illum diem canonizationis et exaltationis S. Suviberti egregii episcopi, perpetuis temporibus per totum oppidum a cunctis incolis Werdæ celebrandum ob honorem sancti Suviberti Apostolici episcopi. Obludit antem idem sanctus papa eidem Ecclesie speciales indulgentias ennetis fidelibus celebrantibus festum S. Suviberti episcopi, et ad divina conuentibus. Item idem papa obtulit parvam auream erucem refertam particula S. Crucis Domini nostri Jesu Christi.

« Imperator vero Carolus obtulit duos aureos calices ex auro puro, et totidem ampullas ejusdem auri cum multis aliis Ecclesiarum clenodiis pretiosis, ut dum divinum mysterium in Werdensi conventu perageretur cum eisdem, ipsius imperatoris jugis fieret memoria. Obtulerunt pariter omnes a majori usque ad minorem, juxta devotionem et inspirationem spiritus, et pro facultate, ut fieret solemnis capsula, et pretiosum feretrum, in quo collocarentur sacrosancta ossa sancti Suviberti episcopi, ad laudem et gloriam Domini nostri Jesu Christi, qui vivit et regnat cum Deo Patre in unitate Spiritus sancti per infinita sæcula sæculorum. Amen ». Quid præterea mirandum acciderit, cum adhuc esset ibidem S. Pontifex Leo, in eadem S. Ludgeri episcopi Epistola ita narratur :

5. « Igitur cum rumor adventus sancti Leonis papæ, et Caroli serenissimi imp. cæterorumque prælatorum et principum in Werdam ad canonizandum sanctum Suvibertum, ubique per vicinam provinciam pervolasset, confluebant multi populi utriusque sexus cum filiis et filiabus suis Werdam, ad percipiendum a sancto papa remissionem suorum peccatorum et Apostolicam benedictionem, et ad intuendum tante celebritatis actum.

Inter quos erat quædam nobilis domina Irmgardis, mulier honesta et proba, germana venerabilis patris Hildealdi Coloniensis archiepiscopi, uxor strenui Bartoldi domicelli de Geinbergem habitans et residens illo tempore in Troia, sive Xantis. Quæ domicella cum duabus solummodo pedissequis, et primogenito suo Gocellino<sup>1</sup> semiœco annorum puer, et cum multis aliis honestis personis ex Xantis Werdam navigans eidem celebritati consensu mariti sui interesse voluit et decrevit. Et appropinquantes Werdæ, cum nauta propter multas alias naves ibidem congregatas subito ampliastre mutaret, ut convenientius littori navim applicare : Gocellinus stans prope matrem in prora navis ex collisione navium cespitanus pedibus, corrut extra navim in Rhenum, et submersus est. Quod mater ejus videns (quæ etiam eecidit ex collisione navium in navim) et puerum suum juvare non valens, seipsam in Rhenum præcipitare conabatur, sed tenta et impedita per pedissequas et alios probos homines, sciso velamine capitis sui, præ nimio dolore inconsolabiliter flens, magno ejulatu et lamentis implevit littora Rheni. Erat autem hora fere quinta vespertina. Archiepiscopus vero frater ejus illa andiens ingemuit, et multum tristabatur. Pedissequa quoque concita denuntiavit Bartolodo discriumen submersi pueri sui.

6. « Domicella itaque complosis manibus, tanquam mulier vesana, intrans Ecclesiam S. Suviberti, cum magno ululatu et gemitu Dei exoravit pietatem, ut meritum S. Suviberti filium suum sibi restituere dignaretur. Consolata denique a multis honestissimis matronis, et præcipue ab archiepiscopo fratre suo ducente eam in hospitium suum, ut eam refocillando consolaretur. Sed ipsa quiescere nullatenus valens, noctem illam totam insomnem ducens, imploravit assidue devoto et contribulato corde sanctum Suvibertum, petens ut qui dudum multis in tribulationibus subveniebat, sibi etiam desolatae solita pietate subvenire non dignaretur, vovensque si ipsum suis suffragantibus meritum vivum recipere posset, perpetuis temporibus suo ministerio assignaret.

« Altera die cum aurora eminentibus radiis illucesceret, quidam honesti viri amore Dei et petitione archiepiscopi amotis navibus cœperunt submersum domicellum Gocellinum querere sagenis et uncis, et aliis opportunis instrumentis. Tandem hora fere octava ante missarum solemnia, quidam dictus Lambertus Dohel de Embryca unco sentiens, et tangens ipsum veste, vocatis aliis sociis, sagaciter ex profundo Rheni per vestem sursum trahens et elevans defunctum matri præsentavit. Quæ ipsum defunctum videns, exsanguis effecta, et in extasi positâ, stupuit. Sed ad se reversa, puerum ulnis amplexens, sequentibus eam multis honestis utriusque sexus personis flentibus, et ei condolentibus, depositus illum ante sepulcrum S. Suviberti, facta-

<sup>1</sup> Octo cum dimidio.

que ab omnibus devote oratione, spiritus in illum rediit, oculos aperuit et revixit, surgensque stetit supra pedes suos, admirans multitudinem et frequentiam populorum ipsum intuentium, loquebatur matri sue dulciter. Statimque exuentes eum madidis vestibus, propter compressionem hominum, de consilio quorundam, posuerunt in eminentiori loco, ut ab omnibus posset videri. Quo viso, factus est clamor omnium, Deum in sancto Suviberto collaudantium, de tanta tamque manifesta gratia ibidem meritis sancti Suviberti palam omnibus ostensa.

7. « Eadem vero hora venit festinanter equester pater ejus Bartoldus cum decem lantum vernalulis, multum nimirum tristis et dolens de perditione dilecti filii sui : erat enim praefectus imperatoris Caroli in illis oris. Intrans vero Ecclesiam, cum audisset et vidisset eum a morte resuscitatum, glorificavit Deum in sancto suo Suviberto. Igitur sanctissimus Apostolicus et imperator Carolus ista percipientes ab archiepiscopo Coloniensi avunculo Gocellini resuscitati, eumdem puerum ad se accersiri et adduci praeceperunt. Quem vivum videntes, qui per quindecim fere horas sub aquis in profundo Rheni jacuerat, laudaverunt pietatem Dei, qui semper diversis signis dilectos suos magnificat et honorat. Archiepiscopus vero consensu parentum, deposita argentea torque, quam circa collum gessit idem Gocellinus resuscitatus, ipsum clericum ordinavit, mutansque nomen ejus, ipsum Suvibertum nominavit : qui intra monasterium S. Suviberti intrans, eidem sancto semper humiliter servivit. Assignavitque domicellus Bartoldus eidem monasterio, amore S. Suviberti et filii sui, certa prædia perpetuis temporibus possidenda ». Ilucusque auctor.

8. *Saxones in colonias missi, eorumque Ecclesiis privilegia data.* — Hæc autem de tempore commorationis Leonis papæ cum Carolo imperatore in Germania, cum in Annalibus Francorum asseratur, nonnisi octo dies apud Carolum mansisse Leonem : fortasse ad primum adventum Leonis in Germaniam referenda commodius essent : tu considera.

Hoc eodem anno (ut iidem Annales Francorum habent) idem Carolus imp. ob rebellantes annis ferme singulis Saxones, consilium iniit, ut qui positi erant trans Albim fluvium, eosdem inde deduceret, et in Franciam colonos duceret : sicque factum est, ut Saxonicum bellum triginta annorum spatio agitatum tandem quiesceret. De his autem Egimardus in Caroli Magni Vita hæc habet : « Omnibus, qui resistere solebant, profligatis, et in suam potestatem redactis, deceim hominum millia ex iis, qui trans ripam Albis fluminis incolebant, cum uxoribus et liberis sublatos transtulit, et huc atque illuc per Galliam et Germaniam multimoda divisione distribuit, eaque conditione a rege proposita, et ab illis suscepta, tractum per tot annos bellum constat esse finitum, ut abjecto daemonum cultu,

el relictis patriis cæremoniis, Christianæ fidei atque religionis sacramenta susciperent, et Francis adunati unus cum eis populus efficeretur ». Hæc ipse, qui numerat spatium belli hujus annos tringinta tres.

9. Porro ex eisdem Saxonibus Romam quoque directam esse coloniam, apud Anastasium leges : datus illis locus prope Basilicam S. Petri Apostoli ad incolendum, qui ob id nominatus est vicus Saxonum, de quo inferius suo loco dicendum erit, hodie vero Saxia pro Saxonia idem locus appellatus, ubi nunc est celebre hospitale dictum S. Spirilus in Saxia. Consule Notas in Martyrologium Romanum, ubi agitur de SS. martyribus Tryphone, Respicio, et Nympha, qui ponuntur in Saxonia, hoc est, in vico Saxonum, qui nunc (ut dictum est) Saxia pro Saxonia nuncupatur.

Quid insuper? constat quidem certa fide, ipsum Carolum Magnum imperatorem subjectam sibi Saxoniam (ut profitebatur) auxilio sancti Petri Apostolorum principis, eidem sancto Petro Apostolo obtulisse. Est de his assertio Gregorii papæ septimi in Epistola, quam scripsit ad P. Albanensem episcopum, et G. principem Salernitanum, quos legatos misit in Gallias : qua etiam innotescit ejusdem imperatoris pietas, qui collectam annuam indixit suis provinciis Ecclesiæ Romanae exhibendam : est per brevis ipsa Epistola, quam hic tibi reddendam putamus. Sic se habet<sup>1</sup> :

« Gregorius episcopus servus servorum Dei dilectis filiis nostris P. Albanensi episcopo, et G. principi Salernitano legatis nostræ Apostolicæ Sedis in Gallias salutem et Apostolicam benedictionem.

10. « Vobis eomissa negotia non latent, etiam vos ita, ac si nostra, immo quia nostra ibi in vobis præsentia est, cuncta digne peragite. Dicendum est autem omnibus Gallis, et per veram obedientiam præcipiendum, ut unaquaque domus saltem unum denarium annuatim solvant beato Petro, si eum recognoscunt patrem et pastorem suum, more antiquo. Nam Carolus imperator, sicut legitur in lomo ejus, qui in Archivo Ecclesiæ beati Petri habetur, in tribus locis annuatim colligebat mille et ducentas libras ad servitium Apostolicæ Sedis, id est, Aquisgrani, apud Podium S. Mariae, et apud S. Egidium, excepto hoc, quod unusquisque propria devotione offerebat. Idem vero magnus imperator Saxoniam obtulit beato Petro, enjus eam devicit adjutorio, et posuit signum devotionis et libertatis, sicuti ipsi Saxones habent scriptum, et prudentes illorum satis sciunt ». Ilucusque Epistola Gregorii papæ, qua religiosissimi principis piatatem magis magisque commendes.

Sed quod privilegium hoc anno quarlo sui imperii idem Carolus dedit Ecclesiæ Osnaburgensi in Saxonia videamus; integrum enim conservatum extat<sup>2</sup>, quod sic se habet :

<sup>1</sup> Gregor. VII. l. viii. Ep. ult. — <sup>2</sup> Apud Crant. hist. Eccl. Sax. l. i. c. 2.

« In nomine sancte et individuae Trinitatis Carolus imp. Augustus Romanum gubernans imperium, dominus, et rex Francorum et Longobardorum, neconon dominator et Saxonum.

41. « Notum sit omnibus sancte Ecclesiae fidelibus, nostrisque praesentibus et futuris, quod nos ob nostrae mercedis augmentum, Wisoni episcopo Osnaburgensi sue Ecclesiae, quam nos primam in omni Saxonia, in honorem S. Petri principis Apostolorum, et sanctorum martyrum Crispini et Crispiniani construximus, quoddam nemus vel forestum intra haec loca Farnewinchel, Rustenstheim, Angara, Osnimsgenethie, Dershosset, Egestersfeldt, innumera collaudatione illius regionis potentum, cum omni integritate in poreis silvestribus, cervis, avibus et piscibus, omnique venatione, quae sub banno usuali ad forestum deputatur ad similitudinem foresti nostri Aquisgrani in Silveta Osningi, in perpetuum pietatis usum donavimus, ea vide-licet ratione, quod si quispiam hoc idem nemus nostro banno munitum sine praedictae sedis episcopi licentia studio venandi, vel aliud agendi unquam introierit, sciat se tam divinæ, quam regie ultiomis vindictam incursum, neconon pro delicto sexaginta solidos nostri ponderis, quos nobis pro banno violato debere statuimus, redditurum.

42. « Insuper vero eidem episcopo, ejusque successoribus perpetuam concedimus licentiam, libertatem, et ab omni regali imperio absolutionem, nisi forte contingat, ut imperator Romanorum, et rex Gracorum conjugalia foedera inter filios eorum contrahere disponant: tunc Ecclesiae illius episcopus cum sumptu a rege, vel ab imperatore adhibito, labore simul et honorem illius legationis assumet. Et ea de causa statuimus, quod in eodem loco græcas et latinas scholas in perpetuum manere ordinavimus, nec unquam clericos utriusque linguae gnaros deesse confidimus. Et ut haec auctoritas firmior habeatur, et diuturnis temporibus melius conservetur, manu propria subter ea robore decrevimus, et annulo nostro sigillare jussimus. Dat. tertio kalendas Januarii, anno quarto, Christo propitio imperii nostri, trigesimo septimo regni nostri in Francia, atque trigesimo primo in Italia. Actum Aquisgrani in palatio, in nomine Domini feliciter. Amen ». Sic igitur Carolus Magnus hac donatione non solum Ecclesiae illi consuluit, sed et regiis legationibus, ut illuc erindirentur homines tum græcis, tum latinis litteris, ut utraque praediti facultate, digne idem munus obire possent.

43. *Alcuini obitus.* — Hoc eodem anno Alcuinus, qui et Albinus Flaccus cognomento, de quo plura superius, idemque abbas sancti Martini ex hæ vita migravit, ut Oderanus est auctor. Meminit de ipsis scriptis Sigebertus anno Redemptoris septingentesimo nonagesimo, pariterque Honorius Augustodunensis, sed copiosius Helinandus. Praeter

abbatiam S. Martini nihil invenimus Alcuino collatum, nisi cellam S. Judoci ad hospitium præstandum peregrinis eidem commendatam; est de his testimonium Lupi Ferrariensis in Epistola<sup>1</sup> ad Lotharium regem, cum eamdem ipse cellam accepisset a Caroli Magni filio Ludovico imp.; ait enim: « Cellam S. Judoci, quam Carolus Magnus quondam Atenino ad eleemosynam exhibendam peregrinis commiserat, beatæ memorie pater vester nobis ea ratione concessit (sicut edictum illius attestatur) ut quod eleemosyna supereret, in nostrum usum cederet ». Haec Lupus abbas. Cæterum quod ad tempus ejus obitus spectat, ipsum Albimum adhuc post haec tempora fuisse superstitem, quæ de eo inferius asseruntur, affirmare nos cogunt contra ipsum Oderannum. Verum de ipsis Albini ætate maxima insurgit difficultates, quandoquidem si ipse idem est, de quo Beda meminit, plane centenariam ætatem longe excessisse, dicendum esset. Quamobrem illud potius assernerim, aut illum Albimum, cuius meminit Beda, alium omnino diversum esse ab eo, qui vixit sub Carolo Magno, ejusque hunc posteriorem fortasse fuisse discipulum; aut certe fatendum, non omnia, quæ tribuuntur Albino, ejus esse: nos autem bona fide quæ accepimus, cusa illa damus. Quod post haec editum reperimus ejus Epitaphium, hic describendum non prætermisimus. Sic se habet<sup>2</sup>:

Hie rogo pauxillum veniens subsiste viator,  
Et mea scrutare pectore dicta tuo.  
Ut tua deque meis coguoscas fata figuris,  
Vertitur en species ut mea sicque tua.  
Quod nunc es, fueram, formosus in orbe viator:  
Et quod nunc ego sum, tuque futurus eris.  
Delicias mundi casso sectabar amore,  
Nunc cinis, et pulvis, vermis atque cibus.  
Quapropter potius animam curare memento  
Quam carnem; quoniā hæc manet, illa perit.  
Cur tibi rura paras? quam parvo cernis in autro  
Me tenet hic requies, sic tua parva fiet.  
Cur Tyro corpus iñrias vestirier ostro,  
Quod mox esuriens pulvere vermis edet?  
Ut flores pereunt vento veniente minaci:  
Sic tua namque caro, gloria tota perit.  
Tu mihi reddie vicem, lector, rogo carnis hujus,  
Et die, da veniam, Christe, tuo famulo.  
Obsecro nulla manus violet pia jura sepulcri,  
Personet Angelica donec ab arce tuba.  
Qui jaces in tumulo, terra de pulvere surge,  
Magnus adest judeex, milibus inumeris.  
Alcuine nomen erat Sophiam mihi semper amanti.  
Pro quo funde preces mente legens titulum.

Post hæc ista:

« Hic requiescit beatæ memorie dominus Alcuinus abbas, qui obiit in pace decimo quarto kal. Junias.

« Quando legeritis, o vos omnes, orate pro eo, et dicite: Requiem aeternam donet ei Dominus ». Haec tamen tanti viri rediviva memoria.

<sup>1</sup> Lup. Ep. xi. — <sup>2</sup> Antiq. lect. 106. p. 109.

Anno periodi Graeco-Romanæ 6297. — Anno Æra Hispan. 842. — Anno Hegire 189, inchoato die 8 Decemb., Fer. 1. — Jesu Christi 804.  
— Leonis III papæ 10. — Caroli imp. 5. Nicephori imp. 3.

**1. Adventus Leonis III in Franciam.** — Ad num. 1. Annalista Metensis de adventu Leonis III in Franciam hæc habet : « Medio Novembrio nuntiatum est ei, Leonem papam Natalem Domini cum eo celebrare velle ubiunque illi placuisset. Quod rex gratanter suscepit, et statim missō filio suo Carolo ad sanctum Mauritium, eum suscipere honorifice præcepit. Ipse vero obviam illi apud Rhemorum civitatem in Basilica beati Remigii episcopi et confessoris profectus est : ibique susceptum ad Carisiacum usque perductum, cum eo Natalem Domini celebravit. Inde pariter profiescentes, pervernerunt ad Suessionis civitatem, in qua dimisso papa, ad colloquium germanæ suæ Gislæ, quæ in his diebus ægrotabat, ad Calam monasterium pervenit. Fuitusque ejus colloquio, ad Carisiacum villam Leonem papam, quem apud sanctum Medardum dereliquerat, sibi obviam venire fecit. Deinde Aquis perduxit, et honoratum magnis muneribus per Bajoarium ire volentem a suis duci fecit usque Ravennam. Causa adventus ejus hæc fuit. Nuntiatum est imperatori, Jesu Christi Domini nostri sanguinem in Mantua civitate fuisse repertum : et imperator ad papam direxit, rogans ut veritatem rei perquireret. Qui accepta occasione a Roma exeundi, primo in Longobardiam quasi pro inquisitione prædicta profectus est : deinde arrepto itinere, subito ad imperatorem usque pervenit. Mansitque apud illum dies octo, et sicut dictum est, Romanam repedavit ». Eadem narrant alii annalistæ, Regino, monachus Egolismensis, et incertus auctor in Vita Caroli.

**2. Mantua sedes episcopalæ a Leone III efficitur.** — Etsi autem hi antores scribant, « Christi sanguinem in Mantua civitate repertum fuisse », certum tamen illis temporibus Mantuam titulo civitatis et episcopalæ sede earuisse. Urbs hæc post persecutionem Diocletianam « jussa est ad arbitrium Mediolanensis antistitis respicere ; qui, eidem spiritualibus attributis administris, per plures annos Mantuanam Ecclesiam suæ jurisdictionis agnoverit. Paruit deinde archiepiscopo Ravennati, Pelagio primo Summo Pontifice ita censente, admittenteque Smaragdo Ravennate exarcho Mantuaeque gubernatore, qui per id tempus Constantinopolitano Cœ-

sari vicariam operam præstabat anno DLXXXV. Anno vero CCXXIX Gregorius II Pontifex a Luitprando Longobardorum rege exoratus, divulsam a Ravennate jurisdictionem, patriarchatui Aquileiensis, majoris honoris ergo illius sedis, illam adjecit. Sed cum postea Leo III ex fama repartæ spongiæ anno DCCCV sanguine Christi imbutæ, a Longino olim difossæ, Mantuam venisset, hausissetque oculus admirabilis reliquia veritate, tum primum Mantuæ episcopalem dignitatem attribuit, ejusque præsulem Aquileiensi patriarchatui voluit suffragari », inquit Ughellus tom. I Ital. sacr. in episc. Mantuan. Pontifex et imperator Rhemis Suessionem simul profecti sunt, sed accepto nuntio de morbo, quo Gisla Caroli soror abbatissa Calensis in agro Parisiensi laborabat, relicto apud Suessionem papa, statim imperator iter Calam versus arripuit, indeque recta Carisiacum perrexit; quo se quoque Pontifex Suessione mox contulit. Illic ambo Natalem Domini celebrarunt, simulque manserunt dies octo, deinde Aquisgranum contenderunt. Eginhardus in Vita Caroli M. de eo ait : « Erat ei unica soror, nomine Gisla, a puellaribus annis religiosæ conversationi mancipata, quam similiter ut matrem magna coluit pietate, quæ etiam paucis ante obitum illius annis in eo quo conversata est monasleario decessit ».

**3. Leo III Romam reddit.** — Leo papa et Carolus imp. dum Aquisgrani essent, egerunt de episopis Istriæ, qui patriarchæ Foro Juliensi tunc submittebantur, et statuerunt ut ad Gradensem redirent provinciam, e qua fuerant ab annis tantum aliquot avulsi, postquam Istris dominari coepérant Franci. Pontifex enim in Epistola sua ad Carolum, ordine XI, ait : « Reservatur in ipsis vestris imperialibus apicibus, quomodo in Aquis-Palatio nobiscum providistis de Aquileiensi Ecclesia, velut una quæ suam sedem haberet ». Cum vero annalistæ affirment, papam apud imperatorem mansisse tantum dies octo, et Natalem Domini simul celebrasse, appetat, illum anni sequentis initio Romanam accessisse.

**4. Canonizatio S. Suidberti commentitia.** — A num. 2 ad 8. Refert Baronius ex Epistola sancti Liudgeri Monasteriensis episcopi, quæ Leo III po-

situs in Francia egerit. *Rixfridus* Trajectensis episcopus *Luidgerum* per litteras rogasse dicitur, ut elevationem et canonizationem sancti *Swiberti* cum miraculis in scripta dirigeret, quae libro de illius Vita conscripto addi possent. Liudgerus, ut hisce Rixfridi litteris plenissime satisfaceret, responsum edidisse perhibetur, in quo multa commemoravit miracula, quae a sancto Swiberto dicuntur facta. Verum totam illam narrationem Vitamque Swibertinam posteriorum commenta esse, supra saepe insinuavimus, et Morinus in Commentario de administratione sacramenti Pœnitentiae lib. 10, cap. 20, solide refutavit Epistolam illam Liudgeri de multarum Ecclesiarum, capellarum et altarium consecratione per Leonem III; de sancti Swiberti relatione in Catalogum sanctorum; de concesione specialium indulgentiarum in dedicationibus predictarum Ecclesiarum, capellarum et altarium, atque in festo sancti Swiberti. « Conficta est », inquit Morinus, « Epistola ante forsan trecentos annos, aut, ut maxime ante quadringentos, nomine sancti Ludgeri, ab aliquo Werdensi monacho in sui monasterii commodum et gloriam. Quæ scribit de tempore itineris Leonis III ad Carolum, de mora ipsius in Caroli comitatu, de variis cum eo itineribus susceptis, omnia ~~innotescit~~; ficta sunt, et cum iis, quæ referunt illius temporis auctores, constare non possunt, ut unicuique ista comparanti evidens erit. Deinde sancti Swiberti in sanctorum Catalogum relationem eo modo et ordine enarrat, quo nunc, et ab annis quadringentis celebrari solet. Certum est autem hanc celebracionem cœpsisse trecentis post Leonem III annis et amplius. Primus, quem perhibent antiqua documenta solemniter a Pontificibus canonizatum fuisse, est Hugo Carthusianus et Grationopolitanus episcopus; secundus est sanetus Bernardus. Sed considera quæ Epistolæ, sive bulle Pontificum de istorum sanctorum canonizatione referunt, et ea compara cum iis quæ auctor ille de sancti Swiberti canonizatione scribit, deprehendesque cærimonias hodiernas a Leone III multo diligentius et copiosius quam ab Innocentio II aut Alexandro III fuisse observatas: quod argumentum certum est istius Epistolæ auctorem post annum MCC scripsisse. Ante Innocentium II et Alexandrum III simplex admodum erat canonizationis ritus, ut ex Petro Damiano constat in fine Vitæ sancti Romualdi, testaturque cardinalis Baronius ad annum Christi MXXVII. Obtinebatur ab iis, quibus erat curæ illa canonizatio, a Sede Apostolica facultas altare supra defuneti corpus erigendi. Eo erecto peracta erat canonizationis solemnitas. Post illud tempus cærimonie sanctæ illius actionis paulatim factæ sunt augustiores. Tertio saepius recitat episcopos, archiepiscopos, cardinales et proceres Pontifici assidentes, sed semper primo loco cardinales collecat contra morem illius temporis et sæculorum sequentium. Innocentius II trecentis et aliquot post verum Ludegerum annis ad Carthusiæ priorem de sancti Hugonis

canonizatione scribens cardinales tertio loco ponit. Quarto commemorat cap. 12, Severinum quemdam patrem-familias adolescentem filium propter mortuum a studio Rononiensi revocasse. Quasi vero regnante Carolo Magno Bononiæ litterarum studia florerent, et eo ex variis provinciis confluenter adolescentes. Ita quidem vivente Gregorio IX, qui Decretalinum compilationem ad doctores scholaresque Bononienses direxit. Quinto, cap. 2 bis vocat Hunaldum comitem de Angiers; nominis provinciæ formatio vernacula recens, que vix ante annos quadringentos usurpari cœpit. Deinde Francois vocat Francigenas, nomen Historiis Francorum sub tertio stemmate scribentium frequens, sed antea inusitatum. Multa sunt alia ejusdem criminis argumenta, quæ longum esset persequi. Undique enim rimosa est Historia isla, et fabellis veritati assutis fatiscit ».

5. *Ab omnibus nunc explosa.* — Scripsit haec Morinus anno MDCL, annoque MDCLIX, postquam anno præcedenti sanctus Thomas de Villanova in Album sanctorum ab Alexandre VII relatus fuisset; Josephus Maria San-Felicius ad Inferioris Rheni tractum nuntius Apostolicus, peculiari Epistola ab Henschenio ad diem xxvi Martii in Commentario prævio ad Vitam sancti Liudgeri paragrapho 8 recitata, futile quoque et commentitiam Liudgeri Epistolam rejicit ob easdem rationes, ipseque Henschenius ibidem et Cointius anno DCCCV, num. 7 et seq. adversus eam non pauca alia notarunt. Quo tempore solemnies sanctorum canonizations usurpari cœperint, discutiemus anno DCDXCIII occasione canonizationis sancti *Udalrici* Augustani episcopi, quæ facta fuit eo anno.

6. *Finis belli Saxonici.* — Ad num. 8 et seq. Annalista Metensis de ultima Caroli imp. in Saxonies expeditione haec refert: « Anno Dominicæ Inearnat. DCCCV, imperator Aquis hyemavit, et ab Aquis proficisciens venit ad palatium quod dicitur Niumagum. Ibique veris tempore manens, Pascha etiam ibidem celebravit. Incipienteque aestatis tempore ad Aquis-Palatium revertens, exercitum in Saxoniam misit. Transitoque Rheno, generalem conventum Francorum habuit juxta Lippiae fontem. Sumptuque inde itinere, per Saxoniam profectus, castra metatus est in loco, qui dicitur Boldonstat. In quibus castris etiam Slavorum principes adfuerunt. Quorum causis discussis et secundum arbitrium dispositis, regem illis Trasienem constituit. Missisque inde exercitibus suis per diversas partes Saxonie, tam perfidos illos, quos ultra Albiam transierat, quam illos, qui in Wigmoti manebant, et frequentibus maleficiis populum Saxonum a via veritatis averterant, cum mulieribus et infantibus Deo auxiliante sapientissima dispositione de Saxonia per diversas vias dirigens funditus exterminavit, et per Gallias cæterasque regiones regni sui sine ulla læsione exercitus sui dispersit ». Auctor Vitæ Ludovici Pii refert, Carolum mandasse Ludovicō, ut et ipse se subsequere-

tur, sed postea postquam Rhenum transiit, ei a patre mandatum, ut se redeuntem ibidem operi-  
retur : « Tota enim gente subacta Saxonum victor Carolus imperator jam redibat », inquit idem auctor, qui subdit : « Finito tandem diutino atque cruentissimo Saxonico bello, quod ut ferunt trigesinta trium annorum tempus occupavit, Ludovicus rex a patre dimisus, in regnum proprium ad hy-  
berna sese cum suis collegit ».

**7. Nullum Carolo M. gloriiosius fuit.** — Pia-  
culum esset hic prætermittere quod Eginhardus in  
Vita Caroli M. de bello Saxonico litteris mandavit :  
« Post ejus (nempe belli Italici) finem, Saxonum,  
quod quasi intermissum videbatur, repetitum  
est, quo nullum neque prolixius, neque atrocius,  
Francorumque populo laboriosius susceptum est.  
Quia Saxones (sicut omnes fere Germaniam ine-  
lentes nationes) et natura feroes, et cultui dæmo-  
num dediti, nostræque religioni conlrorii, neque  
divina neque humana jura vel polluere, vel trans-  
gredi in honestum arbitrantur. Suberant et causæ,  
quæ quotidie pacem conturbare poterant; termini  
videlicet nostri et illorum pæne ubique in plano  
contigui, præter pauca loca, in quibus vel silvæ  
majores, vel montium juga interjecta, utrorumque  
agros certo limite distinarunt : in quibus caedes  
et rapinæ et incendia vicissim fieri non cessabant.  
Quibus adeo Franci sunt irritati, ut jam non vices  
reddere, sed aperlum contra eos bellum suscipere  
dignum judicarent. Susceptum est igitur contra  
eos bellum, quod magna utrinque animositate,  
tamen majore Saxonum quam Francorum damno  
**PER CONTINUOS TRIGINTA TRES ANNO**s gerebatur. Po-  
terat siquidem citius finiri, si Saxonum hoc perfida  
pateretur. Difficile dictu est, quoties superati,  
ac supplices regi se dediderint, imperata facturos  
polliciti sint, obsides qui imperabantur absque di-  
latione dederint, legatos, qui mittebantur suscep-  
perint : aliquoties domiti et emolliti, ut et cultum  
dæmonum dimittere, et Christianæ religioni se  
subdere velle promitterent. Sed sicut ad hæc faci-  
ienda aliquoties proni, sic ad eadem pervertenda  
semper fuerunt præcipites : nec sic satis aestimare,  
ad utrum borum faciliores verius dici possint :  
quippe cum post inchoatum eum eis bellum, vix  
annus ullus exactus sit, quo non ab eis hujusmodi  
facta sit permutatio. Sed magnanimitas regis, ac  
perpetua tam in adversis quam prosperis mentis  
constantia, nulla eorum mutabilitate vel vinci po-  
terat, vel ab iis quæ agere eceperat, defatigari. Nam  
nunquam eos hujuscemodi aliquid perpetrantes,  
impune ferre passus est, quin aut ipse per se ducto,  
an per comites suos missò exercitu, perfidiam  
ulcisceretur, et dignam ab eis peñam exigeret :  
donec omnibus qui resistere solebant profligatis,  
et in suam potestatem redactis, decem hominum  
millia ex iis, qui utrasque ripas Albis fluminis  
incolebant, cum uxoribus et parvulis sublatos trans-  
tulit, et hue atque illuc per Galliam et Germaniam  
multimoda divisione distribuit. Eaque con-

ditione a rege proposita, et ab illis suscepta, tractum  
tot per annos bellum constat esse finitum, ut ab-  
jecto dæmonum cultu, et relictis patrii cæremo-  
niis, Christianæ fidei atque religionis sacramenta  
perciperent : et Franci adunati una cum eis po-  
pulus efficerentur. Hoc bello, licet per multum  
temporis spatium traheretur, ipse non amplius  
cum hoste quam bis acie conflixit : semel juxta  
montem qui Osnege dicuntur, in loco Theotmelli  
nominato : et iterum apud Ilasam fluvium, et hoc  
uno mense paucis quoque interpositis diebus. His  
duobus præliis hostes adeo profligati ac devicti  
sunt, ut ulterior regem neque provocare, neque  
venienti resistere, nisi aliqua loci munitione de-  
fensi, auderent. Plures tamen eo bello tam ex no-  
bilitate Francorum, quam Saxonum et functi sum-  
mis honoribus viri, consumpti sunt : tandemque  
**ANNO TRIGESIMO TERTIO** finitum est. Cum interim tot  
ac tanta in diversis terrarum partibus bella contra  
Francos et exorta sint, et solertia regis admini-  
strata, ut merito intuentibus in dubium venire  
possit, utrum in eo aut laborum patientiam, aut  
felicitatem potius mirari conveniat ».

**8. Litteræ Gregorii VII de denario singulis  
in Francia domibus imposito.** — Ad num. 40. Gre-  
gorius VII in Epistola octavi libri ultima, quam ad  
Petrum Albanensem in Gallia legatum scripsit, ju-  
bet ut e domibus singulis denarium unum exigat,  
dicens moris luisse sub Carolo M. ut Franci singuli,  
qui familiarum principes essent, singulos denarios  
B. Petro quotannis solverent. Addit, id pluribus in  
tomo ejus, *hoc est Caroli M. qui in archivio Ec-  
clesiæ B. Petri habetur*, explicari : deinde eam pe-  
cuniā colligi solitam tribus in locis, Aquisgrani,  
apud Podium S. Mariæ, et apud S. Egidium. Ve-  
rum nulla hujus rei apud antiquos scriptores  
mentio. Quare ea pecunia nec tributi, nec vectigal-  
lis, sed eleemosynæ nomine Romanæ Sedi pietatis  
ergo pro Caroli arbitrio data est. Certe is, ut  
an. **DCCXCIX**, num. 8 diximus, in Syriam, Agyptum  
et Africam pauperum illarum regionum compa-  
tiens, pecuniam mittere solebat, qui ideo erga Ec-  
clesiam Romanam minus munificus non fuit. Le-  
gendus Cantelius in Hist. metropolitanarum urbium  
part. 2, Dissert. iii, cap. 2, ubi de provinciis Sedi  
Romanæ olim vectigalibus verba facit.

**9. Præceptum Caroli pro Ecclesia Osnabur-  
gensи.** — Ad num. 11 et seq. Præceptum Caroli  
imp. de scholis grecis et latinis in Ecclesia Osnabur-  
gensи instituendis, quod dicitur « dat. XIII kal.  
Januarias anno IV Christo propitio imperii nostri,  
et XXXV regni nostri in Francia atque XXXI in  
Italia. Actum Aquisgrani palatio in Dei nomine  
feliciter. Amen », exhibet Baluzius tom. 1 Capit.  
Reg. Frane. pag. 418, descriptum ex secunda edi-  
tione Monumentorum Paderbornensium eruditissimi  
præsulis Ferdinandi Furstenbergii episcopi  
Paderbornensis et coadjutoris Monasteriensis, ubi  
adnotatum est illud editum esse ex ipso autogra-  
pho Caroli M. propria manu subscripto. Attamen

Papebrocius in Propylæo ad tom. II April. § 28, et Cointius anno **cccciii**, num. 82, contendunt Praeceptum esse falsum et supposititium, sed eorum rationes aliis discutiendas relinquo, contentus monere inter eruditos non convenire, an illud genuinum et sincerum sit.

**10. Moritur Alcuinus.** — Ad num. 13. Anonymus Alemanni fere æqualis, qui ejus Vitam a Duchiensi editioni operum ejusdem Alcuini præfixam scripsit, de ejus morte locuturus ait: « Die Pentecostes, peracto matutinali officio, eadem hora qua ingredi consueverat ad missas aurora patente, sancta Albini anima carne solvitur ». Paulo post: « Discessit igitur dierum plenus numero xiv kal. Junii, anno ab Incarnatione Domini **cccciv**. Eadem vero nocte super Ecclesiam sancti Martini inæstimabilis visa est splendoris claritas, in tantum ut putaretur a longe positis tota igne cremari ». Hoc anno, quo ultima die Martii Pascha celebratum, festum Pentecostes in diem xix mensis Maii incidit, ideoque mors ejus recte collocata ab eodem anonymo, quod et confirmant variis annalista Francorum. In fine Annalium Masciacensium in anno **ccxcvi** desinentium leguntur duo egregia additamenta, quorum alterum habet: « Obiit Alcuinus XIV kalendas Junii, feria i Pentecostes, il lucescente die, luna vi, anno Incarnationis Domini **cccciv**, Indict. xii, anno **xxxvi** regnante domno Carolo: accidente paralysi VIII idus Maii, feria v ad vesperum, post solis occasum, luna **xxv** ». Sed loco, *luna vi*, legendum, *luna v*, quia numerus aureus **vii** in antiquo Kalendario cum die **xv** mensis Maii copulatus, in cursu erat. Præterea loco, *VII idus Maii*, legendum, *VII idus Maii*, qui dics hoc anno in feriam v conveniebat. Mabillonius, qui sæc. iv Benedict. part. I, Vitam Alcuini recitat, ejus mortem in annum **ccccv** distulerat, præsum quod Milo Elnonensis monachus scripsisset, secundam elevationem corporis sancti Amaldi episcopi Trajectensis factam fuisse in monasterio Elnonensi anno Incarnationis *octingentesimo nono*, et Alcuinus carmen 54 de hac Elevatione condiderit, qui ideo adhuc superstes erat. Imo Baronius anno **ccccxxxv**, num. 45, autumat Alcuinum eo anno adhuc vixisse. Sed idem Mabillonius in addendis et corrigendis ad partem illam priorem sæc. iv, opinionem mutavit, et annalistis tam Francicis quam Germanicis hac in re standum esse recte censuit. Baronius post cuius mortem Duchiensis Alcuini Vitam publicavit, dicit se non inventisse præter abbatiam sancti Martini aliquid Alcuino collatum, nisi cellam sancti Jodoci ad hospitium præstandum peregrinis eidem commen-

datam. Verum auctor ejus Vitæ loquens de priori ejus accessu in Franciam ait: « Dedit illi (scilicet Carolus) duo monasteria, Bethlehem scilicet, quod altero nomine Ferrarias vocatur; et sancti Lupi apud Trecas ». Post secundum Alcuini adventum in Franciam Carolus abbatiam sancti Martini Turonensis, ut colligitur ex Epistola Alcuini **xxii** et incerto tempore cellam sancti Jodoci ei tribuit. In illa monasteria ejus discipuli viri insignes successere. Quanto studio *Alcuinus* in rem Christianam affectus fuerit, et quantum debeat ei litteræ, ostendunt quæ de eo variis locis in medium adduximus, sicuti et ejus litteræ tum ad episcopos, tum ad monachos scriptæ, omniaque ejus opera, quæ in altera editione augeri poterunt variis Epistolis et opusculis post Andreæ Duchiensi obitum a viris eruditis in lucem emissis. Rabanus ejus discipulus Alcuini nomen suo Martyrologio inseruit, quod et in vulgato Bedæ legitur.

**11. Translatio S. Amandi episc. Trajectensis.** — Quoad translationem *sancti Amandi*, eam descripsit Milo monachus in libello Vite ejusdem sancti, in quo cap. 7 et 8 ostendit, se vixisse anno Christi **cccclv**, et translationem illam Lothario Ecclesiæ sancti Amaldi ædito curante peractam esse, *die vicesimo mensis Septembris, a transitu beatissimi Amandi anno **cl***, anno vero Christi octingentesimo nono. Sed Milo manifeste hallucinatus est; cum ex iis quæ diximus dum de morte *sancti Amandi* locuti sumus, mortem hujus sancti præsulæ longe post annum Christi **DCLX** contigisse necesse sit, et in nostra sententia ea in annum Christi **DCLXXIX** conveniat. Cointius anno **ccccxxvii**, num. 27 et seqq. elevationem sancti Amaldi cum anno **ccxcii** alligat. Verum eo anno dies **xx Septembris** cum die Dominica non concurrebat, ideoque ea vel ad annum **ccclxxxix** vel ad an. **ccxcv**, quibus dies **xx Septembris** in Dominicam incidit, et Alcuinus in Francia era, referenda. Incertum autem, an *Arno*, qui abbas Elnonensis fuit, abbatiam deposuerit, cum anno **DCLXXXV** dictus est episcopus Salisburgensis, an vero per aliquot annos abbatiam illam retinuerit.

**12. Capitulationes Saxonice.** — Holstenius in Collectione veterum Ecclesiæ Romanæ monumentorum publicavit Caroli Magni capitulationem, quæ *de partibus Saxonice* inscribitur eum hoc titulo, *Haec de partibus Saxonice constituta sunt*, quæ in **xxxiii** capitula dividitur, in qua cum nulla extet temporaria nota, videtur referenda ad hoc tempus, quo Saxones abjecto dæmonum cultu, adunati sunt Francis, et cum eis in unum populum coaluerunt.

## LEONIS III ANNUS 10. — CHRISTI 805.

*1. Tributum a Sarracenis Nicephoro impositum.* — Christi annus octingentesimus quintus, decima tertia Indictione inchoatur, « quo princeps Sarracenorum Aaron adversus Nicephorum imperatorem duxit exercitum trecentorum millium armatorum ; cum Nicephorus videns se illi resistere minime posse, legationem pacis ad eum misit, nimirum metropolitanum Synnadorum, et Pelrum hegumenum Gylei et Gregorium oeconomicum, qui nomine imperatoris pacti sunt dare illi tributum annum tricenorum millium numismatum, et tria millia numismata in tributum capitis imperatoris, et tria filii ejus. Acquiescens itaque conditionibus his princeps Sarracenorum, ubi ab imperatore Romanorum tributum exegit, rediit ad suos ». Haec ex Theophane.

*2. Caroli in Sclavos victoria et alia facta.* — De rebus Occidentalis imperii anni hujus haec redundunt Annales Francorum : « Non multo post Caganus princeps Hunnorum (sive Avarum) propter calamitatem populi sui imperatorem Carolum adiit, postulans sibi locum dari ad habitandum Sabariam et Caruantum, quia propter infestationem Selavorum, qui Behemanui vocantur, in pristinis sedibus esse non poterant (illi enim omnem terram Hunnorum depopulantes Lichonem tunc ducem habuerunt) hunc imperator benigne (erat enim Caganus Christianus, nomine Theodorus) suscepit, et precibus ejus annuens, muneribus donatum redire permisit, qui rediens ad populum suum, parvo tempore transacto, diem suum obiit. Et misit Caganus (successor ejus) unum de optimatibus suis, petens sibi honorem antiquum, quem Caganus apud Hunnos habere solebat, cuius precibus imperator assensum praebuit, et summam totius regni juxta prisum eorum ritum habere praecepit. Eodem anno misit exercitum suum cum filio suo Carolo in terram Selavorum, qui Behemanui vocantur, qui omnem illorum patriam depopulatus, ducem eorum nomine Lichonem occidit ». Ita plane Christianissimo principi de Ecclesia jugiter beneferenti omnia dextere contigisse videmus, ut dum ipse de Ecclesia laborat, Deus pro ipso pugnet.

*3. Subjiciunt his iudicem Annales de venatione*

Caroli imperatoris in loco, qui dicitur Kamp. Sed quae acciderint eidem imperatori, venationi operam danti, habentur in rebus mirifice gestis S. Gudilæ his verbis enarrata<sup>1</sup> : « Ut Ecclesiarum amator semper extitil, defensorque strenuus in cunctis devotissimus eamdem villam Morsellensem sacrae virginis testamentis donavit legalibus et prædictum prædiolum Kamp, unde arbor advenerat, sub pluribus et idoneis tradidit testibus, ut ei loco tota villa deinceps subjecta maneret ». Et post alia haec de venatione ejusdem subjicit auctor : « Post hæc in memoratus imperator et rex Carolus venationi, pro more, deditus, locis viciniis venationi aptis exturbabat rabidas feras a suis saltibus, inter quas mire magnitudinis ursum insequeitur, qui jam multo spatio vetus, cum nullum esset effugium, undique campis late patentibus, ac morte in imminentem, jamjamque capiendus, crebris differret flexibus : propere cursu recto tendit Morsellam, et in sancti Salvatoris irrupit Ecclesiam : ubi tum res contigil, quam facilius sit admirari, quam eloqui. Nam Deus, qui (ut scriptum est<sup>2</sup>) homines salvat et jumenta, bestiam quodammodo ursi sensum permutavit, ratione inque quamdam intelligendi in eo formavit. Erat namque cernere prope lipsana sacrae virginis eum se inferre, et sub tanta protectione a strepitu insequentium eum securum procumbere; deinde oblitum feritatis sue, flexa cervice, submissoque lumnilater capite, sanctimonialium advenientium vestigia lambere ac more Iaseivientium catulorum omnibus blandiri, et hoc ipso satis indicare, se fuisse defensum patrocinio fauulæ Dei, ejusque deinceps paralum esse servire obsequiis. Quod ubi nuntiatum est regi cum suis, rem, quæ in bestia divinitus agebatur, intellexit, Deique magnalia in virgine venerans recessit sine ejusdem quidem ursi lesione, sed non sine rei, quam viderat in ursso, admiratione. Jam vero ursus e silvestri cœpit esse domesticus, et in reliquum apud ejusdem loci sanctimoniales non aliter vixit, quam ab illis jussus esset ». Haecenus de his ibi.

*4. De regno Merciorum.* — Hoc anno de pres-

<sup>1</sup> Apud Sur. die VIII Jan. tom. I. — <sup>2</sup> Psal. xxxv.

sum valde fuisse regnum Merciorum in Britannia, qui prosecuti sunt res Anglorum fidem faciunt, istis priuissimis<sup>1</sup>: « Bulredus accepta Ethelspida filia regis Artulsi filii Egberti, affinitate illius et vectigalium pensionem et hostium depraedationem consolatus est, sed postea, vicesimo secundo anno, ab eisdem patria deturbatus, Romanum diffugit, ibique apud scholam Anglorum, in Ecclesia S. Mariæ

tumulatus est. Uxor ejus tunc quidem in patria residence, postea virum secuta, apud Papiam extremam sortem incurrit. Tunc regnum a Danis cuidam Celulpho Burredi (Bulredi) ministro traditum, et ne ultra placitum teneret, juramento firmatum, post paucos annos Elfridus nepos Egberti obtinuit. Ita principatus Merciorum, qui per tumidam gentilis viri insaniam subito efflouuit, tunc per miseram semiviri regis ignaviam omnino emarcuit anno Dominicæ Incarnationis quingentesimo octagesimo quinto ». Hæc auctor.

<sup>1</sup> De reb. gest. Angl. continuat. l. i. c. 17.

Anno periodi Græco-Romanæ 6298. — Anno Æra Hispau. 843. — Anno Hegiræ 190, inchoato die 27 Nov., Fer. 5. — Jesu Christi 805.

— Leonis III papæ 41. — Caroli imp. 6. Nicephori imp. 4.

#### 1. *Haron califa imperium Orientale affigit.*

— Ad num. 1. Theophanes anno Incarnat. secundum Alex. DCCXCVIII, qui kalend. Septemb. currentis Christi anni inchoatur, refert Haronem Rasiidum Saracenorum califam cum trecentis millibus militum in Romanam ditionem impressionem fecisse, Tyanam profectum blasphemie suæ ædem consecrassæ, et aliqua oppida obsidione cepisse. Addit Theophanes pacem ea conditione firmatam, « ut in singulos annos triginta nummorum capitatorum millia, ipsius nimirum imperatoris estigie exsculpta, aliaque pariter filii charactere notata Saracenis penderentur ». Sed vix Arabes dissecesserant, cum Nicephorus castra reædificavit contra pacta conventa. Qua re comperta Ilaron, « classe in Cyprum destinata, Ecclesias evertit, Cyprios in alias provincias transportavit, et multis captivis abductis, pacis initæ fœdera violavit ». Hæc Theophanes, quæ Baronius ex auctore Miscellæ breviter hoc anno refert. Verum hoc bellum anno sequenti gestum. Elmacinus enim lib. 2. Hist. Sarac. illud narrat anno Hegiræ cxc die XXVII Novembris hujus Christi anni inchoato, sed paulo aliter ac Theophanes. Hæc Elmacini verba: « Anno cxc bellum movit Rasiidus Romanis, cum centum et triginta quinque millibus, præter spontaneos, atque eos qui libellum non habebant, et distribuit copias suas atque cohortem per Romanorum regionem; cepitque Heracleum, et incendio eam delevit. Cepit quoque arees Sacaribam, Risiam, et Safsafam itemque Coloniam. Aiunt autem eum ex Heracleæ civibus captivos abduxisse sedecim millia. Misitque Nicephorus tributum ad Rasiidum, et pacem cum eo fecit: qui pactus est cum

illo, ne Heracleam restauraret. Deinde misit Rasiidus exercitum in Cyprum, per mare, eamque opnugavit et vastavit, multos ex incolis ejus captivos abducens. Hinc pax facta est, promissio tributo ». Elmacinus vero in rerum Saracenicarum narratione Theophane longe accuratior.

2. *Carolus Aug. histrat regnum suum.* — Ad num. 2. Auctor Vitæ Ludovici Pii de rebus hoc anno gestis hæc habet: « Carolus imperator tempus opportunum nactus, utpote ab externis quiescens bellis, cœpit circumire loca sui regni, mari contigua. Quod cum Ludovicus rex comperisset, Rothomagum missio legato Hademaro, petiit eum in Aquitaniam divertere, et regnum quod sibi dederat, invisere, et ad locum, qui Cassinogilus vocatur, venire. Cujus petitionem pater honorabiliter suscepit, et filio gratias egit, petita tamen negavit, et ut sibi Turonum occurreret, mandavit. Quo filius veniens, gratulabunde nimis ab eo susceptus, et in Franciam redeuntem Vernum usque prosecutus est. A quo digrediens, in Aquitaniam regressus est ». Imperator Aquisgranum citissime rediit; illic enim morabatur, cum Theodorus Caganus Hunorum ad eum venit: Hunos principes suos appellasse Caganos vel Cacanos, idque jam a pluribus sœculis variis exemplis liquet.

3. *Carolus Aug. Hunorum principem tuetur et Bohemos domat.* — Theodorum Caganum Hunorum hoc anno ad imperatorem venisse, his verbis narrat annalista Metensis: « Capitanus princeps Hunorum propter necessitatem populi sui imperatorem adiit, postulans sibi locum dari ad habitandum inter Sabariam (positam ad cognominem

fluvium, qui in Arabonem influens) et Carnuntum (sita erat hæc urbs in ripa Danubii Viennam inter et Posonium), quia propter infestationem Sclavorum in pristinis sedibus esse non poterat. Quem imperator benigne suscepit, ejusque precibus favit. Erat enim Capitanus Christianus nomine Theodorus : et precibus ejus annuens, muneribus donatum redire permisit. Qui rediens ad populum suum, paucō tempore transacto diem obiit. Et misit alter Caganus unum de optimatibus suis, petens sibi honorem antiquum dari, quem Caganus apud Hunos habere solebat. Cujus precibus imperator assensum præbuit, et summam totius regni juxta priscum corum ritum Caganum habere præcepit. Eodem anno, cum esset imperator in palatio, quod sicutum est Aquis, misit exercitum suum cum filio suo Carolo in terram Sclavorum, qui vocantur Behemi (qui hodie Bohemi vocantur, qui ne tunc adhuc idololatræ erant, et Hunis Christianis injrias inferebant), et per tres vias in eamdem regionem exercitum penetrare præcepit. Partem autem exercitus cum Carolo rege filio suo per Orientalem partem Franciæ seu Germaniæ ire præcepit, ut Hircano saltu transjecto, jam dictos Sclavos invaderet. Aliam vero partem per Saxoniam dirigens, ut ex altera parte cum Saxonibus et innumerabilibus Sclavis, transito ab Aquilone jam dicto saltu, in Sclavos prorumperet. Tertia quoque ex parte expeditionem totius Bajoarie in eamdem regionem intrare jussit. Venientes autem undique in planitiem Behemi universi principes diversarum gentium in conspectu regis Caroli pervenerunt (erat autem Carolus junior rex Neustriæ secundum Chronicum San-Dionysianum). Castra metati sunt autem haud procul a se illi innumerabiles exercitus distantes. Caroli autem regis et principum, qui cum eo erant

imperio usus totus illi exercitus, ipsam regionem invasit. Sed Sclavi in vias et saltus penetrantes, se minime ad pugnam præparaverunt. Vastata autem et ineensa per XL dies eadem regione, ducem eorum nomine Lechonem occidit. Et dum nec jam pabula equis, aut cibaria exercitui superessent, vastata et ad nihilum redacta jam dicta regione, ad propria reversus est ». Addit annalista Metensis imperatorem Julio mense, Aquisgrano relieta, ad Theodosii villam pervenisse, ibi ad eum ambos filios suos Pippinum et Ludovicum venisse, et in eadem villa Natalem Domini celebrasse. Idem habent Eginhardus in Annal. cujus verba refert Baronius, annalista Bertinianus, Loiselianus aliique.

4. *Burhedus diu post hunc annum regnavit in Mercia.* — Ad num. 4. Narrat Baronius ex Malmesburiensi lib. I de Gest. reg. Angl. cap. 4, depressionem principatus Merciorum, dum in eo regnaret Burhedus. Verum longe post haec tempora regnum Merciorum init Burhedus, ut an. DCCCLII, num. 9 videbimus. Interim corrigendus error librarii, qui irrepit in locum Malmesburiensis in editione Baronii, et loco, *anno Dominicæ Incarnat. DCCCLXXV*, legendum, *anno Dominicæ Incarnat. DCCCLXXV*.

5. *Cantii regnum in finem vergit.* — Vigoriensis mortem Cuthredi Cantii regis hoc anno consignat, et de eo Malmesburiensis lib. I de Gestis Reg. pag. II, postquam de ejus decessore locutus est, ait : « Deinde ejusdem factionis et calamitatis hæres Cuthredus solo nomine VIII annis regnavit. Hinc regiae dignitatis abortivum Baldredus postquam Cantiam XVIII annis obsederat potius, quam rexerat, ab Egberlo rege West-Saxonum prælio pulsus in exilium concessit ». Sed hac de re postea.

1. *Tarasii obitus.* — Sequitur Christi annus octingentesimus sextus Indictionis decima quartæ, quo mensis Februarii vicesima quinta Tarasius Constantinopolitanus episcopus moritur sanctitate clarus. Scriptis res ab eo præclare gestas Ignatius monachus, qui morienti præsens fuit, et de ejus ad Deum transitu ista scriptis memoria digna :

« Post plurima certamina, et profundum doctrinæ infinitum, et vitæ honestæ puritatem et veræ fidei confessionem, et ratione prædicti gregis ad ea, quæ sunt præstantiora et divina, ejus monitis deductionem, et in alendis pauperibus copiosam suppeditationem, et assiduam sanctis rebus datam operam, et in pastorali munere diuturnam

moram (viginti enim et duos annos pontificalem decoravit cathedralm) ingruens morbus, et valde gravem ei dolorem afferens, non persuasit ut oblivisceretur perpetui et divini officii. Nam et morbo et senio laborans, nequaquam satiatur sacrosancti mysterii celebratione, sed intenso amore ad Deum ardens, et morbi nullam ducens rationem, pectore innitens mensæ lignæ, quæ ponebatur ante aram divinam, saneta peragebat infirmus videlicet! o fidem, et sapientem in rebus divinis diligentiam! o interminatum in Deum amorem! Non enim curam gerebat corporis, ut cum rerum divinarum eum cepisset satietas, mysteria divina interrumperet, sed laboribus corroboratus, et cum Paulo clamans<sup>1</sup>: Cum infirmor, tunc potens sum, acriter vacabat divino cultui.

2. « Invaluit ergo morbus, et eum de cetero cessare faciens a divinorum operatione, ei paravit lectum infirmitatis: quod utinam non fecisset ante oculos eorum, qui eum nunquam in lecto conspexerant. Tunc fit miraculum novum et terribile, quod nos, qui aderamus, admiratione implevit et timore, videntes eum velut in extasi et luctantem cum adversariis, qui non cadunt sub adspectum. Non enim adversus<sup>2</sup> carnem et sanguinem erat certamen, sed adversus principatus, adversus potestates, adversus spiritualia nequitiae. Tanquam enim verba faciens cum aliquibus, qui eum examinabant, et actæ vitæ rationem ab eo exigebant, ita causam suam agebat. Quamobrem multis videbatur esse reus debendi<sup>3</sup>, et rationem reddere exactionis. Erat vero iustum judicium superni auxilii, omnem vitæ maculam eluere, et nullum illinc ferre delictum; appellari autem lucis participem, et simul obire cœlestibus materiæ experibus potestatibus. Nam quandiu quidem habuit linguam iis, quæ audiebat, sensa aperta explicantem, verbis resistebat, et prompta dabat responsa ad ea, quæ objiciebantur, dicens se nullius eorum esse sibi conscientum, quorum eum accusare voluerant. O nulli culpe affinem eum Deo coniunctionem! Non potuerunt maligni inimici eum vel parva in re reprehendere obnoxium, vel abominandis suis sceleribus ei aliquid effingere, sed eos rededit ad omnem consilii inopiam per generalem et terribilem inficiationem, ut nec in eum quidem possent ullam causam in speciem dicere probabilem. Quando autem linguæ obtorquuit instrumentum, nec se verbis poterat defendere, labro in manu et nutu eos evertebat, et non cessabat eos expellere. Videbatur enim nobis tanquam in inimicos ferociter fremere, et eos cum ira repellere, donec sensus cœperunt connovere: tunc enim tranquillissimo habitu, vespertinas laudes celebrante Ecclesia et clamante, Inclina, Domine, et exaudi me: ipse pellicium hunc exuit amictum, et relictis vinculis carneis, venit ad luminosa atria cœlestium, et habitat in incensibili

lætitia, quæ percipitur intelligentia, ex ea, quæ hic est, improbitate in anima nullum signum inferens. Nam cum hic ageret, virtutibus morte affecterat mortale hoc tabernaculum, etc. » Subjicit dicere de luctu populi totius et imperatoris, atque frequenti concursu omnium ad corpus ejus, deque sepulcro ipsius in monasterio, quod ædificaverat in templo omnium martyrum in Bosphoro: narratque miracula ab eodem post obitum divinitus edita diversi generis, quæ qui cupit, legere poterit.

3. *Responsa Theodori et Platonis ad Nicephorum imperatorem ipsos consulentem de electione episcopi.* — Defuncto Tarasio, imperator cogitare cœpit de ejus successore deligendo, in quo ut speciem saltem ostenderet pietatis, consultuit Theodorum Studitam virum quidem pietate insignem, ut proferret in medium, quem sciret tanto sacerdotio dignum. Arte enim regnandi scelestissimus imperator, præferebat pius, religiosum in omnibus, induens lupum pastoris habitu, tyranni diluens nomen justis quibusdam rationibus, quod videlicet non licet uni feminæ Romani imperii moderari habendas, nec quidem expedire in tanto orbis discrimine, imminentibus undique Sarraenis, uni feminae creditum periclitari imperium. Itæc et alia ipse populo ingerens, et viris religiosis monachis servis Dei, non solum tyranni nomen abolevit, sed bonum quoque nomen fuit consecutus, ut de eo, quæ essent optimi principis, prædicarent non adulantes aulici tantum, sed viri quoque sanctissimi, ut Theodorus inter alios, quem ipse de futuro eligendo in locum Tarasii episcopo successore consuluisset: ad quem ipse respondens, has ad eum litteras dedit<sup>1</sup>:

4. « Omnino sic futurum erat, ut bonus Deus noster Ecclesiæ suæ curam gerens, pietatem vestram, hac ætate, imperio præficeret Christianorum, ut non sæcularis solum dominatio male constituta rectius componeretur, sed Ecclesiasticus etiam principatus, si quid desideraretur, assurgeret, et nova quædam conspersio fieret in utroque. Quod quidem in altero membro præclare ipsius gratia jam præstilum est a Christi amante imperio vestro: atque adeo præstare perget celesti numine corroboratum. Reliquum modo est ut alterum pari cura fruatur, parique prudentia. Id vero post Deum et cum Deo a vobis tribueretur per approbationem legitimæ electionis futuri archiepiscopi.

« De quo quando ex nobis etiam peccatoribus scisitari voluisti, coram Deo, qui nos judicaturus est, de eo, quod dicturi sumus in die judicii, hic est sensus noster. Non novimus, nec scimus ullum (non quod defecerint viri vita et sermone illustres, sunt enim et Deo perspecti et hominibus, impari licet ratione, atque in primis præclaræ menti tuæ) sed quia talem ratio depositit, et desiderium imperii vestri, qui possit corde perfecto Dei justificationes exquirere; qui gradu atque ordine ab inferiore

<sup>1</sup> 2. Cor. XII. — <sup>2</sup> Ephes. VI. — <sup>3</sup> Locus obscurus.

<sup>1</sup> Cod. Columnens. bibl. Ep. XVI.

sensim ad superiorem ascenderit, qui tentatus fuerit per omnia, qui ex eis, quæ passus est, tentatis possit opem ferre. Et quid multis apud te verbis opus est, qui omnia nosti, et ex tui ipsius statu ac dignitate tantum virum tibi repreſentas? Praefucere cæteris oportet non secus ac solem intersidera.

5. « Cum igitur tales non videamus, nec suffragium ferre audemus. Hoe vero memorie causa non sine metu et reverentia suggerimus, quod ipsum plane non fugit peritissimam et divinam prudentiam tuam, ut ex episcopis etiam et ex præpositis, et ex stylitis, et ex inclusis, tum deinde ex clero delectum babens, ex illis ipsis perfectis desumas, prudentia, sensu, ac vita cæteris præstantiorem. Descendat enim stylita, exeat inclusus; quandoquidem publicum est commodum, quod quæritur. Discerne et confer, et cum ipsis deprehendas dignorem. Et beati estis, et vere ter beati, si haec omnia exsequamini Christi imitatores Domini nostri.

« Hinc magis magisque confirmabitur imperium vestrum, magnificabitur nomen vestrum in generationes, augebuntur denique anni principatus vestri. Duo siquidem haec Christianis munera tribuit Deus, sacerdotium et imperium, per quæ colitur, per quæ ornantur et gubernantur cœlestium exemplo terrena. Utrumvis ergo præter dignitatem se habuerit, totum una periclitari necesse est. Quare si optima imperio vestro decernere vultis, et per imperium vestrum omnibus Christianis, æqualem, quoad fieri potest, imperatorie virtuti vestrae sortietur Ecclesia præsulem suum, ut exultent cœlestia, lætenturque terrena. Dux vobis sit Dei manus, in qua et cor vestrum est, ostendatque meliora, et ab ea recipietis ob susceptos pro opere hoc labores, curas et sollicitudines regnum sempiternum ». Haetenus Theodorus ad imperatorem.

6. Quæsivit idem imperator et S. Platonis de futuro eligendo patriarcha sententiam: quænam autem ipse rescriperit ad imperatorem, accipe ab ipso etiam Theodoro Studita, ubi res gestas ejusdem scriptis prosecutus, haec ait: « Cum vero e vita excessisset divinus ille vir, qui tunc episcopatu præsidebat: quisnam patriarcha futurus esset, suffragiis quaerebatur: quæ quidem de multis feabantur, cum plerique alius alium cooptaret, prout benevolentia, aut veritate dueebatur. Quæsumum est et patris nostri suffragium non solum ab iis, qui sacerdotio insignes erant, sed ab ipso etiam imperatore. Quid igitur (vos quæso) faciendum illi erat? Annon decebat eum, qui bonarum rerum causa certaverat, et accuratae vitæ legem omnibus se proposuerat, libere ac vere sententiam suam proferre, id quod ad communem vitæ utilitatem spectaret, considerantem? Minime, inquit, irrisores et obtrectatores, sed vel ignorantiam simillare, vel abjectus suffragium illud concedere oportebat; quorum alterum mendacium habet, alterum

simulationem, utrumque respuendum. Ille igitur suffragium suum misit. Cui autem illud detulerit, omitto dicere. Misit autem, Deo ipso teste. Quod et illi libenter acceperunt, nescio quomodo, quod scriptum fuerat, confirmantes. Qui enim suffragium ipsum accepit, revolvit calculos ipsos, ac pervertit.

7. « Et Plato quidem ipse, quoniam necesse erat, ut pro capite proponendo, singula membra suo fungerentur officio, ad quendam eorum, qui eodem habitu induti erant, Cæsaris ipsius propinquum, communis utilitatis causa egredi ex eo loco, in quo erat, nequaquam veritus, nocte adiit: cui cum ea dixisset, quæ decebant, in cellam celeriter rediit. Ille vero eum haec audisset, in furorem versus est, ac paululum moratus quantum ad id, quod consultaverat, perficiendum satis esset, sanctum virum cum illo et nos una comprehendit, et quatuor et viginti dies munito quodam in carcere detentos, domum postea redire permisit ». At ista quidem, quæ ingerit Theodorus de carcere Platoni, sive et aliorum post electionem patriarchæ acciderunt. cum Plato atque Theodorus ipse redarguisserent imperatorem, quod Josephum illum damnatum ante novem annos a Tarasio, quod coronasset subintroductam feminam Constantini, in statum pristinum revocasset. Sed de his dicturi postea sumus, de electione modo novi patriarchæ agendum est.

8. *Nicephorus episcopus Constantinopolitanus.* — Cum autem diversa suffragia (ut dictum est) in diversos pro affectione cujusque lerrentur, placuit tandem eligere Nicephorum laicum adhuc hominem, sed quem virtutes ornabant: nobilis hic civis erat, diuque in curia apud imperatores militaverat, ministerio illo, quod a secretis appellari consuevit, de quo ista habet Ignatius monachus hujus temporis scriptor in Tarasio, ubi agit de his, qui interfuerunt Nicæno Concilio posteriori: « Inter quos fuit Nicephorus, qui erat a secretis imperatoris, qui cum vixisset in sanctitate, et esset ornatus divinis virtutibus et doctrina ac dicendi scientia, Byzantii sedem patriarchalem suscepit post Tarasii sanetam consummationem ». Hie ipse inundi rerum inquietum ac mobilem statum, animæque periculosum admodum esse intelligens, ut animæ sue saluti consuleret jam ante ista, nuntium remiserat sæculo, et in solitudinem se contulerat, non ut statim monachus fieret, sed ut experiretur, et assuesceret vitæ monastice, quam meditabatur. Cum ergo placuisse imperatori, illum deligere virum, eum accepit, imo vi abstractum perduci curat Constantinopolim: sed reclamans licet, et remuens, cogitur tamen impositum onus episcopatus subire, qui ut uni animæ suæ vacaret, abdicata honorifica functione, jam (ut dictum est) aufugerat in solitudinem. Testatur haec ipse pluribus in Epistola ad Leonem Pontificem, quam suo loco inferius reddituri sumus. Scripsit enim eam (ut ipse tradit) mortuo Nicephoro impe-

ratore, cum Michael imperare cœpisset, testatus id faciendi sibi ob duritiam Nicephori imperatoris liberum non fuisse. At quanta mala passi sint servi Dei Plato et Theodorus, et qui cum ipsis erant monachi Constantinopoli, occasione restitutionis nefarii Josephi, idem Theodorus sic pergit in Platone narrare :

9. *Nicephorus imperator persecuitur monachos, turbat Ecclesiam.* — « Quid, inquit, opus est dicere, quot injuriis virum illum, vel potius virtutem ipsam affecerit imperator videlicet, fratrum societatem furiose oppugnans atque conturbans, et alias quidem in carcere servans, alias ad judicia tanquam reos trahens, quamvis in aliis omnibus rebus imbellis et ridiculus existeret? Quæ omnia erant apparatus quidam malitia, quam ille meditabatur, et velut iniuritatis ejusdam exordium, neconon ejus nominis mugarum et aperte petulantiae significatio. Propediem vexatio ista illata est, ejusque causa fuit Joseph ille, qui adulteros, quos diximus, conjugaverat : clandestinum namque malum illud, et Ecclesiae ipsius perturbatio. Cujus quoniam tanquam serpentis ejusdam venenum, canonice communionem effigimus, a Cœsare ipso minæ nobis proponebantur; quique instabant parati erant. Sed qui possum pancies verbis comprehendere quam multos terrores, quot certamina et tentationes nobis attulerit, quam sœpe nos abducendo vexarit? seit haec tam qui ea passus fuit, quam qui prope illum, qui haec patiebatur, tunc erat. Protecto militaris phalanx locum, in quo manebamus, ita cinxit, ut neque aliquem hiscere, aut omnino caput efferre permetteretur, intus timores, foris terror et minæ proponebantur. A quibus autem haec proposita fuerint, nō dicam, eorum qui haec fecerunt, personam reveritus. Heu! quanta fuit temporis illius calamitas! Nemo fere impetum illum ferre potuit. Nemo fuit, qui recta consuleret, et divinas partes sustineret. Quinimo optabile erat, ne quis iracundiam principum magis excitaret. Haec et miserabiliora faciebant, qui ejusdem ordinis erant participes ». Haec de his summatim Theodorus. Quæ autem de Synodo, sive potius conventu satanico, post haec facta subdit, suo loco dicemus, quo fieri contigit.

Porro laudum suarum parcissimus Theodorus, qui in his præclare gestis rebus principem locum tenuit, ista jejune admodum percurrere visus est, ne videri posset sua facta laudare; verum in datis tune ab eo pluribus eodem argumento Epistolis, quantum in his laboris insumpserit, aperte satis significat. Sed et qui vitam ipsius Theodori perpetuitati sacravit Michael monachus ejus discipulus, paulo fusiis ista est prosecutus, dum ita a Nicephoro inchoat historiam :

10. « Sed ferre non poterat inimicus, nec tenere se, quin Theodorum iterum aggredieretur, tanquam invidens ipsi perpetuo, ejusque recte factis succensens. Eum enim, qui sceptris per id tempus potiebatur, Nicephorum dieo improbum

illum, qui piam Irenem imperio spoliavit, et imperium ipse per vim atque injuriam invasit; hunc, inquam, ad opugnandum sanctum virum Theodorum impudens excitavit. Quoniam autem pacto, deinceps exponam. Hic ergo Nicephorus specie quidem Christianus, camdemque nobiscum communionem habens, revera autem, factisque ipsis, Christi hostis (quod omnium pessimum erat) conquiescere nequibat, tanquam ad malum natus, nisi omnia miscere conaretur, et quicquid in animum venisset, nihil intentatum relinququeret. Cui inter cetera nulla cura, nulla sollicitudo fuit, res Ecclesiæ perturbare, ut ad majora, et qualia ipsum debent, ejus malitia progrederetur.

11. « Haec enim pace, quam paulo ante adepta vix fuerat, frui non ferens, multis nuper agitatum tumultibus, alia rursum ratione conatus est in novos motus, seditionesque conjicere. Josephum si quidem illum, communī Ecclesiæ calculo a Tarasio jure olim ejectum ob manifestum ab eo commissum crimen, quod nemini obsecurum est : non dubitavit iterum tyranne et contra canones in Ecclesiam revocare, atque ademptum illi sacerdotium restituere. Quid novus hic dogmatum auctor non erat dicens, quid non agens, quod denique sceleris genus prætermittens, ut cogitata et inchoata perficeret? adeo ut quod omnium absurdissimum erat, haec jam dicere non puderet : Nihil novi, inquit, aut temerarii alioqui fecerimus, si ab alio pulsum ipsi recipiamus, quinimo charitatis legem observabimus; in quo quidem et obsequentes universos habebimus et suffragatores atque socios. Et legem hoc loco charitatis (o legum æquitas et sacri sermones!) impudens commemorabat, cui nec quid lex, quid charitas sit, exploratum unquam fuit. Quem si nihil aliud, hoc certe cogitare oportebat, quamvis amens et vecors in cæleris esset. Tametsi hunc patriarcha Tarasius deposuerit, qui a nobis nunc abiit, et ad superas sedes emigravit; tametsi suis alii eum sententiis damnaverint : at nobis non solum que ab illis statuta sunt transilire nefas est, sed eadem confirmare, vel maxime convenire cum eadem nobis atque illis sit gratia, ne Patrum nostrorum leges mutare videamur et studio impii esse.

12. « Quorum ille nihil prorsus recogitans, patriarcham vi aggreditur (Nicephorus is erat Tarasii successor) omnibus eum machinis oppugnans, ut vel invitus voluntati ejus obsequeretur, et sacerdotium redderet Josepho. Quod ille sane tandem ægre adductus præstítit, veritus, opinor, vir Dei, ne atrocus quippam insanus ille molitur, Ecclesiæque vehementius exagitaret, si quod tantopere concupierat, non obtineret ». Verum hoc non sponte, neque solus fecit Nicephorus, sed adhibito episcoporum concilio, de quo modo dicturi sumus : at certe quidem per facile fuit laicum hominem in palatio tantum versatum, et ad regimen tantæ molis recens assumptum pertrahi in sententia aliorum seniorum, et qui peritum

canonum quam maxime profitebantur episcoporum.

13. *Conventus dictus Adulterantium Constantinopolis ob restitutionem Josephi.* — Hoe itaque anno Synodus jussu imperatoris congregata est paucorum episcoporum, qui tunc erant Constantinopoli, in qua ipse, qui antea fuerat damnatus Josephus, fuit restitutus in pristinum sacerdotii gradum, de quo ista habet Theodorus Studita ad Nicephorum patriarcham post biennium scribens<sup>1</sup>: « Cum enim, inquit, factus est conventus ille parvus, et nescio quo nomine appellem, ex carcere per id tempus redieram. Cumque viderem eos esse congregatos, qui adulterium ante suscepserant (qui scilicet conniverant, ut Theodotem duceret Constantinus, episcopi) et adulterii copulatorem amplexi lucerant; venit mihi in mentem illius dicti prophetici<sup>2</sup>: Sapiens in illo tempore silebit, quoniam tempus malum est. Sed jam dicat idem<sup>3</sup>: Tacui, numquid semper facebo? propterea tempore congruenli calumnia pressus, haec tandem protuli, quia quantum in me fuit omni ratione cavi duobus his annis, ne res in apertum prodiret, illud mecum volvens, quandoquidem episcopi dignitate praedilus non essem, ut arguendi habeam potestatem, sufficere si me ipse custodiam, et non participem illius communionis, eorumque qui scientes cum illo sacra faciunt, quoad scandalum de medio tollatur ». Ista quidem Theodorus, ubi vidit hominem in Synodo male absolutum, tradit; quae et aliis Epistolis saepe refricat et inculcat.

14. Cæterum ne quis errore labatur, dum apud Theophanem, imo et apud Theodorum ipsum Studitam, neconon Michaelem in Theodoro non nisi unius Synodi mentionem habitam esse videt, qua ipsis sanctis exilium decretum est: constat ejusdem Theodori assertione in Epistola ad Leonem Romanum Pontificem, duplicem ab illis esse Synodum congregatam, quarum priori receptus est Joseph, alteram, qua anathematizati sunt, qui cum illo non communicarent, quam et secuta sunt exilia sanctorum. Dicemus nos de ea suo loco. Porro quod ad præsens pertinet conventiculum: nominat id Theodorus in Epistola ad Leonem, Synodum hæreticorum, vel Synodum adulterantium, eorum scilicet, qui adulterium comprobassent imperatoris.

Sequenti autem die a Synodo congregata, ipse ad Nicephorum patriarcham Theodorus<sup>4</sup> scripsit Epistolam, studens avocare eum ab iis quæ statuta essent de receptione damnati, se excusans patiter, si illius communicationi minime admisceri velit. Epistola sic se habet:

15. « Necesse non erat litteris indicare angelo beatitudinis tuae, que ore ipso iam significata sunt, quauvis per humiles nos ambos non fuissent. At tamen ne qui hesterno die jussu tuo conventus habitus est episcoporum, diversum aliquid docens ab

iis, quæ cum illo dicta a nobis sunt, sacras aures vestras conturbet: consentaneum duximus, summam referre totam Apologiam nostræ rationem. Nos igitur, beatissime, Orthodoxi sumus in omnibus, omnem hæresim rejicientes, omnemque OEcumenicam et localem Synodum approbatam recipientes, neconon editas ab eis sacras et canonicas constitutiones arete complectimur. Neque enim veritatem prorsus tenet is, qui rectam fidem habere se existimans, divinis canonibus non regatur. Ad hæc, legitimas a sanctis pro tempore usurpatas dispensationes admittimus, quando et nos humiles sanctitatem tuam per œconomi ejectionem amplecti, non exactum jus sectantium est, sed admodum dispensantium et conspirantium. Et prædecessorem sanctitatis tuæ patriarcham eadem ratione suscepimus in hoc ipso negotio, quando reversi ab exilio sumus, disrupto adulterino conjugio, et œconomio sacerdotii munere dejecto. Non enim (aiebamus) nobis pars tecum neque hic, neque in futuro sæculo, propterea quod adulterio promiscue a sanctitate tua participarit. Illo vero contra dicente: Dispensatione usus sum, ut etiam imparitem ad tempus. Deinde hæc subjiciente, manus meæ abscissæ fuerunt in adulterina coronatione. Numquid ego nulla ratione coronavi? Post hæc communicavimus usque ad obitum ipsius, et sanctitatem tuam rursus suscepimus ad dignitatem archiepiscopatus; quemadmodum et mentionem ejus quotidie facimus in sacrificio: nec alia re discrepamus, quam propter œconomum per sacros canones depositum multis modis, ac præcipue quod post novem annorum excommunicationem iterum sacris operetur, neque id in abdito (ferendum enim id esset nobis ejus rei minime conscientis) sed in ipso fonte sacerdotii nostri, hoc est, cum sincera conversatione tua assidue pergens ad sacrificandum. Äquum igitur et sanctum ac sine scandalo populo Dei fuerat, in primisque ordini nostro, ejici et privari sacerdotio, qui indigne prosiliit: nobis sanctitatis tuae memoriam servantibus, et ab omni episcopo et sacerdote, qui manifesto reprobus non sit, communicantibus juxta theologum. Quod si hoc nulla ratione factum propter peccata nostra: num ut aliquid (non ex metu sermo, sed commiseratione communis) in humilitatem nostram a sanctitate tua illicitum fiat et contra canones? quoniam perferemus nos quidem, Dei virtute, atque utinam id nobis contingat ejus concessu.

16. « Verum testor sanctitati tuae coram Christo et sanctis angelis audientibus, magnum a te schisma conflari in Ecclesia nostra. Quod si potestati subjicimur ut homines, atque sub sacerorum et divinorum canonum potestate, velimus, nolimus, regimur et obsequemur. Cæterum oramus sanctitatem tuam: flecte aurem tuam et audi vocem nostram, ut peritus medicus, ut pastor bonus ovem unam prohibe a sacrificio, et omnes a scandalo redime, ne unius scabie tota Ecclesia nostra inficia-

<sup>1</sup> Theod. Stud. Ep. xxv. Cod. Column. — <sup>2</sup> Eccl. xx. — <sup>3</sup> Isa. XLII. — <sup>4</sup> Theodor. Studit. l. i. Ep. xxx. Cod. Column.

tur, quam acquisivit Dominus et Deus noster sanguine suo. De nugis enim nungentur, qui volunt, et calumnientur sycophantæ, parati sumus ad omnem defensionem refutationemque accusatoriaræ objectionis. Amici et laudatores tui sumus : in primisque piissimorum et triumphatorum dominorum nostrorum. Cumque tales simus, quoniam nobis turbatio ? Quia de causa evenient quæ evenitura sunt, siquidem contraria Dei præceptis ? Tribue nobis sacras preces tuas ». Hactenus ad patriarcham Theodorus.

Quid ad hæc patriarcha rescriperit, non habemus, sed potius non rescripts eum, verius dici potest, secundum ea que idem Theodorus ad Simeonem præpositum<sup>1</sup> scribens ait : « De patriarcha enim quid attinet loqui ? Qui nec responsa dare vult, nec admittere qui verba faciat : qui in omnibus Cæsari inservit ». At sic licet subduxerit se Theodorus cum suis a communicatione Josephi œconomii, secrete id quidem et sub silentio per biennium fecit, quo tempore et cum ipso patriarcha communicare non destitit, ut idem ipse testatur; ita tamen, quod licet in publicis precibus ipse ejus memoriam ficeret in sua monasterii Ecclesia, accedere tamen ad sacra ejus, quibus interesse soleret perditus ille Josephus, penitus defrectaret : nam audi quid ad Basiliū scribat<sup>2</sup> :

17. « Nos ergo et sanctissimi patriarchæ mentionem facimus (ut convenit) in Mystagogia, sicut et piorum imperatorum nostrorum : et cum omni sacerdote inculpato communicare non detrectamus. Scripsimusque ad ipsum patriarcham : quod et pii imperatores nostri sciunt, nos in nullare dispare præterquam de Josepho. Et simul ac depulsus fuerit sacerdotio, cum ipso statim communicaturos : etenim desiderabilem nobis virum esse, non solum quod caput sit Ecclesie nostræ, sed quia jam olim reverendus nobis erat, et singula ipsius bona laudare non cessamus ». Ilac Theodorus. Sed jam quæ sunt anni hujus reliqua prosequantur, nonnisi post sequentem annum eum iterum conventuri, quando rursus adversus eum tempestas est excitata.

18. *Testamentum Caroli Magni dividentis inter filios imperium in Synodo habita in villa Theodonis.* — Quod igitur pertinet ad res Occidentales : produnt Annales Francorum hoc anno habitum esse conventum ab imperatore Carolo in villa Theodonis, atque ex testamento tribus filiis tripartitum esse ipsum regnum, singulas singulis partes esse divisas, si contingeret eos post patris obitum esse superstiles. Extat ipsum quidem ejusmodi testamentum, sive divisionis decretum ab eodem Carolo Magno constitutum hoc anno, appositorum parergon ad vitam ipsius, atque ex Pithœi bibliotheca in lucem editum verbis istis :

« In nomine Patris et Filii et Spiritus sancti.

Imperator Cæsar Carolus rex Francorum invictissimus, et Römani rector imperii, pius, felix ac triumphator semper Augustus omnibus fidelibus sancte Dei Ecclesie, et cuncto populo Catholicó præsenti et futuro gentium ac nationum, quæ sub ejus imperio ac regimine constitute sunt.

« Sicut omnibus vobis notum esse et neminem vestrum latere credimus, quomodo nos divina clementia, cuius nutu ad occasum tendentia sæcula per successiones generationum reparantur, tres nobis dando filios, magno miserationis ac benedictionis sue ditavit munere, quia per eos, secundum vota nostra et spem nostram de regno confirmavit, et curam oblivioni obnoxiae posteritatis levarem fecit. Ha et hoc vobis notum fieri volunus, quod eosdem per Dei gratiam filios nostros regni a Deo nobis concessi, donec in corpore sumus, et post nostrum ab hac mortalitate discessum hujus a Deo conservandi regni, vel imperii nostri haeredes relinquere, si sic divina majestas annuerit, optamus. Non ut confuse atque inordinate, aut sub totius regni dominatione jurgii controversiam eis relinquamus ; sed trina partitione totum regni corpus dividentes, quam quisquis illorum tueri, vel regere debeat, portionem distribuere et designare volumus, eo videlicet modo, ut sua quisque portione contentus, juxta ordinationem nostram et fines regni sui, quæ ad alienigenas extenduntur, cum Dei adjutorio nitatur defendere, et pacem atque charitatem eum fratre custodire.

19. « Divisiones vero a Deo consecrati et conservandi imperii, vel regni nostri tales facere placuit, ut Aquitaniam totam et Wasconiam (excepto pago Turonico) et quicquid inde ad Occidentem atque Hispaniam respicit, et de civitate Nivernis, quæ sita est super fluvium Ligerim cum ipso pago Nivernense, pagum Avalensem, atque Alsensem, Cabillionensem, Matisconensem, Lugduensem, Saboiam, Moriennam, Tarentasiam, Montem Cini- sum, vallem Segusianam usque ad Clusas, et inter terminos Italcorum monilium usque ad mare, vel usque ad Hispanias continetur, hoc est, illam portionem Burgundiæ, et Provinciam ac Septimaniæ, vel Gothiam, Ludovico dilecto filio nostro consignavimus.

« Italianam vero, quæ et Longobardia dicitur, et Bajoariam, sicut Tassilo tenuit, exceptis duabus villis, quarum nomina sunt Ingoldestat, et Lutraphahof, quas nos quondam Tassiloni beneficiavimus, et pertinet ad pagum, qui dicitur Northgowe, et de Alemannia partem, quæ in Australi ripa Danubii fluminis est, et de ipso flumine Danubii currente limite usque ad Rhenum fluvium sursum versus usque ad Alpes, quicquid intra hos terminos fuerit, et ad Meridiem vel Orientem respicit, una cum ducatu Curiensi et pago Burgowe, Pipino dilecto filio nostro.

20. « Quicquid autem de regno nostro extra hos terminos fuerit, id est, Franciam et Burgundiæ, excepta illa parte, quam Ludovico dedimus,

<sup>1</sup> Theod. Ep. xxvi. in Cod. Column. — <sup>2</sup> Theod. Ep. xxviii. in Cod. Column.

atque Alemanniam (excepta portione, quam Pipino adscripsimus) Austriam, Neustriam, Thuringiam, Saxoniam, Frisiam, et partem Bajoarie, quae dicitur Northgow, dilecto filio nostro Carolo concessimus, ita ut Carolus et Ludovicus viam habere possint in Itatiam ad auxitum faciendum fratri suo, si ita necessitas exliterit, Carolus per vallem Augustanam, quae ad regnum ejus pertinet, et Ludovicus per vallem Segusianam. Pipinus vero et exitum et ingressum per Alpes Noricas atque Curiam.

« Hæc aulem tali ordine disposuimus, ut si Carolus, qui major est natu, priusquam cæteri fratres diem obierit, pars regni, quam habebat, dividatur inter Pipimum et Ludovicum, sicut quondam divisum est inter nos et fratrem nostrum Carolomanum, eo modo ut Pipinus illam portionem habeat, quam frater noster Carolomanus habuit, Ludovicus vero illam partem, quam nos in illa partione suscepimus. Si vero Carolo et Ludovico viventibus, Pipinus debitum humanæ naturæ compleverit, Carolus et Ludovicus dividant inter se regnum, quod ille habuit. Et hæc divisio tali modo fiat, ut ab ingressu Italiae per Augustam civitatem accipiat Carolus Eboreiam, Vercellas, Papiam, et inde per Padum fluvium termino currente usque ad fines Regiensium et ipsum Regium, et civitatem novam atque Mutinam usque ad terminos S. Petri. Has civitates cum suburbanis et territoriis suis, atque comitatibus, quæ ad ipsas pertinent, et quicquid inde Romanum pergenti ad laevam respicit de regno, quod Pipinus habuit, una cum dueatu Spoleto hanc portionem, sicut prædiximus, accipiat Carolus.

« Quicquid autem a prædictis civitatibus, vel comitatibus Romanam eunti ad dexteram jacet, de prædicto regno, id est, portionem, quæ remansit de regione Transpadana una cum ducatu Tusciano usque ad mare Australē et usque ad Provinciam Ludovicus ad augmentum sui regni sortialur. Quod si cæteris superstitionibus Ludovicus fuerit defunctus, eam partem Burgundie, quam regno ejus adjunximus cum Provincia et Septimania, sive Gothia usque ad Hispaniam Pipinus accipiat, Carolus vero Aquitaniam atque Waseoniam.

21. « Quod si talis filius cuiuslibet istorum trium fratum natus fuerit, quem populus eligere velit, ut patri suo succeedat in regni hæreditate, volumus ut in hoc consentiant patrui ipsius pueri, et regnare permittant filium fratri sui in portione regni, quam pater ejus, eorum frater habuit.

« Post hanc nostræ auctoritatis dispositionem placuit inter prædictos filios nostros statuere atque præcipere propter pacem, quam inter eos perpetuo peruanere desideramus, ut nullus eorum fratri sui terminos, vel regni limites invadere præsumat, neque fraudulenter ingredi ad conturbanium regnum ejus, vel marcas minuendas, sed adjuvet unusquisque illorum fratrem suum, et auxilium ei ferat contra inimicos ejus juxta rationem et pos-

sibilitatem sive intra patriam, sive contra exteris nationes.

« Neque aliquis illorum hominem fratri sui pro quibuslibet causis, sive culpis ad se confugientem suscipiat, ad intercessionem pro eo faciendam : quia volumus, ut quilibet homo peccans et intercessione indigens intra regnum domini sui, vel ad loca sancta, vel ad honoratos homines confugiat, et inde justam intercessionem mereatur.

22. « Similiter præcipimus, ut quemlibet liberum hominem, qui dominum suum contra ejus voluntatem dimiserit, et de uno regno in aliud profectus fuerit : neque ipse rex suscipiat, neque hominibus suis consentiat, ut tales hominem recipiant, vel juste retinere præsumant : hoc non solum de liberis, sed etiam de servis fugitivis statuimus ordinandum, ut nulla discordiis relinquantur occasio.

« Quapropter præcipiendum nobis videtur, ut post ab hac mortalitate discessum homines uniuscujusque eorum acceperint beneficia unusquisque in regno domini sui, et non in altero, ne forte per hoc, si aliter fecerit, scandalum aliquod accidere possit. Hæreditatem autem suam habeat unusquisque illorum hominum absque contradictione in unoquoque regno, quam eum legitime habere configerit.

« Ut unusquisque liber homo post mortem domini sui licentiam habeat se commendandi inter haec tria regna ad quodecumque voluerit, similiter et ille, qui nondum alicui est commendatus.

« De traditionibus autem et venditionibus quæ inter partes fieri solet : præcipimus, ut nullus ex his tribus fratribus suscipiat de regno allelius a quolibet homine traditionem, vel venditionem rerum immobilium, hoc est, terrarum, vinearum atque libertatem servorumque qui non casati sunt, sive terrenorum, quæ hæreditatis nomine censentur, auro, argento, et gemmis, armis ac vestibus, necnon et mancipiis non casatis, et his speciebus, quæ proprie ad negotiatores pertinere noscuntur. Cæteris vero liberis hominibus hoc nomine interdicendum judicavimus.

23. « Si quæ autem feminæ, sicut fieri solet, inter partes et regna fuerint ad conjugia postulatae, non denegentur juste poscentibus, sed liceat eas vicissimi dare et accipere, et affinitatibus populos inter se sociari. Ipsæ vero feminæ potestatem habent rerum suarum in regno, unde exierant, quando in alio propter mariti societatem habitant.

« De obsidibus autem, qui propter credentias dati sunt, et a nobis per diversa loca ad custodiendum destinati sunt, volumus, ut ille rex, in eujus regno sunt absque voluntate fratri sui, de eujus regno sublati sunt, in patriam eos redire non permittat, sed potius in futurum in suscipiendis obsidibus alter alteri mutuum ferat auxilium, si frater fratrem hoc facere, rationabiliter postulaverit. Idem

jubemus et de his, qui pro suis facinoribus in exiliis missi, vel mittendi sunt.

« Si causa, vel intentio controversiae talis inter partes propter terminos et confinia regnum ortae fuerint, quae hominum testimonio declarari, vel definiri non possint: tunc volumus, ut ad declarationem rei dubiae, judicio crucis, Dei voluntas et rerum veritas exquiratur, nec unquam pro tali causa cuiuslibet generis pugna, vel campus ad examinationem judicetur. Si vero quilibet homo de uno regno hominem de altero regno de infidelitate contra dominum suum accusaverit, mittat eum dominus suns ad fratrem suum, ut ibi comprobet quod de homine illius dixit ».

24. Sed antequam ulterius progrediamur, hic considerandum est, quod sicut hic probatur judicium crucis, ita alibi ab eodem prohibitum reperitur examen crucis; et sicut illud licite fieri posse demonstrat, ita hoc certum est fuisse velutum ejusdem Caroli imperatoris sancto Decreto; siquidem libro primo Capitularium, capitulo centesimo octavo ista leguntur: « Sancitum est, ut nullus deinceps quamlibet examinationem crucis facere præsumat, ne Christi passio, quæ est glorificatio cuiuslibet, temeritatem contemptui habeatur ». Quodnam autem fuerit istud examen, vel judicium crucis, nolis hactenus est incomptum. Pergit vero dignum tanto principe Christianissimo præceptum iisdem tribus filiis ejusmodi publica solemnique testificatione insinuare, sic dicens:

« Super omnia autem jubemus, UT IPSI TRES FRATRES CURAM ET DEFENSIONEM S. PETRI SIMUL SUSCIPIANT, sicut quondam ab avo nostro Carolo et beatae memoriae genitore Pipino rege, et a nobis postea suscepta est, ut eum cum omni adjutorio ab hostibus defendere nitantur, et justitiam suam, quantum ad ipsos pertinet et ratio postulat, habere faciant. Similiter et de caeteris Ecclesiis, quæ sub illorum fuerint potestale, præcipimus, ut justitiam suam et honorem habeant, et pastores et rectores venerabilium locorum habeant potestatem rerum, quæ ad ipsa pia loca pertinent, in quocumque de his tribus regnis illarum Ecclesiarum possessiones fuerint.

« Quod si de his statutis atque convenientiis aliquid casu quolibet, vel ignorantia (quod non optamus) fuerit irruptum: præcipimus, ut quam citissime secundum justitiam emendare studeant, ne forte propter dilationem majus damnum possit accidere.

25. « De filiabus autem nostris, sororibus scilicet prædictorum filiorum nostrorum jubemus, ut post nostrum ab hoc corpore discessum, licentiam habeat unaquaque eligendi sub eius fratri tutela et defensione se conferre velit. Et qualisunque ex illis monasticam vitam elegerit, liceat ei honorifice vivere sub defensione fratris sui, in eius regno degere voluerit. Quæ autem juste et rationabiliter a condigno viro ad conjugium quæsita fuerit, et ei conjugalis vita placuerit, non ei dene-

getur a fratribus suis, si et viri postulantis et feminæ consentientis honesta et rationabilis fuerit voluntas.

« De nepotibus vero nostris, scilicet filiis prædictorum filiorum nostrorum, qui eis vel jam nati sunt, vel adhuc nascituri sunt; placuit nobis præcipere, ut nullus eorum per quaslibet occasiones quemlibet ex illis apud se accusatum sine iusta discussione atque examinatione aut occidere, aut membris mancare, aut excaecare, aut invitum tendere faciat; sed volumus, ut honorati sint apud patres, vel patruos suos, et obedientes sint cum omni subjectione, quam decet in tali consanguinitate esse.

26. « Hoc postremo statuendum nobis videtur, ut quicquid adhuc de rebus et constitutionibus, quæ ad profectum et utilitatem eorum pertinent, his nostris Decretis atque præceptis addere voluerimus, sic a predictis dilectis filiis nostris observetur atque custodiatur, sicut ea, quæ de his iam statuta et descripta sunt, custodire et observare præcipimus.

« Hæc autem omnia ita disposuimus, atque ex ordine firmare decrevimus, ut quandiu divinae Majestati placuerit nos hanc corporalem agere vitam, potestas nostra sit super a Deo conservatum regnum atque imperium istud, sicut hactenus fuit in regimine atque ordinatione, et omni dominatu regali atque imperiali, ut obedientes habeamus predictos dilectos filios nostros atque Deo amabilem populum nostrum cuius omni subjectione, quæ patri a filiis, et imperatori ac regi a suis populis exhibetur ». Itucusque Caroli de divisione Decretum, sive testamentum factum in villa Theodosii, subscriptum ab optimatibus Francorum, et Romanum missum per Eginhardum a secretis ad Leonem Pontificem confirmandum atque subscriptione muniendum. Sub eius dispositione imperio discernendum reliquisse visus est, ut cui vellet, Pontifex daret, cum nullam de eo in testamento mentionem habere voluerit, de quo ante omnia fuisse ipsi testandum, si hereditarium existassel, et non potius Romani Pontificis arbitrio electivum. Porro iis omnibus, quæ statuta fuerunt a Carolo, Leo Pontifex et assensu præbuit, et propria manu subscripsit. Hæc veteres Annales Francorum.

27. Verum elsi dum viveret, totius imperii et Francorum regni Carolus apud se retinuit plenum dominium, tamen administrationem illis concessit, consiliarios illis tribuens viros prudentes ac religiosos. Pipini siquidem lateribus junxit Hadelhartum virum sanctissimum, cuius vitae admirandæ monumenta extant<sup>1</sup>. Quod vero ad reliqua ejusdem bona pertinet, idem imperator triennio ante obitum de rebus mobilibus condidit testamentum, sive donationem causa mortis, quæ ad finem Vitæ ejus apud Eginhardum posita legitur, nosque suo loco reddituri sumus.

<sup>1</sup> Sur. die II. Jan. tom. II.

28. *Eiusdem Synodi, Carolo approbante, statuta de clericis.* — Urgentibus antem diversorum sacerdotum accusationibus, factum est ut ex Synodo per Carolum Magnum missa fuerit consultatio ad Leonem Romanum Ponificem rogatum de ipsis sacerdotibus criminosis quid agendum, cum probatio certa deficeret. Est de ea mentio in Capitularibus ipsius Caroli his verbis<sup>1</sup>: « Et hoc vobiscum magno studio pertractandum est, quid de illis presbyteris criminosis, unde approbatio non est, et semper negant, faciendum sit: nam hoc saepissime a nobis et progenitoribus atque antecessoribus nostris ventilatum est, sed non ad liquidum hactenus definitum. Unde ad consultandum patrem nostrum Leonem papam sacerdotes nostros mittimus: et quicquid ab eo, vel a suis perceperimus, vobis una cum illis, quos mittimus, renuntiare non tardabimus. Vos interdum vicissim tractate attentius, quid ex his vobiscum constituamus una cum praedicti sancti Patris institutionibus, ut murmur cesseret populi; et nos his satisfacientes, illes, Domino auxiliante, ab utrisque maneamus ». Quid autem de his statutum fuerit, sequens declarat constitutio istis verbis<sup>2</sup>:

29. « Omnibus vobis visu, aut auditu notum esse non dubitamus, quod saepissime, suadente antiquo hoste, sacerdotibus crima diversa objiciantur; sed quoniam qualiter ex eis ab his rationabilis examinatio et satisfactio fiat, licet tempore bonae memorie domini genitoris nostri Pipini, sive priscis temporibus a sanctis Patribus et reliquis bonae devotionis hominibus saepissime ventilatum fuerit: nos tamen pleniter et ad liquidum definitum reperire minime quivimus. Nostris quippe temporibus, ad ipsum a sanctis episcopis et reliquiis sacerdotibus et ceteris Ecclesiasticæ dignitatis ministris, nostris in regnis, seu in aliis Deo degentibus, nobisque una cum eis agentibus, saepissime propter multas et nimias reclamaciones, quæ ex hoc ad nos ex diversis partibus venerunt, ventilatum est. Sed qualiter consultu domini et patris nostri Leonis Apostolici, ceterorumque Romanæ Ecclesiæ episcoporum, et reliquorum sacerdotum seu Orientalium et Græcorum patriarcharum, et multorum sanctorum episcoporum et sacerdotum, neconon et nostrorum episcoporum, omniumque ceterorum sacerdotum ac levitarum auctoritate et consensu, atque reliquorum fidelium et cunctorum consiliariorum nostrorum consultu definitum est: vobis omnibus utriusque ordinis ministris scire volumus.

30. « Statutum est namque ratione et necessitate et auctoritate praedicta, consultu omnium, ut quotiescumque cuiquam sacerdoti crimen imponitur, si ipse accusator talis fuerit, ut recipi debeat (quia quales ad accusationem sacerdotum admitti debeant, in canonibus pleniter expressum est); si autem, ut dictum est, ille accusator, qui

canonice est recipiendus, eum cum legitimo numero verorum et bonorum testium approbare in conspectu episcoporum poterit: tunc canonice dijudicetur; et si culpabilis inventus fuerit, canonicæ damnetur.

« Si vero eum supradicto praetextu approbare ipse accensator minime poterit: et hoc canonice definiatur. Ipse ergo sacerdos si suspiciosus, aut incredibilis suo episcopo, aut reliquis suis consacerdotibus, sive bonis et justis de suo populo, vel de sua plebe hominibus fuerit: ne in crimine, aut in predicta suspicione remaneat, tunc tribus, aut quinque, vel septem bonis ac vicinis sacerdotibus, exemplo Leonis papæ, vel eo amplius, si suo episcopo visum fuerit, aut necesse propter tumultum populi id esse prospexerit; et cum aliis bonis et justis hominibus se sacramento coram populo super quatuor Evangelia data, purgatum Ecclesiæ reddat. Si quis autem scire desiderat, quales testes ad accusationem sacerdotum recipi debeant, et quicquid de accusatore faciendum sit: pleniter in canonibus reperire poterit ». Hucusque Caroli Constitutio in episcoporum Concilio comprobata, ex sententia Leonis Romani Pontificis confirmata: spectant ad idem Concilium, quæ in sexto Capitularium libro ita leguntur :

31. « Capitularium dominicum datum anno Incarnationis Domini nostri Jesu Christiccccvi ad Theodosii villam anno imperii domini Caroli vi.

- « I. Ut lectiones in Ecclesia distinetè legantur.
- « II. De cantu: ut secundum ordinem et morem Romanæ Ecclesiæ fiat cantus.
- « III. De notariis: ut unusquisque episcopus et abbas et singuli comites suum notarium habeant.
- « IV. De ceteris disciplinis Ecclesiæ: ut secundum canones et regulam fiant.
- « V. De medicinali arte: ut infantes hanc discere mittantur.
- « VI. De Ecclesiis sine honore manentibus absque officiis et luminariis, et de his, qui decimas assumunt et de Ecclesiis non curant: ut hoc omnimodis emendetur.
- « VII. De altaribus: ut non superflua sint in Ecclesiis.
- « VIII. De computo: ut veraciter discant omnes ».

Hactenus de his quæ spectant ad Concilium præsentis anni in Theodosii villa habitum.

32. *Martyrum Scillitanorum reliquæ ab Africa translateæ.* — Ille insuper anno Carolum imperatorem audisse legationem Venetorum et Dalmatarum iidem habent Annales. Diversas insuper expeditiones hoc eodem anno a filiis ejusdem imperatoris feliciter gestas, summatim referunt: numerantque ac describunt munera missa ab Aaron rege Sarracenorum in Oriente ad Carolum

<sup>1</sup>Capitul. I. v. c. 33. — <sup>2</sup>Eod. lib. c. 34.

Magnum, et inter alia horologium admirando opificio elaboratum. Rursum ista ab Adone hoc eodem anno facta narrantur : « Tunc temporis, inquit, delata sunt ossa beati Cypriani Carthaginæ cum reliquiis beatorum Scillitanorum martyrum Sperati sacerorumque ejus, et posita sunt in Ecclesia beati Joannis Baptiste in civitate Lugdunensi ». Hæc Ado sui saeculi res gestas scribens. Exstat carmen Agobardi episcopi Lugdunensis de translatione sancti Cypriani et quorundam aliorum martyrum sacerorum pignorum, hac inscriptione notatum<sup>1</sup> :

« Agobardi carmen post obitum Caroli et Leidradi Lugdunensis episcopi.

Rector magnificus, piusque princeps  
Augusto Carolus decore fultus,  
Sceptrum nobile Francicum regebat,  
Subjectos populos pie gubernans;  
Lectos aquora jussrat secare.  
Ac jam proprio sibi Tonante,  
Post multos nimia viæ labores,  
Ingressu reduci salutem petentes  
Intrarunt Libyeos repeate fines :  
Qua Carthago gravi jacens ruina  
Deflet præterita deus juventæ.  
Hic dui Basilicas Deo dicatas  
Et Christi subeunt veneranda templa,  
Cernunt ut tua, Cypriane martyr,  
Servaret loculus neglectus ossa :  
Tum vero nimio dolore moti  
Et magno gemitu polum iuuentes,  
Poseunt auxilium Dei perennis,  
Pro quo, sancte, tibi caput rescissum est.  
Et mox poplitibus precando flexis,

Pandunt sareophagum, studeantque sacros  
Artus stringere linteis paratis,  
Committuntque sacro corpus locello  
Sperati quoque martyris beati  
Necnon Pantaleonis ossa raptim  
Tollunt euncta simul, ligantque pennis (pannis).  
Concedunt celeres ratem paratam,  
Nec sævi metuant periela Ponti,  
Egressis Arelas opima portu  
Oecurrat placido, sinuque latè  
Fessos excipit ac foveat hæcne.  
Hæc mox cum audiat optimus sacerdos  
Lugduni placidam tenens cathedram,  
Sanctorum eximio calore flagrans,  
Intendensque sacris ubique rebus  
Ledorum specimen, decusque cleri,  
Orat, postulat, imperatque raptim,  
Ut sanctissima martyrum piorum  
Nostris manibus ossa conderentur  
Lugduni ad placidam Joannis aram,  
Qui Christum vitrea rigavit unda.  
Illie cum sociis honoreclaro  
Florens, inelyte Cypriane, dormis.

Locupletatæ sunt tunc et Venetiae eodem thesauro sancti Cypriani reliquiis, quas legati redeuentes a Carolo dono acceptas in patriam detulerunt, quibus a Venetis erecta est in Murano nobilis sancti Cypriani memoria, quæ hactenus perseverat. Ex Adone autem corrigitur Sigebertus, qui translationem corporis sancti Cypriani, necnon Primi et Sperati Scillitanorum factam dicit anno octingentesimo secundo.

<sup>1</sup> Editum enim aliis ejusdem auctoris operibus Parisiis euisis an. 1603.

Anno periodi Graeco-Romanæ 6299. — Anno Æra Hispan. 844. — Anno Hegiræ 191, inchoato die 16 Novemb., Fer. 2. — Jesu Christi 806.

— Leonis III papæ 12. — Caroli imp. 7. Nicephori imp. 5.

4. *Obitus S. Tarasii Constantinop. patriarchæ.* — A num. 1 ad 17. Theophanes anno Incarnat. secundum Alex. DCCXCVIII, qui kalendis Septemb. superioris Christi anni inchoatur, hæc habet : « Illo anno mensis Februarii die vicesimo quinto, Indictione decima quarta, Tarasius sanctissimus Constantinop. archiepiscopus gloriosam mortem obiit ». Paulo post : « Mensis vero Aprilis die duodecima, magna Paschatis Dominica Nicephorus sanctissimus patriarcha, prius a secretis, populi totius, sacerdotum, atque etiam imp. suffragio electus est. Plato autem et Theodorus studiorum monasterii superiores, Nicephori ordinationi non assenserunt, quinimo dissidium a cæteris meditati firmiter obstiterunt, probabili videlicet argumento ducti : non

oportere aliquem ab imo laicorum statu ad supremum episcopatus fastigium proxime evolare : quos imperator Nicephorus urbe ejicere consiliatus, adversa nonnullorum sententia cohibitus est, qui odiosam fore patriarchæ ordinationem exposuerunt, si monachi ad septingentos usque sub Theodoro militantes, ejusque monasterium adeo celebre, illa assorta dissiparentur, et a fundamentis ruerent. Porro id neque novum in Ecclesia, neque recens excogitatum fuit factum ; cum mutti etiam alii de laicis episcopi creati, Deo convenienter in sacerdotali dignitate se gesserint ». Ignatius diaconus magnæ Ecclesiæ Constantinop. et dein Nicææ metropolitanus in ejus Vita cap. 11, dicit etiam Tarasium die xxv Februarii animam Deo reddisse, postquam scri-

psit : « Viginti et duos annos pontificalem decoravit cathedram », narravitque varia miracula ad sepulcrum ejus patrata.

2. *Virtutes S. Nicephori Tarasii successoris.* — *Nicephorum*, qui Tarasio successit, patrem suum appellat *Iguatius*; qui scripsit ejus Vitam a Bollando ad diem xxi mensis Martii primum publicatam, quod aliquando in hæresecos errorem ipse met attractus fuerit, deplorat, ac ejus patrocinio et exemplo se ad viam veritatis reductum indicat. Certe tanta Leonis Isauri et Theophilii impp. exagrandis Orthodoxis, qui sacras imagines damnare nollent, violentia fuit, ut pauci fuerint per Orientem, quos innanis illa ruina non involverit. *Nicephorus* patriarcha a pueritia ingenuis studiis deditus fuit, grammaticis scilicet, poeticis, rhetoriciis, mathematicis aliisque philosophicis disciplinis, eum quibus ipsam rerum theologicarum scientiam copulavit. Ad ætatem virilem proiectus, Constantini cum Irene matre Constantinopoli imperantium secretarius fuit, et in septima Synodo adhuc impp. a secretis præviis parentum suorum vestigiis insistentes, « velut e sublimi specula venerabilium imaginum antiquam religionem ac adorationem inclinans atque dilucide explicans, confessor sacro confessui etiam ante sacras infulas effectus est ». Vitam aulicam multis et molestiarum et vanitatum generibus obnoxiam expertus, deposito secretarii munere, solitariam auspicatur, ad specum contra Bosporum Thracium sitam, monasterium constituit, et ipse monachorum junctus collegio, « diu noctuque precibus ac sacris cantibus vacans, optimæque abstinentiae modo sese oblectans, divinis lectionibus ac disciplinis animum adhibebat ». Hæc omnia Ignatius in ejus Vita, et *Nicephorus* in litteris ad Leonem III Romanum episcopum de seipso scribit : « Ad hanc episcopalem sedem invitus multumque reclamans (testis est mihi Deus) proiectus et tyrannde potius quam consulto, aut ulla omnino persuasione alii gubernandis praefectus sum ». In eadem Epistola a Baronio anno DCCXII, num. 20 et seqq. recitata multa refert *Nicephorus* ex iis quæ ante episcopatum a se gesta sunt.

3. *Synodus Constantinopolitana.* — Hoc porro anno *Nicephorus* patriarcha Synodum celebravit, quam *Theodorus Studita* in Epistola ad Leonem III appellat *Synodum hæreticorum et adulterantium*, quia episcopi in ea congregati adulterium Constantini impp. cum Theodote comprobare visi sunt, Josephum magnæ Ecclesie Constantinopolitanae econsumum, *adulterii copulatorem*, ut eum appellat idem *Theodorus* in Epistola xxv, in sacerdotium restituentes. Verum actum id a sancto *Nicephoro* necessaria indulgentia, qui imperatori resistendum non esse arbitratus est, ne religionem Catholicam in discri-

men adduceret, ut liquet ex dictis anno DCCXCV, num. 6, et ex iis, quæ anno DCCVIII, num. 2 et seq. in medium adducemus (1). Illius Synodi mentio in libello Synodico post Baronii mortem edito his verbis : « Beatissimus *Nicephorus*, qui sancto Tarasio successerat, divinam et sanctam particularem Synodum de consensu imperatoris Byzantii congregavit : et per dispensationem, *Josephum*, quem defunctus Tarasius, propter conciliatas incestas nuptias Constantini imp. filii Irene deposuerat, in presbyterum recepit : unde quidam, qui a Christi Ecclesia per simplicitatem abrupti fuerant, rursus sunt uniti ». Accuratus hac de re loquitur Michael discipulus sancti *Theodori Studitæ* in Iius Vita, qui de imperatore scribit : « Patriarcham vi aggreditur (*Nicephorus* is erat Tarasii successor) omnibus eum machinis oppugnans, ut vel invitus voluntati ejus obsequeretur, et sacerdotium redderet *Josepho*. Quod ille sane, vi tandem et ægre adductus, præstít ; veritus, opinor, ne atrocius quidpiam insanus ille moliretur ». Plura haec de re Baronius. Ubique in Ecclesia ἀπολογίας et ἀπομνημόνευσι invenias viros sanctissimos, inquit Combetisius in Apparatu ad Biblioth. Concionat. pag. 24, dum loquitur de *Josepho* archiepiscopo Thessalonicensi, quem verum parentem esse orationis in festum *Exaltationis sanctæ Crucis* affirmat.

4. *Carolus Aug. regnum suum inter filios partitur.* — A num. 17 ad 27. « Conventum habuit imperator cum primoribus et optimatibus Franeorum de pace constituenda et conservanda inter filios suos, et divisione regni facienda in tres partes : ut sciret unusquisque illorum quam partem tueri et regere debuisse, si superstes illi eveniret. De hac partitione et testamentum factum, et jure-jurando ab optimatibus Franeorum confirmatum : et constitutiones causa conservandæ pacis factæ : atque hæc omnia litteris mandata sunt, et Leoni papæ, ut his sua manu subscriberet, per Einhardum missa. Quibus Pontifex lectis et assensum præbuit et propria manu subscripsit », inquit Eginhardus in Annal. ubi Eginhardus, ut passim alibi, appellatur. Idem habent annalistæ Bertinianus, Metensis aliisque. Illud Caroli imp. testamentum seu divisionis chartam recitat Baronius. In ea Carolus agit tantum de regni divisione inter filios, et ubi imperium nominatur, regnum suum intelligit. Concedit Ludovico Aquitaniam totam et Vasconiam excepto pago Turonico, et quidquid inde ad Occidentem atque Hispaniam respicit, pagos Nivernensem, Avalensem, Alsensem, Cabillonensem, Matisconensem, Lugdunensem, Saboiam, Morenam, Tarantasiam, Montem Cinisium, vallem Segusianam usque ad Clusas, et inde per terminos Italorum montium usque ad mare, et quidquid

(1) In Constantinopolitana hac Synodo, enjus canones ignorantur, constitutos fuisse ritos, quibus monasteriorum archimandritæ consecrarentur, discimus ex Vita S. Hilarionis junioris, quam ex manuscripto Synaxario Divisionensi exhibent PP. Bollandiste ad diem vi Junii pag. 759. Ita explicamus verba illa Synaxarii : « Tum vero factus est hegumenos et archimandrita, secundum ritus ibidem a Synodo ordinatos ». Porro vir sanctus octavum præsulatos sui anuum agebat cum Leo Armenus imperium capessivit; quare ipso anno quo Synodos Constantinopolitana habita fuit, regimen assumpsit.

ab eis contra Meridiem et Occidentem usque ad mare, vel usque ad Hispanias continetur, hoc est illam portionem Burgundiae, et Provinciam ac Septimaniam vel Gothiam. Donat Italiam Pippino, quae et Longobardia dicitur, et Bajoariam, exceptis duabus villis ibidem memoratis, et Alamanniæ partem, quæ in australi ripa Danubii fluminis sita est, et de ipso flumine Danubii usque ad Rhenum fluvium, et quidquid inter hos terminos fuerit, una cum ducatu Curiensi et pago Durgouve. Quidquid autem de regno ejus extra hos terminos erat, id est, Franciam et Burgundiam, excepta illa parte quam Ludovico dedit, atque Alamanniam, excepta portione quam Pippino adscripsit, Austriam, Nevistriam, Turingiam, Saxoniam, Frisiæ, et partem Bajoariæ Carolo concedit.

5. *Filiis defensionem Ecclesiæ injungit.* — « Super omnia autem jubemus », inquit piissimus imperator, « ut ipsi tres fratres curam et defensionem Ecclesiæ sancti Petri simul suscipiant, sicut quondam ab avo nostro Carolo, et beatæ memoriae genitore Pippino rege, et a nobis postea suscepta est; ut eam cum Dei adjutorio ab hostibus defendere nitantur, et justitiam suam, quantum ad ipsos pertinet, et ratio postulaverit, habere faciant ». De filiabus hæc statuit: « De filiabus autem nostris, sororibus scilicet prædictorum filiorum nostrorum, jubemus, ut post nostrum ab hoc corpore discessum licentiam habeat unaquæque eligendi sub cuius fratris tutela et defensione se conferre velit, et qualisunque ex illis monasticam vitam elegerit, liceat ei honorifice vivere sub defensione fratris sui, in cuius regno degere voluerit. Quæ autem juste ac rationabiliter a condigno viro ad coniugium quæsita fuerit, et ei conjugalis vita placuerit, non ei denegetur a fratribus suis, si et viri postulant et feminæ consentientis honesta et rationabilis fuerit voluntas ».

6. *Hujus divisionis charta germana ac legitima.* — « Hanc portionem regnum Caroli imp. », inquit Baluzius tom. II Capitul. Reg. Franc. p. 1068, « dubia fidei esse ac merito numerari posse inter tot singularis otii commenta, quæ sequiora nobis saecula ingeniaque pepererunt, scribit Petrus Pithœus in Præfatione ad XII scriptores coætaneos Historiæ Francorum, hinc persuasus quod in chartaceo exemplari Thegani operi recentiore manu subjuncta fuit. Sed ego vetustissimum illius exemplar reperi in Bibliotheca Thuana, licet non integrum; eademque a Joanne Nauclero edita pridem fuerat, et Aventinus eam memorat in Annalibus Boiorum. Imo Eginhardus dissertam illius mentionem facit, seque eam jussu imperatoris ad Leonem papam detulisse, ut ejus subscriptione firmaretur. Illi præterea fidem et auctoritatem conciliat charta divisionis imperii facta a Ludovico Pio anno 806, cuius omnia ferme capita descripta sunt ad verbum ex illa Caroli; et tamen ista falsi accusata non luit a Pithœo, qui primus eam vul-

gavit in eodem volumine scriptorum coætaneorum. Denique hujus divisionis a Carolo factæ clara et manifesta mentio est in capite tertio Capitulo rum apud Niumaga statim post imperii divisionem editorum ». Ita vir doctissimus, cui sufragantur Cointius aliisque passim erudit. Imo Mabillonius tom. IV Analect., pag. 34 itineris Germanici, refert se in fine quorundam operum MSS. Alcuini in Bibliotheca monasterii sancti Galli asservatorum hæc verba legisse: « Anno 806 ab Incarnatione Domini, Indictione XIV, anno XXXVII regnante Karolo imperatore, VIII idus Februarii, die Veneris, divisum est regnum illius inter filios suis, quantum unusquisque post illum habet: et ego alio die hoc opus (perfeci) ». Ex quo et intelligimus hoc tempore in Germania Incarnationis epocham a die Natali Christi, aut saltem a kalendis Januarii fuisse deductam.

7. *Varia Capitularia Caroli Aug.* — A num. 27 ad 32. Baluzius tom. I Capitul. Reg. Franc. sex Capitularia ad præsentem annum refert. Primum complectitur divisionem regni Francorum inter Carolum, Pippinum et Ludovicum, Caroli Magni filios. Tria sequentia constant duobus ac viginti Capitulis, quibus Carolus M. legem Bajoariorum adauxit. Quintum est Noviomagense. Sextum habet tria et viginti Capitula excerpta de canone. De priori Capitulari mox egimus. Secundum, tertium et quartum referuntur a Cointio ad annum Christi 806, et quintum ad hunc annum. Sextum denique, quod excerptum est de canone, descripsit ad an. 806, uii ante eum Sirmondus.

8. *Carolus Aug. Venetorum et Dalmatarum legatos suscepit.* — Ad num. 32. Eginhardus in Annal. narrat Carolum Aug. Venetos et Dalmatas in suam amicitiam recepisse. Haec ejus verba: « Statim post Natale Domini venerunt Willerus et Beatus duces Venetiæ, nechon et Paulus dux Iaderæ, atque Donatus ejusdem civitatis episcopus legati Dalmatarum ad præsentiam imperatoris cum magnis donis: et facta est ibi ordinatio ab imperatore de ducibus et populis tam Venetiæ quam Dalmatiae ». Idem habent varii alii annalistæ ad hunc annum. Addit Eginhardus: « Classis a Nicephoro imperatore, cui Nicetas patricius præerat, ad recuperandam Dalmatiam mittitur ». Ab aliquot annis Veneti domestico laborabant bello, ut iam anno 806 indi- cavit. Illo anno Fortunatus patriarcha Gradensis et Willerus, quem Sigonius Obelerium vocat, Metamaucensis tribunus, solum vertere coacti, Tarvisium se contulerunt, quod ditionis Franciæ oppidum erat. *Fortunatus*, ut constituerat, ad Carolum Augustum properavit; Obelerius vero seu Willerus dux a Venetis exilibus est declaratus. Hoc anno Obelerius, Tarvisio cum valida armatorum manu egressus, Metamaucum repente repetit, ac Joanne Mauritioque ducibus exactis, ducalem ipse coronam accepit, et consensu populi Beatum ac Valentum fratres honoris sibi consortes adscivit. Deinde comparato cum tribunis exercitu, Heracliam, unde

*Joannes et Mauritus* originem trahebant, in eorum contemptum invasit, ac funditus everit. Heracliani, quæ major erat nobilitatis Venetæ pars, quia *Heraclia* per aliquot annos sedes imperii fuerat, alii *Metamaucum*, alii *Torcellum*, sed plerique *Rivoaltum* petierant. *Fortunatus* etiam patriarcha reversus e Francia Gradum sub idem tempus rediit. Porro *Joannes et Mauritus* Metamaucum pulsi, *Nicephorum* imperatorem Constantinopolitanum de tota gestarum rerum serie, deque exilio, quod patiebantur, certiore mox fecerunt, nec omiserunt id sibi dedecoris atque injuriarum illatum, quod propensiore erga eum animo ac studio essent. Rumor paulo post increbuit, *Nicephorum* classem ad eos reducendos missurum. Eo nuntio territi *Obelerius et Beatus*, Valentino fratre domi relicto, una cum Paulo duce et Donato episcopo Jadertinis, *Carolum* Augustum in Theodonis villa cum filiis hybernam tem adierunt, ut mox diximus ex Eginhardo.

9. *Cum utriusque fœdus init.* — Interim post solenne Natalitium, ut Sigonius, qui precedentia narrat, subjeicit, *Obelerius et Beatus* Venetiae duces cum Dalmatarum legatis « *Carolum* in Theodonis villa magnificis donis cultum rogarunt, ut Venetos ac Dalmatas in amicitiam recipere, ac duces, populosque suos confirmaret. Quibus auditis, *Carolus* haud gravatae assensit, ac fœdere concesso dimisit ». Fœdus illud initum fuit contra Joannem, Mauritium, aliosque quoscumque Venetos, qui vel profugerant ad Græcos, vel erga *Nicephorum* propensiore, quam par erat, animo ferebantur. Quoad classem a *Nicephoro* missam, de qua Eginhardus citatus loquitur, hæc habet idem Sigonius: « *Nicetas* patricius cum classe in Adriaticum sinum venit a *Nicephoro* ad comprimendas intestinas Dalmatarum Venelorumque discordias ». Utrumque tentavit *Nicephorus* irrito pene conatu. Nam *Nicetas*, ut recte Cointius hoc anno num. 63 in Dalmatia, quidquid scribat Sigonius, parum profecit: in Venetia, ut veteres Annales anno proximo cilandi tradunt, hyemem egit. *Pippinus* rex Italiae hoc anno nihil aggressus est, variis tantum pollicitationibus et artibus videtur usus, ut socios Venetos in fide pro regia dignitate retineret.

10. *Ecclesia Polana committitur Fortunato patriarchæ Gradensi.* — *Fortunatus* patriarcha Gradensis auditio *Nicetæ* adventu rursum in Franciam navigavit, et *Joannes diaconus* patriarcham se dixit, ut videre est apud Ughellum tom. v Ital. Sacr. in patriarch. Grad. Tunc Ecclesia Polana inter pontificio laborabat. *Carolus* a Leone papa petit, ut *Fortunatus*, donec Ecclesia Gradensi restitueretur, Polanam regeret, quæ prinsquam Istrie civitates in potestatem Francorum devenirent, ad diœcesim seu provinciam Gradensem pertinebat. Annuit Leo; sed ea lege, ut Ecclesia Polanae nihil jurium facultatumque subtraheretur. Extat illa de re Leonis ad *Carolum* Epistola, tom. vii Concil. ordine xi, in cuius embolo de predicto *Fortunato* addit Leo: « Et hoc vestræ serenitati inti-

mare curavimus de præfato *Fortunato*, ut sicut semper pro illius honore temporali laboratis; ita et de anima ejus curam ponatis, ut per vestrum pavorem suum ministerium melius expletat: quia non audivimus de eo sicut decet de archiepiscopo, neque de partibus Franciæ, ubi eum beneficiasti. Tamen gratias agimus Deo, quia omnia vobis incognita non erunt. Interrogate quidem fideles vestros, et omnia vobis nota fient, eo quod illi, qui vobis eum collaudant, hoc per munera et calciaria faciunt. Quid nobis plus amabile est, quam vestra dulcissima anima? etc. »

11. *Carolus Aug. per Carolum et Pippinum filios bellum gerit.* — *Carolus Aug.* hoc anno per filios bellum gessit. *Carolus* natu maximus tumultum Soraborum ad Albim compescit: « Inde (nempe Noviomago) post non multos dies (a Paschali videlicet solemnitate) Aquasgrani veniens *Carolum* filium suum in terram Selavorum, qui dicuntur Sorabi et sedent super Albim fluvium, cum exercitu misit. In qua expeditione Mili duoch Selavorum dux interfecitus est, duoque castella ab exercitu aedificata, unum super ripam fluminis Salæ, alterum juxta fluvium Albim. Selavisque pacalis *Carolus* cum exercitu regressus, in loco, qui dicitur Sili, super ripam Mose fluminis, ad imperatorem venit », inquit Eginhardus in Annal. cui alii annalistæ consentiunt. Addit Eginhardus: « Missa est et manus de Bajoaria et Alemannia atque Burgundia, sicut anno superiore, in terram Behemannorum (id est, Bohemorum), vastataque terræ non minima portione absque ullo gravi incommodo regressa est ». Eginhardus in Vita Caroli M. testatur duo belta, quæ post Saxonum an. **cccciv** profligatum exorta sunt, *Bohemicum* videlicet et *Hilinonicum*, a *Carolo* *Caroli* imp. filio confecta esse. *Bohemicum* hoc anno terminatum, de *Hilinonico* infra agemus. Denique *Pippinus* in Italiam reversus classem in Corsicam insulam, quam Saraceni ex Hispania invaserant, statim direxit: « Eodem anno », inquit Eginhardus in Annal., « in Corsicam insulam contra Mauros, qui eam vastabant, classis de Italia a *Pippino* missa est. Cujus adventum Mauri non exspectantes abscesserunt. Unus tamen nostrorum *Iladumarus* comes civitatis Genuae, imprudenter contra eos dimicans, occisus est ».

12. *Carolus Aug. Dalmatas in amicitiam suscipit.* — Supra diximus, Dalmatas, legatos misisse ad *Carolum* imp., nam *Nicephori* jugum excusserunt Dalmatae, qui, ut notat *Joannes Lueius* in Historia de regno Dalmatiæ lib. I, cap. 45, Græcorum viribus maritimis in Adriatico in dies decrescentibus, splendore potentiae *Caroli* invitati Croatorumque freti vicinitate ac Venetorum amicitia, ad Francorum protectionem confugerunt; sed adveniente classe *Nicephori*, sub Græcorum dominium iterum redire coacti sunt. Hoc anno *Carolus*, ut Venetos, sic et Dalmatas in amicitiam recepit. Is, teste Eginhardo in ejus Vita, sub sua potestate tenuit

« Histriam et Liburniam atque Dalmatiam, exceptis maritimis civitatibus, quas ob amicitiam et junctum cum eo fœdus Constantinopolitanum imperatorem habere permisit ». Ab anno DCCLXXXIX, præter Histriam Francis parebat Liburnia, quæ pars veteris erat Dalmatiæ. Reliquam Dalmatiam Carolus in amicitiam hoc anno recepit rexique, donec aliter cum Graecis convenit.

13. *Carolus Aug. legatos ad Leonem III mittit.* — Carolus imp. per Helmengaudum et Hunfridum comites, quos Romam direxit, Ecclesiam beati Petri novis ditavit muneribus, significavitque, *Pippinum* ad Apostolorum limina sub medium Quadragesimam perventurum, ut eruitur ex Epist. VIII Leonis III ad Carolum Augustum scripta, et tom. VII Concil. recitata. In ea refert Pontifex se imperatoris litteras *octavo kal. April.* recepisse, et ejus missos ad se pervenisse, seque nihil praetermissurum, ut quod imperator oplet, veniat ad perfectionem, « id est, ut pax et concordia inter nos firma et stabilis Deo mediante constituantur », inquit Leo, subditque: « De vero Ecclesiis Dei, ut suas habeant justitias, atque littoralia nostra et vestra ab infestatione paganorum et inimicorum nostrorum tuta reddantur atque defensa, nos, quantum Dominus virtutem donaverit, cum ipso prædicto filio nostro (nempe Pippino) studium ponimus, sed vestrum consilium et vestrum solatium et nobis et illi necesse est. De aulemi insula Corsica, unde et in scriptis et per missos vestros nobis emisistis, in vestrum arbitrium et dispositum committimus, atque in ore posuimus Helmengaudi comitis, ut vestra donatio semper firma et stabilis permaneat et insidiis inimicorum tuta persistat ». Leo de justitiis non factis iterum queretur, et Carolus incursions Saracenorum a beati Petri patrimonii in Corsica sitis areebit.

14. *Navarri cum Ludovico rege Aquitanie reconciliantur.* — Hoc anno Navarri in Ludovicum Aquitanie regis amicitiam suscepti sunt. Eginhardus enim in Annal. seribit: « In Hispania Navarri et Pampilonenses, qui superioribus annis ad Saracenos defecerant, in fidem recepti sunt ». Ad Saracenos autem Navarri defecerant, postquam insidias Carolo Magno in Franciam redeunti in Pyrenæi jugo struxissent, regnante in Navarra *Inigo Arista* decessore et patre Eximini Eneconis, cui hoc tempore Navarræ regnum parebat.

15. *Prima expeditio Ludovici regis adversus Dertosam.* — Anctor Vitæ Ludovici Pii priorem expeditionem ejus in Hispaniam, ut Tortosam sibi subjiceret, bis verbis narrat: « Succeedente aestate, cum quanto visum est ei, bellico apparatu in Hispaniam proficietur, profectusque per Barcinonam et veniens Tarragonam, quos ibidem reperit, cepit, alios fugavit, universaque Iœa, castella, municipia usque Tortesam vis militaris excidit et flamma vorax consumpsit ». Pluribus postea refert quæ ibidem ab eodem Ludovico adversus Saracenos gesta, concluditque: « Quos apprehenderunt (duces

nempe ab eo adversus Saracenos missi) necaverunt, et laeti ad prædam quam reliquerant, redierunt: ac tandem post dies viginti suæ digressionis ad regem alacres, paucissimis suorum amissis, redierunt. Rex autem Ludovicus suos lætanter recepit, et terra hostili usquequa vastata domum reddit ». Dertosam itaque seu Tortosam Ludovicus non cepit, sed armorum ejus terror in causa fuisse videtur, cur Navarri a Saracenorum feedere recesserint sceseque Francis adjunixerint, ut mox ex Eginharde in Annal. diximus.

16. *Reliquiae SS. Cypriani et aliorum in Franciam deferuntur.* — Eginhardus in Annal. ad hunc annum etiam scribit: « Legati, qui ante fere quatuor annos ad regem Persarum missi sunt, per ipsas Græcarum navium stationes transvecti, Tarvisiani portus receptaculum, nullo adversariorum sentiente, regressi sunt ». Jam ad annum DCCCI dixerat, venisse ad Carolum Isaac cum elephanto et cæteris muneribus a rege Persarum missis. Quare legatos Caroli Aug. Isaæum comitatos esse oportet. Ilos Caroli legatos sancti Cypriani Carthaginensis episcopi aliorumque martyrum reliquias detulisse testatur Ado in suo Chronico, postquam munera regis Persarum ad Carolum imp. delata commiæmoravit: « Tunc delata sunt ossa beati Cypriani a Carthagine cum reliquiis beatorum Scillitanorum martyrum, Sperati sociorumque ejus, et posita sunt in Ecclesia beati Joannis Baptiste in civitate Lugdunensi ». Scillitani martyres anno Christi ccii capti, XIV kal. Augustas intra quadratum consumpti sunt, juxta eorum Acta a Baronio recitata, ubi et numero duodecim fuisse legitur, ut etiam habetur in Martyrologio Usuardi ad XVI kal. Sextiles, et inter eos numeratur *Speratus*. Mabillonius tom. II Analect. pag. 398, exhibit antiquissimum Kalendarium Ecclesiae Carthaginensis in quo ad XV... kal. Augustas habetur, *sanctorum Scillitanorum*. Sed redeo ad Adonem, qui in suo Martyrologio ad diem xiv Septemb. narrato sancti Cypriani martyrio, subdit: « Post multa curricula annorum gloriosissimo Carolo Francis imperante, contigit legationem Francorum ferentibus, illustres ac sapientia circumspitos legatos transitum per Africam fecisse. Hi cum Carthaginem diruntam, et Iœa venerabilia sanctorum martyrum, reverentes a rege Persarum Aaron, qui excepta India totum pene tenebat Orientem, vidissent, facile sibi conciliato principe ac favorem in re tali prestante, pro magno munere rogaverunt, ut ossa beati Cypriani eis ferenda permitteret. Quod ille non magni ducens, continuo postulata concessit, utque pio imperatori, cuius gratiam omnium, qui in toto terrarum orbe erant, regum ac principum amicitiae preponeret, ipsi ea ferrent, libenter assensit ». Asserit postea Ado legatos attulisse in Franciam membra beati Sperati martyris, caput sancti Pantaleonis martyris et ossa beati Cypriani, et Leidradum Lugdunensem episcopum obtinuisse ab imperatore, ut ad civitatem suam beata ossa martyrum

deferre liceret. Horum martyrum translationem versibus enarravit Agobardus, quorum partem recitat Baronius in Appendice ad hunc Christi annum.

17. *In iūtūm principatus Africæ et Mauritanie.* — Africa usque ad hunc circiter annum califis Abbasidis Bagdadi residentibus paruit; cum vero hoc tempore Africani adversus *Iaronom Rasiidum* califam rebellassent, misit is *Ebrahīm Aglabi* filium cum ingentibus copiis, qui cum eos domusset, principatu Africæ et Mauritaniæ a califa donatus fuit. Duravit hic *Aglabitarum* principatus ab anno Christi octingentesimo usque ad nongentesimum octavum, quo, ut habet *Elmacinus* libro 2 Hist. Saracen. in fine cap. 18, « prodiit in Occidente quidam dictus Abu Abdalla Muhtasibus, fugavitque exercitus filii Aglabi, et milites ejus occidit, ac dominatus est in Occidente », nempe in Africa et Mauritania, ex quibus fundatus biennio post principatus *Fatimidarum*, qui *Cairavani* in Africa regnarunt, ut anno cmx dicimus. *Califæ Fatimidæ* Aegyptum postea in suam potestatem redigere, annoque Christi nongentesimo septuagesimo primo *Muazzus Lidinilla* Africæ et Aegypti califa *Josephum Bolquinum* e familia Zeiri, Africæ et Mauritaniæ principem seu regem renuntiavit, hujusque posteri per annos fere duecentos in minori Africa Saracenis dominati sunt. Porro *Mauritania* a Bugia Canariæ usque extenditur, *Africa* vero *Minor* a Bugia usque ad Barcam. *Josephi Bolquini* posteri anno Christi millesimo quinquagesimo octavo Mauritiam amisere, fundatusque novus principatus ab *Abubekro*, cuius successores *Marachiorum* regnum condiderunt; sed eum Mauritania Orientalis ab Occidentali divisa fuisse, ex ea paulo post constitutus alius principatus, nempe *Mauritanie Sīfensis*. Hæc summarie ex Noweirio aliisque Arabibus, que variis Annalium Ecclesiasticorum locis lumen affundent, et suis locis magis explicabuntur.

18. *Leidradus episc. Lugdunensis eas a Carolo M. obtinet.* — *Agobardus* superstito *Leidrado* Lugdunensis Ecclesiae clerepiscopus fuit, deinde eidem Leidrado in archiepiscopatum Lugdunensem successit, obiitque anno DCCXL. Pontificatus sui tempore Leidradus res perfecit valde mirabiles, complures, quæ pertinent ad cultum divinum et ad ornatum Ecclesiarum, perstrinxit in litteris ad Carolum imp., quas Baluzius post Agobardi opera, Cointius sequenti anno num. 10 et seqq. atque retulerunt. Destitutæ sunt eæ notis chronologicis; sed ex iis discimus, inter alia singularem Leidradi zetum fuisse in restaurandis Ecclesiis, quas Saraceni everterant, et in reparando Barbarensi monasterio diligentem operam posuisse. Vulgati textus hoc est initium : « Monasterium regale insulae Barbaræ situm in medio Araris fluvii, quod antiquitus est dedicatum in honorem sancti Andree Apostoli

et omnium Apostolorum, nunc autem in honorem sancti Martini recens videtur esse fundatum jussu domni Caroli imperatoris, qui ibidem præfecit dominum Benedictum abbatem cum quo simul direxit suos Codices, ita restauravi, ut, etc. » Baluzius, Claudius Laborator in Ruderibus Barbarenibus, et Cointius citatus censem, eum locum interpolatum esse, et quilibet eum restituere conatur. Idem Cointius ita legendum esse existimat : « Monasterium regale insulae Barbaræ situm in medio Araris fluvii, ita restauravit, ut tecta de novo fuerint, et aliqua de maceris a fundamentis ercta, ubi nunc monachi secundum regularem disciplinam numero nonaginta habitare videntur ». Plura de eodem monasterio Cointius.

19. *S. Willelmus monachum induit.* — *Sanctus Willelmus* gestorum magnitudine et præliorum copia clarissimus hoc anno monachum induit in monasterio Gellonensi, sito in Septimania ac in urbe Lutevensi, quod ipse a paucis annis aedificaverat, eoque monachos induxerat. In ejus enim Vita numero 23 legitur : « Anno ab Incarnatione Domini octingentesimo sexto, imperii vero Caroli quinto, die Natalis Apostolorum Petri et Pauli, Willelmus comes, auro textis depositis vestibus, per Dei gratiam solemniter benedicitur, totus ille in eo sacer ordo perficitur, etc. Nondum monasterium ad perfectum ex toto perduxerat; sed postea in habitu sanctæ religionis, adjuvantibus eum filiis suis Bernardo scilicet et Gancelino, quos comitibus præfecerat suis, comitibusque vicinis, perficit sicut coepérat ». Sed loco, *imperii vero Caroli quinto*, legendum, *imperii vero Caroli sexto* a Natali Christi *præcedentis Christi* anni inchoato. Antequam sæculum desereret, duabus sororibus suis *Albanæ* et *Bertanæ* sub habitu sanctæ religionis militare cupientibus construxit monasterium, easque sacrificium Deo in odorem suavitatis obtulit. In suo testamento, quod adhuc extat, memorat utramque sororem, uxores itidem duas, *Chungeundem* et *Guidburgam*; liberos, *Bernardum*, *Witcharium*, *Gotcelmum* et *Linbruch*. Perstat etiamnum *Gellonense monasterium*, vigetque sub Benedictina sancti Mauri congregazione, sed monasterium sanctimonialium in eodem loco degentium, nunc est Ecclesia parochialis sub nomine sancti Bartholomæi. De Guillelmi virtutibus in morte ejus sermo fiet.

20. *Moritur Grimoaldus dux Beneventi.* — Annalista Cæsareus a Lambecio publicatus ad annum regni Caroli XXXIX scribit : « Grimoaldus dux Beneventanus moritur ». Et Peregrini docet ante ejus Epitaphium hæc verba legi : « Tumulus Grimoaldi principis in Beneventani, filii principis Archis, qui obiit anno DCCCV ». Post illum constitutus est alter *Grimoaldus* dux Beneventi cognomento *Storesaiz*.

## LEONIS III ANNUS 42. — CHRISTI 807.

**1. Sarracenorum irruptiones et Nicephori imperatoris turpitudines et scævia.** — Decima quinta inchoata Indictione incipit annus Redemptoris octingentesimus septimus, quo Aaron Sarracenorum princeps in Oriente, dum comparata valida classe Rhodum pessumdat et Myram Lyciae civitatem aggreditur, et arcum reliquiarum S. Nicolai disjicere parans, in aliam in locum ejus suppositam irruens, ipsam contrivit : qui sic illusus dedit tamen nihilominus pœnas pravæ ejus animi voluntatis : siquidem turbinibus agitata classe et disjecta, fluetibus marinis magna ex parte obruta est, vixque ipse præter spem evasit in columnis, pœnitens facti, quod magno suo damno divina temerario ausu tentasset.

Quo pariter anno Nicephorus iniquitates cumulans, ad præterita scelera hoc adjecit, ut querens uxorem Stauratio filio suo, Theophaniam cognatam Irenes defunetæ imperatriæ, aliij desponsatam viro, ipsi conjunxerit, reliquas vero duas virgines cæterarum pulcherrimas inter alias ad delectum quæsitas homo turpissimus factus ludibrium cuncto populo defloraverit : cruentavit vero civitatem sanguine nobilium civium, qui adversus eum pro vindicanda republica conspirassent. Haec Theophanes pluribus hoc anno sexto Nicephori, mense Januarii, ut affirmat.

**2. « Mense autem Februarii (subdit Theophanes) simultatem excogitantes adversus Nicephorum imperatorem multi ex proceribus, Arsarium quæstorem et patricium virum pius et rationabilissimum elegerunt. Quod cum multiformiter Nicephorus cognovisset, ipsum quidem cæsum ac tonsum monachum fecit, et exilio relegatum in Bithyniam misit, reliquos autem eadibus et tonsuris et publicationibus insuper et exiliis subdividit, non solum mundialis vitae participes, sed et episcopos et monachos, necon et majoris Ecclesiæ syncellum, et saecularium, et chartophylacem viros venerabiles et reverentia dignos ». Haec Theophanes hoc anno sexto imperii ipsius. Ita Nicephorus novis semper occasionibus, quas haud invitus captabat, acrius et acerbius semper scævijt.**

**3. Caroli in Sarracenos victoria et leges ad Ecclesiam spectantes.** — « Hoc eodem anno (ut attingamus res Occidentis) adversus Mauros Carolus sub duce Burchardo classe immissa in Sardinia atque Corsica adversus eos pugnavit atque iterum profligavit, qui iidem Sarraci et aliis in locis pugnando tulere posteriores : quæ infortunia ea ex causa sibi contigisse neverunt atque confessi sunt, quod anno superiori piraticam exercentes in Pateraria insula sexaginta monachos captivos duxerunt in Hispaniam ac vendiderunt, quorum aliquos postea Carolus Magnus sua liberalitate redemit, qui in pristinum locum sunt reversi ». Haec auctor sui temporis scribens Annales, a quibus Regino et alii.

Porro idem Carolus Magnus sicut armis, ita et religione pollens, hoc anno (ut auctor est Sigebertus) ex Patribus colligi fecit lectiones suis quasque temporibus recitandas : ait enim : « Carolus imperator per manum Pauli diaconi decerpens optima quæque de scriptis Catholicorum Patrum, lectiones unicus festivitatibus convenientes per circulum anni in Ecclesia legendas compilari fecit ». Haec ipse. Sed etiam ad hæc ipsa spectat quod Eginhardus, qui fuit illi a secretis, in Vita ipsius Caroli hæc ait : « Legendi atque psallendi disciplinam diligentissime emendavit; erat enim utrinque admodum eruditus, quanquam ipse nec publice legeret, nec nisi submissæ et in commune cantaret ». Fecit et aliam iisdem ferme temporibus collectionem idem Carolus ad componendos bonos mores regularium personarum, de qua est mentio in Capitularibus ejusdem Caroli imperatoris verbis istis<sup>1</sup> :

**4. « Quia vero canonica professio a multis partim ignorantia, partim desidia de honestabatur ; operæ pretium duximus, Deo annuente, apud sacrum conventum ex dictis sanctorum Patrum, velut ex diversis pratis quosdam vernantes flosculos carpendo, in unam regulam canonicorum et canoniarum congerere, et canonicis vel sanctimonialibus**

<sup>1</sup> Capitul. l. i. c. 85.

servandam contradere, ut per eam canonicus ordo absque ambiguitate possit servari. Et quoniam illum sacer conventus ita etiam laudibus extulit, ut usque ad unum iota observandam percenseret: statuimus, ut ab omnibus in eadem professione degentibus indubitanter teneatur, et modis omnibus sive a canonicis, sive a sanctimonialibus canonice degentibus deinceps observetur». Haec Carolus. Quibus et intelligis quomodo gerere se soleret in promulgandis legibus Ecclesie profuturis: nimirum ut nihil ageret episcopis inconsultis, eisdemque in Conciliis congregatis, quibus et porrigeret soleret, quae enperet observari, ut antequam in publicum ederentur, ab ipsis episcopis probarentur: sed et si res gravior esset, ipsum consularent Romanum Pontificem, cuius auctoritatem tanti faciebat, ut etiam partitionem regni in filios factam confirmari atque subscribi voluerit ejusdem manu Pontificis, ut suo loco superius dictum est.

5. *Aquitania per Ludovicum, Italia per Pipinum recreantur.* — Interea Ludovicus Caroli filius, cui a patre anno superiori Aquitaniæ regnum est traditum, illuc profectus collapsam Christianam disciplinam reslituere laboravit; erectisque iu ea provincia pluribus monasteriis, reddidit eam spiritualium aquarum irriguo tanquam alterum Dei paradisum. De his enim hæc hujus sæculi scriptor accuratissimus ista habet<sup>1</sup>: «Et regis quidem ab ineunte ætate, sed tunc quam maxime circa divinum cultum et sanctæ Ecclesiæ exaltationem piissimus incitabatur animus; ita ut non modo regem, sed ipsius opera potius eum vociferarentur sacerdotem.

«Nam totius Aquitaniæ qui videbatur clerus, antequam ei crederetur (utpote sub tyrannis agens), magis equitationi, bellicæ exercitationi, missilium librationi, quam divino cultui operam dare noverat: regis autem studio, undecimque adductis magistris, tam legendi, quam cantandi studium, necnon divinarum et mundanarum intelligentia litterarum citius quam credi poterat coaluit. Præcipue tamen affectu illorum dñebarunt, qui sua pro Domini amore cuncta relinquentes, contemplativa curabant fieri participes vitæ. Nam antequam Aquitania sub eo regnaret, collapsus erat in ea hujuscemodi ordo. At sub eo adeo coaluit, ut etiam ipse avi fraternum Carolomanni imitari gestiens memorabile exemplum, ipse quoque theoretice compre-

hendere niteretur culmina vitæ. Sed hujus voli ne compos fieret, obicem se præbuit refragatio patris, vel potius divinæ nutus voluntatis, que tantæ pietatis virum noluit sub sue cura solius salutis delitescere, sed potius per eum et sub eo multorum salutem adolescere.

6. «Et quidem multa, ut dictum est, ab eo sunt in ejus ditione reparata. immo adficiata monasteria, sed præcipue hæc, monasterium sancti Philiberti, monasterium sancti Florentii, monasterium Karoffi, monasterium Concas, monasterium sancti Maxentii, monasterium Menate, monasterium S. Magniloci, monasterium Musciaicum, monasterium S. Sabini, monasterium Masciacum, monasterium Nobiliacum, monasterium S. Theotfridi, monasterium S. Pascentii, monasterium Dosoræ, monasterium Solemmiacum, monasterium Puellare S. Mariæ, monasterium Puellare S. Radegundis, monasterium de Vera, monasterium de Utera in pago Tolosano, monasterium Vadala in Septimania, monasterium Anianæ, monasterium Galienæ, monasterium S. Laurentii, monasterium S. Mariæ, quod dicitur Nirubide, monasterium Caunas, et cætera plurima, quibus veluti quibusdam lychnis totum decoratur Aquitaniæ regnum. Hoe ejus exemplum non modo episcoporum multi, sed et laicorum quamplurimi æmulati collapsa restaurabant, et nova certabant monasteria instituere, quod cernere oculis est. In tantam denique respublica felicitatem Aquitanici profecerat regni, ut proficiscente quolibet rege, vel in palatio residente, vix aliquis reperiiretur se conquerens aliquid injuste perpessum. Tribus enim diebus rex per singulas hebdomadas rei judicariæ intererat, etc. »

7. Sed et Italia sub Pipino rege optime per sanctum Adelhardum abbatem disposita est, quam anno superiori Pipinus a Carolo Magno in partem acceperat: ita quidem testatur Paschiasius<sup>1</sup> Ratbertus hujus et ipse temporis scriptor, qui et de Leone papa eum Romæ excipiente ista testatur: «Adelhardus ubi a domino Leone tunc temporis Apostolico tanto familiaritatis officio est susceptus, ut neminem constiterit Francorum antea suscepisse. Unde nostrorum quidam narrant, sibi jocoso dixisse animo: France, inquit, sciendo scias, quia si te aliud invenero, qunam te credo, non ultra necesse est Francorum aliquem huc venire, cui credere debeam». Hæc ipse.

<sup>1</sup> Aimoin. I. v. c. 8.

<sup>1</sup> Apud Sur. die 11 Jan. tom. I.

Anno periodi Graeco-Romanæ 6300. — Anno Ætæ Hispan. 843. — Anno Hegiræ 192, inchoato die 6 Novemb., Fer. 7. — Jesu Christi 807.  
— Leonis III papæ 13. — Caroli imp. 8. Nicephori imp. 6.

**4. Rhodus a Saracenis devastata.** — Ad num. 1 et 2. Theophanes anno Incarnat. secundum Alex. **cccc**, qui kalendis Septemb. hujus Christi anni inchoatur, ait : « Hoe anno mense Decembri, Indictione prima, Aaron Arabum dux (id est, califa) Chumid cum valida classe adversus Rhodum instruxit. Is ex improviso navigatione suscepta, Rhodum appellens ingentem prædæ copiam ex ea abegit, arce sola vastitatis immuni servata. At certe redeuntem sanctus et mirandorum opifex Nicolaus manifesta ultione exagitavit. Myra etenim occupata, cum sacram ejus urnam confringere tentaret, et in vicinam ex errore vim et ietus inferret, extemplo immanis ventorum procolla, marinorum fluctuum impetui tonitruum fulgurumque promiscua tempestas adeo classem jactavit, ut pleraque naves conquassalæ submergerentur, ipseque Dei hostis Chumid sancti virtutem expertus, vix ac præter spem eam potuit effugere.

**2. Infame conjugium Stauracii imp.** — « Mensis autem Decembri die vicesimo Nicephorus Stauricio filio uxorem copulaturus, virginum Romanæ ditionis accurata disquisitione præmissa, Theophanem Athenensem beatæ Irenes affinem viro, cum quo frequentius decubuerat, desponsatam, et ab eo sejunctam infelici Stauracio locavit : ut qui leges omnes violare solitus erat, etiam in hoc transgrederetur impudenter. Duas autem alias puellas istam forma longe superantes, quas una cum ea delegerat, in ipsis nupliarum solemnibus diebus palam non sine hominum risu vir exseeranus constupravit ».

**3. Conjuratio adversus Nicephorum imp.** — Quæ sequuntur pertinent ad an. **ccccviii** : « Ceterum mense Februario proceres haud pauci conspirationem in eum machinati Arsabericum quæstorem et patricium virum religiosum et eruditum designaverunt imperatorem. Ubi Nicephorus dolis aduersus alios parandis exercitatissimus insidias habuit detectas, Arsaberem verberibus cæsum et capillito damnatum, inter monachos reliquum vite acturum in Bithyniam relegavit; cæteros plagiis impositis, exiliis et facultatu proscriptiōibus, non sæcularis modo convictus proceres, sed et sanctos episcopos monachosque, neenou ipsos

magnæ Ecclesiæ syncellum, sacellarium et chartophylacem viros spectabiles omnique veneratione dignos supposuit ». Ita Theophanes.

**4. Haron Saracenorum califa ad Carolum imp. munera mittit.** — Ad num. 3 et 4. Eginhardus in Annal. hæc habet : « Radbertus legatus imperatoris, qui de Oriente revertebatur, defunctus est : et legatus regis Persarum nomine Abdella cum monachis de Jerusalem, qui legatione Thomæ patriarchæ fungebantur (quorum nomina fuere Georgius et Felix) ad imperatorem pervenerunt, munera deferentes, quæ prædictus rex imperatori miserat : videlicet papilionem et tentoria atrii miræ magnitudinis et pulchritudinis : erant enim omnia byssina, tam tentoria, quam et funes eorum, diversis tintæ coloribus. Fuerunt præterea munera præfati regis, pallia sericea multa et pretiosa, et odores atque unguenta et balsamum, neenon et horologium ex aurichalco, arte mechanica mirifice compositum : in quo xii horarum cursus ad clepsydram vertebatur, cum totidem æreis pilulis quæ ad completionem horarum decidebant, et easu suo subjectum sibi cymbalum timnire faciebant : additis in eodem ejusdem numeri equitibus, qui per xii fenestras completis horis exhibant, et impulsu egressionis suæ totidem fenestras, quæ prius apertæ erant, claudebant : neenon et alia multa erant in ipso horologio, quæ nunc enumerare longum est. Fuerunt præterea inter prædicta munera, candelabra duo ex aurichalco miræ magnitudinis et proceritatis : quæ in Aquensi palatio ad imperatorem delata sunt. Imperator legatum et monachos per aliquantum tempus secum retinens in Italianam direxit, atque eos tempus navigationis exspectare jussit ». Idem habent alii annalistæ, qui regis Persarum nomine intelligunt *Haronem* seu *Aaronem* Saracenorum califam in Perside morautem. *Thomas* proximus successor fuit Georgii in patriarchatum Hierosolymitanum, ut supra diximus adversus Papebrocum, qui Fortunatum patriarcham Gradensem Georgium exceptisse putavit.

**5. Saraceni in Corsica et in Sardinia victi.** — Subdit Eginhardus : « Eodemque anno Burchardum comitem stabuli sui cum classe misit in Cor-

sicam, ut eam a Mauris, qui superioribus annis illuc præ datum venire consueverant, defenderet. Qui juxta consuetudinem suam de Hispania egressi, primo ad Sardiniam appulsi sunt: ibique cum Sardis prælio commisso, et multis suorum amissis (nam tria millia ibi cecidisse perhibentur) in Corsicam recto cursu pervenerunt. Ibi iterum in quodam portu ejusdem insulæ, cum classe cui Bur chardus præerat, prælio decertaverunt: victique ac fugati sunt, amissis **xiii** navibus et plurimis suorum imperfectis. Adeo illo anno in omnibus locis adversa fortuna fatigati sunt, ut ipsi sibi hoc accidisse testati sint, eo quod anno superiore contra omnem justitiam de Patalaria insula **ix** monachios adsportatos in Hispania vendiderunt. Quorum aliqui per liberalitatem imperatoris, iterum ad sua loca reversi sunt.

**6. Pax Francos inter et Venetos sancta.** — « Nicetas patricius, qui cum classe Constantinopolitana sedebat in Venetia, pace facta cum Pippino rege, et induciis usque ad mensem Augusti constitutis, statione soluta, Constantinopolim regressus est. Hoc anno imperator Pascha Aquisgrani celebravit, necnon et Natalem Domini ». Juxta hæc ultima verba videtur Eginhardus annum auspicari a kalend. Januarii, cum Natalem Domini in hujus anni fine memoret. Sed quia mortem Hadriani papæ et coronationem Caroli Magni, quæ utraque contigit die Nativitatis Christi, alligat cum annis **DCCXCVI** et **DCCCI**, non dubito, quin a Natali Domini annum incipiat, non vero a Paschate, ut Cointius contendit, quam opinionem plane evertit, quod antea Eginhardus habet: « Hoc anno pridie kal. Febr. fuit luna **XVII**, quando stella Jovis quasi per eam transire visa est: et III idus Febr. eclipsis solis stante utroque sidere in **XXV** parte Aquarii. Iterum **IV** kal. Martii fuit eclipsis lunæ: et apparuerunt acies eadem nocte miræ magnitudinis; et sol stetit in **XI** parte Piscium, et luna in **XI** parte Virginis. Nam et stella Mercurii **XVI** kalend. April. visa est in sole, quasi parva macula nigra paululum superius medio centro ejusdem sideris, quæ a nobis octo dies conspicitur: sed quando primum iu travit, vel exivit, nubibus impedientibus minime notare potuimus ». Easdem eclipses cum præsenti anno, quo eas accidisse calculus mathematicus demonstrat, copulant Regino in Chronico, ac annalistæ Metensis et Bertinianus, quos ideo certum videtur, annum a Paschate non exordiri, ut aliqui viri doctissimi autumarunt. At quomodo dici potest Eginhardum annum a Paschate incipere, cum mortem Caroli M., que meuse Januario anni **DCCXIV** contigit, cum eodem etiam Christi anno alliget.

**7. Paulus diaconus colligit Homiliarium.** — Supersunt Caroli Magni litteræ, in quibus præter utriusque testamenti recognitionem, commendatur etiam *Homiliarium*, quod ejus jussu Paulus diaconus monachus tum Casinensis collegit, ut *per totius anni circulum congruenter cuique festivitatibus*

*distincte et absque vitiis lectiones* essent. Baronius anno **DCCLXXVIII**, num. **22** et seq. Epigrammata de recognitione ac emendatione totius divinæ Scripturæ ab Alenino elaborata valde laudat, nec desunt, qui Homiliarii etiam Alcuinum auctorem faciant. Verum recte illud Baronius Sigebertum in lib. de Script. Eccles. c. **81** secutus adjudicat Paulo diacono; perperam tamen id ad hæc tempora refert; Alcuinus enim qui ante triennium obiit, Paulo diacono superstes fuit. In laudatis Caroli Magni litteris anno **DCLXXXII** Spiræ typis datis, et postea a Mabillonio tom. **i** Analect. a Cointio anno **DCCXCVI**, num. **38**, aliasque Carolus dicit: « Id opus Paulo diacono familiari nostro elimandum injunximus, scilicet ut studiose Catholicorum Patrum dicta percurrentes, veluti florentissimis eorum pratis certos quosque flosculos legeret, et in unum quæque essent utilia, quasi sertum aptaret. Qui nostra celsitudini devote parere desiderans, tractatus atque sermones et homilias diversorum Catholicorum Patrum perlegens, et optima quæque decerpens, in duobus voluminibus per totius anni circulum congruenter cuique festivitatibus distincte et absque vitiis nobis obtulit lectiones ». Jam seripserat Carolus se reperisse lectiones ad nocturnale officium compilatas esse sine auctorum suorum nominibus, et *sollecismos* in eis perstrepare. Prælerea eas litteras ante annum Christi **DCCC**, ad quem Paulus non videtur pervenisse, a se scriptas esse his verbis ostendit: « Karlus Dei fretus auxilio rex Francorum et Longobardorum ac patricius Romanorum, religiosis lectoribus nostræ ditioni subjectis », ubi se regem Francorum, non vero imperatorem dicit. Mabillonius loco laudato notat insertas fuisse in illud Homiliarium homilias quasdam a posteris, nempe Herici monachi Autisodorensis, quem mortuo Paulo floruisse constat, regnante Carolo Calvo; imo additæ sunt etiam homiliæ Haymonis episcopi Alsbertadiensis, qui post Pauli diaconi mortem floruit, ex quibus colligere est, Pauli collectioni variis temporibus additiones factas esse. Denique cum auctor Vitæ Alcuini fere æqualis tradat: « Colligit multis de Patrum operibus homiliarum duo volumina », Cointius laudatus recte suspicatur, Alcuinum Paulo superstitem, opus Pauli post ejus mortem recognovisse ac auxisse.

**8. Capitulare hoc anno datum.** — Baluzius tom. **i** Capitul. Reg. Franc. edidit Capitulare hoc anno emissum, quod eruit ex veteri Codice Ms. sancti Vincentii Metensis, cuius titulus est: « Iste Capitulus fuit datus in anno septimo ad Aquis-Palatum ». Tum: « Memoratorium qualiter ordinavimus, propter famis inopiam, ut de ultra Sequanæ omnes exercitare debeant ». Continet illud Capitula septem ibidem legenda.

**9. Leo papa apud Carolum queritur.** — Hoc anno Leo III apud Carolum questus est, quod ab ejus missis, qui justitiam facturi credebantur, damnum potius accepisset, ut videre est in Epistola ejus ad Carolum data, quæ ordine **xii** est tom. **vii** Coneil.

In ea dicit Pontifex se ad eum misisse oratores suos, Joannem reverendissimum episcopum et Basiliū religiosum hegumenum, subjungitque : « Misit pia serenitas vestra missos suos, ut justitiam nobis facere debuissent, sed magis damnum quam profectum nobis fecerunt. Verumtamen missos vestros, qui ad nos venerunt, interrogare dignemini, et ipsi viva voce insinuare possunt ea, quae in nostris hominibus audierunt vel viderunt peracta. Sed et præsens Joannes episcopus missus noster per singula vestrae potest innotescere imperiali potentiae, quia omnia, quidquid per vestrum pium ac legale judicium de causa videlicet palatii Raven-natis recollectamus, unde et jussistis, ut nullus quilibet homo imposterum conquassare aut in iudicio promovere præsumeret, tam de vulgaria, quam etiam de mansis, quos per vestrum dispositum Herminus fidelis vester nobis reconsignavit, omnia cum casis, vineis, seu laboribus atque peculiis abstulerunt, et nihil exinde nobis remansit. Quamobrem quæsumus vestram imperiale clementiam, ut sic de vestra a Deo accepta donatione, quam prædicto Dei Apostolo obtulisti, peragere debeatis, quatenus in nulla minuatur parte, etc. »

*10. Iterum apud eundem queritur.* — Aliam, quæ in eodem tomo vii Concil. ordine iii est, Epistolam ad Carolum dedit Leo post predictorum legatorum redditum, ex quibus intelligimus non defuisse malignos homines, qui semina rixarum inter utrumque spargere conarentur. Ait Pontifex legatos suos sibi ejus litteras reddidisse, additque : « Continebat in sexto capitulo, quod missos invenire non valetis, qui nobis placeant : de qua re valde tristatur vestra serenitas, et nullus de ipsis, qui jam ad nos fuit directus, per suam voluntatem amplius missus erit, excepto quod obedientiam vestram voluntarie unusquisque adimplere cupit, et non solum missi vestri timent vestram portare legationem ad nostram pusillitatem, verum etiam alii jam non sunt ausi querere a vobis auxilium, quia nullus est, qui vestram quæsivit clementiam, ut dicunt, qui postmodum ad plenam potuisset pervenire gratiam nostram, et quia plures directos habuistis missos fideles, ex quibus jam alii mortui sunt, et ipsi blasphemati fuere, et de ipsis qui vivunt nullus jam sine blasphemia esse videtur. Unde nobis, fili dulcissime, quid agendum est, nisi preces pro his qui talia verba mentiti sunt, ad Dominum fundamus ? Sicut scriptum est : Orate pro inimicis vestris. Credat enim nobis vestra serenitas, quia ea, quæ ad animæ vestræ salutem cognoverimus, nullo modo facemus ; et si ante tacuimus, nunc autem non cessamus, sive de bonis, sive de malis, vestræ intimare potentiae. Nam qui per mendacium et malas machinationes vult filium separare a matre, judicium habebit cum ipso clavigero regni celorum beato Petro Apostolo ». Paulo post : « De autem accuratoribus missorum vestrorum, de quibus nobis emisisti, ut aut in nostram, aut in vestram presentiam ad discutiendum veniant, si

placet pietati vestrae, missum vestrum dirigite absque illis, qui omnia liquidius inquirat, et vestræ imperiali potentiae fideliter munitet, quid et quomodo istis in partibus egerint, qualem profectum exinde sancta Dei Ecclesia mater vestra habeat. Verumtamen omnia in vestro committimus sagissimo arbitrio, etc. »

*11. Synodus Salisburgiensis.* — Hoc anno celebratum est *Salisburgiense Concilium*, in quo de ratione decimaru[m] potissimum disputatum, Decretumque factum, de illis quadrigariam, more institutoque majorum, dividendis. Actorum summam Brunnerus lib. 6 Rer. Bopearum n. 4, sic descripsit : « Cum se congregasset Synodus episcoporum, abbatum, cæterorumque clericorum Bajoariæ provinciæ ad metropolim Saltzburgensem, et ibidem non pauca utilitatis suæ pertractassent, moverunt iidem episcopi, Arno archiepiscopus, Atto, Adalwinus, Enricus, Hatto, quæstionem de decima fidelium popolorum, quæ assertur ad Ecclesiæ; lectis inde capitulis ex canonum auctoritate, quid inde agi debuisse, invenerunt quatuor portiones fieri, unam episcopo, alteram clericis, tertiam pauperibus, quartam fabricis Ecclesiæ. Tum consenserunt ibi cuncti abbates, qui præsentes aderant huic decreto, secundum canones, et reddiderunt portiones episcoporum episcopis, quæ illos configissent, id est, Meginhart, Urolf, Joannes, Wolfredo, Wolfganhart, Kerich, Hepido, et caeteri, unusquisque suo episcopo, ea ratione, ut ulterior exinde nulla inter illos discordia deinceps semper maneret. Act. VII kal. Febr. an. vii, imperante Karulo glorio Augusto, post consulatum ejus ». Ubi annus vi refertur ad consulatum ejus, alioqui dicendum fuisset anno vi imperii ejus post consulatum ejus septimo. *Arno* primus *Salisburgensis* archiepiscopus fuit, *Atto* quintus episcopus *Frisingensis*, *Adalwinus* quintus episcopus *Ratisponensis*, *Emricus* sive *Einricus Sabionensis* episcopus quintus, qui *Alimo* successit anno incerto, ideoque poeta incertus, qui versus composuit de ordine comprovincialium pontificum, episcopos omnes, qui quando opusculum suum composuit in vivis erant, non nominavit. Catalogum enim episcoporum *Sabionensium* duobus his versibus claudit :

Præsul Alius erat meritis, qui et dogmate quartus.  
Quintus honore sedet ill. fultus eodem.

Catalogum etiam episcoporum *Pataviensium* sic terminat :

Nuper Waldricus felix vir in ordine sextus.  
Nunc sedet ANTISTITES magnus ill. sedis honorem.

Et tamen liquet ex hoc Concilio Salisburgensi *Emricum* seu *Einricum* hoc tempore *Alimo* successisse, et ex infra dicendis patet, *Reginarium*, seu *Reginerium* episcopum Pataviensem anno DCCCXXIX item movisse *Adelramo* archiepiscopo Salisbur-

giensi ob regiones quasdam, quas ad suum episcopatum pertinere contendebat. Porro hæ litteræ illæ alias ponebantur loco nominis proprii, ut hodie littera N. *Hatto* episcopus erat Laureacensis, ut interpretatur Aventinus lib. 4 Annal. Boiorum p. 210, ubi hujus Concilii summarium recitat. Cointius quidem hoc anno num. 26 scribit, *Hattensem* ad Pataviensem episcopatum promotum esse anno **DCCXCVIII**, quo existimat metropolitanam dignitatem Salisburgiensem Ecclesiam recuperasse. Verum versus laudati, quo tempore Cointius scribetal, e tenebris nondum emerserant, ipseque *Rudbertum* anno **DCCXXII** e vivis excessisse existimabat; cum tamen Rudberti mors in an. **DCCXVIII** inciderit, et Salisburgiensis Ecclesia ante annum **DCCXCVIII** metropolitana non fuerit. Eo itaque anno *Waldrico* sexto episcopo Pataviensi et Laureacensi archiepiscopo demortuo, archiepiscopatus ad Ecclesiam Salisburgiensem translatus fuit, incertumque, an Pataviensis a Laureacensi tunc divisus fuerit.

12. *Moritur S. Suibertus episc. Verdensis.* —

Bollandus ad diem xxx mensis Martii loquens de *sанctо Pattone* episcopo Verdensi in Saxonia inferiori, hæc verba referit ex Chronico Verdensi, quod servabatur in archivio loci illius: « Anno Incarnat. Domini **DCCCLXXXVI**, fundata est et instituta sedes cathedralis hujus Ecclesiæ Verdensis a glorioso D. Carolo Magno, anno regni sui **XIX**, præsidente sanctæ Romanae Ecclesiæ Hadriano papa I, Moguntinæ Ecclesiæ Lullone, et subdita est civitas et commissa beato viro *Suiberto* hujus loci primo episcopo..... præfnit sedi Verdensi viginti et uno annis: Cælitum auxit numerum anno **DCCCVII** ». Hæc sunt prima verba illius Chronicæ, quod ejus antiquitatis sit non dicit Bollandus. Porro non confundendus *sanctus Suibertus* primus episcopus Verdæ ad flumen Aleram positæ cum sancto *Suiberto* Frisonum Apostolo, qui vivere desiit anno **DCCXII**, et apud Cæsaris-Verdam ad Rhenum in episcopatu Coloniensi sepultus est, ut suo loco ostendimus. Pace Monasteriensi nostra ætate sancita, episcopatus Verdensis suppressus, et civitate Suecis tradita sanctorum reliquiæ alio translatæ.

### LEONIS III ANNUS 13. — CHRISTI 808.

1. *Theodori aliorumque notentium communicare cum Niciphoro patriarcha ob restitutionem Josephi causa et disceptatio.* — Redemptoris agitur annus octingentesimus octavus prima inchoata Indictione, quo Joseph archiepiscopus Thessalonicensis, et Theodorus Studita ejus frater, atque S. Plato cum suis monachis detecti non communicare cum patriarcha asserentes se non communicatores fore cum eo, nisi ejecto Josepho oeconomico, qui coronaverat Theodotem pellicem, quam superinduxerat Constantinus, magnam sustinuere persecutionem: qua de causa magne sunt excitatae turbæ in Ecclesia Constantinopolitana.

De his dicturi, primum omnium, per quem res detecta et in lucem prodita sit, dicendum: mox vero de causa ipsa erit agendum, num justa fuerit propter quam sanctissimi viri isti se a communicatione separaverint patriarchæ et aliorum, qui Josephum oeconomicum recepissent. De quibus singulis et aliis dicendum cum sit, recitandæ erunt

ipsius Theodori, quæ ad rem pertinent, tunc scriptæ ad diversos Epistolæ, quas nunquam hactenus latinitas novit, sed nunc primum ex Codice Columnensis bibliothecæ acceptæ, atque latinitate donatae sunt opera et diligentia Sirmundi Parisiensis societatis Jesu professoris, cui tu, lector, sicut et ego, ob tantum elargitum munus bene preceris.

2. Qui primus rem occultam in apertum deduxit atque tumultuari cœpit, fuit logotheta Dromi, nobilis magistratus, qui considerans episcopum Thessalonicensem morantem Constantinopoli plurimis diebus festis abstinuisse ab Ecclesia, in quam conveniebat patriarcha cum reliquo clero et populo, causam rogans invenit, se a patriarchæ abhorrere communione, propterea quod ipse cum Josepho illo communicaret in sacris, qui corona rat Constantini adulteram. Sic igitur re jam in apertum deducta, quod non esset amplius tempus dissimulandi, Theodorus ipse monuit monachos

suos monasterii Saccundionis, hanc ad eos scribens Epistolam, qua rei gestæ seriem texuit. Sic enim se habet<sup>1</sup>:

« Fratribus, qui sunt in Saccundione.

« Quandiu tempus fuit dissimulandi et occultiandi consilium non communicandi cum Josepho œconomo, fecimus id studiose, filii ac fratres, non metu correpti, quamvis peccatores simus, sed dispensatorie condescendentes imitantesque quodammodo sanctos Patres nostros, quatenus et illi opportuno tempore et id observantes, subduxerunt seipso tentationibus; partim quidem, ut infirmioribus et vexantibus parcerent, partim ut aliquantulum remittentes, gubernatorum more, scopum suum postmodum attingerent. Postquam vero nunc Deo sic visum est, ut in apertum res prodiret, scribimus et ipsi. Quomodo autem? per logothetae Dromi interrogationem et archiepiscopi (Thessalonicae) responsionem.

3. « Sic enim ille: Cur hactenus, inquit, nobiscum non communicas, nec cum patriarcha, cum tot dies festi præterierint? Dic causam confidenter. Et confessus est et non negavit. Neque adversus pios imperatores nostros quicquam habeo, neque adversus patriarcham, sed adversus œconomum, qui adulterum coronavit, ideoque depositus est sacris canonibus. Ad hæc logotheta: Pii imperatores nostri te opus non habent, nec Thessalonicae, nec alibi. Post hæc verba nec responsum amplius datum est, nec interrogatio alia proposita, cum elapsi sint dies iredecim, nisi quod litteras misimus ad dominum Simeonem, quas istis inseruimus, ut totius rei naturam cognoscatis. Pervenit autem res ad patriarchæ aures et totius ferme civitatis. Et sunt sane multi, qui nobiscum affligantur et consentiant, sed nocturni Dei cultores, qui in sole libertatem ostendere non possint. Nos vero, filii et fratres, fiducia in beum nisi et veritatis fundamento, ipsoque adeo præterito, et palam agnito justitiae eventu, in iis, quæ mundus vidiit circa adulterum ejusque adjutores, immobiles in mandato paternisque canonibus insistamus, nec prodamus pietatem, neque adeo destruamus quæ per exilii constantiam recte ædificavimus, ne legis prævaricatores videamur. Divinæ autem legi innixi vincamus, ut ante vicimus, omnia optantes, omnia sustinentes, si permiserit Deus, potius quam ut illius eorumque qui cum eo sacrificant, communionem attingamus, quoad privetur depositus ministerio.

4. « Multa igitur blaterabunt homines, illuminantque et irridebunt; quodque gravius est, ex iis, qui ejusdem sunt habitus, ordinis ejusdem, et qui amici esse videntur, non pauci. Sed novum nihil. Scriptum est<sup>2</sup>: Inimici hominis domestici ejus. Et si lenocinati sunt, servieruntque adulterinis nuptiis, una ederunt, una biberunt, et calamum tinxerunt in exilium nostrum. Sed Dominus, qui tum

exsurrexit in ultionem legis suæ, et adulteri quidem regnum cæcitate perfregit, socios autem ignominia perfudit, sicut sacerdotes Baal; nos denique humiles præter spem ad monasterium nostrum reduxit. Ipse idem nunc adest: ipse quamvis ad breve spatium permiserit iterum nefariam conjunctiōnem; attamen rursus improbare dignatus est lætitiam adulteros copulantium et amantium Nazarœrum, per aquissimum judicium piorum imperatorum nostrorum, qui reddiderunt post mortem adulterum legitimæ conjugi suæ, adulteram appellantes eam, quæ mœchata fuerat, et prolem ejus adulterinam exhæredem relinquentes, tanquam illegitimam et injustam, ut ipsimet affirmarunt, me audiente, juxta leges Romanas.

5. « Et tamen qui scelus patrarunt non se abdunt, nec latebras querit, qui in sacris precibus in conjugum coronatione usitalis adversus sanctum Spiritum blasphemavit, sed insiliit felis instar in Ecclesiam Dei: rursum incipit sacra polluere, et iniquitatem justitiam esse probare nititur, et quod dici solet, ipsum ostendere præcursorac Baptista sanctiorem. Cum tamen reprehenderit ille Herodis adulterium, et pro veritate mortem appetierit; hic secundum Herodem adulterio patefactum et coronavit et amplexus est usque ad mortem, non quidem verbis, sed factis ipsis loquens et dicens, errasse Joannem præcursem, qui injuste et inepte arguerit, mortuusque sit. Quid autem Joannem dieo maximum omnium sanctorum? Christo ipsi (quod temerarium est dictu) contradixit repugnatque impio ore suo. Nam cum adulterum vocet Christus eum, qui legitimam uxorem dimittit; adulteriumque peccatum sit gravissimum homicide par, masculorumque et brutorum concubitorum, venefico et idololatræ, ut docet canon divini Basilii: hic illum ad altare ducens, in totius populi corona impias illas contra Spiritum sanctum voces edere ausus est: considerate quam horrendas et absurdas (videlicet ex Rituali libro in hunc modum):

6. « Tu Domine, mitte manum tuam ex sancto habitaculo tuo, et coniunge famulo tuo famulam tuam, connete illos in mutuam concordiam: uni eos in carnem unam, quos tibi placuit inter se copulari: honorabiles nuptias redde, immaculatum eorum thorum custodi, sine macula ipsorum contubernium permanere concede in puro corde.

« Non exhorruistis hæc audientes? Quantam censemus Spiritus sancti indignationem fuisse ob hujusmodi blasphemiam? quam graviter una succensisse angelos sanctos? Aut quomodo non statim velut Dathan et Abiron assumpsit dehincens terra mendacij promulgatorem? qui tenebras Iucem dicit, et Christum in contrarias sententias pertrahere conatur. Prorsus enim quæcumque enuntiat sacerdos, eadem Deus confirmare ac rata habere se profitetur, juxta magnum Dionysium. Attamen qui flagitium hoc commisit, exemplum subditis ad improbitatis imitationem præbuit, ut res ipsa docet; quin etiam procul positis principi-

<sup>1</sup>Theod. Ep. xxxi. Cod. Colum. — <sup>2</sup> Matth. x.

bus et ducibus, sicut imitando jam factum est in Longobardia et Gothia ejus consinibus: neque enim apud Gentiles tale quid perpetratur. Et non erubescit miser, sed sacrificat (sicut dictum est) profanus: et eos, qui ipsum merito aversantur, relegare conatur. Dominus autem adjutor eorum, qui pro ejus mandato decertant; qui inflectet corda piorum imperatorum nostrorum, ut vindices se præbeant Ecclesiae suæ, quemadmodum in adultero: ejicique hunc placeat sacro ministerio, prout expedit sanctissimo patriarchæ totique Ecclesiae Catholicæ.

7. « Quamobrem, confidite, filii ac fratres, ut ne terreannini, nec succumbite: tempus confessionis, tempus resistentiæ, tempus certaminum fortasse aliarumque afflictionum, sed et coronarum et gloriæ cœlestis; ait enim<sup>1</sup>: Glorificantes me glorificabo, et qui contemnit me, erit ignobilis. Et: Beati qui non declinant a mandatis ejus. Ideo gaudete et exultate, quoniam merces vobis, cum sustinueritis, multa est in cœlis: operibus vestris intenti estote. Pro imperatoribus vestris orate: pro patriarcha, ut ejiciatur Joseph: pro pace Ecclesiae, ambulantes in via immaculata, in mandatis ejus volentes nimis; in omni honesta et canonica conversatione; quoad aliquid amplius audiatis, aut a nobis significetur. Christus sit vobiscum: Deipara protegens vos: Præcursor et theologus custodientes vos: Sancti omnes precibus patris mei ac patris vestri. Omnes saluto nominatim. Gratia Domini nostri Jesu Christi sit cum omnibus vobis, filii dilecti ». Haec tenus ad suos monachos monasterii S. Platonis Theodorus.

8. Jam vero antequam his alligatas litteras (nt testatur) ad Simeouem inspiciamus, nobis præstandum, quod polliciti sumus, inspicere scilicet an in Theodoro atque suis causa justa fuerit, ut se subducerent vitarentque communicare cum patriarcha in sacris solemnibus coram populo in magna Ecclesia: nam privatum in monasterio se ejus retinuisse communicationem, ut in missis ejus nomen recitare nunquam prætermiserit, sepe ipse suis litteris professus est. Magna sane de his concertatio fuit, usque adeo ut complures atque potissimum ipse patriarcha jactarel tam Theodorum, quam reliquos ipsum sequentes esse schismaticos, quod absque digna causa sese a communione ipsorum subduxissent, sive Ecclesiam scidissent: cum tamen non destiterit ipse Theodorus suam ornare defensionem apud omnes id expetentes. Ista ut tu intelligas, primum omnium illud accipe, non in eo quæstionem atque controversiam versatam esse, num delinquenti, in gravissimum quemvis errorem lapsi, ab Ecclesia juste dejecto, digne pœnitenti aperienda esset Ecclesia, et in sacerdotii gradum, ex quo ejectus fuerat, esset ipse recipiens. Ista quidem in dubitationem minime deduci potuerunt, num lapsus ab Ecclesia ejectus possit

per pœnitentiam in Ecclesiam revocari. Non enim adeo vecors Theodorus vir doctissimus fuit, ut id fieri posse negaret, ut hujus rei gratia se a patriarchæ communione subduceret, licet de restituzione illius in pristinum sacerdotii gradum, a quo exciderat juste privatus, dubitari aliquo modo potuisse.

9. Sed res erat hujusmodi: quod nulla prævia pœnitentia, scelerisque admissi detestatione et deploratione idem Josephus œconomus tanquam innocens, nulliusque transgressionis reus fuerat in Ecclesiam admissus et sacerdotio restitutus, eo nimirum prætextu, quod etsi factum illud ab eo perpetratum illicitum esset, tamen per dispensationem licite absque culpa dicenter fieri potuisse; sive ut nullius criminis reus Joseph innocens judicatus in communionem admissus fuerit et restitutus in sacerdotium: quod quidem grande piaculum fuit et satis dignum, ut ob eam causam ipse cum suis Theodorus ab eorum communione, qui ista fecerant, se subtraxerit, quod et fecit. Rem plane ita se habuisse, ex ejusdem Theodori Epistola intelliges, quam ad Theoctistum scripsit his verbis<sup>1</sup>:

10. « Theoctisto magistro.

« Quod de nobis pro eximia sua pietate sollicita sit excellentia tua, declarant sane quæ per reverendissimum præpositum significasti: at non minus illa, quæ nunc per fratrem nostrum circa missas relationes et responsa. Et pro hac quidem tanta propensione tua mercedem ille omnino, etiam facientibus nobis, retribuel, qui omnia in pondere et mensura dividit Deus. Quamnam vero dispensationem, domine, fieri pro parte nostra convenit, majorem ea, qua usi sumus? qui subduximus nos haec tenus, silentium servantes, ego et archiepiscopus (Thessalonicensis videlicet), quoniam tempus est tacendi et tempus loquendi, omnem operam adhibentes, ne in apertum res veniret. Sed judicans judicavit, nec mentitus est qui dixit<sup>2</sup>: Nihil occultum quod non reveletur: ut nobis etiam nolentibus, cum eo statu res essent, non diu aliud quam erant, esse viderentur. Nunc autem dispensatione quoque utentes, duo hæc dicimus: Aut abstineat depositus a munere sacerdotis, et confessim communicamus cum sanctissimo patriarcha, quod quidem expedit in commune: aut si ferendum id non est, manemus et nos in eadem, qua prius, subtractione, hujus rei vindictam Domino relinquentes. Amplius his si quid est: non est, ignosce, dispensationis modus, sed iniurialis, et divinorum canonum transgressionis crimen.

11. « Dispensationis enim terminus est, ut nosti, neque eorum, quæ constituta sunt, violare quicquam; neque cum parum aliquid remittere liceat pro tempore ac ratione, ut inde quod re ipsa queritur, consequare, ad duriora provelli, et

<sup>1</sup> 4. Reg. II.

<sup>2</sup> Theod. Stud. l. i. Ep. xxiv. Cod. Column. — <sup>2</sup> Matth. x.

jacturam facere potiorum. Atque hoc ipsum didicimus inter Apostolos quidem ex Paulo sanctificante et circumcidente Timotheum : inter Patres, ex Magno Basilio Valentis munus acceptante, Deique nudam vocem ad tempus reficente in mentionem Spiritus sancti. Ceterum nec Paulus sanctificare perstitit, nec Basilius Valentis dona capere, Deumque Spiritum sanctum non praedicare; quin ambo contra pro utrisque mortem praepotasse videntur. Ad hunc modum quicumque unquam usus est dispensatione, a recto non aberravit, quin cilius asseculus est, quod parumper intermisit, sicut accidere solet gubernatori, clavum nonnihil remittenti propter adversam venti tempestatem. Qui vero aliter progressus est, aberravit a scopo, prævaricationem inducens pro dispensatione. Et exempla omnino multa sunt, que scribere supervacancum est propter nimiam prolixitatem.

« Quod vero a dominatione tua dictum est, in canone Apostolorum de his, qui per pecunias ordinant, vel ordinantur, remissione quadam usum videri Chrysostomum erga sex episcopos, quos depositit : nihil id discrepare videtur, cum privans illos omni prorsus sacerdotio, solam illis ad altare participationem permiserit. Demus autem discrepare, et remissionem inesse; imitentur hanc, qui volent, nullus prohibebit : os enim est ipse Dei et Apostolorum contubernialis, cuius multa memorantur in hanc diem, et nemo de hac re dissensit. At longe dispar hic ratio. Qui enim moechum coronavit, quasi absurdii nihil egerit, sacris iterum operatur, neque id in abdito quopiam loco, sed in ipsa Ecclesia Catholica, tanquam egregium exemplum sacerdotibus propositus ». Ista quidem ad significandam illius impenitentiam. Pergit vero reliquis objectionibus Theodorus occurrere, ista subjiciens :

12. « Quænam vobis Valentiniani ethnica bigamia ? et quis propterea quod illum coronarit, sanctus prædicator et non iustus ? si tamen coronatus ille fuit, et quis e sanctis, qui tum vivebant, Patribus sancte fecisse Valentinianum prodidit, cum duas uxores duxit, atque ita fieri deinceps oportere ? Multi ergo et alii, quandoquidem velle ipsis lex est, non divina, sed humana et reprehendenda, id fecerunt facientque fortasse, quandiu res stabunt. Sed Dei Ecclesia illæsa permansit, tametsi multis impetita telis, et portæ Inferi prævalere adversus eam non poterunt : nec præter statutos canones agere, aut dicere quicquam sustinet, quamvis multi persæpe pastores insaniant. Quippe qui etiam Synodos magnas ac frequentissimas coegerunt, et Ecclesiam Dei seipsos nuncuparunt, et pro canonibus in specie solliciti fuerunt, cum adversus canones revera concitati fuerunt ». Accidit hoc quidem, cum post sextam Synodum iterum convenientes Orientales episcopi centenos et amplius sanxerunt canones adversus antiquos et usu receptos in Ecclesia canones, ut suo loco diximus. Pergit vero auctor : « Quid ergo

mirum si nunc quoque quindecim forsitan congregati hominem per canones dupli ex causa depositum innocentem declararunt absolveruntque ut sacerdotio fungatur ? Synodum ergo facit, domine, non simpliciter congregari episcopos et sacerdotes, quamvis multi sint : Melior enim unus (ait<sup>1</sup>) faciens voluntatem Domini, quam mille prævaricatores, sed in nomine Domini ad disceptationem et observationem canonum, et ad ligandum solvendumque, non quando libet, sed ut veritati congruit et canoni regulæque exactæ discussionis. Aut probabunt, se hoc fecisse qui convenerunt, et nos cum eis adhæremus; aut si non probabunt, ejciant indignum, ne vitio ipsis veratur, imputeturque etiam apud posteros. Verbum enim Dei tale non est, ut alligari queat : et potestas episcopis nullatenus data est, ut canonem nullum transgrediantur, sed tantum ut Decreta sequantur, hæreantque cum prioribus. Nescio an aliquid sit, de quo canon nullus editus sit, quodque neglectum fuerit. Extat S. Basili canon de presbytero, qui jurarat, se propria Ecclesia contentum fore, neque in alia munus oblatum : et Synodi Carthaginensis de iis, qui ordinant eos, qui deserunt monasteria, nec debere tales sacrificare in alia Ecclesia, præterquam in ea, in qua habent singuli præfecturam : deponi autem eos, qui ordinantur. Si ergo in his parvis et quæ vulgo nihil estimantur, qui peccarunt non inulti abibant divino judicio : quanto minus in re praesenti ?

13. « Non licet, domine, non licet nec Ecclesiæ nostræ, nec alteri ulli quicquam præter statulas leges et canones committere : quoniam si hoc detur, inane est Evangelium, incassum canones. Unusquisque episcopatus sui tempore, quando ipsi integrum est cum suis quod lubet facere, novus erit Evangelista, alias Apostolus, alias legislator, sed absit. Mandatum enim habemus ab ipso Apostolo<sup>2</sup>, præter id quod accepimus, præter id quod canones sanciunt Synodorum universalium et locallium, quæ diversis temporibus fuerint, si quis dogmatizet, aut facere aliquid jubeat, recipiendum non esse, nec censendum illum in sorte sanctorum, ut omittam male ominosum illud, quod Apostolus imprecatur. A vobis igitur, qui extra mundum estis, aliud nihil debetur, quam ea investigare et facere, ex quibus nos etiam simul extollamur, et ad æmulationem provocemur. Et si quidem in his vita ducetur, recte habebit ; sin minus, expedire exules et extorres totum orbem circumuire cum omni afflictione et angustia. Adjuvet ergo nos quoad polest Deo chara anima tua, divinorum cœnulatrix ». Hactenus ad Theoclistum Theodorus.

Sed videamus eas ad Simconem scriptas litteras a Theodoro quidem, ut ipse testatur, sed nomine S. Platonis inclusi, ut in earum contextu significatur. Sic enim priuio loco positæ se habent<sup>3</sup> :

<sup>1</sup> Eccles. iv. Eccl. xvi. — <sup>2</sup> Gal. 1. — <sup>3</sup> Theod. l. 1. Ep. xi. Cod. Colum.

14. « Simeoni monacho.

« Et antea perspeximus, pater, quis, qualis fueris erga humilitatem nostram in omnibus adversis, que nobis acciderunt, cum lenire ea studeres et dirigere in nostram utilitatem. Et nunc vehementer sollicitum te esse scimus ob fratris in re praesenti professionem. Verum quid faciamus, cum extet Dei mandatum, et Patrum canones arcentes nos a tali communione? Huc adsit velox propensio tua, sincerusque erga Deum et nos peccatores affectus, ut tanquam decumanum quemdam fluctum removeas tentationem, tranquillesque agitationem piorum dominorum nostrorum. Non enim adversus illos nobis sermo est vitiae communionis, nec causa controversiae: quin potius honor, veneratio, amor et congressus, prout res exigit; sed adversus illum, qui praeter jus fasque omne manifestum ex Domini sententia adulterum coronavit, qui ausus est tanti sceleris adjutor et assertor fieri coram universo mundo, quem Christus ipse depositus duorum canonum reum, ut alios omittam. Unius quidem, qui nec epulari presbyterum in bigami nuptiis permittit (adulleri enim scribere non est ausus canon) quanto minus coronare? Alterius vero, quoniam qui in crimen aliquod lapsus sit, ac propterea excommunicatus, nisi intra annum pro reconciliatione sua pugnet, amplius admitti ejus vocem non licet. Hic vero, qui novem annos excesserat, insiliit in Ecclesiam. Si igitur hic innocens, multo magis adulter ipse; si vero reus iste peccati, quis de eo ambigat, qui conjunxit et in Spiritum sanctum blasphemavit, quia impurior sit et detestabilior?

15. « Haec sunt pater, quae cor nostrum contrahunt et timorem incutunt. Hanc ob causam quod cum isto non communicarem, nec cum praecedente patriarcha, qui adultero communionem dabat: exclusus ego quidem fui in quo resides loco; praepositus autem et reliqui Thessalonicanam relegati. Sed congregavit nos Deus precibus tuis. At nec sic quidem temere nos adjunximus patriarchae, nisi postquam fassus est recte nos fecisse. Si ergo cum regnaret adulterium et canonum transgressio metu minime dissimulavimus Dei virtute freti: quomodo nunc pio dominante imperio, unius presbyteri causa timidiores erimus, prodeamusque cum aperto animae periculo veritatem? Nequaquam. Sed ferenda nobis potius omnia usque ad mortem, quam ut cum eo communicemus, vel cum iis, qui cum illo sacrificant, quoad privetur, quemadmodum sub priore patriarcha, sacerdotio. Esto economus. Cur etiam indigne sacris operatur? Desit esse presbyter. Quod si haec illis non placent, qui cum eo sacrificant, videbunt quomodo se gerent: parcent humilitati nostrae, qui non provocamus, nihilque ad hunc usque diem locutus sumus, sed biennio nos toto continuimus, ex quo ingressi sunt, ut pacatius hoc modo viveremus, domini nostri optimi sequestres et arbitri aequitatis, eorum fautores, qui veritatem libere defen-

dunt, et praestanti ore suo saepe denuntiant. Ferant sacerdotes more sacro; aut persuadebitur illis, aut ipsi persuadebunt; sin horum nihil; sed ne mutire quidem nos ferendum putant; Deus intuetur, quo major est nemo, cuius solius terror est formidabilis, et tribunal illud cui sistemur omnes de omnibus judicandi.

16. « Cæterum oramus bonitatem tuam, et tanquam sacris vestigiis tuis advoluti obsecramus obtestamurque, ut misericordiam nobis impertias, et commune emolumennum tam pii imperatoriis nostris, quam patriarchæ sanctissimo et Ecclesiæ universæ, non huic solum, quæ apud nos est, sed quæ per totum orbem, ut desinat unus, ad gloriam Dei, et non perturbetur ejus Ecclesia. Sin minus; at saltem hoc secundum, ut maneamus nos in eodem statu, quo per decem hos annos. Nam de cæteris, quamvis innumerabiles sint episcopi, sacerdotes et praepositi, qui cum eo communicant: nihil mirandum, quandoquidem iidem ipsi cum adultero consenserunt, et nemo quicquam locutus est. Hæc Deus per nos (licet audax sit dictum) et hortatur et denuntiat, et sicut jubes». Haec Theodorus Platonis nomine, ut appareat, qui cum suis inventus est solus, qui contra improbitatem surgeret ex adverso: tanta boni rectique penuria tunc inerat Ecclesie Orientali.

17. Extat ejusdem alia Epistola<sup>1</sup> eodem quoque argumento conscripta, qua fusius adversus canonum perversorem Josephum disserit, æque sancti Platonis titulo. Visum est namque Theodoro senioris nomine, viri sanctitatis fama etiam hostibus reverendi, ista peragere, quo majoris ponderis cædem apud adversarios haberentur. Est ejus Epistolæ hoc exordium: « Et iterum hortari sanctitatem tuam, optimum factu visum est ». Platonis namque utramque esse Epistolam ex verbis illis intellige, quæ in utraque leguntur in hunc modum: « Inclusus ego quidem fui in quo praesides loco: praepositus autem (hic erat Theodorus) et reliqui Thessalonicanam relegati » sub Constantino videlicet. Habet autem inter alia hanc ad eumdem Simeonem obtestationem post alia multa: « Propterea pietatem vestram obtestainur, accuratamque juxta saerum habitum nostrum curam disciplinæ, uti verba hæc ad piorum dominorum aures perferratis. Confidimus enim, si hunc, approbante sanctissimo patriarcha nostro, represserint, applausuros esse angelos, laudaturos esse sanctos omnes, exultaturam Ecclesiam universam, accessurum denique ipsorum imperio celestis auxilii magnum incrementum; tum hostium inimicorumque compressionem, tum pacatae diuturnaque vitæ felicitatem ». Haec et alia multa per Simeonis internuntium agens ipse, quod imperator et patriarcha nollet quemquam ipsorum ad auditum admittere. Sed et Theodori frater Josephus archiepiscopus Thessalonice ejus sententiæ defensor et propugnator,

<sup>1</sup> Theod. Ep. xxii. Cod. Columna.

nec audiri potuit, imo calumniam passus, quod malis artibus archiepiscopatum esset adeptus. Quod cum scisset ipse, istas ad eumdem Simeonem monachum litteras reddidit<sup>1</sup> tunc, cum imperator egredi coactus est aduersus Bulgaros, qui Sardicam civitatem excidissent :

48. « In his, quæ nobis, pater sancte, significasti, nihil molestius fuit, quam quod nolint pii domini nostri nos de more accedere, dignarique veneranda ipsorum adoratione, et propinquicas ac votivas, ut cæteri faciunt, in eorum discessu voces reddere. Sed non semper ad humiliacionem nostram sic faciet placabile, et injuriarum immemor, Christique ænulum cor eorum, quippe quod hostibus ipsis reconciliari novit, nedium ut nos rejiciat, qui sincero corde illos colimus et amamus. Belle autem sanctitas tua responsa nostra sacris illorum auribus subjecit, quibus quod annuerunt, tribuendum est magnanima et divina eorum prudentia; optime enim de divinis judicant ut sapientia pleni et Dei scientia referti. Juabet autem interrogare, quamobrem ingesserimus nos in episcopatum, cum manifestum sit vitium. Ad hoc quoque nos cum reverentia respondemus: quod quantum in nobis erat, nolebamus, partim quidem propter anceps periculum dignitatis, partim etiam propter id, quod de œconomio jam dicebatur. Postquam vero advenerunt Thessalonicenses supplicantes tanquam nomine totius civitatis, et domini nostri ad decretum accesserunt: verili sumus, non obedire et reluctari Deo ipsisque dominis nostris, cogitantes, quod possit, cum a propriis episcopis fit ordinatio, prædictum periculum declinari.

49. « Quod vero ad alterum caput, occurrebat quod procul hinc semotus sit, fierique possit, ut peregre agens, devictus multis modis, deinde quod mortes contingent, et de medio tollatur scandalum, quemadmodum et nobis humilibus contigit, qui hic residentes hucusque conservati sumus, dispensatione utendo. Oportet enim, quoad licet, tentationes subterfugere, illos præsertim, qui episcoporum dignitatem non gerunt. His de causis, Deo teste, nos ingessimus, existimantes (ut hoc etiam dicamus) haudquam prorsus ignotum fuisse piis dominis nostris, qui longe proculque posita prospiciunt summa cum solertia; sed neque ipsi patriarchæ sanctissimo, quoniam ad ipsum etiam scripsimus de ea re, quod nos propterea communicare nollemus cum eo, qui adulterum conoraverat, nec cum antecedente patriarcha, cum ei tantummodo impertiret: diversis modis exilium pertulerimus, præterquam quod venerandum ipsum os eorum saepe discussit, et comperit hoc ita se habere: hoc est responsum nostrum. Idque, ut innuis, perfser ad ipsorum audientiam». Ilactenus episcopus Thessalonicae ad Simeonem monachum, qui licet sequestrem pacis se gereret, tamen haud

sincere per ipsum negotium geri, conquestus est ipse Theodorus, scribens his diebus ad alium Simeonem præpositum Epistolam, in qua post alia, quibus eum laudat, ut bonarum partium studiosum, ista habet<sup>2</sup>:

20. « Scire aves quid novi acciderit in præsenti negotio, et nos dicere non possumus, eo quod imperatores in castris nunc versantur. De patriarcha enim quid attinet loqui? qui nec responsa dare vult, nec admittere, qui verba faciat, qui in omnibus Cæsari inservit. At dominus Simeon bilinguis, nunc quidem sic, nunc aliter varians: nisi quod iterum contulimus sermonem et veritatem minime dissimulavimus, et parum quidem emollitur. Cæterum idem manet, illa quarens et sentiens, quæ omnino grata sint rerum polientibus. Cum autem egredetur pius dominus noster, iterum scripsimus, ipso sic volente, nec tamen in conspectum venire nos voluit. Manemus autem nos peccatores, si vigilant preces vestræ, eodem in statu, nolentes prodere veritatem, nec altingere illorum communionem, etiamsi impendeat exilium, et fulgeat gladius, et ignis accendatur, etc. » Addit preces et salutationes archiepiscopi Calogeri et abbatis Leontii.

21. Quod autem pertinet ad Nicephorum imperatorem, cum filio in castris existentem, quæ ipsos occasio progredi fecerit, Theophanes ita narrat: « Eodem anno ante solemnitatem Paschæ Crunni Bulgarorum dux acie contra Sardicam directa, dolo hanc cepit. Ex militis autem Romaicis interfecit sex millia absque nullitudine privatorum. Nicephorus autem adversus eum tertia feria hebdomadæ salutaris Passionis egressus, dignum quidem sermone nihil gessit. Ilos autem principes, qui de cæde Bulgarica salvati verbum salutis depescunt, cum dare dignatus fuisset, amisit, inter quos erat et Cumatius spatharius, mechanicæ artis expertus. At Nicephorus multo dedecore juratoriis sacræ regiæ urbi persuadere satagebat, ut crederent, quod festivitatem Paschæ in aula Crunni celebraverit ». Hæc de expeditione hoc anno ab eo Paschali tempore inutiliter auspicata. Subdit auctor de cædibus et exiliis ab eodem hoc anno mandatis: cum tumultuantem populum repressit, quod pati nollet recens impositum vecligal ob restaurationem Sardicæ civitatis.

22. Cum autem interea magis magisque perseveraret aversio Nicephori patriarchæ aduersus Theodorum, Plalonem atque Josephum archiepiscopum Thessalonicae, et alios ejusdem sententiae viros, eosdemque aperte schismaticos appellaret: ad tantam diluendam calumniam ipse Theodorus istam ad ipsum patriarcham Epistolam scripsit, apologiam instituens, ut se suosque tanta calumnia liberaret. Sic enim se habet<sup>2</sup>:

« Tanquam velo quodam utentes tenui Epi-

<sup>1</sup> Theodor. l. i. Ep. xxiii. Cod. Column.

<sup>2</sup> Theod. Ep. xxvi. ex Cod. Column. — <sup>2</sup> Theod. l. i. Ep. xxv. ex Cod. Column.

stola nostra, angeli beatitudinis tuæ reverentia, sistimus nos ipsos sacratissimo ejus culmini, necessitate cogente. Jam enim renuntiatum nobis est a Leone conservo et discipulo nostro, quemadmodum ad venerandam tui adorationem admissus, aliena quædam, nobisque abominanda ex ea audi-  
rit: Aposchitæ, inquit (schismatice scilicet), vos estis ab Ecclesia. Qui ergo poterat, beatissime, animam nostram ob hanc cansam non contristari? quomodo non respondere sanctitati tuæ, nec silentio accusationem confirmare? Ego vero ante re-  
sponditionem, cum reverentia hoc repræsento: Non oportere cuilibet aures temere dare, qui aliquid velit contra quempiam loqui. Num enim lex vestra, inquit, hominem judicat, priusquam illum audie-  
rit et cognoscat quid faciat? Sic et beatitudo tua, cum triste istud et acerbum de nobis audisset. Quodnam enim malum gravius esse queat, quam ut ab Ecclesia separeris, et archipastorem ovis amittas, sive compastorem? Est enim etiam nobis peccatoribus, quamvis immerito, et unctio a Deo et nomen pastoris. Debuit, dicere audeo, discutere, arguere, qua privatim, qua publice, juxta traditam a Domino<sup>1</sup>, inter te et ipsum solum, aut inter duos, disciplinam: atque ita si persisteret, sicut ipse ait, sit tibi tanquam ethnicus et publicanus. Nos vero hactenus, neque per internuntium, neque coram tale quicquam a sancta anima tua, vel audi-  
vimus, vel moniti fuimus, ut sic inferretur condemna-  
tio. Consideret perfectio tua, num jure mole-  
stum id filii tuis acciderit.

23. « Nunc autem pergimus ad purgationem coram Deo, qui omnia cernit, et coram archipræ-  
sulatu tuo verba facturi. Non sumus aposchitæ (id est, segregati, nempe schismatici), o sanctum caput, ab Ecclesia Dei absit, ut id unquam nobis eveniat. Sed quamlibet aliis peccatis obnoxii tenea-  
mur, sumus attamen Orthodoxi et Ecclesiæ Catho-  
licæ alumni, haeresim omnem repudiantes, omnemque universalem aut localem Synodus approba-  
tam recipientes, necnon editas ab illis canonicas constitutiones. Neque enim perfectum esse Ortho-  
doxum, sed dimidiatum, qui fidem quidem rectam habere videatur, divinis vero canonibus non rega-  
tur. Beatitudinem tuam, quando promota fuit, suscepimus, quemadmodum palam ei testati sumus. Et ex eo tempore in hunc usque diem in mystagogia ipso missa sacrificio commemoramus. Et sicut testis est Deus, si illo die communicare nos voluisset, communicassemus plane cum ipsa, nihil discernentes; cum desideranda nobis fuerit ab initio.

« De øconoø autem, cuius causa hæc jactan-  
tur, quem veritas ipsa depositit multis canonibus obnoxium, cum vel ante apertum adulterium, cum moecharetur in variis personis præcedens impera-  
tor, non solum sacrificavit ipse et communionem imperavit, et una epulatus sit, sed partem etiam

cum eo posuerit, unde et promptus extitit ad publi-  
cam incontinentiam, Deum conteñens et divina  
judicia. Atque ut manifestius fiat, quod dicimus,  
non docendi studio, absit, sed renovandæ memo-  
riæ gratia, ipsam si placet, quæ dum coronantur  
sponsi, usurpatur, mystagogiam sacram resumat,  
et perspicet, quantam hic conjicere liceat Spiritus  
sancti indignationem in tantis contradictionibus.  
Omnino enim quæcumque sacerdos pronuntiat, ea  
impletur se promittit Deus, juxta magnum Dio-  
nysium. Propterea ergo rogamus perfectionem  
tuam, ut depositum a canonibus, et a prædecessore  
sanctitatis tuæ prohibitum totis novem annis,  
praeter rationem ingressum, cessare jubeas a sa-  
cerdotio.

24. « Nunc siquidem humile os nostrum ape-  
rrimus, quando vocati fuimus. Cum enim factus  
est conventus ille parvus (et nescio quo nomine  
appelle) ex carcere per idem tempus redieram: cuinque viderem eos esse congregatos, qui adulteri-  
um ante suscepérant, et adulteri copulationem complexi fuerant: venit mihi in mentem illius  
dicti Prophetici<sup>1</sup>: Sapiens in illo tempore silebit,  
quando tempus malum est. Sed cum dicat idem<sup>2</sup>: Tacui, num semper facebo? propterea tempore  
congruenti calunnia pressus hæc tandem protuli:  
quin quantum in me fuit, omni ratione cavi duobus  
his annis, ne res in apertum prodiret, illud mecum  
volvens, quandoquidem episcopi dignitate prædi-  
tus non essem, ut arguendi habeam potestatem,  
sufficere si me ipse custodiām, et non participem  
illius communioni eorumque, qui scientes cum eo  
sacra faciunt, quoad scandalum de medio tolla-  
tur.

« Hoc igitur oramus et obtestamur, ut per-  
suadere sibi sinat sancta anima tua, istum hominem  
coerceri, ne vituperetur inculpabilis sanctitas tua,  
ne polluatur divinum altare depositi hominis mini-  
sterio, ne denique orientur juste schismatum  
occiones. Vere enim et sincere hoc sciat beatitudo  
tua, quod nisi hæc ita fiant, Deum amantis  
animæ tuæ nutu, et piissimorum ac triumphato-  
rum imperatorum nostrorum (zelo siquidem pleni  
sunt, de nobis quidem pro mandato pugnantibus  
quid futurum sit, Deus novit) schisma quidem, Deo  
teste, electisque Angelis, magnum fiet in Ecclesia  
nostra. Sed miserere, pastor bone, sed adjuva, perite  
medice, gregem tuum, oves tuas, Ecclesias tuas sa-  
pientiae tuæ modis, prudentiæ tuæ verbis, remediis  
artis tuæ. Orem unam exclude a solo sacrificio, et  
universas lucrare. Et ne unius scabie Ecclesiam  
infice, quam acquisivit Christus et Deus nosler  
sanguine suo ». Hæc ad patriarcham Theodorus.

25. *Theodorus suam defendit causam per litteras datas Roman ad Basiliū monachū.* — Accidit autem, ut cum hæc de Theodoro ac sociis extra Constantinopolim progressa, Roman usque perlata audita essent, nempe Theodorum cum suis,

<sup>1</sup> Matth. xviii.

<sup>2</sup> Eccl. xx. — <sup>2</sup> Isai. XLII.

facto schismate, seorsum agere, nec cum patriarcha communicare : ipsius namque patriarchæ litteris id innotuisse Pontifici, par est credere : a quo cum in deteriorem partem accepta ista fuerint, factum est ut Romæ iis divulgatis Theodorus tam ab ipso, quam ab aliis schismaticus haberetur : cuius rei causa Basilius abbas monasterii S. Sabæ Romæ existentis, licet intima esset cum eo germanitate conjunctus, tamen sese ab ipsius Theodori communicatione subduxerit, significans se in ipsum schismaticum ab Ecclesia separatum (ut par erat) dicere anathema. Verum cupiens amicum ad unitatem Ecclesiæ revocare, non deseruit eum extra Ecclesiam esse (ut pulabat) in schismate, sed scribens ad eum litteras et munera quoque addidit, quo cum a schismate, quo putabat revera teneri, penitus liberaret. Quas ubi Theodorus accepit, ingenti dolore percussus describens, tum de ipso, tum etiam de Leone papa conqueritur. Ista quidem ipse tunc vehementi animi angore turbatus paulo licentius. Postea vero æquanimior redditus longe diversas ad ipsum Leonem litteras scripsit, quas sno loco reddituri sumus : nunc autem ista audi, quæ ad ipsum Basilium Theodorus amaro animo tunc rescripsit<sup>1</sup> :

26. « Accepimus litteras tuæ fraternalæ charitatis, miratique sumus ejus repentinam mutationem. Prioribus siquidem verbis (ut cætera sileam) quæ ad rem minus necessaria, Josephum oeconomicum accusabas, ut qui perperam sit ingressus in Ecclesiæ : posterioribus innocentem plane ostendebas, et qui eundem in eadem re nunc laudas, nunc vituperas. Quod a quodam sanctorum dictum est, scire debuisti. Sed pro nihilo id habeatur, quamvis aperta sit contradicatio. Quale vero illud est, quod adeo inconsiderate provectus es, ut priusquam examinares et exakte cognoseeres, adversus humilitatem nostram pronuntiaveris discessionem ab Ecclesia nostra ac proinde anathematismum ? Attende tibi ipsi, ait<sup>2</sup> Scriptura, et priusquam interroges, ne vituperes : et primum cognosce, tum corripe. Tu vero nihil horum observans, nec cogitans, posse et nos ex ratione agere ac loqui, sic tanquam imperitos ac rationis expertes, tanquam vitæ monastice tyrones ac discipulos increpasti : nec hoc solum, sed durius objurgasti. Atque utinam hoc solum egisses, quin etiam anathemati devovisti. O res humanas ! et quomodo major tibi cura non fuit amicitie jura conservandi ? Haec enim si sancte coleret reverentia tua, minquam sic ex abrupto tenuitatem nostram proscidisset. Verum his nos digni sumus : nec mirandum, si ab amicitia etiam tua lacersemur. Cæterum qui simus, Deo quidem innotuimus : æquum autem et prudentiae tuæ, quandoquidem offenditur et scandalizatur, aperire.

27. « Non sumus aposchitæ, o mirande, ab Ecclesia Dei. Alsit ut nobis hoc eveniat. Sed quam-

vis alii peccatis plurimis obstricti simus, attamen unius eum illa corporis sumus ejusque alumni et divinorum documentorum; et canones ejus et constitutiones servare cupimus. Turbare autem, et ab illa sejungi, quæ maculam revera nullam habet, neque ringam, tum in fidei ratione, tum in canonum sanctione ab omni ævo usque ad nostram memoriam, eorum est, quorum fides transversum agitur et vita exlex et sine regula, quorum ex numero Joseph ille, qui adulterum coronavit, et qui cum eo tanquam innoxio offerre non dubitant, quique adeo illum defendant ut sine culpa sacrificantem. Quomodo enim si canonice ad nos scribit pietas tua, canones ignorat, et quod juxta illos depositus vir fuerit ? Nam si in bigami nuptiis epulari presbyterum vetant : quod jus in eum, qui bigamum coronat ? Et quidem in adulterinis nuptiis triginta totos dies convivari ? Quid, quod perniciosus est, etiam coronare eum, qui ex Domini sententia sit adulter ? sacras in conjugio preces recitare adulterii copulatorem, et divinam gratiam impie pro impio invocare ? Exsecrandus profecto, juxta magnum Dionysium, Deo est profanusque qui hæc facit. Supervaneum fuerit alios in eum canones proferre. Quod vero ex quo depositus ab altero patriarcha fuit, novem annorum spatium exegerit, et canon nisi intra annum absolvatur, absvolvi postea quemquam vetat, quo loco reponemus ? At objicitur prorsus, absolutum fuisse. Verum si solitus fuerat, cur non sacrificabat ? et si solitus erat, cur absvolvi a Synodo petiti ? planum enim est, solutionem ab eo peti, qui vinclitus sit, non qui solitus. Quare hic etiam in seipsum impegit, contra veritatem erigi volens. Sacrorum enim profanatio est, frater, istum sacris operari, canonumque magna perturbatio talia negligere. Quid enim est, quod ait Chrysostomus, periculo non vacare, si in sacerdotem non inquiratur, non de fide (ut male censes) sed de vitæ integritate ? Interrogare quidem et executere unumquemque, quonodo se habeat, nihil est opus : gratia enim etiam super indignum per eos, qui accedunt, descendit. In his autem, qui manifesto rei sunt, qualis est Joseph, et quidem magni sceleris, quod in oculis omnium commisit, velitas a Domino nuptias copulans, ipsoque adultero manifestior, dum eum conjunxit, quandoquidem hæc non discrepant, juxta Theologum, dissimilare perspicua est proditio veritatis et canonum corruptela.

28. « An nescit benevolentia tua, Deum ipsum vindicem fuisse, quando non insurrexit, qui Ecclesiæ tum gubernabat, ut Samueli quondam accedit erga insanum Saulem ? juniorisque Herodis, quod ad modum adulterii spectat, regnum evertisse : idem enim Herodis illius flagitium fuit, qui a populo suo pulsus est et occisus, quippe qui Arctæ regis filiam legitimam conjugem dimisit, injuste sibi copulans Philippi fratris Herodiademi. Quod si hæc vindicare non convenit : erravit charitatis tuæ judicio Joannes (quod temerarium est affirmare) cum Illeodem reprehendit, mortemque

<sup>1</sup> Theod. I. i. Ep. xxviii. ex Cod. Column. — <sup>2</sup> Eccl. xj.

oppetit ob reprehensionem. Erravit et Chrysostomus, cum pro viduæ agro validum certamen instituit. Pro bono enim, inquit<sup>1</sup>, audet quispiam mori, ut non commemorem similes alias sanctorum pro similibus contentiones. An rursus ignorat reverentia tua, cum duabus ex rebus constet Christianismus, fide et operibus, si alterum desit, alterum non prodesse? Aemuletur itaque, rogamus, divina. Primum quidem ut communis patris filius exciteatur pariter ad honesta; deinde ut a beato Saba eruditus, accuratam non solum fidei, sed etiam canonum rationem amplectatur: deinde germanus cum sit, fraternam eamdemque nobiscum sententiam teneat: hortamurque propriam sedem servet, ne quo pacto inde claudicemus circa precipua. Ignosce fraterne monentibus, sicut et nos tibi: neque oportet nos monitos indignari. Ne igitur succensal reverentia tua, sed ad charitatem potius accendatur, et talia scribat quotiescumque volet. Nullum enim damnum aliud capiemus, quam ut securius vivamus».

29. His igitur a Theodoro cum ingenti animi amaritudine scriptis, eodem impetu in Pontificem ipsum, de quo falsa audierat, movet stylum, quo non ratio, sed dolor impellit. Passi sunt interdum instar solis et sancti deliquium: sed sicut ille paulo post pristino radiorum fulgore mundo resplendet, sic accedit Theodoro. Nam quem atræ bilis nube ad momentum passum eclipsim intelligis, paulo post clarioribus intueberis radiis coruscare, ex Epistola quam scripsit ad ipsum Leonem Romanum Pontificem, quam suo loco reddituri sumus inferius. Sed audi modo, quæ obiter suggestit ingens, quam diximus, animi qua tenebatur amaritudo.

« De papa autem, inquit, quid ad nos, hoc agat, an illud? qui propriis (ignosce) captus est alis, ut dicitur. Cum enī de manifestis sacerdotii delictis nihil curare dixit, non qualemcumque sacerdotem, sed caput Ecclesiae ita derisit et aspernatus est, ut vel audire nos pudeat. Quod si id verum est, o hierarchiam! Caeterum prudenter et sobrie, quæso, moveamus linguam adversus capita, et ne adeo acriter pronuntiemus.

30. « Si vero dicturi sunt homines, ut scribis, nos cum ab hoc patriarchatu excidissemus, ad aliud argumentum versos fuisse: ne curet reverentia tua; novit Deus motionem primam et secundam, sed et tertiam ipse probabit, ipse redarguet, ipse representabit formidando tribunali, reddens ipse, prout tractaverimus et egerimus. Illud enim<sup>2</sup>: Si hominibus placere, Christi servus non essem; non a nobis peccatoribus dictum est. Nos ergo et sanctissimi patriarchæ mentionem facimus (ut convenit) in mystagogia, sicut et piorum imperatorum nostrorum, et cum omni sacerdote inculpato communicare non detrectamus. Scripsimus et ad ipsum patriarcham, quod et pii imperatores

nostri sciunt, nos in nulla re discrepare, præterquam de Josepho: et simul ac depulsus fucrit sacerdotio cum ipso statim communicaturos. Etenim desiderabilem nobis virum esse, non solum quod caput sit Ecclesiae nostræ, sed quia jam olim reverendus nobis erat, et singula vite ipsius bona laudare non cessamus. Si vero contingat, quod et ipse quoque zelum accipiat.

31. « Mitto enim de sanctis episcopis dicere, de præpositis et monachis, deque laicorum multitudine: quid tum dicet reverentia tua? Quare scito Ecclesiae schisma nullum esse, sed veritatis defensionem divinorumque canonum victoriam. Alterum vero illud, quod asseruit charitas tua, veritatis infractionem et canonum eversionem esse: ac tibi illud dici recte posse<sup>1</sup>: Sacerdotes legem meam spernebant, et profanabant sanctuaria mea, propterea et sancta non distinguebant, sed erant illis communia omnia. Nullam enim maculam habere, aut rugam (ut iterum dicam) sic intelligendum, quod non recipiat impia dogmata, nec ausus illicitos et canonibus contrarios, neque adeo conseniat iis, qui velita ipsi committunt, ut quodam loco ait divinus Basilius, de quibus et<sup>2</sup> Paulus, nec edere cum talibus permittens. Etenim ab Apostolis et deinceps multæ persæpe in eam hæreses irruerunt, et flagitia illicita, canonibus adversa fuerunt, sicut nunc sunt: illa tamen (quemadmodum dictum est) sine schismate et macula mansit, et permanet in æternum, subtractis et ejectis ab ea male sentientibus maleisque agentibus, tanquam fluctibus ab inconeuesso maximo saxo repulsi.

32. « Ad nos igitur redeamus, frater, et veritatis lucem sacerorumque canonum adspiciamus, quemadmodum dogmata tenere videmur, nos potissimum, qui monachos agimus et aliquid esse existimamur. Si enim<sup>3</sup> lumen quod in nobis tenebrae sunt: tenebrae quantæ erunt? Et si sal<sup>4</sup> infatuatum fuerit, in quo salientur Iaici? Arbitramur te (idque precamur) eorum, quæ ibi suut, servatorem fore, et lumen et Iucernam perfectionis a pietatis, non omnia te omnibus exhibendo, sed virtutis excellētia, vita ex canonum lege acta, sanctaque conversatione et aequo animo per fratris tui admonitionem ex charitate profectam, studioque veritatis et divino judicio. Plura dicere animus desiderabat, sed Epistolæ prolixitas finem facere coegit. Accepimus eulogiam tuam prædivitem, et curam quam geris de humili monasterio: argumentum quod parcas et labores pro eo. Labor tuus magnus, sed Dominus tibi retribuat quæ desideras, virtutum incrementum et perennium ipsius bonorum fruitionem». Hactenus ad Basilium Theodorus. Quæ autem post hæ gesta fuerint, anno sequenti, suo loco dicentur. In qua Epistola dum legisti Theodorum in Romanum Pontificem oblocutum, plane intellexisti quam verum sit, quod dicebat Theologus, perdifficile esse modum

<sup>1</sup> Rom. v. — <sup>2</sup> Gal. I.

<sup>1</sup> Ezech. xxii. — <sup>2</sup> Cor. v. — <sup>3</sup> Matth. vi. — <sup>4</sup> Matth. v.

tenere in litigando ac disserendo; dum quis se justitiae defensorem exhibens, quemque obvitum adversarium putans, impetu quo fertur, ferit, impellit et urget: ut hie vidimus lactum a viro magni nominis Theodoro in Leone papam plus aequo commotum. Sed quiesce modo: auditurus eris inferius illum longe aliter de eo sentientem atque loquentem.

*33. Christiani a Sarracenis cæsi: rex Nordanhumborum restitutus.* — Quod rursus ad Orientales res pertinet: hoc eodem anno mortuo rege Sarraenorum Aaron, de quo superius mentio facta est, ejus filii Mahunat et Habdalla de primatu regni certantes, non inter se solum cuneta cæde miscentes, sed Christianos cædibus, incendiis, rapinis infestantes, magnorum malorum causa fuere. « Ac per hoc Ecclesiæ (inquit Theophanes) quæ in sancta Dei nostri erant civitate, desertæ fæcke sunt, et monasteria duarum magnarum Laurarum, sanctæ videlicet memoriae Charitonis et Cyriaci atque Sabæ, necnon et reliqua sanctorum cœnobia Euthymii et Theodosii, quæ erant in desertis Palæstinæ, pariter monachis destituta fuere ». Hæc ipse.

Quod vero ad res perlinet Occidentales anni hujus, illud accedit memoria dignum, quod in Annalibus quibuslibet Francorum præsertim veteribus scriptum fideliter reperitur, regem nimirum Nordanhumborum a suis e regno pulsum, per legatum Apostolicæ Sedis et Caroli imperatoris in regnum fuisse restitutum. In Annalibus enim Francorum sub Ludovico Caroli Magni filio scriptis

hæc leguntur: « Interea rex Nordhumbrorum (Nordanhumborum) de Britannia insula veniens nomine Arduulf, regno et patria pulsus, ad imperatorem, dum adhuc Noviomagi moraretur, venit. Et patefacto adventus sui negotio, Romanum proficietur; Romaque rediens, per legatos Romani Pontificis et domini imperatoris in regnum suum reducitur. Praerat eo tempore Romanæ Ecclesiæ Leo tertius, cuius legatus in Britanniam directus est Adolhus (Aldulfus) diaconus, de ipsa Britannia Saxo, et cum ipso missi ab imperatore duo abbates Rathfridus notarius, et Nazarius abbas de sancto Othmano (Audomaro). Hæc ibi.

*34. Secuta est absque obstaculo ejus in regnum restitutio, nefas omnes ducentes, non parere Romano Pontifici atque tanto imperatori resistere. Porro cœpta sunt ista hoc anno, sequenti perfecta, cum et reversurus Romanum Adolhus Apostolicæ Sedis legatus a piratis est captus, sed redemptus a Cenulpho rege, ut iidem Annales testantur.*

Vidisti in his Romani Pontificis auctoritatem factis expressam? Quod enim non satis sibi suppetere juris intelligeret imperator, regem ejectum in regnum pristinum restituere, ab ipso Pontifice Romano id præstari posse sciens, dimittit ipsum regem regno privatum Romanum ad Leonem Pontificem, cuius auctoritate restitutatur in regnum. Vidisti pariter quantum papæ detulerint Angli, licet furore perciti et regnandi eupidine inflammati, ut expulsum a se regem eum restitulum auctoritate Pontificis recipere non detrectarint, sed statim paruerint? Sed de his satis.

---

Anno periodi Graeco-Romanæ 6301. — Anno Aëre Hispan. 846. — Anno Hegiræ 193, inchoato die 23 Octob., Fer. 4. — Jesu Christi 808.

— Leonis III papæ 14. — Caroli imp. 9. Nicephori imp. 7.

*1. SS. Theodorus et Plato sese segregant a communione S. Nicephori episcop. Constantinop.* — A num. 4 ad 33. Theophanes anno Incarnati secundum Alex. DCCCI, kalendis Septemb. hujus Christi anni inchoato, ait: « Theodorus Studii præpositus et ejus frater Joseph Thessalonicensis archiepiscopus, una cum Platone Incluso et reliquis monachis, a Nicephori sanctissimi patriarchæ communione, ob Josephi œconomum corollas nupliales Constantino et Theodote illegitime pridem imponentem, seipsum segregavit. Imperator autem Nicephorus commodam occasionem nactus, variis

episcopis et monasteriorum præpositis in unum collectis, Synodum agi mandavit: cuius decreto monasterio et urbe dejeeti, mense Januario Indictionis secundæ, in exilio pulsi sunt ». De illa Synodo ac sanctorum Theodori et Platoni exilio anno sequenti cum Baronio agemus, hie vero de divisione Theodori et Platoni a patriarcha Nicephoro, quod cum Josepho illo communicaret in sacris, qui anno CCXCV illegitimam conjugem Constantini imp. coronarat, ut eo anno exposuimus. In hoc versabatur dissidium, ut inquit Baronius num. 9, quod nulla prævia pénitentia *Josephus* œconomus

tanquam nullius transgressionis reus fuerat in Ecclesiam admissus et sacerdotio restitutus, eo praetextu, quod etsi factum illud ab eo perpetratum illicitum esset, tamen per dispensationem lieite absque culpa dicerent fieri posuisse; sieque ulti nullius criminis reus *Joseph* innocens judicatus in communionem admissus fuerit et restitutus in sacerdotium: quod quidem grande piaculum fuit et satis dignum, ut ob eam causam ipse cum suis Theodorus ab eorum communione, qui ista fecerunt, se subtraxerit, quod et fecit. Ita Baronius, qui tamen aliter sentire visus est anno DCXXV, num. 46, ut ibidem vidimus.

**2. S. Tarasio episcopo Constantinop. vivente S. Theodorus illegitimas nuptias Constantini imp. improbarat.** — Sed præstat audire Ignatium, quem Baronius non viderat, in narratione de Theodoro Studita, quam Combetius habuit ab Allatio: « Necessarii quibusdam temperamentis, et in negotiis administrandis perpetua memoria dignos patriarchas Tarasium et Nicephorum usos fama est, prout alibi jam manifestavimus (in Vita scilicet utriusque patriarchæ.) Et haec sunt quæ narratione nostra illustranda aggredimur. Constantinus imperator Irenes Christum amantis imperatricis filius, vitæ conjugique consorte expulsa et invita reluctantè que in monasterio detonsa, uxorem alias ejus loco substituerat (nempe Theodotem): ac Tarasius quidem sanctus vir, is enim tunc Ecclesiae Constantinopolitanæ clavum regebat, tali facinori nusquam præbuerat assensum; presbyter tantum fuit ejus Ecclesiae nomine Joseph, qui sceleratas hujusmodi nuptias contrahentes connubialibus corollis ausus fuerat redimere. Re cognita magnus Theodorus imperatorem Ecclesiae divortio damnavit, et virum fervore illo cœlesti motum principem illegitimis facinoribus sacras leges lædentem corripere aggressum, plures alii ejus consilio zeloque ducti secuti sunt. Theodorus ipse Ecclesiae ingressu et patriarchæ congressu semet continuuit: quod quamvis nefandum conjugium haud verbis probasset patriarcha, saeviore tamen pœna non perstrinxerat, nec in eum, qui tam exoso secleri præstiterat opem, læsa majestatis divinae pœnas exercuerat. His accessit, quod cœlesti consilio et permisso irrogata Constantino oculorum muleta, et imperii potestate eidem ablata, et Irene ejus matre solo dignitate pulsa, Nicephorus, qui ex insidiis eam exauceravit, imperii sceptrique compos, præteralia quæ adorsus est nefaria sclera, Joseph memoratum superius presbyterum depositione damnatum ad pristinos honores in Ecclesia revocandum studuerit.

**3. Sese a communione Nicephori successoris Tarasii segregat.** — « Nicephorus alter sanctitate conspicuus defuncti Tarasii loco suffectus imperatoris Nicephori consilii obsecundavit, et in Ecclesiae collegium Joseph prius rescissum admisit: ex quo rursum magnus Theodorus ejus se communione segregavit. Is enim vere sanctus Theodorus

repudium prorsus illegitimum jam ab antiquo proscripterat, ac licet Constantinus imperator propositis munieribus allicere et artibus variis virum ad se pertrahere conaretur, et cum proprio marte, tum aliorum subsidio, tum ipsius sibi præter legum fas conjuncta mulieris patris adgnate flectere nequiret, exiliis, custodia, compedibus, plagiis ergo inflictis, probatis etiam generis aliorum tormentis, virum cuncta patienter ferentem de divino zelo quicquam remittere, nullatenus adegit, aut instantium necessitatium vi inferiorem se reddere. Viro quippe tanta sanctitudine præstanti leve vel modicum Constantini delictum non apparebat. Ab ipso siquidem imperatore ducens originem, ad infinitarum animarum ruinam jam fecerat progressum. Hominum namque plurimi, maxime voluptatis sectandæ faciliores, occasione arrepta et exemplo dato, nefastum imperatoris factum fas rati adimplendo venereæ cupiditatis ardori per ejus vestigia gradiebantur: et uxoribus quondam legitime conjunctis domo expulsis, alias quas deperirent ad sponsæ prioris thalamos inducebant. Luem hujusmodi in multas jam provincias grassantem videre magnus Theodorus non sustinuit: quare in imperatorem ipsum divinum zelum, ut præmisimus, exauit, et in eo tenendo ad finem usque perseveravit.

**4. Uterque patriarcha usus est dispensatione ac œconomia.** — « Et is quidem hoc pacto se habuit. Patriarcharum vero, de quibus institutus sermo, hic quidem nimirum Tarasius idecirco consentire visus est, et attentatum a Constantino seclus nulla animadversione perstringere, quod nisi placitis acquiesceret patriarcha, principum proxime præteriorum hereses renovaturum et sanctorum imaginum cultum proscripturum se imperator Constantinus minaretur. Hujus gratia rigoris non nihil laxare decrevit, ne in majoris momenti res summum induceret disserimen. Sanctus autem Nicephorus, in alterius Nicephori, qui postmodum imperium tenuit, sententiam obnisus, tum vero pravos ejus mores et animi perversitatem expertus, et ne ordinem Ecclesiae perturbaret, et susdeque verteret metuens, assensum quoque præstitit et Joseph, quem depositum diximus, in priorem gradum restituit. At sive magnus Theodorus sacras leges vindicaturus ac libertate sua usus ad extremum usque disserimen obsistens præclarus se gesserit, sive patriarchæ ob allatas in medium rationes res difficiles prudenter attractare maluerint, et aperto temperamento emollire, aliis quibus lucidius mentis acumen, et ad res hujusmodi discernendas animi sensus vegetiores discutiendum relinquimus. Sane Epiphanium Cyperi episcopum inter sanctos celebrem parem Theodoro nostro ardorem et invictum animi robur adversus imperatricem Eudoxiam demonstrasse novimus. Ipsi namque, ni divinus Chrysostomus in oxilium ejiceretur, idolorum templo quampnum aperituram se minitanti nullatenus manus dedit, aut

obsequendum sanctus vir duxit: quinimo: Innocens ego sum ab hujusmodi judicio, exclamans, et eam in minas et furorem conversam relinques, generose excessit.

5. *Altera causa dissidii inter patriarchas et Theodorum exorti.* — « Aliam quoque dissensus patriarchas inter et Theodorum causam extitisse ferunt: quod nimis e laicorum ordine ad patriarchale sotium confessim evecti, nec in eis ordinandis positae ab Ecclesia leges fuerint observatae. Ad quae objecta, qui gesta eorum conscripsit, respondet, sacros canones promotiones hujusmodi non omnino damnare: sed ne consecrandus rerum gradus congruarum peritia privatus in periculum Ecclesiam adducat, tantum cavere. Idem vero, magnus, inquam, Tarasius et sacer Nicephorus in magnos accessus Ecclesiam progredi studuerunt, et in cunctis aequo bonoque consultum esse voluerunt. Qua de causa canonem eos carpere nulla ratione affirmandum. Quinimo omni mentis attentione observandum, patriarchis æterna memoria dignis et Dei motu semper actis, magnum Theodorum crimen impingere voluisse, et ab Ecclesiæ cœtu corum causa se segregasse, ipsius Theodori non leve delictum a Patribus fuisse judicatum: illi siquidem accurato rigore remisso, majus datum evitatum censernunt.

6. *Theodorus erratum ante mortem emendavit.* — « Erratum sane Theodorus emendavit, ut alibi narratum est: et scripta de iisdem et Theodori gestis Historia fidem hujus facit: et magnus insuper Methodius sermone ad Studitas, de quo superius, misso testatum reliquit. Sententiam enim quam animo præceps hauserat, ipsum reprobasse et ad Ecclesiam demum se adjunxit, ac vita termino propinquum cum felicis memorie Nicephoro concordiam, dilectionem et indivisam animorum unionem servasse manifesto confirmat. In eo igitur, quod enuntiant Psalmi de viro justo, adimpletum est: *Si ceciderit, non confringetur, quia Dominus supponit manum suam.* Obvio namque, et e grege sacerdotum cuilibet noxaum, si haeresis labe vacet, inferre si magni periculi est, quali muleta facinus dignum, quod ejusmodi pontifices et pontificum principes, magis vero Apostolos ipsos, ut magni Dionysii verbis utar, aggreditur et recenset. Hoc certe dictum divinus Methodius Studitis sancti discipulus perpendendum jure merito objicit, his verbis utens: Tu monachus es, in sacerdotes inquirere non tuum est, ipsis subjici te decet, ipsis tibi subjicere, vel eorum vitam perserutari a te omnino sit alienum». Temperamentum, quo usus est Tarasius, laudavit etiam Michael discipulus sancti Theodori in ejus Vita, cuius verba recitat Baronius anno DCCXCV, num. 54; imo et ipsem Baronius eo anno num. 46, cuius verba retuli anno DCCXCV, num. 6, Tarasii consilium commendat.

7. *Moritur Haron Saracenorum califa.* — Ad num. 33. Theophanes anno Incarnat. secundum Alex. DCCCI, qui kalendis Septemb. hujus Christi

anni auspicatur, scribit: « Hoc anno, mense Martio, Indictione secunda, Arabum dux (nempe califa) Aaron in interiore Persia Chorasan agnominata mortuus est: Muamed autem ejus filius ad omnia prorsus ineptus imperium suscepit: adversus quem Abdelas ejus frater seditione mota, ex provincia Chorasan cum paternis viribus erumpens, civilis belli per nationem illam auctor fuit. Subinde qui Syriam, Aegyptum et Libyam incolunt in varias factiones divisi, remp. et privatos quosque presumderunt, cædibus, rapinis aliisque flagitiis, cum in se invicem, tum in subditos Christianos confuse desævientes. Isthinc sane per sanctam Christi et Dei nostri civitatem Ecclesias desolatio et vastitas occupavit: isthinc in duarum magnarum Laurarum monasteria, sancti dieo Charitonis et Cyriaci, atque sancti Sabæ, et in reliqua sanctorum Euthymii et Theodosii cœnobia maxima clades erupit. Invaluit Arabici imperium confusio hujusmodi, cædesque mutuae inter se et nobis illatæ annos »..... deest numerus, nec suppletur ab Anastasio in sua Versione, qua Baronius usus est, in qua cum nec mensis Marlius, nec Indictio secunda memoretur, ea omissio illum induxit, ut *Haronis* seu *Aaronis* mortem cum hoc Christi anno alligaret, quæ tamen ad sequentem referenda est. Elmacinus enim lib. 2 Hist. Sarac. scribit, Aarouem Rasiidum mortuum esse *die sabbati, tertio Giu-madæ posterioris*, et dies III posterioris Giumadi, anni Hegiræ cxcmi concurrit cum die xxiv mensis Martii anni Christi DCCCIX, qui in diem sabbati incidit. Praeterea Elmacinus citat chronologum, qui tradit primum diem et ultimum ejus imperii fuisse sabbatum, et Haronem mortuum esse « elapsis annis Hegiræ centum et nonaginta duobus, et diebus centum et quinquaginta duobus ». Quare regnare cœperat anno Christi DCCXXXVI, die decima quarta mensis Octobris, que cum die sabbati concurrit, et e vivis excessit die xxiv mensis Martii anni Christi sequentis, in quem sabbatum cœdebat.

8. *Succedit ei Alaminus seu Muhammed.* — Memorabile est quod de Harone prodit Elmacinus: « Summæ, inquit, inter califas fuit humanitatis et liberalitatis (maxime in poetas, vehementer enim delectabatur bonis versibus, corumque auditu et imitatione) fortis et magnanimus, nulli certainis et peregrinationis, etc. cumque peregrinaretur, peregrinari cum eo solebant centum docti, etc. neque in aula ullius calife tot convenerunt consiliarii, judices, docti, eruditæ et poetae, atque in aula Rassi ». Haroni successit ejus filius « Abu-Abdalla Alaminus, qui et Muhammed Abu-Musa vocatus fuit », califa vicesimus septimus. « Creatus fuit califa tempore matutino ejusdem diei, quo pater ejus vita excessit, qui sabbati fuit tertius Giu-madæ posterioris, anni Hegiræ cxmi », ut subjungit Elmacinus, qui his verbis confirmat quod jam scripsérat, et Haronis initium cum die xiv mensis Octobris anni Christi DCCXXXVI copulandum esse

ostendit. Pluribus narrat Elmacinus prælia inter *Alaminum* califam et *Almanonem* ejus fratrem circa successionem habita, sed hæc ad rem nostram non faciunt.

9. *Carolus imp. Carolum filium adversus Danorum regem mittit.* — Ad num. 34. Eginhardus in Annal. gesta hoc anno a Carolo Aug. his verbis narrat : « Vere inchoante imperator Noviomagum profectus, transactoque ibi Quadragesimali jejunio, celebrato et sancto Pascha iterum Aquasgrani regressus est : et quia nuntiabatur Godefridum regem Danorum in Abodritos eum exercitu trajecisse, Carolum filium suum ad Albiam (seu Albim fluviū) cum valida Francorum et Saxonum manu misit : jubens vesano regi resistere, si Saxoniae terminos aggredi tenfaret. Sed ille stativis per aliquot dies in littore habitis, expugnatis etiam et manu captis aliquot Sclavorum castellis, cum magno copiarum suarum detimento reversus est. Nam licet Drasconem ducem Abodritorum, popularium fidei dissidentem, loco pepulisset, Godelaibum, alinm ducem, dolo captum patibulo suspendisset, Abodritorum duas partes sibi vectigales fecisset ; optimos tamen militum suorum, et manu promptissimos amisit : et eum eis filium fratris sui, nomine Reginoldum, qui in oppugnatione cujusdam oppidi, cum pluribus Danorum primoribus interfectus est. Filius autem imperatoris Carolus Albiam ponte junxit, et exercitum cui præerat in Livones et Smeldingos (qui et ipsi ad Godefridum regem defecerant) quanta potuit celeritate transposuit, populatisque circumquaque eorum agris, transitu iterum flumine cum incolimi exercitu in Saxoniā se recepit. Erant cum Godefrido in expeditione predicta Selavi, qui dicuntur Vultzi : qui propter antiquas inimicitias, quas cum Abodritis habere solebant, sponte se copiis ejus conjunxerunt. Ipsoque in regnum suum convertente, cum præda quam ab Abodritis capere potuerunt, et ipsi domum regressi sunt. Godefridus vero prinsquam reverteretur, destructo emporio (quod in Oceani littore constitutum lingua Danorum *Rerie* dicebatur, et magnam regno illius commoditatem, vectigalium persolutione, præstabat) translatisque inde negotiatoribus, soluta classe, ad portum, qui *Lies-thor* dicitur, cum universo exercitu venit. Ibi per aliquot dies moratus, limitem regni sui qui Saxoniā respicit, vallo munire constituit, eo modo ut ab Orientalis maris sinu (quem illi *Ostharhsalz* dicunt) usque ad Occidentalem Oceanum, totam Egidoræ fluminis Aquilonaris ripam munitum valli prætexeret, una tantum porta dimissa, per quam carra et equites emitti et recipi possent. Diviso itaque opere inter duces copiarum, domum reversus est ». Hæc de bello Danico et Livonico. Porro Obotriti seu Abodriti sedes habebant, ubi nunc est ducatus Mecleburgensis seu Megalopolitanus, Adamo Bremensi, Krantzio, Helmodo aliisque testibus.

10. *Eardulfus Northumbriæ rex a Leone III et*

*Carolo imp. in regnum restituitur.* — Pergit Eginhardus : « Interea rex Nordanhumbrorum de Britannia insula, nomine Eardulfus, regno et patria pulsus, ad imperatorem, dum adhuc Noviomagi moraretur, venit : et patefacto adventus sui negotio, Romam proficiscitur : Romaque rediens, per legatos Romani Pontificis et domini imperatoris in regnum suum reducitur. Præerat tunc temporis Ecclesiæ Romanae Leo III, cuius legatus ad Britanniā directus est Adulphus diaconus de ipsa Britannia, natione Saxo : et cum eo ab imperatore missi duo abbates, Rotfridus notarius et Nantharius abbas de sancto Aldomaro. Imperator vero ædificatis per legatos super Albim fluvium duobus castellis, præsidioque in eis contra Sclavorum incursionses disposito, Aquis hyemavit : Natalemque Domini et sanctum ibidem Pascha celebravit », ubi loquitur de Paschate sequentis Christi anni, cum jam dixerit, imperatorem Noviomagi hoc anno Pascha celebrasse, et annalista Loiselianus, Bertinianus aliique in tota hac narratione Eginhardo consentiant. *Nantharius* abbas erat sancti Audomari, seu cenobii sancti Bertini, de quo rursus anno sequenti. Porro Northumbri Eardulfum regem, qui ab anno DCCXCVI Ethelredo successerat, pertæsi, *Alfwoldum* regem elegere, ut liquet ex his Vestmonasteriensis verbis ad præsentem annum : « Eardulfo Northumbrorum rege a regno fugato, Alfwoldus ei duobus annis successit. Fugaverat autem illum idem Alfwoldus, et regnum ejus occupavit ». Eardulfus ad Carolum imp. in Germaniam trajecit, indeque Romanum proiectus causam suam Leoni papæ permisit; qui intellecto populi suffragio, qui eum quondam regem elegerat, et cognito quod ab Eanbaldo archiepiscopo et tribus aliis consecratus in regem fuisse, eum regno restituit, missis hanc in rem in Britanniam a suo latere nuntiis.

11. *Queritur Carolus de legato Leonis III.* — *Leo* Pontifex Romanus in Epistola ad Carolum Aug. data, quæ ordine x legitur tom. vii Concil., habet aliqua singularia hic non pretermittenda. Auditio *Northumbriæ* tumultu, statim *Adulphus* diaconus illuc a Leone III directus est, iter habuit per Gallias, a Carolo benigne susceptus est, præparatisque navigiis in Britanniam dimissus, interpositis Leonis et Caroli nominibus, ut auctores seditionis *Eardulfum* in Franciam sanum abire sinerent, feliciter obtinuit. At cum Romanum rediret, atque in Galliis jam esset, seque profecturum ad imperatorem palam diceret, *Caroli* nuntio, a quo perducendus ad comitatum erat, non exspectato, repente contendit in Italianam. Illuc quoque legatus *Eanbaldi* Eboraensis archiepiscopi pervenit *Carolo* insalutato, ad quem satis esse duxit commendatitias ipsius Eanbaldi litteras misisse. De utroque legato gravissime questus est apud Pontificem imperator, ratus eos fraudulenta fungi legatione, quam nolleut sibi notam facere, tantaque festinatione proficiisci Romanum, ut *Eardulf* regis iter prævenire

possent. Legatos tanquam rudes et expertes urbanitatis aulicæ, quibus potuit verbis excusavit Leo, remisitque ad eumdem *Carolum* cum Epistola citata, ex qua hæc eruta sunt. Addit Leo: « Sicut per eorum stultiam cognovimus in aliquod vestrum furorem, ita per infusionem sancti Spiritus velocius a vobis vestram sentiamus misericordiam ». Datae sunt cæ litteræ *prid. kalend. Januar.*

**42. Angli dolose agunt cum Leone III.** — Alia Epistola ordine vii ad Carolum scripta istam præcesserat, in qua Pontifex iterum questus est de missis Caroli, qui Ravennam ad justitiam faciendam directi damnum fecerant; deinde multa de Eardulfi regis adventu in Galliam, de Cenulphio rege Merciorum, et Eanbaldo Eboracensi archiepiscopo commemorat, aitque: « Nescimus si vestra fuit demandatio, quod missi vestri, qui venerant ad justitiam faciendam, detulerunt secum homines plures et per singulas civitates constituerunt; quia omnia secundum quod solebat dux, qui a nobis erat constitutus, per distractionem causarum tollere, et nobis more solito annue tribuere, ipsi eorum homines peregerunt, et multam collectionem fecerunt de ipso populo, unde ipsi duces minime possunt suffragium nobis plenissime praesentare. Sed valde nobis gravis esse videtur, si vobis fastidium facimus, etc. de autem omnibus bonis et prosperis, que circa missum nostrum, quem in partibus Britanniae ad Anglorum gentem direximus, omnia pro amore beati Petri Apostoli fautoris vestri operati estis, sicut solita est vestra clementia, magnas gratias vestre pietati exinde agimus, etc. de vero Epistolis, quibus vobis Eanbaldu archiepiscopus et Cenulphus rex atque Wado emiserunt, relegentes reperimus eorum dolositatem, quam inter se habent. Unde valde contristamur, quia ipse prædictus Cenulphus rex nec suum archiepiscopum pacificum habet (archiepiscopum

nempe Cantuariensem) nec istum Eanbaldu item archiepiscopum, etc. Misistis nobis, ut nostræ Apostolice auctoritatis adhortatoriam Epistolam sœpe fato Eanbaldo archiepiscopo per idoneum missum nostrum mitteremus, ut ad hanc sanctam Apostolicam Sedem cum suis consentaneis venire debuisset, aut in vestra præsentia rationes deducendum. Nos vero statim ipsam Epistolam dictavimus et vobis emisimus. Sed si placet serenitati vestre, quod ipsam nostram Epistolam per idoneum missum ipsis in partibus ad missum, quem itidem dirimus, misissetis, ut una cum ipso prædicto missu nostro ipsum archiepiscopum adhortasset, quatenus aut hic in nostra præsentia, aut ibidem in vestra una cum sociis suis conjunxit, valde nobis recte visum fuisset, quia missum nostrum nondum suscepimus, et ipsi homines dolosi sunt, ut ne missos super missos suscipientes in dolositate eveniant ».

**43. Dertosa iterum a Christianis obsessa.** — Secunda adversus *Dertosam* expeditio hoc anno a Ludovico Aquitanie rege suscepta: « Sequenti tempore », inquit Astronomus in ejus Vita, « iterum rex Ludovicus expeditionem in Hispaniam paravit. Sed pater ne per semetipsum illuc pergeret, eum impedivit. Preceperat namque tunc temporis fabricari naves contra Nordmannicas incursiones, in omnibus fluminibus que mari influebant. Quam curam etiam filio injunxit super Rhodanum et Garumnam et Silidam. Attamen misit ei missum suum Ingobertum, qui filii præsentiam præferret, et vice amborum contra hostes exercitum duceret ». Tum narratis iis, que Ingobertus et alii Christiani gessere, subdit: « His gestis, Christo favente, ad suos sese magno cum gudio et opibus collegerunt. Diu etiam simul obsessa urbe domum redarunt ».

**4. Theodori Epistola ad Nicolaum chartularium de sua circa communionem cum patriarcha sententia.** — Sequitur annus Redemptoris octingentesimus nonus secundæ inchoatæ Indictionis, idemque tercius numeralius, ex quo restituto Josepho

economio Constantinopolitanæ Ecclesiæ, Theodorus Studita cum suis a communione Nicephori patriarchæ abstinuit: eum et ab eodem patriarcha Synodus ea de causa celebrata est, et ipse Theodorus aliique ipsi inhærentes in exilium missi sunt. De

his singulis narrationem ex rerum ordine instituti, primo loco ejusdem Theodori hoc anno tertio a receptione œconomii datum Epistolam ad Nicolaum chartularium describemus; deinde agemus de Synodo adversus eosdem habita, deque sanctorum exilio postremo loco dicturi sumus.

Quod enim magis magisque increbuerint perturbationes ex separatione Theodori et aliorum a communicatione Nicephori, et alii alia dicerent, jactarentque alii, neque Theodorum quieturam fore, etiamsi receptus profanus Josephus ejiciatur, sed contra Nicēphorūm patriarcham denuo prælium conversum, imo et contra defunatum prædecessorem Tarasium æque bellum institutum: cum ista rescesset Theodorus, ipse ad amovendam omnem hanc inani studio concitatam suspicionem, ad Nicolaum chartularium reddit Epistolam, qua in primis significat, quam maxime optet pacem Ecclesie, quamque sit erga Nicēphorūm patriarcham bene affectus. Ipsa autem Epistola sic se habet<sup>1</sup>:

### 2. « Nicolao chartulario.

« Suspicabar quodammodo magnam pietatem tuam, domine desideratissime, alieniore animo esse ab humilitate nostra ob causæ alicujus interventionis. Sed revera hoc tempore ostendisti, vacuam omni odio esse venerandam animam tuam, plenamque adeo omni pietate, quando te promptum ac paratum docuisti, ut pacis Ecclesie Dei studio statim ac primum hortati sumus, applicares te ad conjunctionem sanctissimi patriarchæ nostri. Illoc indicium sinceræ amicitiae: hoc proprium hominis Deum timentis: hæc aperta fides zeli veritatis. Itaque retribuet tibi Dominus, tamen si nihil fiat, integrum justitiae mercedem. Non enim ex rerum exitu, sed ab earum intentione, seu laudabili, seu secus, solet Deus præmia decernere facientibus. Luciferus ergo es temporis puneto non aurum et argentum, sed juges thesauros cœlestis retributionis. Oramus autem et hortamur amplius, ut pergas in cepto, ut tu quidem thesaurum prædivitem aciras, et nos humiles patriarchæ conspectu fruamur, aut potius ut Ecclesia Dei tua opera pacem adepta multas tibi laudum coronas nectat. Et quossum plura?

3. « Quoniam autem jussisti significare nos, quid sentiat humilitas nostra: jam sine furo excellentiae tuæ coram Christo, qui occulta novit, significamus. Nulla nebula est cum patriarcha de communione dubitatio præterquam œconomi causa, eo quod depositus sit per sacros canones. Et quando prohibebitur a sacro ministerio, sicut ante, Dei beneplacito, et sanctissimi patriarchæ, piorumque dominorum nostrorum; nimis quia œconomus est et honorem gerit, tum protinus et simul sacrificabimus et communicabimus, et manum porrigitur, nihil inquirentes de triennio hoc, quo cum eo sacris operatus est pacis studio: neque id metu

aliquo, sed communis utilitatis et salutis gratia. Silcant enim linguae mendaces adversus Dei pacem incitatæ, ut dicant, nos postquam dejectus sacerdotio fuerit œconomus, accusationem aggressuros patriarchæ nostri, ut qui cum deposito jam sacrificavit: deinde etiam decessoris sanctissimi patriarchæ. Labia dolosa, quæ haec loquuntur, calumniatorum invidorumque inventum, et qui sanari nolint inflictum vulnus Ecclesie. Nullo modo, absit: et patriarcham, qui præcessit, suscepimus et suscipimus, ideoque ad mortem usque cum eo communicabimus: et sanctissimum, qui nunc est, patriarcham suscepimus et suscipimus: pro eo etiam offerimus quotidie.

4. « Arceatur a sacris œconomus, qui adulterum coronavit, et nos (ut ante diximus) cum eo communicabimus, si jubet, in Ecclesia Catholica iuxta gradum nostrum unusquisque. Quod quidem si fiat, gaudium in celo fuerit, pax in Ecclesia Bei, quæ apud nos est. Cedet schisma, et concordia palam enitescat, archiepiscopus noster laudibus ornabitur, adeo ut ad posteros transeat ejus encomium: potentissimi imperatores una cum pretiosis insulis suis angelica etiam laude coronabuntur. Sacerdotes<sup>1</sup> induent justitiam, multoque magis sancti (monachicum ordinem loquor) cum exultatione exultabunt. Dominus noster quod et quale bravium accipiet? Quid jucundi non accedat? Dicamus et hoc: œconomus ipse celebrabitur et laudibus efficeretur; magnamque hoc pacto misericordiam consequetur tum in hoc, tum in futuro sæculo. Et nos peccatores substrati, et adorantes, et gratias agentes re ac verbo, congruentia archiepiscopo præ omnibus (ut debemus) deferemus. Ad horum autem faciendum fidem, scriptam declarationem prolixam offerimus, ut nisi postquam a sacrificio cessarit, sicut antea, confessim accedamus et communicemus. Sit in manu vestra sententia, si quid vultis; et nobis loqui amplius non licet de hoc negotio. Et ecce non angelus, non homo, sed Dominus ipse, qui ad te per nos transit, et impellit et hortatur ». Hæc filius pacis et pacem querens, pacem petens et nidificans in pace columba.

5. *Conciliabulum Constantinopolitanum dictum mœchosynodus, unde Theodorus, Plato cæterique monachi exilio et aliis paenit mulctantur.* — Verum cum ista Theodorus scripserit, nullum de his responsum accepit, sed congregatum est ab imperatore conciliabulum, in quo una cum episcopis considererent magistratus, omnia in gratiam imperatoris facientes: ut plane non fnerit dicendum Concilium in Spiritu sancto legitime congregatum, sed proditorum carnificina, quam quidem et alio infami nomine idem Theodorus in Epistola ad Euprepianum appellat mœchosynodum. Sed jam accipe quid de eo idem dicat Theodorus in Historia, quam texuit de sancto Platone: « Postremo (ut summatis rem perstringam) fratrum societas noctu

<sup>1</sup> Theod. Stad. I. I. Ep. xxxii. Cod. Colum.

<sup>1</sup> Psal. cxxxii.

abrepta est et in carcere conclusa. Quo facto, Synodi constitutus est dies, in quo vir ille sanctissimus Plato a militari manu una cum tribus aliis, velut maleficus quispiam, ad ipsam Synodum ductus fuit. Miserabile certe spectaculum, senem videre propter imbecillitatem ingredi non valentem, sublatum portari catena vinclum, qua ipsius pedes circumdabantur, et ab aliis humeris in alios, velut piaculum quoddam indecora trajectione transmitti. Hui mihi : hæcne fuit ordinationis Synodo congruentis ratio? Hæcne imperii existimatio? Quæso quæ in re sunt haec illis inferiora, que latrocinantium insidiis et tyrañice imperantium violentia olim patrata sunt? » Haec de Synodi ordinatione Theodorus, qui et in Epistola ad Anastasium<sup>1</sup> numerosam hanc Synodum appellat : « In qua, inquit, tres maxime dignitates considebant ». In eadem vero Epistola plura intexit, quæ in hac etiam Synodo facta sunt, quæ audies, cum inferius hoc itidem anno reddituri sumus. Intelligis quam procul a fastu Theodorus abhorruerit, cum aliena, nempe S. Platonis certamina describens et coronas retexens, de seipso verbum nullum inseruit, licet esset omnium coryphaeus et confessorum antesignanus.

6. Quod autem ad Synodi tempus spectat (nt hoc non prætereat) hoc anno, mense Januarii, Indictione secunda habitam esse Theophanes tradit, cum de ipsa hæc ait : « Tunc Nicephorus imp. occasione percepta, cum episcopos et hegumenos congregasset, Synodum adversus illos celebrari præcepit, per quam a monasterio et urbe dejecti, exilio sunt destinati, mense Januario, Indictione secunda ». Hæc Theophanes.

Sed quæ in hac Pseudo-Synodo statuta fuerint, videamus, et qui potuerint esse canones talis conventus. Recenset eos ipse Theodorus Epistola, quam ab exilio scripsit ad Leonem Romanum Pontificem, quam suo loco reddituri sumus, neenon in Epistola ad Euprepianum. Porro ejusdem conventiculi Decreta ista fuere. Primumque illud, quo anathemati subjicerent omnes, qui ipsorum errori non adhaerescerent, quo (inquit Theodorus) canone universam Catholicam Ecclesiam condemnarunt.

7. Decretumque insuper fuit, ut conjugium Constantini cum Theodote, vivente adhuc legitima conjuge, quam detruserat in monasterium, ex dispensatione dici deberet legitimum. Ad hæc etiam addiderunt decretum illud nefarium plane et pudendum, nempe leges divinas adversus reges nihil posse. Haud dubium fuisse liquet istam imperatoris sententiam. Ad hæc illud adjecere : Ne qui pro veritate ac justitia usque ad sanguinem restitissent, eos Præcursum, vel Chrysostomum imitatos dicerent. Præter hæc etiam turpe illud : episcoporum unumquemque in sacros canones præter ea, quæ in illis statuta sunt, dispensando potestatem habere, pronuntiarunt. Hæc recitat Theodorus ab impera-

toria ista Synodo fuisse decreta Novatoribus congruentia, qui tanto legislatore, Nicephoro scelestissimo glorientur, ut volent. Sed quæ tam fœda et enormia ista decreta sint secuta tristia atque crudelias illata in servos Dei ab imperatore audiamus, atque primum quæ de sanctissimo sene Platone ipse referat Theodorus, qui ait :

8. « Sed ut quæ in medio sunt, ea velut ludera quædam prætermittant (illa enim historiæ modum implere possunt) exilium jam decretum fuit : et pater ipse circumscriptus est in una quadam insula ex his, quæ ante urbem sunt, quemadmodum et frater noster (Josephus archiepiscopus Thessalonice) in alia quadam valde aspera et munito quodam carcere ad exilium accedente. O rerum mutationem ! Monachis ipsis humaniores extiterunt hi, qui communī vita utuntur, et privati homines veriti non sunt justum ferre iudicium, quod judices debuissent. Manifestum enim erat iniquum illud facinus. Missum facio balneum illud, in quo imperator ipse militari acie omnium fratrum societatem invadens, cum ex monasterio illo singulos suæ voluntati subjecere conatus esset, spe deceptus, suo enim imperio fortiores illos esse cognovit, qui divina lege nitebantur. Missos facio carceres in monasteriis constitutos, et monasteriorum præfectos carceris duces factos, hisque, quos clausos tenebant, plura quain jussi fuerant tormenta inferentes. Prætero quæ postea consecuta sunt : quo tempore multi abducti, et in alium locum translati, persecutions, inquisitiones, disjunctiones, atque exterminationes pertulerunt. Quo tempore multæ et ingentes minæ, iræ, interrogations et responsa, multaque per omnes urbes investigatio facta est, necubi aliquis fratum latearet, adeo ut nonnulli præ timore persequentium, in terræ foraminibus sese abdiderint, ut servari possent.

« Hæc autem omnia ejus rei causa facta sunt (rursus enim præ admiratione eadem tractare cogor) ut qui adulteros illos contra Evangelium et præcursorum Joannem coronaverat, quasi salutarem aliquam dispensationem Ecclesiæ attulisset, impune rebus sacris præesse posset : quiique illum Evangelicis præceptis obtemperantes non admitterent, exleges et a Deo alieni haberentur. O divinas leges contemptas ! o persecutorem acerbissimum, Christiani nominis appellationem habentem, et Christi leges conculeare gestientem ! Quid ita insanus factus es, stolidus atque immitis una cum Leone (Isaurico scilicet) tibi compare ? Annon vides, contra invictas Dei leges te armari, quas nemio ex his imperatoribus, qui unquam fuerunt, superare potuit ? quinimo quicumque se, ut nunc tu, his ipsis legibus adversarium ostendit, jure optimo periit.

9. « Sed quonam modo Dei servus abductus est ? Ad illum enim ipsum redeo. Rursus translatus, rursus distractus, et a duobus hominibus huc et illuc protritus, eo quod non amplius progredi

<sup>1</sup> Theod. Ep. XLVIII.

posset, trahebatur, et ita distractus vexabatur, ut iniquum illud facinus vel ipsis lapidibus sensus experibus lacrymas mouere posset. Hujus rei testis est celebris illius martyris Mammatis regio, testis est et abrupta illa insula, quæ post primam fratris jam dicti custodiam, pietalis hunc custodem detinuit. O immites et doloris sensu carentes illorum animos! Sed nescio certe, quo nomine ipsis congruente eos appellebant, qui eadem opera monachi et milites, et careeris erant custodes; qui justum illum virum omnino desertum, tanquam in laeu profundissimo, in cella quadam concluserunt, hominemque jam senio confectum et morbo vexatum, sub unius ejusdam servi potestate, quem illi rerum terrenarum et Cœsaris servi reliquerunt, ut sanctus vir semel in die, vel bis a ministro viseatur. Quo tempore senex eum rogabat, ut ad necessarium usum corporis duceretur: et iniquus ille servus id ei exprobrabat. Pelebat aliquid imbecillati suee consentaneum: et perversus ille fores clandebat. Cumque bœc pateretur, nihilominus tamen stabilis permanxit; quodque coram Deo et hominibus confessus fuerat, nunquam denegavit. Postea vero quam ejus careeris causa eum in lethalem morbum incidisse, Cœsar audivit, animi duritiem leniorem faciens, in urbem Byzantium ipsum transtulit. Cumque illum eo transtulisset, parabat se ad id quod male factum fuerat corrigerendum. Sed quoniam non recto proposito ac sententia movebatur: quod proposuerat ad finem non perduxit». Siquidem, Deo vindice, a Barbaris est interemptus. Sed de his suo loco.

40. Prosequamur modo Theodori ipsius ista scribentis diram, quam una cum suis passus est, persecutionem a Michaeli monacho descriptam, uno ex iis, qui ejus lateri inhærebant. Ita quidem divina dispensatione factum, ut qui ejusmodi scribens certamina Theodorus nihil de se magnificum dixerit, licet pars magna imo polissima esset: alias post ejus obitum ejus præclaras victorias non siluerit, ita narrationem instituens: « Ut enim, inquit, vidit impius imperator, nulla in re Theodorum virum sanctum flecti, nec cedere sibi, nec factis suis assentiri: monasterio illum suo atque urbe pariter extrudit, relegatque in insulam quamdam ex iis, quæ proximæ sunt Byzantio, eadem poena in Josephum fratrem Platonemque sapientem decreta, haudquaquam una utrosque custodia includens, sed singulos seorsum, ita ut mutuus eis conspectus negaretur, quod unicum est in carcere solarium. Reliquam vero discipulorum turbam, ut palre suo orbatam vidit, importunis minis aggressus, obscuros etiam in carceres conjecil, addita militum custodia, qui eos custodirent, quoad ipse de illis quæstionem exerceret.

11. « Statuta igitur die, adduci omnes et eoram sisti jubet. Tum ipse prior gravi supercilie considerans, oculisque ac vultu, totoque corporis habitu latenter animi asperitatem ostentans, separari ante omnes illos jubet, atque in duas partes

distribui. Majores et judicio præstantes a reliquis secernebant, quo faciliorer sibi concertationem efficiat. Atque hos quidem prius aggreditur: ita enim expedire sibi existimabat; quoniam cæteros, ut mentis acie inferiores, securuos esse non dubitabat. Illos igitur omnibus machinis adoritur, partim rationibus minisque interjectis, partim blanditiis ad durissimum quemque emolliendum idoneis, partim suppliciis cruciatibusque propositis, si qua tandem via possit a patris paribus abductos in suas pertrahere. Quos ubi nulla ratione manus dare sensit, sed generosis animis omnes ipsius inanes technas eludere: tum secundos conatus admovet, faciles se adversarios nactum ratus, ac nullo negotio expugnabiles. Sie igitur eos alloquitur: Quicunque, inquit, imperatori parere vultis, et cum patriarcha cleroque sentire: transite ad partem dexteram. Quotquot vero animis et sententiis obsequi recusat: ite in sinistram, ut hinc appareat, quinam nobiscum sentiant, et quinam in nos sint contumaces. Malitiose et vafre id agens fraudulentus cavillator, ut qui hac ratione confideret, illos loca commutando, ipsas quoque mentes et consilia mutaturos.

12. « Verum invicti illi nihil his ejus verbis permoti, nec de animi sententia tantillum dimoti, uno ore omnes rerum potentem affali sunt: Nos, imperator, et animos et corpora et omnia deum in patris ac magistri nostri manu et arbitrio ponentes, nihil minimum aut maximum, quod illi non probetur, non modo facere, sed ne animo quidem versare slatuimus. Nunquam vobis talia intentantibus obsequemur, nec geslis vestris suffragabimur; nec quicquam prorsus eorum, quæ per vos innovata sunt, amplectemur, præcipue cum magistrum ipsum a nobis sejunetum viderimus, qui et præsens exilium subire maluit, quam causam prodere et partes vestras sequi. Nobis vero quid accidere gravius possit, quam si canones sacros, quos tanto studio servari conveni, aspernemur, et tam noxiis et periculosis rebus nos dedamus? non per sancta virtutis certamina patrisque præcepla, in quibus educati sumus, non cedemus, veritatem non deseremus, vobis non adhærebimus. Specimen nostri, quo animo ac sensu simus, hæc postulat occasio, quam nos sane minime rejicemus, nec ignavum prorsus aliquid, aut puerile ostendemus, eum germani eorum simus, quorum periculum paulo ante fecisti, germana cum ipsis et facere et sentire omnia parati.

13. « Haec cum illi dixissent, obstupescere animo imperator, illorumque constantiam atque in adversis insuperabiles animos mirari (admiranda siquidem etiam hostibus ipsis virtus est) præserbitum cum imbecilles se nactum arbitratus, primoque impetu prosterundos, fortes contra experiretur et invictos prorsus ac cedere nescientes. Sed quoniam hos omnes palam modo nullctare, præter quod inutile foret, stolidi admodum consilii sciebat esse: satis tunc habuit, arctæ custodie illos addi-

cere, male omnino postea tractaturus, et per otium, non simul omnes, sed seorsum singulos quibus vellit poenis excruciaturnus: quanquam illum conatus suus fecellit, vindicta, inquam (quae Dei sunt iudicia?) illico persequente ». Cum a Barbaris (ut dicitur) occisus est. Sed de his rursus inferius, quando et agemus de iterato congressu imperatoris cum Theodoro.

**44. Epistola Theodori ad Romanum Pontificem et Basiliū monachum.** — Cum autem Theodorus detineretur in exilio, nihil antiquius habuit, quam ad sacram Apostolicam Sedem confugere, eamque in primis de omnibus, quae gesta essent, reddere certiorem. Legationem itaque ad ipsum Leonem Romanum Pontificem misit et litteras per Epiphanium archimandritam: quae eur sicut ceteræ cum aliis Epistolis non reperiantur, in posteriore Epistola ad eundem conscripta ipse declarat; nimis timore ne reperirentur, eas delivisse penitus. Ipse tamen Theodorus post Epiphanium legavit ad eundem Pontificem Eustathium pariter monachum, cui has litteras dedit<sup>1</sup>:

« Sanctissimo et summo patri Patrum Leoni domino meo papæ Apostolico Theodorus minimus presbyter et præpositus Studiensis.

« Quandoquidem Petro magno Christus Deus post claves regni cælorum pastoralis etiam principatus contulit dignitatem: ad Petrum utique, vel ejus successorem quicquid in Ecclesia Catholica per eos innovatur, qui aberrant a veritate, necesse est referri. Quod nos quoque humiles et minimi a sanctis olim Patribus nostris edociti, postquam in Ecclesia nostra novitas quedam nuper exorta est, et prius quidem per religiosissimum archimandritam fratrem et conservum nostrum Epiphanium, et nunc per simplices litteras nostras ad supremæ beatitudinis tuæ angelum de ea re referre nos debere, arbitrati sumus. Factus est, o divinissimum omnium capitum caput, juxta<sup>2</sup> Ieremiam prophetam, cœtus revera prævaricatorum et concilium adulterantium: quod enim ibi propter idolorum fornicationem dictum est, hic per adulterinas copulæ confirmationem patefactum est. Utrique eundem Dominum spreverunt, illi per leges, hi per Evangelii transgressionem.

**45.** « Nec vero satis illi fuit, quod per priorem conventum in ejus qui mæchos copularat receptione, sacrorumque cum eo communione Parasynagogi (ut divinus loquitur Basilius) facti sunt: sed ut hæresis absolute nomen adipiscerentur, in altera publica Synodo eos, qui pravo ipsorum errori non adhæserant, aut universam potius Ecclesiam Catholicam anathemati subjecerunt. Et quotquot bactenus in conspectum venerunt, partim longinquis exiliis multantes, partim carceribus includentes, pristinam usitato hic more persecutionem renovarunt. Causam vero suam improba defensione prætexunt; et justificatio ipsis nefarii

sermonis usurpatio. Adulterini siquidem conjugii conjunctionem dispensationem esse decernunt. In regibus nihil posse divinas leges definitum. Eos, qui pro veritate ac justitia usque ad sanguinem restiterunt, ut præcursorem et Chrysostomum, imitari vetant. Episcopum unumquemque in sacros canones, præfer ea, quæ in illis statuta sint, potestatem habere pronuntiant. Quare si quem forte saecularis initiatum contingat, clam palamive canonum, per quos depositio irrogatur, reum teneri, hunc sola volentis auctoritate depositionis exortem manere. Quorum omnium testis est is, qui variis canonibus aliis obstrictus tenetur, adulteri copulator, una cum ipsis publice ministранs. Testes ii, qui dum iniquitates tanquam dispensationes faciunt in eo ipso tum alios, tum seipso sanctos vocant, et eos, qui illas non admittunt, velut a Deo alienos anathemate feriunt. Testis demum hic nata persecutio.

**46.** « Quid igitur ad hæc, o beate, dicendum est, nisi Apostolicum illud<sup>1</sup>: Nunc Antichristi multi facti sunt, si divinis legibus et canonibus omnes homines subditi non sumus? His ergo a simplicitate nostra sine fuso expositis, vocem nunc illam, quam coryphaeus cum reliquis Apostolis Christo emisit, cum maris fluctus excitarentur, apud Christi imitatricem beatitudinem tuam adhibemus<sup>2</sup>: Salva nos, archipastor Ecclesie, quæ sub celo est, perimus. Imitare magistrum Christum, manumque Ecclesiæ nostræ porrige, sicut ille Petro; nisi quod ille incipienti in mare mergi, tu autem jam mersæ in hæresis profundo. Emulare, precamur, cognominem tibi papam, atque ut ille, pullulante tum hæresi Eutychiana, leoninum in niorem spiritu experrectus est, ut omnes norunt, dogmaticis suis Epistolis: sic et tu (dicere audeo) juxta nomen, quod geris, irragi divinitus, vel potius intona contra præsentem hanc hæresim, ut deceat.

« Si enim isti, arrogata sibi auctoritate, hæreticam Synodum cogere veriti non sunt, qui ne Orthodoxam quidem absque cognitione vestra (ut antiquitus mos obtinet) cogere potuerunt; quanto æquius usque adeo necessarium fuerit (cum timore suggerimus) a divino tuo principatu legitimam Synodum convocari, ut Orthodoxum Ecclesie dogma hæreticum excluderet: et neque suprema dignitas tua cum Orthodoxis omnibus anathemate notetur a novis nugatoribus; neque iniquitatis porro classicum adulterinam hanc Synodum nacti, quibus id placet, in peccatum facile probabantur.

**47.** « Hæc sicut parvitiæ nostræ conveniebat, ut minima Ecclesie membra representantes, et divino pastorali vestro principatui parentes; obsereramus de cetero sanctam animam vestram, ut nos eeu proprias oves reputet, et sacris precibus suis enim illustret atque confirmet: quod si etiam documentis, tuæ id fuerit divinæ benignitatis,

<sup>1</sup> Theod. l. l. Ep. xxxiii. Cod. Colum. — <sup>2</sup> Jerem. ix.

<sup>1</sup> 1. Joan. ii. — <sup>2</sup> Matth. viii.

quemadmodum et Christus ad Abgarum scripsit, et multi etiam de subditis digni habiti sunt, qui ab Apostolis sanctisque acciperent litteras. A me autem solo peccatore et in carcere detento mittitur hæc Epistola, propterea quod pater, Plato scilicet, et conservus meus inclusus, et Thessaloniceæ archiepiscopus germanus noster in aliis insulis pariter custodiuntur. Ipsi nihilominus per me et mecum eadem dicunt, et sacris beatitudinis tuae vestigiis advolvuntur ». Ilueisque Theodorus ad Leonem Romanum Pontificem.

Qui quidem primum superioribus illis ab eodem Theodoro per Epiphanium datis Leo Pontifex acceptis, ad eundem Theodorum litteras reddidit Apostolicas, palerno amore plenas, sicut non extit illæ quidem, sed eas ejusmodi fuisse, reddidæ litteræ ad ipsum a Theodoro<sup>1</sup> declarant, quibus adversus errorem novumque dogma fortissime disputat. Datae vero istæ habentur in primis sancti Platonis nomine et Theodori, quantumlibet illi (ut ipse testatur) essent in carcere ab invicem separati; quod fortasse id accidit, eo quod ad ambos inscriptas ipse Leo eas, quas diximus, litteras dedisset. Magni mounenti rem agunt: siquidem patetacium nefandam obortam hæresim eorumdem, qui errorem mordicus adeo tenentes, defenserent dispensationem (ut aiebant) legitime factam super adulterio: hancque Mœchianorum appellant hæresim: itemque seipso purgant apud eundem Leonem Pontificem, de his quæ accepisset ille, ipsos cum quibusdam hæreticis admiseri. Epistola autem sic se habet<sup>2</sup>:

18. « Æquali angelis beatissimo et Apostolico Patri Leoni papæ Romæ, Plato inclusus et Theodorus presbyter ac præpositus Studiensis.

« Magnum revera nobis humilibus et summi voti opus fuit, quod digni habiti sumus, qui ab Apostolica beatitudine vestra salutationis allocutionem et saerorum ejus, qui a spiritu moventur, sermonum significationem acciperemus per conservum ac filium nostrum Epiphanium; et hæc inclusi licet teneamus ab hæreticis, atque ita ut tabellarium ipsum oculis conspexerimus. Quamobrem lætitia exultavimus, gavisi sumus, Domino gratias egimus, qui divinis illius precibus ea, quæ spem nostram superabant, nobis indignis miro modo largitus est, ita ut propemodum saeram ejus formam per interjectas voces videre nobis videbemur. Verum illa quidem ad Christi exemplum nos humiles affata est et mentes nostras revereavit, imbecillitate corroboravit, languentesque confirmavit, suis nos quasi perungens caput nostrum excedentibus consolatoriis monitoriisque sermonibus, in fide Orthodoxa constanter ad finem usque manere persuadens, quod utinam propitiis ejus precibus ita nobis contingat. Nos vero nihil homunciones recte haberi existimavimus, sicuti antea

per hunc fidissimum tabellarium nostrum, et postea per Eustathium alterum filium nostrum, ita etiam ad eundem consentanea referre.

49. « Synodus, o beatissime, apud nos publica celebrata est, iis etiam, qui magistratus gerunt, una considentibus, et Synodus ad condemnationem Evangelii Christi, cuius tu claves ab ipsomet accepisti per intermedium principem Apostolorum et successores usque ad eum, qui sanctissimum caput tuum antecessit. Et quomodo hæc sustineat Dei imitatrix æquitas tua? Incipiamus enim a lege et Prophetis, et quidem<sup>3</sup>: Non mœchaberis, inquit. Non loqueris falsum testimonium. Non assumes nomen Dei in vanum. Et Jeremias (Proverbia)<sup>4</sup>: Stultus, ait, et insipiens, qui tenet adulteram. Malachias vero<sup>5</sup>: Labia sacerdotis custodient scientiam, et legem requirent ex ore ejus, quia angelus Domini exercituum est. Transeamus ad Evangelium<sup>6</sup>: Quicumque, inquit, dimiserit uxorem et aliam duxerit, mœchatur. Et<sup>7</sup>: Quos Deus coniunxit, homo non separat. Quanta vero sit differentia legis et gratiæ, ex ipsis Domini verbis discimus, qui ait: Et ecce plusquam templum hic. Deinde ex verbis Apostoli, dicentis: Irritam quis faciens legem Moysi sine ulla miseratione, duabus vel tribus testibus, moritur: quanto magis putatis deteriora mereri supplicia, qui Filium Dei coneulcarit, et sanguinem Testamenti pollutum duxerit, et Spiritui gratiæ contumeliam fecerit?

20. « Ilæc igitur cum ila se habeant, isli nefaria lingua Domino reluctantes, legis atque Evangelii solutionem, id est, hujus nuper imperatoris adulterium, qui legitima ejecta mœcham induxit, et hac ipsa majorem iniquitatem, adulterorum scilicet conjunctionem, propter falsum testimonium, quod adversus Deum locuti sunt, ejus nomen in illicta actione inter sacra mysteria usurpantes, vietricesque de Christo coronas adulteris imponentes, in ipsa divinorum munierum participatione, quibus quidem veluti communibus et pollutis contumeliam fecit adulteri copulator, angelum se non Dei omnipotentis, sed principis mundi salanæ reipsa declarans, omnesque una, qui huic transgressioni cooperando, eamque approbando, partem suam cum adultero et adulteri copulatore posuerunt, salutarem Ecclesie Dei dispensationem appellarent; adeo firmam illam et apud Deum ratam, ut eos, qui ipsis non cesserunt, synodice anathematizarint, additis carceribus aliisque suppliiciis, propterea quod fateri nolint, sanctum opus fuisse istiusmodi dispensationem. Audi, cœlum, ait Isaías<sup>8</sup>, et auribus percipe, terra, quæ satanas mœlitus est. Si enim ex Dei voluntate ac nufu cœtus ille, et anathematis pronuntiatio: Dei profecto lex non est, nec Prophetæ, cum quibus et Praecursor, qui adulterum reprehendit, nec Evangelium, contra quod isti suam illam tantopere adamatum dis-

<sup>1</sup> Theod. l. l. Ep. xxxiv. ex Cod. Column. — <sup>2</sup> Ep. xxxiv. ex Cod. Column.

<sup>4</sup> Exod. xx. — <sup>5</sup> Prov. xviii. — <sup>6</sup> Malach. ii. — <sup>7</sup> Matth. xix. — <sup>8</sup> Matth. xii. — <sup>9</sup> Isai. 1.

pensationem fecerunt. Nam si ejusdem esse, aiunt, alterum duorum necesse est, aut mendacem Christum statuent, qui olim quidem in Prophetis loentus est et legem dedit, nunc vero per seipsum in Evangelio: aut veracem, ut certe est ipsa veritas, ipsos vero mentiri et Dei criminatores consequenter ostendi, atque ideo anathematis, quod contra Christum sanctosque protulerunt, reos esse, ut qui adulterium adulterorumque copulationem et adulterorum communionem, Dei ejusque sanctorum dispensationem esse confirmant. Nec est profecto, quod aliter dici queat.

21. « Non enim est personarum acceptio apud Deum, sicut indicant Mœchiani, qui ejus leges omnibus ex aequo positas negant, sed in regibus cessare eas, comminiscuntur. Et ubinam est regum Evangelium? Sed impie illi valde prorsus egerunt, non intelligentes quod Deus personam hominis non accipit, quemadmodum testatur<sup>1</sup> Apostolus, neque quod idem per unum e Prophetis ipsos increpans ait<sup>2</sup>: Vos non servastis vias meas, sed acepistis faciem in lege. Numquid non Deus unus creavit vos? numquid non Pater unus omnium vestrum? Salomon autem his verbis<sup>3</sup>: Audite, reges, et intelligite. Et post alia: Quoniam cum essetis ministri regni altissimi, non recte judicastis, nec custodistis legem, neque secundum voluntatem Dei ambulastis, horrende et cito apparebit vobis, quoniam judicium durissimum in his, qui praesunt, fiet: non enim subtrahet personam cujusquam omnium Dominus. Jam vero quod et totum Evangelium suis illis nelariis ansibus violarint, o sacrum et divinum caput, manifestum est: siquidem peccatum unum sufficit ad evertendam totam legem. Omnia enim mandata mutuo connexa sunt, et sibi cohaerent (sicut ait magnus Basilus) ita ut uno soluto, reliqua etiam solvi necesse sit. Quod quidem ille non ex seipso, sed a Christo dixit in ipso loquente<sup>4</sup>: Qui enim solverit unum de mandatis istis minimis, hic minimus vocabitur in regno celorum. Et beatus Jacobus<sup>5</sup>: Quicumque totam legem servaverit, offendat autem in uno, factus est omnium rens. Solverunt itaque vetus et novum Testamentum, o beate. solutis non minimis, sed maximis quibusque Domini mandatis, legem adversus Evangelicam legem promulgantes miseri, regum voluntatem Deo anteferre cum voluerint. Volunt autem alii alind, et alias aliter, ac proinde eversio fit omnium usque ad Antichristum. Unde merito quæ apud illos a satana dispensatio dicitur, Antichristi praeuersio vocabitur.

22. « De cauorum enim prevaricatione quid attinet Iouki? Cum enim ab Evangelio ipso aversi discesserint: otiosum est de illis curare. Ac Deus quidem per Prophetam sic ait<sup>6</sup>: Dabo clavem domus David super humerum ejus; et aperiet, et non erit qui claudat; et claudet, et non erit qui

aperiat. Inimici autem Dei quæ ille aperuit clauerunt, dum innoxios deposuerunt, ut ipsis quidem visum est, sed non Deo; quæ vero clausit, aperuerunt, eos, qui depositionis prænam divino iudicio meruerunt, honoribus restituentes: atque ut semel dicam, sacris canonibus ad omnia, quæ arrident et placent, tanquam ministris et famulis pro arbitrio semper abusi sunt.

« Hi sunt Mœchianæ haereseos impii et injusti conatus, haec opera; quæ nos, ut minimi filii Ecclesiæ, tibi, primo omnium Apostolico capiti nostro nuntiare, necessario optavimus. Ejus est de cætero, quæ Deo sunt placita, excogitare et facere, Spiritus sancti ductu, a quo ut in aliis sic in hoc quoque regitur et gubernatur. Quin etiam sanctorum, quibus idem zetus fuit, exemplo eo adduci, ut a se dictatas et divinitus exaratas litteras ad nos mittere dignetur, sicut nunc opulenta et meritis nostris majora ejus munera eulogiasque accepimus.

23. « Retulit porro nobis idem frater noster Epiphanius, o divinissime vertex, se expostulationem ejus suscepisse propter Barsanuphium, Esaiam et Dorotheum haereticos; quod eos scilicet pro Catholicis recipiamus. Et valde mirati sumus, si nos humiles, qui pro recta fide patimur, haereticis adhaeremus. Obturetur os omne contra nos Iouiens et calumnias submittens. Orthodoxi sumus, quamvis alioqui peccatores. Neque in hoc ab Apostolica fide ulla tenus discrepamus. Omnem Synodus OEcumenicam et localem approbatam, veritatile congruentem cum sanctis eorum canonibus amplectimur, omnem haeresim et haereticum detestantes atque anathematizantes. Anathema Barsanuphio, Esiae, Dorotheo et Dositheo, quos S. Sophronius anathematizavit. Sed et si quis alias eorum cognominis pariter haereticus, eorum haeresim vel aliam quamlibet sequens, sive episcopus, sive monachus, vel quicunque demum sit. Anathema esto. Si quis item opportune (ut convenit) omnem haereticum non anathematizat, ejusdem sortis esto. Nos enim puri sumus ab omni haeretica opinione sanctissimis precibus tuis, religiosissime.

24. « Denique hoc etiam significamus, tametsi in Epistola, quam per Eustathium fratrem misimus, non significatum sit: nos sacro vertici scripsisse per Epiphanium: nequaquam mentitum fuisse Epiphanium: res enim in hunc modum gesta est. Dederamus illi revera Epistolam. Postea vero imperantium metu eam expunximus. Ipse nihilominus, cum ejus notas teneret, attulit ad sacra illius vestigia, benevole id agens, postquam in existuum acti fueramus, est enim os humilitatis nostræ. Quare sancta anima tua scandalum ne suspectetur in conservo nostro per omnia fidelissimo. Frater vester archiepiscopus Thessalonice suppliebus cordis manibus beatitudinis tuæ salutationem suscepit, et per nos sanctissimum verticem tuum adorabundus salutat ». Haec enim ad Leonem Ro-

<sup>1</sup> Gal. ii. — <sup>2</sup> Malach. ii. — <sup>3</sup> Sapien. vi. — <sup>4</sup> Matth. v. — <sup>5</sup> Jac. ii. — <sup>6</sup> Isai. xxii.

manum Pontificem Theodori cum Plalone litteræ, quas dedit Epiphanio remittens eundem iterum Romam, cui et dedit Epistolam ad Basilium S. Sabæ abbatem, illum nempe, qui ignorans, zelo tamen pietatis, in eundem Theodorum (ut vidimus) dixerat anathema. Verum rei veritate comperta, erga eundem redditus est propensissimus, ut ad eum datae litteræ istæ tum suo, tum in primis Platonis nomine indicant, quæ sic se habent<sup>1</sup>:

25. « Basilio religiosissimo præposito et archimandritæ Romæ Plato humilis inclusus et Theodorus minimus presbyter et præpositus Studiensis.

« Litteras paternæ sanetitatis tuæ non aliter exspectabamus, quam terra sitiens imbrem suum. Et postquam spe nostra frustrati sumus, doluimus ut par erat vehementer. Attamen eum ex Epiphanio dilectissimo et fidelissimo filio nostro causam cognovissemus, quod nimirum coactus id fecisses, non contemptu aliquo nostrum, (qui simplices licet, viriliter tuam nihilominus suminopere observamus) animi dolorem absternimus, summamque letitiam perecepimus. Renuntiavit enim nobis, te eundem esse, qui erga nos semper fuisses affectu et charitate, quin etiam adjecisse potius non parum bonitatis tuæ variis modis. Zeli vero, quem pro pietate geris, quanta vis et constantia sit sanetæ animæ tuæ commemorans, ambas nobis aures implevit. Et benedictus sit Dominus virtutum, qui te in prima omnium civitate collocauit lumen divinitus accensum, verbum vite præferentem bonorum operum abundantia: qui linguam tibi dedit divina fidei Orthodoxæ documenta libere celsoque animo eloquentem. In quo et te obtestamur, opem ferre Ecclesie nostræ, tum tuopte robore, tum apud sanctissimum Apostolicum intercedendo. Etenim virilis vestra pro veritate concertatio, universæ, quæ sub cælo est, Ecclesiæ est firmamentum, et qui a vobis oritur zelus, semper totum orbem solet ad ferventem in Spiritu sancto fidei nostræ confessionem accendere. Quare conjiciat religio tua, quanta vobis occasio fidei retinenda, et quanta laus a Deo cum debitæ præmiis vos maneat illam conservando et profitendo: quam semper conservetis et annuntiare non cesseatis, divinissimi et admirandi Patres nostri.

26. « Præterea autem iterum misimus fratrem et vestigiorum tuorum veneratorem Epiphanium, ut renuntiet ipse de rebus nostris, quemadmodum in sanctis precibus vestris recte habeant omnia, gaudentibus nobis peccatoribus et exultantibus in persecutione et carceribus, ita ut dicere audeamus<sup>2</sup>: Nobis datum est non solum credere in Christum, verum etiam pro ipso pati, ut excitet vos ad enixius orandum et pro imbecillitatis nostræ fortitudine, et pro communī utilitate, pro qua nobis sermo est, et ad vos tertio jam repetita deprecatione, non ut e custodia liberemur, quia hanc non du-

cimus infamiam, sed maximam et supra merita nostra gloriam: sed ut in commune redundet utilitas, tametsi ex infimis simus; semper enim (ut ait Theologus) privatum commodum spernendum est pro utilitate multorum.

27. « Utile autem fuerit (quod unum est consilium nostrum et desiderium) persupremum Apostolicum, sicut ab initio semper faclum est, Synodice damnari eos, qui contra Evangelium Christi cœtum inierunt, et anathemate illius defensores appetierunt; quod adulterium et adulteri conjugium, et adulterii patrocinium mox receperint tanquam dispensationem sanctorum, sicut Mœchiani statuerunt, sanctorum nomen dantes injustis; quoniam nullus sanctorum partem posuit cum adultero, nedum et adulteros coronarit, et divina eis dona tradiderit, quando nec igni, tectove, quamvis reges essent, impertiendos docuerunt. Quid autem quod Deum ipsum contumelia affecerunt coronaariis illis mysteriis, et anathema in eum dixerunt, eos, qui legem ejus propugnabant, anathematizantes? Quod si hæc non fiant, petimus de cætero precum vestrarum robur, charitatis vinculi confirmationem, rescriptorum auctoritatem: quod omnino præstare dignemini, consolando pusillanimes, imbecilles corroborando, sanctissimi et desiderabiles et semper venerandi patres nostri ». Hæc Theodorus una cum Platone ad Basilium, atque hactenus de legatione Romam missa per Epiphanium.

28. *Theodorus per alias litteras pravos sibi opposidores confundit.* — Cæterum etsi vincetus in Domino Theodorus in carcere positus esset, litterarum tamen internuntio ubique praesens erat, hos hortans, illos consolans et roborans, vel docens: tune enim seripsit inter alias Epistolam<sup>1</sup> ad Emprepianum et eos qui eum eo erant, in fide stare monens; et aperiens eundem hæreticorum errores, eos confutat; sed quod eosdem refellit in dicta posteriori Epistola ad Leonem papam, hic eam prætermittimus recitare. Seripsit et tune pariter ad Arsenium<sup>2</sup> Epistolam, qua diluit argumentationes adversariorum, quibus per dispensationem crimen licitum factum affirmarent.

Sed et ad Theophilum præfectum eodem itidem argumento alias<sup>3</sup> litteras dedit, quibus eum cum in unitate persistere cohortatur, objectioni illi respondit, cur ipse Theodorus vocet hos hæreticos, quibuscum haud pridem secreto saltem communi-casset, ista subjiciens: « Quod si querat sanctitas tua, quid causæ sit, cur hec ipsi ante dispersionem non dixerimus, sed et commemorationem ipsi fecerimus in Byzantina civitate? Ille habeto. Synodus eo tempore nondum fuisse, nec promulgatum adhuc erat pravum dogma, et anathema. Et ante hæc tutum non erat discedere penitus a prævaricantibus, sed apertam illorum solum commun-

<sup>1</sup> Theod. l. 1. Ep. xxxvi. Cod. Column. — <sup>2</sup> Ibid. Ep. xxxviii. od. Cod. — <sup>3</sup> Ibid. Ep. xxxix. eod. Cod.

<sup>1</sup> Theod. l. 1. Ep. xxxvi. Cod. Column. — <sup>2</sup> Ibid. Ep. xxxviii. od. Cod. — <sup>3</sup> Ibid. Ep. xxxix. eod. Cod.

nionem refugere, et congruenti dispensatione ad tempus commemorare (patriarchæ et imperatoris nomina scilicet). At postquam in apertum nunc erupit impietas hæretica per Synodum, oportet religionem tuam una cum cæteris Orthodoxis libere agere, nec communicando cum hæreticis, nec ullius nomen commemorando ex iis, qui Mœchosynodo adfuerunt, aut qui cum ea sentiunt». Ad finem autem ejusmodi colophonem apponens, hortatur eum his verbis :

29. « Quamobrem suggero ut minimus frater et filius : Nequaquam sileamus, ne clamor Sodomorum simus; nequaquam terrenis parcamus, ne cælestia amittamus; nequaquam scandalum demus Ecclesiæ Dei, quæ vel tribus Orthodoxis definitur, ea sanctorum sententia, ne Domini sententia condemnetur, qua dixit<sup>1</sup>: Ubi sunt duo vel tres congregati in nomine meo, in medio eorum ego sum. Neque mea causa infelix hæc dico : mihi enim (si dicere fas est) vel pro veritate mori, lucrum, gaudium et vita, si modo sacris precibus vestris confirmer, sed propter veterem inter nos spiritualem dilectionem, et pro communi utilitate. Etenim si Dei Filius ac Dominus noster seipsum obtulit pro omnibus Deo et Patri hostiam, quid debemus nos? Et quantum pro eo pati ac perfere nos æquum est, monachos præsertim et renuntiatione ipsa crucifixos? si modo revera et non incassum renuntiavimus; quandoquidem nou ab externa solum specie dijudicari res debet, cum multi personas sumant, et non sint id quod esse videntur, sed ab operibus ipsis species externa. Si ergo monachi sunt ulli his temporibus, factis ostendant. Monachi autem munus est, ut nec tantillum sinat in Evangelio innovari; nec exemplum laicis præbentes hæreses alique hæreticæ communionis, rationem reddant illorum perditionis ». Ilæc ipse.

30. Verum cum ejusmodi Theodori Epistolæ circumferrentur, quibus Synodi illius errorem jam esse conversum in hæresim, constantissime affirmaret: non ab adversariis tantum, sed ab aliquibus ex iis, qui prius ipsi adhærescere visi erant, contradictum est, inter quos unus Athanasius fuit, ad quem idem Theodorus ea ex causa Epistolam scripsit, hic necessario recitandam, quo omnibus innotescat, quibus niterentur adversarii rationibus ad purgandum perpetratum facinus, quibusve Theodorus et factum vere hæreticum, et eos, qui fecerunt, hæreticos esse demonstret. Aurea quidem ipsa, ut quæ plurimorum confessorum coronas recenseat, et docta disputatione hæresim palam ostendat. Sic enim ipsa se habet<sup>2</sup>:

« Athanasio fratri (filio).

« Magna cum patientia legi litteras tuas, frater charissime, et obstupui ad repentinam mutationem tuam. Mitto priora illa, quod coram cum mecum essem, hæresim esse confessus es Mœchianicam

falsam opinionem: postea etiam cum Pentalogum legisses, quincuplicem eum lucem esse, pronuntiasti. Nunc vero (ut appareat) impugnandam tibi illam sumis: totam orationem tuam pristinæ illius ignorantiae tuæ similem, ac multo etiam magis infestam humilitatis meæ dictis effutiens. Et quidem si verba mea essent, quia obscurus sum, nihil mirum esset: cum vero ex Domini voce, Apostolorumque et Prophetarum, a Patribus etiam Deo plenis demonstratum sit, hæresim esse gravissimam: videat prudentia tua et quisquis alius est, qui tecum sentiat, quo redigendi sitis. Argumenta enim illa, quibus hæreses non esse contenditis, ignoroscite, non ex Domini verbis, neque ex ore sancto depropria sunt, sed (nt cum Propheta loquar<sup>1</sup>) ex terra clamantium, et ex legibus alienis multitudineque omnia humano metu loqui permissa.

31. « Ais enim, amicos omnes ac pios, doctos juxta et indoctos insanire, cum hæresim esse audiunt, hæc contra opposentes: Cum aduersetur nemo, dicatve mœclari et sacrilegos absolvere: quomodo hæreticos illos appellabimus? Transgressores enim mandatorum Domini et conculcatores canonum divinorum et sacrilegos, æquum est appellare eos scilicet, nou autem hæreticos ». Hæc ille; ad que Theodorus: « Qui ergo possimus non obstupescere primum diligentiam vestram, quæ eadem atque illi identem producit in medium, et vera inde responsa refert, quæ pueris ipsis persuadere possint? Deinde rursus eadem velut oblita, quæ prius audivit, profert cum acriore controversia et reprehensione nostra, qui hæresim esse immerito affirmemus? Hoe, inquam, est, in quo demirari nos cogitis. Quod vero ad ipsos adversarios attinet, hoc dico: Quo pacto, quod Synodice promulgarunt, quod confirmarunt sub eorum anathemate, ipsorum, qui dogmati se opponunt, hoc est, ipsorum dispensationi, quod etiamnum quotidie factis ipsis docent, id prædicare et docere se negant? Quam igitur ob causam ego humili inclusus hic teneor? Cur inclusus pater mens Plato ærumnis affectus est, ab aliis segregatus primum, deinde in eum detrusus locum, ubi nunc est?

32. « Cur archiepiscopus Thessaloniciæ, Josephus scilicet ipsorum judicio depositus et in eas angustias redactus, ut cibum certa mensura caperet, ministris imperio adstrictis, tum in palatio inclusus ac nuper etiam in exilium ejectus? Cur reverentia tua cum fratribus custodia tradita Thessaloniciæ, et Theosostus præpositus ex eadem civitate pulsus cum discipulis, et alter ibidem præpositus immodice diverberatus? Cur Naucratius et Arsenius fratres areta custodia hucusque detinentur, parique modo Basilius et Gregorius? Cur Stephanus ille virtutis amans præpositus cum discipulis quinquaginta sex exactus monasterio, eum una cum centum et decem et eum eo, qui episcopus

<sup>1</sup> Matth. xviii. — <sup>2</sup> Theod. l. 1. Ep. XLVIII. ex Cod. Colum.

<sup>1</sup> Isai. xxix.

ante fuerat, Mœchosynodum tanquam Evangelii infractricem anathemate damnasset, sicut missæ ab eo litteræ testantur? Cur Antonius religiosissimus præpositus in custodiā apud Amorium datus, cum eodem quo superior modo Mœchosynodum una cum fratribus suis anathematizasset? Cur Æmilianus frater a Nicomediensi in Thyniam vincetus ductus est, verberibusque et Iudibriis affectus, direpto ab iis qui irruperant monasterio, proinde ac si hostium spolia fuissent? Cur in Chersone persecutionem passus Leo piissimus episcopus, Valelades cognomento, et Antonius reverendus præpositus cum aliis duobus custodia septus? Cur in Lipara insula ultra Siciliam posita fratres noslvi in custodia detenti? Cur Lætoius in Chersone retentus, indeque sub custodia ad imperatorem missus, tum Byzantii iterum in carcerem missus, et alii pariter in monasterio detenti?

33. « Dicam rursus de nobis tribus. Cur ad Agathi nobis illa per spatharium ab imperatore denuntiata? Vos anathematizati eslis, et a Synodo depositi. Cur illa ad S. Mamantem custodia, nobis tribus segregatis? Cur eodem advenerunt iidem spatharius cum tribus, qui ab adversario depositi et excommunicationis nostræ tabulas iterum afferebant, ut audiremus, tametsi aures cludebamus? Cur nos alii alio relegati et conclusi, tum econominus, tum Arsenius fratres: alii ad duodecim ab urbe Constantinopoli millia passuum pulsi, adeo ut quidam in spelunca delitescant, quo nobis ministrarent, laica veste induiti: alii toto die in speluncis lateant, et quia interdiu comparere non audent, noctu inter se concurent? Cur quotquot a militibus inveniri poterant, rapli et in carceres conjecti, deinde ab urbe projecti fuerunt? Atque ut initia ipsa perstringam: cur Studianum (monasterium) a militum manu subito immissa occupatum, ita ut respirare nobis vix licet, et Nicæe et Chrysopolis episcopi eo adventantes, ut adulteri copulatorem susciperemus, velut qui a præcedente patriarcha jussus adulteri copulationem peregisset? Et quoniam, aiebant, sanctus qui jussit sicut Chrysostomus, sancti est dispensatio: quare illum recipite. Cur noctu nos quatuor inde sublati per ducem ac milites atque ad Simeonem, nescio quo nomine appellandum, abducti, et quæ per illum nobis ab imperatore significata, ut mutata sententia, ab instituto desisteremus et dispensationem factam agnosceremus? Cur ad sanctum Sergium iterum inclusi et Simeon eodem iterum profectus eamdem ob causam?

34. « Cur per duces representati nos Synodo numerosæ, in qua et tres maxime dignitates considebant? Cur ego humili contumeliose ibi tractatus, undique obvallatus, illum subinde audiens: Nescis quid nigeris, quid dicas: Cum ego inclinarem: Concidit præcursor, solvitur Evangelium, non est dispensatio. Et ille saepius iteraret, dispensatio est, atque ita sancti dispensarunt et præcedens sanctus patriarcha. En testes quod ille

adulteri copulationem præceperit, quanquam illi non sic eam appellabant: quin frenebant et dentibus stridabant, cum adulteri copulatorem audirent. Cur anathema iis, qui sanctorum dispensationes non admittunt, clara voce denuntiatum, et ego cum patre meo et Calogero a ducali manu e medio exterminati? Archiepiscopus autem drectius atque ob eam solum causam, quod a me rogatus cum Studianis celebrasset, velut communis presbyter, ipsorum sententia depositus: etenim a Christo ipso et sacris canonibus depositum adulteri copulatorem absolverunt, innoxium per omnia pronuntiantes, qui et cum ipsis antea sacrificabat. Eum vero, qui deponi per canones non poterat, depositioni addixerunt, suum illud dictum factis confirmantes, posse episcopos, prout eis visum fuerit, uti canonibus: quod illi quidem perpetuo ita faciunt; nec hoc saltem considerare volentes, si ita res se habeat, posse episcopos, qui deponunt, ab eo quem deponant, ipsosmet deponi, ut impleatur Apostolorum oraculum. Itæ nos vobis, episcopi, constituimus. Vos vero in eis perseverantes salvi eritis et pacem habebitis; non obaudientes autem puniemini, et perpetuum inter vos bellum geretis, abjectæ obedientiae pœnas congruas luentes.

35. « Cur quæ post Synodum gesta sunt? Fratrum per imperatorem discussio, cum diceret, nos quidem depositos, Synodum vero sanctam esse, et a se obsignata: quandoquidem sanctorum dispensatio esset adulterina copulatio, et indemnatus qui eam peregerat, eorumdemque cum admitteret illum nemo, aut singuloru seorsum, aut binorum, ternorumve simul, atque etiam plurium per monasteria et castra inclusio, nonnullorum etiam flagella et crueciatus, cum haec jam ubique terrarum terra marique nota sint, vulgoque jaictata? Quam igitur ob causam haec omnia, ut paucis complectar? Nonne quod adduci non possent ut dicent, aut assentient, dispensationem fuisse Evangelii transgressionem, quam velut salutarem et sanctis parem adversarii vociferabantur, factis et verbis etiamnum in eo consistunt, id loquentes, id agentes ista persecutione? Quoniam igitur pacto dicunt, quod nemine adversante, aut docente, ipsos vocemus haereticos? Phantasia sunt ista, quæ diximus et somnia, an vera? Et quoniam vera sunt, quomodo non ubique docent et prædicant verbis factisque? Aut quomodo vos illis credentes, proptermodum cum ipsis, qui hoc dicunt, statis? Sed et si tacuerimus nos, orbis ipse veritatem testatur, horrendum silentii judicium in vos ipsos attrahentes.

« Quamobrem ego humili cogor non silere, sive scripto, sive sine scripto quoad vires ferunt enim timore ac tremore, cum vita discrimine. Et si quispiam vestrum fortasse non necessario, dicam, et supervacanee me facere existimet. Verum ad rem tandem veniat oratio.

36. « Ais nemine adversante, aut docente mœ-

chari, sacrilegosque absolvere : quo jure illos appellemus haereticos ? Mœchari ergo et sacrilegos absolvere, verbo illi revera non docent : nam nec gentes quæ leges non habent, mœchari docent. Neque nos nude hoc ab illis dici, posuimus, sed quod adulterinam conjunctionem approbantes, et quæ illi annexa sunt, et per eam alias Evangelii transgressiones cum canonum infractionibus, salutarem esse dispensationem, interjecto anathemate, sancientes ; atque hoc ipsum in dies per exilia carceresque quos dixi vindicantes, Evangelium solverint ex sanctorum sententia et virtute, dispensationem in omni prævaricatione fieri adstruunt, immutabilia Dei mandata variantes et mutabilia statuentes. Et qui possint mobilia ac mutabilia non esse, si dispensationem esse, quando violentur, re ac verbo Synodice docent ? Non enim tam impudenter mentientur, ut Synodum a se coactam negent, si adulterinam copulationem facteri nolint, dispensationem sanctis parem appellasse, nec eos, qui illam non recipiunt, excommunicasse. Quod si excommunicasse negant, quorsum illud exclamarunt : lis, qui sanctorum dispensationes non recipiunt, anathema sit. Perspicuum est enim, cum recipere illas aliqui nollent, inde natam esse sanctionem, nisi ebrii simus. Quænam vero de re alia quæstio erat, præterquam de adulteri conjunctione ? propter illam ergo excommunicationem, ut quæ juxta sanctorum dispensationes facta esset : et quidem si earum similis sit, injustæ fuerunt sanctorum dispensationes : at si sancti injusti non sunt (uti verum est) excommunicati illi fuerunt, quod adulterinam copulationem non recipient : quantumvis artificiose id agant, ut quæ perspicua sunt, obscura reddant, sed occultari nequit, quod factum est.

37. « Jam vero quam immutabilia sint mandata Dei, audi Basilium magnum : Fortasse intendere animam meam, vigilantioresque in posterum reddere Dominus voluit, ut homines non attendat, sed per Evangelica mandata perficiatur, que nec temporibus, nec humanarum rerum circumstantiis commutantur, sed eadem permanent, sicut ex beato et minime fallaci ore prodierunt, sic in ævo perseverantia. Contra vero, qui adulterinam conjunctionem, salutarem dispensationem esse dixerunt : quid aliud dicunt, quam mutabilia esse Dei mandata, quæ nunc quidem mutantur, nunc minime mutantur ? Sed immutabiles agant, et non nullis temporibus atque humanis circumstantiis, sicut ipsi de imperatoribus dixerunt, mutantur et ad iniquitatem non imputentur. Rursum autem tantam vim habeant, ut qui ea non suscipiant, hoc est, transgressiones, quæ ut ipsi aiunt, dispensationes sunt sanctorum, anathemate damnentur ab Ecclesia. Ex his ergo conficitur nihil aliud, quam mutabilem et variabilem Deum esse, ut dicto suo similis sit, qui dixit : Et Evangelium indifferens esse ad salutem et perditionem. Num enim in omnibus hominibus et in omni mandati trans-

gressionem dispensatio est, an in quibusdam et in aliqua ? Et quænam sors ista est, ut in quibusdam sit et in aliqua, in aliquibus et in aliquo nequamquam ? A quibusdam ergo, et a quam multis hæc dispensatio ? ab episcopis solis, an etiam a sacerdotibus ? Synodice, an privatim utrumque ? Et si in regibus tantum ? An in adulterio solo, an in qualibet iniquitate ? et quomodo a regibus ecessent Dei mandata ? An omnino quasi finem habeat ejus imperium, quandoquidem nec imperatoris cessat lex, nisi imperator alter succedat ?

38. « Sed et hoc quoque indagandum est, cum dicit Apostolus<sup>1</sup> : Viri, diligite uxores vestras, sicut Christus dilexit Ecclesiam, et semetipsum tradidit pro ea, ut illam sanctificaret, mundans eam lavacro aquæ in verbo, ut exhiberet sibi ipse gloriosam Ecclesiam non habentem maculam, neque rugam, aut quid hujusmodi, sed ut sit sancta et immaculata. Quomodo, quæ nunc quidem adulterium et adulterii conjunctionem admittat, aliis autem mox temporibus similes alias, sine macula et sine ruga persistat, ac non lutulenta potius et sordibus obsita, quod dicere perhorresco ? Decidant hæc nobis novi Evangelistæ. Seipso enim, qui talia recipiunt, Ecclesiam Dei vocant, et eos, qui eadem non probant, Ecclesiæ adversarios decernunt. Sed revera, juxta Prophetam<sup>2</sup> : Stultus fatua loquetur, et cor ejus vana cogitat, ut perficiat iniquitatem, et loquatur ad Deum frauduleter. Pessima ita heresis hæc est. Atque illud beatissimi Apostoli usurpare est hoc loco<sup>3</sup> : Miror quod sie tam eito transferimini ab eo, qui vos vocavit in gratia Christi in aliud Evangelium, quod non est aliud ; nisi sunt aliqui qui vos conturbant et volunt convertere Evangelium Christi ; sed licet nos, aut angelus de cælo evangelizet vobis aliud, præterquam quod evangelizavimus vobis, anathema sit. Præterquam autem evangelizavit nobis non Apostolus, sed Christus ipse, evangelizavit nobis Mœchosynodus adulteri conjunctionem, ex qua adulterium et multimodam ad mœchandum inductiōnem, salutarem esse dispensationem, et hoc illa ubique evangelizat verbis factisque, quamvis callide dissimilet ; ut postquam plurimos deceperit, et illaqueaverit, tum corybanta suum iterum exaltet, a qua miser ego utinam procul fugiam, et fugere vos, ut peccator, oro, licet auscultare mihi nolitis.

39. « En igitur, frater, ex Evangelio et Prophetis, necnon ex Patribus ostendi tibi, si modo fidem habere vis verbis veritatis, Mœchosynodus omnis heresis numeros sine controversia explesse, tametsi pauculum quiddam in medio subtraxit, eo quod adulterinam tantum conjunctionem nominavit, vel potius prædicavit, dispensationem esse in Ecclesia Dei. Nec vero mirere, si vox una heresim pariat, cum Dominum dicentem audias<sup>4</sup> : Iota unum, aut unus apex non præterbit a lege, donec omnia fiant. Et eave dicas, quid opus est, nimis

<sup>1</sup> Ephes. v. — <sup>2</sup> Isa. xxxii. — <sup>3</sup> Gal. i. — <sup>4</sup> Matth. v.

anxie laborare, et per unam dictionem doctas speculationes revocare, atque hoc illudve concludere? ne forte impingas in haeresim Gnosimachorum, de qua hæc auctor<sup>1</sup>: Gnosimachi sunt, qui omni Christianorum agnitioni ac scientiæ ita adversantur, ut vanum et minus necessarium laborem esse dicant eorum, qui in divinis scriptis aliquam exquirunt sententiam; neque enim Deum aliud a Christianis postulare, nisi preclaras et bonas actiones. Itaque aliquem simplici rudique animo institutum suum persecui melius est, ut aiunt, quam omnem curam in cognoscendis decretis atque scientiis ponere. Ad hunc ergo modum Gnosimachi. Doce vero tu, si potes, ex divinis litteris haeresim non esse: et ne mihi multitudinem objicias, nec nocturnos Dei cultores jactes, doctosque quos ait et amicos. Nam si Deum colunt, ubi libertas? Et si docti (neque ego infieor tales esse: multos enim confiteor me imperito doctiores) sed si veritatem tenent, scienter ostendant ex ipsa veritate, atque adeo ab exemplis aptis dico et non alienis, contrariisque veritati, et Apostolicis paternisque canonibus. Et si amici secundum Deum, quomodo haeticorum communioni participant? neque enim sunt tales amici veri et fideles.

40. « Attende itaque, frater, quid sanctus Basilus dicat in eos, qui veritatem metiuntur ex multitudine. Qui deposita quæstione rationem reddere non potest, cui non suppetit demonstratio, ideoque perfugium habet in multitudine: is victimum se facetur, ut qui nullum habeat fiducie adjumentum. Et post alia: Ostendat mihi vel unus pulchritudinem veritatis, et prompta mox erit persuasio. Multitudo autem sine demonstratione auctoritatem sibi vindicans, terrere quidem potest, persuadere non potest. Aut quot hominum myriades mihi persuadeant, ut diem noctem putem, vel ut æreum nummum pro aureo habeam et accipiam? vel certum venenum hauriam pro cibo congruenti? Ergo terrenarum quidem rerum causa multitudinem nihil verebor, si mentiatur; in cœlestibus autem decretis ad nutum sine ulla ratione sequar, ab iis recedens, quæ jam olim magno consensu ex divinorum scriptorum testimonio tradita fuerunt? Non audivimus Dominum dicentem<sup>2</sup>: Multi vocati, pauci vero electi? Et iterum<sup>3</sup>: Angusta et arcta est via, quæ dicit ad vitam, et pauci inveniunt eam.

41. « Quis ergo sanæ mentis non invult ex paucis esse, qui per angustam introeant in salutem, quam ex multis, qui per latam ferantur ad perditionem? aut quis non magis optasset, si tempore illo vixisset, quo beatus Stephanus certamen obiit, in illius parte censeri, qui solus lapidibus petebatur, qui omnium ludibrio expositus erat, quam inter multos illos, qui propter injustam auctoritatem verisimilem causam obtinere videbantur? Pluris est unus Deo placens, quam myriades sese arroganter jactantium, quemadmodum ex veteri

Testamento discimus, cum millia multa e populo cœlesti plaga caderent, et<sup>4</sup> Phinees solus fuerit, Deumque placavit et cessavit percussio. Quod si dixisset ille: Qui ausim ergo adversus ea, quæ tam multi tanto contemptu faciunt? Qui refrager iis, qui sic vivere decreverunt? nec egregium facinus edidisset ipse, nec cessasset malum, nec servi cœteri fuissent. Optimum ergo, optimum vel unum jure audere et injutorum concordiam dissolvere. Tu vero, si videtur, servato Noe submersam multitudinem antepone: mihi vero permitte, ut cum paucis ad arcam convolem. Et rursum si placet, adjunge te multitudini Sodomorum, ego vero cum Loth abibo, quamvis solus turbæ viriliter se subducatur. Enimvero mihi etiam reverenda multitudo non inquisitionem fugiens, sed demonstrationem præbens; non amare ulciscens, sed paternæ castigans; non novitate gaudens, sed paternam retinens hæreditatem. Quamnam vero multitudinem mihi prædictas blanditiis et muneribus conductam? imperitia et ignorantia captam? metu et terrore prostratam? quæ brevem peccati usuram æternæ vitæ prætulit? quod multi aperte confessi sunt. Multitudine mendacium defendis? hiuc mali vim declarasti: quo enim plures malum tangit, tanto major est calamitas. De his ergo in hunc modum. Cœteras autem propositiones tuas persecui supervacaneum fore, charissime, tum quia Epistole modum excedunt, tum quia recto sensu dicta accipientibus obvia erunt quæ dicuntur ». Hucusque ad Athanasium Theodorus.

42. *Theodori scriptum adversus Mœchianos.* — At non hic finis certaminis: quoniam haeresim stabilire conantes, rursum aliis argumentis eumdem Theodorum appetiunt, iisdemque ex divina Scriptura petitis. Siquidem cum, ut dictum est, plurimos Theodorus haberet contradictores etiam extra numerum eorum, qui Mœchosynodo interfuerunt, iidem potissimum innitebantur argumento ab exemplis petito, ostendentes nimis sanctissimos Patres, ab Apostolo Paulo incipientes, qui ex dispensatione Timotheum circumcidit, dispensatione aliquando usos esse. Ad horum vero destruenda omnia argumenta, idem ipse Theodorus volumen de dispensatione universali conscripsit, cuius meminit in Epistola ad Naucratium, in qua et plura disseruit de iisdem. Aggressus est autem Theodorus eumdem librum scribere hortatu fratri sui Josephi archiepiscopi Thessalonicae adversus Mœchianos, qui scuto illo dispensationis divina humanaque jura violarent, vel ab aliis violari eo falso prætextu paterentur. Nam audi quæ ipse ad eumdem archiepiscopum germanum suum scripserit in ejus ferme exordio, ubi meminit de quaternionibus suasu sancti Platonis cognoscendis ad eum missis<sup>2</sup>: « Belle autem, inquit, accedit, quod quaterniones inspexisti: occasionem enim præbuit commonitio, seu potius jussio tua, ut

<sup>1</sup> Damas. de haeres. — <sup>2</sup> Matth. xx. — <sup>3</sup> Matth. vii.

<sup>4</sup> Num. xxv. — <sup>2</sup> Theod. l. 1. Ep. XLIII. ex Cod. Colum.

hujusce propositionis refutationem aggrederer : quam hortatu patris nostri in quaternionibus illis misi sanctitati tue, nullam meam propriam in toto opere sententiam texens, quoniam nee lege justius, nee canone rectius quicquam esse potest. Sed divinorum tantummodo Patrum, quamvis inepte documenta et praecepta proferens atque connectens, prout opposite propositionis ratio postulabat. Ac nisi lectionem laboris metu refugias, erit, ni fallor, operaे pretium ». Haec ipse.

43. Porro Theodorus hoc tempore ceteris eminentior doctrina in Oriente fulgebat, ut Orthodoxi omnes ejus Ecclesiae cum quid dubitationis in facultatibus theologicis habere contingeret, ad eum tanquam ad oraculum solerent recurrere. Ipse tamen summa animi demissione prædictus nihil sibi tribuens, sed cuncta patri sancto Platoni accepta ferens, intra septa sanctæ humilitatis procul ab omni arrogancia atque fastu se liberum custodivit. Nam accipe quæ de his scribat ad Stephanum lectorem, qui eum doctrina nomine plurimum suis litteris celebrasset. Sic enim exorditur<sup>1</sup> : « Accepi litteras Deum æmulantis charitatis tuæ inscriptione quidem tanquam ab uno, sententia vero tanquam a diversis missas. Seu igitur ab uno, seu a pluribus de Deo interrogatus, quoad imperitia mea potest, congruentissimum responsum dabo. Primum ergo quibus me celeberrima lingua tua exornavit : ab his ego laudibus longe remotus sum, cum peccator sim, et vitam agam minime laudabilem. Si quid vero in me est, Dei donum est, ejus, qui spiritu me genuit, patris precibus tributum. etc. »

Quam bene consuluit Deus sua providentia his temporibus perditissimis Ecclesiae Orientali, cum malorum episcoporum et pessimorum imperatorum conatu, universum ferme Evangelium et reliqua divina Scriptura in maximum discrimen adducerentur; dum quod divina esset lege prohibatum, id per dispensationem posse fieri asserebatur : quod et carnis populus avide amplectetur, qui jam exemplo Constantini contra canones et Ecclesiæ morem veterem inconcessa tentaret, ut idem Theodorus testatur in Epistola ad<sup>2</sup> Naueratum : sicque populus sponte etiam ad deteriora disflueret quovis praetextu, ipsi aditu a malis sacerdotibus patefacto. Quamobrem, nisi tuba Theodori intonuissest tanto illato vulnere Evangelio, totus pene Oriens corruisset. Sed ejus clangore factum, ut quamplurimi ad resistendum novæ haeresi sese pararint ad præclium.

44. *Quanta pertulerint Theodorus et socii ab iisdem Mœchianis.* — Sed non prætereanus dicere de aliis confessoribus hoc persecutionis tempore eadem ex causa coronatis, de quibus idem Theodorus in aliis duabus sequentibus ad Naueratum datis Epistolis scribit : in prioris enim exordio,

tanquam panegyri quadam laudibus ornat Philipum atque Phitonem, qui in persecutione obierant, inter sanctos confessores ob eam rem merito connuinerandos. Rursus vero in alia ad eundem Naueratum scripta ista leguntur<sup>1</sup>, cum agit in primis de pseudoarchiepiscopo Thessalonicensi, qui Josephi fratris Theodori sedem invaserat :

« Tria haec in me effecerunt litteræ tuæ, sibi desiderate : simul enim obstupui, admiratus sum, et cantavi. Primum propter impios, alterum propter pios, tertium propter Deum, qui corroborat eos, qui in ejus lege innituntur. At de sacro quidem Athanasio (qui antea visus est lapsus pedibus), ejusque sociis desideratissimis, ac de fortissimo item meo Theososto, et de septemdecim ejus strenuis comitibus, cum satis dictum sit in meis ad illos Epistolis, omittendum est hoc loco, quamvis longiore digni sint oratione ac laudibus, qui divinitus ac forliter declararunt. Venio ad colophonem.

45. « Quis unquam adeo iniqua et absurdâ Christianus audivit, ut gesta sunt a nefariis Mœchianis, nomine episcopis, re autem sacrilegis ex Apostolico et Patrum testimonio, etiamsi haeresim excipias ? Hominem verberans quis unquam sic cecidit ? non Christianum dico manum, sed etiam barbaricam. Bis centum sexaginta sex verberum, ac non multo post, bis ducentis boiarum ictibus in humeros inflictis, uti generosus archiepiscopus, seu potius Alfotri episcopus, id est, alienæ sedis insessor episcopus Thessalonicae, neque gregarium quemquam, sed monachum, eumque præpositum, et quidem religiosissimum, Euthymium, securi relique animi revera nomini respondentem. Expavit cælum hoc spectaculo, et ego miser audiens inhorri, et mecum opinor omnes, quibus aliquis sensus est humanitatis et misericordiae. Quem ad Christi exemplum componi oportebat, et percussum non reperire; is immanior teris extitit, nullum Christiani vestigium retinens, nedum episcopi. Et quamobrem haec dilaniatio ? Ut Christi athletam eo impellat, ut ipsum commemoret tanquam episcopum. Sed o forte atque invictum animum beati ! sic enim loqui æquum est, quia post tot plagas, tantamque profusi sacri sanguinis copiam, ut tingerentur adstantium vestigia, et in limum quodammodo concreseret purpureus ille pulvis, ad ædificationem Ecclesie Dei, cum sic jaceret pene exanimis et elinguvis, instarentque tortores, ut commemoraret tyrannum dixerim, non archiepiscopum : Minime, ait beatus. Eo modo ad mortem propemodum perseveraus, immobili animo fixoque in iis, quæ recte semel decreverat.

46. « Pene omiseram quod in primis observandum. Temptum ipsum Dei prætorium factum fuisse Pilaticum. Ibi enim, hoc est, in sacra quam vocant Archangeli ade verberatum martyrem

<sup>1</sup> Theod. Ep. LIII. ex Cod. Column. — <sup>2</sup> Theod. Ep. L. ex Cod. Column.

<sup>1</sup> Theod. l. l. Ep. II. Cod. Column.

tuisse aīs, quem implacabiles quidem carnifices semimortuum reliquerunt. Christi vero imitator quidam in domum suam eum recepit, impositaque ad defluentis crux laceræque carnis plagas recens jugulati agni pellicula, virum refocillavit, viribusque paulatim confirmatis, clam emisit, evocante mandato. Ita evasit qui jam mortuus erat, et mirabiliter revixit ad Orthodoxæ fidei decus triumphumque de hæreticis. Quid his impium magis esse possit? Quis Orthodoxus in hæreticum talia unquam exercuit? » Et paulo post de ipso, ad quem scribit, Naufragio, ista subiectit:

« Tu vero, fili charissime, tametsi alibi custodiris, ut indicas, gande, quia plures tibi corona texuntur. Et quanquam Leontius, discipulus olim, nunc negator, illis præsit locis, in quibus inclusus teneris, nihil mirere: hoc enim tempus est longanimitatis Dei, ut cognoscantur electi, et<sup>1</sup> regnet filius Tabeel in Bethlehem, etc. »

Cum in hunc modum pseudoepiscopus Thessalonicensis, dirissimus persecutor, tam crudelia atque deformia ageret adversus sanctissimos monachos, qui ejus communionem aversarentur, illamque Ecclesiam, cœu lupus gregem ovium vastans, mirum in modum pessimum daret: qui vere pastor erat et pater legitimusque archiepiscopus Thessalonicae Josephus ab hæreticis Moehianis in Synodo Moehiana depositus, his auditis magnopere crueiabatur, de hisque iterum scripsit ad ipsum germanum suum S. Theodorum: quibus ille acceptis consolatorias reddidit ad eum litteras, quae sic se habent<sup>2</sup>:

47. « Et prior Epistola fraternæ ac paternæ tue sanctitatis, tametsi brevis numero syllabarum, abundabat tamen allegorici sensus copia, et posterior omni scientia atque humilitate, unicum habens reprehendendum, indignas infelices laudes meas. Ego vero non per antiphrasim, absit, sed vere prorsus elucere te his temporibus nostris in archiepiscopal dignitate, sanctorum Patrum exemplo dixi. Nec aberrem, si columnam et firmamentum Ecclesie te vocem, mi frater optime. Quisquis enim pro veritate decertat et patitur, columnam ejus est et fastigium ». Et post multa, cum agit de quaternionibus, scriptis adversus emergentem hæresim jussu S. Platonis, missis ad ipsum, aliaque de pace adjicit, subiectit ista: « De civitate autem tua, columnam accendi pietatis, quam obscurare nullus unquam possit. Neque est, quod ægre feras; quin lætare potius, ut et nos in dissipatione humili monasterii mei; quia propter Christum haec dissolutio. Neque ob eam causam, quod tamen multi steterint, qui genua non curvaverunt, magna laus est; sed et quamvis unicus esset: melior siquidem unus Domini faciens voluntatem, quam deceam millia prævaricantium. Nec vero ipse causa es illorum dispersionis, licet id garriant nonnulli, sed ego infelix. Erit autem

nobis, si perferas, utriusque rei communio, tantumque ipse mercedem capies in divina fratrum dispersione, quantam ego nanciscar in reliquis legis divinae apud Thessalonicanam ». Et paulo post: « Scito accusatum fuisse Theosostum, quod ab eo non partiparet qui sedem tuam saerilege invasit, eundemque strenue monasterio suo pulsum fuisse, etc. » Extat vero et ad eundem Josephum germanum snum alia ejusdem Theodori<sup>1</sup> Epistola de eadem per Moehianos persecutione excitata. Omittimus eam brevitatis causa.

48. Sed quid ipse Theodorus? Furore illo primo persecutionis effervescentis nonnihil sedato, factum est, ut iidem ipsi, qui eum fuerant persecuti, in honore haberent, et veneratione etiam prosequerentur, ipseque Nicephorus patriarcha eum mitteret salutatum; et alii rursus aliis officiis ipsum demerere satagerent. Est de his ejusdem leotori significatio in dicta Epistola ad Josephum Thessalonicensem archiepiscopum, in qua haec leguntur ad finem<sup>2</sup>: « Carceris mei auctor cum exiisset, attulit mihi patriarchæ salutationem. Ignoscet tibi Deus, inquit, hic habere te volebamus ad auxilium nostrum: abiisti, et isthic consedisti. Invideo tibi. Quod cum audissem, risi. Neque enim opus erat respondere me usque ad illa verba. Tum ego: Si invidet, inquam, execat et ipse. Relaxavit porro custodiam invitans ad refocillationem. Attulit enim et Simeonis salutationem, et quod imperatori dicere velit, me in carcere laborare. Et a Leontio humilem salutationem: Passus sum, ait, necessitatem: non separet me Deus a sermone tuo. Et ego: Haec ego, inquam, ab illo non requiro ». Haec Theodorus de iis, qui persecutionem moverunt, quique cum adversariis communicantes penitentia ducti, atque Theodori virtute convicti sunt. Ista tamen Theodorus usque ad biennium passus, ad obitum scilicet Nicephori imperatoris. At satis jam que ex ejus Epistolis ad rerum gestarum notitiam usque ad necem ipsius imperatoris, historia epistolari quam fidelissime sunt collecta, nunquam hactenus Latinis visa, quibus præsens Annalium tomus magnopere decoretur.

49. *Nicephori imperatoris servitia et tyrannicæ exactiones.* — Quæ præterea spectant ad ejusdem Nicephori imperatoris adversus universum populum tyramidem, Theophanes ista habet:

« Anno octavo imperii sui Nicephorus post multas iniarias animadversiones, militias prorsus humiliare tractans, Christianos exiles ex omni themate in Selavinias ferri jussit, horum autem substantias venundari. Erat autem haec res captitatem non minor, multis ex amentia blasphemantibus, et inimicorum cursus poscentibus, aliis nihilominus circa sepultra parentalia lamentantibus, et defunctos beatos asseverantibus. Fuerunt autem et qui suspendio usi sunt ». Et paulo inferius, nu-

<sup>1</sup> Isai. vii. — <sup>2</sup> Theod. l. i. Ep. xxxiii. Cod. Column. — <sup>2</sup> Ibid. Ep. xlvi. Cod. Column

<sup>1</sup> Theod. l. i. Ep. xxxiii. Cod. Column. — <sup>2</sup> Ibid. Ep. xlvi. Cod. Column

merans reliquias illatas ab eodem calamitates, sic pergit : « Hæc quidem inchoata sunt a Septembri mense, porro circa Pascha finita sunt.

« Secundam vero hanc afflictionem commovens, militare precepit egenos, et armari adversus compatriotas, conferre nihilominus etiam decem et octo ac dimidium numisma per singulos fisco, una cum omni proximitate ad tributa publica.

« Tertiam malignitatem inferens, perpendere jussit et augeri horum tribula et praestare Cariacitorum (Cariaticorum) causa siliquas binas.

« Et ad quartam nequitiam, reliquos redditus omnes augmentari præcepit.

50. « Quinta vero afflictione illata venerabilibus domorum inquilinis, orphanotrophii scilicet, ac hospitalium, gerocomiorum, Ecclesiarum quoque ac monasteriorum regularium per singulos focos census exigi a primo tyrannidis ejus anno præcepit. Et quæ meliora erant in rebus, in regiam curatram deferri jubebat.

« Sextam commovens afflictionem, a prætoribus insipi jubet eos, qui ex paupertate repente ditati essent, et ab his pecunias exigi, quasi ab inventoribus thesaurorum.

« Septimam quoque adinveniens, eos qui ante viginti annos et usque ad hunc invenerant dolium, aut vas quodecumque, omnibus propriis jussit privari pecuniis.

« Octavam, eos, qui ex avis vel patribus haereditaverunt, et divisa substantia pauperes facti fuerunt : ex iisdem annis viginti siclos arario publico jubebat præbere. Et eos, qui emerant extra Abydum corpora servilia, bina numismata in tributum dare præcepit, maxime eos, qui in Dodecaniso erant.

« Nonam, naucleros, qui maritima inhababant, et maxime eos terreno labore minoris Asiae viventes, emere de rebus, quæ ab illo rapiebantur, cogebat, utcumque appretiarentur ab ipso.

« Decimam, insignibus Constantinopoleos naucleris collectis, dedit in usuram quatuor siliquarum numismata, cum auri duodecim librarum persolverent, simul et consueta commercia.

51. « Hæc ex multis summatim pauca descripta sunt, significantia multimodum ad omnem speciem ejus molimen. Quæ enim in regia urbe primoribus, medioeribus et exiguis ostensa sunt mala, nequeunt scribi. Alios quidem, eo investigante, qualiter domi viverent, ac submittente quosdam malignorum servorum derogandi dominis ; in primordiisque quasi dubitante super his, quæ dicebantur, deinde vero affirmante calumnias. Idipsum et super ignobilibus gerebat, dignos (indignos) eos honoribus judicans. Præterea domorum multas habitatorum a prima in tertiam generationem subvertebat, spe fretus, ut quanto celerier, tanto has ipse haereditate citius possessurus esset. Dignum autem est, ut et hoc causa voluptatis et paradigmatis memoriae commendemus. Cerularius quidam erat in foro, ex

laboribus suis locuples et nihil agens ; quo accersito, omnium vorax imperator ait : Pone manum tuam in vertice meo, et jura quantum tibi sit auri. Qui parum, tanquam indignus, recusans, coactus est ab eo hoc facere : et centum se fibras dixit habere : quas eadem hora auferri præcepit, dicens : Tu quid opus habes sollicitari ? prande mecum, et tolle libras decem, et his vade contentus ». Hucusque Theophanes de iniquissimi imperatoris rebus gestis.

52. *Concilium Aquisgranense de processione Spiritus sancti : ubi multa de Symbolo.* — Quod ad res pertinet Occidentales, produnt Annales veteres Francorum, celebratum fuisse hoc anno Concilium Aquisgranense occasione motæ quæstionis de processione Spiritus sancti, de quo Annales sub Caroli filio Ludovico conscripti haec habent : « His ita gestis, imperator de Arduena Aquisgranum reversus, mense Novembri Concilium habuit de processione Spiritus sancti. Quam quæstionem Joannes quidam monachus Hierosolymis primo concitat. Cujus definiendæ causa Bernarius (Beranius) episcopus Wormatiensis (Wangiomi), atque Jesse episcopus (Jesse episcop. Wormatiæ), et Adehardus abbas monasterii Corbeiae Romam ad Leonem papam missi sunt. Agitatum est etiam in eodem Concilio de statu Ecclesiarum et conversatione eorum, qui in eis Deo servire dicuntur : nec aliquid tamen in eis definitum est, propter rerum, ut videbatur, magnitudinem ». Hæc Annales, eadem et alii omnes.

53. Hic monendum esse putamus lectorum, non de his dubitatum vel tractatum, num Spiritus sanctus a Patre Filioque procederet ; sed quod tum apud Hispanos (ut vidimus et suo loco pluribus diximus) tum apud Gallos addite fuerunt Symbolo quatuor illæ syllabæ, FILIOQUE : num id bene factum esset, ut et ita auctum Symbolum in Ecclesia caneretur. Acceperant enim licentiam a Leone ipso Romano Pontifice Franei, ut liceret eis Nicenum Symbolum, sive dixerimus Constantinopolitanum, in Ecclesia canere. Sed cum ipsi illud canerent cum eo additamento : inde oborta est controversia, num licite illis appositis syllabis, legitime in Ecclesia cani posset ; cum alioqui de ipsa processione Spiritus sancti, disputari minime debuit, neque in controversiam adduei, cum sancti Leonis Magni auctoritate constaret (ut a nobis suo loco dictum est) recte dici Spiritum sanctum a Patre Filioque procedere. Quid autem actum sit Romæ a legatis a Synodo missis, vetera nos docent Ecclesiastica monumenta ex Zmaragdi ad Carolum Epistola, in qua ipsa Acta <sup>1</sup> inseruntur hac inscriptione notata :

« Ratio, quæ habita est de Symbolo fidei in secretario B. Petri Apostoli inter D. Leonem sanctissimum et coevangelicum papam Urbis Romæ,

<sup>1</sup> Accepimus a Duæo Frontone Societ. Jesu, habuimus etiam ex script. Cod. Antonii Augustini.

et Bernarium atque Jesse episcopos, seu Adelhardum abbatem missos D. Caroli imperatoris per Indictionem secundam.

54. « Lectis a prædictis missis per ordinem testimoniis, atque a domino Apostolico diligentissime auditis, ait: Ha sentio, ita teneo, ita cum his auctoribus et sacræ Scripturæ auctoritatibus. Si quis aliter de hac re sentire, vel docere voluerit, defendo: et nisi conversus fuerit, et secundum hunc sensum tenere voluerit, contraria sentientem funditus abjicio. His dictis, novi quod nonnulla colloquendo potius quam disputando præcesserunt. Quorum series sensuum, seu verborum nisi tantum quod inde fuit, non satis memoriae occurrit. Cumque eadem collatio ad hoc usque procederet, ut jam magis certa disputatio, quam ut supra collocutio habenda esset: et si non eadem fuit proprietas sermonum, in quantum recordari vallo, iste tamen fuit cursus sensuum et summa conclusio novissimarum definitionum.

55. « Missi: Quia vero, ut dicitis, ita certissimum credendum est, credendo immutabiliter tendendum, tenendo vero sicubi necesse fuerit, constantissime defendendum est: numquid non id nescientes docendum, scientibus autem, ut id attentius teneamus, confirmandum est? PAPA: Ita est. Missi: Si ita est, si quis hoc nescierit, vel ita non crediderit: num salvus esse poterit? PAPA: Quisquis ad hoc sensu subtiliori pertingere potest, et id scire, audita sciens credere noluerit, salvus esse non poterit. Sunt enim multa, e quibus istud unum est, saeræ fidei altiora mysteria, subtilioraque sacramenta, ad quorum indagationem pertinere multi valent: multi vero aut ætatis quantitate, aut intelligentiae qualitate præpediti, non valent: et ideo (ut prædiximus) qui potuerit, et noluerit, salvus esse non poterit.

« Missi: Si ergo ita est, imo quia ita est, quod non credere non licet, et non facendo docere licet: cur non licet cantare, vel cantando docere? PAPA: Licet, inquam, licet docendo cantare, et cantando docere. Sed illicite in prohibitis, nec scribendo, nec cantando licet inserere. Missi: Quia ergo utrisque notum est, quod ideo a vobis, ut id Symbolum cantando, vel scribendo inseratur, illicitum ducatur, vel dicatur: quia illi qui idem Symbolum condiderunt, non indiderunt, ut cæteræ sequentes principales Synodi, Chalcedonensis scilicet quarta, Constantinopolitana quoque quinta, et sexta, et novum ultra Symbolum a quoquam qualibet necessitate, seu salvandi homines, devotione condere, et in veteribus tollendo, addendo, mutandoque quicquam inserere prohibuerunt, non est ibi diutius immorandum. Sed hoc quero. Hoc ut dicatur, rogo: quia id credere bonum est: bonum hodie sicut ad credendum, ita ad cantandum esse, si tunc ab eis insertum fuisset. PAPA: Bonum certe et valde bonum, utpote tam fidei sacramentum magnum, quod non licet non credere, quisquis ad hoc valet pertingere.

56. « Missi: Numquid non bene idem tum auctores fecissent, si quatuor tantum addendo syllabas, tam pernecessarium fidei sacramentum cunctis deinceps sæculis perspicuum redderetur? PAPA: Sicut non audeo dicere, non bene fecisse, si fecissent, quia proculdubio sicut cætera, quæ vel omiserunt scientes utique, et non tam humana, quam divina illuminati sapientia fecerunt: ita quoque non audeo dicere, istud eos nobis minus intellexisse, perpendisse, cur dimiserunt, vel cur dimisso, ne ultra mitteretur, sicut et cætera prohibuere. Tu et tu videte quid sentiatis de vobis. Nam ut ego me illis non dico præferam, sed etiam illud absit mihi, ut coæquare præsumam. Missi: Absit etiam, pater, Deo nostro protegente, illud a nobis, ut nos quicquam horum cogitemus, vel dicamus, vel superbia inflati, vel in divinis rebus humanæ laudis cupidine provocati, ac si nosmet illis non tantum præferre, verum etiam coæquare præsumamus: sed tantum secundum hujus temporis qualitatem, imbecillitatem fratrum nostrorum charitate compatientes, illud quærimus, in eo laboramus, ut quia finis mundi appropinquat, in quo, sicut prædicta sunt, tempora periculosa: etiam ideo inter cætera maxime fratribus nostris prodesse valeamus. Quo ergo fideles in Domino in sacramento fidei reddere studeamus; et idecirco quia præfatum Symbolum a quibusdam ita cantari reperimus, et quod id Ecclesiastice congruere fidei, sicut sentimus, utique cognovimus, atque per hoc et nunc jam plurimos doctos et sine fine usque in finem sæculi de tanto mysterio, si ita teneatur, instruendos esse cognovimus, qui nequaquam instruerentur, nisi cantaretur: melius nobis visum fuit, cantando tantos instruere, quam tacendo indoctos relinquere. Si enim sciret paternitas tua, quanta sunt hodie millia id scientium, quia cantatur, qui nunquam seituri essent, nisi cantaretur: fortasse nobiscum teneres, et id tuo etiam consensu, ut cantaretur, acquiesceres.

57. « PAPA: Interim assentio: verumtamen, queso, responde mihi: Num universa hujusmodi fidei mystica sacramenta, quæ Symbolo non continentur; sine quibus quisque, qui ad hoc perlingere potest, Catholicus esse non potest, Symbolis inserenda et propter compendium minus intelligentium, ut euique libuerit, addenda sunt? Missi: Nequaquam, quia non æque omnia necessaria sunt. PAPA: Et si non omnia, certe plurima sunt his similia, quæ nisi a capientibus credantur, Catholici esse non possunt. Missi: Dabisne aliquid, non dico sublimius, sed saltem huic simile Symbolo deesse? PAPA: Nempe dabo, et abundanter dabo. Missi: Da primo unum, et si necesse fuerit, adde allerum.

« PAPA: Quia amica agitur contentione, quod agitur, et pro utrarumque partium quæritur salute, quod quæritur (atque utinam quoties aliquid hujusmodi in majoribus, seu in minoribus Ecclesiasticis, vel Catholicis utilitatibus quæritur, ita

per omnia pacifice sine perversa intentione (contentione) quæreretur) ne quid forte de tam reverendis mysteriis temere loquamur, detur considerandi locus : et dabimus quicquid de his dederit Dominus.

58. « Et nocturna dilatione congrua data, ait PAPA : Numquid magis salutare est credere, periculorum non credere Spiritum sanctum a Filio sicut a Patre procedere, quam Filium sapientiam, Deum a sapientia Deo, veritatem Deum a veritate Deo genitum esse; et tamen utrumque unam sapientiam, unam veritatem, essentialiter Deum esse; cum tamen constat, id a sanctis Patribus eidem Symbolo inditum non esse ? Si ergo haec duo, sicuti sapientes decet, in tam familiari disputatione ad hoc valent, ut nobiscum sentiatis et cognoscatis, tot priores Catholicos Patres, qui hoc unde agitur, vel Symbolis non inseruerunt, vel inserere, quemadmodum cætera (ut supra dictum est) prohibuerent : non præsenti ignorantia, non futura negligenti providentia pretermissee : et pretermisso ne mitteretur prohibuisse, a coacervandis testimoniis libentissime quiescimus. Sciendum vero, non solum secundum essentiam divinitatis, verum etiam secundum mysterium Dominicæ Incarnationis tanta, Deo auctore, et ex eorumdem Patrum auctoritate, damus et talia, quanta non solum sapientibus satisfacere, sed etiam stultos valent opprimere. Missi : Non, inquam, necesse est in eo laborare, an nesciamus quod scimus, quia quicquid exinde cæteri scriunt, nos Deo auctore scimus, aut scire possumus, si non scimus.

59. « PAPA : Hoc est, inquit, quod miramur, qui sine protectuoso labore potestis quiescere, laboratis ne quiescatis. Missi : Non ideo laboramus, ne quiescamus; sed ne propter inertiam pii laboris præmium amittamus, et salva diligentiore inquisitione, declinataque pertinaci contentione, adhuc majus aestimamus lucrum, quod per hoc in corde quærensum acquiritur, quam detrimentum in eo fieri, illorum qui addiderunt, ac si per contumaciam contemptores paternarum constitutionum existarent. Aliud est enim per arrogantiam transiliendo bona contemnere, aliud bona per benevolentiam meliora efficere. PAPA : Istud quoque etsi in quibusdam ut agatur, bonum est : non tamen ideo ubique agendum est. Qua de re multa id ita esse probantia addi poterant testimonia ; sed res per se admixta patet, quanto melius sit, ut quisque quodlibet bonum ita ut est, utile reddere studeat ; aut si forte idipsum bonum melius efficere mititur, hoc primo caveat, hoc magnopere perpendicular, ne et se ultra quam debuit, temerarium præsumendo, et illud, quod per se salubre erat, reddat noxiuum corrumpendo. Nisi quis forte asserere velit, de præsenti unde agitur, vel similibus capitulis, quæ sine periculo loco suo docere heet, et discere, ut ordo docendi licitus dimittatur, et ibi deserantur, ubi nunquam deinceps docens, aut discens innocens, sed semper sane in transgressio-

nis criminis merito culpabilis uterque judicetur. Quod te fortasse, si non deditur audire, non immitto tangit ; qui hie quod hactenus in Ecclesia Dei, et sibi quisque sapiens scire, et sine cogitatione delicti insipiente potuit docere, jam deinceps non dico, stultus discere : sed nec ipse sapiens sine prevaricatione possit cantare, cantandove, ut vultis, quemquam docere ; et dum multis alio, quam debetis, tramite prodesse eligitis, nullum in hac duntaxat parte dimittitis, cui si vos seculus fuerit, non noceatis. Nam de eo, quod supra docuistis, non tæque judicandus, vel habendus sit ille, qui late aliquid devote fructum querendo ageret ; illo qui hoc contumaci jussione præsumeret. Hæc defensio, vel si dici licet, tergiversatio, non huc respicit, non istud intendit : quia non idem Patres discernendo vel decreverunt, nec sanxerunt ; ut ipsum benevolus præsumeret, non malevolus, sed tantummodo nullus.

60. « Missi : Numquid non a te idipsum Symbolum est data in Ecclesia cantandi licentia? Numquid a nobis hue usus ille cantandi processit? Hinc etenim illuc, mos idem cantandi non a nobis hue advenit : et quomodo illum usque hodie cantamus? PAPA : Ego licentiam dedi cantandi, non autem cantando quipiam addendi, minuendi, seu mutandi, et ut expressius aliquid, quia vos cogitis, loquar : quandiu vobis in hoc satis fuit, quomodo in hujusmodi cantando, vel celebrando sacrosanctis mysteriis, sancta Romana tenet Ecclesia : nequaquam aut nobis in talibus laborare, aut aliis laborandi occasionem necesse fuit ingerere ; quod vero asseritis, ideo vos ita cantare, quoniam alios in istis partibus, vobis priores audistis cantasse : quid ad nos? Nos enim idipsum non cantamus, sed legimus, et legendu docere, nec tamen legendu, aut docendo addere quipiam eidem Symbolo inserendo præsumimus. Quæ vero prædictis Symbolis fidei tantum non congruentia deesse cognoscimus, non (ut saepe dictum est) inserere præsumimus, sed locis, temporibusve opportunis, quibus competit, ministrare curavimus. Missi : Ergo, ut video, illud a vestra paternitate decernitur, ut primo illud, de quo quæstio agitur, de saepe fato Symbolo tollatur, et tunc denum a quolibet licite ac libere sive cantando, sive tradendo discatur et doceatur. PAPA : Ita proculdubio a nostra parte decernitur : ita quoque ut a vestra assentiatur, a nobis omnimodis suadetur. Missi : Quanquam ergo (ut supra ipse dixisti) pro ambarum partium queritur salute, quod quæritur : sublatis his, quæ vultis, bonum est, ut idem Symbolum cantetur. PAPA : Bonum sane. Quod tamen, non imperando, sed ut prius permittendo dicimus. Quia illud, sicuti tunc, ita et nunc, si sincere agatur, utile indigentibus esse posse, non ignoramus.

61. « Missi : Quia vero (ut dicitis, et verum dicitis) bonum est cantare idipsum Symbolum ; numquid enim, si sermo plenus recta fide et medio tollatur, idem sermo ab omnibus ac si contra fidem

sit, condemnabitur? Quale ergo dabis consilium, ne idipsum ad aliquod transeat exitium? PAPA: Si priusquam ita cantaretur, interrogatus essem: ne insereretur utique respondissem. At nunc (quod tamen non alfirmando, sed vobiscum pariter tractando dico) quantum menti occurrit, ita mihi videtur posse utrumque fieri: ut paulatim in palatio (quia in nostra sancta Ecclesia non cantatur) cantandi consuetudo ejusdem Symboli intermitatur: sive fiat, ut quod idipsum, ut cantaretur non quilibet imperantis auctoritas, sed potius audiendi id fecerat novitas. Si dimittatur a vobis, dimittetur ab omnibus: et ita fortasse quantum esse potest, non incongrue utramque fieri possit, ut quod jam nunc a quibusque prius nescientibus recte creditur, credatur; et tamen illicita cantandi consuetudo sine eujusque fidei læsione tollatur». Haec enim habent Acta.

62. Post haec autem Leo papa cestos antiquitatis, ab eis præsumptæ absque consensu Apostolicæ Sedis licentia vinclæ assurgens, non solum verbis disserendo et præcipiendo quid vellet fieri patetfecit, sed indelebile monumentum erigendum putavit, quo posteris innotesceret, in sacro Symbolo esse nihil addendum. Siquidem in Basilica sancti Petri (non autem Pauli, ut alius asseruit<sup>1</sup>) duas tabulas argenteas, ad Confessionem ejusdem S. Petri affigendas curavit, in quarum altera Symbolum latine scriptum legeretur, in altera vero græce exaratum absque aliquo quatuor illarum syllabarum additamento FILIOQUE; sed illud in suo pristino candore voluit integrum permanere. Est mentio harum tabularum apud Anastasium in ipso Leone, dum agens de Basilicæ S. Petri collatis donis, haec ait, postquam de ornamentis oblatis eidem Ecclesiæ nonnulla premisit: « Hic vero, inquit, pro amore et cautela Orthodoxæ fidei fecit ubi supra scutos argenteos duos, scriptos utrosque Symbolo, unum quidem litteris græcis, et aliud latinis, sedentes dextera, lævaque super ingressum corporis, pensantes argenti libras nonagiuta quatuor et uncias sex ». Haec ibi.

63. Quando autem, et qua occasione illa verba FILIOQUE itidem auctoritate Romani Pontificis in Symbolum in Romana Ecclesia sint recepta, alia poscente causa, suo loco dicturi sumus, ac quando pariter cœptum sit idem Symbolum in eadem Ecclesia cani, par erit suo loco tractatio. Walfridus Strabo<sup>2</sup> temporis hujus scriptor tradit, usum hunc cantandi Symbolum a tempore damnatae Felicianæ heres in Gallia atque Germania frequentatum; atque ea ratione factum, ut Constantinopolitanum potius quam Nicenum in Ecclesia caneretur, quod scilicet Constantinopolitanum aptius videretur modulis musicis. Sed eur non potius, quod hoc plenius sit, utpote quod de Spiritus sancti divinitate habeat magis expressam sententiam? Sed de Symbolo satis.

64. De Ludgeri Monasteriensis episcopi obitu et sanctitate. — Moritur hoc eodem anno septimo kal. April. S. Ludgerus Monasteriensis episcopus egregia sanctitate conspicuus. Cujus res gestas et miracula post obitum descripserunt monachi Werdenenses omni sinceritate, extant ipsa jam cusa. Porro dies natalis ejus in Ecclesiastica monumenta relatus anniversarie in Ecclesia Catholica recolitur, atque colitur. Tradunt iudicem scripta ab eo opuscula quædam, et inter alia res gestas a S. Bonifacio episcopo Moguntino et martyre, neenon vitam SS. Gregorii et Alberici.

Quæ autem intercesserunt inter ipsum et Carolum Magnum imperatorem ultimo loco, ante obitum, ab eisdem ita memoria digna narrantur: « Carolus imperator eum ad se pro quadam Reipublicæ utilitate evocari fecit. Qui cum secundum præceptum ejus venisset, et juxta palatum mansionem accepisset: primo statim mane, misso ad eum rex cubiculario, ipsum ad se venire præcepit. Ea ipse hora persolvendis ex more cursibus (consuetis scilicet recitandis precibus), cum suis insisterebat. Cumque his expletis, se venturum nuntio respondisset, et hoc regi ille retulisset, secunda quoque vice et tertia ad eum accersendum misit. Sed ille divinum servitium cunctis aliis rebus anteponendum esse non ignorans, omnino venire distulit, donec cœptam psalmodiam consummareret. Qua finita, in conspectum regis cum venisset, cur ad imperium suum venire contempsisset, interrogavit. Ad haec ille vultu intrepido, mente constantiori: Ego imperator, inquit, tuum semper præceptum ita in omnibus exsequendum putavi, ut tamen Deum tibi ubique præferendum non dubitarem, quem omnibus anteponendum esse, omnes norunt, omnes fatentur. Hoc et ipse mihi præcepisti, quando pastoralis curæ sollicitudinem mihi commendabas, ut Deo primum serviendum scirem, post haec tuis consequenter imperiis cognoscerem esse obtemperandum. Hanc tui mandati auctoritatem, hanc justissimæ discretionis regulam secutus, Deum tibi et cunctis in terra mortaliibus præponendum non ambigo: nec tutum esse credidi, quod huic iussioni et perspicacissimæ rationi contrarium esset. Ideo non regiae potestatis in honorationem et contemptum, ut malevoli criminantur, sed potius propter tuam salutem, qua Deo debitum exsolvere curavi, et ita consequenter ad tuum expeditior servitium veni. Hanc ejus responsionem rex optimus amplexus: Gralias, inquit, habeo, episcopæ, quia qualem te esse credidi semper, talem nunc te esse expertus sum. Nam aliqui quidem fuerint, qui hoc tuum factum aliter interpretandum, et ad meam injuriam retorquendum putarunt, sed utpote sanctitatis tue invidos, minus deinceps gratos habebo, et nullius de cætero contra te accusationem auditurum me, Deo volente, promitto. Tu, ut hactenus fecisti, Dei semper operare voluntatem, et simul nobis devotus et fidelis pro nostri imperii statu orare memento, etc. » At de his satis.

<sup>1</sup> Mag. Sentent. l. 1. dist. xi. — <sup>2</sup> Walfrid. Strab. de reb. Eccles. c. 22.

Anno periodi Graco-Romanæ 6302. — Anno Aera Hispan. 817. — Anno Hegira 194, inchoato die 15 Octob., Fer. 7. — Jesu Christi 809.  
— Leonis III papæ 13. — Caroli imp. 10. Nicephori imp. 8.

**1. Synodus Constantinop. adversus S. monachos habita.** — A num. 1 ad 49. Sanctus Nicephorus patriarcha Constantinop. postquam sancto Tarasio successit, Synodum Byzantii congregavit: « Et per dispensationem, Josephum presbyterum et œconomum Magnæ Ecclesiae Constantinopolitanæ, quem defunctus Tarasius propter conciliatas incestas nuptias Constantini imp. filii Irenes deposuerat, in presbyterum recepit », ut legitur in libello Synodico Synodum Constantinop. anno DCCXCV indictam exhibente. Alia Synodus in eadem urbe hoc anno celebrata adversus sanctos Theodorum, Platonem aliasque, qui ob restitutum Josephum a communione Nicephori patriarchæ sese segregabant. De qua pluribus agit Baronius, et quæ crudelia atque deformia adversus sanctos monachos gesta sint, fuse ac solide enarrat. Theodorus porro aliquique sancti monachi ab imperatore in exilium missi, mense Januario, Indictione secunda, ut anno superiori ex Theophane diximus, quo ideo mense Synodus ista habita.

**2. Nicephorus imp. cum suis subditis tyrannie agit.** — Ad num. 49 et seq. Theophanes anno Incarnat. secundum Alex. BECCI, qui kalendis Septemb. currentis Christi anni inchoatur, scribit: « Hoc anno Nicephorus, datis in publicum veterioræ et a Deo penitus alienæ suæ mentis per calliditates et astutias tot indicis, militares copias affligere ac deprimere meditatus, milites Christianos ex unoquoque themate patriam deserere, et facultatibus divenditis in Selaviniam transmigrare edito promulgare sanxit, etc. Et hæc quidem a Septembri sumpserunt initium, et ad sanctum Pascha ad finem perducta sunt ». Enumerat postea Theophanes tyrannicas Nicephori imp. exactiones, quas summatur ex eo indicat Baronius hoc anno.

**3. Concilium Aquisgranense de processione Spiritus sancti.** — A num. 53 ad 64. Eginhardus in Annal. de Concilio Aquisgranensi hoc anno celebrato hæc habet: « Imperator de Arduenna Aquisgrani reversus, mense Novembrio Concilium habuit de processione Spiritus sancti: quam quæstionem Joannes quidam monachus Hierosolymis primo commovit. Cujus definitiæ causa Bernharius episcopus Wormaciensis et Alahardus abbas

monasterii Corbeiæ, Romam ad Leonem papam missi sunt. Agitatum est etiam in eodem Concilio de statu Ecclesiarum et conversatione eorum, qui in eis Deo servire dicuntur: nec aliquid tamen definitum est, propter rerum (ut videbatur) magnitudinem ». Idem habent reliqui annalistæ ac Ado in Chronico, qui tamen loco Bernharius episcopi Wormaciensis mendose habet, episcopi Cormarcensis. Certum enim hoc tempore Bernharium episcopatum Wormaciensem gessisse; ut hoc anno num. 8 et seqq. demonstrat Cointius, ubi et refellit Sirmondum, qui tom. II Concil. Gall. duobus illis legatis adnumerandum censet Jessen Ambianensem episcopum, quod Sirmondus ait constare ex Actis ipsius legationis, hoc est, ex collatione cum papa Romæ a legatis habita et ex Vita Caroli Magni, in qua tamen fatetur, ibi depravatum nomen illius Ambianensis episcopi legi, et intelligit Vitam Caroli M. a monacho Egolismensi scriptam, quæ etiam Baronio num. 52 imposuit. Nam a quo alio id acceperit Baronius, non reperio. Verum in illis nulla fit mentio Ambianensis episcopi, sed in sola duntaxat inscriptione, qua Jesse episcopus cum Bernario episcopo et Adelardo abbate memoratur, ut videre est apud Baronium qui illam recitat. Hæc verba inscriptionis: « Ratio quæ habita est de Symbolo fidei, in secretario B. Petri Apostoli, inter D. Leonem sanctissimum et coevangelicum papam Urbis Romæ, et Bernharium atque Jesse episcopos, seu Adelhardum abbatem missos D. Caroli imperatoris per Indictionem secundam ». Nomen enim Jesse in ea inscriptione ab imperito quopiam positum esse, ut sæpe fit, patet primo ex initio Pontificiarum litterarum ad Riculfum archiepiscopum Moguntiacensem, quas Sirmondus prædictis legationis Actis subjecit. Hoc earumdem litterarum exordium: « Leo episcopus servus servorum Dei reverentissimo et sanctissimo Richulfo episcopo. Cum ad limina beatorum principum Apostolorum Bernharius venerabilis episcopus una cum Adalhardo religioso abbatem missi filii nostri domni Caroli serenissimi imperatoris conjunxissent ». Patet secundo, inscriptionem illam additamentum esse cuiuspiam scioli, quia Indictio secunda cum mense Augusto hoc anno absoluta est, et annalistæ

omnes testantur, Aquisgranensem Synodum mense Novembri congregalam fuisse, ideoque currente Indictione tercia.

*4. E Synodo duo legati ad Leonem III missi.*  
— Per Bernharium Wormaciensem episcopum et Adelhardum abbatem Corbeiensem Synodi Aquisgranensis legatos, Carolus imp. Leoni papæ litteras dedit ab Holstenio primum publicatas, quibus hic præfixus est titulus: « Epistola Caroli imp. ad Leonem III papam Urbis Romæ directa, a Zmaragdo edita ». In Supplemento vero Conciliorum a Lalando collecto huic Epistole hæc inscriptio præfigitur: « Epistola Caroli Magni imp. ad Leonem III papam Urbis Romæ directa, a Zmaragdo abbatte sancti Michaelis in dioecesi Virdunensi edita de processione Spiritus sancti », quam inscriptionem probat Mabillonius tom. II Vet. Analect. in Notis ad Chronicon monasterii sancti Michaelis in pago Virdunensi. Et litteræ ita exordiuntur: « Quæstio quæ de Spiritus sancti processione est nuper exorta, jamdudum est diligentissime a sanctis Patribus ventilata. Sed quia jamdiu a quarentibus neglecta jacebat; non quievit quasi antiquitus ventilata, sed quasi quædam his temporibus nobis subito emersit occulta; quod divinitus spiratum fideliter credens non dubito. Crebris etenim quæstionum ictibus præsens Ecclesia tunditur, ut doctrinis Catholicis eruditæ, sanæque fidei confessionibus elimata, in æternum quandoque hæreditate filiorum percepta vivere cum Domino valeat feliciter regnatura. Sed quia, ut præfatus sum, hæc quæstio diu a quarentibus indiscussa jacebat, voluit omnipotens Deus in eamdem suscitare corda pastorum, ut negligentiae torpore sublatæ exercitationis sanctæ brachio cœlesti valeant perfodere thesaurum. Sermonis etenim Dominici sarculo sæpius divinarum Scripturarum pastores debent proscindere campum, ne zizania satoris iniqui semenque malignum formosi tritici valeat opprimere fructum: aut volans passim volueris hæretica semen Catholicum a cordibus rapiat parvolorum: horridaque spinarum emersio Domini nitidam possit suffocare segetem. Lectionis etenim sacræ cognitio imbecillis baculum, nervosis arma ministrat, hostium subdolas fortiter premit insidias, et victoribus æternas feliciter promittit coronas. Ergo procul a pastoribus negligentiae torpor abseedat; procul a mentis acumine inertia damnsa recedat, mollisque lascivia corporis membra relinquat, et altus sopor mollisque somnus in rigidas lucrosasque lectionis emergat excubias, ut Ecclesiæ ager opimus doctorumque semine satus, valeat centenos Omnipotenti reddere fructus. Jam nunc aggrediar de Spiritus sancti processione »; quam pluribus postea Scripturæ sacræ locis egregie probat.

*5. In ea Synodo actum non est de additamento ad Symbolum.* — Baronius existimat « non dubitatum vel tractatum in Aquisgranensi Concilio, num Spiritus sanctus a Patre Filioque procederet, sed quod tum apud Hispanos, tum apud

Gallos additæ fuerunt Symbolo quatuor illæ syllabæ, FILIOQUE; num id bene factum esset, ut et ita actuum Symbolum in Ecclesia caneretur ». Verum Cointius laudatus recte arbitratur, motam esse quæstionem de ipsa Spiritus sancti processione, utrum scilicet Spiritus sanctus a Patre tantum, a na Patre Filioque procedat. Quotquot enim scriptores antiqui Aquisgranensis Concilii mentionem faciunt, id manifestissime asserunt. Ado, qui uberiorem sermonem quam ceteri de hac Synodo fecit, ait: « De processione Spiritus sancti quæstio agitur, utrum sicut procedit a Patre, ita procedat a Filio ». Monachus Egolismensis in Vita Caroli M. Concilium scribit habitum *de Spiritu sancto procedente a Patre et Filio*. Annualæ Loiselianus, Fuldensis, Bertinianus, ac Metensis, Eginhardus in Annal. neconon incertus auctor in Vita Caroli Concilium testantur, celebratum *de processione Spiritus sancti*: nec ullus ex illis verbum facit de prædicto Symboli additamento in Ecclesia, vel canendo vel non canendo. Secundo, quæstionem Joannes quidam monachus Hierosolymis primo commovit, ut scribunt annualæ Loiselianus, Fuldensis, Bertinianus, ac Metensis, neconon incertus auctor et monachus Egolismensis in Vita Caroli; nec ab his dissentient Eginhardus in Annal. et Ado. Ille enim ait: *Questionem Joannes quidam monachus Hierosolymis primo concitavit; hic vero: Hanc quæstionem Joannes monachus Hierosolymis moverat.* Quare quæstio, de qua in Aquisgranensi Concilio tractatum, primum Hierosolymis exorta. Quis autem sibi persuadeat, a Græcis disputatum, an in Symbolo cantandum esset illud additamentum FILIOQUE, quod ipsi non recipiebant. Tertio, *Carolus imp.* in suis post Aquisgraneum Synodum ad Leonem papam litteris, licet bene prolixis, quarum mox initium retulimus, nullum verbum habet de Symbolo vel canendo vel non canendo, sed totus est in congregandis auctoritatibus ex utroque Testamento, et ex authentieis Patrum scriptis, ut quamplurimis testimonio ostendat de Spiritu sancto, quod non a Patre tantum, sed a Patre et Filio procedit. Ergo in Aquisgranensi Concilio, ut ait Ado citatus, agitala quæstio de processione Spiritus sancti, *utrum sicut procedit a Patre, ita procedat a Filio*.

*6. Quod probatur ex Theodulpho episc. Aurelianensi.* — Denique Theodulphus Aurelianensis episcopus hisce temporibus, cum quæstio de processione Spiritus sancti cœpit agitari, libellum de ea materia jussu Caroli conscripsit. In suo opusculo collegit sententias antiquorum Patrum, qui Spiritum sanctum a Patre Filioque procedere scripserunt. Ilorum indiculus ita texitur: Athanasius, Cyrillus, Igitur, Ambrosius, Didymus, Augustinus, Fulgentius, Hormisdas, Leo, Gregorius, Isidorus, Prosper, Virgilius Afer, Proclus, Agnellus, Cassiodorus, Prudentius. Opusenum ipsum consule eum Notis Sirmioni, qui Vigilium Thapsensem in Africa, Agnellum Ravennatem in Italia, episcopos

agnoscit, et abjudicat Athanasio libros tū de Trinitate, qui citantur a Theodulpho, et latino tūtum sermone inter Athanasii opera circunferuntur. Theodulpho in sua lucubratione mens eadem ac Carolo in litteris ad Leonem papam jam memoratis. Uterque varia profert testimonia, quibus asserit Spiritum sanctum a Patre et Filio procedere. Theodulphus enim quid intendat in metrika operis ad eundem Carolum Praefatione sic exponit :

Imperii vestri, rex inelyte, jussa secutus,  
Detero Tueudalpus hac documenta libens.  
Quis Patre seu Nato procedere spiritus alius  
Adstruitur, legis hoc rebonte tuba.  
Hoc Evangē iūn, hoc prout Apostolis auctor,  
Hoc canit uerum vox pia Patrum.

Et paulo post quoniam tempore hæc quæstio moveri cœperit, ita declarat :

Inlyta sanctorum mecum est sententia valui,  
Quos bene spiramen flaminis hujus agit.  
Tuque manum iujicies, vegetat quem Spiritus ille  
Causa tuo cujus tempore cœpit agi.

**7. Additamentum ad Symbolum Leoni III non probatum.** — Agitata igitur in Aquisgranensi Concilio hæc quæstio, utrum Spiritus sanctus sicut procedit a Patre, ita procedat a Filio, illiusque quæstionis definiendæ causa directi Romani *Bernarius Wormaciensis* episcopus et *Adalhardus Corbeiensis* abbas, quorum colloquio cum Romano Pontifice, quam integrum Baronius num. 54 et seqq. recitat in annum sequentem rejici debet; cum Concilium Aquisgranense mense Novembri coaelum fuerit. Finis disputationis hic fuit. Symbolum cum additamento, *Filioque*, quod ei Romana Ecclesia nondum inseruerat, a Francis decantari moleste ferebat Leo; tamen id deinceps fieri non prohibuit absolute, sed rogavit hanc in palatio sive in regia capella consuetudinem intermitti, ratus fore, ut moreni palati lubenter emnis postea sequeretur Francia. Ipse autem, ut antiquitatis tenacissimum se præberet, et ne Græcos alienaret, in Basilica sancti Petri duas tabulas argenteas ad confessionem ejusdem sancti Petri altigendas prudenter curavit, in quarum altera Symbolum græce scriptum, in altera latine exaratum legeretur, utrobique sine hoc additamento, *Filioque* (1). Meminit illarum tabularum Anastasius, cuius verba Baronius num. 62 refert. Perperam tamen scribit Cointius citatus indicare Palres Concilii Arelatensis, post quinquennium celebrati, additamentum illud, *Filioque*, constanter a Francis in Symbolo retentum fuisse, quia hanc de Spiritus sancti processione confessionem ediderunt: « Spiritum vero sanctum nec creatum, nec genitum, sed procedentem ex Patre et Filio protinetur » : ait præterea illud eis a Chodove M. tem-

poribus traditum. Al si hoc ullimum verum esset in Actis Collationis tacitum non fuisset, et primum ad rem non facit, cum quæstio tantum esset, an illud additamentum in missa cantandum.

**8. Moritur S. Ludgerus episc. Monasteriensis.** — Ad num. 63 et seq. Altfridus sedis Minigardefordensis, seu, ut hodie loquimur, Monasteriensis tertius episcopus in Vita sancti Liudgeri episcopi ejusdem sedis primi, quam Bollandus ad diem xxvi Martii et dein Mabillonius sacer. iv Benedict. parl. 1 recitarunt, hujus sancti antistitis mortalem his verbis narrat : « Defunctus est anno Dominicæ Incarnationis octingentesimo nono, septimo kalendas Aprilis : et trigesimo secundo die sancti sui obitus, hoc est, VII kalendas Maii, mirifice fragrans in loco praefato sepultus est », id est, ut antea dixerat Altfridus, « in loco ubi vivus ipse decreverat ». Ejus Vitam post Altfridum, quem Baronius non vidit, retractavit monachus anonymous Werthinensis, quædam subinde admisceens nonnullum ab Altfridi narratione discrepantia. Tertiam Vilam ex eodem monacho Werthinensi typis vulgavit Surius in prima sui operis editione, cuius loco tertii editores Collectionis Surianæ substituerunt Vitam ab eodem monacho Werthinensi scriptam. « Erat sanctus Ludgerus in Scripturis sacris non mediocriter eruditus, sicut in libro ab eo composito de Vita venerabilium ejus doctorum, Gregorii scilicet et Albreici, aperte testatur; sed et primordia sancti Bonifacii adventus atque ordinationis, quæ fuerunt in alio opusculo pretermissa, pulchro sermone ipse conscripsit », inquit Altfridus. Libellum illum publicavit Mabillonius loco laudato. In eo Ludgerus plura de sancti Gregorii presbyteri et Ultrajectine Ecclesie rectoris Vita scripsit, et non pauca de sanctis Albrico et Bonifacio commemoravit. Eadem Ludgero perperam adscribitur Epistola de canonizatione sancti Suiberti, passim recitata a Baronio, qui non animadverterat eam esse spuriam ac supposititiam, quod suis locis ostendimus.

**9. Classis Constantinopolitana a Francis in fugam versa.** — Eginhardus in Anual. hoc anno scribit : « Classis Constantinopoli missa, primo ad Dalmatiam, deinde Venetiam appulsa est. Cumque ibi hyemarel, pars ejus Comaclum insulam accessit : commissoque prælio contra præsidium, quod in ea dispositum erat, victa atque fugata in Venetiam recessit. Dux autem, qui classi praeerat, nomine Paulus, cum de pace inter Francos et Græcos constituenda, quasi sibi hoc esset injunctum, apud Pippinum Italiæ regem agere moliretur, Willhabrenus et Beatus Venetiæ ducibus, omnes conatus ejus impeditibus, atque ipsi etiam insidias parantibus, cognita illorum fraude discessit ». Quæ verba exscripsere Regino in Chronico, et annalistæ Bertinianus ac Metensis. Loiselianus tamen eadem

(1) An Leo papa additamentum illud *Filioque* Symbolo factum improbarerit, non dispoto; illud tameu constat, Leonem ipsum confessionem fidei ordinasse, quam ad omnes Orientales Ecclesias transmisit, in qua legitur : *Spiritus Sanctus plenus Deus a Patre et Filio procedens*, Vide Baluzianu Miscellan. VII, qui et Epistolam monachorum Jerosolymitanorum ad eundem Pontificem recitat, in qua monachi illi certiore ipsum reddunt de lite hac Hierosolymis priuio motu a Joanne monacho monasterii S. Sabæ.

verba ad annum superiorem recitat, et scriptores Veneti decus victoriae ad Paulum trahere conantur, reclamantibus licet veteribus auctoribus.

40. *Acta in Hispania inter Christianos et Saracenos.* — Pergit Eginhardus : « At in Occiduis partibus, dominus Ludovicus rex cum exercitu Hispaniam ingressus, Dertosam civitatem in ripa Iberi fluminis sitam obsedit : consumptoque in oppugnatione illius aliquanto tempore, postquam eam tam citq capi non posse vidit, dimissa obsidione, cum incolumi exercitu in Aquitaniam se recepit ». Quid autem hoc anno acciderit in ea Marca Hispanicæ parte, quæ Oscae et Cæsaraugustæ apposita est, id est, in Subrabii et Aragoniæ tractu, postea ibidem explicat Eginhardus : « Aureolus comes, qui in confinio Hispaniæ atque Galliæ trans Pyrenæum contra Oscam et Cæsaraugustam residuebat, defunctus est; et Amaroz præfectorus Cæsaraugustæ locum ejus invasit, et in castellis illius præsidia disposuit; missaque ad imperatorem legatione, se cum omnibus ejus obsequio traditurum promisit ». Eadem habet monachus Egolismensis in Vita Caroli, qui addit Aureolum illum ortum fuisse e genere Felicis Aureoli comitis Petragoriensis, sed pro *confinio commercium* habet, quæ dictio illa ætate idem erat ac confinium ac limes, ut ostendit Ducangius in voce *commercium*. Moliatur Amaroz defectionem a rege Cordubensi, et exemplo Ibnalaribi ditionem Cæsaraugustanam et Oscensem sub fide Francorum retinere cupiebat. Quid autem is propterea egerit, anno sequenti dicemus. Ex his corruunt quæ habet Marca lib. 3 Marcæ Hisp. cap. 48, tam de anno captæ Dertosæ quam de atiis ad præcedentes expeditiones Hispanicas pertinentibus.

41. *Corsica a Mauris direpta et Germania bello agitata.* — Subdit Eginhardus : « In Tuscia Populonium, civitas maritima, a Græcis qui Orobite vocantur, deprædata est. Mauri quoque de Hispania Corsicam ingressi, in ipso sancto Paschali sabbato civitatem quandam diripuerunt, et præter episcopum et paucos senes atque infirmos, nihil in ea reliquerunt. Interea Godefridus rex Danorum per negotiatores quosdam mandavit », se audisse

quod imperator ei fuisse iratus, eo quod in Abodritos anno superiore duxit exercitum, et suas ultus est injurias : *addens*, velle se purgare ab eo quod objiciebatur : fœderis ruptionem ab illis fuisse inchoatam prius quam a se bellum. *Petebat etiam*, ut conventus comitum imperatoris atque suorum juxta terminos regni sui ad Albim fieret : in quo res invicem gestæ proferri, et emendatione digna inter partes enumerari (vel emendari) possent. « Non abnuit imperator, colloquiumque trans Albim habitum cum primoribus Danorum in loco qui dicitur *Badenfriot*, multisque hinc inde prolati atque enumeratis rebus, negotio penitus infecto discessum est. Trasco vero dux Abodritorum, postquam filium suum postulanti Godefrido obsidem dederat, collecta popularium manu, et auxilio a Saxonibus accepto, vicinos suos Wiltzos aggressus, agros eorum ferro et igni vastat : regressusque domum cum ingenti præda, accepto iterum a Saxonibus validiori auxilio Smeldingorum maximam civitatem expugnat : atque his successibus, omnes qui ab eo defecerant, ad suam societatem redire coegit. Imperator autem, cum ei multa de jactantia et superbia regis Danorum nuntiarentur, statuit trans Albim fluvium civitatem ædificare, Francorumque in ea ponere præsidium. Cumque ad hoc per Galliam atque Germaniam homines congregasset, armisque ac caeteris ad usum necessariis rebus instructos, per Frisiam ad locum destinatum pergere jussisset, Trasco dux Abodritorum in emporio *Reric*, ab hominibus Godfridi per dolum interfactus est. Sed imperator postquam locum civitati construendæ fuerat exploratus, Egbertum comitem huic negotio exsequendo præficiens, Albim trajicere, et locum jussit occupare. Est autem locus super ripam Sturiæ fluminis vocabulo Eselsfelth : et occupatus est ab Egberto et comitibus Saxonis, circa idus Martias (anni scilicet sequentis) et muniri cœptus ». Populonium civitas erat Pontificiæ ditionis ex donatione Carolina. Civitas a Mauris capta alia non potest esse quam *Mariana vel Nebium*, quæ temporibus Caroli Magni solæ erant episcopales in Corsica.

## LEONIS III ANNUS 15. — CHRISTI 810.

**1. Nicophori imperatoris impietas et crudelitas.**  
 — Sequitur Redemptoris annus octingentesimus decimus, Indictione tertia inchoala, quo Nicophorus imp. persecutionem in monachos damnantes hæresim Mœchianorum prosequens, in alios etiam convertit tyrannidem, de qua Theophanes, qui præsens ista spectabat, postquam diras et recens adinventas exactiones recensuit, hæc ait: « Denique militares principes more servorum uti episcopis et inferioris ordinis clericis jussit. Adituris episcopia et monasteria tributum imposuit persolvendum. Aurea et argentea Ecclesiae vasa improbabat, eademque licet sacrata pro communibus habebat, illud Judæ de unguento exhibito Domino usurpans<sup>1</sup>: Ut quid perditio ista? » Ait idem Theophanes ipsum deridere consueisse omnem Christianum proximum diligentem.

2. Sed unde (quis dieet) tanta impietas homini, in quo nec vestigium quidem Christianæ pietatis incesset? Possumus id quidem satis intelligere ex iis, quæ idem Theophanes hoc pariter anno tradit: ipsum fuisse nimirum studiosissimum Manichæorum, de quibus hæc idem ait: « Manichæorum, qui nunc Pauliciani et Atingani dicuntur, qui que in Phrygia et Lycaonia constituti, confines ejus habebantur, amicus ferventissimus erat, responsis eorum semper et immolationibus congratulatus. In quibus et cum Bardanius patricius contra eum insurrexit, his advocatis, hunc molitionibus eorum subegit. Taurum quippe in loco quodam, ferreo palo cornibus alligans, ad terram incurvatum, sic dum mugiret et volutaretur, occidi fecit, hujusque vestem (testem, resten) in mola versa vice molens, et incantationibus usus, victoriam tulit, permittente Deo propter multitudinem peccatorum nostrorum. Isti locum sub imperio ejus adepti sunt intrepide conversandi; unde multi seniorum nefandis eorum corrupti sunt sectis ». Hæc Theophanes. Quod igitur occulte Manichæus laveret Manichæis, non potuit non odisse magnopere Christianos et eleemosynas facientes,

secundum ipsorum impietatem, suo loco superius enarratam.

3. Quam autem fuerit impius iste sævissimus hostis Christianorum, vel ex hoc disce, quod hoc ipso anno nono ejus imperii diro suppicio complures necavit Christianos, quos uti martyrio coronatos, ipsorum sanguine et vielicibus laureis dictata illa Ecclesia, anniversaria die celebrat, hocque elogio ipsi Graeci in Menologio eorum agunt natalem diem vicesima tertia mensis Julii: « Commemoratio eorum, qui sunt in Bulgaria interfecti sub Nicophoro et Staurilio imperatoribus, anno nono imperii Nicophori, quorum alii lethalibus plagis acceptis, cum Christum negare non paterentur, multiplicibus et acerbissimis tormentis subiecti, e vita discesserunt; aliqui ense obtruncati, alii funibus vineti et suffocati, alii sagittis confossi, alii denique carceribus et fame consumpti expirarunt et corona martyrii donati sunt ». Hæc Graeci. De his etiam eadem omnes Latini agunt in Martyrologio, ubi hos a Nicophoro cæsos tradunt, licet Bulgaris alii tribuant. Fuisse quidem ipsum addictum sectæ Manichæorum, Theodorus Studita hujus temporis scriptor testatur in Platone, sed et fuisse Iconomachis, idem qui supra Theophanes habet. Tot habuit capita cornuta monstrum unum, quorum singulis dire infestavit Ecclesiam.

**4. Sergii instaurantis Manichæorum hæresim primordia et progressus.** — At quoniam innovatam hæresim Manichæorum rursum in Oriente sub Constantino Heraclii nepote superius pro ratione temporum sumus prosecuti ex Luca Siculo, qui de his scripsit historiam ad archiepiscopum Bulgarorum: hic apposite reliqua prosequamur, quæ non hoc tempore solum ab iisdem nefariis fieri contigerunt, sed ab Irene imperio usque Michaeli et ejus successorem Leonem annis tredecim. Sic enim ait, de Sergio instituens narrationem, qui eamdem hæresim Paulicianorum collapsam restituit: « Nec longum, inquit, tempus abiit, cum exortus est alter veritatis inimicus ex locis Tiliae civitati vicinis. Est enim in illo tractu Arnia di-

<sup>1</sup> Matth. xxvi.

etus, in eoque vico Drynus quidam tunc erat, cuius filius fuit Sergius, ille diaboli maximus propagulator : Sergius qui multos ex ovibus lupos fecit et per eos Christi ovilia dissipavit : Sergius acer ipse sub ovina pelle lupus, virtutum fraudulentus simulator, quique hac arte plurimis fucum faciebat : Sergius Crucis Christi hostis, os impietatis in Christi matrem, sanctosque contumeliosus : Sergius Christi Apostolorum adversarius, qui et Prophetas odio habuit, et a divinis litteris versus ad fabulas et mendacia se convertit : Sergius Christi osor, Ecclesiae perduellis, qui Dei Filium conculeavit, et sanguinem Testamenti pollutum duxit, et Spiritui gratiae contumeliam fecit : Sergius, qui Paraclitum se esse mentiens, lucidam stellam se esse jactabat. Et quid diuinis immoror, nec paucis concludo ? At enim opinor, nec ætas omnis ejus nequitias commemoranti sufficeret.

5. « Hie itaque Sergius juvenilibus adhuc annis Manichææ cuidam feminæ adhærens, in fraudem ab illa erroremque perductus, præcursor factus est Antichristi. Ita nimurum conveniebat, turpissimæ secte ministros, vel ex Sarracenis genus ducere, vel ex servis, alias ex scortis nasci, alias ex feminiis fœdo errore seduci. At ne cui forte videar immerito illum accusare, res ejus exsequar sigillatim, primumque exponam, qua ratione miser in hanc hæresim lapsus sit : deinde ex ipsiusmet verbis ostendam qualis sit, aut potius qualis fuerit infelissimus. Hie igitur cum juvenis adhuc esset, ut dixi, in feminam quandam casu incidit moribus infamem, secta Manichæam. Illa vero diaboli sectatrix, ut caflida erat ac subdola, sic juvenem allocuta :

« Audio, domine Sergi, te litterarum scientia et eruditione præstantem esse, ac bonum præterea virum usquequaque. Dic ergo mihi, eur sacra Evangelia non legis ? Quibus ille verbis illectus, nec occultum potius intuens nequitiae venenum, quod latebat, ita respondit : Nobis ista legere non licet, sed sacerdotibus duntaxat. At illa : Non ita est, inquit, ut putas ; nec enim personarum est acceptio apud Deum<sup>4</sup> : omnes siquidem homines vult salvos fieri Dominus, et ad agnitionem veritatis venire. At sacerdotes vestri, quoniam Dei verbum adulterant et mysteria oculunt, que in Evangelii continentur, idecirco vobis audientibus omnia non legunt, quæ scripta sunt, sed quædam legunt, quædam omittunt, ne possitis pervenire ad agnitionem veritatis. Scriptum enim in illis est, quod in illa die quidam dicent<sup>2</sup> : Domine, Domine, nonne in nomine tuo dæmonia ejecimus et virtutes multas fecimus ? et respondens rex dicit illis Amen, amen dico vobis, non novi vos. Scrutare et vide, num ita scriptum sit. Quosnam ergo istos esse putas, quibus Dominus dicit : Non novi vos ?

6. « Ad hæc stupidissimus homo, cum imperitus et rufus esset, hæsitans facebat. Et nobis

quidem, inquit, Evangelici dicti sententiam in promptu fuerit in hunc modum exponere : quidam sunt hodieque, qui Christianam vitam colunt, et pie vivere videntur; cæterum incantamentis quibusdam et dæmones expellere et morbos curare consueverunt, sicut olim<sup>1</sup> Scævæ filii, et qui dicebantur exorcistæ, qui quidem (ut in Actis est Apostolorum) a dæmonibus obsessos adjurabant his verbis : Adjuramus vos per Christum, quem Paulus prædicat: exite ab hominibus his. Dæmones autem, Christi nomine auditio, trepidi fugabantur. Hoc ipsum nunc plurimi faciunt, non animadvertisentes se hujusmodi artibus salutis suæ jacturam facere. Clamabunt igitur in illa die<sup>2</sup> : Domine, Domine, nonne in nomine tuo dæmonia ejecimus, et virtutes multas fecimus ? Et respondebit Dominus : Amen, amen dico vobis, non novi vos. Sunt et alii porro, qui monasticam vitam et inculpatam vitæ formam suscepunt, sed ignavia et imperitia sua in errores prolapsi sunt; ideoque cælorum regnum minime consequentur. His ne quid in illa die ab justo judice ipsis debeatur, conceduntur hic dona curationum, ut quando vociferabuntur : Domine, Domine, nonne in nomine tuo virtutes multas fecimus ? audient pariter : Amice, non facio tibi injuriam, accepisti quæ tua erant in vita tua, nunc tolle quod tuum est et vade.

7. « Enimvero hæc, aut similitia ignorans Sergius, Evangelii codicem evolvit, et verba nactus, que intellex illa pronuntiarat : Dic, quæso, ait, de quibus haec Dominus dicit ? Illa autem tum quidem nihil respondit, sed pergens ipsa percontari : Tu vero, inquit, de quibusnam illud a Domino diculum esse censes<sup>3</sup> : Multi ab Oriente et Occidente venient et recumbent cum Abraham, Isaïe et Jacob in regno cælorum ; filii autem regni ejicientur in tenebras exteriores ? Quinam hi sunt filii regni ? Ille vero cum dicere nesciret, hos Israelitas esse, quorum adoptio propria fuerat et cultus et promissio, quos Christus ipse filios vocat, cum Chanañæa dicit<sup>4</sup> : Non est bonum sumere panem filiorum, qui propterea ejecti sunt, quia ipsum cruci affixerunt. Hæc, inquam, respondere nesciens infelix Sergius, et mænadæ illam salutis suæ ducem se nactum ratus, sollicite cœpit de his omnibus interrogare. Tum vero præclara exitii magistra, eujus os sepulcri patentis instar erat, aperte ausa est adversus sanctos debacchari ; filii regni, ait, sancti tui sunt, qui et dæmones pellunt, et hominum sapientiam infirmitates, quos tu tanquam deos colis, relieto Domino vivente, immortalis, quibus utique die illa justus Judex dicit : Nunquam novi vos ».

Videant Novatores et recognoscant snum ipsorum catechistam diabolum, qui eadem quæ ipsos docuit Sergium per Manichæam, et erubescant suam ipsorum intuentes originem, et auctoritem a quo didicerint impiam Hagiomachiam,

<sup>1</sup> Tim. II. — <sup>2</sup> Math. VII. — <sup>3</sup> Math. VIII. — <sup>4</sup> Math. XV.

quam eodem ferme ordine, et verborum serie et magisterio alios ipsi docent. Sed et intellige quae pariat monstra, credere quibuscumque absque delecul personis etiam laicis divinam Scripturam: et quam procul absit a Catholicæ Ecclesie moribus, ut aliis quam sacris theologis divina Scriptura committeretur legenda. Sed cœpla prosequamur. Pergit anctor:

8. « Eodemque filo singula perecurrentes Evangelii verba, et cujusque vocis sensum, prout capere illum videbat, mirifice depravans, brevi aptum reddidit diaboli instrumentum, dirumque et ipsa contra humanum genus telum exacoit, quale ante illud tempus nullum fuerat. Qui enim hanc præcesserunt, tametsi propter grave intemperantiae cœnum, fœdaque facinorum inquinamenta, et imprias in Deum voces, malitia præcipui et insignes erant: attamen fugiendi hominibus et abominandi passum judicabantur, quo siebat, ut pauci ab eis in fraudem pertraherentur. Hic vero rejectis omnibus illorum flagitiis ac libidinibus, blasphemias velut salubria dogmata complexus, virtutes non-nullas callide simulabat, pietatisque specie velut ovina pelle lupum tegens, pietatis autem abnegans virtutem, iis qui ipsum non norant, certissimus salutis duxor videbatur. Emulabatur enim virtutem improbitas, non secus ac lolum pro tritico conseri et haberi vult. Atque his illi artibus ac fuco fallunt et percussunt instabiles: quod utinam a tam perniciosa fraude fucosque eruamur omnes precibus ac patrocinio immaculate sanctissimæ Dominæ nostræ propriæ veræque Deiparæ et semper Virginis Mariæ sanctorumque omnium. Illi enim, quoad extremam ad perniciem miseros homines pertraxerint, nunquam eis illud magnum mysterium suum offerunt, quod est Dei abnegatio.

9. « Edactus ergo ab exitiosa femina diaboli prægnator Sergius, cum heresim altius imbibisset, crederetque omnes homines, qui sinceram et illibatam Christianorum fidem nostram ac pietatem colunt, in pernicie, versari, zelo satanico insurgit, et novus præco sit erroris, cognomentumque assumens<sup>1</sup> Tychici, cuius nomen est celebre in Epistolis Pauli, Pauli discipulum se vulgo jactavit, et ab eo missum ad prædicandum non Dei verbum, sed hæresim perniciosa. Haque civitates singulas regionesque in quibus Apostolus veritatis verbum ante octingentos plus minus annos promulgarat, impigre circumcursans, multos ab Orthodoxa fide avertit et diabolo adjunxit. Quod ipsem in quadam Epistola gloriatur his verbis: Ab Oriente, inquit, usque ad Oceasum, a Boreia ad Austrum cucurri, nuntians Evangelium Christi, genibus meis laborans. Triginta enim et quatuor annorum spatio ab Irene Augustæ imperio usque ad Theophilum imperatorem persistens, contulit illam, quæ etiamnum obtinet, defectionem, quam Paulus Apostolus<sup>2</sup> Thessalonicensibus prædixerat, quaque

iste magnam Christi Ecclesiæ partem graviter afflixit.

10. « Alios siquidem hujusce vitæ commodis et facultatibus privavit, sive illos spolians bonis et ante diem perimens, alios etiam eterna spe ac jure dejecit, dum nefariis ejus ritibus obsequuntur: multos ille conjuges dissocians, eorum thoros discipulis suis inquinandos objicit: multos infantes ab uberibus matris rapiens per discipulos suos partim occidit, partim a genitoribus, Deoque vivente, qui suo eos sanguine redemit, abducens vendidit Agarenis formosos adolescentes, adolescentulas unigenitas a parentibus sejungens Barbarorum addixit servituli; multos fratres et sorores, consanguineosque et amicos separans, propriisque sedibus exturbans, in remotas oras ablegavit; quorum gemitus et lamenta cœli ad usque fornices penetrarunt: monachos complures ac moniales, quæ virginitatem suam Christo devoverant, per discipulos suos corrupit, et a monastica vita revocans a Deo simul alienavit. Multos denique sacerdotes et levitas ab Orthodoxa religione avellens et ex ovi-bus lupos faciens, hominivorus esse docuit. Multos in vinculis et custodiis mori coegit: alios inopes reddidit ex opulentis. Et nunc tantorum malorum auctor et artifex, adorandus scilicet erit ut Paracletus; ejus namque discipuli, cum in ejus nomine vota concipiunt, precari sic solent... Spiritus sancti miserebitur nostri.

11. « Verumtamen tantorum iste malorum causam se esse negabat: Sæpe, inquit, eos monui et hortatus sum, ut a capiendis Romanis desisterent. Ipsi vero mihi non obtemperaverunt. At qui, obsevero, insontem te esse probas? Si enim tibi illi non obtemperabant, cur eum pervicaci populo tibi esse collibuerit, quem regere non posses? cur ad ultimum vitæ tempus cum eis versatus es? Quod si Christi vestigia sequi eos docebas, cur et hoc quoque non docebas, quod Dominus ait<sup>1</sup>: Cum perseguuntur vos in civitate ista, fugite in aliam? Enim vero coarguam te verbis tuis atque convincam. In ea enim Epistola, quam ad Colossenses dedit, hæc ejus sunt verba: Probationem fidei vestrae præscientes, apud vos commemoramus, quod quemadmodum præcedentes Ecclesiæ pastores magistrosque suscepserunt (Constantinum intelligit et reliquos) ita et vos, splendidam facem, et lucidam stellam, salutisque ducem excepistis, juxta id quod scriptum est<sup>2</sup>: Si oculus tuus simplex fuerit, totum corpus tuum lucidum erit.

12. « O ter infelix omnique scelens impietate! Si Pauli discipulus es, cur magistrum non æmularis? ille seipsum omnium peripsema dixit, abortivum et minimum Apostolorum. Tu vero, qui tot mala perpetrasti, nihil unquam recti aut boni egisti, ultra Pharisæum gloriaris. Non legisti quod in sacris litteris prohibatum est<sup>3</sup>: Qui seipsum commendat, nihil est, etiamsi vera dicat? At tu

<sup>1</sup> Ephes. vi. Coloss. iv. 1. Tim. iv. Tit. iii. — <sup>2</sup> 2. Thess. ii.

<sup>1</sup> Matth. v. — <sup>2</sup> Matth. vi. — <sup>3</sup> 2. Cor. x.

porro cum animo tenebricosus sis totus, quare temere lucidam stellam temetipsum, et splendidae facem, et salutis ducem appellabas? qui tot animas ad interitum adegeras atque ipsum corporis Ecclesiae Dei oculum obcecaras. Amens et attonite, qui cæcus eras, quomodo aliis miser dux salutis extitisti? Non illud legisti<sup>1</sup>: Si cæcus cæco duatum præstat, ambo in foveam cadunt? Quoniam vero itli virtutem tuam æmulabuntur, ut dicere possis<sup>2</sup>: Imitatores mei estote, et tenete traditiones quas a me accepistis? En nimirum fidei doctrinæque iuæ fructibus magnam peperisti impietatem.

13. « Discipuli tui priusquam te nossent, oves erant; nunc postquam te norunt, aut a te potius cogniti sunt, in voraces hominum feras conversi sunt. Et post alia pauca: Nemo vos seducat ullo modo. Has vero promissiones habentes a Deo, confidite: nos enim fiduciam habentes in cordibus nostris, scribimus vobis, quoniam imitator et pastor bonus, ut dux corporis Christi et lueerna domus Dei ego sum, et vobiscum sum omnibus diebus usque ad consummationem sæculi: etsi enim corpore absum, at spiritu sum vobiscum. O veritatis hostis, fili diaboli, omnisque nequitiae architecte: qui talia effari ausus es, æqualem te faciens Deo! Qui enim se exaltat<sup>3</sup>, humiliabitur: et ejus qui se ipsum glorificat, gloria nihil est. Et qui blasphemat<sup>4</sup> in Spiritum sanctum, ei non remittetur, neque in hoc sæculo, neque in futuro.

14. « Rursus prosequitur: Sed hæc dico, Ecclesiam quidem, quæ Corinthi est, condidit Paulus, eam vero, quæ est in Macedonia Silvanus et Titus, quibus verbis Macedoniam appellat cæcum illum, qui Cibossæ erat; Constantinum autem et Simeonem, Silvanum intelligit et Titum: Achaiam vero, inquit, iustravit Timotheus, Achaiæ nomine Manalim designans et Timothei nomine Genesum, qui revera Timotheus. Philippensem Ecclesiam administravit Epaphroditus, ille nimirum ex seerto natus Joseph caprarius, qui reipsa potius Aphronetes; Philippenses vero appellat ejusdem discipulos: Laodicensem Ecclesiam ac præterea Colossemum docuit Tychicus. Itic vero Colossenses quidem vocat Argautas; Ephesios autem eos qui Mopsuestiam, Laodicenses qui Cynas incolunt, seu Caris regionem; hos autem tres unum esse ait, et ab uno Tychico cruditos. Vides quemadmodum sese in Antichristi cathedra magistrum constitutus: atque ut plurimos decipiatur, juxta cujusque Ecclesiarum Christi, quæ in Apostoli Epistolis celebrantur, appellationem, nomina insulse ac stulle locis imponat, quæ multis ante sæculis proprias nuncupationes sortita sunt?

15. « Age vero dic, sycophanta, veritatis impugnator, Paulus Apostolus<sup>5</sup>, qui ab Hierosolymis per circuitum usque in Illyricum docuit, quomodo solam condidit Ecclesiam Corinthiorum? Quod si

Pauli discipuli fuerint, quos commemoras: quandonam ab eo et quo in loco edocti fuerunt, qui octingentis post annis nati sunt? Cur veritatem oppugnas? nec pudet tot gentes fucatis verbis fictisque nominibus decepisse? Cur hominum gloriam dilexisti et non Dei? Quin etiam ab omnibus recipi postulas tanquam Apostolus Christi, et Leoni Montano sie scribis: Tu vero cave tibi, ne fidem dividas inflexibilem. Quam enim habes contra nos accusacionem? Num aliquem circumveni? aut superbe egis? non potes dicere; et si dicas, testimoniū tuum verum non est. Mihi vero absit, ut odio te habeam. Solum oro te, ut quemadmodum Apostolos suscepisti et Prophetas, qui quidem numero sunt quatuor, ita pastores et magistros suscipias, ne feris belluis præda fias. Et alibi rursum ait: Prima fornicatio, quam ex Adamo ducimus, beneficium est. Secunda vero major est fornicatio, de qua dicitur<sup>1</sup>: Qui fornicatur in proprium corpus, peccat. Et pergens: Nos sumus, inquit, Christi corpus. Quod si quis desciscat a traditionibus corporis Christi, hoc est, a meis, peccat, quoniam alia docentes sectatur et sauis sermonibus non credit.

16. « Dic ergo mihi, impietatis defensor: Quomodo beneficium est fornicatio, quæ et ab ipso, qui moechatur, post factum damnatur, et ab universa divinitus inspirata Scriptura pro nihilo ducitur, et penitus profligatur? Qui ausus es et propter intemperantem tuam stupiditatem Domini verba infringere, qui fornicationem ipsam etiam aspectu definis, cum ait<sup>2</sup>: Qui viderit mulierem ad concupiscendam eam, jam moechatus est eam. Tu vero stabilire, ut inanem hominum gloriam aucuperis, et vilia mancipia incontinentesque homines tibi devincias, nullam aliam fornicationem esse confirmans, quam quis a te doctrinaque tua desciverit. Quibus ergo habenda est fides? iisne qui a veritate ducuntur, an iis qui a te plano et fallaci veritatis inimico? Hæc itaque pauca de multis ejus impie dictis collecta hoc loco protulimus ad ejus reprehensionem ac discipulorum ejus, ut pravus ipsius cordis thesaurus patefiat omnibus et innotescat. Ex abundantia quippe cordis os loquitur.

17. « Cæterum nemo sibi persuadeat aliam haeresim fuisse, quam Sergius docuit, ab ea, quam Manes invexit: una enim eademque fuit. Quo vero tempore docere coepit hic Sergius, cum multos sibi discipulos cooptare studeret, et ab Ecclesia Christi quosque passim abducere, bis terque in faciem restitit Baanæ spurio discipulo suo et symystæ, fictaque pietatis imagine reprehendere illum coram universis auditoribus aggressus est, non fidei nomine, sed propter immania et nefanda ipsius facinora. At Baanes contra, Sergio resistens: Tu nuper, aiebat, exortus, et neminem doctorum nostrorum vidisti, cum nullo versatus es. Ego autem domini Epaphroditi sum discipulus; et sicut

<sup>1</sup> Cor. x. — <sup>2</sup> Matth. xv. — <sup>3</sup> 1. Cor. xi. — <sup>4</sup> Matth. xviii. — <sup>5</sup> Matth. xii.

<sup>1</sup> 1. Cor. vi. — <sup>2</sup> Matth. v.

ab initio tradidit mihi, sic doceo. Verum enim vero Sergius fœdam hominis colluviem, quam dociebat, detestans, palamque illam incessens, hæresim in duas partes discidit; eosque, qui Baanæ studebant, Baanitas appellavit, ut ille contra Sergios, Sergii hujus sectatores. Post obitum deinde Sergii non ferentes ejus discipuli suam ipsorum ignominiam et probra, quibus passim ab omnibus onerabantur, Baanitis violentas manus intulerunt, ut eorum ab se convicia abstigerent ac delerent. Tum ex Sergii comperegrinorum numero, Theodotus quidam hoc spectaculo indignatus: Nihil vobis, ait, et hominibus istis: omnes enim, quoad prodidit magisler noster, unam fidem colebamus, atque ita a cæde facienda destiterunt ». Haec auctor usque ad tempus Michaelis, qui successit post annum sequentem Nicephoro. Quæ autem statuerit idem Michael adversus hujusmodi nebulones, tradens omnes credi: suo loco dicturi sumus.

Vidisti quos audire solitus, quibus auscultare, et quorum consilia capessere consueverit perditissimus Nicephorus imperator, ut mirum non sit, si talis fuerit, quales nunquam tuerunt omnium scelestissimi principes; etsi expers ipse fuit communicationis Ecclesiae Romanæ, qui Manichæis inhærens erat. Sed quas ex tali semine fruges tandem messuerit, suo loco jam proxime dicturi sumus, anno nimirum sequenti.

**18. Venetiarum urbs reddita Nicophori imperatori, unde fœdus cum Carolo Magno.** — Quod ad res Occidentales attinet: « Hoc anno (habent veteres Annales Francorum a Pithœo editi) veniente legato Constantinopoli, Carolus Magnus Nicephoro imp. Venetiam reddidit ». Haec autem ibi summatim perstricta: ut facilius percipientur, altius est repetenda narratio ex iis, quæ in Vita ejusdem Caroli magni imp. ab auctore ejus sæculi per annos singulos digesta leguntur, atque in primis quæ habentur anno Redemptoris octingentesimo sexto, quod cum Carolus subegisset suo imperio Dalmatiam et alias circumpositas regiones, a Nicephoro imperatore Constantinopoli classis missa est ad recuperandam ipsam Dalmatiam. Sed frustra: nam nihil perfecit: quæ cum continuerit se Venetiis, sequenti anno pace facta cum Pipino Italæ rege, Constantinopolim rediit. Post biennium vero, anno nimirum Redemptoris octingentesimo nono, cum iterum Constantinopoli classis in Dalmatiam missa tentasset expugnationem Comaclii insulæ, a præsidialibus militibus male habita, Venetias redire compulsa est. Cum vero ejusdem classis dux Paulus interim pacem tentaret cum Pipino Italæ rege, adversos sentit Venetorum duces Guillarium et Beatum, ejus conatus impedientes eidemque insidiantes: quamobrem inde discessit. Cujus secleris ulti surrexit Pipinus, qui et corundem ductum Venetorum defectione incitatus, Venetiam ipsam bello terra marique statuit appetere. Factusque voti compos est, ut ex insperato Venetiam subigeret, cosdemque duces in deditioinem acciperet. Post

hæc autem contigit quod dictum est; nempe ut legationibus intercurrentibus firmata pace inter Nicophorum et Carolum Magnum imperatores, idem Carolus Venetiam ipsi reddiderit: quod quidem hoc anno cœptum, sequenti vero impletum, iidem Annates docent, cum alioqui non desierint iidem impp. legationum internuntio inter se mutuo stabili concordiam.

19. Hæc sunt, quæ usque ad annum sequentem octingentesimum undecimum inter Carolum Magnum, Nicophorum impp. atque Venetos transacta sunt, eademque ex scriptoribus (ut dictum est) ejus temporis in lucem prodita, ex quibus invenias, in quo de rebus Venetis recentiores historicos erroris arguas et emendes. His addimus ea, quæ Eginhardus hujus etiam temporis auctor, qui fuit Carolo Magno a secretis, in eamdem sententiam habet; nimirum Carolum Magnum redegisse sub tributo Istriam, Liburniam atque Dalmatiam, exceptis maritimis civitatibus, « quas, inquit, ob amicitiam et junctum cum eo fœdus, Constantinopolitanum imperatore habere permisit ». Et inferius de concordia inita cum Nicophoro et successoribus impp. firmiter conservata habet ista: « Imperatores etiam Constantinopolitani, Nicephorus, Michael et Leo, ulti amicitiam et societatem ejus expertes, complures ad eum misere legatos, cum quibus tamen propter susceptum a se imperatoris nomen, et ob hoc quasi qui imperium eis eripere vellet, valde suspectum, firmissimum fœdus statuit, ut nulla inter partes cuiuslibet scandali remaneret occasio ». Haec tenus Eginhardus.

Pro pace confirmanda tunc misit Nicephorus imperator Arsacium ad Pipinum Italæ regem, sed eo jam proxime ex hac vita sublato, Carolus ipse imperator eamdem legationem suscepit, pacemque rogatam concessit, hasque litteras ad Nicophorum Augustum conscripsit, quæ inter litteras Alcuini, utpote ab ipso Caroli nomine conscriptæ, habentur hoc titulo prænotatae:

« Epistola nona nomine Caroli Magni ad Nicophorum imp. Constantinopolitanum<sup>1</sup>.

« Cum in omni humanæ actionis initio Domini sit auxilium invocandum, maxime in hoc quod modo inter nos, Deo mediante, agitur negotio, Domini et Salvatoris nostri Jesu Christi omnimodo sunt imploranda suffragia, ut qui nomine illius signati sumus, et in dispensatione Passionis ejus ab aeterno mortis periculo nos redemptos esse confidimus, ea quæ ipso inspirante inchoauimus, ad honestum et utilem perfectionis terminum perducere mereamur, in cuius nomine atque honore legatum fraternitatis tuæ, quem ab bona recordationis filium nostrum Pipinum regem misisti, Arsacium scilicet gloriosum spatharium ad nos cum verbis et litteris..... tuae benigne atque honorifice suscepimus. Et quamvis ad nos missus non fuisset, veluti ad nos missum, adhibita diligentि

<sup>1</sup> Alcuin. Ep. ix. tom. I. Antiq. lect.

cura et audivimus, et cum eo de his, quae detulit, quia prudentem animadvertisimus, collocutionem habuimus: nec immerito, cum tanta esset non solum in litteris, quas attulit, sed etiam in verbis, quae ex ore illius nostris auribus insonuerunt, optate atque semper optandæ pacis copia, ut valde nobis et quibuscumque Deum amantibus hujusmodi legatio placere potuisset. Quae utique tanto fuit charitatis ac pacis favo respersa, ut in palato cordis cuiusque fidelis veram possent sapere dulcedinem: possetque judicari penitus insipiens, cui fala videntur insipida.

« Propter quod, postquam illum in fines regni nostri pervenisse comperimus, veluti prescii optimæ et Deo complacite legationis ejus, temperare nequivimus; opportune eum ad nostram præsentiam venire fecimus, maxime tamen, quod is, ad quem illum missum constabat, dilectus filius noster Pipinus rex divino judicio jam rebus humanis excesserat; neque nos illum eum infecto negotio tanto, ad quod perficiendum directus erat, vacuum reverti, pati potuimus. Et non solum propter hoc, sed etiam, quod ex tempore, quo primo imperii tui anno, Michaelem metropolitanum et populum, Assiduum abbatem, Callistumque gloriosum candidatum ad constituendam nobiscum pacem, et fœderanda atque adunanda haec duo in Christi charitate longæva tua misit dilectio: veluti in specula positi, longa fuimus exspectatione suspensi prestolantes, sive per legatum, sive per Epistolam, quando meritorum scriptis nostris amabilita fraternitatis tue responsa susciperem. Jamque ut se habet humanæ mentis infirmitas, prope desperatio cordi nostro incipiebat oboriri: sed fidentes sperabamus in eo qui nunquam deserit sperantes in se,

quod secundum Apostolum labor noster in ipso vacuuus et inanis esse non deberet, ac desiderium nostrum, quod, ut confidimus, ipsius inspiratione concipimus, secundum divitias misericordiae suæ complere, et quandocumque ad effectum perdere deberet. Idecirco auditio adventu memorati legati dilectionis tuæ, Arsaei gloriosi spatharii, magnopere gavisi sumus, confidentes nos de rebus incertis ad optatam certitudinem pervenluros, et de his, quae prædictis missis tuis ad te perferenda dedimus, responsum esse recepturos: et revera ita factum est. Sensimus enim ex parte mea, quod desiderabamus, ad completionem votorum nostrorum divini favorem auxilii, et in verbis ac litteris, quae per legationem memorati legati perlata sunt, quamvis ad filium nostrum scripta et directa essent, non minimam nos desiderare responsionis accepisse portionem. Proinde omnipotenti Deo, non quales debuimus, sed quales potuimus, gratias agimus, quod cordi dilectionis tuæ quam quæsivimus ac desiderabilem pacis voluntatem inspirare dignatus est, orantes secundum Apostolum, ut Deus, qui vobis in hæ pæce velle tribuit, ipse perficere tribuisse. Propter quod nihil morantes, sed omni cunctatione ac dubitatione penitus abjecta, legatos nostros præparavimus ad tuam amabilem fraternitatem dirigendos ». Hucusque Epistola Caroli ad Nicephorum, et, ut puto, fine carens.

Porro fœdus pactum cum Carolo, etiam post Carolum a Ludovico Caroli filio confirmatum perseverasse qui ejus res gestas per annos singulos prosecutus est, domesticus ejus Annalium scriptor affirmat.

---

Anno periodi Graeco-Romanæ 6303. — Anno Æra Hispan. 848. — Anno Hegira 193, inchoato die 4 Octob., Fer. 6. — Jesu Christi 810.  
— Leonis III papæ 16. — Caroli imp. 11. Nicephori imp. 9.

1. *Nicephorus imp. publico æstuat odio.* — A num. 1 ad 18. Theophanes anno Incarnat. secundum Alex. nccciii, qui kalend. Septemb. hujus Christi anni inchoatur, haec habet: « Ille anno Nicephorus, qui lege sancta foenora exercenda prohibuit, solitas sibi ac Deo invisas Christianorum inspectiones, bonorum omnium et animalium, pabulorum et fructuum iniquas proscriptiones, usurras de navigiis captatas, aliaque mala infinita

prorogavit in pejus: in quorum narratio ex parte instituta molesta iis sit futura, qui res gestas compendio cognoscere student. Mensis autem Octobris die primo, hebdomadis feria tertia (ideoque hoc Christi anno littera dominicali F insignito), quidam incognitus monastico habitu lectus, educito e cujuspam militis latere gladio, in palatium irruit, Nicephoro mortem inferre meditatus. Adstantium autem duos eum insequentes ac reti-

nere contendentes graviter vulneravit. Comprehensus itaque et tormentis examinatus, nullo criminis anctore vel conscientia accusato, a dæmonio torqueri se fixit. Imperator virum pedieis ligneis una cum iis, qui a dæmoniæ exagitantur, aretari jussit : quod gravis mali tam imperantibus quam subditu cuique impendentis portentum dari, quale impii Nestorii temporibus visum, augurati sunt.

**2. Manichaorum et Athinganorum superstitionibus addictus.** — « Porro Manichaorum, quos nunc Paulicianos dicimus, et Athinganorum ex Phrygia et Lycaonia juxta patriam suam erumpentium amicus totus eorum cupidine flagrans extitit, ac eorum vaticiniis et superstitionibus omnino deditus : iis enim accitus, cum Bardanius patricius seditionem movit, eorum præstigis usus hominem in se rebellantem prostravit. Taurum signidem in foveam demissum, et in terram capite proclivem, cornibus ad palum ferreum alligatis, eo pacto mugientem et in luto volutantem se occidi parvit : ejusdemque Bardanii veste sub mola in retroactum gyrum contorta conteri præcipiens, ac simul incantamenta effutiens, Deo ita permittente, ob innumerum peccatorum nostrorum numerum, victoram retulit. Quamobrem sub ejus imperium Manichæis istis libere enim aliis vivendi et civitatis jure citra metum utendi facultas data : ex quo multos levioris ingenii homines nefaris eorum opinionibus depravari contigit ». Goarus in Notis ad hunc locum dicit, Athinganos, seu eorum reliquias ac successores, Italos *Tzynguri*, nobis vero Bohemos vel Ægyptios esse, quod ex Oriente profecti in illas partes, et inde versus nos penetrarint. Verum Constantinus Porphyrogenetus in chronographia lib. 2. num. 3, loquens de Michaele Amoriensi imperatore, qui ex Athinganorum secta erat, ait quidem frequentem semper multitudinem Athinganorum in Phrygia consedisse, sed eorum seclam his verbis describit : « Secta hæc, divinum quidem lavaerum ut salutare et a suis exploratae agnitum probatumque, eos, qui initiantur, percipere sinit : in reliquo autem omnia præter unam circumcisionem ex legis Mosaicæ ritu servat ». Iisdem fere verbis hanc heresim Cedrenus in Vita ejusdem Michaelis depingit. Quare Goaris interpretatione rejicienda.

**3. Subditos suos crudeliter vexat.** — Pergit Theophanes : « Fuit tum in Exocionio Nicolaus quidam, eremite nomen falso sibi arrogans, et quidam ejusdem vitæ particeps, adversus rectam fidem et venerandas imagines blasphemias evomere assueti. Ilos sibi devincire, Pontificem vero Nicephorum reliquosque vitam suam ad Dei placitum conformantes affligere studebat. Sæpius enim his illos incusantibus succensuit : cum ex adverso mutuas ad invicem foventes inimicitias amplecteretur, et diligentes invicem conviciis morderet, usque erat divinorum mandatorum acerrimus oppugnator, in id toto studio raptus, ut, litibus per fas aut nefas cuilibet Christiano in Magnaure

carnificina intentatis, neminem impietatis suis dignoscendis attendere permilleret. Militares processores episcopis et clericis herili jure, episcopatibus et monasteriis abductis, in servorum modum uti, eorumque bonis abuti, jussit. Eos insuper, qui ab antiquo aurea vel argentea queque vasa Deo devota consecrassen, ipse viuperis incesebat : et quæ nunc possideret Ecclesia communibus usibus deputanda, prout Judas Dominicum unguentum deblatuerat. Ad hæc qui precesserunt imperatores, ceu rerum gerendarum imperitos, moderantia in universum sublata, accusabat, affirmans neminem principe potentiores esse, modo caute atque strenue is imperium gerat : sed homo divinæ iustitiae victima, in hisce suis vanis commentis deceptus est ». Ariani Exocionitæ dicti, quod Constantinopolis in loco Exocionio appellato convenlus suos agerent, ut alibi diximus. Narrat Baronius ex Historia Lucæ Sieuli, quæ Manichæi ab Irene imperio usque ad Leonem Armenum annis XIII gesserint.

**4. Franci subigunt Venetos, sed a Dalmatis repelluntur.** — Ad num. 18 et seq. Eginhardus in Annal. hoc anno scribit : « Pippinus rex, perfidia ducum Veneticorum incitatus, Venetiam bello terra marique jussit appeti. Subjectaque Venetia, ac duabus ejus in ditionem acceptis, eamdem classem ad Dalmatiae littora vaslanda misit. Sed cum Paulus Cephalaenæ praefectus cum Orientali classe ad auxilium Dalmatis ferendum adventarel, regia classis ad propria regreditur ». Paulo post de Carolo imp. loquens, subdit : « Pacem cum Nicephoro imperatore fecit. Nam Nicephoro Venetiam reddidit ». Eginhardo reliqui annalistæ et Regino in Chronicis consentiunt. At non ita censem rerum Venetiarum scriptores ; nulla euim Constantinopolitanæ classis ac Pauli praefecti mentione facta, Francos, cum Olivola et Rivoaltum invadere statnissent æstu dedente, caeos omnes ac captos volunt. Sigonius lib. 4 de Regno Hal. de nomine et origine Venetiarum ait : « Urbs Iota Rivoaltum et Olivolam continens, post uno Venetiarum nomine appellata. Ille ejus urbis et reipublicæ, que ad hunc usque diem opulentissima atque amplissima fuit, principia fuisse feruntur ». Cointius hoc anno n. 36 et seqq. Venetis et Francis scriptoribus simul collatis, hæc certa esse existimat. Pippinus rex Venetiam ingressus, illius provinciæ complures occupavit urbes, cum ipsa ducum sede *Metamauco* in Venetorum æstuariis posita. Nonnulli conjugibus et liberis in lembos impositis ad Olivolam et Rivoaltum confugerunt, rati eas insulas ab hostili impressione ob intercedentem magnum canalem securiores fore. Nec eos hæc fecellit opinio. Nam Franci, quia propter navium gravitatem aditu illorum locorum prohibebantur, iter alio converterunt, ad littoralem videlicet Dalmatiam, eujus pars Nicephoro Græcorum imperatori parebat, et amicitiam societatemque cum Venetis inierat. Paulus autem Cephalaenæ, quæ insula est maris Ionii, Samos olim dicta,

præfetus auxilio Dalmatis fuit cum Orientali classe. Franci Pauli adventu reversi sunt *ad propria*. Pippinus rex in morbum incidit, et mense Julio Mediolani obiit, ut mox dicetur.

5. *Initia reipublicæ Venetæ*. — Quæ excidium Melamauci secuta sunt Sigomus laudatus ex quo-rumdam Venetorum relatione sic enarrat: « Beatus dux cum Metamaucum excisum videret, animum ad sedem in Rivoaltum et Olivolam, traducendum adjecit, eas propter magnitudinem suam satis amplas ad vicinorum populorum magnitudinem, et reipublicæ, quam sibi pollicebatur, dignitatem recipiendam fore arbitratus; atque tribunis et primoribus insularum in consilium advocatis, ex eorum auctoritate regiam eo traduxit. Beato vero, antequam res ad exitum perduceretur, vita functo, Angelus Particiacus dux substitutus incepit persolvere institutum ». Veteres rerum Francicarum scriptores, necnon Ado, Regino, monachus Egolimensis, et inceclus auctor in Vita Caroli, non tantum subactam a Francis Venetiam, sed etiam duces ejus in ditionem receptos testantur. Et Petrus Justinianus in Historia Veneta, lib. 4, varias opiniones, quæ de Beato duce circumferuntur, breviter complexus ad Angelum Particiacum sic transit: « Defuncto autem Beato, seu relegato, subsecutus est Angeli Participatii principatus. Qui primus in Rivalto ducalem sedem temuit ». Qui itaque superfuerunt e Venetorum clade, cum ad Rivoaltum et Olivolam insulas se recepissent, ducem elegerunt Angelum *Participatium*, seu Particiacum, quod *Rivoaltum duci*, *Olivolam episcopo* destinari, ac *prima ducalis prætoriæ*, *quo loco nunc est*, *fundamenta* jecerit. Venetiae hodie in regiones sex distinctæ, et ex duplice nomine, quod quintæ regioni tribuitur, in qua sedes episcopi semper fuit, duplex quoque nomen accepit episcopus loci illius; dictus est enim primum episcopus *Olivolensis*, deinde episcopus *Castellanus*. Post aliquot annos *Olivensis* titulus suppressus, et episcopus *Castellanus* appellatus usque ad sanctum Laurentium Justinianum, qui post Dominicæ patriarchæ Gradensis obitum a Nicolao V papa constitutus est primus Venetiarum patriarcha, nec deinceps auditum patriarchæ Gradensis aut episcopi Castellani nomen, Gradensis patriarchatus dignitate Venetas translata, et episcopo Castellano ad patriarchalem titulum evecto.

6. *Venetiarum pars a Francis occupata*. — In Venetia, cum Pippinus rex provinciam illam paene integrum subegit, praeter Gradensem patriarcham sex erant episcopi, Caprulensis, Heracliensis, Metamaucensis, Equitiensis, Olivolensis et Torcellanus. In Francorum potestatem venerunt, Gradus, Heraclia, Metamaucus et Equilium. In Venetorum ditione manserunt Olivola, Torcellum et Capruke. Certe *Fortunatus* patriarcha ante quadriennium in Franciam profugus, a Francis postea Ecclesiae suæ restitutus est. Sigonius reipublicæ Venete fines ait, angustissimos a Grado ad caput aggeris hoc anno fuisse, « quæ tum terminis a Grado ad caput

aggeris angustissimis cludebatur ». Sed Venetorum ditio post tot locorum amissionem multo magis coaretata fuit, cum in ipsis æstuaris nihil eis reliquum præter Rivum-allum, Olivolam, Torcellum, Caprulas, ac paucas minoris nominis insulas superasset, et quidquid erat in continenti, Francis cessisset. Erat *Venetia* provincia liberi juris, cum subacta est a Pippino Italæ rege. Hoc porro anno quo Francis inter ac Græcos ab armis cessatum est, *Venetiam*, seu Venetie partem, quam Pippinus antequam moreretur subegerat, a Carolo imperatori redditam, veteres annalistæ aliisque testantur. Quod sic accipiendum putat Cointius anno *ccccxii*, num. 6, ut hoc anno, quo a Francis, Græcis, ac Venetis agi de pace cœptum, *Carolus* Venetiam se Venetis redditum promiserit, servataque metropoli *Grado*, cæteras quas in eadem Venetia civitates occuparat, Heracliam, Metamaucum et Equilium anno *ccccxii* reddiderit, quando Michael Niciphorus imp. successor pacem a decessore inceptam perfecit confirmavitque.

7. *Moritur Pippinus Italæ rex*. — Eginhardus in Annal. scribit, Pippinum Italæ regem *VIII idus Julias* de corpore migrasse. De anno et die ejus emortuali auctores convenient; Theganus in Gestis Ludovici Pii cap. 5, hæc de ejus morte habet: « Anno regni ejus (nempe Caroli imp.) quadragesimo secundo obiit Pippinus filius ejus, anno ætatis sue *xxxiii* », sed annum unum minus dicit; natus enim erat anno *ccclxxvi*, idque ante Pascha, ut suo loco ostendimus. Nec mirum Theganum in eum errorem incidisse; cum una aut altera postea linea tradat, *Hildegardam* seu *Hildegardem* Caroli Magni uxorem *sequenti anno* obiisse; et tamen certum est mortem ejus anno *ccclxxxiii* contigisse. Eginhardus in Vita Caroli M. de liberis Pippini regis ait: « Pippinus unum filium suum Bernardum, filias autem quinque Adelhaidem, Atalam, Gundram, Bertraidem ac Thedradam superslites reliquit. In quibus rex (nempe Carolus) pietatis suæ præcipuum documentum ostendit, cum filio defuncto nepotem patri succedere, et neptes inter filias suas educari fecisset ». Anno *ccccxiii*, Bernardus regnum Italæ, quod pater annos fere *xxx* tenuerat, a Carolo avo obtinuit.

8. *Obitus Rotrudis Caroli M. filiæ*. — Addit Eginhardus in Annal. « Rhodrudis filia imperatoris, quæ natu major erat, *VIII idus Januar.* diem obiit », quod alii annalistæ confirmant. Nata erat anno *ccclxxiii*, et viro non nupsit, etsi Constantino Græcorum imperatori aliquando despousata fuerit. Ex illicita copula peperit Ludovicum, qui *nepos Caroli imperatoris ex filia majore natu Rotrude* nuncupatur in Annalibus Bertinianis ad annum *ccclxvii*.

9. *Acta in Hispania Christianos inter et Saracenos*. — Idem Eginhardus in Annal. hæc prodit: « Amoroz Cæsarangustæ præfectoris, postquam imperatoris legati ad eum pervenerunt, petiit ut colloquium fieret inter ipsum et Hispanici limitis

custodes: promittens se in eo colloquio cum suis omnibus in imperatoris ditionem esse venturum. Quibus licet imperator, ut fierent, annuisset, multis interventibus causis remansit infectum. Mauri de tota Hispania maxima classe comparata, primo Sardiniam, deinde Corsicam appulerunt: nullo in ea invento praesidio, insulam paene totam subegerunt ». Paulo post: « Duas legationes de diversis terrarum partibus, unam de Constantiopoli, alleram de Cortuba, pacis faciendae causa, adventare narratur. Imperator Aquasgrani veniens, mense Octobris memoratas legationes audivit: pacemque cum Nicephoro imperatore et cum Abalaze rege Hispaniae fecit. Nam Nicephoro Venetiam reddidit: et Henricum comitem olim a Saracenis captum Abuzale remittente recepit. Corsica insula a Mauris vastata est. Amoroz ab Adirama filio Abuzalis, de Cæsarangusta expulsus, et Oscam intrare compulsus est ». Præcipua rei infectæ causa fuit, quod Alhacan rex Cordubensis, cum Amoroz rebellionem accepisset, missò illico filio suo Abdiramane, de Cæsarangusta Amorozonem expulit, et Oscam sese recipere coegit. Interim Alhacan ex urbe Cordubensi legationem ad Carolum imp. misit, et pax Aquisgrani inter utrumque regem sancta est. Marea in lib. 3 Marcæ Hisp. cap. 48, num. 1, tradit, hac pace Franci quæsitam nuper Pampelonem, et reliqua Navarræ oppida cessisse. Verum regnum Navarræ, in quo Vascones ultra Pyrenæum habitantes continebantur, jamdiu ante hunc Christi annum surrexerat, Vasconesque ac Navarri has rerum conversiones cernentes Ludovico regi rursus negotium facessiere. Contigit itaque hoc anno quod narrat auctor Vitæ Ludovici Pii: « Succedente æstate (currentis nempe Christi anni) accito populi sui generali conventu, retulit eis sibi delatum rumorem, quod quædam Vasconum pars jam pridem in ditionem suscepta, nunc defectionem medilata, in rebellionem assurget: ad quorum reprimendam pervicaciam ire publica utilitas postularet. Moto igitur et disposito prout oportuit exercitu Aquas (nempe Tarbellorum) villam pervenit, et ut ad se venirent, qui infidelitatis insimulabantur, jussit. Sed illis venire detrectantibus, ad eorum vicinia devenit, cunctaque eorum depopulari manu militari permisit. Ad ultimum cunctis, quæ ad eos pertinere videbantur, consumptis, ipsi supplices venerunt, et tandem veniam perditis omnibus magno pro munere meruerunt. Superato autem paene difficili Pyrenæarum Alpium transitu (ad transitum nempe Roncevallensem) Pampelonam descendit: et in illis quandiu visum est moratus locis, ea quæ utilitati tam publicæ, quam privatae conducerent, ordinavit ». Addit auctor Vitæ Ludovici Pii Ludovicum regem, cum per Pyrenæi montis angustias remeandum fuit, obsides a Vasconibus accepisse, « quo fraus illorum nullam regi vel exercitui posset inferre jacturam ». Urbs itaque Pampelonensis, quæ mœnibus imper exuta fuerat, remansit, ut antea, in potestate regis Navarræ,

quem scriptores Francorum per contemptum non nominauit.

10. *Pax inter Francos et regem Cordubensem sancta*. — Ceterum Amoroz anno præterito rebus suis male consuluit; occupatis enim Francorum castellis iram eorum in se concitavit, directaque postea ad Carolum legatione, venit apud Alhacam, sive Abulaz Saracenorum regem in Hispania in suspicionem proditionis. Is classem instruxit adversus Francos et Abderramanum filium suum copiis adversus Amorozum præfecit, qui Corsican insulam vastavit et Amorozum Oscam intrare compulit, ut ex Eginhardo in Annal. diximus. Alhaca, ne Francos magis irritaret, pacem cum Carolo imperatore constituit, ex eius conditionibus ab eo remissus est *Henricus comes*, seu *Adimricus*, ut eum vocat monachus Egolismensis, qui olim a Saracenis captus fuerat. Verum haec pax haud firma fuit, ut quæ suis locis dicemus, ostendent.

11. *Pax inter Carolum et Nicephorum immissa*. — Carolus imp. non tantum cum rege Saracenorum Hispanias incolentium, sed eliam cum Nicephoro Graecorum imperatore Aquisgrani pacem sancivit. Hujus pacis meminit Porphyrogeneta in lib. de Administ. imp. cap. 28, testaturque ea Francorum principi, qui Italiae regnum obtineret, annuo veetigali pensitando sese Venetos obligasse. Inter Epistolas Alcuini, quæ numero est cxii, a Carolo imperatore Romanorum missa est Nicephoro Graecorum imperatori, et recitatitur a Baronio in Appendice ad hunc Christi annum. In ea Carolus duplice legationis a Nicephoro missæ meminit; prioris verba fecimus anno DCCCLIII, num. 3, posterior vero obita est hoc anno ab *Arsatio spathario*, qui cum litteris ad Pippinum Italiae regem venit, auditaque morte ejus perrexit Aquisgranum, quo vocabatur a Carolo. Utrumque docet Carolus in suis ad Nicephorum litteris: « Et quamvis, inquit, ad nos missus non fuisset, veluti ad nos missum, adhibita diligentè cura, et audivimus et cum eo de his quæ detulit, quia prudentem animadvertisimus, collocutionem habuimus. Nec immrito, cum tanta esset, non solum in litteris quas attulit, sed etiam in verbis, quæ ex ore illius nostris auribus insomuerunt, optatae ac semper optandæ pacis copia, ut valde nobis et quibuscumque Deum amantibus hujuscemodi legatio placere potuisse, quæ utique tanto fuit charitatis ac pacis lavo respersa, ut in palato cordis eujuscumque fidelis veram possent sapere dulcedinem, possetque judicari penitus insipiens, cui talia videantur insipida ». Sub finem vero Epistole ait: « Propter quod nihil morantes, sed omni cunctatione ac dubitatione penitus abjecta legatos nostros præparavimus ad tuam amabilem fraternalitatem dirigen-dos ». In iis litteris Carolus Nicephorum fratrem suum non semel appellavit, qua arte vicit invidiam Orientalium imperatorum valde indignantium, quod imperatoris et Augusti nomen accepisset: « Vicit autem eorum invidiam magnanimitate, qua

eis proculdubio longe præstantior erat, mittendo ad eos crebras legationes, et in Epistolis fratres eos appellando », inquit Eginhardus in Vita Caroli M. De legatis Caroli anno sequenti, quo in Orientem profecti sunt, verba faciemus.

12. *Godefridus Dñorum rex occiditur.* — Eginhardus in Annal. hæc etiam hoc anno narrat: « Imperator Aquisgrani adhuc agens et contra Godefridum regem expeditionem meditans, nuntium accepit classem ducentarum navium de Northmannia in Frisiā appulsam: totasque Frisiaco littori adjacentes insulas esse vastatas: jamque exercitum illum in continentē esse: ternaque prælia cum Frisonibus commisisse; Danosque victores tributum victis imposuisse; et vextigalis nomine centum libras argenti a Frisonibus jam esse solutas: regem vero Godefridum domi esse: et revera ita erat. Qui nuntius imperatorem adeo concitavit, ut missis in omnes circunquaque regiones ad congregandum exercitum nuntiis, ipse sine mora palatio exiens, primum quidem classi occurrere, deinde transmissō Rheno flumine, in loco qui Lippia vocatur, copias quæ nondum convenerant, statuit opperiri. Ubi dum aliquot dies morarelur, elephas ille, quem ei Aaron rex Saracenorum miserrat, subita morte periiit. Congregatis tandem copiis, quanta potuit celeritate ad Alaram fluvium contendit: castrisque juxta confluentem ejus, qua Wisuræ flumini conjungitur, positis in vanum Godefridi regis præstolatur adventum. Nam rex ille vanissima spe victorie inflatus, acies se cum imperatore congredi velle jactabat. Sed dum imperator in memorato loco stativa haberet, diversarum rerum nuntiū ad eum deferuntur. Nam et classem quæ Frisiā vastabat, domum regressam: et Godefridum regem a quadam suo satellite interfuctum. Castellum vocabulo *Hohbuiki*, Albæ flumini appositum, in quo Odo legatus imperatoris et Orientalium Saxonum erat, a Vultzis captum, etc. Quibus ille acceptis, disposita pro temporis condi-

tione Saxonia; domum revertitur. Godefrido Danorum rege mortuo, Hemmingus filius fratri ejus in regnum successit, et pacem cum imperatore fecit ». Idem habent Regino, monachus Egolensis, et plerique annalistæ; legendus etiam Eginhardus in Vita Caroli M.

13. *Egbertus rex Britanos tributarios reddit.* — Malmesburiensis lib. 2 de Gest. reg. cap. 1, postquam narravit *Egbertum* Occidentalium Saxonum regnum iniisse, scribit: « Interea Egbertus cum clementia et mansuetudine subjectorum amorem redemisset, prima virium documenta in Britannos, qui eam insulæ partem inhabitant, quæ Cornugalliae dicitur, dedit: quibus subjugatis, Aquilonares Britannos, qui a prædictis brachio maris dividuntur, tributarios fecit ». Cerdicus Occidentalium Saxonum rex provinciam illam, quæ *Cornubia*, et a Malmesburiensi *Cornugallia* dicitur, Britannis permiserat, et Christi legem impune colere, ut ostendit Alfordus anno **DIXIX**, num. 17. Quare Britanni habuerunt principes et reges, qui nunc forte res novas moliti, dum viderent omnem Septentrionem vario impetu, Austrum quoque et Orientem, Cantii etiam regnum infirmiter stare, surrexerunt et ipsi in spem aliquam recuperandæ provinciæ, quam nullo juris titulo, Saxones tenebant. Sed *Egbertus*, qui paulatim monarchiæ Angliæ fundamenta posuit, anno superiori, ex calculo Westmonasteriensis *Cornubiam* suo adjecit regno, et currenti *Aquilonares Britanos subjugavit et tributarios fecit*, inquit idem Westmonasteriensis. Quotquot autem trans Sabrinam fluvium sedem fixerant, ut a posteris *Walli*, sic a primis scriptoribus *Britanni Aquilonares* appellati. *Eardulfus*, quem nuper Leo Pontifex Romanus Northumbriæ regno resluit, circa hæc tempora mortuus videtur; sed horum regum successionem Malmesburiensis exemplo prætermittimus, quia, ut ait idem Malmesburiensis lib. 1, cap. 3, rex Northumbriæ *ad regis West-Saxonum spectabat arbitrium*.

1. *Nicephorus imperator cum suis et toto exercitu a Barbaris misere cæsus, unde in imperium evectus Michael Curopalata.* — Annus sequens octingentesimus undecimus Indictione quarta qui

incipit, ultionis annus Domini fuit Nicephoro imperatori, cum a Bulgariis occisus est, sese ipsum dans impellente numine eorum gladiis trucidandum. Ista quomodo se habuerunt, a nullo fidelius, quam

a Theophane, qui his temporibus Constantinopoli degebat, aecipere possumus; qui res gestas ab anni hujus exordio sic auspicatur: « Interea mense Februario ejusdem quartæ Indictionis, primo sabbato jejuniorum obviam facti Saraceni penes Eu-chaeum (Euchaidam) Leoni prætori Armeniacorum deferenti thematis rogam (donativum militare scilicet) hanc abstulerunt cum multitudine populi copiosa. Talenta ergo erant sexdecim, librae mille trecentæ. In his nec sic redargutus Nicephorus, ab avaritia sua cessavit. Igitur novus Achab signis non eruditus, quin e contra Phalride ac Mida ambitionis factus, contra Bulgaros prælium preparat una cum Stauratio filio suo. Et Julio mense a regia urbe digressus, jussit Nicetæ patricio et generali logothetæ publicos Ecclesiarum et monasteriorum census imponere, et octo annorum præleritorum redhibitiones a principiū domibus exigere. Et erat lamentum magnum. Cum autem querimoniam audiret a quodam proprio famulo, Theodosio vide-licet Salibara patricio dicente sibi: Omnes, o domine, contra nos clamant; et in tempore tentationis easui nostro congratulabuntur, sic ait ad eum: Si Deus obdurans obduravit cor meum, ut Pharaonis, quid boni erit his, qui sub manu mea sunt a Nicephoro? Theodosi, noli exspectare præter quæ a te conspi ciuntur. Haec (Dominus novit) ego ipse conscriptor horum viva voce audivi a Theodosio.

2. « Collectis itaque militiis non solum ex Thracia, verum etiam ex ulterioribus thematibus, cum his etiam egenos pedites cum propriis stipendiis contra Bulgaros fundis et virgis armatos et blasphemantes minavit. Crunus autem (rex Bulgarorum) multitudines timens, cum esset Marcellis, pacem petebat. At ille nequam consiliis et conscientia, consiliariorum suorum persuasionibus prohibitus est; et post multos anfractus per avia loca præcipitanter temerarius simul et pavidus ingreditur Bulgariam, decimo tertio kalendas Augusti. Cum Syrius appareret cuneta consumens, frequenter ita fatus<sup>1</sup>: Quis ibit, inquiens, et decipiet Achab? Quis sive Dens, sive adversarius trahit me nolentem? Porro priusquam ingressus fuisset Bulgariam, Byzantius dilectus ejus famulus ad Crunnum confugit Marcellis, secum subrepta veste imperiali et auri libris centum. Multi autem hujus fugam in malum Nicephori auspicati sunt.

« Tribus itaque diebus post primos conflictus, se prosperari opinatus, nou prosperam facienti Deo adscribebat victoriam, sed Staurati solius bonam fortunam bonumque consilium prædicat; et principibus, qui introitum inhibuerant, minabatur, et irrationalia quoque animantia, et infantes et omnem ætatem immisericorditer occidi præcepit, et mortua comprovincialium corpora insepulta dimisit, solius spoliorum collectionis curam faciens: claves autem et signacula penetralibus Crunni superimponebat, ea ut propria de cætero commu-

nient; aures autem et cætera Christianorum membra, si quis saltem tetigisset ex spoliis quieqnami, abscondebat, et aulam incendit, quæ dicitur chortis Crunni, cum ipse Crunnus vehementer esset humiliatus, et significasset, diceus: Ecce vicisti. Tolle ergo quicquid tibi placuerit: egressere in pace.

3. « Tunc saeviens Crunus, regionis introitus et exitus, lignea munimina mittens, maceria circumdedit atque tutavit. Nicephorus autem hoc comperto, mox attonitus quidam ageret circumiens ignoravit, et iis, quibus aderant, futuram perditio-nem pronuntiabat asseverans: Etiamsi pennati fuerimus, nemo speret exitium se evasurum. Haec autem molimina erant per dies duos, quintam vide-licet et sextam feriam. Et nocte sabbati turbationes turbarum arinatarum circa Nicephorum et eos, qui cum ipso erant, auditæ omnes enervaverunt. Ante diei vero principium supervenientes Barbari contra tabernaculum Nicephori et magnates, qui cum ipso erant, hunc miserabiliter interficiunt; inter quos erant Aetius, Petrus et Sisinnius, Tri-philes patricii, atque Theodosius Salibaras patricius, qui contristavit et multa mala beata ostendit Irenæ, neenon Eparehus patricius, et prætor Orientalium, multique protospatharii, et excubitus domesticus, et ordinum principes, seu Drungarius imperialis vigiliae simul et Thracie prætor, et multi principes thematum cum infinitis populis; omnisque Christianorum corrupta est species: arma quoque perie-runt et imperii vasa. Porro talis diei deformia verba absit, ut Christiani ulterius audiant, utpote omne lamentum excedentia.

4. « Caput Nicephori Crunus recisum suspen-dit diebus multis in ligno, in ostentationem ad se venientium nationum et confusionem omium nostrum. Post haec autem accepiens illud et denu-dans, argentoque forinsecus induens, bibere in illo Selavinorum principes fecit gloriatus.

« Verum licet multæ virtutæ et orphani fuerint facti uno die, et lamentatio intolerabilis haberetur, hujus tamen oceisio multorum facta est consolatio. Modum vero hujus occisionis nullus eorum, qui salvati fuerunt, liquidius enarravit. Ferunt etiam quidam, quod Christiani hunc cadentem lapidibus impetierunt. Ast effeminatorum virorum, servorum scilicet ejus cum quibus et conueniobat, alii quidem igne, vallis, alii vero gladiis perierunt cum ipso. Hujus principatu Christiani graviorem nullo tempore sunt consecuti. Omnes enim, qui ante se imperaverunt, ambitione et luxuriis atque barbaricis crudelitatibus superavit, de quibus per singula persequi et posteris invidibile, et nobis erit laboriosum<sup>2</sup>. Haec tenus de miserando, sed digno meritoque easu hominis, qui non posuit<sup>3</sup> Deum adjutorem suum, sed speravit in multitudine divi-tiarum suarum, et prævaluit in vanitate sua, cui et secundum illud divinum oraculum accidit<sup>4</sup>: « Cor dum mala habebit in extremo ».

<sup>1</sup> 3. Reg. xxii.

<sup>2</sup> Psal. li. — <sup>3</sup> Eccl. iii.

5. Hic vero non prætereunda sunt, quæ Michael Studita in Vita Theodore Studitiæ de præviso et prænuntiato Nicephori interitu narrat his verbis: « Nec vero prætermittendum, quod sanguinario illi eventurum pater prædixit. Illoc ipsum quippe illi prædixit, et imminens periculum denunciavit: tametsi nec sic quidem amens intellexit. Cum enim jam contra Scythas moveret, tumidosque et elatos spiritus fremens gereret, probrum sibi dicens, se a sancto vinci, nec cœptum iter insistere audens, nisi sibi prius adjungeret, misit ex iis, qui cum magistratu erant aliquot, qui vel minis, vel blanditiis viro persuadeant, et quæ ab imperatore acta fuerant, probare compellant. At divinus ille tum ardentiore quodam zelo succensus, et tanquam Spiritus numine afflatus ea vecordi prædixit, quæ timore illum ac metu concutere poterant, nisi amens prorsus et rationis expers fuisset: Æquum erat, imperator, te actorum tuorum pœnitentia duci, et medicinam malo facere, ne temporis progressu difficile ad sanandum, aut penitus etiam insanabile redderetur. Sed quoniam hand ullum morbi tui sensum habes, ut non solum ipse ultro te in laqueum inducas, sed alios etiam in eumdem impellere conaris, et ruinam nolentibus ac perniciem pares: haec tibi omnium vindicta et spectator oculis meis verbis prænuntiat: Seilo, te quam viam nunc ingrederis, ex ea nunquam reversurum.

6. « Itaque secundum justi vaticinationem Barbaricis manibus captus, nou solum vitam turpiter amisit, sed caput ipsum amputatum Bulgarorum genti ad ludibrium reliquit, in quo illi inter potandum propinarent, et cladem suam et ignominiam in omnibus conviviis misero exprobrarent. De quo quidem apte prophetatum illud dici queat<sup>1</sup>: « Dominus regis, erubescite, quoniam in gladio principes vestri cadent, eo quod legem meam prævaricati sunt, et populum meum vexaverunt. Postquam igitur fœdo in hunc modum exitu sublatus est, et Stauratius ejus filius cum plagiis, quas in eodem prœlio accepérat, ægre in regiam urbem delatus, duobus, ut ferunt, mensibus supervixit, Michael, qui europałatæ dignitatem habebat, tum seeptra snsepił, vir imperio plane dignus et in eo administrando æquissimus ». Ilucusque Michael Studita de interitu Nicephori atque Stauratii.

Eo in prœlio militans Petrus patricius, mira Dei benignitate e periculo liberatus, haud ingratus exilit benefactori: siquidem remisso munitio sæculo, seipsum Deo totum obtulit, dum quod reliquum ejus supererat vite tempus, in monastica observatione insumendum tradidit: quod adeo naviter prosecutus implevit, ut egregia floruerit sanctitate, atque post obitum inter sanctos in tabulis Ecclesiasticis adscribi meruerit, hoc elogio die prima mensis Julii:

7. « Petrus sanctus pater noster ex Constantiopoli quidem sub piissimo fuit Ireneæ imperio pa-

tricij filius Constantini, a quo etiam omnem scripturam didicit Gentilem et Christianam. Postmodum et uxori copulatus factus est patricius. Et propter fortitudinem electus familiaris miles a Nicephoro principe Stauratii genitore. Et cum imperatore profectus in expeditionem adversus Bulgarios, post ipsius cædem, et filii Stauratii fugam fuit interceptus cum aliis quinquaginta, et a vinculis per orationem et apparitionem S. Joannis liberatus, mundo relicto, monasticam vitam assumpsit, et in Olympo monte cum sancto se exercuit Joannicio. Post ejus vero transitum urbem regiam petens, et in templo a se in Evandri loco exstructo residens, et omnem obiens virtutem, multaque pattrans miracula, consummatus est ». Haec in Menologio. In quo pariter extat memoria eorum, qui tunc capti sunt a rege Bulgarorum; ab eo cum compellerentur a fide Christiana deficere, nec acquiescerent, ab eodem necari jussi, martyrii coronam sunt consecuti. De his enim in eodem Menologio Basili imp. die vicesima terlia Julii agitur istis verbis:

8. « Sanctorum martyrum in Bulgaria necatorum commemoratio. Sub Nicephoro Stauratii patre imperatore gestum est bellum a Romanis cum Bulgaris. Et cum imperator magnam consequens esset victoriam: deliciis et potibus populus vacabat exultans Victoria. Sed reliquiae Barbarorum a diabolo concitatæ, in Romanos in castris degentes irruentes, ceperunt imperatorem et occiderunt, reliquorum autem alios obtruncarunt, alios duxere captivos. Illos autem Christum negare cogebant; et quia non acquieverunt, multis tormentis excruciatos, alios gladio obtruncarunt, alios suspendio suffocarunt, sagittis alios transfixerunt, reliqui consumti in carcere cursum summarunt ». Haec ibi. De iisdem agitar in latino Martyrologio, sed mendose fortasse per Nicephorum, quod sub Nicephoro factum est, dicitur. Sed ad Michaelem novum imperalorem designatum redeamus.

Quæ antem præcesserunt, antequam idem Michael imperium sit adeptus, ex Theophane sic accipe: « Postquam Nicephorus e medio sublatus est, Stephanus patricius et scholarum domesticus, cum adasset quoque Theoctistus magisler, prouinciavit Stauratium imperatorem, licet vivente adhuc patre eodem fuisset ab ipso insignitus honore: displicuit populo, qui salvatus fuerat, qui et patris ejus interitu delectatus est. Michael sane Cunopalates illæsus evadens admodum ab aunicis rogatus est, ut imperator appellaretur. Et non admisit propter juramenta Nicephoro prestita atque Stauratio. Huic Stephanus domesticus resistebat spe vitae Stauratii.

9. « Porro Stauratins per urinam sanguine immenso prouumpente, arefactus est femoribus et tibiis adeo, ut Phorio veniret Byzantium. Hunc Nicephorus patriarcha validiore amans affectu, consilium dabat ei, ut Deum placaret, et eos, qui in avaritia prægravati erant a patre suo, consolare-

<sup>1</sup> Ose. vii.

tur. Ad quem paterni sensus hæres germanus dicebat, non posse plus tribus reddere talentis. Hæc autem erat exilis pars injustitiae illius : verumtamen et circa hæc pigratabatur, non vivere fidens.

« Cum autem fœdus illibatum, more paternæ mentis, circa neminem servaret, frequentius de honestationibus submittebat Theoctistum magistrum et Stephanum domesticum, et Michaelem Europalatem avertens animo, et Procopiam sororem suam (Michaelis uxorem) ut insidiante sibi Theophanie Augustæ submissionibus. Mox quippe misera per beatæ imitationem Irenæ obtinere sperabat imperium, cum sine liberis esset. Ast vero Stauratius videns se insanabiliter infirmari, habitum imperii uxori acquirere festinabat, et Bulgaros in Christianos excitare supra præcedentia mala. Super quo paventes Nicephorus patriarcha, Theoctistus magister et Stephanus domesticus ex multa inimicitia in alteram amicitiam eum Michaelē Europalate venere.

10. « Circa finem Septembri quintæ Indictione, kalendis Octobris vespere, Stauratius advocatum Stephanum domesticum percontabatur, quoniam modo sororis suæ maritum ex propria domo posset ducere ad oculos eruendos. Quo perhibente, hoc impossibile fore hac hora propter virtutem, nempe custodiam, quæ circa illum esset, et ob munitionem domus loci ejus, rogat nemini fieri nota quæ dicta sunt. At ille cum verbis persuasibilibus inflexisset eum, ne sollicitus esset, per totam noctem militias ordinum, quæ remanserant, collegit in hippodromo una cum principibus propriis ad pronuntiandum Michaelem imperatorem, quemadmodum in subsequentibus indicabitnr.

11. « Porro Nicephorus patriarcha scriptum a Michaelē propriæ manus exegit de recta fide, et ut sine sanguine manus a Christianis servaret, ac de sacris hominibus, seu monachis de toto Ecclesiastico catalogo, ne percuteretur ab illo.

« Anno ab Incarnatione Domini DCCCI (secundum Græcorum suppurationem) Indictione quinta, tertio nonas Octobris, Michaelē Europalata mitissimus appellatus est imperator Romanus in hippodromo a toto senatu atque ordinibus, qui imperavit annos duos. Stauratius autem acclamatione hujus audita, statim eomam totondit, et monachicis induitus est vestimentis, et per Simeonem monachum cognatum suum valde patriarcham implorans. Qui veniens in palatium una cum imperatore Michaelē, Stauratum rogabat, ne tristaretur super hoc, quod factum est : non enim per insidias, sed desperatione vite ipsius id gestum asseverans. At ille nequitiae paternæ rabie furens, non acquievit, dicens ad eum : Amicum meliorem me non habebis. Hora vero quarta coronatus est Michael a Nicephoro patriarcha in ambone magna Ecclesia, in quo magna exultatio facta est ». Hæc Theophanes.

Porro ab ejusdem Michaelis imperio Joannes Europalata suam est auspicatus historiam. Sed et Leo Grammaticus Leonis sapientis mandato histo-

riam sex sequentium imperatorum totidem ferme verbis scripsit, ac Europaleta, sed hic habetur præ manibus ; ille vero adhuc latet in bibliothecis, Vaticanæ scilicet, et Medicea reginae Francorum, sed nobis plus satis Europaleta. In his vero quæ sunt temporis hujus, præstat audire Theophanem hujus temporis auctorem, qui de eodem Michaelē imperatore hæc dicere pergit : « Donavit patriarchæ auri libras quinquaginta, et clero viginti quinque. Vir enim magnanimus et nou avarus omnes consolatus est, qui Nicephori nequitia sunt læsi, donisque senatum et militiam recreavit.

12. « Porro quarto idus Octobris coronata est Procopia in Triclinio Augustali (Augusteos) : multisque donis liberalibus auxit senatum; mulieribus vero thematicorum militum, qui fuerant in Bulgaria pereempti, auri quinque talenta dedit. Theophaniam autem uxorem Stauratii, monasticam vitam amplexam, et cognatos illius, qui miserabiliter sub Nicephoro vixerant, ditavit. Interque alia insignem domum et monasterium Thebraica dictum, ubi Stauratius est sepultus, illi concessit. Omnes etiam patricios et senatores, sacerdotes, et summos sacerdotes et militantes, monachos et pauperes tam in regia urbe, quam in thematibus degentes, locupletavit, adeo ut immensurabilis avaritia Nicephori, propter quam et male perii, paucis diebus disparuisse probaretur.

« Super multos præterea optimos mores suos, cum piissimus et Orthodoxus esset, tristabatur super his, qui a sancta seindebantur Ecclesia, quacumque occasione, sive ratione, multumque sanctissimum patriarcham, ac eos, qui poterant pro eommuni pace concurrere, rogans, non acquiescebat, inter quos et Theodorum hegumenum Studii, et Platonem, atque Joseph archiepiscopum Thessalonicensem fratrem Theodori in studiis detentos amaris una cum principibus monasterii satagebat unire, quod et fecit ». Hæc Theophanes, qui cuncta præsens intuebatur.

13. *Monachi restituti; pax Ecclesia reddita.*  
— De redditâ autem pace Ecclesie, præcipue vero de restitutione S. Platonis, hæc habet ipse Theodorus Studita in Vita ipsius, quam fidelissime scripsit : « Illum, inquit, Nicephorum scilicet diutius arrogantem, et temeritate suspensem cum fortis Dei manus ad Scythas exterminasset, illic cum toto exercitu perdidit, ut posteris narratio quædam terribilis et dictu horrenda, Deique judiciorum, quæ comprehendi non possunt, ejusdemque sapientissimæ providentiae exemplum relinquatur. Eum vero, Platonem videlicet, qui antea nobiscum una clausus tenebatur, cum eorum, qui tunc imperio potiebantur Michaelē et Procopia et pie se gerebant, gratia proprio gregi restituisset, confessorem illum seipsum esse probavit, idque quomodo factum sit dicemus : neque enim hoc præterire consentaneum est.

« Eorum eura, qui res nostras benevolo potius quam inimico animo disponebant, de medio

sublatum fuit scandalum : quo remoto , et dissidium, quod illi cum episcopo intercesserat, sublatum fuit, cum principes ipsi hoc eis persuasissent. Itaque sanctissimus patriarcha se purgavit, quod quæcumque acciderant, imperatoris violentia facta fuissent. Tunc igitur una convenerunt, et viciissim sibi satisfecerunt (quandoquidem ipsi Deo nihil ita charum est ut pax et concordia, modo concordia non sit fidei dissensio atque divini præcepti violatio, non denique canonis alicujus reprobatio, quemadmodum præsens conjunctio se habuit) quantum ad nos pertinebat; ea quæ interea facta fuerunt prætermittentes, ut illis similia, quæ divinorum Patrum memoria facta et similiter dispensatione quadam neglecta fuerant; imo vero perfecta earum rerum examinatione in futuro illo sæculo illi justo atque incorrupto Judici reservata ». Hæc de restituta concordia Theodorus.

14. Facta autem cuncta hæc consensu Leonis Romani Pontificis, Michael Studita in Vita ipsius Theodori testatur, cum de restitutis Patribus, et inita concordia ista ait :

« Michael, qui europalatæ dignitatem tum gerebat, sceptræ suscepit, vir imperio plane dignus, et in ea administratione æquissimus. Cui ante omnia res patris curæ fuerant, ut ab exilio eum revocaret, et honore omni reducem cumularet. Quin etiam dissidentia membra mox aptissime copulavit, pulchrum Ecclesiæ corpus in unum iterum connectens, et pristinam sacerdotibus ac monachis concordiam reddens, Josepho nimurum, qui ejectus ab Ecclesia antea fuerat, ab eadem nunc tanquam inutili membro apertins reciso et excluso, qui in locum ejus fuerat intrusus.

« Placuit hoc in primis Romano antistiti, qui per litteras nuntiosque suos sententiam confirmavit: nam et illum sequestrem pacis et conciliatorem ad devincendum Patrum animos pius imperator adhibuerat. Exinde vero sanctus et patriarcha crescente inter illos amore mutuo, persistenter de cætero non tam corporibus, quam animis invicem arefissime colligari, ita ut alter alterius, et isterque utriusque consuetudine vehementer caperetur ». Ista Michael.

15. Porro ad hanc ineundam concordiam eos usus est consilio Michael imperator, ne quid dissidi semen alicubi reliquum esset: noluit confessores e carcere liberare, nisi prius pollicerentur patriarchæ Nicephoro amplectenti quæ sunt secundum sanam doctrinam, et destrucenti quæ fuerant male constructa, communicarent. Qua libenter accepta conditione a sanctis Platone, Theodoro, atque Josepho, ut alii eidem consentirent, sequestres ipsi fuerunt, ut declarat<sup>1</sup> Epistola hoc argumento conscripta, tunc ab ipso Theodoro ad Antoninum abbatem, qui una cum suis ea de causa in carcere conjectus fuerat, et adhuc eo detinebatur multa passus.

« Antonio præposito S. Petri, et eis qui cum illo, etc.

« Cum Epistolas vestras magno cum animi angore et afflictione ad nos scriptas a paterna sanctitate vestra accepissemus, quantopere ingemuerimus, quid dicere attinel, fraternalis visceribus commoti, tametsi indigni simus, et ex parili moerore dolorem vestrum aestimantes, atque una sustinentes ? Nec enim aliis licet molestias aestimare, quam iis, qui consimili affectu iisque molestiis anguntur. Enimvero peccata nostra usque adeo in hoc sæculo iniquitatem exaggerarunt, refrigerescente juxta Domini verba charitate, ut qui offendicula et scandala omnia removere debeant, eos videre sit paria ac fortasse graviora externis magistratis facere. Carceres dicitis, probra, exilia, persecutions et ærumnas sustinuisse vos, ac etiamnum sustinere ab iis, qui Ecclesias Dei moderantur, quos non solum pro Dei mandato pugnantes, sed ne siquidem humanis criminibus rei essetis, talia unquam a Dei pastoribus perpeti fas esset, nedum pro veritate certantes, quibus laus debetur et beatitudo, atque hæc insuper monastica professione ornati.

16. « Ex operibus eorum cognoscetis eos, ait<sup>2</sup> Dominus. Illud sane talia in sanctis specula sunt; quin ipsi contra pati potius visi sunt Apostolica voce edocti, quæ de Domino sic ait<sup>2</sup>: Qui cum malèdiceretur, non maledicebat, eum pateretur, non comminabatur: præhebat autem placide percutienti divinam maxillam. Ille Christi pastores noti: illuc alieni episcopi. Sed quis sensus vester esse possit de ingrante hac ætate nostra hominum improbitate, et illi gloriam ducentes ostentant; quod iniquum est, æquum aestimantes, auctoritatē et imperium suum ad oppugnanda Dei præcepta exercentes. Verum illi, quæ gesserunt, quæque gerunt, aliquando inveniant, aut veniam potius consequantur a Judice incorrupto, qui nihil inexploratum inultumque relicturus est in die judicii. Vos vero, fratres charissimi, ac Patres reverendissimi, gaudete et exultate, quoniam divinæ beatitudinis gloriam reportastis, et Christi opprobria gloriose suscepistis, exiguis laboribus et ærumnis maxima et sempiterna premia consequentes.

17. « Et quoniam, ut jam ante seripsimus, optimi Dei beneficio, e medio sublatu est eujus causa dissidium in Ecclesia nostra extitit: victrix pax obtinuit nutu et auctoritate et benignitate, addam et hortatu triumphatorum, Christique amanum imperatorum nostrorum, necnon opera et defensione sanctissimi patriarchæ nostri (sic enim deinceps appellare oportet) suscipiat et sanctitas vestra, quæ a nobis humiliibus multa cum speulatione et investigatione, paternarumque actionum contemplatione, ac scandalorum quoque, quæ in Ecclesia interdum contigerunt, dijudicata et approbata fuerunt, ut sie etiam in Ecclesia vestra pax

<sup>1</sup> Theod. l. 1. Ep. LV. in Cod. Column.

<sup>1</sup> Matth. VII. — <sup>2</sup> 1. Pet. II.

Dei regnet in cordibus omnium. Nec enim, nisi hoc facimus, sanctum a Deo reputabitur, nec Victoria nobis erit, quia amitemus forsitan, rectum curiosius inquirentes, et quod hactenus præteritis laboribus bonum exigimus. Accipite ergo, vos obtestamur, et suscipite sanctissimum patriarcham nostrum, et communicate, in quibus manifesta non est iniq[ue]itas, etiam episcopo vestro, ea, quæ intercesserunt, Domino permittentes censor et remuneratori factorum dictorumque. Ad hoc enim ipsum, precibus interpositis, et sanctissimum patriarcham appellemus, ut liberemini vos quoque a custodia. Pacisque tesseram inter vos constituentes, si quid controversiae subsit, illico decidatur; aut si tale sit, ut vestro isthac et reverendissimi episcopi congressu curari nequeant, coram ipso oecumenico patriarcha morbi omnes sanentur, concurrentque universa ad pacis læticiam concordiaque unitatem». Ilucusque ad Antoninum Theodorus Studita de pace suscipienda atque concordia ineunda.

Sed quæ sunt reliqua anni hujus ipsius novi imperatoris ex Theophane recitemus, qui dictis superius ista subjicit: « Misit ad Carolum regem Francorum pro pace atque contractu nuptiarum in Theophylactum filium suum ». Agitur de hac legatione in Annalibus Francorum anno sequenti, quando videlicet pervenit in Gallias. Subdit vero Theophanes :

48. *Epistola Nicephori episcopi Constantinopolitani ad Leonem papam cum fidei professione.* — « Porro octavo kalendas Januarii quintæ Indictionis, Michael tranquilissimus imperator coronari voluit Theophylactum filium suum imperatorem a Nicephoro patriarcha in ambone majoris Ecclesiæ, feria quinta; et obtulit pretiosissimum stemma in sancto altario in vasis aureis et lapidibus vetustis, et quadrangulis velis antiquitus ex auro, et purpura clare contextis atque admirabilibus sanctis imaginibus variatum. Donavit autem et patriarchæ auri libras viginti quinque, et venerabili clero libras centum, splendidam reddens sanctam festivitatem et filii pronuntiationem ».

Insuper hujus quoque Michaelis imperii exordio, de Nicephoro patriarcha subjicit ista Theophanes : « Nicephorus quoque sanctissimus patriarcha transmisit Synodicas litteras ad Leonem sanctum papam Romanum: antea quippe hoc faciendi prohibebatur a Nicephoro imperatore ». Simul ac igitur liberum fuit eidem patriarchæ, quod facere tenebatur ipso sue creationis exordio, officiosissime præstítit, quod ante hæc implere non licuit, prohibente id impius imperatore. Ut primum vero licuit, litteras scripsit ad Leonem Romanum Pontificem, quibus de sua rationem redderet electione, simulque fidei sua Catholice professionem eisdem litteris eidem faceret manifestam: adjectis et munera, quibus venerari placuit ipsum Romanum Pontificem, legatumque misit, cui ea omnia preferenda dedit. Fuit is Michael episcopus Simia-

cularum. Extat ipsa Epistola ex græco reddita latinitati, ensaque post Ephesinum Concilium studio Peltani viri doctissimi. Accepimus nos nuper et aliud ejusdem exemplar latine idiomate scriptum ex Codice Conciliorum bibliothecæ Ecclesie Virdunensis in Lotharingia, nobis impertitum ab insigni doctrinae viro Frontone Duaco societatis Jesu professore, quod magis emendatum græco exemplari se reperisse testatur. Sed expedire putavimus, ut quæ in ea idem Fronto prefatus est, hic ante eamdem Epistolam describamus: sic se habent :

19. « Hæc Epistola Nicephori Constantinopolitanus exscripta fuit ex magno Codice Conciliorum manuscripto bibliothecæ canonorum Ecclesie Virdunensis in Lotharingia, anno millesimo quingeniesimo nonagesimo quinto, latine idiomate cum græco, ut appetet, reddita a veteri interprete, qui minimus ad verbū transtulit, ut mos erat veterum illorum interpretum, ut illius, qui libros Irenæi latinitate donavit. Et quemadmodum hujus ipsius Irenæi interpretatio latina, licet minus elegans, in quibusdam tamen locis correctior reperta est ipso exemplari græco Epiphani, quo loco multa capita Irenæi recitat; sic et ipsius Epistole interpretatio, inculta licet, et multis in locis ita obscura, ut nullus sensus appareret, emendatione tamen fuit quam exemplar illud græcum excusum apud Hieronymum Commelinum, anno millesimo quingeniesimo nonagesimo primo in Germania una cum Synodo Ephesina ex biblioteca Reuchliniana. Quamobrem collatione facta utriusque libri, hanc interpretationem, ubi manifeste a græci contextus sententia aberrabat, sarcivimus et interpolavimus, illis alioquin intactis reliectis, quæ in græco ambiguæ erant, et utcumque ferri poterant, studio minirum antiquitatis, et ut ejus auctoritas major esset: quamobrem et græcas voces aliquando margini attexuimus, ut ex iis posset lector, si vellet, alium sensum elicere. Certe idem factitasse eos, qui editioni Conciliorum Graeco-latine Romæ præsunt, accepi, ut quantum fieri poterat, interpretationem veterem novæ præferrent ». Ista Fronto, qui haec ad me misit una cum Epistola antiquitus latinitate donata, et ut puto, ab Anastasio, qui in his hoc rudi sæculo magna cum laude versatus reperitur; ipse enim (ut dictum est) Theophanes, qua usi sumus, historiam in latinum transtulit. Porro Epistole sic se habet titulus et inscriptio :

20. « Epistola Nicephori Constantinopolitanus archiepiscopi ad Leonem papam, temporibus Caroli.

« In omnibus sanctissimo et beatissimo fratri et consacrificant domino Leoni papæ antiquæ Urbis Romæ, Nicephorus misericordia Ædi episcopus Constantinopolis in Domino salutem.

« Magnus quidem vere et memorabilis, et omni favore dignus est, quicunque est fidelis ille ac prudens servus, qualis in parabolis <sup>1</sup> sacris et Evangelicis describitur prædicationibus, a Domino

<sup>1</sup> Matth. xxiv.

constitulus in domo ejus, et dispensans in judicio mandatorum sern.onem, et impendens non supervacue, sed ad commodum creditis bene utens, dans opportune conservis tritici mensuram, et suppeditans unicuique et largiens proportionaliter quod ei competit, et propterea omnem Domini gratiam et propitiationem in se<sup>1</sup> conferens, et beatitudinem ab eo accipiens, et fore, ut super omnia, in quibuscumque eum proenrare ordinavit, constituantur, promissionem obtinens. Dexter enim cum esset prope nimium et optimus, fidem simul et prudentiam accommodatissimam miscuit et exhibuit, illic quidem benevolentiam et fidelitatem erga Dominum suum ostendens, et minimis eorum quicquam, quae sunt credita, substrahens; hic autem cogitatione officiosa et inentis sobrietate et attentione et sinceritate liberaliter quibus convenient transmittens, quae expenduntur. Pro quibus jam præfectura tanquam dominica dignus (habitus)<sup>2</sup>: Euge, serve bone et fidelis, audiet: quia supra pauca fuisti fidelis, super multa te constituam; et in gaudium Domini sui intrare juste ei præcipietur. Talia sunt illius servi et præmia et opera.

21. « Ego autem non eorum, qui possunt villicare et regere hæc, sed dispositione et regimine indigentium particeps sum, quoniam quidem pusillus nimis et omnium minimus, et tanta parte prorsus et bona sorte destitutus sum, et ideo neque credi Ecclesiam, quæ est secundum Apostolum<sup>3</sup> domus Dei, volui infirmo et invalido natura, et divinorum initiatione indigeniti, prout dicere convenientius est, quia qui neque mea bene dispono, neque humilia et terrena superemieneo; nec animarum regimen et curam gerere unquam elegi. Quibus enim in propriis studiis non succeedit ad utilitatem, multo minus hi ad ea, quæ sunt aliorum, disponenda idonei erunt. Nam simul dono illo et gratia indignum me ipsum judicans et reputans, vellem sicuti non beatitudine illa dignus sum, nec miser esse et pœna dignus, neque particeps oppositarum partium et adversariæ prudentiæ illius maligni<sup>4</sup> et male operantis servi, qui propter multam segnitiam et desidiam Domini adventum procrastinat, et gravis conservis fit, et communicat ebriis in mensa. Quæ dum fiunt, superveniens Dominus (qui exspectabatur) separat, et dividens, cum hypocritis annumerat: neque talentum accipientis, et sub terra ponentis et abscondentis, et idcirco amare pigritiæ accusati, et a quo non tantum usura et multiplicatio exacta est, sed in sorte quoque detrimentum passi et tenebris traditi exterioribus. Utinam non in istis deprehensus exemplar vulgo proponar et subsannatio et irrisio his, qui in circuitu nostro sunt, ostendar, et in motionem capitum videntibus existimer; judicatus quoque et damnatus ab eo, qui omnia videl

et scrutatur quæ nostra sunt, et ductus in flagella actionum injistarum pœnas sufficienter exsolvam, ut qui in similibus rei deprehensi sunt videntes quæ patiar, coerceantur, et correctionem suscipiant. Quoniam igitur permissione et omissione<sup>1</sup> Dei sub jugum ejus subjunctus sum, et hoc ministerium nolens suscep<sup>2</sup> tantum coactus, et non voluntarie, qua conditione antea fuerim et ad quem statum proiectus, ut omnes ferme qui hic sunt, norunt, dicturus advenio.

22. « Aliis quidem ars alia et studium est aut majus aut minus, sicut unusquisque libero arbitrio ducitus, et rerum gerendarum electionem in sua potestate habens, elegit. Enimvero sicut multi-formes hominum cogitationes sunt et consilia, diversi etiam mores et vivendi ratio diversa, sic et vitæ humanæ conditions discernuntur multis modis et dividuntur, et in infinitas varietates et multiplicationes producuntur. Nonnulli enim hanc miseram et conculcandam eligere decreverunt mechanicarum artium conditionem, et alii agriculturæ laborem exhibentes ostenduntur, quidam negotiationis sortiuntur cupiditatem, lucri et divitiarum amorem, aut naviculariae artis amorem peregrinationis ac periculorum, alii per alias manuum artis operationes, ne singillatim omnes persequamur, incedunt. Cæteri autem qui et pauci sunt et potiores, monasticam et philosophicam amplectentes conversationem, animas simul et corpora purificaverunt, et in hac Deo appropinquare digni efficiuntur, et ad supernam beatamque vitæ conditionem perducuntur, aut eloquentia ex rationabilibus disciplinis et artibus insigniti et bonis moribus exornati proprias animas decorarunt: et sicut unicuique denique dulce et gratum videbatur, et pro inclinatione naturæ conlingebat. Mibi autem sic praesentis vitæ negotia evenerunt. Cum igitur ætatem virilem attigsem, et juvenilē præteriisse in regalibus versatus atriis, militiam quamdam exercebam, et ipsam non absque opera ac remissam, sed que per manus et calamos exhibetur. Etenim imperialibus interceram scriptoribus. A secretis autem eos vocare solitæ, latinæ linguae scimus esse dictionem. In hac hærens quibusdam temporibus et humanis rebus impeditus, iu cognitionem rerum caducarum in hac vita et non consistentium veniens, consilia volvebam et cogitationes animo versabam, quam nimirum difficile sit et laboriosum ibi occupatis superna capessere, præcipue vero ut qui spem aliquam meliorem concepit, ab ea non excidat: nam illa quidem ludentium, hæc vero seria tractantium esse arbitrabar, illaque valere jubebam, et istis quantum in me situm esset adhædere, meque in iis potius excellentem cernere studebam, quam illis deinceps condecoratum videri.

23. « Me sane legislatorum ac Prophetarum<sup>3</sup> optimus attendere mihi ipse edocuit, et<sup>4</sup> omnia va-

<sup>1</sup> Επισπόγεος, afficiens. — <sup>2</sup> Matth. xxv. — <sup>3</sup> Coloss. iv. — <sup>4</sup> Matth. xxiv.

<sup>1</sup> Ηχειρος, conniventia. — <sup>2</sup> Οτι τρέπη, quodammodo. — <sup>3</sup> Deut. v.

— <sup>4</sup> Eccl. i.

nitatem esse, et quæ sit abundantia homini in omni labore suo, quo laborat sub sole, alius sapiens insinuavit. Pertransire autem figuram hujus sæculi<sup>1</sup>, Vas Dei electum denunciabat, et alias Scripturas sacras his similia prædicantes audiens et simul in mente habens: quod apud quemdam eorum, qui sapientiae nomine celebres sunt, novius decantatum, melius esse plebeium vivere, quam magnam habere potestatem eum, qui nihil ea dignum sit præstiturns: quemadmodum scenam præsentem deflorescentem gloriam contempsi, meque ad considerationem mei exemplo converti. Idecirco re bene succedente, mihi opitulante Deo, cum dignitatis contemptor sum factus, tum ab imperialibus atriis et urbano tumultu procul abductus, vasa collegi. Solitudinem igitur quamdam occupo, et jugum montis, quod erat asperum et inaccessum, stadiis non paucis circa Proponticam regionem, regia distans ab urbe; et illie stationes facere studebam, ut etiam si possem, monachicam conversationem altingerem.

« Ad hoc enim ex multo iam tempore impellebar, et amor quispiam eremi ac tranquillitatis vehementissimus me tenebat, nec alibi uspiam nisi illie, exremum vitae diem obeundi. Sed quoniam quidem non omnibus omnia, quæ secundum voluntatem sunt, evenire possunt, et sunt quadam in quibus<sup>2</sup> fatum imperat, et sicut vult Deus, fine incepitis ponit: contigit utique hoc etiam mihi, et ab iis, quæ in animo statueram, excidi, et nescio quibus judiciis, quæ novit, qui haec permisit et omisit Deus, ab amabili eremo sum abstractus, et in regiam iterum ductus sum, tanquam sub Deo teste, decreto et judicio eorum, qui in his sedibus collocati erant, et totius Ecclesiæ cœtu sacro ac consilio senatus suffragantibus absque ulla tergiversatione et excusatione, quandoquidem jam regiae urbis presul vitam cum morte commutarat, ut homo humanam, me licet admodum cunctantem et non præsumeniem ad hanc sacerdotalem sedem deduxerunt, quod violentia potius quam persuasione confectum est.

24. « Quia ergo noleus hoc jugum subii, et vim sollicitudinis suscepi non digne, neque uti gratiae conveniebat, timeo quidem primum varias et multiplices machinationes inventoris nequitiae, ac malorum et invisibilium spirituum insurrectionem, ne cum me nudum et inermem ab iis, quæ sunt ex virtute, deprehenderint, nondum enim me spiritualibus et divinis eruditum cognoverunt, aut adversus eos exercilatum, aut concertantem luctatione perspexerunt, peccati vulnerantes sagittis, Ecclesiæ a Deo electam catervam feriant, et bene ordinatam ejus phalangem exterminent, inconsulti et indoeli ducis ruinæ cachinnis insultantes. Deinde vero cum me alienum a principalu, et objectum invidiae viderem, dolositatem et malignitatem in-

vidorum verbis, qui omnia observare student, quæ nostra sunt, sive bene, sive aliter se habeant, nec trabes suis impositas oculis vident, neque glutinum ab oculis purgare appetunt, et alienas festucas scrutantur, et propter pusilla nimium et vilissima et que nullius sunt pretii, linguas suas adversus præminentem injuste armant, et utrinque amare ac injustissime vulnerant. Sed hoc suscipiens certamen, quo in hoc adjutore et opitulatore indigo, nisi ista permittente Deo, a quo postulo incrementum et adjutorium, ut miseranti et propitio oculo in meam respiciat parvitatem, teneatque manu dextera et ad suam deducat voluntatem, et eorum, quæ nobis commissa sunt, gubernacionem ad salutem: qui quidem differt punire hos difficiles et affligentes nos, aut propter nostram militiam, ut ad meliora nos reducat, aut ad illorum detegendam malitiam et perversitatem in nos, ne lateat amaritudo subdole in anima, et astute mificit, sed in lucem prodeat et manifestetur, quod occultum est.

25. « Si autem fraler, qui adjuvalur a fratre, sicut civitas firma et recte firmata est regia, quemadmodum Salomonicus<sup>3</sup> sermo nos admonuit, aliorum etiam plurim precibus indigo ad opem ferendam, præ omnibus autem vestrae maxime in spiritu desideratissimæ et sacrae fraternitatis sacris orationibus, et ad Deum intercessionibus utar, tanquam nobis auxilium ferentibus ac juvamen, ut quæ Deo appropinquant, et ad supernum et intelligibile feruntur altare, mundo munditer loquentibus vobis et audientibus, tacentibus et clamantibus, sicut audiabantur Moyses et Samuel, et si quis alius eis similis in spiritu. Idecirco suffragamini mihi in intirmitate, et manus sanctas in superna levate. Certi enim sumus habere ex confidentia virtutem desuper nobis misericordiam impetrantes, et propitium Deum reddentes ad confortandum et roborandum, quod infirmum et lassum est<sup>2</sup>, ut lorica indui fidei, et galea salutis cooperi, stare possimus adversus principatus et potestates et mundi rectores tenebrarum sæculi hujus, adversus principalia nequitiae, contra quæ nobis luctatio est: ad conservandam item stabilitam et inconcussam animæ fortitudinem, et ut adversus obedire recusantes et refragantes decenter et dextere me geram, et ad eos adoptandos in filios Ecclesiæ, et oves rationales electi Christi gregis efficientes, et ut in divino Ecclesiæ ovili commōrentur curantes, ne a lupis crudeliter lacerantibus devorentur, concordiae et consensionis signaculis signatae, ut insidiis non appetitae et illæse permaneant, utque omnium nostrum capitî Christo et Principi pastorum subiectantur, ac freno ductiles cervices illi subjungant.

26. « Ad mundandos autem nos et clarificandos, et ut fiamus perfecta perfectæ lucis germina, sic ut possimus et aliis impetrare illuminationem et mundationem<sup>3</sup>, detur etiam sermo nobis in

<sup>1</sup> 1. Cor. vii. — <sup>2</sup> Dei voluntatem fatum appellat, utrumque simul jungens, quam quod evitare non possit homo, fatum nominat.

<sup>3</sup> Prov. xv.11. — Ephes. vi. — <sup>4</sup> Ibid.

apertione oris ad implendos eos, qui audiunt, spiritu, et ad prædicandum sine pigritia et defectione virtutem mysteriorum nostrorum, ejus gratia, qui linguam mutorum explicat, et rectos facere potest claudicantes, et ad bene eurrentum in præparationem Evangelii, firmat et corroborat: ad multiplicandum item commissum talentum, et in tempore reddendum cum usura Domino debitum: ad operandum etiam in vinea bona, et operis approbationem reportandam, cum sustinuerimus quidem magnanimitter laborum gravitatem et difficultimum pondus et generose pertulerimus diei aestum, ut his, qui circa<sup>4</sup> undecimam introierunt, absque conductione<sup>5</sup>, in distributione auctoramenti communemur. Ad illuminandum autem nostræ mentis introitum, et ut per spiritus *διεπέπειν* dispiciamus, ita ut propheticarum vocum auditores reddamur, et divinorum mandatorum alacres administri, et ejus suscepto dono, id, quod oculum mentis conturbat, et mentem nostram obumbrat, purgetur atque mundetur: ut undique seipso custodian, et observent, et ab adversariorum ieiibus maneant illæsi. Ad providendam autem franeam<sup>6</sup>, cum super peccatores a Deo immissa advenerit, ut si quidem possibile sit, et dederit Deus, et qui annuntiat adventum, Deum placans, et ipse, et ii, quibus annuntiatur, iram effugiant. Si minus, propriam saltem animam salvam faciam, juxta Loth<sup>7</sup> illum justum, qui salvans animam suam, incendium evasit. Et quæ vestræ quidem sint orationis et spiritualis auxilii, hactenus dicta sint.

27. « Tempus autem jam adest, magnam veritatis tubam, magniloquum Evangelii præconem Paulum spectare meniorabilem, propter antiquos Romanos admodum consolatum, et velut exultantem spiritu, et ob eorum fidei studium et fervorem confidentem atque gloriante, et testificantem, in omnibusque mundi finibus divulgantem, pronuntiantem in iis, quæ ad illos scripsisse eum constat<sup>8</sup>: Gratias ago Deo meo, quia tides vestra annuntiatur in universo mundo. Et quia nostra Evangelica munda et immaculata fides est, et extra quam non est alia, neque Romanis finibus aretata circumserbitur, neque terminis mundanis finitur: in tantum autem effunditur potius et diffunditur, et sicut Prophetice et Apostolice voces incitant fari<sup>9</sup>, in omnem terram divinæ prædicationis sonus exivit, et in times orbis terre verba prædicantium. Si autem oportet et his dicere altiora, haec et in cælis in supernis et intelligibilibus virtutibus fiducialiter agit. Si enim una est Ecclesia in cælo et in terra, et primogenitorum Ecclesiam in cælis exinde audimus descriptam, et est civitas<sup>10</sup> ex fide justificatorum, que sursum est Hierusalem, cuius artifex et conditor Deus, qui et pacificavit, quæ in cælis et quæ in terra sunt<sup>11</sup>, medium macerie solvens parietem perditamque ovem in humeris attollens

per inenarrabilem dispensationem salvis et manentibus adjunxit: hac ratione juste admodum unionem et conjunctionem retinemus, quum ad nutum unum et concessionem creatura fidei suffragetur: non enim in Iudea tantum notus est Deus, sed in omnibus, quæcumque mens et ratio contemplatur.

28. « Nos vero, qui novum Romanorum nomen sortiti sumus, utpote super uno et eodem fundamento fidei superædificati, Apostolorum, inquam, et Prophetarum sapientium<sup>12</sup> artificiorum, posito angulari lapide omnium nostrorum Salvatore Christo et Deo, nulla in re, quod ad finem altinet, antiquioribus sumus inferiores. In Ecclesia enim Dei non est prænumeratum et subnumeratum, sicut non Judæus, non Græcus, non Scythia, non Barbarus, non servus, non liber, sed omnes in Christo unum sumus. Igitur et in nobis divinus Paulus superbiat et gloriatur, ac se jactet coplans veteribus nova, et comparans in dogmatibus et prædicationibus, cujus et nos doctrinas et admonitiones sequentes, in quibus radicati et firmati sumus confessione fidei nostræ, in qua slamus et gloriamur, nostrasque sententias quæcumque sunt sane de nobilissima et immaculata nostra religione, revelata facie clarissime prædicamus, cum qua Deo servimus, et quam spirare potius quam aerem indesinenter debemus. Cum qua et abire de præsenti vita contendimus, superna gratia confortati et muniti, sicuti alia non licet incedere et ambulare, aut quæ presentis sunt vitæ bene disponere, aut quæ in futuro sunt reposita dignis bona impetrare.

29. « CONFITEOR igitur me credere in unum Deum Patrem omnipotentem, omnium factorem et dominatorem ac Dominum, et in Filium ejus unigenitum Dominum nostrum Jesum Christum verum Deum, et ante sæcula Verbum sine principio et ineffabiliter ex Deo natum, incomprehensibili ratione, et quam intelligibilis ac sensibilis ulla creatura complecti mente non potest. Et in Spiritum veritatis vivificantem, ac sanctissimam Trinitatem unius substantiae, supersubstantiale, invisiabilem, incomprehensibilem, inseparabilem, immutabilem, simplicem, indivisam et incompositam, et sine intervallo incorpoream, sempiternam sine qualitate, sine quantitate, unius honoris, unius glorie, unius sedis, unius deitatis, intractabilem et impalpabilem sine figura, sine fine bonam, perpetue splendentem lucem, tripliciter fulgentem, lumen omne excedentem, semper itidem et secundum eadem se habentem, omnia speculantem, et perficiensem virtutem, omnibus rationabilibus et intelligibilibus repente et non parlim effusione divini luminis splendentem, proportionaliter, pro facultate recipiendi quæ in iis est qui illuminantur, et ad esse, et ad bene esse conservantem in subsistentibus rebus et non nudis nominibus co-

<sup>4</sup> Matth. x. — <sup>5</sup> Απορριψόμενος. — <sup>6</sup> Zach. xii. — <sup>7</sup> Genes. ix. — <sup>8</sup> Rom. i. — <sup>9</sup> Ps. xviii. Rom. x. — <sup>10</sup> Hebr. xii. — <sup>11</sup> Epheg. ii.

<sup>12</sup> Τεχνίτες ψηφίζων, vel τεχνίτης, artificum.

gnitam, una deitate, et potestate, et regno glorificandam et adorandam ab omni visibili et invisibili creatura.

30. « Ex iis, quae in Trinitate considerantur, Pater quidem sine initio est et sine causa: non enim ex aliquo, sed a seipso esse habet. Filius autem, non sine principio est, ex Patre enim est. Principium autem filii Pater sicut causa est; si autem, quod ex tempore est, accipias initium, et sine initio est: creator enim temporum non est sub tempore genitus<sup>1</sup> quidem, sed sempiterne et indistincte consplendens Patri<sup>2</sup> sicut splendor gloriae et paternae figura substantiae. Spiritus autem sanctus ex Patre substantiam habens, non genitus<sup>3</sup>, sed procedens, sempiterne cum Patre et Filio consideratur; non sine principio quidem propter processionem ex Patre. Principium enim et ipsius est Pater secundum causae rationem: sine initio autem et ipse est secundum tempus.

« Unus ergo Deus Pater ex quo omnia, et unus Dominus Jesus Christus per quem omnia, et unus Spiritus sanctus in quo omnia, ex tribus perfectis unum perfectum et perfectissimum, quod est divinitas, segregatis quidem et personalibus proprietatibus ab invicem differentia. Unumquodque enim horum quae natura indivisa sunt propter continuatatem substantiae cum mentis contemplatione dividitur, Deus a nobis agnoscitur et creditur omnium plenissimum existens divinitatis propriatum. Et haec tria invicem copulata unus Deus a nobis adoratur, ternaliter quidem secundum personas, singulariter autem secundum substantiam. Et monarchia est, quod a nobis honoratur, non polyarchia, non anarchia propter inordinatam et seditiones statutae ac confusionis conditionem. Monarchia autem, non quam circumscrimit persona propter imperfectionem et litteram Iudaicæ inopie et puerilitatis, sed quam naturæ unius honor, et sententiae conspiratio, et identitas motus ostendit, et eorum quae ex eodem sunt in unum consensus, quod in creata natura impossibile est, velut ait magnus inter theologos Gregorius, et neque id quod copulatum et connaturale est in Trinitate contemplande divinitatis dividitur. Alienetur enim a nobis et abscondatur insani Arii non recta opinio et rabies. Individua enim ipsa Trinitas et gloria et sempiternitate et regno non divisa, neque alienata, neque Dei principalibus personis transmutatis, neque concupescientibus invicem<sup>4</sup>, sed in unaquaque earum immutabili servata et inconclusa proprietate. Procut enim refutetur et abigatur male prudentis Sabellii fraudulenta confusio.

31. « Veneror autem et adoro quod erat ante sæcula destinatum mysterium, novissimis autem temporibus revelatum in salutem omnis generis nostri, et peractum per magnam condescensionem,

et ineffabilem dispensationem unius sanctæ et vivificantis Trinitatis Christi veri Dei nostri, ut unde esse nobis fuit per inenarrabilem ipsius bonitatem, inde et bene nobis esse daretur. Confiteor igitur et credo ipsum unum de vivificatrice et beata Trinitate Dei Filium et Verbum cum Patre et Spiritu sancto sempiterne simul adorandum et conglorificandum, sicuti consubstantiale et concessorem<sup>1</sup>, infinita elementia motum ad miserandam proprium plasmationem bona voluntate paterna et misericordia, gratia autem et cooperatione sancti Spiritus descendenter de caelo, et inter homines conversatum, ut dannatos nos dum peccato, et a delectatione expulsos paradisi, et corruptioni subjectos gratia reconciliaret, et divinae socios perficeret naturæ. Inhabitans enim in utero sanctissime incontaminatae Dei Genitricis Virginis, et in anima et in carne præmundata Spiritu, et totum in seipso suscipiens ex ipsa quod nostrum est, quemadmodum in principio plasmans et vivificans hominem, processit Deus incarnatus, manens quod erat, Deus: Virginem post partum supernaturaliter et ineffabiliter Genitricem conservans: nequaquam mutata secundum naturam virginitate ad ostensionem veram, secundum processionem nativitatis ejus, inconnexæ et immutabilis sempiternitatis. Qui enim Patri connaturalis est, consubstantialis nobis per omnia absque peccato factus, semen Abrahæ apprehendit, similiter nobis particeps factus carnis et sanguinis.

32. « Carnem enim animatam suscepit anima intelligibili et rationali, quae nullo modo substituit ante ultimam unionem, sed simul caro animata rationalis in Christi connaturalitate creditur, non per gratiam habitans in nobis, sed totus totam naturam complectens inconfuse et indivise et supernaturaliter coadunationem operatus: ut convenientes substantiae divinitatis et humanitatis in proprietate, quae secundum naturam est, permanerent, et nullatenus in invicem transferrentur: licet vocabulari ratione connaturalitatis commicare pie intelligamus propter nominum connexionem. Contemplatione enim sola, et non re ipsa separari existimamus propter supernaturalem convenientium unionem, singularitatem autem et unionem personæ servari credimus inseparatam et indivisam permanentem. Abiectatur enim phantastica impostoris Entychis, et Dioecori confusio et commixtio. Inde ipsum creatum et increatum confitemur, ante secula autem et sub tempore; cælestem et terrestrem; circumscriptum et incircumscriptum; passibilem et impassibilem, sine matre et sine patre; illud quidem inenarrabilem et sine initio et ante sæcula ex Patre nativitatem, hoc autem propter eam, quæ secundum nos est occultam et intelligibilem coadunationem, et duas ejus nativitates praedicamus, quae sunt incomprehensibiles et omnem sermonem excedunt. Cum enim in forma Dei esset unigenitus

<sup>1</sup> Γεννητῶς, per generationem. — <sup>2</sup> Hebr. 1. — <sup>3</sup> Οὐ γεννητῶς διὸ ξεπερνῶς, non per generationem, sed per processionem. — <sup>4</sup> Καὶ περιχωρεύσων εἰς ἀλληλούς, neque communi libet inter se.

<sup>1</sup> Συνθέσεως.

Dei Filius, qui est in sinu Patris, hoc est, in substantia Patris ante saecula, ex eo fulgens, in consummatione saeculorum semetipsum exinanivit, et servi formam assumpsit, hoc est nostram substantiam.

33. « Ergo in Christo secundum personam coadunatio aliud quidem et aliud, ex quibus Salvator est, introducit, ut puta invisible et visibile, passibile et impassibile, non alium autem et alium, absit : Deum eundem perfectum vere et hominem perfectum confitemur : differentiam naturarum attribuentes, unum et eundem cognoscentes. Et post Incarnationem, non in dualitatem filiorum dividentes propter diversitatem concurrentium in coadunationem secundum personam naturarum, ut expellatur a divino atrio insipiens Nestorius ; omnis autem divinitatis et humanitatis ejus operationes perficiunt. Sicut Deus enim operatus est divina, per ipsa Dei signa et mirabilia operans ; sicut homo autem ipse passiones et opprobria voluntarie suscepit. Praeterea eum duabus naturis consequenter et necessarie numero aequales etiam naturales operationes ejus praedico, tanquam demonstrantes et constituentes ipsas substantias vel naturas, secundum pias et Deo convenientes divina sapientia praedictorum Patrum nostrorum traditiones. Similiter autem et duas voluntates naturales ipsius Domini et Duci nostri Iesu Christi confiteor. Voluntarium enim eum cognoscere in utraque natura, ex quibus et in quibus est et intelligitur, sicut operantem, ita et volentem, ad passionem autem voluntarie venisse.

34. « Credo eum erucifixum esse non in qua splendet eum Patre substantia, etsi Dominum<sup>1</sup> gloriae crucifixum fuisse, dicitur in sermone retributionis<sup>2</sup>, sed in terrena nostra natura, in qua terrestrem nostram massam suscepit, et maledictum pro nobis factus est, ut benedictionis, quae ab eo est, socios nos efficeret, et malefactorum secundum carnem suslinit mortem pati, ut mortis aculeum peccatum sustinendo condemnaret in carne sua, et destrueret hunc, qui habebat mortis imperium, hoc est, diabolum. Sepulturae autem traditum corpus suum conservasse incorruptum, nequaquam ab arcana et inenarrabili divisum unitio, quamvis a rationabili et intelligibili ejus anima separatum in spatio triduano. Cum qua ipse et ad infernum descendit, et his, qui in carcere erant, spiritibus (sicut princeps et dominus dixit<sup>3</sup> Petrus, veniens praedicavit) resurrectionem, et libertatem et redemptionem dedit. Incorruptionis autem nobis principium factus est, in eo quod primogenitus ex mortuis surrexit. Surrexit enim sicut Deus caleans mortem, dux itineris factus omnium carni in resurrectione, et simul excitavit nos, qui peccati easu occidimus.

35. « Adstisset autem post resurrectionem mulieribus, et gaudium eis annuntiasse, et eam, quae

ex femineo nos nuntio ineesserat, tristitiam dissipasse. Visum autem et sanonis discipulis suis resurrectionis suae mysterium confirmantem et ostendentem se, sicut ipse fuerat et ante resurrectionem, per escam, et sapientis Thomae circa divinum latus palpationem. Ascendisse quoque in celum, et ad dexteram Dei Patris sedisse cum assumpta carne, eum qua iterum veniet in gloria Dei et potestate, quae est super omnem creaturam, et index sedebit, unicuique secundum opera sua reddens. Omnes<sup>4</sup> enim nos exhiberi oportet ante tribunal Christi. Cum his credo et earum resurrectionem, cum mundi transmutatio fuerit, ut<sup>5</sup> mortale nostrum induat immortalitatem, et corruptibile incorruptione operiatur. Confiteor etiam unum baptismum in remissionem peccatorum, quod in Patre et Filio et Spiritu sancto perficitur, secundum Evangelicam et divinam traditionem.

« Hæc sunt autem Orthodoxæ fidei, et sacrae nostræ religionis venerandæ dogmata et mysteria, secundum traditam nobis a divis initiatoribus altissimam et purissimam theogiam, et salutarem circa nos Dei verbi dispensationem, et quæcumque his convenientia similia dogmata eum omni susceptione et fide conservo et amplector.

36. « Suseipio autem et peto intercessiones et apud Deum interpellationes, primum quidem et præcipue incontaminatae et immaculatae et semper Virginis Dominae nostræ Dei Genitricis, deinde divinarum et celestium virtutum, sanctorum et beatissimorum Apostolorum, et sanctorum Prophetarum, et gloriosiorum ac triumphatorum martyrum et deiferorum<sup>3</sup> Patrum, et omnium sanctorum a saeculo placentium Domino, qui vivunt semper cum eo (animæ enim justorum, inquit<sup>3</sup>, in manu Domini) sicut magnam salutem inde animæ et corporis recepturus.

« Adoro autem et amplector venerandas eorum reliquias, tanquam in sanitatem animarum et corporalium passionum constitutas. Laudo eorum venerandam in Deum conversationem, et memoria eorum certamina et dimications. Glorifico theas, et honoribus supernis corono eos, quoniam propter gloriam omnium nostrum Salvatoris Dei sanguinem fuderunt, et praesentem vitam propter ejus dilectionem contempserunt, imitatores vivificæ et salutaris passionis ejus facti, salutans simul omnium nostrum Salvatoris Christi colendam imaginem, et venerandos et sanctos eorum vultus, attribuens eis<sup>3</sup> secundum honorem adorationem.

37. « Praeterea venerabiliter approbo et honoro sanctas et universales septem Synodos, et quæ in eis decreta et divulgata, divina et supernaturalia salutariaque dogmata, a sanctis et defferentibus Patribus nostris, quos secundum tempus posuit Spiritus sanctus regere Ecclesiam et moderari.

<sup>1</sup> 1. Cor. ii. — <sup>2</sup> Ibid. xv. — <sup>3</sup> Θεοπίπον. — <sup>4</sup> Sup. iii. — <sup>5</sup> Ταχεῖα τηγάνη προσκύνησε.

<sup>1</sup> 2. Cor. v. — <sup>2</sup> Ibid. xv. — <sup>3</sup> Θεοπίπον. — <sup>4</sup> Sup. iii. — <sup>5</sup> Ταχεῖα τηγάνη προσκύνησε.

« Primam quidem in Nicæa convenientem trecentorum decem et octo sanctorum Patrum Synodum adversus impium et furiosum Arium, quem de Ecclesia expellens, fidem nobis veram et rectissimam, per sacrum et divinum Symbolum expressit, Deum Verbum et Dei Filium, non creaturam secundum se, consubstantialem autem Patri et coæternum<sup>1</sup>, velut (vere) Deum verum et Creatorem omnium Orthodoxe definitivit.

« Deinde post eam in hac regia urbe congregatam centum quinquaginta a Deo inspiratorum Patrum, quæ nefarium et oppugnatores Spiritus sancti Macedonium depositi, et saeri Symboli sententiam explicavit, et sancti Spiritus theologiam expressit Deum verum et consubstantialem Patri et Filio, et non creaturam eum confirmans, et cum ipso Apollinarium Laodicensem plane desipientem, et sine intellectu, ab Ecclesia abdicavit.

« Post hanc et in Epheso primam congregatam ducentorum sanctorum Patrum, sanctam Synodum adversus Nestorium vaniastutum<sup>2</sup> et ejus blasphemias, quem deponens unam Christi et Dei nostri, secundum adunationem personarum, et duas naturas inconfuse et indivise sapienter discernens, ipsum Deum et hominem prouuntiavit, sanctamque Mariam proprie ac veraciter Dei Genitricem confessa est.

38. « Post haec in Chalcedonia concurrentium DCXXX sautorum Patrum divisorum et deifferentium, quæ impios Eutychium et Dioscorum, et caliginosam et tenebrosam eorum confusionem damnat, et hos anathematizans, perfectum Deum et perfectum hominem ipsum Christum et Deum nostrum in duabus naturis inconfuse et indivise pie prædicavit.

« Neenon et iterum in hac a Deo conservata civitate convenientem sanctam Synodum CLXX sanctorum Patrum, quæ Origenis et Didymi et Evagrii (Theodori et Nestorii), et cum ipsis male sentientium impia dogmata diu quidem a multis abscondita, tunc autem amare renascentia et germinantia absedit: in quibus ipsi erant delirantes fabulis, judaicam et gentilem magis quam Christianam fidem sequentes.

« Deinde sextam CLXX sanctorum virorum universalem Synodum, et ipsam in hac regia urbe congregatam, et in Christi naturis proprias et naturales operationes prædicantem et voluntates, et anathematizantem, et ab Ecclesia expellentem Theodorum Pharan episcopum, et Ilonorum, Cyrum et Sergium, Pyrrhum, Paulum et Petrum, qui permisso Dei in Ecclesia sacerdotium ad corruptionem nacti sunt, et Macarium Antiochiae appellatum presulem, et Stephanum discipulum ejus, atque Polychronium senem insipientem, qui unam operationem et unam voluntatem in Salvatore nostro Christo et Deo opinabantur.

« Praeter has autem et cum istis in Nicæa

secundo convenientem nostris temporibus eccl Patrum septimam sacram Synodum, quæ omnes precedentes sanctas sex Synodos confirmavit et earum dogmata, et venerandarum et sacrarum imaginum ab exordio Ecclesie traditam adorationem recepit, statuens eas non aliter ac vivificam crucem adorari: ab igens de Ecclesia in injuriam et excidium earum vane loquentes et Christianos accusantes, quia sicut deos eas adorassent, hoc est, Theodosium, Basiliū, et Sisinnium, qui in Deum conniventia sacerdotalem sedem adepti erant.

39. « Cum his supradictis sanctis et universalibus Synodis suscipio, et omnium sapientium et beatorum Patrum dogmata et<sup>1</sup> præcepta amplector, sicut doctrinam irreprehensibilem et salutis fundamentum, et quos Catholica et Apostolica Ecclesia admittit, suscipio, et quos abhorret, abhorreo. Abjicio autem et abhorreo omnino a Simone mago, et hactenus prorsus omnes, qui a pietate recesserunt, et pravorum et pestiferorum dogmatum opinionibus inquinati fuerunt, sanctorumque traditionem reprobaverunt, et amarum zizaniorum semen commisse Orthodoxye fidei agro ausi sunt. Eos autem anathematizo, et omnes, qui eos sequuntur, et sicut pestem in Ecclesia Christi refuto et anathemati submitto. Nos quidem sententiam nostram beatissimis vobis et a Deo edoctis in his manifestatam nuncupavimus, ab initio observatam Ecclesiasticam legem sequentes, veluti quodam animato præcone utentes hac nostra Epistola, dilectionis in Christo et ad invicem confessionis concordiaque vadimonium inferente. Vestra autem amabilis in Deo fraternitas vicem nobis reddit, primum quidem orationes, quæ ad Deum sunt, deinde sermones convenientes et res confirmantes atque intellectum dantes, ut vestris exhortationibus et documentis stemus confirmati in hac fide integre indesinenter et solidi, omnia, quæ in ea sunt, mysteria ab initio tradita inviolata conservantes, et intra terminos atrii Ecclesie stantes, divina fistula Apostolice et<sup>2</sup> paternæ doctrinæ insigni sibilo, et a Deo inspiratis sonis omnes rationales sacri gregis oves congregare et servare valeamus ab insidianibus bestiis illæsos, signalas principis pastorum Christi unctione et nomine.

40. « Et quæ in nobis desunt, per vos adimplete, sicut estis fratrum amatores et ad diligendum proximum proclives, ut abundantia vestra nostræ inopiae sit supplementum, et quod in verbis et rebus nobis minus est, conversationis vestræ sacra atque veneranda fiducia edificetur et augeatur, cum tamen nitilo minore fruamini gratia vobis data. Non enim minorationem affert iis, qui sine livore dant, sed in multiplicationem in tempore opportuno nobilissimos fructus optantibus reddit, iisque qui corroborant nos sicut infirmiores sibi a Deo data virtute, et perficientibus pedes nostros in

<sup>1</sup> Συνέδριον, sine principio in tempore. — <sup>2</sup> Πατριarchæ, spiritualis.

<sup>1</sup> Πατριarchæ, opera. — <sup>2</sup> Πατριarchæ, spiritualis.

Evangeli semita. Et consulere quæ sunt emolumenti et salutis ne desinite. Ut siue in confessione unitatem et parilitatem servamus, sic et in conjunctione dilectionis coaretati et connexi, indivulsum pacis donum in credito nobis ministerio in nobis ipsis retineamus, et consensus concordiaque in Ecclesia custodiatur: ut inde intelligibilis civitas regis magni munera et custodita, indiruta et invastata permaneat ab omni malignitate et impetu visibilium inimicorum circumcurrentium et quærentium devorare aliquem eorum, qui in ea descripti et signati sunt in spiritu. Adversus quos opponimus non arma carnalia, sed spiritualia, scutum fidei et gladium verbi, quod est verbum Dei, ad destruendas peccata molitiones, funda spiritus procul audaciam eorum abigentes et persequentes, et triumphalia adversus eos jubilantes, sicut divina custodia et providentia digni, quæ et tranquillam et pacificam nostram reddit conversationem, ut et in regeneratione in novissima tuba digni efficiamur principi vite impune obviare cum gloria paterna venienti cum sanctis Angelis suis, et ad nuptias cum prudentibus introeamus virginibus, et spiritatibus et angelicis fruamur eptulis, heredes facti repositorum dignis honorum in ipso Christo vero Deo nostro, intercessionibus incontaminatae et immaculatae ejus Matris et omnium sanctorum. Amen.

41. «Licit autem adeo sero in ejusmodi jam memoratis vadimonium obierimus, mirari tamen debet nemo, neque nostram sententiam accusare, sed cognoscat quidem Dei amans fraternitas vestra, quia potestatis sententia dura et rigida gubernabat, quæ impedire poterat, ne, quod sentiremus, exponeremus, non sacerdotalis consuetudo neglecta est et excedit, neque ex desidia quadam quæ opportuna erant, et ad Ecclesiasticos viros pertinebant, omisimus. Ignoseat igitur sacra anima vestra, si quid mihi tarditatis objectura sit, cum experientia compererit et ipsa, quam non sit primum ac facile potestatibus obsistere iis, quorum voluntates sunt subditæ, et omnia implere student, quæ ceteris collibuerint. Visum est enim ei, qui prohibebat, occasionem speciosam objicere pro nobis, ea quæ propter unctionem regis sunt facta, et quod vosmetipsos ab Ecclesia expulisti, exterrebant et turbabant. Propterea et vos ob ea, quæ in istis vi coacti passi estis veniam tribuere iis, qui non sponte in similia inciderint, et idcirco non opus est, ut pluribus verbis apud te nos excusemus, sed hic opportune tibi conscribentur. Sane testificantur satis quæ nunc aguntur et perficiuntur, quoniam clavis collisa est, et porta aperta est, et lapides offensionis de via ablati sunt, et omnis via plana et constrata et explanata est, et recessunt jam quæ sunt tristia, et amota sunt scandala, vana sunt reddita quæ injuriam inferebant, quæ pauca erant inde dissoluta sunt, et lux libera Ecclesiæ illuxit. Ideo locus datum est dilectioni et sequendis atque peragendis iis, quæ consuetudo sacerdotalis ferebat. Sed illi

quidem, quibus quæ sunt divina, non curae sunt, propriæ autem gloriæ causæ studuerunt, videbunt qualia eis ex divino obviabant judicio. Sicut enim gratum eis fuit, ad præsentem vitam gloriam et nobilitatem ea, quæ ad invicem erant, disponerunt. Nos autem propter gloriæ Dei et honoris Ecclesiæ et concordiae, et sacrarum legum conservationem studium ponentes, ea, quæ nostra sunt, exequimur, et pro eo qui nunc creatus est pius potentissimus rex et filius sinecerus Ecclesiæ, et moribus Deo placitis, et institutis bonorum operum splendidus, orationes et deprecationes intentas Deo, qui cum coronavit et cum eo regnat, offerimus, ut ei pacificam largiatur vitam et regnum, et in tempora longa custodiat; reportalis de barbaris trophyis eum ornans, Christianam rempublicam prospere gubernantem, ad zelum eum recte fidei promovens et divinorum mandatorum observationem, ut filii una cum perenni imperio celebre nomen acquirat.

42. « Michaeli autem sanctissimo metropolitæ Sinnaculorum Christo amabilis civitatis præsentes nostras Synodicas litteras ferendas ad vestram dilectissimam et amabilem fraternitatem commendavimus, et certi sumus de jamdudum accepta ejus apud vos appellatione et locutione, quod benigne a vobis videbitur et suscipietur. Rogamus autem et propter nostram parvitatem, ut majori cum benevolentia et familiaritate quæ susceptionis sunt et honoris (requei) ei deferantur. Etenim erga vestram dilectionem valde ardentí et sincero amore afficitur, et in Ecclesiasticis rebus studiosum et alacrem sese præbet, sicut et in sermone et conversatione ac virtute ceteris antecellit, qui et debet Deo bene juvante, et vos in hoc movente dilectionis et concordiae symbola, hoc est, honorandos vestros apices et syllabarum, quæ in manibus sunt, rescripta ad nos ferre ad majorem laetitiam nostram spiritalem et perfectionem nostræ in Domino amabilis affectionis. Omnem vobissem in Christo fraternitatem plurimum salutamus. Valens in Domino ora pro nobis, sanctissime et beatissime pater, intercessorem (auxiliatorem) et apud Deum communem patronum (obtinens), ac defensorem nostrum magnum ac principem Apostolorum, cui pro nobis indignis servis ipsins preces offerre non graveris.

43. « In signum autem mediaticis inter nos in Domino dilectionis misimus vestrae fraternæ beatitudini encolpion aureum, cujus una facies crystallo inclusum, altera picta nigello<sup>1</sup> est, et intus habet alterum encolpion, in quo sunt partes honoriandi ligni in figura Crucis positi, tunicam candidam et penulam castaneam inconsuitem, stolam et simichenum<sup>2</sup> auro variata; et haec suscipiens, Deo prosperante et salvante, hanc niseram renovandæ memoriae causa missionem benigne excipies. Haec in linteamine ingeniose involuta præcepimus plumb-

<sup>1</sup> Δέλτα ξυράσσως, encausto. — <sup>2</sup> Λύχειπλος.

beo signaculo obsignari». Hucusque Nicephori Epistola, in qua de his, quæ pertinent ad munera ab ipso ad Leonem Romanum Pontificem missa, quod primo loco sit adnumeratum encolpion: significari videtur eo nomine crux pectoralis ad collum appendi solita, quod in octava OEcumenica Synodo, Actione quinta, illis verbis ostenditur: « Imposuit super colla nostra encolpium ». Quibus pariter declaratur fuisse insigne episcoporum, per cuius appensionem sacerdotii dignitas ablata antea redderetur, in ea vero lignum sanctissimæ Crucis, sive sanctorum reliquiarum (ut et nunc fil) includi solebant.

**44. Testamentum Caroli Magni de rebus mobilibus.** — Quod ad res perlineat Occidentales, memorabile est testamentum Caroli Magni de rebus mobilibus, quod hoc anno fecisse, auctor est Eginhardus in Vita ipsius; ait enim: « Divisionem tamen thesaurorum pecuniae ac vestium, alioque supellectilis eoram amicis et ministris suis, annis tribus antequam decederet, fecit, contestatus eos, ut post obitum suum a se facta distributio per illorum suffragium rata permaneret: quidque ex eis, quæ divisorat, fieri vellet, breviorio comprehendit, cuius ratio ac textus talis est:

« In nomine Dei omnipotentis Patris, Filii et Spiritus sancti. Incipit descriptio atque divisio, quæ facta est a gloriosissimo atque piissimo domino Carolo imperatore Augusto, anno ab incarnatione Domini nostri Iesu Christi octingentesimo undecimo, anno vero ejus regni in Francia quadragesimo tertio, et in Italia trigesimo sexlo, imperii aulem undecimo, Indictione quarta; quam pia consideratione facere decrevit, et Domino annuente perfecte de thesauris suis atque pecunia, quæ in illo die in camera ejus inventa est. In qua illud præcipue præcavere voluit, ut non solum eleemosynarum largitio, quæ solemniter apud Christianos de possessionibus eorum agitur, pro se quoque de sua pecunia ordine atque ratione perficeretur, sed etiam ut heredes sui, omni ambiguitate remota, quid ad se perlinere deberet, liquido cognoscerent, et sine lite atque contentione sua inter se competenti partitione dividere possent.

**45.** « Hac igitur intentione atque proposito omnem supellectilem atque substantiam suam tam in anno quam in argento, gemmisque et ornato regio, quæ (ut dictum est) illa die in camera ejus inveniri poterat, primo quidem tria divisione partitus est; deinde easdem partes subdividendo, de duabus partibus virginis unas partes fecit, et tertiam integrum reservavit. Et duarum quidem partium in **xxi** partes facta divisio tali ratione consistit. Ut quia in regno illius metropolitanæ civitates **xxi** esse noseuntur, unaquæque illarum partium ad unamquamque metropolim per manus heredum et amicorum suorum eleemosynæ nomine perveniat. Et archiepiscopus, qui tunc illius Ecclesie rector extiterit, partem, quæ ad suam Ecclesiam data est, suscipiens, cum suis suffragancis partitur, eo scilicet modo, ut pars tertia sua Ecclesie

sit, dueæ vero partes inter suffraganeos dividantur.

« Barum divisionum, quæ ex duabus primis partibus factæ sunt, et juxta metropolitarum civitatum numerum **xxi** esse noscuntur, unaquæque ab altera sequestrata semotum in suo repositorio enm superscriptione civitatis, ad quam perforanda erat, condita jacet. Nominata vero metropolitarum civitatum, ad quas eadem eleemosyna vel largitio data est, haec sunt: Roma, Ravenna, Mediolanum, Forumjulii, Gradus, Colonia, Moguntiacum, Vivanum, quæ et Salzburgum, Rothomagus, Treveri, Senones, Vesuntium, Lugdunum, Rheni, Arelatum, Vienna, Tarantasia, Ebroudum, Burdigala, Turones, Bituriges ». Hic adverte, lector, Aquileiam non ponit, quod ejus sedes (ut dictum est) translata fuerit Forumjulii, hinc est, ut sœpe reperiatur scriptus patriarcha Forijulii loco patriarchæ Aquileiensis: hinc legas apud Sigebertum, cum eadem metropoles recensentur, cum nominat Forumjulium, sic ait: « Forumjulii quæ et Aquileia ». Sed pergit:

**46.** « Unius autem partis, quam integrum reservari voluit, talis est ratio, ut illis duabus in supradictas divisiones distributis et sub sigillo reconditis, haec tertia in usu quotidiano versaretur, velut res, quam nulla voti obligatione a dominio possidentis alienatam esse constaret, et hoc tamdiu quoad usque vel ipse superstes esset, vel usum ejus sibi necessarium judicaret; post obitum vero suum, aut voluntariam sœcularium rerum abdicationem, eadem pars quatuor subdivisionibus se caretur, et una quidem earum supradictis **xxi** partibus adderetur; allera a filiis et filiabus, nepotibusque atque neplibus suis assumpta, et justa ac rationabili inter eos partitione divideretur: tertia vero consueto Christianitatis more, in usum pauperum erogaretur: quarta similiter nomine eleemosynæ in servorum et ancillarum usibus palatii famulantium sustentationem distributa veniret. Ad hanc tertiam totius summae portionem, quæ similiter ut cæteræ ex auro et argento constat, adjungi voluit omnia ex ære et ferro aliisque metallis, vasa atque utensilia, cum armis et vestibus aliaque pretiosa, aut vili ad varios usus facta suppellectile, ut sunt cortinæ et stragula, tapetes (tapetia), fulera, coria, sagmata, et quicquid in camera atque vestiario ejus eo die fuisse inventum, ut ex hoc majoris illius partis divisiones fierent, et erogatio eleemosynæ ad plures pervenire posset.

**47.** « Capellam, id est, Ecclesiasticum ministerium, tam id, quod ipse fecit et congregavit, quam quod ei ex paterna hereditate provenit, ut integrum esset, neque ulla divisione scinderetur, ordinavit. Si qua autem invenirentur aut vasa, aut libri, aut alia ornamenta, quæ liquido constaret eidem capelle ab eo collocata non fuisse: haec qui habere vellet, dato justæ estimationis pretio, emeret et haberet. Similiter et de libris, quorum magnam in bibliotheca sua copiam congregavit, statuit, ut ab eis, qui eos habere vellent, justo pretio

redimerentur, pretium in pauperes erogaretur. Inter quos thesauros atque pecuniam tres mensas argenteas, et unam auream praecipue magnitudinis et ponderis esse constat; de quibus statuit atque decrevit, ut una ex iis, que forma quadrangle descriptionem urbis Constantinopolitanae continet, inter cætera donaria, quæ ad hoc deputata sunt, Romam ad Basilicam beati Petri Apostoli deferatur; et altera, quæ forma rotunda Romanæ Urbis effigie insignita est, episcopo Ravennatis Ecclesiæ conferatur. Tertiam, quæ cæteris et operis pulchritudine et ponderis gravitate nullum excellit, quæ ex tribus orbibus connexa totius mundi descriptionem subtili ac minuta figuraione complectitur, et auream illam, quæ quarta esse dicta est, in tertiae illius, et inter hæredes suos, atque in eleemosynam dividenda partis augmentum esse constituit. Hanc constitutionem atque ordinationem coram episcopis, ab alibus comitibusque, qui tunc praesentes esse potuerunt, quorum hic nomina scripta sunt, fecit aliquid constitutum.

## EPISCOPI.

« Hildeboldus, Richolphus, Arn, Wolfarius, Bernoinus, Laidradus, Joannes, Theodulphus, Jesse, Hatto, Waltgaudus ».

Quarumnam autem civitatum hi fuerint episcopi, haud facile est invenire. Quem autem vides nominationum Laidradum, eundem putamus eum Ladrado, sive Leidrado episc. Lugdunensi, cuius extant superius impressæ duæ Epistolæ, altera ad Carolum Magnum de functione sui episcopatus, altera ad sororem, dignæ lectione. De eodem et Thedulphus Aurelianensis episcopus his versibus in Parænesi ad judices :

Hæcerat hac nobis Laidradus sorte sodalis,  
Cederet ut magnum hac relevante labor,  
Noricus bune genuit : hunc tu Luedune (Lneduni) futurum  
Pontificem speras religiosa ope.  
Arte cluit, sensuque viget, virtute redundat  
Qui vitam ad superam transitus iste manet.

Qui præterea eidem testamento subscripti fuerint, sic ubi supra.

## ABBATES.

« Fridogisus, Adalungus, Engilbertus, Irmino.

## COMITES.

« Walach, Meginher, Othulfus, Stephanus, Unrinchus, Burchartus, Meginhartus, Hatto, Richuinus, Eddo, Erehangarius, Getholtus, Bero, Hildegem, Rochulfus.

« Hæc omnia filius ejus Ludovicus, qui divina ei jussione successit, inspecto eodem breviario, quam celerrime poterat, post ejus obilum summa

devotione adimplere curavit ». Ilucusque apud Eginhardum.

48. *De filiis et nepotibus Caroli Magni.* — « Hoc anno pridie nonas Decembbris Carolus filius major natu Caroli imperatoris ex hac vita migravit ». Id veleres Annales Francorum et reliqui omnes autores.

Sed et præter duos filios Carolum et Pipinum reges ex testamento reliquos hæredes, obiit etiam anno superiori primogenita filiarum ejus, quam inirissee diligebat, Rothrudis, olim Constantino imperatori desponsata. De his agens Eginhardus ait : « Pipinus unum filium suum Bernhartum, filias autem quinque, Adelhaidem, Atalam, Gundradam, Berthaïdem et Thedradam superstites reliquit. In quibus rex pieltatis suæ præcipuum documentum ostendit, cum filio defuncto, nepotem patri succeedere, et neptes inter filias suas educari fecisset. Mortes filiorum ac filiæ pro magnanimitate, qua excellebat, minus patienter tulit, pieltate videlicet, qua non minus insignis erat, compulsus ad hærymas ». Hæc Eginhardus.

Porro Carolo Magno (ut Eginhardus est auctor) tribus his annis ultimis vitæ ipsius cælo terraque visa sunt signa atque portenta, quæ recitat, cognita et ab ipso esse ejus obitus indices, nimirum crebra Iunæ solisque deliquia, creber Aquensis palatii, ubi degebat tremor, fulmina, ruina regiæ, incendia, et alia plura hujusmodi. Quod autem Adelaidis sive Adeleidis Pipini filiæ supra mentio facta est, hic reddamus ejus sepulcri Epitaphium in monasterio S. Arnulphi Metis existentis :

Perpetualis amor capienda et causa salutis  
Pectore quem vigili buc properare facit.  
Nosse cupis eur busta sacer numerosa retinet  
Hic locus, astigeri qua potet aula poli?  
Iste sacer domini qui post servavit ovile  
Legitimi fuerat germinis ante pater.  
Cupus posteritas abavo confusa patrono  
Hoc cupit in sancto ponere membra loco.  
Pipini hic proles Adeleid pia virgo quiescit,  
Quam simul et rehquas S. tuere pater.

Ibiden et secundi Pipini hujus avi filia Rothaides sepulla hoc claret Epitaphio, quo et genus texitur majorum ejus : sic se habet :

Hic ego quæ jaceo Rothaides nomine dico,  
Quæ genus excelsò nimium de geruine duco.  
Nam mihi germanus gentes qui subdidit armis  
Ausonias, tretus Karolus virtute Tonantis.  
Pipinus est pater Carolo de principe cretus,  
Agareum stravit magua qui clade tyrannum.  
Pippinus proavus, quanquam audacter ullus.  
Ast abavus Anchise potens, qui ducis ab illo  
Trojano Anchise longo post tempore nomen.  
Hunc genuit pater iste sacer præsulque beatus  
Arnulphus, miris gestis qui fulget ubique,  
Hic me spe cujus fretri posuere parentes.

Porro S. Arnulphi causa facta est ejus Ecclesia sepultura ejus generis regum Francorum eorumque filiorum.

Anno periodi Graeco-Romanæ 6304. — Anno Æra Hispan. 819. — Anno Hegiræ 196, inchoato die 23 Septemb., Fer. 3. — Jesu Christi 811.  
— Leonis III papæ 17. — Caroli imp. 12. Michaelis Curop. 1.

**1. Nicephorus imperator occiditur.** — A num. 1 ad 18. Theophanes anno Incarnat. secundum Alex. **cccciv**, qui kalend. Septemb. superioris Christi anni inchoatur, narrat, *mense Februario Indictionis quartæ, primo Quadragesimæ sabbato*, Saracenos Leoni Armeuiacorum duci talenta tredecim libras mille et trecentas centipientia abstulisse, et Nicephorum imp. in Bulgaria insigni Romanae rei Iudibrio occubuisse. « Contigerunt ista », inquit Theophanes, « mensis Julii die xxv, Indictione iv. Crumimus autem (erat is Bulgarorum rex) amputatum Nicephori caput, adventantibus ad se variis nationibus ostendandum, per dies multos in Romanorum dedecus et viluperium in ligno suspendit ». In eo prælio omnis fere Graecorum nobilitas perevit. Menæa ad diem xxiv Julii celebrant memoriam eorum qui occisi sunt a Bulgario, Nicephoro imperante. Imperavit autem annos octo, menses totidem et dies xxvi. *Michael Rhangabe* ejus successor *Procopiam* illius filiam in conjugem ante imperium accepérat. *Sauracius Procopiæ* frater in monasterium relegatur.

**2. Michael Curopalates ei succedit.** — Nam Theophanes anno Incarnat. secundum Alex. **cccciv**, ait : « Hoc anno mensis Octob. die secundo, Indictione quinta, feria hebdomadis quinta, hora prima Michael piissimus Curopalates a senatu et militaribus ordinibus in hippodromo imperator salutatur. Sauracius autem imperatoris alterius audita designatione, detonsis illico capillis, monasticum habitum induit, etc. Quarta vero diei hora in ambone magnæ Ecclesiae a Nicephoro patriarcha Michael coronatus est, cum maximo civitatis totius tripudio, etc. Mensis subinde ejusdem die **xii** Procopia Augustæ nomen cum corona accepit in Augustei triclinio, etc. Ad innumeratas autem ejus (nempe Michaelis) virtutes et probos mores accessit, quod cum pietate et recta in Deum fide excellebat, eorum qui se quocumque prætextu, sive legitimo, sive perverso, Ecclesiæ cœtu se junxerant, ærmina graviter offendebat. Quapropter sanctissimum patriarcham, cæterosque omnes, qui pacis commune bonum promovere poterant, assiduis precibus et hortatibus interpellare non desistebat. Prae cæteris vero Theodorum Studii preposi-

tum, et Platonem et Josephum Thessalonice archiepiscopum Theodori fratrem arcliori custodia mancipatos, una cum Studitarum monasterii primoribus, ad concordiam et unitatem revocare studebat : quic res ei feliciter successit ». Hæc summarie ex Theophane, quæ fuse et accurate ex Anastasi versione refert Baronius. Porro *Michael ab avo dictus fuit Rhangabe*.

**3. Joannes Seylitz et Leo Grammaticus Theophanis continuatores.** — Ab hujus Michaelis imperio *Joannes Curopalata* suam est auspicatus Historiam, ut Baronius num. 41 notavit. Fuit *Joannes ille Scylitz* natione *Thracesius*; Thraceum autem est pars Asiae Minoris ad mare Ægeum, teste imp. Constantino Porphyrogenito lib. 1 de *Thematibus*. Priusquam *Joannes Seylitz* ad dignatem europalatæ perveniret, variis aliis officiis gradatim functus est; inter quæ fuerunt *protovestiarius*, id est, praefectura vestiarii imperialis, et *magistrus drungariatus vigilie*, sive prefectura excubiarum. Cum protovestiarius adhuc esset, scripsit epitomen Historiarum *ab obitu imp. Nicephori*, hoc est, ab hoc anno, usque ad initium *imperii Isaaci Comneni*, qui Michaeli Stratotico anno **MVII** successit. Hanc primam Seylitzæ editionem in suam Historiarum synopsis Georgius Cedrenus verbatim transcripsit. Fatetur hoc ipse met Cedrenus in sua *Prefatione*, ubi refert, se primam synopseos suæ partem usque ad *imp. Maximianum et Maximum* deductam, ex Georgio syncello transcripsisse, secundam usque ad Nicephorum imp. ex Theophane, tertiam denique usque ad *Isaacum Comnenum* ex Joanne protovestiario cognomine *Thracesio*, qui, ut Allatius in *Dialtriba de Georgiis*, Vossius lib. 2 de *Historicis Graecis* cap. 26, Lambecius lib. 2 *Biblioth. Cæs.* cap. 7, aliquique viri doctissimi affirmant, idem est ac *Joannes Scylitz*. Quare Fabrotus in editionis Parisinae Cedreni *Pretatione* Joannem Seylitzam Cedreni simiam magno errore nuncupavit, et quousque Cedreni synopsis historica nunc pertinet, eo usque perdueta fuit prima editio *Compendii historici* Joannis Seylitzæ. Ceterum cum Joannes ex protovestiario et magno drungario evasisset Curopalata, publicavit secundam *Compendii* sui

historie editionem, historia suorum temporum auctam ab *initio imperii Isaaci Comneni* usque ad initium *imperii Alexii Comneni*, hoc est, ab anno **MVII** usque ad annum **MLXXXI**, quo Alexius Comnenus abdicato Nicephoro Botoniate in imperio successit. Hujus secundæ, et a Cedreno non interpolatae editionis Ms. exemplar antiquissimum extare in bibliotheca Cæsarea testatur Lambechius loco laudato. Quoad *Leonem Grammaticum Theophanis continuatorem*, qui Baronii tempore ineditus erat, exlat nunc inter scriptores Historiæ Byzantinæ a Jacobo Goaro e græco in latinum versus. De eo legendus Hankius part. 2, cap. 7 de Byzantinarum rerum scriptoribus Græcis.

**4. Nicephorus episc. Constantinop. ad Leonem PP. scribit.** — A num. 48 ad 44. Theophanes ad annum **DCCCVI** Incarnat. secundum Alex. refert *Michaëlem imp.* legatos ad Carolum Francorum regem destinasse qui de pace atque matrimonio cum *Theophylacto* ejus filio ineundo tractarent; *Nicephorus* patriarcham Constantinop. Synodicas litteras ad Leonem III transmisso, et *mensis Decembris die xxv, feria hebdomadis quinta*, a Nicephoro patriarcha eumdem *Theophylactum* coronatum esse imperatorem, ut recte Baronius habet, qui et refert easdem litteras Synodicas, in quibus Nicephorus docet, quod vitæ genus, antequam episcopus crearetur, sectatus fuerit, tum qua ratione et occasione ad patriarchatum Constantinop. evectus sit. His subnecit suam, suæque Ecclesiæ confessionem, qua declarat, se ab omnibus erroribus alienum esse, quæ vel Constantinopoli vel alibi aliquando extiterunt; atque ita in omnibus et per omnia sese complecti Romanae Ecclesiæ, ut quæ reliquarum mater sit, fidem. Denique sese excusat, quod justo tardius ad Romanum Pontificem scripsit, suæque fidei rationem reddiderit. De legatis Michaelis imperatoris anno sequenti sermo fiet. Ceterum sanctus Nicephorus munera ad Leonem III misit, inter quæ fuit *encolpium*, de quo Anastasius ad Actionem v Synodi VIII: « Cruce in cum pretioso ligno, vel cum reliquiis sanctorum ante pectus portare suspensam ad collum, hoc est quod vocant *encolpium* ». De hujusmodi *encolpiis* legendus Dueangius ad Alexiadem Annae Comnenæ pag. 247 et seq. Denique Michael *Stauracium* alterum ejus filium eodem quo *Theophylactum* tempore coronavit, sed ille patre adhuc imperante mortuus est, teste Niceta in Vita S. Ignatii patriarchæ Constantinop.

**5. Testamentum Caroli M.** — A numero 44 ad 48. Refert Baronius testamentum Caroli imp. factum « anno ab Incarnatione Domini nostri J. C. **DCXXI**, anno vero regni ejus in Francia **XLIII** et in Italia **XXXVI** (legendum **XXXVII**, licet Ms. quæ consultuit Batuzius, et omnia exemplaria edita habeant **XXXVI**), imperii autem **XI**, Indictione **IV** ». Partem thesaurorum suorum Ecclesiis regni sui largitur, decernitque, « ut quia in regno illius metropolitanæ civitates viginti et una esse noscuntur,

unaquæque illarum parlum ad unamquamque metropolim per manus heredum et amicorum suorum eleemosynæ nomine perveniat ». Panlo post: « Nomina vero metropoleorum ad quas eadem eleemosyna sive largitio facienda est, haec sunt: Roma, Ravenna, Mediolanum, Forum-Julii, Gradus, Colonia, Moguntiacus, Juvavum, quæ et Saltzburgus, Treveris, Senonas, Vesontion, Lugdunum, Rothomagus, Rhemis, Areias, Vienna, Tarrantasia, Ebrodunum, Burdegala, Turones, Bituricas ». Hujus Testamenti testes sunt archiepiscopi septem, episcopi quatuor; Hildebalodus archiepiscopus Coloniensis; Riculphus archiepiscopus Moguntinus; Arno archiepiscopus Salisburgiensis; Vulfarius archiepiscopus Rhemensis; Berninus archiepiscopus Vesontionensis; Laidradus archiepiscopus Lugdunensis; Joannes archiepisc. Arclatensis; Theodulphus episcopus Aurelianensis; Jesse episc. Ambianensis; Netto episc. Basileensis; Waldgaudus seu Waldeandus episc. Leodiensis. Testes sunt et abbates iv: Fridugisus abbas San-Martinianus, Adulungus abbas Laureshamensis, Engilbertus abbas Centulensis, et Hirmino abbas sancti Germani prope muros Parisienses.

**6. Metropoles Galliarum tres in eo non memoratæ.** — « Mirum est », inquit Baluzius in Notis ad Capitularia regum Franc. tom. II, pag. 1071, « cur hic **xxi** tantum metropoles regni Francie esse dicantur, cum **xxiv** fuisse conslet: nam diu ante Caroli tempora, Narbo, Elusa, et Aquæ-Sextiæ, quarum nulla islie mentio, inter Galliarum metropoles numerabantur. *Elusa* tamen cur prætermissa sit, facile intelligi potest. Nam quia excisa fuerat a Vandalis, ut faciunt veteres membranæ Lascurrenses, ac nondum, ut opinor, dignitas primæ sedis ad Ausciensem Ecclesiam translata fuerat, Novempopulanea metropolis inter eateras regni Francorum nominata non est, quia nulla erat, et episcopi illius provinciae proprium ea tempestate metropolitanum non habebant, sed Burdegalensi metropoli subjecti erant, quam *caput regionis Novempopulanea* propterea vocat auctor Chronicus Fontanellensis a Duchesnio editus. Idem dici potest de Ecclesia Aquensi Narbonensis secundæ metropoli; quam absque episcopo fuisse ab anno circiter **DXCI** usque ad annum **DCCLXVI** docent vulgati Aquensium antistitum catalogi; quæ vero suam dignitatem recuperare conata est in Synodo Francordiens, irrita, ut videtur, conatu. Attamen ex Epistola Ludovici Pii de congregandis quantum Conciliis anno **DCXXIX**, manifestum est archiepiscopum Aquensem, *Benedictum* videlicet aut *Agericum*, inter metropolitanos recenseri, qui ad Concilium Lugdunense conventuri erant. At illustrissima Narbonensis Ecclesia, quæ tum duodecim Ecclesiæ suffraganeas habebat, Ecclesiæ nimiriæ in prima Narbonensi, et in Hispania Tarragonensi constitutas, omissa magnam omnino difficultatem habet ». Subdit vir doctissimus se eam aliis exutiendam relinquere. Cointius, qui post

edita a Baluzio Capitularia regum Francorum, vii Annalium suorum tomum publicavit, conatur deprehendere cur in ea Gallicanarum metropoleon recensione omissa sit, qui ideo ad præsentem annum, num. 8 consulendus.

7. *Moritur Carolus filius Caroli imp.* — Ad num. 48. « *Carolus filius domini imperatoris, qui major natu erat, pridie nonas Decemb. diem obiit: et imperator Aquisgrani hyemavit* », inquit Eginhardus in Annal. cui reliqui annalistæ consentiunt. Nulos liberos reliquit incertumque an uxorem duxerit.

8. *Inter utrumque imperium pacem confirmatur.* — Idem Eginhardus in Annal. scribit : « *Absoluto atque dimisso Arsacio spathario (hoc erat nomen legato Nicephori imperatoris) ejusdem pacis confirmandæ gratia, legati Constantinopolim ab imperatore mittuntur, Hatto episcopus Basileensis, et Hugo comes Turonicus, et Aio Langobardus de Foro-Julii, et cum eis Leo quidam spatharius natione Siculus et Willharinus dux Venetorum. Quorum alter ante annos decem Romanam ad imperatorem (nempe Carolum) cum ibi esset, de Sicilia profugit, alter propter perfidiam honore spoliatus, Constantinopolim ad dominum suum duci jubetur.* ». Pervenerunt oratores Constantinopolim Michaelis Cuiopolate jam imperante, qui eis in Franciam redemptibus suos addidit, « *qui de pace atque matrimonio cum filio ejus Theophylacto tractarent* ».

9. *Pace cum Danis firmata Carolus prospere bellum gerit.* — Pergit Eginhardus : « *Condicta inter imperatorem et Ilemmingum Danorum regem pax, propter hyemis asperitatem, quæ inter parles commeandi viam claudebat, in armis tantum jurata servatur, donec redeunte veris tempeste, et apertis viis, quæ immanitate frigoris clausæ fuerunt, congregentibus ex utraque parte utriusque gentis, Francorum scilicet et Danorum, xi primoribus super fluvium Egidoram. Datis utrinque secundum ritum, ac morem suum sacramentis pax firmatur, etc.* » Imperator vero cum Immindo pace firmata, et Placi to generali secundum consuetudinem Aquis habito in tres partes regni totidem exercitus misit : unum trans Albim in Hilinones, qui et ipsos vastavit, et castellum Hobbuochi superiori anno a Wilzis destructum in ripa Albis fluminis restauravit; alterum in Pannonias ad controversias Hunorum et Selavorum finiendas; tertium in Britones ad eorum perfidiam puniendam. Qui omnes, rebus prospere gestis incolores regressi sunt. Qui dicuntur *Hilinones* in vulgatis editionibus Annalium Eginhardi, *Li-*

*nones* appellantur in Fuldensibus aliisque, et *Lmai* vel *Linai* in Chronico Moissiacensi. Elmoldus in Chronico Selavorum lib. t, cap. 2 et cap. 39, docet *Linones* Transalbianos populos fuisse, quos ab ortu Wiltzi claudebant, ab occasu Warnavi, mare Balticum a Septentrione. Lambeicus in Ori-giibus Hamburgensibus existimat, *Hobbuochi* castellum situm fuisse, ubi hodiernum Hamburgum, quod tunc primum et nomen et formam urbis accepit erit.

10. *Opera Caroli Saxones Transalbiani ad fidem Christi conversi.* — *Carolus* novam hanc civitatem Ecclesia statim decorandam curavit. Septimus tunc annus agebatur, ex quo bellum confecerat Saxonum, et plerosque Saxonum Transalbianorum per Gallias disperserat. Laxata jam post septennium captivitate liberum eis in patriam redditum permisit, et curam erudiendarum gentium Transalbianarum, quam penes vicinos episcopos Bremensem ac Werdensem esse quondam voluerat, uni commisit Amalario Gallico episcopo, quem illa de causa trans Albim direxit. Demonstrat hæc Cointius hoc anno num. 46 ex Diplomate Ludovici Pii anno octoccccxxiv dato : « *Genitor nosler gloriose memorie Carolus, omnem Saxoniam Ecclesiasticae religioni subdidit, jugumque Christi ad usque terminos Danorum atque Selavorum corda ferocia ferro perdomans docuit, ubi inter has utrasque gentes Danorum sive Wandalorum ultimam Saxonie partem sitam et diversis periculis temporalibus videlicet et spiritualibus interjacentem perspiciens, pontificalem ibi sedem tieri decrevit trans Albiam. Unde postquam terram Nordalbingorum, laxata captivitate, quam ob multam perfidiam in ipsis Christianitatis initiis patratam, per septennium passi sunt, ne locus ille a Barbaris invaderetur, Ebererto comiti restituere præceperat, non jam vicinis episcopis locum illum committere voluit. Sed ne quisquam eorum hanc sibi deinceps parochiam vindicaret, ex remotis Galliae partibus quemdam episcopum Amalarium nomine direxit, qui primitivam Ecclesiam ibidem consecraret. Sed et eidem Ecclesiæ sacras reliquias ac plura Ecclesiastica munera pia largitate specialiter destinare curavit.* » Quis sit ille *Amalarinus*, in controversia ponitur, sed eum esse *Amalarium* archiepiscopum Trevirensim, certum est. Is enim assumptus ex partibus Galliae remotis a Saxonia Transalbiana, non vero ex partibus Galliae remotis ab Aquisgrano, ut præceptum illud interpretatur Bollandus in Vita sancti Anscharii ad diem in Februarii, unde postea perperam ducit *Amalarium*, de quo loquitur Ladicus, diversum esse a Trevirensi.

## LEONIS III ANNUS 42. — CHRISTI 807.

1. *Manichæi jussu Michaelis imperatoris ad necem quesiti.* — Redemptoris annus octingentesimus duodecimus, Indictione quinta incepit, quo Michael imp. redditæ Ecclesiæ pacæ, Manichæos (qui et Pauliciani sive Atingani sunt dieti) regiones Orientis eorum hæresi magnopere infestantes, lege adversus eos sancita, e medio auferre conatus est. Habet de his in primis ista Theophanes : « Multo sane divino zelo imperator piissimus motus contra Manichæos, qui nunc Pauliciani dicuntur, et Attinganos in Phrygia et Lycania degentes, capitalem animadversionem, Nicephori sanctissimi patriarchæ et aliorum piorum prædicamentis, promulgavit (ipsis scilicet suadentibus et hortantibus). Aversus est autem per alios nequam morum consiliarios, obtenuit pœnitentiæ, cum esset impossibile illos pœnitentiam agere, qui eorum errore decepti fuissent. Dogmatizabant autem indocte, non licere sacerdotibus promulgare contra impios mortem ; per omnia divinis super hoc adversantes Scripturis. Si enim Petrus<sup>1</sup> vertex Apostolorum Ananiam et Saphiram ab unico mendacio tantum mortificavit : et Paulus elamat<sup>2</sup> : Qui talia, inquiens, agunt, digni sunt morte, et haec de solo corporali peccato : quomodo non horum contrarii erunt, qui omni spirituali et corporali spurcitia diuinibus serviant? » Ast hie novi selismatis occasio suborta est ; etenim majores nostri, ut inter alios S. Ambrosius aversatus est communionem illorum episcoporum, qui auctores fuerunt, ut Priscillianus cum suis Maximi imperatoris gladio feriretur. Est et de his Augustini Epistola ad Possidium, et aliae ejusdem adversus dictam sententiam assertiones. At de his superius dicitur est.

2. Sed quæ per Michaelem imperatorem adversus Paulicianos gladio feriendos lege sancita facta sint videamus : ea Lucas Siculus hujus temporis scriptor, in libello, quo ejusdem hæresis impietatem et hæreticorum res gestas est prosecutus, tradit his verbis : « Videns ergo Michael pater piissimus imperator, et qui post eum regnum tenuit Leo, variis et indignis modis infestari ab hæresi Christianos,

missis in omnes Romani orbis partes litteris, omnes nefarie sectæ participes necari jusserunt. Quare ut in Armeniam perlatum est regium edictum ad Thomam episcopum Neocæsariæ, et Paracordacem præfectum, occidebantur regio jussu quotquot morte digni exitii dueces reperiebantur.

« Post hæc quidam e Sergii discipulis, ii nimirum, qui Astati seu instabiles appellantur, præfectum per dolum et proditionem jugularunt, et Cynachorite pariter Thomam metropolitanum ; arreptaque protinus fuga, in Melitenem fugerunt. Erat tum per illam oram Saracenorum, qui Sarden incolebant, Amiras Monoherates. Ab hoc accepto ad habitandum Argeo, sedem inibi figunt Astati, et agmine facto in omnibus circum locis populari, et prædas agere per Romanam dilionem incepunt. Sergius porro cum in Argeo annis aliquot cum discipulis hæsisset, justo tandem Dei iudicio, securi dissectus, ut qui Ecclesiam Dei dissecuerat, in ignem missus est sempiternum. Nam Tzamio quidam e Nicopoli castello hominem nactus in monte, qui Argeo superimminet, faciendis asservibus intentum, aseia ex ejus manibus extorta et in eum impaeta, ipsum interfecit. Atque in hunc modum erepta est vita novissimæ et omnium terrimæ belluæ, anno post orbem conditum sexies millesimo freeentesimo tertio.

3. « Hujus discipuli præcipui et areanorum omnium participes fuerunt Michael et Canocaris, et Joannes cognomento Aoratus, tres hi sacerdotes, et Theodorus ille, de quo dictum est, et Basilius et Zozimus aliquique complures. Ihi omnes ejus discipuli, quos et comperegrinos appellabat, tanquam consacerdotes, populum universum, qui ad Argennum convenerat, post Sergii magistri necem, ejusdem et aliorum, qui præcesserant, pravis institutis et placitis corrupientes, pari omnes inter se in honore fuerunt : nee unum amplius (ut solebant) cæterorum magistrorum designarunt, sed æquali omnes gradu constituti, alias sub se sacerdotes habuerunt, qui ab eis notarii dicebantur.

« Per id vero tempus eminebat genlis princeps Carbeas, qui pestiferam plebem illam regens, usque adeo ejus numerum adauxit, ut eum capi omnes

<sup>1</sup> Act. ix. — <sup>2</sup> Rom. i.

Argeo non possent, mutatis sedibus Tibricam ædificari, domiciliumque in ea collocari, una opera et Melitensem Agarenorum tyrannidem devitans, et illa sua ab aliorum hominum consorcio separatione ad dæmonum similitudinem propius se componens, studens etiam Armenie vicinior esse, Romanorumque imperio, nimirum ut eos, qui ipsius nutibus obsequi vellent, hoc sibi magis redderet obnoxios, haberetque ad prædas agendas socios et particeps: eos vero, qui parere nollent, venundaret Sarraenis. Romanorum itaque arcus, quæ ad Pontum sitæ sunt, assidue populabatur, tulum illic ex loci opportunitate profugium et asylum iis statuens, qui per Romanum imperium ad mortem propter haeresim istam petebantur. Neque hoc solum, sed delicatores insuper et intemperantes arcium illarum, quibus vicina erat Tibrica, incolas proposita talium morum liberata atque impunitate ad se provocabat et affectabat. Illo igitur adhuc superstite, nonnulli ex memoratis sacerdotibus vita migrarunt, alii penitus relieti ac destituti manserunt. Post ejus vero mortem, exceptit rursus pestiferæ gentis tyrannidem Chrysocœtis consolrinus ac gener ejus. Quo regnante Tibricam ipsi pervenimus, regalis obsequi causa, etc. » At ista sub Basilio, de quo sub eodem auctore suo loco dicendum. Porro sub Nicephoro imp. mala ista serpserunt etiam Constantinopolim.

4. *Aliæ hæreses et mali mores Constantinopoli.* — Turpem vero faciem Constantinopolitanæ Ecclesiæ hujus temporis describens Theophanes, ostendit, jacta zizaniorum semina sub Nicephoro imp. eadem exerevisse diversarum hæresum non Manichæorum tantum, sed et Ikonoclastarum et aliorum hæreticorum, ut eorum expurgatio perdifficilis videretur: ad quas succidendas improbas segeles pii Michaelis imperatoris studium vigilans non detuit: in eos enim animadvertis, eorumdem compescere audaciam laboravit: inter quos (inquit Theophanes) unum ex supradictis seductoribus lassum eremitam, qui icona sanctissimæ Dei Genitricis deposuerat, lingua recisa mulcetavit, qui et mortuus est corpore et anima. Collegam vero suum Nicolum, promittentem se pénitentiam acturum, omnibus publicavit, et confidentem sua ipsius mala, tradidit illum in monasterio custodiendum, ne libera conversatione habitu proprio abuteretur. Sed præter hæreses, pravis quoque moribus imbutum populum sub Nicephoro ita fuisse liquet, alique boni odium adeo insitum in Christianorum animis, ut adversus Michaelem probitatem restituere satagente, tumultuali fuerint; cum e contra gratias plurimas Deo rependere debuissent, quod sublato tyranno omnium vitiorum satore et nutritore, misisset ad ea purganda Michaelem angelum suum, quem ingratus populus diu habere non meruit: nam auferens illum Deus, deteriorem Nicephoro Leonem tyrannum in eorum ultionem immisit. Sed hæc anno sequenti.

5. *Platonis monachi sanctissimus obitus.* —

Contigit hoc anno e vita migrare magnum illum miræ sanctitatis virum Platonem confessorem multiplicibus ex plurimis certaminibus coronis insignem, a nobis superius ordine temporum recentis, cuius cum prosecuti simus prælia, æquum est recitare triumphum, ipsius, inquam, ex hac vita ad Deum transitum, ab illo, qui aderat, Theodore Studita aequo confessore descriptum, his verbis:

« Sed quidnam, inquit, consecutum postea fuit? (ubi scilicet imperante Michaeli e carcere S. Plato deductus suo redditus est monasterio). Non amplius pater ipse clausum se definebat; quoniam propter infirmitatem non amplius corporis necessarium usum per seipsum explere poterat: sed modo in lectulo recubans superioris exercitationis et certaminis atque laboris relaxatione, modo in humili aliqua sede requiescens, Davidis psalmos pronuntiabat, et mente Deum ipsum precabatur: quæque ad fratrum societatem adjuvandam pertinabant, omnia conferebat salutaria consilia, admonitiones, correctiones, adhortationes, pro vetere et paterna benevolentia, qua ufi in eos consueverat. Non tamen valebat opus facere, neque genu flectere, neque lectionibus vacare, nisi quantum ministri alieujus prope se legentis opera utebatur. Nihilominus his rebus dolebat et tristis erat, quasi animam perdidisset, eo quod divina et sacra ministeria non obiret, sed a corporeis laboribus vacaret. Ac si quem eibum sumebat morbo congruentem, vel lavaero, ut iussis pareret, utebatur, Deo quidem ipse gratias agebat, sed ægre ferebat tamen, quod remissius viveret. Itaque vere stadium ipsum celeberrimus ille vir et divinum cursum exegit, quod dicitur, cum obedientia exoriens, et in obedientia desinens: duodecimo enim ac diurno horarum ambitui, cum parem annorum circulum in singulis certaminibus perfecisset, ad vilam illam semipaternam, et perenne lumen habitaturus hinc migravit. Numera certamina ipsa, et invenies annos octo et quadraginta, adde duodecim illos annos, antequam terrenis rebus renuntiasset, ad illa quantu[m] certamina quæ in persecutionibus, decem item et novem annos, quos in infirmitate corporis transegit, et celebrem virum undeoctogesimo anno hinc migrasse invenies.

6. « Sed quomodo sine lacrymis ejus viri finem enarrabo? Jacebat senex ille senio admodum honorato, ad migrationem ipsam animam habens paralissimam. Illic et fratrum societas circumfusa sanctarum ejus orationum donum postulabat. Cum igitur singulis benedixisset, eosdem amplexatus, ad sepulcrum abiit admodum lælus, quod iam pridem videre concupierat, quamvis voti compos ante factus non fuisset, cum non pridem assecutus esset quod volebat. Cum igitur valde hilaris sepulcrum suum vidisset, Deo gratias agens<sup>1</sup>: Ilæc, inquit, requies mea in sæculum sæculi. Eamque vocem

<sup>1</sup> Psal. cxxxii.

adjunxit<sup>1</sup>: Voluntatem timentium ipsum faciet Dominus. Movit et eorum, qui foris erant, non paucos, qui nullam temporis rationem habentes (erat enim sacerorum jejuniornum periodus) concursu ad eum venerunt tam monachi, quam in communivita versantes. Quibus cum ille benedixisset, reversi sunt, sanctam illius commendationem velut bonum aliquod viaticum accipientes.

7. «Quin etiam sanctissimus ille patriarcha cum ad eum venisset, ejus orationum se particularem fieri postulavit: quarum compos factus, amplexus illum fuil. Itaque omnis discordiae suspicio remota est, eum olim tristia illa, quæ inter eos acciderant, impedimento fuissent, quominus id credi posset. Omnes igitur admonuit: pro omnibus Deum oravit: universis veniam dedit, qui inimice se in illum gesserant, qui eum persecuti fuerant et molestiis affecerant. Ille fecit divinus ille vir, qui Christum ipsum etiam moriens imitatus est.

«Quoniam vero et testamentum disponi oportebat, dicam quodnam illud fuerit, Orthodoxa, inquam, fides, et legitima vitæ institutio: haec enim et vivens et moriens servavit. Hoc autem vel illud distribuere, ad eum minime pertinebat: quoniam neque de amictu ipso quiequam disponere in potestate habebat. Tunc et a me miserabili homine rogatus, an aliquid haberet quod diceret: manu vestem meam apprehendit, eamque concussit, symbolum quoddam hoc est, obedientiæ omnino liberæ ac promptæ indicium relinquens, vocemque valle submissam emitens, dixit, se nihil habere. Quod dicto, ad humilitatem meam omnia referebat. Minime autem illud prætermittam, quod prædictionis apertam habet significationem. Ipse funebre canticum sibi ante mortem modulatus est. Cum enim thoracis morbo teneretur, et assiduo anhelitu labaret, labia ipsa ex consueta divinorum eloquiorum meditatione movebat, submissaque voce illam præcipue cantici partem canebat: Resurgent mortui, et exsurgent qui sunt in monumentis, et katabuntur qui sunt in terra: quem versus hortabatur, ut secum una canerent qui præsto erant, quoad loqui potuit, et vocem tenuissimam emittere. Canticum autem illud ejus obitus consecutus est, qui justi Lazari ejusque diei festi memoriam adventantem antecessit; ad quem Lazarum canticum illud referebatur, quocum partem habiturus erat pater hic, cuius Vitam scribimus. Postremo eum insurrexisset, et Deum precatus esset, ut salvus fieret, decoro habitu jacens, caputque ad dexteram inclinans, ita leniter tacito corporis motu, tanquam in proprium locum migrandum sibi proponeret, eum oculos ea hora clausisset, qua sol occidit, sanctam animam angelis tradidit, qui eam ad justitiae solem perducerent». Porro diem hanc natalem ejus coluerunt Græci pariter et Latini, que fuit quarta mensis Aprilis.

8. At non prætereamus, quæ ad sepulturam

ejus pertinent a Nicephoro patriarcha eidem sancto extrema persoluta, narrata vero a Michaeli Studiti monacho in Theodoro, paucis istis: «Cum autem per id tempus ex hac vita excederet sanctissimus Plato, octogesimum atatis uno minus agens, vir plurimis defunctus laboribus, egregiis virtutum editis documentis, in eo etiam abundantem patriarcha charitatis sue vim, animique recte compositi specimen exhibuit. Accurrens ipsem et una cum clero ad monasterium, et moribundo sancto adstitit, totus in illum defixus, membra ejus omnia complectens, suaviterque singula deosculans. Cui quidem tanquam patri Patrum cum innumeris luminibus et thuris sufflū justa persolvisset, ægre tandem corpus sepulturæ condidit, multis undecimque confluentibus, ejusque depositionem pro virili prohibentibus, ut qui ne mortuo quidem sancto privari vellent». Ille Michael, qui cum cæteris discipulis præsens potuit esse: his vero subjicit studium Theodori in restituendis monasticis institutis, jam diu ob illatam persecutionem collapsis, et monasterii Studii reparationem usque ad Leonem Armenum, cujus tempore iterum eos omnes contigit pro defensione fidei Catholicæ exulare.

9. *Rejecta conditio de fugitivis reddendis in bello contra Bulgaros.* — Eodem anno kal. Novembris habitus est conventus episcoporum et magistratum Constantinopoli, occasione solvendæ quæstionis inter episcopos et magistratus obortæ ex hujusmodi causa. Cum pax inter imperatorem et Crunnum Bulgarorum regem tractaretur, inter alias conditiones a rege Barbaro illa est apposita, ut fugitivi redderentur. Arbitrii sunt alii ejusmodi conditionem non rejiciendam, sed bono pacis accipiendam, adversantibus aliis atque dicentibus, penitus rejiciendam, utpote contrarium Evangelio, dicente Domino<sup>1</sup>: «Qui venit ad me, non ejiciam eum foras». Qui has partes tuebantur principes consiliarii duecenti habebant Theodorum Studitam; adversam vero partem defendebant episcopi, quibus et assentiebatur ipse Theophanes abbas monasterii Agri, auctor historiæ, qui rem gestam sic describit: «Kalend. Novembris advocavit imperator patriarcham, cum angustiaretur, et de pace consilium sumpsit: aderant et metropolitani, Niæenus scilicet et Cyzicenus, præsentibus quoque pravis consiliariis (ita appellat eos Theophanes, qui pacem ea conditione dissuadebant) cum Theodoro hegumeno Studii. Etiam patriarcha et metropolitani antistites pacem cum imperatore amplectebantur. Malo vero consiliarii cum Theodoro hegumeno Studii hanc subvertebant, fatentes, in subversione divini mandati nemo pacem amplectitur. Eum quippe qui venit ad me, non ejiciam foras, ait<sup>2</sup> Dominus». His, inquam, adversatus est Theophanes multiplici ratione; usus illa vero potissima, quod pluris facienda sit multorum salus,

<sup>1</sup> Psal. cxliv.

<sup>2</sup> Joan. vi. — <sup>2</sup> Ibid.

quam paucorum, cum raro accideret, ut ex Bulgaris aliqui ad Romanos confringentur.

40. De ista controversia his diebus Constantiopolis ventilata, ubi Cedrenus agit, nullam de Theodoro Studita mentionem habet, rem gestam sic narrans : « Alii eam sententiam, qua decernebatur, fugitivos esse reddendos, improbaverant, quorum princeps Nicephorus patriarcha, et Theoctistus magister, sua aetate virtute et prudentia praestantissimus, aliqui non paci. Nam hi Deo committendam suam salutem iudicabant, neque perfugarum ditione Barbarorum placandam superbiam, omnipotentis Dei auxilio posthabito ». Hæc ipse.

Porro defensores adversæ partis tradidit fuisse magui nominis monachos, inter quos liquet adnumeratum ipsum Theophanem abbatem monasterii Agri. Cæterum obtinuit pars negantium ea conditione pacem esse accipiendam, ex quo, impunit ipse Theophanes, maxima sunt parta imperio mala, quæ anno sequenti dicentur. Quæ eni subsecuta sunt mala ob pacem repulsam, efficerunt, ut tum in Theodorum, tum in alios fuerit ab omnibus declamatum tanquam in Reipublicæ eversores, præsertim vero ab ipso Theophane, qui damna, quæ sunt hæc consecuta, describit per prodigia e cælo et cometam inusitatum apparentem significata.

41. « Quæ insuper in Palæstina hoc item anno evenerint mala, idem mox subdit his verbis : Eodem anno multi Christianorum ex Palæstina a Syria in Cyprum venere, fugientes immensam Arابum afflictionem. Cum enim sine generali principatu Syria esset et Aegyptus et Africa; et in omni principatu, qui sub ipsis est, homicidia, rapinae, adulteria, et omnes Deo odibiles actiones in civitatibus ac villis a divinitus peritura gente perpetrabantur, inque alma Dei nostri civitate colenda loca sanctæ Dei Genitricis et Resurrectionis, ac Calvaria, seu reliqua profanata sunt. Similiter et Lauræ eremi opinatissimæ S. Charitonis et S. Sabæ, et reliqua monasteria, et Ecclesiae desertæ facte sunt. Alii autem perecepto martyrio, interempti sunt; alii vero Cyprum, et ex hæ Byzantium properarunt; quos Michael pius imperator et Nicephorus sanctissimus patriarcha benigna munificentia recuperunt. Nam his, qui venerunt ad urbem, monasterium insigne donavit: his vero, qui in Cypro remanserant, monachis et laicis talentum auri transmisit, et hos diversis consolatus est modis. Erat quippe Michael circa omnes suavis et clemens, circa negotiorum vero dispositionem iners, servitius subactus Theoctisto magistro, et ceteris principibus ». Hucusque Theophanes.

42. *Legatio Michaelis imperatoris ad papam.* — Hoc eodem anno, initio sui imperii Michael imperator legatos suos misit in Occidentem ad Carolum Magnum imperatorem, et ad Leonem papam, junxitque eos legatis illis redemptibus, quos idem Carolus imperator anno superiori miserat ad Nicephorum imperatorem confirmandæ pacis

causa: missi enim fuerant hi, Hatto episcopus Basileensis, Ilugo comes Turonensis, et Aio Longobardus Foro Juliensis, et cum his Leo spatharius natione Sienlus, atque Wilharius dux Venetorum. Ihi igitur eum pervenissent Constantinopolim, oeciso Nicephoro imperatore, cum Michaeli rem agentes, eum ad pacem capessendam promptum invenerunt. Qui (ut dictum est) cum eisdem suis legatos ad Carolum misit, qui hoc anno ad eumdem Aquisgranum pervenerunt, atque græca oratione laudem ejusdem Caroli imperatoris dixerunt, et Augusti titulo celebrarunt. Hæc habent veteres Annales Francorum.

Nomina autem eorum, qui fuerunt haec functi legatione imperatoris, sunt Michael episcopus, Araphinus et Theognostus protospatharii. Qui revertentes, Romanum (ut habuerunt in mandatis) venerunt ad Leonem Romanum Pontificem, atque in Basilica sancti Petri ejusdem foederis libellum, nempe communicatorias litteras ab eodem Pontifice acceperunt. Hæc Annales Francorum.

43. Misera enim ex more Catholicus imperator ad Romanum Pontificem Catholicæ fidei professionem, ut Catholicæ Ecclesiæ communionem consequi mereretur, a qua divulsi fuerant praedecessores Orientis imperialores: quæ consecutus est, datis ab eodem Pontifice, ut dictum est, in Basilica S. Petri, ad cumdem imperatorem litteris communicatoris. De legatione autem quæ sequenti anno Carolus ad Michaelem misit, dicemus suo loco.

Ponitur hoc eodem anno perperam in Conciliorum voluminibus Concilium apud Theodonis villam a Carelo Magno celebratum, de quo a nobis dictum est superius: quod et suadetur ex Actis Conciliorum Moguntini atque Rhemensis, quæ sunt anno sequenti celebrata, in quibus alii diversi reconsentur episcopi Moguntinus et Rhemensis, ab iis qui in Theodonis villam ad Concilium convenisse leguntur. Sed et quod eidem subjicitur Constitutio ibidem facta a Carolo Magno et Ludovico filio, aduersus percussores sacrorum ministrorum, longe abest, ut Caroli esse possit et Ludovici: siquidem in ea mentio habetur Concilii Triburiensis viginti duorum episcoporum; quod celebratum constat longe post Carolum et Ludovicum, sub Arnulpho imperatore, anno Redemptoris octingentesimo nonagesimo quinto. Hæc sint dieta ad confutandos errores, qui incuria exactioris temporum pervestigationis emiserunt. Porro hoc anno ab eodem Carolo Magno habitum esse generalem conventum Aquis, veteres Francorum Annales testantur.

44. *De tempore clavis acceptæ in saltibus Pyrenæis, quam Turpinus fabris contexuit.* — Ad hæc ultima tempora Caroli imperatoris, qui prosecuti sunt res Hispanas, referunt decantalam Francorum cladem illam acceptam in saltibus Pyrenæis, ad Rociam vallem, vulgo dictam Roncivalle, in qua præter multos alios caesos desiderati sunt illi nominatissimi duces Rotlandus Britanniæ

comes, Anselmus et Eginhardus, aiuntque et Carolum ipsum fractum viribus in Gallias rediisse, et paulo post defunctum esse, totumque id factum per Alfonsum regem Gallæciæ cognomento Castum. Hi autem quam longe in primis in his, quæ sunt temporis, aberrent a veritate, omnes sint judices. Cladem namque illam contigisse anno Redemptoris septingentesimo septuagesimo octavo, chronographi omnes, qui per singulos annos res Caroli Magni digesserunt, iudeunque ejusdemque sœculi scriptores, absque dubitatione pari consensu testantur. Porro hanc non aliam fuisse ab illa, quam ipsi scriptores rerum Hispanicarum hoc tempore ponunt, illa necessaria demonstratio ex eorum petita officina declarat. Siquidem æque omnes affirmant, in hac clade desideratos esse dictos viros insignes Rotlandum, Anselmum et Eginhardum. Verum cum isti omnes reperiantur occisi in dicto prælio ante annos triginta quatuor, nihil dubii penitus remanet. Non enim puto, hos esse dicturos, eosdem præstantes viros iterum occisos, iterum esse mortuos. Est de his (ut alios omissam) ejus temporis scriptor, qui fuit eidem Carolo a secretis Eginhardus, qui ipsius Caroli Vitam scribens, ejus ferme scriptio exordio, ista de his, quæ tunc contigerunt, sic habet :

15. « Cum enim assiduo pene et pene continuo eum Saxonibus bello certaretur, dispositis per congrua confiniorum loca præsidiis, Hispaniam quam maximo poterat belli apparatu aggreditur, saltuque Pyrenæi superato, omnibus, quæ adierat, oppidis atque castellis in deditio[n]em acceptis, salvo atque incolini exercitu revertitur, præter quod in ipso Pyrenæi jugo Vasconicam perfidiam parumper in redeundo contigit experiri. Nam cum in agmine longo, ut loci et angustiarum situs permittebat, porrectus iret exercitus, Vascones in summi montis vertice positis insidiis (est enim locus ex opacitate silvarum, quarum maxima est ibi copia, insidiis ponendis opportunus) extremam impedimentorum partem, et eos qui novissimo agmine incidentes, subsidio præcedentes tuebantur, desuper incurantes, et in subjectam vallem dejiciunt; consertoque cum eis prælio, usque ad unum omnes interficiunt, ac direptis impedimentis, noctis beneficio, quæ jam instabat, protecti, summa cum celeritate in diversa disperguntur. Adjuvabat in hoc facto Vascones et levitas armorum, et loci, in quo res gerebatur, situs. E contra Francos et armorum gravitas, et loci iniq[ue]tas per omnia Vasconibus reddidit impares.

16. « In hoc prælio Eghartus (alias Eginhardus), regiae mensæ præpositus, Anselmus comes palatii, et Rotlandus Britannici littoris præfector, cum aliis compluribus interficiuntur. Neque hoc factum ad præsens vindicari poterat, quia hostis, re perpetrata, ita dispersus est, ut ne fama quidem remaneret ubinam gentium quæri potuisset ». Ita tenuis de his Eginhardus. Qui cum dicat id eo tempore factum, quo juge urgebat Saxonum bel-

lum, plane declarat, nequaquam fieri potuisse his ultimis Caroli temporibus, quibus iam diu ante (ut dictum est) a bello Saxonico cessatum esset, superatis penitus illis, et ad Christianam religionem perdueris. Sed et longe autem hæc ultima Caroli tempora eam cladem contigisse : ex eo etiam demonstrat idem Eginhardus ibidem, dum eo ordine, quo sunt gesta, bella a Carolo numerans, post hujusmodi bellum Hispanicum, recenset Britones ab eodem domitos, Beneventanos sub tributum redactos, inde Bavoricum cœptum bellum, et postea Avaricum ; de quibus singulis dum agunt auctores veteres, qui per singulos annos eadem sunt prosecuti, æque post Hispanicum istud bellum ea omnia contigisse demonstrant. His accedunt quæ de propagato ab eo imperio idem, qui supra, præsens rerum inspector fidelissimus testatur Eginhardus, dum ait : « Ipse Carolus per bella memoria Aquitaniam et Vaseoniam, totumque Pyrenæi montis jugum, et usque ad Iberum amnum, qui apud Navarros ortus, et fertilissimos Hispaniæ agros secans sub Dertosæ civitatis mœnia Balearico mari miscetur (subegit scilicet), deinde Italiæ totam, etc. » Plane significans ea de bello Vaseonicico antea contigisse, quam Carolus in Italiæ inferret arma.

17. Rursum vero procul abesi, ut per Alfonsum Castum ea adversus Carolum fuerint perpetrata; siquidem magna amicitiae necessitudine inter se conjunctor fuisse Carolum Magnum imperatorem, et Alfonsum cognomento Castum, nec quicquam discordiarum inter eos intercessisse, idem Eginhardus in ejusdem Caroli Vita demonstrat, ubi ait de Carolo : « Auxit etiam gloriam regni sui, quibusdam regibus ac Gentibus per amicitiam conciliatis : adeo namque Adelfonum Gallæciæ atque Asturiæ regem sibi societate devinxit, ut is cum ad eum litteras vel legatos mitteret, non aliter se apud illum, quam proprium suum appellari jubebat ». Haec Eginhardus. Frequentatum namque ab eodem Adelfonso muneribus atque legationibus ipsum Carolum imperatorem, pariter Francorum Annales edocent. Siquidem aliquando per Frojam legatum papilionem miræ pulchritudinis ad Carolum Adelfonsus misit; postea vero, alia legatione exhibita per eundem Frojam ac Basilicum, manubias de expugnata Ulyssipona et a Sarracenis vindicata ad eundem Carolum misit captivos Mauros, loricas atque mulos : idque anno Redemptoris septingentesimo nonagesimo octavo.

18. Sed unde adeo disertis viris, res Hispaniarum historia proscenit, tam graviter errandi provenit origo ? dicam : Quod enim Turpini nomine (quisquis ille fuerit) somniorum ac fabularum vanis contextor, post venerandi corporis S. Jacobi Apostoli inventionem (quam eiiam per ipsum Carolum factam esse mentitur) ponit bellum illud contigisse, in quo Rotlandus, sive Rolandus inter alios viros insignes occubuit ; nulla hie habita exacta temporis ratione, revera tunc bellum illud

contigisse sunt arbitrati, quo a fabuloso auctore ponitur: qui hoc errore ducti sunt, antiquiores adnumerantur Tudensis et Rudericus Toletanus episcopus; recentiores vero omnes, ne singulos nominem, tanquam e cœlo allato oraculo firmiter eidem inhaeserunt, uno duntaxat excepto, præ cunctis Hispanarum rerum scriptoribus hoc nomine mihi laudando Ambrosio<sup>1</sup> Morale, qui hæc odoratus, haud imprudens est errantes secutus, sed hærenſ substitit, ut rem accuratius consideraret. Sed eos admirati sumus magis, qui difficultatem hanc sentientes, ut solverent, duas clades exerci-

tus Caroli in Pyrenæis montibus sibi finixerunt, et hanc, de qua est sermo, posteriore dixerunt. Sed hos oportet suis divinationibus adjicant, ut pariter affirment, Rotlandum et cæteros nominatos socios bis mortuos esse, cum hos ipsos in posteriori clade dieunt esse necatos, quos in eo jam diu antea firmissima auctoritate ostendimus fuisse peremptos. Sed facessent hæc cum suo auctōre mentito Turpino fabellæ, poeticis duntaxat dignæ figmentis, ab historicō stylo longe longius semovendæ. At st̄pē suorum gentilium nimium ardens amor plures fallere coegit historicos, ut absque delectu perciperent quæcumque scripta, quibus ipsi quolibet modo gloriam suis compararent. At de his satis.

<sup>1</sup> Ambros. l. iii. c. 48.

Anno periodi Græco-Romanæ 6305. — Anno Æra Hispan. 850. — Anno Hegiræ 197, inchoato die 12 septemb., Fer. 1. — Jesu Christi 812.  
— Leonis III pape 18. — Caroli imp. 13. Michaelis Cypri. imp. 2.

1. *Michael imp. in Manichæos animadvertisit.*  
— A num. 1 ad 5. Theophanes anno Incarnat. secundum Alex. pccrīv, qui kalendis Septemb. superioris Christi anni inchoatur, ait: « Zelo quoque divino pientissimus imperator motus, in Manichæos, qui nunc Pauliciani, et Athinganos e Phrygia et Lycaonia, capitib⁹ pœna Nicephori sanctissimi patriarchæ et aliorum Orthodoxorum hortatibus pronuntiata, aliorum male feriotorum consiliis, pœnitentiæque ab istis ineundæ obtenuit, ne sententiam exsequeretur, impeditus est: cum tamen fieri nequeat omnino, ut ii, qui in hoc errore versati sunt, usquam sincera pœnitentia ducantur. Porro isti dogmatum novatores palam asserebant, sacerdotibus haud licere capitalem sententiam adversus impios ferre, sed in eo divinis Scripturis adversos simul se proferebant. Etenim si Petrus Apostolorum coriphænus Ananiam et Sapphiram unius mendacii reos morti addixit; neconon Paulus liquido testatur, qui talia perpetravit morte dignos esse, idque tantummodo pro corporeo delicto, nonne Apostolorum adversarii atque dissimiles erunt, qui homines, tam animæ, quam corporis impuritate scatentes, et dæmonum obsequio mancipatos, gladio divinam ultionem peragenti eripient? Eorum tamen haud paucos pius imperator Michael capitib⁹ abscissione damnavit ».

2. *Nicephorus episc. Constantinop. Judeos et hæreticos oppugnat.* — Huc referenda quæ habet Ignatius diaconus cap. 4 Vitæ sancti Nicephori, ubi loquitur de iis, quæ ab eo gesta sunt, postquam

in summa Ecclesiæ dignitate constitulus est: « Hanc adeptus ac digne Evangelio ædificare incipiens, fidei crepidinem tutam asseruit. Tranquillo namque statu naetus Ecclesiam, quod jam ante Synodali Patrum diligentia deleta essent ac expurgata hæresis scandala, quieta et ipse deinceps serenitate Ecclesiæ pelagus tolerabat, nullum adversus eam heresis statum contrarium timens. Quapropter etiam zelo impulsus, aliam init viam adversus incredulorum absonas hæreses, quorum tum recens suscitata dementia omni digna execratione mysteria impudenter præsummebat celebrare; adversus Iudeos, Phrygasque videbile (Montaui seclatores, quia Montanus in Phrygia natus est) et eos, qui Manetis (id est, Manichæorum) deliria sectantes turbidum incredulitatis calicem insipientibus propinabant. Fusori itaque stylo librum conscribens, absonam eorum religionem ac superstitionem imperatori declaravit, et quæ universum reipublicæ corpus gangrenæ instar lœdere atque inficere posset, arrepta semel agendi quod liberet licentia, eoque libello suppliciter ablato, deicidas Iudeos et Phrygum prætensus nugas, Manichæorumque somnia ita percutit, ut nec labiis nefanda proferre auderent; sed in abdito atque angulis erroris inuissent deliria. Ablata est enim regio edicto atque censura palami loquendi agendique fiducia, eoque impii adducti sunt, ut ne occulte quidem quidpiam agebent ». His sectis Ecclesia Constantinopolitana affligebatur, quibus adde Iconomachos, de quibus infra.

3. *Mortuus est S. Plato anno DCCCXIV.* — A num. 5 ad 9. *Sanctus Theodorus Studita* in oratione funebri, quam habuit in morte sancti *Platonis* hegumeni Sacudionis, ac dein inclusi monasterii Studii Constantinopoli, locuturus de ejus morte num. 40 ait: « Post hæc non amplius inclusus vixit pater, neque enim vires erant vel ad hoc ut corporeis necessitatibus faceret per se satis: sed partim lectulo recumbens, solabatur sese retributionem asceticorum et athleticorum laborum; partim in sedili requiescens, aut psalmos Davidicos vocaliter recitabat, aut mentaliter precabatur Deum, aut aliquid conferebat ad utilitatem fraternalis, etc. dignissimus sane laude, qui pulchrum suum stadium ac vere solarem cursum absolvit, ab obedientia videlicet incipiens, et in obedientia desinens; cum enim diurno horarum duodecim circulo parem annorum periodum in unoquoque certamine explevisset, ad æternam vitam perpetuo lumine fruiturus, emigravit. Numera certamina, et invenies annos quadraginta octo. Tum annos bis duodecim (non vero duodecim, ut habet versio Sirleti, quam Baronius secundus est) ante abrenuntiationem sæculi actos, junge alios quatuor annis, quos in persecutionibus, et tribus, quos in infirmitate traduxit sanctus (non vero decem item et novem annos, ut legitur apud Baronium): et invenies virum venerabilem obisse anno ætatis undeoctogesimo ». In sancti Theodori Vita etiam legitur: « Ex hæ vita excessit sanctissimus Plato, octogesimum ætatis annum uno minus agens ». Papebrocius ad diem IV Aprilis, quo sanctus Plato colitur, videns Sirleti versionem multis defectibus laborare, aliam apparavit, et non miratur, quod præscriptum LXXIX annorum calculum non inveniens Sirletus judicaverit, vitium obrepisse in annis infirmitatis, ideoque numerum immutaverit, pro *tribus* ponens *novemdecim*: sed hoc jure merito miratur, quod postquam præcedentia capita latine reddiderat, laudaveratque *Platonem*, quia in pueritia orbatus parentibus, ita nihilominus profecerit sapientia, ut et publicam rem laudabiliter gerere, et privatam vehementer augere potuerit (quæ sane puerili imbecillitatí non conveniunt) adeo oblitus sit ante scriptorum, ut hic duodenem faciat renuntiare sæculo. Deinde, cum quidquid in hac Vita passus legitur sanctus, comprehendatur intra annum DCCXCV, quo *Constantinus Irenes* filius legitimæ conjugi repudiatae *Theodotus* superinduxit, et annum DCCXI, quo mortuus est *Nicephorus* imp. qui *Platoneum* in exilio ægrotare intelligens, eum ad suum monasterium referri præcepit: quomodo potuit illa quatuor certamina, quibus annos quadraginta octo dabat, in persecutionibus acta credere? Nunc ostendo mortem ejus anno tantum DCCXIV contigisse.

4. *Ejus Vitæ chronotaxis.* — Hanc chronologiam Vitæ sancti *Platonis* sic recte statuit Papebrocius. Cum ita ferret vitæ a *Platone* actæ periodus, ut apte in sex duodenarios annorum dividi

posset, usque ad illud tempus quo sub *Nicephoro* ductus est in exilium, usus est *Theodorus* aptissima similitudine solis iuxta Dei præscriptum Orientis Occidentisque, quod et in *Platone* factum apparebat: qui primam ultimamque vite religiosæ partem, alterius imperio subjectus transegerat: et cum sic haberet auctor, in eo quem laudabat sancto, ætatis annos LXXI, reliquos septem adjungens prioribus, ad LXXIX numerando pervenit. Cum vero certissimus sit ultimus *Nicephori* imp. annus, idemque Christi DCCXI, cum *Platonis* revocatione ab exilio concurrens; ad hunc sic ascendendum, ut tunc vere annos LXXVI ætatis expleverit sanctus, post quos solum supersit morbi triennium. Si ergo sanctus Plato natus sit anno Christi DCCXXXV, annum ætatis XII egit, quando utrumque parentem amisit pestilentia, ut in eadem orat. numero 4 dicitur. Pestis autem anno DCCXLVI grassari cœpit, et per triennium duravit, ut eo anno ostendimus. Alterum duodenium in avunculi sui domo explevit, usque ad annum DCCLXII inclusive, discendæ primum arti notariali, deinde officio patrui sui fructuose exercendo intentus. Tum religiosæ vite auspicatus certamina primum duodenium transegit sub obedientia Theoctisti hegumeni; alterum eidem Theoclasto sub annum DCCLXX morienti succedens in præfectura monasterii Symbolorum. Hegumenus electus est anno DCCLXXXI, quod tertium duodenium tertius *Platonis* agon censemur. Post hæc sequitur quartum certamen, quod abdicata anno DCCXIV prælatura, et in nepotem *Theodororum* translata exorsus est rursus, ut ab initio subjectus imperio alieno ad annum DCCCVII, nisi quod in exilium idem *Plato* actus est, sed non diuturnum deposito intra biennium Constantino, et patriarcha satagente unionem cum monachis redintegrare. Hi sunt quatuor diversi *Platonis* in religione status ante persecutionem, quatuor duodenariis comprehensi. Duravit persecutio illa per quadriennium, usque ad ultimos fere meuses Vitæ *Nicephori* imp., quare cum *Plato* nonnisi triennio restitutioni suæ superstes fuerit, obieritque, « quando instabat memoria justi Lazari », ut refert *Theodorus* in laudata oratione, num. 43, id est, sabbatum ante Dominicam Palmarum, mors ejus contigit anno octingentesimo decimo quarto, non vero decimo tertio, ut arbitratur Papebrocius; alioquin triennio restitutioni suæ non supervixisset *Plato*, cum hæc pertineat ad annum DCCXI, quo *Nicephorus Aug.* perit. Præterea sabbatum ante Dominicam Palmarum anno DCCXIV incidit in diem VIII mensis Aprilis, et sanctus *Plato* in Menæis die IV ejusdem mensis collitur. Quare si eo quo celebratur die spiritum Deo reddidit, revera instabat memoria Lazari; contra vero si mortuus sit anno DCCXIII, quo Dominicam Palmarum cum die XX mensis Martii concurrit, dies ejus obitus a die ejus cultus nimis distabit; cum tamen, licet sancti aliis plerunque diebus, quam quibus mortui sint, in Ecclesia recolantur, festum *Platonis* cum ejus Vita collatum indicare videatur,

cum e vita migrasse die quarta mensis Aprilis, impendente memoria sancti Lazari. Sirletus loco, quando instabat memoria justi Lazari, verit, justi Lazari ejusque diei festi memoriam. At, ut recte Papebrocius scribit, Graeci nullum tale festum habent, sed similiiter memoriam occasione Evangelii pridie Dominicæ Palmariæ legi soliti.

5. *Bulgarie rex in pacem cum Græcis non consensit nisi transfugor utrinque reddantur.* — A num. 9 ad 12. Theophanes anno Incarnat. secundum Alex. DCCCV kalendis Septemb. hujus Christi anni inchoato, prodit *Crumnum seu Crumnum Bulgarorum principem* legatum ad Michaelem imp. misisse, ac petiisse conditiones alias concessas adimpleri, quarum haec una erat, *ex ultraque parte fugitivos utrique principi mutuo restituendos, licet in remp. perduelles forent.* « His acceptis », subjungit Theophanes, « imperator improborum consiliis ductus pacem admittere detrectavit. Falsæ quippe pietatis obtentu, dicam melius ignorantiae, quæ rem communem perderet, ductu, consultores isti sinistri suggerebant, fugitivos minime restituentos : ae in date sententiae argumentum Evangelica Domini auctoritate prolatum, ad me accedentem, aiebant, non ejiciam foras. Medio vero mensis Octobris decursu aeiem instruxit Crumnum adversus Mesembriam, (qua intra mensis finem potitus est). Imperator in mentis angustiam conjectus, mensis Novemb. kalendis, patriarcha ad colloquium advocato, de componenda cum hostibus pace consilium quaerebat. Aderant conventui Nicæus et Cyzicenus metropolitæ, et ex pravis consiliariis manus haud contempnenda. Ac patriarcha quidem et metropolite imperatoris sensum securi pacem amplectebantur : sed improbi consiliarii una cum Theodoro Studii præposito, eversis contrariae sententiae dictis, eam rejiciebant, confirmantes pacem, quæ Dei mandata rescindat, non esse admittendam : istud enim : Venientem ad me non emittam foras, Dominus decrevit, aiebant : quæ proferrent; et in cujus argumenta haec producenda vere nescii. Primo quidem quoniam nemine ex eis ad nos transfugiente, eos qui intra aulam erant, cum ipsis pace composita servare possemus, prodidimus. Secundo, quia licet quidam ex eis pauci transfugerint, plurium certe potius, ejusdemque nobiscum nationis et sanguinis consortium satagere, quam incertis nobis quibusdam propositis factio quæstus ditescere decebat. Plures enim quam paueos servare Deo magis gratum est, etc. »

6. *Ea conditio a Græcis rejecta.* — Imperator tamen Constantinus Porphyrogenitus, qui Theophanis chronographiam continuavit, ejusdem sententiae est cum consiliariis, quos Theophanes reprehendit, et cum sancto Theodoro Studita. Lib. I, num. 3, haec scribit : « Cum jam Bulgarorum dux Crumnum concordiam et pacis fœdera amicitiasque ambire se simularet, ac animum pacis cupidum preferret, dummodo annua, quæ pendi solita erant,

pro eo ac majoribus visum erat, Romani tributa præstarent; ea demum adjecta conditione, ut et Bulgarorum vicissimque Romanorum imposterum traustum, sue quique genti redderentur, transfiguratum caput illud absurdum senatus visum est, quanquam Michael imperator totus in principiis Bulgarorum sententiam ibat, quod ineundie pacis occasionem illam sibi nolebat aufugere. Obtinuit tamen senatus sententia, quam Theoclesius magister sequeretur, ac cui vim ac pondus auctoritate sua adjiceret. Iterum ergo relicts colloquiis, ad belli aleam revocatum negotium : idque magis de cere merito judicatum est ». Quomodo enim non omnem humanitatis sensum exuisse arbitrandus est, qui hominem casu aliquo, aut vicissitudine in errorem prolapsum, patriaque (qua nihil dulcior esse aiunt) contempta, ad haec uxore et liberis, ceteris ad aras inviolabiles, ad Romanæ ditionis loca confugientem, Scythicæ gentis immanitati, cuius a feris nihil indoles differat, dedendos pulaverit ? Cum enim terribiles, trucesque ac feri sint, multos suorum id non ferentes, ad lenitatem et mansuetudinem nostram sæpenumero transire animadverunt. « Ne igitur universa ipsorum gens in nostram paulatim sese effundat, veriti eorum principes, saepius et ad nostram usque etatem, multos de hac re sermones moverunt. In vanum tamen (quod communis fertur adagio) cecinerunt; viros nacti firmi propositi, et qui a sententia non facile dimoverentur. Brevi itaque cessatum mora : ambæque mox gentes ad arma concurrere ». Hæc Constantinus.

7. *Pax inter utrumque imp. confirmatur.* — Ad num. 12 et seq. Eginhardus in Annal. ait : « Michael factus imperator, legatos domini imperatoris Caroli, qui ad Nicophorum missi fuerunt (ut anno superiori vidimus) et Constantinopoli suscepit et absolvit : cum quibus et legatos suos direxit Michael scilicet episcopum et Arsaphium atque Theognostum protospatharios et per eos pacem a Nicophoro inceptam confirmavit. Nam Aquisgrani, ubi ad imperatorem venerunt, scriptum pacti ab eo in Ecclesia suscipientes, more suo, id est, græca lingua, laudes ei dixerunt, imperatorem eum et βασιλέα appellantes; et inde revertendo Romanum venientes in Basilica S. Petri eundem pacti seu fœderis libellum a Leone papa denuo suscepserunt ». Idem habent alii annalistæ, monachus Engolismensis, incertus auctor in Vita Caroli et Regino in Chron. Verum Michael imp. gesta a legatis, quoad titulum illum grata et rala non habuit, cum certum sit, nec eum, nec ejus successores Basilei seu imperatoris et Augusti nomen Carolo M. aliisque imperatoribus Occidentis, Francis vel Germanis nunquam dedisse. Non dissimilavit Eginhardus Carolum Constantinopolitanum imperatoribus, Nicophoro, Michaeli et Leoni valde odiosum fuisse, « propter susceptum a se imperatoris nomen, quasi qui imperium eis præripere vellet ». Sed hanc de re plura anno DCCXXXIV, n. 10 et seq.

8. In ea Veneti et Dalmatae comprehensi. — Non dubitandum, quin in hac pace *Venetia* et *Dalmatia* comprehensae fuerint, uti jam anno DCCCX, num. 4 et 6 de Venetia diximus. Quoad Dalmatiam, magna ejus pars cum Istria et Liburnia mansit sub potestate Caroli, qui teste Eginhardo in ejus Vita, « Istriam quoque et Liburniam atque Dalmatiam, exceptis maritimis civitatibus, quas ob amicitiam et junctum cum eo fœdus Constantino-politano imperatori habere permisit ». Joannes Lucius lib. 4 de regno Dalmatiae cap. 15: « De Dalmatia, inquit, sicut eam partem, quam Croati cum Liburnia occupaverant, simul cum reliqua Croatia Carolum subegisse censem est; ita illa exceptio civitatum maritimarum de civitatibus continentis Dalmatiae, scilicet Jadra, Tragurio et Spalato, Croatias conterminis, quae cum insulis Dalmatiae nomen retinebant, intelligenda est ». Quæ genuina verborum Eginhardi interpretatio.

9. *Carolus cum rege Cordubensi et Beneventanis pacem facit.* — « Legatis dimissis, imperator generali conventu Aquisgrani solemniter habito, Bernardum filium Pippini nepotem suum in Italiam misit: et propter famam classis, quæ de Africa et de Hispania ad vastandam Italiam, ventura dicebatur, Walanem filium Bernardi patruelis sui cum illo esse jussit, quoadusque rerum eventus securitatem nostris afferret. Ilæc classis partim in Corsicam, partim in Sardiniam venit. Classis etiam Nordmannorum Hiberniam Scotorum insulam aggressa, commisoque cum Scotis prælio, parte non modica Nordmannorum imperfecta, turpiter fugiendo domum reversa est. Pax cum Abulaz rege Saracenorum facta. Item cum due Beneventanorum Grimoaldo: et tributi nomine xxxv millia solidorum auri a Beneventanis soluta. Expedilio facta ad Vultzos, et ab eis obsides accepti. Haroldus et Ragenfridus, reges Danorum, missa ad imperatorem legatione pacem petunt, et fratrem suum Hemmingum sibi remitti rogam », inquit Eginhardus in Annal. qui jam scripserat, Haroldum et Ragenfridum, mortuo hoc anno Hemmingo Danorum rege, a *Danis* reges esse constitutos. De pace facta enim Abulaser seu Alhaea Cordubensi rege, fusius loquitur chronographus Moissacensis: « Eodem anno Abulaser rex Saracenorum ex Spania audiens famam et opinionem virtutum domini Caroli imperatoris, missos suos direxit postulans pacem facere cum eo, quam ipse piissimus imperator denegare noluit, sed fecerunt pacem cum eo per tres annos ». Walanes seu Wala, quem Carolus Ang. in Italiam ire præcepit, ut consilio Bernardum juvaret, Adelhardi Corbeiensis tunc abbatis frater germanus erat, et sicut Adelhardus Pippino, sic Walanes Bernardo Pippini regis filio præcipitus fuit consiliarius, et uterque in Italiam a Carolo directus.

10. *Carolus M. Saxonum Transalbianorum conversioni ineumbit.* — Amalarius seu Amalarius archiepiscopus Trevirensis hec anno e Trans-

albiana Saxonia reversus est, ut colligitur ex Ludovici Pii diplomate, in quo gesta hac in provincia tam superiori, quanu currenti anno uno tenore narrat Ludovicus, qui postquam locutus est de iis quæ ad annum præcedentem pertinent, quæque ibi recitavimus, statim subjicit: « Postmodum vero (nempe hoc anno) captivis optatam ad patriam undique confluentibus, eamdem parochiam euidam presbytero Heridae nomine specialiter commendavit, quem universæ Nordalbingorum Ecclesie, videlicet ne ad ritum relaberentur gentium, vel quia locus ille lucrandis adhuc gentibus videbatur aptissimus, disposuerat consecrari episcopum, ut ipsa occasione vel auctoritate, summa in ipsis terminis gentium sedulitate prædicandi sancta multiplicaretur Ecclesia, dum vicinorum ipsius novitatis episcoporum multa latitudinis cura non sufficiebat discurrere per omnia. Delegavit etiam eidem presbytero quamdam cellam Hrodnace vocatam, quatenus eidem loco periculis undique circumdato fieret supplementum ». Idem Ludovicus postea quæ ipsem mortuo patre in ea provincia egerit enarrat: « Sed quia consecrationem jam dicti viri velox ex hac vita transitus pii genitoris nostri in diebus ejus fieri prohibuit, ego autem quem divina clementia in sedem regni ejus adsciverat, cum in multis regni disponendis negotiis insisterem, hoc quoque prædicti patris mei studium velut regni in finibus peractum, minus caute ostenderem, suadentibus quibusdam jam dictam cellam ad Indam monasterium contuli, vicinam vero parochiam vicinis episcopis interim commendavi ». Bremensi videlicet ac Verdensi, usque ad an. DCCXXXIV, quo illuc S. Anscharium flammaburgensem archiepiscopum misit.

41. *Enumeratio episcopatum a Carolo M. in Saxonia institutorum.* — Apud Nicolaum Schatenum episcopatus in Saxonia fundati ita enumerantur: « Antiquissimus Osnabrugensis. Inde Paderbornensis, Halberstadiensis, Bremensis, Verdensis, Mindensis, Mimigardevordensis seu Monasteriensis, Hildesiensis, fundati. His accessere Hamburgensis et Schildrensis, cœpti inchoatiq[ue] a Carolo Magno; alterum Ludovicus Pius, alterum cæteri imperatores, dum postremo Magdenburgum transferretur, Otto Magnus absolvit ». Anno DCCCX Hildegimus Catalaunensis episcopus et frater sancti Luidgeri episcopi Monasteriensis primi relicto episcopatu Catalaunensi renuntiatus est a Carolo Magno episcopus Seligenstadii, quod oppidum est Germaniae. aliis *Ostrovicum* dictum, in Saxonia inferiori, et in Halberstadiensi principatu ad annem Olsam; sed cum locus ille minus placeret, translata est postea sedes episcopalnis *Halberstadium*. Carolus etiam instituit episcopatum Aulicensem. « Aulicam », inquit Krantz lib. 1 Metrop., cap. 40. « Aulici locum dixere, quod crebrius ibi rex glorio-sissimus (Carolus) cum esset in provincia resideret. Circumspiciens autem opus esse et his populis proprio sacerdoce, quod longius abasset Salingste-

densis (nunc Halberstadiensis) episcopus, igitur Ecclesiae sue ibi exædificatae pontificem jussit consecrari venerabilem sacerdotem Guntherum ». Sedes episcopalnis dein Aulica *Hildesiam* translata est. *Aulica et Hildesia* duobus ab invicem milliariibus dissident : illa sita est in loco ubi Sala rivulus in sinistram Leynæ ripam influit; *Hildesia* vero fluvio adsidet. Ex his episcopatibus, qui trans Vi-surgim fluvium Moguntiacensi, qui eis eundem amnum, Coloniensi metropolite subjecti fuere, ut ostendit Cointius hoc anno mmm. 66.

12. *Encyclicæ litteræ Caroli M. de cœremoniis baptismi.* — Hoc circiter anno *Carolus* encyclicas litteras archiepiscopis regni sui direxit, ut eorum scriptis certior efficeretur, qualiter et ipsi et illorum suffraganei presbyteros Dei plebemque sibi commissam instruerent *de baptismo*; quibus litteris sollicitati *Magno* Senonensis archiepisc. et Joannes archiepisc. Arelatensis *Theodulphum* Aurelianensem episcopum impulerunt ad scribendum librum *De ordine baptismi* ad Magnum seu Magnoneum Senonensem archiepiscopum, quem in capitula xviii paritus est; editus est liber ille a Sirmondo inter Theodulphi opuscula. Eo etiam tempore *Amalarius* Trevirensis archiepiscopus elucubravit librum *De sacro baptimate ad Carolum Magnum imperatorem*, qui falso hactenus suppositus fuerat Alcuino, inter cuius opera reperitur sub Epistola nomine libellus *De cœremoniis baptismi*, inscriptus *gloriosissimo et excellentissimo Augusto a Deo coronato Carolo serenissimo*. Hunc vulgarem errorem detexit Sirmondus in Notis ad librum laudatum Theodulphi. Ad hæc *Odilbertus* Mediolanensis archiepiscopus acceptis litteris *Caroli Magni* a Mabillonio tom. i Vet. Analect. p. 21 publicatis, ad eum rescripsit litteras ab eodem Mabillonio tom. iv Vet. Analect. p. 317 promulgatas cum prioribus verbis singulorum capitum libelli ejus *De baptismo*. Continet opus illud capita xxii. Ad hæc Mabillonius tom. iii Vet. Analect. p. 1, e tenebris eruit librum Laidradi episcopi Lugdunensis *De sacramento baptismi* cum præfixa Epistola ad *Carolum Magnum imperatorem*, in qua dicit Laidradus, antequam ad ejus quæsita respondeat, sibi visum esse de ipso baptismo in genere verba facere : huic opusculo subnectitur alia Epistola *Laidradi* ad *Carolum imperatorem* cum responsis ad quæsita ejus. Denique Joannes Cordessius Lemovicensis canonicus Hincmarii opusculis sublexnit Epistolam *Jesse Ambianensis* episcopi cum hac inscriptione : « Sacris sacerdotibus et in Christo omnibus diœcesi nostræ digne militantibus *Jesse* humilis episcopus in Domino salutem ». Initio suæ scriptioñis testatur sese a diœcesi abesse gravibus negotiis implicitum : « Breviter, inquit, vobis, in quantum temporum adfuit spatum, qualiter a sacri baptismatis unda pervenire debeatur, scribendo perstrinximus ».

13. *Quid hujusmodi litteræ encyclicæ continerent.* — Quid a singulis archiepiscopis postularit

Carolus, liquet ex Epistola quam ad *Odilbertum*, quæ sola superest, dedit. Postquam igitur Carolus ostendit quantum exoptet, ut *multiplicetur numerus populi Christiani*, scribit : « Nosse itaque per tua scripta aut per te ipsum volumus, qualiter et tu, et suffraganei tui doceatis et instruatis sacerdotes Dei et plebem vobis commissam de baptismo sacramento; id est, cur primo infans catechumenus efficitur, vel quid sit catechumenus, deinde per ordinem omnia, quæ aguntur. De scrutinio, quid sit serulinum. De symbolo, quæ sit ejus interpretatio secundum Latinos. De credulitate, quomodo credendum sit in Dominum Patrem omnipotentem, et in Jesum Christum Filium ejus, et in Spiritum sanctum, sanctam Ecclesiam Catholicam, et omnia quæ sequuntur in eodem Symbolo. De abrenuntiatione Satanae et omnibus operibus ejus et pompis. Quid sit abrenuntialio, et quæ opera ejus diaboli et pompe. Cur insufflatur et cur exorcizatur. Cur catechumenus accipit salem. Quare tangantur nares, pectus ungatur oleo; cur scapulae signantur, et quare peclus et scapulae lavantur. Cur albis induitur vestimentis; cur sacro christmate caput perungitur et mystico tegitur velamine; et cur corpore et sanguine Dominicano confirmatur. Hæc omnia sublili indagine per scripta nobis, sicut diximus, nuntiare satage; et si ita tecneas et prædictes, aut si in hoc quod prædictas, te ipsum custodias ». Ex his verbis intelligimus, Carolum ad archiepiscopos tantum, non vero ad eorum suffraganeos litteras dedisse, et cum hæc Epistola generalis fuerit, similia exemplaria missa esse ad *Magnum* archiepiscopum Senonensem, quod testatur Theodulphus in Praefatione libri *De ordine baptismi*, et ad alios regni Francici archiepiscopos; licet ea exemplaria ad nos non pervenerint. Intelligimus etiam, cur *Jesse Ambianensis* et *Theodulphus* Aurelianensis episcopi, non ad *Carolum Magnum*, sed is ad *Magnum* archiepiscopum Senonensem, ille vero ad clerum suum scripserit, quia nempe episcopos *Carolus M.* non interrogarat. Sirmondus dicit, se vidisse quatuor diversa exemplaria libri Theodulphi, in quorum tribus liber inscriptus est *Magno*; in quarto vero *Joanni*, mendose tamen, ut ipse opinatur, cuius sententia probatur Baluzio in Notis ad Capitularia reg. Franc. pag. 107 ad nullum quippe, inquit vir clarissimus, alium de hoc arguento scribere potuit eo tempore *Theodulphus*, quam ad *Magnum* metropolitum suum. Ac cum Theodulphus tam a Joanne archiepiscopo Arelatensi, quam a Magno suo metropolitano pulsatus fuerit, ut librum laudatum *De ordine baptismi* scriberet, nullum milii videatur dubium, quin etiam utrique opusculum illud inscripserit. Denique libellus *De cœremoniis baptismi* Alcuino adscriptus, ejus esse non potest; cum in eo illius anctor dicat : « Dixistis, serenissime imperator, velle vos scire, qualiter nos et suffraganei nostri doceremus populum Dei de baptismi sacramento »; ideoque recte illum Ama-

Iario tribuit Sirmondus, Ms. Petaviano innixus (1).

**14. Privilegium a Carolo M. concessum Hispanis Gallias incolentibus.** — Baluzius tom. I Capitul. reg. Frane. pag. 499, refert ex archivio archiepiscopatus Narbonensis praeceptum a Carolo imp. in gratiam Hispanorum, qui in ejus regnum conseruerant, emissum, in quo plures *Hispani* ibidem memorati queruntur, quod multas oppressiones sustineant, ipseque imperator asserit, se jussisse *Joanni archiepiscopo* missu suo, uti se ad *Ludovicum* regem conferret, et quomodo ipsi Hispani vivere debeant statueret. Interim *Beranæ* et aliis octo comitibus mandat, ut eosdem Hispanos, qui ad se de *Hispania* venerant, et terras excolendas a se acceperant, nullo censu gravare praesumant, « sed quoadusque, inquit, illi fideles nobis, aut filiis nostris fuerint, quod per triginta annos habuerunt per aprisionem quieti possideant, et illi et posteritas eorum. Dat. IV nonas Aprilis anno, Christo propitio, imperii nostri XII, regni vero in Francia XLIV atque XXXVIII in Italia, Indictione quinta », ideoque hoc Christi anno. Joannes ille erat archiepiscopus Arelatensis, et his verbis *per aprisionem*, imperator intelligit eam partem terra inculta, quam Hispani ex concessione regum vel comitum excolendam sumpserant, ut interpretatur Baluzius in Notis ad Capitularia pag. 1080, quod pluribus exemplis confirmat Duceangius in suo Lexico in voce *Apprisio*. Haec *Hispanorum* in regno Francorum Privilegia, id est, in ea parte Hispaniae exterioris, quae extra *Rubricatum* est commorantium, confirmarunt Ludovicus Pius et Carolus Calvus, quorum præcepta suis locis memorabimus.

**15. Dissensio in monasterio Fuldensi exorta.** — Non prætermittendum hie quod annalista Cæsarius a Lambeccio editus ad annum Caroli regis XLIV,

qui iuxta eum in hunc Christi annum convenit, de monasterio Fuldensi, sancti Bonifacii monasterio vulgo appellato, scribit : « Facta est conturbatio non minima in monasterio sancti Bonifacii, et fratres XII ex ipsa familia perrexerunt simul cum abate Ratgario (tertio abate Fuldensi) ad iudicium imperatoris Karli, nee tamen ita commotio illa quievit, sed post Richalfus archiepiscopus Moguntiacensis, et Bernharius episcopus civitatis Wangionum, et Hanto episcopus Augustensis, et Wolgarius episcopus Ecclesiæ Wirzaburg, cum cæteris fidelibus, qui simul ad illud Placitum convenerunt, jussu imperatoris sanaverunt commotionem illam in monasterio sancti Bonifacii. Eo anno dedicata est Ecclesia sancti Joannis Baptiste in australi parte monasterii juxta flumen Giralhha ». Loquitur de hoc dissidio abbatem inter et monachos Fuldenses orto Brouverus lib. I de Antiquit. Fuldens. cap. 2t, asserilque monachos obtulisse supplicem libellum Carolo Magno multarum quarelarum plenum, quem ipsem postea lib. 3, cap. 12 recitat, et post eum Cointius anno DCCXIII, num. 401 et seqq. Monachi recentis instiuti zelo flagrantes perire sibi veteris disciplinæ rigorem nolebant, et *Ratgarius* summo jure musquam cessit, et omnium a se voluntates alienavit. Quare anno DCCXVII, ut in Annalibus Fuldensibus legitur, « Ratgarius abbas Fuldensis monasterii accusatus a fratribus et convictus, deponitur ». Hinc in Carminum libro Modestus euodem *Ratgarium* hoc schemmate expinxit; posuit enim juxta cum imaginem monocerotis in ovium gregem incurritis infesto cornu. Anno DCCXVIII sanctus Egil Vitæ sancti Sturmii monasterii Fuldensis conditoris scriptor, in locum Ratgarii subrogatur.

(1) Encyclicas hasce Epistolas non ad metropolitanos tantummodo, sed et ad nonnullos etiam episcopos misse Carolum apud me certo constat, quamvis Pagius id negat. Nam in collectione Martenii tom. VII, extat Caroli Epistola ad Garibaldum Leodiensem episcopum ea de re scripta, qua illum monet ut neminem permittat e baptismo infantes suscipere, quin prius percutietur de Symbolo et oratione Dominica. Si vero Epistola haec eodem ipso tempore quo Encyclica ad metropolitanos missa censeatur, de quo vix dubito, earundem Encyclicarum missio aliquot annis quam hic fata Pagio anticipanda est; nam Garibaldus seu Gerbaldus Walcaudum præcessit, ut ex veteri auctore de gestis episcoporum Leodiensium in Collect. Martenii tom. IV. Walcanus autem, ex eodem scriptore curpit anno DCCX, et quidem sequenti anno DCCXI, Caroli Magni Testamento subscrivit, ut etiam Pagius ad eundem annum DCCXI, 5, notavit. Igitur Encyclica de baptismo litera non serius quam anno DCCXIX dari potuerunt. In eisdem autem Martenii Anecdota tom. I, col. 16, vulgata est Epistola cuiusdam incerti, sed episcopi utique vel archiepiscopi, qua ab imperatore per litteras requisitus doctrinam, quam subjectos sibi populos docebat quoad ritus baptismi, exponit. MANSI.

## LEONIS III ANNUS 18. — CHRISTI 813.

**4.** *Quibus viis et artibus Leo Armenus imperium capesserit, abdicante Michaeli, et Bulgaris cuncta vastantibus et Christianos persequenteribus.* — Sequitur Christi annus octingentesimus decimus tertius, sexta Indictione, quo Michael imperator a Leone Armeno præventus deponit imperium quinto idus Julii. Quomodo autem ista se habuerint, et quæ hæc præcesserint, ex Theophane qui præsens aderat, audiamus : « Cum enim pax penitus irrita reddita esset, nec nulla amplius de ea concilianda spes esset, utrinque parantur copie, progressusque primum Michael, cum se hostis mœnibus contineret, rediit prorsus inefficax, quando descendens (inquit) ad monasterium Tarasii patriarchæ, celebratis ejus memoriis una cum Procopia Angusta, petalo argenteo librarum nonaginta quinque sacrum ejus sepulcrum vestivit ». Jam enim Tarasius colebatur ut sanctus, atque ejusdem reliquias celebri cultu frequentabantur.

**2.** Egressus iterum mense Maio Michael imp. nihil hostibus detrimenti, suis vero plurimum intuitus damni, deprædantibus militibus ipsos Romano imperio subditos; cuius rei causa suorum in se convertit odium, arguentium ejus in rebus militaribus imperitiam.

Cum autem ob egressum regis Bulgarorum mense Junii ingens pavor Constantinopolim occuparet, visum est Nicephoro patriarchæ more majorum publicis litanis implorare divinam clementiam: cum e contra hæretici Iconoclastæ sepulcrum adenantes Constantini Copronymi, ipsum invocare cœperunt. Quid autem hi nebulones confinxerint, audi ex Theophane rem gestam ita per singula enarrantem : « Cum autem urbs litanias celebraret cum summo sacerdote in templo sanctorum Apostolorum, quidam impiorum Deo perosi Constantini hærescos, obserata porta imperiū seculorum, nemine attendente propter turbæ frequentiam, qui subito cum quadam sonitu, ut aperiretur, egerunt, quasi ex quadam operatione facti prodigii, et intro insilientes procidebant seductoris monumento, hunc invocantes et non Deum : Surge, dicentes, et auxiliare perdite Reipublicæ. Diffamaveruntque quia surrexit super

equum sedens, et vadit Bulgaros debellaturus, qui e contrario tartarum habitat cum dæmonibus. Qui ab urbis præfecto comprehensi, primo quidem mentiebantur, divinitus ulro fuisse apertas sepulcrorum portas; præsentati vero tribunalii præfecti, et circa testimonium claudicantes, reserationis fraudem ante omnem pœnam confessi sunt: quos merito vestibus (vectibus) pompa submisit vociferantes causam pœnae. Sic enim nequitia invento diabolus suos milites eruditivit, ut non peccata sua accusent, sed Orthodoxam a Patribus traditam fidem, sacramque habitum monachorum, quod diuinæ est philosophiae gymnasium. Multi autem, qui in his blasphemabant, habitu tantum Christiani erant, veritate vero Pauliciani (nempe Manichæi), qui non valentes detestabilitia opera sua manifestare, hujuscemodi occasione indoctos adulterabant, Constantiū, qui Judaici erat sensus, beatum dicentes, ut Prophetam et victorem, hæresimque ipsius in subversionem incarnatae dispensationis Domini nostri amplectentes ». Ita perfidi isti viam patefaccere conati sunt hujuscemodi inventionibus ejusdem hæresis consorti Leoni: resque accidit ex sententia, ob novam ipsis accommodatam obortam occasionem, quam Theophanes ita describit :

**3.** « Decimo kalend. Junii prælium ineuntibus haud procul ab Hadrianopoli Christianis et Bulgaris, delinqunt quidem Christiani valde dire circa bellum; obtinunt autem inimici pugnam, adeo ut phares congressionem nec intuentes, summa fuga uterentur, ita ut Crunnus rex Bulgarorum consternatus æstimaret insidiarum argumentum esse quod factum est, et modicum retineret suos ab insecuritate. Quia vero vidit sine ultra retentione fugere, persecutus cecidit multitudines copiosas, et veniens nihilominus ad sarcinas, has cum exuviis abstulit. Ast imperator fugiens, repedabat in urbem cum multitudinibus; harumque principibus sumptis, insuper potticebatur imperii depositionem dejurans, inter quos et Leonem patricium tanquam pius et fortissimum et per omnia strenuum, in tenendo imperium adsciscere socium voluit. Qui nullatenus acquiescens, dimisit eum thematibus præesse ». Ista Theophanes. Verum hæc diverse

admodum ab aliis enarrantur, nimirum factam culpa Leonis Armeni fugam, proditione captantis, ut Victoria e Romanorum manibus laberetur. Ista Cedrenus et alii. Pergit vero Theophanes :

4. « Octavo kalendas Junii deponere volens imperium et alium promovere, tamen ab uxore et filiis permisus non est, et ab his, qui nequiter prævaluerunt. Verum in hoc Nicephorus sanctissimus patriarcha consentiebat : Et ipse, inquiens, et filii ejus salvandi erunt, si taliter quis promoveatur. At vero prætores descendentes cum multitudinibus in urbem, imperatorem fugisse audientes, desperati quod ab eo de cætero imperandi forent, consiliati sunt apud semetipos, et implorabant Leonem, quo auxiliaretur communī reipublicā, et Christianorum religioni opitularetur. At ille aliquandiu quidem vehementer differebat, temporis considerans difficultatem, et Barbarorum incursionem intolerabiliem, et semetipsum erga imperatores conservans rectum absque insidiis. Quia vero ad urbem proprare inimicum videt, scribit Nicephoro de fide sua recta affirmans; petens etiam, ut cum oratione et nutu ejus imperium sumeret. Et veniens ad tribunal ante urbem positum una cum prætoribus et exercitibus, valde legitimus Romanorum imperator ostenditur. Et die media Constantinopolim per Carrisi portam ingreditur, et ad regalia pervenit. Porro audita hujus acclamatione Michael ad Oratorium Phari accurrens una cum Procopio et natis suis, detonsis capillis, monastica induit vestimenta, quinto idus Julii, sexta Indictione, Feria secunda ». Ista Theophanes de abdicatione Michaelis imperatoris. Pergit vero dicere de coronatione Leonis, atque ejus in defendenda a Barbaris urbe solertia.

5. At Cedrenus longe aliter rem se habuisse declarat, nimirum omnia tyrannice per Leonem facta fuisse, quod scilicet (ut dictum est) dedita opera in ejusmodi discrimen imperium adduxisset, atque etiam in Michaelem ut segnem et inertem publice declinasset, milites ad defectionem sollicitasse, adegisse vero, ut imperator ipse ab omnibus acclamaretur, licet simulate reluctaretur. Quid vero Michael egerit depositurus imperium, a Cedreno sic accipe : « Michael, ut erat ingenio pacis studiosus, conjcicere se in discrimen tantæ rei no-lens, acriter eos reprehendit, a quibus ad civiles cædes committendas instigaretur; et suorum quemdam intimorum ad Leonem cum diademate, purpura et calcis coccineis (haec imperii sunt insignia) misit, imperio se ei cedere indicans, quod vel vitam amittere potius censeret, quam guttam unam Christiani sanguinis fusam cernere, jubensque eum sine ullo metu aut dubitatione venire et regiam occupare ». Fecit hoc Leo, ingressusque Constantinopolim per Auream portam eum exercitu regiam tenuit. Quid autem sequenti die a Michaelis abdicatione factum sit, Theophanes ita dicere pergit, « nimirum Leonem publice » a Nicephoro patriarcha coronatum. De quo ista Cedrenus : « Multo ante, inquit, Nicephorus patriarcha

Leonis perversitatē præsenserat, ab eo res Ecclesiæ agitatum turbatumque iri. Nam quo tempore diadema capiti ejus imposuit, visum sibi fuerat, spinis ac tribulis madum compungi, idque omen malorum, quæ postea essent eventura, interpretatus fuerat.

6. « Postera vero die, Leo coronatus a Nicephoro patriarcha in ambone majoris Ecclesiæ, urbis præcepit custodiri portas; et muros die ac nocte circumiens, et exercitans cunctos, ac bonam spei fiduciam habere commonens, eo quod Deus celeriter foret inopinata facturus per intercessiones intemeratae Dei Genitricis et omnium sanctorum; nec omnino confundi nos esset passurus ob multitudinem culparum nostrarum. Interea novus Sennacherib, Crunnus videlicet, derelicto proprio fratre cum virtute sua ad oppugnandam Hadrianopolim, post sex dies imperii Leonis superveniens in viribus suis et equis, regiam urbem circumivit juxta muros a Blachernis usque ad Auream portam, ostendens virtutem suam, et celebrato polluto dæmoniaco sacrificio in prato penes mare sito, postulavit ab imperatore, ut figeret contum suum in eamdem portam Auream : quo id fieri non permittente, reversus est ad tabernaculum suum. Cum autem admiratus fuisse muros urbis, et bene ordinatam imperatoris aciem, et super obsidionem, quam sperabat, desperatus esset, ad conventiones convertitur, et ante pacem tentatoria verba faciebat. At imperator accepta occasione, conatus est huic insidiari, sed a multitudine peccatorum nostrorum hoc ad finem perducere prohibitus est, administrantium hujuscemodi rusticitate, vulnerantium quidem hunc, mortalem tamen non inferentium plagam. Super hoc ergo insanians nequissimus, missò cursu ad S. Mamantem, palatum illuc habitum incendit, et æreo leone hippodromi una cum ursō et dracunculo, lateribus et marmoribus electis in plaastro impositis, reversus est; et obsessam Hadrianopolim cepit ».

7. Tunc contigit et ejus civitatis episcopum Manuelem martyrio coronari, quem et alii postea secuti sunt ad triumphum. In Menologio siquidem Basili imp. ista notata reperiuntur vicesima die Januarii :

« Sanctorum martyrum Manuelis, Georgii, Leonis et sociorum a Bulgaris peremptorum.

« Sub Leonis Armeni principatu Crunnus Bulgarorum princeps magno cum populo Hadrianopolim Thraciae petens, lege belli expugnavit eam, et eum urbe sanctum quoque cepit Mannelem episcopum, quem manibus (brachiis) prius ab humeris amputatis, mox per medium gladio dissectum feris ad devorandum projectit. Crunnus vero propter peccatum excæcatus est, propriique populi incurrens odium, funibus ab eo suffocatus fuit. Bulgarorum vero suscipiens imperium Zocus impiissimus, omnes captivos congregavit Christianos, duces, presbyteros, diaconos et laicos, et cum Christi fidem negare eos cogeret, et illi non ac-

quievissent, eosdem diversis affectos tormentis crudeliter obturuncavit ». Hactenus ibi.

8. *Theophanes historicus*. — Porro ad hunc usque diem ex parte civitatis Hadrianopolis Theophanes perducens historiam, eidem finem imposuit. Nec est ut dici possit historiam intercismam esse, quod auctor perorationem nullam (ut moris est) apposuerit. Siquidem Anastasius, qui in latinum eam transtulit, testatur usque ad Leonem hunc, qui successit Michaeli, ipsum eam scriptiōnēm perduxisse. Cur autem reliqua Leonis imperii non sit prosecutus : persecutio ab eo excita, qua et vexatus est ipse Theophanes, in causa fuisse videatur : pœnituisse eum oportuit (si ejus illa sunt et non ab alio addita) Leonem antea laudasse ut pium, et commendasse ut justum, excusasseque ab invasione Michaelis imperii. Fraudulentus siquidem homo ita comparatus erat, ut virtutum mentito pallio facillime quemque deciperet, ut optimus ab omnibus haberetur, qui revera omnium nequissimus esset, nec qualis vir esset prodiderit, quoisque stabiliisse sibi videretur imperium : ut non mireris si Theophanem virum sanctissimum eundem audisti Iandantem. Cæterum si Cedreno credimus, qui ait Theophanem usque ad exitum tantum Nicephori suam historiam produxisse, affirmare necesse est, enīta quæ ab eo tempore in hunc diem ponuntur, alterius esse auctoris additamentum, quod et existimo esse verum, factumque ut aliquis ejusdem imperatoris studiosus, illa de Leonis probitate commentus sit.

9. Quod autem ad ipsum scriptorem Theophanem spectat, Anastasius Bibliothecarius, qui in latinum vertit eam historiam, ipsum illum fuisse Theophanem magui nominis monachum sanctitate celebrem et miraculis clarum asserit, cum de ipso pauca ista perstringit :

« De altero, nempe de Theophane, quid dicam ? cum et ejus conscripta vita, qualiter videlicet amplius patrimonii venditis, crucem suam tulerit, qualiterve secutus Christum, abbatis in monasterio Agri functus officio, virtutibus fulserit, miraculis coruscari, et circum quasque regiones his qui prope et his qui longe sunt, clament : sed et studia ejus ad nos usque perlata, quis vel quantus vir iste fuerit, solertibus manifestant ». Ille Anastasius in Præfatione a se editæ versionis, quæ falso nomine Pauli diaconi notatur inscriptione, qui longe ante hæc tempora dictus est ex hac vita migrasse. Porro et alium Theophanem æque monachum et confessorem constat hoc eodem tempore claruisse, et sub eodem Leone Armeno coronatum fuisse, qui Saleb abbatis monasterii in Palaestina monachus fuit Theodori frater, de quibus simul suo loco dicturi sumus.

10. Sed de ipso Anastasio interprete non silentum, sic Theophanem latinitati donasse, ut tamen (quod ipse testatur) aliqua omiserit, perstrinxeritque aliqua brevitate, addiderit vero ipse nihil. Nam accipe ipsius verba : « Operæ pretium duxi ex

Gregorii summariam quedam et Theophaniis chronographia plura sed succincte carpenda ». Et post multa : « Accipe itaque hoc, charissime, incompositum opus, et nihil memini in hoc prorsus insertum pernosce ». Et inferius : « Porro sic ego ex his duobus illustribus viris quedam deflorare proposui, ut preme omnia, que a nominatis historiographis commemorata sunt, a me commemoranda non duxerim. Ex cuiuslibet autem gestis quedam summariam excerpti : quamvis a Justiniano principe ac deinceps pauca omiserim eorum quæ ab his chronographis relata sunt ». Ille ipse ad Joannem diaconum. Anastasius cum meditaretur hoc ipsum, quod nos Deo adjuvante prestamus, historiam Ecclesiasticam texere. Cui idem Anastasius omnem suam operam spondet, tum in reddendis Græcorum monumentis latinitati, tum etiam ex Latinis, qui inveniri possent, libentissime exhibere. Ceterum ipsum integrum absque compendiosa breviatione Theophanem reperiri Parisiis, in bibliotheca reginæ matris accepi. Nos autem cumdem græce scriptum dono missum consecuti sumus a viro doctissimo Aboysio Lotino Veneto episcopo Belunensi, depromptum ex sua Græcorum librorum referta bibliotheca, cui perpetua gratiarum actio hic cusa permaneat.

Sed ad Leonem redeamus, qui nactus imperium haud quievit, Michaeli cum conjugé Procopia et filiis degere Constantinopoli, privatim inter monachos protifentem, sed relegavit eosdem in insulam Protum, sive Principem dixeris : adjecit ad crudelitatem, ut filios ejus Theophylactum natum majorem, neconon Ignatium qui sedem Constantinopolitanam postea gubernavit, castrari jusserit.

11. *Carolus legatos mittit Constantinopolim, Italie præficit Bernhartum, Ludovicum coronat imperatorem, laborat pro Ecclesia*. — Quod autem pertinet ad res Occidentales, hoc anno, veris initio, Carolus Magnus dum esset Aquisgrani ad confirmandam rursus pacem cum Michaeli imperatore, ad ipsum legationem decernit. Delecti sunt legati insignes doctrina Amalharius episcopus Treverensis, atque Petrus abbas monasterii Nonantulae in Italia. Verum cum hi Constantinopolim pervenissent, non Michaeli (cesserat enim ille), sed Leonem imperatorem invenerunt, a quo sunt auditi atque dimissi anno sequenti cum legatis ejus ad Carolum imperatorem, ut suo loco dicetur.

12. Eodem anno idem Carolus imperator habito generali conventu Aquisgrani, filium suum Ludovicum coronavit imperatorem, et Bernhartum nepotem suum Pipini filium Italie præficit, atque regem appellari jussit. Ille veteres Annales Francorum. De Ludovico vero in imperium a patre promoto haec Eginhardus habet : « Extremo vite tempore, cum iam et morbo et senectute premetur, evocatum ad se Ludovicum Aquitaniae regem, qui solus filiorum Hildegardis supererat, congregatis solemniter de toto regno Francorum primis, cunctorum concilio consortem sibi totius

regni et imperialis nominis hæredem constituit, impositoque capiti ejus diadema, imperatorem et Augustum jussit appellari. Suscepimusque est hoc ejus consilium ab omnibus, qui aderant, magno cum favore: nam divinitus ei propter regni utilitatem videbatur inspiratum. Auxilique majestatem ejus hoc factum, et exteris nationibus non minimum terroris incussum ». Hactenus Eginhardus.

Sed quæ de coronatione Ludovici Theganus habeat scriptor hujus temporis (fuit iste chorepiscopus Treverensis, qui de gestis Ludovici commentarium scripsit, cuius et meminit Wulfredus Strabo) adducamus in medium:

13. « Supradictus vero imperator cum jam intellexisset appropinquare sibi diem obitus sui (senuerat enim valde) vocavit filium suum Ludovicum ad se eum omni exercitu, episcopis, abbatis, ducibus, comitibus loco positis: habuit grande colloquium cum eis Aquisgrani palatio, pacifice et honeste admonens, ut fidem erga filium suum ostenderent, interrogans omnes a maximo usque ad minimum, si eis placuisset, ut nomen suum, id est, imperatoris, filio suo Ludovico tradidisset. Illi omnes responderunt, Dei esse admonitionem illius rei. Quo facto, in prima die Dominicæ ornavit se cultu regis, et coronam capiti suo imposuit, incedebatque clare vestitus et ornatus, sicut eum deinceps. Perrexit ad Ecclesiam, quam ipse a fundamentis construxerat, pervenitque ante altare in eminentiori loco constructum ceteris altaribus, et consecratum in honorem Domini nostri Iesu Christi, super quod coronam auream aliam, quam ipse gestabat in capite suo, jussit ponere.

« Postquam diu oraverunt ipse et filius ejus, locutus est ad filium suum coram omni multitudine pontificum et optimatum suorum, admonens eum in primis, omnipotentem Deum diligere et timere, ejus præcepta servare in omnibus, Ecclesiæ Dei gubernare et defendere a pravis hominibus, sororibus suis et fratribus, qui erant nati juniores, et nepotibus et omnibus propinquis suis indeficientem misericordiam semper ostendere præcepit: deinde sacerdotes honorare ut patres, populum diligere ut filios, superbos et nequissimos homines in viam salutis coactos dirigere, cœnobiorum consolator et pauperum esse. Fideles ministros et Deum timentes constitueret, qui munera injusta odio haberent. Nullum ab honore suo sine causa discretionis dejiceret; semelipsam omni tempore coram Deo et omni populo irreprehensibilem demonstraret.

14. « Postquam hæc verba et alia multa coram multitidine filio suo ostenderat, interrogavit, si obediebat voluisse esse præceptis suis. At ille respondit, libenter obedire, et cum Dei adjutorio omnia præcepta, quæ mandaverat ei pater, custodire. Tunc jussit eum pater, ut propriis manibus coronam, quæ erat super altare, elevaret et capiti suo imponeret, ob recordationem omnium præceptorum, quæ mandaverat ei pater. At ille jus-

sionem patris implevit. Quo facto, audientes missarum solemnia, ibant ad palatium. Sustinuit enim filius patrem eundo et redendo, quandiu cum eo fuerat filius. Non post multos dies magnificis donis honoravit eum pater suus, et dimisit eum ire in Aquitaniam. Antequam divisi essent, amplexantes se et osculantes, propter gaudium amoris flere cooperunt ». Hactenus de coronatione. His vero hæc addit:

« Postquam divisi fuerant, dominus imperator nihil aliud cœpit agere, nisi in orationibus et eleemosynis vacare et libros corrigere: nam quatuor Evangelia Christi, quæ intitulantur nomine Malthæ, Marci, Lucæ, Joannis, in ultimo ante obitus sui diem cum Græcis et Syris optime correxerat ». Illeusque Theganus.

15. « Praeter haec autem », addunt Annales Franeorum, « tuisse consilium Caroli, non solum ut ita bene consuleret rebus imperii, sed et statum Ecclesiæ relinquere bene dispositum. Cujus rei perficiendæ causa, volunt diversis in locis Concilia celebrari. Nam hoc eodem anno (tradunt Annales) quinque Concilia quoque jussu ejus super statu Ecclesiarum corrigendo per totam Galliam ab episcopis celebrata esse. Quorum unum Moguntiaci, alterum Rhemis, tertium Turonis, quartum Cabillon, quintum Arelati congregatum est. Et constitutiones, quæ in singulis facete sunt, collatione coram imperatore in illo conventu habita, qui nosse voluerit, in supradictis civitatibus invenire poterit, quanquam et in archivo palatii exemplaria illarum habeantur ». Extant hodie singulorum omnium canones editi in recentiori editione Conciliorum. Et quod pertinet ad Moguntinum Concilium, quinquaginta sex canones extant, de quo ea, quæ ibi leguntur de certa temporis nota, quo exploratoria euneta fiant, hic reddamus:

16. *Concilia Moguntinum et Rhemense.* — « Facta est autem hæc Synodus in civitate Moguntia, in claustrø Basiliceæ sancti Albani martyris anno Domini octingentesimo decimo tertio, et imperii domini Caroli imperatoris anno decimo tertio, Indictione quinta, quinto idos Junii, ubi sederunt episcopi triginta, abbates vero viginti quinque ». Complura sane in eo statuta sunt ad disciplinam Ecclesiasticam spectantia, quæ quisque magno emolumento si velit, inspiciat. Est et in eo illud observatione dignum, de armorum usu, cui ob bellorum frequentiam jam Ecclesiastici assueverant, quos prohibet sancta Synodus arma gestare, ejus autem familiam secus, cui armorum usus jam esset antiquitate præscriptus. Sunt ista verba canonis<sup>1</sup>: « Nos autem, qui relinquimus sæculum, id modis omnibus observare volumus, ut arma spiritualia habeamus, sæcularia dimittamus. Laicis vero, qui apud nos sunt, arma portare non præjudicemus, quia antiquitus mos est, et ad nos usque pervenit ». Hæc ibi, consideratione

<sup>1</sup> Concil. Moguntia, sub Carol. c. 17.

digna adversus eos, qui ista de laicis impugnare consueverunt.

Eodem quoque anno (ut dictum est) habita est Rhemensis Synodus, in qua canones quadraginta quatuor sancili sunt, quibus de nota loci et temporis ejusmodi præpositus est titulus: « Hic est ordo capitulorum breviter adnotatus, quæ anno Dominicæ Incarnationis octingentesimo decimo tertio notata sunt in conventu metropolitano sedis Rhemensis Ecclesiae a domino Carolo piissimo Cæsare, more priscorum imperatorum congregato, ordinante Wlfario ejusdem sanctæ sedis archiepiscopo, mense Maio, etc. » Inter alia autem plura lali consessu digna, ista habet digna memoria de mensa episcoporum atque abbatum<sup>1</sup>: « Pauperes et indigentes secum ad mensam habeant, et lectio divina ibi personet, et sumant eibum cum benedictione et laude Dei ».

Quod autem errore factum est in priori Editione, ut positum fuerit Concilium habitum ad villam Theodosii, ante duo ista Concilia Moguntinum et Rhemensis: hie corrigendum est atque dicendum, primum quidem oportuisse celebrata esse dicta duo Concilia, deinde vero illud ad villam Theodosii, eo quod archiepiscopi Monguntinus et Rhemensis Aistulphus et Ebbo, qui interfuerunt Concilio celebrato in villa Theodosii, post Hildebalduum Moguntinum et Walserium Rhemensem, qui interfuerunt dictis duobus Conciliis, sedisse legantur. Quod ex eo redditur exploratum, quod ambo hi, Aistulphus et Ebbo, nominati reperiuntur in quadam constitutione Ludovici Caroli Magni filii, quae suo loco inferius recitat, quam editam esse post duo illa dicta Concilia, nullum est dubium.

17. *Concilia Turonense et Cabillonense: ubi multa de piis peregrinationibus.* — Turonense quoque hoc eodem anno eadem ex causa est celebratum Concilium, canones quinquaginta et unum continens, ubi et de mensa pariter episcoporum ista itidem: « Peregrini et pauperes convivæ sint episcoporum, cum quibus non solum corporali, sed spirituali reficiantur alimento ». In Cabillonensi vero Synodo hoc item anno celebrata in provincia Lugdunensi, canones sexaginta septem statuti reperiuntur, in quorum tertio canone mentio habetur de præcepto Caroli Magni, « quo voluit omnes episcopos scholas erigere, in quibus bone litteræ atque in primis theologicæ docerentur. Ad suggilandum vero curandumque simul in sacerdotibus avaritiæ morbum, ejusmodi antidotum parat. Oportet etiam, ut si quando sacerdotes fruges, vel quosdam redditus terræ congregant ac protelant, non ideo hoc faciant, ut carius vendant et thesauros congregent, sed ut pauperibus tempore necessitatis subveniant ».

« Sed illa in eodem Concilio statuta consideratione digna videntur, in quibus agitur de peregr-

natione ad loca sancta suscipi solita a fidelibus; et quando probanda illa, quando vero improbanda sint decernit. Quod autem essent hoc tempore illæ inter alias celeberrimæ in Occidente peregrinationes, Romanum ad limina Apostolorum, peccatorum remissionis gratia consequende, atque Turonum ad S. Martinum, et iis complures diversis ex causis abuli solerent, haec de his sancta Synodus statuit:

18. « A quibusdam, qui Romanum Turonumve et alia quædam loca sub praetextu orationis inconsulte peragant, plurimum erratur. Sunt presbyteri et diacones et ceteri in clero constituti, qui negligenter viventes, in eo se purgari a peccatis putant, et ministerio suo fungi debere, si præfata loca attingant. Sunt nihilominus laici, qui putant se impune peccare aut peccasse, qui haec loca oraturi frequentent. Sunt quidam potentes, qui acquirendi census gratia sub praetextu Romani seu Turonici itineris multa acquirunt, multos pauperum oppriment; et quod sola cupiditate faciunt, orationum sive sanctorum locorum visitationis causa se facere videri affectant; sunt pauperes, qui vel ideo id faciunt, ut majorem habeant materiam mendicandi; de quorum numero sunt illi, qui circumquaque vagantes, illo se pergere mentiuntur; vel quia tantum sunt recordes, ut putent se sanctorum locorum sola visitatione a peccatis purgari, non attendentes quod ait beatus Hieronymus, non Hierosolymam vidisse, sed Hierosolymis bene vixisse, laudandum est. De quibus omnibus domini imperatoris, qualiter sint emendanda, sententia exspectetur ».

19. Quænam vero, quorumve sit peregrinatio proficia, Patres ibi ita definunt: « Qui vero peccata sua sacerdolis, in quorum sunt parochiis, confessi sunt, et ab his agenda penitentiae consilium acceperunt, si orationibus insistendo, elemosinas largiendo, vitam emendando, mores componendo, Apostolorum limina vel quorumlibet sanctorum invisere desiderant, horum est devotio modis omnibus collaudanda ». Abstinuerint tamen episcopi de peregrinis illis quicquam decernere absque Caroli ipsius scientia, eo quod scirent in colligendis hujusmodi peregrinis eundem Carolum tuisse studiosissimum, de cuius in his propensissimo studio ista habet Eginhardus: « Amabat peregrinos, et eorum suscipiendorum magnam habebat curam, adeo ut eorum multitudo non solum palatio, verum etiam regno non immerito videretur onerosa: ipse autem pro magnitudine animi hujuscemodi pondere minime gravabatur, cum etiam ingentia incommoda laude liberalitatis ac bone famæ mercede compensaret ». Haec Eginhardus.

20. At non desit ipse Carolus ejusmodi errores lucri causa peregrinantes cohibere. Nam audi quid in ejus Capitularibus<sup>1</sup> habeatur de Mangoniis, qui novis ad inventis etiam dispendio sanguinis pecuniam corradebant.

<sup>1</sup> Concil. Rhem. sub Carol. c. 17.

<sup>1</sup> Capitul. I. n. c. 79.

« Item ut isti mangones et cogaciones, qui sine omni lege vagabundi vadunt, per istam terram non simantur vagari et deceptions hominibus agere. Nec isti nudi cum ferro, qui dieunt se data sibi pœnitentia ire vagantes. Melius videtur, ut si aliquod inconsuetum et capitale crimen commis-rint, in uno loco permaneant laborantes et ser-ventes, et pœnitentiam agentes, secundum quod sibi canonice impositum sit ». Itemque de paupe-ribus ita vagantibus<sup>1</sup> :

« De mendicis, qui per patrias discurrunt, vol- lamus, ut unusquisque fidelium nostrorum suum pauperem de beneficio, aut de propria familia nutriat, et non permittat alicubi ire mendicando. Et ubi tales inventi fuerint, qui sibi manibus labo-rent, nullus eis quicquam tribuere præsumat ». Et quod rursum ad hospitalitatem spectat, dicta ab eodem Carolo ad clerum hæc<sup>2</sup> accipe :

« Ut de hospitalitate et cura pauperum me-mores sitis, et propter quod res Ecclesiasticae a fidelibus oblate et ab Ecclesia receptæ sint; et eo modo illas distribuatis, ut ab illo, cui de his ratio-nem reddituri estis, non damnationem, sed eterni gaudii mereudem accipere mereamini ». De his item alibi<sup>3</sup>, hortans omnes ad hospitalitatem, agit. Hæc de his quæ spectant ad Concilium Cabillonense quarto ordine numeratum.

**21. Concilium Arelatense : et de electione episcoporum sanctiones.** — In quinto vero Concilio hoc anno Arelati celebrato canones sunt sanciti viginti sex, quibus nota temporis ita praefixa est : « Dum anno quadragesimo sexto inclyti et Orthodoxi domini et principis nostri Caroli imperato-ris, sub die sexta idus Maias, Era octingentesima quinquagesima prima unanimatis nostræ con-ventus in Arelatensem urbe in Basilica S. Ste-phani martyris primi aggregatus consisteret, etc. » In quo<sup>4</sup> sicut et in Moguntino Concilio præcipitur, ut episcopo obedient comites, et judices saeculares : demum illud sic habeto : nihil prene prætermis-sum in quinque Conciliis istis, quod ad optimam Ecclesiæ institutionem spectare posse videretur. Sic igitur Christianissimus princeps proxime ex hac vita discessurus, Ecclesie bene consultuit, de qua dum vixit, semper optime meritus fuit.

Sed et in eo potissimum idem Carolus Magnus intentum animum habuit, ut ipsam Dei Ecclesiam omni ex parte liberam relinquaret, cuius rei gratia, episcoporum electionem usurpatam a prædecessoribus in pristinam libertatem restituit, ejusmodi legem una cum Ludovico sanctam relinquent<sup>5</sup> : « Sacrorum canonum non ignari, ut in Dei nomine sancta Ecclesia suo liberius potiretur honore, assensum ordini Ecclesiastico præbuimus, ut scilicet per electionem cleri et populi, secundum statuta canonum, de propria diœcesi, remota personarum et munerum acceptance, ob vitæ meritum et sa-

pientiæ donum eligantur, ut exemplo et verbis sibi subjectis usquequaque prodesse valeant ».

22. Quomodo autem reliquerit Carolus M. dis-positionem sedium episcopalium vacantium, secundum quod (ut vidimus) in suis Capitularibus testatus est, ut secundum canones essent electiones, ex Epistola Hinemari ad Carolum postea scripta, possumus intelligere, quæ sie se habet : « Venerunt tres clerici ei duo laici Silvanectensis Ecclesiæ ad indignitatem meam, innotescentes, eamdem Ecclesiam, fratre et consacerdote nostro defuncto, viduatam esse pastore, ferentes etiam ipsius Ecclesiæ tam cleri, quam plebis petitionem, ut secundum sacras regulas pastor tribuat. Quos interrogavi, si verbum erat de pace cleri ac plebis ipsius Ecclesiæ, et aliqua designata persona. Qui respon-diderunt se non aliam petitionem ex parte sociorum afferre, nisi ut apud solitam misericordiam vestram illis liberam ac regularem electionem obtinere salagerent : quatenus secundum sacras regulas illuc canonico visitatore direclo, ab omnibus Ecclesiæ ipsius alumnis valeat eligi, cui debet ab omnibus obediri.

« Ego autem, licet sacerdotem vestrum Iles-primum per fratrem Hildeboldum compresbyterum nostrum VIII idus Junii defunctum audire : non tamen statui antea dominationi vestræ quicquam inde suggerere, aut pro eadem Ecclesia postulare, priusquam secundum regolare modum ab eo legatos acciperem ». Et paulo post : « Dignetur mihi dominatio vestra sive (stis) litteris significare, quem vultis de episcopis nostris, ut ei ex more litteras canonicas dirigam, ut visitatoris officio fun-gens, in eadem Ecclesia electionem canonican-tiat. Et aut per se, aut per litteras suas vicario suo differente, eamdem electionem canonican-faciat. Et aut per se, aut per litteras ad me referat, et per me ipsa electio ad dominationis vestræ discretionem perveniat ». Hactenus de his ad Caro-lum Hinemarus Rhemensis archiepiscopus.

23. Ex quibus intelligis, lector, nonnisi ex præscripto canonum voluisse electiones esse libera-s. Sed visitatorem a rege mitti, nec ante licere quicquam agi, eo quod magnæ rixæ in his accidere solerent ob diversa diversorum studia in istius-modi electionibus, quæ omnino cessarent, si præ-sentia legati regis adesset. Ceterum in omnibus servata integra jura, clero, populoque in electione archiepiscopi, cuius muneris erat de electo reddere imperatorem certiorem voluisse liquet. Ex quibus omnibus multo magis erroris redarguas eos, qui Carolo asserunt datam facultatem ab Hadriano omnes sui regni episcopos eligendi, de quibus abunde superius actum est, cum tantum menda-cium patefecimus.

24. Florebat his temporibus Florus, cuius est mentio apud Usuardum in Praefatione ad Martyro-logium, et summa laus apud Walfridum Strabo-nem in Carmine ad Agobardum Lugdunensem episcopum. Hujus extat fragmentum apud Ago-

<sup>1</sup> Capitul. I. i. c. 424. — <sup>2</sup> Ibid. c. 221. — <sup>3</sup> Ibid. c. 73. — <sup>4</sup> Conc. Arelat. sub Carol. c. 13. — <sup>5</sup> Capitul. I. i. c. 84. et dist. LXIII. c. 34.

bardum, eusum haud pridem a Papirio Massono, quod pertinet ad praesentem tractationem de episcoporum electione, his verbis :

« Collecta a domino Floro ex sententiis antiquorum Palrum.

« Manifestum est omnibus, qui in Ecclesia Dei sacerdotale officium administrant, quae sunt illa, quae in ordinatione episcopali, et sacerorum canonicum auctoritas, et consuetudo Ecclesiastica, juxta dispositionem divinae legis, et traditionem Apostolicam jubeat observari. videlicet, ut pastore defuneto, et sede vacante, unus de clero Ecclesiae, quem communis et concors ejusdem cleri, et totius plebis consensus elegerit, et publico deereto celebriter ac solemniter designavil, legitimo episcoporum numero consecratus, locum decenter antistitis rite valeat obtinere : nec dubitetur divino judicio et dispositione firmatum, quod ab Ecclesia Dei tam sancto ordine, et legitima observatione fuerit celebratum. Haec sunt, quae in Conciliis Patrum, et in Decretis Apostolicis Sedis Pontificum statuta reperiuntur, et ab Ecclesia Christi et initio comprobata reperiuntur et comprobantur. Unde et beatus martyr Cyprianus de sancto Cornelio Urbis Romae Pontifice, enim episcopatum ejus adversus quosdam superbos et invidos calumnialores defenderet, haec ipsa in testimonium sanctae et legitimae ordinationis ejus prosecutus est, dicens : Factus est Cornelius episcopus de Dei et Christi ejus iudicio, de clericorum omnium testimonio, de plebeio suffragio, de sacerdotum antiquorum et bonorum virorum consensu, cum nemo episcopus inibi factus esset, cum gradus cathedra sacerdotali sua careret. Quo occupato, et omnium nostrorum consensione firmato, quisquis jam episcopus fieri voluerit, omnimodis necesse est, ut Ecclesiasticam non habeat ordinationem, qui Ecclesiae non tenet per consensum unitatem. Post primum secundus esse non potest, quisquis enim post unum qui per electionem consecratus est, esse voluerit, jam non secundus ille, sed nullus est. Juxta haec verba beati Cypriani, ordinatos fuisse constat, et legilime praefuisse universo populo deinceps omnes Ecclesiarum Dei antistites, absque ullo consultu mundanæ potestatis, a temporibus Apostolorum : et postea per annos fere quadragesimos. Ex quo autem Christiani principes esse cœperunt, eamdem episcoporum ordinationibus Ecclesiasticam libertatem ex parte maxima permanisse, manifesta ratio declarat. Neque enim fieri potuit, cum unus imperator orbis terræ monarchiam oblineret, ut et (ex) omnibus latissimis mundi partibus, Asiae videlicet, Europe et Africæ, omnes qui ordinandi erant episcopi, ad ejus cognitionem deducerentur. Sed fuit semper integra et rata ordinatio, quam sancta Ecclesia juxta traditionem Apostolicam et religiosæ observationis formam celebravit. Quod vero in quibusdam regnis postea consuetudo obtinuit, ut consulta (consultu) principis ordinatio fieret episcopalis : valet utique ad cunctum fra-

ternitatis propter pacem et concordiam mundanæ potestatis, non tamen ad complendam veritatem vel auctoritatem sacrae ordinationis, quæ nequam regio potentatu, sed solo Dei nulu et Ecclesie fidei consensu cuique conferri potest. Quoniam episcopatus non est munus huicnam, sed sancti Spiritus dominum, sicut ostendit Apostolus, ubi ad episcopos loquitur, dicens : Attendite vobis, et universo gregi, in quo vos Spiritus sanctus posuit episcopos, regere Ecclesiam Dei, quam acquisivit sanguine suo. Unde in Epistola ad Hebreos ait : Nec quisque sibi sumit honorem, sed qui vocatur a Deo sicut Aaron. Sic et Christus non semet ipsum glorificavit, ut Pontifex fieret, sed qui locutus est ad eum : Filius meus es tu, ego hodie genui te ; et iterum : Tu es sacerdos in æternum secundum ordinem Melchisedech. In quibus Apostoli verbis evidentissime demonstratur, ad hoc munus adipiscendum aliquid sumendum sufficere unicuique gratiam Dei, cooperante fide et devotione gracie ejus ; absque his autem humano arbitrio nemini posse concedi. Unde graviter quilibet princeps delinquit, si, ut hoc suo beneficio largiri possit, existimat, quod sola divina gratia dispensat, cum ministerium suæ potestatis in hujusmodi negotiis peragendo adjungere debeat, non præferre. Denique ut istius rei nonnulla proferantur exempla, puto quod de ordinatione beati Martini, quando ex monasterio sub alia occasione eductus, et a populo comprehensus, atque ad Ecclesiam productus est, et continuo ab episcopis, qui ad hoc invitati fuerant, consecratur, nemo principum hujus saeculi fuerit interrogalus. In Ecclesia quoque Lugdunensi sic religiosa olim et venerabilis consuetudo fuit, sicut antiqua narrat historia, scilicet ut defuneto pontifice, omnis in unum conveniret Ecclesia, et Iriduano jejunio, communii vero (voto) ac supplicatione celebrato, quemcumque eis Dominus per revelationem, sive et (ex) eorum clero, seu aliunde ostenderet, ipsum sine dubio antistitem constituerent; quod de beato Eucherio prefatae urbis episcopo et doctore egregio, sanctissimæ vite ejus liber manileste testatur impletum. Qui cum esset ex nobilissimo senatorum genere oriundus, et huic saeculo abremuntians, omnique facultate sua in pauperes ob amorem Christi distributa, paribus provinciæ in quodam specu retrusus, atque ibi soli Deo jejunus (jejuniis) et orationibus vacans latitaret, tali revelatione ostensus atque inventus, in pontificali regimine locatus est : ex quo certissime constat, quod omni illo tempore, quo tantam bonitatem sive gratiam omnipotens Deus in illa voluit Ecclesia demonstrare ; valebat ac sufficiebat ad consecrationem reclorum sola ejus gratia et fides Ecclesie devota. Sed et in Romana Ecclesia usque in praesentem diem cernimus absque interrogatione principis, solo dispositionis iudicio, et fideliū suffragio legitimate Pontifices consecrari, qui etiam omnium regionum et civitatum quæ illi subjectæ sunt, juxta antiquum morem

eadem libertate ordinant atque constitunnt sacerdotes. Nec adeo quisquam absurdus est, ut putet minorem illie sanctificationis divinæ esse gratiam, eo quod nulla mundanae potestatis eomitetur auctoritas. Quæ omnia non ideo dicimus, quasi potestatem principum in aliquo minuendam putemus; vel contra religiosum morem regni aliquid sentiendum persuadeamus; sed ut clarissime demonstretur, in re hujusmodi divinam gratiam

sufficere, humanam vero potentiam, nisi illi consonet, nihil valere. Quapropter in sacris canonibus Patronum, ubi plurimæ causæ commemorantur, sine quibus episcopalnis ordinatio irrita habenda est, de hac re nihil invenitur insertum ». Hactenq[ue] Flori tractatio de antiqua episcoporum electione, qua præter illa, quæ superius dicta sunt de libera in Romana Ecclesia papæ electione, redarguit itidem mendacissimus Sigebertus.

Anno periodi Graeco-Romanæ 6306. — Anno Æræ Hispan. 831. — Anno Hegiræ 198, inchoato die 1 Septemb., Fer. 5. — Jesu Christi 813.

— Leonis III papæ 19. — Caroli imp. 31. Leonis Armeni imp. 1.

**1. Michaelē deposito Leo Armenus fit imperator.** — A num. 4 ad 11. Theophanes anno Incarnat. secundum Alexand. pcccv, qui kalendis Septemb. superioris Christi anni inchoatur, refert. cum pacis tractatio irrita esset, Michaelēm imp. exercitum in Thraciam trajici jussisse, sed neque Mesembriam aggredi, neque prolligandis copiis necessarium quidpiam moliri ausum esse : *Mensis vero Julii die vicesimo secundo*, Christianis simul et Bulgaris ad pugnam in invicem committendam ex æquo instrutis, Christianos in prælio pessime se gessisse, ac velociissima fuga pugnae se subduxisse; « adeo ut Crummus ipse spectaculi novitate delerritus, insidiarum in suos structarum, quod oculis probabat, apparatus existimaret ». Ubi vero præcipitis ejusdem fugæ veritatem animadvertisit, stragem Romanorum maximam edidit. Imperator pariter fuga elapsus *Leoni patricio* regendorum thematum potestate relicta. *Junii die xxiv imperantem urbem repetiit*. Interea militares copiæ omnes de imperatoris fuga certiores factæ Leonem, ut Christianam Remp. erigeret, rogaverunt. Leo aliquo tempore substitit: « At cum hostem magnis itineribus ad urbem contendere animadvertisit, a patriarcha Nicephoro, quem de recta sua in Deum fide certiore fecit, ut ex ipsius nutu et ejus prece comite projectum colligat imperium per litteras expetiit ». Tum vero legitimus Romanorum imperator salutatus in regiam se confert. « Postera luce, quæ Julii mensis fuit undecima, Indictione sexta, feria hebdomadis secunda, in Magnæ Ecclesie ambone a Nicephoro patriarcha » coronatus est. Crummus proprio fratre ad obsidem Adrianopolim relicto, post dies sex a demandato Leoni imperio ad urbem proprius accessit, et ad pacis ineunda foedera conuersus est; sed cum a novo imperatore repulsus es-

sel, « retro pedem tulit; et obsidione ad Adrianopolim posita, eam demum armorum vi subjugavit ». Quibus verbis Theophanes Chronographiam suam a primo Diocletiani imp. anno inchoatam absolvit. Porro loco *mensis Julii die vicesimo secundo*, quod in ejus Versione latina habetur, legendum cum textu greco, *mensis Junii die vicesimo secundo*.

**2. Theophanes Chronographiam suam usque ad hunc annum perduxit.** — Baronius anno DCCXIX, num. 20, Thephanem citans ait: « Qui græce scripsit Historiam illam, quæ inscribitur Miscella, et sub titulo Pauli diaconi errore circumfertur ». Verum nunc inter omnes convenit, Paulum diaconum scripsisse quidem Appendicem ad Eutropii Historiam, quæ adhuc extat vñ libris comprehensa, sed Historiam Miscelle, partim ex Theophane, partim ex Eutropio, maximeque ex Versione Thephanis ab Anastasio Bibliothecario curata, consarcinatam esse, sive a Joanne diacono, sive a Landulfo Sagace, seu a quopiā alio. Qua de re legendus Labbeus in Dissert. de script. Eccl. Præterea Baronius hoc anno num. 8 inquit: « Si Cedreno credimus, qui ait Thephanem usque ad exitum tantum Nicephori suam Historiam produxisse, affirmare necesse est, cuncta quæ ab eo tempore in hunc diem ponuntur, alterius esse auctoris additamentum, quod et existimo esse verum, factumque, ut aliquis ejusdem imperatoris (nempe Leonis Armeni) illa de Leonis probitate commentus sit ». Verum tam Cedrenus, quam Joannes Seylitz Europolates, a quo illud Cedrenus accepit, haec in re decepti sunt. Ipsemel enim Theophanes in sua Præfatione ait: « Multis voluminibus diligentius exquisitis, et quantum nobis lieuit examinatis, presentem Chronographiam a Diocletiani temporibus ad Michaelis et Theophylacti ejus filii imperium, et reges et pa-

triarchas, et eorum gesta cum tetribus, quantum potuimus, descripsimus ». Quare Curopalates in mutuum Codicem Theophanis inciderat. Quod si Theophanes *Leonem Armenum* in fine sue Chronographiae laudet, factum id, quia hominem non noverat, et quia quae hoc anno de eo habebat, ipso ejus imperii initio scripsit. De *Theophanis* virtutibus ac morte infra sermo erit.

3. *Theophanis continuatores*. — Chronographiam Theophanis continuauit *Leo Grammaticus*, quem Combefisius in Notis ad ejus Historiam ostendit, supparem illis fuisse quorum res gestas prosecutus est. Praeterea *auctor incertus*, coevus, qui narrat que tempore Leonis Armeni contigere; *Constantinus Porphyrogeneta*, qui seculo sequenti Constantinopoli imperavit, quem *auctor alius incertus* continuavit; *Symeon Magister* et *logotheta*, vulgo *Metaphraste* appellatus; et *Georgius Monachus*, qui in Constantino iterum imperante desinit. Hos omnes historicos præter *Leonem Grammaticum* et priorem auctorem incertum Combefisius e græco in latinum vertit, horumque opera Annales Ecclesiastici et suppleri et illustrari poterunt; omnes enim post Baronii mortem publici juris facti.

4. *Vera narratio prælii in qua Michael imp. a Bulgaris vicit*. — Prælium, in quo Romani a Bulgaris victi sunt, Constantinus Porphyrogennetus his verbis narrat: « Cum ex verborum illa jactantia ac Romanis intentatis minis, quibus se Crummus hominum stragem facturum, etc. affirmabat, ac omnes sub jugo missurum; animatus imperator, suscepta jam expeditione modum omnem excedentes Barbari minas compressisset, vixque non suis se finibus continere, nec inde prorunipere, agrosque Romanos vastare coegisset; saepiusque provocante Michaeli, instructa in eum acie, pugnae is aleam, compressa audacia detrectasset; quinimo vires suas agnosceret, nec adversus imperatorem manus conserere auderet; sufficere Michaeli videbatur, quod Barbaricam illam ferociam, ac temeritatem suis velut terminis, sine pugna (cujus incertus exitus est) conclusisset. Quando enim, aiebat, quibus freti copiis sumus ad pugnam committendum excire non possumus, sed eam defrectare suisque se finibus continere cogamus, quid etiam necesse, ut ad experiendum Martem cogamus? cum itaque sensim pedem referre, paulatimque Romanum solum repetere Michael cogitaret; visa res indigna Leoni (Armenio nempe Orientalium thematum duei) nec ex imperatoris Romani majestate, terga hostibus vertere; hoc enim Leo optimum illud imperatoris consilium dicebat; quod nimis recte ac sincere sentiret; sed putri dolique pleno consilio, unum hoc moliretur, ut in se rerum summam transferret. Sane, aiebat, *imperator*, *movenda nobis in eos signa sunt*; videbisque me palam hodie robur et vires in hostes exercere, tuoque ad fiduciam nutu precibusque fretum, in primis ordinibus strenue dimicantem, praeclare

victorem fore. His Michael verbis, a sua in diversum actus sententia, pugnam conseri jussit, moxque prima ipsa congressione, Leo terga vertens, fugam capessit; quippe tyrannidem continue meditans, etsi hactenus ejus hoc consilium, tum Michaeli, tum hostes latuerat; quod enim nihil hactenus istiusmodi contigerat, qualia prælii vis afferre solet, nullumque belli facinus ultravis acies gesserat, sed primus ipse conflictus vertebatur, vixque dum corporis conflictum partes advertebant; tum ipsis Bulgaris, tum reliquis omnibus res dolus videbatur, qualis hostium esse solet: nempe a sua illas distrahitent acie, conversa demum in eos ex fuga, fronte, velle irruere. Ubi autem ambæ acies nihil bellī arte fieri, sed veram Romanorum fugam, quod ita agebatur, esse advertere, hosles, verso impetu, fugientium stragem multam dedere. Ipse Michael saltem expedire, non cum paucis sibi relictis, hostibus conatur obsistere. Sieque adeo pugnatum, sunt qui litterarum monumentis ad nos transmisserunt.

5. *Leo Armenus imperator ab exercitu acclamat*ur. — « Non desunt tamen, qui Leoni potius tribuant copias conservasse, ac strenue pugnasse, cum aulici ac palatinæ cohortes ignavia acti ultro fugam iuissent atque aciem suam proddissent; non quæ ex Leonis partibus essent. Enimvero Bulgari inopinalo, ac cum nihil ejusmodi exspectarentur, superiores evadunt: gravi autem tremendaque clade attriti Romani, imperatorem de salute sua anxium e prælio reducunt. Verum is quidem aulam repetit, ac eum quoddam propugnaculum, Leonem foris excubantem, ne quam hostes ultra predam abigant, ac liberius agros populentur, relinquit. At Leo commodum nactus tempus, militares irritat alas, et maledicta quædam in imperatorem jactare eos cogit. *Haud e re, aiebat, ut quod fabula est, leonum agmen cervus dueat; qui videlicet modo arrepta fuga, in uxoris sinum concesserit, nobis in castris relictis, quos hostes castitate consumant*. Vixdum in eum modum socios affalus peroraverat, cum res eventu succedit, sparsis in omnem castrorum ambitum garrulis assentatorum vocibus ac concursu, quos ille ejusdem fere tenoris sermones habuerat. Postremo aclulum seenta acclamatio: ejusdemque diei pars modicissima eundem privatum simul et imperatorem adspexit, dies nempe x mensis Julii, ut ex Theophane diximus. Michaeli a Leone in hac pugna proditum fuisse, asserit etiam Cedrenus ex Curoplate, et Nicetas in Vita S. Ignatii patriarchæ Constantinopoli.

6. *Michael imp. fit monachus*. — Paulo post pergit Constantinus: « Eo rumore nuntioque attulita civitas, ac fere mente mota, vix se continebat, bellū civilis formidine, cuius mole haud raro urbes integræ concidunt. Verum imperator obstupuit quidem animo, haud tamen mente turbatus est; sed viri tantum ingratos mores detestatus, leni quasi susurro, bonum, aiens, obsequi divinæ voluntati; pavore ac turbatione urbem liberavit,

cunctos hortatus, ut tyranno venienti occurrant, quo nimis nullum civium pollutam crux incolumem civitatem custodiret. Porro nonnullis hortantibus, ut forti animo malis obssisteret, pugnaque cum tyranno decerneret, ac eum ii firmos se ac constantes tuendis clementissimi fideque præstantis imperatoris partibus fore pollicerentur, etc. futurum rei eventum præstolabatur. Jam enim percreberat rumor, ingressum tyrrannum per Auream portam, omnemque senatum ad sacras Praecursoris aedes, Studii opera a fundamentis exstructas, obviam processisse, ac supinis manibus, plausu faustisque omnibus in urbem excipere ac deducere, etc. Tunc Michael, Leone ingresso, una cum liberis atque uxore, detonsa coma ad Dei delubrum secedunt, quod Pharam vocant, etc. Leonis illic exoraturus clementiam. Ille porro hand ex honesti ratione ratus religionem loci violare, aut in eo supplicibus necem inferre, illum quidem in insulam Platen (legendum, Proten) relegans, privatum illic agere jussit, auri suminam quotannis in ejus sumptus subministrans; ubi et monachi assumpto habitu atque Athanasii indito nomine, ad annos duos supra triginta vixisse fertur. Erat eum eo et Eustratius ejus filius, qui ipse Leonis jussu detonsus ac virilibus orbatus est, aetatis annum xx agens. Nicetas quoque, qui prius adolescens lecanorum prefectorum gesserat (quippe qui hoc agebat ut militum, inque subdialibus stativa habentium, gratiam iniret, nullaque rerum peritia polleret) ipse quoque tunc coma posita, Ignatii nomen accepit, versansque cum patre, monachi vitam una instituit. Uxorem vero ab illo abjunctionem atque avulsam, in monasterium, quod Procopiae vocant, transtulit: quanquam Michaelis hoc enixe amoliente ac deprecante ». Ignatius postea Constantinopolitana Ecclesie præsul effectus est, ut suo loco dicetur. Porro Porphyrogenneta Theophylactum appellat Eustratium, quia « in monachum attensus, Eustratius appellatus est », inquit Nicetas in Vita S. Ignatii Eustratii fratris.

7. *Præsagia impietatis Leonis in ejus coronatione.* — Ignatius diaconus in Vita S. Nicephori patriarchæ Constantinop. Michaelis imperatoris exilio narrato, num. 32 ait: « Hanc itaque calamitatem divinus Nicephorus sentiens, virisque versatilem animum ac levem intelligens, attrahere cogitabat, ut ex more fidem scripto profiteretur. Itaque prolati codice inculpatae fidei nostræ scriptum Symbolum continentem, illum per episcopos quosdam obtulit imperatori, hortans, ut sua ipse manu subsscriberet. Simulabat ille omnibus que dicerentur se propensissime annuere; præstare tamen indicabat, dum diadematis honorem consequentur esse, rem eam differre. Eo facto se omnino paratum Ecclesiastico jugo collum submittere. Interim vero conscientiae, quo pungebatur aculeo, et mentem obscurante caligine, ceu calamo et atramento perperam usus; ante etiam quam diadema solemneque susciperet inaugurationem,

haeresis libello subscrispsit: totum nempe se dæmonibus trahentibus dedens, atque iis quam Patribus ad salutem ducere studentibus magis obediens. Ad magnum igitur, quod a Sapientia nomen habet, templum solemni ritu inaugurandus venit: et continuo Deus, cui futura prospicere insoporabilis oculus tribuit, magno antisiti, viro utique justo, coronandi ritum peracturo concessit, ut quod ille futurus erat, certo conjiceret. Videbatur enim sibi vir sanctus, dum post fusas solemni invocatione preces, sumptamque in manus coronam ejus, qui initiabatur, caput tacturus esset, quasi in spinas et tribulos manum injicere, sicque manum imponere; ideoque palam profilebatur ingenti se doloris sensu affectum esse. Nempe erupturam mox in Ecclesie damnum nequissimam ejus asperitatem præsagiebat viro sancto, illud spinarum more hispidum pungensque caput attangeri. Cæterum abiit ille regio diademate redimitus caput, in quo supremam jure plagam, qui jus omne fasque sprevisset, accepit altero autem ab assumpta purpura die, iterum vir divinus, recens creatum inauguratamque imperatorem, ut recte fidei subscriberet, urgebat. Is se facturum fortiter pernegat: mendacio namque purpuram inficiens, et primo experimento proteum exhibens, alium se atque alium adeuntibus præbebat ». Idem narrat Constantinus Porphyrogenitus num. 16 et seq. qui ait, cum Nicephorus, ut Symbolum profiteretur ab eo flagitaret, respondisse, « Non se tunc facturum, atque interim dilaturum, dum ejus in imperatorem acclamatio perfecte rata firmaque esset. Sic nimis cunctando ea se haereseos labo olim, exque indole laborare ostendens ». Porro « Leo postera luce, quod Julii mensis fuit undecima, Indictione sexta, feria hebdomadis secunda, in magnæ Ecclesie ambone a Nicephoro patriarcha coronatus est », inquit Theophanes, ideoque anno DCCXXIII. De *Theodosia* ejus uxore agemus anno DCCXXIII, num. 13.

8. *Constantinopolis a Bulgaris afflita.* — Mala, quibus Constantinopolis et vicinæ civitates afflictæ fuere, postquam Leo imperium suscepit, narrat continuator anonymous Theophanis, iisdemque verbis Symeon logotheta in Annal. ac in Vita Leonis Armeni num. 8 et seq. « Venerunt Bulgari, nullo ipsis occurrente vel aditum prohibente usque ad civitatis portam, et Crumnum sacra pro more faciens ad Chrysen portam homines et animalia plurima mactavit, etc. Urbem obsidione cinxit et undequaque circumvallavit, diesque plurimos moratus, et urbis loea vicina deprædatus, auri pensum annum, vestimentorumque numerum non contemendum, et electarum virginum gregem non modicum expetiit, etc. positoque incendio cunctas Ecclesias trans civitatis portum præclaras quasvis, et ab Irene, Nicephoro et Michaeli reparatas, necnon monasteria, palatia, domos, suburbana combusserunt. Ad sanctum Mamantem pariter progressi palatiis ibidei constitutis, geminisque

cubieulis subjecerunt ignem, columnas confregerunt, et plumbum repertum rapuerunt, animantiumque statuas in circulo positas tulerunt secum, captivos omnes dederunt nec, nec jumentis ipsis et animalibus pepercere. Hinc portus, cui Steni nomen, littore fractaque superiore peragrato navalia succederunt, sublatisque secum spoliis pluribus discesserunt. Tum occupata dextra civitatis parte ad Orientem a porta Chryse ad Regium usque miserunt. Athyra deinde prolecti castrum ibi erectum demoliti sunt, et praeclarum illum pontem quamvis fortis dejecerunt ».

9. *Adrianopolis a Bulgariis expugnata.* — Enumerat postea continuator civitates et castra a Crummo, vel incensas, vel solo eversas, vel directas, tandemque subdit : « Adrianopolim porro munitionem reperientes obsederunt : quam cum expugnare non possent, protractis obsidionis diebus, machinis instruxerunt et castrum oppugnaverunt : cives malis coarctati, ope destituti et fame perenientes hostibus fecere ditionem. Bulgari captivis ad numerum immensum abductis, ablata quoque eorum supellectile in Bulgaria trans Istrum flumen deportaverunt. Haec dum gererentur, urbe non egressus est Leo, sed imperium tyramnicte nebat. Celebratis autem festis (vel, *cum jam festa venissent natalitiorum solemnis*, ut rectius vertit locum illum Combetisius in Annal. Symeonis logothetae) filium adhuc pusillum Symbatem nomine, Constantimumque vocari mentitus stemmate redimivit : residuique populi multitudine ex variis urbibus congregata colligit exercitum, stipendioque dato Leonem et Constantinum faustis acclamatioibus prosequi jussit imperatores seeptra pridem consecutos, Leonem et Constantinum Isauros initatus, quorum haeresim renovavit, sibique multos annos eorum instar, et ut laude conspicuus foret, comprecatus : cuius Deus, imminutis ejus filiisque annis, consilium confudit ». Haec currenti anno peracta, ad quae referenda haec Ignatii diaconi in Vita S. Nicephori patriarchae Constantinop. n. 34 : « Non adversus reipublicae hostes, qui sub id tempus civitatem bello cinxerant, primum desudat certamen; sed adversus eum ipsum, qui (quibus novit judiciis) potestatis habenas concrederat, aciem instruit (nempe Leo). Hostes enim, uti modo dicebam, nihil parumve curans, quippe qui signa conferre ac ne contueri quidem, ob acceptae ab eis superioris clavis artificiosum commentum, idoneus esset, adversus universorum regem bellaturus processit, nullumque non movit lapidem, quo ejus ab Ecclesia simulacrum prosciberet ». Commenti artificiosi nomine intelligit Ignatius stratagemam, quo usus est Leo anni sequentis initio ad Mesembriam recuperandam, de quo loquitur Constantinus Porphyrogenitus lib. 1, num. 13, ubi et meminit clavium et Constantinopolitanis hoc anno illatum, quod hic indicare sufficiat.

10. *Carta Adrianopoli S. Manuel archiep. in Bulgaria abducitur.* — Europalates, quem ex-

scripsit Cedrenus, dum de Basilio imperatore sermonem habet, refert quae gesta sunt capta Adrianopoli a Bulgariis anno 800, aitque : « Postquam Crumus Bulgarorum princeps victoriis contra Romanos inflatus, Adrianopolim obsedit, ita ut nulla ei manus resistere auderet, quod ob felicitatem quam diximus, intolerandus esset, diutinaque obsidione eo civitatem redigisset, ut necessiarum inopia rerum ditionis conditiones acciperet, omnes qui in ipsa urbe erant, in quibus etiam Manuel archiepiscopus in Bulgaria transtulit. Eo igitur tempore cum aliis parentes quoque imperatoris (Basilii nempe Macedonis) Iac adhuc sugentem secum ipsum deferentes, in Bulgarorum regionem abdueti sunt : ubi et ipse inclitus archiepiscopus et imperatoris parentes incorruptam in Christum fidem servantes, Bulgarorum plerosque ad Orthodoxam fidem traduxere, cum nondum gens illa ad verum Dei cultum adducta esset, et in plurimis Bulgariae locis Christianae doctrinæ semina jecere », quod brevi tempore fieri non potuit. *Sed Crumum mors occupavit* anno sequenti circa festum Paschatis, ut ibi ostendam.

11. *Post aliquot annos cum sociis martyrio coronatur.* — Pergit Europalates : « Cutragon vero illius successor longe vincens immanitate superiore, neque factum ignorans ac paulatim Bulgarorum genus ad Christianorum cultum transferri sentiens, magna exarsit iracundia, sacrumque archiepiscopum Manuelem, cum eximiis illis viris, qui cum ipso erant, sibi praesto esse imperavit, non sine magna ira; quos primum blandis ac mitibus verbis ab Orthodoxa et inculpata Christianorum fide deducere conabatur. Verum ubi prstantiores eos, quam qui pollicitationibus aut minis expugnari possent, comperit, multis primi verberibus cæsos martyrii nece interficiendos curat. Et Manuel inclitus archiepiscopus, cum illustribus illis viris qui secum erant, præclaro martyrio vitam finivit; et multi item illius consanguinei martyrii gloria dignati sunt. Cumque oporteret, iam reliquos captivos in patriam redire, siquidem divinitus ipsis redditus parabatur, Bulgarorum princeps saepe fractus, cum amplius Romanis copiis resistere nequiret, conciliata pace captivos liberat. Quibus nuper congregatis, jamque in patrias sedes reversuris, princeps captivorum spectator erat : et forte Basilius puerum conspicatus, qui cum jam e pueritia excessisset, pubescere incipiebat, ad se vocavit, etc. » Cedrenus habet : « Tunc ex pueritia adolescentiam ingressum videt, elegantem vultu præditum, etc. pomumque raro magnitudinis donat, quod adolescentulus simplici audacia genibus principis innitens accepit ». Ad hæc Zonaras in Michaele filio Theophili, de Basili natibus agit, aitque, hunc *infantem et lactantem adhuc in Bulgaria abductum esse*.

12. *Basilius Macco adhuc puer libertati restituitur.* — Denique Constantinus Porphyrogenitus, qui Basili nepos fuit, in Vita ejusdem Basili

num. 4 eamdem ac Europalates et Cedrenus historiam narrat, aitque Basiliūm eo tempore *adhuc in fasciis* egisse. Et postquam de ejus Adrianopolim reditu verba fecit, refert aliqua prodigia futuræ ejus fortunæ, dum adhuc puer esset. Dein num. 7 scribit : « Jam vero emensa illi pueritia, ad adolescentiæ annos proiecta ætate, etc. » Quare martyrium *sancti Manue lis* et sociorum, quod Baronius hoc anno num. 7 recitat, contigit aliquo ex sequentibus annis Leonis imp. post interitum Crunni anno sequenti extincti, et tam Europalates, quam Cedrenus ballineinati sunt in eo quod scripsere, *Basiliūm* dum adhuc in Bulgaria versaretur, *ex pueritia adolescentium ingressum esse*; cum ulti que fateatur eum adhuc lactentem in eam regionem translatum; narretque quæ puer, non vero quæ e pueritia egresso conveniunt. Denique Constantinus Porphyrogemetus utroque illo historicō antiquior, et hac in re fide dignior, diserte asserit, *Basiliūm* adhuc puerulum fuisse, quando patriæ restitutus est, ut liquet ex verbis citatis. Bollandus ad diem xxii mensis Januarii refert Elogium sancti Manue lis archiepiscopi Adrianopoleos et sociorum, ex Menœis Graecorum. Adriano poli itaque sub hujus anni fine a Bulgaris capta, *Basiliūs* adhuc lactens, aliiqne captivi in Bulgaria abducti, post aliquot annos *S. Manue l* et socii occisi, tandemque dum Basiliūs adhuc puerulus esset, pax Romanos inter et Bulgaros facta.

13. *Gesta in Francia a Carolo M.* — Ad num. 11 et seqq. Eginhardus in Annal. hoc anno habet : « Imperator Aquisgrani hyemavit, et incipiente verna temperie Amalharium Treverensem episcopum, et Petrum abbatem monasterii Nonantulas, propter pacem cum Michaele imperatore confirmandam Constantinopolim misit. Ac deinde habitu generali conventu evocatum ad se apud Aquas grani filium suum Ludovicum Aquitaniae regem coronam illi imposuit, et imperialis nominis consortem fecit : Bernardumque nepotem suum, Pippini sui filium, Italiae præfecit, et regem appellari jussit. Concilia quoque ejus jussu super statu Ecclesiarum corrigendo, per totam Galliam ab episcopis celebrata sunt. Quorum unum Magnitiae, alterum Rhemis, tertium Turonis, quartum Cabilloni, quintum Arelati congregatum est : et Constitutionum, quæ in singulis factæ sunt, collatio coram imperatore in illo conventu habita. Quas qui nosse volnerit, in supradictis quinque civitatibus invenire poterit : quanquam et in archivo palatii exemplaria illarum habeantur ». Idem habent annalistæ Bertinianus et Meiensis. Ludovici et Bernardi inauguratione mense Novembri peracta, ut ex dicendis de morte Bernardi anno Dcccxxvii, num. 15 patebit.

14. *Synodi ejus jussu coactæ*. — Concilia illa per æstatem celebrata; Arelatense *sub die vi idus Maias*, Rhemense mediante mense Maio, Moguntinum *V idus Junii*, Turonense et Cabillonense habita sunt eadem tempestate, licet nec diem nec

mensem præferant. Synodus Arelatensis tam apud Baronium num. 21, quam apud Labbeum tom. vii Concil. notatur etiam *Æra Dccccli*, sed iste temporis character in illam Synodum sine dubio progressu temporis intrusus, cum in Synodis in Francia per hæc tempora habitis hæc temporaria nota nunquam usurpata fuerit. Natalis Alexander sœculo x, part. 4, cap. 4, explicat omnes Synodos provinciales et nationales, quibus hoc sœculo sancta et restaurata est disciplina Ecclesiastica et Art. vi loquens de Concilio Turonensi, enjus canone ix presbyteri admoneantur, ut cum missam celebraverint et communicaverint, « pueris aut quibuslibet personis adstantibus corpus Domini indiscrete non tribuant. Qui si forte majoribus peccatis fuerint irretiti, magis sibi damnationem quam remedium comparant ». Natalis, inquam, observat, sacrificii reliquias olim pueris ministrari solitas in Ecclesia Gallicana, constare ex Concilio Matissonensi II anno DLXXXVIII celebrato ; et Turonense hoc anno habitum morem illum tollere, sed in quibusdam locis adhuc in usu fuisse communionem puerorum in Gallia sœculo xn, testari Guibertum abbatem lib. 1 de *Pignoribus sanctorum* cap. 2, parag. 1. Illud confirmat Gilbertus Porretanus in Epistola ad abbatem S. Florentii, a Dacherio in Notis ad Guibertum recitata. Odo Parisiensis, qui vivebat anno MCLXXY, in Statutis Synodalibus *Communium preceptorum* cap. 39, presbyteris præcepit, ne pueris hostias, licet non consecratas distribuerent : qui abusus in Ecclesiam Parisiensem irreperserat, more communionis puerorum antiquato. Legendus Bona Card. lib. 2 Rer. liturgie, cap. 19, num. 2.

15. *Ludovicus imp. Bernardus vero rex Italæ dictus*. — Celebratis predictis quinque Synodis imperator mense Septembri conventum Aquisgrani habuit, in quo canones prædictarum Synodorum coram se legi præcepit, et ex iisdem Conciliis Capitulare in xlvi capitula distinctum decerpit, et deinde Ludovicum filium consortem imperii fecit, ut refert chronographus Moissiacensis : « Mandavit, inquit, ut quidquid in unamquamque Synodum definissent, ad placitum constituti imperatoris renuntiassent, quod ita factum est, et in ipso anno mense Septembri jam dictus Carolus fecit conventum magnum populi apud Aquis palatium de omni regno vel imperio suo ; et convenerunt episcopi, abbates, et comites, et senatus Francorum ad imperatorem in Aquis, et ibidem constituit capitula numero xlvi, de causis quæ erant necessariae Ecclesiæ Dei et Christiano populo. Post haec habuit consilium cum præfatis episcopis, et abbatibus, et comitibus, et majoribus natu Francorum, ut constituerent filium suum Ludovicum regem et imperatorem. Qui omnes pariter consenserunt, etc. Commendavitque ei filios suos Drocone, Theuderico, et Hugone », qui erant filii ejus naturales. Verum loco, numero xlvi, legendum, numero xxvi, ut mox videbitur.

16. *Conventus Aquisgranensis*. — Annalista

tamen Cæsareus a Lambecio editus conventum Aquisgranensem mense Augusto factum esse tradit. Hæc ejus verba ad annum Caroli regis xlv : « Richulfus archiepiscopus Maguntiacensis Ecclesiæ defunctus est V idus Augusti, et Placitum magnum in mense Augusto ad Aquis factum est, et Karlus imperator constituit Illodoveum (hic locus notabilis, cum ex eo probetur nomen *Ludovici* et *Clo-dovei* unum et idem esse) filium suum simul imperare cum eo, imponens diadema capiti ejus; postmodum in Maio mense habitum apud Maguntiam, in quo præsederunt Riulfus (legendum, Richulfus) archiepiscopus et Hiltilbaldus archiepiscopus Coloniensis ». Sed locus multilis est a voce *postmodum*, quæ supponit alia relata, et deinde deest verbum *Concilium*, denique nomen *Arnonis archiepiscopi Salisburgensis*, qui Concilio Moguntiaco interfuit, ut ex ejus Actis liquet. Serarius lib. 4 Rer. Mogunt. mortem *Rieholphi* archiepiscopi Moguntini in annum sequentem differt, et cum eo Cointius; verum Lambertus Schafnaburgensis jam eam recte cum hoc Christi anno alligarat, et liquet etiam ex Ms. Codice a Serario laudato, in quo Richolpho anni sedis xxvii attribuuntur, ab anno nempe **CCCLXXXVII**, quo ordinatus fuit, deducti. Attulit *Richolpus* ex Hispania juris canonici Corpus ab Isidoro Mercatore collectum, ut suo loco diximus.

**47. Inauguratio Ludovici et Bernardi magis explicata.** — Theganus, qui hoc tempore vivebat, cap. 6 pluribus agit de inauguratione Ludovici in conventu Aquisgrani peracta, aitque, Carolum interrogasse « omnes a maximo usque ad minimum, si eis placuisset, ut nomen summ, id est, imperatoris, filio suo Ludovico tradidisset », et omnes respondisse, *Dei esse admonitionem illius rei*. Locum integrum recitat Baronius num. 13. Certe hoc illi solum supererat, cum jam ab anno **CCCVI** omnes suas ditiones inter filios partitus esset. Ludovicus in Diplomatibus plerumque quidem annos ab obitu patris, sed quandoque etiam ab eo die, quo consors imperialis nominis dictus est, deducit, ideoque hæc duæ epochæ non confundendæ. Sanctus Adelhardus abbas Corbeiensis, qui Langobardiam ab obitu Pippini regis administrabat, ubi intellexit, Bernardum hujus filium regno Italæ a Carolo præfectum esse, « accepit ei uxorem, et constituit secundum jussionem principis (nempe Caroli) super omne regnum », ut in veteri libello de Constructione Novæ Corbeiae legitur. Auctor Vitæ Ludovici Pii refert, *tota estate* in patris comitatu fuisse, deinde *imperii diademate* coronatum ac mense tandem *Novembri* in Aquitaniam reversum esse.

**18. Partes episcoporum, abbatum ac comitum in conventibus sub Carolo M. coactis.** — Denique ex Conciliis hoc anno in quinque locis, id est, apud Arelatensem urbem, Moguntiacensem, Rhemensem, Turonensem, et Cabillonensem celebratis confirmantur quæ superius cum Marca diximus de or-

dine in conventibus ævo Caroli Magni servari solito. Episcopi enim Caroli jussu congregati canones quosdam considerunt postquam causas summa diligentia examinarant. Concilium Moguntinum docet eos viros, qui in eo aderant, in tres turmas fuisse divisos; quarum primam constituerunt episcopi malorum remedia in sacris Scripturis et canonibus quarentes; in alia turma consedere abbates, « regulam sancti Benedicti legentes, atque tractantes diligenter qualiter monachorum vitam in meliorem statum atque augmentum cum Dei gratia perducere potuissent »; in tertia comites, qui in eam curam sedulo incumbebant, ut leges sæculares examinarent, et jus cuique suum tribnerent, « vulgi justicias perquientes, omniumque advenientium causas diligenter examinantes, modis quibus poterant justitiam terminantes ». Denique Concilia ista canones Ecclesiasticos a se editos tradunt principi, ut eos emendet, si ei ita visum fuerit; si vero eos æquitate niti existimaverit, confirmet.

**19. Carolus canones examinari jubebat confirmabatque.** — Obsequio illo verbis conceptis defunguntur, ad calcem canonum, velut Concilium Arelatense et Turonense; aut in Præfatione, velut Moguntinum et Cabillonense. Hæc verba Concilii Arelatensis : « Hæc igitur sub brevitate, quæ emendatione digna perspeximus, quam brevissime adnotavimus et domino imperatori præsentanda decrevimus, poscentes ejus clementiam, ut si quid hic minus est, ejus prudentiæ suppleatur; si quid securus quam se ratio habet, ejus judicio emendetur; si quid rationabiliter taxatum est, ejus adjutorio divina opitulante clementia perficiatur ». Præfatio autem Concilii Moguntini sic habet: « Quatenus ea quæ paucis perstrinximus capitulis a vestra auctoritate firmentur, si tamen vestra pietas ita dignum esse judicaverit; et quidquid in eis emendatione dignum reperitur, vestra in eis imperialis dignitas jubeat emendare ». Postquam canones illorum Conciliorum ad Carolum delati fuere, eos præsente se examinare jussit. In conventu generali Aquisgranensi, ubi eos confirmavit, ut vim legum obtinere possent. Ita enim docent Annales Eginhardi et chronographus Moissiacensis, quorum verba supra recitavimus. Carolus ex iisdem Conciliis excerpit Capitulare, quod in **xxvi** distinctum capitula Sirmondus publicavit. In Annalibus quidem Moissiacensibus legitur, et *ibidem constituit capitula numero xlvi*, et reliqua verba supra recitata; sed Cointius hoc anno num. 288, recte observat, errorem in eum locum irrepsisse, et charactere **x** in **I** mutato numerum **xxvi** in **xlvi** perpetram abiisse. Extat quidem Capitulare quod capitulis **xlvi** constat, sed illud concinnatum non est canonibus Synodorum novissime celebratarum, ut est Capitulare, quod capitulis **xxvi** absolvitur; hoc enim totum est de causis Ecclesiæ Dei et Christiano populo necessariis, illud vero versatur potissimum in pœnis, quas judex sæcularis ex edicto

regio constituit, ac preterea Francis omnibus commune non est, uti Capitulare xxvi capitulis constans. Sola utriusque Capitularis lectio hanc emendationem certam esse ostendet.

20. *Saraceni Francorum insulas devastant.* — Eginhardus in Annalibus haec narrat: « Mauris de Corsica ad Hispaniam cum multa præda redemptibus Irmingarius comes Emporitanus in Majorica insidias posuit, et octo naves eorum cepit: in quibus quingentos et eo amplius Corsos captivos inventit. Hoc Mauri vindicare volentes, Centuncellas Tuscæ civitatem, et Nicæam provinciæ Narbonensis vastaverunt. Sardiniam quoque aggressi, commissoque cum Sardis prælio, pulsi ac vici et multis suorum amissis recesserunt ». Idem narrat annalist Loiselianus, qui hoc anno Annales suos absolvit. Abulaz igitur seu Albacen Cordubensis rex pacem, quam anno superiori cum Francis piperat, fregit. Cumque comitis Emporitani Eginhardus disertam mentionem faciat, et hoc tempore *Rostagnus* comes esset Gerundæ, et *Bera* Barcinonæ, recte hinc deducit Marca lib. 3 Mare. Hisp. cap. 18, certum esse limitem Hispanieum in varios comitatus a Carolo M. distributum fuisse.

21. *Minores etiam Græcorum insulas deprædantur.* — Leo papa in Epistola v ad Carolum August. quæ egerint hoc anno Mauri adversus Græcos, his verbis narrat: « Vestræ a Deo datae sapientiae incognitum non est, quod illa nefandissima Agarenorum gens partibus Siciliæ anno præsente venire consiliaverat, nunc autem, sicut audivimus in quibusdam Græcorum insulis conjuxerunt. Pro quibus vero misit Michael imp. patricium et spadarios cum stolo, ut contra eos Christo adjuvante dimicare debuissent. Cumque ipse patricius in Siciliam conjunxit, direxit missos suos per Beneventum ad Anthimum Neapolitanum ducem, ut cum foto ipso Neapolitano ducatu, qui illi obedire voluissent, navale auxilium ei præbere studiuerint. Qui vero dux occasiones proponens in adjutorio ejus ire contempsit. Cajetani tamen et Amalphitani aliquanta congregantes navigia in auxilio illius abierunt. Postmodum vero, ut audivimus, ingressi sunt ipsi nefandissimi Mauri, tredecim sc. navigia in insulam, quæ dicitur Lampadusa, partibus Siciliæ constituta, et prædavare eam. Cumque de predicto Græcorum stolo septem navigia itidem explorando perrexisserint, ut se veritatem cognoscere potuissent, comprehidentes eos Deo odibiles Mauri occiderunt illos: et dum exspectassent eos Græci, qui miserunt illos ad explorandum, et minime essent reversi, abierunt generaliter super eos, et Christo miserante totos illos iniquos Mauros occiderunt, ita ut nec unum ex iis vivum reliquerint. Porro et hoc relatum est nobis: quadraginta naves de ipsis Mauris venerunt in insulam, quæ Pontias vocatur, ubi monachi residebant, et prædaverunt eam. Postmodum vero egredientes ex ea ingressi sunt in insulam quamdam, quæ dicitur Isola-Majore, non

longe a Neapolitana urbe milliaria xxx, in quo familia et peculia Neapolitanorum non parva inveniunt: et fuerunt inibi a XV usque ad XII kal. Septemb. et nunquam ibi Neapolitani super eos exierunt. Cumque totam ipsam insulam deprædasent, impletas navigia sua de hominibus et ejus necessariis reversi sunt post se. Cajetani autem qui post desolationem jam dictæ insulæ ibidem fuerunt, dixerunt, quod inveniissent homines occisos jaccere, et granum et seirpha, quæ ipsi Mauri portare secum non potuerunt, sed et caballos Mauriscos, quos in suis ducebant navigiis occisos ibidem dimiserunt ». In fine legitur: *Absol. VII id. Septemb.*

22. *Agitur de pace Saracenos inter et Siculos.* — Scripsit et idem Leo ad eundem Carolum Epistolam ordine iv, qua docet eum Siculos cum Saracenis pacem fecisse: « Tertio idus Novemb. suscepimus Epistolam Gregorii patricii Siciliensis: responsum scilicet serenitatis vestræ Epistolæ, quam illi per hominem nostrum emisimus. Vobis siquidem, pro qua causa ignoramus, Epistolam nomini vestro titulatam non emisit, illam tamen quam nobis direxit Epistolam, de qua vobis exemplar, aut postquam eam legeremus, a nostro sigillo vestræ imperiali potentiae dirigere petivit: nos pro vestra satisfactione, neque eam ad legendum aperuimus, neque quod in ea continetur, cognovimus, nisi quod per illum missum nostrum nobis in verbis direxit. Id est, de illis Saracenorum missis, cum quibus pactum confirmavit ipse patricius in annos decem: dicebat enim ad prædictos missos Saracenorum: Quale nobiscum pactum facere vultis, cum ecce jam anni sunt LXXXV, quod pactum nobiscum fecistis et firmum non fuit? Imo et Constantinus patricius, qui ante me præfuit, in decem annos vobiscum pactum firmavit usque ad futuram vi Indictionem; sed neque ipsum pactum firmum tenuistis. Nunc autem quale vobiscum pactum faciamus, nobis incognitum est.

23. *Ea in annos decem sancita.* — « Ad hæc respondebant ipsi Saracenorum missi, dicentes: Pater ipsius Amiramuni, qui nunc apud nos regnare videtur, defunctus est; et iste relictus est parvulus, et qui fuit servus, factus est liber; et qui liber fuit, effectus est dominus; et nullum se regem habere putabant, sed ecce nunc postquam omnia, quæ pater suus habuit, sibi subiectit, vult firma stabilitate hoc quod paramus pactum servare: de Spanis vobiscum non spondemus, quia non sunt sub dilectione regni nostri: sed in quantum valemus eos superare, sicut vos, ita et nos contra illos in mare dimicare permittimus et si soli nos non valemus, nos a parte nostra et vos a vestra Christianorum finibus eos abjiciemus. Post hæc vero conuenit illis et confirmare in scripto inter se pactum in annos decem: et dedit eis missum nomine Theopistum notarium, et reddidit illis quantos habuit comprehensos de ipsis Saracenis, ut illos Christianos, quos de suis partibus præda-

verant, reddidissent. Et postquam jam dictum pactum inter se firmaverunt, et missus ab ipso patricio absolutus est, invenit in catena unum hominem sub nimia velocitate ad patricium nuntiare festinans, quod septem navigia Maurorum prædaverunt unum vicum in regio, et duas naves ex eis post eos ad littus exierunt vacue. Nam et hoc nuntiavit nobis ipse missus noster, quod audisset ab hominibus Saracenorum missis, quod isto Junio mense transacte sexta Indictionis, volvissent cum aliis centum navibus ad Sardiniam peragrare, et dum venissent prope Sardiniam subito aperta maris vorago et subglutivit illa centum navigia, et postmodum sic cum magno timore reversi sunt ipsi Saraceni, qui hoc dicebant in Africam, et nuntiaverunt ad familiam de illis qui submersi sunt.

**24. Naves Saracenorum submersæ.** — « Cumque ipse missus noster alia audisset, interrogavit illum notarium, qui eum custodiebat, si veritas esset quæ ab illis Saracenis audierat: et dixit ipse notarius, quod ita esset, et ipse ore proprio legisset ad patricium illam Epistolam, quam ei unus Christianus amicus suus ab Africa direxerat, in qua de submersione de prædictis centum navigiis constinebatur. Et hoc factum est mense Junio, quando illud signum igneum tanquam lampadem in cælo multi viderunt. Ipsi vero missi Saracenorum in navigiis Veneticorum venerunt, et sic veniendo combusserunt igne navigia, quæ de Spania veniebant ». Paulo post his verbis Epistola clauditur: « Absoluta III id. Novemb. dixit Gregorius patricius ad missum nostrum, quod Michael imperator monachus effectus est cum uxore et filiis suis ». Aliam Epistolam Pontifex ad eundem Carolum imp. scripsit de tumultu Constantinopoli excitato, et de novo imperatore, sed ea quæ ibidem narrat, utpote incerto rumore accepta, magna ex parte falsa sunt. Porro quod Saracenorum missi retulerunt, sibi scilicet nihil commune cum Hispanis esse, verum est; califæ enim, quorum regia Bagdadi erat, abhorrebat a rege Saraceno, qui Hispanis preerat, seque hujus tanquam perduellis hostes profitebantur. Verum pariter erat, quod prædicti missi dixerent, patrem principis qui apud eos regnaret, mortuum esse. Ilæc vox arabica *Amir*, vel *Emir* significat tantum præfectum aut regulum, sed ubi additur, *Elmumeni*, *Amir* Almumeni denotat principem fidelium ac califam, et hic titulus principi Bagdadensi solum attribuebatur, antequam duo alii in Africa et in Hispania eundem titulum usurparent; qua de re loco suo sermo erit.

**25. Occiditur Alaminus Saracenorum califa.** — Post *Haronis* califæ mortem magni tumultus inter Saracenos Orientis enati sunt, utroque fratre imperium sibi deberi contendente. Illud quidem tunc *Alaminus* obtinuit, sed eo res tandem processit, ut Damascum unus ex tyrannis consecutus sit: et alii duo Ægyptum et Africam inter se parti

sint: « Et Palæstinam demum alter prædonis in morem depopulatus sit », uti scribit Theophanes ad annum primum Michaelis imp. His addit Elmacinus lib. 2 Hist. Saræ: « Inchoato autem anno cxcviii (arabico nempe), fortuna adversata admodum est Muhammedi Alaminus: ita quidem ut major militum ejus pars ipsum deseruerit ». Subiungit Elmacinus, Alaminum captum et occisum esse, « cum advenisset dies solis, vicesimus quintus Muhamrami », id est, dies xxv mensis Septembris nostri, qui hoc Christi anno in Dominicam incidebat. Elmacinus, pag. 131, citat chronologum, qui tradit primum ejus imperii diem et ultimum fuisse *solis*, eumque imperfectum *elapsis annis Hegiræ cxcvii*, et *diebus* xxv. Alaminus vespere diei xxv Septembris nostri imperfectus fuit, ideoque illa enumeratio accurata. Subdit idem chronologus trucidatum esse elapsis annis solaribus *mundi* 6305, et *diebus* xxviii. Eræ nempe mundane Alexandrinæ, quod etiam recte quadrat; indeque patet, eum necatum anno mundi secundum Alexandrinos 6306, vespere diei xxviii mensis Toth, qui concurrit cum die xxv Septembris nostri. Abbulabas Almamon « inaugurus est inauguratione secunda, tempore matutino ejus diei, quo frater ejus Alaminus occisus fuit, et omnes se ei adjunxerunt, xxv scilicet Muhamrami anni cxcviii », inquit idem Elmacinus. Almamon numeratur inter califas vicesimus octavus. Denique in litteris Leonis papæ memoratis mentio fit mortis *Haronis*, non vero mortis *Alamini*, ut earum series ostendit, et Almamon iterum inaugurus est, quia regnante fratre, a quo dissidebat, califatus insignia sumpserat.

**26. Florus Ecclesiae Lugdunensis subdiaconus varia opuscula scripsit.** — Baronius in Appendice ad hunc annum dicit *Florum* Ecclesiae Lugdunensis subdiaconum hoc tempore floruisse, et edidisse collectionem de *Electionibus episcoporum*. Baluzius initio operum Agobardi ejus elegia ex variis aucto-ribus collegit, observavitque fragmentum de *Electi- nibus* circa annum ccxx scriptum fuisse. Composuit etiam Florus Commentarium in *canonem missæ*, cuius MSS. exemplaria in variis bibliothecis supersunt, ex quibus suppleri possunt, quæ in editis desunt, ut ait Bona cardinalis lib. 2 Liturgie, rerum cap. 14, § 1. Edidit et Martyrologium, quod sub nomine Bedæ inter ejus opera legebatur, antequam Bollandus initio tomi ii sanctorum mensis Martii, quæ Flori sunt, distinxisset ab iis, quæ ad Bedæ Martyrologium pertinent. Collegerat Florus magnam Codicum MSS. multitudinem, ut notavit Wandelbertus, qui anno ccclii metricum Kalendiarium scripturus, de eo in Praefatione sua dicit: « Opè et præsidio præcipue usus tum sancti et nominatissimi Flori, Lugdunensis Ecclesiae subdiaconi; qui ut nostro tempore revera singulari studio et assiduitate, in divinae Scripturae scientia pollere, ita librorum authenticorum non mediocri copia et veritate cognoscitur abundare ». De ejus operibus plura Oudinus in Supplemento de Script. Ecclesiast.

*27. Moritur S. Willelmus dux et monachus Gellonensis.* — Illoc circiter anno obiit *sanctus Willelmus* dux ac postea monachus monasterii Gellonensis in Septimania a se fundati, certe ante Carolum Magnum, anno sequenti demortuum vivere desiit, ut lique tam ex auctore anonymo ejus Vitæ, quam ex Ardone discipulo sancti Benedicti Anianensis, qui in hujus sancti abbatis Vita de Willelmo scribit : « *Vidimus* sæpe eum cædenterem asinum suum, flasconem vini in stratorio deferre, eumque super insedentem, calicem in terga humeris vehentem, nostri monasterii fratribus tempore messis ad refocillandum sitim eorum occurtere. In vigiliis quoque ita pervigil erat, ut vineceret cunctos. In pistrino, nisi occupatio aliqua præpediret, aut ægritudo tardaret, propriis operabatur manibus. Coquinam vice sua complebat; in habitu summae humilitatis assumperat formam; jejunii amator extitit, orationibus instans, compunctioni continuus. Vixque Corpus Christi poterat percipere, priusquam lacrymarum ejus in terram decurrerent guttæ. Lectuli quoque duritiem avide expetebat; sed propter ejus

invalitudinem Benedictus pater culcitram, eo nolente licet, substerni fecit. Aliunt nonnulli, qui se sæpe pro Christi amore flagellis cædi, nullo alio præter eum qui aderat conceio, jussit, mediis fere noctibus, glacialis profusus rigoribus, uno per raro tectus tegmine, sæpe in oratorio, quod in honorem sancti Michaelis construxerat, soli Deo notus, vacans orationibus stabat. His aliisque virtutum fructibus intra exiguos stipatus annos, imminere sibi diem mortis cognoscens, cunctis monasteriis in regno domini Caroli pâne sitis per scripturam notum fieri jussit, se ab hoc jam sæculo migrasse; sieque deinceps copias virtutum reportans. Christo vocante migravit e mundo », idque *quinto kalendas Junii*, ut asserit auctor *anonymus ejus Vitæ*, qui jam dixerat, Willelmum ante mortem nuntium regi Carolo delegasse, ut ei indicaret, *quando ejus anima de corpore exiret*. Ejus Vita ad diem xxviii mensis Maii in *Actis SS. Botlandianis* et in *sæc. iv* *Benedictino* part. I legenda. Bernardus filius ei in ducatu Septimaniæ et Arausisionis comitalu successit.

## LEONIS III ANNUS 49. — CHRISTI 814.

*1. Quando et cur Leo Armenus in cultores SS. imaginum debacchatus fuerit.* — Christi Redemptoris annus sequitur octingentesimus decimus quartus septimæ inchoate Indictionis, quo ab ipso Leone imperatore dira excitatur persecutio a lversus cultores saerarum imaginum. De his acturi, quod primum ad temporis rationem spectat, cum constet Graecorum historicorum assertione, ipsum Leonem imperasse annos septem et menses quinque: cumque testificatione Michaelis hujus temporis scriptoris, ubi res gestas magistri sui Theodori Studite prosequitur, pariter liqueat, hoc anno ipsum Theodorum a Leone in exilium missum: utique dicendum erit, hoc ipso primo Leonis Armeni anno cœptam persecutionem fuisse: numerat enim ipse septem annos exilii ipsius Theodori, quo solitus est, cum occiso Leone, Michael Balbus accepit imperium moderandum. Quod vero tradunt omnes, non ita primum ac imperare cœpit, ipsum perturbare ac persequi cœpisse Catholicos, sed ubi

omnium conciliasset sibi animos: plane id esse intelligendum oportet, quinque in his mensibus perseverasse, nempe totum quod excurrit a quarlo idus mensis Julii, quo die coronatus est, usque ad finem anni superioris.

*2. Cæterum cum multi velint hæreseos veneno ante imbutum Leonem, illud ipsum occultasse ad tempus, usquequo imperium stabilisset; aliorum diversa de his est sententia, nempe ex Orthodoxo deceptum fraude hæreticorum, hærelicum evasisse, remque gestam sic narrant<sup>1</sup>:* « *Quo tempore, cum videlicet Bulgaros proelio superasset, recordatus Leo imp. monachi Philomeliensis, qui eo tempore, quo sub Bardanio duce Orientis militabat, prædixerat ipsi imperium, decrevit muneribus ac donariis compensare. Millit ergo suorum quemdam fidelissimum, qui ad eum deferret donaria, suppellectilem, vasa argentea et aurea, ac species odora-*

<sup>1</sup> Cedren. in Leon. et ali.

tas, quales ad nos ex India afferuntur. Verum is monachus jam tum vitam cum morte commutarat, successeratque ei Sabbatius quidam, totus impie Iconoclastiae hæresi immersus. Ad eum cum venisset legatus imperatoris, hortatus est, ut munera præceptoris suo missa perciperet, litterisque ac precibus imperatorem remuneraretur. At Sabbatius munera respuere, ipsum retro abire jubere, adeoque imperatorem dignatione ista indignum dicere, simulacrorum cultui deditum, et Irenæ imperatricis, Tarasiique patriarchæ statutis obtemperantem. Irenam impurissimus homo pardalim et baccham, Tarasium vero nobilem in patriarcharum numero, Taraxium, quasi perturbatorem denominabat. Celerem quoque imperii et vita amissionem Leoni minari, nisi quamprimum sibi parens, sacras dejiceret imagines.

3. « Imperator iis litteris acceptis, cum ex legato intellexisset quæ ex monacho audivisset, animo majorem in modum perturbato, Theodotum Melissenum ad se vocat, cumque eo quid agendum sit, deliberat. At vero Theodotus jam pridem hæresi ista infectus, occasionemque palam impietatem profitendi præstolatus, hoc consilii dat imperatori. In Degistensi monasterio degere monachum quemdam, mirabilia edere facinora. Cum hoc rem communicandam, ejusque sententia obtemperandum. Hæc eum Leone locutus, statim ab hoc ad monachum eum se contulit, indicatque imperatorem vili habitu ad ipsum proxima nocte ventrum, et de religione consulturum aliisque gravissimis negotiis. Proinde meminisset ei præsentem imperii vitæque amissionem denuntiare, nisi ultro Leonis Isauri imperatoris decretum amplectens, idola (sic sacras imagines appellabat) divinis ædibus exturbaret. Sin hoc fecisset, fore dominationem vitamque ejus diuturnam atque felicem. Hoc modo subornato monacho, et quæ cum imperatore loqui deberet instructo, abiit.

4. « Paulo post noctu imperatorem vili habitu velatum ad monachum adducit. Ibi jam inito colloquio, monachus proxime ad imperatorem adstiens, veluti qui divino instinctu imperatoriam majestatem adesse sentiret: Non recte, inquit, abs te factum est, imperator, quod nos privato habitu decepisti, intus occultans tuam personam. Sed quanquam tu hoc agis, nos tamen gratia divini Spiritus non diutius est passa a te falli. Hoc ut audiuit imperator, seque frustra conatum vili habitu imperatoriam dignitatem celare putavit, animo percussus est, ut par erat, istius machinationis ignarus: monachumque divinum hominem esse fassus, imperata ab eo obedienter et sine mora se facturum promittit, atque ita venerabilium imaginum ab eo mandatam dejectionem suo suffragio probat. Principio deinde cogitavit, quo pacto promissa occulte impleret, ne quam ea res in Ecclesia excitaret seditionem. Sed post publice quoque decretum ea de re proposuit proceribus et Ecclesiasticis partim ultro, partim contra animorum suo-

rum sententiam obtemperantibus ». Ille auctor. Verum singulos ea in re progressus audiamus a Michaele rerum inspectore in Vita Theodori Studilæ locupletius ista tractante, qui ita exorditur indictam ab imperatore Orthodoxis persecutionem:

5. « Sumpto, inquit, imperio, haud omnem subito proferendam censuit immanitatem, verum conciliatis prius sibi atque inter se iis qui dissidebant, quorum multos sentiebat infesto et alieno a se animo esse ob usurpatam tyrannidem, ut qui erga imperatorem suum benevoli ac fidi essent, cum proceres ac magistratus clam ac callide sensim seduxisset, omnesque, ut sibi videbatur, in suas partes pertraxisset: tum demum latens animi vitium prodere, in lucero posuit. Omnemque protinus impietatem ostentans, in hanc vocem detestandam, quam cognominis sui Leo usurparat, secleratus erupit: Non decet, o fidi mihi comites, colere, aut venerari, vel recipere prorsus, aut retinere imaginum effigies: sed tollere illas atque humo allidere, ut que manifesta sint idolorum simulacra. Atque hæc vesana lingua effutiebat imprudens non domesticis tantum, sed omnibus, si posset propinare cupiens impietatem suam.

« Quare quos videbat sententiae sue mordicus esse, atque ab eo omnino pendere (quos quidem non immerito vasa iræ ac nequitiae principes, dicere liceat, Paulum <sup>1</sup> imitando) hos ille consilii sui socios, malorumque omnium præsides constituendos existimavit. Quorum omnium coryphaeus atque ductor Joannes ille fuit, cui Lecanomantis cognomentum a suis inditum, quod vaticiniis (ut ego arbitror) aliisque turpissimis rebus deditus erat, cui jam lingua esset prompta et exercita, multaque et varia sophisticarum artium externarumque disciplinarum cognitio, ob eam causam in pretio erat apud imperatorem, cuius ille velut os vulgo habebatur, omnibusque negotiis rebusque gerendis adhibebatur.

6. « Quæ cum illi præclare atque ex animi sententia fluere viderentur; ipsum etiam Ecclesie archipastorem aggrediendum sibi putavit, non aspere quidem initio, nec arroganter, sed blande potius, atque adulantis in morem. Quocum solo solus congressus, postquam omnes machinas illiberali simulatione admovens, re ipsa perspexit, non modo expugnari non posse verissimum rectæ fidei præconem; sed ipsum etiam ut munini adversum conviciis non levibus appetens, stygiamque ejus audaciam proscindens: tum a divino viro penitus abscessit, majore mox apparatu et illum et adversantes simul omnes oppugnaturus ». Subdit his Michael aha plura de congressu, quem postea idem imperator habuit cum Orthodoxis episcopis et monasteriorum præpositis: sed quod ipse res duntaxat Theodori sit prosecutus, audiamus primo de eo congressu quæ scripsert Tbeosterictus <sup>1</sup> in Niceta, auctor et ipse temporis hujus. Atque primum unde

<sup>1</sup> Rom. ix. — <sup>2</sup> Apud Sur. extat. tom. II. die III April.

ipse exorditur dicere, de præcipuis imperatoris ministris, quibus est usus ad hæresim propagandam. Ait enim :

7. *Adhibitis sue impietatis ministris Leo Armenus congressum habet cum Catholicis, inter quos Theodorus eminet in defensione SS. Imaginum.* — Cœpit igitur Leo imperator sancta sanctorum persequi, quemadmodum et Leo Isauricus fuerat persecutus. Deinde suorum mysteriorum duces, pravarumque rerum magistros quærebant. Invenit paucos quosdam e senatu, Joannem scilicet cognomento Spectam et Eutychianum. Ad hæc et ex sacerdotum numero aliquos invenire cupiebat. Diabolus igitur, qui hæc in ejusmentem conjecerat, Byzantium lustrans, invenit Joannem quemdam, cognomento Grammaticum, novum Tertulum, quem manu apprehensum ad imperatorem duxit, et ait : *Habeas hunc hominem tibi in eo quod cupis utilem futurum : vas enim electionis est mihi iste, ut portet nomen meum contra Orthodoxos. Quemadmodum igitur Paulus Christi vas, ita et hic diaboli os factum est : et sicut torrens ex diversis imbribus constans maleolentes et perturbatas aquas defert; ita et iste ex fœdo cordis sui thesauro graveolentia et cœnosa dogmata produxit, eos, quos prope se habebat, turbido quodam potu evertens. Habebat autem adjutores ex iis, qui infra solium regale erant, Antonium Syleum, e monachis vero Leontium quemdam et Zosimum, qui illis ipsis diebus in adulterio deprehensus, truncis manibus, mortuus est.* » Hæc de adinventis ad scelus præcipuis ministris imperatoris auctor, qui et de congressu cum Orthodoxois subjicit ista :

8. « Post hæc omnem monachorum multitudinem cum episcopis et metropolitis ad sanctissimum Nicephorūm patriarcham coegerit. Qui per totam noctem in magna Ecclesia pernoctarunt. Mane vero ipsos ad se imperator accersivit. Habebat autem secum intra palatiū occultos quesdam fallaces homines et malorum magistros, quos veluti gallina quædam in regia domo fovens, et animans, eisne dona promittens, jubebat nihil metuere. Jussit autem et patriarcham solum in primis ad se introire, ignorans quænam inter ipsos seorsum dicta fuerant. Deinde omnes accersivit. Itaque ante illum stetit Patrum caterva lectissimorum hominum ac sanctorum, qui angelis similes erant ac divini. Aderant et imperatoris optimates et totus senatus. Sanctissimus igitur Nicephorus eos, qui gradus dignitate præstantes erant, affatus : *Agite, inquit, dicate mihi : Potestne cadere quod non est?* (casui expositum scilicet). At illi eum ad ejus interrogacionis obscuritatem ambigerent, et nihil responderent, sed se vicissim intuerentur : rursus patriarcha ab eis quæsivit : *Num Leonis et Constantini Isaurorum tempore sanctæ imagines cecidissent?* Illi vero cum capita deorsum inclinasset, et mutu verum esse quod patriarcha quæsierat, significassent, quod satis erat ad eorum quæ private inter se dixerant propositum confirmandum : tum pa-

triarcha : *Quomodo, inquit, quod non stat, potest cadere? Ad hæc nihil respondit imperator, sed ad Patres conversus ait :*

9. « *Scitote, Patres, me idem sentire quod vos, simulque effigiem quamdam, quam in sinu gestabat, extulit, et per simulationem illam adorans; Sentio, inquit, quod vos, ut videtis, neque a vobis disideo. Verum quidam surrexere, qui aliter docentes, eam viam rectam esse dicunt, quam ipsi tenent. Prodeant igitur coram vobis, et materia hæc inter vos inquiratur. Et siquidem vobis persuaserint, quod ipsi recte dicant, neque vos quod bonum est, impediatis. Si vero ipsi a vobis persuaserint, quod res novas doccent : desistant a prava doctrina, et recti dogmatis sententia vigeat, ut antea. Nam si de alia aliqua re minoris momenti ad me relatum esset, neque ita deceret me eam rem tacitam præterire : quomodo de Ecclesiastica quæstione tacuerim?* »

Videri posset rerum Ecclesiasticarum rudibus petitio ista imperatoris aequissima, ut de dogmatis veritate inter se conferrent coram imperatore ad veritatem conquirendam Orthodoxi atque hæretici. At longe aliter res se habet : ubi enim aliquid per Synodus OEcumenicam semel definitum est, amplius ad disserendum et contradicendum hæretici non sunt admittendi, sed docendi, si velint. Quod pluribus docuit S. Ambrosius suis scriptis Valentianum Augustum. Deinde quod sacerdotum est et non imperatoris, et in Ecclesia et non in palatio de fide agere, ut in Constantium imperatorem Mediolani a Patribus dictum est : *juste quidem ac probe (liet non deessent inter eos, qui et scientia et dicendi facultate præstarent, et inter alios magnus ille Theodorus Studita) noluerunt Patres id concedere imperatori illicita præsumenti. Quid autem tunc ad hanc imperatoris rogationem responderint, idem dicere pergit Theosterictus :*

10. « *Illi vero, inquit, nempe Orthodoxi, cum neque passi essent eos homines, de quibus imperator dixerat, coram se prodire, neque dicendi facultatem dandam esse dicerent, sed velut execrabilis quosdam eos haberent : ad hæc cum certo scirent imperatoris voluntatem ad malum proclivem esse, neque unquam se illi persuasuros fore, quamvis totam Scripturam testem ei afferrent, Emilianus Cyzici episcopus : Si quæstio, inquit, Ecclesiastica, imperator, hæc est, ut dixisti : in Ecclesia inquiratur, ut mos est. Altius enim et a principio ipso, Ecclesiastæ quæstiones in Ecclesiis, non in palatiis regiis inquiruntur. Respondit imperator : Sed et ego filius sum Ecclesia; et ut vos conciliem, utrosque vestrum audiam, et ultraque vicissim dijudicans, vera cognoscam.*

« *Ad hæc Michael Simmaculorum episcopus : Si nos, inquit, conciliare vis : quare non id facis, quod conciliantem decet facere? Quippe qui alios quidem in palatio occultos detines et ad te congregas, quibus excitatis, impiorum dogmatum docendorum facultatem præbes : alii vero neque in an-*

gulis aliquid loqui audent, ubique edictis suis perterfacti. Non est hoc conciliantis, sed tyrannidem inferentis indicium. Non est ita (inquit imperator) sed ut prædicti, ita ego sum, ut vos estis. Sed quoniam ad me de ea re provocatum est, non deceat silentio me illa præterire. Quænam causa est, quare cum his hominibus nolitis loqui? An ipsi dubitatis et testimonium non habetis, quibus vestra dicta confirmantur?

41. « Ad hæc Theophylactus episcopus Nicomediæ dixit: Testis Christus est, cuius effigiem vides ante oculos in primis descriptam, infinitis testimoniis nos abundare, quibus id confirmare possimus, neque dubitamus, ut tu suspicaris; sed non habent isti aures audiendi, ob idque nihil illos juvaremus; potentia enim et imperio nos oppugnamur.

« Post hunc et Petrus Nicææ episcopus: Quomodo, inquit, cum illis nos loqui vis, quibus tu auxilium affers? An illud ignoras, eos, qui Manichæi dicuntur, si hue ducas et eorum propugnatoris, a te adjutos, potentiores quam nos futuros? Non temere sanctissimus Petrus hoc dixit; ubi enim impietas ipsa cum potestate conjuncta est, illuc veritas superari videtur, et justitia tyrannide oppressa conculcatur.

« Post hæc sacer Euthymius Sardensis episcopus Iberiori usus oratione, sic imperatorem affatus est: Audias, imperator. Ex quo tempore Christus in terram descendit, usque ad hunc diem per octingentos annos et amplius in Ecclesiis, quæ ubique gentium sunt, Christus ipse depingitur et in imaginibus adoratur. Et quisnam tam arrogans est, qui audeat totam vocum traditionem a sanctis Apostolis, martyribus ac piis Patribus profectam dissolvere, vel paululum movere? Apostolo ipso dicente<sup>1</sup>: State igitur, fratres, et tenete traditiones, quas edocisti sive per sermonem, sive per Epistolam nostram. Et alio loco<sup>2</sup>: Quamvis angelus de cælo evangelizet vobis præter id quod accepistis: esto anathema. Quonobrem adversus eos, qui ante nos hæresim hanc excogitarunt, Synodus apud Nicæam urbem iterum collecta est sub Irene et Constantino piis imperatoribus. Hanc Synodus ipse Dei Filius proprio dacto signavit: quicumque audebit ex ipsa movere, vel expangere, anathema esto. Cum hæc audisset imperator, et simulatae mentis esset, facile se hæc pati simulavit.

42. « Respondit autem et Theodorus vehemens Ecclesiæ magister, dux Studitarum: Ne tentes nunc, o imperator, Ecclesiasticum statum dissolvere. Ait enim Apostolus<sup>3</sup>: Quosdam quidem posuit Deus in Ecclesia primum Apostolos, deinde prophetas, tertio pastores et doctores ad perfectionem sanctorum; non dixit, reges. Tibi quidem, o imperator, civilis status, et exercitus commissus est. Hæc igitur cura. Ecclesiam autem pastoribus et doctoribus (ut ait Apostolus) derelinque. At si noui vis hæc

facere: si quis perverlendæ fidei nostræ causa de caelo nobis aliquid annuntiaverit, ipsum non audiemus; tantum abest, ut le audituri simus. Tunc imperator furore admodum exardescens, et quod recte dictum fuerat, velut injuriosum quiddam accipiens, omnes ejecit, sanctum vero Theodorum in exilium misit». Ita Theosterictus postrema ista summatis perstringens: siquidem multa alia intercesserunt, antequam Theodoro decerneretur exilium, plura præteriens, quæ adversus cumdem imperatorem in hoc eodem congressu sunt dicta, cum ille exuens quam superinduxerat personam Catholici hominis, aperte coram illis cœpit hæresim propugnare. Michael enim, qui Theodori Studitæ prolixius res gestas est prosecutus, sigillatim cuncta recenset, quæ hic tibi labori non parentes reddituri sumus: narrans ipse quæ tantum sunt Theodori, sie rem cum ipso gestam ab exordio incipit:

43. « Cum igitur die quadam cum incredibili fastu consedisset, nequissimorum hominum corona cinctus, qui impietatis intelâne ac patrocinium suscepérant: convocantur una omnes eodem sacerdotes pariter et monachi, atque ipse adeo sanctissimus patriarcha magnusque Theodorus Studitærūm præfectus. Quibus audientibus, irridere demens cœpit atque intenperanti ore subsannare sacrarum imaginum adorationem, vecordes sensusque experies eos vocans, qui illas crexerant: Lex enim, inquit, quam magnum Moyses Dei dacto scriptam elim accepit, diserte ac perspicue prorsus velat, ne manufactum quicquam colatur; neve imago ulla, ejusve similitudo statuatur, diris eos devovens, qui tale aliquid facere præsumpserint, cum idolici cultus et stolidæ illud amentiæ inventum sit, imagines fingere, divinumque nomen illis imponere, quod non modo indecorum, sed absurdum etiam est et plane pugnans, incircumscripsum circumscribi putare, et cubiti unius tabulis eum, quem locus nullus capiat, includere. Hæc enim qui ante nos regnarunt imperatores perperam fieri cum cernerent, Leonem dico et Constantinum, et qui ex iisdem natus eis successit, imagines dejici earumque cultum explodi jusserunt. Hæc impius atque his absurdiora delirans evomebat, et quasi præclarum quiddam diceret, turpissimis dictis gloriabatur, pessimis illis, quorum consuetudine utebatur, usquequaque fretus, illorumque ante omnes præside ac magistro, enjus maxime verbis (ut dictum est) imbutus fuerat.

44. « At divinus Patrum coetus nihil ad hæc commotus, multiplieamque tyranni manum ac potentiam nihili faciens, ejus orationis vanitatem redarguebat ineptamque et insanam doctrinam multis sacrarum litterarum testimoniosis confutabat: Orthodoxi dogmatis eversionem, et Domini ad nos adventus negationem hanc ejus fallacem et perniciosam doctrinam vocans, ut quæ infinitam absurditatem, erroremque et improbitatem contineret. Etenim si sanctorum, aiebant, imaginum venerationem ejuramus, inanis utique fides nostra, inanis

<sup>1</sup> 2. Thess. n. — <sup>2</sup> Gal. I. — <sup>3</sup> 1. Cor. xii.

prædicatio. Frustra nobis divina olim Patres tradiderunt. Evanescet nobis omnis actio et virtus Dei que cognitio, ac denique simul omnia concident et pessum ibunt. Dominicæ siquidem imaginis abrogatio non solum Dei mandatorum abrogationem affert, sed ipsius etiam ante imagines Filii Dei, qui communione carnis nobiscum conversatus, et homo nostri similis factus, et divinæ suæ formæ characterem nobis ostendit : quem tu, nescio quam ob causam abuegans, non tibi tantum pessime consulueristi, sed simpliciorum quoque animas, ut improbitas tua notior esset, in parem fraudem et exitium induxisti. Nos vero vel assidere vobis solummodo, cum tales sitis, aut in unum coire, longe abest, ut decere arbitremur. Suffragetur enim nobis divinus David<sup>1</sup> non sedere docens in concilio vanitatis, et cum iniqua gerentibus non introire, et in Ecclesiam malignantum non ire, nec cum illis congregari. Atque in hunc modum Patres uno simul ore talia loquentes, apostatae sententiam prima velut acie impugnabant, summam ejus fraudem et nequitiam ostendentes ». Puto quidem eum, qui haec scripsit, Michaelem Studitam et ipsum una cum Patribus istis interfusse : nam quæ fidelissime narrat, æque ex Epistolis ipsius Theodori Studitæ certam sibi conciliant fidem. Pergit vero de eodem Theodoro dicere :

45. « At parens noster Theodorus tenere se non potuit, quin majorem et apertiorem dicendi fiduciam demonstraret, totumque insaní hominis consilium et occultam ejus cogitationem penitus patefaceret. Quare ut primas inter eos, qui convenerant, et eloquentia et virtute facile tenebat, haec animo constantissimo summaque verborum libertale dicere aggressus est :

« O imperator, quo consilio pacatam nunc et tranquillam Dei Ecclesiam turbare ac pervertere ausus es? Nec tibi illa, quæ iis acciderunt, qui illam ante te persecuti sunt, quorum tu modo nomina commemorasti, in mentem venerunt; nec impetum tuum retardarunt? Qui cum paria tibi facerent, sacrasque imagines contumeliose tractarent, dici non potest, quam graves poenas dederint, ut testata litteris eorum improbitas ad posteros transmittetur. Nec te diurna ac longis temporibus confirmata divinarum imaginum veneratio, deferorumque Patrum constans de ea consensus et conspirans sententia movet, novorum dogmatum propagator, ut a perversis istis et exitiosis rebus abstineas et meliora secteris, sententiam mutes et veritatem agnoscas? Nunquam audisti, quid B. Paulus<sup>2</sup> dicat, Timotheo scribens? Nam et hoc aliquando te tractasse arbitror, quamvis nunc illa ex animo ejeceris: Si quis aliter docet, et non acquiescit sanis sermonibus et ei quæ secundum pietatem est doctrinae, superbus est, nihil sciens, sed languens circa quæstiones et pugnas verborum ad subversionem audientium. Et rursus idem<sup>3</sup>:

Denuntia illis, ne aliter doceant, neque intendant fabulis interminatis et quæstionibus vanis, quæ a recta via aberrare eos faciunt, et ædificationem Dei, quæ est in fide, destruunt.

16. « Quod et tibi prorsus accidit, qui futilibus sermonibus autum adjiciens, et sacras imagines idola vocare non erubescens, tanquam in arcem quamdam ad legem veterem te convertis, utque inde argumenta tibi desumas, quod nihil creatum, nihil manufactum, nihil denique aliud ex his, quæ similitudine effinguntur, amplectendum, aut ullo penitus honore colendum sit. In quo illud primum te cogitare oportebat, imperator, adveniente gratia, legem cessasse, quam observasse nunc, summæ dementiae foret; alioqui circumcidisti nos convenit, et sabbata colere, et alia quæ sunt scripta facere, ne legem videamus dimidiatam tantum observare. Deinde hoc etiam cogitandum erat, legem hominibus datum fuisse, qui ex Ægypto nuper egressi, ad Ægyptiorum æmulationem propenso studio ferebantur. Ægyptii autem omnium, qui idola fixerunt, infelicissimi fuerunt, ut qui vilissimis rebus, et aliarum gentium sensu turpissimis divinos honores tribuerunt. Unde Propheta, cum leges daret, qui apud illos educati fuerant, omnis formæ similitudinem interdixit, tanquam hominibus ad deceptionem paratissimis, et manufactorum cultui inhiabitibus. Neque tamen id semper observasse visus est, cum in tabernaculo Cherubim fabricatus sit, eademque in propitiatorio collocari. Et illis quidem magno cum honore haec erant et admiratione.

« Nos vero supervenientes gratia ab omnibus illis abduximus, et ad meliora multoque præstantiora traduximus. Quid enim majus illustrius esse possit, quam in carne apparuisse nobis aeternum et incomprehensum Deum et gloriosæ formæ suæ speciem omnibus repreäsentasse? Quinimo, ut tibi rem altius explanem, postquam conditor et Deus noster, qui hominem bonis omnibus ornatum creavit, vidit ipsum peccato abruptum similitudinem suam amisisse, libuit illi inenarrabili dispensatione carnem nostram assumere, ut lapsum erigeret, immaculatamque imaginis pulchritudinem reparare. Idecirco naturam nostram totam sibi uniens in substantia, inconfusas utriusque nature, divinæ scilicet et humanæ refinuit proprietates, orationem omnem excedente admirabili earum concursu et coniunctione. Hinc et sacre carnis suæ figuram nobis honorandam et colendam et adorandam dedit, ut in imagine stupendum Incarnationis mysterium ipsis oculis cernamus, et a Christi descriptione, quæ in imagine cernitur, ad intellectualem et omnis figuræ expertem Dei formam mentis oculos convertamus, in eum adspirantes perpetuo, nullique caducæ rei animum obstringentes.

17. « Quo autem divini characteris fides nobis certior fieret: idem ipse, qui eam gerit, Salvator noster suæ ipsius faciei oris formam, admolo ad faciem linteo expressit atque effinxit, potentique Abgaro (vir erat fidelis et inter Edessenos prima-

<sup>1</sup> Psal. xxv. — <sup>2</sup> 1. Tim. vi. — <sup>3</sup> Ibid.

rins) misit. Qui divinam illam effigiem complexus, incredibilem ejus vim mox sensit, omnibusque patetfecit, diuturno atque incurabili morbo, quo tenebatur, liberatus, nec magis corpore quam animo corroboratus. Lucas vero, qui sacrum compositum Evangelium, cum Domini pinxit et imaginem, pulcherrimum et plurimi faciendum opus posteris reliquit: aliique deinceps quamplurimi imagines sacras affatim effingendo, publice consignatum earum cultum conservarunt. Nec locus ullus est, non regia, non domus, in qua divinae imagines eorum affixa non sint. Quippe omnibus veneranda minimeque pudenda res est, cui temporis lapsus et auctoritas honorem conciliarunt. Annis igitur octingentis et eo amplius promulgata, et ab omnibus receptam atque confirmatam imaginum venerationem, jamque una cum Christianismo auctam et propagatam (uno siquidem, parique gressu incesserunt Christianismus et imaginum efformatio) tu nunc, temporis momento, solaque pro animi tui libidine tollendam e medio censuisti, et cum dedecore explodenda, quae laudem honoremque merebantur?

48. « Neque ipsum salutare nomen reveritus es, ut idola (o verborum perversitatem!) sacras imagines appellares? unde, et a quo doctus? aut quisnam est qui te docuit, imaginis atque idoli unam esse vocem? Hoc enim nec Patrum ullus unquam sensit, nec vero res ipsae ferunt, ut dicatur. Qui enim? cum infinito spatio inter se dissident, non nominis solum appellatione, sed multo magis archetypi substantia. Idolum enim est et appellatur, quod dæmonis aut alterius cuiuspiam ex iis, quæ Gentiles turpiter pro diis coluerunt, specimen repræsentat, fœdi fœdius, et mali deterius. Qualis enim causa, tale prorsus est causatum; et cuius abominandum est prototypum, nihilominus abominanda est imitatio. Imaginis autem et honorandum est archetypum; sancti enim alicujns, aut sanctorum Domini figuram depingit, et que in tabula depicta est effigies, digna item animadversione. Haec siquidem sincerum veritatis simulacrum, illud vero mendacii fallacieisque dolii similitudo. Sic enim harum rerum peritis visum est haec nomina distinguere, qui idolum falsi imitationem esse dixerunt, imaginem veri expressam similitudinem.

49. « Sed quoniam a vobis, imperator, imaginis quidem honor odio est, crux vero veneratione digna censetur; primum illud capere non possum, cum jam utriusque honor conjunctus sit (simul enim imago, et simul crux, quandoquidem Domini adventus gloriam utriusque attulit) nunc a vobis alterum ab altero secernitur, ita ut alteri sors melior obtigerit, alterum repudietur et contemnatur. Deinde queram, o veteris Scripturae interpres, quomodo cum lex execratione dignam crucem vocet: Maledictus enim, ait<sup>1</sup>, qui pendet in ea: tu, qui

crucem colis, legem vilipendere non videare? imo vero devotus inter se contrariis obnoxius teneris, qui nec legi usquequaque consentias, cuius tu custos perpetuus, et in hoc nobiscum media ex parte sentias, quos omnibus modis insectari decreveras; cum oporteret te, quando impius esse statuisti, nec crucem, nec imaginem confiteri, ut sic posses et consentanea tibi facere, et congruentia legi quam observas. At enim ratiocinari nescit improbitas, ipsa secum pugnans, et quos imperio suo submiserit, ab omni honestate procul avocans. Cui tu quoque semel mancipatus, nullam postea officii nec decori rationem habuisti, ab iis solis, qui tua observant, inductus adulatoribus, scurris, uni voluntati, ventrisque commodis servientibus.

« Mihi vero mirari venit in mentem, quomodo eos ad judicium vocaveritis, qui sic animo et consilio comparati estis. Equis enim erit, qui inter utrosque dijudicet? Qnis de victoria sententiam ferat, cum occupati a vobis omnes, potentiaque perculti fuerint suppliciorum metu? mire siquidem et tormenta iis proponuntur, qui partibus vestris non favent. Recole sane quidam e majoribus nostris primum hoc bonum esse dixit, a vobis longissime recedere, humana specie feras hæreticos vocans, eorumque sermones atque instituta perniciosa esse docens ac penitus exitiosa: quos devilare omni ope oporteat, ac ne occurrere quidem illis, si fieri potest. Ex quo sequitur, cum eis colloqui quoquo modo non solum supervacaneum, sed damnosum plane valdeque noxiun esse.

20. « Haec illo dicente, ira simul et timor imperatoris animum agitabat, viri sancti vim facultatemque considerantis: iram accendebant verba, quibus persstringi se sentiebat; metum crebat dicens vis, quam in eo insuperabilem esse cernebat. Sed iræ potius cedens, qua vehementius impellebatur, indecoris illum contumeliosisque verbis asperius exceptit, ad terrorem maxime vocem suam et verba componens. Scio quidem, heus tu, inquit, nomine appellans, te præfactæ adeo amentiæ esse, ut nobis quicquid dicamus, aut sentiamus, maximopere semper adverseris, injustos nos et stolidos vocans, omniaque in nos convitia ingerens, ut qui colloqui nobiscum, supervacaneum esse diacas atque damnosum; quasi non cum imperatore tibi, sed cum infimo quopiam e vulgo res esset. Martyrem te (ut video) celebrari cupiens, ut nos ad mortem in te decernendam provokes, haec contra nos loqui, nobisque ansus es reluctari. At non facile adeo tibi gloriam hanc venanti coneudemus. Quin nec exilium, nec pœnam aliam prius decernemus, quam iterum vos audiamus, singolorumque fidem exploremus, ut reetius ac verius dogma sine controversia cognoscatur, et vobis devictis nullus subsistit fugæ, aut defensionis locus.

« Haec antem eo dicebat impius, quod potentia amplitudine fretus, in promptu haberet omnes, vel seorsum singulos, vel simul universos multicare. Deinde ut ea ratione probabilius facti sui consilium

<sup>1</sup> Dent. xxI.

redderet, quasi in judicium prins perducti, atqne ita damnati jam fuissent. Cum vero Patrum chorus nihil amplius tyranno respondere statueret: inutile quippe, aiebant, nobis jam condemnatis loqui, ad eos præsentim, qui occæcatis animis meliora capere nequeant, et insanabiles prorsus facti sunt. Nec vero decet nos ab humano<sup>1</sup> die, vel a sacerdotalibus interrogatos, rationem fidei reddere.

21. « Magnus iterum Theodorus pari fiducia ac libertate sic exorsus est: Haud sane oportebat, imperator, tibi a rectis omnibus, samisque averso aut dicere quicquam amplius, aut respondere. Sed quoniam ad interrogationes etiamnum ac responses nos provocas: hoc tibi ante omnia respondeamus: Res ecclesiasticas ad sacerdotes doctoresque pertinere; imperatoris vero exterarum rerum administrationem propriam esse. Hoc enim sanctus Apostolus<sup>2</sup> ait: Posuit Deus in Ecclesia primum Apostolos, deinde prophetas, tertio doctores, et nusquam imperatorum meminit. Hi de dogmatibus et de fide statuere debent: Si vero, illis obsequi oportet, et nullo modo munus usurpare. Ait illi imperator, nomine rursus compellans: Num igitur hodie me ex Ecclesia ejicies? Non ego, inquit sanctus, sed illius paronymphus, divinus Apostolus. Quin tu illum antevertens, te tēipse factis tuis ejecisti. Quod si redire ad illum iterumque ingredi, est animus: persta nobiscum, qui veritatem prædicamus, Christique imaginem veneramur, sanctissimum sequens et communem omnium patrem, patriarcham, cuius, ut vides, oratio æque ac mores utilitatem plane spirant atque gratiam.

22. « Ad haec tyramus quod diceret non habens, cum clamore animique perturbatione a conspectu suo depulit, ne propius accederent, neve amplius loquerentur, magna voce, minisque interdicens: quod unum recte diroque animo suo congruenter facere norat. Egressi ergo beati omnes una cum patriarcha, magnum ambiant Theodorum, hominem labris simul atque animis deoseculantes, ejusque in dicendo libertatem pariter et gratiam collaudantes, quod tyrrannum tam fortiter tantoque pudore affecisset.

« Cæterum vix domum quisque redierat, cum afferuntur ad singulos præfecti urbis edicta, quibus continere se jubet innumquemque, nihilque prorsus cum aliis tractare, nec inter se conferre, aut docere, aut de fide prorsus loqui. Ita enim, inquit, ab imperatore decretum est.

« Ut vero ad sanctum venerunt qui missi fuerant: Aequumne, illis ait, sit vobis, an Deo parere: vos ipsi rem ratione æstimantes, dicite. Nobis vero, seitote, certum esse, linguis potius amputatis carere, quam ut fidei nostre testimonio desimus, nec illam qua possunius verborum ope propugnemus. Quæ enim ratio est, vos deteriora defendere conari; et nos in multo meliore causa silentio uti? Quare non committemus, ut vel ad horam sermo-

nem abditum teneamus, et populum præsenti ejus utilitate fraudemus.

23. « Unde congruentia omnibus incunclanter suggerebat, hos vocans, illos adiens, alios litteris confirmans, abjectosque et prostratos animos erigens, verbisque excitans pro virili ». Hactenus Michael Studita, qui, modestiæ causa puto, tacuit referre ea quæ ab aliis monasteriorum præpositis (quod adhuc illi fortasse viverent, et conversi essent ab errore) gesta probrose tunc essent. Siquidem illi miseri acquireverunt jussioni imperatoris, atque etiam scripto polliciti sunt, se de sacro cultu imaginum amplius non locuturos, aliosve docturos secundum præceptum imperatoris. Ista autem sic se habuisse, ex ipsius Theodori Studite Epistolis satis expressum habetur. Extant ipsæ quidem: magno namque Dei beneficio factum est, ut ipsæ, aliaeque eodem argumento, hac urgente persecuzione, conscriptæ ad nostra tempora integræ servate sint. Habet eas idem qui supra sœpe citatus est vetus Codex bibliothecæ Columnensis, quæ cardinalis Sirleti doctissimi viri cum esset, ab Ascanio Columna diacono cardinali, de antiquitatibus Ecclesiasticis adeo bene merente, ut Romæ consistet, nec alio transferretur, empta ab ejus hæreditibus fuit. Reddituri sumns sic eas suis locis concinne accommodatas, latinitati redditas (nt superius diximus) a viro valde diserto Jacobo Sirmondo Parisiensi societatis Jesu professore.

24. *Theodori Epistolæ de præpositis, qui scripto silentium polliciti erant.* — « Theodorus igitur sic videns monachorum præfectos silentio vielos, lingua vincitos, atque edicto illo prostratos; sciens ejusmodi factum haud mediocrem cæteris monachis, ino et Orthodoxis omnibus afferre ruinam: mox ex adverso consurgens, ad tanta Ecclesiæ illata dama reparanda festinans, exacuit stylum ad pugnam, litteras in facti detestationem conscribens. Extant ipsæ quidem, quæ his ipsis diebus scriptæ cognoscuntur: sic enim se habet earum inscriptio generalis, utpote quod generalis esset atque patens Epistola:

« Monasticam vitam agentibus<sup>1</sup>:

« In hoc temporis articulo, cum persecutionem in imagine sua Christus pateretur: non solum qui dignitate et scientia præcellit, certare is debet, recte fidei doctrinam proferens, et cæteris tradens; sed et discipulus quoque ipse fiduciam sumere et veritatem intrepida ac libera voce profiteri. Non mea sunt haec verba, qui peccator sum, sed divini Chrysostomi, quinimo et aliorum Patrum. Quod vero domini præpositi ab imperatore detenti hoc minime præstiterunt, quamvis dignitatis gradu et doctrina omnibus hujus oræ præpositis anteirent, at contra potius conticuerunt; neque id solum, quod re ipsa grave est; sed chirographo eliam suo, se neque congressuros mutuo, neque docturos confirmarunt; id vero est prodere veritatem et præ-

<sup>1</sup> Cor. iv. — <sup>2</sup>Ephes. iv.

<sup>1</sup> Theod. l. ii. Ep. ii. ex Cod. Column.

fecturam abnegare, et subditos sibi, atque adeo aequales et socios subvertere. Apostoli enim, cum a Judæis denuntiatum illis esset, ne docerent in nomine Christi, sic verbis responderunt<sup>1</sup>: *Judicate, si justum est in conspectu Dei, vos potius audire, quam Deum.* Et: *Obedire oportet Deo magis quam hominibus.* Haec et similia illos dicere oportebat, ut per eos glorificaretur Deus, et aedificarent Orthodoxos, ut monasteria confirmarent, et confortarent eos qui in exiliis patiuntur.

25. « Sed quid, quod pluris facimus monastria quam Deum? pluris commoda, quæ inde capimus, quam mala, quæ boni causa sustinemus? Ubinam est illud<sup>2</sup>: Loquebar in conspectu regum, et non confundebar? et illud<sup>3</sup>: *Labia mea non prohibebo, Domine, tu scisti. Ubi gloria et fortitudo ordinis nostri?* Quoniam pacto Sabas et Theodosius, cum impiam heresim tunc temporis imperator Anastasius amplectetur, insurrexerunt, pro fide acriter pugnantes tum eos, qui perperam in Ecclesia sentiebant, excommunicando, tum ad imperatorem ipsum scribendo, se mortem potius oppetere paratos, quam ut de constitutis aliquid immutarent? Et dicunt (ut fama est) domini prepositi: *Quinam sumus nos? Primum Christiani, qui nunc prorsus loqui debeant. Deinde monachi, quos re nulla abduci, nec abripi par sit, tanquam mundo minime adstrictos, minimeque obnoxios: denique prepositi, qui et aliorum scandala tollunt, et in nullo dare offendiculum debent, ne vituperetur, inquit<sup>4</sup>, ministerium nostrum.*

26. « Cujusmodi vero scandalum et vituperationem, seu potius condescensum chirographo suo præbuerint, quid attinet loqui? Nam si consensui par est silentium: illum ipsum scripto in tofius Ecclesiæ oculis firmare, quantum est nefas? At occulte (dicitis) sacrificans Nicephorus, clam offert, et patricii omnes (ut cæteros omittam) sunt Orthodoxi. Verum quid ait Christus<sup>5</sup>? Si quis confitebitur me coram hominibus, confitebor et ego eum coram Patre meo, qui in cælis est: et e contra de negatione. Quanquam enim hoc solum chirographo suo pacti sint, se mutuo non congressuros idem plane est. Quomodo enim observabunt quod Christus ait<sup>6</sup>: *Eum qui venit ad me, non ejiciam foras?* Veniat quispiam percontans et discere cupiens veritatem, seu præpositus ille sit, seu quis alius: quid respondebit ei præpositus? Mandatum nempe, dicit, accepi, ne loquar: atque utinam id solum, sed ut te nec monasterio ipso excipiam, nec tecum vescar. Christus dicit: *Suscipe, et doce. Quod si subtraxerit se, inquit<sup>7</sup>, non placebit animæ meæ.* At hi scripto fidem obstrinxerunt, ut imperatoris decreto contra Christum obedirent. Illic sunt fratres aë patres, quæ ab eis gesta, pro certo comperi. Quæ quoniam dicere me, quod scirem, voluisti, coram Deo teste, nuntiavi ». Hucusque

Epistola Theodori, cætera desunt in Codice cum Epistola sequenti.

27. *Theodorus dat litteras Nicephoro patriarcharcho in exilium pulso, cui sufficitur haereticus Theodotus; Niceta et alii exuluntur.* — Quod autem, ut ex litteris Theodori accepisti, Nicephorus patriarcha, et ipse quasi parens imperatoris edicto contineret se domi, et ipsa etiam sacra clam, in multorum scandalum faceret: non destitit Theodorus ipsum ita labantem statuere, et ad publicam confessionem erigere, probe sciens, quantum esset damni allaturum fidei Orthodoxæ patriarchæ silentium, et e contra quantum afferret emolumenti ejus manifesta confessio. Quid autem hac in re Theodorus ipse præstiterit, ex eodem qui supra Michaelie sic accipe: « Patriarcham in primis maxime frequentabat, consiliarium se illi ad omnia præbens. Cumque illum afflictum admodum, et pre doloris magnitudine sui pæne oblitem videret, saluberrimis monitis recreabat, et ad Dei optimi benignitatem recolendam hortabatur: Non enim sinet, aiebat, misericors et clemens Dens tentari nos supra id quod possumus, neque hereditatem suam inimicis potiundam relinquat. Nec diutius qui adversus nos machinabantur, impie agent, sed velocem ac repentinum finem accipient, quamvis nunc sine sensu hebetes, sortisque suæ ignari vivant ». Hæc de rebus patriarchæ Michael, deque Theodoro illi hoc tempore accidente fortissimo adjutore: etenim egit, ut idem palam egregius confessor progrederetur, atque ejus rei causa prius omnium pœnas dare jussus, ejectus throno, in exilium mitteretur. Pergit enim auctor:

28. « Haud multo post ejicitur e sede sua ab impiis patriarcha, pulsus itidem ab urbe ob veritatis defensionem: damnantur pariter exilio quotquot erant in presbyteris Orthodoxi, quibus unicum crimen pietas fuit ». Sed quomodo pulsus sit ipse Nicephorus patriarcha, audi ex hujus temporis scriptore Theostericto in Niceta, qui ait: « Leo tyranus sanctissimo viro Nicephoro patriarchæ scribens: *Descende, inquit, tu de sede ista, quoniam Ecclesia te non indiget.* At ille honestissimis suis litterulis ad eum rescripsit: *Nou ita, o imperator, ego temere descendam: non enim causa aliqua in me est, cur deponi debeam.* At si recte fidei gratia, et propter pietatem tyrannidem patior, sive per te ipsum, sive per aliquem regum tum hominem, mihi signifiques, et descendam. Tunc imperator misit unum ex optimis suis, qui tyrranno more ipsum deposuit. Ille vero cum in magnam descendisset Ecclesiam, et cereas faces accendisset, thuraque et preces adhibuisset, cum populus ipse illius peregrinationem lamentaretur, hanc habuit orationem: *Fili, Christianos vos inveni, Christianos vos relinquo.* Cumque ad Aeropolim descendisset, navigium condescendit, et venit in eum locum, in quem exul duebatur. Ille autem in jejuniis ac precibus, silentio, tolerantia, et multa patientia

<sup>1</sup> Act. iv. v. — <sup>2</sup> Psal. cxviii. — <sup>3</sup> Psal. xxxix. — <sup>4</sup> 2. Cor. vi  
— <sup>5</sup> Matth. x. — <sup>6</sup> Joan. vi. — <sup>7</sup> Hebr. x.

usque ad eum diem permansit, quo ad Dominum suum migravit ». Ilæc Theoslerictus.

29. Sed quæ patriarchæ exilium Constantiopolis secuta sint, a Michaeli res Theodori prosequente sic accipe: « Videres tum impios ea patrantes, quæ sola ipsorum excogitaret et caperet improbitas. Sacras enim, proh dolor! et sanctas imagines impuris manibus rapientes (quam fuisse dicam tuam, Christe mi, tum temporis longanimitatem?) solo impudenter allidebant et frangebant, alias flaminis dabant, alias luto et sordibus obnubabant, nihil denique omittebant, quod ipsorum similes facere conveniret ». Hæc auctor, paucis licet plurima male perstringens.

Porro exultantem ipsum, et gloria confessionis clariorem redditum patriarcham magis quam mille thronis, ipse Theodorus, qui eum ad certamen erexerat, et in hostes immiserat, ejusmodi ad eum scriptis litteris laudibus est prosecutus<sup>1</sup>:

« Nicophoro sanctissimo patriarchæ.

« Cum sèpenumero ad sacrum beatitudinis tue verticem scribere instituisset, destiti ab incepito, partim indignitatis meæ consideratione, partim etiam ex infirmitate ex ærumnis nata præpeditus. Nunc vero utrumque parvipendens, et Trinitate fatus, miser hæc dico: Gaude, vere vixor impietatis, qui virtutum quadrigis fidei cursum consummas. Salve, magne sol doctrinæ Orthodoxæ, cuius confessionis radiis universus orbis illustratur. Salve, propugnator veritatis, veterum sanctorum instar, virtutis pulehritudine collucens. Reliquisti excelsum thronum ejus causa, qui semelipsum humiliavit usque ad mortem, mortem autem Crueis. Reliquisti ministeria et oblectamenta archiepiscopalia, et variis incommodis, confessorum more, exerceri maluisti, quam temporariis frui deliciis peccati. Ac certe, quoniam non ex illis, etsi in illis vivebas, membra per vitam in Christo aetam mortificans, sanctæ matris privationem pertulisti, charis fratribus, omnibus simul in omnibus spoliatus. Necdum opprobria tua Christi opprobriis similia commemoro, immisas ab imperatoribus oppugnationes, vexationes, angustias, ac veluti suffocationes. Noctu cum Christo abductus es. Etenim proditus etiam ipse relegatus es, in collis continuum redactus es, martyr Christi.

30. « Sed euge, quam in bonum tibi omnia! Attolle in orbem oculos ex specula mentis, et adspice filios tuos, seu mavis, oves, pastor bone, quamvis corpore dispersas, animo tamen conjunctas, totam pene Ecclesiam tuam variis locis occupantes, et confessionis tue fulgore, stellarum instar, iis, qui in nocturnis hæreseos tenebris versantur, Orthodoxæ fidei lumen ostendentes: alias quidem Deo immolatas per athleticam consummationem, alias decertantes sine ullo præsentium rerum metu, sed Deum flectentibus precibus

tuis corroboratas. Hæc est gloria Ecclesie tue: hoc insigne ac symbolum martyrii: quod sequens ætas excipiens, Deum in te, nti nunc, glorificabit. Multa tibi pro Christi imagine pugnant encomia dicentur. Sed ignosce mihi, Dei imitator, quia hæc ex amore ausus sum quæ dixi, sacras preces tuas impertiens, ut minimus filius tuus esse non desinam, qui omnium maxime inutilis sum propter peccata ». Ilucusque ad Nicephorum patriarcham Theodorus Studita.

31. Sed quid de eo ad locum exilii pergente Cedrenus habeat, accipe: « Magnum quoque et inter patriarchas celebrem Nicephorum cogere voluit, ut edicto ei subscriberet: nulloque modo obtemperantem Proconnesum relegavit ». Et paulo post: « Cum autem Proconnesum abduceretur Nicephorus, Theophanes confessor monasterii magni Agri præfector eum navigio prætervehì divino instinctu sentiens, cum in parte prædii quadam ipse ageret, suffitū et cereis profectus est. Sed et Nicephorus intensis manibus vicissim Theophanem salutavit, flexisque genibus, tum eum veneratus, benedixit, cum quidem neuter alterum videret, sed acie spiritus se mutuo cernentes, dignum invicem honorem exhibuerunt. Et cum quidam una navigantium quereret, quemnam ita manibus in sublime elevatis salutaret: Sanctissimum Theophanem confessorem (respondit) Agri præpositum, qui nos facibus et suffitū exceptit. Neque multo post exitus veram Nicephori prædicationem ostendit: nam mox cum multis aliis Theophanes quoque ab Ecclesia ejectus, infinitisque vexatis modis, confessoris coronam deportavit. Neque ei datum est, patriarcham posse videre, ne ejus vel hac in parte falleret vaticinium.

« Relegato Nicophoro, solium archiepiscopale indigne condescendit, ipso Resurrectionis Dominicæ die, Theodotus Melissenus, quem et Cassiteram dictum, supra monuimus ». Fuit hie ille, quem idem auctor per fraudem in hæresim perduxisse imperatorem testatur, qui et subdit: « Is eo evectus, et imperatoris potentiam sibi habens adjumento, non jam in tenebris et angulis, sed palam et pleno ore Iconoclastarum promulgavit hæresim ». Hactenus ipse.

32. At qualis istefuerit, qui tunc fuit patriarchæ suspectus, audi Theosterictum in Niceta, qui ait: « Fecerunt et patriarcham Theodotum quemdam ex eorum numero, qui spathari dicuntur, adolescentium ludibrium, eligentes scilicet hominem ita rudem ac levem, ut et theatri rem Indieram eum appellare soliti sint, qui aliquid ridiculum et salsum in eum dicere volebant. Hunc, aiunt, et servam quamdam secum habuisse eo nomine, quod renibus laboraret, re autem vera, ut voluptatem expleret ». Hæc de novo et hæretico patriarcha Theosterictus.

Tunc et Niceta patricius eadem ex causa ejicitur in exilium: nam in Menologio die sexta Octobris hæc de ipso: « Sancti patris nostri Nicetæ

<sup>1</sup> Theod. I. II. Ep. xviii. Cod. Column.

confessoris memoria. Ille fuit Irenes imperatricis consanguineus, quem non modo per consanguinitatem suscepit, verum propter ipsius virtutem. Tantum enim laboravit et virtute perfecit, ut ad sacram Nicænam Synodum secundam fuerit ab imperialieis facie missus, et secundum Dei placitum ibi se gesserit. Multa vero pollens gravitate patricius honoratus, Siciliæ dux fuit electus, ubi cum se bene gesserit erga viduas et orphanos, reversus reperit imperium occupasse Leonem Armenum Iconomachum : quamobrem relata dignitate, factus est monachus. Quo auditio imperator, volens eum cruciare, Salvatoris imaginem, ut eam combureret, vel ad se mitteret, significavit. Sed id ille facere negans, ab ipso relegatus est. Qui multas in exilio passus tentationes, consummationem accepit ». Haec ibi in Menologio Basilii imp. Jussus pariter est exulare tunc. *Emilianus* episcopus Cyzici, de quo Graeci agunt diem natalem octava mensis Augusti. Sed pariter in exilium actus est Michael episcopus Synnadorum (Sinnaculorum), cuius certamen pariter recolunt Graeci vicesima terlia Maii.

33. *Processionibus celebrat Theodorus sacras imagines.* — Sed ad res gestas Theodori Studitæ revertamur. Quidnam ab eo factum sit, ubi demotus est Catholicus patriarcha, et iam imagines sacrae ubique conculearentur, sic narrat, qui ejus res gestas prosecutus est Michael Studita : « Noster itaque Theodorus acerbe plangens, animumque despondens in tanta rerum atrocitate, delisse sibi terram optabat, ne vel audire talia vel cernere cogeretur. Verumtamen ne dolorem solus silentio ferre ac lugere videretur, nullumque mali remedium invenire : rem excogitavit, quæ et hostes simul ulcisci posset, et nos magis magisque confirmare. Monachos omnes, qui in ejus monasterio erant, imagines accipere jubet, easque manibus sublimes gestare, totumque cœnobit ambitum circumire, hymnum illum dicendo : **IMMACULATAM IMAGINEM TUAM ADORAMUS, O BONE, et quæ sequuntur hymni sacri, atque alios pariter victori Christo triumphales hymnos.** Agebatur enim tum dies testus Palmarum, quem ante Passionem Resurrectionemque Domini fideles omnes celebrare consuevimus.

34. « Quamobrem indignatus tyrannus (neque enim illum res latuit) fama jam ad omnes pervagante, injurias statim minasque, et qui eas inferret, ad sanctum mittit; aut desinere illum prorsus talia comminisci, aut ni pareat, animumque mutet, pœnas dare, mortalemque referre pro præmio. At ille non modo nihil remisit, sed majorem etiam fiduciam sumpsit, fidem Orthodoxam omnibus qualis esset, exponens, et imaginum venerationem verbis factisque declarans : quid contumeliosi conviciatores sui dicherent, parum dicens. Multi e monachis ad illum eo leniore confluabant, sua quisque tanquam apud communem patrem depONENTES, et quid in re præsentí facere debeant, interrogantes : quave ratione ad patriarchum vocati, vocationem defugere ac vitare possint. Vocabant

enim illos impietatis duces, ut in erroris sui societatem pertraherent ». Siquidem indixerant haeresis propugnatores una cum novo patriarcha concilium, ad quod vocaverant Orthodoxos, qui ejusmodi conventum malignantium vitare quavis arte studebant. Quodnam autem fuerit Theodori consilium, ita Michael edocet :

35. *Theodori Epistolæ nomine præpositorum respondentis Pseudo-Synodum.* — « His ille omnibus utilia pariter et congruentia persuadebat, optimum ducens penitus abstinere, neque eo ire, ac ne sermonem quidem conferre cum haereticis, unde nulla esse posset utilitas ; litterisque excusationem proferre, cuius rei gratia vocatis adire non liceat. Rogabant autem illum, ut litteras ipse dictaret, et quod vellet, suis verbis exprimeret. Haque præscribit ipsorum nomine Epistolam, duabusque monachis deferendam tradit his verbis :

« Nos legibus divinis Ecclesiasticisque canonicis obsequentes, qui manifeste sic sanciunt, nihil preter episcopi sui sententiam dicere aut agere oportere, aut de his, quæ ad fidei dogma, vel ad aliam quamplam divinam controversiam spectent, investigare aut penitus inquirere : nec venire, absente patriarcha, possumus, nec vocantibus vobis parere ; ne reos nos ipsi faciamus, violanteque legis culpam sustineamus. Est enim talium vindicta Deus, minime iuoltos simens eos, qui ejus mandata despiciunt. Quare ignoscile nobis, quod adventum refugimus, quem noxiū nobis fore sciimus. Quid enim respondere vobis, aut omnino loqui possimus, proprio capite destituti, cui tanquam membra copulati omnes sumus, et sine quo reliquum corpus operari non potest ? Parvus enim pariter et magnus, in universum omnes ac singuli privatim patriarchæ nostro colligati sumus, ab eoque pendemus, et pendebimus perpetuo ». Hucusque Theodori Epistola apud Michaelem ad Pseudo-Synodum data nomine monachorum, qui id ab eo expelierant. Cæterum prolixiorē ipsam habemus ejus ad eamdem haereticorum Synodum congregatam nomine præpositorum Epistolam, quam hic tibi integrā recipiātā putamus. Sie enim se habet<sup>1</sup>, eodem inchoata principio. Est iste titulus :

36. « Iconomachicæ Synodo tanquam ex persona omnium præpositorum.

« Divinis legibus canonicasque decretis obsequentes, quæ preter episcopi sui sententiam in iis, quæ ad Ecclesiasticam disciplinam pertinent, nedum quæ ad dogmaticas quæstiones deducunt, nihil agi, vel dici oportere definit. Cum ab auctoritate vestra semel atque iterum ad talia evocaremur, ausi non fuimus præter ea, quæ statuta sunt, agentes accedere, ut qui sub sacra manu Nicæphori sanctissimi patriarche divino spiritu constituti sumus. Postquam autem quidam ex ordine nostro præpositi, quasi periculum aliquod facturi, accedendum sibi, et oppositis sermonibus respon-

<sup>1</sup> Theod. l. II. Ep. l. Cod. Column.

dendum censuerunt : quid alind audire nobis  
liceat, quam quæ humile cor nostrum obstupefa-  
ciant? Ferunt siquidem conventum istum ad ever-  
sionem secundæ Synodi Nicænae, id est, ad tollen-  
dam venerandam Domini nostri Jesu Christi et  
Deiparæ, sanctorumque omnium imaginis adora-  
tionem constitui.

37. « Et quisnam hæc audiens, ex imo pectore  
non ingemiscat, tanquam eversa jam per hæc econ-  
omia Domini nostri Jesu Christi? Audi<sup>1</sup>, cælum,  
et auribus percipe, terra, et quæ sequuntur, nobis-  
cum exclamat clarissimus Isaías<sup>2</sup>, aut potius, et  
propriemagis exclamemus: Audi, Oriens, Occidens,  
Aquila et plaga, quæ ad mare est, quo nunc re-  
dactæ sint res nostræ, et qua de re conventum isti  
agere non reformident. Nos itaque omnium mi-  
nimi, qui præsentes, quique absentes, utrisque enim  
idem est sermo, tanquam unanimis in uno eodem  
que divino sensu, consonam universæ sub cælo  
Ecclesiæ fidem tenentes, divinam Salvatoris nostri  
Jesu Christi, et sanctissimæ Matris ejus, aut cu-  
juscumque sanctorum imaginem erigere et ado-  
rare, non solum ex sancta Nicæna secunda Synodo,  
alterave, que ante illam divinissime docuit, secu-  
rum et lutum esse affirmamus, sed ab ipsomet  
adventu Domini nostri ac Dei tam scripto quam  
sine scripto fundati, securè supra sedem illam con-  
sistimus, de qua Christus ait<sup>3</sup>: Tu es Petrus, et  
super hanc petram ædificabo Ecclesiam meam, et  
portæ inferi non prævalebunt adversus eam». Ista  
ipse alludens ad Romanam Ecclesiam, cui com-  
munione omnes illi Orthodoxi conjuncti erant.  
Pergit vero :

38. « Quænam enim reperiri possit oratio, si  
quis tantum veritatis robur impugnandum sibi  
proponat? Nam si communi omnium consensu  
Dominus Jesus Christus in humana forma nostra  
visus est : congruenter profecto circumscribitur,  
et imagine exprimitur more nostro, quamvis incir-  
cumscriptus ipse maneat secundum formam divi-  
nam : quippe qui mediator est Dei et hominum,  
utriusque naturæ, qua constat, proprietates integras  
conservans. Quod si non circumscribitur, homo  
esse desineret, ac multo magis mediator, sublati  
una cum circumscriptio[n]is privatione, omnibus  
ejusdem ordinis proprietatibus. Etenim si cir-  
cumscriptitus non est, nec tangi utique po-  
test : sin tangi potest, utique et circumscribi :  
quibus sane contradicere, stultum esset : corporis  
enim hæc propria sunt, quod sub tactum colo-  
remque eadit. Quomodo non circumscriptitus,  
quando et passibilis? Quod si circumscriptitus  
et passibilis, omnino etiam adorandus, secundum  
eam nimirum formam, qua circumscribitur, cum  
prototypi gloria (sicut magnus Basilius docet) in  
similitudinis expressione minime dividatur : ho-  
nor siquidem imaginis ad prototypum transit,  
quæcumque haud dubie illa sit, sive naturalis,

sive arte facta; quandoquidem et venerandæ cru-  
cis typo eadem speculatio locum habet. Cum typi  
enim adoratione vivificum simul lignum ador-  
atur, et vice versa, ea sublata, simul tolli necesse  
est. Nonne typi confessio, confessio est vivifici  
ligni? eodemque modo negatio juxta conversionis  
similitudinem. Par igitur analogia in imagine  
Christi et Christo ipso sumenda est omni recte ra-  
tioecinanti.

39. « Sed nondum est tempus dogmaticæ ex-  
planationis, quæ vel obscuræ admodum mentis  
homini facile persuadeat attollere oculos et suspi-  
cere ad splendorem veritatis. Hæc peccatorum  
Evangelica fides nostra : hæc humilium Apostolica  
confessio nostra : hæc minimorum a Patribus tra-  
dita religio nostra. Preter hanc non solum si qui,  
aut si quæ ex his, qui nunc sunt, vel olim fue-  
runt; sed neque si Petrus et Paulus (dicemus enim,  
quæ evenire nequeunt, quasi evenire possint) neque  
si ex cælis ipsis veniat quispiam aliud docens et  
evangelizans, illum in communionem recipere  
possumus, qui sanam fidei doctrinam non sequat-  
ur. Denum quicquid libet auctorati vestrae, pa-  
rata est humilitas nostra usque ad mortem perpeti  
potius, quam ut negatores simus hujusce nostræ  
confessionis». Hactenus Theodorus nomine om-  
nium prepositorum. Cæterum etsi neque Theodo-  
rus, neque qui ad eum diverterant archimandritæ  
Pseudo-Synodo interesse voluerunt, sed seipso  
scriptis excusaverunt, et defensionem pro fide Ca-  
tholica scripto pariter paraverunt : non defuerunt  
tamen Orthodoxi episcopi qui adierunt, itemque  
aliqui ex præpositis monasteriorum, ut coram  
ipsos hæreticos redarguerent, prout quæ dicentur,  
ostendent. Quæ vero hæc consecuta sint, audi a  
Michaële ex eis uno, qui his præsto erant, qui ait :

40. *Ab hæreticis vafre premuntur Catholici,  
et maxime Theodorus, qui in exilium et carcerem  
pellitur.* — « His ad tumultuariam turbam perlatis,  
effrenatus omnes furor invasit, adeo ut in latores  
ipsos iram effunderent, gravissimas illis plagas  
infligentes. Verum illi quidem redierunt a con-  
spectu impiorum gaudentes, eo quod digni habiti  
sint pro nomine Domini hæc pati. At rectæ fidei  
propugnator Theodorus haud destitit ab instituto,  
lingua simul, manuque epproluna docens, verita-  
tisque dogmata liquido declarans». Interea vero quæ  
concilium malignantium statuerit, sunt intelli-  
genda; paucis enim ea significat ipse Theodorus  
in Epistola ad patriarcham Antiochenum verbis  
istis : « Synodus facta est, veterem illam impianam  
confirmans, et Orthodoxam, Nicænam scilicet, ana-  
thematæ damnans». De eadem quoque Synodo sa-  
tanica hæc et Theosterictus in Nicela habet : « Po-  
stea, ubi scilicet pseudoepiscopus Constantinopolitanus  
in locum Nicephori confessoris creatus est,  
Judaicum quoddam Concilium iidem in magna  
Ecclesia coegerunt, et sub anathematæ sanctos Pa-

<sup>1</sup> Deut. xxxii. — <sup>2</sup> Isai. i. — <sup>3</sup> Matth. xvi.

<sup>1</sup> Theod. l. ii. Ep. xv. Cod. Column.

tres ejecerunt. Heu quæ insania hæc fuit? Sed revertetur dolor iprorum in capita eorum, et in verticem illorum anathema ipsum descendet. Episcopos vero, qui ab ipso dissentiebant, partim in terram dejectos pedibus cœnuleabant, partim per posticum ejiciendos e consensu curarunt. Quo facto, jussi sunt introire insignium monasteriorum duces. Itaque omnes introierunt, e quorum numero unus fuit et divinus pater noster Niceta, de quo nobis sermo est. Deinde illos primum assentationibus versuto quodam modo decipere; postea vero et minis eosdem perterrefacere conabantur. Cum vero illos omnia contemnentes vidissent, in diversos carcere conjecerunt, cogitantes quidnam de ipsis fieret.

41. « Tunc et sanctus pater noster Niceta in carcere maleolente et sordido clausus fuit, idque per multos dies, ita ut etsi non alia pena ei accessisset, satis condemnatio hæc ad supplicium valeret. Erat enim vir ille, ut quivis alias, ad nauseam propensus. Ad hæc omnia veniebant ad ipsum per singulos dies insani et imperfecti quidam homunculi, abjecli et pro nihilo faciendi et plane indigni, qui virum appellarent. Ejusmodi tamen homines nungaces, maledicta et insana quedam verba in eum jactabant, ut molestiam viro sancto afferrent. Præter cæteros autem homo quidam Nicolaus nomine, inani et temerario sermone illum sæpius affligebat, quoad ejus pater, qui morluus fuerat, in somnis filio Nicolao apparuit, eique minatus: Abstine, inquit, a servis Dei. Ex illo tempore vir ille immodeslus resipuit, neque amplius viro justo molestus fuit. Cum igitur sanctus ille pater multos dies vexatus fuisset; tunc imperator in Orientis partibus illum exulem esse jussit, et in castello quodam servari, quod Masaleon dicebatur ». Porro carceris tempus ad finem anni hujus perdurasse, indeque in exilium abire jussum, idem auctor his que subiect docet, cum ait: « Erat autem medium hiemis tempus: itaque licebat videre sanctum illum corpuculum frigore ac nivibus e superiore parte affligi, ex inferiore vero, cum terra ipsa humorem emitteret, et multam difficultatem afferret, multo magis affligebatur. Ad hæc cum is, qui virum sanctum ad exilium ducere jussus fuerat, natura esset immitis, divinum illum patrem ita urgebat, ut per septem dies, qui eo tempore brevissimi erant, totam viæ illius longitudinem transegerit ». Hæc de rebus gestis anni hujus, ex quibus quæ reliqui confessores passi sunt, possumus intelligere. De quibus pauca hæc tantum idem auctor superius:

42. « Omnes imperator ejicit, sanctum vero Theodorum (Studitam videlicet) in exilium misit, ac jussit, quandiu imperator ipse viveret, in urbem Byzantium non reverti. Monasteriorum vero præsides, cum præcepisset eos nusquam progredi, neque Orthodoxæ fidei veritatem docere, expulit eos ex urbe, magnarumque Ecclesiarum præfectos partim ad Orientis, partim ad Occidentis insulas relegavit ». Hæc ipse.

Sed de exilio Theodori Michael paulo fusius istis verbis: « Quamobrem nesciens quo se verteret tyranus, cum hominis libertatem ac fiduciam ferre amplius non possel, Byzantio expelli atque in exilium duei carcerique tradi jussit. Hanc enim unam quasi vitalem scintillam superesse videns, illam ipsam Orthodoxis eripere properabat, ne quem postea sententiae sue repugnantem haberet. Accepto igitur vir sanctus hoc decreto, discipulos ad se omnes vocat. Qibus cum vale dixisset, et apta cuique sigillatim monita prebuisset: hoc ante omnia universis injunxit, ne quis post discessum suum in monasterio remaneret, sed abiret omnes, quo via cuique salutem ostenderet: dies enim malos esse pedesque iniquorum veloces. Ad extremum Deo ac præcipuis fratribus omnes commendans, monasterio digreditur, flens flentes et tristis tristes relinquens. Quem mox vicinus Apolloniae locus in castro, quod e paludis regione, Mesopannenpatur, custodiæ traditum exceptit.

43. « An vero qui liber cum esset, liberumque indefessum docendi studium ostendebat, inclusus nunc carcere pristinam curam intermisit, statimque obmutuit, tanquam si angustiis loci oppressus linguam idecreo compeseret, velut una cum corpore vincetam et præpeditam? minime gentium. Quin perinde ac si novi nihil accidisset, ita totus in docendo erat, partim hos coram allocutus et erudiens, parlim ad illos atramento manuque stylum exerens, et tanquam ex mentis tabulis dicta promens; aliis demum aliter, prout temporis ratio dabat, omnibus autem suum fructum utilitatemque tribuens: ita ut ex ipso carcere omnes usitata ejus colloquia doctrinamque perciperent ». Hæc ipse de scriptis ab eo multipliebus in carcere litteris, quæ ferme omnes quod integræ ad hæc tempora fuerint divinitus cuspiditæ, et in his et aliis Orientalis Ecclesie naufragiis fuerint illæsæ servatae: Deo ipsi optimo maximo iterum atque iterum plurimas agimus gratias.

44. *Epistola Theodori e carcerebus ad suos monachos scripta.* — Ut autem hisce, lector, et tu ipse divitiis potiaris, ex eis aliquas hic tibi pro temporis ratione describere, operæ pretium judicavimus; utpote quæ tanquam monilibus quibusdam, auro gemmisque progradientur decoratæ, nempe catenis, plagiis, vibieibus, sacrisque Christi stigmatibus gloriose; quæ et Apostolico spiritu scriptæ, repræsentent etiam Apostolicam dictionem.

Primum omnium patentem circularemque Epistolam dogmaticam, sive catechetican dixerim (sic enim ipse eam appellat) seripsit ad eos, qui causa sacrarum imaginum cultus, vel in carcere essent, vel in exilio longe, extorresve facti, alii alio fugientes persecutorem, migrassent, qua omnes perstare in fide Catholica hortaretur, roboraretque pusillanimes, et titubantes erigeret. Hic est ejus titulus:

« Theodorus omnibus ubique propter Christum dispersis fratribus, et iis, qui in carcerebus

et exiliis detinentur in Domino salutem ». Potuis-set utique jure et illud Apostolicum usurpare : Ego vincetus in Domino. Verum ex pluribus summam animi demissionem in viro sanetissimo haud minus admiror quam eruditionem, et in afflictionibus tolerantiam. Epistola vero sic se habet<sup>1</sup> :

45. « Gratia vobis et pax (ut Apostoli verbis utar) a Deo Patre nostro et Domino Iesu Christo, qui est spes nostra, pro quo et propter quem persecutio, tribulatio, angustia, solitudo, exilium, carceres, et quotquot alii in dies ad cunctum calamitatis incident et occurunt. Hujus rei gratia, fratres charissimi, absentiae humilis faciei nostrae solatium aliquod excogitantes, hanc ad vos Epistolam mittimus, notum facientes, quod sine intermissione memoriam vestri faciamus semper in orationibus nostris, unumquemque animo recolentes, ac privatum commemorantes, eum lacrymis ac gemitibus levantes manus ad Deum : ut sicut certamen pro veritate suscepimus, et in uno spiritu et anima una, tanquam ex nido, ex sacris asceteriis nostris processimus; ita usque ad finem Domini virtute perseveremus, eamdem fidem habentes, eamdem charitatem, unanimes, idem sentientes, et veritatis dogma retinentes, quod annuntiatum est et inscriptum oculis et auribus in omni creatura, quae sub caelo est : Adorare quidem Patrem et Filium et Spiritum sanctum, venerandam et beatam Trinitatem, sicut Theologiae ratio docet. Confiteri autem unum e Trinitate Filium ac Verbum Dei et Dominum nostrum Iesum Christum, seipsum exinanisse, servique formam accepisse, et in similitudinem hominum factum, in forma nostra effungi, efformarique corporis figura, quatenus idem perfectus Deus simul et homo est: sic intra circumscriptiōnē secundum nos, quorum formam assumpsit consistens. quemadmodum ab ea per divinæ naturæ incomprehensibilitatem remotus est. Non enim utique (ait Scriptura) angelos apprehendit (quoniam et illis effungi convenit, ut viderunt quibus videre a spiritu concessum est) sed semen Abrahæ apprehendit ». Versatur in his Theodorus, quod (ut vidimus) Leo imperator cum suis hagiomachis diceret effungi non debere Deum incomprehensibilem tabula unius cubiti. Pergit vero Theodorus adversus haec disserens :

46. « Dicant ergo Christomachi, quomodo potest semen Abrahæ non effungi? Aut quomodo per omnia similis nobis erit, quorum frater vocatur, si circumscriptiōnis proprietatem, prout in nobis est, qui ejus fratres sumus, non sumpsisse demonstretur? Non igitur frater, nec similis nobis est, ac proinde nec homo. Ita concluditur ex eo quod negant Christum per imaginem exprimi more nostro. Ita illi salutarem œconomiam destruunt, perinde ac Manichæi, Valentianoi, et Marcionistæ, quorum communionem fugiamus, fratres, tanquam serpenti venenum, non corpus infuseans (ut quodam

loco ait Theologus) sed intima mentis præcordia.

« Nos Apostolicæ et universalis Ecclesiæ consentientes (haec enim Byzantina segmentum est haeticorum, cui solemne est, et ab aliis frequenter abscondi) Dominum nostrum Iesum Christum corporali figura depingimus, serie sursum ab ipso ejus adventu et Apostolico facto deducta, imaginem ex imagine derivantes, quenadmodum et vivificæ crucis; non autem ut hanc quidem exprimamus, quæ Christi armatura est adversus diabolum, ipsum autem non exprimamus, qui armiger est, satanæ interfector. Quia enim depingi queat armatura viatrix ac vera, quæ armatum quoque ipsum oculis non subjiciat? Adoramus deinde sanctam ejus imaginem, tanquam expressum in ea Christum adorantes. Expressus enim et efformatus ex ictu prodit Deiparæ Matris suæ; sin minus abortivum quiddam et non formatus homo fuit, o Theomachi. Quod<sup>2</sup> si conformatus infans prodit, et verum est, de quo dixit Propheta<sup>3</sup>: Omne masculinum adaperiens vulvam, sanctum Deo vocabitur: necesse prorsus, ut exprimi natura sua possit et effungi.

47. « Audite surdi, et cæci adspicite. Una in redundata novitatem in Christo agnoscimus, quod sine semine in Virginis utero conceptus sit, et sine corruptione prognatus: quippe qui peccatum<sup>4</sup> non fecit, et in ore ejus non est inventus dolus. Cætera autem omnia more nostro, edit, bibit, spiritum duxit, venit, ambulavit, sudavit, laboravit, crucifixus est, mortuus est, etsi ut Deus tertio die resurrexit, habens etiam post Resurrectionem expressam formam nostram jam Deificatam et immortalem in ipsa factam. Secundum quam, ut visus est ab Apostolis, et cum illis edit et bibit redivivus, et a Thoma contrectatus est, omnibus, qui eum spiritum suspicabantur, dicens<sup>5</sup>: Palpate et videte, quoniam spiritus carnem et ossa non habet, sicut me videtis habere. Sic et assumptus est in gloria, sic et veniet in forma eadem speciei nostræ, quem videbit omnis caro de caelo cum angelis virtutis ejus in flamma ignis vindictam dantem iis, qui non noverunt Deum, et qui Evangelio ejus non obedierunt, sicut scriptum est<sup>6</sup>, cum quibus plangent et qui crucifixerunt eum Iudei, et qui ejus effigiem fieri non ferunt, Ieonomachi.

48. « Haec est, fratres, Evangelica prædicatio, haec sunt Apostolica documenta. Qui vero contra sentiunt, ad aliud Evangelium (quod quidem non est aliud) Bei populum traducere conantur, adulterina scripta proferentes, ex ventre loquentes, et non ex ore Domini. Solent semper cum tritico zizania seminari, et veritati mendacium aspergi. Quomodo enim veritas eluebeat, si contradictionem nullam habeat? Sed licet nos, inquit Apostolus<sup>7</sup>, aut Angelus de caelo annuntiet vobis, preterquam quod evangelizavi vobis, anathema sit, si

<sup>1</sup> Theod. I. II. Ep. VIII. ex Cod. Column.

<sup>2</sup> Luc. II. — <sup>3</sup> Exod. XIII. — <sup>4</sup> Isa. LIII. — <sup>5</sup> Luc. XXIV. — <sup>6</sup> 2. Thes. I. — <sup>7</sup> Gal. I.

ent prædictimus, et nunc iterum dico: Si quis vobis evangelizet præter quod accepistis, anathema sit.

« De Deipara autem et in quoque sanctorum, quod eorum efformantur imagines, supervaneum mihi est scribere vobis. Sicutum quippe dixerim, quemcumque hominem non effigiar. At qui Christum circumscribi negant, qui est caput corporis Ecclesiæ, inferne una voluerunt, membra itidem Christi non effingi. Corpus<sup>1</sup> enim Christi nos omnes sumus, et membra de membro. Ipsorum autem confutatio est, Matrem quidem Dei effingi, nec tamen eum, qui ex ea natus est, qui ejus uberibus adhæsit, et quemcumque alia illius in corpore adventum secula sunt. Aut rursus. Oculatos testes ac famulos status exprimi, ipsum vero cui serviebant, et quo cum versabantur, non exprimi. Et Judæis plane deteriores se ostendunt, quia nec Moysis, nec alterius cuiuspiam e Prophetis imaginem recipiunt, admittentibus illis eos, qui ante gratiam fuerant seu legi cultores, et non Christianos. Iste vero adeo vecordes sunt, ut secum ipsi et cum Judæis pugnant, ut neque Judæi sint legis custodes, neque Christiani, qui Christi effigiem exprimi nolint, quem hominem factum agnoscunt.

49. « Petri Apostoli vox est in historia S. Pancratii<sup>2</sup>: Fili Joseph, affer imaginem Domini nostri Iesu Christi, et imprime illam in Pyrgiso, ut ideal populus qualiter formam sumpserit Filius Dei, ut videntes, amplius credant, formæ typum intuentes, et reminiscantur eorum, quæ per nos eis annuntiata sunt. Vox Pauli est<sup>3</sup>: O insensati Galatæ, quis vos fascinavit non obedire veritati, ante quoniam oculos Jesus Christus proscriptus est, et in vobis crucifixus? Vox Basilii Magni est<sup>4</sup>: Exprimat etiam in tabula certaminis preses Christus. Et iterum<sup>5</sup>: Imagini habitus honor ad exemplar transit. Vox multarum palmarum Athanasii<sup>6</sup>: Non tanquam deos imagines adoramus nos Christiani, quod Graeci faciunt, absit: sed affectum tantummodo, et charitatis nostræ studium erga figuram personæ per imaginem expresse declaramus. Vox Chrysostomi est<sup>7</sup>: Ego ex cera fusani amo pieturam, pietatis ergo factam. Vidi enim angelum in imagine Barbarorum copias in fugam vertentem: vidi protraitas barbaras gentes, et Davidem vera voce concinentem: Domine, in civitate tua imaginem ipsorum ad nihilum rediges. Quid in Christum hoc tempore, et in Deiparam ac sanctos faciunt Iconomachi? O rem auditu horrendam! sanctas illorum imagines abolendo.

50. « Atque ut cæferas aliorum auctoritates prætermittam, multæ enim suppetunt, si unam adjecero, ad alia orationem convertam. Vox est divinorum Patrum, qui sextæ Synodo affuerunt. In quibusdam sanctorum imaginum picturis agnus exprimitur, quem Precursor digito demonstrat.

Refert enim nobis verum illum Agnum, quem lex significabat, nempe Christum Dominum nostrum. Nos igitur veteres tignas atque umbras, ut veritatis notas et signa Ecclesie tradita complectentes, gratiam et veritatem anteponimus, quam ut plenitudinem legis accepimus. Itaque ut id, quod perfectum est, in picturis etiam omnium oculis subiiciamus, Agnum illum, qui mundi peccatum tollit, Christum Deum nostrum, loco veteris agni humana forma posthac exprimentem deere vimus, ut per humilitatem Dei Verbi celsitudinem cogitemus, et in memoriam conversationis ejus in carne, et cruciatum ac salutiferæ mortis ejus, ex quo mundo redemptio parfaest, reducamur.

51. « His ergo instructi testimoniis, charissimi, cum illa nostra, et ab ipsa veritate minime dubia demonstratione, ut supra demonstratum est, vigilate, obsecro, et stale in tide, viriliter agile, confortamini, ne in ullo deterreamini ab adversariis, neque a falsis fratribus, qui seducti fuerunt et in fraudem inducti. Quæ est illis quidem ostensio perditionis, nobis autem salutis, et hoc a Deo, sicut scriptum est<sup>1</sup>: Quoniam vobis donatum est pro Christo, non solum ut in eum credatis, sed ut etiam pro illo patiamini, idem certamen habentes, quale vidistis in me peccatore, et nunc auditis; idem sentientes, unanimis, collaborantes fidei Evangelii, cum timore et tremore salutem vestram operantes: ut ipse gaudeam, cum audio de vobis.

« Videite satanam, videite audaciam, videite ne quis in ullo Deum irriat. Draeo enim magnus, ut vafer et callidus in varias partes se versat. Ubi enim per fidem perimere non potest, illic per lapsum eamdem perniciem afferre stndet per legem peccati repugnantem legi mentis nostræ. Rugit, querit sicut leo quem rapiat, titillat, ignem accedit, inflammare cupit animæ domum. Nusquam invidia habitet, nec contentio, nec inanis gloria, nec quicquam de operibus tenebrarum. Dum adhuc emergunt et oriuntur perturbationes, arceantur; ne postquam admissæ fuerint, animamque inficerint, difficilis expellantur. Qui in agone contendit, ab omnibus se abstinet<sup>2</sup>: Sic currite, ut comprehendatis: edite novissimi primis<sup>3</sup>. Non enim dissensionis Deus sed pacis. Diligite, sicut Deus, præpositi subditos, et non ex auctoritate, sed ex virtute et bonitate subjectionem exigatis et obedientiam. Ne separunini ab invicem, loca multa mutantates, et nusquam proficientes. Marcum Evangelistam secum assumere noluit Paulus (sicut<sup>4</sup> scriptum est) eo quod nonisset cum eis, sed domi prius remansisset. Quanto magis nos acquiescere debemus? Uniusquisque<sup>5</sup> in quo vocatus est, charissimi, in hoc permaneat: Mundemus<sup>6</sup> nos ab omni inquinamento corporis et spiritus, perficientes sanctificationem in timore Dei.

52. « Tenete<sup>7</sup> traditiones quas didicistis: in-

<sup>1</sup> 1. Cor. xii. — <sup>2</sup> Caremus nos Actis his martry S. Pancratii.

<sup>3</sup> Gal. iii. — <sup>4</sup> Basil. in Barlaam. — <sup>5</sup> Basil. ad Amphiboch. — <sup>6</sup> Athan. ad Antioch. — <sup>7</sup> Chrys. qui utriusque Test. idem auct. Psal. LXXXIII.

<sup>1</sup> Philip. 1. — <sup>2</sup> 1. Cor. ix. — <sup>3</sup> Ibid. xiv. — <sup>4</sup> Act. xv.

<sup>5</sup> 1. Cor. vii. — <sup>6</sup> 2. Cor. vii. — <sup>7</sup> 2. Thess. ii.

struite invicem : mortem semper recognoscite. Orate, obsecro, pro omnibus. Benedicite<sup>1</sup> persequentes vos, benedicite et nolite maledicere. Circumeuntes de loco in locum, egentes, angustiati, afflicti, et speluncas forsan et cavernas terrae intrantes, gloriamini, quia propter Christum : quia vobis dignus non est mundus. Sustinet<sup>2</sup>, filioi mei : filioi, sustinet modicum, et veniet Dominus corona dator et mercedis retributor : cuius nos cohaeredes fore, nobis promissum est, si tamen compatimur, ut et conglorificemur<sup>3</sup>. In omnibus orantes pro me etiam misero, ut confirmetur cor meum ad perforanda usque ad mortem ea, que nobis infliguntur : ut non repellat me Christus propter indignitatem meam, ut liberer a malo per omnia usqueaque. Nunc vivo, dilectissimi, dum statis in Domino. Quae est enim nostra spes, aut gaudium, aut corona gloriae? nonne vos estis tum in hoc, tum in futuro saeculo? Vos enim et solatium charitatis et consolatio mea estis. Ipse enim Deus pacis sanctificet vos per omnia, ut integer spiritus vester et anima et corpus sive querela servetur<sup>4</sup>. Fidelis Deus noster, fratres, qui faciet, ut salutis invicem in osculo sancto. Salutatio mea humilis Theodori, ad omnia membra mea ex labiis cordis mei. Saluant vos qui mecum sunt, fratres. Gratia cum spiritu vestro. Amen». Quae autem idem Theodorus passus sit, cum prima ista catechesis ad manus venerit imperatoris, quando et verberari crudeliter jussus est, et arctiori stringi custodia, suo loco, eo anno, quo haec contigerunt, dicturi sumus ex Epistola, quam idem tunc scripsit<sup>5</sup> ad eosdem fratres.

53. Porro adversus Theodori monachios grave bellum excitavit tyrannus, existimans eos a Theodoro divulos, a fide quoque Catholica posse divelli, atque ad hoc opus usus est Barda propinquus suo, ut Michael in Theodoro testatur. Ille quidem velut immanis lera insiliens in eorum quem primum est nactus Thadæum monachum, suam crudelitatem exercuit, quem in aliorum exemplum adeo saeve verberari jussit, ut inter impaeta fortiter verbera, emiserit spiritum. Est de his ejusdem Theodori ad Naueratum data Epistola in hunc modum :

« Naueratio filio<sup>6</sup>.

« Nuntius supra muntium, et sermo supra sermonem. Quid dicam? aut quid loquar? Quem sensum miser capiam in iis, quae acciderunt? Gaudium mihi, et dolor: jubilatio, et luctus. In affectum duorum medio positus, nec statuere possum, ad utrum me convertam. Verumtamen vineit, qui satanam vicit, et principes et tortores saeculi hujus. Morti pro Christo datus est, Christi agnus flagellis concisus Thadæus, ramus meus, viscera mea, filius obedientiae, surculus pietatis, Apostoli cognominis: Gaudium immensum, insuperabilis laetitia non mihi tantum pusillo, sed angelis pariter et hominibus.

Quam magnifica sunt opera tua, Domine, quod nunc etiam in humili generatione ista incorruptum veritatis tue testem produxisti: et hunc non ex sapientibus aut nobilibus mundi hujus, sed e plane diversis, ut Apostoli sermo completeretur<sup>1</sup>: Ignobilia mundi et contemptibilia elegit Deus, et ea quae non sunt, ut ea quae sunt, destrueret.

54. « Et quoniam milii abiisti, beate fili? Ubi tam cito exaltatus es in martyrum Album adscriptus? O sortem tuam! o generositatem tuam! o prudens consilium tuum! uno die saecula infinita promeruisti. Per cruciatum tormenta inexpugnablem laetitiam adeptus es. Centum et triginta verberum suffragio plenari laboris mercedem a sancta Trinitate cum martyribus accepisti, nimur ille perfectionis, sic Trinitatis speciem numerus representat; ut vel ex ipso supplicio magnificeniam tuam Deus ostendat. Sanguis tuus, unguentum. Reliquiae tuæ sanctificationis tangentibus largitrices. Oro te, sancte Thadæe, intercede pro me indigno famulo tuo: neque enim andeo te filium appellare. Videtis, fratres, quid acciderit, qualem thesaurum et quale membrum possideamus? Sufficiunt unus ad Dei gloriam, ad ostentationem nostram, ad Ecclesiæ totius exultationem Dei martyr Thadæus.

« Quid cætera? Erunt, inquit<sup>2</sup>, primi novissimi, et novissimi primi. Hoc de Jacobo dixerim et Luciano. Quorum alter quidem decerlavit, et ultimam usque ad finem decertasset, cum Dorotheo et Bessarione. Alter propter peccata mea naufragium fecit cum sui similibus. O quomodo ceciderunt in medio Iuminum infelices? Obliti sunt illius, qui dixit<sup>3</sup>: Nolite timere eos, qui occidunt corpus: Annon enim vires et facultatem dimensus est, qui solus potens est, et infirmos confortans? At testes adsunt de propinquuo. Annon eos eripit de tribulatione, qui vires nondum habent, natura non voluntate? at lestis Thadæus in caelo fidelis.

55. « Ne igitur terreamur, fratres, neque animo consternemur ob cladem eorum, qui lapsi sunt, quasi plagas et ipsi perferre non possimus. Perferemus Dei virtute, et transiliemus, quamvis per ignem, quamvis per gladium. Dens est, qui nos ducit, et invitat, ut promissum nobis regnum intremus, sicut Israel terram promissionis. Nescitis quid iis configerit, qui populum tunc subvertebant, dicentes<sup>4</sup>: Non poterimus penetrare, quoniam illic urbes usque in caelum muratas vidimus, et gigantes, infer quos Enae? Quid deinde seculum est? Nonne ob eam causam igne succensi sunt? et murmurator populus universus interit, et membra eorum ceciderunt in soliditudine? Nullus sit hujusmodi perturbator, nullus morosus, nullus desperabundus. Transgrediemur omnino fratres, transgrediemur, sicut Caleb, inquam, et Jesu Nave promissionis heredes. Corruent ante nos spirituales muri, sicut tum Hierichuntini<sup>5</sup> ad gratiarum

<sup>1</sup> Rom. XII. — <sup>2</sup> Hebr. I. — <sup>3</sup> 2. Thess. II. — <sup>4</sup> 1. Thess. V. — <sup>5</sup> Theod. I. II. Ep. XXXVIII. Cod. Column. — <sup>6</sup> Ibid. Ep. V. Cod. Column.

<sup>1</sup> 1. Cor. I. — <sup>2</sup> Matth. XX. — <sup>3</sup> Matth. X. — <sup>4</sup> Num. XIII. XIV. — <sup>5</sup> Jos. VI.

actionis buccinam, qua cecinit beatus Thadæus, ex ipsa laborum meta personans. Hæc dies quam fecit Dominus. Sic oro, sic obtestor. Pro<sup>1</sup> Christo enim legatione fungimur, tanquam Deo exhortante per nos, obseceramus, ne reformidetis mortem ipsam, si opus sit pro illo et cum illo sustinere.

« Ad omnes haec Epistola, tametsi ad te inserbitur, fili optime. Propterea omnes saluto, et omnibus gratulor in ærumnis: Et quis<sup>2</sup> dignus erit adimplere ea, quæ desunt passionum Christi in carne sua? Et vœ neganti, aut succumbenti, licet mors impendat: quia mors<sup>3</sup> æterna depascat eum: et dominabuntur ejus recti in matutino. Pax vobis Christi, robur, fortitudo, consolatio, pro fratribus universis et pro me orantibus, ut ad quæ hortor, ipse impleam Dei misericordia. Salutant vos fratres, qui mecum sunt». Ista Theodorus hoc amo, cum licet in carcere nondum adeo arctaretur arctiori custodia. Quando autem loco mutatus fuerit, et duriori in custodia et diris fuerit vinculis manipulatus, dicemus anno sequenti.

56. *S. Zachariae corpus missum Venetias.* — Quod autem rursum ad eundem Leonem imperatorem spectat, qui res Venetorum sunt prosecuti, et inter alios Sabellius, tradunt ab eodem imperatore missas ad ducem Venetiarum (hic erat Angelus Patriciacus) sacras reliquias. Quod mirum videri debet, ut quas ipse non coleret, aliis colendas mitteret; nisi dixerimus hisce muneribus devincire sibi conatum animum exterritorum, quæ ipse contemneret, et ab illis plurimi fieri certo sciret. Sunt haec verba auctoris: « Misit, inquit, Leo publice Venetias Zachariae corpus cum parte sacratissimæ Crucis, ac Dominicæ vestis, et alterius quæ Deipare fuit Virginis: quæ Patriciacus princeps novo intulit templo, quod Zacharia nomine statuendum curavit». Par est credere Venetos, qui erant Constantinopoli, hoc procurasse apud imperatorem, significasseque nullo ampliori munere, quam ejuscemodi sacris pignoribus conciliare sibi ac devincere se posse animos Venetorum: hocque facile persuasum principi, de Venetis bene mereri ob invidiam partam adversus Occidentis imperatores Francorum reges cupienti.

57. *Caroli Magni obitus et laudes.* — Sed res ipsorum Francorum adeamus. Illoc anno, mense Januario, moritur Carolus Magnus imperator, de cuius ad Deum transitu habet ita Eginhardus: « Cum Aquisgrani hiemaret, mense Januario, febre valida correptus decubuit. Qui statim (ut in febribus solebat) cibi sibi abstinentiam indixit, arbitratus hac continentia morbum posse depelli, vel certe mitigari. Sed accidente ad febrem lateris dolore, quam Graeci pleurism vocant, illoque adhuc inediām retinente, neque aliter corpus quam rarissimo potu sustentante, septimo postquam decubuit die, saera communione percepta, decessit anno sue ætatis septuagesimo secundo, ex quo regnare

cœperat quadragesimo septimo, quinto kalendas Februarii hora diei tertia». Sed quibus præviis ad salutem remedis curarit animam, accipe ab auctore ejus temporis monacho monasterii Engolimensis, qui ejus Vitam æque per annos singulos scripsit, de quo sæpe superius, qui ait: « Oleo autem sancto inunctus ab episcopis, et viatico sumpto, et omnibus suis dispositis, commendans Domino spiritum suum, obiit in pace, anno octingentesimo quarto decimo ab Incarnatione Domini nostri Jesu Christi». Hæc ipse.

58. Sed et quæ de ejus ad Denm transitu Theganus ejus temporis testis adducit in medium, recitemus: ait enim: « Septimo die postquam laborare coepit, jussit familiarissimum pontificem suum Hiltibaldum venire ad se, ut ei sacramenta Dominicæ corporis et sanguinis tribueret, ut exitum suum confirmaret. Quo facto, laboravit in infirmitate diem illum et noctem sequentem. In crastinum vero, luce adveniente, sciens quod facturus erat, extensa manu dextera, virtute qua poterat signum sanctæ crucis fronti imprimens, et super pectus, et omne corpus consignavit. Novissime autem colligens pedes suos, extendens brachia et manus super corpus, clausit oculos, psallens hunc versum leniter: In manus tuas commendō spiritum meum. Statim post hæc in senectute bona plenus dierum perrexit in pace, etc.» ut alii de die et ætate ipsius. His addenda essent quæ de obitu ejusdem imperatoris auctor, Turpinus falso inscriptus narrat, sed fabularum contextori nec si verum dicat, fides adeo tuta adhiberi potest.

59. De ejus vero sepultura idem qui supra auctor Theganus habet ista: « Corpus ejus aromatizatum est, et in sede aurea sedens positum est in curvatura sepulcri, ense aureo accinctus, Evangelium aureum tenens in manibus, et genibus reclinati, humeris in cathedra et capite honeste erecto ligato aurea catena ad diadema, et in diademate signum sanctæ crucis positum est. Et repleverunt sepulcrum ejus aromatibus, pigmentis, et balsamo, et musco, et thesauris multis in auro. Vestitum est corpus ejus vestimentis imperialibus, pera peregrinalis aurea posita est, quam Romanū portare solitus erat. Sceptrum autem et scutum aureum, quod Leo papa consecraverat, ante eum posita sunt dependentia. Et clausum et sigillatum est sepulcrum ejus. Nemo autem referre potest, quantus planetus et Iulius pro eo fuerit per universam terram; etiam inter paganos plangebatur quasi pater orbis». Haec ipse. His addamus quæ de sepultura et inscriptione habet Egiuhardus:

60. Dubitatum est, inquit, primo ubi ponи debet, eo quod ipse vivus nihil de hoc præcepisset: tandem omnium animis sedit, nusquam eum honestius tumulari posse, quam in ea Basilica, quam ipse propter amorem Dei et Domini nostri Jesu Christi, et ob amorem sanctæ et æternæ Virginis Dei Genitricis, ejus proprio sumptu in eodem

<sup>1</sup> 2. Cor. v. — <sup>2</sup> Coloss. i. — <sup>3</sup> Psal. XLVIII.

vico construxit, in hac sepultus est eadem qua defunctus est die; arcusque super tumulum deauratus eum imagine et titulo exstructus, cuius haec fere sunt verba :

SVB HOC CONDITORIO SITVM EST CORPVS CAROLI MAGNI ATQUE ORTHODOXI IMPERATORIS QVI REGNV M FRANCORVM NOBILITER AMPLIAVIT ET PER ANNOS XLVII FELICITER TENVIT (REXIT). DECESSIT SEPTVAGENARIVS ANNO DOMINI DCCCXIV, INDICTIÖN VII, QVINTO KAL. FEBRVARII.

Scripsit et carmine ejus Epitaphium Agobardus episcopus Lugdunensis, qui eodem tempore claruit : cui hic inest titulus inscriptus :

AGOBARDI<sup>1</sup> IN CAROLUM MAGNUM DEFUNCTUM  
EPIGRAMMA.

Aurea cælorum postquam de Virgine Christus  
Sumpserat apta sibi mundi pro crimine membra,  
Jam decies quartus post centes octo volabat  
Aurus, fluctuagi meruit per fervida æli  
Ælharei Carolus, Francorum gloria gentis,  
Æquora transire, et p'acudim comprehendere portum.  
Qui deciesque quater per sex feliciter annos  
Sceptra teuens regni, et regno rex regna rejungens,  
Febru' ingravat quinto arii ex orbe kalendas,  
Septuaginta sex vitæ qui terminat annos.  
Quapropter flagito, precibus si flecteris ulla,  
Quique hujus relegis versus epigrammata lector,  
Astriferam Caroli teneat, dic, spiritus arem.

61. Qualis autem ejus fuerit forma corporis (si et hoc cupis) idem Eginhardus ita tibi describit : « Corpore fuit ampio et robusto, statura eminenti, quæ tamen justam non excederet : nam septem suorum pedum proceritatem ejus constat habuisse mensuram (figuram). Apice capitis rotundo, oculus prægrandibus ac vegetis, naso paululum mediocritatem excedente, canitie pulchra, facie læla et hilari, unde forme auctoritas et dignitas tam stanti, quam sedenti plurima inerat; quanquam cervix obesa et brevior, venterque projectior videretur : lamen hæc cæterorum membrorum celabat æqualitas, incessu' firmo, totaque corporis habitudine virili, voce clara quidem, sed quæ minus corporis formæ conveniret; valetudine prospera, præterquam antequam decederet, per quatuor annos crebro febribus corripiebatur, ad extremum uno etiam pede claudicaret ». Itæ Eginhardus, qui ei (ut sape dictum est) fuit a secretis, vitamque ejus scripsit, sed brevius mea sententia, quam parerat.

62. Meminit ejusmodi Eginhardi lucubrationis de Vita Caroli Lups abbas Ferrariensis magna cum laude in Epistola ad ipsum scripta, ubi post alia haec ait : « Cum deinde in auctorum voluminibus spatiari aliquantum coepisset; et dictatus nostra ætate confecti displicerent, propterea quod

ab illa Tulliana, cæterorumque gravitate, quam insignes quoque Christianæ religionis viri æmulati sunt, aberrarent : venit in manus meas opus vestrum, quo memorati imperatoris clarissima gesta (liceat mihi absque suspicione adulacionis dicere) clarissime litteris allegastis. Ibi elegantiam sensuum, ibi raritatem conjunctionum, quam in auctoribus notaveram, ibidemque non longissimis periodis impeditas et implicitas, at modicis absolutas spatiis sententias inveniens, amplexus sum. Quare cum et ante propter opinionem vestram, quam sapiente viro dignam imbibera, tum præcipue propter expertam mibi illius libri facundiam, desideravi deinceps aliquam nasci opportunitatem, ut vos præsentes alloqui possem, etc. » Haec de libro, quo res gestæ Caroli Magni scriptæ leguntur, Lups; ex quo pariter non allerius auctoris, nempe Albini (ut aliquis existimat) sed revera Eginhardi opus illud esse satis certum ostenditur.

63. *Ludovicus successor in imperio.* — Sed revertar ad Carolum, cuius si animæ sicut et corporis species formam, plane ex his, quæ de ipso scripta sunt ab eo, tum ab aliis ejus temporis scriptoribus, dignum virtutum exemplar intueberis; religionis vero omnibus absolutum numeris simulacrum, cui nec, mea sententia, qui præcesserunt, vel postea successerunt imperatores, penitus æquari valeant ; sed nec in moribus etiam haberet æqualem, nisi ipse conjugalem castitatem concubinarum introductione fædasset. Sed posterior maculas istas pœnitentia jugis abstersit, dum carnem suam, senilem licet, cilicino super mundum corpus inhærente jugiter indumento attrivit.

Porro egregiarum ipsius virtutum merito Ecclesia Gallicana ejus diem natalem celebrat, habentque inter sanctos recensitum Aquisgranensis Ecclesiæ tabulae. Sub Federico imperatore post annos centum sexaginta sex, Paschalis, papa dictus, in numerum sanctorum adscriptis, cuius rei gestæ asservari Diploma in Aquisgranensi Ecclesia tradunt. Verum quod Paschalis ille haud legitimus Pontifex fuit, sed schismaticus, ejusmodi canonizatio haud recepta est ab Ecclesia Romana, ob quam causam nec nomen ejus illatum est in Ecclesiæ Romanæ Martyrologium. Verum quod non reperiantur legitimi Pontifices illud Diploma abolevisse, aut impugnasse, aut prohibuisse, res sic tacita permissione sive tolerantia perseverat, ut scilicet in propria Ecclesia, ubi sepultus fuit in Galliis, coleretur. Ita quidem canonum præcipui interpres declararunt<sup>1</sup>. Cæterum propagatus postea noscitur ejus cultus in alias Ecclesias Belgii atque Germaniae, in quibus idem Carolus sanctitatis titulo celebratur ac colitur. Quibus favent scripta plurium rerum Francorum historicorum.

<sup>1</sup> Ad finem aliorum operum ejus Parisns editorum.

1 Card. Ostuens, et Joan. Andr. in cap. 1. de reliquiis et vener. Sanct.

Sed de his hactenus. Jam vero ad ejus successorem Ludovicum filium se oratio conferat, de quo ista Theganus rerum ipsius scriptor illius temporis :

64. « Post obitum gloriosissimi imperatoris Caroli perrexit Ludovicus de partibus Aquitaniæ, et venit in Aquisgrani palatium. Suscepit omnia regna, quæ Deus tradidit patri suo sine ulla contradictione (qui est annus Incarnationis Domini octingentesimus decimus quartus, qui est primus annus regni ejus) post patrem sedit in supradicto palatio. Et in primis cum magna festinatione jussit ostendi sibi omnes thesauros patris in auro, in argento, in gemmis pretiosissimis et in omni suppellectili. Dedit sororibus suis parvam earum legalem, et quicquid remanserat dedit pro anima patris. Maximam partem thesauri misit Romam temporibus beati Leonis papæ. Et quicquid super hoc remanserat, sacerdotibus et pauperibus, advenis et viduis, orphanisque omnia distribuit, nihil sibi reservans præter unam mensam argenteam, quæ triforis est in medio, quasi tres clypei in unum conjuncti : ipsam sibi retinuit ob amorem patris, et tamen eam dato prelio redemit, quod pro patre tradidit.

65. « Hoc facto legati venerunt ad eum ex omnibus regnis et provinciis et ex ceteris nationi-

bus, et omnes, qui sub dilectione erant patris sui, nuntiantes pacem et fidem erga eum observare, et spontaneum obsequium non coacti obtulerunt. Inter eos venerunt legati Graecorum cum Amalario Trevirensi episcopo, qui erat legatus pie memorie Caroli ad principem Constantinopolitannum, cuius nomen modo non occurrit (Leo iste erat) illi ve- nientes in solio patris collocatum dominum Ludo- vicum invenerunt, quia sic Deus ordinavit. Ille benigne eos suspiciens, et dona eorum cum gratia- rum actione accipiens, et colloquium familiare, interim quoque cum eis erat, habebat. Non post multos autem dies magnis honoribus decoravit eos, et dimisit ire ad propria, et ante eos misit missos suos præparare eis quicquid desiderabant ad opus eorum, quoque forent in regno. Eodem anno jussit supradictus princeps renovari omnia præcepta, quæ sub temporibus fratrum suorum gesta erant in Ecclesiis Dei, et ipse manu propria ea cum subscriptione roboravit, etc. » Agit auctor de aliis legationibus e diversis locis ad novum im- peratorem hoc eodem anno missis, aliisque quas ipse ad diversos principes misit; quæ cum ad in- stitutum minime spectare videantur, dicere præ- termittimus.

---

Anno periodi Graeco-Romanæ 6307.—Anno Æra Hispan. 852.—Anno Regis 199, inchoato die 21 Aug., Fer. 2. — Jesu Christi 814.

— Leonis III papæ 20. — Ludovici imp. 4 et 2. Leonis Armeni 2.

1. *Antonius metropolita Sylæi a S. Nicophoro anathemate percellitur.* — Ad num. 4. Hoc anno Concilium Constantinopoli habitum a sancto Nicephoro patriarcha et episcopis cclxx adversus Antonium Sylæi Pamphyliæ civitatis metropolitam, ut liquet ex Oratione sive Epistola Synodica Orientalium aliquot episcoporum ad Theophilum imperatorem, publicata a Combefisio in Manipulo re- rum Constantinopolitanarum. Dicitur in ea Leonem Armenum imp. falsum quemdam vatem nomine *Sabbatium* consuluisse, qui ei et filio Constantino annos duos supra triginta promisit, si omnem imaginum memoriam aboleret. Imperator, acce- sito Joanne lectore, ad eum, quæ a vate acceperat, refert, et Joannes loca librorum idola prohiben- tium imaginibus Christi applicat. Nicophorus ab imperatore vocatus euncta ejus ratiocinia tanquam aranearum tela nullo negotio evertit, et Joannes a

patriarcha pœnitentiam petit et accipit. Accersit Leo Aug. Antonium metropolitam Sylæi civitatis, eique patriarchalem sedem promittit, si suscepti consilii adjutor esse velit; pollicetur ille propen- sissime se jussa facturum, qui tamen postea coram patriarcha negavit se id unquam promisisse; sed eum interim tam Antonius, quam Joannes venerandas imagines idola esse obgammirent, sanctus Nicephorus cclxx Patrum collecta Synodo, una quoque congregata sacerdotum ac monachorum urbis Au- guste multitudine, heresiarcham anathemate ferit, et Christi hostem declarat. De eodem colloquio Antonii Sylæi metropolite cum imperatore loquitur auctor incertus, qui Theophanem continuavit, sed Synodi mentionem non facit, et Joannem Julio mense socium impielatis Antonium sibi adjunxisse asserit; ex quo eo circiter tempore Synodus illam habitam intelligimus. « Circa Decembrem vero

mensem», inquit continuator *anonymus*, «Leo patriarchæ significat. Imaginum causa populus offenditur, dicentes: Perverse adoramus illas, et propterea gentiles nostri dominantur»; siveque imperator paulatim quod mente gerebat aperuit, sed ante annum sequentem cultores sacrarum imaginum persecutus non est.

*2. Causa imaginum anno sequenti vexata.* — Baronius quidem hujus anni initio persecutionem decretam esse arbitratus est. Verum Georgius monachus in Vita Leonis Armeni hæc seribit: «Post alterum annum ad impietatem deficiens, ac, quam rectæ fidei professionem scripto ediderat, irritam faciens, haud secus ac Saul delapsus est. Nam et ille cum duos annos legitime regnum administrasset, a recto deinde aversus tramite, divinaque demudatus gratia, ac nequissimo spiritui traditus, adversus Davideum, cuius cumulatus beneficiis erat, armis instructus est, ac sacerdotum patravit caedes. Haud aliter etiam infelicissimus hic Deoque infensus, post annum alterum, furore accensus, actusque rabie adversus pietatem, divinum Nicophorum, a quo corona donatus erat, exilio multatavit». Praeterea Leo Aug. circa Decembrem, anno imperii sui secundo sententiam suam de non colendis imaginibus sancto Nicophoro patefecit, ut mox diximus ex continuatore anonymo Theophanis, qui addit de Nicophoro: «Imminentibus porro festis (nempe Christi Natalitiorum) variis monitis ac sermonibus imperatori significat, et precibus simul sollicitat patriarcha, ne deprædationibus exponatur Ecclesia». Tum de imperatore scribit: «Solemni deinde pompa in Christi Natalitiis procedens, Ecclesiam ingressus est, et eoram altari ex imperatorum consuetudine stetit: et corporale, sacra Domini nostri Iesu Christi Nativitate in eo depicta, insigne adoravit et osculatus est. Tali spectaculo cunctis dolum et versutiam ejus ignorantibus factum satis». Deinde imperatorem ipso Epiphaniorum die, anni scilicet 800, sese ab imaginibus colendis alienum publice prodiisse, his verbis idem continuator docet: «Insequente pariter Luminum festo aequali modo (Leo) processit, et ingressus (nempe Ecclesiam), non adoravit (scilicet corporale pictum) primumque illud simulanter haud vere exhibuit cognoverunt», scilicet patriarcha et episcopi.

*3. Persecutionem sequenti tantum anno continuisse iterum probatur.* — Post hæc deum Leo anno imperii secundo, Christique 800, cultores imaginum, quos flectere non potuerat, cum alios, tum præsertim Nicophorum persecuti coepit: «Praelisque proinde», inquit continuator, «festorum (Natalitiorum et Luminum) solemnibus, coepit aggredi, velut Pharaon Israelem, et episcoporum quosdam blanditiis promissisque suffurabatur: et qui ipsi morem gesserunt ex eo, quem habebant ad præsens sæculum affectu, quippe prius juramento interposito, et eruebus oppositis, pro veritate mortuatos se affirmabant, singuli ferme conversi sunt in partem adversam: eam ob rem per desertores

episcopos patriarchæ significat: Condescende modicum nobis, et futilia quæque resecabimus: si nolueris, in throno te residere non permissuros scito. His spretis, tanquam perjuris et cruciculeis, patriarcha imperatori denuntiat: Quod lubet, exscquare: dogmatibus quippe a Patribus pie definitis nunquam nuntium remittam, neque contrarium sentientibus adstipulabor. Hæc dum gererentur, in infirmitatem decidit patriarcha, etc. Cæterum Dei manu miraculorum effectrice nonnihil sublevatus est patriarcha, quod cum rescisset chameleon (id est Leo imp.), quorundam ope milites in patriarchium clam penetrare dispositi, et silenter eum abducere. Erat porro jejuniorum initium. Græci anno 800, die xi mensis Februarii jejuniū auspicati sunt, ideoque ante illum Christi annum Leo imp. in cultores imaginum non sœvīt.

*4. Probatur tertio.* — Denique Ignatius diaconus in Vita S. Nicephori ait: «Nono igitur, uno mense dempto, anno, post sanctum ipsius et inculpatum patriarchatum in supremam incidens aegritudinem, vite suæ finem nequaquam ignoravit». Nicetas vero in sancti Ignatii patriarche Constantinop. Vita asserit, Nicophorum in monasterium quoddam ejectum fuisse, cum Ecclesiam Apostolice per novennium curasset. In Tabulis Theophanis et in ipso etiam Nicophori Additamento anni novem Nicophoro attribuuntur. Quare cum die xii mensis Aprilis anni 800 ordinatus fuerit, anno octingentesimo decimo quinto die xi mensis Februarii in exilium missus est. Theophanes quidem presbyter in Oratione de Translatione ejus reliquiarum, affirms, eas Constantinopolim translatas, tertio idus Martii, quo quidem die in exilium ejectus fuerat. Sed dies qui a xi Februarii, quibusve Nicophorus moratus est in monasterio Boni Constantinopoli vicino, de quo mox, a Theophane pro exilio non habentur. Cæterum Nicophorum die xi Februarii Constantinopoli abductum esse, præter citatum continuatorem docent etiam alii. Ignatius enim in Vita Nicephori num. 69 scribit: «Patricio illius carceris, quo divinus pater tenebatur præfecto, contradita militari manu, media nocte Dominicæ lucis præcepit (nempe imperator), ut virum sanctum in exilium deportaret». Ignatio suffragatur continuator *anonymus* Theophanis, qui hunc patricium Thomam vocat, atque hunc imperatori dixisse: «Tantum homines duos mitte, aliosque, qui efferant: non enim ingravescente valetudine, a se potest procedere: atque ita discede. Id ita fecit submissis nocte, qui patriarcham ejicerent Ecclesia», die scilicet xi Februarii, in quam Dominica Sexagesima incidebat, post quam Græci inchoarunt jejuniū anni 800, cum e contra dies xiii mensis Martii eo anno in feriam tertiam inciderit. Neuter itaque historicus errat, licet Bollandus ad eorum verba hæserit. Ignatius, quemadmodum Theophanes presbyter, Nicophori exilium a die xiii Martii repetit, proditque eum relegatum, nono, uno mense dempto, anno. Quare cum anno 800,

die XII mensis Aprilis episcopus consecratus fuerit, anno DCCCV, die XIII Martii dignitate motus est, et Ecclesiam Constantinopolitanam rexit annos novem, mense uno dempto. Ex quibus tandem omnibus necessario consequens est, persecutionem adversus sacras imagines ad annum sequentem pertinere.

**5. S. Nicephorus ultra Stenum relegatus.** — Quoad locum, in quem Nicetum relegatus, tam Cypriates, quam Cedrenus in Vita Leonis Armeni imp. affirmant, eum fuisse *Proconnesum* seu *Praeconnesum*, quæ parva insula est in Propontide sita, inter Cyzicum ad Ortum et Helleponum ad Occasum. Utrumque alii secent sunt; verum eos hallucinalos esse non dubito. Nicetas enim in Vita S. Ignatii patriarchæ Constantinop. Nicophori exiliū his verbis memorat: Προς δὲ τοὺς δέξιους τοῦ Στενοῦ οἰραὶ κατὰ τὴν σημεῖναν αὔτον ἐπιπλάνησεν, quem locum sic vertit interpres, « ad dexteriorem Steni, id est, angusti freti regionem, in monasterium quoddam importunus ejecit », nempe Leo Armenus Nicophorū, ubi suam interpretationem cum textu greco miscet; cum vertere debuisset, *ad dexteriem Steni regionem*, et postea, vel saltem per parenthesim, indicare Græcos *Steni* nomine angustum frenum, quod Constantinopolim inter et Chaledonem situm est intelligere. Angustum illud fretum *Stenum* appellari, colligitur ex Suida in voce Ηὔξενος, idque variis certisque exemplis probat Ducangius in Constantinopoli Christiana lib. 4, cap. 10, num. 1. Præterea Porphyrogennetus in Vita Basiliī imp. Ενδί τῷ παλαιούμενῷ πόλεω Στενῷ, τοντούρα τοῦ Εὐξενοῦ φέρει, τοιοῦτον Φωκᾶ πάντα πεπονταί εἰσιν. Quæ verba sic vertit Combeſſius: « In Steno etiam quod vocant (Euxini in cervice) sancti Phocæ ædem exstruxit ». Verum vertendum, *Euxini sc. faucibus*. (vel angustiis). Nam vox græca καγέα, a Porphyrogenneta eo in loco non in propria, sed in metaphorica significatione usurpatur. Bosphorum itaque Thracium *Stenum* absolute vocabatur, et littus tam a dextris seu in Asia, quam a sinistris seu in Europa, totusque tractus ille maritimus in quo variae aedes et Ecclesiæ erant, eo etiam nomine vocabatur. Radenus, laudatus Nicetæ interpres, perperam etiam Theophanem *Sigriani* seu *Agriani* cœnobii conditorem in eadem Vita vocat, licet in græco dicatur tantum *Sigriani* cœnobii conditor, et in controversia versetur, an monasterium Sigrianum idem sit ac Agrianum, quam controversiam locus ille Nicetæ dirimeret, si in eo utrumque nomen legeretur. Sed de ea num. 12 verba faciam, contentus hic obiter monere auctores græcos de verbo ad verbum, cum fieri potest, in linguam latinam vertendos esse.

**6. In locum circa Chalcedonem situm.** — Porro si fretum Constantinopolitanum *Steni* nomine a Niceta designetur, ut nullus jure in dubium revocaverit, appetet Nicophorū non in Praeconnesum, ut eam insulam Porphyrogenneta, aliique auctores græci rectius appellant, quam Cedrenus *Proconnesum*, sed in monasterium trans fretum

Constantinopolitatum positum, relegatum fuisse. Ipsem Nicēphorus in Epistola ad Leonem III papam a se data, et a Baronio anno DCCCI, num. 23, quo ea scripta fuit, recitata, ait: « Solitudinem quamdam occupo, et jugum montis, quod erat asperum et inaccessum, stadiis non paucis circa Proponticam regionem, regia distans ab urbe ». In illud autem monasterium Nicēphorus deportatus fuit, et usque ad mortem vixit. De eodem loquitur Ignatius diaconus in Vita hujus sancti præsulis, a Bollando ad diem XIII Martii primum publicata, et num. 72 seribit: « Mare dora explicans in lintre exceptit justum (nempe Nicēphorum) ad monasterium, quod ipse exstruxerat. Bovi nomine allegatum, (sed loco, *Bovi*, legendum, *Boni*, ut postea monuit Bollandus, et certum reddit textus græcens, in quo dicitur monasterium τοῦ νυκτοῦ, quod a Ducangio in Constantinopoli Christiana lib. 4, cap. 13, num. 1, inter monasteria suburbana Constantinopoleos numeratur). Illic breves moras permisit agere, ab illius violentiæ auctoribus, in monasterium longius dissidit, et ipsius quoque exstructum opera, magni martyris Theodori transportari jubetur. Haud enim ferendum putabant, ut vicina ipsorum dementia loca justus habitare consiperetur ». In hoc ultimo monasterio exul per annos quatuordecim vixit, a die sc. XIII mensis Martii sequentis Christi anni usque ad mortem, in eoque sepultus est, ut tradit Theophanes presbyter.

**7. Describitur locus exilii S. Nicēphori patriarchæ Constantinop.** — Ignatius diaconus num. 12 et seq. pluribus illud describit, atque fuisse e regione Bosphori Thracii, quo etiam nomine *Stenum* appellabatur. Ex quo evidens est, Praeconnesum locum exilii Nicēphori non fuisse; haec enim non e regione Bosphori Thracii, sed ad ejus meridiem sita. Denique auctor anonymous Vita S. Nicolai Studitæ dissidium omne tollit; ait enim, Leone Armeno mortuo, et Ecclesie pace a Michaele Ballo ejus successore redita, exules domum rediisse: « Tunc sane, inquit, magna quoque illæ » pietatis columnæ Theodus ac Nicolaus Smyrna (quo relegati fuerant) « discedentes, solo utique nisi baculo, locum ex loco pedibus iter carpendo mutantes, ad Prusse partes devenerunt; atque hinc tandem petentes Chaledonem, deincepsque a tropæo appellati patriarchæ (nempe Nicēphori) aspectu recreati, justo satis tempore leti admodum eum eo commorantur ». Quare Nicēphorus per annos XIV, non in Praeconneso, sed in tractu Chaledoneus exulavit.

**8. Bulgari Arcadiopolim deprædantur.** — Leo Ecclesiam depopulari non coepit, nisi post mortem Crumni Bulgarorum principis, ut testatur continuator anonymous Theophanis pag. 435, qui diserte asserit persecutionem motam anno imperii secundo, postquam narravit interitum Crumni, quem et eisdem verbis refert Simeon logotheta in Annal. num. 10 et seq. Uterque Historicus relata inauguratione Synbatis imperatoris filii, die natali Christi

anni superioris peracta, ut ibidem diximus, statim subjungunt: « Cæterum sudo hæmis tempestate aere, inque adeo fluvialibus aquis subsidentibus, facta Bulgarorum ad triginta millia cataphractorum excursio; veniensque Areadiopolim, ac superato Rigo (hoc nimis fluvii nomen) inventam ingentem hominum multitudinem sub jugum miserunt. Necdum vero transmissis captivis, ingenti imbrium vi in dies octo, sic fluminis aquæ intumuerunt, ut maris prope vastitatem æquare viderentur. Cumque inde permeari non posset, dies quindecim in statuis captivos tenuerunt: rogata illis frustra a Leone auxilia; nam nec animum attendit, nec urbe ipse prodit, nec qui suppetias irent, ullos alios misit. Jamque adeo facto sereno, atque flumine intra alveum compresso, ipsosmet captivos ligna cædere ac pontem exstruere coegerunt: inque hunc modum cum iisdem, ad quinquaginta circiter millia viorum, mulierum ac puerorum, annem transmiserunt: omnemque eorum substantiam, Armeniacas vestes stragulas, grandesque acu pictos tapetes ac vestimentorum multam suppellectilem, vasaque ænea, cuncta curribus imposita, omnes denique greges et armenta, bovesque et oves convexerunt; haecque ditati præda, in Bulgaria intrarunt, nec qui Dei indulgentia inique sceptræ moderabatur, aut ipse opem latus captivis egressus est, aut qui ferrent alios ullos destinavit.

9. *Crumus rex Bulgariae extinguitur.* « Jam igitur perlatus ad Leoneni rumor, ingentem Crumum conflare exercitum, Avaresque et Scabinorum copias omnes adlegisse, ad hæc instrumenta atque machinas tormentaque expugnandis urbibus comparata omnis generis struere, ingentia sane illa, etc. quidquid denique machinarum quatiendis eruerit, disque turribus ac propugnaulis, ad urbis excidium adhiberi queat. Ad urbis occiduam partem, murosque Blachernarum visum illi adhibere omnia, ubi et telo petitus fuerat (anno nempe superiori), boum decem millia cunctis his convehendis stabulari, currus ferro vincti jussi fieri, ad quinque millia. Leo, hostis apparatu auditio, missisque exploratoribus, ac veritate comperta, ingentibus conductis copiis ac artiticum turba extra Blachernarum murum, murum alium adficare coepit, vallumque latum excisum opposuit. Jamque cepto solummodo opere, ac needum peracto, Deus, qui dissipat consilia gentium, et reprobat cogitationes populorum; reprobatque consilia principum; ut ostenderet nihil quemquam juvare ad aliquid præstandum, industriam propriam ac potentiam, needum vere exorto, ut quorundam a Bulgaria captivitate receptorum relatu compertum est; magna scilicet feria quinta Paschatis, Bulgariae princeps, clarissimus Crumus, qui capiendam urbem animo destinaverat, invisibili Dei potentia mactatus, fatis concessit, sanguinis rivos ore, naribus auribusque profundens; atque in eum modum animam in malis abruptit ». Funibus a subditis strangulatum fuisse legitur in Meneis Basillii imperatoris ad diem XII Januarii.

10. *Leonis inanis de ea morte jactatio.* — « Eo successu animo elatus Leo, ac si ipse, non Deus, hostem profigasset, destinatis in omnes urbes ac provincias divalibus litteris in hæc verba scribit: *Bulgaros offendit jam urbi imminentes, meaque solertia et labore; facta denique impressione, eo telis confosso, qui inter eos primus ac princeps erat, omnes interneccione delevi: eoque vulnera, inquit, hostis noster occubit.* Atque hæc bactenus. Autem voce missam mox erupisse, impii regis mortis nuntiam, ipsamque non paucis navigantibus auditam; signatoque tempore et hora (cum hora noctis decima ageretur) qui observarunt, sic tandem se rem habuisse invenerunt ». Hæc Simeon logotheta, et iisdem pâne verbis continuator anonymous Theophanis, nisi quod hic illius vocis *cælitus missæ* non meminit, et flumen quod Simeon *Regio*, ipse *Reginam* appellat; et revera in Notitia imperii *Regina* urbs est Moesiæ primæ, quæ nomen a fluvio accipere potuit. Cum porro Leo sese jactaret, quod Bulgaros urbi imminentes offendisset ac superasset, apparet, *Crumno* demortuo Leonem in Bulgaria perrexisse, et *Mesembriam* Bulgaris stratagemate eripuisse, quod continuator et Simeon facient, sed quod pluribus exponit Constantinus Porphyrogenitus lib. I, num. 43, qui tamen memoratas Bulgarorum devastations prætermisit. Ait enim Constantinus, cum Leo audiisset, Bulgarorum principem' vicinam vastare regionem, domosque incendere, ad eum legationem misisse, « ubi autem nihil Barbari iras inflexit, diruta mœnium opera sua studioque instaurans, urbis res brevi in tutto posuit », et Mesembriam venit, ubi Bulgari ab eo superati, quod Constantinus fuse enarrat.

11. *Decennitur persecutio adversus cultores imaginum.* — A num. 2 ad 42. Cedrenus et Zonaras a Baronio laudati tradunt, *Leonem* imp. cum *Bulgaros* prælio superasset, adversus sacras imagines excitatum fuisse, tam a *Sabbatio* monacho, quam a *Theodoto Melisseno* jam pridem hæresi leonomachorum infecto, ut pluribus refert Baroniūs num. 2 et seqq. Postea *Leo* socios et magistros impietatis invenit, *Joannem nominatum Spectam et Eutychianum*, et ex ordine sacerdotali *Joannem cognomine Grammaticum*, ut docet Theosterictus in Vita sancti Nicetæ hegumeni Mediciencis in Bithynia, qui addit ex iis, qui sub throno erant, adjutorem ei fuisse Antonium Sylæi, metropolitam nempe, ex monachorum autem numero *Leontium quemdam et Zosimum*. Continuator citatus Theophanis Joannem Grammaticum *Hylilam* cognominatum et antesignanum conspirantium contra sacras imagines fuisse prodit. Tum anno sequenti Leo monachorum multitudinem cum episcopis et metropolitis apud se vocavit, primumque jussit solum Nicephorum patriarcham introire, « ignorans quemnam inter ipsos secreto convenerant; deinde omnes advocavit. Stetit igitur coram coetera electorum Patrum, sanctorum æqualium angelis, et divinam speciem præferentium: adstabant vero et

imperatorismagnates, et universus senatus», inquit Theosterictus citatus num. 37. Nicephorus egregie pro sacris imaginibus peroravit, noluitque coram judice sacerdotali in colloquium venire, uti narrat Baronius num. 8 et seqq. Tum num. 28 refert Baronius exilium sancti Nicephori, aliorumque qui idem sentiebant. *Nicephorum* tamen nonnisi anno sequenti, die xi mensis Februarii, in exilium missum esse, supra ostendimus.

**42. *Theophanes Nicephorum in exilium ductum et longinquo salutavit.*** — Baronius num. 31, videns Theophanem a Cedreno monasterii *Magni Agri*, eta quibusdam atis monasterii *Sigriani* praefectum appellari, anno DCCCVI, num. 1 ex uno Theophane duos fecit. Cum tamen idem monasterium situm in Sigriana regione et in Asia Minor prope Cyzicum, cui praeerat S. Theophanes, modo *Sigriam*, modo monasterium *Magni Agri* appelleatur, ut ostendit Bollandus in Vita S. Theophanis ad diem XII Martii, et demonstrat hic locus Simeonis logothetae in Vita Leonis Armeni, qui Bollandi tempore non extabat. Ille enim num. 6 ait: «Nicephorum patriarcham et Theodorum (nempe Studitam) exilio relegavit: quando etiam ferunt. Nicephorum patriarcham in exilium proficiscentem Theophanem Sigriamnum nuncupatum Magni Agri (sic dicti monasterii) praepositum, prospiciendi vim habentibus oculis procul adspexisse, suffitusque accendisse; atque precibus votisque, sublatis in cælum manibus, eum prosecutum esse, Deo nimirum commendando, amplexusque atque salutes dirigendo. Ac quodam querente causam, dixisse Theophanem: Idecirco haec factitare, quod magnus confessor Nicephorus patriarcha, pro sanctis imaginibus agonem desudans viam transiens in exilium proficeretur». Cedrenus, cuius verba refert Baronius, dicit id contigisse, cum Nicephorus in *Praconnesum abduceretur*. Verum, ut mox vidimus, Praconnesus locus exilii Nicephori non fuit. Simeon logotheta loci, ubi miraculum accidit, mentionem non facit, et neque in Vita Nicephori, neque in Vita Theophanis de illo miraculo sermo est; præterea Nicephorus dum in exilium duceretur, procul ab urbe Cyzicensi, ubi tunc erat Theophanes, sexaginta et amplius millibus transivit. Sed cum Theophanes de Nicephori transitu divinitus monitus fuerit, eumque nonnisi *acie spiritus*, ut inquit Cedrenus, viderit, locorum distantia ratio non habenda, quemadmodum nec silentii auctorum citatorum; cum Simeon logotheta et Cedrenus id memorent.

**43. *Plures SS. episcopi in exilium missi.*** — Græci in Menæis ad diem vii mensis Martii de episcopis, qui coram imperatore anno sequenti convenere, haec habent: «Sanctus Nicephorus patriarcha Constantinopolitanus lectissimum quemque episcopum ad se evocavit. Emilianum Cyzensem, Euthymium Sardium, Josephum Thessalonicensem, Michaelem Synodensem, Eudoxium Amoriensem, et Theophylactum Nicomediensem, aliosque multos, qui omnes imperatorem convenerunt, et multa illi

ex oraculis saclarum litterarum salutaria propinrunt». Verum hi omnes ab eo regia expulsi et in exilium relegati. Eorum memoria in Menæis Græcorum ad dies, quibus spiritum Deo reddidere, celeberrima. Baronius anno DCCXXXIII, num. 2, exilium sancti *Theophylacti* Nicomediæ in Bithynia positæ metropolite exponit; sed is non a Leone Israuro, sed a Leone Armeno vexatus fuit, ut ibidem ostendimus.

**44. *Conciliabulum Icomachorum.* — Post *Nicephorum* in exilium deportatum intruditur pseuso-patriarcha in sedem Constantinopolitanam, uti habet Ignatius in Vita sancti Nicephori num. 73, isque alius non fuit quam *Theodotus Cassitera*, ut eum Leo Grammaticus appellat. «Celebrata est ordinatio ejus Paschalis festo, hominis, inquam, qui nihil spirituale calleret, nulla Scripture parte foret eruditus, nisi forte levissima: qui nullam erga Deum pietatem ostentaret, tantum quod mansuetudine præstaret et bonus hominibus appareret, commendabatur, etc.», inquit anonymous continuator Theophanis. Anno vero sequenti Pascha in diem primum mensis Aprilis incidit. Subdit Ignatius, imperatorem tumultuarium conventum in Ecclesia adversus Ecclesiam coegisse, et prima die Synodum a Constantino Copronymo habitam confirmalam, sequenti falsa dogmata adversus cultum imaginum publicata esse, et non multo post erasas in Ecclesiis imagines, sacraque violata: «Quæ autem exinde (post Pseudo-Synodum nempe celebratam) noctis atræ caligo incubuit Ecclesiis (inquit Ignatius) nonne eam magis convenit silentii profundo occultare? Etenim omnem ex picta Evangelii historia, martyrumque certaminibus abolentes decorum, cum calce subacta oblinere hand sunt veriti. Quo autem modo eos affectos fuisse dicam, qui hæreos invento succumbentes sanam nihilominus rationem in conscientiae judicio conuulneratam servantes, rem absurdam maligne jubentibus addixerunt operam? Hi sane non raro aqua mixtam calcem perfuderunt lacrymis, quia præ secleris immanitate dolorem non poterant dissimulare. Cumque enim quidvis audendi in saeras imagines libera erat potestas; cum alii pretiosa ac veneranda cimelia confringerent, alii sacras magni pretii vestes imminutas lacinias pannosque dissearent, et humi projicerent; alii pietas tabellas securibus excidentes medio in foro crudelissime incenderent; alii stercore, uncturisque ac tetris odoribus priorum suffituum loco oblinerent, ac fœde deturarent.**

**45. *Eo celebrato imaginum cultores dire habiti.* —** «Vidisses velut in captivitate hostilis saclarum adiūcium conceleari donaria, et quæ vulgo intaeta fuerant, atque iuaspecta profanis trahi manibus, ac promiscue plebis exponi spectaculo: ab Ecclesiis expelli pastores et lupos gregibus præfici: fugari qui rectam doctrinam protibabantur, quibus vero execrationi illa erat, eos in domesticos et necessarios recipi. Viros immoxios seu reos tribunalii-

bus sisti, vicissimque flagriones praesidere judiciis. Clericos Iudibria atque verbera expertos, firmissimis undequaque ergastulis detineri ; Nazareos nostros verberibus, fame, siti, diuturnis carcerebus ac laboribus maceratos, ad extrema usque pericula iuter cruciatus perseverare : et horum quidem alios gladio vitam amittere ; alios euleis inclusos, vinclisque saxorum more alto pelago demergi. Feminas vero viris spectantibus denudari, ac velut reas equuleo distendi ac cædi, omnia virili sensu Christi causa perferentes ». Similia narrat continuator Theophanis, in quo sequentia desunt non parvo Historiae detrimento ; cum varia ab aliis historicis pretermissa retulerit. Porro Conciliabulum, ideoque et quæ post illud habitum gesta, ad annum sequentem pertinent, licet tom. vii Concil. ad hunc annum referatur.

46. *In hac persecutione Studitarum virtus enuit.* — A num. 42 ad 56. Baronius plura ea que egregia exhibet de exilio sancti Theodori Studitarum præpositi, sed ea magis illustrari possunt ex Vita sancti Nicolai Studitæ, qui cum Theodoro confessor, ac ejus tandem successor, ad Ignatii usque ac Photii tempora, præclarus meritis ac fide, Ignatiique communione ac patrocinio, insignis pervenit. Tota enim successio rerum Ecclesiae in Græcia usque ad Photianum schisma summam inde lucem accipit. Eam Combefisius tom. i Suppl. Biblioth. Græco-Latinæ ex Codice regio descriptam exhibet, ab auctore anonymo scriptam. « Erat », inquit auctor de monasterio Studii, ubi sub Theodoro Nicolaus vivebat, « revera virtutis schola, novus quidam paradisus multiplici florum genere vernans. Etenim ad istos accedebant, Josephus quoque sapientissimi patris nostri (sc. Theodori) frater, ac postmodum celebris Thessalonicensium civitatis factus archiepiscopus : quin et Timotheus, Athanasius quoque et Naucratius (proximus Theodori successor) ac alii plures, quos brevitalis causa omitto, in terrestri illo caelo agebant ». Narrat postea Leonem Aug. congregatos sacerdotes ac monachos Orthodoxos in suam hæresim impellere conatum esse. « Cum, inquit, in sacra quadam palatii aede, sacerdotum ac patrum nostrorum, circumquaque ipsum stipante milite, turbam congregasset (anno scilicet sequenti) medius ipse præsidens, arroganti ac fremebundo sensu, adversus magnum Pontificem (nempe Nicephorūm) sociosque, quod per errorem in venerabilium imaginum restitutionem consensissent, velut pro concione orabat. Tumque deinde videns, ut ii spiritus gladio, nugarum ejus garrulitatem varie medianam searent : quanquam nullius perinde atque herois ac magni patris nostri Theodori audaciam stuperet, ea remiser in furorem actus, omnes ad unum, multa ira exestuans, regia expellit, ac quamprimum singulis locum exilii sancit ». Multa tamen gesta post eam collationem, ante confessorum ejectionem, quæ auctor omittit, sed narrat Baronius ex ejusdem Theodori Epistolis, ejusque gestis a Michaeli Stu-

dita conscriptis, quibus ista illustrantur, ut et illa vicissim istis, ut recte observat Combefisius.

47. *Relegantur Nicolaus et Theodorus Studitæ.* — Pergit anonymous : « Quamobrem deportatur pontifex (nempe Nicephorus), cui a victoria nomen : sed et omnes relegantur, quotquot Christi imaginem quadam ad exemplar habitudine, venerantur. Ante omnes autem relegantur, ut plebraque omittam, commune illud lucentissimum nomen ; Dei, inquam, munere datum, oblectamentum (nempe Theodorus) ; una cum discipulo strenuoque fidei propugnatore ac confessore patre Nicolaus. Vix enim ille, hie illuc errantem sermonem ab imbecillitate, commiseratione manum prætendens, sibi adjunxit : quanquam is, hand peculiare aliquod argumentum complectens, communes potius ambobus magistris agones, hujus historia texenda exsequitur. Ne quis vero ea nos parte vituperet. Non enim ex arte compositi suasionibus ; quin potius veritate, eaque una, ejus res exornare providimus, etc. quia igitur impotenti ira, ac contra indemnatos beatosque viros, prædamnatus imperator sententiam tulerat, extoresque in castro quodam Apolloniadis lacui vicino cognomento Metopa, annum integrum carcere detenti egerant, eorum ubique pervagante fama, discipulisque ac multis aliis clanculum ad eos ingredientibus, cum omnes fere resumptis animis ad integrandum Orthodoxum fidei certamen animarentur : re, nescio qua ratione, comperta, mittit statim novus Amalécites, indignusque purpura imperator, eosque ad castrum aliud in Orientali themate nomine Bonita transfert, jubens ut ne quem omnino viderent, ultimæ sermonem de fide miscerent.

48. *Uterque dire vapulat.* — « Ut ne autem extra propositum ferri videamus plus justo sermonem protrahentes ; age, fluctus plurimos a puppi pulsantes, inumanis procellæ violentiam edicamus. Cum enim magnus Theodorus nedum vicinos, verum etiam multo locorum intervallo dissitos, qui post impiam hæresim abduci consensissent, ad pietatis iter per Epistolæ postliminio traheret : una quadam ex illis, incerto casu ac improvise iuferi ac leonino pectore hominis manus incidente, quam is ad Christi confessores, sanctarum imaginum adorationem a principio describens, ejusque dogmatis plenam contentionis ac novitatis insaniam traducens, scripsisset ; furore accensus, ac pro nominis ratione leonis instar, secessus rugiens, quam celerrime satellitem verbera illaturum mittit. Veniens ille fremens ac minabundus, sanctos e custodia educit, ac inique, iniquo ac scelerato imperatore iniquior, insano furore actus, taureis centum in oculis Theodori magnum Nicolaum cædit (sunt taureæ flagella ex boum seu taurorum coriis). Illumque rursus totidem verberat, tumque pene voce defectos pari certamine beatos viros in custodia ponit, ac ostium obstruens, jubensque fame encercari, relinquit ». Alia sanctorum confessorum flagella his priora ponit Michael in Vita Theodori, qui nec

ista omisit. Recitat illa Baronius anno DCCXIX, num. 13 et seqq. Videtur tamen hic auctor nonnullis diverse a Michaelie narrare, cum quo ideo conferendus, ad Historiae illustrationem.

19. *Nihil amittunt dicendi libertatis.* — Prosequitur anonymous: « Quis vero tantos illos agones, illatam ea re sanctis vim enarrans, satis assequi queat? quis insidias, quas sunt passi a custodibus, feralemque furorem ac penuria necessitatem delinuaverit? nec enim impiis hominibus veneranda erat ad miserationem senectus; uti neque juventutis sobrietas animi reputabatur: quin potius odio in eos diu noctuque instar canum miseri latrantes, necessaria quoque esca execrandi homines privabant, alternis, quaternisque diebus quandoque per hebdomadam totam vix modici panis frustum aliquod projicentes; quin et ipsam aquam, scelesti homines, eis denegabant. Ac sane major est quam ut sermone exprimi possit, immensa illa illata vis. Num ergo ob eam vexationem haud quidem pugnacem dogmatum constantiam amiserunt; visitamen sunt certaminibus impares, minuere aliquid dicendi libertatis? Haudquaquam. Vide enim ampliorem hinc fortitudinem ac sonum prædicationis majorem ». Subnotat illos præpositos eo tandem a Leone abductos, ut fidem ipsi retinerent, sed non prædicarent, aut ejus pravum dogma coarguerent, de quibus Baronius hoc anno num. 24 et seqq. Illis vero magno semper animo restitit *Theodorus*, omnes modis omnibus provocans ad liberam fidei confessionem, ac haeresim palam arguendam.

20. *Iterum dire vapulant.* — « Cum enim neandum eorum corpora bene sanas a prioribus plagiæ cicatrices haberent, en tibi malus aliis impiis imperatoris impius magis nuntius, cœdes spirans, ac furoris œstro quodam agitatus advenit, una secum librum inferens, apertoque carceris ostio, divinos viros incondito clamore inde educit, ac monstrans Epistolam, quam manibus teneret, ab eis adversus imperatorem scriptam, cogebat edicere, quando, ac quomodo, et ad quos misissent. Vide ergo fortium pugilum pugnam aliam, ac certamen. Ut enim ab se compositam, missamque ac ejus causa factum sit, confessi fuissent, in furorem conversus execrandus homo, fortè illum Ecclesie adamantem, magnum imprimis Nicolaum confessum nudari jubet. Viris autem sublimem ab utraque manu tenentibus, alii dire laureis cœdebant. Porro defluebat in terram sanguis martyris: vidensque scelestus ad longum satis tempus vapulantem sine voce, animo exasperatus miserabilis, jubet sic nudum ac sanguine commaculatum sub dio frigore necandum relinquì. Erat siquidem tunc hybernū tempus, tertia nimirum Februarii mensis, cum hoc accidit sanctis. Mox vero ira furens, Ecclesie columnam Theodorum adit, eumque rursum multis verberibus cœdens, redit vicissim ad magnum Nicolaum, multaque instar hyemalium nimborum sermonum jaculis mittens earmina, conabatur abstrahere a pietate in patrem. Is autem eum observans foveans-

que, pessimum hominem ab officio vetantem, in se provocabat.

21. *Plagas vicissim curant.* — « Enimvero ille quidem instar aspidis ire præsens venenum labii repositum ferens, jubet ejus cum brachia, tum ulnas iterum flagellis, quæ rhecas dicunt (est flagelli genus haecenus parum cognitum), cœdi, sed et ab utraque manu carnivorus canis funes alligans, atque per horas plures tendens, virum sanctum torquebat. Tum vero blanditiis quoque minus nequissimus temperans, persuadere nilebatur, ut et fidem negaret. Ut autem conatum omnem, velut si marini fluctus petrae allidantur, in spumam dissolvi vidiit, omnino jam animum tyrannus despondens, cum miser una cum patre infra carcerem claudens ac ostium obstruens, tandem et ipse confusus abscessit. Sane vero videre erat ex verberum illa carnificina, martyris Nicolai brachia, nihil minus torribus exorrecta. Verberum siquidem excoriatione, ac fumum tensione distentis nervis, vique tanta a naturali interius motu prohibitis defectisque, jacebat seu grave aliquid onus portatu difficile, spectaculum miserabile adspectantibus in crucis modum rigidibus lacertis, palam omnibus factus. Plane vero mansurus erat ea corporis dispositione, nisi tandem custodes parum aliquid ferat animi mitigantes, cum naturæ vim superantem violentiam perspicereunt, cum aqua tepida, adipem quoque petenti sœpius patri Theodoro ob inopiam, præbuissent. Is, adjunctis precibus, sponsa leniter demulcens, ac quotidie plegas oblinens, paucis diebus, insanabilem illum manuum dolorem dissolvit, ac perfecta discipulum sanitatem donavit. Sed et ipse nihilominus magnus Nicolaus, id ipsum pie curationis officii patri exhibebat, emortuas tormentorum vi carnes, ac instar mandilis pendentes a corpore, perite absindens, ac omni parte patris curam gerens ». Cætera remittimus ad an. DCCXVI.

22. *Moritur Carolus M.* — Ad num. 57 et seqq. Eginhardus in Vita Caroli M. refert, *Carolum*, cum Aquasgrani hyemaret, mense Januario valida febre correptum esse, et accedente ad febrem laterris dolore decessisse, « anno ætatis sue LXXII, et ex quo regnare cœperat XLVII, V kalend. Febr. hora diei tertia ». Ubi Eginhardus annos regni ejus Julianos, utrinque incompletos, numerat, ætatis vero ultimum etiam incompletum in summam confert; enim Carolus anno DCCXLII in Iuceni prodierit, aliqui ei annos LXXI, alii annos LXXII, alii annos LXX attribuunt; quod scilicet ultimi numero rotundo utantur, alii annos completos numerent, sieque eum annos LXXI vixisse scribant; alii denique annos etiam incompletos recenseant, indeque annos LXXII eidem tribuant. « Sepultus est », inquit Eginhardus laudatus, « eadem, qua defunctus, die: arcusque super tumulum deauratus cum imagine et titulo exstructus : et titulus ille hoc modo descriplus est : SUB HOC CONDITORIO SITUM EST CORPUS KAROLI, MAGNI ATQUE ORTHODOXI IMPERATORIS, QUI REGNUM FRANCORVM NOBILITER AMPLIAVIT, ET PER AN-

NOS XLVII FELICITER TENUIT. DECESSIT SEPTUAGENARIUS, ANNO DOMINI DCCCXIV, INDICIONE VII, V KALEND. FEBRUALI ». Notabile est quod scribit Eginhardus, *Carolum* eadem die et morlum et sepullum; inde enim discimus, quo tempore exsequiae primis octo Ecclesiae sacerdotes de more fieren. Certe Pontifices Romanos, de quibus haec tenus locuti sumus vel eadem qua decesserant die, vel uno aut altero post mortem die tumulatos fuisse, ex iis, que suis locis dixi, certum esse debet.

23. *Agnomen Magni ei post mortem attributum.* — Notabile etiam est, quod Carolus in suo Epitaphio *Magnus* non cognominetur, quia nempe titulus ille eidem nonnisi post mortem datus, ut patet ex ejus Diplomatis, in quibus dicitur quidem *Magnus imperator Graecorum imperatorum exemplum*, sed nunquam *Carolus Magnus*. Indeque liquet, quaecumque Diplomata, in quibus *Magnus* nuncupatur, mere supposititia esse eique afficta; quod de quibusdam suis locis ostendimus, cetera, quae viris doctissimis imposuere, brevitatis causa negligentes; cum ex uno omnia dici possint. Hoe etiam demonstrat Commentarius in Donatum a Smaragdo monasterii sancti Michaelis in pago Virdunensi abbatie compositus. Floruit is Carolo et Ludovico filio imperantibus, et preeceptoris munus aliquando gessil. Commentarius ille haec tenus ineditus; sed Mabillonius tom. II Vel. Analect. pag. 420, testatur hujus operis duo exemplaria MSS. extare in Codice Corbeiensi, quorum alterum Carolo, allatum Ludovico imperante exaratum fuit. In priori anctor plura exempla profert de Carolo, et inter illa istud: «Ergo si placet, sic istae quatuor priorum nominum species jam hodie apud nos teneantur, ut dicamus prénomē IMPERATOR, et sit illi proprium dignitatis, quod nulli alio in suo convenit regno; dicamus KAROLUS, et sit illi proprium quod accepit in baptismo; dicadius FRANCUS, et sit illi appellativum in genere suo: dicamus PRUDENS, et sit illi agnomen appellativum accidens ei extrinseicus». In altero quidem Codice quod hic Carolo, Chlowico attribuitur, sed factum id, quia post obitum Caroli, cum dignitas imperatoria penes Ludovicum erat, librarius, qui Codicem istum exaravit, exemplum a Karolo ad Chlowicum seu Ludovicum traduxit; de quo cum seribat; dicamus FRANCUS, etc. dicamus PRUDENS, etc. recte inde colligit Mabillenius, neque *Carolo* superstili agnomen tribui solitum fuisse Magno, neque *Ludovico*, cognomen Pio.

24. *Ex aetate Caroli M. ejus patria eruitur.* — Ex eodem Epitaphio etiam liquet, Cointium anno DCCXLVII, num. 44, et currenti num. 1 et seqq. valde deceptum esse, quando scripsit, *Carolum* anno DCCXLVII natum, currentique, cum a nativitate sua LXVII numeraret, vita functum. Eginhardus enim haec in re falli non potuit; cum Epitaphium Caroli ab eo recitatum conditum esset antequam Caroli Vitam in litteras mitteret. Secundo, Theganus, qui hoc tempore vivebat, cap. 7 scribit:

« In senectute bona plenus dierum perrexit in pace, ipsoque die humatum est corpus ejus in Ecclesia quam ipse construxerat Aquisgrani palatio, anno ætatis sue LXXII, Indict. vii ». Respondet Cointius hoc anno, in textu Eginhardi et Thegani mendum corrigendum esse, et loco characteris x restituendum characterem v. Sed præterquam quod hujus correctionis suæ nullam rationem profert, et *Caroli* Epitaphium dissimulat, in quo Carolus septuagenarius dicitur, a nostra computatione non recedunt Eginhardus in Annal., Theodulfus Aurelianensis episcopus, Agobardus episcopus Lugdunensis, cuius Epigramma in laudem Caroli Magni recitat Baronius in Appendice ad hunc annum, incertus auctor et monachus Engolismensis, cum annalistis Moissiacensi, Fulensi, Berliniano, aliisque antiquis scriptoribus. Ex quo et sequitur, *Carolum* anno DCCXLII natum esse in majoratu Pippini, deceplosque scriptores Germanos, qui superiori sæculo et presenti tradidere, *Carolum* natum esse in Germania, et in majoratu Carolomanni; cum is illum lenuerit usque ad annum DCCXLVII, quo illum Pippino fratri resignavit.

25. *Virtutes Caroli M.* — Quanta pietate et justitia exornatus fuerit *Carolus*, ostendunt quae suis locis de eo retulimus, et quae seribil Abbo Floriacensis abbas, qui ante annum DCCXCVII Hungoni Capelo alque Roberto ejus filio cum patre in Francia regnanti librum canonum a se editum, et a Mabillonio loco laudato publicatum, obtulit. Illius enim libri cap. 3, quod est de ministerio regis, ait Abbo: « Quale ministerium regis sit, et ipse sui officii nomine prodit, et totius regni suscepta cura innotescit: nee magis ulla sententia animum regis ad bene agendum subrigit, quam diversorum principium clementia proposita sub exemplis: quia et CONSTANTINI imperatoris mansuetudo laudatur inter dissidentes episcopos, et MARCIANI pura fides inter haereticos et Orthodoxos. Sed de externis quid loquor et loquendo immoror? cum ad dispensationem reipublicæ et utilitatem Ecclesiarum tanta fuerit pietas ac prudentia CAROLI, et filii ejus Ludovici. Certe utrique pro tempore ac ratione novabant parecere subjectis, et debellare superbos. Unde ex libris, qui ex Conciliis sui temporis effecti sunt cum subjectione episcoporum, quanta facile est reperiri expressum lib. 2, cap. 4 post aliqua ». Justitia regis est, neminem injuste per potentiam opprimere; sine acceptione personarum inter virum et proximum suum judicare; advenis et pupillis et viduis defensorem esse, etc., ibidem legenda. Denique præter ea que Baronius hoc anno de ejus sanctitate habet, Bollandus ad diem xxviii mensis Januarii, cum agit de publica sancti Caroli Magni veneratione, Breviaria complurium Ecclesiarum a se visa testatur, in quibus V kalend. Februarii *Carolus imp.* officio novem vel trium letacionum colitur. Citat et Wandelbernum aliasque Martyrologos, apud quos eodem die nomen *Caroli* legitur, refertque ex Breviariis Mindensi et Rotho-

magensi publicas preationes eo quoque die recipi tari solitas.

**26. Ludorius Pius conventum Aquisgrani celebrat.** — Annalista Cæsareus a Lambecio editus ad annum i<sup>o</sup> Ludovici Augusti, narrata Caroli morte ait : « Eo anno Placitum suum cum Francis imperator Hludowichus habuit kalendis Augstii mensis, et legati Græcorum auxilium petebant ab eo contra Bulgares et cæteras Barbaras gentes. Eo tempore Hierosolyma vastata est a Persis, et persecutionem magnam in Orientalibus partibus Christiani habebant. Hrabau ordinalatur ad presbyterum X kalend. Januarii ab Heistolfo archiepiscopo Moguntiacensi ». Quæ quatuor hic nobis exponenda. Quoad primum, Eginhardus in Annal. hoc anno habet : « Habitum Aquisgrani generali populi sui conventu, ad justicias facendas et oppressiones populorum sublevandas, legatos ad omnes regni sui partes dimisit ». Theganus vero cap. 43 : « Eodem tempore supradictus princeps misit legatos suos supra omnia regna sua inquirere et investigare, si alieni aliqua in justitia perpetrata esset, et si aliquem invenissent, qui hoc dicere vellet, et cum verissimis testibus hoc probare potuisset, statim cum eis in provinciam ejus venire præcepit. Qui ingressi invenerunt innumeram multitudinem oppressorum aut ablatione patrimonii, aut exspoliatione libertatis, quod iniqui ministri, comites, et loco-positi per malum ingenium exercabant. Omnia supradictus princeps destruere jussit acta, quæ impie in diebus patris sui per iniquorum ministrorum ingenia facta fuerant. Patrimonia oppressis reddidit, injuste ad servitium inclinatos absolvit, et omnibus præcepta jussit facere, et manu propria cum subscriptione confirmavit ».

**27. Legatio ad eum missa a Leone imp.** — Quoad legatos, idem Eginhardus antea scripsérat : « Ad suscepti regni administrationem cura conversa, primo legationes gentium, quæ ad patrem venerant, auditæ absolvit. Alias simili modo ad patrem ante quidem missas, ad se vero venientes suscepit. Inter quas præcipua fuit legatio de Constantiopoli missa. Nam Leo imperator, qui Michaeli successerat, dimisso Amalhario episcopo (nempe Trevirensi) et Petro abbate (scilicet Nonantulano), qui ad Michaelem quidem missi ad se venerant, legatos suos Christophorum spatharium et Gregorium diaconum cum eis ad dominum Carolum, et per eos descriptionem ac confirmationem pacti ac foederis misit. Quibus susceptis atque dimissis, dominus Ludovicus legatos suos Nortbertum Rhenensem episcopum (in Insubria scilicet) et Richwinius Pictavensem comitem ad Leonem imperatorem ad renovandam secum amicitiam et prædictum pactum confirmandum misit ». Non dubium autem, quin legati Græcorum auxilium a Ludovico Aug. adversus Bulgares imperium Orientis hoc et superiori anno devastantes, ut supra ostendimus, postulaverint, licet hoc Eginhardus silentio prætermittat. Quod spectat ad tertium, annalista Cæsareus *Persa-*

*rum* nomine Saracenos intelligit, quorum califa Bagdadi regiam sedem habebat. Anno autem superiori Saraceni factionibus inter se divisi Palestina depopulati sunt, ut ibidem numero 25 diximus.

**28. Rabanus fit presbyter.** — Quoad *Rabanum*, idem annalista ad annum xxxiii Caroli regis, seu ad annum Christi ccxi jam dixerat : « Hrabau diaconus factus ». Quare perperam Cointius Rabani ordinationem in presbyterum in annum sequentem differt. Neque dubitandum eam ad præsentem pertinere ; cum dies xxii Decembris, quo ordinatus dicitur ab annalista Cæsareo, hoc anno in sabbatum quatuor temporum adventus inciderit, ut dies Paschatis a nobis memoratus ostendit. Rudolfus Scholasticus, Rabani discipulus, in ejus Vita a Mabillonio sec. iv Benedict. part. 2 recitata de Rabani patria, quæ in magna controversia versatur, mentionem non facit, sed Rabanus ipse in Alcuini persona libros suos de cruce papæ offerens, sic de se loquitur :

Ipse quidem Francus genere est atque incola silvæ Bochonice, etc.

Rabanus quippe monachus Fuldae erat, quod opidum est in Bochonia situm ; sed non ibi, verum in urbe Moguntia, ut ipse canit in suo Epitaphio, natus est :

Urbe quidem hac genitus sum, ac sacro fonte renatus :  
In Fulda post hæc dogma sacra didici.

Nec audiendi sunt, qui interpunctionem quæ præcedere debet hoc vocabulum in *Fulda*, post illud locant, ut inde cum Fulda natum esse inferant. *Rabanus* enim sepulturam suam designaverat Moguntiæ, ac proinde verba illa, *urbe quidem hac genitus sum* de Moguntia recte explicavit Baronius anno DCCCLVI, num. 26, et confirmat Mabillonius loco laudato in Elogio Historico Rabani num. 39 ex anonymo inedito ante annos quadringentos descripto. *Rabanum* adolescentem et litteris ntcumque imbutum *Radgarius* Fuldensis abbas ab anno ccxi ad Alcuinum, ut artes liberales disceret, misit, ipseque postea Fuldensis scholæ regimen suscepit. ubi discipulos habuit permultos, et in his Walafridum Strabum, Servatum Lupum, Otfriedum monachum Wissenburgensem, et Rudolfum ejus Vitæ scriptorem, de quibus omnibus infra sermo erit, sicuti et rursus de *Rabano*, viro inter Ecclesiasticos scriptores valde celebri.

**29. Lotharius fit rex Bavariæ et Pippinus Aquitanie.** — Rerum hoc anno in Galliis gestarum narrationem Eginhardus in Annal. sic prosequitur : « Bernardum regem Italiæ, nepotem suum, ad se evocatum, innumeribus donatum in regnum dimisit. (Ludovicus Aug.) Cum Grimoaldo Beneventanorum duce pactum fecit atque firmavit, eo modo quo et pater, scilicet ut Beneventani tributum, annis sin-

gulis, septem miltia solidum darent. Tunc duos ex filiis suis Ihotarium in Bajoariam, Pippinum in Aquitaniam misit ». Ludovicus Pius filios tres ex Hildegarde uxore habebat, Lotharium, Pippinum ac Ludovicum. Lotharius hoc anno Bajoariæ, et Pippinus Aquitaniæ reges renuntiavit, « tertium vero Lwdovicum adhuc puerilibus consistentem in annis secum tenuit », inquit auctor Vitæ Ludovici Pii. Porro Lotharium et Pippinum hoc anno regnare cœpisse, ex utriusque Diplomatis suis locis ostendemus.

30. *Moritur S. Angilbertus abbas Centulensis.*  
— « Viginti duobus diebus lapsis post mortem dicti Caroli Magni, anno DCCXIV, XII kal. Martii S. Angilbertus migravit a sæculo, et illis XXII diebus durantibus, die ac nocte semper et continue existens in orationibus, de nece et morte domini sui plorans et jejunans, humiliiter sacramenta Ecclesiastica et necessaria requirens et suscipiens, omnibus suis fratribus in signum humilitatis et paupertatis sepulturam Ecclesiaslicam ante portam Magnæ Ecclesiæ requisivit, ut per omnes intrantes pedibus conculearetur. Et ibidem requievit ejus sanctissimum corpus XXVIII annis, et super ejus tumulum discipuli ejus inscripserunt, et in Epitaphium composuerunt versus sequentes », inquit Joannes de Capella monachus Centulensis, qui Chronicon abbatum Centulensium anno Christi MCDXII cluebravit, quique postea versus illos recitat. Hariulfus, qui sæculo XI Vitam sancti Angilberti concinnavit, mortem ejus cum eodem anno ac die alligat. An monasterium Centulense plus debeat *Richario* conditori, quam Angilberto instauratori et amplificatori suo, vix statui potest, inquit Mabillonius in Elogio Historico sancti Angilberti sæc. IV Benedict. part. 4. Quanlum decoris et ornamenti is loco addiderit, argumento sunt tres Centulæ ecclesiæ Basilicæ, ad quas per triangulare claustrum seu dormitorium iter continuum erat : in quibus Accæmetarum more perpetua jugisque psalmodia celerabatur. In his aëre multæ, reliquiarum sacrarum et ornamenti immensa supplex, quæ omnia vel contulit Angilbertus, vel Carolo M. donante promeruit. Et ne quid suæ in sanctum *Richarium* devotioni decesset, ejus Vitam per Aleninum elegantiori stýlo expoliri curavit, præcipiente Carolo M.

31. *Moritur Amalharius archiepisc. Trevirensis.*  
— *Amalharius* Trevirensis archiepiscopus hoc anno obiisse videtur ; Joannes enim Masenius in annotat. XVI ad Annales Trevirenses Broweri, hoc anno mortem ejus consignat, laudatque probatissimos « Annales Trevirorum, quos ante annos trecentos Balduinus archiepiscopus ex archivo principali magna cura colligi jussit ». De Amalhario multa commentitia circumferuntur, sed hæc tria certo de eo possunt asseri, quod auctor sit libelli Alenino suppositi de *Cæremoniis baptismi*, quod Transalbianam Saxoniam erudierit, quodque legatus in Oriente a Carolo Aug. pro pace confirmanda dire-

ctus fuerit. Ejus nomine eusi sunt sœpe quatuor libri de *Ecclesiastico officio*, necnon liber de *Ordine Antiphonarii*. Sed auctor uliusque operis calamo manum admovit, Amalhario Trevirorum archiepiscopo jam mortuo. Hellum enim ejus in episcopatum Trevirensem successorem an. DCCXVII, aut sallem insequenti eam Ecclesiam rexisse, certo demonstrat ejus Epistola ad Frotarium Tullensem episcopum data, in qua de Ludovico Aug. loquens, ait : « Insidiante Satana Bernardus rex disponit rebellare illi », eam autem adversus Ludovicum Aug. conjurationem anno DCCXVII coepit, annoque sequenti ipsius Bernardi supplicio compressam, inter omnes convenit. Quare cum tam libri de *Officiis Ecclesiasticis*, quam liber de *Ordine Antiphonarii* ante annum octingentesimum vicesimum septimum scripti non sint, ut infra videbimus, hinc invictè deduxit Sirmondus distinguendos esse duos Amalharios, quorum alter archiepiscopus Treverensis, et alter diaconus Melensis, ac eorumdem librorum scriptor extitit. Qua de re legenda quæ anno DCCXXX dicemus.

32. *S. Adelhardus cum fratribus in exilium missus.* — Sanctus Adelhardus abbas Corbeiensis, relieta Bernardi Italiae regis aula « perrexit Romanum », inquit auctor libelli de constructione novæ Corbeiæ, « non solum orationis causa, sed eliam ut cum venerabili viro Leone papa conferret de necessitate regia et plebis. Ibi cum moraretur, atque simul de profectu adolescentis gauderent (Bernardi nempe Italiæ regis) subito venit nuntius pennigerò volatu, afferens Epistolam luciuosam nimis de morte Caroli imp. qua perlecta moestus nimis venerabilis pater illo de loco abscessit, statimque ad proprium monasterium perrexit ». At paulo post anno Ludovici Augusti primo pulsus est in exilium ; cum , teste Paschasio Ratberto in ejus Vita, per septennium exularit, suoque monasterio anno DCCXXI restitutus fuerit, ut legitur in Annal. Eginhardi. Bernhardo Caroli Magni patruo quinque liberi fuere, tres males Adelhardus, Wala, Bernarius ; feminæ duæ, Gundrada et Theodrada, quos omnes apud Carolum in magna existimacione fuisse asserit Ratbertus citatus. *Adelhardus* abbas erat Corbeiensis, *Wala* clarissimus inter Iaicos, *Bernarius* Corbeiensis monachus. *Gundrada* vitam agebat in aula regia, *Theodrada* Suessionensis abbatisa erat. « Factum est autem, cum imperator Carolus diem vitæ lecisset extremum, et Ludovicus proles ejus Augustus successisset in regnum, ut diaboli agente invidia, in eo (id est, in Adelhardo abbe) veritas pravorum rursus solitis agitaretur insidiis ». Nihil timendum erat a piissima familia ; Ludovico tamen absenti suspectam Walkæ polentiam quidam malevoli reddiderunt post Caroli patris obitum , ut insinuat auctor Vitæ Ludovici Pii. Adelhardus « sapientia probus mittitur, quasi unus ex ignobilibus ad Heri insulam. Missus vero illuc omni humano privatus honore, sed caelesti interim undique vallo fulcitur », inquit Ratbertus, qui de

Wala scribit : « Quem tanta laus sequebatur in omni vitæ negotio, ut longe plus censetur amore posse, quam omnium fastus, et tyrannis reliquorum. Erat enim iustitia custos et decus honestatis, oppressorum quoque iustus oppressor ». His virtutibus cæterorum invidiam procerum in se suamque familiam concitavit. Ex aula pulsus monachum

Corbeiae induit, ac toti congregationi, que deflebat absentiā abbatis Adethardi, non exiguo solatio fuit. *Bernarius* monachus etiam factus, qui e Corbeiensi monasterio ad Lerinense relegatus est. De Gundrade et Theodrade egregiis virtutibus legendus idem Ratbertus, qui refert, solam *Theodradam* in suo monasterio remansisse.

## LEONIS III ANNUS 20. — CHRISTI 815.

**1. In Leonem Romanum Pontificem conjuratio.** — Sequitur Christi annus octingentesimus decimus quintus, Indictione octava. Quo rursum sancta Dei Ecclesia Romana scelerorum hominum factio pressuram passa est. Siquidem Carolo Magno imperatore sublato de medio, qui ejus Ecclesiae protectionem susceperebat, semperque liberaverat a pravorum hominum in Leonem Romanum Pontificem insurgentium audacia : quasi ejus morte destitutus omnino remansisset auxilio, rursum facinorosi in eum insurrexere, molientes insidias. Quod sciens ipse Pontifex, in eos lege agi præcepit, cuius rei gratia magnæ sunt turbae Romæ concitatae, secundæque sunt plurimæ strages, depradationes, incendia aliaque mala, adeo ut opus fuerit Ludovico imperiali mittere in Urbem qui loco Pipini fratris successerat in regnum Italie Bernhartum. At hæc et alia narrantur ab Annalium scriptore hujus temporis domestico Ludovici, dum ait : « Priusquam autem Ludovicus illuc veniret, sed domi adhuc esset, allatum est ei, quosdam de primoribus Romanorum ad interficiendum Leonem papam in ipsa Urbe Roma conspirasse, ac deinde cum hujus cause judicium (indictum) ad Pontificem esset delatum, omnes illius factionis auctores ipsius jussu fuisse trucidatos. Quod cum moleste ferret, ordinatis tunc Selavorum et Harioldi rebus, ipsoque in Saxonia dimiso, cum ad Francofurt palatum venisset, Bernhartum regem Italie nepotem suum, qui et ipse secum in Saxonia fuerat, ad cognoscendum quod nuntiabatur, Romam mittit.

**2. « Is cum eo venisset, ægritudine decubuit : res autem, quas compererat, per Gerholtum comitem, qui ad hoc ei legatus erat datus, imperatori nuntiavit. Quem legati Pontificis Joannes episcopus Silvæ Candidæ, Theodorus nomenclator, et Sergius**

dux subsecuti, de iis, quæ domino suo objiciebantur, per omnia imperatori satisfecerunt ». Et post nonnulla : « Cum autem Romani Leonem papam ægritudine decubuisse viderent, collecta manu, omnia prædia, quæ in singularum civitatumditionibus sive territoriis noviter exstruxerat, primum diripiunt, deinde immenso igne cremant, tum Romanam ire statuunt, et quæ sibi erpta querebantur, violenter auferre. Quo comperto, Bernhartus rex missa manu, per Winigisum ducem Spoletanum seditionem illam sedavit, et eos a cœpto desistere fecit. Quæque erant gesta per legatos imperatori nuntiavit ». flucusque auctor.

Sic et omnes hujus temporis scriptores, qui res gestas Ludovici sunt prosecuti, sicut auctor qui ejus Vitam conscripsit Adhemarus, et apud Aimoinum apposuit appendicem, res pariter gestas sui temporis prosecutus, æque testantur legatos Apostolicos purgatum reddidisse Leonem Pontificem in omnibus ipsis objectis apud Ludovicum imperatorem.

**3. Archimandritæ a Leone Armeno vexantur, deceptique in apostasiam incidunt.** — Quod vero pertinet ad res Orientales, hoc eodem anno impius Leo imperator majori odio in Orthodoxos cœptam anno superiori persecutionem adaugens, ut ad Iapsum cogeret, quos relegarat episcopos et abbates, eosdem Constantinopolim revocat, præsensque adhibet ad ruinam ipsorum omnem sollicitudinem. Quod et ex sententia ipsi accidit, ut nonnulli metu pœnæ in laqueum apostasie abducti fuerint magno scandalo et ruina fidelium. Acta ista quidem tuisse hoc anno secundo Leonis, Theosterictus in Niceta demonstrat, cum sequenti hieme a persecutione excitata id accidisse testetur, qui de Niceta confessore id memoria dignum enarrat :

4. « Cum imperator considerasset, exilio ipso nihil aliud perfectum iri, nisi patres illos alacriores reddi, quippe qui animos omnibus angustiis majores haberent, versatus ille consilium mutavit. Cum enim nondum quinque dies illi viri in exilio mansissent, rursus majore quodam studio eodem Byzantium reverti jussit, eadem itineris difficultate et molestia; eosque tamdiu liberos esse, quoad ipse cogitaret, qua ratione ad suam voluntatem illos pertrahere posset. Cumque hiemis tempus, et sanctorum jejuniorum dies transiissent, post sanctum Pascha malorum inventori Joanni eos tradidit, ut qua vellet ratione, ipsos affligeret. Cum igitur eos apprehendisset, in diversos carceres misit, et talibus tormentis subjecit atque compressit, qualibus neque Gentiles olim martyres ipsos afflixerant. Cum enim in tristes et obscuros carceres eos conjectisset, neque stratum aliquod infra se, neque tegumenta super se habentes, eo modo quo singuli erant induiti, sic humi prostrati sunt, testis quibusdam pro pulvinari utentes. Quibus singulis per foramen quoddam angustissimum panis ejusque putidi unciam velut canibus projiciebant, tantum videlicet, quantum satis esse videbatur, ne fame perirent. Iisdem et parum aquae malevolentis dabatur. Erat enim imperatori propositum, vel sanctos viros ad suam sententiam adducere, vel vita eos privare. Quin etiam ut plus molestiae et aerumnarum celeberrimo patri nostro Nicetae afferret, cum qui illi ministrabat, fratrem nostrum Theoctistum nomine, qui Christi gralia ei successor fuit, adhuc juvenem in custodia conclusit, et eadem ratione affixit.

5. « Cum autem adversarii illos vidissent malle mori, quam veritatem prodere: dederunt operam, ut ipsos eo nomine deciperent, quod nihil aliud ab eis quererent, nisi ut semel cum Theodoto patriarcha communicarent, neque quidquam aliud facerent; deinde singuli ad sua monasteria regredi possent cum ea fide et sententia, quam haberent. Hac conditione exierunt patres illi, si decet eos patres appellare, qui velut in palestra quadam supplantati sunt, quamvis eam rem in ardente quemdam fervorem posterius converterint, ob idque carcere detenti fuerint. Venerunt ad sanctum Nicetam, cum horlantes, ut exiret de carcere. Cum autem ille remoraretur, et nullo pacto iis quae ab ipso dicerentur, parere vellet: pergebant ipsum excitare, quod dicerent, fieri non posse, ut ictie ipse remaneret, aliis exenntibus. Nihil, inquietabant, est quod illi a nobis querunt. Paululum quidquam prudenter eis concedamus, ne ipsi totum perdamus.

6. « Haec cum diutius vim inferrent, contra voluntatem suam pater cessit, non aerumnas fugiens, neque quod calamitates pati recusaret (nunquam enim hoc dixerim) sed patrum exhortatione impulsus se subjecit, non animo et proposito, sed senes reveritus. Nam si pro fidei ratione vita et mors proposita illi fuisset: certe scio mortem illi futuram fuisse optabiliorem, neque omnino de recta fide ac doctrina aliquid eum remissurum

fuisse, etiam si pericula infinita proposita ei fuissent». Velabatur deceptio sub dispensationis praetextu ab illo Josepho scelesio Joannis in impietate collega: nam et eodem nomine probarat et benedixerat nuptias moechi Constantini imperatoris, ut superius dictum est. Hoc itaque velamento simpliores decepti sunt, ut sua reciperent monasteria. Pergit vero Theostericius:

7. « Quamobrem omnes ad ea quae oratoria dicuntur, quæque ut antea picturis exculta erant, ascenderunt, communicaruntque cum Theodoto, manum illi dantes. Tunc illis Theodotus: Qui non adorant, inquit, imaginem Christi, auathemati subjiciantur». Ita astutissimus homo adorare se Christi imaginem professus est, ut monachos confessores faceret desertores, eorumque communionem fraude subriperet. Itaque pergit auctor: « Reliqui patres in suum quisque monasterium, quod regebat, abierunt. Ille vero beatus pater Niceta, cum secum animo cogitasset, multæ ruinæ causam esse, cum quis ab institutionis norma deflexerit, decrevit aufugere, et in aliam regionem proficisci, et illic errorem, in quem lapsus fuerat, emendare. Cum igitur omnia sua in navigium conjectisset, navigavit usque Proconnesum. Sed illic sententiam mutans secumque dicens: Ubi erratum commissum fuit, illic opus esse et emendationem fieri: redit rursus Byzantium, et in priore sua confessione ac fide permanebat, nihil omnino metuens.

8. « Quem cum imperator ad se vocasset: Quid est, inquit, quod cum alii patres in sua monasteria profecti sint, tu solus hic relicitus es, propriam voluntatem securus, non edicto meo parens? sed, ut audivi, cogitasti in imperium nostrum aufugere et nos decipere. Quamobrem nostro edicto cedens, in monasterium tuum redi, sin minus aerumnas tibi afferam, quas perferre non poteris. Ad haec sanctus ille vir leni voce respondens: Ego, inquit, imperator, neque in monasterium meum redibo, te jubente, neque a fide mea desciscam, sed in eadem confessione mea sum et ero, in qua patres mei servati sunt, et propter quam olim periclitati sunt optimi Ecclesiæ propugnatores. In qua Ecclesia nos stamus et gloriamur in spe gloriae Dei. Bene illud scito, imperator, quod neque mortem extimescens (ad tempus enim haec est) neque vitam hanc appetens (Deus testis est) feci quod non decebat, sed serum illorum reverentia his me subjeci, quibus non debui. Certo igitur scias, nullam me vobiscum habere communionem, sed in traditione permanere, quam ab initio accepi. Fac igitur quicquid libet: nihil amplius a me te auditurum speres.

9. « Cum igitur imperator ea sententia illum esse vidisset, quæ mutari non posset, eum Zachariae cuidam tradidit regalium ædium curatori, quæ Magnaura dicuntur, illicque interea jussit ab illo viro custodiendum, quoad quid de ipso agendum esset, decerneret. Cum autem Zacharias ille pietas esset studiosus, nihil mali sancto homini fecit;

sed omnino aliter se gerens, beneficiis maximis eum afficiebat; neque in ejus vultum præ reverentia intueri audebat. Eum postea imperator exulem misit in unam quondam insulam ex iis, quæ sunt in sinu ipso posita, Glyceria vocata. Eam vero insulam detinebat Anthemius quidam præstigiis detitus, sacrilegus, versutus, obliquus, dofosus, arrogans et crudelis. Hunc propter nimiam ipsius malitiam, monasteriorum, quæ illuc erant, presidem impii homines fecerunt. Talibus enim viris tunc imperia in manus tradebantur, ut eorum potentia totum perverteretur. Illum propter multam ejus insaniam, arrogantiam et temeritatem, ejus loci homines Caiphiam nominabant.

40. « Hie cum sanctum virum accepisset, et potestatem contra eum haberet, crudeliter eum affligebat. Cum enim in angusto et arcto carcere ipsum conclusisset, perpetuo vexabat, neque pauculum e carcere illum prospicere sinebat, ipse carceris clavem secum ferens, et per foramen quodam paululum cibi ei dari jubens. Quippe homines impii ei promiserant, si Niceta persuasisset, ut cum ipsis conveniret, majore honore donandum. Quocirca nefarius homo Nicetam affligebat, sperans viro sancto persuasurum quod volebat ». Sed fecellit eum spes sua: siquidem usque ad Leonis obitum constans in eo jugi martyrio perseveravit. Cum enim dicat Theosterictus sex annos illic degisse usque ad necem imperatoris, utique hoc anno illuc eum amandatum, affirmare necesse est, ut intelligas omnia temporis rationi congrua reddi. Multa vero alia digna viro sancto a Niceta illie gesta esse, idem auctor comminorat, quæ brevitas causa nos præterimus, ad Theodorum Studiæ orationem convertentes.

41. *Theodori Epistola adhortatoria de monachorum lapsu.* — Non enim ipse Theodorus, ut alii archimandritæ, vocatus est imperatoris edicto Constantinopolim, quod sciret ipsum ejus pravo consilio obfuturum: quippe quod non solum spes nulla esset ipsum a proposito divellendi, sed fore, si venisset, ut alios ab imperatoris sententia, ne illi parerent, impediret. Ista igitur probe sciens imperator, absentem polius esse maluit, quam præsentem libere ipsius vocis ictibus verberari. Porro cum scisset Theodorus tot præpositorum monasteriorum naufragium, summo fuit dolore affectus, prout ejus hoc tempore scriptæ litteræ ad germanum suum Josephum archiepiscopum Thessalonicensem indicant, quæ sic se habent<sup>1</sup>:

« Joseph fratri et episcopo Theodorus.

« Semper mihi optabile scribere sanctitali tuae, ac tanto magis, quanto exilii nostri longiora sunt intervalla: facit enim, ut proprius quodammodo veniam in conspectum tuum, et levamen afferat ipsa tui allocutione. Quod et nunc quoque accidit graviter mœrenti ob proditam a quibusdam præpositis veritatem. Ut enim jam novit sanctitas tua, vetus

illa custodia, Josephi, inquam, adulteri copulator, Photinodites, Heracleotes, Medicioles, Mylianus, Hypofieliniotes, Gulaeotes, et (o peccatum meum!) etiam Phlubutenus stulta simplicitate captus, unanimi consensu, dispensationem scificet instituentes, abrepti ab eo, qui talia patrare solet, Josepho, post satuanam abierunt, semel atque iterum cum impiis communicantes. Qua de causa benevole dimissi, in errorem suum instabiles impellunt. Quin etiam, ut appareat, Nicænus quoque in ruinam positus est episcoporum. Revocantur enim ab exiliis, ut talia faciant. Et nisi nos fulciers pæveniat manus Dei, perimus et nos qui residui sumus. Quid ergo est, quod iterum in nos humiles cum paucis aliis incombere fabula violetur?

12. « Exsurge itaque, vir Dei, lanquam pontifex Christi veri Principis pastorum, tantoque impensis, quanto caeteris omnibus superemines culmine sacerdotii, uno dempto, quod in abdito detinetur: Glorifica<sup>2</sup> Deum in corpore tuo et in spiritu tuo. Non penitus in insula relinqueris: exerceri forsitan et probari te, sicut antea, oportet, ut coronam inde referas illustriorem. Heu, heu frater, in que tempora reservati sumus? sed gratia tamen ei, qui reservavit. Et hoc a Deo, quoniam nobis donatum est a Christo<sup>3</sup>, non solum ut in eum credamus, sed etiam ut pro illo patiamur. Non despexit Dominus humilitatem nostram in iis, quæ antecesserunt; sed neque nunc, spero, despiciet reverentiam tuam; sed sicut tunc, ita et nunc magnificabitur Christus in corpore tuo, faciens supra modum misericordiam suam ad ostensionem virtutis suæ. Propterea et mihi quoque porrige manum intercessionis, ut confirmier, et eruar ab ingruente bieme amara. Sta, et propitium fac, ut procella in auram spiritus convertatur. Utinam! Fratribus salutem plurimam dico, vos obsecrans, ut orient pro humilitate mea. Qui mecum sunt, pedibus tuis advolvuntur ». Hactenus ad Josephum Theodorus, qui codem argumento Epistolam scripsit ad Naueratium, unum ex suis discipulis confessorem valde charum, quia etiam expostulat de lapsu præpositorum, plurimum detestans Josephum illum inversorem canonum, omnium peccatorum licentiam prædicans ex dispensationis indulgentia. Ipsa autem Epistola digna memoria sic se habet<sup>3</sup>:

13. « Naueratio filio Theodorus.

« Pessimus nuntius litterarum tuarum, o fili, qui simul animam meam attigit, revera contristavit, et cordis lacrymas elieuit, tantum non insomnem mihi reddens noctem illam, qua litteras accepi. Atque hoc quidem omnium causa, qui una lapsi sunt, maxime autem ob Phlubute præpositum: nam quod ad alios attinet, consentanea præteritis egerunt; hie vero ex iis erat, qui secure stare videbantur. Mirabar itaque priusquam ruerent illi, quod pristinam suam circa adulterium et adulteri nuptias ignaviam minime agnoscentes,

<sup>1</sup> Theod. l. ii. Ep. ix. ex Cod. Column.

<sup>2</sup> Cor. vi. — <sup>3</sup> Philip. l. ii. Ep. x. Cod. Column.

in re præsentia aliquid auderent: cogitabamque illos privatim forsitan et apud se pœnitentia factos fuisse. Ideo gaudebam miser, quasi recte ambularent. Sed in marcidis (ut appareret) domum suam ædificantes, ingruente hæreseos turbine, ruina pessima corruerunt, dispensationem iterum appellantes, ipsam veritatis condemnationem. Illi ipsi, qui scandalo Ecclesiae Dei antea fuerant, eodem munc relabuntur, et facti sui exemplo ad interitum provocant universos. Et quidem parati plurimi ad criminis societatem, prætextum quempiam in necessitatibus reperire gestientes, quo ærumnarum et calamitatum expers ipsis pietatis certamen redditatur, in negatione Christi, Deiparæ, sanctorum omnium, communionem inierunt. Hoc siquidem est cuiuslibet imaginis negatio. O pernicie! o fallaciam! et quomodo cum recte cœpissent, retro conversi sunt? Hei mihi! quam multis fraudi erunt et subversioni, aequalibus, majoribus, laicis, clericis, monachis!

44. « At enim antiquum vulnus, intestinum malum Joseph olim Mæchozeutes, id est, adulteri copulator jure appellatus, nunc Christempæctes, id est, Christi illusor ipse dux fuit veteris custodæ præpositis. Quid vero ad hæc? Languidioresne erimus? frangemur? concidemus animis ad confessionem defensionemque Christi? minime gentium, fratres, minime. Etenim si corridentibus impiis, justi metu percussiuntur, et vicini lapsus maxima est stanti securitas: stemus igitur in Christo constantiores, amplius obtestor, nec in ulla conterriti ab adversariis. Numquid propter eos, qui subversi sunt, confessio nostra? aut illorum stabilitate nixi, consistebamus, ut eorum quoque lapsu concutiamur? Absit, neque horum, neque aliorum. Fundamentum nostrum Christus est, in quo stamus, in quo gloriamur, cum Paulo dicentes<sup>1</sup>: Quis nos separabit a charitate Christi? tribulatio, an angustia, an famæ, an nuditas, an persecutio, an periculum, an gladius? Sed enim in his amplius speramus propter eum, qui dilexit nos. Itaque qui accinctus pro Christo non certaverit, Christianus esse non potest.

45. « An vero incassum martyrum agones? certamina? tormenta? an tandem nobiscum carnem non gesserunt? aut tantis suppliciis subjecti labore multum senserunt? Annon eos vivere tedebat, ut ait Apostolus<sup>2</sup>? sed perennium pœnarum metu cœlestiumque præmiorum desiderio, carnis mortem, ut prudentes, quam aeternam subire maluerunt. Nihil expavescabant, minime omnino consternabantur, et futura tanquam præsentia meditantes, keti et alacres ad tormenta pergebant; numeris loco habebant, plurima pati. Nobis<sup>3</sup> enim donatum est pro Christo non solum ut in eum credamus, sed ut etiam pro illo patiamur: et alibi rursum<sup>4</sup>: In multo experimento tribulationis abundantia gaudii ipsorum fuit. Ita gaudebant, ita ket-

banlur, cum pro Christo paterentur, sancti omnes. Delibemus et nos, charissimi, charitatem Christi, incedamus per sanctorum vestigia, seculi hujus affectus omnes abjiciamus. Non habemus<sup>1</sup> hic manentem civitatem, sed futuram inquirimus. Superna Hierusalem patria et civitas nostra est, o viri potentes in spiritu, o filii Dei, non enim mei, qui peccator sum. Ne procumbamus, quamvis omnes subvertantur, quod absit. Ipsi enim, ut olim, a Deo corroborati, vel soli etiam depongabimus.

16. « Stat a nobis Deus, sanctique omnes, qui unquam tuerunt. Nobiscum Oriens, nobiscum Occidens. Exigua pars est, quæ ab Ecclesia universa sese abruptit et sejunxit. Idque metu, et propter haec temporaria, propter carnem: quam postmodum, nisi veritatem defendimus, sempiternis igitibus una cum anima ipsa trademus. Exerceamur, eslo, et flagellemur, neque id semel, sed stepius, denique moriamur. Non post haec gaudium erit immensus, nos cœlorum regnum consequi et gloriam inde referre immortalem? non contra iis, quæ dixi, vitatis, propterea irrideri perpetuo, et ignominiam interminam sustinere? Utique vos oro, filii, quos genui in Domino, quibus incrementum dedit Christus per ærumnas et labores non solum asceticos, verum etiam athleticos, explete<sup>2</sup> gaudium meum, ut idem sapiatis, eamdem charitatem habentes, idipsum sentientes: nihil per contentionem, neque per inanem gloriam, sed in humilitate, superiores sibi invicem arbitrantes. Apostolica hæc monita, licet a me misero in memoriam reducantur.

17. « Orale et pro me, obsecro, ut delur mihi fortitudo, robur et sermo propter vos, quamvis divina gratia indignus sim: ut unanimiter in uno spiritu glorificetur Deus in corpore et in spiritu nostro. Mille ad archiepiscopum egregium Dionysium. Saluta Petrum abbatem, Ignatium abbatem, et Titohen abbatem, et ostende illis hanc Epistolam. Porro accingere et paratus esto cum cœteris, et cum iis maxime quos serripsi, quoniam cum lapsi sint, qui vicini erant, fieri nequit, ut relinquamur, ab illis ipsis delati. Det autem Dominus vires, robur, intellectum, oculum, prudentiam, omnia recte agere, vobis in honorem et gloriam Christi, ad laudem meam et gloriationem vestram sempiternam. Salutant qui mecum sunt utrosque. Dominus vobiscum. Amen ». Itucusque Epistola ad Naucratium et atios suos discipulos per eum. Haud frustra quidam eos roboravit ad pugnam: evenit enim quod prædictit, ut et ipsi tentarentur ab adversariis, subjicerentur pœnis. Siquidem factum est, ut ipse Naucratius cum septem aliis sociis ejusdem Theodori discipulis, eodem modo quo cœteri detuderentur in carcерem, et negantes ipsorum hæreticorum acquiescere petitionibus, ob idque verberibus quoque diris subjicerentur. De quibus

<sup>1</sup> Rom. viii. — <sup>2</sup> 2. Cor. i. — <sup>3</sup> Philip. i. — <sup>4</sup> 2. Cor. viii.

<sup>1</sup> Hebr. xiii. — <sup>2</sup> Philip. i.

anno sequenti agendum est, quo ista fieri contigerunt.

18. *Furens Leo Armenus Theodorum flagris plecti jubet.* — Sed quid inter haec accidit? Delatae sunt res Theodori per exploratores ad imperatorem, nimisrum ipsum quantumlibet exulem, in insulam deportatum, carcereque detentum, atque vinculis alligatum, esse nihilominus per litteras ubique præsentem. Haud enim fieri potuit, ut qui litteras circulares ad monachos ubique degentes daret, easdemque patentes, ut eadem personas ad quas scriberet non excederent, in aliorumque manus devenirent; vel etiam ab illis ipsis præpositis monasteriorum, ad quos scripseral, cum fidei proditores communicationem cum patriarcha haeretico iniissent, et ob eam causam ab ipso Theodoro damnati essent, ab illis ipsis, inquam, deferretur ad imperatorem; vel ab illo omnium nequissimo Josepho mœchiæ defensore, qui conatus suo præcæreris expertus esset adversarium Theodorum, apud imperatorem accusaretur, quod imperatum ab eo silentium non servaret, quodque a communicatione cum patriarcha suarum litterarum monitu quosque refraheret, et eos, qui communieassent cum ipso, atque damnaret; quod insuper suis litteris monachos omnes, cœu bellica tuba hortaretur ad prælrium adversus ipsum Leonem imperatorem subeundum; quod eumdem imp. ejusque sectatores nominaret haereticos, Dei adversarios, atque persecutores omnium Orthodoxorum; quod e contra ei resistentes, nec obedientes nominaret et coleret confessores, et ab eo peremptos martyres nunciparet; quod ad hujuscemodi martyrium subeundum suis litteris omnes quam potentissime hortaretur, illecebrisque coronæ martyrii simplices quosque deciperet, afficeretque ad resistendum atque contradicendum edictis imperatorum. Adjiebant (quod et ex ejus litteris ostendebant) ipsum de civitate obloqui Constantinopolitana, ut quæ fidem Catholicam prodiisset, præconiis vero tolleret Romanam Ecclesiam, cui se gloriaretur esse communione conjunctum.

19. Haec et alia Leoni impio suggestentes et exaggerantes valde, ad postremum rem omnem in eo statu collocatam esse dixere, ut nisi Theodorus de medio tolleretur, omnem conatum imperatoris incassum iri atque penitus evanescere, calamo ipsius contra nitente, et litteris ubique loquentibus eidem adversantibus. His persuasus rationibus imperator, cum in ipsum jam ante plus satis commotus esset: urgentibus modo ejusmodi stimulis cruentatus, impetu iracundiae fertur in eum; ita tamen ut invidia retraheretur a nece, ne quod ipsum sciret optare, inferendo supplicium, insigniret corona martyrii. Non occidit, ne prosit; sed non quiescit, ne parcat qui exæstuabat ardore vindictæ. Verumtamen ad ultionem laxans habenas, deligit ad hoc fidum hominem, qui eum e loco, ubi degebat, in carcere alio longius amandaret, duriorique carcere coartaret, arctius vinclis stringeret,

ne alicuius commerceio trui posset; sed et verberibus cæderetur quam acerbissime, atque tandem ciborum inopia mori cogeretur. Ille omnia in Theodorum a truculento Leone exhibita esse, quæ modo dicturi sumus significabunt, petita a Michaele ejus discipulo, neonon ex ejusdem Theodori Epistolis ad diversos accepta. Sed audiamus primo loco ipsum Michaelem<sup>1</sup> res gestas ita narrautem:

20. « Fieri ergo, inquit, prorsus non potuit, quin ultiro citroque communieantes in hunc modum litteræ ac sermones, ad ipsam quoque aulam pervenirent, atque ipsi imperatori innotescerent. Quibus ille (ut credi par est) incensus, quippe minima omnia quæ gerebantur perdidicerat, Nicetam mittit, illum Alexii filium, cui fidere omnia sotebat, ut sanctum longius abducat ad Bonita (id loco nomen) ibique clausum ita coercent, ut neminem videre, neminem alloqui possit, non paueis, non pluribus; nec quidquam demum aliud libere præstare. Quæ ille Theodoro cum detulisset: Locum, inquit, mutabo haud gravate; nulli enim addictus sum: meamque scio esse terram, quocumque devehar; atque in lucero mihi fore ipsam migrationem. Cæterum silere, linguanque inhibere, mihi sat scio, non expedit: nee vero inhibeo unquam, nec adducar, ut suadentibus id vobis, consilio vestro obtemperem. Qui enim . qui propterea sortem hanc malui, ne deserere viderer quæ adamaram, præclarumque ac laudabile institutum abdicasse?

21. « Audivit hanc viri justi libertatem erectamque in omnibus atque excelsam mentem imperator. Quare ipsum rursus Nicetam, ut erat in procinetu, ad sanctum allegat, diras plagas illi inferre jubens, et carnem verberibus minutatim concidere, ac totum vibicibus opplere. Qui cum ad sanctum pervenisset, adventusque sui causam aperuisset: e vestigio ille tunicam alacriter exxit, corpusque ad accipienda verbera composuit. Hoc enim aiebat optatum sibi atque exspectatum fuisse jam pridem. At compatiens vir ille ac repente misericors, ut venerandas illas carnes nudas vidiit, quas aetas et jejunia ad summam maciem perduxerant, intimis sensibus indoluit. Haque commotus est, ut nec attingere, nec propius de cætero accedere auderet, nedum manibus flagrisque dilaniare. Unde et secum callidum quiddam communiscens, quo et imperatoris jussa explesse et sanctum verberasse, adstantibus videretur: ovis pellem recens detractam accipit, virique humeris imponit, atque in ea sic verbera distringit, cum hoc ante providisset, ut solus cum solo relinquatur, propter viri, ut aiebat, reverentiam ejusque corporis extenuationem et maciem. Quin ut guttas etiam ex plagarum cruento profusas ostendere licet, ipse sibi (o animi benignitatem) sanguinem ex brachio lanceole ietu elicit, eoque manante flagrum imbuuit, forasque progressus carne simul ac cruento tintillum ostendit. Ipse porro aulhelitu citato fatigatio-

<sup>1</sup> Mich. in Vita Theod. Studiæ.

nem simulabat. Illa pius ille benedictionem a sancto referens, ejusque precibus comitatus rediit, maxima pulcherrimi operis mercede honestatus.

22. « Nec vero divinus pater mollior deinceps, aut verbis remissior propterea fuit, quod iis fortasse accideret, quos supplicii metus deterreret. Quia ille quo graviora se oculis objiciebat, tanto animatior erat atque constantior, tum aliis plurimis, ut res ferebat, profutura documenta impertiens, tum maxime discipulis per quasecumque terrarum oras dispersis, quibus ille potissimum salutaria suggerebat, atque hoc in primis, ne ullo praesentium malorum sensu flecti animos suos permitterent, sed intrepidis pectoribus confessionem unius rectaeque fidei conservarent. Etsi enim gravis, aiebat, haec tentatio, at tanto major quæ illam excipiet remuneratio, ineffabilis illa et abdita, Deoque largitore digna, ut quamvis quotidie moreremur, longe minimam eorum partem inferre nobis licet, quæ accepturi sumus. Et quoniam nonnullos illorum acceperat, inflecti nonnihil cœpisse animo et manus dare, quos nimirum careeris diutinitas, visque illata perturbarat, hos congruentibus verbis adhortans, ad futuros casus iterum confirmavit, eorumque pusillanimitatem penitus abstersit, adeo ut ipsimet veniam suis responsis e nomine postularent, quod cessisse aliquantum, animi statum exiguo tempore immutasse viderentur. Hic patris erga omnes animi sensus erat : haec in mediis periculis atque adversis de omnibus cura atque sollicitudo, etc. » Pergit enim dicere de aliis ad diversos ab ipso eodem argumento scriptis Epistolis, de quibus inferius pro ratione temporis sermo erit. Quomodo etiam idem ipse Theodorus jussu imperatoris iterum revocatus ad verbera acerrime jesus sit cœdi : idem quoque auctor narrat inferius, que sequenti anno, quo acciderunt, dicturi sumus. Ille status rerum Orientalis Ecclesiae.

23. *Hispani ad Francos configentes bene habiti.* — Eodem tempore in Occidente, cum Hispaniae durissimo Saracenorum jugo premerentur, complures populi diræ servitutis impatientes, magis diligentibus servire Christianis, quam Christi hostibus Mahometanis, inde migrarunt, bonis suis reliectis, in Gallias. At imperator maxime pius Ludovicus tantum abest, ut suscipere voluerit eos in servos, ut æqua conditione, qua Francos, illos omnino voluerit esse liberos, concedens eisdem quoque agros, quos colerent, unde viverent. Sed et quod majus est, a tributorum exhibitione voluit immunes esse. Extant de his Diplomata duo ejusdem imperatoris nuper a Pitheo edita in Annalium Francorum tomo, quæ hic tibi rerum antiquarum avido reddemus, sic enim se habet primum eorum hoc anno kalend. Januarii datum, hacque inscriptione notatum :

« Ex Archivis metropolitanæ Narbonensis Ecclesiae.

« Hoc est Praeceptum remissionis, sive con-

cessionis, quod fecit Ludovicus imperator Hispanis, qui ad se configerant.

« In nomine Domini Dei et Salvatoris nostri Iesu Christi, Ludovicus divina ordinante providentia imperator Augustus omnibus fidelibus sanctæ Dei Ecclesiæ, ac nostris praesentibus scilicet et futuris in partibus Aquitaniæ, Septimanianæ, Provinciae et Hispaniæ consistentibus ». In locis scilicet illis, quæ diximus a Francis fuisse Sarracenis ablatæ.

24. « Sieut nullius vestram notitiam effugisse putamus, qualiter aliqui homines propter iniquam oppressionem, et crudelissimum jugum, quod eorum cervicibus inimicissima Christianitati gens Saracenorum imposuit, reliectis propriis habitationibus et facultatibus, quæ ad eos hereditario jure pertinebant, de partibus Hispanie ad nos con fugerunt, et in Septimanianæ, et in ea portione Hispaniæ, quæ a nostris marchionibus in solitudinem redacta fuit, sese ad habitandum contulernnt, et a Saracenorum potestate se subtrahentes, nostro dominio libera et prompta voluntate se subdiderunt. Illa ad omnium hominum notitiam pervenire volumus, quod eosdem homines sub protectione et defensione nostra reeptos in libertate conservare decrevimus ; eo videlicet modo, ut sicut cæteri liberi homines cum comite suo in exercitum pergent, et in marcha nostra juxta rationabilem ejusdem comitis ordinationem atque admonitionem, explorations et excubias (quod usitato vocabulo waetas dicunt) facere non negligant, et missis nostris, aut filii nostri, quos pro rerum opportunitate illas in partes miserimus, aut legatis, qui de partibus Hispaniæ ad nos transmissi fuerint, paratas faciant, et ad subvectiones eorum veredas donent. Alius vero census ab eis, neque a comite, neque a junioribus et ministerialibus ejus exigatur. Ipse vero pro majoribus causis, sicut sunt, homicidia, raptus, incendia, deprædationes, membrorum auptionates, furtæ, latrocinia, alienarum rerum invasiones, et undecimque a vicino suo aut criminaliter, aut civiliter fuerit accusatus, et ad placitum venire jussus : ad comitis sui mallum<sup>1</sup> omnimodis venire non recusent. Cæteras vero minores causas, more, sicut haec tenus fecisse noscuntur, inter se mutuo definire non prohibeantur. Et si quispiam eorum in partem, quam ille ad habitandum sibi occupaverat, alios homines undecimque venientes attraxerit, et secundum in portione sua, quam, ad portionem vocant, habitare fecerit, utatur illorum servitio absque alicujus contradictione vel impedimento ; et licet illi eos distingere ad justicias faciendas, quales ipsi inter se definire possunt : cætera vero judicia, id est, criminales actiones ad examen comitis reserventur.

25. « Et si aliquis ex his hominibus, qui ab eorum aliquo attractus est, et in sua portione col-

<sup>1</sup> *Mallum idem quod majus judicium habet* Glossar. in fine lib. capitul. regum Franc.

locatus locum reliquerit; locus tamen, qui relictus est, a domino illius, qui cum prius tenebat, non recedat. Quod si illi propter lenitatem et mansuetudinem comitis sui, eidem comiti honoris et obsequii gratia quippiam de rebus suis extinuerunt: non hoc eis pro tributo vel censu aliquo computetur, aut comes ille, vel successores ejus hoc in consueludinem præstuant, neque eos sibi vel hominibus suis aut mansionaticos parare, aut veradas dare, aut ullum censem vel tributum aut obsequium, præter id quod jam superius comprehensum est, præstare cogat. Sed lieeat iam istis Hispanis, qui præsenti tempore in prædictis locis resident, quam his qui adhuc ad nostram fidem de iniquorum potestate fugiendo confluxerint; et in desertis atque in incultis locis per nostram vel comitis nostri tacentiam considerentes, ædificia fecerint, et agros incoluerint; juxta supradictum modum sub nostra defensione atque protectione in libertate residere, et nobis ea, quæ superius diximus, tam cum comite suo, quam cum missis ejus pro temporum opportunitate alacriter atque fideliter exhibere.

26. « Noverint tamen iidem Hispani, sibi licentiam a nobis esse concessam, ut se in vassaticum comitibus nostris more solito commendent; et si beneficium aliquod quispiam eorum ab eo, cui se commendavit, fuerit consecutus: sciat se de illo tale obsequium seniori suo exhibere debere, quale nostrarates homines de simili beneficio senioribus suis exhibere solent. Idecreso has nostræ auctoritatis litteras eis dare decrevimus, per quas deceuimus, atque jubemus, ut haec nostræ liberalitatis ac mansuetudinis Constitutio erga illas tenore perpetuo ab omnibus fidelibus sancte Dei Ecclesiæ et nostris inviolabiliter conservetur. Cujus Constitutionis in unaquaque civitate, ubi prædicti Hispani habitare noscuntur, tres descriptiones esse volumus, unam, quam episcopus ipsius civitatis habeat, et alteram, quam comes, et tertiam ipsi Hispani, qui in eodem loco conversantur. Exemplar vero harum in archivo palati nostri censuimus reponendum, ut ex illius inspectione, si quando (ut fieri solet) ant ipsi se reclamaverint, aut comes, vel quislibet alter contra eos causam habuerit, definitio litiis fieri possit. Hanc quippe Constitutionem, ut per diuturna tempora a fidelibus sancte Ecclesiæ Dei, et nostris et verius credatur et diligentius conservetur, manu propria subserpsimus, et annuli nostri impressione signari jussimus..... Signum domini Ludovici serenissimi imp. Durandus diaconus ad vicem Helisachar recognovit. Datum kalend. Januarias, anno, Christo proprio, imperii domini Ludovici piissimi Augusti (ii)... Indictione octava. Actum Aquisgrani palatio regio in Dei nomine feliciter. Amen ».

27. *Consulit Ludovicus Hispanis colonis per Constitutionem.*— Sed quid post hæc accidit? plane quod mireris: qui enim e sua patria extorres, a Ludovico imp. sunt tantam misericordiam conse-

nti: iidem a suis metu hominibus, qui inter eos potentiores erant, Hispanis pati cœperunt diram tyrannidem, cum ab eis cultis privarentur agris, et redigerentur in servitatem. Ita male suasit eæca dominandi libido, ut comites Hispani, qui nuper sub jugo premebantur Saracenorum, eo liberi, jam illo ipso suorum colla gentilium, qui in libertatem fuerant vindicati a Ludovico, prægravare tentarent, eosdemque constituere dira tyrannide sibi servos. Quamobrem miseri illi ut eriperentur de manu potentum, cum de his questi essent apud eundem Ludovicum, ab eodem rursum ejusmodi adversus eos rescriptum sunt consecuti, anno sequenti:

28. « In nomine Domini Dei et Salvatoris nostri Jesu Christi, Ludovicus divina ordinante providentia, imperator Augustus.

« Notum sit omnibus fidelibus sanctæ Dei Ecclesiæ et nostris, tam præsentibus, quam et futuris, seu etiam successoribus nostris; quia postquam Hispani, qui de potestate Saracenorum se subtraxerunt, et ad nostram seu genitoris nostri fidem se contulerunt, et præceptum auctoritatis nostræ, qualiter in regno nostro cum suis comitibus conversari, et nostrum servitum peragere deberent, scribere et eis dare jussimus: querimoniam aliqui ex his Hispanis nostris auribus retulerunt, duo capita continentem; quorum unum est, quod quando iidem Hispani in nostrum regnum venerunt, et locum desertum, quem ad habitandum occupaverunt, per præceptum Domini et genitoris nostri ac nostrum sibi ac successoribus suis ad possidendum adepiti sunt: hi qui inter eos majores et potentiores erant, ad palatum venientes, ipsi præcepta regalia suscepserunt; quibus susceptis, eos qui inter illos minores et infirmiores erant, loca tamen sua bene excoluisse videbantur; per illorum præceptorum auctoritatem aut penitus ab eisdem locis depellere, aut sibi ad serviendum subjicere conati sunt.

29. « Alterum est, quod simili modo de Hispania venientes, et ad comites sive vassos nostros, vel etiam ad vassos comitum commendaverunt, et ad habitandum atque ad excotendum deserta loca acceperunt: quæ ubi ab eis exulta sunt, ex quislibet occasionibus eos inde expellere, et ad opus proprium refinere, aut aliis propter præmium dare voluerunt. Quorum neutrum justum aut rationabile nobis esse videtur. Et ideo per banc nostræ præceptionis auctoritatem decernimus atque jubemus, ut hi qui vel nostrum vel genitoris nostri præceptum accipere meruerunt, hoc quod ipsi cum suis hominibus de deserto excoluerunt, per nostram concessionem habeant. Cæteri vero, qui simul cum eis venerunt, et loca deserta occupaverunt, quidquid de incerto excoluerunt, absque ullius inquietudine possideant tam ipsi quam illorum posteritas; ita duntaxat, ut servitum nostrum cum illo qui ipsum præceptum accepit, pro modo possessionis, quam tenet, facere debeat. Illi vero qui

postea venerunt, et si aut comitibus, aut vassis nostris, aut patribus suis se commendaverunt, et ab eis terras ad habitandum acceperunt, sub tali forma eas in futurum et ipsi possideant, ut sine posteritati derelinquant.

30. « Hoc nostræ auctoritatis Decretum non solum erga præteritos et præsentes, verum etiam erga futuros, qui adhuc ex illis partibus ad nostram fidem venturi sunt, conservandum statuimus. Ac de Constitutione nostra septem præcepta uno tenore conseribere jussimus. Quorum unum in Narbona, alterum in Carcassona, tertium in Rosceliona, quartum in Empuriis, quintum in Barchinona, sextum in Gerunda, septimum in Biterris haberi præcepimus; et exemplar eorum in archivo palatii nostri, ut prædicti Hispani ab illis septem exemplaria accipere et habere possint: et per exemplar, quod in palatio retinemus, si rursus querela nobis delata fuerit, facilius possit definiri. Et ut hæc nostræ auctoritatis Constitutio firmiorem obtineat vigorem, et a fidelibus sanctæ Dei Ecclesiæ plenius per tempora conservetur: manu propria subter firmavimus, et annuli nostri impressione signari jussimus. Data quarto idus Februarii, anno, Christo propitio, tertio imperii domini Ludovici piissimi Augusti, Indictione nona. Actum Aquisgrani palatio regio in Dei nomine feliciter. Amen. Arnaldus ad vicem Helisaehar recognovit ». Post multos vero annos ea provincia, Septimania, dicta olim a Septimanorum colonia, que eam colendam accepit, ab eodem Ludovico imperatore data est Bernardo Barchinonensi duci sive comiti (utroque modo nominatum ipsum invenimus) quem et ab Hispania accersitum, suo præfecit cubiculo, ut suo loco dicturi sumus: sique voluit per Hispanum hominem regi colonos Hispanos. Etenim idem Bernhardus appellatus est dux Septimaniæ, provinciæ sitæ in Gallia Narbonensi.

31. Habet ex his, in quo plurimum commendes Ludovici imperatoris erga exteriores et profugos Hispanos e manibus Saracenorū se liberantes pietatem illud implentis, quod divinis Scripturis traditum reperitur<sup>1</sup>: « Occurrите cum panibus fugienti». Cum optimas regiones eisdem dederit incolendas, et liberaverit eos de manu potentium, suorum gentilium: qui probrose valde tanta clementia principi-

pis abusi, eam adversus suos in tyramidem convertissent. Ipse autem Ludovicus hoc anno adversus Normannos misit exercitum, qui absque pugna acceptis obsidibus rediit. Ita veteres Annales Francorum, cuius etiam expeditionis meminit Claudius Scotus hujus temporis scriptor, in Praefatione suæ interpretationis in Matthæum.

Est enim nuncupatoria Epistola ad Justum abbatem, quæ sic incipit: « Anno octingentesimo decimo quinto Incarnationis Salvatoris Jesu Christi postquam pius ac misissimus princeps, sanctæ Ecclesiæ Catholicae filius Ludovicus, anno secundo imperii sui, cælesti fultus auxilio adversus barbaras nationes movisset exercitum; atque abeunte, et discedente tua paternitate ex palatio jam dicti principis ad charum dilectumque tibi semper tui monasterii portum: injunxisti mihi, ut aliquod dignum memoriae opusculum in expositione Evangelii ad legendum dirigerem fratribus monasterii vestri, etc. » Porro ejusdem Claudii clara est mentione apud Joannem Trithemium istis verbis: « Claudius monachus ordinis S. Benedicti, discipulus quondam (ut ferunt) Bedæ in Anglia, et collega Albini levite et abbatis natione Scotus, vir in divinis Scripturis valde studiosus et eruditus, et sæcularis doctrinæ non ignarus, carmine exercitatus et prosa, multa in sacris voluminibus composuit opuscula, de quibus feruntur, in quinque libros Moysi libri tres, in librum Judicum quoque liber unus, in librum Ruth liber unus, in Evangelium Matthæi, et alia multa. Claruit sub Carolo Magno, et ejus filio Ludovico ». Plane et ipse Claudius in dicta sua ad Justum abbatem nuncupatoria tradit a se plura esse opuscula scripta, cum ait: « Ad quosecumque sive per hoc, sive per aliud quodcumque opusculum notitia nominis mei pervenerit, intercessionem peccatorum meorum supplex ab omnibus exquiero, subnixa prece depositens, ut illa a misericordissimo Domino nostro flagitelis: ut in omnibus delictis meis atque peccatis, omnibus opitulantibus vobis, consuetudinaria clemensia et copiosa bonitate deletis, etsi non ad idem præmium, saltem ad eundem vos portum quietis videat pervenire, etc. » Porro Claudii opus in Matthæum extat in Bibliotheca Vaticana in Urbe posita. Haec de Claudio paulo prolixius oportuit insinuasse, ut distinguas eum ab illo, qui abbas Classensis et discipulus fuit S. Gregorii, sive a Claudio Taurinensi.

<sup>1</sup> Isai. xxi.

Anno periodi Graeco-Romanæ 6308. — Anno Era Hispan. 853. — Anno Hegiræ 200, inchoato die 11 Aug., Fer. 7. — Jesu Christi 815.  
— Leonis III papæ 21. — Ludovici imp. 2. Leonis Armeni imp. 3.

**1. Romani contra Leonem III tumultuantur.** — Ad num. 1 et seq. Auctor Vite Ludovici Pii, Astronomus vulgo dictus, hæc de Leone III papa scribit : « Eadem tempestate Romani, cum Leo Apostolicus gravaretur aduerso incommodo, prædia omnia, quæ illi domocultas appellant, et noviter ab eodem Apostolico instituta erant, sed et ea quæ sibi contra jus quercebantur direpta, nullo judice exspectato, diripere et sibi conati sunt restituere. Quorum ceptis restitit Bernardus rex per Winigisum duecem Spoleti, certumque rerum monumentum de his omnibus direxit ad imperatorem ». Consentanea habet Eginhardus in Annal. ejus verba recitat Baronius. *Donusculta*, vel unica voce *domoculta*, significat prædium domo ad commanendum colonis apta instructum, quod gallice *ferme* vocamus, ut variis exemplis ostendit Dueangius in Glossario suo. Iste vero *Winigisus* Spoletanorum dux diversus est ab alio ejusdem nominis, ejus superius meminimus. In Indice enim ducum Spoletanorum, ex chartaceis libris monasterii Farfensis a Mabillonio tom. 1 Musei Italici part. 2 publicato, ad annum **ccccxv** legitur : *Guinichus dux*, id est, *Winigisus*; *Guinichi* enim nomine eo in Indice alter *Winigisus* etiam appellatur. Duees Spoletani a Carolo Magno post eversum Longobardorum regnum, et ab ejus successoribus renuntiari soliti, ut exempla a Cantelio in *Historia urbium metropolitanarum Italie* part. 2, cap. 7 collecta ostendunt.

**2. Persecutio adversus cultores sacrarum imaginum hoc anno cœpta.** — A num. 3 ad 1t. Leonomachiam a Leone Armeno hoc tantum anno resuscitatam fuisse, superiori oīn. 2 et seqq. certis argumentis demonstravimus; ideoque quæ ibi de persecutione Orthodoxorum et sacrarum imaginum cultorum in medium adduximus, hic transferenda. « Acerbi persecutores veritatis, accepta quidlibet agendi impunitate, cœperunt libere propagare atque docere impia dogmata : constitueruntque patriarcham Theodotum quendam ex spathario assumptum », inquit Theosterictus discipulus sancti Nicetae hegumeni Mediciensis in ejus Vita, num. 38. Subdit idem auctor : « Postea Judaicum syn-

drinm convocant, et sanctos Patres anathemati subjiciunt, etc. His ita peractis, jussit imperator introdnei illustrum monasteriorum hegumenos ; qui simul omnes sunt ingressi et cum his venerabilis pater noster Nicetas ». Theodosius die prima Aprilis, in quam Pascha hoc anno incidit, ordinatus est, et sequentibus diebus conciliabulum adversus sacras imagines celebratum, ut anno superiori num. 14 et seqq. ostendimus. Cum hegumeni in fide constanter essent, diversis carceribus inclusi sunt ; sed cum imperator videret, se nihil per existia lucrari, jussit eos reverti Byzantium, « præcepitque quietos relinquiri, usque dum statueret, qua via illos posset ad suam voluntatem pertrahere. Transacto hiemis tempore et sacris jejunii diebus, tradidit illos post sanctum Pascha malorum inventori Joanni (cognomento Hylike), quem Grammaticum dicebant (ut anno superiori vidimus), qui vollet ratione affligendos : qui eos suscipiens in diversas conjectis custodias, tantisque subjecit tormentis, quanta nec martyres ab ethnicis pertulere ». Tandem doho imperat, ut saltem communicent cum Theodozo, quod multis, ipsi etiam sancto Nicetae persuasit. Verum vir sanctus consilii penitens rediit Constantinopolim, seseque imperatori generose sistit, qui eum in insulam sanctæ Glyceriae dictam relegavit, quæ omnia narrat Theosterictus citatus, et ex eo Baronius hoc anno, quo revera contigere. Is quidem an. **ccccxv**, num. 41, ubi refert sancti Nicetae exilium, postquam e carcere ductus est, ait, carceris tempus ad finem anni perdurasse, indeque in exilium abire jussum, Theosterictum indicare, cum ait sanctum abductum in exilium *hieme media*. Verum Theosterictus loquitur de duplice exilio Nicetae. Primum ei irrogatum media hieme, postquam scilicet vocatus cum aliis hegumenis omnes minas contempsit. Secundum passus est Nicetas postquam se penituit, quod cum Theodozo communicasset, inquit Theosterictus, qui ait hoc contingisse *transacto hiemis tempore et post sanctum Pascha*. At ibi de unica hieme loquitur, et de iis quæ hoc anno gesta sunt, non vero de gestis anno

superiori. Iis tamen Theosterici verbis nixus Baronius persecutionem Leonis Aug. anno præterito inchoatam perperam existimavit (1).

*3. Theodorus Studita cum aliis monachis in exilium missus.* — A num. 11 ad 23. Scribit Baronius num. 11, *Theodorum Studitarum monasterii præpositum vocatum non esse Constantinopolim imperatoris edicto, ut alii archimandritæ, quod sciret, ipsum ejus pravo consilio olsfuturum.* Verum memoria lapsu cardinalis doctissimus hoc diecit. Anno enim superiori, num. 42, contrarium ipsem ostendit. Neque dubitari potest, quin *Theodorus Studita* coram imperatore reclam fidem defenseril, cum tot auctores id memoriae prodiderint. Lege quæ anno superiori num. 16 et seqq. de Theodori et Nicolai Studitarum exilio et laboribus in medium adduximus. Porro ideo hic Baronius scribit *Theodorum* Constantinopoli non fuisse, quando alii sancti monachi in exilium missi sunt, quod viderit eum litteras ad Orthodoxos in exilio viventes dedisse eosque consolatos esse. Sed ex iis litteris id minimus inferri potest, præsertim cum aliunde contrarium certo constet.

*4. Præcepta duo Ludovici imperatoris pro Hispanis.* — Ad num. 23 et seqq. Ludovicus Pius singularem pietatem testalus est erga Christianos Hispaniarum, qui acerbissimo Saracenorum jingo pressi sese in Franciam receperant. Diploma enim in eorum favorem emisit illi simile quod Carolus pater anno DCCCLXII dederat, quodque eo anno num. 14 exposuimus. Diploma Ludovici primum edidit Pithœus, et hoc anno ex eo recitat Baronius. Hæc ejus subscriptio est: « Datum kalend. Januarias, anno, Christo propitio, primo imperii domini Illudovici piissimi Augusti, Indiel. viii. Actum Aquisgrani palatio regio ». In editione Pithœi desideratur annus imperii Ludovici; Baronius in margine posuit annum secundum, et Duchesnius annum illum a margine in textum transtulit. Sed Baluzius tom. i Capitul. reg. Frane. annum prium recte restituit. Anno sequenti idem Ludovicus Aug. aliud *Præceptum* pro Hispanis Christianis in Franciam confugientibus dedit, cuius subscriptio est: « Data IV id. Februarii, anno, Christo propitio, tertio imperii domini Illudovici piissimi Augusti, Indictione IX. Actum Aquisgrani palatio regie ». Recitat hæc secunda Constitutio a Baronio num. 28 et seqq. et utraque pluribus exponitur a Marca lib. 3 Mare. Hisp. cap. 19 et seq.

*5. Quid continetur in priori, exponitur. —*

Saraceni postquam Pippini et Caroli victoriis partim pulsi, partim domiti, et ad Francorum obsequium redacti fuere, in Marca Hispanica, quamplurimi ex Hispanis, qui in finitimis vel etiam in interioribus Hispaniarum provinciis gemebant sub jugo Maurorum, relictis patrimonii suis, a tyrannorum illorum servitute recedentes, in Gothiam se et in Septimaniam contulerunt, Caroli Magni primum, deinde vero Ludovici patrocinium implorantes, et eremas terras postulantes, in quibus a se excultis lares figere possent et vitam suam tolerare. Haque licet origine non essent subditi regi, faribus tamen et domicilio dominium regis Francorum sortiebantur; in enjus arbitrio erat illis leges dare, non solum ratione contractus emphyteutici, sed etiam ratione imperii, quod in se ipsi larium mutatione prorogabant. Clementia Caroli ejusque filii Ludovici homines oppressos et ob fidei Christianæ causam exiles indulgentissime fovit, concesso illis privilegio, quo donati sunt jure Francico. In eo exponit princeps negotii speciem prout illam posuimus. Docet aulem ex Hispanis illis profugis aliquos in Septimaniam se contulisse, alias vero in illam Hispaniæ portionem quæ a marchionibus vastata erat, ea scilicet quæ continebatur intra limites comitatuum Barcinonæ, Gerundæ et Emporiarum. Comites hujus limitis vocat *marchiones*, quoniam lingua Teutonica marca significat limitem provinciæ: unde deductum *marchionis* vocabulum, non autem a mari, ut visum est ineptis feudistis, qui solum oræ maritimæ comitem dicí marchionem putant. Hæc Marca, qui pluribus hanc primam Constitutionem illustrat.

*6. Quid continetur in secundo, explicatur. —* Exposuerunt postea Ludovico Pio miseri Hispani se una cum aliis secessisse a Mauris et Caroli M. pietatem exorasse, agros sibi ab eo assignatos excoluisse, nunc vero iis per summam injuriam privari a potentioribus; qui cum ad aulam accessissent, præcepta inde regalia retulerant, sibi quidem profutura, miseris illis exitiosa, ita ut aut illos agris cedere, aut obsequia potentioribus pre arbitrio solvere cogerebantur. Alterum caput querelarum eos Hispanos profugos respiciebat, qui se comitibus aut vassis regiis seu vassis comitum commendaverant, id est, se in vassaticum commiserant, dominique sponserem fecerant, et ad habitandum atque excolendum deserta loca acceperant; quæ nunc exculta eis auferebant ii, qui dederant, seu ut sibi retinerent, seu etiam ut aliis darent. Bene-

(1) Rem chronologicam persecutionis Iconoclastæ, quæ hic Pagius nonnihil turbat et obvolvit, sic explicandam censeo. Leo Armenus anno DCCCLXIV n'entem suam sacræ imaginibus aversam Nicephoro prodidit die Christi nataliti s' solemni (Gregorus in Vita Leonis). Succedentes anno DCCCLXV, heresi erumpente, Nicephoro exanctorato, Theodotus die sancta Paschæ assumptus fuit, ut ex Ignotio in Vita S. Nicephori apud Pagium ad A. DCCCLXIV, 14, discimus. Tum eodem anno: *His peractis*, at Theostericus in Vita S. Nicete cap. 6, dies dicta est hegumenis, inter quos S. Nicetas acquiescere sententie imperatoris reuersus carceri manipatus fuit. *Porro diebus multis in custodia exactis*, subdit Theostericus, imperator trahi sanctum monachum in exilium jussit, *idque hieme media*; id est, Decembri ejusdem anni DCCCLXV, vel Januario aut Februario succedentis DCCCLXVI. Vix autem quinque diebus in exilio actis, revocatus fuit vir sanctus Constantinopolim ab imperatore, *qui transacto hemis tempore et sacri jejunii diebus* (id est, Quadragesima) *post sanctum Pascha illum et socios Joanni Hydeo vexando teutandisque* commisit. Ab eo decepti cum Theodoto communicarunt. Sed non du post S. Nicetas facti preteus, sese etiam imperatore sistit, a quo exilio damnatus fuit. Ex hac narratione ex Theosterico summa fide expressa intelligimus, S. Nicete exilium secundum, et quæ illud præcesserunt, non anno DCCCLXV, sed anno DCCCLXVI contigisse.

ficii jns illud erat, ut ad hæredes non transiret invito domino. Sed quia beneficio adjectus erat contractus emphyteuseos perpetuae, vel saltem non restrictæ ad tempus, recte decrevit *Ludovicus* hoc quoque benelictum pertinere ad posteros, et miseros illos ab agris a se excultis et melioratis non esse pellendos. Haec ad pleniorum intelligentiam secundi præcepti *Ludovici Pii* pro Hispanis a Baronio relati.

*7. Ludovicus imp. bellum indicit Saracenis.* — Idem *Ludovicus* perfidia Maurorum per biennium dissimulata bellum illis hoc anno indixit, teste Eginardo in Annal. : « Pax que cum Abulaz rege Saracenorum facta est et per triennium servata, velut inutilis rupta, et contra eum iterum suscepitum est bellum ». Abulaz, qui et Alhaca, Cordubensis rex pacem triennem cum Carolo M. pepigit anno DCCCXII, sed anno postero fraeta fide, Corsicam, Sardiniam, Provinciam atque Italiam aggressus est. Quare *Ludovicus Pius* elapo illo triennio fœdus ad proximos iterum annos renovari noluit. Scribit etiam ibidem Eginhardus : « Legati Sardorum de Caroli civitate, dona ferentes, venerunt », Sardinia, cuius primaria civitas etiamnum est *Caralis* seu *Calaris*, in Saracenorum potestatem eum Africa venit. Sed Sardi missa hoc anno legatione ad *Ludovicum Aug.* auxilium ab eo postularunt adversus Saracenos, et incolarum Balearium insularum exemplum imitati ei ultro sese submiserunt. Quænam tunc in Sardinia sedes episcopales fuerint, pluribus investigat Cointius hoc anno num. 41.

*8. Floret Claudius presbyter postea episcop. Taurinens.* — *Claudius* presbyter, cuius meminit Baronius num. 31, qui Taurinensem episcopatum postea consecutus est, versabatur hoc tempore in *Ludovici Augsti* comitatu, ut *Jonas Aurelianensis* episcopus initio libri primi de *Cultu imaginum* insinuat : « Is (nempe *Claudius*) de quo agitur, exortus ex eadem Hispania (non vero ex Hibernia, ut fert communis error, quem secutus est *Usserius*) ejusdemque Felicis (Urgellensis quondam episcopi) discipulatu ab incunte aetate inhaerens, per aliquod tempus in palatio memorati glorioissimi ac serenissimi Deoque amabilis Augusti (sc. *Ludovici*) in officio presbyteratus militavit. Sed ut aliorum utilitati doctrina prædicationis Evangelicæ, quæ illi admodum inesse videbatur, consulebat, ipsius piissimi clementia presul Taurinensis subrogatus est Ecclesie ». Notus fuit *Ludovico* nondum imperatori; sic enim scribit in litteris ad *Dructernum* abbatem : « Tres, ni fallor, et eo amplius jam pertransiunt tempore anni, quod me adhuc in Alvenni cespitis arvo, in palatio pii principis domini *Ludovici* tunc regis, modo imperatoris, detentum socordia sensus mei, tua fervida dilectione adorsus es excitare, nt, etc. » Tres abbati *Theodemiro* libros in Genesim hoc anno transmisit; in Præfatione enim in Leviticum testatur, Leviticum anno DCCCXXIII a se explanatum, eum octo

jam effluxissent anni, ex quo libros tres in Genesim exararat. Mabitonius tom. i Analect. Præfationem illam *Claudii* episcopi Taurinensis in *libros informationum litteræ et spiritus super Leviticum* e tenebris eruit, observatque multa scripsisse Claudiun, præcipue vero Commentaria in sacerdos libros, nempe in Genesim hoc anno; in Exodum anno DCCCXXI, et in Leviticum anno DCCCXXIII, ut patet ex laudata Præfatione. Præterea commentatus est Evangelium Matthei hoc anno, cujus expositionem Mabitonius asserit, se reperiisse in Bibliotheca cathedralis Ecclesie Laudunensis. Dissertat ibidem vir doctissimus de aliis ejus operibus, ex quibus sola expositiō in Epistolam ad Galatas typis vulgata est in Biblioth. Patrum. Scripsit denique quedam in cultum sacrarum imaginum piasque peregrinationes, sed in iis non recte sensit.

*9. In Præfatione quadam meminuit belli Danici.* — Baronius in Appendice ad hunc annum refert, *Claudii* opus in Matthæum extare Romæ in Bibliotheca Vallicellana, sed perperam Claudiū istūn a Claudio Taurinensi distinguit. Præterea refert partem Epistolæ nuncupatorię ad Justum abbatem, quæ præfixa est eidem Expositioni in Matthæum, quæ his verbis inchoatur : « Anno DCCCXY Incarnat. Salvatoris J. C., postquam pius ac mitissimus princeps, S. Ecclesiae Catholicæ filius *Ludovicus*, anno secundo imperii sui, caelesti fultus auxilio adversus barbaras nationes movisset exercitum, injunxisti milii, etc. » Quæ verba Baronius in Annal. num. 31 interpretatur de exercitu adversus Nortmannos missō, qui absque pugna acceptis obsidibus rediit. Quam in rem citat veteres Annales Francorum, Annales scilicet Fuldenses et Pitheanios, ubi legitur exercitum Francorum missum fuisse ad auxilium Heraldi Danorum regis contra filios Godfridi in Nortmanniam; ubi Nortmanniæ nomine Daniam intelligit, ubi principes inter se de successione certabant. Ex quo intelligimus *Nortmannos*, qui postea Franciam afflixere, diversos non fuisse a Danis.

*10. Agobardus fit archiepisc. Lugdunensis.* — Ad hunc vel superiorum annum pertinent quæ Ado de Leidrado et Agobardo Lugdunensibus archiepiscopis proxime post obitum Caroli M. commemorat : « Imperator Carolus, vir in omni dispositione imperii strenuus, Aquisgrani moritur et sepelitur. Bernardus Viennensis episcopus erat, et Leidradus Lugdunensis, qui initio imperii *Ludovici* imp. Suessionis monasterii locum petiit, et in loco ejus Agobardus ejusdem Ecclesiae chorepiscopus, consentiente imperatore et universa Gallorum episcoporum Synodo, episcopus substitutus est. Quod quidam defendere volentes, dixerunt euindem venerabilem Agobardum a tribus episcopis in sede Lugdunensi, jubente Leidrado, fuisse ordinatum. Sed canonica auctoritas est, in una civitate duos episcopos non esse, nec vivente episcopo successorem sibi debere eligere. Ac idcirco illa quacunque causa regulæ Ecclesie præteriri in tanto ordine

fixæ non debent ». Quare Leidradus hoc anno Lugdunensi archiepiscopatu abdicato, Suessione monasticam vitam in sancti Medardi monasterio profiteri cœpit, et *Agobardus* ex chorepiscopo factus est archiepiscopus. Porro cum Flooardus lib. 2, cap. 48, *Adalmatum*, quem alii chorepiscopum et suffraganeum vocant, *coepiscopum* Trevrensem appellat, inde intelligimus, duo genera fuisse *chorepiscoporum*, quorum alii vere erant episcopi, alii vero presbyteri. Primi generis extiterunt *Adalmatus* et *Agobardus*, ambo eodem tempore chorepiscopi, ille *Amalharii* archiepiscopi Trevirensis; hic *Leidradi* Lugdunensis archiepiscopi. Multi duas in *Agobardo* res improbabant, quod ordinatus fuisse chorepiscopus, et ex Lugdunensis Ecclesiæ chorepiscopo fieret archiepiscopus ejusdem Ecclesiæ, *Leidrado* tum superstite; sive enim chorepiscopi titulum gereret sub archiepiscopo *Leidrado*, sive post ipsius *Leidradi* secessum archiepiscopus diceretur, aiebant sacris prohibitum canonibus, ne duos simul in una civitate sederent episcopi.

11. *Quidam chorepiscopi vere erant episcopi.* — Chorepiscopum, qualis erat *Agobardus*, verum agnoscebant episcopum, utpote ordinatum a tribus episcopis. Ideoque Ado non dissimulat repertos esse quosdam, qui volentes *Agobardum* defendere, palam assererent, eum « a tribus episcopis in sede Lugdunensi, jubente Leidrado, fuisse ordinatum ». Quod addit Ado de duobus episcopis in una civitate non constituendis, et de successore non eligendo, censetur extra causam prolatum; quia *Leidradus* *Agobardum*, nec in sede Lugdunensi jussit ordinari, nec sibi successorem elegit. *Agobardus* a tribus episcopis ordinatus est, non ut simul in Lugdunensi cathedra cum *Leidrado* sederet, sed ut ejusdem *Leidradi* Lugdunensis archiepiscopi sive absensis sive morbo, vel negotiis impediti vices ageret. Nec quandiu *Leidradus* archiepiscopatum gessit, duo fuerunt archiepiscopi Lugdunenses, sed *Leidradus* extitit Lugdunensis archiepiscopus, et *Agobardus* ejusdem *Leidradi* Lugdunensis archiepiscopi chorepiscopus, seu vicarius fuit. Quoad archiepiscopalem dignitatem attinet, *Leidradus* Lugdunensis archiepiscopus *Agobardum* sibi successorem nec elegit, nec eligere potuit; quia tunc absque jussione vel consensu regis in Francia nullus siebat episcopus, nec illud Ado disseritur; scribit enim *Agobardum* antea chorepiscopum *Leidrado* substitutum fuisse archiepiscopum, *consentiente imperatore*, scilicet Ludovico. Frustra igitur adversus *Agobardum* hæc ab Adone subjunguntur: *Canonica auctoritas est, in una civitate duos episcopos non esse*, etc.

12. *Discrimen modernorum et antiquorum chorepiscoporum.* — Morinus part. 3 de Sacris Ecclesiæ ordinationibus Exercit. 4, cap. 5, chorepiscopos primi generis, quales *Adalmatum* et *Agobardum* dicimus in Germania complures hodie reperiri observat, episcopos videlicet illos, qui pro

*partibus infidelium* ordinantur, et Germanicorum episcoporum vicibus hac nostra ætate funguntur. Inter modernos tamen chorepiscopos seu suffraganeos, et antiquos chorepiscopos insignis occurrit differentia; moderni chorepiscopi titulos gerunt Ecclesiarum in paribus infidelium positarum; veteres autem chorepiscopi dicebantur ipsarummet Ecclesiarum, quibus serviebant, chorepiscopi; Trevirensis chorepiscopus *Adalmatus* sub Amalhario Trevirensi archiepiscopo, Lugdunensis chorepiscopus *Agobardus* sub Leidrado archiepiscopo Lugdunensi. Flooardus jam citatus *Trevricæ urbis archiepiscopum Amalharium cum Adalmato ipsius coepiscopo* laudat. Ab Adone jam quoque allegato commendatur *Leidradus episcopus Lugdunensis, et Agobardus ejusdem Ecclesie chorepiscopus.* Quos autem antiqui chorepiscopos primi generis appellavunt, suffraganeos hodie nuncupamus. *Adalmatum*, quem Trevirense chorepiscopum fuisse diximus, *Amalharii* Trevirensis archiepiscopi suffraganeum vocat Browerus in Annal. Trevirens. lib. 8, num. 23, et *Agobardus*, qui fuit Adoni *Lugdunensis Ecclesiæ chorepiscopus*, Severio tom. 1 de metropolitis Lugdunens. *Suffraganeus est Lugdunensis* in ult. paragrapho rerum a *Leidrado* decessore gestarum.

13. *Duplex genus suffraganeorum.* — Atque inde nt chorepiscoporum, sic et suffraganeorum duplex obliter acceptio observanda. Sunt enim in altera significatione suffraganei, quotquot archiepiscopo subsunt episcopi. Sie archiepiscopum Lugdunensem suffraganei quatuor episcopi hodie venerantur; Trevirense vero tres episcopi suffraganei. Ætate Caroli M. suffraganens in hac significatione jam sumebatur; in Synodo enim apud Arelatum anno 800 habita Patres canone tertio sanciunt, ut *umusquisque archiepiscopus suos suffraganeos diligenter studioseque admoneat, quatenus*, etc. Chorepiscopi secundi generis, licet episcopi villani reperiantur dicti, non fuerunt episcopi, sed tantum presbyteri et episcoporum vicarii, licet postea nimia ambitione tumidi res haud paucas, quae solis competebant episcopis, agendas suscep- rint, indeque de iis aut in officio continendis, aut abolendis diutissime laborarunt episcopi. Quæ omnia recte Cointio anno 800, num. 345 et seq. notata. Porro *Leidradus* scripsit libellum de *Sacramento et ritibus baptismi*, ut supra diximus, et duas Epistolæ, quæ leguntur tom. II operum Agobardi juxta editionem a Baluzio curatam. Mortis eius annus incomptus.

14. *Cowentus Paderbornensis.* — Annalista Cesareus a Lambecio editus ad annum II Ludovici Aug. scribit: « Hludovicus imperator suum Placitum cum Francis in Saxonia ad Phaderbrunnen habuit, et illuc venit filius ejus Hludbarius rex Bojarorum, et aliis filiis, id est, Pippinus rex Aquitaniorum (loco, Aquitanorum), Bernhartus quoque filius Pippini rex Langobardorum, et erat illud Placitum kalend. Julii mensis ». Hujus con-

ventus mentionem facit Eginhardus in Annal., aitque: « Ibi ad eum Orientalium Selavorum primores et legati venerunt. Sed antequam illuc veniret, et cum adhuc domi esset, allatum est ei quosdam de primoribus Romanorum, ad interficiendū Leōnēm papam in ipsa Urbe conspirasse », et cætera a Baronio num. t̄ recitata. Quare seditio illa contigit ante kalendas Julias, quo die Ludovicus Augustus *Paderbornæ* erat.

## LEONIS III ANNUS 21. — CHRISTI 816.

4. *Theophanis certamen et beata mors.* — Annus Redemptoris octingentesimus decimus sextus Indictione nona incipit, quo urgente magis persecutio Leonis imperatoris, Theophanes præfetus monasterii Sigriani post dirum per biennium toleratum careerem, deportatus in insulam Samothraeiam, illie cito reddidit Deo spiritum confessio- nis gloria insignis. De quo antequam aliquid dicamus, admonendum putamus lectorem, hunc diversum ab illo Theophane, de quo primo Leonis anno dictum est: ille enim Agri abbas, et anno primo, quando Nicephorus patriarcha in exilium missus est, persecutionem passus; hic non nisi hoc anno post biennii careerem. Porro hic qui Theophanes, idem et Isacius dictus est, cuius res gestae græce scriptæ extant. Ex quibus ea quæ ad confessionem ipsius spectant, hæc dicenda erunt: « Tunc (inquit incertus sed ejusdem temporis auctor) ad certamen vocatur etiam Theophanes admirandus, non tamen manu tyrannica aut violentia, sed blanditiis ac dolis. Adversus hostes (dicebat impostor ille) mihi pugnandum est; sed antequam manum cum illis conseroram, precibus tuis armari me oportet. Theophanes autem cognita hominis malitia, quamvis renum et urinæ difficultate laboraret (instrumentis enim per naturalem cuniculum in vesicam admissis, quæ lapides insitos constrin- gerent, humidis exrementis exitum præbebat) maximisque molestiis vexaretur, et in lectulo ægrotus assidue decumberet; navi tamen ad urbem regiam se contulit.

2. « Quod cum scelestissimus ille intellexisset, sancti viri conspectum (ut arbitror) veritus, per nuntium hæc illi significat: Si venisti, ut mihi mo- rem geras (adventus enim celeritas bonam mihi spem attulit) scito tam multis te bonis fruiturum, quam multis eos frui par est, qui proprie voluntati imperatoris voluntatem et consilium antepo-

nunt, et monasterium tuum variis muneribus ornatum iri, et propinquos tuos maximis dignitatibus decorandos, teque primas apud me amicitiae atque auctoritatis partes habiturum. Sin (quod vix cogitare fas est) studio tuo preces meas posthabueris, et consilium meum neglexeris, et que tibi proponuntur præmia fueris aspernatus: invitus facies, quæ volens recusas, et maximi tibi ipse dedecoris atque calamitatis auctor existes.

« Ad hæc divinus vir, perspecta dictorum stultitia, ita nuntio respondit: Ego nec pecunias, nec possessiones, nec reliqua hujus vitæ bona ullo modo curo. Quæ enim adolescens, cum his frui possem, amore Christi inflammatus repudiavi, ea jam senex quomodo complectar, ab institutoque recedam, præsertim cum corpus morbis confectum sit, ut vitæ finis procu abesse non possit, et hæc inania esse constet? Quod autem ad monasterium propinquosque pertinet, id Deo curæ erit, cui a me commendantur, et quibus ipse Deus melius quam imperatores et principes potest consulere. Quod si, quemadmodum pueros parum generosos magistri scutica perterrefaciunt, ita tu me morbo et sene-ctute conjectum minis territum iri speras: rogus accendatur, parentur tormenta et omnia crucia- tum genera: ut scias planissime Christi virtutem in meis infirmitatibus perfici. Ego, qui per humum iter facere nequeo, valetudinis infirmitate superata, in ignem insiliam.

3. « His anditis, impurissimus ille constantiam quidem animi foris admiratus est, de victoria tamen non desperavit, hominis facinorosissimi, quem apud se habebat, fretus astutia, qui sophistarum præstigiis et gentium auspiciis et jecimoris inspectionibus instructior erat quam disciplinis, et ad impietatis barathrum infelices homines trahiens, apud ipsum valebat plurimum. Huic beatum Theophanem tradit, sperans præstigiis

ipsius omnino deceptum iri : sed tanquam asinus ad lyram deprehensus est. Invictam enim viri sancti libertatem admiratus, antequam congrederetur, se victum esse confessus est, imperatoriique annuntiavit, eum esse præstantiorem, quam ut oratione, aut iniis superari posset; quin etiam si ibi diutius moraretur, fore ut aliorum animos, quos in sententiam suam adduxerat, abalienaret ». Et paulo post : « Cæterum ab impugnatione non desit homo tyrannica plenus crudelitate. Sed virum sanctum in Eleutherii palatio includi jubet, adhibitis custodibus, ne quis humanitate ductus ei propter Christum patienti consolationem ullam alferet. Itaque corpus ipsius diuturna fame confectum paullatim tabescerat, et ad acerbam mortem appropinquabat. Morbi enim medicorum auxilio destituti gravius sœvabant, et vitam reddebat morte ipsa longe acerbiorem. At ipse optatissimam Dei pulchritudinem mente contemplans, ea, quæ ne auditu quidem tolerabilia sunt, patienti et æquo animo perferebat ». Et paulo post :

4. « Duos igitur annos cum acerbissimum carcere pertulisset, in Samothraciam insulam deportatur : quod ipse divino animo prospiciens ei, qui sibi ministrabat, promuntiaverat. Cumque tribus et viginti diebus in insula vixisset, tanquam suavis hostia communī Domino oblatus est, et ejus manibus sacrum atque sanctum spiritum tradidit, ut ad diu optatam hæreditatem admitteretur. Neque vero corpus ejus, quod victoriæ particeps fuerat, et animæ semper in omnibus bonis inservierat, meritis muneribus carnit. Nam piorum virorum manibus in lignea area compositum, et convenientibus canthibus (ut tempus ferebat) elatum, admirandis gratiis a Deo fuit illustratum. Cum enim lues in pecora illius insulæ desæviret, adeo ut mortua derepente conciderent, aquam illius areæ admoveentes (neque enim corpus audebant attingere) pecora peste laborantia aspergebant, et periculo liberalabant ». At de obitu S. Theophanis hactenus, qui contigit duodecimo die mensis Martii, quo anniversaria memoria in Ecclesia celebratur. Tunc temporis et Stephanus (alter hic a priori) idem subiens certamen, eamdem proueruit coronam ; de quo Graeci agunt in Menologio vicesima septima Martii : affectus enim multis suppliciis, relegatus, ibi Deo spiritum reddidit. Exulavit pariter et Cosmas Chalcedonensis episcopus, qui et ipse inter sanctos confessores receptus celebratur : de ipso enim agitur in Menologio decima octava Aprilis.

5. *Theodorus denuo ob fidem Orthodoxam flagellatus, plures dat Epistolas.* — Hec eodem anno, crecente in dies magis persecutione, Theodorus Studitarum præfector actus in exilium, rursus revocatur ad verbera in eodem carcere, ubi tenebatur inclusus, nova emergente causa ob clericum Asiaticum ex hæretico ab eo conversum ad fidem Catholicam, cuius rei causa ab episcopo loci illius delatus est Theodorus ad imperatorem, cuius jussu quam dirissime est laceratus verberibus, ac postea

arcliori careere pressus. De his acturi in primis quod ad rationem temporis spectat, ista omnia hoc eodem anno esse peracta, ex Michaelis Studitæ scriptis certum illud deducimus argumentum. Cum enim numeret ejusdem durioris careeris tempus annos tres, et annum cum dimidio commorationis Smyrnæ ejusdem Theodori usque ad obitum Leonis imperatoris, quem cum et imperasse tradat annos septem cum dimidio : utique ad ejusdem imperatoris annum hunc tertium referas necesse est ejusdem Theodori flagella. His de tempore elucidatis, jam videamus quæ de his ab eodem Michaele omni fide veritati consentientia scripta sunt : sic enim ait :

6. « Cum autem multi ad eum obiter ventitare solerent, utpote sparsa jam passim ejus fama et nominis celebritate, custodibus vel propter viri reverentiam aditum non prohibentibus, vel pecuniae præmio custodiæ curam relaxantibus : accidit ut clericus quidam ex Asia illæ iter faciens, in patris congressum veniret. Ejus enim virtute captus jam anteua fuerat. Ut igitur illum vidil, ejusque colloquio fruens, tum alia, quæ usui erant, inde hausit, et adversus hæreticos summum odium aversionemque suscepit. Demum latet rediit, in alios etiam utilitatis commoda derivaturus. Qui prium omnini amico ac familiari suo, cumdemque ordinis gradum obtinenti omnia de sancto fideliter exposuit, quemadmodum in vinculis clausum viderit, ab eoque accuratius de veritate institutis atque edoctus sit, preclaramque et eximiam venerandarum imaginum adorationem perdidicerit. Quem eum in sententiam suam mox perduxisset, nullam cunctationem, nec moram interponentes, ambo inter se constituant, nec adire amplius episcopum suum, nec commune cum illo quicquam habere, quem scirent cum Iconoclastis consentire.

« Quod cum subholfeeisset episcopus, ad Asiæ præfectum clericos defert e vestigio, et quænam illis causa fuerit discessionis. At ille confestim, ne horæ quidem spatio differens, omnia per expeditos nuntios refert imperatori, convitiis sanctum onerans, aliaque addens perversi ingenii sui moribus consentanea. Simul autem magistro militum Orientis edicit, ut jure suo agat : hunc enim unum clericorum exilii causam et auctorem. Qui quidem veritus, ne quid mali hoc nomine pateretur, e suis unum mittit, qui sanctum cedat, et quinquagenis flagris pœnas reposcat. Quo adventante et a dventu sui causam exponente, Theodorus zonam ipse solvit illieo, famuli operam minime præstolans, positaque veste, nudum corpus offert ad verbera : Voluptati enim, inquit, mihi est, corporis hujus flagellatio, atque ista demum ejus suprema depositio, quo citius nuda anima evoleat ad eum, quem desidero.

7. « Verum ille qui missus ad verberandum venerat, pio ac miti animo, et priori similis, justi protinus miseretur, ejusque confecta corporis membra, adeo ut ne contueri quidem oculis, nedum

manus admoveare auderet, aut alia facere imperata. Quin potius veniam (o bonam mentem !) ab illo petit, ejusque pedibus advolutus, lacrymisque profusus, quod semel horum judex futurus advenisset. Cujus pater egregiam fidem complectens, precibusque vicem reddens atque votis, illuc, unde venerat, placide remisit. Nondum ille ad magistrum pervenerat, cum ab imperatore nuntius alius alia via venit, nomen impio, Anastasius, qui convitiis non levibus minisque hominem incessit, quod negligenter remissusque officio fungeretur, qui apertum imperatoris hostem nondum dignis suppliciis affecisset. Cumque ille misisse se affirmaret, et flagris cecidisse, quasi sanguinis sitiens, eo ubi sanctus custodiebatur, approperat, suis oculis plagas conspecturus. Detractisque ei vestibus, rogabat : Ubinam recentia essent stigmata et vibices ? Et cum nusquam apparerent, quae videre optabat, profuse eachinnans eumque subsannans, qui flagellatum fuisse dixerat, ipsem suis manibus sanctum virum crudeliter flagellat, centum illi verberum ictus incutiens, semianninem humi jacentem destituens. Tum obscuro tetroque carcere inclusil, unaque ejus discipulum Nicolaum, qui magistro assiduus comes erat, et nunquam ab ejus latere discedebat, euslodibus præcipiens, ut fame ambos aliisque incommodis vexarent, ut si quid vite illi adhuc superasset, hoc ipsum brevi absumeretur.

8. « Hoc ipsum illud est tempus, cum idem Theodorus in carcerem diriorem trusus, auditis Naueratii discipuli sui et aliorum fustigationibus, ad ipsum scripsit Epistolam ipsis in primis congaudens, simulque jungens quae ipse passus sit verbera, non ostentans, sed summa animi demissione narrans. Epistola vero digna sanctissimo martyre sic se habet :

« Naueratio filio Theodorus<sup>1</sup>.

« Quid jucundius audire poteram, quam le dictum filium meum cum aliis septem fratribus tuis, quorum nomina in libro vitae, pro Christo Domino nostro flagris cœsum fuisse? Laus ei, qui vos vocavit ad confessionem veritatis sue : laus ei, qui honorandas, animas vestras corroboravit, ut ante alios cerlamen subirent, ut non reformidarent, nec refugerent a conspectu impiorum, sed pulchram confessionem obirent, et propter eam dorsum verberibus cum Christo præberent. Vos chorus alius confessionis Ecclesie Dei adjecti estis. Vos fraternalis in Christo gloriam auxistis. Beati omnino, dilecti mei, et ter beati : quin beati et ventres, qui in Incem vos ediderunt. Quod si de me aliquid etiam dicendum est : Beatus ego quoque infelix ac miser, qui tantorum audio pater filiorum, Dei filiorum et heredum Christi. Quodnam hoc gaudium ? An non omni gudio delectabilius ? Quænam gloria hæc ? An non diadema gestantium gloria mirabilior, stigmata ferre Christi, vivificas ejus passiones, ceu coronas ? Sic igitur

vestra se habent, quæ et cælum laudavil et terra audivit. Nostra vero nullius sunt momenti et plena peccatis, quædam nimirum Hadrianus frater nuntiat : omnino enim salvus evasit.

9. « Quod si quid adjici oporteat : hæc quoque indicabimus. Post verberum dilanitionem, incluserunt nos ambos in sublimi loco, januam obstruentes, et sealis remotis : additi circumquaque custodes, ne quis proprius accedat contingatque domicilium. Quin et castrum ingredientes singulos obvii custodes observant, nec alio divertere sinunt, quam ad proprias domos, quoad illi rursum egreditur. Interdicendum est severe, ne quid nobis defetur preter aquam solum et lignum : ita nos plane tanquam in sepulcro locarunt, ut eneent nos. At Deus benignitatis sue misericordia, per ea quæ intulimus necessaria, et quod insuper ab eo, qui admotis stata hora sealis reddit, nobis tribuitur imperatum, nos sustentat. Dicere non audemus, quod Daniel<sup>1</sup> dixit, cum prandium ab Habacue accepisset : Recordatus enim est mei Dominus : verumtamen recordatus est et nostri peccatorum, et miseretur, et regit, et protegit. Quandiu igitur aliquis possumus, vel iis quæ intus sunt, vel uno e janitoribus domo clam interdum largiente, qui et hebdomadarius est, alit nos, et Deum glorificamus. Deficientibus autem necessariis Dei permisso, vitam una ponemus ipsi atque in hoc gaudemus ; ilque ipsum est Dei munificentia. Et quis ego sum miser, qui pro ejus nomine in hunc modum detinatur, ut abundantiore post gloria, sicut jubet, in honorum cum fratre remuneret ?

10. « Obsecro ergo, vos fratres, juvate me precibus vestris ad Deum, ut semper a malo liberer omnibus modis. Et qui confessionis sue opus in nobis ecepit, per viscera misericordiae sue, non ex operibus meis ullis (neque enim bonum aliquod in terra egi, sed contrarium) ipse perficiat in ambobus. Hoc etiam nos humiles pro vobis, qui eadem patimini, cum lacrymis oramus. Non octo tantum in Domino electos, sed abbatem quoque Petrum, et egregium Lætoium, ut si quis alius, in Domino salutainus ». Ista egregius Christi confessor Theodorus aspersas dixerim suo sanguine ex arco et duro careere litteras dedit. Quæ autem ista secula sint, a Michaele sic accipe :

« His ex animi sententia peractis, sceleratus duos alios sancti discipulos abducens, inde abiit, alios alibi in carcerem pariter conjecturus. Ut ergo ad magistrum militum venit, et jurejurando exprobavit, quod Theodorum ante non verberasset. Mettuens ille, ne infensum sibi redderet imperatorem, bonum illum virum, quem ante miserat, in medium produxit, atque in oculis nefarii flagris cedit duplo quam fuerat imperatum. Ita insatiabilis voto satisfaciens, cum ab se dimisit muneribus et blanditis delinuit. Prorsus autem lametsi egregii facinoris, usurpatæ in justum misericordiae pœnas auctor

<sup>1</sup> Theod. l. n. Ep. xxxiv. ex Cod. Column.

<sup>1</sup> Dan. iv.

suo corpore huerit : at majorem revera mercedem nactus est, et ab iis, quae passus est, dissimilimam ». Huicunque Michael, qui et quam asper fuerit career ille, sic subjicit :

11. « Sed transeat, inquit, oratio ad patris nostri in eo carcere calamitates. Quas enim ærumnas, quas molestias in tenebrioso illo et angustissimo ergastulo pertulerit, sola dicere possit experientia, nec ulla ad declarandum satis esse queat oratio. Quis enim tum frigus describat, quo tenuissimum et aranei instar corpusculum illud hieme vexabatur ? Quis flagrantes astus, quibus per æstatem suffocabatur ? ardente ducens spiritum, et cum aliis incommodis colluetans ? Quis pediculorum pulicorumque examina, et pusilla id genus animalia, quæ caliginosus hic recessus pulvere ac sordibus olsitus parturiebat et alebat ? Quis (ut quod acerbissimum omnium erat commemorem) plagarum inflammationes, omniumque membrorum intumescientium dolores et cruciatus explicet, et pro rei gravitate repræsentet ? Mitto custodum ludibriæ et subsannationes, famemque ab illis irrogatam, omnia denique acerba adhibita, quibus naturam penitus prosternerent : sic enim illum sili atque fame cruciarunt, ut vix frustulum panis non quotidie, sed alternis diebus injicerent per angustum foramen, quod unicum apertum reliquerant.

12. « Quo tempore fama est, patrem summa illa inedia pressum discipulo hæc dixisse : Conantur (ut video) fili, homines isti ad cæteras acerbitates, quas in nos exercent, etiam fame nos extinguere, quam omnium miserrimam mortem esse norunt. Sed collocemus etiamnum spem nostram in Deo, qui non in solo pane alere potest, sed alio longe præstantiori cibo; quandoquidem spiritus omnis ejus solius nutu sustentatur. Et quoniam mihi præ cæteris Dominici corporis participatio, corporis simul et animæ alimentum esse solet (habebat enim ubique pater secum partes aliquas vivifici corporis, peragebatque divina mysteria, quandoeumque celebrandi facultas erat) hunc ego solum cibum capiam, alium penitus nullum degustans : tibi vero uni ad victum cedant, quæ duabus præberi solent : quanquam id ægre tibi suffectorum sit, utpote perexiguum. Sed sic fortasse corpuseum sustentabis hoc levi soatio et vitam produces ; excessumque meum œconomio et fratribus nuntiabis, si quidem ita statuet Dominus ». Ferre secum solitos sanctos viros Eucharistiam in itinere, moris fuisse olim tam in Occidentali, quam in Orientali Ecclesia, suis locis sœpe superius dictum est. Pergit auctor :

13. « Verum qui implet omne animal benedictione, haudquam famulatum suum despexit, aut intolerabit fame illum diutius exercuit, sed providentia sua illum dignatus est, vincetumque præter exspectationem transmisit. Ex illustribus enim priusque apud imperatorem obtinentibus quidam via illa iter faciens, cum de sancto cognovisset,

quem in statum redactus esset, quemadmodum fame aliisque gravioribus torqueretur : ejus vicem dolens, Deo scilicet ad misericordiam illum commovente, fiduciam præbente potentia, victum affatim illi ac discipulis præberi jussit, aliaque omnia subministrari, nec contemptos in posterum neglectosque sine cura destitu : atque ita Dei benignitate, viribus confirmatis, mortem illum effugit ». Ista Michael Theodori discipulus rerum concius.

Porro magna Dei providentia factum, ut ante haec ipse Theodorus et Nicolaus conceptivus a sancta virgine anu jam facta de supernis domus ejus, qua delineabantur, in carcere alerentur, ut indicat ejusdem Theodori Epistola ad ipsam data, quæ adhuc extat sine principio, quæ sic se habet :

« Eudocini virginis<sup>1</sup> ».

Caret exordio ; quæ autem extant, ita se habent :

14. « In carcere illic definebamur ego fraterque Nicolaus, cum ante custodiæ foramen positi custodes neminem, ex impiorum interdicto, propius contingere sinebant. Tum tu (ut superiora quamvis memorabilia præteream) Dei fiducia frela mittebas, quodammodo lactabas, alebas, potum dabas, consolabarlis, hortabarlis, te ipsa in apertum mortis periculum conjiciens. Quam quidem, nisi te Dei manus prævertens eripuisse, reipsa pertulisses. Nostri vicinorum accusationes, exactiones magistratum : Quia a reo munera accepisti; quia aurem mandatis præbuisti, hoc et illud. Attamen, o tidei magnitudinem ! nec sic quidem commotis illis, ullo modo destitisti. Sed quasi novi nihil accidisset, ministerio iterum insistebas, custodes munieribus concilians, et quod dici solet, Deo per nos peccatores deserviens, a quo et periculorum liberatio et præter spem salus. Quia in re cedunt hæc Priscillæ et Phebæ illi, aut earum in ministerio æqualibus, cuius causa celebrantur a divino Apostolo ? Nullo modo, mea quidem sententia, nisi quod erga indignos. Sed hoc tanto laudabilius. Ibi enim personæ amplitudo vel sensu carentia saxa ad beneficentiam promovisset : hic vero contra etiam sensu præditas languere cogere despicibilis et spernenda conditio. Cum ergo hæc ita essent, et tu nihilominus secus agere visa fueris : considera encomium.

15. « Suscepimus itaque, egregia virgo, misericordiam, et jure te laudamus, amplectentes simul et collaudantes alia tua ornamenta, temperantium, obsitam comam, neglectam vestem, in alios quoque beneficentiam, amorem castimonie, et quod de ea nunquam taxata fueris ab ullo mortalium. O præclaras actiones tuas ! O Deo charum et senile caput ! Effloruisti in medio spinarum, sicut rosa : odorem dedisti in medio nationis pravæ atque perversæ, tanquam rectum lilyum. Quid reliquum est ? Ut permaneas in posterum etiam absque

<sup>1</sup> Theod. I. II. Ep. xciv.

offensione salva, servansque cætera omnia Domini mandata. Ut nec prorsus jures Domini nomen, nec ullum aliud contemnas ex mandatis. Hoc vero dico, non quasi accusari te sentiens, sed in omnibus perfectam esse te cupiens, et promissa inde bona consequi. Salutat te frater Nicolaus, et ego dominum ac consobrinum tuum ». Haec ad ipsam religiosissimam virginem.

16. *Quomodo cum lapsis agendum sit, docet Theodorus.* — Cum igitur sic magnus Theodorus in carcere detinetur, de lapsis ad ipsum Naueratius seribit, iis videlicet, qui hoc anno (ut vidi mus) per haereticos in transversum acti, admissi mox sceleris pœnitentes, ad suos rediere, ab eis in Ecclesiam recipi postulantes. Quid autem de his esset agendum, idem Naueratius consuluit magistrum, Theodorum ipsum, qui ad eum de omnibus quæ rogasset scripsit Epistolam, in qua hec de his quæ ad eam rem pertinent scripta leguntur<sup>1</sup>: « De illis autem quos seribis, erroris sui pœnitentia duci: erga eos, qui e corpore nostro sunt (nostris scilicet monachis), medieci sumus, quamvis indi gni. Quam igitur pœnam Oresti, qui ad nos hue venit, per fratres indiximus (neque enim conve nire multas ob causas visum est, ut in conspectum nostrum admitteretur) hanc eandem et cæteri sus cipient una cum aliis observationibus. Quousque tandem? rogas. Quoad Orthodoxæ fidei redeat tranquillitas. Si mors interveniat, communicent: remissum illis peccatum arbitramur. Quod vero significasti, vos de hac et illa re inter vos dissidere: tollite quæstiones istas, et mutuam pacem habetote.

17. « Non sicut qui ab heresi convertuntur, recipiendi sunt isti, quanquam et illic quoque non leve discrimin sit hujus ad illam; sed tanquam qui Dei nomen abnegarint, vel ad ejus abnegationem Christomachis communicarint, seu metu adaclii, seu aliam ob causam. Ad hujus enim abne gationem manifesto communicarunt sacram ejus imaginem negantibus: quia imaginis negatio ad prototypum transit, ut clamans clamat sanctus Basilius, nec aliter res se habet, tametsi negationem elevare quidam velint. Si ergo non prius recte sentientes, nec veritatem edocti, sed divina quadam providentia veritatis lumine illustrati ad nos convolassent, alia ratio esset: nec illos temere admitti oporteret, nisi ex plurimorum Orthodoxorum consensu, ut divinus Basilius docet ad eos scribens, qui in Mesopotaniam fuerunt relegati ex Aegypto. An nescis quid idem pater dicat in alia Epistola? Non agnoscō episcopum, nec inter Christi discipulos illum adnumerarim, qui a profanis est manibus ad fidei destructionem presul electus.

18. « Quales nunc sunt, qui non per ignoran tiam, sed dominandi studio in sedes insiliunt, veritatem sponte sua prudentes, et præmii loco principatum accipientes. Si secundum hominem

(inquit Paulus<sup>2</sup>) ad bestias pugnavi Ephesi, quid mihi prodest? Aio et ego, si post negationem vel communionem cum Christomachis, tales statim, sententia vestra, sine pœna recipiendi sunt: cur incassum pericilor in dies, ac non potius ad ad versarios ultra occurrentes, Orthodoxis iterum, mox ut facti pœnituerit, sine pœna ulla me aggrego? Nolite seduci. Corrumput bonos mores colloquia prava. Evigilate<sup>3</sup> in Domino. Quæ autem societas luci ad tenebras? ut ad Christomachorum instar res nostræ dirigantur? quoniam ipsi eos, qui ab Orthodoxa parte ad illos transeunt, cum gadio, nulla poena irrogata, suscipiunt. Vae. Ergo et corona ndi nobis sunt negatores Christi, et solemnis honore afficiendi, ut ab illis quidam eorum affecti sunt. Fratres<sup>4</sup>, oro vos, nolite pueri effici sensibus, sed per veram scientiam perficiamini.

« De his autem, qui extra fraternitatem nostram sunt: quis ego sum, ut verba faciam? Si cogat tamen quispiam, quoniam, quæ plenitudo legis est, dilectio suam quoque suadelam habet: hoc ipsum dico, quod de nostris: nam et nostri sunt etiam illi. Presbyter, seu subscripterit, seu metu communicarit, afflictionem non ferens, a communione arecatur. Qui enim adversus Christum commun ionem init, qui potest cum Christo communica re? Privationis enim sacrificii relaxatio Synodice est consultationis.

19. « Qui post lapsum ad certamen iterum revertitur, abstineat ab eo loco, quem prius obti nuit: alioqui quomodo innotescat tum ipsimet negotio quam passus est, tum aliis? Non possum permittere, quando præsertim iterata eorum pugna insigni quopiam opere non cernitur, quemadmodum in episcopo Laodiceæ. Neque enim illi ego auctor fuerim sacrificandi, sed communicandi tantum propter celebritatem: sic in monacho uno quoque, sic in laico. Arcendus est a communione, cum aliis dignis fructibus pœnitentie, exspectan dumique tempus fidei Orthodoxæ. Cæterum quoniam et remitti et intendi ab eo fas est, qui pœnam imponit (de communione loquor), si occultis justæ Dei iræ judiciis hereticos tempora prorogentur, licet etiam ante Synodum in Domino relaxare, prout persona gravius leviusque lapsa est, et pro ea rursum pœnitentia, quam præ se fert, tum erga nostros, tum erga externos. Prohibendum non est quin una epulentur, non tamen ut benedicant ante relaxationem. Haec sunt, fili, quæ de his habeo in timore Dei et veritate. Si quid novi vel a vobis vel ab aliis proferatur, discam. Fateor enim me in multis peccare, et nulla nescire, non abnuo. Satura, etc. » Sed de his, lapsis scilicet recipiendis, aliae plures extant ejusdem Theodori Epistolæ eodem tempore careeris<sup>5</sup> scriptæ.

20. *Feminas, inter quas Mariam reginam in*

<sup>1</sup> 1. Cor. xv. — <sup>2</sup> Ibid. — <sup>3</sup> 1. Cor. xiv. — <sup>4</sup> Theod. I. II. Ep. VI. XIX. XX. XXXII. XL. XLV. L. LXVIII. LXXV. CI. CXIX. CXXXIX. CLIV. CCII. CCXI.

<sup>5</sup> Theod. I. II. Ep. XI. Cod. Column.

*fide constantes Theodorus hortatur.* — Quicumque enim suæ salutis cupidi essent, ad ipsum, uti virum sanctissimum, quem et sciebant esse doctissimum, confluabant. Ipse vero regulam disciplinæ adhibens, ex saeculorum canonum præscripto cuncta moderari solitus erat; diversi enim casus diversas ingerebant consultationes, et ab eo responsa diversa manabant. Sieut cum ad<sup>1</sup> Tabalænum discipulum inter alia scribit: « Contra voluntatem est, inquit, si quis Orthodoxi os violenter aperiens, hæreticam communionem infundat. Quod fecerunt olim hæretici, ei faciunt (ut accepi) hujus temporis Christomachi ». Ex quibus intelligi potest, quanta fuerint rabie Iconomachi in Orthodoxos, ut cogarent eos ad communicandum eum ipsis.

Sed quid accedit admiratione dignum? Quo tempore tot prepositi monachorum et alii qui videbantur esse columnæ corruerunt, erigunt vexillum confessionis feminæ sexu fragiles: moniales siquidem triginta unius monasterii ea de causa el carcerem et verbera pertulerunt. Ad quas extat<sup>2</sup> ejusdem Theodori Epistola, qua ipsas commendat atque hortatur ad perseverantiam.

#### 21. « Monialibus.

« Debeo si quid aliud, humiliis ego vos, Domini revera sorores matresque, ut veritas ipsa dixit, verbis hortari, et monitis accendere, quæ propter Christum et spiritualis matris privationem, et mutuam a vobis separationem, et sancti cœnobii ademptionem, et carceris custodiam sustinetis, verbera jam ante pro veritatis confessione perpessæ. Sed quid satis magnum dicam, præclarum encomium vestrum extollens? unius monasterii congregationem universam, sororum numero triginta hoc tempore, cum una deflexerunt principes et subditi, verbum Domini mortis metu rejicientes monachi etiam ipsi et moniales, licet pauci quidam sint reliqui, sic animis conspirasse cerlamenque pro Christo suscepisse, hoc vero cum præcis est temporibus comparandum. Sanctorum quadraginta hæc similitudo, aliorumve quorumpiam e beatis victoribus expressa imitatio.

22. « Quam beatæ vos estis, alia aliam ardenti zelo superans, et omnes pariter ad confessionis studium se invicem acuentes? Dignum angelicis choris, martyrumque cœtu spectaculum, Deo in primis gratum, cuius causa ipsæ afflictiones. Adeste igitur, filiae cœlestis Hierusalem, vere vitis palmites, Verbi haud dubiæ discipulæ, divinum in morem exultemus, Christo confiteamur, qui vos ad hæc toleranda confirmavit. Deinde ad futura quoque accingamur. Quidnam hoc rei est? Etsi rursum verbera, etsi vincula, etsi ignis, etsi gladius: nullo modo refugere, sed lætis animis perferre omnia cupere cum Christo. Enimvero poterimus. Quandoquidem dixit<sup>3</sup>: Omnia possibilia credenti. Cernitis qualia sint encomia? Quid denum futuræ

retributiones? regnum cœlorum, gaudium ineffabile.

« Nulla ergo satanæ succubens, nulla vitæ amans, sicut illi quadraginta, in his triginta reperiatur. Illi abstinentiæ symbolum, vos sanctæ Trinitatis simulacrum tripliciter decumatum. Talis est infima et nibili exhortatio nostra. Vos vero preces mihi, o matres ter beatæ, ad salutis compendium rependite ». Hactenus ad moniales Theodorus, qui et alias<sup>1</sup> ejusdem argumenti antea dederat, laudans eas, quod hæreticis non communicent: deinde pententibus tradidit præcepta vitæ perfectæ.

Enituit et tunc imperatricis Mariæ confessio. Ista illa quidem, quæ nupla Constantino Irenæ filio, cum ipse præter jus fasque moecham sibi in conjugem conjunxisset, in monasterium detrusa, ea occasione bene usa adeo profecit, ut hoc persecutionis tempore victricem sibi texuerit in confessione coronam, exilium passa, prout ipsius Theodori ad eam Epistola scripta significat, quæ sic se habet<sup>2</sup>:

#### 23. « Mariæ reginæ.

« Quales nos et quinam abjecti sumus, quos in occurrentibus molestiis defendere, et laudibus supra modum efferre et consecrare dignata sit præcellens dominatio tua? Attamen quod istam pietatis tuæ dignationem suscepimus, res ipsæ fidem facient. Quando etiam necessarium est, multos falsa suspicione liberari, quæ hujusmodi occasionibus obrepere solet; nimirum effusus sermo in multos dispergitur, verum in singulis haudquam obtinens usquequaque. Nos vero quibus verbis utemur, afflictissimi cordis tui dolorem abstergere conantes? Aut quonam molliore contactu asperriuum animi sensum lenire possimus. Pertulisti ergo (ut ab initio provehatur oratio) injustum conjugis divortium, ab imperio simul itidem avulsa, cujus rei causa concussus est mundus. Miserandum spectaculum! Adultera purpuram gerens, et regina pullo amictu tecta: famula imperans, et domina serviens: atque ut cælera omittam quæ tibi, quæ passa es, notiora sunt, quam nobis ignorantibus: exilium pro veritate pertulisti a propriis visceribus separata. Ex quo et dolor tibi suminus et laus præcipua erga Deum piosque omnes. Tertia plaga hæc est, de qua, quid deceat, proferre jussi sumus. Et alia quidem alii pronuntiant. Filiam matri adesse, eamque sequi oportere. Hoc enim aiunt, videre est in belluis natura fixum instinctum. At nos tenues, illud Domini<sup>3</sup>: Quæ est mater mea, et qui sunt fratres mei? atque iterum: Si quis venit ad me et non odit filiam, non est me dignus: religiosam pietatem tuam domi manere, Augusta palatium obtinente, in quo cernitur Evangelicus gladius sectionem inducere. Hæc ignoscet, domina, cum multa cordis attentione et sollicitudine ausi sumus, tanquam in

<sup>1</sup> Theod. lib. II. Ep. xxxii. — <sup>2</sup> Theod. lib. II. Ep. LIX. — <sup>3</sup> Marc. ix.

<sup>1</sup> Theod. I. II. Ep. xix. — <sup>2</sup> Theod. I. II. Ep. CLXXXII. ex Cod. Column. — <sup>3</sup> Matth. ix.

anrem loquentes, scribere, pro ambabus orantes meliora et saluti propria et nunc et in futurum ». Hæc Theodorus ad Mariam, cum ejus filia Augusta tunc regnans, matrem Mariam ad se studeret, ut secum degeret, evocare; quod fieri non debere, ex Evangelica lege admonuit, ne cum hereticis communicaret aliquo modo, vel communicantibus cum hereticis communicatione ulla tenus jungeretur.

**24. Quot scripsit Epistolas Theodorus.** — Vides ex his, lector, Orthodoxos omnes in unum Theodorum ad consulendum cum respexisse, et de rebus dubiis habuisse confugium, relictum ipsum in Ecclesia illa, cui incubabat hereticus patriarcha, tanquam divinum oraculum vocale omnibus eum interrogantibus, jam et voce sanguinis vehementius clamans. Ut plane vel in Theodoro Apostolica sententia appareat experimento probata, qua Paulus Apostolus<sup>1</sup> de seipso dicit: « Pro Evangelio labore usque ad vineula, quasi male operans, sed verbum Dei non est alligatum ». Et enim neque carcere, neque vinculis, neque custodibus valuit impediri vel praepediri, neque combinationibus vel pennis potuit prohiberi, terroribusque velari, neque verberibus iteratis contineri, vel inedia arctari atque constringi, vel quid minimum detineri, quo minus liber animo perseveraret et libere curreret, longe lateque per universum Orientalem orbem excurreret Spiritus<sup>2</sup> pennis verbum Dei instar columbae deargentatae quocumque velit pro voluntate volantis.

**25. Credi vix potest, quot hoc tempore litteras scripsit hortatorias ad martyrium, catecheticas ad instrucionem, dogmaticas adversus hereticorum objectiones, consolatorias ad concaptivos, luctuosas ad lapsos, canonicas ad resipiscentes, remedia ex praescripto canonum continentis: ut plane in summo otio et maxima libertate eum constitulum fuisse quis dixerit, qui cuncta ab eo hoc tempore scripta censideret, et plures illi inservisse notarios, famulos adstitisse tabulas ex confertis armariis ministrantes, et ad scritptionem cerani parantes, tabellariosque crediderit etiam plurimos singulis diebus ad iter accinctos, expeditos in diversas orbis partes mittendos pro foribus semper adstitisse paratos. Summa haec est potentia verbi Dei, qui omnia<sup>3</sup> quæcumque voluit fecit in cœlo et in terra; et<sup>4</sup> vocat ea quæ non sunt, tanquam ea quæ sunt; et voluisse tantum, perfecisse est.**

Numerum excedit ducentarum Epistolarum summa, quas Theodorus persecutionis tempore exul, et in carcere constitutus conscripsit: extant ipsæ singulæ: ex quibus paucas, que magis ad contextum historiæ spectare noscuntur, hic tibi annis singulis, quibus sunt scriptæ, curavimus describendas, Apostolici quidem spiritus odore flagrantes, eorumdemque gloria stigmata referentes, dum quot apices, tot vibices gloriose confessionis legentibus representent, et in charta

versus fluentes ex ejus corpore rivos sanguinis manifestent. Sed jam reliqua, quæ sunt ejusdem Theodori auni iujus rerum gestarum et scriptiorum monumenta reddamus.

**26. Confessores ubique existentes per Epistolam Theodorus in fide confirmat.** — Hostis humani generis cum plurimum cruciaretur ipse cruciamentis sanctorum: ad fraudes ex more confudit, si quomodo posset robustos Christi athletas reddere debiles, atque a certamine revocare. Quid agit? Ore negantium loquitur, et hereticorum lingua vipera sibilans, illud asserit et evulgat: frustra gloriari in confessione fideles, et exultare de corona martyrii Orthodoxos, longe procul abesse significans, ut pro Christo pati dicantur, qui pro imaginibus subeant illata supplicia: sed sicut pro imaginibus tuisset susceptum certamen, ita imaginaria spes esset de præmio consequendo. Ista audiens Theodorus, mox occurrentis, ad omnes Christi confessores ubique degentes hanc scribit Epistolam<sup>5</sup>, qua primum eos laudat, qui talia paterentur:

**27. « Theodorus iis, qui propter Dominum in diversis carceribus detinentur dilectis fratribus salutem.**

« Quidnam hæc rei sunt, quæ videmus? Gaudium et exultatio, quoniam martyria pro Christo inire dignati fuimus, quia careeribus et tormentis pro Dei verbo traditi sumus: quia plagis et contumeliis propter Christum, qui pro nobis verbera, opprobria, mortem denique passus est, subditi sumus. Quis non laudet? Quis non gloriæ ducat? Oriens lætatur, gaudet Occidens; universæ per quatuor mundi cardines exultant Ecclesiae. Et quid terrenum orbem loquor? cælum ipsum gaudio repletum est. Quod non solum supremus antistitutum nostrorum, episcopi ac sacerdotes, præsides cenobiorum, et discipuli, sed monachæ etiam ipsæ cum moderatricibus suis martyrii scammata ingressæ sunt: mitto illos dicere, qui in desertis et montibus, in speluncis et cavernis terræ exules affliguntur, et dura pro Christo persecutio vexantur. Merito itaque, fratres mei dilecti ac desiderandi, gaudium et corona mea, gaudeo et congratulor vobis. Idipsum autem et vos gaudete et congratulamini mihi: B. Pauli<sup>6</sup> sunt hæc verba, sed temporis congruentia: omnia siquidem ad doctrinam nostram scripta sunt, et imitatores sui nos esse obtestatur.

**28. « Primum ergo illud vere dixit, non quantum volunt cupiuntque ii, qui nos vexant, aerumnis et afflictionibus nos premi: sic enim intolerabilis foret tentatio, qualis que a demonibus occulte nobis intectur, sed quantum permittit certaminis præses et particeps nobiscum Christus, qui pro cuiusque virium modulo ac mensura justo judicio agones immittit, vel ad deliciarum vindictam, si modo sponte ad id patientium accedimus, vel ad victricium coronarum retributionem, e gloria in gloriam progredientibus. Non enim iisdem**

<sup>1</sup> 2. Tim. II. — <sup>2</sup> Psal. LXVII. — <sup>3</sup> Psal. CXXXIV. — <sup>4</sup> Rom. IV.

<sup>5</sup> Theod. I. II. Ep. XXI. ex Cod. Column. — <sup>6</sup> Philip. II.

nos, quibus Petrus et Paulus eum aequalibus, aut Georgius aut Demetrius cum similibus, aut Thecla cum Febronia cum paribus affecti tormentis fui-  
mus, quibus, cum multum diligerent, abundarunt et Christi concessæ passiones. At quibus exigua est charitas, iis minora etiam pati conceditur; ut dolere atque ægre ferre, quod multa non patimur, non turbari nos deceat, neque frangi ob medioeria hæc supplicia, quæ sustinemus.

29. « Quod si ceciderimus (quod absit vel cogitare) non ad divini judicij permissionem, sed ad ejus, qui emollitus est, remissionem, ignaviam impietatemque referendum. Deus enim vires dedit adversus dæmonis potentiam, victorem volens athletam suum fieri: hic vero negligentia sua patientiae arma projiciens periiit. Testis horum qui clamat<sup>1</sup>: Fidelis Deus, qui non patitur vos tentari supra id quod potestis, sed faciet cum tentatione eliam proventum, ut possitis sustinere. Ne igitur erubescamus testimonium Domini nostri Jesu Christi: nee vinei nos patiamur a Thadæo martyre novo, iisque qui una confessi post eum abierunt, quorum ipsi nomina tenelis. Martyrum sanguine irrigata est etiamnum Ecclesia Dei, atque adeo irrigatur per eos, qui decertant, et variis ærumnis afflentur. Sanguinem fundit qui inclusus tene-  
tur, qui ab aliis sejunctus est, qui in angustiis coactus, qui ab omni conspectu remotus, qui rebus necessariis destitutus, qui esurit, qui sitit, qui solis radium non videt, quotidie<sup>2</sup> moriens, ut loquitur Paulus: et tota die mortificatus, ut canit<sup>3</sup> David. Sed si commortui erimus, convivemus; et si sustinuerimus, et conregnabimus cum eo. Superioribus sæculis elegit gratia eos elegit ad Christi testimonium: exoriuntur per ætates singulas martyres. Necesse enim esse, ut veniant scandala, dixit Christus<sup>4</sup>, ut solis ritu resplendeant electi, et zizania nocturna sua obscuritate manifesta fiant.

30. « Simus, fratres, in natione hac prava et perversa tanquam stelle lucentes in tenebris hæ-  
reos: sicut elegit nos Christus in gloriam suam, ad landem fidei Orthodoxæ. Quemadmodum nobis illi, qui olim fuerunt, ita et nos posteris stabilimento atque exemplo simus, ut in die Domini exultantes reperiamur. Et vero clarius atque manifestius, quam majores nostri, testimonium habemus. Non enim de Christi naturis, aut voluntatibus, et cæteris, quæ in quæstionem vocata fuerunt, quorum alteratio quoniam in notionibus ipsis posita erat, nullam sub sensu demonstrationem dabat, sed de iis, quæ cogitationes simul atque oculos feriunt, dubitatio est, seu potius impia negatio. Christum siquidem adversarii non solum effungi posse negant, eodemque modo Deiparam atque sanctos, verum expressos etiam abolerent, errorem ac perniciem animarum sacras imagines esse affirmantes. O Iudaicam patriter et Ethnicam impietatem!

31. « Nulla igitur universe, aut quod ad sub-

stantię differentiam, varietas in eo, de quo sermo est. Ait Judæus aut Ethnicus Christianus: Nega Christum, nega Mariam. Ille ipsum ait et Iconomachus. Imago enim Christi et Deiparae eodem nomine Christus et Deipara nuncupatur. Quare qui imaginem negari jubet, eum cuius imago est, negari haud dubie jubet. Non mea hæc sententia, audi quid Moysi dicat universorum Deus<sup>1</sup>: Fac Cherubim; et tamen Cherubim imagines fieri jussit. Nec enim Cherubim naturam designasse, mentis compos nullus dicet. Rursum<sup>2</sup>: Fac serpenteū æneum: et hic quoque serpentis imaginem exprimi jubet. Verum haec est natura prototypi et exempli ab eo ducti, ut exemplum archetypi nomen sumat, et uno sublatu alterum tollatur, tanquam qui simul sint. Erat angelus, ideo et angeli imago: erat serpens, ideo et imago serpentis, atque ita rei cuiusque: et vocantur interdum quidem imagines, quorum re ipsa sunt, interdum vero propter habitudinem, tanquam archetypa ipsa nuncupantur, et non imagines eorum. Ille modo divinus Apostolus<sup>3</sup>: Super eamque (inquit) Cherubim gloriae obumbrantia Propitiatorium: prototypi nomen tribuens imaginibus.

32. « Audi et Basilium Magnum: Exprimatur etiam in tabula certaminis præses Christus: non enim, ait, exprimatur imago præsidis certaminum Christi. Audi et Nyssenum Gregorium: Praesto est Isaæ, Isaæ imaginem Isaac appellantem. Audi Chrysostomum: Vidi angelum in imagine; non enim imaginem angeli a se visam dixit, sed angelum. In imagine quippe prototypum repræsentatur, sicut a typo Crneis, Crux ipsa vivifica. Quatenus inseparabile est unum ab altero in adoratione, propterea et archetypi nomen obtinet imago. Crux enim Crucis typus appellatur. Sie de rege omnique homine, et de omni alia re vere dicere liceat, regem dici etiam regis imaginem, ait divinus Basilius, et Petrum Petri imaginem, et Paulum Pauli imaginem (dicam aliquid sublimius) et Deum quoque hominem dici, tanquam Dei imaginem. Ergo juxta ea, quæ Basilius docuit, etiam Christus imago Christi. Dicit enim (iterum dico): Exprimatur in tabula non imago Christi, sed Christus.

33. « Quod si hæc non ferunt contentiosi, primum divinas voces improbant, deinde Christum hominem non esse, si non verbo, re ipsa docent. Si enim est homo, depingitur utique; hominis enim proprietas prima est depingi: si vero non depingitur, homo non est, sed carnis expers; et nondum venit Christus, sicut Judei nugantur. Hanc ob causam et Deiparam quoque depictam delent, et sanctos omnes, quasi non Mater Christi, nec famuli Christi essent. Exclamat vox aurea: Verbis tuis opera mihi credibilia sunt. Consequitur ergo iudaizare revera leonomachos. Et qui ab eis patiuntur propter Christum, et pro Christo patientem, propter Deiparam et pro Deipara, propter sanctos

<sup>1</sup> 2. Cor. x. — <sup>2</sup> 1. Cor. xv. — <sup>3</sup> Psal. XLIII. — <sup>4</sup> Matth. XVIII.

<sup>1</sup> Exod. xv. — <sup>2</sup> Num. XXI. — <sup>3</sup> Hebr. ix.

et pro sanctis quibuscumque, martyrem irrefragabilem et confessorem Christi esse qui decertat et resistit. Nec opponi contra quicquam potest.

« Machabaei martyres facti, quod suillas carnes edere abnuerent, precursor Christi propter iudicium veritatis, alius, qui obolum offerre nolle ad structuram idolii: alius aliud ob mandatum. Quid enim attinet multa loqui? Et hic, qui manifeste decertat, martyr non erit, ut miseri quidam affirmant? Martyr plane verus, nulla re discrepans ab illis, quos Ethnici vel Iudei martyres fecerant: et martyr ac testis in celo fidelis. Omnino ergo, si quis Crucis typum spernit, in Christum ipsum contemptum hunc torquet: multo magis qui imaginem Christi negat, negationem in Christum refert. Sic qui martyrium pro alterutro suffert, martyr verissimus, ac magis etiam in imagine, quia typus signum, imago forma est Christi.

34. « Obsecro, fratres mei saucti, cælestis vocationis particeps, primum quidem memoriam mei faciatis orantes, ut quæ dico, re pæstem, nullis cedens nec apertis, nec occultis insultibus. Deinde vobis ipsis attendatis et presenti certamini. Nec vero cogitationibus uramini ex inopia scientiae in harum rerum contemplatione, quæ a providentia alto consilio gubernantur, quod assequi nequit humana intelligentia, nec vobis id contingat, quod canitis<sup>1</sup>: Mei autem pæne moti sunt pedes, pæne effusi sunt gressus mei, quia zelavi super iniquos, hoc et illud videns. Sed audite potius diecentem Dominum<sup>2</sup>: Exspecta in die resurrectionis mea. Et<sup>3</sup>: Qui sustinuerit usque ad finem, hic salvus erit». Haec Theodorus, qui et eodem etiam argumento aliam ipso quoque tempore scripsit<sup>4</sup> Epistolam ad abbatem quendam in carcere constitutum, ostendens imaginem ad prototypum relationem habere, ita omnibus ubique in omnibus consulens, invigilans eujuscumque salutem.

35. *Theodori Testamentum.* — Quod autem ita, ut vidisti, Theodorus in carcere constitutus, confectus ærumnis, haud diu vivere se posse putaret, et hoc providit, ut quasi proxime moriturus vice testamenti Epistolam scribebat, qua veniam peteret, si quem ex fratribus offendisset, significans et ipsum pariter ignoscere illis, a quibus esset offensus, monens tamen lapsos de perpetrato delicto debere peragere pœnitentiam. Epistola sic se habet:

« Fratribus absentibus<sup>5</sup>.

« Semper quidem ad mortem omnia disponere Christianum oportet: sed tum maxime cum ærumnis mortis minas intentantibus urgetur. Quando igitur hoc in statu sunt res nostræ, senviente persecutorum rabie, ob Christi charitatem, præsens scilicet testimonium confessionis ejus; nec scire possum, quid subito eventurum sit mihi ab aliis se-

juneto, proculque a vobis fratribus ac patribus meis circumcluso: recte facturum me existimavi, si supremam veluti vocem hanc Epistolam vobis commendarem, et per vos universæ fraternitatit. Melius enim est sæpe testari et exspectare, quam vite longioris exspectatione subito abripi, et intestatum inconsulto relinquiri.

36. « Quid ergo nunc reslat, quandoquidem sæpe, quæcumque dicere conveniebat, vel gravi quopiam morbo decumbens, vel instantè persecutio recensui, memoræque suggesti; neque nunc opus est, que dicta sunt, iterum repetere? Hoc primum, fratres mei, ut veniam mihi detis omnium, que praeter rationem in gubernatione adversum vos dixi, vel egi tum verbo tum factis. Delicta<sup>1</sup> enim quis intelliget? et<sup>2</sup>: Offendimus omnes, egoque præsertim omnium hominum nequissimus. Unde et preces vestras imploro ad consequendam salutem ærumnosæ animæ meæ. Deinde pro iis, qui propter peccata mea segregati, avulsique a nostra in Spiritu sancto congregatione sunt fratres. Est quidem, est plane omnibus patefactum, quod eis impendet justum Dei iudicium. Verumtamen quia filii sunt et membra, condolendum illis est et amplius contestandum. Dico autem fratri Leontio, Maximo, Clementi, aliis omnibus, qui seipso quacunque inanis prætextus specie segregarunt. Et quæ in me quidem admiserunt, et olim dixi, et nunc dico, ignoscendum illis est. Sed quoniam quæ in Deum commissa sunt, hominis non est, si absque pœnitentia maneat, solvere; illi autem nondum pœnitentia taeti videntur, quin alia insuper haec et illa egisse, quæ ipsi norunt: obsecro, ut per vos sive nunc, sive post mortem meam hoc illis demunietur. Videtis, fratres, terrible et inevitabile iudicium, nisi digna Deum pœnitentia placaveritis; quantum enim ad me peccatorem, ignoscendum vobis est. Illoc erat, quod nonnullum me contristat, et menti occurrit, quod ut erga omnes perficiatis vos oro. Valete in Domino».

37. *Ad episcopos confessores Theodori Epistolæ.* — Qui ergo modo pressus angustiis ejusmodi breve admodum per litteras testamentum conscripsit, majori postea proxime moriturus, aliud longe prolixius confecit, quod suo loco inferius ponetur.

Quod ad hoc ipsum quoque tempus spectat, post elapsum scilicet persecutionis biennium, idem Theodorus litteris veneratus est Theophylactum episcopum Nicomediensem egregium confessorem. Etsi enim maxima episcoporum pars temporis inseriens perfidiam secuta est imperatoris, vel saltem nefariæ ejus (ut vidisti) communionis particeps facta est: non defuerunt tamen, licet paucissimi numero ex episcopis, qui carere sedibus, in exilium deportari, aliaque grandia quantumlibet pati delegerint potius, quam misceri scelestis: inter quos iste (ut diximus) Theophylactus enituit

<sup>1</sup> Psal. LXXII. — <sup>2</sup> Marc. x. Luc. ix. — <sup>3</sup> Marc. xxiv. — <sup>4</sup> Theod. l. ii. Ep. XXIII. ex Cod. Colum. — <sup>5</sup> Theod. l. ii. Ep. XXII. ex Cod. Colum.

<sup>1</sup> Psal. XVIII. — <sup>2</sup> Jac. iii.

episcopus Nicomediæ quem vocibus triumphalibus jure meritoque Theodorus est prosecutus, hanc ad eum e vinculis Epistolam scribens<sup>1</sup>:

38. « Theophylacto episcopo Nicomediæ.

« Biennium est, cum in hac cura et cogitatione vursor, ut scribam ad sacrum verticem tuum : et vix nunc tandem impleo desiderium humilitatis meæ. Sed recte, quod dignus habeor, qui per litteras salutem patrem meum, columnam veritatis, rectæ fidei fundamentum, custodem pietatis. Ecclesiae firmamentum, victorem virum, Christiforum pontificem, confessionis Dei martyrem. Annon enim martyrii corona tibi præsto est, qui propter Christum exul et peregrinus graves ærumnas sustines, idque in corpore tum natura sua imbecillo, tum pristinis, sat scio, aseeticæ vitæ laboribus attrito? Gloriatur in te Orthodoxorum chorus, ketatur Nicomediensium civitas, et triumphat orbi terrarum te ostentans, et vetera olim decantata præsulū suorum probra depellens. Ac si proprie magis loquendum est : exultat animo S. Tarasius, ex caula, manuque sua prius ovem, tum pastorem inclytum videns, depugnantem modo, et discri- men omne potenter pro fide Orthodoxa, cui quod in se erat, per Synodum Dei gratia contulit temporibus Augustæ, quæ pacis cognomen gessit et pacem dedit, ita ut res ipsæ nominibus apte congruerent. Verum illa quidem sic fuerunt; præsentia vero amara et luctuosa. Qui enim aliter? altaribus exterminatis, eversis Ecclesiis, sursum, deorsum, omnia miscente hæresi et Christum cum Matre et servis suis persequente.

39. « An vero persecutionem passi non sunt, dejectis et prostratis ipsorum imaginibus? Num ergo si vivisci ligni typus aboleatur, sublatam e medio crucem quis neget? Quod si in typo dici hoc nullo modo potest : cur non idem etiam in imagine fatendum sit? Imago siquidem et typus ipse est, ac vice versa recurrit oratio. At quisnam ego sum miser, et sacrorum imperitus, qui hæc divino Patri et magistro edisseram? Tu ipse nos, sanctissime, perfectiora doce, ut divinis imbutus. Tu factis instrue ad fortiter ferendam præsentem seu castigationem seu probationem, quorum illud prius in nos quadrat propter peccata, posterius in te propter divinam charitatem Christi, quem tu orare ne cesses, ut impietatis umbram discutias, et sereno tranquillæ fidei diluculo permutes ». Ita modo : sed ad eundem rursus eodem argumento<sup>2</sup> scribens, statim deformem Ecclesie temporis præsentis deplorat :

« Jamdudum optabam beatitudini tuæ seribere, sed defuit mihi copia tabellarii : nunc Dei voluntate nactus, expleo desiderium, quod in te jure suscepisti, non solum ob tuam in Domino confessionem, sed peculiariter etiam ob egregios præ multis mores tuos et suavitatem, candorem, gratiam, et mellili-

tam conversationem, affabilitatem in congressibus, et supra omnia beneficentiam, ex quibus sacrae animæ tuæ character, elsi non inspectus, ornatus visus est virtutum varietate. Sed de hac re satis : nec enim tempus est encomiorum. Quid vero tibi, o beate, visa sunt hæc, quæ geruntur? Annon prope Judaismus aut paganismus? Detractus est ornatus Ecclesie, sacrarum ædium facies, igni tradita sunt sancta. Alia quædam forma cernitur in Christianismo, si Christianismum dicere fas est et non polius Judaismum.

40. « Nunc opportunum est ut dicatur<sup>1</sup> : Domine, prophetas tuos occiderunt, et altaria tua destruxerunt. Et quidem occiderunt, et quidem destruxerunt. Eradere enim et effodere faciem eorum, quid aliud est quam aperte destruere? Aufer hominis faciem, non jam homo erit, sed abortivum quiddam, si tamen vivere possit<sup>2</sup>. Incenderunt igni sanctuarium tuum ; et hoc vere item. Omnem diuinam imaginem quacumque materia expressam concermentes. Apertum est os blasphemum, Christum idolum appellans, et Deiparam et sanctos : archetypi siquidem nomen relinet etiam exemplum, quando et adorationem quoque; idcirco typum emmē crucis crucem appelleamus, et vivificiam crucem adorantes amplectimur. Verum hæc ego humiliis deploravi, non quasi erroris perniciem ignoret exacta sapientia tua (ne stultus videar) sed ut cordis mei dolorem ipse leniam commemorando. Solent siquidem narrationes cum esserunt, occultas levare molestias. Atque ut illam una excitem ad Deum enixius deprecandum, ut celerem vindictam pravæ huie hæresi reddat ad populi sui salutem. Ora etiam pro me minimo filio tuo, pater sanctissime ». Ille ad episcopum Nicomedie.

41. Quod vero ad reliquos confessores episcopos pertinet : eniit hoc quoque tempore, et Theophilii episcopi Ephesi decorata sanguine clara confessio, quo nomine ab eodem Theodoro plurimum commendatur, cum ab exilio scriptam ab eo accepisset Epistolam cum eulogia dignam quidem, ut hic perenne ejus gloriae monumentum intexatur in tanti memoriam confessoris. Sic enim se habet :

« Theophilo episcopo Ephesi<sup>3</sup>.

« Et sacram Epistolam tuam accepi tanquam divinitus scriptum libellum, et eulogiam simul suscepi, veluti amoris igniculum. Et quis ego sum miser, qui a sancto ore tuo sie lauder, qui nee corrigiam calceamenti tui solvere dignus sum? En humilitatis Deum æmulantis proprietates! Tu beatissime pater, qui magnus et diceris, et extolleris, et prædicaris Orienti alque Occidenti, maximi Apostoli, Evangeliste ac Theologi thronum digne condecorans per ea quæ passus es, et pateris etiam nunc, carnis tuæ sanguine vitam illustrans, et pingi Christum confitens ut corporeum, non siue impii faciunt, negans, quando depingi eum non

<sup>1</sup> Theod. I. II. Ep. iv. Cod. Column. — <sup>2</sup> Theod. I. II. Ep. xxvi. Cod. Column.

<sup>1</sup> 3. Reg. xix. — <sup>2</sup> Psal. LXXXIII. — <sup>3</sup> Theod. I. II. Ep. xli. ex Cod. Column.

admittunt. Quod enim non exprimitur imagine, nec corporeum quidem est. Mitto dicere quod angelus incorporeus eum sit, per sensibiles imagines exprimi a theologis traditum est. Huius vero etiam corporeum Dominum, et incorporeum famulum, Deique Matrem cum omnibus Domini ministris depingi negarunt, per imagines videlicet prototypa ipsa simul negantes. Neque hoc intelligentes, ea proprie figuræ ac characteris susceptione vim suam et statum obtinere, quo sublato, vel dedecore affecto, tollitur proculdubio et dedecore afficitur eorum vis omnis et dignitas. Attamen intelligere nolunt, ut benefaciant et meliores fiant. His vero adversus stimulum caleitrare licet. Te vero potens manus custodiat ad gloriam Ecclesie suæ, ut columen, ut fundamentum, ut propugnaculum, videamusque te humiles, aut inde in Asiaticam terram redeuntem, sicut illi olim ex Pathimi custodia solem Evangelii; aut in cælis<sup>1</sup> supra decem civitates pontificaliter glorificatum ». Haec ad Theophilum, ad quem haec breviter rursum :

42. « Theophilo episcopo Ephesi<sup>2</sup>.

« Cum Epistolam fœnori dedissem, exspectabam ut debitum charitatis reciparem; sed quia non accepi, cupio iterum fœnerari : dulce mihi valde hoc fœnus, hoc est, cum saero capite tuo colloqui pro Christo paciente, vel potius confessoris instar coronato et exornato. Non enim quibus oculis videt mundus, iisdem mens cernit, Deum ac divina conspiciens. Ille siquidem corruptibilia et pereuntia bonorum nomen obtinere censem, male judicans et perverse : haec vero illud ac solum beatum ducit, quod non his regionibus definit voluptatem, sed futuro sæculo repositum est ad interminum gaudium animi jucunditatis. Hoc modo sanctitatis tuæ res intuens, gaudeo et gratulor, desideratissime. Contempsti gloriam terrenam, elegisti cum Christo humilia et contemptibilia, imo vero tribulationem et angustias, verbera et exilia. Quam beata sunt quæ egisti? quam laudanda quæ passus es, Orienti Occidentique celebrata, in cælis descripta, angelos exhilarantia, confessores ac martyres oblectantia, dæmones et his sensu ac moribus similes Iconomachos pungentia? Merito igitur tibi congaudeo, princeps Patrum (utpote archiepiscopo). Sed peto, ut pro me etiam ores misero undequaque, ut non excidam a vestigiis constantiæ vestræ ». Ista ad Theophilum Ephesi archiepiscopum. Sed recenseamus cæterorum coronas episcoporum.

43. Inter alios episcopos confessores nobilitatus est valde Josephus ipsius Theodori germanus archiepiscopus Thessalonicensis, de quo etiam sœpe superius, qui tum verbis, tum scriptis fidem Catholicam adversus Iconomachos fortissime propugnavit, ut indicant ejusdem ad eum redditæ Theodori litteræ; describemus hie eas, quod plura habeant, quæ ad præsentis temporis statum et ingruentis persecutionis tragœdiam spectent. Sunt

plane piis lectoris auribus dignæ, his verbis conscriptæ<sup>1</sup>:

44. « Josepho fratri archiepiscopo.

« Quantum quidem ex litteris, de valetudine tua nihil cognovi. Sed heu peccatis meis, quod haec ita evenierunt. Indicatum enim mihi est a fratribus de aliorum atque aliorum interitu : et haec quidem diaboli vis. Sed laus Deo, qui haec eos cœlavit, qui rerum potinuntur : multis enim impendebat periculum. Quin etiam periisse simul iambos, quos contra Iconomachos scripseras : omnino autem sine exemplo et nota eos mittere non debueras. Haec sane contrastaverunt nos, ut par erat : ego vero iterum alloquor sanctitatem tuam, faciem videre desiderans : cuius enim potius? aut non semper? neque id ex natura tantum, sed ex actionum conspirante societate, non humiliata, sed cœlitus prefecta, a primis fere carceribus in hanc diem, ut sciunt omnes; ac formaverunt parentes corporaliter dicam ac spiritualiter. Utinam autem sic maneamus etiam in posterum, ut a te non divellar peccatorum meorum multitudine. Ex divina providentia consentientes, et ex eorum consuetudine, qui generunt : ac vota quidem nostra talia sunt.

« Cætera autem qualia et quam multa in Ecclesia Dei gemitu ac lacrymis digna, jam prorsus audisti. Quæ enim ne prisci quidem contra Christianum egerant heretici, ea nunc majori rabie patrata sunt. Et dormit Christus, et falsum incredulitatis mare intumescit, extremam perniciem afferrens. Sed adsunt tecum germani discipuli, qui Christum ad increpationem periculique depulsionem exsuscent. Abiit et meus in habitu suspector ac sponsor, vir bonus, confessionis præmium reportans in molestissima (adeo ut in lectulo se ipse versare non posset) infirmitate. Quo modo? Resistens, abductus est et custoditus, deinde etiam relegatus, atque ita martyrium consumans. Itaque non despexit Dominus subjectionis ejus labores, quantos nosti; tametsi propter peccata mea intermœchianos deprehensus fuerit, corpori parcens, non animo item abreptus, ut res ipsa declaravit. Propterea cœtua Deo subductus, in alteram partem victoriam vertit, quemadmodum et Mediciones, atque adeo Nicænus quoque, ut litteris ipsis edetus sum. Et quid hunc aut illum dico? Mihi enim persuadeo, sic affectos esse omnes, qui restiterunt. Quin et ipse verus patriarcha noster veritatem profitetur, ut ex ejus ore didici, qui illum audierat, ejusque defensionem laudabat. Haec omnia dixi, tum ut defunetum merito laudarem, tum ut sanctitati tuæ vola facerem, quæ debebam.

45. « Sed non ignoras intestinum malum, Leontium illum quondam nostrum, qui et antea mœchianis adhæsit, et nunc princeps est Ionomachorum, eam ob causam et Studianum obtinuit et Sacundiōni injuste dominatur ». Monasteria haec erant ad Theodorum spectantia, quorum alteri

<sup>1</sup> Luc. xix. — <sup>2</sup> Theod. l. ii. Ep. lxx. ex Cod. Colum.

<sup>1</sup> Theod. l. ii. Ep. xxxi. Cod. Colum.

ipse, alteri sanctus Plato præfuerat. Sed pergit : « Ex impuro nihil purum : qualis genitor carnalis, talis et filius : quem Deus convertat sanctis precebus tuis, et me peccatorem in timore suo confirmet. Saluto eos, qui reverentia tuae famulantur. Qui mecum est (Nicolaus videlicet), ut famulus supplex veneratur ».

Quod aulem hic tantum altigit de Nicaeno, etsi antea virus sit, in naufragio illo una cum monasteriorum præfectis ad horam communicasse, resipiscens statim pro Orthodoxis stetit in defensionem Catholice fidei. Cujus rei causa episcopatus sui jacturam passus fuit, dato illo Iconomacho cuidam lusco. Hinc pleno (ut dicitur) ore ab eodem Theodoro laudatus Epistola reperitur, qua omnis illa prior ex ea contagione infamia prorsus abstergitur, atque ob eam causam hic merito recitanda. Sie enim se habet<sup>1</sup> :

46. « Petro Nicææ episcopo.

« Sciens tibi cordi esse, ut tecum nihil homo loquar cum sacro capite, amoris ergo non necessitatis causa ea loquar. Et quidem jam ante locutus per alteram Epistolam videor, quam utrum accepis, nescio. In ultraque autem eadem vox mihi, ut corpore valeas, mi pater, firmum veritatis fundamentum ob multorum stabilitatem, ad fidei signaculum, ad laudem Christi, ad gloriam universæ Ecclesiæ. Quoniam conspicuus tu oculus præ ceteris Orienti et Occidenti notus, habens una cum vita sancta orationem quoque multipliceam. Unde et imperatoribus charus factus es, et principibus amabilis, et monachis laudabilis, proprie vero Ecclesiæ quid dicere opus est? cum beatum te prædicet, te expetal, anetque ob plurima quæ patrasti egregia facinora, ut infantes ubera materna, ut pulli nutricem, ut agni verum pastorem. Quidni autem? cum auribus insonantia habeant vivifica verba tua: præ oculis erecta per te Dei templo; neandum dico eleemosyne copias et reliqua opera sancta. Nec vero arbitrare amicitiae me gratificari. Nam etsi oculis non usurpavi, audivi nihilominus ex iis, qui viderant. Quod si nunc hæc occupat paenitendum, vere luscus ille et internis et externis oculis: ne contristeris, beate, neque adeo mireris. Apostoli in cœnaculo erant, et celeberrimum templum Deicidæ occupabant. Eadem nunc Iconomachorum ratio et Judaica sentientium: quos convertat Dominus, et te custodiat orantem pro me filio tuo ».

47. Quod vero per difficile esset, quot reperiuntur episcopi exiles, totidem ad singulos scribere litteras, unas communes omnibus dedit, consolatus eos et hortatus pariter, ut sua auctoritate alios confirmarent; sunt dignæ plane, quæ sicut reliquæ eodem argumento conscriptæ inserantur Annalibus; sic enim se habent<sup>2</sup>:

« Episcopis propter Christum exulibus.

« Cum de beatitudinis vestræ rebus nuper au-

divissem, patres desideratissimi, gavisus sum magnopere Deumque collaudavi. Quod vero non etiam videre vos, nec gratiæ donis, quæ in vobis sunt, frui licuit, tuli permoleste. Visurus siquidem eram homines Dei, episcopos Domini, beatos viros, mundi lumina, fidei fulcimenta, et si quid aliud est honesti, ejus rem ac nomen obtinentes. O jacturam, o calamitatem! Sed multa nimirum peccata nostra hujus nobis casus causa fuerunt. Nec jam miramur infortunium, sed offerimus supplicationem. Quidnam tandem? Ut defectum litteris sollemni, instruentes, illuminantes, confirmantes, ostendentes quæcumque vera sunt, quæ honesta, quæ justa, quæ ad fidei defensionem et certamen idonea. Si qua virtus, si qua est laus confessionis, hanc perscribite, et quomodo adorandus sit imagine expressus Christus, homonyme, an synonyme: quoniam quidem hoc Orthodoxæ, illud vero contrariae est sententia: et quomodo intelligatur adoratio erga Christum ejusque imaginem: una, an due; quandoquidem hoc nostrum, illud vero Iconomachorum: quorum enim una est et hypostatica similitudo, horum una et eadem est adoratio, præterquam quod imaginis substantia nequaquam adoratur. Ille tenuis est sermo noster commonitorius, non ad docendum comparatus: vestra autem tanto prorsus perfectiora, quanto supereminet dignitas unctionis, in qua presentem cursum viriliter peragite, sanctissimi, tanquam justitiae coronam percepturi ». Hucusque ad episcopos exiles Theodorus. At de rebus Orientibus anni hujus jam hactenus.

48. *Leo papa moritur: a quo Compostellana sedes in Hispania fuit erecta.* — Quod vero ad res Occidentales perfinet, hoc eodem anno pridie idus Jun. Leo papa, cum sedisset annos viginti, menses quinque et dies decem et septem, ut Anastasius habet, ex hac vita migravit.

Quod vero sint nonnullæ ejusdem Pontificis res gestæ quæ ignorantur, quo potissimum anno ejus Pontificatus fieri configerint: hic ad finem ejus sedis de singulis ex more agendum erit. Scriptores omnes, qui res Hispaniarum sunt prosecuti (hanc singulos recensere morabor) æque testantur, hujus auctoritate Pontificis factum, ut sedes episcopalæ Illiriensis Ecclesiæ transferretur Compostellam, id exposcente Alfonso rege, cognomento Casto, per Carolum Magnum ab eodem Leone Romano Pontifice. Rerum autem novandarum illam omnes pariter causam adstruunt, quod reperto Compostellæ venerando corpore sancti Jacobi Apostoli fratris Joannis, atque miraculæ insigniter illustrato. Apostolicæ culminis reverentia dignum visum, ut locus ille episcopalæ sedis insigniri deberetur honore: quod per eundem Leonem tertium Romanum Pontificem feliciter impletum affirmant, hisque initiis jaeta esse Compostellana Ecclesiæ fundamenta, nempe ex reperto illuc sanctissimi Apostoli corpore. Sed longe post ista tempora aliquando accidit, ut præsul ejusdem Ecclesiæ Com-

<sup>1</sup> Theod. l. II. Ep. xxiv. Cod. Col.—<sup>2</sup> Ib. Ep. LXXXVIII. Cod. Col.

postellanæ sibi sumeret majora concessis , erigens se adversus archiepiscopum Toletanum.

49. Quæ res tanta declamata est ab ipso Compostellano episcopo in plena Synodo<sup>1</sup> in magno illo Concilio Lateranensi, quadringentorum octoginta trium episcoporum, vindicante sibi jus non parendi archiepiscopo Toletano, eo quod Compostellana Ecclesia esset super omnes Hispaniarum Ecclesias, duplice ratione, ut aiebat : tum quod sanctus Jacobus ibi quiescat corpore; tum etiam quod in Hispania prædicaverit Evangelium. Sed adversantem sibi acerrime expertus est Rudericus Ximenius archiepiscopum Toletanum, in plena Synodo, coram ipso præsidente Romano Pontifice Innocentio tertio ista locutum post alia de corpore Apostoli ibidem collocato.

« Si, inquit, inducat etiam Compostellanus antistes scilicet, primam divini verbi promulgationem, et plurimorum conversionem ad fidem Christi in Hispania per Jacobum Apostolum faciam: qui divinam paginam neverunt, testimonium perhibeant. Ego tantum legi datam ei finisse potestatem prædicandi in Hispania. Sed interim, cum per Iudeam et Samariam divinam legem seminaret, sub Hierode Hierosolymis truncato capite exhalavit animam, et Domino reddidit. Quomodo ergo ibi prædicavit, quo nondum ingressus est? Aut sine prædicatione quos, obsecro, convertit ad Dominum? » Haec ipse. Qui subdit, de ejusdem Apostoli prædicatione in Hispaniis in tantum se accepisse, cum junior esset, a religiosis quibusdam feminis; indignumque putans, ut in re tanta iisdem fides adhiberetur, nullam de his mentionem haberet voluit in historia, quam conscripsit rerum Hispaniarum. Ille enim ille fuit insignis Rudericus archiepiscopus Toletanus rerum Hispaniarum historie scriptor ore omnium prædicatus: cuius, fateor, percussus auctoritate substilerim aliquantis per, et revocarim in dubium quæ in Notis ad Romanum Martyrologium de adventu Jacobi in Hispanias dixisse meminerim, atque omnia altiori indagine, graviorique expendenda esse lance putarim, ob ea, quæ a tanto viro in tanto Concilio sine lanti adversarii redargutione reperiuntur asserla.

50. Hic rursus meam mentem exagitavit illa inde etiam manans suggestio. Si vera Callisti papæ est illa, quæ de eadem re prædicatur, assertio: cur Compostellanus archiepiscopus eam in sacro illo celeberrimoque Patrum conventu ad redargendum Toletanum non produxit in medium? cum præsertim contra ex eodem Callisto papa rem propositam potius refelleret Toletanus ipsis verbis ipsum Compostellatum compellans: « Si, inquit, antiquitatem Compostellanae Ecclesie pro te facere existimas; antiquitas ista centum et novem (minus novem) annorum spatio confinetur, quod sic persuadeo: dominus Callistus papa ad instantiam

principis et populorum Hispaniae metropoliticum jus antique et celeberrimæ civitatis Emeritensis Compostellam transtulit, anno Domini millesimo centesimo vicesimo quarlo: tum quia civitas Emeritensis erat sub dominio Saracenorum constituta; tum quia peregrinantium devotio ob reverentiam beati Jacobi, cuius corpus ibidem creditur esse sepultum, in melius semper cresceret: nam usque ad haec tempora oratorium quoddam admodum parvum erat locus ille, in quo nunc sita est Compostellana Ecclesia ». Haec tunc ipse in plena Synodo. Quod si tum extitissent ea, que nunc ea de re produntur, Callisti papæ nomine monumenta, certe erubuisse tantus vir propositis a Compostellano rationibus adeo libere adversari; sed adversus Toletanum idem Compostellanus tanti auctoritate Pontificis, ea in medium prodeus scripta Callisti, vehementiori impetu, ut potenti armatus telo in adversarium insiliisset: ardenti enim animo (ut ipsa Acta recitata declarant) rem Compostellanus agebat. Verum succubuit, cum nedum Callistum, sed nec aliquem alium haberet, quem de prædicatione sancti Jacobi in Hispania in medium afferret auctorem, quantumlibet bene venisset instructus, ut in tanta Synodo adversus tantum adversarium causam sue Ecclesie ageret: quem etiam et sponle, puto, abstinuisse a citatione fabulosi Turpini (si tamen illo tempore commentitus liber ille scriptus erat) vel a Pseudo-Isidori sententia, vel quod falso affertur nomine Bedæ, vel aliis, quos assertores ejus sententiae postea prodidere.

51. Celerum si consulatur antiquitas, unde omnino provenerit Evangelii prædicatio in Hispaniam: duo id sanctissimi atque doctissimi Romani Pontifices, Innocentius primus et Gregorius septimus conscripserunt. Habet ista quidem Innocentius in Epistola ad Decenium Eugubinum episcopum: « Legant, inquit, si in his provinciis, nempe Italia, Gallia, Hispania et Africa, alias Apostolorum inveniuntur, aut legitur docuisse. Quod si non legunt, quia ausquam invenitur: oportet eos hoc sequi, quod Ecclesia Romana custodit, a quo eos principium accepisse, non dubium est ». Haec ipse. Quibus et illud luce clarius demonstratur, ante ipsius Innocentii tempora nec quicquam de S. Jacobi accessu in Hispaniam esse conscriptum, dicam amplius, neque cognitum, vel si cognitum, certe non credibile, neque post multa temporum saecula. Siquidem Gregorius<sup>1</sup> hujus nominis papa septimus in Epistola data ad Hispaniarum reges Alfonsum et Sancium, que scripta reperitur quarto kalendas Aprilis, Indictione xii, qui nunclarur annus Redemptoris millesimus septuagesimus quartus, haec ipso sui exordio habet: « Cum beatus Apostolus Paulus Hispaniam se adlisse (adire voluisse) significet, ac postea septem episcopos ab Urbe Roma ad instruendæ Hispaniæ populos a Petro et Paulo Apostolis directos fuisse, qui destruxerat idolo-

<sup>1</sup> Recitat Gars, Loaisa in Collect. Conc. Hisp. in decreto Gundemari, pag. 291.

<sup>1</sup> Greg. VII. lib. 1. Ep. LXIV.

Iatria, Christianitatem fundaverunt, religionem plantaverunt, et officium in divinis cultibus agendis ostenderunt, et sanctas Ecclesias suo sanguine dedicavere: vestra diligentia non ignoret, etc. » Inferius vero, ne quid temere effutuisse videri potuisset, testimonium adducit praedecessorum Romanorum Pontificum, et sacrorum Conciliorum Hispanorum, sic dicens: « Unde enim non dubitatis vos suscepisse religionis exordium: restat etiam, ut inde recipiatis in Ecclesiastico ordine divinum officium. Quod Innocentii papae ad Eugubinum directa episcopum vos docet Epistola: quod Ilormisdæ ad Hispanensem missa Decreta insinuant: quod Toletanum et Bracarense demonstrant Concilia, etc. » Quis igitur non intelligat ex his, ignoratum haec tenus, septem illos (quod recentiores tradiderunt) Jacobi Apostoli fuisse discipulos? quos non unius Jacobi, sed principum Apostolorum Petri et Pauli iusse, ex antiquitatis promptuariis Gregorius prodit: unde magis magisque Hispaniarum Ecclesia illustretur, ut quea ab ipsis Apostolorum principibus sacrum acceperit Evangelium. Haec nos docent Patres, et Aela magni Concilii affirmare suadent.

52. Quod autem spectat ad translationem ejus venerandi corporis Hierosolymis in Hispaniam, citatur ejusdem Leonis tertii papae Epistola, qua asseritur, translationem eodem anno fieri contigisse, quo idem sanctus Apostolus Irenicus est capite; tunc et fuisse sublatum corpus, quod canibus atque volucribus expositum fuit, navigioque impositum Iriam Flaviam delatum ad octavum kal. Augusti, inde vero Compostellam. Factum vero ut urgentibus in Christianos persecutionibus, mortuisque illis, qui tantum thesaurum detulerunt et oculuerunt, ut locus penitus remanserit incognitus, omnisque ejus rei memoria omnino perierit. Fuisse autem id quidem penitus ignoratum, in argumentum deduci potest, quod Venantius Fortunatus in carmine de Bodegiso dñe, cum relegit cuiusque provinciae vel civitatis celebriores in illis positos, et cultui expositos sanctos, primum de Joanne atque Jacobo, sanctis fratribus, nesciens Hierosolymis hunc translatum, hos habet versus:

Præcipuum meritum Ephesus veneranda Joannem  
Dirigit, et Jacobum terra beata suum.

Cum vero ad Hispaniam idem auctor pervenit, qui in ea celebrior haberetur, Vincentium nominat isto versu:

Vincenti Hispana surgit ab arce decus,

quod illo nullus clarius in ea provincia sanctus aliquis esse sciretur; ut plane appareat, adhuc occultum jacuisse, qui delitescebat magnus sub terra thesaurus.

53. Quid tandem? Magno Dei beneficio factum, ut quod post tot saecula tanti latuisset corpus Apo-

stoli, hoc ipso tempore sub Alfonso Casto principe maxime pio in lucem emerserit, lucis signis super vetres in loco, ubi erat abditum, pluribus noctibus visis non uni, sed multis, præcipue vero Theodomiro episcopo Irenensi. Gujus cum rem investigandi divinam præcipua cura esset, summa religione, ut alter Moyses, ad ardenter rubum reverenter accedens, non voce repulsus, ut ille, sed impulsu spiritus etiam invitatus est. Nec ut Nehemias<sup>1</sup> querens sacram ignem in alto et seco puto, aquam crassam tantum invenit, sed accensum virtute potentem fulmineum ignem nactus est, ipsum dico Filium<sup>2</sup> tonitru, ita a Domino nominatum Jacobum, opportuno tempore revelatum, ad faciendam<sup>3</sup> vindictam in nationibus et increpationes in populis; ad vindicandam scilicet Hispaniam e manibus impiorum, et liberandos fideles a dira infidelium servitate, prout abunde satis felicia declararunt eventa. Porro ex hoc tempore ille totius orbis concursu sacer locus, quod ingentibus coruscaret miraculis, cœplu est frequentari; adeo ut qui ipsum venerandum sepulcrum universo patens orbi miraculorum promptuarium nominarit, puto, veritatis scopum attinget; ut plane minimum sit probare scriptis, quea tot gratiarum acceptarum jugiter voces insonant. Sed de his haec tenus.

Ut autem ad res gestas ejusdem Leonis Pontificis redeamus, Tudensis sicut et Rudericus est auctor, obtinuisse eundem qui supra Alfonsum regem ab eodem Leone Pontifice, ut Ovetensis Ecclesia, quam ipse tot religionis monumentis illustravit, archiepiscopatu insigniretur.

54. *Res gestae Leonis papæ et munera ab eo collata Ecclesiæ et monasteriis.* — Quod insuper ad ejusdem Leonis papæ res gestas pertinet: ad hunc spectare potius, quan ad alium aliquem ejusdem nomini Pontificem Romanum certum est, quea Walfridus Strabo scribit in libro de rebus Ecclesiasticis his verbis<sup>4</sup>: « Fidelium relatione virorum ad nostram usque pervenit notitiam, Leonem papam (sicut ipse fatebatur) una die septies vel novies missarum solemnia saepius celebrasse, Bonifacium vero archiepiscopum et martyrem semel tantum per diem missas fecisse: qui et non longe ante nostra fuerunt tempora, et ambo tam scientia, quam gradu præcipui ». At quea de his ipse sentiat, ista adjicit: « Itaque unusquisque in suo sensu abundet, dum fides concordet, ut nec saepius offerentes aestiment Deum aliter petitiones non posse discernere; nec semel hostias per diem immolantes putent suæ fidei subtilitatem potius, quam superiorum devotionem divinis acceptam conspectibus ». Haec Strabo, quea admiranda cuique videri possunt. Sed de pluralitate missarum una die agendarum tractatio prolixiorum requirit disputationem; haec autem modo tantum occasione

<sup>1</sup> 2. Mach. 1. — <sup>2</sup> Marc. III. — <sup>3</sup> Psal. CXLIX. — <sup>4</sup> Walf. Strab. de reb. Eccl. c. 21.

rerum gestarum S. Leonis papæ, qui cum esset gravissimis afflictionibus vexatus, frequentiorem adhibuit ad implorandum divinum auxilium celebrationem missarum.

55. Sed jam ad ea, quæ de ejusdem Pontificis munificentia apud Anastasium leguntur, veniamus. Quod enim tot annis, quibus in Pontificatu vixit, multiplicibus oblationibus Caroli Magni et aliorum regum Romana locupletata Ecclesia admodum fuerit; neenon ex peregrinantur jugiter frequentissimo cœtu ad saera limina ex remotissinis regionibus populorum muneribus totius Occidentalis orbis Christiani divitiae in unum velut aerarium, in ipsam Romanam Ecclesiam congestæ essent: idem Pontifex Leo quicquid superesset cleri atque pauperum almoniis, acresci voluit ornamenti Ecclesiarum, de quibus scripta hæc reperiuntur apud ipsum quem diximus Anastasium, eodem ordine, quo diversis temporibus diversis in locis ab eo oblata sunt: ut non mireris, si sæpius et interpolatis vicibus de iisdem Ecclesiis contingat fieri mentio. Præter illa igitur, quæ recensuimus superiorius, tum quæ sedis sue exordio, tum etiam quæ post redditum ex Germania ante terræ motum Basilicæ sancti Pauli ab eo sunt donata: hic quæ per diversa post haec tempora ab eodem Pontifice sunt tradita in diversis Ecclesiis ornamenta, ex eodem auctore describamus, quæ sic se habent:

56. « Fecit præfatus Pontifex in Basilica Salvatoris, quæ appellatur Constantiniana, vestes duas, ex quibus unam cum chrysoclavio et gemmis habentem historiam Salvatoris introensem in sanctam civitatem, et aliam chrysoclavam cum gemmis pretiosissimis, habentem historiam Resurrectionis Dominicæ. Et in circuitu altaris vela rubra serica quatuor, et alba quatuor cum chrysoclavio, et tres ante imagines cum lista, et alias albas sericas numero triginta septem, et in altare beati Venantii fecit vestem de fundato et vela duo, et in oratoriis S. Joannis Baptiste et Joannis Evangelistæ fecit vestes duas de stauraci cum chrysoclavio et vela duo.

« Idem vero beatus Pontifex super altare beati Petri Apostoli fecit vestem cum vite ex auro purissimo et gemmis pretiosissimis et margaritis, habentem in medio vultum Salvatoris et sanctæ Dei Genitricis Mariae et duodecim Apostolorum, ubi et misit auri libras viginti quinque. Fecit et aliam vestem chrysoclavam habentem historiam Litaniæ majoris. Et aliam vestem habentem tabulas chrysoclavas tres, et in eis historiam Dominicæ Passionis, legentem, hoc est corvus meum quod pro vobis tradetvr, etc. Similiter etiam et cortinam maiorem de fundato. Verum et per arcus argenteos fecit vela Paschalia cum periclysi de stauraci, et quinque cum chrysoclavio, et per arcus maiores vela alba quadraginta et octo, neenon gabathas fecit ex auro purissimo quindecim cum gemmis pendentes in pergula ante altare, pensantes libras sexaginta quinque et semis. Sed et tabulam ante

confessionem fecit ex auro purissimo pensantem libras viginti novem: verum etiam et imagines argenteas deauratas duas super rugas maiores posuit, pensantes libras nonaginta, imo et canthara argentea duo in presbyterio fecit, pensantia libras quinquaginta. Neenon et fenestras ipsius Ecclesiæ ex metallo Cyprino decoravit, et alias fenestras de vitro diversis coloribus decoratas.

57. « Super altare beati Andreæ Apostoli fecit vestem chrysoclavam cum margaritis. Sed et presbyterium ex marmoribus sculptis ornavit.

« Et in altare beatæ Petronille fecit vestem albam holosericam cum tabulis de chrysoclavo et cruce; et ibidem presbyterium ex marmoribus sculptis ornavit. Fecit et columnas argenteas sex, et regulares duos ex argento purissimo, pensantes simul libras octoginta.

« Super corpus B. Gregorii confessoris atque Pontificis fecit vestem albam holosericam cum tabulis de chrysoclavo et cruce.

« Itemque fecit in Basilica S. Dei Genitricis Ad præsepe cortinam Alexandrinam cum periclysi de stauraci, et alia alba cum periclysi de blatti, neenon intra regias maiores atque ante secretarium numero duodecim, et intus præsepe fecit vestem de alythino cum chrysoclavo.

« Itidem et in Basilica B. Laurentii martyris foris muros, fecit cortinam regiam cum periclysi de stauraci.

« Item in Basilica S. Paneratii fecit ciborium argenteum pensans libras trecentas sexaginta septem.

58. « In titulo Callisti ad honorem Dei Genitricis semperque Virginis Mariae fecit ciborium argenteum pensans libras quingentas quatuor et semis.

« In titulo Eudoxiae fecit vestem albam cum periclysi de chrysoclavo.

« In titulo S. Cæciliae fecit vestem de stauraci.

« In titulo S. Eusebii fecit vestem de fundato.

« In titulo S. Vitalis fecit vestem de stauraci.

« In titulo S. Pudentianæ fecit vestem ut supra.

« In titulo S. Anastasiæ fecit vestem de fundato.

« In titulo S. Praxedis fecit vestem de stauraci cum periclysi de blatti.

« In titulo B. Laurentii in Formoso fecit vestem de quadraplo.

« In monasterio S. Anastasii fecit vestem de chrysoclavo cum ejusdem martyris passione depicta, et pharum de argento cum canistro de octogoni, pensantia libras viginti quinque.

59. « In monasterio S. Silvestri fecit vestes duas, unam in Basilica majori Byzantea cum chrysoclavo, et aliam de fundato in oratorio.

« In monasterio S. Lucie in Rhenatis fecit vestem de fundato cum chrysoclavo.

« In S. Angelo in Fabiano fecit vestem de fundato.

« In diaconia S. Lucie in Septem viis fecit vestem de fundato.

« In diaconia SS. Sergii et Bacchi fecit vestem de stauraci.

« In diaconia S. Eustachii fecit vestem de fundato.

« In diaconia S. Luciae in Orpheo fecit vestem de fundato.

« Ipse item a Deo protectus venerabilis et almiratus Pontifex fecit in Basilica B. Petri Apostoli nutritoris sui in medio ejus Crucifixum ex argento purissimo pensantem libras septuaginta duas.

« Item fecit in Triclinio Lateranensi mirae magnitudinis alias decem absides dextra laevaque diversis historiis depictas, habentes Apostolos Gentibus praedicantes, cohaerentes Basilice Constan tinianae, in quo loco et accubita collocavit, et in medio concham porphyreticam aquam fundentem. Necnon et pavimentum ipsius marmoribus diversis stravit.

« Fecit et in titulo S. Quiriaci vestem de stauraci cum periclysi de blattbi, et in gyro chrysoclavum, et in medio crucem de margaritis.

« In cœmeterio S. Sixti via Appia fecit vestem de stauraci habentem in medio crucem de chrysoclavio.

60. « In titulo S. Callisti super altare post absidem fecit vestem de stauraci, et in medio crucem de chrysoclavio, ibidem et similiter vela fecit de stauraci.

« Fecit et in titulo SS. quatuor Coronatorum vestem de stauraci habentem in medio crucem de chrysoclavio.

« Similiter in Ecclesia S. martyris Sabinae fecit vestem de fundato cum periclysi de blattbi habentem in medio crucem de chrysoclavio, necnon in Basilica sancti Laurentii in Formoso fecit vestem de fundato.

« Ecclesiam vero B. Pauli Apostoli, quæ appellatur conventus, sitam in territorio Urbevetano (Orbetano) inter fines Suanenses et Clusinos seu Tuscianenses, atque Castritana, quæ nimia velutate marcuerat, atque in ea pecudes refugium faciebant, ex qua et reliquie ablatae fuerant, idem sanctissimus Pontifex mundari fecit, et omnia sarta tecta ipsius cum porticibus noviter restauravit, atque in altare ejus vestem de stauraci posuit, et reliquias recondi præcepit.

61. « Pari modo et Basilicam S. Petri sitam in Albano, quæ præ nimia vetustate jam ruitura erat, omnia sarta tecta restituens restauravit.

« Et in Basilica B. Hippolyti martyris in civitate Portuensi fecit vestes de stauraci duas, unam super caput ejus, aliam in altare majore.

« In titulo S. Sabinæ tetravila de stauraci pulcherrima.

« Fecit in titulo SS. quatuor Coronatorum vestem de stauraci habentem in medio crucem de chrysoclavio.

« In Basilica S. Agapiti martyris in civitate Prænestina fecit vestem de stauraci cum periclysi de fundato, et in medio crucem de chrysoclavio.

« In Ecclesia S. Clementis posita Velliris fecit vestem de stauraci.

« In Ecclesia S. Chrysogoni fecit vestem de stauraci cum periclysi de blattbi.

« In titulo S. Laurentii in Lucina fecit vestem de stauraci cum periclysi de blattbi.

« In titulo S. Marci fecit vestem de stauraci cum periclysi.

« In titulo B. Laurentii in Damaso fecit vestem similiter.

« In titulo B. Sixti fecit vestem de stauraci cum periclysi de blattbi.

« In diaconia beati Hadriani et in Ecclesia beatæ Martinæ, et in diaconia antiqua fecit vestes de stauraci cum periclysi.

62. « In diaconia beati Archangeli fecit vestes tres, ex quibus unam de stauraci cum periclysi de blattbi, et alias duas de Tyrio cum periclysi de fundato cum historia de.....

« In diaconia B. Sergii fecit vestem de fundato, et in gyro vestis stauracis periclysin de blattbi.

« In diaconia sanctæ Agathæ fecit vestem de stauraci cum periclysi de blattbi.

« In Basilica B. Archangeli, quæ ponitur in septimo, fecit vestem de stauraci cum periclysi de blattbi.

« In monasterio S. Agapiti, quod ponitur, Ad vincula, fecit vestem de stauraci.

« In Ecclesia B. Agnetis martyris, ubi ejus corpus requiescit, fecit vestem de fundato cum periclysi de blattbi.

« Item fecit in Ecclesia sancti Apollinaris.

63. « In titulo SS. Martini et Silvestri fecit vestes duas de stauraci, e quibus unam cum periclysi de fundato, aliam vero de blattbi.

« In diaconia S. Viti fecit vestem de stauraci et periclysi de fundato.

« In Ecclesia B. Eugenii, in qua sanctum corpus ejus requiescit, fecit vestem de stauraci eum periclysi.....

« Item fecit in Ecclesia S. Stephani in Cælio monte vestes de stauraci duas, unam super altare majus, alteram super corpora SS. Primi et Feliciani.

« In Basilica B. Euphemiae fecit vestem de stauraci.

« In Basilica B. Archangeli in Vico Patricii fecit vestem de stauraci.

« Item fecit super sepulcrum B. Sebastiani martyris, via Appia, ad Catacumbas vestes majores duas, unam de stauraci, et aliam de fundato, et inibi super tumbras Apostolorum Petri et Pauli fecit vestes duas de stauraci, et de fundato cum blattbi.

« In Basilica S. Laurentii martyris sita infra civitatem Tiburtinam vestem de stauraci.

« In oratorio S. Stephani in sancto Petro, qui appellatur Major, fecit vestem de stauraci.

« In Basilica beati Hyacinthi sita in Sabinis, ubi et corpus ejus requiescit, fecit vestem de stauraci pulcherrimam.

« Item fecit super altare beati Petri fauloris sui vestem chrysoclavam mirae magnitudinis habentem historiam Dominicæ Nativitatis cum gemmis pretiosissimis et margaritis ornatam.

64. « Fecit et in supradicta Ecclesia vela de stauraci atque fundato pendentia intus inter columnas majores dextra lœvaque numero sexaginta quinque, et alia vela alba holoserica majora, que pendent ante regias in introitu. Atque ibidem fecit. Crucifixum ex argento purissimo juxta altare majus, pensantem libras quinquaginta duas : cui de super fecit gabathas sex, cunctas ex argento purissimo, quæ pendent ante arcum majorem dextra lœvaque, pensantes simul libras duodecim et semis. Ibidem fecit vela de stauraci, quæ pendent inter arcus argenteos in circuitu altaris numero decem, ex quibus duo habentia in medio cruces de chrysoclawo eum orbiculis, et alia octo cum periclysi de chrysoclawo ; arcus vero cum columnis suis ex argento purissimo pensantes libras ducentas quinquaginta unam et semis. Ibidem super crucem fecit anaglyphum intersatilem ex auro mundissimo, pendentem in pergula ante altare cum candelis duodecimi pensantem libras tredecim.

65. « In Basilica sancte Dei Genitricis Ad præsepe, fecit gabathas quinque ex auro purissimo pensantes libras octo et semis, atque crucem ex auro purissimo pensantem libras decem, atque coronam majorem ex argento purissimo pensantem libras triginta sex. Fecit et ibi vela alba holoserica inter columnas majores dextra lœvaque numero quadraginta duo, ex eisque undecim rosata. Fecit etiam in introitu altaris alia vela holoserica rosata, quæ pendent inter arcus ciborii numero quatuor, ex quibus unum de chrysoclawo et margaritis, atque aliud velum majus album, quod pendet ante regias majores in introitu sarta teeta.

« Item sanctissimus Pontifex sarta teeta Ecclesiae S. Aureæ sitæ ad ostia Tiberina noviter reparavit.

« Ecclesiam beati Marelli, sitam in quartodecimo, quæ ab igne fuerat exusta, idem alnificus Pontifex in omnibus noviter restauravit.

« Fecit et in Basilica Salvatoris, quæ appellatur Constantiniana, tetravila in circuitu altaris alba holoserica, ex quibus unum habet in medio tabulam cum cruce de chrysoclawo. Sed et renovavit altare majus miræ magnitudinis decoratum ex argento purissimo pensante libras sexaginta octo.

66. « Fecit et in Basilica S. Dei Genitricis Mariae Ad præsepe, vestem chrysoclavam eum margaritis ornatam, habentem historiam Dominicæ Nativitatis, similiter et arcus duos ex argento in presbyterio cum columnis quatuor, et alias arcus quinque pensantes libras centum triginta. Idem vero præcipiens præsul fecit ibidem vestem rubram alythinam, habentem in medio tabulam cum chrysoclawo cum historia Domini nostri Jesu Christi et S. Simeonis, quando in templo est præsentatus, et in circuitu listam de chrysoclawo. Necnon aliam ves-

tem de chrysoclawo, habentem historiam S. Dei Genitricis Mariae miræ magnitudinis et pulchritudinis, decoratam gemmis pretiosis et margaritis ornatam periclysi de chrysoclawo, et in circuitu lista de chrysoclawo.

« Sed et in diaconia S. Mariae Dei Genitricis Domine nostræ, quæ appellatur Dominicæ, fecit vestem rubram alythinam habentem in medio tabulam de chrysoclawo cum historia ejusdem sancte Dei Genitricis ex margaritis ornatam, et periclysin de chrysoclawo.

« Fecit autem et in diaconia sanctæ Dei Genitricis, quæ appellatur Antiqua, super altare majus ciborum ex argento purissimo, pensans libras ducentas duodecim.

67. « Fecit et in Basilica S. Petri nutritoris sui gabatham ex auro purissimo anaglypham cum gemmis pretiosis ornatam, quæ pendet ante imaginem ipsius Apostoli in ingressu vestibuli, pensantem libras septem et semis. Faciem autem Salvatoris et ipsius Apostolorum principis ab imo usque ad summum cum luminaribus inferius et superius honoravit; necnon et intra Confessionem Salvatorem stantem dextra, lœvaque ejus B. Apostoli Petri et Pauli imagines, habentes pariter coronas ex gemmis pretiosis. Atque pavimentum ipsius confessio- nis vestitum ex auro fulvo pensante simul libras quadringentas quinquaginta tres et uncias sex. Verum etiam super ipsum sacrum altare fecit vestem chrysoclavam habentem historiam Dominicæ Ascensionis et Pentecosten, cum periclysi de chrysoclawo. Pari modo ubi supra fecit imaginem ipsius Apostolorum principis in porta virorum ex auro purissimo, pensantem libras decem et octo et uncias tres. Idem vero beatissimus Pontifex ubi supra fecit cancellos fusiles in ingressu presbyterii a dextra lœvaque, necnon et in ingressu vestibuli ex argento mundissimo, pensantes simul libras mille quingentas septuaginta tres. Similique et columnas versatiles (tornatiles) in ingressu corporis dextra lœvaque ex parte virorum ac mulierum octo, simul pensantes libras centum nonaginta tres. Necnon et arcus argenteos octo, pensantes simul libras centum quadraginta.

« Fecit idem beatissimus Pontifex in Basilica S. Andreæ ubi supra, regnum ex auro purissimo cum gemmis pretiosis, pensans libras duas et uncias quinque.

« Necnon super altare beatæ Pelronillæ, ubi supra, fecit regnum aureum cum gemmis pretiosissimis, pensans libras duas et uncias tres.

68. « Simili modo super altare sanctæ Dei Genitricis, ubi supra, quæ appellatur Mediana, fecit vestem de fundato cum periclysi de chrysoclawo, habentem historiam Annuntiationis Dominicæ.

« In monasterio sancte Agathæ super Suburam fecit vestem rubram alythinam habentem in medio tabulam de chrysoclawo cum periclysi de chrysoclawo.

« Necnon in monasterio sancti Paneratii sito

post Basilicam Salvatoris, quæ Constantiniana dicta est, fecit vestem de fundato.

Hic fecit beato Petro nutritori suo Evangelia aurea cum gemmis prasinis ac hyacinthinis et albis miræ magnitudinis in circuitu ornata, pensantia libras decem et septem et uncias quatuor. Hic fecit calicem aureum præcipuum diversis ornatum lapidibus pretiosis, pensantem libras viginti et octo, similiter et patenam auream pensantem libras viginti octo et uncias novem. Pari modo in eadem Basiliea ipsius Apostoli fecit Cherubim de argento purissimo deauratos quatuor, qui stant super capita columnarum argentearum sub ciborio, pensantes libras nonaginta tres. Fecit quoque imaginem Salvatoris, ubi supra auream, quæ stat in trabe super ingressum vestibuli, pensantem libras septuaginta novem.

« Idem præfatus Pontifex fecit super altare beatæ Petronillæ ciborum cum columnis porphyreticis, ex argento purissimo miræ magnitudinis, pensans libras trecentas quadraginta octo, et imaginem argenteam stantem sub arenâ ipsius eborii, pensantem libras deeem et semis.

69. « Ita fecit in Basiliea sanctæ Dei Genitricis Ad præsepe, super altare vestem chrysoclavam habentem historiam Dominicæ Resurrectionis miræ magnitudinis et pulchritudinis, decoratam cum periclysi de chrysoclavo, et undique margaritis ornatam.

« In titulo S. Dei Genitricis, quæ appellatur Callisti, fecit regnum ex auro purissimo pendens super altare majus ex gemmis pretiosis ornatum.

« In diaconia S. Dei Genitricis, quæ appellatur Dominica, fecit regnum ex auro mundissimo pendens super altare majus eum gemmis pretiosis ornatum, pensans libras duas.

« Fecit et in Basilica sanctæ Dei Genitricis Ad præsepe, in ingressu præsepis regias vestes ex auro purissimo pensantes simul libras centum viginti septem, et super ipsas regias modicum fundatum, habens in circuitu listam de chrysoclavo; neenon alia vela majora Tyria super regias majores tria in ingressu Basilicæ eum periclysi de fundato.

« Idem egregius præsus in Ecclesia beati Petri Apostoli fecit calices majores ex argento purissimo, qui ponuntur super trabes argenteos numero deeem et octo, pensantes simul libras centum octoginta duo; neenon fecit cerostrala majora fusilia ex argento purissimo, que stant ante Confessionem, pensantia libras centum nonaginta octo. Investivit vero ipsam crucem ex argento mundissimo, quæ est super imaginem auream in ingressu vestibuli, pensantem libras centum viginti sex et semis. Verum etiam ibi fecit lueernas fusiles duas ex argento purissimo pensantes simul libras viginti septem, et constituit ut diebus Dominicis et in sanctis solemnitatibus hinc inde juxta lectorium consisterent, et ad legendas sacras lectiones luminis splendore refulerent.

70. « Hic fecit ad beatum Andream eborium

ex argento purissimo super altare majus pensans libras trecentas quinque. Idem Pontifex divinitus baptisterium ejusdem Ecclesiæ jam præ nimia vetustate ruinæ proximum (quia angustior locis existebat populo, qui veniebat ad baptismum) a fundamentis ipsum amplum et rotundum in meliorem erexit statum, atque sacrum fontem in medio largiori spatio fundavit, eumque in circuitu columnis porphyreticis decoravit et in medio fontis columnam posuit, et super columnam agnum ex argento fundentem aquam, pensantem libras viginto octo et uncias decem: neenon altare majus super abside constituit, cuius faciem atque confessionem, seu rugas ad decorem ipsius sacri altaris investivit ex argento mundissimo pensante simul libras quadraginta octo. Verum etiam et vestem de stauraci super ipsum posuit, atque regularem ubi supra investitum ex argento purissimo fecit, et super ipsum regularem posuit arcum et gammadias ex argento pensantes simul libras octoginta, necnon imagines tres ubi supra posuit ex argento, pensantes libras triginta septem et uncias deeem; ipsum vero baptisterium diversis in circuitu decoravit picturis.

71. « Oratorium vero sanctæ Crueis præ nimia vetustate ruiturum a fundamento sinu cum abside novo ædificio erexit, et ad perfectum usque perduxit, atque ipsam absidem ex musivo diversis decoravit pieturis atque marmoribus miro splendore, ubi obtulit hæc, eborium super altare eum columnis..... atque faciem altaris investivit ex argento purissimo pensante libras centum viginti unam et uncias duas, regnum epanoelistum ex auro purissimo eum cruce in medio pendente super ipsum altare pensans libram unam et uncias undecim: necnon alias columnas argenteas quatuor, et super ipsius regularem investitum ex argento purissimo pensantem libras sexaginta quatuor et uncias tres, arcus argenteos tres pensantes libras quadraginta tres et uncias octo: imagines argenteas deauratas tres pensantes libras triginta: canistra argentea duodecim pensantia libras septuaginta octo, gabathas argenteas intersatiles fundatas viginti unas, et erueem unam pensantes simili libras quinquaginta: vestem vero super altare fundatam unam et aliam de blatti eum chrysoclavum, necnon aliam vestem rosatam eum chrysoclavum, velum modicum chrysoclavatum cum Crucifixo et margaritis ornatum, vela modica, quæ pendent in regulare ante imagines. Tyria sex, vela alba rosata serica ornata in circuitu de fundato duodecim. Velum majus album rosatum ornatum desuper de quadraplo unum, et aliud velum rubeum cum tabula, quod pendet ante regias majores, vela modica de stauraci quatuor, quæ pendent in regulari ante imagines, sed et alia vela promiscua serica numero undecim. Fecit ubi supra ad fontes vela Tyria tria, quæ pendent in regulari ante imagines, et alia vela serica numero viginti unum.

72. « Hic fecit beato Petro nutritori

suo calicem arreum præcipuum epanoelistum diversis ornatum lapidibus pretiosis, pensantem libras viginti quinque: fecit vero super eiborum canthara majora quatuor ex argento purissimo habentia in medio cereos ex argento diademata, pensantia libras centum quadraginta. Fecit et thuribulum Apostolicum ex auro purissimo pensans libras duas et uncias quinque. Fecit vero vestem super altare majus chrysoclavam diversis ornataam picturis, quam constituit quatuor temporibus per annum in duodecim lec..... ibidem ponere. Fecit ubi supra coronas majores ex argento purissimo quatuor pensantes simul libras centum quinquaginta et semis. Fecit et lectorium ex argento purissimo mirae magnitudinis pensans libras quadraginta tres, neenon cerostrata ex argento purissimo manentia juxta lectorium, pensantia simul libras quadraginta octo, verum etiam superscripta cerostrata fecit lucernas fusiles bimixas duas ex argento puro pensantes libras viginti septem, et constituit, ut Dominicis diebus vel sanctis solemnitatibus hinc inde juxta lectorium consistenter, et ad legendas saeras lectiones luminis splendore fulgerent. Phara canthara fecit in presbyterio quatuordecim ex argento mundissimo pensantia simul libras quatuor centum triginta tres, neenon columnas octo et arcus quatuor ex argento pensante libras centum septuaginta tres. Fecit ibidem calices fundatos ex argento, qui pendent inter columnas majores dextra levaque Basilicae numero septuaginta quatuor ex argento, pensantes libras centum sexaginta unam<sup>1</sup>.

73. « Item beatus antistes ad beatum Andream Apostolum vestivit altare majus ex argento purissimo deaurato pensante libras centum triginta quinque, canthara ex argento purissimo duodecim pensantia libras quinquaginta duas, canistra duodecim ex argento purissimo pensantia libras septuaginta octo.

« Vestivit altare S. Petronillæ ex argento purissimo deaurato diversis ornatum picturis undique pensans libras centum sexaginta duas.

« Necnon vestivit altare B. Gregorii confessoris atque Pontificis ex argento deaurato undique pensante libras centum viginti octo.

« Fecit insuper in gremio Basilicae B. Petri Apostoli cortinam majorem Alexandrinam holosericam habentem in medio adjunctum fundatum, et in circuitu ornamenta de fundato. Verum etiam idem præcipius præsul fecit thuribula Apostolica duo ex auro purissimo, ex quibus unum misit intus super corpus ejus, pensans libras quinquaginta duas, alterum pensans libras duas et uncias octo, quod precedit per stationes.

« Idem Pontifex investivit faciem altaris sanctæ Dei Genitricis Ad præsepe ex argento mundissimo deaurato pensante libras octoginta sex. Fecit ibi coronas duas ex argento purissimo pensantes libras quinquaginta quatuor; cortinam majorem Alexan-

drinam holosericam ornatam de fundato unam.

74. « Hic idem vero præcipius præsul ex largitate omnipotentis Dei et B. Petri Apostoli clavigeri regni cælorum obtulit per universas sanctorum Ecclesias hujus aliae Urbis Romæ coronas, vel etiam canistros ex argento purissimo ob veniam peccatorum suorum, videlicet, in Ecclesia Domini nostri Salvatoris, quæ appellatur Constantiniana, fecit coronam ex argento purissimo pensantem libras viginti tres.

« In Basilica sanctæ Dei Genitricis Ad præsepe similiter fecit coronam ex argento purissimo pensantem libras tredecim.

« In Ecclesia S. Dei Genitricis Ad martyres fecit coronam pensantem libras duodecim et uncias tres.

« In Ecclesia S. Dei Genitricis tituli Callisti fecit coronam argenteam pensantem libras tredecim et uncias tres.

« In Ecclesia S. Dei Genitricis, quæ appellatur Antiqua, fecit coronam ex argento pensantem libras tredecim.

« In diaconia ipsius Dei Genitricis, quæ appellatur Cosmedin, eodem modo fecit coronam ex argento pensantem libras duodecim.

« Necnon in diaconia sanctæ Dei Genitricis, quæ appellatur Dominica, similiter fecit coronam ex argento pensantem libras novem.

75. « In diaconia S. Dei Genitricis, quæ appellatur Via lata, fecit coronam ex argento pensantem libras novem.

« Item in diaconia sanctæ Mariæ in Cyro fecit coronam ex argento pensantem libras octo.

« In diaconia sanctæ Dei Genitricis, quæ appellatur foris portam, fecit coronam pensantem libras quatuor et uncias duas.

« Similiter fecit in monasterio S. Silvestri coronam ex argento pensantem libras sex et uncias tres.

« In monasterio S. Laurentii dicti Pallaciani (Pallacini), fecit canistrum de argento pensans libras duas et uncias septem.

« In monasterio S. Pancratii, quod ponitur juxta Basilicam Salvatoris, fecit canistrum de argento pensans libras quinque et semis.

« Fecit etiam in monasterio SS. Andreæ et Bartholomæi, quod appellatur Honoriæ, canistrum ex argento pensans libras tres.

« In monasterio S. Stephani, quod ponitur juxta Lateranas, fecit canistrum de argento pensans libras duas.

« In monasterio primi martyris Stephani, quod ponitur ad B. Petrum Apostolum, fecit canistrum ex argento pensans libras tres et semis.

76. « In monasterio SS. Joannis et Pauli, quod positum est juxta B. Petrum Apostolum, fecit canistrum ex argento pensans libras tres.

« In monasterio S. Martini fecit canistrum ex argento pensans libras quatuor et uncias duas.

« In monasterio S. Stephani, quod appellatur

Cara Galla patricia, fecit canistrum pensans libras duas et semis.

« In monasterio S. Cœsarii, quod positum ad B. Paulum Apostolum, fecit canistrum ex argento pensans libras tres.

« In monasterio S. Stephani apud S. Paulum, fecit canistrum ex argento pensans libras duas.

• « In monasterio SS. Cosmæ et Damiani juxta Præsepe fecit canistrum ex argento pensans libras duas et uncias duas.

« In monasterio S. Andreæ, quod appellatur Massa Julianæ, fecit canistrum ex argento pensans libras duas.

« In monasterio S. Hadriani, quod ponitur juxta Præsepe, fecit canistrum ex argento pensans libras duas.

« In monasterio S. Cassini (Cassii), quod ponitur juxta B. Laurentium foris muros, fecit canistrum ex argento pensans libras duas.

« In monasterio sancti Stephani fecit canistrum ex argento pensans libras duas.

« In monasterio S. Victoris ad S. Pancratium fecit canistrum pensans libras duas et uncias septem.

« In monasterio S. Chrysogoni fecit canistrum ex argento pensans libras tres.

77. « In monasterio S. Mariæ, quæ appellatur Ambrosii, fecit canistrum ex argento pensans libras duas.

« In monasterio S. Mariæ, quæ appellatur Juliæ, fecit similiter.

« In monasterio S. Andreæ, quod positum est juxta Basilicam Apostolorum, fecit similiter.

« In oratorio S. Stephani, quod positum est in monasterio Dulcitiæ, fecit canistrum ex argento pensans libras duas et uncias quinque.

« In oratorio SS. Sergii et Bacchi, quod positum est in Callinico, fecit similiter.

« In monasterio S. Agapiti, quod positum est juxta titulum Eudoxiæ, fecit similiter.

« In oratorio sancte Agnetis, quod positum est in monasterio quod appellatur Duo furna, fecit canistrum pensans libras duas et uncias octo.

« Necnon in oratorio S. Viti, quod positum est in monasterio quod appellatur ad Surdas, fecit canistrum pensans libras duas et uncias novem.

« In monasterio S. Bibianæ fecit similiter canistrum de argento pensans libras duas et uncias novem.

« Fecit in oratorio S. Luciæ, quod positum est in monasterio Recanati (Renati), canistrum pensans libras duas.

« Fecit in oratorio S. Mariæ, quod positum est in monasterio S. Michaelis, canistrum pensans libras duas et uncias duas.

« In monasterio sancti Sergii fecit canistrum similiter ex argento pensans libras tres.

« In oratorio S. Agathæ, quod ponitur in monasterio ad caput Africi, fecit canistrum ex argento pensans libras tres.

78. « In monasterio S. Euphemiæ et Archangeli, quod positum est juxta titulum Pudentis, fecit canistrum ex argento pensans libras quinque.

« In monasterio S. Seridonis fecit similiter.

« In oratorio sanctæ Agathæ, quod positum in monasterio Tempuli, fecit similiter.

« In oratorio S. Cœsarii ad monasterium de Corsas, similiter fecit canistrum pensans libras duas et uncias tres.

« In monasterio S. Semitrii fecit similiter.

« In monasterio S. Mariæ ad Aquas Salvias fecit similiter.

« In monasterio S. Donati, quod positum est juxta titulum S. Priscæ, fecit canistrum argenteum pensans libras duas et uncias quinque.

« In monasterio S. Joannis, quod positum est in Aventino, fecit similiter.

« In oratorio sanctæ Marie, quod positum est in monasterio de Lutara, fecit canistrum argenteum pensans libras duas et semis.

« In monasterio Hierusalem, quod positum est ad S. Petrum Apostolum, fecit similiter.

« In monasterio S. Agnetis posito foris portam Numentanam, fecit canistra ex argento pensantia libras quinque.

« In monasterio S. Eugeniæ foris portam Latinam pari modo fecit canistra ex argento pensantia libras quinque.

79. « In oratorio S. Gregorii, quod positum in Campo Martis, fecit canistrum pensans libras tres ». Hactenus de donis in monasteria collatis, quæ numerata hic habes quadraginta quatuor, ut non te pigeat prolixæ lectionis, cum repræsentatam in his habeas veterem Romanam hujus temporis in numero et cultu diversorum nominum Ecclesiarum. Sed dolendum sit, earum quamplurimas excidisse ; gaudendum tamen, vel earum saltem nomina superesse. Pergit vero de aliis donis ad alia loca sacra missis Anastasius ceptam semel orationem :

« Fecit in titulo beatæ Sabinae coronam ex argento purissimo pensantem libras octo.

« In diaconia SS. Silvestri et Martini posita juxta Orpheam, fecit coronam ex argento pensantem libras sex et uncias duas.

« In oratorio S. Luciæ, quod est positum in xenodochio, fecit canistrum ex argento pensans libras duas et uncias quatuor.

« In oratorio S. Abbachyri, quod est in xenodochio, fecit similiter canistrum pensans libras duas.

« In oratorio SS. Cosmæ et Damiani positum in xenodochio, quod appellatur Tucium, fecit canistrum pensans libras duas et unciam unam.

« In oratorio S. Peregrini posito in hospitale Dominicano ad Naumachiam fecit canistra pensantia libras quinque et unciam unam.

80. « Fecit idem Pontifex in Basilica Domini nostri Jesu Christi, quæ appellatur Constantiniana, super altare majus vestes chrysoclavas duas, ex

quibus unam habentem historiam Dominicæ Resurrectionis, aliam habentem historiam vivificæ et venerandæ Dominicæ Crucis. Cantharos ex argento mundissimo octo pensantes simul libras viginti septem et uncias sex. Investivit super rugas ante ingressum altaris ex argento purissimo pensante libras quadraginta octo et uncias octo. Fecit coronam ex argento purissimo pensantem libras duodecim. Fecit ubi supra ad Fontes vela alba holoserica ornata in circuitu de fundato atque quadraplo numero decem. Sarta tecta ipsius Ecclesie cum quadriporticu simul ad fontem omnia, et in omnibus noviter restauravit. Quae enim intacta et inconcessa reliquerat terræ motus? simul et fenestras in apside ex vitro ex diversis coloribus conclusit atque decoravit: et alias fenestras Basilice ex metallo gypsino reparavit. Et in medio Basilice fecit cortinas duas, ex quibus unam majorem fundatam albam, et aliam minorem albam rosatam.

« Fecit idem Pontifex in Basilice sancte Dei Genitricis, quæ appellatur Ad præsepe, cortinam rosatam cum periclysi de fundato: canthara de argento purissimo duo pensantia libras viginti tres, columnas duas pensantes libras viginti unam, uncias quinque: crucem cum gabatha ex argento mundo pensantem libras quinque.

« In diaconia ipsius Dei Genitricis, quæ appellatur Antiqua, fecit tetravila alythina ornata in circuitu de quadraplo.

81. « In oratorio S. Andreæ vela holoserica ornata, ut supra.

« In titulo ipsius Dei Genitricis, quæ appellatur Callisti, fecit vestem albam holosericam rosatam, habentem in medio tabulam de chrysoclawo cum historia de Præsentatione Domini nostri Jesu Christi et sancti Simeonis, cum periclysi de Tyrio: tetravila rubea alythina quatuor, habentia crucem cum gammadiis, et in circuitu periclysin de Tyrio. Vellum Tyrrnum majus, quod pendet ante imaginem cum periclysi de blathii unum. Vela modica rubea alythina cum stauraci in medio numero tria, que pendent ante imagines argenteas cum periclysi de blathii. Cortinam majorem holosericam in gremio Basilice unam. Fecit et imagines argenteas deauratas, e quibus unam cum gemmis: arcum argenteum unum cum gammadiis. Supra cerostrala pharum unum, thuribula duo, pensantia simul libras nonaginta quinque et uncias septem.

« Fecit vero idem præfatus antistes B. Petro Apostolo calicem aureum diversis ornatum lapidis pretiosis, qui procedit per stationes pensantem libras tredecim et semis.

« Ille fecit in Basilica ipsius Apostoli vellum chrysoclawum, quod pendet super ingressum vestibuli, item aliud vellum majus chrysoclawum, quod pendet in trabe argentea ante imaginem Salvatoris super ingressum vestibuli. Coronam majorem ex argento purissimo pensantem libras quinquaginta tres et uncias octo, pharum argenteum pendens infra ipsam coronam, pensans libras vi-

ginti quatuor. Item coronas argenteas quatuor pensantes libras quinquaginta septem. Canistra octo pensantia simul libras quadraginta.

82. « Ille vero pro amore et cautela Orthodoxæ fidei, fecit ubi supra seuta argentea duo scripta utraque symbolo, unum quidem litteris græcis et aliud latinis, sedentia (pendentia) dextra levaque super ingressum corporis, pensantia libras nonaginta quatuor et uncias sex». Hujus autem faciendi operis tam in Basilice S. Petri, quam in Basilice S. Pauli quæ præcesserit occasio, superius dictum est suo loco. Pergit idem auctor:

« Fecit ubi supra in gremio Basilice cortinam majorem holosericam fundatam unam. Vellum album holosericum rosatum majus unum, quod pendet in trabe majore super imagines aureas ornatum in circuitu de fundato. Super fontes fecit vela serica alba numero novem ornata in circuitu de fundato.

« Ille vero investivit allare beati Leonis confessoris atque Pontificis ex argento mundissimo deaurato pensante libras centum et novem.

« Item investivit altare B. Gregorii confessoris atque Pontificis ex argento mundissimo deaurato pensante libras centum viginti septem». Et post illa de cultu Basilice S. Pauli, que dicta sunt superius, dum de terræ motu, quo illa Basilica concussa est, actum est, ista addit:

83. « Ille fecit in Basilica B. Sabinæ martyris in gremio Basilice cortinam majorem holosericam de quadraplo et fundato puleherimam.

« Præfatus vero venerabilis et præclarus Pontifex fecit in Basilica beati Petri nutritoris sui super allare majus ciborum unum cum columnis quatuor ex argento purissimo deaurato cum diversis historiis miræ magnitudinis mirifice decoratum, quod pensat undique libras seplingentas quatuor et uncias tres. Ciborum vero, quod inde abstulit, posuit super altare majns in Basilica Dei Genitricis, quæ appellatur Ad præsepe, et crucem argenteam fecit inibi, pensantem libras duodecim et uncias tres.

« Quadriporium Basilice sanctorum Apostolorum in Via lata intus et foris restauravit.

« Sarta tecta S. Agatæ martyris sita in Suburra noviter restauravit.

« Ille vero sanctissimus præsul fecit in patriarchio Lateranensi oratorium a fundamentis in honore beati Archangeli, quod etiam musivo diversis picturis ornavit undique, et omnia cimilia tam aurea, quam argentea, atque etiam vela obtulit. Manceram vero ipsius Lateranensis patriarchii, que extenlitur a campo et ultra imagines Apostolorum, que præ ninia vetustate ruituræ erant, a fundamentis restauravit, et solaria restituit, marmoribus stravit, et cameram ipsius manerone noviter fecit, et diversis historiis pictura mirifice decoravit.

84. « Idem a Deo protectus venerabilis et præclarus Pontifex fecit in circuitu altaris B. Petri

Apostoli nutritoris sui tetravila rubea holoserica alythina, habentia tabulas, seu orbiculos de chrysocavo diversis historiis depictos cum stellis de chrysocavo ex margaritis ornata mirae magnitudinis et pulchritudinis decorata, quae in diebus festis ibidem ad decorem emituntur. Pari modo et desuper et alia tetravila alba holoserica rosata Paschalia, habentia tabulas et orbiculos de chrysocavo et margaritis, cum periclysi de chrysocavo. Item etiam alia vela modica quatuor ibi supra in singulis columnis ciborii fecit, habentia tigres de chrysocavo, et in circuitu ornata de blattii. Item et alia vela modica quatuor eamdem habentia similitudinem eorum, quae in Basilica Doctoris mundi Pauli Apostoli in columnis ciborii fecit.

« Idem Pontifex sarta tecta restauravit sancti Agapiti martyris, quae sita est in Praenestino : neenon tecta alterius Basilicæ posite juxta eamdem restauravit.

« Pari modo sarta tecta Basilicæ beati Stephani primi martyris posite via Latina milliario tertio, quae erat ruina proxima, reparavit.

« Item Basilicam B. Basilidis martyris sitam in Merulana noviter restauravit.

« Item in Basilica Salvatoris Domini nostri Jesu Christi, quae appellatur Constantiniana, de proprio argento ipsius Basilicæ coronas cum delphinis quinque, canistra numero triginta quinque, gabathas numero octo de argento purissimo pensantes simul libras ducentas septuaginta sex.

83. « Fecit etiam in Basilica sanctæ Dei Genitricis, quae vocatur Ad præsepe, cortinam de fundato, et in circuitu ornata de blattii, quae pendet in pertica super sedem mirifice decoratam. Vela promiscua tam de fundato quam de stauraci et quadraplo, ornata in circuitu de blattii, numero quadraginta. Fecit vero ubi supra ante ingressum præsepis pharum in modum retis ex argento purissimo cum canistris quinque de argento purissimo, pensans simul libras triginta septem et semis.

« Idem vero sanctissimus Pontifex fecit rursus beato Petro Apostolo nutritori suo calicem aureum præcipuum tetragonum epanoclistum diversis ornatum pretiosis lapidibus, pensantem libras triginta duas : neenon patenam auream spanoclistam mirae magnitudinis decoratam, pensantem libras viginti quinque et uncias novem. Fecit et pharum in modum retis cum canistro et cruce de argento purissimo, que pendent sub arcu principali : neenon et alium pharum majorem cum canistris pendentem sub trabe majore argentea, ad ornatum S. Dei Ecclesiæ, pensantem libras mille centum quatuor et uncias septem.

86. « Idem fecit sanctissimus Pontifex in Basilica sanctæ Dei Genitricis Mariae Ad præsepe tetravila alba holoserica rosata, ornata in circuitu de chrysocavo, et intra præsepe idem fecit vestes albas rosatas numero quatuor, ornatas in circuitu de Tyrio.

« In diaconia vero ejusdem Dei Genitricis, quæ appellatur Dominica, fecit vestem albam holoserican rosatam habentem in medio tabulas de Tyrio cum historia Crucifixi : neenon et rotam de chrysocavo ornata in circuitu de quadraplo. Fecit ubi supra cortinam fundatam ornata in circuitu de blattii.

« In diaconia ejusdem Dei Genitricis, quæ appellatur Cosmedin, fecit vestem albam holoserican cum tabula de chrysocavo, habentem historiam Dominicæ Resurrectionis, et in circuitu listam de chrysocavo.

« Fecit ad S. Mariam Ad martyres veslem albam holoserican rosatam cum tabula de Tyrio, habentem historiam Crucifixi, et rotam de chrysocavo ornata in circuitu de Tyrio.

« In diaconia autedictæ Dei Genitricis, posita foris portam B. Petri, fecit vestem de Tyrio mirifice decoratam.

87. « Idem præclarus et venerabilis Pontifex fecit in Basilica B. Petri Apostoli nutritoris sui canistra intersatilia ex argento purissimo, tam in quadriporticu, quam in gremio Basilicæ numero viginti duo, pensantia simul libras centum viginti quinque. Gabathas signatas signo crucis, quae pendent tam in grandi portie, quam in pharo, æreas in medio Basilicæ numero quadraginta octo, pensantes libras centum unam et semis. Phara argentea tria, quae stant super trabes argenteas, pensantia libras nonaginta tres. Areus argenteos duos pensantes libras quadraginta unam, et uncias novem. Vela de blattii majora, quae pendent in trabibus argenteis dextra levaque presbyterii, neenon et in circuitu Sedis numero triginta, ornata de quadraplo. Vela modica de fundato quadraginta septem ornata in circuitu de blattii Byzanteo, et investitiv de blattii Neapolitano : neenon et in gremio Ecclesiæ fecit cortinam Alexandrinam in circuitu de Tyrio. Vela alba modica holoserica rosata numero viginti quinque ornata in circuitu de blattii, ex quibus unum ornatum de stauraci.

« Super altare vero B. Andreæ fecit vestem albam holoserican rosatam cum tabula de chrysocavo, habentem historiam Dominicæ Resurrectionis, et in circuitu ejus listam de chrysocavo.

« In altare B. Pelronillæ fecit vestem albam holoserican cum tabula de chrysocavo, habentem pariter historiam Dominicæ Resurrectionis, et in circuitu ejus listam de chrysocavo.

88. « In oratorio S. Dei Genitricis in Mediana fecit vestem albam holoserican rosatam, habentem in medio crucem de chrysocavo, et in circuitu ornata de Tyrio.

« In oratorio ipsius sanctæ Dei Genitricis, quae dicitur domini Pauli papæ, fecit vestem albam holoserican in circuitu de suzilo.

« In monasterio S. Martini fecit vestem albam holoserican rosatam, habentem in medio crucem de chrysocavo, cum periclysi de Tyrio.

« Fecit in Basilica Apostolorum in Via lata super altare majus vestem albam holosericam rosatam, habentem in medio tabulam cum historia Dominicæ Resurrectionis, et in circuitu vestem de chrysoclavo, neenon et orbiculos de chrysoclavo cum periclysi de Tyrio, tetravila media in circuitu de fundato, ex quibus una cum chrysoclavo. Vela modica Alexandrina duo ornata in circuitu de stauraci, et in medio Basilice fecit corinam majorum de fundato mirifice decoratam, ornatam in circuitu de Tyrio, et in medio cruce de Tyrio.

« Fecit in titulo S. Sabinæ martyris super altare majus vestem albam holosericam rosatam, habentem in medio tabulam de stauraci, et in medio historiam Dominicæ Resurrectionis, et in circuitu listam de chrysoclavo.

« Pari modo et in titulo S. Susannæ martyris super altare majus vestem albam fecit de holoserico rosatam, habentem in medio tabulam de chrysoclavo cum historia Dominicæ Resurrectionis, et in circuitu listam de chrysoclavo.

89. « Fecit in Basilica S. Stephani primi martyris in Cælio monte vestem albam holosericam rosatam, habentem in medio tabulam de stauraci cum historia Dominicæ Resurrectionis, et crucem de chrysoclavo.

« In diaconia B. Georgii marlyris super altare majus fecit vestem albam holosericam rosatam, habentem in medio tabulam de stauraci cum historia Crucifixi, ornata de Tyrio, et rosas de chrysoclavo.

« Idem vero protectus a Deo venerabilis et præclarus Pontifex in Basilica sanctæ Dei Genitricis, quæ appellatur Ad præsepe, ob nimium amorem ipsius Dominicæ nostræ, fecit pharum ex argento purissimo cum lucerna et cerapo suo, pensante simul libras quadraginta et semis : et constituit ejus beatitudo, ut in Dominicis diebus, vel in sacris solemnitatibus juxta lectorium consisteret, et ad legendum sacras lectiones luminis splendore fulgeret.

« In Ecclesia B. Petri pari modo fecit pharum ex argento purissimo cum lucerna et cerapo suo, pensantem libras nonaginta et semis; et sub imagine Salvatoris Crucifixi in modum, fecit coronam ex argento purissimo pro luminarium splendore, pensantem libras....

90. « In Basilica S. Apollinaris martyris atque Pontificis, quæ fundata est juxta civitatem Ravennam, iam præ nimia vetustate ruinæ proximam restauravit, et in meliorem deduxit statum. Super altare vero ipsius sacrae Basilice in honorem omnipotentis Dei et B. Petri Apostoli de ejus donis aedatis fecit vestem serieam rosatam albam, habentem in medio erucem de chrysoclavo cum orbiculis, et rosas series, habentes historias Annuntiationis et Natalis Domini, atque Passionem et Resurrectionem, neenon in eis Ascensionem et Pentecosten ornatas in circuitu simili modo de chrysoclavo : sed et canistrum ex argento puris-

simo inibi fecit cum catenulis supra, pensans libras quindecim.

91. « Episcopium Albanense simul cum Ecclesia, quæ nomine B. Paneratii fundata est, per quamdam negligentiam vel injuriam, per immisionem diaboliceam post matutinas laudes exustam a fundamentis usque ad tectum, clementissimus et solertissimus Pontifex, Deo inspirante, firmum jacens fundamentum, mirum in modum noviter restauravit, et sarta tecta in meliorem statum deduxit, et fecit super altare majus vestes duas, e quibus unam cum rosis majoribus habentem gryphes, ornatam in circuitu de fundato, et aliam vestem de fundato, sed et tetravila sericea alythina ornata de Tyrio optimo in circuitu ejusdem altaris fecit numero quatuor.

« Verum etiam in Ecclesia B. Petri Apostoli fecit vestem rosatam habentem historiam Domini nostri Iesu Christi, quando extensis manus, et apprehendit Petrum Apostolum de fluctibus maris.

92. « Idem beatissimus et præclarus Pontifex fecit in Basilica S. Cyriaci vestem albam holosericam, habentem in gyro periclysin de fundato, et in medio historiam Resurrectionis, et in circuitu altaris tetravila alba, habentia periclysin de Tyrio.

« Fecit autem et in titulo sancti Vitalis vestem albam holosericam, habentem periclysin de fundato, et in medio historiam Resurrectionis.

« Neenon et in diaconia sancti Archangeli posuit vestem albam holosericam, habentem periclysin de Tyrio, et in medio historiam Resurrectionis.

« Item super altare S. Abbachyri fecit vestem similem.

« Porro in diaconia S. Agathæ martyris fecit idem Pontifex vestem albam holosericam, habentem in gyro periclysin de Tyrio, et in medio historiam Resurrectionis.

« Verum et in titulo S. Pammachii super altare SS. Joannis et Pauli fecit vestem albam holosericam, habentem in gyro periclysin de fundato, historiam Crucifixi, Ascensionis et Pentecostes.

« Pariter in Ecclesia beati Clementis martyris atque Pontificis fecit vestem albam eum chrysoclavo, habentem historiam Resurrectionis et Ascensionis et Pentecostes.

« In Ecclesia S. Cyriaci posita via Ostiensi fecit vela e quadraplo numero quinque, habentia historiam Salvatoris vocantis discipulos de nave, et super altare ipsius martyris posuit vestem de fundato.

93. « In Basilica sanctæ Dei Genitricis semper Virginis Mariæ Dominae nostræ, quæ est Ad præsepe, fecit coronas argenteas cum delphinis duodecim, pensantes libras centum et duas, et uncias quatuor : et phara canthara argentea cum delphinis numero ..... pensantia libras octoginta et semis.

« Idem beatissimus Pontifex fecit in Basilica B. Petri Apostoli nutritoris sui ante presbyterium pharum volubilem ex argento purissimo cum coronis et crucibus, pensantem libras centum triginta

quinque et uncias sex. Verum et idem ipse et deorsum ubi sacerissimum corpus ipsius principis Apostolorum requiescit, renovavit imaginem auream habentem vultum Salvatoris Domini nostri Jesu Christi, ac sanctae Dei Genitricis Dominae nostrae et beatorum Apostolorum Petri et Pauli atque Andreæ, necnon et B. Petronille virginis, ubi et addidit auri obrizi libras viginti unam et uncias tres et semis.

94. «Vestivit altare sancti Martini confessoris Christi ex argento purissimo deaurato ex terra quondam Fridigisii abbatis, pensante libras decem et semis.

« Idem præclarissimus Pontifex conspiciens Ecclesiam beatorum martyrum Nerei et Achillei præ nimia jam vetustate deficere, atque aquarum inundatione repleri, juxta eamdem Ecclesiam noviter a fundamentis in loco superiore Ecclesiam construxit miræ magnitudinis et pulchritudinis decoratam. In quo etiam loco hæc obtulit dona, ciborum ex argento purissimo pensans libras ducentas quindecim, canistra ex argento numero sex pensantia simul libras quindecim. Caliceum et patenam ex argento purissimo deauratos pensantes libras duodecim et uncias decem. Regnum super altare, ex auro purissimo, pensans libras duas et uncias sex, vestes duas, ex quibus unam albam holosericanam, habentem historias Dominicæ Nativitatis, Resurrectionis, Ascensionis atque Pentecostes, ornatam in circuitu de chrysocavo, et aliam de Tyrio». In restauratione autem ejusdem Ecclesiæ recens facte reperimus ejusdem instauracionis a Leone facta aliqua monumenta : Sixtus enim papa quartus, qui restauravit, et ipse breviori ambitu ipsam contraxit et obtexit, quod labefactatum vidit vetus pavimentum.

« Item fecit in Basilica beatæ Dei Genitricis Ad præsepe regnum ex auro purissimo spanoclisto, diversis in circuitu de chrysocavo ornatum lapidibus pretiosis, pensans libras quatuor et uncias septem.

« Fecit vero communicales ex argento purissimo per singulas urbis regiones, quæ præcederent stationes per manus acolythorum numero viginti quatuor, pensantes simul libras.....»

95. «Pari modo in Basilica B. Petri fautoris sui fecit regnum ex auro purissimo diversis pretiosis ornatum lapidibus, pensans libras septem.

« Fecit etiam in diaconia SS. martyrum Nerei et Achillei vela promiscua holoserica numero.....» Quæ autem hoc tempore diaconia erat, postea transit in titulum.

« Itemque fecit sarta tecta B. Agapiti martyris sita juxta Ecclesiam beati Laurentii foris murum; et que præ nimia vetustate emarcuerant noviter restauravit.

« Imo et in titulo B. Pudentianæ fecit vestem albam holosericanam ornatam in circuitu de Tyrio». Ilactenus Anastasius de Ecclesiarum ornamentis. Sic igitur in chartis saltem fulgeant, quæ temporis

injuria, ut de omnibus rebus mundi hujus accidit, sunt consumpta.

Ad postremum autem ista habet de ordinatio-nibus ab eo habitis: «Fecit autem ordinationes tres per mensem Martii, in quibus creavit presbyteros triginta, diaconos undecim, episcopos per diversa loca viginti sex. Sepultus autem est in Basilica B. Petri Apostoli pridie idus Junii, Indictione nona, et cessavit episcopatus dies decem». Ita Anastasius, licet alii habeant dies viginti Sedem vacasse, sed Anastasio magis creditur.

96. *Stephanus quintus papa, qui Ludovicum imperatorem adit.* — Sic igitur vicesima secunda ejusdem mensis Junii creatus est in locum ipsius Stephanus papa ejus nominis quintus, dictus quartus. Qui autem Sedem Leonis dies viginti vacasse ponunt, creationem Stephani ad quintum nonas Julii collocant. De Stephano autem ista apud Anastasium: «Stephanus natione Romanus ex patre Marino a primæva ætate in patriarchio Laferanensi sub sanctæ memorie domino Hadriano nutritus atque educatus, nobili prosapia atque præclarissimo genere ortus, adhuc in parva ætate ad discendam saeculæ disciplinæ scientiam studiosus invigilabat. Defuncto vero sanctæ memorie præfato domino Hadriano papa, qui in ejus locum successit dominus Leo Stephanum conspiciens bonæ conversationis et humilitatis, enī ad subdiaconatus ordinem promovit, et cum magis spiritualibus studiis vacare consiperet, ad diaconatum ipsum provexit. Et spiritualibus pollens studiis, maxime vero Evangelica prædicatione, et in omnibus bonis operibus efficax probatus esset, factum est, ut cum migraret e vita præfatus dominus papa Leo, illico ferventissimo affectu a populo Romano diligenter ipse præcipius et sanctissimus vir Stephanus ad sacri Pontificatus culmen. Qui omnes uno affectu, parique amore eum ad Ecclesiam Petri Apostoli perducentes, Dei ordinante providentia papa Urbis est consecratus.

97. «Hic sanctissimus vir in pontificatu jam positus, pro confirmanda pace et unitate sanctæ Dei Ecclesie, Francie arripuit iter ad piissimum et serenissimum dominum Ludovicum imperatorem. Qui cum in Franciam pervenisset, tanto honore atque exultatione a prædicto piissimo principe atque Francorum populo susceptus est, quantum vix lingua narrare potest. Et tautam gratiam largitus est ei Dominus, ut omnia, quæ ab eo posscisse dignoscitur, in omnibus impetrarit: in tantum ut idem serenissimus princeps pro illius amore in finibus Francie super omnia dona, quæ ei largitus est, curtem de suo proprio fisco beato Petro Apostolo perpetuali usu perceptionis paginam concessit. Idem vero sacer antistes exemplum sumens Redemptoris nostri, qui pro nobis de cælis dignatus est descendere, et de captivitate diaboli nos eripere, omnes exiles, qui illie captivitate nebantur propter sclera et propter iniquitates suas, quas in sanctam Romanam Ecclesiam et in

domum Leonem papam gessere, pro pietate Romanam reduxit». Haec de eo apud Anastasium. Sed quae ab eodem sunt praetermissa, quae habent ejusdem temporis scriptores hic reddamus.

98. Auctor incertus, sed qui sui temporis res gestas conscripsisse cognoscitur, domesticus Ludovici, per annos singulos vitam ipsius Ludovici imperatoris conscribens hanc de his habet<sup>1</sup>: « Imperator Stephani papæ adventu præcognito, Bernhardum quidem nepotem, regem Italie, Pipini filium cum comitari jussit. Sed eo appropinante, alias missos, qui eum cum debito honore perducerent, direxit: ipse autem adventum ejus Rhemis sustinere statuit. Cui etiam obviam Hildebaldum archicapellanum sacri palatii, Theodulphum episcopum Aurelianensem, Joannem Atrebatensem, aliorumque ministrorum Ecclesiae copiam procedere jussit, infulis induitos sacerdotalibus. Ad ultimum imperator milliarium equo exceptit, et Ecclesiam intrantem manu propria sustentavit, præcentibus pro tanta exultatione variis Ecclesiae ordinibus: Te Deum laudamus, et reliqua. Quo hymno tinito, laudes imperatori debitas cleris Romanus conclamavit, quarum finem dominus Apostolicus oratione complevit. His expletis infra domus penetralia concessum est, expositisque causis sui adventus, et benedictione panis et vini simul participata, imperator ad civitatem rediit, dominus Apostolicus ibidem remansit». Haec ille de prima die. Habet de his plura alia ejusdem temporis, remisque a Ludovico gestarum scriptor certus auctor Theganus Trevirensis chorepiscopus, de cuius fide ne quid dubites, habes Walfridi Strabonis, qui eidem operi præfationem præposuit, testimonium, eum haec ait: « Hoc opusculum in morem Annalium Thegam natione Francus, qui eidem operi præfationem Ecclesiae chorepiscopus quidem et breviter potius, quam lepide composuit, etc. » Idem igitur auctor Theganus rem gestam sic aggreditur<sup>2</sup>:

99. « Stephanus statim postquam Pontificatum suscepit, jussit omnem populum Romanum fidelitatem cum juramento promittere Ludovico ». Id ea de causa, ut tumultuari soliti Romani in Romanum Pontificem (ut vidimus in Leone) eo saltem modo coerceri possent. Sed pergit auctor: « Et dirigenz legatos suos ad supradictum principem, nuntians ei, ut libenter eum videre voluisse in loco ubique sibi placuisse. Quod audiens, magno tripudio repletus cepit gaudere. Et confessim jussit missos suos obviam ire sancto Pontifici cum salutationibus maximis et servitia preparare. Perrexit post missum dominus Ludovicus obviam supradictio Pontinei, obvians ei in campo magno Rhenensium. Descendit uteque de equo suo. Et princeps se prosternens omni corpore in terram tribus vicibus ante pedes tanti Pontificis, et tertia vice erectus salutavit Pontificem istis verbis, dicens: Benedictus qui venit in nomine Domini, Deus Do-

minus et illuxit nobis. El respondit Pontifex: Benedictus sit Dominus Deus noster, qui tribuit oculis nostris secundum David regem videre. Amplexantes enim se et osculantes pacifice perrexerunt ad Ecclesiam, qui eum diu oraverunt, erexit se Pontifex, et excelsa voce cum clero suo fecit ei laudes regales.

100. « Postea Pontifex honoravit eum magnis honoribus et multis et reginam Irmingardam, et omnes optimates et ministros ejus. Et in proxima die Dominicæ in Ecclesia ante missarum solemnia coram clero et omni populo consecravit eum, et unxit ad imperatorem, et coronam auream mira pulchritudinis et pretiosissimis gemmis ornatam, quam secum portaverat, posuit supra caput ejus: et Irmingardam reginam appellavit Augustam, et posuit coronam auream super caput ejus. Quandiu ibi erat beatissimus papa, quotidie colloquium habebat de utilitate sanctæ Dei Ecclesiæ. Post quod dominus imperator eum honoravit magnis et innumeris donis tripliciter et amplius quam suscepisset ab eo, sicut semper solebat agere, magis dare quam accipere. Dimisitum ire Romanum cum legatis suis, quibus præcepit ubique in itinere suo honestum exhibere servitum. Postquam Romanum venit non post multos dies, claruit Dei manifestatione in nonnullis miraculis, quod ipse verus erat vivens Dei cultor ». Haec ipse, agens de ejus obitu post redditum ad Urbem, nos vero dicemus de eo suo loco, sequenti anno.

Hoc anno tertio Ludovici, ab eo celebratum constat conventum provinciale Aquisgrani, in coequo sanctum Meimulphum accepisse licentiam edificandi monasterium virginibus canoniciis regularibus, habent Vitæ ejus Acta a Gobelino conscripta. Fuit hic diaconus Ecclesiae Paderbornensis, qui egregia claruit sanctitate, ut ejus Vitæ Acta significant.

101. *Stephani Decretum de electione Pontificis.* — Quod vero ad rerum geslarum tempus spectat hic dicemus, que desiderantur in aliis, atque ex auctore sui temporis res scribente: nam ita apud Aimoinum ista narrantur: « Stephanus non duobus post consecrationem suam exactis mensibus, quam maximis itineribus ad imperatorem venire contendit ». Et inferius de redditus tempore: « Tertio, postquam Romanum venerat, mense nondum exacto circiter octavum kalendas Februarii diem obiit ». Ex quibus palet ipsum hoc anno ex Galliis Romanum rediisse, mense Octobris.

Stephani autem ipsius papæ apud<sup>1</sup> Gratianum de Romani Pontificis electione in hæc verba Decretum extat:

« Quia sancta Romana Ecclesia, cui auctore Deo præsidentius, a pluribus patitur violentias, Pontifice obenite: que ob hoc inferuntur, quia absque imperiali notitia Pontificis fit consecratio: nec canonico ritu et consuetudine, ab imperatore directi

Vita Ludov. c. 38. 39. — Thegan, de gestis Ludov. c. 16. 17. 18.

<sup>1</sup> Dist. XXXIII. c. 28. Quia sancta.

intersunt nuntii, qui scandala fieri vetent : volumus, ut cum instituendus est Pontifex, convenientibus episcopis et universo clero, eligatur praesente senatu et populo qui ordinandus est. Et sic ab omnibus electus, presentibus legatis imperialibus consecretur. Nultusque sine periculo sui, jura menta vel promissiones aliquas, nova adinventione, andeat extorquere, nisi quae antiqua exigit consuetudo, ne Ecclesia scandalizetur, et imperialis honorificentia minuatur ». Hactenus Stephani papae Decretum assertum. An enim revera ejusdem Stephani sit, aliæ plures recitatæ et confutatæ superius schismaticorum imposturæ, ut de hoc etiam dubitari possit, efficiunt. Cum præsertim Ludovicus imperator anno sequenti, ut suo loco apparebit, in Constitutione a se edita de donatione facta Romanæ Ecclesiæ, liberam esse velle declarat electionem et

coronationem Romani Pontificis ; nec ad aliud teneri, qui creatus est Pontifex, nisi ubi est consecratus, legationem mittere ad ipsum imperatorem, qua eum de sua promotione faciat certiorem, prout et successor Stephani hujus Paschalis papa fecisse conspicitur. Adeo ut aut non sancitum ejusmodi Decreto, vel ab ipso Ludovico non acceptatum opus sit affirmare, cum (ut dictum est) anno sequenti his contraria ab eo constituta noscantur. Recitat illam ipsam Ludovici Constitutionem etiam<sup>1</sup> Gratianus, simulque ea<sup>2</sup>, quæ contigerunt in electione Hadriani pape secundi, cum nec qui aderant tunc Romæ legati ejusdem imperatoris vocali sunt.

<sup>1</sup> Dist. LXIII. c. 30. Ego Ludovic. — <sup>2</sup> Dist. LXIII. c. 29. Cum Hadrianus.

Anno periodi Graeco-Romanæ 6309. — Anno Æra Hispan. 854. — Anno Hegiræ 201, inchoato die 30 Julii, Fer. 4. — Jesu Christi 816.

— Stephani IV papæ 1. — Ludovici imp. 3. Leonis Armeni imp. 4.

1. *Vita S. Theophanis tenebris obsita.* — A num. 1 ad 5. Sancti Theophani abbatis monasterii *Magni Agri* seu *Sigriani*, quod unum et idem est, ut supra ostendimus, Chronographiam grecō in latinum vertit post Baronii mortem Jacobus Goarūs, notisque illustravit. Harum autem initio varia habet de aliis ejusdem nominis, qua sanctis, qua scriptoribus, ac de rebus, quæ ad Theophanem nostrum speciatum pertinent. Post eum Bollandus ad diem xii Martii, quo sanctus *Theophanes* colitur, eadem pluribus retractavit; sed in hujus sancti Vita a sancto *Theodoro Studita*, aut ab alio monacho forte coævo conscripta, pauci temporis characteres reperiuntur, et aliunde ea mutila est. Exhibit et aliam *Theophanis* Vitam ibidem Bollandus, a Metaphraste aut ab alio concinnatam, sed major lux ex ista non affulget ad vitæ Theophanis Chronotaxim statuendam. Quare tam annus matrimonii ejus et monachatus, quam annus ejus mortis ac exitii certo e tenebris erui non possunt. Senectute gravem fuisse, cum Leoni Armeno sistendus auferretur ex monasterio, Acta insinuant; sed controversum hoc faciunt Menæa, cum asserunt, vicesimum primum ætatis egisse *Theophanem*, cum *Leo* imp. Copronymi filius mortuus est, anno scilicet Christi ccclxxix. Non appetet tamen, quomodo tantilla ætas tempore morientis Leonis consistere possit, cum eo

quod ex Menæis affertur Elogio, aut cum Vilæ Actis; ideoque existimat Bollandus, mendum irrepsisse in Menæa, et loco xxi legendum esse xxxi, seu  $\alpha\zeta$  pro  $\alpha\zeta$ ; sic enim natus fuerit anno ccclviii, et uxorem duxerit primo Leonis anno, qui Christi est ccclxxvi, viginti octo annos natus. Caetera autem, quæ postea contigere, justum obtinebunt temporis spatium. Verum cum hoc divinare sit, iis hic non immorabor, sed tantum quæ certiora sunt, paucis explicabo.

2. *Ejus exilium et mors.* — Cum cerlum sit, Leonem Armenum anno superiori hegumenos seu monasteriorum Constantinopolis positorum præpositos hyberno tempore congregasse, ut eos ad suam sententiam pertraberet, et cum id ab eis extorquere non posset, in varia loca relegasse, non dubium, quin vicinorum urbi locorum celebriores abbates, qualis erat *Theophanes*, ad se evocarit, ut eos in suam partem minis vel blanditiis traducere conaretur. Quare anno superiori vel saltē præsenti contingit quod Baronius de Theophane narrat ex auctore prioris ejus Vitæ, quod nempe Constantinopolim venire coactus fuerit, ubi cum nullis cederet machinis veritatem oppugnantibus, conjectus est in carcere. Addit auctor Vitæ cap. 3: « Duos annos acerbissimo defunctus carcere, in Samothracem insulam deportatur : quod ipse mentis oculo pro-

spiciens, ei qui sibi ministrabat, prænuntiaverat : ubi cum tres supra viginti dies egisset, tanquam suavis hostia communii Domino oblatus est », die et anno incertis, ante tamen annum 800, quo *Leo Armenus* exsiliatus est; ei enim imperatorem supervixisse docet idem auctor. Est porro *Samos*, seu *Samothraea*, insula Thraciae in mari Aegeo, contra ostia Hebri. Baronius num. 1, putat, *Theophanem* abbatem *Agri* diversum esse a *Theophane Sigriani* abate. Verum idem monasterium modo *Magni Agri*, modo *Sigriani* dicitur, quod positum esset in *Sigriana* prope Cyzicum regione. Praeterea scribit Baronius, *Theophanem* nostrum *Isaacium* etiam appellatum fuisse. Sed deceptus fuit a *Theophanis* interprete, qui haec verba Θεοφάνης τοῦ Ισαακίου βίος ita reddidit : *Theophanis, qui et Isaacius dictus est Vita; cum vertere debuisset, Theophanis Isaaci filii Vita,* phrasim Graecis usitata, quibus insolens est patris nomen in recto cognomenti vice adjungere filio, ut observat Goarus loco laudato. In versione tamen Anastasii post *Analecta* ex Georgio synkello descripta, ad annum primum Diocletiani imp. seu ad annum mundi 3777 legitur : « Abhinc Isaurius (alia in margine lectio, *Hysaucius*) qui et *Theophanes* »; unde, inquit Bollandus, vel *Anastasio* ita intellectus est textus graecus, ut *Isaacium* quoque vocari *Theophanem* putarit, pro quo transcribentium vitio irrepererit *Hysaucius*, vel idem *Theophanes* cognominatus fuit, *Isaurius*. Sed quidquid de hac conjectura sit, *Theophanes* in Menaeis *Isaaci* filius dicitur.

3. *Exilium SS. Stephani hegumeni et Cosmae episc. Chalcedon.* — Meminit Baronius num. 4 *Stephani* hegumeni, et *Cosmae* Chalcedonensis episcopi, qui ob defensionem sacrarum imaginum inter sanctos confessores in Menologiis memorantur, ille ad diem xxvii mensis Martii, hic ad diem xxviii mensis Aprilis. De priori tamen agit Bollandus ad diem xxvi Martii, quod in plerisque Graecorum Fastis eo die memoretur, licet in Menologio Basilii imp. quo utebatur Baronius, inscriptus sit ad diem xxvii ejusdem mensis. Ubique autem dicitur *Trigliensis* monasterii hegumenus, qui cum adlocutus cogeretur, sacrarum imaginum adorationem ejunare, et adversari Orthodoxe fidei manu sua signare sententiam, nullis crueiatibus ad id adduci potuit, ideoque carceribus primum mancipatus, ac demum ejectus in exilium est, ubi animam Deo reddidit. In Menologio Basilii imp. ad diem xviii Aprilis, de *Cosma Chalcedonensi* episcopo legitur, quod jussus abnegare venerationem sacrarum imaginum, cum id recusasset, in exilium relegatus est. « At denuo ab exilio revocatus et vehementer compulsus, ut cum ipsorum hæresi conveniret, cum ipsos audire constanter respuisset, multiplicibus aerumnis subjectus fuit, etc. Ac tandem vitor evadens emigravit ad Dominum ». De utroque legendus Bollandus citatus.

4. *Triennalis carcer SS. Theodori et Nicolai Studitarum.* — A num. 5 ad 23. *Sanctus Theodorus*

enim sancto *Nicolao* socio, postquam *annum integrum carcere detenti egerant*, translati sunt ad quoddam castrum *Bonitam* appellatum, ubi ob Epistolam Theodori ad confessores datam, utsique dire in carcere vapulavit, ut ex auctore Vitæ sancti Nicolai anno 800, num. 46 et seqq. ostendimus; quibus narratis idem auctor scribit : « Quas vero ac quantas necessitates toto illo triennii spatio pertrulerint, angusto illo ac tenebrioso detenti carceris angulo, ne dici quidem facile queat. Nam quis, rogo, etiam paulo plenius, eam corporis inflationem describat, quæ ex tormentis vere gravis illa ac incuriosa sanctis accidit ? Nedum enim contra solum iniquum imperatorem impiosque prefectos decertabant; verum etiam ipsi quoque legi naturæ vim inferebant, depugnantes adversus famem et siti, frigusque ac nuditatem. Ac sane, cum non modicum perfluxisset temporis spatium, iterum crudelis imperator ab eo loco ad Smyrnæ metropolim traducit, quos exceperunt custodia atque verbera, amboque utrisque pedibus ligno revincti erant. Cum autem viginti denuo menses in eo carcere morati essent, corporisque affectionibus superiores facti, virtutem, uti probante tormentorum igne insuperabilem, ita et adversus mortem audere ostendissent », imperator miserabiliter cecidit, occisus nempe post diem natalem Christi anni 800. Ex his patet, *Theodorum* et *Nicolaum* mense circiter *Maio* anni 800 Smyrnam translatos esse, et triennalem custodiā, quæ eam translationem præcessit, hoc anno cœpisse. Quas Epistolas ad sanctos confessores in exilio positos illo triennio scripserit Theodorus, recitat Baronius. Iluc referenda, quæ loco laudato de utriusque flagellatione diximus, de qua hoc anno Baronius agit.

5. *S. Theodorus scribit ad Mariam imperatricem.* — Ad num. 23. Epistola a *Theodoro* ad *Mariam* reginam data, et hoc anno a Baronio relata, pertinet ad annum 800 aut insequentem, nihilque commune habet cum persecuzione a Leone Armeno adversus sacrarum imaginum cultores excitata. Fuerat *Maria* uxor Constantini imp. Irenes filii ab eo repudiata, ut *Theodotam* sibi copularet. Ex ea Constantinus *Euphrosynam* suscepserat, quæ tonsa inter monachas in insula Principis, *a primo capillo vitam agebat*, inquit Zonaras in Michaeli Balbo, qui eam ex eodem monasterio extractam uxorem duxit. Theodorus itaque in Epistola ad *Mariam* data dicit, eam tribus persecutionibus afflictam fuisse : « Pertulisti, inquit, injustum conjugis divorzium ». Paulo post : « Exilium pro veritate pertulisti a propriis visceribus separata », a filia nempe *Euphrosyna* tunc *Augusta*. Tertiā plagam addit Theodorus, quod nempe ea premeretur, ut ad filiam imperatricem veniret, et cum ea commoraretur, quod sine periculo fieri non poterat ob hæreticos in aula dominantes qui, ut eam a recta fide averterent, omnes machinas adhibuerint. Theodorus, quem illa hac de re consuluerat, auctor ei est, ut *domi maneat, Augusta palatium obtinente* :

Baronius existimans filiam Mariae fuisse *Theodosiam* Leonis Armeni uxorem, hanc Epistolam cum praesenti anno copulavit. Verum Leonis Armeni uxor, *Theodosia* appellata, *Arsaberi* filia erat, ut prodit Cedrenus pag. 492, et Arsaberus fuit questor ac patricius, et Nicephoro imperante imperator appellatus, et ab eo tonsis capillis in Bithyniam relegatus, ut discimus ex Theophane in sua Chronographia pag. 409. Cum itaque *Maria* imperatrix *Euphrasianam* pepererit, haecque post occidum *Thomam tyrannum* a Michaeli Balbo e monasterio educta fuerit, et ab eo in uxorem accepta, manifestum est, eam Theodori ad Mariam Augustam Epistolam pertinere ad annum DCCXXIV aut insequentem; cum nuptiae illae circa initium anni DCCXXIV celebratae fuerint, quemadmodum anno DCCXXVI, numero 19 ostensuri sumus.

6. *Moritur Leo III papa.* — A num. 48 ad 96. Anastasius, postquam aedificia publica Romae a Leone III papa constructa, donaque Ecclesiis ejusdem Urbis facta enarravit, quae omnia ex eodem sigillatum Baronius recenset, ait: « Qui beatissimus Pontifex, postquam Sedem Romanam et Apostolicam annos viginti, menses quinque et dies sedecim gloriose rexit, ex hac luce subtraetus, ad aeternam migravit requiem ». Paulo post: « Sepultus vero est in Basilica beati Petri Apostoli pridie idus Jun. Indict. nona, et cessavit episcopatus dies decem ». Quare cum Leo ordinatus fuerit die XXVII mensis Decemb. anni CCXCV, ejus mors in diem undecimum mensis Junii currentis anni incidit. Anastasius diem sepulturæ, non vero mortis, et Sedis durationem accurate notavit, et ab hac dicim emortualem exclusit. Anastasio in omnibus consentit Luitprandus. Erravit itaque auctor *Vita Ludovici Pii*, qui de eodem imperatore Aquisgrani existente scribit: « Imperatori domini Leonis Romani antistitis dormitio nuntiatur, quæ evenit octavo kalendas Junii, anno vicesimo primo episcopatus sui; Stephanique diaconi in locum ejus subrogatio ». Erravit et Eginhardus in Annal. qui ait: « Dominus Leo papa anno Pontificatus sui circiter XXI, V kalend. Junii de corpore migravit ». Alemannus in Parietinis Lateranensis cap. 10 de Leone III ait: « Virum Deo gratum maiores adeo venerati sunt, ut ad ejus monumentum aram Deo (quem cultum antiquitus iis tantum, qui in sanctorum numerum adscriberentur, adhibere fas fuit) in sacra Vaticana Petri Basilica extruxerint, et cum sanctitate paribus Leone I, II et IV uno in loco eum condicione voluerint; quod a Pasehale II inscriptus lapidi titulus hic docet: SUB HOC ALTARE SUNT CORPORA SS. LEONUM I, II, III ET IV PONTIFICUM ET CONFESSORUM. In Martyrologio tamen Romano nulla fit Leonis tertii memoria, licet alii tres eidem inscribantur.

7. *Inter sanctos numeratur.* — At Henschenius ad diem XI mensis Aprilis, quo sanctus Leo Magnus colitur, recitat Historiam elevati et translati corporis ejus ex Ms. Catalogo Ecclesiæ sancti Petri, in

quo legitur: « Capsa rubro serico tecta, continet reliquias SS. Leonum primi, secundi, tertii et quarti Summorum Pontificum, quorum sacra corpora in Vaticana Basilica requiescent: quæ quidem reliquiae in magno involucre serico albo asservantur. Ex libro rerum memorabilium Vaticanae Basilicæ ab anno MDLXXV habetur instauratio altaris seu oratoriæ dictorum sanctorum, aperlio sepulchri, et inspectio corporum eorumdem die prima Augusti anno MDLXXX, Gregorio XIII Summo Pontifice, etc. multisque prelatis presentibus. Tum de translatione Leonis primi haec habentur: Sacrum ipsum corpus, una cum ossibus aliorum Leonum, secundi, tertii et quarti, solemnni ritu in novum templum translatum fuit, memorata die XXVII Maii, Dominica infra Octavam Ascensionis MDCVII, post canatas vesperas. Iliae translationi presentes fuerunt, etc. Sanctissimus dominus noster Paulus papa V voluit videre corpora eorumdem sanctorum, viditque illa multo animi sui solatio, etc.

8. *Stephanus IV papa in Franciam venit.* — A num. 96 ad 101. Cum post mortem Leonis III Sedes dies decem vacaverit, ut mox diximus ex Anastasio, *Stephanus* hujus nominis IV, die vice-sima secunda mensis Junii, in quam Dominica celebat, consecratus est, ut recte asserit Baronius, qui tamen eum Stephanum V perperam appellat, ut ex iis, que anno CCCLII, num. 13 diximus, certo constat. Theganus de Stephano IV scribit: « Stephanus statim, postquam Pontificatum suscepit, jussit omnem populum Romanum fidelitatem cum juramento promittere Ludovico: et dirigens legatos suos ad supradictum principem, nuntiavit ei, ut libenter eum videre voluisse in loco ubicunque sibi placuisse ». Quam etiam in rem Eginhardus in Annal. ait: « Nondum duobus post consecrationem suam exactis mensibus, quam maximis poterat itineribus ad imperatorem venire contendit: missis interim duobus legatis, qui quasi pro sua consecratione imperatori suggererent. Quod ubi imperator audivit, Rhemis ei statuit occurrere. Missisque obviam his qui eum illo deducerent, adventum ejus præveniens, cum magno eum ibidem honore suscepit. Qui statim imperatori adventus sui causam insinuans, celebratis ex more missarum solemnis eum diadematis impositione coronavit. Multis deinde inter eos muneribus et datis ac acceptis, conviviisque opipare celebratis, et amicitia vicissim firmissimo labore constituta, aliisque utilitatibus sanctæ Dei Ecclesiæ pro temporis opportunitate dispositis, Pontifex Romanus, imperator Compendii palatium petiit ». Theganus congressiōnem Pontificis et imperatoris fuse describit, additque: « In proxima die Dominica in Ecclesia ante missarum solemnia coram clero et omni populo consecravit eum, et unxit ad imperatorem, etc. Et Irmingardam reginam appellavit Augustam ».

9. *Honorifice recipitur.* — Auctor *Vita Ludovici Pii* peculiaria scribit de Bernardo Italiae rege, qui Stephanum papam comitatus est; de Hilde-

baldo archiepiscopo Coloniensi, de Joanne Arelatensi metropolita, et Theodulpho Aurelianensi episcopo, quos imperator obviam papæ direxit : « Stephanus post sni consecrationem ad dominum imperatorem venire non distulit. Vix enim duobus exactis mensibus summa cum festinatione ei occurere festinavit. Præmisit tamen legationem, qua super ordinatione ejus imperatori satisfaceret. Imperator autem ejus adventu præcognito, Bernardo quidem nepoti eum comitari jussit. Sed et appropinquantii alios missos, qui eum debito honore perducerent, direxit. Ipse autem adventum ejus Rhemis sustinere statuit. Cui etiam obviam Hildebaldum archieapellanum sacri palatii, Theodulphi episcopum Aurelianensem, Joannem Arelatensem (non vero Atrebensem, ut habet Baronius num. 98, errore vel librariorum vel exemplaris corrupti) aliorumque ministrorum Ecclesiae copiam procedere jussit», et cætera a Baronio ibidem recitata. Tunc archiepiscopus Rhemensis erat *Ebo*, de quo Flodoardus lib. 2, cap. 19 : « Hic Ebo præsul supra memoratum papam Stephanum eum Ludovico rege Rhemis suscepit, postquam rex idem Sclavos in Oriente positos directo devicit et oppressit exercitu ».

**10. Pallium dat Theodulpho epise. Aurelian.** — *Stephanus* papa priusquam Rhemis digredetur, pallium *Theodulpho* Aurelianensi episcopo tribuit, unde illud distichon ejusdem *Theodulphi* in Carmine ad Modoinum episcopum Augustodunensem, quod quintum est lib. 4.

Solius illud opus Romani præsulis extat,  
Cujus ego accepi pallia sancta manu.

*Pallium* archiepiscopis tribui proprie solet; non desunt tamen exempla, quæ ostendunt, illud ante et post *Theodulphi* tempora episcopis concessum esse, qui non erant metropolitani. Accepto pallio deinceps *Theodulphus* archiepiscopus Aurelianensis dictus est, ut patet ex Diplomatis Ludovici Pii, hoc anno num. 20, a Cointio recitatis.

**11. Conventus Aquisgranensis.** — Annalista Cæsareus a Lambecio editus hoc anno habet : « Anno iii Hludowichi factum est Concilium magnum in Aquisgrani in mense Augusto, et præceptum est, ut monachi omnes cursum sancti Benedicti cantarent ordine regulari, et duo Codices scripti sunt, unus de Vita clericorum, et alter de Vita nonnarum (id est, sanctimonialium). Eo anno Leo papa obiit, et ordinatus est Stephanus pro eo in episcopatum Romanæ Ecclesie; qui in mense Octobre venit ad Hludowichum imperatorem civitate Rhemis, et reversus est in pace. Piccopinus de amicis regis, qui et filiam imperatoris duxit uxorem, defunctus est ». Transcripsit hæc verba annalista Hildensheimensis, ut in more positum habet, nisi quod loco, *Piccopinus*, in eo legitur *Biego*, et loco, *filiam imperatoris duxit uxorem*, habetur, *filiam imperatoris nomine Elpheid duxerat uxorem*. Verum quisquis Annalium illorum

primarius auctor fuerit, mensem Augustum cum conventu Aquisgranensi et mensem Octobrem cum Stephani pape adventu per errorem copulavit; cum mensem Augustum ad Pontificis adventum, Octobrem vero ad conventum Aquisgranensem referre debuisset. Certe in Necrologio Rhemensis Ecclesie de Vulfario archiepiscopo Rhemensi legitur : « Animam Deo virtutibus plenam reddidit XV kalend. Sepem », ut videre est apud Marlotum lib. 3, cap. 18, et Carolus Calvus in suis ad Nicolaum papam litteris tom. iii Concil. Gall. memorans adventum Stephani pape ad urbem Rhemensem ait : « Eo tempore Wulfarius præfate urbis venerabilis archiepiscopus valida vexabatur infirmitate, qua et mortuus est ».

**12. Diversus ab eo qui anno sequenti celebratus est.** — *Stephanus* Romanus, imperator Compendium profectus est, ut supra diximus, complectisque ibi xx vel eo amplius diebus Aquisgrani ad hyemandum profectus est, ut totidem verbis annalista Berlinianus et Eginaldus in Annal. asserunt. Quare conventus Aquisgranensis, de quo loquitur annalista Cæsareus citatus, ultimis hujus anni mensibus congregatus. Referuntur tom. vii Conciliorum, pag. 4307 et seqq. duo libri conventus Aquisgranensis, quorum alter de *Institutione canonieorum*, alter de *Institutione sanctimonialium* inscribitur, et prioris Praefatio his verbis inchoatur : « Cum in nomine sanctæ et individuæ Trinitatis, Christianissimus ac gloriosissimus Hludowicus superno munere Victor Augustus, anno Incarnationis D. N. J. C. Dcccxxvi, Indictione x, anno siquidem imperii sui tertio, Aquisgrani palatio generalem sanctumque convocasset conventum, etc. » Dicitur postea in eadem Praefatione, imperatorem jussisse aliquam ex sacris canonibus et sanctorum Patrum dictis *Institutionis* formam excerpti, tam pro canonicis, quam pro sanctimonialibus. Libellus pro canonicis compositus constat capitibus cxlv. Libellus vero pro sanctomialibus capitulis xxviii, et in Praefatione huic secundo libello præfixa iidem temporum characteres, ac in Praefatione ad primum exprimuntur. Falsus est itaque Cointius, qui hunc conventum Aquisgranensem cum altero anno sequenti in eadem urbe habito confundit, eosdemque libellos in eo editos arbitratur, eo innixus fundamento, quod apud antiquos autores ad annum Dcccxxvi nulla sit mentio conventus Aquisgranensis, sit autem ad an. Dcccxxvii. Nam licet annalistam Cæsareum non legerit, nec tomum secundum Biblioth. Cesareæ a Lambecio editum, id tamen videre potuit in annalista Hildensheimensi tom. iii Duchesnii recitato, qui de verbo ad verbum exscripsit quidquid fere in annalista Cæsareo continetur. Præterea deceptus est Cointius ab auctore Vitæ Ludovici Pii, qui non solum conventus Aquisgranensis hoc anno indicti nullam mentionem facit, sed etiam duos præfatos libellos editos tradit in eo conventu Aquisgranensi, in quo uniformis vivendi norma statuta est pro eum-

ctis monasteriis ordinis sancti Benedicti. Qua tamen in re auctor Vitæ Ludovici Pii valde hallucinatus est, ut ex dicendis liquebit; jamque observavimus, eum in ratione temporum st̄pe parum accuratum esse. Hujus etiam conventus Aquisgranensis non meminit Baronius, ab eodem auctore Vitæ Ludovici Pii in errorem inductus, ut anno sequenti videbimus. Horam igitur libellorum epocha certa et indubitata.

*13. Regulae in eo pro canoniceis et pro monialibus conditæ.* — Ademarus in suo Chronico ad currentem annum de Ludovico Augusto scribit: « Jussit fieri regulam canoniceis, excerptam de diversis Patrum scripturis, decrevitque eam observandam a canoniceis, ut sicut monachi respiciunt ab libro regulæ sancti Benedicti, sic perlegant canonicei inter se librum Vitæ clericorum; quem librum Amalerius diaconus ab imperatore jussus collegit ex diversis doctorum sententiis. Dedit ei imperator copiam librorum de palatio suo, ut ex ipsis ea quæ viderentur congrua excerpteret, et ita cum decretis episcoporum, qui ibi fuerunt, vita clericorum roborata est ». Ille textus, ut recte observat Cointius anno DCCCVII, num. 87 et seqq., ubi utramque regulam seu institutionem explicat, institutionem seu regulam canoniceorum duas in partes distinguit, unam ex scriptis Patrum collegit *Amalerius diaconus*, alteram episcopi considerunt, adjectis aliis decretis. Quis ille diaconus fuerit, proxima periodo sic idem Ademarus docet: « Scriptis eidem imperatori supradictus Amalerius liberum de Officiis divinis, et de varietatibus eorum, et de ordine psalmorum juxta clericorum usum antiquum ». Ademarus per liberum *De divinis officiis* intelligit libros quatuor, qui *De Ecclesiastico officio* inscribi solent, et per liberum *De ordine psalmorum* designat liberum *De ordine Antiphonarii*; quod utrumque opus Amalario archiepiscopo Trevirensi perperam adscribilur, ut annis DCCXXX et DCCXXXI ostendemus.

*14. Regula canoniceorum partim ab Amalario, partim a Synodo composita.* — Ille tantum observandum, quomodo duas distinguuntur partes, in quas regula canoniceorum distribuitur. Prima capitibus constat exiū, altera xxxn. Prior est *Amalerii* seu *Amalarii* diaconi, qui capita cxiii ad vitam moresque clericorum spectantia, partim ex scriptis Patrum, partim ex Codice canonum ad usum Ecclesiarum Occidentalium tunc recepto; id est, ex sancti Hieronymi Commentariis in Epistolam ad Titum, et ex Epistolis ad Oceanum, ad Nepotianum, ad Icliodorum et ad Paulinum presbyterum, ex duabus sancti Augustini sermonibus XLIX et L de diversis, ex sancti Gregorii libro de Cura pastorali, ex libris 5 et 19 Moralium, ex homiliis in Evangelia, et ex homilia xii libri primi super Ezechiem; ex variis sancti Isidori libris, ex secundo officiorum Ecclesiasticorum, ex tercio Sententiarum, et ex septimo Ethymologiarum, ex libris primo et secundo Juliani Ponterii de Vita con-

templativa; ex Conciliis Nicæno, Aneyrano, Neocæsariensi, Gangrensi, Antiocheno, Laodicensi, Chalcedonensi, Sardicensi, Carthaginensi et Africano; ex Decretis Leonis Magni et Gelasii Romanorum Pontificum diligenter colligit. Posterior pars opus est Patrum Aquisgranensium, qui priorem partem seu collectionem *Amalarii* diaconi lectam Synodaliiter approbarunt, auxeruntque capitibus duobus ac triginta.

*15. Regula canonicarum ex Patribus et Decretis Synodi conflata.* — Institutio seu regula sanctimonialium canonice viventium, quam primus Sirmondus publicavit, constat articulis xxvii, duasque in partes dividi potest, quarum prior ex scriptis Patrum, posterior ex Decretis conventus Aquisgranensis sumitur. Sex prima capita primam Institutionis partem conficiunt, transcriptaque sunt ex Epistolis sancti Hieronymi ad Eustochium, ad Demetriadem, ad Furiam; ex Epistola sancti Cypriani de habitu virginum; ex sermone sancti Cæsarii sanctimonialibus directo; et ex sermone sancti Athanasii ad sponsas Christi. Post sex illos articulos fit transitus ad Aquisgranenses his verbis: « Diligenter itaque eorumdem sanctorum Patrum sententiis prælibatis, dignum et necessarium judicavimus per singula capita distinguere, quid prælati, quidve subditis observandum sit. Et quoniam subditarum vita prælatarum est exemplis informanda, primum quales debeant abbatissæ constitui, qualiter eis vivendum, qualiter subditas gubernandum, qualiterve in monasteriis residendum, et instanter Domino tota mentis et corporis devotione serviendum, dein quid subjectis specia liter observandum sit, ponendum censuimus ». Et postea sequuntur capita vii, viii et reliqua. *Canonicas* illas voto paupertatis adstrictas non fuisse, docet cap. ix, et caput xxi eas ancillas habuisse.

*16. Regula canoniceorum immerito a quibdam reprobata.* — *Ludovicus* imperator utramque regulam in singulas provincias ad metropolitas, seu Concilio interfuerint seu non adfuissent, perferrit jussit. Earum Epistolarum tria supersunt exemplaria. Primum inscribitur *Sichario archiepiscopo*, nempe Burdigalensi; secundum *Magno Senonicæ urbis archiepiscopo*; tertium *Arnoni Saltzburgensi archiepiscopo*. Tam laudabile Ludovici Pii consilium, quod auctores illorum temporum summopere celebrarunt, alii re minus considerata reprobarunt posterioribus sæculis, et ut opinioni sue potiorem fidem conciliarent, quidam finixerunt vocem insigni prodigo cælitus eidem reprobrasse *Ludovico*, quod Ecclesie venenum addidisset; quapropter Cointius citatus num. 140 et seqq. examinat, quid *Petrus Damiani* (qui scripsit opusculum xxiv contra canonicos, qui licet in commune fructibus Ecclesiarum alerentur, pecuniam aliqua bona seorsum possidebant), quid *Joannes Mauburnus* (qui Liuriacensi monasterio diœcesis Parisiensis præerat anno 10) in regulam Aquisgranensem et in ipsum Ludovicum scripsit,

cosque hac in re deceptos esse ostendit, ut ibidem legere est.

**17. Vindicatur a calunnia.** — Ignoravit Petrus Damiani, inquit Nicolaus Desnosius in lib. 2 de *Canonicis secularibus*, cap. 15, regulam, qua se canonici tuebantur, ipsumumet Aquisgranensis Concilii textum esse, atque ex eodem Concilio de verbo ad verbum decerpas fuisse periochas, quæ canoniceis proprietatem permittunt, ut ex capite cxx liquet. Illud certe si novisset, canonicos, quibus tot Patres indulgentiam proprietatis concesserant, haud adeo severe carpisset, abstinuisseque a convitiis in ipsam regulam, ratus in ea nec absurdum quidquam, aut *ineptum ac frivolum* inveniri, nec esse *reptantium portenta verborum, et ignominiosæ atque confusæ locutionis approbrium*; ipsas quoque sententias, quæ passim in predicto sparsæ Concilio reperiuntur, *ineptias* nusquam appellasset. Interpolatam putavit illam regulam, que canoniceis plus indulgebat, quam textus Prosperi seu Juliani Pomerii ferret. At haec indulgentia prius concessa legitur in regula canoniceis Metensibus a *sанctо Chrodegango* præscripta, imo in regula Romana quam idem sanctus Romæ consuluit, ut probat Cointius anno 1057, num. 15 et seqq., et anno 1077, nup. 146. Liber Mauburni, qui *Venatorium canonorum* inserbitur, extat Parisiis Ms. in Bibliotheca Victorina.

**18. S. Meinulphus monasterium Budicæ construit.** — Barouius num. 100 perquam breviter conventum Aquisgranensem attigit, atque, in eo *S. Meinulphum* accepisse licentiam ædificandi monasterium virginibus canoniceis regularibus. Verum Gobelinus Persona in Vita hujus sancti, que extat apud Surium ad diem v mensis Octob., asserit quidem anno 73 Ludovici imp. conventum illum habitum, sed non dicit, monasterium *Budicæ* eo anno conditum fuisse. Haec Gobelini verba: « Ea tempestate Ludovicus filius Caroli M. imperii habendas moderabatur, et in Concilio provinciali apud Aquisgranum anno tertio imperii ejus habito, ordo canonicearum, quas sacerdotes vocant, tum recens constitutus erat ». Canonice itaque illæ tune sacerdotes erant, non vero regulares, licet Krantzius recte observet, collapsa virginum disciplina, avorum suorum memoria, Pontificis maximi auctoritate monasterium illud, quod *Meinulphum* ex propriis bonis considerat, traditum fuisse canoniceis regularibus, qui et hodie locum incolunt. Præterea illud adverbium *recens* magnam habet latitudinem, et ad plures annos extendi potest, nec aliud annuit Gobelinus, quam *Meinulphum* anno quo ille conventus congregatus, vel potius quo Ludovicus Caroli M. filius imperabat, et ordo canonicearum in eo conventu institutus jam florere cœperat, consilium cepisse de monasterio in episcopatu Paderbornensi, quod nomen traxit a villa propinqua, ædificando. Quare ejus conditum recte Cointius revocat ad annum 1032, quo ideo de illo agemus.

**19. Stephanus VII statuit ut Pontifex electus coram legatis Cæsareis consecretur.** — Ad numerum 101. Decretum Stephani papæ, quo statuitur, ut Romani Pontificis ordinatio non nisi coram legatis imperialibus fiat, tam a Catholicis quam a Protestantibus Stephano IV, vulgo V, hactenus attributum fuit; imo Baronius, Papebrocius in *Conatu Chronico-Historico*, Natalis Alexander sœc. IX et X, part. 1, aliquæ plures illud figmentum esse schismaticorum arbitrii sunt. Verum Stephanum papam hujus nominis sextum, vulgo septimum, illud condidisse, et paulo post Concilium Romanum a Joanne IX indictum illud totidem verbis confirmasse, anno 1077 demonstrabo, et errorem, qui tot aliorum causa fuit, eliminare conabor. Videantur itaque ea, quæ eo anno de eo Decreto dixi, et quæ anno 1077 de primo hujus consuetudinis auctore in medium protuli.

**20. Tumultus Soraborum et Vasconum.** — Hoc anno domestici tumultus in disjunctissimis Francie locis orti cito compressi sunt. Rem narrat auctor *Vita Ludovici Pii* his verbis: « Postquam imperator hyemis inclemtam serena valetudine et tranquillo successu transegit, succedente aestivi temporis gratissima blanditiæ, missi sunt ab eo, qui dicuntur Orientales Franci, sed et Saxonici generis comites, contra Sorabos Sclavos, qui ab ejus imperio dicebantur defecisse. Quorum conatus quam brevissime ac facillime, Christo donante, compressus est. Sed et Vasconum citimi, qui Pyrenæi jugi propinqua loca incolunt, eodem tempore juxta genuinam consuetudinem levitatis, a nobis omnino desciverunt. Causa autem rebellionis fuit, eo quod Sigwinum eorum comitem propter morum pravorum castigationem, quisbus pene erat importabilis, ab eorum removit prælatione imperator. Qui tamen adeo sunt duabus expeditionibus edomi, ut sero pœnituerit eos incepiti sui, ditionemque magno expelerent voto ». Quæ hoc anno contigisse testantur annalisti Bertinianus et Eginhardus in *Annal.*

**21. Synodus Anglicana.** — *Wulfredus Dorovernensis* archiepiscopus Ethelhardi successor, Anglo-Saxonum Ecclesias componere, et monasteriorum quieti commodisque prospicere studens, *Synodum* in Merciorum provinciæ, hoc est, ipsius diœceseos meditullio, in loco quem *Celchyth* vocant, congregavit, quo *Kenulphus* Merciorum rex et processus plurimi cum episcopis, abbatibus, et monasteriorum præfectis convenere; fidem Orthodoxam retinuere ac præcepta canonica, et novos aliquot canones edidere, ad res et mores Ecclesiasticorum spectantes, ut videre est apud Spelmannum pag. 327, et apud Alfordum in *Annal.* Ecclesiae Anglicane hoc anno. *Synodus* dicitur in *Actis* habita « anno Dominicæ Incarnationis octingentesimo decimo sexto, Indictione nona, die sexto kal. Augusti, Kenulti regis Merciorum anno viicesimo ». *Decreta* in ea statuta fuse ab Alfordo exponuntur.

## PASCHALIS I ANNUS 1. — CHRISTI 817.

**4.** *Mortuo Stephano Paschalis papa creatur, qui legatos mittit ad Ludovicum.* — Seqnitur annus Redemptoris octingentesimus decimus septimus, Indictione decima, « quo Stephanus papa cum sedisset menses septem et dies tres, octavo kal. Februarii (sive nono, ut habent alii) ex hac vita solvit, sepeliturque in Basilica S. Petri, cum mense Decembri ordinationem habuisset, in qua creavit presbyteros octo et diaconos quatuor; episcopos vero per diversa loca quinque ». Haec Anastasius, apud quem error irrepit: nam cum septem menses ipse sedisse dicatur, errore librarii factum, ut loeo septem mensium, septem positi habeantur anni: sed et irrepit error peior priore, dum apud eundem aliquis, qui postea exscrispit, utrumque reddidit numerum, nempe septem annos et septem menses; sed redarguitur quam apertissime error ex hujus temporis rerum Francorum scriptoribus, cum omnes æque testentur post redditum ex Galliis Stephanum tribus mensibus tantum fuisse superstitem. Ipsum insuper Stephanum fuisse illustratum miraculis, ex Thegano hujus temporis fidelissimo scriptore dictum est anno superiori. Sunt multa in Anastasii Codice, quo utimur, de ornamentis a Stephano papa in diversas Ecclesias collatis, et restauratione earum et aedificiorum structuris, sed ad Leonem esse referenda, paginæ ipsæ transpositæ docent; cum alioqui nec temporis angustiae talia tantaque adscribi Stephano patiantur, eum plurimum annorum ad ea consummanda oportuisset spatia intercessisse. His igitur prætermisis, ad successorem Stephani convertamus orationem.

**2.** Cum vix biduo (ut habet Anastasius) Sedes vacasset, Paschalis miro totius populi et cleri consensu papa creatur, quinto kal. Februarii. De eius natalibus et vita bene a pueritia instituta ista apud eundem Anastasium leguntur: « Paschalis natione Romanus, ex patre Bonoso a primævo aetatis sue divino cultui mancipatus, atque sacrosancte Ecclesiæ patriarchio studiis divinæ salutiferæque Scripturæ imbutus, tam in psalterio, quam in sacris paginis novi et veteris Testamenti spiritualiter eruditus, elegans et in omni bonitate perfectus, sub-

diaconus quidem factus, et postinodum diaconus, atque presbyter consecratus est.

« Erat autem vir sanctus, castus, pius et innocens, magnanimus, loquela devotus, pudicitia plenus. Sed et nimis hilariter, jucundeque in eleemosynis pauperum cuncta, quæ habebat, opportune distribuens. In colloquiis divinis frequentius cum religiosis ac sanctis monachis sedula observatione, diu noctuque insistebat in orationibus ac vigiliis, quotidianisque jejuniis humiliter et honeste vigebat. Quem dum predecessor ejus dominus Leo ter beatissimus papa tantis studiis pervigilem et religionis devotum conspexisset, tunc ei monasterium B. Stephani primi martyris juxta Ecclesiam B. Petri principis Apostolorum ad regendum commisit, quia scriptum est<sup>1</sup>: Nemo lucernam accendit et ponit in abscondito neque sub modio, sed super eandelabrum, ut qui ingrediuntur lumen videant. Unde qui suinet vitæ hujus temporalis luera pro aeterna sobrie atque utiliter moderando corredit, ad exemplum bene vivendi subditis et . . . ctione pietatis religiosus exornavit.

**3.** « Qui etiam gratiam hospitalitatis peregrinis, qui ob amorem beati Petri Apostoli de longinquis regionibus ad ejus limina accurrebant, utiliter præparans necessaria, ministrabat, et occulte quibus egebant hilariter erogabat. Et semper quotidie in Dei operatione eresebat, usquequo predecessor ejus dominus Stephanus papa de hac luce ad aeternam beatitudinem migrasset. Dum ergo per tanta bonæ operationis exempla præcipua longe latèque fama discurreret: et omnipotens Deus in regimen Ecclesiæ sue sub piæ gubernationis cura annueret apte moderateque disponere; una concordia, eademque voluntate, divino interveniente consultu, a cunctis sacerdotibus et proceribus, atque omni clero, necnon et optimatibus atque cuncto populo Romano consentientibus, ad laudem et gloriam omnipotentis Dei in Sealem Apostolicam Pontifex elevatus est. Erat enim Patrum præceptorum, et Pontificum institutorum atque canonum,

<sup>1</sup> Matth. v.

legum et sanctionum diligentissimus observator. Et cuique iustitiae normae a tempore ordinationis sue nobilissimus promulgator, tardus ad irasendum, velox ad miserandum, nulli malum pro malo reddens, sed semper misericors omnibus civibus, et a Deo sibi commissi populi Romani amator et gubernator existebat ». Hæc apud Anastasium, et alia, quæ opportunius suo loco dicentur inferius.

4. Cum igitur Paschalis ad Pontificatum esset assumptus ex monasterio, licet invitus ac reniens, placuit de sui electione certiorum reddere Ludovicum imperatorem, ad eumque legationem mittere, qua significaret, se invitum ac reluctantem fuisse coactum subire munus tanti Apostolatus. Hujus legationis ac litterarum Paschalis papæ mentio est in Vita Ludovici Pii imperatoris his verbis : « Post expletam consecrationem solemnum legatos cum Epistola apologetica et maximis muneribus imperatori Paschalis misit, insinuans non se ambitione ac voluntate, sed electione et populi acclamacione, huic succubuisse potius, quam insultuisse dignitati. Hujus bajulus fuit Theodorus Nomenclator, qui peracto negotio, et petitis impetratis super confirmatione scilicet pacti et amicitiae more prædecessorum suorum, reversus est ». Hæc auctor ejusdem temporis. Eadem alii ejusdem quoque saeculi historiam prosecuti veteres ejus æquales scriptores habent.

5. *Ludovicus in vita discrimen adductus.* — Quæ autem post hæc acciderint ipsi Ludovico imperatori, idem Vitæ ejus auctor et rerum inspector sic ait : « Sub eodem anno, Quadragesimæ pæne exacto tempore, ultimæ hebdomadis, quinta feria, qua Dominicæ Cœnæ celebratur memoria, dum peractis omnibus, quæ tantæ diei solemnitas exigebat, imperator ab Ecclesia in regiam se recipere vellet, porticus lignea, per quam redeundum erat, carie senioque confecta, et humectatione continua putrefacta, fatiscentibus inferioribus, sub imperatoris pedibus, comitumque illius collapsa magnum fragore sui omni palatio incussit metum, verentibus singulis, ne ruinæ illius eventus imperatorem oppressisset, sed a Deo, cui erat dilectus, a præsenti discrimine est protectus. Nam enim viginti, vel eo amplius comites cum eo ad terram usque deciderint, variasque incurrerint calamitates : ille nihil tristioris incurrit jaeturæ, præter inni pectoris locum, cui illus est capillus ensis, ultimaque auris cutis paululum expoliata, sed et crux illius juxta inguina euidam ligno impactum, cui tamen citissime est solventum. Adhibito enim medicorum studio, quam brevi pristine saluti est restitutus. Viginti namque peractis diebus, Noviomagum venatum petit.

6. *Concilium Aquisgranense.* — « Quo peracto negotio, imperator generalem habuit conventum Aquisgrani, in quo quantum fervoris circa divinum cultum in area pectoris gestaret, tanto admissu declaravit. Congregatis enim episcopis, nobilissimo que sanctæ Ecclesiæ clero, fecit componi, ordinari-

que librum canonicae vitæ normam gestantem, in quo totius illius ordinis perfectio continetur, sicut reclusus ipse fatetur. In quo etiam inseri jussil eibi potusque atque omnium necessariorum summam, ut omnes tam viri, quam sanctimoniales, sub hoc ordine Christo servientes nullis præpediti necessitatibus, libera servitute Domino omnium militare meminissent. Quem librum per omnes civitates et monasteria canonici ordinis sui imperii misit per manus missorum prudentium, qui illum in omnibus supradictis locis transcribi facerent, debilaque atque conscripta exigenter stipendia ministrari. Quæ res magnum Ecclesie contribuit exultationis tripudium, et piissimo imperatori debita cum laude immortale monumentum. Ilidemque constituit idem Deo amabilis imperator Benedictum abbatem, et cum eo monachos strenue vitæ per omnia, qui per omnia monasteria monachorum euntes, redeantesque uniformem traducerent cunctis monasteriis tam viris, quam sanctimoniaibus feminis vivendi secundum regulam S. Benedicti incommutabilem morem ». Habes ista omnia, prout a Ludovico constituta leguntur, capitibus octoginta distincta in additione prima post septimum librum Capitularium Francorum, hac inscriptione notata litteris grandiusculis.

7. « Anno Incarnationis Domini nostri Jesu Christi octingentesimo decimo septimo, imperii vero gloriosissimi principis Ludovici quarto, sexto idus Julii. Cum in domo Aquisgrani palatii, quæ Lateranis dicitur, abbates cum quampluribus una suis resedissent monachis, quæ subsequuntur capitula communis consilio ac pari voluntate inviolabiliter a regularibus conservari decreverunt ». Ita inscriptio. Sequuntur post hæc dicta Capitula de regularibus statuta etiam, ut dictum est, in his quæ ad eibum et potum spectare videntur, secundum ea, quæ in Ludovici edicto esse sancita, ex auctore Vitæ ejus narratum est. At vero ita ista tribuuntur Ludovico, ut quia interfuit, et harum scribendarum legum fuisse auctor et promulgator : tamen non ab ipso Ludovico constituta fuisse, sed ab ipsis abbatibus una simul considentibus, recitata nuper inscriptio manifestat. Tu vero ipsa octoginta capita, quæ extant, pro arbitrio consulas.

8. De aliis etiam, quæ in eodem conventu per Ludovicum constituta idem auctor affirmat, sic dicere pergit : « Considerans etiam idem piissimus imperator non debere Christi ministros obnoxios esse humanæ servituti ; sed multorum avaritiam abuti ministerio Ecclesiastico ad proprium querustum : statuit, ut quicumque ex servili conditione, conciliante scientia, et morum probitate, ad ministerium altaris adsciceretur, primum manumittetur a propriis dominis, vel privatis, vel Ecclesiasticis, et tunc demum gradibus altaris induatur. Volens etiam unquamque Ecclesiam habere proprios sumptus, ne per ejusmodi inopiam divini cultus negligerentur : inseruit predicto edicto,

ut per singulas Ecclesias mansus tribueretur unus cum pensatione legitima et servo et ancilla. Hæc erat sancti imperatoris exercitatio, hic quotidianus ludus, hæc palæstrica agonia, spectante Deo, quo ejus vita in sancta doctrina et operatione clarius eniteret, qui in pomparum sublimitate constitutus, imitando Christum humilitate altius eminebat. Denique tunc cœperunt deponi ab episcopis et clericis cingula baltheis aureis et gemmeis cultris onerata, exquisitæque vestes, sed et calcaria talos onerantia relinqui. Monstro enim simile ducebatur, si Ecclesiastice familie depulatus, conaretur aspirare ad sacerularis gloriae ornamenta.

9. « In hoc eodem conventu Aquisgranensi (ne prætereamus rem magni momenti) quod Apostolicæ Sedis legatione petebatur, Ludovicus imperator confirmavit quæcumque a prædecessoribus suis donata, vel restituta fuissent Romanæ Ecclesiæ, de his scribens publicam Constitutionem, quam tum sua, tum suorum subscriptione firmavit atque sigillo munivit. Meminit hujus Leo Ostiensis in Chronicô Cassinate, cum ait<sup>1</sup>: Ultimo hujus abbatis (Theodomari scilicet) anno Ludovicus imperator, qui cognominatus est Almus, vel Sanctus, hujus Caroli filius, quarto imperii sui anno Aquisgranis in palatio cum pluribus totius Franciæ abbatibus (episcopis) religiosisque monachis Concilium faciens, utilissima nostri ordinis observationi LXXX (LXII) generatio Capitula constituit, quæ omnia apud nos perinde fere, ac si regula S. Benedicti, observantur. Hic pactum constitutionis et confirmationis fecit B. Petro Apostolo, ejusque vicario domino Paschali, parentes suos Pipinum et Carolum imitatus, manusque suæ ac filiorum subscriptione corroborans, decem episcopos, octo abbates, et comites quindecim, bibliothecarium, mansionarium, et ostiarium unum subseribere fecit, et per legatum sanctæ Romanæ Ecclesiæ Theodorum Nomenclatorem domino Paschali papæ transmisit ». Hæc Leo. Eamdem Constitutionem ex parte tantum, quæ scilicet inservirent argumento, de quo ageret, nempe principiū et finem<sup>2</sup> Gratianus posuit in suo. quem collegit, libro Decretrorum: nos antem hic reddimus integrum ex monumentis Vaticanis his verbis:

10. « In nomine Domini Dei omnipotentis, Patris, et Filii, et Spiritus sancti.

« Ego Ludovicus imperator Augustus statuo et concedo per hoc pactum confirmationis nostræ tibi B. Petro principi Apostolorum, et pro te, vicario tuo domino Paschali summo Pontifici et universalì papæ, et successoribus ejus in perpetnum, sicut a prædecessoribus vestris usque nunc in vestra potestate et ditione tenuistis, ac disposuistis civitatem Romanam cum ducatu suo et suburbanis atque viciulis omnibus et territoriis ejus, montanis, et maritimis littoribus et portibus, seu cunctis civitatibus, castellis, oppidis ac viciulis in Tusciae partibus,

id est, Portum, Centumcellas, Cære, Bledam, Marturanum, Sutrium, Nepe, Castellum Gallesii, Hortam, Polimartium, Ameriam, Tudertum, Perusium cum aliis tribus insulis suis, id est, Majorem et Minorem, Pulvensem et Lacum, Narniam, Otriculum (Otriculos) cum omnibus finibus ac territoriis ad supradictas civitates pertinentibus. Simili modo et in partibus Campaniæ, Signiam, Agnaniam, Ferentinum, Alatrum, Patricum, Frusinonem, cum aliis partibus Campaniæ, necnon et Tybur cum omnibus finibus et territoriis ad easdem civitates pertinentibus.

11. « Necon et exarchatum Ravennatensem sub integritate cum urbibus (suburbanis), civitatibus, oppidis et castellis, quæ pia recordationis dominus Pipinus rex, ac bonæ memorie genitor noster Carolus imperator B. Petro Apostolo et prædecessoribus vestris jamdudum per donationis paginam restituerunt, hoc est, civitatem Ravennam et Emiliam, Bobium (Robium), Cæsenam, Forum Pompili, Forum Livii, Faventiam, Imolam, Bononiam, Ferrariam, Comiacum (Comaclum), et Adriam, et Gabelum cum omnibus finibus, territoriis atque insulis in terra marique ad prædictas civitates pertinentibus. Simil et Pentapolim, videbile Ariminum, Pisaurum, Fanum, Senogalliam, Anconam, Humanam, Aesum, Forum Sempronii, Montem Feretri, Urbinum et territorium Valvensse (Balnense), Calles, Luceolos, Eugnbium cum omnibus finibus ac terris ad easdem civitates pertinentibus.

« Eodem modo territorium Sabinense, sicut a genitore nostro Carolo imperatore B. Petro Apostolo per donationis scriptum concessum est sub integritate, quemadmodum ab Itherio et Macenario abbatibus, missis illius inter idem territorium Sabinense et Reatinum definitum est. Item in partibus Tusciae Longobardorum castellum Felicitalis, Urbevetum, Balneum Regis, Ferenti castrum, Viterbum, Martam, Tuscaniam, Populoniam, Soanam, Rosellas. Et insulas Corsicam et Sardiniam et Siciliam sub integritate cum omnibus adjacentibus et territoriis maritimis, littoribus, portibus ad supradictas civitates et insulas pertinentibus. Item in partibus Campaniæ, Soram, Arces, Aquinum, Arpinum, Theanum, Capuam, et patrimonia ad potestatem et ditionem nostram pertinentia, sicut est patrimonium Beneventanum et Salernitanum, et patrimonium Calabriae inferioris et superioris, et patrimonium Neapolitanum, et ubicumque in partibus regni atque imperii a Deo nobis commissi patrimonia nostra (vestra) esse noseuntur.

12. « Illas omnes supradictas provincias, urbes, civitates, oppida et castella, vicos et territoria, simulque et patrimonia jam dictæ Ecclesiæ tñæ, beate Petre Apostole, et per te vicario tuo spirituali patri nostro domino Paschali summo Pontifici et universalì papæ, ejusque successoribus usque ad finem seculi eo modo confirmamus, ut in suo detinent jure, principatu ac ditione. Simili modo per

<sup>1</sup> Leo Ostiens. l. i. c. 48. — <sup>2</sup> Dist. LXIII. c. Ego Ludovicus.

hoc nostrum confirmationis decretum, firmamus donationes, quas p̄iae recordationis dominus Pipinus rex, avus noster, et postea dominus et genitor noster Carolus imperator B. Petro Apostolo spontanea voluntate contulerunt. Neconon et censum et pensiones, seu ceteras donationes, que annuatim in palatium regis Longobardorum inferri solebant, sive de Tuscia Longobardorum, sive de ducatu Spoletano, sicut in supradictis donationibus continetur, et inter sancte memoriae Hadrianum papam, et dominum et genitorem nostrum Carolum imperatorem convenit, quando eidem Pontifici idem de suprascriptis ducatis, id est, Tuscano et Spoletano, suae auctoritatis praeceptum confirmavit, eo scilicet modo, ut annis singulis supradictis census Ecclesie beati Petri Apostoli persolvatur, salva super eosdem ducatus nostra in omnibus dominatione, et illorum ad nostram parlem (ditionem) subjectione.

13. « Cæterum, sicut diximus, omnia superioria nominalia, ita ad nostram partem (potestatem) per hoc nostræ confirmationis Decretum roboramus, ut in vestro vestroruinque (nostro nostrorumque) successorum permaneant jure, principatu atque ditione, ut neque a nobis, neque a filiis et successoribus nostris per quodlibet argumentum sive machinationem in quacunque parte minnatur vesla (nostra) potestas, aut nobis de suprascriptis omnibus vel successoribus vestrīs inde aliquid subtrahatur de suprascriptis vi lēlēt urbibus, provinciis, civitatibus, oppidis, castris, viculis (villis), insulis, territoriis atque patrimonii, neconon et pensionibus atque censibus, ita ut neque nos ea subtrahamus, neque quibuslibet subtrahere volentibus consentiamus; sed potius omnia, quæ superius leguntur, id est, provincias, civitates, urbes, oppida, castella, territoria, patrimonia atque insulas, census ac pensiones, Ecclesie B. Petri Apostoli et Pontificibus in sacratissima illius Sede in perpetuum residentibus, in quantum possumus, defendere nos promittimus ad hoc, ut omnia ea in illius ditione ad utendum et fruendum atque disponendum firmiter valeat obtinere: nullamque in eis nobis partem aut potestatem disponendi aut judicandi, subtrahendive aut minorandi vindicamus: nisi quando ab illo, qui eo tempore hujus sancte Ecclesie regimen tenuerit, rogati fuerimus. Etsi quilibet homo de supradictis civitatibus ad vestram Ecclesiam pertinentibus ad nos venerit, subtrahere se volens de vesla jurisdictione vel potestate, vel quamlibet aliam iniquam machinationem metuens, aut culpam commissam fugiens, nullo modo cum aliter recipiemus, nisi ad justam pro eo faciendam intercessionem, ita duntaxat si culpa, quam commisit, venialis fuerit inventa; sin aliter, comprehensum vestre potestati eum trademus, exceptis his, qui violentiam vel oppressionem potentium passi, ideo ad nos veniant (venerint), ut per nostram intercessionem justitiam accipere mereantur, quorum altera conditio est, et a superioribus valde disjuncta.

14. « Et quando divina vocazione hujus sacra-tissime Sedis Pontifex de hoc mundo migraverit, nullus ex regno nostro aut Francus, aut Longobardus, aut de qualibet gente homo sub nostra potestate constitutus licentiam habeat contra Romanos aut publice, aut private veniendi, aut electionem faciendi; nullusque in civitatibus vel territoriis ad Ecclesiam B. Petri pertinentibus, aliquod malum propter hoc facere presumat, sed ticeat Romanis cum omni veneratione, et sine aliqua perturbatione honorificam Pontifici suo exhibere sepulturam, et cum, quem divina inspiratione et B. Petri intercessione omnes Romani uno consilio et una concordia sine aliqua promissione ad Pontificatus ordinem elegerint; sine aliqua ambiguitate et contradictione more canonico consecrari. Et cum consecratus fuerit, legati ad nos, vel ad successores nostros reges Francorum dirigantur, qui inter nos et inter illum amicitiam et charitatem et pacem scient, sicut temporibus p̄iae recordationis domini Caroli atavi nostri, sive domini Pipini avi nostri, vel et Caroli imperatoris genitoris consuetudo erat faciendi. Hoc autem, ut ab omnibus fidelibus sancte Dei Ecclesie et nostris firmum esse credatur, firmiusque per futuras generationes et sœcula ventura custodiatur, proprio manus signaculo et venerabilium episcoporum, atque abbatum, vel optimatum nostrorum sub jurejurando et subscriptionibus pactum istud nostræ confirmationis roboravimus, et per legatum sanctæ Romanæ Ecclesie Theodorum Nomenclatorem domino Paschali papæ direximus.

« Ego Ludovicus misericordia Dei imperator subscrpsi. Et subscrpsent tres filii ejus et episcopi deceim, et abbates octo, et comites quindecim, et bibliothecarius unus, et mansionarins unus et ostiarius unus ». Hæc ex parte tantum apud<sup>1</sup> Gratianum, atqne ex Codicibus Vaticanis quatuor exemplari faeta simul mutua collatione consignatis litteris atphabelli A. B. C. D.

15. *Bernhardus cum primoribus Italæ rebellantibus a Ludovico reprimuntur et puniuntur.* — Quæ post haec fuerint ejusdem Ludovici res gestæ anni hujus, idem qui supra auctor pergit his verbis: « At vero non tulit hanc sanctam Deoque dignam imperatoris devotionem humani generis inimicus, undique se impotentem et ab omnibus Ecclesie ordinibus sibimet bella indicentem; sed cœpit totis virium copiis se expugnamlem oppugnare, et per membra sua Christi fortissimum bellatorem vi et astu, quo potuit, lacessere. Nam his rite ordinatis, postquam imperator in eodem placito filium primogenitum Lotharium imperatorem appellari et esse voluit, et duorum filiorum suorum alterum Pipinum in Aquitaniam, Ludovicum in Bajoariam misit: ut scilicet sciret populus, cuius deberet potestati parere: statim ei Abodritorum defectio nuntiatur, qui cum filiis Godefridi amici-

<sup>1</sup> Dist. LXIII. c. Ego Ludovicus.

tias jungentes, Saxoniam Transalbianam vexabant, contra quos imperator sufficientes eopias dirigens, corum motus Deo favente compressit.

16. « Ipse autem Vosagi Iusta sectaturus venatum petuit. Interea venatione ibidem juxta monrem Francorum expleta, cum hiemem exacturus Aquisgranum reverteretur, nuntiatum est ei, Bernhardum (Bernhartum) nepotem suum Italæ regem, cui ipse maxime, ut rex fieret, apud patrem causa fuerat, consiliis quorundam pravorum hominum adeo dementatum, ut ab eo desciverit, omnes civitates regni et principes Italæ in hæ verba conjuraverint; sed et omnes aditus quibus in Italianam intratur, positis obicibus et custodiis obserarint. Quod cum certis nuntiis referentibus, maxime vero Rathaldo episcopo, et Sappone certissime cognovisset: contraeatis undique copiis tam ex Galliis quam ex Germania, eum maximo exercitus robore Cabillonum usque pervenit. At Bernhardus cum se cerneret viribus imparem, et ad cœpta ineffacieam, ultiote a quo plurimi suorum quotidie deficerent, desperatis rebus, ad imperatorem venit, armisque depositis, pedibus se ejus prostravit, confessus perperam se egisse. Cujus exemplum primores ejus sunt secuti, et armis depositis, se ejus potestati et judicio subdiderunt.

« Sed et concinnationes, quomodo ceptam rebellionem, et quare inchoaverint, et ad quem finem inclioatam perducere voluerint, quosve complices sibi allexerint, ad priam prodiderunt interrogationem. Fueru sane hujus conspirationis auctores Egidio regalium amicorum primus, Reginerius olim comes palatii imperatoris, et filius Reginerii comitis, sed et Reginardus praepositus cameræ regalis. Erant autem hujus sceleris consciū quamplures clerici, seu laici, inter quos aliquos episcopos hujus tempestatis procella involvit, Anselmum scilicet Mediolanensem, Wolfoldum Cremonensem, sed et Theodulphum Aurelianensem.

17. « Postquam vero defectionis prolati sunt principes et custodiæ mancipati, sicut decreverat, hiematum regreditur, ibique usque dum sacram Paschæ solemnitatem celebraret, remoratur. Post eujus festivitatis transactam celebritatem, Bernhardum hactenus regem ejusque fautores in supradicto scelere, eum lege judicioque Francorum deberent capitali invectione feriri, suppressa tristiori sententia, luminibus orbari consensit, licet multis obnientibus, et animadvertisi in eos tota severitate legali eupientibus. At vero licet imperator indulgentius ageret, ultiō tamen eliminata ad effectum in aliquos est perdueta. At enim Bernhardus et Reginerius dum impatientius oculorum amissionem et ablationem tulerunt, mortis aerbitatem sibi conciverunt. Episcopos porro hæ immunitate constrictos ab episcopis reliquis depositis monasteriis mancipavit, caelerorum autem nullum vel vita privari jussit, vel membrorum amputatione muletari, sed secundum quod exigente culpa visum est, alias exiliari (exulare), alias jussit

attondi (attonderi) ». Hactenus de his auctor, quæ cœpta hoc anno in sequentem sunt propagata.

18. Porro Bernhardi corpus delatum fuisse Mediolanum, sepultumqne in Ecclesia sancti Ambrosii, inscriptio illuc posita docet, quæ sic se habet:

**BERNHARDUS CIVILITATE MIRABILIS CÆTERISQUE PIIS VIRTUTIBUS REX DIC REQUIESCIT. REGNAVIT ANNO QUATUOR MENSES QUINT. OBIIT XV. KALEND. MAI INDICATIONE XI. FILIUS PLE MEMORIÆ PIPINI.**

Factum autem opera Anselmi Mediolanensis episcopi ejus studiosissimi, ut transferretur ejus corpus Mediolanum, existimare possumus.

At Ludovicus ubi ejus obitum accepit, moles-tissime tulit, doluit permisisse iudicibus eam in ipsum animadversionem, et perinde ac si reus ejus obitus esset, pœnituit, peccatumque sanctis operibus expiare curavit; ait enim Theganus ejus temporis auctor: « Tertio die post amissionem lumen Bernhardus obiit. Quod audiens imperator, magno cum dolore flevit multo tempore, et confessionem dedit eoram omnibus episcopis suis, et iudicio eorum pœnitentiam suscepit, propter hoc tantum, quia non prohibuit consiliarios hanc crudelitatem agere: ob hanc causam multa dedit pauperibus propter purgationem animæ suæ ». Hæc ipse.

19. *Pallium mittitur ad Viennensem archiepiscopum.* — Detrusos pariter narrant in monasterium filios Caroli Magni naturales in ejusdem criminis suspicionem adductos Drogonem, Theodorium et Hungonem, inter quos Drogo landatissimus habebatur, quod et liberalibus disciplinis imbutus esset, de quo Angelomi in Epistola nuncupatoria ad Lotharium est insigne testimonium. Sed et Adelhardus quoque consobrinus Caroli Magni jussus est exulare: nescitur causa, cum tamen vir esset sanctitate conspicuus, de quo inferius dicendum.

Misit hoc anno Paschalis papa pallium ad Viennensem archiepiscopum, præsentesque litteras ad eum dedit, quibus præter alia, notas temporis exploratas oslendit. Sic enim se habent<sup>1</sup>:

« Paschalis episcopus servus servorum Dei reverendissimo et sanctissimo fratri Bernardo, sanctæ Viennensis Ecclesie archiepiscopo.

« Quia sanctitatem tuam in Ecclesia Viennensi gubernationem suscepisse cognovimus, in Domino Deo nostro plurimum inde gaudemus. Unde Apostolica vice monemus, ut in custodia gregis Dei studium tuæ dilectionis prudenter invigilet. Pallii usum, quem ad saecordalis officii honorem, et ad ostendendam unanimitatem, quam eum beato Petro Apostolo universus grex Dominicarum ovium, quæ ei commissæ sunt, vim habere nou dubium est: ab Apostolica, sicut decuit, Sede poposcisti.

<sup>1</sup>Bibl. Flor. edit. a Joan. a Bosco Cœlest. par. ult. pag. 49.

Ipsum igitur tibi Viennensiique tue Ecclesie, utpote ab eisdem Apostolis fundatae majorum more libenter indulsimus, ad ostendendam in te tuamque Ecclesiam ejusdem Sedis Apostolicae charitatem, utque secundum morem Ecclesiae eo utaris benigne designamus, fraternitatem tuam necessario commonentes, ut creditae tibi Ecclesiae opus, ita Deo favente, exequi studeas, ut adepta, cuius ornaris studio, dignitate et probitate morum, et vivacitate sollicitudinis, et custodila integritate fidei amplius studeas adornari. Omnia etiam privilegia, quae tuae pridem concessa sunt a praedecessoribus nostris Ecclesiae, volumus in conversa (inconcussa) libi et successoribus tuis permanere. Scriptum per manum Theophylacti notarii et scribentis in mense Decembris, Indictione decima. Bene valete. Data per manum Georgii Bibliothecarii sanctae Sedis Apostolicae, nonis Decembris, imperante domino piissimo Augusto Ludovico a Deo coronato, magno pacifico imperatore, ejus imperii anno IV et patriciatus ejus III». Jam ad res Orientales converlamus orationem.

Hoc eodem anno legatio missa est a Leone imperatore ad Ludovicum Augustum. Quisnam autem hoc functus sit munere, et quid nuntianendum Ludovico in mandatis legalis acceperit, Thebanus in rebus gestis Ludovici sic narrat : « In eodem commorans palatio ad se venientem missum suscepit Leonis Constantinopolitani imperatoris nomine Nicephorum : legatio autem, excepta amicitia et societate, erat de finibus Dalmatarum, Romanorum et Scelavorum. At quia nec hi praesentes erant, nec Chadalo finium praefectus, neque sine illis haec dirimi poterant, missus est in Dalmatiam ad haec pacifica et componenda Abigarins cum Chadalone eorumdem finium principe ». Haec de legatione Leonis imperatoris.

**20. Theodori Studitæ ad Paschalem papam Epistolæ.** — Quod ad religionis statum pertinet, ubi innotuisset in Oriente Paschalem Pontificem in Apostolicum esse thronum evecum : Theodorus Studita clarissimus confessor ad eum litteras scripsit, neconon ad alios patriarchas : ita quidem testatur Michael ejus discipulus in ipsius Vita, cum ait : « Misit etiam vir egregius quatuor patriarchis Epistolas, prudenter admodum atque opportune, antiquioris dico Romæ, et Hierosolymorum, Antiochia et Alexandriæ. Quæ singulæ commemorabant, quemadmodum Christi imago contumeliose a persecutoribus tractata esset, et Orthodoxi omnes in carcerem et exilium missi : tum deinde unumquemque excitabat ad defensionem openique ferendam periclitanti fidei ac veritati, quam falsitas sic oppimeret ». Extant ipsæ Epistole magna Dei beneficio hactenus conservatae, dignæ quidem quæ singulæ audianlur. Ac primum quod spectat ad datam ad Paschalem Romanum Pontificem : missus est ad eum cum ipsa a Theodoro Dionysius ejus discipulus una cum aliis sociis non suo tantum nomine, sed quinque aliorum presidum mo-

nasteriorum tidei gralia expulsorum. Quæ sic se habet<sup>1</sup> :

21. « Paschali pape Rome.

« In omnibus summa virtute praedito, lumini magno, principi sacerdorum primo, domino nostro Apostolico pape Paschali, Joannes, Theodosius, Athanasius, Joannes, Theodorus minimi presbyteri et praesides eorum qui Calhare, Pieridii, Paulopetrii, Eucaræ et Studiani.

« Jam fere audita sunt omnino supremæ vestrae beatitudini ea quæ propter peccata nostra in nostram Ecclesiam invasere. Elenim facti sumus in parabolam et proverbium omnibus genibus, ut secundum Scripturam<sup>2</sup> loquar : non tamen par est renuntiatio, quæ fit exilier et per Epistolæ. Quare nos minimi, etsi membrum corporis Christi ultimum sumus, tamen capite nostro comprehenso, atque iis qui in fraternitate excellunt, huic atque illuc dissipatis, potuimus quodammodo ex eo quod prope simus, et per mutuam significationem in unum fieri et spiritum et verbum, sribentes haec, tametsi confidenter. Audi, Apostolicum caput, a Deo preposito pastor ovium Christi, janitor regni cælorum, petra fidei, super quam aedificata est Catholica Ecclesia. Petrus enim tu, Petri Sedem exornans et gubernans.

22. « Lupi graves irruperunt in caulanum Domini, porte inferi, ut olim, rupte sunt in ipsam. Quid hoc ? persecutionem patitur Christus cum Matre et ministris. Siquidem contra imaginem incursus, prototypi est persecutio. Ille detentio patriarchalis capitii, et exilia, et relegationes archiepiscoporum, et sacerdotum, et monachorum monacharumque, et compedes et vincula ferrea, tormentaque et ad extremum mors. O horribilem auditionem ! veneranda imago Salvatoris nostri Dei, quam et demones perhorrescant, contumeliis affecta, et Indibrio habita est, non solum in regia urbe, verum etiam in omni regione et oppido. Altaria deleta sunt, templa destructa, sacra profanata, effusus est sanguis et effunditur eorum qui relinent Evangelium. Persecutiones et exilia eorum qui adhuc reliqui sunt. Conticuit omne pius os metu mortis : aperla est adversaria et blasphema lingua : commola est omnis caro in ambiguitate versans.

« Hei mihi, inquit propheta<sup>3</sup>, quia facili sumus ut qui colligit calatum in messe et racemum in vindemia, cum non sit botrus. In nos, o beate, haec omnia facta sunt. Quæ quis non ægre tulerit in seipso proximi damna considerans ? Quis autem non ratiocinatus fuerit, esse adventus Antichristi præludia, tantum differentia, quantum ab exemplari imago, in quam etiam insanitur ? Huc igitur ab Occidente, o Christi imitator, resurge, et ne repellas in finem. Tibi dixit Christus<sup>4</sup> Deus noster : Et tu aliquando conversus con-

<sup>1</sup> Theod. l. II. Ep. xii. Cod. Column. — <sup>2</sup> Num. xxiv. — <sup>3</sup> Mich. vii. — <sup>4</sup> Luc. xxi.

firma fratres tuos. Eece tempus, eeee locus : opitulare nobis, qui es a Deo ad hoc ordinatus : porrige manum, quantum fieri potest. Habes potestatem a Deo, eo quod omnium princeps es, in quo positus es. Terreto, supplicamus, bæreticas feras calamo divini verbi tui. Pastor bone, pone animam pro ovibus, supplicamus.

23. « Audiat Ecclesia quæ sub cælo est, quod a vobis anathematizantur per Synodum qui hæc ausi. Et jani sanctos Patres nostros anathematizant. Illoc fuerit Deo acceptum, angelis et sanctis gaudium, concussis firmamentum, fundatis stabilimen, lapsis resurrectio, omni Orthodoxorum Ecclesiæ exultatio, et tuæ certe celsitudini secundum eos, qui antiquitus præcesserunt, æternum monumentum. Qui similibus temporibus cum fecerint ea, quæ a nobis peccatoribus nunc petuntur, Spiritu sancto afflati, et commemorantur, et beati habitu sunt. Prorsus autem credimus et confidimus, quod misericordia miserationum flexus, nostram tenuem scripturam accipies, Christum imitatus, qui Deus omnium non recusavit ab Abagaro (Abgaro) Epistolam accipere, et accepta rescribere ». Hæc Theodori et aliorum ejus collegarum ad Paschalem papam Epistola per Dionysium (ut dictum est) missa, ut indicant aliae ejusdem Theodori litteræ<sup>1</sup> ad Epiphanium datæ, de quibus suo loco inferius dicetur.

Citat Gennadius<sup>2</sup> Scholarius patriarcha Constantinopolitanus in expositione pro Concilio Florentino hanc Theodori Studitæ ad Paschalem Romanum Pontificem Epistolam, recitatque totidem verbis, quæ babentur in laudem Apostolicæ Sedis : quibus jungit quæ junguntur in alia Epistola ab eodem Theodoro ad ipsum Paschalem scripta. Sed de his anno sequenti.

24. *Theodoti pseudopatriarchæ legatio rejecta a Romano Pontifice.* — Accidit vero, ut et creato Romæ eodem Paschali Pontifice, ex veteri consuetudine, ipse etiam Theodotus pseudopatriarcha Constantinopolitanus ad eum mitteret apocrisiarios pro responsis Ecclesiasticis, communione hæc via conatus subripere ab ipso Romano Pontifice. Quos cum audisset Paschalis in Urbem adventare, eosdem ne propius accederent, eos execratus valde, prohibuit. Contra vero missum nuntium a Theodoro et aliis archimandritis quam benignissimo animo excepti ; litterasque datas cum legisset, magno animi dolore ex compassione affectus est, et quibus potuit, studuit periclitantibus præsto esse, reddens ad eos affectus paterni plenissimas Apostolicas litteras, quibus tum Theodorus, tum reliqui eas accipientes, magna sunt consolatione affecti, et fortitudine corroborati. Caremus tamen litteris illis a Paschali Pontifice ad archimandritas redditis. Cæterum hæc ita, ut narrata sunt, se habuisse, fidem faciunt aliae litteræ ab iisdem monasteriorum præpositis ad

eundem Paschalem Pontificem scriptæ, missa alia rursum legatione anno sequenti per Epiphanium, ut suo loco dicturi sumus. Sed videamus quæ hoc eodem tempore ab eodem Theodoro litteræ sunt scriptæ ad patriarcham Alexandrinum. Extant ipsæ, atqne plura habent de sævitia persecutorum, quæ desiderantur in aliis ab eo datis Epistolis. Quamobrem ut hic eam describamus, historiæ ratio a nobis id exigit : sic enim se habet<sup>3</sup> :

25. *Theodori Epistole ad patriarchas Alexandrinum, Antiochenum et Hierosolymitanum.* — « Per omnia sanctissimo patri patrum, lumini luminum, domino meo beatissimo papæ Alexandriæ Theodorus minimus presbyter, et præpositus Studiani ». Quod autem æque ac Romanus Pontifex Alexandrinus episcopus papa dicatur, a Cœlestino Pontifice Cyrillo concessum est, cum illi legationem a latere credidit tempore Concilii Ephesini, ut suo loco superius dictum est. Sed attende differentiam : Romanus Pontifex supremum lumen in Ecclesia prædicatur, alii vero patriarchæ non supremum lumen, sed lumen luminum, utpote qui secundum a Dionysio descriptam Ecclesiasticam hierarchiam tali sit nomine dignus, ut lumen luminum dicatur, qui eos illustrat, qui sunt in Ecclesia positi et ipsi lumina, minores episcopi. Habet autem amplius in superius posita inscriptione, Romanus Pontifex, ut dicitur princeps sacerdotum primus, quod alicui alteri patriarcharum minime concessum est. Sed ad Epistolam, que sic se habet<sup>2</sup> :

26. « Maximum hamilitatis meæ munus et summi voli opus erat, ut dignus fierem, qui per litteras colloquerer cum Apostolico vertice tuo, non solum ob tenuitatem parvitas meæ, quæ impar est, ut ad æquales scribat, nedum ad tam magnum et divinum caput : verum etiam ob difficilem in tanto intervallo accessum, quem Ethnica præcipue inhibet obstrucio, (mediis positis Sarracenis regnantiibus etiam in Ægypto) : attamen Dei benignitate mihi obligit, et nunc seribo duabus de causis : altera ut quo jamdudum teneor desiderio, id explicem intellectuali contactu sacrorum pedum tuorum, quandoquidem aliter votum explere non licet ; altera, quæ magis urget, ut notiora siant, quæ hic dire acciderunt divinissimo vertici tuo, ut qui tofius corporis Ecclesiæ membris condoleat : quæ quidem vel in ultimis terræ finibus auditæ existimo.

« Invasit nos persecutio, beatissime, et persecutio gravissima. Olim quidem<sup>3</sup> Achab Eliam querens Prophetam, loca omnia incendisse dicitur, incendio illo impii iram et furorem demonstrante. Nunc vero et dignitate et corde Achabites, non Eliam solum depictum, sed hujusquoque Dominum, Dominum Jesum Christum et Deum nostrum, Deiparam, et sanctum unumquemque querens querit, inventumque magna ira delet ex omni civitate et regione ditionis suæ : hinc eversa altaria, templ

<sup>1</sup> Theod. l. II. Ep. xxxv. Cod. Colum. — <sup>2</sup> Gennad. expos. pro Conc. Flor. c. 5. sect. 16.

<sup>1</sup> Theod. Stud. l. II. Ep. xiv. — <sup>2</sup> Theod. l. II. Ep. xiv. Cod. Colum. — <sup>3</sup> 3. Reg. xviii. secundum 70.

Domini vastata, et privata et publica, quæ in viro-  
rum et feminarum habitaculis, tam vetera, quam  
recens exstructa. Miserabile spectaculum ! tan-  
quam facie deformatos homines, et ostenta que-  
dam sic Dei Ecclesias ornatu suo destitutas et in-  
formes relietas contemplari. Quis talia audivit, aut  
vidit unquam in prisca improbitatis exemplis ? Ille  
ipse, qui cervicibus vestris incumbit Arabs, mitius  
forsitan hac in parte erga Christum se gerit : at  
non sic <sup>1</sup> Tabeel noster. Parce, Domine, ne des ha-  
reditatem tuam in opprobrium.

27. « Cum ergo pietas in tabulis imagines e  
sacris donariis sublatas, et libros qui mentionem  
earum continent, proscindit, irridet, subsannat  
tanquam abominanda et Deo invisa piacula, quæ  
Deo accepta sunt et mundo salutaria. Hen ! quis la-  
crymas teneat ? quis gemitus ex imo pectore non  
edat ? Via Sion <sup>2</sup> lugent, eo quod non sint qui pie  
ambulent in eis. Et vere omnes declinaverunt<sup>3</sup>,  
simul inutiles facti sunt.

« Qui episcopi videbantur et sacerdotes, mona-  
chi et sacerulares, omnis sexus et omnis aetas ; alii  
quidem circa fidem naufragium passi sunt, alii si  
minus mente et cogitatione demersi, et hæretica  
saltem communione mortis metu contracta, ea-  
dem ex parte periculo involuti. Relicti tamen sunt  
qui non curvaverunt genua ante Baal ; siquidem  
tot numero, quot numerati sunt a Deo.

28. « Ante omnes, qui primus est inter nos,  
sacrum caput nostrum et ejusdem tecum dignita-  
tis, episcopi et sacerdotes Domini, monachi et  
monachæ, quorum iudibris et verberibus tentati  
fuerunt ; illi vineulis et careeribus pane modico et  
aqua vitam trahentes, alii exitiis relegati, alii in  
deserlis et montibus, in speluncis et cavernis terræ  
versantes : quidam insuper flagellis cæsi, martyres  
ad Dominum emigrarunt. Sunt qui sacco inclusi  
in mare demersi nocte fuerunt, ut ab iis, qui vide-  
runt, relatum est. Quid cætera ? Anathemate fe-  
riuntur sancti Patres nostri. Prædicantur qui impii  
fuerunt. Infantes impietatis dogmata, tradito ma-  
gistris tomo, docentur. Non est usquam salutis  
protugium inter mortales. Pium verbum proferre  
non licet. Mox instant insidiæ, ita ut vir a conjugi  
sua caveat. Judices et pittaciorum oblatores ad hoc  
ipsum ab imperatore mercedem capiunt, ut obser-  
vent, ubi quisque quid dicat a Cæsare discepans,  
aut impietati non communicet, aut librum habeat  
de imagine tractantem, vel imaginem ipsam, aut  
exulēm recipiat, aut captivis pro Christo ministret.  
Quod si deprehendatur, illico rapitur, cœditur, re-  
legatur, unde et dominos videoas servis supplicantes  
judicii metu.

29. « Nobis illud dicere fas est <sup>4</sup> : Non est in  
tempore hoc princeps, et dux, et propheta, neque  
locus primitiarum coram Domino, ut possimus in-  
venire misericordiam. Propterea hæc apud sanctam  
animam tuam indigni lamentamur, ejus patroci-

nium et miserationem implorantes. Scimus enim :  
si juvare aliter non possit, precum saltem subsidio  
magnum nobis, cum propitium Deum habeat, emolumen-  
tum allaturum. Quo autem ex parte co-  
gnoseat, qualia sint impiorum dogmata, his ea litteris  
adjunxi in quaternionibus : quæ et piorum  
rogatu, refutanda imperitus suscepit. Oro autem  
sapientiam tuam, ut omnia videat, et veniam mihi  
tribuat erratorum, meique et inutilis filii in Deum  
flectentibus precibus suis recordetur ». Hactenus  
Epistola, quæ missa est etiam ad patriarcham An-  
tiochiae, ut in eodem Codice expressum habetur ;  
diversam vero ab his, licet codem argumento  
seripsit <sup>1</sup> ad patriarcham Hierosolymorum his ver-  
bis :

30. « Quis annuntiabit <sup>2</sup> Abraham, quod lactat  
puerum Sara ? ait uspiam sermo divinus : et indi-  
gno mihi quis nuntiet humilem Epistolam meam  
ad sacras Apostolici culminis vestri manus perve-  
nisse ? Attamen perveniet, ut spero. Non enim ve-  
sana cupiditate, sed necessaria causa impulsns et  
Epistolam mittere ausus sum, et latorem una fra-  
trem charissimum Dionysium destinare, fidelem  
prorsus, et qui supplere per se omnia queat, quæ  
Epistole desunt. Itaque velut absens corpore, præ-  
sens autem spiritu, primum quidem ejus pedes  
secundum Deum ambulantes amplector. Hinc enim  
mihi benedictio et sanctificatio : deinde tanquam  
ab ea jussus, ad sancta loca proficisco, adveneror  
sacrum locum, quod divina vestigia calcarunt, vi-  
vificum monumentum, in quo sanctissimum Dei  
et Salvatoris nostri Jesu Christi corpus depositum  
fuit, saerum Calvariae locum, ubi Dominus gloriæ  
crucifixus. Alio pergo : sanctam Bethlehem quasi  
Edem conspicio, divinum adoro præsepe supra  
urnam auream, in qua non mamma, sed panis vitæ  
conditus est. Video etiam sacrum montem, in quo  
divinissima transfiguratio : olivarum montem,  
unde ad cœlos omnium Dominus evolavit : sacra  
Gethsemanem, ubi sepulcrum omni honore col-  
lenda Deiparæ Dominae nostræ. Hoc atque illud, ne  
longam texam orationem. O quanta vel ex ipsa  
commemoratione manat salisfactio ! O quot et quan-  
tis culturis præest beatitudinis tua vertex ! Tu pri-  
mus patriarcharum (quod scilicet prima Ecclesia  
esse cœperit Hierosolymis), licet quintus numereris.  
Ubi enim Episcopus animarum, et Pontifex omnium  
natus est, et divina omnia operatus, et passus et  
sepultus, ubi resurrexit et vixit, et assumptus est :  
illuc suprema omnium dignitas proculdubio. Sed  
de his hactenus, desiderio obsequens, loqui ausus  
sum. Nunc ad alteram narrationem me converto.

31. « Invasit nos persecutio, beatissime, et  
persecutionum omnium Ethnicæ simillima. Post-  
quam enim sensit satanas, in januis esse beatam  
spem, et adventum glorie magni Dei et Salvatoris  
nostri Jesu Christi, majores hærescoes faces accen-  
dit, præludia adventus Antichristi. Quid hoc rej-

<sup>1</sup> Joel. II. — <sup>2</sup> Thren. I. — <sup>3</sup> Psal. LII. — <sup>4</sup> Dan. III.

<sup>1</sup> Theod. I. II. Ep. xv. Cod. Column. — <sup>2</sup> Genes. xxiv. secundum 70.

est? Exortam olim sub Leone et Constantino impietatem, diuque debacchatam, sed divina vindicta compressam, nunc iterum cognominis et æque impensis imperator renovavit tanto conatu, ut illorum rabiem obsecret. Expressum pictura Christum insectatur cum Matre et ministris. Ubi cuncte natus eas est, delet, exurit. Hinc eversa altaria, aedes sacræ deformatae, sacra vasa concremata. Quin si repertus quis fuerit imaginem occultasse, aut librum, qui de ea re tractet, rapitur e vestigio, verberatur, et dira alia omnia perpetitur. Illic terrors ac trepidationes, stuporesque omnium hominum: adeo ut frater fratri, Vale dicat, et amicus amicum aversetur.

32. « Synodus facta est veterem impiam illam confirmans, et Orthodoxam anathemate condemnans. Sacerdotes non intellexerunt, Deum non requisiwerunt: sed quod Achab placuit, comprobarunt. Omnes declinaverunt, simul inutiles facti sunt, paucis admodum exceptis; quibusnam illis? episcopis et præpositis, monachis et monialibus, et ipso, Dei gratia, supremo archiepiscopo nostro. Quorum quidem alii flagellis affecti sunt, alii relegati atque in carcerem detrusi, alii per hasce poenas ad Dominum migrarunt, athleticam coronam reportantes. Quid de blasphemia loquar? Irridentur veneranda et tremenda imago Christi tanquam abominationis, idolumque erroris, eodem modo quaelibet alia Dominae nostræ et sanctorum: Nunc, inquit, sincera et inculpata fides. Nunc Dominus<sup>1</sup> locutus est pacem iis qui convertuntur ad cor: quasi sublata pax esset, ex quo Christus dixit: Pacem meam do vobis, ad hoc usque tempus, et ejus Ecclesia contaminata, quam beatus<sup>2</sup> Paulus non habentem maculam predicit, aut rugam aut aliquid hujusmodi, sed sanctam et immaculatam. Et alii quidem ultimum circa fidem naufragium fecerunt. Alii quamvis mente et cogitatione submersi non sint, ipsa tamen heresis communione una perierunt. Eniinvero etiam ii, qui recta sentiunt, persecutionis diuturnitate titubant circa veritatem; quemadmodum iis contigit, qui ad decumanos maris fluctus navigationis rudes caligant. Misera nobis omnia luctuque digna.

33. « Subtrahuntur cantica ab antiquis accepta, in quibus imaginum fit mentio. Canuntur pro eis impia nova dogmata palam exposita, quæ et pueris ipsis traduntur a magistris. Omnium rerum impia est conversio. Facti sumus sicut Sodoma et Gomorrah propter peccata nostra: et procolla heresis attius in dies assurgens nos operit: nec inventus est qui Christum Deum nostrum expergeficiat, ut inerepet turbulentum hoc mare. At tu esto nobis unus e duodecim Apostolis, beatissime. Excita e somno insomniem oculum dispensative dormitatem, quia perimus omnino. Si quod est aliud auxilii pharmacum, ad sanandos infirmos, ut peritus, exsurge, deprecamur, sanctissime, obtestamur:

membra tua sumus, quandoquidem fideles omnes corpus sunt Christi et membra de membro. Præcepit et aliis sanctis Patribus vestris intercessoriam manum porrigant, ut multorum interpositu, suam nobis Deus misericordiam impertiat. Hunc in finem Epistola, et tabellarius ab omnibus animo destinatus, etsi a nobis solis illorum vicem agentibus missus.

34. « Ut autem ex parte cognoseat eelsitudo vestra, cujusmodi sint dogmata impiorum, ea in quaternionibus descripta Epistolæ adjeci, quæ et aliorum rogatu refutanda imperitus suscepit. Oro autem, ut ea inspiciat divina tua sapientia: quod deest suppleat et veniam tribuat erratis. Atque adeo conservum fratrem nostrum, et litteras aliis, quas accepit, reddere, et huc postea, Deo volente, redire permittat». Haec ad patriarcham Hierosolymitanum Theodorus, qui his addidit<sup>1</sup> alias ad abbatem Laure S. Sabæ hac inscriptione notatas:

« A Deo honorato, dilecto, et spirituali patri, meo moderatori celebris Laure beatissimi patris nostri Sabæ, et iis, qui sub eo sunt, sanctis patribus Theodorus minimus presbyter et præpositus Studiani». Alias quoque his adjunxit ad moderatorem Laure sancti Charitonis, ejusdem pariter argumenti.

35. At quid proficerit his litteris datis ad patriarchas, nulla est affirmatio Theodori; imo querela in Epistola postea, occiso Leone, tempore Michaelis imp. scripta ad eundem Hierosolymitanum patriarcham Thomam, in qua hac ex parte tantummodo laudat navatam operam a Romano Pontifice. Scribit enim haec his verbis<sup>2</sup>: « Quid hoc rei est? quod fervente heresis persecutione, conveniebat sublimum sedium antistites, tanquam spiritus adjutores, et Apostolici consilii plenos, fraterno animo commoveri, manumque pro veritate certantibus compatiendo porrigere: et si quid patitur, inquit<sup>3</sup>, unum membrum, compaliantur alia membra: sive gloriatur unum membrum, congaudent omnia membra; quia nimis caput est totius Ecclesiastici corporis Christus verus Dominus ac Deus noster. Quod sane Occidentis Apostolicus cum presertisset, quantum profuerit, quid opus est loqui? partim quidem resistentium mentes summopere confirmans (vel exiguum quippe momentum vim ac robur fessis ac laborantibus addere solet) partim impiorum insolentiam a spiritu profecta reprehensione profligans. Quo quid esse potuit salutarius? At vero qui idem facere cum possent, minime praestiterunt, sed contrarium: dicere miser nequco, beatitudinis vestrae angeli reverentia, quanta illis debeatur reprehensio». Haec Theodorus. Sed haec ex aliis ejusdem ad Paschalem redditis litteris, manifestiora fiunt.

36. *Duo monachi Constantinopolim missi acriter decertant pro fide Catholica. — Cæterum querela*

<sup>1</sup> Joan. xxiv. — <sup>2</sup> Ephes. v.

<sup>1</sup> Theod. I. II. Ep. XVI. XVII. Cod. Column. — <sup>2</sup> Theod. I. II. Ep. CXXI. — <sup>3</sup> I. Cor. XII.

ista Theodori de patriarchis, magis perlinet ad Alexandrinum et Antiochenum, quam ad ipsum Hierosolymitanum. Siquidem non defuit patriarcha Hierosolymorum succurrere, ut potuit, periclitanti sub impio Leone Ecclesiae Constantinopolitanae: etenim selegit ex S. Sabae Laura a Saracenis tunc temporis afflictata duos egregios monachos, sanctitate claros, doctrina conspicuos, Christiana constantia firmos, revera duo belli fulmina adversus grassantem impietatem, et sagittas acutas in manu Dei omnipotentis. Hi Constantinopolim missi, non solum sub Leone Armeno, sed et sub Michaelie quam strenuissime certaverunt, ac demum sub Theophilo imperatore Iconomacho martyrium egregie consummaverunt. Sed de eorum modo protectione Constantinopolim, et confessione coram Leone hic agendum. Auctor ejus temporis, qui amborum certamina est prosecutus quam sincerissime, ubi de grassatione Saracenorum tunc facta mentionem habuit, ista mox subdit:

37. « Hæc videns divinus ille antistes et pastor Hierosolymitanæ Ecclesiae, et sciens hæc esse pœnam peccati et iræ poculum, propterea quod despiciatur habetur et aboletur divinarum adoratio imaginum, excitatur protinus ad zelum, et querit modum, quo poterit tantum extingnere incendium, et ostendere eos male facere, qui sunt parati nova introducere, et prompti ad transmovendos limites. Sie revocabuntur captivi et consequentur misericordiam sauciate animæ. Ad hæc ergo admodum aptum sanctum invenit Theodorus, ut qui et virtute esset celebratus, et in dicendo exercitatus, et zelum spiraret aerem et juvenilem. Ille autem: Ecce me, dicit pontifici: mitte me, et proficiscar, et tuis adjutus precibus, pudore afflictam impietatem. Ipsum ergo mittit patriarcha, cum precibus eum undique munisset, et spe in Christum totum corroborasset.

« Ut autem prætermittamus ea, quæ intercesserunt cum venisset in regiam secum fratrem habens Theophanem, qui cum sequeretur, et quæ erant fraterna, sentiebat, et in zelo pro pietate cum eo conspirabat: primum quidem sic intrepide sistit in conspectu ejus, qui Ecclesiam more prædonis invaserat, (Theodotum pseudopatriarcham intelligit). Ubinam enim ille se gessit more sacerdotali, et libere arguit quod eos pervertat, quos pascit, et haeresim ei acerbe exprobrat? Deinde ipsi quoque imperatori ex adverso occurrit tanquam acutus quidam gladius; et non solum eum criminatur, quod suam perdat animam, sed etiam quod Dei

populum impie per fraudem everlat. Deinde etiam adhortatur, ut reficta hæc profana et impia opinione, ejus loco ediscat pietatem. Fortasse enim, inquit, tibi Deus placabitur, et non omnem iram Domini tanquam fecem aliquam ipse bibes.

38. « Quamobrem imperator, cum et viri esset libertatem admiratus, et praeterea verborum opportunitatem, et morum moderationem, et quæ ex animo ad vultum emanabat illius, ut poterat, auidaverisset alacritatem, eum est reveritus, et moderate tulit ejus reprehensiones. Deinde etiam eum accessit, et familiariter cum est allocutus, rogans quisnam esset, et unde veniret: et quid sibi vellet ita mira et incauta dicendi libertas. Ille autem et significat patriam, et suum esse ex Palestina adventum remunitat: et quod statuebat non optere vel apud imperatorem se a dicendo reprimere, quando videret regem, qui est in cælis, affectum injuria. Deinde aperit dogmata, doctet honorem divinarum imaginum; et cum alia dixisset, et adje- cisset, hoc esse indicium nostri in Christum desiderii, et confessionem ab eo susceptæ carnis. Deinde destruit propositas ab illo quæstiones fide Christi et virtute sermonis et spiritus. Postquam autem, post multa, quæ inter eos dicta sunt, Theodori oratio victoriam est adepta, primum miratur imperator, deinde etiam ei incipit blandiri, toto animo contendens, talem virum in suam redigere potestatem, per quem multos esset superaturus.

39. « Postquam vero vidit eum a se capi non posse: nam tale quid etiam apud eum adjecerat, dicens: Oblitus es eorum, quæ Deo promisisti, o imperator, quorum intercessor fuit magnus pontifex, quando tuo capiti imperatoriam imposuit coronam, (cum videlicet promisisset fidem servare Catholicam). Parce animæ tue, et prius ornamen- tum restitue Ecclesiae, et noli pugnare cum Deo justo Judice et forti, etiamsi non quotidie iram inferrat propter summan benignitatem. Hæc ille sic ad eum libere est locutus: imperator vero, soluto præ- textu lenitatis, in iram et furorem erupit; et roga- vit, an esset aliquis ejusdem animi et sententie in pietate, ejus erat Theodorus. Postquam vero intel- lexit de fratre ejus Theophane, et quod non minus quam naturam conservat in dogmatibus cognacio- nem, et fraternitatem: ambos diu flagellis cæsos condemnat, ut relegentur ad ostium Ponti. Jubens neminem eis impertire nec cibum, nec potum, nec vestimentum, ut mali (inquit) sic male atterantur ». Hactenus de certamine sub Leone. Quod autem exantavit sub Michaelie, suo loco dicturi sunius.

Anno periodi Graeco-Romanæ 6310. — Anno Æra Hispan. 855. — Anno Hegiræ 202, inchoato die 20 Iuli, Fer. 2. — Jesu Christi 817.  
— Paschalis I papæ 4. — Ludovici imp. 4. Leonis Armeni imp. 5.

**1. Moritur Stephanus IV PP.** — A num. 4 ad 5.  
 « Stephanus papa, tertio postquam Romam venerat mense, sed nondum exacto, circiter VIII kalend. Februarii diem obiit, cui Paschalis successor electus, post completam solemniter ordinacionem suam, et munera et excusatoriam imperatori misit Epistolam; in qua sibi non solum nolenti, sed etiam plurimum renitenti Pontificatus honorem velut impactum asseverat. Missa tamen alia legatione, pactum quod cum prædecessoribus suis factum fuerat, et secum fieri et firmari rogavit. Hanc legationem Theodorus Nomenclator et detulit, et ea quæ pelierat, impetravit », inquit Eginhardus in Annal. et iisdem verbis annalista Bertinianus. Auctor Vita Ludovici Pii tradit etiam Stephanum *tertio mense, postquam e Francia Romanam rediit*, ultimum diem clausisse. Quare cum Stephanus IV die xxii mensis Januarii supremum diem obierit, circa initium mensis Octobris anni elapsi e Francia digressus est, et circa initium mensis Novembbris ejusdem anni Romam pervenit.

**2. Succedit ei Paschalis.** — In Anastasio editionis Parisiensis dies emortualis Stephani non memoratur. Eginhardus in Annal. et annalista Bertinianus tradunt eum obiisse *circa VIII kalend. Februarii*. Auctor Chronicæ Fontanellensis, cap. 16, ait eum decessisse *VIII kalend. Febr.* Verum cum Anaslaus dicat: *Cessavit episcopatus dies duos, asseratque eum sedisse annos septem, menses septem, manifestum est, librarium annos illos se plen magno errore Stephano IV attribuisse, eum ex eodem constet eum die xxii mensis Junii anni elapsi ordinatum esse, et ex antiquis Francorum annalistis, illum hoc anno vivere desiisse. Quare eum menses septem sederit, ut habent Codex Ms.*

Colbertinus num. 417, Ordericus lib. 2, Hermannus Contractus, Martinus Polonus, Luitprandus et Catalogi Colbertini ii et vi, et tam annalista Fuldenensis, quam Hermannus Contractus juxta editionem Canisianam, diserte affirment, eum *IX kalendas Februarii*, seu die xxiv mensis Januarii defunctum, manifestum est, Eginhardum et annalistam Bertinianum de die sepulturæ Stephani interpretandos, quem passim auctores eum die obitus confundunt. Papebrocius quidem in Conatu Chronicæ-Historico ejus mortem cum die xi kalend. Februarii seu cum die xxii mensis Januarii connectit; verum eum die insequenti adhuc in vivis fuisse demonstrat subscriptio Rescripti ab eo dati, quæ extat in Excerptis Chronicæ monasterii Farfensis apud Duchesnum tom. iii, pag. 655, in qua legitur: « Scriptum per manus Christophori serinarii, in mense Januarii, Indictione x; bene valete. Datum X kal. Februarii, per manus Theodori.... sanctæ Sedis Apostolice, imperante domino Illudovico piissimo Augusto a Deo coronato, magno, pacifice imperatore, anno iii et patr. ejus (legendum *P. C. ejus*, seu, post consulatum ejus) anno iii, Indictione x ». Indeque intelligimus, Stephanum subita morte sublatum esse, et Ludovicum Pium ipso, quo imperium initit, die consulatum perpetuum capessuisse, ut in more positum erat. Obiit itaque Stephanus papa die xxiv mensis Januarii, sequentique sepultus, et Paschalis ejus successor, eadem die, quæ in Dominicam eadebat, consecratus fuit. Paschalis legatum statim ad Ludovicum imp. misit, « qui negotio peracto, et petitis impletatis, super confirmatione scilicet pacti et amicitiae more prædecessorum suorum reversus est », inquit auctor Vita Ludovici Pii (1).

(1) Ut aliquid epochæ Pontificatus Paschalis I ex veteribus monumentis addatur, in Regesto Sublacensi, scilicet monasterii SS. Benedicti et Scholasticæ apud Sublacum asservatur adhuc etiam veterum documentorum magna collectio in unum volumen compacta; quod quidem volumen ante medium Christi sæculum XII scriptum est. Multa quidem oscitantur a librario ex autographis descripta sunt, nonnulla quoque spuria et schismatica in eo deprehendi arbitramur. Hac de eo Regesto præmonita esse volumus, quoniam ex eo deinceps multa, cum suis mendis et nevis a nobis ex eodem Regesto descripta dahiramus. In eo igitur pag. 91, recensetur locatio quadam, cuius intitulus est: « Anno Deo proprio Pontificatus domini Paschali summi Pontifici et universali PP. (super geminataem PP. aliena manu scriptum est *primi*) in sacratissima Sede B. Petri Apostoli SEXTO, Indictione xv, meuse Septembrio die iv, Palumbus presbyter ibi est, et abbas monasterii S. Erasmi in Calio monte locat ad tertiam generationem Trasmundo secundicerio sauctæ Sedi Apostolice, seu Philippæ illustrissimæ feminæ jugabus personis fundum, qui appellatur *Ad septem arbores*, positum via Tiburtina, milliariorum ab urbe Roma plus minus quinto ». Infra: « De qua re, et

*3. Conventus Aquisgranensis.* — A numero 3 ad 19. Annalista Cæsareus a Lambecio editus his verbis opus suum claudit : « Anno quarto (scilicet Ludovici Aug.) conventum suum habuit Hluduwichus imperator cum Francis in Aquisgrani mense Junio, et indicto (adde *jejunio* ex chronographo Hildensheimensi) ordinatus est filius ejus Hludarius in imperatorem, ut consors regni fieret cum patre. Eo anno Stephanus papa decessit, cui successit Paschalis in Pontificatu. Bernardus quoque rex Italiæ seditionem levavit contra imperatorem, et Hluduwichus Augustus Italianum cum exercitu perrexit. Eodem anno Ratgarius abbas (scilicet Fuldensis) depositus est ». Quæ verba ex eo exscripsit usque ad depositionem Ratgarii annalista Hildensheimensis, qui suos Annales ab anno DCCXIV, quemadmodum Cæsareus, auspicatur, huncque modo integrum deseribil, modo mutilat, et quandoque amplificat. Quod si Lambecius ad id animum advertisset, ex annalista Cæsareo Hildensheimensem tantum supplevisset ac emendasset. Is postea vel quispiam alius eosdem Annales Cæsareos usque ad annum Christi CMXCV perduxit, ut notavit Duchesnius tom. III, ubi Chronicon Hildensheimense exhibet; alias anonymous eosdem usque ad annum circiter MXL, aliasque usque ad annum MCXXXVII continuavit, ut suis locis indicabo.

*4. Ordo S. Benedicti ad unitatem redactus.* — Ludovico Pio imperante regula sancti Benedicti adeo propagata erat, ut is cunctorum monachorum pater appelletur ab Ardone monacho in Vita sancti Benedicti Anianensis abbatis, quod ante eum Alcuinus ad ipsum iisdem fere verbis tradiderat in Epigrammate cxii, sed cum in eo celeberrimo ordine disciplina jam collapsa esset, « glorioissimus Ludovicus, dum rex Aquitanorum, eum omnibus in regno suo monasteriis præfecit, ut normam salutiferam cunctis ostenderet », inquit idem Ardo de sancto Benedicto Anianensi abbe, qui etiam loquens de iis quæ hoc anno idem Ludovicus Pius in conventu Aquisgranensi egit, haec scribit : « Multa monasteria erant, quæ quondam regularer fuerant instituta, sed paulatim tepescente rigore, regularis pæne depicerat ordo. Ut autem sicut una omnium erat professio, fieret quoque omnium monasteriorum salubris una consuetudo, jubente imperatore aggregalis cœnobiorum patribus una cum quampluribus monachis per plures resedit dies. Omnibus ergo simul positis regulam ab integro discutiens, cunctis obseura dilucidans, dubia patefecit, priscos errores absulxit, utiles consuetudines affectusque confirmavit. Judicia igitur regulæ cunctaque dubia ad proficuum deducta effectum, quas minus regula pandit consuetudines, assentientibus cunctis protulit (nempe Synodus Aquisgranensis) : de quibus eliam Capitulare institutum imperatori confirmandum præbuit, ut omnibus in regno suo positis monasteriis observare præcipere, ad quem scire cupientem dirigimus ». Post haec totius negotii summam ita concludit Ardo : « Perfectum itaque propagatumque est opus, divina opulante misericordia ; et una cunctis generaliter posita observatur regula : cunctaque monasteria ita ad formam unitatis reducta sunt, ac si ab uno magistro, et in uno imbuuerentur loco », nempe uniformis mensura in potu, in cibo, in vigiliis, in modulationibus, cunctis observanda est tradita. Quæ fusius in consequentibus explicat Argo. His consonat quod in Vita Ludovici Pii de hæc Synodo memoriae proditum est, nempe Ludovicum constituisse « Benedictum

Capitulare institutum imperatori confirmandum præbuit, ut omnibus in regno suo positis monasteriis observare præcipere : cui protinus imperator assensum præbuit ».

*5. Capitula eam in rem condita.* — Ea capitula numerari consuevere octoginta ; sed LXXII tantum habet Leo Ostiensis in Chronico Casinensi lib. I, cap. 16, LXXII. « Ludovicus imperator, qui cognominalis est Almus vel Sanctus, hujus Karoli filius, quarto imperii anno Aquisgrani in palatio cum plurimis totius Francie abbatibus religiosisque monachis conventum faciens, utilissima nostri ordinis observationi sepluaginta et duo generalia capitula constituit ; que ita fere omnia apud nos, ac si beati Benedicti regula observantur ». Huic Capitulari Aquisgranensi haec praesigunt inscriptio : « Anno Incarnationis Domini nostri Jesu Christi DCCXVII, imperii vero glorioissimi principis Hludowici quarto, VI idus Julias, cum in domo Aquisgrani palatii », et cætera a Baronio num. 7 recitata, ubi asserit, ea legi in Additione prima post septimum librum Capitularium Francorum. Quæ tamen in editione Baluziana extant inter capitula Ludovici Pii tom. I Capitul. reg. Franc. pag. 580, variis Notis illustrata.

*6. Quæ uniformitatem vitæ respiciunt.* — Non desunt, qui *sanctum Benedictum* Auianensem abbatem propagationis ordinis sancti *Benedicti* auctorem faciunt, quos refellit Mabillonius in Præfatione ad sæc. IV Benedict., part. I, num. 73 et seqq. Ardo enim laudatus, qui Ludovico Pio & quilibet fuit, prodid condita esse capitula Synodi Aquisgranaensis, non ut regula sancti Benedicti primitus invehetur ; sed ut consuetudines, quas ipsa satis non explicat, assentientibus cunctis, ratæ habentur et susciperentur : « *Judicia igitur regulæ* », inquit Ardo, « cunctaque dubia ad proficuum deducta effectum, quas minus regula pandit consuetudines, assentientibus cunctis protulit (nempe Synodus Aquisgranensis) : de quibus eliam Capitulare institutum imperatori confirmandum præbuit, ut omnibus in regno suo positis monasteriis observare præcipere, ad quem scire cupientem dirigimus ». Post haec totius negotii summam ita concludit Ardo : « Perfectum itaque propagatumque est opus, divina opulante misericordia ; et una cunctis generaliter posita observatur regula : cunctaque monasteria ita ad formam unitatis reducta sunt, ac si ab uno magistro, et in uno imbuuerentur loco », nempe uniformis mensura in potu, in cibo, in vigiliis, in modulationibus, cunctis observanda est tradita. Quæ fusius in consequentibus explicat Argo. His consonat quod in Vita Ludovici Pii de hæc Synodo memoriae proditum est, nempe Ludovicum constituisse « Benedictum

de quibus omnibus suprascriptis juratus dico per Deum etc. Sanctæ Sedis Apostolici principi a Deo coronato domino LACBDOVICO, et LOTHARIUS magnis imperatoribus, seu salutem viri beatissimi, et Apostolici domini Paschali summi Pontifici et universalis PP. »

« Signum man. Palumbi Secundocoreu hanc chartam facta mihi Trasmundo et Philippus jugibus subscripsi, et testes etc. » Seqununtur duo testes. In fine : « Ego Zacharia chartuarius et magister eensi Urbis Romæ complevi et absolvì ». Annus sextus Pontificatus Paschalis, et Indictio XV conveniuit in annum Christi DCCXXII.

abbatem, et cum eo monachos strenuae vitae, qui per omnia monasteria gentes, redeuntesque uniformem traderent cunctis monasteriis, tam viris, quam sanctimonialibus, vivendi secundum regulam sancti Benedicti incommutabilem morem ». Jam itaque cunctis monasteriis imposita fuerat regula sancti Benedicti ; sed cum eam secundum varios ritus monachi observarent, a Ludovico Augusto provisum est, ut missi « per omnia monasteria (monachii) uniformem traderent, tam viris, quam sanctimonialibus incommutabilem vivendi morem secundum regulam sancti Benedicti » : ideoque in Synodo Aquisgranensi, non de novae regule susceptione, sed de uniformi ratione vivendi secundum regulam sancti Benedicti actum est, ut aliis argumentis, et quidem invictis, demonstrat Mabillonius loco citato. In conventu Aquisgranensi anno superiori congregato, regulæ pro canoniceis et sanctimonialibus canonice viventibus conditæ sunt, sed in conventu abbatum ac monachorum in eadem nrbe hoc anno habito præscripta sunt abbatibus ac monachis laudata capitula LXXX vel LXXII, perperamque Cointius hoc anno num. 455 et seqq. Hæc omnia ad unam eamdemque Synodus Aquisgranensem refert, secutus auctorem Vitæ Ludovici Pii ; cuius verba recitat Baronius num. 6, quæ hunc etiam impulere, ut anno superiori prioris conventus Aquisgranensis in quo libelli pro Institutione canonieorum et canonicarum editi, nullam mentionem fecerit. At duas Synodos Aquisgranenses distinguendas esse, auctoremque Vitæ Ludovici Pii eas in unam eamdemque male confusisse, argumenta a nobis prolatæ certò ostendunt.

**7. Donatio Ludovici Pii supposititia.** — Donatio quæ a Gratiano dicitur facta Ecclesiæ Romanæ a Ludovico Pio non minus commentitia, quam quæ Constantino Magno astingitur, ut jam aliqui viri eruditæ viderunt, qui hoc tamen omnibus persuadere non potuere. Ex tot enim Pontificibus Romanis, qui dona a Pippino et Carolo M. facta memorarunt, nullus est qui donationis Ludovici Pii meminerit, quia nempe justissimum habentes titulum rerum ab Ecclesia possessarum, fictitium contempsero. Præterea Otto primus, et Henricus primus imperatores singillatim enumerant, quæ Pippinus et Carolus M. Ecclesiæ Romanæ donarunt, eaque Diplomatis suis confirmant, sed donationis Ludovicianæ mentionem non fecere, ut videre est apud Baronium anno CMLXII, n. 3 et seqq. et anno MXIV, n. 7 et seqq. Tertio, *Ludovicus ea donatione concedit Apostolicae Sedi insulas Corsicanam et Sardiniam et Sicilianam sub integritate cum omnibus adjacentibus territoriis* ; et tamen Sicilia nunquam in potestate Caroli M. nec successorum fuit. Denique, in ea donatione *Ludovicus statuit*, ut mortuo Pontifice Romano, quem omnes Romani elegerint sine aliqua ambiguitate et contradictione more canonico consecreretur. « Et cum consecratus fuerit, inquit, legati ad nos, vel ad

successores nostros reges Francorum dirigantur, etc. » quod merum commentum est ; cum ipso Ludovico Pio vivente *Eugenius II* papa ad postulationem *Lotharii* imperii paterni collegæ statuerit, ut Pontifex Romanus non consecretur, nisi in præsentia legatorum imperialium, quod toto hoc saeculo et ultra in usu positum fuit, absque eo quod clerus Romanus illam donationem in medium attulerit, licet sese ab ea lege abhorre non semel ostenderit ; imo et Hadrianus III papa illam resciderit, cuius tamen decretum executioni mandatum non fuit. Nullum itaque de ejus falsitate dubium superesse potest. Leo Ostiensis saeculi duodecimi initio demortuus, primus fuit, qui ejus meminerit, ideoque non multo antea excogitata fuerat.

**8. Ludovicus Aug. monasteria in tres classes dividit.** — Ad hunc Aquisgranensem conventum perlinet etiam *Constitutum*, quo Ludovicus Augustus monasteria regni sui tres in classes ita distribuit, ut regi nomilla militiam et dona, quadam non militiam, sed dona tantum, alia nec militiam, nec dona, sed solas orationes debeant, iuxta Notitiam quam Sirmondus tom. II Concil. Gall. publicavit, ex exemplari, quod mendis seatet, in quo legitur : « Anno Incarnationis Domini nostri Jesu Christi MCCXVII, Ludovicus serenissimus Augustus divina ordinante providentia conventum fecit, quæ monasteria in regno vel imperio suo dona et militiam facere possunt, etc. Quæ dona et militiam facere debent », sunt numero XIV, quæ ibidem memorantur. « Quæ tantum dona dare debent sine militia », sunt numero XVI, ibidem etiam commemorata. « Quæ nec dona nec militiam dare debeant, sed solas orationes pro salute imperatoris, vel filiorum ejus et stabilitate imperii », sunt numero XVIII, quorum nomina ibidem etiam expressa sunt. Agunt de omnibus illis monasteriis Baluzius in Notis ad Capitul. reg. Franc. pag. 1092 et seqq. et Cointius hoc anno num. 238 et seqq. Cum porro Notitia monasteriorum a Sirmondo edita valde corrupta sit, ut ipsemet fatetur, nullumque haec tenus aliud exemplar ejusdem Notitiae inventum sit, existimo Sirmondianum non esse antiquum ; cum in eo bis hæc verba legantur, in Bavaria. Hoc enim nomen recens, et Bavaria apud antiquos *Bajoaria*, vel *Bagoaria* semper appellata ; nisi quod hoc saeculo *Bagaria* st̄epe nuncupata reperitur, ut alibi ostendimus. Post omnia illa monasteria sequuntur in eadem Notitia monasteria XXXVI, in Aquitania nempe XIII, in Septimania XIV, in Tolosano IV, in Vasconia V, sed incertum, cur hæc ponantur extra tres prefatas classes, quæ regi vel militiam et dona, vel dona tantum, vel solas orationes debent. Dicit Cointius num. 290, non defuisse rationes, cur ab istis monasteriis orationes tantum postulentur, quod scilicet a Saracenis diruta fuissent. Sed hæc conjectura non satisfacit ; cum ea monasteria XXXVI non collocentur inter ea a quibus orationes tantum imperator petebat.

**9. Lotharius fit consors imperii.** — Præterea in eadem Aquisgranensi Synodo « filium suum primogenitum Lotharium coronavit, et nominis atque imperii sui socium sibi constituit. Cæteros reges appellatos, unum Aquitanie, alterum Bajoarie præfecit», nempe imperator, inquit Eginhardus in Annal. Quare Ludovicus Pius, qui anno **DCCXIV** filios suos *Lotharium* et *Pippinum* reges appellarat, illum Bajoarie, hunc vero Aquitanie, in hoc conventu consilium illud mutavit; *Pippino* enim Aquitanie rege confirmato, *Ludovicum* Bajoarie regem instituit, et *Lotharium* Bajoaria exauktoratum imperatorie dignitatis consortem fecit. Quam matro tamen consilio usus sit Ludovicus in Lothario imperatore renuntiando, docet annalista Moissiacensis hoc anno: «Ludovicus imp. apud Aquis-Palatium celebravit Pascha. Et in ipsa æstate jussit esse ibi conventum populi de omni regno vel imperio suo apud Aquis sedem regiam, id est, episcopos, abbates, sive comites, et majores natu Francorum. Et manifestavit eis mysterium consilii sui, quod cogitaverat, ut constitueret unum de filiis suis imperatorem. Habebat enim tres filios ex uxore Hermengarda regina. Nomen uni Clotarius, nomen secundi Pippinus, et nomen tertii Ludovicus. Tunc omni populo placuit, ut ipse, se vivente, constitueret unum ex filiis suis imperare, sicut Karolus pater ejus fecerat ipsum. Tunc tribus diebus jejunatum est ab omni populo, ac letaniae faciae. Post hoc jam dictus imperator Clotarium, qui erat major natu, imperatorem elegit, ac per coronam auream tradidit ei imperium, populis acclamantibus et dicentibus, **VIVAT IMPERATOR CLOTARIUS.** Facta est autem letitia magna in populo die illo. Et ipse imperator benedixit Dominum dicens: Benedictus es Dominus Deus noster, qui dedisti hodie ex semine meo conserendum in solio meo, videntibus oculis meis. Audiens autem Bernardus filius Pippini regis rex Italie quod factum erat, cogitavit consilium pessimum, voluitque in imperatorem et in filios suos insurgere, et per tyrannidem imperium usurpare».

**40. Quod offendit Bernardum Italie regem.** — Hanc inaugurationem paucis verbis narrat Baronius num. 45 ex auctore Vitæ Ludovici Pii, quam *Bernardo* Italie regi causam novandarum rerum fuisse, recte scribit annalista Moissiacensis. Balnzius in Notis ad Agobardum Lotharium *III kal. Augusti* dictum imperatorem, testari auctorem ineditum Annalium Anianensium affirmat. Verum cum hoc anno feria quinta in diem illum inciderit, si eo die *Lotharius* imperator nuncupatus sit, eodem tamen coronatus non est; cum hujusmodi cæteromia per hæc tempora non nisi Dominicis diebus aut festis solemnibus fieri solitæ essent.

**41. Ludovicus Aug. legatos Græcorum et Saracenorum suscepit.** — Venio nunc ad ea quæ post celebratum conventum Aquisgranensem peracta sunt. Imperator anno superiori post discessum Stephani papæ e Francia «Compendii palatum

petit, ibi commoratus legatos Abodrilarum, et de Hispania legatos Abdirhamam, filii Abulaz regis, ad se missos suscepit», inquit Eginhardus in Annal. anno **DCCXVI**. Tum hoc anno: «Legati Abdirhamam filii Abulaz regis Saracenorum de cæsaraugusta, missi pacis petendæ gratia venerunt: et compendii, ab imperatore auditæ Aquasgrani eum præcedere sunt jussi. Quo cum imperator pervenisset, legatum Leonis imperatoris de Constantinopoli pro Dalmatarum causa missum, Nicephorum nomine suscepit. Quem etiam, quia Cadolach, ad quem illorum confinium cura pertinebat, non aderat, et tamen brevi venturus putabatur, adventum illius jussit opperiri. Quo veniente, ratio inter eum et legatum imperatoris de quæstionibus, quas idem detulit, habita est. Et quia res ad plurimos et Romanos et Selavos pertinebat, neque sine illorum præsentia finiri posse videbatur, illo decernenda dissertur. Missisque ad hoc cum Cadolach et prædicto legato in Dalmatiam Albigarius Unrochi nepos. Legati etiam Abdirhamam, cum tribus mensibus detenti essent, et jam de reditu desperare cœpissent, remissi sunt». Baronius num. 49 de hac legatione Græcorum et controversia, quæ de finibus Dalmatarum erat, paucis sermonem habet cum auctore Vitæ Ludovici Pii, quæ ideo ex Eginhardo in Annal. distinctius narranda fuit.

**42. Pacem cum utrisque sancit.** — Joannes Lucius meus, dum viveret, amicus, lib. t. IIist. Dalmatiae cap. 13, *Slavos* seu *Selavos* in Orientales et Septentrionales separat; hosque ad mare Balticum, illos in Orientalibus Francorum ditionibus sitos fuisse docet. Deinde *Dalmatiam* duas in partes dividit, quarum una Francis, alteraque Græcis parebat. Ideoque duplex tunc habebatur Dalmatia. Dalmatae alii vocantur Selavi seu Franci, quia Selavis sub Francorum potestate constitutis annumerantur; alii cognominantur Romani seu Græci, quia subsunt imperatori Græcorum, qui se Romanorum imperatorem dicit. Controversia igitur erat *de finibus Dalmatorum Romanorum et Selavorum*, ut ait auctor Vitæ Ludovici Pii, id est, de finibus inter *Dalmatas Romanos*, qui morem Leoni Armeno gerunt, imperatori Romanorum nuncupato, et *Dalmatas Selavos*, qui pertinebant ad regnum Francorum et attributi erant ducatui seu præfecturæ Forojuliensi, cui præerat *Cadolachus*. Tota itaque quæstio tunc vertebatur, ex multis partium consensu pacifice composita est, terminis inter utrosque Dalmatas constitutis. Quoad legationem Saracenorum Hispaniensium, eis præerat *Abulaz* califa, cuius filius erat *Abderamen*, qui ei postea in regnum successit. Cum his itaque pax, quæ anno **DCCXV** erupta fuerat, redintegrata, et Christiani Francie a Saracenorum metu respirarunt.

**43. Bernardus Italie rex adversus Ludovicum Aug. tumultuatur.** — Exente anno, dum imperator «venatione peracta, de Vosego Aquasgrani reverteretur, nuntiatum est ei Bernhardum nepotem suum Italie regem quorundam pravorum ho-

minum consilio tyrannidem meditatum, jam omnes aditus, id est, Clusas, quibus in Italiam intratur, impositis firmasse presidiis, atque omnes Italiae civitates in illius verba jurasse, quod ex parte verum, ex parte falsum erat. Ad quos motus compremendos cum ex tota Gallia atque Germania congregato cum summa celeritate magno exercitu imperator Italianam intrare festinasset, Bernhardus rebus suis diffidens, maxime quod se a suis quotidie deserí videbat, armis depositis apud Cabillonem imperatori se tradidit», inquit Eginhardus in Annal. Conformia narrat Baronius num. 16, ex auctore Vitae Ludovici Pii, sed quæ subdit numeris sequentibus, pertinent ad annum Christi sequentem, quæ hic tamen explicabimus.

14. *Bernardus et conjurati varie puniuntur.* — Subdit itaque Eginhardus hoc anno : «Quem (scilicet Bernardum) cæteri secuti, non solum armis depositis se dediderunt, verum ulti et ad primam interrogationem omnia uti gesta erant, aperuerunt. Iujus conjurationis principes fuere Eggideo inter amicos regis primus, et Reginaldus camerarius ejus et Reginharus Meginharii comitis filius. Cujus maternus avus, Hardradus, olim in Germania, cum multis ex ea provincia nobilibus, contra Carolum imperatorem conjuravit. Erant præterea et alii multi præclarci et nobiles viri, qui in eodem scelere deprehensi sunt : inter quos et aliqui episcopi, Anselmus Mediolanensis, et Wulfoldus Cremonensis, et Theodulfus Aurelianensis». Tum anno DCCXVIII : «Detecta fraude et conjuratione patetfacta, ac seditionis omnibus in potestatem suam redactis, imperator Aquasgrani revertitur. Transactoque Quadragesimali jejunio, paucis post sanctum Pascha diebus conjurationis auctores (qui superius nominati sunt) simul et regem judicio Francorum capituli sententia condemnatos, luminibus tantum jussit orbari : episcopos Synodalii Decreto depositos, monasteriis mancipari. Cæteros (prout quisque vel nocentior, vel innocentior apparabat) vel exilio deportari, vel detondi atque in monasteriis conversari». Similia narrat Baronius ex auctore Vitæ Ludovici Pii, qui addit, *Bernardum* luminibus amissis vitam quoque præ tristitia paulo post amisisse. Idem habet Theganus, qui de Bernardi morte, et de Ludovici fratribus, Drogone,

Hugone, et Theodorico aliqua ab aliis omissa narrat, aitque : «Tertio die post amissionem luminum Bernardus obiit. Quod audiens imperator magno cum dolore dellevit. Eodem tempore jussit fratres suos tonsurari, Drugonem, Hugonem, et Theodoricum, ad discordiam mitigandam, et liberalibus disciplinis jussit instrui». Baronius num. 19 dicit, Adhalardum quoque consobrinum Caroli Magni jussum esse exulare. Verum sanctus Adhalardus anno DCCXIV in exilium missus fuerat, ut eo anno ostendimus.

15. *Ludovicus imp. fratres suos in clericorum monasteria mittit.* — *Bernardus* sepultus fuit Mediolani in Ecclesia sancti Ambrosii, ubi extat Inscriptio a Baronio num. 18 recitata, in qua legitur: REGNAVIT ANNOS QUATUOR, MENSES QUINQUE, OBVIIT XV KALEND. MAII INDICIONE XI, ideoque sequenti Christi anno, et regnum inierat mense Novembri anni DCCXVII, ut hæc verba demonstrant (1). «Habuit iste Bernardus filium nomine Pippinum, qui tres liberos genuit, etc.», inquit Regino ad annum DCCXVIII. Hunc Pippinum Ludovicus Aug. in Galliam adduci jussit. Propter eamdem conjurationem tres in judicium vocati sunt antistites, ex quibus Theodulphus episcopus Aurelianensis, cum patria Italus esset, in prodictionis suspicionem facile venit. Is tamen constanter innocentem se dixit, ut constat ex ejus carminibus ad *Ajulfum* Bituricensem archiepiscopum, et ad *Modoinum* episcopum Augustodunensem. Quin et extat *Modoini* carmen, in quo frustra spes veniebat eidem Theodulpho, si se reum objecti criminis fateri velit. Ludovicus imp. Bernardi regis ditionem bello partam retinuit, et, ut novandarum rerum occasionem præscinderet, Drugonem, Hugonem et Theodoricum fratres in monasteria clericorum misit. Sed hæc anno sequenti peracta, ut jam monuimus.

16. *Cultores sacrarum imaginum male habentur.* — Ad num. 20 et seqq. Refert Baronius litteras sancti Theodori Studite datas ad Paschalem Pontificem Romanum, ad patriarcham Alexandrini et ad patriarcham Hierosolymitanum, quibus eis significat quanta patientur in Oriente sacrarum imaginum cultores. Ex quibus intelligimus omnes patriarchas Orientis hoc tempore Catholicos exitisse ;

(1) Bernardi regis Epitaphium legere Indictionem x, non vero xi, testatur Muratorius rerum Italic, tom. II, part. I, pag. 220. Ex hoc autem sequeretur regni Bernardi exordium anticipandum fuisse ad annum DCCXII et obitum ad annum DCCXVII. Nec sane abs re existimaretur Bernardus jam inde ab obitu patris sui Pipini destinatus a Carolo ayo rex Italie fuisse, ut innuere videtur Eginhardus verbis illis a Pagio recitat ad annum DCCX, 7. Cum autem destinatus ille rex Italie eo missus fuerit a Carolo anno DCCXII, ut historici omnes admittunt; ab eo forte tempore regni sui Italici epocham capessit. Quod si Carolus anno DCCXIII in conventu Aquisgranensi regem Italie illam renuuiavit; hæc forte renuntiatio, nonnisi confirmatione rei ante facte existimanda est. Hoc ego probabilis enseco, quam sive lapsu scriptoris communisci, sive suspicari Indictionum signatarum morem alium tunc Mediolani obtinuisse, quod Muratorius visum est. Confirmari nostra hæc conjectura utrumque potest ex Alberico monacho Trium Foutium, cuius Chronicum ex antiquis fere totum contextum, et ad annum MCCXI perdunctum vulgavit Cl. Lehunitz in Accession. Histor. tom. II : ille enim ad annum DCCXII scribit : «Carolus imperator Bernardum filium Pipini regis, regem Italie facit». Insuper Muratorius in opere, cuius prior tomus super prodit Mediolani, inscriptio *de antiqui. Italior.* in Dissertatione x, Diplomatica sat multa producit, que Bernardi regnum ante Octobrim anni DCCXII exordiuntur, idemque vero Octobri ejusdem anni jam ceptum fuisse demonstrant. Hæc si statnerimus, sepulcralis Bernardi inscriptio ferens obiisse illam die XVII Aprilis, Indictione x, post regni annos iv et menses v, explicanda est de quinque mensibus integris neglecto priori et posteriori incompletis. Denique anno DCCXII, Bernardi exordium illigandum esse colligo ex Chronicis Andreae presbyteri a Menkenio prius in voluminibus rer. Germanicarum vulgato, deinde a Muratorio in antiqui. Ital. to. I, col. 42, recuso; aut enim de Bernardo : «Quinque regnaverunt annos, duos sub Carolo, tres sub Ludovico». Profecto si Bernardi regnum a Novembri anni DCCXIII ducentum esset, ne integrum quidem annum sub Carolo egisset, cum Carolus anno sequenti DCCXIV Januario mense obierit. Andreas autem iste circa medium saecul. huic vivebat, ut ex eodem Chronicis liquet.

cum alias ad Antiochium eodem argumento scripsit, in quibus omnibus eorum nomine prætermisso dignitatem tantum exprimit. Certum tamen *Thomam* Ecclesiam Hierosolymitanam rexisse, ut ex iis, quæ suis locis diximus, liquet.

17. *SS. Theodorus Graptus et Theophanes relegantur.* — Tum num. 36 et seqq. agit Baronius de exilio sancti *Theodori Grapti*, et sancti *Theophanis Cantoris* ejus fratris, qui missi a patriarcha Hierosolymorum ad Leonem Aug. coram eo cultum sacrarum imaginum egregie tuiti sunt. Extat S. *Theodori Grapti* Vita apud Surium ad diem xxvi Decemb. Sed eum Surius eam tantum latine retulisset, Combesius in Manipulo originum Constantinopolitanarum eamdem ex Codice regio græce edidit, et meliori versione donavit. *Theodoro* Palestina patria fuit, cuius frater *Theophanes* ætate quidem junior fuit, sed virtute minime secundus. « *Arabes* », inquit auctor *anonymous* Vitæ *Theodori Grapti*, « desertum quod est ad Orientem eolentes, educto adversus Romanos exercitu, multas eorum populati sunt provincias, multaque etiam præsidia diripuerunt, monasteriis quoque in Palæstina inguebant ac incurabant; quorum primum maximumque divini sc. Sabæ erat, in quo magnus hic *Theodorus* exercebatur. Haec videns divinus ille Hierosolymorum antistes et pastor; esque hoc peccatorum penam et furoris poculum intelligens, idecirco nimirum quod divinarum cultus imaginum aboleretur, ad zelum protinus excitatur », mittitque *Theodorum* ad imperatorem cum *Theophane* fratre, qui illum monuit, ut relicta profana illa ac mala opinione, ejus loco pietatem condiseret. Verum imperator in iram furoremque erupit, et « *ambos* diu flagris caesos ad Ponti ostia exilio relegandos decernit ». De utroque infra rursus sermo erit.

18. *Josephus Hymnographus Romam a cultoribus sacrarum imaginum missus.* — Eadem persecutiōne seviente, « quibus Christi vera religio, quam Caesaris gratia fuit antiquior, toto orbe dispersi ac fusi vagabantur: ac nouinulli in Bosphorūm, pars in Siciliam migrarunt, alii in summa montium egredientes, efferatam rabiem truenentissimæ belluæ fugiebant », inquit Joannes magna Ecclesiæ Constantinopolitanae diaconus in Vita S. *Josephi Hymnographi* in Actis SS. Bollandianis ad diem iii mensis Aprilis. Tunc S. *Gregorius Decapolitanus*, qui relicta Thessalonica Constantinopolim cum *Josepho* propter quedam negotia venerat, rogatus est ab infinita prope monachorum multitudine Constantinopoli simul congregata, ut Romanum mittat Josephum, « qui papæ Romanisque omnibus numerit, quanto malorum turbine ea civitas vexetur, simul aliquid opis afferant Dei Ecclesiae graviter laboranti. Jam enim vides, dicebant, pater, quæ malorum tragœdiæ hic agantur; vides quanto in discrimine versetur Christi ovile, cum non sit, qui illatam nobis injuriam ueliscatur ». Mittitur statim Romanum Josephus a Gregorio, sed « captis nonnullis

lis navigiis cum eo quo S. *Josephus* vehebatur, ipse captivus in Cretam abducitur, ibique gravissimis catenis viuet in carcere conjicitur ». Eo in carcere concaptivos ad constantiam excitavit, episcopum careeris tedium vacillantem corroboravit, aliumque ad defectionem promptum allexit ad mortem pro Christo gloriose appetendam, quod postmodum præstit. Post Leonis Armeni mortem exilio revocatus manum ad versus scribendos admovit, et universam fere Ecclesiam suis illustravit hymnis et canonibus, quorum aliqui adhuc supersunt. « *Josephus* (a sua captivitate reversus) cognoscit Gregorium, hominem plane divinum, commune omnium solarium, Ecclesiarum solidissimam gloriam, actuosum ac spirans virtutum omnium simulaerum, iustitiae prope laboribus ac periculis defunctum, ex hac vita ad optatos Dei sui excessisse complexus », inquit Joannes diaconus in *Josephi* Vita, qui addit hunc postea adhæsisce Joanni Magni *Gregorii* æmulo atque seclatori, nec Thessalonica discessisse, donec Joannes ad Deum migravit. Tunc enim suuptis utriusque reliquiis venit in locum vastum deseratumque, in quo monasterium aedificavit, et « *sacras D. Gregorii* ejusque socii Joannis reliquias collecavit ». Colitur *Gregorius* in Meneis die xx Novemb. Vide que de eo dixi anno DCCXXXI, num. 1. Infra videbimus Josephum rursus sub *Theophilo* imperatore propter sacras imagines exulasse.

19. *Pax Græcos inter et Bulgares sancita.* — Hoc circiter anno Græcos inter et Bulgares pax constituta, de qua Constantinus Porphyrogenitus in sua Chronographia lib. t, num. 20, haec habet: « Cum tricennales cum Hunnis (quos Bulgari vocant) ineundæ illi (neimpe Leoni Armeno) essent induciæ, pacisque federa jurejurando firmando; non quibus Christiani solent sacramentis usus est: ad nimirum Deum cælestesque virtutes, sive que Christi Deique parens carne fuit, dictorum gestorumque inspectores, testesque adhiberet; sed velut Barbarus quidam, omnisque religionis expers, canes, ac quibus gens improba immolat, iis gestorum testibus utens, et dissecat; nec quibus illi lubenter ingurgitantur, haec ipse ad firmandam fidem ore gustare exhorrebat; quod vero Christianum fidem eis concredidit, ad quam a nobis aliquando, ut videbatur, essent traducendi; ne sic quidem impietati litare eum puduit. Tum enim in eo, quod fidei margaritas, juxta Domini sententiam, mittebat ante porcos, hisque illos, vir impius vere execrandus, ore tenus uti compellebat; tumque in eo rursus, quod ipse Romani moderator imperii, in publico conventu, in theatro prouiseua infiduum, fideliumque multitudine referto initiari non erubuit ac consecrari, non alio plane præmio, quam aeterno verne et igne dignus fuit ».

20. *Impietas Leonis Aug. in illo fædere rejiciendo.* — Rem eamdem clarius narrat Ignatius diaconus in Vita sancti Nicæphori patriarchæ Constantinopoli numero 80: « Quis amicitias atque

federa turpiter ac indecorum cum vicinis Hunnis ab illo inita fervidissimis lacrymis non deploret? Nempe illorum superstitiones Leo, ipsi illi nostra usurpantes legitima, mutuo firmaverunt pacta: et videre erat imperatorem Romanum libare aquam e calice in terram, equorumque clitellas versare manibus, dein terna lora tangere, foenumque in altum attollere, et se omni hæc ceremonia rituque devovere. Gentes vero divina nostra Symbola scelestis cunctare manibus, ac per illorum virtutem sacrilego se obstringere sacramento. Nonne hæc crudelitatis fuere germina? Nonne apertus in Christum furor et execratio? Nonne hujusmodi ut Dei ultionem inducant, fidem sane abunde faciunt ejus temporis portentosa eventa, videlicet concussions ac terræ motus, cor secundum prophetam confringentes, urbesque populosas exitio obrutas? Ad hæc annon penuria famem super faciem terræ seminans, dum agricole spicas non falcibus, sed manibus et sacculis colligunt?

Adde aerem similes virgis igniculos emittentem et terrorem videntibus inferentem. Adde infœcundum mare, salumque ac fluctus absoniorum more visum effundere. Adde cogitationis ac necessitudinis oblivionem apud omnes pervagatam, tumultusque ac bella intestina in omnibus provinciis atque urbibus progignentem. Exinde enim haec tenusque contigit, ut civilium armorum morbus ubique obtineret». Obiter observabis Ignatium, quemadmodum et auctorem anonymum Vitæ sancti Nicolai Studitæ apud Combeſtium tom. i Supplementi Biblioth. P.P. Græco-Latinæ pag. 903, Bulgaros *Hunnorum* vocabulo designare, qui loquendi modus viros doctos irretitos temnit. Christiani, qui a Bulgaris captivi detinebantur, et qui nondum martyrium passi erant, tunc in libertatem asserti, inter quos fuit *Basilius Macedo* adhuc puer, qui postea impetravit. Vide quæ de eo et de *Cutragone* Bulgariorum rege, qui tunc regnabat, diximus an. **ccccxiii**, num. 10 et seqq.

## PASCHALIS I ANNUS 2. — CHRISTI 818.

**1. Litteræ Theodori et legatio per Epiphanium missa ad Paschalem papam.** — Qui sequitur annus octingentesimus decimus octavus, Indictione undecima inchoata, quintus idem numeratur persecutio Leonis imperatoris, quo acceptis jam antea litteris per Dionysium a Paschale Romano Pontifice Theodorus Studitarum præpositus in carcere consistens, rursum legat ad Occidentem Epiphanium discipulum suum ad eundem Romanum Pontificem, cui et litteras dedit, quæ sic se habent<sup>1</sup>:

« Per omnia religiosissimo patri, supremo lumini, universal domino nostro, Apostolico papæ, Joannes, Theodosius, Athanasius, Theodorus, minimi presbyteri et præpositi Catharorum, Pieridii, Paulopetrii et Studiani». Unus autem, qui hic deest e numero in precedentibus ad Paschalem Epistole inscriptione, nempe Joannes Eucæræ præpositus lapsus est, ac propterea nequaquam cum ceteris recensitus. Testatur id quidem ipse Theodorus in Epistola ad ipsum Epiphanium Ro-

mam legalum. Porro Epistola ad Paschalem papam sic se habet<sup>1</sup>:

2. « Respxit nos Oriens ex alto Christus Deus noster, tuam in Occidente beatitudinem, tanquam facem quaudam divinitus lacentem ad Ecclesiæ, quæ sub cælo est, illuminationem, in Apostolica prima Sede constituens. Etenim spirituale lumen perceperimus, qui in tenebris et in umbra mortis improbae haereseos tenebamus, et tristitia nebulam depositimus, atque in spem optimam emersimus, cum didicissemus ex fratribus et conservis nostris, quos misimus, qualia et quanta egerit et dixerit saneta celsitudo vestra. Quando haereticos quidem apocriarios, velut fures, ne in sacrum quidem conspectum admisit; sed cum procul adhuc essent, merito rejecti: nostris vero calamitatibus ex litterarum auditione et missorum relatione compatiens, indoluit atque ingemuit Dei exemplo tanquam propriis membris. Ac re ipsa cognovimus, manifestum Apostolorum principis successorem Romanæ Ecclesiæ praesidere; certoque nobis persuasimus,

<sup>1</sup> Theod. I. II. Ep. XIII. Cod. Column.

<sup>1</sup> Theod. I. II. Ep. XXXV. ex Cod. Column.

Dominum Ecclesiam nostram minime deseruisse, cui unum solumque a vobis auxilium hactenus atque ab ipso exordio in occurrentibus molestiis Dei providentia concessum est.

« Vos igitur illinis ac sincerus ab initio fons Orthodoxæ veritatis. Vos adversus omnem haereticam procellam tranquillus sepositus portus Ecclesiae universæ. Vos a Deo electa civitas refugii salutis. Sed quoniam lemerarium est a nobis miseris ac indignis encomia congeri divino nomini vestro, quod divinae olim linguae beatum prædicarunt, præstat ut ad ærumnas nostras veniamus.

3. « Impii ergo consueta sibi omni conatu ac vesania facere non cessant, omnes, qui mortis metu franguntur, in haeresis barathrum trahentes et abripientes. Necesse siquidem est, eum, qui cedere nolit, verberum aliorumque suppliciorum pœnis subjici; ita ut diffluant sensim aliqui (quod est miserrimum) etiam ex iis qui certamen antea sustinuerunt. Nos vero iterum humiles et in membris postremi, tam pro sacro proprio capile, quam pro reliquis præsentibus partibus et fratribus audentes legatione fungimur et obsecramus, ut consoletur nos sancta et Apostolica anima tua. Primum quidem (quod et facere illam credimus) ne suas pro stabilitate et salute omnium Deum flectentes preces intermittat. Ita obtestamur sacra-tissima viscera: deinde, ut quæ Spiritus sancti instinctu pro humilitatis nostre utilitate ac perpetua virtutis tue laude deliberavit et statuit, ad exitum, Deo adjuvante, perducat ». Hactenus posterius ad Paschalem Epistola, ex qua a Gennadio in defensione pro Concilio Florentino præconia digna illa Ecclesiae Romanae citantur: « Vos illinis et sincerus ab initio fons Orthodoxæ veritatis, etc. » Quod autem exigit his litteris Theodorus a papa, illud fuit, ut præstaret quod promiserat, legationem remissorum Constantinopolim: quod et præstilit, ut suo loco patebit.

4. His scriptis litteris Theodorus Epiphanium, quem mittat cum eis in Occidentem, delegit, ad quem has, quæ sequuntur, litteras dedit, onus eidem legationis hujus injungens his verbis:

« Epiphanio filio<sup>1</sup>.

« En, dilecte mi, sicut alaceri animo instituisti, solve in Occidentem, litteras istas laturus, quas dictavi. Misi Epistolas duas ad Apostolicum et dominum Methodium. Frater enim Dionysius Dei nutu, et incolumis eo usque pervasisit, et spem optimam reportavil. Ad quam iteratas litteras addere, operæ pretium duxi. Serripsi autem non tanquam a me solum, sed sicut antea, ex persona utrorumque præpositorum quos indicat Epistola, præterquam Eucæriæ. Is enī, ut accepi, secundum peccata mea, lapsus est. Ex communī ergo sententia et scientia, tum per occulam significationem, tum per Epistole ipsius lectionem, tunc scripsi, ut Epistola missa declarabat. Nunc vero elsi

propter arelam custodiā id facere non potui, attamen veluti jam consentientibus utrisque, eorum etiam hæc est Epistola. Fortasse autem postea continget, ut et ipsi certiores fiant.

« Vade igitur, egregie Epiphani, Ἐπίστολη, id est, appare Occidenti nuntius fidelis, prudens, jam olim probatus, redde Epistolam, et juxta ea quæ divino instinctu impressa sunt in sancto Apostolico, suggestione, verbisque S. Methodii et S. Monabasi episcopi, simul intercede ei ipse, et ora, ut ad finem hæc perducantur Dei voluntate, qui potest et salvum te servare, ei sislere sacro ac beato vertici. Ne formides, multa tibi merees, et magnum certamen. Dominus tecum. Saluta sanctos omnes, et maxime eos, qui notissimi sunt, præcipue sanctum patrem meum archimandritam, ac dominum etiam meum chartophylacem, cuius charitas est in humili corde meo ». Illeusque ad Epiphanium Theodorus.

5. *De Methodio apocrisiario Nicephori.* — Quod autem ad Methodium spectat, ad quem se scripsisse Theodorus testatur, erat iste illic apocrisiarius Nicephori patriarchæ ad Romanum Pontificem missus, cui quid tunc acciderit admiratione dignum Romæ moranti, sic accipe ex Cyprianata atque Cedreno in Michaeli Theophili filio, dum narrat quæ acciderunt eidem Methodio jam Constantinopolitano patriarchæ, cum adulterii accusatus, ob sui defensionem coactus fuerit virilia penitus consumpta et exsiccata monstrare, sic dicens: « Quidam de notioribus placide ingressus, ex eo quiescivit, quomodo virilia ejus ita emarcuissent. Cui rem tolam a principio enarravit. Se cum Romæ degeret missus eo ad papam ob intentata Nicephoro sanctissimo patriarchæ crimina, vexatum fuisse a carnis studio malo genio, sine intermissione dies noctesque ipsum titillante, et rei venereæ appetitum excitante. Itaque se ardente ea cupiditate, ac tantum non ei succumbentem, Petro Apostolorum principi se dedere statuisse, nullisque ab eo precibus contendisse, uti se libidine illa liberaret. Hunc noctu adstitisse, ac virilia sua manu dextera tangente combussisse, simulque dixisse: Nihil esse quod in posterum sibi ab ista metueret voluptatis concupiscentia: se ob vehementem dolorum somno excussum, talenti repertum fuisse, qualem ipsi vidissent ». Hæc ipsa quidem Methodius cum jam esset patriarcha confessus libere ea, que his ipsis diebus, Romæ cum esset, divinitus contigissent. Quod autem ait, eum Romæ tunc fuisse pro Nicephoro patriarcha ob intentata illi crimina defensorem: accidisse putamus, quod Theodotus, quo se in throno stabiliret, depositum Nicephori falsis objectis criminibus colorare studiisset. Cæterum Epistola illa, quam se eodem tempore ad Methodium Romanum scripsisse Theodorus ipse testatur, nou est reperta in dicto Codice, quo usi sumus, Columnensi, ut hic simul eam tibi scribere potuisssem.

6. *Theodori catchetica Epistola ad disper-*

<sup>1</sup> Theod. l. u. Ep. xxxv. Cod. Column.

*sos fratres.* — Sed ad legationem a Theodoro missam revertamur. Profectus est igitur Epiphanius Romanum, exceptusque est benigne a Paschali Pontifice: qui et quibus valuit remediis studuit tot malis occurrere. Sed quid faceret, cum regnaret imperator apostata, sederer patriarcha haereticus, et cum eo clerus ejusdem communionis et monachi desertores? quomodo ipsi audituri essent, quæ ab eo pro eorum salute admonerentur? Non destitutus tamen ad Constantinopolitanam, aversatricem licet, Ecclesiam scribere, et quidem gravissimas litteras. Testatur<sup>1</sup> id quidem Theodorus ipse litteris suis suo loco reddendis.

Interea vero Theodorus non quiescit, qui et hoc pariter anno scripsit catecheticam Epistolam ad ubique dispersos fratres. Cum enim in ea numeret ipse annos quinque persecutionis, hoc plane anno fuisse scriptam, qui numeratur quintus persecutionis, affirmare necesse est. Loco plane miraculi habendum (quod saepe inculeandum est) ut in arctissimo carcere constitutus, tot custodibus vallatus, facultas ei scribendi fuerit suppeditata. Hujus autem scribendæ Epistolæ ipsi ea cogitatio fuit, quod cum sciret suos monachos et alios diversorum monasteriorum confessores vagari a monasteriis expulsos, extorres, ac a persecutore imperatore abripi, timens iis, ne quos terror non subegisset, mundana voluptas vinceret, occasione versandi cum feminis, ut cauti esse debeant, datis his ad eos litteris, monuit vehementer. Sic spiritualis agonis dux sapientissimus, ne adversariæ potestates suos lœdere possent milites, quaquaversum providit. Epistola autem ipsa sic se habet<sup>2</sup>:

7. « Theodorus omnibus ubique dispersis fraternitatibus.

« *Gratia vobis et pax multiplicetur. Aequum enim est Apostolicis verbis afflari eos, qui pro Christo persecutionem patiuntur<sup>3</sup>: Benedictus Deus et Pater Domini nostri Iesu Christi, qui humilitati nostræ januam aperuit, quamvis arete custodiatur, ut vobissem charissimis nostris Epistolarum colloquio congredi possimus. Vere Dei verbum non est alligatum, etsi alligare se putent, qui dominantur. Vere lætari plurimum debemus, cum divinarum prædictionum eventa in nobis conspicimus. Age, cum Apostolo<sup>4</sup> dicamus, fratres: Quis nos separabit a charitate Dei? tribulatio, au angustia, an famæ, an persecutio, an nuditas, an periculum, an gladius? Num enim de seipso tantum hæc dixit, ac non etiam de nobis? et ut nos erga Deum sic affecti simus, ut afflictionibus istis, quas sustinemus, minime frangamur, sed ea, quæ desunt, passionum perferre gestiamus. Gaudium enim est inenarrabile pro Christo et eum Christo pati, quemadmodum ostenderunt sancti omnes usque ad Thadæum martyrem nostrum, et confessores alios*

egregia animi constantia, et persecutioni convenientibus factis sive ex carcere, sive ex alio exili quovis loco post illum abierunt. Simus et nos, fratres mei, martyres ad hunc modum, ut parati nimirum semper simus, comprehendendi, confiteri, flagris cædi, mori; hoc est enim quotidie martyrem esse: hoc quotidie mori.

8. « Ex hoc quidem purgari mentem contingit, et perturbationibus abscedere, Deo appropinquare, mundum odisse, cælum meditari, perpetuo adamata bona, at certe tristiora. Nec enim locum menti relinquit hæc hujusmodi præparatio, ut voluptates consecetur, ut hoc illudve carnali desiderio amplectatur, sed vires cordi et nervos addit, oculos in lacrymas solvi compellit: desiderium injicit ex corpore, tanquam ex gravi quadam carcere emigrandi. Considerantes itaque quales simus. Et si quidem sic affecti, recte sane; sin aliter, redeamus in viam et emundemur. Fugiamus immitem draconem diabolum, et ignea tela amaræ et lethiferae cupiditatis. Non est voluptas, sed dolor; non dulcedo, sed fel; non benevolentia, sed odium, servitus, corruptela, dæmoniaca vexatio ejus, qui secundum naturam est status immutatio. Etenim si bona est et dulcis, quomodo quos arripuit, eos fatuos statim reddit, jumentis similes, probrosos, serviles, desperabundos, enervatos, æternæ mortis reos? itaque fascinat, a mente alienans et pervertens, non id revera existens, quod præ se fert prestigiatrix, tanquam energumenos a dæmone coruptos, qui id quod patiuntur priusquam ad se redeant, non agnoscunt.

9. « Videamus ergo, Christiani, quænam sint diversoria nostra, ubi et quibuscum habitatio et consuetudo. Quod si quid ibi noxium est, migrandum; si cum eo, qui scandalum affert, abscondendum; si cum nomine, adscendendum; quia exsecrabilis solum esse, quandiu necessitas non cogit. Observanda sunt et alia, cibus, potus, somnus, opus, ut mensura fiant omnia, quæ corpori vires præbeant, ut pareat et jussa faciat, non efferatum reddant, ut insurgat et animæ repugnet. Equuleus est, si affatim alatur, lascivit, sessoremque animum prosternit. Ex rebus nostris de vestris etiam enumtramus: omnes siquidem homines liberi arbitrii habenas a Deo pari jure acceperunt cum summa polestate, licet anima et corpore inter se pugnantibus, perpetuum bellum sit. De hoc igitur haec dicta sint. Quid cætera deinde? Fides firma, immutabilis, sicut tradidi vobis et a sanctis accepi, vel potius ab uno utique et eodem spiritu, etc. » Adjicit de cultu sacrarum imaginum superiori consimilem doctrinam, quam brevitalis causa hic describère præterimus. Ac de persecutione hæc rursum inferius ingerit, hortans eos ac roboran in fidei confessione persistere.

10. « Minime vos conturbet duratio persecutionis. Haud multos annos pertulimus, ut antiqui olim confessores. Nondum examinati fuimus legitimo igne probatissimæ temptationis: adhuc admix-

<sup>1</sup> Theod. I. ii. Ep. LXII. LXIII. LXVI. Cod. Column. — <sup>2</sup> Theod. I. ii. Ep. XXXVII. — <sup>3</sup> 2. Pet. I. — <sup>4</sup> Rom. VIII.

tum est plumbum, adhuc ruga peccatrix. Tu quis es qui incomprehensorum judiciorum profundascruteris? Quae tibi præstata sunt haec cogita. Abrahæ semen illud, cui promissa Dei benedictione terræ sanctæ hæreditas fuerat, quadringentis triginta annis Pharaonis manu servitutem servire Deus permisit. Christi Ecclesia ab Apostolorum prædicatione usque ad Constantimum primum Christianorum regem supra annos trecentos ferventem persecutionem passa est. Qui securi sunt, remisse quidem, attamen longius tempus duxerunt, præterquam sub Juliano Apostata. Paulus magnus annis quinque et triginta persecutionem perfulit, quotidie moriens. Et tu quinque auctorū spatio langues? Clemens multorum certaminum vir viginti octo annis in perpetuo martyrio fuit. Et tu intra paucos defici? Et quod mihi tempus satis sit ad alios martyres commemorandos? Non audisti sufferentiam Job? Nonne annis quindecim et amplius ulcere gravi vexatus est, præter alios, qui adjecti fuerunt, lugubres casus? atque hoc eum nullius sibi mali facinoris conscientias esset, quin potius laudabilem quamplurimorum. Quid autem ei respondet oraculum? Ut justus, inquit, appareas. Ita et nunc eribat quodammodo providentia hujus temporis homines, ut quæ insunt zizania ejiciat, et frumentum purum maneat.

11. « Non audis quid Hieremiæ dicat<sup>1</sup>? Mitte eos in conflatorium, et vide si est probatio, sicut et ego probatus sum pro eis. Feramus adhuc, o strenui milites Christi. Dies sicut umbra transenit, qnamvis persecutores permanere existiment<sup>2</sup>: Si me persecuti sunt, inquit, et vos consequentur: si sermonem meum servaverunt, et vestrum servabunt. Sed haec omnia facient vobis propter nomen meum, quia nesciunt eum, qui misit me. Vere enim ignorant quod Deus et Pater misit<sup>3</sup> Filium suum factum ex muliere, factum sub lege, ut eos, qui sub lege erant, redimeret et Patri suo acquireret. Nisi enim ignorarent, illi non pingi non negarent; nemo quippe, qui ex muliere natus sit, talis est, ut exprimi non possit, alioqui abortivum quiddam esset. Sic itaque fratres perficimus nos ipsos, sic consolationem habemus in verbis Salvatoris nostri Jesu Christi, exspectantes remunerationem». His præmissis ad postremum monet de Leontio persecutore. Fuerat hic monachus et discipulus Theodori, et sanctorum imaginum cultus assertor. Verum infelix in veritate non stetit, sed factus apostata cæteris ardenter persecutus Orthodoxos; de eo enim monet his verbis:

12. « Sed nostis qualis sit Leontius, eunuchorum genus non solum inglorium, ut quidam sanctorum dixit, sed et Christum negans; neque adeo his finibus se continens, verum acerbe et crudeliter fratres nostros excrucians: qui ante discipulus, nunc nugator judaizans: qui inter fratres eminent-

tiores, nunc contra fratres supra quam judices omnes: qui non simpliciter imaginem dicebat, sed sanctam imaginem sive Christi sive Deiparæ et cunctis libet sanctorum: nunc eas incendit, et abolet, insanientis instar feræ blasphemans. Unde et imperatori charus factus est, et monasteriis nostris potitur, et omnia miser facit in contumeliam Christi. Sed heu me! mea enim haec ejus Iudibria. Attamen similis illi est, qui genuit secundum carnem: nam et ille olim primitæ fuerat impietatis, sicut et Hermiae: ambo enim furenes aguntur: nec miscet Deus cornicem columbæ, sed similia similibus. Ergo illi non hunc modum. Det illis Dominus agnoscere veritatem, quos captos tenet diabolus pro sua voluntate. Vos vero Christus cum iis, quos vexat apostata, confirmet, viresque ac robur tribuat, ut sustinere adhuc possitis, esurientes, sitiens, nudi, colaphis cæsi, instabiles, laborantes, maledicta et persecutionem patientes, blasphemati, tanquam purgamenta hujus mundi facti, omnium peripsema, ut Paulus<sup>1</sup> magnus, quocum pars vestra sit. Fratres, orate pro nobis peccatoribus ut salvemur, digni habiti omnium qui restiterunt infimo gradu. Salutat vos qui mecum est frater Nicolaus. Gratia Dei eum omnibus vobis. Amen».

13. Post haec autem venerunt Constantinopolim legati, qui missi sunt a Paschali Romano Pontifice cum litteris adversus Iconomachos, quibus erroris arguerentur. Est mentio de hac legatione in Epistola catechetica ejusdem Theodori contra eosdem Iconomachos<sup>2</sup> data, in qua haec scribuntur verba: « Non igitur extingerunt, quin a supremo Ecclesiæ throno arguerentur, sicut factum est, et ipsi scitis. Et nobis quidem tuta et sincera erant omnia etiam ante Occidentalium adventum. Plurimum vero etiam inde accessit, ut cognoscamus consentaneæ sæculis superioribus nostrum hoc Deo eurae esse, et ob oculos statuisse testimonium, quod ab eo alieni sunt, qui imaginem negant. Si enim a coryphæ abrupti sunt, et ab aliis tribus patriarchis, utique et a Christo, qui caput est prædictorum; et lugere illorum causa et miserere convenit, nostri vero lætari supra modum, etc. » Apparet ex his quidem litteras Apostolicas Paschalis papæ ejus fuisse argumenti, ut ab eo erroris argueretur hæresis leonoelastarum, ipsi vero ostenderentur separati esse ab Ecclesiæ Romane communione. Ejusmodi igitur legatio et declaratio veritatis, qua innotuit scissos esse ab Ecclesia omnes Iconomachos, plurimum attulit adjumenti civibus Constantinopolitanis, eum ab Ecclesia Catholica se esse separatos audirent. Quoniamq; quamplurimi detestati errorem, sunt veritatem professi ex omni hominum genere utriusque sexus, adeo ut et plures ex iis, qui latebant, prodeentes in lucem martyrio se objicerent; ita ut de civitate Constantinopolitana illud diceretur, quod ubi abundavit delictum, su-

<sup>1</sup> Jerem. vi. — <sup>2</sup> Joan. xv. — <sup>3</sup> Gal. iv.

<sup>1</sup> 1. Cor. iv. — <sup>2</sup> Theod. l. ii. Ep. LXVI. Cod. Column.

perabundavit et gratia. Ita quidem testatur idem ipse Theodorus Studita sua Epistola ad Nauera-tum<sup>1</sup> data suo loco inferius recitanda.

14. *Paschalis papa extores monachos excipit, monasterium ipsis aedificat, Ecclesiam S. Praxedis instaurat.* — Quando autem pervenerit Constantinopolim legatio Paschalis Romani Pontificis, in fine anni huius, vel sequentis initio : haud satis exploratum haberi potest. Enituit quidem maxime ubique locorum Orientalis Ecclesiae ingens ejusdem Paschalis papae studium in juvandis Graecis Orthodoxis laborantibus, quod et ex aliis ab eo rebus gestis est declarandum. Siquidem idem sanctissimus Pontifex interea nihil antiquius habens, quam de fide Catholica bene mereri ; Orthodoxos omnes extores, Constantinopoli vel aliis partibus Orientis Romanam confugientes quam benignissime exceptit ; quin et Graecis monachis egregium construxit monasterium apud sanctam Praxedem, quem presbyteralem titulum mirifice exornavit, donisque quampluribus auxit. Ne igitur confugientes ad Romanæ Ecclesiae gremium monachi Orientales incertis sedibus per Urbem vagarentur : ipsis dictum monasterium erexit, de quo Anastasius meminit, dum agit de eodem S. Praxedis titulo ab eodem Paschali sanctorum martyrum corporibus locupletato ; his enim verbis rem aggreditur enarrare :

15. « Ecclesiam beatissimæ Christi virginis Praxedis, que quandam priscis aedificata temporibus, nimio jam laxata senio ita ut a fundamentis casura ruinam sui minaretur, idem venerabilis Pontifex illius ruinam ante prævidens, ejusdemque Ecclesiae curam adhibens, illic pervigil sœpius existens, in alio non longe demutans loco, in meliorem eam, quam dudum fuerat, erexit statum. Absidem vero ejusdem Ecclesiae musivo opere exornatam variis decenter coloribus decoravit. Simili modo et areum principalem ejusdem metallis mirum in modum proficiens compisit ». Extat adhuc ipsa apsis sacris imaginibus ex musivo elaboratis decora et integra, in cuius fronte ejusdem Paschalis nomen eadem arte exscriptum legitur his inter se complexis elementis, <sup>PS</sup> atque versus isti in ab-CAL

side eodem opere exarati leguntur :

EMICAT AVLA PIA E VARIIS DECORATA METALLIS  
PRAXEDIS DOMINO SVPER ETIHA PLACENTIS HONORE  
PONTIFICIS SVMMI STUDIO PASCHALIS ALVMNI  
SEDIS APOSTOLICÆ. PASSIM QVI CORPORA CONDENS  
PLVRIMA SANCTORVM SVPTER HAEC MOENIA FONIT  
FRETVS VT HIS LIMEN MEREATVR ADIRE POLONVM

Ibidem in sacro cubiculo, ubi nunc colitur columnæ flagellationis Jesu Christi, super limen ista leguntur :

<sup>1</sup> Theod. I. II. Ep. lxxxi. Cod. Column.

PASCHALIS PRAESVLIS OPVS, DECORA FVLGET IN AULA  
QVAE PIA OBTYLIT VOTA STVDVIT REDDERE DEO.

Pergit de eadem hæc Anastasius :

16. « Illic enim beatus et præclarus Pontifex multa corpora sanctorum dirutis in cœmeteriis ja-centia, pia sollicitudine, ne remanerent neglecta, quærens atque inventa colligens, magno venerationis affectu in jam dictæ Christi martyris Praxedis Ecclesia, quam mirabiliter renovans construxerat, cum omnium admiratione Romanorum, episcopis, presbyteris, diaconibus et clericis laudem Deo psallentibus, deportans recondidit. Quæ dum sanctissimi atque coangelici presidis hæc intima cordis vigilantia gererentur, ut reconditorum ibidem sanctorum corporum, Domino indesinenter super astra placentium precibus apud omnipotentem Dominum juvaretur : construxit in eodem loco a fundamentis cœnobium, quod et nomine sanctæ Praxedis virginis titulavit, in quo et sanctam Graecorum congregationem aggregans, quæ diu nocturnæ græcae modulationis psalmodia laudes omnipotenti Deo, sanctisque illis ibidem quiescentibus sedulo persolveret, introduxit. Siquidem in eodem monasterio plurima conferens prædia, et possessionum loca urbana et rustica, affluenter atque abundantanter ditavit.

17. « Quin etiam in eadem Ecclesia fecit oratorium beati Zenonis Christi martyris, ibi et sanctissimum ejus corpus ponens, musivo amplianter ornavit. Fecit etiam in eadem Ecclesia ciborium ex argento pensans libras octingentas et decem. Item et propitiatorium sacri altaris ex argenteis laminis mirifice exornavit. Confessionem denique ejus cum rugulis (regulis) suis interius exteriusque vallans, pulcherrime compisit atque deanavit, quæ simul pensant libras trecentas. Supra ejusdem venerabili altare fecit regnum spanoclistum ex auro fulvo, ex diversis lapidibus exornatum, pensans libras quinque et uncias duas et semis. In eodem sacro altari fecit vestem de chrysocavo cum diversis historiis miræ magnitudinis atque pulchritudinis exornatam. Item ubi supra obtulit aliam vestem chrysoclavam ex auro genuisque confectam, habentem historiam virginum cum accensis fascibus mirifice comptam atque decoratam. Ad sacrum denique ejusdem virginis corpus obtulit imaginem ex laminis argenteis præfiguratis, pensantem libras nonaginta octo.

« Hic benignissimus præsul fecit in jam dicto monasterio Graecorum oratorium sanctæ Agnetis Christi virginis miræ pulchritudinis exornatum ». Hactenus Anastasius de titulo S. Praxedis et de Graecorum monasterio a Paschali papa constructo, ut Graecis monachis Roman fugientibus digne prospiceret. Erat enim extorrium haud exiguis numerus monachorum, ut non sufficerent alia, quæ in urbe erant Graecorum monasteria.

18. *Persecutione rerudescente Theodorus totus in Epistolis et laboribus : plures martyres.* — In

eos autem, qui remanserant diram fuisse renovatam persecutionem, ex litteris magni Theodori cognovimus: occasionem autem recrudescientis persecutionis eam diximus processisse, quod ejusdem Pontificis legatione missa hoc anno Constantinopolim complurium concaluerunt animi civium ad haeresim respuendam, et veritatem profundam, excitatique pariter ad errorem publice detestandum, palamque cultum sacrarum imaginum confitendum. Factum est enim, ut ob excitatum in eives spiritum confessionis, saeviret magis ac recrudesceret persecutio, et complures ex iis, qui lapsi erant, rursus confessionis ingredierentur agonen adversus Ieonomachos certaturi: dum et qui detinebantur in carcere, arctioribus vinculis stringerentur; atque ipsi regii impietatis ministri in eos aerius saevirent. Extant autem pleraque e carcere tum datae ab ipso Theodoro Studita litterae ad hos consolando et roborando. Tunc temporis enim ab eodem Theodoro scripta est Catechesis ad Simeonem<sup>1</sup> et alios novem de his, qui scipios ultro objecerunt martyrio. Tunc et data videtur Epistola ad Leонem patricium<sup>2</sup> et sacellarium, qua deplorat acerbitatem persecutionis, quam et ille dolebat, neenon illa ad Irenam<sup>3</sup> patriciam post lapsum confessam et flagella atque exilium passam, horlans eam, ut forti animo ærumnas perferat, nec frangatur. Extat pariter ad Gregoram laicum hominem, qui primus tunc ex imperatoris aula ad stadium persecutionis progressus est, quæ sic se habet perbrevis satis<sup>4</sup>:

#### 49. « Gregoræ laico.

« Salve, confessor Christi. Merito Dei hominem te olim appellavi. En non mentitus est humilis sermo meus, qui sublimis in te apparuit. Quomodo career? Ferrea etiam vincula sustines, ut audio, corpore constrictus, res laboriosa. Verumtamen confortare in Domino, sancte, et martyrum more depugnans. Belle, belle, frater. Qualis eluxisti? Quantum exaltatus es? unus ex omnibus laicius (de iis loquor, qui sub hoc imperio) tu solus Deo confessor ostensus es et angelis et hominibus. Cernis ubinam te detineant persecutores? In palatio, ceu margaritum, ceu regem effectum, quamvis ita non sentiant. Ne timeas, amice, ne terreas ob imminentia verbera. Sustine, Christus una sublevans, simul adjuvans, ut simul pugnans, et simul percussus. Si ergo a quopiam e subditis detentus, imperatorem haberes defensorem, et inter verbera tecum et animo et affectu verberatum: nonne pati gauderes, ornamentum amplectens, quasi patiendo perciperes quas desiderabas opes, gloriam, principatum? Quanto vero magis hoc in re præsenti sentiendum? quod et amplectendum nobis necessario, ut non somni similia haec et inania, sed sempiterna et vera et ineffabilia bona consequamur, æterna supplicia declinantes, que qui pingi Christum

negant, sustinebunt, a quibus liberemur, frater, pro nobis invicem orantes ». Ha Theodorus, qui tunc etiam et hortatus est suos, cum in eos crudelius Leontius persecutor ille exmonachus saeviret. Sic se habet<sup>5</sup>:

#### 20. « Fratribus Studianis.

« Salvete in Domino, fratres ac patres: salvele, milites Christi: salve, fratrum ternarius sanctæ Trinitatis gratia dives, vere digni talibus salutationibus, quia propter Christum generose durissimum careerem patimini a Leontio nefario vexati. O Judaicam apostasiam! si agrestis fera esset, saliari utique jam posset, sanguinem vestrum tauidu pœnis fundens et hauriens; at nunc insatiabilis manet sanguinis poter daemoniacus; nullum sensum misericordiae, nullam humanitatis commiserationem erga vos suscipiens agnos Christi; sed affligens, omni modo devorans vos, cum Satana moliens, ut glorietur draco, ut per vos nos etiam perterrefaciat: sed frustra<sup>6</sup>: Fidelis enim Deus, qui non sinit vos tentari supraquam potestis, sed facit eum temptatione etiam proventum, ut possitis sustinere. Recordamini sanctorum, qui a seculo fuerunt, quia nemo temptationum et tribulationum expers, placuit<sup>7</sup>: hic quidem sectus est, ille lapidatus, aliis igne consumptus, alii distenti sunt. Et quod tempus sufficiat recensendæ nobis circumpositæ nubis martyrum? quorum vos cum participes sitis et certaminum socii, gaudete fratres mei gudio ineffabili contra haeresim, contra affetus regnum obtinentes.

21. « Tu nomini congruenter καρτερός, id est, animo fortis, Carterius, tu in patientia dives ἀπόνετος, id est, abundantissimus Aphthonius. Tu divina ἀγάπη, id est, charitate corroboratus verissimus Agapius. Careeris obscuritas æternæ vobis et inaccessibilis lucis est conciliatrix. Fames paradisi delicie: nuditas pallii immortalitatis: solitudo conversationis cum Deo: coma intonsa decora venustatis, ut revelata facie Dei gloriam conspi ciatis. Num gaudium sunt ista? Num exultatio omni exultatione major? Egre forsan laturi sumus, quod non inditus pes ligno, non imposta catena. Quo enim magis abundant ærumnæ, tanto abundantior consolatio gloriae Dei. Hæc paucis, sciens vos a vobis ipsis habere patientiam, vos hortatus sum, charissimi. Vos vero rependite mihi cum Nicolao, qui mecum est, fratre nostro, qui vos salutat, saeras preces vestras, ut salvi simus ».

Quod vero persecutores ipsi (ut sœpe dictum est) Orthodoxis martyrium invidenter: haud mortem violentam palam intulerunt, sed fatigationibus eos frangi, et ærumnis confici voluerunt, ut longiore ita ducto martyrio, ipsorum constantiam emollirent. Verum cum in carcere constitutos cernerent, haud illis permoveri posse supplieis: illud excogitarunt, ut eos per diversa longinquaque itinera et aspera fatigarent: quod vidimus in ipso

<sup>1</sup>Theod. I. II. Ep. XLIV. — <sup>2</sup>Ibid. Ep. LV. — <sup>3</sup>Ibid. Ep. LXVIII.  
— <sup>4</sup>Ibid. Ep. LV. ex Cod. Column.

<sup>5</sup>Theod. I. II. Ep. LVIII. Cod. Column. — <sup>6</sup>Cor. x. — <sup>7</sup>Heb. xi.

Theodoro Studitarum omnium patre; sed et de aliis monachis confessoribus id factum, ipsius ad Simeonem monachum datae litteræ docent, cum alias ab eo de his omnibus certum nuntium accepisset: sic enim se habent<sup>1</sup>:

22. « Reddita mihi Epistola sanctitatis tuæ. Ubi eam legi, et singula didici, quæ cæteris, qui enim ea sunt, sanctis patribus nostris, quorum nomina in libro vitæ, acciderant, saeram omnium expulsionem, longinquam deportationem, molestam illam et gravem, propter variam hinc inde abductionem, et duram impiorum custodiam: ingenui simul, in cuiusmodi tentationes Dei Ecclesiæ tempus perduxerit, animo considerans. Simut etiam beatam duxi persecucionem pro Christo ferentium certamina. Teque pariter, qui gestorum omnium nuntius nobis fuisti; nec remisisti erga me nihil hominem, et manum movere ad scribendum, et totam afflictionis seriem, singulatimi percensere. Quo nomine benedicat tibi Dominus, ac magis magisque confirmet, et corroboret in acerba ista testimonii Christi dimicacione. Enimvero cognovi quamadmodum post dimicacionem istam, cum Joanne impiorum duce congressus, haudquaque metu cesseris, nec inferior sermonis conflictu ex litteris, sed fortiter obsistens ipsum eviceris, et elinguem juvenili vigore reddideris, veritatis verbo subnixus, quam tibi Spiritus sancti operatio suggerebat. Nulla videlicet in iis, qui decepti sunt, residet vis sermonis; quoniam nec lumen, nec veritatis specimen, nec rectum aliquid, aut sanctum, in tenebris ambulantibus stulto corde et evanida sapientia, seu ut verius dieam, insipientia, imperitia, cæcitate. Unum autem inest, et primum et postremum, potestas tenebrarum, hæc illis et sermo, et definitio, et fides, et gloria, et arma<sup>2</sup>. Ex operibus eorum cognoscetis eos, dicit Dominus.

23. « Quid enim impium, aut Judaicum non egerunt? Christum contumelia affecerunt, Deiparam et sanctos: quorum enim corporeæ signæ ignominia afficiuntur, in prototypa ipsa transmittitur contumelia. Ideoque Antichristi merito dici possunt Ieconomachi: quandoquidem uti a theologo et Evangelista scriptum est<sup>3</sup>, nunc multi sunt Antichristi. Hæc parva quidem ad prudentiam tuam, sed charitatis, quæ nobis a Deo in uno sensu et anima una donata est, Symbola sunt. Tu vero frater egregie pro me ora, ut pari tecum pugna decertem. Et indicare porro non graveris, quomodo et ipse agas, et quomodo se habent et habitudi sunt sacri comites tui ». Hæc ad Simeonem confessorem.

24. Ipse vero Theodorus de fratribus confessoribus ista et alia audiens per litteras diversorum ad eum scribentium; eadem ut pretiosa monilia custodiens, auro ea vestienda et ornanda suscepit, cum videlicet otio carceris bene usus, eorumdem

tum verba tum facta versibus conscripsit, a posteris eanticis prosequenda; testatur id ipse quidem in sua Epistola, iisdem ferme diebus ad Naucratium data<sup>4</sup>, ubi post alia:

« Misi ad te libellum et quaterniones quatuordecim, in quibus sunt sermones et vita fratrum metricis versibus. Quæ legens fu, et aliqui e fratribus fidis, dili genter abscondito. Equidem nihil facio, frater, quod ullius momenti sint. Sed quandoquidem otium suppetit, et exstimalor quodammodo a sancto patre meo, rursumque audiens beatum Paulum dicentem: Noli negligere gratiam quæ in te est, tanquam indignus cum timore et tremore facio quæ facio ». Hæc de his Theodorus, qui et soluta oratione, scriptis Epistolis, eorum encomia prosecutus, idipsum præstissime cognoscitur, ut vidimus de Thadaeo, et nunc dicendum de Jacobo, cuius præconia celebravit litteris ad Hypalium datis his verbis<sup>5</sup>:

25. « Nec nos sine dolore, fili, accepimus dormitionem Jacobi confessoris Christi et amabilis fratris nostri, nec porro sine lætitia. Illud quidem ex spirituali affectu (quid enim ille nisi filius, et talis filius, cuius ego propter peccata ne filius quidem dici merebar) hoc vero spei causa, nec nostræ duntaxat, quorum ille velut membrum sacer ornatus futurus erat, verum etiam totius Dei Ecclesiæ. Quid enim? qualem virum censes? annon confessorem? non martyrem? non sanetum? A primis annis in asceticæ vitae laboribus desudavit, legitime subditus, obediens, adversus animi motus viriliter pugnans, incorruptum corpus afflictionibus custodiens, quibus illud continebat, et in servitatem redigebat, sine apparatu comedens, sie dormiens cum adhuc sanus esset, ut in admirationem raperet iuventes, secessum colens, ut plurimum quoad poterat, et ad seipsum reflectens, atque ad divinum amorem inde assurgens. Ac ne quis singi a me hoc existimet animi gratia propter audientes: testis est Deus, et qui ejus pædagogus fuit Joannes, a quo mihi eorum quæ nesciebam explicatio. Atque hæc velut rude quoddam specimen asceticæ disciplinæ.

26. « In confessione autem quot et quanta? Spectaculum factus est angelis et hominibus. O forte Deoque charum cor! Ingressus est stadium, tanquam Dei miles impavidus, intrepidus, hinc inde tenebrarum ministri terga verberibus laniarunt, pectora, brachia, sanguinem hauserunt, carnes conciderunt, humi stratum sanctum reliquerunt, sævam vocem nullam prorsus mittentem; sed martyrium Deo perfectum explentem, et hoc pro Christo filio Dei ac Deo nostro. Nam pro sacra ejus imagine decertare, pro eo ipso est martyrium pati. Audiant mansueti et lætentur: exultent martyrum amatores et tripudient. Confundatur diabolus: concidat Ieconomachorum caterva. Ex utrorumque operibus, juxta divinum<sup>3</sup> mandatum,

<sup>1</sup> Theod. l. II. Ep. xxx. Cod. Column.—<sup>2</sup> Matth. vii. — <sup>3</sup> I. Joan. ii.

<sup>4</sup> Theod. l. II. Ep. LXI. Cod. Column.—<sup>5</sup> Theod. l. II. Ep. c. Cod. Column. — <sup>3</sup> Matth. xx.

utrosque agnoscile. Hi enim non hunc solum, sed multos e nostris, et non nostris, imo et nosris (siquidem omnes unum corpus sumus in Christo Iesu, qui est caput omnium) pariter divexarunt, occiderunt, inedia peremurunt; et quæ alia his consentanea sunt. Ille vero ex intolerandis illis vñtneribus, membris omnibus solitus, et exanimatus, et corpus acerbissimis doloribus chirurgicæ curationi subjecit, et fractus inde ad finem usque tanquam quotidie moriens vitam traxit, et quidem cum gratiarum actione, et quidem cum humilitate.

27. « Quod si (ut scribis) suum etiam obitum prædictit, hoc ipsum consequens erat ex certaminibus. Quia vero adjecisti, maximum ad funus concursum fuisse etiam illustrum in utroque genere: id quoque facit ad orationis testimonium. Neque enim ad hominem obscurum secundum carnem, nisi Dei ntu talis factus concursus esset. Ille igitur in cælum abiit, et appositus est ad commilitones, auctusque est chorus confessorum ac martyrum priorum, ex quo gaudium est in cælo, et animi lætitia, cuius precibus salvemur, fratres, ipse autem condignam obsequii sui mercedem nanescatur. Beati autem et qui convenerunt, revera pii, revera martyrum amatores, quorum pars cum eo sit, quem extulerunt. De venerandis ejus reliquiis, sicut serpsi de canone, si Deo placet, faciam. Salutate invicem in osculo sancto. Etenim omnibus fratribus legi debet. Salutat vos dominus archiepiscopus, protopresbyter, aconomus, et reliqui fratres. Dominus sit vobis. Amen ». Haec enim ipse. Sed ex nullis paucos recenset, cum tamen Græcorum Menologia suis quibusque diebus, quibus ex carne soluti sunt, contineant plures sanctos martyres in hac persecutione passos in Ecclesia celebrandos.

28. *Cœnobium Cassinense sonetitate floret.* — Ul autem de rebus Occidentalibus atiquid attingamus, dicenda sunt aliqua de cœnobio Cassinate, ubi vigebat his temporibus monastica observantia, ex quo tanquam ex fonte fluente regularis disciplina manabant, cum floreret viris sanctissimis, et inter alios qui creatus fuit hoc anno ejusdem cœnobii abbas nomine Apollinaris, qui ea miraculorum gratia est sublimatus, ut Lirim annem sicco vesligio pertransiret, ut<sup>1</sup> Leo Ostiensis est auctor. Porro dictum cœnobium haud pridem sanctus Adelhardus consobrinus Caroli Magni petiti disciplina monastica imbuendus, ut Paschalis in rebus ab eo præclare gestis<sup>2</sup> enarrat. Sed et sub eodem quoque imperatore Carolo Magno etiam ille sanctitatis nomine insignis primus Monasteriensis episcopus, Ludgerus nomine in idem sancti Benedicti monasterium peregrinatus, illuc annis duobus et sex mensibus excolendus monasticis institutis permanuit, quæ postea propagavit in Frisiis atque Saxones: nam Frisiorum est delegatus Apostolus. Testantur hæc Acta ipsius a monachis Werdensibus quam fidelissime scripta<sup>3</sup>. Lieet autem de remotis orbis partibus ad dictum cœnobium frequens esset accessus: illorum tamen, qui ex diversis regionibus Italiæ tanquam ad civitatem refugii, atque ad asylum Christianæ libertatis illuc confluere solebant, seque illuc cum suis divitiis Deo offerrent, frequentior erat adventus, ut ex Leone Ostensi res ejusdem monasterii describente quisque poterit intelligere.

<sup>1</sup> Leo Ostiens. l. 1. c. 21. — <sup>2</sup> Apud Sur. die II Jan. in Adelhardo.

— <sup>3</sup> Extant apud Sur. die xxvi Martii.

Anno periodi Græco-Romanæ 6311.—Anno Æra Hispan. 856.—Anno Hegiræ 203, inchoato die 9 Iuli, Fer. 6. — Jesu Christi 818.

— Paschalis I papæ 2. — Ludovici imp. 5. Leonis Armeni 6.

1. *Cultores saerarum imaginum vexantur.* — A num. 1 ad 28. Baronius varias sancti Theodori Studite Epistolas representat, ex quibus intelligimus, quam male haberentur saerarum imaginum cultores in imperio Orientali. Sed quod ait num. 1, annum hunc quartum esse persecutionis, ex dictis subsistere non potest; cum constet, eam anno fuitum 800, et quidem meuse Februario, inchoa-

tum esse. Præterea Baronius aliquos confessores, qui sub Leone Armeno claruere, sub Leone Isauro vixisse existimavit; quod in Menologis et Menaïis dicantur a Leone, vel a Leone Iconomacho afflitti, aut in exilium missi, quod tam de Leone Isauro, quam de Leone Armeno interpretari potest, nisi tempus quo sancti in illis passi dicuntur, ex aliqua circumstantia nobis innotescat. Hinc anno

**DCCXXXV** Baronius aliquos memoravit, quos eo anno ad Leonis Armeni tempora revocandos esse monuimus.

2. *Apollinaris fit abbas Casinensis.* — Ad num. 28. In controversia versatur, an *Apollinaris* abbas Casinensis **XIV**, cuius initium refert Baronius, hoc vel superiori anno *Gisulfo* in regimen ejusdem monasterii successerit; qua de re legendus Mabillonius sœc. IV Benedict. part. 2, p. 463, ubi existimat, *Apollinaris* institutionem ad præcedentem annum referendam esse. Eum tamen hoc anno præfecturam iniisse demonstrant quænum. 7 in medium adducimus. Leo Ostiensis in lib. 1, cap. 19, narrat, cum ei *Liris* fluvius transvandus esset, et navis decesset, ad ulteriore ripam Apostoli Petri exemplo siccis pedibus advectum esse. Ilujus miraculi meminit Victor papa III in lib. 1 Dialogorum, ubi *Apollinaris* abbatis «sanctitatem, benignitatem, largitatem omnibus paene in hac provincia commorantibus latissime patuisse» testatur. Addit idem auctor eum jam vita functum *Bassatio* Casinensi abbati ostento prænuntiasse, *Agarenos*, qui tuum temporis Italianam late vastabant, Casinensique monasterio inhiabant, ab ejus clade temperaturos ob merita et virtutem sanctissimi patris Benedicti. Idem Leo tradit eum obiisse V kal. Decemb. post regiminis annos XI.

3. *Floret Sedulius Scottus.* — In Annalibus Hepidamni monachi apud Duchesnium tom. III editis, legitur: «**DCCCVIII** Sedulius Scottus clarus habetur». Quinto sœculo de *Sedulio* seniore egimus, et de juniore disserit Labbeus in Dissert. de script. Eccles. cum de seniore sermonem habet. Scripsit ille *Collectancum* sive *Explanationem in omnes Epistolas sancti Pauli*, ex Origene, Hieronymo, aliisque Patribus excerptam, cui etiam *Collectaneum in Matthæum* eodem filo contextum attribuendum censem Labbeus, apud quem plura de *Sedilio* juniore.

4. *Laureacum rursus in metropolim erigitur.* — Illoc circiter anno *Uroplus* Laureacensis archiepiscopus creatus perrexit in Avariam et Moraviam, ut illarum provinciarum populos fide Christiana imbueret, sicut anno **DCCXXIV** ex litteris Eugenii II papæ constabit. *Laureacum* antiqua Noricorum civitas ad Anasi confluentes in dextram Danubii ripam, episcopos habuit, imo et metropolitica fuit prioribus Ecclesie sœculis. Civitate excisa, extincta quoque fuit sedes metropolitica, nec ea huius civitali restituta ante haec tempora. Summopere enim falsi sunt Hunnius in metropoli Salisburgensi, Cointius in Annal. Ecclesiast. Francorum, aliique viri doctissimi, qui *Laureacum* duobus sœculis elapsis metropolim Ecclesiasticam fuisse existimarunt. Sanctus enim Bonifacius in litteris ad Zachariam papam anno **DCCXLII** datis testatur Franco, Orientales nempe, nec archiepiscopum habuisse, nec Synodum fecisse plusquam per tempus octoginta annorum, ideoque ab anno circiter **DCLX** ad tempus, quo eas litteras scribebat,

ut ostendimus an. **DCLX**, num. 14 et seq.; quomodo igitur viri doctissimi persuasum habere potuere, Ecclesiam Laureacensem tunc temporis metropolitico jure politam esse?

5. *Hæc metropolis anno circiter DLXVIII extincta fuerat.* — Ad hæc *Agapitus* papa hujus nominis II, qui Pontificatum Romanum suscepit anno **CMLVI**, in litteris ad Geraldum Laureacensem archiepiscopum datis, seribit: «Laureacensem urbem antiquitus metropolitanam fore et archiepiscopii (ut habeat Codex Cæsareus apud Lambecium tom. II Biblioth. Cæs. pag. 651, non vero, *archiepiscopi*, ut habeat Labbeus tom. IX Concil. pag. 629) sedem, cui sanctitas tua præesse dignoscitur, sicut in privilegiis ad nos usque a te directis legimus (nempe in Epistola Symmachii papæ hujus nominis primi); ita quoque inventis quibusdam exemplariis chartæ vetustate admodum attritis, in archivo sancti Petri reperimus. Hanc etiam in exordio nascientis Ecclesie, et immanissima Christianorum persecutione a doctoribus istius sedis Catholicæ fidei novimus rudimenta percepisse, et exinde a succendentibus præparatoribus in superioris atque inferioris Pannoniæ provincias ejusdem fidei emanasse gratiam. Quibus etiam duabus provinciis, illarumque pontificibus, usque ad tempora Hunnorum, non aliis, quam sanctæ Lauriacensis præfuit archiepiscopus; quorum barbarica feritas non solum prædictam Lauriacensem civitatem, verum etiam in circuitu adjacentes regiones depopulavit, atque funditus desolavit. Inde quidem contigit, ut episcopi hæc necessitate compulsi, sede illa deserta, atque alio translata, simul etiam archiepiscopalem ipsius sedis deserenter honorem. Modernis autem nec multum retro elapsis temporibus, vacante ab Apostolico vicario Bawariorum regno, Arno primus sanctæ Saltzburgensis Ecclesiæ subrogatur archiepiscopus. Hæc testatur annosa memorialis saeri serinii Historia». Ita *Agapitus* papa, qui his verbis usque ad tempora Hunnorum, intelligit annum Christi circiter quingentesimum sexagesimum octavum, quo Hunni seu Avares cœpero occupare loca in Pannonia a Langobardis relieta, quando in Italianam, ubi sedes fixere, profeci sunt, uti anno **IV**, num. 6 jam ostendimus. Ab eo enim tempore *Laureacum* ab Hunnis excisum, et episcopatus cum Pataviensi sœculo octavo conjunctus, eique *Virolus* primus episcopus a sancto Bonifacio præfactus, ut suo loco dixi.

6. *Ludovicus imp. rebelles domat et amittit conjugem.* — Annalista Moissiacensis his verbis opus summum absolvit: «Anno **DCCVIII**, Ludovicus imperator apud Aquis celebravit Pascha. Et aestivo tempore introivit cum exercitu magno in Britannia. Et occiso rege terræ illius, venerunt majores natu Britannorum, tradiderunt se illi. Et acceptis obsidibus, reversus est prospere cum triumpho victoriæ ad propria. In ipso itinere Ermengarda regina obiit. Nam et exercitus ejus, quem miserat in partibus Orientis, cum triumpho reversus est

et ipse ad imperatorem. Similiter et ejus exercitus, quem miserat super Wascones rebelles, cum triumpho victorie reversi sunt, oecisis tyrannibus : et terra quievit ». Eamdem Britannorum defctionem narrant Eginhardus in Annal. et auctor Vitæ Ludovici Pii. Civitates Venetum, Coriosopitum, Ossismorum et Diablintum, regnum Britannicum in Armorica constituerant, antequam Clodoveus Magnus illud penitus extinxisset, et Britannis præter Venetum ceteras civitates concessisset, modo regio nomine abstinerent, seque regum Franciæ beneficiarios dicrent, ut docet Turonensis lib. 4, cap. 4. Verum non defuere e Britannis qui regium nomen postea affectarint, ut hoc tempore *Murmannus*, ut eum vocant Eginhardus et auctor Vitæ Ludovici Pii citati, qui et asserunt, eum in hoc bello periisse, et post ejus mortem Britanos Ludovico Pio paruisse. Dum autem hic Aquisgramum rediret, *Hermengardis vel Emmgarda* regina *V non. Octob.* decessit, nhabent etiam idem Eginhardus, et auctor Vitæ Ludovici Pii. Quoad Vasconum rebellionem, ea in annum sequentem ab aliis dilata, ut ibi videbimus.

*7. Sico dux Beneventi constituitur.* — Imperator «Aquaegrani ad hybernatum reversus, cum Heristallium venisset, obvios habuit, legatos Sigonis ducis Beneventanorum, dona ferentes, eumque de nece Grimoaldi ducis, antecessoris sui, excusantes», inquit Eginhardus in Annal. Oecisus est Grimoaldus Beneventanorum dux insidiis Radechis comitis Consini seu Compsani in Hirpinis, qui *Siconem* loco illius in principem subrogavit, hicque suscepto principatu fœdus cum Francis innovavit, inquit Erchenpertus, qui tamen duces Beneventanos male fingit supremos dynastas Beneventi; cum ex quo Carolus M. Longobardiam subegit, cuius pars erat ducatus Beneventanus, fuerint duces Francie beneficiarii. Ludovicus cæde Grimoaldi prudenter dissimulata, ipsum *Siconem* seu *Sigonen* ducem Beneventanum constituit. In Chronico Beneventano *an. xu, mens. vi. x*, Grimoaldo attribuuntur, et quidem accurate; anno enim *xcxvi* dueatum illum susceperebat. Eo anno quo haec contigere, *Gisulfus* Casinensis abbas obiit, eique successit *Apollinaris*, ut his verbis Leo Ostien. lib. 1, cap. 18 prodit: «Apollinaris abbas quarto decimo loco in abbatiam prælatus sedet annis xi. Fuit autem temporibus Romanorum Pontificum Paschalis et Eugenii, et Siconis qui eodem anno Beneventi princeps effectus est ».

*8. Eigel fit quartus abbas Fuldensis.* — Anna-lista Fuldensis ad hunc Christi annum ait: «Monasterio Fuldensi Eigel abbas electus et ordinatus est ». Celebris hujus abbatis Vitam a Candido ejus discipulo prosa et metro scriptam recitat Mabillo-nius sœc. iv Benedict. part. 1. Anno *deccxii*, diximus magna exorta esse dissidia in monasterio Ful-densi inter *Ratgarium* abbatem et monachos, et anno superiori Ludovicum Augustum iteratis Ful-densium querelis motum *Ratgarium* relegari jus-sisse, et alium in ejus locum subrogari. Quare *Eigel* abbas Fuldensis hoc anno electus est, qui monaste-rium illud nobilissime rexit. Erat patria Noricus, et adiuc puerulus, a parentibus oblatus sancto Sturmioni consanguineo suo et primo abbati Fuldensi in *discipulatu illius plusquam xx annos* vixit et eruditus est, ut ipsem Eigel asserit. Factus abbas Ludovicum imp. rogavit, ut *Ratgarium* ab exilio revocaret; quod mansuetudinis Christianæ docu-mentum Candidus in ejus Vita commendat. *Ratgar-iusr* ab exilio reversus cenobium beatissime Vir-gini inchoavit in monte sancti Bonifacii, et hoc ædificio administrationis male gestæ invidiam abolevit. In libello enim supplici adversus eum a monachis Fuldensibus Carolo Aug. oblato cap. 12 dici-tur: «Ut ædificia immensa atque superflua, et cætera inutilia opera omittantur, quibus fratres ultra modum fatigantur, et familie foris dispergunt, sed omnia juxta mensuram et discretionem fiant ». A Ratgario abate cellæ plures erectæ fuerant, eaque magnificientius adornatæ, quam facultates monasterii ferebant, indeque datus querelis locus, quod hos-pitalitas et inopum peregrinorumque cura multum remitteretur, ut ibidem legitur. *Celle* rei rusticæ ac familiaris erant officinæ, et monachis ibi degen-tibus qui præerant, *præpositi* vocabantur. Horum munus erat servos in officio continere, colonos rite gubernare, monasterio ministrare sumptum, præbere ad victimum cultumque necessaria, reficere domesticos ultro citroque commeantes, hospitio peregrinos excipere. Recte autem in celebri abba-tum collatione anno superiori habita, usus cella-rum commendatur capitulo xlvi his verbis: «Abba-tibus liceat habere cellas, in quibus aut monachi sint, aut canonici, et abbas provideat, ne minus de monachis ibi habitare permittat, quam sex ». Si enim pauciores essent, in illis studium regularis disciplinae tepescere, aut etiam penitus extingui facile potuisset.

## PASCHALIS I ANNUS 3. — CHRISTI 819.

*4. Ex conventu Aquisgranensi legationes ad singulas Ecclesias.* — Annus Redemptoris octingentesimus undevicesimus sequitur, Indictionis duodecimæ, « quo Ludovicus imperator (ut veteres Annales Francorum produnt) hieme conventum habuit Aquisgrani, in quo nulla de statu Ecclesiarum et monasteriorum tractata atque ordinata sunt, legibus etiam capitula quædam pernecessaria, quia deerant, addita sunt ».

Porro ejusdem conventus habendi occasionem eam præcessisse, auctor ejus temporis in Vita ipsius, narrat his verbis: « Qua hieme imperator in eodem palatio conventum publicum populi sui celebravit: et remuniantes sibi missos de omni regno suo, quos pro statu sanctæ Ecclesiæ restaurando dejecto vel confirmando miserat, audivit: quicquid utile judicavit, sancta impellente devotione superaddidit, nihilque intactum reliquit, quicquid ad honorem sancte Dei Ecclesiæ perficere posse visum fuit. Interea capitula quædam legibus superaddidit, in quibus causæ forenses claudicare videbanlur, quæ hactenus veluti pernecessaria servantur ». Haec tenus de his ibi.

Imperator siquidem maxime pius Apostolicæ Sedis auctoritate (ut dicetur inferius) quibus valuit, ope et consiliis consulere laborans Ecclesiis Gallicanis, per singulas provincias legationes instituit singulas, mittens episcopum et cum eo comitem, una cum legum Ecclesiasticarum capitibus, quæ singulis darent describenda Ecclesiis, quæ observare deberent: in hoc laborans, ut vigeret ubique in Gallicanis Ecclesiis cultus pietatis et sacrorum canonum observantia.

2. Extant ipsæ Capitula Ludovici, imo et ipsa missio legatorum per diversas provincias, quæ sic se habent<sup>1</sup>: « Volumus etiam ut Capitula, quæ nunc et alio tempore consultu fidelium nostrorum a nobis constituta sunt, a cancellario nostro archiepiscopi et comites eorum de propriis civitatibus modo aut per se aut per suos missos accipient, et unusquisque per snam diocesim cæteris episcopis, abbatibus, comitibus, et aliis fidelibus nostris ea

transcribi faciant, et in suis comitatibus coram omnibus relegant, ut cunctis nostra ordinatio et voluntas nota fieri possit. Cancellarius autem noster nomina episcoporum et comitum, qui ea accipere curaverit, notet, et ad nostram nolitiam perferat, ut nullus hoc praetermittere præsumat ». His habet addita nomina episcoporum et comitum. Porro hi appellari consueverunt legati dominici. Nam<sup>1</sup> subditur: « In Vesontio, quæ est diœcesis Bernoini archiepiscopi, Hemoinus et Monogoldus comes. In Moguntia, quæ est diœcesis Heistulphi archiepiscopi, idem Heistulplus episcopus et Doutbertus comes. In Treviris Hetti archiepiscopus et Adalbertus comes. In Colonia Hadaboldus archiepiscopus et Emundus comes. In Rhemis Ebo archiepiscopus quando potuerit, et quando non liceneril Rhuothardus episcopus ejus vice et Rhuofridus comes, sive super sex videlicet comitatus, id est, Rhemos, Cata-launem, Suessionem, Silvanectem, Belluacum et Laudunum. Super quatuor vero episcopalus, qui ad eam diocesim pertinent, id est, Noviomacensem, Ambianensem, Tervanensem et Cameracensem, Rangarius episcopus et Berengarius comes. Senones Hieremias archiepiscopus et Donatus comes. Rothomagum Willibertus archiepiscopus et Jagi-berlus comes. Turonem Landranus archiepiscopus, Rhoutbertus comes. Lugdunum, Tarantasia, et Vienna Atbericus episcopus et Richardus comes ». Quæ vero hi, qui missi sunt, agere deberent, ista quæ subjiciuntur, declarant his verbis<sup>2</sup>:

3. « Commemoratio. Quid ad prædictorum missorum legationem pertineat. Primum ut conventum in duobus aut tribus locis congregent, ubi omnes ad corum legationem perlentes venire possint, et omnibus generaliter notum faciant, qualis sit eorum legatio, scilicet ad hoc esse se a nobis missos constitutos, ut si quilibet episcopus, aut comes ministerium suum propter quodlibet impedimentum implere non possit, ad eos recurrat, et cum eorum adjutorio ministerium suum adimpleat. Et si talis causa fuerit, quæ per eorum admonitionem emendari non possit: per eos ad

<sup>1</sup> Lib. II. Capitul. Franc. c. 21.

<sup>2</sup> Eod. I. II. c. 25. — <sup>2</sup> Lib. II. Capitul. Franc. c. 26.

nostram notitiam deferatur. Et si forte episcopus aut comes aliquid negligentius in ministerio egerit, per istorum admonitionem corrigatur; et omnis populus sciat ad hoc esse constitutos, ut quicumque per negligentiam aut incuriam, vel impossibilitatem comilis iuslitiam suam acquirere non potuerit, ad eos primum querelam suam possit deferre, et per eorum auxilium iuslitiam acquirere. Et quando aliquis ad nos necessitatis causa reclamaverit, ad eos possimus relatorum querelas ad definiendum remittere. Ipsi vero missi non sine certissima causa vel necessitate huc illucque discurrant, nisi forle quando tale aliquid in eujuslibet ministerio ad legationem suam pertinente ortum esse cognoverit, quod eorum praesentia indigeat, et sine eorum consilio vel adjutorio emendari non possit. Inde tamen debent esse solliciti, ut propter illorum negligentiam nihil in sua legatione incorrectum remaneat: sed ubi certam et veram necessitatem cognoverint, nostram jussionem implere non negligant.

4. « Volumus<sup>1</sup> etiam ut omnibus notum sit, quia ad hoc constituti sunt, ut ea, quae per Capitula nostra generaliter de quibuscumque causis statuimus, per illos nota fiant omnibus, et in eorum procuratione consistant, ut ab omnibus impleantur. Et ubi forte aliquo tali impedimento, quod per eos emendari non possit, aliquid de his, quae constituimus ac jussimus, remanserit imperfectum, eorum relatu nobis ad tempus indicetur, ut per nos corrigatur, quod per eos corrigi non potuit, etc. » Dat enim in mandatis, ut quique legatorum in sua provincia medio mensis Maii conventus agant, in quibus quae sunt Ecclesiastica primum perquirantur, ne quis desit officio suo; inde reliqua quae ad optimum populi totius regimen spectant, investigent atque componant. Recitantur ibi singula capita, quae in publico conventu tractata cum episcopis idem imperator sua Constitutione promulganda per eosdem legatos ubique sancivit: primoque loco illud positum, ne loca sacra, vel ad ea spectantia aliquo modo alienari possint, idque ex prescripta Constitutione Leonis papæ ea de re edila<sup>2</sup>.

5. Principibus vero illud tantum esse concessum, ut permultatione licet, dando immobilia, recipere pariter Ecclesiae immobilia. Sunt alia plurima, quae Ansegisus abbas Lobiensis (ut ipse testatur in<sup>3</sup> Praefatione, in secundum Capitularium librum) collegit: ait enim: « Ea vero Ecclesiastica, quae dominus ac piissimus Ludovicus imp. et Lotharius Cæsar filius ipsius ediderunt, in secundo descripsi libello ». Et paulo post: « Ipsa vero quae dominus Ludovicus præclarus imp. et Lotharius Cæ... filius illius fecerunt ad augmentum mun danea pertinentia legis, in quarto concessi ». In quo hanc affixam habes inscriptionem seu titu-

lum: « Capitula, quae constituit dominus Ludovicus imperator Salicis legibus addenda<sup>4</sup>: quæ et missi et comites habere, et cæteris nota facere debent ».

6. In qua quidem functione cum ipse testetur Ludoviens imperator, se genitoris sui in his exemplum seclari, quo studuerat rebus Ecclesiasticis bene consulere; constetque Carolum Magnum (quod ipse præfando priori libro testatur) in eo invigilasse, omneque studium adhibuisse, ut Conciliorum Decreta ab omnibus servarentur, simulque Romanorum Pontificum Constitutiones, ut etiam in ipsis Capitularibus sæpe invenitur expressum, dum Romanorum Pontificum Decreta citat Leonis, Innocentii, Gelasij, Hadriani et aliorum: plane apparet non novas in Ecclesia eundem Ludovicum imperatorem sancivisse leges, sed sanctitas esse servandas suis legibus statuisse, et si quæ novæ additæ esse reperiuntur, easdem illas omnes, episcoporum conspirante sententia, conscripsisse, atque per dictos legatos servandas mandasse: atque auctoritate Pontificia roborasse.

7. *Nihil actum ab imperatoribus Carolo et Ludovico, inconsulta Sede Apostolica.* — Ne tu igitur existimes, lector, dum audis singulis ferme annis collectas per eosdem imperatores Synodos et sanctitas leges Ecclesiasticas, id absque Romani Pontificis auctoritate ab eis esse præsumptum: plura hic voluimus congessisse loca, quibus ostendatur, nihil ab ipsis absque Sedis Apostolicae auctoritate esse tentatum. Qui Ludovici leges colligit Benedictus levita, in Praefatione ipsis præposita, haec habet: « Agnoscant omnia haec prædictorum principum Capitula maxime Apostolica auctoritate fore firmata: post ista quoque quæ sequuntur, eadem auctoritate, maxima (ut diximus) ex parte, et omnium Francorum utriusque ordinis virorum assensu sunt roborata ». Recitat idem ejusdem Ludovici imperatoris Decretum de custodia Pontificiorum Decretorum his verbis<sup>2</sup>: « Ita unanimes divinis et Apostolicis constitutionibus serviatis, ut in nullo patiamini pia canonum Decreta violari. Ut nulli las sit, sine status sui periculo vel divinas Constitutiones, vel Apostolicæ Sedis Decreta temere rare ».

8. Sed et consuevisse Ludovicum imp. auctoritate in primis Pontificia ejusmodi una cum clericis et laicis conventus cogere, idem collector Benedictus levita in<sup>3</sup> secundo a se addito Capitularium libro testatur, nempe hoc ipsum de auctoritate Apostolica in his agendis a Ludovico imperatore impetrari solita, affirmat his verbis in titulo subsequentium Capitularium: « Ex Capitulis domini Ludovici in Ingelheim Apostolica auctoritate et synodali sanctione omnium videlicet clericorum et laicorum generaliter consensu atque horlatu Decretis ». Haec ibi.

Porro non auctoritate solum id eosdem Francorum reges agere consuevisse, sed et horlatu

<sup>1</sup> Eod. l. II. c. 27. — <sup>2</sup> Ibid. c. 29. 30. — <sup>3</sup> Praefat. in l. II. Capitul.

<sup>4</sup> Capitul. l. IV. c. 43. — <sup>2</sup> Capitul. l. VI. c. 267. — <sup>3</sup> Eod. l. c. 96.

etiam Apostolica Sedis, testatur ejusmodi Caroli Magni ad legem, quam de militari expeditione sanxit prælocutio verbis istis<sup>1</sup>: « Carolus Dei gratia rex, regnique Francorum rector, et devotus Ecclesiæ defensor atque adjutor in omnibus, Apostolica Sedis hortatu, omniumque fidelium nostrorum et maxime episcoporum ac reliquorum sacerdotum consultu, servus Dei, etc. » Sed haec idem imperator affirmat, cum de iisdem agens haec ait<sup>2</sup>: « In quantum valemus et possumus, adjuncto Leonis papæ et omnium episcoporum, quorum consilio usi hoc egimus, etc. » Itemque rursum<sup>3</sup>: « Omnibus vobis tam præsentibus, quam futuris scire cupientibus, quia ideo consultu Sedis Apostolicae, et omnium nostrorum episcoporum et reliquorum sacerdotum atque maxime cunctorum fidelium nostrorum, etc. »

9. Quin etiam et illud noscitur esse factum, ut licet auctoritate Romanorum Pontificum iidem ab imperatoribus celebrati fuerint conventus: cum vero in rerum consultationibus aliquid quod videri posset arduum, vel quid magni momenti consulendum esset: id nequaquam nisi consulta rursum Apostolica Sede definire præsumperint. Est de iis certum exemplum in eorum conventu, cum de auctoritate chorepiscoporum est dubitatum. Ubi post<sup>4</sup> alia haec imperator: « Quod jurgium cum enucleatus discentere voluissemus: placuit nobis ex hoc Apostolicam Sedem consulere, jubente canonica auctoritate, atque docente: Si majores causæ in medio fuerint devolutæ, ad Sedem Apostolicam, ut sancta Synodus statuit, et beata consuetudo exigit, incunctanter referatur. Quapropter Armonem archiepiscopum misimus ad Leonem Apostolicum, ut inter cetera, quæ ferebat, etiam eum et hoc interrogaret, ut quicquid super his definiendum esset, Apostolica auctoritate a nostris episcopis regulariler sopiretur ». Et inferius de eadem Apostolica auctoritate in cogendis Synodis Gallicanis: « Decretum namque est in illa Synodo, quam Reginisbure pro eadem, vel pro aliis causis Apostolica auctoritate præfato prætextu habuimus, etc.

10. Et quid amplius? Nullius prorsus esse auctoritatis, quod contra Apostolica Decreta sancitur, idem ipse imperator constituit eo Capitulo, ubi ait<sup>5</sup>: « Constitutiones contra canones et Decreta præsulum Romanorum, seu reliquorum Pontificum, vel bonos mores nullius esse momenti ». Quin etiam statutas ab eis Synodos per ipsos Romanos Pontifices atque ejus vicarios irritas posse redi, idem sancta lege decrevit, quæ sie se habet<sup>6</sup>: « Ut comprovincialis Synodus retractetur per vicarios Urbis Romæ episcopi, si ipse deereverit ». Noverunt quippe iidem imperatores nullius esse momenti Synodum, quæ absque auctoritate

Apostolicae Sedis quibuslibet ex causis cogeretur: quod et his ingenue sunt verbis professi<sup>7</sup>: « Nullius episcopus nisi canonice provocatus, et in legitima Synodo suo tempore Apostolica auctoritate convocata (eius jussione Domini et meritis beati Petri Apostoli singularis Conciliorum congregandorum auctoritas, et sanctorum canonum ac venerandorum Patrum Decretis multipliciter tradita est potestas) super quibuslibet criminibus pulsetur, id est, judicetur, audiatur vel impetretur, etc. »

11. At non salis visum Christianissimis imperatoribus, nihil inconsulta Apostolica Sede tentare, decernere, vel definire; sed quæ ejus auctoritate copta atque perfecta essent, adhuc tamen ipsis visa sunt indigere Romanorum Pontificum confirmatione, antequam in publicum ederentur. Testatur haec quidem ipse Benedictus levita, qui in fine libri septimi Capitularium a se collectorum haec habet: « Maxime trium ultimorum capitula istorum librorum Apostolica sunt cuneta auctoritate roborata: quia his eundem maxime Apostolica interfuit legatio. Nam eorum nomina preter trium, id est, Leonis, Sergii et Gregorii, hic non inservimus, licet ea per singulos conventus inserta inveniessimus, vitantes legentium atque scribentium fastidia. Si quis autem plenius ea nosse voluerit, illorum legal authentica, quibus illa inserta reperiet ». Haec Benedictus collector ipsorum Capitularum Caroli Magni et Ludovici imperatorum. Ista quidem tam exacte et copiose notata de Capitularibus sanctionibus Francorum principum dicta sunt ad confutandam novatorum perfidiam, qui exemplo Caroli, Ludovici et aliorum Christianorum principum, jus condendarum legum Ecclesiastiarum tribunnt regibus et imperatoribus. Tantum enim absuit Ludovicus a condendis legibus ad Ecclesiæ personas et res spectantibus, ut etiam nec putaret licere sibi, suisque episcopis absque auctoritate Romani Pontificis de his, quæ spectant ad Ecclesiasticas controversias, vel tantum pertractare atque disserere, nisi primum de his licentiam accepisset ab ipso Romanæ Sedis episcopo, ut tum ex ipsius Ludovici, tum etiam ex episcoporum litteris inferius suo loco recitandis apparebit. Sed de his jam satis.

12. *Conventus in villa Engelheim.* — Hoc eodem anno Ludovicus imperator duxit uxorem Judith filiam Huelphi comitis, quam creavit Augustam, cum jam anno superiori quinto nonas Octobris mortua fuisse Irmgardis conjux imperatrix. Haec veteres Francorum Annales. De nobilissima stirpe Bavarorum fuisse Judith, Theganus affirmat. Quanta hinc mala in ipsum Ludovicum emerserint, vix diei potest.

Eodem anno alium habilum esse a Ludovico conuentum aestatis tempore in villa dicta Engelheim iidem Annales habent, in quo præter illa quæ ad res bellicas spectantia tractala sunt, actum est de

<sup>1</sup> Capit. l. vii. c. 104. — <sup>2</sup> Eod. l. c. 91. — <sup>3</sup> Eod. l. c. 104. et c. 205. — <sup>4</sup> Eod. l. vii. c. 187. — <sup>5</sup> Capit. l. vii. c. 263. — <sup>6</sup> Eod. l. vii. c. 267.

<sup>7</sup> Addit. iv ad l. vii. c. 12.

his, qui res sive personas Ecclesiasticas infestant : de quibus agens Benedictus<sup>1</sup> levita in collectione Capitularium hæc habet sub hoc titulo : « De his qui rapinas intra regnum faciunt.

« Ex Capitulis domini Ludovici in Engelheim Apostolica auctoritate et Synodali sanctio[n]e omnium videlicet clericorum ac laicorum generaliter consensu atque hortatu decretis ». Ubi mox in fine Decreti adversus eos, qui res furantur Ecclesiæ, hec habentur : « Qui de rebus Ecclesiasticis aliquid abstulerit, gravius inde judicetur, quia sacrarum rerum ablatio sacrilegium est, et sacrilegus vocatur qui ex his aliquid abstulerit aut rapiuerit. Infames quoque tales persona[rum] usque ad satisfactionem Ecclesiæ, quam læserint, sint habendæ ». Pergit dicere subsequentibus capitibus de his, qui appetunt armis personas Ecclesiasticas, ac de aliis, quæ tu otiose consulas.

13. *Nova et savissima in Theodorum Studitam tormenta.* — Hoc eodem anno, mense Julio Paschalisi papa de confirmatione privilegiorum Ravennatis Ecclesiæ, Apostolicas litteras dedit ad Petronacem archiepiscopum ejusdem Ecclesiæ, quas corrosas nonnihil, vindicatas a tineis, cunas habes apud Rubeum<sup>2</sup>.

Jam vero ad res Orientis recurrat oratio, in his quæ spectant ad Constantinopolitanæ Ecclesiæ statum persecutione Leonis imperatoris vehementissime perturbatum. Absolvitur hoc anno diri carceris Theodori Studitæ, de quo multa superius, annus tertius, quo mense Februarii idem rursus ad aeriora revocatur tormenta : qua autem occasione, tum ex Michaelis ejus discipuli scriptis, tum ex ipsius Theodori Epistola palam fiet. Michael enim hæc ait : « Triennio autem integro post id tempus in eo carcere perseverans, permultis incommodis conflicitatus est, præcipue ob stomachi intunescentis dolores, qui ei morbus assuetus ac velut collactaneus erat. Necdum vero ab his malis respirabat, cum aerioribus rursum aliis, o Dei iudicia ! ex insucco ac solis ossibus haerente corpusculo exercetur. Incideraut in manus imperatoris, nescio unde, litteræ, quas sanctus dictarat, et immanem illum immenso furore accenderant, ut quæ illius amentiae, stuporisque notam, indiciumque continerent. Has ergo mittit e vestigio ad eum quem diximus magistrum militum Orientis, addito mandato, ut ad sanctum ipsem proficiscatur, litteras ostendat, eumque ad extremum usque spiritum acerrime diverberet, ut tandem, inquit, desistat a contumacia.

14. « Qui simul ac advenit, primum illud interrogat: ejusne litteræ vel alterius essent, quas manibus gerebat ? Patre autem suas esse nec alterius affirmante, nullum aliud verbum addens, Nicolaum prius ejus discipulum, tanquam Epistole notarium, in oculis magistri nudum extendi, cæ-

dique imperat. Deindeque sanctum ipsum exuens, centum illi verberum plagas imponit, omnia propemodum membra dissecans, ossiumque ipsorum nexus et colligationes destruens, quæ solæ illi supererant. Transit inde rursus ad Nicolaum, ratus illum propter verbera molliorem factum ; verbisque asperrimis ad sacrarum imaginum magistri que ejurationem instigat. Ut vero fortiorem illum quam antea esse sensit, cum foris intextis, viminibusque recens excisis, manus ac pedes, reliquaque corpus dilanians, iteratis plagis exulcerans, sub dio sic affectum reliquit, dupli tormento vexandum frigoris ac verberum doloris : tum enim Februarius mensis agebatur.

« Quo autem tempore hæc sanctus illic cum discipulo patiebatur, mulier in Bithynia, quam diemon obseuerat, vehementius ab infesto spiritu agitari ceperit, oculos indecora torquens, spumasque ore despensi, atque hujusmodi verba intercisa voce proferens : Leo meus verbera iterum misit ad Theodorum, ejusque carnes laceravit. Ita, inquit, et afferte mili responsum. Verumtamen nolite ad eum proprius accedere, ne vos flamma exurat, quam ore gerit. Deinde interposito brevi silentio, iterum vociferabatur : Quid hoc rei est ? Nihil eorum factum est, quod volebamus. Sciebam illum propter plagas minime fleetendum, ut qui auxilio habet praesente[m], et humeris suis insiden[t] virtutem. Et hæc quidem mulier energu[m]ena, procul licet posita, longeque ab illo distans, enuntiabat ; indicans, opinor, eximiam quæ sancto inerat virtutem atque gratiam, eumque in omnibus tormentis insuperabilem fore, ipsos adeo infestos spiritus frustra infrementes, cladem suam cognoscere, et ministros socios adversus invictum athletam armare ».

15. Ita quidem divina sapientia factum quis neget ? nimirum ut omnibus praesentis sæculi et sequentium etiam pariter innotesceret, in hac dogmatum pugna, a qua parte adstaret diabolus, a qua vero contra Deus summa virtute suis assistet : ut in tanto certamine, veluti ex quadam tessera militari qui veritatem defenserent, qui vero mendacium, tum illis, qui tunc vivebant, tum posteris, cum idem rursus certamen exoriretur, omnibus palam fieret : sieque vel ex hoc sciant infelissimi leonomachi, sub enjus principis vexillis militent ; gaudeant vero Orthodoxi, se una cum Deo pro veritate tuenda adversus dæmones preliari : pergit vero Michael :

« At divinus ille pater intolerabiles dolores ex acerbissimis illis verberibus sustinens, humi jacebat exanimis prorsus, omnisque sensus expers, nisi quatenus dolores ipsos sentiebat, non cibum, non potum, nec brevissimum somnum accipere poterat, nec aliud demum ex iis, quæ moribundis ac deficientibus dari solent. Quem sic affectum cernens discipulus, sui ipsius curam omittens, quanquam et ipse pessime habebat, totus in illius curam convertitur, ac ptisanæ aliquantulum deposcens, ri-

<sup>1</sup> Capitul. lib. vi. c. 96. — <sup>2</sup> Rub. hist. Raven. lib. v. sub hoc anno.

gare arentem patris linguam cœpit, modicoque in os infuso potu, nonnihil eum refocillavit, ac veluti mortuum vitæ restituit. Ut vero vitalem ei vim rediisse sensit, ad marcida jam membra medicanda se convertit, pleraque enim carne penitus corrupta et graveolente tabo ae sanie confecta putruerant, et eernere erat partes alias ab aliis pendentes, omnes ad usum jam factas inutiles: quam ob causam cuncto eas detruncait et a sanioribus avellit: si hoc forte pacto reliqua collarcere possint cicatricemque obducere.

16. « Nonaginta totos dies intolerabili dolore perfunctus pater, nulla prorsus vel temporis puncto percepta requie, in mediis adhuc laboribus labores alios, et duriores careceres, et longiora itinera ipse, qui ostii limen egredi vix poterat, nanciseitur, sævissimo tyranno novos ei cruciatuſ affatim suppeditante. Mox enim ab illo citatis itineribus adfuit barbarus homuncio, ferox atque intractabilis, pecunia mancipium, pecuniamque animo et volo sibi præsagiens. Tales enim esse oportebat, qui impia jussa exsequerentur. Qui simul ae ad locum pervenit, hoc sibi primum proposuit, rimas et angulos omnes carceris perscrutari, parietes effodere, terram egerere, sieubi aurum reperiret, manibus explorans. Existimabat enim scelestus adventantes doctrinam pecunia redimere, patremque magnam auri vim repositam habere, animoque insatiabili esse. quamvis cæteris rebus indigeret. Ut vero sensit se frustra laborare, ac stulte sibi persuasisse (ubi enim illie auri quod dicitur umbra?) tum malam mentem in aliis explet: injuriis enim plagiisque affectum cum discipulo sanetum e carcere ejieicns, ambos, assetantibus famulis, tradidit Smyram (illuc enim destinata) omni festinatione ducendos ». Qui igitur mense Februarii verberibus est affectus, et nonaginta diebus in eodem carcere ægritudine post verbera confectus jactuit, mense Maii inde translatum Smyram perducendum ad arciorem custodiā et graviores pœnas subeundas, possumus intelligere.

17. *Eiusdem alia Epistola hortatoria ad dispersos fratres.* — Est de his omnibus, que in eo loco novissime passus est, egregia ejusdem Theodori Epistola ad dispersos fratres; quos ipse ad continentium in officio, et perseverandum in confessione plurimum laboravit, cum plerique ex illis fracto jam inciperent esse animo, et diffuerent a pristino illo mentis proposito atque constantia. Videtur est ex ea quam celso esset in cruciatibus preferendis mentis proposito Theodorus, quamque ex iteratis sæpe tormentis vegetior faetus spiritu, surgeret ad consulendum aliorum saluti, quorum infirmitas ipsi majorem cruciatum afferret quibusvis plagiis impositis. Qui igitur propter scriptas superiorius a se litteras tanta nuper passus est, alias rursum scribere litteras non detrectat. Epistola autem ipsa plurima commendatione digna, utpote quæ vere Apostolicum in omnibus spiritum spiret, et antiquos martyres in tormentis exultantes, et hu-

militate se custodientes in omnibus repræsentet: sic se habet:<sup>1</sup>

18. « Theodorus ubique dispersis fraternitatibus.

« Gaudete, fratres mei ac patres desiderandi, quoniam gaudii adsunt nuntia. Digni rursus habitu fuijmus indigni, qui pulchram confessionem confiteremur. Rursum plagi affecti ambo fuijmus pro nomine Domini. Etenim et frater Nicolaus pulcherrime et fidelissime decertavit. Vidiimus ex carnis bus nostris fluentem in terram sanguinem: conspeximus vibices, saniem, et quæ his adjuncta. An non hæc gaudii sunt? Sed quis ego sum infelix, qui vobisecum dignis Christi confessoribus adnumerar omnium hominum inutilissimus? Causa autem, cuius gratia hæc configerunt, pristina fuit catechesis, quæ cum in manus venisset imperatoris, ad magistrum militum eam misit, comitem cohortis ad nos venire jubens. Qui cum ducibus ac militibus intempesta nocte adveniens, et domunculam, in qua eramus, repente obsidens cum clamore, vultu feram nactus: objectum septum per fossores celerime perfringit, deinde protulit, excussit, ostendit catechesim. Confessi sumus, nos eam fecisse, sicut Deus voluit.

« Et ille unum hoc petebat solum, ut ad imperatoris voluntatem descenderemus. Respondimus, quod veritas postulahat: Absit. Deum nostrum non rejicimus, et alia, que consentanea erant, respondere. Tum acriter ab eo verberati sumus. Et frater quidem nihil hujusmodi post primam comprehensionem et inscriptionem in aerumnis passus est. Ego vero humili febribus immensis correptus et intolerandis doloribus, parum adfuit quin vita privarer. Attamen bonus Deus sensim misertus est mei, adjuvante fratre in quibus decuit, etsi adhuc maneant plagiæ ad integrum sanitatem nondum perductæ. Hæc igitur sic se habent: vim mali vobis exposui (id eupere vos sciens) ad condolendum.

19. « Quid autem post hæc? minæ graviores, custodia arctior; nam et verbera custodibus et custodie praelecto proposita. Ut nec mutire nobis, ne dum alieui scribere liceat. Deterrebimur ergo, et silebimus, obedientes præ timore hominibus et non Deo? nequaquam sane. Sed quandiu januam nobis aperit Deus, non desistemus, quod in nobis est, officium prastare, reformidantes ac timentes impendens silentii judicium. Quod si subtraxerit se, inquit<sup>2</sup>, non placebit animæ meæ: et rursum Apostolus: Nos vero non sumus subtractionis filii in perditionem, sed tidei in acquisitionem animæ. Hanc ob causam hæc Epistola mea ad omnes quidem dispersos fratres, qui persecutionis tribulationem sustinent, præcipue autem ad vos confessores Christi. Sustineamus, fratres mei charissimi, magis ac magis corroborati, et non conterriti in afflictionibus. Carnes sunt, ne pareamus. Pro Christo tormentis subjecti, exultemus. Cui abundant labores, amplius

<sup>1</sup> Theol. I. II. Ep. xxviii. Cod. Colum. — <sup>2</sup> Hebr. x.

gaudeat, tanquam præmiis abnndans. Qui verberum pœnas reformidat, metum exequiat, sempiternos cruciatus recogitans. Illorum enim plague, si cum his conferantur, somnum sunt, et sagittæ purvulorum. Ne, queso, oblestor. In ærumnis pro Christo delectemur, quantumvis secundum carnem sint amare.

20. « Contemplemur futura et permanentia, non præsentia et prætereuntia. Expetamus sanguinem nostrum martyrum sanguini admiscere, partem nostram confessorum parti, ut cum eis exultemus in æternum. Quis prudens? Quis sapiens? Quis bonus negotiator, ut del sanguinem et spiritum accipiat; carnem aspernetur, et regnum Dei consequatur? Qui amat animam suam, perdet eam (ait<sup>1</sup> Dominus) et qui odit animam suam in hoc mundo, in vitam æternam custodiet eam. Audiamus verba illius, et sequamur eum. Ubi ego sum, inquit, illuc erit et minister meus. Ubinam ille? in Cruce. Et nos ergo humiles tanquam ejus discipuli ibidem. Obscero vos, fratres, ut sufferatis verbum exhortationis: etenim perpaucis scripsi vobis. Scitote nos gaudere, et animum non despondere, quandiu statis in Domino. Salutat vos Nicolaus captivus meus et laboris socius et commilito meus, vester autem frater verissimus. Salutate invicem in osculo sancto; persecutionem passi, eos, qui persecutionem passi sunt; universi omnes, qui vos amant in fide. Si quis non confitetur Dominum nostrum Jesum Christum, corpore depictum, anathema sit a Trinitate. Gratia Domini nostri Jesu Christi vobiscum. Amen ». Haec Theodorus in carcere antequam Smyrnam transserret, quo post tres menses acriori custodie mancipandus adductus est.

21. *Smyrnam dlatuſ, ulacior ex cruciatiſbus, alias dat litteras, multa patitur Theodorus.* — Reliquum est igitur, ut hic tibi pauca de ejus ilinere et de Smyrnensi carcere, quæ habet idem qui supra auctor hujus temporis Michael Studita reddamus: « Divinus ergo pater, inquit ille, cui vires jam penitus exhaustæ, illo nihilominus freatus, qui spiritum dat mortuis, immittes illos sequebatur, qui eum interdiu quidem et humaniter impellebant, noctu vero tanquam fugitivum cippo alligabant. Postquam vero maximis cum laboribus vix tandem Smyrnam attigit, ejus urbis antistiti una cum discipulo traditur, viro inter haeresis patronos principi, impietasque magistro, a quo in obseurum sub terra careerem retrusus, in eo manxit, uni omnium inspectori Domino intendens; quem unum in ærumnis consolatorem habebat et custodem: quando et propter ipsum solum tot suppliciis affectus fuerat. Brevi post haec tempore supervenit iterum ipse Anastasius, ira fervens, martyrisque sanguinis sitibundus, qui verbera prioribus acriora sancto inflinxit, iactusque rediit ad imperatorem, cum tertio jam Theodorum cecidisset,

ita ut centenos per vices ictus pertulerit, discipulo ejus pari poena decertante; gratiasque pro his omnibus etiam agens vir patientissimus, Apostoli verba læto animo secum occinebat<sup>2</sup>: Non sunt condigne passiones hujus temporis ad futuram gloriam, quæ revelatur in nobis: et si compatimur, et conglorificabimur proculdubio: et patientia nobis necessaria est, propter eam, quam speramus, beatitudinem, eujus adeplio exsuperat omnem sermonem et sensum ». Ista Michael. Quid insuper?

22. Rursum vero magna Dei largitate concessa eidem Theodoro ibi degenti lurtim scribendi ad suos monachos facultate, ea bene usus, ipsos rursus litteris monere non pretermisit, scribens post verbera ad eos Epistolam catecheticam, quæ sic se habet<sup>3</sup>:

« Nuper a vobis lectus ex Orientalibus, nunc ex Thracensibus advenio. Smyrnam enim nos transstulerunt principes sæculi hujus, et arctius quam in priori carcere severiusque custodiant. Sed verbum Dei non est alligatum, nec quiescit amor, nec silet mandatum: propterea humili iterum loquor. Gaudete in Domino, fratres et patres, gaudete qui persecutionem propter justitiam patimini. Gaudete, qui in montibus et speluncis versamini, sed et qui in urbibus, et desertoribus locis abditi latetis. Si enim semper gaudere nos oportere, monuit Apostolus<sup>4</sup>: quanto nunc magis cum pro Christo patimini, qui in tabula depictus est, qui in imagine sua cernitur, qui per eam honoratur? Non mea sunt infelices haec verba. Dionysii sunt sanctissimi et Basili Magni. Nec jam tempus est, aliorum sanctorum sententias his litteris apponere». His præmissis rursus invenitur in Constantinopolitanam civitatem, in eives, inquam, illos, qui sprevissent monita Romani Pontificis, sic dicens:

23. « Audi, caelum, et auribus percipe, terra: Moab sprebit, Byzantina videlicet, angelicum jugum excusit, velut vitula insaniens, imperium detrectavit. Vias tuas scire nolo, factis verbisque pronuntiavit. Corybantum more agitur, furit, sanguinem bibit ut leena, ut asperges obturat, reprehensa reluctatur. Venit ad eam vox commonitoria velut e caelo missa a supremo, a Romano throno: Quid fecisti, clamaens, Christum negasti, Christi abrogans imaginem et Deiparæ, et sanctorum omnium? Aperi obedientem aurem, audi Evangelica, Apostolica, Prophetica, Paterna verba: et non admisit, et non suscepit, sed avellens seipsam a primi verticis corpore Ecclesie (vivit siquidem etiamnum Nicophorus sacer) adversus Deum omnipotentem cervices erigit, Christo insultans, sancta proculeans. Talia sunt ejus facinora, desideratissimi. Et nobiscum Deus, Oriens, Occidens, Aquilo, Mare: in his gaudium. Sin luctus etiam propter eos, qui pereunt. Age ergo, state fortes, gratis animis has pro Christo ærumnas, quasi thesauros abripientes. Tempus opportunum certantibus sua-

<sup>1</sup> Joan. XII.

<sup>2</sup> Rom. VIII. — <sup>3</sup> Theod. I. II. Ep. LXII. Cod. Column. — <sup>4</sup> Philip. IV.

viter spirans, unguenlis flagrans tribulationum supra omnia aromata. Fluit martyrum sanguis in Ecclesiam, irrigans eam ultra quam Eden quadruplicis fluminis fonte perfusam. Accedunt martyrum chori, qui omni ætate fuerunt et confessorum. Quæ beata olim prædicabantur, ea nunc oculis cernuntur. An igitur non festines ad certamen hæc audiens, fastidiens montanam aut deserti, aut qualemque occultationem? Attamen mane ubi es: habes et tu beatitudinem ingentem: ora et lauda beatiores; pereute mibi inaspeclabilem draconem: debella intestinum carnis bellum: vincat spiritus: serviat corpus, ut libertate fruatur anima tanquam hera ac domina, pacem habens cum Deo. Hoc si fiat, quotidiam martyrium. A Deo textæ corolle.

24. « De nobis peccatoribus ne torqueamini, licet audieritis nos flagellis iterum cæsos fuisse. Tulumus precibus vestris cum gratiarum actione hilariter, etsi ad modicum acrimonia. Tantum ne sanctas manus vestræ extendere cessate. Speramus enim, quamvis imbecilles, de Abimetech isto spolia retatueros. Salutat vos plurimum Nicolaus frater vester. Salutate invicem in osculo sancto, socii socios, parvi magnos, atque in primis vicinos patres. Cumque a vobis lecta fuerit Epistola, ne pigeat et apud illos legi, si modo digna fuerit: quandoquidem unanimis omnes, et unum corpus, quamvis diversa membra. Dominus Jesus Christus vobiscum et nobiscum peccatoribus. Amen ». Ista quidem Theodorus, ut apparel, post Smyrnensem verberationem.

Sed quid accidit? Cum neque verberibus, neque alis afflictionibus fleeti posse videretur magnus iste Theodorus confessor: præfectus blandimentis studuit eum allucere, visitans eum ac polum dans, educensque de carcere atque honorans eum. Sed hæc omnia frustra, perstans semper ipse eadem animi fortitudine, ut ex his quæ ipse in Epistola hoc tempore ad Naueratum data declarat, cum aliam ipse accepisset ab eo Epistolam. Sie igitur litteras scribebat ad confessores e carcere, a confessoribus et ipse in carcere accipiebat e carcere pariter, Deo id largiente, ut mutuo se sancti per litteras consolarentur alloquio. Acceperat, inquam, his ferme diebus litteras a Naueratio discipulo suo, qui detinebatur Constantinopoli vincetus in carcere, quibus certior redderetur de rebus gestis Constantinopoli, et inter alia de litteris illuc missis a Paschalii Romano Pontifice atque de aliis. Respondens igitur, et ipse pariter de his, quæ nuper accidissent, litteras dedit, de congressu videlicet, quem habuisset cum magistro militum, quocum ea dispensatione usus est, ut salutatus ab eo ipsum eodem modo resalutarit, et poculum acceperit. Sed qui tune inter eos sermones intrecesserint, ex ipsa Epistola ad Naueratum reddita, intellegimus, nobis hic integre recitanda, cum rerum gestarum tune temporis narrationem contineat.

### 25. « Naucratio filio<sup>1</sup>.

« Non saliatur auris mea vocum tuarum auditu. Necessaria enim loqueris et opportuna: qualia et nunc audiens, o fili egregie, charisteria decentavi, quoniam non dereliquit in finem Dominus Ecclesiam suam, sed illam vires suas adhuc habere docuit, fratres nostros excitans ab occasu ad reprehensionem temulentiae nostratium et illuminationem in hæresis caligine dimicantium. Quanquam rejecerunt præfracti, et cordis oculos non aperuerint ». Loquitur ista dicens de Paschalis papæ litteris Constantinopolim pro fide Orthodoxa adversus Ieronachos nuper allatis, quibus optime congruum, quæ mox subdit: « Testor nunc coram Deo et hominibus. Scipios avulserunt a corpore Christi et supremo verticali throno, in quo Christus fidei claves posuit, adversus quem non prævaluerunt unquam, nec prævalebunt usque ad consummationem portæ inferi, ora scilicet hæreticorum, sicut potitus est qui non mentitur. Gandeat igitur beatissimus et Apostolicus et nomine suo dignus Paschalis, quoniam Petri opus implevit. Exultet omnis Orthodoxorum chorus, quia ob oculos vidit episcopatum Christi, secundum sanctos olim Patres nostros ».

26. Citatur locus iste Theodori Epistole ad Naueratum totidem verbis a Gennadio patriarcha Constantinopolitano, quibus ipse subjicit ista compellans adversarium<sup>2</sup>: « Audis quo pacto ea, nempe Romana Ecclesia, caput est Ecclesie Christi, cuius Petrus est primus præses; et quod nunquam prævaluerunt, neque prævalebunt usque ad consummationem sæculi hæreticorum effrenata ora, secundum promissionem veracis Salvatoris? Si nunquam prævaluuerunt hæretici adversus Christi Ecclesiam: quomodo audetis dicere, eam errare? etc. » Sed et idem ex eodem capite<sup>3</sup> superius elegantem citat ejusdem Theodori locum, cum in eodem argumento versatur, sic dicens de eadem Romana Ecclesia: « Ergo ibi Ecclesiam confitebimur, ubi non est hæresis, nec iniquitas, neque infidelitas, immo vero firma fides et inconcussa. At non ita apud Orientem, ubi abundat iniquitas et infidelitas. Nec meus sermo hic est, sed Theodorus Studites prodeat, et dicat testimonium, quod nemo polerit inficiari. In decima quinta catechesi, quam legitis quidem, at non intelligitis, quia non vultis. Videlur enim doctor hic adversus impugnatores imaginum pugnare, quando dicit: Audio autem quod Romæ principis Apostolorum claves propoununt ad adorandum, atque in honore haberí, quanquam non claves sensibiles Dominus ei tradidit, sed intellectuales ad ligandum atque solvendum. At illi argenteas populo proponunt ad adorandum. Tanta igitur apud eos est fides, et ibi solida petra fidei secundum Dei verbum fundata. Hic vero, ut videlur, abundat infidelitas ac improbilas. Vides

<sup>1</sup> Theod. I. II. Ep. LXIII. Cod. Column. — <sup>2</sup> Gennad. in expos. pro Conc. Florent. c. 5. Sect. xvii. — <sup>3</sup> Ibid. Sect. ii.

quod et beatus hic ibi confitetur solidam esse fidem, nec in Petro tantum, sed et in ejus successoribus? » Hæc ibi tunc Gennadius ex Theodori scriptis, quæ sunt præ manibus. Pergit vero idem Theodorus in dicta Epistola ad Naueratium in eodem Constantinopolitanos :

27. « Cætera enim, ut Deo visum fuerit, feruntur. Irriget martyrum sanguis Ecclesiam, augsent confessorum chorus : hoc Deo gratum : hoc gaudium et exultatio, quamvis propter eos, qui perennt, miserrimum. Quid dicere possint adversarii? Orientem non habent, Occidente privati sunt, a quini verticis Ecclesiastico corpore (vivit enim etiamnum Nicephorus sacer) avulsi sunt (sic intelligens illos a quatuor patriarchis atque Romano Pontifice esse divisos) : igitur a Christo alienati sunt : igilur mortui : igitur in tenebris ambulant. Quod si hæresis principatum tenet in solitudine : hoc faciunt et latrones, quippe qui occidunt etiam, ut isti, sanguinem, ut uno verbo dicam, fundentes. De his autem in hunc modum :

« Quantum vero concinam in Leontii mutatione? O maxima Dei prodigia! Tu quidem amice, ad hoc èst illud Christi hostem transformasti. Ego vero cyprianizare ipsum in negotio arbitratus sum extrusum ab imperatore, ad certantes et in agone versantes accurrere, juxta celebrem Justinam. Det Dominus, ut in istrisque tandem ultraque conspiantur». Alludit ad Cyprianum atque Justinam celebres martyres. Verum hunc iterum lapsum, ex ejusdem Theodori scriptis colligitur. Pergit : «Custodia tua quod interius reducta est, grave mihi est propter infirmitatem tuam. Cæterum confortare et sustine, confessor Christi, ut ante significavimus. Ut autem clarus adhuc cognoscas, hæc addo. Clausos etiam nunc tenet nos carceris prefectus. Quare, et quomodo? quoniam oportet dispensatione uti in rebus necessariis».

28. Quæ dispensatio ista, qua ad modicum temporis spatum, impulsore spiritu, usus est Theodorus? ut luerari præfectum posset, a quo ad congressum vocaretur, et sermonibus tentaretur, ut aliquis in eo esset locus auditus fidei, ne austerritate discipline penitus absterretur, venientem salutavit, et bibit cum eo, ita ex Pauli<sup>1</sup> exemplo et doctrina, absque fidei prejudicio, et cessante scandalo, factus omnibus omnia, ut omnes lueraret. Sed audi ipsum res gestas prosequentem :

« Quando in conspectum venimus Chonarum hæresiarchæ; (sic appellat præfectum illius provinciæ [illuc quippe deducti primum fuimus ab iis, qui nos ex Orientalibus abduxerant]) et genufleximus, genutlectente pariter illo, et amplexi eum sumus: et postquam permisit ut unum in locum conveniremus, ego et dominus Athanasius, bibi-

mus una cum eo semel atque iterum, nequaquam tamen comedimus, obtestante serpente, et insurante fraudulenta. Hac moderatione usi sumus, cum abducti inde fuissemus ad draconem, quoem hic versamur. Qui cum seriem ante didicisset, nihil amplius ursit, ut qui persuadere non posset. Injecit tamen, ut vidit nos, de argumento sermone, quia nihil est, inquit, aut peregrinum id, de quo est questio. Ad quæ respondimus: Vel ex longe maximis esse. Quod si jubes, inquam, die, vicissim et audi. Sed omittamus in praesentia quod et factum est. Alia quidem dicere longum sit. Ad finem tendit oratio, cujus gratia exorsus sum.

« Putabat callidus se nos sensim pellecturum, non sermone de imaginibus conferendo, sed beneficiendo fortasse, et amice colloquendo, et præfecturæ mentionem inserendo (thennatibus enim quinque præfetus est) quin et imperatorem divinis laudibus extollendo. Venit, hujusmodi colloquia movet; et quod ne semel quidem fecerat in carcere, potum prebuit. Anxius accepi, eibi, ter obsignans, factum extimui: paulo post clam abducit: Injeci sermonem de veritate: incitabatur et ille: sententiis ultro citroque depugnavimus, illo quidem pleno ore ridicule effutiente, me vero remisse in quibusdam procedente, eo quod ad imperatorem tenderet serino, et ne cum tumultu se jungemur. Postquam sane propositionem meam et ipse objeci: non habuit quod responderet: et dixi: Quænam est hæc blasphemia? Pater et Spiritus sanctus communicarunt in nos, quæ Christus humanitus gessit, an non? et ille annuit, et affirmavit, ita rem habere. Propter hæc remissa contentio, et quasi a pugna discessum est. At ille discedens: Ita putabam, inquit, hunc penitus nihil scire, sed et elinguem eum reddidi. Ego vero noram quidem illum ratione carentem, et fatum quam maxime cum impietate. Unum autem quæsivi, ut actionem deponerem, et aliam personam agerem, qualem decet adversus ducem impietatis; quia nefas es, ante porcos mittere margaritas. Hinc magna custodiæ cura, et interdictum, ne hominem ullum videamus, tametsi aliter dispensem Deus. Hæc licet per digressionem, necessario tamen dicta sunt, quod enixe postules, ut ab impii insidiis liberemur. Frater tuus salutem dicit». Hactenus de his Theodorus. At quid post hæc?

Idem ipse Orientalium copiarum præfector, ubi omne suum studium in dimovendo Theodoro a confessione fidei Orthodoxæ evanescere didicit: desperatione victus, Constantinopolim se contulit, acturus apud Leonem imperatorem de interenda nece ipsi Theodoro: qui ista sciens, laetus mortem quotidie erat expectans. Sed Deus consilium adversiorum irritum reddidit. Est de his ipsius Theodori Epistola ad eundem Naueratium, quæ suo loco sicut tempore, anni sequentis exordio redienda pariter erit.

<sup>1</sup> 1. Cor. ix.

Anno periodi Graeco-Romanae 6312. — Anno Æra Hispan. 837. — Anno Hegiræ 204, inchoato die 28 Junii, Fer. 3. — Jesu Christi 819.  
— Paschalis I papæ 3. — Ludovici imp. 6. Leonis Armeni imp. 7.

**1. Capitulare Aquisgranense.** — A num. 4 ad 12. Cointius an. DCCCXXV, num. 6 et seqq. refert ad conventum Aquisgranensem eo anno habitum *Capitulare Ludovici Pii*, quod in capitulo xxviii distribuitur; in Ansegisi Collectione dat initium libro secundo Capitularium, et revocatur ad hunc annum a Baronio num. 2 et seqq. Rationem, qua ad id motus est Cointius, in medium adducit anno DCCCXXII, num. 12, ubi legi poterit. Continet illud Capitulare generalem admonitionem ad homines utriusque ordinis cum instructione missorum dominicorum, quos imperator in diversas regni provincias destinat. In capitulo xxv, quod apud Baronium num. 2 legitur, *Ludovicus* undecim provincias, in quibus missi dominici legatione functuri sunt, enumerat, utramque videlicet Germanicam, utramque Belgicam et quinque Lugdunenses, quarum primæ Viennensem ac Darantesiensem conjungit, insinuatque *Veruinum* fuisse tunc Vesonionensem archiepiscopum, *Haistulphum* Moguntinum, *Hettium* Trevirensim, *Haddoboldum* sive Hadeboldum Coloniensem, *Ebonem* Rhemensem, *Jeremiam* Senonensem, *Willebertum* Rhotomagensim et *Landramnum* Turomensem. Porro *Ansegisum*, non *Lobiensem*, ut cum Baronius num. 5 appellat, sed *Fontanellensem* abbatem fuisse, anno DCCCXLV ostendam.

**2. Ludovicus Aug. Juditham uxorem dicit.** — Ad num. 42. Proceres Francorum veriti, ne *Ludovicus* regno se penitus abdicaret, assiduis apud eum precibushortationibusque contenduerunt, ut uxorem duceret. « Tandem », inquit antor Vitæ ejus, « eorum voluntati satisfaciens, et undequaque adductas procerum filias inspiciens, Judith filiam Welfonis nobilissimi comitis in matrimonium junxit ». Quod hoc anno peractum esse docent Eginhardus in Annal. et annalista Fuldensis: Theganus cap. 26 Judithæ genus sic declarat: « Accepit filiam Welfi ducis, qui erat de nobilissima stirpe Bavorum, ei nomen virginis Judith, quæ erat ex parte matris nobilissimi generis Saxonici, eamque reginam constituit. Erat enim pulchra valde ».

**3. Ludovicus Aug. rebelles domat.** — Impera-

tor cœlebravit Conventum apud *Hingelheimum* mense Julio, et belum per legatos gessit adversus *Liudevitum* Pannoniae ducem rebellem, ut pluribus narrat idem Eginhardus in Annal. ubi et sermonem habet de motibus in Vasconia excitatis, de quibus tamen annalista Moissiacensis mentionem facit anno superiori.

**4. Ultimus career SS. Theodori et Nicolai.** — Ad num. 43 et seqq. Absolvitur hoc anno mense Maio vel Aprili triennialis career sanctorum Theodori et Nicolai Studitarum propter sacerdarum imaginum cultum immaniter vexatorum. In Vita enim sancti Nicolai, ut anno DCCCXVI, num. 4 ostendimus, dicitur utrumque in metropoli Smyrnæ *viginti denuo menses* in carcere moratos esse. Michael quidem Studita Theodori discipulus in ejus Vita de eo ait: « Christi vero famulus annum integrum ac dimidium Smyrnæ degens in carcere, etc. » ut legere est apud Baronium an. DCCCXX, num. 8; verum ea in re ab auctore anonymo Vitæ sancti Nicolai non discrepat; cum quod ille signanter, ipse rotundo numero exprimat. Inter utrumque enim in eo egregie convenit, quod mense Maio præsentis anni *Theodorus et Nicolaus* in carcere *Smyrnensem* translati sunt, ubi usque ad mortem Leonis Armeni passi sunt persecutionem hæresecos atrocitati congruentem.

**5. Dedicatur Ecclesia cathedralis Urgellensis.** — Hoc anno « die kal. Novembris, quod est omnium sanctorum Festivitas, anno VI regnante serenissimo Augusto Ludovico imperatore, Sisebutus (episcopus Urgellensis) consecravit suam cathedralem Ecclesiam in loco, qui dicitur Vieus: quæ antiquitus a fidelibus constructa, et ab infidelibus destruta, atque a parentibus nostris », inquit Sisebutus in instrumento donationis sue, in Appendix ad Marciam Hispanicam pag. 762, « temporibus domini et piissimi imperatoris Karoli Augusti restaurata esse videtur ». Adfuit huic solemnitati ingens cœtus virorum principum aliorumque ex pagis Urgellensi, Cerdaniensi, Bergitanensi, Pallarensi, et Ripareuciensi, qui ad eam diœcesim pertinent. Et quoniam, ut in conventu dissernit Sise-

butus, nemo, ut in libro canonum et in Decretis Pontificum saneitum est, debet construere ac dedicare Ecclesiam, quin prius dotem ei constitutat, ille ei ante omnia contribuit « omnem episcopatum Urgelleensem atque Cerdaniensem vel Bergitanensem, sive Palliarensen atque Ripacuriensem », eique præterea tribuit quædam loca quæ commemo-rantur in instrumento mox memorato. Plura hac de re Baluzius lib. 4 Marcie Hispanie ad hunc Christi annum. Recte itaque in Urgellensem episcoporum Catalogo proxime post Felicem ob hæresim depositum collocaatur *Sisebutus*, qui diœcesim illam in integrum restituere conatus est.

6. *S. Benedictus Anianensis incumbit reformationi ordinis sui.* — Divus *Benedictus Anianensis* abbas incerto tempore composuit Codicem regularum, earumque cum regula sancti Benedicti Concordiam. De utroque opere hæc Ardo in ejus Vita scribit: « Fecit librum ex regulis diversorum Patrum collectum; ita ut prior B. Benedicti regula cunctis esset; quem omni tempore ad Collectam matutinam legere jussit. Ex quo rursus, ut ostenderet contentiosis nulla frivola cassaque a B. Benedicto edita fore, sed suam ex aliorum fultam esse regulam, alium ex collectis regularum sententiis composuit librum, cui nomen *Concordia regularum* dedit. Ita duntaxat ut B. Benedicti præcederet sententia, ei vero rationabiliter convenientes jungerentur deinceps ». Priorem librum Holsteinius anno MDCLXI, ex veteri Coloniensi Ms. a Fabio Chigio tum in Germania nuntio Apostolico et postea Romano Pontifice sub nomine Alexandri VII descriptum publicavit. Tres in partes liber distinguitur: in priori sunt Patrum Orientalium regulæ ad monachos; in secunda Patrum Occidentalium regulæ ad monachos; et in tertia Patrum regulæ ad virgines. Concordiam regularum Hugo Menardus jam antea anno MDXXXVIII e Bibliotheca Floriacensi eruerat; extantque in eo opere regulæ omnino sex ac viginti. Sunt qui existiment, Concordiam illam a sancto Benedicto Anianensi conditam, ut ad suscipiendam sancti Benedicti regulam omnium animi magis benevoli redderentur. Verum, ut Mabillonius sic. iv Benedict. in Praefatione prioris partis num. 76 ostendit, alias ob causas opus illud editum. Erant quippe tunc temporis duo monachorum genera, alii prorsus dissoluti, *Instituta canonica servantes*, ut scribit Ardo laudalus, regulæ priecepla fere ignorabant; vixque ad monasticas leges regularesque mores a Benedicto Anianensi reduci poterant. Alii *tepidi ac seignes*, cum regulæ Benedictinæ usus et officia uteunque exsequerentur, ad subliniora quædam aliarum regularum capita provchi se non ferebant, allegantes promissionem ab se factam unius regulæ servandæ, nempe Benedictinæ. In utrorumque gratiam *Benedictus* scripsit *Concordiam regularum*: ut dissoluti, quanti sint facienda S. Benedicti instituta, discerent ex aliarum comparatione regularum: tepidi vero non rejicerent alias Patrum regulas, ex quibus

*sanctus Benedictus* suam fere detlorasset. Priorem istius libri scribendi causam aperit Ardo his verbis, *nulla frivola cassaque a B. Benedicto edita fore*, et ea tera mox recitata.

7. *Eam in rem edit Codicem et Concordiam regularum.* — Præmisserat Ardo *Benedictum* antea composuisse alium librum ex regulis diversorum Patrum collectum, qui *Codex regularum* appellatur: in quo præcederet sancti Benedicti regula, ceteræ subsequerentur; tametsi alijs ordo extet in editis. Hunc librum *ad Collectam matutinam*, id est, ad communem lectionem mane fieri solitam, legi jussit. Cum vero monachi nonnulli aliam sibi prælegi, quam S. Benedicti regulam indigne ferrent; allerum composuit librum de *Concordia* aliarum regularum cum Benedictina, ut earum etiam lectionem (quæ altera hujus operis occasio est) monachis suis approbaret. Eam porro fuisse viri sancti mentem in hoc posteriori opere, docet ipse in Prologo, quem *abbatis et monachis omnibus* nuncupavit: « Dum communī, inquit, utilitali consilens, altentius quererem, quomodo utilius possem cunctis prodesse; cœpi sanctorum Vitas regulasque legere Patrum: quas dum sagaci intentione percurrerem, et eadem pane, quæ a sancto Benedicto prodila sunt, verba in quibusdam locis, in quibusdam vero sensum eundem cognoscerem; occurserunt animo ea, quæ a segnibus tepidisque monachis diei assolent: Quid ceteræ huic conferunt regulæ? Quid ad me quas non promisit, pertinet legere? » Ergo ab aliarum lectione regularum *tepidi* illi monachi ideo avertebantur, propterea quod de eis servandis non fecissent promissionem, sed de una sancti Benedicti regula, quam proinde unam sibi prælegi et imponi patiebantur. « Et hæc quidem dicunt », subdit *Concordiæ* auctor Benedictus, « ignorantes B. Benedictum suam a ceteris assumpsisse regulam, et veluti ex manipulis unum strenue contraxisse manipulum ». Hac ergo ratione *Concordiæ* scriptor aliarum lectionem regularum, tametsi eis non sese addixissent monachi, nequam insuper habendam dicil, quod sancti Benedicti regula ex illis regulis sit conflata. Non itaque ad hoc condita *Concordia* regularum, ut monachorum animi ad regulam Benedictinam suscipiendam magis benevoli redderentur; cum quotquot gallicano tum imperio subjacebant monachi, eidem regulæ nomen jam dedissent: sed, ut ad ipsius præsimi et usum dissoluti postliminio revolarentur, et tepidi ad lectionem aliarum regularum, ut mentem sancti Benedicti Anianensis Mabillonius recte exposuit.

8. *Moritur Hildeboldus archiep. Coloniensis.* — *Hildeboldus* seu *Hiltibaldus* Coloniensis archiepiscopus et archicapellanus palati Ludovici Augusti, hoc anno ad Deum uigravit. In Brevibus enim Annalibus Ratisponensibus a Mabillonio tom. iv Analeet, pag. 476 publicatis legitur: « Hiltibaldus episcopus obiit ». Scriptores quidem qui res Ecclesia Coloniensis litteris mandarunt, ejus mortem in

annum præcedentem conferunt, sed sine teste. Gelenius in Fastis Agrippiensibus eam inscribit ad diem iii nonas Septemb. Hildeboldo in archiepiscopatum *Hadebaldus* seu *Hagebaldus* successit, archicapellanus vero palatii constitutus est *Hildninus*, ut liquet ex Hinemaro, qui in opusculo ad proceres regni pro Institutione Carolemanni regis, archicapellanorum seriem sub Pippino, sub Ca-

rolo M. et sub Ludovico Pio cap. 45, his verbis exhibet: « Tempore Pippini et Caroli hoc ministerium consensu episcoporum per Fulradum presbyterum, tempore etiam Caroli per Engelramnum et Hildeboldum episcopos, tempore denique Iludowici per Hildnimum presbyterum, deinde per Drogonem episcopum extitit hoc ministerium exsecutum ». De Hildnino infra sermo erit.

FINIS TOMI DECIMI TERTII.

# DOMINICI GEORGII MONITUM.

---

Qui saeculo Christi XVI Novatores Ecclesiam Catholicam et Apostolicam Romanam scriptis proscindere, susque deque pessimum conati sunt, ea etiam que pie aequae ac munifice olim a Francorum regibus iisdemque imperatoribus, ac subsecutis inde Augustis de donatis in perpetuum Apostolo Petro, Romanis Pontificibus et Ecclesiae Romanae multis provinciis, ditionibus, ac latifundiis, nsdemque donationibus identidem rite amplissimis diplomatis confirmatis, gesta sunt, veluti spuria et commentitia damnare, ac in primis *Ludovici Pii* ea de re sanctionem impetere sunt ausi. His (heus pudor!) malis auspiciis, snecenturiatus est Pagius, cui nimurum praeclare dudum Gallorum quorundam pro eadem sanctione lucubrations ante oculos observabatur. Quid? quod ipsemet Pagius ad an. DCCLXXXVII, n. 7 et 8, ut genuinam agnoscit *Ludovici Pii* donationem; ac paulo post sui oblitus, eam velut vestigiis nonnulli in S. R. E. male feriati homines adheserunt, quorum commenta alii justis vindicis diluerunt. Nos in Pagii hallucinationibus confutandis non immorarum, satis erit indicasse, hujusmodi *Ludovici Pii* donationem, *pactum* a veteribus luisse appellatam, de quo *pacto* meminere Ludovico Pio supares scriptores, nimurum Astronomus in ejusdem Ludovici Vita apud Duchesnum tom. II, pag. 297, Annales Berliniani apud eundem Duchesnum tom. III, pag. 174, et Chronicorum S. Vincentii ad Vulturnum, ibidem pag. 681, ut subsequentes prætereamus. At Chronicorum Vulturnensis verba pertransire non possumus, cujus chronographus ex Vita Josue abbatis, qui conventui Aquisgranensi A. D. CCCXVII, in quo conventu a Ludovico Pio donatione lacta est, interfuit, de hac ipsa donatione haec habet: «Tunc quoque beatissimo saepe Paschali pactum Constitutionis et confirmationis faciens, etiam propria manus, et trium filiorum suorum signaculo illud corroborans, per legatum S. R. E. Theodorum nomenclatorem predicto papae transmisit, in quo decem episcopos, octo abbates, comites quindecim, bibliothecarium, mansionarium, et ostiarium subscribere fecit». Haec apprime convenient cum his, que in fine Constitutionis Ludovici Pii leguntur.

Exemplar donationum *Ludovici Pii*, *Ottonis I* et *S. Henrici* Romanorum imperatorum in summam contractarum nos nati sunus in Codice Vaticano n. 1984, etate *Gelasii* et *Callisti II* exarato, in quo multa a schismaticis, et pro schismatisca sœculi XI scripta sunt. Hinc nulla suspicio erit Apostolicae Sedis hostibus, eas ab impostore aliquo luisse confititas. Hujusmodi exemplar habetur etiam apud Cencium camerarii in libro *Censuum* S. R. E. sed quoniam Cencii apographum non sit tautæ vetustatis, nos easdem donationes ex Vaticano Codice, sic in summam redactas, eum suis navis orthographicis, barbarismis, ac solecismis, ut mos illius etatis ferelat, hic subjicere malumus. Ad orthographicæ ac barbarismi rationem, quod attinet, Baronii monitum ad an. MXIX, n. 5 seculi sumus, qui docet solecismos et barbarismos in veteribus monumentis edendis retinendos esse; *num sciendi curiositas*, inquit, *quaque aspera conficiens, suavit reddit*. Adde, quod ex barbare, ac mendoso scribendi genere, barbara quoque tempora dignoscuntur. Discrepat autem hoc nostrum exemplar in plurimis ab editis apud Baronium; nonnulla etiam prætermittuntur, que in editis habentur. De his ratio præsertim de *Ludovici Pii* Diplomate, si queratur ea partim amanuensium oscitantæ, partim injuria temporum adserenda est. *Ludovici Pii* autographum periit; hinc illius exemplaria saepe mendosa. Baronius ad exemplar a Gratiano in Decretum relatum, utpote vetustius confligit, atque cum quatuor aliis apographis collatum edidit. Exemplar vero nostrum ante Gratiani tempora exaratum est, ideo Gratiano ipso antiquius. Epitomat noster præterea, instar omnium, *Ludovici Pii* Constitutionem habet, idcirco eam aliis premisit, ut exemplum caeterarum, integrarumque edidit. Hinc exordia Constitutionum *Ottonis I* et *S. Henrici*, ae alia multa, quæ in Ludoviciana continentur, omisit; ac ea tantummodo, quæ posterioribus addita sunt, litteris mandat; non aliam ob causam, nisi quia Ludovicæ Constitutionis aliarii prototypon, ac fundamentum fuerit. De his fe monitum esse voluimus, lector, antequam ad Epitomen harum donationum, quam ex memorato Codice Vaticano damus, legendam accederes. In Codice autem pag. 196 sie habetur:

## PACTUM CONSTITUTIONIS IMPERATORUM PRIMI HLUDOVICI ET PRIMI OTTONIS ET PRIMI HENRICI CUM ROMANIS PONTIFICIBUS.

Ego Ludovicus imperator Augustus statuo et concedo per hoc pactum confirmationis tibi B. Petro principi Apostolorum et pro te vicario tuo domino Paschali summo Pontifici et universali pape et successoribus ejus in perpetuum sicut a predecessoribus vestris usque nunc in vestra potestate et ditione tenuistis et dispositiis civitatem Romanam eum docatu suo et suburbanis atque viculis omnibus et territoriis ejus montanis ac maritimis, littoribus ac portibus seu cunctis civitatibus, castellis, oppidis ac viculis. In Tusciae partibus, id est, Portum, Centuncellas, Chere, Bledam, Marturanum, Sutrium, Nepe, Castellum, Gallum, Hortem, Polimartium, Ameriam, Tudem, Perusiam cum tribus insulis suis, id est, majorem et minorem, Pulvensim, Narniam, Utriculum cum omnibus finibus ad supradictas civitates pertinentibus.

Simili modo in partibus Campanie Segniam, Anagniam, Ferentinum, Alatrum, Patricum, Frisilimam (Frisilunam) cum omnibus finibus Campaniae.

«Necnon exarchatum Ravennatum sub (cum) integritate, cum urbibus, civitatibus, oppidis et castellis quæ pie recordationis dominus Pipinus rex ac bona memoria genitor noster Karolus imperator beato Petro Apostolo et predecessoribus vestris jamdudum per donationis paginam restituerunt: hoc est civitatem Ravennam et Emiliam, Bobium, Caesenam, Forum Pompilii, Forum Livii, Faventiam, Immolam, Bononiam, Ferrariam, Comiaccium: Adrianisque et Gabelum cum omnibus finibus territoriis atque insulis in terra marique ad supradictas civitates pertinentibus. Similque et Pentapolim videlicet Ariminum, Pisaurum, Fanum, Senegallia, Anconam, Hausinum, Humanam, Hesim, Forum Sempronii, Montem Feretri, Urbinum et territorium Valveuse,

Kallem, Luciolis, Egubium cum omnibus finibus ac terris ad easdem civitates pertinentibus. Eodem modo territoriorum Sabinense sicut a genitore nostro Karolo imperatore per donationis scriptum concessum est sub iure integratitate quemadmodum ab Itherio et Magenario albatibus missis illius inter idem territorium Sabinense atque Reatnum definitum est.

« Item in partibus Tusciae Longobardorum castellum Felicitatis, Urbivulum, Balneum regis, Ferenti, Castrum, Viterbum, Orelas, Martam, Tuscanam, Suanam, Populonium, Rosellas, et insulas Corsicam, Sardiniam et Siciliam sub integritate, cum omnibus adjacentibus et territoriis maritimis, littoribus, portibus ad suprascriptas insulas et civitates pertinentibus.

« Item in partibus Campaniae Soram, Arces, Aquinum, Arpinum, Theanum et Capuam, et patrimonia ad potestatem vestram et ditionem pertinentia, sicut est patrimonium Beneventanum et Salernitanum, et patrimonium Calabriae inferioris et superioris, et patrimonium Neapolitanum, et ubicumque in partibus regni atque imperii a Deo nobis commissi patrimonia vestra esse noscuntur. Itas omnes suprascriptas provincias, urbes et civitates, oppida et castella, viculos et territoria, simulque et patrimonia jam dictae Ecclesiae tuæ, beate Petre Apostole, et per te vicario tuo spirituali Patri nostro domino Paschali Summo Pontifici, et universalis papæ ejusque successoribus usque in finem saeculi eodem modo confirmamus, ut in suo detineant jure, principatu ac ditione.

« Eodem modo per hoc nostrum confirmationis Decretum firmamus donationes quas pia recordationis dominus Pipinus rex avus noster, et postea dominus et genitor noster Karolus imperator beato Petro Apostolo spontanea voluntate contulerunt. Necnon et censum et pensiones, seu cetera donationes, quæ annuatim in palatum regis Longobardorum inferri solebant, sive de Tuscia Longobardorum, sive de ducatu Spoleto sicut in suprascriptis donationibus continetur et inter sanctæ memorie Adrianum papam et dominum ac genitorem nostrum Karolum imperatorem convenit, quando idem Pontifex eidem de suprascriptis ducatis, id est, Tuscano et Spoleto suæ auctoritatis praeceptum confirmavit. Eo scilicet modo ut singulis annis predictus census Ecclesiae beati Petri Apostoli persolvatur, salva semper super eosdem ducatus nostra in omnibus dominatione et illorum ad nostram partem subjectione.

« Cæterum, ut diximus, omnia superius nominata ita ad vestram partem per hoc nostræ confirmationis Decretum roboramus, ut in vestro vestrorumque successorum permaneant jure, principatu, atque ditione, ut neque a nobis, neque a filiis vel successoribus nostris per quodlibet argumentum sive machinationem in quacumque parte minuantur vestra potestas, aut vobis de suprascriptis omnibus vel successoribus vestris in aliquid subtrahatur de suprascriptis videlicet provinciis, urbibus, civitatibus, oppidis, castris, viculis, insulis, territoriis atque patroniis, necnon et pensionibus ac censibus. Ita ut neque nos ea subtrahamus, neque quibuslibet subtrahere volentibus consentiamus: sed potius omnia que superius leguntur, id est, provincias, civitates, urbes, oppida, castella, territoria et patrimonia, atque insulas, censusque et pensiones Ecclesie B. Petri Apostoli, et Pontificibus in sacratissima illius Sede in perpetuum residentibus, in quantum possumus, nos defendere promittimus ad hoc ut omnia ea in illius ditione ad tenendum et fruendum, atque disponendum firmiter valeant obtineri.

« Nullamque in eis nobis partem aut potestatem disponendi, aut dijudicandi subtrahendive, aut minorandi vindicamus, nisi quando ab illo qui eo tempore hujus sanctæ Ecclesie regimen tenuerit rogati luerimus. Et si quilibet homo de supradictis civitatibus ad vestram Ecclesiam pertinentibus ad nos venerit subtrahere se volens de vestra ditione vel potestate, vel aliam quamlibet iniquam machinationem metuens, aut enipam commissam fugiens, nullo modo eum recipiemus, nisi ad justam pro eo faciendam intercessionem: ita duntaxat, si culpa quam commisit venialis fuerit inventa: sin aliter, comprehensum vestra potestati eum remittamus. Exceptis his qui violentiam vel oppressionem potentiorum passi, ideo ad nos venerint, ut per nostram intercessionem justitiam accipere mereantur. Quorum altera conditio est, et a superioribus valde disjuncta.

« Et quando divina vocazione hujus sacratissimæ Sedis Pontifex de hoc mundo migraverit, nullus ex regno nostro, aut Francus, aut Longobardus, aut de qualibet gente homo sub nostra potestate constitutus licentiam habeat contra Romanos aut publice aut private veniendi, aut electionem faciendi: nullusque in civitatibus vel territoriis ad Ecclesie beati Petri Apostoli potestatem pertinentibus aliquod malum propter hominem facere presumat. Sed liceat Romanis cum omni veneratione et sine aliqua perturbatione honorificam Pontifici suo exhibere sepulturam, et eum quem divina inspiratione, et B. Petri intercessione omnes Romani uno consilio atque concordia, sine aliqua promissione, ad Pontificatus ordinem elegerint, sine quilibet ambiguitate vel contradictione, more canonico consecrari, et dum consecratus fuerit, legati ad nos vel ad successores nostros reges Francorum dirigantur, qui inter nos et inter illos amicitiam et charitatem et pacem socient sicut temporibus pia recordationis domini Karoli atavi nostri, sive domini Pipini avi nostri, vel etiam domini Karoli imperatoris genitoris consuetudo erat faciendi.

« Hoc autem ut ab omnibus fidelibus sanctæ Dei Ecclesie et nostris firmum esse credatur, firmiusque per futuras generationes et sæcula ventura custodiatur, propriæ manus signaculo et venerabilium episcoporum atque abbatum, vel optimatum nostrorum sub jurejurando promissionibus et subscriptionibus pactum istud nostræ confirmationis roboravimus, et per legatum S. R. E. Theodorum nomenclatorem domino Paschali papæ primo direximus.

« Ego Ludovicus misericordia Dei imp. subscripsi, et subscriberunt tres filii ejus et episcopi x, et abbates viii, et comites xv, et bibliothecarius unus, et mansionarius unus, et ostiarius unus.

Ex pacto Constitutionis imperatorum primi Ottonis et primi Henrici cum Romanis Pontificibus. Cætera ut supra.

« Item in partibus Tusciae Langobardorum Castellum Felicitatis, Urbivulum, Balneum regis, Ferentum, Viterbum, Ortem, Martam, Tuscanam, Suanam, Populonium, Rosellas, cum suburbanis atque viculis omnibus, et territoriis, ac maritimis oppidis, ac viculis, seu finibus omnibus.

« Itemque a Lunis cum insula Corsica. Deinde in Suriano, deinde in monte Bardonis, deinde in Berceto, exinde in Parma, deinde in Regia, exinde in Mantua atque in monte Silicis, atque provincia Venetiarum, Heistriae, necnon et ducatum Spoletonum, seu Beneventanum, una cum Ecclesia sanctæ Christinæ posita prope Papiam juxta Padum quarto millario ». Et infra:

« De civitate autem Neapolitana cum castellis, et territoriis, et finibus et iusulis suis sibi pertinentibus, sicut ad easdem adspicere videtur, necnon patrimonium Siciliae. Simili modo civitatem Gajetam, et Fundum cum omnibus earum pertinentiis.

« Insuper ollerus tibi, B. Petre Apostole, vicarioque tuo domino Joanni XII papæ et successoribus ejus pro nostræ anime remedio, nostrique filii et nostrorum parentum de proprio nostro regno civitates et oppida eum piscariis suis, id est, Reate, Amiternum, Forconem, Nursiam, Balvam, et Marsim, et alibi civitatem Interramnum cum pertinentiis suis.

« Itas omnes suprascriptas civitates, urbes, et provincias, oppida et castella, viculos et territoria, simul et patrimonia pro remedio animæ nostræ et filii nostri sive parentum ac successorum nostrorum pro eundem Francorum populo jam dictæ Ecclesie tuæ, B. Petre Apostole, et per te vicario tuo spirituali Patri nostro domino Joanni Summo Pontifici et universalis papæ ejusque successoribus usque ad finem saeculi, eo modo confirmamus, ut in suo delincat jure, principatu atque ditione ». Et infra:

« In electione vero Romanii Pontificis neque liber neque servus ad hoc venire presumat, ut illis Romanis quos ad hanc electionem per Constitutionem sanctorum Patrum antiqua admisit consuetudo, ab quod faciat impedimentum.

Quod si quis contra hanc nostram Constitutionem præsumpserit, exilio tradatur. Insuper etiam ut nullus missorum nostrorum evjuscumque impeditonis augmentum componere in p[re]fata electione audeat, omnibus modis prohibemus. Nam et hoc omnimodis instituere placuit, ut quod semel sub speciali defensione domini apostolici. Sive nostra fuerint suscepti, impetrata juste utantur defensione. Quod si quis in quemquam illorum qui hoc promoverunt, violare præsumpserit, sciat se periculum vite suæ incursurum. Et subscrispsit imperator Otto, et episcopi x, abbates ii, comites v, optimates ix. Anno Dominicæ Incarnationis MCLXII. Indict. v.

« Super hoc contirnamus tibi, B. Petre Apostole, et per te vicario tuo domino Benedicto Summo Pontifici et universalis papæ Fuldense monasterium, et abbatis ejus consecrationem atque omnia monasteria curtes et villas quas in ultramontanis partibus sanctus Petrus habere dignoscitur absque anthesua. .... guinneringa. Sive Wilinbach, quæ a sancti Petri Ecclesia per commutationis paginam episcopo nostro Balebemburgensi collatæ sunt, pro quibus sepe dictæ Ecclesiæ B. Petri concedimus et contirnamus omnem illam terram que inter Narniam Teramnem vel Spoletum habuiinus. Sub tuitionem B. Petri et vestra vestrorumque successorum prætaxatum episcopum Babemberensem offerimus, unde sub pensione equum unum album faleratum ex ejusdem loci episcopo vos annualiter suspecturos sancimus». In Codice sequitur : « In electione vero Pontificis etc. » nt supra in donatione Ottonis, usque, *incursurum*. Deinde Codex :

« Et subscrispsit Heinricus imperator, et episcopi xiii, et abbates iv, et duces iii, comites ix, optimates ix.

FINIS.